




مَعْنَى مُؤَيَّدَاتِهَا



مفصل

## قاموس فلسفه



قاموس عمومی نك يالكز اصطلاحات فلسفيه

قسمت شاملدر



لؤلؤ

رضا نوبیو



مطبعة عامره — استانبول

۱۳۳۰





## بعض ایضاحات

چکن سنه ظرفده معارف ناظری شکری بک افندی طرفدن اتخاذ اولونان مصیب برقرار اوزرینه (اصطلاحات علمیه انجمنی) نامیله برهیئت مخصوصه تشکلاتیمش و دارالفنون کتبخانه سنده ایفای وظیفه یه باشلامشدی؛ نته کیم حالا وظیفه سنه غیرتله دوام ایتکده در.

مملکتیمزک اکثر متخصصین علوم و صایفندن مرکب بولونان بوهیئت علمیه نک حیثیت خدمتی و وظیفه سی، السنه مترقیه ده جاری و مستعمل اولان بر چوق تعبیّرات علمیه و کلمات اصطلاحیه نک، کندی لسانمزده مقابلیریی بولوب تعیین ایتک و بناء علیه مضبوط و مدون بر (قاموس اصطلاحات) وجوده کتیرمکدر.

واقعا بویله برنیت مستحسنه، معارف نظارتنده، چوقدنبری طوغمش حتی ناظر سابق امراء افندی مرحوم، اوتهدنبری بر (محیط المعارف) وجوده کتیرمک ایچون صرف ماحصل ایتمشدی. فقط بر قاموس اصطلاحات یاپیله مامسنه سببده مرحوم محترمک، تک باشنه بویله بر ایثی باشارابیلیمک خصوصنده کی امل و همتی وهله شایان تحسین اولان غیرتی ایدی. بوکون محققدرکه بویله بر اثری تک برکشی وجوده کتیره مز. علومک آنجق زمانمزده کورولن درجه ترقیسی وساحه معلوماتده - اوترقی سبیلله - بالضروره حاصل اولان تقسیم اعمال ملاحظه اولونورده تعین ایدن شعبات علمیه نک، یالکنز جدول اسمایی کوز اوکنه کتیریلیرسه، درحال آکلاسیلیرکه بوکھکشان معلومات اک بویوک قفسالرک بیلله حوصله احاطه سنه صیغه میه جق درجه ده واسع برعالم معنادر؛ حتی اجمالاً بیلله احاطه اولونه ماز. بناء علیه هر بریمک فهرست اصطلاحاتی آیری آیری بر لسان بیان تشکیل ایدر و او اصطلاحاتک متضمن بولوندوغی مسائل حقده بر کشینک صلاحیتله بیان رأی ایتسی ممکن دکدر. باشقه یزلردن ترجمه والتقاط صورتیله دخی اولماز؛ چونکه بوکی شیرلی ترجمه ایده بیلیمک یالکنز بر لسانی عادتاً بیلیمکه میسر دکدر.

او علومی لایقیه بیلیمی و هر برینک لسان مخصوصی ده اویله بیلیمی! حالوکه، ایشه بو، بر آدم ایچون ممکن اوله میه جق موفقیتلر دندر .

معارف ناظر حاضری بک افدینک موفقیتی، بوحقیقته قناعت ایدوب تقسیم اعماله لزوم کورمش اولماسنده در . ارباب صلاحیتک آنجق همیات مشترک سیه وجوده کله بیله حک اولان بویه بر اثر، بوشرطه تمامی رعایتله میدان چیقابیلیر .

مملکتک تمدن و ترقیسنده معارفک نه قدر متنوع عوامل مؤثره احضار ایده بیله جکفی بحق تقدیر ایدن هرکس - امینم که - بوتشبی کمال شکران ایله فارشیلايه جقدر . هله بوندن ادریاده مستفید اوله حق کیمسه لر؛ بالخاصه منتسین علومدر؛ طلبه افدیلدردر . نته کیم بوکتاب، اولنرک تربیه فکریه سنه خدمت ایده بیلیمک ایچون وجوده کتیرلمشدر .

شبه یوقدرکه اصطلاحات معینه دن محروم قالان لسانلر ایله نشر علوم و تعمیم معارف برمشکل ایشدر؛ نانکور بر غیرتدر . حتی - هر هانکی بر لسانده اولورسه اولسون - برچوق اصطلاحات بولونسه ده، معانی معینه مخصوص اولماسه، اویله بر لسانک، نشر معارف نامه تشویش افکاردن باشقه بر خدمتی اوله ماز؛ بناء علیه ضرری فائده سنه غالب کلیر . بواد طامک حقلی اولوب اولمادیغنی آکلامق ایسته ینلر، شو فقیر مطبوعاتمردده، اوچ درت سنه دنبری فلسفه و علم نامه یاریلان مقالانک - قیمت و حیثیت ذاتیه سنی بر اقوبده - طوغر وجه و صریح بر معنا افاده ایدوب ایده مدیکنی تحقیق ایله ملی درلر .

لکن اینی دوسو نورسه تبیین و تحقیق ایدر که شمده یه قدر بزم مملکتتمزده افکار فلسفیه و حقایق علمیه نک - لزومی قدر! - انتشار و تعمیم ایده مه مش اولماسی، کنددی استعداد سز لغمزدن دکل، بلکه لسان علمی مرک - مع التأسف - اوزون مدت اجمال ایدمش بولونماسنددر . معلومات نظریه و حقایق مجرده ایله آرز چوق الفت واستیناس ایتیش اولان دوات نادره نک بیله بر عقیده فلسفیه اوزرنده تألیف افکار ایده مه مه لری - اسباب سائرده دن قطع نظر - برچوق اصطلاحات مهمه یه باشقه باشقه معنا ویرمکده اولدقلرنددر . حالوکه

اصطلاحات علوم ، حد ذاتنده ، جامع الکلم در ؛ اول امرده جزئی بر معنا فرقی حین مباحثده بویوک بر مبانیت افکاره سبب محض اوله بیلیر ؛ وزاویه اختلاف کیتدکجه آجیلیر .

مختلف مختلف منابع اجنیه دن علی العجله النقاط معلومات ایتک صورتیله تلقی ایدیلان افکار مفرقه نی - صرف شخصی بر نقطه نظره توفیقاً - قناعت ذاتیه اویدورمق ؛ . . . یعنی بوسبوتون غریب بر شکل ایله مال ایدینک ؛ . . . بر تعیر اصطلاحی - عاجل ومبرم بر لزوم اوزرینه - لسانمزه نقل ایدرکن عندی وکی بر تقدیر کوره مختلف مختلف کلمه لره ترجمه وادا ایلک ؛ . . . اسلافزک عینی موضعه ، عینی معنا ایچون قوللانمش اولدقلری کلمات معتبره دن غافل بولونمق کی - غیر مقبول - بعض ضروراتک محظورلری ده نظر تأمله آلینیرسه ، لسان علمی مزده و - طولایسیله - افکار ومعلوماتمزه کورولس قارغاشه لنگ باشلیجه اسبابی تعیین ایدلش اولور . معلومات صحیحه نك بودرجه قحطنه نسبتله افکارک بوقدر بزمردده ومشوش اولماسی حقیقتاً شایان تأسفدر .

بو اطرا دسزلنگ ، متخصصین علومه بلکه اوقدر ضرری یوقدر ؛ چونکه بر متخصص کندی صلاحیت علمییه سی دائره سنده موضوع بحث اولان بر مسئله نك حیثیت اصلییه سی بیلیر ؛ بیلدیکی ایچون ، قصورلی وبوروزلی تعیرات آلتنده کیزله ن معانیی استخراج ایتکده دخی اوقدر کوچک چکمز . فقط ، علمه هنوز اتساب ایدن کنجلر ایچون بوتربیسز لکدن مضر برشی یوقدر . طلبه اقدیلرک مکتبلرده عینی سیاق و اصول اوزره تعلیم تربیه کورمه لری - ایشته بو حکمته مبنی - مطلوب وملتزم برغایه اجتماعیه در . بوتون عالم مدینده ، معتبر ومسلم بعض حقایق صریحه ومعلومات یقینه واردرکه اونلر انسانیتک سرمایه عرفانی وافراد بشرک مال مشترکی در . جماعات مختلفه در تربیه لی آدملرک جمله سنک محله اعتقاداتی تشکیل ایدن او معلومات مسلمیه ی، طلبه اقدیلر مکتبده (اجمالاً) اوکره نیرلر . چونکه بونلرک آنجق پک آزی بدیهیاتدندر ؛ پک چونغی استدلال ونظر وهله تجربه ایله منکشف اوله بیله جکی ایچون ، تعلیم وتعلمه محتاجدر .

ایشته بوساحه معلوماتده تشنت اعتقاد وتردد افکار اولماق اولادر . اساسا مکاتب عمومیه دن بکله نیلن تربیه اجتماعی نك برنجی شرطی بودر . انک بویوک فائده سی دخی بودر ! تربیه اجتماعی تعبیرینک ذاتاً متضمن بولوندوغی بوشرطه فضله اهمیت ویرله سسندنه باشلیجه ایکی سبب معقول واردر . شبهه یوق که تربیه دن مقصد اولا ، جریان حیاتی برمبدأ قویمه توفیقاً تنظیم ایده بیلمک ایچون لابد اولان دستورالعملی بولوق قطعاً تعین ایتمکدر . بودستور بهمه حال عموماً مقبول و مسلم بولونان احکام و مبادی اساسیه مستند اولوق کرکدر . باشقه درلو اوله ماز ؛ چونکه هر بریمز ، عضویت اجتماعی نك برجزه فردی ، بر حیره سی یز و روابط مختلفه و مناسبات متقابله ایله یکدیگر مزه باغلی یز . معاملاتمزده ده ملاحظاتمزده ده متقابلاً علاقه دارز . اوندن سوکره عینی فطرتده یز ؛ طبعاً عینی صورتده یارادلشز . ایشه آرده ده حد مشترک اولان حقایق مسلمنه نه ایسه دستورلریمز انحق اونلرک شکل افاده سی اوله بیلیر . اوزاقدن یاقیندن منافع انسانیته تعلق بولونان مسائل مهمه ده معارضه افکار وقوعه کلنجه ینه اودستورلر ، — طرفینجه مصدق و مسلم — برر حجت مشترکه حیثیتله قائم بولونور . خلاصه هر آلیش ویریشده ، هر معامله ده تنظیم امور ایچون ، نصل بر معیار معتبر ، الزم ایسه ، مناسبات فکریده ده دخی — حق و باطلی تفریق ایدوب — الدانماق وهله اکلاشه بیلمک ایچون بر قسطاس قویم ایستر . فوصا حالنده ، بوامینه نك تحقیقنه امکان یوقدر ؛ چونکه بویله بر حالده هر کسک معیاری کندی نظر اعتباریدر ؛ اوده کیفی اولور ؛ هیچ اولمازسه عندی اولمقدن قور توله ماز . حالبوکه تربیه اجتماعی نك غایه مترقبه سی امر معاشده تألیف منافع ایسه ، طرز تفکرده ده توحید نظردر . ذاتاً علم بشرک متواطی ، یعنی وحدت نظره متمایل اولدوغی ، ترقیات ایله نابتدر . کشفیات واقعه ، فرضیات متخالفه آره سنده دائماً ائتلاف نقطه لری بولمش ونهایت ، جزئیات متشکته یی برکلی عموماً تحت درج ایدرک ، معلومات متفرقینی ضبط وربطه آلمشدر . مکتبلرده اوقونان کتابلر ، تاریخ ترقیات فکریه نك مضبطه لریدر . بونلر اثبات ایدیورکه هر کسک عینی شکل و صورت اوزره بیلمه سی ایجاب ایدن

بعض معلومات مؤسسه وارکه سائرلرینک اساسلیردر . بونلری هرکس بیلمه‌لیدر . چونکه کندی حسابنه دوشونمک وحقیقته اصابت ایتمک هرکسک کاری دکلدر . هله بومعلومات اساسیه خارجنده دوشونه‌بیلیمک ، کیمسه‌نک حدی دکلدر . ذهن بشر او حدود اساسیه خارجنه چیقاماز . بونلرک اصطلاحاتی نه‌دن معین اولماسین؟! .. بزبوخصوصده‌حالا غریب بروضیتده‌یز : صانکه کندی سکسی اولمایوبده هردرلوآچیه رواج ویرن ابتدائی وبدوی برملکت حالده‌یز .

ایشته معارف نظارتنک همت واقعه‌سی اولا بونقطه مهمه‌یه معطوف ، وصورکرده بوغایه اجتماعی‌نک تأمین تحققة مصروف بولونمشدر .

بنم ، ارباب مراقه وعلی‌الخصوص طلبه افندیله تقدیم ایتدیکم بوائر ، عمومی ( قاموس اصطلاحات ) ک یالکر ایلاک قسمی تشکیل ایدن ( فلسفه تعییراتی ) حقنده تعریفات مفصله‌یی شاملد . ناظر بک افدینک قدر شناسانه تشویقاتی سایه‌سنده ، بوائر ، هان برقاچ آی ظرفنده وجوده کتیرلش اولدی . او تشویق اولماسه‌یدی ، بیلیم ، بن بویه برکتاب ایچون اوغراشیرمی ایدم؟! .. بوفعالیت مشمریه ، اوقدرشناسلق سبب اولدوغی ایچون ، بن ، بوراده عهدمه ترتب ایدن وظیفه تشکری علناً ایفا ایدیورم . شو قاموس فلسفی‌نک ترتینه کلنجه ، بعضی ایضاحات ویرملی‌یم‌که ، اونک تألیفی اوغورنده معروض‌قالدیغ مشکلاتک ماهیت وانواعنه داتربرفکر مجمل ویرمن اوله‌یم ؛ هیچ اولمازسه اترك نقایص طبعیه وضروریه‌سنه قارشى ، کندی معذور کوستره‌بیله‌جک بروسیله مقبوله عرض ایده‌بیلیمش اوله‌یم .

ایچمنزده بر لام‌الف ویاخود بر ترکیب مسئله‌سی ایچون تحدت ایدن مشکلات عارضه‌دن بحث ایتمک ایسته‌میورم . شو مقدمه‌نک نهایته طوغرو بومسئله‌لر ایچون البت برایکی سوز سویله‌جکم ؛ فقط شمذیلک اصطلاحاتی ترجمه ویا ایجاد ایتمکده معروض‌قالدیغمز حقیق وضروری مشکلاته داتر بر فکر ویرمک ایستیورم .

اولا ، عصرلردنبری فلسفه وعلومى اهل ایتش اولقلمنز ، مشکلاتک

بر بویوک قسمنی تشکیل ایدیور . برملت ، ملکاتنک هانکی قسمنی زیاده . استعمال ایدرسه او قابلیتاتی اکیله سعی ایتیش اولور ؛ طیبی درکه لسانی دخی او وجهله اعمال ایدیلیر ، اوکا کوره یوغورولور و او شکل اوزره عرض کمال ایدر . بزدهده اویله اولمش !.. لسان ادبی ، خیلی مکمل بر مرتبه یه کلش اولدینی حالد لسان علمی و فلسفی مز ، سلطان سایمان قانونی دورینه نستله فقیر ، هم پک فقیردر . حالبوکه پارلاق و سورکلی برمدنیت فکریه وجوده کتیرمش اولان عربلرک لسانی اولاصطلاحات فلسفیه و علمیه سیله جالب نظردر . طیبی درکه بز او خزانه مدنیتدن اصطلاحات لارمه یی آریوب آله جغز ، ذاتاً دأب قدیمز بودر . اوندن صوکره بواحتیاججری تطمین اید بیلجک یکانه لسانده اودر . فقط بو خصوصدهده مشکلات متعدده باش کوستریور . اویله مشکلات که ، بویله بر تجربه یه کیریشمه دجه ماهیتی اکلایشله ماز .

بوندرک بر قسمنه — تاریخی — نامنی ویره حکم ، چونکه حقیقتاً بونلر ، ترقیات فکریه ایله ، تقدیرات بشریه یه عارض اولان تبدلات ضروریه دن عبارتدر . غالباً ، زمان ایله واقع اولان کشفیات ، حادثات حقنده کی اعتقادات مؤسسه یی ، حتی معتبر اولان نقاط نظری یواش یواش تعدیل ایدیور و فقط کلمات والفاظ او نسبتده چاپوق تغیراته مستعد و معروض اوله مادینی ایچون ، عیبی کله یی دونکی معناسیله تنقی ایتک یا کلش ، هم بعضاً فنا بریا کلش اولویور . بوکا بر مثال ویرهیم :

بوکون فرضا ( Sens commun ) تعیرینی اوروپا آثار فلسفیه سنده و ( حس مشترک ) تعیرینی ده اسکی مؤلفات شرقیه ده کورن برکیسه بوایکی ترکیبی یکریکرینک عینی اولوق اوزره تلقی ایدر . وهیچ بر شبهه یه بیله محل کورمز . حالبوکه اسکیلرک تقدیرینه کوره ( حس مشترک ) بوسبوتون باشقه برشیدر . باطل بر فرضیه پسیقولوزیه یه مستند بر معضادر . بوکونکی ( Sens commun ) تعیرینه کلنجه حکمای اسلامک ( عقل سلیم و طبع مستقیم ) دیدکلری شیدر . کذلک ، هرکسک پک اینی بیلدیکی ( عقل ) کله سی ، اسکی کتابلرده کورولورسه ، بوکونکی معناسیله ( Intelligence )

تعبیرینک مقابل معادلی ظن اولونورده دکلدر . آرسطونک ( Intellect ) دیدیکی جوهر مفروضدرکه باطل بر فرضیه محصولی اولدوغنده ذره قدر شهه فالمامشدر . ( حکمای اسلامیة فلسفہ فی عربچہ نقل ایدرکن بوکا عقل ، و ( Intellect ) دیشلر ] حالبوکه بزم لسانمزده ( Intellect ) ایله ( Intelligence ) ک بو مهم فرقی کوستره جک بر کله ، حالا قدر . بونکله برابر ، ( Intellect ) تعبیری بر فرضیه باطله و متروکیه عائد ، کهنه بر کله اصطلاحیه در؛ دیه قالدیروب آتامایز : یک بویوک بر حیثیت تاریخیه سی وارر . ایکی بیک سنه انسانیت منوره او فرضیه نک اسیری قالمش و بوتون عرفان اونک حکمنه رام اولمشدر . اونک تاریخی و ماهیت معناسی بیلمه لی یز که عینی خطایه بردها دوشمیه لم و خصوصیه اسکی فلسفه ایله زمانمز فلسفه سنک بویله مهم بر مسئله بسیقولوزیه ده نه صورتله وهانکی نقطه ده اختلاف اوزرد بولوندوغنی اکلایه بیلمه لم .

بونک کبی ده بر چوق مجبوریتلر وار که عینی کله بی باشقه باشقه تعبیرلرله ادا ایتمکده کی معذرتی تفسیر ایدر . مثلاً ( Idée ) هر کسک یک ای بیلدیکی بر کله در ، ولسان عادی ده فکر دیمکدر . لسان یونانیده قالب و صورت معناسنه کلن اصلی « εἶδος » ایذه εἰδέναι در . حیثیت تاریخیه سنه باقیلیرسه ، تصوفده ( اعیان ثابته و صور علمیه ) ، تاریخ فلسفه ده ( مثل فلاطونیه ) ، فلسفه ده ( ماهیات ) دیه ترجمه اولونمش و اویله جه معروف قالمشدر . بوتون بوشیلر تحقیق اولونمده دن بر کله اصطلاحیه بی ترجمه قالمیشمق - اونک ایچون - طوغرو اولماز ؛ بزم اسکی فلسفه کتابلرنده ( مبدأ فیاض ) تعبیر شاعرانه سنی ایلك دفعه کورن آدم ، بو ترکیک ( Moteur immobile ) دیمک اولدوغنی ، ذکاسیله کشف ایدم مز . بطالمیوسک مشهور فلکیات سیستمی بیلمه ینلر ده ، اسکی علم هیئنده ( Moteur immobile ) ک ، ( فلک اطلس ) اولدوغنی - علم جفرله بیله - استخراج ایدم مز . تاریخ فلسفه بی بیلمه لی ، هم ای بیلمه لی که کلمات اصطلاحیه نک دونکی و بوکونکی قیمتلرینی حقیقه تقدیر ایدرک ترجمه لرنده موفقیت ممکن اولسون .



حتی ، بعض اصطلاحات مهمه وارد درک باشلی باشنه برمسلك فلسفینك اسمی در . ( Réalisme ) تعیری کی ! . . . حالبوکه بو کله ، افلاطونك مذهب مخصوصه نسبتله ملاحظه اولونورسه ، بو کونکی استعمالنه کوره معتبر اولان معناسنك تماميله ضدینی افاده ایدر . یعنی - بو کون ظن اولونه بيله چکی کی - حقیقیون دکل ، خیالیون فلسفه سی دیمك اولور . مع مافیه بو کله ، بو کون ، بلکه هر زماندن زیاده رباتزد و معروف بر تعیر اصطلاحی اولدوغی ایچون ، اونی قطعاً ده کیشدیره مه یز ؛ اهلالده ایدمه یز ؛ ینه عینی سبيله درک بر طرفدن افلاطون فلسفه سنه نسبتله نه دیمك اولدوغی تحقیقه مجبورز ؛ دیگر طرفدن ده زمانمز لسان فلسفینسنده اونك هانکی مسلك مخصوصه اشارت ایتدیکنی بیلیمک و طیفه مزدر . بونك ایچون ده تاریخه مراجعت ایتیمک و اونك اخطاراتنه اهمیت ویرمك لازم کلیر . یوقسه معلوماًمز هرچ و مرج اولور ، ایچندن چیقامایز .

انجق بو تحقیقانه کیریشدکدن سوکره اکلاشیلیرکه : تاریخی معناسیله ( Réalisme ) ، ( ماهیات ذهنیه ) نك استقلال وجودینه قائل اولان افلاطونك ، بو مذهب فلسفی سنه ویرلمش بر اسم مخصوصدر . بو کونکی معناسیله تلقی اولوندوغی تقدیرده دخی : ( عالم خارجی نك استقلال وجودینه و حقیقت ذاتیه سنه ) اینانان فیلسوفلرک بومسلکنی اخطار ایدر بر کله اصطلاحیه در . امینمکه مسلکدن اولمایان کیمسه لر ، بو کله نك معنای تاریخیسنی و حیثیت حاضره سی تبیین ایتیمک ایچون کوستردیکمز بو تقیدات محافظه کارانه بی ( فضوللق ) ، و یاخود ( عقلالقی ) اولق اوزره تلقی ایدرلر ؛ و : ( مادامکه بر طرفدن ( Réalisme ) ، دیگر طرفدن ده ( Idéalisme ) کی ایکی مشهور و معتبر تبیر وارمش ، و مادامکه افلاطونك مسلکی - هر نه ایسه ؟ ! - برنوع ایده آلیزم دیمك اولویورمش ، او حالده یکدیگریه طابان طابانه ضد اولان شو ایکی مسلکک ماهیتی افهام و اعلام ایتیمک ایچون عینی تعیری قوللانوبده ایکیسنه بردن ( Réalisme ) دهرک شویش ذهن و تغلیط معنا ایتیمک مناسبتسز لکنه نه لزوم وار ؟ . . . نه مجبوریت وار ؟ . . . برنی ، برینه ؛ دیگرینی ده دیگرینه تخصیصاً تعیین ایتیمک ایله ایش بیتر ! . . . ] دیه اعتراضه

حاضر لاینرلر . فقط بز ، پك چوق امثالنی كوردو كمر بو درلو اعتراضلردن انجق ایکی شی اكلارز : اولامعترضك، مسلكه بیكانه بولوندوغنی، ثانیاً قیسه دوشوندوكنی سه زینیرز، و بناء علیه، ینه اوكله لری قوللانیدیغمز کی قوللانمقده دوام ایدرز . بیلیرزكه :

افلاطون وامثالی اولان متفکرین ، ماهیت مجردینی ( حقیقت محضه ) اولوق اوزره تلقی ایدر ؛ و بو تلقی، بزم اعتقادمزجه باطل اولسه بيله افلاطونك کندی نقطه نظر نجه حق در . ( بزم نظر مده حقیقت ماهیات در . اصل ، مادی شیلر خیال باطلدر ! ) دهین بر فیلسوف ، حقیقتی انجق بو صورته تلقی ایدیور ؛ دیمکدر . ایسته دیکي کبی تلقی ایتکده ده مختاردر . بو طرز تلقیسی ایله ، بوسیاق نظری ایله مسلك عمومیتی آرمسده تناقض اولمادجه اوکا برشی ده یه مه یز ! .... خلاصه ، ( مذهبه ! ؟ ! ) قاریشه مایز ! ... نه کیم : ( حقیقت مستقله انجق ماده در ! ) دهین بر ماتریالیست دخی عینی صورته وعینی سبيله حقیقت دعواسنده بولونه بیلیر ؛ مذهبنده حر در . یالکز ، اولسه اولسه ، هر برندن - شو دعوالرینی تحکیم ایچون - دلائل مقنعه طلب ایتکده ده بزم حقمز واردر . بومسئله لر تجربه فوقنده بولوندوغی ایچون هر ابکیسی ده عینی قوتده دلیللر ابراز ایده بیلیرلر ، و بناء علیه هر ابکیسی ده : ( حقیقت ، بزم دیدیکم کبی در ! ) دیه رك ادعاسنده مصرانه دوام ایده بیلیر . بو خصوصده هیچ بر مذهبه صلاحیت مستقله ویرله مشدر .

اوحالده ، افلاطون ، کندی - ینه کندی اعتقاد نجه ! . - ( Réaliste ) بیلیمکده محق اولدوغی کبی ، زمانمز لسان فلسفیی دخی - کندی سیاق نظرینه تبعاً - انجق شو ، و یا خود بو مسلكه ( Réaliste ) اسمنی ویرمکده محق و مختاردر . اگر فلسفه مباحثی و مسالکینی حقیقه تبع ایدوب اوکر نمک ایستور سهق بزم برنجی وظیفه مز ، بوکبی کله لك دونکی معناسی ایله بو کونکی طرز تلقیسی تدقیق و بر برندن تمیز ایتکدر . فقط تاریخ ترقیات فکریه ده بر وجودیت کوسترمش وعصر لرجه یاشامش بر تعمیر مهمی فضولی اوله رق ده کیشدیرمه یز ؛ او ، درت حرفلک کله نك آلتنده قوجه بر صفحه مدینه نك عوامل مهمه سندن بری کز لیدر .

لكن بو محافظه كار لغمرك بر مهم سببي دها واردر : ( R  alisme )  
 تعميري ، يالكز اساتده يونانيه و فلسفه متقدمه ايله علاقه دار دكلدر ، قرون  
 و سطانك ( سقولاستيقي Scholastique ) فلسفه سيلده صيقي صيقي به مربوطدر .  
 بو نقطه يي ده تنوير ايتملي يم ؛ موضوع بحثمز ايچون پك كوزل بر مثال  
 تشكيل ايدر .

معلومدر كه فلسفه عالمده قرون جديده نك مظفر فاتح لري اولان  
 ( بهي قن Bacon ) و ( ده فارت Descartes ) ، كلنجيه قدر اذهان متفكرينه  
 حاكم اولان استاد لر ، باخلاصه افلاطون ايله آرسطو ايدى .

قرون وسطى عرفاني ، تعليمات دينيه نك كلياً نفوذينه تابع ، و قطعياً  
 احكام و نصوص كنيسائيه نك حقيقتنه قانع اولمقله برابر ، بوايكي داهي يوناني نك  
 فسون تاثير ندرده قورتوله مديني ايچون ، خريستيانلغك تعليماتي دائره سنده  
 ينه يونان فلسفه سي يابمغه چاليشيور ؛ و او فلسفه نك باشليجه مباحثي ، آغزنده  
 چيكنه يوب طور و يوردى . يكي بر فكر ابداع ايتك قابليتدن اولان ممنوع  
 و صوركه بوسبوتون محروم فالان ذهنلرك بووضع غريب ايله ، اسكي فكلر لري  
 چيكنه يوب ، كه و يش كتي ر ميسي ، نتيجه ده غرب بر خليطه اعتقاديه به وجود  
 و ير مشدى كه ( سقولاستيقي ) ديه تاريخ مدنيتده معروف و مشهور اولان  
 ( صالات عجيبه ) ، ايسته بودر .

او وقتلر ، اذهان متفكريني اشغال ايدن باشليجه مسئله لر دن برى دخی  
 ( جس ) ، ( نوع ) كچي كليات مجرده نك ، مستقل بر وجود ذاتي سي اولوب  
 اولما ديغي تحقيق ايتك ايدى . واسطه تحقيق ده انجق بحث وجدل ايدى .  
 تاريخ فلسفه ده ( Les universaux ) نامنه معروف اولان دعوا ،  
 طاقيله ، ايسته بوم مسئله به متفرع بحثلردر كه بزده ( صورت جنسيه و نوعيه )  
 مباحثي شكلنده جلوه كوستر مشدر . انسانه نسبتله انسانيت ، بياض بر سينه  
 نسبتله بياضلق كي كلات مجرده يي ده ( كليات معقوله ) جنسندن اوله رق تلقى به  
 مجبوريت الويرديكي ايچون اونلرك ده بالذات موجود اولوب اولما ديغي ، عيني  
 صورتله موضوع بحث و وسيله مناقشه اولمشدى . بزده بونلره ( معقولات ثانيه )  
 ديرلردى . بونلر هپ افلاطوني لك ايله مشائي لك غوغالري ايدى .

مزاج فلسفیلری اعتباریله یکدیگرینه ضد تجلیات داهیانه کوسترن افلاطون ایله آرسطونک فلسفه لری دخی - طبیعی درکه - یکدیگرینه ضدایکی مسلکک - اوزمانلر - اک کوزل وهله اک مکمل نمونه لری ایدی . بو استادلرک تأثیری ، حس اولوندوغندن بک زیاده وبک دریندی . خصوصیت مزاجک طرز تفلسفده بویوک بردخلی واردر ؛ اونک ایچوندرکه فلسفه شخصی در ، وبو نقطه نظر دن اونی صنعته بکزه تنلر ، بوسبوتون حقسنز دکلردر .

ایشته بو خصوصیت مزاج سببیه ایدی که (سنت اوغوستن St-Augustin)، (سن طومادا کدن St-Thomas d'Aquin)، (سنت آسلم St-Anselme) وامثلی کبی - قرون وسطا خرسیتیان عالمنک - اک بویوک الهیون حکماسی ، بو مسئله حقنده همه حال بر فکر مخصوص بیان ایتک مجبوریتدن قورتوله . مامشردی ؛ وطبیعی درکه بونلرک هر بری هر سیدن زیاده کندی مزاجک تمایلاتنه منقاد اوله رق بر فکر بیان ایتشدی . بو متفکرینک بر قسمی : (کلیات دیدیکمز معقولات ، باشلی باشنه موجود حقیقتلردر ؛) دستورینی ایلری سورمش ؛ دیگر بر قسمی ده اولکیلره تماماً معارض اوله رق : (کلیات ، انجق صنوف و مقولات اشیا نک اسملریدر ؛ اونلرک حیثیت مستقله لری یوقدر .) دیه ادعا ایدیوردی . برنجی لر ، کلیات معقوله نک حقیقت مستقله سنی ادعا ایتدکلری ایچون (Réalistes) نامنی آلمشلردی که اساساً افلاطونک تأثیرینه مغلوب اولانلر ، ایشه بونلردر . ایکنجی لر ، بودعوانک باطل اولدوغنی بیان ایدوب کلیاتی صنوف حادثاتک (اسم جامع Nom collectif) لری عد ایتدکلری ایچون (Nominalistes) نامنی طاقمشلردی که بونلر دخی آرسطونک تأثیرندن قورتوله مایانلردر . ذات مسئله به کلنجه ، الی یوز سنه موضوع بحث اولدی ؛ مدهش مناقشاتنه سببت ویردی وینه حالی اوزره بر اقلدی قالدی ایدی . حتی (Réaliste) ، (Nominaliste) تعبیرلری او قدر بویوک براهیت کسب ایتدی که عادتاً بر معیار مخصوص اولمق حیثیتی قازاندی . قرون وسطا فیلسوفلرینک آرسطویه می ، یوقسه افلاطونه می منسوب اولدوغنی در حال اکلامق ایچون (Universeaux) مسئله سی حقنده نه حکم ویردکلرینه باقیلردی چونکه بو مسئله به دائر فکریخی بیان ایتمین

فیلسوف یوقدی . بوکون بیله بوایکی کله ، معتبر برمیاردرد . مثلاً زما نکر  
اک بویوک فیلسوفلرندن ( جون ستوئرت میل John Stuart Mill ) و  
پروفیسور ( آکساندر بهین Prof. Alexander Bain ) یازدقلمی منطق  
کتابلرنده اسلاف حکمای بونقطه نظرندن محاکمه ایدرلر وقرون وسطانک  
اک بویوک خطای فلسفیمی ( برکله مجردنک بهمه حال خارجده مستقلاً  
موجود برشینه دلالت ایتیمه سی حقنده کی اعتقاد ) یعنی ( Réalisme ) اعتقادی  
اولدوغی ایچون ، زماننکر منقدینی ، اسلافدن برینک، اول ( Réaliste )  
اولوب اولمادیغه باقارلر وحقلمی ده واردر ؛ زیرا زماننر او اعتقادک باطل  
اولدوغنی کوسترمش و ( Nominaliste ) لره حق ویرمشدر .

شیمی ، تاریخ مدنیتده بودرجه کسب اهمیت ایتمش ، بودرجه ولوله یی  
موجب اولمش بر تعیری نصل اولورده ، فهرست اصطلاحاتنزدن آه بیلیرز؟ ..  
نصل سیله بیلیرز ؟ .. سیله منجه ، نه اولدوغنی لایقوله اکلامغه مجبورز . زیرا  
بوکله لرنک آلتنده یاتان مسئله او قدر مهمدر ؛ او قدر مهمدرکه بوکون قرون  
وسطانک آلتی یوز سنه بومناقشات بیهوده ایله وقت کچیرمش اولماسنی ،  
اودور حکماسک یالکیز لافرنلکنه ، زوزکالکنه عطف ایدنلر اوازمانک  
حکمتنی استخفاف ایله ینلر ، چوق دفعه لر عینی خطایه دوشویورلرده فقط  
بیلیمورلر . مثلاً زماننکرده علوم اجتماعیه مناقشاتنده ( اشخاص منفرد ) یی  
حکمدن اسقاط ایدوبده جماعته بر شخصیت مستقله ویرنلر ؛ ( فرد یوقدر  
جماعت واردر ! ) ده ینلر ، افرادک مرتب بر هیئت مجموعه سندن عبارت  
اولان جماعتی بر ( Entité عین ثابت ) ظن ایدیورلر ؛ صوکره سقولاستیق  
معناسیله ( Réalisme ) خطاسنه دوشدکلرنندن کلیاً غافل بولوندقلمی  
ایچون قرون وسطی ایله استخفاف ایدیورلرکه حقلمی یوقدر . کندی  
تجربه مله تحقیق ایتمش اولدوغم بو حالت غفلت ، اوروپانک سوسیالیزمه میال  
اولان ک چوق مؤلفیننده کورلمکده در . بوده اثبات ایدیورکه ، اک  
اسکی واک مهم خطالرمز ، نکس ایدن خسته لقلر کی در ؛ هم تقدیر مزمن  
ایسه لر او قدر قولای نکس ایدرلر ویک اهمیتسز وسیله لره نکس ایده بیلیرلر .  
ایشته ( Réalisme ) خطاسی ، بویله ک مزمن اولانلردن بریدر . اوندن

توقی ایده بیلیمک ایچون بهمه حال بوتعیرک حیات تاریخیه سنی بیلیمه لی یز؛ فصل ونیچون بویه مختلف وضد معنالر موضوع اولدوغنی لایقیله اکلامالی یز . اکلا دیغمز کی قالدیرمه یز؛ چونکه تاریخیه حق ویریرز. مثلاً بکا: (Réalisme) نه در؟ دیه صورولسه، بوسؤاله قطعی جواب ویرمزدن اول: (هانکی ره آلیزمی صور و یورسک؟ .. یونان قدیمه منسوب ایسه شو دیمکدر. قرون وسطایه عاقد ایسه بودیمکدر. زمانمز لسان فلسفه سنده ده بوکا دیرلر!) دیرم . مع مافیه بوقدرله ده بوکله نك حسابی بیتیرمش اولما یز. چونکه (هسته تیق) بختنده دخی (Réalisme) ک بر خصوصی معناسی واردرکه فلسفه عمومییه ایله علاقه دار بولونمقله برابرینه خصوصی ومعین در. مثلاً، صنعت تصویر ورسمده طبیعتی هان عیناً ادا ایتک معرفتی درکه آثار صنعتده نخیله نك دخل و تأثیرنی ارجاع ایتک و مشاهده یه دها زیاده اهمیت ویرمکه اوله بیلیر . الی آخره! ... بو بحث ایچون ده بوقدر تفصیلات یتر .

بعضاده پک معروف برکله یی بر فیلسوف بوسبوتون باشقه بر معنا ایله تلقی ایدر؛ حتی جمهور متفکرین عننده مقبول ومعتبر اولان معنای اصطلاحی سنی اهامال ویا تبدیل ایدرک، لغت معناسیله اوکله یی قولالانیر، واونکله یکی ومهم فکرلر بیان ایده یله جک قدر بویوک بر فیلسوف ایسه، افکار جدیده سی اکثریتله مقبول اوله رق اوکله یه یکی بر حیثیت معاویره بیلیر. برچوق کشیلر ارتق او تعمیر معروفی یکی معناسی ایله قولالانمغه باشلار . بوده موجب تشویشدر وامثالی چوقدر. بونلری ده خودبخود ده کیشد برمه یز وعینی کله نك مثلاً (قانت) لساننده شو معنایه و دیگر بر فرقه متفکرین لساننده بومعنایه دلالت ایتدیکنی ایجه اوکره نوب آکلامغه مجبورز. فرضا (Esthétique) ده نیلدیکی زمان بوراده هر کس اونی بیلیر و (حکمت بدایع، فلسفه صنعت) معناسیله تلقی ایدرکه طوغرودر . فقط بو تعیرک بر باشقه معناسی اولدوغنی بیلنلر، مطلقاً زمانمز تاریخ فلسفه سنی لایقیله تتبع ایتمش اولانلر در . زیرا (قانت Kant) اولا بوکله یی (فلسفه حسیه Sensualisme) (\*) معناسنده، یعنی بوسبوتون باشقه حیثیتله قولالانمش وبره  
 [\*] دها طوغروسی فلسفه ده (مبحث محسوسات) بانه بوساسی ویرمشددر . اسکی فلسفه لر میاننده افلاطون و توابعدن ماعداسی، علی العموم (حسن beauté)

چوق متفكرين معاصرین دخی بو استاده اتباعاً عینی معنا ایله او تعبیری استعمال ایتشلردر . مثلاً ، ( Avenarius ) کبی ... بناءً علیه ، بوصورت استعمالی ده دیگری قدر فلسفه ده معتبردر .

کلمه نك اصل یونانی سی اولان ( αἰσθάνε ) لفظنك معناسی (طویغو، حس ) دیمك اولدوغه نظراً ( فانت Kant ) بولفظی لغت معناسیله تلقی ایتمش واولیه قولانمش در . نته کیم ( شوپنهاوهر Schopenhauer ) لساننده ( Volonté ) ارادت دیمك دكل ، ( قوت ) دیمكدر . ( هربرت سبنسر Herbert Spencer ) الهه ( اوغوست قونت Auguste Comte ) وبونك شاکردی ( لیتره Littré ) نك و ( بهیس Bain ) ك اوزون اوزادی به مناقشاتنه سبب ، ( Général ) و ( Abstrait ) تعبیرلینه آز چوق ورقلی معنار ویرمهلری اویشدر . الی آخره !..

شو بر فاج مثاله دهاپك چوق امثالی تردیف ایده بیایردم؛ فقط صانیرم که بعض وجوه الهه معدرتمی تسایم ایتدیره بیلیمك ایچون - ارباب اصاف نظرنده - بوقدری کفایت ایدر .

ایکنجی قسم مشکلات، صرف بنیه لسانه عائد اولان خصوصاته عطف اولونه بیلیر : معلومدرکه ترکیجه مز . ( بنیه تشکلی یعنی عضویتی ) اعتباریه ، ایکنجی درجه ده اولان لسانلردندر . بونلره ( Langues agglutinantes ) السنه التصاقیه دیرلر . بودرلو لسانلرک باشلیجه صفت کاشفه سی و محظوری ، کله لرك باس طرفنه ( ادوات داخله Préfixes ) آله ماملری و یکی یکی کلمات مرکبه وجوده کتیره مه ملریدر . حالبوکه اوروپا السنه متمدنه سی بوفابلیتی چوقدن احرار ایتشلردر . فرنکجه ده ( anti ، re ، dé ، im ، in ) ،

مسئله سی صرف ( حسی sensual ) بر نقطه بطردن تلقی ایتشاردی ؛ بوسایق نظر دها زیاده مرغوب و مشهور اولمش بولوندوغی ایچون ( حکمت بدایع ) دیدیکه مز شعبه فلسفیه به ( نهسته تیکی ) ده نیلمش و بو تعبیر ، تحکم ایلشیدی . یوسه اصلاً معناسی نه ( ادراکات حواسه عائد ) فلسفه دیمکدرکه قانتك بوسوزدن تلقی ایتمش اولدوغی و کیر و معاده بودر . بناءً علیه کله بی ، قانت به اسکی معناسیله قولانمش ، فقط فلسفه صنعتیه تخصیص ایتیه لرك ( معرفت épistemologie ) ده ( مدرکات حواس ) دائره سی قابلا نه حق قدر تشمیل ایتشدر .

، aper ، ultra ، hyper ، ortho ، hypo ، méta ، supra ، con  
 super ) ودها بویکی بر چوق ادواتی بر کله نك باش طرفه ویدالامقه  
 بر دکل ، بر سلسله اصطلاحات یاییله بیلیر ؛ و آمریقاده ، فرانسه ده ،  
 انکله زده آیری آیری جالیشان علمانك ، عینی معنا ایچون وضع  
 ایتدکاری اصطلاحات ، عینی شکله اولور . چونکه ماده اصلیه سی روجه  
 ولایتجه دن آئیر ، ادوات ایسه هب معلوم اولان شیلردر مثلا : - (concep-  
 tion) ده کی (ception) ماده اصلیه سی یونانجه (σῆπτο) کله سندن  
 آئمشدرکه (نظر) دیمکدر . بونک باش طرفه (apei) ، (ré) ، (dé) ادواتی  
 یایشدیرلینی کی (aperception) ، (réception) ، (déception)  
 اولور وهر بری بر باشقه معنای معین افاده ایدر . ایسترسه کز برده (hyper)  
 کتیریرسکز (hyperception) دیه بر اصطلاح ایجاد ایده بیلیرسکز ؛  
 شو شرط ایله که بومعنایه دلالت ایده بیله جک بر کیفیت حقیقه کوستره بیله سکز ؛  
 بزده بوممکن دکل ! .. هم کلمات اصطلاحیه مزی عربجه دن آلدیغمز  
 حالده ده یاهمیورز ؛ فضله اوله رق هر برینی باشقه باشقه صلردن مشتق  
 کلمات ایله ترجمه ایدیورز . (thèse مدعا) ، (antithèse نقیض مدعا) ،  
 (parenthèse معترضه ؛ ؟) ، (hypothèse فرضیه) ، (synthèse ترکیب)  
 دیورز . فرنکجه ده کلمات اصطلاحیه برعائله ، حتی برقیله تشکیل ایدر .  
 بزده سرسری افراد کی قالیور .

اصلی عربجه دن آلدیغمز حالده نه دن بویله اوله میور ؟ ... عربجه رنجی  
 درجه ده مکمل السنه متمدنه دندر . فقط (آری arienne) لسانلرک (ادوات  
 داخله) ایله یایدینی معرفتی ، عرب وعلی العموم (سامی sémitique) لسانلر ،  
 (تعديلات داخلیه modification interne) یاخود تعریب و صیغه ایله  
 یاپورلر ؛ یعنی ماده اصلیه نك حرکاتی تغیر ایله وعلی الخصوص بابلرک  
 اشکالی وبناسیله یاپورلر . (کبر) بویوکلک ؛ (تکیر - جناب حقه مخصوص  
 اولمق اوزره - بویوتمک) ؛ (مکابره ، سفسطه و مغالطه ایتمک) اولویور ؛ حالوکه  
 جمله سی ده عینی ثلاثی ماده دن مشتقدر . بوسیله درکه عینی ثلاثی بی هر باب  
 نقل ایدوبده یکی کله دخی ایجاد ایده میورز . انفعال بابندن و (کبر) ثلاثی سندن



(انكبار) ديه ميورز. انفعال بابنك بناسنى و (كبر) مصدرينك ذاتاً (متعدى) اولماديغنى تحقيق اينجه آكلايورزكه بو ثلاثى نك انفعال بابنه نقلى اساساً يهوده اولوردى .

بوحات، لسانك بنيه اصليه سندن ايلرى كليور و صرف (سامى) لسانلره مخصوصدر . ( آرى ) جنسندن اولان فارسى ، تماماً انكليزجه يه بگزر . ( آمدن = كلك ) ؛ ( بر آمدن = يوقارى كلك يعنى نشوونما ايتك ) ؛ ( مهم بر آمدن = قارما قاريشيق اولمق ) كې كه بوراده بر مصدر ك ايكي ادات داخله بيله آلدېنى واوكا كوره معانى معينه اكتساب ايتديكى كورولور .  
ترجهمزك بو درلو ترتيباته قابليت يوق ؛ و بوتون تورانى لسانلر بويله ، و بورده دره . طبيعى دركه بوندن طولاي اصطلاح انجمنى اعضاسى مسؤل و معاتب اوله ماز .

بزه انجمنمزده بوتعيرانى تعين و بعضيلرينده وضع ايدم بيلمك ايچون بك چوق چاليشدق ؛ و بوزحتى - بالخاصه - توركلرم خدمت اوغورنده اختيار ايتدك . زيرا عربلك و ياخود اوروپاليرك بزه احتياجى يوقدر . فقط تعبيراتك هان جمله سنى ينه عربجه دن آلدق ؛ چونكه بوجبوريتدن قورتولمق امكانى يوقدى .

بوحرگتمز ، كندى انجمنمزده بيله بعض رفقاى محترمه جه موجب تنقيد و وسيله مناقشه اولدى . بزي لسان عربى دن استمداء . مجبور ايدن ضرورات علميه و فكريه دن بوسبوتون نى خبر اولان اكثريت قارئين آره سنده ، شوپايدىغمز ، بلكه ده ا ز ياده شدتله تعريضاتى دعوت ايدم بيلير . بونى بويله دوشومكده معذورم ؛ حتى حقلېم . اونك ايچون ، تعريضات ، ممكنه يه شيميدن سد چكمك و هوسكار تنقيد اولانلرى آزيچق انصافه دعوت ايدم بيلمك اميدينه قايله رق ( ترجمه - عربجه ) مسئله سى حقنده برايكى سوز سويلوبو ايضاحات لازمه نى اكالم ايتك ايسترم .

توركلك حسياتى تيمه ؛ توركلك حيثيتى اعلا ؛ توركلك عنعناتى احياء . الحاصل توركلكى و توركلرى هر وجهله تجليل و حمايه ايتمكه چاليشمق جمله مزك وظيفه حتمى در . ممكن اولدوغى يرلرده ، ممكن اولدوغى شيلرده و ممكن

اولدوغی قدر بو وظیفه حیتی، بن، کمال خلوص ایله ایفادن کری طور مادم.. هنوز مملکت مزده بویه بر جریان یوق ایکن، حتی ملت پرور لکک شمه سی یوق ایکن - بوندن اون بش سنه اول - هر که قارشى بوحسیات ملیه یی مدافعه ایتدم؛ بوکون شدتله تورکلکه طرفدار اولان دوستلرمک انفاذ الکلم اولانلری او وقت بکا معارض ایدی . مطبوعاتک قیوداتی میدانده در ! بناء علیه کیمسه ادعا ایده مزکه بن تورکلکی و تورکجه یی ترویج ایتک ایسته ینلره قارشى بروضعت آله بیله جک فطرت و نیتده اوله ییم!.. شعر ملی ده تورکلکک انک صمیمی روحی، انک اصیل حسیاتی سوبلتمک طرفداریم؛ چونکه ممکندر و لازمدر . فقط اصطلاح بحثنده بو ممکن دکلدرد و اوقدرده لازم دکلدرد . برکله اصطلاحیه ترکجه اولقله همان آکلاشیلاماز . آکلایانلر، اونی تورکجه اولدوغی ایچون آکلمازلر؛ اواصطلاحک علاقهدار بولوندوغی مساکه، علمه ویا صنعته منسوب اولدقلری ایچون آکلارلر. انجمن مزده بو دعواى بالتجربه و بالفعل اثبات ایتدمدی . ( طوبارلاق ده لیکی ) و ( زه وله ) انک نه دیمک اولدوغی صوردم؛ بیلن اولمدی ایدی ! حالبوکه بوکلات اصطلاحیه خالص تورکجه در . کذلک چوجوقلرک وضع ایتمش اولدقلری او یون اصطلاحاتندن ( موم - دیرک ) و ( چورچوب ) ترکیلری دخی تماماً تورکجه در. لکن استانبولده طوغمش و یاخود چوجوقلغنی استانبولده کچیرمش اولمایان تورکلر، بوکله لرک نه دیمک اولدوغی - معنای لغویلری دلائیله - کشف ایده مزلر. بونک نامعدود امثالی وار؛ و بونلردن ماعدا رجوق کلمات اصطلاحیه ده وارکه اصلاً هیچ تورکجه اولمادقلری حالده اربابی اونلری پک اعلا بیلیر؛ چونکه ( لسان مسلك ) عناصرندن اولمشدر. ( جیواطه )، ( پاراکه طا ) و یوزلرجه امثالی کی ! ..

اوحالده دعواء یک نظرده ظن اولوندوغی قدر جدی دکل!.. بوکون مملکت مزده هرکسک قوللاندینی لسانی تحلیل ایدرسک سرمایه کلانده یوزده یتیشی انک اجنبی الاصل اولدوغی تین ایدر . ( صندالیه )، ( قانا به )، ( برده )، ( خالی )، ( چارشاف )، ( فراجه )، ( بوتین )، ( لاستیک ) ودها پک چوقلری کی هرکسجه، هرکون زبازرد اولان کله لرک حالا تورکجه سی بولونوب ترویج

ایدیله‌مه‌مش ایکس، (وجدان اجتماعی)، (تکامل اخلاقی)، (تردی معنوی)، (وجود مطلق) کبی ترکیات غامضه‌نک بزدن، صرف تورکجه‌مقابله‌رینی ایسته‌مک، یا شافارد، یا خود محالی ایسته‌مکدر. بالطبع انجمنزده‌آیقه‌دن آجیغه‌بویله‌بر تکلیف فارشیسنده‌بولومادق. چونکه‌تورک لسانلرنده‌بو کله‌لرک هیچ برینه‌تصادف ایتمک ممکن دکلدرد.

سببی‌ده‌معلوم، حتی مشهوردر :

بوتون حیات تاریخی‌سنده، بوتون موحودیت اجتماعی‌سنده‌جنکاور- لکدن بویوک برخصلت کوس‌ترمه‌مش، ظمردن بویوک برذوق طویمامش اولان تورک ملتی، نشه‌جهاسکیری ایله‌فتوحات پشنده‌قوشمقدن فارغ اوله‌مامش‌که - سورکلی برصورتده‌یعی عصرلرجه‌متادیا - علم و فلسفه‌ایله‌اوغراشمعه‌وقت بوله‌ییلیمش اولسون! بوسیله‌درکه‌وپک طبیعی‌درکه‌خالص تورک لسانی فلسفه و علم افاده‌سنه‌قابل اوله‌حق بر درحه‌کله‌ایرهمه‌مش!... آت صیرتیدن اینوب رحله‌ودستگاه‌باشنه‌اوطوره‌رق چالیشمادجه، بو، اوله‌ماردی.

بالآخره، یعی ساحه‌فتوحاتی توسیع ایدوبده‌مدنی ملت‌لرک حدودینه‌وارنجه، تورک‌لر اسلام‌ایله‌مشرف‌اولمش؛ ولسان دین و مدنیت اولان‌عربجه‌نک - بالضروره - نفوذ معنوی‌سنه‌طوتولمش و آرتق اوندن قورتوله‌مامش. عربجه‌ذاتاً مکمل وزنکین برلسان علمی و فلسفی اولدوغی و بویوک بردفینه‌عرفانه‌مالک بولوندوغی ایچون فلسفه و علومه‌مستعد اولان‌تورک‌لر، اثرلرینی هپ اولسان ایله‌یازمشلردرکه‌بوده‌طبیعی ضروری‌در. مدنیت فکریه‌ومعنویه؛ تربیه‌دینییه‌واجماعیه؛ تربیه‌علمیه‌هپ‌عربجه‌اولونجه، کتبخانه‌لرده‌کی آثار دخی عربجه‌اولونجه، برتورک - ولوکه‌فارابی کبی داهی بر فیلسوف نحریر اولسون! - بوتون بو عواملک تأثیراتندن کندیخی قورتاروبده، صرف تورکجه‌اولمق اوزره، یکی برلسان فلسفی ایجاد ایتمک فالقیشه‌ماردی. فالقیشه‌ده‌برشی یاپامزدی؛ چونکه‌عصرلرجه‌دوام‌ایدن پارلاق برمدنیتک اثر فیصی، بر آدم دکل، بیک آدم وجوده‌کتیره‌مر. بوکا احتمال یوقدر.

فقط برشی ده‌ا واردی : اووقت ( ناسیونالیزم ) حسی، هیچ بریده آدم عقلی بلیرمه‌مشدی. او حس، انجق زمانمز مدنیتنده برعامل، بلکه مهم برعامل سیاسی اولمشدر. قرون وسطاده کرک شرق، کرک غرب عالنده جامعه دینه، جامعه ملیه دن پک چوق قوتلی ایدی. او یله اولونجه، محتاج اولدوغی اصطلاحاتی، کندی اسان مادرزادنده بوله مایان واساساً مدرسه ده عرب لسانیه تربیه فکریه آلمش ولان برتورک عالمی، پک طبعی اوله‌رق کندی لسانی امال و عربجه‌یی ترجیح ایدرک استادلرینه امثال ایدردی. اونک ایچوندرکه دنیاده صرف تورکجه اوله‌رق بر فلسفه، بر هندسه کتابی یازلاماشدر. حالبوکه فلسفه و علومه خدمت ایتیش حتی شرف و یرمش بر چوق تورکلر واردر.

اوروپاده بویه اولمشدی : قرون وسطاده هر فیلسوف، هر عالم، اثری لاتینجه یاراردی. حتی قرون وسطایه قدر کیتمه حاجت یوق. مشهور نیوتن، قرون جدیدنک اک بویوک عالمی صاییلدیغی حالده وانکلز اولدوغی حالده آثار علمیه‌سی لاتینجه یازمشدر. فضلانک هپسی بویه حرکت ایتمشدر؛ چونکه لسان مدنیت و دین - اوروپالیر ایچون - لاتینجه‌در. حالا بوکون دارالمنونلرک پک چوغنده (تهز these) لر لاتینجه یازیلیر.

دیمک اولویورکه بو کیفیت، صرف بزه مخصوص بر غربیه ضلالت دکلدرد. بالعکس بر حادثه طبعیه‌در. بر حقیقت تاریخه‌در. توران عرقه منسوب اولان تورک ملتی یکیدن حیات تاریخی‌سی یاشامغه باشلاسه و ماضی ده تأثیراته منقاد اولمقدن قورتوله مادیغی عوامل مدنی و شرائط سیاسی و اجتماعیه دآثره‌سند و ترقی ایتسه‌یدی ینه بو حاله کلیر و بونتیجه‌یه پیوسته اولوب قالیردی. تاریخده اولمش اولان شیر، انجق او شرائط تاریخیه دآثره‌سند (اولاغان) شیردر. بزه، مهم بر حقیقت تاریخه‌نک بوکون دستورنی بیلوروز؛ (مدیتی، هیچ بر قوت مادیه یه نه مز!) یوکسک بدرجه مدنیته ایریشه‌بیلمش بر ملت، ضعه دوچار اولور؛ قوای حیاتیه‌سنی اسراف ایله افنا ایتیش بولونه‌بیلیر؛ تردی ایده‌بیلیر. بو حالده کنج و توانا بر ملتک یومروغنه طایانه‌ماز؛ جزئی بر صدمه ایله ییقیلیر، بلکه بردها قالدقه‌ماز. فقط اونک بر مدیتی، بر معنوی

وارد در . کندیسنی بر حمله ده ده ویرن ملتی ، اومدنی ایله احیر ایدر ؛ او معنوتی ایله اسیرایدرد . اوکا ، کندی دینتی ، لسانی ، آدانی ، اصول معیشتی ، ذوقی ، اعتیاداتی ، عرفانی قبول ایتدیریر . هر زمان ، بو ، بویله اوله کمشدر . برکت ویرسین که بویله اوله کمشدر ، و حال احتضاره دوشن برملت متردیه نك تیرتهك وزبون آلارندن ، مشعله مدینت ، دهها کنج و دینچ آلله انتقال ایتمش و انجق بوسایه ده سونمه مشدر .

بویله اولماسهیدی ، هرملت یکی باشند و کندی کندینه تمدن و ترقیه مجبور قالسهیدی ، دها آبی اولمازدی : برعصرده وجوده کله بیلمش اولان فیض مدینت و اثر عمران ، یکریمی عصرده تحقیق ایده مزدی .

{ اگر عثمانی تورکلری وقتنده یتیشوبده قوی بردولت اسلامیه تأسیس ایتسهیدی ، خلافت و مدینت اسلامیه منقرض اولوردی ! }

بوحقیقت تاریخیه ایسه ، بزی یالکز معذور کوسترمکه قالماز . ادعایزه تمایله حق ویریر . چونکه مدینت معناسنده ، فلسفه و علومده داخلدر . فلسفه و علوم ایسه کندی اصطلاحاتیده شاملدر .

تحقیقات کوسترییورکه اسلاف کرامز اولان عثمانی علماسیده اصطلاحاتی عربجهدن لسانمزه نقل ایتتمکه عهده لرینه ترتب ایدن خدمتی - قدرتلری یتدیکی قدر - ایفا ایتمشلر .

آرتق برمدینتی - همان اولدوغی کی - طاقیله قبول ایتدکن صوکره برترکیب اضافیده داخل اولان حرف تعریفی مسئله یامق ، صحیحاً جدی برایش دکلدرد . بوراده فیلسوف مشهور ( لایبنیچ Leibnitz ) ك تنبیهی خاطر لاملایز ؛ زماننك بالمله علومنی احاطه ایده بیلمش اولان بوفیلسوف :

{ پوریتن puritain طاورانه جقسهق ، ( یعنی فرط تعصبه تصفیه طرفدارلغنی کوده جکسهك ! ) بونی لسان بحثنده یاماملی یز ! } (\*) دییور !

{ Leibnitz (\*) دنیانك اك بووك فیلسوفلر نندرد . برنجی درجه ده ریاضی و حقوق شناس و عالم کلام اولان بوآلمان ، مشهور ( نیوتن Newton ) ك معاصر ی ایدی . حساب تمامی و تفاضلی ایجاد ایتمکه ( نیوتن ) ه مشارکدر . ( سر ویلیام هاملتن ) مابعد الطبیعیات درس لر نده المان فیلسوفنك بوسوز لر یی نقل ایتمشدر . معلومدر که ( puritain ) لر

( لایب نیچ )ك بوحقلی سوزلرینی اصطلاح ولسان بختده استشهداً نقل و ذکر ایدن فیلسوف معاصر، (سر ویلیام هاملتن Sir William Hamilton) بختی صد دنده اولدوغمز بومسئله نی حل ایدیور واصطلاح وضعنه مجبور اولانلره بردستور عمل کوستریور :

( قواعد لسانیه قارنئ مجبور بولوندوغمز رعایتی پائمال ایتك فلسفه و علم کلام علماسنه دوشمز ! ) دیه رك، لسانك حسن محافظه ایدله سی حقنده رعایتی الزم اولان شرطلردن کیمسه یی استئنا ایتمه مكله برابر، ضرورات فکریه و علمیه یی ده جداً نظر دفته آله رق :

( فقط ، بر فیلسوف تحلیلالات خصوصیه سنی واوندن استنتاج ایلهدیكى بعض افكار دقیقه یی حقیله ادا ایده بيلمك ایچون فضولی برکله ویا براسلوب بیان ایجاد ایدرسه، آئی بيلملى دركه بویه برحق وصلاحیت مقدوح وشبهلى کورولمش وهرطرفدن تسلیم اولونماشدر . اوحالده بویه برحق استعماله قالدیشیرسه لسانك قواعدینه رعایتدن استنكاف ایتمه نك موجب اوله جنی مسئولیتدن کندینی قورتاره بيلمك ایچون - ایجاد و وضع ایتدیكى کلمه اصطلاحیه حقنده - آچیقندن آچیغه بر سبب ضرورت کوستروب اونى مدافعه یه مقتدر اوله بيلملى دره ) یعنی صرف کینی اوله رق کله ایجاد ایدله مز . ديمك ایستیور . طوغر ودر . فقط بز بویه کینی معامله لرك دهاشدته علیه دارى ز . لفظ و معنائك اهمیت اعتباریله تقدمه دائرده پك کوزل سوبیلور وسوزلری دستور اوله بیلیر :

( بر تعبیرك معناسنی کله نك طرز تلفظه فدا ایتك ، ( فکر ) ی طور ادایه تابع طوتمق ضلالت صریحه در . ) دیوركه انجمنزده ( ترکیب ) مسئله سی ایچون واجب الامثال بر قانون اولمالی در . (\*\*)

خرستیانلق دینی صفوت اصلیه سنه ارجاع غیرتیه فوق المعاده بر تعصب اظهار انجمنشردی . ( لایب نیچ ) ، تصفیه طرفدارلغنه ایهام ایچون کنایه طریقله بوفرقة نك اسمنی ذکر ایدیور : ( It is not in language, that we ought to play the puritain. )

( It would be absurd to sacrifice meaning, to it's mode of utterance ; to make thought subordinate to it's expression. )

مابعد الطبیعیات درسلى . ج ( ۲ ) V. II. Lectures on Methaphysics.

بوتون شو ویردیکم ایضاحات، آز چوق طوغرو ایسه، او حالده :

[ اصطلاحات تورکجه اولمی در ! . ]

دعواسی، نهیه منجر اولور؟.. مادام که بومعناری ادا ایده جک خالص تورکجه کلمه من یوقدر، اولیه اولونجه، اولسه اولسه - تورک صرفه توفیقاً ترکیب یایمق تمی سنه تنزل ایدر !.. نصل که اولهده اولمشد. بوکون جدی دوشونور برکیمسه یوقدر که کلمات اصطلاحیه نک ساده تورکجه اوله رق تعینی قولای برایش ظن ایده بیلسین !..

ترکیلمه کلنجه، بوزولماسی ممکن ومحظورات معانی دن سالم اولانلری بوزمغه چالشدق. یعنی بوخصوصده بر تجربه یایمیش اولدق !.. فقط بیلیم ایکی رکنی دخی عربی الاصل اولان وساده تورکجهده مقابللری بولونه میان بر ترکیبی قیرمقله تورکجه لشدیرمش اولدقی ؟.. یالکز شونی آیی بیلورم که تجربه واقعه من، بعضی ترکیلمه بوزوله مایه جفنی کرکی کبی حس ایندیردی. مثلاً : فرنکجهده «l'être absolu» و «nécessité évidente» ترکیلمینه تماماً مقابل و هر وجهه معادل اولمق اوزره بزم اسلافک آئانده ( وجود مطلق) و (لزوم بین) کبی مشهور ومهم ایکی ترکیب وار و تعیرات اصطلاحیه دن اولمشد. بونلردن آیینی بوله مایز. شمدی، بونلری بوزوبده : ( مطلق وجود )، ( بین لزوم ) دیمکه تورکجه لشدیره بیلسه یدک بوقدر زحمتسز بر ایشده دوست خاطری صایمقدن قولای برشی اولمازدی. لکن آیی اولمادیغنی بز، پک آیی آکلادیغمز کبی هر کس ده تسلیم ایتدی. اولدوغی کبی براقدق. چونکه ایلک وظیفه من ایسته دیکمز کبی ترکیب یایمق دکل، آدم عقللی اصطلاح بولمقدور. لسان علم وفلسفه یی اعمال ایتمز سه ک، مدنیت حاضر نه ک کالات مغویه سنی الی الابد تورک ذهن اجتماعیسنه بیکانه بر افش اوله جغز، یکی بر فکر نقل ایده میه جکز. تورک لکه فارشی بوندن بویوک جاییت اولماز. بز بو جهت مهمه یی دوشونویورز. ( انکیز، المان، فراسنز ما کنه لرینی حسب - الضروره پک اعلا قولالانیورز استفاده ایدیورزده، ینه عینی ضرورتله عرب کله لرینی قولالانجه نه دن کنه ایشله مش اولویورز ؟.. ) دیه دوشونولسه

جواب ویریه مردی . خصوصاً بوکله لری، بو ثروت بیانی تملك ایتک ایچون باره دخی ویرمیورر .

خلاصه كرك انجمنزده چالیشیركن، كركسه، او طه مده بو كتابی تألیف ایدركن توركلره و توركلكه خدمت ایچون او غراشدیغمی بر دقیقه خاطرمدن جیقارمادم و بوصیمی حسك كوكله الهام ایلدیكى غیرت و فكرمه بخش ایتدیكى نشئه ایله چالیشدم . بونی بوتون خلوص قلبه سولیلورم .

ایشته، آنجق بر مثال اولسون و مشکلات معروضه حقنده ، ارباب مراقه بر فكر ویره یلایسیردیة سردایتدیكم شوتفصیلاتی، نظر دفته آله رق او كا كوره دوشونمه لری قارئیدن رجا ایدرم . شونی ده اخطاره مجبورم كه بو اصطلاحات، انجمنده اتفاق ویا اكثریت آرا ایله تعیین اولونمشدر . اكر بنده بر صلاحیت مطلقه اولسه یدی و بو صلاحیتی - غریب اوله رق - هر كس تسلیم ایتسه یدی، بن بو كاتك بر قسمی بیلدیكه و بكندیكم كبی وضع و تعیین ایدرم . اونك ایچون دركه منقدر ایله بر جوق نقطه لرده بر لسه بیلیرم . اونی ده كیمسه اونو تاملی كه انجمن، عامده صلاحیت مطلقه ادعا سنده بولونامشدر ؛ و بولونه مازدی ؛ چونكه ترقی و تبدل، مدنیتك قانون اساسی سیدر . البت بو اصطلاحات دخی ایلریده آز جوق دكیشه جكدرد . و افكار و معلوماتك ماهیتی تبدل ایتدیكى نسبتده ده كیشه لیدر .

بن، یالكرز تعریفات تفصیلیه دن مسئولم ؛ چونكه اوتعریفات تماماً بنمدر . حتی اوقدر كه، فلسفه لساننده بر مسئله غامضه نك ماهیتی و یا خود بر مسلك مخصوصك باشدیجه شائل امتیازی اخطار ایدم جك قدر مهم اولان بعض تعیرات حقنده كال دقت و تقید ایله تفصیلات ویردم ؛ و علی الخصوص یالكرز طلبة افندیله دكل ، بومسئله لره بوسبوتون بیكانه اولانلره بیله - بوتعیراتك متضمن اولدوغی - معانی دقیقه یی، بر جوق علائق و روابطیه آكلاته بیلیمك غیرتی مقصد ایدیندم . بونكه برابر لسان فلسفییه یاقیدشان اسلوب مخصوصی ده محافظه ایتكه چالیشدم . اوسبیلهدر كه مثلاً : ( mysticism ) ، ( coufisme ) ، ( panthéisme ) ، ( antinomie ) ، ( subjectivisme ) ، ( intuitionisme ) ، ( représentationisme ) ،



( objectivisme ) و ده‌ها بر چوق امشالی کبی کله‌لر حقنده ویردیکم تفصیلات، کرک فرانسز و کرک انکلیز آنسیقلوبه‌دیلرنده یوقدر ؛ اولسه‌بیله بویه‌دکدر . چونکه اوبویک اثرلر اولدقجه معلوماتلی آدم‌لر ایچون یاییلمشدر . بناءً علیه مسائل فلسفیه یی ، نه‌سیاق نظرله تاقی ونه‌صورتله عرض ایتش اولدوغنی آکلامق کوچ برشی دکدر . عینی کله ایچون باشقه قاموسلره دخی مراجعت ایتک ایله کیفیت تین ایدر .

واقعا ک معتبر مأخذلردن استعانه واستفاده ایتدم ؛ فقط شرق عالمنک خزینه عرفانسه بک قیمتی هدیه‌لر بخش ایدن حکمای اسلامی‌ده اهام ایلهمدم . بالعکس فلسفه شرقیه واسلامیه‌یه عائد تبعاتمدن، یکریمی سندنبری طوبیلامش اولدوغم نوطلری، بوکون بوقاموسی وجوده کتیره بیلمک اوغورنده خرج ایده‌بیلدیکم ایچون، تام محانه صرف ایتش اولدم . بوندن فرضا یدی عصر اول کلش براسلام حکیمی ایله بوکون الک‌بویک اوروپا فیلسوفلردن برینک عینی مسئله‌ده عیناً بیان ملاحظه ایتش بولوندوقلرینی ، چوق یرده صراحتاً کوستردم . ظن ایدرم که بوقاموس، فلسفه مراقیلرینی - بر مدت ایچون اولسون - اغنا ایده‌بیایر ؛ صوکره - انشالله - ده‌ها مکملنی تألیف ایده‌بیله‌جک ارباب استعداد یتشیر .

بوکتاب ، ارباب مراقه وخصوصاً طلبه افندیله برخدمت ایده‌بیلیرسه، امیدایتدیکم مکافاته نائل اولمش اولورم .

بوتون اصطلاحات فلسفیه بوقدرجقدن عبارت دکدر ؛ فقط آنحق تحصیل تالی احتیاجاتی نظر دفته آلمغه مجبور بولوندوغز ایچون بوقدرینی کافی ووافی کوردیم .

رضا نرفیس



(A) حرفی، (ادات نفی Prefixe négatif) اوله رق کلمات اصطلاحیه نک اوکنه وضع اولنور . اوتقدیرده اونی علی الاکثر (لا) ایله ترجمه وادا ایدرز . (Moral اخلاقی)، (Amoral لا اخلاقی) کبی (غیر) ایله ترجمه ایدلدیکی یرلر واردرد : (غیر مطرد Anormal) تعیرنده اولدینی کبی .  
 (منطق صوری Logique formelle) لساننده (قضیه موجب کلیه (Universelle affirmative) یه اشارتدر . بزده بونک اشارتی «م» در .  
 «A» حرفی بوندن باشقه مبدأ اتحادی کوسترمک ایچونده قولالانیلیر .  
 $A = A$  دیرلر .

جودت پاشا مرحوم «معیار سداد» نده بومبدئی (واقع واقعدر) دیه کوستریبور . بوراده کی مساوات ، معادلت ریاضیه یی دکل مساوات منطقیه یی یعنی عینیتی ، اتحادی کوسترر .

#### Abduction    $\Delta\mu\lambda\omega\gamma\eta$    قیاس شه

Abduction

بوبرنوع قیاسدرکه کبراسی (یقینی Certain) ، صغراسی ایسه آنجق . محتملدر؛ یعنی بر حکم احتمالی یی ناطقدرد . بناءً علیه بوصورتله وبومقدمادن ترتب ایدن بر قیاس آنجق صغرایه مساوی بر حکم احتمالی یی ناطق بر نتیجه ویره بیلیر . یعنی بویله بر نتیجه، بر حکم قطعی افاده ایتمز . مع مافیه بوقیاس ، حکماً احتمالات دائره سنی آشماق شرطیله بر قیمت نسییه یی حائزدر . مثلاً :  
 ( قابل تعلیم اولان هرشی علم نوعنددر ؛ فضیلت قابل تعلیمدر کبی کورونویور . بناءً علیه فضیلتك علم نوعندن برشی اولمی محتملدر . ) کبی .

بومثالده کبرانک مفاد حکمی شبهه کوتورمز . قابل تعلیم اولان هرشی البته علم نوعنددر ؛ لکن فضیلتك قابل تعلیم اولمی آنجق محتمل بر کیفیتدر . زیرا فضائل موهوبه نک وجودی دلالت قطعیه ایله هنوز رد اولونه مامشدر . فضله اوله رق فضیلتك قابل تعلیم اولوب اولماسی کیفیتده قطعی بر صورتده حل اولونماش بر مسئله اولدوغندن ، چوق صو کوتورور بر بحث تشکیل ایده بیلیر . اولسه اولسه فضیلتك قابل تعلیم اولماسی محتمل اوله بیلیر . احوالده نتیجه نک حکمی ده دائره احتمالاتی آشه ماز . بونوع قیاسك بعض احوال

و خصوصاً برفض حقیقی اوله بیلیر ؛ زیرا صغراسی ، نتیجه سندن زیاده محتمل بر کیفیت بیان ایدیورسه البته ده اقیصه بریولدن اثبات اولونه بیلدیکی ایچوندور . او حالد صغرائی مهرانکی بروجهله اثبات ایتمکه چالشمق ایجاب ایدر ؛ اوتقدیرده نتیجه کندیلکندن ثابت اولمش اولور . فرضاً شومئالمزده فضیلتك حقیقه قابل تعلیم اولدوغی اثبات اولونجه نتیجه قطعاً طوغرودور .

قیاسده عمده اولان مقدمات ، مسلماتدن بولونماقجه بوکونکی اصول فلسفه نظرند بونون مدعالم قیاس شبه درکسنه اینر . زیرا نتیجهك تحقیق مقدمات قیاسك صحیح و مسلم اولمسيله مشروطدر . ایشته بوسبيله درک ( تجربه ) ، زمانمزده معیار حقیقت عد ایدلمشدر .

قیاس شبه اکثر سائر قیاسات ایچون مقدمات تشکیل ایده بیلیر . بونوع قیاسی اولار ارسطو منطقك Premières analytiques ( عربجه ترجمه سی تحلیل القیاس اسميله معروفدر ) قسمنده ذکر و تعریف ایلشدر .

#### Aberration

#### ضلال Aberration

Abirring	آلانیجه سی
Aberration	انکلیرجه سی
Aberrazione	ایتالیانجه سی

ضلال ، یولنی شاشیروب اوتیه برییه طولاشمق و غائب اولمق معناسنه موضوعدر . ( Aberration ) دخی تماماً اومعنادهدر . لاینجه ( Aberratio ) مصدرندن مشتقدر و یان چیزمك ، انحراف ایتمك دیمك دخی اولور . بو تعیر مباحث دینهده کچرسه ، اووقت ، ( مذهب حنیف یعنی طوغری یول ) دن صابان واکری یوله کیدن اعتقاد ، دیمك اولورکه ، بزده ( رفض ) لفظك معنای لغویسوده بودر ؛ یعنی طوغری یولی براقوب اکری کیتمك دیمکدر و ( رافضی ، رافضيلك ) تعیرلری اوندن مشتقدر . حکمت طبعیهده ( تکدر ) یعنی بولانمق ، بولانیق اولمق معناسنه کلیر و ( مبحث ضیا ) اصطلاحاتندندر . برعدهدن مرور ایدرکن ، ضیای بیضانك انحلالی و او بیاض ضیایی ترکیب ایدن شعاعات مختلفهك ( زاویه

رفصلرنده کی) فرق سبيله مختلف درجه لرده انكسارى طولاييسيله حصوله  
كلير برحادنه در . ( قاموس اصطلاحاتك رياضى قسمنه باقكرز . ]  
اعضاي آليه دن برينك وظيفه معينه سنى ايفايه مانع اولان تشوش  
دخى ضلالدر : ضلال رؤيت ( Aberration de la vue ) ، برغريزه نك  
ضلالى ( Aberration d'un instinct ) كچي .

بو تعبير برده طبابتنه مستعملدر . ( Aberration mentale ) اصطلاحدر  
و ( ضلال ذهنى ) ديمكدر . اسباب موجه سى ، شكل خصوصيسى نظر دفته  
آلتمهرق على الاطلاق اختلال عقلى يه بو اسم ويريلير . ساده توركجه ده  
قوللانيلان تعبير دخى تماماً عىني معناه در . ( عقلنى غائب ايتك ، صايتقمق )  
ديرزكه ضلال عقلى ديمك ايستديكمز آكلاشيلير ، و تعبيرك معنای تشبيهنده  
مختلف لسانلرك متحد الرأى اولدوغى كورولور .  
[ تفصيلات ايچون قاموس اصطلاحاتك طب و فنون طبيعه قسمنه باقكرز . ]

### فراغت Abnégation

Abnégation

Entsagung	آلمانجه سى
Self-denial, Abnegation	انكليزجه سى
Abnegazione	ايتاليانجه سى

بوكله نك معنای لغويى ( Négation ) دن كلير و كندى منفعتى انكار  
ايتك معناسنه وارد اولور . نته كيم انكليزجه سى دهاوا انحدرد : ( Self-denial )  
كندى انكار ديمكدر كه منفعت ذاتيه يي نظر اعتباره آلمهرق حركت ايتك  
تقديرنده در . بز ، بوكا فراغت ديورز ؛ فقط موضع استعمالنى حقيله تعين  
ايتك ايچون اولاشونقطة مهمه يي اخطاره لزوم واردركه ، بوكله صرف  
( اخلاقى Moral ) بر تعبيردر ، و منحصرأ منفعت ذاتيه ايله علاقه داردر .  
بناء عليه ( فلان آدم شوتشبدن ويا بوايشدن فراغت ايتدى ؛ چونكه يوزده  
ايكيدن فضله كار كتر ميورمش ! ) ديديكمز زمان ، بوراده كي فراغت كله سنى  
( Abnégation ) ايله ترجمه ايدمه يز . بالعكس بو موضعه قوللانيلان  
فراغت لفظى مقابل فرانسويى اولان كله نك تماماً ضديدر . كذلك ، بزه  
حكمت و اخلاق صوفيه دن ميراث قالان فراغت معناسنده اويماز ( قيد

ماسودان فارغ اولمق ( جمله سنده منظور اولان معنای فراغت کبی که، ترک دنیا) دیمک تقدیرنده در. بونک کبی، (فراغ بال) ترکیبده کی فراغ کله سنی ده ( Abnégation ) ایله ترجمه ایدمه یز. فراغ بال (Quiétude, tranquillité) معناسنده در. فرانسزجده بوکله دن بوکون منفهم اولان معنا، باشقه سنک منفعتی ایچون، بالا اراده فدا کارلق ایتمکدر. بناء علیه اصطلاحات اخلاقیه دندر. مثلا: (Patriotisme veut dire abnégation et sacrifice) جمله سنی: (حمیت، فدا کارلق واستحقار منفعت دیمکدر) دیه ترجمه ایدمه بیلیرز. هر حالده فراغت ایله ده بو معنا ادا ایدیه بیلیر؛ لکن بوکله نک مواضع مخصوصه یه کوره افهام ایدمه بیلدیکی معانی آره سنده کی فرقی - یوقاریده عرض اولوندوغی وجهله - نظر دفته آلمق شرطدر.

A

Absorption

استغراق، (ترك) نصرفده Absorption

Vertiefung	آلمانجه سی
Absorption	انگلیزجه سی
Assorbimento	ایتالیانجه سی

لاتینجه ( Ab-sorbere ) نهمک دیمکدر. اصطلاحده بوکله علم تربیه ده وحکمت صوفیه ده برر معنای مخصوص اوزره قوللانیلیر؛ تربیه بختنده: ( ذهن، اولانجه دقتنی طویلا یوبده تحقیق مطلوب و ملتزم اولان برشی اوزرنده تکالف ) ایدره، او حالته استغراق ده نیلیر. گویا نظر دقت بوتون موجودات سائرده دن قطع علاقه ایدرک یالکیز حلی مطلوب و یاخود تحقیق ملتزم اولان مسئله نک ایچنه طالمش واونده غرق اولمش اولویور. ذاتاً لسانزده بو حالت اوزره بولونان برآدمه طالعین دیرزکه بر دوشونجه اونک بوتون نظر دقتنی جلب و جذب ایتمشدر؛ اوقدرکه آرتق کوزینک اوکنده طوران شیرلی کوره مز؛ یاخود آرا درده بوله ماز؛ چونکه نظر دقتی اولانجه شدتی ایله باشقه بر نقطه یه یعنی دوشونجه سنه معطوفدر و برشی آرایشی صرف میخانیک کی در. کوزسز بر ( منساق Automate ) ( بوسوزه باقیکر!) کی حرکت ایدر. صانکه او دوشونجه سی بوتون نظر دقتی نهمش، مص ایتمشدر. ایسته، رومالیر، سیرا کوزا شهرینی استیلا ایتدکری زمان

(سیرا کوزالی آرسیمد Archimède de Syracuse) ی بو حل استغراقده بولملردی .

بومهندس شهر ، یره قوم سرمش ، اوزرینه اشکال هندسیه رسم ایتش ؛ دعوا حل ایتکله مشغول بولونیورمش . لکن اوقدر استغراق حائده ایتش که ، علم وهنری سایه‌سنده اودرچه مهارتله مدافعه ایده بیلدیکی وطنی - عظیم بر محاربه دن صوکره - رومالیر ضبط و محله لرینه استیلا ایتشلرده طویمامش . نهایت اوزرینه هجوم ایدن عسکرلری ده کورمه رک : ( اشکال هندسیه می بوزماییکیز ! ) دیمش وکندیسی تولدورمشلر .

ایشته استغرافک - بوشایان تأسف تاریخی مثالی - اک کوزل نمونه سیدر . علم تربیه ده بو استغراقه قابلیت نظر دفته آلتیر بر مسئله در . زیرا هرکس ، کندینی اونوته حق ندر ، نظر دقیقی بر مسئله عطف ایده من . آلمان فلاسفه اخیره سندن مشهور ( هربارت Herbart ) ، ( Absorption ) ی ( Réflexion ) ( مقابلی Opposé ) اوله رق تلقی ایدیور . استغراقی روحک ( Inspiration ) ی ، یعنی تکائی ، ایچنه جکیلیمه سی کبی قبول ایدیور . بو حالده روح ، یکی بر تجربه یاپارکن ، یکی بر شیئه حصر دقت ایلرکن موقتاً کندندن کچمش اولویور . کندینی اونوتمله افکارینک طیبی اولان ترتیب عادیسی ده موقتاً اونوتویور ؛ داو حیرتبخش اولان حادثه جدیده نک تماماً مجذوبی اولویور . ( Réflexion تأمل ) بوندن صوکره کلیورکه بو آرتق تمامیه ( مشعور Conscient ) بر ( ادراک دقیق Aperception ) در . آکلاشیلیورکه ، بوراده هربارت ( Inspiration ) و ( Expiration ) تعیرلرینی ( قبض و بسط ) معناسنده قوللانشدر . کویا روح استغراق حائده تکائف ایدرک بر نقطه اوزرینه طولانیور ، صوکره ده سلسله افکار ایله منبسط اولوب یاییلیور و آچیلیورمش کبی دوشونویور . روحک بو ایکی وضعیتنی آکلامق امر تربیه ده یک مهم برکیفتدر . مربی اوکا کوره چوجو غک استعداداتی تربیه ایدر .

بوتعیرک تصوفده معناسی ، همان همان ( وجد Extase ) ایله برکبی در . ذاتاً محررات صوفیه ده همان دائماً بو ایکی کله یکدیگرینه عطف تفسیر صورتیه

وارد اوله کلسدر: (وجدواستغراق) ده نیلیر. (تفصیلات ایچون، Panthéisme، Aïdéisme، Extase سوزلرینه باقیکنز!) (Absorption) حکمت طبعیه ده و علوم حیاتییه ده دخی تعیرات مشهوره دندر حکمتده امتصاص ضیا بخی مهمدر؛ ضدی (Émission) در. تفصیلات ایچون قاموس اصطلاحاتک حکمت قسمنه مراجعت ایدیکنز.

Abstinence

امساك Abstinance

Enthaltung المانجه سی  
 Abstinenz ایتالیانجه سی  
 انکلایزجه سی فرانسه سی کبدر

لاتینجه (Abstineo) و یونانجه (Ἀπέχουα)، برشیدن اوزاق طور مق مئاسنه کلیر. اصطلاحده پرهیزکارلق و امساك دیمکدر. فلسفه عملیه ده اکثریا زبازرد اولان تعیرات اصطلاحیه دندر. علی الخصوص (حکمت صوفیه Çoufisme) ده و حکمت دینه (Philosophie religieuse) ده (زهد piété) ایله صیقی صیقی به علاقه سی وارددر. بوتقدیرجه امساك انجق بر مقصد دینی و اخلاقی اوغورنده (یمک، ایچمک و نکاح کبی) ضرورات طبعیه دن اولان احتیاجات غریزه دن کندینی محروم ایتمک ایچون بالارادت نفسنه تحکم ایتمکدر. بناء علیه حوایج ضروریه و مشتهیات طبعیه دن بالارادت محروم اولمق و برغایه دینه و اخلاقیه اوغورنده بو محرومیه قاتلانه بیلدک (امساك) در. امساکی امر ویا توصیه ایدن: فلسفیاده (رواقیه Stoïcisme)، ادیان منزله ده دخی (خرستیانلق Christianisme) در؛ فقط (رواقیه) ایله دین نصرانیتک امساکی توصیه ایتمکنده کرک اسباب و مبادی، کرکه مقاصد و غایات بوسبوتون باشقه، حتی بربرینه ضددر. (رواقیه) مذهب فلسفی سی امساکی توصیه ایتمکه روح بشری حوایج طبعیه به قارشى مستفی و محیطی ایچنده مستقل بولوندورمق و نفس انسانیه بی، کندی کندینه مالک بر درجه کمال و حریته ایصال ایتمک ایستوردی. انسانک عزت نفسی و شخصیت منویه سنی ابراز ایدن حسیاتی، صوک درجه ده تمیه و تهییج ایدیوردی.



رواقیوندن مشهور ( نه پیقتت Epictète )، فلسفه امساکک دستوری. یکی کله ایله بیان ایتمش، و: ( ἀνέχου καὶ ἀπέχου ) یعنی تحمل ایله وامساک ایت ! ) دیمشدی . حالبوکه خرسیتیاناک تو صیه ایتدیکی امساکدن مقصد، تذلیل نفس و خشوع اولدوغی ایچون تمامیه رواقیه مبدآنک ضدیدر. خرسیتیانلق معصیت اولی، یعنی ( زله ادم le péché Original ) سببیه انسانی بدایتاً آثم فرض ایدیور وحتی، هنوز طوغان وکناه ایشله مکه وقت بوله میان معصوملری بیه - اجدادینک وعلی الخصوص ابوالبشرک خطای واقعدن طولای - ذاتاً کناهکار عد ایدیور ؛ وبناء علیه آخرتده بویوک بر عذابه مستحق اولماسی و اجدادندن موروث اولان کناهلردن ممکن اولدوغی قدر تنزیه نفس ایده بیلیمسی ایچون - اول امرده بودنی دنیاده - تذلل ایتمه سنی، خوار وحقیر اولمه سنی، لئانئد شهوانیه دن وحتی احتیاجات ضروریه دن بیه امساک ایدرک یاشاماسی امر ایلدور . عالم آخرته معصوم اوله رق طوغمق ایچون، بوراده، بودنیاده نفی وجود ایتک، کندینی عذابه صوقق لازم اولدوغنی بیلدیریور. ایشته ( زهد ) ک تو صیه ایتدیکی امساک بودرلودر . ( Ascétisme و Stoïcisme سوزلرینه باقیکز ) .

مع مافیه ( بوددیزم Bouddhisme ) و ( براهمانیزم Brahmanisme ) مذهب لرنده بو ( زهد ) واونک لازمه اخلاقیه سی اولان بوامساک حدینی آشمش و طاقت بشریه نک تحمل ایده میه جکی بر درجه اذیته واردیرلمشدر. کندینی بر آغاج داله باش اشاغی آصمق وایلرجه اوله آج و صوسز صاللانوب طورمق ؛ وجودینه یوزلرجه چیویلر میخلامق واونلرله برابر دیکنلر اوزرنده یاتمق ؛ کندینی اوموزلرینه قدر طور اغه کومدوروب بر سنه ، اوله جه آج و صوسز طورمق ، هند فقیرلرینک خارق العاده و طاقت بشریه فوقده درجه امساک لرینی کوستیر ( Fakirisme ) دیدکلری ایشته امساکک بودرجه سیدرکه ( بدنه اذیت Mortification de la chair ) اونک برنجی شرطیدر. زیرا ( فقیریزم ) اعتقاد نجه حیات، بر ( درکه هبوط Déchéance )، جماعت بشریه ( سجن روح ) در ؛ یعنی روحک جهنمی در . طبیعت وهله بدن انسان ، روحک بویوک دشمنی و ضدیدر . چونکه روح ، نورانی

و بسط بر جوهر مجرد در ؛ جسم ايسه ظلمانی و عناصر دن مرکب بر خلیطه  
 مرخر فدر . بناءً علیه اونی تعذیب و افنا ایتلی که روح مسعود اولسون .  
 بزم تصوفده بوفکر و اعتقاد وارد . تحقیقات ایله ثابت اولمشدر که بزه بو  
 عقیده ، طوغر و دن طوغری یه هنددن دکل ، (نوفلاطونیة Neoplatonisme) دن  
 انتقال ایتشد . ( بوسوزه باقیکنز . ) عالم اسلامک الکبویوک شاعر صوفی سی  
 [ مولانا جلال الدین رومی ] نك ( مثنوی ) سنده بو اعتقاد تامایله بسط  
 اولونمش و بالخاصه بر حکایه ده ( مرض موت ) خلاصکار روح اولمق اوزره  
 تعریف ایدلشد . بو تعریفه کوره ، وهر شئی کندی اصلنه مشتاق اولماسی  
 حکمتنه نظر آ ، خسته لق دیدیکمز حالت غیر طبعیه ، عناصر بدنک کندی  
 اصللرینه رجوعی ایچون فرط اشتیاقدن ایلری کلیمش . بر خیال باطل بر  
 اثر شعبده اولان بومستعار ، بوموقت حیائمز ، ظلمانی الاصل اولان عناصر  
 مادیه نك ترکی ایله قورولان (فلسفین) ده (مرغ روح) ی حبس ایدیورمش .  
 روحک اصلی ده صرف الهی اولدوغی ایچون اودخی ، محبس جسمانیسندن  
 بر آن اول آزاد اولوب (روح کلی) یه قاووشمق و اونده محو و مستهلک اولمق  
 اشتیاقیله دائماً چیرینیورمش ، که بوجیرینمه سی (عشق حقیقی) نشئه سی در .  
 روح کلی یه قاووشمه سی و اونده محو و نابود اولماسی ده (فانی الله) در .  
 هند لسان تصوفده ( نیروانا Nirwânâ ) بودر .

مرض موت ، و بالجمله امراض ، وجود مزک عناصر مادیه سنی یکدیگرندن  
 آیروب ( ترکیب جسمانیت ) نی بوزمغه و بناءً علیه روحه محبس عذاب  
 اولان بو (تن قفسی) نی قیرمغه چالیشدینی ایچون لایموت و الهی الاصل اولان  
 مرغ روحک آزاد اولماسنه خدمت ایدیور . بناءً علیه خسته لق و ثولوم بر  
 فلاکت دکل ، بالعکس بروسيله سعادتنر . حتی اوندن توقی ایتمک شویله  
 طورسون ، خسته لق ، کندیلکندن کلزدن اول اونی دعوت ایتمه لی و بدنی  
 تعذیب و تخریب ایتمه که چالیشمالی در که ایشه ( ریاضت ) دیدکلری ده بودر .  
 بو اعتقادک الک قیصه یولدن ( فقیریم ) ضالانه پیوسته اوله جفنده ده شبه  
 یوقدر . بودوشونوش ، هنده منسوب اولمق حیثیتله پک اسکدر . فقط  
 اونی بر عقیده فلسفیه شکلنه قویوبده مدافعه ایدنلر بالخاصه نوفلاطونی لر

اولمشدر . علی الخصوص ( یامبلیکوس Jamblicus ) در . سوریه لی اولان بومشهور آدم ، عصر نده اک بویوک عزیزلردن صاییلردی و فوق العاده بر حرمت مظهریت قازانمشدی . خاتقاء آجش و برچوق مریدلر یتشدیرمشدی . اکثریا وجد و حال اوزره بولونوردی . ( تومک ( حیات جاودانی ) یه نائل اولمقدر . وجد اثناسنده حس و شعوردن فارغ اولان بدن موقتاً تومش دیمکدر بوصورتله آزاد اولان روح ، وجود مطلق ایله برآن تماس ایدیور؛ نامتناهی ادرک ایتک سعادتنه مظهر اولویور . بو ، آنجیق ( جمال حقندن برغمزه ) در . وصال حقیقی و اندی توم ایله تمکندر خسته لقلر تومومی دعوت ودم وصالی تعجیل و تسهیل ایدر : اونک ایچون خسته لقی ، فلاکت دکل سعادتنر . [ دیه تعلیمات مخصوصهده بولونوردی .

نوفلاطونی لرک ، اک بویوک و حقیقتاً داهی فیلسوفی ( پلوتینوس Plotinus ) - که زمانک افلاطونی ایدی ! - تماماً بو اعتقادده بولونویوردی . حال احتضارنده کنیدیسی زیارته کلش اولان اودا واحباسی : ( نصل سک ؛ ) دیه حال و خاطر صوردفقری زمان : ( ایچمده کی الهی الاصل اولان جوهری آزاد ایتک ایچون اوغراشیورم ؛ ! ) دیه رک کمال سکینتله جواب ویرمش و مرغ روحی قفس تندن قورتارمغه چالیشدیغنی اکلاتمقی ایسته مشدر .

بوفکرلر عیناً بزم صوفیهده واردر . حتی وجد و استغراق ، هرشیدن فراغت ایله ممکن اولدوغی ایچون تومومدن اول تومکدر . حیات جاودانی بودر .

حیات جاودانی ، شیخ کاملدن سوأل ایتدم :  
( تومومدن اول تومکدر ! ) ده نیجه انتقال ایتدم .

ییتی بومعنایه ترجمان اولور .

امساک ، ریاضتک اساسی در . افراطی ( فقیربزم ) در که سنه واریر . فصل برملاحظه فلسفیه ایله واردیغنی ده یوقاریده عرض ایتدم . شرق و حتی مملکتیز بوفکرلرک تأثیرندن بوسبوتون قورتوله مامشدر . ( تن قفسی ) تشبیهی ، تصوف فلسفه سندن لایقيله خبردار اولمایان خلق آراسنده بیله مشهور اولمشدر . شعرای متأخریندن سامی پاشا ، نامق کمال

بك ، رجائی زاده اكرم بك ودها بك چوق محررين بو تركيب صوفیي استعاره اوله رق قوللا مشلدر .

زمانمز فلسفه سی حیاتی تعذیب ویا تحقیر ایتمکی برضالات مدهشه اولمق اوزره تلقی ایتدیکندن فلسفه صوفیه نك بو تعلیماتی اخلاق اجتماعیجه بك مضر برعامل معنوی اولمق اوزره تلقی ایدر . حالبوکه معاصریندن بعض آروپا حکمای صوفیه سی عینی عیننه ( پلوتینوس ) ك سوزلری تکرار ایدیورلر . مثلاً آلمان حکیم صوفیسی Novalis . که دوستلری کنديسنی اعزّه خرسیانیه دن عد ایتمکه قدر وارمشلدر — تماماً بوفکر واعتقاده طرفدار اولمش و : [ حیات ، روحك برخسته نفی در . احتراصاتك تهییج ایتدیکی برفعالیتدر . تومك بوتون بو خسته لقلردن آزاد اولمق و آرتق انسانلغك شروط مقیده سندن قور تولقندر . ] دیمشدر که یوقاریده بسط ایتدیکم عقیده نك عیناً دستور افاده سیدر .

بناءً علیه اوروپاده دخی و بوکون بیله بویله صوفیه اعتقادنده بولونان متفکرلر واردر . فقط اندر نادراتدندر . بو عقیده خلقه سرایت ایتمه مشدر . خلق ، ( غوغای حیات و یاشامقانه نجات ) ، فلسفه سنه طرفداردر .

بوتون بو تفصیلاتدن شوکیفته استدلال اولونملی درکه بوکون ینه زمانمز فلسفه سنده ( امساك ) بر شرط مهمدر ؛ فقط صرف اخلاقی معناسیله تلقی اولونمقدهدر ؛ و ینه حیاتی حسن محافظه مقصدیله توصیه اولونور . مثلاً [ سفاهت و ایچکی و ذوق پرستك ، حیاتی قیصالتیر و وجودی بر آن اول تخریب ایدر ؛ اونك ایچون بو طرز معیشتدن توقی ایتملی و بوشیلردن امساك ایلملی ! ] ده نیلیر . زمانمز ، عقیده امساکی بیله جوق یاشامق و بختیار یاشامق ایچون توصیه ایدر . بناءً علیه بولفظك معنای تاریخیسی ایله بوکونکی معنای اخلاقیسی تماماً ضددر . تفصیلات ایچون ( صوفیه Çoufisme و Néoplatonisme ) سوزلرینه باقیکنز .

Abstrus

مفهوم Abstrus

هردرلو مسائل حقنده وصف اوله رق تطبیق ایدیه بیلیر بر تعیدر . مسئله ، گرفت و مشوش اولورده عناصر اساسیه سی آردسنده کی روابط

فولایقله تعیین ایدیله مزده اومسئله نك وضعیت طبعیه سی بر چوق سبلردن و (مثلا سائر مسائل ایله من جهة علاقه و مشابهندن) طولای تقدیر و تحدید اولونه مازسه اونلره (مسائل مغلقه) دیر لرکه اکثریا بسیط اولمایوب مسائل غیر متجانسه خیاطه سی اولدقلری - تحاییل بر تحقیقندن صوکره - اکلاشیلیر ، و بومغلقیتدن ناشی اکثریا یا کلش حکملر ویریه رك خطا وقوعه کلیر .

### فقرانه ارادت Aboulie

Aboulie

Abulie, willenlosigkeit آلمانجه سی

Aboulia انکلیزجه سی

Abulia ایतालینجه سی

بو تعبیر یونانجه دن آلمشدر . (Bouloquia) ایسته مك معناسنه در .  
 باشده کی (a) دخی ادات نفی در . بناء علیه (ایسته یه مه مك) دیمك اولور .  
 اصطلاحده (فقدان ارادات) معناسنه تخصیص ایدلمشدر . بو برمرض مخصوص اولمقدن زیاده ، (نوراسته نیا Neurasthénie) ، (اختناق رحم) و (تجتن) کبی امراض عصبیه و روحیه ایله برابر وقوعه کلن (حالات مرضیه) دندر .

فقدان ارادت ایکی حال اوزره مشاهده اولونور . بریسی حرکت عارض اولان ارادتسزلک (aboulie motrice) ، دیکری ده صرف (عقلی aboulie intellectuelle) اولان ارادتسزلک در . برنجیسنه مبتلا اولان کیسه هیچ برعلامت (فلج paralysie) عرض اتمدیکی حالدده قیملدانه . بیلیمك ایچون ، جمله عضلیه سنی تحریك ایده جك قدر ارادتی قالمامشدر . کندی کندینه بیه مز ، ایچه مز ، البسه سنی کییه مز . حالبوکه یاشامق ایچون بو حرکتلی اجرایه مجبور بولندیغنی تعقل و ملاحظه ایده مز دکدر . مع مافیه بوسبوتون قابلیت حرکتدن محروم دکدر . ماکنه کبی حرکت ایده بیلیر ؛ یعنی بر (منساق automate) درکه سنه دوشمشدر . لکن ارادی اولان حرکاتک هیچ بر دورلوسنه مقتدر اوله ماز . اکلاشیلورکه (تثبث initiative) قدرندن کلیاً محرومدر .

عقلی اولان صورتنه کنججه، بو ارادتسزلك برشيئه توجیه دقت ایدمه مک  
قابلیتسزلكی ایله تجلی ایدر. بو حالدّه انسان، دقت ایچون جبر نفس ایدمه مز؛  
شدتله متأذی اولور. مثلاً بو حاله کرفتار اولانلر بر کتاب اوقویه بیلرلر؛  
حتی جهراً اوقویه بیلرلر؛ فقط سلسله افکاری ضبط و تعقیب ایچون لابد اولان  
دقتک فقدانندن ناشی اوقودقلرندن برشی اکلایه مازلر. اونک ایچون آمستردام  
اطباسندن (گوژ Guge)، بو حالته (aproxie) تمیرینی ترجیح ایتمشدرکه  
یونانجه معنای لغویسی دقتّه قابلیتسزلك دیمکدر. اطبا بو تجلیات مرضیه بی  
جمله عصیه مرکزیه نک ضعفنه و قوای معنویه نک انحلاله اسناد ایدیورلر.  
بو فرضیه طوغرو کورونور زیرا ارادی حرکتلرک ناظمی دماغدر.  
بوندن باشقه برده (Aboulie Systématisée) ده نیلن بر حال واردرکه  
یا لکز بر صنف افعاله معطوفدر؛ فقدانک ایکنجی بر نوعی ده افعاله  
تناقض فکرینک افراطه وارماسندن عبارتدرکه بوکاده (Aboulie de  
résistance) دینیور.

Absence

Absence غیبت

Zerstreuung	آلانجه سی
Absent mindedness	انکلزجه سی
Distrazione	ایتالیانجه سی

(حضور présence) ک ضدیدر. یوقلق، بر شیئک اساساً اولماسی  
در، حالبوکه (غیبت) وار اولان بر شیئک، بر مدت، و انحق بر مدت  
غیر معینه ظرفده یوق اولماسی در. موجود اولان بر شیئک بوسبوتون  
یوق اولماسنه (فنا anéantissement) دیرلر. بناء علیه بو تعبیر، (عدم  
صرف pur néant) ایله (فنا) آره سنده بر معنا افاده ایدر. مثلاً (غیبت  
شعور absence de conscience) دیدیکمز زمان، شعور و حس اول  
موجود ایکن، زائل و غائب اولمش معناسی آکلاشیلیر. و (absence  
du sens moral) دیدیکمز تقدیرده (حس اخلاقی نک) یعنی خیر و شر  
و مشروع، غیر مشروع بینتی تمیزه خادم اولان حس مخصوصک غیبت

و زوالی مراد ایده‌رز. فیلسوف مشهور (به‌قن Bacon) ك (table d'absence) سی ایچون (table) سوزینه مراجعت ایدیکز .  
غیت ، پسیقولوژی یعنی علم النفس تعبیرنجه ، ظروف و احواله  
مطابقتده بر نقصان سبيله محسوس اولان موقت و درین برذهن طائفه  
دیرلر .

L'absolu	مطلق	L'absolu
Das absolute	آلمانیجه	
The absolute	انگلیزجه	
L'assoluto	ایتالیانجه	

بو کله ، لاتینجه‌نك (ab+solvere) لغتدن آلمشدر . علائقندن  
چوزولمك ، روابطنی غائب اتمك معناسنه کلیر . بیزانس فیلسوفلرینك  
(Τὸ ἀπόλυτον) دیدکلری بودر . لاتینجه‌سی (absolutum) اولدوغنه  
نظراً یونانی‌دن مقتبس بولوندوغی آشکاردر . معنای اصلاحیسنه کلنجه :  
هردرلو قیود و شروطدن ، هر نوع اضافات و مناسباتدن آزاد اولان شی  
دیمکدر . اصطلاحده مقابلی (اضافی Relatif) در . (بوکله‌یه باقیکز .)  
عربجه‌ده (اطلاق) ، حیوانك دیزکینی آلوب صالمق دیمکدر .

لسان فلسفه‌ده اوتهدنبری زیاده بر اهمیتله قولانیله کلن بو کله ،  
(وجود l'être) و کیفیاتی حقنده وصف اوله‌رق ایراد اولونور . فقط  
هیچ بر کیفیت معنیه‌یه اشارت ایده‌مز . ایده‌بیاسه‌یدی ، کندی مضمون  
مخصوصنی نقض ایتمش اولوردی . حتی کیفیاته وصف اولمق اوزره تردیف  
ایدلیدیکی زمان دخی ، لسان فلسفه‌ده معتبر اولان معناسنی ضایع ایتمش اولور .  
مثلاً (عدالت مطلقه) ، (حسن مطلق) ، (وزن مطلق) دهنیلیدیکی زمان ،  
بو ترکیلرده صفت حیثیتله داخل بولونان (مطلق) کله‌سی ینه اضافی بر  
معنا افاده ایدر . او معنا نه قدر کلی و عمومی اولسه‌ده و یاخود موجودات  
مجردیه مختص بولونسه‌ده ! . . . . بالخاصه فلسفه‌ده (وجود مطلق  
l'être absolu) دهنیلیدیکی زمان ، (بذاته ولذاته en soi et par soi)

قائم و دائم بر ( وارق ) مراد اولونور . یعنی ( هر درلو شکل و صورتدن عری و هر نوع شرط و کیفیتدن بری بر وارق ، بر ( وجود صرف ) دیمک اولور . حکمای اسلام بوکا ( و مبرالمت ) دخی دیمشلردرکه ( وجود صرف = یالکز وارق ) معناسه موضوعدر و بو تعیر آناز اسلافده پک مشهوردر . تعریفده ( الوجود بماهو موجود ؛ ای ، من حیث هو هو ؛ غیر مقید بشئی ) دیمشلرکه ارسطونک (  $T\acute{o} \delta\upsilon \tilde{n} \delta\upsilon\tau\alpha$  ) تعیرینک ترجمه سیدر . ( مبدأ وحدت *principe du monisme* ) اساسنه موضوع اولان فلسفه لک جمله سنده مابعد الطبیعیاتک اساسی و اک مهم مسئله سی ( وجود مطلق ) ک نه اولدوغنی بیلیمک ، اونک ( حقیقت ذاتیه ) سنه عارف و واقف اولمقدرد . تصوف ده ایسه ( وصال *communion* ) دخی اک بویوک مقصد و املدر . ( تصوف *mysticisme, çoufisme, théosophie* ) سوز - لرینه باقیکنز .

وجود مطلق تعیری بر چوق سؤ تفهماته سببیت ویرمشدر ؛ زیرا بونک بر معناسی ده ( تام *accompli* ) و ( مکمل *parfait* ) دیمکدر . او تقدیرده ( ارسطو ) نک (  $T\acute{o} \delta\lambda\omicron\nu$  ) و (  $To \tau\acute{\epsilon}\lambda\epsilon\iota\omicron\nu$  ) تعیرلرینک تام ترجمه سی اولور . ( سرویلیام هاملتن ) و ( جون ستونث میل ) بوتعیرک باجمله معانی معتبره سنی تحقیق و تعمیق ایتمشلردر . بناء عایه بوکون معنا فرقلرنده ده زیاده صراحت واردرد . او سببله درکه زمانز فلسفه سنده بو کله نک معنای اصطلاحیسی باشلیجه ایکی درلو تلقی اولونویور .

اولا ، ( وجود مطلق ) باشقه برشیله مناسبات و علائقی اولمان ( وارق ) دیمک اولیور . بویله تلقی اولوندوغنه کوره وجود مطلق ، ( علت اولی *cause première* ) ( بوتعیرمه باقیکنز ! ) اوله ماز ؛ واوله مامق لازمکایر . زیرا ( علت اولی ) بهمه حال بر ( معلول *effet* ) ایستر .

برشیئک علت اوله بیلیمه سی دیگر برشیئه علاقه سیله تصور اولونه بیلیر ؛ یعنی دیگر برشیئک ده او علت ایله معلول اوله بیلیمه سنه متوقفدر . علت ایله معلول آره سنده ( لازم - ملزوم ) قیلندن بر مناسبت واردردرکه بوکا فرانسز لساننده ( *rapport de nécessité* ) ، عربجه ده ( تلازم ) دیرلر . ایکی



شیك ، ذهنده بربرینی استلزام ایتمه‌سی ایما و بیان ایچون وضع اولونمش بزلگه‌در . [ association, nécessité سوزلرینه باقیکز ! ] اویله که بویله برنستله یكدیگرینه مربوط اولان شیلرک برینی دوشونمک، دیگرینی درحال و بهمه حال خاطره احضار ایدر . بو بر اضافت لازمه‌درکه علی‌العموم (نسبت تضایف rapport de corrélativité) تعیریله دخی یاد اولنور . (correlation سوزینه باقیکز ! )

اوحالده ( وجود مطلق ) اولدوغی ادعا اولونان بر وارلغک ، ( علیت علاقه‌سی rapport de causalité ) ایله دیگر برشیته نسبت و مربوطینی ، تعیرک معنای حقیقیسی ایله متناقض دوشر برتصوردور . بناءً‌علیه ( وجود مطلق ) ک ( علت اولی ) اولماسی رد ایدنلر ، انجق بو نقطه نظرندن وانجق بوسیله رد ایتمشلردرکه بوصورتله رد ایتمک او وجودی انکار ایتش اولمق صایلماز . وجود مطلقک ، هر درلو روابط و اضافلردن بری اولما-نی شرط اصلی اوله‌رق قبول ایدن حکما ، بالضروره بو تعیری ( وجود یکانه ) ، ( وجود واحد ) اوله‌رق تلقیه مجبور بولونمشلردر . بوتون ( moniste ) لرک طرز محاکمه‌سی ، اوتنه‌دنبری بودر .

متقدمین یونانیهدن ( پارمنیدیس Parménides ) ایله متأخریندن ( سینوزا Spinoza ) بوفکرده ایدیلر . نته‌کیم ، ( وحدت وجود ) طرفداری اولان سوفیه دخی عینی فکرده‌در . چونکه ( تصوف ) نظرنده دخی وجود ، حقیق ، آنجق وجود مطلقدر و اوده یکانه وارلقدر . تصوفده ( التوحید ، سقاط‌الاضافات ) بومعنایه اشارتدر .

ایشته بویله عالم هستیده ( تک بر وارلق ) تصوراتیمک ، حقیقه‌قابل‌ادراک اوله‌مادینی ایچون ، بو وجود مطلق تصویری باطلی بدیهی کورنلر اولمشدر . محاکمه‌لرنده بونیجه‌یه پیوسته اولانلرک بر قسمی : ( وجود مطابق ناقابل‌تصوردور ) دیمشلرکه بونلره ( اضافیه relativistes ) تسمیه اولونویور . دیگر بر قسمیده وجود مطلق بر خیال محال اوله‌رق تلقی ایدوب انکار ایتش و صرف حادثات ایله اکتفا ایتمکی معقول کورممشدر . بونلرده ( شأنیه Phénoménistes ) دیرلر . ( بو تعیرلره باقیکز ! )

علم، یعنی بیلکی دخی بیلن نفس ایله بیلین شی آراسنده بر مناسبت،  
 براضافت اوله جنی ایچون ( وجود مطلق لایعرف inconnaissable در )؛  
 زیرا اونکله عقلمز آراسنده بر رابطه علمیه اولسهیدی، اودخی معلومات  
 اضافیه مزك دائرة احاطه سنه داخل اوله جفتدن ( وجود مطلق ) اوله مازدی.  
 ایشته بورادنده آکلاشیلورکه بوتعیرك تعریف فلسفی سی ومضمونك صورت  
 تلقیسی، ذهنلری ( لادریه agnosticisme ) حدودینه - بالمجبوریه - سوق  
 ایتشدر . بوکون ( اضافیت علم بشر relativité de la connaissance  
 humaine ) حقیقتی قبول ایدن فلسفه لرك وفلسوفلرك - بلا استثنا -  
 جمله سی ده ( مابعد الطبیعات métaphysique ) بحثده ( لادریه )  
 اعتقادنده درلر . هپی ده حقیقت اشیانك، یعنی وجود مطلقك  
 تمتع الادراك اولدوغنی تسلیم و ادعا ایتكده متفق الرایدلر . الهیون  
 ومشرعونده بوزمرده داخلدر. ذاتا کتاب کریمده ( لیس کمله شی =  
 اوکا بکزر برشی یوقدر ! ) بیورلمش و ( تعالی شانه عما یصفون ) ودها  
 بر چوق آیات جلیله بومعناپی مؤید بولونمشدر . اونك ایچوندرکه حکمای  
 اسلام ( تفکروا فی آلاء الله ولا تفکروا فی ذات الله = اللهم نعمتری حقنده  
 دوشونوکز، ذاتی حقنده دوشونمه ییکز ! ) تنبیی اوزره صادر اولان قول  
 پیغمبری بی دائما نظردقته آلمشدر و ( ذات مطلقه ) دن بحث ایتکی ( کستا خلق )  
 و ( ترك ادب ) عد ایشلردر .

فلسفه بالضروره بوندن بحث ایده بیایدیکی قدر ایدر . چونکه  
 ( ontologie مبحث وجود ) ك باشلیجه موضوعی واك مهم مسئله سی اودر.  
 فقط فلسفه نك بو مسئله حقنده بوتون ملاحظاتی - آز چوق معقول - بر  
 فرضیه اولوق درکه سندن قورتوله ماز .

زمانمرك اك بویوك نحریرلرندن وفلسوفلرندن متوفی ( سرویلیام هاملتن  
 Sir W. Hamilton ) بومطلق تعبیری ارسطونك تلقی ایتدیکی معنا ایله  
 قبول ایدیور . بوفلسوفك اعتقادنجه دخی ( مطلق )، تام، مکمل  
 وقصورسز دیمکدر. ایکنجی معناسیده - اولجه ایضاح اولوندوغنی اوزره -

هر درلو علائقنن آزاده بر وارلق ديمكدر . ( هاملتن ) ، ( نامتاهي . l'infini ) ايله بوتعير اره سنده بر مهم فرق تعين ايديبوركه نامتاهي بحثده . ايصاح اولونمشدر . حالبوكه ( دةقارت Descartes ) واوندن سوكره كلن فيلسوفلر بو فرق ادراك ايتمه مشلردى .

بومسئله لرده هان تماميله هاملتنه اقتدا ايتمش اولان ( هربرت سبنسر H. Spencer ) دخى بر ( وجود مطلق ) قبول ايديبور و ( اضافت علم بشر ) ادعاسنده بولوندوغى حالده ، وجود مطلقى ( علت اولى ) اولقى اوزره دخى تالقى ايايور . تعريفنه كانجه : [ علت اولى ، هر وجهه كامل ، كلئى و تام اولملى در ، وكندى ذاتنده بالمله قوا و قابلياتى شامل و متضمن بولونمالى در . بناء عليه هر درلو قوانينك مافوقده و ماوراسنده اعتقاد ايدلملى در . خلاصه تعبير معروفى اوزره ( مطلق ) اولملى در . ] دييور . بزم حكماى صوفيه نك تعريفى ده بونك عيى در ؛ محى الدين عربى نك فصوصى شرح ايدن عبدالله بوسنوى مرحوم ، اوكتابك برنجى جلدنده : ( حق ، اطلاق ذاتى سى و غيب هويت ولا تعينى اعتباريله احدث ذاتيه و وحدت حقيقه سنده ، وصف و نعتدن ، اسم و رسم و حكمدن متزهدر . هيچ بروصف ايله اونك اوزرينه حكم اولونماز : ] دييوركه هر كسجه مقبول واك مشهور اولان تعريفدر . بوتعريفات مشهوره و معتبره ده اساسى اولان فكردن آيريله رق ، مطلق تعبيرينك معناسنده بعض تعديلات اجرا ايدنلر اولمشدر ؛ لكن بوفرقلرك اهميتى يوقدر .

( مطلق ) تعبيرى اك زياده مابعدالطبيعاتده ، اولانجه اهميتنى كوسترير . حتى اسلافك اعتقادينه و قبولنه كوره مابعدالطبيعاتك ( مبحث وجود ontologie ) قسمك باشليجه موضوع بحثى ( وجود مطلق ) در .

لسان عايدده ( مطلقا و مطلقيت اوزره ) ده نيلايمى ؟ . . موضوع بحث اولان بر سنئك سائر شيلردن قطع نظرله منحصر آتلق ايدلمش اولدوغنى اشراب ايدر .

علوم مختصده دخى بوتعير ، مقابلى اولان ( اضافى ) كله سييله برابر

قوللانیلیر . مثلاً : ( وزن مطلق ) ، ( وزن اضافی ) کی . فقط بوراده مطلق تعیرینک مغناسی ، فلسفه‌ده کی مضموننه توافق ایتمز . چونکه حکمت طبعیه‌ده منظور اولان هر کیفیت کی وزن مطلق دخی بر نوع وزن اضافیدر . بناءً علیه علومده مطلق تعیری ده نسی در . یعنی مطلق دکلدر .

کائناتده بر مبدأ وحدت آرایان فیلسوفلرک جمله‌سی ، [ ایستر طبعیوندن ، ایستره صوفیون فرقه‌سندن اولسون ] فلسفه‌ی ، مابعدالطبیعیاته ارجاع ایدر لر . مابعدالطبیعیاتک باشلیجه موضوعی و غایه‌سی‌ده [ وجود مطلقک طبیعت ذاتیه‌سنی کشف و تعقل ایده بیلیمک در ] دیر لر . بوکا تحقیقات تجربیه ایله حساً موفق اولوق احتمالی اولادینی کی ، ( ذات مطلقه ) نک کنه حقیقتی عقل ایله‌ده آکلامق امکان خارجنده بولوندوغی ایچون ( مطلقیون les absolutistes ) دائماً ( اسباب علم les moyens de connaissance ) دن « حدس ( intuition ) » اهمیت ویر مشلدر در . زیرا وجود مطلق حقنده بر علم یقین تحصیلندن ( حس sens ) و ( عقل intelligence ) بزى مأیوس بر اقعجه وسائط علمدن انحق اوچنجیسی اولان ( ضمیر conscience ) . مراجعت ایتمک ضروریدر . فقط حقیقت مطاقه مسئله‌سنده یالکز الهامات وجدانییه مفتقر و منتظر بولونمق ، اربابی طوغرودن طوغروه تصوفه کوتورور و صوفیه‌نک ( کشف ضمیر ) دیدیکی اصول تحقیق دخی ، ایشته بو ( intuition ) در . شاعر صوفی فیضی هندینک شوبیتی ، بو اصول ایچون موجز و مکمل بر تعریف ناطقدر .

درکشف حقایق سبق آموز ضمیریم ؛  
ترتیب دلیل حکمارا نشناسیم .

یعنی : [ حقایق کشف ایتمکده بز کندی ضمیر مزدن درس آلمشزدر . فیلسوفلرک ( ترتیب دلیل ) اصولی بیلیمیز ، طائمایز ] دعواسندن مرادی ، [ حس و عقلک دلالتنه اقتدا ایدن حکما کی حرکت ایتمه‌یز ، بز حقیقتی « کشف ضمیر » ایله بولوروز و بیلیرز . ] دیمکدر . بوتون صوفیه‌نک اصولی — فی الحقیقه — بودر . مع مافیه هیچ تصوفله مناسبتی اولمایان ، حتی تصوفدن

اجتناب ایدن معاصر فیلسوفلردن بر چوق متفکرین وجود مطلق بختده حسک شهادتندن و عقلک حکمندن اشتباه ایتمکه ، (کشف ضمیر) . اینانمقدمه مضطر قالمشدر . مثلاً وجود مطلقک یعنی اللهک عقل و حس ایله بیلنهمه جکنه قانع اولان (ویکتور قوزن Victor Cousin) ، کشف ضمیر ایله بولونه جغنی و بیلنهمه جکنی ادعا ایتمشدر . بوکا قارشى معاصرى (سرویایام هاملتن Sir W. Hamilton) معارضه ایدرک (ذات الهیه) نک وجداناً دخی منکشف اولهمه جغنی - بردعوا صورتنده - ایلری سورمش و (قوزن) ى ردآ تنقید ایتمشدر . بو بحث فلاسفه اسلامیه و متصوفه و آلهیون آره سنده اوزون اوزادییه مناقشات سدیدیه سیبیت ویرمش اولدینی کبی ، اهل سنت ایله معتزله آره سنده غایت عنیف مجادله لره میدان آچشدر .

(وجود مطلق) تعبیرینه بدل بر چوق تعبیرات قوللالتله . درکه باقیلسمه ، اونی منفی بر صورتده تعریف ایتمک غیرتندن طوغش کله لردر . (سپینوزا Spinoza) ، (جوهر Substance) دییور . (هغل Hegel) ، (روح esprit) دییور . (هاملتن) ، (غیر مشروط وجود l'Inconditionné) دییور . الی اخره ! . نوفلاطونیلردن (پلوتینوس Plotinus) (روح عالم) دیر ایدی . نته کیم بزم صوفیه ، (نقطه الغیب) ، (حقیقه الحقایق) ، (کنز مخفی) ، (سرالاسرار) الی اخره ! . دیمشلردی که هبسیده (وجود مطلق) دیمکدر .

### Absolutisme مطلقیت اداره

Absolutisme

Absolutismus	آلمانجه
Absolutism	انگلیزجه
Assolutismo	ایتالیانجه

حکمت سیاسیهده (absolutisme) اوایل بر شکل ادارهیه دهنیرکه تدویر و مشیت امورده هیچ بر شرطه رعایت ایتمز؛ حقوق امته ایستدیکی کبی تصرف ایلر . هیچ بر اعتراض ، هیچ بر قید قبول ایتمز . خلاصه ،

کینی برادارهٔ مستبده درکه بوکا (ادارهٔ مطلقه) دیرلر، ضدی - علی العموم - ادارهٔ مشروطه در. قرون اولاده بوتون حکومت عظیمه بو شکل اوزره مؤسس ایدی. یالکیز یونان قدیم مدینتی و رومانک امپراطورلقدن اولکی حالی مستنادر. دور اخیر مدینتک بر مهم علامت فارقه سی ده شکل اداره ده واقع اولان تبدل مشروطیت پرورانه درکه نیجه نیجه انقلابات خطیره سایه سنده و عصرلر سورن بر محاهدهٔ مادیه ایله ممکن اوله بیلمشدر. بو انقلاب عظیمک تحقیقی تسهیل و تأمین ایدن عوامل مهمه یی تدقیق ایتمک تاریخ مدینتی - باسلیجه شروط و مؤثراتیله - تتبع ایتمک دیمک اولور. بو نقطه نظر دن تکامل مدینتی تتبع و تدقیق ایدن بر صنف حکما و علما واردر. بونلر ادعا ایدیورکه امر حکومتده اسکی شکل اداره نک تبدلی، کینی ویا تصادفی اولما مشدر؛ ضروری اوله رق وقوعه کلمشدر. دور اقباهک، دور اصلاحاتک و علی الخصوص علوم حقیقه دائره سنده واقع اولان ترقیاتک بو خصوصده چوق دخی ایلشدر. ریرا ترقیات علمیه، ذهن بشری غنغات قدیمه و عقاید باطله بویوندور و غندن اطلاق ایتدکن ماعداء تطبیقات صناعیه جه بر چوق انکشافاته دخی سبب محض اولویور. طبعی درکه بو سائقه ایله مدینت مادیه اک اول تکمل ایتمکه باشلیور. عینی زمانده احتیاجات دخی آرتیور. مالزمهٔ حیاتییه یی ترتیب واحضار ایده بیلیمک اوغورنده میلیونلرجه انسانلر منحصر آ بر خدمت اجتماعیه وقف نفس و صرف عمر ایدوب کچنیورلر؛ فابریقلر، باقیقلر، شمندوفرلر، جماعتلر، قومپانیلر - حسب الضروره - تشکل ایدیور. دیمککه بو سایه ده (صنوف اجتماعیه classes sociales) تولد ایدیور و حیات عمومیه نک دوام و بقای ایچون اک ابتدائی و فقط اک مهم والک مبرم وظیفه یی درعه ده ایتدیکندن طولانی، او صنفلر حیثیتاً بویوک بر اهمیت قازانیور. بوکون مدنی بر مملکت، عمله، قومیسونچی، بویوک، کوچوک تجار، طیب، اجزاجی، آووقات و دها بوکبی صنوفک خدمتدن مستغنی اوله رق یاشایه ماز. ایشته حیات اجتماعیه نک ادامه سنده پک مهم بر خدمتله مکلف اولان و جمهورناسی (یعنی اکثریت خلقی) تشکیل ایدن بو صنوف اجتماعیه - کندی آغیرلی ایله، کندی قوتیله

— بر حیثیت قازانه‌رق، حقوق سیاسیه‌ده نائل اولویورکه (ده موقراسی) نك  
مبدأی بودر وزمین استادی‌ده اکثریتی تشکیل ایدن (صنوف مرتبه) نك  
منافع حیاتیه‌سیدر . بونلرك حقوق طبعیه و اجتماعیسی ، اداره مستبدنه‌ك  
معاملات کیفیه‌سنه قارشى طوره‌بيله‌ك قدر قوت و حیثیت كسب ایدنجه  
مطلقیت اداره بقا بوله‌میور . فقط شوراسی شایان دقدرکه یالکز آمال  
خیال‌پروانه و هیجان حسیات‌ایله بو حیثیت اکتساب ایدیه‌میور . بر ملاکتده  
جدا صنایع و تجارت ایلریله‌مش بولونمالی و اکثریت خلق امر معیشتده  
كسب استقلال ایدیه‌بيله‌ك درجه سعادت مظهر اوله‌بیلیمه‌لی درکه تشبثات  
احرارانه‌سند موفق اوله‌بیلدین ؛ یوقسه هراختلال بر انقلاب حقیقی تأمین  
ایده‌مز ! . . حکومتك معاونت و حمایته محتاج اولیه‌رق كندی نه‌مه‌کی ایله  
كینوب یاشایه‌بیلیملی در . بر ملت انحق او زمان مطلقیت اداره‌یه قارشى  
قویه‌بیلیر . ایشته پك مهم اولان بوشرط معاشی ، حکمای حقوقیون كمال  
جدیته نظر دفته آله‌رق بر دستور اولمق اوزره عرض ایتیش و ( بر ملته  
جمهور ناس ، میشتجه مستقل اولمازسه ، ملت ، اداره حراوله‌ماز ) دیمشدر .  
اكر بودستور طوغرو ایسه ، تكاملات صناعیه‌ك وانكشافات تجاریه‌ك ،  
استحصال و تأمین حریتده نه بویوك بر رول اوینادینی ، صراحتاً تعین  
ایدیور ، دیمكدر . حكمت سیاسیه‌ده معاصرینمك اك بویوك فیلسوفلرندن  
اولان ( سرهنری مهین Sir Henri Maine ) ، بومسئله اجتماعی بی لایقيله  
تبع ایتیش وده‌مین خلاصه عرض ایتدیكم نظریه بی هر كسه — اك اول —  
او بیلدیرمشدر . بر جوق متفكرین وهله فیلسوف مشهور ( هربرت سپنسر  
H. Spencer ) بونظریه بی تماماً قبول ایتیش و ( سوسیولوژی ) و حكمت  
حقوقه دائر وجوده كتیردیكى آثار معتبره‌سند ( سرهنری مهین ) ك نظریه‌سندن  
ذره قدر آیریه‌رق بر جوق امثله تاریخیه ، وقوعات سیاسیه و حادثات  
اجتماعیه ایله بو حقیقتی تأیید و تحكیم ایلشدر .

( سرهنری مهین ) ، جماعات بشریه‌ده ( حال حرب état de guerre ) ك  
معیشت ، اخلاق و تشکیلات سیاسیه و اجتماعیه اك بویوك بر تأثیر اجرا  
ایتدیكنی نظر دفته عرض ایدیوركه بو کیفیت بوتون تلمای اجتماعیون

عندئذ مصدق در : حتی [ اقوام متفرقه بی ( آتش و ده میر ایله par le fer et par le feu ) یوغوروب اونلرک خلیطه سندن بویوک ملتلی وجوده کثیرن عامل اجتماعی ، سورکلی محاربات تدیمه در ؛ ] دیبورلر . میلادعیساندن تقریباً بش عصر اول کلن ( هراقلیت Héraclites ) دخی بوفکرده ایدی . و ( حرب و ضدیت هر شینک بابایی در ) دیمکدن مرادی ، بوتون موجودات عالمده حتی جماداتده بیله برکش . کش دائمی اولدوغنی و معنای حیسانکده بوندن عبارت بولوندوغنی اکلاتمی ایدی . ( داروین ) بونک فلسفه سنی تأسیس ایتشد . ( سرهنری مهین ) جماعات انسانیه ده معیشت اجتماعی بی ایکی صورت اساسیه اوزره کورویور و هر برینه بر اصطلاح وضع ایدیورکه تعمیم ایتشد . برینه ( régime militariste ) ، دیگرینه ( régime industrialiste ) دیور . بومدقی ، ادعا ایدیورکه دوات و بوتون وجود امت ، تهلکه اضمحلاله معروض قالیرسه ، قوی دشمنلرک تجاوزات استیلاجویانه سنه قارشی ، افراد امت حقوق سیاسیه سنی ، و حتی حقوق اجتماعی سنی بوسبوتون ضایع ایدر ؛ حقوق طیمیه سنک بر قسمندن بیله موقتاً محروم اوله بیایر . محاربه ده تأمین موفقیت ایچون لابداولان ( مرکزیت اداره Centralisation du pouvoir ) کرکی کبی تأسس ایلر . بالطبع حریت قالماز . سنسر ( عدالت Justice ) نام کتابنده ادعا ایدیورکه بو کبی تهلکه فوق العاده هنکامنده ، هر شیدن اول وجود جماعتی ثولومدن قورتارمق اک محق اندیشه واک مبهم بر وظیفه اولدوغنی ایچون ، مرکزیت اداره - موقتاً - مشروع عد ایدملی در . اويله زمانلرده ملت یکپاره اولملی در . بالعکس غائله حرب بر طرف اولونجه ، صلح ، طبیعتی ایله حریت و سعادتی اعاده ایدر . چونکه زیاده سیله مصرفی اولان ( régime militariste ) چوق مدت دوام ایده مز ؛ زیرا اومصرفی فیض صنعت و برکت تجارت تأمین و تضمین ایده بیلیر . بناء علیه صنعت ، تجارت و زراعت کبی - صلح و صلاح حاله و حریت محتاج اولان - معاملات اجتماعی نك پک اوزون بر مدت عاطل و مضمحمل قالماسی ممکن دکدر . حیات اجتماعی نك باشلیجه شروطی حتی منابع فیض و قوتی بونلردر . حیات شخصیه ده دوران ، ضعیف و دم ، فقیر اولونجه ، قدرت عضلیه و عصبیه نصل



مضمحل اولوبورسه ، حیات اجتماعی همچون ده حقیقت عینله اوله در . اومایع قوت توکهنجه ، اردولر یاسایه مار . ایشه بوسبله درکه صلح ایله برابر لوارم و شرائط مدنیت دخی کلیر . تجارت و صنایع عالنده یکیدن فعالیت باسلاار و حقوق وحیثیت افراد بالضروره ، مظهر رعایت اولور . صنوف اجتماعه یکیدن وظیفه سنه صاریلیر . نشکیلاتی اکیل ایدر ؛ قوت فارانیر، حریتی اماده ایدر وهردرلو معاملات کبمه واداره مستبدیه دشری قویه بیلیر . ایشه ( سرهنری مهن ) ک واکا تماماً تابع اولان ( سپسر ) ک بو خصوصه اساس اعتقادی بودر ؛ و بو اعتقاد اکبر حکما طرفندن تصویب و قبول اولونمشدر . تاریخ مدنیت اثبات ایدیورکه بوتون ترقیات فکریه و مدنیله اوزون مدت دوام ایدن صالح دورلریک محمول سعادتیه دره . ( حکومت مستبدیه اداره سنده انکشافات مدنیله اولماشدر ) ده نیلمیور . بالعکس اولدوغنه پک پارلاق مثالار وار . هله صنایع نعیه ، استبداد زمانلره بلکه ده موقراسی دورلرنده کی درجه سندن دهه زیاده ترقی و تعالی ایشدر . ( یالکیز یونان قدیمی استنا ایتلدر ) ؛ فقط شوراسی محققدرکه حکومت مستبدیه رماننده دخی انکشافات مدنیله و ترقیات فکریه دائماً صالح زمانلرینه مصادفدر . خصوصاً بویوک فتوحاتی تعقیب ایدن ( مدیدصلح دورلری ) پک پارلاق در . بوفضی ( *impérialisme* ) ه عطف ایدنلر خطا ایدیورلر چونکه اصل سبی صلح واستراحت وبرکتدر . فتوحاتک غنائمی ایکنجی درجه ده فالیر وبلکه ضایعات حرری تلافی ایدمر .

ایشته (*industrialisme*) ک مطابقت و منبر وطیت اداره ایله مناسبتی بودر . ادوار قدیمه ده عموماً حکمفرما اولان شکل اداره بو (*industrialisme*) ک ترقیسی ، تعممی و تحکمی سایه سنده ده کیشه بیامشدر . ( فلسفه قیم *la philosophie des valeurs* ) ( بو تعبیر باقیکیز ) ده نیلی سیاق نظرک کاشی ( آویناریوس *Avenarius* ) ، تکامل مدنیته بویوک بررول اوینایان اختلالات اجتماعی ، آمال انسانیه ایله احتیاجات حیاتک موازنه سز لکنه عطفاً تعریف ایدیورکه یوفاریده لسط اولونان ملاحظات فلسفه ایله بو تمریک علاقه سی واردر . محققدرکه ترقیات مدنیله احتیاجاتی آرتدیریور

وشبهه یوقدرکه اکثریت ناس غوغای معیشتده احتیاجات مبرمه سنی بیله تأمین ایدمه یور. حالبوکه آمالک وجدانلرده تولدی نه شرائط اجتماعیه به ، نه حبشیته ، نه ثروته ، نه در مرتبه شخصیه به باقیور . هر کسده وعلی الخصوص حقوق سیلاردن محروم اولان اکثریت ناسده ده از یاده ودها شدتله حاصل اولویور. آونه نارپوسه کوره اخلاقلار بوموازنه سزلکک صارصینتی لریدر؛ انقلابلردخی اوصارصینتی لر نتیجه سندم کتله اجتماعیه نك آلدییی یکی (موازنه وضعیتی) در.

## Absolutisme

## Absolutisme

Aesthetic absolutism	ایمانچه
Aesthetic absolutism	ارکلیزچه
Absolutismo Estetico.	ایتالیانچه

حکمت بدایع ، یعنی فلسفه صنعتده مطلقیت طرفدارانی بر عقیده مخصوصه اورده تجلی ایدر . صنایع نفیسه ده ( حسن ) بحثک ، ان مهم واک اساسلی مسئله فلسفیه یی تشکیل ایتدیکی معلومدر. شیمدی شو (حسن) دیدیکمز کیفیتک بر ماهیت مستقله اوله رق قبول ایدلمی وکندی کندینه قائم بر موجودیت مطلقه کی تلقی اولونماسی ، ( نهستیقده مطلقیت طرفدارانی ) در. سواعتبار ایله حسن ، هر درلو سکل و صورتدن وکسوت مادیتدن عاری بر وارلق کبی تلقی ایدلمش اولویور، وعلنده کورللیکی ادراک و حسن ایدمه بیله جک بر فرد آفریده اولمادینی فرض ایدلمسه بیله ( حسن ) دیدیکمز بر حال و کیفیتک کندی کندینه وباشلی باشنه موجود بولونماسی لازمکه چکنه اعتقاد ایدیلور، دیمکدر. بونک صندی دخی (relativisme) یعنی ( اضافیت حسن ) طرفدارانی در. بو ایکنجی مذهب بدیییه کوره ، حسن دیدیکمز کیفیت محسوسه صرف ( انفسی subjectif ) بر ماهیتی حاردر؛ و بناء علیه انحق بزم کبی قابل حسن وادراک اولانلرک کندی نفسلرنده حصوله کلن بر حالت روحیه درکه بعض اسایی خارجه نك تأثیریه متحدث اولور و احتمالکه دنک و سکل و آهنگک حواسمز اوزرینه اجرا ایتدیکی بر تأثیر مخصوصه پیدای شعور ایدیشمز بزه بویه بر حسن ویریور. بو اعتقاده

کوره ، مستقلاً موجود و بزم حس و اعتقاد من خارجنده ( حسن ) نامنه  
بروجود مطلق یوقدر و اوله ماز .

ایشته بوده اضافیت حسن طرفدارلرینک خلاصه اعتقادیدر . بودعوالر  
یا لکنر صنایع نفیسه موضوعاته منحصر دکلدر . حکمت اخلاق و حکمت  
حقوقده دخی مطلقیت و اضافیت طرفدارانی واردر ؛ ودعوالرینک شکلی  
اساماً بردر . مثلاً اخلاق نامنه مطلق و مستقل بر حقیقت واری . یا خود  
خیر محض ، شر محض نامنه مستقلاً موجود بر شیر واری . عدالت  
مطلقه واری . یوقسه بوتون بو کیفیات ، معاملات بین البشریه دن طوغمش  
نسبی قاعده لرك و رابطه لرك برر دستور مجردی اولمقدن عبارتیمی در . کبی  
مسائلده اخلاقی ، عدالتی ، خیر و شری موجودات مستقله دن و یا خود  
حقایق مجرد و ذانیه دن عدالتک ( absolutisme ) اولور . عکسنه اعتقاد  
ایتمک ( relativisme ) اولور . ( absolu éthique ) تعبیرنه باقیکنر .  
مشهور افلاطون کرك حسن ، کرکسه عدالت و خیر بختنده مطلقیت  
طرفداری ایدی . حتی بو وادیده مطلقیت فلسفه سنک موجدی صاییلر .  
بونقطه نظر دن افلاطونک مذهبه ( حقیقه réalisme ) ده نیلمشدر که معنای  
تاریخیسی کله نک بو کونکی صورت تلقیسنه اویماز و تماماً ضد بر مضمون اخطار  
ایدر . زیرا افلاطون بر ( حسن مطلق ) بر ( عدالت مطلقه ) بر ( انسانیت  
مطلقه ) قبول ایدردی و ماهیات معقوله دن عبارت اولان بوشیلری حقیقه  
و مستقلاً موجود ظن ایدردی . اونک ایچون بو اعتقاده ( réalisme )  
ده نیلمشدی . ( بو کله یه مراجعت اولونه ) .

Absolu (éthique) — فیلسوف هربرت سپنسرک قولاندینی بر  
ترکیدر که مشهور اولمشدر . بومتفکرک بوتعیردن مرادی ، اک عمومی  
و نظری اولان ( دستور اخلاقی ) ایدی . زمان و مکانه ، احوال و ظروفه ،  
تربیه و درجه مدینه ، تشکیلات اجتماعی ودها بر جوق شروط خصوصیه  
کوره اعتقادات و معاملات اخلاقیده اختلافات کورولویور که طبیعی در .  
شوحاله نظراً بو خصوصیات ایله تعین و تحلی ایدن اخلاق انسانیه نک هیچ  
بری ، عموم انسانیت ایچون ( دستور العمل ) اوله ماز . زیرا اخلاق خصوصیه نک

جمله سی‌ده اضافی در وبعض اعراض واغراض ايله معلل در. بناءً عليه بوتون شو اخلاق مختلفه يي يکديگرينه قياساً مطالعه وتبصير ايلک وجمله سنده مضمون ومکمون اولان حقيقت اساسيه يي کشف ايتک صورتيله بر دستور عمومي بولملى درکه - لاعلى التعين - هر زمان و هر مکان ايچون ، هر ملت و هر فرد ايچون بر مبدأ قوم و بر دستور العمل اوله بيلسين ! ايسته بودستوره واونک متضمن اولدوغى عقیده اساسيه سپنسر (absolute ethics اخلاق مطلقه) ديور واونى (قسطاس خيروشتر critérium du bien et du mal) اولق اوزره تلقى ايلور . (اخلاقون بودستوره باقهرق اصلاح معنوياته چاليشه جقلى کي واضع قانون دحي بودستورک مقتضاي حکمندن قطعياً آيرلماق اوزره حرکت ايدجکدر؛ و ايتليلدر!) ديور؛ حاصلی، اکلشيلورکه سپنسر، (général abstrait, idéal) بر دستور حقنده مطلق تعبيريني - فکرجه ياکلش اوله رق - قوللانمشدر. علوم لساننده (زن مطلق)، (صفر مطلق) تعبيرلرنده کي (مطلق) کله لرینک معناسي ينه اضافيدر. سپنسر دحي اوکله يي بويه قوللانمشدر. (اخلاق معاملات ناسدن طوغمش بر طاقم قواعد معاشرتدر) ده ين سپنسر، اخلاق مطلقه يي باشقه درلو اکلایه مازدی. بناءً عليه کله يي فلسفي دکل علمی معناسيله قوللانمشدر ديملی يز. اووقت ياکلش اولماز . بوفيلسوفه کوره (اخلاق مطلقه) دستوريني مکمل بر جماعت مخيله نك معاملاتنده کشف ايدج بيلير. بويه بر جماعتک معيشت و معاملات عموميه سنده ايکي کيديت مهمه منظور اوله بيلير ؛ اولاً : اويله بر جماعت کامله ده (خود-کامانه égoïste) اغراض ايله (ديکر کامانه altruiste) مقاصد آره سنده کي ضدیت و نزاع تماماً بر طرف اولمش بولونملى در . اويله تضاد بولونملى در . ثانياً هر درلو حرکت، المدن آزاده بر ذوق تأمین ايدج بيلملى در . (انساني ملک ، جهاني جنت) تصور ايتدکجه بويه مسعوده ، غيف و کامل بر جماعت بولونه ميه جغنى سپنسر هر کسدن اي بيلير. (الحالة هذه اويله بر جمعيت واردر ودينانک فلان طرفنده در!) ديک ايسته ميور . اخلاق مسئله لرنده خط حرکتيزي توجيه ايدج بيلمک ايچون بر (غايه خياليه) بر (دستور مجرد) کوسترمک ايستور و بوايکي شرطي ، اودستورک ارکان اصليه سندن اولق

اوزره عرض ایدیور. اخلاقون، حقوقون بواکی شرطی نظر دفته آلوب هر زمان ایچون معیار اتخاذ ایتلیدر. دیور.

Absolu (idéalisme) فیاسوف مشهور (بارقلی Berkeley) ك مذهب فلسفی سنه ویرلش براسمدر. (تفصیلات ایچون idéalisme) سوزینه باهیکزر.

Abstracteion	تجرید ایتك Abstraire	مجرد Abstrait	تجرید Abstraction
	الماتجوه سی	Abstract, Abgezoget.	
	انکلیزجه سی	Abstract,	
	اسالیانجه سی	Alstratto,	

(Abstraction) لایتنجه (abs trahere) دن آلمش برکله در. ممای لغویسی (چکوب آلمق) (آیرمق) در. اصلاح معناسنه کلنجه: برشیتك بعض اوصاف وکیفیات ذهنأ آیروب مستقلاً ملاحظه ویا مطالعه ایتك، اوصاف وکیفیات مذکوردهی تجرید ایتكدر. بوکله نك معناسی برقچ درلو تعریف ایدلمش ایسه ده تعریقات ممکنه نك جمله سنده ده اساس عینی عملیه ذهنیه در؛ یعنی حقیقت حالده بر (کل مجموعی) تشکیل ایدن وبناء علیه یکدیگرندن بالفعل افصكا کی ممکن اوله میان اوصاف وکیفیات ویا خود جواهر واعراضی برنندن ذهنأ آیروب ملاحظه ایتكدر. اکلاسیایور که تجرید، برشیتی، بر حاده طبعیه یی حقیقه و بالفعل عناصر اصلیه سنه تقسیم ایتك دکل، اوشی ویا او حاده حقنه حاصل ایتش بولوندوغمز (فکر معضل ایده complesse) ی ذهنأ ارکاننه آیرمقدر. یعنی فعلاً آسیانی دکل، ذهنأ مفهومات (notions) ی تحلیل ایدوب ارکانندن یالکز برینی ویا بر قسمی نظر اعتباره آلمقدر.

کارگاه طبیعته وقوعه کلن هر حاده باشلی باشه بر (کل مجموعی un tout compact) تشکیل ایدر بر (وقعه مشحصه in fait concret) در. اوصاف وکیفیات مستقلاً مشاهده ایتك ممکن دکلدر. حتی بعض کیفیات وارددر که اولئرک بر جوهر مانیدن مستقل اوله رق وجودی تصور بیه

اولونه ماز. نته کیم ماده نك بعض کیفیات اصلیه دن مستغنی اوله بیامسی دخی تعقل ایدیه مز. مثلاً عالم حقیقته ماده نك مکاندن ، حرکتک کتله دن ، شکک حوهردن ، قوتک ماده دن انفکاک کی کورولش برسی اولمدیعی کی تعقل اولونه بیلیر بر شی ده دکلدر . ماده یی دوشونورکن ابعادی دوشونومه مک اوله ماز . ابعادی ده مکانسز تعقل ایتک قابل اوله ماز . ثقلت و مقاومت و حرکت بر ماده یه تعلق ایتدکجه قابل تصور دکلدر . — حکمای اسلامک و علی الخصوص منطق یونک تعبیرنجه — ماده نك تصور ماهیتده بو عناصر فکریه نك جمله سی ده داخلدر ؛ واونلر یکدیگرندن غیر قابل انفکاکدر . (تداعی association یه باقیکز) مع مافییه حقیقت حالده غایت معضل ، یعنی روابط و علائقی اعتباریه غایت کرفت اولان حادثات طبیعیه یی تدقیق امرنده بر سهوات اولمق ایچون (شبكة حادثات Plexus des phénomènes) ده عینی جنس دن اولان کیماتی — سائرلر دن قطع نظرله — تتبع ایتک ممکندر واصلندر .

(موضوعات علوم objets des sciences) ده ختصاص و تمایز و تدقیق حادثانده (تقسیم اعمال division de travail) ، ذاتاً بویوزدن وقوعه کلش و بوتجرید سایه سننده درکه معلومات بشر تنوع و ترقی ایتشددر . (تصنیف علومه باقیکز .)

سقوچیا فلاسفه مشهوره سندن (دوگالد استوارت Dugald Stewart) تجریدی بونقطه نظر دن تلقی ایتش و تعریفده (تجرید، موضوع مطالعه مز ی بسیطلشدیر مک ایچون یایدیغمز بر عملیه ذهنیه درکه بزه معروض اولان مرکباتی تحلیلدن عبارت قالیر) دیمشدر . تجریدک اک بسیط و فقط الک کیش معناسی صحیحاً بودر؛ و تدقیقات علمیه ده باشلی باشنه بر (اصول méthode) واسع تشکیل ایدر . مثلاً هندسه ، کائنات ماده یه د یالکز (حیز étendue) کیفیتی ، (و خاصیات مکانیه propriétés spatiales) دن صاییلان اسکالی و اونلر آره سننده کی نسب مختلفه یی بالخاصه موضوع بحث ایدیمش و (جوهریت و مادیت substantialité, matérialité) مسئله لر دن صرف نظر ایتشددر . کذلک (خاصیات تالیه propriétés secondaires) یی ده

قطعاً افعال ایشددر . اوسبيله دركه مثلا بر مثلثك ويا بر كره نك تحته دن ويا ده ميردن اولوب اولماسى مثلثينه ويا كرويته قطعاً تعلق ايدر بر مسئله اولدينى كى ، قيرمى ويا بياض اولماسنكده اوشكللرك ماهيته اصلا علاقيسى يوقدر . حتى بوسبوتون ماده دن مجرد بر جسم تعليمى اولمى اشكال مذكوره نك نسب ذاتيه سى ، قيمت و مساحه سى تعين ايچون مرجحدر . كذلك فن ماكنه ، كتله ماديه يي بر نقطه رياضيه منجر قيله رق يالكز حر كى هر درلو اشكال و تبدلاتيله تدقيق و تبصير ايشكى موضوع بحث ايشددر . نته كيم حساب ، منحصر اكميات عدديه يي واره لرنده كى نسب مختلفه يي تدقيق ايلر . حكمت ، حادثات طبيعه ده يالكز ( تجليات قوا manifestations de l'énergie ) يي كيميا ، انحلالات و تركيبات ماديه ده ( نسبت عنصره rapport des éléments ) يي و مركباتك يالكز كيميا نقطه نظر دن اوصاف مخصوصه سى تحقيق ايلر . الى آخره !.. حالوكه علومك بويه جنس جنس آيروب موضوع بحث ايتديكى حادثات ، عالم حقيقتده اويله آيرى آيرى وقوعه كير و مستقلاً قائم اولور كيفياتدن دكلدر ؛ يكپاره در . بز اولرى آيرى آيرى تالق ادييورز ديمكدر .

فى الحقيقه تجريد ، ذهنك ، دها طوغروسي آلات ادراكك قابليات طبيعه سنددر . بزم ايچون برنجى درجه ده ( وسائط علم moyens de connaissance ) دن معدود اولان ( حواس les sens ) حقه فلسوف ( لارومى كير Laromiguière ) ( تجريد ماكنه سى ) تعبير تشبيه سى قوللانشددر ؛ بو بر تشبيه شاعرانه اولمقدن زياده بر حقيقت صريحدر . زيرا حواسمزدن هر برى كائنات خارجه ده انجق بر جنس دن اولان ( سلسله حادثات chaîne de phénomènes ) ي ادراك ايده بيلور . ذاتاً اوصورتله تكون و تعضوايش ، اوقابليه وجود بولشددر . ( حاسه لامسه le tact ) انجق ( كيفيات ملموسه propriétés tactiles ) و ( حروريه calorifiques ) ي احساس ايديور . ( باصره la vue ) انجق ( مبصرات sensations visuelles ) ي ادراك ايديور . ( شامه sens olfactif ) قوقولردن قسمزى خبردار ايلور . الى آخره !.. حالوكه بو ( مدركات perceptions ) يي يكديكرينه

ارجاع اتمك احتمالی یوقدر. انسان، كوزيله ایشیده مز؛ قولانغی واسطه سیله ده قوقوطویه مز، لذت آله ماز. قوقو دخی رنكه، رنك ده صدایه هیچ بروجله بکزه مز. اکثریا تداعی سیبیه بری دیگرینی اخطار ایدرسده، طبیعه ینه آیری آیری کیفیتلردر. فقط بویه آیری آیری شیلر اولمالری (حد ذاتنده en soi) موجودات مستقله دن اولدقلری ایچون دكل در؛ حواسمرك او حادئاتی آیری آیری یعنی تجریداً تلقی اتمش اولمالرنددر. یوقسه بو (خاصیات جنسیه propriétés génériques) بی عالم خارجی ده مستقلاً کوروب تحقیق ایدمه یز. دیمك اولویوركه نفس الامرده بركل مجموعی تشکیل ایدن (عالم حقیقی le monde réel) ده حواسمز صحیحاً (خاصیات محسوسه propriétés sensibles) بی جنسلینه کوره تجریداً ادراك وتلقى ایدیور. صوكره (مدركه entendement) و (عاقله raison) مز، اوکیفاتی ذهنمزده (ترکیب synthétiser) ایدرك - خارجه (مشخص concret) برشئك وجودینه ایناتقی ایچون وجدانمز بر (اطمئنان conviction) الهام ایدیور.

بویه اولونجه تجریده اك طبیعی واك اساسی، قابلیاتمزددر. (نظریه علم théorie de la connaissance) بمختده برنجی درجه ده اهمیتی حائر اولان بومسئله بی، آلمان فلاسفه معاصریندن مشهور (آدولف لانكه A. Lange) (تاریخ فلسفه مادیه) نام كتابك ایکنجی جلدنده کال دقت وجدیت ایله مطالعه اتمش و حواسمرك حادئات طبیعی بی تجریداً تلقی و ادراك اتمه بی کیفیته اسناد محاکمه ایدرك، کائنات حقنده کی معلوماتمرك صرف نظری و تصویری اولسی لازمکه جکنی شدتله ادعا ایلشدر. (استحضاریه représentationisme) باقیکنز.

بوتقطه نظردن باقیدینی تقدیرده، یعنی بوتون مدرکات حسیه مترك و بناء علیه معلوماتمرك بالطبع (انفسی subjectif) اولدوغنی قبوله مجبوریت الوردیکی تقدیرده اشیایی آیری وکیفاتی آیری شیلر مشکی دوشونمك البته طوغرو اوله ماز. چونکه (اشیا) دیدیکمز (موجودات متشخصه êtres concrets) دخی بو (سیاق نظر manière de voir) کوره



ماهيات معقوله دن عبارت والير. ايشته بويله طوغرو دوشونن (فلسفه انفسيه phil. subjective) طرفدارلری (تجرید) تعبيرينك اسكى تعريفنى براز تعديله مجبور اولمشلر؛ و: (مضمحل اولمادقچه عناصرينه تفريقى ممكن اوله مايان برماهيتى دهنا پارچه لا يوب عناصرينه آيرمق، تجريد ايتكدرد) ديمشله. بر مثال عادى ايله بومعنايى تصريح ايدلم كه حقيله اكلا شيامادق بر نقطه سى فاناسين چونكه يك مهمدر. بزه ادراك ايد بيلديكمز هرسيئى حواسمك بزه عرض ايتديكى صورت اوزره بيله بيلوروز. حد ذاتنده، نفس الامرده اوسينك نصل اولدوغنى قطعياً بيله مديكمز كى، باشقه و بليات ايله متايز مخلوقات نظرند عيني شيئك نصل اولمى، نصل كورونمىسى لازمكه جكنه دائره اصلا معلوماً اولق ممكن دكلدر. عاممز اضافيدر. (اصافيه علم relativite de la connaissance بايكنز) بناء عليه (حقيقت اسيا la réalité des choses) يه دكل، انحق كيفيات اسيايه مطلع اوله بيلوروز ديمكدر. او حالده بزم نظر مزده هر وجود مشخص، معقول برماهيتدن عبارت قالير. مثلاً (ماده matière) وفرصاً كتاب ديديكمز زمان، كله ايله مكان، نقلت، ابعادلته، شكل، رنگ ودها بوكى خاصيات محسوسه نك هيئت مجموعهمسى، هپ بردن مراد ايتش اولور كه بو علممز اوماده، او كتاب حقنده حاصل ايتش اولدوغمز بر فكر معضلدر. ايشته بوكا اصطلاحده (مفهوم notion) (بوكليه بايكنز!) ديرلر. بوفكرى مضمحل ايتدكجه او ماده نك خاصيات اصليه سنى يكديكرندن آيره مايز. فى الحقيقه ده مين سويله نلديكى كى مكادن مزه، ابعاد لته دن مستغنى، شكل ورنكدن معرا بر كتاب تصور اولونه مايز. اويله بر ماده دوستونوله مز. ايشته بومفهوم مركبك يالكنز بر عنصرى، مثلاً يالكنز شكلنى، يا خود ثقلى، يا خود كته سى ويا رنگنى آيريجيه مطالعه ويا ملاحظه ايدرسكه اوغصرى ماهيت كليهمسندن تجريد ايتش اولوروز. (حادثات مشخصه phénomènes concrets) يى بويله عناصرينه آيره رق انحق بر جسدن اولان كيفياتى موضوع بحث ايدن علومه - بوسيله - (علوم مجرد sciences abstraites) ده نلشمدر. مثلاً (رياضيات les mathématiques) بوييلدندر. كورولويور كه (تجرید)، اساساً (تحليل) دن باسقه

برشی دکلدر . اوندن طولانی اولسه کرکدرکه علوم مجردنك ( اصول  
 méthode ) ی اساساً ( تحلیلی analytique ) در . بر جوق فیلسوفلر  
 وعلی الخصوص ( هربرت سبنسر ) بوا دعه در . علوم مجردده ( ترکیب  
 synthèse ) اصولی ده قولانیلیر ایسه ده اساس دکلدر؛ سبنسرك ادعاسنجه  
 انجق ( vérification ) ایچون ، اصول ترکیبیه مراجعت اولونور . مع مافیه  
 ریاضیات عالیده ترکیب واردر . ( méthode سوزینه باقیکنز . )  
 بعض متفکرلر ( تجرید ) ایله ( حل و تفریق dissociation ) آره سنده  
 برفرق مهم کورویورلرکه شایان قیددر . ( برکل مجموعی ) اوله رق موجودیتی  
 ادراك اولونان برشئك مثلاً برمیوه نك کندینه مخصوص سکلی ، رنگی ،  
 رایحه سی ، طعمی واردر . بواوصافك هیئت مجموعه سی اومبوه نك مفهومی  
 تشکیل ایدر ؛ وبومفهوم ذهنده استحضار اولونجه اومیوه خاطره کلیر .  
 شمعی بز بواوصافی آیری آیری دوشونه بیلیرز . بوکا بعض متفکرلر تجرید  
 دیورلر . حل و تفریق دیورلر . فقط مختلف رنگارک خصوصیتندن  
 قطع نظر ، یالکیز علی العموم ( رنگ ) کیفیتی ، یاخود علی العموم سکل  
 ویا رایحه کیفیاتی تصور ایدرسه ك ، بوتصورمز ، بوسوتون مهم ونامعین بر  
 ( فکرت محرده idée abstraite ) اولور . ایشته اصل تجرید بوایکنجی  
 عملیه ذهنیه درکه ایکنجی در حده برتجرید دیمکدر وبونك محسولی انجق  
 ( جنسی générique ) بر فکر عمومی ویریر . چونکه شومالمزده لاعلی التعین  
 ( رنگ ) ، نه قیرمزی ، نه صاری ، نه ماوی ، نه ده سیاهدر . علی العموم ( لون )  
 دیمکدر . بوتقسیمه طرفدار اولانلر برنجی علامه ذهنیه ایله ایکنجیسی  
 آره سنده اهمیتی برفرق کوستریورلر ، ویدیورلرکه [ برنجی سنده ، بر  
 مفهومی عناصرینه تفریق ایتش اولویورز وبتجه ده اوصاف اشایی آیری  
 آیری دوشونمش اولویورز . فقط اوصاف مذکوردهنی بالتجربه تحقیق ایتك  
 هنوز ممکندر . قیرمزی ، صاری ، ماوی رنگلری بالتجربه تحقیق ایدر  
 کورورز ویکدیگرندن تفریق ایله بیلیرز . کذلک مثلی ، مربی ، دأره یی ده  
 کوره بیلیرز ، جیزه بیلیرز و بر بندن تفریق ایله بیلیرز . بونلر هب قابل ادراك  
 وتمقلدر . لکن ایکنجی عملیه ذهنیه ، ایصاف مذکورنك خصوصیتنی ده

مضمحل ایدیور. ونتیجه ده غایت مهم بر فکر ویریوز که نه بالتجربه تحقق ایده بیلیر، نه ده بر خیال ایله ذهنه صورت بوله بیلیر؛ مثلاً: علی الاطلاق (رنک)، (شکل)، (قوقو) کبی. زیرا اوصاف خصوصیه ایله معین اولمادجه نه بررنک، نه برشکل، نه ده بر رایحه حس ویا تصور اولونه بیلیر.

ایشته اصل تحرید، بوکبی افکار مجردیه پیوسته اولان عملیه ذهنیه در. دیورلر. بو فرق مهم (عمومی général) ایله (مجرد) تعبیرلرینک معالرنجه تشوشی موجب اولمش وهر مجرد اولان فکر، بر فکر عمومی میدر دکلیدر؟ سؤالی غایت جدی مباحثاته میدان آچشد. (عمومی général) (باق) (تصنیف علوم classification des sciences) بحثنده فیاسوفلرک تألیف فکر ونظر ایده مه ملرنه باشلیجه بر سبده تجریدک بوایکنجی معناسیله تلقی ایدلمه سی اولمشدر. (تصنیف علومه باق.)

انسانلرده بر قابلیت طبعیه اولان تجرید، حسدن سوکره باشلار وبناء علیه ادرا کدن سوکره کلیر. اولا برشیلر حس ایتملی که اونلرک سوکره بعضیسنی، بعضیسنندن آیرمق ممکن اولسون. (تعمیم généralisation) و (استدلال raisonnement) تجریددن سوکره باشلار. عملیه تجریده حافظه نکه ده بویوک بر رولی اولدوغنی محققدر. لسانک تجرید امرنده زیاده سیله دخلی اولدوغنی ادعا ایدنلر بوسبوتون حقسنر دکدلرلر. فقط اک طوغروسی بو خصوصده کی خدمت مهمه سنه حصر نظر ایتمکدر. تجرید خصوصنده دکل، مجردات فکریه بی کمال صراحتله ضبط وقید وتعیین وتفریق خصوصنده لسانک یک بویوک ومستتتا بر خدمتی محققدر. لسانده فی الحقیقه یک چوق کلمات مجرده واردر و بونلرک عددی مدنیت فکریه نسبتنده آرتار. تجریده ومجرداتده مراتب ودرجات واردر. بر فکر دیکرندن آز چوق مجرد اوله بیلیر.

مجردات فکریه، حقیقته وجود ویرمک، یک بویوک بر خطاد. تاریخ فلسفه همان بوجنسدن اولان خطیئاتک فهرست عمومیسیدر ده نیلسه مبالغه اوله ماز. بونک اک مهم مثالی افلاطونک، (ماهاتی) موجودات مستقله دن و (اعیان ثابته) دن عد ایتمه سی؛ قرون وسطی فلسفه سنک

قابلیات ذهنیه‌ی، (ملکات facultés) نامیده تشخیص ایدرك مستقلاً موجود وارقلر کبی تلقی ایللمی؛ اسکی حکمای اطبانک اخلاط و کیفیات اربعیه وجود وروب صوغوغی، صیجانگی، رطوبت و یبوستی باشلی باشنه مستقل بررموجود خارجی ظن ایتهمسی کبی مشهور و تاریخی یا کلسقلردر. بوخطادن دقلنه تونی ایدللیدر.

لسانده (اسم مجرد Ncm abstrait) تمیری واردر؛ انسانه نسبتله انسانیت کبی. قیرمزییه نسبتله قیرمز یلق، سرت برشینه نسبتله سرتلک کبی که برطاقم کیفیانه آیریجه شخصیت ویرمک دیمکدر. حسابده (اعداد مجرد)، موضوعی تعیین اولونماش بولونان عددلره دیرلر. یدی، طوقوز کبی. یدی غروش، طوقوز کئی ده نیلیرسه (غیر مجرد) اولور.

In abstracto

بالتبیر، تجزیراً مجرداً In abstracto

(۱) روبا لسانلنده هپ بولاینبجه شکلی معتبردر.)

بوتعیر (in re) یعنی حقیقته و (in concreto) یعنی مشخص اوله رق (تعییرلرینه مقابل قوللانیلیر. بزده حکمای اسلام (نفس الامرده) ترکیبی هان داتما (in re) لفظنه معادل اوله رق قوللانه کلسقلردر. (باسره) تعیری ده جوق کچر وبر شیئی هیئت مجموعه سیله وبالجمله روابط و علائقیله نظر اعتباره آلمق معنانه کلیرکه بوده تماماً (in concreto) معادلی در. (in abstracto) تجزیداً) بر محاکمه یوروتمک، اصطلاح فلسفه ده، بعض مبادی مفروضه ویا مسلمنه دن بر طاقم نتیجه لر استخراج ایتک و نتایج مذکوره نك نفس الامرده تحقق ایدوب ایده میه جکنه تقید ایللمه مکدر. حتی اونتیای منطقاً صحیح وسالم اولسه بیله کاشانده تحقق ایتیه بیلیر. چونکه محاکمه مجردده ذهن، بر جوق جزئیات اموردن صرف نظر ایتش اوله جنی ایچون حساب آلنمیان او جزئیات، قیاسدن استخراج ایدیلن نتیجه نك تحقیقنه حائل ومانع اوله بیله جک عوارض مخصوصه نی تشکیل ایدر. البته طبیعتده وقوعه کلن حادثات، جزئیاتی اعتباریله تجربه مزك احاطه ایده میه جکی درجه ده نامعدود ونامحصور و محاکمه مزك تقدیر ایللمه میه جکی قدرده غامض و معضل در.

بودرلو محاکمه لرك الك بارز خطالرينى مثال اوله رق سقولا ستیق فلسفه سنك تعلیماتنده کوره بیلیرز . فقط لاعلی التعمین بر نمونه عرض ایدیم :

( ۱ ) مکمل اشکال ، سیکل دائره ویدر ؛ حرک دائره ویه دخی حرکاتک الک مکمل صورتی در ؛ اجرام سماویه اجسام مکمله در . بناءً علیه بونلرک حرکاتی ده دائره وی اولق لازمکایر . ۱

ایشده تاریخ علمده پک مشهور اولان بوقیاس یا ککش بر محاکمه محردنک این بر نمونه سیدر . بوراده اولامقدمات مسلم دکدر . چونکه اشکالک الک مکملی دائره اولدوغنه دائر بر دلیل قصی یوقدر . کذلک اجرام سماویه نلک منحصراً سماوی اولملرندن ناشی ، مکملیتنی ادعا اتمک بر (دعوی مجرد) در . بومقدماتن چیقاریلان نتیجه ایسه علم حقیقی ده قطعاً تحقق ایدمه مش وبالعکس هیچ برحرکک تام بر دائره اولدوغی کورولهده مشدر . اکلاشیلورکه اجرامک تعیین محرکنده برنجی درجه ده تأثیر اجر ایدن جاذبه قنولری قطعاً نظر اعتباره آلتیه رق دهیا طوغروسی بیانیه رک محاکمه یوروتولمش یعنی اوکی عوامل مهمه کلیاً اهام ویا تجرید ایدلشدر . بومقدمات ، حقیقته مقرون اولمادیبی ایچون چیقاریلان نتیجه دخی وقوع حاله موافق دوشمه مشدر .

لسان عادیله قوللانیلان ( ادعای محرد ) تعیری ( In abstracto ) دیدیکمز طرز محاکمه یه توافق ایدر ؛ چونکه نفس الامرده تحقق ایدوب ایدمه یه چکی نظر اعتباره آلتیه رق یوروتولمش عدی بر دعوا دیمک اولور . مع مافی بوطررده اجرا اولونان محاکمک مطلقاً یا ککش اولماسی لازمکله چکنه حکم ایدلمه ملی در . ریاضیاتده وحکمت طبعیه ده بوتون فونلر بویه تجریدی بر محاکمه نلک نتیجه سی در . ذاتاً قانون ( انکی حادثه آرمنده واقع برنسبت ثابت ) دیمک اولدوغنه نظراً انجق مجرد بر حقیقت نسبیله نلک دستور افاده سی اوله بیلیر . بناءً علیه جزئیات اموردن صرف نظر ایدر وعوارض مختلفه ومکنه یی حسابه آلامز . مثلاً مروف اولان قانون مخصوصی موجبنجه ، ضیا ، قطعاً خط مستقیم اوزره هر طرفه انتشار ایدر . فقط حقیقت حاده ، صیانک کامل برخط مستقیم اوزره انتشاری تحقیق اولونه بیللمش برکینیت دکدر . بوکاده سبب

اوقانونك نظری و مجرد اولماسیدر : منع ضیا اوله رق بر ققطه غیر مادیه قبول ایتمه سی و هیچ بر درلو ( اغوجا جاته perturbations ) سبیت و یرمه جك قدر ( متجانس homogène ) بر ( محیط milieu ) تصویر ایله سی ، الحاصل عوارض ممکنه نك كافه سنی حسابدن خارج طوته رق بعض مقدمات بسیطه و مفروضه اوزرینه محاکمه یورو تمسیدر . بناء علیه بو طرز محاکمه دخی مقدمات مفروضه و مجرد اوزرینه مستددر ؛ قانون نامه عمومی و ثابت بر سبت تعینی مطلوب اولدوغی ایچون ، اونی عوارض ممکنه دن بالکیه تجرید ایتك شرط اعظم در . فقط بوقانون بهمه حال بر محاکمه تجریدیه محصولی اولمقله برابر اوته کی یا کلش دکدر . ( قانون lois . با قیکز . )

عباره آرمسند ( abstraction faite de ) جمله سنه تصادف ایدلیدی تقدیرده ( دن قطع نظر ) دیه ترجمه اولونلی در .

Abstraites - concrètes ( sciences )

مجرده مشخصه

علوم

تصنیف علوم بخته مراجعت ایدیکز .

Absurde

Absurde ممنوع

لاتینجه ( ab surdum ) دن کیشدر . عقلک صاغیر طاو راندینی یعنی تعقل ایدمه دیکی تی دیمکدر . یونانی جه اصلی ( ἀσύνολον ) غیر قابل تعقل ( در . ἀτοπον ) دخی ده نیر ایدی که ( ناممحل ) ، یعنی ( عقلده یری یوق ) دیمکدر . بزده بوکا ( مستحیل ) و ( ممنوع ) دیمشدر و ایکنجی تعیر دها مشهور در . فلاسفه اسلام امتناع کیفیتی ایکی صورت اورده تاقی ایتش ، و برینه ( امتناع عادی ) دیکرینه ( امتناع عقلی ) دیمشدر . ایشه ( absurde ) اصل عقلاً ممنوع اولان شیدر . عادتاً ممنوع اولان شیلره فره نکهجه ده ( impossible ) غیر ممکن ( تعیری ترجیح اولونه کیشدر که بز اصل مستحیل دیرز . بوفرقک بویوک اهمیتی واردر . زیرا بوکون بالفعل بالتجربه ممکن اوله میان برشی ، مطلقاً عقلاً ده ممنوع اولق لازمکلز . انجق شو کوردوکز و تحقیق ایتدیکمز شرائط طبیعیّه دائر دسند . وقوعه بکه میور

دیمکدر؛ یعنی اوشینک و قوعی احتمالی ، او شرطلرک وجودی ایله غیر قابل توفیق بر کیفیت تشکیل ایدیور دیمکدر. یوقسه حدذاتنده ناقابل تعقل اولیه بیلیر. شو تقدیرمه کوره بوسبوتون باشقه شرطلر تحتنده ، اوکیفینک احتمال و قوعی عقل تصور ایده مز دیمک چیقماز . مثلاً جیوه دیدیکمز ماده‌نک بالجله مرکباتی انسجه عضویه‌یی تخریب ایدر. بناءً علیه بالفعل احتمالی یوقدرکه بر انسان و یاخود هر هانکی بر وجود عضوی بودرلو مرکبات ایله تغذی ایده بیلسین ؛ حتی جزئی بر مقدارنی تناول ایتسین ده بهمه حال تلف اولماسین !.. کیفیت تجربه ثابتدر و برنک استثناسی کورلمه مشدر بناءً علیه حیات عضویه‌یی بوماده لرله توفیق وادامه ایتک ممکن دکدر؛ دیمکده حقمز وارددر. فقط بوکیفیت حد ذاتنده ممتعاندن ده دکدر. چونکه بنیه عضویت باشقه درلو ترتب ایتش بولونسه‌یدی و فرضاً جیوه دیدیکمز ماده ، کلس و پوتاس کی انسجه عضویه‌نک عناصر لازمه‌سندن اولسه‌یدی ، او وقت، جیوه مرکباتی ، عضویتی تخریب و حیاتی افنا ایتدکدن ماعدا، ادامه حیات ایچون لازم بر غذا اولوردی . کذلک ، کونش اطرافنده شرقدن غریبه حرکت ایدن کره ارضک ، عکسنه حرکت ایده بیلمه‌سی ممکن دکدر ، مع مافیه عقل بویه بر حرکتی تصور ایده بیلمکدن عاجز اولمادیی ایچون ، بوکا ( ممنوع ) ده‌یه‌یز. حد ذاتنده تعقل اولونه‌ماز بر حرکت دکدر. فقط ( درت ضلعلی مثلث ) ، ممنوع در ؛ زیرا مثلث انجق اوج ضلعلی بر شکل هندسیدن عبارت اوله بیله‌جکی ایچون ، درت ضلعلی اوله بیلمه‌سی شکلک ماهیت ذاتیه‌سیله متناقض و بناءً علیه ممنوع التعقل در . ذهن بویه برشیئی قطعاً ادراک ایده‌مز. نته‌کیم ابعاد ثلثه‌دن محروم بر مکان ، حیزدن مستغنی بر ماده، مکاندن مستغنی بر حرکت دخی قابل تصور و تعقل اوله مادیی ایچون ممتعاندندر . بر شینک عینی زمانده هم وار همده یوق اوله بیلمه‌سی ده بو قیلدن در.

شو مثاللر ایله تعریفات واقعه‌دن اکلاشیلورکه ( ممنوع ) ، حد ذاتنده غیر قابل تعقل اولان بر شیدر ؛ اونک ماهیتی تشکیل ایدن ارکان و عناصر فکریه یکدیگری پک صریح و واضح بر صورتده نقض واقفا ایدرده اونک

ایچون ذهن اوله برشی دوشونه مز. کورولویورکه بوتناقض ذاتی نک صر.  
اولماسی ده شرطدر . چونکه یک جوق فکرلر واردرکه حد ذاتسده ممتنع  
اولدنلری حالده ارکان اصلیهلری اره سنده کی تناقض اساسی صریح و دفعه  
مشهود اوله مادیغی ایچون اونلرک ممتنع اولدیغنی درحال اکلاماق قولای  
دکدر. بلکه بوامتناع ذاتی، محاکمات منطقیه ایله استدلال واثباته محتاجدر.  
برشی ، ممتنع وصفنه سایان اوله بیلیمک ایچون ، تصور ماهیته مانع اولان  
تناقض ذاتی یکدن ذهنه حارپمالیدر؛ یعنی ( بدیهی évident ) اولملی در.

اصطلاحده (Réduction à l'absurde) ویاخود (Démonstration  
par l'absurde) تعیرلری مشهوردر ؛ وبر طرز احتجاجک اسمیدرکه  
بردعوا حقنده طوغرودن طوغریویه اقامه برهان ایدیه جکنه ، اودعوانک  
تقیضی اله آلوب امتناعی اثبات ایتمک و بناء علیه بالواسطه دعوانک سختی  
تحکیم ایلمک یولی در . اونک ایچون احتجاجک بودرلوسنه منطقیون اسلام  
( اثبات بالتقیض ) دیمشدردر. فی الحقیقه تقیض قضیه نک ممتنع اولدیغنی اثبات  
ایتمک ، دعوائی - انجق بالواسطه - اثبات ایله مکدر . بوقاعده بی الک اول  
هندسه دعوالرینه تطبیق ایدن، مشهور ( اقلیدس ) اولمشدر. حتی ( کتاب  
اقلیدس ) ک ( آلتنجی قضیه ) سی بو طرز احتجاجک الک ای نمونه سی  
اولقی اوزره مشهوردر . آیریجه سایان دقتدرکه ، متعارفه قیلندن اولان  
قضایانک براهین منطقیه ایله طوغرودن طوغریویه اثباتی قابل اولمادیغنی  
ایچون ، ( اثبات بالتقیض ) طریزیه احتجاج اصولی ضروری کورولمشدر  
ده نیله بیلیر. ( démonstration ) . باقیکنز.

Académie

آکادمیا Académie

Akademie المانجه

Academy انکلیزجه

Accademia ایتالیانجه

( آقاده می ) یونان قدیمده ( آتنه athènes ) ده بر ( gymnase ) یعنی  
ادمان یری) ایدی. اوراده آتنه کنجگری (ریاضات بدنیه gymnastique)



اجرا ایدرلردی . بوباغچه، مشهور قهرمانلردن (آقاده موس Academus  
 ( Académicien ) نامنه اضافله ، اویله تسمیه اولونمشدی . بالاخره فیلسوف  
 شهر ( افلاطون Platon )، سنا کردلرینی دائماً او محله طویلایه رق درس  
 ویرمکی عادت ایدیش اولدیمی ایچون، اوراسی عادتاً بر (مدرسه) اولمشدی.  
 دهها صوکره لری افلاطونک تأسیس ایتدیکی مسلک فلسفی یه بواسم علم اولدی  
 ویرولرینه دخی ( آقاده می سیهن académiciens ) ده نیلدی . آرتق تعبیر  
 مذکور بو حیثیت معاً ایله تاریخ فلسفه یه کچوب اصطلاحات مشهوره صیره سینه  
 کیردی . شمعی علی الاطلاق ( آقاده می ) دینلیدیکی زمان، پارسده کی (انجمن  
 دانش ) خاطره کلیر ؛ فقط تاریخ فلسفه ده ، افلاطوندن ( آنتیوکوس  
 Antiochus(d'Ascalon) ) قدر امتداد ایتک اوزره - درت عصره شامل -  
 بردور فلسفی آکلاسیلیر . مع مافیه بودور فلسفی ، عینی اعتقاداتک تحکمی ،  
 عینی مسلکک بلا فاصله دوامی دیمک دکلدر . کرک اهمیتی ، کرک احکام  
 و اصول متمایزه سی اعتبار یله یکدیگرندن آز چوق فرقلی بر طاقم مسالک  
 فلسفه ، آقاده می تعبیر یله علاقه داردر . ا کلاسیلور که بوتعبیر ، تدریسات  
 وتعلیمات واقعه نك ماهیت فلسفه سینه رعایتله دکل، بر موقعک اسمنه نسبتله  
 وضع اولونمشدر . صوکره - افلاطونک مذهب و تعلیماتنه موافق اولسون  
 اولاسین - واستاده ادعای منسوبیت ایدن فرق متفکرینه ، علی العموم ،  
 ( آقاده می سیهن ) دیمک عادت اولمشدر . بناءً علیه بوتعبیرک حیثیت معناسی  
 صرف اعتباریدر . ترقیات فکریه تاریخننده انجق بردور مخصوصه اشارت ایدر .  
 بعض مورخین فلسفه ، اوچ آقاده می قبول ایدیورلر ؛ یعنی آقاده می  
 تعبیرینک احاطه ایتدیکی اودرت عصرلق دور فلسفی نی - بر بردن ممتاز -  
 اوچ مدرسه یه تقسیم ایدیورلر . برنجیمی افلاطونک آقاده می سی ؛ ایکنجیمی  
 ( آرکسیلاس Arcésilas (de Pritane) ) ککی ؛ اوچنجیمی ده ( قارنه آد  
 Carnéade ( de Cyrène) ) و ( قلیتوماق Clitomachus (de Carthage)  
 ایله شهرت بولان مدرسه در . بر قسم منفدلر دخی ( قارنه آد ) دن صوکره  
 کلن ( فیلون Philon de Larysse ) و ( قارمید Charmide ) ک تعلیماتنده  
 احکام و اصول اعتبار یله بر صفت متمایزه کوردکلرندن، بودوری، بردردنجی

آقاده می عدايتكم ايستيورلر. نته کيم ديکبر بر قسم مورخين دخی (آنتیوکوس) ک  
تدریساتی ایله بر بنجی آقاده می به وجود ویریورلر .

هر حالده افلاطون واونک مذهبه منسوبیت اعتباریله بوتعیرک حیثیتی  
تعین ایتک لازمکیرسه انجق ( برنجی دور ) ، آقاده می عنوانه استحقاق  
قازانه بیلیر. بودور افلاطون ایله باشلار، وواستادک تعلیماتندن قطعاً آیرلیان  
( قسه نوقرات ( Xénocrate ( de Chalcédoine ) و ( سپوسیپ  
Speusippe که آتته لیدر و افلاطونک یکی در! ) ایله دوام ایدر. بو حقیقی و صادق  
فلاطونیلردن صوکره کلنلر، حقیقته افلاطونک وارث غیر مشروعی ایدیلر .  
زیرا : ( عقل بشرک، حقایق اسیایه کسب اطلاع ایدوب ایده میه جکی ) نه دار  
تحدث ایلش اولان او مهم دعواده ( یعنی شک و یقین le doute et la  
certitude مسئله سنده ! ) افلاطونک اعتقادی و تعلیماتی هر دلرو شبهه دن  
بری قاله جق درجه ده صریحدر. استاد، ( یقینون dogmatiques ) دن  
ایدی: [ حقایق اسیایه مطلع اولمق، انسان ایچون ممکندر ؛ فلسفه نک غایه سی  
وفلسوفک وظیفه سی انجق بودر. ] ده یئلردن ایدی. [ prototype, entité, idée, platonisme, dogmatisme سوزلرینه باقیکنز ! ]

حالبوکه برنجی آقاده می دن صوکره کلنلر ( احتمالیه probabilisme )  
مذهبی ترویج ایدرک افلاطونک تعلیماته رعایتسزلک کوستردیلر ؛ صوکره  
اونی بوسبوتون ابطال ایلدیلر . خلاصه افلاطون واونک تعلیماته حرفیاً  
اتباع ایدن برنجی آقاده می منسوبیتی بر ( حقیقت ذاتیه ) به اینانیر ، واکا  
کسب اطلاع ایده بیلیمک امکانه ده اینانیردی . حالبوکه ایکنجی آقاده می  
باشلار باسلامزه، او حقیقت شبهه ده دوشورولدی : ( حقیقت یوقدر . وار  
اولدوغی فرض اولونسه بیله اوکا مطلع اوله بیلیمک ، بزه انسانلر ایچون  
ممکن دکلدر . بناء علیه بزم ایچون هیچ بر حقیقت یوقدر . اولسه اولسه  
هرشی ( مشابه حقیقت ) در . بر بیله ضد نقیض اولان شیلر بیله عینی  
درجه ده حقیقه بکنزر. اوله اولونجه هرشی، انجق ( احتمالی probable ) در. ]  
ادعاسی ایکنجی آقاده می دن اعتباراً اک مهم دستور حکمت اولمشدی .

شاعر مشهور (عبدالحق حامد) بکک شومصر اعلمی ایکنجی آقاده می اربابنک،  
یعنی ( احتمالیه ) مذهبک دعواسنه تماماً توافق ایدر :

سیان کی، بیلمه مکه بیلیمک؛

قارداشلردن زیاده بکنزر،

یکدیگرینه یالانله کرچک [\*]

تاریخ فلسفه ده مضبوط و معلومدرکه ، مشهور (سقراط Socrate) ایله  
(سوفسطائیّه les sophistes) آره سنده تحدت ایدن (شک و یقین دعواسی)،  
(مبحث علم épistémologie) ساحه سنده سورکلی مناقشات می موجب  
اولمشدی. زمانزه قدرانتقال ایدوبده حالا قطعی بر نتیجه یه پیوسته اوله مایان  
بومعارضات فکریه، ده ا ووقتلر (فلسفی فرقه لر) ک وضعیتنی لایقوله تعیین  
ایتمشدی. ایکنجی آقاده می دورنده (یقینون مدعاسی la thèse dogmatiste) نی  
کودنلر (رواقیون les stoïciens) [ بو تعبیره باقیکنز ! ] ذیه مشهور  
اولان فرقه اربابی ایدی . معلوم اولدوغی اوزره بونلر ، رواقیه مذهبک  
واضی ( زینون Zenon ) ک یروولری ایدیلر. بونلر مقابله سنده - بالطبع -  
(حسبانیون les sceptiques) دخی وار ایدی که اصل ( ارباب شک )  
بونلردر. واقع اولان مناقشات شده ومدیده سایه سنده - آره ده مختلف  
فییه اولان - مسئله نک موضوعی بر تعبیر وجیز ایله ضبط ایدلمش اولدی ،  
واوشکلده بزله قدر انتقال ایتدی :

بو حادثات عالمه هرابکی فرقه حکما دخی (Φαντασία فانتاسیا) دیمکده  
اتفاق اوزره بولونویوردی. بولفظک معناسی (کورونوش) یعنی (phénomènes)  
دیمکدرکه (ظواهر مشهوره) مقامنده قولالانشدر. شیمدی، بو (فانتاسیا،  
بوکورونوش، بو حادثات) عالمک حقیقته عقل بشر - هر نه وجهله اولورسه  
اولسون - مطلع اوله بیلیرمی؟.. اوله مازمی؟.. ایشته دعوانک اساسی و طرفین  
آه سنده جریان ایدن مناقشات فلسفیه نک دستوراستادی، بوسوآلک متضمن  
اولدوغی مسئله ایدی. اوزمانلر، (رواقیه stoiciens) حکماسی (بو حقیقته

[\*] بومصر اعلم، ( مقبر ) نامنده کی اثرنده مندرچدر.

مطلع اوله بیلیرز ! ) دیه ادعا ایدیورلردی ؛ و (fantaisie cataleptique) (φαντασία καταλεπτική) دیدکلری بوایدی که بو ترکیبده (cataleptique) لفظی ( ممکن الاطلاع یعنی قابل تیقن ) دیمکدر . رواقیونه معارض اولان ایکنجی آقاده می اربانی ایسه ، بو (فانتاسیایعنی عالم حادثات )ک، (acataleptique) اولدوغنی شدتله ادعا ایدیورلردی یعنی ( غیر ممکن الاطلاع ) ، غیر قابل تیقن بر (معما ) اولدوغنی سو بیورلر و بودعوایی درلو درلو دلیلر ایله اثباته جالیشیورلردی . بو اعتقاد ، زمانمزدده ( آگنوستی سیزم agnosticisme ) فلسفه سنه منجر اولمش و صرف مابعدالطبیعیات دأثره سنه رد و ارجاع ایدلمشدر . ( agnosticisme لفظنه با قیکز ! )

ایکنجی و اوچونجی آقاده می نک فلسفه مخصوصه سنده اصل اولان صفت کاشفه و خصوصیت ممتازه ، ( علم مطلق ) طرفداری اولان ( یقینون ) ایله ( شک مطلق ) کردابنه دوشن ( حسابانون ) فرقه لری آره سنده متوسط بر وضعیت آلمش اولمسیدر . افلاطونک ایلك آقاده میسی ( یعنی تعبیر معروفی اوزره اسکی آقاده می ( la vieille académie ) (rationaliste) ایدی . معقولات مجردیه اینانیردی . حواسک شهادتنه قارشی شبهه ایتمکله برابر ، فلاطون واتباعی یقینوندن معدوددر . حالوکه ایکنجی و اوچونجی آقاده می مؤسسایری و حقیقی پیرو لری ، هم یقینونه ، همده حسابانونه عینی شدتله معترض ایدیلر . حقیقت انسیایه مطلع اولمق دعواسنده بولونان یقینونک ( و بالخاصه Zenon رینون و طرفدارلرینک ) شو مغرورانه ادعالرینی رد ایتدکلری کبی ، کندی وارانغدن بیله تردد ایدم بیله جک درجه ده شبهه یه دوشن مشهور ( پیرون Pyrrhon ) طرفدارلرینک طور غریبینه ده طبع سایمه قارشی باطل بدیهی کور و یورلر ، و حیات شخصییه و معاملات اجتماعییه مقتضیایله ده غیر قابل توفیق بولویورلردی . بناءً علیه اوکاده عینی قوت و شدتله اعتراض ایدیورلردی . اونک انجیوندرکه ایکنجی آقاده می نک الک مشهور استادی ( آرکه سیلاس Arcésilas ؛ قبل المیلاد ۳۱۶- ) ( پیرویه Pyrrhonisme ) علمینه مناقشاتنده دوام ایتدیکی کبی ، کندی معاصر ی و رواقیونک اوزمان ، الک مشهور ی اولان ( تیمون Timon ) ایله طرفدارانه فارشی - کمال مهارتله - توحیه اعتراضات ایدیورلردی . مدعاسی ،

خلاصه‌الخلاصه شوکا منجر اولورکه : « هیچ بر خصوصه یقینی بر علممیز یوقدر. فقط کندیمزدن شبهه دوشمکده مجبورت یوقدر. بيله بیلدیکمز برطاقم حادثات وار؛ لکن اونلرک هیچ بری بر حقیقت ثابته عرض ایتیمور. اونک ایچون هرشی ، - اولسه اولسه - ( احتمالی ) در. »

بو ( احتمالی *Tò πιθανόν* ) تعیرینی ( آرکسیلاس ) وضع ایتشدی که صوکره لری ، ایکنجی آقاده می مذهبک نقطه استادی اولمق اوزره مشهور اولدی . ایشه افلاطونیلردن صوکره کلن آقاده می نک الک اساسلی صفت کانسفهی بودر ؛ یعنی ( احتمالیه *probabilisme* ) مذهبی در. ( تفصیلات ایچون بولکمه بایکیز ! )

آرکسیلاسیک وفاتندن صوکره آقاده می ده درحال بویوک بر آدم یتیشه مدیکندن ، مدرسه نک حیاتی ، برمدت ، پک سونوک کیتدی . لکن تقریباً ایکی بطن صوکره ( قارنه آد ) *Carnéade (de Cyrène)* قبل المیلاد ، ( ۱۲۵ - ۲۱۵ ) ظهور ایدیورنجه آقاده می ، بوسفر فوق العاده پارلادی ؛ و اوحونجی دورینی فتح ایتمش اولدی .

( قارنه آد ) ک جدأ بویوک بردهای جدلی سی واردی : ترتیب اعتراض و اقامه برهان معرفتده پک ماهر و فطین برذکا ایدی . الزام خصم ایچون ، هان دائماً ( قیاس مسلسل *Sorite* ) ی ( بولفظه بایکیز ! ) ترجیح ایدردی . بوفیلسوف احتمالیه مذهبک حقیقی ناظمی و الک موفق مروجی در. بومذهبک الک شدید خصم طبیعی سی اولان رواقیونه قارشی ، ( قارنه آد ) دخی - اسلافی کبی - سدتی بر مجادله آجش و اونلرک منبای اعتقاداتی رخنه دار ایلشدی . الک فطین و الک قوی دلیلی : ( حواسک علمیقین افاده ایده بیلمه سی ) ادعاسنه قارستی توجیه ایتدیکی صورت تعریضدر. ( قارنه آد ) ، ( مدرکات سلیمه و صحیحه ایله غلطات حسیه آره سنده قطعی و معین بر حد فاصل اوله مادینگی ) اساس مدعا اتخاذا ایدرک ایلری سورمش ، و آرده درجات نامتناهی اولدوغنی و اوילה اولماسی ایجاب ایده جکنی اثبات ایچون بویوک بر غیرت وهله فوق العاده بر فطانت و مهارت ابراز ایلشدی . بوتون مقصدی ده ( تحصیل یقین *acquisition de la certitude* ) دعواسنده ، ( مدرکات

حسیه (perception des sens) نك سلامت و حقیقته استنادیدن رواقیونك بوضوح صده کی اعتقادی تشكك ایدرك ، فلسفه لرینك نقطه استنادینی ییقمق دن عبارت ایدی . دعوائی بوزمین سبیه نقل ایتدكدن صوكره ( حقیقی ناطلدن قطعاً تفریق ایده بیلمك ایچون الزم اولان ( قطاس critérium ) غائب اولویوردی بناء علیه حق و باطل بر برینه بکزه مكدن فور توله میوردی . او حلاله دخی بود عواده ویریه بیله حك حکم ، احتمالات دائره سی آتسه ماردی ، كه بوده فاره آدك اساس ادعاسیدر . بونی حقایق عقلیه ده تطبیق ایدرك اونلری ده تشكك ایتشدی . ا بویه بر حال تردد اوزره یاسامق و احتمال ایله حك ایتك حیات عملیه ایچون موجب مهالكدر ! دیه واقع اولان سوجدی اعتراضه بك كوزل حتی بك طوعرو بر جواب ایله مقابله ایتش و : ا حیات عملیه ده سائق حقیقی ، ارادتدر ؛ احتیاجات آتیه په كوره انسانده حاصل اولان ( میل ) در . او کافی ! .. انسان او میل اقتضاسه كوره حرکت ایدر ا دیمشدی . یعنی رمانر لسانجه ایضاح ایدیلیرسه مبل غریزی ( سوق طبعی ! ) ی ، اعمالده سائق حقیقی عد ایتش اولدوغی اكلا سبلیر . ا تفصیلات ایچون probabilisme تعبیرینه باقیكز ! ]

( فارنه آد ) دن صوكره ( قلیتوماق Clitomaque ) كلدی ؛ فقط استنادیسك عقائد شخصیه سنی قید و ضبط ایدوب عنبیله تعلیم ایلدی . او كا هبچ برسی علاوه ایده مدی . آقاده می نك انخطاطی بوتاریخدن ماسلار . بوندن صوكره ( فارماداس Charnadas ) ، ( مهالانختوس Melanchtus de Rhodes ) ، ( مترو دور Métrodore (de Stratonice) ) کی بعض حكما كتش ايسه ده بو انخطاطه حاره سار اوله مامشدر و آقاده می نك ضیای عرفانی سونمشدر . بر آزدها صوكره كلن ( فیلون Philon (de Larisse) ) وهله ( آنتیوكوس Antiochus ) آقاده می نك مسلك متخذندن آیرلدقندن ماعدا رواقیونه - یعنی آقاده می نك اك مدهش تاریخی دشمنلرینه ! - بیله التحاق ایتدیلر و نهایت ، احكام اساسیه لر ی اعتباریه متناقض اولان مسالك معروفه یی ده تألفه قالدیلردی . بناء علیه بودور انخطاطی آقاده می نك دوامی

کی قبول ایدوبده ( دردنجی ) و ( بشنجی ) آقاده می به وجود ویرمک  
یا کلشدر . آقاده می نک فلسفه مخصوصه سندن غافل بولونمق در .

Accident عرصه

Accident

Accidentz == Zufallig	المانحه
Accident	اککلزجه
Accidente	ایتالیانجه

آرسطونک وضع ایتیش بولوندوعی اصطلاحات معروفه دن اولان بولکه نک  
اصل یونانی سی ( Συμβεβηκεν ) درکه ساده تورکجه (اولاغان) شی معناسه  
کلیر ؛ یعنی عارض اولان ، واقع اولان شی دیمکدر . بناء علیه وقوعی ،  
(واجب nécessaire) ، دائمی و (ذاتی essentiel) اولمایان شیلر (عرضی) در .  
فرنکجه سی ، لاتینجه ( ad-cedere ) دن کلشدر ؛ دوشمک دیمکدرکه  
عربجه ده (وقوع) کله سی عیبی معنایه موضوعدر . بونک مقابلی ، مابعدالطبیعیات  
لساننده (جوهر substance) و (ذات essence) در . منطق ده (ذاتی  
essentiel) و (واجب nécessaire) در . برشینک تصور ماهیتده اساساً  
ودائماً داخل اولان واو ماهیتدن انفکاک کی تمتع بولونان کیفیات اصلیه  
(ذاتی) دیرلر . بونلردن معناسه (عرضی) دیرلر . بناء علیه اعراضک  
وجود و عدمی برشینک ماهیت داتیه سی ده کیشدیره مر . مثلاً ماهیت انسانیه  
سبته ( یعنی منطق نقطه نظرندن انسانک حیوان ناطق اولماسه کوره ! )  
سیاه و یا صاری صاجلی ، سیاه و یا مائی کورلی اولمق ، و یا خود قاعد و یا قائم  
بولونمق کی احوال و کیفیات (اعراض) دن معدوددر . چونکه انسانک  
تصور ماهیتده اوکی کیفیاتک قطعاً دخل و تأثیری یوقدر . فقط ( کیفیات  
داتیه ) بویله دکلدر . زیرا برشینک ماهیتی تشکیل ایدن اصل اولندر .  
طبیعت انسانیه سبته قابلیت تعقل و نطق کی . شخصیت سبته حفظه کی .  
آرسطو ، بو (عرض) تعبیری نی همان دائماً (جوهر substance = Orna)  
مقابله سنده دکر و استعمال ایدد کلدیکی ایچون بعض معاصر متفکرلر آرسطونک  
( جوهر ) نی ( وجود محض ) کی تلقی ایتیشلر و ( عرص ) تعبیری ده

بوکونکی نسان فلسفی نك ( حادّه phénomène ) لفظه ، معناه معادل  
طوتمشله که یا کلشدر . فلاسفه معاصریندن و منطقین مشهوره دن متوی  
( پروفیسور به بن Professor A. Bain ) ودها بر چوق امثالی بو خطایه  
نظر دقتی جلب ایله هر کسی تنیه ایتمشلدر .

آرسطونک ( جوهر ) ی ، هر درلو کیفیاتدن عاری بر ( وجود صرف ) ،  
دکل ایدی . کیفیات اصلیه سیله قائم برنی ایدی . بو کیفیات ذاتیه ، هیئت  
مجموعه سیله متصور اولونجه ذهنده ، اوسینک ماهیتی تشکیل و تمیل  
ایدردی . برشینک بویه بالمله اوصاف اصلیه سنی جامع اولان ( فکر معضل  
idée complexe ) اونک ، نوعما ، ( وجود ذهنی être rationnel ) سی  
اولش اولوردی که - منطق اصطلاحجه - ماهیتی ده طوغروسی مفهومی  
بودر . ( idée, notion سوزینه باقیکز ! )

بناء علیه سقولاستیق فلسفه سنده علی العموم و منطقده بالخصوص مهم بر  
حیثیتی حائز اولان بولفظی ، بوکونکی فلسفه لساننده عینی درجه ده مهم  
اولان ( حادّه phénomène ) کله سیله بر طوتماملی در . بر طوتانلر بویوک  
بر خطایه اوغرارلر و طوغرودن طوغری یه سقولاستیق کریوه سنه دوشرلر .  
بوکون ، محسوس و مشهود اوله بیلن هرشی ( حادّه ) جنسنددر . ایسترماده ،  
ایسترسه قوت نرغندن اولسون ؛ ایستبر جوهر مفروضک کیفیات ذاتیه سندن  
معدود اولسون ، ایسترسه اولماسین ! سو ایضاحه کوره آرسطونک ( عرض )  
لفظندن متفهم اولان معنائک نه قدر باشقه برشی اولدینی صراحه تیین ایدر .  
( phénomène لفظه باقیکز . )

زمانمز فلسفه سنده جوهر و عرض بحی کلاً متروکدر . یالکز ( عرض )  
کله سی ، ( منطق صوری Logique formelle ) ( بوتعبیره باقیکز ! ) ده  
اصطلاحات مشهوره دن اولق اوره حالا معتبردر . ( مقولات عشره  
Les dix catégories ) ( بوکله یه باقیکز ! ) دن بری جوهر ماباقی طوقوزی  
اعراضدر . سقولاستیق فلسفه سنده ( جوهر و عرض ) کله لری پک مهم بر  
موقع اشغال ایتشدی . جوهر ، کندی کندینه قائم اولان شیئه ده نیرو ( الذی  
يقوم بذاته ) جمله سیله تعریف اولونوردی ؛ عرض ایسه انحق بر جوهرله



فأتم واو کا محتج اولان احوال وکیفیاتہ دہنیردی. اوروبا سقولا ستیقلرینک  
(ens per se کندی کندیہ موجود)، (ens in alio باشقہ سده موجود)  
تعبیرلری جوهر و عرضک عینی صورتله تعریفدر substance, essence, I  
entité سورلرینه باقیکنز ۱

حکمای اسلام، تماماً جوهر ایله عرض تعبیرلرینک نهودی آلتنده  
فلسفه یه مشغول اولمشلر و عرضک، کندی کندیه فأتم اوله مامسی لار مکه حکمی  
قول و تسلیم ایدنجه (قیام العرض بالعرض) یعنی بر عرضک دیکر بر عرضله  
فأتم اوله یلمه سنده بالطبع امتناع عقلی اولدوغی ده ادعا ایتمشلردی. زیرا،  
(فاضی عضد الایچی) بك (مواقف) نام کتانبده دیدیکی کی (عرض)  
(حال) اولقی اعتباریله بر (محل معین) ه محتاحدر. بعض حکما عرضی،  
مخاندن انفکاک ایدمر دیتشلر اولیله اولونجه دیکر بر عرضله ده فأتم اوله مار؛  
چونکه او (عرض دیکه) دخی حال اولدوغی ایچون کندی کندیه فأتم  
دکدر، یعنی اوده بر محله محتاحدر؛ ویه عینی سبله درکه بر عرض، بر محلدن  
دیکر بر محله دخی انتقال ایدمر؛ دیه دوسونمشلر؛ حالوکه فاضی عضد،  
انتقاله احتمال ویره یلمور.

على العموم قرون وسطا سقولا ستیقلرینک تعریقی ایشته بوایدی؛ فقط  
بونک آتندن، حل اولونمار مسئله لر ظهوره کلشدر. زیرا بوتعریفه نظراً  
بعض کیفیات وحادثات عادیه یی ایضاح ایتک ممکن اوله مامشدر. مثلاً اورمانه  
کوره اعراضدن معدود اولان (حرکت) و (سرعت) و (راحه لر)  
و (طعوم) و باجمله کیفیات احساء، موضوع بحث اولمش : ۱ سرعت، عرض  
اولقله برابر حرکتیه فأتمدر. حالوکه حرکت دخی عرضدر. بناءً علیه  
قیام العرض بالعرض ممکندر. ۲ دهنیلمش. كذلك (هلمانک رایحه سی و آتشت  
حرارتی اطرافه انتشار ایدیور. بونی سبه سر حس ایدیور. حالوکه  
اومیوه، و یا خود آتش، اولدوغی یرده طور و یور. بونی ده کورو یور.  
بناءً علیه اعراضک بر محلدن دیکر محله انتقالی اسکار ایتک حسی انکار  
ایتک دیمکدر. بوایه باطل بدیهی در. ۳ دیه ادعا اولونمش؛ بوکی اعتراضاته  
قارشی (فاضی عضد) و سارچی (سید شریف)، غایت غرب و قیصه بر

جواب ایله اکتفا ایدوب کچور : ( او اعراض انتقال ایتیمور ؛ مجاورت  
حسیله انسان او اعراضی بالذات احداث ایدیور ؛ زیرا فاعل مختاردر . ]  
ویا خود - حکمایه کوره - ( عقل فعالیت بر استعداد مخصوصی واردرکه  
مجاورت سببیه او کیفیاتی حاصل ایدر ] دیورکه سقولاستیق اصوله توفیقاً  
اجرا ایدیان محاکم فلسفیه نك الك عجیب، یعنی الك كوزل مثالی تشکیل  
ایدر . Scholastique لفظنه بافیکر [ (شرح مواقف) ك ایکنجی موقعی  
بالخاصه جوهر و عرضدن تفصیلاً بحث ایدر .

بوگونکی فلسفه بوتون بویهوده مناقشانه نهایت ویرمش اولدینی ایچون  
(عرض) تعبیری یالکیز (منطق) ده ( ذاتی essential ) مقابله سنده  
ذکر اولونور . انواعی ده واردر . اول ( عرض لازم ) ماهیتدن انفکاک  
ممنوع اولان احواله دیرلر . مثلاً انسانك ماهیتنده - هیچ اولمارسه بالقوه -  
قابلیت کتابت واردر . ایشته بوقابلیت (عرض لازم نوعندندر . ثانیاً (عرض  
مفسارق) واردر و ماهیتدن انفکاک کی ممکن اولان احوالندندر . بونلرده  
یا (سریع الزوال) اولور؛ اوتانان برآدمك، محجوبیت سببیه قیزارماسی کی؛  
یا (بطی الزوال) اولور، کنجلك واختیارلق کی ، (عرض عام) دیدکلی  
کیفیت دخی برصنك باجمله افرادینه (مقول) اوله بیلیر . بر (کلی) در . یعنی  
او افراد حقنده علی السویه سویله نه بیلیر ، عمومی برسوزدر . بزم بوتون  
منطق کتابلرنده و (تعریفات سید) ده (عرض عام) ایچون ویرلن تعریف  
ومثال عیناً سودر : (وهو کلی مقول علی افراد حقیقه واحده وغیرها، قولاً  
عرضیاً . ] منطق کتابلرنده : ( کالانسان ، والفرس و الحمار . الخ ] دیه مثال  
ویرلشدر . بوراده تعریف طوغرو اولقله برابر مثال موافق دکلدر .  
چونکه (انسان، فرس و حمار) کله لری برر اسم جامع اولق اوزره (جنس  
حیوان) انواعندندر . حالبوکه جنس نوع، فصل، خاصه، بوتعرفدن خارج  
قالق کرکدی که سید شریفک یوقاریکی تعریفه تذیل ایتیش اولدوغی ادعاده  
بودر: فی الحقیقه [ قول عرضی قیدیه نوع ، فصل و خاصه ، تعریفده خارج  
قالیر ] دیور . بونك تورکجه سی : (عرض عام) اوله بر وصفدرکه بوتون  
برصن افرادی حقنده سویله نه بیلیر . مثلاً (بالفجیاق) ویا خود (رنجبرلك)

انسانك ماهيت اصليه سنده مطلقا داخل اولان كيفيات ذاتيه دن دكلدر. چونكه انسانى دوشوندوكمز زمان بهمه حال (بالقجلىق) و (رنجبرلك) خاطره كلز وبوصقلر انسانيتك شرائط لازمه سندن صاييلماز. بناءً عليه بونلر بر عرضدر. بونى بوتون بر صنف افرادنده كورورسهك، اوافرادك خصوصيات شخصيه اعتباريله فرقلرينه باقيه رق بووصفى اونلرك هر برينه اسناد وعطف ايده بيليرز. [كه منطق اساننده (مقول اولق) ديدكلرى بودر.] اوتقديرده بو وصف، اوصنف ايچون (عرض عام) اولور.

بوكون بومسئله لرى پك صريح وپك طبيعى بر نقطه نظر دن تتبع وتقدير ايتكم يولى بولونمشدر. زمانمز لسان فلسفينك، سقولاستيق لسانه قارشى بر بويوك فضلى ده بووضوح وصراحتيدر. عصر مزك اك مشهور منطقيونندن (وهن Venn) عرضى پك كوزل واكلانشيله جق صورتده تعريف ايدييور. (منطق تدريبي Empirical logic) ناميله مشهور اولان كتابنده كى بيانات مخصوصه سنى تلخيصاً عرض ايدييورم:

«هر صنف اشيانك بر اسم مشتركى، بر اسم جامعى واردر؛ وبواسمك متضمن اولدوغى اوصاف، اوصنفده داخل اولان هر فردده واردر. ذاتاً افراد متشخصه اره سنده موجود اولان اوصاف مشتركه اوزرينه بر اسم جامع وضع اولونور. (تصنيف classification) (بوسوزه بايكلز!) ده دخی اساس بودر. لکن بواسم جامعك اخطار ايتديكى اوصاف مشتركه دن ماعدا، اوصنف افرادينك آيرى آيرى هر برنده بر چوق اوصاف متمایزه وخصوصيه اوله بيلير؛ واسم جامع بو اوصاف خصوصيه يي افهام ايده مز؛ چونكه اودرلو خصوصياتى ماهيتاً متضمن دكلدر. فرضاً انسان ديديكمز زمان، اختيار، كنچ، اوزون ويا قيصه بويلى خرستيان ياخود مسلمان (والى آخره)؛ كې معالره اشارت ايتمز. ايشته بودرلو اوصافك جمله سنه - منطق اساننده - اعراض وعرضيات ديرلر. چونكه بونلر اسم جنس معناسنده داخل دكلدرلر؛ وبعضاً موجود اوله بيليرلر بعضاً ده المايويرلرلر. بونلر ايكي قسمدر. بر طاقى عبنى صنفك بالمله افرادنده بولونور بروصف عموميدر. بوكي لرينه (عرض غير مفارق inseparable accident) ديرلر.

فقط عینی صنفك بعض افرادنده بولونوبده بعضيسنده بولونمايان وياخود عینی شخصده بعضاً بولونوبده بعضاً بولونمايان احوال وکيفياتهده ( عرض مفارق separable accident ) ده نير . ( خستهلق کي ! ) مثلاً ( باقه قائمه سی ) نظر دفته آلنيرسه ، بونده ( کاغد اوزرينه مطبوع اولماسی ) کيفیتی عرض لازم اولور ؛ کاغذك ( شکلی ، رنگی ، قطعه سی ، تاريخ طبعی ، قیمتی ) کي کيفيات دخی عرض مفارق اولور . بوترييات تصنيف ايچون ياپيلير ، تصنيفده ، محملاً تعريف ايچوندر .

ديورکه ، بوتون بر سقولاستيق کتبخانه سندن دها زياده — بومسئله حقنده — معلومات ويرر . لسان منطقده ( fallacia accidentis = sophisme de l'accident ) ناميله مشهور بر ( سفسطه ) واردرکه ، بزاونی ( سفسطه بالعرض ) ديه عیناً ترجمه ايديه بيليرز . بوده — يوقاریده تعريف ايتديکم وجهله — اعراضدن معدود اولان بر حال وکيفیتی ، اوصاف ذاتيه دن اولوق اوزره تلقی ايدرك بو ظن اوزرينه قیاس يابوب ياکلش بر نتیجه ايله حکم ويرمکدر . انسانلر باشقه لرینی محاکمه ايدرکن جوق دفعه بوخطايه دوشمکدن قورتوله مازلر . بو خطانک اک کثير الوقوع واک مقدوح اولانی ، بر فردده واقع اولان بر قصوری ويا بر عارضه اخلاقيه یی — اوآدمک منسوب بولوندوغی — جماعت وياخود ملت افرادينک جمله سنه اضافه تعميم وتشميل ايتمکدر . مثلاً اوروپايه ايلک دفعه سياحت ايدن بر شرقلی نک بريالانجی يه بر يان کسيجی يه انصاف ايمه سی واونک اغفالانسه قربان اولماسی اوزرينه [ بوتون اوروپاليلر يالانچيدر وخير سزدر ] ديه حکم ايلدسی بو قيلدن بر سفسطه در . زيرا بوقياسک طوغرو اوله بيلمه سی ايچون ، اوروپاده هر کسک — محضاً اوروپالی اولوق حيثيته ! — يالانجی اولماسی مسلم بولونمالی ؛ يعنی بوقباحث ، عوارض اخلاقيه دن اوليوب ( اوروپاليلق شانندن ) بولونمالی ، وبوتون اوروپاليلرده بروصف مشترک اولمالی در . حالبوکه هيچده اويله دکلددر . کذلک ، کوروب کوروشدو کمز بش اون اوروپالينک صاری صاچلی ومائی کوزلی اولماسنه باقهرق : ( بوتون اوروپاليلر قومرالدر ! ) ديه حکم ايدرسه ک عینی سفسطه يه دوشمش اولورز . زيرا ، اولاً : صاچک وکوزک

رنکی ماهیت انسانیه ده داخل اولان کیفیات ذاتیه دن دکلدر. نانیا: قومرال اولق ( اوروپاللیق شانندن ) دکلدر. نالنا: بوتون اوروپالیری کورمدیکمز حالده تشمیل حکم ایتک یا کاشدر، چونکه فی الحقیقه قومرال اولمایانلری ده پک چوقدر .

اکلاسیلیورکه بوسفسطه، (نامشروع برصورتده تعمیم حکم généralisation illégitime ) ایتکدن ایلری کلیور و بر نوع ( استقرا خطاسی erreur d'induction ) در. (sophisme و induction) سوزلرینه باقیکز. (conversion par accident) ایچون (conversion) سوزینه باقیکز.

Achilles ( Argument d' )

Achilles  
(argument)

( برهان ) آخیلز

یونان قدیمده میلاددن ( ۵۷۰ ) سنه اول، ( قولوفون Colophon ) شهرنده تولد ایتمش بولونان مشهور فیلسوف ( قسه نوفان Xénophanes )، ایتالیایه هجرت ایتمش و اوراده ( هله آ Elée ) شهرنده بر مدرسه تأسس ایتشدی . بوشهر، ایتالیانک سیچلیا اطه سنه مقابل دوشن جنوب شرقی ساحلنده کائن مستملکات یونانیه دن ایدی . ذاتاً ( هله آ ) نک معنای لغویسی ( یونانستان ) دیمکدر . فقط اصل یونانستانه نسبتله بو ایتالیا مستملککسنه ، او وقتلر، ( بویوک یونانستان la grande Grèce ) ده نیلیر ایدی . حالا تاریخ فلسفه ده بوتعبیر، اوزمان ایتالیا ده مؤسس بولونان بویونان مستملککسنه اشارت ایدر .

بومدرسه مشهوره نک کندینه مخصوص بر فلسفه سی واردی ؛ اربانه ( Eléates ) ده نیلیر. [ écoles سوزینه باقیکز ] ( هله آ ) شهرنده طوغوب بومدرسه ده یتیشن ( زینون Zénon d'Elée ) ( مناظره و جدل dialectique ) ده جرزه فوق العاده سیله تمایز ایدرک تاریخ فلسفه ده بویوک نام براقش بر آدمدر .

یونانستان قدیمک هر طرفنده چوقدن مدرسه لر تأسس ایتشدی؛ بونلر میاننده ( مدرسه یونانیه Ecole ionique ) اک شهرت شعار اولانلردن

بریدر . اوزمانلر ( ایونیونى Ionie ) ، قلازومن شهرى ايله برابر تکمیل از میرولاتی سواحلی تشکیل ایدیور و بک بوک فیلسوفلر یتشدریوردی . بو مختلف مدرسه لر اربابی آره سنده دخی مناقشه لره وسیله لر ظهور ایدیور و بالخاصه ( آتیه ) شهرى بو محاضراته سخنه اولور بودی . ( نهله آتیر ) ایده آلیست ؛ ( ایونیقلر ) ماتریالیست ایدیلر . بناءً علیه ، اعتقادات فلسفیه جه بویکی مدرسه اربابی ، طابان طابانه ضد بر وضعیتده بولونویورلردی . بر چوق مسائل فلسفیه نك وجه تلقی سنده نقطه نظر اختلافی ، بالطبع وبالضروه مدرسه یونانیه اربابی ايله ( نهله ات ) لری بر رینه فایشدرمش وآرده سدتلی مناقشاتك ظهورینه و کرکین ر صورتده دوامنه سبیت ویرمشدی . او وقلر ( قسطاس حقیقت le criterium de la verité ) ، ( تجربه l'expérience ) اولمایوب ( قدرت مخیله puissance de l'imagination ) اولدوعی ایچون ، اینجه دوسونمك وهله جربزه ابراز ایتك ، مباحثات فلسفیه ده غلبه یی تأمین ایده بیله جك وسائطك اك قوتلیسی عد اولونویوردی . بو قدرتلره مستثنا بر در حده مالك اولان ( زینون Zenon ) مدرسه یونانیه نك احكام فلسفیه سنی جور و تمك ایچون بر چوق مسائل ترتیب ایدوب حاکمی خصمه لرینه حواله ايله مشدی . ( شاشیرتمه ) قیلندن اوله رق ترتیب ایدلمش بولونان بوتشکیکات ، تاریخ فلسفه ده ( les apories de Zénon ) نامیله مشهوردر . بخی صد دنده بولوندوغمر ( برهان آخیه فس ) ده اولنردن بری والک مهمی در .

( مدرسه یونانیه ) ، ( مادیه matérialisme ) مذهب فلسفیه پیوسته اولمش وحتی بوکونسی کوملجنه جوارنده و قتیله مؤسس بولونمش اولان ( آبدهر Abdère ) شهرینی ، تاریخده شهرت شعار ایدن ( لوسیب Leucippe ) و ذیمقراطیس ( Démocrites ) ك تعلیماتیه بو ( ماتریالیزم ) ، ( آتومیزم atomisme ) شکله منجر اولمشدی . بناءً علیه بوفیلد-وفلر هر شیک ذره لردن مرکب و متشکل بولوندوغنی تعلیم ایدیور و ( اسباب علم - moyens de connaissance ) دن اوله رق دخی ( حواسك شهادتی le témoignage des sens ) نه اعتقاد ایلوردی . حالبوکه ( نهله آتیر ) تماماً بو اعتقادی نقض

ایده‌جك تعلیماتده بولونویورلردی . اولئر نظرنده علم ایچون انجق ایکی واسطه واردی : (بری (حواس les sens)، بریسیده (عقل la raison) . حواس واسطه‌سیله تلقی اولونان معلومات ، خیالات باطله‌دن عبارتدر . بودرلو معلوماًتمزك، هیچ بری، ثابت ، مستدیم، یقینی ، و بناءً علیه حقیقی دکلدر . حالبوکه عقلك واسطه‌سیله ایدیندیکمز معلومات صحیحه ، یقینیاتنددر ، سبه کوتورمر ، چونکه بالذات بدیهی شیلردر . ( جزؤ کلدن اصغردر ) کی : او حالده حادثات عالمك شوشکل ظاهر یسنه اینانق عوامه وجهلایه یاقیشیر بر اعتقاددر . فیلسوفلر انجق عقلك کشف ایتدیکی حقایق ثابته و یقینه اینانلی . درلر : ( دیورلردی ؛ ( زینون ) بواساسه بنای محاکمه ایدرك ده ایلری به کیتدی : مثلاً « حرکت ، حساً ادراك اولونویورسده حقیقه تعقل ایدیه بیلیر بر کیفیت دکلدر . عقل ، حرکت احتمالی قبول ایده‌جك اولسه ، متحرك اولان برشيك ، عینی زمانده عینی مکانده هم وار همه یق اولماسی احتمالی ده قبول ایتمه مجبور فالیرکه بو ، عقل نظرنده باطل بدیهیدر ؛ چونکه حرکت ، بلا فاصله طی مکان ایتك دیمکدر . فضله اوله‌رق حرکت ککن بر ماده ، طی ایده‌جکی مسافه‌نك هبسنی بردن قطع ایتزدن اول یاریسنی واونکده یاریسنی ، واونکده یاریسنی و بناءً علیه - الی غیر النهایه - اقسامی وکسورینی قطع ایتك لازمکیر . مسافه مفروضه‌نك بوتقسیمنه عقلاً بر نهایت تصور اولونه‌میجی ایچون ، حرکت ، عقلاً ممنوع کورونور . واقعا جسمز نهادت ایدیورکه حرکت وارددر ؛ فقط جسمز یالانجی در . حرکت بر حقیقت دکل ، جسمزك بر سعبده‌سی در ؛ بر غلط حس در . یوقسه حرکتك عقلاً ، وقوعی دکل ، احتمالی بیله تصور ایتك ممکن دکلدر . دیمش ایدی . ایشه زینونك ترتیب ایتدیکی تشکیکاتك اکثریسی بوکی ملاحظات فلسفه‌نك محصولیدر . طبعی ( برهان آخیه‌فس ) دخی عینی دعوايه مستددر .

سیمدی ، بوملا حطاندن نصل اولوب‌ده بوفیلوسوف ، مسئلهلر چیقارمش ، واونلر حقنده برهانلر ترتیب ایتمش ... اونی تدقیق ایده‌لم :

( زینون ) ، بك اینی آکلامش که ، بومبچنده اساس مسئله ( ماده‌نك ، عقلاً الی غیر النهایه انقسامه قابلیتی ) در . ماده ایچون حال بویه اولونجه ،

تصوراً ماده‌دن آیره میان (مکان) ایچون دخی اوله اولق ضروری در .  
 وشبه یوق که [ ماده و مکانک الی غیرانهایه انقسامه قابلیتی ] دعواسی ایله  
 [ ماده‌نک ناقابل انقسام ذرات صغیره‌دن مرکب اولماسی ] اعتقادی ، تألیفی  
 غیر ممکن ایکی عقیده متناقضه در . اوحالده (مدرسه یونانیه) نك اساس  
 فلسفه‌سی تشکیل ایدن (آتومیزم) دعواسنی طوغرودن طوغریه رد  
 وابطال ایتکه چالش‌مقدن ایسه، ماده‌نک الی غیرالهایه انقسامه قابلیتی اعتقادی  
 اوزرینه بر مسئله ترتیب ایدوب، خصملرینک اوکنه آتیویزمک وذهن‌رینی  
 تشویش ایدوب افکار وعقاید متناقضه‌یی بربرینه قاتیویزمک ده‌ا بارلاق بر  
 شی اوله‌جقدر ! . . ایشته (شاشیرتمه اویونی) اصل بوراده کیزلی در .  
 فی‌الحقیقه زینون (aporie) لرینی بوتون بونیتله ترتیب ایتمشدر .

اولا سرعت فوق‌العاده‌یه تمثال اولق اوزره - چویکلکی ایله مشهور  
 اولان - یونان قهرمانی (آخیله فس Achilles) ی نظر ملاحظه آلمش .  
 (برهان آخیله فس تعبیرینه سبب‌ده بوقهرمانک اسمی اولمشدر .) ثانیاً بظاات  
 حرکتک هرکسجه معروف بر نمونه مجسمی اولان قبلومبغه‌یی تصور ایتمش .  
 [ بوقبومبغه براز ایلریده (وفرضاً اون مترو فاصله ایله اوکده) بولونمق  
 شرطیله آخیله فس ایله ق شو یاریشنه باشلاسلر ، الی غیرالهایه آخیله فس ،  
 قبلومبغه‌یه یتیشمه‌یه‌جقدر . ] دیه ادعا ایتمش . حسک شهادتنه قارشنی طوران  
 شو دعوا ی غریبی اثبات و تحکیم ایچون دخی (زینون) ینه مکانک، (یعنی  
 شو ایکی یاریشجیلر آره‌سنده موجود بولونان مسافه فاصله‌نک) الی غیرالهایه  
 قابل تقسیم اولماسی امکانتی اساس اتخاذا ایتمش، وخصمانه خطابا شو (برهان) ی  
 ایلری سورمش که اصل (argument d'Achilles) بودر :

( آخیله فس ، نه‌قدر حیزلی قوشارسه قوشسون ، طبیعی‌درکه قبلومبغه  
 ایله‌کندی نقطه حرکتی آره‌سنده موجود بولونان اون مترولق مسافه‌یی‌هپ  
 بردن و برآنده آطلایه‌ماز . هر حالده او مسافه‌نک هپسنتی قطع ایتزدن اول ،  
 هیچ اولمازسه ، یاریسنی یعنی بش مترولق مقدارینی قطع ایتمه‌سی لازم‌کلیر .  
 فقط بوطرز محاکمه‌یی او (بش مترولق مسافه) یه‌ده عیناً تطبیق ایتکه‌مجبورز ؛  
 یعنی اوبش مترولق ساحه‌یی‌ده قطع ایتزدن اول ، یاریسنی ؛ واونکده یاریسنی



واونك ده ياريسنى والى غيرالنهايه دائماً باقى قالان قسمك نصفنى طى ايتمى اخاب ايدر. كوروپورسكيزكه مسئله نامتناهى به قدر كيديور ، چونكه بوتنصيفاته نهايت يوقدر. بناءً عليه، قلوبغه به يتيشوب ، اونى كچمك شويله طورسون ، آخيله فس ، حركته بيله مقتدر اوله مامق لازمكلكه جكدرد .

حتى بو برهانه - نوعما - بر حيثيت رياضيه ويرمك ايچون ، اونى برشكل ديكرده دخى عرض ايتشدركه اوده شودر :

• فرض ايدم كه آخيله فس ، آراده كى فاصله نك - ايلك حمله ده - اونده برينى قطع ايتسين. او حاله بر مترولق مسافه طى ايتمش بولونه جقدرد. قلوبغه دخى، كندى او كنده كى مسافه دن انحق بر (ده سيمترو) قطع ايتمش اوله جقدرد. زيرا قلوبغه نك ( آخيله فس ) دن اون دفته بطى حركت ايتديكى ذاتاً - فرضمز اقتضاسى ! - قبول ايتشدك. او حاله ( آخيله فس ) قلوبغه به كيتدكه ياقلاشه جقدرد. زيرا بو ترتيب اوزره آراده كى فاصله كيتدكه كوچوله جك ومثلاً ايلك خطوده (  $\frac{1}{3}$  )، ايكن، ايكنجيد (  $\frac{1}{9}$  )، اوچونجى ده (  $\frac{1}{27}$  )، صوكره (  $\frac{1}{81}$  ) اوله جق ودها صوكره (  $\frac{1}{9}$  ) اوله جق ، يعنى نامتناهى دوام ايده جكدرد. چونكه بوكسوراتك شو سلسله مطرده سته نهايت تصور ايديله مز. مع مافيه غنى نسبت، ينه الى غيرالنهايه باقى قاله جنى ايچون قلوبغه بي طوته ميه جقدرد. مسئله نك شو ايكي درلو وضعدن آكلاشيلور كه ( زينون ) شو برهان مشهورينى [ متناهى بر مكانك نامتناهى بر تقسيمه قابيتى ! ] ادعاسى اوزرينه تأسيس ايتمش واصل بو نقطه ده اذهانى تشويش وتشكيك ايله مشدر. حالبوكه بر ( مسافه متناه ) الى غيرالنهايه قابل تقسيم اولسه بيله - حد ذاتنده - ينه بر ( كميت متناهى ) اولقدن قوزتوله ماز . اوندن ماعدا بويله بر تقسيم ، فعلى دكل ، انحق تصورى در . فضله اوله رق معهود مسافه ينى طى ايتمك ايچون صرفى لازمكان ( زمان ) دخى اويله در . يعنى [ حد ذاتنده محدود اولقله برابر - عيى صورته - الى غيرالنهايه ، نظرى بر تقسيمه قابلدرد . ] فقط بويله اولدوغى حاله تكميل او مسافه محدوده ينه اون مترولق بر سا-ده دن عبارت قالد ينى كچى ، بوتون زمان دخى بش دقيقه لى بر ( مدت ) ايچنده محصوردر . يعنى، هرايكى-هى ده مقادير متناهى دندر. بناءً عليه ( زينون ) ك شو

( برهان سفسطی argument sophistique ) سنده اساس اولان ( نقطه تشكيك ) ، ( نامتناهی l'infini ) ايله [ نامتناهی تقسيمه قابل برکيت متناهی une quantité finie divisible à l'infini ] ني بر طوتمق خدا سنده ويا خود حيله سنده در. اصل ذهنلری شاشيرتان جهت ايسته بوحيله اولمشر. بوحيله ني - ماهيتيله - الك اول كشف ايدن و معهود برهانك برسفسطه دن عبارت اولدوغنی اورطه يه قويان ( آرسطو Aristote ) اولمشر . مع مافيه يك اسکی زماندنبری الك بويوك فيلسوفلر ، [ هله منطق مباحثه دن ] بوبرهانی تنقيد و مناقشه ايتمكدن كنديلرني آله مامشر ؛ حتی ايجلرنده بعضلری بوسفسطه نك فسون تأثيرينه بيله طوتولمشردي كه ( بهيل Bayle ) کي مهم بر فيلسوف ده بوزمرده داخلدر . ننه کيم معاصر بنزدن ( Gompertz غومپرتس ) دخی بوبرهاندن اوزون اوزادی به بحث ايتمش و سفسطه اولدوغنی قبول ايتمکه برابر، يوقا ريدمکی وجهله ، اوکا رياضي بر شکل ویرلديکی تقدیرده مسئله نك حلی ممنوع بر حالده قاله بيله جکني سويله مشدر . بونده آز چوق طوغرو بر ملاحظه وارسه ، اوده حسك شهادتی ايله عقلك حکمی آراسنده کی مبانيت فطريه و اساسيه طاند اولان فکر وادعادر .

عصر مزك الك نافذا نظر فياسوفلرندن ( جون ستهوت ميل J. S. Mill ) بوبرهانی ( منطق ) کتابنده لايقله تنقيد ايتمش و بوکتابك ( سفسطه ) به عائد اولان باب مخصوصنده [ بواکلتجه لی منطق مسئله سنی ] ، ( Sophisme de confusion ) عداينه ادخال ايله مشدر . ديگر بعض منطقيون ايسه ، ( ignoratio elenchi ) نوعندن برسفسطه عدايتمشلردر . [ بوتعميرات ايجون Sophisme سوزينه بايککزر . ]

يونان قديمک برچوق مباحث فلسفيه سنی و مناقشاتی اولدوغنی کي شره نقل ايدن - کيمای اسلام و بالخاصه ( معتزله ) ، برهان آخيله فس ايله مشغول اولمشر . حکيم شهر ( قاضی عضدالايحي ) ، ( مواقف ) نام کتابنده بوبرهانی تمثيل ايدن مسئله ني ، نام موقعنده ذکر ايتمشدر : اجسامك قابليت انقاسی مسئله سنی نذکر ايدن ( دردنجی موقفك مقصد نائنده ) دعوا عيناً بـسـط و مناقشه اولونمشردر . ( مواقف ) کتابنی بويوك بروقوف ايله شرح ايدن مشهور

(سید شریف جرجانی)، و بخصوصه بعض تفصیلات مهمه ویریور، و (بر مسافه متناهیة نك اجزای غیرمتناهیة دن مرکب اولوب اوله میه جنی) بختند. حکمای معتزله دن (نظام) ایله (ابوهذیل العلاف) آره-بند بر مناقشه آچیلش و علافك نظامه قارشی برهان آخیه فس ایله مقابله ایتش اولدوغنی نقل ایدیور. فقط غریبدرکه زینونك و برهانك قطعاً اسمی ذکر ایدیور. مسئله بطی [قبولمغه؟] ایله سریع [آخیه فس؟] دعواسی اوله رق علی الاطلاق موضوع بحث اولویور. حالوکه بوتجاهله رغماً (سید) زینونك سوزلرینی همان عیناً نقل ایدیور:

«... اکر-نظامك ذهانی وجهله-متناهی برمسافه، بالفعل اجزای غیر متناهیة دن مرکب اولسهیدی، متناهی بر زمانده اومسافه فی قطع ایتك تمتع اولوردی. زیرا مسافه مذکورہ نك یاریسنی قطع ایتدهن اول ربعی، و تمام ربعی قطع ایتدهن اول دخی سکزده برینی و سکزده برندن اولده، اون الی ده برینی و بونوال مطرد اوزره الی غیرالهایه کسوراتی قطع ایتهمسی لازمکلیر. بوکاده نامتاهی زمان ایستر و بناء علیه (سریع) ایله (بطی) آراسنده برمسافه قلیله اولونجه- اومسافه دخی غیر متناهی اجزادن مرکب بولونه جنی ایچون- متناهی بر زمانده سریعك بطی یه ایریشمسی قطعاً ممکن اوله ماز.» دیه دعوائی نقل ایدیور. صوکره (ابوهذیل)ك بودعواسنه قارشی (نظام)ك فنا حالده جوابدن عاجز قالمش اولدوغنی و (لاف ایله طفره فروشلفه صابدیغنی) آکلاتیور و بوسفسطه نك حیلہ غنی تمامیلہ بیلن سید شووجهله حکم ایدیورکه، تماماً ارسطونك و میلك والحاصل مسئله فی طوغرو حل ایدنلرك ملاحظاته عیناً تطابق ایدر.

«... بوطفره فروشلفه حاجت یوقدی. زیرا مسافه مفروضه انحق بالقوه نامتاهی تقسیمه قابلدیر؛ بالفعل دکل! ثانیاً اومسافه فی قطع ایتك ایچون لازم کلن زمان محدود دخی عینی صورتله بالقوه نامتاهی تقسیمه قابلدیر. بناء علیه بومقادیرك ینه جمله سی ده کمیات محدوده و متناهیة دن عبارتدر. نظام، [نامتاهی] تعیری ایله [نامتاهی یه قابل تقسیم اولان بر مقدار معینی] عینی شی ظن ایتكله شایرشمش و خطایه دوشمشدر.»

دیور که تماماً خطا دخی بودر. انگلیز فیلسوف معاصر (میل) ودها پک چوق امثالی هپ بویه حکم ایتشدر . سیدک عصر لجه اول بونی بویه جه بیان ایتش اولماسی احاطه علمیه و فطانت جبلیه سنه دلالت ایدر. ایشه بوکون بر (سفسطه) دن عبارت اولان (برهان آخیه فس) بودر. [Argument سوزینه باقیکنز !].

Accomodatice

اطباقی (معنای رمزی) Accomodatice (sens)

بر لفظه - ماضع الهی خارجنده - بر معنا ویرمک ، یعنی او لفظک هرکسجه معروف و مشهور اولان معناسنی براقیده، کرک (تأویلاً)، کرکسه (باقیشدیرمه) صورتیه اوکله یه دیگر بر معنا (اودورمق Accomoder !؟) حوق دفعه واقع اولشدر واولور. ایشه (sens accomodatice) برکله یه ویریلن بو (معنای بعید) ه دیرلر . فرانسزجه ده بو تعبیر یکی در ، و (accomodation) لفظدن آلمشدر . (انجمن اصطلاحات) بوکله یی (اطباق) لفظیه ترجمه ایتش اولدوغی ایچون ، اوندن مشتق بولونان (accomodatice) لفظنه ده (اطباقی) کله سنی ایجاد ووضه ایتشدر . ظنمجه بو تعبیر غریبک اصطلاح اوله رق اقامه اولونمهی بیوده در ، زیرا بزم شرق مؤلفات صوفیه سنده وعلی الخصوص (باطنیه ésotérisme) حکمتنه (معنای باطنی) ، (معنای رمزی) ، (معنای تأویلی) کبی پک مشهور ترکیلر واردر که ذاتاً اصطلاح اوله رق مقبولدر . کتب مقدسه نک متننی ، معنای ظاهری و لغویسی ایله تلقی ایتیوبده ، هرکله یی کیزلی بر معنایه اشارت اولمق اوزره قبول ایلمک و اوکا کوره متن کتابه معنا اودورمق (تأویل) در. مثلاً (عرش) لفظنی (بدن انسان) ، (کعبه) بی (کوکل) معنایله تلقی و تفسیر ایتمک کبی!.. (تصوف mysticisme, théosophie çoufisme) ده [بوسوزلره باقیکنز !] بو طرز تفسیر ، بر (اصول) تشکیل ایتدیکی ایچون ، (معنای تأویلی و رمزی) ، (sens accomodatice) مقابلی و معادلی اولمق اوزره اصطلاحات مشهوره صره سنه کچمشدر . بناءً علیه تصوفه متعلق اولان آثار و مؤلفاتده بو تعبیره تصادف ایدلیدیکی تقدیرده (معنای

تأویلی ( دپه ترجمه اولونملى در . فقط فرنكجه ده بوكله نك زمين تطيقي  
چوق دها واسع اولدوغندن استعمالى تصوف لسانه منحصر قالمايه بيلير .  
اوتقديرده بز، بوكا ( ياقيشديرمه ) ديرز؛ اكر ياقيشديريلان معنا، بوسبوتون  
غريب دوشرسه ( اويدورمه ) ديرز . ( accomoder ) ، ذاتاً برشيئي يكي  
بروضه اويدورمق ديمكدر. لکن بونلر بزم لسانمزده اصطلاح صاييله ماز.  
بزده بوكله منحصر آ حکمت صوفيه تعبيراتنددر .

اطباء	Accommodation
انكلیزجه فرانسجه	Accommodation
ایتالیانجه	Accomodamento

هرهانكي بر آلى ( مثلا بر فوطوغراف ماكنه سنى ! ) - لايقي وجهله -  
قولانمق ايچون ، قورمق ، دوزه ليمك ؛ الحاصل ، اوندن بکله نيلن خدمتك  
حقيله استيفا اولونه بيلمه سنى تأمين ايتك ايچون اوکا بروضيت مخصوصه  
ويرمك ، اونى ( accomoder ) ايتك ديمكدركه يوقايريدكى کلمه اصطلاحيه  
بواصلدن مشتقد . اصطلاحده معناسى ينه بوكا بکزر : برعضوك - ايفاي  
وظيفه - امرنده - محيطه وخدمت جديده سنه مطابقتى وبناء عليه بوسبوتون  
يكي بعضى احوال وياجباته کندني اويدورمق ايچون يكي بروضيت آلماسى  
کيفيته ( accomodation ) ده نير . بوسورتله عضو مذکور وظيفه سنى ،  
قابليتى - آز چوق - تعديل ايله کندني محيطه ( اطباق ايتمش ) يعنى  
اويدورمش اولويور ، ديمكدر .

بو تعبير اولاً صناعته اصطلاح اولمشدى . صوکره ( غريزات -  
physiologie ) علمنه دخى اوحيتله کچدى ، وبالخاصه ( فوطوغراف  
آلنى آکديران ) کوزك وضوح رؤيتى مسئله سنده قوللانلدى . بر نقطه نك  
واضحاً ( يعنى پوصلى وبولانيق اولمايه رق ) کوروله بيلمه سنى ايچون ،  
اونقطه دن وارد اولان شعاعاتك همه حال ( شبکه rétiné ) اوزرنده ، بر  
( محراق مزدوج foyer conjugué ) تشکيل ايتمه سنى شرطدر : بو محراق  
نهایلريده ، نه ده کريده اولمالى در ؛ عکسى تقديرده واضح وبراق بر نقطه  
يرينه بولانيق بردآره کورونور . کورولن شيلرك اوراق وياقين اولمالرينه

کوره ، کرزک (صیانی کسر ایتمک قابلیتى réfringence) تبدیل ایتدیکندن طولانی، عضو بصیر محراق نقطه سنی تام برینه کتیرمک ایچون بر عملیه مخصوصه اجراسنه مجبور بولونویور ؛ - (واضح - nette) بر خیال بولمق ایچون - عادتاً بر فوطوغرافچی نك؛ او بزه قتیفی ایلری کری سورمه سنه بکزر بر حرکت اجرا ایدیور . (عضله هدییه muscle ciliaire) واسطه سیله (جسم بلوری cristallin) نك (سطح خلفی face postérieure) سنی تعدیل ایدیور . ذاتاً بو کو جو جوک جسم بلوری نك هرایکی سطحی ده بر آرز محذب بولوندوغی ایچون، عضله هدییه نك تقلص واسترخاشی (یعنی طولانوب کهوشه مه سی) ایله محدبیتی آرتوب اکیلیور و بوسایه ده محراق نقطه سی ، تام شبکه اوزرینه کتیرلمش اولویور . ایسته (accomodation) بو عملیه فیزیولوژییه دیرلر . (تفصیلات ایچون قاموس عمومی نك علوم طبیعی و طبیه قسمنه مراجعت ایدیکنز .)

بو (اطباق) کیفیتک مباحث فلسفیه یه جهت تعلقی، پک مهم بر دعواده بر (دلیل قوی) تشکیل ایتمه سی اعتبار یله در؛ اوده (ادراک مکان la perception de l'espace) مسئله سیدر . عجبا ، مکانی (آنی اوله رق یعنی بلا واسطه immédiatement) و تعیر دیکرله (تحدسی اوله رق intuitivement) می ادراک ایدیور زده (اوزاق) و (یاقین) فرقنی بیلور ز؛ یوقسه تعقل و (محاکمه inférence) نك بو خصوصه بر دخلی اولویور می ؟ . . . و یا خود مکان حقنده کی حسّمز، بسیط می در؛ . . . یوقسه (مؤلف combiné) می در ؟ . . . اکر بو حس، بلا واسطه و (دفعی اوله رق impulsivement)، آن واحده، بزه خارجدن کلش برشی ایسه، بر (ادراک طبیعی) در؛ و بناء علیه بسیطدر، تحلیل اولونه مار . او یله اولمایوبده بعض مدرکات بسیطه یی ذهنمز بالاخره تألیف ایتدکن صوکره بز، اوزاق و یاقین فرقنی آکلیور سهق ، مکان حقنده کی علممز بر (ادراک کسبی perception acquise) در. [acquis تعیرنده تفصیلاته باقیکنز !] بو حیثیته ده (مؤلف) در. سائر عناصر حسیه (éléments de sensation) یی، ذهنمز تألیف ایتش و محاکمه واسطه سیله

بر (فکر) استخراج ایدوب بزه تبلیغ ایلش دیمکدرکه بویله اولونجه بودرلو ادراکده ارادتمزک وعقلمزک کلیاً دخلی اولماسی لازمکله جکی محقق و مستدر. ایشه مسئله بودر و اوکاتملق ایدن دعوالرک دستوری ده بودر. (مبحث معرفت épistémologie) بحثنده بومسئله غامضه عظیم وسورکلی مناقشاته سبب اولمش؛ برطرفدن (تحدسیه intuitionisme) دیگر طرفدن ده استحضاریه représentationisme) مذهبلینه وجود ویرمشد. [ بوتون بوتیمیراته باقیکنز ! ]

استحضاریونک اک بویوکلرندن اولان وحتی بومذهبک مؤسسی بولونان فیلسوف مشهور (بارقله Berkeley)، (نظریه رؤیت théorie de la vision) حقیقه ده (۱۷۰۹) تاریخ میلادیسنده (یعنی بوندن ابکی یوزسنه اول) برهم رساله یازمش و بودعوایی آچشدی. مکانی تحلیسی اوله رق دکل، انحق عقل ایله وبعده الحاکمه (یعنی تفکری اوله رق) ادراک ایتمکده بولوندوغمزی؛ وهله (اوچونجی بعد la troisième dimension) ی یعنی (عمق = ده رینلک) ی، طوغرودن طوغرویه ادراک ایتک ممکن اولمادیغنی ادعا ایله مش وعضو بصری تشکیل ایدن عضلات و سائر اقسام مختلفه نك فعالیتنی ذکر ایدرک بوخصوصده محاکمات ذهنیه مزک و ارادتمزک بویوک بردخل و تأتیری بولوندوغنی ده بیان ایتمشدی. ایجه برزمان سوکره واقع اولان تدقیقات و کشفیات علمیه (بارقله) نك بونظریه سنی تأیید ایتدی. [ (مکان espace) و (افتکاریه مطلقه absolu idéalisme) کله لرینه باقیکنز . ]

(accomodation) تعیری، (فلسفه طبیعیه philosophie naturaliste) ده دخی عمومی و مهم بر اصطلاح اولدی. (داروین Ch. Darwin) و طرفدارانک آناریله (استحاله transformisme) [ بوتیمیره باقیکنز ! ] اعتقادی همان بوتون علمای متخصصین طرفندن قبول و تصویب ایدیلنجه، (اجناس les espèces) که تحولاتی و بوسایه ده بوسوتون یکی انواع حصولی adaptation انطباق) [ بوتیمیره باقیکنز ! ] نظریه سیله تعریف اولونه بیلدی. بونظریه کوره علی العموم اجناس حیوانیه و نباتیه نك، (ایجابات محیطه

(circonstances ambiantes) به و (milieu) ك (شرائط جدیده (nouvelles conditions) سنه توفیق حیات مجبوری ایله ، یاواش یاواش (استحاله transformation) به دوچار اوله کلدکاری ادعا ایدیلور. او حالده بوقابلت انطباقدن کلیاً محروم بولونان جنسلر ، شرایط جدیده تختنده یا شایه مادقلری ایچون - کیت کیده - محو و منقرض اولویورلر ، یعنی (غوغای حیات la lutte pour la vie) ده ده (لایق apte) اولانلر بولنره غالب کلیور و میدان ، یا شامغه آلیق اولانلره قالیور ؛ دیمک چیقیور. (تفصیلات ایچون Darwinisme سوزینه باقیکنز . ۱

بوکون (accomodation) ایله (adaptation) تعیرلری آره سنده - علماجه - برفرق تعین ایتشدرد. بر (عضو organe) ك ، یا خود بر (فرد individu) ك بیکی بیکی شرایط و وظائف حیاتی به کندی اویدورمه سی کیفیتنی بیان ایچون (accomodation) طباق) تعیری ترجیح اولونویور. بو استحاله یوزندن اکتساب ایدیلن قابلیت جدیده نك ارثاً انتقال ایدوبده مؤید و مشید اولماسنه و بناء علیه بر (سجیه عضویه caractère organique) تشکیل ایتمه سنده (انطباق adaptation) کله سی تخصیص ایدیلور .

دفاعه (اصولی) Accord (méthode d')

(Concordance) کله سنه باقیکنز . ۱

### Achromatopsie

عمای الراده

Achr omatopsie

آلانجه و فرانسجه

Achromatopsia

انگلزجه

Aeromatopsia

ایتالیانجه

باصره نك برقصوری در ؛ ولادی اوله بیلیر ؛ کسبی اوله بیلیر . بوقصور ایله معلول اولانلر ، انجق بر درلو احتساسات ضیائی به قابلدلر . یالکز بیاض ضیا ایله کولکه کوره بیلیرلر . رنگاری حس ایده مزلر . بناء علیه اونلر نظرند رنگارنك بر طابلو ، بر فوطوغراف کبی کورونور . بو قصورك ولادی اولماسی اندردر ؛ اولدوغی تقدیرده دخی حاسه



بصريه نك دها باشقه علتلريله ، قصورلريله هان داتما مترافقدر . كسبي اولدوغى زمان، عصب بصرى نك (تردى ضمورىسى (dégénérescence atrophique) حالنده مشاهد اولونور . بو حالده عماى تام ( يعنى بوسبوتون كور اولمق ) ايله ( دالتونيزم (Daltonisme) ( بوتعيره بايكيكز ! ) آره سنده بر صفحه مخصوصه تشكيل ايدر . او وقت بو حاله مبتلا اولانلر انجق صارى ايله ماوى رنگى حس ايده بيلرلر . صوكره هيچ رنگ كورمزلر ؛ دها صوكره دخى هيچ برشى كورمزلر : تماماً كور اولورلر . [ تفصيلاتى ايچون قاموس عمومى نك علوم طبيه قسمنه بايكيكز . ]

فلسفه ايله علاقه سى ( مبحث معرفت (épistémologie) مسائلنه وبالخاصه ادراك (perception) ( بو تعبيرلره بايكيكز ! ) بحثه تعلق اعتباريله در . ( انفسيه (subjectivisme) و ( اضافيت علم (relativité de la connaissance) ( تعبيرلرينده مراجعت ايديكز . )

#### هلف طريفيد ( A contrario )

هر لسانده لاتينجه سى قولالاييلر .

بردعوانى اثبات برشيك ضدنى نظر اعتباره الهرق اقامه اولونان دليله (Preuve a contrario) ديرلر . ( contre-épreuve ) دخى بوديكمدر و بوكون دها زياده مستعملدر .

( démonstration ) برهان سوزينه بايكيكز . )

#### نفى عالم مسلكى Acosmisme

Acosmisme

كاشناك وجود حقيقىنى انكار ايدن فيلسوفلرك ، اعتقادى تلخيصاً تفهيم ايچون وضع اولونمش برتعبيدر . بو اعتقاده ميل ايدنلر على الاكثر وحدت وجوده قائل اولان صوفيه ايله ( وحدتى (moniste) فيلسوفلردر . بو ادعاده بولونانلره بالخاصه متشرعين و آلهيون اسناد الحاد ايتمشلردى . اوروپا فلاسفه مشهوره سندن و متأخيرندن ( سبينوزا (B. Spinoza) ، زمانك آلهيونى طرفدن تكفير ايدلديكى كې عالم اسلامده يتيشن حكماى صوفيه نك بلكه اك مشهورى اولان شـيخ اكبر محى الدين بن عربى دخى متشرعين علمادن برچوقلرينك شدتلى تعريضاتنه هدف اولمش ايدى . بالخاصه تفتازانى

(رسالة في وحدة الوجود) نام کتابی شیخ اکبر علینده یازوب نشر اتمش  
 واونی شدتله تکفیر ایلشدی . حالوکه بو معامله محق دکلدر . زیرا  
 (acosmisme) فلسفه سنک انکارایتدیکی شی بالطبع شوکائاتک صورت  
 محسوسه سی و هیئت ظاهره سی دکلدر ؛ انجق حقیقت ذاتیه سی و استقلال  
 وجودیدر . بوندن بر واجب الوجودک ، بر وجود مطلقک وارلغنی انکار  
 چیقماز . بالعکس ا یکانه و حقیقی وارلق انجق بردر ، اوده (وجود  
 مطلق) در ، ا دیه اعتقاد ایتدکدن صوکره وانجق بوشرط ایله ! کائاتک  
 استقلال وجودی انکار اولونه بیلیر . اوتقدیرده ماسوا (یعنی وجود مطلقدن  
 ماعدا هر نه وارسه) هپ ظل زائل وخیال باطل قیلندن اوله رق تلقی  
 ایدیه بیلیر . وحدت وجود طرفدارلری و بوتون صوفیه هپ بو فکر  
 واعتقادده درلر . فقط منکر وملحد دکلدرلر . صوفیه بو حصوصده ذره  
 قدر شبهه محل براقیه رزق فکرلرینی کمال وضوح ایله بیان ایله مشملردر .  
 محی الدین بن عربی نک بو بحثده سیاق نظرینی ترویجاً وکندی سوزلرندن  
 بعضلرینی تفصلاً یازلش اولان (وحدت وجود) نامنده بررساله دن عیناً  
 ذکر ویراد ایتدیکم شو جمله لر، ملاحظات واقعه می اثبات ایدر :

(وَأَعْلَمُ بَأَنَّا لَا نَقُولُ أَنَّ جَمِيعَ الْأَشْيَاءِ مَدُومَاتٌ ، غَيْرَ مَوْجُودَاتٍ وَأَمَّا  
 نَقُولُ أَنَّهَا مَوْجُودَاتٌ بِوَجُودِ اللَّهِ تَعَالَى ، لَا بِوَجُودِ آخَرَ ؛ عَلَى مَعْنَى : أَنَّ  
 وَجُودَ اللَّهِ تَعَالَى هُوَ الْقِيَوْمُ عَلَى جَمِيعِ الْأَشْيَاءِ ، إِلَى آخِرِهِ ! . . . )

بوتون صوفیه نک فکری بودر ؛ (اشیا و موجودات محسوسه بوسبوتون  
 یوق دیمک دکل ، فقط اونلرک وجودی هر آن عدمه مقارندر . زیرا هر آن  
 متحولدرلر ؛ وکندی کندیلرینه قائم دکلدرلر . اقامه حقله قائمدرلر . اونلرک  
 وارلغنی کولکه کبی در : بر (وجود ظلی) در . اونلر ، وجود حقیقی اولان  
 ذات مطلقه نک خیالات ظهوری و مرایای تجلیسی در . )

محی الدین بن عربی نک بوفکرلرینی عثمانیلر آرمسند غیرتله نشر ایدن  
 مشهور اسماعیل حق (حضرات خمس les cinq émanations) رساله سنده بو  
 بحثه دارلایقیه تفصیلات ویرمشدر . حتی هر متصوف بونی ایضاح ایتمشدر .

واقعا متشرعین ( حقایق الاشیاء ثابتة و العلم بها متحقق ) دستورینی مبحث  
معرفنده ( مبدأ principe ) اتخاذ ایتش اولدقلری ایچون ، خارجده اشیانک  
حقیقتنی شبهه دوشورمک غیرتک ، قسطاس علمی دخی حکمسز براقه جفنی  
وسو فسطائی و لا ادریه وادیسنه یول آچه جفنی جدیتله ملاحظه ایده رک ،  
صوفیه فنا حالدہ بغض و عداوت کوسترمشیر . حالوکه صوفیه حقایق اشیایی  
قطعاً انکار ایتمه مش ؛ بالعکس ، ( مبدأ اول ) ، و ( حقیقه الحقایق ) انجق  
( حق تعالی ) در ! .. دیمکله اونی وحدانیت صمدانیه ده بولمش در . بوتون  
موجوداتک ( صور محسوسه formes sensibles ) دن عبارت بولوندوغنی  
و بوتون بو ضرر تیرک حدوثه ، قیام و دوامنه علت اولان وجود حقیقی تک  
( ذات مطلقه ) اولدوغنی ، اوقدر صراحتله و اوقدر تکرار ایله سویله مشلدر که  
اوسوزلری بورایه نقل ایتمه کیله حاجت یوقدر . هانکی تصوف رساله سی  
آچیلسه ، اک اول بو بحث کوزه چاربار . بناء علیه عالم اشیایه ، بو کونکی  
ایده آلیستر کی باقان صوفیه یی - بو سبیلله - الحاد ایله اتهام ایتک عظیم  
افتزادر . ( pantheïsme ) و ( mysticisme ) سوزلرینه باقیکز ! ] نه کیم بر  
چوق بویوک فلسو فلر صوفیه و علی العموم ( موحدین les monistes ) علیهنده  
واقع اولان اسناداتی و افتزالری تنقید و تنقیح و بو فنا یا کلاشمنی تصحیح  
ایتشلردر . بو محققین میاننده اک بویوک آدملردن ( ابوعلی الحسین بن سینا )  
ایله ( جلال دوآنی ) و ( سید شریف جرجانی ) یی ذکر ایتک کافیدر .  
هله اوروپا معاصرین فلاسفه سی علی العموم صوفیه یی بو خصوصده تزکیه  
ایله مشلردر .

بنم تحقیقه کوره : آلهون و متشرعون وجود واجبی اثبات ایچون  
اژدن مؤثره انتقال صورتیله ( preuve cosmologique ) تمیرینه باقیکز !  
احتجاج ایتکی ترجیح ایلدکلرندن طولانی ، کائناتی انکار ایدن هر فلسفه دن  
شدتله انفعال ایتشلردی . کندی نظر لرنده وجودی بداهه ثابت اولان  
اثر خلقت ، انکار اولونجه اژدن مؤثره انتقال ایده بیلیمک ایچون منطقاً  
نقطه استاد قالمیوردی . اوندن طولاییدر که دنیانک وجودینی انکار ایدن

حکمایی همان هر مملکتک متشرعینی والتهیونی الحاد ایله اتهام ایتشلردر .  
فقط طوغرو دکلدر . چونکه یکانه طریق اثبات بودکلدر .  
بوکون (acosmisme) اعتقادی یالکز تصوف ایله دکل، (idéalisme)  
فلسفه سیله ده صیقی صیقی به علاقه دارد . (بوسوزه باقیکزر . ۱)

Acquis	Acquis	کسبی
	Erworben	آلماجه
	Acquisitive	انکلیرجه
	Acquistato	ایتالیانجه

کسبی، قازانش دیمکدر . فلسفه طبعیه و اخلاقیه ده بعض خصائل ویا  
قابلیاته وصف اوله رق قوللانیلیر . بو حیثیته (inné وهی)، (congénital  
ولادی)، (ارثی heréditaire)، (instinctif غریزی) تمیرلرینه مقابل  
دوشر .

اسکیلرجه بوتعیر معلوم ومعتبردی . اکثریا اخلاق کتابلرنده مذکوردر .  
(اخلاق تربیه ایله قابل تغیر و اصلاح اولوب اولمادینی) بحثنده خصائل  
انسانیه نك کسبی ویا وهی اولماسی باشلیجه بر مسئله مهمه تشکیل ایدیوردی .  
چونکه ، خصائلک جبلی تقدیرنده اخلاق تربیه ایله قابل تعدیل و اصلاح  
اوله بیلیمسی تسلیم ایدیله میوردی . بالعکس ، اخلاق اثر الفت وعادت  
ایسه ، تربیه ایله تبدیل وتصحیح اولانه بیله چکنه اینانیلیوردی . بالطبع  
بوایکی متناقض نظریه نك طرفدارلری واردی . مثلاً شرقده اخلاقونك اك  
بو یوکلرندن معدود اولان مشهور شیخ سعدی شیرازی :

(عاقبت كرك زاده كرك شود ؛ كچه با آدمی بزرگ شود .)

دیمکله تربیه نك اخلاق اوزرینه هیچ بر تأثیری اوله میه جفنی صراحة  
ادعا ایتش وخصائلک جبلی اولدوغنه بیان قناعت ایلشدر .

سلیمان قانونی دوری فضلاسنگ مشهورلرندن و بالخاصه اخلاق یوندن  
اولان قینالی زاده علی اقدی ( اخلاق علائی ) نام کتابنگ مقدمه سنده

بومستله یی دقلیجه تتبع ایتیش ، واسلاف حکمانک بوباده کی ملاحظه لری شی و جهله تلخیصاً نقل ایلشدر .

( بومستله ده حکمان منقول اولان اقوال معتبره اوچ قولدر . بریسی اولدرکه ، تبدیل خلق مطلقاً امر ممنوع در : برخاق که ذات آدمی ده حاصل اوله ، اصلاً تبدیلی نامقدور ، و اراله یی غیر میسر در . زیرا خلق امر طبیعی در ، و امر طبیعی عوارضدن متأثر و موضعندن متبدل و متغیر اولماز . ایکنجی قول اولدرکه خلق ، ایکی نوعدر : بریسی طبیعی در ؛ یعنی اصل خلقتده مرکوز و مجبورلدر ؛ آنک تبدیلی ممنوعدر . بریسی ده ( الفی ) و ( عادی ) در ؛ یعنی مألوف و معتاد اولمقدن حاصل اولور . و آنک تبدیلی ممکندر الی آخره !.. ) اکلاشیلور که قینالی زاده ( الفی ) و ( عادی ) تعیری ایله بوکون بزم ( گنجی ) دیدیکمز معنایی مراد ایدیور . ( طبیعی ) لفظی ده ( instinctif ) مقامنده قول لائش کی در . هر حالده بو اوچ کله دخی مواضع مختلفه به تخصیصاً بوکون ینه استعمال اولونه بیلیر .

زمانمزه ( داروینیزم Darwinisme ) فلسفه یی ایله ( علوم طبیعی و حیاتیة Sciences naturelles et biologiques ) ساحه سنده آجیلان مباحثات ، ( اجناس معینه ) نك ، بعض ( عوامل facteurs ) تأثیرله — غیر محصور بر زمان ظرفنده — تبدل ایدوب ایده میه جکنه دأثر بر مسئله مهمه به وجود ویرمشدی . ( transformisme ) لغته باقیکمز . [ بوبخت بر چوق مسائل تالیه یی ده قورجالادی ، و اونلری بوسبوتون باشقه و یکی بر نقطه نظر دن تاقی ایده بیلیمک یولنی آجدی . باضروره وراثت مسئله سی ده یکی دن اورطیه آیلوب تدقیق ایدلمک باشلادی . اوصره ده ایدی که ( حیات شخصیه انسانده کسب اولونان خصائلک ارثاً اولاد و اخفاده انتتال ایده بیلوب ایده میه جکی کیفیت ) بر سوال شکلنده میدان بحثه کیردی . اگر خصائل کسیده نك انتقالی تحقّق ایدرسه ، کیت کیده طبیعت عضویه ده مرکوز اوله رق اونلرک بر باشقه ( عرق race ) وجوده کتیره بیلیمه لری و بویه بر عرق ده ایلریده یکی بر ( espèce جنس ) اوله بیلیمی معقول کورونویوردی .

اجناسك لايتغير اولدوغنى ادعا ايدن عالم مشهور (كويه Cuvier) طرفدارلرى ايله (داروين Darwin) نظريه جديده سنى قبول ايدنلر يكدىكرينه مقابل وشدتله معارض بروضيت آله رق عظيم بر مناقشه آچديلر. تدقيقات تجربيه و علوم طبعيه ، ( استحالیه transformisme ) نظريه سنه حق ووردى. فقط عيى وسيله معارضه بوسفر استحالیه اربابى آره سنه دوشدى. بر طرفدن تكامل فلسفه سنك بانيسى اولان ( هربرت سپنسر ) ، ( كسبى اولان تغيرات عضويه نك وبر طاقم قابليات و خصائصك ارثاً انتقال ايتديكى ) ادعا ايدىيور ، و : ( انتقالى قبول وتسليم ايدلديكجه ، استحالات عضويه يى ، اجناس جديده نك ظهوريى ، الحاصل كيفيت تكاملى تعريف ايدم بيلمك ممكن اولمه ز ! ) ديوردى . ديكر طرفدن - تكامل فلسفه سنه معتقد بولونان - آلمان علمائى طبعيونندن ( وايسمان Weissman ) ، بو طرز انتقالى انكار ايدىيور ، و ( وراثت Hérédité ) ناميله نشر ايتديكى اثرنده وراثتك طوغرودن طوغرويه ( حَجَرَةُ مُنْتَشَةِ Cellule germinative ) واسطه سيلاه وقوع بولدوغنى ايلرى سورويوردى. وايسمان ، ( عضويت بالغه ) ده ، يعنى يتشمش و كانه ايرمش بروجوده ، عارضى اوله رق حاصل اولان تغيراتك ، حَجَرَةُ مذكوريه قطعاً تأثيرى اولماديغنى تذكر ايدرك دعواسنى تحكيم ايله ملك ايسته مشدر. مع مافيه مسئله هنوز موضع تدقيق و صححه مناقشه ده در علمائى زمان آراسنده ، هرايكى نظريه نك ده طرفدارانى موجوددر .

بسيقولوزى لساننده ( برحاسه نك ادراك طبيعى - La perception naturelle d'un sens ) ديتلديكى زمان ، بر عضو حسي نك ( تهيج excitation ) ندن - دفعةً وآنى اوله رق - حاصل اولان حس خصوصى ( sensation spécifique ) مراد اولونور . كوزومزك بررنك حس ايتيمسى كچي كه ( بو فعل ادراك acte de perception ) ده ( ارادت - شخصيه volonté personnelle ) مزك دخلى يوقدر . بورعامل خارجى ( facteur extrinsèque ) نك محض تأثيرى دركه بزاونى ، بلا واسطه تلقى ايدرز . وقوع حال بويله اولمايويده بو ( اثر تهيج ) ، بالواسطه حصوله كليسه ، يعنى

طوغرودن طوغرویه خارجی برعالمک تأثیریه وقوعبولمایوبده دیگر بر حسک ایقاعی ایله پیدا اولویررسه ، بویه بالواسطه حاصل اولان بر طویغویهده (کسبی *acquis*) دیرلرکه باقیلسه مدرکات طبعیه نک (صدمه تأثیری) دیمکدر. مثلاً اوزاقدن آشک قیرمزی رنگی کورمکه، صیجاقلفنی ده — عادتا — کورمش کی اولورز. لیون صیقلدیغنی کورمکه ، آغیزمز صولانیر ؛ عادتا نه کشیلکنی طاتمش کی برحس طویارز . حالبوکه بومناسبتده (لامسه *le tact*) ایله (ذائقه *le goût*) مزک علاقوسی اولمامشدر . بو ایکی حاسه مزک آز چوق تهییجی (باصره *la vue*) واسطه سیله در . ایشته بو مثاله طبعی اولان مدرکاتمر ، آنجق کوزومزله تلقی ایدم بیلدیکمز حسباتدر . چونکه آشک رنگی ، لیونک شکلی طوغرودن طوغرویه ادراک ایتمشدر . دیکرلری ایسه بومدرکات طبعیه واسطه سیله کسب ایتمش اولدوغمز طویغولردر؛ اونک ایچون بالواسطه وبالتیجه حاصل اولان بوایکنجی نوع طویغولره (ادراکات کسبیه *perceptions acquises*) ده نیلمشد . بناء علیه بر (حاسه *sens*) نک (ادراک کسبی) سی، دائماً دیگر بر حاسه نک (ادراک طبعی) سی در . دیمک اولویورکه ادراکات کسبیه ، حقیقت حالده حواس مخصوصه نک ادراکات صحیحه سی دکل ، مدرکات صحیحه وطبعیه نک بالواسطه ایقاع ایتدیکی بر (خیال *image*) در [بوکله یه باقیکز !] بونک بوسورتله حصولنده تربیه طبعیه نک و (تداعی *association*) نک [بوکله یه باقیکز !] ، حتی محاکات خفیه نک [ *inférence* لفظه باقیکز !] کلیاً دخلی واردر . قارشیمزده لیون صیقلیرکن ملاح وجهیه مزک اشمزازی و آغیزمزک صولانماسی ، محضا برحاکمه ، یعنی بر (عملیه ذهنیه *opération mentale*) نتیجه سیدر .

فلسفه مباحثهده بو (کسبی) تعبیری چوق کچر وپک اهمیتلی مـائل ایله علاقه داردر . (مدرکات حسیه مزک طبعی ویا کسبی اولمالری) بحثی پک مهم وپک غامض بر مسئله اطرافنده دوران ایدر . بونک بالخاصه زمین مناقشه سی ، (مبحث معرفت *épistémologie*) ک [بو تعبیره باقیکز !]

دائرة صلاحیتده در . حتی - دده بیلیرم که - لسیقولوژی ، فلسفه به بالخاصه بونقطهده تماس ایدر ؛ وفاسفه نك ( نه بیسته مولوژی ) دهنیلن قسمی بونقطهده اصل موضوع اشتغالی بولور .

فلسفهده مدرکات حسیه نك طبیعی ویا کسبی اولماسی کیفیتی ، بالخاصه ( علم بلاواسطه connaissance immédiate ) و ( علم بالواسطه connaissance médiate ) مسئله مشهوره سیله صمیمیاً علاقه داردر . فقط ، بومسئله نك تضمن ایتدیکی مواد ، یالکز ارکان واکوان حقنده کی افکار وحسیاتمه تعلق ایدن خصوصی بختلدردر . یعنی ( ماده matière ) ، ( روح esprit ) ، ( زمان le temps ) ، ( مکان l'espace ) کبی ( مادی principes ) یه دأثر بزده موجود بولونان افکار وحسیاتك ، مدرکات کسبه ویا طبیعیهن اولدوغنی ادعا ایدن ایکی فرقه فلاسفه میانه سنده متحدث بولونان دعوایه متعلقدردر . مثلاً - یوقاریده ایضاح وتعریف ایتدیکم وجهله ضیایی و یارنکی ادراك ایدیشمز ( شبه یوقه که ؛ ) دفعةً وبلا واسطه حاصل اولش بر حس مخصوصدر . عجباً مکانی حس ایدیشمزده بوکا بکزر برشی میدر ؟ ... یوقسه ، سائر حواسمزك مدرکاتی اساس اتخاذایده رك - ذهنمزك - بعدالمحاکمه تحصیل ایتدیکی بر فکر واعتقاد میدر ؟ .. ( یعنی مکان حسی le sentiment de l'espace بزده برادر اك طبیعی میدر ؟ . یوقسه برادر اك کسبی میدر ؟ ... ) ویاخود حکمای اسلامك تعبیر مشهورنجه : ( مکان حقنده کی علممز ، بر علم ضروری میدر ؟ .. یوقسه بر علم نظری میدر ؟ ) . ایشه بو تعییرات ایله علاقه دار بولونان اك مهم مسئله فلسفه بودر ؛ و بوسؤال ، مادهیه زمانه والحاصل بالمله ارکانه دخی تشمیل اولونمشدر . حتی ( الله ) ك واراغنی بالواسطه می ؟ . یوقسه بلا واسطه می حس ایتدیکمزه دأثر ( علم الهی théodicée ) ده موضوع بحث اولان مسئله دخی ، ماهیتی اعتباریله اوتنه کی نك عینیدر ؛ باشقه برشی دکلدر ؛ چونکه ( الله ) اصل ( مبدأ اول le premier principe ) در . ( absolu کله سنده ) ( قوزهن Cousin ) و ( هاملتن Hamilton ) مناقشه سنده عائد تفصیلاته باقیکنز ! ]



شمی ، ارکان اصلیه نك بلا واسطه ادراك اولوندوغنی ادعا ایدن  
 فیلسوفلره ( حدسیون les intuitionistes ) دیرلر . عكسنه اعتقاد ایدن  
 فرقه فلاسفه ده ( استحضاریون les représentationnistes ) دیرلر . برنجیلرك  
 ( حقیقیه réalisme ) ، ایكنجیلرك ده ( افتكاریه idéalisme ) فلسفه سیله  
 صیق صیقییه علاقه لری واردر . آرده جریان ایدن مناقشات ، تمامیه ( تجدس  
 intuition ) و ( استحضار représentation ) مسئله سنه نظرله دره ، ومنحصراً  
 اوکا تابع در . مثلاً ( représentationiste-idéaliste ) اولان معاصرین  
 فلاسفه دن ( جون ستونث میل J. St. Mill ) و ( پروفیسور آلکسانده  
 بهین Prof. Alex. Bain ) ، - معارضلرینه قارشی مسلكلرینی حقیقه  
 مدافعه ایده بیلیمك ایچون - اركانه - انجق باواسطه پیدای علم ایده بیلدیکمزی  
 ادعا ایتشلر و بودعوانك دلائل ثبوتیه سنی پسقولوزی مباحثده آرا مشلردر .  
 ( تفصیلات ایچون représentation و espace کله لرینه باقیكز : )  
 ( ادراكات کسبیه ) ایله ( احتساسات مرتبطه sensations connexes ) یی ،  
 بر طو تماماًلی در . بر عامل خارجی ، فرضاً بر جسم ، عینی زمانده ایکی حاسه یه  
 بردن اجرای تأثیر ایده بیلیر ؛ و بوتأثیرات متخالفه ، دائماً مترافق بولونه بیلیر .  
 مثلاً ( حس شامه l'odorat ) ایله ( حس ذائقه le goût ) بویله در . اوقدرکه  
 رشیک قوقوسنی طعمندن فرق ایتك بك کوچ در ؛ و بالطبع بو ایکی حاسه دن  
 برینك تهییج ، دیگر حسی ده برابر ایقاع ایدر و بویله جه ایکی طویغو بر برینه  
 قاریشیر . ایشته بوکا ( احتساسات مرتبطه ) دیرلر . بونك بر باشقه درلوسی ده  
 اولور : بر حاسه نك شدت تهییج ، دیگر بر حاسه یی ده تهییج ایده بیلیر .  
 ( پروفیسور ( بهین Bain ) بو کیفیتی بر نوع ( انشعاع rayonnement )  
 ایله تعریف ایدیور . ) مثلاً بعضی کسکین صدارو یا خود غیجیرتی رُ دیشلرده ،  
 معده ده ، ( ناحیه قطبیه rég. lombaire ) ده ناخوش بر طویغو حاصل ایدر .  
 بعض تماسلر ، اك اوزاق اعضاده اودر پر مهلر حصوله کتیریر . بونلر ادراكات  
 کسبیه دن دکلدر . چونکه بوکی احوالده انجق احتساسات آره سنده ( مشارکت  
 و تداعی association ) واردر . حالبوکه ادراكات کسبیه ده مشارکت ،  
 ( استحضارات ذهنیه représentations mentales ) آراسنده واقعدر ؛ یعنی

بالذات طویغولرده دکل، او طویغولرک ایقاع ابتدییکی (خیال image) لرده اولور. بناءً علیه بر حاسه نك طوغرودن طوغرویه بر عامل خارجی ایله تهیجندن حاصل اولان طویغو، (بر حس حقیقی sensation vraie) در، او یله اولونجه بر (ادراك طبیعی) در. اکر بو طویغو، بر عامل خارجی نك طوغرودن طوغرویه عضو مخصوصنه تأثیر یله وقوعه کلمه یوبده باشقه بر حاسه نك تهیج طبیعیسندن منبعت اولش ایسه، (یعنی بالواسطه ایقاع ایدلش ایسه!)، او طویغو بر (حس حقیقی) دکلدر؛ بر حس حقیقی نك انجق خیالی در؛ او یله بر (غلط حس illusion de sens) درکه بوسبوتون باشقه بر عضوک صدمه تهیجی ایله حاصل اولمشدر. ایشته اصل (ادراکات کسبه) بوقیلدن اولان طویغولردر. مثلاً اوزاقدن کورد کمز بر دره نك سرینلکنی ده برابر کورمش اولوشمز کی! یا خود بر تابلوده مصور اولان شیلرک، یکدیگرندن اوزاق اولدوغنی کوروشمز کی که بو بر خیالدر. زیرا ایکی بعدلی بر سطحدن عبارت اولان تابلوده مصور اولان شیلرک جمله سی دخی عینی سطح مستوی ده در. یعنی تابلوده کی رسمک عمقی یوقدر. حالبوکه (کولکه وضیا clair-obscur) معرفتی ایله رسام بزده بویه بر غلط حس ایقاع ایدیور و ایکی بعدلی بر منظومه بز، او چونجی بعدی ده کور یورز، ده رینلکی کورور کی اولو یورز. اونک ایچون بعض شیلری یاقین، بعضلری ده اوزاق کور یورز. (ادراکات کسبه) نك (حیز، مفهومی la notion d'étendue) ایله علاقه سی واردر. بو کیفیت زیاده مهم وشایان نظر در. سقولا ستیق فلسفه سنده (sensibles communs صور حسیه مشترکه) دیدکاری بو ایدی.

[ تفصیلات ایچون بو تعیراته باقیکنز! ]

Acroamatique

Acroamatique (درسی!) شفاهی، محرم، مصرمی

اسلافدن بر طاقم فیلسوفلرک و محررلرک روايته کوره (مشائیه péripatétisme) مسلکنک موجدی و آتنده (Lycée) مدرسه سنک مؤسسی اولان مشهور (ارسطو Aristote)، درس لری ایکی قسه آیریرمش: صباح و قتلری بالخاصه کندی طلبه سنی جمع ایدر و عوام ناسدن، یابانچیلردن

کیمسینی بو دائرة خصوصيته قبول ايتمهرك - يالکيز ممتاز اولان او درمء سامعينه سرستجه درس تقرير ايدرمش . مع مافيه علم و فلسفيه منتسب اولمايان اکثریت ناسی دخی ، تعلیماتندن - ممکن اولدوغی قدر - مستفید ایدیبیلک ایچون (غالبا اوکله و قتلندن صوکره ! ) افراد خلقدن مرکب بر جماعته آیرینه بر درس ویررمش .

رمانمرك عمومی قونفرانسلیخی آکدیران بو (اقشام درسلی)، بالطبع، جماعت ناسک سویه عقل و عرفانه موافق اولمق اوزره آچیق برلسان ایله تقرير اولونورمش ؛ موضوع اعتباریله ده هرکی علاقه دار ایده جک مسائل و مباحثه متعلق بولونور ایش . استاد یونانیك خصوصی درسلیینه ( داخلی = *esotériques* = *εσωτερικούς* ) و عمومی تقريرلرینه ( خارجی = *éxotériques* = *ἐξωτερικούς* ) دیشلر وبالا خره محركات فلسفیه سنی ده بوتقدیره کوره ایکیه آیرمشلردر . ارسطونک بو طرز تدریسی بزه انتقال ایش می بیلمم ؛ شایان دقتدرکه اولا فاتح سلطان محمد زمانده مدرسه لر حقیقه تنظیم اولونوب بالا خره قانونی سلطان سلیمان زمانده دها زیاده ضبط و ربطه انسان نظامنامه ده تعیین اولونان مراتب و درجات ، بوکا پک بکزر ؛ (خارج ؛) ، (حرکت خارج) ، (داخل ؛) ، (حرکت داخل) ، (صحن ثمان) الی آخره . . . کبی مراتب تعییننده سلیمانیه جامع شریفک بناسی نظر اعتباره آئمش و تحصیلده ترقی خارجدن داخله برحرکت تدریجیه صورتیه تمثیل ایدلمشدر . طیمی درکه هنور خارجه ده ، یعنی مراتب تحصیلک ایلك قدمه سنده بولونان طلبیه سطحیجه علوم آلیه مقدماتی کوستریلیر و داخله حرکت ایتدکده درس لر (موضوع اعتباریله) یوکه لیر، دائرة تدریس دخی اهمیت و خصوصیت کسب ایدردی . اک بویوک مرتبه علمیه دخی (صحن ثمان مدرسلکی) پایه سی احراز ایتک ایدی .

ارسطونک مدرسه سی و اصول تعلیمی حقیقه واقع اولان تدقیقات تاریخیه دن آز جوق وضوح ایله آکلاشیلیورکه ، بو حکیم یونانی همان همان بزم اسکی مدرسه ترینه بکزر بر طرزده تعلیماتده بولونورمش ؛ مختلف صنوف سامعینه کوره موضوع بحثی انتخاب و تعیین ایلر و هرصنف افرادینه

— علی قَدَرِ عَقُولِهِمْ — سوز سویله رك درس تقرير ايدر ايمش ! ... بويله اولونجه كنديسك محرم افكاري بولونان ممتاز شاگردانه ويرديكي درسلىر ايله ، مدرسه باغچيسنه طوبلانان خلقه سويله ديكي سوزلر آره سنده ماهيت موضوع واسلوب بيان و طرز تقرير اعتباريله مهم بر فرق اولمق لازمكدير . في الحقيقه بو اعدامه بولونانلر ، آز دكلدر . بعض مورخين فلسفه ، ادعا ايديورلر كه ارسطو عموم ايچون تقرير ايمش اولدوغى درسلىرى يازوب ضبط و قيد آلتنه آلديني حالده ، برچوق مسائل مهمه حقفنده افكار ذاتيه سنى انجق ممتاز طلبه سنه شفاهاً تبليغ ايله اكتفا ايتمشدر . بو خصوصى فكرلى خلقه افشا ايتمكه محظور ، حتى تهلكه ملاحظه ايتديكي ايچون ، اونلر ، اك محرم شاگردانك حافظه سنده وديعه اوله رق قالمش و اورادن — ينه شفاهاً — يعنى نقلاً تعليم ايدلمش و صوكره ياواش ياواش انتشار ايله مشدر . ايشته اصل (سمى acroamatique) اولان تعليماتى بوقيلدن اولانلريد . في الحقيقه ، يونانى قديم لساننده (ἀκροαματικός) كه سى (ἀκροάουμαι) مصدرندن مشتدر كه (ايشيتمك) ديمكدر . بوتعير اصطلاحى نك منشأ ده بودر .

شو تقدیرجه بو كه ، (ésotérique) دن ده اخصوصى بر معنا افاده ايدر و بر فيلسوفك هر كه افشا و تعليم ايتمكدن چكينديكي و يالكز صميمى و محرم بعض دوستلرينه شفاهاً تبليغ و توديع ايدم بيلديكي افكار و اعتقاداته (وصف) اوله رق قوللانيلير .

شرقده بك چوق فيلسوفلرك بويله شفاهى تعليماتده بولوندىلر نه شبه يوقدر و اسبابى آكلامق ده زور دكلدر . مثلاً (ابن سينا) و بو حكيمك اثرينه اقتفا ايدن (مثلاً صدرای شیرازی) نك محركات مشهوره سنه باقيايرسه تماميله ارسطو و فلاطونك افكارى برلشديروب سقولاستيق اصولنه توفيقاً ترويج ايمش اولدقلى كورولور ؛ همده صراحةً كورولور . حالبوكه بو بويوك فيلسوفلرك اخص شاگردانى — حتى بالذات كنديلرى بيله ! — ادعا ايديورلر كه يازدقلى اثرلر عموم ايچون (تعليمات رسميه) در . (زمانه

فلسفه‌سی در). مسائل غامضه حقیقه اعتقادات شخصیه لری، مختصر آ؟ ! -  
بر رساله ده مندرجدر و (نسخه‌سی نایاب ؟) در .

اکلاسیلیورکه بونلر (acroamatique) بر طاقم تعلیمات خصوصیه  
اولق کرکدر ! ..

ارسطو نامنه بزره انتقال ایدن سلسله آثارك، کندی قلمندن صادر  
اولدوغی محقق دکدر. بالعکس، طلبه‌سی طرفندن ضبط اولونمش وبالآخره  
آز چوق تعدیلات وتصحیحاته اوغرامش محررات اولماسی احتمالی غالبدر .  
بو ملاحظه مبی درکه استادك اثرلری، نیجه عصرلردنبری (exotérique)  
و (acroamatique) اولق اوزره ایکی قسمه آیرلمشدی . بو آثارك  
شارحی، مشهور (سیمپلی‌چیوس simplicius) [که میلاددن بش عصر  
صوکره کیلکیاده طوغمشدی] بوتقسیمك ایلک موجدیدر، ظن اولونویور.  
بوذات، بویکی طاقم آثارك صفت کاشفه‌سی اولق اوزره ناسلیجه فرقلی‌خده  
تعین ایدیور: (استاد، خواص شاگردانه تقریر ابتدکی درس‌لرده موحزه،  
جامع‌الکلم سوز سوبلردی؛ و ایضاحاته حاجت کورمیه‌رك تفصیلاتی کلاً  
اهمال، و مبادیدن مقاصده؛ مقدماتدن نتایج - کال سرعتله طوغرودن  
طوغرویه انتقال ایدردی) دییور. شو روایت کوره فرق موضوعاتده  
اولیوب اسلوب تقریر و شکل تدریسده اولق لازم‌کلیر. حالبوکه مشهور  
(پلوتارخ Plutarch): (ارسطونك خصوصی تعلیماتی حکمت، طبیعیات  
و منطقه دائر ایدی؛ خارجی درس‌لرده بلاغت، اخلاقیات و سیاسیه  
متعلق بولونوردی) دیه ادعا ایدیورکه شوقدیرجه دخی فرق، شکل تقریرده  
اولمایوب بالخاصه (موضوع بحث) ده ایمش، دیمک چیقار .

(چیجه‌رون Cicéron)، (سترابون Strabon)، (آمونوس  
Ammonius) هب (سیمپلی‌چیوس) کی سوبیلورلر، یعنی برنخی ادعایه  
طرفداردرلر .

بوراده یالکز اهمیتلیجه بر نقطه وارکه شبه آئنده قلماملی در . عجبا  
ارسطونك شفاهی تعلیماتنده اکثریت خلفدن کیزلی طوتوملاسی لازم‌کل  
(اسرار انکیز mystique) برشی وارمی ایدی؟ ... مثلاً بزده (باطنیه

(les ésotériques)، یهودیلرده (باطنی حروفیه les cabalistes) یونانیلرده (هرمزیه les hermétiques) الی آخره کبی صوفیانه فرقه لک (اسرار mystères) ینه مشابه برشی وارمی ایدی؟ . . بو بر مسئله در .

ارسطونک حیاتی لایقیه تنبع و تحقیق ایدن (بله قسله Blakesley)،  
بو یوک انکلز آنسیقلوبه دیسنده بو مسئله به دأثر شویله سویلیور :

(قطعاً ثابت اولمشدرکه ارسطونک (acroamatique اثرلری دیگر لرندن-

موضوعاتک مغلط واسر رانکیز اولمسیله دکل- فقط انحق (اصولی systematic)

اولمسیله ممتازدرلر . یعنی بونلر مطّرد و (متّسق coordonné) بر منظومه

فلسفیه تشکیل ایدرلر . عوامه ویردیکی درسلسر ایسه رابطه سر و مستقل

بعض مسائل حقنده کلشی کوزل مباحثادن عبارت قونفرانس لر نوعنددر !)

بو ادعا یک طوغر و کورونور ؛ زیرا ارسطوده تصوفک شمه سی بیله

حسن اولونه مامشدر . اوسبله درکه بوکون اصطلاحده (acroamatique)،

(encyclicque ἐγκυκλίον) مرادفی اوله رق تلقی ایدیلیور؛ یعنی موجز،

کلی و عمومی درسلسر معناسنه کایور . حالبوکه (ésotérique) کله سی

(اسرار انکیز تعلیمات صوفیه) معناسنه تخصیص اولونویور . (mysticisme،

Çoufisme، ésotérique، mystère سوزلرینه باقیکنز ! ]

Acte

Acte

فعل

Act

انکلیرحه

That, handlung

آمانجه

Atto

ایتالیانجه

بو تعبیر ارسطونک وضع ایشم اولدوغی (ἐπεργεία) لفظک ترجمه سبدر .

scholastique سقولاستیق [ بوسوزه باقیکنز ! ] فلسفه سننده بو یوک بر

اهمیتی واردی . بوکون تاریخ فلسفه ده ذکر ی کچر بر لغتدر . لسان عادی ده

و حقوقده ینه جاریدر؛ فقط (action عمل)، معناسنه کلیر (l'acte criminel

فعل جنائی) کبی . [ قاموسک حقوق قسمنه باقیکنز ! ]

ارسطو وقوع حادثاتی یعنی علی العموم تبدلاتی معقول بر صورتده

تعریف ایده بیلیمک ایچون بر نظریه دوسونمشدی : ذاتاً موجود اولان بر

شیئك قوه دن فعله كچمكده اولدوغنی تصور و بیان ایتمشدی . ( قوه Puissance ) یه ( δύναμις ) ، ( فعل ) ه دخی ( ἐνεργεία ) دیوردی . بناءً علیه ارسطو اعتقادجه تگشون بالقوه موجود اولان بر شیئك بالفعل وقوعی ایدی . فقط بو حکیم یونانی ، فعلی منحصرأ حرکت و تبدل ایله برطوتمیوردی . اونك نظرنده ( وارلق ) ذاتاً ( فعل ) دیمكدی ؛ ووجود ( τὸ ὄν ) دائماً تكونده اظهار استعداد ایده طورویوردی . یعنی ( وجود ) بلا فاصله قوه دن فعله چقیور و بناءً علیه دائماً تبدله بولونیوردی . ایشته لاینقطع واقع اوله طوران بوتبدل ، ارسطو نظرنده ( صیورت devenir ) دیمكدی . اكلاشیلوركه ارسطو وارلنی حدذاتنده عاطل فرض ایتمیوردی . ( بالقوه ) موجود بر ( وارلق ) ایله آیریجه بالفعل بر ابكنجی وارلق دوسونه میوردی . اگر بویله ایکی درلو وجود تصور ایتش اولسهیدی بالقوه وارا اولان برشیئ فعله کتیرمك ایچون براوچونجی وجوده احتیاجدن مستغنی قاله مازدی . او وقتده تکوین ، دور و تسلسله دوشردی .

بالقوه و بالفعل تعبیرلری قرون وسطی فلسفه سنك همان هر بحثه قاریشیدیرلمش بولندوغنی ایچون فوق العاده زبانتزد اولمش کلمات مشهوره دندر؛ بزم لسانمزمده دخی ارسطونك تقدیر ایتش اولدینی معنا اوزره تعین ایتمشدر . ( مشائیون Péripatéticiens ) ( بوسوزه بافیکز ! ) فلسفه سیله بزم عیناً انتقال ایتش اولسه کرکدر . مثلاً برمیشه آغاجی ، اونك میوه سی اولان پالامودده بالقوه موجوددر؛ فقط پالامود عاطل دکلدر؛ زیرا اونك استعداد ذاتیسی برمیشه آغاجی وجوده کتیرمکدر . میوه ده بو قابلیت فعلیه هر زمان واردر . او تخمك فیلزئلوب نشوونما اتمه سی و یواش یوش اغاج اولمه سی ، دال بوداق صالیورمه سی ، پالامودده بالقوه موجود و مندج اولان استعداداتك فعله چقمه سی دیمکدر . ایشته بو حرکت ، ( صیورت ) در؛ تكون ، دائمی بر صیورتردر . ارسطونك نظرنده ( عقل ) دخی طبق بویله در : عقل ده کی استعداد ذاتی ، حقیقتی ادراك ایتك و بو فعالیتی ایله محظوظ اولمقددر . اونده بالقوه موجود اولان بو استعداد دائماً تجلی ایتمکده و تجلی ایتدجکه انکشاف ایلکده در . ایشته عقلك استعدادات ذاتیه سی بویله قوه دن فعله چقمه قده

دوام ایندکجه عقل تکامل ایدر. ارسطونک (intellect) دیدیکی بودر .  
[ تفصیلات ایچون بوکجه یه باقیکنز. ]

Actif

فَاعِلْ Actif

وَعِلْ، بالذات اجرای فعل ایدنه دیرلر؛ ضدی (منفعل passif) در.  
دیگر برصدی ده (عاطل inerte) در.

بو تعبیرلر دخی ارسطونک تعلیماتیه شهرت بولش وقرون وسطاده  
سقولاستیق فلسفه سنده خیلی زبازرد اولمشدر. حتی ارسطونک (مقولات  
عشره les dix catégories) سندن بری ده (فعل action) در .  
[ catégories سوزینه باقیکنز. ]

زمانمز فلسفه سی بوتعبیره تکرار مراجعت ایدرک اونی یکی بر حیثیت ایله  
قوللامشدر . مثلا بر (حادثه فاعله phénomène actif) و بر (حادثه  
منفعله Ph. Passif) تعبیرلری بوکونکی علم روح لساننده جاریدر ؛ و بک  
اهمیتی مباحث فلسفه ده بوترکیاتک ذکر ی کچر. (حادثه فاعله) بالذات فعالیت  
ده نیلیدیکی کی، فعالیتده بولونان بر وجودده او فعالیت سببیه حاصل اولان  
تغییراته دخی ده نیلیر. بالعکس یالکمز خارجدن کلن عواملک تأثیراتنه معروض  
فالان بر وجودک انفعال و تأثری بر (حادثه منفعله) در. مثلا ضیا ورنک  
ویا خود صدا ویا حرارت حس ایتمک بر حادثه منفعله در. چونکه ارادت  
ذاتیه مزک بوادرا کده قطعاً دخلی یوقدر. حالبوکه بر برینه نسبتله ده او زاقده  
ویا ده ایاقنده بولونان متشابه الاشکال - ایکی شیئی کوروب مسافه فرقی  
ادراک ایتمک بر (حادثه فاعله) در ؛ زیرا بودرلو ادراکده بزم کندی  
ارادتمزک دخلی اولدی بی ، بوکون ارتق شبه کورتورمز بر حقیقت علمیه در.  
[ accomodation, acquis سوزلرینه باقیکنز ! ]

(نظریه علم Théorie de la connaissance) (بوسوزه باقیکنز!)  
مسئله سنده بوتعبیراتک بک مهم مباحث ایله علاقه سی واردر. عالم خارجی یه  
تعلق ایدن علممر عجبا بزده دفعهً و (بلا واسطه immédiatement) می  
حاصل اولویور ؟.. یوقسه بالواسطه می ؟.. بوسوال فلسفه ده الک بو بک مسئله لردن  
برینی تشکیل ایدر. بوکا فیاسوفلر ایکی درلو حواب ویردکلی ایچون ،



( مبحث معرفت épistémologie ) [بوسوزه باقیکنز!] ده دخی ایکی مذهبه آیرلمشلرددر. بر قسمی ( علم تحسینی connaissance intuitive ) طرفدار- لری درکه حکمای اسلام بوکا علم ضروری دیرلردی ؛، دیگر بر قسمی ده ( علم استحضاری connais. représentative ) طرفدارلری درکه بوکاده بزده علم نظری دیرلردی ! [ بوسوزلره باقیکنز! ]. بوبحثك شرح موافقه اوزون اوزادی به مناقشاتی کچر.

بو ایکی فرقه فلاسفه آرسنده آچیلان و حالا دوام ایدن دعوانك نقطه استنادی ، کیفیت ادراکده ارادت و محاکمه مزك دخلی اولوب اولمامسی مسئله-سی در . ادراکك ، یعنی ایلک بیسلکی نك بر ( حادثه فاعله اولوب اولمامسی در.

بو مسئله ده ( سرویلیام هاملتن ) ایله مشهور ( جون ستونته میل ) آرسنده واقع اولان تعارض اعتقاددن ناشی (میل) يك مهم بر اثر یازمش و ( علم استحضاری ) به طرفدارلنی اظهار ایتمشدر . ( به بن A. Bain ) دخی میلک اعتقادنده در. بوفلسوفلر دعوانی تحکیم ایچون کیفیت ادراکده ارادت و محاکمه مزك بالخاصه دخلی اولدیفنه دائر تحلیلات پسقولوجیه ( analyses psychologiques ) نك ویردیکی معلوماته استاد ایشلرددر . ( -représenta- tionisme سوزینه باقیکنز. ]

كذلك ( f. Passives fonctions actives ) و یا خود ( facultés actives ) ملكات فاعله و ( fac. passives ملكات منفعله ) تعیرلری ده صوك زمانلرده جوق قولانلغه باشلامشدر. دقت ، ارادت ملكات فاعله دندر ؛ چونكه نفسك بالذات تشبثی و توجهی ایله ممکن اوله بیلیر . ( حس ، sensation ) ملكات منفعله دندر ، چونكه بو حالد نفس ، یالکز عوامل خارجیه نك تأثیراتی تلقی ایتمكه قالیر . بونك کبی ، مثلا : تقلص عضلی طوغرودن طوغرویه جه عصبیه نك تأثیر ارادت ایله واقع اولورسه ( actif ) صایلیر ؛ خارجی و یا بانجی برعاملك ، فرضا جریان الكتتریقی نك تأثیریه اولورسه ( passif ) اولور . اكلاشیلیوركه ارادت نفسك دخلی اولوب اولماق بوخصوصده علامت فارقه در. [ facultés, acquis actuel سوزلرینه باقیکنز! ]

اسلام فیلسوفلرینک آنارنده وعلی العموم قرون وسطانک سقولاستیق فلسفه سنده (intellect actif) مسئله سی برنجی درجده اهمیتلی بر بحث تشکیل ایدر. ارسطونک ایجاد ابتدکی بر نظریه مشهوریه علم اولان بوتعبیر دخی استاد یونانی نك در . بونی بزم شرق فیلسوفلری (عقل فعال) دیه ترجمه ایشلر وبویله جده مشهور اولمشدر. (ابن سینا) ، (ابن رشد) ، (الغزالی) کبی عالم اسلامک کبار حکماسی آره سنده تحث ایدن اکثر مناقشاتک اساسی - نهایت النهایه - (عقل فعال) حقنده بعض اختلافاته منجر اولور. [ تفصیلات ایچون intellect سوزینه باقیکز! ]

## Action

## فعل Action

لسان عادیده فعل ، ایش دیمکدر؛ دها طوغروسی برایشک طرز و صورت وقوعه اشارت ایدر بر تعبیردر . اقتصاد لساننده (حصه سندی) معناسنه کلیر .

فلسفه ده، ارسطونک (مقولات عشره) سنده داخل اولمقه مشهوردر که مقابلی (passion افعال) در . [ catégories یه باقیکز . ]

لسان علمده (réaction عکس فعل ، عکس تأثیر) مقابلی اوله رق قوللانیلیر واهیتی مسلم اولان (Principes) دندر. (بوسوزه باقیکز). بومبدأ، (La réaction est opposée et égale à l'action) دستوریه ادا ایدلشدر . غازاتک تضیق اولونمسنده بوکیفیت عادتاً حس اولونور . مع مافیه عمومی بر برنسیبدر که تحقیقات وتطبیقاتی، علم ماکنه نك (دینامیق) (dynamique) قسمنه عانددر .

(Principe de moindre action فعل اصغری مبدائی) دخی وارددر ، حتی بونی بر مبدأ اولمقدن زیاده بر قانون اولمق اوزره تلقی ایدن بر جوق علما بوکا (la loi de la moindre résistance مقاومت اصغریه قانونی) دخی دیشلردر. (بونک ماهیتی مختصراً اکلاتمق ایچون بر مثال ایله تعریف ایدیم : مثلاً، توتر بخار، واپورک قازاتی باطلاده جق اولورسه اوقازانک جدرا سنده هانکی نقطه، بخارک تضیقنه الاز مقاومت کوستریورسه

مطلقاً اورادن پاتلاق ویریر . ایشته ( مقاومت اصغریه ) تعیرینه سبب بوکیفیتک تحقیق در . فقط او قازانک سطح داخلینه توتر بخارک اجرا ایتدیکی فعل تضییق ، نظر دفته آلینیر ، مسئله اونقظه نظر دن تذکر اولونورسه ، اکلایلیر که توتر بخار ، قازان جدارینک بالخاصه الک ضعیف نقطه سنه اصغری بر تأثیر اجرا ایتمکه قازانی پاتلاده بیلیر . ایشته ( فعل اصغری ) تعیرینه سبب دخی بو نقطه نک هرشیدن اول ملاحظه اولونماسی در . کویا طبیعت بر تأثیر اجرا ایدرکن قوتنده تصرف ایدیورمش و الک آز مصرفله ایش کورو یورمش کبی دوشوننلر دخی بولوندوغی ایچون مقاومت اصغریه مبدای ( قانون تصرف loi de parcimonie ) ( بوسوزه باقیکز ! ) ک بر شکل دیکرده دستور افاده سی اولمش اولویور .

( علت غائیة cause finale ) ، ( بوتعیره باقیکز ! ) طرفداری اولانلر بوقانونی کندی سیاق نظرلرینه کوره تفسیر ایدیورلر ؛ چونکه ، فی الحقیقه حادثات طبیعیہی معقول بر صورتده تعریف ایده بیامک ایچون کندی عندی دوشونجه لمزی طبیعت کلیه عطف ایده جک بروضعیت فکریه آلیرسق بهمه حال ( علت غائیة ) یه قدر واریرز و مجبوری اوله رق واریرز ؛ ایشته طبیعتک ، قوتنده تصرف ایدوب اسرافاتدن چکیندیکنی فرض ایتک ، علت غائیة فرضیه سنه دوشمکدر . بوده ، طبیعته عقل و فکر وارادت اسناد ایتدجکه اوله ماز . حالبوکه روح علم ایله بوفرضیه نک توفیقی قابل دکلدز .

هر حالده کاه قانون ، کاه برنسیب حیثیتله تلقی اولونان بو کیفیت ، عندی بر فرضیه ایله تعریف اولونمقدن زیاده میخانیکی بر صورتده ایضاح ایدیله بیلیر ؛ و ( مقاومت اصغریه ) تعیرینی ترجیح ایتک اولادر ، زیرا ( moindre action ) تعیری ، قوتده و یا عملده بر نوع تصرف ، بر نوع بقونومی معنایی اشراپ ایتدیکی ایچون ذهنلری شاشیرتیور و طبیعت هر حرکتده اول باول مقتصدانه بر صورتده طاورانوب قوتی تصرف ایتک خصوصی دوشونویورمش کبی برظن ایقاع ایدیورکه اساساً یا کلش در . بو برنسیبی هر هانکی جنس حادثات ساحه سنده تتبع ایتسه ک کورورز که میخانیکی بر صورتده تعریف ایتک ، علت غائیة فرضیه سنه دوشمکدن اولادر و جوق دهام مقولدر .

مثلاً بر آغاچك كوكلری یز آلتده هجره بحجره ایلرلیه رك انتشار و تشعب ایدر ؛ فقط بر جذرك ایلرلیه مه سنده وجهه استقامت بالطبع مقاومتك اك آز اولدوغی طرفه طوغرودر . بر طاشه تصادف ایدرسه ، طبیعی اونی ده لوب كجه مز، ایتهمز، یاننده کی یوشاق ورطیب طوبراغه طوغرو یورور و طاشك اطرافنی طولاشیر . اونك ایچون اغاچ كوكلری او یله عجائب یامری یومرو برسکل آلیر . شمدی دوشونه لم : كرك زمان ، كركسه قوت اعتباریله ، طبیعتك بونده تصرفی ندر ؟ .. بالعكس جذرلر خط مستقیم اوزره نشوونما بولامش ، و بعض موانعك حیلولندن ناشی اعوجاجاته مجبور بولونه رق انتشار ایتمش اولدوغی ایچون ، ده ا زیاده زمان وقوت صرف اولونمش دیمكدر . بناء علیه تصرف فرضیه سی بوراده تحقیق ایدمیور اوحالده بوسباق نظر ، صرف غندی برظنه مقارن اولدوغی ایچون باطلدر . بومبدأی اك اول كشف ایدن ذات ( موپرجیوس Pierre-Louis Maureau de Maupertius ) دركه بویوك فرهده ریتك نظر توجهنی فازامش ، حتی فراسر اولدوغی حالده ، اونك نفوذیله براین آفاده میسی رئیس اولمشدی . فقط ایکنجی درجه ریاضیوندن صاییله بیلن بو ذات ، بوكون فیلسوفر میاننده ذكر بیله ایدلمیور . فعل ، ( ارادت volunté ) و ( حیات vie ) ك اك باهر و ظاهر تجلیسی دره . بو فعالیت قوای ماده نك ( محصله résultante ) سی کی قبول ایدوب ( دماغ le cerveau ) ك ( فعل ووظیفه fonction ) سی اولق اوزره تلقی ایتمك ، ( ماده matérialisme ) فلسفه سنك اساس ادعاسیدر . ماده نك فعالیت ذاتیه سی انكار ایدوبده هر نوع فعل وحرکتی مستقل برروح قابلیت ذاتیه سی کی تلقی ایتمك ( روحیه spiritualisme ) فلسفه سنك مبدأ اعتقادیدر . بو ایکی مذهب آده سنده توكنمك بیلمه ین مناقشات و اختلافاتك ، هان جمله سی ده نهایت تحقیقده بواکی ضد دعوا یه منجر اولور . [ تفصیلات ایچون ( matérialisme ) و ( spiritualisme ) سوزلرینه باقیكر ! ] اجتماعیات و بولنبقه لساننده مشهور اولان ( réaction ) لفظی ایچون ( agir ) كلمه سنه مراجعت ایدیكر !

سقلاستیق تعییراتسنددر ؛ قرون وسطی حکمای بو لفظك تعریفنده  
(quod est in actu) دیمشردی که ارسطونك (τὸ ὄν κατ'ἐνεργείαν)  
سوزلرینك عیناً ترجمه سی در . ( او شی که حال فعالیتده در ) دیمك اولور .  
حکیم یونانیك بو خصوصده فکری شو ایدی : بالقوه موجود اولان  
بر شینك وجودی هنوز انحق ممکندر ؛ اواکمان دائره سنی آشوبده قوه دن  
فعله کچرسه ، او وقت حقیقتاً موجود اولور . مثلاً بر بوغدا ی دانه سنده  
نشوونما قابلیت انحق امکان د ژمه سنده موجوددر ؛ چونکه هنوز بالقوه  
موجوددر ؛ فقط شرائط لازمه یی جامع بر زمین مساعد بولوبده بالفعل  
نشوونما باسلا نیجه ، او قابلیت فی الحقیقه اثبات وجود ایدر . بناءً علیه  
( actuel ) ، — شو تقدیره کوره — ( حقیقی réel ) معناسی ده متضمن  
بولونوبور ؛ چونکه بزم ایچون حقیقتی ثابت اولان سی اول امرده تأثیریه  
بالفعل اثبات وجود ایدن شیدر . او سیدن طولایی درکه ( actuel )  
حال حاضرده موجود ویا واقع اولمده بولونان حادثات وکیفایه دیرلر . او  
تقدیرده دخی اویله بر نیی بهمه حال بزم اجرای تأثیر ایدرک موجودیتی  
— حالا ! — احساس واثبات ایلر . لسان عادیده دخی معناسی ذاتاً بودر .

( نظریه علم Théorie de la connaissance ) بختنده ( actuel )  
لفظی بو صوک زمانلرده پک بویوک بر اهمیت قازانمشدر . حقایق  
اشیایه بلا واسطه ( یعنی طوغرودن طوغرویه حواسمز دلائله ) مطلع  
اوله بیلیرمی ؟ . اوله مازمی یز ؟ . سؤال مشهورینه قارسی ، زمانمز  
فیلسوفلری ابتدا : اساسلی بر نقطه ده اتفاق ایشلر ؛ « ( علم بلا واسطه  
connaissance immédiate ) ، انحق ( حالی actuel ) اوله بیلیر ؛ حالی  
اولان شی ده بهمه حال ( حقیقی réel ) اولق کرکدر . « قضیه سنی ایلری  
سورمشردی . بناءً علیه : یالکز شوآن واحده طویدوغمز ، تلقی ایتدی کمز  
شیلر انحق ( actuel ) در ؛ وانحق اونلر بزم بر علم ضروری افاده ایدر .  
زیرا انحق اونلرک حقیقتی شبه کوتورمز ؛ بوندن ماعدا بیلدی کمز شیلرک

جمله سی‌ده یا حافظه مزك مودو وعاتندندر؛ یا خود عقلمزك محاکماتیه - بالاستدلال - حاصل ایتدیكمز افكار و ملاحظات قیاندندر . حالبوکه معلوماًمزك يالكز (تحدسی intuitif) (بو سوزه باقیكز!) اولان قسمنه تمامیه وبلا تردد اعتماد ایده بیلیرز. زیرا انحق اولر (حس صیمی sens intime) مزك یعنی وجدانمزك شهادتیه مصدقدر. يالكز اولر بسیطدر ، غیر قابل تحلیلدر وبوحیثیه بالمله معلومات ممکنه مزك عناصر ومبادیسنی ، یعنی ارکان ابتدائیهسی تشکیل ایدرلر؛ چونکه يالكز اولر (actuel حالی) درلر . دیمشدر . بوکون هر فیلسوف بو نقطهده متفق الرأیدر . یکدیگرینه طابان طابانه ضد وشدته معارض اولان مذهب اربابی بیله علم ضرورینک مبدأ معلومات اولدوغنی وانحق (actuel حالی) اوله بیله جکنی ادعا ایدیورلر . مثلاً (هاملتن) و اوکا شدته معارض اولان (میل) کبی که هر ایکیسیده بومشلهده فکرلرنی عیناً وصراحتاً بیان ایتشدر .

زیاده سیله دفته شایاندرکه کیفیت علم بختنده بوسایق نظره اتباع ایتک ، فیلسوفلری (phénoménisme حادیه) زمینده برلشدرمشدر . یعنی بوکون هر فیلسوف شو حقیقی قبول ایدیورکه ، ایچنده بولوندوغمز شو (کائنات Univers) انحق بر(عالم حوادث Monde phénoménal) در . بز بو عالمک (حقیقت ذاتیه réalité essentielle) سنی بیلیمورز ؛ بیله - میورز ! بیلسه یك ، حقیقت بختنده (مختلف فیه Problématique) بر مسئله قالمایه جنی ایچون فلسفه بهده حاجت قالمازدی . بیلدیكمز ، صرف حادثاته واونلرک صور واشکالنه متعلق شیلدر . باقیسی هپ بو عناصر علمیه دن کندی محاکماتزه استخراج ایده بیلدیكمز ، عندی ونسب بر طاقم فرضیانددرکه اولری محض حقیقت صانیرسه ق پک فاحش بر خطایه دوشمش اولورز . شهسز بیلدیكمز بر شیلر وارسه اوده انحق کندی حسیات وتأثرات (حاضره Actuelles ؛ ؟) مزدر . بوده اثبات ایدیورکه بوتون معلوماًمز (relatif) در ؛ هم (phénoménal حادثاته منحصر) در ؛ همه (انفسی الطیبه Subjective par sa nature) در . یقیناً استشعار ایده بیله جکمز مدرکاته ، کلنجه ، اولر انحق (actuelles حالی) در .

ایشته زمانزده علی الاطلاق حاکم بولونان و ( علم بشرک اضافیتی  
 Relativité de la connaissance humaine ) دستوریه یاد اولونان بو  
 فلسفه ده ( actuel ) تعیرینک نه قدر مهم بر حیثیتی حائز اولدوغی کورولویور.  
 [تفصیلات وایضاحات خصوصیه ایچون ( Relativisme, subjectivisme )  
 سوزلرینه باقیکنز .]

لسان علمده بو کله ، مقابلری اولان ( potentiel ) ، ( virtuel )  
 تعیرلری ایله برابر قوللانیلیر . ( حکمت طبعیه physique علمهاسی بو  
 لغتلی ( énergie قدرت ) کلهسی ایله برابر قوللانیلیر . ( -énergie poten-  
 tielle قدرت مکنیه ) ، هنوز قوه ده اولان قدرت و قابلیته دیرلر . مثلاً  
 باروتده مکن اولان تو ترکی که جزئی برقیویلجم ایله تظاهر ایدر و اووقت  
 ( énergie actuelle ) اولور و آثار فعلیه حصوله کتیریر . کذلک بر  
 ساعت زنبره کی دخی قدرت مکنیه نک قدرت فاعلهیه تحول ایتسنه ای بر  
 مثال عرض ایدر . ( virtuel ) ایله ( potentiel ) آره سنده معناه فرق  
 یوقدر . فقط علمای ریاضیه بو قدرت مکنیه نک انواعی تعیین ایدرک  
 هر رینه بر اسم وضع ایتشلردر . مثلاً ( énergie chimique قدرت کیمیویه )  
 باروت مثالده اولدوغی کی ! ( énergie de position قدرت وضعیه ) بر  
 نقطه یه نسبتله یوکسکده بولونان بر ماده نک بالقوه حائز اولدوغی قابلیت کی !  
 مثلاً یوکسکده بولونان بر صو کتله سنک وضعاً حائز اولدوغی قوت کی که شلاله  
 صورتنده قدرت فاعلهیه تبدل ایدر . الی آخره ! . . بو ( قدرت مکنیه )  
 صورتلرینک جمله سی ده لدی التحقیق ( énergie de position ) . منجر  
 اولویور . حتی قدرت کیمیویه بیله ، عناصر ماده نک بر صورت مخصوصه  
 اوزره ترتبه عطف اولونه رق تعریف ایدلدیکی ایچون ، اوده ( قدرت  
 وضعیه ) انواعندن بری اولق اوزره قبول ایدیلور .

بسیقولوی ده ، بر خاطره ، ( actuel حالی ) اولور . اگر شو آنده یاد  
 ایدیلوبده احیا اولونورسه ! تذکر اولونمازسه ، ( virtuel ) صاییلیر ، یعنی  
 بالقوه موجوددر ، لکن انحق بعض وسیله لره تکرار احضار و احیا اولونه بیلیر  
 دیمکدر . کذلک هر کس لسانی انحق بالقوه ( virtuellement ) بیلیر ؛

چونکه بیلدیکی لسانی ترکیب و تشکیل ایدن بالجله کلماتک هپسی بردن، آن واحده! کیمسه نك ذهنده مستحضر دکدر . کیمسه بوتون بر لسانك بالجله کلماتی برآنده استشعار ایده مز؛ فقط لزومه و صرسته کوره هر کله یی خزانه حافظه سندن آلوب احضار ایده بیلیر، و سویلر؛ اووقت حالاً (actuellement) بیلمش اولور .

### صَدْتِ حَوَاس

Acuté des sens

فرانسجه

Acuteness of senses

انگلیزجه

حواسک کسکینلکی دیمکدر . اوته دنبری مؤلفات شرقیه ده ( حدّت ) کله سی بومعنا ایله تلّقی اولونه رق لسان اصطلاحه کچمشددر . ( حدّت ذکا ) تعیری مشهوردرکه فارسیدن بزه انتقال ایتمش اولان ( زَبْرَك ) لفظی بومعنایه کلیر . یالکز ، بوکله نك معنای اصطلاحیسنده یا کیلما مالی در : حدّت حواس ، فرط حسّاسیت دیمک دکدر ؛ برحاسّه نك - حد اوسط فوقده au dessus de la moyenne - فاروق اولماسی، یعنی محسوسات آره سنده کی اینجه فرقلری تمیز ایده بیلمه سی در . برانسان خسته اولور وبوسبيله فوق العاده ( حسّاسیت sensibilité ) آرتار؛ چونکه ( حواسنك قابلیت تشّجی irritabilité des sens ) آرتار . مثلاً ، اك خفیف بر ( حزمه ضیا faisceau de lumière ) به کوزی تحمل ایده مز؛ اك خفیف بر جیتیردیدن ( سامعه l'ouïe ) سی متاذی اولور . حدّت حواس دیدیکمز قابلیت تمیز ، بویه بر حسّاسیت مرضیه دکدر . کوز ، اکر ، رنگرک اك نازک ( نوانس nuance ) لرینی فرق ایده بیلیرسه ، ( حاسه بصر حادّدر ) ده نیلیر . قولاق ، اك اینجه سس فرقلرینی تمیز ایده بیلیرسه سامعه نك حادّ اولدوغی تحقق ایدر . خلاصه حدّت حواس ، بربرینه پك یاقین اولان ایکی طویغونك فرقنی برآنده تمیز ایده بیلمك قدرتی ، در . برحاسّه ده بوقدرت آرتما دینی حالده حسّاسیت فوق العاده زیاده لسه بیلیر؛ بوحسّاسیتك اربانه - فائده سی یوقدر ، حالبوکه حدّت حواس بویوك برصنفتکار اولمق ایچون



الزمر : حتی (دهای هنروری) ایچون بو ، برنجی شرطدر . الی یوز کشیک بر ( اورکسترا orchestre ) طاقنی اداره ایدن بر آدمک ، او-باش دوندوروجی - هنکامه آهنگ آره-سینده ، بر ( دیهیز یاخود به-مول Dièze ou bémol یعنی یازم سس ) فالصوسی حس واططار اتمسی ، سامعه-نک حذتنه برکوزل مثال تشکیل ایدر . کذلک ، صارارمش بر صارماشیق یاپراغی کورور کورمز ، همان مختلف بویالری مناسب مقدارده قاریشدی-ره-رق ، او ( قوری - یاپراق ) رنکنی تعین ایدیورن بر رسامک شوقدرتی ، باصره-نک حدتی انبات ایدر . بوقابلیت ، بعض (مراکز عصبیه-نک centres nerveux ) و او مرکزله پیوسته اولان ( اعصاب محیطیه nerfs périphériques ) نک رقت ، صحت و مکملیت دالات ایتدیک ایچون جبئی اولدوغی ادعا ایدلمشدی . مع مافیه ( کسبی acquis ) ا بو تعیره باقیکنر ! اوله-بیله چکنه دخی قعات ایدنر واردر ؛ زیرا ( اعما aveugle ) لرك پارمقلرنده شایان حیرت بر ( حدت لمس acuité tactile ) اولدوغی محققدر . مجیدیه غروشنک قالم اولوب اولمادیغی ، بر تماسده فرق ایدن کورلر نادر دکلدر . کذلک ، فراسه-ده بعض ( شراب مخمئلری ) واردر که ، آغزلینه بر یودوم شراب آلدقن صکره اونک جنسی ، قاج سنه-لک اولدوغی ( غرادو ) سنی ، یعنی اسپرتوسنک مقدارینی ، حتی بعض عناصر کیمویه-سنی بیله تعین ایده-بیلورلر . ایشته بو ( dégustateur ) لر دخی ( حدت ذائقه acuité du goût ) نک اک کوزل نمونه-سنی عرض ایدرلر . لکن کورلرک الارنده ، بونلرک دیلارنده تحقق ایدن بو ( حدت حس ) حد ذاتنده نه قدر جبئی وفطری اولسه بیله ، شبه یوقدرکه تربیه-نک دخی بونده بر درجه-یه قدر دخل و تأثیری واردر ؛ ده-نیله-بیلیر .

بو تعیرک فلسفه ایله علاقه-سی ( تهستیق - esthétique - بدیعیات ) ه صیق صیقیه مناسبی اعتباریلهدر . بدیعیات مباحثنده ( الهام inspiration ) و ( ادا expression ) مسئله-لری برنجی درجه-ده مهمدر . ( صنعتکار artiste ) ایله ( هنرور virtuose ) فرقی - اعتقادجه - ( الهام ) و ( حدت حواس ) کیفیتلرینه مستددر . کائنات حضورنده ادنا وسیله-ایله فوق العاده بر

(هیجان طبیعی *émotion normale*) به قابل اولانلر صنعتکارلردر و بوقابلیت هیجان (*émotivité*)، الهامک اصل منبعی در. لکن شوبهم فرق وارکه صنعتکارک هیجانی، هرکسک کی کبی عقیم و ابتر دکدر. (مبدع) در: مطلقا مادی بر (آثر *œuvre*) وجوده کثیر ر. بواثره (احسن تقویم اوزره!) برکسوه مادیت افاضه ایده بیلیمک قابلیتی، اصل (هنرورک *virtuosité*) برنجی شرطی و معرفی در. بوکا اصطلاحده (ادا *expression*) دیرلر. ایشه برائری ادا خصوصنده (حدت حواس) برنجی درجهده مهم و الزم بر استعداددر؛ و باقیله - یوفاریده سوبلد بکم کبی - آلات حسیه مزک رقت و تراکتندن، یعنی الک اوافق طویغو فرقلرینی در حال تمیزه قابلیتندن عبارت در. یک چوق فیلسوفلر، بومسئله لری تذکر ایتشلردر. علی الخصوص مشاهیر معاصرینزدن متوفی (پروفیسور بهین *prof. A. Bain*)، (حواس و عقل *the senses and the intellect*) نام اثر معروفده (قابلیات صنعتکارانه نک شرائطی *Conditions of artistic acquirements*) عنوانیله بر باب مخصوص آجش و بومسئله لری اوراده موضوع بحث ایتشدرد.

[بوتون بو تعبیراته باقیکز؛ و بوابده تفصیلات آلمق ایچون بالخاصه *art* و *esthétique*) کله لرینه مراجعت اید بکنز!]

حدت حواسی بالتجربه تحقیق و درجات و مراتبی بالفعل تقدیر و تعیین ایتمک، بالخاصه (پسیکوفیزیولوژی *Psycho-physiologie*) علمنک وظیفه- سیدر. بونک ایچون بعضی آلات مخصوصه (*esthésiometre* کله سنه باقیکز!) [ایجاد ایدلشدرد؛ (وه بر پرکاری *le compas de Weber*) (بوکله به باقیکز!) ایشه اوقیلدن بر آلتد که (حدت لامسه) نک درجه سنی تعیین خدمت ایدر. حواسمز آره سنده حدتی الک زیاده و قطعی بر صورتده تعیین ایدیه بیلیمش اولانی باصره مزدر. (حدت سامعه *acuité auditive*) و (حدت لامسه *ac. tactile*) هنوز اودرجه قطعی بر صورتده تقدیر اولونه میور. [فیزیولوژی به عائد تفصیلات ایچون قاموسک فنون طبیعی و طیه قسمنه باقیکز!]

## نظریه ، انطباق

Adaptation	فرانسزجه و انگلیزجه
Anpassung	المانجه
Adattamento	ایتالیانجه

Adaptation

کوزمزنک بر شیئی واضحاً کوره بیلیمه سی ایچون عضو بصرک اقسام و اجزاسنده و عضلاتنده واقع اولان تغیراتی افاده ایدر بر کله در . فقط بو کیفیت - فیزیولوژییه بوکون (accomodation) تعمیری تخصیص ایدلمش اولدوغندن اوکله یه عائد ایضا حاتده بو خصوصه دائر تفصیلات کافیه ویرلمشدر . (adaptation) کله سی ارتق (حیاتیات = Biologie) تعمیراتندن معدود اولوب قالمش ویر معنای خصوصی المشددر : اولو بر عضو مخصوصک ، بعض ایجابات طبعیه یه تبعاً (و بالضروره!) یکی بروظیفه یه کندینی اویدورمسنه انطباق دیرلر . مثلاً : یاراصه قوشی دیه ، بیلدیکمز حیوانک معهود قانادلری ، قاناد دکدر ؛ لدی التحقیق آکلاسیلیورکه - بنیه تشکلی اعتباریه - هیچ قوشه بکزمه یین بو حیوانک اوک آیاقلری و بالخاصه اوک آیاقلرینک درت پارمانی حدندن زیاده بویومش و آره لرنده بر اینجه غشا پیدا اوله رق بو صورتله آیاق قاناده بکزمه مشدر . یعنی حد ذاتنده یورومکه آلت اوله رق تشکل ایتش بولونان بر عضو معین ، بعض ضروراته تبعاً تبدلات تشریحیه اوغرامش و اوجق ایچون بر آلت اولمشدر . نته کیم (فوق Phoque) دیه مشهور اولان حیوانک (مسبحه = یوز کچ = nageoires) لری ده حقیق مسبحه دکل آیاقدیر ؛ فقط بو حیوان اونکله انجق دکزده یوزه بیلیر؛ قرده کزده مز . ایشه (انطباق تشریحی فیزیولوژی - adaptation anatomo-physiologique) بودر ؛ ویر عضو مخصوصک شکل تشریحی ووظیفه فیزیولوژیسی اعتباریه ده کیشمه سی و یکی یکی شرائط حیاتیه کندینی اویدورمه سی دیمکدر .

بالکنز بر عضوک دکل ، فقط بوتون بر (فرد عضوی un individu organique) نکه ده بوکی ضرورات ایله یکی یکی محیطلره توفیق حیات

ایده بیامک ایچون تبدلات کلیه و اساسیه اوغرا دینی اولویورکه بوکده (انطباق) دیرلر . حتی بو انطباق کلی، اعضای بدنک انطباقی نتیجه سیدر . ( فلسفه تکامل la philosophie évolutionniste ) ، انطباق کیفیته بوبوک بر اهمیت ویرمش و اونی دقتله تحقیق و تتبع ایله مشدر . تکامل فلسفه سی کشف اولونمازدن اول، اجسام عضویه نک محیطلرینه انطباقی مسئله سی، طبیعتک سرائر غامضه سدن بری عد ایدیلیردی . حتی آلهیاده ، ( علت غائیة خلقت cause finale de la création ) ی اثبات ایچون ( کیفیت انطباق ) ایله اقامه برهان اولونور، و ( طبیعتده بر نیت dessein dans la Nature ) اولدوغنه، بوضورتله استدلال ایدیلیردی . بودرجه غریب کورونن بویکیتی، تکامل فلسفه سی ( شرائط محیطیه توفیق حیات ) مجبورینی ایله معقول بر صورتده تعریف و ایضاح ایدنجه ، علت غائیة نظریه سنه ارتق حاجت قالمادی و بو اعتقاده طرفدار اولانلر بو برهان مشهورک هیچ اولمازسه بو بحثده حکمسز و لزومسز قالدیغنی کوردیلر، و فیابعد ( انطباق ) حادثه سنده استعمال ایدم مدیلر . وقتیه سیاراتک انتظام حرکاتی مشاهده ایدوبده اسباب طبیعیه سی هنوز کشف و تیقن ایله مه مش بولونان علمای اسلاف، عینله علت غائیة برهانه محتاج اولویورلر و نظام عالمی اونکله تعریفه چالیشیورلردی . ( کپلر ) ( قوبرنیک ) و نهایت ( نیوتن ) ک کشفیات مهمه سی سایه سنده ( نظام عالم l'ordre de l'Univers ) ، ( میکانیک mécanique ) قانونلریله، معقول بر صورتده ایضاح ایدیله یلیدی . ( adaptation ) مسئله سنده تکامل فاسفه سنک، فکر بشره خدمتی ده طبق بوکا بکزه دیکی ایچون ، مشهور ( داروین Ch. Darwin ) ی ، ( نیوتن Newton ) ه قیاس ایدوب خدمته مساوی طوتانلر چوق اولدی . حالبوکه ( اصطفا ی طبیعی sélection naturelle ) دستوری تمین اولونمازدن اول، اجناسک انطباقی، تکامل نظریه سنی مشکلاته ایقاع ایدیور و اوکا معارض کی کورونویوردی . ( داروین ) دن اول ( استحالات عضویه transformations organiques ) ی ، علمی و طبیعی بر نقطه نظردن تعریفه چالیشان ( لامارک Lamarek ) ، بو تبدلاتی ( تأثیر اقلیم l'influence du climat ) ه اسناد ایدیوردی . بو ( سطحی - نظر

فرضیه) ، بویله بر غریب کیفیت حسن تعریفه کافی کلمه‌دیی کی ، انطباق عدم وقوعه دأثر بعض احوال دخی ، مدأ تکامله فارشی مقام تعریفده دکر و اشهاد اولونه‌بیوردی . داروین بدایت امرده و تدقیقاتنک هنور ایلك دوره‌سند بو مشکلاتنک درجه‌سی نظر اعتباره آلمش و مسئله تکاملی حل ایتنک خصوصنده ( انطباق ) کیفیتنک صحیحاً اک مبهم بر عقده تشکیل ایتدیکی اکلامشدی . حتی ( منشأ اجناس l'origine de espèces ) نام اثر مشهورینک مقدمه‌سند . بونی اعتراف ایدیور ؛ و علمای بنامدن ( نئیساعره‌ی Asa Grey ) . ( ۱۸۵۷ ) تاریخنده یاردییی بر مکتوبده بو مشکلاتنی بصل اقتحام ایده‌بیلدیکی ولامارقنک فرضیه‌سنه حاجت برانادیغنی ایضاح ایدیور . [ بوتون بو مقاله‌ده کی تعیرات مشهوره‌یه و بالخاصه sélection و darwinisme کله‌لرینه باقیکنز . ]

بوتعیری ( accomodation ) دن تمیز ایتنک ایچون امریقا علماسندن ( مارک بولدوین J. Mark Baldwin ) بر فرق تعیین ایتنش و بو ایکی کله اصطلاحیه‌نک آری آری معنالرده قولالانسانی توصیه ایلهمشدر : ( accomodation ) کسی اولان طرر انطباقه ، adaptation ) ایسه ، اثرنی اولان صورته تخصیص ایدله‌لیدر ؛ دیمشدر . [ accomodation تعیرینه باقیکنز ' ]

### مطابق

Adaptat	فراسرجه
Adaptat	الانجه
Adequate	اسکایزجه
Adequato	ایتالیانجه

Adéquat

لاتینجه ( adaequatus ) لفظدن آلمش برتعیر اصطلاحیدر که معنای لعویسی ( مساوی کلک ) دیمکدر . افکار و معلوماتر حقدده وصف اوله‌رق قوللانلییر . فقط وصفاً ایکی درلو معناسی واردر و یکدیگرندن فرقلی در . اولاً : فکرک کندی مضمونه مطابقتی اعتباریه قوللانلییر که اوتقیدرده بر ( فکر idée ) ، کندی مفهومنک متضمن اولدوعی بالجمله اوصاف و کیفیاتی

— بالاحاطه — بیان وافهام ایدیور، یعنی مضمونک ماهیتی حقنده بر معنای تام ویریور دیمک چیقار . اوخالده ( فکر، تمثیل ایتدیکي مفهومه مطابقدر ( l'idée est adéquate à la notion qu'elle représente ) ده نیلیر . اکر بویه معلومات تامه ویرمیورسه، اوکاده ( inadéquate ) ده نیر .

ثانیاً بوکله نك بر باشقه معنا یله تلقی اولوندوغی ده واردر : چونکه بر فکرک کندی مضمونه مطابقتی ملاحظه اولونه بیلدیکي کبی ، موضوعی اولان شیئه دخی مطابقتی دوشونوله بیلیر؛ وطولایسی ایه [ بوتون افکار و معلوما تمزک حقایق اشیا به تماماً مطابق اولوب اولمادینی ] مسئله سی، مطابقتک بویکنجی معناده تلقی اولونماسدن ظهور وتولد ایدمک ایچون ، بوتعیرک اک مهم واک غامض بر مسئله فلسفیه ایه علاقه دار بولوندوغی در حال تسلیم اولونور . فی الحقیقه فلسفه نك ( مبحث معرفت épistémologie ) ده نیان قسمیده ، اک جدی مناقشه لر بومسئله اطرافنده دوران ایدر ؛ شه یوقدرکه ( نظریه معرفت théorie de la connaissance ) بحثه عائد اولان ( شك و یقین le doute et la certitude ) دعواسنده شرط مطابقت ( قسطاس حقیقت critérium de la vérité ) اوله رق قبول ایدلمشدر . یعنی : [ معلوما تمز طوغرو وشایان اعتماد اوله بیلیمک ایچون، نفس الامر، حقایق اشیا به هروجهله مطابق وتام اولمالی در! ] دستوری علی العموم فیلسوفلرجه مسلم بولونمشدر . لکن اونوتامالی درکه یالکنز ( مابعدالطبیعیون les métaphysiciens ) ک تحقیق ایتک ایسته دکلری مطابقت، انجق بودرلو اوله بیلیر ؛ مذهب فلسفی اعتباریه ( réalistes حقیقیون ) دن اولانلر دخی مطابقتی بودرلو قبول ایدم بیلیرلر ؛ چونکه وجدان خارجنده مستقل بر عالمک وجودینه معتقددرلر . بناء علیه علممیزک شرط صحتی، افکارمیزک عالم خارجی ده کی اشیا ی معلومه به تمامی مطابقتی در؛ وانجق اوزمان علممیز ( یقین certitude ) افاده ایدر . حالبوکه ( ایده آلیست = idéalistes = افکار یون ) دن اولان فیلسوفلر، مطابقت کیفیتنی، انجق برنجی معنا یله تلقی ایدم بیلیرلر . یعنی ( فکرک کندی مضموتی بالجله اوصافیه تماماً ادا ایتمه سی ) صورتیه تفهیم ایدرلر ؛ چونکه فکر و وجدان خارجنده مستقل بر عالم اوله بیلیمه سنی قبول ایدمیزلر . نته کیم

(عقلیون les rationalistes) ك دخی بوخصوصده وضعیتی تماماً ایده - آلیستارک کی کبی در . حتی (هگل Hegel)، (نظرو تصور dialectique) ایله برعالم افکار ابداع ایتش وعالم حقیق نك تماماً کندی تصوراته مطابق اولماسی لازمکه جکنی ادعایه قدر وارمشدی. (بوتون بوتعیراته باقیکز!)

اور پا فلاسفۀ مشهوره سندن وده قارتک بیرو لرندن (باروح سینوزا B. Spinoza) بوتعیری برنجی معناسیله تلقی ایدوب ایضاح ایله مشدر . حتی (شرط یقین condition de la certitude) اولوق اوزره، بو بویوک موسوی فیلسوفی، مطابقتده (وضوح) اولسی ایجاب ایده جکنی ادعا ایدیور؛ بوخصوصده کی ملاحظاتی شو وجهله تلخیص اولونه بیلیر :

موضوعنه، تماماً مطابق اولان بر فکرک مضمونی ده و افخدر؛ بدیهی در . بداهت معناسی صحت و حقیقتنک دلیل یقینی سی اولور و چونکه معناسنده (وجوب nécessité) واردر . موضوعنه مطابق اولمایان بر فکر دخی بالعکس مهمدر؛ ناقصدر؛ مشوشدر. اوکا جهل قاریشمش ماهیتی افساد ایتشدر. بناء علیه معناسنده (وجوب) اوله ماز! فرضاً (تصادف le hasard) دیدیکمز زمان (inadéquate) بر فکر ایچون ای بر مثال ویرمش اولورز. بوفکر، افهام ایتدیکی معنایی - بالمله اسبابیله جامع اوله جق صورتده - یعنی تماماً اعلام ایده میور. زیرا اوکا جهل و یا خطا تداخل ایتشدر. فی الحقیقه تصادف دیدیکمز حالک وقوعنده هنوز بیله مدیکمز بر چوق عوارض، اسباب و شروط واردر. اونک ایچون بوفکر (واقعۀ تماماً مطابق) دکدر. اگر تصادفک نصل وقوعبولقده اولدوغنی بالمله اسبابیله، انک دکر سر شرائطیله بیله یکه اووقت معناسنده بوشیمدیکی تشوش قالمزدی. ماهیتندن (امکان خاص contingence) زائل اولور، اوکا بدل مفهومده (وجوب nécessité) حاصل اولوردی. [بوسوزلره باقیکز!] لکن احوالدهده تصادف اوله مازدی؛ چونکه اسباب و شرائطی و آن وقوعنی اولدن کشف و تقدیر ایده بیلیرک؛ یعنی (تصادف) دیدیکمز واقعۀ نك قانونی بولمش اولوردق، و احوالدهده (تصادف) دیدیکمز (واقعۀ)، (تصادفی!) اولمزدی!..

ایشته بومسئله حقنده سینوزانک خلاصۀ ملاحظاتی بودر. بوفیلسوف

شو ملاحظه‌سنة استاداً ادعا ایدیورکه (ممکن) عد ایتدیکمز شیلر هنوز بزجه واقعه مطابق اولیان، و بناءً علیه حقیقتی تماماً ادا ایده‌مه‌ین فکرلرده. بونلر جهل ایله قاریشیق معلومات جزئیة نوعنددر. بوقیلدن اولان فکرلرده خطا مندرجدر. بناءً علیه خطا (عدمی négatif) در. [بوسوزه باقیکنز!] علم یقین اکیسکلکی در.

سینوزانک بومسئله‌ده افکاری تماماً و عیناً بعض حکمای اسلامک و علی‌الخصوص فخرالدین رازینک فکر و ملاحظه‌سنی آکدیریر. علم بمختده بوداهی شرق عینی صورته بیان ملاحظه ایتشدی. (فخر رازی) عندنده علم، [اعتقاد جازم مطابق لموجب] یعنی [موجبه مطابق براعتقاد جازم] در. اولاً واقعه مطابقدر؛ وقوع حالی تماماً اعلام و افهام ایدر. ثانیاً شبهه ذرّه قدر محل بر اقاو و صاریله‌ماز بر اعتقاد الهام ایدر؛ زیرا معناسنده وجوب واردر. بوشرطلره مقارن اولان علمه (علم یقین) دیرلرکه بدهاتی‌کندی صحنه دلیل محض اولور.

فخر رازی بوتعریفی ایله علمی، (ظن)؛ دن، (جهل مرکب) دن (تقلید مصیب) دن تمیز ایتش در. شرح موافقک (مقدمات) بمختده مسئله اطرافیه مناقشه ایدلمشدر.

زمانر فیلسوفلری (نظریه علم) مباحثنده بو (adéquat) تعیری پک قوللانیلر و معلوماترک نفس الامر، حقیقت اشیایه مطابق اولماسی تقدیرنده ذکر ایدرلر. بو طرز تلقی (مطلقون les absolutistes) کوره‌در. (اضافیون les relativistes) انجق (علم ایله معلوم آره‌سنده مطابقت‌نامه) آرارلر. [adéquation لفظنه باقیکنز]

Adéquation

Adéquation      مطابقت

معنای لغویسنة باقیلیرسه (ad-equation) معادله، مساوات دیمکدر. حالبوکه اصطلاحده ارتق بومعنا معتبر دکلددر. معلومات، نفس الامر، تماماً توافق ایدرسه، و یاخود برفکر، (مفهوم تام) ایله موضوعی بیان و افهام ایلرسه، علم ایله معلوم اولان شیلر آره‌سنده، یعنی فکر ایله موضوع



مخصوصی آردسندہ ( adéquation مطابقت ) واردر . علم ایله معلومك بوتوازی ، ارتق معادلات و مساوات صایله میور؛ زیرا مطابقت ، طبیعتی اعتباریله بوسوتون باشقه شیلر آردسندہ واقع اولیور و بوسبدن ناشی کمیت ایله تقدیری امکان خارجده قالیور . مثلاً بزم بر ماده حقندہ علممز ( اونك حد ذاتندہ موجود اولدوغی اوزره ) بالمله اوصاف و کیفیاتی شامل بر فکر تام و کامل اولسه بیله ، ینه ( طبیعت و ماهیت اعتباریله ) ( بیلکی ) ویا ( فکر ) باشقه شی ، اوفكرك خارجده اشارت ایتدیکی ( ماده مخصوصه ) بوسوتون باشقه شی در! . خارجده کی ماده کمتاً تقدیر اولونه بیلیر ، طاریلیر ، اولچولور ؛ حالبوکه اوماده حقندہ حاصل ایتش اولدوغمز علم ، عددآ قابل افاده اولدیغی کی ، عینی مقیاس ایله اولچویه طاری یه ده کلز . بونلر ( غیر مشترك المقياس incommensurable ) شیلردر . ( بوتعیرہ باقیکلز . ) اونك ایچوندرکه سقولاستیق فلسفه سنك ایجاد ایتش اولدوغی بوتعیری بوکون دخی قوللاندیغمز حالده معنای لغویسنی قبول ایتیه رك مطابقت معناسنه آلیورز . یعنی فکرایله موضوعی آردسندہ معادلات مراد ایتیمورز . سقولاستیق فلسفسی ( علم ، معلومك عینی در ) ظن ایتدیکی ایچون بوتعیری وضع ایتش ولت معنایله تلقی ایلشدی ؛ ظنمجه سبب بودر . حالبوکه فلسفه جدیدہ نظرندہ ارتق هیچ شبه قلامشدركه علم ، معلومك عینی دکلدر ؛ حتی من وجه اوکا بکلز برشی ده دکلدر . یالکلز بر اشارتدرکه ذهنده معلومی آکدیریر . ایشته اوقدر! معافیہ بواشارت ناقص ویا تام اوله بیلیر . تام اولورسه اشارت ایله مشارایله آردسندہ یعنی علم ایله معلوم آردسندہ مطابقت واردر ؛ دهنیلیر .

### اهمال قیم Adiap horie

Adiap horie

یونانجه ( ἀδιαφορία ) کله سندن آلمشدر . السنه متمدنه علی الاکثر بوشکلده استعمال ایدر . ( فرقسزلق ) دیمکلدر . اصطلاحده حسسزلك ، قیدسزلق معناسنه کلیر . حادثات عالمه قارشى قیدسزلق ، حسسزلكدن نشأت ایدر ؛ حسسزلك دخی ، اوحادثاتك هیچ برینه دیکرندن زیاده

قیمت ویرمه‌مکدن، و بناءً علیه، برینی دیکرندن - هیچ بروجله - (فرقی کورمه‌مک) دن ایلری کلیر. ظن و اعتقاد، بوحده و ارنجه انسانده هیجانه قابلیت فالماز؛ مطلوبه توجه ایده‌بیلیمک ایچون، برطرفه میل امکانی‌ده اولماز؛ چونکه مطلوب اولان شی، قیمتده مرجح اولان سیدر. حالبوکه هیچ برنوع حادثهده قیمتجه فرق کورمه‌ین برآدم نظرنده مرجح صایله‌بیلجهک برشی یوقدر. اوایله اولونجه، هیچ برشیئه فارشی تأثر و هیجان‌ده یوقدر. بوحالده برشی یا به‌بیلیمک ایچون (تثبت فعلی) دخی اوله‌ماز، زیر (ارادت volonté)، (مفلوج paralysée) اولور قالیر. ایشته (تأثرسزلك apathie) ده‌نیای حالت روحیه دخی بودرکه (لاقیدی indifférence) نتیجه‌سی اولدوغنده شبهه یوقدر.

بوتعیرک و امثالک (تاریخ فلسفه) ایله چوق علاقه‌سی واردر :

اولا (حسابیه scepticisme) مذهبک مؤسسای اولا (بیرون Pyrrhon) بوکله‌نی ایجاد و وضع ایتمش اولدوغی ایچون (بیرونیه Pyrrhonisme) اصطلاح‌تندندر. بوفیلسوف هیچ برشیئه اینانه‌مادینی کی، کندی وارلغندن بیله شبهه ایده‌بیلیردی. بناءً علیه هیچ برشیئه‌ده قیمت ویرمه‌یه‌رک، بوتون وقوعات عالمه فارسی لاقید و حسسز و لیوردی. حتی (بیرون) نظرنده (خیر اعلا le souverain bien) بوحسسزلك، بوقیدسزلق مرتبه‌سینه ایره‌بیلیمک و هر درلو هیجاندن آزاده و هر نوع آرزو و املدن فارغ و مستغنی اوله‌بیلیمکدی. اونی هرکسه توصیه ایدیوردی. (بیرونیه Pyrrhonisme) لغته باقیکنز !

ثانیاً : (روافیون les stoïciens) ده‌نیلن فرقه فلاسفه‌نک حکمت اخلاقیه‌سی دخی لاقیدی‌نی توصیه ایدیوردی. فقط حسابانیون ایله بونلر آره‌سندمه اعتقاد فلسفیه‌جه پک بویوک فرق واردر؛ بناءً علیه (لاقیدی) کیفیتنی صورت تلقی لری بوسبوتون باشقهدر. ا بوابده تفصیلات ایچون stoïcisme تعبیرینه باقیکنز !

ثالثاً : سرقد (تصوف théosophie) اربابی، (ریاضت pénitence) ایله تصفیة باطن ایتکی توصیه ایلدکلی ایچون (ترک و امساک abstinence)

و ( فراغت abnégation ) ایله هرشیدن ال یومق ، ( یعنی ال ییقامق ،  
الینی چکەك ، واز چكەك ! ) لزومنه قائل اولمشلردی ، وبویوزدن ،  
فكراً ( افعال قیَم ) درجه سنه وارمشلردی . بواعقاده ، ( عملده - en pra-  
tique ) ، ( تأثرسزلك ولاقیدلق apathie ) ده نیلن ( عطالت inertie ) ی  
استلزام ایتمشدی . ( تأثرسزلك ) تعیری ( رواقیه ) اصطلاحاتنددر .  
رواقیون بونی توصیه ایتمكلیری حالده قطعاً عطالتیه منهك دكل ایدیله ؛  
حالبوکه صوفیه نك مبدأ اعتقادی ریاضت یوزندن قلندرلکه پیوسته اولمش  
ونهایت عطالتیه طایانمشددر . صوفیه ده واقعا خیراعلا ( وصال حق - com-  
munion avec Dieu ) در . فقط بونك ایچون امور دنیاده مطلقاً ( افعال  
قیم ) برنجی شرطدر . بومرتبهیه بالفعل ریاضت ایله واریله بیلیر . ایشته  
شرقه ( رند آزاده ) دیدكلیری ( انسان کامل l'homme parfait ) ، بویه  
برآدم ایدی . ( آزاده خوف ورجا ) ، ( لاقید ولأبالی ) ، ( وارسته  
تكلیف وتكلف ) ، کلیاً ( بی امل ) ( آدناس دنیویه دن قطعاً ال یومش )  
برانساندی . نظرنده ( نیک وبدِ عالم سیان ! ) دی . بویه اولان ( کملین  
les parfaits ) . ( احرار les indépendants ) ده نیایردی . ( بوتون  
تعبیرات مهمهیه باقیکزر ! )

( تناقض ) لفظاً صورتاً In adjecto ( Contradiction )

In adjecto

( هرلسانده لاتینجه سی مستعملدر ( این آجه قتو ) اوگونور )

بوتعبیر ، مباحث منطقیه ده کچر ، و ( تناقض contradiction ) وصفنده  
قوللانیلیر . ( contradiction in adjecto ) ، صوری یعنی سنکه عائد بر  
تناقضدرکه ، اونده ( محمول attribut ) ، ( موضوع sujet ) ك ماهیت و مفهومی  
صراحتاً نقض ایدر برشکل و وضعیتده در : ( مظلم بر آیدینلق ) کبی ! . . .  
ظلمت ، آیدینلغك ضد تقیضی اولدوغی ایچون ، بویه بر ( ترکیب وصفی ) ده  
مندج اولان معنای تناقضی درحال ادراك واذعان ایتهمك ممکن دکلدر ؛  
چونکه تناقض صوری در ؛ ظاهردر ؛ بدیهی در . لکن اکثریا بویه اولیه بیلیر :  
کرك موضوع ایله محمول آره سننده ، کرکسه ایکی قضیه نك مفاد حکمی

آره سنده کی تناقض ، کیزلی قاله بیلیر . او تقدیرده ( تناقض ، ضمنی در .  
( la contradiction est implicite ) ده نیلیر . مع مافیه هر ( تناقض ضمنی )  
بر ( تناقض صوری ) یه ارجاع اولونه بیلیر ؛ زیرا حقیقتاً تناقض وارسه ،  
البت ، آراده احکام متناقضه اولدوغندن ناشی در ؛ والبت اوکی احکامدن  
متناقض نتیجه لر استخراج ایدیه بیلیر . چیقاریلنجه دخی ( کیزلی تناقض )  
تظاهر ایدوب ( صوری ) اولووریر .

( تناقض صوری ) بحثه تعلق اوله بیله جک امثله تاریخیه نك الك مهملرندن  
بری ، ( سقوج فلسفه سی = philos. écossaise ) ك مؤسسی  
اولان ( دوكتور رهید Dr Ried ) ك ( قدرت = pouvoir = power )  
کله اصطلاحیه سنه عائد اولق اوزره فیلسوف مشهور ( جون لوق John Locke ) ه  
تعریفیدر . ( لوق ) ، ملکات عقلیه مزه علی العموم ( قدرت ) دیمش و بونلری  
( فاعل actif ) و ( منفعل passif ) اولق اوزره ایکی صنفه ایبرمشدی .  
( دوكتور رهید ) : [ قدرت ذاتاً فاعلدر ؛ حتی فعالیت قدرت عینی معنا افاده  
ایدر . بناء علیه فاعل اولمایان بر قدرت تصور اولونه ماز که قدرت منفعله  
تعبیری مقبول اوله بیلسین ! ] دییور ؛ یعنی ( قدرت منفعله ) تعیرنده تناقض  
صوری وظاهری واردر . دیمک ایستور . ( هاملتن ) بومناقشه یی ذکر ایتش  
و ( لوق ) طرفی التزاماً حکم ویرمشدر . ( بوراده کی تعیرات مهمه یه باقیکز ! )  
بوتعیرك النجق ( منطق logique ) ( بوسوزه باقیکز ! ) ده ومعقولاتده  
حکمی واردر . ادبیاتده وبدیعه یوقدر . بالعکس بدیع و بیانده اکثریا  
کنابه لر وهله مبالغه لر تناقض صوری یه برر مثال تشکیل ایدر . ( جانلی جنازه )  
( تولو حیات ) کبی ؛ جنازه نك جانلیسی جنازه اولماز . نته کیم حیات دخی  
ممانك ضد تقیضی در . فقط طرز اداده مبالغه ، بدیعه برهنر اولدوغی  
ایچون بویه شیره ادبیاتده مساغ اولدقدنماعد ا بر قیمت مخصوصه بیه ویریلیر .

Adulte

Adulte ٲاهل

جسم عضوینك الك اساسلی قابلیتی ، هویتی بوسوتون ضایع ایتیه رك  
نشو ونما وتبدل ایتسی وبوسایه ده یکی یکی شروطه ، یکی یکی محیطلره تطبیق

معیشت و توفیق حیات ایلله بیلمه‌سی در . ( adaptation ) ه باقیز .  
 بوقابایت دوام ایتدیکی مدتیجه حجره ، نسج ، عضو ، هرنه ایسه ، نشوونما  
 دورنده در . فقط بوقابایت الی نهایت دوام ایدمهز . برزمان کلیر که اکتساب  
 ایتدیکی شکل و قابایت اوزره قالیر و ارتق . عضویت تبدل ایدمهز اولور .  
 ایشته بوحل توقف ، عضویتک دور کهولتی در . بودوره ایریشن بر عضویت  
 ارتق شرائط جدیدیه ، یکی محیطلره تطبیق حیات ایدمهز ؛ عوامل خارجیه نك  
 اقتضاسنه کوره توفیق حیات ایدمه‌دیکی ایچون دخی تأثیرات خارجیه ، اونك  
 بنیه‌سی یواش یواش تخریبیه قویولور و بو تخریبات تغذی ایلله تلافی مافات  
 ایدمه‌زده آهنگ حیات مختل اوله‌جق راده‌یه واریرسه ، ( تُولوم la mort )  
 دیدیکمز حال وقوعه کلیر و جسم عضوی طاعنه‌رق عناصر اصایه‌سنه آیریلیر .  
 علی‌الافراد ، اعضای بدنیه دخی بو تعبیر تطبیق ایدیلره نك استعمال  
 اولونوبور . بر عضو ( انطباق قابیلیتی pouvoir d'adaptation ) نی ضایع  
 ایدمجه ( کاهل در ) ده‌نیر . وجودك بالجمله اعضای مختلفه‌سی عینی زمانده کاهل  
 اولوب اختیارلاماز . دماغك اقسام و مراکز مختلفه‌سی ده بویه‌در . حتی  
 جمله عصیه‌نك بعض قسملری وارکه هیچ کاهل اولماز اگر اولورسه حیات  
 ممکن دکلدرد . حیات اونلرک فعالیت دائمه‌سی و یکی یکی شرائط سهولتله انطباقی  
 سایه‌سنده انجق دوام ایدمه‌بیلیر .

حیات مغنویه دخی بونی تطبیق ایدرلر ؛ کاهل برزکا ، تشکل ایتیش  
 و اصول واحکام اعتقادیه‌سی ترتیب و تنظیم ایتیش برزکادرکه یکی بر اعتقاد  
 یکی بردوشونوش قبول ایدمهز . بناء علیه حیات فکریه‌ده محافظه کارلنك بر  
 نوعی ، ذکالك کهولتی ائیرد . ده‌نیله بیلیر . بو تعبیر اجتماعیاتده دخی تطبیق  
 اولونور . برمدنیت مختصره‌یه ایرمش و مدت مدیده اوکا کوره یاسایوب  
 یوروش و قوتی غائب ایتیش برامت ، یکی بر مدنیتک شرائط اجتماعیه‌سی  
 قبول ایدمه‌جه‌ک راده‌یه کلش ایسه ، دور کهولتی ادراک ایتیش دیمکدر .

#### افکار راصد Adventice

Adventice

دور اخیرك مجدد مشهوری ، فیلسوف ( ده‌قارت Descartes ) ك ایجاد  
 و وضع ایتیش اولدوغی تعبیرات اصطلاحیه‌دندر . لاتینجه ( adventitius ) دن

آنشدر؛ فقط عموم طرفدن قبوله مظهر اوله مادی ایچون تعمیم ایدمه مشدر. ده قارت اوچ درلو (فکر *idée*) من اولدوغنه اینانیوردی. حواس واسطه سیله ایدیندیکمز افکاره = *idées adventices* ; *cogitationes adventitiae* دیوردی. بونلره بوکون هر فیلسوف (sensations احساسات) دیوردی. عرب حکما سنک و انکلیز فیلسوفلرینک (حیات *sentiments*) دیدیکی بودر؛ بونلری بوکون هیچ کیمسه (افکار) نوغندن عدا اتمز. بو حسیاتی اعمال ایدرک ذهنک بالذات تحصیل ایلدیکی فکرلره دخی ( *idées factices* افکار مجعوله) دیوردی که ده فارتک ظننجه ذهنک کندی معمولا تندن اولان (یا بجه فکرلر) دیمک اولور. واجب، ضروری و عمومی اولان کلیات افکاره دخی (افکار و هییه *idee innées*) دیوردی. بونلرک حواس دن کله دیکنی، ذهنک معمولا تندن ده اولمادیغنی ادعا ایدیوردی و بزمه برابر طوغماش، بالعکس بزه هر حاله تقدم اتمش اولدوغنه قانع بولونویوردی که ( *innée* طوغماش) تعبیرینه سبب اوفیلسوفک بو اعتقادیدر. بوکون بو صوک تعبیر مشهوردر و مهمدر. فقط بو جنسندن اولان فکرلرک منشأ و ماهیتی حقدنه نظرلر متحالف و حتی متناقضدر. حسیاته کمنجه قطعا فکرلرک صایلمیور. حالوکه ده فارت، بالجمله (تلقیات حسیه *acquisition des sens*) یی و بوتون (محتویات وجدان *le contenu de la conscience*) یی (افکار *idées*) نام عمومی سی ایله یاد ایدری. (بوتعیراته و بالخاصه *rationalisme* سوزینه باقیکنز !)

Adynamie

فقدانه قوا Adynamie

درمانسزلق دیمکدر، یونانی دن کلشدر: ( *a* ادات نی )، ( *dynamis* = *δυνάμις* ) ده قوت معناسنه در. بو حال، بر کیفیت مرضیه درکه بالخاصه انسجه عضلیه نک فوق العاده ضعیفه نمایان اولور. او حاله (تقلصات عضلیه *contractions musculaires*) یا پاک کوچ اولور، یا هیچ ممکن اولماز. اکثر وخیم حائزده بوضعف کورولور.

**Affectifs (Phénomènes) (عادات) تأثیریه**

**Affectifs**

Gefühls	آلمانجه
Affective	انگلیزجه
Affettivo	ایتالیانجه

شخصیت معنویه مزی تشکیل ایدن (حسیات sentiments) و (ارادت la volonté) ایله (افکار les idées) آره-سندده وضع و جنس وماهیته اهمیتلی برفرق وارددر. بونلرک جمله سی-ده (حادثات روحیه phénomènes psychique) دن معدود اولقله برابر، حسیات، بزم اصل بنلکمزی تشکیل ایدر و بو حیثیته، اونلرک تحولاتی کندی بنلکمزک تحولاتی دیمکدر. افکاره کلنجه، اونلرک بنلکمزله، حیات روحیه مزله بودرجه صمیمی علاقه سی یوقدر و (کندی اناتیز notre moi) قارشوسنده افکارمز، (non-moi غیرانا) حیثیتندده: بنلکمزه یابانچی اولان شیرکچی در! بومهمه بی نظر دفته آله رق (محتویات وجدان le contenu de la conscience) ی تقسیم ایدن (علم روح اربابی les psychologues) حسیات نوعندن اولان حادثات معنویه علی العموم (حادثات تأثریه phénomènes affectifs) دییورلر. افکار و خیالات جنسندن اولان قسمنده (حادثات ذهنیه phénomènes intellectuels) دییورلر. بوا یکی طاقدن برینک مبدأ واصل اولدوغی ادعا ایدلدیکنه کوره تعین ایده جک (intellectualisme ذهنیه) و (volontarianisme) مذهب فلسفی یه ارادیه (ده نیلیورکه برنجیسنک اک مشهور مروجی (Herbart هربارت) در. ایکنجیسنک ده (Schopenhauer شوپنهاؤهر) در. [ بوتون بوتعیراته باقیکنز. ]

شوالده - بالخاصه حادثات ذهنیه دن قطع نظر ایدرک - صرف حسیاته و ارادته متعلق اولان احوال روحیه نک جمله-سنه بردن (حادثات تأثریه phen. affectifs) ده نیلیور، دیمکدر. بوده حسیات نوعنه منحصر اولورسه (passif انفعالی) اولور. مثلاً ذوق و الم حس ایتمک کی. عرب فیلسوفلری

ایشته بو طاقم حسیاته وجدانیات دیمشردی که (faits de conscience) دیه ترجمه ایده بیلیرز . اکر منحصرأ ارادات و تمایلات نوعنه عائد اولورسه (actif فعلی) اولور. آرزولرمز، میلزم، محبت و عشقمز بوقیلدندر .

Affection

تأثر Affection

Affection فرانسجه و انگلیزجه

Gefühl آلمانجه

Affezione ایتالیانجه

بوکه لاتینجه (Affectus, affectio) لغتلرندن آلتشدرکه بر شیدن متأثر اولمق، دیمکدر. لسان عمومی ده، هان هان محبت لفظنک مرادفی کبی قوللانیلیر. مثلاً حسّاس و محبته میال اولان کیمسه لره و اوپله کیمسه لرنک طور لرینه، وصف اوله رق (affectueux) ده نیلیر. اصطلاحده معناسنک تنوعاتی واردر. الک اسکی معنای فلسفی سی - علی الاطلاق - (حادثات منفعله phénomènes passifs) دیمکدر، که اشیاده کیفیات مقوله سندن اولان بعض احوال دن عبارتدر. بونلره فرانسجه (manières d'être) دیرلر. لکن آرقق بوکون بومعنایی ادا ایتنک اوزره (modification, qualité و modalité, mode) کله لری قوللانیلور، و (affection) تعبیری یالکیز حسّاس اولان موجوداته تخصیص اولونمشدر. بو تخصیصه کوره (تأثر affection)، نفسمزده حاصل اولوبده بزدن انفکاک کی ممکن اوله مایان، حتی نفسمزک غیری برشی ایمش کبی دوشونوله مه بن حسیاته ده نیلیور. شو اعتبار ایله افکارمز، تأثرا تمزدن پک فرقلی و آیری برصنف تشکیل ایدر. زیره افکارمز دخی - حد ذاتنده - نفس ناطقه مزک محصولی اولمقله برابر، اونلری کندی انا تمزدن، یعنی کندی بئلکمزدن، کندی نفسمزدن بوسوتون آیری و مستقل شیلر ایمش کبی تلقی ایده بیلیرز. بالعکس تأثرا تمز روحزک حیاتی در؛ و (هیجان émotion) نوعندن بر حادثه انقیسه در. یالکیز شو فرق وارکه (هیجان) عمومی بر تعبیردر، و (passion اختراص، ابتلا)، (desir آرزو، شوق) کبی حالات وجدانیه نیک جمله سنی ده معنأ شاملدر. حالبوکه (تأثر)، اختراصدن دهآ آزشدید ودها



آز مَبْرَم بر (ميلان inclination) در . نته کيم آرزوده اويله در . (تأثر)  
بومعاده تلقی ايديلنجه، اونده بر خصوصيت ممتازه بولانلر اولمشدر . (لاسلية  
Lachelier) نام فرانسز فيلسوف معاصر ادعا ايديوورکه تأثرده (علت  
موجبه cause efficiente) ايله (غايه مترقبه but visé) برله شیر : بران انه ،  
کيم (affection) الهام ايدرسه او حیات تأثريه نك ، اوميلان محبتك  
هدفينه او آدمدر ؛ باشقه سی اوله ماديني کي باشقه برشیده اوله ماز . حالبوکه  
آرزو وشوق ايچون سبب مُحَرِّك (mobile یعنی سائق) باشقه، غايه ومقصده  
باشقه در . بونقطه نظر دن باقوب معنای بوسبوتون تخصیص ايدرك بونوع  
تأثري يالکز انسانه حصر ايدنلر اولمشدر . مشهور (سقوج écossais)  
فيلسوفی (رهيد Reid —) بوفکرده در :

(اعمال بشريده متنوع سائقه لر واردرکه اونلرک هدف مخصوصی  
(اشخاص personnes) در ؛ وسوائق مذکور نك طبييت ذاتيه لر ،  
برطاقم اشخاصه وحی بعضی جانلی موجوداته قارشى اي ويا کوتی بر حس  
اياله متأثر اوله مزی استلرام ايدر . اکثر اعماللرک مباديسی تشکيل ايدن  
بوسوائقه ، بن ، عموماً (تأثرات affections) ديورم . ايستراسر انسانلره  
قارشى بزى اعمال حسنیه سوق ايتسين لر ، ايسترسه اعمال سيئه يه سوق  
ايتسين لر .) ديور .

(رهيد) ، بو تعريفی ايله کله نك معناسنی ، حسیاتمزلرک بر صنف  
معينه تخصیص ايتمکله برابر ، مفهوم اصطلاحی بی ، لسان خلقده معتبر  
اولان معنایه تقريباتمیش اولويور . شوقديرجه تأثراتمزی وکوتی اوله بيلمک  
اعتباريله ايکی درلودر . برينه (تأثرات حسنیه affections bienveillantes)  
دهنير ؛ متدارلق ، ميل مودت ، دوستلق کي ! . . . ديکرينه دخی (تأثرات  
سيئه affections malveillantes) دهنير ؛ غیض ، نفرت ، خرص ،  
حسد ، انتقام کي !

آکلاشيلورکه انسانلره قارشى محبت ونفرتيه متعلق بعضی انفعالاته عائد

اولق اوزره حاصل ایتدیکمز حسیاته تأثرات ده نیلیر ، و بو حساتک ابتلا واختراض درجه سنده شدید اولماسی ده تعریفده داخل برشرطدر . قورقو ، امید ، تهور کبی احوال روحیه مزی بالخاصه ( تهیجات émotions ) صنفه داخل ایدوب تأثراتمزدن آیریورز . بو نوعیراتک ، پسیقولوژی واحلاق علملریه علاقہ سی اولدوغی آشکاردور .

برده عیبی لغتدن مشتق ( affectation ) کله سی وارددر که بک قولانیایر . بز بونی کندی لسان عمومیمزده ( جعلی ) کله سیله ادا ایدرز . ( تصنع وصنعه ) دخی بودیمکدر ودها ریاده حقوق جزا لساننده مستعملدر؛ جدی وحقیقی اولمایان اوضاع واطواره جعلی دیمک متعارفدر . ( affecter de ne rien savoir = نجاهل ) دیه ترجمه ایدیلیر . بو حال ، دائماً تأثرات صحیحه وحدیه نک تقلیدینی یامقدن عبارت فالیدی ایچون ، بر چوق احوالده ( simuler ) کله سی بوکا بدلاً قولانیلیر . ( خسته لنی تقلید ایتک = نمارض ) کبی ! ( d'un air affecté جعلی برطور ایله ! ) دیه ترجمه ایدیلیر . [ تعیرات مهمیه و خاصه ( phénomènes affectifs ) سوزلرینه باقیکنز ! ]

صادرہ وارده

Afferent  
Efférent

Afférent , Efferent

اعصاب ، وظیفه وخدمت لرینه کوره ایکی درلودر . بر قسمی وارکه محیط بدنه پیوسته اولان اوچلرند و قوعه کلن تهیجاتی ، محیطدن مرکزہ یعنی سطح بدنن ، دماغه ، ( مخ شوکی moelle épinière ) یه وبرطاقم ( عقدات عصبیه ganglions nerveuses ) یه نقل ایدر لر . تأثرات محیطینی بو وجهه مراکز عصبیه کترین اعصاب تلرینه ( nerfs afferents اعصاب وارده ) و ( centripètes الی المرکزیه ) دیر لر . دیگر بر قسم اعصابده وارددر که مراکز عصبیه ده حاصل اولان انفعالاتی وتغیراتی ، محیطده بر عضو مخصوصه نقل ایدر لر که عضو مذکور او عصبک نقطه انتهاییه سیدر . بونلر ده ( nerfs efférents اعصاب صادره ) و یا خود ( centrifuges عن المرکزیه ) ده نیلیر . بوجنسدن اولان اعصابک نهایت بولدوغی اعضا همان دائماً بر عضله مخصوصه در .

دیگر لرلی ایسه عالم خارجی ایله تماسده بولونان اقسام بدنیه مزده منتهی اولور .  
اونك ایچون بونلر خاراجدن مرکززه خبر نقل ایدر لر . دیگر لرلی ده مرکزدن  
محیطه اراده کوتور ورار .

عربلر کتیر نلره ( وارده ) ، کوتور نلره ( شارده ) دیمش لر ایدی .  
( Psycho - physiologie ) علمنه عائد اولان بوتعیرات ، فلسفه مباحثنده  
کیفیت ادراک مسئله سنده اکثر یا ذکر اولونور . ( انا le moi ) نك ( غیر انا  
le non - moi ) ایله یعنی نفسمزك عالم خارجی ایله ( تماس ومناسبتی contact  
et rapport ) بحثنده وارد اولور تعیرات علمیه دندر .

### عمود Affinité

Affinité

Verwandschaft, Affinität	المانجه
Affinity	انگلیزجه
Affinità	ایتالیانجه

( لاتینجهده Affinitas ) دن آلتش برکله در ، وقرون وسطی لسان  
عرفانندن بزه انتقال ایتشد در . ( علوم غریبه sciences occultes ) دن  
اولان ( الکیما alchimie ) یه عائد اسکی بر تعیردر که بوکون حالاییکی کیمیاده  
ودها یک جوق شیلرده قوللا تلقدده در . بر عنصر مادینك دیگر بر عنصر مادی  
ایله برلشوب بر ترکیب وجوده کتیر مک خصوصنده کی میلان طبعینه اسکی  
الکیمیائیون ( Affinité ) دیر لر دی ، وبو علاقه یه انفسی بر ماهیت اسناد  
ایدر لر دی . مثلاً انسانلرک بر برینی ترجیحاً محبتی یا خود نفرتی کی !! حتی  
طیب وعالم مشهور ( بوئر هاو Boërhave ) علاقه یی ، اجسام آره سنده  
بر محبت اولوق اوزره تعریف ایتشدی . بوکونکی کیمیا نظر نده علاقه ،  
بر جسم مرکبک عناصر اصلیه سنی یکدیگرینه باغلی بولوندوران واونلری  
یکپاره طوتان قوته ویا خود قوای طبعیه نك ( محصله résultante ) سنه  
دیر لر . کیمیا علمی ، ( ماکنه ذره وی mécanique atomique ) دیمک  
اولدوغنه نظراً ( علاقه کیمیویه ) ارتق انسانلرده کی علاقه انفسیه یه بکزر  
بر ماهتده تصور اولونه ماز . بلکه بو علاقه ، جاذبه نك خصوصی : نوع تجلی -

سیدر، و احتمالاً اجسام و عناصرك (électropositif) و (électronégatif) اومانسی سبیلله یکدیگرینه انخدا به میلی نتیجه سیدر. (بوتعیرات ایچون قاموس ریاضیاته باقیکنز !)

(پسیقولوژی یعنی علم روح) لساننده دخی بولکه بعضاً قولانیلور . برفکرك دیگر بعضی افکاری ذهنده دعوت واحضار ایتهمسی (association d'idees - سوزینه باقیکر ! ) بختده (علاقه روحیه Affinité psychologique) تعیری استعمال اولنور. نته کیم ایکی درلو (تصورات concepts) (بوسوزه باقیکنز ! ) ارسنده کی رابطه فکریه به دخی (علاقه منطقیه Affinité logique) دهنیلور . آلمان شاعر و حکیم مشهوری (گوته Goethe)، عشق انسانی حقنده (علاقه اتخاییه Affinité élective) تعبر معناداری قولانمش و محبت دهنیلان علاقّه انفسیه ده روح عاشقك، بر شخصی دیگر لرینه ترجیح واتخاب ایتدیکنی نظر دفته ابراز ایلهر ك کیفیت عشقی تعریف ایتك ایسته مشدر . هر حالده (علاقه)، ماهیتی مهم اولقله برابر بر (کیفیت محسوسه fait sensible) در؛ وهر لسانده رایج برکله در .

Affirmative	(prop.) Affirmative	مرفیه (قضیه)
Negative	(prop.) Negative	سالیه (قضیه)

بوتعیرات، لسان منطقده اصطلاحات مشهوره و (متضایفه connotatif) دندر. [connotation سوزینه باقیکنز !] قضیه حقنده وصف اوله رق متقابلاً قولانیلیر . بر (قضیه proposition) موجه اولور، اکر (موضوع le sujet) ایله (محمول l'attribut) آراسنده کی نسبتك وقوعیله حکم اولونورسه ! . (انسان فانی در.) کی که بوراده نسبتدن مراد، (فانیك) در و بو حال لسانده وقوع بولویور دیه حکم اولونمشدر . بالعکس آراده کی نسبتك (لاوقوع) ی ایله حکم اولونورسه بویه بر قضیه (سالیه négative) اولور. (سقراط لایموت دکلدرد.) کی !... قضیه نك بو وجهله موجه ویا سالیه اولماسنه (بر قضیه نك کیفیتی la qualité d'une proposition) دهنیلیر . (Affirmation) سوزینه باقیکنز !]

Affirmation	ایجاب	Affirmation
et	و	et
Négation	سلب	Négation
Affirmation et négation	دراسرجه وانکلیرجه	
Behauptung	المانجه	
Affermazione negazione	ایتالیانجه	

ارسطونك وضع ايتديكي اصطلاحات منطقیه دندرد . اصل يونانیسی :  
 ( ایجاب Κατάφασις ) و ( سلب ἀποφασίς ) در . فرنکجه سی ،  
 لاتینجه : ( negatio, affirmatio ) دن کلیر . منطقده ، بر قضیه موجبہ نک  
 افادہ حکمنه ( ایجاب affirmation ) دیرلر . ضدی ( سلب négation ) در .  
 برده ( تصدیق assertion ) تعیری وارد . که ایجاب ایله برطوتاملی در .  
 ایجاب ایله سلب آره سنده ( تقابل تضاد ) واردرد . مثلاً ( انسان فانی در ) ،  
 ( انسان فانی دکلدرد ) کبی که بوایکی قضیه نک مفاد حکمی آره سنده درجات  
 متوسطه اوله ماز و برینک ادعاسی دیکرینک کبی اساساً قطعياً و تماماً نقض  
 ایدر . حالبوکه ( assertion ) تعیری بو متناقض الحکم اولان قضیه لک ایکیسنده  
 تطبیق اولونه یلیر ؛ چونکه ایجاباً اولسون سلباً اولسون هرایکیسنده ده حکم  
 واردرد . بناءً علیه ( assertion ) ، ( شبهة doute ) مقابلی در . و بوایکی حال  
 آره سنده بالحملة احتمالاتک درجات متفاوتہ سی واردرد . اکلاسیلیور که هر درلو  
 حکمه ( assertion ) ده نیر ؛ ایجاباً واقع اولان حکمه ( affirmation )  
 تعیری تخصیص ایدیلیر . ( شو شویله در ؛ بو بویله در ) کبی ! . سلباً واقع  
 اولان حکمه دخی ( négation ) تعیری قوللانیلیر . ( شو شویله دکلدرد ؛  
 بو بویله دکلدرد . ) کبی ! ...

( affirmation ) هنوز دهنده ایکن ( حکم jugement ) در . سوزله  
 بیان ایدیلنجه ، دستور افاده سنه ( قضیه Proposition ) دیرلر . اووقت  
 بر کیفیت یا خود برشی دیگر بر شیئه حمل واسناد ایدلمش اولور . ( حیات  
 زحمتی در ) ؛ ( بختیاراق قولای دکلدرد ) کبی که بوایکنجی قضیه ده حکمک  
 سلب ایله واقع اولماسنه رغماً ینه بر ( حمل attribution ) واردرد : ( قولای  
 اولماق ) کیفیتی بختیارلغه حمل واسناد اولونویور دیمکدر .  
 [ ( Proposition ) سوزینه باقیکز . ]

A fortiori

بظریع ادرلی A fortiori

( آفورسی یوری ) اوقونور . ( هرلسانده لاتینجه سی مستعملدر )  
 بو بر شکل محاکمه در که برهان حیثیتی حائزدر . جزئی نك حکماً کلی ده  
 مندرج اولمی کیفیته مستددر . بناءً علیه ، کلی نك حقیقی اثبات اولونجه  
 اونك ضمنده مندرج وحکمنه تابع اولان جزئی نك حقیقی ، ده از یاده قوتله  
 ثابت اولمش اولور . ( a fortiori ) تعیری ده بو سببله وضع اولونمشدر . مثلاً  
 ( بعض ( ا ) ، ( ف ) در . زیرا هر ( ا ) ( ف ) در . ) دیدیکمز زمان بو  
 برهانك اك بسیط واساسی سکللی عرض ایتش اولورز . ( بعض انسان  
 فانی در ) صغرا ، ( زیرا هر انسان فانی در ) کبرا اولدوغنه نظراً کبرانك  
 حکمی صغرانك کنی ذاتاً شامل ومتضمن بولونویور؛ بناءً علیه هر انسان  
 فانی اولونجه ، بعض انسانلرک البته فانی اولمه سی لازمکه حکمی ( ده از یاده قوتله  
 یعنی afortiori ) ثابت اولمش اولویور .

منطقیون ، بونی برنوع ( قیاس مطوی enthymème ) اولمق اوزره  
 تلقی ایدیورلر . ( بوتعیریه باقیکنز ا

Agent

عامل = فاعل Agent فرانسه رجه وانکلیزجه

لاتینجه دن آلمشدر . اصلی ( agens ) در ؛ ( ago فعالیتده بولونمق )  
 معناسنده . بناءً علیه ( agent ) فاعل دیمکدر . ضدی ( patient منفعل ) در .  
 بوتعیریلری ارسطو ایجاد و وضع ایتش وینه کندی ترتیبی اولان ( مقولات  
 عشره les dix catégories ) ( بوتعیریه باقیکنز . ) میانسنده ( فعل ) و  
 ( انفعال ) ی درج ایتشدر . بوکونکی لسان علمی وفلسفی ده حالا مستعملدر؛  
 فقط معناسنجه برآز فرق واردر . بزم لسانمزرده آرتق عامل دنیلیور ؛  
 حتی بوکا برده ( مؤثر ) صفتی تردیف اولونهرق ( عامل مؤثر ) ترکیبنده  
 قوللانلدیغی ده واردر . حالبوکه مؤثر لفظی حشودر؛ یعنی لزومسز وفصله در؛  
 زیرا عاملک حیثیت معناسنده ذاتاً مؤثر اولمق شرطی داخلدر . مؤثر اولمایان  
 عامل ، عامل صایلمماز . واقعا بر حادثه طبیعه برچوق عوامل مختلفه نك

( محصله résultante ) سی اولدوغنه نظراً ، عواملک بر قسمی تأییری کوستره مر ایسه ده ، او تأیر یوق دیمک دکلدر . بلکه عوامل سائره ومتقابله نك تأییری تعدیل وموازنه ایتمکده در . فرضا ماصه اوزرنده طوران شو کتاب ، جاذبه ارضیه نك لایتنقطع تأییرینه معروض بولونمقده در . جاذبه ارضیه متمادی اوله رق او تأیری اجرا ایدن برعاملدر . فقط ( کتاب دوسمیور ) دیه رک او تأیری انکار ایدمه یز . تأیر جاذبه کوروله میورسه ، ماصه نك مقاومتی سبیلله او تأیرک صفره منجر اولوب موازنه حاصل ایتمه سندندر . کذلک عضلات وجهیه مزک دائمی بر تأیر عصبی تحتده بولوندوغندن خبردار دکلز . حالبوکه اک ساکن اوبقوده بیلله او تأیر ، متمادیر ومتقابلدر . اونک ایچونده متوازن در . اگر ( عصب - وجهی nerf facial ) نك بری ، مثلاً صاغ طرفده کی مفلوج ، یا خود مقطوع و مجروح اوله جق اولورسه ، در حال انسانک آغزی ودوداقلری صول طرفه بوروله رک چاریلییر . ریرا وجه یالکز صول طرفدن کلن تأیر عصبیه معروض والدینی ایچون او طرفه طوغرو تقلص ایدر . بناءً علیه ( مؤثر ) صفقی فضله در ( عامل ) دیمک کافی . [ antagonisme سوزینه باقیکنز ]

بوکون ( عوامل طبیعی agents naturels ) ، ( عوامل اجتماعی ag. sociaux ) ، ( اخلاقیه moraux ) ، ( سیاسیه politiques ) ، ( مرضیه morbides ) حتی ( جغرافییه géographiques ) ، ( ارضیه géologiques ) الی آخره . . . کی بر جوق موضعلرده بوکله قوللانییر ؛ ودائماً بوکی حادثات متنوعده جزئی کلی بر ( سبب ) معناسه کلیر . اونک ایچوندرکه بعضاً ( مؤثرات مدنییه ، اجتماعیه اخلاقیه الخ ) تعبیرلرنده اولدینی کی ، مؤثرات سوزی عوامل یرینه قوللانیلییر ؛ فقط عامل لفظی اصطلاحده مرجحدر . [ action, activité, actif سوزلرینه باقیکنز ]

( قوای طبیعی forces naturelles ) تعبیریده بو معنایی افاده ایدرسده آرده بر مهم فرق واردر . ( قوت ) دائماً ماهیتی مهم بر عامل اوله رق تصور اولونور . حالبوکه ( عامل ) تمامیه مین اولق شرطدر . مثلاً ( شوماکنه کی حرکت کترین بر قوتدر ) دیرسه ک مجرد ومهم بر صورتده

بیان رأی ایتش اولورز . او قوتی تعیین ایدرده ( حرارت ) در ، یاخود ( الکتریک ) در ؛ دیرسه ک مؤثری ماهیتی ایله تعیین ایتش اوله خور جهته حرکتک عاملنی کوسترمش اولورز .

اخلاق بحثنده ( عامل ) سوزی . اهمیله کچر . بزم لسانمزد اسکی سقولاستیق فلسفه سندن انتقال ایتش اولان ( فاعل ) لفظی مشهوردر . ( فاعل مختار agent libre ) دیرز . بویکی کلمه ک حیثیت معناه هیچ فرقی یوقسه ده ارتق بوکون طبیعت جامده یه متعلق واوندن صادر اولان قوتلر حقنده ( عامل ) لفظنی ترجیح ایدرک قوللانیرز . ( عوامل طبیعی ) دیرز . فقط عاقل وحر ومدبر فرض اولونان روح انسانی ایچون ( فاعل ) تعبیری ده کیشدیرمه مشرذر . بونلرک ایکسینک ده فرنکجه مقابلی ( agent ) در . عاقل اولق قیدی ، بوتعیبرک مباحث اخلاقیه ده وجه استعمالنی تعیین وتخصیص ایدن بر مهم شرطدر . عاقل اولمایان موجوداتک حلاق مسائلی ایله مناسبتی اوله ماز . توانین اخلاقیه ک حکمی انجق انسانه در ؛ واونک حرکات ومعاملاتنده جاریدر . بوده عاقل ومدبر اولماسی حیثیتله ومسئولیتی متحمل اوله بیلیمه سی اعتباریله در . بناء علیه اخلاق بحثنده ( فاعل agent ) ، ( مختار اولق کرکدر doit être libre ) دیه دوشونولمشد . فقط ( فعل action ) [بوسوزه باقیکنز!] ، تحقق ایده بیلیمک ایچون ، برطاق شرطک ده تحقق لازمدر . مانعه لره فائز وغالب اولمادجه فعل ایچون استطاعت ممکن اولماز . ایشته بومهم نقطه یی نظر دفته آلان ونفس انسانیه یی حد داننده مرید ومختار اولق اوزره تلقی ایدن ( ارسطو Aristote ) ، بوتعیبره بر معنای مخصوص ویرمشدی: اکر فعل ، موانع خارجیهدن ویاخود موانع فیزیولوژیهدن ( مثلا آغری وصیزیدن طولانی قیملدایه مامق کبی ! ) . بوسبوتون آزاده اوله رق وقوعه کلیرسه ، اونی ایقاع ایده نه ، ارسضو ( فاعل مختار ) دیوردی . بوکون ، هر نه اولورسه اولسون بر فعلک وقوعی وتحقق ، بهمه حال بر چوق شرائطک وجودینه مقتدردر . بونده کیمسه ک شهبه سی قالمادینی کبی شرائط مذکوره ک جمله سنه ، بیله بیله توفیق حرکت ایده بیلیمک دخی کیمسه ایچون ممکن دکلددر . بوده شهبه کوتورمز . اوندن طولانی درکه بوکونکی لسان



فلسفه ده (agent moral) تعیری قوانین اخلاقیه تابع اولان کیمسه ده دیر لر. اوقوانینک اقتضاسنه کوره عمل ایدن دیمکدر. بومعاندن اکلاشیلورکه ارسطونک (فاعل مختار agent libre) ی ایله (agent moral) ک فرقی واردر. بوبریکی (serf arbitre فاعل مقید) وضعیتده در. (arbitre لغته باقکنز. ۱

فعله استطاعت مسئله سنده قیود معنویه و شروط خارجیه نك بك بویوك اهمیت اولماسی، باشلی ناسته بر بحث مهمه سببیت ویرمش و ارسطو زمانندن بری (فاعل مختارک فعلنده، خوفک، الملك، خصانک وجهلک نه درجه لره قدر دخل و تأثیری اوله بیله جکی) مسئله سی مختلف فیه بر سکنده فالمشدر. بزم علم کلامده دخی (استطاعت مع الفعل می؛ . . قبل الفعل می؛ . . بعد الفعل می؛) دیه اوزون بر مسئله واردر.

#### اجرای فعل و اجرائی تأثیر (Agir)

Agir

بر حرکت ایله بر (فعل acte) (بوتعیره باقکنز؛ ۱) حصوله کتیر مک مناسنه کلیر. بو حرکت ارادی اولسور اولماسین، معنایه حکمی بو قدر. بوتعیری، مثلاً کیمیاده بر (حامض acide) حقنده قوالاندیغمز کبی، حکمتده، ضیا حقنده ده استعمال ایدرز: (ضیای شمس فطوغرافی پلاق اوزرینه اجرای تأثیر ایدر). دیرز. علم حیاتده (پروتوپلازما protoplasme) ده نیلن ایلك ماده عضویه نك (حرکت آمیبیه mouvement amiboïde) سنه [بوتعیره باقکنز؛ ۱] دخی بو کله نی تطبیق ایده بیلیرز. مالخاصه فلسفه و تاریخ فلسفه ده، ارسطونک (مقولات عشره les dix catégories) سنده [بوتعیره باقکنز؛ ۱]، بو کله، (انفعال pâtir) مقابله سنده موضوع اوله رق داخل بولونور. بزم حکمای اسلام بونلری اوته دنبری (فعل و انفعال) دیه ترجمه ایتشلر در. (réagir) بر فعل و تأثیره قارشى قویمق صورتیله واقع اولان حرکت ارادییه ده نیلیدیکی کبی بر فعلک محض تأثیری دیمک اولان (حرکت دفعیه mouv. impulsif) یه ده ده نیلیر. (فیزیولوژی = غریزیات) ده موضوع بحث اولان (فعل منعکس action reflexe)

عضوی بر حرکت ، بر اثر حیات اولمقله برابر ، شعوره مقارن ، یعنی ( جمله عصبیه مرکزی *systeme nerveux central* ) ایله علاقه دار اولمادیفی ایچون عضویتک بر عامل خارجی به فارشی بالذات ( *réaction* ) یدر . ذاتاً اوتعبیرک معنایی عکس تأثیر دیمکدر . سوسیولوژی وپولتیقه لساننده ( *réaction* ) ( ارتجاع ) کلمه سیله ترجمه اولونور ؛ و بر حریان حربت پرورانه به فارشی کتمک واسکی حالی اعاده ایتک ایچون ماضی به رجوع غیرتی دیمک اولور که باقیله ( محافظه کارلق *conservatisme* ) ک نامعقول بر صورت جاهلانه سیدر . عادات مستحسنه بی و غنعات و مؤسسات ملیه بی محافظه ایتک غیرتی مقولدر و ارتجاع صایلماز . مع مافیه سیاسیات واحتمایات لساننده بوتعیر اکثریا دها کنیش بر معنا ایله قوللانمده در . براختلال وقوعیله بوزولن اسکی ( موازنه اجتماعی ) بی اعاده ویکیدن تأسیس ایتک غیرتیله حرکت ایدوب حکومت طرز اخیرخی و جماعتک موازنه جدیده سی احلال وتعدیه تصدی ایدنلره دخی ( *réactionnaires* ) دیرلر . بوتقدیره کوره شوکله نک معنایی مطلقاً مقدوح بر طرز سیاسته اسارت ایتمز . چونکه اختلال ، نتیجه سی اعتباریله احرازانه بر اداره یه وجود ویره بیلدسکی کبی ، اسکیندن دهامتردی بر اداره یه ده منجر اوله بیلیر . نته کیم اوروپا تاریخ سیاستنده امثالی چوق کورولمشدر . فقط هر وجهله حال حاضره نسبتله حال سابقه رجوع غیرتدن عبارت فالان ( *réaction* ) ینه ای کوتو بر ارتجاعدر .

Agnosticisme

لاادربه (مذهب فلسفه سی) Agnosticisme

Agnosticism	انکلیزجه
Agnosticismus	المانجه
Agnosticismo	ایتالیانجه

یونانی دن آلمش در . ذاتاً ( *ἄγνοστος* ) یعنی بیلنه مز ( تعمیری نوفلاطونیلر لساننده اصطلاح اولمش و بوتون شرق تصوفه انتقال ایتشدی . ) حقیقت الوهیتی ، انسانک شو عاجز و محدود ذکاسی ادراک ایده مز ، بیلنه مز وهیچ بروقت بیله میه جکدر . [ دیه ( پلوتینوس Plotinus ) ادعا

ایردی و (θεός ἀγνοῦστος) تمیزی قوللایردی که (Dieu inconnaissable) دیه ترجمه ایدلشدرد . فقط بوندن ( آغوس-تیسزم ) تعیزی چقاروب وضع ونشیر ایله بن ذات ، معاصرینزدن پروفیسور ( هکسلی Huxley ) درکه برقاچ سنه اول وفات ایتشدی .

فلسفه ده ( اسباب علم moyens de connaissance ) مسئله سی ، اوتهدنبری الک مهم بحثلردن برنی تشکیل ایتش وخیلی جدی مباحثاته میدان آچمشدی که حالا زمانمزده ده دوام ایتکده در . ( بز انسانلر حقیقتی ادراک ایده بیلیمی ز . . ) سؤاله فارشی، تصدیقاً جواب ویرن فلسوفلر (dogmatisme و scepticisme سوزلرینه بافیکر . شو ادعالریله (ریسیون) دن، (احتمالیون les probabilistes) دن، (اضافیون les relativistes) دن، (تنقیدیون les criticistes) دن (بوتعیراته بافیکر!) آیرلدقدن و(یقینون les dogmatistes) نامیله تمایز ایندکدن صوکره . کندی آره لرندده اسباب علم مسئله سندده اختلافه دوشوب - بالضروره! - اوچ فرقیه اقسام ایتشلردی. زیرا: ( حقیقتی ادراک ایده بیلیر! ) دعواسنی بالاتفاق ایلری سوردکدن صوکره: ( هانکی واسطه ایله ؟ ؟ ) سؤاله فارشی انجق اوچ درلو جواب ویریله بیلیردی: یا ( حس sens ) ایله ؛ ... یا (عقل -intelligence) ایله ؛ ... یا خود ( الهام inspiration ) ایله ؛ ... ده نیله بیلیر . ایشته بوجوابلره کوره ( حسیه sensualisme )، ( عقلیه rationalisme ) و ( تحسیه intuitionisme ) مذهبلی تعین ایدر. بوکون حقیقت مطلقه یه دائر (علم یقین connaissance certaine) احتمالی صراحتاً رد ایدیلرک ( لادریه agnosticisme ) مذهبه اعتراف ایدلدیکی حالده ینه حسیون ، عقلیون و تحسسیون موحوددر؛ فقط دعوا یالکزر علم اضافیمزل منشائی تحقیق ایتک بحثنه منحصر قالمشدر. حالبوکه متقدمین، علی العموم (یقینون) دن ایدیلر ، فقط ( ارباب شک ) برفرقه مستتناً تشکیل ایدیوردی . متقدمین ومتوسطین (یعنی قرون وسطی فلسوفلری!) نک برقسیمی (حسیون) دن دیکر برقسیمی ده (عقلیون) دن ایدی. یالکزر ( نوفلاطونیلر - les néoplatonistes )، واونلردن - عقاید حکمت اعتباریله ! - هیچ فرقی اولمایان

(صوفیون les théosophes)، (تحدسیون) فرقه‌سنی تمثیل ایدیورلردی . چونکه حقیقت مطلقه‌یی، انجق ( کشف ضمیر ) یعنی الهام ایله ادراك ایتک ممکن اوله بیلدیکنه اینانیورلردی. اوزمانلر، برده ( gnostique ) لرنامیه برفرقه پیدا اولمشدی. بونلرک باشلیجه مسلکی - بالخاصه - کتب مقدسه‌یی واحکام دینی‌یی ( معقول برصورتده ! ) تفسیر ایتمکدن عبارتدی. بونک ایچونده افلاطونک ونوفلاطونیلرک مبادی اعتقادیه‌لرینی احکام ونصوص دینی‌یه تطبیق ایدرک ( نقل ) ی ( عقل ) ایله تنویر وکتب مقدسه‌یی معقول برطرزده تفسیر ایتمکدی. بزم شرقرده دخی بوکبی متفکرینک امثالی چوقدر و (rationalisme) ک برمعناسی‌ده بودر. [gnosticisme و rationalisme سوزلرینه باقکزر !]

ایشته عالم مشهور ( پروفسور هکسلی Professor Huxley ) ، بو ( gnostique ) تعیرینه قارتی ( agnostique ) کله‌سنی وضع ایتمش وبوندن ( agnosticisme ) تعیرینی اویدورمشدر. ( gnostique ) لری استخفاف ایتدیکنه باقیلیرسه بوکله‌نک معنای تاریخی و اصطلاحیسنی لایقیه بیلمه‌دیکی واونی ( عرفا ) کبی برتعیر ظن ایتمش اولدوغی اکلاسیلیور : ( وقته برفرقه حکما وارمش ؛ کندیلرینی ( gnostiques ) دیه تشهیر ایتشلر. بونلر هرشیئی بیلک ادعاسنده ایتشلر. بن عکسی ادعاده‌یم. اونک ایچون کندی جهلمی اعتراف صدندده ( agnostique ) تعیرینی ایجاد و وضع ایتدم . ا دیور .

هرحاله بومهم کله ، پک قیمتی برتعیر فلسفی اولمشدر .

زمانمزرده فوق‌العاده برتهالکله مظهر قبول اولوب رواج بولماسی پک طبیعی ایدی؛ دیرا اسمی یکی قونمش اولسه بیلله بومسلک فلسفی پک اسکین بری واردی . ادیمبورغ دارالفنونی معلملردن پروفسور ( روبرت فلینت R. Flint ) ، ( agnosticisme ) نامیه تألیف ایتمش اولدوغی قوجه‌مان برکتابده صاحب مسلک فیلسوفلردن هر برینک بو خصوصده کی افکار واعتقاداتی بسط وتنقید ایتمش وحکمای اسلامی‌ده اونوتاماشدر .

آغوستیسینمك بوكونكى معناسى ينه ده كشمه مشدر . ( عقل بشر صرف عالم حادثاتى ادراك ايدم بياير . علم بشر اضافى در . بود اثره خارجه انفاذ نظر ايدم مر ؛ عجز طيعيسى محققدر . بناءً عليه انسان نه قدر كامل ، نه درجه عاقل اولسه ينه حقايق اشيايى اكلايه ماز على الخصوص ( حقيقه الحقايق ) اولان ذات الوهيتك نه اولدوغنه مطلع اوله ماز . يالكسر ( وجوب وجود ) نى ، آثار خلقتدن استدلال ايدم حكي حمله ، بهمه حال بر خالق مطلقك وارلغنه بالضروره ايمان ايدر . ] ده ينترك جمله سى ( agnostique ) درلر ؛ و بودعوا آغوستيسينم دعوا سيدر .

عالم اسلامده آغوستيسينم نصوص قطعيه اوزرينه مؤسسدر . ذات الوهيت حقنده برسيه وصف اولونه ماز ( لَيْسَ كَمِثْلِهِ شَيْءٌ ) بويورلمشدر . ( تَعَالَى شَأْنُهُ عَمَّا يَقُولُونَ ) و ( سُبْحَانَ اللَّهِ عَمَّا يُصِفُونَ ) كې كلمات حليله هب بومعنايه اشارت ايدر . [ اللهم ذاتى تفكر ايمه ييكز ؛ نعمتلىرى تفكر ايدىكز ] معناسنده وارد اولان [ تَفَكَّرُوا فِي آلَاءِ اللَّهِ وَلَا تَفَكَّرُوا فِي ذَاتِ اللَّهِ ] حديث شريفك تنبيه ده بودر . و [ سُبْحَانَ مَا عَرَفْنَاكَ حَقَّ مَعْرِفَتِكَ يَا مَعْرُوف ] قول شريفى دخى ذات الوهيتى حقيه بيلمك ، هيچ بر انسان ايجون نمكن وميسر اوله ميه جفى مقر ومعتفدر . اونك ايجوندركه بالجله متفكرين اسلام ، [ كرك حكمان ، كرك متشرعيندن ، كركسه صوفيدن اولسون ] هب حضرت پيغمبره اقتدا ايدرك بوخصوصده اعتراف عجز ايله مشدردر . شرقك حكيم دامحسى ( ابو على ابن سينا ) اوحدىث شريفى ، شومشهور قطعه سنده تضمين وكندى عجزنى بليغ برصورتده اعتراف ايتمشدر :

اَعْتَصَمَ الْوَرَى بِمَغْفَرَتِكَ !  
عَجَزَ الْوَاصِفُونَ عَنْ صَفَتِكَ !  
تَبَّ عَلَيْنَا فَاَنَّا بَشَرٌ :  
( مَا عَرَفْنَاكَ حَقَّ مَعْرِفَتِكَ ) ..!

ینه عالم اسلامك اك بيوك حكما سندن فخرالدين رازی به اسناد اولونان  
شو فارسی رباعی، عینی معنایی متضمندر؛ و (بیلدم که هیچ برتنی بیلیمور مشم)  
دهین سقراطك شوسوزینی تا کید ایدر؛ بناءً علیه آغوستیسیزمك علی الاطلاق  
بردستور افاده سیدر .

هرکز دل من ز علم محروم نشد .  
کم ماند ز اسرار که مفهوم نشد .  
هفتاد و دو سال فکر کردم شب و روز :  
معلوم شد که هیچ معلوم نشد ! . .

فلسفه ایله بالالترام مشغول اولمایان شاعر تزیه حافظ شیرازی بیله عالمك  
مبدأ و معادی حقیقه هیچ برشی بیله مدیکمزی پک صریح و ظریف رادا  
ایله سویلیور وهله پک کوزل برتشییه ایله تمثیل اییدیور :  
ما زاغاز وزانجام جهان بی خبریم ؛  
اول و آخر این کهنه کتاب افتادست ! . .

دیور .

حکمای شعرانك و ریاضیون شرقك اك بویوکلرندن اولان عمر خیام  
( مسائل لذتیه ) حقیقه بیان ایدلمش اولان افکارك عندی فرضیاتدن باشقه  
برشی اوله میه جغنی دوشونه ركه شوکناهی لی اسلوب ظریف ایله اوفرضیاتی  
افسانه به بکزه تیور، و افسانه سویله یئرلرده اویقویه واردقلرینی؛ یعنی بومعمایی  
اکلامادن وفات ایتدکلرینی تعریف اییدیور که حقیقتاً کوزلدر .

آنان که صاحب فضل و اداب شدند ،  
در مجلس عرفان ، نسمع اصحاب شدند ،  
ره زین شب تاریك نبردند برون :  
کفتند فسانه و در خواب شدند ! . . .

حکمای انصراقیه و شعرای صوفیه به کلنجه، اونلرک جمله سنك اثرلرندن  
بومعنایه دائر مثاللر انتخاب ایتک لازم کسه برایکی جلد طولدور یله بیایردی .  
او قدر جوق یازمشلر و او قدر کوزل و شاعرانه یازمشلردر . آثار منشورهدن

وازیکیورم؛ منظوم برایکی مثال ویرمکه اکتفا ایدیورم: حضرت مولانا:

اصل وذات حق تعالی هیچ کس  
می نداند ای حکیم ! . این شرح بس ...

.....

بعدازین کر شرح گویم ابله‌یست  
زان‌که شرح این ورای آکهیست ...

دیور .

محمود شبستری :

منزه ذاتش از چذوچه و چون  
( تعالی شانه عثمان یقولون : )

دیور .

حکیم سنائی ، بحق ادعا ایدیور که [ فکر بشرک، جستجوی حقیقتده  
حدودی، عقل بشرک صـوـک موقف عجزیدر . کندی فهمنک نهائی در .  
اوهنوز الله دکلدر . الله اونکده فوقده وماوراسنده در . ]

آن‌که فهم ترادرو ره نیست ،  
غایت فهم تست؛ الله نیست ..

فیضی هندی، آغنوستیسیم اعتقادی عرض ایتک اوزره اوزون و یک  
مکمل منظومه لر یازمشدر :

ای همه در پرده نهان راز تو  
بیخبر آغاز ، ز آغاز تو ،

بیتی ایله باشلایان ، و :

یا اَزَلِ الظُّهُورِ ! . یا اَبَدِیَ الْخَفَا ! . . .

نورک فوق‌المنظر؛ حسنک فوق‌الثنأ ! . . .

مطلع عربی سیله مشهور اولان ایکی اوزون و مستثنای منظومه‌سی بووادیله  
یازیلان آثار ادبیه‌نک الک کوزلرندندر .

بزم سنان پاشا تضرعات مشهوره سنده :  
( سن اول موجد قدیم سک که عقول اولین و آخرین ، دائره قدمه  
قدم باصه ماز . ) دیور .  
بزم ضیا پاشا :

بر فاعلك ماثریدر جمله حادثات ! . . . الخ . . .

.....

هر اعتقاد عقله کوره غائبانه در .  
سبحان من تحیر فی صنعہ العقول ! . .  
سبحان من بقدرته یعجز الفحول . الخ . . .  
.....

ادراك معالی بو کوچوك عقله کر کمز  
زیرا بو ترازو او قدر ثقلی چ کمز . الخ

عثمانلی شعرا سی میاننده - شه سزا - اک درین دوشون و برنشئه فیلسوفانه  
ایله ملهم اولان ، عبدالحق حامد بك ، ( نولو ) نام اثرنده ( آغوستی سیزم )  
اعتقادینه شو کوزل سوزلریله بلیغ و عالی برادا ایله ترجمان اولمشدر :

.....

بیلیرمی کوردوکنی - خواب ، خواب ایچنده ! - کشی ؟ ؟ ! . .  
نم جهانده کی حالم ، بوکا مطابقدر ! . . .  
یازیق ! . خیر دکل ، بونده ، بر حقیقته دل ! . .  
اگرچه کوردو کمز سربسر حقایقدر .  
اونی تجسس واره - بزده - انجق استعداد ،  
دیم که : کنهی شینک ، بو عقل ، فارقدر ! . .  
کورونده بیلیمکی آکلامش ! . . دیرم محضا ،  
فقط ، دیم : بشرک شونده علمی لایقدر ! . . الی آخره

عثمانلی شاعر داهی سنک شو سوزلری ، حقیقتاً ، امثال عدیده سنه  
فأقدر .



بزم صوفیه به کلنجه :

واقعا بوسوزلره باقوب علی الاطلاق حکم ایتمه ملی در که صوفیه بهمه حال آغوستیسیزمده قرار قیلمشلدرد. بالعکس عرفادن اولدقلری ایچون (حقیقت لدنیه vérité ontologique) به مطلع اولمق دعوا سنده دخی بولونمشلدرد. مثلا کبار صوفیه دن مثلا حامی (سلسله الذهب) نام اثرینه شو سوزلره بانیلور، و :

هیچ موجود نیست در عالم ،

که شناسد حقیقت آده .

داند آدم حقیقت همه چیز

این حق را حقیقت همه، نیز . الخ . . .

دیور که بو دعوا آغوستیسیزم روحه منافی در ؛ چونکه انسانک هر شیئی بیله جکنی و حقیقت اشیائی عین الیقین ، حق الیقین کوره بیله جکنی ادعا ایدیور. (تفصیلات ایچون و بونقطه نک ایضاحی ایچون mysticisme سوزینه باقیکنز.)

آغوستیسیزمک بویه (صوفی و آلهی mystique et théologique) صورتلری اولدوغی کبی برده صرف علمی و فلسفی صورتی وارد در که زمانمز فلسفه سنجه معتبر و مسلم در . مذهب فلسفی نه اولور سه اولسون ، قانتدن بری آرتق آغوستیسیزم تأسس و تحکم ایتشدرد .

فلسفه حاضرده آغوستیسیزمی ضروری کوسترن و تسلیم ایتدیرن دلائل قویه (مبحث معرفت و نظریه علم épistémologie, théorie de la connaissance) (بو تعییرلره باقیکنز ! ) وادیسنده اجرا اولونان تحقیقاتدن استنباط اولونمشلدرد. (علم بشرک طبیعت و ماهیتی la nature de la connaissance humaine)، (صرف انفسی purement subjective) و (اضافی relative) اوله رق تبین و تحقیق ایتمش و بناء علیه حقایق اشیایه ، لدنیات اموره ، وجود مطلقه ، مبداء و معاده و دها بو کبی (مسائل لدنیه questions ontologiques) نک هیچ برینه ، هیچ بر وجهله و هیچ بر وقت عقل ایردیره میه جکمزده دائر قناعت کامله حاصل اولمشلدرد.

اونك ايچون ( Relativité de la connaissance humaine ) اضافيت علم بشر ( بوتيميره بايكنز ! ) ( عقیده doctrine ) سى بو زمان فلسفه سنك زمين متين استنادينى تشكيل ايدييور . صوك دورده ، كال شدت وقطعيت اورده بودعواده بولونانلرك اك مشهورى ( قانت ) وزمانمزرده ( هامانن ) در . آغنوستيسيزمك دلائل مقنعه و مجبره سى بر ايكي جنس اوزره ترتيب اولنه رق مختصراً ذكر ايديله بيلير .

اولا : وسائط ادراكك هم معدود ، همده ساحه شمول واحاطه لرى اعتباريله محدود اولملرى بر مهم دليل دركه فيزيولوژى علمنك ، تشكيلات عضويه مزدن استخراج ايتديكي براهينك جمله سنى جامعدر .  
ثانياً كيفيت ادراكك اك غامض ومبهم برمعمّا اولماسى كه صرف ( لدنى ontologique ) بر دليلدر . زيرا بو حل اولونمادقجه هيچ بر حقيقت اكلاشيله ماز : چونكه بوتون بيلديكمز شيلر نهايت تحليلده مدركاتو منجر اولور .

ثالثاً محصول ادراكك صرف انفسى اولماسى ، وحقايق اشيايى عيناً بزه اعلام ايتيوب ، اشارتاً افهام ايتيسى دركه بوده پسيقولوژى نك ابراز ايتديكي دليل مهمدر . مثلاً ضيا ، حرارت وباجمله كيفيات محسوسه نك بزه برطاقم انفعايلات وحالات روحيه دن عبارت بولونماسى و ( كيفيات محسوسه ) اولمق اعتباريله خارجه موجود اوله مامسى كي !

صوكره ، بوتون معلومات صحيحه مزك اساسلرينى تدقيق وتحقيق ايتك ايچون ، اونلرى تحليل ايتديكمز زمان يكديكريله تماماً متعارض بر طاقم احكام متناقضيه پيوسته اولوشمز دخى عجز طبيعى مزه بر دليل قوى دركه عقلمزله دخى بودلو مسائلى حل ايدمه يه جكمزه دائر بزه قناعت كامله ويرر . بوده بر دليل منطيقى در ؛ ( بر دليل معقول arg. rationnel ) درو ( antinomies ) دنيلن قضاياى عقليه بودر . ( بو تعبيراته بايكنز ! )

ايشته فلسفه يى ، كندى دائره عجزيه ارجاع و آغنوستيسيزمه مجبور ايدن ضرورتلر ، بونلردر .

اوخالده : ( سزه معروض اولان شو عالم حادثات ايله قناعت ايديكز :

Contentez-vous du monde donné ) خطابی آغوستیسیمزك ايلك مهم تنبهدر . فقط يالكز عالم حادثاتی تحقيق ايله قساعت ايدوبيلنله آغوستيف دينمز ، (phénoménistes) حادسيون) ددير. بو حادثات عالنده صرف وسائط علميه ايله كشف اولنان قوانين قوييه وثابتي تالیف ايدرك فلسفهي بوندن عبارت فرض ايدنلهده (positivistes اثباتيون) دديرکه (ماعدالطبیعیات) و (مبحث وجود) متعلق اولان باجمله تحقیقات وملاحظات یهوده لافزنلکدن عبارت عد ایدرلر . آغوستیق لرك بو ایکی فرقه فلاسفه دن بر مهم فرقی شودرکه بونلر، حقیقی اعتباریله (لا یعرف inconnaissable) بر قدرت مطلقه قبول ایدوب بو کائنات حوادثی او قدرت کلیه مطلقه نك تجلیاتی اولق اوزره طانیرلر. بناء علیه طبعی تعریف ایتک ایچون اوقدرت مطلقه یی مبدأ اتخاذ ایدرلر ؛ اوکا بهمه حال احتیاج کورورلر. فقط اوقدرتک ناصل شی اولدیغنه ویا اوله بیله جکنه دأر هیچ بر شی سوبله نه مه یه جکنی ادعا ایدرک بو نقطه ده توقف ایدرلر . ناقبلسه آغوستیسیمز يالكز طور اعتباریله ماعدالطبیعیات ولدنیات مسائلنه منحصر بر (ریلک) دن باشقه برشی دکدر . فقط (حقیقت مطلقه یی بیله نه یز ؛) دیمک اوکا ایناماق، اونو تسلیم ایتمه مک دیمک اولمادینی جهته آغوستیسیمز - علی الاطلاق - ریلک صایيله ماز . ( بوتون بو تعییرات مهمه یه باقبکز ! )

### مخوف فست Agoraphobie

Agoraphobi

یونانی برکهدر . ( agora بوشلق ، کنیشلاک ) ( phobie قورقو) دیمکدر. کنیش وانکین یرلردن قورقق صورتیله تظاهر ایدن بر عصیت درکه بعض امراض عقلیه نك علامت مخبره و متقارنه سی اولق اوزره شایان دقدرد. بو قورقویه مبتلا اولانلر بر میداندن قارشى طرفه ، طوغرودن طوغرویه کچه مزلر ؛ بهمه حال کناردن طولاشه رق وبرقوس رسم ایدرک ، کیده حکمری نقطه یه واریرلر . بو حالت مرضیه نك حیثیتاً عینی ، فقط شکلاً ضدی (claustrophobie) درکه اوده قبالی و محدود یرلرده بولونمقدن قورقق دیمکدر .

هیچ بر اثر فلج اولیه رق، یازی یازمبیلکم قابلیتک ضیاعنه (agraphie) دیرلرکه یونانی دن آلتش برکله در . (a) ادات نفی (graphie) ده یازمق اولدوغنه نظراً تعیرک معنای لغویسی (یازمه مامق) دیمک اولور . بو حالت مرضیه به مصاب اولان آدم ، کرک کوزی ایله کوردوکی تمائیل حروف واشکال کلماتی ، کرکسه قولاغی ایله ایشیتدیکی سوزلرک (خیالی image) ، تمائیل مخصوصه ومعینه سیله یعنی حروفات ایله ادا ایده بیلکم ایچون لازمکلن حرکات عضلیه به مقتدر اوله ماز . ایشیدیر ، یازینری کورور ، اکلار ، یازمه ماز . مع مافیه حرکت عضلیه به مانع اوله جق بر فلج اثری ده یوقدر . یالکز یازی یازمه ماز . اونک ایچون بونی بر (amnésie motrice graphique) اولمق اوزره قبول ایتشلردر . یعنی ضیاع حافظه نوغدن عد ایلشلردرکه شوقدیره کوره یازی یازمه بیلکم ایچون پارمقلری اداره ایدن مرکز محرک خیال و تمثال الفاظی رسم ایتک و حروفات ایله کوسترمک معرفتی (اونوتمش) مش کی تلقی ایدلیدیکی اکلاشیلور . مع مافیه ، (agraphie) ده نیلن قابلیتسرلکک (ایکنجی تلفیف جبهی deuxième circonvolution frontale) ده بر جرحه یا خود بر اثر تخریب نتیجه سی اولدوغی ادا ایدلمکده در . بونک (alexie) ، (alalie) ایله ده مناسبتی اولدوغی ایچون بوکله ره دخی باقیکز .

عینی جنسدن اولوبده آره لرنده آز جوق بر ارتباط بولونان عناصر متشابه نك هیئت مجموعه سنه (agrégat کومه) دیرلر . مثلاً بر جسم ، بر جوق ذره لردن مرکب بر کومه در ؛ دیرز . اکر عناصر آره سنده ده اساسلی بر ارتباط بولونوبده وظائف متقابله اعتباریه تعاون و تقسیم اعمال اولورسه اووقت اوله به هیئت کومه ده نیله مز ؛ اوکا (عضویت organisme) ده نیلیر . زیرا عناصر متشابه سی وظیفه اعتباریه و تقسیم اعماله کوره تعین ایتش اولمقله برابر آره لرنده کی روابط ده زیاده صمیمیت وقوت کسب ایلش اولدوغی ایچون دخی بوتون هیئت ده یکپاره اولش و هر عنصر فرد حیات عمومی به

دها یا قیندن اشتراك ایتشدرد . خلاصه عضویتده آهنگ و وحدانیت حیات ، ظاهر در . هر عنصر فردك وظیفه سی ، حیات عمومی بی تأمین ایچون تشریک مساعی ایتكدن عبارت قالیر ؛ و تقسیم اعمال ایله تعاون و تناصر و قوعه ككش اولدوغندن طولای هر عنصر و یا صنف عناصر ، ادامه حیات ایچون یكدیكرینه احتیاجدن وارسته فاله ماز . حیوانات سفلیه ده بمضیلری ( agrégat ) مثالیدر . مثلاً ( پولیپ polype ) و ( hydre ) لر بر کیسه ایچنده و بر مایع لزوجی ده سالیج اوله رق منفرداً یا شایان برسوری حیراتدن عبارتدر . بو ، حقیق معناسیله بر ( حیوان animal ) دكل ، بر طور به ایچنده بر کومه حیراتدر . کذا ، افرادی آیری آیری یاتسار و یكدیكریله هیچ رابطہ و علاقہ سی یوق ، بر جماعت ابتدائی و وحشیه ، ( سوسیولوژی ) ده کومه مثالی در .

بر هیئت اجتماعیه بوگون بر ( عضویت organisme ) صاییلیر . چونکه تشکلاتی وارددر ، صنوف اجتماعیه سی وارددر و حیات عمومی نك ادامه سی ایچون بوصوف آره سنده هر وجهله ( تعاون و تناصر solidarité ، coopération ) وارددر . متأخرین فلاسفدن ( هوبس Hobbes ) ، در تیوز سنه اول ، جماعت بشریه بی بر عضویته بگزتمشدی . سېنسر بو طوغری فکری ، بو نظر صائبی قبول و فقط تصحیح ایله مشدر . سوسیولوژی بی بیولوژی به اسناد ایتك به نقطه دن باشلار .

### غیبت انظار Aïdéisme

Aidéisme

بر حالت مخصوصه نك اسمی در که اوکا دوچار اولان کیسه ده افکار تمامیه زائل و غائب اولور . بعضی امراض دماغیه نك عاقبتده بو حال ، مشاهده اولوندوغی کبی ، انسانك - قضارا و یا قصداً - باشه اینن بر ضربه دحی دماغی صار صرق یا موقتاً و یا خود اوزون بر مدت ایچون غیبت افکاری موجب اوله بیلیر . حکمت صوفیه ده غیبت افکاره زیاده سیله اهمیت و برلشدر . تصوف اعتقاد نجه حقیقت مطلقه بی بیامك ، ( حقه وصول ) ایله آنجق ممکن اوله بیلیر . ( عقلیون rationalistes ) غندنه ( اسباب علم moyens de connaissance ) دن معدود اولان ( عقل raison ) ، ( حسیون

(sensualistes) نظرنده باشلیجه واسطه معرفت اولان (حواس les sens) صوفیه‌جه شایان اعتد دکلدر . انجق (الهام l'inspiration) ، یعنی - کندی تعیرلرنجه - (کشف صمیر intuition) ، انسانی حقه ایصال ایدر . فقط بونک ایچون (تعشقات دینه) و (علایق دنیویه) دن کلیاً قطع مناسبات ایتلی در . زیرا (آلهی الاصل d'origine divine) اولان روح انسانی، بو عناصر مادیه ایچنده، بوتن قفسنده حبس اولونمش برقوش کبی درکه وطن اصلیبی اولان عالم علیینه اوچق ومبدأ حقیقیبی اولان حقه قاووشمق ایچون دائماً متحسر ومشتاقدر . لکن عالم مادی ایله اولان روابطی وبو حیات مستعاره تعلق ایدن (خواطر reminiscences) ی اونی محبوس طوتار . روحی اطلاق ایتک آنجق روابط وعلاقتی کسر وفک ایلمکه اولورکه بودخی آنجق (وجد واستغراق extase) ایله ممکندر . انسان ، وجد حاله کلدیمی؟.. اونده عقل وفکر فالماز؛ حتی شعور وبنک قالماز؛ (مست مدهوش وتاماً بیهوش) اولور وآنجق او حالت اوزره وجدانده نورحق جلوه ایلر . (وصال communion) بودر . اکلاشلیوزکه (حالت وجد état d'extase) ی دعوت ایتکدن مقصد (غیبت افکار) ایله تجرید نفس در . چونکه (وساوس افکار) دخی، انسانی دنیایه باغلایان رابطه لردندر . واقعا افکار دنیویه دن تجرد ایتک ، منحصرأ و (مجرد وجود حقه نظر) ایچونددر . لکن ، وجد حالی ، انسانده هیچ بر فکر بر اقادینی کبی بالخاصه منظور وجدان اولان (حق) ، فکر ایله قابل تصور ولسان ایله قابل افاده اولمادیبی ایچون، تصوفده (وصال حق) اشتیاقیله استغراق، (aïdéisme) . واریر . [ (théosophie), (néoplatonisme), (absorption), (extase) ] کله لرینه باقیکنز .

Alalie

### ضیاع کلام Alalie

اصلی یونانی در . (α) ادات نفی (λaλa) کلام دیمکدر . قابلیت تکلمک - بر عارضه سبیلله - ومرا کنز محرکده تغیرات مادیه اولماق شرطیله کاملاً یاخود قسماً ضیاعنی افهام ایدر بر تعیردر . عینی معنایی افاده ایدن (aphasie) کلمه سی بوکون مرجع اوله رق لسان علمده رواج بولمشدر .

## ضیاع قرائت Alexie

Alexie

یونان لسانده (α ادات نفی λέγω قرائت) در . اوقویه مامق دیمک اولور . احتساسات بصریه موجود اولدوغی حالده - برعارضه سبیلہ - یازی یی ازقومق قابیتتک ضیاعی در . بو حالته مبتلا اولان کیمسه ، برکتانده حرفلری کورور ، فقط آرتق مغالرینی آکلماز ؛ اونلری طانیه ماز . بوقصوره ( عمای کلام cécité verbale ) ، ویاخود ( کلامه عائد اولان حافظه بصریه نک ضیاعی amnésie visuelle verbale ) دخی دییودلرکه تعبیر اولمقدن زیاده کیفیتنی تعریفدر .

## علم مبر Algèbre

Algèbre

تعبیر ، عربجهدن فرنکجهیه انتقال ایتشددر ؛ بو علمی عربلر کشف ایتشدی و بدایتده (الجبر والمقابلہ) دیرلردی . (کمیت صرفه quantité pure) علمی در . یعنی کمیات ومقادیرک کیفیتنی نظر تقدیره آلمیهرق صرف کمیات مجردہ (abstrait تعبیرینه باقیکنز) اوزرینه حساب علمی در . اونک ایچوندلرکه اعداد یرینه بعضی حروف و اشاراتی تمایل اولهرق استعمال ایدر . بو علمه حساب عمومی نظریه باقیلیور . تفصیلات ایچون قاموسک اسطلاحات ریاضیه قسمنه مراجعت اولنه .

## مقیاس آلام Algésimètre

Algésimètre

بر آلتک اسمیدرکه ، برحس الم حصوله کتیره بیلیمک ایچون لازم کلن شدت تخرشی اولچمک مقصدیه ایجاد اولونمشدر . سقاندیناویالی ( بیورنستروم Bjornstrom ) ایله فرانسهلی دوکتور ( شارل ریشه Ch. Richet ) آیری آیری چالیشهرق بویله برر آلت ایجاد ایتشدلردرکه هرایکسندده اساس ، انسانک دریمی اوزرینه ( جیمیز pince ) واسطه سیله برتضیق اجرا ایتک ، و اوتضیقک درجه شدتی ، ثقلته یعنی اوقه ایله تقدیر ایلکدن عبارتدر .

Algorithmme

الگوارزمی Algorithmme

شرق علماسندن و ریاضیون مشهوره دن (الحوارزمی) ناعنه منسوب برتعبیردر . بویکه اوروپاده اون اوچونجی عصر میلادیده - غالباً - عرب رقلریله اجرا اولنان اعشاری حسابیه علم اولمش ایتمش ! بو کون پک مختصر و اعتباری برطاقم اشارات تمثالییه حسابیده، اصولنه توفیقاً، استعمال ایتمکه (algorithmme) دیرلر . شو تقدیرجه علم جبرک افادات تمثالییه سی الحواریزمی اصولی در . ذاتاً بو حروفی اولامعاملات حسابیهیه تطبیق ایدن بو (ماوراءالنهرلی) ریاضی اولدوغی ایچون ، اوزاتک کینه سی ، بواصولک اسمی اولمشدر . تفصیلات ایچون قاموس اصطلاحاتک ریاضیات قسمنه باقیکنز .

Altération

تغییر Altération

لاتینجه (alter) (باشقه) دیمکدر؛ بوده یونانجه (ἀλλοίωσις) باشقه لاشمق کله سندن آلمشدر . اصطلاحده برشینک انجق تبدیل صفت و تغیر کیفیت ایتمک صورتیه باشقه لاشمه سنه دیرلر .

Altérité

غیریت Altérité

برشینک تبدیل صفت ایدوب باشقه لاشمه سی کیفیتی .

Alternatives

Alternatives (propositions)

(فضایای) متناوبه

بو تعبیر ، منطقده ، یکدیگریله مربوط و بربرینه صد ایکی قضیه حقتده قوللانیلیرکه اولنردن بری طوغری ایسه دیکری همه حال یا کلشدر . لسان عادیده و عملی شیلرده (ایکی شقندن برینی اختیار مجبوریتی) در . (یا یاردن کچرسک ، یاسردن کچرسک) ضرب مثل مشهورنده اولدوغی کی ! مخاطبمزی ، ایکی ضد تکلیفدن برینی اختیار مجبوریتمده براقیرسوق ، اووقت فکرمنزی ، انجق ایکی قضیه متناوبه شکلنده افاده ایده بیلیرز ؛ و همه حال (یا) اداتی هر ایکی قضیه متضاده نک باشند قوللانیرز: (یا ادیبانه



طاوورانیرسك، یا بومجلسدن چیقار کیدرسك ! ( دیدیکمز کی که ( بو ایکی تکلیفدن انجق برینی قبولده مختارسك ! ) دیمك ایسته مش اولورز . بو کی احوال عادیده (les deux alternatives) تعمیری ، ( ایکی شقدن برینی اختیار ) سوزلریله ترجمه اولونه کیشدر . سایان دقتدرکه بویله احوال عادیده واقع اوله بیلر تکلیفلر ایچون ترتیب ایتدیکمز قضایای متناوبه ده یالکزر (مانعة الجمع) شرطنه اهمیر . ویرمش اولورز . یعنی هر ایکی تکلیفك ایکسینی بردن قبول واجرا ایدمه چکنی، مخاطبمزه تفهیم ایتمش اولورز . یعنی ایکی تکلیفی جمع ایتمکدن ممنوع اولدوغنی، کندیسنه اکلتمش بولونورز . اوتقدیرده : (هم ادیبانه طاوورانام ، همد بومجلسدن چیقوب کیتتم) دیه بیلمه سنه احتمال برافماق ایسته دیکمزی کوستریرز . ویاخود (نه یاردن کچرم، نه سردن کچرم) دیه دعوا ایتمه سنك معتبر اوله میه جغنی - ضمناً فقط پیشیناً عرض ایتمش اولورز . اکلایشیلورکه لسان عادیده وامور عملیه ده قوللاسیلان قضایای متناوبه حد ذاتنده مطلقاً ضد اولوق لازمکمز . بوراده صدیت (صوری formel) در . (یاردن کچمه مک مطلقاً سردن کچمه مک مجبوریتنی) استلزام ایتمز . (یاردن ده سردن ده کچمه مک) پك نمکندر . یالکزر بوراده (مانعة جمعیت) الك اساسلی شرطی تشکیل ایدر . اوسبیلهدرکه بالجمله قضایای متناوبه (شرطیه منفصله proposition disjonctive) شکلمده در . [بو آمیره باقیکزر !]

قضایای عقلیه ده متناوبه اولدوغنی زمان آرده کی ضدیت (ذاتی essentiel) در . (بو تعمیره باقیکزر ! ) بزم تکلیفمزدن نشئت ایتمش برحال دکدر . زمان ومکان واحوال وظروف ایله تبدل ایدمه بیلیر بر (وضع مخصوص) دکادر . مثلاً : (ب) یا (؟) در ؛ یاخود (؟) در ؛ دیدیکمز زمان بونی برکیفیت معقوله ایله تصریح ایدرده فرضاً : (فیلسوف سپسر) یا (صاغدر) یاخود (وفات ایتشدر) دیه ادعا ایدرسك کورورز که : شرطیه منفصله نوعندن اولان بوقضیه نك ایکی رکنی آره سنده کی ضدیت (ذاتی) در . چونکه حیات ایله ممات بربرینه قارشى ضد تقیض در . بو ایکی حال عینی زمانده برلشمز . بناءً علیه قضایای متناوبه حد ذاتنده شرطیه منفصله انواعندن بری در . (تقصیلات ایچون = propositions disjonctives و propositions hypothétiques)

تعییر لرینه نایکیز [ شو قدر وارکه منطقده بویحی تعمیق ولایقیله مسئلهینی تحقیق ایتمش اولان علمای متأخرین (مبدأ تناقض le principe de la contradiction) ایله (مبدأ تناوب le prin. de l'alternative) آره سنده مهم برفرق بولوب تعیین ایتشلردر: [یکدیگریله (متناقض contradictoires) بولونان ایکی قضیه نك هر ایکسی ده طوغرو اوله ماز .] ایشته مبدأ تناقض بودر. [ایکی قضیه متناقضه نك هر ایکسی ده یا کلش اوله ماز .] ایشته مبدأ تناوب ده بودر. اکلاشیامورکه هر ایکی صورتده دخی شکل قضایا شرطیه منفصله در ؛ وهر ایکی صورتده ده مبدأ اساسی تناقض در. یالکزشو فرق وارکه شرطیه منفصله شکنده مروض اولان بر قضیه مرکبه نك (بر قضیه متناوبه) اوله بیلیمسی همچون ، طرفینی تشکیل ایدن ایکی قضیه حمليه آره سنده (ماذه خلو) بولونمسی بر شرط اساسیدر .

مثلا ، تحقیقات عدلیه مأمور اولان بر طبیک ، بر مقتول مجهول قارسوسنده بولوبوده وقعه جنائیه ی محاکمه ایدرکن : [ بو آدم ، یا « باشقه بری طرفدن قتل اولونمش » در ؛ یا خود ، « اتخار ایتمش » در . ] دیه دوستونمسی قضیه متناوبه نوعندن بر شرطیه منفصله یه مثال اولور ؛ چونکه ایکی احتمالدن انجق برینک طوغرو اوله بیلیمسی اولّا (شرطیه منفصله) اولسنه سبیدر . ثانیاً هر ایکی احتمالک بردن یا کلش اولاماماسی ده (قضیه متناوبه) اولسنه سبیدر . بوقضیه یی تمثالی بر صورتده افاده ایدر سهك : (ب) یا (۶) در ؛ یا خود (د) در . دیه بیلیرز . احوال اعتباریه ده اولنجه ، ایکی تکلیفدن آنجق برینک مطلوب اولدوغی آکلاشیلیر . هر ایکسینک ده خارجه جیقمق احتماله نظر یوقدره . مثلاً ، بن بر کیمسه یه : (یا بورجی ویر ؛ یا خود صاتون آلدیغ مالی اعاده ایت ! ) دیدیکم زمان ، مخاطبی شوایکی تکلیفدن برینی قبوله مجبور ایتک ایستیورم (!؟) دیمکدر . مع مایه ، مخاطبم باطابقی اولورده (نه بورجی ویریر ، نه ده آلدیغ مالی اعاده ایدر ! ) ویا خود عزت نفسی وکبری غالب بر آدم اولورده بنم بو سوزلرمدن شدتله منفعل اوله رق هم بورخی ، هم ده آلدیغ مالی باسمه آتار ، کیدر ؛ بومکنکدر . فقط بنجه مطلوب ومنظور اولان حرکت بونلر دکلددر . تکلیف واقعدن ایکی شقک

برینی و آنحق برینی! قبول ایتمه سیدر. ایشه (alternative) شرطی بوراده در؛ و کورولورکه بوکبی احوال اعتباریه ده تناقض، آنحق اعتباری و (صوری formel) در. بوفرق پک مهمدر. [formel لفته باقیکز. ]

### دیگرکاملق Altruisme

Altruisme

علم اخلاق، تعیراتنددر؛ (خودکاملق égoïsme) ک ضدیدر. بو تعیری وضع ایدن مشهور فیلسوف (اوغوست قونت Auguste Comte) اولمشدر. اصلی لاتینجه (alter باشقه سی) در. دیگرلرینک خیرینی تمنی ایتک، منفعتی محافظه یه غیرت ایتک، حقوقی طانیق حسیاتی، بزی، باشقه لری اوغورینه فدا کارلغه سه. وق ایده جک درجه یه واریرسه، اوزمان بزم بو حرکتمز دیگرکاملق اولور. یالکز شو فرقی ابراز ایتک ایجاب ایدرکه، کرک مادی و کرکه معنوی رابطه لرله افندیسه باغلی اولان بر (اسیر) ک، اونک اوغورنده فدا کارلق ایتمه سی (دیگرکاملق) صاییله ماز. بناء علیه بوخصلت نجییه، اخلاقاً تعالی ایتش حر و مختار اولان انسانلرده بولونه بیلیر؛ هر والده و پدرک اولادی اوغورنده فدا کارلق ایتمه سی ده، دیگرکاملقنک طبیعی و عمومی مثالی اوله بیلیر. فقط بوده. حیوانلرده بيله موجود و مشهود بر (میل عنریزی Inclination instinctive) اولدوغی ایچون. دیگرکاملق صاییله ماز. فطریدر. مبادی اخلاقیه ملاحظاتندن طوعمش بر حرکت عالیجنابانه صاییله ماز.

(خودکاملق) ایله (دیگرکاملق) آره سنده کی تضاد و بوضدیتک حرکات و اعمالده نتایج ضروریه و یا محتمله سی، فلسفه اخلاق ساحه سنده موضوع بحث و مناقشه اولش و ایکی مختلف نظریه یه وجود ویرمشدر. (نفعیون les utilitaristes) (بوسوره باقیکز!)، دیگرکاملقنک، خودکاملقندن طوعمش بولوندوغنی و (تجاذب sympathie) [بوسوزه باقیکز!] کیفیتک بونده بالخاصه ذیمدخل اولدوغنی ادعا ایتشدر. هله مشهور (آدام سمیت Adam Smith) بو اساس اوزره بر فلسفه اخلاقیه بنا ایتمشدرکه (فلسفه تجاذب philosophie de la sympathie) نامیه معروفدر. بو اعتقاده کوره [مناسبات مدنیه نک دها زیاده کسب

صمیمیت اجتماعی و هوغلاماسی، مذبح بین البشریه آره سنده اقتصاد و تعاونی آرتریره جق و انسالر کیندجه او ابتدائی خودکاملقلرندن واز کچه حکمر و دیگر کاملقلده ده ازیاده تأمین منفعت ایده بیله حکمدر. [ حالبوکه (بوزیتیویست positiviste) لر (بوسوره ناقیکر ! )، و علی الخصوص (Littre) لیره ) نظرنده دیگر کاملق، خودکاملقلدن مشتق بر شی دکلدور. بو خصلتلرک هرایکیسی ده اصلی و ابتدائی در. بری دیگرینه تقدم ایتمه مشدر. حتی ایکسی ده (عضوی) در؛ دهنیله بیلیر؛ چونکه خودکاملق (بقای شخصی conservation de l'individu) (سائقه طبیعیه instinct) سنک الهام و اقتضا ایتدیکی بر خط حرکتدر، و (تغذی nutrition) کیمته مربوطدر. اونسر اولمار؛ یعنی اول باول، هر فرد خودکاملق طاورانمازه بقا بوله ماز و یاشایه ماز. دیگر کاملق، (بقای نوع conservation de l'espèce) سائقه طبیعیه سنک الهام و ایجاب ایتدیردیکی بر خط حرکتدر، و (تناسل reproduction) کیفیتی ایله علاقه داردر؛ یعنی انسان اوته دنری اولادینه و حویشاننه فارشی دیگر کامانه و فداکارانه طاورانماسه یدی سلسله منقطع و نوع انسان منطقی اولوردی. بناء علیه کندی کندینی ادارهیه مقتدره و غوغای حیاته بالذات قبل اولونجیه قدر، اک و حشی انسانلر بیله کندی اولادلرینه قارشی دیگر کامانه طاورانیرلر؛ چونکه بوفداکارلق بقای نسلک برنجی شرط امنیتی در. شواکی فرصیه نك خلاصه افاده سی شو اولورکه (نعمیون) نظرنده دیگر کاملق، دیگرینه قارشی بر محبت خودکامانه در؛ حالبوکه لیره و امثالی عندنه دیگرینی - خودکامانه بر عوض کوزتمیه رک - سومک و اوغورنده فداکارلقدن چکنمه مکدر.

او حالده کندی منفعتی قطعاً حسابدن خارج طوته رق دیگرلری ایچون فداکارلق ایتکده خیر اوله بیله جکی کی، شر اوله بیلیمک احتمالی ده واردر. بناء علیه دیگر کاملق باشقلرینه موثر شر دخی اوله بیلیر؛ دیه دوشونمک منطقی ایسه ده بوکون دیگر کاملق تعیرینک معنای اصطلاحیسنده باشقلری ایچون حیری موجب بوفداکارلق شرطی مد مجدر؛ هم بونی یالکز حسیات اولق اوزره دکل، (بر خط حرکت une ligne de conduite) اوله رق

تلقی ایدرلر ؛ چونکه بالعمل فداکارلق شرطدر م بولکله یی ایجاد و وضع ایدن و مسئله به بحق لایق اولدوغی اهمیتی ویرن ( قونت Comte ) بو عقیده فلسفیه یی ( دیکرلری ایچون یاشامق vivre pour les autres ) دستوری ایله تلخیص ایتمشدر . فقط بونی هر و حله و هر صفحه سیله تحقیق و تتبع ایدن مشهور انکلیز فیلسوفی ( هربرت سپنسر Herbert Spencer ) در ؛ بونک ایچون درت بش کتاب یازمش و بالجله روابطی و هر درلو صفحاتی ایله کرک خود کاملغک ، کرکسه دیکر کاملغک ماهیتی میدانه قویمشدر . دیکر کاملی ( خیر خواهلوق bienveillance ) ایله بر طومش و بونک ( مثبت positive ) و ( منفی négative ) صورتلری تبع و تحقیق ایچون ( bienveillance positive ) و ( bienveillance négative ) ناملریله ایکی جلد وجوده کتیر مشدر که بو کتابلر اخلاقه دار یازمش اولدوغی ساسله آثارده داخلدر .

### فاره صر ، که Amaurose

Amaurose

( احساسات بصریه sensations visuelles ) نك تناقص شدت و صفوتی .

### ابهام Ambiguïté

Ambiguïté

برکله نك ایکی مختلف معنای متضمن اولسی سببیه غیر معین و موجب تشویش بر حیثیتی حائر بولونماسیدر . بناءً علیه بویله ایکی معنایه کلیر برکله نك مبهمیتی باشلی باشنه ( سفسطه sophisme ) ( بولکله به باقیکنز ! ) صایلماز ؛ فقط اکثریا سفسطیه سببیت ویا وسیله ویره بیلیر بر ( لسان قصوری ) در . محاکمه فکریده بویله برکله استعمال اولوتجه ، یابیلان قیاس ( منتج conséquent ) ظن اولونورده دکلدر ، لافدن عبارتدر . اونک ایچون بویله ایکی معنای برکله نك قیاسده داخل اوله سی و کبراده باشقه صغراده ینه باشقه معنا ایله قوللانمش بولونماسی اویله بر نوع سفسطیه سببیت ویریر که اوکا منطق اصطلاحنده ( سفسطه کلامیه sophisme in dictionem ) دیرلر ؛ زیرا سفسطه واقعه به سبب محضا کله نك ابهامی در و [ بر حدک هم کبراده هم صغراده عین حیثیته داخل بولونماسی ]

نومه دائر معلوم اولان قاعده مهمه - كرك قصدا كر كه غفلة - رعایت  
ایلمه مش اولماسی در . بوتعیرك وبونوع سفسطهك اسمی ابتدا ارسطو  
طرفدن وضع اولونمشدر . فقط بوكونکی منطقین ككهك اهاسی یوزندن  
یاییلان سفسطه یی (soph. in dictionem) ؛! حقیقی سفسطه لر صنفندن عد  
ایتمورلر . (sophisme سوزینه باقیكز ؛! اكثر مباحثه لرده ذكری  
مجبوری بولونان كلات اصطلاحیهك معناری حقیقه تعیین ایدلر سه طرفین ،  
او كلات مجرده یه باشقه باشقه معنارل ویره بیله جكندن هم بونوع سفسطه یه میدان  
آچیلمش اولور ؛ هم ده مباحثه نزاع لفظی دن قورتاریله ماز . انكلیز مشاهیر  
منطقیونی ، منطق كتابلرینك نهایتنده بو درلو كه لری نظر دفته عرض ایتمك  
ایچون بر باب مخصوص آچیشلر و او كلاتك فهرستی ویرمشدر .

Ame

## روح Ame

Ame	مراسزجه
Soul	انكلیزجه
Seele	آلمانجه

بوكهك يونان قدیم لساننده مقابلی (ψυχή) در ، بوده (ψυχω)  
فعلندن مشتقدر كه معنای لغویسی (تنفس ایدیورم) و (اوفلیورم) دیمكدر .  
الك اول ، مشهور ارسطو بوكهكینی اصطلاح حیثیتیه قوللاشمش وبالا خره بوندن  
بك چوق اصطلاحات علمیه یاییلمشدر : (psychique), (psychiatrie),  
(psychisme), (psychologie), (psychopathie) و ده امثالی کی .  
تاریخ فلسفه ومذاهب فلسفیه حقدنه معلومات وسیع سی مسلم اولان  
(سرویلیام هاملتن) بونك بر چوق لسانلرده مقابلی ذكر ایدیورم وجهلنده ده  
روح تعییراتك عینی منشأ اعتقاددن تولد ایتدیكنی میدانه قویوبور ؛  
سوزلربی بورایه نقل ایدیورم :

[ یونانی قدیمده (πνεῦμα) كه سی دخی (ψυχή) کی روح دیمكدر  
وایکسینك ده معنای لغویسی (نفس) و (هوا) در . لاتینجه ده (spiritus)  
دخی (نفس ایتمك) معناسنه كن بر مصدر دن مشتقدر . كذاك ینه اولسانده

(anima) و (animus) کله‌ری ده واردر که ایلک معنای او توتولشی و تشبیهی معنایله قولانلقده بولونمشلردر. معنایه بولکلرک معنای اصلی و مادی‌ری یونانی لسانک (άνημος = آنه‌موس) لفظده مضموندر که روزکار و هوا دیمک اولور. انگلیزجه (soul)، آلمانجه (seele) کله‌ری (غوثیق gothique) لسانده (فورطنه) دیمک اولان (saivala) لفظندن آلمشدر. ینه اسکی انگلیز لسانده (ghost) لفظی واردر که انجیلده علی‌الاطلاق (روح) معنانه وارد اوله‌کمشدر؛ آلمانجه (geist = غایست) لفظک عینی‌در؛ بونلرک ایکسی‌ده (gas = غاز) و (gesht = کشت) اصلندن مشتقدر که (هوا) دیمکدر. عبرانی‌ده (نفسه‌ش) و (روح) کله‌ری نفس آلمق معنانه موضوع بر مصدردن مشتقدر. سانسقریت، یعنی اسکی هند لسانده (آتما = atmâ)، هم روح، همده روزکار و هوا دیمکدر و یونانی‌ده (بخار) و (هوا) معنانه کلن (atmos = ατμός)، اوندن آلمشدر، (atmosphère) ده بوندن کلیر .. ] الی آخره ...!

عربجه‌ده عیناً بویله‌در؛ چونکه (روح)، (ریح)، (رایحه)، (راحة) عینی اصلدن کلیر و کلمه اصلیه‌ک معنای ابتدائی‌سی (هوا) و (روزکار) دیمکدر.

علم لسان نقطه نظرندن واقع اولان شو تحلیللات بزه یک مهم برکیفیت عرض ایدیور: لسان علماسنک بوتحلیلاتی‌ایله (آنتروپولوژی anthropologie) علماسنک تدقیقاتی‌عینی فرضیه‌یه پیوسته اولویور؛ وابتدای امرده انسانیتک (روح) حقنده نصل بر اعتقاد پیدا ایده‌بیلشمش بولوندوغی بوتحقیقاتدن ظاهر اولویور. اکلا‌نیلورکه:

اک وحشی دورلرده بیله انسانلر نظرنده (تولوم)، اک مهم فقط اک مهم بر مسئله اولمشدر. دنیاده مدینتک هنوز شمه‌سی بیله یوق ایکن، (انسان ابتدائی l'homme primitif) تولوم اندیشه‌سیله - قدرتی یتدیکی قدر! - اعمال فکر ایتش و توللرده نه‌کسین شینک نه‌اولدوغنی دوشونمکه مجبور بولونمشدر. بوکا دائر قوی دلیللر وار. وفات ایدن بر کیمسه‌ده انقطاع حیاتی اثبات ایدن اک واضح و شبهه‌سز داید، نفسک یعنی صولوغک

کسیلمه سی در . ( حتی بوکون بیه محضر برآدمک حقیقهٔ نولش ویاخود بایلوب قالمش اولوب اولمادیغنی تحقیق ایچون آغزیه آینه طوتارلر . جزئی نفس آلبورسه آینه سطحنده ( بوغو ) یعنی بخار حاصل اولورکه علامت حیاتدر اکلاشیایورکه انسان ابتدائی روح ایله صولوغی ، صولوق ایله هوای نسیمی برطومتش و اوسبیه روحی هوا نوعندن برشی ظن ایتمشدر . بوطن ، ضروری وطیبی اولمش اولسه کرکدر .

بوکون بر چوق اقوام وحشیه نك ، بلااستنا جمله سی ، بواعتقادده بولونویور ؛ بونی ( نه تنوغرافی ) ، ( آتروبولوزی ) و ( سوسیولوزی ) علماسی تحقیق ایتمشدر .

روحک ماهیتی حقنده کی اعتقاد قدیم وابتدائی بوضورتله برظندن تولد ایتمش بولوندوغنی کی ، ( بر جوهر مستقل و غیر جسمانی ) اولماسی اعتقادنده دخی ، کیفیت ( رؤیا le rêve ) نك بویوک بردخل و تأییری اولمشدر . سنیه یوقدرکه اك وحشی انسانلر - حتی حیوانات عالیله - رؤیا کوره بیایور . حیات رورمره سنك هیجانی وقوعاتی رؤیاسنده تکرار یاشایان وکوزلرینی آحار آحماز کندخی و بولوندوغنی محلی ادراک ایدن انسان وحشی نك ، بواسرار انکیز حاله حیرت ایتمه سی طبیعی در . کیفیت رؤیایی کندنجه تعریف ایچون دخی نفس و صولوقدن عبارت عد ایتدیکی روحک - بر مدت - بدنی ، اولدوغنی یرده ترك ایدوب سیاحته چیقمش و نیجه نیجه عجایب سیر ایتمش اولماسنی دوشونمه سی ده ضروریدر . نیرقک اسکی محرراتنده ، حتی بومسئله ره دائر بزده موجود اولان برحق آثار عثمانیه ده ( کیفیت رؤیا ) تماماً بوضورت اوزره تعریف اولونمش و نولوم ایله رؤیانك - بری برینه يك بکزر ایکی قارداش اولدوغنی عمومی براعتقاد اوله رق تأسس ایتمشدر . آثار صوفیه ده دخی رؤیا تعریفده ( روحک بدنی موقتاً ترك ایدوب ( عالم مثال ) ده سیران ایتدیکی و اوعلده ( جابلسا ) و ( جابلقا ) نامنده ایکی ( معنوی - مملکت ) کزوب ، اورالرده عجایب شیلر تماسا ایلدیکی ادعا اولونویور . تورکجه آثار مشهوره مزدن ارضروملی اراهم حق نك معرفتنامه سی بواعتقاداته دائر اك مهم وثائق جامعدر .



بولندر هب ( آنتروپولوژی ) علماسنك تحقیقاتنه مستند بولونان بر نظریه مشهوره نك مقرون حقیقت اولدوغنی کوستریبور .

مع مافیه تاریخ فلسفه اثبات ایدیورکه انسانیت ابتدائیه نك - ازمنه قبل التاریخیه دنبری - روح حقنده حاصل ایتمش بولوندوغنی بواعتماد ساده دلانه ( باطل برطن ، قاباومادی بر تشبیه محصولی اولمقله برابر ! ) قیمتی چوق مدت محافظه ایتمش وایلك یونان فیلسوفلرنجه بیله مقبول اولمشدر . مثلاً ، ( مدرسه یونانیه Ecole Ionique ) نك ( Ecole کله سنه باقیکنز ! ) مشهور فیلسوفلرندن ایکننجیسی اولان ( آناقسیماندر Anaximandre de Milet ) ( ۵۴۶ - ۶۱۰ قبل المیلاد ) ، کائناتك ( جوهر ذاتی Substance essentielle ) سی هرشیك ( اول الاوائل l'Archée ) ی ( هوا ) در وهوا زیر و حدر ! . . دیه اعتقاد ایدیوردی . بو آدمك سنا کردی اولان ( آناقسیمنه Anaximènes ) ایسه ، هوایه نامتناهی صفتنی اسناد ایدرك ، ( الله در ! ) دییوردی . آتومیزم مذهبی Ecole atomistique | مؤسس لرینك اك مشهوری اولان | ذیمقراطیس = Démocrite | ، هواده بر چوق ارواح واردر ؛ زیرا هوا بر چوق ( ذیروح - ذرات ) دن مرکبدر .

en γὰρ τῷ αἰεὶ πολλὸν ἀριθμὸν εἶναι τῶν τοιούτων, ἃ ταλεῖ ἢ εἶνός νοῦν καὶ ψυχὴν . دیمشدی . ینه مدرسه یونانیه فلاسفه مشهوره سندن قلازومن لی ( آناقساغور Anaxagore de Clazomène ) ؛

۴۲۸ - ۵۰۰ قبل المیلاد ! | واردرك اك اول روح بشری ( Nous - νοῦς = عقل | دیه تعریف ایتمش ایدی . فقط عقل تسمیه ایتدیکی روحی نصل تاقی ایلدیکنه دائر بو حکیمك کندی سوزلری مضبوطدر بوسوزلر صراحتاً اثبات ایدیورکه اوده روحی یعنی عقلی | بالجله اشیای مادیه نك اك صاف واك رقیق ولطیف [λεπτότατον τε πάντων χρημάτων καὶ καθαρώναντον] ظن ایدیورمش ! . یعنی روحك غایت رقیق بر مآده اولدوغنه اعتقاد ایدیورمش ! . ( مادیه matérialisme بولفظه باقیکنز ! ) مذهب مشهورینك مؤسس اولان ( ئه پیکور Epicure ) ( ۲۷۰ - ۳۴۱ قبل المیلاد ) ، | روح اك لطیف بر جسمدر Η ψυχὴ σώμα λεπτομερές | دیمشدرکه کندی فلذمه سنه کوره موافق وطیبی بردوشونوشدر ، اما یا کلشدر .

مشهور سقراطك اعتقادی، روحی جسمانیت و مادیت تصورندن بوسبوتون قورتارمشدر. بو حكیمك فكر نجه ( روح اویله بر جوهر غیر جسمانی دركه بوماهیته، الله ایلله مشارکتی وارد. یعنی جوهریت غیر جسمانیه سی اعتباریله روح، الله بکزر. الله، نصل کوزدن همان اوله رق کاشتی اداره اییدیورسه، طبقی اویله جه، روح دخی، غیر مرئی اولدوغی حالده بدنه تصرف و جسمی اداره اییدیور. بدن خراب اولدوغی حالده روح فانی اولیور. )

معلومدركه بو کون ادیان منزله نك؛ حکمت صوفیه نك؛ روحیون مذهب فلسفی سنك؛ و اکثریت ناسك اعتقادی بودر حتی عوامك بویابده فکری بو قدردن عبارتدر.

افلاطونك روح حقه کی نظریه سی (پیتاغوریون Pythagoriciens) دن مستعار اولمقده، پک مبهمدر. مع مافیله بو حکیم (فدون Phédon) نام اثرنده ایکی سطرله بو خصوصده کی فکری و اختیایان ایشدر: (روح، الهی در؛ لایموتدر؛ مذکر در، غیر جسمانی در؛ بسیطدر؛ غیر مرئی در؛ و تصرف و اداره ایشکده بولوندوغی بدندن اقدمدر؛ یعنی ده اول موجوددر.

Τὸ μὲν θείον, καὶ αἰθανάτον, καὶ νοητὸν, καὶ μονοειδές, καὶ αὐθάδύτω, καὶ αὐτὸ ὡσαύτως τὰ κατὰ ταῦτα ἔχοντα ἑαυτῷ ὁμοιοτάτων εἶναι ἑτέραν.

اک اول، (اصولی دائره سنده methodiquement) بحث ایدن ارسطو اولمشدركه افلاطونك اک مشهور شاگردی و معارضی ایدی. (روحه دائر اوندله ارسطو روحی، آثار باهره و علائم ظاهره سنه نظراً تعریف اییدیورده: [روح، اودرکه: اونکله یشارز؛ حس ایدرز. دوشونور! -

Ἡ ἑτέρα δὲ τοῦτο ὃ ἔχουν καὶ αἰσθανόμενα καὶ διανοούμενα. دیورکه آدم عقلی بر تعریف صایلماز؛ چونکه ماهیت و حقیقت روحه دائر هیچ برشی سویله میوب، هر کسک بیلدیکی علائم ظاهره یی تکرار ایشکدن عارت فالیور. مع مافیله ارسطو بو مسئله غامضه حقه چوق دوشونوب اعمال فکر ایش و بر نظریه ترتیب ایشدرکه بالخاصه عالم اسلامده

(الحکما) دهنیلن (فلسوفلر فرقه‌سی) اونو عیناً و تماماً قبول ایتمش و حالا بوزمانه قدر اعتبارده طوتمشدر: بوده مشهور و پک معروف اولان (عقل اول، یاخود عقل فعال) و کمال اول =  $\text{ἐντελεχεία πρώτη}$  = *l'intellect actif* (نظریه سیدرکه، (intellect) کله‌سنده بوکادائر تفصیلات کافیه ویرنشد. [اورایه باقی‌کز !] بوراده انحق مختصراً بونظریه مهمه‌یی عرض ایتمکه مجبورم؛ زیرا بوتون اسلام فیلسوفلرینک اکثریت کلیه‌سی، بونی اساس اتخاذا یتشدر.

ارسطو سائر فیلسوفلر کی، یاخود آلهیون کی روحی، بدنن آیری بر (جوهر نورانی) اوله‌رق قبول ایتیوردی. جسم مادینک شکل هویتی افاضه ایدن و کیندکجه، [یعنی تکامل ایله !] اوشکلی اصلاح واکمال ایله‌ین قابلیت حیانه (روح) دییوردی؛ و کندی فکرنجه بوقابلیت (فعل) =  $\text{ἐνέργεια}$  = *énergie* دیمکدی. بوقدرت، جسم عضویده بالقوه موجود بولوندوخی حالده (صیوروت *le devenir*) ایله، بالفعل نظام ایدیور و او جسمه (صورت کمال) نی ویریوردی. طبیعی درکه روح بویه دوشونولور ایسه، جسمدن آیر و مستقل اوله‌رق تصویری ممکن اوله‌ماز؛ اولسه‌ده بیهوده اولور. مع مایه، استاد یونانی بر اللهه اعتقاد ایدیوردی؛ فقط اوالله دخی جسم کائناتدن آیری و مستقلاً موجود بر (روح عمومی) دکلدی. ینسه جسم کائناتده مندرج بر (قابلیت کمال) ایدی که کائناتده، ازلدنبری (بالقوه) موجود اولدینی حالده هرآن (بالفعل) تجلی ایدرک، کائنات کمال صورت افاضه ایدیوردی. اونک ایچوندرکه ارسطو - بو حیثیت معنا ایله تلقی ایلدیکی - روحی، هم (علت صوریه *cause formelle*)، هم (علت فاعلیه *cause efficiente*)، همده (علت غاییه *cause finale*) عدایدیوردی. جسمک ماده‌سی، جوهری، یعنی خاموری دخی (علت ماده *cause matérielle*) سی اولویوردی. ایشه ارسطونک (علل اربعه *les quatre causes*) فرضیه‌سی، روح حقنده کی اعتقادینه - صمیماً - مربوطدر. برشینک موجودتی ایچونده بو درت در. بری‌کندی مادیتی، دیگر اوچی‌ده نشوونما ایله کمال صورت

اكتساب ایدہ بیلیمك خصوصندہ کی قابلیت فطریہ و ازلیہ سیدر. (علت اولای  
تکونی، علت غائیہ سی) دہ بوندہ در. کندیسندہ بالقوہ موجود بولنان  
استعداد کالک، احسن تقویم اوزرہ، یعنی اک کوزل شکل اوزرہ تجلی  
ایتمی در.

ایشته ارسطو اسانندہ (l'intellect premier ἐντελέχεια πρώτη) بودیمکدر؛ و (ἐν τῷ τέλει ἔχειν -- یعنی کندیسندہ بر غایہ کال وار!..  
ce qui a sa fin de perfection en lui-même) دیہ تفسیر ایدلمشدر. بوروح  
نظریہ سی عیناً و نمائیلہ عرفان اسلامیہ انتقال ایتش و هان علی الاطلاق حکمای  
اسلامك اذهانہ تحکم ایشدر. بوتون (هیولا و صورت = ἵδρα καὶ μορφή -  
forme et matière) عقیدہ حکمتی و بوندن نشأت ایدن و مناقشہ سی الی  
عصر سورن (صورت جنسیہ و نوعیہ) مسئلہ لری، عالم اسلامدہ (فلسفہ  
مشائیہ philosophie péripatéticienne) نک یعنی، ارسطو فلسفہ سنک  
نہ بویوک برفوذ ایله تحکم ایتدیکنی - صراحہ - کوستریر. حکمای اسلام  
(intellect) کلمہ سی (کال اول) دیہ ترجمہ و حقیلہ ادا ایتمشدر. شرح  
موافقک، دردنجی موقفنک نصف اخیری هان کاملاً ارسطونک بو (روح  
نظریہ سی) فی مناقشہ حصر ایدلمشدر. بو خصوصہ دائر لازمکلا تفصیلات  
(intellect) کلمہ سندہ مندرجدر. اسلام حکما سندن مشائی اولانلرک  
افکارینہ عائد ملاحظات دخی اورادہ در. [مراجعت ایدیکنز!]

ارسطو، روحی بدنن آیری و مستقل برشی کی دوسونہ مدیکی ایچون  
(تناسخ métempsychose) ی انکار ایتمشدر؛ بوده پک طبیعی در:  
زیرا روح بدنن آیریلہ مادقہ کندی باشنہ سرسریانہ سیاحت ایدہ من؛  
و روحسز بر بدن بولہ مازک - صاحبسز بر خانہ یه کیردکی - اوکا کیرہ بیلسین!..

روحک - ابدیتہ رغماً - حادث، یعنی مخلوق اولوب اولماسی اعتقادی  
دخی ارسطونک فلسفہ سندہ - بر مسئلہ اولہرق! - موضوع بحث اولمش  
و حقیقت روح معماسنک حلی مشکل، بلکه ناقابل اولدوغی تظاهر ایتمشدر.  
بو بحثک بورادہ تفصیلی پک اوزون سورہ جکی جہتلہ مسئلہ نک حد ذاتندہ

و اسلام حکما سی عندندۀ اهمیت فوق العاده سنہ بناءً - غایت مختصر بر فکر و یروب اشارت ایتکی مناسب کوردم .

اولا شونقطه مهمه یه نظر دقتی جلب و دعوت ایتکه مجبورم که نصوص قرآنیہ مبنی اولار حکمت اسلامیہ ، روحک حقیقتی بختندہ لال و ابکم قالمنی ترجیح ایتشدرد . زیرا بو مسئله خطیرده مانع بحث اولان آیت یئنه نک منظوق منیفی صریحدر : ( ویسلونک عن الروح ؛ قل الروح من امر ربی ! ) یعنی ( سکا روحدن صورارلرسه ، دی که روح اللہک بیلہجکی برایشدر ! ) بیورلمشدر . بوکون ، زمانمک عرفانہ حاکم اولان هیچ بر فیلسوف یوقدرکه بومعنادن ذره قدر انحراف ایدرک روحک حقیقتہ دائر بر فکر بیان ایدہ بیلمش اولسون ! ( سنسر ) ، بیک بشیوز صحیفہک ( پسیقولوی ) کتانبندہ : ( روحک حقیقتی بیلہمیز و بیلہمیه جکز ! . . یالکز آثار تجلیاتندن ، قوا سندن ، الحاصل حادثاتندن بحث ایتکه صلاحیتمز واردرد . پسیقولوی دخی انجق حادثات روحیہ دن بحث ایدر بر علمدر ! ) دیور . ( هاملتن ) ( میل ) ، ( مہنسل ) و بوتون بویوک فیلسوفلر ایله برابر ، (دوبوا رہیموند Dubois Reymond ) ، ( قلود برنار Claude Bernard ) و امثالی کبی اجلہ علماء هب بوفکرده درلر و اونی صراحتاً بیان ایله اعتراف عجز ایتمکدن چکنمہ مشلدردر . علمای اسلام ایسه ، اوتہ دنبری بومستلہده تادباً توقف ! - ایله مشلردی . لکن فلسفہک ( مابعد الطبیعیات ) قسمی ، الخاصه بو کبی ( مسائل لدنیہ questions ontologiques ) ایله اوغراشمه یی کندینہ وظیفہ بیلوب بونوع حقایق - بالخاصه موضوع بحث ایدیمش بولوندوغی ایچون ، - آنجق بر فرضیه اولق حیثیتله ، بوخصوصده بیان فکر و ملاحظہ ایتکده بأس کورولمہ مش و بالاتفاق (روح بختندہ مساع) اولدیفنہ فاعت حاصل اولمشدر . اونک ایچوندرکه اجلہ حکمای اسلامیہ دن بر جوق مشاہیر و علی الخصوص ابن سینا و فخرالدین رازی کبی کبار فلاسفہ روح بختندہ اسلاف یونانیہک بالکلیہ افکارینی تتبع ایدہ رک عرفان اسلامه نقل و اونلری تنقید ایتدکدن صکرہ کندیلری دخی بوخصوصده - فقط بر فرضیه اولق اوزره - برر فکر بیان ایتمشلدردر . حتی شرح موافقک

دردنچی موقفی تتبع اولونورسه کورولورکه اسملری هنوز ذکر ایتدیکم اسلام فیلسوفلری ومعتزله فرقه سندن (نظام) ودها بمضلری، اساتذۀ یونانیه نک دقایق آثار وافکارینه - شایان حیرت بر درجه ده ! - انفاذ نظر ایدوب فوق العاده بر احاطۀ علمیه وبویوک وسالم بر قدرت تنقیدیه اثبات ایتمشلردر. حکمای اسلامک اکثریسی ارسطویه اتباعاً، روحی جسم ایچون (کال اول intellect=entéléchie) اولق اوزره تلقی ایتدکن صوکره، بونی اوچ نوعه تقسیم قبول ایله مشلر: بری، (نفس نباتیه l'âme végétative) درکه یالکز (تغذی ونمو) قابلیاتنه مالکدر. ارسطونک (το θρεπτικόν) یعنی نفس غاذیه دیدیکی بودر. حکمای اسلام بونک تعریفی عیناً ارسطودن آله رق :

۱ النفس النباتیه ، وهی کال اول جسم طبیعی آلی من حیث یتغذی ونمو یعنی ، نفس نباتیه عضوی اولان بر جسم طبیعی نک تغذی وتتمی ایتمه سی حیثیتله کال اولی ( نه ته لی کی = entéléchie ) سی در . ۲ دیمک اولور .

ایکنجیسی، (نفس حیوانیه l'âme animale) درکه تغذی وتتمی ایله برابر حس وحرکت قابلیاتنه ده مالکدر. ارسطونک (το κινητικόν) یعنی نفس محرکه ۱ دیدیکی بودر. حکمای اسلام بونک تعریفی دخی عیناً ارسطودن آله رق :

۱ النفس الحيوانیه ، وهی کال اول جسم طبیعی آلی من جهة ما يحس و يتحرك بالاراده ۱ یعنی نفس حیوانیه عضوی اولان بر جسم طبیعی نک بالاراده حس وحرکت ایتمه سی جهتله کال اولی در . ۲ دیمک اولور .

اوچونجیسی ، (نفس انسانیه l'âme humaine) درکه بوکا (نفس ناطقه l'âme raisonnable) دخی دیرلر. تغذی ، تتمی وحس وحرکت ایله برابر ، ادراک ، تنقید ، محاکمه وتعقل قابلیاتنه مالکدر . ارسطونک (το κριτικόν ، منقد ) ، (το λογικόν ، ناطق ) دیدیکی بودر . مع مافیه افلاطونک تقسیماتی دخی بر جوق حکمای اسلام قبول ایتشدرد . افلاطون، دخی روحی اوچ نوع اولق اوزره تلقی ایدردی؛ دهاطوغروسی

روحك قواى بلهسنى تشكيل ایدن اوج نفس قبول ایدردی که ارسطو دخی  
 اکثریا (les énergies = ἐνέργειαι) تعبیری ایله بومعنائی مراد ایتشدرد.  
 برنجیسی ، (la raison = λόγος = نفس ناطقه) درکه اونک مقامی  
 و محل تعلقی دماغ بشردرد ؛ وفانی اولمایان روح انجق بودر . ایکنجیسی ،  
 (θυμός = نفس غضبیّه) درکه محل تعلقی، قلب انسانی در . اوحنجیسی  
 (το ἐπιθυμητικόν = نفس شهوانیه) ایدی که محل قراری کبد یعنی  
 قره جگر ایدی . بزم کاتب جلبیده وقینالی زاده علی افندینک ( اخلاق  
 علائی ) نام کتابنده ، ارضروملی ابراهیم حقی نک معرفتنامه سنده ودها بر  
 جوق معتبر آثار اسلافده، بونظریات عیناً بسط اولونمشدرد. محضاتفصیلدن  
 اجتناباً وهله بوکون کلیاً متروک وبلکهده منسی بر طاقم فرضیات باطله دن  
 اوله لرینه بناءً بورایه اونلری نقل ایتکده فائده کورمدم . تاریخ فلسفیه  
 تعلقی اعتباریله بوقدر ایضاحات کفایت ایدر .

( مواقف ) نام کلیات فلسفیه نک صاحبی ، ا قاضی عضد الایحی ا ،  
 بومهم اثرنده ، روحك بر ( جوهر مجرد substance indépendante )  
 اولهسنی انکار ایدنلردن دخی بحث ایدیور ؛ ( خاتمه فی روایه مذاهب  
 المنکرین لتجرد النفس الناطقه ) عنوانیله شایان دقت اولان بوفصل کتابنده ،  
 بومذاهبک یک جوق اولدوغنی ذکر ایتدکن صـ وکره ( اک مشهورلری  
 طوقوز فرقه در ! ) دیور . بوفره اربابنک حقیقت روح بحثنده فکرلری  
 یک معنادار اولدوغی ایچون مختصراً بورایه نقل ایدیورم :

بونلردن برنجیسی ( ابن راوندی ) نک فکریدر . بوفلسوف ، اروح  
 قلیده برجزه لایتجزادر ؛ دیور .- ایکنجیسی ( ائمه معتزله دن ! ) نظامک  
 فکریدر : ( روح بدنده ساری برطاقم اجسام لطیفه در . طبق کل صوینک  
 کلده سرایتی کبی ! ! دیور .

نظامک فکری تماماً مذهب مادیه نک مؤسسسی مشهور ( نه پیکور  
 Epicure ) ک فکریدر ! ! .

اویونجی فکره کوره ، ( قاضی عضد اسم ذکر ایتیور ! ) ، ا روح  
 دماغده برقوت در ! !

بواعتماد ، بكونكى ماترياليستلرك وفيزيولوژى علماسنك اعتقاديدركه روح، بو تقديرجه انجق ( دماغك بروظيفهسى ، برفعاليق une fonction du cerveau ) اولمش اولويور ؛ وبويله اولونجه بالطبع مستقل اوله ماز و دماغ ايله برابر فنا بولور.

دردنجى فكره نظراً ( روح ، اوچ قوتدن عبارتدر بريسى قلبه در . بو نفس حيوانيهدر . ايكنجىسى قره جكرده در ؛ بوده نفس نباتيه در . اوچونجىسى دماغده دركه بو - انجق - نفس انسانيهدر . )  
شوتعرفك عينا وتماماً افلاطوندن آلمش اولدوغى - بذاته - بديهى در . بشنجىسى ( روح برهيكلى مخصوصدر )، اعتقاديدر .

بورادهكى هيكل ، جسمك شكل وقيامنده وطبقى اونك كې بر كولكه ديمكدر . بوده مشهور ( ديمقراطيس = Démocrite ) ك ، پك معروف اولان ( = idole = εἶδωλον ) فرضيه سندن النمشدر ؛ وحالا اقوام وحشيه وابتدائيه دن پك حوڭى روحى بويله بر هيكل صانير ورؤياده ، اطرافى كزوب عجائب شيلر سير ايدن ، انسانك بوهيكللى ، بوكولكهسى بو ( ايكنجىسى l'autre moi ) در ظى ايدر . سوسبولوژى و آنتروپولوژى علماسى برچوق دليللرله اثبات ايدويورلر كه ، اقوام وحشيه وابتدائيه نك حرافات اعتقاديهدر سندن ك مهم برينى تشكيل ايدن ( جادى ) و ( خورتلاق ) مسئله سنك ، بواعتماد ايله صميمى بر علاقه سى واردر . علمائى متخصصيندن ( طايلار Tylor ) ، بومسئله لره دائر ايكي بويوك جلد يازمش وبومناسبتى صراحتاً كوسترمشدر . سهرستانى ده بوكا دائر بحث واردر .

التنجى فكره كوره ، روح ، ( اخلاط اربعه نك كميت و كيفيت اعتباريله اعتدالى در . ) شبه يوقدر كه بوفكر دخی اطباءى يونانيه نك وعلى الخصوص ( جالينوس حكيم Gallien ) ناميله عالم اسلامده فوق العاده برسهرت ونفوذ قازانمش اولان ذاتك اعتقادى ايدى . ( اخلاط اربعه les quatre humeurs ) نظريه سى ذاتاً اونكدر . بو حكيملك اخلاط اربعه ديديكى شيلر ( فان ، صفراء ، بلغم وسودا ) ناميله وجودك مابيع قسملرى ايدى كه صحت دخی بونلرك موازنه اعتدالندن ، كميت و كيفيت اوزره متناسب بولونماسندن ايلرى كليوردى .



یدنجی فکړه کوره ، روح ، ( مزاج نوعی نك اعتدالی در . ) بوده  
آلتنجی فکړه جزئاً معتدل برصورتی در . بوسبوتون مستقل بر فکر دکل !!  
سکزنجیسی ، ( قانك اعتدالی در . ) بوده اودر . انجق اخلاطك  
جمله سی آره سنده اولاجغه یالکزر دمنده براعتدال ، ظنی در .

طقوزنجیسی ، ( روح هوادر ! ) دهین فرقه در . دلیلی ده پك بسیطدر :  
( اذ بانقطاعه طرفه عین تنقطع الحیاة ) یعنی : ( هوادر ، زیرا انقطاعی ایله  
لحه بصرده حیات دخی منقطع اولور ) دیمکدر .

بونك پك ابتدائی براعتقاد اولدوغنی ، بومقاله نك بدایتده عرض اتمش  
و ( آناقسیاندر ) نام فیلسوف یونانی نك بو اعتقادی بردستور فلسفی شكله  
قویمش اولدوغنی کوسترمشدم .

( تعیراته باقیكز ؛ روحك انتقالی حقنده تفصیلات آلمق ایچون دخی  
بالخاضه تناسخ métempsychose کله سنه مراجعت ایدیكز . قوای روح  
ایچون ( faculté ) لفظنه باقیكز ]

تصوف اربابنك روح حقنده کی اعتقادینه کله نجه ، باشقه در . طبق  
( نوفلاطونی ( néoplatoniste ) لرك كنه بكزر .

بومذهب فلسفی برمکمل (سیستم) حاله کنیروب اکمال اندن مشهور  
( پلوتینوس Plotinus ) ، پك مهم برسلسله آثار وجوده کتیرمشدی که بوکون  
تمامیله محفوظدر . بوفیلسوفك فکیرینه کوره هر شینك مبدأ و معادی ( وجود  
مطلق ) در ؛ وجود مطلق غیرمادی بر روح عمومی در ؛ روح عالمدر . ( l'âme  
universelle = η ψυχή ὑπερκόσμου ) و ( η ψυχή τοῦ παντός )  
( l'âme de l'Univers ) تعیرلری لسان تصوفده ( روح کلّی ) ، ( نفس  
کلّ ) و ( عقل کل ) ترکیلریله ادا اولونور . ( پلوتینوس ) ك اعتقادنجه  
( عالمده حرکت و حیاتك باشلیجه سببی ( χορηγός τῆς κινήσεως ) و ( عالم  
حسی نك و مخلوقاتك سلطانی ( Βασιλεύς τῶν γιγνομένων ) ایشته روح  
کلی اولان او وجود مطلقدر . بزم روحلرمز ، اونیر فیض و حیاتك ، او  
آتشك آنجق برر قیوباجیمی در . حضرت مولانا جلال الدین رومی نك  
متوبده دیدیکی کی :

حزؤ عقل این ، ازان عقل کُل است :

جنبش این سایه ، زان شاخ گُل است ! ..

یعنی ! بوانسانك عقل جزئی سی ، او وجود مطلق دیدیکمز عقل کلک  
برجزئیدر . بوکولکۀنك قیـلـدانماسی ، اوکل دالـنك حرکتـدن نشأت ایدر .  
بویله اولونجه ، روح ، الهی الاصلدر . بو ( خاکدانه دوشمه سی ! ) برآن  
امتحان ایچوندر . یوقسه ، اوایلـه برورقاء قدسی ( یعنی مقدس برکوکرچین ! ) درکه  
علیندن هبوط ایتش وبو ( تن قفسنده ! ) محبوس قالمشدر . دائمی وستدید  
براشتیاق ایله ( وطن اصلیسنه ) یعنی وجود مطلقه رجوع ایتک اماندهدر .  
بناءً علیه ذاتاً ظل زائل وخیال باطل اولان عناصر مادیـه ایله — وجهاً من  
الوجوه ! — هیچ برمناسبتی یوقدر . انجق منافرتی وارددر . عناصر ، ظلمانی  
الطیعه ؛ روح ایسه نورانی الطیعهدر . الی آخره ! ... [ یوبابده تفصیلات  
ایچون تصوف ، théosophie ، mysticisme ، Çonfisme ، کلهلرینه  
و تفصیلات تالیـه ایچون abstinence ، abnégation ، aïdéisme ،  
extase ، absorption لفظلرینه باقیـکـز ! ]

تصوفده روح بحی ، تماماً و عیناً بویلهدر . حتی متصوفدن صایلمامش  
اولان حکمای اسلامدن بعضلرینك بو خصوصده کی اعتقادلری تماماً صوفیانهدر .  
مثلاً مشهور ابن سینانك معروف عالم اولان ( قصیده روحیه ) سی ، حرفی  
حرفه بلوتینوسك فکرینه ترجمان اولور .

هَبَطَ الْيَكُ مِنَ الْمَحَلِّ الْأَرْفَعِ  
ورقاء ذات تمتع و تمتع . الی آخره

مطلع بیتی ، روح ، عالم علویدن هبوط ایتش قیمتدار ، ومقدس بر  
کوکرچیندر ؛ تشبیهی ایله باشلا یورکه شایان دقتدر . حالبوکه ابن سینانك ( شفا )  
و ( نجات ) نامنده کی آثار مشهوره سنه نظراً فلسفه سی تماماً ( مشائی  
péripatéticienne ) ، یعنی ارسطو فلسفه سیدر . واقعا ( روح عالم ) تعمیری  
ارسطوده دخی کچور ؛ فقط فیثاغوریلردن آلمش بولوندوغی برتعبیر اولسه

کر کدر ؟ ( انسانك عقل جزئی سی نك عقل کلدن بر جزؤ اولماسی ) دخی استاد یونانی نك آثارنده مذکور در . ارسطو ، بوخنده (  $\alpha\pi\acute{o}\sigma\pi\alpha\sigma\mu\alpha\ \tau\omicron\upsilon\ \theta\epsilon\acute{o}\upsilon$  = fragment de Dieu = اللهدن بر بارجه ، بر جزؤ ) تعبیخی قولانه رق روحی تعریف ایشدر . فقط ( کال اول ) نظریه سیله بو اعتقادی تألیف ایشکده کو چلك چکیله جکی اکلاشیلیور . ( intellect کلهسنه باقیکز ! ) خلاصه ، روحی ، بوسبوتون روحانی ، مستقل وغیرمادی تلقی ایدنلر میاننده بر چوق حکمای شرق ایله برابر بالخاصه صوفیه برنجی صفده ذکره شایاندر .

[دور اخیر ، یعنی دور جدید فلسفه سنك بومسئله ده کی اعتقادات متخالفه سی matérialisme ، spiritualisme ، sensualisme ، immatérialisme parallélisme ، کله لرینه عائد اولان تفصیلاته ذیلاً لزومی قدر ایضاح ایشلشدر ؛ اورایه باقیکز ! ]

زمان حاضره کلنجه ، روحك وحدت واستقلالنی قبوله مجبور اولان فیلسوفلرك خلاصه افکاری بوجه آتی در :

اولا : عوام ناسك وجهورك یعنی اکثریت متفكرینك اعتقادینه تماماً موافق اولان ( ثنائیه Dualisme ) مذهب مشهوری واردركه بونك دستور اعتقادنجه ( روح l'âme ) و ( جسم عضوی corps organisé ) بر بریله متقابل وصمیماً علاقه داردر . بودعواده بولونانلر ، فکر لرینی تشبیهی برلسان ایله عرض ایدیورلر وبوندن اکلاشیلیوركه بو فرضیه یی ایکی وجه اوزره تلقی ایتك ممکندر .

برنجیسی : جسم عضوی بر ماکنه یه بکزر كه زیاده سیله ( مُعضل complexe ) و کرفت ، آلات وادواتدن متشکلدر . فقط ، بوماکنه واونی تشکیل ایدن اعضا عا طلدر . کندی کندینه ایشلیه مز . اونی حرکت کتیرمك ایچون بر ( قوت force ) لازمدر . ایشته روح ، جسمی تحریك واحیا ایدن ( مبدأفعال principe actif ) در . ( مشعور conscient ) اولسون ، ( غیر مشعور inconscient ) اولسون ، بوتون ( تمایلات tendances ) مزه سبب اودر ؛ بومیلان اوکاغاندر . روحك فعالیت ذاتیه سنه شعوری اولدوخی

تقدیرده، بو فعالیت ( ذوق و الم ؛ le plaisir et la douleur ) سکلنده  
 حس اولونور و (عقل l'intelligence ) بو طویغولرك ماهیتنی تفریق و تنویر  
 ایدر . بناءً علیه بو اعتقاده کوره ( ماده la matière ) ، تماميله ( عاقل  
 passive ) در ؛ روح ، اوکا تأثیر و اونی تحریک ایدن قوتدر . بو اعتقادك  
 دستوری، اسکی روما شاعرلرندن مشهور ویرژیل بر (وجیزه aphorisme)  
 سکلنده عرض ایتیش و ( mens agitāt molem = روح مادهنی تحریک  
 ایدر ! ) دیمشدر . بویه دوشونلره کوره ( ارادت la volonté ) ، بر  
 ( جهد effort ) دن عبارت قالیر .

ایکنجیسی : جسم عضوی بر ما کنه در ؛ فقط ذی روح و ذی حیات  
 بر ما کنه در ! روح ، مستقل اوله رق ، خارجدن کلوب اوکا تعلق ایتمز . جسم  
 عضوینک کنندینه خاص بر فعالیتی وارددر . ( حساسیت ، sensibilité ) ،  
 ( فکرت pensée ) ، و بر مقصدمعین تأمینی ایچون ( میل ایتک inclination )  
 کبی ( اعمال عالیه fonctions supérieures ) انجق روحه عائد قابلیتاندنر ؛  
 و بونلردائما شعورایله مترافقددر . غیر مشعور اولان میلانلر مز ، جسم عضوینک  
 اقتضای حیاتی در ؛ زیرا جسم عضوی نک ده کور کورینه بر فعالیتی وارددر . حالبوکه  
 روح ، بر ( مبدأ مدبّر principe directeur ) در ؛ عاقلدر . بو اعتقاده کوره  
 ( ارادت la volonté ) ، ( اختیار le choix ) قابلیتته منجر اولور .  
 وسایان دقتدرکه بوسیاق نظره و بوتعریفه کوره روحك عضویتدن مستقل  
 بر جوهر محرد اولماسنی قبول ایتک پک کوچدر .  
 بو ایکنجی نظریه ارسطونك ، اعتقادینی آ کدیریر ؛ زمانمز فیلسوفلری  
 بوکا ، طاقیله ( énergetisme ) دیمشدر .

اوچونجیسی : ( ده قارت Descartes ) و توابعنک نظریه مشهورده سی در .  
 بو فرقه اربابنه کوره روح و جسم بوسبوتون ( متخالف الطبیعه de nature  
 différente ) ، ایکی ( جوهر substance ) در . روح ، ( جوهر متفکر  
 la substance pensante ) ، جسم دخی ( جوهر نمد  
 étendue ) در . ده قارتك ( فکرت = pensée ) دیدیکی شی بو کون بزه

على الاطلاق ( وجدان = conscience ) دیدیکمز سیدر . بناءً عليه (شعور) دن عبارت قالیر. اونك ایچوندرکه ده قارت (غیر مشعور) اولان حرکات بدنیه ایله بر جوق ( حادئات روحیه phénomènes psychiques ) یی بالخاصه روحه عطف ایده میهرک ( عضویت l'organisme ) ك فعالیت حیاتیه سنه اسناد ایله تعریفه چالشیوردی. حتی (خاطرات les souvenirs)، (خیالات les images) و (اختراصات les passions) کی (کیفیات وجدانیه les faits de conscience) یی ، بر طاقم ( نفوس حیوانیه animaux) یه حمل ایده رکه تعریف اییدیوردی که، - یوقاریده عرض ایندیکم تفصیلاتدن صراحتاً اکلاشیله جفنه نظراً - بوجدد مشهورك هنوز قرون وسطا، وهله ارسطو بسیقولوزیسندن یاقه سی قورتاره، ماش اولدوعی آحیقدن آچیغه تحقّق ایدر .

ده فارته کوره روح ، حسمدن بر حوق ( انطباعات impressions ) تلقی اییدیور ، وجسم اوزرینه اجرای تأثیر ایدرك اونی تدبیر وتصرف ایلیور . روحك فعالیت ذاتیه واعمال حصصیه سی ، ( محاکمه ونظر jugement et raisonnement ) در. ( ارادت ) ایسه ( عقل ) دن عبارتدر. ( روحیون les spiritualistes ) ، ( جسم ایله روحك فرقی ) حقنده مشهور اولان نظریه مابعدالطبیعه لرینی، ایکی سلسله ملاحظاته بنا اییدیورلر. بوده ( وحدانیت l'unité ) و ( عنیت = هویت = l'identité ) حقنده کی فکرلریدر . یعنی روحك ، بر حوق حالات و حسیات وافکاره رعمماً دائماً ( بر ) و ( عیی ) روح اوله رق فالماسی در .

روحیونك بو اعتقادی مشهور سقوج فیلسوفی ( دهی ویدیهوم David Hume ) شدته صارصمش در . ( تفصیلات ایچون atomisme و phénoménisme ) سوزلرینه یاقیکمز [ ( وحدانیت روح ) دعواسنده بولونان فیلسوفلر ادعا اییدیورلرکه : روح ( بر ) در . اونك ( حالات وتطورات états et modalités ) ی پك جوق اوله ییلیرسه ده ...!

روح ، هر حال و طورنده ینه ( عیی !! ) روحدر . ( identique en elle-même ) . روحك بو وحدانیتی و بو عییتی ، جسم عضویتك

تبدلات مادی و دائمی سنه قارشى بر بويوك (تضاد *contraste*) تشكيل ايدر؛ و يالكز بويكيت بيله اثبات ايدركه (روح) دماغك بر اثر فعاليتي (*fonction du cerveau* ! ) دكلدر . مستقل ولايتغير وابدی بر قوتدر . بر ( جوهر غير مادی *substance non-matérielle* ) در .

( روحیونك بو ادعاى اساسیهی مادیونه و بالخاصه فیزیولوژی علمای مادیونه فارشی در . تفصیلات ایچون *matérialisme* سوزینه باقیكز ! )  
اوندن صوكره روح ( بسیط *simple* ) در ! . ادعای ده روحیون نظرندہ اساسی بر ادعادر ؛ و روحی بر ( حزمه حسیات *faisceau de sensations* ) عد ایدن ( حادیون *phénoménistes* ) ك و علی الخصوص اونلرك اك بويوكی عد ایدیلن ( هیوم *Hume* ) ك بو خصوصده كی تعریضاتنه جواب اولق اوزره ایلری سوروله بیلیر . (*phénoménisme* و *personnalité* )  
امظارینه باقیكز ! ]

بوساطت روح ادعای ، روحك جوهریته عائد واونی بالذات مستلزم بر مدعا اولدوغی ایچون مشكلات عظیمهیی داعی اولمش و روحیونه یارديم ایده جكنه زیاده سیله ضرر ایراث ایله مشدر . چونكه روحك ، جوهرتی بحثی میدان مناقشهیه تکرار دعوت ایتمش و ( حقیقت و جوهریت روح ) مسئله سه دائر بیان فکری و ملاحظه ایتك وظیفه سی - بالمجوریه ! - روحیونه توجه ایله مشدر . حال بوكه بوکا دائر شیمیدییه قدر هیچ بر کیمسه نك معقول بر سوز سویلیه بیلدیکی کورولمش و ایشیدلمش دكلدر . بناء علیه زمانمرك بو خصوصده حکم قطعیسی یوقاریده ذکر ایتدیكمز آیت جلیله نك منطوقی تصدیق و بومعمای غامض حضورنده اعتراف عجز ایتمكدن عبارت قالبور .

قانتك ، سنسرك هاملتلك و اك بويوك فلاسفه نك دیدیكي كبی : ( بز روحك حقیقتی بیلهمه یز و بیلهمه جكز ؛ یالكز آثار تجلیاتی یعنی حادثات باهره و یاخفیه سنی تتبع ایده بیلیرز . علم بشر ، بو حدی آشه ماز . ) دیمكله اکتفا ایله جكز ! . . .

( تعییرات مذکوریه برده *Agnosticisme* کلمه سنه باقیكز ! )

## حرکات آمیبیه (Amiboïde (Mouvements

(آمیب amibe)، تلك حجره دن عبارت یعنی الك بسیط بر جسم عضویدر . بر (پروتوپلازما protoplasma) یعنی مادهٔ استدائیه دن متشکلدر؛ اورطه سنده ده بر (نوهٔ nouveau) سی یعنی چکر دک کبی بر اوزی واردر . بوعضویت ، کندینه خاص بر صورتده حرکت ایدر . اولاً بر طرفدن طومور جق کبی بر حقیقتی پیدا اولور ؛ صوکره دها زیاده اوزار . بو اوزایشنه (استطاله prolongement) ده نیایر . اوزایان پروتوپلازما قسمیدر . اوزامش اولان بو پارچه ده دخی (pseudopode) یعنی (یالاندن آباق) ترکیبی تعبیر اصطلاحی اولمشدر . بو صورتله ، حجرهٔ آمیبیه نک بر قسمی طومور جقلانوبده اوزادقدن صوکره جوارنده کی ماده لردن برینه تماس ایدر ، بالآ حره ، آمیک بوتون وجودی اوجهته آقوب طوبلانور . بونی قابارتشیه ایله تعریف ایچون ، بر صولوجانک طرز حرکتی خاطر لاتمق کافیدر . صولوجان اولاً بر جهته اوزانیر ؛ وباس طرفی ایجه لیر ؛ صوکره بریره استناد ایدر ، بدنک ارقه طرفی یواش یواس سوزولوب ایلری یه طولانیر و حیوان بو وجهه تبدیل مکان و قطع مسافه ایتمش اولور .

ایشته (حرکت آمیبیه) طبقی بوکا بکزر . پروتوپلازما نک صورت استطاله سی دخی صالیانغوزک بو بنوزلرینی اوزاتمه سنه بکزر . آمیب ده نیلن حجیرات ، بودرلو حرکتیه قابیلته تبدیل مکان ایتمش اولور لر . تغذی ایتمه لری ده (pseudopodes) دیدیکمز استطالات سایه سنده درکه ، جوارنده بولونان جزئی بر مادهٔ غذائیه نی اواستطاله ایله قوجا قلیوب کدی ایچنه آلیر و برمدت صوکره تمثیل ایدر ؛ ایده مدیکنی ده عینی صورتله آثار ، براقیر .

بوتعبیر ، فلسفهٔ عمومیه مسائلبله علاقه دار دکلدرد . (علم حیات biologie) اصطلاحاتنددر . فقط فلسفهٔ طبیعیه ده و طولانیسی ایله فلسفهٔ عمومیه ده یک مهم بعض مسائل غامضه نی قورجالایه رق — کیفیت حیات حقنده — مناقشات و ملاحظات حدیه به سببت ویرمش اولدوغی ایچون زمانمز فلسفه سنه دخی انتقال ایدرک مشهور اولمش بر اصطلاح در .

بوکون تدقیقات تجربیه ایله ثابت اولمشدرکه ، عضویات غایده درلو درلو هجیرات واردر ؛ و اولنردن بر قسمی حرکات آمیبیه ایله بدنک بر نقطه سندن دیگر نقطه سنه انتقال ایدرلر ؛ و غوغای حیات امرنده بویوک بر رول اوینارلر. اوسبله درکه بویله لرینه ( سیار هجیرات - cellules mig-ratives ) دیرلر. قانده پک چوق مقدارده موجود بولونان ( کریوات بیضا globules blancs ) ایشته بو قیلدن سیار هجیره لردر. بویض کریوات ، حرکات آمیبیه لری سیاننده ، کوچوک دامارلردن ، انساج عضویه دن و اینجه غشالردن ده کچرلر ؛ و نواحی بدنیه هجوم ایدوبده داخل اولمش بولونان میقروبلرله مجادله ایدرلر . بو کیفیت مهمه یی - اک اول - بالتجربه تحقیق و کشف ایدن آدم ، روس عالم مشهوری ( مچنیقوف Metenhikoff ) اولمشدر . بوذات ، هجیرات عضویه ایله میقروبلرک بودائی مجادله سنده حرکات آمیبیه نک نه مهم بر رول اوینادیغنی تنبع ایتمش : کریوات بیضانک استطاله لر اصدار ایدرک میقروبلری ایچلرینه الدقلرینی وهضم ایتدکلرینی - میقروبلر وسقوب ایله - کورمش واکثر کریواتکده عینی زمانده تسمم ایتدیکنی تحقیق ایشدر . عناصر عضویه نک بو محاربه سنه مچنیقوف ( فاغوسی توز fagocytose ) اسمنی ویرمش که ( یکدیگرینی ییمک ) دیمکدر ؛ بومناستله ، کریوات بیضایه بعضآده ( فاغوسیت fagocyte ) ده نیلیر . بو کیفیت مهمه یی شرائط مختلفه سی وتفصیلاتیه تنبع ایتمک ( میقروبیولوژی microbiologie ) نک باشلیجه وظیفه سیدر .

مچنیقوف ، حقیقتاً فن تداوی ده وفن امراضه یکی بردورک فاتحلری صیره سنه کچمشدر . وقایله مشهور ( جالینوس Galienus ) اک افکار و تعلیماتی ذهنلره حاکم ایدی . بوتون خسته لقلر ، کیفیات اربعه نک ، یعنی ( حرارت ، برودت ، رطوبت ، بیوست ) اک مزاجی تعین واستعدادات مرضیه یی حاصل ایتسیله تعریف اولونوردی . یاقین زمانلره قدر بوباطل اعتقاد حکمفرما ایدی ؛ چونکه صریح برصورتده بطلانی اثبات ایدیه مه مشدی . بزم اسکی اطباء عثمانیه وبالخاصه ( کاتب چلبی ) و امثالی علما ، جالینوس حکیمک بوتعلیماتی بلاتنقید و تحقیق قبول ایتشلردی . فقط ( مچنیقوف ) اک بوکشفی



زمانگری بوسوتون ادوار سابقه‌دن آیردی و کندی استادی (باستور Pasteur) ک کشف ایتش اولدوغی عضویات خرده بینیه عالمده بیله (غوغای حیات la lutte pour la vie) مبدأنک کرکی کبی تحقیق ایتدیکنی بالتجربه کوستردک (داروین Darwin) ک قانوننی عالم خرده بینیه قدر تشمیل ایتش وحجیرات ایله میقروبلر آره‌سند دخی غوغای حیاتنک دائمی بر صورتده دوام ایتکده اولدوغنی بالفعل اثبات ایلش بولوندی. عینی زمانلرده المان علامه‌شهری (دوقور پروفیسور ویرخو Dr prof. Virchow) ک (علم امراض حجریه Pathologie cellulaire) ساحه‌سند کی کشفیات مهمه‌سنیده تنویر وتصدیق ایتدی .

اونک ایچون درکه زماننک اک بویوک موفقیات علمیه‌سندن معدود اولمشدر ، ومسائل حیاتیه ومرضیه‌نی کرکی کبی تحقیق ایده‌بیلیمک ایچون تجربه ونظره یکی برمجرا آچمشدر .

(حرکات آمیه) نک بوخصوصده مبدأ اولدوغنی اونوتاملی در ؛ زیرا کریوات بیضاده وبعض حجیرات مستقلده بویله برقابلیت اولماسه‌یدی ویاخود اولدوغنی کشف ایدیه‌مه‌سیدی ، هنوز برچوق حقایق ، بزم ایچون غامض برر معما حالنده قاله‌جق ایدی ؛ فن تداوی دخی اسکی نظریات باطله‌دن تامیله قورنوله‌میه‌جق ایدی .

(حرکات آمیه) باشلیجه علامت حیات وخصیصه عضویت اولمق اوزره تلقی وقبول ایدلمشدر . زیرا حیاتنک بالجله قابلیتانه ابتدائی و (غصری élémentaire) برمثال تشکیل ایده‌بیلور. (بنفسها حرکت mouvement spontané) وار ؛ (تغذی nutrition) وار ؛ و بالطبع (تقلص contraction) دخی وارکه بونلر انجق برجسم عضویده مشاهده اولونه‌بیلن اثرحیاتنک باشلیجه قابلیات اساسیه‌سیدر .

مع‌مافیة (حرکات آمیه) یالکز سیار حجیراتده مشاهده اولونماشدر. حجیرات ثابته‌نک دخی آره‌صیره بعضی استطالات اصدار ایتدکری کورولمش وبوکیفیت غریبه پک مهم بعضی مسئله‌لر ظهورینه میدان آچمشدر . مثلا حجیرات عصبیه‌نک (پروتوپلازما) سند بویله بر طاقم استطالات و تقلصات

وقوعی تحقق ایتشدر . اولجه حجیرات عصبیه آره سنده کی استطالاتک متادی اولدوغی، و بر حیره نك حجیرات مجاوره ایله دائمی بر صورتده تماس و مناسبتده بولوندوغی ادعا ایدیلوردی ؛ ( که، کدر لاخ فرضیه سی l'hypothèse de Gerlach دیدکری بودر ! ) [ صوکره لری ( رامون فی قاهال Ramon y Cajal ) ، ( کولیکر Kölliker ) ، ( به چیوس Betzius ) ، ( فان که نوختن Van Gehuchten ) کی بیولوژی و فیزیولوژی علماسنک تدقیقاتنه بناءً اوفرضیه ترك اولوندی ؛ اعصابک - نوعما - غلافی تشکیل ایدن و ( cylindres-axes = استوانه محور ) ده نیان اقسامک، دیگر حجیره لردن صادر اولان استطالاته تقرب و اونلر جوارنده تشعب ایتدیکی و بوضورتله او حجیره اته تماس و اتصال پیدا ایله دیکی ، ( یکی بر فرضیه اوله رق ) ترجیح ایدلی . شو حاله نظراً حجیرات عصبیه آره سنده واقع اولان بو استطالات متقابله نك تماس واسطه سیله تأسیس و تامین مناسباته خادم اولماسی لازم کله چکنه دائر ضروری بر فکر حاصل اولدی ؛ استطالات مذکورده نك تقلصی ایله یکدیگرندن ده ا زیاده تباعد ایدوب ایدمه یه چکی ده آیر یجه بر مسئله تشکیل ایتدی . ایشه ( فرضیه آمیبیت l'hypothèse de l'amiboïsme ) دیدکری ده بودر که بالخاصه دو قنور ( ماتیاس دو وال Mathias Duval ) ایله ( له بین Lépine ) بو فرضیه یی اتمام واکاله چالشمشردر . ( اویقو le sommeil ) ، و ( ضیاع حس l'anesthésie ) دیدیکمز احوال، که هنوز غرائب مسائلدندر ؛ ایشه بو فرضیه ایله - معقول بر صورتده - تعریف اولونمق ایسته نیلور : [ حجیرات عصبیه نك استطالات آمیبیه سی موقتاً تقلص ایدیور و بوضورتله مناسبات متقابله سکنه یه اوغرایور ؛ اویقو ضیاع حس دیدیکمز احوال، ایشه بوسبیله وقوعه کلیور . ] ده نیلور . کله نك پسیقولوژی مسائلی ایله علاقه سی بوفرضیه یورندندر .

( دومور Demoor ) ، ( مادمازلسته فانوسقا Melle Stéfanowska ) ، ( رامون فی قاهال Ramon y Cajal ) و ( مانوئلیان Manouélian ) نام ذاتلرک بوبابده کی تدقیقات خصوصیه سی ، بو ( آمیبیت ) فرضیه سنی تصدیق ایده چک کی نتیجه لر ویرمشدر . [ اصطلاحاته وخصوصاً Cylindre-axe کله نه باقیکنز ! ]

## ضیاع حافظه Amnésie

مهرمانکی بر سبیل اولورسه اولسون حافظه نك ضایع اولماسنه (amnésie) دیرلر. یونانی دن آلمش بر کله در، خاطر لایه ماق دیمکدر. لکن، بسیقولوژی دائره سنده واقع اولان تدقیقات کوستریورکه، حافظه دیدیکمز قابلیت بسیط برشی دکدر. برچوق انواعی، حتی اطوار واشکالی وارد. طبیعی درکه (amnésie یعنی اونوقتاللق) ک دخی اونستبد تنوعاتی اولمق کرکدر. حافظه بی شخصیت معنویه مرک (le moi) یعنی بئلکمز ک غمده سی، نقطه استادی عد ایدرلرکه طوغرودر. بوده اثبات ایدیورکه ضیاع حافظه نك انواعی اولمق لازمکله؛ چونکه بوتون بوتون حافظه نك ضیاعی ایله حیات ممکن دکدر. حافظه نك بوتونوعاتی (روحیون les spiritualistes) ک (بساطت روح la simplicité de l'âme) حقنده کی ادعالرینه معارض بولوندوغی کی، (identité عینیت) و (وحدانیت unité) روح نظریه لرینه ده رد ایدمک بر وضعت ده در. (تفصیلات ایچون âme و personnalité سوزلرینه باقیکز !)

بوکون، تدقیقات علمیه ایله تحقق ایتشددرکه مراکز ونواحی دماغیه دن هر برینک کندینه خاص بر حافظه سی وارد؛ و برینک ضیاعی ایله مطلقا دیکر لرینک ده اضمحلالی لازمکلمز. بناء علیه (amnésie) دیدیکمز کیفیتی دخی انواعه کوره تقسیم وتبع ایتشلددر. چونکه، ضیاع حافظه دائما (جزئی partielle) در؛ بر دکل، برچوق درلوسی اولویور. (مطرده amnésie systématique) ده نیلن بر نوعی وارکه فرانسه لی دو قنور (پیه زانه Pierre Janet) اونی تحقیق ایتش وبواسمی اوکا تخصیص ایله مشدر. بو حالد انسان، عینی جمله دن اولان خاطراتی اونوتور. کیمسی (اسماء خاصه les noms propres) بی؛ کیمسی ده یالکز (جغرافیائی اسملر les noms géographiques) ی کیمسی ده انجق بر شخصه، یاخود بر وقعیه عائد اولان شیلری اونوتور. (ضیاع کلام aphasia) ده نیلن قابلیت سزلکک برچوق انواعی، بو (مطرد amnésie) لر نوعنددر. بر طاقم

انسانلر دخی ، یالکز برلسان اجنبی یی طاقیله اونوتورلر . بعضی کیمسه لرده ایش-یتدکاری کله لک افکار متقابله و متعادله سنی خاطرلیه مازلرکه بودرلوسنه (کلام صاگیرلنی *surdité verbale*) ده نیلیر ؛ ویاخود یازلمش کله لری پک اعلا او قورلر ، فقط افاده ایتدکاری معنالی تخطر ایده مزلرکه بوکاده (عمای کلام = *cécité verbale* = *alexie*) ده نیلیر .

بعضاًده ایشتدکاری ویاخود او قودقلری کله لک نه دیمک اولدوغنی کلارلر ، فقط اولری تلفظ ایده مزلرکه (اصل ضیاع کلام *aphasie*) بودر . بعضاًده یازمه مازلرکه (*agraphie* ضیاع قابلیت تحریر) ده بودر .  
( بوتون بوتعیراته باقیکز ! )

اونوتقانلغک برده ( *localisée* یعنی متمکن) بر صورتی واردر . بو حالده انسان ، وقایع عمرندن وصفحات حیاتیه سندن انحق برینی تخطر ایده مزلر . (*amnésie simple*) دیدکاری بودر ، واکثریا غیر طبعی بر اختلاج ، بر جرحه ویاخود شدید بر هیجان ویا (سیرفی المنام = *somnambulisme*) نتیجه سنده وقوعه کله بیلیر . اکثریا ( *rétrograde* درکی ) اولور ؛ یعنی انسان ، او وقعه دن اولکی شئوناتی اونوتور ؛ بعضاًده بونک عکسی اولورکه اوکاده ( *antérograde* تقدیمی ) دیرلر ؛ وقعه دن صوکره کی حادثاتی خاطرلیه ماز . دها طوغروسى ضیاع حافظه یه سبیت ویرن (ذات وقعه) یی اونوتماز ؛ فقط اوندن صوکره ظهوره کلن وقوعاتی سنظ ایده مزلر .

بردرلوسی دها وارکه خاطراتی احضار واحیا ایتک قابلیتک ضیاعنه مثال اولور ؛ بوکا ( *amnésie de reproduction*) دیرلر . انسان ، بو حالده خاطراتی بوسبوتون ضایع ایتمش دکلدرد ؛ چونک بعضی احوال استثنائی ده ، مثلاً هیجان ، هذیان و سرخوشل حالده اونلرک جمله سنی خاطرلیه بیلیر . فقط ایسته دیکی زمان احضار ایده مزلر . بو اونوتقانلق ، آره صیره بوکی احوال وظروف تحتده ، منتظماً واقع اولورسه اوکا : (دوری *périodique*) دیرلر .

بعضاًده انسان ، خاطراتی منتظماً احضار ایدر و غیر طبعی بر حال عرض ایتیز ؛ فقط کندی ، بو خاطراتی احضار ایتدیکندن خبردار دکلدرد . عادتاً

بوتخدرات ، ( انسیاق ایله automatisch ) واقع اولور . بناءً علیہ  
 خاطرات مذکورہ ہی، امثالہ قیاساً (تمثیل assimiler ) ایتک قابلیتی یوقدر .  
 اونک ایچون، ذهنی ماکنہ کی حرکت ایدرک تخدراتی احضار ایتیش اولور .  
 لکن کندی بندکنہ عطفاً طانیاز، اونلری تمثیل ایتمز . بوحالی لایقلہ تبیع  
 ایتیش اولان دوتور ( پیہرژانہ P. Janet )، بودرلوسنہ (amnésie d'as-  
 simulation ) دیور ، وبونک بویوک (nevrose ) لردہ ، ایستردی دہ  
 کورولدوکنی ادعا ایلیور . بردہ (amnésie de reconnaissance )  
 دیدکلری نوعی وارک : بریشی بک اعلا تخطر ایدوبده اونک بر خاطرہ  
 اولدوغنی طانیہ مامق در . باقیلسہ بوبرنوع غلط حافظہ در . (برسام hallucination)  
 نوغندن بر حالدر . بونک ضدی دہ واقعدر ؛ یعنی آنی اولان بر کیفیت وجدانیہ ہی  
 بر خاطرہ ظن ایتک دہ ممکندر . بوکادہ (fausse mémoire ) دیرلر . خلاصہ  
 بو حافظہ قصور لرینک انواعی بک جیوقدر . اساساً پسیقولوجی یہ تعلق ایدن  
 بو احوالک فلسفہ یہ مناسبتی، روح مسائیلہ علاقہ سندن طولانی در . روحک  
 بر جوهر بسیط اولوب اولمادیغنی موضع نخہ دعوت ایدر . [تعبیراتہ باقیکنز!]

### لاامورقی Amoral

Amoral

اخلاق ایله علاقہ و منافی احوال و خصوصاً قوئلانیلیر بر  
 تعبیردر . بناءً علیہ ( immoral یعنی، منافی اخلاق ) دیمک دکلدر . منافی  
 اخلاق اولان بر حال ، بر کیفیت ، بر فکر ، بر طور و عادت ، الحاصل برشی،  
 مبادی و احکام اخلاقیہ تماماً ضددر . حالبوکہ لا اخلاق اولان شیلرک -  
 وجهاً من الوجوه - اخلاق مسئلہ لرلہ علاقہ سی یوقدر . ایشانمہ سی مباح  
 اولان شیلر ہب بویہ در . بوتعبیر، اسان فلسفہ دہ - بوصوک زمانلردہ - بر  
 وضع مخصوص اوزرہ جوق قوللائشدر ؛ حتی بو خصوصہ مهم مباحثاتہ  
 وسیلہ لر آچلمشدر . مثلاً [ صنایع نفیسہ، طبیعت جامدہ و طبیعت انسانینک  
 ہر درلو اطوار تجلیاتی تصویر و عرض ایتک معرفتی مقصد و غایہ اتخاذ  
 ایدیش اولمق حیثیتلہ، مبادی اخلاقیہ ایله علاقہ دارمیدر ؛ دکلر در ؟ . .  
 مؤسس و معتبر اولان قواعد اخلاقیہ رعایت مجبوریتلہ مقید اولمالی میدر ؟ .

یوقسه کندی طبیعتک الهاماته تابع اوله رق یالکز ( ادای صنعتده  
 dans l'expression de l'art )، ( حسن le beauté )، و تصویر حسنده  
 صنعت ابراز ایتکه می چاشمالی در؟ .. خلاصه بر صنعتکار ، غایه خیالیه سنی  
 یعنی ( ایده آل idéal ) نی حقیقه تصویر و عرض ایدرکن ، مبادی و عقائد  
 اخلاقیه به رعایتله مقید اولمالی میدر؟ بواو غورده الهاماتی تقید ایتلی میدر؟ ..  
 یوقسه اخلاق بمجنده جمهور ناسک اعتقادات معتبره سی پایمال اهل ایدرک  
 یالکز الهامه می تابع بولونمالی در؟ .. [ دیه بر مناقشه مهمه آچیلمشدر . بونی  
 خلاصه افاده ایده جک اولور سهق ( صنعت لاسلاقی می در؟ .. دکی در؟ .. )  
 سوائله منجر اولور .

کذلک ، ملاحظات فلسفیه سنده مبادی اخلاقیه بی نظر اعتباره آلمایان  
 واکثریت عندنده معتبر اولان عقائد اخلاقیه به ذره قدر رعایت ایتیه رک الهامات  
 فکریه سنده تبعاً تفلسف ایدن ( فریدریش نیچ Friedrich Nietzsche ) نک  
 فلسفه سنده ، - ایسته بولابالی لکندن ، و مبادی اخلاقیه فارشی بو  
 قید سز لغندن طولای - منقدر ( amoral ) دیمشدر .

سیاستده مبادی اخلاقیه رعایت اولونمادی ، حتی اولونه مادی بی یک  
 معلوم و مشهور بر سیدر . ایتالیا حکمای حقوقدن ( نیقولانو ماکیاوه للی  
 Nicolao Machiavelli )، عالم سیاستده ( مقصده ایرمک ایچون مردرلو  
 وسائطک مشروعیتی ) اعتقادی بر دستور اساسی اتخاذ ایدرک ، آئارنده شرح  
 و تفصیل ایله مش و بو عقیده بی - عادتاً - بر سیستم شکنه قومیشدر که کندی  
 اسمنه نسبتله ( ماکیاوه ایزم Machiavélisme ) دیدکلری حکمت سیاست  
 بودر . سیاسیتده ( naturalisme ) ک صورت واضحه سی ده بودر . زمانمه  
 قدر ، ( ماکیاوه للی ) نک دستور حکمتی تحکم ایتش و ( بیسمارک Bismarck )،  
 ( لورد صولسبره ری Lord Salisbury ) کبی اک بویوک سیاسیون زمانه :  
 [ معاملات سیاسیه ک احکام اخلاقیه ایله قطعاً مناسبتی اولمادیغنی ] صراحتاً  
 ادعا ایدرک ماکیاوه لیزمی تصدیق و اعترافه مجبور بولونمشلردر . بونلردن  
 صوکره کلن سیاسیون فعلیاتده ، اسلافی ده کچمشلردر . ( اخلاق ایله سیاستک

مناسبتی اولمادینی) ادعاسنه باقوبده، بو طرز سیاست (لااخلاق amoral) اولدوغنه ذاهب اولمامالی در. سیاست، جماعات انسانیه آره سنده حقوق مشترکه و متقابله نك کیفیت موازنه سنی تأمین ایدم بیلیمك معرفتدن، و بو اُمْنیه ده موفق اوله بیلیمك هنزدن باشقه برشی دكلدر. حقوق بشریه نك موضوع بحث، و یا خود بالفعل ذیمدخل بولوندوغی معاملاتك هیچ برنوعی یوقدر و اوله مازكه اخلاق ایله علاقه دار بولونماسین! . . . ذاتاً اخلاق - موضوعی، حتی منشأی واحكام وقوانینی اعتباریه - او معاملاتدن عبارتدر. بناءً علیه خیر و شری تقدیرایتمك، معاملات مذکور نك ماهیتته نظرله ممکن اوله بیلیر. خیر و شر مسئله سنی متضمن اولان هر شیئك - طوغر و دن طوغر ویه وصیقی صیقیه - اخلاق ایله مناسبتی وارددر.

حالا سیاست انسانیه ده ماکیا و لیزم حکم ایدیورسه، بو کیفیت شو وجهله تفسیر و تعریف ایدم بیایرز: اخلاق شخصیته نك قواعدی تعیین ایتمشدر. لکن بو قواعد (بین الملل = internationale) معاملاتهنوز قابل تطبیق اوله میور. جماعات بشریه منافع حیاتیه مسئله سنده، دور حجری انسانلری کبی حرکت مجبور بولونویور. بلکه ایلریده، جماعتك یکدیگرینه قارشى موازنه منافعنی تنظیم و ادامه ایدم بیله جك قوانین اجتماعیه وقواعد اخلاقیه کشف و تعیین اولونه یینه جکدر. فقط بو کون - محققدر که! - بین الملل سیاست (amorable)، دکل (immorale) در. (حیات - ممات مسئله سی [question de vie ou de mort] حسن - صورته حل اولونه ماینجه، انسان و انسانیت، بالضروره سوق طبیعی ایله، ایلک وحشت حیوانیه ره رجوع ایدیور؛ اخلاق مسئله سی بو شرائط حیاتیه داخلنده موضوع بحث اوله میور. اونك ایچوندركه انسانی و انسانیتی بو کبی ضروراته ارجاع ایدن عوامل طبیعیه واجتماعیه نك جمله سی ده، بلااستثنا، (منافی اخلاق immoral) اولویور. مثلاً فیلسوفلرك: حرب وحالات فوضا منافی اخلاقدر (la guerre et l'anarchie sont immorales) دیه ادعا ایتمه لری، شو ملاحظات واقعه یه نظر آدر.

بی شکل تعیری، نسبی اوله رق تلقی ایدملی در. چونکه علی الاطلاق (بی شکل) برشی اوله ماز. اولسه بیله بزم ایچون ادراکی محال برشیدر. بزاونی تصور بیله ایده مهیز! برشی، وار اولونجه، همه حال اونک بر-کندینه مخصوص - شکلی ده واردر. چونکه کتله سی واردر و مکانده بر (حیز) ی واردر. ایشته مکانده اشغال ایتدیکی ی، اونک شکلی تعیین ایدر. بناءً علیه اصطلاحده (amorphe) تعیری، منتظم بر شکله مالک اولمایان شیلره وصف اولور. مثلاً: بر حامور پارچه سی (بی شکل) در. کرچه اونک کندینه مخصوص بر شکلی وارسه ده، اشکال هندسیه بکزمز؛ منتظم دکدر. خصوصاً ثابت دکدر. كذلك، فرضاً کیمیاده (بی شکل) کوکورت souffre (amorphe) دیدیکمز زمان، تبلر ایتهمش بر کوکورت اکلارز. حتی او ماده اسطوانی بر شکله و کولچه حالده بولونسه ده ینه بی شکدر. ظاهری شکله اعتبار ایتهمز؛ انتساجنه باقارز! عضویت عالمده ده بوتعیر، جوق زانزدر. ماده عضویه نک انساج متنوعه صورتنده تکاملی، اوماده عضویه سکی افاضه ایدر؛ فقط هنوز یک ابتدائی بر درکده بولونورده (زه لاتین gélatine) یعنی پلته حالده اولورسه اوکا (amorphe) دیرلر. (morpho- logie) اشکال عضویه یی تتبع ایدر بر علم عمومی درکه علم تشریح و انساج اونک شعباتنددر. مواد جامده و معدنیه نک (morphologie) سی، دیدکری شعبه علمی درکه بللوراتک اشکالی، جنسی و کیفیاتی تحقیق ایدر. (علم اجتماعی sociologie) ده دخی بوتعیر تشبیه طریقیه و توسیع معنا ایله قوللا نلقده در. بناءً علیه هنوز صنوف اجتماعی وجود ویره بیله جک قدر (تشکیلات؟! ) ه موفق اوله مایان ابتدائی جماعتله (amorphe) دیرلر که هنوز (تعضی organiser) ایتهمش، فرق اجتماعی و صنوف مختلفه یه آیریله مامش وحشی بر انسان سوریسی دیمک اولور. اکثراً اقوام ابتدائی بوحالده در. احوال وجدانیه ده، بر حس مبهم و لبرده حقیقه تعیین ایده مزسه، اوکده (amorphe)



ده‌نيله‌بيلير . خلاصه هر نه اولورسه اولسون ، على الاطلاق بر شيئك ماده اصليه‌ي تشكلات عضويه ايله تعين ائتمه‌مش اولورسه اوكا بي شكل تعبيرى وصف اوله‌بيلير .

فلسفه تاريخده ، ارسطو ( صورت و هيولى ) يعنى ( شكل و ماده ) اساسلرينى قبول ايله‌مش وشكله بويوك بر اهميت ويرمىدى . [ تفصيلات ايچون intellect كله‌سنه باقىكز ! ]

### Amour عشر

Amour

Love	انگليزجه
Liebe	آلمانجه
Amore	ايتاليانجه

بوكله ، لاتينجه ( Amor ) دن آلمشدركه عيني معناني افاده ايدر . عشق ، همان هر كسك بيلديكى برشيدر ؛ برحالت روحيه‌در ؛ فقط ماهيتنى حقيقه تعريف ايتك دحي اونسبتده كوچدر . زيرا ، عشق ، ( دوستلق amitié ) دكلدر . ( آرزو ، شوق désir ) ده دكلدر . ( ميلان inclination ) ده دكلدر . ( تجاذب و تمطف sympathie ) دحي دكلدر . ( قوه شهويه concupiscence ) ، هيچ دكلدر . معافيه بو حالات مختلفه‌نك جمله‌سيلاه علاقه‌دار اوله‌رق كوروله‌بيلير برنوع ( هيجان émotion ) دركه باجمله اختراصات بشريه حاكم و فاهر اولمق اوزره معروفدر .

اكثريت خلق ولسان عمومى ، ( سومك aimer ) ، ايله ( عشق آره‌سنده -- يالكز درجه اعتباريله ! . - برفرق كورور . انسان ، بر كيمسه ايله كندى نفسى آره‌سنده ( تجاذب sympathie ) حس ايدرسه ، بوميلان ( سومك ) ديديكمز حالت روحيه‌ي توليد ايده‌بيلير . ايشته بو ( سومه‌نك ) شدته لسان عايدده عشق ديرلر كه انساني ، او ( سه‌ويلن ) كيمسه‌يه بويوك بر ( شوق و آرزو ) ايله مربوط بولوندورور . انسان ، اونك ايچون سوديكنى دائماً كورمك ، اونكله هر زمان برابر بولونمق ، حتى اونى منحصرآ و تماماً بنمسه‌مك ايستر ! ...

شوعادی تعریفه کوره اکثریت ناسک ، نصل اولوبده ، عشق ایله تجاذبی، میلانی، محبتی، شوق و آرزویی بربرینه قاریشدرینی اکلایشیلور. حالبوکه (پسیقولوغ) لر، یعنی علم روح اربابی، بو احوال روحیه آره سنده - شایان نظر - فرقلر بولملر و تعیین ایتملر در .

اولا شونقظه مهمه ده فیلسوفلر متفق درلرکه (عشق)، ماهیتی اعتباریله، ینه (سومک) دیمک اولدوغی حالده ، هر هانکی بر (نیت و مقصد خودکامانه intention et but égoïstes) دن بری و کلیا معرا بر محبت شدید و قیمه در . اصل بویه بردواملی و شدتلی (سوکی) اولماسیله (آرزو) دن بوسوتون فرقلی برحالت روحیه در . آرزوده مقصد اصلی و یکنانه، (آرزو اولونان شیئه) تمک در . تمک برحس خودکامانه دن ایلری کلیر . بوراده درجه شدتک حکمی یوقدر. آرزو شدید اوله بیلیر ؛ اولمایه بیلیر؛ فقط نصل اولورسه اولسون بونده اساس مقصد ، او آرزویی الهام ایدن شیئه تمک ایله بر احتیاج مادی یی تطمین و یا خود بر منفعت معین یی تأمین ایله مکدر. دیمک اولویورکه (عشق) ایله (آرزو) آره سنده اک مهم فرق سدت محبت دکل، (دیگرکاملق altruisme) و (خودکاملق égoïsme) فرقیدر. بناء علیه: [عشق حقیقی ده - دائما - اساس ، سعادت و منفعت شخصیهدن (فراغت renoncement) ایتمکدر !]

دهن - روس محرر مشهوری - متوفی (طالسطوی Tolstoi) ، عشقی ایی آکلامش و اختراصات سائردهن بو حالتی تمیز ایدن فرق اساسی یی ابراز ایتمکله ، تعریفده اصابت ایله مشدر .

فلاسفه معاصریندن و (روحیون les spiritualistes) دن ، متوفی ، (مهن دو بی ران Maine de Biran) دخی، (عشق) ایله (آرزو) آره سنده کی فرق اساسی به مبنی ، بر تعریف و بر مشدرکه ده مینکی نک همان عینی در :

[آرزوده اصل مقصد و مطمح نظر (طیب نفس le bien de soi-même) در ؛ سعادت شخصیهدر . عشقده ایسه ، سعادت شخصیهدر مزک سبی اولق اوزره تلقی و حکم ایتدیکمز شی ، یا خود شخص ، اساسدر . انجفی اوکا باقیلیر ؛ اودوسونولور !]

(راوو Rauh) نام پسقولوج دخی عینی فکرده در :

(عشق ایله آرزو آره سنده کی فرق شودرکه : عشق ده ، بوحالته سبب محض اولان شی ویا شخص ، انجق دوشونولور. حالبوکه آرزوده ، انسان یالکزر وخصوصاً کندی نفسی دوشونور .)

او حالده (عشق حقیقت l'amour de la vérité) ، (عشق عدالت l'am. de la justice) ، (عشق انسانیت l'am. de l'humanité) ، (عشق وطن l'amour de la patrie) ترکیلری طوغرودر ؛ اگر حقیقت ، انسانیت ، عدالت ، وطن اوغورنده فدا کارلنی متضمن ومستلزم بر محبت شدید و دیگر کامانه اولورسه !... ازنلردن خدمت بکله مک ومنفعت تأمین ایتمک معناسنده تلقی ایدله یوبده بالعکس اونلره خدمت ایتمک ومنفعت تأمین ایله مک اوغورنده ، انسانی فدا کارلقلره سوق ایدله جک درجه ده شدید ودوامی بر محبت معناسنه کلیرسه ، عشقک - انجق تعریفی - طوغرو اولمش اولور . اگر بالفعل ، بر کیمسه ده بوفدا کارلق کورولورسه عشق ، اعلوی ، انجیب آثار باهره سیله تظاهر و تحققیتمش اولور. تاریخ مدنیت و سرگذشت انسانیتده - بومعنا ی علویسیله - عشقک امثالی نادر اولقله برابر ، پاک بویوک نمونه لریده واردرکه بوتعریفی ، افمال واشخاص ممتازه ایله تمثیل ایدر: مهم براقاز .

(عشق الهی l'amour de Dieu) دخی بوملاحظاته توفیقاً حقیقتیه تعریف ایدلمشدر :

عشق الله ، - کال صدق و خلوص ایله - الله خدمت وعبودت اینچون اولورسه حقیق در ؛ عشقک تعریف صادقته موافقدر . (خوف عذاب و شوق مکافات وحتی امید نجات) ایله اولورسه عشق حقیق صایله ماز ، چونکه بویله بر محبتده مقصود اصلی ، ذات الهیه دکل ، کندی نفسمز ، کندی منفعت و سعادت مزدر .

عشق حقیقی ، اختراصات متاثلدن اساساً و ماهیتاً تمیز ایدن بوصفت دیگر کامانه یه اوروپانک - قرون وسطی فیلسوفلری - بر قیمت مخصوصه عطف ایتمش و بناءً علیه (amor beneficentiae) و (amor concupiscentiae)

ترکیب‌ریخی ایجاد و وضع ایله‌رک معنای عشق ایکی صورت اوزره دوشونمکده  
 مجبوریّت کورمشلردر . برنجیسنده کی (bienfaisance=beneficentiae)  
 صفت کاشف‌سنه نظراً ، ای لک ایتمک وخیر ایشله‌مک محبتی سائقه اصلیه‌در .  
 مثلاً : زمره مظلومین و جماعت فقرا حقنه ابراز اولونان عشق  
 انسانیت‌پرورانه بوقیلدندرکه - اربابی - مظلومین و فقرانک مدافعه حقوقی  
 و ترفیه حالی اوغورنده فداکارلقلره سوق ایدر . عشق حق و عدالت ، عشق  
 انسانیت ، بونده ذاتاً مندبجدر . نته‌کیم عشق وطن دخی بوجنسنده داخل  
 بر نوعدر . ایکنجیسنده کی (concupiscence=concupiscentiae)  
 صفت بارزه‌سنه باقیلیرسه بونک بر (عشق شهوانی) اولدوغی ظاهردر . هله  
 خودکاملغک بونده سائقه اصلیه حیثیتیه ذیمدخل بولوندوغنی سوبله‌مکه حاجت  
 بيله یوقدر ، زیرا خرص شهوت ، اک ابتدائی واک حیوانی اولان (احتیاج  
 غریزی (besoin physiologique) مزى تسکین و تطمینه خادم بر  
 (میلان طبیعی inclination naturelle) در . بر (غریزه instinct) در .  
 (عشق) کله‌سی بلاوصف قوللانیلیرسه ، همان هرلسانده بوایکنجی  
 معناسیله آکلاشیلیر؛ یعنی دیشی ايله ارکک آره‌سنده ، فطرتاً موجود اولان  
 (میلان جنسی inclination sexuelle) دیمک اولور . هرکس نظرنده  
 وهله عادی ، عمومی معناسیله (عشق) بودر ! فیلسوفلر ، بوکا دخی ،  
 ملاحظات سابقه‌یی تطبیق ایتمشلر وقادین ايله ارکک آره‌سنده جلوه‌کراولان  
 عشقک ، معنای حقیقی وعلویسنه مطابقتی ایچون بو محبتک متقابل اوله‌سنی  
 وخصوصاً بر (علاقه انتخابیه affinité élective) دن نشأت ایتمش بولونماسنی  
 برنجی شرط اولوق اوزره تلقی ايله‌مشلردر . (علاقه انتخابیه) تعیری ،  
 آلمان فیلسوفی وشاعر شهیری (کوته Gethœ) نک ایجاد ایتمش اولدوغی  
 بر ترکیب مهمدرکه ایکی کله ايله (عشق جنسی l'amour sexuel) نک اک  
 عالی نظریه‌سنی متضمندر . (affinité کله‌سنه بایکیز !)

فیلسوف مشهور (هربرت سپنسر H. Spencer) ، عشق (معضل  
 complexe) بر (مجموعه حیسات) ک (محصله résultante) سی اولوق  
 اوزره تلقی ایدر . تأهل مسئله مهمه‌سی (بقای جنس بشر conservation

اجتماعیه نك اقدم واهمی بولوندوغندن وبوخصوصه عشق دیدیکمز میلان جنسی ، حیسات واختراصات - اثره دن دها زیاده بر رول اوینادیفندن ، تأهل مسئله سی - عشق طولایسی ایله ! - فیلسوفر آره سنده آیریجه موضوع بحث و مناقشه اولمش وبعضی نظریه لرك ظهورینه وسیله ویرمشدر . بونلرمیاننده بك یوكسك فكر لر واردركه تشکیل عائله خصوصنده هر تربیه لی انسان ایچون (ایده آل Ideal) یعنی نمونه امتثال اولسه کر کدر ؛ اوفکرلری شویله جه برقاج سوزله تلخیص ایتك ممکندر :

تربیه لی آدم لرك - حتی بوتون انسانلرك - هر وجهه کوزل ، یعنی هم جسماً ، هم اخلاقاً ، همده عقل وحسیات اعتباریله کوزل برانسان حقنده - آرز ، چوق - بر فکر مخصوصی واردر . بور (ایده آل) در ؛ علاقه انتخابیه ده انسان ، بوفکرینه ، بوطنه کوره حکم ایدر : کندی ذوق وخیاله الذیاده مقارن وموافق اولان برکیمسینه ، دیگرلرینه ترجیح ایدر وانحق اونو سه وه بیلیر . عشق جنسی نك اک طوغروسی وحقیق ، صمیمی ، خالص ودائمی اولانی بودر . (حرمت respect) ، (امنیّت confiance) (حریت liberté) ، بویله بر عشقك (شرائط لازمه ومتقابله conditions nécessaires et mutuelles) سندندر . بونده حرمت واردر ؛ چونکه الذیاده مستحسن اولان ، به که نیلن برکیمسهنك ، انسانه الهام ایده جکی حیساتدن بریده حرمتدر . امنیت وحریت ده واردر ؛ زیرا بومیلان متقابل برعلاقه انتخابیه نتیجه سیدر . بوایکی وجود انحق یکدیگرینه مفتون ویکدیگرندن ممنون اوله جنی جهته قیصقانجلی دعوت ایده مزکه طرفین بربرینه قارشی امنیتسزلك عذابنه طوتولسونده ، یکدیگرینك حریت حرکتی تحدیده قالقشسین ! امنیتسزلك ، بر طرفدن جبر وتحکمك ، دیگر طرفدن ده اسارتك مقتضیات طبیعیه سندندر ؛ (قیصقانجلی la jalousie) دخی اونك نتیجه ضروریه سی در . سودیکنی ایده آلنه کوره انتخاب ایدنلر ، کندیلرندن آشاغی دکل ، کندیلرندن عالی برانسان نمونه سی انتخاب ایده جکلری ایچون ، اویله بر (سوکلی) به (اسیر) معامله سی ایده مزلر . بناء علیه جبر وشدت

وامنیتسز لکه حاجت قالماز . حرمت متقابله ، هر خصوصده موازنه‌یی تأمین ایدر .

ایشته سپنسر ودها بر چوق مهم فیلسوفلرک بو مسئله مهمه حقنده ملاحظات شخصیه‌ری خلاصه بودر . طبیعی درکه تأهل امرنده منفعت مادیه‌یی مقصد اساسی اتخاذ ایتک ، یعنی ( mariage de convenance ) یا بمق مسئله‌سی بوملاحظاتدن خارجدر . چونکه اونک عشق ایله علاقہ‌سی یوقدر . او بر نوع تجارت ، دها طوغروسی بر ( شرکت مضاربه ) در .

قرون وسطی فیلسوفلرینک عشق معناسنه ویردکری فرقه‌یی - مجدد مشهور - ( ده‌قارت Descartes ) رفع ورد ایدرک ، بوحالته علی‌الاطلاق بر ( اختراص passion ) اولق اوزره تلقی و تعریف ایله مشدر .

( عشق روحک بر هیجانی درکه ، بعضی سوائق معنویه‌نک اثر تحریکی اوله‌رق وقوعه کلیر . بو هیجان سببیه روح ، کندینه موافق وملازم کورونن شیلره واصل و نائل اولق ایچون ، کمال اشتیاق ایله و - بالارادت de volonté - او طرفه توجه ایدر . [ دیور . فقط - بنجه - بو ، ( خرس وابتلا تعریفی در . بر علیل سرخوشک ایچکیه ابتلاسی ؛ بر فاجرک - سکینت بوله‌مایان - خرس شهوتی ؛ برقرار بازک - اصلاح قبول ایتمه‌ین - ابتلائی منحوسی ، هپ بو تعریفک حوزه احاطه‌سنه داخل اوله‌بیلیر . حالبوکه بونلر ، هپ ( اختراصات ) قیلندن اولمقده عشقه - من‌جهت - بکزر رسده ( ابتلا ) نوعندن بر ( ضعف faiblesse ) اولق اعتباریله اوندن ممتازدر . خصوصاً بوکی ابتلالرک جله‌سند بر احتیاج شدیدی تطمین ، حتی بر احتیاج مرضی‌یی تشفی ضرورتی ، باشلیجه سائقه طبعیه اوله‌رق ذیم‌دخل بولوندوغی ایچون عشق حقیقی‌یه بکزه‌مز ؛ و بر خودکاملق صاییلیر . بودرلو مبتلالر ، اکثریاً مرحمته ، بعضاً طعن و تشنیه مستحقدرلر . واقعا بزم شرق شاعرلری ، اکثریاً عشقی بر ( ابتلا ) اولق اوزره تصویر ایتمشلردر و بو بلایه گرفتار اولانلری ( رسوای ) کوسترملردر . عشقی - اک صاف واک علوی معناسیله تلقی ایدن - فضولی بیله :

عاشقه طعن ایتک اولماز (مبتلادر) در ؛ نیله سین ؟! .  
آدمه مهر و محبت ، بر (بلادر) در ؛ نیله سین ؟! .

دیور .

شو قدر وارکه ده قارتک تعریف مہمندہ ، فیلسوفلر و یسوقولوغلر ،  
ایکی نقطه به اهمیت ویرمشلردر . بریسی ، (ارادت) ک محبت امرنده اساساً  
وکیلاً ذیمدخل بولونماسی ؛ ایکنجیسی ده عاشق اولان برکیمنه نک ، سودیکی  
انسانله یکوچود اولماسی در .

ارادت ، واقعا ، عشقده (سائق mobile) دکلسه بیله ، یک مهم بر  
(عامل agent) درکبی کورونور ؛ حالبوکه سهووب سهوومک الله دکلدر!  
یعنی عشقده ارادت یوقدر ؛ معلوم !... انسانک اختیاری الدن کیدر !..  
بو بختده ارادت دیدیکمز شی - اولسه اولسه - ! (بیله بیله سهوومک)  
وسودیکنی بیلمکدرکه بوشعور، حساً حاصل اولان بختیارانه، عقلک حظوظ  
واذواقنی دخی ضم ایدرک برقات دها مسعودتی موجب اولور . بنم ظنم  
بودر ! معافیله عشقک (inconscient غیر مشعور) بر میل اوله رق  
- چوچوقلرده بیله !... - تجلی ایده بیلیکنه برچوق مثاللر واردر. اونک  
ایچون (ارادت) ک بوراده .مناسنی (conscient مشعور) ونقطه توجهی  
معین بر (میلان) اولوق اوزره تفسیر ایدرسه ک بر درجهیه قدر مقبول  
اوله بیلیر. ایکنجی نقطه به ، یعنی عاشقک سودیکی کیمنه ایله یکوچود اولماسی  
بختنه کلنجه ، یک طوغرودر . فضولی :

ایله مز حلو تسرای سر وحدت محرمی ،

عاشقی معشوقدن ، معشوقی عاشقندن جدا .

دیمکله بو ادعای ایلری سورویورکه تصوفده (غایه عشق)، عاشقک ،  
سودیکی ایله یالکزی یکوچود اولماسی دکل، حتی سودیکنک عینی (identique ؟!)  
اولماسیدر . همان شیمدی بونکته بی ایضاح ایده جکم !..  
(حکمت نوفلاطونیة philosophie néoplatonicienne) ده و - احکام  
اساسیه سی اعتباریله - اوندن اصلا فرقی اولمایان (حکمت صوفیه - philosophie

( mystique ) ده عشق ، ( علت تکوین cause de la création ) اولمق اوزره فوق‌العاده اهمیتی حائز بر نظریه فلسفیه‌نک اساسی تشکیل ایدر . ( صوفیه شرق coufisme oriental ) مذهب‌نک ، هند قدیم فلسفه سیله - نوعاً - برعلاقی اولوب اولمادیعی ، منقدین ومورخین فلسفه عندنده - بروقتلر - اوزون اوزادییه موضوع بحث اولمش ایدی . هند فلسفه سنجه عشق امر تکوینده قطعاً ذیمدخل اولمادیعی لدی التحقیق ثبوت بولونجه ، تصوفک طوغرودن طوغرویه ( نوفلاطونی ) حکمتیله علاقه صمیمیه بی تعیین ایتدی؛ فی الحقیقه ، شرقده ( حکمة الاشراق philosophie illuminative ) نامیله معروف ومنتشر اولان مذهب فلسفی‌نک ( نوفلاطونی‌ک ) دن باشقه برنی اولمادیعی دخی لایقیله اکلاشیلدی . بناءً علیه تصوفده عشقک ماهیت واهمیتته دائر عرض ایده حکم سو تفصیلاتک ، تماماً وحرفیاً ، فلسفه نوواریطونییه دخی تطبیقی طوغرودر .

تصوفده ، یکانه وجود ، وحقیق وارلق ( وجود مطلق l'être absolu ) در . وجود مطلق ، حقیقت ذاتیه سی اعتباریله بر ( قدرت ازلیه ) در . بو ( تجلیات حوادث ) ، هنوز واقع اولمادن ، یعنی کائنات یارادلمدن ، او ( قدرت ازلیه ) کندی عالمده موجود ایدی که بوکا اصطلاحات صوفیهده ( عالم عم le monde émanation , coufisme , ايجون de la nébulosité ) دیرلر . ( تفصیلات ايجون theosophie کله لرینه باقیکنز ! )

اووقت ، زمان ، مکان ، ماده وروح یوقدی . بوتون وارقلر ، هب وجود مطلق ( احدث ذاتیه l'unité essentielle ) سنده ( محو و مستهلک ) ایدی . قائی مجهول اولان شو ظریف رباعی‌نک دیدیکی کبی : ( ایکی جهاندن اثر یوقدی . واراق لوحه سی اوزرینه نقش اغیار ( یعنی صور حادثات ) ترسم ایتمه مشدی . معشوقه ( یعنی وجود مصاق ! ) ، عشق ، ویز انسانلر هب برابر ، اوپله برکیزی کوشده بولونویوردق که ، اوراده بر ( دیار معبد بکجیدی ) ، یعنی هبیچ برانسان ، هیچ بر مخلوق متحسس ، یوقدی .



زان پیش که، ازدو کون، آثار نبود ،  
 بر لَوَح وجود، نقش اغیار نبود .  
 معشوقه و عشق و ما بهم می بودیم ،  
 در کوشه خلوتی که ، دیار نبود !!

ایشته (کمون مطلق) یعنی (سر مطلق) عالمی بودر .

فقط مادام که وجود مطلق، هر در لَوَوار اقلرک (مبدأ و معاد le principe et la fin dernière) ی در و اوحیثیتله ، هر شیئی احدیت ذاتیه سنده جمع ایتمشدر ؛ اولیه ایسه (کمال مطلق la perfection absolue) در ! . اولیه اولونجه، عینی زمانده (جمال مطلق la beauté absolue) در ! . نته کیم (خیر مطلق le bien absolu) درده !!

جمال مطلق مختی فاله ماز؛ کیزلی طوره ماز. اونک شانی، کندینی اظهار ایتمکدر : شاعرک دیدیکی کی : [ کوزللك فابل اخفا دکلدرا !! ]

لکر (جمال)، عشق مستلزمدر. اونسز اوله ماز. اولسه عبث اولوردی !! . ازلی وارلقده ، وجود مطلقدن باشقه برشی تصور اولونه مدبغی ایچون ، قدرت ازلیه، هم حسی، همدۀ عشق، کندی ذاتنده بومق کرکدر. اونک ایچون صوفیه نک اعتقاد نجه، (عالم اطلاق و کمون) ده وجود مطلق کندی کندیسنه عاشق و معشوق ایدی !! .

منلا جامی، مشهور عالم اولان (یوسف وزایخا) نام اثرینک مقدمه سنده بواعتقاد صوفیانه بی بک کوزل و بک شاعرانه برطرز بیان ایله ادا ایتمشدر ؛ اوراده، وجود مطلق حقنده :

نَوای دابری باخویش می ساخت !

قمار عاشقی باخویش می باخت !! .. الی آخره !! ..

دیپور .

طبیعی در که عاشق اولوق، (طهور و تجلی émanation, manifestation) یی  
 ایجاب ایدر، و بوجلوه، معرفتی (یعنی طایفه بی و طائشده بی ! ) مستلزمدر.

ایشته اونك ایچوندرکه : صوفیه (كُنْتُ كَنْزًا! . . الخ.) حدیث قدسی سنی بوموقعده ایراد ایدیور . قدرت ازلیه ، بوحدیث ایله : [ بن برکیزی دینه ایدم ؛ اوایله آرزو ایتدم که بیلنیم!.. وخلق یار ایتدم که اونلر واسطه سیله معروف اولیم!.. ] دییور، وکندی کندینه عاشق اولان برکیمسه نك - کندی جمالی کوره بیلیمسی ایچون-آینه یه محتاج اولماسی کبی، وجود مطلق دخی - کندی ضدّی اولان - (عدم مطلق le néant absolu ی) ، آینه کبی تاقی ایدیور . [ تقابل عدم والمَلکة ، یعنی وارقله یوقلغك فارشیلاشماسی ] ایشته بودر!..

ایکیسنك بر آنده تقابلندن ، بو موجودات مخلوقه میدان چیقویریور . چونکه (الاسیاء تنکشف باضدادها ایعی هر نی کندی ضدّی ایله انکشاف ایدر .

البلغ وسلیس شعرای صوفیه دن (فیضی هندی) و (محمود شبستری) نك برر بیتنی شوراده ذکر ایدیورم که تماماً بومعنائی افده ایدر :

زانکه سر عاشق خویش داس ،

هژده هرار آینه دریش داس!.. (فیضی هندی)

. . . . .

جوقاف قدرتش ، دم ، برقلم زد ،

هزاران نقش بر لوح عدم زاد!.. (محمود شبستری)

بلااستنا ، بوتون شعرای صوفیه ده بومعنا ، عیناً بوضورت بیان اوزره ادا ایدلشدرد ؛ وطیبی!.. بونلر هپ تصورات شاعرانه و بیانات مجازیه دندر . یوقسه صوفیه ( امر تکوین l'acte de la création ) ك برسر غمض اولدوغنی معترفدرلر . یالکز شوکا قانعدرلرکه ( قدرت ازلیه ) ، ( عشق ذاتی ) سی وسیله ظهور و سبب تکوین اوله رق افشا ایتشدرد . وعدم مطلقه مقابله ایدنبجه ، بواون سکز بیک عالم محضا برجلوه فسون اوله رق!.. - [ آینه ده کورونن صور خیالات مثلوه ] برآنده ( وار کبی! ) کورونمشدر!.

دیورلر . اونك ایچون موجوداته ( مرایای کَمین ) دیمک، صوفیه لساننده بر تعبیر اصطلاحی اولمشدر .

فیضی\* هندی ( مرکز الادوار ) عنوانیه معروف اولان اوزون وحقیقتاً دلبر شعرنده، عادتاً صوفیه اعتقادنجه، بر ( مبحث تکوین cosmogonie ) یازمشدر . وجود مطلقه ( لادریه agnostique ) اداسیله خطاب ایدن بر مقدمه بی متعاقب :

عشق که ، عالم ، همه شیدای اوست ،  
نغمه ، یکی موجّه دریای اوست ..!

بیت ظریفی ایله سوزده کبریشه رک ظهور کاشانی - علی مراتبهم - نقل اییدیور . اولاً، ازلیت حریمسراینده درین اویقولرد طالمش اولان ( موجودات ممکنه !! ) بویوقاق اویقوسندن اویانوب ، کوز آجیورلر ؛ غنچه ایجادک بلوروب میدان کله جکی ، رایحه فیضک نهسه جکی طوتویور ؛ یعنی کترخنی آشکار اولویور ، کائنات یارادیلور ! بوواراق باغنده ایلك آچیلان گل ، ( عقل کل ) اولویور ! . صوکره ( برق نور ) بردها سمشعه ایله حاقیور ؛ اوندن ده ( نفس کل ) ظهوره کلیور ؛ دها صوکرده ( طبع کل la nature universelle ) وجود بولویور ؛ ینه دریای ازلیتک طالعمری قاباریور و ساحل وجوده ( طبقات افلاک ) دیدیکمز بو طوقوز صدق آتیور بیور .. بو طوقوز کره عشق ایله سیرایتمکدن اوقدر ایصینور ، آتشله نیور که فلك ، عشق معبدینک آتشدکده سنه دونویور . ] الی آخره ..!

خواب کرانان حریم قدم ، — چشم کشادند ، ز خواب عدم  
غنچه ایجاد ، دمیدن گرفت ! — رایحه فیض وزیدن گرفت ..!  
اول ، ازیں باغ ، که بشکفت گل ، — بود ( نوآیین جهان ) ، عقل کل .  
بازدکر شمشعه زد ، برق نور : — نفس کل آمد بمقام ظهور .  
موجّه دریای قدم شد بلند : — نه صدق جرخ ، بساحل فکند .

نه کرم چون کرم شد از سیر عشق — شد فلک آتشکده دیر عشق! ..  
الی آخره! ..

جدا کوزل و حقیقتاً شاعرانه اولان بومنظومه نك امثالی ایران ادبیاتنده  
بك چوقدر . يالكز ( مثنوی )، باشلی باشنه برخزینه در. عشق حقنده اك  
عالی سوزلری مولانا جلال الدین رومی نك آثارنده بوله بیلیرز .

ایشته صوفیه، عشقه بویه بر حیثیت مستتتا عطف ابتدکری ایچون ،  
او هیجانی ( هادی حقیقت ) اولق اوزره قبول ایتمشدردر . فلاسفه، ( اسباب  
علم *moyens de connaissance* ) بختنده کاه حسه، کاه عقله اعتماد ایدرلر؛  
صوفیه انجق الهامات عشقه ایثانیر! ..

یعنی ( *intuitionniste* ) [ بوتیمیره باقیکنز ] درلر . اونك ایچون  
مولانای رومی :

عشق، اُسْطُرْلاب اسرار خداست! ..

دیمشدرکه بك درین برسوزدر . بزم ( حق عاشق ) اولان شاعریمز  
فضولی بغدادی ؛ [ عاشقلمره منهاج هدایت اولسون وحقه طوغرو یول  
کوسترسین دیه عشق آتشی یاقیلمشدر! ] دعواسیله سوزه باشلایه رق ،  
مثنوینك برنجی صحیفه سندن ملهم اولمش، و:

قد انازل العشق لالعشاق، منهاج الهدی :

سالک راه حقیقت ، عشقه ایلر اقتدا .

عشق در اول ( نشئه کامل ) که آندندر مدام :

می ده تشویر حرارت، فی ده تأثیر صدا! ..

بیتلرینی سویله مشدر . بوایکنجی بیت حرفیاً مثنوینك برنجی صحیفه سندن  
آلتمشدر ؛ اصل فارسی سی :

آتش عشقست ، کاندرنی فتاد! ..

جوشش عشقست، کاندرمی فتاد! ..

بیتی در . فقط عشق بر ( نشئه کامل ) ترکیبی ایله تعریف ایتمك ، حقیقتاً  
اك علوی معناسیله ا کلامقدر . فضولی نك شو ایکی کلهك تعریف موجز

ومعجزی - فکرمجه :- تعریفات سائر ذنك جمله سنه فائقدر وهیسندن زیاده  
صادقدر . ذاتاً صوفیه نك اعتقادی بودر . چونكه تصوف اربابنك فکرم  
وحسنه کوره (عشق حق) تماماً وکلیاً غرض وعوضدن بری 'ولمق کرکدر: ...  
ینه فضولی نك شونازنین بیتي، اك شیرین برادا ایله اومعنائی افاده ایدر:

کرچه جاناندن دل شیدا ایچون کام ایسترم !...

صورسه جانان، بیلزم (کام دل شیدا) نه در؟...

تصوف مذهبی - ماهیت فلسفیه سی اعتباریله - (وجودیه افتکاریه  
panthéisme idéaliste) مسلک نه موافق اولدوغی کبی ، ( وصال حق  
communion avec Dieu) دخی ، صوفیه اعتقادنجی ( خیر اعلا  
le suprême bien) و ( مقصد اقصا le but ultime) بولندوغی ایچون،  
اکثر صوفیه ، موجودات ممکنه یی انکاردن باشلا یه رق ، بو ، ( انفسیه  
subjectivisme) وادیسنده اودرجه ایلری کیمش لردر که (انیه solipsisme)  
ده نیلن وعالم وجودده کندی نفسندن باشقه ( حقیقی وارلق ) کورمه یی  
فلسفه افراطه دوشمش لردر . عشق ایله وصال حقه نائل اولمق سایه سنده ،  
( صوفی عاشق ) ، معشوق ازلی اولان حق ایله ( عین identique ) اولدوغی  
ایچون ، ( لی مع الله ) دیدک لری بو ( مرتبه فنا ) ده ، بو ( مقام قدس ) ده  
عاشق معشوق فرقی فاللیور .

ابن سینانک کبار معاصریندن وعرفای صوفیه نك اک بویوکلرندن بولونان  
( شیخ ابوسعید ابوالخیر ) ، عینیت مرتبه سنه مخصوص اولان عشق قدسی یی  
شورباغی سی ایله - کنایه لی برصورتده - آکلاتیورکه مهم بروثیقه فاسفیه در:

جسمم همه انسک ؛ وچشمم بکریست ؛

درعشق تو یی جسم ، همی باید زیست ...!

ازمن اثری نماند ...! این عشق زجیست ؟..

چون من همه معشوق شده ، عاشق کیست ؟ ! ؟ .

معناسی : ا وجودم بوتون کوز یاشی اولدی ؛ ( تهریدی ! ) ینه کوزم

آغلیور !. دیمک که سنک عشقکه دائما بی جسم یاشماق کرکدر !. .  
بندن اثر قالمادی ( محو اولدم ! ) بو عشق نه دندر ؟. . بن هب معشوق  
اولدم !. عاشق کیمدر ؟. . [ دیمکدر. الی آخره . . ]

( amour platonique عشق فلاطونی ) تعبیری ده واردر که لسان  
اصطلاحده مشهور اولمشدر . افلاطون ، دنیاده موجود اولان هرشیئک  
شکل و حسن اعتباریه ناقص و قصورلی اولدوغنی ادعا ایدردی . فقط  
هرشیئک بر (idée) سی اولدغنده اینانیر ، و بو (idée) لری موجوداتک  
( ایلاک مکمل نمونه لری = les portotypes ) عد ایدردی . کویا ،  
استیای ماده اوازلی نمونه لریک قاباطاسلاق بر تقلیددن عبارت اولیوردی .  
بونره بزم شرق فیلسوفلری ( مثل فلاطونیه ) ، منطقون ( ماهیات ) ،  
صوفیه ( اعیان ثابته = entités immuables ) دیمشدر . انسان دخی  
بویله در . یعنی الک کوزل و مکمل انسان بیله ، انسانلک ( عین ثابته ) سنه  
نسبتله قصورلی و جیرکین در . بناء علیه - افلاطونک فکرنجه - انسان ،  
برکیمسه به عاشق اولورسه ، او کیمسه نک ، شوالنده بیله آرزوق آثار کالنی  
افشا ایدن ماهیته ، عین ثابته سنه مفتون اولدوغندندر . او آدمک وجود  
مادیسنه دکل ، اونده کیزلی بولونان ( فکر کال ) و ( ماهیت حسن ) ه  
عاشق اولدوغندندر . او حالده برینی سومک ، انجق وسیله و واسطه در . اصل  
مقصود ، او واسطه ایله عشق حقیقته ای وب ادراک کال ایدرک فوق العاده  
والهی برنشته حاصل ایله مکدر . معرفتک اک یوکسک مرتبه سی ایشته بودر .  
[ تفصیلات متممه ایچون (idée) کله سنه باقیکنز ! بزم صوفیه لساننده عشق  
فلاطونی به ( عشق مجازی ) دیرلرکه ( مقصود بالذات ) اولان عشق بو  
دکلدر ؛ ( عشق حقیقت ) در . غریزی و حیوانی اولان عشقه دخی ( عشق  
حماری ) دیرلر .

لسان عایدده (عشق فلاطونی) - حرص شهوانی دن معرا و مبرا - بر  
حسن محبته دیرلرکه - باقیلسه !. - عشق دن زیاده اونده ( حسن استحسان  
sentiment d'admiration ) غالبدر . افلاطون بومکری ، ( بلکه ؟ ! )

استادی (سقراط) دن تلق ایتمشدر!.. فقط، هر، نصلسه (amour socratique) تعبیری، قرون وسطاده، بر رذیلت شنیهیه علم اوله رق شهرت آلوب تذلیل ایدلمشدر.

غایت فطین و مستهزی (وولتر Voltaire) مشهور (فاموس فلسفی Diction. philosophique) سنک برنجی جلدنده (amour) کله سنده بو خصوصه دائر اینجه دن اینجهیه تنقیدات و ایضاحاته کیریشمشدر.

(amour propre) تعبیری ده وارددر که بز اوئی (حب نفس)، (عزت نفس) دیه ترجمه ایدرز. علم اخلاق ایله ده از یاده علاقه دار بر تعبیر اصطلاحی در. معنای حقیقی سینه باقیلیرسه (نحج = یعنی کندی بکنمک — vanité) نوغندن بر حالت روحیه در. فلسفه صوفیه ده اک بویوک قباح صایلیردی. زمانمز اعتقادنجه اوراطی، ینه قباحدر؛ فقط اعتدال معقولی مقبولدر؛ چونکه (حسن حیثیت و وقار sentiment de dignité) اونسر اولماز. بوسوتون تذلیل نفس اتمک ایسه، حیثیت امرنده لایالیلکی دعوت ایدر. اونک اینچون، اعتقاد مزجه عزت نفسک فقدانی بر بویوک قصوردر. [تعبیرات اصطلاحیه باقیکنز!]

Amphibolie (کلمه نك معنا نده) ابرهام

Amphidolie

Amphibolia انکلیزجه  
Antibologia ایتالیانجه

تعبیرك اصلی یونانی در: (ἀμφιβολία). ارسطو، (ارغنون) نامیله مشهور عالم اولان منطق کتابنده بو کله بی اصطلاح اوله رق قوللانش و او یله معروف اولوب فالمشدر. بوگون بر کله نك ایکی مختلف معنا افهام ایتمه سینه (amphibolie) دیرلر که اکثریا بواهم یوزندن، مباحثانده (تزع لفظی) وقوعه کلیر. بوتون (جناس لفظی) لرده بوقیلدندر. حتی بوکی یکه لری قیاساته ادخال ایدرک صغرا ده ماشقه، کبراده باشقه بر حیثیت معنا ایله قوللانیق سبیلله برنوع (سفسطه) یا بیامش اولور که، اصطلاح علمده اوکا (sophisme in dictionem) یعنی سوز یوزندن حاصل اولمش (سفسطه لفظیه) دیرلر.

مجددین فلاسفه دن ( ئمانوئل قانت Emmanuel Kant ) بۆككۈ  
اصطلاحىي، احيايتىش و ( تنقيد عقل صرف Critique de la Raison pure )  
نام كىتابىندە بوسبوتون برباشقە حيثيت معنا ايله قوللانمىشدر. بولمان فيلسوفى  
نظرندە ( amphibolie )، دىمك، تجربه محصولى اولان ( مفهومات notions )  
( قبلى apriorique ) ( بوتعبيراته بايقىكز ) بعضى مفهومات اصلية ايله - حيثيتا -  
بر طوتمق خطاسيدىر . يعنى تورىكجەسى : قانت نظرندە افكار و مفهومات  
ايكى بويوك صنفە منقسمدر . بونلرك بر قسى ، صرف تجربه ايله حاصل  
اولمش و بالخاصه تجربه دن طوغمش فكرلردر. بونلردە ( وجوب nécessité )  
يوقدر. دىكر بر قسى ايسە، عقلدن نشأت ايتىش فكرلردر. بونلر ( بالذات  
بدىيى ) شيلردر . يعنى واجبدلر . [ idées innées سوزينه بايقىكز ! ]  
شىمدى: ( جوهرت substantialité ) و ( عينيت identité ) حقندەكى  
اعتقادتمز ، - فانتك ادعاسىنجە ! - عقل صرفە عائد ( افكار و هيئە ) دندر ،  
يعنى ( مبادىء عقلية ) دندر . بونلر اول امرده تسليم و قبول اولونماقچە ،  
تجربه ، ذاتاً ياپيله مار . تجربه بواساساته استناد ايدر . فقط بونلرك قيمتىدە  
اظهار و اثبات ايدن ينە انحق تجربه در. بومبادىي بالتجربه تحقيق و تأييد  
ايتك لازمكلىركن، مشروع اولان اصول تجربه يي اھال ايدوب دە منحصرأ  
منطقى برطرزده اونلرى اثباتە چالتماق و بوسبوتون ( متعال transcendental )  
بر اصولە اتباع ايتك ( عقل صرفە عائد اولان مفهوماتدە ابھام l'amphi- )  
( bolie de l'entendement pur ) خطاسنە دوشمكدرد. نئەكىم بۆككى مبادىء  
عقلية ( principes rationnels ) ي صرف تجربه محصولى عد ايتك دخی  
( amphibolie ) خطاسيدىر . ( تعبیراته وبالخاصه amphibologie )  
سوزينه بايقىكز . }

Amphibologie      قضیہ مبہام      Amphibologie

بۆككۈ نك نہایتندە ( logie ) لغت يونانيە سنى بولوندوغى ايچون، ( مبحث  
ابھام ) دىە ترجمە سە قرار و يرلمشدى. بوتعبيرك معنای اصطلاحىسى صريحدر.  
بناءً عليه ( مبحث ) لفظك مناسبتر بر حشو تشكيل ايدەجكى ، تعريفات  
آتيە دن ظاھر اولە بياير .



(équivoque)، ایکی مختلف معنایه اشارت ایده بیلن برکله یه دیرلر .  
(amphibologie) ایکی مختلف معنایه حلی ممکن اولان بر قضیه در. ایشته اوقدر!..  
بونک اڭ کوزل مثللرینی اسکی (دهلف هاتفی l'oracle de Delphes) نڭ  
سوزلرنده .له بیلیرز : مثلا قدیم ایران شاهنشاهلرندن مشهور (دارا  
Darius)، اسکندر کیره قارشی محاربه یه تشبث ایتمزدن اول، کویا!؛ (هاتف  
غیب) ڭ رأینی صورمش ایش. هاتفڭ جوابی؛ [محاربه ایدرسه ڭ، بر بویوک  
سلطنت محو ایدرسک !..] تنبیهی اولمشدر؛ ده نیلیورا. (بر بویوک سلطنت)  
سوزنده کی (ابهام!) ایران و یاما کدو نیا سلطنتلرندن هانگی سی مراد ایدلدیکنی  
کلیاً مسکوت عنه بر اقدینی ایچون، شوایکی ایمپراطور لقدن هر برینک ده  
احتمال اضمحلاله — هاتفڭ سوزنده — اشارت واردر. نصل که محاربه واقعه  
اسکی، ایران سلطنتک انقراضی منتج اولوبده، دارا، هاتفی، جهل و بالانجیلقله  
اتهام ایدنجه، هاتف : [بن، بر سلطنتک محو اوله جغی خبر ویردم. دیدیکم  
چیقدی. دارا سلطنتی محو اولدی. ۱۰ دیه جواب ویروب ایشک ایچندن  
چیقمشدر. یعنی [بنه سوزم هرایکی طرف ایچونده آیری آیری احتمال  
اضمحلال بیان ایدر بر (قضیه مبهمه amphibologie) ایدی؛ بن قطعاً  
شو ویا بو سلطنت محو اوله جقدر! دیهدم] دیمک ایسته مشدر .

فص بیانده (ضف تألیف) ده نیلن قباحث اسلوب، علی الاکثر قضایای  
مبهمه قیلندن بر شیدر . مثلاً؛ «تحصیل علمه چالیش؛ کامل بر آدم اول  
باباڭ کبی جاهل اولمه! [دیسه ڭ، فکر منزی (ضعف تألیف) صورتنده  
بیان ایش اولورز. زیرا: [کامل بر آدم اول؛ باباڭ کبی!.. — جاهل  
اولمه!..] می دیمک ایستیورز: .. یوقسه [کامل بر آدم اول!.. — باباڭ  
کبی جاهل اولمه!..] می دیمک ایستیورز!.. اکلا شلمیور و جله بی هرایکی  
معنا ایله تلقی ایتک ممکن اولویور .

مسن موسیقی نڭ ضیاعی Amusie

Amusie

انسانده حس موسیقی واردر، بونک ده اول امرده سامعه ایله علاقه سی  
اولدوغی ایچون، دماغده (مرکز سمعی centre acousique) ایله صیقی  
صیقی به رابطه سی واردر . بعضی اسباب طولانی سیله انسان بو حس موسیقی

قابلیتی ضایع ایده بیلیر ؛ ایشته بوحاله ( amusic ) دیر لر . تکلم قابلیتک ضایع اوله بیللمه سی کبی که ، ( aphasia ) دیدیکمز حالده اودر ؛ و اوکا قیاساً بوکله احداث ایدلمشدر . کیفیتی تحقیق ایدن ( فیزیولوژیست ) لر، ذاتاً ( aphasia ) ایله ( amusic ) نك تحیحاً علاقه دار اولدوغنی کلامشدر . بعض انواعی واردر . ( amusic auditive ) ، موسیقی بسته لرخی ایشیدوبده اکلایه مامقدر . ( amusic visuelle ) . موسیقی نوطه لرخی او قویه بیللمکه برابر او حروفات موسیقیه نك معناسنی چیقارمه مامق ، یعنی افاده ایتدک لری الحانی ، ادراک ایایه مه مکدر . ( amusic motrice ) ، تقنی ایده مه مک ، بر ساز چاله مامقدر . اکلاشیلیور که طبقی کلام قابلیتک ضیاغنده اولدوغنی کبی شو عجزک انواعی ده دماغده بر مرکز مخصوصک عطالتنه یا خود اضمحلانه دلالت ایدر و او مرکز لرده واقع اولان تخریسات واختلالاتک آثاریدر . بناءً علیه بوسبیلهدر که ( amusic ) دخی بر قاچ نوع اوله بیلیر ؛ ومنفرداً بر نوعی نادرأ کورولوویور ، بو حس موسیقی نك ضیاعی ، هان دائماً ( agrophie ), ( alexie ), ( aphasia ) ایله علاقه داردر . ( بوکله لره مایکمز ) .

Analgésie

### مس المس ضیاعی Analgésie

حس لمس ایله حس الم ماهیتاً ، طبیعتاً آیری غیری طویغولدر . لیکن هر ایکسینک - موردی اعتباریله - عمومی موضعی جلدیمزدر . بناءً علیه بو طویغولر ، بر درجه شفته وارنجه یکدیگرندن فرق اوله نه ماز . وجود مرکز بر قسمنده ، بر ناحیه سنده و یا خود هر طرفنده بردن یالکمز الم طویمق قابلیت زائل اولورسه ، یعنی قابلیت لمس اسکیمی کبی قابوبده ، یالکمز آجی طویمق حسنی ضایع ایدرسه ک ، بوحاله ( analgésie ) دیر لر . بعضی مواد طویه وادویه انسانده بوحالی ایقاع ایده بیلیر ؛ ( عملیات جراحیه ) ( opérations chirurgicales ) ده استعمال اولونان ( کلوروفورم ) وامثالی کبی ؛ بودر لوسنک ، فلسفه مسائی ایله نك اوقدر علاقه سی یوقدر . بوحالتک صرف مرضی وعصبی برشکلی ده واردر که یاقین زمانلره کلنجیه دکین ، سبی کشف وتحقیق اولونه مامشدی . مع مافیه اوتهدنبری بوحالت ، بعضی انسانلرده مشاهده اولوندوغنی حالده اسباب

حقیقه‌سی اكلاشیه‌مادینی ایچون خارق عاده برکیفیت ، حتی بر اثر کرامت و قدسیت اولق اوزره تلق ایدیلیوردی . مثلاً، دین نصرانیتک ابتدای ظهورنده ، خلقك اك سفیل و فقیر طبقه‌سندن بر حزب قلیل - مظلومینه دنیاده مساوات وعدالت ، آخرتده سرمدی بر سعادت وعد ایدن - بودین انسانیتپرورانه‌یه در حال انتساب ایتمشدی ؛ فقط بوانتساب - بالضروره - مخفی طوتولیوردی . زیرا اوزمانلر عالم مدینته علی‌الاطلاق حاکم اولان روما‌ایمپراطورلنی، بونظاها راته - بدایت امرده - ذره قدر اهمیت و برمه‌دیکی حالده ، براز صوکره ، بومساوات دعوالرندن ازیحقی اندیشه ایتمکه باشلامش و هنوز ماهیت اعتقادیه‌سی معلوم اولمایان بویکی مذهب اربابی برنوع آنارشیزست ویا ( قومونیست communiste ) فرقه‌سی کبی تلقی ایتمشدی . بناءً علیه ، طور و حرکتلری آسایش عمومی‌ی اخلاصه مستعد کوروندوکی ایچون روما‌ایمپراطورلنی ضابطه‌سی ، خرسیتان اولان افراد اهالی‌ی شدتله تعقیبه قویولمش و غدارانه بر صورتده تجزیه ایتمکه باشلامشدی . نهایت بوجنایات سیاسیة ( cirque ) لرده تماشا اکلنجه‌سی اولدی . بر سوری بیکناه و فقیر خلق - بت پرستلکدن یوزچویروب بردینه انتساب ایتدکلری ایچون ! - چولو قلیله ، چوجو قلیله ( cirque ) اورطه او یونی میدان ( نه سوق ایدلیر و حیوانات وحشیه‌یه ویریلیر ؛ وبوملغت ، سیر و تماشا اولونوردی . برچو قلیری دخی دیر کلره صاریلیر ، زیفت‌ایله بولانیر و کیجه‌لری روما جاده‌لرینی تنویر ایچون مشعله خدمتی ایفا ایدردی . فقط بونلر ارمه‌سنده بعضی کیمسه‌لرک ، چاییر چاییر یانارکن ، ذره قدر آجی طویمایوب ، فتور علائمی کوسترمیوب الهی اوقود قلیری و کال سکونت و سعادتله ترک حیات ایتدکلری چوق دفعه‌لر کورولمش و بو حالت غریبه ( معقول rationnel ) ی‌ر صورتده ، ( یعنی اسباب طبعیه‌سیله ؛ [ تعریف اولونه‌مادینی ایچون ذهنلری طور دورمشدی . ( analgésie ؟ ) بر قوه قدسیه‌یه حمل اولوندی ، و بر چوق مظلومینک اسملری ( اعزّه خرسیتانیة les saints ) لیسته‌سنه کیردی ، مشهور اولدی . نه کیم بالاخره ، عینی دین انسانیتپرورانه اوغورنده ( جزویت جمعیتی la corporation des jésuites ) ( انکی‌زیسیون inquisition ) یعنی

تحقیقات نامنه !! یوز بیکلر حه معصومینی ، اشد عقوبات ایله ، یاقوب ، تلف ایدرکن ، ینه رچوق مظلومینک ، الم حس ایتیه رک ، فتور کوستر میه رک عالی سورلر سویله دکاری و ( بختیارانه ؟ ) بر صورتده اولدکلری مشاهده اولوندی . بولر ( اعزه ) صیره سنه کیرمه دیلر ؛ فقط ینه مشهور اولدیلر . کذلک ، بوندن تقریباً آلتمش ، یتش سنه اول ایرانده ظهور ایدن ( بابیه Babisme ) مذهبی نک واصعی ( سید محمد باب ) ، - روایت اولوندوغنه کوره ؟ ! - . بغير حق و مظلوماً اولدور اولدکدن صوکره ( بانی لر ) نام عمومیی ایله مشهور اولان اکثر تابعینی ، ایرانک هر طرفنده اشد عقوباته ، اشع حنایاته هدف اولدیلر . اوزمانلر طهرانده فرانسه سفیری بولونان و بو هنکامده شاهد عادل اولان محرز حکیم و مستشرق شهر ( C, De Gaubineau ) قونت دووینو ) ، ( اسیای وسطی فلسفه سی وادیانی Religions et philo. de l'Asie centrale ) نامیله یاردییی مهم بر اثرده مشاهداتی نقل ایدیور : . . . . سواقلرده زنجیره اورولمش بر سلسله معصومین کوردم که چیلاق وجودلری بیجاقلرله شره شره ایدلمش و اوشره لرله یانارموملر دیکلمش اولدوغنی حالده کچیورلردی ؛ فقط بوبانی لر ذره قدر آخی طومیمورلر و بلیغ برلسان و فریح بر ادا ایله شعرلر او قویه رق ، حاهل و متجاوز خلقک آراسندن بر حیثیت مستثنا ایله مرور ایدیورلردی . ۱۰ دیور .

کورولویورکه بو حالت خارق العاده نک امثالی چوقدر . کیمیتی ، هیچ کیمسه بوکون انکار ایتیمور و ایده مز . لکن بوکون بوغریبه نی علمای طب ، یک معقول بروجهله تعریف ایتک یولی بولشلردر . زمانمک امراض عصبیه متخصصلری و علی الخصوص اونلرک الک مشهورلرندن بری اولان متوفی ( دوکتور سارکو D<sup>r</sup> Charcot ) ، ( ایستیری Hystérie ) ده یان مرض عصبی نک بویه غربت تجلیاتی اولدوغنی و بعضاً ( اشتها سزاق anorexie ) ( بوکلمه یه نایکیز ! ) کتیر مکه برابر ، وجودک قطعاً دوچار صعب اولیه رق ( برایکی سنه ؟ ) آج طوره بیلدیکنی ، بعضاً دخی ذره قدر الم حس ایتیه رک الک شدید ادا و عقوباته تحمل ایده بیلدیکنی علماً تعریف ایتشدر . بالخاصه ( analgésie ) نک بر اثر ( فلج paralysie ) اولدوغنی

سویه مشدر . فضله اوله رق ( ایستهری ) نك ( اشكال مرضیه formes pathologiques ) سنی تمیز و تعداد ایتدیکی صیره ده ( شکل دیندارانه forme religieuse ) سنی ده لایق بله ایضاح ایله مش و بو خصوصه قوی بر ایمان ( une foi inébranlable ) ك بك بویوك بر رول اوینادیغنی اكلا مشدر : بویه بر ایمان ایله ( autosuggestion ) واقع اولدوغی و بوسبله ( analgésie ) حصوله کتیردیکنی کوستر مشدر . صو کره بالذات ( مانیه تیزما magnétisme ) ایله بعض مرضای عصبیه ( hystériques !! ) اوزرنده تجربه لر یاهه رق ( بالتلقین par suggestion ) عیبی حالی ایقاع ایتمش و بو خصوصه شبهه بر اقامشدر . ایشته اوللری قوه قدسیه یه حمل اوله رق تعریف ایدیلن بو حالت غریبه نك قدسیتی قالماش و بر مرض عصبی ، و یا بر هیجان شدید نتیجه سی اولدوغی ثبوت بوله رق علما تعریف نه موقفیت الور مشدر . یعنی ( rationalisme ) ، بر بویوك خطوه ترفی آتمه موفوق اولمشدر . [ بوسوزده باقیكز ] .

### مشابهات ، محائله ، تمثیل

Analogie	فراسرجه و آلمانجه
Analogy	انگلیزجه
Analogia	ایتالیانجه

Analogie

یونانی لساننده ( آنالوژی با = ἀναλογία ) ، ( نسبت ) دیمکدر . بولکه بی اولافلاطون استعمال ایتمش و اونك شا کردی ارسطو معنای اصطلاحیسی ایله تعیین و تعریف ایله مشدر .

لسان عادی ده ( مهم بر مشابهت ) معناسنه قولالانیلیر . علی الاکبر ، طبیعتاً بر برینه بکزمه بین انکی سینک - بعض وجوه ایله - یکدیگرینه مشابهتی بیان ایچون برینی دیکری ایله ( تمثیل ) ایدرز ، و بوضورتله ، مهم بر کیفیتی ، دیکر بر کیفیت ظاهر دیه تشبیه ایدمرك ده ائی آکلامق و آکلاقمق ایسترز .

بعض انگلیز منطقینو ، بونك اك مشهور مثالنی انجیل شریفدن قتل ایراد ایدرلر : [ امتی قویون سوروسنه و اونی طوعرو یوله هدایت ایدنلری ده چوبانه بکرتمك ] ، معنای عادیسيله ( تمثیل ) ه کوزل بر مثال اولور دیرلر .

زده ده ( رعیه و رعایا ) لفظلری بومعناى تمثیلى متضمن کلمات مشهوره دندره . مؤلفین سالفه اکثریا بویه تمثیل ایله برچوق کیفیاتی تعریف ایتک مراقنده ایدیلر . زده دخی فرضا قینالی زاده علی افندی ، ارضروملى ابراهیم حقى ودها برچوق مؤلفین ، ( روحى سلطانه ، حواسدن برقسمنى جاسوسه ، برقسمنى عسسلره ، بدنى قلعه یه ) بکیزه تهرک تعریفه چالشمشلدردرکه بو طرز بیان ، بر ( تعریف تمثیلى ) نمونه سیدر . کذلک : جسمى عناصر اربعه دن مرکب فرض ایدوبده او عناصرى ، بر محبسک درت دیوارینه و روحیه بر محبوسه بکیزتمک ، بر تمثیل مشهوردرکه آثار صوفیه نک جمله سنده کرات ایله تصادف اولونه بیلیر . الی آخره ! . . .

ایشته عادى معناسیله ( تمثیل ) . بودر حالبوکه اصطلاحده ( تمثیل و مماثله ) باشقه ( تشبیه و مشابهت ) باشقه در .

تمثیل و مماثله یی ، ارسطو ، [ اشیا آره سنده دکل ، ( نسبتلر les relations آره سنده بر مشابهت ] اولوق اوزره تعریف ایتشدی که حالا بوکون کجه نک اصطلاح معناسی بودر .

استاد یونانی ، ( بالقوه in virtus ) وجود ایله ( بالفعل in actu ) وارلق آره سنده مماثله یی ، اوبقوده اولان رآدمک حالى ایله گزینن برکیمسه نک حاله بکیزه تیوردی . [ بوتعبیراته و intellect لغتنه باقیکنز : ] مع مافیه ، ایکی نسبت معیننه نک یکدیگرینه ( مثل analogue ) یعنی ( نظیر ) اولدوغنى لایقیله اکلانه بیلیمک ایچون ( هندسى نسبتلر relations géométriques ) دن مثاللر ایراد ایتشدی . فقط ( analogie ) مطلقا ( کمی quantitative ) نسبتلره خاص دکلدر . ( کیفی qualitatifs ) دخی اوله بیلیر . نته کیم ( منطق logique ) ده مماثله انحق بودرلورد ؛ و بوعلمی ، اصول و قواعیده ضبط و تدوین ایدن ارسطو ، انحق کیفی مماثله لرله تقیه ایدوب مشغول اولمشدر . منحصر آ کمی ( analogie ) لرله مشغول اولان و بوتعبیره معنای ریاضی سنی ویرن ذات ، مهندس شهر ( اسکندریه لى اقلیدس Euclide d'Alexandrie ) درکه ( برنجی بطلمیوس = Ptolémée Soter ) زماننده یاشیوردی قبل المیلاد ۳۰۰ - ۲۸۲ ]

ریاضیاتده ماثله نك اك بسيط صورتی ، ( اربعة متناسبه ) در : [ ( ا ) ] :  
 ( ب ) :: ( ب ) : ( س ) [ کجی ؛ فقط غایت مغلق صورتلری ده واردر .  
 ده یله بیلیرکه ریاضیات عالیده (نسب ماثله) دن مهم بر موضوع یوق کجی در !  
 [ بوخصوصده تفصیلات ایچون قاموس عمومی نك ریاضی قسمنه باقیکز ! ]  
 ( analogie ) بحثی ، اوتدنبیری فلسفه ومنطقده ، الهیات وتصوفده ،  
 بیولوژیده - بویوک براهیمته - تاقی ایدلمش وزمانزده بیه منافشه سی دوام  
 ایتمکده بولونمشدر .

قرون اولی ووسطی فلسفهسنده منطق تحکم ابتدیی جهته ( قسطاس  
 حقیقت ، le criterium de la verite ) ، ( تجربه ، l'expérience )  
 دکل برهان ایدی . چونکه ( اصول تحقیق méthode de vérification )  
 دخی ( نظر واستدلال raisonnement et argumentation ) ایدی .  
 استدلال آنجق اوچ درلو اوله بیایر . یا ( قیاس déduction ) ، یا ( استقرا  
 induction ) ویاخود ( تمثیل analogie ) صورتیه ممکندر . ایشته  
 بوضوح اونه اوزره واقع اولان استدلالات نتیجهسنده ویریل حکم ، بر  
 ( برهان ) در . لیکن براهینک ( قدرت اقناعیه ) اعتباریه قیمتی بردکدر .  
 مثلاً ( برهان قیاسی argument déductif ) ، عموماً مسلم بر ( قضیه  
 کلیه proposition universelle ) نك شمول حکمنده مندرج بر حقیقت  
 جزئییه ، کشف واستخراج ایتمکدن عبارت بولوندوغنه نظراً ، قوتلی  
 بردلیدر . زیرا ، اوقضیه کلیه - صحیحاً موافق حقیقت ایسه ! — متضمن  
 بولوندوغنی جزئیات امورک جمله سنی ، البته شاملدر . بناءً علیه اوقضیه  
 کلیه نك حکمی جزئیاتیده متضمندر . فرضاً : ( بوتون انسانلر فانی در ! )  
 دینجه ، بو حکم ، سقراط ، ارسطو وابن سینایی دخی شاملدر . چونکه  
 بوفلسوفلر دخی ، انسان اولق اعتباریه او حکمک دائره احاطهسنده داخلدر .  
 بو طرز استدلاله کیسه اعتراض ایدمز ؛ مکرکه ، سند اصلی اولان  
 اوقضیه کلیه نك شمول حکمی انکار ایتک لازم کسین ! . . . بقاء علیه  
 بو طرز استدلال تامیه قناعت بخشددر .

لیکن ، برجوق افراد جزئیده تحقیق ابتدیکمز بر کینیتی ، سند اتخاذ

ایدرك تعمیم حکم ایلرسهك بوصورتله واقع اولان استدلالز اودرجه قدرت اقناعیه یی حائر اوله ماز . مثلا: ( قوغو cygne ) دیدیکمز قوشلردن قاچ دانه کوردك ایسه تماماً بیاض کوردو کمز ایچون، (دنیا ده نه قدر قوغو وارسه هپ بیاضدر!) دیرسهك، طوغرو اولورمی؟.. هپسنی کوره مدك كه بو حکمز طوغرو اوله بیلسن!.. او حالده دلیلک بودرلوسی اوته کی قدر قوتلی اوله ماز. نته کیم سیاه قوغولر دخی کشف اولونمشدر . تمثیله کلنجه ، اونك قدرت اقناعیه سی دها آذرر. واقعا ریاضیاتده نسبتلر کمی بر صورتده معین اولدوغی ایچون ( تمثیل طرزنده استدلال ) قطعاً ( یقین certitude ) افاده ایدر . زیرا بر نسبت ریاضیه ده ( حد اکبر le grand terme ) ، ( حد وسط le moyen terme ) دن نه قدر زیاده ایسه ، حد اوسط دخی ( حد اصغر le petit terme ) دن تماماً اونسبتده فضله در. فقط ( کیفیات qualités ) قییلندن اولان احوالده تظاهر ایدن نسبتلر ، بویه بر قطعیت ریاضیه ایله – یعنی کمی بر صورتده ! . – تقدیر ایدیه مدیکی ایچون ( استدلال کمی raisonnement quantitatif ) ده قوی بر دلیل اوله بیان ( تمثیل ) ، ( استدلال کیفی raisonnement qualitatif ) ده انجق ظنی واحتمالی بر نتیجه ویره بیلور.

ایشته، بومسئله بالخاصه منطقین عنیدده وطولایسی ایله فلاسفه آره سنده جدی مباحثاه میدان آچمشدر . چونکه منطقده ( استقرا ) و ( قیاس ) مسئله لریله صیقی صیقیه مناسبتی واردر . بونك ده فلسفه وعلی الخصوص ( مبحث اصول methodologie ) ده ( تدرییه empirisme ) و ( عقلیه rationalisme ) مدعاریله پك صمیمی و اساسی بر علاقمی واردر .

اونك ایچوندرکه، بواوچ طرز استدلالدن هانکیسنك محاکات فکریه ده اصل اولدوغی تعیین ایتک لازمکلمش و بو صورتله ، مناقشه ، بر ایکنجی مسئله دها تولید ایتمشدر. بوایکنجی مسئله نك دخی جدی بر اهمیت فلسفیه سی واردر . زیرا ( استقرا ) اصل ایسه ، تجربه اوکا اساسدر و بناء علیه حصول علمی تجربه یه اسناد ایدن ( فلسفه تدرییه phil. empirique )، بودعواسنده حق قازانمش اوله جقدر . یوق، ( قیاس ) اصل ایسه ، انجق بر ( مبدأ کلی



(principe universel) قبول ایدوب، اونك ضمننده مندرج بولونان حقایق جزئیہی استخراج ایتک صورتیله واقع اولان استدلالک اولویته حکم ایتک لازمکله جکدر. مبادی کله - طبیعت و ماهیتلری اعتباریله! - محصول تجربه اولمایوب، قضایای عقلیه دن صایلدقلمری ایچون، حصول علمی تجربه یه دکل، بو (مبادی) یه عطف ایدن (فلسفه عقلیه phil.rationaliste)، دعواسنده حق قازانه جقدر.

ایشته بولکه نك منطقده نه کی مسائل ایله علاقه دار اولدوغی و مسائل مذکوره نك فلسفه یه نه یوزدن مناسبتی بولوندوغی شو ایضاح اتمدن آشکار اوله بیلیر.

حکمای اسلام - بالطبع - بومسئله یی، لایق اولدوغی اهمیت وجدیتله تلقی ایتمشلردر. فلسفه و منطق متعلق اولان مصنفات مشهورده بوبحث تفصیلاتیله بسط و تنقید ایدلمشدر. شرح موافقده، برنجی موقفک مقصد ثانی: (الاستدلال، اما بالقیاس، و التمثیل (!؟)، و الاستقراء) عنوانی ایله جالب نظر در و بالخاصه بومسئله یی موضوع بحث ایدر. قاضی عضد و شارحی سید شریفک ملاحظاتی - اختصاراً - عرض ایدیورم:

• استدلال یا کلی دن جزئی یه اولور؛ حیواندن انسانه انتقالاً حکم ایتک کی. بوکا قیاس دیرلر. و یا خود جزئی دن کلی یه اولورکه استقراء بودر. برصنفک جزئیات افرادنده (حکم کلی) تماماً ثابت اولور ایسه، اوکا (استقراء تام) و (قیاس مقسم) دیرلر. جزئیات افراد، احاطه و حصر ایدیله مدیکی حالده تشمیل حکم اولونورسه اوکا (استقراء ناقص) دیرلرکه نتیجه، انجق برحکم ظنی دن عبارت قالیر؛ یقین افاده ایده مر. برده جزئی دن جزئی یه استدلال یولی واردرکه بوکا تمیل دیرلر. بوده ایکی (amr fait)، یعنی ایکی وقعه، ایکی کیفیت آره سنده حکمه سبب اولان مشارکت در. بومشارکت، او ایکی جزئی یی شامل بر (کلی) صاییلیر!.. حکما (استدلال بحثده!) دیورلرکه: مطلقاً دلیل ایله مدلول آره سنده برمناسبت مخصوصه بولونمالی دترکه مدار حکم اوله بیلسین! اگر دلیل، مدلولی شامل ایسه، (استدلال بالقیاس) اولور. مدلول، دلیلی شامل ایسه (استدلال بالاستقراء) اولور. اگر هم

دلیل، همدمدلولی بر (امرنالث) یعنی او چنجی بر کیفیت شامل اولو بورسه، او وقت (استدلال بالتمثیل *raisonnement par analogie*) اولور. دلیل ایله مدلولدن هرا یکسینک دخی قضایای کلیه دن اولماسنده بآس یوقدر. آره زنده کی (نسبت مشارکت) او ایکی قضیه یی دخی شامل و بناءً علیه دها عمومی بر کیفیت اولدوغی ایچون، او ایکی قضیه، بو کیفیت عمومییه نسبتله (جزئی) اولمش اولور! ...، الی آخره! ...

ایشته قاضی عضدک تعریفی وسید شریفک ملاحظات مختصره سی بودر. شو مطالعاته نظراً (استدلال بالتمثیل) صورتیه ابراز واقامه اولونان بر (برهان *argument*) که نه درجه لره قدر صحتنه اعتماد و قیمتته اعتبار ایدلمه سی لازم کله جکی - حالیه! - موضوع بحث و وسیله مناقشه اولمشدر. مسئله نک اهمیت آشکادر؛ زیرا محققدر که بزه انسانلر، اکثر احوالده، اک زیاده (تمثیل صورتیه!) محاکمه یه استدار ایدرز و فکر من ایچون - (نقطه حرکت *point de départ*) اولان بر مثالی (!؟)، ظنمه، یا خود دعوا مزه بر (دلیل) اوله رق ابراز ایدرز. هم، بونی: اک مبهم کیفیات حقنده حکم ویره جکم زمان یاپارز. دهاقوی دلیل بوله بیلسه یدک، البته بر (مثال) ی آلوب برهان اولمق اوزره اورطیه آتمازدق! ... ذاتاً تمثیل ایله استدلال دیمک، بر (مثال ایله استدلال *raisonnement* = *par l'exemple*) دیمکدر. بر مثال، نصل دلیل اوله بیلیر... ونه دن قوی ومعتبر بر دلیل اولسون؟! ولوکه، ایکی شی ویا حال آره سنده اکثر یا مشاهده اولونه بیلن برنسبتی (مثال) اتخاذ ایتمش اوله لمده، سائر بعض احوال واشیا آره سنده کوردو کمز بر رابطه یی ایضاح و تعریف ایچون او مثالی (برهان) اوله رق اقامه ایتمش بوله لم!... بونده اساس، هر حالده مشابته دکلکی...؟ مشابته ده نه وارکه (دلیل) قوتی و حیثیتی حائر اوله بیلور؟! ایشته منطقیونی وفلاسفه زمانی اشغال ایتمکده بولونان عقده بوراسیدر.

مثلاً: (۱) ایله (ب) نک مناسبتندن (ج) حصوله کلیور؛ دیه (أ) ایله (ب) نک رابطه سندن (ج) کبی بر نتیجه چیقمق، نه دن لازم کلسین؟!... اکثر جاهل کیمسه لر بو خطای استدلالک، همان دائماً قربانی اولورلر: فرضا

فلان علاجك فلان خسته لغه اینی کلدیکی، — مثلاً (آنتی پیرین antipyrine) له،  
باش آغریسینه اینی کلدیکی — بر باشقه آدمک تجربه سنه بناء! — تحقیق ایدنبجه  
کندی باش آغریلرینی ده تسکین و دفع ایچون، خلق، سلمه السلام، او علاجی  
استعمال ایدر. حالبوکه باش آغریسی لاقلاش آلتی درلو اسباب متخالفه دن  
ایلری کله یایلر. بواسبابه نظراً، او علاجك آلمسندنه بر (مانعه مهمه)  
اوله یایلر: قلب خسته لغندن منبعث اولان باش آغریسندنه (آنتی پیرین) له،  
یک مضر و شدته ممنوع اولماسی کبی! .... (آغری، آغری به بکزیور) دیه  
(علاجك ده علاج به کز مه سی) لازم کله جکینی ظن ایتمکدن نشأت ایدن بو خطا  
انبات ایدیور که، استدلال بالتمیل، بویه سطحی بر مشاهده یه مبنی اولور سه طوغرو  
اولماز. اولما ینبجه ده (قیاس مع الفارق fausse comparaison) نامیله  
معروف اولان خطا وقوعه کلیر.

بو طرز استدلالده شایان دقت بر جهت ده وار: کیفیتك حقیقتاً  
و تماماً متشابه اولدوغی قطعاً ثابت اولملی که تمیل طوغرو اوله ییلسین! ...  
بوده یالکیز سطحی بر نظرله نتیجه یه بافقله اولماز: (باش آغریسی) مثالی  
یونی تمامیله کوستیز! .. عجبا هر باش آغریسی بر برینه بکزر می؟! او بر  
نتیجه در؛ اسبابنه باقالمیز! .. اسباب ایله نتایج آره سندنه کی نسبتی حقیقه  
کشف و تعیین ایدر مزسه ک، تمیلمز، (قیاس مع الفارق) خطاسنه مستند  
اولور؛ و بویه چور وک بر اساس اوزرینه مبنی اولان استدلالتمز بر (برهان  
قوی) تشکیل ایدر. اونک ایچون، بر برینه متشابه ظن ایتدیکمز نسبتلرده  
مشترک اولان کیفیات اصلیه قدر انفاذ نظر ایدر بیلمله لی یز. اسکی منطقیتونک  
(نسبت اساسیه fundamentum relationis) دیدیکی، یفیت اصلیه یی  
یومالی یز. چونکه ایکی مختلف نسبتده، نتایجک عینی صورتله ظهورینه  
سبب، انحق اودر! ..

اوله اولونجه، بر برینه بکزر کورونن احوال و اشیا ده نسبت مشایقی  
لایقوله کشف و تعیین ایدر بیلکم ایچون، (کیفیات متشابهه - qualités se-  
imblables) نی (کیفیات متغایره qual. dissemblables) دن آیره بیلمله یز که  
او احوال و اشیا نکه، نه کی (اوصاف مشترکه propriétés communes)

علاقه‌سیله بربرینه بکئزر اولدقلری میدانه چیقه بیلسین ! . بواسه ( اصول طرد (méthode d'accord) و ( اصول تفاضل (méth. de différence) دیمکدر.

کورولویورکه بوبخثک ( درت اصول تجربیه - les quatre métho des expérimentales ) ایله مناسبی اولدوغی کبی ( سببیت causalité ) مسئله‌سی ایله ده علاقسی واردر.

شبهه یوقدرکه ( تصنیف classification ) کیفیتدهده اساس بودر. زیرا عمده تصنیف یکدیگرینه هروجهله بکزمه‌مین برچوق افراد آره‌سند بر رابطه مشابته کشف ایتک و افراد متشته و مختلفه‌ینی اوکا کوره سلسله ترتیب ایله مکدر. اگر کشف اولونان او علاقه مشابته، حقیقتاً اوفرادى - سائرلندن زیاده - بربرینه باغلایان بر رابطه اساسیه ایسه، یعنی - دهمین ذکر ایتدیکم - (fondamentum relationis) ایسه، او، بر (تصنیف طبیعی clas. naturelle) اولور. دکل ایسه اوله بر تصنیف، ( اعتباری conventionnelle) و (صنعی artificielle) اولور. ( بوتعیانه باقیکز: ) زما نئزک اک درین دوشونن فیلسوفلرندن و اک بویوک منطقیونندن ( جون ستوته میل J. S. Mill ) مشهور منطق کتابنده، بالخاصه ( analogie ) دن بحث آچارکن : « بونک قدر مهم بر صورتده، و مختلف معناده قوللانیلان برکله یوقدر!، دییور. ( تمثیل ایله استدلال ) بحثندهده بوتون منطقیونک رأینه مخالف بر فکرده بولونویور : بوزمانه کلنجه‌یه قدر، بو طرز استدلالک آننجی بر نتیجه ظنیه ویره‌یله جکئی، و بناء قوی بر دلیل اوله مایه جغنی بوتون منطقیون ادعا ایتشلردی. ( میل ) :

[ برهان تمثیلک، ضعیفی ( ذاتی intrinsèque ) دکدر. « یعنی محضا مشابته مبنی اولماسدن طولایی بو دلیل سائرلندن آسانی دکدر!، اگر مشابتهده عمده اولان کیفیت، بر رابطه اساسیه و ( ذاتیه essentielle ) ایسه، ( استدلال بالتمثیل ) قطعاً ( منتج concluant ) در؛ و بوتقدیرده ( استقراء تام induction parfaite ) دن - قوتجه - هیچ فرقی یوقدر. اگر او مشابته، بر کیفیت اساسیه‌یه مستند دکل ایسه، برهان تمثیلی هیچ در.

حکمسزدر . دلیل ، صایله ماز . [ دیور ؛ و بونی بعضی کوزل مثالر ایله  
ایضاح ایدیورکه برنی نمونه ایچون ذکر ایتک کفایت ایدر :  
( اکر بر منفعت مشترکه سییله ، افرادی یکدیگریله علاقه دار بولونان  
جامعتلرک - مثلا حصّه داران شرکتلرینک ! . - حاله باقوبده ، بوخصوصده  
الک ایی شکل اداره نک ، حصه دارلر طرفدن منتخب بر ( هیئت comité  
d'administration ) تأسیسی صورتنده ممکن اولدوغنی کورورسهک ، وشو  
مثالی اساس اتخاذا ایدرک برملت ایچونده الک ایی حکومتک ، اوملت طرفدن  
منتخب بر ( مجلس assemblée ) تشکیلی صورتیه ممکن اولماسی لازم  
کله جکفی استنتاج ایدرسهک ، تمثیل ایله استدلال ایتش اولورز . بونده اساس ،  
بر ملتک بر ( حصه داران شرکتی ) نه ؛ و پارلامنتونک ( بر شرکت هیئت  
اداره سنه ) مشابه اولماسی دکلدر . یعنی مشابهت ، بونقطه لرده دکلدر ! ..  
پارلامنتونک ملته نسبتی ایله ، ( شرکت هیئت اداره سی ) نک حصه دارانه  
نسبتی آره سنده در . اصل ، رابطه اساسیه بواکی نسبتک مشابهتی در . شیمدی  
بر اداره نک بالمله نتایج حسنه وسینه سنک بو رابطه اساسیه قطعا تابع  
بولوندوغنی اثبات ایدیه بیلیرسه ، بومثالزده کی ( دلیل تمثیلی ) نک ( استقراء  
نام ) دن ذره قدر فرقی یوقدر ! .. اثبات ایدیه مزسه تمثیلک هیچ حکمی  
یوقدر . دلیل حیثیتی حائز اوله ماز . [ دیورکه زیاده سیله شایان دقت ، ویکی  
بر مطالعه در . چونکه ، اسکیلرجه بوسبوتون باشقه بر شی ایتش کبی تلقی  
اولونان ( استقرا ) نک ( تمثیل ) اساسی اوزرینه مستند ( فقط بر رابطه  
اصلیه مبنی ! ؟ ) برطرز استدلال اولدوغنی - ضمناً - ادعا ایتش اولویور .  
( induction کله سنده تفصیلاته باقیکنز ! )

( استدلال بالتمثیل ) بر مشابهت سطحیه و خارجیه مبنی اولورسه ،  
آنحوق بر ( دلیل احتمالی ) صایله بیلیر . بوتقدیرده ( اثباتی probatif ) بر  
برهان عد ایدیه مز : چونکه بر شی اثبات ایتز . مع مافیه ینسه ( تلقینی  
suggestif ) در . یعنی - اول امرده حس و مشاهده اولونان - برممانلت ،  
ذهنی تحقیقات و تفحصاته سوق ایدر ، ویولانی ده کوسه تریر . مثلا ( ورم  
tuberculoze ) خسته لغنک سرایت ایتدیکنی و کیفیت سرایتک ، خصوصی

برمقروب انتقالیه وقوعه کلکده اولدوغنی تحقیق ایتدکن صوکره، دیگر امراض ساریه نكده ، طبق بویه برمقروب واسطه-سیله ، انتقال ایتکده اولدوغنی استدلال ایدمیلیرز . چونکه ( سرایت مرض ) بو کیفیتده ، مشابته اساسیهی تشکیل ایدیور . ایشه بوردلیل احتمالی درکه بزی دیگر امراض ساریه حقنده تدقیقاته سوق ایدر . نته کیم مقروبیولوژی ده بالجه کشفیات هب بو سایه ده وبو وادیده اجرا ایدیه یلمشدر . فقط یالکز بو مشابته نظرله قناعت ایدوبده بلاتدقیق - مثلاً : - ( قودوز علتکده مقروبی واردر ! ) دیمکه حقمز یوقدر . بو مثالی دکسه ده، ایضاحاتی ینه ( میل ) ویریور وبونده منطقون هب متفقدرلر .

(analogie de l'expérience) تعبری ده واردر؛ بوتکی مشهور(فانت Kant) ایجاد وضع ایتشدر که المناجیهی (Analogien der Erfahrung) دره . بز ، بونی ( ماثله تجریه ) دیه ترجمه ایدمیلیرز . بو تعبیرک ، ( تدریبون les empiristes ) فرقه سنه فارشی (عقلیون les rationalistes) دعواسیله علاقه سی واردر . بالجه معلومات بشریه نك تجریه محصولی اولدوغنی ادعا ایدن فیلسوفلره (تدریبون) دیرلر . قانت بونلرک شوادعاسنده برخطای اصلی کورویور وهردلو تجریه یه تقدم ایتهمی ضروری اولان برطاقم مبادی عقلیه مالک بولوندوغمره فاع اولویور که بوده ( عقلیون ) فرقه سنک دعوی مشهوریدر . [ بوتعبیراته باقیکز ! ]

فانت ، ( صرف مدرکه نك مبادیسندن بری l'un des principes de l'entendement pur. ) عد ایتدیکی بو ( ماثله تجریه ) یی ، بردستور شکنده عرض ایدیور : [ تجریه ، انحق مدرکاتمز آره سنده بر ( رابطه لازمه liaison nécessaire ) تصور ایتکله ممکندر . ] دیور!.. صوکره بوماثله ده اوچ ( قانون loi ) تعیین ایدیور : برنجیسی شودر : [ بالجه تبدلات حوادث آره سنده ، جوهر یعنی ماده باقیدر وطیبته مقدار نه آرتار ، نه ده نه کیلیر . ] قانتک [ بقای جوهر مبدای le principe de la permanence de la substance ] دیدیکی بودر وکیمیاده مشهور ( لاووازیه ) قانوننک عینی در . ایکنجیسی ده شو ! [ بالجه حادثات ، علاقه سیبیت قانوننه

موافقتله وقوعه کلیر . [ قانت بوکا { توالی ' حادثات مبدأی le principe de la succession des phénomènes ] دیور . اوچونجیسی ده شودر :  
 [ بوتون موجودات ، مکانه برابر بولونه رق ادراك اولوندقلری حیثیتله ،  
 علی العموم تأثیرات متقابله اوزره درلر . ] ایشته بوده قانتک [ معیت اشیا مبدأی  
 le principe de la simultanité des substances ] دیدیکی قانوندرد .  
 بو آلمان فیلسوف شهرینک ادعاسنجه ، بو اوچ قانون هر تجربه دن مقدمدر  
 و هر تجربه یی اداره ایدن باشلیجه شرط لر دند . بناء علیه محصول تجربه اوله مازلر .  
 آلمان فلاسفه مشهوره سندن ( لایب نیچ Leibnitz ) و ( وولف  
 Wolf ) ( analogon rationis ) تعیرینی قوللانشلر . بولاینجه ترکیبی  
 ( عقل منیل ) دیه ترجمه ایده بیلیرز . بزم عقل مزه نظیر اولان ( عقل حیوانی ) یی  
 بوا یکی فیلسوف بو ترکیب ایله یاد ایدیورلردی . یعنی حیوانانک عقلی بزم  
 کینک عینی دکل اما نظیری در ؛ دیمک اولور .

( organes analogues اعضای متماثله ) تعیری ده واردر ؛ علم حیات  
 اصطلاحات سندنرد . تشریحاً باشقه ، فقط خدمت و وظیفه اعتباریله متشابه اولان  
 اعضایی بو ترکیب ایله توصیف ایدرلر . بالقلرک غلصمه لری ایله بزم آق  
 جگر لر مز بوکا مثالدر . عینی خدمت تنفسی ایفا ایدرلر ، فقط باشقه درلو  
 تشکل ایتیش اعضا لدر . [ homologue کلمه سنه باقیکنز ! ]

( analogie ) تعیرینک برده الیهات وهله تفسیر بحثده اهمیت واردر .  
 قرون وسطاده اوروپانک ( مدرسه فیلسوفلری les philosophes scholastiques ) ،  
 ( analogie ) یی ایکی قسمه آیرمشلر و برینه ( مماثله  
 analogie propre ) دیکرینه ده ( مماثله مجازیه analogie  
 métaphorique ) دیمشلردی . برنجیسی ، شیمدییه قدر تعریف ایتیش  
 اولدوغم جنس مماثلهدر . ایکنجیسی بزم ، لسان بیانده ( استعاره ) دیدیکمز  
 شیدر . ایشته اصل الیهات و تفسیرده موضوع بحث و مناقشه اولان ( analogie )  
 بودر . نرق لسان اصطلاحنده بز بوکا ( متشابهات ) دیرزکه تماماً  
 ( les analogies ) ترجمه سی اوله بیلیر . معلومدرکه کتب مقدسه نك اسلوب  
 یانی اکثریا مجازی دره ، وغایت علوی و شاعرانه براسلوب نمونه سی تشکیل

ایدر . متن کتابده برچوق تشبیهات واستعارات ایله - اوامر ونوامی - تصریح اولونمشدر . نته کیم ( مثل ) دخی پک چوقدر . قرآن کریمده اسلوب اعتباریله ایکی نوع آیات جلیله واردر . برطاقی صریح و قطعی اوله رق اسلوب حقیقی اوزره وارد اولمشدر . بونلره ( آیات بینات ) دهنیلیر . دیگر برطاقی ده تشبیهی براسلوب ایله بیان بیورلمشدر که بونلره دخی ( متشابهات ) دهنیلیر؛ وبوکون اصطلاح اولان بوکله لر ، ذاتاً قرآن کریمک متن شریفدن آلمشدر . مثلاً [ قل ! . هو الله احد ] بر ( آیت یئنه ) در . [ يدالله فوق ایدیهیم ] بر ( آیت متشابهه ) در . زیرا جناب حقک ، الی واعضای اوله ماز . بو ، حقیقت الوهیهیه منافی برتصوورد . فقطه او ، انحقق برافاده تشبیهه در و ( يدالله ) دن مقصد ( قدرت الله ) دیمکدر .

تورات و انجیل شریفده دخی - بالطبع - بوکی تشبیهی افاده لر پک چوقدر ؛ وبو یوزدن هم عالم اسلامده ، همد خرستیان عالمده عینی مسائل ظهوره کلش وعینی صورتله مناقشهیی موجب اولمشدر . مشهور فیلسوفلردن ( بارقله Berkeley ) و ( وهیتله Whateley ) - که هر ایکسی ده رهبان صنفه منسوب والهپون خرستیانیه دن ایدیلر ! - بوکی متشابهاتی معنای لغویسی ایله تلقی ایتیملی در . اونلری ( تأویل ) ایدرک معنا ویرمیلی در ! ، دیورلر . هپ خرستیان الهپونی بوفکرده در . بزده ( اهل سنت ) تأویلدن قطعاً اجتناب ایدر . حالبوکه صوفیه و تکمیل باطنیه فرقه لری تأویل طرفداریدرلر . مع مافیله قرآن کریمده : [ متشابهاتک تأویلی انحقق جناب حق بیلیر . علمده راسخ اولانلر ، یالکزر آمنا دیرلر ! ] بیورلمش اولدوغی ایچون اهل سنت علماسی - تأدباً - تأویلدن اجتناب ایتشلردر .

اسکی یونانیلر اسلوب افادهده ( analogie ) تعیرینی - برحیثیت مخصوصه ایله - قوللانیرلردی . قواعد صرف ونحوه موافقت وشروطنه رعایتله یازلمش اولان برثری ( مشق modèle ) اتخاذایدرلر ومحررات سائرتهک مستحسن براسلوب ایله ممتاز اوله بیلیمه سی ایچون - اوکا ( نظیر ) اولماسنی مراد ایلرلردی . بزدهده کوزل برشعری شکلاً ومعناً تنظیر ایتک - اسلافده -



عادت اولمشدی. ( نظیره) تعمیری (analogie) نك شو خصوصی معناسنی بك  
اعلا افاده ایدر.

منطقده دخی ( analogue بر صورتده دوشو نك) تعمیری قوللا نلشدر.  
جزئیاتدن کلیاته ویاخود کلیاتدن جزئیاته انتقال ایتمك صورتیله واقع اولان  
بالجمله استدالات ( وتیره تفكر procédé de penser) اعتباریله بربرلرینه  
متشابه اولدوغی ایچون بوده برنوع (analogie) صایلمشدر. مثلا (قوندی  
یاق Condillac)، کله بی بومعنا ایله تلقی ایتمشدی که اصل معنای اصطلاحیسی  
بودکلدر.

[ مبحث معرفت épistémologie ] ده (analogie) اك مهم بر مسئله  
فلسفیه ایله علا دارد. ( علم connaissance) ك اساسلری ( وجدانیات  
faits de conscience) در. ذوق و الم حس ایتمك کبی ! حالبوکه بونلر  
صرف شخصی طویغولردر. دیگر انسانلر ایچون بئم طویغولرم (ما به الاحتجاج)  
اوله ماز. یعنی بر دلیل اوله ماز. حالبوکه بز، دائما دیگر انسانلر ك بزم کبی  
ذوق و الم حس ایتدکلرینه حکم ایده بیلورز. یوقسه معاملات بین البشریه  
ممکن اوله مازدی. بوضورتله حکم ایدیشمزده نقطه استنادنه ده؛ .. (احوال  
متائله états analogues) دکلی؛ .. بن، برصانجی حس ایتدبکم زمان،  
نصل قیورانیور و فریاد ایدیورسه؛ عیبی صورتله قیورانوب فریاد ایدن  
برکیمسه بی کورونجه، شوال عذابندن استدلال ایدیورم که صانجی سی واردر.  
بو ( تمثیل ایله استدلال ) دن باشقه برشی دکلدر. اکر بو طرز استدلالك  
برقیمت منطقیه سی یوق ایسه، یقین افاده ایدمه مك لازم کلیدورسه، بئم  
هپ کوروم احوال دخی، آنجق احتمالیاتدن عبارت اولمق لازم کله جك؛ ...  
اوحالده هر سیدن شبهه دوشمکده حقم اوله جق ! ..

ایشته بوده ( نظریه معرفت théorie de la connaissance ) بحثنده  
اك مهم بر مسئله فلسفیه در. بو کله نك نه قدر مهم شیلرله علاقه سی اولدوغی  
کوسترمك ایچون بو قدر ایضاحات کفایت ایدر. [ تکمیل کلمات اصطلاحیه به  
وعلى الخصوص probabilisme کله سنه باقیکنز ! ]

Analyse

تحلیل Analyse

Analyse

آلایجه

Analysis

انکلیزجه

Analisi

ایتالیایجه

اصلی یونانی در. (آنالیزیسیس = ἀνάλυσις)، (ἀνά + λύειν) دن  
کلیرکه لغت معناسی، (چوزمک)؛ طوبلو برشینئ، (آیمرق)؛ (مرکب  
برشینئ عناصرینه) ارجاع یتک دیمکدر. بونک عکسی (synthèse) درکه  
اودخی یونانی لساننده (سین نه سیس = σύνθεσις) لفظدن هان عیناً  
نقل اولونمشدر. اصل معناسی (بر آره کتیرمک) دیمک اولور. (συν-τίθημι)  
ذاتاً (برلشدیرمک) در.

اسکی یونانیلر بوکلهی اصطلاح اوله رق - بک چوق زماندنبری ! -  
قوللانیورلردی؛ فقط براز باشقه معنا ایله تلقی ایدیورلردی؛ و بوبالحاصه  
ریاضیاتده بر (اصول استدلال méthode de raisonnement) ک اسمی  
ایدی که بونده مقصد، مسائل موضوعه یی یاواش یاواش چوزوب (!؟) ده  
بسیط برشکله افراغ ایتک و صوکره معلوم اولان قواعد عادیه یاردیمله  
(حل !؟) ایله مکدر. اکلاشیلیورکه اسکی یونان ریاضیوننک بوکلهی ویردیکی  
خصوصی معنا ایله، بوکون علی العموم فیلسوفلرک و علمانک بولفظدن  
اکلادقلری مضمون آره سنده کی فرق (حل) ایله (تحلیل) فرقیدر.  
شایان دقدرکه بزم لسان ریاضیه زده حالا (حل) تعبیری قوللانیرز. بزه  
ویرلمش اولان بر مسئله یی حل ایتک ایچون ده اولاً بسیط برحاله ارجاع ایتمکه  
چالیشیرز. زیرا هر مسئله - آرزوق - (معضل complexe) در. اونده کی  
مجهولی معلوم فرض ایدرک (معادله équation) یه ادخال ایله دکدن صوکره  
نسب عددیه دلالتیله اونک - نهایت - قیمت اضافیه سنی استخراج و تعیین  
ایلرز. بوضورتله مسئله حل ایدلمش اولور. خصوصاً (الحوارزمی algorithmique)  
(بوتعبیره باقکز!) اصولی سایه سنده (یعنی مقادیر کمیّه یی بر داقم حروفات  
واشارات مخصوصه ایله تمثیل ایتک سایه سنده) مجهولات مسائلی، مقادیر  
معلومه کبی اداره ایدرک تعینی مطلوب اولان قیمت (س)، (ع) دیرز؛

بایدیکمز اعمال اربعه ایله معاملات حسابیه کیریشوب او (س)ك و (ع)ك قیمت نسیه سنی بولورز که مطلوب دخی بودر. و یا خود ( برهندسه دعوا سنك اثباتنده اولدوغی کبی ؛ ) اثباتی مطلوب اولان او دعوا نك ( ط-وغرو و صحیح vrai ) اولدوغی - اول امرده - فرض ایدرز. صوکره، طوغرو فرض ایتدیکمز اودعوا یه سند اوله بیله جك دهها عمومی ودها بسیط دعوالره، واونلردنده ( عینی منوال اوزره ) (متعارفه axiome) لره قدر واریرز؛ یعنی مبادی یه قدر کیدرز . شوصورتله، اول امرده صحیح فرض ایتدیکمز دعوا یی جوزه، جوزه اك بسیط و عموماً مسلم متعارفه لره قدر ارجاع ایتش اولورز و آرده کی سلسله منطقیه تعقیب ایدرك کیدرز . ایشه بردعوا یی ( حل ) ایتك بودیمکدر . وبومئاده ( حل ) ، یونان قدیم ریاضیوننك (analyse) دیدیکی اصول استدلالدر . بونك مقابله - قدما اصطلاحنده - (آبوذیق سیس = ἀποδείξις = démonstration) ایدی . اصل ( اثبات ) تعیری بوکله نك معادلی در. واقعا بزده لاعلی تعیین هرایکی اصوله دخی اثبات دهنیله ککشددر . فقط قدیم یونان ریاضیوننك لسان اصطلاحیسنجه ( حل = analyse ) ایله ( اثبات démonstration ) اصولاً یکریکرینك ضد مقابلی اولوق اوزره قبول اولونمش برر طرز استدلال ایدی . برنجیسی (مجهول l'inconnu) دن (معلوم le connu) ده، دیکری ایسه معلومدن مجهوله توجه ایدرك استدلال ایتك بولی ایدی . لاتینلر دخی بومعناری - بویه عیناً - تلقی ایدرك برنجیسنه (résolutio)، ایکنجیسنه ( démonstratio ) دیمشلردی .

اك اول (analyse) ایله (synthèse) کله لرخی متقابلاً استعمال ایتش اولان ذات، ( فلاسفه مشائیون les phil. péripatéticiens ) ك اك معروفی وارسطونك اك مشهور (مفسر commentateur) ی (آلکساندر Alexandre d'Aphrodisias) در. ایکنجی عصر میلادی ده شهرت آمش و او چونجی عصر ك اوائلی ده ادراك ایتشدی . حالبوکه ارسطو، (analyse) مقابله (synthèse) کله سنی هیچ قولاننامشدی . مع مافیه آلکساندر دخی بوکله لری بوکونکی فلسفی معناریله دکل ، ینه اسکی ریاضی معناریله استعمال ایتشددر .

چونکه: (synthèse) مبادی دن نتایج انتقال ایتکدر؛ analyse او مبادی به رجوع در . دیور . نتیجه شواولویورکه بوآدم (synthèse) کله سنی (analyse) مقابله سنده قوللا تمقله تشهیر اتمش و (apodixis) لفظی اونودور مشدر . بونکه برابر (apodictique) لفظی منطق ده ینه اصطلاح اوله رق باقی قالمشدر [ بولکله به باقیکنز ! ]

فیلسوف مجتدد ریاضی مشهور (ده قارت Descartes) ریاضیون یونانیه نك (آلی یاس = ἀλγεβρα یعنی حل) دیدیکی اصولی علم جبر ایله قیاس ایدوب ایکسینی بربرینه بکزمش اولدوغی ایچون (analyse) تمیرینی اسکی ریاضی معناسیله قوللا تمشدر . اونك ایچوندرکه بوکون ، اصطلاحده (analyse mathématique) ده نیلنجه بعضاً علی العموم (علم جبر l'algèbre) الکلاسیلیر . بعضاً ده یالکنز (جبر اعلا l'algèbre supérieure) یعنی : (calcul des fonctions و calcul infinitésimal) الکلاسیلیر . بومعنای ده قارتك تأثیرینه حل ایتك یا ککش اولماز (بوخصوصده تفصیلات ایچون قاموسك ریاضی قسمنه باقیکنز ! )

بوتعبیر ایتك ، بوکون اك زیاده معروف، رایج و معتبر اولان معناسنه کلنجه ده اکنیشدر . مرکب برشیئی عناصر اصلیه سنه ارجاع ایتك صورتیله «تحلیل ایتك» ، (analyse) در . بونك ضدی (ترکیب = synthèse) درکه (عناصر مشکله éléments constitutifs) سنی طوبلایوب تألیف ایتك صورتیله ، برشیئی ، وجوده کتیر مکدن عبارت اوله بیلیر .

تحلیل و ترکیب (اصول عمومیه méthode général) دندر . بلااستنا هر فیلسوف ، هر عالم بوکا مراجعت ایدر . اکر (فعلی و حقیقی pratique et réelle) اولورسه ، (غیر متجانس hétérogène) برکلهچی بیـ صحیحـاـ (عناصر متجانسه éléments homogènes) سنه آیرمق دیمك اولور . مثلاً (تحلیل کیمیوی anal. chimique) ده اولدوغی کبی : صوبی (مولدالمخوضه oxigène) ایله ، (مولدالماء hydrogène) یه؛ هوایی (آزوت azote) ایله (مولدالمخوضه) یه مالفعل آیرمق، بوقیلدندر . بودرلو تحلیل، (کمی quantitative) اولور اکر ، عناصرك مقادیر نسبییه سی تعین

اولونورسه: برخسته نك ادرارنده (شكر)ك، ياخود (آلبومين albumine)ك  
مقادير نسبيه سنى (عدداً) بيان ايدوبده (يوزده شوقدر غرام آلبومين  
واردرد!) ديمك كې!... (كيفى qualitative) اولور!اكر يالكتر عناصرك  
جنسنى بيان ايله اكتفا ايديليرسه! مثلاً: [خسته نك ادرارنده شكر يوق فقط  
آلبومين وار!..] ديمك كې!...

(تركيب كيميوى synthèse chimique) بونك ضديدر. مثلاً برحجم  
مولدالموضه ايله ايكي حجم مولدالمادن (صو) حاصل ايتمك كې!... كيمياده  
اصول تركيب، بوصول زمانلرده فوق العاده ترقى ايتمش وچوق محصولات  
عضويه بيله وجوده كتيريله بيلمشدر.

لكن، هرشنى حقدده وهرخصوصده تحليل حقيق وفعلى اجراسى ممكن  
دكلدر. مثلاً، (املاح كيميويه sels chimiques) ويا طبعيه دن برينى  
عناصرينه آيپرديغمز كې، ده ميرك سرتلكنى، رنكنى وساىراوصاف و كيفياتى،  
اوده ميرك (ماده matière) سندن بالفعل آييره مايز؛ نته كيم، بر انسانى ده  
اخلاق و حسياتندن بالفعل آييره مايز. مع مافيه، بر جسمده انحق مجتمعاً  
و (مشخصاً = concrètement) موجود بولونه بيان درلو درلو خواص  
و كيفياتدن، انحق برينى وياخود بر نوعى منحصرأ تتبع و ماهيتى تحقيق ايتمك  
مجبوريتنده بولونديوغمز چوق اولور. اووقت، او كيفيتى - هر نه ايسه! -  
خواص ساىره دن ذهنأ آييرير وانحق اونى مطالعه ايدرزه. مثلاً هندسه يالكتر  
اجسامك اشكال منظمه سنى نظر مطالعه يه آله رق آرملرنده كى (نسب مختلفه  
proportions diverses) يى تقدير ايدر بر علم مخصوصدر. اشكالدن  
و مساحه لرندن بحث ايدر كن، هيچ ماده لرينى نظر دفته آماز. حالوكه  
ماده سز بر شكلك وجودينى دوشونمك ممتنع در، شكللى ماده دن آييرمقده  
عينى درجه ده مستحيلدر. ايشته بويله - ذهنأ - ياپيلان بر تحليله (تحليل  
منطقى analyse logique) ديرلر كه، بوده (تجريد abstraction) دن  
باشقه برشى دكلدر. (بو تعبيره باقكنز!) تحليل منطقى ده آلت، (مشاهده  
l'observation) ايله (تجربه l'expérience) در. (تركيب منطقى  
synthèse logique) انحق (تعريف définition) و (تصنيف

classification صورتیه اولور ؛ چونکه بوصورتیه بر جوق افراد ، بر وصف مشترك ایله ترکیب و بر صنفه ادخال ایدلمش بولونور . ( بوتعیرلره دخی باقیکر ! )

منطقده ( قیاس déduction ) دیه معروف اولان طرز استدلال ( ترکیب ) . مستند ، ( استقرا induction ) ده ( تحلیل ) . مستند عد ایدلمشدر . فقط بونی بک طوغرو کورمه یترلر وارددر ، وحقلی درلر . ( تحلیل روحی analyse psychologique ) دیمک یا لکزر ( مراقبه introspection ) ، یعنی کندی وجدانه باقق وحالات وجدانیه سنی عناصر ابتدائیه سنه ارجاع ایله مکدر .

( synthèse ) و ، - صفت اوله رق - ( synthétique ) کله لری بعضاً بویوک فلسفه سیستم لری حقیقه قوللانیلیر که ( مابعدالطبیعیات la métaphysique ) دن ماعدا روح ، طبیعیات ، اخلاقیات ، سیاسیات واجتماعیات فلسفه لرینده شامل اولمق اوزره هم آهنگ بر فلسفه شامله نمونه سیدر . ارسطونک ، قانتک ، سپنسرک فلسفه لری بوکا مثال اولور . بو مکمل سیستم لره ( les grandes synthèses ) ده نیلیر .

( méthode analytique ) و ( méth. synthétique ) ک نه دیمک اوله جفی ، شیمدی یه قدر ویریلن تعریفادن آکلاشلمش اولسه کرکدر . ( مع مافیه فضله تفصیلات ایچون ( méthode ) لفظه باقیکر ! )

( Esprit d'analyse ) ، ( esprit de synthèse ) ترکیلری ده لسان اصطلاحده چوق کچر تعیراتدندر . برنجیسی ، بزم اسکی مؤلفینمزک ( نظر دقیق ) دیدیکی ، ایکنجیسی دخی ( نظر حکیم ) تسمیه ایله دیکی استعداددر . ( صحت مشاهده exactitude d'observation ) ، ( نفوذ نظر pénétration de vue ) ، ( جزئیات امور ایله تقید soin des détails ) ، نظر دقیق ایچون لابد اولان اوصاف ممتازدر . بوقابلیاتی حائر اولان برزکا ، حادثات طبیعی نی تحلیل ایدوب عناصرینه آیره بیلمک ایچون بک لازمدر . بناء علیه بر ( عالم savant ) ایچون الزم اولان بودرلو ذکادر . ( فاراده Faraday ) ، ( کوویه Cuvier ) ، ( داروین Darwin ) کبی ! ...

نظر حکیم ایچون یالکزر بوقابلیت کفایت ایتمز . ( استدلالات مجرد

و روابط خفیه‌ی کشف ایده‌بیلیمك خصوصند فطری بر فطانت ؛ اختلافات کثرتده بر نظام وحدت بوله‌بیلیمك قدر احاطه نظر ؛ اسباب وقوعاته سرعت انتقال کبی قابلیت ردخی لازمدرک (esprit de synthèse) تحقق ایده‌بیلیمك ! آکلاشیلیمورکه علمه (esprit d'analyse) کافی در . فیلسوف اولمق ایچون اوتنه کبی قابلیت لک انضامی دخی لازمدر . [ ارسطو ؛ ابن سینا ؛ فخرالدین رازی ؛ ملا صدرا ؛ ده قارت ؛ لایب‌نیچ ؛ قانت ؛ قونت ؛ میل ؛ سمنسر ، بوقابلیمك هر ایکی درلوسنده - مستننا بر درجه‌ده ! - مالک اولان نوادر دهاندندر . ]

( قانت Kant ) لک لسان فلسفی سنده ( حکم تحلیلی jugement analytique ) و ( حکم ترکیبی jug. synthétique ) تعیرلری واردرکه ، مشهور اولمشدر . بوذات ، منطق مباحثنده بوتعیرانی ایجاد و وضع ایتش ، قضیه‌لری بوفرکه کوره ایکیه آیرمشددر . بر قضیه‌ده ماهیت محمول ، ذاتاً ، موضوعك مفهومنده داخل ایسه ، بویه‌سه ( قانت ) ، ( قضیه تحلیلی proposition analytique ) دییور . مثلاً : ( هر جسم ، ابعاد ثلثه‌ی حائزدر . ) قضیه‌سی بوقیلدندر . زیرا ، بوراده قضیه‌ك موضوعی اولان ( جسم ) ذاتاً محمولك مفهومی ، ( یعنی ابعاد ثلثه‌ی حائز اولمق قابلیت ! ) نی متضمندر . چونکه ابعاد ثلثه‌ی حائز اولمایان بر جسم تصویری ، ذاتاً ممکن دکلدر . شوقدیرجه : ( محمول predikat ) ، ( موضوع sujet ) لک مناسنه بر شی علاوه ایتش اولمیور . اولسه اولسه ، موضوع قضیه‌ك ماهیتنی تفسیراً تعریف ایدیور دیمکدر . چونکه [ جسم نهدر ؟ ] ده‌نیلسه [ ابعاد ثلثه‌ی حائز اولان شی در ! ] دیمکدن باشقه جواب منطقی یوقدر . اوحالده بوکبی قضیه‌لر موضوع حقنده معلوماً تمزی آرتدیرماز . بزه فضله‌برشیلر اوکره‌ته‌مز . چونکه [ جسم ، جسمدر . ] دیمکه چیقار . اولنک ایچون قانتك ( قضایای تحلیلیه ) دیدیکی بودر لوقضیه‌لر ( قضایای عینیه propositions identiques ) دن باشقه برشی اولمادینی ادعا اولونمشدر . [ ب ] ، [ ب ] در ! . کبی !

( قضایای ترکیبی propositions synthétiques ) هـ کلتجه، بونلرده صمت کاشفه، محمول ایله موضوعه— حقیقتاً— برشی حمل ایدهلر سیدر. (هر جسم ثقیل در ! ) قضیه سنده اولدوغی کی ! بوراده آعیرلق، مطلقاً جسمک تصور ماهیتده داخل بر کیفیت دکلدر. بناء علیه بز، ج می دوسونونجه، بالضروره ثقلتی ده برابر دوشونمکه مجبور اولمایز. دیمک اولورکه، ( جسم، ثقلی حائر در ! قضیه سی، جسمه ثقلت کیفیتنی حمل ایتمکله، بزه یکی برنی اوک تمش اولویور. ایشته قضیه نک ترکیبی اولماسی بوراده در. بوندن شوده آکلاشیلیورکه بویکنجی نوع قضیه لرك همه حال تجربه ایله مناسبتی اولوق لازم کلیر. چونکه موضوعک تصور ماهیتده داخل اولمایان (مخولات les prédicables)، آنحق بالتجربه تحقیق ایدوب اوکره نه یله جکمز کیفیادر. حالوکه قضایای تحلیله صرف معقولاته مستددر؛ حتی اونلردن عبارتدر.

بوملاحظه دنده آکلاشیلیورکه قانتک شو تعییراتی، اکثر منطقونک (قضایای عقلیه) و (قضایای حسیه) سندن باشقه برشی اولماق لازمکله جک !...

( proposition لفظه باقیکنز !... تفصیلات خصوصیه واردر ! )

شو تقدیرجه بوقضیه لرك برنجیسی (قبلی apriorique) در. ایکنجیسی (بعدی aposteriorique) در. (بوتعییراتهده باقیکنز ! )

مع مافیه (قانت)، قبلی بر طاقم قضایای ترکیبی اولوب اوله مایه جفی تحقیق ایچون دوشونمش و ریاضیاتده، بوبله: هم ترکیبی، همد قبلی (یعنی غیر تجربی) قضیه لر بولمشدر. (propositions synthétiques apriori) دیدیکی بونلردر. بومسئله جدی مناقشه لر آچشدر. (apriori یه باقیکنز ! )

(les analytiques) تعییری ایچون بولکله یه آریجه باقیکنز ! ) (analyse grammaticale)، جل کلامیه یی عناصرینه آیرمق و شو کله اسمدر؛ بوفعل، بوصفتدر. الی آخره !... دیه جمله لری الفاظه ارجاع ایتمکدن عبارتدر.

## تحلیلیات متعالیه

Analytique  
transcenden-  
dentale

## Analytique transcendente

بوتعییری (قانت Kant) وضع ایتمشدر. بو آلمان فیلسوف مجددی،



افكار مزده ( قبلی apriorique ) بر طاقم ( مبادی اساسیه principes fondamentaux ) اولدوغنه اينانديني ايجون ، ( يعنى مبادی معلوما تمزدن بر مهم قسمتك تجربه به سبق ايتديكنى و بناء عليه قبل التجربى اولدوغنى قبول ايتديكى جهته !!! ) ، ( منطق صورى la logique formelle ) نك مباديسنه تعلق ايدن قسم فلسفى به : ( منطق متعالى la logique transcendante ) ديمشدى و تكرار بونى ايكي به تقسيم ايدرك برنجى قسمته ( تحليليات analytique ) ايكنجيسنه دخى : ( مناظرات متعاليه dialectique transcendante ) ناملرني و يرمشدى . برنجى قسم تجربه به مفتقر اوليه رق بعضى معلومات حاصل ايدم ييلمك خصوصنده كى قابليت مزي تحليل ، واو جنس دن اولان معلوما تمزى ( تصورات و مفهومات concepts ) ه يعنى ، عناصرينه ارجاع ايتمكه مشغول اولان شعبه علميه ايدى . ايشته قانتك ( analytique transcendante ) ديديكى بودر . ايكنجى قسم دخى بو عناصرى تركيب ايتك يولنى كوسترير . منطق ده بو ترتيب ، ارسطونكدر .

حالبو كه تعيرك ايلك موجدى و واضعى بك معلوم دكلدر . شو اسى محققدر كه ( تحليليات les analytiques = τὰ Ἀναλυτικά ) كلهسى طيب مشهور ( جالينوس Galien ) زماننده ، يعنى ايكنجى عر ميلادنده ايجاد اولونمش و تاسس ايتمشدر . ارسطونك ( ارغنون Organon ) ناميله مشهور عالم اولان منطق كتابتك ، ايلك ايكي قسم مستقلنه بو تعير تخصيص ايديله رك برنجى كتاه : ( les premiers analytiques ) ، ايكنجيسنده ( les derniers analytiques ) ده نيلمشدى . برنجيسى ( قياس syllogisme ) ك ( اشكال و ضروب formes et modes ) مختلفه سنى ، - اك بسيط عناصرينه ارجاع ايدم ييلمك ايجون - اونلرى تحليل ( ؛ ) ايتك يولنى كوسترير . ايكنجيسى ( اقامه برهان argumentation ) واستدلال قواعدندن بحث ايدر . بوايكى كتابك بكديكريله بك اوقدر مناسبى يوقدر . ايشته ، منطق بحثنده ( les analytiques ) ده نيلنجه ( كتاب ارغنون ) ك بوايلك ايكي جزئى اكلاشيلير . [ تعيراته باقكز ! ]

اصلی یونانی در (a) ادات نمی (archée αρχή) مبدأ ، باش معناسنه کلیر. بناءً علیه لغت معناسيله باشمز یعنی انتظامسز اطرادسز، قارمه قاریشوق بر حال دیمکدر . او حالده کړک (عضوی organique) اولسون ، کرکسه (فوق‌العضوی superorganique) یعنی (اجتماعی social) اولسون قارغه‌شه‌لغه، ترتیسزلمکه (حالت فوضا état anarchique) ده‌نیر. بو حالت ، ناظم اداره ومبدأ حیات اولان جامعه کیه ورابطه عمومیه‌نک انحلالی ویاخود بوسبوتون اضمحلالی سبيله وقوعه کله‌بیلدیکي کي ، هنوز ترتیبات وتشکیلاته نائل اوله‌مامش ، یعنی لایقيله (تعضی ائمه‌مش non organisée) بر کتله عضویه ویا اجتماعیه‌ده دخی - طبیعی ضروری اوله‌رق - موجود بولونه‌بیلیرکه بوتقدیرده افعال عضویه ووظایف اجتماعیه آری آری یکدیگری نقض وتأثیرلرینی افشا ایده‌جک صورتده وقوعه کلیر. شوندن آ کلاشیلورکه حالت فوضا ، هر هانکی بر کتله عضویه واجتماعیه‌نی، (یکپاره برووجود) شکلی آله‌بیلیمکدن منع‌ایدن آهنگسزلك درکه او کتله‌نک عناصرینی یکدیگرینه ، متقابل علاقه‌لره ، باغلی طوتان جامعه کیه‌نک اضمحلال وانحلالدن ویاخود هنوز موجود اولماسندن ایلری کلیر. بو جامعه کیه ایستر (دین) اولسون ؛ ایستر (حکومت) اولسون ؛ ایسترسه بر دستور اعتقاد ویا بر مبدأ عرف وعادت اولسون ؛ ایسترسه - مکمل بر جسم عضویه‌ده اولدینی کي - اعضای بدن آره‌سنده (تداون ایله تقسیم اعمالک توازنندن منبعث ؛) بر آهنگ اولسون!.. بویه بر مبدأک یوق اولماسيله، کتله عضویه واجتماعیه - عناصر اصلیه‌سه آریله‌حق قدر- انحلال ایدرک بر (حالت فوضا état d'anarchie) تولید ایدر؛ بالتئیجه حیات شخصیه واجتماعیه‌نک شیرازه انتظامی بوزولور .

آ کلاشیلورکه - هانکی بر سبيله اولورسه اولسون ! - انفراد رجوع ایدرک حیات اجتماعیه‌نک لوازمسندن اولان (قیود وتکالیف متقابله) دن آزاده یاشایه‌بیلیمک میل وآرزوسی ، صوک درجه شده واریرسه (حالت

اجتماعیه (état social) ممکن اولاماز . چونکه بوسبوتون انفراد اوزره یاسایان افرادک بر جماعت صورتنده تشکلی ممکن اوله مار ؛ و بناءً علیه ، (عضویت اجتماعیه organisme social) نك و (جماعت) حیاتنك افراده تأمین ایتدیکي فوائد و منافع متقابله به - بوسبوتون انفراد حالنده یاشادجه؟! - ساحه امکان بولونه میه جغندن ، تعاون و تقسیم اعمال سایه سنده حاصل اولان بونجه ترقیات مدنیه دخی - بو حالده - وجوده کله مز . اونك ایچوندرکه (حالت فوضا) ، مضر انسانیت ، بر مانعه مدنیت اوله رقی تلقی ایدلمشدر . بو کلمه نك صرف سیاسی معناسی لکه له یین ملاحظه بودر .

حکومت ، دین ، عادت ، افراد جماعتی - طوعاً اولسون ، کرهأ اولسون ! . - مجتمع طوتار و جماعت بشری یکناره بر عضویت شکل و حالنده محافظه ایدر برر (قوت ناظمه force régulatrice) در . بو حیثیت و بو نیتله درکه افراد جماعتک - مشروع اولان خدمعروف و معینی آشماق شرطیه !؟ - حریت حرکتی تحدیده ساعدر . اونك ایچوندرکه هر حکومت ، افرادک حریت مطلقه دعواسی بر (anarchiste) دعواسی اولمق اوزره تلقی ایتمش و بو آوازه حریتی - هر وسیله ایله - بو غغه چالیشمشد . دور اخیرک تاریخ سیاسی سی اثبات ایدیورکه ، فی الحقیقه ، آنارشیتلک دعواسی ، حکومت علیه حریت مطلقه دعواسندن چیقمشدر . اوندن دوغمشدر .

(Godwin) نام مؤلف سیاسی ، (۱۷۹۳) ده یازمش بولوندوغی (عدالت سیاسی ، یعنی حقوق سیاسی = Political Justice) عنوانی کتاب مشهورنده ادعا ایدوب کوستریورکه صولک دور مدیتده بعض متفکرین (حکومت سیاسی نك ، بو حشین و حویراط (! brute) ما کنه نك انحلالی لزومنی) (ترقیات سیاسی ده کعبه مقصود the goal of political progress) بیلمشدر ، و حکومت سیاسی نك [اخلاق انسانیت ایچون دائمی و توکنمز بر منع فساد perennial spring of the vices of mankind] اولدوغنی ادعا ایتمشلوردر بناءً علیه اک مضر و اختلال لکارانه آنارشیتلکک مبدأ فلسفی سی بو ادعا اولمشدر .

اون طوقورنجی عصر میلادیده خبلی دن حبلی ترقی ایدوب نشوونما بولان آنارشیسٹلک اعتقادنده مشهور (پرودون Proudhon) (۱۸۶۵-۱۸۰۹) ک محرراتی مسئول طوتویورلر . ذکات و حسبات اعتباریله بختیارطوعمش، فقط - کندیسنه مهد نشأت اولان شرائط اجتماعیته سفا اندنناتی - محرومیتلرایچنده اذیتله یا شایوب یتیمش اولان بو ذات، کنگلکنده برائر یازمشدی؛ اوند: ( ملک ندر ؟ Qu'est ce que la propriété ) [ سؤالی وضع ایدیور، وبوکا ( ملک خیر سزاقدر ! La propriété c'est le vol ) ديه جواب ویره رک، بو عرب و فسطی مدعای ايله تفصیلیله ايله اثباته جالیشوردی. بو کتاب، فی الحقیقه چوق جاهل کیمسه لری اضلال ایتشد. فقط بو آتشین محررک اک مشهور اثری [ فلسفه سطات la philosophie de la misère ] عنوانیله یازدی کتابد. بونده مؤلفک بویوک بر حس انسانیت ابرار ایتدیکنده شیه یوقدر؛ مسسوب اولدووی صیف اسافلک حال سقاتنه درین بر مرحمتله انفاذ نظر ایتدیکنده ده ترده محل فلدور . معافیله، اصل بو کبابنده ( پرودون ) ک افکار مخصوصه سی وضوح و صراحتله تجلی ایدیور : ( بی حدود و بی مانعه بر حربت شخصیة une liberté individuelle sans limite et sans contrainte ) سؤالی ايله آنارشیسٹلک مناسبت اساسیه سی طاهر اولویور؛ حتی ( سوسیالیست socialistes ) لرله اک مهم فرقیده بورادن آکلاشلیور؛ پرودون سقات اجتماعیته اک مهم و اساسلی سبب اولمق اوزره، سرمایه دارلرک واریات ثروتک قوت . امتیازات اجتماعیته سی کوسنریورکه بو ادعاه سوسیالیستلر تماماً کندیسيله برابرر . فقط بو سقات اجتماعیته اک اصلاح و ازاله سی مسئله سنده پرودون سوسیالیستلردن تماماً آیریلور؛ حتی اولرک شدتله غیظی نفرتی دعوت ایدمک صورتده بیان ملاحظه ایدیور : [ بو حالی اصلاح و ازاله ایتک، حکومتک افراد جماعت اورزند حق مراقه و تسلطی آرتره قله دکل، افراد جماعته بی حدود و بی موانع بر حربت شخصیته بأمینه جاشمغله اولور . بونک ایچون .ه ( ساطه حکومت l'autorité du gouvernement ) محو ایدلملی در ایدیور. ایشنه اصل بو ادعاه سوسیالیستلر

شدت و غیض ایله معارض بولونوبورلر ؛ چونكه (socialisme d'état) نك دعوا-ی ، سفالت اجتماعی یی ازاله ایچون سلاطه حكومتی تقویه ایتكدر .  
یعن ( پرودون ) ادعاسنك تماماً ضدیدر . اونك ایچون دركه آلمان سوسیال-  
لیزمك پیری صاییلان مشهور موسوی ( قارل مارقس Karl Marx )  
( پرودون ) نك ( فلسفه سفالت ) نامنده کی اثرینی تزییف و تنقید خرصیله  
( سفالت فلسفه La misère de la philosophie ) عنوانلی اثرنی یازمشدی .

شخص ایچون حریت مطلقه دعواسنی فلسفی بر شكله افراغ ایله تعلیم  
ایله بن، اصل ( قاسپار شمید Caspar Schmidt ) نامنده بر مکتب خواجه سیدر .  
( ۱۸۵۶-۱۸۰۶ ) . بولمان محررینك مطبوعات عالمده اسمی ( ماقس ستیرنر  
Max Stirner ) دیه شایع اولمش بولوندوغی ایچون تاریخ فلسفه ده دخی  
بوكاذب اسم ایله شهرتشعار اولمشدر .

( پرودون ) ، فلسفه سفالتی یازدینی سنه قاسپار شمید دخی [ فرد  
اجتماعی و اونك مالی ، ملكی . L'individu et sa propriété ] عنوانیله  
مشهور اثرنی یازمشدی . كندیسنك برایش آدمی اولمایوب چوق دوشونمكله  
سر مست خیال اولمش بر متفكر اولدوغی ، محرراتندن اكلاشیلیور .

( ماقس ستیرنر ) ، شخص ایچون حریت مطلقه ادعا ایتمش ؛ فقط ،  
دین، كبی ؛ انسانیت كبی ؛ حكومت كبی ؛ مؤسسا - كبی ؛ حریت شخصی یی  
بالضروره تقیده ساعی اولان ( قوای ناظمه و حافظه forces régulatrices  
et conservatrices ) یی، شدتله رد وانكاره وارمش ، وبوکی شیلرك هیسچ  
برینه رعایت ایتهمك لزومی تئیه ایله مشدر . لکن ، حقوق بشریه نك  
منشأی ومنبعی اولق اوزره اوتهدنبری ( حالت اجتماعی ) اصل ومبدأ اوله رق  
تعلیم ایدیله كلدیكندن وبوتعلیمات ، مؤسسات مدنیه و سیاسیة ومعنوییه یی بالخاصه  
حالت اجتماعی نك ضرورات ولوازم طبیعیه سندن كوستر دیکندن ، هر كس  
بومؤسساتك - قدسینه اعتقاد ایتمه بیله ... - مشروعیته اینانیور و حكومه ،  
دینه ، عرف وعادته رعایتله یاشامنی وظائف اجتماعی نك اقدامی واهمی عد  
ایدیوردی !! .

ایشته [ ماقس ستیرز ] ، اصل بومهم نقطه یه ، (وظائف اجتماعیه ده اسالاس اولان بو عتقاده ) شدله اوریور . و :

( هر درلو حق و احوقوک سند مشروعتی ، بن ، یالکیز کندمدن استخراج واستنباط ایدیورم ! دنیاده هر نه تلق ایتک ، هر نه یامق قدرنه مالک اوله رق یارادلمش ایسم ، اونی آلق و اونی یامق حق و صلاحیتی ایله ده طوعشم ! حقووک منشأی ومنبعی بنده در ؛ خارجه دکل .. ) [ دیور ؛ و بونی کال صلاحیت و قوتله ده یه بیلمک ایچون فکر الوهیت و انسانیتی ، دینی ، جماعتی ، عرف و عادت و ( بالطبع ! ) مشروعت حکومتی انکار ایدیور .

بوافکار مفرطه سنه ، و اولنری فلسفی بر صورتده ( یعنی اصولی بر صورتده ! ) نشر و تعلیم ایتمش اولماسنه رغماً بویوموشاق حویلی مکتب خواجه سنک ، جمعیت بشریه ضرری طوقونماشدر . چونکه بوسبوتون خیالی اولان بوملاحظات فلسفیه بی اسافل ناس بيله قبوله میال کورونمه مشدر .

بوکی فکر لرلی ، مدهش و مخرب مدنیت بر اختلال عمومینک ترتیبی امرنده قوللانان آدم ، اصل [ میخائیل باقونین Michaël Bakounine ] درکه روس زادکانندن اردوده یتشمش بر ضابط ایدی . بلکه اون کره اعدامه محکوم اولوب قورتولمش ؛ نهایت سیر یاه سورولمش و او ، بوزلی جولاردن - یایان یورویه رک ! .. امر یاه قاجش و آتشین خطابتله ، دیوکی وجود یله هر کسی ، مقصدینه آلت ایدوب سور و کله مش ؛ شقا غوده قوتلی بر آتارشیست جمعیتی تأسیس ایدوب عظیم و قاتلی بر اختلاله سبیت ویرمش ؛ سوکره فرانسه یه کچوب عینی تأسیساته موفق اولمش و عینی زمانده [ ۱۸۷۱ قومون Communes اختلالی ) فی تشویق و اداره ایتمش ؛ دها سوکره اسویجره یه کچورک اوراده بر ( آتارشیست مرکز اداره سی ) وجوده کتیرمش ، و آتارشیسمی ( بین الملل international ) بر شکه صوفق ایچون حوق اوغراشمش اولان بو خارق العاده آدم ؛ برخارق العاده جانواردی که انسانیت و مدنیه ایران مضرت ایده بیلمکده - تک بر شخصک - بودرجه قدرته مثال اولمق اوزره تاریخنده کندیسندن باشقه بری کوستریله مز . اک بویوک دستور نصیحتی :

( طاغلرده کی ، حبس خانه لرده کی حیدودلری سربست بر اقوب تسلیم ایتک

ومدیت ده نیای بوبنای ظلم واسارتی ( !!! ) آتش و دده میرله بیقوب محو ایلدنت . ا . ادی .

روسیمده ( نیهیلیست Nihilistes ) نامیله مشهور اولان و هیچ بر مبدئه ابناء نام یان فرقه جنایتکارانه نك اللهی ، پیغمبری باقونین در .

فلسفه اجتماعی و سیاسی هده صوكد درجه اهمیتی حائز اولان بوتعبیرك معناسی یا كلش ، باقی ایتمكدن كال دقت و شدتله احتراز اولونماسی خاصه توصیه ایچون بوتفصیلاته لزوم کوردم . زیرا محقق دركه بوكلمه نك معناسی حوق یا كلش اكلاشامغه مساعددر . حتی ، عالمای حغرافيونك - زمانمزدده - اك بویوکی اولان ( نه لیزه رد قلو Elisée Reclus ) کی عالم ، فاضل و فوق العاده خلوق ، حلیم ، سلیم و انسانیت پر آده ، هم کندیمی ایچون ، همده انسانیت ایچون ، صوكد درجه ده حریت طالای بولوندوغندن طولانی ، آنارشیت عد ایدلشدر . کندیمی یله کندینی آنارشیت ظن ایتمکده در . بونك امثال ده نادر دکلدر . یا كلشلق [ فردانیة individualisme ] فلسفه اجتماعی سندن ، فضله معنالرو آقیری نتیجه لر چیقارمق یوردنن وقوعه کلبور : مثلاً بوفلسفه نك معارضی اولان فرانسه محرر لرندن بریسی :

L'individualisme à outrance conduit à l'anarchie c'est-à-dire à la dissolution du gouvernement

فردانیة مسلك فلسفی سنده حد اقصایه وارمق آنارشیتلكه ، یعنی حکومتهك اضمحلالانی تمخی به وایر . [ دیور .

فردانیونك مبالغه جیلری دخی :

( Les gouvernements trouveront leur perfectionnement dans leur anéantissement même )

حکومتلر ، بالذات اضمحلاللار ده کاللرینی بولش اوله جقلردر . [ دهیه ركه ، یوفرکی معارضك ادعاسی بصدیق ایتمش اولویورلر . بودعوالرك هر انکیسی ده باطلدر ؛ و فردانیة فلسفه سیاستك دستور حقیقیسی بودکلدر . تفصیلات ایچون individualisme سورینه بافیکز ! ]  
ینه عینی جهل سببیله دركه ( Radicalisme politique ) اربانی ،

حقوق کشید، همده معلوماتی مؤلفردن و فیلسوفلردن بعضلری آنارشیست  
طن ایتشلردر. بوغرب افترایه دوچاراولان بویوک آدملردن بری ده فیلسوف  
شهر (هربرت سپنسر H. Spencer) در. اعتادات سیاسی سینه نظراً  
(individualiste-radicaliste) اولان بوذاتی، فلاسفه مادیوندن (شارل  
لو تورو نو D<sup>r</sup> Charles Letourneau)، خیالی بر آنارشیست اوله رق تلقی  
ایتمش و (تکامل سیاسی évolution politique) نام اثرنده (l'anarchie  
idéale de M<sup>r</sup> Herbert Spencer) عنوانیه بر باب مخصوص آجارق،  
انکلیز فیلسوفک احکام سیاسی سیه سی تنقید ایتشدر. بو طرز تاقی ذاتاً یا کلش  
اولدوغی ایچون تنقید واقع دخی نی اساسدر.

دیگر طرفدن، حقیقتاً (آنارسیزم) فیلسوفی صایلان مشهور روس  
برنی (پروپوتکین le Prince Kropotkine)، دخی سپنسر آنارشیست  
اولق اوزره تاقی ایتشدر. مملکتدن فاجوب لوندرده بر ملتجی سیاسی  
اوله رق سهرلحه یاشامش و یک چوق اثرلریازده رق بویوک بر شهرت قازانمش  
اولان بوموسقوف برنی :

« بزم آنارسیستلرک اخلاال ایله یایمق و حصولی تعجیل ایتک ایسته دکاری  
شینی - یعنی حکومت دنیای مؤسسه اجتماعیته ک اصمحلانی ! - هربرت  
سپنسر بکامدن بکلیر ؛ اوندن امید ایدیور . آره مزده شوقدر بر فرق  
وارد ! »

دیورکه افتزادر. یا خود، سپنسر طانیماق در. زیرا آره ده یک بویوک  
یک ده مهم بر فرق وارد. نته کیم بومفترایه و یا خود ظنون غافلانه قارش  
- سپنسر کمال قدر و بلا غلته جواب و یرمش و الحق (libéral) (ایرال  
اولدوغی کوستر مشدر. « تفصیلات ایچون individualisme سوزینه  
باقیکر ! »

بوکون بوتون فیلسوفلرله برابر افکار منوره اصحابجه سبه فلانمشدر که  
(آناشی)، صرف بر دستور اعتقاد اوله رق دوشونولورسه (ضالات  
aberration) در. اگر فعلی و عملی اولورسه، جنتدن متولد بر جنایت  
سیاسیه در. (پروفیسور لومبروزو Pr. Lombroso) بومسئله ی ذاتاً بونقطه



نظردن تلقی و تتبع ایدرك معتبر و بویوك اثرلر یازم شدرد . بوكون محققدرکه بویله عجیب وانسانیت ایچون مضر بر ( ضلالت ) ، بر ( اصول سیاست ) اوله ماز . بر قوه اجتماعیه دخی اوله ماز . اولسه اولسه - روسیه کی - عمومی عدالتسزلک و سیاسی حقسنزلق والحاصل ، جدی واجتماعی بر ( ظلم عمومی ) راحتسنزلقی - بیله قرغه شالغه واختلالات داخلیه مستعد ومساعد اولان مملکتلرده - آره صیره - شدید اختلاجاته ، حتی مدهش بحر نلره سببیت ویره بیلیر بر ( صرعه ) ( épilepsie ) کی تلقی اولونه بیلیر . فقط بر بحراندن عبارت و بناء علیه دوامسنزدرد . حر و راحت مملکتلره کلنجه آناشیستلر ، اصل اورالره التجا ایدوب کوزل کوزل اوطورو یورلر و اثرلر یازیورلر .  
[ تعبیrate باقیکنز ! ]

# Anéantissement

فنا

Anéantissement

Annihilation

انکلیزجه

Vernichtung

المانجه

Annullamento

ایتالیانجه

بوکله ، لاتینجه ( ad-nihilare ) اصلدن مشتق در . ( nihil ) هیچ دیمک اولدوغنه نظراً بر شیئی ( هیچ ایتک ) دیمک اولور . ( néant ) دخی هیچ دیمکدر . اصطلاحده : ( اولا موجود اولان بر شیئک یوق اولماسی و یاخود یوق ایدلمسی ) در . عرب فیلسوفلرنجه تعریفی : ( عدم بعد الوجود = وارلقدن صوکره یوقلق ) در . ( خلقت ، ابداع = création ) بونک تماماً ضدی در ؛ چونکه یارادلق ( وجود بعد العدم = یوقلقدن صوکره وارلق ) دیمکدر .

[ بوبابده تفصیلات ایچون création لفظه باقیکنز ! ]

( فنا ) تعیری ، فلسفه ده ، الهیاتده ، تصوفده یک مهم مسئله لره علاقه داردرد . اولا : موجودات و کائنات خارجیه تک اصلنی تشکیل ایدن ( ماده la matière ) تک فناپذیر اولوب اوله میه جفی بحثی اویله اساسلی بر مسئله درکه فلسفه وبالخاصه ( فلسفه مادیه philosophie matérialiste ) ایله کتب

مقدسه نك (مبحث تكوين cosmogonie) يعنى (خلقت كائنات la création de l'Univers) حقدنه كى تعلیماته، طابان طابانه ضد بر وضعیت و یروب بر اقصا شد. بناء علمیه، نیجه عصر لر دن بری دوام ایدن و هرايکى طرفه ضررى طوقونان (تزع علم و دین le conflit de la science et de la religion) ده طرفينك مخاصماته سببیت و یرن، مسائل اصلیه دن بری ده ایشه بودره. تعلیمات دینیه، ماده نك هیچ یوقدن (خلق créer) اولوندوغنی وینه فناپذیر اوله حغنی، بوسوتون یوق اوله حغنی تلقین ابتدیی حالده، علوم طبیعی و [ اوعلومك افکارینى بنمسه مك ایسته یین ] فلسفه مادیه، تماماً بونك عکسنی ادعا ایدیور. مع مافیه تعلیمات دینیه ایله توفیق اعتقاد ایده بیلن فلسفه سیستملى واردر . (créationnisme و spiritualisme سوزینه باقیکنز !)

ثانیاً : آخرت مسئله سنه علاقہ سى اعتباریله (الهیون les théologiens) آره سنده دخی روحك فانی اولوب اولماماسى بحنی آچیلمش و تزعای موجب اوله رق بعضی مذاهب خصوصیه نك تولدینه سببیت و یرمشدر . علی الاکثر الهیون، روحك مخلوق اولدوغنده متفق الرایدرلر. (لا یموت immortelle) اولان برسنیک، وار ایکن نهایت یوق اولماسنى دوشونمك ده زیاذه منطقى کورونور ایکن، (ابدیت روح) اعتقادى، بر درجه یه قدر قیل و قاله و سیه لر و یرمشدر. خصوصاً روحك عاقبتى، يعنى (آخرت la vie future) بمحنده و (جزای عمل) مسئله سنده، ضرورى اوله رق، بر طاقم مناقشه لر آچیلمشدر که جمله سنده اساس روحك بعدالموت فنانسه و یا بقاسنه تعلق ایدن اعتقاد ادر. مثلاً : [ مادام که روح مخلوق اولمقله برابر لا یموتدر؛ او یله ایسه ازلى اولمادینى حالده ابدی در . بودنیاده واقع اولان اعمالزده کوره، آخرتده (یعنی باشقه بردنیاده ! ) جزا و یا مکافات کوره جکنز. چونکه (عدالت الهیه la justice divine) بونی اقضا ایدر . (سینئات اعمال mauvaises actions) تقدیرنده، عقاب و عذابى - شبه سز ! روح، چکه جکدر؛ او، طویه جقدر. چونکه جسمك حکمى یوقدر؛ اومادى در. ذاتاً موتى متعاقب محو و مضمحل اولور . مادام که روح ابدی در، (مرتکب کیره = یعنی پك بویوك کناه

ایشله مش اولان) بر آدمک روحی، الی الابد و بلافاصله عذاب طویه حقیقی؟.. مثلاً (مخلد فی النار) اوله حقیقی؟.. یعنی، نهایتس بر زمان امتدادنجه جهنم آتشدنه یانوب طوره حقیقی؟.. یوقسه بر مدت صوکره محو اولوب فنا بوله حقیقی؟..

ایشته الهیونی - اوتدنبیری - الک زیاده مشعول ایدن مسئله لردن بری ده بو اولمشدر. بونک بقا و یا فنا ی روح اعتقادینه صیقی صیقیه تابع بولوندوغنی سویله مکه حاجت یوقدر. بوتون ادیان منزله (الهیات théologie) نده، هان عینی صورته صحنه مناقشه یه کیرمش بر بحددرکه بوشکل اوزره تولدی پک طبیعی اولسه کرکدر.

شرقه ، عینی مسئله ، عینی صورته - کبار کلامیه ندن و الهیوندن - (حسن بصری) نک مجلسنده سر زده ظهور اولدی ایدی؛ (حسن بصری) نک درسنه ملازمت ایدن (واصل بن عطا) ، خواجه سنک مرتکب کیره حقنده بیان ایتدیکی ملاحظاتدن ممنون اوله میهرق درسندن آیرلش و جامع شریفک دیگر ستونلرندن برینه کیدوب ، کندی باشنه و کندی فکر نجه - بر قسم سامعینه - درس تقریر ایتمکه باسلامشدی. واصلک بواعتزالی، یعنی آیرلامی (معتزله) تعبیرینه وسیله ویرمش اولدوغی کی، تعلیمات خصوصیه سی ده ، مشهور معتزله فرقه سنه وجود ویرمشدی . معتزله ایله اهل سنن فرقه سنک (ارادت وفدر libre arbitre et fatalité) حقنده کی اعتقادات متحالفه سی ده، ینه اومسئله اساسه ایله علاقه داردر . نته کیم (جزای عمل) بحثنده بوایکی مذهبک احکام خصوصیه سی ینه عینی مبدادن نشأت ایتمشدر. بوبخت ، محمد شهرستانی نک مشهور جهان اولان (ملل و نحل) نام کتابنده تفصیل اولونمشدر. خرسنجان عالمنک الهیونی دخی عینی مسئله یی حل ایده بیلمک ایچون - فروون و طادنبیری - او عراشمشدر و کمال عنف و شدتله مناقشات و حتی تحادلاته کیریشمشلردی. معاصر نمردن (هوات White)، (هدسن Hudson) (ریچارد روث Richard Rothe) ، و مشهور (وهیتلی Whately) و امثالی کی الهیون معروفه بومسئله یی برامایوب یکیدن احیا ایتمشدر و حداً اونکله مشغول اولمشلردر.

ثالثاً : ( تصوف théosophie ) ده ( فنا فی الله ؛ anéantissement en Dieu ) تعبیری مشهور در بر مهم عقیده صوفیه بی متضمن در. هر شیک مبدأ و معادی، یعنی ( با سلا دی بی، چیق دینی وینه نهایت ، واره جنی و عودت ایده جکی و ارق )، وجود مطلق در. هر کس ، هر شی اوندن صادر اولش و اوکا عودت ایده جکدر . [ مِنْهُ بَدَأَ وَإِلَيْهِ يَعُودُ ] : . . ( وصال حق communion avec Dieu ) یعنی وجود مطلقه ایریشمک و قاو و شمع ، صوفیه اعتقاد نجبه ( خیر اعلی le souverain bien ) و ( مقصد اقصا le but suprême ) در. صوفی ، بو مقصده ایره بیلیمک ایچون هر شیدن قطع علاقه و کف ید ایتلی در. بوکا [ ترك ] دیر لر. اولا [امساك] [abstinence] ایله باشلایان بو ( ریاضت ascétisme )، [ وجد و استغراق extase, absorption ] درجه سنه و اریر . صوفی اوزمان او قدر کندندن کچر که هر شیئی ترك ایتیمک امل و اعتقادی ده ترك ایدر. بو مرتبه یه ده ( ترك ترك ) دیر لر. ایشته بویه جه:

[ ترك دنیا، ترك عقاء، ترك ترك ]

ایتد کدن صو کره، ارتقی اوند ( عقل و فکر و هوش ) قالماز. ( صوفی صافی ) اولور، و بو ( استغراق کلّی absorption totale ) حالنده - ولو بر آن ایچون اولسون !.. - ( وصال حق ذوقی ) نی - [ الهام ایله ، کشف ضمیر ایله par intuition و par inspiration ] ادراک ایدر . ایشته فنا فی الله مرتبه سنه ایرمک ؛ تولومدن اول تولمک یعنی : ( موتوا قبل ان تموتوا ) سرینه واصل اولمق بودر . تولد کدن صو کره، وجود مطلقده محو اولوب شخصیت انسانی سنی غائب ایتیمک دخی ( فنا فی الله ) در.

( نوافلاطونی néoplatonisme ) فلسفه سنده بو بر عقیده اساسیه در . حتی بو مذهبک اک بویوک حکیمی اولان مشهور ( پلوتینوس Plotinus ) و اونک شا کردی و معروف [ ایساغوجی = Isagogée یعنی مدخل ] رساله منطقیه سنک مؤلفی [ پورفیر Porphyre ]، مدت عمر لرنده اوچ درت دفعه بو ذوق خارق العاده یه نائل اولد قلینی ادعا ایتشلر در .

بزم صوفیه شرق لسانند [ واصلین ] ، بو ذوقه ایرن کیمسه لردر که اصل تورکجه ده ( ارلر ) تعمیری بونک تام ترجمه سیدر .  
[ تعبیرات مهمه یه باقیکنز ! . فضله اوله رق ، abstinence, abnégation, çoufisme, extase, aïdéisme, absorption, mysticisme لفظلرینه - ده مراجعت ایدیکنر ! ]

[ بوددیزم Bouddhisme ] مذهبنده ده بو اعتقاد واردر ؛ بلکه ده اصل بو اعتقادک منشای بوددیزم در ؟ ! . . . بو دین قدیمه کوره کاملر نهایت ( نیروآنا Nirwânâ = مرتبه سنه واره جقلر واونده [ سعادت ابدیه Bêatitudo éternelle ] یه نائل اوله جقلردر . ( نیروآنا ) نک لغت معناسی ( هیچک ) دیمکدر .

Anesthesie

### ضیاع حس Anesthésie

Unempfindlichkeit, anästhesie	آلانجه
Anaesthesie	انکلیزجه
Anesthesia	ایتالیانجه

وجودک بوتون سطحنده ، یاخود هر هانکی بر ناحیه سنده ویاخود بر عضو مخصوصنده ( حس قابلیت ) ضایع اولورسه ، بو حاله - علی الاطلاق ( anesthésie ) دیرلر . ایستر ( مرضی pathologique ) ، ایستر عارضی . ویاخود خارجی و مادی بر مؤثره معطوف اولسون ! . . . ایستره صرف ( باطنی intrinsèque ) و ( معنوی psychique et moral ) بر سیدن ایلری ککش بولونسون ! . . . ضیاع حس ، بر جوق اسایدن نشأت ایده بیلیر . دائرة اتساعی اعتباریه دخی ( عمومی générale ) ، ( نصف طولانی hémiplegique ) ویاخود ( موضعی locale ) اوله بیلیر . درجاسنه کوره ( تام complète ) ، ( جزئی partielle ) اولور .

بوتون وجود مزنی احاطه ایدن جلدک حساسیتی ضایع اولورسه - اک طوغرو و عمومی معناسیله - ( anesthésie ) ، بو حاله ده نیر . اکر طویقوسزلاق تام اولمازسه ، یعنی حس بوسبوتون ضایع اولمایونده یالکمز شدتی غائب ایتمش ایشه ، او تقدیرده ( ضعف حساسیت hypoesthésie ) تعمیری مرهجدر .

مع مافیه، ضیاع حسی موجب اولان اسباب و عواملک تأثیرات خصوصیه و مختلفه سنه و بوتأثیراتک درجه شفته کوره مختلف و متنوع نتیجه لر حاصل اولور . بعضی احوالده یالکز بر حس مخصوصک ضیاعی کورلدوکی کبی بعضآده سائر حسلر اویوشدوغی حالده یالکز بر حس خصوصی نک ضایع اولمادینی واقع در . اونک ایچوندرکه ضایع اولان حس مخصوصک نوعه کوره تعیرات خصوصیه وضع اولونمشدر . [ - surdit , c cit  achomatopsie, dyschromatopsie, amaurose تعیراته باقیکز! ] یالکز ( حس  لم ) یعنی آجی طویق قابلیتی زائل اولورسه اوکا ( analgesie ) دیرلر . ( حس  عضلی sens musculaire ) نک ضیاعی ( ataxie ) ده نیان حالت مرضیه نک سببی در .

( anesth sie psychique ) تعیری بیله بعضی آلمان محررلری طرفندن اکثریا قوللانیلدور، و ( apathie تأثرسزک ) معناسنده ایراد ایدیلدورکه بو حالت، اکثریاعصبی آدملرده ( وجد واستغراق extase et absorption )، ( مالمخولیا m lancholie ) کبی تأثیرات معنویه تحشده وقوعه کله بیلیر .

ضیاع حس ، ( اعصاب محیطه nerfs p riph riques ) نک و یاخود ( حجیرات مرکزیه cellules centrales ) نک اضمحلالندن، بعضآده فلج و عطلالندن حاصل اوله بیله چکنه نظراً ( مرکز centrale ) و یاخود ( محیطی p riph rique ) اوله بیلیر .

وجودیمزک دریسنده منتشر بولونان ( حلیات papilles ) ایله اونلره پیوسته اولان ( اعصاب ناقله و وارده nerfs aff rents ) نک تغیرات و اضمحلالندن ایلری کلن ( طویغوسزلق ) لر، هب محیطی در . ( مخ سوزکی mo lle  pini re ) نک ( حزمه حسیه faisceau sensitif ) سنه عارض اولان ( جرحه l sion ) لرك و تخریباتک نتیجه سنده ظهوره کلن طویغو- سزلقلر دخی محیطی در . بو حزمه حسیه ، بالذات دماغک ( ماده بیضا mat. grise ) سنه کیره رک ( ماده سنجاییه mat. blanche ) یه قدر واصل اولدوغی ایچون ( سوبق مخی p doncule c r brale ) نک ( قدم

pied) نده و یاخود ( محفظه داخلیه capsule interne ) ده حصوله کلن جروحك دخی محیطی طویغوسزلقلر انتاج ایله دیکی محققدر .

محیطی و مرکزی طویغوسزلقلرک نتایجی اعتباریله فرقی - پسقو لوزی نقطه نظرندن - مهم مسئله لر تولید ایدیور . محیطی اولان طویغوسزلقلرده حس ، تماماً ضایع اولدوغی حالده ، اوحسه عائد ( خیالات images ) باقی در . چونکه ( مرکز دماغی centre cérébral ) صاعلامدر ؛ واعصاب محیطه نك نقل ایتدیکی حسیات مکرر نك شکلی محافظه ایدن ، مرکز دماغی در . اونك ایچوندركه مثلاً : باجانی یاخود قولی ( بالعملیه بتر amputé par opération ) ایدیلن بر آدم - عملیات جراحیه دن صوکره دخی - پارمقلرنده آجی حس ایده بیلور . حالبوکه پارمقلری یوقدر ؛ چونکه قولی و یاخود باجانی جراح طرفندن کسیلوب آتلشدر . [ amputé لفظنه باقیکز ؛ ، بو حالده مجروحك حس ایتدیکی آجی ، بر حس حقیقی دکلدر ؛ بر حس حقیقی نك انجق خیالی در . ( actuelle حالی ) بر طویغو دکل ، کجمش بر طویغونك انجق یادی ، خاطره سیدر . [ actuel سوزینه باقیکز ؛ ]

فیلسوفلر ، بو کیفیت غریبه یی جدیتله تلقی ایدوب ( مکان l'espace ) بختنده اوزون اوزادی به وسیله مناقشه اتخاذا ایتملردر .

( مرکزی ) اولان ( anesthésie ) لرده اعصاب محیطه ایله بو اعصابك پوسته اولدوغی ( نواحی régions ) داعضای سائره تماماً سالم اوله بیلیر ؛ بناء علیه تأثیرات خارجیه ، قشر دماغیه یعنی طبقه سنجاییه سالملاً واصل اوله بیلیر . فقط حس اولونه ماز ؛ چونکه دماغك اوندن خبری اوله ماز . احتمالکه اوناحیه دماغیه ده کلیاً ( فقر الدم anémie ) وارددر ؛ یاخود اثر ( تسمم intoxication ) اوله رق طویغوسزلق حاصل اولمشدر ؛ و یاخود اوراسی خراب اولمشدر . ایشته بوکی احوالده ، یالکز قابلیت حس دکل ، - اوحس مخصوص هر نه ایسه ! - اوکا تعلق ایدن بالجمله خاطرات و خیالات دخی محو اولمشدر . ( حافظه mémoire ) امکانی قالمامشدر .

مدققین متخصصین دن ( پیه رزانه Pierre Janet ) بو کیفیتی بر دستور قانونی شکلنده عرض ایتمش و ( ضیاع حافظه مرکزی طویغوسزلقلر ایله

دائماً مترافق در حالبوکه محیطی طویغوسزلقلرده حافصه سالمدر و باقی در . )  
دیمشدر .

بوزاتک ادعاسنه کوره ( مرکری طویغوسزلق ) ، بر ( انحلال ذهی  
dissolution mentale ) نتیجه سنده وقوعه کله بیلیر . ( طالعینلق - dis-  
traction ) ده ، بعضی خفیف لسم لرده ، ( عصبی خسته لقلر névroses ) ده  
وهله ( ایستیری Hystérie ) ده ( طویغوسزلق ) لر اوله بیلیر ؛ فقط  
خسته ، تلقی ایتدیکی تأیراتی بکدیگرینه ربط ایدمه دیکی ایچون بو حال  
وقوع کله بیلیر ؛ یوقسه مراکیر دماغه ده بر آفت عضویه یوقدر . یالکیز  
( ذهنی طوبالایه ماز ! ) که عناصر تأثراتی بر برینه ربط و قیاس ایدوبده  
آ کلایه بیلین و طویه بیلین !!

بونوع طویغوسزلقلر ، ( صیاع حافظه amnésie ) قیلنددر و ( اصولی  
systématique ) درلر . خسته ، یالکیز بر شیئه تعلق ایدن احتساساتی  
وحیاتی ادراک ایدمه مز ؛ طویه ماز . یا حودانجق بر شیئه تعلق ایدن احتساساته  
پیدای شعور ایدمه بیلیر . حالبوکه او غیر مشعور قالان احتساساتی وجوده  
کتیره بیلن حاسه رخراب اولمه مش ؛ تغیر اتمه مشدر . موجوددر . زیرا او حاسه لر  
تمیج ایدیلنجه عکس عمل یاپار . بوندن طولانی درکه اکثریا بوکی  
( anesth. ) لر متناقضدرلر . خسته [ بن بویه طویغوسزلق حس اتمیوره ] دیدیکی  
حالده ، او طویغولرک موجودیتی اثبات ایدمه بیله جک بعضی اعمال و حرکات  
اظهار ایدر . مثلاً ضیایی حس اتمیوره دیدیکی حالده حدقه عینیه نک تغیراتی  
صیادان آلان متأثر اودیغی و فقط بو تأییره پیدای شعور ایدمه مدیکنی  
اثبات ایدر .

بو تعییرات و اونلرک تضمن ویا دلالت ایندیکی مسئله لر طوغرودن  
طوغرویه فلسفه مسائلندن معدود دکدر . فقط بوکی احوال ، کیفیت ادراک  
مسئله سی تنویر ایتدیکی ایچون و بومبختده حکم اولان پسقولورژی عامه نک  
اک غامض مسائلی تشکیل ایتدیکندن طولانی یاریم عصر دنبریدر ، فلسفه  
عمومیه مباحثده کمال جدیته تلقی ایدمکدهر .

[ تعییرات علمیه یه باقیکر ! ]



Animisme الروحانية

Animisa, 'د کاینز حه

Animismus 45

Animismo  $\frac{41}{21} = 1$

## Animisme

بوتیز، لائینجه (animisme) گمەسندن کلیرکه روح دیمکدر . | تفیلات  
ایچون time لفظنه بایکیز [ ] احد حده معناسی ، روحه ویاخود ازر حه  
اینانان مذهب دیمکدر . فقط ( آنتروپولوژی ) ، ( سوسیولوژی ) و باخاصه  
( فلسفه ) نقطه نسرندن – ایری آیری – تلقی اولونونجه بو گمەنک معناسی اصطلاح  
جیسنده اهمیتلجه فرلر کورولور . تحقیقات عامیه و تاریخیه صراحتاً کوستریورکه  
اقوام ابتدائیه ده ( جماعت قبل التاریخیه = sociétés préhistoriques ) ده  
اک قدیم و قویم عقیده بودر . برمه حلا معاصره بولونان و افریقا ، آمریقا  
و آوسترالیاده و بنو محیط اطرافلریده یاشایان نامعده دقائل وحشیه نک اعتقادات  
طبیعیه سی بدایق و تتبع ایدن متخصصین عامه ابو حاتم جمله سنده ( animisme )  
اساسی بودورلر . بعضی آثار قبل التاریخیه دن استنباط اولونا . معنایه  
بو کونکی قبائل وحشیه نک اعتقادات طبیعی سی توافق ایدر . و بخصوصده  
کشف حقیقه حالیشدن ( طابلاز Tylor ) و ( فزیر فزیر Frazer ) فره ی زده ) کی  
عامه ای مسنوره ایله ( هربرت سپسر ) کی – احتمایانه زیاده سیه اهمیت  
دیر – نیاسو فلر ، ادعایدیورلرکه ، عوامل معنویه نک حملەسندن زیاده  
بو ( animisme ) اعتقاد ابتدائی بر معنویت انسانیه حه کوشش ،  
عاداته ، طرز معیشه ، اسلاقی ، عرف و نوانینه ، صنایعه شعره . اخص  
مدنیته شکل اصلی و ابتدائی سی ویرمیش و حتی مدنیته وجهه استقامتی  
دخی بعین ایتشدرد . نه آیم ( حس دینی ، le sentiment religieux ) نک  
منشأیه بودر .

ماجر و وحشی اولان انسا- ابتدائی- یاشامق احتیاحی و ثولوم اندیشه- بیله- برسقات حیوانیه ایجنده حیاتی - و روکار- کین بیله ، (مجهول قورقده سی (la peur du Pinc annu) نی کمال دهشتله حس ایتیش ، و مقدرات حیاتیانه حاکم اولان قدرت قاهره نیک فصل سی اولدوغی - بالضروره - دوسوئمشدر.

حادثات طبیعیہ میاںدہ نظر دقتی ال زیادہ جذب ایدرک ذهنی مشغول  
ایلهین مسئلہلر دخی - کندیته پک یاقیندن تعلق حسبیله : - ٹولوم ورؤیا  
کیفیتلری اولمندر .

رؤیا کورن بروحشی، کوندوزین کجیردیکی هیچانلی و تهاکلی زمانلری، -  
ایقو حالده - تکرار یاشایوبده ایاقدقن صوکره کندیی بولوندوغی  
موقعی بردنبر - ادراک ایدنجه ، بومعماکک تأیر فیدرنه طوتومس و حاتنه -  
عقلات ایره ییلدیکی قدر - چاشمش اواسه کرکدر . هر حالده جسمدن  
آیری - سیار و سرسری برروح ، دها طوغروسی بر ( خیالات ، برجادی )  
اعتقادی ، انواء وحشیهک جلهسند و اردر . وحشیلر ، رؤیایی ، بوخیانک  
سیرانه چیقاسی و کرار عودت ابدوت مکانه یی بدنه آیرمه سی ایله تعریف  
ایدیورلر . ٹولومی دخی بردها عودت ایتهمه سیله تفسیر انامورلر .

بو مسئله ایله کرکی کی مشغول اولان فیلسوف هر بر سپنسر ، شو  
تحقیقاته منی بر فرصیه مشهوره ترتیب ایتشدرکه ( خیاب ، جادی نظریه سی  
most-theory ) نامیله معروفدر ؛ بو اعتقادات ابتدائیهک یعنی طاقیله !  
( animisme ) که رؤیا ایله ماسبب اساسیه سی ، حتی اوندن طوغمش  
اولدوغی ایتدیور . J. L. G. کله سده خیکل بریسه نه و Evhémérisme  
لفظه یاقیکر .

سپنسرک ادعایه ( عبادت اجداد le culte des ancêtres ) ،  
ردف اموات امرنده اقوام وحشیه عاداتند . کورول غریب غریب آینلرک  
منشائی و ( بری ، le ) ، ( جن ع-spirits ) ، ( جادی ) ، ( خورتلاق )  
اعتقادیاتک منعی یته بیدر .

اک وحشی ، اک بیرجی حیوانلره بیله - حیلله ایله ، آلات وادوات  
ایله تعاون واتفوا یله - تأمین غلبه ایلهین ( انسانیت ابتدائیه l'humanité  
primitive ) ( بری لردن ) ، ( جن ) لردن و رجوق ( ازواج سیره esprits  
ambulants ) دن شدتله قورقش - نظردن نهان اولدقندی ایچون - اولوردن  
ساقسمو احتمالی اولمادیغه مناعت کامله حاصل ایتشدر . انسانک ، هرشی  
کندیسه فباس ایتهمه سی طبعی بولوندوغی ایچون ، ارادت شریعه رام اولمایان

حادثات ووقوعات علمی - انسان وحشی - با ضروره او جلرك ، اوسيار و سرسری ارواحك ، ارادته ، كیفه ، غضبه انقمنه اسناد ایدرك تعریفه چالشمشدر. ایجابنه كوره اونلره قربان كسمهسی ، موه هدیه ایله مهسی ، ( خضوع و خشوع humiliation ) ایله دعا و نیاز ایتمهسی ، واكثریا ( ارواح گذشته les âmes trepassés ) دن یاردیم ایسته مهسی ، مددا و عهسی ، سپنسرک نظریه سیله تعریف اولونویور .

بویله ابتدائی براعتقاد ضرورینك ایجابانندن اوله رق ، وحشی انسانلره ، نه قدر عوامل طبعیه و ارسه ، اونلری ( تشخیص personifier ) ایدوب ( جانلاندرمق ! animer ) صورتیله هر برینی اسانه بکزر برشکده تصویر ایدیورلر و طبق انسان کی ذیروح ، مرید و مختار اولدقلرینه اینانیورلر که ( مجسمه anthropomorphisme ) دیدکلی عقیده ایشته بودر ؛ و ( animisme ) دن نصل تولد ایتدیکی ده اکلانیلیور . ( بولعیره باقیکنز ! ) بودور اجتماعیده و بودر که اعتقادیده انسانلر ( عوامل طبعیه agents naturels ) یه ( agent لفظنه باقیکنز ! ) نیات مخصوصه اسناد ایدیورلر ؛ مثلا ، کوك کورله مهسی ، زلزله یی ، قحط و غلایي ، موت فجئینی بعضی ( ارواح خینه mauvais esprits ) نت حدت و انتقامنه ؛ کوزل هوایی ، فیض و برکتی ، حیوانات وحشییه درسی فور و موفقیتی ( ارواح طیه bons esprits ) نك امداد و معاونته عطف ایدیورلر . حتی اکریا بومعاوتی ، ارواح اجدادك عنایتله حمل ایدیورلر و بااصبع اوندن محروم قالماق ایچون آیین مخصوص اوزره ارواح اجداده طانیورلر که ( evhémérisme ) ده اساساً بودیمکدر . کذلک هر شییه ، حتی اک دکر سز بر بوجانه بیله ، اکلانیلیمار بر قدرت خارق اعاده تصور ایتدکلی زمان ، اونلرده آیری آیری طانیورلر . فرضا انسانی بر کره صوققله تسمیم ایدوب بش دقیقه ظرفنده تولدورن بر زهرلی اورونجك بر وحشی نظرند اسرارانکیز بر فوت قاهره یی تمیل ایتدیکی ایچون معبود اولونویور . اوبو حکی و لامقله تغذی آیین راهیتمز قوشجغز دخی عبادته سایان کور ووب معبودر حیره نه کورد که ( icthisme ) دیدکلی در که اعتقاد دخی بودر .

بعضی قبائل وحشیہ عندندہ منحصر آ برشی ، مثلاً بر (Rocher) پارچه سی ، بر نوع آغاچ ، بر بوجک ، بر غرب حیوان سائر لردن زیادہ مہجل طوتولیور . مقدرات حیات ، باشلیجہ اوکا باغلی در ظن اولونویور کہ (totem) دیدکری بودر ؛ واعتقادات وحشیہ نک بودر لوسنہ (طوتہ میزم totémisme) دیرلر . (فرہی زہر Fraser) بونی لایقیلہ تتبع ایتکدہ بولونمشدر .

(غلطیات حسّیہ les illusions de sens) ، (امراض عصّیہ maladies nerveuses) (جَنّت folie) ، (صرعہ épilepsie) وسائر (نہ وروز Nevrose) لر ، - اسباب مرضک کیزلی قالماسدن ، کورولہ - مہ مسندن ناشی - جنلرہ اسناد اولونویور . ذاتاً (مجنون) ، لغت معناسیلہ (جَنّلمش) دیمکدر کہ بونظریہ نک اصابتی اثبات ایدر . بو ، اعتقاداتن دخی (سحر بازلق sorcellerie) ، (اوفوروکچیلک) ، (باقیجیلق) ، (جَنّچیلک) کی غریب مسلکدر و مشغلہ لر تولد ایدیور ؛ بونلرک جملہ سنی (سپنسر) ، (فہتی شیزم) اعتقایلہ علاقہ دار کورویور و اونک لوازمندن عد ایدیور . الی آخرہ !...

(طایلار Tylor) بوابتدائی عقاید باطلہ یی اطرافیلہ واسبابیلہ تحقیق ایتمش و حکمت ظہورینی ایضاح و تعریف ایچون ایکی بویوک جلد یازمشدر . بو کی خرافات اعتقادیہ نک ، بوکونکی جماعات متمدندہ بیلہ حالاً باشامقدہ بولوندوغنی ونہ کی شکلرہ کیروب حکم سور دوکنی غایت متنوع مثاللرہ کتائبندہ کوستریور و بوتون بوشلرک (سپیریتیزمہ spiritisme) شارلاطانلی ایلہ نہ غریب ، فقط نہ قدر طبیعی بر علاقہ سی بولوندوغنی - بر فطانت مستثنا ایلہ - آکلایور . حتی ضروب امثالدن ، حوجق او یونلرندن معنار چیقارہ رق بودعواسنی تحکیم ایدیور . هرملکت متمدندہ تربیہ دن محروہ قالان عوام ناسک ، صیتمہ ، صرعہ ، نظر ، ودها بو کی آفتلرہ قارشی - کمال اہتمام ایلہ - قوانہ طاقدینی برسیجیم پارچہ مسندن ، بویتنہ صدیقی بر حاتال آغاچ دالجفزدن [ یعنی زردہ کی جیتلہ نبلک دالی ! ] مدد و صیانت اومہ سنی ، بعضی

عالی دماغیه و اختلاجات عصبیه ی ، ( ارواح بیگانه ) به ( یعنی بزم اسکی تعبیر می رجه : ( انی ساعتده اولسونلر ، اونلره : پری لره : ) ) عطف ایدرک - بو حادثات طبعیه ی - برطاقم احوال غریبه ( یعنی طیشازیللق علامتی ! : ) ظن اتمه سی ، طایانر ، او ناطل و ابتدائی اولان عقاید قل الماریخیه نك حالا جماعت مزله برابر یاشامقده اولدوغنه مثال و دلیل اتخاذ ایدیور .

برده ، علمای عثمانیه نك - اعتقادیمجه - سربلندی اولان مشهور حاجی خلیفه یعنی کاتب چایی ، بوکچی ( عادات نا مرضیه ) ی و خرافات قدیمه یی اسلامیت احکامنه وسنت پیغمبری به تماماً منافی کورمش ، و ( میزان الحق ) نام رساله مهم سنده موضوع بحث ایدوب شدتله قدح ایتشدرکه شایان تحسین و شایان دقتدر .

ایشته ( علوم اجتماعیه ) ده ، ( آنتروپولوژی ) ده ، ( تاریخ ادیان ) ده ( animisme ) سوزی کینجه ، بومعا آکلانسیلیر و انسانیتک بو ( دور اعتقاد ) ی مراد ایدنش اولور . ( اوجاق نائی پریسی ) ، ( چشمه باشی پریسی ) ، اینجیر آغاجی پریسی ) ، ( سوپرونتولک پریسی ) ودها بونک کی درلودرلو بریلره اینانمق و نیانک هر کوشه سی اونلرله اسکان ایتک ، دور اعتقادیدر . صنایع نفیسه ده و ادبیاتده ( animisme ) ک نه بویوک تأثیری اولدوغنی اثبات ایتک ایچون متعددو بک مهم اثرلر یازلمشدرکه ملاحظاتی بورایه - مختصراً اولسون - نقل ایتک اوزون سورر و آرتق لارمده دکادر . ویردیکم ایصاحات کافیدر . یالکز شوقدر عرض ابدیمکه ، بو ( animisme ) دوری ، بر خیلی تکامل ایتدکن صوکرده ( symbolisme ) شکلنه کیرمش و ( دور اساطیر ( Période mythologique ) ی وجوده کتیرمشدر . بو دورده ( دین religion ) ، ( تعدد آله polythéisme ) سورتی آلیور . بوکا - ( عبادت اولان paganisme ) دخی دیرلر . بودورده انسانلر ، عوامل و قوای طبعیه یی سحسیله تمثیل ایدیورلر . مثلاً : ( عکس صدا ) . ( فورطیه - رورکار ) ، ( عشق ) ، ( عقل ) ، ( حسن ) ، ( حریب ) ، ( برک ) الی آحره هب السلسل شکلنده تمثیل ایدیور ؛ و مرتبه لرینه کوره مظهر رعایت

وشایسته سادات اوو یور . مدنیت و صنعت هنور پک آساعی بر در کده ایسه ، بومشخص مقدسه نك هر برینی نمیل ایچون - لولاچی چامورندن - غیت ونا ، نك عایط و میرکین ، هله بوسبوتون عجیب - ( بت - پوط - idole ) یا بیلور . افریقاده ( آشانتی Achanti ) و ( یام - یام Niam-Niam ) قبائل وحشیه زنده اولدوغی کبی !... مدنیت پک ایلرله مش ایسه حارق العاده کوزل همکلر و جرده کتیر یاور . یونان قدیمده اولدوغی کبی که موزه - خانه لری مرده فسونکار نمونه لری کوروله بیایر . ایشته قوای طبیعی بی بوسورتله تمیل ایدیش ( symbolisme ) در . فقط بوسبولزم ، جامه ردن بو طرلر و او بو طرلر ایچون معبدلر یایمق مجبوریتی و معرفتی الهام ایتش و صنایع نفیسه نك تر قیسنده اك بویوك عامل بولونمش اولدوغی سبيله فیلسوفلر ، « صنایع نفیسه ، ( animisme ) دن طوعمشدر ! » دیورلر .

سعرده ( انطاق ) اسکی ( animisme ) ایله علاقه داردر ! ده نیایور . مثلاً طاغله ده ، طاشله ده اغاچله روح و بناء غلبه نطق اسناد ایدوبده - فرضا ، عاشق کرمک ، معشوقه سی اصلی خانی اولنله صورده سی - و :

اولو طغلر !... اصایم بورادن کچدی می ؟

دیمه سی کبی ..

فلسفی و بوسبوتون خصوصی معناسنه ککجه ، ( animisme ) ، روحک ۱- - تقالال وجودینه و ابدیتنه فاع اولان مذهب مشهوره دیرلر که ادیان منزله نك حکمت اساسیه سنده بو اعتقاد تمل طاشیدر . [ ame ] که سمنك نهایتینه باقیکز ! [ بو عتیده ده اساس ، روحک مدبر حقیقی و فعل مختار اولمسی ، بدنی برآت کی قوللانمسی ، و او آلت خراب اولونجه روحک لایموت و ناسیدر . ] immortalic که سمنه باقیکز ! [ .

ارسطونک و سقولا ستمتلك بو خصوصده کی اعتقدانی ایچون ۱ . و intellect کله لرینه باقیکز ! [

( راقیون les stoiciens ) دخی ( animisme ) د فائل ایدیلر ؛ حتی بوتون کائناتی ذی حیات و یکپاره بروجده د ادرزدی . [ ماده نك بالذات

کننده قدرت حیات و رد را اده یوب عوالم موجودیه، طاقیه، بر (جسم عضوی) کبی تاقی ایدرلردی. بومذهبه تاریخ فلسفه ده (hylozoïsme) دیرلر که نهایت ماده مذهب منجر اونشدر. [تفصیلات ایچون matérialisme سوزینه باقیکز !]

(Leibnitz لایب نیچ) ک بو باده کی فکرنی اکلامق ایچون [monade] لفظه باقیکز !

(Van-Helmont فان هلمونت) ک نظریه سی حقده تفصیلات لازمه ، [vitalisme و archée] کله لرینه متعاق ایضا حته ذیل ایدلشدر .

تناسخ اعتقادی ایله (animisme) ک مناسبتی ایچون [nétempsychose] لفظه مراجعت ایدیکز !

#### Anomalie

#### مضروف عاره

Anomalie

Anomaly

انکلیزجه

Abnormalitat

آلمانجه

Anomalia

ایتالیانجه

یونان ده (نوموس = νόμος) فنون دیمکدر. عربلر بونی عیناً آلوب (ناموس) دیمشدر و (نوامیس) شکلنده جمع مکسرینی ده یامیشلر. (ناموس اکبر la plus grande loi) و (نوامیس طبیعه) کبی! ایشه بوتعیر، عینی اصلدن مشتق در؛ و (قنون طبیعه مغایر) برشی، بر حال دیمکدر. بونک صفتی (anomal) در؛ فقط قولاً نماز. اوکا بدل (anormal) تعیری مشهور اونشدر. بوده (a) ادات نفی ایله (norma) لغتندن مرکبدر. بونعتک معنایی (قاعده) دیمکدر. شو تقدیرجه (anormal)، قاعده یه مخالف اولان بر شیئه وصف اوله رق ایراد اولونور .

اصطلاحده، (احوال و کیفیات استثنائیه cas exceptionnels) یه ده نیر. مثلاً: اتی پارماقی طوغان بر چوجوق ودها بویه بر چوف (قصور) لر . عضویت نقطه نظرندن (anomalie) تشکیل ایدر؛ چونکه، اوته دنبری بیلدیکمز قانون طبیعه قارتنی مستثنا بر حالدر. بوعضوی (anomalie) لره

عربلر (عیب) دیرلردی که اصل معناسی بزم لسان عادیمزده (قصور) دیدیکمز شیرلدر؛ کلمه بومعنا ایله لسان فتهده حالا مستعملدر .

عالم غیرعضویده (anomalie) لر، - یک نظرده - قوانین طبیعییه مغایر کورون حادئات و امورغریبهدر. (حکمت طبیعییه la scien. physique) ده (غریبه موازنه المایعات) ودها برچوق امانلی کبی !..

تحقیقات و تجربه ایله علومک ترقی سی، (خلاف عاده) ظن اولونان و (قانونه مغایر) کورون حادئات و امورک، (قانون مخصوصه توفیقاً تفسیر و تعریفی) صورتنده واقع اوله ککش در؛ بناء علیه، (anomalie) دیدیکمز احوال غریبه نك، حقیقه خلاف قانون اولمادیغنه و اولمماسی لازمکله جکنه دأر - کیتدجه - قناعتیزی آرتدیرمشدر . صحنه طبیعته سطحی برنظرله باقوب قالدینی مدتجه، انسانیت برچوق (خوارق عادات !) کورمش و (خارق عاده) به اعتقاد ایشدی؛ فقط ظاهرده غریب و فسونکار برقرارغاشه لقدن عبارت کورون بوجموعه کائناتک (شیرازده قوام) و (قانون آهنگ و انتظام) نی کشف ایتدکه او اسکی اعتقادینه کلیاً ضمه ککش، و شیمدیکي خالده خارق عاده کورون شیرلک، قوانین طبیعیهن خارج برطاقم (امور کیفیه faits arbitraires) دن صایلماسی لازمکله جکنه اینانه ماز اولمشدر .

(عجائب طبیعت !) دن و (امور فوق العاده) دن صاییلان بر جوق حادئاتک - ترقیات علمییه و تدقیقات تجربیه سایه سنده ! - قوانین طبیعییه ایله کیزلی رابطه لری کشف اولوندجه اوکی احوال استثنائیه، (معقوب بر صورتده d'une façon rationnelle) تعریف اولونه رق (امور عادیه faits ordinaires) صرمنه کیرمشدر . کشفیاتک دأما بو وادیده و بو طرزده موفقیتله ایله یله مەسی، ذهن متجسسّه بر فکر و برامید ویرمش، و هنوز بر قانونه ربط ایله تعریف ایدیه مەمش بولونان حادئات خارق عاده نك - حالا - قوانین عأده و خصوصیه سی ایله جهت رابعه سی کشف اولونه مدیغنه و مع مافیه، او احوال استثنائیه نك ده همه حال بر قانونه مربوطیتی اولماسی لازم کله جکنه دأر قوی برظن، بلکه بر اعتقاد تولید ایشدر .

بوکون (روح علم l'esprit de la science) بو اعتقاد ایله یاشبور ؛



خارق، دهب قبول ایده بیل بر (علم صحیح science exacte) یوقدر، بویه  
براعنادتی برین احتمال کوزه میاں بر علم، کندی لزوم و حیثیتی، کندی  
وارلعی، نالذات انکار ایتش از لور. علمک باشلیجه وظیفه سی، جاهل  
وغافل نظر لره بر (هرج و مرج) حالده معروض اولان «بو عالم حوادثک  
- بالعکس - (آهنک- از بر منظومه un système harmonique) تشکیل  
ایتدیکنی اس- آنسایم ایتک، یعنی بر (chaos) دکل بر (cosmos) اولدوغنه،  
اول امرده، اینانق در. قارغه شالقدن عبارت که رونی بو حادثاتک محور جریانی  
اولان قوارد- (قیمه و متطرده les loi immuables et uniformes) بی  
کشف ایتمکدر. ترقیات علمیه بو کشفک درجه سیله اولچولور. مدنیت فکریه  
دخی تماماً اونکله متناسدر.

بومسئله دخی، سائر بر چوقبری کئی، (نزاع علم و دین) ه سبیب  
ویر نردن باشلیجه بری در. (religion, loi, anéantissement, création)  
سوزرینه باقیکر!

علمک نقضه نظرینه و عقیده اساسیه سنه کورده، قانون خار جنده هیچ بر وقعه  
اوله مار، هیچ بر حادثه ظهوره کله من. قانونک معهود استثنائی بیله- حقیله  
تدقیق اولونورسه! - اوقانون ایله تصدیق و تحکیم اولونه بیلیر. و یا خود،  
اوقانونک شمول حکمنی شبهه دوسور و یورسه، نتیجه دهدها عمومی، (دها زیاده  
حادثاتی محیط) بر قانونک کشف اولونما سنه دلالت ایده بیایر. اوقوقت آکلاسیلیر که  
استثنائی تعرفه مقتدر اوله مایان اوقانون، دهه عمومی بر قانونک ضمنتده  
مندرج و (حرئی partielle) بر (قانون استقرائی une loi inductive)  
ایتش...!، حالده یکی کشف اولونان قانون عمومی، خارق عاده کورونی  
حده عریبه بی معقول بروحله تعریف ایدرک اموز عادی صیره سنه قید  
ایتش اوئور. اکثر کشفیات علمیه بوکا مثالدر.

بناء علیه، قانون، از حقیقی و طبیعی ایسه، کندی دائرة  
سمولنده بر حادثه مستثنا بولونده ره مار. اوقانون ایله تعریف اولونه مایان  
بر تک وقعه استثنایه بیله حقیقتی رد ایتک اینخون کفی بر دلیل اوله بیایر.  
بونکد امثالی تاریخ علمده پک یوقدر.

طبیعت غیر عضویه ده خرق العاده کورون بعضی حادثاتی تتبع ایتک وقوانین عئده سیله جهت ارتباطی کشف اید بیاسک، نسبتاً دها قولایدر . (عموم حکمیة sciences physiques) و (میخانیکه، mécanique) نک (علوم حیاتیة و غریزیه sciences biologiques et physiologiques) دن جوق اول ودها چابون ترقی اید بیلمش اولماسنه - فکر بجه ! - . باشلیجه سبب ده بودر . کائنات غیر عضویه صحنه سنده وقوعه کلن حادثات - نسبتاً - بیضا اولدوغی ایچون اولئر آره سنده کی (rapport de causalité) علاقه سیبیت ده قولای کشف اولونه بیلمشدر . اوسبیله درکه علمک اساسی ، روحی اولان ( ایجابیه = déterminisme ) اصولی ، دها جابوق ودها قطعی اوله رق کائنات غیر عضویه ده تحقق و تأسس ایتشددر . بناء علیه بود اثره ده خارق عاده کورون امور مستثنا ، حقیقی اولمقدن ریاده ظاهری برطائم استثنا آدن عبارتدر ؛ یاواش یاواش ماهیتلری تعین ایدرک هانکی قانون مخصوصه عئدا اولدقلری اکلاسیله جق وامور عامه صیر سنه قید اولونه جقددر . عالم عضوی (le monde organique) یه کلنجه - شبهه یوقدرکه - اونده ده ( ایجابیه ) اعتقادی طوعرودر . چونکه حیاتک دخی ( شرائط مخصوصه conditions spéciales ) سی اولدوغی محقق در . شرائط مذکورہ نک بر قانونی اولماسی لازمکه چکی ده ضروریدر . نته کیم بر جوقلری ده کشف ایدشددر و ایدلمکده در . لکن حادثات عضویه - ماهیتی اعتباریه - ده ، زباده ( معضل complexe ) ، ( گرفت enchevêtrés ) واسرارانکیز اولدوغی ایچون بوسبوتون خصوصی قانونلری بولونمق کرکدر . بوفانونلر کشف اولونمادقجه بر خوف حادثات ، ( اسباب - وجبه les causes efficientes ) سبیله معق ل بر صورتده تعریف اولونه مایه حنی ایچون ، خلاف عاده برطائم ( غریبه ) لر کی تلقی اولونه بیلیر . بودرلو حادثاتک پک گرفت اولماسی ، ( یعنی نامعدود و نامعلوم بر سوری اسباب مختلفه نک ( محصله résultante ) سی بولونماسی ) ، ذاتاً غریبه لر لشکیانه یک مساعددر .

اوندن ماعداء ، یعنی حادثات عضویه ده مختاب اسباب موجه آریوب ، کیفیتی بر قانونه رابط ایتک مجبوریتدن ماعداء ... ! احساس وانواع

وصفوف معینہ فی لفظ دقتہ آنق و ہرجس و نوعک ( اوصاف ذاتیہ و مشترکہ  
 propriétés essentielles et communes ) سنی مقیاس اتخاذ ایتک  
 مجبوری تہ و اردرکہ آیرجہ مشکلات نظریہ فی موجب اولویور . بونی بر مثال ایله  
 اکلاتیم :

انسان ، علی العادہ ، ایکی الہی ، ایکی آیاقی در . ہرالندہ . ہر آیاغندہ  
 بشر پارماق و اردر صاغلام طوغمش قصورسز انسان بویله اولور . پک  
 اندر اولہرق بعضی آدملر کورہ بیلیرزکہ بونمونہیہ من جہتہ موافق اولماسین!..  
 اوسبیلہ درکہ بش مارماقلی اولان انسانلری ( مقیاس ) ، و بونمونہی ( قاعدہ  
 norme ) عدایدیورز . اوکا ( normal ) دیورز . فی الحقیقہ کورویورزکہ  
 انسانیتک عظیم برا کثرتی ہب بویله بش پارماقلی در .

شیمدی — عمر مزدہ ایلک دفعہ اولہرق! — الہی پارماقلی بر آدم کورسہک،  
 فوق العادہ بر حیرتہ دوشرز . بو حادثہ عضویہی بر ( غریبہ خلقت  
 anomalie de la Nature ) عدایدرز؛ چونکہ اندر برشیدر . اونی ( عادت  
 طبیعتہ! ) مغایر کورورز . ( خارق عادہ ) ، ( خلاف عادہ ) بر حالدر؛  
 دیرز!... كذلك :

شیمدیہ قدر کورمش اولدوغمز قوشلری ، ہب غاغالی بیلیرز . درت  
 آیاقلی حیواناتدن دخی — مملکت مزدہ! — بر دانہ کورمہ مشزدرکہ غاغالی  
 اولسون!.. فقط دوداقلی بر قوش کورسہک، و بو عریب حیوانک اینک مہسنہ  
 یایشوب سوتہ ممکنہ یاشادیغنی بزمہ تعریف ایتسہلر؛ شاشارقالیرز . صوکرہ بردہ  
 درت آیاقلی وطبقی ( نوردہک کی! ) غاغالی دیگر بر حیوان کوسترہلر، بو ( عجیبہ )  
 لری برز ( غلط طبیعت ) اولمق اوزرہ تاقی ایدرز . حالبوکہ بوتشکلات عضویہ  
 بر طاقم اسباب غریزیہ و تشریحیہ نک نتیجہ سی اولدوغنی جہتلہ — کندنخہ — پک  
 طبیعی در؛ و طبیعت دہ غلط اولہماز . غلط بزم محدودیت نظر مزدہ در؟  
 اونمونہلری براتنا اولہرق تاقی ایدیشمزدہ در . و غلطات، برچوق افر ددہ  
 عینی وجہ اوزرہ تحقق ایتسہیدی ، حیوانات آرہ سندہ یکی بر نوع ، یکی بر  
 صنف تشکیل ایدہ بیلیر و اووقت ہیچ خارق عادہ صایامازدی . مثلاً منطقہ  
 باردہ و حارہ اہالیسی، علی العموم و علی السویہ ، ہب الہی پارماقلی اولسہیدی،

یوقصوره، جنس بشره بر نوع مخصوصی تعیین ایچون، ان مهم واساسی بروصف مشترک، بر (خاصه متارده) صیلیردی. حتی اسباب موجبہ سنی، قانونتی کشف ایدمه سهک بیلہ ینه اونی (خرق عده) عد ایتمزدک. نسه کیم دهمین ذکر ایتدنکم (سوت نه من قوش) و (غالی جاپا)، حیوانات آره سنده بر رصف مخصوص تشکیل ایدر؛ چونکه حالا ایجه افرادی وارددر. بوتشکلات غریبه نك قانونتی کشف ایدمه کده، ایتسه کده، اوافراد متشابه بر رصف مخصوص تشکیل ایدر. افریقا زنجیری ابلک دفعه اوله رق بر بیاض آدم کوردکلری رم، ونی سیطان ظن ایدرک، اطرافندن هجشیلردی. اوروپاده المک رنجی بی کورن کویلو ر دجی عیبی صورتله متحسس اولمشلردی. بو عرب شی، اوقدر خلاف عده کورونمشدی. بیاض آدم لرله، سباه آدم لرک جنس بشر انواعندن او. فلری اکلا سادقدن سوکره (anomalie) قالدی.

بوکون (علم حیات biologie) اصلاحنده (anomalie) تعیری دها خصوصی ودها معین بر طاقه غرائب تشکلاته وصف اوله ق قولانئمقده در. بیرتیه دوداقی، یاخود سموری قولانی، ویاخود انی پارماقلی اولمق کی تشریحی قصورله بوتعیر تحنصیس اولونئمقده در. بوده، یابک اندر کوروله بیان بر (سجیه عضویه caractère organique) نك بر فردده ظهورندن ایلری کله بیانر؛ [التي پارماقلی طوعمق کی] ویاخود بک عمومی، بک عادی بر عضولک فندانندن نشأت ایدر؛ قولاقسمز ویاخود دوداغی بیرتیق طوعمق کی! فقط، بویله اولقله برابر بوسو تشکلاتک اسباب موجبہ سی یوق دیمک دکلدرا!.. علمای متحصصین یونلری (کسبی acquises) و (ولادی congénitale) اولمق وزره ایکی صنفه آیریورلر. ولادی اولان سو تشکلات، اکتریا- حیات خیزه. اما سنده بر عضو مخصوص تکمل یدهمیوب فالماسندن و (حدانی - ancestral = atavique) بر شکل آلماسندن یلری کلیورکه بو حاه (وقفه نمو arrêt de développement) دیرلر. (بیریق - دودق bec-de-lièvre = طوشن دوداغی!)، (حیات داخل رحمی - vie in

(tra-utérine) ده (فك اعلا maxilaire supérieure) ده نیلن اوست چكه  
كيككنك تماميله تكمل ايدمه مه سندن ابلری كله بر قصور دركه عضويتك  
بر شكل طبيعي' ابتدائي سنی عرض ايدر. (عمای الوان (écité des couleurs)  
(شكه' عینه réfine) نك ناقص بر درجه' تكاملندن نشأت ايدر. ديمت  
اولويوركه بو نوع قصورلر، ياجدائی بر شكل عضويتك بوكون يكي دن  
ظهوری در؛ ويا حود (دوره' جنينه' péri- de embryogénique) حيتنده  
بعضی (احوال عارصيه (circonstances accidentelles) سبيله وقوعه  
كلش بر (وقفه نمو) نتیجه سی در. بعضاً (حال ابتدائي به رجوع - retour à  
l'état primitif) ده بو ديمكدر .

(مبحث جنين embryologie) ده نیلن ، ومهم سبعة علميه تأسس  
وترقی ايتدكدن صوكره، عضويت عالنده (خلاف عاده) كورونن احوال،  
معقول بر صورتده تعریف اولونه يلمشدر . مشهور (داروين) نك انه بويوك  
معقبی و شاكردی (پروفيسور هه قكل Prof. Heuckel) بو خصوصده بر  
كتاب يارمشدر .

(اصطفای صناعی (sélection artificielle) بر (anomalie) ني بر  
بر صنفه شميل ايدمه يلمش وانواع جديده وحوده كيرمشدر. [selection  
كله منه باقيكدر ۱]

(پروفيسور لومبروزو Prof. Lombroso)، بونظريائی احوال خنائه به  
واخلاقه دخی تطبيق ايتمش ومزاج جنایتكارانه ني (حال ابتدائي به رجوع)  
صو تيله تعریف ايدم شدر. (خانی طوعمش (criminel-né) بر آدم ، انسان  
ابتدائي ووحشی نك دركه' مغويتمده فالمش اوله رق كوستربيلوركه وقفه نمو ك  
مغوياتده مثالی ده بودر .

-سته لقلر دخی - جنبه - (anomalie) صنفده داخدر . شوااعتار  
ايله (مرضی (pathologique) تعبیری ، (normal) كله سنك صد مقابلی  
ارلور. فقط (anomalie) نك مرضی اوله بيامه سی ايچون وظائف حياتيه ني  
سكته دار ايدمه بيله حك درجه به وازماسی شرطدر .

آخلق حسّك صعمه ویاخود فقدانّه ، بو ككه ، اصطلاح اونمشدر .  
 اصلی یونانی در ؛ (α αδανή) ، (α αδανή) ، (α αδανή) ، (α αδανή) .  
 ارسطونك ، مباحث اخلاقیه ده جقوق قوللانیمی : (اورده قسیس) تعریفی  
 حکمای اسلامیه (شهری) کله سیله ترجمه و نقل اینمسلر و کتب اخلاقیه ده  
 - علی الاطلاق - (مشتهات) مناسیده قوللانمشلردر .

استهاسزلق ، پسقولوجی لرجه ، ترلاع (صیاع حسّ anesthesie) کی  
 قول اولمقد مددر . (حسد اشاع) دن ، یعنی طوقاقدن صوکرده طبعی اوله رزق  
 حاصل اولار بو حسّ ، عدایده درشی ندر شویعوسندن عدارتدر . ماخله  
 (حسد) (trivie) لرده بو حال دائمی در . استهاسزلق کله سیله ایلده او قدر علاقیمی  
 و قدر . فقط (ایسته ری) (anesthetie) حسسته لیده له الوقوع اولان بونفرت ،  
 خارق عاده احواله باعث او یای . مثلا بویله برمرض عدی یه مبتلا اولان  
 کیمسلر ، آزارحه ، - سی سه - یك یه مزملر : یاخود یك حرئی بر سله  
 کفاف نفس ایدر لرده نه صعیب روسه لر . یعنی بو استهاسزلعه ، و ورون  
 مدت آحاده رعماً (anesthesia) (انحلال عضوی) غیب بطی اوله بایلیر .  
 و کیفیت عریبه کبر ارباب ریاضه و (تارک نیا) اولمردد کورومشددر .  
 بلکه هند فقیررز سه لرجه آساییدر لر دیر بر عصر قدر یاسایانری  
 وارددر . بو (عریبه عریبه anomahe physiologique) بی ، مشهور  
 (دوقورساروق Charcot) و تابعی ، (ایسته ری) یه عصفایله لعریب  
 ایدیورر . تفصیل ایچون : anesthesie, rationalisme, malgésie  
 کله لر یه مایکیر !

قو حسّ ایتمک هایتک صیاعه دیر لر بر چوی سئلرله وقوعه کله بایلیر .  
 (محیطی anosmie) و (مرکزی anosmie) اوله بایلیر . تفصیل  
 ایچون : anosmie) کله مایکیر

## Antagonisme تماکس

Antagonisme

بوکه هم ریاضیاتده و بالخاصه علم ماکنهده، همد (anatomie) (تشریح) و (فیزییات physiologie) ده قوللانیلر بر تعبیر اصلاحی درکه بالتعمیل علوم اجتماعییه دخی توسیع معنا اله نقل اولمشدر. تشریحده عضلاته وصف اوله رق ذکر ی کچر. بعضی (عضله muscle) لر واردرکه (تقلص contraction) ایدنجه بررینک تماماً عکسی حرکتی حصوله کتیررلر. عینی زمانده تقلص ایده جک اولورلر سه بر عضوی موازنه اوزره طوته جق وضعیتده بولورورلر. بودرلو عضلاته (muscles antagonistes) دیرلر. (عضله قابضه واسطه) کی، که بونلردن بری منلوج اولدوغی تقدیرده اعضای عانده، بر طرفه چارپیلیردیلر.

اجتماعیات و سیاسیاتده دخی بوتعبیر قوللانیلر و اداره امورده موازنه لازمه یی تأمین ایچون (قوای متعاکسه forces antagonistes) نک وجوبه قناعت حاصل اولمشدر. سوسیولوژی بو عوامل اجتماعی و سیاسی نک انواعی و قیمتلرینی تحقیق ایدر. ریاضیاتده (antagonisme)، (synergie) نک ضد مقابلی در. [بوخصوصده تفصیلات ایچون قاموس عمومی نک ریاضی قسمنه مراجعت ایدیکز !]

## Antécédent مقدم

Antécédent

(conséquent) مقابلی در. اصلی لاتینجه در (ante cedere) ایلری کیمک دیمکدر. بررینه مربوط اولان ایکی حادثه نک اولکی سنه (مقدم) و ایکنجی سنه (تالی conséquent) دیرلر. ایستر بو تقدم منطقی اولسون یعنی دهند، حین تفکرده اولسون؛ ایستره (زمانی) اولسون یعنی بالفعل بر حادثه زماناً دیکرینه حائر سبق اولسون! حدثات معاقبه آردسند کی رابطه، علاقه سببیت شکنده اولورسه، (antécédent)، (سبب) مرادفی اولور؛ (conséquent) ده (مسبب) و یا (نتیجه) مقامنده در. برشیئک، سببیدن اول وقوعی تصور اولونه میه جفی جهتله (سبب) منحقاً یعنی تصورده مقدمدر. زماناً دخی بالفعل و بالطبع مقدمدر. ایکی حادثه متعاقبه ن مطلقاً مقدم اولانی تالی اولانه سبب عد ایت، بعضی

کره باعث خطا اولویور ؛ زیرا حادثه‌نک سبب حقیقی‌سی چوق دفعه‌لر کیزلی  
قالدینی ایچون، سببه مترافق و (ملتفّ concomittent) اولان بعضی وقوعاتی  
سبب ظن ایتک ممکن اولویور . اونک ایچوندرکه مسئله فیلسوفلر آره‌سنده  
موجب مناقشه اولمش و سبب حقیقی‌یه (ant. invariable) ده‌نیلمشدر .  
(سبب cause) سوزینه باقیکنز .

بوتعبیر منطقده قوللانیلیر و (مقدم) لفظیه ترجمه ایدیلیر . قضایای  
شرطیه‌ده برنجی قسمه، یعنی مشروط به اولان قسمه مقدم دیرلر؛ ایکنجی‌سینه  
تالی دیرلر .

(انسان ایسه‌ک، انسانجه طاور اتمالی یز.) قضیه‌سنده (انسان ایسه‌ک) مقدم‌در .  
(ان کانت الشمس طالعه فالنهار (موجود) ده برنجی‌سی مقدم‌در . (فالنهار  
موجود) تالی‌در . (قضیه شرطیه Prop. hypothétique) یه باقیکنز .

Antérieur  
Antériorité

متقدم، تقدم Antérieur, antériorité

برسلسله‌ده اوکجه کلک، تقدم‌در ؛ اوکجه کلنه ، ایلک واقع اولانه دخی  
متقدم‌دیرلر . بونک مقابلی (تالی) و یاخود (مؤخر) اوله‌بیلیر . اکلاشیلیورکه  
بو تعبیرک (تسلسل حادثات enchainement des phénomènes) ایله ،  
یعنی (زمان le temps) ایله مناسبتی وار . [rapport, relation, temps]  
و continuity کله‌لرینه باقیکنز !]

فقط، تقدم یا لکز (زمانی chronologique) اولماز ؛ (منطقی logique)  
دخی اوله‌بیلیر . اکر برشی حقیقتاً و بالفعل دیگر بر حادثه‌دن اول کلیرسه  
بو تقدم ، (زمانی) در . فی‌الواقع تقدم‌در . اکر بر برینه مربوط ایکی‌شی  
دوشونولورکن برینی دیگرندن مطلقاً اولدوشونمکده و مقدم فرض ایتمکده  
بر مجبوریّت منطقیه وارسه بوکاده (تقدم منطقی) دیرلر . (سبب cause) ی  
(مُسَبَّب effet) دن اول فرض ایدوب دوشونمکده کی مجبوریّت منطقیه کی!  
کورولویورکه عقلاً اول فرض اولونان برشی منطقاً مقدم صایلیور ؛ تصورده  
اوکا تابع اولان شی‌ده مؤخر و یاخود تالی عد ایدیلیر . مثلاً : (مبادی  
les principes)، (نتایج les conséquences) . تقدم ایدر ! . دیدیکمز



زمان، معنای تقدم (منطقی) اوله رق اکلا شیلمالی در . چونکه مبادی دیدیکمز شیلر اکثریا (مفهومات عمومیه notions générales) قیلندندر. بناء علیه خارجده اونلرک وجودی یوقدرکه بالفعل، یعنی (زمانی) اوله رق متقدم اولمالرینه احتمال تصورایدیله بیلسین . شوقدر وارکه مبادی پی نتایج ایله برابر دوشونورسه که، نتایجدن اقدم تصور ایتکده مضطر قالیرز. احوالده تقدم منطقی، همان داتما (تعبیرات متضایفه termes connotatifs) ده واقع اولور . [terme سوزلرینه نافیکنز !]

اصطلاحات فلسفیه ایله مشغول اولوب برکورل اوافق قاموس ترتیب ایدن (غوبلو Goblot)، (حکم تقدم judgement d'antériorité) تعبیری وضع ایتشدروایی در . ذاتا اصطلاح فلسفه ده (jugement d'extériorité) واردر، و بسیق قولوزی تعبیراتندن در . تماس ایله ادرك ایتش اولدوغمز برشیک بزدن غیری و خارجده موجود بر ماده اولدوغنی دفعه بیلیر واکلار زطن ایدیوردق. صوکره اکلا شلادی که بزاوماده نك خارجده بولندوغنی، انحق برقیاس خفی ایله حکم ایتدکن صوکره، اکلا یه بیلیور مشز . یالکز (تماس contact) کافی دکل ایتش؛ تعقل و محاکمه دخی شرط ایتش ! ایشته (j. d'extériorité) بوکا دیرلر . غوبلو بو کیفیته تمثیلاً (حکم تقدم) تعبیری وضع ایتشدرکه بر حادثه نك دیکرندن اول وقوعه کش اولدوغنی تسلیم ایدرکن ویردیکمز حکمدر . بالخاصه حافظه ایله علاقهمی واردر . زیرا زمانی ادراك ایچون اک برنجی شرط وواسطه (حافظه la mémoire) در. حافظه، کچمش بر وقعه یی یاد ایتک، یعنی احیا ایدوب (حالی actuel) بر صورتده صحنه شعوره دعوت ایتکدر. مع مافیله اووقعه نك متقدم اولدوغنه حکم ایتمه دکه، انسان بوکونکی مدرکاتی دونکی خاطر اتندن فرق ایده مز وذهن، محفوظات و محسوساتی تشویشدن قورتوله ماز . زمان ترتیبی — ذهنده — فارما قاریشیق اولور . بر حادثه نك (حالی actuel) یعنی شو آنده ادراك اولونمش بر شی اولمایوب (خاطرات) قیلندن اولدوغنی تمیز ایده بیلمک ایچون، اونك (متقدم) اولدوغنه و سلسله زمانی اعتباریله اول کش وچمش بولندوغنه حکم ایده بیله لیدر. ایشته (jugem. d'antériorité)

بودر . بوحکمه یا کلشلق اولورده بر ( وقعه ماضیه ) بر ( حادثه حالیه ) کی تلق ایدیلیرسه بو ( غلط حافظه illusion de la mémoire ) یه ( fause mémoire ) دیرلر .

( actuel, antécédent, amnésie ) تعیرلرینه دخی باقیکز !

Anthropocentrique

البشریه Anthropocentrique

انسانی اشرف موجودات و مرکز کائنات عد ایدن عقیده به بواسمی ویریرلر . تعیر ، یونانی دن آلمش و صوڪ زمانلرده وضع ایدلمشدر . ( انثروپوس = άνθρωπος = انسان ) ( کهندروس = κέντρος = مرکز ) دیمکدر . بواعتقاد ، ( géocentrisme ) ایله صیقی صیقیه علاقه داردر . اوده ، شوبزم ساکن بولوندوغز کره ارضی مرکز عوالم عد ایتک اعتقادیدر . یاقین زمانه قدر بوطن اذهان عمومیه حاکم ایدی . علم نقطه نظرندن مردود و باطلدر . فقط ( نزاع علم و دین ) . سببیت و یرنک مهم مسئله لردن بریده بودر . کتب مقدسه نک جمله سنده انسان تکریم ایدلمش اولدوغی کی ، بوتون مخلوقاتک انسان ایچون یارادلمش بولوندوغی ده یک چوق دفعه لر صراحتاً بیال بیورلمشدر . بو طرز بیانده ظاهر اولان مقصد دینی ، رحمن و رحیم اولان خالق کائناتک انسانه احسان بویوردوغی نعمتلی تذکار و دائماً شکران نعمت و وظیفه سنی اخطاردر . نته کیم قرآن کریم ده هان هر سوره جلیله ده نعماء الهیه ذکر و اخطار بیوریلدور و : ( فبای آلاء ربکما تکذبان ! ) آیت کریمه سی چوق دفعه لر تکرر ایدیور که معنای منیفی ( ربکمزک هانکی نعمتلیخی انکار ایده بیلیرسکز ! ) تقدیرنده در . بناء علیه هر دینده بواعتقاد ، بر مهم اساسدر . لکن علم ، اصول متخذه سی اعتباریه حسیاندن ، نعمت ، و شکر نعمت ملاحظه سندن صرف نظر ایدرک مطلوبی انجق تتبع حادثاته قصر و حصر ایله مکه مجبور بولوندوغی ایچون ، طبیی و ضروری در که علومک حوزه بحث و دائره صلاحیتیه بودر لو ملاحظات دینه کیره مز . اجرام سماویه یی موضوع بحث ایدن ( هیئت astronomie ) ، کائنات عضویه یی تتبع ایدن ( علم نباتات Botanique ) و ( علم حیوانات zoologie ) ، کونشک ، ییلدیزلرک ، و اثمار و اشجار و حیواناتک ( نه ایچون

و كيمك ايجون!) يارادلمش اولدوغنى آراماز. (نصل!) يارادلمش اولدوغنى تحقيق ايدر. علمك وظيفه مقصوره وصحيحهسى انجق بودر. بود اثره خارجه چيقارسه اصولنى اخلال و موضوع بحثنى افساد ايتش اولور. چيقمادجه دخى حسياته و دينى ملاحظاته يول بوله ماز. علمك بو خصوصده ابكم قالمسنه سبب بودر. الك مشروع معذرتى ده ينه بو مجبوريتى در. تعليمات دينيه ايله تدقيقات علميه نك - ماهيتاً و اصولاً - نه قدر متباين شيلر اولدوغى - بدايت امرده! - تعقل ايديله بيلمش بولونسه يدي، نه بو مسئله ده نه ده امثال سائر سنده نزاع علم و دینه بروسيه ظهور ايديله بيليردى... مع التأسف بو منازعه مشهوره و مضره، قرون وسطاده (يعنى علمك و دينك ياكلش تلقى ايدلديكى بردور جهالتده!) اوروپاده ظهوره كلش و زمانزه قدر سور و كلتمشدر. بوكون روح علمه حقيقه آشنا اولان بويوك عالما، قطعياً بو كې مسأله حرمت ايدر لر و علم ساحه سندن اونلرى خارج طوتار لر. بودقت، بر لازمه اصول عد ايدلشدر. [géocentrisme لفظنه باقيكز!]

تصوفده (anthropocentrisme) فوق العاده اهميتلى بر عقیده در. ده به بيليرم كه حكمت صوفيه ده (عمده base) بودر.

تصوف نظرانده انسان بر (عالم صغرا microcosme) در. حتى مغنويت جامعه سى اعتباريله اصل (عالم كبرا macrocosme) اودر. چونكه (صورت رحمن و احسن تقويم) اوزره يارادلمشدر. اونك ايجون (نسخه كبرا le grand texte) در. (اسم اعظمك مظهرى) در. (برزخ جامع trait d'union qui embrasse tout) در. (حقيقت انسانيه نك بو علوشانى) نى اكلا ديفى ايجوندر كه كبار صوفيه دن (ابايزيد بسطامى): (سُبْحَانِي!... مَا أَعْظَمُ شَانِي!...) ديمشدى؛ معناسى: (كنديمه سبحان اوقويورم؛ بنم شانم نه قدر بويوك ايمش!) ديمكدر.

مولانا جلال الدين رومى؛ انسانك حقيقتنه خطاباً:

ای نسخه اسرار الهی، که تویی!...

وی آینه جمال شاهی، که تویی!...

بیرون زتوئیست ، هرچه درعالم هست :  
درخود بطلب ، هر آنچه خواهی ، که تویی ! ...

دیمشدر .

بوکوزل رباعیك معناسی شودر : ( ای اسرار الیهك نسجه می  
اولان انسان ! . . . وائی سلطانلق جمالک آینه سی اولان انسان ) ( یعنی صورت  
رحمن اوزره خلق ایدلمش و سلطان عوالم اولان ربک حائله معکس اولمش  
اولان انسان ! . ) عالمده هر نه وارسه ، اولردن هیچ بری سندن خارج  
دکلدر . نه ایسترسه کنگدگن ایسته ، چونکه هپسی سن سک ! . . .

بزم مشهور شیخ غالب مرحوم ، ینه انسانه خطاباً :

خوشجه باق ذاتکه کیم زبده عالم سین سن ! . . .

مردم دیده اکوان اولان آدم سین سن ! . . .

دیمشدر . [ فضله تفصیلات ایچون : mysticisme, çoufisme و خصوصاً  
microcosme و macrocosme لفظلرینه باقیکز ! ]

بزم صوفیه عثمانیه و علی الخصوص ملائیه بوعقیده یه پک بویوک براهمیت  
عطف ایتشلر و بووادیده پک چوق منظومه لر یازمشلردر . بولردن مثال  
ایراد ایتک تطویل مقالی موجب اولور . یالکیز زمانمزدن تقریباً ابکی عصر  
اول یاشامش و بویوک برفوذ مغنوی اجرا ایتمش اولان ( غیبی بابا ) نک بر  
تورکجه منظومه سندن شوایی اوج سطری عرض ایله اکتفا ایدیورم :

زاهد ! . بیل بو عالمی ! — نه در انسان ، ایچنده ؟ ! . .

آدم ، عالم یوغیکن ، — طوغدی بر آن ایچنده ! . .

بیلک ایسه بودمی ، — حق ، بیله کور آدمی ؛

اول ، عالمک سلطانی ! — قلله کآن ایچنده ! . . .

ملکی در آنک جهان — الی آخره ! . . .

قدمای فلاسفه علی الاطلاق بو اعتقاده میال ایدیلر . رومالی مشهور  
( چیچرون Ciceron ) ، بوعقیده یی تحکیم ایچون غریب برطرز استدلال  
ایجاد ایتمشدر : [ دنیاده نه وارسه ، اولری کندی منفعتنه موافق بر صورتده  
استعمال ایتمه سی بیلن یالکیز انساندر . هرشی اونک ایچون یارادلمشدر ؛

چونکه انجق او، هرشیدن استفاده ایتک یولنی بیلور . زیتون ، اوزوم  
(الی آخره!) کبی شیردن حیوانات استفاده ایده مز؛ احتمالکه سرقت ایدر.  
فقط بونلر و حیوانات یالکیز انسانک مالی در . دیور .

بشريات (مبحث انسانه) **Anthropologie**

Anthropo-  
logie

Anthropologie فرانسه و المانیه

Anthropology انگلیزجه

Anthropologia ایته لیانجه

یونانی ده (άνθρωπος = انسان، (لوغوس= λόγος)  
دخی کلام، بحث دیمکدر؛ صوک زمانلرده احیا ایدلش اولان بواسکی تعبیر،  
اوابکی کله دن ترکیب ایدلشد . (علم انسان و انسانیتک تاریخ طبیعی سی)  
دیمکدر .

ارسطو، بوکله یی قوللانش، فقط تامیله موضوعنه توفیق ایده مه مشدی؛  
بوکون بیله بو تعبیر مختلف معنالره تلقی ایدیلور . هرسان مدنی ، حتی  
باشلیجه علمای متخصصین بیله بونی درلو درلو آکلیور و اکلاقلری کبی  
استعمال ایدیورلر .

اون آلتنجی واون سکنزنجی عصر میلادیده (آنثروبولوجی) تشریح  
وفیزیولوجی دیمکدی . مع مافیه دیکر بر فرقه علما بونی علم روح و اخلاق ایله  
برطوتمقدمه ایدی . (فانت Kant) بومبخته دائر بر کتاب یازمش و فقط انسال  
بشریه نك و عرفلرک منشأ نی تحقیق ایدرکن، مسئله یی منحصر آسیقولوجی  
نقطه نظرندن مناقشه ایتشد . اوزون مدت دن بری بو علم، انسانیتک تاریخ  
طبیعی سی اوله رق تلقی ایدلش اولدوغی حالده ، بو تعریف ، (نظری  
théorique) قالمش واون طوقوزنجی عصر میلادینک بدایتلرینه قدر ،  
انسانیتک تاریخ طبیعی سی - اصولی دائره سنده - تدقیق ایدله مشدی . فرانسه -  
علماسندن (پول بروکا Paul Broca) آنثروبولوجی یه بر علم مخصوص حیثیتی  
ویرمکه شهرت شعار اولمش، و بو وادی ده بک مهم کشفیاتده ظفر بولمشدر .  
بو عالمک فکر نجه، آنثروبولوجی نك موضوعاتی، اولاً (انسال بشریه یی تتبع  
l'étude des races humaines) ؛ صوکره انسال مذکور نك تشریح،

فیزیولوژی و پسیکولوژی سنی بر بر سه قیاساً مطالعه اتمک و فضله اوله رق ،  
 عینی زمانده (مدنیت انسانیه نك منشأ لری les origines de la civilisation  
 humaine) حقه ده تحقیقاته کیریش مکرر . فرانسلر حالا بو علمی بو معنا  
 ایله تاقی ایدیورلر و دائرة تعلقی خیلی که نیش طو تو یورلر ؛ شو تقدیره کوره  
 ( آنترپولوژی ) - معنای قطعیمی ایله - بر علم اولمقدن زیاده بر مبحث  
 مخصوص (monographie) اولمش اولویور . انسانه و انسانیت - اوزاقدن ،  
 یاقیندن - علاقیمی و ارتباطی اولان بر جوق مسائلی حل ایده بیلیمک ایچون  
 بر جوق علومک دائرة اختصاصنده اجرای تحقیقاته مجبور و محتاج بولونویور .  
 فی الحقیقه انسال مختلفه نك ( شمائل ممتازه caractères distinctifs )-نی  
 تعیین ایده بیلیمک ایچون (تشریح تطبیقی anatomie comparée) ایله مشغول  
 اولمق ، و نتایج تحقیقاتندن استفاده اتمک لازمکلیور . حتی بوتبعات ، (مبحث  
 قحف crâniologie) نامیله بر شعبه علمی نك تولد و تشکله سبب اولویور . اوندن  
 صو کره ، مدنیتک منشأ لری تحقیق اتمک ایچون (قبل التاریخ la préhistorique)  
 نامیله دیگر بر شعبه علمی تشکیل ایدیور . حالبوکه بونك دخی (علم مستحاثات  
 paléontologie) ایله ، (تاریخ histoire) ایله (علم اقوام ethnographie)  
 ایله حتی (علم سجایا éthologie) و (پسیکولوژی تطبیقی psychologie  
 comparée) ایله صمیمی علاقهلری واردر .

مدنیت انسانیه نك منشأ لری تدقیق خصوصنده فوق العاده چالیشان  
 و بویوزدن ( آنترپولوژی ) یه بویوک خدمت لر ایدن مشهور ( طسایلار  
 Tylor ) ، بو علمدن بحث ایدرکن :

[ اونك وظیفه سی ، انسانه دائر بالجله علومک عرض و ابراز ابتدکی  
 معلوماتی جمع و تلفیق ایدرک - انسانك یر یوزنده ظهورندن بو آنه قدر کچن  
 حیات تاریخیه سنه و طبیعت جسمانیه و معنویه سنه دائر - ممکن اوله بیلدیکی قدر  
 مکمل بر نظریه ترتیب ایله مکرر . فقط بالخاصه تشریحدن ، تاریخندن  
 پسیکولوژی دس ، فلانندن بحث اتمک دکلدر . ] دیورکه طوغر و سی ده بودر . . .

تاریخ علم و فلسفه ده تحقیقات جدید و وسیع سی مسلم اولان ( سرویلیام  
 هاملتن ) بوکله حقه ده شو معلوماتی ویریور :

[ ( اوتو قاسمان Otto Cassmann ) نام مؤلف - تقریباً ( ۱۵۱۶ )

سنه میلادیه سنده ! - علی الاطلاق علم بشر ایچون بواسمی وضع ایتشدرد .  
 بوذات ، اونی ایکیه تقسیم ایدیور : برنجیسی ( psychologia ) درکه  
 ذهن بشر حقنده تدقیقات احراسیله موظفدر . ایکنجیسی دخی ( somatologia  
 یعنی مبحث جسم ) درکه انسانک منحصرأ بدننه تعلق ایدن بالمله خصوصاتی  
 موضوع بحث ایدر . بو علم حالا بوکون آنانیاده بوتقسیماته کوره قبول  
 ابدلش وهرایکی قسمی ده عینی اسملرله یاد اولونمقدرد بولونمشدرد . ]

بوکله نك معناسنده و - بر علم مخصوص اسمی اوله رق - وجه تلقی سنده  
 کوروان شواخلافات ، آز چوق طبیعی در . چونکه اسمی اسکیدن بری  
 موجود اولمقله برابر علم یکی در؛ هریکی علم ده واقع اولدوغی کبی ، آنثروپولوژی  
 دخی ، هنوز دائره تعلقی قطعیا تعیین ایده ممش ، کندینی حقیله طویلایه مامش ،  
 وسمیمیا علاقه دار بولوندوغی بر جوق علوم سائر ايله حدود متقابله سنی  
 صریح بر صورتده هنوز چیزه ممشدر . یالکز بالمله علما شو معناده  
 متفق درلرکه بو علمک موضوعی - بالمله حیثیاتی ايله - انساندر . بناء علیه آنثرو-  
 پولوژی ، { انسان حقنده هر درلو معلومات لازمه یی جمع وتلفیق ایدرک اونک  
 تاریخ طبیعی سنی وجوده کتیر مک } ايله مکلفدر . اونک ایچوندردکه :  
 (C'est une étude synoptique de l'homme physique et moral)  
 تعریفنده بوتون علما اتفاق ایدیورلر .

### مشبهه ، جسمه Anthropomorfisme

Anthropo -  
morfisme

Anthropomorphisme فرانسزجه

Anthropomorphismus آلمانجه

Anthropomorphism انگلیزجه

Anthropomorfismo ایسپانیاجه

یونانی ده ( آنثروپوس == άνθρωπος ) انسان ، ( مورفی = μορφή )  
 شکل دیمکدر . بوتعیر ، بویکی کله یونانیه دن ترکیب اولونمشدرد ، و ( تاریخ  
 ادیان ( l'histoire des religions ) اصطلاحاتندرد .

( animisme ) کله سزده ویردیکم تفصیلات ايله ( حس دینی le sentiment  
 x) iirlegeu نك منشأ تهنیدی وادیانک مهوری حقنده سوسیولوژی علماسنک

ملاحظات مخصوصه و فرضیات علمیه سنی عرض ایتشدم | اوکله یه باقیکز ! [ (قوای طبیعیہ نی تشخیص و تألیه ایتک diviniser et personnifier les forces de la Nature) میل جبلی سندن (مجسمه) عقدہ باطله سنک سبب و صورت تولدی او مقاله ده کوسترلمشدی. بونک بوکونکی اقوام و حشیہ و قبائل دبل التاریخیه ده (دین) حکمنی حائر اولدوغی و عاداته ، اخلاقه ، قواعد و اصول معاشرته ، صنایعه و بالآخره مدینته پک بیوک بر تأثیر عمومی اجرا یتمش بولونه وغی ده ایضاح ایدلمش ایدی .

فی الحقیقه (آنتروپومورفیزم) ، انسانیتک مراتب اعتقاداتنده (animisme) دن سوکره کلیر بردور مغنوبت در؛ کندینه مخصوص بر مدینت دخی تولید ایتشدر . بومدینتک الکعالی مثالی یونان قدیمده کوره بیلورور . بوکا (civilisation paganiste) دیمشلد که بز اونی (مدینت وئیه) ده ترجمه ایده بیلیرز. آوروپا علماسی دییور که بویه بر مدینت، صنایع نفیسه نک انکشافات و ترقیات فوق العاده سیله ممتازدر. زیرا (هیکلتراشلق sculpture)، (معماری architecture)، (رسم dessin)، (نقش peinture)، (رقص danse) و (موسیقی musique)، هپ بو اعتقاد الجاسیله طوغمش و اوسایه ده ترقی ایتشدر . بومسئله لری پک جدی و فله و فانه بر نظرله تدبیر ایتمش اولان (هربرت سبنسر) بو ادعاده بولونویور ، و صنایع نفیسه نک (anthropo-morphisme) ایله صیق، اساسی و تاریخی بر مناسبتی اولدوغی بیان و ایضاح ایلور .

مدینت اسلامیه ده معمارلق ، قلمکارلق و صرف تزییناته عائد نقوش حیرت بخش بر درجه کاله واصل اولمش بولوندوغی حالده ، صنعت تصویر و هله هیکلتراشاغک پک ابتدائی بردر که ده قلمش اولماسنی (عرب مدینتی تاریخی مؤلفی) دوقتور (کوستا لوبون Gus. Lebon) احکام جلیله اسلامیه نک تأثیرینه و - عبده اصنامنه تقلید حرکتدن !... - امتناع گیقته عطفاً تعریف ایدیور که طوغرو کورونور و (سبنسر) ک بو باده کی ملاحظاتی تصدیق ایدر بر فکر در .

کذلک، (آوروپاده سکر عصر سورن بردور تعصبی متعاقب - ینه یونان



قدیم مدینه رجوع ایله - (دور انتباه = Renaissance) ی فتح ایدن یی  
ایتالیان مدنیتک ، صنایع نفیسه ده و علوم طبیعه ده خارق العاده انکشافات  
و ترفیات ایله ممتاز اولماسی عینی دعوائی اثبات ایده بیلیر بر دلیل صاییلسه  
کر کدر .) ده بن مورخلر پک چوندور.

فی الحقیقه دین مین اسلامک - هر درلو ترقیات مدینه یی تشویق ایتکله  
برابر - بالخاصه تصویر و هیکل تراشلق صنعتلری منع ایتمه سنده کی حکمت ،  
( مجسمه ) دن اجتنابه مینی در ؛ ده نیله بیلیر .

تاریخ ادیانده ( مجسمه ) و ( مشبه ) تعبیرلرینک پک بویوک بر اهمیتی  
واردور . هر دینده بو عقیده ضالّه اربابنک ظهوری و بر مذهب مخصوص  
تشکیل ایتدیکی کورولمشدر .

بشنجی عصر هجری علمای بنامندن ( محمد شهرستانی ) مرحوم  
( ملل و نحل ) نام کتاب مهمنده ، دین اسلامک یتیش اویچ فرقه یه انقسامی -  
مشهور بر حدیث شریفه عطفاً - تشریح ایتدکن صوکره ( فرقه ناجیه  
اهل سنت ) دن ماعدا یتیش ایکی فرق ضالّه یی صنفلرینه تقسیم ایدوب ،  
هربری حقه ده یکان یکان معلومات و ایضاحات نافع و یریور . بو صیره ده  
( مجسمه ) و ( مشبه ) فرقه لرینه دائر ملاحظاتی پک مهم و شایان دقتدر . اسلامیه ادعای  
منسوبیت ایله بن بر طاقم مذاهب ضالّه ده بو ( anthropomorphisme )  
اعتقاد باطلنک نه شکل اوزره جلوه ایتیش بولوندوغنی کوسترک ایچون ،  
مؤلف مشارالیه ک تورکجه یه مترجم اولان اثرندن بورایه بعضی سطرلر نقل  
ایدیورم ، واک غریب اولانلری ده مثال کتیریورم . فرضا :

« ... بونلردن بری مغیره در ؛ و بونلر ( مغیره ابن سعید العجلی ) نام  
برکسینه نک اصحابی در . و اول ملعون بی دین دیدی که : حق تعالی نوردن بر -  
رجل صورتند در ، و باشند نوردن تاجی واردور . الخ ،

محمد شهرستانی ، ( فرق شیعیه les sectes schiites ) میانده ده بعضیلرینک  
بو اعتقاد متمسک اولدقلری ذکر ایدیور ؛ حالوکه بو آریجه بر فرقه دکل  
عمومی بر ( دور اعتقادی ) صاییلیر .

«... و بریسی (هشام ابن سالم الجوالیقی) در؛ وانلر، خدانك - تعالى عما يقوله المشركون!! - جسد اولدوغنده اتفاق ایتدکلرندن صوکره، اختلاف ایتدیلر. (ابن حکم) دیدی که الله، طول و عرض و عمق برابر در؛ ولکن اول، مخلوقاتدن برینه بکزه مز؛ ودخی مخلوقاتدن بری اکا مشابه دکلدر. و آندن نقل اولوندی که اول [یعنی جناب حق!] کندی قاریشی ایله دیدی قاریشدر؛ و اول مکان مخصوصه در، و جهت مخصوصه در؛ و متحرک اولور؛ و حرکتی فعلی در؛ بر مکاندن بر مکانه نقلی دکلدر؛ و اول، ذات ایله (یعنی ذاتی اعتباریله!) [متناهی در؛ و قدرت ایله متناهی دکلدر؛ و عرشى ماسدر. [یعنی عرشه تماس ایدر؛ و طورور!] الی آخره...]

«... بر دیکری بنانیه در و بونلر (بنان ابن سمعان الهندی) نام کسنه یه منسوبلر در؛ و اول، دیدی که: خدای انسان صورتی اوزره در؛ و ذاتندن عبری باقی یوقدر. الی آخره...]

(کرامیه) و دهها بر چوق فرقه لرده وارد که هپ بو عقیده باطله یه باغلامشلردر و حاشاء، اللهم (لحم و شحم و دم دن مرکب بر جسد مجسم) اولوق اوزره تصور ایتمشلردر. موافقه دخی ذکرى کچر.

الهیاتده ایقاع ایتدیکی مسائل مختلفه ایله، برقات دهها اهمیتی آرتدیرمش اولان بو عقیده سخیفه نك یالکیز (دین اسلام تاریخی) ایله دکل هر دینک تاریخ نکاملی ایله صیقی صیقیه علاقه سی واردر. مثلاً خرستیانلرده دخی مجسمه و مشبهه فرقه لری پیدا اولمش و بونلر دخی اعتقادات باطله لر یی طبق شرقی لر کی، عینی دستور لر له ادا ایتمشلردر.

اوج بویوک جلددن مرکب، مکمل بر قاموس فلسفی وجوده کتیرمش اولان بر امر یقا هیئت علمیه سنک طبع ایتدیرمش اولدوغی بواژده شوسوزلر شایان نظر در.

«بومسئله نك تاریخی پك مشوش در. بناءً علیه بوراده مختصراً تلخیص ایدیه مز. یالکیز شو قدر ده نیله بیلیر که (مجسمه) اعتقادی، (فەتی شیزم) = fétichisme = یعنی بوجکله طاش بارجه لرینه طایمق!»، (طیبه طایمق = Nature Worship) و (شامانیزم chamanisme) یعنی ماغول و تیت

اهالیسنک اعتقادی) نه بر درجه فائق اولق اوزره، تاریخ ادیانده بر صفحه مخصوصه تشکیل ایدر. خرستیان دینک تاریخ تکاملنده (غلاة مجسمه)، (آندی یهن = Andians) دیدکلری فرقه ایدی که دردنجی و بشنجی عصر میلادی ده ظهور ایدوب قوت بولمشدر. بونلر، تورائی، حرفیاً تفسیر (یعنی معنایی ظاهره حمل ایله تعبیر!) ایدرلر، و کتب مقدسه ده کچن (یدالله) ودها بوکبی تعبیراتک (یعنی متشابهاتک!) حرفیاً ترجمه وتلقی ایدلمه سی لزومنده اصرار ایئرلردی!...

مجسمه اعتقاد ابتدائی سی، انسانیت غافله ایچون پک طبیعی بر تصور باطل اولق حیثیتیه، (مطلقاً متشابهاتی حرفیاً تلقی ایتمکدن تولد ایتمشدر!) ده نیله مز ایه ده، شبهه یوقدرکه متشابهاته معنا ویرمک میل ایله - برطرفدن تأویلک، دیگر طرفدن مجسمه اعتقادینک - صحیحاً علاقه سی واردر. مجسمه فرقه لرندن همان جمله سی بواعتقاد سخبی مدافعه ضمننده متشابهات ایله استدلال ایتمش لردر؛ حالبوکه (ملل ونحل) ترجمه سنده بو بحثه تعلق ایدن شوایکی سطر، فوق العاده حائر اهمیت اوله رق، مندرج بولونویور:

«... متشابهاته سلفک وائمه اربعه نک مذهب لری بودرکه: آنلری ظاهر لری اوزره ایفا ایدرلر وانلرده تشبیه وتأویلدن اجتناب ایدرلر!...»

اوروپا الهیوتنک حوغی بو فکرده در. حالبوکه (وهیت لی Whately) [بونلر تشبیهاتدر.] دیر. کتاب کریمک امر صریحه مطاوعتاً، متشابهات بحثده توقف ایدن علمای اهل سنتک، شو حرکشنده کی حکمت ایشه بو اساسه مبنی در. زیرا متشابهات مذکوریه حرفیاً تلقی ایتک، مجسمه اعتقادینه پیوسته اوله جنی کی، تأویل جهته کیتمک دخی بهمه حال باطنیه وادیسنه واره جنی جهته اجله علما، تنبیها قرآنییه تمامی رعایتده طریق سلامت ونجاتی بولمشلر ومتشابهاتدن بحث آجامشلردر.

حکما و آلهیون (معتزله les mo'tazalites) بو طور احترازده غلو درجه سنه وارمشلر و مجسمه و مشبهیه بکزمه مک تقیدیه (صفات الهیه les attributs divins) نک مستقلاً موجود اوله بیلمه سنی دخی شدتله انکار ایتمشلردر. بو سببیه درکه بو فرقه عاماسی جناب واجب

الوجوده آیریمجه ( حیات ) ، ( قدرت ) ، ( علم ) ، ( سمع ) ، ( بصر ) کبی  
 صفتلر اسناد ایتمکدن چکینیرلر ویا لکنز : ( سمیع و بصیر و عایم در ! )  
 دیمکله اکثفا ایدرلردی . ( التوحید اسقاط الاضافات ) دیدکلری ایچون  
 کنیدیلرینی ( موحد unitarien ) تسمیه ایلرلردی . ( کندی صفاتمزی  
 جناب حقه اسناد ایدرکن اونلری واقعا نامتناهی بر درجه کالده تصور ایدوب ،  
 اوندن سوکره اسناد ایدیوروز . مع مافیه بودخی صرف انسانی و غندی بر  
 دوشونجه در . خالق کائنات هر درلو اوصاف و تصور اتدن مزه در . [ دیورلردی .  
 بو ادعا ( agnosticisme ) فلسفه سنه طایانیر . ( بو کله یه باقیکنز ! ) صوفیه  
 دخی ( نفی صفات ) بختنده معتزله ایله متفق در . بو طورک سببی ، علی العموم  
 مجسمه و مشبه یه بکنزه مکدن اجتناب خصوصنده افراط تقید در . مفسرین  
 اسلامیة نکه مشهوری و ( کشاف ) نام تفسیر کبیرک مؤلفی ( علامه  
 زحشری ) بو خصوصده شدت تقید یله معروف در . مومی الهیک ( رؤیت الله )  
 مسئله سنده افکار و اوضاعی آلهیات اسلامیة عظیم مناقشاتی و ولوله یی  
 موجب اولمشدر .

عثمانلی ساعر مشهوری عبدالحق حامد ، ( ثولو ) نام اثرنده :

اویوب بلاهتتمه ، بن ، نه تسلیت بولدم ،  
 خدایه عز و صفت برله خود صفاتمدن

دیمش ، بو بوم مسئله ده معتزله کبی شدت تقید کو سترمشدر .

اللهه صفات اسناد ایتک مجبوریتک مجسمه و مشبه اعتقادینه پیوسته  
 اوله جغفی ، بعضی اور و با حکما سی ادعا ایتمشلر و مع مافیه آلهیاتده صفات بختندن صرف  
 نظر ایتک ممکن اوله مایه جغفی ده علاوه ایله مشلر در . بو آله یون : ( ذات الوهیت  
 personnalité divine ) ده اساساً صفات مند مجدر ؛ اونک ایچوندرکه  
 ذات ایله صفاتی بر برندن آیرمق قابل اوله ماز ! .. ) دیورلرکه اهل سنتک  
 اوتهدنبری : ( صفات ، ذاتک نه عینی در ؛ نه ده غیری در ! ) دیدیکی بودر .  
 یا لکنز اور و با آله یون حاضره سی بو بحثک ( وجودیه panthéisme ) و  
 ( آلهیه théisme ) مسئله لر یله پک مهم و اساسی بر رابطه سی بولوب ابراز

ایمانشدر در . ( تفصیلات ایچون immanent و transcendental سوزلرینه باقیکنز ! )

کورولویورکه بوتون بویوک فیلسوفلر عقائد دینه بختنده - کیتدکجه - مجسمه ومشبهه دن تباعد ایتکه وحتی ( agnosticisme ) حدودینه یاقلاشمغه چالشیورلر . بر جوق کشیلر ادعا ایدیورلرکه عقاید دینه نك مرتبه کالی ، مجسمه دن درجه تباعدیله متناسبدر .

علوم اجتماعیه دائره سنده فلسفه ایله تقیدایدن متفکرین ، مجسمه ومشبهه اعتقادی کمال دقت واهمیتله تتبع ایدرک ، بونک منشائی آراشلر . بالخاصه ( هربرت سپنسر ) بومسئله ایله جوق اوغراشمش وحقنده بر فرضیه ترتیب ایتشدرکه سوسیولوژی ده مشهوردر سپنسرک ظننجه مجسمه درکه اعتقادیه سنده قالان اقوام ، الهی دائماً بر رئیس مستبد و بر حاکم مطلق کی تصور ایدیورلر . [ عثمانلی شاعر لرینک الک بلین اولان مرحوم توفیق فکرتک ، علی الاطلاق مجسمه اعتقادی تزییفاً یازمش اولدوغی منظومه تاریخیه ، سپنسرک فرضیه مشهوره سنی تحکیم ایدر بر آبدشهعریه درکه باشقه لسانلر ده نظیری کوچ بولونور .

### Anticipation سابعه ، سبق

Anticipation

Anticipation	فرانسه رجه وانکلیزجه
Antecipazione	ایتالیانجه
Erwartung	المانجه

بوکله ، لاتینجه ( anticipatio ) دن آلتشدر . بوده ( ante capere )  
لفظلرندن کلیرکه ( اولدن آلق ، یعنی برشی هنوز واقع اولمه دن اونی تلقی ایتک ) دیمکدر . فقط بوتعمیری الک اول اصطلاح اوله رق وضع واستعمال ایدن ذات ( فلسفه مادهیه Ph. matérialiste ) نك مؤسس ( نهیکور Epicure = قبل المیلاد ( ۳۷۰-۳۴۱ ) در . بوفیلسوفک ( پرولیب سبس = πρόλογος دیدکی ( anticipation ) ، ( مادهیون les matérialistes ) ایله ( رواقیون les stoïciens ) عندنده بک مشهور ومهم بر تعبیر فلسفی اولمش ورومالی ( جیچهرون Cicéron ) ، اوکا قیمت ویره رک لاتین لساننه نقل ایله مشدی .

بوکون بوکله‌یی، فلسفه لسانی، اقل اوچ وجهله تلقی ایدیور. نه‌پیکورک  
عربی، معنای تاریخیسی در. اولاً اوئی ایضاح ایده‌یم :

(بول Buhle)، (فلسفه حاضره تاریخی his. de la phil. mod.) نک  
برنجی جلدنده تعبیر مذکوره دأثر شو معلوماتی وریبور :

« اشیانک حواسمز اوزرینه اجرا ابتدیی تأثیرات، ذهنمزده بر طاقم  
(ایزلر traces) براقیر؛ و او شیلر بزہ یکی باشند معروض اولونجه -  
اونلرک ینه اسکی بیلدیکمز شیلر اولدوغنی - اوایزلر سایه‌سندہ اکلازلر .  
یکی کوردوکمز شیلری، اسکی خاطراتمزہ قیاساً ملاحظه ایدرک فرقلرنی  
دخی ادرک ایدرز . مثلاً ایلک دفعه اوله‌رق بر حیوان کورسک، بو حیوانک  
حواسمز اوزرینه اجرا ابتدیی تأثیرات، ذهنمزده بر طاقم ایزلر براقیرکه  
اونلر بزم ایچون بر (نمؤذج type) اولغه خادمدر. بالاخره عینی حیوانی  
تکرار کورونجه - بویکی مشاهدہ‌مزی - ذهنمزده محدود بولونان اواسکی  
نمونه تطبیق ایدرک طانیرز؛ وینه عینی حیوانی کورمش اولدوغمزہ حکم  
ایدرز. ایشته، بویلک نمونه وصوره کی تأثیراتمزک اوکانسبته، (نه‌پیکور)،  
(سابقه فکر ل'anticipation d'une idée) دیرایدی. ایشته (مشاهدات  
حاضره observations actuelles) مزک اسکی نمونه فکریه‌سیله (مشابهت  
ressemblance) نی، (فرق différence) نی (عینیت identité) نی  
بوسایه‌ده تقدیر ایدوب آکلارز .»

نه‌پیکوره عطفاً تصریح اولونان شو تعریفه کوره (anticipation)  
دیمک، عینی جسدن اولان افراد متعدده‌یی ایلک نمونه فکرینه قیاساً  
طانیق؛ وآرده کی اوصاف متشابه‌یی تعیین ایتک؛ و بو (سابقه علم)  
سایه‌سندہ، تجربه‌دن اول برشی حقدہ حکم ایده‌بیلیمک دیمکدر. مثلاً بر  
بالغک نصل بر حیوان اولدوغنی بالتجربه کوردوکدن و (بالیق) حقدہ  
بر فکر حاصل ایتدکن صوکره - هنوز هیچ کورمه‌دیکمز - دیکر بر بالیق  
حقدہ حکم ایتک و فرضا: (صوده یا شایه‌بیلیم سی ایچون بهمه‌حال (غلبه) لری  
اوله‌جقدر؛ یوزه‌بیلیمک ایچون (مسبحه) لری اوله‌جقدر. الخ ! . . ) دیمک  
(anticipation) در. چونکه بر شیتی هنوز کورمه‌دن او شیک (نمونه)

جنسی (type générique) سی حقنده اولجه حاصل ایتمش بولوندوغز بر فکر سایه‌سنده، تجربه‌ی (anticiper سبق) ایده ک بر حکم ویرمکدر. بویک مهم برقابلیتدر. زیرا اولجه (analogie تمثیل) ، ثانیاً (مقایسه comparaison) ، ثالثاً (تصنیف classification) بو سایه‌ده ممکن اوله‌بیلیر ؛ وجه‌دن اهم اولان کیفیت شوکه ، (استقرا induction) ، بو اساسله مستددر. لکن دوشونولورسه جمله‌سنگ نقطه استنادی (حافظه la mémoire) در . زیرا حواس‌مزله تلقی ایتدیکنز (ایلك تأثرات les premières impressions) ی، ضبط و قید ایتمک خصوصنده عضویتیمزک بر استعداد جلی سی اولماسه‌یدی، نه تمثیل و مقایسه‌یه، نه‌ده تصنیف و استقرایه مقدر اوله‌بیلیرک ! اونک ایچوندرکه نه‌یکورک احداث و وضع ایتدیکی بو تعبیر اصطلاحی کمال اهمیتله تلقی اولونمش ، حتی یالکنز بو کله ایچون رساله یازانلر بولونمشدر .

[ بوتون بو تعبیراته باقیکنز ! ]

احکام فلسفیه و (نظریه معرفت. théorie de la connais) اعتباریه دکل، انجق (مبادی اخلاق principes moraux) اعتباریه مادیوندن فرقی طاورانان روافیون، بو تعبیری آلمش و (برماهیت کلیه‌نک بر تصور طبیعی سی conception naturelle de l'universel = دیه تعریف ایتمشدر ؛ دستور یونانی سی (κοινὰ ἐννοιαὶ φυσικαὶ προλήψεις) جمله‌سیله مضبوطدر . شو تقدیرجه (anticipation) جزئی‌یه باقوبده کلی‌یه انتقال ایتمک دیمک اولور ؛ و بوراده (انتقال) کله‌سی ، (پروایب سیس) تعبیر یونانی‌سی حقیله ادا ایدر . بو صورتله تلقی ایدیلنجه (anticipation) بر (استقرا induction) دن عبارت قالیر؛ زیرا استقراده (وتیرده استدلال procédé de raisonnement) ، جزئیاتدن کلیاته انتقال صورتیه تشمیل حکمدر .

مع‌مافیة بعضی بویوک فیلسوفلر بو کله‌نک معناسی نه‌یکورک اکلا دینی کبی تلقی ایتمه‌مشلردر. (جزئی‌ده کلی‌ی کشف ایتمکدر) ظن ایله‌مشلردر. بو ممکن‌در؛ بوکا برشی ده‌نیله‌مز ! چونکه بر فیلسوف ، بر تعبیری کندی

دوشونجه‌سنه كورد بر حثیت معنا ایله تلقی ایدرسه معذوردر . فقط بر کله‌نك واضع حقیقی سی اوئی نه معنا اوزره وضع ایتیش ایهسه، کله‌نك تاریخ فلسفه‌جه معنای اصلی سی ایشته اودر . اسکی معناسی ایله یکی سنی فاریشدیرمق ، مضر وفاخش بریا ککشلق در . خما ، تاریخ فلسفه‌یه تعلق ایده‌جکی جهته تصحیحه شایاندر . ( سروبلیم هاملتن ) بونی نظر دقته عرض ایدیور؛ و: «رواقیونك، هله (نیهیکوریون les épicuriens یعنی اسکی مادیون!) ك

( conception naturelle de l'universel ) دیدیکی، بر ( تعمیم بعدی généralisation a posteriori ) دن یعنی بر ( استدلال استقرائی ) دن عبارتدر . بو سوزك معناسی باشقه برشی فرض ایتمه‌ملی در . حالبوکه بر چوق کشیلر اران جمله ( لیپ‌سیوز Lipsius ) و ( لایب نیچ Leibnitz ) رواقیونك بوتعیری تفسیرده بویه بر خطایه دوشمشلردر . « دیور . بن ظن ایدیورم که بوخطا ، افلاطونك ( ماهیات و مثل , idées prototypes ) حقنده کی ملاحظاتی ( anticipation ) ایله بر طوتمقدن ایلری ککشدردر . معلومدر که افلاطون ، ( یالکز بر فردی ، برشیئی کورمکله ، اوشده ، او فردده بر جنسك ماهیت کلیه‌سنی ، حتی مثال‌کائی کشف ایتمك ] امکانه قائلدی ، وکویا نظر حکیم بونی کشف ایتمکله مکلفدی ! ایشته افلاطونك بوفکریخی، نیهیکورك ( برولیب‌سیس ) دیدیکی ( س بقه تجربه ) ایله بر طوتمق ، بوخصوصده واقع اولان حصابك منشای در ؛ سانیرم .

سروبلیم هاملتن حقلی در؛ و ابراز ایتدیکی خطا چوق مهمدر؛ چونکه افلاطون کی دوشونولورسه ( قبلی apriori ) بعضی مبادی‌یه اینتامق واونلری منشأ معلومات اوله‌رق قبول ایتمك ضروری در . حالبوکه ( anticipation ) ی نیهیکورك تعریفی ورواقیونك تلقی سی وجهله قبول ایدنجه ، ( مبادی قبله principes aprioriques ) بی تماماً و اساساً انکار ایتمك و تجربه‌یه منشأ معلومات اوله‌رق تلقی ایتك اقتضا ایدر . یعنی - اوتقدیرده ( anticipation ) ك انحق ( بعدی a posteriori ) ، ( بر طرز استدلال un mode de raisonnement ) اولدوغی تسلیم ایتمك لازم‌کلیر . بوده عینی تعیری تمامیه متناقض ایکی معنا ایله تفسیر ایتمك دیمك اولور . چونکه ( apriori )



ایله ( aposteriori ) تماميله بربرينه ضد ایکی طرز استدلالدر . ( بوتعبیراته باقیکز ؛ تفصیلات واردر ! )

( قانت Kant ) دخی بوکا پک زیاده اهمیت ویرمش وتنقید عقل صرف  
 ant'icipation de ( critique de la Raison Pure ) نام اثر مشهورنده ( l'expérience = anticipation der Wahrnehmung ) ترکیبی قوللا-  
 نه رقتشهر ایشمدر. بوفیلسوف مجدد ، بوتون معلومات بشریه نک تجربه دن  
 منبعث واوندن متولد اولمش بولونماسی حقنده ( فلسفه تدرییه phil. empirique ) نک ایلری سورمکده اولدوغی ادعای قبول ایده مه مشدی .  
 بالعکس ، قوله ادعا ای دیوردی که انسانده ، هر درلو تجربه یه ( متقدم  
 antérieur ) بعضی ( مبادی عقلیه principes rationnels ) واردر .  
 تجربه لزومنی الهام ایدن ، تجربه یی ترتیب واداره ایله یی ، اصل اونلردر .  
 بناء علیه اونلر تجربه یه ( سبقت anticiper ) ایدر ؛ وایتمک لازمکلیر !  
 مثلاً : ( ماده نک آتیق تبدلاته اوضرایه بیله جکنی وفقط قطعاً محو ومضمحل  
 اولمایوب عینی مقدارده قاله جفتی ؛ - تسلسل حادثاتک بر جریان مطرده تابع  
 اولدوغی واوله اولماسی لازم کله جکنی ؛ بر ( عقیده اساسیه ) ، بر ( مبدأ  
 تجربه ) اوله رق قبول ایتمه دیکه تجربه ممکن اوله ماز . بناء علیه بوکی عقائد  
 اساسیه بر طاقم مبادی عقلیه نک دستورلری در . بز اونلره استناداً واعتماداً  
 تجربه یه تشبث ایدرز ویایدیغمز تجربه لر ، اودستورلرک حقیقتنی هر دفعه سنده  
 اثبات وتحکیم ایدرلر . بناء علیه اونلر ( قبلی apriori ) در . یعنی تجربه یه متقدم  
 بر طاقم حقایق عقلیه در . [ دیوردی . قانت بونلری تدقیق وتصنیف ایشمدر .  
 بومبادی نظریه نک بری ( Analogien der Erfahrung = analogie- )  
 de l'expérience ( تمثیل تجربه ) در که ( analogie ) کله سنده معنای ایضاح  
 اولونمشدر . ایکنجیسی ده - بحثی صد دنده بولوندوغمز - ( سابقات تجربه - les anti-  
 cipations de l'expérience ) در . قانت ، بونک دستورخی ویریورد : ( هر حادثه -  
 نک شدت اعتباریله بر کمیتی ، یعنی بر درجه سی واددر . ( Tout phénomène  
 a une quantité intensive; c. a. d. un degrés  
 استیورکه : ( بونی بویه بیلمک وقبول ایتمک اول امرده لازمدر که تجربه

یایله بیلسین و اداره ایدیه بیلسین !! چونکه بوفکر ء تجربه ایله اکتساب اولونه ماز. قبل التجربة ذهنزده موجود بر عتقاددر. بونلری قانتء (صرف مدرکته مبادیمی Grundsätzen des reinen Denkens) عدا ایتشددر. علم لساننده دخی بوتعبیر مشهوردر. چونکه اک بارلاق (کشفیات علمیه découvertes scientifiques) تجربه یه سبق ایتمش ملاحظاتک بعد التجربة تحقیقه اک کوزل مثال لر تشکیل ایدر. حتی او ملاحظاتک تجربه یی فصل ترتیب و اداره ایتدیکفی ده کوستریر. بوتون ترقیات علمیه تاریخی بوکامثالدر؛ ده نیله بیلیر. فقط (سرهفیری دهی وی Sir Humphry Davy) نک کیمیاده (قلئیات les alcalis) ی تجربدا یتهمسی؛ (لووهریه Leverrier) نک هیئتده نه پتون Neptune) سیاره سنی کشف ایله مه سی ء تاریخ علمده (anticipation) اک بارلاق مثال لرنددر .

زماغزدن تقریباً یتمش سکسان سنه اول ء کیمیاده (اجسام بسیطه corps simples) لیسته سی پک معدود ایدی. حتی بعضی مواد مرکبه دخی بسیط ظن اولونویوردی . (صود la soude) (پوتاس la potasse) ء (کلس la chaux) کی اجسام دخی عناصر بسیطه میاننده ذکر اولونویوردی. (قلئیات) بوصنفده داخل اولان عناصرک اسم عمومیبسی در . بونلره (آربه معدنیه les terres minérales) دخی دیرلردی. (دهی وی Davy) (حامضات les acides) ک (معادن les métaux) ایله بالاتحاد (املاح les sels) وجوده کتیرمه لر ایچون لازمکل (شرائط کیمیویه conditions chimiques) یی تتبع ایدرکن ء اکلامشدی که بویه براتحاد کیمیوی ایچون عناصر معدنیه (صاف pur) اولمایوب (حمض حالتده à l'état d'oxide) بولونغی ایجاب ایدر. بوبرقانون کیمیوی حکمنی حائر ایدی. مع مافیه قلئیات بوکافارشی استتانشکیل ایدیوره ء مثلاً: (حامض کبریت acide sulfurique) (پوتاس) و (صود) ایله طوغرودن طوغروه اتحاد ایدرک (کبریت پوتاس) و (کبریت صود) نامیه معروف اولان املاحی وجوده کتیریوردی . بوکیمیا کر داهی ء شوکیفته قارشی درین دوشوندی. شبه ایتدی. ملاحظاتی

بر (قیاس مقسم dilemma) شکانه قویدی : [ یا بوقانون، عمومی دکلدر ؛ و بناءً علیه یا کلشدر ! . . . یا خود بسیط ظن ایتدی کمز (قلئیات) حقیقت حالده بسیط دکلده مولدالموضه ایله متحد بر حالده در! ] دیدی؛ فقط فانودن زیاده قلئیادن سبه ایتش اندی؛ چونکه کیمیانک ترقیسی همان دائماً بسیط ظن اولونان شیلرک مرکب اولدوغی اثبات صورتیله واقع اوله کلشدی. او حالده: [ قلئیات، بسیط اولماسه کرکدر و احتمالکه مولدالموضهیه شدتله علاقه دار بر طاقم معدنیاتدر. بونلری مولدالموضه دن آیره بیلیمک ایچون بویوک بر قوت و حرارت ایستر؛ بونی ده انجق قوتلی برئه لک تریق منظومه سی ویره بیلیر! ] دیه حکم ایدوب تحقیقاته کیریشمش و اوکا کوره تجربه نی ترتیب و اداره ایتشدی. تجربه تماماً بوکشفک دوشوندکلرینی تصدیق ایتش و (صود)ك (حمض سودیوم)، (پوطاس)ك (حمض پوطاسیوم) دن عبارت اولدوغی تحقق ایله مشدر .

(لوودریه)، (اورانوس Uranus) محرکنده مشاهده اولونان غریب اعوجاجات اوزرینه بعضی ملاحظاته قویوله رف، بوغریبه نی، دیگر برجرم سهاوینک تأثیر جاذبه سنه عطف ایتش و بعضی معلومات رصدیه و (معطایات domnées) اوزرینه حساباته کیریشه رك (نپتون Neptune) سیاره سنی - اوطوردوغی یرده - کشف ایتش؛ کتله سنی، محرکنی وفلان زمانده فلان نقطه ده کوروله بیله جکنی ده خیر ویر مشدی. فی الحقیقه بوکھانت علمیه نی متعاق آلمان هیئتشناسلرندن (غالله Galle) (بالرصد par observation) اوسیاره نی (لوودریه) نك تعیین ایتدیکی نقطه یه الی ایکی دقیقه مسافه ده کورمشدر . ایشه بوده مشاهده رصدیه یه سبق ایتش برکشف نمونه مشدر .

## ثانی اقرال Antilogie

Antilogie

(حسابیون les sceptiques) ده نیان فرقه فلاسفه، (ایقانیون les dogmatiques) نك افکارینه، اعتقالاته دائماً اعتراض ایدیورلردی . ایکنجی آفاده می دورنده ارباب سنك، بواعتراضاتی برردستورشکنه قویدیلر واونلره (tropes) دیدیلر که ایقانیونك ادعاسنه قارشى آله جقلری (طورلر)

دیمکدر. ایسته ( antilogie ) بو ( tropes ) لردن بری در. تنافی احکام و اقوال دیمکدر. شبهه اربابی ادعا ایدیورلردی که [ حقیقت بحثده برحق فیلسوفلر و برحق فلسفه یکدیگریک قول و ادعاسنی نقض ایده جک صورتده بیان فکر ایتشلدرد. بو ( تنافی اقوال ) صراحة اثبات ایدر که حقیقت یوقدر ، اولسه بیهه اون ییلمک ممکن دکدر. اوحالده هرشیدن شبهه ایتکده حقمر وارددر ؛ چونکه حقیقت دعواسنده بولونالدر هر درلو سوزلریله بربرینک ادعاسنی نقض ایدیورلر . واقعا هر حکمی ، هرادعایی بر دیگر حکم و ادعا ایله نقض ایتک، یعنی بر ( مدعا ) یه ( عکس نقیض ) ی ایله مقابله ایتک ممکندر . بناءً علیه عینی مسئلهده ، بویه یکدیگرینه تماماً ضد و عینی قوتده دلیللر ایراد ایدیله بیلیر . او یله ایسه حقیقت بحثده ( تنافی اقوال ) وارددر . بو حاله کوره ( antinomie ) یعنی ( نه بری ، نه ده دگری ) شایان اعتماددر !! . بناءً علیه جمله سندن ده شبهه ایتکدن باشقه چاره یوقدر ! [ دیرلردی . ( tropes ) ، ( antinomies ) ، ( sceptiques ) ، ( dogmatiques ) سوزلرینه باقیکز . ] شایان دقتدر که ، زمانمز ، حقایق تجربیهده یعنی علوم مثبتده تنافی اقوال اوله میه جغنی و بعضی نظریات علمیهده اولسه بیهه نتیجهده ده ها ای تحقیقات تجربیه ایله بوتناقضک رفع اولونه جغنی تسلیم ایتشدرد . فقط ( antinomie ) بحثده تعریف ایتدیکم کیی ، نتیجهده بوتون معلومات بشریهک ارکان اصلیه سی و اساساتی یکدیگرینه تماماً ضد و عینی قوتده دلیللره پیوسته اولدوغنی جهته متافیزیک مسئله لرنده ( تنافی اقوال ) وارددر . بناءً علیه ( sceptique ) لره دعواسی علوم تجربیه مسائلنده باطل اولقله برابر مابعدالطبیعیات مسائلنده حقدرد . ذاتاً زمانمز متفکرینی ( آگنوستیسیم agnosticisme ) فلسفه سنه سوق ایدن قوت مجره بو اولمشدر . یعنی اساسات علمیهده ( تساوی نقیضین ) دعواسنک رفع اوله نه میه جق درجهده بدیهی و صریح اولدوغنی اکلایشمز اولمشدر . [ آگنوستیسیم سوزینهده باقیکز ! ]

(نقیضه)، تساوی نقیضین Antinomie

Antinomie-

آلمانجه و فرانسه‌جه‌سی Antinomie  
انگلیزجه‌سی Antinomy

بوتعبیر یونانی دن آلمشدر. (δυν ضد، قارشى) و (νόμος قانون) معناسه کلدیکنه نظراً (قانونه قارشى اولان نیلیر) دیمکدر. اصطلاحده، متعارفه قیلندن اولان ایکی قضیه کیه‌نک یکدیگرینه قارشى، حکماً متناقض اولماسیدرکه بوتقدیرجه اوقضیه‌لرک برینه (thèse مدعا)، ضد نقیضه دخى (antithèse نقیض مدعا) ده‌نیلیر. فقط بویه، یکدیگرینی اساساً نقض ایدن مدعالرک - فلسفی معناسیله ! - antinomie) تشکیل ایده‌بیلیمه‌لری ایچون، کرک (مدعا)، کرکسه اونک نقیضی حقنده ابراز واقامه اولونه‌بیلن بالجه براهین وادلرک قیمت اقناعیه‌جه متساوی اولماسی برنجی شرطدر. زیرا برطرفک دلیل قوی وغالب کلیرده ذهنی اقناع ونقیض قضیه‌نک حکمنی ابطال ایدرسه، (تساوی نقیضین antinomie) تحقق ایده‌مز؛ حتی آرده تناقض بیله قالماز. شایان دقتدرکه بویه متناقض الحکم ایکی قضیه حقنده قوت و قیمتجه تماماً متساوی دلیلر اقامه ایدیله‌بیلیمه‌سی ایچون، اوقضیه‌لرک مفاد حکمی (یعنی ادعایی!) هر درلو تعقیقات تجربیه وعقابه فوقده بولونمالی! - خلاصه، تعبیر اصطلاحیسی ایله - (متعال transcendant) اولمالی‌در. مثلاً مدعا اوله‌رق: [عالمک حدودی وارددر!] ده‌نیلسه، بونک نقیضی: [عالمک حدودی یوقدر!] قضیه‌سی اولور. ایشته بوقضیه‌لرک مفاد حکمی، (متعال) در؛ چونکه بوخصوصده هیچ بر تجربه امکانی اولمادیغی شیویه طورسون، مسئله، ماهیتی اعتباریله عقلاک ایره‌میه‌جکی بر ساحده موضوع بولوندوغندن، ذهن، مطلقاً بر طرفه میل ایله حکم ایده‌بیلیمک ایچون - مدار استناد اوله‌بیله‌جک - هیچ بر دلیل بوله‌مازکه، عینی قوتده بر برهان ایله اوکا مقابله نمک اولماسین! فضله اوله‌رق، بواکی قضیه ذاتاً متناقض اولدوغندن، ایکسینی بردن قبول و تألیف ایتک دخی عقلاً متنع‌در. براوچونجی احتمال تصور اولونه‌م‌جنی سببله دخی شو ایکی قضیه‌نک بهمه‌حال برینی تسلیم ایتک ضروری کورونور.

زیرا کیفیتک ایکی احتمالدن خالی اولماسی ده قطعاً مستحیل در. اکلاشیلیور که (antinomie) تشکیل ایدن قضیه لر - بزم شرق منطقینونک تعیر معروضجه - هم (مانعة الجمع)، همده (مانعة الحلو) اوصافی حائر اولان قضایای کلیه در. آلمان فیلسوف شهری، صاحب مسلک (قانت Emmanuel Kant) بودر لو قضایای متناقضیه (antinomie de la Raison pure) دیمسندی که بوندن: (تجربه فوقنده و صرف عقلک ماهیتدن منبعث تناقضلر) معناسی مراد ایتمشدر. (قانت) بویه بر تناقضک (فساد محاکمه vice de raisonnement) نتیجه سی اولمادیغنی، یعنی بر عیب استدلال صایله میه جغنی ادعا ایدیور؛ کرک علم بشرک، کرکسه بالذات عقلک حدودینی تعیین ایدن اقصای مواقف تفکرده - طبعی اوله رق! - بویه (رفعی ناقابل) تناقضلر بولویور و بونی ضروری عد ایلور. انسان، بر حقیقت مطلقیه کسب اطلاع ایده بیلمک امیدیه، هر نه زمان کندی حدود قابلیتاتی تجاوز ایدرسه - عملیات فکریه بی تنظیم و اداره ایدن قوانین عقلیه ایجاباتندن اوله رق - ذهن، بهمه حال، بوکریوه تناقضه دوشویور. بوتقدیرده ایکی مجبوریته آره سنده محصور بولونویور؛ وهر ایکی طرفدن باطل بدیهی به پیوسته اولوب قالیور. احوالده: یاتحقیقات و ملاحظا تمزدن ادراک ایده بیلدیکمز نتیجه، (مطلق absolu) تعیرینک متضمن بولوندوغنی معنایه توافق ایده میور؛ (یعنی صرف اضافی بر فکرندن عبارت قالیور!) یا خود منحصراً حادثات دائره سنده محبوس و قابلیت ذاتیه - یله مقید اولان عقل بشر، حدود طبعیه سنی تجاوز ایتکله بویه ضلالتلره دوشدوکنی آکلیور. بناءً علیه کرکی کبی تحقق ایدیور که عالم حادثات و قیود عقلیه و اضافات دائره سندن جیقوبده حقیقت مطلقیه یول بولوق، ذهن بشر ایچون - هیچ بروقت! - میسر و ممکن اوله میه جقدر!.. دیمک که (antinomie) لر عجز فطریمزک اقتضاسیدر. لدنیات حوادثه انفاذ نظر ایده مهین، کندی بنلکننک دائره سنی کجوب ایلری کیده مهین انسانک، حدی - بوتقضه لر - بیلدیریور. علم اضافی بشرک هم اساسلری همده حدود مانعه سنی تشکیل و تعیین ایدیور.

ایشته (علم بشرک اضافیتی Relativité de la connaissance

(humaine) دعوائی اوزرینه فلسفه سنی بنا ایدن (Kant) کانت بو خصوصده زبده ملاحظاتی بودر؛ و کورولو بورکه (حقیقت مطاقه vérité absolue) و (لذنیات noumènes) حوادثه، کسب اطلاع ایده بیلمک قدرتندن فرصتاً محروم و ممنوع بولوند و غمزی ادعا ایدن (آگنوستیسیم agnosticisme) فلسفه سی، ساحه معقولاتده (antinomie) لره استناد ایدیور. بو کون علم بشرک اضافی اولدوغنی تصدیقه مجبور اولمایان جدی بر فیلسوف فالما مشدر. [یوفاریده کی تعبیراهه باقیکنز: ]

فانتک، (اضافیت علم) فلسفه سنی ترویج و تشهیر ایدن بویونک انکلین فیسوفلرندن (سر ویلیام هاملتن Sir William Hamilton)، اثرلرنده، بالخاصه بومهم نقده لری تشریح ایتمش و عقل بشرک - صوک مرحله تدقیقه! - بوتناقضاره فصل دوشدوکنی - تحایی بر صورتده - کوستر مشدر.

(مابعدالطبیعیات métaphysique) مباحثنده (سر ویلیام هاملتن) ک تأیرندن قورتوله مامش اولان (هربرت سپنسر Herbert Spencer) دخی (اضافیت علم) (عقیده doctrine) سنی بک تونلی دایملارله مدافعه ایتمشدر. (تکامل évolution) فلسفه سنک مؤسسی اولان بو ذات دخی [عقل بشرایچون لذنیات اموره انفاذ نظر ممکن اوله میه جغنی: ]، (مبادی\* اولی\* Les premiers principes) نام کتابنک بر باب مخصوصنده ادعا، و بوکا دلائل عدیده ابراز ایلدکن صوکره کوستریورکه: (عقل، تجربه و حادثات دائره سنی آشوبده، لذنیات مسئله سنی تحقیقه باشلادی می؟ ... در حال اولیه بر (قیاس مقسم dilemma) کردابنه دوشو یورکه اونک ایکی حدی تشکیل ایدن قضیه لرک هرایکی سی ده باطل بدیهی در. مع مافییه براوچنچی درلو دوشونوش احتمالی اولمادی نی ایچونده بهمه حال برندن برخی قبول و تسلیم ایتکده اضطرار واردر. مثلاً (زمان) و (مکان) منتهای می در؟ ... نامتنهای می در؟ ... سوآله فارسی ویریه ییله جک جواب: [نامتنهای در؟ یا نامتنهای در!] قیاس مقسمنده مندر جدر. [نامتنهای در!] ده نیلسه، باطل بر (ادعای مجرد) اولور. زیرا بالتجربه حدودینی تعیین ایده بیلمک بزم ایچون هر درلو امکانک فوقده در؛ اوندن صوکره زمان ایله مکان کمیات

مقوله سندن محدود اولق حیثیتیه، الی غیرالنهایه ضمیمه مستعده در. بناءً علیه  
متاهی اوله ماماسی لازمکیر. لکن [ نامتاهی در ! ] ده دییه مه یز !! زیرا  
هیچ بروجله بونی تحقیقه بزجه امکان اولمادیغی سوبله طورسون، زمان نامتاهی  
تصوری بیله محالدر. [ نه متاهی در نه ده نامتاهی در! ] ؛ [ هم متاهی در؛ همده  
نامتاهی در! ] دخی ده نیاه من. بوده معاسز برتناقض صریح اولور. مع مافیه  
شوایکی ( قضیه متاویه alternatives ) دن برینی بهمه حال قبوله مجبورز؛  
حالبوکه دعوانک بری لهنده نه قدر قوتلی ونه درلو دلائل ابرازاتمک ممکنسه،  
اونلرک جمله سی، نقیض دعوا لهنده ده عیناً و تماماً قابل تطبیق در. اویله اولونجه  
صاغه صول میل ایچون سبب ترجیح فالیور. بناءً علیه بوقیاس مقسمک  
حدینی آره سنده محبوس فالان عقل بشر بر حکم ویرمکده عاجز. متردد  
ومتحیر بولونویور. »

سپنسرک برنجی کتابنک بر مهم قسمنی تلخیصاً عرض ایتدیکم شو  
ملاحظات، بوفیلسوفک - سرویلیام هاملتن طولایسیله ! - قانتک فلسفه سندن  
و (antinomie) نظریه سندن نه قدر متأثر اولمش بولوندوغی حقنده برظن  
قوی حاصل ایتدیریر؛ نصل که ( آلفره دفوییه Alfred Fouillé ) بواداعاده  
بولونمشدر.

ده قارتک فلسفه سنی درجه کماله کترین ( قانت ) ( تنقید عقل صرف  
Critique de la Raison Pure ) نام کتاب مهمنک ( مسائل متعالیه  
محاضراته dialectique transcendental ) مخصوص اولان بابنده بو  
( تساوی نقیضین ) مسئله سنی موضوع بحث ایتمش و ( cosmologique  
تکوینی ) اولانلرخی جدول آتی اوزره تعیین ایله مشدر .



ریاضیات اساسنامه ناری نقیضین

Antinomies mathématiques

( Antithèse مدعا )	( Thèse مدعا )
عالمك مبدأی یوقدر؛ حدودیده یوقدر. زمان و مكان اعتباریه عالم نامتناهی در.	۱) عالمك زمانده و مكانده بر مبدأی وارد در.
هیچ بر ماده مطلقا بسیط دكلدر. هر ماده الی غیرالنهایه قابل انقسامدر.	۲) هر مادهٔ مركبه اجزای بسیطه دن مركبدر. ماده ده الی غیر النهایه انقسامه قابلیت یوقدر.

تجدیات قرای عالم بنسره ناری نقیضین

Antinomies dynamiques

حریت وارادت یوقدر. هرئی قوانین طبیعیه اقتضاسنجه وقوعه كلیر .	۱) حادثات طبیعتده منهود اولان (déterminisme) یعنی سلسلهٔ قیود واسباب موجب، مطلق دكلدر. علل مستقله وارد در .
كرك عالمك بر جزئی اوله رق، كر كسه علت ایجادی اوله رق هیچ بر (واجب الوجود) یوقدر .	كرك عالمك بر جزئی اولسون كر كسه علت ایجادی اولسون، هر حالده بر (واجب الوجود) وارد در .
بونلر، منشألری اعتباریه نظری (antinomie) لردر . چونكه عقل صرفه عائددر لر. تعلق اعتباریه دخی (cosmologique) در لر؛ یعنی مبحث تكوین مسائلیله علاقه دارددر لر .	
بونلردن ماعدا برده عملی (antinomie) واركه، اخلاق بختنه عائددر. اوكا (قانت) (antinomie de la Raison Pratique) دیور . بوده ( summum Bonum = souverain bien ) نظریه سنك بالعمل تحقیقی ممنوع اولماسندن تولد ایدیور. باقیكز نصل :	

(قانت) اسکی (رواقیون) (stoiciens) کی : [خیر محض یا لکزر فضیلت دہد در!] دیمپور . اسکی (مدرسۂ قیروانیہ (Ecole cyrénaïque) اربابی کی : [خیر محض، ذوق و سعادتمند در!] دہ دیمپور . اوایکی اسکی مذہب، خیر محض نامنہ تعیین ایتش اولدینی ایکی مختلف و حتی ضد مطلبی برلشدیریور : [خیر محض، فضیلت ایله سعادتك هم آهنگ اولماسنده در!] دیور . فقط ینه کندی تعبیر نجه؛ بو (دنی دنیاده [ici bas] بونك قطعاً ممکن اولمادیغنی، یعنی تمامیلہ فضیلتکار یاشامق، وعینی زمانده ذوق سورمك میسر اولمادیغنی تصدیق ایدیور . صوکره، - ماهیت اعتباریله -! فضیلت ایله ذوق و سعادت آرد سنده هیچ برمناسبت اساسیه و منطقیه، هیچ برمشابہت و ملائمت طبعیه بوله میورکه بوایکی مطلب آرد سنده لزومنی ادعا ایتدیکی آهنگ وفاق، بالطبعیه حاصل اولسونده - ادعاسی وجهله - (خیر محض) بالفعل تحقق ایدہ بیلسین! .. حالبوکه - قانتك اعتقاد نجه - خیر محض آرامق (مرید و مختار اولان (libre) اولان روح بشرک (تمایلات فطریه (inclinations naturelles) و مطالب انیه سندندر . یعنی تجربہ ایله تحقیق ایدوب بالاخره کشف ایتش اولدوغنی شیلردن دکلدرد . روحك جبلت ذاتیه سنده، خیر محض ایچون بر میل ازلی وارکه وهی در؛ فطریدر . بویله اوقله برابر، - بومیل جبلی یه رغماً - بو دنیاده خیر محضه ایریش-ك ممکن اوله میور؛ چونکه بو (مطلب اعلا) یکدیگرینه ضد، ایکی عنصرک (یعنی ذوق ایله فضیلتك!) هم آهنگ اولمسیله تحقق ایدہ بیایرکه ایشته اصل تناقض و امتناع عملی بورادهدر .

(قانت)، عقل صرفك تناقضلرینه قارشى هیچ برچاره دوشونه میور . فقط عقل عملی (Raison pratique) نك شو تناقضندن نومید اولمیور . (آخرته ایمان (croyance à la vie future) ایله بوتناقضی رفع ایدیور . [شو تقدیرجه انسان، فضیلتله یاشایه جق؛ بلکہ محرومیتلر ایچنده یاشایاجق؛ لکن، عالم آخرتده بو حیات فضیلتکارانه نك بهمه حال مکفاتی ادراک ایدہ جکنه - ایمان قوی ایله - مطمئن بولوندوغنی ایچون، عینی زمانده ده مسعود اوله بیله جکدر .] دیمك ایستیور . بالطبع، بویله بر عقیده : (رحمن و رحیم، عادل و کریم بر ذات الہیه) نك وجودینی مستلزم بولونه جنی ایچون،

(قانت)، بو [ Antinomie de la Raison pratique ] ی، اثبات واجب  
 بحثده یکی بر دلیل کبی قولانیور؛ اوکا بویه بر حیثیت ویریور. چونکه  
 روح انسانی نك ارادت ذاتیه سی ایله بقای روحه و آخرته ایمان ایتمک مسئله لرینک  
 نه صورتله مناسبت وعلاقه سی اولدوغی وبوایمانک، نه کبی ضرورات منطقیه  
 ایله عقیده الوهیتی ایجاب واستلزام ایتدیکی میدانه حقیقور.

قانتة اقتدا ایتیش اولان ( سرویلیام هاملتن ) بو عقاید آره سنده موجود  
 اولان مناسبات وروابطی عیناً فقط ده ا صریح بر صورتده ابراز ایتمشدرکه  
 فانتک معقبی اولدوغنی بوده کوستریر .

علم بشرک اضافی اولدوغنی قبول وتسليم ایدنلر، (antinomie) نظریه سی  
 قبوله مجبور بولوندقلری ایچون تسلیم ایدیورلر. معلومات بشریه یی تحلیللاً  
 تدقیق ایدنجه، اساسلارنده هب تساوی تقیضین بولویورلر، بو تحقیقده نه قدرایلری  
 کیده بیلیرسه کیتسین، نهایت عقلمزك همه حال عینی کرداب تناقضه دونه جکنی  
 وحیرتلا اچنده اعتراف عجزه مجبورقاله جغنی ادعا ایدیورلر. مع مافیه اساساً طوغرو  
 اولان بو ادعا مطلقاً فانتک (antinomie) جدولنی عیناً قبول مجبوریتی ایجاب ایتمز.  
 نته کیم او جدولده کی دستورلری و ترتیبی بر جوق فیاسوفلر تنقید ایتشلر واونده  
 فساد نقطه لری بولمشلردر. بناء علیه بودستورلر هر متفکر طرفدن عینی شکل  
 و صورت اوزره قبول ایدلمه مشدر. حتی قانتک معقبی عداولونه بیان (سرویلیام  
 هاملتن) بیله کندنجه بر (antinomie) جدولی یاممشدرکه اونده بر طرفدن  
 ( جون ستوئنت میل John Stuart Mill ) ودیگر طرفدن ریاضی شهر  
 (پروفیسور مورگان Prof. Morgan) شدتله تنقید ایتشلردر. حتی، (نامتاهی)  
 تعبیرینک معنای عادیمی ایله معنای ریاضیسی فرق ایدمه مش اولان هاملتنک  
 بو خطاسنی (ستورات میل)، (هاملتنک فاسفه سی تدقیق Examen de la phil.  
 de Ham.) ایچون یازدیغی کتاب مهمده تنهیر ایلدکدن صوکره بویه  
 چوروک بر اساس اوزرینه بنا ایدیان احکام متناقضه اره سنده ( حقیقی بر  
 تناقض ) اولمیه بیله جکنی بیله ادعا واثبات ایتمشدر .

فی الحقیقه، (تاریخ فلسفه) دخی بوکا پک حوق مثاللر عرض ایدیور:  
 اسکی فیلسوفلر هاله تجربه یی دکل، منطقی عمده و اساس اتخاذا ایتیش اولان

مقولاتستقلر - هر بحثی ، نهایت بر قیاس مقسمه ارجاع ایدرلر ، و اونک  
 حدلرینی تشکیک ایدن ایکی متناقض قضیهلردن برینی بالابطال ، دیکرینی  
 قبولده ذهی مضطر بر اراقنی سورلردی . فقط [ اکثر دعوالریک نقطه  
 استنادی ، یابر لفظ مجردک مفهوم موهومی و یا خود بر فرضیه باطله نك دستور  
 مضمونی اولدوغی ایچون ] مسئله ذاتاً و وضعاً طبیعی دکل ایدی . بناءً علیه ،  
 آزانیلان حقیقت ، اومسئله مجعوله یی حبس ایدن قیاس مقسمک بوسبوتون  
 خارجنده قایلردی . مثلاً : [ ( معدوم ) ، ( شی ) می در ؟ .. دکل می در ؟ .. ]  
 ده نیانجه ، انسان ، معدوم لفظک ایچی بوش بر قوری سوزدن عبارت  
 اولدوغنی ، و بو حیثیتله خارجده ( عالم حقیقی ده ! ) بوجود صحیحه دلالت  
 ایدمه جگنی دوشونه مرسه ، کندینی در حال بر قیاس مقسم ایچنده محصور  
 کورور . چونکه ، دوشونه مدیکی تقدیرده : [ ( معدوم ) ، یارشی در ؛ یا دکادر .  
 اگر برشی ایسه ، فصل شیدر ؟ .. مقولاتک هانکی قسمنده داخلدر ؟ ..  
 برنی دکله ، ندر ؛ .. ] سواألری کندیلکندن تولد و ترتب ایدمه جکدر .  
 حالبوکه ( معدوم ) لفظ مجردینک هیچ برنی افاده ایتمدیک و خارجده مقابل  
 حقیقیسی اوله میه جی تأمل ایدیلیرسه ، بومسئله نك ( غیر طبیعی ) اولدوغی  
 در حال اکلانتیلیر و اوکا تعلق ایدن قیاس مقسمله برابر تکمیل دعوالر ،  
 طائیه ییقیلوب مضمحل اولور کدر . کیفیت بویه اولدوغی حالده سقولاتستقلر  
 بوکبی غیر طبیعی وجعلی مسائلی حل ایتمک غیرتیه عصرلرجه مناقشه ایتمشیر  
 و اونلری ( antinomies ) شکله قویوب بر ایشیلردر ؛ یعنی قطعاً حل  
 اولونه میه جغنی کوستر مشلردر . مع مافیه حقیقتده اویه مسئلهلر اوله میه جی  
 بوکون ثابت اولمش و ارتق هر کسجه مسلم بولونمشدر . کذلک باطل فرضیهلر  
 اوزربنه مؤسس اولان بوتون سقولاتستق مسائلنه متعلق دعوالر ده دخنی عینی ضلالت  
 غریبه یی کورده بیایر ؛ مثلاً : ( افلاک les sphères ) هانکی مقوله ده داخلدر ! ..  
 جوهر می در ؟ .. عرضی در ؟ .. ) دیه صاحجه بر سوال وضع اولونجه ،  
 انسان - غافل طاورانیرسه ، - بر قیاس مقسم کردابنده بولوندوغنی حس  
 ایدر . چونکه یا جوهر ، یا عرض اولمق لازمکه جگنه بالضروره قرار ویریر .  
 باشقه درلو اوله ماز ؛ زیراجوهر واعراض خارجنده قالان هیچ برشی یوقدر .

لكن، ايشك حقيقتنه و بوكونكى معلوماً مزه باقيليرسه، ( افلاك، نه جوهر در؛ نه ده عرض در ! ) چونكه اويله برشى يوقدر. او اسكى بطليموس فرضيه سنك بطلانى، بوكون - ارتقى هر درلو شبه دن وارسته اوله رق - ثابت اولمشدر. بناءً عليه اويله بر مسئله اوله ماز. اوندن صوكره ارسطونك مقولاتى دخى بر حقيقت مطلقه افاده ايتمز؛ چونكه غندى بر تصنيفدن عبارتدر. (scholastique سوزينه باقيكز ! )

خلاصه، معلوماً مز اضافى در؛ تجربه وحادثات دائره سنى آشوب ده وجود مطلق و حقيقت اشياى، لدنيات امورى تحقيقه قالفشيرس ق، صلاحيت طبيعیه مزی تجاوز ايتمز اولورز، و در حال اويله تناقضله دوشه رزكه عقل ايله حل اولونوركى دكلدر. بو طوغرو؛ لكن اوتناقضلك اك اساسلى دستورلى اولق اوزره بعض فيلسوفلرك عرض ايتديكى (antinomies) لر، هر درلو تنقيد طايانه بيله جك درجه ده طوغرو ومتين دكل، هپسى ده غندى و انسانی دستورلر در. تناقض اساسى نك ماهيتى دخى (ممتنع التصور inconceivable) اولماسى در. حالبوكه بوكون بزرجه تصورى ممتنع اولان بر شينك، يارين دخى (تصورى ممتنع) قاله جفته دائر هيچ بر دليل قوى يوقدر. بلهكه بونك عكس نه دليل چوقدر. اونك ايچون زمانمزك اك بويوك فيلسوفلرى، بر شينك بوكون بزرجه (ممتنع التصور) اولماسى، اوشينك بطلاننه و حقيقتنه امتناع ذاتيسنه بر دليل اولق اوزره قبول ايتيورلر. بزم قابليت تصور وادرا كمزك محدود، غندى و اضافى اولماسه حكم ايدييورلر كه طوغروسى بودر.

بناءً عليه، بز حقيقت مطلقه ينى، سر خلقتى، وجوب خالقى اكلامق خصوصنده تناقضه دوشويورس ق، قباح و قصور بزده دكل، بزم باراديلشمزده و عجز طبيعى مزده در؛ يوقسه بر حقيقت مطلقه نك موجود اولماسندن دكلدر. او حاله معلومات و اعتقادات بشرية نك تمللر نى تشكيل ايدن احكام متناقضه بر « حق تعالى vérité suprême » نك وارلغنى تصديق ايدر؛ و انحق بزم كندى علم اضافى مزك درجه عجز نى كوسترير. « ديورلر .

، ( فلسفه ماده phil. matérialiste ) و ( لا ايسيه nihilisme ) ،

و(حسابیه scepticism) طرفدار لرندن ماعدا ، بوكون ، همان بوتون فلسفه حاضره نك اعتقادی بودر . [ بوتعیرانه باقیکز ! ]

( antinomies ) مسئله سی ، اسکیدر . ارسطونك (مابعدالطبیعیات) نام اثر مشهورینك برنجی کتابنده ویشنجی بابنده روایت ایتدیکنه کوره (فیثاغور Pythagoras) ك اك اسکی شاگرد لرندن ( قروطونلی آلقمه تون Alcmeon de Croton ) میلاددن بش عصر اول ، مبادی علمیه ده کی تناقض اساسی نی کورمش و : [ معلومات بشریه نك اساسلری تحقیق اولونجه یکدیگریله متناقض برطاقم احکام معدوده یه منجر اوله جغنی ] ادعا ایلشدر؛ حتی کندنجه برده (antinomies) جدولی ترتیب ایتشدرکه ارسطونك روایتی سایه سنده زمامزه قدر محفوظ قالمشدر. جدول مذکور ایشته شودر:

متاهی	نا،تناهی
چفت	تك
کثرت	وحدت
صاغ	صول
دیشی	ارکک
سکون	حرکت
خط مستقیم	خط منحنی
ظلمت	نور
شر	خیر
مربع الاضلاع	اضلاعی غیر متساوی اولان
	وسائر بالجله اشکال هندسیه .

کورولویورکه بوجدول غایت ساده دلانه بر فکرك محصولی در . فقط مبادی معلوماتك ، نتیجه تحلیلده ، بالضروره برقاچ قضیه متناقضیه منجر اولسی دعواسنی متضمن بولونمق اعتباریله ، بوكونکی فیلسوفلرك ادعا سندن هیچ فرقلی دکدر . چونکه قانتك جدول مشهوری دخی تنقید ایدلش واعتراضات محقه یه هدف اولمشدر .

## اکراه ، تناکر

Antipathie	فرانسه
Antipathy	انگلیز
Abneigung	آلمانی
Antipatia	ایتالیایی

یونانی ده (ANTI = آتی = ضد) ، (παθος = پاثوس = تأثر)  
 دیمکر . تعییر بوایکی کله دن مرکبدر . (ضد بر تأثر) معنانه موضوعدر .  
 بونک عکسی (sympathie) در . لسان عادی ده برنجیسی (نفرت) ،  
 ایکنجیسی (میل) سوزلیله ادا ایدرز . حالبوکه (نفرت aversion)  
 ایله (antipathie) و (میل inclination) ایله (sympathie) آره سنده  
 ایجه فرق واردر . (تعیراته باقیکز !)

بوکی حالات روحیه (sentiments حسیات) نوعنددر . اصطلاحده  
 (تناکر antipathie) همه حال سبی مهم بر نفرت غریزه در . بو تعییر  
 واونک تماماً ضدی اولان (sympathie) ، بالخاصه معاملات انسانیه مختص  
 اولمشدر . آتجق انسانه فارشی (antipathie) (sympathie) اوله بیایر .  
 فرضا ایله دفعه اوله رق کوردو کمز بر آمدن - هر نهدن ایسه وهر  
 نصلسه ! - حظ ایده مهیشمز ، بونک ال ای واک عمومی مثالی در . بو حس ،  
 بزده دفعه واقع اولدوغی ایچون (قسری ، دفعی impulsit) در . ملاحظه  
 و محاکمه نك بو خصوصده قطعاً دخلی یوقدر . حونکه یالکز (تماس contact)  
 ایله بر آنده اولوویریور . اونک ایچوندرکه (raisonnable معقول) بر کیفیت  
 دکلدر . ماهیتی ، حتی سببی بیله میز . (ارادت volonté) مزه دخی  
 تابع دکلدر . بناء علیه کوزللیک ، چیرکینلکک بو خصوصده دخلی واری می .  
 یوقی ؟ . . . اکلاشیله میور . نفع و ضرر ملاحظه سی موضوع بحث اوله ماز ؛  
 زیرا بو حس ، (آنی ، ضروری و تحدسی intuitif) بر صورته پیدا  
 اولوویور . حتی بر (الهام inspiration) کی در . دوستونجهیه وقت و میدان  
 ویرمیور . عجباً فطرتمزه (یابانچی étranger) کورونمکی بو (تناکر)

حسی بزه الهام والقا ایدیور : . . اوده تحقق ایده مه مشدر . شو قدر وارکه هنوز پک ( ساده و ابتدائی simple et primitif ) برحالت حسیه بولونان چو جو قدرده ، واونلردن بوخصوصده پک فرقی اولمایان اقوام و جماعاته ( antipathie ) ، یا انجلیق طویغوسندن پیدا اولویور ؛ و احتمالکه بونفرت ، - یا انجیلره قارشى - قورقو، امنیتسزلك، سبهه کی برطام ناخوس حسیاتك محصله الهامی در. هرصل اولورسه اولسون بونك ( غیر مشعور inconscient ) وناکهانی برطویغو اولدوغنده شبهه یوقدر . سو اعتبارایله ( تناكر ) بعیری - بو معنایه - بر درجهیه قدر یاقیشبق آله بیایر .

عریجهده ( اکراه ، کراهت ، کریه ) تعبیرلری وارددر که بعضی موصعبرده ( antipathie ) معناسنه ده موافق دوشر . مثلا ( کل قوقوسی l'odeur de rose ) ، ویاخود ( عطر قوقوسی ) حد ذاتنده ناخوس بر شی دکلدر . لکن بعضی آدملر بو درلو قوقولردن سدتله ( اکراه ) ایدرلر . متأذی اولورلر. دیمک اولویور که بعضی آدملره « کل قوقوسی » ، « کریه antipathique » کلیور. نته کم رنگر ایچون ده اویله در . حتی یا اکر انسانلرده دکل حیوانلرده بیله بعضی رنگلره ورشی شدته « antipathie اکراه » وارددر . بوغا وهندی قیرمری رنگدن او قدر حظ ایتز که چیلدیربر .

فلسوفلر : بو ایکی ضد تعبیری اهمیتله تالی و تتبع ایتشلردر ، حوسکه بوتون حسیاتمرك مبدأی بونلردر. بالخاصه مشهور « آدم اسمیت Adam Smith » - که « دهی ویدهیوه David Hume » ک سا کردی و ( علم ثروت économie politique ) ک واصعی ومدونی در ! - بو حس شیر ارادی نی اساس اتخاذا ایدرک بر فلسفه تأسیس ایتش و ( antipathie ایله sympathie ) نك عی مشأدن صدور ایتدیکنی ادعا ایله مشدر . ( sympathie تعبیرنده تفصیلاته باقیکنز : ]

بوکون هرکس متفقدر که بو « نفرت و اکراه » ( قسری impulsif ) اولان افعال وجدانیه دندر؛ یعنی محاکمه ایله ملاحظه ایله حاصل اولمایوب دفعه و برآنده پیدا اولان برحس در . « اسپنوزا Spinoza » بو حسک « تداعی



افکار « association d'idées » دن حاصل اولدوغی ادعا ایتشدی . زمانمز متفکرینی بر « استعداد ارثی » *prédisposition héréditaire* « اولق اوزره تلقی ایدیورلر . بن ظن ایدرم که مراجع و عادت ایله دخی علاقہسی آر دکلدرد . « نفرت *aversion* » ایله فرقی پک تعیین ایدیله سور . یالکز « نفرت *aversion* » ک اسباب موجبہسی دها زیاده واضح و بللی در . حالوکه ( *antipathie* ) نک اسباب وحدانیہسی دها زیاده مبهم و دها درین در ؛ وهله صرف ماطی در . ( اصلاحاته نافیکر ! )

تقبضه مرعا *Antithese*

*Antithèse*

( *thèse* مدعا کلمه سه نافیکر ! )

مقاومت *Antitype*

*Antitype*

آلمان فیلسوف مشهوری « لایبنیچ *Leibnitz* » ک ایجاد و وضع اینمش اولدوغی بر امیردر ؛ فقط تعمیم ایدمه مش و متروک فاشدر . او فیلسوفک بو کله دن مرادی « عدم تساقط *impénétrabilité* » و « مقاومت *résistance* » ایدی . مقاومت ، ماده نک و دها طوعروسی ( حوهریت مادیه *substantialité* ) *matérielle* ( نک ( کیفیت ذاتیه *qualité essentielle* ) سی در . یعنی ماده - بو خاصیت اصلیه اولماد قجه - دوشوناله مز ؛ ماده اوله مار . . . ( *qualités primaires* ) - عبریه نافیکر ! )

« ددقارت *Descartes* » ، ماده نی « حوهرت مد *Substance étendue* » دیه تعریف ایتمش و « امتداد *étendue* » کیمیتی ، یعنی ( ابعاد نله *les trois dimensions* ) نی حائر اولق قابلیتی ، مادیتک صفت داتیه سی کی قبول ایتشدی . « لایبنیچ » ، بحق ادعا ایدیور که یالکز « امتداد » ماهیت ماده تی بشکیله ( یعنی تصویره ) کافی دکلدرد . بوکا ( مقاومت *antitype* ) ی ده علاوه ایتله لی در . زیرا مکان ایله « ماده » نک اک مهم ورق ، برنجیسنک یالکز « تمتد » اولماسنده ، ایکنجیسنک هم ابعاد نله یه همده مقاومتیه قابل بولونماسنده در .

( *l'esprit, la matière* سوزلرنده تفصیلاته نافیکر ! )

Apagogique

## قياس منفي (Apagogique) (raisonnement)

الك اول بو • آپاغوني — ἀπαγωγή • تعيريني وضع واستعمال ايدن  
ارسطودر . فقط استاد يوناني • بر مسئلهني ديكر بر مسئله به ارجاع ايتك  
صورتيله واقع اولان طرر استدلال • (apagogie) ديرايدي • بو كون  
گاه (اثبات بالتقيض démonstration par l'absurde) گاه • قياس سه  
et deduction • مقامنده قوللائيديني اولويور • مع مافيه استعمالی نادردير .  
(absurde و abduction کله لرينه باقیکز !)

عزم تاثر ، فايغوسزلو ، عطالت ، کسل

Apathie

## Apathie

يوناني ده ( + πάθος - - passion ) اادات بي و احتراض  
ديمکدر . بئاعليه بوتعيرك معنای لغويی: (هردرلو تاثرات و اخيراصاتك  
فقدانی) در . فقط کله تك مصموني ياواس ياواش توسع و بالآخره تبدل  
ايتش ونهايت : (حرکتسزلک و فايغوسزلق) معناسنده قوللانمشدر . لسان  
عادی ده (ارادسزلک) ، (قدرتسزلک) ، (حسبسزلک) و (عطالت  
معنويه) ديمک اولور . تاريخ فلسفه ، (حکمت اخلاقيه phil morale)  
و (حکمت صوفيه phi mystique) ايله علاقه دار برکله اصطلاحيه در .  
اخلاق بحثنده (apathie) بي هم (عطالت) ، همده (فايغوسزاي)  
کله لريله ترجمه ايتملي در . اکر (apathie) جسماني رحال ايسه ، يعنى تذللک  
کبي برسي ايسه ، اوکا عطالت ديرر . بوجه کرفزار اولانلر قيميدامودن  
يک اوقدر حوسلانمارلر . اکر فضله نورعوتلقدن صوکره عارض اولان  
(کدوشه کلک) . رخاوت ، مراد اولونه يورسه (کسل) ديمک اولادر . اکر  
معنوي برطويغوسزلقدن ايلري ککش رحال لاقيدی ايسه ، اوتقديرده  
(فايغوسزلق) تعيري مرجح در .

امر برده برچو حوغيك عطالتی ، فايغوسزاي شايان دقتدر ؛ اغلب  
احتماله کوره (ضعف عصي) دن متولد برنوع (ارادسزلک aboulie) در .  
هرحاله (عوعای حیات la lutte pour la vie) ده (فعاليات activité)

مبدأ موفقیت عد ایدلکده اولدوعی ایچون مربی لر عظامتی محض فلاکت بیله زک اسبابی تحری و بو مرض معنوی بی دقتله تدابری ایتکه جالیشیور لر .  
 بالخاصه تاریخ فلسفده بوکله نك ( رواقیه stoicism ) مذهبی ایله  
 علاقه صمیمیه سی واردر . ( مبحث معرفت épistémologie ) مسئله لرنده  
 ( نیهیکوریون épéuristes ) یعنی اسکی ( مادیون matérialistes ) دن  
 فرقلی اولمایان ( رواقیون les stoiciens ) ، یالکنز ( حکمت اخلاقیه  
 ph. morale ) ده آریلورلردی . ( سعادت bonheur ) مبدأ نه زیاده سبله  
 اهمیت ویرمش و ( خیر و شر le bien et le mal ) مسئله سی لایقیله  
 قورجالامش اولان بواکی فرقه فلاسفه ، ( حکمت دن مقصد نائل سعادت اولمقدرا )  
 ادعاسنده اتفاق ایشلردی . فقط ( سعادت حقیقیه le vrai bonheur ) نك  
 ماهیتی تعیین مسئله سنده تماماً یکدیگری نه صد اعتقاد باغلانوب فالملرلدی .  
 ( نیهیکوریون ) اعتدالجه سعادت حقیقیه ، ( ذوق le plaisir ) ددر .  
 ( قیروانیه مدرسه سی école cyrénaïque ) بونك دستورنی ویرمشدی .  
 I cyrénaïque تعیریه باقیکنز !

( رواقیون ) اعتدالجه سعادت حقیقیه ( فضیلت ایشله مک la pratique  
 de la vertu ) ددر . فضیلت ایسه ، ( ذوق و ألم le plaisir et la douleur )  
 مواحه سنده ( تأثر سزلك apathie ) در . بزم شرق حکما سنك ( فراع بال ،  
 صفای خاطر ) ( لاییدی ) دیدیکی حالت روحه ، تمامیه بو ( آثر سزلك )  
 ایدی .

احوال عالمك نيك و بدینه فارشی تأثر ، ( تكد در خاطر ) ی یعنی ( وجدانك  
 بولانماسی ) موجب اوله جی ایچون ، هر درلو حسیاته ( ارادت volonté )  
 ایله غلبه چاله رق ( صفای خاطر pureté de la conscience ) ی محافه  
 ایتك ، و بناء غلبه ( کردش دورانك هیچ برکونه وصع ناسند و طور  
 ناشایسته سنه ورشی دلگیر و مع الحاطر اولماق روس حکیم اقتضاسی ) ،  
 یعنی فیلسوفلق ساندن ایدی .

فیاسوف نمونه سی ، بتون عالم ( رواقیه ) حکما سنك چهره سیله طائیش  
 واونی مشق اتخاذا تیش اولدوعی ایچون شرق ده دخی ( فیاسوف ) ده نیجه ،

اولا بویه ( نأثرسز ) بر ( رندالامی ) ا کلاشیایر . هر حلد بو ( دستور عمل  
 formule de Conduite ) رواقیونك اعتقادیدرو بونده زیاده سیله مهم وسایان  
 دقت اولان نقصه سودرکه ، ( نأثرسز لك ) ، حسسز لكدن ، طویغوسز لكدن ،  
 نأیآیدن ، فکرسز لكدن ، مسكنتدن ، الحاصل ( فبلیتسز لك incapacité ) ،  
 دن دكل ، ( قوت ارادت force de volonté ) دن منبعث بر حال ازادگی در .  
 حساسته حكا اولمق و كندینی ضبب ایدم یلمك قدرتی در .

( تعبیرات : آیهیه وبالخاصه Ataraxie, adaphorie, stoicisme )

كله لویه مراجع ایدیکز ! !

A Parte Ante	آ پارت آنته	A Parte Ante	آزل
A Parte Poste	آ پارت پوسه	A Parte Poste	آپ

بوتر کیلر ، لاتینجه در ؛ رماننر اسانه سقولا متبق فلسفه سندن انتقل  
 ایتشدرد . اونك ایچوندرکه آوروپا السنه متعده سنك جمده سنده ه بولآنینجه  
 سكلی اوره قولانقده در . بونعیراتك برنجیمی برم كتب اسلامده  
 ( ازل ) ، انكینجی ( ابد ) كله لریك تماماً مقابلی در . بونلر ( تعبیرات  
 متضایفه terme correlatus ) دندر . یعنی برنجی دوشونمات ، دیکرینی  
 همه حال خاطره کتیر بر . بونعیرلرك ( زمان le temps ) ایله علاقوسی  
 واردرد ؛ دها طوغروسی زمانك اوصافدن در . ( سرمدهب eterne ) ازل  
 ابد ابدی شمل ( لاتناهیته infinité ) در .

( سرمدهب ) دوشونوادوکی وقت ، همه حال ، ( زمان ) سكلنده  
 دوسونوله بیلیر . زمان اولچوله بیلدیکی ایچون ( کیام qu'après ) نوعندندر .  
 تامله کیمات ( نامناهی L'antini ) یه وایر . اوسبيله اولسه آرتدرکه زمان  
 دخی نامناهی یه فاجیور . زمانك آحق ( ماضی le passé ) و ( استقبال  
 l'avenir, l'avenir ) اولمق اوزره ایکی وجهه استقامتی اولدوعی ایچون  
 ماضی ده نهات تصور ایدله میور ، استقبالده : ... ایشه ( ازل ) ماصده ،  
 ( ابد ) استقبالده سرمدهب دیمکدر .

قرو ووسطی ( مدرسه فیلسوفلری le scholastiques ) وهر دین

وملتك (التهيون = les théologiens) ی، بوكله لره بويوك بر اهميت عطف ايتمشلر واونلري جناب حقك (صفات ذاتيه attributs essentiels) سندن عد ايتمشلردر. شو تقديرچه ذات الهيه، هم بد ايتسز هم نهايتسز بروجود مطلق در. سرمدی و صمدانی بر (واراق) در.

بزم شرف ده برفرقه فلاسفه پيدا اولمشدی که (دهریه) نامیه تاریخ فلسفه مشهوردر. بوفلسوفلر (دهری) ی، (اصل قدیم) و (مبدأ کل principle universel) اولمق اوزره تاقی ایدرلر، و (کائناتی) (رمان) خلق ایتشد، ینه هرشیئی زمان محو ایده جکدر. زمان هرشیئی محیطدر. (دیرلردی). (دهری)، علی الاطلاق (زمان غیر معین، temps indéterminé) دیمکدر. بومعنايه کوره (دهریه)، رمانك، خار جده باسلی باشنه ومستقلاً موجود بر (شی) اولدوغنه قناعت ایدرلر اوکا - حاشا - الوهیت اسناد ایدیورلردی. بو غرب اعتقاد، اساطیر یونانیه ده (خرونوس = Chronos) یعنی (دهری، رمان) ماصالندن فالمش اولسه کرکدر. معلوم اولدوغی اورره یونان قدیم (خرونوس) ی خالق کائنات طانیردی.

اهل سنت ایله واقع اولان محادله لرنده، دهریه رمانك بالجمله موجوداته سبق ایتمش بولوندوعی ادعا ایدرلر، قرآن کریمی اشهاد ایلدورلر و: (هل آتی علی الانسان حیث من الدهر لم یکن شیئاً مذکوراً) آیت جلیله سی دلیل اتحاد ایدوب ایلری سورویورلر ایدی. حالوکه اهل دین و حکماء متشرعین عندنده رمان، بالجمله موجوداته تقدم ایتمکه برابر ینه مخلوقان معوددر؛ چونکه اصلاً یوق ایکی (مشیت الهیه par la volonté de Dieu) ابله خلق اولومشدر. او تقدیرچه (ابدی) اواسه بیله (ازلی) دکدر. بناء علیه (دهریه)، زمانی (ارلی) و (ابدی) تاقی ایتمکه سرمدیت و صمدانیت الهیه بحثنده کریوه شرکه دوشمش و (الحاد athéisme) ایله اتهام ایدلمشیدی. حونکه اهل سنت و علی العموم الهیون و متشرعون (ایکی اصل قدیم، ایکی ذات مسندیم، ایکی وجود مطابق اوله ماز. بویه ایکی مبدأ قبول ایتمک شریکدر!) ده ادعا ایله مشلر و (دهریه) فرقه سنی (ملاحده مشرکین) صنفندن

صایمشلردر . باقیاسه ( دهریون ) مطلقاً الهی انکار ایتمه مش ، فقط دهری  
الله ظن ایتمکله برضالات خطیرهیه دوشمشدر . آوروپا مورخین فلاسفه سی ،  
دهریه بی عالم اسلامک ( مادیون matérialistes ) ی عد ایدیورلر .  
حالبوکه بوایکی فرقه آره سنده مهم بر فرق اعتقاد واردر . ( matérialisme )  
نعبیرینه باقیکنز ! ]

دهریه دعواسی زمانک ( ازلی - ابدی ) بر وجود مستقل اولماسی  
اعتقادنه مستندر . بناءً عایه رمائی بویله ( objectif آفاق ) بر شی عد  
ایتمیوبده ( انفسی subjectif ) اوله رق تاقی ایتمک دهریه مذهبنی تملندن یبقار .  
نته کیم صوفیه نظرنده رمان و مکان ( اکوان مستقله ) و ( اعیان ثابته  
entités positives ) دن دکلدر . کائنات مادیه دیدیکمر بو عالم فسونک  
اوصاف لارمه سیندندر . ( mysticisme و coufisme تعبیرلرنده زمان  
مسئله سنه متعلق تفصیلاته باقیکنز ! ]

آلمه یون و متشروعونک روح حقنده کی اعتقادی ده ( رمان ) حقنده کی  
اعتقادی نک عینی در . یعنی طبقی زمان کی روح دخی مخلوقدر . بناءً علیه  
( ازلی ) اولمادیغی حالده ( ابدی ) در . ( âme و immortalité تعبیرلرینه  
مراجعت ایدیکنز ! ]

Aperception

Aperception ادراک رفیع ( انحضار )

Aperception فرانسهجه

Apperception انگلرجه و آلمانجه

Appetizione ایتالیانجه

لاتینجه ( ad percipere ) دن کلیر و معنای اغویسی ( برشی \* باطناً ادراک  
ایتمک و طنائیق ) دیمکدر . بو کله بی اسان فلسفیه ( بر تعبیر اصطلاحی  
اوله رق ) اک اول ادخال ایدن ( لایب نیچ Leibnitz ) در .  
اسان عادی ده ، ( aperception ) ، صحیحاً بر ( ادراک دقیق ) ، بر  
( اینجه کوروس ) درکه بو فابایتده بالکنز ( حدت حواس acuité des sens )  
کفایت ایتمز ؛ ( دقت l'attention ) دخی شرطدر ؛ چونکه اک مهم رولی  
اوینایان اودر . مثلاً فارسیمزده طوران دیواری کورورز ؛ بو قدری

( ادراك perception ) در . صرف حواسدك ( تهيج انفعالی excitation passive ) ، بو ( فعل ادراك acte de perception ) حصوله كفايت ايدر . فقط نظريه ي يالکيز بر نقطه يه توحیه ايدردده لایقیه دقت ایلرسه ك - فرضا - دیوارك او نقطه سنده غایت كوحوك ر سینگ حركت ایتكمده بولوندوغنی ( واونك مثلا بر قرنجه اولدوغنی ) كورورز وطانیرز .

مع مافیه (لاب نیچ) ك (apercception) كه سنه تخصیص ایتدبكي معنا ، بو دكلدر . بو فیلسوف ( موناد monades ) ناميله بر طاقم عناصر بسیطه تصور ایتشدی كه بونلر ، نوعا ، عقل و حیات صاحبي آتوملردر . ( بوكه یه باقیكز تعریفات و تفصیلات واردر ! : بناءً علیه بونلرده (perception) وبایتی ده وار ؟ (apercception) قدرتی ده وار ! . . . ( مونادك ) ، اشای خارجی یی ادراك ایته سنه ( لاب نیچ ) ( acte de perception ) دیور ؛ بوكی مدرکاتی ، بالتصور ( استحصار représenter ) ایدیه بیامه سنده ( l'acte d'apercception ) دیور .

( سرو بایام هاس ) ك تعریبی ده ا و انخدر :

« (لاب نیچ) و ( وواف Wolf ) طرفدارلری ، روحك ( بلا واسطه immédiatement ) ( استحصارات ذهنیه - les représentations mentales ) یه کسب اطلاع ایته سنه (apercception) دیرلردی . اعتقاد لر نجه ، روح انسانی اولا وبلا واسطه ، انحق ( صور علمیه ) به یعی ، استحصارات ذهنیه یه مطلق اولور و اولر دلالی ایه خارجه کی اسایه انتقال ایدیه بیایر ایدی . » دیور .

بو فکر . اساساً ( ده فارب Descartes ) ددر ؛ و ( هرته زیانیزم cartésianisme ) یعنی ده فارب مسلک فلسفی سنك اساسات مهمه سندن برنی بشکیل ايدر . فی الحقیقه ( نظریه معرف theorie de la connaissance ) بختنده ده فارتك اعتقادی بو ایدی : [ هر شیدن شبهه ایدیه بیایر . فقط ( افکار idées ) مردن شبهه ایدمه یز . زیرا شبهه ایتك بیله بر فکر در . فکر ، بر روح منمکری استلزام واثبات ايدر . فکر ایه روح آرده سنده حیوانات واسطه یه حاجت یوقدر . روح ، طوغرودن طوغرویه واك اول

کندنده حاصل اولان افکاره مطّاع اولور. صوکره اوافکارک - عالم خارجیه ده مُنلّری اولماسی لازمکه جکی محاکمه ایدر، دوسونور؛ و بونک اوزرینه عالم خارجینک وجودینه حکم ایدر. بناءً علیه کائنات خارجیه نك وارلقنه اعتقادمن، بر محاکمه نتیجه سیدر. یوقسه کائنات مادیه نی طوغرودن طوغرویه ادراک وتلقی ایدمه یز. طوغرودن طوغرویه تلقی واستشعار ایده بیلدیکمنز شیر، امکارمزدرد. ا دیوردی.

ده فارتک ایزندن پک آریله مایان (لابنچ Leibnitz)، سو دعوائی بر بعیر فلسفی ایله اخصار و بیان ایچون (aperception) کله سنی ایجاد ایتیش اولویور. (موناد) ددیکی ده (روح) دن ناشقه بر شی دکلدر. اوخالده روحک کندی حالات نفسانیه سی طوغرودن طوغرویه ادراک اتمه سینه (aperception) تعبیری وضع و تخصیص ایتیش اولویور دیمکدر. بوتقدیرحه سونعبصر صرف (نفسی subiect) اولان نوع سمور معناسی افاده ایدیور. اونک ایچون بوکا (استشعار) دیمک لازم کلیر. داناً بولفظ اسلام ضررات فلسفیه منده چوق کحر وهمان عیب معنای ادا ایدر. (ادراک دقیق) ترکیبی بومعنایه دره قدر اویماز.

سلیمان فانونی دورینه شرف ویرن علمای عثمانیه دن (قینالی راده علی افندی) مرحومک (احلاق علائی) نامیه مسهور اولان اثرندن نقل ایتدیکم سوما لاخطات، بو عثمانی فیلسوفنک طبقی (ده فارت) و (لابنچ) کیی دوسوندوکی انبأ ابتدکدن ماعدا (استشعار) تعبیری (aperception) «۱۱» مقامنده قوالامش اولدوغی ده و اصحاً کوستیر:

«معلوم اولدکه نفس انسانیه نك وجودی (بدیهه اولی) در؛ و بدیهه اولی، دلیل بیان و حجت و برهال کتورمکدن مستعنی در. زیرا اظهر اسما، اسما، کندی حقیقت ذاتی درکه بر آن و بر سابع مخی و نامعلوم اولوق یوقدر. کرک ختمه، کرک بیدار، کرک مست و کرک هشیار، جمیع احوال و اطو رده نفس انسانیه کندی ذاتسه سمور و استشعار (؟) دن خالی دکادر.... زیرا بر می ایله نفس مایینده تحال واسطه محالدر.»



کورولو یورکه بوراده که استشعار ، تماماً ( لایب نیچ ) ك ( -apercep- tion ) دیدیکی سیدر . بودوشونوش دخی تماماً و عیناً ( ده قارت ) دوشونوشی در . حتی روحك بلا واسطه كندی ذاته و حالاتنه شعوری ( فارتنه زیانزم = cartésianisme ) ك تمل طاسیدر .

قینالی زاده ( ده قارت ) ك معاصری ایدی ؛ حتی علی القریب حساب ایدییرسه بوابکی حکیم ، همان عینی زمانده اثرلرینی یازمشلردر ؛ ده یه بیلیرم ؛ فقط شوراسی محققدرکه قطعاً یکدیگرینك وجودندن خبردار دكللردی . قینالی زاده بوتون افكار فلسفیه سنی ( خواجه نصیرالدین طوسی ) دن آلمشدر .

Aperception تعیرینك متصم اولدوعی ك مهم مسئله ، ( روحك افكاره طوغرودن طوغرویه مطلع اولماسی و اشیای خارجییه انجق - بالواسطه - انتقال ایده بیلمه سی ) کیفیتهداثر اولان دعوادر . بو ادعا جدی مناقشاته سیدیت ویرمش و ( مبحث معرفت ) مسئله سنده مذاهب متصاده و متخالفه نك ظهورینی موجب اولمشدر .

[بو خصوصده تفصیلات ایچون intuitionisme ، representationisme ، کلمه لریله con. immédiate و connaissance médiate تعیرلرینه باقیكز !]

### ضیاع کلام Aphasie

Aphasi-	فراسترحه و المانجه
Aphasia	انکلیرجه
Afasia	ایتالمانجه

Aphasie

سوزسویله یه بیلمك قابیلیتی ، برچوق اسباب و عوارصدن طولایی ضایع اوله بیلیر . سببی هر نه اولورسه اولسون ، بوقابلیتسزلكه ( aphasie ) ده نیلور . یالکسز بونده ناشایجه سیان دقت اولان کیفیت ، قوای ذهنیه نك هیچ برینه ضرر کیهرك قابلیت تکلمك ضیاعیدر . کله ، یکی اولقله برابر - اکثر امانلی کبی - لسان یونانی دن آلمشدر . ( اادات نی + فانه = λόγος = تکلم ) دیمکدر .

بوعارضه نی - اطریفله - تتبع ایدن پسیقولوج طیبیر ، برچوق اسبابه عطف ایدیورلر . بناءً علیه ، اسباب موجبیه سی نسبتنده ، بوقصورك ،

تنوعاتی وارد در. اولاً بول (aphonie) دن ورق ایتمه‌لی‌در. ریرا اداره کلام ایچون مؤکل اولان ( مراکز عصبیه ایله اعصاب وارده centres nerveux, et nerfs afférents ) ده قطعاً بر بوروقلق اولمادیی حالده، تکلمه آلت اولان اعضای لازمه‌ده بر بوروقلق اوله بیلیر؛ مثلاً ( جبول صوتیه cordes vocales ) مفلوج و یا خود بر عارضه ایله معلول اوله بیلیر ده‌سس حیقمار . ایشته ( آفونی = سس سرلک ! ) بودر. حالوکه حقیقی (aphasie) لر ، حمله عصبیه‌ده بعضی تخریبات وقوعدن ایلری کلیر .

(آنتروپولوژی = anthropologie = بشریات) عالم‌سپری (بول بروقا centre de Paul Broca)، (۱۸۶۱ تاریخ میلادیسنده) (کلامک مرکری ( la parole ) اولوق اورده دماغک صول طرفنده ( اوخونجی تلفیف جبهی troisième circonvolution frontale ) یی کشف ایتش و بو تلفیفک ( قَدَمْ pied ) نده وقوعه‌کن تخریباتک فابلیت کلامی محوایتدیکنی بیلدیرمشدی . فقط اورماندنبری انواع مختلفه‌سی کشف ونعین ایدلمشدر. متخصص مدققین دن ( لیختایم Lichthem ) ایله (وه‌رکه-Wei mecke) بو عوارص تکلمی درت صنفه تقسیم ایدیورلر؛ بو تقسیم، عوارضک تعلق استدیکی مراکز دماغیه به نسبتله یاییلمش اولدوعی ایچون بر (تصنیف طبیعی classification naturelle) صایلیر.

برنجی صنفده ( aphasies corticales ) داخلدر؛ یعنی قشر دماغه وقوعه‌کن تخریباتدن ناشی حاصل اولان عوارض کلامیه وارد در . بو حالده کلمات مسوعه‌نک ( خیالات سمعیه les images auditives ) لری مضمحل اولمشدر. یعنی ، انسان بر کله ایشیدیرسه اوکله ، دهندده بر خیال مخصوص احضارایدیر. مثلاً ( یاری ماصه‌سی ) سوزنی ایشیدیر ایشیتیر، اونک حیالی ذه‌م‌زده ترسم ایدر . فی الحقیقه ماصه‌نی کورمکه حاجت یوقدر . ایشته بو برنجی صنف‌در اولان (aphasic) لرده یالک‌بر بو خیال، صایع و مضمحل اولمشدر دیمکدر ؛ یوقسه بو حاله مبتلا اولانلر ، سویله ییلن کله‌لری پک اعلا ایشیدیرلر؛ لکن اوکله‌لر، متضمن اولدقلری معانی مخصوصه‌نی دهند بر خیال ایله تمثیل ایده‌مزلر. شو تقدیرده — طبیعی درکه ! — کله‌لرک معناسی اکلاشیامیور

دیمکدر. چونکه برکله نك معناسنی آ کلامق، اونك ایقع ایده بیله جکی خیال مخصوصی، دهند. (استحضار *représenter*) ایده بیلمکه انجق ممکن اوله بیایر. اونك ایچوندركه بوقصوره (کلام صاعیرای *surdité verbale*) دیمشلدرد. خسته، اصوات کلامیه یی ایشیتدیکی حالده اونلرك معناسی ایشیده. میور، واولکهلردن بر فکر حاصل ایده میور دیمکدر. بوحاله دوچار اولونجه بالضروره سسده حیقاردهمز؛ چونکه بر فکر ایدینه میورکه اوکا کورمه تبایغات کلامه ده بولونه بیلین. بوقصور ناقص و جزئی اوله بیلدیکی سی تام دخی اوله بیایر. ناقص اولونجه بعضی کهلر ویا خود بر لسان مخصوص تکلم ایدیه مز اولور. بونك (موسیقی صاعیرای *surdité musicale*) ایله مترافق اولوب اولادیغی ده واقعدرد.

نام اولدوغی تقدیرده فابیت کلام بوسه بوتون ضایع اولور. حالبوکه خسته ده سوز سوله مک ایچون بر میل سدید واردرد. بوکا (روحی کلام صاعیرای *surdité psychique verbale*) دیرلر. اعضاً تلفظ اعتباریله کلامه عی العیوم فسادطاری اولور. بودرلوسنه دخی (*paraphrasie*) دیرلر. بوحال، دائماً (*agaphie + alexie*) ا برابردر. یعنی بوحاله دوچار اولانلر اوقومغه، یارمغه ده مقتدر اوله مارلر. ایشیدان کهلر، (خیالات سمیه *images auditives*) ویاندیرمدقه افکاره انتقال امکانی اولماز؛ افکار اولمایجده، اوقومق ویا زمی ایچون حرکت ممکن دکادر. بنساءً غیه بو مختاب راحسز لقلرك میرافق اولماسی طبیعی و ضروری در. مع مافیه (وهرنی که) و (سارکو *Charcot*) ادعا ایدیه بورلرکه، حوق اوقومنی اعداد ایتس اولال بعضی کیمسه لرده بو (روحی کلام صاعیرای) (قابیت قرائت و کتابت) ک صاعی، نیر، اولایه بیایر.

بوراحسزلق، اعصابه پك خفیف در. بوغیرده، خسته اولان داب، بعضی اسیماتک اسملری تابع اولونورسه ویا خود یاربایرسه، اسمای مدکورده یی طنبیه بیایر. بودرجه سی (ضیاع حافظه *amnésie*) بوعدن عد ایدرلر، و (ضیاع حافظه سمیه *amnézie verbale auditive*) دیرلر. (وهرنی که)، (۱۸۷۵ تاریخ میلادیسنده) البات ایتشدركه دماغلک

صول طرفنده کی ( برنجی بلفیف صدغی première circonvolution temporelle ) ده، ( یعنی صول شافا عمره مقابل دوشن قسم دماغزك برنجی گریختی سنده ) تخریبات وقوعی بورا حتمز لك باشلیجه سبی در. بوصفده (aphasies corticales motrices) انواعی ده داخلدر . اسمندن ده اكلاسیله حغه كوره محل تخریبات ینه قشر دماغده در؛ فقط قصور، و بابت حرکت ( یعنی و بابت انتقال ) نوعنددر . بو حاله دوچار اولان خسته ، گماتی ، ایشیدیر، و معنای دخی آكلار؛ اعضای صوتیه سی ، یعنی ادوات تكلمی دخی مخلوج دكل، سالمدر. لکن ینه تكلم ایده مز. چونكه ایشیتدیکی كملر لك ( خیالات سمعیه ) سی لایقیده ذهننده استحضار ایده بیلدیکی حاله ؛ یعنی معنای دخی اكلاسیله حاله ، ( خیالات تحریك le motrices ) لرخی استحضار ایده مز. تاقی ایده بیلدیکی معانی مخصوصه بی لفظاً ادا ایده بیلدك ایچون ( اعضای صوتیه organes vocaux ) سی نصل اداره ایتمه سی لازمكه چكسی بیله مز؛ بجره مر. ایشته (بول برو P. Broca) لك اصل كشف ایتش اولدوغی (aphasie) بودر؛ دو قور شارقونك (aphasie motrice) (كوسماثول Kus-maul) لك (aq h. ataxique) دیدیكی راحتمزلق ینه بودر. (تلفیف برو و a circonvolution de Broca) ده ییل (او چونجی تلفیف جیبی trois. circonvolution frontale ) ده تخریبات وقوعی بوكا سیددر . بوتلفیف ( صولاق اولانلر les gauchers ) ده ، دماغك نصف ایتنددر. ( صاغ الی قوللانلر les droitiers ) ده، نصف ایسرنده در. بوده یاتام یا ناقص اولور؛ تام اولورسه هیچ تكلمه و بلیت اولماز؛ جزئی اولورسه بو و بلیتسلك بعضی گماتك تلفظ ایده یله مه مسنه و یا خود بر انسان احنی لك تكلم اولونه مامسنه منحصر فالیر.

و یریان ایصاحتدن اكلاسیله حغه كوره خسته لك بو نوعی برنجی سندن بدرجه اهونددر. سارقونك ادعاسنجه بورا حتمزلق مطلقا كتاب و قرائت قابلمز لكی مسئلزه دكلدر. فقط بوتون بو و بلیاتك مراکز عصیه سی یكدیكرینه بك یاقین بولودوغی ایچون اكتریا برینك آقزده اوماسی

دیگر لرزینی ده ، اضرار ایتدیکندن ، بالنتیجه ، کتابت و قرائت فابلیتی ده محو اولویور .

ایکنجی صنفده (aphasies subcorticales) ده نیلن انواع واردر . بونلری ( مادون القشریه ) دیه ترجمه ابد بیلیرز که ضیاع کلامه سبب اولان آفات تشریحیه قشر دماغی ده دکل ، اونک آلتندده در ، دیمک معناسی اکلاشیلیر . بوده ایکی درلو اولویور . ( حرکی motrice ) و ( احساسی sensorielle ) .

بونلرده آفت ، دماغک قشرنده منتشر اولان ( حیراب عصبیه cellulules nerveuses ) ده دکل ، یعنی ( ماده سنجابه matière grise ) ده دکل ، ( الیف عصبیه fibres nerveuses ) ده یعنی ( ماده بیضا matière blanche ) ده در . کلامک اصل مرکزی اولان اوچنجی تلفیف جبهی نک ( قَدَم ) ندن صدور ایدن الیف عصبیه نک بر نقطه سنده بر بوزوقلق ، بر قوپوقلق اولدوغی زمان (aphasie motrice) حصوله کلیر . بو حالده خسته یازده بیلیر ، اوقویه بیلیر ، ( خیالات سمعیه ) مضطحل اولامشدر ؛ فقط قونوشه ماز . ( احساسی sensorielle ) اولان نوعنده خسته نک عقاچه بر قصوری

یوقدر . یازمغه اوقومغده مقتدر در . فقط ( سندن آکلامار ! ) ؛ کله لری پک اعلا ایشیدیر . یعنی - عادی معناسیله صاغیر دکلدر . فقط ایشیتدیکی کله لردن معنا چیقارده ماز . تکلمه دخی فابلیتی واردر . لکن هنوز تکلم ایتمه نی اوکرده نه مش اولان بر کوچوک حوجوق کی انکم طورور . ( ودرنی که ) ، ظن اییدیور که ( عصب سمعی nerf auditif ) ده ( اصوات کلامیه sons verbaux ) بی ادراکه مخصوص بعضی الیف عصبیه واردر ؛ و بو الیفک آفترده اولماسی بورا احتسزلنک سبی در . حالبوکه بر جوق علما - بونی قبول ایتهدکاری کی ، بویه (sensorielle) بر ضیاع کلامه بیله وجود ویرمک ابسته میورلر .

اوچونجی صنفده (aphasies transcorticales) ده نیلن انواع واردر . یعنی قشر دماغده منتشر اولان حیرات آرمه سنده کی الیف عصبیه ده بر بوزوقلق ، بر رابطه سراق واردر . بو حالده ، خسته ، تلفظ و تحریر ایچون لازم کن

حرکات مخصوصه بی اداره ایده منزه. فقط بریازی بی استتساخ ایده بیلیر؛ بر آدم املا ایدنجه یازمه بیلیر؛ سوله نیلین سوزلری تکرار ایده بیلیر؛ باشقه سنک یازدیغنی اوقور و آکلایه بیلیر. آکلاشیلبورکه بو حالت مرضیه ده (فکر idée) ایله، اوفکرك شفاهاً و یا تحریراً تبلیغ اولونه بیلیمه سی ایچون لازم کان حرکات مخصوصه آره سنده رابطه بوزولمشدر.

(aphasie transcorticale motrice) دیدکلری ایشه بودرلوسیدر. بونک برده (sensorielle) نوعی وار: خسته ایشیدیر، وایشیدیکی کله لری تکرار ایده بیلیر؛ فقط آکلاماز. (کله نک خالی l'image verbale)، فکر مقابلی او یاندیره میور؛ دیمکدر.

دردنچی صنفی ده (aphasie de conductibilité) تشکیل ایدیور. بو حاله کرفتار اولانلر، کله لری ایشیدرلر و آکلارلر. یعنی نه مآدتاً، نه ده معنا صاغیردرلر.

مع مافیه ینه یا تماماً، یا حود قسمماً کلامه و ابلتسر درلر. کله لرك (خیالات سمعیه) سی، (خیالات محرکه im-motrices) لری احصار و تهییج ایده منزه. حالوکه هر ایکی نوع خیال رخی ذهنده موجود اوله بیلیر. تنکام ایچون اقضا ایدن حرکت قبایلی ایله سامعه نک رابطه سی بوزوودر، دیمک اولو یور.

وهرنی که بورا حتر لغت سببی اومق اوورده محل آفتی تعین ایتش و دماغده (حریره ریل Insula de Reil) ده نیلن مرکزده اولدوغی ادعا ایله مشدر. (agraphie, alexie, allalie, amnésie) کله لری ده با فیکر !

بونمیرات، (بی یقوفیزیووری Psycho-physiologie) لسانته عاندر. بناء علیه فلسفه عمومیه ایله طوغر و دس طوغر و به علاقه دار دکلدر. لکن، (نفس ناطقه l'âme, la raison) نک و علی الخصوص تفکر و تهیک مک میخانیزماسی و سرائف تشریحیه و فیزیووزیه سنی کشف و طهار ایتدیکی ایچون غایتله مهمدر. «وحك وحدانیتی، عیدتی وهله بر» (جوهر بسیط و مستقل une substance simple et indépendante) اولو

اولمائی بحثنده ، دلائل قویه عرض ایدرك ( حقیقت روح la réalité de l'âme ) مسئله سنی تکرار موقع مناقشه یه دعوت ایتدیکی ایچون - بالوسیه - فلسفه ایله علاقه دارد . [ âme و localisation کله لرینه ده باقیکنز ! ]

بومسئله (روحیون les spiritualistes) ایله (مادیون les matérialistes) آرده سنده شدلی مناقشات ی موجب اولمش و بر دعوا شکلی آلمشدر . Aphasie نك ابراز ایتدیکی دلائل (مادیون) ك ادعاسنه حق وریبور . چونكه (وظیفه fonction) نك (عضویت organisme) . تابع اولدوغنی کوستریبور و مراکز دماغیه نك بریو قلیرخیده تعیین ایدیور .

ا بوخصوصه تفصیلات ایچون (spiritualisme) و (matérialisme) تعبیرلرنده روح مسئله سنه عاُد نظریات خصوصیه یه باقیکنز !

### رعبیه Aphorisme

Aphorisme

Aphorisme فراسزحه

Aphorism انکلیزحه

Lehrspruch آلمانجه

یونانی ده ( آفوری زو = ἀφορισμός ) ، بریشی چو ربوب تحدید ایتك دیمکدر . فراسزحه نك ( horizon یعنی افق ) لغتی دخی بواصلدن مشتقد و ( حدود ) معناسنه موضوعدر . اصطلاحده ( موجز فقط جامع الکلم ) یعنی مختصر فقط حوق معنای متضمن اولان جمل دستوریه ( aphorisme ) ده نیلیرکه اولانك هر بری بر عقیده مخصوصه یی ناطقدر ؛ یاخود عمومی بر وعدة نك بللوری بر دستور افاده سیدر .

مدینتک ایلات دورلرنده برطاقم افکار و ملاحظات حکیمانه بویه و جیزه لر صورتنده بیان ایدیایردی . بونلره اصطلاحده ( gnomes ) ده نیلیر . اولك ایچوندرکه ابتدای مدینتک بو دور حکمتیه تاریخ فلسفه ده ( la période gnomique ) دیرلر . اصولی دائره سنده منتظم کتابلر یازمه مایوبده افکار حکیمانه سنی بویه و جیزه لرله بیان ایتمش اولان حکمایه دخی ( les gnomiques )

دیک اصطلاح اولمشدر. یونان قدیمده مشهور (Thales de Milet) دن اول کلن حکما (gnomique) لردن صایلیر . مع مافیه ابتدای امرده هر علم (gnomes) شکلنده بعضی حقایق اساسیه ویاخود بعضی عقائد عنیدی نی ضبط وربطه آملقه باشلار . چونکه هنوز معلومات طولانیه مایش و (نعضی organiser) ایده مه مش بولونور ؛ سبی بودر . مثلاً هند قدیمک اک مشهور فیلسوف لردن (Gotâma) غوناما (نک اثر فلسفی سی بویه در : بواثر - ماهیتی اعتباریه - بر (منطق) کتابندن عبارتدر ، و (ارسطو) نک (organon) نامله معروف جهان اولان منطقندن چوق اول تدوین ایدلمشدر . بو کتابده قواعد منطقیه (۷۲۵) وجیزه شکلنده مضبوط و مقیددر . بونلره (سانسقریت) لائنده (Sôûtras = صوترا) دیورلرکه (وجیزه لر) دیمکدر .

کذلک ، هنوز طبه دائر منتظم و مرتب هیچ بر کتاب یازنامش ایکن بعضی قواعد عملیه و تنبیهات صحیه وجیزه لر شکلنده بیان ایدلمش و اویله جه مضبوط فاشدی . ابوالاطبا (بقراط Hippocrate) ک طبی وجیزه لری : (les maximes d'Hippocrate) نامیه مشهور و آلآن موجوددر . بزده هنوز تصوف حقنده مکمل اثرلر یازلده دن اول ، عقائد صوفیه وجیزه لر صورتنده ضبط اولومش ایدی . قدمای صوفیه نک تراجم احوالندن و بعضی (کلمات حکمیه) سندن بحث ایدن (رساله قشیریه) ده اسملری ذکر اولونان کبار متصوفینک اکثریسی هیچ بر کتاب یازمامش و بر طاقم وجیزه لرله حکمت تصوفک عقائد اساسیه سی بیان ایتمشدر . (بایزید بسطامی) ، (معروف کرخی) ودها بر چوق امثالی کبی ! .

هرملتک ضروب امثالی ، اخلاقی وجیزه لره ک قدیم و حتی اک کوزل مثاللری عریض ایدر .

عربلرک اشعار قدیمه سنده (الحکمة) دیدکلری جمله لر ، درین وقیصه ملاحظه لری ناطق سوزلر ، ینه بو قبیلدن بر طاقم وجیزه لردر .

پک اسکی زمانلردن بری بزله انتقال ایتش بویه بر چوق قیمتلی وجیزه لر



وارد کرده اوزمانلر خلقنك (عقائد محكمه) سی حفته بر فكر صریح و بریر و بك مهم وثیقه لردن معدوددر . بزه بوراده لازم اولان ، منحصرأ فلسفی وجیزه لردر . بونلرده شرط اصلی ، یالكز (قیصه سوز) اولماسی دكل ، عینی زمانده درین و — اولجه عرض ایتدیكم کی — بر عقیده مخصوصه نی ناطق بر (دستور شامل) حیثیتی حائر بولونماسیدر .

اسکی لر وبالخاصه یونانیلرایله عربلر (وجیزه) صورتنده بیان ملاحظه ایتمکه بك مراقلی ایدیلر . علی الخصوص اسلاف یونانیه دن (هراقایت Héraclite) ، بو موفقیتله بر شهرت شایعه مظهر اولمشدی . شو مشهور وجیزه لر اونك در و کندی عقائد فلسفیه سی ، تمیز بر بللورسکلنده عرض ایدر :

۱ — (  $\epsilon\nu\ \pi\acute{\alpha}\nu\tau\alpha\ \epsilon\nu\alpha\nu$  = بر ، هرشی در . ) یعنی هرشیك اصلی بر در دیمك ایسته مشدر . بو وجیزه (وحدت وجود) دستوریدر .

۲ — (  $\pi\acute{o}\lambda\epsilon\mu\omicron\varsigma\ \pi\acute{\alpha}\nu\tau\omicron\nu\ \pi\alpha\tau\acute{\iota}\omicron\ \epsilon\sigma\tau\iota$  = حرب هرشیك ناماسی در ) یعنی عناصر وجود آره سنده ضدیت ، هرشیك مبدأی در ، دیمك اولور . بودستوری کائنات عضویه به تطبیق ایدر سهك (داروینیزم Darwinisme) ی تصدیق ایدر .

۳ — (  $\pi\acute{\alpha}\nu\tau\alpha\ \rho\epsilon\iota\ \kappa\alpha\iota\ \sigma\iota\omicron\upsilon\epsilon\nu\ \mu\acute{\epsilon}\nu\eta$  = هرشی آقوب کیدیور . هیچ بر تی قالمیور . ) یعنی عالم حادثات ، لاینقطع بر جریان دائمی انجده آقوب کیدیور ، هیچ برشی ثبات ایتمیور ؛ دیمکدر . (انقلاب عالم) دستوری عد اولونان بوجه ، هراقایتك المهم وجیزه سی اولق اوزره تالق ایدلمشدر . عینی زمانده (قوانیه Dynamisme) و (حادثیه phénoménisme) اعتقادینده مستلزم ومتضمن اولدوغی ایچون بر فات دها شایان اعتباردر . ذاتاً بوفکری ، هراقایت بر جوق وجیزه لرله تکرار تکرار بیان ایتمشدی . سقراطك سو ایکی وجیزه سی اك قیمتلی جل حکمیه دندر .

۱ — (  $\gamma\nu\omega\theta\eta\ \sigma\alpha\upsilon\tau\omicron\nu$  = کندیکیل ! ) یعنی اك اول کندی ماهیتکه نظر ایت و حقیقتکی بییل دیمکدر . مشهور (دلف معبدی le temple de Delphes) نك قبوسی اوزرنده یازیلی اولان بو مهم سوزی سقراط ،

يك بكنمش و بنمسه مشدى . بو وجيزه ( من عرف نفسه فقط عرف ربه )  
حديث شريفك منطق منيفنه تماماً موافق در . تصوفده عادتاً بر دستور  
حكمت اولمش و بالجملة متصوفين بونك معناسنى شرح ايتمكه اوغراشمشدردر .

۲ — ( εἶδον οὐδὲν εἶδον = شونى بيلم كه هيچ برشى بيلمه مشم . )  
يعنى حقايق اشيا بختنده هيچ برشى بيلمه ديكى اوكرندم ؛ ديمكدر .  
(لادريه agnosticism) نك دستور اساسى سى بودر . اك بويوك فيلسوفلر بو  
سوزى مشق اتخاذايدرك تكرر ايتمكدن اوصانامشدردر . بزده ( فخرالدين  
رازى ) ( ابن سينا ) ، ( عمرخيام ) و امثالى كيبى اك بويوك متفكرين بومعناينى  
متضمن حكيمانه (رباعى) لر يازمشدردر . [ agnosticism سوزينه بايكيكز ! ]  
سقراطك معاصر يئندن اولوب ( سوفسطائيه les sophistes ) فرقه  
مشهوره سندن صاييلان ( پروتاغوراس Protagoras ) ، ( اضافيه relativisme )  
مذهبنك مؤسسى در . بونك ( مبدأ اساسى principe fondamental ) سنى  
بر وجيزه شكلنده عرض ايتمشدر كه اونى بوتون فلسفه كتابلرى حالا ذكر  
ايتمك ايجون مناسب ووسيله بولوبورلر .

πάντων ᾧσιμάτων μέτρον ἄνθρωπον εἶναι, τῶν μὲν ὄντων, ὡς ἔστι, τῶν δὲ μὴ ὄντων, ὡς οὐκ ἔστιν, πάντα πρὸς τὸ  
هرشئى تقدير ايجون ، معيار ؛ انسان در . اولان شيلر ايجون ده اولمايان شيلر  
ايجون ده .. هرشى اضافى در ! .. ) ديمكدر . اكرتيا بوصوك جمله : ( هرشى  
اضافى در ! ) قضيه سى برو حيزه اوله رق ذكر اولونور كه فلسفه ده بر مهم حكمتى  
ناطقدر . عرب فيلسوفلرى ( الم اضافه محضة ) ديمشدردر ، وعينى معناينى  
متضمندر .

[ relativisme كله سنه بايكيكز ! ]

( رواقيون les stoïciens ) دن مشهور ( نه ييق نه ت Epictète ) :  
( ἀνέχου καὶ ἀπέχου ! = امساك و تحمل ايت ! ) ديمش و رواقيه فلسفه سنك  
اك مهم دستور عملنى ، بواوچ كله ايله ، بيان ايله مشدر . ( abstinence  
كله سنه بايكيكز ! ]

( مدرسه قيروانيه école cyrénaïque ) مؤسسى ( آريستيب Aristippe ) ،

( $\eta\delta\omicron\nu\eta\ \acute{\epsilon}\nu\ \kappa\iota\nu\acute{\iota}\sigma\epsilon\iota$  = ذوق ، حرکتده در . ) دیمشدرکه بواعتماد ،  
( مادیون les matérialistes ) ك اخلاق بخشنده دستور معتبریدر .  
( cyrénaïque سوزینه باقیگز ) .

مشهور لاتین شاعری ( ویرژیل Virgile )، ( $Mens\ agitat\ molem$  =  
روح ماده‌ی تحریک ایدر ) جمله‌سیله باشلایه‌رق بر اوزون شعر یازمشدی .  
بوجهه ، ( روحیون les spiritualistes ) ك عمده اعتقادینی ناطق بروجیه  
معتبره اولشدر . ( spiritualisme لفظه باقیگز ! )

فلاسفه متأخرین دخی ، دأب اسلافه اقتدا ایدرک ، عقاید مخصوصه‌لرینی  
برروجیه صورتده عرض ایتشلردر . یونلرک الك مشهوری ( ده‌قارت  
Descartes ) ك : ( $Dubito, cogito; ergo sum$  = شبهه ایدیورم ،  
دوشونویورم ؛ اوپله ایسه موجودم ! ) دستوری‌در . بوجهه  
( subjectivisme انفسیه ) مذهب فلسفی سنک ( تمل - طاشی ) در .  
( subjectivisme لفظه باقیگز ) كذلك ، اون سکرنجی عصر میلادینک  
الك بویوک فیلسوفلرندن ( Berkeley بارقله ) ، ( $esse\ est\ percipi$  = وارلق  
ادراک‌در . ) دستورینی عرض ایتمکه ( انفسیه ) مسالک‌کننده درجه قصوایه  
وارمشدر .

(  $Nihil\ est\ in\ intellectu\ quod\ non\ fuerit\ pior\ in\ sensu$  =  
عقلده هیچ برشی یوقدرکه اولجه حس‌ده بولونمش اولماسین . ) جمله‌سیله  
مضبوط اولان دستور ، ( حسیون les sensualistes ) ك مبدأ اعتقادی‌در .  
حکمای اسلام میاننده ( ابو‌حس‌الاشعری ) ، ( من فقد حساً ، فقد علماً )  
دیمکه عینی ادعاده بولونمشدر . بودستور معروفه ، آلمان فیلسوفی ( لایبنیچ  
Leibnitz ) ، (  $nisi\ ipse\ intellectu$  = عقلک کن‌دیسندن ماعدا )  
سوزلرینی علاوه ایدرک اونی بنمسه‌مش وحسیونه معارض اولان ( عقلیون  
les rationalistes ) ك دستور حکمتی اوله‌رق تشهیر ایله‌مشدر .

علمای مجربین دخی ، برحقیقی ویاخود برنظریه علمی‌ی وجیزه‌شکلنده  
بیان ایتک مراقدن قورتوله‌مامشدردر . کیمیا به علم حقیقی حیثیتی بخش  
ایدن ( لاوازیه Lavoisier ) ك : ( $Rien\ ne\ se\ perd, rien\ ne\ se\$

$\text{crée, tout change}$  = هیچ برشی محو اولمویور، هیچ برشی یوق ایکن وار اولمویور، هرشی تبدل ایدیور. ۱ جمله سی وجیزه شککنده در وېك مهم بر حقیقت علمیة ناطقه در. بونی ( قلازومن لی آناقساغور Anaxagore de Clazomène ) بکرمی بش عصر اول سویله مش وقرون وسطی فیلسوفلری، بومعنائی (  $\text{ex nihilo nihil fit}$  ) جمله وجیزه سیله ادا ایتمشلدی.

حیات علمنده ( Biologie ) عصر مزك اك بویوك كاشفلرندن اولان متوفی ( پروفسور ویرخوو Prof. Virchow ) هر جسم عضوینك بریومورطه دن نشأت ایتمکینی بر حقیقت عمومیة اولمق اوزره عرض ایتمش و: (  $\text{omne vivum ex ovo}$  = هر جانلی بریومورطه دن نشأت ایتمشدر؛ ) دیهرك بو کیفیت بر وجیزه شککنده سویله یوب قیصه برسوزله اسکی بر معنائی قطعاً حل ایله مشدر؛ یعنی: (طاووق می یومورطه دن، یومورطه می طاووق دن چیقمشدر؟) سؤاله قطعی جواب ویرمشدر .  
الی آخره ...!

شرقه فلسفی و اخلاقی وجیزه لر پك چوقدر؛ پك ایی لری ده آزدکلدر. حتی بعضاری واردر که بر مذهب مخصوصك عقیده حکمتی بر جمله ده تلخیص ایدر؛ مثلاً ( ارادت و مختاریت نفس ) دعوا سنده (  $\text{question du libre arbitre}$  ) مختاریت طرفداری اولان فلاسفه معاصرین ( ان شاء ترك = ایسترسه ترك ایدر ) وجیزه سنی پك بکنیرلر . ( معتزله  $\text{les mo'tazalites}$  ) فرقه سنك دستور اعتقادی اولان بوجهلینی اوروپا مستشرقینی ( مختاریت غیر مقیده =  $\text{liberté d'indifférence}$  ) دعوا سنك اك موجر و بلیغ بردستوری اولمق اوزره تلقی ایدیورلر. كذلك، ( التوحید اسقاط الاضافات ) و ( ترك دنیا، ترك عقباء، ترك ترك ) کبی سوزلر، تصوفده بر حکمت اعتقادی و یا اخلاقیه یی ناطق وجیزه لردر و امثالی چوقدر .

احکامده وجیزه لرك پك کورلارینی بزم ( محله ) ده بوله بیلیرز : ( برائت ذمت اصلدر ) ، ( امانت مضمون دکلدر ) ، ( شك ایله یقین زائل اولماز ) ودها بر جوقلری کبی ...!

وجیزه لر برر (قاعدهٔ عملیه دستوری) اولورسه اونلره (maximes) ده نیر . بونلرک حفظ صحته متعلق اولانلری ده واردر . مثلاً ، عربجه ده (تعدی ، تمدی ؛ تعشی ، تمشی) کی که (اوکله یکنکدن صوکره اوزان؛ اقشام یکنکدن صوکره که زین ! ) دیمکدر . بزم تورجه مزده :

آیاغک صیجاق طوت ؛ باشکی سرین ،

معهده کی خفیف طوت ؛ دوشونمه درین .

بتی بوقیلدندر . مشهور بقراطک (maxime) لرینی آکدیرر :

(gnome) ، (aphorisme) ، (maxime) تعبیرلرینک نه دیمک اولدوغی ونه صورتله یکدیکنرندن فرقلیجه معنالره موضوع بولوندوغی ، ایضاحات سابقه دن آکلاشلمش اولسه کرکدر . بونلرک جمله سی ده حد ذاته برر (دستور) در . فقط بوکون (formule) تعبیر اصطلاحی سی ، منحصرراً حقایق علمیه نک عمومی اولانلرینه ده نیلیر ؛ بر (نسبت ثابتة relation constante) نک ، بر (فانون طبیعی loi naturelle) نک ریاضی وقطعی بر شکل افاده سیدر . (قاعده règle) تعبیری ایسه (صنعت وصناعات art et industries) ایشلرنده مرجح در . حیثیتاً برقانون درجه سنده قطعی وصریح بردستور دکادر .

برده (adage) واردرکه (ad + age) اصلندن کلیر ؛ عصرلردن انتقال ایتمش حکیمانه بروجیزه معناسنه موضوعدر . مضمونی اکثراً (اخلاقی) اولور . (حکمت عوام = Folk-lore) ده نیلیر (ضروب امثال proverbes) ، هپ بوقیلدندر .

(apophthègmes) تعبیری ده واردر . بونلر غایت مختصر بعضی سوزلردرکه وجیزه لرله برطوته الی در ؛ چونکه بونلرده هیچ بر فکر حکمت مضمون دکادر . مشهور (ژول سه زار J. Cesar) ک (کادم ، کوردم ، مغلوب ایتدم) جمله سیله تاریخده مضبوط اولان سوزلرینی بروجیزه دکل بر (apophthègme) عداوتلی در ؛ چونکه مختصر ، قاطی وکسکین براسلوب ایله بیان ایدلمش عادی برسوزدر . اسکی (لاکده مونیا لیلر les lacédémoniens) یونان قدیمک ان وقور بر قوم ای دیلر ؛ وغایت آز وقصه سوز سوبلرلردی .

(laconique) تعیری اونلره نسبتله وضع اولونمش برکله اصطلاحیه در . ایشته (apophthègme) بویه (laconique) سوزلره دیرلر . بوسوزلرک اک مشهورلری دفعات ایله جمع ونشر ایدلمشدر . (Drusius) ، (۱۶۱۲) سنه میلادیه سنده عربی و عبرانی لساننده مشهور اولانلری طوبلامش و بر کتاب شکلنده باصدیرمشدی . [ تعیرات مهمه یه باقیکنز ! ]

### ضروریه مطلقه

فرانسزجه	Apodictique
انگلیزجه	Apodictical
آلمانجه	Apodictisch
ایتالیانجه	Apodittico

یونانی ده (آپودیکتیکی می — ἀποδῖκτικὴ) کله سی : (کوسترییورم؛ اثبات ایدیورم) دیمکر . تعیر ، بوکله دن مشتقدرو منطق اصطلاحاتنددر ؛ بعضی قضایایه وصف اوله رق قوللانیلیر .

بو تعیری اک اول قوللانان ارسطودر . استاد یونانی ، (Organon) نامیه مشهور اولان منطق کتابنک (تحالیمات les analytiques) قسمنده : (آپودیکتیکی قوس = ἀποδῖκτικὸς = apodictique) و (آپودیق سیس = ἀποδῖξις = apodixis) کله لری معین بر معنا ایله قوللانمشدی . بوکله لر زمانمزه قدر یا شامش و (قانت) طرفدن احیا ایدلمشدر .

بعضی قضیه لر واردرکه اونلرده (موضوع le sujet) ایله (محمول l'attribut) اره سننده کی (حکم jugement) ، عقل ایچون ضروری دکلددر . مثلا صرف تجربه دن استنباط اولونان حقایق افاده ایدن قضایای حسیه ، بویه در ؛ فرضا [لیون ا کشی در] دیدیکمز زمان ویردیکمز نو حکم بالتجربه تحصیل ایده بیلدیکمز بر علمه استاد ایددر . یوقسه تجربه یه حاجت قاله دن ، لیونک نصل برشی اولدوغنی بیلنه دن ، یالکز لیون لفظی تأمل ایتمکله ، بونک ا کشی بر میوه اولماسی ایجاب ایده بیکنی عقل ایده مه یز . حتی بعدالتجربه ا کشی اولدوغنی تحقیق ایتسه لیبیه بویه بر ماده نک ، بوسکلده بر میوه نک مه حال ا کشی اولماسی لازمکله چکنه دائر بر ضرورت منطقیه دوشونه مه یز . چونکه طاتلی

اولمسی احتمالی ده تصور ایده یلمک ایچون منطقی برمانعه یوقدر. نته کیم طاتلی لیون ده واردر. بزم اسکی منطقونمزلک تعیرنجه (اکشیلک) دیدیکمز صفت معلومه ایله (لیون) اولمق، آره سنده بر ضرورت منطقیه یوقدر. اوصفت، لیونک (تصور ماهیتده داخل) اوله بیلن اوصاف و کیفیات اصلیه دن دکلدر. بعضی قضیه لرده واردرکه اولنرده موضوعه حمل اولونان اوصاف، اوموضوعک تصور ماهیتده ذاتاً داخل بولونان کیفیات اساسیه دن اولدوغی جهته حکم قضیه عقل ایچون ضروری، یعنی (واجب nécessaire) در. مثلاً، بوتون قضایای عقلیه، بوقییلدندر. (جسم متحیزدر!) کبی!.. (تحیز) کیفیتی ذاتاً ماهیت جسمیه ده داخل اوصاف ذاتیه دن بولوندوغی ایچون، جسمی انحق متحیز اوله رق تصور ایده بیلیرز. عکسکی دوشونه یلمک محالدر. بناء علیه بوقضیه لرك حکمی شبهه دوشوره رك مناقشه یه میدان آچق ممکن دکلدر. حکم واقعک صحتی تحقیق ایتک ایچون تجربه به ده حاجت یوقدر؛ زیرایالکز تصور طرفین، یعنی موضوع ایله محمولی دوشونمک، حکم قضیه نک بداهتی اثباته کافی در. هرغل سایم صاحبی یکدن تسلیم ایدرکه فی الحقیقه (حسک متحیز اولمسی ضروریدر!) ..

ایشته ارستونک (apodictique) دیدیکی قضیه لر بو صنفدن اولان (حقایق معقوله) ایدی. بزم شرق منطقونی بونلره (اولیات) دیرلر و (یقینیات) ک برنجی قسمی اولمق اوزره تلقی ایدرلردی. بوقضایای معقوله (برهان argument) ده عمده و اساس اولدوغی ایچون اولیات نامیله تسمیه ایدلمشدی. بونلر، حکمی واجب و ضروری اولمایان سائر برچوق قضایانک صحت و یا بطلاننی (اثبات ایدوب کوسترمک؟! ایچون حجت اوله رق ایراد ایدیه بیله جکندن طولانی درکه ارسطو، اولنره (آپوزیق تی قوس) وصفی شایان کورمشدی. چونکه بر دعوائی رد و اثبات ایتک، اودعوائی - ذاتاً مسلم اولان - بوکبی اولیاته ارجاع ایله مک دیمکدر. بوتقدیرجه (apodictique)، (ما به الاحتجاج) اولان (قضایای محکمه) معانسه کایر. ارسطو بو طرز احتجاجه (آپوزیق سیس) دیمشدی. (فانت)، بالخاصه (apodictique) لفظی ارستودن آلمش وبر

اصطلاح منطقی اوله رق احیایتمشدر. بوفیلسوف نظرندده (apodictique) و صنفه شایان اولان قضیه لر (بالذات بدیهی (évidente par elle-même) و بناء علیه (حکمی واجب (nécessaire) اولانلریدر. اولنر، شبهه کوتورمز؛ مباحثهیه مناقشهیه دخی حاجت برافاز. دهمین ذکر ایتدیکم قضیه کبی!... نته کیم (حقایق ریاضیه (vérités mathématiques) افاده ایدن قضایانک جمله سی ده بوقیلدندر. بونلرک صحتی تحقیق ایتک تجربهیه مفتقر دکدر. اوقضیه لرک اصابت حکمی تصدیق و تسلیم ایتک ایچون - منطق یون شرقک تعمیری وجهله - (مجرد توجه عقل) کفایت ایدر. مثلاً: (ایکی نقطه آره سنده اک قیسه یول انجق برخط مستقیم اوله بیلیر.) و یاخود: (ایکی خط مستقیم بر مکان تحدید ایده مز.) دیدیکمز زمان بودعو الرسوز کوتورمز. اونلرک صحتی تسلیم ایچون تجربهیه ده حاجت یوقدر. یالکز دوشونمک کافی در. بناء علیه بعضی منطق یونک (قضایای عقلیه) دیدیکی، بو (apodictique) قضیه لر دن باشقه برشی دکدر. نته کیم ینه قانتک (قضایای تحلیلیه propositions analytiques) دیدیکی قضیه لر دخی بوزمرده داخل اولوق کرکدر. بزم منطق یون شرقک (قضایا قیاساتهامعها) تعمیریله تمیز ایتدیکی قضیه لر، ایشته بوصنفه کیرر.

[ فضله تفصیلات ایچون proposition کله سنه باقیکر. (analytique transcend.) تعیرنده قضایای تحلیلیه یه عائد تفصیلاته مراجعت ایدیکمز. ]  
قضیه لری بو حیثیته تصنیف ایتک (ضروب modes) نه نظراً تقسیم ایا مکدر. (mode کله سنه باقیکر! )

(apodictique) مقابلی اولوق اوزره (assertorique) و (-problématique) تعیرلری ده واردر. [ تفصیلات ایچون بو کله ره آریجه مراجعت ایدیکمز! ]

(نظریه علم (théorie de la conn.) اعتباریه بالجمله مذاهب فلسفیه یی اوچ نوعه ارجاع ایدوب (یقینیّه = dogmatisme)، (تدرییه = empirisme) و (حسابیه = scepticisme) دن عبارت صایانلر اولمشدر. بو متفکرینک اعتقادینه کوره (یقینیون les dogmatiques)، حقیقتک



( واجب certaine ) اولدوغنی ادا ایدرلر ؛ و بناءً علیه دستور اعتقادلری ( apodictique ) بر قضیه شکلی آیر . ( تدریسیون = les empiriques ) حقیقتک انجق ( ممکن possible ) اولدوغنه قناعت ایدرلر ؛ بناءً علیه دستور اعتقادلری انجق ( assertorique ) بر قضیه شکلی آیر . ( حسابانیون = les sceptiques ) حقیقتک ، ( مختلفه problème ) اولدوغنی ظن ایدرلر ؛ بناءً علیه دستور اعتقادلرینی ( احتمالی = problématique ) بر قضیه ایله عرض ایدرلر . یعنی : [ بر حقیقت اولسه بیله ، اونک موجودیتی اثبات ایتک ممکن دکدر . اونک ایچون هر شی عینی درجده مشابه حقیقتدر . او یله اولماسی ده محتملدر ؛ بویله اولماسی ده محتملدر . بو خصوصده علم یقین حاصل ایتک و قطعاً بر حکم و یرمک انسان ایچون ممکن دکدر ! ] دیرلر . [ académie ] تعبیرنده تفصیلاته و probabilisme ایله scepticisme کلمه لرینه باقیکنز ! ]

آلمان فلاسفه معاصریندن (فرده ریق بوته رومق Fr. Bouterweck) (۱۷۹۹) سنه میلادیه سنده (l'apodictique) نامیله بر کتاب نشر ایتشدی . بو اثر ، ( ارباب سک ) اولان حسابانیون و احتمالیون علمینه یازلمش و اونلرک دعوا لرینی رد و ابطال ایتک غیرتیله ملهم بولونمشدی . بو کتابده مؤلف ، حقیقتک وجودنی اثبات ایده بیلیمک ایچون ، عموم اسالبرجه بداهه مسلم و مقبول بر ( مبدأ principe ) اولدوغنه قناعتی کوسرتمش و اونی عمده احتیاج و نقطه حرکت اتخاذ ایله مشدی ؛ یعنی : [ بر حقیقت واردر ؛ و او حقیقتی اثبات ایتک ممکندر ؛ چونکه هر کسجه بدیهی اوله رق قبول ایدلمش بر مبدأ قویم واردر . ] دیمک ایسته مشدی . شو تقدیرجه ( apodictique ) تعبیرینی ارسطونک قولاندیمی معنا ایله تالق و استعمال ایتمش دیمکدر .

اشتر Appetit فراسرجه

Appetit

اسکلیزجه Appetite

آلمانجه Verlangen

ایتالیانجه Appetito

بو کلمه لاتینجه ( appetere ) لمظندن آلمشدر . معنای لغویسی ( ارزو

ایتمك) دیمكدر؛ حالبوكه اصطلاح اوله رق بوتعبیرك اصل واضعی ارسطودر. قرون وسطی (سقولاستیق) یعنی مدرسه فیلسوفلری معلم اول عد ایتدكلی استاد یونانی دن بوتعبیری آلوب - دها بر جوق امثالی کیبی - لاتینجه به نقل ایتمشلدر. حتی قرون وسطی آئارنده (appetit sensitif = appetitus sensitivus) و (appetit rationnel = appetitus rationalis) تعبیرلری کورولور؛ فقط بوتقسیم دخی ارسطونك در: (اوره کیسی = ὁρεξις) و (اوره قتی قون = ὁρεκτικόν) کلملرینك عیناً ترجمه سی در .

سقولاستیق لر، برنجی سنی (اشتها) معناسنده قوللانیرلر و بوکیفتی (طبیعت بهمیه) مزك تمایلات فطریه سنندن عد ایدرلردی . بونی تکرار ایکی به آیروب برینه (appetit irrascible) ، ایکنجیسنه دخی (appetit concupiscible) دیرلردی .

بوتعبیرات ، شرق عالنهده - بالواسطه - ارسطودن انتقال ایتمش ، واسلافز برنجیسنه (قوت غضبیه) ، ایکنجیسنهده (قوت شهویه) دیمشلدر. اسکی اخلاق کتابلر مزده ، علی العموم (appetit) نك مقابلی (شهوت) در. حتی قینالی زاده علی افندی مرحومك (اخلاق علائی) نام اثر معروفده (شهوت نکاح) تعبیری واردرکه اوروبا سقولاستیق لرینجه مشهور اولان (appetit concupiscible) ترکبینك عیناً ترجمه سی در . لکن، صوکره بزم عثمانی اساننده بو (شهوت) کلمه سی ، یالکز (بقای نسل) د خادم اولان میلان طبیعی به مختص اولوب فالمش ؛ (اشتها) لفظی ده منحصر آ (بقای شخص) ی تأمین ایدن میلان فطرینك اسمی اولمشدر . یمك ایچمك کیبی !.. (appetit rationnel) تعبیر کهنه سنه کلنجه ، سقولاستیق لرك بوندن

مراد ایتدكلی معنا (ارادت = volonté) ایدی. قرون وسطی فیا سوفلری ، ارادتی اشتباه تشبیه ایدرلردی ؛ فقط بونوع اشتها ی (عقل = ratio) بالذات تنویر وادره ایدر و - شهوت بهمیه نك تولید ایتدیکی - حسیه اته انجق اونك واسطه سیله غایه حالابیلر ظننده بولندقلری ایچون (rationnel) یعنی (عقلی) صفتیه بونی دیگر نوع شهوت دن فرق وتمیز ایتمشلدر. بوکون بوخصوصده فکرلر بوسهوتون باشقه در، و بوتعبیر تماماً متروک ومنسی ولمشدر.

زمانی فیلسوفی (اشتها) و (شهوت) ی حیاتک لوازم طبیعی سندن  
اولان (میلان لر inclinations) دن عد ایدرلر . بومیلانلر درحال (طیب  
نفس bien être) و دفع احتیاج و تأمین راحت ایتکله تمنازدر . یمک ،  
ایچمک ، اویقو واستراحت میل طبیعی مزکیی ! . .

بوطیعی . میلانلر ، نهایت ایکی صنفه منجر اولور . برنجی صنفده  
(بقای شخصی conservation individuelle) یه خادم اولان میلانلر  
واردر . (اشتها) تعیری نر ، بونلره تخصیص ایتمشدر . ایکنجی صنفده  
(بقای جنس conservation de l'espèce) ی تأمین ایدن میل طبیعی  
واردر که (توالد و تناسل génération) بوسایه ده ممکن اولور . بز - لسانم زده -  
انجق بوکا (شهوت) دیرز .

بونلرک جمله سی ده (غریزی physiologique و instinctif) در .  
عقل و فکره ، تربیه یه ، تعلیم و تعلمه محتاج دکادر . حیات شخصی و اجتماعی نك  
برنجی درجه ده مهم وسائرلرندن اقدام اولان شرائط طبیعی سندنر .  
بواهمیتی درک و اذعان ایدن فیلسوفلردن پک چوغی ادعا ایدیور که  
حسّات انسانیه نك باشلیجه منشألری شهوت و اشتها در . مثلا (altruisme)  
یعنی دیگر کاملق حسیاتنک شهوته ، (égoïsme) یعنی خود کاملق حسیاتنک  
اشتها ایله مناسبتی ادعا اولونمشدر .

[ بوتعبیراته باقیگز ! ]

Appetition      نشری      فرانسه زجه

Appetition

Appetence      انگلیزجه

دور اخیره شرف و یرن بویوک فیلسوفلردن مشهور (لایب نیچ Leibnitz)،  
انسانده (روحک جسمه صورت تعاقی) مسئله سنی - کویا - حل ایدیبیلیمک  
ایچون (مونادلر monades) فرضیه سنی ایجاد و تنمیر ایتمشدی . (monade)  
تعبیرینه باقیگز ! ]

(موناد) ، عینی زمانده موجودیت جسمانی و روحانییه مزی تمثیل  
ایدن بر (آتوم atome) یعنی ذره اولمق اوزره تصور ایدلمشدی . بواءعایه

ذی‌شعور و ذی حیات بر ذره اولان موندلر ، بالذات وبالطبع فعال فرض اولونمشدی . ( لایب‌نینچ ) ، بوقعائیتی بر تعیر و جز ایله بیان ایده‌بیلیمک ایچون ، ( appétition ) کله‌سنی ایجاد و وضع ایتمشدر . مکمل اولان موندلر انسانی تمثیل ایدرلر؛ بوتقدیرده موندک خارجی و باطنی اولمق اورره ایکی درلو ( appétition ) ی وارددر . عالم خارجی ایله مناسبتی موجب اولان ( تشهیی ) ، عادتا ( قوت طبعیه force naturelle ) معناسنه کلیرکه بومیل خارجی سایه‌سندده موند ( ادراک perception ) ایدر و عالم خارجی‌نک وجودندن خبردار اولور . فقط ( انفسی subjectif ) معناسیله منفهم اولونجه موحودات حقنده تصوراً و ( استحضاراً par re-présentation ) بر فکر و بر علم حاصل ایده‌بیلیمک دیمک اولور . ( لایب‌نینچ ) تعریفه کوره : [ تشهیی ، موندک باشلیجه فعالیت روحیه‌سیدر . موند ، مدرکاتک برندن دیکرینه انجق بوسایه‌ده انتقال ایده‌بیلیر . ]

Apprehension

نص‌ور ساده Apprehension فرانسوزه وانکلیرجه

Auffassung

آلمانجه

Apprendimento

ایتالیانجه

لایبنجه‌ده ( ad + prehendere ) طوتمق ، یا قلامق معناسنه کلیر . تعیر ، بو اصلدن مشتقددر . فقط اساساً یونانی دن ترجمه ایدیلوب لایبنجه‌یه آلمشدر ؛ چونکه اصل بو کله اصطلاحیه‌نک واضی ارسطودر . بو حکیم یونانی ، ( علم connaissance ) بحثنده باشلیجه ایکی صورت قبول ایدیور و بونلری یکدیگرندن تمیز ایلوردی . طوغرودن طوغرویه تلقی ایتدیگمز ( مدرکات perceptions ) ی بالحا که تحصیل ایتدیگمز معلوماتدن بوسوتون فرقی بولویوردی : ( مدرکات ، بلاحا که و بلا ملاحظه بر آنده تلقی اولونه‌بیلیر . هیچ تلقی ایدیله من بعضی احوال دخی اوله‌بیلیر . ادراک ایده‌مدیکمز شیلر بزم ایچون معدومدر . فقط ادراک ایده‌بیلدیگمز شیلرده خطا امکانی اوله‌ماز . خطا ، انجق محاکمه ایله تحصیل ایده‌بیلدیگمز معلوماتده واقع اوله‌بیلیر [ دییوردی . بناء علیه : ( سالم‌الحسن اولمق شرطیه ادراکده خطا وقوعی ممکن دکلددر . خطا ، انجق محاکمه‌یه عارض اوله‌بیلیر . ]

دیمک ایستوردی . حواسمز واسطه سی ایله طوغرودن طوغرویه تلقی ایدوب بر آنده فاوردیغمز معلوماتی ارسطو ، - بر تعیر تشبیهی ایله - سائر معلوماتزدن فرقیتمش و ( ادراك perception ) کیفیتنه ( فی بین = *فی بین* ) دیمشدی که لغت معناسیله ( تماس ) دیمکدر . یعنی ادراك ایله حاصل اولان علم ایچون یالکز تماس کافی در؛ دوشونمک واستدلال ایتک لازم دیکدر دیمک ایسته دیکی ظاهر در .

ارسطو ، بو نوع علمی ، کورکویه بکرتمش ایدی . مثلاً بر شینک رنگی حقدنه بر علم حاصل ایده بیلمک ایچون کوزینی آحوب ، او سینک رنگی یالکز کورمک کافی در؛ دوشونوب استدلال ایله کشف واستخراج حاجت یوقدر . بو درلو بیلکی ، ساده وبسیط اولدوغی کی آنی در ، وخطادن سالمدر . ایشه ( فی بین = *فی بین* ) کله ی بو خصوصیتی افهام ایچون وضع اولونمش و بوتعیر تشبیهی ، کت کیده بر اصطلاح اوله رق تمایز و تقرر ایتمشدر . اصول علم و علومات فلسفیه یی طوغرودن طوغرویه یونانی لردن اخذ ایتمش اولان لاتی لر، ارسطونک بونعیرینی عیناً ترجمه ایدرک ( *apprehensio* ) کله سیله ادا ایله مشلردی . فقط بوکله ، داتاً لاتین لسان عادیسنده ( آلمو ) مناسبه موضوع وهر کسجه مستعمل اولدوغندن ، لسان فلسفی ده مقصود اولان معنای خصوصی یی تبلیغ ایچون ( *apprehensio simplex* ) یعنی ( ساده حه تلقی ) ترکیبی قولاً ایتمشلر؛ حتی ( *prima apprehensio objecti* ) دیرک ایضاح بیله ایتمشلردی که ( اشیانک ایلک تلقی سی ) دیمکدر ؛ حصول علمده ، ایلک قدمه یی تشکیل ایدن ( عملیه ذهنیه *opération mentale* ) بوندن عبارت عد ایدیلر ، و بو عملیه ده ( محاکمه *jugement* ) نک قطعاً و اصلاً دخلی یوقدر ، ظن اولونوردی .

ارسطویی معلم اول اتحاد ایدن و اوکا زیاده سیله مدیون بولونان قرون وسطی ( مدرسه فلسفه سی *la philo. scholastique* )، ( *apprehensio* ) تعیرینی تشبیر ایتدی . عرب فیلسوفلری ، بونی - بالواسطه - آلوب نقل ایتمشلردر، ظن ایدرم . چونکه ( تصور سازج ) ترکیبی ، اولافارسی فاعده سی اوزره مرتبدر ، و ( سازج ) کله سی ، فارسی الاصل اولان ( ساده ) لفظنک

تعريب ايدلمش بر صورتی درکه (simple = simplex) معادلی اولور .  
اوندن ماعدا متقدمينك آئارنده بوتركبه قولای قولای تصادف اولونه ماز .  
(قاضی عضدالايحي) بيله اونى عیناً قوللانميور . حالبوکه (مواقف) ناميله  
مشهور اولان کتآبنده بومسئله دن بحث ايدیور . برنجی موقفك مرصد  
ثائی ، اقسام علم ايله تصور وتصديقه متعلق مباحثی شاملدر . بوفصلده  
مؤلف :

(العلم بمعنى الادراك يتناول الظنّيات ايضاً) يعنى (علم ، ادراك معناسيله  
تلقى اولونجه طنیاتی ده شامل اولمش اولور ! ) ديه بحثه کيريشدکدن  
صوکره :

( بوحيثله تلقى اولونان علم ، ايکيه تقسيم اولونويور: بریسی حکمدن  
خالى ( خالى عن الحكم ) اولان معلوماتدر . بونلره (تصورات) دنيلير .  
ديکرى حکمه مقارن اولان ادراکدر ( هو الادراك مقارن للحكم ! ) . نده  
برنسبتك وقوعى وياخود لاقوعى ايله حکم اولونور . ايشته بودرلومعلوماته  
دخى ( تصديقات ) ديرلر . ) دييور . فقط کتابك شارحى ( سيد شريف  
جرحانى ) اصل تعبير مخصوصنى قوللانهرق بعضى ايفضاحات ويرييورکه ،  
بورکب اصطلاحى نك بالآخره وبالواسطه انتقال وتقرر ايتمش اولماسى احتمالى  
تأييد ايدر . سيد ، - موضوع بحی ايصاح صدندده - دييورکه :

ا فالصواب ، ان يقسم العلم الى ( تصور سازج ) و ( تصور معه تصديق ) ؛  
کآورد فى بعض الكتب المعتره [ يعنى : ( ايشك طوغرسى ، علمك ) ساده  
تصور ) و ( تصديق ايله برابر تصور ) اولمق اوزره ايکيه تقسيم اولونماسيدر .  
نته کيم بعضى کتب معتبرده بوجمله وارد اولمشدر . ]

اکلا تيلدورکه بحثی صدندده اولدوغمز تعبير ، اووقتلر هنوز پك شايع  
اولمامش ايتمش ؛ چونکه قاضى عضد ، بوتركبي قوللانمادیى حالده شارحى  
بعضى کتب معتبرده دن آلوب نقل وایراد ايدیور . فقط بوتون قرون وسطی  
فيلسوفلرى کبي طاورانيور : ( ساده جه تصور ممکن می ؟ .. دکلی ؟ .. )  
بوخصوصه دائر جزئی برسبه بيله احساس ايتيور . اوزمانلر ( بسيقولوژی )  
علمی ، پك ابتدائى وبسيط بردرکده بولوندوغى سبيله عملیات ذهنيه واحوال

روحیه به انفاذ نظر ایده بیه جک صورتده تدقیقات یاپیله مادی نی ایچون سید شریف و معاصر لری معذور ایدیلر . اوزمانلر ، علی الاطلاق حاکم اولان علم ، ( منطق ) ایدی و هر مسئله منطقی بر نقطه نظر دن تلقی ایدیلردی . اولنک ایچوندر که فلاسفه اسلام ( appréhension ) کله سنی ( تصور ) لفظیله ادا ایتشلردر . زیرا منطق نقطه نظر دن باقینجه ، بر حکمه مقارن اولان قضایایه ( تصدیقات ) دیرلر ؛ حکمه مقارن اولمایان معقولاته انجق ( تصورات ) دیرلر . متقدمین و متوسطین حکما ظن ایدرلردی که حکمه مقارن اولمایان تصورات ده ذهنک فعالیت یوقدر . ( اوتصورت ، حقایق اشیانک ، لوحه اندیشه عکس ایدن صورتلری در ) صانیرلردی ، و بوانعکاساته ( صور علمیه ) دیرلردی . بوکون بومسئله ده فکرلر بوسوتون باشقه در .

[ conception, concept تعیرلرینه باقیکز ! ]

بناء علیه بوتعیر ، ارتق استعمالدن ساقط اولمش و تاریخ فلسفه یه ترك ایدلمشدر . شیمدی اوکا بدل ، ( perception ادراک ) کله سی قوللانیلور . [ بوکله یه باقیکز ! ] زیرا ، زمانزده خیلیدن خیلی ترقی ایتش اولان ( علم روح = psychologie ) تدقیقاتیله اکلانشیلور که ، او یله بوتون بوتون حکمدن آزاده بر ( ادراک بسیط ) یعنی بر ( تصور سازج ) یوقدر . بز ، ادراک ایتدیکمز اشیا حضورنده بر ( فوطوغراف جامی ) کی طورده یورز . اک بسیط بر ( فعل ادراک acte de perception ) بیله — خفی اولسون ، جلی اولسون ؛ مشعور و یاغیر مشعور اولسون — بهمه حال بر حکمه مقارن اوله رق واقع اولویور . مثلا بر ( رنگ couleur ) ادراک ایتدیکمز وقت ، و یاخود بر دیواره چارپوب ( مقاومت résistance ) حس ایتدیکمز زمان — واقعا — نسمنک وضعی بو ادراک ابتدائی ده تماماً ( انفعالی passif ) در ؛ چونکه خارجدن کلن بوتائیرات و احساساتی ( اخذ و تلقی ) ایتمکه ارادتمزک ذره — قدر دخل و تاثیر اولیور . فقط مادا که تاثیرات مذکورده نک — خارجدن کلمکه اولدوغنی — در حال آکلیورز ، بیلورز ؛ او یله ایسه بو ، انجق ( قیاس خفی inférence ) یله ویردیکمز بر ( حکم jugement ) نتیجه سیدر . کذلک ( احساسات باطنیه sensations internes ) مزی دخی ادراک ایتدیکمز زمان ، بو ( علمیه

ادراك) - ظن اولوندوغی کبی - بسیط و ساده بر تلقی دن عبارت قالمیور .  
 بوکون محقق درکه برحالت روحیه یه پیدای شعور ایده بیلیمک ایچون ، کیفیات  
 وجدانیه آره سنده - همه حال - بر ( فرق difference ) حس ایتمک  
 اقتضا ایدر . بوده ( تمیز discernement ) ، ( مقایسه comparaison )  
 ( حکم jugement ) اولمادجه ممکن اوله ماز . بر ( فکر idée ) ، انجق  
 بو عملیات ذهنیه دن صوکره تولد ایده بیلیر . اوحالده هیچ بر فکر یوقدرکه  
 بر ( تصور ساده ) نمونه سی اوله بیلین ! . افکارک جمله سی ده بر سوری  
 عملیات ذهنیه محصولی در . اک بسیط کیفیت ادراکده بیله هیچ اولمازسه بر  
 ( jugement d'exteriorité ) و بر ( jugem. d'antériorité ) واردرکه  
 مکان وزمانله علاقه سی تعیین ایدر . طوغرودن طوغرویه تلقی ایتدیکمز بر تأثیر  
 بسیطک ( انفسی subjectif ) و یاخود ( آفاقی objectif spatial ) یعنی ( باطنی  
 intrinsèque ) و یاخود ( خارجی extrinsèque ) اولدوغنی درحال وهان  
 عینی زمانده ادراک واذعان ایدرر . نته کیم ، اوتأثیرک ( خاطره reminiscence )  
 اولمایوب ( حالی actuel ) بر ( امر واقع ) اولدوغنی ده تسلیم ایدرز . بو بر  
 حکمدرکه کیفیت ادراکه لاحق اولور .

[ بوتون بو تعیرات اصطلاحیه یه وبالخاصه actuel, antérieur کله لرینه  
 باقیکز ! ]

بو کونکی فلسفه لساننده بوکا ( ادراک perception ) و ( تحدس  
 intuition ) دیرلر . بودرلو بیلکی به ده ( علم تحدسی connaissance intuitive )  
 ده نیلیر . بزم فلاسفه اسلامک ( علم ضروری ) دیدیکی تماماً بودر . بودرلو  
 بیلکی طوغرودن طوغرویه تماس ایله تلقی ایدیلوب عملیه فکریه نك وساطته  
 محتاج اولمادیفی ایچون دخی معلوما تمزک اودرلوسنی تمیز ایچون ( علم بلاواسطه  
 connaissance immédiate ) تعیری چوق دفعه لر ترجیح ایدیلیر .  
 [ connaissance , médiate , intuition , représentation ]

تعیرلرینه باقیکز ! ]

اسکی تعیرات فلسفیه نك بك جوغنی احیا ایدرک یکی معارله قولانان  
 ( قانت Kant ) بوکله یی دخی ( تنقید عقل صرف critique de la Raison )



Pure) نام اثرنده استعمال ایتشدر. بوفلسوف مجدد، (کیفیت علم) بمختده دانما (عقل *raison*) ه برپای چیقاردینی ایچون، علمده، (محصول تجربه *produit de l'expérience*) اولان (عناصر محسوسه *éléments sensitifs*) ی، یعنی (مدرکات حواس *perceptions des sens*) ی، (عناصر معقوله *éléments rationnels*) دن دقتله تفریق ایتکه جالیشیردی. اونک ایچوندرکه معلوما تمزده (تجربه به تقدم ایدن *apriorique*) مبادی واحکامی، (تجربه ایله حاصل اولان *apostérieurique*) مدرکات حسیه دن آیری طوتاردی؛ حتی بوتقسیمی پک ایلری سورمشدی. ایشه بوسبیلهدرکه (*appréhension*) تعیرینی دخی اوکا کوره تلقی و تعریف ایتشدر. حواسک فعالیتده، قانت ابکی کیفیت ملاحظه ایدیوردی: بریمی خارجدن (بلا واسطه *immédiatement*) تلقی اولونان (احساسات *sensations*) در؛ مثلاً: رنگ، مقاومت، امتداد، شکل کی مدرکاتدرکه بونلر علممزمک ماده اصلیه سنی تشکیل ایدر. لکن بوکبی طویغولری ترکیب ایدوبده اولنره بر (صورت *forme*) ویرمه دجه (علم *connaissance*) ممکن دکدر. ایشه بو عناصر علمیه یی ترکیب ایدوب اولنره بر شکل ویرن (عقل) در. مثلاً، (رنگ، مقاومت، امتداد) کی طاغینیق طویغولری ذهنتده تألیف ایدوبده [بوکوردو کم شی خارجده کائن بر یازی - ماصه سی در!] ده ین عقلدر. حواس دکل!.. چونکه بو حکم تجربه دن منبعث اوله ماز. بومعرفت انحق (تخیله *l'imagination*) نک هنر تریبی در. ایشه (قانت) بوکا: (*Synthèse pure de l'appréhension*) = صرف تصورک اثر ترکیبی (دیور).

اکلاشیلورکه اسکی معناده بر (تصور ساده) قبول ایتیمور. عناصر حسیه یی، انحق ذهنک ترتیب و ترکیب ایتکه ده اولدوغی تصدیق و تسلیم ایلیمور. شو قدر وارکه بوقابلیتی صرف عقلاه عطف واسناد ایدرک، تجربه نک بو خصوصده قطعاً و اصلاً دخلی اولمادیغنی ادعا ایتش اولیور. (*aposteriori*, *criticisme*, *rationalisme apriori*) تعیرلرنده ایضاحات مخصوصه واردر. اورایه باقیکنز!

### تملك و امراز اتمك Appropriation

هیچ کیمسه نك مالی ، ملكی اولمایان بر شئی بر آدمك ملك مشروعی عد ایتدیره بیلجهك افعالك جمله سنه و هر درلوسنه بوكله تطبیق اولونه بیلیر . حتی نسبت استعمالی مطلقامادی شیلره منحصر دكلدر . بر ( عنوان titre ) ، بر ( شرف honneur ) دخی احراز اولونه بیلیر .

بو تعبیرك فلسفه حقوق واجتماعیاده اهمیت و اردر؛ زیرا [هیچ کیمسه نك مالی اولمایان بر شی ، نصل ونه کی شرطلرله بر کیمسه نك مالی اوله بیلور؛ .. یعنی بر شئی ( احراز ) ایدوب بنمسه بیلیمك ایچون رعایتی واجب اولان ( شرائط طبیعی و وسائط مشروعه conditions naturelles et moyens légaux ) ندر ؟ .. ] سؤالی ( حق ملك droit de propriété ) ك ( منشأ l'origine ) نه تعاق ایدن بالجله مسائل حقوقیه ایله علاقه داردر . بو حق اساسدر ؛ و حیات اجتماعیه دمه عمده در . ( communisme یعنی اشتراکیه و جمعانیه ) نامرلیله مشهور اولان مذاهب اختلافکارانه ، هب او یوقاریکی سؤاله مختلف ، مختلف حوایلر ویره بیلیمك امکانندن طوغمشدر ؛ هیدنك نظر ندمه اك مهم مسئله ( کیفیت احراز ) ك شرائط مشروعه سنی تعیین ایده بیلیمكد .

شبه یوقدر كه بو خصوصده برنجی شرط ( سعی و عمل le travail ) در ؛ بزم ( مجله احكام ) ده ایراد اولونان بر مثال بونی پك كوزل ابراز و تعریف ایدر ؛ مثلا :

یاغور صوینی کیمسه نك مالی دكلدر ؛ فقط بیوده یره آقوب کیدر كن و کیمسه یه فائده سی طوقونمایوب هدر اولور كن ، بنم قومشوم ، اختیار زحمت ایدوبده بر طرفه بر قازان وضع ایدرك یاغور صوینی طوبلارسه ، اونى - سى و عملی سایه سنده - احراز ایتش اولور . آرتق ، بن ، کیدوبده اوصوینی - یاغور صوینی در دیه ! .. آلهام . آلیسم ، بر باشقه سنك حقنه تجاوز و مالی غصب ایتش اولورم . سعی و عملك ، ( احراز ) کیفیتده شرط اساسی اولدوغنی همان هر کس قبول و تسلیمده متفق الراید . بناء علیه ( anarchie ) تعبیرینه دائر و برمش اولدوغم ایضاحاتده مشهور ( پرودون )

(Proudhon) ك ( ملك ، خيرسزاق در ! la propriété c'est le vol )  
 ديمش اولماسی، يا اثر غفلتدر : يا سفسطه در؛ يا تهمت در !... ، تملك ، دائماً  
 بر باشق سنك - اولجه - احراز ايتمش بولوندوغی بر شئی غصب ايتك ديمك  
 اولسه يدي واحراز ، انجق بوشرط ايله تحق ايد بيلسه يدي ، ( پرودون ) ك  
 ياكش سوزی بردستور عمومى صاييله بيليردی . حالو كه تاريخ انسانيت و حقوق  
 كوستريور و اثبات ايد يور كه ( حق تملك ) ك منشأی ( احراز ) در؛ احراز دخی  
 باشق سنك مالى ، ملكنى ( غصب ) ايتك ، يعنى ( فضولى بر صورتده بنسه مك )  
 دكلدر .

بناء عليه ( احراز ) بر شئيه مالك اوله بيلمك حقنده اساسی بر شرط  
 مشروعدر . اولاسی و عملی مستلزمدر . اونسر اولماز ؛ چوق دفعه زحمتی  
 و حق تهاكلى بر سى و عمل ايستركه انسان بر شئی احراز ايد بيلسين !..  
 بعضاًده قهر مانلق مرتبه سنده بر علو همت ، جسارت و غيرت ايستركه بر شى  
 احراز اولونه بيلسين !. على اطلاق انسانلره و انسانيته فوائد عظيمه سى تحق  
 ايدن كشفيات نافعه ده شرف احراز ايدنلردن بك چوغى اونی - جان بهاسنه -  
 احراز ايد بيلمش لردر .

( علم اقتصاد ( économie politique ) ، سى و عملی منبع ثروت عد  
 ايتديكى ايچون ، هنوز احراز اولونماش بولونان شيلره ( ثروت bien, richesse )  
 ديمز ؛ ولو كه او شيلر حيات بشر ايچون برنجی درجه ده لوازم طبعيه دن  
 بولونسون !... .

مثلا ، هواى نسیمی ، كوش ضیایی ، دكز و يا غمور صولری و هنوز  
 كشم اولونه مایان قطعات اراضی ، بزجه مجهول اولان دفائن معدنيه ، هب  
 و قيلندردر . يعنى ( ثروت ) دن معدود دكلدر . چونكه احراز اولونماش  
 شيلردر . حالو كه هوا صو و كوش ضیایی حيات ايچون برنجی درجه ده  
 الزم و حتى ( لا بد indispensable ) شيلردر . بناء عليه بزجه بك قيمتلى درلر .  
 مع مافيه انجق قيمت طبعيه لری وادردر . قيمت تجاربه لری يوقدر . كيمسه  
 هوا آلوب صا تماز . كوش ضیایی تجارتك امتیاز نی ده آلفه قالفان كور و لمه مشدر .  
 اونلری كيمسه احراز ايتمه مشدر ، و ايتكه ده لزوم كورمه مشدر .

اکلاشیلورکه احرازی سی و عمله وابسته بیلیمک و حق مالکی اونکله  
 مشروط قیلیمق اعتقادنده علم حقوق ایله علم ثروت اصلاً متفق الایدیر .  
 [ anarchie ، communism ، socialisme کله لرینه باقیکنز ! ]  
 فقط ، سی و عملک ( احراز ) کیفیتده شرط اساسی اولدوغنی هر مذهب  
 قبولده متفق بولوندوغنی حالده احراز حقنک ( وراثت ایله انتقال ) ایتمه سنده  
 بر جهت مشروعه و معقوله بولونوب بولونما-یی ، شدتله موجب اختلاف  
 اولمشدر . سوسیالیزمک الهمم دعوالرندن بری ده ( حق موروثک غیر مشروع )  
 اولماسیدر . [ تعبیراه باقیکنز ! ]

### عمای اشکال Apraxie

یکی تشکیل ایدیلن کلمات اصطلاحیه دندر . یونانی دن آلتمشدر . پک نادر  
 و فقط پک عجیب برمرض عصبنک اسمی در . بوخسته لغه مبتلا اولانلر  
 اشیای خارجیه نک رنک لری ادراک ایدرلر ؛ فقط اشکال مخصوصه سنی  
 کوره مزلر . دهها طوغروسی ، تغلیط ایدوب یا ککش تلتی ایدرلر . مثلاً  
 مرکب حقه سنی ، الما یا خودپاره چانطه سی کی کوره بیلرلر . حالوکه ذهنلرنده  
 قطعاً بوزوقلق اولمادیغنی کی آلات بصریه لرنده دخی برقصور تشریحی یوقدر ؛  
 یعنی کوزلری دخی حال طبیعی ده در . بوغریبه مرضیه نک اسباب موجهه سنی  
 تدقیق ایدن ( پسقو - فیزیولوژیست ) لر ، ظن ایدیورلرکه ، بو ( ضلالت  
 باصره ) بر آفت عضویه نتیجه سیدر ؛ و آفت ، بالخاصه کوزلری تحریک  
 ایدن ( خیالات عضلیه images musculaires ) نک مرکز دماغی سنده  
 اولمق کرکدر ! . .

نادر اولمقله برابر ، بویرحالت مشهوده درکه فلسفه ده برهم مسئله  
 اساسیه خصوصی بوجهله علاقه دار کورونور : فیلسوفلر اوتهدنبری  
 ( خواص اجسام les propriétés des corps ) ی باشایجه ایکی صنفه  
 تقسیم ایتکده مجبوری کورمشلر : برقسمنه ( کیفیات اولی qualités  
 premières ) دیمشلر و بونلرک ، اجسامه خاص کیفیات ذاتیه و مستقله دن  
 اولدوغنی ادعا ایتشلر . ( مقاومت résistance ) و ( شکل forme ) ایشته

او کیفیاتنددر. بناءً عليه ( بزاوالماسه ق، دنياه کورمه مقتدر برکوزدخی اولماسه  
ینه اجسامك مقاومت ذاتیه سی وکندینه مخصوص برشکلی اولمق لازمکلیر. ]  
دیمشله . حالوکه اشیانك شکلی ادراک ایده بیلیمك - شو' عمای اشکال مثاله  
کوره - تماماً بعضی شرائط غریزه وروحیه به تابع اولمق لازم کلیور .  
یعنی شکلك، صرف ( انفسی subjectif ) برشی اولدوغنی و بزم بنیه عضویتیز  
ایله طوغرودن طوغریوه علاقه دار بولوندوغنی تسلیم ایتیمك اقتضا ایدیور.  
او حالده ( اجسامك اشکال ذاتیه سی یوقدر ) دیمك چیقار . بویه دوشونمکه  
مجبور اولان ( انفسیون les subjectivistes ) ایله ( افکار یون  
les idéalistes ) در . عکسنی ادعا ایدن ، یعنی [ کیفیات اولی اجسامك  
خواص ذاتیه ومستقله سندن در . شکل دخی بو قیلنددر . بساءً علیه  
اشیانك کندی ذاته عائد بر کیفیت مخصوصه در . بزده ( فعل ادراکك  
برطور مخصوصی une modalite de l'acte de perception ) دکدر .  
الحاصل ، شکل ، ( بالذات وبالاستقلال en soi et indépendamment )  
موجوددیر ! ] دیمشله ، ( حقیقیون les réalistes ) و ( جوهر یون ،  
les substantialistes ) در . دهمین اسمنی ذکر ایتدیکم فرقه لر ایله بونلر  
آرمسند - بومشله اساسیه اوزرینه - شدتلی مناقشه لر اولمش و حالا دخی  
دوام ایتمکده بولونمشدر . حالوکه بحثی صد دنده بولوندوغمز ( غلط حس ) ،  
انفسیون ادعاسنه حق ویریور ، کیکی کورونویور .  
( تفصیلات ایچون secondaires, primaires کله رینه باقیکز ! )

آنی ، فیلی ( قبل التجربی ) Apriori

لمی ، بعری ( بعد التجربی ) Aposteriori

لاتینجه ده ( prior ) و ( prius ) کله لر ی مقدم دیمك در . ( postérieur )  
لفظی ده مؤخر معاسنه کلیر . تعریفی صد دنده اولدوغمز تعیرات اصطلاحیه  
ایشته بو اصلاردن مشتق در .

بوکله لر قرون وسطی ( سقولاستیق = scholastique ) یعنی مدرسه  
فلسفه سنجه معلوم و پك مهمدی . زمانمزه دخی اساساً او دورك لسان

عرفانندن انتقال ایتشدر . مع مافیه ( طرز استدلال - mode de raison nement ) ك ایکی ( وتیره اساسیه procédé essentiel ) سنی کوسترن بوفرکی ، ارسطو ، صراحةً تعیین و تعریف ایتشدی . لکن بولاتین کله لرینی ؛ اڤول اول ایجاد ایدوب اصطلاح اوله رق وضع ایله یین - اون دردنجی عصر میلادی حکمائی آلهیونندن - ( ساقسونیالی بویوک آلبر Albert le Grand de Saxe ) دز .

ارسطو ، مؤژدن اثره و یاخود بر ( مبدأ کلی principe universel ) دن - اونك تحتنده مندرج اولان - جزئیاته انتقال ایتك صورتیه واقع اولان وتیره استدلالی ، بر ( argument apriori ) اولق اوزره قبول ایدردی . بالعکس اژدن مؤژره ، یاخود جزئیات متشته دن بر ( ماهیت کلیه notion générale ) یه انتقال صورتیه واقع اولان وتیره استدلالی ده بر ( argument aposteriori ) اولق اوزره تلقی ایدردی .

بویاکی طرز محاکمه یکدیگرینه تماماً ضد بر حرکت ذهنیه استلزام ایدر . چونکه برنده ذهن ، کندی معقولاتندن اولان بر ماهیت کلیه یی مبدأ اتخاذ ایدرك اوندن ، جزئیاته انتقال ایدیور و نتیجه لر چیقاریور ، دیمکدر . بو حالده حواسك ، و بناءً علیه تجربه نك بو طرز استدلالده قطعاً دخلی یوقدر . بناءً علیه بوراده حرکت فکریه بر ( استدلال تملیلی raisonnement déductif ) شکلنده واقع اوله بیایر . حالبوکه جزئیات اموردن بر ماهیت کلیه استخراج ایتك ایجاد ایدنجه حواس ، محاکمه ده برنجی درجه ده ذی مدخل بولونور ؛ زیرا جزئیات امور دیدیکمز ( وقایع مشخصه faits concrets ) یی ادراك ایدن انجق حواس در . حواسك بویه حادثات متنوعه یی علی الانفراد تلقی ایتهمسی ( تجربه expérience ) دیمکدر ؛ زیرا حواسك وساطت ادراکی اولادقجه تجربه اولق احتمالی یوقدر . بناءً علیه بویه جه جزئیاتی ادراك ایدوب کلیاته طوغرو حرکت ایتك ( استقرا induction ) در . اونك ایچون بو طررا استدلال دخی - حد ذاتنده بر ( استدلال استقرائی raison. inductif ) دن عبارتدر . ( induction و déduction تعیرلرینه باقیکز ! )

طرز استدلالك بویاکی نوع اساسی سی حقنده ویردیکم شو ایضاحات ، بر ماهیت

خصوصه‌ی حائزدر . زیرا تاریخ فلسفه‌ده (تدریسیون les empiristes) ایله (عقلیون les rationalistes) آره‌سنده تخذت ایدن وزمانزه قدر سوروكله‌نوب كلن مجادلات واومباحثات شدیدة تك قیمتی ایله‌باشلیجه سبی، بوايضاحات ایله تظاهر ایدر .

(مبحث اصول méthodologie) . عائد اولان بواوزون مجادله‌نك مدنیت فكريه وحقیقه‌ده اوقدر تأییری اولمشدرکه سقولاستیق (کیدیشنی) ده‌کیشیدرن عواملیدن بری‌ده (اصول تجربیه méthode expérimentale) نك صوك دورفلسفی فتوحاتندن اولماسی در . اكر بواصول ، تحقیقات علمیه‌ده اساس اوله‌رق قبول ایدیلوب قطعی برصورتده تأسس ایتمه‌سیدی ، بوکون اسکی فلسفه‌نك سقامتندن کندییزی قورتاره‌مازدق . بالتجربه تحقیقاته کیریشدکن صوکره قوانین طبیعی‌نی‌وحتی قه‌انین موضوعی‌نی‌کشف‌وتعیین ایتك ، بوکون معتبر اولان (اصول) اقتضاسندندر . حالبوکه قرون‌وسطاده تجربه‌یه اهمیت ویرلمزدی . بعضی (نصوص dogmes) ، وبعضی احکام معقوله (اساس base) عد ایدیلیر وبوزمین اوزرینه - منطق معرفتیه - بربنای محاکمه قورولور، بالضروره حاصل اولان نتیجه (محض حقیقت)‌ده تلقی اولونوردی. دیمك‌که تجربه دكل، بعضی‌مبادی (قسطاس criterium) ومعیار حقیقت اوله‌رق قبول ایدیلیردی . ایشه بوصورتله ویریلن حکملر هب (قبلی apriori) در . حقیقتك - حد‌ذاتنده - نه‌اولدوغنی‌کشف‌ایتدیره‌من. انجق - زم‌کیفمزه‌وظنمزه‌کوره - حقیقتك نصل اولماسی‌لازم‌کله‌جک‌نه‌داثر بر‌فکرویریرکه‌نفس‌الامرہ‌البته (مطابق adéquate) دکلدر. طوغرو دکلدر؛ چونکه برادعای مجرددر .

(in abstracto) تعیرینه عائد تفصیلاتده عرض ایتش اولدوغم‌مثاله (apriori) حکملرک نه‌قدر حقیقتدن‌اوزاق‌قالدیغنی‌کوستره‌بیلیر. (بوتون بوتیمیراته و in abstracto کله‌سنده‌کی تفصیلاته‌باقیکز !)

بز، انسانلر ، حقیقتك نه‌اولدوغنی‌اوکرنمك‌ایچو، ، طبیعی‌استنتاج ایتکه‌مجبورز. معنای صحیحی ایله علمك یکانه اصولی بودر. کتاب طبیعتدن استغنا ایدوب ذهنمزی زورلایه‌رق منطق‌قوتیله‌حقیقی‌ایلاد ایتك‌طوغرو

دکدر . حالوکه قرون وسطاده معتبر اولان یکانه اصول ، بوایدی . ایشته ( استدلال قبله *raisonnement apriorique* ) دخی بوکا دیرلر .

بوطرر استدلالک سقامتی اثبات ایتمک ایچون ، دنیاک اک بویوک آدمیری ، متخصص و مستتا داهی لری ال برلکی ایله چالیشمش و نیجه تهلیکه لرله تصحیح اصوله موفق اوله بیللمشلردی . اولا ( غالیله *Galileo Galilei* ) ، حکمت طبعیه ده تجربه یی اصول اتخاذ ایدرک ( سقوط اجسام قانونلری *les lois de la chute des corps* ) ، ( رقاد قانونلری *la pendule* ) کی - برنجی درجه ده مهم - حقیقتلر کشف ایتمشدی . ( سطح مائل *plan incliné* ) اوزرنده تجربه لر یاهورق قوتنرول اجرا ایتمش ، و ( تعجیل *accélération* ) مسئله سنی ده حل ایله مشدی . نته کیم کندیسندن چوق اول مشهور ( سیراکوز الی آرشیمد *Archimède de Syracuse* ) ینه عینی اصول تجربه یی ایله بر قانون مهم کشف ایتمشدی که کندی اسمنه نسبتله معروفدر . آرشیمد دن اول کلن ( اسکندریه لی هرون *Héron d'Alexandrie* ) که موفقیتی ده انجق تجربه سایه سنده ممکن اولمشدی . نته کیم بوتون بوکشیفات ، تجربه نک مکافات سعی در .

ینه غالیله زمای مشاهیرندن ( هاروی *Harvey* ) ، ( دوران دم *circulation du sang* ) کیفیتنی بالتحربه کشف و تعلیم ایتمشدی . الی اخره ! .. ایشته عرفان حقیقی نک ( دور انتباه *la renaissance* ) ی عدا اولونان اوعصرده فیلسوف مجدد ( فره نسپس بهی قن *Francis Bacon* ) دخی یتیشمش بولونویوردی . ( فلسفه تدربیه *phil. empirique* ) یعنی ( فلسفه تجربه یی *phil. expérimentale* ) نک مؤسس حقیقی سی اولان بوذات ، اسلافدن ارسطوی شدتله تنقیده کیریشه رک نظر اعتباردن دوشورمکه غیرت ایتمشدی ؛ نهایتده موفقده اولدی . اوزمانه قدر عرفان انسانیتله سلطنتله تحکم ایدن ارسطو ، ( عقلیه *rationalisme* ) فلسفه سنک پیری عدا اولونویوردی . ( راسیونالیزم ) ، ( *apriori* ) اصولنی اساس طوتوب تجربه یی اهامال ایتمکله ممتازدر . یالکز مبادی ' عقلیه اعتبار ایدر و او مبادیدن استخراج و کشف حقایقه چالیشیر . بونک ضدی ( تدربیه *empirisme* ) فلسفه سیدرکه



معقولاتی دکل محسوساتی اساس اوله رق قبول ایدر . اونك ایچوندرکه یو فلسفه ( حسیه sensualisme ) زمینه استناد ایدر . بوده تجربه یی مستلزمدر ؛ حتی تجربه یه مفتقر و محتاجدر . نه کیم بر از یوقاریده سببی ایضاح ایتشدم .

یوندن اکلاشیلیورکه فلسفه ده دور انتباهی فتح ایدن ( بهی قن ) ك اوزمانلر آچیش اولدوغی اك مهم بحث ( rationalisme ) فلسفه سنه قارشى ( empirisme ) دعواسی ایدی . بوده ( apriori ) طرفدارانسه قارشى ( aposteriori ) طرفدارانی دیمکدر . چونکه یوایکی فلسفه نك اصولی ، اساسی بودر ؛ فرقی ده بودر . دیمك که دعوا ( apriori ), ( aposteriori ) دعواسندن باشقه برشی دکلدی .

اوزمانلر ، استبداد فکری دوری اولدوغی ایچون بهمه حال ، اسکی استادلردن برینك اسمنه نسبتله بر حقیقت ، یا خود بر اصول مدافعه اولونه بیلیردی . اوسبيله اولسه کرکدرکه ( بهی قن ) ، ارسطونك سلطنت معنویه سنی ده ویرمك ایچون حیثیتی ییقمغه قالدیشیدینی زمان ، بو استاد یونانی یه قارشى ( دهموقریت Démocrites ) ی شدتله التزام وتحسین ایتشدی . تاریخ فلسفه ده ارسطودن اول ککش اولان یوفیلوف یونانی ( ذره atome ) نظریه سنك مؤسسى اولدوغی کبی ( sensualisme ) فلسفه سنك ده اك بوبوك نملى صاییلیوردی . بناء علیه تجددى بر ( بدعت سیئه ) عد ایدن اودور خلقنه مرام اکلاته لمك ایچون ، ( بهی قن ) دهموقریتك اسم وشهرتی کندی مقصد تجدد پرورانه سنه سپر ایتیش ( وسقولاستیق ) مرضی ایله ذاتاً حال احتضاره دوشمش اولان ( راسیونالیزم ) یعنی ( apriori ) اصولانی بوسبوتون سوندورمك ایچون تام وقت مناسبی بولمشدی .

( لوردوه رولام Lord Verulam ) عنوانيله تاریخده شهر تشعاراولان ( فرانسیس بهی قن ) ك بو فطانت وغیرتی سایه سنده فلسفه بر دور جدید فتح ایتیش اولدی .

بوبوبوك فیلسوف ( ۱۵۶۱ ) سنه میلادیه سنده طوغمش و ( ۱۶۲۹ ) ده وفات ایتشدر . اوندن بر آز صوکره ککن ( ده قارت Descartes ) ،

( ۱۵۹۶ ) ده طوغمش ، ( ۱۶۵۰ ) ده وفات ایتشدر . بودخی دورجیدك  
الك ایلری كلن فاتحلر ننددر . تجربه‌یی ، ده قارت دخی تجویز و توصیه ایله مش  
فقط بوتون بوتون بو اصوله طرفدار اوله مامشدر . كندیسنك فطرتاً  
( ریاضی mathématicien ) و ( مابعدالطبیعی métaphysicien ) اولماسی  
اك مهم مانعه لر دن بری ایدی ظن ایدرم .

ده قارت — مزاج ذهنی سی اعتباریله — ( تجرید absrtaction ) .  
مائل و ذهن بشرده بعضی ( حقایق مجردة vérités abstraites ) بولون دوغنه  
قائل ایدی . افكارمزی اوچ قسمه تقسیم ایدیوردی : ( افكار واصله  
idées adventices ) ، حواسك تجربه سایه سنده قازانندی فكلرلردی .  
( افكار مجموعه ideas factices ) ، ذهنك كندی كندی اوبدوروب  
ابداع و ایجاد ایتدیكى فكلرلردی . فقط برده ( افكار وهیه ideas innées )  
واردی كه بونلر تجربه دن حاصل اولماس و بزم ایله برابر طوغمامش  
( افكار قیمة ) دیمكدی . ذهنمك اصل سرمایه سنی و معتقداتمك مبادی  
اصلیه سنی تشكيل ایدن بونوع فكلرلر ، ( وجوب nécessité ) صفی ایله ممتازدر .  
ده قارت اصل بونلر ایتانیور و بو ( حقایق مسلمة vérités admises ) دن  
( بالتعلیل par déduction ) حقایق سائرینی استخراج ایدیوردی .  
تجربه حاجت كورمیوردی . مثلاً ( جزؤ كلدن اصغردر ! ) قضیه سی  
( apriorique ) بر حقیقت مسلمه در . چونكه بو اعتقاده وجوب وار .  
ذاتاً باشقه درلو اوله ماز ؛ اوله مامق لازمكلیر . چونكه اساساً ( جزئیت )  
معناسنده ( اصغریت ) فكلری ده مندمجدر . بو دعوانك حقیقتی كندی  
كندیته نابتدر ؛ تجربه حاجت یوق ؛ زیرا تجربه بونی دها زیاده اثبات  
ایده مز . بوكی حقایق مجردة دن برچوق حقایق جزئیة استخراج ایده بیلمك  
تعلیل و قیاس ایله اولور . ده قارت — مبادی علمیة بحثده — ایشه بو اصوله  
طرفدار ایدی . مابعدالطبیعیات ، ریاضیات ، الهیات و اخلاق مسائلنده بویه  
بر طاقم افكار وهیه مالك بولون دوغمزی ادعا ایدیوردی . اونك ایچون  
بوكی مباحثده تجربه حاجت اعتبار ایتیه رك تكمیل احكام و قواعد اخلاقیه یی  
( افكار وهیه ) دیدیكى او ( مبادی principes ) دن استخراج ایلوردی .  
حالبو كه ( بهی قن ) علی العموم تجربه طرفدار ایدی .

[ بوتون بوتعیراته یکان یکان با فیکز وبالخاصه methode لفظنه مراجعت ایدیکز. ]

( بهی قن ) ك تعلیماتی انکلتزده قطعياً حکمفرما اولدی ، وبالآخره ( جون لوق John Locke ) ( ۱۷۰۴ - ۱۶۳۲ میلادی ! ) فلسفه تدرییبی متین اساسلراوزرینه بنا ایتدی . [ empirisme بحثنده بوجریان فلسفییه دائر تفصیلات ویرلشدر. ]

بوکون ( راسیونالیزم ) بوسبوتون متروک و مردود اولماقله برابر ، علومده عموماً معتبر و مقبول اولان اصول ، ( تجربه ) در. اونک ایچوندرکه ( aposteriori ) یعنی بعدالتجربه تحقق ایدن احکام وقوانینه اعتماد اولمقده در . بوتون معلومات بشریه نك ، حتی ( apriori ) ظن اولونان معقولات کله نك بیله تجربه انسانیه محصولی اولدوغی قوتله ادعا ایدلکده در . بناء علیه ذهن بشرده هیچ بز ( idée innée ) اولمادیغنی و هر درلو افکارک بعدالتجربه کسب ایدلش بولوندیغنی زمانمزلک اک بوبوک فیلسوفلری بر ( عقیده اساسیه doctrine fondamentale ) اولمق اوزره تلقی ایتملر در .

ده قارتک ایزندن بوسبوتون آیريله ماش اولان ( نه مانوئل قانت Emmanuel Kant ) علومده تجربه نی اک صاعلام اصول اتخاذ ایتمکه برابر بعضی ( مبادی قبلیه principes aprioriques ) لزومنه قانع ایدی . چونکه مدرکات حواسی ترکیب و ترتیب اتمک و اوسایده محسوساته بر معنایر مک ، حاصلی تجربه نی بالذات اداره ايله مک ایچون انسانده بر قابلیت مخصوصه اولمق لازمکه چکنی دوشونویور ، وفی الحقیقه موجود اولان بوقابلیتی ، تجربه ايله اکتساب ایدلش استعدادات کسبیه دن عدایده میوردی . بناء علیه ( ذهن بشرده موجود بر طاقم مبادی عقلیه وارد درکه تجربه محصولی دکدر واوله ماز ؛ چونکه هر درلو تجارتی بوحقایق مجرد اداره ایتدیکی ایچون اونلر ( apriori یعنی تجربه یه مقدم ) اولمق کرکدر ! ] دیمشدی . بوالمان فیلسوف شهریه تجربه نك شرائط اساسیه سنی تشکیل ایدن ( apriorique ) قوانین فکریه نی ده تعیین ایتلشدر . [ analogie کله سنده ( ماثله تجربه ) بحثنه عائد تفصیلاته مراجعت ایدیکز . appréhension

تعبیرنده دخی بومستله په متعلق وقائته عائد ایضاحات واردر ؛ اوکاده بافیکر ! ] ده قارتک ( *idées innées* ) فرضیه سنی ، قانت دخی - لوقدن خیلی زمان سوکره - رد وابطال ایتشدی ؛ فقط اوکابدل ( *principes apriori* ) فرضیه سنی وضع و تشهر ایشدر . بنم اعتقاد بجه ، بونک ایکیسی ده بر یوله چیقار وعینی دعوايه منجر اولور . حالوکه ( تاریخ فلسفه مادیه *histoire du matérialisme* ) محرری فیلسوف ( آلبرت لانکه *A. Lange* ) بو ایکی فرضیه آره سنده مهم بر فرق کورویور ، وکنیدیسی دخی ( افکار وهیه ) بی انکار ایتدیکی حالده قانتک ( مبادی قبیله = *prin. apriori* ) سنی صراحتاً قبول وجسورانه مدافعه ایدیور .

بو معلوماتی وفطین فیلسوفک ادعاسنه کوره فرق شودرکه : ( مبادی قبیله تجربه دن طوغش اولما مقابله بر ابر ، انجق تجربه سایه سنده تحقق ایده بیلیر . بناء علیه اونلرک وجودینی کشف ایتدیرن انجق تجربه در . یعنی ( *idées innées* ) طرفداری اولان فیلسوفلر تجربه نی اهامال حتی رد ایده بیلدکلری حالده ، ( *apriori* ) طرفداری اولانلر ، تجربه یه دخی عینی درجه ده طرفداردرلر ؛ چونکه ذهنمزه بویه بر طاقم حقایق مجرده نک وجودینی انجق تجربه کوستره بیلیر . زمانمزه اصولی ، تجربه در . علوم ومدنیت بو سایه ده ترقی ایتشددر . قانت و طرفدارانی ( اصول تجربه ) بی ذم وقدرح ویا اهامال ایتدکدن ماعداکمال اهمیتله تلقی و توصیه ایدیورلر ! ] دیملک چیقارکه زمانک اصول متخذه سنه قارشی کلش اولماق اندیشه سندن متولد بر حس احتیاطکارانه بی متضمن بر دعوادر .

بوکا قارشی مشاهیر معاصریندن ( الکساندر بهین *Alexander Bain* ) بک معقول بر جواب ویرمشددر .

زمانمزه اعظم ( تدریبیون *les empiristes* ) ندن اولان بو انکلیز فیلسوفی ، ( منطق ) کتابنده بو بحث قدیم ومشهورک ماهیتنی - مختصراً - عرض ایتدکدن سوکره قانت طرفدارلرینه توجیه خطاب ایدرک :

[ اویله ایسه ، ( یعنی ذهنمزه موجودیتی ادما اولومان « *apriori* » حقیقتلر ، انجق تجربه سایه سنده کشف اولونوب تحقق ایدیورسه ، اونلرک

صرف تجربه محصولی اولان حقایق علمیه دن حیثاً نه فرقی قالیر ؟ . . .  
دیور .

مع مافیه بو دعوا حالا سور و کله نیور . چونکه اصوله تعلق ایدن بالمله مسائل ايله طوغرودن طوغرویه و صمیمی بر صورتده علاقه دارد . (معلوماً تمزك منشأی l'origine de nos connaissances) بحیثی ، صول فلسفه نك الك مهم مسائلنی شاملدر . بوتون معلوماً تمزك ، محصول تجربه اولدوغنی حقیقت ایسه ، (نصوص قاطعه dogmes décisifs) و (مبادی قیمه - principes immuables) قبول ایدیلر . ایدیه مه نیجه معتبر و مسلم و حتی مقدس طوتولان بر چوق احکام اخلاقیه و معتقدات دینه قوت و حیثیتنی ضایع ایدر . چونکه یکی یکی شرائط تحتده اجرا اولونان یکی یکی تجربه لر ، او احکام مسلمه یی تعدیل و تبدیله میالدر .

بناءً علیه (aprioristes قبلون) ك اندیشه سی بلکه اصل بوملاحظه دن نشأت ایدیور . اونك ایچون مبادی اخلاقیه و نصوص دینه یی ، طبقی (حقایق ریاضیه vérités mathématiques) کبی عد ایدیورلر . [اونلر ذهنزده موجود حقایق مجرددندر . تجربه دن طوغمش معلومات حسیه قیلندن دکلدرلر !] دیه ادعا ایدیورلر .

حالبوکه (تدریسیون) یعنی (بعدیون les aposterioristes) ، جمله معلوماتك ، حتی حقایق ریاضیه نك بیله تجارب مؤکده محصولی اولدوغنی ادعاده اصرار ایدیورلر .

تاریخ فلسفه ده کورولدیکی اوزره - یانارطاغ کبی - زمان زمان فوران ایدن بو مناقشه بو صوک زمانلرده حکیم و منطق مشهور (دوکتور یووهل Dr Whewell) ايله ریاضی شهر (سرجون هرشل Sir John Hershell) آره سننده یکدن آجیلمشدی . انکلتزه نك الك بنام الهونندن و فلسفه خواجلرلندن اولان (راهب یووهل) قانت طرفدار ایدی . هرشل بودعواده قانتك علیهداری ایدی . (جون ستوارت میل J. S. Mill) و (سپنسر Spencer) کبی اعظم دخی بحه قاریشوب هرشل طرفنی التزام ایتدیلر . نته کیمدها چکلرده متوفی (پوانقاره Poincaré) تکرار بو بحی تازه له یرك بوتون حقایق

رياضيه نك محصول تجربه اولدوغنى ادا ايتدى وبوكا بر جوق دليللر ابراز ايله دى ايدى .

( empirisme لفظده بوكا دائر تفصيلات وارددر . باقكز ! )

بو بحثك مذاهب فلسفيه يدخى بر جوق جهت تماسى وارددر . معلوماً تميزك تجربه دن نشأت ايتمش اولدوغنى ادا ايدنلر ، انحق ( حسيه sensualisme ) فلسفه سته استاد ايدم بيليرلر . ( عقليه rationalisme ) مذهبنه طايانامد جده دخی ( apriori ) دعواى نقطه استاد بوله ماز . ا كلاشيلور كه بو ايكى ادا هر وجهه متناقض دوشوبور . اونك ايجوندر كه مناقشه سى شدتلى وسوركللى اولويور ، واك اساسلى اعتقادانى صارصير .

منطق ساحه سنده ده تاثيرى مهم و نافددر . ( راسيوناليزم ) اصولنده ( منطق صورى logique formelle ) يعنى قياس وتعليل قسمى اهميتجه تقدم ايدر . قياسده ده اساس بر مقدمه موضوعه ومسلمه دن نتيجه چيقارمق واو نتيجه نك تحقيقات تجربيه يه تطابق ايدوب ايمه جكنى نظر اعتباره آلاماقددر . ( استدلال قبلى raisonnement apriorique ) ايشته بودر . ارسطونك حكمنه منقاد اولان سقولاستيق فلسفه سنكده باشليجه اصولى بوايدى .

حالبوكه ( empirisme ) اصولنده ( منطق استقرائى logique inductive ) اهميتجه تقدم ايدر . چونكه ( استقرا induction ) اساساً بر ( استدلال بعدى raisonnement aposteriorique ) در .

مجددين متأخرين بواصولى تقديم وحكمى تأمين وتعميم ايتك صورتيله ارسطونك نفوذ معنويسنى اسقاط ايدرك قرون وسطا عرفانه نهايت ويرديلردى . بوتون بواوزون مناقشه نك خلاصه سى وهله حقيقى شودر :

اكر وجدانمك شوحوالى ، ذهنمك بوكونكى درجه كمالنى نظر دفته آلبرساق ، ديسچ شهه يوقدر كه سرمايه معلوماً تميز ، عيى قيمته افكار واعتقاداتن عبارت دكلدر . ذهنمى يوقلا رساق بعضى معقولات ، بعضى معتقدات كورورزكه عكسنى تصور ايتك محالدر . مثلاً ( جزو كلدن اصغر در ! ) ( ايكى نقطه آره سنده اك قيصه بول خط مستقيمدر ! ) : ( عيى شى عيى زمانده هم وار ، همده يوق اوله ماز ! ) ودها بوكى بر جوق قضيه نر بوقيلدنر .

بونلرك حقیقتی تسلیم ایتك ایچون تجربه به محتاج اولمادیغمیزی درحال  
اکلارز؛ چونکه بوقضیه لر بالذات بدیهی در . دوشونورسهك بوحقیقتلری  
کندی تجربه شخصیه مزله ادراك وتحصیل ایتش بولوندوغزه دخی قناعت  
ایده مه یز . چونکه ( ایکی نقطه آره سنده اك قصه یولك برخط مستقیم  
اولدوغنی ) بالتجربه تعین ایدوب اکلامق لازمکله یدی ، هیچ بویله بر  
حقیقت ریاضیه به مطلع اوله مازدق . زیرا بوتون مسافات ممکنه یی آری  
آری مساحه ایله تکمیل تجربه ایتك لازمکله یدی . بوکاده انسان ایچون  
احتمال یوقدر . حالبوکه بز بوقضیهك منهومنی دوشونمکله آکلیورزکه  
( انحق اولیله اولمق لارم کلیر ! ) . ایشه فیلسوفلرك ( وجوب *nécessité* )  
( بوصفت وجوب قبلی *apriorique* ) حقیقتلرك ضمان صحتی در . تجربه  
دکل ! . . بز ، بوجوه بناء هندسه دعوالرنده او ( متعارفه *axiome* ) یی  
دلیل اوله رق کتیریورز وبو دلیلک صحت وقوته دخی عینی زمانده قناعت  
کتیریورز . اگر بوهندسه دعوالرینی بالتجربه اثبات ایتك لازمکله یدی  
هیچ بر دعوا اثبات ایده مزدك وهندسه علمی ده اوله مازدی . چونکه  
بوخصوصده تجربه تامه وکامله احتمالی یوقدر .

ایشته ( *aprioriste* ) لرك خلاصه ادعایی بودر ؛ فضله اوله رق  
بوداعایی حقایق دینه ومبادئ اخلاقیه وبدیهیه دخی تشمیل ایدیورلر .  
فقط معلوماتمرك بر بویوك قسمی دها واردركه - ینه انحق بوکونکی  
حال کلمزه نظراً - اولکی قسمك یوسبوتون عکسی وضدی کورونور. مثلاً:  
ماء مقطرک صفر درجه ده بصلب ایتدیکی ؛ دلك وتماسك حرارت  
حصوله کتیردیکی ؛ خلاده هر جسمك عینی صورته وعینی سرعتله سقوط ایتدیکی ،  
انحق بعدالتجربه تحصیل ایدلمش معلوماندر. لیونك اکشی برمیوه اولدوغنی ؛  
التونك قابل تطرق بر معدن اولدوغنی ؛ انفیهك انسانی آقصرتدینی ده ینه  
بو قیلدن ، یعنی بعدالتجربه تحقیق ایدوب بیلدیكمز شیلردندر . بودرلو  
بیلکی لرمزه ( *apostérieure* ) وصفی مناسب کوروشمزه یکانه سبب  
بودر . فقط دوشونورسهك اکلارزکه بودرلو معلوماتی ایدینه بیلمك ایچون  
حادثات خصوصیه یی و جزئیات اموری یکان یکان تجربه وتحقیق ایتمک

مجبور ز . ( انفيه ) نبتدن ياييلمش بر ماده در ؛ ديه هرنباتی ماده نك بزى  
آقصر تماشى لازمكه چكنه حكم ايدمه يز . كذلک آلتون قابل تطرق بر ماده در ؛  
ديه ( جام ) و ( قايأ طوزى ) دخى اويله اولمق لازمكلىر ، چونكه اونلر دخى  
ماده جنسنددر . ) ديه مه يز . ايشته فيلسوفلرك : ( تجربه محصولى اولان  
فكر لرده وجوب يوقدر ) ديمه سندن مقصد بودر .

ا كلاشيلوركه يوتون بودعوانك اساسى ( وجوب *nécessité* ) و ( امكان  
*contingence* ) مسئله سنه منجر اولويور . [ بوتعيرلره بافيكيز تفصيلات  
واردر . ]

فى الحقيقه بويچك جريان مناقشه سى فيلسوفلرى اومسئله كه تاورمش  
و ( وجوب ) ايله امكانك ماهيتنى تحقيقه سوق ايله مشدر . ميل ، منطق  
كتابنده اوزون اوزادى يه بونى تدقيق ايله مشدر . دها يك جوق فيلسوفلرده  
عينى مسئله يه صرف ذهن ايتمكدن امتناع ايدمه مشلردر .

صوكره برايكنجى مسئله اساسيه دخى واردركه بوتون بو دعوانك ،  
براستناد نقطه سنى ده او تشكيل ايدر : ( عجباً حقيقتاً ذهن مزده بعضى ) حقايق  
واجبه *vérités nécessaires* ) وعموميه وارميدركه تجربه دن حاصل اولمامش  
بولونسون ؟ .. صحيحاً ( *innée* وهى ) اولسون ؟ .. )

ايشته بومهم مسئله يه شيمدى يه قدر معقول بر جواب ويريله مامشدى .  
فقط انسانك شيمدىكى درجه كالنه باقوبده حكم ايتدكارى ايچون ا كثر بويوك  
فيلسوفلر بزده بوياله بعضى حقايق واجبه وافكار وهيه بولوندوغنى وبونلرك  
تجربه دن متولد اوله مايه جقلرينى تسليمده مضطر قالمشلردى . چونكه بوكون  
فى الحقيقه اويله بر طاقم مبادى واردر و علوم رياضيه و ( منطق تعليلى  
*logique déductive* ) ايله برابر علوم اخلاقه هب بوكي مبادى يه استناد  
ايدر .

لكن تكامل فلسفه سى بوكونكى كالاتى ، انسانيتك تاريخ ترقياتى ايله  
تفسير و تعريفه چاليشدينى ايچون هرايكى طرفك ادعاسنى ده قصورلى  
بولمش و مسئله اصله يي افراط و تفريط كرويوله رينه دوشورميه رك - كندى  
سياق نظر نجه - حل ايتمشدر .



(تکامل فلسفه سی la phil évolutioniste) نك مؤسسی و نانی سی  
اولان، متوفی (هربرت سبنسر H Spencer)، بوبابده کی فکر و اعتقادی  
بر دستور صورتنده عرض ایتش، و :

(Innée pour l'individu, acquise par l'espèce)

دیمشدر. یعنی (وهی inné) اوله رق تلقی ایتمکده بولوند و عمر بوتون افکار  
و اصله و حقایق واجبه و ماهیات محرده، حتی (ارثی hereditaire) اولان  
مالحظه قابلیات عضویه و روحیه - شخص ایچون ! - فی الحقیقه (وهی) در.  
بونلری شخص کندی تجاربی ایله فارانامشدر و فارانامه سنده امکان یوقدر.  
فقط اوشخصک منسوب اولدیجی جنس و (عرق race) نظراعتباره آلبرده  
انسانک بوکونکی درجه کاله ایره بیلیمه سی ایچون میلیونلرحه سنه لرده کچیردیکی  
ادوار تکامل دوشو بولورسه، ادعا اولونه بیلیرکه معلومات و قابلیات نشریده  
(کسی acquis) اولمایان برشی یوقدر. ابتداسی، شرائط نامعدوده سنی  
و مدتی تعیین خصوصنده قطعاً عاجز فالدیعمز، ادوار تکامل، انسانیتک  
اک واسع، الزورکلکی تجربه سیدر. بوتجربه نامحدوده انساننده تأید و تحکم  
ایدن حقیقتلر، افکار محرده و حقایق واجبه شککنده ارنأ انتقال ایتش  
و بطدن لطنه میراث قالدچقه (وجوب) حیثیتی قازانمشدر. شو تقدیرحه  
بومهم مسئله، عرقک حیاته نسبت اولونورسه، (هرشی کسی در. هرشی  
تجربه محصولی در!) دیه حکم ایتک ضروریدر. لکن سحجک حیاته  
اصافله بر حکم و یرمک لازمکلیسه، (انسانده بوکون برطاقم افکار و معلومات  
واردرکه وهی در. چونکه کندی تجربه سنک محصولی دکدر. بئاعلیه  
(apriori بعضی حقیقتلر واردر.) دیمک طوغرو اولور.

نته کیم (ماده نك قابل انسا اوله ماماسی، indestructibilité dela  
matière) بحثنده ینه سبنسر، بو دعوانک (apriori) بر مبدئه مستند  
اولدوغی و تجربه ایله اثبات ایدیه میه حکمی ادعا ایدرک طبقی (فانت Kant)  
کبی دوشونویور.

ایشته تکمیل مسئله نك اک مهم جهتلری بونلردر؛ و بونلردن ده درجه  
اهمیتی اکلاشیلیر. (apriorique) و (aposteriorique) تعیرلری اراتق

ایضاحه حاجت یوقدر. بونلر تماماً عینی معناده (صفت) لردر. عینی موضعده، عینی صورت و حیثیته قوللانیلیر.

(بوتون اصطلاحات مهمه یه مایکیز و علی الخصوص - empirisme, rationa-  
lisme, axiome, contingent, nécessaire, expérimentalisme کله لرینه  
مراحت ایدیکنز !)

Arbitraire

کیفی، عنری Arbitraire

فانوناً، حکمی تحدید ایدلمه مش بولونان برقدرتیه (pouvoir arbitraire)  
دیرلر. اسکی زمانلرده بوتون پادشاهلر، حتی بوتون دره بکلری بویه برقدرتیه  
مالک ایدلر. هر یاپدقلریخی، کندی کیفلرینه و ارادتلرینه کوره اجرا ایدرلردی.  
بومعنایه بطراً (arbitraire) کله سنی (کیفی) لمظیله ترجمه ایتهملی در.  
چونکه هیچ برانونه موافقت و انقیادی اولمایان بر قدرت دیمک اولور.  
مثلاً: (حکومت بن ایم...! L'Etat, c'est moi) یعنی (قانون بنم کیفمدر!)  
ده بن مشهور (اون دردنجی لوئی Louis XIV) بو معنای شخصاً تمثیل  
ایدر. بناء علیه (عندی) کله سنی بورایه اویماز.

شومثال بر مهم نکته بی ایضاح و تفسیر ایدیور و کوستریورکه (اداره  
کیفیه) مطلقاً فاونسز بر اداره دیمک اولمایه بیسله جک... چونکه بر آدمک  
کندی کیفی (قانون loi) صایله بیلدیکی مدتجه و صایله بیلدیکی برلرده مطلقاً  
فانون یوق دیمک دکلدر؛ وارد راما کیفی در؛ دیمک اولور. نته کیم، مصر  
قدیمده فرعونلر؛ ایران قدیمده (کی لر = یعنی قیصر لر = César لر)  
دورندهده قانونلر واردی، تشریفات واردی؛ فصل که روسیهده (مدهش  
ایوان Ivan le terrible)، و فرانسهده برنجی ناپولئون زماننده دخی  
قانونلر واردی؛ بونکله برابر (اداره)، تمامیه (arbitraire کیفی) ایدی؛  
زیرا او قانونلر، یا (فعال لایرید، یعنی هراسته دیکی یاپه بیلن) بر مستبدک  
کیفندن صادر اولمش بر (مجموعه اوامر و نواهی) دن عبارت ایدی. فرعون  
ایله کی کاووس زماننده کی کی!... و یا خود، هیچ اولمازسه، بر مستبدک  
کیفنه تابع آلات اجراییه دن معدود ایدی؛ بناء علیه قانونک وجودی

اداره نك مطلقا (arbitraire) اولمادیغنی اثبات ایتمز. رومانك صوك دورنده یاشامش واسباب انحطاطنی یازمش اولان مورخ شهر (تاسیت Tacite)، وینه اودور مشاهیرندن فیلسوف (پلوتارخ Plutarch) نقل ایدیورلرکه (اصل اوزمانلر، روماده چوق قانونلر واردی وهرکون بش اون دانهسی یاپیسلیر، نشر اولونوردی. فقط ینه هرشی کینی ایدی.) انکلیزلرک ابن خلدونی عدایدیلن (به قل Buckle)، (اوروپاده تکمل معنوی تاریخی = Histoire du développement intellectuel de l'Europe) نامنده کی اثر معتبرینک برنجی جلدنده بومسئله لری اوزون اوزادی به تشریح وتبع ایتمش وملاحظات ذاتیه سنی بالخاصه (Tacite) ک سوزلریله تأیید وتحکیم ایله مشدر.

بونکله برابر (قدرت کیفه pouvoir arbitraire)، ینه (قدرت مطلقه P. absolu) دیمک دکلدرد. (قدرت مطلقه)، هیچ حدودی اولمایان بر قوتدر. (قدرت کیفه)، حدود طبیعی سی دائره سنده کیف مایشا اجرا آتیه مقتدر اولان بر قوتدر. یعنی اجرا آتنده ینه کینی اولقله برابر، دائره اجرا آتی محدود، معین واضافی در. بناء علیه بر حکومت، بر قانون اساسی به، وقواعد مشروطیت به، ویاخود بر غنغه مشروطیت پروانه به توفیق حرکتله اجرا آتیه بولونمازسه، هنوز بو کبی بر طاقم قیود قانونیه واحکام عادات موجود اولمازسه، اوکا (اداره کیفه) دیرلر. کذلک بر دعواده طرفین خاصمین اوزره حکم ایتمک مجبوریتنده بولونان بر (حاکم juge)، دستور و مجله قوانین ده مدار استناد ومابه الاحتجاج اوله جق بر (ماده مخصوصه) بوله ماز، ومسئله بی عرف وعاده دخی توفیقاً حل ایده مزده، کندی وجداننه مراجعت، واونک الهامنه تبعیت ایله بر حکم ویرمکده مضطر قالیرسه بویله بر حکمه دخی (کینی) ده نیلیر. نته کیم (حاکم منفرد) اصولنده وعلی الخصوص انکلتیره ده تمیز رئیس لرینک ویردکلی حکم، اکثریا بویله در. بوندن اکلاشیله جغه کوره، کینی بر حکمک مطلقا فنا وحقیر اولماسی لازم کلز. اونک ابی وقنا اولماسی، قانونه ویا عرفه موافقتدن زیاده حاکم عصمت واستقامته، عفت وحیثیته تابعدر. ایشته بو کبی احواله (arbitraire)

کله‌سی ( وجدانی ) ديه ترجمه ايدہ بيليرز . حتی (عندی) دخی ديه بيليرز .  
لکن ( عندی ) تعبيری سائر احوال کيفيه ده دهازياده ياقيشيق آلير . مثلاً ،  
بر آدم : [ اڪ كوزل رنك يшил در ! ] ديه ادعايتسه ، بوادا (arbitraire) در؛  
چونكه بونك بويله اولدوغنه ، هرکمی اقناع ايدہ بيله جک هيچ بر قانون  
يوقدر . بوراده او کله‌ی ( عندی ) لفظيله ترجمه ايدہ بيليرز ؛ زیرا ادعا  
ايدہ نك کندي عننده اڪ كوزل رنك اودر . ( کيفی ) سوزيله دخی ادا  
ايدہ بيليرز ؛ زیرا کيفنجه ، اڪ كوزل رنك ينه اودر .

منطق ده بر ( قضيه proposition ) ، (arbitraire) اولور ، اڪر قضيه نك  
تقيضي ويا خود ضدني ده قبول وتسليم ايدہ بيلمك ممکن اولورسه ؛ يعنی ذهن ،  
قوانين منطقيه نك حکمنه مجبور بولونه رق او قضيه يي مطلقاً تسليمده مضطر  
قالمارسه ، مثلاً ( فقرالق سلطانلق در ! ) کي که تماماً عکسني دخی ادعا  
ايدہ بيليرز . زیرا او قضيه يي تسليمده هيچ بر مجبوريث منطقيه يوقدر .

( غوبلو Goblot ) ديپورکه [ قانونه تجاوز ايتمک ويا خود مؤسسات  
موضوعه يه تجاوز ايدہ بيلمك ايچون بالذات او قوانيني آلت اتخاذايله مک دخی  
(arbitraire) توصيفنه شاياندر . ]

(arbitration) يعنی ( حکم تعيينی اصولی ) ، حقوق اصطلاحاتندن در .  
منارع فيه اولان بر مسئله ده مستقلاً حکم ايدہ بيلمك صلاحيتيله ، طرفين  
مخاصمينک بر شخص ثالثي طوعاً حکم تعيين ايتمه سنه ديرلر .

(arbitrage internationale) ترکي ده ( حقوق بين الملل droit  
international ) اصطلاحاتندن در . معناه يوقاريکندن فرقي يوقدر؛ فقط  
شکلاً فرقي اوله بيلير . [ تفصيلات ايچون قاموس اصطلاحاتک حقوق قسمنه  
مراجع ايديکيز ! ]

(libre arbitre) تعبيرني (L) حرفنده آرايکيز .

## اُسْ (اُسْ الحیات) 'اول' لارائ Archée

بوتیمیر ارسطونك (ἀρχή = آرهی) لفظدن آئمشدر . بوکله یی ، حکیم یونانی ، (پرنسیپ) یعنی مبدأ معناسنده قوللانیردی . حتی جمع ایله (τὰ ἀρχαία = تاس آرخاس) تعیری ارسطونك آئارنده چوق کچر وهربلر طرفندن بالخاصه (مبادی) کله سیله ترجمه و نقل ایدنشددر (principe) لفظ دخی ، لاتینجه (ایلك یعنی برنجی) دیمکدر ؛ نته کیم (Prince) كده اصل معناسی بودر . تورکله ، کندی پرنسلیرینه ، بکلیرینه : (ایلك) دیرلردی که جماعتده ایلك و برنجی کلن ذات دیمکدر . مشهور تورک آئار مخلصه سندن (قودا تقویلیک) نام کتاب منظومه ، دائما (ایلك) کله سی (پرنس) و (پادشاه) معناسنده قوللانیلشددر .

اسکی یونان فیلسوفلری ، عالمده هرشیئك متحول و بناء علیه حادث اولدوغنی نظر دقته آئیشلر ولایتقطع دوام ایدن بوتبدلات نامتناهیهدده اصل اولان وارائی تحقیقه قالدیشمشلر ایدی . بو ده کیشیکلکده اساس اولان وماهیتاً ده کیشمه ن ماده اصلیه یی آرامق و آکلامق مراققه دوسمشلردی . دیمک اولویورکه دائما طافه لانه رق آقوب کیدن سو (عمان حادثات) ك ضمنتده بر وجود قدیم و مسدیم آرییورلردی . (وجود مطاق) تعیری ایجاد اولونمازدن اول ، فیلسوفلر بویه دوسونویورلری . سقراط دورینه کانه یه قدر ، فاسفه ده اک بویوک واک مهم مسئله مابعد الطبیعه بویه بر (جوهر قدیم) اثبات ایدم بیامك اولدی . ایشه بوکا (ئی آرهی) دیرلردی که عربلر بوکله یی (اول الاوائل) تعیریله نقل و ترجمه ایتشلردر .

میلاددن تقریباً الی بوز سنه اول یاشامش اولان (Thales de Milet) اعتقادنجی (Arché) یعنی هرده ده لك هرشیئك اصل قدیمی (سو) ایدی . هرشی اونك تحولاتدن وجوده کلیوردی . (Anaximandre) آناقسیماندر) ظننجه (هوا) ایدی . (هراقلیب) (Heraclites) ك ادمه نجه (آش) ایدی . (پیتاغور) (Pythagore) نظرند (واحد) ، یعنی (بر) عددی ایدی . هرشی (بر عددی) ندن صادر اولویوردی . امر آخره ...

(۱۴۹۳) سنه میلادی سنده اسویچرده طوغمش اولان مشهور (پاراسهلس Paracelse) - که طبابتی الکیما و (قابالیزم cabalisme) اساسلرینه بنا ایتمش بر حکیم صوفی ایدی ! - بو (archée) تعیرینی بنه مش و (مبدأ حیات = principe vital) معناسنده قولانه رق تشهیر ایله مشدر . بو غریب آدمک فکر نجه (archée) ذوی الحیاتک معده سنده بولونور ، بر جومر ایدی که دوام حیاتی تأمین ایتک وظیفه سیله مکلف بولونوردی : مواد غذائیہ (matières alimentaires) میانده (عناصر مغذیة éléments nutritifs) بی (زهر poison) لردن آیریر ، غذا اوله سیله جک ماده لری بر (مابیع مخصوص fluide particulier) ایله اشباع ایدر و انحقق اوندن صوکره وجود ، عناصر غذائیہ بی (استمثال assimiler) ایلردی . [assimilation تعیرینه باقیکنز !] (پاراسهلس) بوسیاله مخصوصیه (صبغ teinture) نامنی ویرمشدی . بناءً علیه سو تعریفه کوره (اس الحیات = archée) ، روح دیمک دکلدرد . روحانی بر شنی ده دکلدرد . بر (جسم corps) در که هر کسک معده سنده بولونور و مواد غذائیہ بی (سموم یعنی زهر لر) دن آیردقدن صوکره ، کندینه خاص بر مابیع افراز ایدرک عناصر مفیده بی حل ایدر و قابل استمثال بر حاله قویاز . بوسیاله ده حیات دوام ایده بیلیدیکی ایچون ، اوکا (اس الحیات) ده نیلمشدر . مع مافیه بو جسم ، عادی بر ماده دکلدرد ؛ بر (جسم نجومی corps astral) در . یعنی ستاره لرک ، ییلدیز لرک ماده سندن صدور ایدوب بزم وجود مزه انتقال ایتمش و معده لریمزده یرلشمش بر (جوهر مخصوص substance spéciale) در . عوامل خارحیه نک تأثیرات و تخریب اتندن وجود مری - ئولونجیه قدر - محافظه ایدن اودر . (عناصر اربعه les quatre elements) یعنی (آش ، هوا ، سو ، طوبراق) فوقندد بر (عنصر خامس quintessence) در . [بو تعیرده باقیکنز !]

(پاراسهلس) ک (هرمزی hermétique) [بو کلهیه باقیکنز !]

اولان شو غریب فرضیه سی ، [قرون وسطا طبابتدن ، علم جفر ، علم سیمیا ، علم نجوم ، علم حواص حروف] کبی (علوم غریبه sciences occultes) ده [بو تعیرده باقیکنز !] بویوک بر رول اوینامش و کلاً ذیمدخل بولومشدر .

( ۱۵۷۷ ) سنه میلادی سنده ( بروکسل Bruxelles ) شهرنده طوغرش اولان طیب شهر ( فان هلمونت Jean-Baptiste Van Helmont ) ( پارسه لس ) ك ( archée ) سنی تکرار احیا ایدرک اونی دهها واسع بر فرضیه شکلنده نشر ایله مشدی . ( فان هلمونت ) ك ادعاسنه کوره ، ( archée ) اجسام عضویه نك جمله سنده ، حتی بر جسم عضویك اعضای مهمه سنده بيله آیری آیری موجود بر ( مبدأفعال principe actif ) دره . یالکز ( وظائف حیاتیه fonctions vitales ) یی اداره ایتکله قالماز ؛ هر جسم عضویه ، کندی شکل مخصوصنی افاضه ایدر ؛ و بو ( شکل عضویت forme de l'organisme ) ذاتاً ( تخم semence ) ده اوته دنبری واردر . ( اس حیات ) ده نیلن او ( مبدأفعال ) ، جسم عضویك تغذی و تنمی سنی اداره ایدرکن ، یاواش یاواش ، ( تخم اصلی ) ده مندیج اولان اوقابلیتی اظهار ایدرک ، جسم عضویه شکل مخصوصنی ویرر . ( تخم ) ده مندیج اولان و تنمی ایله تحقیق ایدوب میدانه چیقان بو ( شکل کامن forme latente ) . ( فان هلمونت ) ، ( خیال منوی imago seminalis ) دیسوردی که بونك ( نفحه حیاتیه aura vitalis ) ایله اتحادندن ( اس حیات archée ) وجود بولویوردی . بناءً علیه ( خیال منوی ) جسمك صورتی ، ( نفحه حیاتیه ) دخی ( هیولا یعنی ماده سنی ) تشکیل ایدیوردی . شو تقدیرجه نه قدر اجسام عضویه وارسه ، حتی بر جسم عضویه نه قدر اعضای مهمه وارسه ، او نسبتده دخی ( archée ) لر واردی .

شو تعریفدن اکلاشیایورکه ( فان هلمونت ) ك ( archée ) فرضیه سی ده بوسبوتون یکی برشی دکلدر . ارسطو ، ذاتاً حیاتی ، روحی ، تنمی یی تعریف ایده بیلیمك ایچون ( کال اول entéléchie ) فرضیه مشهوره سنی ایجاد و وضع ایله مشدی . هر جسم عضویك شکل کالنی ویرن قابلیت ذاتیه یه ( entéléchie ) دییوردی و بونی ( هیولا ) دن ، ماده اصلیه دن آیرمیوردی . صوکره — غالباً ( نوفلاطونی néoplatoniste ) فیلسوفلردن انتقال ایتش بر ( لونگوس سپهرماتیکوس = λόγος σπερματικός ) فرضیه سی ده واردی که قرون وسطانك ( مدرسه فلسفه سی philosophie scholastique ) نه ، ( سن

طوما داکن (St Thomas d'Aquin) طرفدن نقل اولونوب (raison séminale = ratio seminalis) ترکیبی ایله ترجمه ایدلمشدی . بوفرضیه کوره، افراد و اشخاص عضویه نك اختلافانده مشهود اولان (سبب حکمت !? raison) شو ایدی که ، خالق مطلق اولان جناب حق ، اولاهرشی (بلاواسطه immédiatement) یار آتمش و فقط اجسام عضویه نك (تخمیری semences) نه بر استعداد مخصوص افاضه ایتشدی ؛ او استعداد ، نشوونما سایه سنده ، جسم عضوی یه شکلی افاضه ایدیوردی . ایشته هر جسم عضوی نك استعداد ذاتی سنه کوره بر صورت باغلاماسنده کی حکمت (raison séminale) ده نیلیور ایدی . بوفرضیه ، ذاتاً ارسطونك (entéléchie) سندن بوزمه برشی اولسه کر کدر . (فان هلمونت) ك (اس الحیات) فرضیه سی ایسه ارسطونك (کال اول) فرضیه سیله سقولاستیق فیلسوفلرینك (raison séminale) فرضیه سندن مرکب، غندی بر عقیده در . بوکون بزه پك غریب کورون بوفرضیات ، اجسام عضویه یه تعلق ایدن بر مسئله نك سر حکمتی - بر درجه یه قدر ! - تعریف و ایضاح ایچون ترتیب و ایجاد اولونمشدر . ذهن بشر ك کندنی بودرجه زورلاماسنه رغماً ، عضوی نك سر تشکلی هنوز آکلاشیله مامشدر . انجق میقرو سقوب واسطه سیله مشاهده اولونه بیان تخملمرده اوقابلیت غریبه نه در که ، (القاح اولونمش بر بیضه une ovule fécondée) بهمه حال جنسنه چکیور ؛ بر چوق تأثیرات مخربه یه رغماً انسانك کی انسان ؛ طاوشانك کی طاوشان ، قبلانك کی قبلان شکلی آلیور . حالبوکه - علمای محققینك ادعاسنه کوره - طاوشانك ، انسانك ، قیومغه نك ، قوشلر ك ، الحاصل بوتون حیواناتك (بیضه) سنده - اول امرده ! - کر ك کیمیوی ، کر ك عضوی هیچ برفرق تعیین اولونه مامشدر . بوفرق نشوونما ایله باشلیور . (وراثت hérédité) ك سری ده بوراده در . واقعا (مبحث جنین embryologie) عاماسی بو خصوصده غایت معنادار بعضی کشفیاته موفق اولمشلر سنده ، ینه عضویت ایله صورت جنسیه نك مناسبتی ، اسکی سی کی بر (سر غامض) در . ایشته (پاراسه لس) (فان هلمونت) و بونلردن اول (ارسطو) هپ بوسری افشا و تعریف ایچون بویه آز چوق



غریب فرضیه‌لر ترتینه مجبور بولونمشلردی ؛ ومعذوردرلر . سقولاسیتیک دورینک . بیتک توکنمک بیلمه‌ین- (nominalisme اسمیه) ، (réalisme حقیقه) مناقشه‌لری ینه عینی مسئله‌یه یعنی صورت شخصییه ایله ( صورت نوعیه) و (جنسیه) مسئله‌سنه تعلق ایدر بر طاقم فرضیه‌اته منی در . [scholastique, raison, intellect, âme تمیرلرینه باقیکرز !]

انموزج اول Archétype ( ارکه‌تپ اوقونمالی در )

Archétype

فرانسجه	Archétype
انگلیزجه	Archetype
المانجه	Archetyp, urbild
ایتالیانجه	Archetipo

بو تعبیر قدیم ایکی کلمه یونانیه دن مرکبدر : archée = αρχή = آرهی ( اول ، ایلاک ، برنجی دیمکدر ؛ ( type = τέπος = تی پوس ) دخی ( شکل ) معناسنی افاده ایدر . شو تقدیرجه بو تعبیرک معنای لغویسی ( ایلاک شکی ) دیمک اولور . اصطلاحده ( انموزج اول ) دیه لسانمزه نقل اولونمشدر . ( انموزج ) نمونه کله سنک تعریب ایدلمش بر صورتی در . فی الحقیقه فارسی لسانی اوزره یازمش بعضی آثار صوفیه‌ده ( نمونه نخستین ) تعبیری کچرکه تماماً ( archétype ) ک فارسی‌یه ترجمه سیدر .

بو کلمه اصطلاحیه ( فلسفه فلاتونیه phil. platonicienne ) نک اساسنی تشکیل ایدن بر فرضیه مشهوره‌نی متضمندر ؛ و اوقدر مهمدرکه بوتون قرون وسطی فیلسوفلرینک اک بیوک وسورکلی مشغله‌سی بو ( archétype ) دعواسنه متعلق ماقشات شدیدیه نفس توکنمک اولمشدی . ( universeaux ) تعبیرنده تفصیلاته باقیکرز !

افلاطون ، هنوز کنج بر طالب علم انکن سقراطک درسنه ملازمت ایتمکه باشلامشدی . اووقتلا ، اک مهم مباحث فلسفیه دن بری بلکه برنجیسی ( منشأ علم l'origine de la connaissance ) مسئله‌سی ابدی . ( معلومات شریه عجا ( حواس les sens ) واسطه‌سیله عالم خارچیدن می کایور : . . . یوقسه عقل بشرک معرفت ذاتیه‌سندنی تولد ایدیور ؟ ) ایشته بوسوال یونان قدیم حکماسنی ایکی بویوک فرقه فلاسفه‌یه تقسیم ایتش و بر برینه فابشد برمشدی .

اوزمانلر ( بويوك يونانستان la grande Grèce ) ناميله ياد اولونان ايتاليا قطعهسى ، آتتهك بر مستملكهسى ايدى اوراده ايكي مهم ( مدرسه école ) تأسس ايتشدى . ( ايتاليا مدرسهسى l'école italique ) نك مؤسسى ( فيثاغور Pythagoras )، ايله ( نهله آ مدرسهسى l'école d'Elée ) مؤسسى ( قسنوفانس Xénophanes ) وبويكي صاحب مسلك حكيمك بوتون شاگردانى وپيروانى، حصول علمده حواسك باشليجه خدمتى انكار ايدىيورلر وبو وضعيت فكره لريله ( مدرسه يونانيه école Ionique ) اربابنك بو خصوصده كي تعليماته تماماً ضد ومارض براعتقاده متمسك بولونويورلردى .

[ arg. d'achilles = برهان آخيلهفس و academie تعبيرلرنده بو مدرسه لرك رقابت و معارضه سنده دائر ايجه تفصيلات واردر ؛ اوكله لر باقيكز ! ]  
علمك منشأى و قيمتى حقتده بو صورته آچيلان دعوى پك مهمدى .  
نته كيم زمانزده بيله قطعياً حل و فصل اولونه مامش و ( عقليون- ration alistes ) ايله ( حسيون sensualistes ) فرقه لرينه وجود و بيره رك مناقشه سى حالا دوام ايتكمده بولونمشدر . [ بوتعيراته باقيكز ! ]  
اهمى بحث شو نقطه ده تجلى ايدىيور :

اكر، حقيقتاً ( واسطه علم moyen de connaissance ) حس ايسه ، بوتون معلوما تىز ( عالم خارجى le monde externe ) دن كمش اوله جقدر . فقط حواس ايله ادراك ايدم بيلديكمز شيار آنجق ( مشخصات les choses objectives ) دركه بولره عرب حكما سى ( هويات ) ديرلر . شوا غاچ ، بو آدم كي !! . بولر عالم خارجى ده مستقلاً موجود بر طاقم شيلردر .

بوسيلرك، اعى هويات ماديه نك جمله سى ده ( ناقص imparfait ) در ؛ چونكه اولرك هپسى ده ( هر دم - متحول ) بر طاقم ( ظواهر = apparences ) بر طاقم ( حادثات phénomènes = فة نومه نا - phénomena ) دن عبارتدر . مثلاً طائيدىغمز بر آدمى ، كورو كمز بر آغاچى ، بز دها كوزل ، دها مكمل بر صورتده تصور ايدم بيسليوز . حتى بزم اعتقاد مزجه ( مكمل آدم ) خارجده كورو كمز ( مشخص concret ) انسانلر دكل ، على الاطلاق

دوشوندوگمز (انسان) در . افلاطونك كندی تعیرنجہ ( آفتو - آنزوپوس  
 ( αυτο-άνθρωπος ) یعنی ( بالذات انسان ) در ؛ ( ماهیت انسان ) در .  
 بوماهیتده بوتون افرادانسانیه مشارکدر . کذلک بردیکرینك حیاتی قورتارمق  
 ایچون کندی نفسی تهلکهیه القا ایتك ( قالون = καλόν ) ایی در ؛ یعنی  
 مستحسن و ممدوح بر عملدرکه اوکا ( فضیلت = vertu ) دیرز . وطن ایچون  
 فدای نفس ایتك ، مدافعه حق و حقیقت اوغرنده ضرره ، تهلکهیه کوکوس  
 کرمك دخی فضیلتدر . مرحمت ، عفت ، شجاعت ، هپ فضیلتدر . مع مافیہ  
 بوتون بواعمال ممدوحه و مستحسنه بربرینه بکزمه دیکی حالده ( ایی لك جمله سنك  
 اساسی تشکیل ایدن ( ماهیت مشترکه ) در . او حالده بالذات ایی یعنی  
 افلاطونك تعیرنجہ ( آفتو - تو - قالون = αὐτὸ τὸ καλόν ) ندر ؛ ..  
 ایشته افلاطون ، ( او آنجق بر فکر = idée در ؛ وهرشینك بویله  
 بر ( idée ) سی وارددرکه اوشینك ماهیت اصلیه سنی تشکیل ایدر . بو ماهیات  
 مکمل در ! ) دیور .

تاریخ فلسفه ده بو حکیمك اسمنه نسبتله مشهور اولان ( théorie des  
 idées platoniciennes ) بودر . ایده ( idée ) کله سنده اطرافیه تفصیلات وارددر .  
 اورایه مراجعت ایدیگز . [

بو صورته تصور و تلقی اولونان ( ماهیات ) ، بزه البته عالم خارجیدن  
 کلش ، یعنی ( مدرکات حسیه = perception des sens ) واسطه سیله کلش اوله ماز .  
 چونکه عالم خارجیده هرنه کوروپور و هرنه ادراک ایدیورسه ق اوئلر  
 جمله سی ده ناقصدر . هیچ بریسنده ( کمال = perfection ) یوقدر . کمال  
 ( idée ) لرك شانی در . ( idée ) لر آنجق عقلده بولونور . حقیقتاً موجود یعنی  
 بالذات و مستقلاً و سرمدیاً موجود اولان آنجق ماهیاتدر . چونکه آنجق اوئلر  
 ( کامل ) در . موجودات مادیه و ( مکونات مشخصه = les êtres concrets )  
 هپ ناقص شیلردر . بویله شیلر قدیم و مستدیم اوله ماز . بناء علیه ( عالم حسی  
 = le monde sensible ) بر خیالدر ؛ بر ( شعبده = phantasmagorie ) در .  
 اونك وجود حقیقی سی یوقدر . بو عالمی تشکیل ایدن شیلرک ماهیات حقیقیه سی  
 ( عالم عقلی = le monde intelligible ) ده مستقلاً و ازلیاً موجود بولونان

( صور کامله formes parfaites ) لریدر . ( بر خیال مغفل ) اولان شوکائات مادیده کوردو کمر بوتون شیلرک اصل قالبیری ، ازلی و مکمل نمونه لری انجق ماهیاتدرکه عالم حسیده اونلرک تحققنه امکان اوله ماز . مثلاً بز مادتا بر ( دائرة cercle ) ، بر ( کره sphère ) ، بر ( منشور prisme ) یابه مایزکه تمامیه تعریف هندسی سنه موافق ، یعنی مکمل اولسون . حالبوکه دنیاده موجود اولان مادی دائرة لرك کره لرك و منشور لرك جمله سیده محو و نابود اولسه ، ینه ماهیتلری باقیدر ؛ و او ماهیاته نظرله علم هندسه یکیدن وضع و تأسیس اولونه بیلیر . کذلک ( خیر le bien ) ک مختلف و جزئی صورتلری مضمحل اولسه ینه ( خیر محض le bien-même ) یعنی ( ماهیت خیر ) ، عالم عقلی ده بالذات وبالاستقلال موجوددر .

بویه اولونجه ( ماهیات ) سرمدی در . یارادلمش شیلردن دکلدر . ازلی ایدی در . عالم حسیده نه وارسه ، عالم عقلی ده اونک بر ماهیت مکمله سی واردر . بونلر ، عالم امکانه کوردو کمر ناقص شیلرک ( ایلک نمونه = archétype ) لریدر . دنیاده کی موجودات ، بو مکمل نمونه لرك قاباطاسلاق تقلیدلری در . بناء علیه ( ماهیات حقایق اشیادر )

افلاطونک بو ( idée ) لر نظریه سی تصوفده اساس در . بوتعیری صوفیه شرق بالواسطه آلمش و ( اعیان ثابته entités immuables ) دیه ترجمه ایتشدرد . ( عین ) ، عربجه ده بالذات موجود اولان شیلره دیرلر ؛ فرنک لسان اصطلاحیسنده ده ( entité ) تماماً اومعنائی افاده ایدر . ( çoufisme سوزنده تفصیلاته باقیکنز ]

فلاسفه اسلام بو تمیری ( ماهیات ) و ( مثل فلاطونیه ) دیه ترجمه وتلفی ایتشار و بونظریه مهم ومدید مناقشانه سبب اولمشدر . [ idée کله سنده حکمای اسلامک مناقشائی بسط و تنقید ایدلمشدر . باقیکنز ! ]

افلاطون ماهیاتک بالذات موجود اولدوغنی و بناء علیه اصل موجودات حقیقیه نك بونلردن عبارت بولوندوغنی ادعا ایتدیکی ایچون بومسلکه ( حقیقیه réalisme ) دنیلشدر . [ بوتعیره باقیکنز ، اوکا دائر ایضاحات واردر . ] ماهیاتک عالم عقلی ده موجود بولوندوغنی آبرجه ادعا ایلدیکی ایچون دخی افلاطونک بومسلکنه ( عقلیه rationalisme ) دنیلمشدر . [ بوتعیره ده باقیکنز ! ]

معماری علم Architectonique آکانه

Architecton'q

Architectonik انگلیزجه

Architectonic فرانسه

بوتعبیر، قانت طرفندن ایدورولش و (art de système) یعنی (سیستم بناایتمک هنری) معناسنده قوللائلشدی. بونکدها خصوصی و فاسفی معناسی: معلومات متخالفه و متنوعی اصوله توفیقاً ضبط و ربطه آلهرق تشکیل ایتمک و اوپراکنده معلوماته بر (علم science) قدر و حیثیتی ویرمکدر. بالطبع بو معرفتده (منطق logique) ک برنجی درجه ده دخلی واردر. فقط (l'architectonique) بالخاصه منطق دیمک دکلدرد. معلومات متنوعه آره سنده رابطه منطقیه بوله رق اونلری اورابطه یه کوره تنسیق و تألیف ایتمک هنریدرد. شو تقدیرجه بالخاصه علمدن زیاده صنعت قیلندن برقابلیت صایلیسه کرکدر. فلسفه یی علمدن زیاده - ماهیتاً - صنعته بکزه تنلرک شو تقدیری طوغرو ایسه، ده نیله بیلیرکه بر فیلسوفک هنری (architectonique) ده کی قابلیتی ایله متناسبدر. بوده منطق بیلمکله اولماز. چونکه (افکار معمارانی) استعدادی برشیدرد. مع مافیه لاعلی التعین هر علمک - تأسیس اصول واکال تشکیلات خصوصنده - منطقک معاوتنه افتقار و احتیاجی طبیعی اولدوغی ایچون - قانتک تلقی ایتدیکی معنا اوزره - معماری علم، منطقک بر قسمی صایلیر، و (méthodologie علم اصول) کبی برشی اولور. بناءً علیه منحصرأ بر علمک موضوعاتی تشکیل ایده بیله جک اولان حادثات مخصوصه یی ترتیب ایتمک، اونلرک قوانین خصوصیه و عمومیه سی بولوب چیقاردقدن صوکره قوانین جزئییه یی قوانین کلیه تحتنه درج ایدرک او علم مخصوصه بر (صورت مشکله forme organisée) ویرمک، البته تنسیق معلومات ایتمک دیمکدر. ایشه قانتک (معماری علم) دیدیکی معرفت بودر.

اکلاشیلیورکه بونده اساس بر، وایبرطاقم (مبادی principes) قبول ایتدکن صوکره، اومبادی اوزرینه بر بنای معلومات قورارکن ایجابات منطقیه تبعاً حرکت ایدرک هیئت معلوماته اک اهنگدار اولان شکل معقولی افاضه ایده بیلمکدر. مثلاً: (اجهزه حسیه appareils sensitifs) مزک

( عوامل خارجیه *facteurs extrinsèques* ) تأثیریه تشکلی و فعالیت منمادیه ایله کیت کیده تکمیل ایتش اولدوغنی قبول ایتش اولسه ق ، بهمه حال تکامل قانوتی ده تسلیم ایتش اولورز . عینی زمانده ( *sensualisme* حسیه ) مذهب فلسفی سنه حق ویرمکلکمز لازمکلیر . چونکه معلوماً *مترك* منعی ومنشاً اصلی سی ( *perception des sens* حسیه ) اولمش اولورکه بوده خارجه بر عالم وجودینه اعتقاد ایتیهی قطعاً مستلزمدر ؛ زیرا معلوماً خارجه دن تلقی ایتدیکمز مدرکات حسیه ایله باشلیور ایسه ، البته وجدانمز خارجه دن بر عالم مستقل اولق ایجاب ایدر . بونی - بر حقیقت اوله رق - تسلیم واعترافه مجبور اولدققی ؟ . . اووقت ( *method* اصول ) بحثنده ( *empirisme* ) مذهبیه کرکی کبی حق ویروب بوتون معلومات بشریه نک عمومی و ( *racial* عرقی ) بر تجربه محصولی اولدوغنی قبول ایتمکده مضطر بولونورز . ایله ایسه ( طبع سلیم فلسفه سی ) ( *philosophie du sens commun* ) نده رد ایدمه بز . چونکه ( *sens commun* ) دیدیکمز شی ، بوتون انسانیتک - کیم بیلیر نه قدر عصرلردنبری - کچیرمش اولدوغی تجربه عمومی و عرقیه نک اشاغی ، فقط الک صاعلام ساحه سی تشکیل ایدن سویه عادییه دیرلر . بوتون منای اعتقاداً *مترك* زمین استنادی بودر . بوده - باقیلیرسه - تجربه عمومی مزله قازانمش اولدوغمز افکار ایله معلومات صحیحه و قیمة نک عمومی و مشترک بر بیلانچوسی در . عینی زمانده بزم ایچون یکانه ( قسطاس حقیقت ) ( *critérium de la vérité* ) در ! . . چونکه یکی دن یکی به اجرا ایده جکمز تجارب شخصیه ایله قازانه جغمز معلوماتی تصحیح و تقدیر ایچون ، انجق ( *sens commun* ) ی محک و معیار اتخاذ ایده جکز . باشقه چاره یوقدر . اونک ایچوندرکه تجربه عمومی دعواسنی تسلیم ایتدکن صوکره ( *sens commun* ) فلسفه سی علینده بولونه مایز . زیرا بویکی تعبیر ، عینی شینک ایکی مختلف اسمی در .

بو حده کلدکن صوکره ( عقلیه *rationalisme* ) دعواسنی رد ایتک مجبوریتنه دوشرز . چونکه ( افکار وهیه *idées innées* ) دیدیکمز

معلوماتی، و یا خود ( مبادی<sup>۱</sup> قبیله principes aprioriques ) تعیریله یاد  
 و توصیف ایتدیکمز کلیاتی، تجربه فوقنده بر طاقم حقایق معقوله اوله رق  
 تلقی ایتک ممکن اوله ماز. اولسه اولسه، ( اولر، تجربه<sup>۲</sup> عمومیه نتیجه سنده  
 تحقق، و وراثتله انتقال ایدرک ذهنزده تحکم و تأید ایدن معلوما تمزدر ) ده بیلیرز.  
 بوتون بومحاکات، نتیجه ده، روحک - بر جوهر بسیط و مستقل  
 اوله رق - وجودینی انکاره واریر. زیرا بزده بوتون جهاز عصبی بعضی  
 عوامل طبیعی تأثیریه وجوده کلش و یا واش یا واش تکمل ایتش اولونجه،  
 ادراک، حس و عقل دخی اوجهازک (وظیفه عضویه fonction organique) سی  
 عدا یدینجه، (روح l'âme) - ماهیتی اعتباریه - (وظیفه وی fonctionnelle)  
 بر جلوّه حیات اولش اولور. باشقه درلو تصور و تعریف ایدیه مز.  
 مکرکه طاقیه بوبینای ملاحظاتی بیقمالی و باشقه اساسر قبول ایدرک یکی دن  
 بر بنای اعتقاد قورمالی ! . . .

ایشته - اصطلاح معناسیله - ( معماری<sup>۳</sup> علم ) بوکا دیرلر. فیلسوفلرده  
 هنر اوله رق آرانیلان اک مهم استعداد بودر. ( ارسطو )، ( بهی قن )،  
 ( ده قارت )، ( قانت )، ( سپنسر ) کبی اعظم بومعرفتده مستنا بر قدرت  
 دها اثبات ایتشدر. هله سپنسرک ( synthetic philosophy ) نامیله  
 وجوده کتیرمش اولدوغی آثار فلسفیه، معماری<sup>۴</sup> علمک اک حیرت بخش بر  
 نمونه سیدر. بوتون بو کتابلر بر بویوک بنانک هیئت مجموعه سنی آکدیریر.  
 بردانه سنی خذف ایتک تکامل فلسفه سنک آهنگنی بوزار؛ ممکن دکلدر.  
 سپنسر بو ( مهندسلک ) ی ایله افتخار ایتکدن بیله کندینی آله مامشدر.  
 [ تعیرات مهمیه آریجه مراجعت ایدکز ! ]

### علم حساب Arithmétique

Arithmétique

( علوم مجردة sciences abstraites ) دن در. ( کمیات صرفه quantité pure )  
 علمی در؛ فقط ( کمیات معینه quantités définies ) ایله مشغول  
 اولور. [ فضله تفصیلات ایچون قاموسک قسم ریاضی سنه مراجعت ایدیکز  
 و بوراده کچن تعیرات ایله برابر algorithme, algèbre ) کله لرینه با فیکز ! ]

لاتینجه (argumentum) کله ( arguo ) اصلندن مشتقد ؛ اوده یونانی نك ( آرغوس = do de ) افقتدن آلمشدرکه معناسی ( ظاهر ، آجیق ، بدیی ) دمکدر. اصطلاح معناسنه کلنجه : ( مختلف فیه بر مسئله یی بر قضیه مسئله دلالتیه ایضاح ، اظهار و اثبات ایلمک ) دیمک اولور . شو تقدیرجه ( دلیل ) ، بر قضیه درکه اثبات و تحقیق مطلوب اولان قضایای غیر بدیهی ایضاح و شرح ایدرک اونلرک بدیهیات و مسلمات ایله رابطه منطقیه سنی افشا و اظهار ایلر .

او حالده ( argumentation = افامه دلیل ) دیمک بر ( قیاس ترتیب ایتمک ) دیمک اولور. فقط ( syllogisme قیاس ) ده ( prémisses = مقدمات ) ی تشکیل ایدن قضایای مسئله ایله مطلوب اولان ( نتیجه = conséquence ) ارسنده کی رابطه منطقیه یی ، انجق ( حد اوسط = le moyen terme ) افشا ایتدیکی ایچون ، بر دعواده دلیل ابراز ایتمک - مقدمه ایله نتیجه یی بر برینه باغلایان - حد اوسطی بولوب تعیین ایتمک دیمک اولور . ایشته بوندن طولانی درکه هر هانکی بر قیاسده ( حد اوسط ) بالذات دلیل اوله رق تلقی ایدلمشدر . زیرا حد اوسط قیاسک دیگر ایکی حدلری آرسند بر ( حد مشترک = terme commun ) در . بر دعواده دلیل ابراز ایتمک ده بوجه اشتراکی اظهار ایتمکدن عبارتدر . جزئیات امور - انجق بو صورته وبو سایه ده - کلیات مسئله یه ربط ایدلمش اولور .

آمریکای شمالی ده بویوک بر ( قاموس فلسفی ) ترتیب و طبع ایدن هیئت علمانک رنسی ( میستر بولدوین J. M. Baldwin ) ک ، ( syllogisme ) بحثنده دیدیکی کبی :

( دلیل ، بر [ کیفیت جزئیہ cas particulier, cas spécial ] یی بر ( قانون عمومی loi générale ) یه اسناد ایتمک و او جزئی نك او قانون



کلی تحتندہ مندرج بولوندیغنی کوستر مکدر . بوده انجق قیاس ترتیبی ایله اولور . زیرا اوکیفیت جزئیہ نک تحقیق انجق مبدأ قیاسه منوط واکا تابعدر . قرون اولی ووسطاده ( تجربه l'expérience ) یه اعتبار ایدلمه یوب منطقه اهمیت ویریلیر و قیاس ، اک قطعی بر علم نمونه سی عد اولونوردی . اونک ایچون اک صاعلام دلیل انجق قیاس ایدی .

[ شرح موافقک برنجی موقفنک مقصد تاسعده ، مؤلف کتاب ( قاضی عضدالایچی ) ، حکیم ومنطقی مشهور ابن سینانک بو خصوصده کی ملاحظات تدقیق و تنقید ایچون بر فصل مخصوص آچور : ( قال ابن سینا شرط افاده النظر للعلم ، التفطن لکیفیه الاندراج ) جمله سیله خاصه بودلیل مسئله سنی تحقیقه کیریشیور . ابن سینانک ( کیفیت اندراجی تظن ایتمک ) دیدیکی شی : برقیاسده ( صغرا ) ایله ( کبرانک ) ارتباطی و ( جزئی ) نک ( کلی ) تحتندہ نه صورتله مندرج بولوندوغنی تظن ایتمک یعنی بر آنده سه زوب کشف ایدیور مرکدر . بو بحث ، زده ومنطقی عمده اتخاذ ایدن بوتون سقولاستیق فلسفه سنده یک تفصیل ایدلشدیر .

علمده معیار و ( قسطاس critérium ) اوله رق منطقی دکل تجربه نی قبول ایدن دور اخیر فلسفه سی قیاسی علی الاطلاق واجب الاعتماد بر دلیل عدایمه یور . چونکه ( سفسطه sophisme ) دخی برقیاسدر ؛ واقعا مقدماتی مسلم دکلدر . فقط مسلم اوله بیلیمک ایچون اومقدمات تجربه یه استناد ایتمه لی واونک صحتی انجق تجربه ضامن وکافل اولمالی در . اولیات بیله محصول تجربه عد ایدلیور .

( بو خصوصده تفصیلات ایچون apriori و aposteriori لغتله rationalisme و empirisme کله لرنده کی ایضاحاته باقیکنز ! )

معاصرین منطقیوندن ( وهیت له Whateley ) برهان حقنده شوسوزلری سوبلیور :

( هر برهان ، ایکی قسمدن مرکدر . برسی اثبات اولونان شی ؛ دیگر یده اونو اثباته واسطه اولان شی . برنجی قسم ، هنوز اثبات اولونمادن اول ، مسئله question ) نامنی آلیر . اثبات اولوندقن سوکره دخی واکا

( نتیجه conclusion ) و یا خود ( مستدل اولان شی inférence ) ده نیلیر .  
 ا کر مسئله یی اثباته واسطه اولان قضیه ترتیب استدلالده صوکره ذکر ایدیلیرسه  
 اوکا ( سبب raison ) دیر لر و ( زیرا ) اداتی ایله اوسبب تصریح اولونور .  
 عادی مباحثه لرده اکثر یا استدالات بو ترتیب اوزره جاریدر ؛ مثلاً ( سه زار  
 César ثولدور و ملکه شایاندی ؛ زیرا ، جبار بر آدمی . بوتون جبار لر  
 ثولدور و ملکه شایاندر ) کی . ا کر بویله اولمایوبده نتیجه استدلالی افاده ایدن  
 قضیه ترتیبده صوکره کلیرسه او وقت مدار احتجاج اولان ایلاک قضیه لره  
 ( مقدمات prémisses ) دیر لر . او تقدیرده ( زیرا ) یرینه ( بناء علیه )  
 ترکیبی ترجیح اولنور . ( قیاس منطقی ) نك شکل مرغوب و قطعی سی بودر .  
 مثلاً : ( بالجملة جبار لر ثولدور و ملکه شایاندر . سه زار جبار بر آدمی ؛  
 بناء علیه ثولدور و ملکه شایاندی . ) قیاسی کی ! ... لسان عادیده ( برهان )  
 هان دائماً نتیجه نك ثبوتی ایچون مابه الاحتجاج اولان مقدماته دیر لر . علی العموم  
 منطقی بر نقطه نظر دن تلقی ایدیلدیکی تقدیرده - بر طاقم مقدمات مسئله ایله  
 نتیجه آره سنده نوعاً بر خط اتصال تعیننه منجر اوله جنی جهته - برهان ،  
 ماهیت حقیقیه سنه نظراً بر قیاسده حد اوسطی تشکیل ایدن قضیه اولمش اولور .  
 ( اقامه برهان argumentation ) ، ایشه او قضیه یی بولوب چیقارمق در .  
 براهینک - زمان ایله - بر چوق انواعی تعیین اولونه بیلمشدر . لکن  
 بو تقسیم او براهینک قیمت منطقیه سنه دکل اشکالنه نظر لره در . چونکه بونلرک  
 پک چوغی ( سفسطه ) انواعنددر . هان هبسی ده اوروپانک سقولاستیق  
 فلسفه سندن زمانمزه انتقال ایتمش اولدوغی ایچون حالا شکل اصلیلریله لاتینجه  
 اوله رق مشهور و مذکور در ؛ بناء علیه بزده اکثر یسنگ عربجه مقابله لری یوقدر .  
 نته کیم اسلام علمنده ده بعضی براهین ترتیب ایدلمش و شرقده مشهور اولمش  
 اولدوغی حالده غرب منطقونجه بونلر مجهول قالمشدر . اونلرک اک مهم واک  
 معروف اولانلری بوراده ذکر و ایضاح ایدیورم :

( ۱ ) ( argumentum ad hominem ) انساندن ، یعنی خصمک  
 کندیسندن آلتان برهان دیمکدر . بونوع برهان خصم غندنده مسلم اولان  
 بعضی مبادی و مقدماتی اله آله رقینه اونک علیهنده قول لائحق و بر مسئله خصوصیه ده

خصمی الزام ایتیمکدر . بزم اسکی ( اصول واداب (méthode dialectique) کتابلرنده معروفدر . بوکا عرب منطقیبونی ( دلیل الزامی ) دیرلردی . مقبول وصاغلام بر دلیل دکلدر . چونکه بر آدم عندنده معتبر اولان بر عقیده ، یاخود بر فکر ، عندی اوله بیلیر . اونو علی الاطلاق بر حقیقت مسلمه ایمش کبی - ولوکه کندیسنه قارسی اولسون - برهان اوله رق اقامه ایتیمک قوی بر دلیل دکلدر .

(۲) (argumentum ex concessio) ، (concession) مساعدات متقابله دیمکدر . اولجه طرفین عندنده مقرون اعتبار اولمش بولونان بر حقیقتی یاخود بر قضیه وبردستوری بردعواده برهان اوله رق قوللانمقددر . بونکده حکمی یا انکر او ایکی کیشی به نافذ اوله بیلیر ؛ وانجق بعضی احوالده ، مثلاً تعهدات متقابله ده (سند) اوله بیلیر . [Concesso سوزینه آیرجه «قیکنز !] (۴) (argumentum afortiori) بردعوایی اولویت صورتیه اثبات ایتیمکدر که بوندن اول آیرجه بحثی کچمشدر ( afortiori کله سنه باقیکنز ! ] (۴) (argumentum ad judicium) بردعوایی اثبات ایچون بوتون انسانیتک حس مشترک وطبع سلیمنه مراجعت ایدرک اونو برهان کبی قوللانمقددر . ( کوشش انکار اولونورمی یا ؟ ) کبی . بو برهان حسّیون عندنده معتبر اوله بیلیر ؛ فقط ( افکار یون idéalistes ) و ( انفسیون subjectivistes ) نظرندده سفسطه صاییلیر . ( بوایکی کله ده تفصیلاته باقیکنز ! ] ( انسان ، طبیعی منفعتنه کوره حرکت ایدر ! ) دستوری ده بوقیلدنددر . یعنی (sens commun) بونی اقتضا ایدر . فقط بو دستور مستثنا مزاجلر حقنده دلیل اوله ماز .

(۵) (argumentum ad verecundiam) مظهر حرمت ورعایت اولان بر شیئی دعواده دلیل اتخاذ ایتیمکدر . آخرتی انکار ایدن خصمی الزام ایچون کتب مقدسه دن دلیل کتیرمک کبی . آخرتی انکار ایدن ذات ، کتب مقدسه یه حرمت واعتقاد ایدیورسه بودلیل معتبر (valable) در یعنی ایشه یارار ؟ فقط اساساً کتب مقدسه نک متنه ونقله قطعاً حرمت واعتقاد ایتدیکندن طولانی آخرتی انکار ایدیورسه ، اوله بر آدمه قارشی بودلیل بوسبوتون حکمسز اوله جفتدن سفسطه نوعندن اولمش اولور .

(۶) (*argumentum ad populum*)، (خلقندن دلیل) دیمکدر .  
یعنی اکثریت خلقك وعوام ناسك اختراصات وعقائد باطله سنی دلیل اوله رق  
افامه ایتمکدر . (*Démagogue*) لرك یعنی عوام ناسی سور وکله یین احتیلاجیلرک  
بوتون سارلاطاناقلرنده اساس اولان سمسطه بودر . سیاسی خطیلر دخی  
هر زمان بو دلیلدن استعانه یه تنزل ایدرلر .

(۷) (*argumentum ad ignorantiam*) (جهلندن دلیل) دیمکدر .  
یعنی خصمک بر خصوصده جهلندن بالاستفاده وینه جهلنه بناءً علیه بر دلیل  
ترتیب ایتمکدر . بوده - طبیی - پک معتبر بر برهان صایله ماز ؛ چونکه  
عینی مسئله ده بیله باسقه سی علیه قوللانیله ماز .

(۸) (*argumentum per impossibile*) ، بوده عکس قضیه نك  
امناعنی اثبات ایتك طولایسیله ، (یعنی بالواسطه ؛) قضیه یی اثبات ایتمکدر .  
بوکا (*reductio ad absurdum*) دخی دیرلرکه منطقبون اسلامك (اثبات  
بالنقض) دیدیکی طرز استدلالدر . (تفصیلات ایچون (*absurde*) گله سنده  
نهایتله طوغرو باقیکز ! ) بوکا (برهان النقض) دخی دیرلردی .

بونلردن ماعدا (برهان آخيله فس *argum. d'Achilles*) دخی وارددرکه  
(*achilles*) گله سنده بوکادائر پک حوق تفصیلات ویرلمشدی . (اورایه  
باقیکز ! ) بونك امثالی حوقدر .

برده (*argumentum baculinum*) تعبیری وارددرکه مشهور  
اولوب قلمنی بر مناقشه فلسفیه مناسبیله ایجاد ووض اولونمشدی : انگلیز  
پستقوبوسلرندن فیلسوف شهر (جیورج بارقله *George Berkeley* = )  
(۱۷۵۳ - ۱۶۸۵) ، معاصرینندن (دوکتور جونس *Dr. Johnson*) ایله  
فلسفی بر مباحثیه طوتوشمش ؛ (بارقله) عالم مادی نك حقیقه اینانمادی  
ایچون کلمات محسوسه یی انکار ایتمش ؛ چونکه (*idéalisme subjectif*)  
افتکاریه انفسیه (مذهبنك سیاق نظری بودر ، و (بارقله) نك مذهب  
فلسفی سی دخی بو ایدی . (بو تعبیره بائیکز ! ) یعنی بو فیلسوف ، (عالم  
شهود *le monde visible*) ك صرف مدرکات انفسیه مزدن عبارت اولدوغنی  
ادنا ایدیوردی ؛ فقط او عالمی حسمزه معروض بولندوغنی صورت اوزره

قبول وتسليم ايتيور دكلى . بناءً عليه شو كوردوكز كائناتك صورت  
ظاهره سنى انكار ايتيش اوليوردى . بك اوقدر درين فيلسوف اولمايان  
( دوقتور جونسن ) ، ( بارقله ) نك نه دن شبه ايتديكنى ودعواسنك هانكى  
نقطه يه مستند بولوندوغنى آكلايه مادىنى ايجون - كائنات ماديه نك وجودنى  
اثبات ايتك غيرتيله - بدهت حسيه يه بالمراجع استدلالة قالفيشه رق ، النده كى  
باستونى يره وورمش ، و : [ بونى ، بوماده يى نصل انكار ايد بيليرسك ؟ ]  
ديه مقابله ايتمشدر . بو دليل ، موجه دكلدر ؛ چونكه ( بارقله ) نك انكار  
ايتديكى شى ، ( جونسن ) ك باستونيله اثبات ايتك ايسته ديكي شى دكلدر .  
ايسته بو مناسبته بو طرز استدلاله وامثاله بر اسم مخصوص طاقه رق  
( argum. Baculinarum ) ديمشدر . لاتينجه ( baculum ) باستون  
ديمكدر . بن درسارمده ، بوكا ( مان عصائى ) ديمشدم . لاتينجه تعبيرينك  
تماماً ترجمه سيدر .

بو طرزده بر برهان اقامه ايتك اساس بحى ودعوانك ماهيتنى بيلمه مكدن  
ايلرى كلديكى ايجون بوكا منطوقده ( ignoratio elenchi ) دخى ده نيلىركه  
معناسى ( موضوع بحى بيلمه مك ) ديمكدر . بوتقديرجه بو بر ( برهان  
سفسطى ( argum. sophistique ) در .

شوتعرفاته كوده ( برهان عصائى ) تعبيرى بك خصوصى بر اسم اولمش  
اولور . زيرا تماماً عيى جنسدن بر چوق سفسطه لر واردركه باستونله هيچ  
مناسبتلى يوقدر . مثلاً ( برهان آخيله فس ) ك موجد ومرتبى اولان  
( زيتون ( Zénon d'Elée ) حركتى انكار ايتديكى زمان مشهور ( فيلسوف  
كلبى ( le philosophe cynique ) ( دييوژنه ( Diogènes ) ، هيچ بر  
جواب ايله مقابله ايتيمرك آياغه قالمش ، اوتيه برى يه برقچ آدم كيدوسه  
كلش ، وبو حركتيله زينونك ادعاسنه قارشى فعلاً بر دليل ابراز ايله مك  
ايسته مشدر . باشنى وياخود صاقالى قاشيسه ده اولوردى ؛ طاقلاق آتسه ده  
اولوردى ! چونكه بو افمالك جله سى حركت امكانى اثبات ايدر . يعنى بونوع  
دليل مطلقاً باستون ايسته مز . لكن نه ياپسه ، ينه ( ignoratio elenchi ) يه  
مثال اولوردى ، چونكه زينونك انكارى حركت محسوسه ومشهوديه

قارشی اولمایوب بالخاصه حرکت معقوله یه قارشی ایدی . او حالده دیوژنه نك اوتیه بری یه حرکتی ، مسئله نك ماهیتی اکلامامش اولدوغنی اثبات ایدر . تیمورلنكك مفتی سی ( سعدالدین تفتازانی ) نك شو فسطائیه ادعاسنه قارشی : [ اونلرك برطرفنی آتشله یاقالی در ! ] دیمه سی دخی عینی جنسدن بردلیل صاییلیر واولسه اولسه ( لادریه ) یه قارشی - بر درجه یه قدر - موجه اوله بیلیر . فقط ( عندیة ) و ( عنادیة ) فرقه لرینه قارشی معتبر بردلیل اوله ماز ؛ حکمسزدر . چونکه بوایکی فرقه اربابی کندی نفسندن واحوال نفسانیه سندن شبهه ایتمه مشدر .

[ idéalisme, subjectivisme, scepticisme ] تعیرلرینه باقیکز !  
بونلردن ماعدا ( arg. cosmologique ) , ( arg. téléologique ) , ( arg. ontologique ) ناملریله معروف برط-اقم دلیللر واردرکه الهی-اتده مشهوردر .

[ ontologique, téléologique, cosmologique ] کلمه لرینه باقیکز؛  
ایضاحات مخصوصه ویرلمشدر .

بزده دخی بعضی نوع برهانلر واردرکه اوروپا حکما-سنجه متعارف دکلدرد وفرنك لسانلرنده معادللری یوقدر . ( برهان مسامته ) و ( برهان سلمی ) یوقیلدندر ، بوایکی برهانك مشهور ابوعلی ابن سینا طرفندن تصور وترتیب ایدلمش اولدوغنه دائر برظن قوی وار . اکثر حکمای اسلام ، عالمك منتهای اولدوغنی بوایکی برهان ایله اثباته چالیشیرلردی . فقط بو برهانلر هندسی معناسیله ( نامتناهی l'infini ) تصویری حقیقه اسلافك یا کلتش دوشوندکلرینه برای مثال اولور . [ بوخصوصده تفصیلات وایضاحات ایچون fini ) کلمه سنده بوایکی برهانه عائد تنقیداته باقیکز ! ]

بزم اسلام منطقینو ( دلیل preuve ) ایله ( برهان ) آره سنی تفریق ایتمشلر ودلیل تعیرینی ده عام وشامل برمعنا ایله قبول ایله مشلردی . بومسئله ده تماماً ارسطویه اتباع ایدرك ( اقسام حجت ) ی بش نوعه آیرمشلردی که بونلر ( برهان ) ، ( جدل ) ، ( خطابه ) ، ( شعر ) ، ( سفته ) یاخود ( مغالطه ) در . ( اثیرالدین الابهری ) نك ( پورفیریوس Porphyre )

دن ترجمه ایتش اولدوغی (ایساغوجی Isagogée) نام رساله منطقیه ده  
وسائر شرق کتابلرنده مشهور اولان تصنیف بودر. شو تقدیرجه (برهان)،  
اقسام دلائله داخل برنوع حجتک اسمی اولوبور. بناءً علیه حیثیت معناه  
(برهان)، (دلیل) دن اخص در.

بزم منطقیه کوره فی الحقیقه برهان ده نیان دلیل، (مقدمات یقینیه  
prémises certaines) دن مرکب اولان قیاسه دبرلرکه نتیجه سی  
(یقین certitude) افاده ایدر. حالبوکه دیکر لرلرنده بوقدرت اقناعیه یوقدر.  
دیمک که الک جلی حجت، برهاندر.

قواعد منطقیه بی مختصر وموجز برصورتده نظماً تدوین ایتش اولان  
(سلم) نام رساله عربیه ده (مجتلرک اقسامی) نی تعریف وتعداد ایدرکن  
مؤلف شو بیتلری سویلوبور:

احداها البرهان، والّف من

مقدمات بالیقین تفتّن

من اوایات، مشاهدات،

مجربات، متواترات

وحدسیات ومحسوسات؛

فلاک الیقینیات ! . .

دیور. یعنی بهانک سائر حجتلر میاننده الک واضح واک جلی بر دلیل  
اولدوغی وانحق مقدمات یقینیه مستند بولوندوغی ایضاح ایتدکن صوکره  
بالجمله یقیناتک انواعی ده نعداد ایدیور. (مواقف) ده وسائر کتب  
فلسفیه مزده دلیل بحی ایجهدن ایجیه تدقیق ایدلمشدر. علم کلامده موضوع  
بحث وموجب مناقشه اولان مسائل خطیره ده، مخالف فرقه لره مغلوب اولمامق  
غیرتیه، اهل سنت دلائلک انواعی و قیمت منطقیه سنی کمال اهمیتله تحقیق ایتدکه  
مجبور بولونمشدی. منطق، اوزمانلر اصولده عمده واساس اتخاذا بولوندوغی  
ایپون ذاتاً بودفت ضروری برسیدی. بگون بر بحث منطقیه تریک ایدلمش،  
منطق دخی تجربهدن صوکره یه یعنی ایکنجی موقعه ارجاع ایدلمشدر.  
زمانلر . . . . . الک دکر سز بوقعه الک جلی قیاسلردن

دها بایغدر ( la logique des faits منطق واقعات ) هر مسئله ده بوکون معتبر اولان دلیلدیر . هر دلیل برقیاس صورتنده در . معتبر وصاغلام دلیلک مقدماتی تجربه یه مستند اولور . ( متعارفه axiomes ) لرله حقایق ریاضیه یی بیه زمانمر فلسفه سی محصول تجربه اولمق اوزره لمق یدیور ، واونلرک حکمنی ( مطلق ) عد ایتیمور .

فاسد وسفسطی اولان دلائله ( arguments fallacieux ) ده نیلیرکه مفصل ومکمل منطق کتابلرنده بونلری تحقیق ایچون بر باب مخصوص وارددر . فیلسوف معاصر ( جون ستونث میل J. Stuart Mill ) منطقنده دلائل سفسطیه یی پک عالمانه وپک معقول بر صورتده تعصیف ایتشددر . [ sophisme کله سنه باقیکنز ! ]

بزم اسلام حکما سنجه پک معروف ومعتبر اولان ایکی نوع دلیل دها وارددرکه برینه ( دلیل ائی ) ، دیکرینه ( دلیل لمی ) دیرلر . بو ایکی نوع دلیل ، اورو پاسقولاستیق فلسفه سنک ( arg. a priori ) و ( arg. a posteriori ) دیدیکی برهانلردرکه اصلاً ارسطودن آلمشدی .

بونلرک تعریفی بزم اسکی فلسفه واصول کتابلرینک همان هپسنده وارددر . ( تعریفات ) صاحبی سید شریف جرجانی ، بودیلار حقنده مختصر ومفید اوله رق بوجه آتی ایضاحات ویریور :

( . . . والحد الاوسط فی القیاس ، لابد ان یکون علة لنسبة الاکبر الی الاصغر . فان کان مع ذلك علة توجد تلك النسبة فی الخارج ایضا ، فهو برهان لمی ا الی آخره ! . . . )

یعنی : ( برقیاسده حد اوسط ، او قیاسک صغراسی ایله کبراسی آره سنده ثبوت نسبتبه بهمه حال سبیددر . بونکله برابر او یله برنسبتک خارجدده دخی ثبوتنه برعلت حقیقیه بولونورسه ، اوتقدیرده بویله برقیاسه برهان لمی دیرلر ) دییور .

( . . . وان لم یکن كذلك ، بل لا یکون علة الا فی الذهن فهو [ برهان ائی ] ائی آخره ! )

یعنی : ( اکر او یله اونیورسوده انجیق ذهن بر سبب وممن سبب دلیله



اوکاده برهان آتی دیرلر ( دیور ؛ و بوندن اکلاشیلورکه برهان اوله رق ترتیب اولونان قیاسده حد اوسطی تشکیل ایدن قضیه نك مدلولی هم ذهنده معقول همده خارجه موجود بر سبب کوستریورسه اوکا (دلیل لمی) ده نیلیور . یوق ، اگر بو رابطه سببیت یالکز ذهنی و معقول اولمقدن عبارت قالیورسه اووقت ( دلیلانی ) اولویور . بوکا همان حکماتك اکثریت کلیه سی عینی مثالی تکرار تکرار ایراد ایتش اولدقلری ایچون عادقا ( classique ) اولمشدر . او مثالده شودر :

( بو شی متعفن الاخلاطدر . [ یعنی مایعات عضویه سی تعفن ایتش بر جسمدر ] : هر متعفن الاخلاط اولان شی محمومدر . بوده محمومدر . ) شیمدی بو قیاسده ( تعفن اخلاط ) کیفیتي حمّاك - هم خارجه حقیقی اوله رق ، همده ذهنمزه نظری اوله رق - سببی در ، یعنی بونی بویه دوشوندو کز کبی خارجه دخی عیناً بویه اولدوغنی تحقیق ایدوب کوره بیلیرز . مشاهده اولونماسی ممکندر . ایشته اونك ایچون بو قیاس بر ( دلیل لمی ) در . سقولاستیق فلسفه سنك ( arg. a posteriori ) سی تماماً بو ایدی .  
برده بو قیاسی ترسنه ترتیب ایده لم :

( بو شی محمومدر . هر محموم اولان شی ، متعفن الاخلاطدر . او یله ایسه بوده متعفن الاخلاطدر ) اولور .

بوراده حمّا ايله تعفن اخلاط کیفیتي آره سنده کی نسبت عیناً باقی اولدوغنی حالده طرز استدلالده برده کیشکلک وار ؛ ( تعفن اخلاط ) ، سبب ؛ ( حمّا ) ، مسببدر . یوقاریکی قیاسده سببی اساس و مبدأ اتخاذا ایدرك ، ( حمّا ) یه یعنی مسببه انتقال صورتیله استدلال ایتمشدك . ایکنجی قیاسده مسببی ، یعنی ( حمّا ) بی اساس اتخاذا ایدرك سببه ، یعنی ( تعفن اخلاط ) کیفیتي استقلالاً حکم ایتش اولویور . ایشته ( ایتت apriorité ) و ( لیتت aposteriorité ) فرقی بوتون بواساسه استناد ایدر . برنجیسی ( مؤثر دن اثره استدلال argumentation de cause à effet ) ، ایکنجیسی ( اثر دن مؤثره argumentation de l'effet à la cause ) دیمک اولور .

فرضا : ( شوقارشیکی طاغده بر آتش کورو یورم ؛ او یله ایسه دو مانیده

اولق لازمکلیر ! ) دیه حکم ایدرسم، یوبرقیاس اولورکه حدوسطی مخذوف بر ( دلیل ملی ) شکنده در . چونکه آتشدن یعنی مؤثرک وجودندن دومانک یعنی اثرک وجودینه حکم ایتمش اولویورم . ا کر ، ( شوقارشیکی طاغده بر دومان کورو یورم ؛ اویله ایسه اوراده آتش اولق لازمکلیر ! ) دیرسم بوقیاس - ینه حد اوسطی مطوی یعنی طی وخذف اولونمش - بر ( دلیل انی ) شکنده در . چونکه دومانه باقوب آتسه استدلالاً حکم ایتمش اولویورم . دومان آتشک اثری در .

بوسباق نظرسقولاستیق طرزی در . بوکون ( apriori ) و ( aposteriori ) تعییرلی ، حکمک اثر و مؤثره کوره دکل ، استدلالک قبل التجربه و یا بعد التجربه اولدوغنه نظراً قوللانیلیر . [ بو تعییراته باقیکز ! ]

سقولاستیق اصولده اساس ، فاسفهینی منطق معرفتیه آلهیات خدمتده قوللانیق اولدوغی ایچون قرون وسطاده بودلیل انی ملی پک بویوک بر قیعتی حائر کورو نوردی . زیرا ایکی باشند وجود الوهیتی اثبات ایچون استعمال ایدیلیردی . کائناتک وجودندن برخالقک وجودینه انتقال ایدلیکی کبی ، خالقک کمال ذاتی سندن ده کائناتک مخلوق اولدوغنه استدلال اولونوردی . ( preuve ontologique ) ، ( pr. cosmologique ) ایشته بودر .  
( تفصیلات ایچون بوکله لره باقیکز ! )

vriistocratie	فرالسزحه ( آریستو قراسی اوقونمالی در )	Aristocratie
	والمانجه	Aristocrat e
	انکلیزجه	Aristocracy
	ایتالیانجه	Aristocrazia

یونانی قديمه ( آریستون = ἀριστον ) برشیکک انی سی ( ایلانی ) دیمکدر . ( قرانوس = κράτος ) دخی حکومت معناسنه کلیر . ( آریستو قراسی ) تعییری بوکله لردن مرکبدر و علوم اجتماعیه ده اصطلاحات مشهوره دندر . برجامتده اک آبی آدمیر اداره سی دیمک اولور .

لسان اصطلاحده ( زادکان حکومتی ) معناسنه کلیر ؛ بناء علیه معلوم برطرز اداره نک اسمی در . ( مختصر لغات فلسفه ) نام کتابک مؤلفی ( غوبلو

(Goblot)، بولگه نك تعريفنده: (بو، اويله بر) (حالت اجتماعيه état social) دركه زمام اداره و قدرت سياسيه منحصرآ بر صنف النده در . ديمككه اكتفا ايتمشدر . بوتعريف مجمل ، هم مهم ، همده ناقصدر ؛ چونكه (حكم اقليت oligarchie) دهنيان طرز اداره يده موافق كليز . حالبوكه بوايكی طرز حكومتك اردسندكی فرق مهمی يكرمی درت عصر اول افلاطون واسطو حقيه ادراك وتعريف ايدرك آريستو قراسی نی تصویب و (oligarchie) نی ذم وقبح ايتمشلردر . اوتهدنبری فلسوفلرجه مسلمدركه هر هانكي بر مملكتده اداره نك منحصرآ بر صنف النده بولونماسی (آريستوقراسی) ديمك دكلدر . اوكانك طوغرو معناسيله (oligarchie) ديرلركه (حكم جمهور démocratie) ك یعنی (حكم اكثریت) ك ضدی صاييلير . بوفرق يك مهمدر . نصلكه علی الاطلاق يونان قديمده وهله افلاطون زماننده حكومت جابره (le gouvernement des tyrans) بويله ایدی ؛ زمام اداره مثلاً يكرمی اوتوز كشی نك النده ایدی . بعضی احوال وظروفك موافقتی ، بعض وقوعات اجتماعيه نك معاوتی سایه سنده برطاقم (هنكامه كير aventurier) لر فرصت زمانه دن بالاستفاده ، اكثریت ناسه تحكیم ايدرك اداره نی اللرينه الهيبيليرلر ؛ احتمالكه (anarchie) يه نهایت ویردرك آز چوق نأمین آسایش وتأسيس انضباطه دخی خادم اوله بيليرلر . یعنی اونلرك تحكیمی جمعیت بشریه ایچون بروجهله خیرلی دخی اوله بيلير . فقط هر نه اولورسه اولسون بونلره آريستو قرات ددنیله مز . مثلاً بوندن برهاچ عصر اول مصرده اداره حكومت منحصرآ (مملوكلر) یعنی كوله منلر النده ایدی . نه كیم تقریباً بر عصر اول وقوعه كلن فرانسه اختلال كیرنده حكم ونفوذ برمدت (ژاقوبین Jacobins) نامنی طاشیان برطاقم (نالديری چيلاق لر les sans culottes) كچمشدی . واقعا (مملوكلر) منسوب اولدقلری جماعت ایچنده بر صنف مخصوص تشكیل ایدیورلردی ؛ (رايو . . . . .) فرقه سياسيه اربابی ایدی ؛ فقط هيچ كيمسه ، علی الخصوص هيچ بر مورخ وفيلسوف بونلره (زادكان) نظريه باقه مامشدر . اونك ایچون (غوبلو) نك تعريبی فنا حانده ياكشه در .

افلاطون وارسطونك ( آريستو قراسى ) دن مقصدى، بوسبوتون باشقه ايدى . مدنى وحرملتلره نمونه امثال اوله بيله جك ( مكمل برشكل اداره ) تخيل ايدرك، اونك شرائط اصليه وخطوط اساسيه سنى تعين ايدن بوفيلسوفلر آريستو قراسى تعبيرنى معنای لغويى ايله تلقى ايدى سورلر و ( آريستون ) يعنى جماعته ( الك اى ) اولان افراد كامله نك اداره سنى مراد ايدى سورلردى . واقعا حقيقى اصالت ده بودر . بومعنا، بوكون دخى معتبردر . ( اصالت طبيعه aristocratie naturelle ) بوكاديرلر .

هر كيمك اوغلى اولورسه واسون علم و فلسفه يه، هنر و صنعته ضبط وربط امور و اداره مملكته قابليت خصوصنده مستثنا براستعداد ، بارلاق بردها ايله طوغمش اولانلر، الك طوغرو معناسيله اريستو قراندرلر . بوكي آدملر جماعات بشريده بول بول يتشه بيلير وقالديرملرى طولدورور عوام طاقندن دكلدر . اندر طوغان بختيارلردندر . ايشته اصل ( آريستون ) يعنى افراد جماعتك ( الك اى ) لرى بونلردر . حكمت اسلاميه نظر نده دخى ( سادات قوم ) بونلردر .

ارسطو وافلاطون ايشته بوكي فطرتاً اصيل وقابيلتى طوغمش اولان افراد ممتازه نك اللرينه زمام ادارى توديع وحواله ايتك صورتيله براريس تو قراسى حكومتى تصور ايدىوردى ؛ بالخاصه افلاطونك ( République ) نام كتاب مشهورى بوتصور اوزرينه قورولمش ، خيالى بر اداره تصوير ايدر . بواثر ( كتاب السياسه ) عنوانيه - خيلى زمان اول - عربجه ترجمه ايدلمشدى . بونكله برابر ( اجتماعيات ) علمنه منسوب اولان بوتعبيرك الك مشهور معناسى ، تاريخى اولان صورت تلقى سى در . بناء عليه ارسطو وافلاطون كي قدما نك تلقى ايتديكى معنا اوزره بوكله يي لسانمزه ترجمه ايتك لازمكلنجه ( سادات قوم ) و ( اخبار امت ) تركيلرى ده ازياده موافق دوشر . ذاتاً بزم اسكى مؤلفاتمزه چوق كچن بوتعابير معروفه ( آريستون ) لفظ يونانى سنك معنای لغويسنه نظرله تام ترجمه در .

( آريستو قراسى ) نك بوكونكى معنای سياسى سنه كلنجه ( زادگان وياخود اشراف حكومتى ) ديه ترجمه ايدلمه لى در .

بوصولك زمانلرده علوم اجتماعیه متخصصینی (آریستو قراسی) نك منشائی، حیثیت و قوتی لایقیله تدقیقه قویولمشلردر. نتیجه تدقیقات شور قاق سطرله تلخیص ایدیله بیلیر .

(آریستو قراسی) ، جمعیت بشریه ده بالطبع وبالضروره ظهوره کلیور. خصوصاً (استبداد اداره و مراتب صنف Despotisme et régimes des castes) قیدنن بر درلو قورتوله مامش بولونان جمعیات قدیمه ده عادتاً بر (مؤسسه اجتماعیه institution sociale) شکلنی بیله آلیور . مدنیات قدیمه ده (سلطه دینیه l'autorité religieuse) ادارهیه حاکم مطلق اولدوغی ایچون (شکل حکومت la forme du gouvernement)، دائماً (حکومت دینیه théocratie) صورتنده تأسس ایده بیلیرور. آریستو قراسی صنفی دخی - شوشرائط اجتماعیه تحتنده - (رهبان طاقی le clergé) تشکیل ایدیور، و جماعت ایچنده حکم و نفوذ، شرف تقدم، علم و حیثیت ایله ممتاز بر (صنف کبار) عد اولونویور . هند قدیمه ده (برهان Brahmanes) اسکی ملت موسویه ده (لهوی یم Léviim =) و (قوه نیم Cohénim)، ایران قدیمه دخی (مغان les Moghs) صنفلی کی که بو درلوسنه (aristocratie sacerdotale) ده نیلیر . (سیادت رهبانیه) ترکیبی ایله بوتعیری ترجمه ایده بیلیرز .

بوندن صوکره (عسکر) صنفی کلیردی و او ده (aristocratie militaire) صایله بیلیردی . ارتق بونی متعاقب (تجار) طاقی، (چفتچی) طاقی فلان کلیردی . ایشته (régime des castes) دیدکلی اصول اجتماعی بودر . آریستو قراسی نك منشأ حقیقی سی (اداره عسکریه militarisme) در. بونده اکثریت محققین متفق الرایدیر . هر حالده زادکان صنفك و تحکمنك مدید محاربه لردن - بالضروره - تولد ایتمش بر (حزب) و او حزبه مخصوص برطرز اداره اولدوغنده شبه قالمشدر . نته کیم بوتون امتیازاتی ده (حق فتح droit de conquête) دن نشأت ایتمش و حیثیتلری ده اودعوايه مستند بولونمشدر .

آسیانك اڭ قديم مديتلىرىنى تمثيل ايدن ملل معظمه يى بوراده تدقيقه  
 زمين مساعد دكلدر . فقط اوروپانك بوكونكى ملل متحده سنده آريستو  
 قراسى صنفلىرىنك اڭ اصيلارى طور اراغه منسوبدرلر . عائله اسملىرى بونى  
 صراحتاً كوسترييور . قرون وسطا حدودىنى كچمه يىن تاريخ جيانلىرى دخى  
 اثبات ايدىيوركه بونلر اسكى (تيمار وزعامت fiefs) صاحبلىرىنك يعنى  
 فاتحلىك اولاد واحفاديدر . نته كيم دولت عثمانيه نك حين تشككنده دخى  
 فاتحلىك مكافآتى بوايدى . باشقه اصول بيلنميور ودوسونوله ميوردى .  
 ديمك اولويوركه بوكونكى زادكانلق دونكى دره بىكللىك ياوروسى در .  
 بناء عليه ترقيات اداريه ومدنيه ايله اسكى اصول زعامتك لغو اولونماسى ،  
 ويركولرك عموم صنوف خلقه تشميل ايدلمسى ، محاكم عدليه وحقوقيه نك  
 تاسيسى ، اردونك دائمى ويكپاره بركتله اوله رق تشكيلات جديده يه مظهر  
 بولونماسى ، (مركزيت = centralisation du pouvoir) ى تقويه اتمكه  
 برابر ، زادكان صنفك قوت واهميتىنى - بك طيعى بر صورتده - قيرمش  
 و (كوچوجوك بر پادشاه roitelet) ديمك اولان دره بىكلرىنك عسكرىنى  
 ونفوذىنى آلوب اللرنده طور اراقدن باشقه برشى بر اقامشدر . حالوكه بر  
 طرفدن حقوق طيعيه ومدنيه نك ، حتى حقوق سياسيه نك - ترقيات اجتماعيه  
 سايه سنده - بوتون افراد ملته شمولى وكتيدكجه تايد وتشديد اتمه مى ؛  
 ديكر طرفدن ده سربستى صنعت وتجارىك بوتون بوتون تحقيق ايله فضولى بر  
 طاقم امتيازات قديمه نك كندى كندينه قالمه مى يكي بر دور فعاليت فتح  
 ايتمش و - هانكى صنفدن اولورسه اولسون - بالجله ارباب استعدادده كار  
 وكسب ورفاه وسعادت قابوللىنى آچمشدر . آرتق بوندن صوكرامرچايشان  
 آدم ايچون ، زنكىن اولق احتمالى وهرزنكىن ايچون طور اراق وعقار آلتى  
 حق وصلاحتى ، - عنعنات تاريخيه مستند بولونان - موانعه تصادف  
 اتمه مشدر . بوجريان حريت وفعاليتك بر نتيجه طيعيه مى اوله رق - آحاد  
 ناسدن - ميلونلرجه افراد ، ثروت وسامان اعتباريله اڭ اسكى زادكان  
 عائله لىنى كولكدهه براقشدر . اوندن ماعدا ، عمله صنفك تشكلى واستقلالى  
 (آغا ريه) و (آبالقى) اصول قديمك اسارتندن ده چفتجى بى ، رنجبرى

وايشيجي اطلاق ايتديكى ايجون زادكان صنفك النده قلان اراضى وسيعه وچقتلكات ، اسكى سى كى واردات ويره مز اولمشدر . بوكون هان آورويا نك هر طرفنده ايستانستيقار كوسترييوركه آريستو قراسى اركانك خوڭى مديون وصرافار وحتكر مقرضار النده زبوندر . بوخاله چاره ساز اولمق اوزره بعضى يرلرده برطاقم قواعد خصوصيه بيله وضع ايدلمش ايسه ده ينه سى وروايتك حكمنه غلبه جالينه مامشدر .

حيات اقتصاديه نك صوك دور مدنيتده آلايفى شكل واهميت الجاسيله - بالضروره - تولد ايدن باقعه وسائر مؤسسات ماليه هرملكته بر ( زنكين صنئى ) يتشديرمش وباره قوتيله ، معاملات ماليه طولاي سيله ، بوصف امور سياسيه ده بك مهم بررول اويناغعه باشلايه رق ( زنكينلر حكومتى Plutocratie ) بغيرينه وجود ويره مامشدر .

بوكونكى مدنيتك شرائط اجتماعيه سى ، ( دره بلكلكن نشأت ايدن وشجره حسب ونسبى درتيوز سندن ايلرى كيده مين ) تاريخى آريستو قراسى يى كلياً حكمن استقا اتمشدر . بالعكس ، عموم خلقك بالقوه نائل مساوا اولماسى واكزيت ناسك بالفعل بونعمتن استفاده ايدم بيلمه سى (Bourgeoisie) صنفه وجود ويره مامشدر .

( ده موقراسى ) نك بوكون قابل تطبيق وتحقق اولان اداره معلومه سى ده اك زياده (Bourgeoisie) صنفك نفوذ و تحكمنه يارديم ايدم جك ماهيته در . اونك ايجوندركه دور استقبالك حاكملى اولمق ادعاسنده واميدنده بولونان عمله صنئى ، (Bourgeois) صنفى اك مدهش بر دشمن كى تلقى ايدىيور . عمله طاقى (سوسياليزم) فلسفه سنك مبالغه كار وعدلرندن مدد اومدقلرندن ناشى بالطبع (بلوتوقراسى) يه دخى - مدنيت وانسانيت ايجون - بر فلاكت عظمى نظريه باقيورلر . فقط زادكان صنفه قارشى كين وغيظدن آزاده برطور لاقيدى كوسترييورلر . - كندى تعبيرلرنجه - قرون وسطادن يادكار قالمش اولان بوصفى ، جماعت بشريه ايجون (زيانسز برزيت) اولمق اوزره . تلقى ايدم بيلورلر .

ایشته صوک دور مدنیتک شکل و طوری و علی الخصوص ترقیات صنایع و سربستی\* تجارتک حیات اجتماعی به بخش ابتدیی آسایش و کشایش، معیشت انسانیته نک و اداره حکومتک شکلی کلیاً ده کیشیدیره دک آریستو قراسی صنفی - بوسوتون و هر یرده دکله بیل - چوق یرلرده آزچوق حکمدن اسقاط ایله مشدر .

مع مافی زمانزده اصول اداره علی العموم ( démocratie ) به میال اولدوغی کبی (ده موقراسی) ده دخی نفوذ حکومت اکثریتله (Bourgeoisie) صنفنک النده بولونمقله برابرینه بعضی مدنی مملکتلرده زادکان صنفی بالفعل امر اداره ده نافذ الحکم در. انکلتزه بوکا مثال اوله بیلیر. انکلتزه نک اداره سی ایسه باشقه مملکتلرک کندن قسا دکدر . لکن انکلتزه ده هر کیم اولورسه اولسون و هر هانکی وجهله اولورسه اولسون جلی برفطرت نجیبه و برقابلیت ممتازه اثبات ایدوبده مملکته بر خدمت مشکورده بولوندیمی ؟ . او آدمی - شروط متخالفه اوزره - اریستو قراسی صنفه داخل ایتمک مستحسن بر قاعده متخذه در. دیمک اولویور که انکلیز ملتی ، اساساً اصلاته رطایت و اعتماد ایتمکه برابر فطرتاً اصیل طوغان ( اختیار امت ) ی رسماً اشراف صنفه ادخال ایدرک بو عناصر مهمه ایله اوصنفه تازه حیات و معنوی بر حیثیت بخش ایتیش اولویور . ظل ایدرم که او مملکتده اصلتک شرف و حیثیت و قدرت و صلاحیتله دوامی تأمین ایدن عواملدن بری ده بودر .

عوامل مدنی و اجتماعی دن ( دین la religion ) دخی آریستو قراسی برنسیپلرینه مغایردر . زیرا هر دلو امتیازات تاریخیه و اعتباریه بی رفع و محو ایتمکه مائل بر قوت معنویه و بر مؤسسه اجتماعی در. شبه یوقدر که هر (دین)، ( مساوات égalité ) ، ( اخوت fraternité ) و ( عدالت justice ) اساسلری اوزرینه مستند اولوق کرکدر. دین ، هیچ بر امتیاز قبول ایده مز. علی الخصوص دین مین اسلام نظرنده هر کس ، حتی پیغمبران ذیشان بیل ( عبادالله ) دن صابیلیر ، و بو حیثیتله بوتون خواص و عوام ایله متساویدر. اوندن ماعدا ( بالجمله مؤمنلر قارداشدرلر . ) بویله اولونجه ، یعنی بوتون



(امت محمد) حقوق و حیثیت انسانیّه ده متساوی برقرار داش جماعتی اولونجه، حکم - بالطبع - اکثریتده بولونمق لازمکلیر . ایشته (أنابالسوادالاعظم) یعنی (بن قاره غلبه لکله برابریم؛ جمهور ناسه طرفداریم!) معنسانده وارد اولان قول شریف پیغمبری (ده موقراسی) نك بر مهمم (اقنوم اساسی Principe essentiel) سنی ناطق در .

هر دینده روح عدالتی تشخیص و تمثیل ایدن قضیه، ایشته بواقنوم اساسی در .

حقیقت حال بویله اولقله برابر اوروباده همان هر مملکتده اریستوقراسی صنفی رسماً دین طرفدارلنی ایله نظر دقتی جلب ایتیش وعوام ناس اوزرنده دینک نفوذینی تقویه ایتک غیرتی بر مسلک سیاست اتخاذ ایله مشدر . بوغریبه نك سبب مغنوسینی بعضی علیهدار منقدرل شو وجهله ایضاح ایدیورلر: « كرك (autocratie) یعنی بر شخصك اداره کیفیه سی ایچون اولسون، كرك آریستوقراسی و یاخود هر هانکی بر (oligarchie = حکم اقلیت) ایچون اولسون، جمهور ناسه انفاذ حکم ایده بیلیمك لزومنی تأمین خصوصنده انجق بر (مقصد but) کوزه دیلیر؛ اوده (اطاعت obéissance) در . اداره امورده ادعای صلاحیت ایدنلرك خلقدن اك اول واك زیاده ایسته دیکی شی اوامر ونواهییه قارشی (اطاعت کامله) در . بوده (قوت) ایله تأمین اولونه بیلیر . مادی قوتلرك محظورلری وارد در . اولا اومادی قوتلرك منبعی ذاتاً جمهور ناسدر؛ امت در . خلقدن آلتان بر قوتله، خلقك ارادتتی قیرمق و آرزولرینه رغماً اوئی اداره ایتمكه چالشمق (سؤ اداره mauvaise administration) ایله تأمین موفقیته و جلب ممنونیت چالشمق دركه باطل بدیهی درجه سنده بر خطا عد اولونویور . مغنوی قوتلر بویله دکلدر . چونكه انسانلر، هله جماعتلر، اعتقادلرینه کوره حرکت ایتمكه میالدرلر و بویله حرکت ایده بیلدکجه خوشحالدرلر . دین اك بویوك بر قوت مغنویه در، و (نصوص قاطعه dogmes décisifs) اوزرینه مستند بولوندوغی ایچون امر ونهی ایتدیکی خصوصات حیاتیّه حقنده بحث و مناقشه

کوتورمز . بلا تنقید و محاکمه ( امره اطاعت ) ایستر . بناءً علیه الک قوی و وجدانی ( سلطه معنویه *autorité spirituelle* ) اعتقاددر . بوتون جماعت افرادی شامل اولان اعتقاد عمومی ، انحق دین اوله بیلیر . کerk اداره کیفیه و مستبدده ، کرکه ( آریستو قراسی ) و ( حکم اقلیت ) ده ( مبدأ *principe* ) ، ( حقوق امت ) اولمایوب ( سلطه حکومت ) اولدوغی ایچون اداره کیفیه و مستبدده و ( آریستو قراسی ) ایله ( اولیغارشلی ) ، دائماً بومبدأدن آیرلامغه چالیشیر ؛ بناءً علیه خلق اوزرینه دینک نفوذنی تقویه و اونلری اطاعت مطلقه آیشدیر مقبله تربیه ایتمک ایستر . بوندن ده اصل مقصد ، بالواسطه ( *autorité* ) بی تقویه ایتمک و خلقی کندی اعتقادیه ضبط و ربطه آلقدر . شوقدیرجه ، اوروپا زادکان صنفک الله دین ، علی العموم ، بر طرز سیاستک ، بر شکل اداره نک آلت اجراییه سی اولویور . ینه اونک ایچوندرکه پارلمنتولرده زادکان صنفه منسوب اولان فرقه اربابی - ( قرال طرفدارلری *les royalistes* ) ایله برچوق اختلافانه رغماً - همان دائماً دین وعادت و عنعنیه تعلق ایدن خصوصاً اتده اتفاق ایدیورلر . ینه عینی سببله درکه اختلال کیری ایقاع ایدن رؤسای عوام قراللق ایله برابر زادکانلغک و دینک علیهنه شدتله قیام ایدرک برچوق غلیظ و مدهش خطالره دوشمکدن کندیلرینی صاقینه مامشدرلر . دیورلر .

بومتناقض حرکتلر ، بومتباین اعتقادلر امور انسانیه ده انحق افراط و تفریط خطالرینه مثال اوله بیلیر . حالبوکه نه طرز سیاستک اعلاسی بودر ؛ نه ده دینک اصل معناسی بودر . هر دین ، وهله دین اسلام بی آدمی تکریم ایله مش و بو حیثیه بوتون انسانلری بربرینه مساوی طوتمشدر . نه تکیم ( حقوق عباد ) ی - اهمیتجه - هر حقه تقدیم ایتمشدر . فقط یالکز حقوق طبیعی ده و حق حیاته مساواته قائل اولمشدر . زیرا جمهور ناسدن حتی پیغمبران ذیشانندن بعضلرینی بعضلرینه تفضیل ایله مشدر . امتک اصل کباری ( ناسه نافع اولان خبرلو کشتی لردر ! ) بناءً علیه فضیلت بابنده تفضیل واردر ، مساوات یوقدر . قرآن کریمده : ( بیلنلر ایله ییلمه ینلر ، یعنی عالملر ایله جاهلر مساوی اوله بیلیرمی ؟ ! ) بویورولویورکه الک طوغروسی ده بودر .

انسانلرک علی العموم مکرم طوتولمش اولماسی حقوق ناسک قدسیتی اثبات ایدر . بواعقصاد - معلوم اولدوغی اوزره - (démocratie) نک مبدأ اساسی سی در . بونکله برابر دیگر طرفدن بیلکیسیج و خیرلی، مقتدر و عقیف، الحاصل فضیلتی کیمسه لک عوام ناسه تفضیل بیورلش اولماسی دخی مساوات مطلقه دعواسنک باطل اولدوغی اثبات ایدرکه، بوده - مشهور اولدوغی اوزره - زادکان صنفنک، هیچ ده کیشمه یین ادعاسیدر . بناءً عایه دین اسلام بومسئله لری الک طوغرو بر صورتده حل ایتشدیر . (سیدالقوم خادمهم) قول شریفی سیادتک یعنی (حقیقی معناسیله ! )، (آریستوقرات) لغک شرطی - برکله ایله - تعیین بیورمشدر . سیادت [فلان ابن فلان اولمق دکل، خادم انسانیت اولمقدیر .] دیمشدر . ارسطو وافلاطون کی فحول حکما تماماً بوفکرده ایدیلر .

علوم اجتماعیه اربابی و بر جوق سیاسی فیلسوفلر، اخیراً بومسئله یی کمال اهمیت وجدیتله نظر اعتباره آلوب اطرافیه تتبع ایتشلردر . آریستوقراسی اداره سنک له وعلیه ندک چوق سوزلر سویلنمش وحتی بللی باسلی اثرلر یازلمشدر . بالخاصه (تکامل evolution) فلسفه سنک مؤسسی ومعاصرین فلاسفه نک الک مشهورلرندن بری اولان متوفی (هربرت سپنسر)، زادکانک حیثیتسزلک کریخی وردائل تاریخیه سنی ابراز ایدرک بوصف حقنده نقرتی کیزله یه ماش وکندیسه قرال طرفندن تفویض اولونان (لوردلق) پایه سنی ده قبو تنزا، ایتمه رک قطعاً رد ایله مشدی . مع مافیله ، اعتقادات سیاسی و مزج شخصی سی اعتباریه (رادیقوال - ایندیوید و آلیست - Radical-individualiste) اولان بوفیلسوف - زادکانلق ادعاسنه قارشى اظهار ایتدیکی بونفرت شدیدیه رغماً - جماعات بشریه ده بهمه حال یاواش یاواش برصنف ممتاز وجوده کلدیکنی وبونک پک طبیعی برشی اولدوغی ده اعترافه مجبور بولونمشدر . قطعاً (ده موقراسی) طرفداری اولان آمریقای شمالی نک (نیویورک) شهرنده (التی یوزلر) جمعیتی بوکا مثال کتیریور . بوجمیت امریقا زکیئلرندن التی یوز کشیلاک برحزب خصوصی درکه، اعضاسی اصلاً طبقه عوامدن نشأت ایتش اولمقله برابر، خلقدن آیری کبار برصنف

افرادندن ایمشلر کجی طورلر طافینیورلر وبویوک زنکیلردن باشقه کیمسه یی آرهلرینه قبول ایتمیورلر مش ! . .

بومثال، (بلوتوقراسی) نك یاواش یاواش آریستوقراسی شکلنه تحولی کوستیری که اکثریا واقعدر. چونکه چوق یرده کبارلغک حیثیت رسمیه سنی تشکیل ایدن رتبه وعنوان شرف پاره ایله - پکاعلا - ساتون آله بیلور. حتی پک چوق مملکتلرده اعیان مجاسنه اعضا انتخاب اولونه بیلیمک ایچون خیلججه عقار واملاک صاحبی اولمق برنجی درجهده ملتزم اولان شرطدر. بوشرط، هر وجهله اصل، فقط فقیر برآدمه اومجلسک قیوسی قاپادینی حالد، نصل پاره قازاندینی مشکوک اولان برآدمه دائما آجیق بولوندورویور. بونک محظورلرینی تعریفه حاجت یوقدر. ثروتک اصالتله برطوتوماسی، اصالت حقیقیه یی انکار دیمکدر. برجاعتک، اصلیزادکان طرفدن اداره اولونماسنده خیر تصور ایدنلر وعلی اطلاق اریستوقراسی ادارهسنه طرفدار اولوب اونی ترویج وتأسیسه چالیشانلر، ملاحظه لرینی بر جله اعتقاداته بنا ایدیورلر که اواحکام اعتقادیه - طاقیله - بر فلسفه اجتماعیه تشکیل ایدر. اوفلسفه یی شورباقچ سوزله تلخیص ایتک ممکندر :

« انسانلری هر درلو ذلت ارتکابه مجبور ایدن احتیاجدر. پک چوق زمانلردن بری ایی کورمش، ایی یاشامش، ناز ونعیم ایله رفاهت وسعادت ایچنده بویومش، ذلت احتیاج جکمه مش، برچوق کشیلره امر ایتکه آلیشمش برآدمک البته عزت نفسی غالبدر. چونکه هیچ بروجله رنجیده اولمامش وشرف انسانیتی دها قولای محافظه ایده بیلمشدر. بویله یاشامقده دوام ایتدکجه دخی بوفضائل جلیله تأید ایدرک ارنأ اولاده انتقال ایتش وبویله برعائله ممتازه افردانده طبیعت ثانیه اولمشدر. بوکجی کیمسه لرده ( قید حیثیت ) بالطبع اندیشه یه حاکمدر. برانسانده حس وقار وعزت نفس حس منفعته غالب کلنجه، اوآدم تمایلات دنیه واختراصات سفلیه یه هر زمان وهر حالده غلبه ایده بیسلیر. رشوت آلاز؛ حقسزلق ارتکاب ایتمز؛ قورقو بیلمز؛ یالان سویله مز؛ هر درلو معامله سنده دائما عائله سنک وکنندی شخصنک شرف وناموسنی کوزه دیر. خلاصه آریستو قراتلر ایچون، اشغال ایتکده بولوندقلری

موقعك واوته دنبری حائر اولدقلری حیثیتك کندیلرینه الهام ایتدیکی ( حس وظیفه sentiment du devoir ) ، پك مبرم و بوتون معاملاته حاکم بر ( عامل اخلاقی facteur moral ) در . ایشته اصل ( جنتلمن gentleman ) بویله بر کیمسه یه دینیر . بویله بر آدم وظیفه سنی اقتضای اصالتله یاپار . باشقه بر ملاحظه ایله متقید اولماز . ( اصالت بونی اقتضای ایدر La noblesse oblige ) قضیه سی اونلرجه دستور اعتقاد و عملدر . انسانلری اداره ایتك ایچون ده بوکی خصائل و قابلیاته مالک آدملر ایش باشته کچمیلدر ، چونکه امر اداره ده بو خصائل جمیله عقلدن مقدم و علمدن الزمدر .

آریستو قراسی طرفدارلرینك شوادعاسنه قارشى علیهدار اولانلر دخی تاریخ انسانیتی اشهاد ایده رك زادكان صنفك شیمدی یه قدر دنیایی ناصل اداره ایتش اولدیفی - شهسز دلیلرله - کوستریورلر . ( حبات و خیانتك درجه امکاتی آریستو قراسی تاریخنده کورمیلدر ) دیورلر . یالکر زادكانلده بر ( ساخنه وقار ) بولویورلرکه - ادعالرنجه - باشقه بر تربیه ایله تألیفی ممنوع و باشقه بر صورتده تقلیدی ناقابلدر .

سپه نسره کلنجه ، آریستو قراسی یه فضیلت اسنادی ادعاسنك نه منفور بر ریاکارلق و نه مضر بر ضلالت تشکیل ایتدیکنه دائر بر خیل مناقشات کیریشیور و تاریخی مثاللر ایراد ایده رك زادكان صنفی شدیداً تنقید و مؤاخذه ایله یور .

مشهور شکسیرك اثرلرندن ودها سائر بویوک محررلرک ( فاجعه وهائله ) لرندن پك چوغی سپه نسرك ادعاسنی تصدیق ایدر تابلورله مالیدر . هر حالده جماعات انسانیه ده آریستو قراسی اداره سنه قارشى شدتلی برکین و غرض واردی و حالده اولانجه شدتیه موجوددر . ( انکلتزه زادكانلنی The aristocracy of England ) نام کتاب و امشالی بو حس غیظ و نفرتله پك طرفداراته یازلش شیلدر . ایشك الك طوغروسى ( سید القوم خادمهم ) حدیث شریفك متضمن اولدیفی حکمدر . اصالت حقیقه وجدان اصالتیدر ، بوده مطلقاً مشهور برعائله ایچنده طوغرقله تجلی ایتیه یور . بوبر ( مزاج مسئله سی ) در ؛ اسم و رسم مسئله سی دکل ! . . حتی ایستاتستیکلر کوستریورکه انکلتزه ده

بيله اك خيرلى ، اك بويوك واك علوى سجييه مالك اولان مشاهيرك يوزده طقسانى برعائله تاريخيه منسوب اولمايان كيسه لرنددر .

ينه تحقيقات تاريخيه كوسترييوركه اكثريت فاس ايله ، يعنى عوام طاقى ايله زادكان صننى آراسنده امر اداره وطرز حكومت دولاييسيله مجادله ، محاربه اكسيك اولمامشدر . اك قديم حكومتلرده بورقابى كورييورز . يونان قديمك كوچوچك ده موقراسيلرنده ينه كورييورز . مثلاً (لېبوس Lesbos) يعنى بوكونكى مدلى آله سنده بوندن ايكي بيك يدى يوز سنه اول شاعره مشهوره صافو زمانده عوام طاقى زادكان صنفه غلبه چالهرق اداره حكومتى اللرينه المئش ، (پيتاقوس Pittakos) نام ديكتاتور سركاره كچمش واون سنه آله ينى پك كوزل اداره ايتمشدر . او ائشاده زادكان صنفه منسوب اولانلر صافو ايله برابر سچايا آله سنه و اوتيه برى به قاجش لرددر . ينه هان او تاريخلرده فيلسوف مشهور (فيناغور) ك ايتالياده بر آريستوقراسى اداره سى تشكيل ايتمه چالشدىغى وعوام طاقنك بوجاعت كبارى تارمار ايدرك فيلسوف ده او ائشاده تلف ايله ديكنى تاريخلر روايت ايدىيور .

اصل بزم منسوب اولديغمز توركلره كانجه ، اونلر جماعتده دخى بودغده حكومتك وبورقابت سياسيه نك پك اسكيدن برى اك مهم بر مسئله اجتماعيه تشكيل ايتمش اولديغنه شېه قالمايور . بوكون محققدركه حقيقى اجدادىمز اولان اورخون توركلرى سيرياده ( ينيسه ي ) نهري واديسنده اولدجه مهم برسلطنت تشكيل ايتمشلر وساى اقوام تورانيه ينى تحت اداره لرينه آلمش لردى . ميلادك آلتىچى يدينجى عصرينه طوغرو تأسس ايدن بوتورك حكومتى چين ايله واقع اولان برچوق محاربه لرده غلبه چالهرق نفوذ وحيثيتنى طانتدريمش وآنچق ايكي عصر دوام ايدم بيلن بو بارلاق سلطنت ائناسنده او حوالده مهم بعض آبدلرده ركز ايتمشدى . قهرمان (كل تكين) نامه ديكيلمش اولان بو طاشلرك يازيلرى اوقونمشدر . اوراده كي ديكيلى طاشلردن برينك شرقه متوجه اولان كتاب سنده شو مهم جمله لر يازيلي در :

[ بلكى بودونلوق يونغشوردىغن ايجون ، تورك بودون ايلله دوك ايلن ايجكينو ايتمش ؛ قاغانلادوق قاغان ييترو ايتمش ! . . ]

یعنی ( بك طرفدارلری ( آریستوقراتلر ! ) بودون طرفدارلری ( ملت طرفدارلری ده موقراتلر ! ) ایله مجادله ایتدیکلری ایچون، تورک ملتی ایله دیکی ( ایل حاله کتیردیکی ، بر بویوک مملکت درجه سنه اصعاد ایتدیکی ) خطه وسیعیه انحلال وانقسامه اوغراشمش ؛ سلطنت مرتبه سنه اعلا ایتدیکی حکومتی غائب ایتمش [ دیمکدرکه بك شایان دقت اولان بوسوزلر ادعای تمایله تصدیق ایدر . بویاکی فرقه سیاسیة نكده نه قدر اسکی وعمومی اولدوغنی کوستیر .

بوکون بيله آریستوقراسی ویا ده موقراسی اداره سنه عاقد اسکی دعوا کودولمکده وهرایکی طرف ایچون دخی اسباب رجحان بیان ایدلمکده در . بوندن بر ایکی سنه اول انکلتزه پارلامنتوسنده بيله وسیله انکشاف بولش و آریستوقراسی اداره سنی مدافعه ایدن ( لورد کورزون Lord Curzon ) زادکانلق حیثیتی فضائل موروثه ایله اثباته چالشمشدی . وراثت بحی بومسئله یی حل ایده مز ، چونکه خصائل جمیله ده ارثاً انتقال ایدر ، خصائل ردیله ده . . .

بوتون بومطالعاندن آکلاشیلیورکه بومسئله اجتماعیة نك کندنبجه براهیتی واردر . هله شکل حکومتی تعلقی دوشونولورسه اوامیتک بویوککی تحقق ایدر . بناء علیه له وعلیده سویله نیلن سوزلری سمع اعتباره آناه رقی یالکز علوم اجتماعیة نك شهادتنه اعتماد ایتکدها طوغرودر . واقعا زادکان صنفنک فضائل ده واردر ، قصورلری ده . . . حتی بوصنفه عارض اولان امراض مغنویه ده واردر ، ( تردی dégenérescence ) بوامراضک اک مهمنی تشکیل ایدر . فقط بویکی قصورلر یالکز آریستوقراسی صنفه مخصوص دکدر .

علمک شهادت وروایتیه اینانیلیرسه هر اداره نك آیری آیری ادولر اجتماعیة وایجابات تاریخیة مطابقتی شرطدر . اوکا کورده ده هر صنفدن آدملر ایش باشنه کچه بیلیر . مسئله ( adaptation ) مسئله سیدر . قرون وسطاوندیک جمهوریتلرنده موفقیت اداره ایچون نصل آدملر ونه کی اوصاف لازم اولمش بولوندوغنی ایضاح ایدن ( لوردماقوله Lord Macauley )

بو حکمتی پک ایی اکلامش واکلا تمشدر. قابلیت، آثاریه اوچولور. انحلال  
اجتماعی اسبابی تتبع ایتش اولانلر بو خصوصده متفق الایدلر .

ایشته هر دم متحول اولان وقوعات عالم ایچنده، تاریخنک بزم عرض  
ابتدیکی حقیقت ثابته بوندن عبارتدر. بوندهده خواصدن یاخود عوامدن  
اوله نك قطعاً دخلی یوقدر. هر زمان، بردور اجتماعی نك شروط خصوصیه سنه  
کوره الیق اولانلر اداره باشنه کچر. اجتماعاتده بو بر مهم قانوندر .

اقوام تورانیده اداره تمامیه آریستو قرات ایدی. حتی عوام، انساندن  
معدود دکل ایدی. (قوداقو بیلیک) نام کتاب مشهورده عوام خلق حقنده  
(ییلیقی) تعیری قوللانلشدرکه، او یغورجه بولگه نك معناسی (خرکله یعنی  
حیوان سوروسی) دیمکدر .

افاضل عثمانیه دن کاتب چلبی وقینلی زاده کبی بویوک مؤلفلرک آثارنده  
دخی بوطور وادا پک بارزدر. (العوام کالهوام) تعیریخی بالالزام ایراد  
ایدن کاتب چلبی احادنافه هیچ برحق و صلاحیت ویرمیور و (ظهر عوامدن  
عصای اکیسک ایتهمک کرکدر) دییورکه ذاتاً قرون وسطی تربیه سنک  
دستورالعملی بوایدی .

عثمانلی دولتنده زادکانلق تاریخی مضبوط دکلدر. شوقدر وارکه دولتک  
حین تشککنده سلجوق حکومتک کلیاً اضمحلالی اوزربنه برسوری امارتلر  
بایر مش واستقلال کسب ایتشلردی. فتوحات ایله اطرافنی استیلا ایدوب  
بویویه ن عثمانلی دولتی بودره بکلریله طول مدت اوغراشدی؛ نهایت نام  
ونشانلرینی اورطه دن قالدیردی ایدی. مع مافیة فاتحله مکافات اوله رق تیمار  
وزعامت اصوله رعایتده دوام ایدمکلدیکی ایچون دره بکلکک منشائی  
کورله ته مدی؛ جودت تاریخنک، روایتته کوره جتسمکان سلطان محمود ثانی،  
علمدار مصطفی پاشا معیتک زیب وزینته حیرت ایتش و بو حشمت کنیدیسنی  
دوشوندرمشدر. اکلاشیلیورکه دونه قدر ازباب تیمارک اشهرلری مملکتده  
منغله و جباره صنفی تشکیل ایدیورلر مش لکن تربیه دن وکیاست اداره دن  
محروم بولوندقلری ایچون منقرض اولمشدر .



اوروپاده ، هله انکترده بویله دکدر . غایت مضبوط وصیقی قوانین و تشریفات سایه‌سند ( آریستو قراسی ) صنی زار زور محافظه موجودیت ایتکده در . خصوصاً برده ( majorat ) قاعده‌سی و اردرکه بونک حکمنجه ، آنجق بویوک اوغول ، بدرک عنوان شرف و حیثیت و املاک و اراضی‌سنه وارث اوله بیلیر . ( droit d'aînesse ) دیدکلری حق بوکا مبنی در . لکن انکترده اصل آریستو قراسی نك قوتی ، صحت و تربیه‌سنک مکملیتی در . ( aristocratie ) تعیری توسیع معنی ایلده قوللانیلیر . ( aris. intellectuelle ) برملکتک ( کبار اذکیاسی ) و ( منورالفکر ) اولان قسمی دیمکدر . ( La haute aristocratie ) ، قرون وسطانک اسکی دره بکلرندن واک مشهور عائله لرندن نشأت ایدوب زمانمزه قدر اصالتلرینی محافظه ایتیش و عملکترلنده مهم موقعلرده بولونوب بویوک خدمتله موفق اولمش اولان کبار عائله لر جماعته ده نیلیر .

( Aristocratie de la lance ) تعیری دخی و اردرکه کاسکی کبار عائله لرینه وصف اولور . هنوز طوب تفنک ایجاد اولونمادن اول ( یعنی میزراق قوللاندی زماندنبری ) کبار طوغانلر دیمکدر . بوتعریفده ( محدث ( créé ) زادکانقلر و زادکانلر داخل دکدر .

تورکجه مزده احاد ناسک ( سوت به سوت کشی زاده ) تعیری بوکاتقابل ایدر . آریستو قراسی بخی سوسیولوژیده بک مهمدر .

### وقفه Arrêt

Arrêt

حرکتده بولونان برشینک ، بزدنبره طور و ویرمه‌سنه ( وقفه arrêt ) دیرلر . بوکله چوق یرده قوللانیلیر . مثلا : طبابت لساننده ( arrêt du cœur ) قلبک مرهانکی برسبيله طور و ویرمه‌سنه دیرلر . فرضاً : ( un coup très rude sur l'abdomen peut occasionner un arrêt de cœur subitement ) جمله‌سی ترجمه ایدرکن : ( بطن اوزرسنه وورولان شدتلی برضربه ، آنی اوله رق وقفه قلبه سببیت ویره بیلیر ) دیرز . كذلك ( le marché accuse un arrêt de transaction ) جمله‌سی : ( پیاسه‌ده معاملات اعتباریله بروقفه ( یعنی طور غوثلق ) کورولویور ) دیه ترجمه ایدرز .

بالخاصه فلسفه ده (وقفه نمو arrêt de developpment) تعبیری مشهور در ، و (تکامل نظریه سی théorie de l'évolution) نك ایجاد ونشر ایتش اولدوغی بر ترکیب مهمدر . (بسیط و متجانس simple et homogène) بر حالدن دها (معضل complexe) (و غیر متجانس hétérogène) بر صفحه کماله ارتقا ایتک صورتیله واقع اولان حرکت مترقیده بر عضو مخصوص ، یا خود بر جسم عضوی - هرهانگی بر سیله - بردنبره طورور و طورودوغی شکل اوزره قاهره رق دها مکمل بر صورت باغلایه مازسه ، بوطور غولغه (وقفه نمو) دیرلر ، (غریبه خلقت anomalie) تعبیرنده ایضاح اولوندوغی اوزره همان اکثر عضوی قصورلرک بر (وقفه نمو) نتیجه سی اولدوغی تحقق ایتشددر . عالم مشهور (پروفسور ه قکل Prof. Haeckel) بالخاصه بوعضوی قصورلری تدقیق ایدرک بر مهم کتاب یازمشددر .

تاریخ فلسفه ده (حسابیون les sceptiques) فرقه سی فرط شبه و ترددن طولانی هیچ بر مسئله ده بیان فکر ایده من و اوسوالر حضورنده توقف ایدردی . بوطورلری (époque) تعبیر اصطلاحیسی ایله مشهور اولوب قالمشدر که یونانی ده (نپومی) لفظندن آلمشدر و لغت معناسیله (وقفه) دیمکدر . [فضله تفصیلات ایچون inhibition و époque کله لرینه باقیکز!]

Art

صنعت Art فرانسزجه وانکلزجه

Kunst	آلمانجه
Arte	ایتالیانجه

یونان قدیمده (آرتی = ἀρτε) لفظی واردرکه (قدرت و هنر) معناسنه کلیر . برده (آرو = ἀρο) کله سی واردرکه (برلشدیرمک ، تألیف ایتک) دیمکدر . اوروپا لغویوننک ادعاسنه کوره لاتینلر (ars) تعبیری هر حالده بواسلرک برندن آلمشدر و فرانسزجه ایله انکلزجه نك (art) ، ایتالیانجه نك (arte) لفظلری اوندن مشتق اولمشدر .

یونانی ده برده (ته خنی = τέχνη) کله سی واردرکه اصل - بوکونکی

معنای اصطلاحیسی ایله - (art) مقابلی اولوق اوزره قوللانیله کیشدر .  
 بوده (مهارت و هنر) دیمکدر. ارسطو بونی بالخاصه (تیهستی می = ἐπιστήμη  
 یعنی علم = science) مقابله سنده ذکر ایدردی .  
 المانجه (Kunst = قونشت) دخی (قدرت) معناسه کلیر .

بزده بوتعبیراتک جمله سی عربجه نك (صنع) ثلاثی سندن مشتقدر ؛ و بو  
 کله لرك هبسی ده - آز چوق معنا فرقلریله - اصطلاح اوله رق اوتهدنبری  
 استعمال اولونه کیکده در. (صنع) لغتده (اجاده الفعل) دیه تعریف اولونویورکه  
 (برایشی حسن صورتله یعنی هنرله یایمق) دیمکدر. مع مافیه شرق مؤلفلری  
 وبالخاصه عثمانلی محررین سالفه سی (صنع) کله سی اثر خلقنه تخصیصاً ذکر  
 ایدرلر . (صنع الهی) ، (صنع قدرت) ، (صنع کردگار) ترکیلرینه ادبیات  
 عثمانیه ده پک چوق تصادف اولونور. لکن (صنعت آلهیه) یا خود (صناعت  
 آلهیه) ده این اولامشدر . صنعت و صناعت لفظلری هان دائماً آثار انسانیه  
 حقه ده استعمال اولونه کیشدر. تحقیقات لغویه و تاریخیه اثبات ایدیورکه  
 اسلاف ، (art) مقابلی اولوق اوزره (صناعت) لفظی قوللانیله ؛ (صنعت)  
 کله سی انجق (اسم فعل) اوله رق، یعنی (صانعک ایش کورمه سی) معناسنده  
 استعمال ایتشددر . شو تقدیرجه (کوزل بر ایش) ، (بر اثر هنر) معناسی  
 (صنعت) دکل (صناعت) کله سی متضمن اولمش اولویور . نته کیم عوام  
 ناس دخی مصنوعات بشریه یی تقدیرده عینی تعبیری قوللانیله . مثلاً عینی  
 ماده دن معمول ایکی شیک فیثائی آره سنده کی سبب تفاوت سوال اولونونجه :  
 (افندم ! . بوباشقه ! . . . بونده چوق زه ناعت وار ! . . .) دیر . بدیهی درکه  
 بوراده کی (زه ناعت) ، (صناعت) لفظدن محرف بر غلط مشهوردر .

حالبوکه بو کون هان بالجمله محررین (صنعت) ی (art) مقابلی اوله رق  
 قوللانیورلر و تقریباً اوتوز سنهدنبری بو کله یی - تصرف اسلافه مخالف  
 اوله رق - بو حیثیت معنا ایله او قدر استعمال ایتشلر درکه ، ارتق بوده  
 معناً بر غلط مشهور اولوب قالمشدر . فرانسزجه نك (beaux-arts) ترکیبی  
 (صنایع نفیسه) دیه ترجمه ایدیلرک لسانمزه انتقال ایتمش بولوندوغی ایچون

(صنایع) کلهسی (صنعت) لك جمی ظن اولونمشدر . صناعتك جمی اولدوغنی ادعا ایدن ارباب صلاحیت وارددر . ديمك اولویورکه عن جهل بزده (صناعت) یرینه (صنعت) کلهسی (art) مقابلی اولوق اوزره تلقی اولونوب تقرر ایتمشدر . نته کیم (صناعت) (industrie) ؛ (صنیعه) ، (artifice) ؛ (حرفت) دخی (métier) قارشیلنی اوله رق بوکونکی لسانمزده رواج بولمشدر . بوندن طولای درکه بوراده تشویش اذهان ایتمهك ایچون (صنعت) (art) معناسنده قولالانشدر . یوقسه سکز یوز سنه دنبری در محررین اسلامیه (صناعت) و (صناعات) کله لری بومعنايه تخصیصاً استعمال ایده کلتشدر . (arts libéraux تعبیینه باقیکز !)

فرانسزجه نك (arts industriels) ترکیبی (صنع) ثلاثی سندن مشتق برکله ایله عیناً ترجمه ایده میورز . (صنایع صناعیه) دیبهمه یز، حشومشوش اولور . (feu d'artifice) تعبییرنك ترجمه سندنده دخی (صنیعه) کلهسی بردر لویاقیشق آلیور . غزته جیلر مزبونی (صنایع ناریه) دیه ادا ایدیور مشلردی . (حرف و صنایع) ده (arts industriels) ترجمه سی اولوق اوزره یکپور .

علی الاطلاق صنعتك تعریفده فیلسوفلر - اوته دنبری - پك چوق شیلر سویله مشلردر . بوتعریفلرده متفق علیه اولان نقاط اساسیه بی تألیف و عرض ایتك لازمدر . اولاً ، صنعتك بر (هنر انسانی) اولدوغنده هر فیلسوف متحدالفکردر . شو تقدیرجه بر اثر صنعتده بهمه حال بر فکر ونیت، بناء علیه برده (غایه مترقبه but visé) یعنی کوزه دیلش بر مقصد بولونمق ضروریدر . ديمك که بر (اثر صنعت œuvre d'art) طبعته کندی کندینه موجود اوله مایان (مضوع و مرتب) برشی در؛ فضله اوله رق، بر مقصد ونیتله ترتیب اولونمشدر که بوده صانی اولان ذاتك صاحب عقل اولدوغنه دلالت ایدر . برعادی دیکیش ماقارده سندن طوتوکزده اك کزیده هیکلره ، اك ظریف تابلور ، اك عالی مبانیه ، اك علوی وزیه بسته لره وارنجیه قدر بوتون مصنوعات بشر، بوتعریف عمومی نك دائرة شمولنده داخل نامعدود مثاللر تشکیل ایدر . فقط ینه اونك ایچوندر که ظریف ونظر فریب چیچکلر

وگوزل رنکارنك و برنقش قوش تويلرى وياخود بللورات وحتى فسونكار برلوحه سراب ، آثار صنعتدن معدود اوله ماز ، زيرا بونلرده ( هنر بشر ) ك دخلى يوقدر .

صنعتى بويله عمومى وغير معين بر معنايله تلقى ايدرسهك ( طبيعت ( La Nature ) . مقابل دوشر . چونكه بومبجنده هيچ كيمسه طبيعته بويله بر عقل و نيت ، بويله بر غايه معرفت اسناد ايدمه مشدر . اونك ايچوندر كه ( صنعى artificiel ) تعيرى ، ( طبيعى Naturel ) لفظنك ضدى اوله رق قوللائيلىر . حتى بوضديتى تناقض درجه سنده بيله تلقى ايدم بيليرز ؛ زيرا برشى ياطبيعى ياخود صنعى اوله بيلير . اوحالده طبيعى اولان برشى صنعى اوله ماز ؛ هر نه قدر ماده اصليه سى خزانه طبيعتدن آلمش ايسه ده ! . . .

لكن اونو تاممالى كه بوفكر ، اساساً طوغرو اولمقله برابر قطعياً اضافى در ؛ چونكه صنعتكار اولان انسان دخى طبيعت كليده داخل بر جزؤدر ؛ طبيعت خارجنده برشى دكلدر . بناء عليه ( صنعى لك ) و ( طبيعى لك ) فرقنه بر قيمت مطلقه ويرمك ياكلش اولور . نته كيم قدامى متفكرين اكلزيا بوخطايه دوشمكدن صاقينه مامشدر و بوسيله ( صنعت ) ايله ( تصنع ) عيى شيدر ظن اولونمشددر . [ بوبحثك تفصيلى ايچون esthétique سوزينه باقيكز ! ]

مع مافيه بوملاحظات ، منصحراً ( بديعيات esthétique ) بجنده معتبردر . فلسفه عموميه به كلنجه ، طبيعته بر ( نظام و آهنگ ordre et harmonie ) و بناء عليه ( خلقتده بر علت غائيه cause finale dans la création ) كوره بيلن فيلسوفلر نادر دكلدر . فلاسفه ( آلهيون و روحيون les théolo-giens et les spiritualistes ) كائناتده بويله بر انتظام كوردكلرى ايچون اونده بر ( غايه ) تصور ايديورلر و بوغايه طولاييسى ايله در كه ( عاقل ، كامل و مختار intelligent, parfait et libre ) بر ( فاعل مدبر ) ك وجودينه استدلال ايچون بول بوله بيليورلر . بو ( منظومه كائنات cosmos ) ي ( كور بر تصادف un hasard aveugle ) ك نتيجه سى دكل ، بر ( صانع حكيم ) ك اثر كالى اولمق اوزره تلقى ايديورلر . اثبات الوهيت ايچون شمدى به

قدر ترتیب اولونه بیلن براهین مشهوره نك بلکه اك مهمی بودر. l preuve  
کله سنه باقیکنز ! ]

بونقطه نظر دن باقیلنجه ( طبیعت ) ایله برهیکل ویاخود برتابلو آره سنده  
حیثیاً فرق قالمیور. طبیعت دخی بر اثر صنعت عد ایدلمش اولویور؛ شوقدر که  
اونک صانعی انسان دکلدرد .

بویله دوشونن فیلسوفلر ایچون بیسله یوقاریده عرض اولونان تعریف  
عمومی طوغرودر. اونی تعدیله حاجت یوقدر . زیرا طبیعت دخی (مصنوعات)  
مضموننده داخل اولونجه اوندهده برصانع عاقل ایله برنیت وبرغایه آرامق  
مجبوربتدن قورتوله مایز .

یالکز شونی اونوتما ملی درکه ( صنعت ) ده ینجه ارتق بو کون بهمه حال  
انسان ایله مصنوع اولان شیرلی مراد ایدرز. اوتقدیرده طبیعت، بهمه حال  
خارج قالیر وبالالاتزام خارج طوتولور .

(art) کله سی بومعنا ایله منفهم اولونجه (مصنوعات بشریه ) نك کافه سی  
دخی شامل برتعیر عمومی اولور ، و اوحالده ( صنعت ) ایله ( صناعه ) ی ده  
احاطه ایدر . فی الحقیقه فرنك لساننده بو کله نك معناسی بوقدر کنیش در .  
اوسبیله درکه اواکبعضی صفتلر تدیف ایدرک معناسی تخصیص وتعیین ایدرلر .  
(arts industriels) و (beaux arts) دیه آیریرلر . بوده ضروریدر ؛  
چونکه غایه لرینه نظراً ( صنعت ) باشقه ، ( صناعه ) بوسبوتون باشقه در .  
( بدیعیات esthétique ) انحق برنجیسی ایله مشغول اولور ؛ صناعته قطعاً  
علاقه دار دکلدرد .

بو مهم نقطه یی تصریح ایچون عادی بر مثال ویرهیم ؛ مثلاً :

مصنوعات بشریه دن بر عادی ( حصیر اسکمله ) تصور ایدیکز . بونده  
البت بر مقصد واردرد. اودون پارچه لرینی ، سازلری چیویلری بویله بر آرایه  
کتیرویده ( اسکمله ) یاپان بر آدم ، بسبیلی درکه اوزرینه اوطور ولسون  
وراحت اوطور ولسون دیه اونی اعمال ایتشدرد . شیمدی فرض ایدیکز که  
عینی اسکمله نك حصیر قسمی رنکارنك سازلردن ثورولمش اولسون؛ وقسم

حشی سنده بعضی نقشار بولونسون ؛ یعنی اواسکمله ( سوسلی ) اولسون! ..  
 بوتزیناتك تأمین راحت ایچون فضلہ بر فائده سی اوله ماز . دکلکی یا ؟ ینه اونی  
 اوشکل اوزره انشا ایتکدن اصل مقصد ، تأمین استراحتدر . بوکی مقاصدك  
 دستور عمومی سنه ( فائده utilité ) دیرلر . بر ایشده یالکز بویله بر ( مقصد  
 فائده ) کوزله یوبده اثر وجوده کترینلر انجق ( صنعتکار artisan ) درلر .  
 ایشلری ده ( صنعت industrie ) در؛ ایشته بو درلو ایشلرک بدیعانه هیچ  
 مناسبی یوقدر . لکن بر آزبویا سوردیمی ؟ . . . یعنی او اسکمله یی سوسله مکه  
 باشلادیمی ؟ . . . آرتیستلک ده باشلار . چونکه تزییناتده کوزه دیلن مقصد ،  
 مادی و عملی بر فائده تأمین ایتک دکل ، ذوق و برمکدر . مثلاً ( اون بشنچی  
 لویی Louis XV ) ، ( دور انتباه Renaissance ) و یا خود اسکی یونان  
 طرزنده یاپلش بر صندالیه ده ایش اولیله در . اکلاشیلیرک بویله بر صندالیه  
 یاپان آدام ، یالکز اوطورمق ایچون تأمین استراحت مقصدینه حصر هت  
 و صرف معرفت ایتمه مشدر . ( کوزل برشی یایمق ) ده ایسته مشدر . فی الحقیقه  
 او ایشده بر ظرافت و نزاهت ، بر کوزللك کورورسکزک بالخاصه بر اسلوب  
 مخصوص اوزره تعین ایدر . واقعا بر عادی قهوه خانه اسکمله سنده کی  
 بك قابا صابا تزیینات ایله ( ماری آنتوانه Marie Antoinette ) ك  
 ( تریانون Trianon ) کوشکنده کی سالوننده کورولن صندالیه نك زینت  
 واسلوبجه بیوک برفرقی وارد؛ فقط ماهیتهجه هیچ فرقی یوقدر . ایکسی ده  
 زینت در . زینت نه درکده و یا نه درجده اولورسه اولسون ، اونده مقصد  
 فائده دکل ذوق در . نته کیم ( زولو Zoulou ) قبیله وحشیه سنک چاموردن  
 یابوب کونشده قوروتدینی چیرکین و غلیظ هیکلرایله بر ( ژوپتر Jupiter  
 Olympien ) ، بر ( آپوللون Apollon de Belvédère ) هیکلی ماهیتاً عینی  
 جنسدن شیلدر . یونان قدیم صنعتکارلرینک بو حیرت بخش اثرلری — شبهه سز —  
 خارق العاده بردهای شخصیت قدرت الهامنی کوسستریر و ( ادا و تصور  
 conception et expression ) ده بو درجه کمال ، البته عالی و مکمل  
 بر مدینتک جلوه معرفتی در . بو بویله اولقله برابر ، صنعتله صنعت بحثنده  
 مرهانکی بر اثرک یالکز غایه سنه باقیله رق حکم ایدیلیر . اوده حیاته تأمین فائده

ویا خود بخش ذوق ایده‌بیله جکنه نظراً مصنوعات بشریه به بر قیمت ویرمکدن عبارتندر . او مصنوعات ، نه قدر ابتدائی و بیچیمسز اولورسه اولسون ماهیته تأثیری یوقدر . بوخصوصده نظراعتبارده آلتان ( درجه فرقی ) ، ( مدنیت درجه‌سی ) ندن عبارتدر . بناء علیه حقیق معناسیله صنعتک فائده‌کی بر مقصده هیچ مناسبتی یوقدر ، انجق ( ذوق ) ایله علاقه‌سی واردر . حتی بر اثر ، برایش فائده و منفعت کی مقاصد انیتکارانه‌دن نه قدر آریلیر و اوزاقلاشیرسه ، اونک ماهیت و قیمت صنعتکارانه‌سی‌ده او قدر آرتار . اوسبیله درکه بر تابلو ، بر بسته ، بر هیکل ، اک ظریف برصندالیه‌دن ده‌زایاده بر ( اثر صنعت ) در . چونکه برصندالیه نه قدر صنعتکارانه یاییلمش اولورسه اولسون ، ینه اوزرینه اوطور و لسون دیه اعمال ایدلمشدر . حالوکه بر تابلو یالکزانسانه بر ( هیجان بدیی *émotion esthétique* ) ویره‌بیلیر . بوذوق ، حظوظات نفسانیه‌ک اک علویسی واک تزییی در .

ایشته صنایع نفیسه‌ک فلسفه‌سی صاییلان ( *l'esthétique* ) بدیعیات ( *l'esthétique* ) انجق بودرلو اثرلرله مشغول اولور . اونلره بر معیار قیمت تعیین ایتک ایستر؛ ذوق و هیجان بدیی‌ک منشأ و ماهیتی ، جلوه‌لرینی تحقیق ایدر ؛ آرتیستک مزاجنک و قابلیتک ( تحلیل روحیسی *analyse psychologique* ) ایله اوغراشیر ، و بو استعداد مستثناک (عوامل محیطه *facteurs ambiants*) و معنویه‌سی ، مدنیت و تربیه ایله مناسباتی کشف و تعیین ایتک اوغورنده تدقیقاتده بولنور . آریجده ماهیت حسنک نه اولدیغنی اوکر نمکه چالیشیر . شو مختصر ملاحظاتمله اکلاسیله‌بیلیرکه ( صنایع مفیده *arts utiles* ) ایله ( صنایع نفیسه *beaux arts* ) آره‌سنده کی فرق اساسلی در و بو تقسیم ، ملاحظه‌صنعتده منظور اولان غایه مخصوصیه کوره ضروریدر .

صنایع مفیده‌ک فلسفه‌صنعته تعلق اولمادیغنی ایچون بوراده انجق صنایع نفیسه حقنده معلومات اساسیه ویریه جکد . [ ماهیت حسن ، هیجان بدیی ، الهام ، استعداد هنر ورانه ، اسلوب ادا مسئله‌لرله منشأ صنعته ، مذاهب و مسالک مشهوریه عائد معلومات و باشلیجه نظریاتک مناقشه‌سی کاملاً



(esthétique) کله سنه ترك ايدلمش ، اوراده لزومی قدر بسط و تنقید اولونمشد . بو بخشی اوقور اوقوماز همان اورایه باقوب توحید ملاحظات ایدیکنز ! ]

ماهیت صنعتی لایقيله اكلایه بيلمك ایچون تاریخنه نظر ایتمك الزمدر . صنعت ، بك اسکی در . یالکز تاریخ مدنی دكل، حتی انسانیتك (ادوار قبل التاریخيه périodes préhistoriques) سنی بیله نه قدر تعقیب ایدرسهك ایدلم ، ماضیلره طوغرو نه قدر اوزاق کیدرسهك کیدلم ، انسانیت قدیمهك متروكات باقیه سی آرمسده قابا صابا بعضی آثار صنعت و صناعته تصادف ایدم بیلیورز . بو آثار ابتدائیه دن مرکب اولق اوزرد . بوکون بك مهم قولکسیونلرده واردركه یوزلرجه متخصص طرفندن کمال دقت وجدیتله تتبع اولونمقده بولونویور .

بوخصوصده تدقیقات عمیقه اجرا ایدلمش و بوندن بك مهم نتیجه لر ترتب ایتمشد . (صنعتك منشأی و تکمیلی l'origine et le develop pement de l'art) حقیقده اك معتبر نظریات بوکی تحقیقاتدن استنباط اولونان معلومانه استناد ایدیور . بزه بومعلوماتی ویرن بر طاقم (علوم طبیعی sciences naturelles) دركه اونلرك طوغرودن طوغرویه صنایع نفیسه ایله هیچ برمناسبت و علاقه سی یوقدر: (قبل التاریخ la préhistorique) کبی ، (تطبیق علم اقوام l'ethnographie comparée) کبی ، (علم انسان l'anthropologie) کبی ! ...

نته کیم بومسئله صنعتی تنویره خادم اولان مستحانات و مواد ساثره دخی ، اکثریته تصادفی اوله رق بولونمش شیلردر؛ و بك چونغی اون طوقوزنجی عصر میلادیده واقع اولمشد . بر طرفدن معدن اوجاقلرینك فعالیت خارق العاده سی ، دیگر طرفدن شمند و فرك - برقیتملی واسطه نقلیه اوله رق - کشف اولونماسی ، بویوك مقیاسده عملیات ترابیه میدان ویرمش و طاغیر اویولوب یولار آچیلیرکن برچوق آثار قبل التاریخیه بولونه بيلمشد . (علم مستحانات la paléontologie) و (طبقات الارض la géologie) دخی عینی زمانده بوکشفیاندن مسنید اوله رق سرعله ترقی ایلمه مشدر .

بوتون بوعولوم متفقاً اثبات ایدیورکه انسانیتده آثار صنعت پک اسکی زمانلردنبری وارمش. بناءً علیه استعداد صنعت دخی اودرجه قدیم وفطری اولوق لازمکلیر. معلومات ایله، تربیه ایله اولسهیدی بوقدرقدیم اوله مازدی. ازمینه قبل التاریخییه ندقیق ایدن علما ادعا وانبات ایدیورکه اودهر قدیمه (انسان ابتدائی l'homme primitif)، عاداتا حیوان درکه سنده یاشیورمش: (بز طوقوق tissage)، (ایپلاک نه کیرمک filage)، (چوملکچیلک la poterie)، (حرث اراضی culture de la terre) یعنی اینی کوتی زراعت ایتمک بیلیمورمش. (حوانات اهلیه animaux domestiques) بی طانیورمش. ابتدای تمدن علاماتی دیمک اولان بودرجه تکامل پک چوق عصرلر صوکره ممکن اوله بیلمش واغلب احتمالاته کوره (چوبانلق دوری) ایله باشلامش اواسه کرکدر.

اواسکی دورلرده اک بوپوک مشغله آولایوب آولانماق، اکمبرم ودائی اندیشه بریرتیجی دشمنک لقمه تجاویزی اولمایه رق کوتنی کون ایتمک. ممکنسه. فارتنی طویورمق ایتمک که بوده پک طبیعی در. فقط هنوز معدنیاتک هیچ برنی بیلمه دکی ایچون وحشی انسان، سرت (چاقاق طاشی silex) نی استعمال ایدرک آلات وادوات معدوده سنی هپ اوندن اعمال ایتمشدی. آثار صنعت و صناعت - بالطبع - اک اوله اسلحه و بعضی آلات یا عیق ایله باشلايه بیلمشدر.

اونک ایچون بوابتدائی زمانلره اصطلاح علمده (دور حجری قدیم Période paléolithique) دیرلر. بودورک یکانه نوع آثار یونتولامش چاقاق طاشندن معمول بر طاقم میزراق اوجی (pointe de lance)، (اوق flèche)، (باله hâche)، (قاشیق cuillère)، (چکیچ marteau)؛ (لوبوط massue) کی اسلحه ابتداییه در وپک قابا صابا یا بلش شیلردر. اوندن طولایی درکه اوزمانلره (یونتولامش طاش دوری âge de la pierre brute) دخی ده نیلیر؛ زیرا بونی متعاقب کلن دورده عینی اسلحه والاتک مجلا طاشدن یا بیلمش اولدینی کورولویور. حتی بومتروکات قدیمه میاننده

خیلی ظریف اولانلری ده وارد. ایشته (دورحجری جدید l'âge néolithique) ویاخود (یونتولش طاش دوری l'âge de la pierre polie) دیدکلری زمان ماضی دخی بور. (paléontologie کله سنده تفصیلاته باقیکر ! ) منحصرأ محافظه نفس و تأمین معیشت ایچون اعمال ایدلش اولان بوادوات واسلحه ابتدائی ، قابا شیر اولقله برابر مزین در . هله ( کهیک بوینوزی bois de Renne ) ، ( فیل دیشی ivoire ) ، ( کیک ) استعمال اولونه بیلیمکه باشلادقن صوکره بعضی سلاح قبضه لری اوزرنده -- شایان حیرت بر موفقیتله یابیلیمش -- رسمار کورولویورکه سیوری برچاقاق طاشیله حک ایدلشدر .

محققدرکه بواسکی دورحجریده (انسان ابتدائی) هنوز سفالت وحشتک ادنا درکه سنده بولونویور و (طبیعی مغاره لر grottes naturelles) ده حیوان کی چیرچیلای یاشیوردی. ایکی دالی بر آرایه کنیورده بر (بکچی قولوباسی) چاتمینی عقل ایدمه یوردی . او وقت ( هیئت اجتماعی état social ) دکل ( هیئت عائله état de famille ) یوقدی. احتمالکه انسانلر سوزسویلیه میورلر وانجق بعضی اصوات معینه ایله یکدیگرلرینه تبلیغ هیجان ایدمه بیلورلردی. اوزمان بوانسانلرله معاصر اوله رق ( ماموت )، ( اوچ بوینوزلی کرکدان )، ( بویوک مغاره کدیمی )، ( مغاره آبی سی )، ( یابان آتی )، ( صیرتلان )، ( فوق یعنی دکز فیلی )، ( دکز آیفیری ) ودها برسوری مدهش حیوانات قدیمه واردی. بونلرک پک چوغی غایت اوزون تویلی جاناوارلر ایدی. دنیانک اکثر طرفلرنده ، حتی فرانسه نك جنوبنده وبحر سفیدک منطقه شمالیه سنده سورولرله یاشورلر وبعضیلری دخی بالخاصه مغاره لرده انسانلری اولامقله کچینورلردی. دیمک که اوروپا اوتارینجده شدتله بارد بر منطقه داخلنده ایدی. فقط غریبدرکه اوابتدائی انسانلرده شایان حیرت بر استعداد صنعت وارمش. اواسکی دورک متروکات معموله و مصنوعه سی بونی پارلاق بر صورتده اثبات ایدیور . بو آثار قدیمه بالخاصه انکلتزه ، فرانسه ، بلجیقا واسویجرده بعضی مغاره لرده بولونه بیلور . احتمالکه اوروپانک سائر لرلی هنوز بویوک

ومهلك باطاقلقلر حائده اولدوغی ایچون انجق غرب طرفلری بر درجهیه قدر انسانلره مسکون بولونه بیلورمش !

اوزمانلر هنوز ( جبل طارق Gibraltar ) بوغازی پیدا اولماش بولوندوغی ایچون اسپانیا فاس ایله متصل ایمش. نته کیم (قناریه Canaries ) اطه لریده آفریقا قطعه سندن آیرلماش ایمش . امریقای شمالی نك اوروپایه بیتیشیک بولونمش اولدوغنده شبهه قالمیور .

بواسکی وضعیت جغرافیائی نك (صنایع قبل التاریخیه arts préhistoriques) بحثنده نه درین معنای متضمن اولدوغی تفصیلات آتیه نهایتنده آکلاشیله جقدر. بوکی مستحاثات قدیمه یی کشف و تتبع ایدن علما ، وعلی الخصوص معاصریندن ( نئدوار دولارته Edouard de Lartet ) و (قریستی Christy) نامنده ایکی فرانسه ، کندی مملکتلرنده کشف اولونان بویه برچوق قیمتدار متروکاتی جمع ایدرک ( Reliquiae Aquitanicae ) آکیتانیا اراضی سنک متروکات قدیمه سی ) عنوانیله بر مجموعه مفیده نشر ایتشلردی .

بخمیزی تنویر ایچون ذکرى لابد اولان مثاللرک پک چوغی بوانردن نقل اولونمشدر . بنده بونلردن برایکیسنی ذکر ایدرک مثال ودلیل اتخاذا ایدیورم :

( لارته ) و ( قریستی ) نك ( مادلهن مغاره سنده - Grotte de la Madeleine ) بولدقلری آثار عتیقه دن بری ، (مستحانه حائده - à l'état fossile ) بر فیل دیشی صفیحه اوزرینه ( چیزکی ایله رسم ایدلش = dessiné au trait ) بر (ماموت فیل) تصویر ایدر . بورسم اوقدر طوغرو و اوقدر طبیی درکه تماشاسی یک نظرده حیرتله جلب تقدیر ایده بیلیر .

بو یوک موزه خانه لرده ( ایلک فیل جنسی Elephas premigenus ) عنوانیله ( قدید squelette ) یی - مستحانه حائده - کوره بیلدیکمز بومدهش حیوان ، بوکونکی فیللردن خیلی بویوک اولدقدن ماعدا برچوق وجهله ده فرقلی ایدی . تپه سی پک یوکسک ، آلتی کنیش و محدب ، قولاققلری کوچوک فقط دیشلری پک بویوک و یوقاری به طوغرو - برداثره شکلنده - قیویرلش

ایدی . وجودینک هر طرفی صیق قیویرجیق تویلی ، باشی وبونجی ( بیزون Bison یعنی یابانی آمریکا ماندایی ) کی صاحبی اولدوغی ایچون اکیسه سندن طاشان اوزون تویلر دیزلری آشاردی .

بر زمانلر ( یعنی دور رابعده l'âge quaternaire ) بو حیوان ویوقاریده اسملری ذکر ایتیش اولدوغم ( انواع منطفیه espèces éteintes ) دنیانک همان هر طرفده کی اورمانلری استیلا ایتشدی . او قدرکه ، مثلاً اوفیلک اسمنه نسبتله بر ( ماموت دوری l'âge de Mamouth ) واردر ؛ بناءً علیه ( ماموت ) ، اوزمانلرک ( جنس منلی faune ) صاییلیر .

اودوردن بزه یادکار قالان آثار مصنوعه نک اکثریسنده اووقت انسانله معاصر بولونان ومجادله ایدن سباع وحشیه نک تصویرلری وبالخاصه بوقورقونج فیلک رسمی کورولویور .

اوتاریخده فرانسه طوپراغنده یاشایان وبو ( ماموت ) رسمی فیل دیشنه چاقاق طاشی ایله حک ایدن ( انسان ابتدائی ) هرکیم ایسه ، جداً - تعریفی ناقابل - بر استعداد جلی اثبات ایتیش ، والبتّه بو حیوانی بالذات وبالذات تماشا ایدرک بوقدر طبیعی بر صورتده رسم ایده بیلمشدر ؛ چونکه بوتون اوصاف ممتازه سنی چیز کیلرله کوسترمشدر .

( ارضیات ) و ( مستحاثات ) علماسی بوبابده بعضی تحقیقات اساسیه به بناءً دوشونوب حساب ایدیورلرده اورسملک تحمناً لا اقل الی بیک سنه اول حک ایدیش اولدوغنه بیان قناعت ایلورلر . حتی غریب بر تصادف بومستحاثه صنعتک بوسبوتون قیمتی آرتدیرمشدر . باقیکنر فصل !! .

( ۱۸۰۶ ) سنه میلادیه سنده ( له نا Léna ) نهری منصبنده ، تام الاعضا بر ماموت فیل کشف اولومشدی . نه کیم بر مدت صوکره ( ۱۸۶۴ ) ده سیریانک ( یه نی سه ی Jénissei ) منصبنده بردانه سی ده بولوندی ایدی . دور حجریدن بری کثیف بوز طبقه لری آلتنده مصون ومحفوظ قالمش اولان بوایکی جسد ، قطعاً تغیر وتفسخ ایتهمش اولدقدن ماعدا تویلری بیله دوکولیه رک حال اصلینسی محافظه ایده بیلمشدی . سوق تصادفله واقع اولان

بوکشف مهم ائناسنده حاضر بولونان بر روس تاجری ، همان بوغرب حیوانک رسمنی چیزمش وبروثیقہ احتیاطیہ اولوق اوزره متخصصین علمایہ کوندرمشدی . ذکر ی ده مین کچن (کدیک بونوزی ) اوزرنده کی ماموت رسمنی - ارباب صلاحیت - تاجرک کوندردیکی رسم ایله قیاساً مطالعه ایتمش واسکی سنک دها طوغرو ، دها طبیعی اولدوغنی صراحتاً تحقق وتین ایدرک روس تاجرینک چیزدیکی رسمه - هروجهله - مرجع کورولمشدر . حتی تاجرده بعدالتدقیق بونی اعتراف ایتشدر .

بووقعه ، فلسفه صنعت نقضه نظرندن فوق العاده بر اهمیتی حازدر . چونکه استعداد صنعتک (وهی inné ) اولماسی دعواسنه قوت ویریور ، بناء علیه ( بدیعیات l'esthétique ) ک الک مهم وغامض مسائلندن بر چوغنی یکیدن میدان بحث ومناقشه دعوت ایدیور .

فی الحقیقه ، اسکی دور حجری ده یاشامش اولان برانسان ابتدائی - عینی حیوانی - برانسان مدنی دن دها ایی وطوغرو رسم ایده بيلمش ایسه صنعتک - علی الاطلاق - بر قابلیت حبلیه اولدوغنی قبول وتسليم ایتکدن باشقه چاره فالماز . واقعا بوراده برشی خاطره کلیر : ا اورسمی یاپان روس ، بر تاجردی رسام دکلدی . بلکه هیچ رسم درسی کورمه مشدی ؛ بناء علیه معذوردر ! ایده دوشونوله بیلیر . فقط ایلمک رسمى - اللى التمش بیک سنه اول - یاپان وحشی ، روماده تحصیل ایدوب برنجی مکافاتی آلمش اولان مشهور صنعتکارلردن دکلدی یا ؟ ! .. احتمالک ایکی یاشنده برمدنی جوجوق قدر لاقیردی ایتهمسنى بيله ، بيلمزدی . فقط تقلید طبعتمده نصل بودرجه موفقیت کوسترمش ؟ .. خصوصاً جاقاق طاشندن باشقه آلات وادواتی یوق ایکن ! .. ایشه بوراسی حیرتفرادر ! .. هم بو بر استئنا تشکیل ایتیمور امثالی چوقدر وموزه لرده بوکون موجوددر . فضله اوله رق علمای متخصصینک بو باده کی تحقیقاتی ینه کوستریورک ( یونتولش طاش ) دورنده قابلیت رسم عاداتا منطقی اولمش وبوکا بدل ( صنایع مفیده arts utiles ) بالنسبه خیلی ترقی ایتشدر . حالبوکه بومعناداروطبیعی رسملر ، همان کاملاً ( یونتولماش طاش ) دورینک متروکاتنددر . یعنی علی الاطلاق دور حجرینک ایلمک صفحه سنه عأندر .

مدققینی بومعما حیرتده بر اقیور. علمانك کیمیی، (صنعت نفیسه) و (صنعت مفیده) نك باشقه باشقه استعدادلره تابع ومفتقر اولدوغنی اده ایدیور. کی، یسی ده دور حجرینك ایکنجی صفحه سنده عرق بشرک کاملاً ده کیشمش بولوندوغنه ذاهب اولویور. هر حالده منشأ واستعداد صنعت وطولایسیله تاریخ مدنیت بمخنده بور مهم واساسلی مسئله تشکیل اتمکده در. [بومسئله نك مناقشه سی ایچون esthétique لفظنه مراجعت ایدیکز !]

فرانسه نك (په ریغور Périgord) طرفلرنده و (قرومانیون Cro Magnon) نواحیسنك طبعی مغاره لرنده بولونان آثار قدیمه جنسنندن بر چوق شیلر اسپانیانك بعضی یرلرنده وقاریه اطه لرنده ده کشف اولونویور. بالطبع بو آثاری وجوده کتیرمش اولان ابتدائی انسانلرک کیمکری ویاخود بعضی اقسام قدیمه سی ده برابر بولونویور. حتی اللی قدر (قحف crâne) اقسامی یعنی قفا طاسی پارچه لری بولونمشدر، و اوصنعتکار وحشیلرک (طویل الرأس dolichocéphale) اولدوغنی کورولویور. شو تقدیرجه دور حجری قدیمه فرانسه ده بولونان انسان ابتدائی ایله قناریه اطه لرنده کیلرک عینی (عرق race) منسوب اولدقلری آکلایلویور. بر آز یوقاریده سویله دیکم وجهله، او زمانلر اوروپانک افریقایه متصل اولماسی وقاریه نك ده شبه جزیره حالنده بولونماسی کیفیتدن، عما معنا چیقارییورلر: دیورلرک (شرائط اقلیمی conditions climatiques) نك زیاده سیله تبدلی سیبله، حیوانات وحشیه نك بعضی اجناسی شماله، بعضیلری ده جنوبه هجرت ایتشلردر؛ اونلری آولامقله کیچن انسان ابتدائی دخی بالضروره اونلری تعقیبه مجبور بولونمشدر. بلکه فرانسه نك (طویل الرأس) و صنعت نفیسه یه مستعد وحشیلری یاواش یاواش اسپانیایه اورادن فاسه و اورادن ده قناریه جهتلرینه انتقال ایتشلردر. بو - اولسه اولسه - بر فرضیه در؛ فقط هر حالده شو حقیقت مهمه تظاهر ایدیورک، ده اوزمانلر ایکی مهم عرق تعین ایتمش وبونلرک بری صنعت نفیسه یه دیکری ده دها زیاده صنعت مفیده یه استعداد جبلی ایله تمایز ایله ماش ایتش. (محقق درک عرقلرک آیریه ییلمه سی واستعدادات مخصوصه نك تولد وتمایزی پک اوزون بردوره تکاملک نتیجه سیدر؛ وشبه یوق که بو غریب قابلیت

صنعتکارانه - ولوکه عرقه مخصوص اولسون! - بر استعداد جبلی در .  
 ده نیلیور . چونکه (ماموت) دورنده اوروپا وحشیلرینک رسمده  
 کوستر دکلی موفیقی آثوریلر واسکی مصرلید، اک بارلاق دور مدینتلرند  
 کوستره مه مشلردر . بو، اوقدر بدیهی درکه ایکسنی بر برینه قیاس ایتمکه فرق  
 در حال کوزه چارپار . حالبوکه آثوریلرک واسکی مصرلیرک مدینتی پک  
 مهمدر : انسانیتک تاریخ ترقیسنده باشلی باشنه بر (صفحه ممتازه phase  
 distincte) تشکیل ایدر . بوملر ، بویوک شهرلر بنا ایتمشلر، قوانین تأسیس  
 ایله مشلر ، صنایع مفیده ده پک ایلری کیتمشلر ، حتی (صنعت ترین  
 art décoratif) ده پک بویوک برار ترقی کوستر مشلر، لکن رسم تقلیدی  
 (dessin d'imitation) ده فرانسه نك، بلجیقانك، اسویجره نك الی آلتش  
 بیک سنه اولکی وحشیلری قدر استعداد هنر اثبات ایده مه مشلر . آثار  
 میدانده در .

ذکر ایتدیکم مثال بر استنا تشکیل ایتمز؛ موزه لرده ده بر چوق کوزل  
 نمونه لر کورولور دیمشدم ؛ فی الحقیقه اسویجره ده (تایوگن Thayugen)  
 مغاره سنده کشف ایدلش اولان بر مستحانه مشهوره وارددکه (چایرده  
 اوتلایان بر رهن که ییکی Renne au pâturage) تصویر ایدر . حیوانک  
 وضعیت وسکون طبعی سی، شکلی، بویوزلری، قیسه ودیک قویروغی،  
 بویونک اوزون تویلری، قارننک چکیک وضعیف اولماسی یعنی آج اولماسی،  
 شایان حیرت بر موفقیته رسم ایدلشدر . هم برشی وارکه، مجلا بر که بیک  
 بویوزی اوزرینه سیوری چاقاق طاشی قلمیله حک ایدلش اولان بورسم،  
 سلاح صابی فلان دکلدر . ساده کیف وذوق ایچون یاییلمشدر . عادتا اک  
 آتقیقه بر (تابلو) عدایدیلر . (صنعتی صنعت اولسون ديه de l'art pour l'art)  
 قبول واجرا ایدنلر بواثر قدیمی - دعوالری ایچون - پک قوی بر دلیل  
 اوله رق ابراز ایده بیلیرلر .

[بودعوانک مناقشه سی esthétique کله سنده بسط اولونمشدر، باقیکنز!]  
 (نه دوار لارته) نك قیمتدار قولکسیونلری آرهنده بولونمش واوغلی  
 طرفدن شهر اولونمش بر مستحانه ده وارکه پک معنادارد : ایکی طرفی



مجالا بر (كليك صفيحه‌سی) ئىدىن عبارت اولان بولوحەنك ، اولاي بر طرفىدا  
 بر (ماموت) رسمى (طاسلاغى esquisse) ياپىلمش؛ دىكر صفحەسنەد  
 عىنى حيوانك كوزلايىكى (شكل مُجَنَّب forme en profil) ى حك ايدىلمشدر  
 آكلاشيلوركه اولاي حيوانك شكل حقيقىسىنى و وضع طبعىسىنى حقيقلە تەيىن  
 وادا ايدە بىلمك ايچون خىلى اوغراشلمش وبوطاسلاق ترك واهمال ايدىلدكەن  
 صوكرە عىنى حيوانك آيرىجە ايىكى رسمى موفقىتلە حك ايدىلمشدر. حتى برىندە  
 خورطومى دومدوز، ايكنجىسەندە كودەسنە طوغرو قىيورلىش كورونور.  
 ظن اولونويوركه بورسملرى چىزن وحشى ، امين بر ىردن فىلى تماشا  
 ايدىيورمش؛ واهمالكە حيوان راحت طورمايوب قىمىلدادىنى ايچون وضع  
 وشكلنى حقيقلە تەيىن ايدەمەمش. فقط حيوان بر وضعت نابتە آلدقەن  
 صوكرە ايلك طاسلاغى براقوب آيرى آيرى ايىكى رسمى چىزەمشىدر.  
 حس صنعت بورادە آشكاردر.

بونلردن ماعدا ، (ماندا) ، (طاغ كچىسى) ، (صيفير) ، (صيفين) ،  
 (يابان آنى) ودها بر جوق رسملىرى حامل آثار وارددر. فقط هان جەلسىدە  
 دور حجىرى نك ايلك صفحەسەندىن قالمەدر.

بو آثار قەيەدە كورولن رسملەرھې بويوك حيوانات وحشىە تصويرلريددر.  
 حشرات و نباتات رسمە ھىچ تصادف ايدىلەمەمشدر. شاياتن دقت اولان  
 بوكيفىتەدە فىلسوفلر بر معناويريورلر: اويلە ظن ايدىيورلر و اويلە آكلامق  
 اىستىيورلركه ، اولاي طبعىي تقليد ايتىمكلە صنعتى ايجاد وبالفعل اجرا ايدن انسان  
 ابتدائى (طبيعە جامدە = nature morte) ى (مشق تقليد modèle  
 d'imitation) اتخاذايتەمش ، بالعكس كندى حياتى تەھيد ايدن مەدھش  
 ومهلك دشمنلىرى رسم ايتىمكلە ايشە باشلايەرق - فطرتندە مركوز اولان -  
 استعداد ھزى ابراز واطھار ايدە بىلمشدر. دىمك اولويوركه استعداد صنعتك  
 سبب موجى ووسيلە تجلىسى (ھىجان émotion) ديدىكمز (عامل معنوى  
 facteur psychique) اولقلە برابر ، اوھىجان (بدىيە) دكل ايتىش؛  
 چونكە ذوق ونشاط حسەندىن زيادە (قورقو la peur) ايلە علاقەدار

کورونوپور . اگر اویله اولماسیدی ، یعنی : ادعا اولوندوغی و جمله صنعتك (سائق معنوی mobile psychique) سی مطلقاً (ذوق بدیی) اولسهیدی ابتدائی انسانلر منحصراً حیوانات وحشیه و سباع مدهشه‌یی رسم ایتمکله قازلردی . طاغلی ، آغاچلری و نظر فریب وحشی چیچکلری تصویر ایتمکله ده‌ها زیاده میال اولورلردی . حالبوکه یابراق و چیچک رسملری بیکلرجه و بیکلرجه سنه‌سوکره‌کی اثرلرده آره‌صره کوروله‌بیلیور . خلاصه : صنعتك هیجان ایله طوغمش اولدوغی محقق بولونقله برابر ، بوهیجانك نوع و طبیعتی تعیین ایتمک لزومی ، هر حالده حلی مطلوب بر مسئله شکلی آلوب قالیور . (مبدأ صنعت le principe de l'art) قورقو حسی می اولمشدر ؟ . . . انسان ابتدائی تصویر حیواناته سوق ایدن هیجان ، تهلكه ملاحظه‌سیله محافظه نفس اندیشه‌سندن می طوغمشدر ؟ . . یوقسه تحصیل ذوق آرزوسندن (ویا خود احتیاجندن) می طوغمشدر ؟ . . .

بوسواله ویريله‌بيله‌جك حوابلر - هر نه اولورسه اولسون - صنایع نفیسه ایله صنایع مفیده‌ك یکدیگریه نسبتله قدم واهیتی بحثی تازه‌لر ویکیدن اویاندره‌بیلیر . صنایع نفیسه‌ك (بقای شخصی conservation individuelle) ایله مناسبتی‌ده تنویر ایده‌بیلیر . فقط غریبدرکه بوجهتی هنوز لایق‌له تتبع ایدن اولمامشدر . (esthétique کلمه‌سنده بن بعضی ملاحظات خصوصیه بیان ایتدم ؛ اورایه باقی‌کمز ! ) (arts décoratifs صنایع تزینیه) ك بوبحث ایله مناسبتی ینه (esthétique) تعیرنده ایضاح اولونمشدر .

(arts plastiques) و (arts d'agrément) تعیرلری ایچوندده (بدیعیات) بایندمه‌کی تفصیلات خصوصیه مراجعت ایدیکمز .

بومباحثك یالکمز صنعت مسئله‌لریله دکل (تاریخ مدنیت histoire de la civilisation) ایله‌ده طوغرودن طوغرویه علاقه‌سی اولدوغی ایچون اهمیتی عظیمدر .

(علم انسان) ، (علم مستحاثات) و (علم قبل‌التاریخ) ك ویردیکی معلومات ابتداییه‌دن بالضروره استدلال اولونان بو (ملاحظات عمومی

ethnographie (تطبیقی علم اقوام) (considérations générales) (پارلاق بر صورتده تصدیق واثبات ایدیور: comparée)

(مهمبر یالیزم و مستملکات پولتیقه سی Impérialisme et politique) (de colonisation) سایه سنده بک چوق ترقی ایتیش اولان بونکی علم، فی الحقیقه بومبشده بر چوق مشکلاتی حل ایله مشدر. (آمریکا) ده، (اوسترالیا)، (پولی نهزیا) اطلارنده و (آفریقا) قطعه سنک کروان کچمز یرلرنده بر چوق قبائل ابتدائی و اقوام وحشیه کشف اولونمشدر که بونلر بزمه همزمان اولوق اعتباریله معاصر لریمزدر. حالبوکه درجه مدینت - ده طوغر و سی در که وحشت - نقطه نظرندن اوقدر ابتدائی برسویه ده بولونبورلر که بوندن آلتش بیک سنه اولکی (دور حجری) نی تماماً تمثیل ایدنلری واردر. بر قسیمی ده بر بوندن بالنسبه ده مترقی در. بناء علیه بونلرک جمله سی - علی مراتبهم - مدینت انسانیه نیک باشلیجه صفحات معینه سنه مثال تشکیل ایده بیلیر. (تطبیقی علم اقوام) بو وحشیلری یکدیگریه قیاساً مطالعه ایدرک، صنایعی ده - ممکن اولدوغی قدر - تتبع ایله مشدر. بوکونکی اقوام وحشیه نیک آثار صناعیه سی هان عیناً و تماماً (اسکی دور حجری) نیک کنه مشابه در. موزه خانه لرده کی قولکسیونلر بونی کوستریور. بناء علیه هیچ شبهه قالمیور که صنعت قدیمدر. شکل و مرتبه کمال اعتباریله دخی درجه تمدنله صمیمیاً علاقه دار کورونویور.

اقوام وحشیه نیک (عادات mœurs) نی ده تدقیق ایدن (تئوغرافی) ادعا ایدیور که انسان، احتیاجات طبیعیه سی تهوین و یاتامین ایتک چاره لرینی دوشونمزدن اول (زینت la parure) ی دوشونویور. مثلاً محققدر که تزین تلبسه تقدم ایدیور و ایتیش اولسه کر کدر. هر حالده بوده بک مهم بر کپیقتدر؛ چونکه میل تزین - هر نه وجهله اولورسه اولسون - ذوق ندیعی نی اثبات ایدر. اوندن سوکره صنایع نفیسه نیک، صنایع مفیده دن اول باشلامش اولدوغنه دائر بر اعتقادی مستلزمدر. فیلسوف مشهور (هر برت سبنسر H. Spencer) بومسئله لر حقنده بک مهم مقاله لر یازمش و بر نظریه معتبره تأسیس ایتمشدر.

[ goût و esthétique کله‌لرینه باقیکنز ! ]

بوتون شو تدقیقاتک الهام ایده‌بیله‌جکی ملا. ظاته کوره علی‌الاطلاق  
صنعتک تعریفی ، بردستور شکله قویوب عرض ایده‌بیلیرز :  
( صنعت ، جلت انسانیه‌ده مرکوز برقابلیت هنرورانه‌درکه همه‌حال  
بر اثر مادی ایله غایه مخصوصه‌سنه صورت ویریر . )  
( بوغایه فائده تأمیندن عبارت قالیرسه ( صنعت مفیده ) در . بالعکس  
یالکنز ذوق و هیجان ویرمک هنرینه معطوف ایسه ( صنعت نفیسه ) در .  
ده‌یه‌بیلیرز .

صنایع نفیسه‌نک شعبات متنوعیه آیرلمایی بر اثر ترقی درو تکامل نتیجه‌سیدر .  
فقط عجبا زمان اعتبار ایله هانکیسی هانکیسنه تقدم ایتشدیر ؟ .. بوده بر مسئله‌درکه  
مناقشه‌سی ( beaux arts ) تعیرنده بسط اولونمشدر .  
صنعتک علم ایله فرقی و مناسبی حقه‌ده کی مطالعات دخی عینی تعیره‌داثر  
ویریلن تفصیلاتده مندرجدر .

صنعتکار حقایق اشیا ایله‌دکل ( صور اشیا les formes des choses )  
ایله علاقه‌داردر . بومهم قضیه‌نک دلائل مخصوصه‌سنی ( esthétique )  
کله‌سند بولورسکنز .

[ نئییه و اشارت اولونان کله‌لرک جمله‌سنه باقیکنز ! ]

Articulaire (sens)

Articulaire (sens) مفصلیه ( حاسه )

فیلسوفلر و ( پسیقولوج Psychologue ) لر ، یعنی علم روح علمایی  
زده بش ( حاسه Sens ) اولدوغنی - اوتهدنبری - ادعا ایده طورمشلر  
وبو حواسی آیری آیری تعریف ایله‌مشلردی . ( Sens کله‌سنه باقیکنز ! )  
حالبوکه ( حس لمس Sens du tact ) دیدیکمز طویغونک پک بسیط  
بر حس اولمایوب قاریشیق بر شی اولدوغنی ، خیلی زماندر ، نظر دقتی جلب  
ایتمکده ایدی . بالآخره ، دها طوغروسی اون طوقوزنجی عصر میلادینک  
نصف‌اخیرندنبری ( علم روح Psychologie ) ترقی ایتمکه باشلانجه برآزده  
تحقیقات تجربیه‌یه مساعد بولوندی . حتی ( حادثات روحیه Phénomènes

(Psychologiques) نك (حادثات غریزیه Phénom. Physiologiques) ایله علاقه صمیمیه سی اولدینی تحقیق ایدرک بو حقیقت عادتاً بر (متعارفه Axiome) کبی تلقی وتسلیم اولندی. بوسایه ده (Psycho-Physiologie) نامیه یکی بر (علم تجربی Science expérimentale) بیله تولد وتشکل ایتدی. (تشریح خرده بینی Anatomie microscopique) نك ترقیاتی ده بر چوق کشفیات مهمیه موفقیته نتیجه ویردی. واقعا بو خصوصه تجربه رهبر اتخاذ ایدرک تحقیقاته کیریشلمزدن اقدام، حس لمسک بسیط برطویغو اولدیغنه دأثر ذهنه مسلط اولان شبه لر آرتمشدی. (لامسه Le tact) نك زه (متخالف الجنس Hétérogène) طویغور احساس ایتمکده اولدوغنی بر چوق فیلسوفرلر ادعا ایدیورلردی. بونلر ادره سنده بالخاصه (احساسات لمسیه Sensations tactiles) تمیز ایدلدی. مثلاً (مقاومت حسی Sentation de résistance) نك (حرکت حسی Sensation du mouvement) ندن آیری بر طویغو اولدوغنی لایقوله آکلاشلدینی کبی برنجیسنک (حس عضلی Sensation musculaire) ایله ایکنه جیسنک دخی (حس مفصلی articulaire) ایله رابطه سی دوشونولدی. او زمان حرکات بدنیه یی حس ایتمک قابلیتک لامسه وحواس سائرده دن بوسبوتون باشقه ومستقل بر حاسه اولدوغنه قناعت حاصل اولونجه (حاسه مفصلیه) تعیری لسان اصطلاحه کچدی. عین زمانلرده واقع اولان تدقیقات تشریحیه اثبات ایتدی که مفصللرک جوارینه موضوع بر چوق (جسیات) وادرر؛ بونلری کشف ایدن عالمک اسمنه نسبتله (قراوزه نك جسیاتی Corpuscules de Krause) دیه یاد ایدرلرکه بر طاقم (اعصاب وادره Nerfs afférents) نك (نقاط انتهایه Points terminaux) سیدر. اعصاب مذکورده دن کلن (سیاله عصبیه Flux nerveux) مفصللرده و او مفصللری بر برینه باغلایان (رباط Tendon) لرده بر نوع طویغو حاصل ایدیورکه ایشته اصل بوکا (حس مفصلی) و بو قابلیته دخی (حاسه مفصلیه) دیورلر. ادعا اولونویورکه بزه (جهت) حسنی ویرن حاسه مفصلیه در؛ (سطوح مفصلیه Les surfaces articulaires) نك - انشای حرکتده - یکدیگرینه صورت تماسنی حس ایدیشمزه کوره نه طرفه

انحنا ایلدیکمزی ونه قدر اکیلدیکمزی ادرالک ایدیورز یعنی بوسایه ده حرکات بدنیه مزك اختلافات ودرجاتندن خبردار اوله بیلورز دیمکدر .  
معاصرینمزدن بر جوق عالمر و فیلسوفر بو حاسه حقنده مهم مقاله لر یازمشر و ملاحظات مخصوصه بیان ایتمشر در . [ Kinesthésique کله سنده کی تفصیلاته مراجعت ایدیکز ! ]

Ascétisme, ascète

زهدیه ، زاهد Ascétisme, ascète فرانسجه

Ascetism انگلیزجه

Asceticismus المانجه

Ascetismo ایتالیانجه

یونانی ده ( آسکی تیس = Asketie ) ریاضت بدنیه ایله اوغراشان آدمیره دهنیر وحتی بوتعیر ، بالخاصه پهلوانلر حقنده قوللانیلیدی . برمدت صوکره بوکله بی فلسفه لسانه نقل ایدرک اوکا بر اصطلاح حیثیتی ویرن ( رواقیون Les stoiciens ) اولمشدر . معلومدرکه بومذهب اربابی فلسفه ده بالخاصه بر ( مقصد عملی But pratique ) کوزه دیر ایدی ؛ بوده حیثیتاً اخلاقی بر مسئله تشکیل ایدیوردی . بووقور فیلسوفر نظرند سعادت آزاده لک دن عبارتدی ؛ حکمت عملیه دن ده یکانه مقصد نائل سعادت اوله بیلیمک ایچون لازم کلن وسائطی تعین ایدوب عزت نفسی محافظه اوغورنده مجاهده یه کیریشمک و مشتهیات نفسانیه یه قارشى فائز و غالب اولمقدی . رواقیون - بومظفریت معنویه بی قازانمق ایچون - کندی نفسی ایله اوغراشان بر حکیم کاملی ، اسکی یونان پهلوانلرینه قیاس و تشبیه ایدرلردی . اونلر ، فصل ( اولمپیاد Olympiade ) اویه نلرنده تأمین موفقیت ایچون مدت مدیده ( جیمناستیک ) یعنی ریاضات بدنیه ایله حاضر لانیر ایسه لر ، بر حکیم دخی فضیلتده نائل فوز و ظمر اوله بیلیمک ایچون اوزون اوزادی یه اوغراشمالی درکه کندی نفسی یکه بیلسین !... تشبیهک اصلی ایشته بودر ؛ بناء علیه بوکله صوکره صوکره مجاهدات معنویه یه تطبیق اولونمش وحتی اسکی معناسیله بوسبوتون استعمالدن ساقط اوله رق انحق بر اصطلاح فلسفی حیثیه مشهور اولوب زمانزه قدر یاشامقده دوام ایتمشدر . ( اورتودوکس = Odoxertho )

کلیسای پاپاسلری چوقدنبری بویکه یه بویوک بر قیمت ویره رک تصاحب ایتشلر، و — ذات وصفات الوهیه مسائله حصر ذهن ایدوب — درین درین دوشونه بیلیمک واستغراقه وارمق ایچون (خلقدن اعتزال) ایتیمک معناسنده قوللانیر اولمشلردی. بویله بر حیات معتزلانه و واجدانه کچبرمک ایچون اوراده بوراده بنسا وتأسيس ایتیمش اولدقلری زاویه لره (آسکی تی ریون Ασκητήριο) نامی ویرلدی وبوزاهدانه حیاته دخی آسکی تی قوس وی یوس Ασκητικός βίος = ده نیلدی. بو (تارک دنیا) لق میلیمک اسباب جدیه سی واردر:

طبیعت بشریه ده تمایلات علویه مشهور اولدوغی کبی (مشتیهات حیوانیه Appétits bestiaux) دخی موجوددر؛ چونکه آدم انسان اولمازدن اول حیواندر و حیات حیوانیه سی محافظه وادامه ایدن مشتیهاتی در؛ اونک ایچون اونلر (غریزی Instinctif) بر حالدر. شبهه یوقدرکه بوتون قنالقار وطاشقینلقلر بوساقتات غریزه یه تماماً منقاد اوله رق حیوانجه حرکت ایتیمکدن ایلری کلیور. بناء علیه هر دین ومذهبک اخلاقی (دستور عملی Principe de conduite) مشتیهات حیوانیه یه کم ووره رق نفسنه حاکم اوله بیلیمکدر. اوحالده منیهات، هر دین نظرندده ماهیتاً بر در. حتی ذوق عیشی مقصد سعادت بیلن بعضی مذاهب فلسفیه بیلله، بوخصوصه کی میل فطری میزی حسن اداره وتحدید ایتیمک لزومنده هپ متفق درلر، ویا جمله ادیانک نصوص قاطعه سنه موافقتله وصایای اخلاقیه ده بولونمشلدر. خلاصه مشتیهات حیوانیه مزک اسیری اولمایوب بالعکس اونلره غلبه چانلق هر دین وهر فلسفه ده (مبدأ اخلاقی Principe moral) اوله رق قبول وتسليم ایدلشددر. مع مافیه (اخلاق زاهدانه Morale ascétique) ایله سائر اخلاق سیستملری آره سنده ینه بر مهم فرق واردر: مشتیهات حیوانیه یی بعضی ادیان وبرچوق فیتوسوفر محافظه حیات ایچون ایزم بیلیرلر؛ چونکه انسان لزومی قدر بیز ایچمز وحفظ محنته تقید ایتیزسه یاشایاماز، یاتاسه بیلله علیل وسفیل یاشار. کذلک تأهل ایتیزسه عائله تشکیل ایدمیز؛ عائله اولمازسه جماعت بشریه منقرض اولور. اونک ایچوندرکه میل معالی یه سد چک بیلله جک موانی ده ویرمکه چالشمقله

برابر، و حیوانی غریزه لره دخی - حدنجه - اهمیت و یرمک مسئله حیانه اونلری ده حسابا قویق ایجاب ایدر . واقعا سقراطک دیدیکی کبی ( یمک ایچون یاشامالی ، یاشامق ایچون یمه لی در ! ) ، فقط هر حاله لزومی قدر یمه لی درکه یاشامق ممکن اوله بیلسین . بناء علیه انسان ایچون ( سعادت حقیقه Vrai bonheur ) و ( خیر اعلا Bien suprême ) انجق طبیعت حیوانیه نک مفاسدعالیه قطعاً رام اولماسنده در . ( امساک Abstinence ) ایده بیلیرسه ک بوخصوصه اودرجه موفقیت کوسترمش اولورز .

ایشته بعضی ادیانک مبدأ اخلاقیسی بوسیاق نظره موافقدر وادیان بوانیه اخلاقیه نک تحقیقی عبادات و طاعاتن بکمر . صوم و صلات کبی ! . . . برهیز کاران کبی ! . . .

برجوق مذاهب فلسفیه دخی عینی مبدأ اخلاقی بی دستورالعمل اتخاذ ایتمشدر . خصوصاً - ارباب تصوفی تماماً استنا ایتمک شرطیه - اسلام عالنده ( جمهور حکما La majorité des philosophes ) قطعاً بوفکرده در .

دین اسلام حظوظات مشروعه بی هیچ بروقت منع ایتمه مشدر : ( یمیکیز ، ایچیکیز ، لکن اسراف ایتمه یمیکیز ! ) . بویورولویور . ( فانکحوا ما طاب لکم من النساء . . . ) آیت جلیله سی ایله ( لارهبانیه فی الدین ) حدیث شریفی ( Vie monastique یعنی راهب حیاتی ) نک صراحتاً علیهنده قطعی امر لدر . سنن یغمبری دخی - شه سزدلیل لرله - اثبات ایدیورکه کوزل البسه کیملک ، نظیف و ظریف یاشامق ، محاسن طبیعتدن و تحملات صنعتدن ذوق آلق ، کوزل شیلوی سومک ، دین اسلام نظارنمه مقصوح و ممنوع دکل ، بالعکس سنن سنیه ایله ثابت و مشروع بر حرکتدر . یالکز منحصرراً افوااق و مشتهیه ابتلا ، قادر . بناء علیه انجق نفس حیوانیه به اسیر اولمللق ایچون تنبیهات اکیده وار . چونکه ( النفس لاماده بالسوء ) یعنی نفس کوتولکه امر ایدر ؛ فقط بالاتزام هرشیدن کندینی محروم ایتمک معقول و مقبول برطرز حرکت دکلدر .

حالبوکه ( زهد ) ، همه حال انسانک فطرت حیوانیه سی بوسبتون محو



و از اله ایتمک و انسانی شروط حیاتیة سندن تنزیه و تبریه ایله مک غایه سنی اخلاق و تربیه ده اساس اتخاذ ایتشددر . بو آز بر فرق دکلدر .

طبیعی ، دین اولسون ، فلسفه اولسون ، تصوف اولسون - بومبختده - انسان ایچون ( خیر اعلا Le bien suprême ) مسئله سنی دوشونویور ، و ( سعادت حقیقیه Le vrai bonheur ) نی بو مسئله ده تمثیل ایدیور . لکن ( خیر اعلا ) نك نه اولدوغنده تقدیرات مختلف ! . . .

( Bien و Morale کله سنده بو مسئله مناقشه اولونمشددر . باقیکنز ! )

بزبوراده یالکیز ( خیر اعلا ) نك زهد نقطه نظرندن ماهیتی تدقیق ایتمک ایچون اولاً تصوفه و صوکره ( بودیزم = Bouddhisme ) دینه بر نظر ایده جکیز . زیرا بری ادیان معلومه آراسنده ، دیگریده بویوک فلسفه سیستملری میاننده زهدی شدله امر و توصیه ایدیور و شرق صمیم روحندن نبعان و فیضان ایدن ( حس دینی Sentiment religieux ) نی لایقيله تمثیل ایلور؛ یونان قدیمده عینی اعتقاد ، بویله شرق روحنده اولدوغی کبی ، مابعد الطبیعی بر حس خشوع شکلنده تجلی ایتیور ؛ عزت نفس صورتنده کورونویورکه عشق حریتله توأمدر . یعنی دیندارانه اولمقدن زیاده اخلاقی برحس و طوردر . بزبونك الك کوزل نمونه سنی ( رواقیون Les stoïciens ) ده ، الك غربییده ( کلییون Les cyniques ) ك اخلاقده کورویور . ا بویکی ( مذهب فلسفی Ecole philosophique ) حقنده کی ایضاحاتی او کله لره متعلق مباحثده آراییکیز ! . . .

تاریخ ادیان ایله بالخاصه مشغول اولان علما متفقاً ادعا ایدیورکه ادیان شرقیه نك روحی ( زهد ) در . یالکیز دین موسوی بو خصوصده شایان دقت و مهم بر استنا تشکیل ایدیور ؛ چونکه صرف قوانین اجتماعیه و قواعد معیشته اهمیت ویرمش اولان بودین قدیمک تعلیماتنده زهد هان هیچ محل بر اقیلماش کبی در . انجق خرسیتیانلغک ظهورندن - تقریباً - بر عصر اول پیدا اولان ( Esséniens = عبرانیجه سی ( نهسی یم ) در ) فرقه یهودیه سی زهدی يك زیاده سیله التزام ایتشدی که بوطور ، ( فلسفه اسکندرانیه

Hétéro- (Philos. alexandrine) تأثیریه حاصل اولمش برنوع (رفض) (doxie) کبی تلقی اولونسه سزادر. موسویلرده رده (حاسی دیم) (فرقه زهدیه سی واردر. (حاسید = زاهد) دیمکدر و (ascète) کله سنه مشابهی شایان دقتدر.

فقط (بوددیزم)، زحده، هر دیندن زیاده اهمیت ویرمشدر. اوقدر که (اخلاق زاهدانه (Morale ascétique) نك اك مفرد و مکمل سیستمی او دینک تعلیماتنده کوره بیایرز. فی الحقیقه (بوددا (Bouddha) یه کوره سعادت حقیقه (نیروآنا (Nirwânâ) یعنی (فنا فی الله) مرتبه سنه واصل اولمقدرد؛ ده طوغروسی یوق اولمقدرد، چونکه بودینده بر الله مشخص (Dieu personifié) تصویری یوقدر. (نیروانا) عادتا، (هیچلک) دیمکدر. هیچ اولمق ایچون دخی یالکز طبیعت بهیمیه غلبه حلق - البته - کفایت ایتمز. (شعور (Conscience) بیله قالمالی، کلیاً محو اولمالی در. هویت شخصیه بوسوبوتون مضمحل اولمالی در. حس و عقلمدن و (بنلک) دن ذره قدر اثر قالمالی در. ایسته انجق اوزمان برانسان سعادت حقیقه نائل اوله بیلیر. بالطبع بو حاله کلز دن اول و بو حاله کله بیلیمک ایچون - اول امرده - مشتهات نفسانییه قارشئ شدید بر مجاهده ایله ایسه باشلامالی در. بوددیزم اعتقادنجه - بو مجاهده حیات شخصیه مدنک انقضاسیله ده یتیمور وانسان - مسائل متصل - برسوری (ادوار تناسخ - Périodes de métempsychose) کچیره رک، یاواش یاواش (ادناس وجود) دن، یعنی (وارلق بیسلکاری) ندن تمیزله نیور و عاقبت عقل و شعور ندن بوسوبوتون فارغ اولوب قور تولد قدن سوکره هیچلکه (یعنی سعادت عظمایه) نائل اوله بیلیر. بوددیزمدن زیاده سیله متأثر اولان مشهور آلمان فیلسوفی (بدین (Le pessimiste) (شوپنهاوور (A. Schopenhauer) بو اعتقادی عیناً بنمسه مش و عرض ایتمشدر، حتی بو ذلک شدتله بدین اولان فلسفه اخلاقیه سنده اساس، (بوددیزم) ک او اعتقادیدر؛ ده سیله بیلیر. زیرا شوپنهاوور ک اک قوی ادعایی، (شر' Le mal) ک منحصرأ وارلقدن طوغرش اولماسی در. [Pessimisme] کله سنده ایضاحاته باقیکنز !]

( فلسفه نوفلاطونیه La philos. néo-platoniste ) یعنی بزم شرق حکما سنک تصویر نمجه حکمت الاشراق Philos. illuminative ) دخی بوتون علائق دنیویه و تمسقات دنیه دن قطع علاقه ایدرک ( وصال حق Communion avec Dieu ) - عادتیه نائل اوله یی، انسان ایچون خیر اعلا و مطلب اقصی اوله رق تلقی ایتدیکی جهته ( زهد ) ی بالضروره بر دستور اخلاقی اولمق اوزره قبول و توصیه ایتشد. بومذهبدن قطعاً فرقلی اولمایان ( تصوف ) ده بویه در .

( حکمت صوفیه Théosophie ) دخی خیر اعلا یی طبیعت بهیمیه مزک تمامیه خارجنده کورمش و بناء علیه انسان ایچون سعادت حقیقیه یی روح علائق ماده دن بوسوتون آزاد اولماسنده آرامشدر. بویه اولونجه امر تریبه ده ( زهد ) ی باشلیجه مقصد ایدینوب کمال اهمیتله توصیه ایلهمش اولماسی هم ضروریدر ، همد - کندی احکام اعتقادیه سنه نظراً - منطقی در .  
[ Mysticisme و Çoufisme کله لرینه با قیکز ! ]

تصوف نظر نده انسان نور و ظلمت دن مرکب بر ( نسخه کبرا ) در . موجودیت ماده یی ( ظلمات الطبیعه ) اولدوغی ایچون منبع شر و محل فساددر. بوتون قائلقری، و علی الخصوص حرص و اشتها یی، هوس و هواسی هب بو طبیعت جسمانیه سندن نبعان ایدیور . زیرا بو طبیعتده ، انسان - فی الحقیقه - بهایمه مشارکدر. حالوکه مضوی اعتبار یله نوردر. ( ذهوق الطبیعه de Nature divine ) در . میل معالی ، استعداد کمال هب بوجلت مغویه سنک اقتضاسی در . بناء علیه شوحالیه ( جامع الاضداد ) در ، ( برزخ جامع ) در . او حالده موجودیت جسمانیه سنک مقتضاسنجه حرکت ایدوبده مشتهیات بهیمیه سنه اسیر اوله رق یاشاره ، انجیق حیوان کی یاشار ؛ وصال حق ذوقه هیچ بروقت نائل اوله ماز. بو ذوقه فطرتاً آشنا و وصاله متحسر اولان روحی بو عجب جسمانی دن آزاد ایتملی ؛ و بونک ایچون مشتهیات بهیمیه یی. تولدورمعلی، ازمعلی، سوندورمعلی در . بوده آنجیق ( امساک Abstinence ) ایل اوله ییلیر . امساک ، انسانده شیطانی محو ایدر ؛ رحمانی او یاندیریر .

زیرا طبیعت آسمیه، عرفای فرسك دیدیکی کی: ( ازدیو واز فرشته سرشته است ) یعنی ( شیطان ایله ملك دن یوغورولمشدر ) .

او حالده سنك فطرتكده ملك ایله شیطاندن بر حصه وار . شیطانلنی ترك ایت و فضیلتله ملكیتدن دخی کچ ! . . .

« حصه از ملكت هست و نصیبی از دیو ،  
« ترك دیوی كن و بكذر بفضیلت ز ملك ! »

قرون وسطا بو مشتهیانه ( ارواح بهیمیه . esp . anim ) دیر ایدی .  
[ روح گله سنده ده قارتك ملاحظاته باقیكز . ]

اساساً ( ثنائیه مزدکیه Dualisme mazdéique ) اعتقادینه ، یعنی ( زردشت Zarathoushtrâ ) مذهبك احكامنه موافق اولان بو ( عقیده حكمت Doctrine philosophique ) ی ، شعرای مشهوردن فیضی هندی ، ( معرفت نفس ) حقه ده کی منظومه مهمه سنك ابتداسنده صوفیه لسانیه بك كوزل ادا ایتشدرد . بوشاعر ، انسانه خطاباً نویله دییور :

( ای نقد اصل وفرع ، ندانم چه کوهری ؟ !

کز آسمان بزرگتر و از خاک کمتر ! .

دل بدمکن که تیرکی چار عنصری ،

خودبین مشو که آینه هفت کشوری !

.....

نقشیت از حدوث و قدم صفحه ترا :

مجموعه قدیم و کتاب مسطری .

.....

خاکی ، اگر بظلمت هنی مقیدی

عرشی اگر بنور آلهی منوری ! .. الخ .

یعنی :

( ای ، هر شئك اصل وفرعنه سرمایه اولان انسان ! .. بیله نم نه کوهرسك ، زیرا کوکوردن بویوك وطوپراقدن ده کترسك ! .. عناصر

اربعة قارالتی سی ( یعنی ظلمت مادیت ! . ) یم دیه مغموم اولوب کندینه لوم ایتمه ! . یدی اقلیمک ( یعنی کائناتک ! ) آینه سی یم ، دیه ده خودیین اولمه ! . . . واقعا سنک صورتک عینی زمانده حدوث و قدم اشیایی عرض ایدر بر نقش در ؛ سن اسکی بر مجموعه سک ، عادتا یازیلی بر کتاب سک ! . اکر موجودیت جسمانیه ظلمتیه مقید اولورسه سک طوبراق سک ، ( کمتر و سفیل سک ! ) نورالهی ایله منور اولورسه سک عرش سک ! . ( یعنی الوهیت سن ده استوا ایدر ! ) .

آشکاردرنه بوراده فیضی هندی ، طبیعت بشریه یی بر ( مجموعه اضداد ) اولوق اوزره تصویر ایتدکن صـ و کره قید ظلمانیدن آزاد اوله یی مطلب اعلا اوله رق کوستریور ؛ بو مطلبه ایریشه بیلک ایچون دخی ( زهد و ورع ) ی توصیه ایدیور . زیرا بوسلیس منظومه سنک نهایترینه طوغرو :

( زهد و ورع بخدمت سلطان نفیسه نیست ،

دل را بحق بند و میا ترا بجا کری .

نـ ده بخاک فقر که اینست خبروی .

سرنه براه عجز که اینست سروری .

بر تربود زکوه اکیلل سلطنت

خاک ده فنا بکلاه قلندری ! . . الخ

دیورکه معنایی بوجه آتی در :

( سلطانیه [ یعنی سن ده کی روح الهی یه ! . ] خدمت ایتک ایچون اولونجه

زهد و ورع بر قصور دکدر . ( بناء علیه ) حقه کوکل باغلا ، بلیکه ده

قوللق کمرینی طاق ! . . . ویر کندیکی خضیض فقره که اصل سلطانلق

بودر ! . . عجز یولنه باش قوی که سرورلک اوراده در ! . . فانیلک یولونک

توزی طوبراغی ایله قلندرلک کلاهی ، سلطنت تاجنک حواهرندن ده اعلا در ! .

الی اخره ! )

بخشمز ایچون بو شعردن کوزل مثال واوندن قوی بر وثیقه اوله ماز .

چونکه قلندرلک و ( Fakirisme ) مذهبرینک زهد ایله نه صبقی و منطق

بر رابطه‌ی اولدوغی ده بو سوزلره صراحتاً آکلاشیلیور . ادبیات فارسیه بو اعتقادی ناطق اشعار کزیده ایله مالامالدر .

بالجمله عرفای صوفیه زهد ایچون امساکی توصیه ایتشلر و بونک شرطلری ده اینجه دن اینجه تعین ایچون بر چوق سوزلر سویله مشلردر . قاسم انوارک شو بیتی زهدک باشلیجه شرائطی مختصراً تعداد و بیان ایدر .

دوام ذکر و وضوء و سکوت و تنهائی،

رضا و رطب دل و نفی خاطر و تقلیل )

یعنی : ذکر اللهه دوام ایتک ، ابدستلی بولونمق ، هیچ سوز سویله مه مک ، یالکزلانی اختیار ایتک ، هر قضایه ، هر حاله راضی اولمق ، کوکلی یوموشاق طوتمق ، حرص و حدت کوستر مه مک ، ذهنده وارسه طی ایتک و احتیاجات حیاتیه بی کیتدکجه آزالتمق زهدک شروط ریاضتی در . ( تقلیل ) تعیرینک تفسیرنده دخی عرفا ( قلت طعام ، قلت منام ، قلت کلام ) دستورنده اتفاق ایتشلردر .

خواجه محمد نیشابوری ، ( نفس حیلله کرک شرندن امین اولمق ) و ( نار مشتهائی تسکین ایتک ) ایچون بالذات نفسی ثولدورمه لی در ؛ دیور . بونک ایچونده درت نوع سلاح توصیه ایدیور :

نفس نتوان گشت الا چارچیز .

چون بگویم یاد دارش ، ای عزیز ! . .

خنجر خاموشی و شمشیر جوع ؟

نیزه تنهائی و ترک هجوع .

یعنی : ( نفسی انجق درت شی ثولدوره بیلیر . مادام که اونلرک نه اولدوغی سکا سویلو یورم ، خاطرکده طوت ، ای عزیز ! . سکوت خنچری ، آچلق قیلیجی ، یالکزلق میزراغی ایله اویقوی ترک ایتک ) در ، دیور .

مشهور شیخ عطار - که اوده نیشابورلی ایدی - ( پند عطار ) نام رساله اخلاقیه سنده زهدی منبع خیر و سعادت اولمق اوزره توصیه ایتکدن باشقه بر شی یامامش و بو اعتقاد صوفیانه بی مکتب چو چو قلرینک ذهته قدر صوقشدر .

( حجة الاسلام ) لقیبه یاد اولونان ( امام غزالی Algazzali ) - که عالم اسلامده حکمای الیهونک الیویوکی اولدوغی متمق علیهدر ، - اواخر عمرنده حکمت الاشراقه طالمش ونهایت بوسبوتون زاهدانه بر عمر یکیرمندی . یالکز بر لقمه قوری اتمکله مدت مدیده یاشابه ییلمش ودرت سنه هیچ بر حرف تلفظ اتمیه رک دائمی بر سکوت ایچنده دوشونه طورمش اولدوغی بالذات نقل ایدیور .

الحاصل بوتون شرق حکما و شعراسنک یوزده طوقسان طوقوزی زهدی توصیه وفضائلی مدح و ثنا اتمشلدرد . یالکز ابن سینا وابن رشد وعمر خیام قطعاً زاهد دکل ایدیور . بالعکس ذوقپرست ایدیور .

خرستیاناغک هنوز بدایت ظهور ومهد نشأتمده بر مایه زهد واردی . مع مافیه بوروح زاهدانه انجق ایکنجی عصر میلادیده آثارضلیه ایله تأثیرینی کوسترمکه باشلادی . اووقت تارک دنیائی اختیار ونکاحدن اجتناب ایدنلر ، مناسترلری طولدوردی و حیات رهبانیه تأسس ایتدی . ( عرفای نصرانیه Les gnostiques ) واونلره تابع اولان برچوق محررلر ، اعتقادات ناسی ( تجرد monasticisme ) . اماله ایدرک افکار عمومیه بی تارک دنیالغه حاضر لامشلدردی . دردنجی عصر میلادیده ( Rufinus روفی نوس ) ، ( Sulpicius severus سول پی جیوس سهوه روس ) ودها بهضی نفوذلی محررین ، اخلاق خرستیانیه ده ( ترک دنیا وزهد ) غایه سنی بوسبوتون ایلری سوردیلر .

نکاحدن اجتناب ، ذلت فقر ، کثرت صیام ، اعتزال وسکوت ، حتی عدم طهارت ونظافت بیلر رهبر سعادت وهادی نجات اولان فضائل اصلیه دن صایله رق توصیه ایلدی وقبول اولوندی . بالطبع خرستیانلرک قسم کلیسی بودرجه زهدایله یاشامیوردی ، فقط پاشایه بیانلر معزز ومحترم عدا اولونویوردی . یالکز ( تعذیب بدن Mortification de la chair ) یوقدی . بوادی هند وعلی العموم شرق زاهدلرنده کوروپورز .

خرستیان عالمده فساد اخلاق آرتدجه بر ( عکس عمل Réaction ) قوتیه میل زهد دخی آرتدی وشدت ونفوذ کسب ایدرک نیجه نیجه فجیع

محاربات مذهبيه سييت ويردى . ( ذوقپرستلك Hédonisme ) ايله  
( زاهدلك Ascétisme ) اخلاقك فجيع وقايل محاربات ياقين زمانلره قدر  
دوام ايدرك عاقبت زهدك مغلوبيتي ايله نتيجه پذير اولدى .

( Sensualisme ، Utilitarisme ، Matérialisme ) كله لرينه  
وبالخاصه ، Cyrénaïque تعيرنده Hédonisme تفصيلاتنه بايكلز !

بوكونكي مدنيت، مقصد حياتي ذوق مشروعهده بولويور . حتى مناسترلرده  
بيله راحت ياشامق و بعض شيلردن امساك ايتمكله برابر لزومي قدر تميز  
ييوب ايجمك قاعده و مطلب اولمشر . بناء عليه : ( نفسى مرشيدن محروم  
ايتك ، وجوديني عذابه صوقق رضاي الهى به موافقدر . بودنياده ذليل ، سفيل  
وعليل ياشامق آخرته ذوق ابدى به وسعادت قدسيه به مستحق اوله بيلمك  
ايچون بشارتدر . ) دين اخلاق صوفيه نصرانيه نك ، بالفعل هيچ حكى  
قالماشدر .

عصرمرك صاحب مسلك فيلسوفلردن متوفى ( هربرت سبنسر )  
( تربيه ) ناميله يازديني كتابده ( اخلاق زاهدانه ) ي حقيله ذم و قدح ايتمش  
وبونك قرون وسطادن قاله برضالات اولدوغنى ادعا ايلمشر كه طوغرودر .  
بوكتاب امر تربيه ده اعتقادي كلياً ده كيشديردي وذوق مشروعك حياتيه  
نافع بر مقصد اساسي اولدوغنى كوستردى . زمانه نك بو خصوصده اعتقادي  
بودر .

Aséité

قيوميت Aséité

بوكله لاتينجه نك ( Aséitas ) لفظلندن مشتقدر ؛ اونك ده اصلى :  
( A se esse ) دركه معناسى ( كندى كندينه وار اولمق ) ديمكدر . قرون  
وسطى لسانندن بزه انتقال ايتمش اولان بوتعير ، الهيات اصطلاحاتندندر .  
اللهك صفات Attributs ، ذاتيه سندن برى ده قيوميتدر . زيرا عالم وجودده  
هرشيك مبدأى و خالق اولمق اوزره دوشونوله سيلن ذات الهيه كندى كندينه  
قائم والى الابد دائم اولمق كر كدر . اويله اولماسه مخلوقاتدن فرقى اولمازدى .  
بناء عليه « قيوم » ديمك « بذاته قائم » ، يعنى وارلغنده باشقه بر سبيه محتاج  
اولمايان ذات ديمكدر . بزم لسان دين و تصوف مزده بوتعير بك مشهوردر .



فقط صمدانیت کلمه سی ده بومعنا ده وارد اولمشدر . نته کیم سورة توحیدده  
« الله الصمد » بویورولدینی کبی ، « هو الحی القيوم » کله لری ده جناب حقه  
وصف اوله رق چوق کره قرآن کریمده مذکوردر .

فلسفه ده ، خصوصاً دور اخیر مناقشاتنده بویکله یه نادراً تصادف اولونور  
یا لکنز بمضی مذاهب فلسفیه اربابی ، الهی منکر اولمقله برابر برمبدأ قیوم ، بر  
اصل قدیم قبولنده مضطر قالدقلری ایچون بوتعیری او اصله وصف اوله رق  
اسناد ایتمشلدر . مثلاً ( مادیون ) ، ماده نك غیر مخلوق اولدیغنی و هر دورلو  
تحولاتنه رغماً ازلی وابدی بولوندیغنی ادعا ایدیور . یعنی ( ماده بذاتها  
موجوددر ، قیومدر ، یارادلامشدر ) دیمك ایسته یورلر . كذلك صوك زمان  
فیلسوفلری آراسنده شدت الحادیه مشهور اولان ( شوپنهاؤوره ) بوتون  
موجوداتك مبدأ قدیمی اولمق اوزره ( قوت Force ) « اعتقاد ایدردی ؛  
وبو کا کندی تعیرنجه ( ارادت Volonté ) دیردی . ایشه بوفیلسوف  
( Aséité de la volonté قیومیت ارادت ) ترکیبنی بالالتزام قوللانمشدر .  
[ اصطلاحاته آریجه مراجعت ایدیکز ]

تسلیم ، قبول ، تصدیق Assentiment فرانسزجه

Assentiment

انگلیزجه Assent

ایتالیانجه Adezione

آلمانجه Zustimmung

ذهن ، محسوسات و معقولاتدن برشیئك ، موافق حقیقت اولدوغنی ؛  
یاخود بر قضیه نك مطابق نفس الامر بولوندوغنی تسلیم و تصدیق ایلرسه ،  
ذهنك بوقضاغتیه ( Assentiment ) دیرلر . بوتعریفدن اکلا شیلیورکه  
( حکم Jugement ) ده ( تصدیق ) بر شرط اصلی در . اگر ذهن بر قضیه نك  
موافق نفس الامر اولدوغنده تردد ایدرسه و یاخود بوموافقتی نظر اهمیته  
آمازسه ( Assentiment ) یوقدر ؛ بناء علیه اوقضیه ، منطق معناسیله ،  
( قضیه ) اوله ماز . اونك ایچوندرکه منطقده ( تصورات ) ، ( تصدیقات ) دن  
آیرلمشدر ؛ تصدیقات دخی وجدانك قناعت و تسلیمیتیه منی ، ذهنك قطعاً

حکمنه مقرون اولان قضايادر. كرك ( ايجاباً Affirmativement ) كركسه ( سلباً Négativement ) ويرديكمز حكملر ذهنمرك تصديقه مقارن در . باشقه درلو اوله ماز . تصديقه مقارن اولمايان دوشونجهلر ( تصورات ) دن عبارت قالير . اولنرك ( قيمت منطقيه Valeur logique ) سى يوقدر . يعنى ( دليل و حجت Preuve, argument ) اوله مازلر .

شو تقدیرجه ( Assentiment ) كله سنى منطقده ( تصديق ) لفظيله ترجمه ايتلي در . لسان عادى ده ( موافقت ) ، ( قبول ) ، حتى ( رضا ) معنا سنه كلير كچر . مثلاً : ( Mon assentiment est gagné ) جمله سنى : ( بنم رضام استحصال ايدلمشدر ! ) ديه ترجمه ايدرز . ( تصديق ) لفظى بورايه اويماز . ( Son assentiment est acquis ) ديمك ( قبول ايدلمش ) ياخود ( موافقتى استحصال اولونمش ) ديمكدر .

بو تعبیره ، اسكى زمانلرده ، بويوك براهميت فلسفيه ويرن ( رواقيون Les stoïciens ) ايدى . اوفيلسوفلر بوكيفيت وجدانيه ( سين غاثانه سيس = Συνατάθεσις ) ديرلردى . رواقيون ، ادراك مسئله سنده - طبقى ( حسيون Sensualistes ) كى دوشونورلر ، و ( مدركات حسيه Perceptions sensuelles ) به مقابل ( فانتاسيه = Fantaisies = Phantasia ) تعبيرى قوللا نيرلردى كه ( كورونوشلر ) يعنى ظواهر و حادثات معادلى در . فقط كرك رواقيون كركسه حسيون منشأ علم اولق اوزره حواسى قبول ايله مدركات حسيه ( فانتاسيه ) ديمكده اتفاق ايتدكلرى حالده ، رواقيون يالكز مدركاتمرك بر ( علم حقيقى Connaissance réelle ) صاييله مايه جغنى ده ادعا ايدرلردى . حواس واسطه سييله عالم خارجى دن تلقى ايده بيلديكمز بو ( خيالات Images ) ك بر علم حقيقى حيثيتى حائر اوله بيلامه سى ايچون ذهنك ( Assentiment ) ي نى دخی بر شرط اساسى اولق اوزره تلقى ايدرلردى . شو تفصيلاته نظراً - رواقينه كوره - علمك منشأى عالم خارجى ، واسطه تحصيلى حواس ، سرمايه اصلى سى ده مدركات حسيه ايدى ، فقط بو قدرى انجق ( فانتاسيا ) دن يعنى ( خيالات محسوسه ) دن عبارت قاليردوى ؛ بونك بر علم قطعى و حقيقى حيثيتى قازانه بيلمه سى ايچون ، روحك كندى

کنیدکنندن بر حکم و قرار و یرمسی و خیالات محسوسه نك موافق حقیقت اولوب اولمادیغنی قبول ، تسلیم و تصدیق ایتمه سی شرط ایدی . ایشته ( Assentiment ) تعیرینك تاریخ فلسفه ده معنای مخصوصی بودر . بو حکم - رواقیون اعتقاد نجه - حواسدن و محسوساتدن منبعث دکلددر . ذهنك کندیسندن صادر اولمشدر . خیالات محسوسه نك غلطات حسیه دن اولوب اولمادیغنی ذهن ، انجق بو ( حکم ذاتی ) سی ایله اکلایه بیلیر .

دیمك كه حصول علم مسئله سنده رواقیون یالکزر عوامل حسیه و موجودات خارجیه ایله قناعت ایتمور ، صرف ذهنی بر ( عنصر علمی élément de connais ) نك وجودیغنی دخی شرط اوله رق کوستریوردی . بویله ، حصول علمده ( شی Objekt ) ایله ( نفس Sujet ) ی هان عینی درجه ده دیمدخل عد ایدن رواقیونه ، قانتك افکاری قیاس اولونه بیلیر . چونكه بک بکزر . زیرا بومشهور المان فیلسوف مجددی دخی - طبقی رواقیون کیی - حصول علمده هم اشیای خارجیه نك همده روحك خدمتی اولدوغنی ادعا ایدیور . مثلاً « حسیون Les sensualistes » کی یالکزر اشیای خارجیه نك تأثیریه بزده علم حاصل اوله بیله حکنه قناعت ایده میور . کذلک اسکی ( عقلیون Rationalistes ) کیی ، « منشأ معلوما تمز مبادی عقلیه در » دخی دیمور . مدرکات حسیه یی ترتیب و اونلره بر معنا و یرمك ؛ تجربه یی اداره ایتمك منحصرأ عقلك قابلیت ذاتیه سی و هنزیدر . فقط « مواد علمیه » ، حواس واسطه سیله عالم خارجیدن ادراك و التقاط اولونور ؛ دیور .

[ Raison ' Anticipation ' Apriori ' Analogie ] کله لرنده بو بحثه

دائر اشارات و بعضی یرده دخی تفصیلات واردر . ]

### نصیری Assertion

Assertion

منطق اصطلاحاتنددر . قطعاً بر حکمی متضمن اولان بر جمله ده همه حال ( تصدیق ) واردر . آنجق بویله بر جمله یه ( قضیه Proposition ) دیرلر . شو تقدیرجه قضیه ارکانندن معد و اولان ( موضوع Sujet ) حقنده بروصف اسنادیه بر حکم و یریلیرسه ایشته او حکمه ( Assertion ) دیرلر . بونی

• Affirmation ، ایجاب تعیریله برطوتما ایدر . مثلاً [ هر انسان فانیدر ] قضیه سنده باطبع تصدیق واردر . چونکه بوراده موضوع اولان انسانه فانیلک صفتی حمل اولونه رق حکم ایدلش اولویور . كذلك [ هیچ برانسان لایخطی دکلدردر ] قضیه سنده عینی صورته تصدیق واردر . زیرا ینه قضیه ده موضوع اولان انسانه ( لایخطی اولماق ) صفتی حمل ایدیلرک حکم ویریلیور . یالکزشو فرق وارکه برنجی قضیه ده بو حکم ایجاب ( Affirmation ) شکلنده در ؛ ایکنجی قضیه ده ( سلب Negation ) صورتنده در . آکلاشیلیورکه • Assertion ، تعیری ، ایجاب و سلب صورتلرنی ده شامل ، علی الاطلاق بر تصدیق در . منطقده بویه بر حکمه مقارن اولمایان فکرلره ( تصورات ) دیرلرکه بونلرده بر صفتی بر شیئه حمل ایتمک یوقدر ؛ اگر بوحمل واقع اولورسه آنجق او وقت بویه سوزلره ( تصدیقات ) نامی ویریلیر . ( قضیه لر ) جمله تصدیقات صنفده داخلدر .

[ اصطلاحاته وبالخاصه Assertorique تعیرینه بائیکنز ]

#### Arts libéraux

#### Arts libéraux صناعات سبعه

بوتون قرون وسطانک مدرسه پروغرامنده یدی درس واردی . بونلر سقولاستق تعلیماتک اساسی تشکیل ایدردی . علی لاطلاق بودرسلره ( Arts libéraux ) ده نیردی . مع مافیه بویدی ( فن ) جنسیت اعتباریله باشلیجه ایکی قسمه آیرلمشدی : برنجی قسم ، ( صرف ونحو grammaire ) ( بلاغت Rhétorique ) و ( منطق logique ) فلسفنی شاملدی . ( تالوت Trivium ) دبدکری طاقم بودرکه اوچ نوع فی جامع اولان قسم معناسه کلیر . ایکنجی طاقه ( رابوع Quadrivium ) دیرلر ایدی که اونده ده ( حساب arithmétique ) ، ( هندسه géométrie ) ، ( هیئت ده اطوغروسی فلکیات astronomie ) و ( موسیق musique ) اولق اوزره درت نوع فن واردی .

آلهیات ، بوصنایع سبعة داخل بولونیوردی ؛ چونکه اونلر لوجه سنه حاکم ایدی . نته کم حکمت طبعیه دخی ذکر اولونماشدی . بودرسلر

پروغرامنده کورولن تقسیمات علومك مرتب و مؤجدلری (مارچیانوس قاپه‌لا Marcianus Capella) ایله (بوئس Boèce) نامنده ایکی معلم ایدی. بوذاتلر، حکمای اسلافدن (فیثاغورس Phylagores) ك مذهب فلسفه‌سی - بعضی تعدیلات ایله - قبول ایتیش اولدقلری ایچون بوتون (نوفیثاغوریلر Néo-pythagoriciens) کبی، حکمت طیمیه ایله ریاضیاتی برطوتویورلر، آیری غیری علملر عد ایتیمورلردی. بوسایق نظره کوره فلکیات، حکمتك بوتون (مبصرات Optique) قسمی، موسیقی‌ده تکمیل (مبحث صدا Accoustique) فصلنی تشکیل ایدیوردی.

ایشته سقولاستیق تعلیماتی بوپروغرام اساساته مستند اوله‌رق تکمیل قرون وسطی امتدادینجه دوام ایتدی. حتی بزده شرق مدرسه‌لرندده بوپروغرام عیناً قبوا، ایدلمش و حالا بوکونه قدرده دوام ایتکده بولونمشد. فی‌الحقیقه بزم مدرسه‌لریمزده اوته‌دنبری درس‌لرک ترتیبی و اصول‌تعلیم، ادعای تصدیق ایدر: اولاً (بنا و مقصود) یعنی (grammaire) الله باسلامق، برمدت‌صوکره «مطول» او قویوب «بدیع بیان و معانی» دن درس کورمك یعنی (Rhétorique) او کرمك، اوندن صوکره «شمسیه» سرح‌مطالع، ایله مشغول اولوب منطق تحصیل ایتك قاعده اساسیه ایدی. ایشته «trivium» ترتیبی بودر. حساب هندسه و فلکیات درس‌لری دخی - بدایت امرده مدرسه‌لریمزده تعلیم ایدلمکده ایکن - کاتب چلبی‌نك، تعبیر ظرفنجه - «عاقبت سوق علمه کساد عارض اولماین»، متبخصص علما بولونه مازاولمش و بناء علیه بوضایع سبعة پروغرامنك «quadrivium» قسمی یا وائش یا وائس معطل و - بالاخره - بوسبوتون متروك قالمشدر.

موسیقی‌یه کلنجه، اوروپا مدرسه‌لرینك تعلیماته نظراً بوسبوتون براستنا تشکیل ایدیوردی. موسیقی بزده‌دخی حقیقتاً اقسام حکمتدن عد ایدیلیردی. نابی، (خیرییه) سنده: «موسیقی فنی ده حکمت‌ندرا» دییور. فقط بوبویه اولدوغی حالده، احکام شرعیه، اونی، تربیه‌اسلامیه‌یه پك موافق کورمه‌مش اولدوغی ایچون، - هییچ اولمازسه دولت عثمانیه‌ده مؤسس اولان - مدارسده

اصلاً تعلیم ایدله مشندی . نته کیم موسیقی فنک حکمتدن اولدوغنی تسلیم  
واعتراف ایدن نابی ، اوغلنه نصیحت ویریرکن :

یا قیشیر سینّه جورجی به کان ؛

چالنه اویله دودوکی مولانا

دینجه آدیکه نیرن منلا ! . .

دیه رک موسیقی تحصیلندن اونی منع و تحذیر ایدیور . بوکی سبیلره  
معطوف اولمق کرکدرکه بزم مدرسه لریم زده صناعات سبعة پروغرامک انجیق  
الّی فنی معتبر اولمش و موسیقی اوندن طی ایدلمشدی ؛ صوکره صوکره قسم  
رابوعده داخل اولان علوم ریاضیه و فلکیات دخی - اربابنک فقداندن  
ناشی - معطل قانجه درس لر ، اسکی پروغرامک « نالوث » قسمنه منحصر  
قالدی . موسیقی ایسه مدرسه لر خارچنده تعلیم ایدیلردی .

بالخاصه فلسفه یه کلنجه ، و قتيله مدارس اسلامیه ده کال جدیتله تعلیم  
ایدیلیرکن و بغدادده نظامیه مدرسه سنده ، اصفهانده « والده » مدرسه سنده  
پک بویوک فیلسوف لر ، منطقچیلر و عالم لری تیشیرکن ، ینه عینی رغبت سزلک  
و کساد عرفان سبیلله اهلی قلاماش و نهایت فلسفیات و علم طبعی نامه و قاضی میر ،  
ایله قناعت و اکتفایه مجبوریت الیر مشدی .

عثمانیلرک اک مشهور نحریری واک بویوک عالمی اولان « حاجی خلیفه »  
یعنی « کاتب چلبی » ، بزده مدرسه تعلیماتنک شایان اُسف اولان بودرکه  
تردیسندن - صمیمی برحس اُسفله - بحث ایدیور ؛ « میزان الحق فی اختیار -  
رالالحق » نام رساله معروفه سنده ، معنادار بر مقدمه مختصره یی متعاقب  
مدرسه لریم زک حالی تصویر ایدیور ، و بعضی علومک ، هله حکمتک « یعنی  
فلسفه نک ! » اسکی پروغرامدن طی اولونماسی یوزندن استانبول مدرسه لرینک  
نه درکه لره دوشدوکنی آکلاتیرکن عیناً شو سوزلری سوبیلور : . . . .  
ابوالفتح سلطان محمد خان ، مدارس ثمانیه بنا ایدوب [ قانون اوزره شغل  
اولونه ! ] دیو وقفیه سنده قید ، و « حاشیه تجرید » و « شرح مواقف »  
درس لرین تعیین ایله مشدی . صوکره کلنر ، [ بودرسلر فلسفیاتدر ! ] دیو  
خالدیروب « هدایه » و « اکمل » درس لری او قومنی معقول کوردی . یالکز

اوکا اقتصار نامعقول اولمغله ، نه فلسفیات ونه هدایه واکل قالدی . بونکله رومده « یعنی تورکیاده ! » سوق علمه کساد کلوب اهلی انقراضه قریب اولمغله بعض کنارده ، اکراد دیارنده « یعنی کردستان طرفلرنده ! » یربر قانون اوزره شغل ایدن طالبلرک مبتدیله رومه کلوب عظیم طفره صاتار اولدیلر . . . . . الی آخره ! . . . .

اکلاشیلیورکه جتمکان فاتح سلطان محمد مشهور « نصیرالدین طوسی » نك « تجرید » نام اثر فلسفی سی ایله « قاضی عضد » ك معروف عالم اولان « مواقف » نام کتابی مدرسه پروغراملرینه داخل ایتیش ایکن ، صوکره کلنلر اونلری قالدیرمشلر وسویه عرفان شدله تنزل ایتیش ؛ اوکا بدل غایت سطحی ومختصر اولان « هدایه » وامثالی کتابلرله اکتفا ایتیشلرکه حالا بوکونه کلنجیه قدر ، یعنی زمانمزد مدرسه تعلیماتک اصلاحنه تشبث اولوتجیه قدر « قاضی میر » مدرسه لرمزك باشلیجه حکمت کتابی ایدی . طبعی درکه اسکی پروغرامک « رابوع quadrivium » قسمتی تشکیل ایدن هندسه ، حساب ، هیئت وموسیقی بک چوق زماندنبری مطوی ومتروک ایدی . ثالث قسمک مرجع قالماسنه سبب لسان وادیاته عائد قنلری شامل بولونماسی وبونلرک عقاید متعلق مسائل مشوشه احداث ایده جک ماهیتده اولماسیدر .

مع مانیه حالا ( صنایع سبعة ) ترتیندن ، یعنی سقولاتیق پروغرامندن ( مدرسه تعلیماتی l'enseignement universitaire ) نی بوسبوتون قورتارده مامش اولدوغمز صراحتاً تین ایدیور .

[ بوادعلنک طوغرو اولدوغنی دها بی اکلماق ایچون acroamatique تعیرندم مدرسه لریزه عائد اولان تفصیلاته دخی باقیکز ! ]

بوفلره ( arts ) دمیلیمسنک سبی ( esthétique , science ) کله لرنده ( علم ایله صنعتک مناسبتی la relation de la science et de l'art ) یختمده ایضاح اولونمشدر . اورایه باقیکز .

(proposition)  
Assertorique

(قضیهٔ مسبب) مطلقه عامه Proposition) Assertorique

مشهور فیلسوف (قانت Kant) قضایای (ضروب modalités) اعتباریه  
اوج صنفه تقسیم ایتشدی. بوتقسیم اساساً کندیسنک (مقولات catégories)  
تصنیفه مستنددر، وبوخصوصه کیفیت (حمل attribution) نظر اعتباره  
آتمشدر. معلومدرکه هر قضیه بهمه حال بر (حکم jugement) ی ناطقدر.  
(موضوع le sujet) ایله اوکا عطف اولونان حال و کیفیت، یعنی (محمول  
'l'attribut le prédicat) بر (رابطه copule) ایله باغلانیرسه بر حکم  
ترتب ایدر. (انسان فانی در.) کی. بو حکمک ماهیت و حیثیتی هر قضیه ده  
بردکلدر. مثلاً (جسم متحیزدر) قضیه سنده حکم واقع (واجب و ضروری  
nécessaire) در؛ چونکه عقل باشقه درلو اوله بیلمه سنی قبول دکل،  
تصور بیله ایده مز. هر حالده تحیز کیفیتی (جسمک تصور ماهیتده  
conception de l'idée de corps) داخلدر. حیزی اولمایان بر جسم  
دوشونه میز. حالبوکه (لیون اکشی در) قضیه سنده کی حکم بویه دکلدر.  
زیرا لیونک مطلقا اکشی اولماسی عقلاً واجب وبالضروره مسلم دکلدر،  
یعنی (اکشی لك) صفی لیونک تصور ماهیتده بهمه حال داخل بر کیفیت  
لازمه صایلماز. اونک ایچون ممکن در. عکسندی ده دوشونه بیلیرز. فرضا  
(طائلی لیون) ویاخود (سرخوش ایدیچی رلیون) دخی تصور ایده بیلیرز؛

ایشته (قانت) بودرلو قضیه لره (assertorique) دیوردی. (جسم  
متحیزدر) کی لر بی دخی (apodictique) عنوانی ایله بر صنف مخصوص  
اوله رق تمیز ایدیوردی. (بوتعیریه باقکیز) برده (problématique) نامیه  
اوجونجی بر صنف قضایا تفریق ایتشدی که اولنرده ویریلن حکم دائرة  
احتمالاتی آشه ماز؛ مثلاً: (بکارلق، بختیارلق در) قضیه سی کی که هر حالده  
بودعانک متضمن اولدوغی حکم بر احتمال دائرة سنده محصوردر. چونکه  
بختیار عد ایدیله بیلن انسانلر آره سنده عائله غائله سندن آزاده اولانلری وارسه  
متأهل اولانلری ده نادر دکلدر. بختیارلق، هرایکی صورتده ده محتملدر.



اکلاشیلورکه (assertorique) اولان قضیه لرده واقع اولان حکم انجق بالتجربه تحقیق ایتدیگمز بر کیفیتی، بر حادثه واقعی (تصدیق assertion) دن عبارتدر. بو تصدیق عقالاً مجبوری و ضروری اولماسی لازمکمز. حالبوکه حکمه حیثیت (وجوب و ضرورت nécessité) (apodictique) اولان قضایانک (صفت کاشفه la caractéristique) سی و شرط تمایزیدر. شو تقدیرجه بودرلو قضیه لر (apriori اتی و قبلی) بر محاکمه نك دستور افاده سی در؛ و بر ضرورت عقلیه مستنددر. اوقدرکه عکسی تصور اتمک (باطل بدیهی absurde) اولور. حالبوکه (assertorique) اولانر انجق (aposteriori، لمی، بعدی) یعنی بعدالتجربه ویریلن بر حکمی ناطق در. اونک ایچوندرکه قانتت تقسیمینه کوره بو (ضرب قضیه modalité de proposition) (مقوله وجود catégorie d'existence) تعلق و توافق ایدر. بودرلو حکملر (بالفعل صادق vrais en fait) در؛ فقط بالضروره طوغرو اولمالاری و بناء علیه همه حال عقالاً دخی سلم بولونمالاری لازمکمز. [catégories کله سنه باقیکر] شوايضاحات و تعریفه کوره (مطلقه عامه) تعییرینت (assertorique) معناسی حقیله ادا ایده مدیکی ظاهر در.

بو مسئله نك (empirisme درپیه) و (rationalisme عقلیه) بحثلریله سبق صیقیه علاقه سی وارد. بناء علیه (aposteriori) و (apriori) دعوالری ایله دخی رابطه سی او نسبتده صمیمی در. [بو تعییرانه باقیکمز] اونک ایچون اولسه کرکدرکه بزم مملکت مزده متأخرین منطق یوندن بعضی کیسه لر، و بالخاصه اوروپا معاصرین منطق یوننک اثارندن بر رساله ترجمه سنه همت ایدن بر ذات، - ظن ایدرم؟ ! متوفی (جامیچ اوخانس) اقدی -، بو تعییرات مهمه یی (قضایای عقلیه) و (قضایای حسیه) ترکیلریله ادا ایتیش و اصابت ایله مشدر. بوراده (قضایای حسیه) تعییری (propositions assertoriques) معادلی اولویورکه طوغرودر؛ چونکه بو درلو حکملر انجق حواس واسطه سیله استحصال ایدیه بیان معلومات تجربیه مستند اوله بیلیر.

قضایای عقلیه ( apriori قبل التجربى بر حکمى ناطق در . دیمشدم .  
 اویله در ؛ اوسبله ( proposition analytique قضیه تحلیلیه ) ایله (قضیه  
 عقلیه ( pr. apodictique ) یی ، (قضیه ترکیبیه pr. synthétique) ایله ده  
 ( قضیه حسیه ( pr. assertorique ) یی بر طوطانلر و عینی شی ظن ایدنلر  
 اولمشدی. حالبوکه قانت ( هم apriorique همده synthétique ) برنوع  
 قضایا اوله بیلدیکنی دخی میدانه قومشدر .

[ بوتون تعبیراته باقیکز . تفصیلات ایچون بالخاصه , synthétique  
 analytique , proposition کله لرینه مراجعت ایدیکز . ]

Assimilation	فرانسزجه انکلیزجه و آلمانجه	Assimilation	تمثیل راستمال
	ایتالیانجه	Assimilazione	

بو کله نك اصلی لاتینجه ( ad + similis ) در . ( similis ) ده (مشابه)  
 دیمکدر ؛ بناء علیه معنای لغویسی ( برشینی تغییر و تعدیل ایدوب بکرتک ) در .  
 ( علم حیات Biologie ) ده ( علم اجتماعیات sociologie ) ده و ( علم روح  
 Psychologie ) ده اصطلاحات مهم دندر .

استمال بوتون ذی حیات اولانلرک اساسی ، خصوصی واکمهم قابلیت در .  
 حتی ده نیله بیلیرکه ( حیات نامیه la vie végétative ) نك باشلیجه ( علامت  
 فارقه la caractéristique ) سی بودر . ( عضویت l'organisme ) ده  
 ( عنصر اصلی élément fondamental ) ، ( حجره la cellule ) اولدوخی  
 ایچون استمال کیفیتی حجرته واقع اولور ؛ چونکه اصل یاشایان ، تغذی  
 ایدن اولنلر در . ( امر تغذی l'acte de nutrition ) ، همه حال ایکی ( عملیه  
 opération ) ایله ممکن اوله بیلیر؛ بریسی ( مص absorption ) دیکری ده  
 ( استمال assimilation ) در . بر حجره ، اولا محیطنده محلول بولونان  
 ( مواد غذایی matières alimentaires ) یی مص ایدر ؛ یعنی نه مر ،  
 تناول ایلر . اووقت انجق ( کیتاً quantitativement ) تغیراته دوچار اولور ،  
 چونکه همی تزاید ایتیش بولونور . بوحاله ( نمو accroissement ) ده نیلیر .

صوكره مواد غذائيه ( پروتوپلازما protoplasme ) به تحول ايدرك كسب حيات ايلر كه استمثال بوكا ديرلر ؛ چونكه ارتق حجيرە نك پروتوپلازما سنه شبيه بر حاله تبدل ايتشددر . بدايتاً عضويه اجنبى اولان مواد غذائيه نك ناصل اولوبده عضوى بر حاله كچديكنى بيلمورز ؛ يعنى كيفيت استمثال ، هنوز سبب حقيقيسى ايله معلوم دكلدر . لكن معنای حياتى متضمن اولان بو كيفيت بر امر واقعدر و بر حادثه مشهوده در . واقعا حجيرە نك بدننه داخل اولان ماده لر ، غايت مهم و غامض بر طاقم معاملات كيميويه معروفه اوله رق ترتب ذرات اعتباريله ( تغيرات عميقه modifications profondes ) به دوچار اولوبورلر . بونده شبه يوق ! . لکن پروتوپلازما ، اومواد اجنبیه یی ناصل بر تأثیر ايله ونه كچي بر قوتله كندينه بکزه تیور ؟ . . بو نقطه هنوز قارا كلقددر . حكمت و كيميا علملری بونی تنویر ایده بیلیرسه ( حيات ) دیديكمز سر ا كلاشیلیر .

انكلیز معاصرین علماسندن وفیز یولوژی متخصصینندن پروفسور ( مای قی میل فوستر Michael Foster ) بوسری كشف ایتك ایچون جوق تحقیقاتده بولونمش و کیفیت هضم . یالکز حجيرە نك استمثال قابلیتی ايله ایش بیتمه دیکنه قناعت حاصل ایتشددر . بو عالمك تحقیقاته مستد بولونان اعتقادینه کوره موجودات عضویه ده حیاتی اداره وادامه ایدن معاملات كیمیویه ایکی درلو جریان حاصل ایدبورکه - نتیجه اعتباريله - یکدیگرینه ضددر . ( حيات ) بو ایکی جریانك ( محصله la résultante ) سی در . بونك بریسی مواد مشكله وانسجه عضویه نك انحلالی ايله عناصر ابتدائیه رجوعی در . بوكا ( پروفسور فوستر ) ( Katabolisme ) دیورکه فیز یولوژی لساننده ( désassimilation ) دیدكلری بودر . ( فلسفه تكامل la philosophie évolutioniste ) ك مؤسسی اولان مشهور ( سپنسر Herbert Spencer ) ك ( désintégration ) دیدیكده ینه اودر .

حققدركه عناصر بسیطه بر شكل عضوی اكتساب ایده جك صورتده ( تعنی s'organiser ) و تركب ایده بیلیمك ایچون بر جوق ( قدرت énergie )

بلغ ایدر ؛ اونك ایچوندرکه انسجه عضویه اك زیاده مقدارده (قدرت مکنیه *énergie potentielle*) یی حائر اولان اجسامدر . ( بو تعمیره باقیکنز ! )  
 بواجسام انحلال ایدنجه کندیلرنده (مدختر *emmagasiné*) اولان اوقدرت  
 تظاهر ایدرک حرارت و حرکت حصوله کتیربر . بزم ( حرارت  
 غریزه *chaleur animale*) مز ، ( حرکت عضلیه *mouvement musculaire*) مز ، حتی - فلاسفه مادیونك ادعاسنجه - تفکراتمز ،  
 انسجه عضویه مزك انحلالی ایله سربست قالان او قدرت مکنیهك بررشکل  
 مخصوص اوزره تظاهری در . ( فعالیت حیات *activité vitale*) بوسایده  
 ممکن اولویور و بومصرفله اوله بیلور . بونك نتیجه سنده ، طبیعی ، انسجه عضویه  
 آرزوق خراب اوله رق دها بسیط عناصر و ترکیاته انحلال ایدیور و عضویت  
 اونری خارجه آیور ؛ بو (وتیره کیمیویه *procédé chimique*) ، (destructif)  
 در ، یعنی وجودی تخریب ایدر . اگر او تخریباتی تعمیر ایتزسهك دوران  
 حیات طورور .

ایشته بو تعمیر ، تغذی سایه سنده اوله بیلور و حجیرهك غذایی استمثال  
 ایده بیلمه سیله باشلیور ؛ بو سفرده واقع اولان معامله کیمیویه تماماً اولکیك  
 عکسی در . موادغذاییه حجیره داخلنده دها ( معضل *complexe*) ترکیات  
 کیمیویه حصوله کتیرهك پروتوبلازما شکلنه کیریور و ضایعات واقعه یی تلافی  
 ایتش اولویور . بو حادثه یه ( پروفوسور فوستر ) ، ( *anabolisme*) دیورکه  
 اصل ( *assimilation*) بودر ؛ و ( *consructive* یعنی تعمیری ) بر معامله  
 کیمیویه نتیجه سیدر . سنسرك ( *intégration* اندراج ) دیدیکی ده بودر .  
 بناء علیه ، حیات ( حکمی کیمیوی *Physico - chimique*) بر ( جریان  
 مضاعف *double courant*) درکه عینی زمانده واقع اولور و ( *anabolisme*)  
 ایله ( *Katabolisme*) دن یعنی استمثال غذا و انحلال انسجه معامله سندن  
 عبارتدر . ( پروفوسور فوستر ) بونك ایکیسنه بردن ( *Métabolisme*)  
 دیور و صریحدرکه سنسرك ( تکامل *évolution*) پرنسپنی ، تنمی و تغذی  
 حجیره تطبیق ایله سرحیاتی - طبعیون اسلوبجه - تعریف ایتك ایستور .  
 [ تفصیلات ایچون *énergie'biologie'évolution* کله لرینه باقیکنز ! ]

نباتات، ( مواد عنصریه *matières élémentaires* ) بی استمثال ایتمکله  
 یاشیور ونشو ونما بولویور . بو خصوصده کونشک ضیائی بویوک بر رول  
 اوینویور: ( کلوروفیل *chlorophile* ) معامله کیهیویه سنی ایقاع ایدیور  
 و اوسایه ده عناصر معدنیه بروجله ر کب ایدرک ( نسج حشبی *tissu ligneux* ) بی  
 وحوده کتیریور . بوراده باشدیجه معامله ( ترکیبی *synthétique* ) در .  
 بونی نظر دفته آلهرق بمضی ( حیاتیون *biologistes* ) : [ نباتاتده ( وتیره  
 حیات *procédé vital* ) ( *anabolique* ) در ؛ یعنی استمثالدن عبارتدر ]  
 دیه اده ایشلردر . حالبوکه حیوانات ، نباتات کبی ثابت اولمایوب حرکت  
 مجبور بولوندوغندن [ انسجه حیوانیه دائماً تخریبساته معروضدر ؛ اونک  
 ایچوندرکه هر حیوانک دائماً وجودی ( احتراق *combustion* ) ایدر ،  
 و ( ادرار *urée* ) کبی ( حامض قاربون *acide carbonique* ) و ( صو  
 بخاری ) کبی ( فضلات *déchets* ) ی اولور . بناءً علیه حیات حیوانیه  
 ( *Katabolique* انحلالی ) بر جریان عرض ایدر . دیمشدر ؛ فقط بو  
 مبالغهلی برادعادر . چونکه جریان حیات منحصرأ استمثال و یاخود انحلالدن  
 عبارت اوله ماز . اولسهیدی ثولوم اولمازدی . ( *biologie* تصویرینه یاقیکر ! )  
 اسکی شرق حکما سنک آثارنده ، حتی بزم ( قینالی زاده علی افندی )  
 و ( اضر و ملی ابراهیم حق افندی ) کبی عثمانلی محردین سالفه سنک آثارنده  
 ( تغذی ) بحثی اوزون اوزادی به تفصیل ایدلمشدر . طبعی و ضروریدرکه  
 اسلافک بو بابده کی فکرلری پک محدود وجوق یا کلمشدی . چونکه حقیقی  
 معناسیله ( علم حیات ) یوق کبی ایدی . لکن غریبدرکه ( تمثیل ) ، ( استمثال ) ،  
 ( انحلال ) کبی تعبیرات ، تغذی بی تعریف ایچون - اصطلاح اولهرق ؛ -  
 قوللانمشدر . و ( غذا ) حقنده ( بدل مایتمل ) تعبیری وصف اولهرق  
 کچرکه تمایله طوغرودر . سلیمان قانونی دوری افاضلندن اولان قینالی زاده  
 ( بقای شخصی ، بقای نوعی ) ترکیلری بیله غایت یرنده قوللانمشدر . حالبوکه  
 بونلر بوکون ( داروینیزم ) اصطلاحاتندندر ؛ [ *Darwinisme* کلمه سنه  
 یاقیکر . ] و اخیراً وضع اولونوب لسان علمه کچمشدر .

علوم اجتماعیه ده استمثال و تمثیل ، برخیلی مختلف اسبابه معطوف اولماسی لازمکن بر حادثه اجتماعیه یی مجملأ و مبهمأ تعریف و اخطار ایچون قوللانیلیر . مثلاً : آمریقای شمالی یه هجرت آیدن بر چوق ملل متمسکه افرادینک پک آزر زمان طرفنده سجاای ملیه لرینی ضایع ایدرک آمریقالی اولملری شایان دقت بر کیفیت اجتماعیه درکه قسماً معلوم و معین ، فقط قسماً ده مجهول و مبهم بر طاقم اسباب و عوامله اسناد اولته بیلیر . بو کیفیتی مجملأ بیان ایچون : [ آمریقای شمالی مدنیت جدیدنه سنک بویوک بر قدرت استمثالی واردر . ] دیرز . کذلک ملل مختلفه آره سنده موسویلرک هر هانکی بر محیط اجتماعی و مدنی یه چابو جاجق ( تطابق s'adapter ) ایده بیلمله لر ی - ینه عینی درجه ده شایان قف - بر قابلیت مخصوصه درک ، بز بونی مختصراً اشعار ایده بیلمک ایچون : ( موسوی ملتنده بویوک بر قابلیت تمثیل واردر . ) دیرز . بوتقدیرجه assimilation ) هم تمثیل هم استمثال معناسنه کلیر .

( کهل adulte ) اولان ملتلرک و ( هر مرسیده cabuc ) مدیتلرک تمثله قابلیتلی قالیور . بو کیفیت تاریخ مدیتله ثابتدر . بونک اسبابی تبع ایتمک بالخاصه ( فلسفه تاریخ la philosophie de l'histoire ) کایشی در . تمثیل و استمثال اجتماعی ده مطلقاً شرائط مدنیته نک بویوک بر تأثیری وار ؛ فقط ( درجات و مراتب مدنیت اعتباریله ایکی ملت آره سنده بویوک رفرق اولورسه ، حتی جنس و اسلوب مدینیت پک مخالف اولورسه تمثیل اوله میور . ) ده بیلر واردر . بوکامثال اولوق اوزره ، چینایلرک اوروپا مدینیتی استمثال ایده مدکلرینی ، ایرانیلرک مدینیت سامیه یی - اولدوغی کبی - بنمسه یه مدکلرینی ، هررض ایدیورلر . مع مافیه ژاپونلر ، قدم و اسلوب مدینیتده چینیلردن فرقلی اولمادقلری حالده اللی سنه کبی بر زمان قلیل طرفنده او قدر بویوک بر قدرت استمثال کو ستردیلرک تاریخ انسانیتده بر مثلنی ذها بیلیمورز .

( قابلیت تمدن ) سربنی متضمن اولان بومسئله مهمدر . فقط بو خصوصه ویریلن حکملر سطحی در . ( habitnde و condition کله لرنده تفصیلات اجتماعیه باقیکنز ! )

علم روحده تمثیل ، ( تجربه شخصی expérence persennelle )  
ایله کسب اولونان مدرکاتک هویت معنویه مزه اندراج ( intégration ) یدرکه  
بوساییده ( انا یتمز notre moi ) تکمل ایدر . بوده بربرینه بکزمین  
( احساسات sensations ) ، ( افکار idées ) ، ( حسیات sentiments ) ،  
( خیالات images ) ک ( بالتداعی par assoeiation ) ، حسیات وافکار  
سابقه مزله یکوجود وهم آهنگ اولماسی در . یکیدن یکیه واقع اولان  
مکسوباتمزک اسکی سرمایة معنوی مزه بوصورتله انضمامی ایله وجدانمز - عادتا -  
تنمی ایدیور دیمکدر . حیات روحیه مزک اساسی بودر . بوکیفیتک ناصل  
وقوعه کلدیکی - اسبابیله - بیله میورز . فقط کوروپورزکه مدرکات  
جدیده مزی استمثال ایدم بیلمک ، روحمزک اک مهم قابلیت دره . بیولوژی ده  
هضم نه ایسه پسیقولوژی ده دخی بو اونک عینی در . حتی هنوز قابل استمثال  
اوله مایان افکار وحسیاتی ومدرکاتی ذهنمز آلمیور ، روحمز بنمسه یه میوب  
آتیور . [ associationisme کله سنه باقیکز ! ]

بونک ضدی ده وارکه پسیقولوژی ده بر نوع ( Katabolisme عد  
اولونه بیلیر : بعضاً معنویتمز چوزولوب بوزولویور و انحلال ذهنی désagrégation  
mentale ) دیدیکمز جمله حادثات وقوعه کلیور . بزم بنلکمز  
تشکیل ایدن وحدت حسیه پارچه لانیور ؛ بوتون معنویاتمز یکپاره بر هویت  
شخصیه شکلنده یاشاتان رابطه لر قویویور . حیات ذهنیه نک آهنگی خراب  
اولویور . [ personnalité کله سنه باقیکز ! ] بو حال بر علامت مرضیه درکه  
کثیرالوقوعدر .

بوتون بویکی فکر لر بیولوژی پرنسیپلرینک پسیقولوژی یه تأثیرینی اثبات  
ایدر ورو حیون مذهبه تماماً معارضدر .

Association (des idées)	تراعی (افکار)	فرانسوزجه وانکلیزجه
(Ideen-) asoiation		آلمانیجه
Associazione		ایتالیانیجه

لسان عادیده پک زبازرد اولان بوکله ، لسان اصطلاحده تعیرات مهمه دن  
مدوددر ؛ خصوصاً ( علم روح psychologie ) ده قیمتتی بر ( نظریه

(théorie) نك اسى در. لاتينجه (آس سوجيو associo) (رفاقت ايتك) ديمكدر .

بعض افراد جماعتك هر هانكى بر مقصده تشريك مساعى ايجون طوبلانوب تشكيل ايتديكى جमितلره (association) ده نيلير . (association des gens de lettres) و (association des étudiants) كى كه بوتقديرده بز بو تيميرلرك برنجيسى (جميت ارباب قلم) ، ايكنجيسى ده (طلبه جميتى) ديه ترجمه ايدرز . مثلاً : (The British association for the advancement of science) ايله (American psychological association) ايكى بويوك جميت در كه برنجيسى على الاطلاق علمك ترقيسنه ، ايكنجيسى ده بالخاصه علم روح تدقيقاتنه صرف همت ايدن بر جوق علمادن متشكل در . اكر بو كى جमितلرك ودها سائر امثاللك شرائط تشكلى قانوناً مؤيد و حكومت محليه نك مساعده رسميه سنه مبنى ايسه اونلره (société) (شركت) و اكر صناعت و تجارت ايجون تأسيس اولونمش ايسه (compagnie) (قومانيه) ده نيلير كه بونلرك انواعى ، شروط قانونيه و اقتصاديه سنى تتبع ايتك ، (علم اقتصاد économie politique) ك ايشى در .

بر مقصد اختلالكارانه ايجون علناً و يا خود خفياً تشكلى و تأسيس ايدن سياسى جमितلره (comité) ده نيلير ؛ (société) ، (association) و يا خود (compagnie) ده نيله مز .

(association) (كلمه سى ايله) (agregat) و (organisation) ودها سائر بو صنفدن صاييلان تعبيرات مشهوره نك اصطلاح مضارنجه آرده ايجه فرق وارد در . [ او كلمه لره آيرى آيرى باقكيز ! ]

فلسفه لساننده (تداعى افكار association d'idées) ناميله معروف اولان بر (حادثه روحيه phénomène psychique) وارد كه هان هر كسك كندى نفسنده تجربه ايتمش اولدوغى وقايع عاديهدندر .

انسان ، بعضاً كندى عالنده - بلا مقصد معين - طالعين دوشونوركن ، اويله بر غريب خاطر ايله طالعينلقدن اويانيركه ، نصل برسلسله تفكرات ايله



او خاطره‌یه پیوسته اولدوغنه حیرت ایتمکدن کندی آله‌ماز . چونکه او آن محیط‌ایله او خاطره‌نک هیچ برمناسبت منطقیه‌سی یوقدر . فقط ادم اونقطه‌دن باشلا یوبده - رجی بر صورتده d'une façon rétrospective - سلسله تفکراتی تعقیب ایده‌جک اولورسه کشف‌ایدرکه برچوق خواطر یکدیگری تئیه وایفاظ ایدرک ذهنی بر وقعه‌دن دیگر بر وقعه‌یه، بر نقطه‌دن بوسبوتون باشقه بر نقطه‌یه سوق وایصال ایتمشدر .

ایشته علی‌العادة ( association d'idées ) دیدگری حادثه روحیه بودر . بو حادثه‌نک وقوعنده شایان دقت اوله‌رق ایکی شی واردر : بریسی بوخصوصه ارادتمزک ذیمدخل اولمایشی ، ایکنجیسیده بوجریان تفکرده بر ( رابطه منطقیه lien logique ) بزلونماییشیدر . دیمک اولوبورکه بوکی احوالده ذهنمز ، خواطرک کفی و غیر منطقی اولان جریانیه قایلوب ماضیره طوغرورجعت ایتمک اوزره ترک‌ارادت ایدیورودالندن داله‌سه‌کدرک برخاطرده‌دن دیگر برینه کیدیور ، وهرحانده تأثرات سابقه‌سنگ حکمنه تابع بولونوبور . حتی کچن عصرک صاحب‌مسلک فیلسوفلرنندن ( توماس رید Thomas Reid ) ک - پک محق اولان - ادعاسنه کوره بو حالت روحیه‌ده ( تداعی ) یالکمز افکار آره‌سنده واقع اولمقله قالمور ؛ بر حس ، بر فکری ؛ بر فکر ، بر خیالی ؛ بر خیال ، بر تشبیتی ، بر حرکتی ؛ بر حرکت ، بر خاطره‌یی ؛ بر خاطره بر حال ویا محلی ؛ بر محل ، بر حزن وکدری ، یاخود شوق و سروری دعوت ایده‌بیلور . خلاصه ، حیات معنویه‌مزی تشکیل‌ایدن نه‌قدرحادثات روحیه ووقوعات انفسیه وارسه ، اونلرک جمله‌سیده - بر طاقم روابط غیر منطقیه دلالتیله - یکدیگری ( صحنه شعوره sur la scène de la conscience ) دعوت ایده‌بیلور . بو رابطه اوقدر عمومی‌که فعالیت روحیه‌مزانجی بو تداعی سایه‌سنده ممکن اوله‌بیلور . برشیی<sup>۱</sup> خاطرلامق ، بر دوستی طانیق ، ایکی شی آراسنده بر فرق مغایرت ویا بر علاقه مشابیه بوله‌بیلیمک انجی خواطرمنز یکدیگری دعوت ایده‌بیلمه‌سیله قابل اوله‌بیلور . محاکات وملاحظاتمزدخی بهمه‌حال بوکی عملیات متقدمیه مستند بوله‌جنی ایچون

اگلاشیلیورکه بوتون (عملیات ذهنیه opérations intellectuelles) مزده عمده واساس ، علی الاطلاق ، ( تداعی ) در . بونده ده حافظه اساسدر ؛ چونکه مدرکات سابقه محفوظ اولمالی که یکدیگری دعوت ایده بیلین .

بو ( مبدای ) پک بویوک بر اهمیتله تلقی ایدوب پسفولوزی ده عمومی واساسی بر ( متعارفه axiome ) اولمق اوزره قطعاً قبول ایدن انکلیز فیلسوف معاصر ( جون ستونته میل John Stuart Mill ) ، بو ( عقیده فلسفیه doctrine philosophique ) حقنده شو وجهله بیان ملاحظه ایدیورکه ، جدیدر :

« علم هیئته جاذبه قانونی ، فیزیولوژی ده ( انسجه نك خواص عنصریه سی propriétés élémentaires des tissus ) نه ایسه ، علم روحده تداعی افکار قانونلری ده اودر ! » دیور .

[ بویونك فلسفه عمومی و روحیه ده کی اهمیت عظیمه سی و بو سبيله ایقاع ایتش اولدوغی مناقشات شدید و جدیه نك ماهیتی و مسائل اصلیه جهات تعلق ( associationisme ) کلمه سنده تحقیق ایدیگز . ]

( اعمال فکر idéation ) ایچون لازمکن مواد ابتدائیه بی احضار و تألیف ایدن بو قابلیت تداعی ، بر قاچ ( وتیره processus ) اوزره تجلی ایدیورکه ( عملیات ذهنیه opérations mentales ) ده برر ( سلسله مخصوصه série spécifique ) تشکیل ایدر . بونلرک هر بری - جون ستونته میلک براز یوقاریده کچن ملاحظه سنه کوره - حیات ذهنیه مزى اداره ایدن بر قانون طبیعی صابیلیر .

( ۱ ) ( قانون اتصال loi de contiguïté ) — اول امرده یکدیگرینه مقارن و متصل اوله رق تلقی ایتش اولدوغمز حادثاتك بری یکیدن حس و مشاهده ایتدیگمز زمان . همان اوته کی دخی خاطر مزه کلیر ؛ چونکه تکرر تلقی ایتش اولدوغمز حادثه اخیره ایله اوته کی نك خاطره سی بدایتاً علاقه داردر . بوکا ( رابطه اتصال rapport de contiguïté ) دیرلر . مثلاً ، بن ، هر نه زمان بر لیلک کورسه م ، حتی بوقوشك رسمى کورسه م

بهمه حال کلیولیده ایلک اوکجه نازل اولدوغمز حسین رئیسک خانه سی ،  
 بوتون تفصیلاتیله کوزومک اوکنه کلیر . چونکه بوویران بنانک باجاسنده  
 بر لیلک یوواسی واردی و بن عمرمد ایلک دفعه اوله رق بو حیوانی او باجا  
 اوزرنده کورمش ایدم . ایشته بوایکی حادثه دن برینک تکرار ووقوعی دیکرینک  
 خیالی - محضا بوسیله یعنی مقارنت و اتصال خواطر سببیه - احیا ایده بیلیور .  
 مقارنت ، زمان اعتباریله ده اولور ، مکان اعتباریله ده ! . . . بنسأء علیه  
 بو قانونی ایکی وجهله تلقی ایتک ضروریدر . وجه اول ( زماناً اتصال  
 contiguïté dans le temps ) ، وجه ثانی ( مکاناً اتصال contiguïté  
 dans l'espace ) در . برنجیسی ایچون بزده اک تحف و مشهور مثال ،  
 قادی ننه نریمزک تاریخ تولدمزی تعیین خصوصنده ترجیح ایتدکری اسلوب  
 ادا در : ( احمد طوغدوغی وقت - هیچ اونوتام ! . . . - تره ندریکی زمانی  
 ایدی ! ) کبی ! بوراده تاریخ تولد معین بر صورتده بیان اولونمبور فقط  
 مقارنت زمان ، برچوچوغک طوغماسی ایله بر میوه نک یتشمه سی کبی ایکی  
 مختلف حادثه ده کورولمش اولدوغی ایچون برینک خاطره سی دیکرینی دخی  
 دعوت ایدرک رأس تاریخ اتخاذ ایدلمش اولویور ، دیمکدر . اکثر احواله  
 انسان ، بروقه حاضره نک دلالتی ایله کچمش بروقه نک تاریخی قطعاً دخی  
 خاطرلیه بیلیر ، اکثریت ناسک اک صاعلام تقویمی بودر .

مکان اعتباریله مقارنته کلنجه ، اونکده نامعدود مثاللری واردر .  
 مثلاً : هنوز بش یاشنده ایکن ترک ایتمش اولدوغم ( ادرنه ) یی تکرار  
 زیارت ایدنجه برسوقاق باشک ، برتره نک وضعیتی دلالتیله برچوق مواقع ده  
 خاطرمه کلیر ؛ کلیاً اونوتمش اولدوغم برشیئی تخطر ایده بیلیم : ( شو تره نک  
 ارقه طرفدر برحلاج دکانی اوله جقدی ! ) دیرم که هدم اولونه لی - فرضا -  
 یکریمی بش سنه کچمشدر . الی آخره . .

(۲) ( قانون مشابهت la loi de ressemblance ) - بر برینه بکزمین  
 ایکی شینک برینی فی الحال مشاهده ایدرسه ک ، مشابهت علاقه سیله دیکرینک  
 خاطره سی ده ذهنمزه وارد اولور . دوستلرمزدن برینک اوغلنی کورونجه

پدری در خاطر ایدیشمز ، قسماً بو مشابہت علاقه سیله واقع اولان تداعی به عطف ایدیله بیلیر . کذلک بر عثمانی شاعرینک بر منظومه سنی اوقوردکن (عرفی)نی ، یاخود (لامارتین) ی در خاطر ایدیشمزده بوقیلدندر . بر آدمک سسندن ، طرز تکلمندن ، یاخود کولوشندن دیگر بر کیمسه نی خاطر لاییشمزینه بر علاقه مشابہت دلالتیه در . ادبیاتده یک مهم برر واسطه تبلیغ وتصویر اولان تشبیهلر واستعاره لر هپ بو بحثه داخل وقانون مشابہت جمله سنی ده شاملدر . بر چوق صناعات ادبیه ده واردر که بوقانونه ربط ایله ماهیتی تعریف ایدلک ایسته نیلور . الی آخره ! .

(۳) ( قانون تضاد la loi du contraste ) — بر برینه ضداولان شیلر دخی یکدیگرینی خاطره دعوت ایدم بیلیر . بوراده کی علاقه انجق ضدیدتر ؛ هر نه وجهله اولورسه اولسون ! یا کلشق ، طوغرولنی اخطار ایدر . کیجه کوندوزی ! فالق ایلیکی ! . اختیارک ، طاقنزلق سببی ایله اختیارلقنی حس ایتمه سی و ( هی کیدی کنجک هی ! . ) ده یوب قوتلی و کوربوز زمانلرینی خاطر لاماسی بوکا بر کوز مثالدر . کذلک خسته نک اوان صحتنی یاد ایتمه سی ؛ محزون وفلاکتلی زماننده ، انسانک اک مسرور و بخیار زمانلرینی آکاسی ؛ چیرکینلک کوزلکی اخطار ایتمه سی ده بوقیلدندر .

بویه یکدیگرینه ضداولان شیلرک وکیفاتک بر برینی ذهنده اخطار و احضار ایتمه سی ، علی الاطلاق علممزمک (نسبی relatif) اولماسندن واضداد آرمه سنده بیه بر ( نسبت تضایف rapport de connotation ) بولونماسندنر . ( بوتعیره وخصوصا rapport کله سنه باقیکز ! )

بر چوق صنایع ادبیه ده قانون تضادک حکمی واردر .

بوقانونلری ده از یاده تعین وتکثیر ایدنلر اولمشدی . مثلاً ( سببیت علاقه سی rapport de causalité ) اعتباریه دخی ایکی شینک یکدیگرینی دعوت و اخطار ایتدیکنه نظراً سببیتیه ده قوانین تداعی دن بری اولق اوزره آیریمجه تلقی و ملاحظه ایدنلر واردی . فقط سبب دیدیکمز ، خارجه بالذات موجود و ( مشخص concret ) بر ( شی objet ) اولمایوب ( توالی حادثات succession des phén. ) ده ( لایتحول invariable ) بر ( حادثه مقدمه ph. antécédent )

اولدوغی ایچون ، اکلاشلدی که ( سبب cause ) الله ( مسبب effet ) اره سنده  
واقع اولان تداعی ( اتصال زمانی contiguïté dans le temps ) قانوننك  
برباشق، جلوه سیدر . بناء علیه آریجه بر قانون کبی تلقی ایدیه مز . ( cause  
antécédent تعیرلرنده تفصیلاته باقیکز ! )

بعضی حکما دخی - بالعکس - بوتون بو قانونلری بره ارجاع ایتک  
ایستدیلر ؛ فقط زمان ایله مکانک ماهیتاً تألیفی ممکن اوله مادیفی ایچون ، بوکا  
موفق اوله مادیلر .

( association indissoluble ) تعیری ایله - فیلسوف میل - یکدیگردن  
آری دوشونولمه سی ممکن اوله مایان افکار ویاخود کیفیاتی مراد ایدیور ؛  
بونکله ده ( سببیت ) اعتقادی ، ( قضایای عقلیه ) نك ماهیتی ، ( افکاروهیه )  
دیدیکمز و تجربه دن متحصل اوله مادقلرینه اینانق ایستدیکمز مبادی عقلیه یی  
- میخانیکی بر صورتده - تعریف ایدیور . بوسایق نظره فلسفه ده ، پسقو -  
لوزیده و منطق ده برچوق مسائل اساسیه صیقی صیقی به مربوط بولوندوغی کبی  
( قیمت علم la valeur de la science ) و ( قسطاس حقیقت le critère  
de la vérité ) یخشنده ده افکاری آلت اوست ایستدیکمی ایچون فیلسوفلر آره سنده  
عظیم مناقشات سبب محض اولمش و مذاهب مختلفه اربابی یکدیگرینه طوتوشدور -  
مشدر ؛ چونکه ( ارادت ) واستقلال روح مسئله سنده قوتی بر ضربه در .  
( تکمیل تعیرات مهمه به باقیکز ، بالخاصه associationisme کله سنده  
بو مناقشات مهمه به دأثر بحث واردر . )

فراسزجه	تراعیم	Associationisme
انکلیزجه		Associationism
آلانجه		Association psychologie
ایتالیانجه		Dottrina psicologica dell'associazione

بو تعیر بالخاصه علم روحه مستند بر مسلک فلسفی نك اسمی در . معلومدر که  
( وجدان بشر conscience humaine ) اک بو یوک معمار . ( حیات  
معنویه و حادثات ذهنیه vie psychique et phénomènes mentaux ) نك

منبعی اولان وجدانی تعریف ایدم بیلیمک ایچون اوتهدنبری فیلسوفلر ذهن یوروپورلر، وبونی - بحق - الكغامض بر مسئله اساسیه اولوق اوزره تلقی ایدیورلر، چونکه بوتون مسائل فلسفیه، ماهیتاً وجدان مسئله سنه منجر اولور. اصل حل اولونه مایان عقده اودر.

بو مبحثده شیمدی به قدره الكعمومی، الكمعتبر ومشهور اولان نظریه فلسفیه، اعتقاد جمهوره موافق ایدی؛ اوده روحی (مستقل ومزید ومختار *indépendant et libre*) بر (جوهر *substance*) اوله رق قبول ایتک وبوتون ادراکات، حسیات، افکار ومحاکاتی، روحک فعالیت ذاتیه سنه عطف ایلیمک ایدی. (تجربه *l'expérience*)، (تحقیقات علمی *investigations scientifiques*) ده اصول اتخاذ اولونوبده. حادثات روحیه یاقیندن تتبع ایدلمک باشلانیلنجه، تحقیقات واقعه، استقلال روحی اثبات ایدم بیلیمک دلایل صریحه ویرمه دکن ماعدا بوسوتون عکسنه بر اعتقاده زمین استناد حاضرلادی. بوده بک طبعی ایدی، چونکه بالجمله علومک رهبری اولان (اصول تجربه *la méthode expérimentale*) ایله انحق حادثات وقوانین حادثات حقنده کشفیاته موفقیت ممکن اوله بیلیردی. ناصلکه اوله ده اولدی: بواسول ایله کشف اولونه بیلن (حقایق ممکنه *vérités contingentes*)، حادثات منویه به متعلق بعضی قوانینی تعیین ایتکدن عبارت قالدی. اوقدرکه پسیقولوجی، ازلق روح نامه بر (جوهر مستقل) دن دکل، انحق (حادثات روحیه *phénomènes psychiques*) دن بحث ایتکی وظیفه مخصوصه اتخاذ ایتشدی. اوقت حقیقت روح بحقی کلیاً ترک ایدلدی؛ (حالات روحیه *états psychiques*)، پسیقولوجیک موضوعی اولدی، ومنویاً تمیزه عائد (مفردات امور *faits particuliers*) بالخاصه عناصر علمییه بی تشکیل ایتدی.

ایشته (افکار *idées*) و (حسیات *sentiments*)، (خیالات *images*)، (محاکمات *jugements*) و (استدلالات *raisonnements*) مزیه مدرکات ابتدائیه نک ترکی و تربی ایله تعریفه جالیشان وبو خصوصده

(تداعی association) کیفیتى مبدأ اتحاد ایدن فیلسوفلره (تداعیون les associationistes) ده نیلیر. (associationisme) دخی بومسلك فلسفنىك اسمى در.

کورولویورکه بو فلسفه نك اساسى بر (نظریه روحیه théorie psychologique) در؛ اونظریه نك نقطه استنادی ده (تداعی قانونلری) در، [association کلمه سنده تفصیلاته باقیکز!]

بومسلك فلسفى، انحقق اون طوقوزنجی عصر میلادیده بویوک براهیت قازانوب لایقیله تمایز ایتمش اولدوغی حالده، نظریه اساسیه سنك تمل طاشی مثابه سنده اولان (کیفیت تداعی)، بك اسكى زمانلردن برى معلوم بر حادئه ذهنیه ایدی: مشهور (ارسطو Aristote)، (حافظه وخواطر mémoire et réminiscences) نام اثرنده، حادئه مذکوریه جدی بر صورتده نظر دفته آلهرق اطرافیه تبع ایتمش؛ وحتی (اتصال contiguïté)، (مشابهت similitude) و (تضاد contraste) علاقه لريله وقوعه کلمکده اولدوغنی بيله سویه مشدی که، تداعی قانونلری، ذاتاً بو اوج (وتیره ذهنیه procédé mental) نك برر دستور افاده سیدر.

بو (عقیده doctrine) یی ارسطونك (شارح commentateur) لری قرون وسطایه تودیع ایتدیلر و بو خصوصده کی معلومات اونلرك محررانى واسطه سیله (مدرسه تعلیماتى l'enseignement scholastique) نه دخی انتقال ایدرك - اوزون اوزادییه - موضوع بحث و مناقشه اولدی.

(انتباه Renaissance) دورنده (لودویقوس ویوے Ludovicus Vives) بو مسئله ایله اینجه دن اینجه اوهراشمش اولدینی ایچون بالآخره مورخین فلسفه نك نظر دقت و تقدیرینی جلب ایتشدرد.

دورتجددك الك حیثیتلى فیلسوفلردن برى اولان انکلیز (هوېس Hobbee) علم روح حقدمه کی ملاحظاتی بو نظریه بونا ایتمش و (لهوی یاتان Leviahton) ایله (طبیعت بشریه Human Nature) نام اثرلرنده اونکله خیلی مشغول اولمشدر. (سپینوزا Spinoza) دخی (اخلاق éthique) نام کتابنده بو حادئه یه دائر

بحث آچوب یوروتمشدر. لکن (تداعی\* افکار association of ideas) تعیرینی ایلک دفعه اوله رق وضع و تشهیر ایلهین فیلسوف (جون لوق John Locke) اولمشدی. مع مافیله لسان فلسفه یه بواصطلاحاتی هدیه ایتمش اولان بوانکلیز متفکری، کیفیت تداعی نک - پسبقولوزی نقطه نظرندن - نه بویوک بر قیمت و اهمیتی حائر اولماسی لازمکله حکمی حقیله اکلایه مامش و ماهیته انفاذ نظر ایده مدیکی ایچون براز اهامال ایله مشدی. بونظریه اصل، (بارقه Berkeley) نک الله بر قیمت فوق العاده اکتساب ایتمشدر. (۱۷۵۳) تاریخ میلادیسنده وفات ایتمش اولان بوانکلیز (پسبقویوسی évêque) ی، دهاته فلاسفه دن بری و (افتکاریه انفسیه idéalisme subjectif) نامیله معروف بر مذهب فلسفی نک مؤسی ایدی. (subjectivisme) تعیرلینه مایکیز). کندیس (مادیون les matérialistes) اعتقادینه شدله معایر و مادیاتک حقیقت ذاتیه سنی منکر اولدوغی ایچون یالکز (عالم افکار le monde des idées) ک وجودینه قائل ایدی؛ یعنی (افلاطون Platon) فلسفه سنه مائل ایدی. اونک ایچوندرکه (تداعی\* افکار) مسئله سنه بویوک بر اهمیت و برمش و بوتون (مادیات) و (اشیای مشخصه objets concrets) نک بر طاقم (افکار مؤلفه des idées com-binées) دن عبارت بولوندوغنی و (ماده matière) نامه خارجه مستقلاً موجود برشی اوله میه جغنی - کال قوت و اطمئنان ایله - ادعا ایتمشدی. بوفیلسوفک شوا دعاسنه کوره (ماده) دیدیکمز شی - بزم اسکی حکمای اسلامک تعیر معروفه - انجق بر (وجود ذهنی entité intellectuelle) دن عبارت ایدی. بر (ماهیت معقوله notion intelligible) ایدی. بوماهیت مرکبه یی تشکیل ایدن (عناصر éléments) دخی افکار و (مدرکات بسیطه perceptions simples) اولویور و بونلر (تداعی قانونلری) سایه سنده بویله جه ترکب ایدوب بزه - قطعاً اصلی فصنی اولمایان - (بر عالم خارجی monde extérieur) پانوراماسی عرض ایدیور دیمکدی. بالطبع بوسیاه نظره کوره عالم خارجی، انجق بزم ذهنمزه وجود بولان عالم معقولانک، خارجه انعکاسی (réflexion) اولق لازمکلیوردی. شوتقدیرجه کائنات



مادیه بر خیال‌دن و کندی خیالات‌زدن عبارت فالیوردنی . اونک ایچوندرکه ( بارقله ) نك تأسيس ايتديكى ايدم آلیرمك بوشکلنه ( لامادیه immatér ialisme ) دخی ده نیلدی .

بومذهبک ماهیتی حقنده بوراده تفصیلات ویرمچک دکلّم [ بونک ایچون 'solipsisme' idéalisme تعیرلرینه مراجعت ایدیکز ! ] ؛ بالکز تداعی نظریه سنک ( بارقله ) فلسفه سنده نه مهم ونه اساسلی بررول اوینادیغنی کوسترمک ایچون بوقدرجق ایضاحات ویردم واونکلیز فیلسوفک تداعی قانونلرینه نیچون بوقدر اهمیت ویرمش اولدوغنی - سبب حقیقیسی ایله - اکلّاتمق ایستدم . شونی ده علاوه ایدیم که ( بارقله ) نك شوسیاقتفکری ، تصوفده معتبر اولان نظریه معرفتک هروجهله عینی اولدوغندن طولانی آیریمجه شایان دقتدر . [ بوخصوصده ایضاحات ومعلومات الموق ایچون çoufisme و épistémologie کله لریه مراجعت ایدیکز ! ]

مع مافیه تاریخ فلسفیه باقارسه ق لایقيله آکلوروز وصمیمیاً قناعت کسب ایدیوروز که زمانک بوتون افکار فلسفیه سنی چالقالایان بومسائلک کافه سنی باشقه برشکلده احیا ایدوب اورطیه آتان ، مشهور ( سقوج-فلیسوفی le philosophe écossais ) ( دهی ویدهیوم David Hume ) اولمشدر . محققدرکه بوخارق العاده آدمک اصول وعقائد فلسفیه حقنده کی تنقیداتی برطرفدن (ئمانوئل کانت Emmanuel Kant) ی- کندی اعتراف وتعییرنجه ( یقینون اویقوسی le sommeil dogmatique ) ندن اوینادیردینی کچی دیگر طرفدن ده ( بارقله ) و ( توماس رید Thomas Reid ) کچی فحول حکمایه شدته اجرای تأثیر ایتمشدی . [ 'subjectivisme' 'phénoménisme' کله لرنده تفصیلاته باقیکز ! ]

( نظریه معرفت Théorie de la connaissance ) و ( قیمت علم la valeur de la science ) بحثنده ( هیوم ) افکار ذاتیه سنی صراحتاً بیان ایدرک ( یقینون les dogmatiques ) دن تمامیه آیرلایغنی کوسترمشدی . کسکین و درین تنقیداتی ایله ( ده کارت Des cartes ) ک ( افکار وهیه idées innées ) نظریه سنی اعتباردن دوشوروب ( جون لوق ) ک بو

خصوصده کی تفکيدات متقدمه سنه قوت ويرمنش؛ وفضله اوله رق، على العموم  
(روحیون les spiritualistes) ايله (جمهور تاس la majorité des hommes)  
(ك الداساسلى دستور اعتقادى تشكيل ايدن (روح) نظريه سنى دم  
— بالتحليل — افنا ايتمشدى. اينجه دن اينجه يه (تحليل شعور analyse de la conscience)  
(ه کيريشه رك کوستر مشدى که :

بزم علممزه، ماهيتى اعتباريه (انفسى subjectif) و عئدى اولدوغى  
ايچون محدوددر. بيلكى من حادثات عالمك افق مرئى سنى آشه ماز. (روح)  
حقنده بيلوب بيله جكمزه، كئدى حالات روحيه و تبدلات حسيه مزه كسب  
شعور ايدم بيلمك دن عبارتدر؛ نته كيم (ماديات) حقنده كى علممزه دئى (ذات  
ماده l'essence de la matière) يه دكل، كيفيات و خواصنه كسب اطلاع  
ايدم بيلمك قابليته. منجر اولوب قاليور. او حالده ذهنمزه نه قدر زور لاسه ق،  
ينه (حادثيه phénomenisme) دائره سنك خارجه حقيقه مايه جغزه و بناء عليه  
(حنايق اشيا la réalité des choses) يى — (كهاى telle quelle) —  
ا كلا به مايه جغزه. يالكزه، (احساسات sensations) مزه بر سبب تصور ايتمك  
ضرورت منطقيه سندن قورتوله مادىغمزه ايچون، (حواس ظاهره sens  
externes) من واسطه سيله تلقى ايتديكمزه مدركات و حسياتك (سبب موجب  
cause efficiente) نى بالطبع خارجه ده فرض ايدىوروز و حقيقتندن قطعاً  
غافل بولوندوغمزه او (سبب مفروض cause hypothétique) ه (ماده)  
دييوروز. نته كيم (حس صميمى sens intime) منزله ادراك ايتديكمزه  
(حالات وجدانيه états de conscience) مزه دئى — عبنى ضرورت  
منطقيه يوزندن — بر سبب دوشونويوروز و بالطبع او سببى كئدى ايجمزده  
فرض ايدىيوروز. ايشته (روح) ديديكمزه شى دئى بو (باطنى intrinsèque)  
اولان سبب مفروضه ويرديكمزه بر (اسم nom) دن عبارتدر. حقيقت  
حاله و حيات معنويه مزه ياقيندن باقارده حادثاتى تدقيق ا. رسه ك كوروروزكه  
(بتلكمزه notre moi)، اويله — ظن اولوندوغى كى — (بسيطه لايقسم  
ولايتغير simple, indivisible et immuable) بر (جوهر substance)  
دكل، هر ثانيه هر آن تحولات متسلسله به معروض (بر حزمه احساسات

un faisceau de sensations) در . بونلری یکدیگرینه ربط ایدرك  
يکپاره کوسترن وطوتان (تداعي کيفيتي) درکه اوده (اعتیاد habitude)  
اثری و نتیجه سیدر . ]

هیو.ک شو مهم ملاحظاتی (associationisme) فلسفه سنک زمین  
استادینی تشکیل ایندیکی کبی (غیر جسمانی بر جوهر مستقل - une subs-  
tance indépendante, incorporelle) اولقی اوزرم وجودی قبول  
ایدیلن بر روح اعتقادی ده نفی ایدیور. بویله دوشونولونجه، یعنی (حیات  
وجدانیه مز بر حزمه احساساتدن عبارت اوله رق تلقی ایدیلنجه) هویت  
ذاتیه و شخصیت معنویه مزی تعریف ایده بیلیمک ایچون تداعي قانونلرینه  
استاد ایتکدن باشقه چاره یوقدر.

بو سیدله درکه پسقو لوزی حقیقی معناسیله بر علم اولغه باشلادقن  
صوکره، یعنی تحقیقاتده تجربه یی (اصول méthode) اتخاذ ایتدکن صوکره  
حادثات دائره سنده یورو مکه و ترقی ایتکه قابلیت کسب ایتدی. او سایه ده  
تداعي قانونلری پک بویوک بر قیمت و اهمیت قازاندی. چونکه مدرکات  
متفرقه نك ترکیب و (عضی organisation) سی اله (اثابت معنویه مز  
notre moi spirituel) ک نشکلنی انجق بوقانونلر — بر درجه به قدر —  
تعریف ایده بیلور.

پسقوپوس (بارقله) نك معاصر اولوب، اوندن درت سنه صکره، یعنی  
(۱۷۵۷) سنه میلادیه سنده وفات ایتش اولان انکلیز فیلسوفی (هارتله  
David Hartley)، بوتون دقت و همتی بو (تداعي) مسئله سنه حصر  
ایتدی؛ تحقیقاتنده (بارقله) نك ملاحظاتی رهبر اتخاذ ایدرك ایزندن آیرلادی.  
بو بحثی ده ایلری به سوروب کوتوردکن ماعدا (تداعي) کيفيتی (اعتیاد  
habitude) ایله تعریف ایدرك یالکز بونظریه اوزرینه بر فلسفه مخصوصه  
تأسیسه موفق اولدی. [habitude کله سنه باقیز !] اونک ایچوندر که  
مه نه زمان (associationisme) تعیری کچرسه (هارتله) نك اسمی دخی  
— بالتداعي — خاطره وارد اولور، و کندیسی بو مذهبک — بحق —

پیری صایایر. یوقسه اوندن اول و هله اوندن صوکره بوتون اعظم فلاسفه بوندن بحث ایتشلر و کیندکجه درجه اهمیتنی آ کلامشردی .

عینی زمانده مشهور کیمیا کر (پریستله Joseph Priestley) — که هم فیلسوف، هم الهیوندن، هم بویوک برعالم و مکتب خواه سی ایدی — بو (associationisme) فلسفه سنه شدتله طرفدار اولدی و اوننی مدافعه ایتدی. (جهیمس میل James Mill)، بو فلسفه یی بوسبوتون ضبط و ربطه آلدی و (An Analysis of the phenomena of the Human Mind) — روح بشرک حادثاتی تحلیل (عنوانیله یازدینی اثرده تداعی قانونلرینی (مبدأ principe) اوله رق قبول ایدوب بالجمله حادثات انفسیه یی و حقایق نظریه یی — (اصولی بر صورتده d'une façon méthodique) — تعریفه غیرت ایتدی. بو، او یله بویوک بر خطوه ترقی عد ایدلدی که حالا بر چوق منقدین، بوذاته (انکلیز فلسفه تداعیه سنک مؤسس the founder of the English associationism) عنوان شرفنی ویریورلر، واونی (هارتله) یه بیله تقدیم ایدیورلر .

بو ذاتک اوغنی و تربیت کرده سی اولان فیلسوف و منطق شهر (جون ستوته میل John Stuart Mill) پسیقولوژی مباحثده دایما بو نظریه یی اساس طوته رق پدربینک فکرلرینی ترویج و مدافعه خصوصنده فوق العاده بر عرفان و مهارت کوستردی . خصوصاً تداعی قانونلرینی (جاذبه عمومی attraction universelle) قانونلرینه بکزمکله بر مهم حقیقت بیان ایتش اولدی . زیرا (عالم انفسی le monde subjectif) ده بو قانونلرک مبدأ حادثات اولدوغنی بو کون تسلیمه مجبور اولمایان عالم بر (پسیقولوغ) یوتدر . واقعا افکار و حییات آره سنده واقع اولان بو مجاذبه نک سبب حقیقسنی بیله میورز؛ فقط اجسام آراسنده کی مجاذبت متقابله نک سببنی ده بیله میورز. مع مافیه هر ایکینسی ده عمومی و عالمشمول برر کیفیت بدیهه در . هر کس ، هر حالده و هر شیده ، هر یرده و هر زمان بونلری مشاهده ایدمیلیر. بناء علیه میلک تشبیهی ، بر تشبیه شاعرانه دکدر . عمومی بر حقیقتک دستور افاده سیدر . میل بونک — صحیحاً — اک مقتدر و ماهر

مدافعی ایدی. بو حیثیتله انکلیز فلسفه سنک اک اسیل ممثلی صایلییر. چونکه — مجدد مشهور — (بهی من Francis Bacon) دن بدأ ایله میلک پدري (جهیمس James) ه کلتجه به قدر انکلیز اعظم متفکرینک همان جله سی بو نظریه نی مدافعه واکمال ایده گلشیر، وبو صورتله (بهی قن) ک آجدینی جیفیردن آرلمایه رق (اصول تدریبه la méthode empirique) نک — عاقبت — هر طرفده غالبیتی تأمین ایله مشلردی. دور جدید مدنیته انکلیز فلسفه سنک سجه حقیقه سی و جریان طبیعی سی بدر.

حالبو که علی العموم اورویاده (ده قارت Descartes) ک (افکار وهیه idées innées) نظریه سی ذهنلره حاکم بولوندوغی ایچون، اصول تدریبه نک کرکی کبی انکشاف وتأسسنه مدت مدیده مانع اولاییلدی ایدی. بونی (جون لوق) شدتله تنقید ورد ایتدی. واقعا (قانت Kant) دخی، بالاخره (هیوم Hume) ک تنقید اتدن اندیشه به دوشوبده فلسفه یی — برزمین متینه اسناد اتمک ایچون — اصلاحات اساسیه به کیریشنجه، اسکیدن قالمه بعضی عقائد فلسفه ایله برابر ده قارتک (افکار وهیه) سنی ده چو- روتمشدی؛ لکن اوکا بدل (حقایق قبله vérités aprioriques) نامیه بر طاقم (مبادی معقوله principes rationnels) قبول ایدرک بونرک هر درلو تجاربه (ناظم régulateur) اولده غنی و بناء علیه بالجمله (معلومات تدریبه connaissances empiriques) به مقدم بولوندوغی — کال قوتله — اعا ایتدی. بو قوجه امان فیلسوفات اعتقادنجه: (بوتون (عناصر علمیه les éléments de la connaissance) محصول تجریبه در حتی تجریبه دن غیری بر واسطه ایله تفرعات اموره و حادثاته دائر معلومات ایدنمک احتمالی یوقدر. بناء علیه (بهی قن) وتوابعنک تجریبه یی اصول علمده مبدأ اتخاذ اتمش اولماسی یک طوغرودر. لکن، انجق ادراکات حسیه ایله تالق ایدیلدیکنز بو معلومات تجریبه ترتیسز بر طاقم (تفرعات اموردن و جزئیات متشسته des faits particuliers et divers) دن عبارتدر. واقعا مبنای علمک مالزمه انشاییه سی بوناردر؛ فقط (معماری علم l'architectonique) او (مواد ابتداییه matières premières) نی،

بر شکله قویق واونلره بر آهنگ وحدت ویرمکدر. ایشته بی، انجق عقلت هنریدر. بالطبع عقل، تجربه دن اقدم اولمق لازمکلیر؛ چونکه هر درلو تجربه نی ترتیب واداره ایدن اودر. علم بر منتظم و هم آهنگ بنای معرفتدر. اونک مستند بولونوغی اساسات قدیمه (مبادی) عقل صرف *les principes de la raison pure* (دیدیکمز (حقایق نظریه) در. بونلر تجربه محصولی اوله ماز. چونکه تجربه دن مقدم در، و هر نوع تجارب ایله مؤید و محکم در. (علوم صحیحه و ثابته *Sciences exactes et positives*) نك دتمللی انجق بومبادی اوله بیلیر. (حقایق تجربیه *vérités expérimentales*) اوله ماز؛ چونکه تجربه ایله تحصیل ایتدیکمز حقیقتلرده (کلیت و وجوب *universalité et nécessité*) حیثیتی یوقدر. ]

(حقایق نظریه *vérités de Raison*) بی بویه بر حیثیله (حقایق امور *Vérités de fait*) دن تمیز ایدن اول (لایب نیچ *Leipnitz*) اولمشدی. کورولویورکه، قانت، بر طرفدن — عناصر علمی نك تجربه محصولی اولدوغی قبول ایتکله — (بهی قن *Bacon*) و بوابنه اقتدا ایتش؛ دیگر طرفدن — حقایق نظریه بی معماری علمده اساس اتخاذ ایله مش اولمق اعتباریله دخی. (لایب نیچ) دن قطعاً آبرلامشدر. (یقینیت علم *certitude de la connaissance*) بحثده قانت، انجق مبادی نظریه بی (قسطاس *Critérium*) اوله رق قبوله مجبور بولوندوغدن طولانی، معلومات تجربیه نك — افاده یقین ایده بیلماک خصوصنده! — قیمتی انکار، حکمی اساط، قدرینی تنزیل ایدرک، کندی فلسفه سنی (مبادی عقل صرف) اوزرینه بنا ایتشدر.

[تفصیلات ایچون *apriori-aposteriori*؛ *anticipation*؛ *criticisme*؛ *rationalisme*؛ *empirisme* کلملرینه مراجعت ایدیکمز. ] (میل *Mill*)، درین وانکین معلومات الله مجهز اولدوغی حالده، تکرار میدان معرکیه آتیلدی و بو (اسکی دعوا) بی تمیز ایتک ازوميله ایشه کیریشدی. قانتدن صوکره (سپنسر) و (داروین) طرفدن تأسیس اولونان تکامل فلسفه سی، حقایق نظریه نك ده اثر تکامل اولدوغی ادعا

ایدیوور و (تداعی) نظریه‌سنة بوسبوتون فوت ویریوردی. قانتک — بویله صرف نظری بر وادیده — فورمش بر اققش اولدوغی بو بنای فلسفی بی، میلک شو حرکتی، تا تملدن صارصه جق بر صدمه اولدی. بو بحث، طولانی‌سیله، (ارادت واستقلال روح، علم یقین، قسطاس علم، اصول) کبی بر جوق (امهات مسائل questions mères) ایله صیقی صیقی به علاقه‌دار بولوندوغندن، مناقشه‌سی مسلك مجادله‌سنة منجر اولدی و مذاهب فلسفیه رؤسانی — شدتلی بر معارضه ایله — بربرینه قابشدیردی. بو کون (تداعیون و تدریسیون les associationistes et les empiristes) غالبدر. عصرک الک بویوک فیلسوف ریاضی‌سی عد ایدیلن متوفی (بوانقارده Poincaré) بیله حقایق ریاضیه‌نک، تجربه‌دن منزوع بولوندوغنی، حتی کندی عالمزده مخصوص و بناء علیه (اضافی relatif) اولدوغنی دعوا ایتمشدر. حالبوکه قانت زمانسده (حقایق ریاضیه verités mathématiques)، مبادی عقلیه‌نک الک کوزل واک متین نمونه‌لری عد اولونویوردی. نته کیم بو کون حالا او ادعاده ثابتقدم اولان بعضی فلسفه معلملری واردر.

او حالد (تداعیه associationisme) نامنی آملقه کسب شهرت ایدن بو فلسفه — شبهه یوقدرکه — قانتک مسلکی چوروتمک و (مبادی عقلیه) دیدیکی حقایق نظریه‌بی — اصول تدریسیه کوره — تداعی قانونلریله تعریف ایتک مجبوریتدن طوغمش وانکلیر فلسفه‌سنی ترویج و تحکیم ایله مک غیرتندن ملهم بولونمشدر.

اولاء باقلم شو بدهاتاً ثابت اولان (امر تداعی - le fait de l'association)، صحیحاً بر قانونه تابع می دکل می؟.. خصوصاً سلسله خواطردیه ایلاک خطوه‌بی تعیین ایدن مجبوریت نه در؟.. وایله بر مجبوریت واری؟ چونکه وارسه، ایشته آرادینمز قانون اودر؟ ارتق قواعد منطقیه‌بی‌ده اونکله تعریف ایده‌بیلیرز، شاعرك قافیه بولمق خصوصنده کی استعدادی‌ده حتی (دلی صاحبه‌سی) ایله رؤیالری‌ده عینی صورته شرح وایضاح ایده‌بیلیرز، و اوتقدیرجه (عالم‌انفسی le monde subjectif) حادث‌آنسده دخی (خلاف قانون و خارق عاده anormal) برشی قالماز.

عصرمىزك صاحب مىسلك فىلسوفلارندن و اك اى بسىقولوغلارندن امرىقالى متوفى ( وىلىام جەيمس William James ) بونقطةدن مىسئلهنى تدقىقه كىرىشپوركه حقىقتاً بىخك مدخلى ده بودر .

«بو حادثه تداعى، هر هانكى بر قانونه تابع مىدر؟ . . هله ايلك خطوهنى توجيه واستقامت حركىتى تعيين ايدن نهدر؟ . . نىچون فلان زمانده وفلان مكانده (ب) نى دوشونونجه (۶) خاطره مزه كليورده، ديكر بر زمان وديكر بر مكانده ينه (ب) نى دوشوندوكمز حالده (۷) نى دكل ، انجق (۸) نى خاطرليوروز؟ . . . . نندندر كه بر مىسئله علميه ويا عمليه اوغورنده ذهنمىزى — بوشى بوشنه — سسنةلرجه زورلويوروزده آرزو ايتديكمىز نتيجهنى . عقلمىز بولوب احضار ايدمىور؟ . . . صوكره ناصل اولوبورده . . . كوناك برنده! — سواقده كزر كن [ودقتمىز او مىسئلهدن فرسخ فرسخ بعيدايكن] اونك جوابى بردنبره ذهنمىز (توارد) ايدويورىور؟ . . احتمالكه بولده تصادفاً قارشيمىزه چقان برقادينك شابقه سنده كى (بايمه چىچكلر) او فكرى بزه الهام ايدويورىور !! . . احتمالكه هيچ كشف و تعيين ايدمىديكمىز بر وسيله خفيه ايله او خاطره بزده اويانيورىيور؟ . . . !»

اوت . . . او وسيله نهدر؟ . . بوقارا كلنى نقطهنى تنوير ايتملى . . . حقيقت، بعضى زمانلر ذهنمىز صوك درجه اجبار ايتديكمىز حالده خاطرلامق ايسته ديكمىز شئى بيله خاطرلايه مىوروز؛ يعنى خاطر مزده بولونان بر خيالك علائقى بوله مىوروز . مثلاً بكا بريى برشى توديع ايدىيور وبرايش ايچون توديع ايدىيور . بر مدت صوكره اوشئى جيمده بولويورم . شاشيريورم : [بونى بكا كيم وىردى ونىچون وىردى ايدى ؟ ياربى !] ديه دوشونوب طورويورم ؛ بر درلو بوله مىورم . حتى دم اولويوركه انسان — اونوتورسم خاطرلايه يم ديه — پارماغنه ايسلك باغليور . يعنى بر (تداعى علاقەئى) حاصل ايتمك ايچون (بر علامت بارزەئى وسيله و رابطه تخطر) اولوق اوزره تعيين ايدىيورده ، ينه اونوده بيلور : پارماغنده ايسلكى كوردوكى حالده — خاطرلامق ايسته ديكى — شئى خاطرلايه مىور . تركه مزده بو حالى افاده ايچون كوزل ومصادار بر تعبير واردر : (عقلمىزه كتيره مىوروز ! ) ديرزكه تخطر



خصوصه ارادتمز اولمادیغه - علی الاطلاق - معترف بولوندوغمیزی ثبات ایدر . احیای خواطر الیزده دکلدرد ؛ دیمک اولور . اویله ایسه ارادتمزک بونده دخلی یوق ! . دیه جکیز .

بر طاقم متفکرین ، بوسبوتون عکسنه بر حکم ویرمکدن چکینمیورلر . واقعا تداعی کیفیتی - بر امر واقع اوله رق - انکار ایدمیورلر . فقط کیفی اوله رق وقوعه کلدیکنی ضمناً ادعا ایدیورلر : { کیفیت تداعی ده بر رابطه منطقیه یوقدر . ذاتاً تداعی نك ( صفت کاشفه la caractéristique ) سی بودر . بونک الک کوزل نمونه سی ومثالی رؤیاده کوردو کمز خیالات متشته در . صایقه لامق دخی عینی جنسده داخل حادثات روحیه دندر . احتمالکه بوکبی خواطر ( حافظه la mémoire ) ایله مقید وانک قوانینه تابعدر ؛ ده نیله بیلیر . فقط ( مخیله l'imagination ) نك بوراده دها زیاده دخلی واردر . مع مافیه ، هر نه اولورسه اولسون ، حافظه ومخیله بنم - هر درلو قیوددن آزاده بولونان - روحک النده بر قوتدر ؛ بر آلتدر . محفوظاتی ، ایسته دیکم زمان خاطر لایه بیایرم . مثلاً لسانی بیلیورم ؛ فقط بوتون کله لری واقعیتی شو آنده خاطر مده دکلدرد ، یعنی اونلرک جمله سنی ( حالی actuel ) اوله رق بیلیورم . ( بو تعبیره باقیکیز ! ) لکن ، ایجاب ایدنجه ، مثلاً بر ایسیله قونوشورکن - لزومنه و صیره سنه کوره - کلماتک جمله سنی خاطر لار و بک اعلا یرنده ایراد ایدرم . بوتون بو خواطری احیا و دعوت ایدن ، اونلره - ایسته دیکی طرزده - بر ترتیب و آهنگ ویرن بنم روحدر ، و بو تصرفده هر درلو قید اضطراردن آزاده در ! [ دنیورلر . ( آدولف فرانک A. Franck ) و ( پول ژانه P. Janet ) ودها بر جوق امثالی بویله دوشونوبورلر . شبه یوق که بو دوشونوش روحک - بر حوهی مجرد اوله رق استقلال و ارادتی قودتار مق اندیشه سندن مایمدر . لکن علامانه بر دوشونوش دکلدرد . اولاً بر لسانک کلماتی خاطر لایه بیلمک هر زمان و هر کس ایچون ممکن دکلدرد . درلو درلو حافظه خسته لقلری وادرد که ده اغده مرکز لری بیله قطعاً و تجربه تعین اولونمشدر . [ amnésie کله سنه باقیکیز ! ] اویله اولماسه بیله ادعا ایدیله بیایر که انشای محاوره و مباحثه ده کلماتک تحظر اولونه بیلمسی

ینه تداعی سببیه در ، و تداعی قانونی لایله یک اعلا تعریف اولونه بیلیر . مثلاً : مخاطبک سوبله دیک بر سوز، در حال بزم افکار و خاطر آتمزده بر نوع ( استقطاب polarisation ) حصوله کتیر و اوکا کوره بر ( سلسله خیالات enchainement d'images ) و بر ( جریان افکار courant d'idées ) ایقاع ایدر . بزم بر سوز مز دخی اونک ذهنته عینی تأثیری حاصل ایدرک جریان افکاری بر وادی مخصوصه سوز ایدر . ایشته امریقالی ( ویلیام جیمس ) : ( ایلك خطومنی توجیه ایدن وسیله نه در ؟ ۱۰۰ دیه صور دوغنی سؤاله ویردیک جواب بودر . یعنی مناسبت مجاذبه در . مخاطبم سوز سوبلر کن بر کله نک بریحی هجاسنک تلفظی بیله بنده بر خیال معین او یاندیره بیلیر . بزم ظرف تعیر مز جه ( لب دیمه دن لبلی بی آکلامق ) بوکا یک کوزل مثالدر .

مع مافیه دهادرین دوشونمک و به کونکی پسیقولوژی کشفیاتی بو حادنه نک تعریف و تنویری ایچون رهبر آنخا ایتک نمکندر :

عجبا شعور مز اولمادن ذهن مز کنندی کندینه حرکت ایدیورده — عادتاً قورولش بر ما کنه کی — متصل ایشلیورمی ؟ . . . اگر ، اسباب حصولی بیله مدیکمز و بوله مادیمز حادثات ذهنیه نک ( inconscient غیر مشعور ) اوله رق وقوعه کلیور دیکنی ، و ( شعور conscience ) دیدیکمز قابلیت مستثنانک حادثات غیر مشعورنی متعاقب پیدا اولان بر ( لمعه ادراک leur de perception ) اولدوغنی قبول ایدمک اولور سه . واقعا ، ایش بر از قولایلا شیر ؛ چونکه : ( هر زده دن و هر ناصل اولور سه اولسون ، ذهن ، تلقی ایتدیک تأثیراتک تحریکیله — ( دفی و قسری impulsif ) اوله رق کنندی کندینه ایشلیور ؛ افکار و خیالات و خواطر دخی او ( فعلا لیت غیر مشعوره activité inconsciente ) نک اقتضاسنه کوره — یعنی ( صرف میخانیکی بر صورتده d'une façon purement mécanique ) — بال تداعی ترتب ایدیور ؛ بز انحق ، نتیجه سندن بالا خره خبر دار اولور . یورز ! ۱ دهه بیلیرز ، و بو تعریف — بو کونکی پسیقولوژییه موافق بولوندوغنی ایچون — خلیجه طوغرو کورونور . لکن او زمان باشقه بر کریوه مشکلاته دوشرز : اگر بو طریق تفکری صوکنه قدر تعقیب

ایدرسهك، ارادت روحی انكار ایتكده مجبور ومضطر قالیرز . چونكه شعور، حادثات روحیهده ارتق بر ( مبدأ principe ) صایله ماز، انجق بر نتیجهدن عبارت قالیر . حتی — معنای حقیقی سیله — بر ( حادثه phénomène ) بیله عد ایدیه من ؛ بر ( épiphénomène ) یعنی بر ( حادثه نك گولگه سی ) کبی برشی اولق درکهنه دوشر . [بو تعیره باقیکز !] حالبوکه ارادته شعور، برنجی شرطدر؛ او قدرکه ( شعورسز ارادت ) ، تصویری ممنع، معناسز بر تعیردر . ( réflexe کلههنه باقیکز . ) الكویوك ( معما énigme ) بودر . بوتون فلسفه مناقشات یونی حل ایده بیلیمک ایچون وقوعه کلیور ؛ انكار ایتک ایچون دکل . . . .

او سیله درکه شعور وارادتمزی تسلط شهیدن قورتاره بیلیمک ایچون فیلسوفلر اوغراشوب طورویورلر . چونکه ینک نظرده ذی شعور وصاحب ارادت اولدوغنز بدییی کبی کورونویور . بویله اولماسی ده لازم ؛ چونکه — اعتقاد جمهوره کوره — معاملات بین البشریه نك انتظام و آهنگی بو اساسلره مستند بولونویور . ( حق ، وظیفه ، مسئولیت , droit, devoir , responsabilité )، الحاصل بوتون انسانلغمز بو مبادی یه طایانیور . ( بو خصوصده اعتقادمز شبهه یه دوشرسه عملده تأسیس موازنه ایدوبده اخلاقی قورتارمق ممکن اوله ماز . ] دیه فریاد ایدن فیلسوفلر آز دکلدر .

حالبوکه بو تداعی کیفیتی، مدهش بر عقده تشکیل ایدیور . بو عقده یه طوقونور طوقونماز ، او یله بر ( قیاس مقسم dilemma ) ایچنده محبوس قالورز که ایچندن چیقمق قولای دکلدر . چونکه او قیاس مقسمک برطرفی ( ارادت واختیار libre arbitre ) ، دیگر طرفی ده ( ایجاب واضطرار déterminisme, contrainte ) مسئله لرینه پیوسته اولویور . تداعی مسئله سنی منحصرأ علمی، یعنی میخانیکی برصورتده حل ایتکده قالدیشیرسوق ارادتی — بالمجبوریه — انکاره واریورز . ارادتی انکار ایدنجه روحك استقلال وجودینی دعوا ایتک عبث، مدافعه ایده بیلیمک ممنع اولور . ارادتی اولمایان بر روحك — حادثات معنویه یی تعریف ایچون — لزومی ده قالماز . حتی او یله بر روح اولماز . چونکه، ( حد ذاتهده En soi ) روحك نه اولدوغنی

بر بیلان یوق ! روح نامنه بیلدیکمز ، کندی (ارادت Volonté) مزدر .  
 بناء علیه (روح، ارادت) بالفعل، عینی شیدر . روح، ارادتک معنای مجردیدر .  
 (عکس مدعا antithèse) بی التزام ایله حکم ایدرک : (ارادتمز واردر !)  
 دیه ادعا ایدر سهک بو ادعای بالجله احوال معنویه تشمیل ایدر بیلمه لی یز .  
 او تقدیرده دخی ، ارادتمزک — آدیم باشنده بر — مهم مانعه لره تصادف  
 ایتمکده اولدوغنی حس ایدرز . فضله اوله رق تحقیقات علمییه کلیاً اهل  
 ایتمش اوله جغمزدن طولانی (علوم صحیحه sciences exactes) ایله  
 قطعاً آره مز آچیلیر . حالبوکه بویله مسئله لرده حکم غالب، علمک — وعلی  
 الخصوص بو دعواده الک زیاده صلاحیتی مسلم اولان — پسیقولوژی نك  
 رأی در . (psychologie) کله سنه باقیکر !

بو کی مسائل خطیره ده پسیقولوغلرک، عقیده شخصییه سی نه اولور سه  
 اولسون، پسیقولوژینک — بر علم صحیح اولمق حیثیتیه ! — رأی واعتقادی  
 صراحتاً معین ومعلومدر . بو علم، سائر علوم صحیحه کی (ایجابیه déter-  
 minisme) مسلکنه حق ویریور . حتی (ویلیام جیمس) شخص آروحت  
 استقلال و ابدیتیه قائل بولونوغنی حالده تا اعی بی علم روحده مبدأ اتخاذ  
 ایتمکده . اعتراف ایدیور که یازدینی پسیقولوژی کتابی ، تماماً (ایجابیه)  
 مسلکنه موافقدر؛ ماتریالیستجه یازلمشدر؛ باشقه چاره ده یوقدر . چونکه  
 (روح علم l'esprit de la science) بالجله حادثاتی (تسلسل اسباب  
 enchainement des causes) ترتیبی اوزره، صرف میخانیکی بر صو-  
 رده تعریف ایتمکدر . بوده انجق (déterminisme) فلسفه سی تصدیق  
 ایدر بیلیر . بو سببیت زنجیری آلتنده حریتیه بر قالماز وارادت اولماز .  
 بو آفکاره ایله برابر بوتون علما دخی عینی اعترافده بولونویورلر . سپنسر  
 دخی عینی ادعاده در، و بو ادعا طوغرودر .

شیمدی آکلورز که بو (نداعی) کیفیتی — بداات وقوعه رغماً — بزی  
 (نقیضین antinomies) کریومه سنه دوشوروب حیرته بر اقیور . قانتک  
 (antinomies) جدولده ذکر اولوندوغنی اوزره ایکنجی صنفده داخل  
 بولونان فضا یای متناقضه نك برنجی (قیاس مقسم dilemme) نه طوتولمش

اولدوغمزی حس ایدیورز : (حادثات طبیعیہ علل مستقلہ واردر. بناءً علیہ ارادت واردر! = حادثات طبیعیہ نك جملہ سی بحسب الایجاب وقوعہ کلیر. بناءً علیہ ارادت یوقدر!) ایشتہ (antinomie) بو! علم، بو قیاس مقسمك ایکنجی مدعاسنی تصدیق ایدیور. (antinomies) کله سنده ant. dynamiques تعیرینه باقیکز!]

بو تداعی مسئلہ سنك نیچون بوتون فلسفہ عالمی جالقالادیغنی، بو ایضاحات - اسباب موجبہ سیلہ - کوستریر. فقط براهمیتی مسئلہ دها وارکه (تدریبیون les empiristes) و بالخاصہ (جون ستوئت میل) اونیده تداعی قانونلریلہ حل ایتك ایستور: اوده قانتك (مبادی عقل صرف) دیدیکی (حقایق نظریہ)، یعنی (حقایق قبلہ vérités aprioriques) در. بونلرك نه اولدوغی برآز اول - بالضرورہ - ایضاح ایدلمشدی. (، rationalisme apriori تعیرلرینه دخی باقیکز!]

بونلری (تداعی نظریہ سی) ایله ناصل تعریف وتألیف ایدم بیاه جکمز؟.. شہہ یوق کہ بویله بر طاقم حقایق نظریہ وار؛ و اونلر (بذواتها بدیہی évidentes par elles-mêmes) اولدوغی ایچون تجربه ایله اثبات اولونمق مجبوریتدن مستغنی درلر. حتی هر درلو تجارب ممکنه اونلرك صحت و حقیقتنی تصدیق ایتدیکی حالده قدرت اقناعیه اعتباریلہ ماهیت ذاتیہ لرینه هیچ برشی علاوه ایتمز. اونلره عقل دفعهً حکم ایتمکله حقیقتلرینی تسلیم وتأيید ایدر؛ بناءً علیہ بو درلو حقایقك تجربه ایله علاقوسی یوقدر. اوقدرکه تقيضلرینی تصور وتخیل ایدم بيلمك متمنع در. (حکمای اسلامك بدیهیات دیدیکی قضایای عقلیہ بو ایدی ۱. مثلاً: (جسم متحيز در)، (ایکی خط مستقیم تحدید مکان ایدم؛ بناءً علیہ بر شکل رسم ایدم مز.) دیدیکمز زمان، ذهن، دفعهً بو قضیه لرك صحت مفادینی تسلیم ایدر؛ تجربه ایله اثباته مفتقر اولماز؛ چونکہ (تصور طرفین) یعنی قضیه نك موضوعی ایله محمولی بر کره دوشونمك کافیدر. جسم اولسونده مکاندن منزله اوله بیلسین!.. بونی تصور ایدم بيلمك احتمالی یوقدر. کذلک، بر نقطه ده متصل اولان ایکی خط مستقیم انحق بر زاویه تشکیل ایدم بیلیر؛ زاویه نك مقابلنده دیگر بر خط اولمادیغی

ایچون آجیق قالیر . شیمدی او ایکی خطی الی غیر النهایه تمدید ایتسه ک بیله  
ینه بر شکل ترسم ایده من ؛ چونکه نه قدر اوزاتسه ق اوندر آره لری آچیلیر .  
ارتق بونک بوله اولوب اوله میه جفی تحقیق ایچون تجربه حاجت ولزوم  
یوق . ذاتاً هر یرده هر خصوصده و هر زمان تجربه یایمق احتمالی اولمادی نی  
شـویله طورسون ، عکسنی دوشونمک ممتنع در . بناءً علیه بوکی حقایق  
تجربه دن متولد اوله ماز . اونلر عقلمزک کندی قوانین تفکری اقتضاسندن  
اوله رق کندی ذهنمزده کشف ایتدی کمز (حقایق قویه *vérités immuables*)  
در . علم ، انجق بوا ساسلره استناد ایده بیلیر !

ایشته قانت ایله برابر بوتون (عقلیون *les rationalistes*) ک الکوتلی  
ادعایی بودر . بوادعا طوغرو ایسه (تدرییه *empirisme*) مسلك فلسفه سی  
یا ککشدیر ؛ صلاتدر . چونکه ایکسینی تألیف احتمالی یوقدر .

میل بوکا جواب ویریور :

(اولا ، معهود مبادی عقلیه نک بر (قیمت مطلقه *valeur absolue*)  
سی یوقدر . بونلر انجق ، بزم کی یارادلمشیر ایچون و بزم قابلیت ذهنمز  
کوره (حقایق بدیهیه) دندر . نقیضی تصور ایدمه ییشمز سبب ، او حقیقتلرک  
عکسنی اثبات ایدمه بیله جک تجربه لرده بولونه مامش اولماغمزدر . بو خصوصده  
دخی (اعتیادات ذهنیه من *habitudes mentales*) برنجی درجه ده ذیمدخل  
در . فقط بعض کشفیات و ترقیات فکریه اونلری د یکشدرمه من دکلدیر .  
بوله بر تبدل عتقادک احتمال وقوعی اثبات ایدمه بیله جک بعضی تاریخی  
مشالار وارددر که مشهوردر . وقتیه - هم جوق زمان اولمادی - (نیوتن  
*Newton*) جاذبه قانونلر نی کشف و تعیین ایتزدن اول ، (*antipodes*)  
تصوری ممتنع ایدی : کیمسه قبول ایدمه یوردی که کره ارض اوزرنده بزم  
بولوندوغمز نقطه نک دیگر طرف مقابلنده انسانلر باش آشاغی طوره بیلسین ،  
کزه بیلسین ، قوشه بیلسین ده ینه باش آشاغی بروضعیتده یریوزنده یاشادیغندن  
خبردار اولماسین ! ... بونی تصور ایدمه بیلیمک اوقدر احتمال خارجه ند ایدی .  
که ، ارضک کرّتی علیه نک منطق دلیل اولمق اوزوه بو امتناع تصور  
فضیه سی ایلری سورولویوردی . (جاذبه) ، بوامتاعی حل ایتدی . بوکون

عکسفی تصور ایده بیلیمک مستعدر . کذلک ، ماده نك و قوتك محو اولوب  
 کیتدیکنی هر کس کوروپور و عکسفی تصور ایده میوردی . نه قدر حیزله  
 آتیلیرنه آتیلیرن ، نهایت بر یره دوشمین و دوشوب طورمایان بر طاش  
 یوقدر . بوتون تجارب انسانیه بونی بزه بر حقیقت کلیه اولوق اوزره تعلیم  
 و بو حقیقتی ذهنمزدده تحکیم ایتمشدی . دهادون (بقای ماده conservation  
 de la matière) قانونی ایله (بقای قدرت conservation de l'énergie)  
 قانونی کشف اولوندی . (لاووازیه Lavoisier ایله (جول J. P. Joule)  
 و (مهیر R. Meyer) ک بولوب افشا ایتدیکی بوا یکی مهم قانون ، (غالبه  
 G. Galilée) نك (عطالات inertie) مبدائی تصدیق و تنویر ایتدی .  
 شیمدی علما ، بو حقیقتلرک تصور تقیضینی ممتنع کوروپور . حالبوکه جهلا  
 و اکثریت ناس حالا اسکی فکری بر (بدیهه اولی vérité de première  
 évidence) اوله رق تلقی ایتکده بردوامدر . (علم یقین connais. certaine)  
 بحثنده (قسطاس criterium) ، بر قضیه بدیهیه نك (تقیضی تصور ایتکده  
 امتناع l'inconcevable du contraire) ایسه ، کورولوبورکه ، بونک  
 قیمت مطلقه سی یوقدر . چونکه الی الابد ثابت بر معیار دکلدر . بومشله نی  
 تداعی نظریه سی دها (معقول plausible) بر وجهله تعریف ایده بیلیر  
 و قانتک فرضیه سه حاجت برافاز . بزهر هانکی وجهله اولورسه اولسون  
 تلقی ایتدیکنمز حادثاتی ، نصل تلقی ایتش ایسه کینه او رابطه و او ترتیب  
 اوزره تألیفه فطرتاً میالز . (اعتیاد ذهنی) بودر . تداعی بو اعتیاده کوره  
 واقع اولور . اگر ایکی حادثه بی دایما صمیمیا علاقهدار اوله رق تلقی ایتکلش  
 ایسه ک ، مطلقا بری دیگرخی هر زمان اخطار ایدر . زیرا آره برنده کی رابطه  
 تداعی (لا ینفک inseparable) در . (جسم ایله حیز) ؛ (سبب ایله مسبب) ؛  
 (جزؤ ایله کل) ، (وارلق ایله یوقلق) و دها امثالی کبی که بونلر (asso-  
 ciation inseparable) نمونه لریدر . قانتک و توابعنک (مبادی عقل صرف)  
 دیدیکی شیلر ایشه بونلر در . فقط - اولجه اخطار اولوندوخی وجهله - بو  
 حقیقتلرک قیمت مطلقه سی یوقدر . تجارب مطرده و نا معدوده نتیجه سی  
 اوله رق (بالتجريد par abstraction) بر قضیه شکله قویدوغمز بو

فكر لرك ضدینه تجربه لرده بولونمق ممكن اولورده بر مهم يكور تشكيل ایدرسه او فكر لرك ياكاش اولدوغنه - عیبی قناعتله - اینسانه بیلیرز . نته کیم امثالی ذکر ایتدم . بوندن ماعدا بوتون ( تداعی ) رابطه لری ( قابل اشكاك separable ) در . مثلا : رنگلری ، شکل لردن ، شکل لری ده ماده نك ماهیت نوعیه سندن قولای قولای تجرید ایدرك آریجه تصور ایده بیلیرز . چونکه اولری مختلف شیلده صور مختلفه اوزره تلقی و ادراك ایده کلمنزدرد . اگر انسانلر ، اونه دنبری - و بلا استثنا - بر رنگی و یا خود بر سکلی انحق بر شیده کورمش و دائماً او شيله برابر اوله رق ادراك ایتش اولسه یدی ، عکسفی قطعاً تصور ایده مز ، باشقه درلو اونه بیللمه سی احتمالی دوسونه مزدی . کذلک ایکی شیئی ، دکر ایکی شیئه ضم ایتدیکی زمان ، بوندن همه حال بر او چونجی شی پیدا اولو ویرسه بدی ، ( ایکی کره ایکی بش ایدر !! ) قصبه سی بدیهات عقلیه دن معدود بولونور و تقیضی تصور ایتك ممنع اولوردی . بناء علیه بدیهات عقلیه دیدیکمز حقایق نظریه ده ( اساسی بر صفت کاسفه ) اولق اوزره ابرار ایدیه کلن ( حیثیت وجوب ) ک ماهیت صحیحیه سی رابطه تداعی نك ( لاینفك ) اولماسیدر . وجوب بوندن ایلری کلیور ؛ اوسبله درکه مثلا : ( هر جسم متحیز در ) . دیدیکمز زمان تقیضی تصور ایده میورز ، ( یعنی بعض جسم متحیز دکلدر ) . قضیه سی دوشونه میورر . ( باطل بدیهی ) اولویور . زیرا هر نه وقت بر جسم کورمش ایسه ک اونی - همه حال - بر طرفه متمکن ، یعنی بر مکانه متحیز اوله رق کوره بیللمنزدرد .

شیمدی یه قدر بوتون انسانیتك دائرة اطلاعه داخل اولایلن اجسام متنوعه نك جمله سنده ، تکرر ایدن تجربه لر عینی حقیقی مؤید بولوندوغی ایجون ، بوکی قضیه لرك کلیت حکمنه ده اینانیورز . چونکه بو حکمی نقض ایده بیله جک برتک ایتنا کوروله مه مش در . بوملاحظات اثبات ایدیورکه ، حقایق واجبه دخی تجربه اثریدر ؛ فقط ، شیمدی یه قدر انسانلرجه تحقیق ممکن اوله بیلن بالمله حادثاتی شامل بر تجربه کلیه محصولی در . بوتون حقایق ریاضیه و منطقیه بو قیلندرد . [ الی آخره !



(جون ستوئٹ میل) ك بو بجنده زبده ملاحظاتی بودر . بو مدعیانده  
شایان دفت بر ایکی جهت واردرکه پک جدیدر :

اولا ، (مبادی عقل صرف) دخی تجربه دن حاصل اولمش معلومات  
صیره سنه کیریور . حالوکه (قانت) بونلری منحصرأ عقله اسناد ایدیور  
— وهردرلو تجارب ممکنه نك ناظمی اولمق اوزره — تجربه یه متقدم بولونمالری  
لزومه قانع اولویوردی . بو اختلاف نظر ، پک اساسی در .

(دوكتور هیوودل Dr. Whewell ایله (سر ویلیام هرشل Sir W. Hershell)  
آره سنده بو مسئله ده دائر واقع اولان مناقشه مهمه ایچون  
apriori کله سنه باقیکنز .]

ثانیاً ، حقایق نظریه دخی بر (استقرا induction) نتیجه سی اولمش  
اولویور . شو قدر بر فرق وارکه بوکی دستورلری انتاج ایدن (استقرا)  
بر (تجربه کلیه expérience universelle) اوزرینه مستددر و هنوز ،  
او تجربه نك کلیت حکمی نقض ایده ییله جك بر حادثه مستثنا کوروله مه مشدر .  
میلک (منطق la logique) ده استقرایی اساس اتخاذ ایتمش اولماسنك  
حکمی — ایشته — بودر .

شو مدعیات طوغرودن طوغرویه (قد — طاس علم le criterium de  
la conn. ) و طولایسی ایله دخی (قیمت علم la valeur de la science)  
و علم یقین Conn. certaine) مسئله لرینه طوقوندوغی ایچون — بو خصوصه  
شیمدی یه قدر مسلم اولان — افکاری صاصرشمش و باشقه باشقه جریانلر  
آجهرق ، بحثی ، متنوع و متخالف وادیلره دخی سوق ایتمشدر .

[Certitude و Critérium کله لرنده بوکادائر تفصیلات واردر .]

مبادی علمیه یی ، بدیهائی ، متعارفه لری بو صورتله تعریف ایتك ، بوتون  
معلومات بشریه نك و سائط حواس ایله تاقی وادراك ایدیله گلش اولدوغنه  
دائر بر اعتقادی (تضمن impliquer) ایدر . (منشأ علم l'origine de  
la connaissance) بجنده فلسفه تدریجیه نك اساس اعتقادی ده بودر . بناءً  
علیه بو فلسفه ایله تداعی نظریه سنك اك صمیمی علاقہ سی ایشته بو نقطه ده  
واضحاً کوروله بیلیر . كذلك ، تداعی نظریه سی ، حادثات معنویه یی قوانین

طبیعی به تابع کوستردیکی ایچون ده (ایجابیه determinisme) فلسفه سنی  
تمامیه تصدیق ایتمش اولویور. زیرا، فی الحقیقه، افکار و خواطر و حسباً تَمَرَك  
سبیل جریانی بوتداعی قانونلرینه تابع ایسه و بو قانونلر دخی بر (اعتیاد  
ذهنی *habitude mentale*) نك دستور اقتضاسنی افاده ایدیورسه بوتون  
تسلسل افکار و خواطرک او اعتیاد قدیمه کوره ترتب ایتسی و او سبیل  
مجبوری بر وادی استقامت تعقیب ایلمه سی ضروری بر سیدر. (اویله  
اولونجه اعتیاد آتمز خارجه چیقوبده دوسه ونمک و هیچ تجربه ایدمه مش  
اولدوغمز بر طرزده تصور ایدمه بیلیمک ممکن دکلدرد. بناء علیه اعمال فکر  
ونظر، کیف و ارادته تابع دکلدرد؛ بوتون حادثات معنویه مزدخی - حادثات  
طبیعیه کی - میخانیکی و اقتضائی در؛) دیمک چیقار. او حالده عینی قوانین  
میخانیکیه ایله عالم آفاق و انفسک حادثاتی تعریف ایتمک بولی بولونمش اولور  
و بو صورتله وجدان بشر دخی آهنگ کائنه داخل اوله بیلیر.

صوکره، مادام که (بدیهیات اولی) دیدیکمز حقایق نظریه (لاینتک  
بر تداعی) محصولی در، اویله ایسه بونلرد خاص ظن ایتدیکمز (حیث  
وجوب) دخی بر (قیمت مطلقه) بی حائر اولمایوب الحق عندی و اضافی  
بر دستور اعتقاد اولق لازمکلیر. او حالده، (قوانین طبیعی) دخی شمول  
حکم اعتباریه (مطلق اولمایوب ممکن - *non pas absolues mais con-*  
*tingentes*) اولق اقتضا ایدر. یعنی بزم کندی علمزده کشف و تعیین  
ایده بیلدیکمز قوانین طبیعی نك - علی الاطلاق - هر درلو عوالم ممکنه حادثانه  
- عینی صورتله و عینی وجوب و ضرورتله - حکمفرما اوله جغنی ادعا ایتمک  
طوغرو اولماز؛ چونکه بزم او قوانینده کوردوکرز (حیث وجوب و کلیت  
حکم)، انحق کنندی (اعتیاد ذهنی *habitude mentale*) مزدن ایلری کلش  
بر اعتقاددر، و بوده (لاینتک بر تداعی) نتیجه سیدر. کائنات بزدن عبارت  
دکل یا!... نیجه نیجه عوالم وار. او عوالمده ذوی الحیات و ذوی العقول  
بر طاقم مخلوقات اولماسی احتمالی - فیض قدرندن - استبعاد اولونه ماز. او  
تقدیرحه سائر عوالمده وجودینی فرض ایدمه بیله جکمز ذوی العقول نظرنده  
مطلقاً [ایکی کره ایکی نك درت] ایتسی لازمکلیه بیله جک!... حتی، بزم

ذهنمزد ایچون ضروری و فطری بر اعتقاد حکمنی حائز اولان سببیت مبدأندن - او ذوی العقول - مستغنی و آزاده اوله رق دوشونه یله جک، دیمکدر .  
فرانسه فلاسفه معاصر اینندن ( برغسون Bergson ) ک خواجیه سی ( بوتر و Boutroux ) ، ( Contingence des lois de la Nature ) عنوانیه بر اثر یازمش و قوانین طبیعیه نک انجق امکان دائر . سنده حکمفرما اولدوغنی دعا ایتمشدی . آکلاشیلیور که بو مسئله دخی ( تداعی ) بحثیه صیقی صیقیه علاقه داردر .

[ بو مهم مسئله ، axiomes ، lois ، contingent کله لرنده بسط و مناقشه ایدلمشدر . ( بدیعیات l'esthétique ) بحثنده ده تداعی نظریه سی بر جوق شیلری و علی الخصوص ( حسن la beauté ) ی تعریف ایچون تطبیق ایدیلیور . ( Beau ) کله سنده تفصیلات واردر . باقیکنز ! ]

( associationisme ) لهنده جسورانه و غیر تورانه بر مناقشه آچان ( میل ) ، ک زیاده منطق ساحه سنده ( عقلیون les rationalistes ) ایله مجاهده ایتمش و ( منطق تعلیلی logique déductive ) ده ارسطو نه قدر بویوک بر موفقیتله شهرت قزائمش ایسه ، ( منطق استقرائی logique inductive ) ده دخی بوانکلز فیلسوفی عینی درجه موفقیت و شهرته نائل اولمشدر . فقط بسیقو- لوژی ساحه سنه نقل بحث ایتمه مشدر . حالبوکه بوتداعی نظریه سی ، اسکی ( ملکات ذهنیه facultés mentales ) فرضیه سی قطعاً حکمدن اسقاط ایده جک بر قوت و حیثیتی حائزدر . ( faculté ) هسه باقیکنز ]

بسیقو لوژی ساحه سنده بواصلاحات ترقی پرورانه یی اجرایه موفق اولان ذات ، فیلسوف ( آکسساندر بهین Alexander Bain ) در . منطقده و بسیقو لوژی ده صلاحیت علمیه سی عموماً مسلم اولان بو متفکره ، ( حواس و عقل The senses and the Intellect ) ، ( هیجانلر ، یعنی حسیات و ارادات The emotions and Will ) نامیه و جوده کتیرمش اولدوغنی ایکی بویوک اثرده ، بوتداعی قانونلرینی هر درلو حادثات و جسدانیه تطبیق ایتمش و فعالیت ذهنیه مزک هر نوعی او صورتله تعریفه چالشمشدر .

مع مافیه ، بوتون منقدين علم ، بالاتفاق تسليم ايديورلر كه بو نظريه يي  
— مستمد اولدوغى . رجئه اعلايه اصعاد ايدن — و بر ( عقيدۀ فلسفيه  
doctrine philosophique ) شكله قديان ، ( هر برت سپنسر  
H. Spencer ) در .

تكامل فلسفه سنك بائى اولان بوذات ، ( پسيقولوژى ) يي ( بيولوژى )  
اساسلى اوزرينه اسناد وتأسيس ايدرك ( حيات la vie ) ي ( محيطه مطابقت  
adaptation au milieu ) صورتيله تعريف ايله مشدى . حيات ذهنيه يي ده  
( ذى حياتك محيطى ايله مناسبتى ( correspondance entre le vivant et  
son milieu ) مبدآنه باغلامشدر . شو تقدیرجه عقل دخى برنوع مناسبتدر .  
( معيت simultanéité ) و ( توالى succession ) صورتيله ، ( يعنى مكان  
وزمان ظرفنده تجلى ايتك اعتباريله ) وقوعه كنن بالمله حادثات طبعيه  
آره سنده ( التصاق و اتصال cohésion et contiguïté ) ك هر درلودرجات  
ممكناسى واردر . نفسمزله عالم خارجينك بعضى روابطى ( ثابت ولا يتغير  
fixes et immuables ) در ، وهيج براستناسى ده هنوز معلوم دكلدر .  
ايشته ( بديهيات و مبادى عقل صرف و حقايق واجبه ) ديديكمز شيلر بو  
درلو رابطه لرك دستور افاده سيدر . بونلر عالم خارجى ده كى نظام وآهنگ  
دائى نك بزجه معلوم اوله بيلن دستور لريددر . بو حقيقتلرى شهمسز محيطمزدن  
تلق ايتشمزدر . بناء عليه بونلر تجربه محصولى در . فقط تجربه شخصيه اثرى دكل ،  
بوتون انسانيتك تجربه مطرده سى ايله بزلله . ارثاً انتقال ايتمش عقائد قومعه درلر .  
بلكه ميلونلرجه سنه لر دنبرى دوام ايدوب طوران و براستنا عرض ايتمين بر  
تجربه عامه ايله محكم و مؤيد بر طاقم فكر لر در . بونلر واقعا بوكون افراد بشر يه نك  
ذهنده ير ايتمشدر ؛ يعنى عقلا بالذات ( بنه تشكلى constitution )  
و ماهيتى اقتضاس ننددر . شو تقدیرجه هر فرد ايچون بونلر ( حقايق قبله  
v. apriorique ) در ديه بيليرز . لکن انسانيت ايچون اويله اوله ماز ؛  
زيرا عقل ذاتاً ، عضويتك كندى محيطى ايله مناسبتندن طوغمشدر و او  
مناسباتك كالى نسبتنده تكمل ايتمشدر . بو رابعه ، ( تجربه ) نك اك عمومى

وکنیش معنا سیدر. او حالده عقلک کنیدیسی بیله محصول تجربیه در . [ innée ]  
کلمه سنه با فیکز . ]

سینسرك - بك مختصر اوله رق عرض ابتدكم - شو مهم ملاحظاته  
كوره ( تداعى ) كیفیتی ، طبیعت عضویه من اقتضاسندن اولو یور و بوضورتاه  
بر ( قیمت حیاتیه *valeur biologique* ) اکتساب ایدیور . فضله اوله رق  
عالم خارجى نك - بزجه ادراك اولونه بیلن - بالمله حاد ناتیله ، اولنرك جریانلرینه  
یعنى آهنگ عالمه ، حیسات ذهنیه من معكس اولمش اولو یور . بونكه برابر  
كرك حیات عضویه من ، كركسه حیات ذهنیه من ( محیطه مطابقت ) دن عبارت  
قالیور . یالكز فعالیت ذهنیه من ككلى بو مطابقتك صحت و صمیمیتی  
و مكملیتی ایله متناسب بولونویور .

بو درین ملاحظه نك قیمت فلسفیه سی حقیقتاً بك بویوكدر ؛ چونكه  
دهای بشرك كشف حقیقتده نفوذ نظرینى تعریف ایده بیلیر . یعنی بعضی  
تصوراتنرك - ناصل اولوبده - بالاخره عیناً تحقق ایده جك صورتمشیت  
طبیعته توافق ایده بیلدیكنی ایضاح ایدرك نظام عالم ایله آهنگ افكار من  
آره سنده کی ( موازات *parallélisme* ) كسبنی كوستریر . [ بوكلمه با فیکز ! ]  
فرانسز فلاسفه معاصریندن ( Ribot ) بوتداعی نظریه سنی ( ملكات )  
فرضیه سیله مقایسه ایدرك غایت طوغرو بر حکم ویریوركه ( *faculté* )  
كلمه سنده نقل و ایضاح اولونمشدر .

بجك اهمیتى و تعلق و تماس ابتدكى مسائل فلسفیه ایله علاقه سنى  
كوسترمك ایچون بوقدر ایضاحات كافیدر یالكز شونى عرص ایده یمكه  
بوكون هر كس بوقانونلری تسلیم و تصدیق ایتكه مجبور بولونویور . حتی  
( روحیون ) بیله قبول ایتكدن چكسیمیورلر . شوقدر واركه استقلال و ارادت  
روحی تسلط شهبدن قور تارمق اندیشه سیله دوشونن متفكرین - بالخاصه -  
( قانت Kant ) ك بو بایده کی ملاحظاتندن استعانه ایدوب قوت آلمق احتیاجندن  
قور توله میورلر : بوقانونلری قبول ایتكه برابر ، عقلی - فوق القانون -  
بر ( ناظم *régulateur* ) موقع و وضعیتده كورمك و كوسترمك ایستیورلر .  
( *fibres d'association* ) تعمیری ده واردركه ، فیزیولوژی و

(پسیکو - فیزیولوژی (Psycho-physiologie) ده مهم در . معلوم در که  
 دماغز و بوتون جمله عصبیه من ایکی درلو ماده عضویه دن متشکلدر . برینه  
 (جوهر سنجایی (substance grise)، دیگرینه ده (جوهر ابیض substance  
 blanche) دیرلر . جوهر سنجایی، (حجیرات مستقله - cellules indépen-  
 dentes) (کومه agrégat) لرندن عبارتدر . (جوهر ابیض) دخی،  
 غایت رقیق و منمادی بر طاقم (الیاف عصبیه fibres nerveuses) دن  
 متشکلدر . دماغمرك سطحی بوتون او (حجیرات سنجاییه) ایله قایلدر ؛  
 فقط اونلرك هر برینك برچوق استطالاتی و اردرکه - تلغراف تلیری کی -  
 الیاف صورتنده اوزایوب کیدر و بدنك هر طرفه منتهی اولور . حتی (قابلو cable)  
 کی (حزمه faisceau) شکلنده اوله رق (نخاع شوکی moelle épinière)  
 دن یکدکلی مشاهد اولونور . بونلر نواحی و نقاط محیطیه ایله حجیرات  
 دماغیه آر-سند مؤسس رابطه لر در و انحق ناقلا درلر . (efferent, afferent)  
 تعبیرلینه باقیکنز !]

خارجدن کلن اهتزازاتی - احساسات صورتنده - تلقی و اقتضاسنه  
 کوره اراده حرکت ایدن ، حجیرات سنجاییه در . حتی دوشون ، سویله بن،  
 الم و ذوق طویان انحق او حجیراتدر . بو حجیرات آ-سندده آبریحیه الیاف  
 عصبیه و اردرکه برینك تأثراتندن دیگرلرینه ده خبردار ایدر . ایشته  
 (fibres d'association) بونلر در؛ و (تداعی) دیدیکمز کیفیت روحیه نك  
 وقوعی ایجاب و تأمین ایدن (وسائط تشریحیه) بونلر اولق لازمکلیر .  
 (cellule کله-سند تفصیلاته باقیکنز !]

(sympathie , antipathie) بی دخی تداعی ایله تعریف ایدیورلر .  
 فقط ، بوکونکی پسیقولوژی نك اساسی تداعی نظریه سی تشکیل ایتکده  
 اولدوغی ایچون حادثات معنویه نك جمله سنی بو نظریه ایله - دهها معقول  
 بر صورتده - تعریف ایتک ممکندر و اصول علمیه موافق اولان سیاق  
 نظرده بودر .

## لا قیدی Ataraxie

Ataraxie

اصلاً یونانی اولان بو کلمه، يك اسكى زماندنبری مشهوردر، و بر حالت روحیه یی بیان ایچون اصطلاح اوله رق وضع و قبول ایدلمشدر . میلاددن ( ۴۹۴ ) سنه اول تولد ایتمش بولونان فیلسوف یونانی ( دیمقراطیس Democritus ) غالباً بو کلمه یی اك اول اصطلاح مقامنده قوللانتش اولان زاندر. مع التأسف بو صاحب مسلك فیلسوفك، تکمیل آتاری محو و نابود اولمش ایدیکندن، فلسفه سنك احکام اساسیه سنی ناطق اولان بعضی افکار مهمه سنی، دیگر معاصر فیلسوفلرک و علی الخصوص ارسطونك ملاحظات تنقیدیه سی سایه سنده براز بیلوروز. چونکه اونلر دیمقراطیسك بعضی سوزلری عیناً ذکر ایتمشلر و او سوزلر زمانمزه قدر مضبوط اوله رق انتقال ایده بيلمشدر. بوتعیر حقیقده دیمقراطیسك کندی تعریفی عیناً شو جمله ایله مضبوطدر: (ἐκ τοῦ ἀπορίσθαι καὶ τῆς ἀταξίας τῶν ἡδονῶν) یعنی ( ataraxie ) ( حظوظاتی بر بردن فرق و تمیز ایتمکدن عبارتدر، ) دیمك اولویور. شو تعریفدن اکلاشیایورکه بوتعیرك ایلك معنای اصطلاحیه یی بوسبوتونده کیشمشدر؛ چونکه حظوظات نفسانیه آره سنده درجه و ماهیت اعتباریه اینجه دن انجه یه فرقلر آرامق تقیدی ( بی قیدی ) عد ایدیه من. دیمقراطیسك بو کلمه ویردیکی حیثیت معنا اعتباریه ( Ataraxie )، بالعکس ذوقه عائد برنوع ( قوه تمیزه ) اولمش اولور. مع مافیه بوتعیرك ایکی معناسی ده اواردر :

( حسبانیون les sceptiques )، بو کلمه یی تماماً ( بی قیدی ) معناسنده قوللانتشلر و بو قید سرائی دخی ( شبه le doute ) نك لازم غیره مفارقی اولان بر ( حالت روحیه état d'âme ) کی قبول ایتمشلردی: « بی قیدی شبه نك کولک سیدر؛ اونی دائماً تعقیب ایدر و اوندن قطعاً منفك اوله ماز... » دیرلردی. بو تشبیه يك معنادارد و طوغرودر . زیرا طبیعی درکه انسان حق ایله باطل، خیر ایله شر آره سنده هیچ بر فرق کورده میه جك قدر

شبهه ایله مسحور و مفتور اولونجه ، كرك حادثات و احوال طبیعیده ، كركسه معاملات و افعال انسانیده — قیمت اعتباریله — بر تفاضل كوره مز ؛ بناء علیه برینی دیگرینه ترجیح ایدمز . فكر و نظر ایچون شبهه نه ایسه، عملدهده لاقیدی عیناً اودر؛ یعنی شبهه ایله بی قیدی ، عینی حالت روحیه نك فكر و نظرده وساحه عملده باشقه باشقه جلوهرلیرد . ( adiapthorie ) تعیرینه باقیكز !

شو ایضا حادتن آ كلاشیلوركه، بو كله بی اولای بر تعیر علمی واصطلاحی اوله رق استعمال ایدن ذیمقراطیس، ( حظوظاتی تمیز ایتك ) قدرتی معنای اصطلاحییه اساس اتخاذا ایشدر . حسابیونك ویردكلی معنا بونكه تماماً ضدر ؛ چونكه هر شیدن شبهه ایتكدن طولای ، هیچ برشیده یمتجه فرق كوره مه مك، اولری ( تمیز ایدمه مك ) دیمكد . بومهمدر ؛ زیرا ( بییدی ) كله سنك حسابیه سیاق نظر نجه ( ataraxie ) معناسنه تماماً توافق ایتدیكى كوسترمكه برابر ذیمقراطیسك مراد ایتدیكى معنائك تماماً قیضی افاده ایدیور .

بو تعیر ( رواقیون les stoiciens ) غندنده دخی معتبر اولمش و جوق قولالئشدر . فلسفه ده مبادی اخلاقیهیه هر مسئله دن زیاده اهمیت ویرن واحكام اعتقادیه سنه كوره عمل ایدن بو فرقه فلاسفه نظرنده اك بویوك فضیلت، ذوق والمه، فلاكت وسعاده قارشى تماماً لاقید طاورانق و روحی بوكی عواملك تأثیراتندن بوسوتون آزاد ایتكدی . [ stoiciens و écoles كله لرینه باقیكز ! ] رواقیون بو بی قیدی بی فیلسوفلغك شانندن بیلرلردی . خلاصه آ كلاشیایور كه ( ataraxie ) سوزینك اوچ درلو معناسی وارددر . بریسی ( حظوظاتی بر بردن فرق و تمیز ایدمه بیلیمك قابلیت ) در و ذیمقراطیسك بو كلهیه ویردیكى ایلك معنا بودر . ایكنجیسی، عالمك وقوعانی وانسانلرك اعمال و افعالی آره سنده قطعاً فرق كوره میوب ( اهلال قیم ) ایدن حسابیونك، هر حال وكارده ( لاقید و علاقه سن ) طاورانمه سی در . اوچنجیسی ده بو دنیانك سعادت و نكبتیه قارشى هیچ متأثر اولماق فضیلتی نخبه اخلاق بیلن و او وجهله حركت ایدن رواقیونك كبر نفسی ، علوجنابی و كندی



حسیانه تحکمی دیمکدر . بو اوچونجی معنا ایه تلقی ایدلدیکی زمان بهه دن ویاخود ( تأثر سزلک apathie ) دن متولد بر حالت روحیه دیمک اولمایوب عزت نفس وحب استقلالدن متولد بر قیدسزلق معناسنه کلیر . بومعنا فرقی بک مهمدر، زیرا ( apathie ) تأثره عدم قابلیتدر، حالوکه رواقیون کبی حرکت ایده بیلیمک ایچون فوق العاده بر ارادت و متانت ایستر .

فرانسزجه

انکلیزجه

آلمانجه

ایتالیانجه

Atavisme

Atavism

Atavismus

Atavismo

جدانیت

Atavisme

بو کله نك اصلی لاتینجه دهه ( atavus ) لفظی درکه معناسی ، اوزاق اجداددن بریسی دیمکدر . بو کونکی ترکیه مزده دهه ( آنالریمز ) دیدیکمز زمان بک اسکی اجداد منری مراد ایدرز .

بو تعبیر علمی ( بیولوژی ) اصطلاحاتندن در و صولک زمانلرده احداث و وضع اولونمشدر . وراثتک بر جلوّه مخصوصه سی در . ( وراثت l'hérédité ) بالذات بدیهی بر کیفیت اولدوغی حالده هنوز ستر حکمتی کشف اولونه مامشدر . ( بو کلمه باقیکنز ! ) یالکیز آثار تجلیاتی اوقدر ظاهر و اوقدر عمومی درکه اونی کورمه یین ، بیلیم یین یوقدر . مثلاً کوبولر بک اعلا بیلیرکه تپه لی طاووقلرک یومورطه لری قولوچقه یه یاتیرلقدن صوکره چیقان پیلیچلر بو یونجه یینه تپه لی طاووق اولور ؛ لکن جدانیت دیدیکمز طرز وراثت بویله سی دکدر : شیمدی یه قدر غرائب خلقتدن معدود اولان بعضی ( خوارق anomalies ) کوردولویور و اسباب ظهوری تعریف اولونه میوردی . بو کون بو غرائب عضویه نك بر قسم کلیسی - انجق جدانیت کیفیت -ه حمل اولونه رق - تعریف ایدیه بیلور .

مثلاً : بعضی ( خصوصیات عضویه particularités organiques ) اولویورکه ابوینده ویاقین اجداده کوروله مامشدر . ( صیوان اذن pavillon de l'oreille ) ک - سیوری اولماسی ، ( قوس حاجب arcade sourcilliaire )

ك چيقيق اولماسى، يعنى قاش كيكلربنك ايلرى يه طوغرو فيرلاق اولماسى؛  
چكه كيكنك بك بارز وضميم اولماسى [كه prognatisme ديدكلرى شكل  
ردى بودر] كي!.. بونلرك جمله سنى تكامل فلسفه سى (خصائص نسائيه =  
caractères simiens) ده نيلن تشكلات قدمنك برر علامتى اوله رق  
تلقى ايدىيور. اونك ايچون اونلره (stigmat) تعيرى اصطلاح اولمشدر  
كه (نشان) ديمكدر شيمدى بر چوجوق بو تشكلات عضويه دن برى  
وياخود بر قاچنى عرض ايدرده اناسنده باباسنده و برچوق بطنلرجه ايلرى  
اجدادبنك هيچ برينسده بويچيمسزلكلر كوروله مەمش اولورسه، او وقت  
بويله بر چوجوغك شو تشكلات غريبه سى (جدائيت) يفيته بر مثال  
تشكيل ايدر؛ فقط بوتون برسالالده بلا فاصله ظهورى كورولن بعضى  
تشكلات خصوصيه (جدائى atavistique) بر كيفيت صاييلماز.

آكلا سيليوركه (جدائيت)، (وراثت) ك بر شكل غريبى در و بويوك  
بر فاصله تكاملدن صوكره بك قديم و ابتدائى بر شكل عضوينك بر دنيبره  
جلوه اتمسيه تحقق ايدىيور. اونك ايچون بوكي حادثات عضويه ني (حال  
ابتدائى يه رجوع retour à l'état primitif) ديه تعريف ايتشلردر. بناءً  
عليه (تكامل عضوى évolution organique) نك ضدى صاييلير؛ يعنى  
عضويتده بر (حركت دركيه و رجعيه mouvement régressif) ديمك  
اولوركه (تدنى) در.

بوكي احوالى بر (وقفه تكامل arrêt de développement) اولمق  
اوزره تعريف ايدنلرده چوقدر. [arrêt كله سنه باقيكز!]

بو صورت تعريف ياكلش دكلدر؛ زيرا (anomalie) بمختنده ايضاح  
ايدمش اولدوغى وجهله تشكلات عضويه ده كورولن بر چوق (غرائب  
خلقت)، فى الحقيقه بعضى اعضائك بر وقفه تكامله اوغرايوب او شكل  
ابتدائى اوزره قالمش اولماسندن ايلرى كليور. بوكون بو خصوصيه شهبه  
قالماشدر. مثلا (شفة الارنب bec de lièvre) ناميله مشهور اولان قصور  
تشكل، بروقفه تكامل نمونه سيدر. (مبحث جنين Embryologie)، اوست

دوداغك — بعضی آدملرده — بویه یرتیق قالمش اولماسنك اسبابی بك كوزل تعریف ایدییلور: (حیات داخل رحمی vie intra-utérine) ده جنینك اوست دوداغی — اولا — اوچ نقطه دن (تبرز bourgeonner) ایدیور؛ یعنی آیری آیری اوچ پارچه اوله رق نهت بیتمكه باشلیور؛ صوكره بو اوچ پارچه بر اشه رك بایشیور و اوست دوداغی تشكيل ایدیور. اكر بر (مانعه غریزه obstacle physiologique) سبيله بر اشه مرسه اوله جه یرتیق قالیور. بو قصور، شبهه یوق كه بر وقفه تكامل نتیجه سیدر .

فقط الی پارماقلی طوغمش اولمق بوكا تماماً بکزر می؟ . . . بوراسی جای تأملدر. زیرا الی پارماقلی بر الده سائر پارماقلا هیچ بر وقفه تكامل علامتی عرض ایتدیکی حالدده برده فضله ولزومسز پارمق وارددر. بو مثاله جنینك الی — حیات داخل رحمینك دوامی اثناسنده — الی پارماقلی ولمق اوزره (تبرز bourgeonnement) ه باشلامش واوله جه تكاملنده دوام ایتمش دیمكدر. شو تقدیر جه (وقفه تكامل) نظریه سیله بو غرابی تعریف ایتك كوچ اولور. چونكه الی پارماقلی اولمق — حد ذاتنده — عضوی بر قصور دكددر، واوله حیوانلر وارددر. بونی وبو نوعدن اولان قصورلری علما باشفه بر طرزده ایضاح ایله ینه جدانیت کیفیتنه ارجاع ایدیورلر:

انسانك بو كون بالجله حیوانات ایله از چوق قرابتی اولدوغی تحققی ایتشددر. حتی علمای متخصصیندن مشهور (هكسلی Th. Huxley) بو قرابت عضویه نك درجه سی كوستریر بر مهم قانون بيله كشف ایتشددر. [hérédité, transformisme, darwinisme] کله لرینه باقیكز! بعضی اجناس حیوانیه ده مثلا (ضابیه les sauriens) جنسنده پارمقلا التیشیر دانه در. بو جنسنك انسان ایله بك اوزاق و ابتدائی بر قرابت عضویه سی وارددر. (الی پارماق طوغانلر — هیچ اولمازسه بو عضوا اعتباریله — زواحف جنسنه جكمش ومن جهة او ابتدائی شكله رجوع ایتشددرلر،) ده نیلیور؛ بناء علیه بو قصور تكامل، ینه بر عضو مخصوصك (حرکت درکیه mouvement regressif) سنی اظهار ایتدیکی ایچون (حال ابتدائییه رجوع) صورتبه تعریف ایدمش اولویوركه (جدانیت) بودر .

مع مافیه باشقه مثالدرده واردرکه بو درلو غرابتری تعریفده آز چوق تعبدیلا نه لزوم کوستیر. مثلاً انسانلرده قولاغی حرکت ایتدیره جک عضلات مخصوصه واردر، فقط بو کون عاطلدر؛ ایشه یاراماز. اکلاشیلان وقتيله صیوان اذن بشرک التوائت داخلیه سی ( یعنی قولاق قانادینک ایچنده کی قیورنتی لر) یوقش، ویاخود بو کونکی کی مکمل دکل ایمشده، انسان وحشی، سسک نه طرفدن کلدیکنی کسدره بیلیمک ایچون — حیوان کی — قولاغی اوتیه بری به تحریک ایتک مجبوریتده بولونورمش. صوکره تمدن ایدنجه التوائت داخلیه تکمل ایتش وصدانک جهت استقامتی تقدیرایچون قولاغی تحریک حاجت قالمامش. علما — بونی بویه دوشونوب تفسیر ایتکه — متایل بولونویور؛ یوقسه قولاغمزک عضلات محرکه سنی تعریف ایتک ممکن دکلدر.

کذلک بزم (اعور Caecum) مزده یعنی (کور باغرساق) مزده بر (ذیل دودی appendice caudal) وارکه (آپاندیسیت) خسته لنی بوانجه جک باغرساغک التهابندن ایلری کلیور. بونکده بوکون بر خدمت معینه سی یوقدر. فقط هر کسده بومضر و تهلهکلی اینجه باغرساق واردر. اویله ظن اولونویورکه، پک اسکی بر دور وحشده انسان، ( حیوانات مجتره animaux ruminants) دن ایمش. قارتی طویوردقن صوکره عادتاً (که ویش کتیریر) مش. اوزمانلر بو باغرساق البت دهابویوک وفعال ایمش؛ بالاخره — احتمال که ات یمکه آلیشدقن صوکره — اوعضو عاطل قاهره ق، بویه (ضمور حالی état rudimentaire) نه دوشمشدر.

بو تهریف وقوع حاله موافق ایسه، بو کیفیت و قولاغمزک عضلاتی ( حال ابتدائی به رجوع) دستوریه ایضاح ایتک پک طوغرو اولماز. چونکه رجوع یوقدر. وقفه تکامل بیله یوقدر. یالکز بر عضو مخصوصک (عادتندن قالماسی حسیله par désuétude) وظیفه سنک بوسبوتون معطل اولماسی، کیفیتک حکمتی شرح ایده بیلیر. او حالده بونلر قدیم عادات عضویه مزک علامت متباقیه سندن صابیلیر و (survivance) حادثاتنه مثالدر. [ بو تمیره باقیکنز. ]

مع مافیه الك اوزاق اجداد مزدن قاله اولدوغنه باقيليرسه بونی (جدانیت) حادثاتندن عد ایتک ینه یا ککش اولماز . نته کیم علمسا بوکی غرائب احوالی هپ ( atavisme ) ایله تعریف ایدیورلر . بوتون بومسائل علمیه ( darwinisme ) و ( évolution ) فلسفه سنک آچدینی جریان افکارک سیل مناقشاتیه میدان بجنه سوروکلنه بیلدشدر .

بوکون بر جوق شیر بوضورتله تعریف اولونویورودها معقول کورونویور حتی فطری عد اولونان بعضی عادات سقیمه و مقدوحه بيله ( جدانیت ) نظریه سیله معنادار بر صورتده توضیح ایدیوریور . مثلاً ، بعضی انسانلر - حتی یک مدنی مملکتلرده تربیه لی عائله لره منسوب بعضی عقللی کیمسه لر بيله - طیرناقلرینی بیرلر . بو عادت کریهه ، بر ( عصیت مرضیه ) نك علامت ظاهره و مخصوصه سی کی تلقی ایدیله کلمشدی . عصی خسته اقلر متخصصیننک ( قاضمه les rongeurs ) نامه یاد ایتدکاری بو آدملر ، برسیکیرخسته افغنک تأثیریه ، بویه طیرناقلرینی دائماً کیریورلر ، ظن اولونویوردی .

( جدانیت ) نظریه سی، بوعادت مذمومه نی ( حال ابتدائییه رجوع ) صورتیه تعریف ایدیورکه ده زیاده عقله یاقین کورونور : ( قبل التاریخی انسان l'homme préhistorique ) ، طیرناقلرینی کسمک ایچون البته مقاص قوالا نمازدی . توواتتی دیشلریله یاپاردی . بوکون [ بو ( کیریجی لك ) ، الك ابتدائی بردور وحشتک ، یادکاری در . بناء علیه یک قدیم بر عادت متروکه نك تکرار تجلیسی در . یعنی جدانیتک بر نوع جلوه ظهوریدر ده نیلیورکه البت عصیت فرصیه سندن ده معقول برتعریفدر .

بو نظریه یی ( حقوق جزا droit pénal ) یه تطبیق ایدن حکما وعلی الخصوص ( جنائیون les criminalites ) ، اوندن بر خیلی مهم نتیجه لر استخراج ایتشلردر . هله ( لومبروزو Lombroso ) و ( فره ری Ferris ) ودها بر جوق ایتالیان علماسی ایله انکلز طیب حکیمی ( مودسله Maudsley ) ، ازباب جنایتی ( جدانیت ) علامم بهیمیه سیله شایان دقت بردرکه و حشته دوشمش انسان نمونه سی ( اولوق اوزره تلقی ایدرک مرحمه مستحق بولویورلر .

( علوم حیاتیہ biologie ) مبدأئینک حقوق جزا مسئلہ لرینہ تطبیقندن حاصل اولان بو جریان افکار، عادتاً بر فلسفہ خصوصیه شکلی المشدرد . بو طرز تلقی — بالضروره — شدت مجازات اصولنه منافی و معارض بولوندوغی ایچون دها انسانیت پرورانه بر حکمت اخلاقیه نك ترجائی اولمش و دائماً مجرمینی حمایت ایدن اهل حقوق، اونلر حقنده جلب مرحمت غیرتی مسلک اتخاذ ایتشدرلر.

قابلیت شرء جدائی بر (خصیصه بهیمیه caractère de brute) او- لونجه، او یله بهیمیت در که سنه دوشمش بر طبیعت سفلیه مقتضیاتندن صاییلدور. بناء علیه جانی نك فعلنده اضطرارینه حکم اتمک لازم کلیور که بو تقدیرده تخفیف جزا طرفدارلنی ضروری و منطقی بر وضعیت ذهنیه در . بو ادعا انسانده ارادتی انکاره وادیر.

( atavistique ) صفت در . جدائی اولان بالجمله احوال و اطوار، اشکال و قابلیات و علامات حقنده قوللانیایر . [ بو تعبیره باقیکنز ! ]

#### Atavistique

#### مهرانی Atavistique

بو قادیکی تعبیرک صفتی در . اوزاق اجداددن بردن بره انتقال اتمش اولمه سی فرض اولونان و یا خود حقیقتاً انتقال ایتدیکی کوریلن بر حال و کیفیت حقنده وصف اوله رق قوللانیلیر . علی الاکثر ( Criminalologie ) بحثنده ، یعنی حکمت جزائک جنایاته و استعداد جنایته تعلق ایدن قسمنده بو تعبیر چوق دفعه لر کجر . مثلاً غایت تمیز ، خلوق و تربیه لی بر عائله دن طوغان بر چو جو غلک بالاخره مدهش بر جانی کسله می سی ، ( atavistique جدائی ) بر حال اولمق اوزره تلقی اولونور . بو کاده سبب ، بر کوتواستعدادک طوغریدن طوغری به وراثتله تعریف اولوته مامسی و یک اسکی اجدادیمزک ( وحشی اوله لرینه بناء ) ازمنه قبل التاریخیه ده استعداد جنایتک — طبیعی او- له رق — حیات وحشیه اقتضاسندن بولوندیغنه قناعت ایدلمه سیدر . مع مافیه بوراده ده شایان دقت بر نقطه وارسه ، بویله تمیز بر عائله ایچنده طوغان بر

شریرك بعض اسباب طولانیسیله ( متردی dégenéré ) اولوب اولمادیغنی تحقیق ایتمکدر. زیرا چوقدفعه لر ( تردی ) نتیجه سی اولان بر حال، ( جدانی ) ظن اولونه بیلیور. لکن، غریبدرکه ( تردی ) چوقدفعه انسانی حال ابتدائی یه ارجاع ایدرك جدانیتك اکثر علامتی اظهار ایدیور.

### ضیاع النظام Ataxie

Ataxie

باشده کی ( a ) حرفی، ادات نفی در. ( taxie ) دخی یونانی ده ( تاسین = taxis ) کله سندن آلمشدر که بونک ده معنای لغویسی (تنظیم و ترتیب) ایتک دیمکدر. اصطلاحده عدم انتظام و یا خود ضیاع انتظام معنای کیر . لکن بوکون بو تعبیر یا لکتر بر مرض عصیك ودها طوغروسی بر علامت مرضیه ك اسمی اولمق اوزره طب اصطلاحاتسندر. بناء علیه حادثات سائر حقیقه وصف اوله ماز. مثلا اداره حکومت ده ضیاع انتظام کورولدیکی زمان و حتی نبضان قلب ده اطراد مسزلق تحقق ایتدیکی زمان بیله بو حادثاته ( ataxie ) دهنیلمز . کله صرف طب اصطلاحاتسندن در، لکن انحق بر حادثه ك اسمی در : حرکات عضلیه ك آهنگ و انتظامی ضایع ایتسنه دیرلر. ( chorée = داء الرقص = خورا خسته نفی ) ، ( convulsions = صار صیلمه لر ) ، ( tremblements = رعشه لر ) هپ ( ataxie ) انواعندن عد ایدلمکده ایدی . حتی فرانسه اطیاسندن ( Bouillaud = بویو ) ( bégaiement = په په له مه = که که له مه ) دهنیلن قصور تلفظی بیله بو خسته انگ بر نوع مخصوصی عد ایتشدی . ( ۱۸۶۴ ) سنه میلادیه سند فرانسه اطیاسندن ( Duchenne = دوشن ) ، حرکات عضلیه ده ضیاع انتظامی موجب اولان عصی خسته نفی کشف و تعیین ایتدی . آکلاشلدی که بو نوع انتظام مسزلق ، ( ارادی volontaire ) اولان حرکات عضلیه ك آهنگی تأمین ایدن مراکز عصیه ده بر بوزو قلقدن ایلری کلیور ؛ بونک موضعی ده نخاع شوکی ( moëlle épinière = ده ) یعنی ( مردار ایلک ) دهر . بوکا ( تابه س دورسالیس = tabes dorsalis ) دیرلر و بوانتظار مسزلق کیتدکجه آرتدینی ایچون ( ataxie locomotrice progressive )

دحی ده نیلیر . ایشته تعبیر ، بوکون بو خسته لغه مختص اولوب قالمشدر . بو صوک زمانلرده لایقيله اسبابی تعین ایتمش اولان بو حال ، ارتق بالذات بر خسته لقی دکل ، بر مرض عصبي نك (علامت فارقه و مترافقه syndrome) سی در . منحصر آطبابت . علم امراضه تعلق اولان بو کیفیتك فلسفه ایله طوغرودن طوغر ویه هیچ مناسبتی یوقدر . اولسه اولسه حرکات ارادیه نك مرکزی اولان دماغك ، انجق عضلاتی تحریك ایتدیکنی و فقط آهنگ و موازنه حرکاتك تأمین ایچون نخاع شوکی نك ده انضمام خدمت و معاوتی لابد اولدوغنی کوستریر . بناء علیه (psycho-physiologie) ساحه سننده ظهوره کلن و هر حالده من جهة (ارادت و اختیار libre arbitre) بحثه تعلق ایدن بعضی مسئله لرده حکمه مدار اوله نیلیر ؛ فقط یالکیز بو ، و بونک کبی احوال ارادتی انکار ایتک ایچون صلاحیت ویرمز . انجق ارادته قارشی کلن بعضی اسباب مانعه یه مثال تشکیل ایده نیلیر . [déterminisme و liberté] کله لرینه باقیکنز !

Athée,  
Athéisme

زندی ، زندقه ، ملحد ، الحاد . Athée, Athéisme فرانسوزجه

Atheismus آلمانجه

Atheism انگلیزجه

Ateismo ایتالیانجه

بو کله لرك اصلی یونانی در . ( a ) ادات نفی ( نه نوس = Θεός ) الله دیمکدر ؛ او حالده معنای لنویسی ( اللهیز ) و ( اللهیزلق ) دیمک اولور . اللهی انکار ایدن کیمسه یه ( athée ) و بویله برمسلك فلسفی یه ( athéisme ) تعبیرلری اصطلاح اولمشدر .

حکمای اسلام و محررین سالفه ( ملحد ) و ( الحاد ) کله لرینی - اوتندن بری بو معناده قوللانمشلردر . بزده برده ( زندق ) تعبیری واردر ؛ تحقیقات تاریخیه کوستریورکه عربلر ایران مدینتی محو و مضحکل ایتکله برابر ( زاراتشتر = Zarathushtrâ ) یعنی ( زردشت ) دینی بوسبوتون اورطه دن قالدیره مامشدر ایدی . ( قادسیه محاربه سی ) اسلامیتك مظفریت قطعیه و قاهرانه سیله نتیجه پذیر اولوبده ( ساسانیان sassanides )



سلاهنك صوك پادشاهی ( يزدگرد = Yezdgerd ) ، او پارلاق  
سلطنتی ايله برابرحو و خراب اولونجه ، ایرانك کتب مقدسه سی ضویلا نیلوب  
احراق ایدلمشدی . اسکندر کبیر زماننده دخی ایران بویه بر فلا کته  
اوغرایه رق کتابلرخی ضایع ایتش فقط ینه دینی محافظه ایده بیلمشدی .  
لسان قدیم ذاتاً تبدلانه اوغرامش اولدوغی ایچون ( آستا = Avesta )  
نام کتاب مقدس ( زند Zend ) لسانیه ضبط ایدیلهرک - هیچ اولمازه  
قسماً - قورتاریله بیلمشدی . بوکونکی ( Zend Avesta ) ، عربلرک استیلا سی  
انساننده ایرانده سویله نیلن لسان اوزره ( آستا ) نك تفسیریدر . یعنی  
( زند ) ، تعیری لسانك اسمیدر ؛ دینك دکل ! آتشرستلر اسلامیتك  
احکامنه بویوک بر متانته قارشى قویدقلرندن ( زندی ) تعیری او زمان  
مسلمانلری نظرنده ( ملحد مغند ) معناسی آلدی . ( زندیق ) کله سی - بلکه  
بر غلط تلفظ سییله - او اصلدن مشتق اولمق کرکدر ؛ <sup>۱۱</sup> بالآخره کثرت  
استعمال ، حتی سؤ استعمال ایدیه ایدیه مشهور اولمش و تعریب اولونه رق  
- جمع صیغه سیله - ( زنداقه ) و - اسم فعل حیثیتیه - ( زندقه = زندیق ) شکلنده  
چوق قوللانشدر . بوکون بیه استعمالدن ساقط دکدر . اسکی زمانلرده  
( غلاة صوفیه les mystiques sectaires ) حقدده وصف اولوردی ؛ هله  
احکام وحدود شرعیه یه قارشى بك مبالانسر طاورانان<sup>۱۲</sup> ( باطنی لر bâtinites  
= ésotériques ) ی تکفیر ایچون دایما ترجیح ایدیلیردی .  
( زندیق ) تعیرینك تاریخ ادیان نقطه نظرندن خیلی اهمیتی واردر ؛ زیرا  
محقق در که بعض باطنیون ایران ( عقائد مَزَدَکِیَ doctrines mazdéiques )  
ی - شعرای صوفیه اداسیله - اسلام آره سنده نشر ایتکه موفق اولمشلر  
و تصوفی دخی بولاندر مشلوردی . [ dualisme , çoufisme ] کله لرینه  
باقیکز . ]

برده ( قَرَامِطَه les carmates ) فرقه سی وار ایدی . بو جماعتك  
مذهب مخصوصی ( اشتراك مال و عیال communauté des biens et  
de la famille ) مبدای اوزرینه مؤسس ایدی . [ communisme ]  
کله سَنَه باقیكز ! ] ( قَرَمَط° ) تعیری دخی اسلام آره سنده ( کافر )

مراد فی عد ایدلش وحتی (قرمط) یعنی (قرمطلاشمق) مصدری ایجاد اولونمق صورتیله تعیرمذکور تعریب ایدیلرک (دینسز واخلقسز اولوق) معناسنه قوللانلشدر .

کورولویورکه یا تعصب ویاخود (یاپانجیلفه نفرت Xenophobia) سبیلله ، برمذهب اسمی، (الحاد) معناسنه آلمش واستعمال اولونمشدر . حالبوکه اشتراک مال وعیال دعوای باطلنی حقه موافق کورمک ضلالتی ، مطلقا ضلالت الحادی مستلزم بر اعتقاد دکدر . هله زندی مذهبی هیچ دینسزلک دکدر . بوکرن بودینک ماهیتده شبهه قالماشدر .

(ملحد) کله سنک تاریخ حیاتی، انسانیت جاهله نك تاریخ تعصبی دیمکدر . بوتاریخک فایع متسلله سنی بوراده تفصیل ایده جک دکم . انجق شوکیفیت مهمه نی نظر دقته عرض ایتک ایسترم که، جمهور جهلانک بوافترا واتهامندن هیچ بریویوک آدم وارسته ومصون قاله مامشدر؛ - چونکه - یالکزا کثرت ناس وعوام خلق عنندن دکل ، خواص نظرنده بیله (شروط الحاد) حقیله تعین ایده مامشدی . بوکون بو شرطلر فیلسوفلر نظرنده معین در . مدنیت و فلسفه تاریخنده بومسئله نی تحقیق ایده جک اولورساق صراحتاً اکلاشیلیرکه (الحاد) تعیرینک معنای تاریخیسی (اللهک وجودنی انکار) ایتک دکل ، جمهور ناسک عقائد مؤسسه سنه اتباع ایتهمک واوندن ایرلق در . یک نظرده بوکا اینانماز ؛ فقط حقیقت حال بوندن عبارتدر . غرب وشرق فضلا مشهوره سندن کتیره حکم برایکی مثال، بونی قطعاً اثبات ایدر :

حریت سیاسیة وکالات مدنیله زمان سلفده اشرف اقوام عدا اولونان اسکى یونانیلر بیله بو خطادن قورتوله مامشدر ویا لکز یونان قدیمه دکل ، بوتون انسانیت شرف ویرن اعظم دهاتک - بغیر حق - قاننه کیرمک شاعتی ارتکاب ایتمشلدر .

( پروتاگوراس Protagoras ) ، او زمانک بت پرستلکنی قبول ایتهمش اولدوغی ایچون اکثریت خلقلک شبهه سنی او یاندیرمش و نفرتی . جلب ایتمشدی . بالاخره برکتاب یازمش و اونک مقدمه - سنده ( اللهلری ادراکدن عقل بشر عاجز و قاصر در ! ) دیمش اولدوغندن طولانی تکفیر .

ایدیله رك غیظ عمومی به هدف اولش ، کتابی ده علنا احراق ایدلمشدی .  
 کندیسى آنسه رئیس حکومتی ( پریقلهس Périclès ) ك جو جوقلرینه  
 مرتب لك ایتمش اولدوغی ایچون ، انجق او ذاتك حمایتی سایه سنده آتشدن  
 سالمأ چیقهبیلدی ایدی . لکن سجیلیایه عزیمت ایدرکن فورطنه یه طوتوله رق  
 اطهر ل دکنزنده مغروقأ وفات ایتمشدر .

هان او صبره لرده ( سقراط Socrates ) عینی افترا یوزندن دوچار  
 مصیبت اولش وظلم جهالت اوغورینه قربان کیتمشدر . افلاطونك استادی  
 اولان بو حکیم ، فلسفه ده - طبیعت جامده دن زیاده - انسانی ( یعنی وجدانی )  
 موضوع بحث ایتمش وحکمتده هرشیدن اول بر ( غایه اخلاقیه but moral )  
 کوزه تمشدی . اونك ایچوندرکه بو ذاتك تعلیماتیله پك بویوك ومهم ردور  
 فلسفی باشلامشدر . ظهورخی ، بر دور مدنیت ایچون ( رأس تاریخ ) عد  
 ایدنلر بیله واردر . کندیسى اعتقادنده مؤمن موآحد ، تعلیمات وحرکاتنده  
 فضیلتپرور ، فقط تبلیغاتنده پك جسسور ، نقیداتنده پك مستهزی بر  
 فیلسوفدی . بوفضیلتلر ، انسانه دائمأ دشمن قازاندریر . اوسبیله کندیسندن  
 چکنیرلردی . مضحکه نویس مشهور ( آریستوفان Aristophanes )  
 ایله ده ابرایکی کشینك شربنه اوغرا دی .

اوزمانلر ، یونانیلر ، بت پرست ایدی . هان هر شینك وهر شهرك  
 بر آله مخصوصی واردی . سقراط - حسب الاعتیاد - ایام مقدسه ده هرکس  
 کبی حرکت ایدردی . فقط ، کاشناتك سرمدی وصمدانی برخالق اولدوغی  
 ادعا ایتمکدن هیچ بروجهله چکینه مش وبو دعواسنی اثبات ایتمك ایچون  
 ( نظام عالم ordre de l'Univers ) ی نظردقه عرض ایدرك ( علت غایه  
 cause finale ) ایله استدلال یولنی کوسترمشدی . اثبات الوهیت بحثنده  
 بواساسلره طایانه رق ( اثر دن مؤثره استدلال ) ایتمك اسلوبنك ایلک ماهر  
 مدافعی کندیسید . [ preuve کله سنده تفصیلاته باقیکنز : ]

روحك ابدیتنده دخی ذره قدر شههسی یوقدی . ننه کیم بو دعواده  
 دخی دائمأ سرد اولونه کلن اك مشهور دلائل - شکل منطقی سی اعتباریله -  
 ینه اونك در . اویله ایکن بو حکیم کامل ، ( دینمزك ) ایله اتهام ایدیلهرك

— زهر ایچمک صورتیله — اعدامه محکوم اولدی . فقط او صیره لرده یونانی لرك ( مقدس کیمی ) سی سیاحت چیقیش بولونویوردی ؛ او حالده اجرای مجازات قطعاً ممنوع ایدی . سقراط بکرمی سکز کون محبوس یاشادی وبرکت ویرسین ، اوئاناده یانندن آیرلایان تلامیذینه — اعتقادات شخصییه سنی — صراحتاً تلقین وتبلیغ ایده بیلدی . اللهمک وحدانیت وصمدانیتنه ، روحک ابدیتنه و بناءً علیه ئولومک بر فلاکت اوله مایه جغه دائر اوزون ومهم قونفرانسیر ویردی . سوزلرینی افلاطون و ( قسنوفون Xenophon ) اخلافه نقل اینتدیله .

کندیسی ئولومدن قورتارمق ایچون ، طلبه سی چاره بولش ومحبسدن قاجیرمق ایچون تکلیفده ایتمش ایتدی . سقراط بوکا تنزل ایتمکدن ماعدا : [ مملکتکمک ویردیکی حکم حقسز بیله اولسه ، قوانینه اطاعت واقیادایتمک ، حبستلی بر آدمک ایلمک وظیفه سیدر ! ] ده یه ررك تکلیف واقعی رد ایتدی . نهایت حکم اعدامی اجرا ایتمک زمانی حلول ایدوبده کندیسنه بر باردق طولوسی ( بالدییران خلاصه سی ) صونولونجه ، کال سکونتله زهری ایچدی ، و حاکم لره خطاباً بر نطق سوبله دکن صوکره : [ بر حیات قالانلرمی ، ده از یاده بختیاردره یوقسه بن می ؟ بونی سزدن صورارم ! ] ده یه ررك ئولدی ایدی .

روایت اولونویورکه سکرآت موت حالده : [ طبابت الهی ( نه سکولاپ Aesculape ) بنی عذاب حیاتدن خلاص ایندیکی ایچون بر خروس آدامشوق ، یازیق که خروسی قربان ایتمکه وقتمز اوله مادی ! ] دیمش وحکیمک بومعنادار سوزلری ، دین مات ایله استهزاده دوام ایندیکنه حمل اولونمشدی .

تاریخ فلسفه ده تدقیقات عمیقه سیله مشهور اولان ( غومپرتس Gompertz ) ادعا ایدیورکه بو حکیمک ئولومنه سبب اولان ، یالکز برایکی محررک افتراسی دکلدی . اوزمانلر بر سوری عادی صنعتکارلر واردی که کوچو جوك ( معبود هیکلری ) یاپوبده عوام ناسه صاتمقله کچینیرلردی . سقراطک دینسزلیکی حقنده مدهش بر پرو پاغاندا یاپان اصل بونلر اولمشدر . چونکه بو حکیمک موعظه لری هر کسدن زیاده اونلرک کار و کسبه کساد ویریوردی .

شایان عبرت بر صورتله تحقیق ایدیورکه ، هر برده وهر زمانده - اک  
عفو اولونماز دینسزلک - اکثریت ناسک منفعت مشترکه سنه ضرر ایراث  
ایده بیلجه ک افکار و حرکات اصلاح پرورانه در . کفر حقیقی هیچ بروقت  
اودرجه غیظی و جزای مستلزم اولمویور .

سقراطک اصل شا کردی افلاطون ، عینی انهاماندن - کوچ بلا - یقه یی  
صیره بیلدی . فوق العاده تزیه و فسونکار اولان اسلوب شاعرانه سی ، ویت  
پرستلکه صراحتاً اعتراض ایتمه مک کبی تدبیر احتیاطکارانه سی سایه سنده  
قورتوله بیلدی . افلاطونک تلیدی مشهور (ارسطو) دخی دینسزلکه اتهام  
اولوندی ؟ فقط سقراطک عاقبت فجیعه سنی ملاحظه ایتمدیکی ایچون آنه دن  
قاجدی ؛ بو کونکی (آینوروز) جوارنده کائن اولان اسک (خالکیس  
Chalcis) شهرینه هجرت ایدرک ایکی سنه اوراده معتزلانه بر عمر سورددکن  
صوکره وفات ایتمدی . بو حکیم ، بر موت محققدن قاجدیغنی ، جباتنه عطف  
ایتمه سینلر دیه : [ فلسفه یی بر ایکنجی دفعه تجاوز و تحقیر معروض اولمقدن  
صیانتاً آنه یی ترک ایتمک مجبور اولدم ! ] دیور . مورخین فلسفه ادعا  
ایدیورلرکه ، بونده ده سبب حقیقی بر مسئله سیاسی ، ایمش ؛ فقط  
دینسزلک اتهاماتی وسیله غیظ و انتقام اولمشدر : کویا آنه لیلر ، ارسطونک  
ماکدونیا طرفدارای اولماسندن شبهه ایدیورلرشمش و بوشبهه لرینی حقلی  
کوستره ک دلائل قویه یه مالک اولمادقلری ایچون ، فیلسوفی دینسزلکه  
اتهام صورتیله وجودینی ازاله ایتمک و انتریقه سندن قورتولمق ایسته مشلرشمش .  
ازمیر جوارنده (Clazomène) اطه سنده طوغمش اولان  
(آناقساغور Anaxagores) بر اللهه - کمال خصوص ایله - ایمان ایدیور ،  
واونی (نوس = Noûς یعنی عقل) اولمق اوزره تلقی ایلوردی . حالبوکه  
(اساطیر ملیه mythologie nationale) یه اعتقاد ایدن یونانیلر ، کونشی  
(آبوللون Apollon) نام اللهک عربیه سی ظن ایدرلردی . آناقساغور بو  
اعتقاد عوامی انکار ایتمدیکی ایچون تکفیر اولوندی و قاجقله جانی قور -  
تارده بیلدی ایدی .

الحاد ایله اتهام ایدلمش اولان بو ذوات مشهوره ، مدینت عتیقه نک اک

بویوک فیلسوفلرندن وانسانیتک اڭ فاضل ممثللرندن ایدیلر. انجق پت پرستلکی رد وانکار ایتشلردی؛ یوقسه خالق کائنات اولق اوزره بر قدرت صدانیه نك وجوب وجودینه - کال صدق و اخلاص ایله - قناعت کتیرمش اولدقلرنده شبهه یوقدر .

آکلاشیلورکه (وسیله اتهام) هر نه اولورسه اولسون ، (حکم الحاد) دینک طرز تلقی سنه کوره واقع اولویور . بو خصوصده مدار حکم اولان معیار حقیقت دخی ، عوام ناسک - صراحتاً باطل اولان - اعتقادیدر . بزم اسلافزده - حقیقتاً عالم نحریر اولان (کاتب چلبی) نك دیدیکی کبی : [ مسئله طهارندن بی خبر برسوری اجلافک بوکبی امور خطیره ده رأی ویرمه سی ] در . روما مدینتنده بو درلو فضاحتلر کورولویور . چونکه رومالیر ، اقوام مغلوبه نك ملی معبودلرینی دخی کندی الهلری صیره سنده قبول ایدرلردی . بو حالده تعصبه احتمال قالمازدی . ذاتاً روماده اعظم ، کلیاً حس دین و تعصبدن بری و آزاده یاشاردی . مزاجلری اقتضاسی اوله رق اخلاق عملیه یه چوق اهمیت و بریرلر ، فقط الهایت و مابعدالطبیعیات مناقشه لرندن قطعاً حظ ایتمزلردی . عوامک دینده ارواح اجداده - آره صیره - عبادت اتمک مراسمندن عبارت قالبوردی . روما تاریخنده واقع اولان بوتون تجاوزات و جنایاتک ، منحصرأ حرص تحکم و رقابت سیاسیة دن ایلری کلدیکی او قدر صریحدرکه مناقشه کوتورمز . واقعا خرسیتیانلغک ظهورنده - بیچاره جماعت عیسویه حقنده - خاطر و خیاله کله دک جنایتلر اجرا ایدلدی . حتی بو خونخوارلق (سیرق Cirque) اکلنجهلری شکلنه کیردی که هیچ برمملککنده غلظت وحشتک ، شدت خیانتک بو مرتبه سی کورولمه مشدر . فقط بو فضاحتلره حس دینک و مسائل مذهبیة نك هیچ برمناسبتی یوقدی . روما او زمانلر ذاتاً بوسوتون دینسزدی . لکن هر وجهله دور انحطاطه کلش اولدوغی ایچون هر درلو حرکت اجتماعیه ده بر نوع تهلکه اضمه حلال حس ایدیوردی . خرسیتیانلغک تعلیماتی ده ، (commnuisme اشتراکیه) اختلالی کبی تلقی ایدیور و هر ناصل اولورسه اولسون باصدیرمغه چالیشیوردی . شایان دقتدرکه فقیر و مظلوم ، مقهور و مغدور بر آووج خلقک قوت

معنوی سی، او جهانگیر روما سلطنتی، اوقا هر قوت عسکریه بی یقیدی، تارمارا سدی. حتی روملیرک بهوده ظلمی رومایی یقیدی دیمک دهاطوغرودر. قرون وسطایه کلنجه، اوندن اوزون اوزادی به بحثه حاجت یوقدر. علی التقریب یدی سکز عصر سوزن اودور ظلم و ظلمت، لایتنقطع بر سلسله جنایات عرض ایدرکه اومدنجه - حق و حقیقت اوغورینه - قربان ایدلش اولان اعظم انسانیتک یالکیز فهرست اسامی سی قید اولونمق لازم کلسه یدی، کیم بیلیر قاچ صحیفه لک بر کتاب طولدوره بیلیدی. غریبدرکه مظلومیتله عظیم بر قوت و فیاض بر حیات اکتساب ایدن خرستیان دننک منسوبینی، - انسانه قیمنده - خونخوار رومالیرله رحمت اوقوتدیلر.

مشهور (ولتر Voltaire) قاموس فلسفه سنده (athéisme) گله سنه دأثر ایضاحات ویریرکن محاکمه کیریشور و (انکیزیسیون) اجرا آتیه نقل بحث ایدرک شو مهم سورلری سویلویور:

ادین نصرانیت، انسانیت اوندی میلیون آدم قانی بهاسنه اوطوردی. عدالت جلالدری الله محو اولانلر ایله - صف حرب حائنده یکدیگیرینه ظهیر اولان - سائر جلالدر (یعنی مذهب مجاهدلری!) الله جان ویرنلرک عددی هر عصرده بر میلیون کشتیه بالغ اولور. غریبدرکه بوتون بو جنایتلر بی نوعمیزک سلامتی و جناب حقت اعلائی شان و عظمتی اوغورینه اجرا ایدلدی. دیسور که بوتون تاریخ مدنیت مدققلرینسک ملاحظات مشترک سنی تلخیص ایدن بر سوزدر.

مع مافیله غیظ تعصبک درجه غلیان و غلویه دأثر بر فکر ویره بیلیمک ایچون، مختصر آشونی عرض ایتیمک کفایت ایدرکه، او زمانلر خرستیانلقده - تشننت عقائد سببیه - مذاهب جدیدنک ظهوری یوزندن، دائرة تفکر و ساحه نظر یک طارالمش و (انصاف tolérance) ده نیلن حس مدنی بی بوسوتون بوغوب تولدورمشدی. اک اهمیتسز تفرعات مسائل بیلله - اعظم رهایین آره سنده - شدید و مدید مناقشانه وسیله یاخود سبب تشکیل ایدر و رؤسای مذاهب غف و غیظ ایله یکدیگیرینی تکفیر ایلردی. اگر فرصت الیریرسه بر برلرینی غدارانه بر صورته آتشدنه دخی یاقلرلردی.

( unitariens ) ، ( trinitariens ) و ( anabaptistes ) فرقه‌لری ایله  
دها بویله یوزلرجه احزاب خریستیانیه‌نک تقویم مناقشات و مباحثاتی و هله  
تاریخ وقوعاتی تدقیق اولونورسه کورولورکه پک دکرسز وعلی‌الخصوص  
اصلسز (مسائل محدثه) اوغرینه بکدیگرلری تکفیر و — فرصت بولدجه —  
احراق ایتمشلردر . قتل عام واقع اولدوغی دخی نادر دکدر . نته کیم  
( anabaptiste ) لر قیریغنی و ( سن بارتله‌می Saint Barthélémy )  
کیجه‌سی قتل عامی تاریخده بو جنایتک اک قانلی مثاللرنندر .

( انتباه la Renaissance ) دوری واقعا مدنیت جدیدنک فاتحه  
فیضی ومبدأ ترقی‌سی اولدی . ارتق، الله نامنه ارتکاب اولونان جنایاته ، بو  
دورده اویانان حس مدنیت و عشق انسانیت ، مانع اوله‌بیله جکرر ظن  
ایدیه‌بیلیدی . مع مافیه بو دورده دخی بر جوق شناعت و فضاحتلر واقع  
اولدقن ماعدا ، ( غالیله Galilée ) کی برنادره دهه، کره ارضک متحرک  
اولدوغی ادعا ایتدیکی ایچون تکفیر ایدیلور و — یتش یاشنده برپر محترم  
اولدوغی حالده — انکیزیسیون جمعیتی حضورینه سوروکلنوب تکدیر  
وتحقیر اولوندقن صوکره زندانه آتیلوردی . غالیله که علم حقیقی‌نک اصولنی  
وضع ایتش و کشفیات خارق‌العاده‌سیله فن ماکنه‌نک ، حکمت طبیعیه‌نک  
حتی هیئت جدیدنک تمیل طاشلرینی یرنجه یرلشدرمشدی...! (جه‌نوردانو  
برونو Geordano Bruno ) کی برذکای محیط ، دخی سقولا‌ستیق تعلیماتی  
علیهه جسورانه مجاهده ایتدیکی ایچون علناً احراق اولوندی . ذاتاً وحدت  
وجود طرفدار ایدی، کفرینه حکم ایتک ایچون بو وسیله کفایت ایتدی .  
( قامپانه‌لا Campanella ) خلوق ، متدین ، هزار فن بر فیلسوفدی  
فقط احرارانه دوشونمکی سوهه، و بیلیدی . درلو درلو اشکنجه‌لره معروض  
اولدقن ماعدا — بر یحقوق مترو مکعبنده — بر زندان او طه‌سنده حبس اولوندی،  
قوری اکمله ، صوایله اوراده متبادیاً یکرمی آتی سنه یاشایه بیلدی . اک  
مهم آثارینی ده اوزمان یازدی . پایا ( سکزنجی نوره‌ن Urbain VIII ) ک  
حمایتی سایه‌سنده حبسدن و احراق ایدلمکدن قورتولدی ایدی .  
( وانی Vanini ) اهمیتسز برپا‌پاسدی؛ دکرسز بر متفکردی . فقط



مناقشه‌ی سوهر، مرکسه‌ده اعتراض ایدردی. خیلی دشمن قزاندی. او طه‌سنده شیشه یچنده بر قوربغه بولدیلر. سحر بازلق و کفر ایله اتهام اولوندی. انسانی استطاقده تمامیه قاتولیک اولدوغنی کوستردی ایسه‌ده، اعترافات خالصانه‌سی ریاکارلغه حل ایدیلوب علناً احراق اولونغه محکوم اولدی. فقط، اولادلی کرپه‌دن ایله توپارلدقن صوکره کیملری ده‌میر کوسکولرله قیرلیدی؛ نهایتاً — یعنی اذاسنی تمديد ایتمه‌ک ایچون — آتشدن یاقیلدی. فقط بونلر صایمقله توکنمز.

غریب‌درکه اوزمانلر برچوق پاپارک وقار دینالارک حقیقاً ملحد اولدقلرینی (دره‌ی پر Draper) دلائل تاریخیه‌سیله کوستریور. مشهور پاپا (التنجی الکساندر بورجیا Alexadre Borgia) ین طانیانلر ارتق باشقه دلیل ایسته‌مز.

بر مدت صوکره فیلسوف مجدد (ده‌قارت René Descartes)، ارسطویه اتباع ایتک ایسته‌مدیکندن طولایی دینسزلکله اتهام اولونمشدی نه تحفدرکه ارسطو دخی اولجه عینی قباحته اتهام ایدلیدی ایدی. بناءً علیه ده‌قارتک اوکا اقتدا ایتمه‌م‌سی دینسزلک دکل دیندارلک صایلمالی ایدی. مع‌ماfiه بو کون بوتون خرسدیان الیهونی (اثبات الوهیت) بحثده ده‌قارتک بر اهین مشهوره‌سیله تحکیم دعوا ایدرلر. اوندن این دلائل کشف ایده‌مه. مشلردر. [preuve سوزینه باقیکنز!]

معاصرینزدن متوفی فیلسوف (آدولف فرانک Adol. Franck) قاموس فلسفه‌سنده بو مسئله‌یه دائر تفصیلات ویریرکن شو سوزلری سوبله-یورکه شایان عبرتدر:

«ده‌قارتک معاصرینندن و دوستلرندن بری اولان (راهب مرسه‌ن Le Père Mersenne) او و قتلر یالکز پارس شهرنده الی بیگ دینسز آدم‌تحمین ایدردی. «اوزمانلر — ظن ایدرسه‌م — پارسده‌ده انجیق الی التمش بیگ کشی واریوق دی.

ده‌قارتی متعاقب کلن فیلسوفلارک اک بویونی (باروخ سپینوزا Baruch Spinoza) دره. بوزواللی آدم، (دینسزلرک پادشاهی le prince des athées)

اوله رق اتهام ایدلدی. کندیسى موسوى ایدی، تکفیر ایدنلردخی دینداشلىرى ایدی. خرستیان اولدی؛ ینه یارانهمادی. فضله اوله رق ایکی آتش آره سنده قالدی، چونکه بوسفر خرستیانلر دخى تکفیره باشلادیلر. عاقبت کنج یاشنده اشد سفالته ورمدن تولدی. حالبوکه بو خلق ومعصوم آدم دینسز دکل، (وحدت وجود) طرفدارى ایدی. [acosmisme کله سنه باقیکنز!]

(حس دینی sentiment religieux) نك قوتى ودينك ماهيتنى لايقيه تحقيق ایدن معاصرین حکمادن و آلمان راهبرندن (شلايه رماخر Schleiermacher) سینوزادن بحث ایدرک:

«بو آدم مقدسدر، اعزّه اولیادندر فقط طانیله مامشدر. کائناتک روح علویسی اوکا حلول ایتشدی. بو قدرت نامتناهی سینوزاتک مبدأ و معادی اولمشدی. اویکانه حقیقت کلیه عاشقدی. قدسی بر معصومیت ایچنده درین بر خضوع ایله، طاقسوز بر فقر ایچنده یاشادی. کولکی دین ایله طولو ایدی!، دیور. حالبوکه سینوزای پک زیاده تجیل و تقدیر ایدن (وولتر) بیله بوفیلسوفک دینسزک تعلیم ایتش اولدوغنی بیان ایتمکدن چکینمه یور وشبه یوقدرکه، وولترک بو طوری کندینی طارایه چیقارمق ایچون بر قورنازلقدر.

فقط بونلر ینه بر ایکی عصر اولکی زمانک وقایعی در. (جون ستونهت میل J. S. Mill)، (حریت دائر On liberty) یازمش اولدوغی اثرده، بر غریب مثال ویریور: [اون طقوزنجی عصر میلادیده، حریتپورر انکلتزده بیله ایکی ناموسلی آدمک شهادتی محکمه جه معتبر طوتولمایوب رد ایدلمشدر. چونکه بو آدملرک هانکی مذهبه منسوب اولدقلری — علی الاصول — سوآل ایدلدیکی زمان: (هیچ بر مذهبه منسوب دکلز وجدانمز اوزرینه یمین ایده جکر) دیمشلمش!]

بوکون حالا مدنی مملکتلرده بر مذهب رسمی ایله مقید اوله مایان نیجه عالم وفاضل آدملر واردرکه بر حقیقه معتقددرلر. مع مافیه حکومت مکتبلرنده درس او قوتمقدن ممنوعدرلر. یالکیز فرانسه ده و امریقاده — اوده انجق بوکون — بر آدمک دین ایله مقید اولوب اولماسی، رسماً اهمیتدن عاری و منحصرأ شخصی بر مسئله اولق اوزره تلقی ایدیه بیلور.

بوتون تاریخ انسانیتله صمیمی برعلاقه عرض ایدن بو (مسئله الحاد)ك  
هر حالده يك بويوك براهيتي واردرد. اولاً (تاریخ مدنیتله دینك رابطه سی)  
حقنده بیلنمه سی الزم اولان حقایق ، بو مسئله نك تقویم لجایعندن استنباط  
ایده بیله جکزر. چونکه دین، اك بويوك بر مبدأ واك فیاض بر قدرت مغویه  
صایلیور. كرك افراد و كرك جمعیات بشریه ی حسن صورته اداره ایدوب  
انسانیتك ترقی سنی كافل اوله بیله جك مادی اخلاقیه ی — ممکن اولدوغی  
قدر قطعیت و صراحتله — تعیین ایدن ینه دیندر . ( احكام اعتقادیه سی  
هر نه اولورسه اولسون ) ، تعلیماتنده دائماً تصفیه و تهذیب اخلاق امر  
مهمنی (غایه اعلا but suprême ) اتخاذ ایله مشدر. اونك ایچوندر كه حقه  
مقرون اولان هر دین بر نوع مدنیتك ظهوری ایچون بر تیر فیض اولمشدر.  
بناء علیه تاریخ انسانیتده — دین والله نامنه — ایقاع ایدلمش اولان بوشنیع  
و خبیع حقیر لقلره ، بو عظیم و متدای جنایتلره ، شبهه سز مدهش بر (ضلال  
aberration ) اثریدر. احتمالكه قرون اولاده و قرون وسعاده انسان  
سورولرینی قیروب کچیرن قورقونج صالغین خسته لقلرکی، (تعصب fanaticisme)  
دخی — روح اجتماعی به عارض و مسائط — ساری بر مرض مغوی ایدی .  
مع. فیه هر نه اولورسه اولسون ، بو حال ، باشلی باشنه بر عظیم مسئله اتماعیه  
تشکیل ایدر ؛ زیرا جمهور انسانیتك ، هپ بردن ، بو درجه ضلالت دوشه.  
بیلمش اولما سی، البته بر طاقم اسباب قاهره یه معطوف بولونمق كركدر . بو  
مبرم سبیلر میاننده البته طبیعی، سیاسی، اخلاقی، اجتماعی بر چوق عوامل واردرد.  
بونی بویه دوشومز سهك ، بو مدهش معمای تاریخی یی حل ایچون بول  
بوله مایز . بناء علیه او عوامل مفروضه یی آیری آیری آرامالی و ماهیتلرینی  
تدقیق و تحقیق ایتمه لی ز. صوكره بو مرض تعصبك ، منحصرأ حسیات  
دینه دن منبعث بر (حتای مغوی) ، بر (اختلاج روح) اولوب اولمادیغی  
آکلامق ایچون ، مذاهب مخصوصه ایله — یعنی شکل اعتقاد ایله — علاقہ سی  
واری بوقی ؟ .. اونی کشف ایده بیلمه لی ز ! . اکر وارسه ، بر مسئله تولد  
و توضع ایدر : ( سمادت و سلامت انسانیتی مقدس رغایه ایتمش اتخاذ اولان  
دین دن ، ناصل اولوبده بویه تماماً معکوس بر نتیجه عملیه ظهوره کشدرد ؟ )

بونی حل ایتک لازمکلیر . یوق ، پوتون بوحتسزقلری تولید ایدن حسیات و عواملاک اساساً ماهیت دینه ایله علاقه‌سی یوقسه ، ینه بر سؤال ترتب ایدر : [ ناصل اولوبده برزمانلر دین نامنه و حق اوغورینه - مدنی دنیانک همان هر طرفنده - بویه فضاختر ارتکاب اولونه بیلمش و بوضالات عمومیه عصرلرجه سورمش کیتمش ؟ ... ] ایشته بوکا بر جواب معقول بولمق اقتضا ایدر . بوده پک قولای بر ایش دکلددر ، چونکه تاریخ ادیان الله تاریخ مدینتک اک صمیمی و کیزی تئاس نقطه‌لری ، بو سؤاللاک پرده کتانی آلتنده آرایه‌جغز . مدینت ایله دین کی ایکی عامل شاملاک برزح تلاقی‌سنده ( روح ناس l'âme de la foule ) ی تتبع ایتک احباب ایده‌جکدر ؛ چونکه او برزحدن کچرکن روح اجتماعی‌یه ( نعصب ) دیدیکمز حالت مخصوصه عارض اولوبور و بر علت ساریه کی وجدانلری استیلا ایدیور . مدهش بر حمای اجتماعی ایقاع ایدن بو ساری مرض معنوی ایله بعضی افکار و عقائدک نه غریب و عجیب برمناسبتی وارکه هیچ بر فلاکتک انتاج ایده‌میه جکی سفالتلره ، زیانکارلقلره سببیت ویره بیلور ؟ ... بونی آکلامق خصوصنده نه‌قدر صرف همت و غیرت ایتسه‌ک یری وارددر ، دکری وارددر .

ظن ایدرسیم ، ( انسان مدنی و اجتماعی l'homme politique et social ) نظرندنه بوندن مهم برسؤل اوله‌ماز . چونکه بو سؤالک جوابی ، مدینتک معناسی - عوامل اخلاقیه و اسباب معنویه‌سیله - متضمن بولونور و باشلیجه شرائط کمالی‌ده بو سایه‌ده آکلاشیلیر .

بناءً علیه : [ عجبا هانکی دین ، ترقیات مدنییه و انکشافات ذهنیه‌ده‌ها زیاده مساعد بولونمشدر ؟ ] ؛ [ جماعات بشریه‌یه بویه بر استعداد کمال بخش ایدن قوت ، عقائد دینه‌نک ماهیت خصوصیه‌سی می‌در ؟ یوقسه دینک ماهیتته اجنبی و اونک دائره نفوذ و تملقندن کلیاً خارج بعضی عوامل مستقله وارده بزلر هنوز اونلرک وجودندن خبردار دکلی‌یز ؟ ... ] و خبردار اوله‌مادیغمز ایچون بر طاقم اسباب مستقله‌نک تأثیرات حسنه‌سی - دینه‌می عطف ایدوب کیدیورز ؟ ... ] بونلری جداً دوشونمکه مجبوروز ، چونکه بو مهم سؤاللاک اولکی ملاحظاتمزدن - بالضروره - تولد ایدر .

او حاله : ( بالخاصه دين اسلامك بومسئله قارشى وضعيت حقيقه سى نه در ؟ ) سؤالنه طيائيرز ، وبوكا بالخاصه بز ، جواب ويرمكه مكلفز !... محققدرو - هيچ اولمازسه بنجه - مسلمدر كه ، تعصب ديديكمز حالت روحيه ، مطلقا بر حقيقته اعتقاد ايتمكدن دكل ، حقيقتي كندى اعتقادينه حصر ايتمكدن طوغار . يعنى كندى اعتقاديني يكانه حقيقت عد ايتك خود . پسندلكنندن نشأت ايدر كه تحمكدرد ؛ بوده رقابت وضدتيه تغذى ايدوب قوتله نير . بو ادا - ظن ايتديكم كي - طوغروسى ايسه و مسئليه بونقطه نظر دن باقيليرسه ، صراحتاً تبين ايدر كه دين اسلام ، حس تعصب دن كلياً آزاده در .

( الانصاف نصف الدين ) حديث شريفى بر مسلمان ايچون مبدأ اخلاقى در . دين اسلام ، اسلافده كلوب كچن بوتون پيغمبران كرامى تصديق و تبجيل ايتمش اولدوغى ايچون اهل كتابك جمله سنى ده مؤمن موحد اوله رق طائيشدر . سائر اديان منزليه قارشى وضعيتى ، ( اكال دين و اتمام نعمت ) در . اسلام نظر ندرده تقوى ، يوزى مشرقه و يا مغربه توجه ايتمكدن عبارت دكلدر ؛ خير و حسنات ايشله مكدرد . علم بحثنه كلنجه ، بر مسلمان ايچون بشيكدن مزارده قدر تحصيل علم ايچون مكلفيت واردر . چينده بيله اولسه آلفه مجبوردر ؛ زيرا حكمت مؤمنك غائب ايتديكي برشيدر ؛ نرده بولورسه اوئى آلفه حقى واردر . علماء ورثه انيادر . بيلنر ايله بيلمه ينلر بر اولورمى ؟ .. علم و حكمتى توصيه و تحصيلنى تشويق ايچون هيچ بر يرد بوندن دها كوزل اوامر دريجه بولونه ماز . على العموم اهل كتابى مؤمن عد ايتك كي تعصبه مانع بر اعتقاد نزيه دخى اوله ماز .

حقيقت حال بودر ؛ فضلاى اسلاف دن كاتب چلبى ( ميزان الحق ) رساله سنده بودعوايى كوتمش و بك بليغ بر ادا ايله مدافعه اينمشدر . فقط تشكر اولونور كه بوكون فضلاى خرسانيه دن بر جوق كشيلر ، بوخصوصده بزه سويليه جك سوز بر اقامشدر .

آمرىقا فلاسفه معاصر يندن متوفى ( جون ويليام دره ) بر John Will. Draper ، ( اوروپاده تكميل عقلى تاريخى History of the intellectual developpement of Europe ) نام اثرينك ايكنجى جلد ينى

همان کلیّاً مدنیت اسلامیّه تبعاتنه حصر ایتشم و دین محمدی نك نه قدر منصف و ترقی پرور اولدوغنی اثبات ایچون صریح و بدیهی بر چوق وقایع تاریخیه کوسترمشد. (عرب مدنیتی la civilisation Arabe) و (هندده مدنیت la civilisation dans l'Inde) عنوانلریله مشهور اولان آثار مغلده نك، مؤلفی عالم حکیم دو قنور (کوستاولوبون Dr. Gustave Lebon) دخی عینی دعوايه برهان اولمق اوزده مدنیت اسلامیّه نك شان و شرفنی ابراز ایتمشد. طبیعیات متخصصیندن و (داروینیزم) طرفدارانندن اسو یجره لی پروفسور (دودل Dodel) بیله (موسی می؟، دراوین می؟، Moïse ou Darwin) عنوانلی کتابنده انصاف اسلامیتدن — کمال هیجانله — بحث ایده بیلمک ایچون معقول وسیله لر بولمشد. فضله اوله رق خرسیتانلقده کورولن شدت تعصبه اسلامیتك وضع احرارانه سی، بو آدملر، مقایسه ایتمشلردر. یالکز، اوروپا متفکرینندن بعضی مشاهیر و علی الخصوص محررمعتبر (نه رنست روان Ernest Renan)، اسلامیتی دخی عینی غیظ تعصبه اتهام ایده بیلمک ایچون بر طاقم وقایع تاریخیه یی شاهد کتیرمش و شرق دده بر خیلی فیلسوفلرک و حکمای صوفیه نك دینسزلك تهمتیه تلف ایدلیدیکنی کوسترمشد. مع مافیه عالم اسلامده واقع اولان ترقیات فکریه یی — هیچ بر وقت — انکار ایتمک ایسته مندیکی ایچون اوکالاتی — دینه بوسبوتون یابانچی عدایتدیکی — بعضی عوامل مدنییه عطف ایله مشدر .

مسلمانلردن بعضی کیمسه لر بودعوايه قارشنی ردیه لر یازمشلردی. شاعر حیات پرور مرحوم نامق کال بکک روانه بر (مدافعه نامه) سی واردر و بدیع بر اثردر. (مصرلی مرحوم شیخ عبده) نك (الاسلام و لنصرانیه) عنوانی آلتنده برسلسله مقالاتی باصیلمشدر، بک قوتلی دلائل تاریخیه یی جامع اولدوغنی ایچون جدی و مفید برکتابد. مع مافیه بیطرفانه سویله مک لازمکلیسه — روانك ادعایده بوسبوتون یالان و اصلسز دکلدر، فقط بدیهی اولان بعضی وقوعات تاریخیه یی تعریف ایدیشی یا کلمشدر. بزده کی تراجم احوال و تاریخ کتابلرینه سویله برسطحیجه باقیله حق اولورسه روانه حق و یرمک ضروری کورونور. لکن شو دعواده (ینه تاریخیه) اوله رق روانك ابراز ایتدیکی

وقایع، اسباب حقیقه و عوامل مخصوصه سنه اضافله شرح و تفسیر ایدیه جک اولورسه، بو محررک نیچون ونزهده یاکلش اولدوغی تمامیه تعین و تظاهر ایدر. مسئله — ظن اولوندوغی قدر — بسیط اولماسه کرکدر . زیرا مدنیت اسلامییه تاریخنده ( تهمت الحاد ) ماجراسی غریب بر خصوصیت عرض ایدر : هنوز حل اولونه مادیق بر جوق عقده لری وارددر . اولاشو نقطه مهمه نی اونو تمامی درکه ( بر دین متعصب اولمایه بیلیر )؛ فقط ( انسانلردن بعضیسی حتی بر جوغی متعصب اوله بیلیر ) بویکی ( قضیه احتمالیه pr. problématique ) نك بکدیگریله بر رابطه منطقیه سی یوقدر . فضله اوله رق تاریخ انسانیتده بعضی دورلر دخی اوله بیلیر که اوزمان، احوال و ظروف و علی الخصوص حسیات، و مزاج ناس تعصبه دهها زیاده مساعد بولونه بیله جک بر حالده در .) بوده بوسبوتون باشقه بر مسئله در . بز بوراده احوال استثناییه و اشخاصه باقما یز . بر دینک احکام و نصوص اصلیه سنه باقارزه و دینی آنجق حیات تاریخیه سی اعتباریله ( یعنی بر مدنیت خاصه نك نیر ظهوری اولمق حیثیتله ) نظر دفته آلیر، تتبع ایدرز . اووقت اسلامیتک هر حالده مدح و تقدیره احرا اولدوغی تبین ایدر و ایتمشدر . کورولمشدر که بزده حسن تعصب تاریخی فیجه لر ایقا ایده مه مش و تعصبک ضرری — آنجق آرمه صیره — بعضی مستثنا آملره طوقونه بیلیمشدر . بناء علیه بونوعدن اولان شنیع لر بزده ( بر دور تاریخی علامت فارقه سی ) تشکیل ایده بیله جک قدر مسلسل و چوق دککدر؛ فقط بوسبوتون ده یوق دککدر .

( علامه تفتازانی ) [ رساله فی وحده الوجود ] عنوانیه معروف عالم اولان اثرنده، صوفی شهر ( شیخ اکبر محی الدین بن عربی ) یی ( کفره وجودیه Pantheïste athée ) دن اولمق اوزره تلقی ایدیور و شدتله تکفیر ایله دکن صوکره حقنده سویله مه دک فنا لاقیردی بر اقیور : ( شیخ الاکفر )، ( میمت الدین یعنی دینی تولدوروجی )، ( المشعوذ le halluciné ) ( الحشاش یعنی اسرار کش ) ( الملعون ) الی آخره . . . دیور . ( علی القاری ) دخی بو خصوصده تفتازانی به اقتدا ایدیور . بونک امثالی پک چوقدر .

( شیخ محمد عبده )، بوتون بوکبی وقایعی، اسباب سیاسییه و علی الخصوص اوزمانلر ( هر مسئله دن اقدم و اهم اولان ) خلافت پولتیقه سنک ایجابات

ضروریه سنه عطف ایله تعریف ایتک ایستور. بئم دخی تحقیقاتم بو ظن قوییه پیوسته اولمشدر. یالکزه بعضی وقایع منفردیه بو نظریه تاریخیه ایله تعریف ایده مدیکمی اعترافه مجبورم؛ فقط علی العموم بو نظریه سائر امثاله نسبتله ینه الک طوغروسی در، ظاهرآ متناقض کورون شیلری بیله تعریف ایدر. مثالا :

(ابن سینا) و (ابن الرشد) کی — عالم اسلامک ایکی قطب عرفانی صاییلان فیلسوفلردن برنجیسی وزارتیه ، دیکری مقام فتوایه قدر ارتقا ایدرک پادشاهلردن ( قارداش ) خصایله معامله حرمت و مودت کورمش ایکن ، او قدر شمس پادشاهلرک وقاتی متعاقب بو محترم آدملرک بردنبه غیظ و حقارته معروض اولماسی و نکبتک درکات اسفلته دوشمسی — هر درلو شهردن وارسته — وقایع تاریخیه ندر. فقط بونکله دینک نه مناسبتی وار ؟.. تبدل سلطنتله سرای انتریملری بو کیفیتیک ای تعریف ایده بیلیر.

واقعا (ابن سینا) کوندوزلری شدتله چالیشیر، کیجه نریده عیش وعشرتله صفا ایچنده عمر سورردی. ایچکیده ایچردی. کندیسنک تکفیر اولوندو. غندهده شک یوقدر . ( نامه دانشوران ) نام مفصل تراجم حوال کتابی بو فیلسوف حقنده تفسیلات زیررکن : ا دیاب عقائد دینیّه ازه چندان سخن رانده اندکه بیاون کتب و متون صحف از آنها مشحون است ا یعنی (اونک عقائد دینیّه حقنده او قور سوز سویلر نلشد که کتابلر طولورد). دیور. فقط :

( فنی کل شیئی له آیه تدل علی انه واحد )

دین و هر شیده الهک برلکنه دلالت ایده بیله جک بر یئنه صریحه کورن بر حکیم کاملک دینسرلکنه ، بز ، قولای قولای حکم ایده مه یز . صدق ایمانه بر دلیل، علیه طوقسان طوقوز برهان اولسه، بزینه او بر دلیلی محکم طوتارز. اسلامیت تنبیهی بویادر . خصوصاً آنارنده کفرینه دلالت ایده بیله جک ذره قدر بر شائبه ضلالت کوره مزسهک، حقنده حسن ظنه مجبور ، و او طور ایله مأمورز.



ذاتاً بو عادی و عامیانه اسناده قارشى ابن سینا — يك محق و مشروع بر غرور ايله — جواب ویرمش و : ( بنم کبی بر آدمث کفر و الحادی — اویله قولای قولای — لافله اولماز . بنم ایمانیدن زها صـاغلام ایمان اولماز . دهرده بنم کبی بر تك آدم بولونسون ، اوده کافر اولسون ! . . . اویله ایسه دنیاده بر دانه مسلمان بولونمازا ! ) دیمشدر . بو معنای متضمن اولان پارلاق رباعی شودر .

تفر چومنی، بلاف آسان نبود ؛  
محکمتر از ایمان من ایمان نبود .  
در دهر چومن یکی، واو هم کافر ! . . .  
پس در دهر يك مسلمان نبود .

شراب مدخنده، بر ایکی بیت سـویله مشدر : ( باده رحیق ، یعنی شراب حقیقتاً غدای روحدر . اونك رنگی و قوقوسی كلك رنگ و رابحه سنی باصدیریر . طعمی اعتباریله بابا نصیحتی کبی در : آجی فقط فائده لی در . جاهله کوره باطل ، عالم عندنده حقدر . عقلك فتواسی ايله عالمه حلال اولمشدر . احکام شرع ايله ده احق اولانلر ایچون حرام عد ایدلمشدر ! ) دیمش که اصلی شو قطعه در .

غدای روح بود ، باده رحیق الحق ،  
که رنگ و بوش زند رنگ و بوی کل رادق .  
بطعم چوپند پدر ، ولیك مفید ؛  
به پیش جاهل ، باطل ؛ به نزد دانا ، حق .  
حلال کشته بفتوای عقل ، بر دانا ؛  
حرام کشته با حکام شرع ، بر احق .

اگر سبب اتهام، بوسوزلر ایسه، اکلاشیلور که دشمنلری، بوفلسوفی اتهام ایچون ( استحلال حرام ) دعواسنی ایلری سـورمش اوله جقلمدر . فقط اوتقدیرده، کبار صوفیه دن معدود بولونان مصرلی ( شیخ ابن الفارض ) ايله برابر همان شعرای اسلامك اون بیکده برندن ماعداسنی کاملاً تکفیر

ایتمک لازمکلیبر. سوزده باقیلیرسه شرابی مدح ایتمین شاعر، شرقده یوق کبی در. هله لذتی بیله بیله مدح ایدنلر هیچده آز دکلدرد. عمر خیام، رباعیاتنده شرابدن زیاده برشی سوبله ممش وینه پک راحت یاشامشدر.

سیاسی دشمنلقلری تشفییه ایچون بویله وسیله لرك نه قدر سؤ استعمال ایدلمش اولدوغی اکلاشیلور. هله ابن رشدک سبب منکوبیتی ایضاح ایچون اثر لرینک دینسزجه یازلمش اولماسی ادعاسی ایلری سورمک بونی پک انی اثبات ایدر. چونکه بو آدمک اثرلری — صحیحاً اولیه اولسه بیله — عوامک اکلایه جنی شیردن دکلدرد. اونلردن بویله بر معنا چیقارائلر، بو حکیمک منورالفکر، فقط حسود رقیلری ایدی.

حالبوکه شاعر شهر (ابوالعلا المعری) و عالم تحریر لقیله معروف اولان (ابن راوندی) کبی حریت اعتقاده — چوق دفعه لر — حقیقتاً دینسزلک درجه سنه وارمش اولان بعضی آدملره، کیسه برشی یامامشدر. بونلر (شیخ عبده نک دیدیکی کبی) پک چوق سنه لر معمر اولدقدن صوکره راحت دوشکنده وفات ایتشلردر. حالبوکه (ابن راوندی) صراحتاً دینسز ایدی. قرآنه نظیره یازمچق قدر کستاخلفه جسارت ایدن ابوالعلا نکده بر چوق قطعه لری واردرکه، هیچ بر وجهله تأویل قبول ایتمز و مدافعه اولونه ماز. مع مافیله بو اعمی شاعر، خلیفه مستعصمک توجهاتنه مظهر اولمش و کندیسيله کوروشمشدی. واقعا (تهمت کفر) دن قور توله مادی. فقط — کزدی عالنده اوصلی اوصلی یاشایان — علیل بر شاعره هیچ بر طرفدن ضرر کلیه جکنه او قدر قناعتی واردی که بو اتهاماته قارشی تعجب ایدیور، و: (بی طعن ایدنلر، فضیلتی تعییب و حکمتی ذم ابله دیلر. بنم کالمدن و کندی نقیصه لرندن توحش ایتدیلر. بر انسان کندی نفسک طریق رشاده سالک اولدوغنی بیایرسه، اونک علیهنده جاهل لرك ملامتی حکمسز قالیر.) دیبور. سوزلری عیناً بودر.

عجباً لقوم یحجدون فضائل!

.....

عابوا علی فضلی و ذموا حکمتی،

واستو حشوا من نقصهم وکمالی .

.....

واذا ألقى عِرفَ الرِّشاد لنفسه

هانت عليه ملامة الجهال .

حکمای صوفیه نیک مناقبتی و تراجم احوالی تدقیق ایدر سبب ینہ عینی حقیقت تظاہر ایدیور، یعنی تارک دنیا اولان و کندی عالمندہ اعتزال اوزره یاشایان احرار عرفانک - سوبله دکلری سوزلردن طولانی اصلاً معاتب اولمادقلری کورویورز . فقط اطرافنه بر جوق مریدلر طویلا یوب، سیاسی براہمیت قازانان و مہدیلت اداسیلہ - بالفمل اصلاح عالمہ قالدیشان کیمسہ لک، ادنا وسیلہ لرلہ بیلہ، نفی واجلا و اکثریا اعدام و افنا ایدلمش اولدقلری تحقق ایدیور . مثلاً کبار متصوفدن مشہور شیخ (بایزید بسطامی) : (جہمک آلتندہ اللہدن باشقہ برشی یوقدر .) ؛ (کندیہ تبسیح ایدیورم ؛ بتم شام نہ قدر بویوک ایتش ! ) دیدیکی حالده قطعاً بوصوفیانہ سوزلر سؤ تفسیر ایدیور، و بوندن طولانی قائل ہیچ معاتب اولمویور، بالعکس درین و عمومی بر حرمتہ مظهریتلہ یاسیور . اعتقادجہ بایزیددن ہیچ فرقی اولمایان (محمی الدین بن عربی) نک کورمہ دیکی حقارت، چکمدیکی اذیت قالدیور .

کذلک، (انالحق) دیہرک دیار دیار طولاشان و ہرکسی دعوت ایدن (حلاج منصور) - اشد عقوبات ایلہ - غدارانہ بر صورتدہ شہید ایدیور . (شہاب الدین مقتول) آچقلہ محکوم اعدام اولویور ؛ عینی فکر و مذہبہ اولان (شہاب الدین سہروردی) یہ طوقونان بولویور . الی آخرہ ! ... ذاتاً و کئی وقوعات، تاریخلر مزیدہ - اسباب حقیقیہ سیلہ - مفصلاً مضبوط اولدوغنی ایچون ماہیتدہ شہہ ایدیہ مز ؛ صریحدر . تفسیر و تأویلہ محتاج دکلدر .

عثمانی ترکلرینہ کلنجہ : (الانصاف نصف الدین) حدیث شریفنک مضموننہ صدق ایلہ اتباع و ایجابنجہ حرکت ایتش بر ملت اسلامیہ نمونہ سیدر .

دین و آیین خصوصاً بزم نه درجه لره قدر منصف و مساعده کار طاواند-  
یغمزی عالم بیلور و بونی اوروپالیر بزم اک بارز فضیلت قومیه من اولق  
اوزره ذکر و تقدیر ایدوب طورویورلر . بناءً علیه بکا سوز سویله مک  
دوشمز . اک جاهل بر ترک بیله باشقه ادیان منسوب اولانلرک بو یوزدن  
رنجیده اولماسنی ایسته من ، و صیراسی کلدیکه : ( طوقونمه ! . دینجه دینله-  
نسین . هرکس بر اللهه طاپار . سن آدمک کوککنه باق ! . ) دیرکه بزم -  
برچوق حسیات نزهیه ترجمان اولان - لسانمزده ، ضرب مثل حکمه کچن  
بو سوز ، معامله انصافک ، ساده فقط اصیلانه بر دستور افاده سیدر .

واقعا عثمانی تاریخنده تهمت رفض والحاد ایله اجرا ایدلمش مظالم نرنه سی  
یوق دکدر . فقط اولجه دیدیکم کچی بوتون بووقایع خجیه نک اسباب حقیقه سی  
مطلقاً براندیشه سیاسی ایله علاقه داردر . مسئله بو نقطه نظر دن تتبع اولونورسه ،  
تاریخ سلطنت مزده متناقض کورونن اجراآت و حرکات ، در حال معادار بر صورتده  
توضیح وتنور ایدر . مثلاً : مشهور ( یونس ایمره ) سقاریه نه ری کنارنده ،  
دائماً بر تارک دنیا حیاتی سورمش و مظه کر آمدن عد اولونمق  
صورتیله حرمت عامیه مظهر اولمشدر . حالبوکه بزم ترکرده — اعتقادات  
صوفیه یی — اونک قدر لایالی و احرارانه بر ادا ایله نشر ایتمش اولان  
و غایت ساده ترکه سویله یین بو قدر ؛ دهیه بیلیم . بونکله برابر دیگر بر آدم  
واردرکه مراد رابع دورنده ( دنیایی اصلاح نیقی ایله ) خروج ایتمش وباشنه  
عظم بر جماعت اجلاف طویلامشدی . ( سقاریه شیخی ) نامیه تاریخ عثمانی ده نام  
براقش اولان بو ( هنکامه کیر aventurier ) ، مهد بلک دعواسنده بولونوبور  
و حقیقت حالده ( قارغاشالقدن بالاستفاده کلاه قایمق ) ایستوردی . دولت عثمانیه  
بو آدم ایله عادتاً محاربه یه مجبور اولدی ؛ کوچ بلا ایله مغلوب ایدیلوبده اله  
کچیریلنجه [ جلاد اللهه مفصللری آیری آیری سو کو ملک صورتیله ] اعدام  
ایدلی .

کذلک ، جتتمکان چلی سلطان محمد زماننده ( کفر والحساد )  
( خروج علی السلطان ) تهمتیله اعدام اولونان مشهور ( بدرالدین سیاوی )  
نک سرگذشتی تاریخلر مزده مصر حدر . بو آدم حقیقتاً فاضل بر حکیم ایدی

(واردات) نام اثری اوروپاچه دخی پك معروفدر . بر سؤنبی اولدوغی ده محقق دكدی ، فقط خروجی ، سیاسی بر زنك آلدی اونك ایچون اعدام ایتدیلر . (sympathie و communisme) کلهلرنده بو ذاتك فکەرلرینه دائر ملاحظات واردر .

(شقایق نعمانیه) ده (مولانا فخرالدین عجمی) نك ترجمه احواله باقیرسه — شیخ الاسلام وقت اولان — بو ذاتك حروفی درویشلرندن بر قاج کشی بی ، ادرنده (اوج شرفلی) جامع آلولسند بالذات آتش ایله یاقدینی تفصیلاتیله تحکیه ایدلمشدر . فقط بو مرحمتسز معامله نك اسباب سیاسی سی ده مضر حدر .

جتمكان سلطان سلیم اولك — ملاطیه وار ضرورم حوالیسند — فرق بیك قدر قیزلباشی چولوغیله چوجوغیله رکیجه ده قتل ایتدیرمش اولدوغی مکتب کتابارنده تفصیلاتیله مندر جدر . (سن بارتله می) کیجه سی آکدیران و مروت عثمانیه یه یاقیشمایان بو فیعه نك اسباب اساسی سی ، بوکون — صریح بر حقیقت تاریخیه اولق اوزره — هر کسجه معلومدر .

(سید نسیمی) ، بیکنه و معصوم اوله رق شهید ایدیلن خلایع منصوره مفتون اولمش و جذبه حانیله سوقاقلرده (انالحق) دیه باغیرمه قدر وارمشدی . بو زواللی نك دخی حلبده ده ریبی یوزولمش ، فجیع والیم بر صورتده تولد ودرولمشدی . فقط او و قتلر سوریه ، مملوکلر اداره سند بولوندوغی ایچون عثمانیلر بوندن مسئول دکلدرلر . بو نك سبی خصومت مذهبی ایدی . سلیمان قانونی دوری مشایخندن مشهور (اوغلان شیخ) عادتا بر کنج داهی ایدی ، پك بو یوک بر نفوذ قازاندینی ایچون ، وجودی ایدیشه یی موجب اولدی . بعضی سوزلری الحاد ایله تأویله وسیله اتخاذا ایدیلوب — اون اون ایکی مریدی ایله برابر — آقسرایده کندی درکاهنك اوکنده اعدام اولوندی . یاقین زمانلرده یکیکجری قیرغینی ایله بکناشی قتل عامی آره سنده کی مناسبت وعلت سیاسی بی دخی بیلمه یین یوقدر .

خلاصه ، بوتون بو وقایع تاریخی ودها بر جوق امنالی — پك اعلا — اثبات ایدیورکه علی العموم اسلامیتده وعلی الخصوص عثمانیلیق عالنده بوتون بودورلو

فجایع و فضاخ — دین نامه دکل ! — انجق دین وسیله سیله ممکن اوله بیلمشدر .  
 جله سی دخی بر طاقم اسباب سیاسییه باغلی در . بو حادثات اجتماعیه نك  
 تمصبه طوغرودن طوغرویه علاقسی یوقدر . بو درلو اجرات سیاسییه  
 وجدان امتده بر نقطه استناد بوله بیللمك ایچون — اقتضا ایتدکجه — کتله  
 عوامك حس تمصب و وحشتی قولای قولای تحریك ایدیه بیلیردی . ( شیخ  
 عبده ) نك حق وار : امام ابوحنیفه و امام ابن حنبل حضراتی کبی ائمه دین  
 بيله ، سیاسی بعضی اندیشه لر یوزندن — مع التأسف — چوق ظلم کورمشلر  
 وزندانلرده شهید آتک حیات ایتمشلردی . حالوکه دینك احکام وحدود شرعیه سنی  
 ضبط وربطه آلوب تعیین ایدن بو ذوات مجتله ، اسلامیته اک بویوک خدمتلرده  
 بولونمشلردر . بولنریده احرار متفکریندن اولوق اوزره اتهام ایدمه یزیا! ..  
 [ بونك سببی rationalisme تعیرنده مناقشه ایدلمشدر . باقیکز ! ]

( شیخ عبده ) نك اسلامیت لهنده استعمال ایتدیکی بو نظریه تاریخیه ن،  
 عیناً انکیزیسیون مظاملی حقنده دخی تطبیق ایدوب ، دین عیسوی بی مدافعه  
 ایدلر اولمشدر . اوروپا لیلردن برچوق مدققلر ادعا ایدیورلرکه : [ قرون  
 وسطاده اجرا اوله کلن بو نوع مظالم ، جماعات خرسیتیانیه نك کلیسا  
 بویوندوروغندن قورتوله ماماسنی تأمین مقصدیه یاپیلدورایدی . وسیله درکه  
 آیین و مراسم دینده اک اوفق لابلیلکر شدتله جزایه شایان کورولدوکی  
 حالده ، نظری دینزلکه پک او قدر اهمیت ویرلمزدی . دیگر طرفدن  
 ( میل الحاد ) ، ( دیوانه لك insipiente ) صاییلیر و بو حالت مرضیه دخی  
 شیطانك تأثیرینه ، یعنی روح بشره حلوله حل اولونوردی . سحر بازلق  
 دخی عینی شبهه بی دعوت ایدردی . اونك ایچوندرکه ملحد ظن اولونان  
 کیمه لر ( احراق بالنار ) ایدیلیردی . مذاهب اربابی آرمه سنده کی غوغالره  
 و اتهامات متقابله کلنجه ، اولنر آنجق ( پارتی مجادلوسی ) یعنی بر ( منافسه  
 سیاسی ) نتیجه سی ایدی . ]

بویوک آنسیقلوبه دیده ( athéisme ) بابنده بو نظریه بی ترجیح ایدن  
 ( Marion ماریون ) ، خرسیتیانلی مسئولیتدن قورتارمق ایستور . واقعا احکام  
 اعتقادیه سی اعتباریه دین عیسوی زیاده سیله رحیم و شفیق در . حتی عشق

انسانیت او غورنده فداکارلق توصیه ایدر. بناءً علیه، بوبخنده حکمه صلاحیتی مسلم اولان مدققیندن برکیمسه یوقدرکه انکیزیسیون مظالمندن بالذات دینی مسئول طوته بیلیمش ارسون. اصل مسئول اولان، خرسیتیانلغک احکام اعتقادیه سی دکل، سیاست دینی سی، و هله او مدهش تشکیلاتی در.

دینسزلکک شرائطی و عادات فارقه سی نه اوله بیلیر عجا؟ . . .  
برکیمسه حقنده حکم ویرمزدن اول بوشرطلر قطعاً معین اولمق و بیلیمک کرکدر.

فیلسوفلرک و منقذلرک برچوخی بوسواله قارشی شویله بر جواب ویریورلر:  
[ هر شیئک مبدأ و معادی و بوتون ادیانک اساس اعتقادی اولان ( واجب الوجود ) ک حقیقت ذاتیه سی بیانمه دجه دینسزلکک شرائطی تعین ایده مز. ] دیورلر. طوغروسنی سبیلهمک لازمکایرسه بو حقیقتی بر بیان یوقدر. ( ماعرفناک ! ) خطاب علویسنندن ده اقدسی بر ادا ایله اعتراف عجز اوله مار. این سینانک :

نموت و ایس لنا حاصل سوی علمنا انه ما علم.  
یتی هر حکیمک دستوریدر. سقراطدن سنسره کلنجیه قدر هر بویوک فیلسوف اعتراف ایتشد که تولورز؛ و حقیقت لدنییه بی بیلیمه دیکمزی او کر نمکدن باشقه بر علم حاصل ایدمه یز.

او حالده ( agnosticism ) دینسزلک دیمک دکلدر. [ بو تعیرمه باقیکنز ]  
( جون ستوئیت میل St. Mill ) ، ( دین Religion ) نامیله معروف اولان کتابنده ( آغنوستی سیزم ) ک دستور ادعاسی ایکی شقه آیریور: ( ۱ ) یعنی عدمی بر نتیجه یه پیوسته اولان آغنوستی سیزم، دینسزلک صایه بیلیمده ( وجودی positif ) بر اعتقاده واران آغنوستی سیزم دینسزلک دکلدر. ( ۲ ) دیور که ک طوغروسدر. زیراً: « بز ، حقیقت مطلقه بی بیلیمورز. چونکه اوله برشی یوقدر ! » دیمک باشقه، « بر واجب الوجوده اعتقاد ایمک عقل ایچون ضروریدر. لکن ، واجب الوجودک حقیقتی — کاهی — ادراک یتت انسان ایچون ممکن دکلدر اونک ایچون بیلیمه یز ! » دیمکده بوسوتون باشقه در.

بو مهم فرق، قولایقله تمیز ایدیله مدیکی ایچون پک چوق معتقد آدم لر بغیر حق هدف طعن و تشنیع اولمشلردر. حتی معاصر تمزدن (هربرت سبنسر H. Spencer) کبی حق و حقیقته مفتون بر بویوک فیلسوفی، (مادیون les matérialistes)، عقیده الوهیتیه رجوع ایدیور دیه قدح ایتدکلی حالده، انکلتزده و اوروپاده بر چوق مذاهب اربابی و بالخاصه پاپاسلر، ینه او ذاتی دینسزلیکه اتهام ایتمشلردی. مع مافیه سبنسر، (مبادی اجتماعیات Les principes de sociologie) نام اثرینک (ماضی و استقبال دین) عنوانیله جالب دقت اولان باب مخصوص سننده اعتقادینی اظهار ایدرک شبهه یه محل بر اقامشدر:

{ علمک ترقیسی، کیتدجکه دها بدیهی بر صورتده اثبات ایدیور که — حقیقتی اکلاویه مادیغمز و اکلاویه مایه جغمز — بوجود مطلق وارددر. بدایت و نهایتی تصور ایدمه دیکمز بو قدرت سرمدیه هر یرده تجلی ایدیور و هر شی اوندن ظهوره کلیور. ] دیور. هر دینک اساسلی دستور اعتقادی بودر. بناء علیه ابوالعلائک شو سوزلری — اکثریا ظن اولوندوغی کبی — مطلقا ملحدانه بر فکری متضمن دکدر.

قُلْتُ لَنَا صَانِعٌ قَدِيمٌ.

قُلْتُ صَدَقْتُمْ، كَذَا تَقُولُ.

ثُمَّ زَعَمْتُمْ بِلَا زَمَانٍ

وَلَا مَكَانٍ. الْاَفْقُولُوا،

هَذَا كَلَامٌ لَهُ خَفَاءُ

مَعْنَاهُ لَيْسَتْ لَنَا عَقُولُ!.

یعنی: [ بزه دیدیکز که بر صانع قدیم وارددر. بزه سزه دیدک که: سو- زو کیزی تصدیق ایدره ز. بزه او یله دیور ز. سو کره او یله زعم ایتدیکز که او صانع، زماندن مکندن منزهدر. هایدکدی سو یله ییکز: بو او یله بر کلامدر که اوندی بر سر وارددر. معناسنی بزم عقلمنز آلیور! ] دیمکدر،



وتماماً آغوستیق بر اعتقادی ناطقدرد . چونکه ( بر صانع قدیم اولماسی لزومه وجداناً قناعت ایدیورز ؛ ایمان ایدیورز ؛ فقط ینه عقلمز ایره میورکه برشی وار اولسونده زماندن مکاندن منز اولسون ! او حالده صانع قدیم عقل انسانی نك ماورای حدودنده بر حقیقتدر؛ تعریفه صیغماز [ دیمکه واریر .

بوتون صوفیه و بوتون موحدین حکما هر کسه تنیه و توصیه ایدیورکه : [ واجب الوجوده ایمان لازمدر، چونکه ضروریدر . فقط ذاتِ حق تعریف و توصیفدن قطعاً اجتناب اولونمالی در . تعریفه صیغماز که تعریفه چالیشه لم . عقل ایرمز که توصیفه قالدیشالم ! ]

بزم معلم ناجی مرحوم دخی :

الله نهدر ؟ . . ده نیجه غافل ،

الله ! . . ده یوب خوش اولور دل .

تعریفه کیمه مکدر اولی .

تعریفه کلیرمی هیچ مولا ؟ ! .

دیورکه پك طوغرودر . فقط بونلره نه حاجت ! . . ( لیس کمله شی )  
( سبحان الله عما یصفون ) کبی آیات بینات وارکن تعریف و توصیف عظیم کستاخلق اولور .

شبهه یوق که آغوستی سیزم دینسزلك دکل ! . . .

[ دینسزلك علامت فارقه می ( شبهه le doute ) در ؛ چونکه اعتقاد سزلفك منشأی اودر ! . . ] ده ینلر چوق اولمشدر . بو ادعا فی الحقیقه جدیدر . ( بوکا عائد مذاکرات مهمه ( doute ) کله سنده بسط ایدلشدرد . باقیکز ! ] یالکز شوقدر جق برشی عرض ایدهیم که حکمای اسلام آره سنده ( حجة الاسلام ) عنوان مفخرتی قازانمش اولان امام غزالی، چوق شبهه ایدردی، فقط اونک قدر صدق و خلوص ایله حقه ایمان ایتکده اوله ماز . کذلک خرستیان فیلسوفلرندن ( ده قارت Descartes ) ک حقه ایمانی محققدر . اثبات واجب بمخنده کی دلائلی — اولجه عرض ایتدیکم کبی — پك معتبردر . حالبوکه بو آدم شبهه نی اصول فلسفه اتخاذا یتمشدی .

[دینسزلك اعتراضدر، طغیاندر، اطاعتسزلقدر ! ..] دهینلرده وار.  
 بو دعوا دخی خلی حقلی کورونور. (ملل ونحل) نام کتابک مؤلف شهری  
 محمد شهرستانی، بو فکرده در و طغیانی، شیطانی الماهیہ بر شهہ دن طوغمش  
 اولوق اوزره قبول ایدر. شو تقدیرجه ابوالعلاہ اسناد اولونان قطعہ  
 آتیہ ملحدانہ در :

افيقوا، افيقوا يا طُغاةَ فَأَمَّا  
 دَيَانَا تَكُم مَّكَرٌ مِّنَ الْقَدَمَاءِ .  
 ارادوا به اجمع الخطام وَاَدْرَكُوا  
 وماتوا ودامت سَنَةُ اللّٰهَاءِ .

یعنی : [ای طاغی لر، ای عنون اولمایانلر، افاقت بولوکر ! .. او یانیکز ! ..  
 زیرا دینلر بکر قدما نك مکرو حیلہ سیدر . او سایه ده مال طویلایمق ایستہ  
 مشر و الدہ ایتمشلر ؛ ٹولشلر اما بولٹیم آدملرک عادی قالمش !] دیمکدر.  
 تماماً اون سکرنجی عصرده فرانسه احرار متفکرینک اعتقادی دخی بوایدی.  
 بوفکری (Volney وولنہ) عیناً بیان ایتمشدر ؛ فقط طوغرو دکدر .  
 بوکون هیچ بردینہ منسوب اولمایان فیلسوفلریلہ بو ادعا نك بطلانہ ٹلدرلر.  
 علوم اجتماعیه متخصصینی تیقن ایدیورلرکہ انسانده (حسن دینی le sentiment  
 religieux) پک قوتلی و پک طبیعی بر عامل معنوی در. بدیہی الوجود بر  
 قدرت قاهرہ و صمدانیہ حضورنده عقل بشرک طویدوغنی عجز و مسکنہ ،  
 بر حسن خضوع و خشوع تولید ایدیورکہ ایشته (حسن دینی) نك منشأی بودر  
 اشکال دینیہ و صور اعتقادات ، انجیق بو حسہ اکسا ایدیلن لباس مثابہ  
 سندہ در، و مراتب مدنیہ یہ کوره درجات عرض ایدر .

عدالتی انکار ایتک دخی دینسزلك عد ایدلمشدر . نتہ کم نظام عالمی  
 انکار ایتکده او یوله چیقار ، یعنی ایکیسی بردر . چونکہ عدالت دخی  
 انسانیتک مبدأ نظامی و مسند قوامی در . (ابن الراوندی) ، عدالت الہیہ یی  
 انکار ایتدیکی ایچون دینسزلكہ صابمش اولسه کرکدر . حقندہ بر قطعہ  
 وارکہ بونی اثبات ایدیور :

كَمْ عَاقِلٍ عَاقِلٍ اَعَيَّتْ مَذَاهِبُهُ  
كَمْ جَاهِلٍ جَاهِلٍ تَلَقَّاهُ مَرْزُوقًا .  
هذا الذى ترك الاوهام حَايَرَةً  
وَصَيَّرَ الْعَالَمَ التَّحْرِيرَ زَنْدِيقًا .

یعنی : [ نه قدر عاقل آدمی را در در که کیدیشلری اونلری عاجز بر اقسدر .  
( یکینمه لرندن عاجز قالمشلر در . ) نیجه نیجه جاهل لرده کور وورسک که مرزو قدر لر  
( رفاه و نعیما یله یاسار لر . ) ایشته عقللری حیرتده بر اقان و عالم تحریری زندیق  
ایدن بوراسی در . ] دیمکدر .

واقعا دنیاده وقوعه هر آن معروض و یا شاهد بولوندوغیز درلو درلو  
حقسز اقلر واردر . بولری — هیچ اولمارسه ایلری ده — تضمین ایده جک  
یعنی احقاق حق ایله جک بر حاکم مطلق ، بر خالق عادل و رحیم قبول  
ایدیله میورسه ، دنیاده ( شر le mal ) که غلبه سنه والی الابد جزاسز قالماسی  
احتماله حکم ایتک منطقاً مجبوری در . بعضاً ( خیر le bien ) که شره تفوق  
ایتمکده بولوندوغی کور ولسه بیله ، بونون بو قرار سزانی انجق ( نور بر  
تصادف un hasard aveugle ) که حلوة ظهورینه حل ایتک ممکن اوله بیلیر .  
ایضا حه حاجت یوقدر که بوبله بر اعتقاد ، عادل و رحیم ، فقط — عینی  
زمانده — قهار و منقم بر قدرت خالقنک وجودینی صراحتاً انکاره واریر .  
طبیعی در که آخرت اعتقادی دخی بوا دعا ایله برابر مضمحل اولور . چونکه  
اونکله اصلا قابل تألیف دکدر .

( عدالت مطلقه یی انکار ایتک کریوه الحاده چیقار ! ] ده بیلر ، ایشته  
بوملا حظاته بنای محاکمه ایتشلر در . ینه عینی سببله در که [ شرک اصل اولدوغنی  
ادعا ایدن مسک فلسفی ، یعنی [ بدین لک pessimisme ] نهایت ، اربابی  
الحاده سوق ایدر [ ظن اولونویور ؛ در شر مخلوق اولسه بیله ، ماهیتی  
اعتباریله ، نیت خلقه منافی عمدا یدیلور . خالق ، ( کمال مطاق ) و ( خیر محض )  
اولق اوزره تصور یدلدیکی ایچون [ اوندن شرک ظهوری مستحیل اولق

کر کرد، [ ده نیلیور . بناءً عليه ( optimisme نیکینک ) فلسفه سنک ده ( الیه thésisme ) اعتقادی ایله منطق بر رابطه فلسفیه سی اولدوغی ادعا ایدلشد . بزده ( معتزله les motazalites ) دن مشهور ( نظام ) تماماً بو فکرده ایدی . [ خیر محض و کمال مطلق اولان الله ، خالق شر اوله ماز ] دیر ایدی . حالبوکه اونوی ضال و مضل عد ایدن اهل سنتک اعتقادنجه خیر و شر الله دندر .

[ بو مهم مسئله نك مناقشه سی ایچون optimisme ، pessimisme mal ، bien کله لرینه باقیکنز . ]

[ معاملات سیاسی و اجتماعی ده ( الحکم لمن غلب le droit du plus fort ) مبدآنه یعنی ( قوت بهیمییه force brute ) . طایانوبده ماهیت ( حق le droit ) ی انکار اتمک الحادک بر نوعیدر . ] ده ینلرده واردر .  
براز یوقاریده عدالت حقنده ویردیکم ایضاحانه باقیلیرسه بو ادعا ایله فکر الحاد آرمسندنه کبی بر مناسبت منطقیه دوشونولمش اولدوغی کندیلکندن تظاهرایدر . فی الحقیقه ، قوت ، بهمه حال حقه غلبه چاله بیله جک ایسه بو ، ( تجاوز و تعدی agression ) در . اکر بوکبی تعدیات ، — بر قوه قاهره نك ایجاب عدالتی اوله رق — نهایت جزاسنی کوره جک ایسه ، بأس یوق . .  
( الله ، امهال ایدر اما امهال ایتمز ! . . ایر کچه ، حق یرنی بولور ! ) دیمک لازم کلیرکه بوده بر آخرته اعتقادی مستلزم و دین نقطه نظرندن لازم و مهم بر مبدأ تسلیت در . یوق ، اکر قوتک غلبه سیله واقع اولان بونجه حقسنز- لقلر ، الی الابد جزاسز قاله جقسه بر ( خالق عادل ) یوقدر ، دیمک اولور و بویله بر ادعا صراحتاً الحاددر . مأیوسیت مضائقه ، انجق بویله بر اعتقاددن نشأت ایده سیله جکی ایچون مقدمه الحاد عد ایدلمش و ( بدین لک ) بویله بر مأیوسیتدن طوغمش اولدوغندن طولانی ده اونک الحاد ایله مناسبتی ادعا اولونمشدر . ( شوپنهاؤور Schopenhauer ) ک فلسفه اخلاقیه سی بو ادعانک باهرو مکمل بر مثالی در .

( داروینیزم Darwinisme ) انجق الیق ، قوی و مستحق اولانلره ( حق حیات droit de vie ) ویریور و بناءً عليه غوغای حیاته ( الحکم

لن غلب [ دستوری حقیقت اولی اوزره قبول ای دیور، دیه دینسزلکله اتهام اولونمشدی. بوتون بونظریه لری بنمسهین (فلسفه مادیه philosophie materialiste) دن بحثه حاجت یوقدر. اونک منسوبینی ذاتاً اعلان الحاد ایتمکدن چکینمور.

( منفعت l'intérêt ) ی ( وظیفه le devoir ) مبدآنه تقدیم ایدن، یاخود وظیفه نی ماهیتاً انکار ایله منفعته ارجاع ایله این اخلاق سیستمی دخی الحاد ایله مطنون اولمقدن قورتوله مامشلدرد. نته کیم فلسفه مادیه نك مبادی، اخلاقیه سی بوکا مثالدر. ( utilitarisme ) کلمه سنه باقیکر ! ] مع مافی بو ادعالرده مبالغه کورن فیلسوفلر، ( حتی دیندار فیلسوفلر ) یوق دکلدر. [ یک اینجه نه یوب، سیق طوقونورسه، اعتقادات متخالفه و متبانیه آره سنده بیله بویه غریب رابطهلر بولونه بیلیر. ] دیورلر، و — صحیحاً — بویه بر چوق رابطهلر بولمکدندر. مثلاً ( قوتی ماده نك کیفیت لازمه propriété inséparable ) سی کبی عد ایتمک، مستقل بر قوت فاعلیه لزوم و حاجت بر اقایه جنی ایچون دینسزلکه وادیر. [ دیمک بوقیلدندر. حتی اونک ایچوندکه مادیون، دائماً بوا عاده در. ( روحیون les spiritualistes ) ده — بالعکس — قوتی دائماً ماده دن آیری اوله رق تصویره میالدرلر. الی آخره !

فقط بو درلو تصور ائک غریبی ( حرکتی انکار ) ایتمکله ( الحاد ) آره سنده بر مناسبت منطقیه کورنلرک سیاق نظریدر. شئون خلقت — نهایت تحلیله — حرکت منجر اولور. بناء علیه حرکتی انکار ایتمک خلقتی و — بالنتیجه — خالق انکاره وادیر. حالبوکه حرکتی انکار ایتمک ( le vide ) یی انکار ایتمک دیمکدر؛ چونکه بوشلق اولماسه عناصر مادیه قیملدانه جق یر بوله ماز و حرکت ممکن اوله مازدی. ( عدم تنافذ l'impénétrabilité ) مبدای اقتضاسنجه ماده، مادهیه حلول ایده من. یعنی ایکی ماده عینی زمانده عینی مکانی اشغال ایده من. بناء علیه حرکت مساعده اوله جق بر بوشلق لازمدر. تحفدرکه بوبحثک مناقشه سی عصر لرجه سورمش و ( خلای مطلق

(le vide absolu) دعواسی، یعنی (هیچک) وجود واجبك الكوى برهانی  
عداولونمشدی. (vide) که سنده بوکا دائر تفصیلات ویرلشدر.

شروط الحادی مذاهب خصوصیه نك وضعیتنه نقطه نظرینه کوره  
تعین ایتمکده دوام ایدرسهك، یالکز بو بجنه دائر بر بویوک کتاب یازمق  
لازمکلیر. هله مذاهب دینی نك بوخصوصده رأینی صورارسق بحث ده  
زیاده اوزار؛ چونکه مذاهب یکدیگرندن تمایز ایتمکله تعین ایدمیلیر.  
اونك ایچون ده عقیده اساسیه یی ممکن اولدوغی قدر تقييد و تحدید ایتمک  
الزمر و ضروریدر. هر مذهب، حقیقی کندی عقیده سنه حصر ایتمک  
داعیه سنده بولوندوغی ایچون آرمه شدتلی بر رقابت حاصل اولمق دخی طبعی در.  
مذاهب خصوصیه نك قیود و شروط اعتقاد فضله اهمیت ویرمسی بونك ایچون  
مجبوریدر. بر مذهب خصوصیتی او قیود ایله قائمدر. اوسبیلهدرکه الله  
صدقه ایمان ایدن بر چوق حکما نظرند، اهمیتدن کلیاً عاری بر طاقم اختلافات  
رسمیه — مذاهب مختلفه اربابی آرمه سنده — تهمت الحاده وسیله تشکیل  
ایدمکلشدر. ینه اوسبیلهدرکه تاریخ ادیان عالماسی و بی طرف دوشون  
(حکمای ملیون les philosophes religieux) بودرلو معادات مذهبییه یی  
(فرقه غوغالری guerre de partis) اولمق اوزره تلقی ایتمشدر و ایمان  
والحادك دلیل ثبوتی (رسوم خصوصیه formalités particulières) ده  
آراما، مشلدر. مثلاً بر قدرت خارق العاده یه خلوص ایله اعتقاد ایدن مشهور  
(وولتره Voltaire) بو فکرده در.

فطانت مستهزایانه سیله، هر محررك فوقنده کورونن بو آدم، (قاموس  
فلسفه) نام اثرنده (athéisme) لفظنه دائر شرح ویردکن صوکره :  
(دینسزلک سبی و منشأ حقیقی سی نه در؟) دیه بر سؤال وضع ایدرک  
بوکا تحف بر جواب ویرییور: [الهیاتدر ! C'est la théologie] دییور.  
بو دعواسی اثبات ایتمک ایچون، خریستیان عالمده ظهوره کلن مذهب  
غوغالرینی پک مساعد بر زمین بحث اتخاذ ایدیور؟ علم الهیاتك هر مذهب  
نقطه نظرینه کوره ناصل بر شکل خصوصی آلدیغی و حقیقی کندی اعتقادینه

حصر ایتک صایفی سزلفندن نه شدتلی بر حس تمصب پیدا اولدوغنی شرح ایلپور : [ اللهك اوج ياخود بش شخصدن مرکب اوله رق بر شخصیت واحده تشکیل ایتمی ] ، [ انسان صورتنده تجلی ایدن اللهك (Thomme- Dieu) ] اتی یمک وقاتی ایچمک آیینی [ یعنی ] بویله بر اعتقاد و نیتله کلیساده اکل اولونان اتمک پارچه سیله ایچیلن شراب ایچون اجرایی معتاد اولان مراسم دینه [ ودها بو کبی بر جوق مسئله لر حقدده واقع اولان شدید منازعه لره دائر مثاللر کتیریور سوکرده شو ایچمه ملاحظاتی بیان ایدیور :

[ سرّ الوهیه آشنا بولونانلر (les confidentes de la Divinité) ] ، بو درجه اختلافاته دوشوبده عصر لرجه مدت یکدیگر لرینی تلمین و تکفیر ایدر لر سه ، و بونکله برابر مفرط بر حرص و شدید بر عیش ايله ثروت و شوکت قازانمغه متفقاً چالیشیر لر سه ؛ دیگر طرفدن — بر یوزنی تلویث ایدن — بونجه جنایتلرک و فرت خارق العاده سنه باقوبده ، انسان تأمل ایدر سا که بوفلاکتلرک پک چوغنی -- روح انامه حاکم اولان — او اساتذه الیهونک مناقشاتی یوزندن وقوعه کلشدر ؛ اعتراف ایتمه لی درکه ( بو قدر ضعیف بر طرزده وجودی اعلان ایدیلن ) بر اللهك وارلفندن شبهه ایتمکده عقلی آدمیر معذور درلر . مشیت ذاتیه سیله بوقدر قنالقلمه سبب اولان بر خالق رحیمی طایفامقدمه دخی حساس انسانلر حقی درلر . برکت ویرسین که فلسفه ، کائناتک بهمه حال عاقل و مدبر بر صانع قدیری اولمق لازمکله چکنه دائر ذهنلره قناعت ویرمش ده الیهات مناقشاتندن تولد ایدن دینسزلکی مضمحل ایتمشدر . [ دییور ؛ و بونکله — مذهب اختلافاتک ضلالت اذهانه بالخاصه سبب اولمش بولوندوغنی سویله مک ایستیور .

( وولتسر ) دن یدی عصر اول طوغمش اولان ابو العلامه المعری بو ملاحظه ده ده ایلری کیتمشدی ؛ چونکه عینی فکری ده ا آچیق بر لسان و دما کسدرمه بر اسلوب ايله بیان ایتمشدی ؛ شومشهور قطعه اونکدر :

هَفَتَ الْحَنِيفَةُ وَالنَّصَارَى، مَا أَهَدَتْ،  
وَجُوسَ حَارَتِ الْيَهُودُ مُضَلَّلَه.  
اشنان اهل الارض: ذو عقل بلا  
دين و آخر دين لا عقل له.

يعنى: [مذهب حنيف اربابنك آياغی قايدى؛ بوشنه يورولدى؛ نصارا، حق يولنى بوله مادی. مجوسى حيرته در؛ يهودى دخى ضلالتهم در. اهل ارض ايکى قسمدر: بريسى عقللى در، دينى يوق! ديکرى متدين در، عقلى يوق!] ديمکدر.

بو درلو ملاحظاتک علما عندنمه مردود ومدخول اولدوغنى، يوقاريدمه -- اسبابيله -- ايضاح ايتشم. تکرار بحثه حاجت يوق. ذاتاً بو دعوا بدهاتاً باطلدر. واقما، عقللى وعالم آدمير آره سنده دينسرلر يوق دکل، فقط بونک عکسنى اثبات ايدر مثاللر ده چوقدر: شرقده (امام غزالي)، (ابن خلدون)، غربه (پاسقال Blaise Pascal) و (نيوتن Sir Isaac Newton) کي نيجه نيجه داهيلرده واردرکه ديندار اولدقلرنده ذره قدر شبه ايديله مز. حتى بونک ايجوندرکه بو کون ديندارلک ياخود دينسرلکک علم وفلسفه ايله قطعاً علاقه ومناسبتى اولمايى ادا ايديله بيليور. مثلاً معاصرین فلاسفه دن، کستاخى الحاديله مشهور (شوپنهاؤهر): [بر فلسفه نك ديندار ياخود دينسر اولماسى، بر مثلك قيرمى وياخود يشيل اولماسى کي در.] يعنى [دينک ماهيت فلسفه ايله قطعاً علاقه سى يوقدر] ديمشدى.

علمادن (فەليکس لودانتەق Felix Le Dantec) فطرتاً کنديسنک ملحد طوغمش اولدوغنى سويليور ودينسرلکک بر (سجيه ذهنيه Caractère intellectuel)، بر ميل طييعى اولدوغنى ادا ايديور.

افلاطون، بوسبوتون باشقه فکرده ايدى: (قوانين les lois) ناميله مشهور اولان (محاضره dialogue) سنده [الحاد، برضلات ذهنيه شکلنى آلامازدن اول، بر مرض روحانى در!] ديمشدى.



بر فلسفه الحاد اوله بیلیرمی؟ یعنی الحاد، بر مسلك فلسفی اوله بیلیرمی؟..  
بومهم سؤاله قارشى، معاصرین فلاسفه دن (آدولف فرانک A. Franck) سلباً جواب ویریور: [ دینسزلك بر مسلك فلسفی دكلدر. ] دییوركه افلاطونك ملاحظه مذكوره سه موافق بر فكردر. حالبوكه — مع التأسف — طوغرو دكلدر. ائمه دین ایله برابر، اك بویوك فیلسوفلر و متقدر متفقاً ادعا ایدیورلر كه بعضی مقدمات و مبادئ — تسلیم اولوندوغی تقدیرده — سلسله محاکمات، بر ضرورت منطقیه ایله، انسانى همه حال دینسزلكه سو-روكله یوب کوتورور. اونك ایچون مقدمات اعتقادیه بی تلقی ده فرط تقید توصیه ایدیورلر ویاكلش پرنسیپلره قایل مقدر شدتله منع و تحذیر ایلورلر. حتی یوقاریده — بر قسمی — صایدیغ شرطلرك جمله سنی بر شرط اساسی به بیله ارجاع ایتمك ممكن اولمشدر: هر كس بو كون متفقاً ادعا ایدیوركه: [ عاقل بر قدرت خالقنك وجودینه اینانامایان هر فلسفه — بالضروره — ملحدانه در! ] .

بناء علیه اسكى زمانلرده (Thalès)، (آناقسی مهنس - Anaximènes)، (مراقیت Héraclites)، (ذیمقراطیس Démocritus)، (نیهیکور Epicure) ك مسلكلری هب دینسزجه در؛ چونكه جمله سوده اساساً (میخانیكى mécaniste) سیستملردر. صاحب لرینك بالفعل دیندار اولوب اولمادیغنك حكمی یوقدر. نته كیم مشهور انكلیز فیلسوفی (هوبس Hobbes) ایله معاصرى پاپاس (غاسساندی Gassendi) نك مادبون پرنسیپلری اوزرینه مؤسس اولان فلسفه سی همان الحاده پیروسته اولمشدر. فاصل كه اون سكرنجی عصر میلادیده — بوسبوتون اجتماعی و سیاسی برطاقم اسباب و عوامل مجبره سائقه سیله — فلسفه، شدتله الحاده میل ایتمش و بویوك انقلابی ده حاضر لامشدی. او زمانلر، فرانسه تابعیتى قبول ایتمش بولونان المان متفكریتدن (بارون دولباخ Baron d'Holbach)، (منظومه طبیعت Système de la Nature) نامیله مشهور اولان اثرنده دینسزلكی بر مسلك فلسفی اوله رق، آچیقدن آچیغه نشر و مدافعه ایتمش و — ذاتاً ناخ شند اولان — افكار عمومیه به مدهش بر تأثیری اولمشدی. اون طقوزنجی عصر ۱۸.

اخیرنده المان فیلسوفلرینک بک چوغی (دولباخ)ک مسلکفی احیا ایتدیلر .  
اسکی ایدمه آلزیم کلیاً اعتباردن ساقط اوله رق مادیون زیاده سیله رغبت وقوت  
قازاندی . ( بوخنر L. Büchner )ک [ قوت وماده Kraft und Stoff ]  
نام اثری — درین بر کتاب اولماقوله برابر — اذهان علمایه تحکیم ایتدی  
علوم طبیعیہ نك واصول تجربیہ نك ترقیسی ایله سربستی اعتقاد ، حتی میل  
الحاد آره سنده مناسبت کورنلر اولدی . ابومهم مسئله ایچون Science  
کله سنده تفصیلات مخصوصه یه باقیکز .

تاریخ فلسفه مدققلری ظن ایدیورلرکه ( آتھئوس αθεός ) یعنی  
athée ) تعیری اک اول (مه لوس لی دییاغوراس Diagoras de Melos )  
حقنده قولالانشدر . واقعا بو حکیم تعلیم الحاد ایدردی .

( پانتئیزم ) یعنی وحدت وجود فلسفه سنی الحاد ظن ایتک خطا در .  
( بونک ایچون mysticisme و panthéisme کله لرنده تفصیلات ویرلشدردر . )  
( مذاهب رسمیه ایله ( الهیه theïsme ) مسلک فلسفی سنک روابط  
ومناقشاتنه دائر ( thēisme ) تعیرنده ایضاحات کافیه واردردر . باقیکز . )

( نصیون ایله عقلیون آره سنده دین یوزندن ظهوره کلن شدتلی مجاز  
دلهرک اسباب فلسفیہ سی ایچون دخی ( rationalisme ) کله سنه باقیکز ؛  
بالخاصه اسلامیتده ظهوره کلن مذهب مجادلاتی ایچون معلومات واردردر . )  
خلاصه : الحاد تعیرینک ارتق بالخاصه فلسفه عالمنده معناسی و وسیله

استعمالی قالمامشدر . تاریخ ادیان و تاریخ مدنیتده بک بویوک و اهمیتلی بر  
معناسی واردردر . لکن وجدان انامه تحکیم ایتک داعیه مستبدانه سیله بوتعیر  
دائما سؤ استعمال ایدیله کلش اولدوغندن ، دینسزک تمهی هر زمانه  
وهر کسه کوره عینی معناسی افهام ایتمز . بناء علیه هر دورک خصوصیت  
احوال وشروطنه نظرله بو کله یه معناسی حقیقیستی ویرمه لی در . اونک ایچون  
تاریخ مدنیت ایله بو مسئله نك علاقہ سی ، فلسفه یه نسبتندن چوق زیاده در .

atomisme=  
atome

Atomisme=atome ذره ( ذره )

بو تعیر، بک اسکیدن بری معلومدر . اصلی یونانی در . ( a ادات نفی )،

( طوموس =  $\tau\acute{o}\mu\omicron\varsigma$  = tomos ) پارچه، دیمک اولدوغنه نظراً ( آطو. موس =  $\acute{\alpha}\tau\omicron\mu\omicron\varsigma$  ) غیر قابل انقسام معانسه کلیر. قرون وسطا فلسفه سی بو کله یی عیناً آلمش، و ( atomus ) شکلنده لاتینجیه مال ایتمشدی. اصطلاحده، هم تاریخ فلسفه ایله هم بو کونکی ( chimie ) علمی ایله صیقی صیقی به علاقه داردر.

یونان قدیمده بر جوق فیاسوفلر یتیشمش و مدرسه لر تشکیل ایتشلردی. او زمانلر علوم تجربیه هنوز تولد ایتهمش اولدوغی ایچون، فلسفه همان مابعد الطبیعیاتدن عبارت کی ایدی؛ هله اصول تماماً نظری بروادی ده منطقی بحثلرله کشف حقیقته چالیشمقدن عبارت بولونویوردی که ( dialectique = کلام ) یعنی (طریق مناظره) دیدکلری بودر. [ بو تعبیره بائیکز ! ] مابعد الطبیعیاتده حلی مطلوب اولان اک مهم مسئله، ( archée ) دیدکلری مبدأ قدیمک نه اولدوغنی کشف و تعیین ایتمکدی. [ بو تعبیره بائیکز ! ] دائمی بر جریان تحول ایچنده یو وارلانو ب کیدن شو عالم جادئاتک اصلنی تشکیل ایدن جوهر قدیم و مستدیمی هر مذهب اربابی بر درلو دو- شونوب تعریف ایدیور و بو خصوصده ترتیب اولونان ( نظریه  $\text{théorie}$  ) دخی او مذهب فلسفی نک — مابه الامتیازی اولان — عمده و اساسی تشکیل ایلوردی.

او زمانلر، اصل یونانستانده بالخاصه ( ایونی  $\text{Ionie}$  ) قطعه سنده یعنی بو کونکی از میر ولایتی سواحلیده خلی مهم بر حیات مدنی و بویوک بر شمشه عرفان واردی. کذلک ( آبدهر  $\text{Abdère}$  ) قطعه سی یعنی بو کونکی ادرنه ولایتده بالخاصه شیمدیکی کوملجنه سنجاغی دخی ایونی ایله رقابت ایدن بر مرکز عرفان ایدی. بو ( مستملکه  $\text{colonie}$  ) لر، اصل یونانستاتک پایتختی اولان ( آتنه  $\text{Athènes}$  ) دن اول پارلامشدی. حتی آتنه یه فلسفه یی و مشعل عرفانی کوتورن بو مستملکه لردر. لکن برده ( بویوک یونانستان  $\text{la grande Grèce}$  ) نامیله شهرت آلمش، جسم و اوزاق بر مستملکه ده واردی که تاریخ فلسفه ده ( نه له آ  $\text{Elée}$  ) دیه اسمی قالمشدر؛ اوده شیمدیکی ایتالیا قطعه سنک غرب ساحل جنوبی سیدر. یونانلر، میلاددن

التي عصر اول اوراده مدرسه‌لر تأسيس ايتشلردى . ( فيثاغور - Pytha gores ) ك كنه ( ايتاليا مدرسه‌سى école italique ) ، ( قسه‌نوفان Xénophanes ) ك كنده ( نهله آ مدرسه‌سى école d'Elée ) ديرلر .  
[ école سوزينه باقكز ! ]

بو مدرسه‌لر فلسفه‌ده برر مذهب مخصوص واضى و مدافى ايديلر اونك ايجوندر كه آرده شدتلى مناقشه‌لر و مباحثه‌لر اكسيك اولمازدى . حتى جسماً اولسون ، فكرراً اولسون كولشمكه و چارېشمه جېلى بر ميل ايله ممتاز اولان يونان قديم خلقى ، اك اوزاق مستملاكلردن قالفار ، بيك درلو اذيت و تهلكاره رغماً دكزلى آشار ، مجادله و مناقشه فلسفه‌ده بولونمق ايجون آتنده طويلانيزلردى . ( اولمپياد olympiade ) اويونلرى ايله فلسفه مناقشاتى عيى شوق و غيرت ايله يونانيلىرى مركزه طولباردى . آتنه انجق بو سايله اسكى عالم مدنيتك مركر عرفانى اوله بيلمشدى .

( archée اول الاوائل ) بختده ( وحدت monisme ) . قائل اولوب حادثات عالمك حقيقت ذاتيه‌سنى انكار ايدن ( نهله آيلر = les éléates ) ايله ، عيى مسئله‌ده ( كثرت عناصر pluralisme des éléments ) دعواسنى كودن ( ايوونى ) و ( آدهر ) مدرسه‌لرى اربابى آره‌سنده ضديت كامله واردى . حتى ( نهله آ ) مدرسه‌سى بيله ايكيه آيرلمش ويكديكيرينه تماماً معارض بروضيت آلمشدى . ( نهله آ مدرسه طبعيه‌سى école physicienne d'Elée ) بر تك ( archée ) اولماسى احتمالى انكار ايدرك ( ايوونيق ionique ) لر ايله همفكر بولونويوردى . بونلر هر ماده‌نك هر جسمك بر چوق عناصر بسيطه‌دن مركب اولدوغنى ادعا ايتكمده ايديلر . بو اعتقاد ، ( لوسيپ = Leucippe ) و ( ديمقراطيس Démocrites ) ايله بر فلسفه شكله كيردى .

( لوسيپ ) ك طوغدينى ير معلوم دكلدر . فقط ميلاددن بشيوز سنه اول بر حيات بولوندوغى محقق كيى در . ايلك دفعه اوله رق بو فيلسوف ، ( نهله آ مدرسه م بعد البطيعيه‌سى = Ecole métaphysicienne d'Elée ) اره . بانبك ( وحدت وجود unité de l'être ) ادعاسنى رد ايدرك ماده‌نك

— ناممدود — (جسمیات) صغیره دن مرکب اولدوغنی تعلیم ایندی؛  
 وماده نك انجق بر حده قدر قابل تجزی اولدوغنی ونهایت تقسیم و تجزی  
 قبول ایتمز بعضی عناصر بسیطیه طایاناجفی ادعا ایله دی. ایشه (آتوم =  
 ἄτομος) فرضیه سی، ایلک شکلنده بودر. صوکره ینه میلاددن تقریباً بشیوز  
 سنه اول، تراکیانك (آبدر = Abdère) شهرنده (کبار و زنکین بر  
 طالهدن) تولد ایتمش اولان (دموقریت) بو فرضیه یی اصلاح و اکال ایندی  
 ذاتاً لوسیپک معاصری ایدی و بو عقیده فلسفیه یی اوندن اوکرمشدی.  
 آتوم تصویری و اوکا متعلق اولان نظریه معروفی ایجاد و نشر ایدن بو  
 ایکی کشی در. تاریخ فلسفه ده (école atomistique) دهنیلدیکی زمان،  
 بهمه حال (école d'Abdère) خاطره کلیر؛ چونکه از مراد اولونور.  
 ده صوکره لری میلاددن اول (۳۴۱) ده آتنده تولد ایدن و (دموقریت) ک  
 مذهبی تعقیب ایله رک (مادیه matérialisme) فلسفه سنه وجود ویرن  
 (ئپیکور = Epicure) بو (آتوم) فرضیه سی بنمسه دی و اکال ایله دی.  
 حتی کله بی اصطلاح اوله رق ایجاد و وضع ایدن اودر.  
 بو مذهب مؤسسینک ظن و اعتقادنجیه؛ هر شئك اصلی (آتوم) در؛  
 اوده بیلدی کمز ماده نك الك کوچوك و ناقابل اقسام اجزاسندن عبارتدر.  
 دنیاده هر نه وارسه بو اجزای صغیره نك (کومه agrégat) لرندن باشقه  
 برشی دکلدر. (بو تمییزه باقیکز!) هر ماده نك کندی آتومی وارددر. بناء علیه  
 آتوملرک دخی انواعی و هر نوعک کندی نه مخصوص جمعی، ثقلی و شکلی وارددر.  
 حتی یالکر مادیات دکل، (روح = âme) بيله خصوصی بر طاقم آتوملرک  
 مجموعه سیدر. شوفرک و ارکه، روح آتوملرینک شکلی (یو و اراق = rond) در،  
 یعنی اونلرک مکمل بر شکل هندسی به مالکدرلر، و بو ذره لر ماهیتاً (ناری  
 = igné) درلر؛ (آتش) نوعنددرلر. (âme کله سنه مراجعت ایدیکز).  
 آرتق مادیون نظرنده عالمده مادی و معنوی، هر نه وارسه (خلا le vide) ده  
 حرکت ایدن بو ذرات صغیره نك ترکیبات و ترتباتندن عبارت ایدی. (کون  
 و فساد) و جریان حادثات، بو صورتله تعریف اولونویوردی. بناء علیه (فساد)  
 (بو ذولق) و (تولوم)، آتوملرک انحلال ایدوب طساغیلما سی دی کمکی.

حتی (دهموقریت) بو فرضیه‌ی (نظریه علم. *théorie de la connais.*) دخی تطبیق ایتـش و (کیفیت ادراک) و (حصول علم) ی آتوملرک دماغ بشره سیلان و سریانی ایله تعریفه جالشمشدی .

[*représentation* و *connaissance médiate* کله‌لرینه باقیکنز !]

(غالوانیزما *galvanisme*) کیفیتنی آکدیران بو نظریه ادراک شایان دقتدر. آ کلاشیلورکه (دهموقریت) ک ظنجه، بز اشای خارجی‌یی طوغرودن طوغرویه کورمکه، یاخود اونلره تماس ایله ادراک ایتیمورز. او اشیا‌دن برطاقم آتوملر قالقوب حواسمز واسطه‌سیله لوحه خاطریمزه توضع ایدیور و اشای مذکورک عادتاً (رسملرینی یایور!). بز-ذهناً اورسملره باقرق اونلرک وجودندن خبردار اولویورز. ایشه بو (خیالات اشیا) یه ذهنزده تشکل ایدن بورسملره، (دهموقریت) (ایذولون = *εἰδωλον* = *idole*) دیمشدی که (ایذوس = *εἶδος*) لفظندن مشتقد، و (خیال = *image*) معنانه کلیر؛ بر شینک (طبی) سی دیمکدر .

عالم اسلامده مناقشات فلسفیه باشلار باشلاماز، (اهل سنت والجماعت)، فرق ضاله عنوان عمومیی ایله تشبیر ایتدکلی مذهب غیر مقبوله اربانه قارشى مجادله‌یه کیریشمشلر و اسلامیتک عقائد صحیحه و احکام اساسیه‌سی محافظه و مدافعه غیرتیه (علم کلام) ی تأسیس، و اصول و قواعدینی ضبط و تدوین ایتمشلردی . او زمانلر اساتذه یونانک بعضی آثار فلسفیه‌سی، سریانی و عبرانی‌یه و بولسانلردن دخی عربی‌یه ترجمه ایدلمکه باشلامشدی . خلیفه عباسی مشهور (المأمون) زماننده فوق‌العاده برشوق ایله حیز آلان بوجریان علمی و فلسفی سایه‌سنده برچوق بیک فکرلر و فرضیه‌لر عرفان اسلامه ترشح ایتش و بالخاصه اهل سنته معارض بولونان مذاهب اربابی طرفندن مظهر رغبت اولمشدی. بالعکس، متکلمین اهل سنت، (الحکماء) و (الفلاسفه) تعبیرلریله یاد ایتدیک یونان فیلسوفلرینک افکار و نظریاتندن شدتله اکراه ایدروچکینیردی. فقط (حقیقت اشیا) مسئله مهمه‌سنده برعقیده مخصوصه‌یه استناداً معارضین ایله مناقشه ایتک ضرورشدن دخی قور توله مامشدی. حکمانک ریشی و (معلم اول) ی عدا اولونان (ارسطو *Aristote*) نک (هیولی و صورت

(matière et forme) نظریه مشهوره سنی معارض فرقه لرك همان اكثري و خصوصاً اسلام متفكرينى مياننده حكما فرقه سى قبول ايتمشدى. متكلمين اهل سنت ، (ديمقراطيس) ناميله - دها او و قتلر - مشهور اولان (ده موقريت) ك (atome) نظريه سنى ترجيح ايتدى و بوتعيرى: (الجزؤ اللتى لا يتجزئ) جمله سيله ترجمه ايدرك آلدى. اختصاراً (جزؤ لا يتجزئ) ده نيلير اولدى. حتى (idolon) فرضيه سنى دخى موافق بولدى؛ بو تعيرى ده (شبح) كله سيله ترجمه و نقل ايلدى. بناء عليه صيغه جمع ايله (اشباح)، اجسام خارجيه نك ذهنده مرئسم اولان خيالاتى ديمكدر. بو كله آثار اسلاميه ده بك چوق كچر. صوفيه لساننده (هيكل = idole) دخى عىنى معنايه كلير. تصوفده (هياكل النور) ناميله مشهور بر كتاب واردر. (۵۸۷) ده قتل اولونان شهاب الدين سهروردى نك اثريدر.

[تفصيلات ايچون idée, matière, forme, idole كلمه لرينه بايكنز!]  
آتوم كله سنى ايجاد و وضع ايدن (لوسيب = Leucippe) و بوكا متعلق نظريه فلسفه يى اصلاح و اكمال ايله ين (ديمقراطيس = Démocrites)، آتوملرده يالكز خواص ميخانيكيه و هندسيه تصور ايتمشلردى. (ماديه matérialisme) مذهب فلسفى سنك مؤسسى و حقيقتده (ده موقريت) ك معقبى اولان (ئبيكور = Epicure)، آتوملره بر (ميل ذاتى) دخى اسناد ايتدى؛ بوميل سايه سنده آتوملرك يكديكرينه تقريرى و (كومه) لر تشكيل ايدرك اجسام متنوعيه وجود ويره بيلديكنى ادعا ايله دى. [تفصيلات ايچون Clinamen لفظه بايكنز!]

لاتين شاعر مشهورى (لوقره جيوس قاروس = Lucretius Carus)، (طبيعت اشيا = De Natura Rerum) عنوانيله بر بويوك منظومه فلسفيه يازمش و بوكون بك مهم بروثيقه تاريخيه تشكيل ايدن بوكتابده (atomisme) فلسفه سنى (ئبيكور = Epicure) ك اصلاح و اكمال ايتديكى صورت اوزره بسط و ايضاح ايتمشدى. (ده موقريت) و (ئبيكور) ك آمارى كلياً غائب و ضايع اولدوغى ايچون اسكى ماديه فلسفه سنى، انجق (لوقره جيوس) ك او كتابى سايه سنده بيلوروز.

(آتوم) تعمیرخی یونانیلر وضع ایتمش و بو فرضیه‌یی ینه اولنلر بر منتظم فلسفه شکلنه افراغ ایتمش اولمقله برابر، بو تصور یونان قدیمه منحصر بر اعتقاد دکدر و پک اسکی در . هند فلاسفه قدیمه سندن (کانادا = Kanada) نام ذاتک فلسفه‌سی (atomisme) دن عبارتدر . بو فلسفه، هند لساننده (وای سه‌شی‌قا = Veisëshikâ) نامیله مشهوردر .

(دورانبته la renaissance) ده مجددین فلاسفه دن (ده قارت - Des cartes) ک معاصری بولونان مشهور (پاپاس غاسسائی = Le Père Gas- sendi) زماننک ال‌بویوک فیلسوفلرندن ایدی و صراحتاً (atomisme) ک مروّجی و نمئی اولمشدی .

(لاووازیه = Lavoisier) نک کشفیات مهمه‌سیله (کیمیا la chimie) بر (علم صحیح و ثابت science exacte et positive) حیثیتی احراز ایدوبده (اصول تجربیه la méthode expérimentale) یه استنادیله نجبه (آتوم) فرضیه‌سی بوتون بوتون کسب جدیت ایندی . چونکه اسکی (الکیمیا l'Alchimie) ترک ایدیلهرک منحصرأ تجربه ساحه‌سنده احسامک شرائط ترکیب و انحلالی تدقیق اولونمغه باشلادی . اوسیره ده مشهور انکلیز کیمیاگری و لاووازیه‌نک معاصری (جون دولتن John Dalton = ۱۸۴۴ — ۱۷۶۶ میلادی) کیمیانک قانون اساسی‌سنی کشف ایندی که اسمنه نسبتله (دولتن قانونی Dalton law) دیه مشهوردر . بوکا (علاقه کیمویه قانونی loi de l'affinité chimique) و یاخود (وزن ذره‌وی قانونی loi du poids atomique) دخی دیرلر . [affinité کله‌سنه باقیکرا!]

یکی آتوم نظریه‌سنک حقیقی مؤسس اولان بو انکلیز عالمی ، عناصر مادیانک بعضاً (نسب بسیطه اوزره selon des proportions simples) بعضاًده (نسب اضعافیه proportions multiples) اوزره ترکیب ایتدیکنی کورمش ، فقط هر حالده بو ترکیبات عنصریه‌نک بر (نسبت ثابته propor tion fixe) اوزره واقع اولدوغنی تحقیق ایلمشدی . آ کلامشدی که یونستلر اجسامک (اجزای قصواسی les particules ultimes) نک (اوزان اضافه les poids relatifs) سنی کوستر مکده در ، و بو نسبتلرک حدودی



ماده‌نك (حد تجزى) سى در. يعنى ماده اوندن زياده قابل انقسام اوله ميور. اوله بيلسه ايدى ، نسبتلر بويله ثابت اوله مازدى . ديمك كه ماده فى الحقيقه موجوددر. بالفعل قابل تجزيدر، فقط بونك برحدى واردر ؛ اوندن اوتنه تقسيمى ممكن دكلدر . ايسته (ذره) بو اك كوچوك وغير قابل انقسام اولان جزؤ مادهدر . هر نوع ماده‌نك بر ذره سى وهر ذره‌نك كندينه مخصوص بر (ثقل اضافيه *poids relatif*) سى واردر . مولد الما ذره سنك ثقلت اضافيه سى (۱) اعتبار ايدرسه ك (مولد الحموضه) (۸) ؛ (كو كورت) (۱۶) ؛ الى آخره ، اولدوغى كورولور. تركيبات كيميويه ده داخل اولان اك اوراق ماده پارچه سى بودر . مثلا صو ، بر ذره مولد الحموضه ايله ايكي ذره مولد المادن تركب ايدر . لكن هرايكيسندن ايكيشر ذره تركب ايدرسه (مولد الحموضه لى صو *eau oxigénée*) ده نيلن ماده مايه حاصل اولور .

بوتون كيميائى جديد (دولتن) ك آتوم نظريه سنه مستنددر . بوتون حادثات كيميويه دخى ناقابل تجزى بر طاقم آتوملرك وجودىنى مستلزمدر. بناء عليه علوم طبيعه نك اساسى تشكيل ايدن كيميا ، يونان قديم مادى بونك افكار وملاحظات فلسفيه سى حقيقته موافق بولش و فقط اونى تحقيقات تجربيه دن استنباط اولنه بيلن معلومات صحيحه دائره سنه ارجاع صورتيه له اصلاح و تصحيح ايتشددر.

(آتوم)ى قبول ايتك، (ماده نك الى غير النهايه قابل قسم اوله بيلمه سى امكانتى رد ايتك ديمكدر . اسكى فيلسوفلردن بر قسمى منحصرأ نظرى وعندى بعضى ملاحظاته مبنى آتوملرك وجودىنى ادعا ايدرلردى . بو كون كيميا علمى ، تجربه ايله تحققي ايتش اولان قوانين طبيعيه استنادآ ، حقيقى ومادى بر چوق (ذره لر) قبول ايديور وبناء عليه ماده نك الى غير النهايه تقسيمه قابل اولماماسى لازمكه جكنى فرض ايلور. مع مافيه بو فرض، (علم صحيح) ساحه سنده يعنى كيميائى تجربى دائره سنده طوغرودر؛ فقط (فلسفه كيميا *philosophie chimique*) نقطه نظرندن باقيليرسه مسئله ، هنوز حل اولونماش بر معما حائدهدر . [ماده نك قابليت انقسامه عائد اولان مناقشات فلسفيه همچون *divisibilité* كله سنه بايكنر!]

( آتوم نظریه سی = la théorie atomique ) ، ( فلسفه مادیه la ph. matérialiste ) نك عمده سنی تشکیل ایدر . مع مافیه بوسبوتون ( غیرمادی = immatériel ) آتوملر تصور ایدن اولمشدر . [بوخصوصه تفصیلات ایچون monade و force کله لرینه بائیکیز!]

( atomisme ) ، اجسامی ذره لرك تركباتندن عبارت اولمق اوزره فرض ایدن و بائمله اشیایی بونظریه ایله تعریفه چالیشان فلسفه نك اسمی در . بوفلسفه نظرند بوتون اجسام، بر ( nébuleuse ) کبی اولمق کرکدر . بزم سها مزی قاپلایان و ( کهکشان = voie lactée ) تسمیه اولونان ( مضی بولوط ) لرك چوق عوالم منفرددن عبارت بر کتله عظیمه اولدوغی و بر ( قرص = disque ) شکلنده بولوندوغی تحقق ایتمشدر . کیمیا نظرند هر هانکی بر ( جسم = corps ) دخی طبق بویه بر ( nébuleuse ) در . مثلا بر طاش پارچه سی دخی آتوملردن مرکب در . اودره لرك حجم ذاتی لری ایله آره لرنده کی مسافه نك نسبتی، طبق کهکشانی تشکیل ایدن اجرام سهاویه ایله آره لرنده کی مسافه یه مماثلدر . فقط بز — ینه بر ( کهکشانی ذرات ) اولان — اوطاش پارچه سنی نسبتاً پك كوچوك و طولوكو دردو كز ایچون ( بکپاره ) کورو یورز . یوقسه، آتوملردن عبارت بر ( کومه = agrégat ) در ؛ و اجرام سهاویه نصل ( حرکت محوری ) ، ( حرکت دوریه ) و ( انتقالیه ) ایله بیقرار ایسه ، طاش پارچه سنی تشکیل ایدن آتوملر دخی طبق عوالم سهاویه کبی او اوچ نوع حرکتیه سیار درلر . بوء بز فرضیه دکل ، بالریاضیه ثابت بر حقیقت مسلمه در . شوتقدیرجه کیمیا ایله علم هیئتک اساسنده اتحاد نظر تحقق ایدیور و علم ماکنه بوعلومك جمله سنی شامل بولونویور . اونك ایچون هیئته ( ماکنه سهاویه mécanique céleste ) و کیمیا یه ( ماکنه ذریه mécanique atomique ) ده نیلمشدر . بوکله ، بوکون بالخاصه کیمیا تعیراتندن اولدوغی حالده — توسیع معنا ایله — برقاج نظریه یه دخی اضافت ایدلمشدر . آلمان فیلسوفلرندن « لایبنیچ Leibnitz ) لک مشهور ( موناد = Monade ) نظریه سنی ( ذریه مابعدالطبیعه atomisme métaphysique ) دیر لر . ( Monade کله سنی بائیکیز! ]

(بوسقوویچ Boscovich)، ذرات ماده‌نك (جوهریت subs-tancialité) نی، یعنی حقیقتاً مادّی اولماسنی انکارایدردی و ذرّه ندیکمز عناصر اصایه‌نك برده مرکز قوت = centre de force «اولدوغنه اینا- نیردی. بومشهور نظریه‌یه دخی (ذرّیه ریاضیه - atomisme mathématique) (tigue) و یاخود (ذرّیه فیثاغوریه = atomisme pythagoricien) دیرلر. (force و dynamisme) کله‌لرینه باقیکز !]

برده «علم روح psychologie» ده پك معروف وخیلی معتبر برنظریه واردركه (اسمنه ذرّیه روحیه = atomisme psychologique) دیرلر. بونظریه هر نوع حادثات روحیه‌یی غایت بسیط عناصر حسیه‌دن متركب فرض ایدركه بوادعا، روحك بر «جوهر بسیط و مستقل»، اولماسی اعتقادیه غیر قابل تألیفدر. زیرا احساساتی‌ده اهتزازات عصیه‌یه ارجاع ایتدیکی ایچون «وحدت روح = unité de l'âme»، قالماز پارچالانیر، حتی اوقدراو فالایرکه ناممدود (صدمات عصیه = chocs nerveux) دن عبارت عدايدلك لازمکلیه. ایشته بو سببله درکه انکلیزلر بونظریه‌یه (Dust theory = یعنی توز poussière نظریه‌سی) دیمشدر و بو تعبیر تشبیهی مشهور اولوب قالمشدر. «هربرت سپنسر» ك صدمه عصیه نظریه‌سی «théorie du choc nerveux» de Herbert Spencer «دخی بودر. (تفصیلات ایچون psychologie و théorie تمیرلرینه باقیکز !]

[ ذرّه دّواره (atome - tourbillion) یکی بر تعبیردر .  
زمانمرك الك بیوك كاشفین علماسندن (لورد كلوین Lord Kelvin) ك تصور ایتدیکی آتوملردركه کیمیاك لایتغیر وثابت آتوملرینه بکزمز .  
(تفصیلات ایچون divisibilité تمیرینه باقیکز !]  
(l'atomistique) ده‌نیلدیمی، طاقیه (atomisme) فلسفه‌سی مراد اولونور .

Attention

دقت Attention فرانسجه و انگلیزجه

Aufmerksamkeit آلمانه

Attenzione ایتالیانه

بوتعمیرك اصلی لاتینجه در (آت تن ده ده ad + tendere)، (برشینه طوغرو گهر بلك و میل ایتك) دیمكدر. بزده، مقابلی اولان (دقت) لغتلك اصل معناسی (اینجه لك) در. اصملاحده، ذهنك منحصرأ برشینه تعلقی در. دقتك ناصل برحالت روحیه اولدوغنی بيلمه یین یوق كبی در. بو حالده ذهن، بوتون قوتی طوبلا یوب بر نقطه ده تمرکز ایدر. دقت ایدن بر کیمسه قیملد اماز؛ بر (وضعیت انتظار اوزره dans une attitude expectative) بولونور. حتی حیوانات عالیله بیله، دقت، عینی علامات ظاهره ایله تجلی ایدر. مثلاً: (بیلدیر چین قوقوسنی آلبده کوزلرینی بر چالی یه دیکن و [فه رما] حالده بولونان بر آو کوبکی نك وضعیتی ده عیناً بویله در؛ حیوان هیچ قیملد اماز، حتی نفس آماز کبی طورور. آیاغنك برینی قالدیرمش اولدوغنی حالده بکدر. همان حرکت حاضربولوندوغنی شه سزدر. (آله ستا) در. او ائاده باشقه شیلده آرتق تقید ایتمز. دیمك که دقتك وجود اوزرنده، (حرکتی منع ایدیجی inhibitif) بر تأثیری ده وار: ارادتق موقتاً تعطیل ایدرك تشبه حاضربولوندورویور. اوندن صوکره (تجريد abstraction و) استغراق absorption) ایله ده صیق صیقیه مناسبتی وار. زیرا بدیهیدرك دقت حالنده انسان، ذهنی بر نقطه یه توجه ایدر؛ برشینه حصر نظر ایدر، ودقتی نسبتنده طالار. اطرافنی کورمز، کورولثینی ایشیتمز، بعضاً آلم بیله حس ایتمز. خصوصاً (ذهنی mental) اولان دقتده بو طالفینلق بك (بارز prominent) بر (علامت فارقه caractéristique) در. (inhibition absorption و abstraction کلمه لینه باقیکنر!)

طالفینلقك بو درلوسنه مثال اولق اوزره - تاریخ علمده - بر جوق مشهور وقعه لر ذکر ایله یله بیلیر: اسلافده اك بویوك مهندس عد اولونان (سیرا کوزالی آرشیمد Archimède de Syracuse) ك هندسه دعوالری

حل ایدرکن نه قدر طالین بولوندوغنی و روما عسکرلری طرفدن ناصل تلف ایدلدیکنی مورخین سالفه ذکر ایتشلردر. (absorption کله سنده بو وقعه تفصیلاً حکایت ایدلشدرد. باقیکنز!)

کذلک، ریاضی شهر (نیوتن Sir Isac Newton) ک طالغینقلری ده مشهوردر. ازان جمله، برکون بوعلامه، رافادان یومورطه پیشیرمک ایسته مش؛ فقط یومورطه یی بش دقیقه دن زیاده قاینار صوده طوتمامق ایچون ساعتی ده الینه آلمش. مع مافیه بر مسئله ریاضیه ایله ذهنی او قدر مشغول ایش که جزومه یومورطه یی آتیه جنی یرده — طالغینقله — ساعتی آتمش و تکرار کندینه کلنجیه قدر بکله مش، طورمش.

محررین اسلاف، (سقراط Socrates) ک غرائب احوالندن برینی نقل ایدیورلر که موضوع بحثمز ایچون ال کوزل مثال تشکیل ایدر، چونکه دقت ذهنیه نک ایجاباتندن اولان طالغینقلک، طورغونقلک و آغینقلک هپسی بردن عرض ایدیور:

بو حکیم، ذهنی بر مسئله یه صاردییرسه — اونی حل ایدنجه قدر — بولوندوغنی یرده، اولدوغنی وضعیتده پوت کبی طورور، قیملد امازمش. کندینی بوسبوتون اونوتور، آجیقدیغنی طویماز، اویقو او یوماز، عالمی کورمزمش. حتی بر آقشام طلبه سی و بعضی دوستلری کندیسینی یمکه دعوت ایتشلر واجبات ایدر جکنه دایر کندیسندن وعددخی آلمش ایش. مع مافیه سقراط، وقت معینه کله مش؛ برخیلی بکله دکدن صوکره طلبه سی کندیسینی آرامغه چیقمش، و سواقا ک اورطه سنده یاپه یالکزه، آیق اوزری طالغین طالغین دوشونمکده بولوندوغنی کورمشلر؛ یانه تقرب ایدن دوستلری کورمه مش طانیامش و ذره قدر قیملد امازمش. نهایت بر مدت صوکره دوشوندوکنی حل ایتش و کندینه کلش.

سقراط ک بو حالی، (دقت ذهنیه attention mentale) نک موجب اولدوغنی (تمطیل inhibition) ایچون پک کوزل بر مثالدر، و یالکزاوکا مخصوص اولمایوب پک عمومی بر حالدر. (تفصیلات ایچون inhibition

تعبیرینه باقیکنز!) نه کیم حیوانات عالیده دخی کورولدوکنی براز یوقاریده  
— بر مثال ایله — عرض ایتشدم .

قدماء (دقت) دیدیکمز حالت روحیه‌یی تدقیق ایتمه مشلردی. حتی یاقین  
زمانلره قدر بوحال، برغریب معما کبی تلقی ایدیلوب قالمشدی . روحک  
— غیرقابل تحلیل — بر قابلیت مخصوصه‌سی کبی قبول ایدلش اولدوغی ایچون  
تدقیق ماهیتدن — عادتاً — صرف نظر اولونمشدی. مستقلاً موجود و بر چوق  
قابلیات ایله ممتاز بر جوهر عاقل و نورانی اولمق صورتیله تعریف ایدیلن  
روحه، دقت نامیله بر قابلیت مخصوصه‌دها عطف ایتک کوچ برشی اولمادی کبی  
— اوتدنبیری — عموماً مسلم و معتبر اولان اوتعریف مشهورده هیچ بروجهله  
مابین دوشموردی .

اون یدنبجی عصره قدر (دقت) حادثه مهمه‌سنه قارشی بوقیدسزلق، بو  
دقتسزلق دوام ایده طوردی. نهایت آلمان فیلسوف شهیری و (نیوتن Newton) ک  
معاصری (لایبنیچ Leibnitz)، کندی محصول فکر و تصویری اولان  
(مونادولوژی Monadologie) یی وجوده کتیریرکن، بالخاصه  
(aperception) تعبیری ایجاد ایدرک (موناد monade) لره بویله بر قابلیت  
مخصوصه اسناد ایله‌دی. (بوتعبیراته باقیکنز !)

یکی یکی تجربه لره معلومات جدیده کسب ایده بیلمک ایچون aperception  
مونادک ذاتنه مخصوص بر (حال mode) اولمق اوزره تعریف ایدلمشدی.  
(لایبنیچ) ک قوللاندی لسان مابعد الطبیعی ک غرابتدن فکری  
قورتاروبده بو سوزلردن بر معنا چیقاریلیرسه اکلاشیلیرکه بو فیلسوفک  
(ادراک دقیق = استحضار = aperception) دیدیکی شی، (دقت) دن  
بک فرقلی دکلدر. اولسه اولسه (دقت ذهنیه) در.

(لایبنیچ) ک تماماً معاصری اولان (مالبرانش Nicolas Malebranche)  
= (۱۶۳۸-۱۷۱۵)، (جستجوی حقیقت recherche sur la Vérité)  
نام اثر معروفنک التنجی کتابنده بوحال روحیه‌یه دأر بحث آجدی. فقط  
(وولف Chr. Wolff = ۱۷۵۴-۱۶۷۹) و بالآخره مشهور (کانت Kant)

James (۱۸۰۴-۱۷۷۴) ایله (جون ستونٹ میل) ک پدری (جهیمس میل James Mill = ۱۸۳۶-۱۷۷۳) بو مسئله ایله خیلی دن خیلی مشغول اولدیلر . دهها صوکره لری (هاملتن Sir W. Hamilton = ۱۸۵۶-۱۷۸۸) ایله (قارپنتر Carpenter = ۱۸۸۵-۱۸۱۳) دقت بحثنه بوسبوتون اهمیت ویردیلر: [بو، اويله بر قابلیت ذهنیه درکه روحک فعالیت مستقلسنی طوغرودن طوغرویه اثباته صالح بر بیئه صریحه تشکیل ایدر .] دیمکه قدر واردیلر .

روحک استقلال وجودینی وارادتی شبهه دن ، تعریضدن قورتارمق غیرتيله ویریلن بو حکم، ینه اسکی پسیقولوژی ایله علاقه دارد . زمانزده علم روح، بر علم طبیعی حیثیتی احراز ایتدیکی ایچون روحک حقیقت ذاتیه سندن دکل، آنجق احوال و حادثاتندن بحث ایدر . بوتقدیرجه استقلال و ارادت بحثلری دخی (حادثات انفسیه phénomènes subjectifs) زمره سنده داخل و هنوز مخلف فیه بر طاقم مسائل معلقه دندر . (دقت) دخی بویه در . خصوصاً بسیط بر حالت روحیه اولمادینی شبهه کو تورمز: ماهیتی تدقیق ایدلمکه باشلانادینی کبی، کورولویور که بوتون (میخانیکیت ذهنیه mécanisme mental) ایله علاقه دار اولان مسائل غامضه نک پک چوغی ایله مناسبتده در . بوندن طولانی درکه حین تدقیقنده بر سوری (مسائل تالیه questions secondaires) تولید ایدیور . فی الحقیقه زمانز فیلسوفلری بو مسئله یه جدی بر صورتده تسلط ایدنجه، دهها بر جوق مسئله لر قارشیسنده بولوندیلر و او نسبتده فرضیات و نظریات متنوعه ترتیب ایتمکه مجبور اولدیلر .

اولا (دقت) ک بر (ملکة مستقلة faculté indépendante) اولوب اولمادینی مناقشه ایدلدی . پسیقولوژی علمنک تریات اخیره سیله واقع اولان تحقیقات تجربیه ، او اسکی (ملکات نظریه سی) نی اعتباردن دوشورمش اولدینی ایچون دقت، برنوع (fonction) یعنی ذهنک اثر فعالیت اولمق اوزره تلقی ایدلدی . اوزمان دخی، بونک (عمومی و مشترک général et commun) و یاخود (خصوصی special) ؛ (ثابت constante) و یا بود (متحول

(variable) بر (fonction) اولوب اولمادیفی - بالخاصه - موضوع بحقی تشکیل ایتدی. نتیجه ده دقتک متحول بر فعالیت ذهنیه اولدوغنی ادعا ایدنلرک فکری ده زیاده مقرون حقیقت کوروندی. صوکره لایقیله اکلاشلدی که دقتک انواعی و درجانی واردر. (حواس les sens) و یا خود عقل ایله علاقه سی ده آریجه شایان نظر در.

دقتک (شعور conscience) و (ارادت volonté) ایله مناسبتی بدیهی در. زیرا البته دقت، شعور ایله برابر در. (شعور سز دقت) معناسز بر لا قیردیر. بر انسان بر شیئه دقت ایتسین ده، اوشیئه دقت ایتدیکندن خبردار اولماسین!، بو، اولماز. ذاتاً جلب دقت ایچون برنجی شرط، نظر منزی جذب و توجیه ایده بیله حک بر حادثه نك ظهوریدر. بوده اطرافزده و — طولایسی ایله — حالات وجدانیه مزده بر تبدل وقوعه منجر اولور. بوکون هر فیلسوف متفقاً ادعا ایدیور که حالات وجدانیه تبدل اولمادجه شعور دخی یوقدر. [conscience کله سنه باقیکز!]. بو تعریفدن آکلا. شیلیور که دقتله شعورک سبی بردر؛ وینه او سبیله در که دقت بهمه حال شعوره مقارن بولونویور.

کذلک، ارادت ایله دقتک مناسبتی ده شایان ملاحظه در. عجیباً دقت، ارادت روحک بر شکل مخصوصی می دز؟... یوقاریده اسمنی ذکر ایتدیکم (هاملتن)، (قآبه نتهر) و معاصریندن ده بعضی معروف فیلسوفلر، بوفکرده ایدیلر. مع مافی بوکون تحقق ایتشد که دقتک (انفعالی passive) برنومی دخی واردر. نته کیم (دقت حسیه attention sensuelle) اکثریا بو قیلدندر.

(حسیون les sensualistes) دن مشهور پاپاس (قوندی یاق Con-dilliac)، دقتی تعریف ایده رکن [برحسک شدتله حکمفرما اولماسیدر.]. دیمشدی؛ یعنی هر هانکی برحسک شدیداً متأثر اوله رق حواس سائر نی تعطیل ایتمه سیدر. دیمک ایسته مشدی. بو طرز تعریف بر جوق مناقشات سببیت ویردی: اولاء دقت دیدیکمز حالت روحیه نك منحصر آحواسه مفتقر اولدوغنی رد وانکار



ایدلدی. ثانیاً دقت بر (ملکه faculté) عد ایدیه کلیدیکی ایچون تأثرات حسیه به تابع طوتوله سی، ماهیتی ایله متناقض کوروندی. چونکه بر (ملکه)، (فعال actif) اولق کرکدر، (ملکه منفعله faculté passive) تعبیری تناقض صریحدر! دهنیلدی. [ adjecto تعبیرنده (هاملتن) ایله (ره بدک) بو خصوصده کی مناقشه سی ذکر اولومشددر باقیکرز! ]

بوزمین مباحثه اوزره یوروتولن بوتون بو مناقشات، زمانزه قدر دوام ایتمکله برابر سقولاستیق اصول تدقیقی آکدیریر، اوزون بر مجادله در. ده صاغلان بر زمین علمی به نقل مسئله ایدوبده کیفیتی بالتجربه تدقیقه چالیشان بسیقو لوغلرک و فیلسوفلرک، ارتق بو خصوصده فکرلری باشقه در والته ده معقول و مقبولدر. هله او اسکی (ملکات نظریه سی théorie des facultés) بو کون بوسوتون مردود بر فرضیه تاریخیه اولق درکه سنه دوشمشدر. حالبوکه مناقشات سابقه تک اصل نقطه استادی اوفرضیه ایدی. بو کون بوبخنده مبدأ حرکتیز، مراقزی، اندیشه مزی موجب اولان عوامل خارجه در. دقت ایچون برنجی شرط (مراقزی جلب ایده جک، نظر مزی جذب ایده جک بر حادثه تک ظهوری) در. مثلاً، بن، کتبخانه مده ساکن و ساکت، یابه یالکز ولاقید، اوطورمش کندیمی دیکلرکن، هیچ بر نقطه به، هیچ بر شینه حصر فکر و توجیه دقت ایتم. کوزلرم بوشه باقار. بانجه دن کلن جیویلتیلر، سسلر، مهم ویکووجود بر (اوغولتی) کبی حواسی آوتور و بو عطالت ذهنیه اوילה بر رخاوت کتیریرکه — براز او سکوت دوام ایدرسه — بی اویوتور بیله!... لکن او ائشاده بردنبره بر فریاد ایشیتسم، یاخود بر شیمشک چاقسه ویاخود، بر طرفده شدتلی بر صانجی حس ایتسم، درحال (کندیمی طویلارم!)، کوزلرم آچیلیر. سامعم کسکینه شیر، اویقوم قاچار. دیمک اولویورکه حال سکون ورخاونده طاغیلمش اولان قوای حسیه و ذهنیه، داعی مراق برحادثه حضورنده تکرار طویلانیور؛ روحده نوعما بر (استقطاب polarisation) حاصل اوله رق، قوای ذهنیه بر (محصله résultante) تشکیل ایدیور،

و — طبیعی — داعی مراق اولان او حادثه نك جاذبه سنه كوره بر (استقامت) آلیور كه (توجیه دقت) دیدیكمز حال بودر .

سكون و رخاوت اوزره بولوندوغم زمان حواسمی اویوشدیران ، ذهنمی طاعینیق بولوندوران اوحاله ، پسیقو لوزی ده (attention dispersée) دیمك اصطلاح اولمشدر . عربجه ده (نثر) یا ممق ، (انتثار) ده یا ییلمق دیمك اولدوغی ایچون ، بن ، تعبیر مذکور ی (دقت منتثره) ترکیبی ایله ترجمه ایتدم .

بوراده اك زیاده اهمیتلی مسئله ، کیفیت دقتده ، قوای ذهنیه نك استقطابه (یعنی طاعینیق ایكن ، طولیانوب بر محصله تشکیل اتمكه وبر استقامت آلمغه) قابلیتیدر . ا کلاسیلدور كه — بعضی کیمسه لرك ظن ایتدیکی کبی — حین دقتده ذكامز ، (کمیتاً quantitativement) تزايد ایتیمور . هیچ یوقدن یکی قوت ایجاد ایتیمورز . طاعینیق بر صورتده ذاتاً موجود اولان قوای ذهنیه مزى طولیانوب بر نقطه یه توجیه ایدیورز . دیمك كه ذكامزك انجق (شدت intensité) ی آرتیور؛ فقط مقداری دكل ! . . . اولنك ایچوندركه بر شیده نه قدر فضله دقت ایدرسهك سائر شیلردن ده او نسبتده نظر دقتمز منصرف بولونیور ، وطالعینلق بوندن ایلری کلیور .

( بقای تدرت conservation de l'energie ) مبدآنه توفیقاً ویر . دیکم شو تعریف — اعتقادجه — اك طوغروسی در . (فیزیق یعنی حکمت طبیعی) ده علی الاطلاق معتبر اولان تعریف مقبولك عینی در . مثلاً: بوکون بیلدورز كه اجسامده (نه لکتریقیتهlectricité) حصولی، بویه بر قوتك — هیچ یوقدن — وار اولوب تظاهر اتمه سنمن ایلری کلیور؛ ذاتاً ذرات اجسامده (منتثر dispersé) اوله رق بولونان قوای طبیعیه بالاستقطاب بویه بر محصله وجوده کتیریورز . کذلک (پرتوسوز) ، حرارتی خلق وابداع ایتیمور ؛ ذاتاً فضا ده منتثر اولان (حزمات حروریه faisceaux caloriques) یی (محراق foyer) نقطه سنده جمع ایدرك، انجق شدتی آرتدیرمش اولوبور . دقت حائنده دخی ذهن بشرك خدمت ووظیفه سی طبقی بوکابکز؛ یعنی ذهن، قوای منتثره سنك قسم کلیدی — عادتاً بر پرتوسوز

کبی — محراق نقطه سینه طوپلایه رق شدتی آرتدی ریور و منحصر آ بر شیئه  
توجیه ایدیور دیمکدر . بوکا اصطلاحده (تحذیق) دیورز .

ایشته، بنم اعتقاد بجه ، دقت ، ذهنک بویه بر تحذیقه قابلیتی در . ایستر  
ارادی اولسون، ایستره اولماسین ! . . . کیفینک ارادی اولوب اولماسی  
آیرنجیه بر مسئله غامضه تشکیل ایدرکه — براز سوکره — اونیده مناقشه  
ایده جکم . شیمدی اک اول دقتک ( شعور conscience ) ایله مناسبتنی  
تدقیق ایتک لازمکلیز . چونکه بو بحثده نقطه حرکت ، ساحه شعورده  
آرا یلمق کرکدر .

( غیر مشعور , inconscietu , subliminal ) حادثات وجدانییه  
دائر ، اسکی فیلسوفلرک و پسیقولوغلرک — نظر اعتباره شایان — بر  
فکرلری یوقدی .

علم روح ساحه سنده تحقیقات جدیه و تتبعات صحیحیه امکان حاصل  
اولدقدن سوکره ، آکلاشیلدی که انسان — دائمی بر صورتده — نامعدود  
( عوامل مختلفه facteurs divers ) نک حکمنده بولوندوغی حالده ، اونلرک  
بالجمله تأثیر اتندن خبردار اوله میور . حس ایده بیلدیکی شیلرک پک چوغی  
غیر مشعور اوله رق کچور و ، احتمالکه وجداننده طوپلانوب قالیور .  
[ subliminal و conscience تعیرلرینه باقیکنز ! ]

بالتجربه ثابت اولمشددرکه ( ساحه بصریه champ visuel ) مزده  
داخل اولان شیلرک پک بویوک بر قسمنی کور میورز ؛ حالبوکه او اشیانک  
خیالاتی کوزمزک ( شبکه rétiné ) سنده منعکس و مرئسم بولونویور . کذلک  
( طببل اذن le tympan de l'oreille ) مزه چاربان هوا طائفه لرینک  
بر چوغنی حس ایتمیورز . الی آخره ! . . . .

بر شی ، مراقری جلب و دعوت ایده بیلمه لی درکه نظر دقتیزی ده  
جلب ایده بیلسین ! . . اوده مطلقا حال حاضرده — هر هانکی وجهله اولورسه  
اولسون — بر ( ده کیشکلک changement ) وقوعی ایله اوله بیلیر . بونکه

برابر احوال روحیه، مزده تبدیل، شعور دیدیکمز لمعانِ ادراکی حاصل ایدر. [conscience کله سنده کی ایضا حاکمه باقیکنز!] مادام که اطراف مزده جزئی کلی بر تبدیل حصولی دقتمزی جلب ایدیور، یعنی قوای ذهنیه مزك استقطابنی و او نقطه یه توجهنی موجب اولویور، البته بو او یاتینلق شعور ایله برابر در؛ حتی (برابر در) دیمك فضله در. (محض شعور در!) ده یه بیلیم، هیچ اولمازسه (عضویات عالیسه organismes supérieurs) ده یعنی انسانده و بویوك حیوانانده حال بویله در. حیوانات سفلیده دقت — طبقی (ارادت volunté) کبی — (برمیل غیر مشعور = une inclination inconsciente) دن عبارت قاله بیلیرکه «معنای صحیحی ایله» اوکا (دقت) ده یه مه یز بیلله ...!

لکن قوای ذهنیه یی طوبلا بوب بر نقطه یه توجه ایده بیلیمك — (ارادی volontaire) اولورسه — بویوك بر (جهد effort) ایستر. زور بر ایشدر، او قدر که الك قوتی ذکالر بویله بر جهد اجر اسنه قادر اوله بیلور لر. فضله اوله رق (پسیقولوجی تجربی psychologie expérimentale) نظرنده تحقق ایشدر که عینی شیئه منحصرأ معطوف اولان دقت، آنجی بر ایکی ثانیه دوام ایده بیلور. اوندن صوکره مضمحل اولویور. دیمك که قوای ذهنیه یی طوبلامق ایچون بویوك بر قدرت ایستر؛ فقط طوبلو طوتمق ده بر ایکی ثانیه دن زیاده ممکن دکدر، مکرکه هدف دقتمز اولان شیده یکی تبدلات وقوعه کلسین و طاغیلمغه باشلایان قوای ذهنیه مزنی تکرار تکرار استقطابه مجبور ایده بیلسین!... بو کیفیت دخی زیاده سیله حائر اهمیتدر. اونك ایچون در که چو جو قلدرد و — مزاج اعتباریله — چو جو قلدردن بك فرقی اولمایان ارادتسز کیمسه لرده نظر دقت شاشقیندر. تأثیرات محیطه و عوامل خارجییه تابعدر؛ اونك ایچون بر دالده طوره ماز.

دقتک بویله بو — بوتون طاغیلماسی — لسان عادیله — دقتسزلك دیدیکمز حالدر. چونکه او تقدیرده عقل، منحصرأ هیچ بر شیئه تعاقق ایتیور، نظر هیچ بر نقطه ده توقف ایله میور، دیمکدر. مع مافیه ایکی اوج شیئه بردن دقت ایده بیلیمك ممکن اولدوغی بدهاتاً ثابتدر. اویله آدم لر

وار که عینی زمانده بر قاچ شيله فکر لر نی مشغول ایده بیلور لر. مثلا مشهور (ژول سزار Jules César) بر آنده درت مختلف مکتوب املا ایدر و عینی زمانده کندیسیده بر بنجی مکتوب یازمقله مشغول بولونه بیلر مش. نته کیم، بش اون کشی به قارش، تک باشنه شطرنج اوینایانلر بوق دکدر. فقط بو کی حادثات ذهنیده فرق و تمیز ایدیهلرک مهم نقطه لر واردر. اولاً ذهنک، حقیقتاً عینی زمانده ایکی شیئه تعلق ایدوب ایتهدیکی قطعاً ثابت اولمالی در. زیرا (سزار) ک مکتوب مثالده اولدوغی کی، ذهن — کال سرعتله — برشیدن دیکرینه انتقال ایده بیلر. یعنی (سزار) برنجی کاتبه برجه املا ایدر ایتز ایکنجیسنه بر دیکرینی و اوچنجیسنه بر دیکرینی دهاملا ایدر و درحال یسه برنجی کاتبه توجیه کلام ایدرک — بر اقدینی یرلردن — املائی مکتوباته دوام ایده بیلر. بو حالده نظر دقت ایکی اوچ شیئه بردن تعلق ایده بیلور دیمک دکدر. برندن دیکرینه، دیکرندن اوته کینه، اوته کیدن یسه برنجی به سرعتله انتقال ایدیور و بو منوال اوزره رقص ایلور دیمکدر. ایشته بو کیفیت — اونک ایچون — (oscillation de l'attention = یعنی رقص دقت) تعیری اصطلاح اولمشدر. حالبوکه جهراً بر منظومه اوقورکن بر معادله جبرییه حل ایده. بیلن آدمک حالی (سزار) ک درت کشی به مختلف مألده مکتوبلر یازدیر ماسنه بکزه مز. بو ایکنجی مثالده انشاد شعر و حل معادله، بلافاصله دوام ایتهدی، لازمکن ایکی مختلف (عملیه ذهنیه opération intellectuelle) ایله ممکن اوله بیلر، و بواکی عمایه نک عینی زمانده (موازاناً parallèlement) جریانیده اثبات ایدرکه بو حالده رقص دقت احتمال یوقدر. بوکا موفق اولان برکیمسه، عادتا ایکی ذهنه مالک ایش کی حرکت ایدیور و آیری آیری ایکی شیئه حصر دقت ایله بیلور دیمکدر. بو خیلی مهم برفرقدرد.

بو خصوصده بر چوق تجارب مفیده احرا ایدلش و بعضی نتایج حاصل اولمشدر. محررین متفکریندن موسیو (پولان Paulhan)، بالذات تجربه یه کیریشمش و کورمش که ایکی عملیه یی بردن اداره ایتک — ممکن اوله بیلدیکی

تقدیرده - زمان قازانیلیور؛ مثلاً: [ (۴۲۱۳۱۲۲۱۲) عددی (۲) ایله ضرب ایتدیکم زمان الی ثانیه سورویور. درت مصر اعلق بر قطعه‌نی انشاد ایتک ایچون‌ده ینه او قدر زمان صرف ایتک لازمکیور. فقط بو ایکی مختلف عملیه برابر اداره ایدیلنجه الی ثانیه ایکسی ایچون دخی کفایت ایدیور. بناءً علیه بو صورتده ضیاع زمان یوقدر. ] دیور. انکلیز پسیقو لوغلرینک ( the doubling of the mind ) دیدکلری بودر که ذه‌نک تضاعفی معناسنه کلیر.

مع مافیه ذهن بشرک عینی زمانده قاچ درلو شیه مشغول اولوب اوله. میه‌جغه دائر ترتب ایدن سوال مقدّره متخصصین علما، شو جوابی ویریورلر:

[ بردن زیاده‌سی قولای دکلدر. مکرکه اعتیاد حاصل اولمش اوله؛ او تقدیرده ایکی اوچ شیه دخی، ذهن مشغول اوله‌بیلیر. ] دیورلر.

بونده‌ده اهمیتله قیدایدیه‌جک بر نقطه وار. ینه تجر به‌لرله آ کلاشلمشدرکه عینی زمانده ایکی اوچ شیه مشغول اوله‌بیلن ذه‌نلر، عینی جنس‌دن اولان شیرلی مستقلاً اداره ایتکده کوچک چکیور. مختلف ایکی عملیه ذه‌نی اجرا ایتکدها قولای اولویور. مثلاً: بر طرفدن عبدالحق حامدک بر شعرینی جهراً اوقومق وعینی زمانده فکرک بر شعرینی کاغده یازمق پک کوچ او- لویور. ایکسی‌ده شعر نوعندن اولدوغی ایچون ذهن قاریشیور. حالبوکه بر شعر اوقورکن، بر رسم یایمق، یاخود بر عملیه حسابیه اجرا ایتکدها قولای کلیور؛ زیرا شعر اوقومقله حساب یایمق بوسبوتون باشقه، عملیات ذه‌نیه ایله اوله‌بیلیر.

زمانمز پسیقو لوغلری، دقتی، انواعنه تقسیم ایتمشدردر. بو تقسیم، نقطه نظره کوره تخالف ایدرکه ضروریدر. اولادقتک (حسی sensorielle)، یاخود (تفکری ideationnelle) یعنی (استحضاری representative) اولماسی ممکن‌در؛ خلاصه، (عقل intelligence) و (حس sens) دن بری واسطه‌سیله اوله‌بیلیمک امکافی واردر.

ثانیاً بر ایکنجی تقسیمه ده مجبوریت الیورمشر. چونکه دقت - حسی اولسون، عقلی اولسون — یا (immédiate بلاواسطه) اولور؛ یاخود (dérivée منصرف) اوله بیلیر. اگر نظر دقتمزی جلب ایدن شی بالذات، مراقزی موجب اولوبده ذهنمزی مشغول ایدیورسه، بودرلو دقه (immédiate) دیرلر؛ بو تعیری (بلاواسطه) کله سیله ترجمه ایتکدنسه (ذاتی) لفظیله ادا ایتک دها طوغرو اولور صانیرم. فرضاً، کیجه یولده یورورکن، بر آدیم اوتده بارلایان برشیته دقت ایدیشمز بو قیلدنر. زیرا بو تقدیرده موجب مراق اولان شی، دقتمزی جلب ایدن شینک کنیدیسیدر اونک نه اولدوغنی ا کلا دیغمز کی تشفیة مراق ایتش اولورز. مثلاً، آتش بوجکی اولدوغنی ا کلا شیلنجه، مراقز مندفع اولور؛ چونکه ذهنمزی او آنده مشغول ایدن مسئله حل ایداش بولونور. فقط کال مراق ایله بر (تبلیغ رسمی) به نصب نظر ایتسه ک، یاخود بر خسته نک (ضربان قلب (pulsations cardiaques) نی - کاغداوزرنده - کوسترن چیز کیلره دقتله باقسق، و یاخود بر حقه باز - اجرای معرفت ایدرکن - اللارینه کوزومزی دیکسه ک ایش بوسبوتون باشقدر؛ چونکه - بو تقدیرده - اصل مراقزی موجب اولان مسئله، نظر دقتمزی جذب ایدن شی دکلدر. یعنی برنجی مثاله غزته نک کاغدینه، یاخود تبلیغ رسمی ده عبارته نک اسلوب واملاسنه مراق ایتبورز. اصل ذهنمزی مشغول ایدن مهم مسئله مزده ظفردر. کذلک ایکنجی مثاله، (آلت مقیده appareil enregistreur) نک - بر کاغد پارچه سی اوزرینه - چیزمش اولدوغنی خطوط معوجه نک کنیدیسنه مراق ایتبورز. او اشاراتک ویره چکی معنا ذهنمزی بالخاصه اشغال ایدیور: خسته نک قلبنده بر اختلال عضوی واری یوقی؟... وارسه، (بُطْنِ ventricule) ده می (أذین oreillette) ده می، یوقسه (أهر aorte) ده می؟ ونه درجه لره وارمشر؟ اونی ا کلامق ایستیورز! نه کیم حقه بازک اللارینه دقت ایدیشمز، برقادینک اللارینه دقت ایدیشمز، بکزه مز، یعنی کوزل اولوب اولمادبغنی مراق ایدیشمزدن دکلدر.

خلاصه بوراده نظر دقتك تعلق ايتديكى شى باشقه، ذهن ايچون موجب مراق اولان جهت ده. بوسبوتون باشقه در: وحسك تعلق ايتديكى شيله ذهنك مراق ايتديكى شى انجق (بالتداعى par association) علاقه داردر اوندن طولايي در كه دقتك بو درلوسنه بعضى انگليز پسيقولوجلرى (apperceptive attention) ديمشلىر و بو تركيده داخل بولونان (apperception) لفظى، (لايب نيج) ك تعلق ايتديكى معنا ايله قوللانشلر در متوفى (ويليام جيمس William James) بوكا (derived attention) يعنى (attention dérivée) دييور. بن، بو تعبيرى (دقت منصرفه) تركيبى ايله ترجمه ايتدم. چونكه بو حالده ذهن، نظر دقتى جلب ايدن شيدن (منصرف) بولونويور. (جيمس) ك - بوكله ايله - ايتامك ايسته ديكي معنائى حقيقه ادا ايدم بيلمك ايچون قوللاندېم تعبير، مرجحدر.

دقت، بر باشقه نقطه نظر دن دخى تقسيم ايدلشددر.

اولا قواى ذهنيه مزك بر نقطه يه استقطاب و توجهى امرنده ارادتمزك ذى مدخل اولوب اولماماسى، يك مهمدر. بر آدم، صنداليه سنه ياصلاشمش، اويوشوق بر حالده ديكله نبركن، كسكين بر (يانيق بز قوقوسى) حس ايتسه، ياخود بردنبره بر (ره وولوه سسى) ايشيتسه، لا قيد قاله ماز: (مؤوك بر طرفى مى طوتوشويور؟). (بر قضامى اولدى؟) ديه مراق ايدر و (حس شامه sens olfactif) سى، ياخود (حس سامعه sens auditif) سى شذتله اويانير (حدت acuité) كسب ايدر. فقط بونده انسانك ذره قدر ارادى يوقدر. حالبوكه اجراى تجربه ايله مشغول اولان بر عالمك دقتى وياخود تفنكى النده بلكه ين بر آوجى نك دقتى بويله دكلدر. (acuité يه باقيكز !)

بونك برنجى نوعنه (دقت منفعله attention passive) ديرلر؛ بو درلوسى (غير ارادى involontaire) در؛ (منعكس reflexe) در؛ يعنى عوامل خارجيه نك طوغرودن طوغرويه تاثيرى ايله بالتليجه حاصل اولان بر (فعل منعكس action réflexe) دن عبارت (قسرى ودفى impulsif) بر حركتدر. ايكنجى سى (دقت فاعله attention active) در، و بودرلوسى



انجق (ارادی volontaire) اوله بیلیر. بویه اولونجهده بر (جهد effort) اثریدر. اوتەکی (بلا جهد sans effort) وقوعه کلیر .

بلا جهد حاصل اولان دقت، اکثریا (حسی sensorielle) اولور . بو نوع دقتی دعوت ایدن عوامل نامعدوددر. غریب شیلر، قییلداتان شیلر، بارلاق شیلر، یبانی حیوانات، کوزل ویا چیرکین شیلر، الحاصل حواسمه شدتله چاربان بوتون شیلر، کاملاً بو صنف عواملده داخلدر . او کمزدن کچن بر قویون سوروسنی کورورز؛ فقط اک اوکده کیدن (درد بوینوزلی کوسه من) نظر دقتمزى جلب ایدر. کوپردن کچرکن کیمسه به دقت اتمهز؛ لکن باشنه تیلکی قویروغی طاقش اولدوغی حالده کچن (قاباجی زنجی) نظر دقتمزى جذب ایدر .

چو جوقلرک دقتی، هپ بو قییلدندر. اونک ایچوندرکه ارادت کوستروب بر شینه حصر نظر ایدمهز، چونکه جهد ایدمهز. الفبایی هجزلرکن بر سینک ویا بر بوجک نظر دقتلرینی جذب ایدیوریر. صوکره درحال اوندن صرف نظر ایدرک قلم اوجی ایله یاخود باشقه بر شيله اوینامغه باشلارلر .  
حالبوکه یاش کالنی بولونجه (دقت عقلیه) یه قابلیت آرتار، وچوق دفعه لر — مراقزی موجب اولان مسئله لر — نظر دقتمزى جلب ایدن شیلردن آیری غیریدر. یعنی فکریدر؛ حسی دکلدرد .

مع مافیه دقت حسیه اکثریا (immédiate یعنی ابتدائی، ذاتی دفعی) اولقله برابر، بعضاًده (médiante یعنی استحضاری، عقلی وبالواسطه) اوله بیلیر. اکر (تأثیرات حسیه impressions sensorielles) پک شدتلی وهله (غریزی instinctive) اولمازده نظر دقتی دعوت ایدن حال و کیفیت ذاتاً — اوتەدنبری — بزجه معلوم شیلردن بولونورسه، او کیفیت بالذات داعی<sup>۱</sup> مراق اولماز؛ فقط ذهنمز ایچون داعی<sup>۲</sup> مراق اولان بعضی (امور غائبه) یه دلالت ایدمه بیلیر؛ بو حیثیتله اونلره (les motifs de l'attention) دیرلرکه (باعث ویا داعی<sup>۳</sup> دقت اولان شیلر) دیمکدر .

مثلا قصاب دکاننده قان کورورسهک اوقدر موجب دقت اولماز؛ فقط

بر طار سوقاقدن کچرکن بر ئوڭ قاپی سی اوکنده قان کورورسهك زیاده سیله دقتمزی دعوت ایدر. چونکه او یله بر یرده قان کورمك امور عادیه دن دکلدر. بوکی احتمالاتده مراقزی موجب اولان مسئله قانك کندیسی دکل، دلالت ایتدیکی معنادر: احتمال جنایتدر. حالبوکه قصاب دکاننده کوردوگنر قان حقیقتاً بر جنایت اثری اولسه بیله، درحال او احتمالی دوشونه میز. چونکه او دکانلرده قان کورمك امور عادیه دندر.

ویلیام جهیمس دها ظریف و خوش بر مثال ورییور: [قاپی به و پنجره به و وورولان خفیف بر ضربه، حد ذاتنده موجب مراق برشی دکلدر، بویه بر صوت عالمك کورولتوسی ایچنده بوغولوب کیده بیلیر. فقط بر عاشه قك پنجره بانجورینه ووردوغی خفیف بر ضربه نك دقت معشوقه بی جاب ایتمه میسی مشکلدرد.] دییور.

صوکره (هربارت Herbart) دن بعضی مثالر نقل ایدیور: [ بر اوافق (لسان و صرف خطاسی) فصیح بر آدمك ناصل نظر دقتی جلب ایدر!.. بر فالصو نوطه موسیقی شناسك سامعه سنی ناصل تخریش ایدر!.. بایاغی طورلر بر مدنی آدمك نه قدر نظر نفرتی دعوت ایدر!... الی آخره!..] ایشته هپ بوکی احوالده دقت حسیه مری دعوت ایدن شیلرک بذواتها اهمیتی یوقدره، اولنر، موجب مراق وحائر اهمیت اولان احوال سائرته دلالت ایتدیکی ایچون اهمیتی در؛ و اوسبیلهدرکه — آنجق اربابنك — نظر دقتی جلب ایده بیلیر؛ دیمك ایستیور.

دقت عقلیه نك غیر ارادی بر نوعیده واردرکه (attention intellectuelle involontaire) تعبیریه — پسیقولوژی کتابلرنده — آرییجه بحثی کچر. بوده (ذاتی immediate) و (منصرف dérivée) اوله بیلیور. اگر ذهن — سلسله تفکراتنده — بالذات موجب مراق اولان بعضی (خیالات مهیجه images excitantes) تعقیب ایدرسه، بو تقدیرده دقت (ذاتی و دفی) در. اگر خیالات مذکورده موجب مراق اولان بر مقصدی تعقیبه و یا بر مسئله بی حله واسطه اولق حیثیتیه داعی دقت و جالب نظر

اولویورسه، بو درلو سی (دقت منصرفه) نوغندن ساییلیر و بو حالده جریان افکار اویله بر (مجموعه منسجمه système cohérent) تشکیل ایدرکه ذهنی — بوتون قواسیله — مقصدینه منعطف و (مستغرق absorbé) بر حالده بولونور. بوحالده بولونان بر کیمسه — اطرافنده جریان ایدن وقو. عاتدان خبردار اولق شویله طورسون — (آلمِ pain) بیله حس ایده من. ایشته (سقراط) و (آرشمید) ده کوریلن حال استغراق بو درلو ایدی. (نیوتن)، (باسقال) ودها بر چوق دهاته علماده دخی بو درجه استغراقه قابلیت واردی. بوحال، بوتون قوای ذهنیه نك استقطاب کلی سی و بر مقصد فکری یه تمامی<sup>۱</sup> توجهیله انجق ممکن اوله بیله چکی ایچون دهانك شاندندر.

یوقسه — هیچ برشیته دقت ایدمه یین — عوام ناسك ظن ایتدیکی کی بو درلو (طالفینلق) بدلاق دن منبعث بر (آلفینلق) دکلدرد.

صوفیه اصطلاحنده (توجه تام) دیدکلی بو حال در. صوفی بو حاله کله بیلمک ایچون بوتون قوای حسیه سی تعطیل ایده بیلمه لی درکه عالم خارجی ایه علاقہ سی تماماً کسه بیلسین؛ واندن صوکره وجداتی بوسبوتون طوبلا یوب (فکر الوهیت l'idée de Dieu) مقصدینه توجه ایله بیاسین. بوکاموفق اوله بیسن بر آدم کندنن کچر، هیچ بر شی حس ایتمز. وجودنی جرح ایتسه لر او آنده آلم طویماز. ایشته (جذبه) دیدکلی حالده بودر. (مجدوب) — اصطلاحده — بویله بر آدمه دیرلر. اصل ترکیه ده (آلیق) تعمیری، بدایتاً، بو معنایی افاده ایدردی. (آلینق) جذبه یه طوتولق، (آلفینلق) دخی (حالت جذبه) دیمکدی. سببی هر نه درلو تصور اولونورسه اولونسون!.. صوکره صوکره لسانم رده بوکله نك معنایی توسع ایتدی و برازده کیشدی: بر (قیاس مع الفارق fausse comparaison) سبیله، عادی ابدالره دخی (آلیق) ده نیلیر اولدی. بناء علیه عوام ناسك (عادی بر بدلا) ایه، (کندی دوشونجوسنه مستغرق برداهی) یی فرق ایده میوب بر طوتماسنه سبب، بوکی تعیرات مخصوصه نك توسیع معنا ایه غریب برسؤ استعماله اوغرامش

اولماسیدر، صائیرم. [ mysticisme کله-نده çoufisme تعیرینه باقیکنز بدلا و مجذوب تعیرلرینک خصوصی واصطلاحی معنالرینه دائر تفصیلات وارد ر. ]

(دقت ارادیه) حقنده اك نازك و قطعی تجربه لرله اجرای تحقیقاته موفق اولان علامه شهیر (فون هلمولتچ Von Helmholtz) ادعا ایدیورکه: دقتك (میل طبیعی tendence naturelle) سی، طاعیل مقومضمحل اولمقدر. [ منظور دقت اولان شی حقنده ذهنمز دبع مراق ایدر ایتمز، — خبرمز اولمادن — وارد اتمز رغماً نظر مز باشقه بر شیئه منجذب ومنعطف اولوویرر. مکرکه او شیده مراقزی تازه له یه بیله جك یکی یکی احوال — یکی دن یکی یه — نظر دقتمزی جلب ایده بیلسین!... بناء علیه بر شی وعینی شی اوزرنده نظر دقتمزی (ثبت fixer) و ادامه ایتك ایسترسهك اونده دائماً یکی یکی احوال کشف ایتك جالشمالی ر!... ]

بو ملاحظه نك اهمیت اساسیه سی، (ویلیام جهیمس) ابراز و ایضاح ایدیور. [ دقت حسیه ایچون بویر (شرط لابد Condition sine qua non) اولونجه (دقت عقلیه) ایچون بو ملاحظه نك نه قدر طوغر و اولدوغنی اخطار حاجت یوقدر! ] حتی (منظور دقتمز اولان بر شی ده، بر حادثه ده قطعاً تبدل حاصل اولمازسه، دقتمز کلیاً مضمحل اولور و آرتق او شیدن بی خبر قالیرز. بر صوت ایسه اونی ایشیده مز اولورز. بر شی ایسه اونی کورده مز اولورز؛ کوز مز طالار و او شی ساحه نظر مز دن سیلینیویرر!... ] دیهرک شو دستوری وضع ایلور :

[ بر قاچ ثانیه دن زیاده دوام ایده بیلن (دقت ارادیه) یوقدر. ]

اوله ایسه، بر شیئه بالاراده نظر دقتمزی توجیه ایتدکن بر قاچ ثانیه سوکره دقتمز — غیر ارادی اوله رق — دوام ایدیور و او شیده مراقزی موجب اولان بر طاقم احوال متسلله نك انکشافی سایه سنده دوام ایده. بیلور دیمکدر. بو تقدیرده دخی دقتمزك دوامی، یا تبدلات متسلله نك جاذبه سنه تابع بولونویرر؛ و یا خود هر یکی حالک حین انکشافنده، صرف جهد

ایدوب احوال متعاقبه و جهات مختلفه به تحدیق نظر ایلورز؛ دیمکدر. (جهیمس) ک ادعاسنجه دوام دقت (جهد مکرر) ایله ممکن اولور و بو قابلیت (دها) یه خاصدر.

مقصد معین اولمادینی حالده یالکزر قوای ذهنیه مزى طولارده وقوعاته انتظار اوزره بولونورساق، بوده بر نوع دقت صاییلر. فقط هنوز قطعاً نقطه تعلق معلوم ومعین اولمادینی ایچون بو حالده انجق (تنه قوا) واردر. (توجه) یوقدر. اصل فرق ده بورادهدر. بوکا (att. expectative) دیرلرکه — بن اونی — (دقت منتظره) ترکیبی ایله ترجمه ایتدم.

(دها le génie)، اوتنه دئبری شدتله موجب مراق اولمش بر مسئله تشکیل ایدیوردی. بو قابلیت خارق العاده تک ماهیتی آکلاهق ایچون بر چوق علمای مشهوره صرف ذهن ایتشاردی. نهایت دهانک، — کسکین ودرین — بر (نفوذ نظر pénétration de vue) ایله علاقه سی بولوندوغی تحقق ایتدی. بو کون پسیقوولوغلرک بر قسمی [دهانک منبی (الهام inspiration) در! ] دیورلرکه انی بر تعریف صاییلماز؛ چونکه مجهولی، ینه مجهول ایله ایضاح ایتکدن عبارت قالور. هر حالده بو ادعا قبول اولور. نوره، دهانک مولدینی (غیرمشمور inconscient) اولان حادثات وجدانیه ده تحری ایدوب شرائط تحققی تعیین ایله مه لی در. [بو بحثک تفصیلاتی inconscient) گله سنده آراییکز !]

(ویلیام جهیمس) ک فکر نجه، (سورکلی بر دقت une attention soutenue) دهانک (علامت فارقه سی la caractéristique) در؛ و بو بر (دقت عقلیه) نوغندندر. بویه بر قابلیت ابراز ایده بیلنلر داهی در. حتی، ذهن — مکسوبات acquisitions اعتباریه — نه قدر زنکین، و فعالیت اعتباریه نه درجه تیز و سریع ایسه، او درجه (بداعی original) و (تازه fraiche) و ذی حیات اولور. کشفیاتی ده سرمایه معلوماتی ایله متناسب بولونور. هر دفعه سنده یکی بر موضوع فکری به تعلق و توجه ایده بیله جکی ایچون میل جستجو و مراق دوام ایدر. فقط متعاقباً کشف ایده جکی موضوعات

و احوال جدیدہ نك ہر رینہ توجیہ نظر ایدہ بیلیمك ایچون ہر دفعہ سندہ  
مکرراً ( ہر جہد ایتك faire un effort ) لازم كلہ جكي جہتلہ دہائی  
(جہیمس)ك اعتقادینہ كورہ شویلہ جہ تعریف ایدہ بیلیر :

[ ادامہ دقت ایچون آن بآن جہد مکرر ابرازینہ قابلیت، (دہا)در . ]

شو تقدیر حہ دہانك ہر شیدن زیادہ (ارادت) ایلہ علاقہ دار اولدوغنی  
قبول ایتك ضرورت حکمنی آلیر . چونکہ بویلہ مسلسل و مکرر ہر جہد  
ایلہ - سورکلی ہر صورتہ - ادامہ ایدیلہ بیلن ہر دقت عقلیہ فوق العادہ ہر  
ارادتہ محتاجدر . [ہومسئلہ نك مناقشہ سی ایچون volunté کلہ سنہ بائیکز !]

شایان تأملدر کہ بو ( جہد مکرر effort répété ) نظریہ سی دقت  
دہیانہ نك (میخانیزما mécanisme) سنی تعریف ایتمش اولویور . بو کیفیت  
ہیسیقوولوژیہ ، حکمتہ متقطع ، متکرر و متعاقب ، لکتریق جریانلرینی  
آکدیریور . (رومقورف Ruhmkorff) التئك و (لکتریق چینغراغی  
sonnerie electrique) نك حرکنندہ واقع اولدوغنی کبی متقطع در .

معافیہ [ برانسان بویلہ ہر دقتہ قابل اولدوغنی ایچون می دای اولویور؛  
یوقسہ دای اولدوغنی ایچون می بو درجہ دقتہ قابل بولونویور ؟ ] سؤلہ ،  
(جہیمس)ك تعریفی قطعی ہر جواب ویرمش اولویور . [بو مسئلہ نك تمامیلہ  
مناقشہ سی و جہیمس ایلہ برابر سائر فیلسوفلرک ملاحظات مخصوصہ لری  
ایچون ( génie ) کلہ سنہ مراجعت ایدیکز ! ]

دقت وقوعی ایچون (جہیمس) شواوچ (شرائط فیزیولوژیہ conditions  
physiologiques) بی ضروری ولابد اولق اوزرہ ذکر ایدیور :

- ( ۱ ) [خصوصی مراکز قشریہ (centres corticaux appropriés)  
ہم (فکری idéationnelle) ہمدہ (احساسی sensorielle) ہر صورتہ  
(تہیج exciter) ایتملی در؛ بوندن اول ہر شیئہ توجیہ دقت ممکن دکلدر .
- ( ۲ ) [اوندن سوکرہ (عضو حسی l'organe de sens) ، منظور  
دقت اولان شینی کال وضوح ایلہ تلقی ایدہ بیلیمك ایچون، مساعد ہر وضعیت

امالی در که بوده - هر هانکی عضو ایسه - ( جهاز عضلی appareil musculaire ) سنک، او شیئه (تمامی انطباق parfaite adaptation) ی سایه‌سندہ ممکن اوله بیلیر . [ ( ۳ ) هر رلو احتمالاته ، مراکز عصبیه لزومی قدر قان وارد اولمالی در . ]

بو خصوصده واقع اولان تحقیقات تجربیه واونلره عائد اولان مناقشات علمیه یکی بسیقو لوزی کتابلرنده مصر حدر.

دقت، - ویریلن ایضاحاته نظراً - بر ارادت مستقله یی مستلزم کورو- نویور. (بو مسئله نك مناقشه یی ایچون (Volonté) کله سنه باقیکز ! ) تداعی کیفیت ییله دقتک، وخصوصاً دوام دقتک پک صمیمی مناسبتی وارددر. (جهد مکرر)ک، تجدد مراق ایله ممکن اوله بیلدیکنه باقیلیرسه، منظور دقتمز اولان بر شینک بالتداعی، بر دیگر شینی اخطار ایتیه یی اونک دهها دیگر بر جوق خصوصات واحوالی ذهنه دعوت واحضار ایلیه بیلیمه سی، سورکلی بر دقت عقلیه نك صورت دوامی پک اعلا تعریف ایده بیلیر وبناء علیه مستقل بر ارادت فرضیه حاجت بر اقاماز. [ بو باده کندی فکر مخصوصی (Volonté) کله سنده بیان وایضاح ایتدم. باقیکز ! ]

هر نه اولورسه اولسون، دقتک پک مهم بر قابلیت ذهنیه اولدوغی لایقیه آ کلاشلمش در. علما وفلاسفه دن هر کس بو خصوصده متفق در. بو قابلیتک تربیه ومارسه ایله بر درجه یه قدر تزايد ایده بیلدیکه دخی تجربه لر وایستایستیکلرله تحقق ایدیور. (ارادت) دیدیکمز قدر نك ماهیت فلسفیه سی هر نه اولورسه اولسون، [یعنی ایستر او یله بر قوه مستقله یه مالک بولوندوغمز صحیح اولسون، ایستره بو اعتقاد، علماً بطلانی محقق بر فرضیه قیلندن عبارت بولونسون،] هر حالده ارادت دیدیکمز بر استطاعت فعلیه یه مالک اولدوغمزده شبه یوقدر. دقتک بونکله صمیمی بر علاقه سی اولدوغی ده او نسبتده اشکاردر. (تربیه دقت و ارادت éducation de l'attention et de la volonté) خصوصنده مأیوس دخی دکلز؛ چونکه تربیه ایله بو قابلیاتک آرتدینی کورولویور.

پسیقولوژی حادثاتی ضرورات حیات تابع طوئالت ، یعنی علم روحی ،  
 ( علم حیات Biologie ) نقطه نظرندن تتبع ایدنلر ، دقتی ( محافظه نفس  
 conservation individuelle ) ایله صیقی صیقیه علاقه دار کورویورلر .  
 هر فرد عضوی ایچون ، ( حیات غوغاسی = la lutte pour la vie ) ، اکه  
 مهم و برنجی ( عامل طبیعی agent naturel ) در . بو ، بر ( غریزه instinct ) در ؛  
 بو حسی طبیعی و ابتدائی نك الكیوك یاردیجیسی دقتدر ؛ خصوصاً براز تکامل  
 ایتش حیوانلر ایچون حیات غوغاسنده موفقیت تصادفات تابع اولمقدن زیاده  
 افراد عضویه نك فعالیتنه منوط بولوندوغی جهته ، تکامل عضویت مرتبه مرتبه  
 ایلریله دجه محافظه نفس امر مهمنده دقتک رولی ، وظیفه و خدمتی — او  
 کسبسته — کسب اهمیت ایدیور . حرکت پک آزاقلیتی اولان بر حشره  
 ابتدائی نك حیاتی ، ده زیاده تصادفه باغلی در . بویه بر حیوانچیز حواسنک  
 پک چوغندن محروم اولدوغی ایچون اطرافنی و محیطنی ، لایقوله ادراک ایده من .  
 غذاسنی تصادفه مدیوندر . نته کیم تهلمکدن قورتوله بیلمسی ده ینه بر لطف  
 تصادفدر . «جهله» عصیه سی پک ابتدائی بر حالد بولونه جنی طبیعی اولدیقندن  
 حافظه سی و ( مدرکات کانه = acquisitions latentes ) سی ده یوقدر .  
 اوسبیله در که تام معناسیله — دقتی ده یوقدر . حالبوکه سلسله تکامل ایلریله دجه  
 حافظه آرتار ، چونکه حواس ده زیاده تکامل ایتشدر و مدرکات کانه ،  
 نسبتاً فضلدر . عوامل محیطیه قارشنی ( تنبه ) و ( عکس عن reaction )  
 ده شدید و ده سربعدر . دقت دخی البت بو قابلیات ایله متناسبدر .  
 متکامل بر حیوان ، محیط خارجی ده بر عاملک تأثیرینه معروض بولونسه ،  
 مثلاً شدتلی بر سس ایشیتسه ، همان بر ابتناء حاصل ایدر و تهلمک ممکنیه  
 قارشنی بوتون قوای طبیعی سنی حاضر بولوندر ؛ بو حال ، حرکت عضلیه یی ده  
 تعطیل ایدر . ایشته بو ( inhibition ) وضعیتی ، محافظه نفس ایچون حاضرلق  
 وضع و طوری در . اکر اوسس کندیسنی قورقوتورایسه ، یعنی مدھش و قوی بر  
 دشمن سنی ایسه قاجغه و هیچ اولمازسه مدافعه نفسه حاضر لانشدر . یوق  
 ضعیف بر حیوان سنی ایسه ( غذا Nourriture ) در . اونک اوزرینه  
 ایلوب آلامغه مهیا بولونمش اولویور دیمکدر . کورولویور که حیواناتده دقت



صنعتی صیقه حیات ایله علاقه دار بر (تنبه غریزی éveil instinctif) در ،  
ودقت حسیه نوغندن اوله بیلیر .

بو تعریف داروینیزمه موافق در . ( darwinisme ) کلمه سنه باقیگز ! ]  
مادام که بوتون کشفیات علمیه ، حتی صنعتکارلرده ( حدت حواس  
acuité des sens ) ، دقت قابلیتده داخل ملکات کزیده ومفیده دن  
عد اولونویور ، او حالده ذکاتک درجه سی علی الاطلاق درجه دقتله متناسب  
اولوق کرکدر . چونکه هر حسیک ، هر ملکاتک دقت خصوصیه سی واردر .  
[ acuité کلمه سنه باقیگز ]

ایشته ( علم تربیه pédagogie ) علماسی بو ملاحظاتی برر دستور  
اساسی عد ایدرک ، کوچوک چوجوقلرده تربیه دفته چالیشیورلر . حتی دقت  
اطفالی تحقیق ایدوب درجه سی اولچمک ایچون الات مخصوصه بیله ایجاد  
اولونمش ویک فائده لی نتیجه لر ویرلش ر . خلاصه تربیه ذهنیه ده اساس  
( تمیه دقت ) در ، ده نیله بیلیر .

بزم مملکت مزده بو مبادی فلسفیه یی - بیلدیکمه کوره - اک اول مینی  
مینی لریک تربیه سنه تطبیق ایدن ، واک اول اوروپادن آلات مخصوصه کتیره رک  
چوجوقلرک درجه دقتی حقنده تحقیقاته کیریشن مربی متخصص ، ساطع  
بکدر . ( یووا ) نامیله اداره ایتدیکی انا مکتبک طلبه سی اوزرنده یک فائده لی  
تجربه لر اجرا ایتشد . ( تعیرات مذکوریه باقیگز . )

Attribut	محمول ( منطوقه ده )	Attribut	فرانسزجه
Attribut	صفت ( اترپانه ده )		انگلیزجه
Eigenschaft			المانجه
Attributo			ایتالیانجه

لاتینجه ده ( ad + tribuere ) ، بر شینه بر صفت اسناد ایدرک اوشینی  
تعین ایله مک معناسنه کلیر . تعیر بو اصلدن مشتق در . علی الاطلاق لسان  
فلسفی ده ( attribut ) ، وجودک ، یعنی وارلغک ذاتی و اصلی اولان ( صفت  
کاشفه la caractéristique ) سی در . ( attribut ) لری اولنادجه برشی تصور

اولونه ماز؛ دوشونوله مژ. شو حیثیت معنا ایله بوتعیر (qualité)، (mode)، (accident) کله لوندن فرقلی، حتی بعضی وجود ایله اولنره ضد و مقابل بر مضمون افاده ایدز. الهیاتده (attributs de Dieu) ترکیبی بزم شرق متکلمینی لساننده (صفات الّهیة) یه معادلدر. مع مافیه غرب الّهیونی (attribut) ایله (qualité) آره سنده مهم برفرق تعین ایله مشلدر؛ اوقدرکه، (qualités de Dieu) ترکیبی قطعاً قوللا تلّاز. فاحش بر خطا اولور. (accident، mode، qualité) کله لینه باقیکنز !

اولا، بو کله منطق لساننده اصطلاحات مشهوره دندر. بو حیثیتله بزده. مقابلی (محمول) در. منطقی بر علم اولمق اوزره ابتدا تدوین ایدن وقواعد وقوانینی ضبط وربطه آلان ارسطو، بوتون بو تمییراتک ایلك واضعی در. بر (قضیه proposition) حکمه مقارن بر جمله بیاندر. (حکم judgement)، اولا بر (موضوع sujet) ایستزه، بوکا ارسطو (ایپوکی مهنون = ὑποκείμενον). دیمشدی. بو موضوعه یابرشی حمل اولونه رق ویاخود اوندن بر شی انکار ایدیلهرک حکم واقع اوله بیلیر. ایشته حمل ویا انکار اولونان بوشینه (محمول). ده نیلیر. ارسطو محموله (طوقاتی غورو مهنون = το κατηγορούμενον) ویاخود (قآتی غوری ما = κατηγορήμα) دیمشدی. لسان یونانی ده بر شینه بر صفت حمل واسناد ایتمکه: (قآتی غورین تی قی نوس = κατηγορεῖν τί) (τινός) دیرلر. بو طرز افاده نی لاتینلر، عیناً ترجمه ایدرک: (attribuere aliquid alicui) ویاخود (praedicare aliquid de aliquo) دیمشلر. بوندن دخی (attributum) و (praedicatum) تعییرلرینی تشکیل ایتمشلر. که هر ایکی سیده (محمول) دیمکدر. شو قدر وارکه بوکون آرتق بو تمییرات تخصیصاً قوللا تلّفه باشلامشدر. منطق لساننده (prédicat) محمول معادلی. اولمق اوزره قطعاً ترجیح اولونویور. (attribut) تعییری دخی (الّهیات théologie) به ترک ایدلمشدر. فلسفه طبعیه (qualité) و (propriété) کله لرینی استعمال ایتمکده در. [بناءً علیه منطق ایچون prédicat کله سنه باقیکنز. دیگر اصطلاحاته دخی مراجعت ایدیکنز !]

مابعد الطبیعیات لساننده (sujet) تعییرینه بدل (substance) کله سی.

قولالائیلیر. او تقدیرده بز اونی (جوهر) دیه ترجمه ایدرز. اسلافز و بوتون حکمای اسلام بومعنا و بومقامده اوکله بی قولالائیشلردر. (substratum) و (substrat) دخی عینی شیدر. تمامیله ارسلونک (طوئی بوکی مه نون =  $\tau\omicron\ \acute{\upsilon}\pi\omicron\kappa\epsilon\acute{\iota}\mu\epsilon\nu\omicron\nu$ ) تعیرینک ترجمه سیدر؛ حتی (hypostase) کله یونانیه سنک لغت معناسی ینه اودر. شو قدر فرق وارکه بو صوک تعیر (نوفلاطونی لر =  $\acute{\nu}\epsilon\omicron\phi\lambda\alpha\tau\omicron\nu\iota\sigma\tau\epsilon\varsigma$ ) کدر؛ اصطلاح معناسیجه براز فرقلی در. (بوتون بو تعیراته باقیکز!)

فلسفه مباحثده اک زیاده ذهنلری مشغول ایدن مسائل خطیره دن بری ده حادثات عالمک (علت اولی  $\text{cause premiere}$ ) سنی آکلامق، کشف و تعین ایتمک اولمشدی. هر آن متحول و دائما بی قرار اولان (کاشات محسوسه  $\text{Univers sensible}$ ) نک شو عرض ابتدییکی شکل و هیئت، محض حقیقت اولمق اوزره قبول اولونه مامشدی. حقیقت، ثابت اولمق کرکدر. هر ثانیه شکلی، وشکلی ایله برابر اوصاف و کیفیاتی ده کیشدیره بیلن برشی حقیقت اوله مازدی. مع مافیله بو ده کیشکلک البته بر وارلی، بر شینک موجودیتی اثبات ایدیوردی. بو بوتون (عدم  $\text{le néant}$ ) ده تحول احتمالی تصور اولونه ماز. هیچ برشی اولمادقچه ده کیشکلک دوشونوله مز. بناء علیه حادثات نامیلله یاد ایتدی کمز بوتون شو وقوعات متحولانه کضمندده اساس ونقطه استناد اولان ماده اصلیه نه در؛ دائما ده کیشن شینک جوهری نه در؟.. ایشته مابعد الطبیعیاتک اک مهم بر قسمی تشکیل ایدن (مبحث لدنیات  $\text{ontologie}$ ) ده حلی مطلوب اولان باشلیجه مسئله بوایدی. نته کیم بو کون — بعضی فیلسوفلر استننا اولونورسه — ینه ذهنلری مشغول ایدن (بیلیمجه) اودر؛ یعنی حادثات متحولانه ک ماده اصلیه سنی کشف ایتمکدر. ارسطو بوکاده (substance) دیوردی که کرک یونانجه سنک کرک لاتینجه سنک معنای لغویسی (آلنده طوران شی) دیمکدر. یعنی — بو تعیردن — بوتون اوصاف و کیفیاتک مستندالهی اولان جوهر مراد اولونمشدر.

مع مافیله جوهر بمشده ارسلونک فکری باشقه ایدی. (substance تعیرنده تفصیله باقیکز!) بوکاستناد ابتدییکی صفات و کیفیات اصلیه ده (attributs)

دیووردی. شو تقدیر جه کیفیات سائر به نسبتله (attribut) لری، جوهرک (صفات ذاتیه) سندن عد ایدیووردی؛ یعنی جوهرک (تصور ماهیتده داخل faisant partie de la conception) عناصر فکریه دن صایووردی. بناء علیه اونلری انکار ایتک بالضروره ذات جوهری انکاره مؤدی اولوبوردی. مثلاً: (روح l'âme) بر (جوهر substance) اوله رق قبول ابدل دکن صوکره، (وحدت unité)، (عنیت identité)، (فعالیت activité) اونک صفات ذاتیه سنی تشکیل ایدر. چونکه روحی — تعریف قدیمی وجهله — بر جوهر اوله رق قبول ایدوبده بو صفات اصلیه یی انکار ایتک روحی انکاره واریر. وحید، فعال و دائماً کنديسنک عینی اولمایان بر روح تصور ایديله مز. بو صفات ذاتیه به قارشی، حساسیت، نیجه الی اخره، هب (ملکات facultés) صاییلردی. [بو تعییره باقیکز!] زیرا بونلری انکار ایتمکه (جوهر روح) ضمحل اولوبور. ایشته صفات ذاتیه ایله صفات عادیه آره سنده ملاحظه ایدیلن مهم فرق بودر. ارسطو بوفرقي لایقيله تعیین ایتک ایچون (ایدیون = ἰδιον تعیری ده قولانمش وصیغه جمع ایله (ایدیا آپلوس = ἰδία ἀπλως) ترکیندن، بر شئتک (اوصاف مشکله propriétés constitutives) سنی مراد ایتمشر. لاینلر حکیم یونانی نك بو تعیری (propria constitutiva) ترکیبی ایله عیناً ترجمه ایتمشلردر. بو کونکی فیلسوفلرک (کیفیات اولی qualities premières) دیدیکی بودر. (کیفیات تالبه qualities secondaires) دیدیکمز اوصافده ارسطو (ایدیا قاتا سیم وه ویقوس = ἰδία κατὰ συμβεβηκός) دیر ایدی؛ بونی ده لاینلر (propria consecutiva) ترکیبی ایله ادا ایتمشر در؛ و (consecutiva) صفقی، بو موضعه «تالی» کله سنک تماماً معادلی در. بالخاصه فلسفه ده بوکون (attribut) تعیری متروک کی در. مابعد الطبیعیاتده موضوع بحث اولان (وجود مطلق être absolu) [absolu] و être و entité تعیرلرینه باقیکز!] هر درلو صفات و کیفیاتدن مزه و مبراً اوله رق تلقی ایدلدیکی ایچون، اوکا هر نه حیثیته اولورسه اولسون صفات اسنادی بر فاحش خطا عد ایدیلیور. (آغوستی سیزم) سیاق نظری بوکون افکاره حاکمدر. [agnosticisme] کله سنه باقیکز!] نته کم تصوفک

دخی بو باده اعتقادی عیناً و تماماً اویله در. مع مافیه زمانمز فلسفه سنده شدله مناقشات میدان آجان (کیفیات اولی prop. primaires) مسئله سی اسکی زمانلرده (attribut) بحثک مناقشاتی تمامیه آکدیریور. (تفصیلات ایچون propriété و primaire کله رینه مراجعت ایدیکز.)

یالکز الیهاده بوتعیرء اولانجه اهیتی ایله اسکی حیثیتی محافظه ایتشد. هر شیک مبدأ و معادی اولان (اللهک صفاتی Dieu les attributs de) الیهات علمنک الک خطیر مسائلدن برینی، بلکهده برنجیسی تشکیل ایدر. یزده بر جوق مذاهبک ظهورینه بو مسئله سبب محض اولمشدر. (معزله) ایله اهل سنت آره سنده اساساً (مختلف فیہ controversé) اولانک بویوک مسئله بو ایدی.

خرستیان طالنده دخی بو صفات بحنی تشتت عقائده و — بالنتیجه — تشیع مذاهبه سییت ویرمشدر. (بوخصوصده تفصیلات ایچون théologie کله سنه باقیکز!)

سقولاستیق فلسفه سنه عاقد اولق اوزره برده (attributs dialectiques) ترکیبی وارد. ارسطونک اداسنه کوره هر مسئله فلسفه (حدّ définition)، (جنس genre)، (خاصه propre) و (عرض accident) نقطه نظرندن تلقی اولونوب حل ایدلک لازمکلیر ایدی. بر مسئله یی ذاتاً ماهیتله تمین ایچون بو قیود منطقیه دائره سنده تعریف ایجاب ایدر. سقولاستیقار ایشته بوکا (attr. dialect.) دیدیلرکه (محمولات) مناسنه کلیر. شرق منطقوننک (قول شارح) تعیرینه توافق ایدیور.

Auditif (nerf) (عصب سمعی)

Auditif(n)

اعصابک بر قسمی طوغرودن طوغرویه دماغدن صادر اولور. قحفده (یعنی قفا طاسنده) برطاقم خصوصی (تقبه = دهلیک) لر واردرکه بونلرک هربری اورالردن چیقار. ایشته بو (اعصاب قحفیه = nerfs crâniens) نک سکرنجی سی (عصب سمعی) درء وجیفندر؛ یعنی هر ایکی طرفدهده واردر. بوکا (nerf acoustique) دخی دیرلرکه عینی معناه

ده در. بوجيفت عصب ( بصله bulbe ) دن صادر اولور . (عصب وجي  
nerf intermédiaire) و برده (رېسېرغك عصب متوسطى  
de Wrisberg) ايله برلكده ( بجرای سمى داخل  
interne) يى تعقيب ايده ك ( اذن داخل oreille interne ) ده منتشر  
اولور .

( جهاز سمى l'appareil auditif ) فوق العاده نازك و دقيق وزیاده  
سيله ( معضل complexe ) بر آلت حسدر . [ تفصیلات ایچون قاموسك  
علوم طبعیه قسمنه مراجعت ایدیكز! ]

خارجده كي ( اهتزازات هواييه vibrations aériennes ) قفل  
ایدوب بزه ( صدا le son ) حسى و یرن ايشته بو عصبدر . ( زمان  
temps ) تصویرينك بو حس ايله بر علاقه سی واردور . ( durée و temps  
تعییرلینه بافیکز ! ]

( خیالات سمیه images auditives ) علم روح اصطلاحاتندن مهم  
بر تعییردر . ( تهییج محیطی excitation périphérique ) اولمادن ، یعنی  
خارجده - صدا وقوعه سببیت و یره بيله جك - اهتزازات هواييه وقوع  
بولمادن ، صدا ادراك ایتدیكمز اولور . ايشته بو ( حادثه انفسیه  
subjectif ) یه ( images auditives ou sonores ) ده نیلمشدر که بو،  
حقیقتاً بر صدا حسى دكل ، فقط صدانك بر ( غلط حسى hallucination )  
وياخود بر نوع خاطره سی در . اونك ایچون بونی ( برسامی hallucinatoire )  
وياخود ( راجع réduite ) اولمق اوزره ایكى نوعه تقسیم ایدیورلر .  
( image کلمه نه بافیکز ! ]

( انموذج سمى type auditif ) دخى تعییرات اصطلاحیه دندر .  
بعضی آدملر واردر که اونلرده ( احساسات سمیه sensations auditives ) ،  
احساسات سائرده دن زیاده مهیج افکاردر . بو درلو آدملر خیالات سمیه  
واسطه سيله دها ایی دوشونورلر ، دها چابوق تخطر ایدرلر ، دها قولای  
ازبرلرلر . ايشته بویه اولانلره ( type auditif ) ده نیلیر .

برده ( اعمودج بصری type visuel ) وادرد . بو قابلیتده اولانلر  
فرضا بر یازینک یاخود رقلک شکلی کورمکله دهایی دوشونور ودها  
قولای ازبرله ر . نته کیم ( اعمودج حرکی type moteur ) دخی وادرد .  
مع مافیه متوسط اعمودجلردخی کورولویور؛ (بصری سمی visuo-auditif)،  
(سمی حرکی auditivo-moteur) کبی .

بو قابلیتله - احتمالکه - مختلف مراکز عصیه نك اعتیاد و فعالیتله  
معطوف اوله بیلیر . ( localisation و centre تعیرلرینه باقیکر! )

### سمع ملوره Audition colorée

Audition colorée

بو خیلی اندر بر حادثه انفسیه در . حتی پک بارز اولمازسه نظر دقتی بیله  
جلب ایتمه یه رک مجهول و یاخود مهم قالیر . بعض کیمسلر صدالری وخصوصا  
صواتی ایشیدنجه او حرفلرک هر بری رنگین برخیال بصری او یاندیرر؛  
اوصورتله که حرفلرک هر بری او آدملر بررررک مخصوصله ملون کوردرلر .  
مثلا a o u i e y حرفلری ایشیدنجه اولنری صرهمسیله صاری ،  
قیرمزلی ، تورنجی ، ماوی ، یشیل کوردرلر . حتی بعض کلانک مماسی اولان  
ایشایی بیله بررررک مخصوص ایله ملون کوردرلر . بو غرابتی ارثی بر استمداد  
اولق اوزره قبول ایدنلر چوق اولمشدر . مختلف کیمسه لرده عینی صدالرک  
مطابقا عینی خیالات بصریه یی و عینی رنگلری دعوت ایتمه سی لازم کله یور .  
منقد مشهور دو قنور مارقس نورداو ( La dégénérescence تردی )  
نامیله پک معروف اولان اثرنده فرانسه نك صو ک دوره ادبیه سی مشاهیرینی  
تنقید ایدرکن بر صنف شعرادن بحث ایدیور واونلرده بو غرابتی کورویور .  
حتی ( symboliste ) شعرادن بعضلرینک هر کله یی بر باشقه مرکله  
یازمق کبی بهوده و دیوانه جه بر زحمت اختیار ایتمکده اولدقلرینی ده سویلو-  
یور . بو کیلر حقنده خیلی مستهزی و شدید بر لسان ایله بیان ملاحظه  
ایتدکدن صو کرا بونلرک ( dégénéré متردی ) بر طاقم آدملر اولدقلرینه  
حکم ویریور . (نوردانو) نك بو شاعرلر حقنده قوللانیدینی لسان حقسر  
اولقله برابر ویردیکی حکم پک حقسر دکلدرد .

بوحادثه غریبه‌بی — متأخرین حکما و علمادان — Lussana, Phillips —  
 Gruber, Lehmann, Fechner, Galton, Stern, Ribot  
 (Flournoy, Wundt) و ده‌ها بر جوق متخصصین تدقیق و تتبع ایتمکده  
 بولونش‌لردر. انان بسیقولوجری بو غریبه حسیه (farbiges Hören)  
 دیرلر که «سمع ملون» ترجمه‌سیدر.

Autodidacte

مربی الزات Autodidacte

یونانی‌ده (آفتوس = αὐτός) کندی دیمکدر؛ (ذی‌داسکین =  
 οὐδ' αὖτε) ده تعلیم ایتمک معناسنه کلیر. تعبیر، بو ایکی کلمه یونانی‌ده  
 مرکبدر و (کندی کندیس‌نک معلمی) دیمک اولور. کندی غیرتیه،  
 باشنه چالشمش ویتیشمش بر آدم حقنده بو کلمه وصف اولورق ذکر اولونور.  
 مع‌مافییه بو تعبیر درلو درلو آدم‌لری توصیف ایچون قوللانیله‌بیلیور:  
 مکتب کورمه‌یوبده کندی کندینه چالیشان و معلومات مهمه اکتساب  
 ایدم‌بیلن کیمسه‌لره بو کون بوصف شایان کورولویور، واک‌مومی بر صورتده  
 وجه استعمالی بومعنا ایله‌در. فرضا (سقراط Socrates) حکمتی کیمدن  
 اوکرنیدی؟ دیه تاریخ فلسفه تدقیق ایدیور. بو حکیم بعضی فیلسوف‌لرک  
 درس‌لری دیگله‌مش اولدوغی حالده، هیچ برینک‌ده مسلک‌نه اقتفا ایتمه.  
 مشدر. بو صراحتاً اکلاشیلیور. اونک ایچوندرکه کندی شا کردلرندن  
 مشهور قسه‌نوفون سقراط حقنده (αὐτοῦργός τῆς φιλοσοφίας) ترکیبی  
 قوللانمشدرکه (فلسفه‌ده کندی کندیس‌نک استادی) دیمکدر.

کذلک زما‌نم‌زک — خصوصاً تطبیقات صناعیه‌ده — اک‌بویوک کاشف‌لرندن بری،  
 بلکه‌ده برنجیسی اولان آمریقالی (ت‌دیس‌ن = Thomas Alva Edison)،  
 هیچ مکتب کورمه‌مش بر فقیر چوجوق ایکن ده‌های خارق‌العاده‌سی  
 و مراقی سایه‌سنده کندی کندینه تحصیله قویولمش و او قدر حیرت‌بخش  
 کشفیاتمه موفق اولمشدر که وجودیله افتخار ایدن وطنداش‌لری کندیس‌نه  
 (سحر باز the wizard) دیرلر.



فیلسوف سپنسرده اوپله در. اون التي اون ییدی یاشندن صوکره مکتب کورمه منی و یونانی ایله لاتین لسانلرنده معلومات ابتدائیه سی اولمادینی ایچون — حسب القاعده — دارالفنونہ قبول اولونما مشدی . بونک اوزرینه کندی کندینه چالشدی ؛ صوکره فلسفه ده بر مملک مخصوص تأسیس ایتدی که بو کون علی الاطلاق مسلم و مقبولدر .

اسکی فیلسوفلردن و علمادن پک چوغی ، حتی معاصریندن بیله بر خیلدی ، بیله صرف کندی ذکاوت و غیرت لرله عالم عرفانده بویوک بر نام و مستنا بر موقع قازانمشلر و انسانیتہ خدمت ایتمشلردر .

بوکله نك فلسفه ایله علاقه سی یوق ؛ فقط تربیه علمیه مشغول اولانلره شو حقیقت مهمیه یی اخطار ایده بیلیرکه اسانیت ایچون فائده لی بر آدم اوله بیلیمک و بویوک برکاشف ، بر عالم ، بر فیلسوف حیثیتله اورتیه جیفه بیلیمک مطلقا فلان و فلان خواجه دن درس المغه متوقف برایش دکلدردر . بو خصوصده اک برنجی شرط قابلیت فطریه در . یعنی بویوک بر ذکاوت ایله تشفی ناپذیر بر شق حقیقتدر . بزم مشهور قوجه راغبک دیدیکی کی : دالده استعداد اولوبجه کار کندین کوستیر .

یا لکزر بوراده بر ملاحظه یه محل واردر صانیرم: بو کونکی مدنیت و عرفان اودرجه مختلف شرائطه و علی الخصوص وسائط مادییه مر بوطدرکه آرتق طوغرودن طوغرویه (Autodidacte) اولق مشکل برحاله کلشدر . هیچ اولمازسه تحصیلی تجربه یه و بناء علیه بر خیل وسائط مادییه مفتقر بولونان علوم حاضرده ممارسه پیدا ایتک و صوکره او ساحده کشفیاته مقتدر اوله بیلیمک بوسبوتون محرومیت فقر ایله ممکن دکلدردر . چونکه آلات و ادوات ایستره حضور و استراحت ایستر و تمهیل او دورلو تحقیقانه وقف نفس ایتک ایستر . حتی صرف استمداده تابع کورونن صنایع نفیسه ایچون بیله بوشرطلر کیتدکجه چوغالمقدردر . اسکی زمانلرده بوبله و بوقدر دکلدی . بوکون وسائط تحصیلک مرفرد جماعته تشمیل و تمیمی ایچون اوغراشانلر بالطبع (Autodidacte) اوله بیلیمک استمدادیله یارادلش بولونان بر چوق اذکیای فقرا یه بر زمین

مساعد حاضر لامش اولیور لر. مع مافیه بو کونکی مناسیله برائسان هر دورلو وسائله نائل اولدینی حالدہ صرف کندی آرزوسنه و تمایلات شخصیسه کوزه تربیه ذاتیه سنی توجیه و اداره ایدرسه (Autodidacte) صایله بیلیر. ایشته مربی نك اك بویوک خدمتی بوکی تمایلات مفیده یی تنمیه و تربیه ایتمک، یوقسه، روح اطفالده اونی ابلاده چالشمق در. خصوصاً سربست دوشونمکه و بو سایه ده کندی کندیسنک مربی سی اوله بیلیمکه هر چو جوغی آلیشدر مقدر.

Automatisme  
automate

منابیت، (مناب) Automatisme (automate) فرانسه

آلمانجه Automatismus

انگلیزجه Automatism

ایتالیانجه Automatismo

بو کلمه نك اصلی یونانی در، و اونی - اصطلاح اوله رق - وضع ایدن ارسطودر. لغت مناسیله (آفوماتوس = Αὐτόματος)، (کندینه کندینه وقوعه کل) دیمکدر. بو کون بو کلمه (پسیقوفیزیولوژی = Psycho-physiologie) ده پک قیمتلی بر تمیر اصطلاحی اولمشدر؛ چونکه نك مهم بر نظریه نك اسمی در که طوغرودن طوغرویه (ارادت volunté) (تداعی association)، (سیرفی المنام somnambulisme) کبی مسائل غامضه ایله علاقه سو ظاهر در. بناء علیه فلسفه ده (ایجابیه déterminisme) مذهبی ایله مناسبتی ده آشکار در.

بو کون بو تعبیرک افاده ایتدیکی منافلسفه ده، پسیقولوژی ده، یا خود فن ما کنده قوللاندیفته کوره، آز چوق مهم فرقلر عرض ایدر که شایان رعایت و مطالعه در. حالبوکه ارسطو بو تعبیری بوسبوتون باشقه بر معناده استعمال ایدردی: بو حکیم یونانی، عالمده ایکی درلو حادثات کوردیوردی بونلرک بر قسمی طبیعتک بریت مخصوصه سی ایله وقوعه بولویور و وقوعیه بر (غایت finalité) اظهار ایدیوردی. نته کیم اعضای حیوانات و اقسام نباتات بویله در؛ یعنی عبث بره خلق اولونماش بولونقلری ظاهر در. معاسز، نیتسز بر تصادف اثری صایله مازلر. بو تقدیرجه او دورلو حادثاتک کندی

کندینه احتمال وقوعی قبول اولونه ماز. اونلرک بر (فاعل موجب agent efficient) ی اولقی کرکدر. حالبو که اونلرله برابر و یاخود متعاقباً دیگر بر طاقم حادثات دها ظهور ایدیور که بونلری بر نیت مخصوصه یه عطف ایله تعریف ایتک قابل دکلدر. نته کیم بالمله (تصادفات) بوقیلدندر. بر دیوارک فرجه سنده بر اینجیر اغاجنک قنبت ایتمه سی، و یاخود اورمانده طولاشان بر آدمک باشنه بر یاپراق دوشمه سی کی! .. عرب حکما سنک اتفاقیات دیدیکی شیرلر بوزمرده داخلدر. مادام که بوکی حادثانک وقوعنده نیت دلالات ایدر بر معنا کشف اولونه میور، دیمک که اونلر (کندی کندینه؟! ) وقوعبولیوریریور. ایشته ارسطو لساننده (طو آفوماتون = τὸ αὐτόματον) بویه اولو ویرن شیرلدر. بوکونکی فلسفه، بودرلو حادثاته (contingent ممکن) دیمکی ترجیح ایدر. (بو تعصیه باقیکنز!) لسان عادیده (fortuit) کله سی تماماً بومعنا یی افاده ایدر.

حکیم یونانی نک - بو مسئله ده - ناصل دوشوندیکی ا کلا شیلیور : کورولویور که صورت وقوعیله بر نیت مخصوصه یه دال اولان حادثاتی، مطلقاً بر فاعل موجبک ارادته حل ایتک مجبوریتدن قورتوله مامشدر. حالبو که حادثات ممکنه ده بر (نیت مضمهره) کشف ایده مدیکی ایچون، اونلرک کندی کندینه - یعنی کیف ما اتفاق - وقوعبولیور دیکنه حکم ایتمشدر. بو کون عامک بو خصوصده اعتقادی بوسوتون باشقه در. (finalisme و déterminisme کله لرنده ایضاحاته باقیکنز!)

زمانمز لسان فلسفی سنده بو تعبیرک اخطار ایتدیکی نظریه مشهوره ایله ارسطونک ملاحظات مذکورمه سی آره سنده قطعاً علاقه و مناسبت یوقدر. لسان عادیده بیه (automatique) کله سی بالخاصه بعضی شیرلر حقنده قوللانیر؛ و - هر نه جنسدن اولورسه اولسون حادثات حقنده استعمالی - هیچ اولما زسه السنه انامده - وارد دکلدر. یالکز علما وفلسوفلر انجیق بعضی حادثات مغضویه یی سائرلرندن تمیز ایچون منحصرأ بو کله یی قوللانیرلر. عصر سابقده (علوم میخانیکیه sciences mécaniques) نک بالخاصه تطبیقات عملیه سنبجه حاصل اولان ترقیات فوق العاده، ماکینه لرک اصلاحی

جهتده تحقّق ایتش و — مداخلهٔ انسانییه حاجت برآفادن — درلو درلو  
ایشلر کوره بیلجک آلات و اجهزهٔ میخانیکیه ایجاد اولونه بیلیمشدی. بونلره  
(منساقی ماکنهلر machines automatiques) دیرلر. انواعی و امثالی  
متعدددر. فقط جمله سنده (مبدأ علمی princ. scientifique) بر در.  
حتی، بوکون اوروپاده اوپله فابریقهلر واردرکه ایشله دیکی زمان، ایچنده آدم  
کورولمز. ماکنهلر بر کره تحریک ایدلدکن صوکره ارقق کندی کندینه  
ایشلر و هر جهاز، وظیفهٔ مخصوصه سی — معاوت و ادارهٔ بشریهیه محتاج  
اولمقسزین — ایفا ایلر. قضایه میدان ویره بیلجک بر حال و قوعنده، هان  
بر دودوک و یاخود برئه لکتریق چینه براغی اجرای فعالیته باشلایه روه، تهلمکه  
احتمالاتی — وقوعندن اول — اخطار و اخبار ایدر. بوتون ماکنهلرک هیئت  
مجموعه سی اوپله بر صورتله ترتیب اولونمشدرکه مطلوب اولان نتیجه یی، یعنی  
خدمت مترقبه و معینیه کندی فعالیتی اقتضاسندن اوله رق حاصل ایدر.  
بونک الک بسیط و مشهور مثالی (امنیت سبابه سی soupe de sûreté) در.  
(بخارک توتری la tension de la vapeur) آرتوبده قازانی باطلا تماسین  
دیه یاپیلیمش اولان بوسبابه نك ثقلتی و تضییقه مقاومتی، مطلوب اولان درجهٔ  
توتره کوره حساب اولونمشدر. بخارک درجهٔ توتری حد معینی آشارسه  
سبابه یی آچار و اورادن بر قسم بخار مندفع اولدقندن صوکره درجهٔ توتر،  
ینه حد مطلوبه تنزل ایده چکی ایچون سبابه، کندی آغیر لقیله تکرار قاپانیر.  
«پاسقال قانونی la loi de pascal» و «مقاومت اصغریه مبدأ le  
principe de la moindre résistance» حکمنجه، بو ایشلر کندی  
کندینه اولور. (action کلمه سنا فیککز!) موازنهٔ توتری تأمین ایده بیلیمک ایچون  
بر آدمک نظارتنه، یاخود ایکی ده برده مداخله سنا حاجت یوقدر. جهازک  
صورت تشکل و ترتیبی، و بخارک معلوم اولان «خواص حکمیه physiques» سی، بو ایشی — بالاقتضا — باشادیر، بحریر.

بوندن تقریباً بر عصر اول (ووفانسون vancanson) نامیه مشهور  
بر فرانسز عالِمک ایجاد ایتش اولدوغی (نوردهک)، بر کره قورولقدن  
صوکره، کندی کندینه بر چوق حرکات اجرا ایدرمش؛ مثلاً یورور،

اوکنه دوکولن آرپه یی غاغاسیله آلوب یوتار و قیرار اوفالارمش . بوتون بو حرکات او «یامه حیوان»ک قارننده موضوع چرخلرک فعالیتله کله سیله اولورمش. «le canard de vancanson ووقانسونک ثورده کی»، «منساقی ماکنه ، لرك تاريخ علمده اک مشهوریدر. بویوک آنسیقلوبه دی ده رسمی، ماکنه سنک اقسامی و طرز حرکتی حقنده تفصیلات و ایضاحات واردرد. بالآخره بویله پک جوق اویونجاقلر ایجاد اولونمشدر. ننه کیم پک فائده لی ماکنه لرده یاپیلمشدرکه بر فرجه یه اون پاره ، قرق پاره، الح آتیلنجه بر مکتوب بولی، یاخود بر کبریت قوطوسی ویاخود بر پاکت جو- قولانه ویاخود بر قدح قونیاق فلان ویریر. الی آخره...»

ایشته بو درلو ماکنه لره و حرکتلره هب «منساقی» ده نیلیر.

بو تعبیر، «تمیل صورتیله par analogie» تعمیم ایدلش و فیزیو- لوژی ایله پسقولوژییه دخی کچمشدر. مثلا قلبک ضربانی وقاتک دورانی - تأثیرات خارجیدن آزاده اوله رق - دوام ایتدیکی جهتله بو حادثات «منساقی automatique» عد ایدلشدر. کذلک «فعل منعکس action reflexe» دخی اویله در. چونکه افعال منعکسه نك حصولی ایچون «جمله عصبیه مرکزیه système nerveux central» یه حاجت یوقدر. «مخ شوکی moelle épinière» کفایت ایدر. قوربنه اوزرنده اجرا اولونان تجربه مشهوردر: بر قوربنه یی بلندن کسوب ایکی پارچه ایدر سه ک آرتق یاشایاماز. بل کیکننده موضوع و محفوظ بولونان «مردار ایلک» تخریب ایدله مک شرطیله ، حیوانک ایکی آرقه آیاقلرندن بریسنی برحامض ایله تخریش ایدر سه ک یاخود بر جیمیز ایله چیمدک لرسه ک تقلص ایدر، وانجق او قطع یی، حیوان وته کی آیاغی ایله سیلمکه واوغنه چالیشیر. حالبوکه ذی حیات دکلدرد. بو حرکات و تقلصات، هب «مردار ایلک» ده کی مرا کر عصبیه نك «تشنج irritation» ی سیبیله «دفعی impulsif» اوله رق وقوعه کلیور. ایشته بوده «automatique» برحادثه فیزیولوژییه در. (réflexe تعبیرینه باقیکنز. )

نته کیم بعضی تأثیرات خارجییه قارشى کوزمى قابايشيمز ، ياخود يورورکن موازنه من بوزولونجه دوشمه مک ايجون غريب بر طاقم وضعيتلر آلهرق وجودمىزك « مرکز ثقل centre de gravité » نى تبديل ايديشمىز هب بو قيلدندىر . چونكه بونلرى علم و ارادتمزله اجرا ايتيوروز ، بالاقتضا اويله حرکت ايديوروز .

۱ کلاشيلوركه عضويات ده منساقى اولان حادثات ، « دماغ cerveau » ك تأثيرومداخلاه سنه تابع اولمايهرق « دفعياً وقسرياً impulsivement » وقوعه كلن حرکاتدر . فى الحقيقه فيزيولوژى ايله « تشریح anatomie » ، بالتحقيق اثبات ايديوركه « تنفس respiration » و « دوران circulation » ك مراکز مخصوصه سى ، دماغ ايله مناسبتده اولقله برابر قطعاً دماغك تأثيرات تندن آزاددر ، وفمايلتده تماميله مستقلىدر . حتى ضربان قلبى تنظيم ايجون بيله بالذات قلب اوزرنده خصوصى « عقدات عصبية ganglions nerveux » وارددرکه — ساعتك رقاصى كى — ناظم حرکات اولقله موظفدر .

فلسفه ده كيفيت شجور و ارادى صرف ميخانيكى بر صورتده تعريف ايدى بيلمك قدر كوچ برشى يوقدر . حالبوكه علمك « غايه مترقبه but visé » سى و « اصول متعذه méthode adoptée » و معتبره سى انجق بودر . هر حادثه يى اسباب طبيعى سنه عطف ايدرك ميخانيكى وقوعنى كشف و اثبات ايتكم ، عالمك مسلكى ، اصولى ؛ علمك غايه معينه سى ؛ كشفياتك يولى و عينى زمانده دى . مقصد اقصا سى در . على الاطلاق علمك تاريخ ترقيسى كوستريور كه ابتدا اجسام جامده نك قوانين خصوصيه و عموميه سى كشف اولونمش و بوتون كائنات ماديه نك نظام و آه كننده ، بوتون حادثاتك روش اطرا دنده عىنى قانون كللى نك حكمفرما اولونعى كورولمشدر يعنى هر شى نك بحسب الايجاب وقوعه كلكده بولوندى و دى دائماً تحقق ايدى كلىش در . حتى بوصولك زمانلرده « حيات la vie » ك — ماهيته دكسه بيله — شرائط تجلى سنه دائر خيلى فتوحات علميه موفقيت الويرمش و بر چوق سرار خلقت انكشاف ايتمشدر . علم ، هب بو واديدى كى موفقياتيله ايلربليور . فقط « وجدان conscience » هنوز

بر سرّ غامض، بر معمارد. [ science و conscience ، déterminisme ]  
 کله لینه با یکز!

وجدان دخی شعور واردات دیمکدر. «عضویات سفلیه organisme inférieurs» یی بر اقریده حیوانات عالیّه ایله انسانک حاله باقارسق، اونلرده بعضی احوال و حرکات کور و رز که شعور و ارادتک وجودینی صراحتاً اثبات ایدر. لکن، بوکبی مسائل غامضه و خطیره ده نظر سطحی ایله استدلال ایدر که عامیانه بر حکم ویرمکدن بزی، تدقیقات علمیّه و تحقیقات فلسفیه قطعاً منع و تحذیر ایدیور. چونکه بدهاتاً ثابت اولان «حقیقت وجدان»، اک اهمیتیز کور دن بعضی حادثات روحیه بورندن مدهش شبهه لره مروض قالیور. بزه بدیهی کور و نین شیزک حقیقته حکم ایتمکده اوته دنبری عجله ایتمش و دائماً یا کیلمش اولدوغمزی تاریخ علوم اوقدر مکمل و مدلل بر صورتده اثبات ایدیور که، علمک بو خصوصده کی تنبیهات و نصایحی اهاال ایدر که حکم ویرمک و تحقیقات فلسفیه دهینه حقه اصابت ایتمک ممکن دکلدرد؛ حتی واقع دکلدرد. او حالده نه یاپه جفز؟!.. بر طرفدن کندی وجدانیز، شعور و ارادته حرکت ایتمک قابلیتمزی بدهاتاً کوستریور. (تفحصات علمیّه - investi gations sécientifiques)، حادثات وجدانیّه یی دائماً (شرائط غریزیه conditions physiologiques) یه ربط ایتمک صورتیله — میخانیکی بر طرزده — تعریف ایده کلدیکی ایچون، ارادتی — شرائط تجلیسی ایله — تقیید ایدیور؛ او حالده دخی قطعاً انکار ایدیور دیمکدر. زیرا بر طاقم شرائط مادیّه یه انقیاد ضرورتیله حاصل اولوبده ینّه عینی ضروراته تبعاً صدور ایدن بر حرکت، (ارادی volontaire) دیه مه یز. اوته دنبری انسانده وجودی ادعا اولونان ارادتک معنای حقیقیسی بو دکلدرد. بالعکس بونک تماماً ضدیدر. یعنی هر درلو قیود و شر و طدن آزاده اوله رق (مشیت ذانیّه) ایله حرکت ایده یلمکدر. ایشته علم، بونی قطعی دلیل لره انکار ایدیور. (volonté کله سنده تفصیلاته با یکز!) حالبوکه بز — هیچ اولمازسه — بر چوق احوالده، ایستدیکمز کی حرکت ایده یلمک قابلیتمده اولدوغمزی بدهاتاً کور و یورز.

علم ایله بداهت آرمه سنده تحدت ایدوبده مفکّره مزی پنجه تضیقنه آلان یو (تناقض contradiction) دن ناصل قورتوله بیله جکزه که، فلسفه ناک الکه مبهم ومهم مسائلندن بری اولان (ارادت) بحثنده شک و شبهه دن تبری ایدلمده معقول و صاعلام بر عقیده به باغلانلم؟!...

فلسفه یی تناقضه، فیلسوفلری ده کریوه عجز و حیرته دوشوردن الکه مدهش «antinomie» لردن بری ده بودر . ا بو تعبیره باقیکنز ! تفصیلات کافیه واردر ! ]

بو برزح تفکره نه کبی بر مجبوریتله دوشدوکزی تدقیق ایدرسه که «automatisme» کیفیتک، الکه مهم مسائل فلسفه ایله علاقه صمیمیه سنی کشف ایدوب آکلارز :

بز شعور و ارادت، انجق عضویات عالیده کوره بیلورز وهله کنندیمزده یعنی انسانده - بالذات وبالفعل - کیفیتی تحقیق ایدم بیلورز. کائنات عضویه «حیات» دیدیکمز صفت ممتازه ایله کائنات جامده دن فرقلی کورونوبور . فقط قابلیات حیاتده عضویاتک جمله سی یکدیگریله مشارکدر . و - بو کونکی ظن و اعتقاد مزه کوره - بره سلسله متصله «châme continue» تشکیل ایدر. فقط ذوی الحیات آرمه سنده درجات متفاوته وار . بو سلسله ناک الکه آشای قدمه سنده بولونان حیوانات سفلیه به باقارسه ق اکلارز که شعور و ارادته بکزر ، حتی بو قابلیات دالات ایدر - ذره قدر - برشی یوقدر . ده ا بر ایلریله یرک بو «سلسله مراتب» hiérarchie ده قدمه قدمه صعود ایدرسه که ، بعضی حرکات معینه ومطرده کورورز که عوامل خارجه ناک تأثیرات واقعه سیله علاقه داردر، چونکه اوتأثیراتک اقتضاسنه کوره عضویتک طرز مقابله سنی کوستیرر . هنوز بو حادثه لرده وبو درجات فعالیتده شعور و ارادت صراحتاً اثبات ایدر بر حاله آگاه اوله میورز . مثلاً «غریزه instinct» دیدیکمز و حیوانات سفلیه ده مشاهده ایتدیکمز حال غریب بیله بو قیلدندر .

[ instinct کله سنده مثالره باقیکنز ! ]



بو کي حاللری عقل و ارادته عطف ایله تعریف ایتک متممدر . مثلا  
برجنس بوجک « larve » سرفه ایکن « یعنی قورت حالنده ایکن » آکل الحشب  
Xilophage « در . دیگر برجنس بوجک « آکل الجیفه nécrophage » در .  
حالبوکه ( کامل بر حشره un insecte parfait ) دورینه کلنجه نه تحت ایله  
تقدی ایدر؛ نه ده لاشه ایله .. بویه اولدوغی حالده برنجی بوجک تخم  
براقهجنی زمان تحتیهنی، آغاجی دملوب اوریه یومورطیلور؛ ایکنجیسی  
لاشه اوزرینه یومورطیلور . لاشه بوله مازسه کندندن ضعیف بر طیرطیل  
بر حشره تولدوروب اونک ( اقسام لینه parties molles ) سی اوزرینه  
یومورطه لرنی وضع ایدیور و یومورطه لر ( انفجار éclosion ) ایدنجه  
— اقتضای طبیعتلرینه کوره — بر محیط مغذی ده بولونمش اولویور .

شیمدی : ( او بوجک بوتون شیرلی دوشونه رک بایور؛ یاورولرینک  
استقبالده آج قالماسی ایچون هر نوع وسائلی محاکمه ایدوبده بو درلو بر چاره  
بولویور و قرار ویردکن صوکره بالارادت اونی اجرا ایدیور ! ) ده بیلیر  
می یز؟! اولادینک استقبالی بوقدر اینجه دوشون — انسانلر ایچنده بيله —  
قاج کشی کوسته بیلیرز؟! .. سیوری سینک، اصل عمرینی هواده کچیررکن،  
دوشونه رکدن و بيله رکدن می کیدوبده طورغون صولره یومورطیلور؟! ...  
طبیعی دکل! .. واقعا بوغریبه رک اسباب حقیقیه سی هنوز بیلیمورز . لکن  
بونلرک شعور و ارادته مناسبی اولمادینی محقق کی در .

قدمه قدمه یوکه لوبده انسانه کلنجه شعور و ارادتک اک بارلاق و بدیهی  
مثالی کورویورز . فقط بوسلسله نک بدایتنده شعور و ارادت یوق ایکن  
ناصل حاصل اولدی؟! .. بو بر مسئله در . چونکه بر ( حجره cellule ) ده  
وجدان یوقسه ، میدونلرجه حجره بر آرایه کلسه ، وجدانی یوقدن وارایده مزه  
صفری میلیون ایله ضرب ایتسه کینه صفر اولهجنی کی؟! ... انسانک  
وجودی ده حجره لر مجموعندن باشقه بر شی دکلدر . آیری آیری هیچ برنده  
اولایان بر شی، اونلرک هیئت مجموعه سندن ناصل تولد ایدیور؟! .. صوکره  
عضویات دیدیکمز بوسلسله مراتبک هانکی نقطه سنده ، هانکی قدمه سنده  
شعور و ارادت جلوه کوسترمکه باشلیور؟! .... بونی ده تعین ایتک قابل

دکدر. حالوکه بو ایکی (حد متها termes extrêmes) آره سنده، یعنی،  
 حیره ایله انسان آره سنده (وجدان conscience) وارکه بدیهی در. ماهیت  
 و حقیقتی بیلمه مکه برابر، هر نه اولورسه اولسون، شو حالیه وارلفی انکار  
 ایده میز .

ایشته بو معنائک استاد ایتدیکی نقطه لر بو مسئله لر در .

فلسوفلر، دورا تباهدن سوکره (اصول تحقیق méthode d'in-  
 vestigation) ی ده کیشدر دیلر؛ و یکی بر (سیاق نظر manière de  
 voir) ایله ینه بو چاراشیق مسئله یی اورطیه آتدیلر، حل ایتک ایسته دیلر.  
 فقط بوسفردها معقول بر صورتده (وضع ایتدیلر) :

حیوانات سفلیده حرکاتک ارادت و شعور ایله وقوعه کلوب کله دیکنی  
 تحقیق ایتک لازم کلدی . اودورک مجددین اصولندن فیلسوف شهر،  
 (ده قارت Ren. Descartes) حیواناتده وجدان اولسادیغنی ادعا ایدرک  
 اونلرک — عادتاً قورولش بر ساعت کیی — حرکت ایتدیکی و کندیلرنده  
 واقع اولان تبدلاتدن خبردار اوله مادقلرینی قبول ایتدی . ذاتاً بر ریاضی  
 حکمتشناس اولان بو فیلسوف، بالجله حادثاتی میخانیکی بر صورتده تعریف  
 ایتکه فطرتاً میال و طر فدار ایدی. علمک تر قیسنه زیاده سیله یاردیم ایدن بواصولک  
 واضی و مروجی اودر. یالکز، بوتون بوتون ارادی انکار ایتیه رک انسانه  
 تخصیص ایتکه براقدی. بوفلسفه او زمان، خریستیانلغک احکام اعتقادیه -  
 سنه ده موافق دوشووردی . زیرا الهیون نصرانیه روحی - یعنی نفس  
 ناطقه یی- یالکز انسانده کورو یور، حیواناتده فانی بر (نفس) دن باشقه برشی  
 اولمادیغه اینانیوردی که بوده ذاتاً تعلیمات فلاطونی دن قالمه بر فکر ایدی .

بناء علیه او زمانلر، یعنی اون بشنجی عصر میلادیده ده قارته اک زیاده  
 اعتراض ایدنلر، کلیسا اربابی دکل، معاصرین متفکرین اولدی . ازان جمله  
 ریجی مشهور (مونتینی Montaigne)، حیواناتک عقلدن بی نصیب  
 اولمادیغنی و حتی بعضاً عقلی انسانلردن ایی استعمال ایده بیلدیکنی ادعا ایتش  
 و بونی ظریف مثاللره اثباته دخی چالشمشدی. (Morus مورو س) دخی

ده قارتك بو فكر واعتقادينه شدتله تعريض ايدرك حيواناتك بعضاً نه مكمل ايشلر ياپديغنى مثال كثيرمش و بزم اولنلى تقليده بيله مقتدر اوله مائه جفمىزى ادما ايتمشدى .

حيواناندهده بزم كيبى عقل اولدوغنى اثبات ايجون ( غريزه ) يى يعنى سوق طبيعى يى مثال كوستروب استدلال ايدنلره قارشى ده قارت، عيى مثالى آلوب كندى ادعاسنه ملايم بر حجت اولقى صورتيله قوللانيوردى : [آرى نك مكمل مسدسلرله بال به ته كى ياپمىسى، عقل ايله بو ايشلر ياپديغنى اثبات ايتمز ؛ بالعكس قورولمش بر ساعت ، بر ماكنه كى حركت ايتمكه بولوندوغنه دلالت ايدر؛ چونكه قطعاً باشقه درلوسنى ياپمغه مقتدر دكلدر . ننه كيم ساعت ، زمانى غايت قطفى اوله رق كوسترير و اك عقللى بر آدمك تحمين و تقديرى بيله ساعتك - بوخصوصده - كوردو كى ايشى كوره مز چونكه حركاتى يكنسقى و مطرددر . الى اخره ! ] ديوردى .

اعلان ايتمش اولدوغى بو فكر يوزندن، ده قارت او قدر اعتراضاته هدف اولمشدى كه عظيم بر مباحثه ميدان آچيلدى . فيلسوف هان هېسنه جواب و يردى . حتى مکتوبلرينك برنده بو (منساقيت نظريه سى) نك دستور اساسى سنى غايت واضح و صريح بر جمله ايله بيان ايتمش و : [حيواناتك قابل اولدوغى افعل و حركات نه قدر معضل و متنوع اولورسه اولسون حكى يوقدر . چونكه مسئله او دكلدر . برماكنه نه قدر مختلف و متنوع چرخلردن مركب ايسه ، البت او قدر معضل و متنوع ايشلر كوره بيلير . فقط ينه ماكنه در . عقل و ارادته حركت ايتمز . (اجزاسنك صورت ترقى l'ajustement de ses parties) طرز حركتنى تعريف ايدم بيلير . كيفيت فعاليتنى تعريف و ايضاح ايجون ، اوكا بر عقل اسناد ايتمكه حاجت يوقدر؛ عبدر . حيوانانده دخى حقيقت حال تماماً و عيناً بويله در . بن عضوى اولان هر فعاليت مخصوصه يى بويله - ميخانيكى بر صورتده - پك قولاي تعريف ايدم بيليرم . بر قيرلانفجك يازين كلوبده پنجره مه قونمىسى ايله بر ساعت يلقووانك حركاتى عيى ضرورته ، عيى مبدأ ميخانيكى به تابع حادثاتندره . ] ديمشدى .

بو سیاق نظر - بر ایکی صحیفه اول عرض ایندیکم وجهله - علمک اصولی و غایه سنی آرتق قطعاً تعین ایتشدی. نته کیم بوکون کرک فیزیولوژی، کرکه بسیقولوژی علمری، کندی ساحه لرده موضوع بحث وتبع اولان حادثات عضویه و معنویه بی اسباب میخانیکیه سنه عطفاً تعریفه یول بولمادجه، حقیله تعریف ایتمش اولمازلر. بو علمک الکتاب و متن کشفیات، ده قارتک ادعاسنی تصدیق ایتک صورتیه واقع اولمش در. عکسی ادعای کودنر، بو کشفیات ایله فتح اولونان منطقه حادثادن - خطوه بخطوه - کری چکیلک و هنوز فتح اولوناماش بولونان بر زمین مهیمیده تدافعی بروضیت آلق مجبوریتده قالمشدر.

فلسفه و علومه اصول اوکرتمکده بحق مجدد صاییلان ده قارتک شرفی ایشه بوراده در. واقما (automatisme) نظریه سنک مؤسسی اولان بو فرانسه فیلسوفی، انسانی مستتا طوتمشدی. فقط بوتون عالم عضوی بو سیاق نظرله بر کره تبع اولونمغه باشلادقن صوکره آرتق انسانی طبیعت عضویه خارجنده، قانون فطرت توقده براقق ممکن اوله مازدی. فی الحقیقه اوله ده اولدی: ده قارتک فلسفه سنده ذاتاً ایکی وجهه استقامت واردی؛ بریسی طوغوردن طوغویه مابعد الطبیعیاته، بریسی ده میخانیکیت مبدای ایله (الجبایه determinisme) مذهبیه ایصال ایدیوردی. علما و فلاسفه مادیون بو ایکنجی بولی طوتدیلر. اون سکزنجی عصر فیلسوفلرندن وغلا مادیوندن مشهور (De Lamettrie دو لامتری) (l'homme-plante = نبات آدم) و (L'homme-machine = ماکنه آدم) ناملریله شایان دقت ایکی کتاب یازدی؛ او اثرلرده انسانکده - میخانیکیت خلقت اعتباریه - بر نباتدن اساساً فرقی اولمادیغنی، اونکده آنحق بر ماکنه کبی حرکت ایندیکنی ادعا ایدیور و روحی، ارادت آچیقدن آچیفه انکاره و اریوردی. واقما او زمانلر فیزیولوژی و بسیقولوژی هنوز ابتدائی برحاله بولوندوغی ایچون (دولامتری) نک بوفلسفه سی (ناهنکام بر فرضیه une hypothèse intempestive اولمقدن عبارت قالیوردی؛ چونکه بو غریب ادعای اثبات ایده بیهلک دلائل قطعیه بی علوم طبیعیه نک خزانه

معلوماتنده بولمق بك مشكلدى . مع مافيه بوفرضيه - هر نه قيمتى حائر اولورسه اولسون - هر حالده دهقارت اصول ميخانيكيه سنك برتيجه ضروريه سي، ايكي عصر صوكره حاصل اولان ثمره طبيعيه سي ايدى .

(دولامترى) دن جوق اول (باروح سينوزا = Baruch Spinoza) دهقارتك اصولنى حادثات اخلاقيه بيله تطبيق ايتمكه چالشمش واك مهم اثرى اولان (éthique) نام كتابنك همان هر بحثنى برطاقم موضوعاته بنا ايدرك (تعليل deductif) بر اسلوب استدلال ايله او موضوعاتدن قواعد اخلاقيه استنتاج ايله مشدى . اونك ايچون اثرينى برغريب هندسه كتابنه چويرمشدى .

بوتون بو جريانلر فيلسوف دهقارتدن زياته ، رياضى دهقارتك اذهان متفكرينه شدت تحكمنى ودرجه تفوذنى اثبات ايدر .

انسانده روحي و شعورى بردرلوانكار ايدمه ين (لايبنيج Leibnitz) دى بو تاثيرك فسوندن كندى قورناره ماش و(نفس ناطقه) ين - هيچ اولمازسه - (روحانى بر منساق = un automate spirituel) اولمق اوزره قبول ايدرك، تألىنى ناقابل اولان ايكي اعتقادى برلشديرمك ايچون، پاموق ايليكى ايله باغلانى وىرمشدى .

اثرلرينى هپفرانسزجه يازان بو آلمان فيلسوفى (علم الهى théodicée) نام كتابنده - بومسئله دائر - شوسوزلرى سويلويور :

{ جنين foetus حيوانده ناصل تشكل ايدىيورسه ، طبيعتك دها نيجه بيك (خارق لمر merveilles) ي - اللهك اونلره بخش ايتمش اولدوغى - بر استعداد غريزى ايله ناصل حاصل اولويورسه ، يعنى : بو شايان حيرت (automate) لر، محضا (نيت مقدرة الهيه نك اقتضاي فيضى ايله en vertu de la préformation divine) بو قدر كوزل ايشلرى ميخانيكى بر صورتده اجرايه قابل اولويورلرسه ، روح بشركده طبق اونلر كي و فقط اونلردن دها زياته تحسینه سزاوار بر (منساق معنوى automate spirituel) اولدوغنه قولايجه حكم ايديله بيلير . بزم ارادتمز اولمايه رق، روحنك او كوزل

فکرلری حاصل ایده بیلیمسی، تقدیر الهی ایله اولسه کرکدر . معنوی منساقلرک (یعنی ارواحک!)، فعالیتده - عادی مناسیله - ذره قدر میخانیک برشی یوقدر؛ فقط (میخانیک) ده اک کوزل کیفیت نه ایسه روحک فعالیت اونی کاملاً حائردر .]

(لایب نیچ) اک شو سوزلرندن ا کلاشیلورکه ، کندیسنک نامنه منسوب اولان مشهور (harmonie préétablie = آهنگ ازلی ) نظریه سی ، (بو تعبیر ایچون هر ایکی کله یه ده باقیکز!) ده قارتک (منساقیت) نظریه سندن طوغمشدر. ارادت روحی انکار مجبوری ایله برابر، شعورک بداهتی تسلیم ایتک ضرورتی بوکا سبب اولمشدر. شو تقدیرجه المان فیلسوفک (منساق معنوی) عد ایتدیکی روح دخی تقدیر الهی ایله اعمال فکر ایتکده بی ارا. دندر . طبق حیواناتده مشهود اولدوغی وجهله ، اک مکمل بر ماکنه کبی ایشلر. یالکز اولنردن شوفرکی واردرکه افعال وحرکاته تماماً شعور حاصل ایدر. دیمک که عقل وشعور، ارادتک دلیل اولمایه بیله جک!.. انسانک کندی افعال وحرکاته شعوری اولماسی، افعال مذکورمک اضطراری اولمادیغی اثبات ایده مه یه جک!...

حالبوکه همان بوتون فیلسوفلر ارادت بشریه یی اثبات ایده بیلیمک ایچون (عقل وشعور ایله حرکت ایتدی کمزی) اک قوی بر برهان اولمق اوزره تلقی و ایراد ایده کشلردر .

(لایب نیچ) اک بو ملاحظه سی پک مهمدر. نته کیم افعالزده کورولن (آهنگ اطراد) اک دخی منساقیت نظریه سنه منافی برشی اولمادیغی، صراحتاً بیان ایتمه سی ده شایان دقتدر. (میخانیک ده اک کوزل کیفیت نه ایسه ce qu'il y a de beau dans la mécanique parties cons- دیمکدن مقصدی اودر. یعنی فعل وخدمتی ایضا امرنده بر ماکنه نک (اجزای مشکله titutives) سی ناصل هم آهنگ اوله رق حرکت ایدیورسه، قوای روحیه ده بویه در؛ فقط ذی شعور بر ماکنه در.) دیمک ایتدورکه ده قارتک بر مکتوبندن آلوب یوقاریده نقل ایتدیکم ملاحظه نک تفسیریدر ،

سالفین حکما مزدن (قینالی زاده علی افندی) مرحوم دخی، ذهنی بو وادیلره سوق ایتیش و حیوانات سفیله نك سوق طبیعی ایله یابدینی ایشلره حیرت ایتمکدن کندینی آله مامشدی. بو مسئله ده بعضی ملاحظه لر بیان ایتشدرکه اساساً (لایب نیچ) ك (آهنك ازلی) اعتقادی آکدیریر .

جنتمکان قانونی سلطان سلیمان دوری فضلاسندن و حتی ده قارتك معاصریندن اولان بو حکیم ، (اخلاق علائی نامنده کی اثرینك اوتوز طوقوزنجی صحیفه سنده) مخلوقات حیوانیه نك مجادلّه حیات امرنده موفق اولملری و— کندی تمیرنجه — (بقای نوع و شخصی) لرینی تأمین ایتملری ایچون (صانع حکیم و مبدأ علیم طرفندن) حیوانات مذکوریه ویریلن آلات و اعضایی ذکر ایتدکن صوکره (حکیمانه تأمل) ایدیور، ودها سفیل حشراته کچرک (نخل عسل، یعنی بال آریسی) نك هنرلری نظر دفته آلیور و نتیجه ده شو حکمی ویریورکه ماهیتاً (لایب نیچ) ك (harmonie préétablie) اعتقادینه تماماً مشاهدر :

[پس، بودقایق وضع و ترتیب و صنایع نسق و ترکیبی — که استخراجندن علمای هندسه، دائره عجز و حیرتده، نقطه مرکز مثال، محاط خط ملالدر — بر حیوان عذیم العلم نیجه ملاحظه ایلر؟؟.. مکر حکیم ازل عزوجل، الهام صنع و تعلیم عمل ایتیش درکه انواع عالم، کالات ممکنه سنه واصل، و نظام مراد و بقای مقدر، ارادات ازلی مقتضاسنجه حاصل اولور.]

بیك آتی یوز قرق آتی سنه میلادیه سنده یعنی قینالی زاده دن بر بطن صوکره طوغمش اولان (لایب نیچ)، بو مختصر سوزلری کورمش اولسه یدی کندی فکرلرینك بر شرقلی قفاسنده ده جلوه ایده بیلمش اولدوغنی کورور و بکنیردی .

لکن ده قارتك بو (فلسفه میخانیکه philosophie mécaniste) سنه زیاده سیله قیمت ویرن واونی یکیدن احیا ایدن، زمانمز فیلسوفلری اولدی. اون طوقوزنجی عصر میلادینك کشفیات متنوعه سندن بری ده (مبحث اعصاب neurologie) ده کی موفقیات مشکوره سی ایدی. بر طرفدن (افعال

منعكسه (actions réflexes) نك ميخانيكى لايقيه تعين ايدلش و (عشوكي faisceaux ner- moëlle épinière) ي تشكيل ايدن ( خزمات عصيه - cellules moëllaires) نك خدمت ووظاقي (veux) نك و(هجيرات مخيه) نك طرفدن (دماغ) (cerveau) نك نواحى مختلفه سنده (مراکز عصيه) (centres nerveux) (احلال) (localiser) ايدلش، يعنى يرلري تعين اولونمشدى. بوتون بو كشفيات، حادثات وروحيه نك وقوعى، دماغك فعاليت ميخانيكسيه تعريف ايتك ديمكدر.

طبيعى دركه بوكي كشفيات جوغالوب ييغيلدقن آنجنى ايجه بر زمان صوكره. فيلسوفلر، اوندن بر معنا چيقارمق تشبثده بولونه بيلديلر. وئو ويره جويره قبيع ايدوب ايچندن بر نيجه مسئلهلر استخراج ايده بيلديلر.

كچن عصر ك نصف اخيري امتدادنجه (پروففسور هكسلى (Pr. Huxley) (سپولدينغ (D. Spalding)، (شددووث (Shadworth)، (هوغنس (Hodgson) و دهها بر جوق انكليز علماسى و متفكرينى (فعل منعكس) مسئله سنده تكرر ده قارنى خاطر لاديلر. بلا ارادت و بلا شعور واقع اولان بو نوع حرركات عضويه، بر (منبه خارجى) (stimulus externe) نك تاثيريه وقوعه كليور. بو تاثير (اعصاب محيطيه) (nerfs périphériques) واسطه سيه اولويور و خارجدن بدا ايدرك مخ شو كى ده كي هجيراتدن كچدكدن صوكره بر طاقم عضلات مخصوصه يي حرركته كتيرويور. شو صورتله بر (جريان) (circuit) حاصل اولويور ديمكدر. بو جريان، نيچون (هجيرات مخيه) يه منحصر قالسين؛ مادام كه (حرركات اراديه) (mouvements volontaires) ديديكمز افلاك مركز عوميسى دماغدر، و بويه اولدوغنده شهبه منز يوقدر؛ نهدن تاثيرات خارجيه مخ شو كى يي تهيج ايتدكدن صوكره دماغ زده كي مراکز عصيه يي ده تهيج ايدرك دها كنيش بر جريان عصيه يه سبيت ويره مه سين؟.. مخ شو كى ايله دماغ آره سنده بر جوق اعصاب ارتباطى واردر. مثلا: او طه مده ساكن ساكن اوطوروركن طيشاريدنه مرديوهن باشنده بر سس ايشيتسه م و - اوتهدنبري كنديسنه مشتاق بولوندوغم - بردوستك سسى اولدوغنى طائيسه م؛ همان قالقوب كنديسنى قارشيلامق اوزره قاني يي آجسه م چيقيسه م؛



وعینی زمانده کنديسنه شويله بويله بر شی سويله مکی تصور وتصميم ايتسم،  
بوتون بو حرکتیم — اوتهدنبری مسلم اولان فلسفه یه کوره — ارادی در .  
یوقاریده ذکر ایتدیکم قوربنه تجربه سنده کی حرکات قسریه یه وافعال منعکسه یه  
بکزه مزه. دماغم اولماسه یدی بو حرکاته مقتدر اوله مازدم .

فقط بو افعالک بدن کیفیت صدوری علمی بر نقطه نظر دن دوشو-  
نورسه ک، کورورزکه اونلرده — عینله فعل منعکسه اولدوغی کبی —  
میخانیکی بر وجهله حاصل اولشدر . نته کیم شرائط حصولی (پسیقوفیز-  
یولوژی) تعریف ایدیور و جریان عصيک مجرالیکی کوستریور. او حالده  
بر (فعل منعکس) ایله بر (فعل ارادی) آره سنده ماهیتاً فرق یوق دیمکدر.  
چونکه هر ایکسی ده میخانیکی در. یالکز برنجیسنده جریان، یالکز مراکز  
غیه یی طولاشدینی حالده ایکنجیسنده مراکز دماغیه دن ده کچور و دماغمکز  
اک انجه واک قراکلق کوشه لری ده دور ایده بیلور. او قدر! ... یعنی  
برنجیسی نسبتاً بسیط، ایکنجیسی ایسه پک معضل، پک طولامباج بر حرکت  
میخانیکیه در. هم بزدن افعال منعکسه صادر اولویورمی؟! ... چوق! ...

لکن، [ دماغک فعالیتی ایله حاصل اولان افعال و حرکات، شعور ایله  
برابردر! ] ده یه جکسکز! . اوت، فقط بوملاحظه، (لابنیچ) ک یوقاریده  
ذکر ایتش اولدوغم ادعاسی ابطال ایده مز. شعور ایله واقع اولان حرکاتک  
(ارادی) اولماسی — مطلقاً — لازمکمز. اوندن صوکره — اول امرده —  
شعور ایله اجرا ایتدیکمز نیجه حرکات واردرکه (اعتیادی habituelle) بر  
حاله کلنجه، اونلری (غیرمشعور inconscient) اوله رق مطردا ایفا ایدرز؛  
وذاتاً بو، پسیقولوژیده عادتاً برقانوندر .

[ habitude و inconscient کله لری نه باقیکمز! ]

اگر بو قاتون طوغرو ایسه، اولجه مشعور اولان بر چوق افعال  
وحرکاتمز اعتیادی بر شکل آلنجه غیر مشعور اولویور، دیمکدر . کذلک  
شعور (ارادت) دیمکسه، اولجه (ارادی) اولان حرکاتمز بمدااعتیاد افعال  
منعکسه دن اولمق درکه سنه تنزل ایدیور دیمک اولور . حالبوکه (شخصیت

personnalité) منری تشکيل ایدن وجدانی جریانلرک همان هبسی اعتیادیدر. همده غیر مشعوردر .

ایشته علما و متفکرین متأخرین — بمضی حادثاتی تقبع ایدرکن — بودرلو محاکمات و ملاحظه طوتوله رق ده قارتک میخانیکیت نظریه سنی تکرار احیا ایتدیلر. فقط احوال و حرکاتمزده، و وجود مزه عارض اولان تبدلاتک قسم کلیدسند شمعورمزک حاضر اولدوغنی انکار ایتمک — بداهت وجدانییه قارشی — ممتنع کوروندوکنندن، بو مسئله باشقه بر شکل آلدی: (منساقیت مشعوره automatisme conscient) نظریه سی وضع اولوندی. دیمک که ده قارت ایله باشلایان معاصرین، ایکنجی مرحله تفکرده (لایب نیچ)ک نظریه سنه کلدی. بو آلمان فیلسوفنک فکرلرینی یوقاریده عرض ایتمدم.

مع مافییه بو فلسفه جدیده (مادیه matérialisme) ایله اوموز اوپو- شویور و اوکا چوق بکزییوردی. شعور و ارادت دخی داخل حساب اولدوغنی حالده بالجلله حادثات وجدانییه، (جلله عصیه système ner- veux) نک (فعالیت میخانیکیه activité mécanique) سی ایله تعریف ایتمک، مادیونک دأب قدیمی و اسلوب مختاریدر. مادیون هر شینک — (نهایت تحلیلده en dernière analyse) — ماده ایله حرکت منجر اوله- جفته تماماً قانعدرلر. [matérialisme کله سنه باقیکنز!]

حالبوکه بو بحثی یکیدن اوپاندیروبده مسئله یی بو شکله صوقان انگلیز متفکرین معاصرینی مادیوندن دکل ایدیلر؛ حتی بو فلسفه نک بطلاننه قانع ایدیلر، زیرا شعور و عقل و ارادتک حرکت منجر اوله بیلمه سنه قطعاً احتمال ویرمه میورلر؛ و بونی تحقیقه امکان بولونه جفته اینه میورلردی. بناء علیه ماتریالیزمک اساس ادعاسنی شدله رد ایدیورلردی.

او حالده، مادام که بر طرفدن وجدانک بداهتنی انکار ایده میورلر؛ اونک حرکتله تعریفده امکان کوره میوب، بوسوتون باشقه بر نوع حادثه اولماسنی قبول ایدیورلردی، و مادام که عینی زمانده میخانیکیت نظریه سنی ده

استصحاب و تسلیم ایدیورلردی، اکثر افعالزله مترافق بولونان بو شعورك موقعی، لزومنی، فائده سنی، وظیفه و ماهیتی هر حالده بر وجهه تعریف و تعیین اتمک لازمکلیور، و بموجبریت اونلره توجه ایدیوردی. بونک ایچون بریکی تمیر اصطلاحی ایجاد ایندیلر: اوکا (على الحادنه épiphénomène) دیدیلر. شو تقدیرجه شعور، مادیونک ظن ایندیکی کیبی فعالیت دماغیه نك (اثر effet) ی دکلدر. بناءً علیه برحادثه دماغیه دکلدر. میخانیکیت عصبیه ایله دائماً مترافق اولان برجلوه مستقله در. فعالیت دماغیه هیچ بر وجهه تأثیری اولمادینی کیبی، هیچ بر صورته دخی اوندن متأثر دکلدر.

بسیقولوژی کتابنده بو بحثی ایضاح ایدرکن (ویلیام جیمس Wil. James) ک دیدیکی کیبی: [بونظریه بی تمامیه احاطه ایده بیلیمک ایچون، بعضی مثاللره تطبیق ایتلی در. فرضاً: قونوشورکن دیلیمزک حرکاتی، کوزلرمزک قییلدنامسی، کوز قبالرینک آچیلوب قابانماسی، — شبه یوقدرکه — فیزیو- لوزیق بر طاقم حرکات نوغندندر؛ بو حیثیله اونلرک اسباب مقدمه سی منحصرأ میخانیکیتی اولمق لازمکلیر. بز، مثلاً (شکسپیر Shakespeare) ک جمله عصبیه سنی و بوتون (شرائط محیطیه conditions environnantes) سنی بیلسه ایدک، بوشاعرک — معین بردوره حیاتنده — نیچون الی حرکت کله رک برقاچ طبقه کاغد اوزرینه، او قاره قاره اکری بوکری اشارتلی چیزدیکنی، یعنی (هاملت Hamlet) نامند. کی اثرینی یازدیغنی کوسترمکه موفق و مقتدر اوله بیله جکدک. او اثرده کوردوکز هر بر چیزکی نك، هر بر حکمت الحاصل هر درلو تعدیلاتک سبب معقولی آکلایه بیله جکدک؛ و شکسپیرک روحنده طوغان افکارک وجودینی قبول و تسایمه ذره قدر حاجت کورمیه رک بوتون او اشارت مرقومه نك سببی آکلایه بیله جکدک. (منساقیت نظریه سی) ینسه عینی صورته ادعا ایدیورکه (مارتن لوتر Martin Luther) دنیلن و قیمت جسمانیه سی اعتباریه، تقریباً یوزکیلو (شبه زلالی albuminoïde) بر ماده دن عبارت بولونان ذاتک ترجمه حالی — کافه تفرطایله — یازده- بیلیردک و اونک (حساس sensible) اولدوغنی، نظر دقنه آلفه قطعاً حاجت کورمیه رک بوکا موفق اولوردق.]

یعنی دماغ دیدیکمز او حیرتبخش ماکنه‌نک بالجمله تفرعاتی، بوتون چرخلرینی، ویدالرینی، طرز فعالیت و حرکتی بیلسه ایدک، هر هانکی بر آدمک بوتون عمریجه دوام ایدن حرکتی یعنی ترجمه‌حالی — دماغنک میخانیکیت فیزیولوژیسه‌نه نظراً — یازمه‌بیلردک؛ او آدمک حساس و متفکر اولوب اولماماسنی ده قطعاً اهاال ایدمه‌بیلردک؛ دیمک ایستیور.

حالبوکه، انسان دیدیکمز بو کتله شیه زلالیه، عینی زمانده (حس و ارادت و عقل) صاحبی در. بو او درجه بدیهی درکه ذره قدر شبهه‌کوتورمز. دیمک که بو حادثات مغنویه دخی باشلی باشنه بر سلسله تشکیل ایدیور. بونک صورت حصولی منساقیت نظریه‌سی ناصل تعریف ایدمه‌بیلرک؟! حادثات فیزیولوژی‌دن معدود اولان (میخانیکیت دماغیه) ایله حادثات روحیه‌دن معدود اولان (فعالیت مشعوره) بویله ایکی سلسله مستقله تشکیل ایدنجه بونلرک یکدیگر لرلیله علاقه‌سی نه اوله‌بیلیر؟! آره لرنده نوعاً بر علاقه وارمی؟! تأثیرات متقابل وارمی؟! یوقی؟! ایشه منساقیت نظریه‌سنک تولید ایتدیکی اک مهم سوال بودر؛ و بو سواله قارشلی بو نظریه سلباً جواب ویریور: (هیچ بر مناسبت یوقدر!) دییور. او حالده (حالات وجدانیه) دیدیکمز سلسله وقوعات نهدر؟! و زره‌دن حاصل اولویور؟! و نیچون دماغنک حادثات میخانیکیه‌سی ایله بویله (موازاناً = parallèlement) پیدا اولوب کیدیور؟

بوسوالرله منساقیون، معقول بر جواب تدارک ایتک مجبوریتندن قورتوله‌ماز. خصوصاً (طبع سلیم) و تجارب انسانیه منافی و مغایرکن بو ادعای لایقيله تحکیم و تنویر ایدمه‌بیلرک ایچون معقول بر جواب لزومی محققدر.

بو مسائل علمیه‌دن خبردار اولمالار، ذهنلرینی فلسفه‌نک شوغامض بوللرینه سوق ایدمه‌یه‌جکلری ایچون (bon sens حاسه سلیمه) لرینه اعتماداً، ظن ایدرلرکه هر هانکی بر وسیله ایله پیدا اولان بر (فکر idée) و یا بر (حس sentiment) سائق ارادات اولویورده، انسان اوکا کوره حرکت ایدیور.

فرضا، برآلیش ویریشده بولونویورسکیز. آلدیفکیز شیلری وحساب  
 بوصله سنی کورونجه هروجهله الدامش اولدوغکزه دأر بر (فکر) حاصل  
 ایدیورسکیز: (تپکیز آنیور!)؛ یعنی او فکر سزده برده (حس حدت)  
 ایقاع ایدیور. [واردیم شوم خره حریفک حدینی بیلدیریم!] ده یوب  
 هان سوقاغه فیلیورسکیز؛ یعنی او حس ارادتکیزی تحریک ایدیور.  
 بونک عکسیده طوغرو کورونویور: جمله عصیه کزک ضعفه و یا  
 قدرتنه، وجود کزک راحتسزلفنه و یا صحتنه کوره دنیایی براز باشقه  
 کورویورسکیز. کنجکلک سزده ریشه لورین آمالکزه سن وقوفکزه  
 حاصل اولان امالریکزه بکزه میور. دور شباکزه بوتون معنای شعرینی  
 ویرن طاشقینقلریکزی، سزه نقل ایتسه لر، کال سکون ایله دیکله دکن  
 سوکره: [چو جوقلق!..] ده یوب کچویریورسکیز. [قارنکیز آج ایکن  
 بدین، طوق ایکن نیکین] اولویورسکیز. بو احوالک جمله سی تبدلات  
 جسمانیه کز ایله تحولات معنویه کز آره سنده صیقی و صیمی برعلاقه - هم بر  
 (رابطه سیبیت rapport de causalité) - اولدوغنی اثبات ایدریکی  
 کورونویور. حیات جسمانیه و روحیه می هب بردن برماکنه ک حرکت  
 و فعالیتنه بکرتسه کز بیله ادعا ایده مزسکیز که ماکنه ک فعالیت، بخارک  
 تکائی، توتری و تضییقی کبی حادثات ایله علاقه دار بولونماسین و بوتون  
 بو فعالیتده حرارتک دخل و تأثیری اولماسین...  
 حیات اجتماعیه ایچوند ده بو ملاحظه عیناً وارددر: (اوگوست قونت  
 Auguste Comte)، [امور دنیویه نی اداره ایدن افکاردر!] دیور.  
 (هربرت سبنسر H. Spencer) [حسباًتدر!] دیور. هر حالده بو بویوک  
 فیلسوفلرک هر ایکسی ده، بوتون انسانلرک، بو خصوصده کی ظلمینی  
 - بروجله - تصدیق و تأیید ایدرک تبدلات جسمانیه مزله تحولات معنویه مز  
 آره سنده بر رابطه سیبیت بولندوغنی تسلیم ایدیورلر. (منساقیت نظریه سی)  
 - همزمان اوله رق وقوعه کلن - بویکی سلسله حادثاتی بر بردن تماماً آیریور.  
 اوت!.. بوسوتون آیریور!.. (حادثات روحیه phén. psychiques)  
 بی، صرف میخانیکی اولان (حادثات غیرییه phén. physiologiques)

نك (كولكه) سى كېيى بر شى عد ايدىيور . فعاليت دماغيه اوزرينه (منضم و زائد surplus) بر (جلوه manifestation) يعنى (حادثه اوزرينه حادثه) كېيى تلقى ايدىيور كه ذاتاً لسان يونانى ده (ئە پى — فەنومەن = épi-phé- nomène) بو ديمكدر .

بو نظريه يى دقتله بسيط و تنقيد ايدن (ويليام جيمس Vil. James) — يوقاريدە نقل ايتديكم سوزلرينه دوام ايدرك — بىرايى كوزل مثال ايله بو نقطه لرى ايضاح ايلور :

[ فقط (لوتر) ايله (شكسپير) ك تاريخ مضويترخى ده عىنى صورته مكممل اوله رق ترتيب و تعقيب ايدە بيليرز؛ ايله كه هر برلمه فكر و حسك او سلسله حادثاتده موقع مخصوصنى تعيين ايتك ممكن اولور. هر انسانك (تاريخ جسمانيى = body-history) ايله (تاريخ مضويى = mind-history) يان يانه — يعنى موازاتاً — كيدە بيلير؛ و برينك هر بر نقطه سى، ديكرينك هر بر نقطه سىنه تقابل ايدر؛ لكن بو نقاط متقابله نك يكدىكرى اوزرينه هيچ بروجهله تاثيرى يوقدر. نته كيم نغمات، ارغونك تللى ايله طالعنه لانير، فقط او تللك اهترا — ذاتى نه تعجيل ايدە بيلير، نه ده تعطيل ايدە بيلير. فاصل كه يورومكده اولان بر كيمسه نك كولكه سى ده كنديسيله برابر يورور؛ لكن هيچ بروجهله آديملرينه تاثير ايدە مز . ]

(جيمس) ك بو ايضاحانى و معنادار مثاللى (منساقيت نظريه سى) حقنده صريح بر فكر و يردكدن ماعدا بو نظريه نك فاصل — بالضروره — (موازات paralleélisme) فلسفه سىنه پيوسته اولدوغنى ده كوسترييور . [ بو تعبيره بايكيكز. موازات فلسفه سى حقنده مناقشات واردر ! ]

(منساقيت) طرفدارلىرى، — بر مجبوريت منطقيه ايله — ادعا ايدىيورلر كه انسانده (حادثات فيزيولوژيه) ايله (حادثات پسيقولوژيه) عىنى زمانده موازاتاً حاصل اولويور. بونلك برنجيسى مادى بر طاقم ذراتك متصل بر سلسله تحولاتى در. ايكنجيسى ده — بوسوتون باشقه ماهيته در سلسله متصليه تشكيل ايدر. بونلر هيچ بروجهله يكدىكربنه بكمزه ديكى كېيى، يكدىكربيه علاقه دار

ده دکلدرلر . بو ادادده بولونانلرک تعیر مخصوصنجه موازاتاً جلوه نمون اولان بو ایکی سلسله حادثاتدن هر بری باشلی باشنه بر (جریان مسدود circuit fermé) تشکیل ایدر . بونلر یکدیگرندن بوسبوتون آیری غیری شیردر .

دیمک که (فیزیولوژی) علمی ایله (پسیقولوژی) نك هیچ بر مناسیبی اولماق لازمکیر؛ هله بونک ایکیمسی تألیف ایدوده علم روحی (دماغک فیزیولوژیسی = physiologie du cerveau) اوله رق تاقی ایدن (پسیقو- فیزیولوژی = psycho-physiologie) علمی بوسبوتون اصلسر و سفسطی (sophistique) بر مبحث اولمق لازم که چک !.. چونکه بر (قیاس مع الارق fausse comparaison) خطاسندن تولد ایتشدرد . بر برینه هیچ بکنزه مین ایکی جنس حادثاتی یانکز یکدیگرینه قیاساً تتبع ایتمکه قالمیور؛ اولنری بر طوتویور؛ عینی جنسدن عد ایدیور !

واقعا بو دوشونوش فنا دکل؛ یا کلش ده کورونمیور؛ چونکه کائنات ماده ده علی الاطلاق حکمی تحقق و تأیید ایدن (علم ماکنه la science mécanique) برنسیپلرینک موجودات عضویه ته تمامی تطبیقندن طوغمشدر . فقط ، (موازات نظریه سی) کیی بر چیقماز سواقغه - بالمجبوریه - کیرمه سیدی، چوق اینی اوله جق و حادثات معنویه و حیاتیه بی اک معقول بر وجهله تعریفده اثبات قابلیت ایتش بولونه جقدی . حالبوکه تجلیات غریزه و حیاتیه بی، تجلیات روحیه و معنویه دن بوسبوتون آیریویور . عینی زمانده بردن وقوعه کلن بواکی درلو حادثاتک تأثیرات مقابله سنی ده انکار ایدیور؛ و بو ادعا - یوقاریده بر مثال ایله کوستردیکم کیی - اک بدیهی تجربه لر مزه بیله قارشی کلیور .

انسان، شکسیرک (هاملت) نی اوقورکن درلو درلو هیجانلر کچیریور . کذلک اینی بر تلغراف آلیور؛ سوینجندن چیلدیریور؛ قابضه صیغامیور . منحوس بر تلغراف آلیور؛ صاچلرینی بولویور؛ عادتاً دلی اولویور . بونه در؟.. بر اشارتک بر فکر او یاند بر مه سی، بر فکرک جهله عصیه به تأثیری دکلی در؟.. اکر معنویاتک غریزات ایله علاقه سی، تأثیرات متقابله سی اولماسهیدی، بویه بر کاغد پارچه سی اوزرنده کی اشارات، انسانده افکار ایقاع ایده بیلیرمی

ایدی؟ .. او افکار، حسیاتی طالعاندیره بیلیرمی ایدی؟... صوکره او (هیجان émotion)، ارادی تحریک ایده بیلیرمی ایدی؟... ایشته بو کیی نا معدود حادثات، عادیه، بو نظریه یه قارشى طور و یور . او حالده میخانیکیت دماغیه نك (اثر effet) ی و (مؤثر cause) ی اولمایان، فقط اونك گولککسی کیی یانندن آیرلایان، حادثات مشعوره نه در؟. و اونلرک لزومی نه در؟...

شو نقطه ده توجه ایدن بو ایکی سؤالک برنجیسنه متوفی (پروف-سور هکسلی Prof. Huxley) شو جوانی ویریور :

[افکار وحسیات و ارادات، بزم وجود مزده منساقی اوله رق و قوعبولان تبدلات و حرکاتک (شرائط ذهنیه mental conditions) سی یعنی (ساده جه شعور شکلنده اشاراتی simply symbols in consciousness) در . اک ای بر مثال اولق اوزره (ارادت volition) دیدیکمز حسی نظر دفته آله م: بو طویفو، بر (فعل ارادی voluntary act) نك سببی دکل، اوفلک سبب حقیقی سی اولان (حالت دماغیه state of brain) نك انجق اشارتی (تمثال symbol) ی در.] دیور .

آکلاشیلور: بو مشهور عالمک ادعاسنجه، بزده حاصل اولان (حس ارادت) افعال و حرکات ارادیه مزک سببی دکلدر. افعالمز دماغمزک میخانیکیتی نتیجه سی در. شو قدر وارکه، طبیعت عینی زمانده او حرکات میخانیکیه نك چین وقوعنده برده (اشارت) ویریور. ایشته (شعور) بودر. بویه اولونجه صحیحاً سبیت علاقسی دوشونوله مز .

عینی فلسفه یی ترویج ایدنلردن (شه دووٹ هوغسن Shadworth Hodgson) بو ادعاده صوکه درجه یه واریور .

[حالات شعور states of consciousness) حرکات ماده یه سبب اولمادی کیی یکدیگری نك ده سببی دکلدرلر. یعنی سائر حالات روحیه یی دخی ایقاع ایده مزلر. حادثات مشعوره و معنویه، احوال عصیه نك-طبیعتلری اقتضاسندن اوله رق- (ترکبات و توالی combinations and sequences) سی نتیجه سی در.] دیه اصرار ایدیور. یعنی ارادت، بر فعل ارادینک سببی



اولمادینی کی حس و فکر کی سائر حادثات وجدانیہ بیلہ وجود ویرہ من۔  
 فعالیت دماغیہ نك تولید ابتدی حالات عصیہ ایلہ برلکده پیدا اولور  
 وحالات مذکورہ نك تبدلاته مرازی تحولات عرض ایدر۔ دیمك ایستیور۔  
 اویله ایسه، مغویات صنفنده داخل اولان بوتون حادثات روحیه نك  
 لزومی نه در؟.. طبیعت بونلری عبث اوله رقی ایقاع ایدیور؟..

بوسؤال، تکامل فلسفه سی اربابنك (منساقیت نظریه سی) علیهنه تعریضاتی  
 تلخیص ایدیور۔ چونكه او فیلسوفلر، سلسله عضویتك طبقات سافله سنده  
 کوروله مین (حس و فکر و ارادت) کی تجلیات مغویه بی تکامل نتیجه سی  
 عد ایدیورلر و بونك اوزون مدت دوام ایدن بر مجاهده حیات سایه سنده  
 (بالاصطفا par selection) حاصل اوله بیلشم قابلیات مفیده دن بولوندوغنی  
 تسلیم ده مجبورت کورویورلر۔ ضروریدرکه عبث اولماسنی قبول ایدر منلر۔  
 (évolution کله سنه باقیکنز!)

زماننك مقتدر و معروف بسیقو لو غلرندن (Sully سه لاه)، بونظریه بی  
 برباشقه نقطه نظر دن تنقید ایدیور و اساساً متناقض بولویور۔ بوعالمك معیار  
 انتقاد اتخاذ ابتدکی (مبدأ principe)، (تکامل عقیده سی la doctrine  
 de l'évolution) دکلدر۔ اک عمومی اولان مبدأ میخانیکی در۔ (تحولات  
 قدرت transformations de l'énergie) نامیه عمومأ مسلم اولان  
 حقیقت، ذاتاً و منحصرأ میخانیکی اولق ادعا سنده بولونان – منساقیت  
 نظریه سیله اویه شه مازسه، بطلانته باشقه دلیل آرامغه حاجت یوقدر۔ ایشته بو  
 مبدأ دن حرکت ایدن و مسئله یه ینه میخانیکی بر نقطه نظر دن باقان (Sully)  
 بعضی اهمیتلی ملاحظه لرده بولونویورکه بن اولنری شو برقاج سطرلق عبارده  
 تلخیص ایتدم:

(منساقیت نظریه سی، بزلری – اساساً و ماهیتاً – عصی ماکنه لر دن  
 عبارت عد ایدیور۔ شعوری و بو تعبیرك شامل اولدوغنی بالجله حادثات  
 وجدانیه بی ده او ماکنه نك فعالیتته – هر ناصل ایسه – انضمام ایدن بر لزوم سز  
 لاحقه، بر (ذیل) کی تلقی ایدیور۔ حالبوکه حادثات انفسیه دبديکنز  
 سلسله وقوعات، هر حانده بر (اثر)، بر نتیجه در؛ بر (مسبب effet) در۔

بونک برسبی اولقی لازمکلیر . او نظریه بوسیه هیچ بر قیمت ویرمبور . دماغ ، (غیریزی بر صورتده physiologiquement) حرکت ایدرکن ، شعور پیدا اولوویریور و دماغ حرکت میخانیکه-نه رفاقت ایدیور ؛ دیور . شو دعوایه نظراً حالات وجدانیه و حادثات انفسیه-نه فضولی و بیوده اوله-زق - هیچ یوقدن - ظهوره کلیورمش اولماسنی قبول ایتک ایجاب ایده جکدرکه ، بو ادعا علمک اصول و احکامنی انکاره وایر . دیمک که حادثات روحیه عبث دکدر و سببیزده حاصل اولوویرمه-نه عقل ایرمز . اویله ایسه شعور ، یا (قدرت غیریزی énergie physiologique) نک (فضله surplusage) سی در ، واونک تحوئلندن حاصل اولمش بولونمق لازمکلیر ، یاخود او قدر نک بر قسمنی (بلع absorber) ایتک صورتیه حصولی تعریف اولونه یلیر . [ دیمک ایستیور .

بو ملاحظه ، طبقی بر (دینامو Dynamo) ماکنه-سنک حرکتندن نه لکتیریکی ضیا سنک صورت حصولنی تعریف ایدیشه بکزد . بو ماکنه نک حرکتیه-له وقوعه کلن (مقدار عمل quantité de travail) ک بر قسمی ناصل ضیای نه لکتیریکی به تحوئل ایدیورسه ، طبقی اونک کیچی دماغ - دینامولرک الک خارق العاده-سی اولان بو عصبی ماکنه نک - فعالیتیه تظاهر ایدن قوتک بر قسمی تحوئل ایدرک شعور شکلنده تجلی ایدیور ، دیمک ایجاب ایدر . فقط بو درلو تعریف و بو اسلوب اوزره دوشونوش ، (فیزیولوژی) ده تطبیق ایتدی کمز اصولی بوسیقولوژی به دخی تشمیل ایتمکدر . یعنی ماتریا- لیستجه-نه بردوشونوشدر . (منساقیون les automatistes) ، میخانیکیت مبدائی اساس اتخاذ ایتکله برابر - حادثات انفسیه-نی - بواسلوبه کوره تعریفده صوک درجه به قدر واره میورلر . واره بیله ایدلر ، فلسفه مادیه نک بومسته ده ویردیکی حکمی - بالضروره - قبول و تسلیم یتمکده مجبور بولونه جقلردی . حالبوکه (ماده) اعتقادینی - بوفلسوفلر - شدله رد ایدیورلر . فقط بوتورلو افکار فلسفیه نک عقائد دینه ایله (غیر قابل تألیف incompatible) اولدوغنی ملاحظه ایدرک چکیند کلرندن دکل ، حادثات میخانیکیه ایله حالات انفسیه-نی - اساساً و ماهیتاً - غیر قابل تألیف کوردکلرندن بو وجهله طاورانیورلر .

و اونك ايچون بويله بر كرىوه مزعجه يه دوشو يورلر . حالبوكه بو مسئله ده ماديونك اعتقادي قبول ايتمه دكلرنده حقل درلر . چونكه حقيقتاً بو ايكي نوع حادثات آرمه سنده اويله بر اوچوروم واردركه پك دريندر . هيچ بر وجه مشابته، هيچ بر مناسبت بولونه مازكه و بوشلق اولا ايديله بيلسين!... (لذت و الم plaisir et peine) ديديكمز حسيات - پروفسسور هكسلي نك پك محق اولان ادماسته كوره - ذرات دماغيه نك حركات اهتزازيه نه عطف ايدلسه، وحتي بوده بالتجربه تحق ايتسه بيله، ينه مسئله حل ايدلش اولماز . چونكه: نهدن ذرات دماغيه نك بر نوع حركتني، بزه، (ذوق) صورتنده حس ايديوورز؟.. نيچون عيني ذراتك ديكر بر نوع حركتي (الم) شكلنده طويو- يورز؟.. ايشته بوراسني آكلامق ينه ممكن اولماز . حالبوكه بو مسئله ده اصل حلي مطلوب اولان معما بودر . [ subjectif گله سنده تفصيلاته بايكيكز ! ]

كذلك، بز پك اعلا بيليوورزكه هوانك شودرجه اهتزازي بزجه معين بر صدا صورتنده محسوس اولويور . مختلف رنگر دخي هر وجهله معين اهتزازات اثيريه نك بزده بر نوع فسون تأثيري در . بوده محقق اوله رق - معلومزدر . لكن هوانك تيترمه ميسي باشقه شي، او تيتريشك صدا اوله رق حس اولونماسي ده بوسبوتون باشقه برشي!... رنگ و ضياده بويله!... بري خارجي و آفاقي بر حادثه، ايكنجيسي آنجق بزده واقع و بزمله قائم بر حس!... اولسه اولسه [ بو ايكي نوع حادثه آرمه سنده بر (معادلت equivalence) وحتي بر رابطه سديت واردر! ] ده نيله بيلير . فقط [ بري ديكريته بكنزه ر؛ ياخود بري اوتنه كيك شكل ديكريدر؛ ] ده يه بيلمك ايچون هيچ بر حق، هيچ بر صلاحيت، هيچ بر يول يوقدر .

ايشته منساقون بويله دوشوندككري ايچون بو نقطه ده توقف ايديوورلر و ماديونك وارديني يرلره قدر سوق فكر ايدميورلر . اونك ايچون دركه ايكي يول آغزنده يعنى (ثنائي dualisme) حدودنده طور و يورلر . ذاتاً بو حدي ده قارت تعين ايتش و كنديسي ده ايلري كچه مشدي . اساساً (روح) و (ماده) ناميله ايكي (جوهر substance) قبول ايديوور . فقط بونلرك بكديكريته

(قابل ارجاع réductible) اوله بيله جگنه قطعاً اينانه ميوردی. [substane] کله سنده تفصيلاته بايکيز !]

لکن فلسفه ده انسان ايسته ديکي یرده طورده ماز. چونکه فلسفه سوفی دوشوندورن مسئله لر کیفی اوله رق ابداع ایديله بیلیر شیلر دکدر ؛ اونک ایچون جریان تفکرک تعقیب ایتدیکی وادیده دوام حرکتی دخی ضروریدر. بناءً علیه بویه ایکی مبدأ قبول ایدوبده طورونجه (روح ایله جسم corps et âme) ک مناسبت متقابله سنی - همه حال - تعریف ایتک لازمکیر. زیرا هر ایکسینه منسوب اولان سلسله حادثاتک عینی زمانده مطرداً و موازاتاً وقوعه کلدیکی بدیهی، و بالجملة مذاهب عندنده مسلم در. هر تعریف، بوکی امور بدیهی آز چوق نظر دفته آلالیدر.

ایشته بومناسبتی (علمی بر صورتده d'une façon scientifique) تعریف ایدمه دیکی ایچوندركه (لایبنیچ Leibnitz) کی برداهي متفکر، مسئله یی (علم الہی théodicée) ساحه سنه نقل ایدمک (آهنک ازلی harmonie préétablie) فرضیه سنی ایجاد ایتش و قدرت خالقهنک روح ایله جسمی - ازلدن بری - هم آهنک یارآتش اولدوغنه قناعت کتیرمشدی.

[بو فرضیه ایچون préétablie کله سنه بايکيز !]

ثنائیه حدودنده قالماق و تعریفی نتیجه سز بر اقامق ایچون بر باشقه نظریه ده ا ایجاد اولونمشد. بو یکی نظریه، حادثات غریزه ایله حادثات روحیه یی یکدیگرینه موازی ایکی سلسله تجلیات عد ایدر. بوکا (موازات نظریه سی théorie du parallélisme) دیرلر و بو شکلی ایله (منساقیت) نظریه سندن فرقی یوقدر؛ یالکز بو ایکی سلسله شئوناتی عینی جوهر اصلی نک اثر فاعلیتی اولمق اوزره تلقی ایدرکه اوتہ کندن اساساً فرقی ده بودر. بوکا، [ایکی یوزلی نظریه théorie à double faces] دخی دیرلر. منساقیوندن ظن اولونان (کلیفورد Clifford) بو نظریه نک مشهور ممثل در.

بو ایضاحات کوستریوردک، تعریف وقوعاته (اصول علمی méth. scientif.) یه اتباع ضرورتیه قوانین میخانیکیه نک فیزولوژی یه تطبیق،

صوکرده بسیقولوزیه تشمیلی، ذهنی، منساقیت نظریه‌سنه - بالجبوریه - سوق ایتیش دره. فقط حادثات انفسیه‌نک - ماهیتاً - حادثات میخانیکیه ارجاع اولونه ماماسی، موازات نظریه‌سنی تولید ایتیش، اوندن ده برچوق مسئله‌لر ظهوره کیشدر. (فعالیت مشعوره *activité consciente*) ایله (فعالیت غیر مشعوره *act. incons.*) مسئله‌سی بونلرک اک مهملرندن بریدر؛ و (هیجان *émotion*)، (الهام *inspiration*)، (دها *le génie*) مسئله‌لریله علاقه‌داردر.

[بو بحثلرک تفصیلی *inconscient* تعیرینه عائد ایضاحاتده مندرجدر. دیگر کلمه‌لرده آریجه باقیکز!]

شایان دقتدرکه منساقیت نظریه‌سی یالکیز (ارادت غیر مقیده *volonté indéterminée*) اعتقادیه اوپوشه‌میور. فقط (نسبی *relatif*) بر ارادت اعتقادینه مانع کورونومیور. هله شعورک وجود و عدمندن هیچ متأثر اولومیور. شو تقدیرجه انسان ذی شعور اولمقله برابر، ینه اونی قورولمش برماکنه کیی تلقی ایتمک ممکن اوله‌بیله جکدر. زیر شعورک فعالیت میخانیکیه - هیچ برجهله - تأثیری اولمادینی ادعا ایدیور. بو نظریه‌ده اک مهم نقطه بوراسی در. حالبوکه اوتهدنبری معتبراولان فکره کوره [شعور، ارادتک لارمی و افعال و حرکات بشریه‌نک ناظمی] عد اولونویوردی. منساقیون اصل بونی رد ایتیش اولویور، یعنی شعورک بالذات وجودینی دکل، فعالیت دماغیه‌ده، حتی فعالیت مشعوره‌ده بیله تأثیر و مداخله‌سنی انکار ایدیور. اونی آنجق فعالیت واقعه‌نک بر اشارتی کیی تلقی ایدیور.

بسیقولوزیه‌ده (فعل منساقی *action automatique*) تعیری ده واردر. (دوامی *constant*) یاخود (متکرر و متقطع *répété et intermittent*) برصورتده تأثیرایدن (منهات *stimuli*) ک موجب اولدوغی افعال منعکسه بو قیلندرکه بو تورلو افعال، (دقت *attention*) ک نفوذندن - آز جوق - آزاده اوله‌رق وقوعه کلیر. [تعییرنده تفصیلاته باقیکز!] (هارتلی *Hartley*) حرکات منساقیه‌نی ایکی صنفه آیرمشدی. (ابتدائی *primaire*) دیدیکی صنفده (ولادی *congénital*) اولان بالجله افعال

منعکسه داخلدر. ایکنجی صنف (اعتیادی habituel) اولان حرکات و افعالی شاملدرکه اولنری اولا دقتله یا بجه باشلامش اولدوغمز حالده صوکره صوکره برملکه راسخه حاصل اولدوغی ایچون بلا دقت و بلا شعور اجرا ایده طوروروز. ایشته (تالی secondaire) دیدیکی ده بو طاقم حرکاتدر.

(Waller وولر) فعل منعکس ایله (وتیره منساقیه processus automatique) آره سنده فرق کوروپور. (فعل منعکس بر متبه مستقل ایقاع ایتدیکی عکس تأیتردر. بناء علیه دواملی وسورکلی اوله ماز. اولسه بیله متقطع در. حالبوکه افعال منساقیه (مسلسل متصل بر سوری منبهاک serial stimuli) سلسله وی نتیجه لریدر. [دیپور. یعنی متقطع دکلدرد؛ دیمک ایستبور.

(سیری المنام somnambulisme) دیه معروف اولان حالت عصبیه انجق نظریه منساقیه سایه سنده - معقول بر وجهله - تعریف اولونه بیلیور. بناء علیه بو نظریه به حق ویریور.

[تفصیلات ایچون بوکله یه و sommeil provoqué تعیرینه باقکنز!]  
اساساً (somnambulisme) ایله علاقه دار کورونن دیگر بر حادثه غریبه ده وارددرکه منساقیت حرکتک یک صریح بر مثالی عد ایدیلیور : بعضی آدمیر - حتی هیچ یازمق او قومق بیامهین آدمیر بیله - عادتاً برماکنه مثلاً بر (عمل نویس ergographe) کی، کاغد اوزرینه برشیلر قاره یورلر. مسلسل متصل کیدن بو اشارت غریبه ده دقتله باقلیرسه - کوچ بلا - اوقونه بیلیور یعنی اوندن ای کوتی بر معنا دخی استخراج ایدیه بیلیور. ایشته (خط منساقی écriture automatique) (automatishes schreiben)، (automatic writing)، (scrittura automatica) ده نیسلن یازی بودر. اکثریا فالجیلر، ونیته باقائلر، بوندن استفاده ایدوب غییدن خبرویرمک ادعاسنده بولونویورلر.

بو حالت عجیبه یی، پسقو لوزی علماسی یک (معضل complexe) بر طاقم اختلالات دماغیه عطف ایله تعریف ایتک ایستبورلر و اختلالات مذکورنه ک (تشریحی automatique) اولمایوب یالکنز (وظیفوی fonctionnelle)

اولدوغنه قانعدرلر. (ایستهری = hystérie) ده نیان مرض عصبییه مبتلا اولانلرده بوحالت مشاهده اولونویور و او ائنده یازی یازان عضوک اکثریا عاقل الحس بولوندوغی و الم طویمادیغی ده شایان دقت برکیفیت تشکیل ایدیور. مع مافیه تام الصحه بعضی آدملرده نخی بوقابلیت مشاهده اولونمشد. بویله برآدمک انه بر قلم ویریلیرسه عادتاً کندیکندینه حرکت ایدیورمش کیچی قلم یورویوب کیدیور و کاغد اوزرینه مسلسل متصل بر سوری قارا-لامه لر یازیور؛ هم دوشونمده دن، طورمه دن کال سرعتله یازیور. بونوع خطوطک مناسقتی، شکندن آکلاشیلدیغی کیچی، دقتله و دوشونمکله قطعاً علاقه دار بولونماسیله ده ثابت اولویور. حتی بالعکس بویله بر آدم یازی یازارکن، اونکله بحثه کیریشیلیر و یا خود ذهنی بوسبوتون باشقه برشيله اشغال ایدیایرسه (تحریر مناسقی) ده زیاده سرعت و موفقیته اولویور.

(دقت) کلمه سنده بوکا ظاهرأ بکنز قابلیتلردن مثال کتیرلمشدر. بونک اولره بکنزه مه مه سی، هیچ دقتله مناسبتی اولمایوب ماکنه کیچی بر حرکتک اثری اولماسنده در. [attention کلمه سنه باقیکنز!]

بوغریبه نك بر باشقه شکلی ده وارکه (somnambulisme) ایله علاقه دار کورونوره. بلکه ده او جنددن برشی در: بعضی آدمله، کیجه اویقودن اویانوب برشی، فرضاً بر مکتوب یازیورلر؛ تکرار یاتیورلر. صبا حلین قالمیوبده او مکتوبی ماصه اوزرنده کورونججه حیرت ایدیورلر. ناصا، اولوبده بویله بر کاغد یازدقلرینی بر تورلو خاطر لابه میورلر. دیمک که بلا شعور وارادت یازمشلردر.

روایت اولونور که داهی شاعرلردن (طورقا طو طاو Torquato Tasso)، بعضاً کیجه اویقوسندن اویانیر؛ اوزون بر منظومه غرأ یازار؛ صوکره تکرار اویورمن؛ و ایرته سی کون او منظومه یی حیرته اوقور و آنجق یازبندن آکلارمش که اثر کندیسنکدر.

بونده سیر فی المنام ایله علاقه دار برشی وار. [somnambulisme کلمه سنه باقیکنز!]

## Automnésie

بو تعبیر ایکی کلمه یونانیه دن مرکبدر. لغت معنای: (کنندینی اونو تمق) دیمکدر. اصطلاح معناسی ده اودر. فقط، بز، لسانزده بو تعبیری اوپله بر موقعده قوللانیرز که، او ادای افاده ده زیاذه ادبی در؛ چونکه کنایه و مبالغه بی متضمن بر معنا اشرا بایدر: [حدتله کندینی اونو تدی!]. دیدیکمز زمان اوپله بر اسلوب مجازی ایله بیان فکر ایتمش اولورز. فلسفه ده مراد اولونان معنا بو دکلدرد. بر انسانک کندی (انائینی le moi) ادراک ایدمه مه سی در. بو غریب حالته انسان - بعضی سبیلرله - دوچار اوله بیلور، و او حالده کندیسنگ کیم اولدوغنی اونو ته بیلور. هم بو نوع اونو تقا انک درجانی و فرقلری بیله واردر. مشهور فیلسوف سبسرک والده سی خیلی اختیار اولونجه کندیسنی تماماً اونو تمش و اطرافده طولاشان خویشانی ده طایفه منر اولمشدی. بناء علیه ذوق و الم طویغولرندن، فکر و تصور قابلیتدن تماماً محروم اوله رق خیلی بر مدت اوپله نبات کبی یاشامشدی. بو حالت، عظیم و کلی بر (وهن demence) نتیجه سیدر. فقط بعضاً قونوشمه، آرز چوق دوشونمکه قابلیتله برابر انسان کندیسنگ کیم اولدوغنی اونو ته بیلور. باشنی شدتله بر یرم چاربان کیمسهر بو حالت حیرانی به کرفتار اولدوغنی کبی، خارجی بر سبیه معطوف اولمایه رق دخی عینی حاکم بردنبره وقوعی کورولمشدر. روایت اولونور که مشهور فیلسوف (بدین pessimiste) (شونپا ثور)، بر موزه نی زیارت ایدرکن زیاده سیله طالمش و کندی کندینه جهر آسویلنمکه باشلامش. اطرافده بولونان قادیئر، بو غریب آدمک بر (مهور دیوانه) اولماسی احتمالتدن اندیشه ایدرک کیفیتی پولیسه اخبار ایتشلر. پولیس فیلسوفی کوروبده - علی الاصول - بردنبره: (افندی سز کیمسکز؟! دیه صور ونجه، بویله وهله طایغیلغندن ایقاظ اولونان شونپا ثور، کندینی طویلا یه مامش و کیم اولدوغنی بوسبوتون اونو ته رق، پولیسه خطاباً: (بنم کیم اولدوغنی بکا اخبار و اخطار ایدرک نه ویمی ده کوستریرسه کز، سزه چوق منتدار اولورم!) دیمش!.. بالطبع بوجوانی تلقی ایدن پولیس، فیلسوفک قولندن طوته رق طوغری مرکز کورتورمش و دیوانه اولدوغنه دائر بر ده راپور



ترتیب ایش. برکت ویرسین که تحقیقات، بو قوجه آدمک کیم اولدوغنی میدانہ  
چیقارمیش و — ظن ایدرم — قره‌قوله کلدکدن صوکره، فیلسوفکده بر آز  
عقلی باشنه کلش ایش.

بسیقولوغلر بو کیفیتک مرضی بر شی اولدوغنی و بر اختلال دماغی  
نتیجه‌سی اوله رق وقوعه کلدیکنی ادعا ایدیورلر. اوبله ظن ایدیورلر که  
(انائیت *personnalité*) حسنک اضمحلاندن ایلری کله بر حالت مرضیه  
در؛ فقط هنوز لایقيله تتبع و تحقیق اولونه مامش، معضل و غامض بر حادثه  
روحیه در. [*personnalité* کله سنه باقیکز!]

بو حالت، پک اسکی زمانلردنبری معلوم ایدی. چونکه نظر دتی جلب  
ایده‌جک بر غریبه‌یه مغویه در. شرقدہ (هبنقه) نک اسمنی بیلیمین منور الفکر  
آدملر نادر در.

اسمنی و رسمنی تراجم احوال کتابلرنده کوردو کمز بو آدم — روایات  
مضبوطه‌یه کوره — (بنی قیس) قبيله — سندن بری ایش. اسمی کتابلرده  
(یزید ابن شروان) دیه مقید در. بوینته تسبیح کبی بر دیزی بونجوق طاقار  
و آنجی او اشارتک دلائله کندینی تخطر ایده بیلیرمیش. بر کون بو آدم  
اویور ایکن برادری، او بونجوق دیزبسی اونک بوینندن چیقاروب کندي  
بوینته طاقش، هبنقه اویانوبده برادرینی کورو نجه: [سن هبنقه سک؛ فقط  
بن عجباً کم ایم؟] دیه صورتمش. مع مافیه بو آدمک شعری ده وار!  
بو بر ماصال اولسه بيله شایان دقتدر. چونکه بو کیفیت غریبه‌نک پک  
اسکی زمانلردنبری مشهور و معلوم بر حالت روحیه اولدوغنی اثبات ایدر.

مختاریت	<b>Autonomie</b>	فرانسزجه و آلمانجه
Autonomie		
	Autonomy	انگلیزجه
	Autonomia	ایتالیانجه

یونانی لساننده (آقتوس = *αὐτός*) کندي دیمکدر؛ (نوموس =  
*νόμος*) دخی قانون معناسه کلیر. بو تعبیر شو ایکی کله دن ترکیب اولونمشد.  
(قانونی بالذات و باستقلال یاپان) دیمک تقدیرنده قوللانیلیر. بناء علیه استقلال  
معناسنده ایراد اولونور.

علوم اجتماعی‌ده وبالخاصه سیاسیانده اکثریتله ذکر اولونان بو تمیزك  
معنای اصطلاحیسی مشهور (قانت Kant) عیناً فلسفه‌یه نقل ایتمن  
و (ارادت انسانیه دعواسی = libre arbitre) نی (مختاریت وجدان  
autonomie de la conscience) اوزرینه اسناد ایله‌مشد.

لسان سیاسیانده، کندی قانونی بالذات وضع و تعیین ایدن حکومات  
مستقله (autonomes) ده‌نیلیر. بوصولیت و قابلیت دخی (autonomie)  
دیرلرکه اجتماعیانه تعلق ایدنجه بز بوکله‌نی (مختاریت اداره) ترکیبی ایله ادا  
ایدرز. ساده‌جه (مختاریت) دیمک دخی طوغ‌ودر. شو تقدیرجه آکلاشیلیر  
که او جماعت، او دولت مطلقاً قانونسز، قیدسز بر (حالت قوضا état  
d'anarchie) اوزره یاشامور؛ ینه قانونه تابعدر. فقط تابع اولدوغی قانونی  
کندی یاپار. باشقه بر دولت و ملتک یایدینی قانونه اتباع ایتز. بناءً علیه  
کندیسنه زور ایله تکلیف اولونمش بر قانونک ربقة اسارتنده اولمادینی ایچون  
ینه حر و مستقل صاییبیر. چونکه آنحق کندی یایدینی قانونه تابع و رعایت‌کار  
در. [بونک ضدی hétéronomie در. تفصیلات ایچون بوتمیر ایریجه  
باقیکز.] اکر بو قیود قانونیه اولمازسه مختاریت ده‌نیلمز؛ او وقت شکل  
اداره (souveraineté) یعنی مطلقیت و سلطنت اولور.

فیلسوف مجدد قانت، عصرلردنبری دوام ایدن (libre arbitre)  
و (déterminisme) دعواسنه، نهایت ویره‌بیلیمک و بو عقده مزعجه‌نی حل  
ایده‌بیلیمک امیدیه (مختاریت) تعبیر سیاسی‌سنی فلسفه‌یه نقل ایتمش و برنظریه  
مهمه اورطه‌یه قویمشد.

بو فیلسوف نظرندنه ماهیت انسانیه (عقل raison) دن عبارتدر. عقلک  
برده (عملی) سی‌وارکه (raison pratique) بودر. (ارادت la volonté)  
دیدیکمز قدرت فاعله ینه بو عقل عملی در. یعنی قانت (ارادت معقوله  
volonté rationnelle) ایله (عقل عملی) نی عینی شی عد ایتمش اولوبور،  
دیمکدر.

بدهت افعاالمز. نظرآ- اول امرده- ارادت بشریه‌نی تسلیم ایتیمک ایجاب  
ایدر؛ هیچ اولمازسه بر اراده جزئیة قبول ایتیمک لزومی مجبوری کورونور.

زیرا بوسبوتون ارادت انکار اولونورسه سیئات وحسنات اعماله قارشی مجازات و مکافات تعیینی معناسز و حکمسز قالیر؛ چونکه - هر نه اولورسه اولسون - حرکات و اجرا آتنده مجبور و مضطر بولونان بر آدم مسئول اوله ماز. اوله مایجه دخی قانون جزا و قانون مدنی و هر تورلو شرایع بیوده و عبت اولور. بویله بر اعتقاد پک مضر عدایدلمشدر؛ چونکه نتیجہ سی پک فنادر. [fatalisme کله سنه باقیکنز!]

بناءً علیه عقاید مؤسسه یه مخالف اولسون اولماسین بعضی فیلسوفلر، مطلقاً اخلاق و نظام جمعیت نقطه نظرندن (مکافات و جزای عمل) و جویی نظر اهمیت آلهرق انسانک حر یارادلمش بولوندوغنی و حر اولماسی لازم کلدیکنی ادعا ایده طور مشلردی. [libre arbitre تعیرینه باقیکنز!]

فقط ارادت بشریه طرفدارلغه اوروپاده بر مهم سبب دهها واردی: (فعال لمایرید) یعنی (هر ایسته دیکنی اجرا ایده بیلیر) بر خالقک وجودنی اثبات ایتک ایچون، اثردن مؤثره استدلال طرزنده یعنی (استدلال لمیّ raisonnement aposteriorique) ده، ارادت بشریه، ارادت الیهیک ثبوتی ایچون اک قوی بر حجت عدایدلمش اولدوغندن طولانی، انسانک ارادتنی انکار ایتک، میل الحاد گیبی تلقی اولونوردی و همه حال بو عقیده یه صایمقندن توفی ایدیلردی. [athéisme کله سنه باقیکنز!]

بونکله برابر هر ایسته دیکمزی یا پیغه مقدر اولامادیقمز دخی کون کبی آشکار ایدی؛ حتی ارادتمزی تسلیم و ادعا ایدن فیلسوفلر بیلله اجرا آتمزه قویاً مانع اولان بر چوق اسباب و عوارضی کمال اهمیتله حسابا آلمقه قید مجبوریتدن قورتوله میورلردی.

بالآخره علومک ترقی سی و بالخاصه فیزیکلورزی و پسیقولورزی کبی - ماهیت انسانیه مزله صیقی صیقی به علاقه دار اولان - بعضی علوم طبعیه ک فتوحات و کشفیات سریعه سی (ارادت) حقیقه کی اعتقاد سابقی شدتله رخنه دار ایتدی بوندن ماعدا، اصول تحقیق و تبصع دخی کرکی کبی تبدیل و اصلاح ایدلمش بولوندوغندن بو کرفت و غامض مسئله، بر باشقه نقطه نظرندن تلقی ایدیلهرک

یکی بر شکل و وضع ایله تکرار میدان بحثه آیلیمشدی . ذاتاً هر شیئی (نسبی relatif) بر حیثیتله تعقل ایده بیلیمک زمانی ده حلول ایتمشدی .

ایشته قانت بویه بر زمانده ظهور ایتمدی و فلسفه یه باشقه بر نشه ویردی . اخلاقی، وظیفه مبدأه بنا ایتمدی . لکن بر (ارادت) قبول ایتمه دیکه (وظیفه le devoir) نك قیمتی دکل، معناسی بویه اوله مازدی . مع مافیه وظیفه یه اعتقاد، قانونه اعتقادی مستلزمدر . زیرا کیفی اوله رق یاییله بیلن برایش وظیفه صاییله ماز . او حالده قانون ایله مکلف و موظف اولان انسان، ناصل مرید و مختار اوله بیلیر ؟ بونده بر تناقض صریح وار . قانت بوکا - غالباً - چاره ساز اوله بیلیمک ایچون قانون اخلاقی نك (مشتهیات appetits) دن و تأثیرات محیطه و شروط خارجه دن آزاده اولماسی لزومی - و حقیقت حالده دخی اوله اولدوغنی - ادعا ایتمدی . ارادت اسکیلر کیی هر تورلو قیود و اسباب تأثیر اتدن آزاده بر (قابلیت مستقله) اولوق اوزره قبول ایده میهرک، بومسئله ده بوتون اسلافدن آیرلدی .

[وظیفه اعتقادی اوررینه مؤسس بر قانون اخلاقی وارددر . دیمک که اجراءات بشریه قانونسز دکلدر . فقط بو قانون - عالم خارجیدن باتجربه تلقی ایتمدیکمز - قوانین طبعیه یه بکزه مز . بونی (عقل عملی) کندنده بولوب کشف ایدر و کندیسنی - هر درلو حرکات و اجراءاتنده - اونکله مکلف طوتار و موظف بیلیر . شو تقدیرجه عقل عملی - که عیناً ارادت دیمکدر ! - کندی قانونتی بالذات وضع اییدیور و اونی خارحده دکل، کندی فطرتنده کشف اییدیور، صوکره اوکا تمامیه اطاعت ایتمک صورتیه وظیفه سنی حسن ایفا ایتمش اولویور . ایشته (وجدان اخلاقی) نك مختاریتی بوراده در . چونکه بر قانونه اتباع اییدیور فقط اونك واضی و منشای ینه کندیسنی در .] دیدی .

پك مختصر اوله رق عرض ایتمدیکمز شو فلسفه اخلاقی دن آکلاشیلور که قانت بوراده ارادت (نسبی) بر حیثیتله تلقی ایتمشددر . اسکیلر بویه (مقید ارادت) تصور ایده مزلردی .

[ serf arbitre و libre arbitre تعبير لرنده بو خصوصه دائر بسط اولونان مناقشاته بايكنز ! ]

قاتك ارادتي، شروط و محيط خارجي ايله . مشتهيات نفسانيه قارشى آزاده در . فقط هر ايستديكنى كينى اوله رق احرا ايدر بر قدرت ده دكلدر . كندى قانونيله مقيددر . ( قانون دائره سنده حر ) برمدنى آدمك حالى اكدير بر . ( impératif catégorique ) تعبيرنه بايكنز ! ]

هر مسئله ده بر ( قبلى ) ( apriorique ) حقيقت بولوب چيقاران بو بويوك فيلسوف ، ( وظيفه ) يى دخى مبادى قبله دن اولمق اوزره تلقى ايتمش و تدرييونه طابان طابانه ضد بر موقع طوتمشدر . اوسيله دركه بوضوك زمانلرده قاتك بو فكر لرى شدتلى تنقيده معروض قاله رق تكرار مناقشات شديد يى موجب اولمشدر . ( apriori ، empirisme ، rationalisme ) كله لرينه بايكنز ! ]

اون سكزننجى عصرده ، حتى اون طوقوزنجى عصر ك نصف اولنده افكار و اذهانه فلسفه سيله تحكم ايدن بو حكيم داهى ، ( اخلاق علمنه اساس اتخاذايتمش اولدوغى شو عقیده سنه اضافتله ) ، كندى فلسفه اخلاقه سنه ( morale autonome ) اخلاق مختاره ) دير ايدى . اخلاقى ( احوال و ظروف و محيط ) ( circonstances et milieu ) وسائر عوامل طبيعيه الجا آتيله تقيد ايدرك ارادت بشريه يى انكاره واران سائر ( اخلاق سيستملى ) ( systèmes de morale ) ( حقنده ده ) ( اخلاق مقتاره ) ( morale hétéronome ) تعبيرنى قوللايىردى . ( hétéronomie ) كله سنه بايكنز ! ]

علم ، صدمهيت ، نفوذ ، سلطه ،	<b>Autorité</b>	فرانسوزجه
نفل	Autorität	آلمانجه
	Authority	انكليزجه
	Autorita	ايتاليانجه

لاتينجه ده ( آئوقتورى تاس = Auctoritas ) حكم و نفوذ ديمكددر . تعبير ، بو اصلدن مشتق در . هر هانكى صورتله اولورسه اولسون ، ( انفاذ حكم ) قوته طابانه جنى جهتله ، بو كله ، ( پوتستاس = Potestas ) يعنى ( قدرت ) معناسنده تلقى اولونه كلشدر .

اجرای نفوذ ایده یلمک - واقعا - قدرته اولور؛ فقط قدرتک انواعی واردرد. هیچ اولمازسه باشلیجه ایکی درلوسی اوله بیلیر: بریسی مادی بر طاقم وسائط قاهره استعمال ایده بیلن قدرتدرکه انسانردن انحق (اطاعت مطلقه obéissance absolue) ایستر، و اونی قوتله، جبر ایله استحصال و تأمین ایلر. بر فرعونک، بر کی کاووسک، بر حجاج ظالمک (Autorité نفوذ)ی بویه ایدی. هر نه شکله اولورسه اولسون، بر (حکومت مستبده gouvernement despotique) بویه بر قدرت قاهره به طایانه بیلیر. هر کیم اولورسه اولسون قدرتی وسائط قاهرانه ایله تمثیل ایدرده کنددن ضعیف اولانلرک رأینه، حقنه رعایتسز طاوورانه میال اولورسه بویه بر طبیعت مخصوصه به (مزاج متحکمانه tempérament autoritaire) دیرلرکه بهمه حال عالی بر موقع اجتماعی ایجاباتندن و یاخود قدرت حقیقه به مالک اولانلرک خصایص جلیه سندن دکلدر. بالعکس مستبدانه بر اداره آلتنده یاشامغه آلیشمش اولان جماعتلرک - علی مرانهم - هر فردنده کوزولن بر حالت بارزدر. ده نیله بیلیرکه اداره مستبدانه مزاج افراد اوزرنده اک کوزه چاربان اثر تربیه سی بودر.

لکن قدرتک دیکر بر نوعی ده وارددرکه، انحق وجداندرده تولید ایتدیکی امنیت و اعتماد سایه سنده اجرای حکم ایله بیلیر. اونه کی کی وسائط قاهره به افتقاری یوفدر، و اونک ایچوندرکه (الهام نفرت inspirer l'horreur) دخی ایتمز. معنوی نفوذلرک جمله سی بویه در. بر عالمک، بر فیلسوفک، بر فاضلک افکار ناس اوزرینه تأثیری بو قیلدندر. لکن بونک اک خارق عاده بر مثالی، اولوالعزم بر پیغمبرک وحدان انسانیت اوزرنده اجرا ایتدیکی نفوذ (فوق البشری surhumain) در. بو تقدیرده وجدانلره ملهم اولان اعتماد، (ایمان ta foi) مرتبه سنه واریبور. ذهندرده حاصل اولان (قناعت conviction)، اعتقاد درجه سی بولویور. قدرتک بو تورلوسی بر انسانک کندی قابلیتته اسناد اولونه مایه جق قدر بویوک و حیرت بخش کوروندوکی ایچون (الهی divine) عد ایدلشددر.

لكن قوت قاهره به قارشى كرهاً اطاعت ايتمك، قدرت معنويه به طوعاً رعایت ايتمك آراسنده مهم و معنادار بر فرق واردركه بو مسئله ايله خاصهً اوغراشان فلاسفه سياسيون اوكا بر بويوك قيمت عطف ايدييورلر؛ (مدنى civilisé) بر اداره ايله (وحشى sauvage) بر اداره آراسنده بوندن اساسلى بر علامت فارقه بوله ميورلر. ادعا ايدييورلر كه:

[بر حكومت مدنيه، تحت اداره سنده بولونان بر ملت افرادينه قورقو دكل اعماد و امنيت الهام ايدر؛ او ملتدن كرهاً اطاعت ايسته مز، طوعاً حرمت و رعایت بكلر. حالبوكه هنوز حقيقه متمدن اوله ميان بر جماعت، انجق قورقو ايله اداره اولونه بيلير. قورقوي موجب اولان شئده (ايجاب حيت)، ياخود (انديشه حيت) و ياخود امثالى كيبي بعض عوامل معنويه دكلدر. حكومتك انفاذ صلاحيت و ابراز قدرت انجقون استعمال ايدم بيله جكي (وساط قاهره moyens coercitifs) در. بويه بر امت، اويله بر حكومته ذاتاً مستحقدر؛ زيرا محقق دركه جماعات سفليه ده افرادك يكديكرينه قارشى معامله سى ده اساساً متحكمانه در، و بو حيثيله انجق مادي قوته استناد ايدم بيلير؛ نته كيم يالكزده اوكا اطاعت و رعایت ايدم بيلير، بر ملت افرادينك يكديكرينه قارشى معاملاتنده دستور حركت نه ايسه، اويله بر ملت انجنده تولد ايدم بيله جك حكومتك قانون اداره سى ده او اوله بيلير.]

زياده سيله شاين دقت و اساساً طوغرى اولان بو ادعا، انسانلرده شكل اداره ايله (سويه اخلاقيه niveau moral) ارم سنده ثابت بر موازنت بولوندوغنى اثبات ايدييور. فقط بو قدرله قاليور: (autorité) ديديكمز قدرتك اعتقاد ناسدن نشأت ايتديكني ده اياما ايليور. اكر حقيقت حال، صحيحاً بويه ايسه - يوقا ريده مهم بر شى اولمق اوزره ابراز ايتمش اولدوغم - فرق، آرتق اهميتي قالماق لازم كليور. مادام كه مستبدانه بر اداره بي، ظالمانه بر قانوني، بر جماعت افرادي، كندى معامله سيله استزام و توليد ايدييور مش، و مادام كه اونى طانييور، اوكا بويون نه كيور مش، او اداره بي اوموزنده طوتان، او قانوني بالفعل انفاذ ايدن كنديسي اولمش

اولویور؟ دیمکدر. ایستیوب ایسته مه مه سی؟ بیلهرک یاخود بیلیمیه رک حرکت ایتمه سی شرط دکدر. او آریجه تدقیقه شایان بر مسئله در. بوراده یالکز شو حقیقت مهمه تظاهر ایدیورکه (سلطه حکومت — *autorité gouverne* mentale)، ملتک روخندن طوغویور، وجداندن نبعان ایدیور. حتی اونک ایچون اولق کرکدرکه حکومتک شکلی، طوری، مزاجی، اونی تولید و تشکیل ایدن ملتک سویه عرفانه و علی الخصوص (سجیه اخلاقیه *caractère moral*) سنه تمامیه موافق دوشویور.

بزده معروف بر دستور واردرکه امثال حکمیه دن عد اولونور، و اویله در: (کیف تکنونوا یولی علیکم) یعنی (ناصل اولورسه کز اوکا کوره اداره اولونورسکز) ده نیلمشدر. کذلک، حکیم حقوقشناس (مونته سکیو — *Montesquieu*) دخی: (هر ملت کندی حکومتیه مستحقدر — *chaque peuple est digne de son gouvernement*) دیمشدی که عینی اعتقادی بر باشقه شکله افاده ایدر بر دستور حکمتدر. ( *autorité*) نک منشأ حقیقیسنه دائر واقع اولان تدقیقات یالکز بو دستورک اصابتی اثبات ایتمکله قالیور؛ نیچون اویله اولدوغنی ده — بر درجه یه قدر — کوستریور.

شخصی نفوذلرک جمله سنک فوقده حاکم اولان نفوذ غالبی بالخاصه حکومت تمیل ایتدیکی ایچون ( *autorité*) کله سی بویله جه مفرد اوله رق قوللانلیدی تقدیرده، (حکومت) تعیرینک مرادفی اولور. جمع اوله رق استعمال اولونورده مثلا ( *les autorités locales*) ده نیلیرسه (مأمورین محلیه) دیمک اولورکه فی الحقیقه حکومتک بالفعل مملکریدر.

مع مافیه بو تعیر، توسیع معنا یله دهها بر جوق موقعلرده قوللانلقده در. مثلا بر اسکی مؤلفک کندی خط دستیه یازوب بر اقدینی اثره سائر نسخه لری ایچون بر ( *autorité*) تشکیل ایدر. فرضا اوندن استساخ ایدلش و یاخود بویله ایکنجی الدن یازیلان بر کتاب اساس اتخاذا ایدیلهرک باصیلش اولان نسخه لرک کافه سی تصحیح ایدلک لازم کلنجه مؤلفک کندی یازدینی اثره مراجعت ایتمک ضروریدر. او وقت تصحیحات واقعه ( *selon l'autorité du manuscrit original*) یعنی نسخه اصلیه یه



توفیقاً) اجرا ایدلش اولورکه شو تقدیرجه بو تعیر اصطلاحی (وثیقه معتبره) معناسنی افاده ایدر. کذلک، بر بختده، یاخود بر علمده شایان احتجاج عد اولونمائیان و هر کسجه قیمتی مسلم بولونمائیان بر اثرله یاخود بر مؤلفک قوليله بالاستدلال تحکیم دعوا ایتک ایسته یئرله قارشى ردأ و یا تعریضا مقابله ایدلدیکی زمان: ( ! Mais ce n'est pas une autorité ) ده نیلیرکه ( معتبر و یاخود احتجاجه صالح بر کتاب یاخود بر مؤلف دکلدردر. ) دیمک اولور. کذلک: l'Imâm Schâfi'i est une grande autorité en matière de jurisprudence musulmane ( جمله سنی ) لسانمزه ترجمه ایده جکمز زمان: ( امام شافعی فقه اسلامده ید طولاً صاحبی در. یاخود صلاحیت مسلممه صاحبی در. ) دیرز.

نته کیم عالم اسلامده علی العموم معتبر کتب احادیث واردرد؛ بخاری، شریف، ابومسلم و امثالی کبی... بونلره صحاح دیرلرکه فرانسیزجه یه بو کلمه یی ( autorités ) دیه ترجمه ایده بیلیرز.

الحاصل یرینه و یاقیشیق آدیغه کوره بو کلمه یی ( نفوذ )، ( حکم ) ( صلاحیت )، ( سلطه )، ( حکومت ) لفظلریله ادا ایده بیلیرز. فرضاً ( l'autorité paternelle ) ( نفوذ پدرانه )؛ ( l'aut. de la loi ) ( حکم قانون )؛ ( l'aut. scientifique ) ( صلاحیت علمیّه ) کبی. کذلک: ( الرجال قوامون علی النساء ) قول شریفی فرانسیزجه یه ترجمه ایدیلیرسه ( les hommes exercent une autorité sur les femmes ) جمله سیله بحق ادا ایدلش اولور .

بو مبحثده بالخاصه بزی مشغول ایده جک اولان معنا بونلرک هیچ بری دکلدردر. انجق- نفوذ حاکمانه و صلاحیت اداره یی تمثیل ایدن - ( حکومت ) در بو حیثیته تلقی اولونان شو تعیرک اک زیاده علاقه دار بولوندیفی مسئله عظمی او نفوذ و صلاحیتک منشأئی، ماهیتی سعه احاطه سنی تعیین ایتمکدر . فلسفه اجتماعیه ده و بالخاصه ( حکمت سیاسیة philosophie politique ) ده بوندن مهم بحث یوقدره، ده نیلسه مبالغه ایدلش اولماز. بونک ایچرنده ( حکومت ) ک منشأ و ماهیته نظر ایتک مجبوری قی واردرد.

جمعیت حالده یاشایان، تشکیلات طبیعی و اجتماعییه موفق اولان  
 مؤسسات مغنویه و اقتصادییه قابلیت کوسترن، حقوق موضوعیه مالک  
 بولونان، خلاصه مدنی اولان هر بر جماعته بر ملت دهنیلیرکه اولنک افرادینی  
 یکدیگریله مربوط بولوندوران دها بر چوق علاقه لر و رابطه لر واردرد:  
 بو سیبله درکه منفعت و مضرت مسئله لرینه تعلق ایدن خصوصات حیاتییه ده  
 - آز چوق - بر لرلیه مشارکدرلر، ( اخلاق اجتماعیه morale sociale )  
 بو مشارکتدن طوغار، و اولنک اساسلرینی تشکیل ایدن شرائط حیاتییه  
 طایانیر. ایشته بو شرائطک ناظمی اولوق اوزره ( l'Etat حکومت ) جمعیت  
 بشریه دن طوغمش در؛ صکره - طبیعی بر تکامل اقتضاسنه تبعاً - مدینتک  
 کچیردیکی ( صفحات متعاقبه phases successives ) یی صتی صتییه  
 تعقیب ایتمش، و هر دفعه سنده ایجابات اجتماعی و شرائط حیاتییه دها  
 الوریشلی بر صورتده ( تطابق adaptation ) ایده بیلیمک ایچون، شکنی ده  
 آز چوق - وبالضروره - ده کیشدیره رک بوکون مدنی ملتوده کوردوکنز  
 درجه کماله واره بیلیمشدر. حکومتک لزومی - ده مین عرض ایندیکم وجهله -  
 افراد ملتک معاملات اجتماعیهنه ناظم اولوق و حیات اجتماعی شرائطی -  
 احسن تقویم اوزره اداره ایتیمک کیی پک مهم بر وظیفه ایله مؤید  
 بولوندوغی ایچون، ذره قدر شبهه کونورمز. اولانجه حیثیتی ده autorité  
 سنده در؛ او قدر که افراد ملتک منافع متقابله سنه کوره موازنه حقوقه  
 موفق و مقتدر اوله مایان بر حکومت، اوله ماز. کندی لزومسزلنی ایله  
 ییقیلوب مضمحل اولور، و برینه دها موفق بر دیکری کلیر؛ یاخود  
 ( حالت فوضا état d'anarchie ) علاماتی در حال یوز کوسترکه بو، ( اجتماعی  
 برئولوم ) تهلهک سنک حادثه متقدمه سیدر. ( سکرات موت ) در. او تقدیرده  
 دخی دشمن استیلاسنه معروض اولوق محقق کیی در [anarchie تعیرینه  
 باقیکنز!]

البته بر حکومت وظائف متختمه سنده ابراز موفقیت ایده بیلیمک ایچون  
 - موانع ممکنه نلک اکثریسنه قارش - وظیفه سنی اجرا ایده بیلیمک بر نفوذ  
 مالک بولونمالی در. موانع محتمله آره سنده بعضی مستثنا و مقتدر افرادک

نفوذی ده حسابہ آلق اقتضا ایدر. او حالده نفوذ حکومت، شخصی نفوذ لرك جمله سندن اوستون وقوی اولق کرکدر. اولمازسه ینه - تام معناسیله - بر حکومت اولماز. بویله دوشونورسهك نفوذ حکومتك نفوذ شخصی ایله بر طوتولماسی لزومی تحقق ایدر. مسئله، فی الحقیقه چوق مهم در؛ زیرا مستبد بر اداره ده نفوذ حکومت، (بذاته حاکم — autocrate) اولان بر پادشاهك نفوذ شخصیسندن آیری غیرى بر شی دکلدر.

مصرده وقتیهلہ مدهش و عجیب بر اداره تأسیس ایدن خلیفه فاطمی الذنب (حاکم بامرالله)، اسمی تبدیل ایدرك (حاکم بامرہ) و ده بر آز صکرہ (حاکم بذاته) دیمکله، بیان ایتدیکم ملاحظه یی تأیید و اثبات ایدر مهم بر مثال تاریخی ویرمشدی. فی الحقیقه (auto-crate) دخی بو دیمکدر؛ زیرا یونانی ده (آفوتو-قراٹوس)، حرفی حرفه (بذاته حاکم) دیمکدر. بو تقدیرده جماعتی اداره ایدرك اولان قانون ایله، بذاته حاکم اولان آدمك کیفی بر در. نته کیم مشهور فرانسه قرالی (اون دردنچی لوئی Louis XIV) (حکومت بن ایم ...! L'Etat, c'est Moi) دیمکله بو طرز اداره نك دستور اساسی-فی، پك موجز - و قطعی اولدوغی قدر صریح - بر جمله ایله ادا ایتشدی.

دیمك اولویورک، مسئله به هانکی طرفدن باقسق، بر حکومتك - شکلی نه اولورسه اولسون - حیثیت ذاتیه سی نفوذندن عبارت قالیوو و هروجهله اونك ماهیته تابع بولونیور. اشته بو نفوذه اصطلاحده (سلطه حکومت l'autorité de l'Etat) دییورز. بونك بالفعل نفوذ شخصی به منجر اولماسی آنجق بر اداره مستبدیه وجود ویره ییلر. نفوذ حقیقینك کیف شخصی به تابع اولمایوب بر مستقل قانونك حیثیته مربوط اولماسی، حر بر اداره به مساعد بولونیورک بوده اهمیتله ملاحظه اولونمخه شایان بر نقطه دقیقه در. فقط شکل اداره دن قطع نظر، هیچ شبهه قالمیورک بر حکومت اولونمجه، اونك نفوذی ده اولمالیدر.

بورایه کلنجه قدر فکرلرده هیچ اختلاف یوقدر؛ اولسه بیله برطرف ایدلسی پك کوچ اولمازدی. لکن، (حکومت بو نفوذی نره دن و کیمدن

آلبور. هم نه وقت آلدی و ناصل آلدی؟...) دیدیکمز زمان شدتی اختلافات باشلیور؛ و بو اختلافادن تولد ایدن مباحثات مهمه‌دن ده (نظریه حکومت (théorie de l'Etat) مسئله‌سی چیقور. بونک اوزرینه تورلو تورلو نظریه‌لر بنا اولونمشدرکه اونلرک هر بری برمسلك سیاسینک، بر اصول اداره‌نک (عقیده فلسفیه doctrine philosophique) سنی تشکیل ایدر. نه کیم - بر آز صکره - مثاللر عرض ایده جکم .

یالکمز بو نقطه‌ده شایان اخطار و تنبیه کوردو کم برشی واردر:

سلطه حکومت، موجود و محسوس برشی در. واردر. حتی بر جماعت متمدنه افرادینک (محصاة اراداتی - la résultante des volitions individuelles) فرض اولونسه بیله،ینه (ارادت فردیه) ی آری آری تحدید ایدن بر (قوت قاهره) اولوق اعتبارله، واردر. (حریت‌ورلک = libéralisme) ک بوتون غیرتی واک عزیز مقصدی، اوقوت قاهره‌نک فسالیت شخصی‌ینی تحدید ایچون چیزمش اولدوغی دائره‌ینی قیرمق و - هیچ اولمازسه - توسیع ایده بیلیمک موفقیته مصروفدر. هرملککنده هر زمانده - پک بهالی اوطوران - تجربه‌لر صراحتاً اثبات ایدیورکه او دائره، (هندسه‌ده تصور اولوندوغی کبی) خیالی بر چیزکی دکل، امرترقی‌ده اک مهم تشبثات شخصی‌یه قویاً مانع بر (ده میر چنبر) در.

مثلاً، بر ملنک اک عقلی واک متشبت افرادی ایله برابر (اکثریت عظیمه la grande majorité) سی - حد ذاته اهمیتدن عاری کورونن - بر قید عادی و یا اجتماعی و یا تشریفاتی دن قورتولوق ایستیور؛ قورتوله میور. او قید، عادی (یعنی عاده متعلق برشی habituel) ایسه، حیات شخصی‌مه متعلق عاداتن سیلیمش اولدوغی حالد حیات اجتماعی‌ده تحکم ایده طور و یور. اخلاقی ایسه، اخلاق شخصی‌مه منفور اولوق درکله‌رینه دوشمش بر حال اولماسنه رغماً، رسماً تغلب ایتکده دوام ایلور؛ و بوتون بر خلق حیات شخصی‌سندمه باشقه، حیات اجتماعی‌سندمه و معاملاتنده باشقه بر صورتله، یعنی ایکی یوزلولکله یاشامق ذلتی قبول ایدیورده اکثریت ناسک فرداً فردا

منفوری و مردودی اولان او قیددن قولای قولای سر ازاد اوله میور .  
بو نه در ؟ ...

هر حاله خیالی و اصلسز بر شی دکل ... مهم و بالفعل وجودی  
محسوس بر (قوت) در. علی الاطلاق (سلطه) دیدیکمز قوت مانعه ایشته بودر.  
و انواعی چوقدر. بو مهم تعیر جامع، بوتون انواعی شامل در. حکومت و  
معاملات ناسی ضبط و ربطه الموق و حیات اجتماعیة شرائطی - احسن  
تقویم اوزره - ترتیب و تنظیم ایتک احتیاجندن طوغمش بر (مؤسسه نافعہ  
institution utile) اولدوغی ایچون تشبثات شخصییه تعیین حدود  
ایده رک هر درلو تجاوزاته مانع الموق وظیفه سیله مکلفدر. نفوذی ده بوندن  
ایلری کلیور. مع مافیہ حرکات شخصییه تحدیده، (حریت فردیه liberté  
individuelle) بی حصرو قصره بالطبع متایل نه قدر (قوای اجتماعیة  
forces sociales) وارسه، اولری ده (استمثال assimiler) واستصحاب  
ایده رک بنمسیور و - حیثیت ذاتیه سی اقتضاسیله - حائر بولوندوغی نفوذی  
آرتیرمغه دائمیال کورونوبور. حکومت ایچون - آز چوق - طیبی اولان  
بو میلانه بر سد چکیلیمزه در حال استبداد یولنی طوته رق آز زمان ظرقده  
(تردی = dégénérer) اتمه سی محقق و مجربدر. اولنک ایچون درکه  
حکومتک هانکی قوای اجتماعییه استمثال ایدوب هانکیلری بنمسه یه میه جکی  
- مدنی مملکتلرده - بر مسئله عظیمه در. مثلا عاداته دینه - چوق یرده -  
حکومت قاریشه ماز. فقط پک چوق مملکتلرده دخی بو قوتلری اله  
آله رق، افراده تحکم ایچون وسیله بولور. ایشته بوندن طولای درکه امر  
سیاستده ابکی اساسی فرقه تشکیل ایدن (محافظه کارلق conservatism)  
ایله (حریت پرورلک libéralisme) ک الک صاعلام زمین مجادله سنی تشکیل  
ایدن مسئله مهمه، (حکومتک حدود مشروعه اجرا آتی les limites  
légitimes de l'action gouvernementale) فی تعیین ایتک اولمشدر.  
کچن عصرک الک مقتدر محرر لرندن مورخ مشهور (لورد ماقوله Lord Macauley):  
(حریت پرورلک امر اداره ده (قوة محرکه Force Motrice) کیی در .  
محافظه کارلق سفینه دولتک موازنه سنی تأمین ایدن صافرا کیی در. ایکسی ده

لازم در.) دیپور. او حالد امر اداره ده تأسیس موازنه ایچون افراد جماعتک فعالیت شخصی سنی (یعنی حریت مشروعه سنک دائره تعلقنی) تبیین ایدم بیلیمک ایچون، حکومتک اجراءات واقعه سنده زمره قدر کیدوب زمره درده طور مه سی لازم کله جکی اول امرده اکللا شلمالیدر.

فقط بومسئله نیک حل، نفوذ حکومتک منشأ وماهیتنی تحقیقه وابسته قالمش برایشدر. (سلطه حکومت زمره دن کلیور؟...) اولا بونی بیلیمه لی یزکه اساس مسئله به عائد اولان تفرعاتی منشأ نه نظرله حل ایدم بیلیمک ایچون هانکی نقطه دن حرکت ایتمک لازمکله چکنده قراردادده اوله بیلیم.

طبیعی درکه بونی (علوم اجتماعی sciences sociales) دن صوره جعفر وبالخاصه (سیاسی اجتماعی politico-social) حادثانده آرایه جعفر. مع مافیه بوکونکی ملل متمدنه نیک مؤسسات سیاسی و احوال اجتماعی سنه قصر نظر ایتمکله قایلر سق، بویه مشوش (ومعضل complexe) بر مسئله ده یا کلش حکمر ویرمکدن قور توله مایز. زیرا بشریتک بوکونکی حالی، عصر لردن بری دوام ایدوب کلن بر حیات اجتماعی نیک نتیجه ضروریه سیدر. بونک بویه اولماسنده - مسلسل متصل و عینی زمانده متنوع و متخالف، گرفت و چاراشیق - بر سوری اسباب و عوارضک دخل و تأثیر اولمش بولونمق کرکدر. بو عوامل و مؤثراتی عیناً و تماماً بیلیمورز؛ بیلیمه یزده!.. فقط بزجه بر (حقیقت متعارفه vérité axiomatique) حیثیتی حائر اولان (سببیت مبدأی le principe de causalité) نه بناءً و بالفعل شاهد اولدو. غمز بعضی وقوعات متشابهه به قیاساً اوله دوشونمکه مجبوریت حس ایدیورز که (مؤسسات مدنی)، البت اوزون بر مدت تکاملک ثمره سیدر. اوله ظن ایدیورز که نامعدود مؤثرات - کیم بیلیر نه قدر عصر لردنبری - دوام ایدوب کتله اجتماعی بی یوغورمش و بر سوری تشکیلات ایچنده (حکومت) دیدیکمز مؤسسه بی ده بالضروره طوغورمشدر. بوکون (autorité) دیمک، بالفعل حکومت دیمکدر. او تقدیرجه (سلطه حکومت) دیدیکمز قدرت نفوذک مولد و منشأتی مؤسسات حاضرده دکل، ماضی ده - حیات اجتماعی نیک دم فچرنده - آرامق لازم کله جکی قولایجه تسلیم اولونور. مع مافیه بوکون بزمله

معاصر اولان بر خیلی اقوام وحشیه دخی واردر. بونلرک حیات اجتماعی لری، اعتقادات و عاداتی - آز چوق - تدقیق و تتبع اولونمش در. بو (تبع قیاسی étude comparée) دخی چوق فائده لی در. بو خصوصده بالخاصه (علم اقوام ethnographie) بزه پک زیاده یار دیم ایده بیلیر. خلاصه بومسثله یی (وضع طبیعی سی position naturelle) اوزره تتبع ایده بیلیمک ایچون، (تکامل فلسفه سی la philosophie évolutionniste) نك نقطه نظرینه کوره تلقی ایتیمک، اک طوغرو یولدر. آرتق بو خصوصده نه قدر فرضیات معتبره و نظریات معقوله وارسه اونلرک قیمت نسیبه سی تدقیقات تاریخیه تخمین ایدر.

بعضی فلاسفه و علمای حقوق (نظریه حکومت théorie de l'Etat) نامیله تورلو تورلو فرضیات ترتیب ایتیشلردی که اونلرک اک مهملرینی شو بر قاج دستور شکننده تلخیصاً بیان ایتیمک ممکن در:

۱. ساطه حکومت فوق العاده بر شخصک نفوذی در. ۲. دینک حکمی یعنی اللهک امریدر. ۳. عاداتک تحکمی در. ۴. حق فتح در. ۵. اداره عسکریه دن طوغمشدر. ۶. اثر تغلبدر. ۷. تعاون و تناصر اقتضاسیدر. ۸. تشکیلات اجتماعی نتیجه سیدر. ۹. قدیم بر عهد اجتماعی ایجابی در. ۱۰. اکثریتک محصله اراداتی در. ۱۱. بر مفکوره نك، بر غایه سیاسی و اجتماعی نك ثمره حیاتی در. الی آخره!...

شو ادعالر باقیرسه - یك نظرده - همان هیدی ده من جهة طوغرو کورونور، و بعضلرخی بعضلرینه ارجاع ایتیمک ممکن در. فرضا:

برنجی ادعایه تاریخنده پارلاق مثاللر بولمق مشکل دکادر. یونان قدیم تاریخنده مشهور (صولون = Solon) ایله (پیت ناقوس = Pittacus) کبی (واضع قانون législateur) اولانلردن طوتوکزده (اسکندر)، (قیصر César)، (ناپولیون) کبی جبار سردارلره و ارنجه یه قدر بر چوق کیشیلر کوستریه بیلیر که جماعت بشریه به ایسته دکاری وجهله افذاذ حکم ایتیشلردر. او حالده واضع قانون اولانلری - بر درجه یه قدر - آیری طوتوبده یالکنز سردارلری نظر دفته آلیرسق، دردنجی، بشنجی و آلتنجی

ادعای دخی برنجیسنده منحل اوله بیلیر: (سلطه حکومت فوق العاده بر شخصک نفوذی در. حق فتحدر. بناءً علیه ادارهٔ عسکریه دن طوغمش بر اثر تغلب در.) دییه بیلیر.

اگر (نفوذ شخصک اثر تغلبی در.) دیدیکمز زمان، کیفیت تغلبی وسائط جبریه به حصر اتمزده علی الاطلاق دوشونورسهک ایکنجی ادعا دخی برنجی دستوره درج اولونه بیلیر. یعنی (سلطه حکومت دینک حکمی در!) دیمک، ینه نفوذ حکومتی بر شخصه اسناد اتمکدر. چونکه دین، (ارادهٔ الهی حکمی) اولغله برابر، عادی انسانلرک طوغرودن طوغرویه جناب حقله مناسبده بولونمسی هر وجهله ممنوع و مستحیل اولدوغی ایچون، انسانلر ارادات آلهیهی - آحق من عندالله مؤید - بر (نبی مرسل) واسطه سبله تلقی ایدرلر. او جهته اوامر مقدسهٔ سبحانییهی عبادالله تبلیغ ایچون مأمور بیورولان ذات شریف، بعضی خوارق عاداته مظهر ومصدر اولق کرکدرکه بشریت جاهلیهک وجدانه تلقین ایمان ایده بیلسین!.. بویه بر مستنسا آدم البته بالذات خارق عاده بر شی در و بو حیثله جماعت اوزرنده یک بویوک بر نفوذ اجرا ایدر. نته کیم بوتون تاریخ ادیان، بویه اولمش اولدوغنی کوستریبور.

بورایه قدر (نظریهٔ فردانیهٔ *théorie individualiste*) به میل اتمک دهها موافق کورونویور. شمدی دیگر ادعالرده باقلم:

(نفوذ، عاداتک نمکمی در.) دیدیکمز زمان، بر کشیک عادی موضوع بحث اوله ماز. بر جماعتده حکمفرما اولان عادات، عمومک عادات مشترکسی در؛ و حیات شخصیه ایله علاقه دار دکدر. حیات اجتماعیتهک بعضی شرائط ضرورییه (انطباق *s'adapter*) اتمک مجبوریتی یوزندن طوغمش و شرائط مذکوره ایله توأم اوله رق یاشامقده بولونمشدر. هنوز - ادوار وحشیهده - (قوانین محرره *lois écrites*) و (موضوعه *positives*) یوق ایکن، قانون یرینی طوتان (تشریفات *cérémonies*) ک ده بلکه عادات ایله چوق صیقی بر رابطه سی واردر.

[*loi*، *positif*، *habitude* کله لرینه باقیکنز!]



مع مافیه هر نه اولورسه اولسون، عاداتك تحكمنی نفوذ شخصی به حمل ایده بيلمك بك كوچ بر ادعادر. كذلك : (سلطه حكومت اكثريت ناسك محصله ارادتی در!) یاخود (قدیم بر عهد اجتماعی ایجابی در!) ویاخود (تعاون و تناصر اقتضاسیدر!) دیدیكمز زمان - بو دستورلك حكمی طوغرو اولسون اولماسین - ینه هر حالده نفوذ شخصيك تأثیرینی انكاره واریر. چونكه اكثريت ناس نه قدر عادی و قابلیتسز اولورسه اولسون ینه بر تك كشی ديمك دكلدر. بونك كپی ، بر عهد قدیمه وقوعی فرض اولتان بر مقاوله اجتماعی بی تك باشنه بر آدم یابه ماز. عقد مقاوله ایچون طرفین عاقدین لازمدر. حتی شاهدلر بیله اولمالیدر. نته کیم تعاون و تناصر دخی متقابلاً یکدیگرینه یاردم ایتمك دیمکدر. بونك ایچونده بردن زیاده آدم ایستر. بو تورلو ملاحظه ایدیلیرسه شخص ایله هیئت اجتماعی بر وضعیت متقابله ده بولونمش اولور؛ او تقدیرده نفوذ حكومتك منشائی - بهمه حال - بردن برینه اسناد ایتمك لازمکلیر .

(فرد ایله جماعت l'individu et la société) لك شو وضعیتنه كوره مسئله بی تتبع ایدن بر جوق فیلسوفلر واردیركه بو خصوصده متخالف و متنوع فرضیهلر ترتیب ایتمشلدردر. بونلك اك مشهوری (عهد اجتماعی contrat social) فرضیه سی در. بوكا مقابل (فردانیه individualisme) فرضیه سی ده وارددر. [ برنجیسی ایچون contrat کله سنه ، ایکنجیسی ایچون individualisme تعیرینه باقیكز! ]

بو فرضیاتك هیچ بری هنوز مكمل و هر وجهله قویاً مدلل اولماقله برابر (socialisme)، (étatisme) ودها بر جوق مسائل سیاسی و اجتماعی ایله صیقی صیقی به علاقه دار بولوندوغی ایچون زیاده سیله مهمدر؛ اهل اولونه ماز. [ بو تمیرلره دخی مراجعت ایدیکز! ]

مع مافیه (autorité) مسئله سنك بالجه تعلقاتی اطرافیه احاطه و تتبع ایده بيلمك ایچون، س-اثر اوضاع متنوعه سنی دخی نظر اعتباره آلوب یكان یكان تدقیق ایتملی در. چونكه فی الحقیقه هر بری بر (مسئله مستقله) تشکیل ایده جك قدر مهم كورولمشدر. (سلطه دینه autorité religieuse) ایله

(سلطهٔ ملکیه *autorité civile*) نك يكدیگریله مناسبتی، بو قیلدندر، و (حکومت روحانیه *gouvernement spirituel*) ایله (حکومت جسمانیه *gouvernement temporel*)، (autocratie) (théocratie) یعنی سلطنت و خلافت مسئله لرینه دخی املق واردور. (d'avec l'Etat) دعوانده کړك (اتصال *union*) کرکسه (انفصال *séparation*) طرفدارلری سلطهٔ حکومتك منشأ حقیقی سنه نظر ایدرلر و بو نقطهٔ نظری اساس طوتارلر. زیرا حکومت، بر (مؤسسهٔ الهیه *institution divine*) ایسه، اونی ادارهٔ ملکیه دن آیرمغه قالدشمق عظیم ضلالت اولور. اگر بر (مؤسسهٔ انسانیه *institution humaine*) ایسه ایجاب و اقتضای زمان و حاله کوره انسانلر اونی ایسته دکلری شکله قویایلیرلر، چونکه کندی اثرلیرد.

علم اجتماعی ساحه سنده واقع اولان تدقیقات اخیره کوستریورکه اقوام ابتدائیه ده (حربی *guerrier*) اولان قبائل، اداره اعتباریلر (تشکیلات عسکریه *organisation militaire*) یه مستعد بولونویورلر و بهمه حال بر (رئیس جبار *chef tyrannique*) ك حاکمیت مطلقه سی اشد یاشیورلر. فی الحقیقه — هر نه سیله اولورسه اولسون — حال حرب اوزره یاشایوب کندی محافظه ایتك مجبوریتده بولونان بر جماعتك انحق بویه بر ترتیب عسکری اوزره تشکیلاته مساعد و مستعد بولونماسی و بالضروره قهار و جبار بر رئیسك هر تورلو امرینه اطاعت مطلقه ایله اقیاد ایتمه سی پك طبعی در. ایشته علم اجتماعیه (ادارهٔ عسکریه *régime militariste*) ده نبلن طرز اداره بودر. شبه یوقدرکه بویه بر جماعته سلطهٔ حکومت، اوقوم افرادینك جمله سنه، (خصائل حربیه *vertus guerrières*) سیله و اقوام محاصمه یه مکرراً غلبه سیله فاقیتی اثبات ایدن و انحق بو سایه ده حق ریاستی احراز ایله بن بر فرد مستثناك نفوذ و صلاحیت مسلمه سندن عبارتدر و اونك ارادهٔ شخصیه سیله تمثل ایدر. بویه بر رئیس قوت و حیثیت ویرن، وجودینه لزوم کوسترن بر جوق احوال و ایجابات میاننده (حال حرب *état de guerre*) اك مهمی و برنجیسی در. ایشته (ربوبیت *despotisme*)

سپن شكل حكومتك حرب دائمی ايله صیقى به علاقهمی بورادن ظاهر اولور. بوشكه منسوب اولان بویوك كوچوك، وحشی ویا مدنی بالجه حكومات مستبدده سلطه حكومتك منشأی - حال حرب وخصمه اقوامك نواید و ایجاب ایتدیكى - اداره عسكریه در. ممثله اقوام محاربهك رئیس جباری در؛ بویكى احوال و ظروف و شرائط تحتده محافظه حیاته مجبور اولان اقوام ایچون بو ترتیبات و تشکیلات اجتماعیه ضروری و طبیعی در. [absolutisme] تعیرینك سیاسی معنائه دائر ویریلان ایضاحاته سپنسرک فکرلرینه باقیکنز !]

مع مافیه هیئت انسانیه و تشکیلات اجتماعیهك یكانه انموزجی بو تعریف ایتدیكم شكل اداره دكلدر. حتی - یاكلشلقه ظن اولوندوغی کی - حرب، حیسانك مبدأی دكلدر. حكماى طبیعیونك یاقینده ایجاد ایتش اولدوغی ( غوغای حیات la lutte pour la vie ) تعیرینی - عادى معناسیله - محاربه ظن ایتمه ملی در. واقعا، حیوانانده و حیوان کیی یاشامغه مجبور اولان اقوام سفیله و قبائل ابتدائیهده مجادله و حرب، عادتا حیات اجتماعیهی تأمین و احتیاجات ضروریهیی تطمین ایچون اك طبیعی برایش اوله كلشدر. فقط اك سفیل و ابتدائی بعضی اقوامده واردركه موقع جغرافیلى حسیله، تعرض اعدادن بك چوق مدت مصون قالمشله، ومنبت و محصولدار برقطعه اراضیده موطن و متمكن اولمق سییله اطرافه تجاوز احتیاجی حس ایتمهرك اوزون بر صلح ایچنده یاشایه بيلمشله در. دیمك كه اقوام و حشییهده بر واسطه معیشت، بروسيله كار و كسب اولمق اوزره قانون حكمنی احراز ایتش بولونان ( حال حرب ) بیله ظن اولوندوغی قدر ( عمومی général ) بر حال اجتماعى دكلدر؛ هر حالده اقوام ابتدائیه میاننده ( حربی ) جماعتلر بك چوق اولمقله برابر، ( سلمی ) یعنی صلح پرور اولانلریده یوق دكلدر. تدقیقات كوستریبوركه بویكى اقوامده شكل اداره و تشکیلات اجتماعیه بو- بوتون باشقه در. مثلا منفرد بر حاكم جبار یوقدر. اداره امور - ایجابنه كوره اجتماع و انعقاد ایدر - بر ( اختیارلر هیئتی ) النده در. ( مجلس شورا ) نك ( رشیمی rudimentaire ) بر شكل ابتدائی سنه نمونه عرض ایدن بو هیئت

کندی حیثیتله سلطه حکومته بکزر بر نفوذ دخی مالک دکادر؛ چونکه ویردیکی حکمر عادات محکمه به موافقت شرطیله معتبر اوله بیلیر. عکسی تقدیرده اکثریت ناس او هیئت طانیاز و تبدیل ایده بیلیر؛ بویه بر هیئتک (قوة تأییدیه) سیده یوقدر؛ زیرا مسلح آدملری یوقدرکه هر تورلو امرینه تابع بولونسونلرده افراد جمعیتی کرها اطاعته دعوت ایدوب ربقة اسارته ووره بیلسینلر!.. بناء علیه بوتورلو جمعیتلرده اداره، حریتپرورانه در. نفوذ حکومت ینه وارددر؛ فقط اونی جبار بر رئیس دکل، انحق عاداتک حکمی تمیل ایده بیلیر.

ایشته ال ابتدائی اقوامده، حیات اجتماعیك حین انکشافده کوردو کمز بو ایکی طرز اداره، یکدیگیرینه تماماً ضد - ایکی (انمودج اجتماعی type social) نك صفت کاشف سنی ابراز ایدر. بریسی حکومت مستبدنك (نوه nucleus) سی یعنی چکیرده کی در؛ دیگر یده حکومت مشروطه نك چکیرده کی در. برنجیسنده تشکیلات عسکریه اساسدر؛ حرب باشلیجه مشغله حیاتدر. زور بالی فضیلت اصیبه در. اداره مرکزیدر و بر رئیس مطلق وجودینی همه حال استلزام ایدر. سلطه حکومت دخی اونك نفوذ شخصی سی در. قانون، اونك ارادتی در.

ایکنجیسنده تشکیلات ملکیه اساسدر؛ جالشق، نفقه معیشتی تدارک ایتک، باشلیجه مشغله حیاتدر. عهدینه رعایت ایتک فضیلت اصلیه در. اداره مرکزی دکلدر و بر رئیس احتیاج کو سترمز؛ اهالی غندنده معتبر، اختیار کیسه لردن مرکب بر هیئت موقته بالمشوره تمشیت اموره نظارت ایدر. سلطه حکومت، تحکم عادتدر. قانون عادات قدیمه و مؤسسه به رعایتدر. آکلاشیلورکه اقوام وحشیه نك - هیچ اولمازسه - جمله سنده شکل اداره، بر حکومت مطلقه نمونه بی دکل ایمش. نته کم تشکیلات حربیه، ابتدائی وطیبی اولق اوزره ال اسکی و عمومی بر (عضویت اجتماعی organisme sociale) دکل ایمش. (صناعت industrie) دخی انسا - نیتده حرب قدر قدیمدر. بونده هیچ شبه یوق!..

بو مسئله لرده بوتون فیلسوفلره احاطه علمیه سیله واصابت نظریه -

فائق اولان (هربرت سپنسر H. Spencer) علوم اجتماعیه دأر یازمش اولدوغی مغللات آئارده بو ملاحظاتی مؤید اولق اوزره بر چوق مثاللر کتیریورکه (ئتنوغرافی ethnographie) علماسنک ویردیکی معلومات مهمه دن نقل اولونمشدر .

سپنسر، صلحپرور اقوام آره سنده ترك عرقه منسوب بعضیلرینی ده ذکر ایدیورکه، بونلرک اداره سی بر (اختیار هیئی) نه مودوعدر ؛ و بو هیئت معین زمانلرده تبدل ایدر. بزده بیلورزکه ترکلرده (آق صاقلار) اداره سی مهم بر مؤسسۀ مشروطیتپرورانه در . حتی - نیم ظنمه و آکلادیغمه کوره - شدله محارب اولان مونغوللرک تشکیلات اجتماعیه لری بیله بر (سیادت عسکریه aristocr. militaire) شکلنده اولقاه بر ابرء اداره لری (شوری assemblée) طرزنده ایدی. (قورولتای) فی الحقیقه بر مجلس شوری ایدی. یالکز اصلا عوام قارده سی ماهیتده اولمایوب صنایدامتدن متشکل بر اعیان مجلسنه بکزه ردی . رومالیرک (پاتریچی Patrici) دهنیلن کبار صنفندن مرکب اسکی (سناتو Senatus) سنی دها زیاده آکدیرردی . سلطۀ حکومت مونغول ایمپراطورلرنده بیله شخصی بر نفوذ دکلدی . مثلاً چنکیزخانک (قورولتای) مجاسنده امور عسکریه جه رأی مطلقا حاکم و نافذ اوله مازدی . یالکز امور ملکیده مشورت ایدیایرکن ریاست ایدر فقط و بریلن قرارلر بهمه حال عادات قومیه آیقیری دوشمه مکله مشروط و مؤید بولونوردی . (یاسا) دهنیلن (قوانین موضوعه) ، عادات ملیه نک مرتب بر شکل دستورینندن باشقه برشی دکلدی ؛ بوکا چنکیز دخی حدنجه اطاعته مجبور طوتولوردی .

عالم متخصص، مشهور (لئون قاهون Léon Cahun) (مونغول تاریخچه مدخل) نام اثرنده بویه سولویور و ایضاحات کافی ویره رک دایملر ابراز ایدیور. سپنسر منحصرأ عاداتک حکمنه بویوک بر اهمیت ویریور. حتی روایت ایدیورکه اک و حتی و حربی اقوامده بیله، رئیسک ربوبیت حاکمانه سی مدهش بر اداره مطلقه تشکیل ایندیکی حالده عادات ، دها قوتلی در وعاداته رعایت

ایتمیه رڪ اسكى قاعده لری ایاقری آلتنه آلان جبارۀ اقوام، قتل و خلع ایدیور.  
او حالده سلطۀ حکومت الك مستبد و حشین اداره لرده بیله رئیسك نفوذ  
شخصی سی دیمك دكلدر . هر نه قدر اونك شخصنده تمثیل ایدیورسه ده .  
هیچ اولمازسه . او قوتك منعی و مصدری کندی شخصی دكلدر . عادات قومیه دره .  
بو سیاق نظر (ده موقراسی Démocratie) به حق و قوت و بریور .  
جمیات بشریه نك هنوز بدایت تشككنده كورد و كز بو ایکی انموذج  
اجتماعی ده طرز اداره ، فرقی میل صلح ایله حال حربك تأثیراتنه عطف  
ایتمكه مجبور بولوند و غز ایچون سلطۀ حكومتی برنده رئیس قوم، دیگرنده  
ایسه قومك انتخابی ایله اعتماد و وكالتی حائز بر هیئت مشورت، تمثیل ایتمش  
اولویور . یالكز شو نقطه پایان دقت دركه عادات محكمه هر ایکی شكل  
اداره ده دخی قانون حكمنی حائز بولونویور؛ بو سیله شو ایکی طرز اداره ده  
مشهور اولان فرق ظاهری به باقیارق، (سلطۀ حكومتك منبع حقیقیسی  
عادات محكمه در) ده بیلیرز و ظن ایدرم الك طوغری فرضیه دخی آنجق  
بو اوله بیلیر .

مع مافیه مهم بر کیفیت اجتماعی ده و ارکه اول امرده بو فرضیه یی  
نقض ایدر کی کورونورده ، حقیقته اوله دكلدر . اوده سلطۀ ذینه ایله  
سلطۀ ملکیه و عسکریه نك مناسبتی در . شیمی به قدر ویرمش اولد و غم  
ایضاحات مخصوصه دن آکلاشلمش اولسه کرکدر که سلطۀ ملکیه نك منشأی  
اولق اوزره هیئت اداره یی قبول ایتمك عقله ده ملایم کلیور؛ هیئت اداره  
دیمك جماعت دیمکدر؛ چونکه اونی انتخاب و تعیین ایدن جماعت در .  
اولادینی فرض ایدسه بیله اوکا اطاعت ایدن و بو اطاعتی ایله او هیئته بر  
نفوذ حکومت ویرن ، برحیث محترمه اسناد ایدن بنه جماعت در . حکومت  
بر حیثیت قدسیه اسناد اولونماسه بیله ، بر هیئت ، بر (فرد individu)  
صایله ماز . دیمك اولویوز که اصل مسئله حکومتك منشأی و منشأی ایله  
برابر شكل اصلی و ابتدائی سنی کشف و تعیین ایتمکدر . مادام که حکومت ،  
سلطه و نفوذ ایله تمثیل ایدیور؛ هله اقوام وحشیه و ابتدائیه صحیحاً

حکومت (تحکم) دیمکدر؛ او حالده بو نفوذی عاداته و یاخود بر هیئته اسناد ایله تعریف ایتک، شکل اداره نك اساساً و بدایتاً (حاکمیت امت *démocratie*) صورتنده تأسس ایتمش اولدوغنی ادعایه واریر . حالبوکه اداره ابتدائیة نك عسکری و یاخود دینی بر شکله تأسس ایتمش بولوندوغنی دعوا ایتک سلطه حکومتك منبعی عاداته و جماعته دکل نفوذ شخصییه ، رئیس قومه اسناد ایتمکدر . زیرا اداره عسکریه ، قاهر بر رئیس احتیاجدن مستغنی اوله مادی کیی (مرکزی *centraliste*) اولمقدن ده قورتوله ماز .

ایشته (*autocratie* سلطنت مطلقه) می اصلدر؛ یوقسه (حاکمیت امت *démocratie*) می اصلدر.. سؤاله وجود ویرن مزعج مسئله بودر!... بوراده تشنت آرا واردر . بوتون حقوق اجتماعیه نك (حریت فردیه *liberté individuelle*) دن تولد ایتدیکنی بردستور اساسی اوله رق قبول ایدن (*individualisme* فردانیه) مذهبی ایله ، - حریت فردیهیه حاکم و معاهدات و مقاولات شخصییه ناظم اولوق اوزره - نفوذ حکومتی ، هر تورلو (حقوق شخصییه *droits privés*) دن اقدم و مقدم بیلن مذهب اربابی یعنی (*étatisme*) طرفدارانی آره سندمه جایگیر اولان مناقشات شدید نك منبعی و باغنی ینه او سؤال در . فی الحقیقه حکومتك شکل طبیعی و ابتدائی-یی (اداره مطلقه) ایسه (*étatisme*) ادعاسی طوغرودر . یوق، (حاکمیت امت) ایسه ، (*individualisme*) ادعاسی حقدر . زیرا حاکمیت امت - ناصل دوشونولورسه دوشونولسون - (ارادات فردیه نك محصله-یی) اولماقدن قورتوله ماز؛ اورایه واریر .

شو (*autorité*) کله سنك بو قدر خطیر و مبرم مسائل غامضیه وجود ویردیکنی آکلاته بیلیمك ایچون، بو مختصر ملاحظات کفایت ایدر صانیرم . شیمدی سلطه دینه نك منشائی تدقیق ایده لم .

علم اجتماعی - آز چوق معقول و مقبول دلائل عرض ایده رك - کوستر- بیورکه انسانلرده حقیقی مناسیله طوغرو بردین، یعنی (دین حق)، جماعات بشریه ده نسبتاً پك صوکره لری تحلی و تأسس ایتمش و بویله بر استعداد کماله واصل اوله بیلیمك ایچون، ملتلر بر چوق صفحات معنویه کچیره رك بر مدیت

تولید ایتش اولق لازم کلسدر. لکن وجدان انسانده (حسن دینی sentiment religieux) دیدیکمز درین و بویوک طویفونک تولدی پک قدیمدر. (علم آثار عتیقه archéologie)، (علم قبل التاریخ la préhistorique) و (علم انسان anthropologie) بو خصوصده پک قوی بر طاقم دلائل ابراز ایدیورکه اونلری - مع التأسف - بوراده ذکر ایتک ایچون یریوقدر. بالکمز شو قدر عرض ایدیم که دلائل مذکور (علم اجتماعی) نک بومستلره متعلق بولونان قسم مخصوصه مسند اولان تمل طاشلری مثابه سنده در. علم اجتماعی نظرده (حسن دینی) اساسدر. چونکه بالمله اشکال دینه و احکام اعتقادییه تولید ایدن اودر. اوه روحدر؛ صور مختلفه ادیان قابلدرد. قالبک کالی مدنیت معنویه نک کالیله متناسبدر فقط حسن دینی اونک شعله حیاتیدر. آز اولسون چوق اولسون، خفیف و یاشدید اولسون، ماهیتاً فرقلی دکلدر. اونک ایچون سلطه دینه نک منشائی ملل مدنیه نک شکل حکومتده دکل، اقوام وحشیه نک طرز اداره سنده آرامق علمای متخصصین غندنده ده مستحسن بر (اصول méthode) در.

علم اجتماعی به برچوق (مواد ابتدائیه matières premières) احضار ایدن (ethnographie علم اقوام) ک روایتیه باقیلیرسه شبهه قالمیورکه (دین) دیدیکمز مؤسسه معنویه دن محروم برچوق اقوام وحشیه حالا موجوددر. فقط حسن دینی دن کلاً معری برقوم نادردر. هان هر قوم وحشی افرانده بعضی مستننا ادهلر کورولویورکه بونلر، امراضی صاودیره بیلیمک، غیدن خبر ویرمک، جنلری و بریلری - ایجابنه کوره - دعوت و دفع ایده بیلیمک و بو سایهده سائر اقوام مخاصمه اوزرینه تأمین غلبه ایلیه بیلیمک کیی خارق العاده بر اقتداره مظهریت ادعا سنده درلر، و منسوب اولدقلری اقوامک بو خصوصده اعتقاد و حرمتی قازانمشلردر. بومستلره حقنده هر کسدن ایی تحقیقاته موفق اولمش اولان (هربرت اسپنسر H. Spencer) (مبادی علم اجتماعی principles of sociology) نام اثرینک درت بشیوز صحیفه سی بو بحثلره حصر ایتمشدر. بو انکلیز فیلسوفی ادعا ایدیورکه بدایت امرده رئیس قوم، عینی زمانده سرعسکر، حاکم ملکی وعدلی، رئیس روحانی،



طیب و (بوکوجی sorcier) ایملش . بوقدر حیثاتی نفسنده جمع و تمیل ایدن برآدمک دخی خارق العاده بر اعتباره مظهر اولماسی و عادی انسانلرک فوقده بر شی عد ایدلمسی - او زمانلره کوره - پک طبیعی بر اعتقاددر . بناءً علیه اویله مافوق البشر بر قدرت خارقیه مالک بولونان بر رئیسک امر ادارهده افراد قوم اوزرینه بر حاکمیت مطلقه اجرا ایتمسی ده او درجه طبیعی در .

شیمدی بز بویه بر آدمک - یالکز رئیس روحانی اولوق اعتباریه - حیثیت مخصوصه سنی نظر اعتباره آلم : مادام که سلطه دینه نك شکل ابتدائی سنی بویه برآدمده کوره بیلپورده [سلطه دینه نك منشأی جماعت دکل فرددره فوق العاده بر شخصدره] دیملکه مجبوریث الویریور . چونکه دین - هر نه شکله اولورسه اولسون - بر جماعتک محصله ارادتی اولمقدن زیاده فوق - العاده بر شخصک اثر الهامی در . اویله کورونویور . اگر حقیقتاً اویله ایسه (théocratie سلطنت الیه) ایه (autocratie سلطنت شخصیه) بر اصلدن طوغمش وتوأم اوله رق بویومش ایکی شکل اداره اولوق کرکدرکه نفوذلرینی عینی منبعدن المشر اولمالری ده قویاً محتملدر؛ و بو منبع اصلاً و قطعاً انسانی و اجتماعی دکل ، (الهی divine) و (مافوق البشری surhumaine) اولوق ایجاب ایدر . باشقه تورلو دوشونوله منر . او تقدیرده (حاکمیت امت) ک اصل اولماسی دعواسی ، قوتی ضایع ایدره مضمحل اولور .

علم اجتماعی جمعیات بشریه نك بدایت تشککنده سلطه دینه ایه سلطه ملکیه یی رئیسک ید اقتدارنده مجتمع اوله رق کوستریور؛ [بالآخره مدینتک و باخصوص (حیات تجاریه la vie commerciale) و (حرفت و صناعت arts industriels) ک ترقیسی یوزندن افراد ملتک بعض حقوق سیاسی و اجتماعییه - بالضروره - مظهر اولماسی، انسانلره حریت بخش ایملش و او سایهده - مرحوم شیخ محمد عبده نك تعیرینجه - (فصل بین السلطتین séparation des deux autorités) ممکن اوله بیلمشدره] دییور . سیاستده پک مهم بر حادثه تشکیل ایدن (séparation de l'Eglise d'avec l'Etat) یعنی (حکومت روحانیه ایه حکومت جسمانیه نك بر بردن آبرلماسی) ایشه بودره .

بو کون مدنی مملکتلرده و بالخاصه انکلترده اک قدیم واساسی ایکی سیاسی فرقه تشکیل ایدن (طوری — tory) لر ایله (وویغ — Whig) لر یعنی (محافظه کار — conservateur) لر ایله (حریت پرور — liberal) لرک عقیده اساسیه لرنده کورولن اختلاف — سپنسرک و دها بر جوق انکلیز فیلسوفلرک ادعاسیجه — سلطه حکومتک منشأنه تعلق ایدن او ایکی متباین نظریه دن نشأت ایدیور. محافظه کارلر، [سلطه حکومت (الهی المنشأ d'origine sociale) در؛] دیه ادعا ایدیورلر. حکومتک حیثیت ذاتیه سی دخی بو ایکی مختلف اعتقادک حکمنه تابع بولونمقدن قورتوله میور: برنجی فرقه نظرنده حکومت بر مؤسسه الهیه صایلدیفندن و — آچقندن آچیفه اعتراف ایدلسین ایدله سین — نو عما بر قدسیتی حائر بولونویور و بناء علیه (علی الاطلاق واجب الرعايت) عد ایدیلیور. ایکنجی فرقه یه کسوره بر مؤسسه اجتماعیه اولوق درکسنه نزل ایدیور؛ خصوصا انسانیتک هنوز وحشی دورلرنده تأسس ایتمش بولوندوغی ایچون علی الاطلاق واجب الرعايه اولماسی شویله طورسون علی الدوام شایان اصلاح و محتاج تکامل اولدوغنه حکم ایدیلیور. حیات — سپنسرک تعریف موجزینه کوره — دائمی بر صورتده تحول ایتمکده بولونان (محیطه مطابقت adaptation au milieu) دیمک اولدوغی جهته حیات اجتماعیه نک قوه ناظمه سی صاییلان حکومتک دخی ایجابات محیطیه و شرائط جدیدیه کوره تبدلاته مجبور طوتولوب تکامله مظهر اولماسی لزومی ادعا اولونویور. سلطه حکومت ارادات فردیه نک بر محصله سی اولوق اوزره تلقی ایدلیدیکی ایچون دخی تبدلات و اصلاحات لازمه ده اکثریت ناسک آرزو و ارادتی، باشلیجه عامل اولوق اوزره قبول ایدیلیور.

(پارلمانتاریزم parlementarisme) ک — دها طوغروسی انکلیز پارلمانتاریزمنک — نظریه اساسیه سی بودر. بز بوکا (حکومت شوری) دیرز. بو کون طوغرودن طوغرویه و لای علی التعمین افرادامت بو ایشه قاریشه میور؛ منتخب مبعولری وکیل اتخاذا ایدوب انجق اونلر واسطه سیله آرزولرینی افذاذ و حق حاکیتلرینی اجرا ایتمک قاعتنده بولونویورلر. باشقه چاره دخی

کشف اولونه مادینی جهته، آرتق (حکومت شوری) بو کون آنجق (حکومت مبعوثه *gouvernement représentatif*) صورتنده ممکن اوله بیلور. دهاسکی زمانلرده ملت افرادینک ایلری کلنلری لاعلی تعیین بر میدان طوبلانیر، حکومت ایشلرینی شدتله مناقشه ایدرلردی. عظیم ولولهیی موجب اولان بو طرز مشورت بحرانلی زمانلرده - ترتیسزک و انتظامسزلق یوزندن - بوسبوتون (تردی *dégénérer*) ایدوب عریده یه منجر اولدوغی ایچون وحاله (حاکیت امت) طرفداری اولان فیلسوفلری بيله، آیوس ایتیش و:

(ده موقراسی حکومتی نظری اوله رق الک کوزل برشکل ادره اولدوغی حالده تطیقاتنده الک قناتیجه لر ویریور: بیکلر حه کشینک حکومت ایشلرینه قاریشوب هپ بردن مناقشه ایتمه سیله غوغادن کوروللی دن باشقه برشی یایله میور. استبداد اداره البته ده (پراتیق *pratique*) دره بر مقتدر رئیسک اوامر قطعیه سنه تبعیتله دها چابوق دها قولای ودها این ایش کوروله بیلور!) دیدیرتمشدی.

دور اخیر مدیت، سلطه حکومتی ینه ملته عطف ایتمکله برابر، حکومت مبعوثه اصولی کشف ابده رک بو محظوره - بر درجه یه قدر - چاره ساز اولش اولدی. ذاناً نفوس بشریه نک سرعتله تکرری بو یکی طرز اداره یی بالخاصه ایجاب واستلزام ایدن عوامل اجتماعیه واقتصادیه دن باشلیجه بری ایدی. سلطه دینیه نک ممثلی اولان (*théocratie*) یه کلنجه، دور اخیر مدینته خیلی دن خیلی ضعفه دوچار اولش بولونمقله برابر بوسبوتون اورطه دن قالقماش واروپا دول متمدنه سنده بيله - هیچ اولمازسه صورتا - وارلقی محافظه ایده ییلاشدر.

حریت فردیه ایله نفوذ حکومتک مناسبتی و هر ایکسینک حدود مشرو-عه سنک لزوم تعیینی، زمانمیزک الک مهم مسائلدن بریدر. سلطه حکومتک حیات فردیه خصوصاته قدر تمدید وتشمیل نفوذ ایتمه سنی سعادت اجتماعیه جه بر لازمه اساسیه عد ایدن محافظه کاران، بو دعوالری ایله حریت شخصیه یی هر طرفدن ققیده، وافراد اوزرنده سلطه حکومتی تشید ایتک ایسته دکلری

ایچون، دین کی، عادات کی، حسیات قومیہ کی، وجدان افراد اوزرینہ بر قدرت قاهره اجرا ایدہ بیلیر۔ نه قدر عوامل معنویه و قوای اجتماعیه وارسه اونلرک جمله سنی حکومت حسابنه تصرف ایتمکدن چکینمز لر. اوسیله درکه حکومتک الهی الاصل بر مؤسسه اولماسی ادعاسنه طایانیر لر. وینه عینی سبیله درکه حریت شخصیہ دعواسنی امر اداره ده دستور اساسی اتخاذ ایدن سربستی طرفدار لری، دونه طولاشه، حکومتک بر مؤسسه اجتماعیه اولدوغنی هر حالده اک مهم بر (دلیل علمی *preuve scientifique*) اولق اوزره ایراد ایدر لر.

هر ایکی طرفک ده طرز محاکمہ سنی اختصاراً عرض ایدہ جکم؛ بوملا۔ حظاتک سلطه حکومت نظریاتنه نه صورتله استناد ایتکده بولوندوغنی کند؛ ایتکدن تظاهر ایدہ جکدر. خصوصاً خریستان عالمده تأسس ایدن (théocratie) اداره سی ایله عالم اسلامده حکم سوردهن خلافتک - حد ذاتده - پک مهم اولان فرق اصلی سوده واضحاً تعین ایدہ جکدر. فی الحقیقه : (اگر سلطه حکومت صحیحاً دینک حکمی ايسه، اللهک امری دیمکدر. اویله اولونجه اک طوغرو شکل اداره (حکومت الهیه = *théocratie*) اوله بیلیر. او تقدیرده حکومتک اجراءات و حرکاتی هر نه وجهله اولورسه اولسون، تنقید و حاکیتی، حدود و حقوق مشروطیتله، تنقید ایتک طوغرو اولماز حتی کباژدن یعنی بویوک کناهلردن صایلسه بجادر. بناءً علیه حکومتک افرادمت اوزرنده ذاتاً جاری اولان تفویضه حد و پایان تصور ایدله من. اوکا تمامیه اطاعت ایتک انسانلر ایچون، بالطبع اک مقدس وظیفه اولمش اولور. زیرا انسانلرک (دها طوغروسی عباد اللهک!) سعادت و سلامتی واحسن تقویم اوزره امر اداره سنی کافل اولان قوانین و احکامی، جناب الله، بر یوزنده تعین بویورمش اولدوغنی وکیلی واسطه سبیله خلقه تبلیغ ایدیور و حرفاً اجرا سنه، آنجق اونی مأمور ایلورسه، ارتق هیچ بر کیمسه به هیچ بر وجهله سوز دوشمز. من قبل الله مأمور اولان بویله بر کیمسه نک البته من طرف الله مؤید بولونماسی لزومی ده - طبعی و ضروری اوله رق - دوشونولور. بناءً علیه هر حالده (تأیید الهی ایله *par sanction divine*)

اوبله بر موقع قدسی بی بحق استغال ایدن بر ذات شریف، معصوم ولا یخطفی اولوق کر کدر. اوبله اولونجه اونک اجرا آتسده ذره قدر قصور بولونمق احتمالی یوقدرکه تنقید ممکن ومشروع اوله بیلسین !

قانونلیق مذهبک (عقیده سیاست doctrine politique) ی بودر. (بابالق) حکومت دینه سنک منبع قدرتی ده بواولمشدر. بواعتقادک متممیری ده وار ایدی که سلطه دینه یه قارشی هر فردک بونی بوکوبوردی؛ قرون وسطی تاریخی بزه کوستریور که بو مدهش قوتک اوکنده جهان تیتریور وایمیرا. طودرلر بیله دیز چوکوبوردی .

(یوقی !، سلطه حکومت دیدیکمز قوت (ماهیتاً دینی religieuse par sa nature) دکل ده، (تشکیلات اجتماعی organisations sociales) دن طوغمش بر عامل معنوی ایسه، (عادات mœurs et coutumes) و برطاقم (مؤسسات institutions) دن قوت آلیور دیمکدر. اوتقدیرده دخی (قدسی sacrée) اولماق لازم کلیر. چونکه جماعتک کندی سینه منده طوغمشدر؛ و بوکون دکل انسانیتک ایلك دوره وحشتنده طوغمشدر. بناءً علیه بالذات بر مؤسسه اجتماعی صاییلیر. خلاصه آنجق بر (اثر انسانی œuvre humaine) در. اوسبیله واوحیثیله تنقید ایدلمه لی وذاثما اجرا آتسه بر (حد terme) تعیین اولونمالی در. چونکه طبیعت و ماهیتی اقتضاسنجه، خطادن سالم اوله ماز و متباداً اصلاحاته محتاج کورونور. بونک ایچون دخی یگانه چاره، سلطه حکومتی حقوق شخصیه واجتماعیه ایله تقید ایدره ک اراده ملیه نک قونترولنه تابع طوتمقدردر) .

بو مطالعات متباینه کوستریور که سلطه حکومت دیدیکمز قدرتک منشائی تحقیقه کیریشمک، شکل اداره و صلاحیت سلطنت بختلرینه تعلق ایدن بالجله مسائل غامضه بی اورطه به آتیوریریور و باقیلسه یوقاریده تلخیصاً عرض ایتمش اولدوغم ایکی متخالف (مدعا thèse) ذاتاً بوندن طوغمش ایکی متباین اعتقاددر؛ یعنی سلطه حکومتک منشالرینی تحقیق نتیجه سنده اذهان متفکرینه حاکم اولان ایکی مختلف عقیده متضاده نک برر مختصر دستور افاده سی در .

بو مسئله لری هر فید-وفدن زیاده نفوذ نظر و احاطه ایله تحلیل ایدن مشهور (هربرت اسپنسر H. Spencer) لایقیله و اطرافیه تبع ایتیش و (مبادی علم اجتماعی Principles of sociology) عنوانی اثر معتبرنده اک متین بر زمین بحث اتخاذ ایله مشدر. (حکومه قارشی شخص the man versus the state) نامیه پک معروف بر رساله سی ده ا و اردر که درت مقاله دن مؤلفدر. او مقالاتده بو انکلیز فیلسوفی، حکمت سیاسییه متعلق اولان افکار و اعتقاداتی پک موجز و فقط پک جانی و ادعای بر اسلوب ایله عرض ایتمشدر. کتابک دردنجی بابی تشکیل ایدن مقاله: [سیاستک بیوک عقیده ضاله سی the great political superstition] حقنده بر تنقید شدیددر. (حکومت l'Etat) ی جماعتدن و افراد جماعتدن بوسبوتون مستقل و آیری بر شخص معنوی ظن ایدنلرک بو خصوصده کی ضالانه قوتی بر تعریضدر. بالطبع بو بمجده نقطه اساسیه یی سلطه حکومت مسئله سی تشکیل ایدیور و اونک منشائی تحقیق صورتیه بحثه کیریشیلیور.

سپنسر اولآ (حکمدارلرک الهی بر حق و صلاحیت مالک بولونمالری) ادعایی شدت و نفرتله رد ایدیور و بالخاصه ضال و مضل عدایتیکی عقیده سیاسییه بودر؛ بو ادعایک یاقین زمانلره قدر یالکیز عوام ناسه دکل، اذهان متفکرینه بیله تحکم ایتمکده بولوندوغنی کوسترمک ایمچون شایان دقت برایکی مثال ایراد ایدیور: اون دردنجی لونی دورنده یاشایان الهیون مشهوردن (بوسسونه Bossuet) کبی بر آدمک بیله بو اعتقاده بولوندوغنی سویلویور. باطل بدیهی اولان بویه بر اعتقادک زمانمزده نقطه استنادی اولمادینی حالد. (قارایل Carlyle) ک بیله اوندن بوسبوتون قورتوله مامش اولدوغن قناعت کتیریور. حالبوکه [واضع قانون law-giver] ک من طرف اله مؤید و مرسل بولوندوغنه اینانلدینی اسکی زمانلرده بویه بر عقیده سقیمه تولد و بالآخره تشید ایدوب ربوبیت حکومته سبب محض اولمشدر. [دیور؛ حتی او ادعاده درکه (حکمدارلره نامحدود بر قدرت مطلقه اسناد ایتک نه قدر بویوک و مضر بر ضالالت سیاسییه ایسه بو کونکی پارلمنتولره دخی نا محصور بر صلاحیت حاکمه ویرمک و یا خود او یله بر قدرت عطف

ایتمک او درجه مضر بر ضلالتدر؛ چونکی بوده اوتہ کی نک عینی در .  
 دیمک اینستورکه بو کون سلطه حکومت، حکمدارلردن پارلمنتورله  
 انتقال ایتشدرد. مجالس ملیه بوقوتی، بونفوذ صلاحیتی ملدن آلیر؛ بو حیثیتله  
 ماتک آرزوسی، منفعتی و ارادتی فوقده برپارلمنتو قدرتی اوله ماز و ملتہ  
 علی الاطلاق تسلطن ایتمکده ملت مجلسنک بیله حتی یوقدر .

سپنسرک بوتون فلسفه سیاسیه سنک دستور اصلی سی بودر؛ اونک ایچون  
 درکه حقیقی حریتپرورلکک دستور حرکتی ده بو حکمت سیاسیه سندن  
 استخراج ایتش و او مقاله مهمه سی شو مهم سوزلرله بیتیمشدر: (اسکی  
 زمانلرده حریتپرورلکک وظیفه سی حکمدارلرک قدرتنه بر حد تعین ایتمک  
 ایدی. استقباله حقیقی حریتپرورلکک وظیفه سی پارلمنتورلک قوتنه بر حد  
 قویق اوله جقدر .) لکن، - حکمای سیاسی برینه دوشورن - بودعوایی  
 اثبات ایدمیلیمک ایچون سلطه حکومتک منشأی حقندہ تدقیقاته کیریشمک  
 بک طبیعی کوروندوکی جهته، (سپنسر) دخی بومسئله غامضه یی حل و اذہانی  
 بو خصوصده تنویر ایتمک غیرتیلہ (autorité) بخنی آچوز . بو جریان  
 افکاره حکمت سیاسیه ده موضوعات اساسیه یی تشکیل ایدن مسائل متنوعه نک  
 یکدیگریله روابط صمیمیه سی بک کوزل و بک واضح برصورتده کوستره -  
 بیله جک ماهیتده در .

فی الحقیقه - (هوبس) - تعریضاً - بو حکیم دییورکه :

(سلطنت فکری the notion of sovereignty)، بو بحثده تقدم ایدن  
 ایلک مسئله در. سلطنتی (ما فوق الطبیعه supernatural) بر قدرته اسناد  
 ایتمین، و بو اعتقادی فضولی بر (موضوعه postulat) کبی قبول ایله مینلرک  
 بو خصوصده کی افکارینی حده تنقیددن کچیریرسه ک، (هوبس) ک دلائله  
 پیوسته اولورزا! .

هوبس، قدرت سلطنتک مطلق العنان اولماسی، هیچ برقوتله مقصوره  
 هیچ بر شرط ایله مقید و محصور بولونماماسی التزام ایتمکله برابر سلطه  
 حکومتک بر (عهد اجتماعی contrat social) یه مستند بولوندوغنی و آنحق  
 اوندن طوغمش اولدوغنی ادعا ایدردی . یعنی ماهیتاً مابعدالطبیعی بر قوت

اولمسی دعواسنی رد و انکار ایتمله برابره نامحدود و مستبدانه بر صلاحیت  
اجرائیه مالک بولونماسی لزومنده اصرار ایدردی .

سپنسر بو فکر باطله تهلکلی بر نقطه کوردیور و اونی تنور ایلله  
اذهانی بر بویوک ضلالت سیاسیه دن تحذیر ایتک ایستور: سلطه حکومت  
الهی الاصل بر قدرت ایسه - یوقاریده محاکمه ایتدیکم وجهله - نفوذنی  
تنقید و اقامه شروط ایلله نفوذنی تحدید ایتک طوغرو اولماز . او حالده  
( ربوبیت ) یعنی مطلقیت اداره مشروع کورونور . فقط جماعتک سینه سنده  
طوغروب بویون انسانلردن مرکب بر هیئت اداره نک، مقاوله سابقه و معاهده  
واقعه سندن نشأت ایدیورسه، ناصل او ( عهد اجتماعی ) بر قدرت مطلقه  
حیثیتی حائر اولورده بر حکومت مستبدانه زمین استنادنی تشکیل ایده -  
بیلیر؟ ..... بطلانی بو کون ثابت اولان بو ( عهد اجتماعی ) فرضیه سی  
طوغرو اولسه، یعنی ( هوبس ) که ادعا ایتدیکی و ( ژان ژاک روسو  
J. J. Rousseau ) که عیناً قبول وتلقی ایلدیکی وجهله - بیلیم نه زمان  
- اسلاف اجدادیمز آره سنده واقع بر مقاوله موجبجه ( حکومت ) که تأسیس  
ایتمش بولوندوغی تحقق ایده بیلیمه نیجه نیجه عصر لر اول وقوع بولان بویله  
بر معاهده نک حالا حکمفرما اوله بیلیمه سی و هر تورلو اجراءات و حرکات مزده  
فکر و ارادتمزی تعطیل و یا قئید ایده بیلیمه سی قبول اولونه بیلیر و مشروع  
کوروله بیلیر شیلردن دکلدر . حالبوکه اساساً فرضیه باطلدر . ( بو فرضیه نک  
مناقشه سی ایچون contrat کله نه مراجعت ایدیکنز ؛ ناصل بر سفسطه  
نمونه سی تشکیل ایتدیکنی آکلامق ایچون ده sophisme کله نه باقیکنز ! )  
صوکره، اصل مهم نقطه، مشورتله تأسیس حکومت ایده بیلیمک ایچون  
اجتماع ایدن صنادید امتک بر مقاوله یه کیریشمه سی، و بوتون بو شروط  
وقیوده رغماً تشکل ایدن بر طرز اداره نک ینه مطلق العنان اوله بیلیمه سی در .  
بویله برشی اوله بیلیرمی؟ .. اوله بیلیدیکی فرض ایده بیلیمه سی ( مشروع بر حکومت )  
اوله بیلیرمی؟ .. اگر اوله بیلیرسه، بو کونکی پارلمنتورلر دخی، اسکی فرعونلر،  
یککاووسلر کیبی فعال لمایرید و مطلق العنان و غیر مسئول بر قوه حاکمه  
اوله بیلیر . بوايه، اسکی ربوبیت اداره دن، هر نوع حکومت مطلقه دن بدتر



بر مصیبت صابیلیر . (جون ستوئٹ میل J. S. Mill) ك (حریت دائر on liberty) یازمش اولدوغی ائرده سویله دیگی کیی : (برکشی نك میلیونلرجه خلق اوزرینه اجرای تحکم و ادعای حق ربوبیت ایتمه سی نا معقول و نا مشروع ایسه بر چوق کشیلرک بر آدم اوزرینه تحکمی دهـا زیاده حقسز و نامشروع اولق کرکدر .)

ایشته بوسبیلهدرکه حریتپرورانك اك فیلسوفی وفیلسوفلرک اك حریتپروری اولان سپنسر کال جدیتله بو نقطه یه نصب نظر ایتمش و مسئله نك بومهم جهتنی شرح وتنور ایتمك ایسته مشدر . بو کونکی انکلیز پارلمنتوسنه بیله (حاکمیت مطلقه) حق وصلاحیتی ویرمه یین، حتی اونی شدتله تنقید ایدوب - حیثیتی سؤاستعمال ایتدیکندن طولای - مسئول طوتان بو (رادیقال فیلسوف)، (حاکمیت امت démocratie) ادعاسیله پارلمنتولره انتقال ایدن سلطه حکومتی قصر و تحدید ایتمك لزومی قوتله حس ایتمش و بو خصوصده اذهان ناسه قناعت بخش ایدم بیله جك اولان دلائل قاطعه یی بولوب چیقارمق ایچون (هوبس) ك (مقاولة اجتماعیه) فرضیه سنی تنقید وتحلیل ایله ایشه باشلامشدر؛ یعنی مسئله نك منشأنه انفاذ نظرایده رك معهود ادعانك نه قدر جوروك بر تمل اوزرینه استناد ایتمکده اولدوغی ابراز و افشا ایتمك ایسته مشدر . بو داهیانه نظر، بالطبع سلطه حکومتك منبع حقیقی سنی کشف ایتمك ایچون کندیسنه رهبر اولمشدر .

سپنسرک اعتقادنجه سلطه حکومت افراد جماعتك محصله فکر وارادتی در؛ زمین استنادی ده عادات محکمه در. بو اعتقاد کندیسنده اودرجه یتین درکه اونی مدافعه ایچون پك چوق و پك کوزل صحیفه لریازمشدر. (قهرمان پرست hieroworshiper) اولان (فادرایل Carlyle) ك فسونکار براسلوب شاعرانه ایله نشر ایتمك ایسته دیگی افکار باطله و مضره یی کال دقتله تنقید وتحلیل ایدم رک ماهیت سقیمه لرینی میدانه قویمشدر . ملاحظاتی تلخیص ایتمك اوزره شونی ادعا ایدیورکه [بر قهرمان، هرکیم اولورسه اولسون، ایستر بر سرداره ایستره بر پیغمبر اولسون، اوکا اکثریت ناس اعتقاد و بیعت ایتزسه اونك هیچ بر حکمی اوله ماز. بو حالد هیهچ بر رولی هیچ

بر موفقیتی ده اوله‌ماز. اونی قهرمان ایدن، بر قدرت فوق البشریه ابله ممتاز و سرافراز ایدن منسوب اولدوغی جماعت افرادنک اعتقادات واستعداداتی در. بناءً علیه هر قوت، هر صلاحیت ملتن کلیر. ملت افرادینک بو حقیقتدن خبری اولسون اولماسین! هر درلوملاحظات و فرضیاتدن صرف نظر، شوراسی بداههٔ ثابتدرکه بر جماعت اولمازسه (autorité) نك نقطهٔ استنادی وساحهٔ اجرا آتی ده اولماز؛ و بو مسئله ملتک درجهٔ تربیه سیله دائماً متناسب بولونان اعتقاداتینه تابعدر. سلطهٔ حکومتک منشأی حقیقتاً بر قدرت فوق البشریه و مابعد الطبیعه اولسه بیله، بونک بویه اولدوغنه خلقک ایمان ایتیمسی و موجبنجه حرکت ایدوب مطیع و رعایتکار طاور انیمسی برنجی درجده شرطدر. دیمک که بوقوتک منشأی خارجده آرامق و (آفاقی بر صورتده objectivement) تعیننه چالشمقدن ایسه، (وجدان اجتماعی conscience sociale) ده آرامق، یعنی (انفسی بر صورتده subjectivement) تعین و ماهیتی تبیین ایتک دها طوغرودر. ده مین دیدیکم کبی اعتقاد ناس بوقوتک صحیحاً منبع حقیقی سی در. مثلاً جاهیر متفقاً امریقا خلقنه (autorité) نك مافوق البشر بر قوت اولدوغنی و (autocrate) بر حاکمه مشروعاً تمثل ایتدیکنی قبول ایتدیرمک قطعاً ممنوعدر. ممنوع اولونجه امریقای شمالی ده او مضاده بر سلطه یوقدر و اوله‌ماز ده یبیلیر.

حالبوکه هنوز حیثیت مکرّمهٔ انسانیه سنی حس ایدمه مین افراددن مرکب بر جمعیت غیر متمدنه ده، سلطهٔ حکومتک مافوق البشر بر قدرت اولماسی اعتقادی در حال مقبول و معتبر اوله بیلیر. حتی یالکز او مقبول اوله بیلیر؛ باشقه درلو بر عقیده نك یرلشه بیلمه سی ایچون ذهنلر و وجدانلر قطعاً مساعد دکلدرد.

روایات غریبه و مشاهدات مهمه دندر که سیاح مشهور (دهی وید لی وینفستون David Livingstone) ی افریقای وسطاده ایلک دفعه اولق اوزره کوردن زنجی قبائل وحشیه، بو آدمی (ارضه نزول ایتش قر) ظن ایتشلر، یعنی برالّه اولدوغنه قناعت کتیره رک تعبد ایتشلر مش. (لی وینفستون) و وحشیلری بو اعتقاد باطلدن قورتارمق ایچون پک چوق زحمت بچکمش.

اولدوغی حالده وحشیلر کندیسنه خارق العاده و مافوق الطبیعه بر حیثیت ویره رک مافوق البشر بر قدرت اسناد ایتشلردی. حالوکه کندیس بر فکر سقیمی ذهنلردن، بو نابجیا ایمانی وجدانلردن قازیوب آتقی اوغورنده عمری صرف وتلف ایتش و - ظن ایدرم - بوسوتون موفق اوله مامشدی. بومثال غریب، ده مین ایلری سوردو کم ادعا نك نه قدر طوغرو اولدوغی کوستیر و امثالی نادر دکلدر.

اعتقاد ناس!.. ایشته بوتون اجتماعیات و اخلاقیاتده اك بویوك قوت!... بو اعتقاد، شخصی اولمقدن قورتولورده عمومی و اجتماعی بر شکل آلیرسه - اعتقادات متباینه افراده نسبتله - (شیئی و آفاقی objectif) حتی (کتهوی massif) بر قوت اولور. بو قوتك ثقلت و (عطالت inertie) ی - مر نه صورتله تجلی ایدرسه ایتین - (autorité) دیدیکمز قدرت ضابطه و مانعه و حاکمه در. حکمدارلر پارلمنتولر و یا خود فوق العاده شخصلر، بو قدر تك منبع و مصدری دکل، ضبط و ربط جماعت ایچون او قدرتی استعمال ایدن عامللردر. ماهیتی اعتباریه بو قدرت محافظه کاردر. جمعیت بشریه یی حالی اوزره ادامه یه خادم و ساعی در. یالکمز بو قوت حیات اجتماعییه حاکم اولسه ایدی، هیچ ترقی ممکن اولمازدی؛ چونکه ترقی نك اك طوغرو معناسی بر غایه کاله طوغرو حرکتدر. بوده - نسبتاً دها مکمل بر شکل آله بیلمک ایچون - تبدل و (استحاله transformisme) دیمکدر. بوتبدلک اك بیوك و اك برنجی عامللری ایجابات طبیعی و محیطیه ایلر برابر (داهی آدملر les hommes de génie) در. غایت عاقل و قیملداتلسی کوچ اولان (کته اجتماعی la masse sociale) بی تحریک ایدن بو (مجددلر nova-teurs) در. جمعیت انسانیه بو ایکی قوه متضاده نك محصله سنه تبعاً ترقی و تکامل ایدر. اونك ایچون هر ایکسی ده حیات اجتماعی ایچون الزمدر. (لورد ماقوله) نك - ظریفانه بر تشبیه ایلر - دیدیکی کیی بری کمی نك صافراسی، دیکری ده قوه محرکه سی حکمنده در.

عالم عضویتده (انمودج اصلی type originel) نك شکلی - اولدوغی کیی - محافظه یه خادم و ساعی بولونان (وراثت hérédité)، نه ایسه، عالم

(فوق عضوی superorganique) ده یعنی عالم اجتماعی ده دخی (autorité) تشکیل ایدن بالجه قوتلر اودر. شکل اصلی بی تبدیله جالیشان قوای سائرده قارشی بو قوت ضابطه بر (فرهه frein) خدمتی ایفا ایدر .

بو قوتك مابعدالطبیعی یاخود طبیعی بر عامل اولوب اولماماسی، یالکیز بر اعتقاد مسئله سیدر؛ و آنحق اوندن طولانی و اونستنده مهمدر. چونکه اعتقادك ده کیشمه سیله ده کیشیر؛ اونکله برابر شکل حکومت، طرز اداره و اسلوب معیشت ایله آداب معامله دخی ده کیشیر. مدنیت معنویهك درجه سنی و قیمتی دخی بو تبدلاتك درجه سیله و قیه تیله تقدیر ایدره بیلیرز. اونك ایچون مهمدر. شو ملاحظات شخصی می تلخیصاً عرض ایتمك ایچون ده به بیلیرم که : هر نه شکله و نه درجه ده اولورسه اولسون (سلحه) دیدیکمز قدرت معنویهك حقیقی منبعی وجدان ناسدر. نقطه استنادی اعتقاد ناسدر. افراد اجتماعیهك اعتقاد اتسده نقاط مشترکه تشکیل ایدن برلر سلطهك اك متین زمین اتکاسیدر. بر فکر واعتقاد افراد اجتماعیهك اکثریتیه حاکم اولورده بر (مال مشترک bien commun) قیمتی احراز ایدرسه، او ( آفاقی و شیئی objectif ) بر موجودیت کوستیرر؛ و افراددن هیچ برینك اعتقاد شخصی سی صایله مامقله برابر، جمعیتك اعتقاد قویمی اولور، و افرادك طاشقیقلقرینه مانع اوله بیلهك بر قوت ضابطه حکمی کوستیرر. ایشته هر درلو معناسیله سلطه بودر. حکومتك اك بوبوك و برنجی حیثیتی ده بودر. یالکیز حکومتلر اکثریا نا اهل اللرده بولوندوغی زمان بو حیثیتی سؤ استعمال ایدرهك ضعه اوغراتیلر. اعتقاد ناسه شبهه عارض اولور. اعتقاد عمومی تزلزل ایدر. موازنه اداره بوزولمغه بوز طوتار. اووقت، حالت فوضادن و یاخود اختلال احتمالندن حیات اجتماعیه بی محافظه و صیانت دعواسیله، مادی بر قوت قاهره دن استعانه ایتمك لزومی حس اولونور. (سلطه حکومت بر (قوه تأییدیه) سی اولمالی در!) قضیه سی بودعوانك دستور حکمتی تشکیل ایدر. بوراده قوه تأییدیه دن مراد اولان شی ده مسلح و مرتب عسکر در .

تعریفه حاجت یوقدرکه بو دعواء فکر استبدادك ادعاسیدر. چونکه اعتقاد و امنیت ناسدن وتشکیلات اجتماعیه ومدنیهدن بوبوك ومتین بر قوه

تأییدیه اوله مازکه سلطه حکومته بر زمین استناد تشکیل ایده بیلسین؛ آمریقای شمالی حکومت مبعوثه سی، یوز یکریمی میلیون کشیک بر جماعت متمدنه نک حرمت ورعایتی قازانق و اونلره حیثیتی طایتدیرمق ایچون آنجق قوت قاهره نک مظاهرتنه مقتدر قالسهیدی بر حمله ده مغلوب و مضحمل اولوردی چونکه بر آووج پولیس افرادی ایله بر ایکی طابور عسکری یوز یکریمی میلیون کشی نک بوینی و قوانی بوکه بیلیمک ایچون البته کفایت ایده مزیدی. بزه تاریخ انسانیتک الک بویوک و الک مدھش هنکامه هیجاتی عرض ایدن (اختلال کبیر la grande révolution) دوری، بومسئله بی - بئم عرض ایتدیکم نقطه نظره توفیقاً - ایضاح و حل ایده بیلیمک ایچون مفتاح اوله بیله جک بر مثال مهم ویریور. حتی سلطه حکومته قوت ویرن اعتقاد ناس ایله مسائل اقتصادی نک بیله صیقی صیقی به علاقه سی اولدوغنی کوستیریور.

مستقیم و عقیف بر فکر تنقید ایله فرانسه اختلالی تاریخی یازان (می نیه Mignet) فرانسه قرالی او - آلتنجی لوی ایله برابر حیثیتک سقوطی موجب اولان و اختلال و قوعنی تعجیل ایدن اسباب و عواملدن بحث ایتدیکی صیده ده شو مهم ملاحظاتی سرد ایدیور:

[اون آلتنجی لوی نک و خصوصاً قرالیچه نک اسرافات فوق العاده سی سبب اولمشدی ده پاره احتیاجات شدید سینه بر جاره عاجل بولق اوزره مجلس کشاد ایدلشدی .....]

[قرال، بک مسرف و خریص اولان و کلاسنک تسویلاتنه قایلیمقدن قورتوله مادینی ایچون وجدان ملتی غلیانه کترین ضرورت زمانه بی قطعاً آکلایه مامش و (autorité) اثبات ایده بم دیرکن نفوذ سلطنتی کلاً ضایع ایتشدی. بو ضایعاتی قوتله تلافی ایتک ایسته دی و (پارس) ایله (وه سای Versailles) شهرلینه کلیتی عسکر جلب ایتدی. خطیب مشهور (میرابو Mirabeau) نک تکلیفی اوزرینه (۹ تموز تاریخیه) قراله بر عریضه کونده رلدی. اون آلتنجی لوی: [لزومی تقدیرنده عسکر جلب ایتک و اعاده ایله مک خصوصنده حاکم یکانه] اولدوغنی بیان سورتیله ملت مجلسنه جواب ویردی و اعالی آره سنده و قوعی ممکن اولان اغتشاشات مضربه قارش

ملت مجلسی وقایه وحمایه ایچون عسکر جلب ایتش اولدوغنی ده تأمین ایتدی. مجلس ارزو ایدر سه طابور لری (نویون Noyon) ویاخود (صو آسون Soissons) طرفلرینه کوندره جکنی ده وعد ایلدی که بو، ملت مجلسی ایکی اردو آره سنده حبس ایدوب ملتک مظاهرت فعلیه سندن منع ایتک دیمکدی. [الی آخره...]

تاریخ بزه بو فوق العاده اختلال مثالی ایله اثبات ایدیور که قوت مسلحه دخی (autorité) بی تأمین ایچون هر زمان مؤثر و قطعی بر قوه تأییدیه اوله میور. مع مافیه تهلکه اضمحلال کوسترن سلطه حکومتی ادامه و محافظه ایده بیلمک ایچون ینه (قوته طایانق) دن باشقه بر چاره کشف اولونه مامشدر. مشهور (ماکیاوهلی Machiavelli) نک (پرنس Le prince) نام اثرنده خلاصه الخلاصه توصیه سی: [حکم ایتکدر. وجدانلری قازانمقله بومکن اولور سه نه اعلا!.. اوله مادینی تقدیرده سونکو قوتیه حکم ایتکدر. چونکه (autorité)، همه حال اداره ایچون الزم اولان بر حیثتدر.]

دولتله اداره سنده منحصر آ نفوذ معنوییه استناداً حکم ایدیه بیله جکنه دائر - آه صیره - مستتاً مثاللر کوروله بیلیور. فقط (حقوق بین الملل droit international) ده (قوت مسلحه force armée) دن باشقه بر قوه تأییدیه بولونه مامشدر. چونکه دولتله فوقده بر دولت یوقدر که autorité سی عالمشمول اوله رق مسلم و مصدق بولونسون!... اوندن ماعدا، منافع حیاتییه تعلقی اولوبده حسن صورتله یعنی دیپلوماسی مذاکراتیه حکنه احتمال قالمایان مسائل دولیه و ملییه بی آنجق قیلجق قوتیه فصل ایتکدن باشقه بر چاره اوله مادینی ایچون، ینه حقدن زیاده قوته اعتماد، معقول و مقبول بر مسلک سیاست کورونویور. حکمت حکومتده (طبیعه naturalisme) دستوری بودر. بونی بیسارق پک متین وخشین بر لسان ایله بیان ایتش و: [بن سوبله - میورم؛ آرقه مده بر میلیون سونکو وار؛ او سوبلویور!] دیمشدی.

بو ضرورت سیبیلهدر که دولتله، (حق حیات droit de vie) نی محافظه و تجاوزات محتمله به قارشى مدافعه ایچون عظیم مصرفلر اختیار ایدوب مدهش بر صورتده سلاخان یورلر. فلاسفه عصرک اعتقاد نهجه زمانمزده

(militarisme) که لزومنه و تحکمنه سبب بود. فقط - بودور مدینتده بیله -  
حقيله ده موقرات و حریتپرور بر حکومت مشروطه تأسس ایدهمه مه سنده  
یکانه سبب اودر .

سلطه حکومتله حقوق امتک مناسبتی مسئله سی دخی اوروپا حکما سی  
وعلى الخصوص دور اخیر فیلسوفلرینی پک زیاده مشغول ایتشد. حتی  
بوقوتک منشائی تعیینده اصابت ایتمکه برابر، حقوق بختده یا کیلمش اولان  
فیلسوفلر واردر. مثلاً - اون طوقوزنجی عصر میلادینک اک بویوک  
متفکریندن (جیورج بن تام George Bentham) (مجله مشروطیت  
constitutional Code) نام اثرنده : [سلطه حکومت، (یعنی حق سلطنت)  
بوتون ملتکدر .]، [حکومتک غایه حکمتی و مقصد مخصوصی، جماعته  
ممکن اولدوغی قدر واسع بر اکثریتک تأمین سعادت ايسه حق سلطنتی،  
اک واسع بر اکثریت و بر مک، (یعنی حکومت اصل اونک حق در؛ ديه  
تسایم ایتمک!) دهایی در. دهها موافق در!] دیمش اولدوغی حالده: [حکومت،  
حقوق بشریهی ایجاد و ابداع ایدوب اولنری افراد جماعته بخش و تفویض  
ایله مکله وظیفه سی تماماً ایضا ایتمش اولور!] کی غریب بر ادعاده بولونمقدن  
چکینه مشدر .

مهیجاً حقوق علامه لرندن اولان بو حکیمک شو سوزلرینی (هربرت  
سپنسر) ذکر ایتدکدن صوکره حده تنقیددن چکیور: سلطه حکومتک  
منشائی حقنده کی فکرلرینی موافق حقیقت اولق اوزره قبول و تسلیم ایتمکه  
برابر بو طوغرو ملاحظاتیله او غریب ادعائی طابان طابانه ضدکوروور؛  
و دیورکه :

[اگر بو (عقیده doctrine) حکمدارلرک (حقوق الهیه droits divins)  
لرندن استدلال و استنتاج اولومق صورتیه بیان اندلش اولسه یدی، اونده  
آچیقدن آچینه متناقض بر شی بولونمازدی. امریقای جنوبی ده کائن (پرو  
Pérou) قطعه سنک اسکی اهالیسی اعتقادنجیه (اینقا Ynca یعنی حکمدار)،  
هر شینک منبع صدوری عد اولونوردی. (حبش Abyssinie) مملکتنده  
(شوا Shoa یعنی پادشاه) اهالینک جان وبالنه حاکم بر (صاحب مطلق

Maitre absolu در. (داهومه Dahomay) ده بوتون انسانلر حکمدارک اسیریدر. او افریقا زنجیلری ایچون پادشاهلر مالک رقابدر؛ حاکم علی الاطلاق قدر. اوت، (بن تام) که معهود ادعای عجیبی (بهرو) یاخود (حبش) ویاخود (داهومه) اهالیسی طرفندن وارد اولسه ایدی، او اقوامک اعتقادینه تماماً موافق دوشردی. فقط (بن تام)، (هوبس Hobbes) کیی اداره مستبد طرفداری اولمق دن چوق اوزاقدی. حکومت عوام منافعی کوزمه تهرک یازی یازاردی.]

سپنسرک چوق حق وار. چونکه [حکومت حقوق ناسی خلق وایداع ایدر؛ صوکره اوحقوقی افراد جماعته بخش ایتمکه آتام وظیفه ایتمش اولور.] ده یه بیلمک و مبادی اعتقادیه سیله تناقضه دوشمه مک ایچون، بر انسان سلطه حکومتک من طرف الله بر حکمداره تفویض بیورلمش بر قدرت خارق العاده اولدوغنه اینانمالی در. حالبوکه (بن تام)، او قدرتک اکثریت ناس طرفندن تفویض اولوندوغنی واونلرک اراداتندن طوغدوغنی ادعا ایتمکه (théocratie) فرضیه سنی اساسندن ییقمش اولویوردی. بویله اولونجه یوقاریده کی ادعاسی کندی اعتقادیله صراحتاً متناقض دوشر. اوندن ماعدا انسانیتک حقوق طبیعی سنی انکاره واریر. زیرا بدیهی درکه یاشامق، قازانق، تأهل ایتک، آلوب صائمق، سیاحت ایتک، هبه ووصیت ایتک کیی حقوق بر پادشاهک ویاخود بر حکومتک احسانی اولورسه، حقوق طبیعی نامنه دنیاده هیچ برشی اوله ماز. (بن تام) اکثریت ناسه برحق ویریورکه (حکومتی تشکیل واکا بیان اعتماد ایله بر قدرت وحیثیت ویرمک) حقیدر. بوتون بو حقوقی حکومت ایجاد و تفویض ایدیورسه، حکومتک بویله برحق اوزرینه استنادی ناصل ممکن اولور. برشی، هنوز بالذات موجود اولمادن ناصل اولورده کندینه وجود وحیثیت ویرن بر قدرتی خلق ایده بیلیر؟... بو تورلو دوشونوشده بر (دور باطل) اولدوغنی صریحدر. فی الحقیقه (میل Mill) ودها بک بویوک فیلسوفلر (بن تام) که بو ادعاسی، منطق ده (تصدر علی المطلب pétition de principe) ده نیلن سفسطه مشهوره تک بر کوزل نمونه سی اولمق اوزره کشیر ایتشلردر؛ تماماً حقاری واردر.



[بو تعبیر ایچون sophisme لفظنه باقیکنز !]

بنم حس ایتدیکمه و آکلا دیغمه کوره (بن نام) حکومتک وظیفه حقیقه سنی  
تعیین مسئله سنده یا کلتش و عادتا (اصولی بر صورتده systematiquement)  
یا کلتشدر. نیچون و ناصل بویه بر خطایه دوشمش اولدوغنی ایکی جمله ایله  
عرض ایدیم؛ زیرا چوق اهمیتی واردر :

(بن نام) ک زمانی (positivisme) ک افکاره تأمین غلبه ایتکه باشلادی  
بر دور ترقی ایدی. اسکی مابعد الطبیعیونک طرز تفکرینی آکدیران هر  
تورلو ملاحظه لردن توقی ایتک عادتا (مودا) اولمشدی. هیچ بر شینه (حد  
ذاتنده en soi) بر موجودیت ویرلیور ایدی. بر شینک نفس الامرده  
حقیقتی آرامق (مه تافیزیق) یا بقدر ظن ایدیلیوردی. مابعد الطبیعیاته قارشی  
بو نفرت شدید (اوکوست قونت Auguste Comte) ک تأثیرات الهامی  
ایدی. (حقوق ریجیه) نک بر (عین مستقله entité indépendante) اوله رق  
وجودینی انکار ایدلر، یکی فلسفه یه طرفدارلق کوسترمش اولیورلردی.  
بونلر او ادعاده ایدیلرکه [حقوق طبیعی نامنه حد ذاتنده مستقله موجود  
برشی یوقدر. حقوق - علی العموم - محدث برشیدر. حقوقی قانون یارادیر  
و بخش ایدر. قانونی ده حکومت یاپار. او ایستر بر حکومت شخصی اولسون،  
ایستر بر حکومت شوری اولسون.ا..] ایشه (بن نام) اولانجه کالیه ودهاسیله  
بو یکی جریان افراط پرورانه یه قایللمش ایدی؛ مع مافیه سلطه حکومتی مافوق  
البشر بر قدرت اولوق اوزرده قبول ایتیه یوب بوسوتون ده موقراسی نقطه  
نظرینی تصویب ایتکده بولندوغنی ایچون، هم [سلطه حکومت، حکم  
اکثریتدر!] دیدی؛ همد [قانونی یاپان حکومت حقوق امتی ده ایجاد و افراده  
بخش ایدر و بو صورتله وظیفه سنی آتام ایتش اولوره] دیدی؛ یعنی [باشلی  
باشنه مستقله موجود حقوق طبیعی یوقدرده، اونک ایچون واضع قانون  
اولان حکومت، عینی زمانده خالق حقوق ناس اولیور.] دیمک ایسته دی.  
فکر لرنده کی غرابت تناقض کیزلی سببی - اعتقاد بجه - بودر. حالوکه بویه  
دوشونوش بر غلیظ خطادرکه سببسر اونی رد ایتکله اوغراشور و بودعوانک  
حقوق طبیعی یی بالکلیه انکاره واره جفنی - البته - پک اعلا کور و یورده

(بن‌تام) و امثال قارشی آلمان فلاسفه حقوق‌نیک (حقوق طبیعی Natur Rechts) نظریه‌سنی مدافعه ایدیور . فقط (بن‌تام) که بو غریب تناقضه نه سبيله دوشدوکنی ایضاحه چالشیور. سببی، دهمین مرض ابتدیکم کیی در. (جون لوق John Locke) ی بیلیم نیچون - او مقاله‌سده - هیچ ذکر ایتمیور. حالوکه حکمت سیاسی‌ده احکام استبداده قنویت ویرمش اولقله مشهور اولان (هوبس Hobbes) که اک متعین رقیبی (لوق) ایدی. دنیانک یک بویوک فیلسوفلرندن اولان بو ذاتک حکمت سیاسی‌ده فکر ونظری او قدر مصیب درکه دور جدیدک اعتقادات احرارانه‌سی اونک بخشش ده‌سایدر دبه ادعا ایده‌بیلیم. حتی شونی‌ده علاوه ایده‌بیلیم که (بن‌تام) و (سپنسر) دورندن تقریباً بر عصر اول وفات ایتمش اولان (لوق) ایله سپنسرک حکمت سیاسی‌سی آره‌سنده احکام اساسیه‌جه فرق یوق کیی در. بونی اثبات ایتمک ایچون تواریخ فلسفه‌نک رویت و شهادتندن صرف نظر ایدره‌ک فطانت خارق‌العاده‌سیله مشتهر برفرانسز محررندن (نمیل فاکه Emile Faguet) دن شوسوزلی نقل ایدیورم. (لوق) کیی بویوک بر فیلسوفک حکمت سیاسی‌سنی - بوقدر موجز و واضح بر ایکی جمله ایله - صادقانه تلخیص ایدن اولمامشدر صانیم.

(فاکه)، (initiations philosophiques) عنوانیله یازمش اولدوغی مینی مینی بر فلسفه تاریخنده (لوق) ایچون شو سوزلی سوبلوور :  
[حکمت سیاسی‌ده (لوق)، (هوبس) که رقیبی ایدی. (لوق) اینامیوردی که انسانلر ایچون حال طبیعی (عمومک عموم قارشی عماره‌سی la guerre de tous contre tous) اولسون. ظن ایدیوردی که انسان، یام یاملقدن قورتولتی ایچون دکل، فقط حقوق طبیعی‌سنی بر ضمان و کفالت آلتند بولوندوروبده ده‌ا قولای مدافعه ایده‌بیلیمک ایچون اجتماع ایدر وجماعت اوزره یاشار. حقوق مذکوره (ملک propriété) ایله (حریت شخصیة liberté personnelle) در. جمعیت انحق بو حقوقی صیانت ایچون موجوددر؛ وجودی ایچون (سبب حکمت raison d'être) دخی بووظیفه صیانتده مندرجدر. بناء علیه بر حکمدار (ناجی) امت le sauveur de la

(Nation) دکلدر. یالکز ملتك (ولایتی حائر mandataire) بر (حاکم magistrat) ی در. حقوق بشریه یی پایمال ایدرسه (وظیفه مأموره mission) سنه و حیثیت ولایت قارشی اوقدر آقیری حرکت ایتش اولورکه اونک علیه (قیام insurrection) ایتک، (مشروع légitime) در. (وولتر Voltaire) ک هر زمان (حکیم لوق le sage Locke) دیه یاد ایتدیکی بو فیلسوف (حقوق انسان les droits de l'homme) دعواسنک موجدی در.]

فی الحقیقه تدقیقات تاریخچه اثبات ایدیورکه (وولتر)، (روسو) و (مونتسکیو) کیی داهیلر دخی داخل اولدوغی حاله اون یدنجی عصر میلادینک بوتون فرانسر متفکرینی و محررینی لوقک افکار فلسفیه سندن شدله متأثر اولشلردر. حتی آمریکا و صوکره فرانسه احرارینک وجوده کتیردیکی (اجتماعی - سیاسی) اختلالر قیجه سنده تأسس ایدن حکومت مشروطه نك نقطه استادیی تشکیل ایدن عقیده فلسفه، اصل لوقک فکریدر. سلطه حکومت منشأی و حیثیتی حقنده فکرلرده قطعاً تبدل حاصل اولمادجه قرون وسطی منبای حکومتک انهدامی ممکن اوله مازدی. مصیب اولان افکار حکیمانه سیله اولا عقائد متفکرینده صوکرده اعتقاد ناسده بویه بر تبدل وجوده کتیرن صحیحاً (لوق) اولمشدی.

بوتون وقوعات بشریه و دلائل تاریخچه اثبات ایدیورکه (autorité)، اعتقاد ناسدن طوغویور و فقط (متشخص objectif) بر شکل آله رق فرداً فردا تحکم ایدیور. اوندن صوکره و حنی قوملر و جاهل ملتلر نظرنده طادتا بر (صنم معبود idole adoré) کسلیور. اونک مدهش استبدادینه بو یون نه کن خلق - کندی اعتقاد لرینک محصله متشخصه سی اولان - بو (بوط) ی عادتاً تألیه ایدیورلر. طیبی بو شکل مدهش ایله جلوه کوسترن (autorité) یی تمثیل ایدنلر بر (فرعون) و (کیکا ووس) چهره سیله حکم ایدیور.

سپنسر بو حقیقی ابراز ایده بیلیمک ایچون بوتون (سوسیولوژی) سنک بر بو یوک قسمی نامعدود مثاللره املا و اونلرک متضمن اولدوقلری معنای فلسفه یی شرح و افشا ایتشدر. بو فیلسوف، اسکی مدینتلر نظرنده سلطه حکومتک بو صورتله تلقی ایدلش اولماسی - بر جوق اسباب متنوعه یه نظراً - طیبی

بولویور . فقط بکونکی کونده، علوم اجتماعیه نك شهادته و وجدانلرك دها زیاده حر ومنور بولونماسنه رغماً حالا (autorité) بی برمدش صنم کیبی تلقی ایدنلری، افریقا وحشیلرینه بکنز تمکدن چکینمیور . افریقا وحشیلری، ناصل بالذات بوطنی کندی یاپوبده صوکره اوکا مافوق البشر بر قدرت اسناد ایده رك حضورنده خاشعانه دیز چوکوب طایینیورسه؛ حکومتلری وجوده کتیروبده اونلره بر قدرت الهیه اسناد ایدن جماعتلر دخی عینی ضلالت منفوره نك اسیر خشیتی اولویورلر؛ دیور . ایشته سپنسرک (سیاستده بت پرستک political fetichism) تعبیرله ذم وقده، حتی آجی آجی استهزا ابتدکی ضلالت بودر، وبالخاصه بو عنوان ایله بر مهم مقاله یازمشدرکه اوروپا وهله آمریکا فیلسوفلرینک اذهاتی تسخیر ایله مشدی . اوت بوسلطة اعتقادناسدن قوت آلیر؛ حتی ماهیتاً اوندن باشقه بر شی دکلدرد . فکرلر ده کیشوبده اعتقادناسده بر تبدل حاصل اولدقدن صوکره، عظیم بر جریان افکار وحسیات پیدا اولوب خلقی قیملداتیور و یکی برغایه به سوروکلوپیور . او وقت بو یکی اعتقادک عامللری ، (autorité) نك ممثلری اولوویوریورلر . فرانسه اختلال کبیری کوستریورکه اسکی دورده نام وشانی بالکلیه مجهول وحسب ونسب اعتباریله عوامک الک آشانی طبقه سنه منسوب برچوق کیمسه لر بویوک انقلاب تاریخی اولان (۱۴ تموز) دن صوکره بردنبره اورطیه چیقوب اداره بی اله المشلر وسلطه حکومتی تمیل ایتمشلردی . چونکه حیات اجتماعیه بی بالکلیه ده کیشدیرن شرائط جدیدی بو آدملر-منحصراً- احضار ایتمش اولماقله برابر، یکی دورک ادعاسنی الک زیاده جسارت وشدته مدافعه ایدن و بالفعل اقتضاسنه تثبیت ایدن انجق اونلردی . شوقدیرجه (autorité) بر (غایه اجتماعیه ومفکوره سیاسیه نك ثمره حیاتی در) دیمکده طوغرودر وبومطالعاه، شیمدی یه قدر شرح ابتدیکم عینی حقیقی بر باشقه نقطه نظره توفیقاً بیان ایتمکدر .

عالم اسلامیتده عینی جریانک مبدای و وادی<sup>۱</sup> اعوجاجاتی خیلی دن خیلی فرقلی در .

اسلامیت عالنده بو اعتقاد بوسبوتون باشقه صورتله حکمفرمادر .

واقعاً شکل حکومت اساساً (théocratique الهی) در؛ فقط قرون  
 و سطاده نصرانیت طالنده کورولن (théocratie) اداره سی ایله شرقدہ  
 تأسس ایدن (خلافت اسلامیه)، حیثیاً اوقدر فرقلی و نتایج فعلیه سی اعتباریله  
 او درجه باشقه بر شیردرکه بو خصوصده طالبان علمی - قیاس مع الفارق  
 والتباس خطالرینه دوشمکدن - صیانه بر قاچ سوزسویله مک اقتضا ایدر:  
 اعتقاد اسلامه کوره مشروع بر حکومت، انجیق (الهی بر مؤسسه  
 une institution divine) اوله بیلیر. بناءً علیه سلطه حکومتک منشأی ده  
 الهی در. نه بر شخص فوق العاده نک تفوژی در؛ نه ده جماعتک محصله اراداتی  
 صایله بیلیر. بوتون فرق اسلامیه بو نقطه اساسیه ده متفق الرایدیر. اختلافات انجیق  
 شروط خلافته متعلق مسائلده ظهور ایتشدر. بناءً علیه قوانین اداره اوله  
 کتاب اللمدن، ثانیاً سن پیغمبریدن تلقی اولونور. اوندن صکره ایجاب ایدر سه  
 (اجماع امت assemblée nationale) ایله، اقتضاسنه کوره دخی قیاس  
 فقها ایله استخراج و تمین اولونور. او امر جلیله الهیه مطاوعت و سن  
 سنیه پیغمبری به موافقتله جماعت مسلمینی و رطایبی حسن اداره ایتک حکمت  
 حکومت ده شرط اساسی در. سلامت امت، حفظ ثغور و اعمار مملکت دخی  
 مقصد اصلی در. فقط بونک ایچون بالخاصه (مشاوره) امر اولونمشدر.  
 چونکه اسلامیت نظرنده لایخطی بر انسان اوله ماز. پیغمبران کر آمدن بیله  
 حسب البشریه بعضی خطارک صدوری احتمالی - اهل سنت اعتقادنجه -  
 مسلمدر. بناءً علیه امام امتک معصوم اولماسی اعتقادنده مصر اولان شیعه به  
 قارشی مذهب حنیف اربابی بویله بر شرطک وجوبی و یا لزومی رد ایدر.  
 حتی بر (فاجر) ک آردنده بیله نماز قیلنه بیله جکسه قائلدر. نته کیم تاریخ،  
 اهل سنته تماماً حق ویرمشدر. بناءً علیه (پاخالق) و (لایخطی) ک  
 اعتقادی شدتله مردوددر. بونک ایچون مشاوره ضرورت حکمی آلیر  
 و امر اولونماسنده باشلیجه حکمت اودر. اوندن صوکره اسلامیت نظرنده  
 بنی آدم - لاعلی التعمین - مکرمدر. کیم اولور سه اولسون!.. بوتون انسانلره  
 تشمیل ایدلش اولان بو صفت پک مهمدر، زیرا انسانک بوتون حقوق  
 طبعیه و مدنیه سی جامع و متضمن در. جناب حقک تکریم بو یورمش اولدینی

آدمك حقوقدن برذر مئى اھمال و يا خود پاي مال ايتمك هيچ بر مسلمانك حدى دكلدر. بو حقوق اساسيه هر كس متساوى در. يالكز بمضيلرى بمضيلرينه فضلاً تقديم ايدلشددر. منع مافيه يغمبران كرامدن طوتوكزده اك عاجز و فقير بر آدمه وارنجيه قدر جمله سى عباد الله صنفده داخل بولوندى ايچون اسلام اعتقادنجيه هيچ بر فرد قادر و قهار اوله ماز. ايستديكى پايه ماز. [هو القادر القهار؛ العزيز ذو انتقام؛ يريد مايشاء و يحكم مايشاء؛ لاحول ولا قوة الا بالله] منطوق منيفجيه بوتون قوت و قدرت جناب حقك در. بناء عليه مشورت اك برنجى حق و اك برنجى وظيفه در. معضلات امور بر كشتى نك رآنى ايله حل اولونه ماز. عمومه متعلق ايشلرده هر كسك رآنى اولملى در. شو قطعه ظريفه سياست اسلاميه نك دستورنى بك كوزل بر صورت حكيمانه اوزره عرض ايدر.

عَلَيْكُمْ بِمَشُورَةِ الْمَعْضَلَاتِ :

فَمَقْلَانِ خَيْرٌ مِنْ وَاحِدٍ .

لَوْلَا التَّعَاوُنُ لَمْ يَسْتَقِمَّ

امور المعيشة للفرد .

يعنى : [معضلات امورده مشورت، سزك اوزريكزه فرض اولمشددر؛ البته ايكى عقل بردانه سندن دها خير ليدر. اكر تعاون اولماسيدى امور معيشت شخص ايچون استقامت اوزره كیده مزدى.] ديمكددر .

شو تقدیرجه اسلاميتده سلطة حكومتك منبع و منشأى الهى اولمقله برابر، او نفوذى، امر اداره ابراهه مأمور اولان ذات، هر كيم اولو، سه اولسون يته عباد اللهدن برى اوله جنى ايچون، اولانجه مضاسيله بر انسان دره و اوندن طولايى مشورتله مأمور بويورولمشددر. اوندن ماعد اسلاميتده رهبانيت دخى اوله مايه جفشدن هر كس كتاب اللهدن طوغرودن طوغرويه استفاضه و استفاد ايدم بيلير. اللهه قول آره سنده قومسيونجى يوقدر . حتى على الاطلاق نقل ايله حكم دخى طوغرو دكلدر. بر مسئله نك ملاحظه سنده ( عقل ايله نقل la Raison et l'Autorité ) تعارض ايتديكى تقديرده عقل ايله تأويل ايتمك مرجح در .

اسلاميت نظرندہ حکومتک غايه سی جاعتدر . جماعت مؤمنینی حسن اداره وصیانت ایدہ بیلن ذات امامت لیاقتی اثبات ایتش اولور و بو مقامه — بیعت ناس ایله — کله بیلیر؛ بو امر خطیری اداره ایدہ بیلیمک ایچون ( اهل حل وعقد ) واردر . اعتماد عمومی بی قزائمش اولان آدملر انتخاب اولونه رق حل وعقدہ اهل اولق اوزره اقامه اولونورلر . بونلر شروط معینه داره سنده ریاسته الیق اولان ذاتی سرکاره کتیر برلر . وظیفه حکومت — هله اهل سنت اعتقادنجہ — انجق اجتماعی برغایه ایله علاقه داردر . امت مؤمنینی حقیله اداره ایتک شرطیله ( متقلب بیلہ امامتی جائزدر ) بناءً علیہ امر حکومتده ملاحظه اولونان فائده اساسیه بر شخصک و یاخود بر سلاله نک و یا بر قبیله نک منفعتی دکل بوتون امت محمدک منفعتی در .

تاریخ بو اعتقادک طوغرولوغنی، فائده سیله اثبات ایتشدر . جستمکان سلیم اول خلافتی کوله منلر الندن آلماسه یدی و بو عثمانلی دولتی اولماسه یدی جامعه اسلامیت — نا اهل اللرده — مضحمل اولور و امت محمد چوقدن پریشان قالیدی . اونی محکم طوتان و امت اسلامیه بی حفظ و حراستله امر ادارهده اهلیت اثبات ایدن سطوت عثمانیه اولمشدر .

بو مسائل خطیره بی، فاضل مرحوم شیخ محمد عبده پک احرارانه بر سیاق نظرله تتبع ایتش و اسلامیت ایله نصرانیتک بو خصوصده کی اصول و احکامنی یکدیگریله قیاس ایله مشدر . ( الاسلام والنصرانیه ) عنوانلی کتابندن بورایه بعضی مطالعات مهمه نقل ایدیورم . مرحومک بو مسئله لره متعلق اولان افکار شخصی سی حکمت سیاسیة اسلامیه ده (حریت پرورلک liberalisme) لک درجه اعلاسنه برکوزل مثال تشکیل ایدر .

مشهور سنسیر ایله کوروشمش و طانیشمش اولان بو آدم ، حکمت سیاست مناقشه سنده طبقی او فیلسوف کیبی (سلطه) مسئله سنی زمین بحث اتخاذا ایتشدر .

شیخ محمد عبده، سلطه دینی بی پک طوغرو آکلور و پک کوزل .  
تعریف ایدیور :

[ السلطة الدينية انما تستمد حکمها من الله ثم تمد نفوذها بتلك القوة الى

اعماق قلوب الناس وتديرها كيف تشاء] یعنی [سلطه دینه حکمی للهدن آیره، صوکره او قوته استناد ایدهرک نفوذنی قلوب ناسک اعماقه قدر تمید ایدهرک وجدانلری ایسته دیکی کیی اداره ایدر. ] دییور. ومذکور اثرنده اصول اسلامیه دن بشنجی سنی شرح و مناقشه ایدن فصلده ادعا ایدیورکه [اسلامیتده سلطه دینه یوقدر. زیرا الله ورسولندن صوکره هیچ بر اسلام عقیده سندن طولانی کیمسه یه قارشى مسئول دکلدرد. ایمان بر مسلمی اللهک عبودیتدن ماعدا بالجمله رقیق و عبودیتدن اعتناق و اطلاق ایدر. الله ایله قلب مؤمن آره سنده هیچ بر شخص ثالث رقیب اوله ماز. بر مسلمانک کبی نه قدر عالی اولورسه اولسون دیکرینکده متزلی نه قدر منحنط و حقیر بولونورسه بولونسون، برنجیسینک ایکنجیسنه - انجیق ارشاد نیتی ایله - نصیحت ایتمکدن باشقه برحق یوقدر. ] الی آخره!... صوکره نتیجه ده شو حکمی ویریور:

[کرك امر اعتقادده، کرکه حکم عملده اولسون، هر هانکی بر مسئله ده تحصیل قناعت ایچون اراد ادله شرطدر. وجدانه تحکم ممنوعدر. بناء علیه: (فليس في الاسلام ما يُسمى عند قوم بالسلطة الدينية بوجه من الوجوه) یعنی (خلق غننده سلطه دینه تسمیه اولونان نفوذ و تحکم اسلامده هیچ بر وجهله یوقدر. ]

حکمای اسلام بومسئله یه فوق الاماده اهمیت ویرمش و حکمت سیاسی یی اونک اوزرینه بنا ایله مشدر. (اصوليون les methodistes)، کتاب کریم واحادیث شریفه دن حقیقه معنا استخراج ایده بیلیمک ایچون اک واضح الفاظ بسیطه نک مفهوم لری بیله موشکافانه بردقته تحلیل ایتمشلر، و هر برینک مورد مخصوصه کوره دلالت ایده جکی معنای قطعیاً تعین ایتیمک چالشمشلردر. ترتیب ادله ایچون قویدق لری اصول، فطانت ایله صبر و غیرتک بارلاق بر نمونه سیدر.

هنوز خلیفه عباسی القائم زمانده یعنی دردنجی عصر هجریده یک بویوک بر حکیم سیاسی یتشمشدی. شافعی مذهبه متمسک اولان بو (فقیه - juris consulte) ک اسمی وکنیه سی [ابوالحسن علی بن محمد بن حنیب الماوردی] در. بو عالم داهی، (۳۶۴) سنه هجریه سنده بصره ده طوغمش و مرکز خلافت



اولان بغدادده بلا فاصله پك اوزون بر مدت (قاضی القضاة) مسند مهمی کال عدل و حیثیتله اشغال ایدرک سکسان اتی یاشنده وظیفهسی باشنده وفات ایتشدی. [الکتاب الاحکام السلطانیة] عنوانلی بر اثر بر ایتشدر. معروف جهان اولان بو اثر مخّله، مدنیت اسلامیة نك علو مرتبهسی کوستریر؛ واوروپا السنه متمدنه سنك پك چوغنه بالترجه نقل ایدلمشدر. مملکتتمزك مشهور حقوقشناسلردن و مستشرقین معروفدن (قونت اوستروروغ le Comte Ostrorog) بو کتابی لایق وجهله تدقیق و مؤلفك اصولی تحقیق ایتدکن صوکره پك سلیس و صریح بر لسان ایله فرانسزجهیه ترجمه ایتش و براوزون مقدمه ایله دخی اسلامك حکمت سیاسیةسی شرح ایله مشدر. بو کتاب تبیع اولونورسه امامتک شرائطی، اهل حل و عقدك وظائف و حیثیتی، سلطنت اسلامیة نك احکام اساسیه و ایجابات سیاسیةسی حقدده پك مکمل و مدلل بمخار کورولور. نتیجهده حکمت اسلامیة نك نه درجهلره قدر مشروطیتیه موافق بولوندوغنده ذره قدر شبهه قالماز. خصوصاً پك ابی آکلاشیلیرکه شوتدقیقانه باقیلنجه فرانسزجهده (autocratie) کلمهسی بزده سلطنت لفظیه ترجمه ایتك هیچ طوغرو اولماز. پك واضحاً تحقق ایدرکه عالم اسلامده (autocratie) معناسیله سلطنت یوقدر و (autorité) نك فرنکجه معناسیلهده (سلطه) یوقدر. بعضی زمانلرده، امت اسلامك جهالت و ضلالتی یوزندن (اداره) بویه بر درکویه دوشمش اولسه بیله او شکل اداره احکام محمدییه موافق دوشمه مش و اوزون مدت دوام ایدمه مشدر.

بو تعیرك اهمیتی - شو مختصر ایضاحات ایله - ثابت اولور. مع مافیه مباحثات دینیهده (تأویل متن) طرفدارلری ایله اهل ظاهر آره سنده ظهوره کلن مدهش و سورکلی مناقشاتك سببی و بناء علیه - تاریخ ادیان histoire des religions - ده تلقی اولوندوغی معنا ایله (عقلیه rationalisme) مذهبك منشأی ینه بودر. زیرا - اولجه عرض ایتدیکم کیی - (autorité) نك دین بحثنده معناسی (کتاب و حدیث) دیمکدر. بز اوکا اصطلاحزده (نقل) دیرز؛ ایشه نقله عقلك معارضه سندن، تأویل لزومی باش کوسترمش و بوندن ده (rationalisme) مذهبی ظهوره کلمشدر.

[بو خصوصه تفصیلات ایچون بو کله یه مراجعت ایدیکز!]

### تلفیق بنفسه Auto-suggestion

بو تعمیر ایچون (suggestion) کله سنه مراجعت ایدیکز!

### غیر Autre

(identique) کله سنده تفصیلات مخصوصه یه باقیکز!

### نفرت Aversion

بر حالت نفسانیه در که بعضی اسباب و شروط طولانیسی ایله انسانه عارض  
اولور، و (حادثات تأثریه phénomènes affectifs) زمزمه! سندن در .  
[بو تعمیره باقیکز!]

(شوق و آرزو désir) نك تماماً ضدیدر. آرزو، (ای bien) ظن  
اولونان، حتی او یله تصور و یا حس اولونان بر شیشه قارشى روحى (میلان  
tendance) طبیعى سندن عبارتدر. نفرت، (فنا mauvais، mal) اوله رق  
تصور و یا حس ایدیلن بر شیدن اوزاقلاشمق ایچون طویدوغمز میل در .  
بناء علیه بو ایکی حالت روحیه بر برینك تماماً ضدیدر. البته (بقای شخصی  
conservation individuelle) حسیله علاقه داردر. اکثریا اسبابی (غیر  
مشعور inconscient) در .

بوراده قولانیلان (اوزاقلاشمق) و (میل) کله لر بی معنای عادیسی  
ایله تلقی ایتیه بوب صرف (psychologique پسیقولوژی) فقط نظرندن  
آکلامالیدر. چونکه بر شیشه، مثلاً بر تهله که یه قارشى و یا خود مجادله و مناقشه یه  
قارشى انسانك نفرتی اوله بیلیرده یه اقتضایى حالده او تهله کی، آدم، کوزه  
آلدیروب بالذات دعوت ایده بیلیر .

حتی نفرت، (اشتها appetit) یه بیله مانع دکدر. ایچکی یه مبتلا اولانلر  
اوندن واز کچه مزله. مع مافیه ابتلا اربانك پك چوغی ایچکی یه نفرتله ایچر.  
دیماک که اعتیادك حکمی (ارادت volonté) اعتقادینه منافی بر کیفیت  
پسیقولوژیه تشکیل ایدیور. (volonté و déterminisme کله لر یه باقیکز!]

[فضله تفصیلات ایچون émotion تعمیرینه باقیکز!]

فرانسوزجه	Axiome	معارف
انگلیزجه	Axiom	
آلمانیجه	Grundsatz	
ایتالیانیجه	Assioma	

یونانی ده (آسی یوما = ἀξίωμα)، قیمت و حیثیت، قدر و اعتبار  
معنانه کلیر. تعیر بو اصلدن مشتقدرد؛ نته کیم - علم و فلسفه یی یونانیلردن  
تلقی ایدن - لاتین لر بو کله یی (dignité = dignitas) لفظیله ترجمه  
ایتمشلردی .

بو مهم تعیری اولا (افلاطون Platon)، (فدو = Phaedo) نام  
اثرنده ذکر ایتمشدر. بو حکیمک اعتقادنجه علمک زمین استنادینی تشکیل  
ایدن حقیقتلر واردرد. بونلرک بر قسمی (نسبی relatif)؛ بر قسمی ده بالذات  
بدیهی بر طاقم (مبادی principes) در. افلاطون بونلره عموماً (آری =  
ἀρχή) دییور. برنجی قسمی (نی بونه سیس = ὑπόθεσις) یعنی (فرضیه  
hypothèse) نامیله آرییورکه مطلقاً وجوبی اولمایان، یعنی عکس ده تحقق  
ایده بیلن حقیقتلردر. ایکنجی قسم ده داخل اولان مبادی یی ده  
(ثب آرهن آنی بونه تون = ἐπὶ ἀρχὴν ἀνυπόθετον) عد ایدیوری که  
(اساساً و ذاتاً بدیهی بر مبدأ) دیمکدر. بالخاصه (ارسطو = Aristote)  
بو کله یی اهمیتله تاقی ابتدی و بر تعیر اصطلاحی اولق اوزره قوللاندی.  
بو فیلسوف نظرنده دخی (آسیوماتا = ἀξιώματα) یعنی (آسیوم) لر،  
علمک زمین استنادینی تشکیل ایدن (مبادی اقصا = principes ultimes)  
دیمکدی و بونلر ایکی درلو اوله بیلیردی. (عمومی commun) و (خصوصی  
spécial) ...! برنجی قسم (آسیوم) لر، هر درلو محاکمات و استدالاتک  
نقطه استنادی و براهین اصلیه سی اولان مبادی بدیهیه ایدی. مثلاً (قانون  
تناقض = la loi de contradiction)، (قانون عینیت = la loi d'i-  
dentité)، (مانعه الجمع و الخلو معاً = la loi de l'exclusion du milieu)،  
کیچی که (منطق = la logique) علمنده بونلر (قسطاس حقیقت = le critérium  
de la vérité) عد ایدلمشدر .

(هپ بو تعیراته باقیکنز!) کوره جکزرکه بو کون بو قانونره مبادی ده نیلسه بیله (آقسوم) ده نیلمه لیدر .

ایکنجی قسمده داخل اولان (خصوصی آقسوم) لر، حقیقی وارلنک (یعنی موجودیت مستقله نك) هر هانکی بر حال وطورینی بیان ایدن قضایای کلیه ایدی که بونلرده مبادی\* علمیه دن صاییلیدی .

ارسطو - حسك (ادراکی perceptive) وعقلك (تحدسی intuitive) بر (تلقی acquisition) سی سایه سنده - حقیقت اشیا ی بیلنك ممکن دره، ظن ایدیوردی. یعنی اوپله صانیوردی که (حقیقت وجود)، کرک حس ایله کرکسه عقل ایله، برآنده تیقن ایدیله بیلیر .

[بو مسئله\* مهمه نك مناقشه سی ایچون agnosti- , connaissance cisme و relativisme تعیرلرینه باقیکنز!]

مع مافیه بو استاد یونانی عموماً مسلم اولان قضایا حقنده بالخاصه (آبو- فان سیس = ἀποφάνους) تعیری - منطقده - ترجیح ایدردی . بزم منطقون اسلامك (مسلمات) دیدیکی بودر . چونکه یونان قدیم ریاضیونی (آقسوم) تعیری پك اسکی زمانلردنبری آلوب بنمه مشلر و بدیهیات ریاضیه تخصیص ایتشلردی . بزده ایسه (متعارفه) تعیری، پك صوکره لری عثمانلی علمای متأخرنی طرفندن وضع اولونمش وهله بو کون بوسوتون علمی وخصوصی بر حیثیتله قولالانلقده بولونمشدر صانیرم .

ارسطونك تشهیر ایتمش اولدوغی بو تعیری - مضامین مابعدالطبیعه دن بالتجرید - منحصرأ منطقی بر اصطلاح اولقی اوزره استعمال ایدن (رواقیون les stoïciens =) اولمشدی. حتی (رواقیه) لسان فلسفیسنده بو کله، عادتا، (قضیه proposition) دیمکدی، و اخلافة انجق بو معنا ایله انتقال ایدرک شهرت بولمشدر .

فلاسفه قدیمه نك تراجم احوالی یازان و بعضی افکار مهمه سنی اخلافة تودیع ایدن مشهور (دیوژن لانه رچیوس = Diogènes Laërtius)، (زینون Zénon) دن بحث ایدرکن عیناً شو سوزلری سویلوپورکه بیانات واقعه نك اصابتی اثبات ایدر بر حجت صریحه در .

[ ὁ ἔστιν ἀληθὲς ἢ ψευδὸς ἢ πρᾶγμα ἀποφαντόν ὅσον ἐφ' ἑαυτῷ ]  
 ویاخود حد ذاتند مکمل اولسون، ماهیتی اعتباریه قطعاً تصدیق ویا انکار اولونور. (دیمکدرکه بزده قضیه نک عربجه تعریفنه باقیلیرسه بو جمله نک حرفیاً ترجمه سی دکلسه بیله مالاً عینی اولدوغنده شبهه محل قالماز.  
 proposition] کلمه سنه باقیکنز !

(دیوژن) بو تعریفی (خریسیپوس = Chrysippus) دن نقل  
 ایتدیکنی اعتراف ایدرک بو حکیمک آقسیموم تعریفنده ایراد ایتمش اولدوغی  
 مثاللری ده عیناً ذکر ایدیور :

[کوندوزدر!] و [دیون نام ذات یوروپور!] کی بی بونله (ἀξίωμα)  
 ده نیلمه سنه سبب (قیمت و حیثیت ویریلوب مهتلی ادا اولونور؛ یاخود رد  
 اولونور که بونانی ده (آقی یوته = ἀξιόυται) بودیمکدر. ) الی اخره ...  
 دیوور. بونک بر قضیه تعریفی اولدوغی صریحدر.

(۵۱۰) تاریخ میلادیسنده (روماباش قونسولوسی) یعنی حکومت ربیسی  
 اولوبده فرط عفتندن طولای حبس و بالاخره اعدام اولونان مشهور  
 (بوئه تیوس = Boëthius) ، آقسیموم حقنده شوتعریفی ویریور :

[ Dignitas, propositio per se nota, quam quisque pro-  
 bat auditum ] یعنی [معارفه بذاتها بدیهی بر قضیه در که کیم بر کره ایشیدیرسه  
 همان اونی تصدیق ایدر.]

دیوور و (تجربه یه تحقیقه، اثباته حاجت براقاز یالکنز توجه نظر اونی  
 تصدیقه کافی در.) دیمک ایستور.

قرون وسطانک استاد فیلسوفلرندن اولان (بویوک آلبر = Albertus  
 Magnus) (۱۲۸۰-۱۱۹۳) (آقسیموم) لرک (طوغمامش = inné یعنی وهی)  
 حقیقتلر اولدوغی و نفس انسانیه نک بو کی حقیقتلردن هیچ بر وقت خالی  
 قالمایه جفتی ادا ایدردی .

اسلام فیلسوفلرینک دخی بو خصوصده فکری و مسلمات تعریفی، اساساً  
 بویله در؛ فقط اونلرک کندیلرینه کوره بر ترتیب و اسلوبی واردر. اسلاف

کرامت بوم مسئله لری (علم *connaissance*) مناقشه سندن استخراج ایتشلردی. [ *connaissance* تعیرینه باقیکنز؛ متفکرین اسلامک افکاری لایقوله بسط و مناقشه ایدلمشدر ! ]

(قاضی عضدالایچی) و شارحی (سید شریف جرجانی) جدی بر صورتده بویخت ایله اشتغال ایتشلر و مناقشاته کیریشمشلردر. بوم مسئله نك موافقه کی وضع و ترتینه کوره :

علم، برکزه (تصوری) و (تصدیقی) اولدقدنماعداء، یا (ضروری) در؛ یاخود (مکتسب) در. بونلرک هر ایکیسی ده (حادث) در؛ زیرا (قدیم علم) جناب حقه مخصوصدر؛ اوضروری و یاخود مکتسب اوله ماز. ابوبکر رازی به نظراً انسان ایچون ضروری اولان علم اودرکه نفس اودنن خالی قالماز، و انفکاکه یول بوله ماز. علم ضروری مخلوق ایچون (مقدور) در. یعنی مجبوری در. واقعا قاضی بو خصوصده ابوبکر رازی ایله معارضه ایدیور و (نظری *spéculatif*) ایله ضروری فرق اوزرینه مباحثه آچیلیور. [ *connaissance* تعیرینه - حریان بحثه باقیکنز ! ]

نهایت علوم ضروریه نك وجوبی و لزومی تسلیم اولونویور: [ لا بُدْ لثامن ذلك، اذالها المنتهى، فان العلوم الکسیه من العقائد الدینه و غیرها تنتهی الیه، وهی المبادی الاولی، ولولاها لو تحصّل علی علم اصلا ]، یعنی [ بزم ایچون اونلر لازمدر. زیرا هر شی نهایت اونلره طایانیر. عقاید دینه و سائر علوم هپ اونلره واریر. ایلک پرنسیپلر اونلردر؛ اگر اونلر اولماسه یدی اصلا بر علم حاصل ایده مزدک. ] دهنیلیور. فقط بوجمله ده (حقایق تجربیه *vérités expérimentales*) ایله برابر (حاسة صمیمه *sens intime*) نك (معطایات *data*) ی اولان طویغولر داخل بولوندوغی کیی منحصر آوالذات عقلدن صادر اولدوغی ادعا ایدیلن (بدیهیات *vérités évidentes par elles-mêmes*) دخی داخلدر. حالبوکه بوکونکی فیلسوفلرک اصل (آقیوم) دن مرادی، صرف (بدیهیات) در. و انجق بونلرک تجربیه دن حاصل اولوب اولمادقلری حقنده مناقشه ظهوره کلشدر. بونلردن ماعداسنک تجربیه دن حاصل اولمش

بولونقلرينه — زمانمز فيلسوفلری — بالاتفاق قناعت کتيرمشلردر .  
[empirisme کلهسنه بايکيز!]

ديمک اولويورکه اسلام متفکريخی — اک کنیش مناسيله — بالجله مسلماتی  
(مبادی\* اولی) اولقی اوزره قبول ايديورلردی وبوميانده (کليات استقرائيه)  
يعنی (حقایق تدریسيه vérités empiriques) ايله — ذوق و الم کبی —  
(معطایات ابتدائیه وجدانيه les données immédiates de la cons-  
cience) داخل اولدقدن ماعداء اصل موضوع بحثی تشکيل ایدن  
(حقایق معقوله vérités rationnelles) دخی بولونويوردی . واقعا بالجله  
علوم بشریه بو اساسلره طایاندينی ایچون، حکمای اسلام اولنرک جمله سنی  
بردن (مبادی) صنفه درج ایتکده حقی ایدی؛ فقط — شیمدی ایضاح  
ایده جکم بعضی اسباب مجبره دن طولانی — زمانمز فيلسوفلری ده بدیهاتی  
بو میاندن آیرمقده بحق معذور ایدیلر . چونکه انحق بولنرک متضمن  
اولدوغی حکمده (وجوب nécessité) کورمشلر وبو حیثیتک بر مهم  
صفت کاشفه اولدوغنده اصرار ایتمشلردر . بودعوان دخی (منشأ علم  
l'origine de la connaissance) مسئله سی — یکی بر شکل ايله — تکرار  
ظهور ایتمش و بدیهیات دیدیکمز حقایق محکمہ نک تجربه ايله علاقہ سی  
اولوب اولمادیغه دائر مهم مذهب لر تأسس ایدرک مناقشات خطیره و مدیده یه  
سبیت ویرمشدر . حتی زمانمزده علی الاطلاق معتبر و مختار اولان (اصول  
تدریسيه méthode empirique)، بومناقشه مشهورده تجربه طرفدارلرینک  
غلبه سیله تأسس ایده یلمشدر . دیمک که طرز تلقی ده کورولن بوفرق یک مهمدر .  
[apriori تمیرنده ایضاحاته بايکيز!]

اسلاف کرامتز، علی الاطلاق مسلماتی (مبادی\* اولی) صنفه ادخال  
ابتدکدن صوکره اولنری (اسباب علم moyens de connaissance)  
دن هر هانکی برینه تعلق اعتباريله اوچ نوعة تقسیم ایتشلر و منحصرأ منطقی  
برنقطه نظر دن یعنی بردعوانه حجت اوله بیلمله لری اعتباريله — تقدیر ايله مشلردر .  
(مبادی اولی) نک برنجی نوعی (وجدانیات les faits de conscience)  
تشکيل ایدر: [وہی الہی نجدھا اما بنفوسنا او بالآلنا الباطنہ؛ کلمنا بوجود

ذواتنا و خوفنا و غضبنا و لذتنا و الما و جوعنا و شبعنا. و انها قليلة النفع في العلوم لانها غير مشتركة، لا تقوم حجة على الغير. [ یعنی ] اونلر كندی نفسمزده - حاسه صميمه مزله و ياخود آلات باطنه مزله - بولدوغمز شيلردر. كندی وارلغمزه، قورقوزمه، غضبمه، لذت و الممه، آچلغمزه، طوقلغمزه علممزكيي. بو درلو حقيقتلرك علومده فائده سي آذر. زيرا اونلر، غير مشتركدر (صرف شخصي و انفسی طویقولردر.) باشقه کیمسهلره قارشى برهان اوله رق اقامه اولونه مازلر. [

ایکنجه نوعی (حسیات sentiments) در. فقط بو تعمیری شاعرانه معناسيله تلقی ایتمه لی در. بوراده (احساسات sensations externes) دیمکدرکه انکلیز حکما سی دخی بوکا - طبقی عربلر کبی - (sentiments) دیرلر. بوده حواس واسطه سیله حاصل اولان معلوما نمزدرکه بو صنفده، (تجربیات vérités expérimentales)، (متواترات traditions)، (محسوسات jugements de l'imagination sur les choses و هم (حسیات intuitions, inférences) و (مشاهدات sensibles) observations) هب داخلدر.

اوچونجی نوعی یالکز (بدیهیات vérités de première évidence) در. (بدیهی) نك تعریفنده (قاضی) و اوکا اقتدا ایدن شارحی (سید شریف):

[ البدیهی، ماینبته مجرد العقل؛ ای ینبته بمجرد التفاته الیه، من غیر استعانة بحس او غیره. تصوراً کان، او تصدیقاً! ] یعنی: [ بدیهی مجرد عقل ایله ثابت اولان شیدر. تصور صورتیله اولسون، تصدیق صورتیله اولسون!.. عقلک - حسدن و یاخود باشقه بر واسطه دن - استعانة ایتمکسزین، مجرد کندی توجهیله اثبات ایتدیکی حقیقتلردر. ] دییور. حتی (سید شریف)، بو بدیهیات بر سبب بوله میور، یعنی او درلو حقیقتلرک، نفسمزده، هر هانکی بر سبب تولد ایتمش اولماسی احتمالی قبول ایده میورکه اونلرک (innées) اولدوغنی تصدیق ایتمکله بردر. [ انسان نفسی - هیچ بر وقت - اونلردن خالی بوله ما! ] دییور و عیناً شو سوزلری سویله رک بر مثالده کتیریور:



[.... کالعم بالامورالتی لاسبب لهما، ولا یجد الانسان نفسه خالیة عنها؛ مثل علمنا، بأن النفی و الاثبات لا یجتمعان ولا یرتفعان.]

بو بحثك بدايتده عرض ایتدیکم وجهله بو مثال، ارسطونک ده ائله متخبه سندن برینی تشکیل ایدیوردی. یاقینده کوره جکزه بو مسئله یی ایجه دن ایجه یه تدقیق ایدن متأخرین فلاسفه شو (قانون تناقض la loi de la contradiction) ی قطعاً متعارفه لردن عد ایتجورلر. بو، بوتون استدلالا تمزم حاکم و ناظم اولان (قوانین فکرت les lois de la pensée) دن بریدر منطق قوانین اساسیه سندن برینی تشکیل اید. متعارفه لر بونلرک حکمنه تابع در، و آیری شیلدر.

شایان دقدرکه (بویوک آلبر Alb. Magnus) ایله (بوئه تیوس Boëthius) که متعارفه تعریفی ده سیدک کندن باشقه برشی دکلدی.

یالکز بوراده کمال اهمیتله تدقیق و تبعه شایان بر جهت وارکه اوده اسلام فیلسوفلرینک بو بحثی بر از باشقه درلو اداره ایتش و عینی مسئله لره پیوسته اوله بیلیمک ایچون باشقه یوللردن کیتمش اولمالریدر. بزده (ماهیت و اقسام علم) بحثی آچیلش و صوکرده (علم ضروری) مناقشاتنه کیریشیلش و بو زمین معارضه ده دخی یا حسییاتی و یاخود بدیهیاتی رد و قبول ایتک صورتیله متفکرین اسلام ایکی ورقه متضاده یه آیرلشلردر. اسلام عالم عرفاننده (عقلیه rationalisme) و (تدرییه empirisme) طرفدارلرینک مجادله سی ایشه بو بحثک میدان فسیخنده کوره بیلیرز. حتی بو ایکی مشهور مذهبک شرقده مولدی و سبب تولدی بودر! [بدیهیات، (یعنی صااعلام و ریاضی متعارفه لر) نیچون انسانه بر اعتقاد جازم و یریور؟ (یعنی نه دن اولنرده حیثیت و جوب caractère de nécessité واردر؟) بودرلو حقیقتلرکسی می در؟ (یعنی apostérionique می در؟) یاخود ضروری می در؟ (یعنی intuitive می در؟) یوقسه نظری می در؟. (یعنی rationnelle می در؟).... بوتون بو مسئله لر—بالا خره و بالضروره—علم بخندن تولدا ایدیور. [اسلام فیلسوفلرینک بو مسئله غامضه حقنده کی فکرلری و بوتون بو بحثک تفصیلات و مناقشاتی ایچون بالخاصه connaissance کله سنه، صوکرده

ایضاحات خصوصیه ایچون empirisme و rationalisme کلمه لرینه باقیکزلا [قاضی) و شارحی (سید)، بو بختی تفرعات مهمه سیله اداره ایتمشلر و بر چوق مشاهدک ملاحظات شخصییه سنی ده نظر اعتباره آلهرق تنقید ایله مشلردر. غرب متفکرینه کلنجه :

قرون و سطانک اک مشهور فلاسفۀ مدرسیندن (راموس = Ramus ۱۵۱۵-۷۲) بو (آقسیم) کلمه سنی تکرار احیا ایدرک قوللاندی و بر چوق طلبه سی و طرفدارانی سایه سنده تعبیر، انتشار و تعمم ایتدی. نهایت مجدد صاحب مسلك (بهی قن Bacon)، (ramiste) لرك محروانندن بو تعبیری آلدی و اوکا بوسبوتون کندنجه بر معنا ویره رک بنمسه دی. بوانکلیز فیلسوفنک تقدیر و تلقیسنه کوره: [متعارفه اوپله بر قضیه کلیه درکه تفرعات اموردن و قضایای جزیه دن - (بالاستقرا = par induction) استنباط و استنتاج ایدیه بیلیمشدر. بو حیثیتله، عموماً مسلم بر حقیقت علمییه نك دستور افاده سیدر. | بو تعریف (تدرییدون les empiristes) اعتقادینه موافقدر. قاضی عضد ایله سیدک. بو خصوصه کی ظن و ادعاسنه قوت ویریر و پک بکزر. زمانمزک اک بوبوک فیلسوفلرندن، میل، سنسر، بهین و بو آتقاره ودها بر چوق بوبوک متفکرلر هپ بو فکرده درلر.

(بهی قن)، متعارفه لرك تجربه دن متحصل (کلیات استقراییه) دن اولدوغنی ادعا ایتکله فالمایه رق، کللی اولمق اعتباریه یکدیگرلرینک ضمننده برسوری متعارفات مرتبه اولدوغنی ده بیان ایله مش، یعنی [درجه شمول نقطه نظرندن متعارفه لرك چوق فرقی واردر.] دیمک ایسته مشدر.

معاصریندن فیلسوف (پروفیسور بهین Prof. Bain) دخی دییورکه (بهی قن) [آقسیم تعبیری (مقول = enuntiatum) یاخود (قضیه = propositio) معادلی اولمق اوزره قوللانش و بو معنایی Ramus = راموس) دن تلقی ایتمشدر. بو آدمک اثرلرینی اک اول شرح و تفسیر ایدن (هاسسه = Hasse) نام ذاتک وایته کوره رومالی (چیچرون = Ciceron) دخی کلمه مذکوریه عینی معناده قوللانیرمش. احتمال که اوده رواقیوندن المشدرد. [ (بهی قن) ک معاصری و دور اخیر فلسفی نك دیگر بر استاد مجددی

اولان (ده قارت) و طرفدارانی (مبادی ریاضیه - principes mathématiques) ی، فلسفه و هر علمه تطبیق ایتک ایسته دکتری ایچون بو تعبیری ارسطونک تلقی ایتدیکی معنایله استعمالده دوام ایتدیلرکه (بهی قن) ك طرز تلقی سنه تماماً ضد دوشر؛ چونکه تجربه دن متولد بر (کلی universal) اولمایوب بر (بدیه اولی) دیه تلقی ایدلمشدر . مشهور غایله نك اعتقادی دخی بو ایدی .

متأخریندن (قانت Kant)، متعارفه لری، تجربه نك فوقنده بر طاقم حقایق معقوله اوله رق تلقی ایدردی و هر درلو تجاربك ناظمی اولوق اوزره علی الاطلاق تجربه یه متقدم بولونمالری لزومه قانع ایدی. بو کی حقایق بدیه نك منشأی (زمان و مکان le temps et l'espace) حنقه نكی (تحدسات intuitions) مزدرد؛ دیر ایدی .

[بو خصوصده کی افکاری rationalisme ، analogie ، apriori کله لرده اطرافله بسط و مناقشه اولونمشدر . باقیکنز !]

متأخریندن (سرویلیام هاملتن Sir. Will. Hamilton) .خی بوتعبیری، (بهی قن) ك تعریفی وجهله قبول ایتمش و اوله جه قوللانمشدر . لکن اك صوك زمانلرده متفکرین (ریاضیون les mathématiciens) ایله برابر برچوق بویوك فیلسوفلر و منطقچیلر، بو مهم تعبیرك معنای اصطلاحیسنی قطعاً تعین و تحدید ایتك ایچون چوق اوغراشدیلر، بو خصوصده وارد اولان ملاحظات و تعریفات سابقه یی ده صیقی صیقی به تنقید ایتدیلر، نهایت آکلادیلر و هر کسه آکلانوب اثبات ایتدیلرکه اراسکی (مسلمات) ك - قیمتجه - بر برندن بك چوق فرقی وارد؛ و - اکر معنای علمی و فلسفی سیله تلقی ایدلك لازمکلیسه - هر قضیه مسلماتیه (متعارفه) دیمك طوغر و اولمایه جقدر . آکلاشیلیورکه زمانمئزك اك ایلری کلن فیلسوفلری (متعارفه) نك حیثیت ذاتیه سنی تبیین و اونی حقایق سائرده دن تمیز ایتك ایچون صفت کاشفه سنی آراشملر، بولاشلر؛ و الحاصل (متعارفه) دیدیکمز دستور حقیقتك نه جنسان بر (قضیه) اولماسی لازمکله جکنی - بالاتفاق - تعین ایتمشدر .

(ذیمقراطیس Démocrite) ایله (افلاطون Platon) ك فکر و نظر -

لرنده کی مبانیت اساسیه دن طوغمش اولان بو مسئله، او زمانلردنبری واسع بر زمین مناقشه تشکیل ایتمش و (تدریسیون) ایله (عقلیون) آره سنده تحدث ایدن بو توکنمز معارضه، زمانمزه قدر دوام ایدوب گلشدی .

صوک زمانلرده عینی زمین بحث اوزره واقع اولان اک شدتلی مصارعه (جون ستوئت میل J. S. Mill) ایله (دوقثور هیوول Dr. Whewell) آره سنده اولمشدی .

{ بو مهم مناقشه دایر apriori کله سنده اشارت وار؛ فقط بحث تکمیل تفصیلات و تفرعاتی empirisme کله سنده مندرجدر. rationalisme تعیرینه ده باقیکنز! }

بو کون جریان بحث آنجق ریاضی متعارفله اوزرینه واقع اولمقده در ویا لکنز اونلره منحصر قالمشدر. دیگر لرینک بو مناقشه در اترق هیچ برکونه دخلی یوقدر. چونکه اونلرک تجربه محصولی اولدوغنده هر کس متفق الراید، متعارفله، علوم صحیحده بالجله دعوالری حل و اثبات ایچون عمده و اساس اولدوغندن طولایی بزم ایچون غایتله قیمتدار بر سرمایه علمی تشکیل ایدر. بر دعوائی حل و اثبات ایتک اونی بو اساسی دستورلردن برینه ارجاع و اسناد ایتکدر. بونلر هر شی ایچون - برنجی درجه ده - براهین قویه دن معدود اولدوغی حالده، بالذات کندیلمی بلا سند و حجت مسلمدر. بونک بویه اولماسی ده ضروریدر؛ چونکه، اولا اونلرک صحت و حقیقتی تأیید و تحکیم ایده بیله جک اولان بر (حجت)، ده عالی ودها شامل بر (کلی propos. universelle) اولق ایجاب ایدر. اویه برکلی بولونجه (متعارفه) تعیرینی اوکا حصر ایدرز. بریکی، اترق اونک (مشتقات corol-laires) ندن معدود اولق درک سنده دوشر. بناء علیه اعم و شامل اولان (کلی) یی دیلیسز، حجتسز قبول و تسلیم ایتک ضرورتی ینه ذهنه تحکم ایدر. ثانیاً، مادام که عقل یالکنز بر توجه ایتکله بوکی کلیاتک صحتی تسلیم ایدیور و بو خصوصده بر (اعتقاد جازم) حاصل ایدیور، ذهنک بو قناعت قطعیسی بر (حجت قاطعه) عد ایدلک کرکدر. چونکه بالجله براهینک انسانه و بره بیله جکی اطمئنان ینه بویه بر اعتقاد جازم ایله ذهنی تسلیمته مجبور ایتمه سیدر. دیمک

که - الهام قناعت خصوصنده - هرا یکی ده بریوله چقیور؛ یالکزشوقدر  
برفرق وارکه متعارفه لر، وجدان بشره - طوغرودن طوغرویه - بوقناعی  
ویریور؛ حقایق سائر - بالواسطه - ویریور. فقط اونو تمامی که بوراده  
واسطه ویکانه واسطه انحق برمتعارفه اوله بیلیر. بناءً علیه هر نوع استدلال  
اوکا طایانیور دیمکدر. اونک ایچون متعارفه لر، اک قیمتلی (معتقدات  
articles de foi) مزدن صایلمشدر. (معتقدات) تمیزی برمتعارفه حقدنه  
استعمال ایتمک، جوق کشیلرک نظر تعجب واستغرابی دعوت ایتمشدر. حتی  
مشهور (بله ز پاسقال = Blaise Pascal ۱۶۲۳-۱۶۶۲)، [براهین و دلائل  
ایله محقق اولان معلومات محیحه مزک، نهایت الهایه ایمان foi]. طایاندیغنی  
ادعا ایتمکله - آشاغی یوقاری - عینی ملاحظه بی بیان ایتمک ایسته مش و مستهزی  
(ولتهر Voltaire) ک نظر استخفافی جلب ایتمشدی. حالبوکه بر جوق  
فیلسوفلر بو کون پاسقالک فکرندهدر. (ایمان) دیمک، بلا سند و حجت،  
برشینی وجداناً تسلیم و محض حقیقت اوله رق قبول ایتمک دیمکدر. مادام که  
متعارفله ری بویه قبول اییدیوروز و باشقه تورلو سنه احتمال یوقدر؛ دیمک که  
اونلره ایمان اییدیوروز! و مادام که بوتون معلوماتمز نهایت بو تورلو حقایق  
معتبره و مسلمیه طایانیور، پاسقالک تمامیله حق اولق لازمکلیر.

بو ملاحظاته زیاده سیله قیمت ویرن محافظه کار فیلسوفلر، (اخلاق  
morale) و (الهیات théologie) کیبی علملری، علوم محیحه درجه سنه  
اصعاد ایدرک او حیثیته تلقی ایتمک چالشیدیر. [بعضی حقایق وجدانیه  
واردرکه بوتون علم اخلاق او اساسلر اوزرینه استناد ایدر. اونلر دلیل ایله  
اثبات اولونور شیر دکلدریه نیچون علم اخلاق غیر قطعی و ایکنجی درجه ده  
بولونان علوم صبره سنه قونولسون؟.. نصوص دینه کیبی نصوص اخلاقیه  
واردر؛ و بلا تردد یعنی بر ایمان قوی ایله قبول و تسلیم اولونان بو حقایق  
وجدانیه - انسانه براعتقاد جازم الهام ایتمکده - هندسه متعارفه لرندن بلکه  
دها قوتلی درلر! دیدیلر، و بو نوعدن اولان حقیقتلری - تام معناسیله -  
بر متعارفه اوله رق قبول ایتمکلیر ایچون مبادی اخلاقیه نک تجربه ایله  
هیچ بر مناسبتی اولمادیغنی و بویه (قطعی بر امر وجدانی - impératif ca-

(tégorique) نك تجربه دن تولد ایده میه جکئی ادعا ایله دیلر. احلاقده (عقلیه rationalisme) مذهبی بودر و بونک اصل صاحب مسلک فیلسوفی (قانت Kant) در. (بو ایکی تعبیره، برده autonomie کله سنه باقیکنزه.)

مع مافیه هر شیک هر متعارفه وهر عقیده نك تجربه محصولی اولدوغنی ادعا ایدن (تدریسیون)، بو دعوائی دها قولای رد ایده بیله جک بر موقعهده بولونوبورلردی. چونکه نصوص اعتقادیه و اخلاقیه نك - او یله ریاضی متعارفله کیی - هر کسجه عینی صورته مسلّم حقایق کلیه ضروریه دن اولدوغنی هنوز لایقيله تحقق و تین ایده مه مشدر. بو خصوصده مذاهیک اختلافات شدیدیه سی بونی صراحتاً اثبات ایدیور. حالبوکه - عقلی ایرمک شرطیله - ریاضی متعارفله ری عیناً قبوله مجبور اولمایان یوقدر.

بناءً علیه بوراده یالکز ریاضی متعارفله ری نظر دقته آلفه مجبور. بو نوع حقیقتلرده نه وارکه براهین سائر نك جمله سنه بونلر هر وجهله مرشح طوتولوبور؟.. بونلرک الهام ایندیکی او (اعتقاد جازم)، او (قناعت کامله) زه دن کلیور؟..

بو سؤاله هر کس عینی جوابی ویریور: [او جنسدن اولان قضایای کلیه نك حکمی واجدر. ذهن، نقیضلریخی تصور ایده میور. ممنوع کورو یور (باطل بدیهی absurde) بولوبور.] دیور. بناءً علیه بو نقطه ده ذره قدر اختلاف یوق!..

فقط [او یله بر قضیه متعارفه یه بویله بر (حیثیت وجوب caractère de nécessité) ورن کیفیت نه در؟..] دیدیکمز زمان شدتلی اختلافات باشلیور؛ و - شیمدی یه قدر و برمش اولدوغم ایضاحاتدن اکلاشیله جنی وجهله - بو سؤاله لاقول ایکی تورلو جواب ویرمک ممکن در:

یا تدریسیونک ادعاسنه حق ویره رک: [بوقناعت کامله تجارب مکرره نك حکم مؤیدی در!] دهنیله بیلیر؛ یا خود [تجربه نه قدر مؤید اولسه بیله بودرجه جازم بر اعتقاد الهام ایده من. بوقناعت البته ماهیت عقلمزده مضمر و مندمج بولونان حقایق یته نك بالذات انکشافدن ایلری کلیور!] دهنیله بیلیر که بوده عقلیونک ادعاسیدر.

[nécessité] گله‌سندۀ بوايكي فرقه‌نك ادعالي‌ينه دائر مناقشات واردر.  
 بايكي‌ز !]

فيلسوفلري بري برينه قاتان بو (وجوب) و (اعتقاد جازم) مسئله‌سه  
 (les savants) و بالخاصه علمای رياضيون اوقدر مراق ايتيورلر .  
 چونكه اونلر بويحي علوم صحيحه حدودي خارجه اتيورلر. هان بلا تنقيد  
 قبول وتسليم ايديورلر كه (متعارفه) ديديكمز قضيه‌لرده (صفت وجوب)  
 واردر. بوحيثيت هر نرمدن و هر نه وجهله كليسه كلسين!.. بوني تحقيق  
 ايتك فيلسوفلرك ايشي در، بلكه‌ده بسيقولوغلرك وظيفه‌سي در. علمايي  
 و بالخاصه اصول رياضي‌يني منطقه تطبيق ايدرك يكي بر چيغير آجان انگليز  
 مجددن منطقيونتي اشغال ايدن اصل مسئله، بوسبوتون باشقه‌در: بر متعارف‌يني  
 مسلمات سائردهن اساساً تميز ايدن صفت كاشف‌يني قطعياً تعين ايتكدرد.  
 آقسوملر، ايتسر محصول تجربه اولسون، ايتسر سه اولماسين، شو محقق در كه  
 بوكون بزم ايچون بعضي (حقايق متعارفه vérités axiomatiques) واردر؛  
 وهيچ شبهه يوقدر كه هر هانكي بر دعواده حجت اولمق اوزره بونلرك قوت  
 و قيمتي مسلمات سائردهن فضله‌در. [متعارفلر بالذات بديهي حقيقتلردر!]  
 ديمك كفايت ايتمز. چونكه بر طاقم -حقايق نظريه دخي واردر كه بالذات  
 بديهي اولقله برابر (متعارفه) صاييله‌ماز؛ (تعريفات رياضيہ definitions  
 mathématiques) دن عبارتدر. كذلك: [متعارفلر دليل و حجت ايله اثبات  
 اولونمقدن مستغني‌درلر!]  
 ديمك دخي بر متعارفه‌نك ماهيت ممتاز سه حقيله  
 تعين ايدمه‌مز؛ چونكه (موضوعات postulata) دخي بويله‌در. حالبو كه  
 بر موضوعه ايله بر متعارفه آره‌سندۀ خيلي مهم فرق‌لر واردر. بونك كيي:  
 [متعارفه دستور عمومي شكلي آلاش بر قضيه كليّه‌در!]  
 ديمك (كليات استقرايه) ي‌ده متعارفلر صنفه ادخال ايتكدرد كه بو، - هيچ اولمازه رياضيون نظرندۀ  
 - بوسبوتون ياكلاش برظن در. [متعارفه بر مبدأ احتجاج‌در!]  
 ديره‌نك ياكلاش اولماز؛ فقط ينه بر متعارفه ايله بر (مبدأ principe) آره‌سندۀ فرق واردر؛  
 چونكه هر متعارفه بر مبدأ صاييلسه ييله هر مبدأ بر متعارفه صاييله‌ماز.

[معارفه بر قانوندر] دیمک، هله هیچ اولماز. قوانین نظریه و حتی طبیعیته  
پك چوغی هیچ بدیهی حقیقتلردن دكلدر .

خلاصه ، معارفه ، بونلرك هپسندن ده براز باشقه بر حقیقتدر. ایشته  
اوباشقه لئی موجب اولان صفت ممتازه بی کشف و تعیین ایده بيلمك خصوصده  
ریاضی منطقچیلر، متفکرین سائردهن زیاده صرف همت ایتیشلر و معارفه بی  
سائر مسلماتدن قطعاً آیره بيلمشلردر. ذاتاً بو خدمت اونلردن بکله نیله بیلیردی.  
زیرا، استدلالده اك قطعی و شبهه سز دلیللره تمسك ایدن و آنجق بو نوع  
براهین ایله اکتفا ایله این اونلردر. مسلکك اقتضاسی ذاتاً بودر . فی الحقیقه  
تاریخ علم بزه کوستریورکه پك اسکی زمانلردن بری معارفه بی مسلمات  
عمومیه دن - آز جوق - آیری کورن و آیری طونان ریاضیون اولمشدی .

(قانت ) ، (سپنسر) ، (میل ) ، (یووهل) ودها بر چوك بوبوك  
فیلسوفلر اثرلرنده بو معارفه مسئله سنی اوزون اوزادییه مناقشه ایتیشلر  
و اك زیاده فلسفی بر نقطه نظرندن ماهیتی تدقیق و قیمتی تقدیر ایتك  
ایسته مشلردی . فیلسوفلرك مقصدی ( قسطاس حقیقت *critérium de la*  
*vérité* ) اوله بیله جك قضیه دستورییه تعیین ایتمکدی . [ *critérium* ]  
کله سسنده بو جهت اطرافیه شرح اولونمش و فیلسوفلرك افکاری تنقید  
ایدلمشدر . باقیکنز !

علمای ریاضیونك وزمانمز منطقیونك بو خصوصده کی مقرراتی (لی یار  
*Liard*) احسن صورت اوزره تلخیص ایتیش اولدوغی ایچون ، بو ذاتك  
بلکه انفس آناری اولان (منطق) رساله سندن بعضی ملاحظاتی و مثاللری  
نقل ایدیورم . چونکه اك طوغر و سیدر و بو مسئله اوکتابده بالخاصه علمی  
بر نقطه نظرندن تلقی ، تتبع و تنقید ایدلمشدر .

علوم ریاضیه ده طرز استدلال (تعلیل *déductif*) در ؛ فقط مطلقاً  
دكل ، علی العموم و پك جوق کره بویه در . فادراً (ا-تقرانی *inductif*)  
اولدوغیده واردر . تعلیلی اولان استدلالده (سند) اوله جق بر قضیه  
کلیه ، بر حقیقت مسئله واردر که (مبدأ استدلال *principe de rai-*  
*sonnement*) اولور ، واوندن حقایق جزئیه استخراج ایدیلیر . (وتیره



منطقه (procédé logique) هې بر در . ذهن بشر ، ايسر (مجردات  
 choses abstraites) ، ايسر (مخصات choses concrètes)  
 اوزرينه محاکمه توپلوب استدلاله کيريشين ، هر حاله عين قوانين  
 فکريه نك حکمه واقضانه تبعت ايده رك دوشونور . مثلاً [ بر شي هر نه  
 ايسه اودر . ] ، [ بر شينك ايکي مثلي ، کندنن آز اوله ماز . ] ، [ بر شي  
 يا واردر ، يا يوقدر . ] کي دوشونجه لر ، يالکز طبيعات ، يا خود رياضيات  
 و يا خود فلسفيانده دکل ، هر شیده ، هر زمان ، هر کس ايچون (عمده  
 base) تفکر در . بو تورلو دوشونوشلر بزم ايچون ضروريدر ؛ چونکه  
 ذهنمک طبيعت و تشکلاتي ايجابي در . اوحالده بو (قوانين فکرت  
 la pensée) ي اول امرده (متعارفه) ديدیکمز حقيقتلردن بوسه بونون  
 آيرمالي ز . بوقانونلرک حکمه مغاير دوشن متعارفه اوله ماز ؛ زيرا بو  
 قوانينه قارشي آقيري دوشونمک - عقلي باشنده اولان - بر آدم ايچون  
 ممکن دکلدر .

قوانين مذکور به موافق اوله رق ذهنمده انکشاف ايدن و بالتجربه  
 تحقيقه مفتقر بولونمايان حقايق بديهيه (متعارفه) ديمشده . مع مافيه -  
 براز اولجه عرض ايتديکم و حمله - رياضيون ويکي منطقچيلر بو تعريفی  
 کافی کورميورلر . بويله [ بالذات بديهي و اثباتدن مستقي ، فقط باشقه  
 حقيقتلري اثبات ايچون سند و حجت اوله رق ايراد اولنور ] نجه (حقايق  
 واجبه vérités nécessaires) واردرکه قيمت وحيث اعتباريله بر برلرندن  
 کلياً فرقلي درلر . (لي يار) ک ديدیکی کي :

[ بر شي نه ايسه اودر ] قضيه سي بر حقيقت بديهيه در . بر کينه -  
 آيري آيري - مساوی اولان ايکي (کيت grandeur) يکديکراينه دخي  
 مساوی درلر ؛ قضيه سيده بر حقيقت بديهيه در . کذلک : خط مستقيم ،  
 ايکي نقطه آره سنده کي ابعادک اقصه سيدر . قضيه سيده اوله در . بو  
 قضايانک اوچي دخي (بديهي) ، (وجوبی) ، (اثباته احتياجن مستقي)  
 و (حقايق سارهي اثبات ايچون سند) اولمق حيثيله يکديکرينه بکزر .  
 مع مافيه بو اوصاف مشترکي حائر بولونمالرينه رغماً بر طاقم فرقلر عرض

ایدرلر که اونلری عینی صنفه درج ایتکه مانعدر . قضایای مذکوردهن برنجیسی هر تورلو فکرك امکان حصولی ایچون لابد اولان شرائط ابتدائیه واساسیه دن برینی بیان ایدر . بوکا بر متعارفه ده نیلمك ایسته نیلیرسه ده نیلسین فقط شو شرط ایله که ایکنجی قضیه ایله او ، بر طوتولماسین ! . . . زیرا بو ایکنجی قضیه نك اساسلی صفت کاشفه سی ( غیر معین کیات grandeurs indéterminées ) آره سنده ( ثابت و عمومی بر نسبت un rapport général et constant ) بیان ایدیشیدر . هله ایکنجی ایله اوچونجی قضیه یی بر طوتومق هیچ ممکن دکلدرد . زیرا ایکنجیسی - ده مین عرض ایتدیکم وجهله - کیات غیر معینه آره سنده بر نسبت بیان ایتدیکی حالده ، اوچونجیسی معین بر شکل هندسی نك یعنی خط مستقیمك بر ( خاصیت propriété spéciale ) فی بیان ایدیور . بناءً علیه متعارفله ری تمین ایتك اوزره معیار اوله رق قبول ایدیلن ( بدهات évidence ) کافی دکلدرد . متعارفله رك باشقه بر علامت مخصوصه لری واردرد . اونی تحری ایتله یی ز . ]

( فکرك محض فکر اولمق حیثیتله la pensée en tant que pensée )  
 جمله سنه و هر تورلوسنه علی الاطلاق حاکم و مطاع اولان قوانین ذهنیه یه ( لی یار Liard ) برنسبب یعنی مبدأ نامنی تخصیص ایدیور که بونلرك اك بویوکلری اوچدر : ( مبدأ عینیت ) ، ( مبدأ تناقض ) و ( مانعه جمع و خلو ) در .  
 نته کیم براز یوقاریده ذکر یی کچمشدی .

[ تفصیلات ایچون contradiction ، identité ، principe کله لرینه باقیکنز ! ]

عینی ( زمره groupe ) ده داخل اولان علوم معینه نك مبادی مشترکه سنه دخی ( متعارفه ) تعیری موافق کورویور .

مثلاً طبعیات ، ریاضیات ، اجتماعیات بر ( زمره معینه groupe déterminé ) درکه اونلرك هر بری بر جوق علومی شاملدر . شیمدی هر زمره ده داخل اولان صنف علومك مشترکاً استناد ورعایت ایتدیکی مبادی او زمره نك متعارفله ری تشکیل ایتش اولویور . متعارفله ری بو صورتله - یعنی عمومیت و خصوصیت مطلقه اعتباریله - مبادی کلیه دن تمیز ایتدکدن

صوکره، [متعارفات ریاضیه نك خاصیت اساسیه سی ندر؟] سؤالی وضع ایدرهك اوکا جواب ویرمك ایچون مهندس شهر (لوزاندر Legendre) ك هندسه متعارفهلری اوله رق قبول ایتمش اولدوغی شو بش قضیه بدیهی تنقید ایدیور :

۱- [برکیمه مساوی اولان ایکی کیمیت یکدیگرینه ده مساویدر .]

۲- [کُل جز شدن اعظمدر .]

۳- [برکیمت منقسم بولوندوغی اجزانك یکوننه مساویدر .]

۴- [بر نقطه دن دیگر بر نقطه یه آنحق بر خط مستقیم وصل ایدیلیر .]

۵- [ایکی کیمیت ، خطوط ، سطوح و صاب یعنی مجسم شیلر جفسندن اولسون، یکدیگرینه مساویدر، اگر بر برلری اوزرینه وضع و تطبیق اولو- ندقلری زمان نقطه سی نقطه سنه تطابق ایدرلرله !]

شویس قضیه نك جمله سی ده عینی درجه ده بدیهی اولق صور تیله یکدیگرلرینه مشابه ایسه لرده، (لی یار)ك فکر نجه بولر ك برنجیسی، ایکنجیسی و اوچونجیسی آنحق برر متعارفه در. زیرا لاعلی التعین کیمیات غیر معینه آره سنده ثابت و عمومی بر نسبت بیان ایدن آنحق اولر در. ایستر عدد، ایستر سه قوت و یا خود مقادیر هندسیه نوعندن اولسون هر تورلو کیمیات حقنده بو اوچ قضیه نك حکمی شاملدر و طوغر و در. حالوکه در درنجیسی بر متعارفه اوله ماز؛ چونکه - اولجده اشارت اولوندوغی اوزره - آنحق بر شکل معینك یعنی خط مستقیمك خاصیت اساسیه سی بیان ایتمکله قالیور. یعنی بر نسبت عمومی و مشترکه نك دستور افاده سی اولق شویله طورسون، یالکز بر شکل هندسی نك صفت کاشه سی کوستریور. بر خط بو شرط ایله مستقیم اوله بیلیر! دیمك ایستیور، ایشته او قدر!...

بشنجی قضیه نك حیثیت و ماهیته کلنجه اوده بر متعارفه صاییله ماز. یالکز بر شکل معینك خاصیت اساسیه سی تعریفه منحصر اولدوغی ایچون (یعنی يك خصوصی بر حقیقت هندسیه بیان ایتدیکی ایچون) دکل، چونکه باجله کیمیات قابل تطبیق اوله حق قدر عمومی در؛ فقط دقتله باقیله حق اولورسه

بو قضیه (مساوات هندسیه نك بر تعریفی *définition d'une égalité géométrique*) بیله دکلدر؛ اومساواتی تحقیق ایتک ایچون محتاج اولدوغمز بر (وتیره عملیه *procédé pratique*) نك افاده سی در . مثلاً ایکی سطحك، ایکی خطك یکدیگرینه تماماً متساوی اولدوغنی بالفعل تحقیق ایده بيلمك یولنی بیان ایدر بر قضیه در . بناءً علیه بر مبدأك دستور افاده سی دكل، اثباتك بر تورلوسی در . عملی سی در .

او حالده هیچ شبهه یوقدرکه (لوثاندر) ك متعارفه اولق اوزره تلقی ایتمش اولدوغنی شو بش قضیه بدیهه دن آنجق اوج اولکیلری حقیقی متعا رفه لر در . دیکر لری دکلدر .

بو ملاحظات تنقیدیه ایله بر متعارفه ریاضیه یی سائر قضایای بدیهه دن فرق وتمیز ایتدکدن صکره (لی یار) (هندسه دعواسی *théorème*) تعریفه لزوم کوردیور و [هر دعوا بر کیفیت خصوصیه *propriété spéciale* نك بر (کبت معینه *grandeur déterminée*) یه نسبتی بیان ایدر . هان دائماً واقع اولدوغنی کیی بر دعوا اثباته محتاج اولسون و یاخود یوقاریده ذکر ی کچن دردنجی قضیه بدیهه ده اولدوغنی کیی، اثباتدن مستغنی بولونسون بونك اهمیتی یوقدر . بر دعوا ی هندسی نك (صفت کاشفه *la caractéristique*) سی بدیهی اولماسی و یاخود اثباته محتاج بولونماسی دکلدر . (صراحتاً معین بر کیمته متعلق *relatif à une grandeur nettement déterminée*) اولماسی در .]

ایشته بونستی اظهار و افشا ایتک ایچون هجت مقامنه قائم اولان بدیهی وعمومی قضایای مشترکه یه آنجق متعارفه تعییرینی تخصیص ایتک لازمکیر . اونك ایچون (لی یار) متعارفه یی شو وجهله تعریف ایدیور که اک طوغروسی در :

[متعارفات ریاضیه بالذات بدیهی بر طاقم (قضایای واجبه *prop. néces-saires*) در که کمیات غیر معینه آره سنده کی نسبتلری بیان ایدر . شو تقدیرجه متعارفه لر ، استدالات و احتجاجات ریاضیه ده رعایق لازم اولان (مبادی مشترکه *principes communs*) در . اونلر ك حکمی خصوصی بر زمره

کبیانه عاُد و محدود دکلدر. وضع ایتدکلری (قاعده لر règles)، بلا استئنا هر تورلو کبیانه قابل تطبیق در. دییور و بو تعریفه کوره هندسه متعارفه لرینه مثال اولوق اوزره (اقلیدس Euclide) ك (مفهومات عامه notions communes) نامیله هندسه کتاینده مندرج بولونان قضایای بدیهه دن آنجیق ایلك یدی دانه سنی ذکر ایدیور که شونلدر :

۱- [هر هانکی برکبته آری آری مساوی اولان کیتلر یکدیگرلرینه دخی متساویدرلر .]

۲- [اگر متساوی کیتلره کبئات متساویه ضم اولونورسه یکونلر دخی متساوی اولور .]

۳- [اگر متساوی کیتلردن کبئات متساویه طرح اونونورسه بقایا دخی متساوی اولور .]

۴- [اگر غیر متساوی کیتلره کبئات متساویه علاوه اولونورسه یکونلر غیر متساوی اولور .]

۵- [اگر غیر متساوی کیتلردن کبئات متساویه طرح اولونورسه بقایا غیر متساوی اولور .]

۶- [عینی کیتک ضعیفی اولان کیتلر یکدیگرینه مساویدرلر .]

۷- [عینی کیتک نصفلری اولان کیتلر یکدیگرینه مساویدرلر .]

ایشته لسان ریاضیاتده متعارفه نك معنای وصفه کاشفیه سی بودر؛ یاکنز شایان دقندر که علی الاطلاق هندسه متعارفه لر بهمه حال بونلر اولوق لازم کلز. نته کیم (هندسه غیر اقلیدیه géométrie non-euclidienne) مؤسملری بوسبتون باشقه برطاقم متعارفه لر وضع ایده رک اولزله بناء بیکی بر هندسه، حتی برقاج تورلو هندسه لر ایجاد ایتشلردر. شوقدر وارکه متعارفه اوله رق هر هانکی بر هندسه ده و هر هانکی بر علمده اساس انخاذا اولونان قضایای بدیهیه وعمومییه نك هم آهنگ اولماسی یعنی یکدیگرینه نقض ایتیه مه سی بهمه حال بر (شرط لابد condition sine qua non) در .

[بو بابده خصوصی معلومات آلق ایچون قاموسک ریاضیات قسمنده géométrie ، axiome و métageométrie کله لرینه باقیکنز !]

علوم سائرہ نك دخی متعارفہ لری وارد در. فقط پسقو لوزینك - موجودیت شخصیه یی ناطق اولان متعارفہ اساسیه سی استنا ایدلك اوزره - هیچ بر علمك متعارفہ لری ریاضیاتك کی قدر قوی و جازم دكلدر لر؛ حتی ده نیله بیلیر كه ریاضیاتك بو درجه ده قطعی بر علم صحیح نمونه سی اولماسی ارکان و مبادی اساسیه سی تشکیل ایدن متعارفہ لك بداهت بالغه سندن، صراحت جازمه سندن نشأت ایتكده در. بوكاده سبب، متعارفات ریاضیه نك صرف كیات مجرّده یه متعلق بولونان نسب عمومیه یی بیان ایتیه سی در .

[تفصیلات ایچون science و mathématiques كله لرینه مراجعت ایدیكنز!]

[متعارفہ نك قانون و موضوعه ایله فرقنی آكلامق ایچون loi، postulat

و principe تعیر لرینه باقیكنز!]

متعارفہ لرله برابر سائر قضایای بدیهیه نك قیمت نسبییه لری و منشأ لرینه متعلق اولان فرضیات فلسفیه نك تنقید و مناقشه سی بالخاصه ( empirisme و critérium تعیر لرنده كوروله بیلیر .)

یالكنز شو مهم جهتی اخطار ایده میم كه متعارفہ لر نه قدر عمومی اولور لرله اولسونلر، آنجق بر حقیقت اضافیه نك دستور افاده سی اولق اوزره تلقی ایدله لی در لر. فی الحقیقه هیچ بر متعارفہ یوقدر كه بر حقیقت مطلقه بیان ایده - بیلسین. متعارفہ لر دخی داخل اولدوغی حالده بوتون معلوما تمز انفسی و اضافی دره. (agnosticisme و subjectif و relatif و absolu كله لرینه باقیكنز!]





## B

Bâtonnet

عصه

Bâtonnet

عالم خارجی ایله مناسبتمزده (حواس les sens) یکنه و سائطمزدر .  
[ sens کله سنده تفصیلاته باقیکنز ! ]

هنوز (علم تشریح anatomie) معلوم اولمادینی زمانلرده فلاسفه قدیمه  
(حواس) تعبیری وضع ایتمش و بش نوعه منحصر اولمق اوزره تعریف  
ایله مشدی . فقط برکوزك ناصل کوردیکی، برقولاغك ناصل ایشیتدیکنی  
و حواس سائزدهك ناصل اجرای فعالیت ایدرهك بزه کیفیات اجسامك  
و - علی العموم - کاشات خارجیهك وجودینی بیلدیردیکنی ابی تعریف  
ایتمک ممکن دکدی . چونکه (اجهزه حسیه appareils sensitifs) ك  
(تشکلات تشریحیه organisations anatomiques) سی لایقيله بیلگمه دیکه  
کیفیت ادراك مسئله سنك، بوسوتون مبهم بر (معما énigme) حائده قالماسی  
طبیعی ایدی . نته کیم بوتون تشریحك و حتی (تشریح خرده بینی anatomie  
microscopique) ك ترقیات عظیمه سنه رغماً، ینه (فعل ادراك l'acte  
de la perception) بر معما حائده پسیقو لوژیك اك مبهم مسائلندن  
برخی تشکیل ایدیور .

یالکز زمانمزده واقع اولان ترقیات علمیه دن - من جهة - پك بویوك  
بر استفاده مز اولمشدر ؛ و بو نقطه نظردن اسلاف حکمایه - قیاس قبول  
ایتمه جك درجه ده - فائق بولونویورز؛ اوده شودر: کوزك بر (آلت بصریه  
organe optique)، قولاغك بر (آلت سمعیه organe auditif) اولدوغنی  
انسانلر پك اسکی زمانلردن بری بیلورلر ایدی . فقط بزآلات مذکورهك  
غایت (معضل complexe) برر (جهاز حسی) اولدوغنی پك یاقین وقتلرده  
اوکرده بیلدك . هله زمانمزده واقع اولان کشفیات خرده بینیه هرر جهاز حسی  
ك نه کیی عناصر تشریحیه و اقسام عضویه دن مرکب بولوندوغنی ایجه



میدانه قویدی. تشریح علمی ایله (موازاناً parallèlement) ترقی ایدن (فیزییات physiologie) دخی انسجه خصوصیه نك طرز فعالیتی تعیین ایدره هر جهاز حسی نك وظیفه سنی - متشکل بولوندوغی اقسام عضویه به نظر آ - ده ائی آکلاته بیلدی. یوقسه بالذات فعل ادراك حالا بر (سرغامض) در. شوقدروارکه عضویتك (طرز فعالیت mode d'activité) نی بوکون ائی تعریف ایده بیایورز.

ایشته بو (bâtonnet) تمیری جهاز بصری ده یعنی (کوز) ده اخیراً کشف اولونان اقسام عضویه دن بری در. وجه تسمیه سنه سبب شکل تشریحیمی در. چونکه بونلر مینی مینی چوماق لر، دکنک لر بیچیمنده در. عربجه ده (عصیه) لفظی باستون معناسنه موضوع اولان (عصا) نك اسم تصغیریدر. بو کلمه نك طوغرودن طوغرویه آنجق تشریحله علاقه سی اولدوغی ایچون مختصراً تعریف ایده جکم. فلسفه ایله بالا طرف مناسبتنه کلنجه (ادراك) مسئله سنه دائر واقع اولان مناقشات علمیه ده اکثریا ذکر ی کچرده اونك ایچون بر قیمت خصوصیه سی واردر؛ چونکه :

خرده بین اعانه سیله اجرا اولونان تدقیقات تجربیه اثبات ایتشدرکه علی العموم (حساسیت sensibilité) خدمت ایدن اعصابک منتهاسی اکثریا (استوانه cylindre) شکلنده بر (عصیه) درکه کاه محور اصلی نك (استحاله یه اوغرامش transformé) بر قسمی در؛ کاهی ده محور مذکوره منضم بر عضو دیگر در. علی الخصوص کوزک مرکزندن اعتبار ایدلک صورتیه، (طبقه شبکیه rétine) نك صوک صفحه سندن اولکی سی، دائرة عینه نك شکلنه کوره دیزلش بر طاقم عصیه لره (مخروط لر cônes) دن عبارتدر. بونلرک اوجلری سربست اولقله برابر (طبقه صباغیه couche pigmentaire) هجیراتیه مستوردر. کوز بیکنک رنگنی ویرن ایشه بو طبقه هجیراتی در. بونک آلتنده (bâtonnets) دیدیکمز او عناصر تشریحیه - عاداتا کیرپی نك دیکنلری کیی ویاخود و سربست ایکنه اوجلری کیی دیمدیک طورور. طبقه صباغیه بو عصیه لری قاپلاوب اورندوکی ایچون اوکا (tapetum nigrum) دیرلر؛ (سیاه اورتو) دیمکدر. وبنیه اتساجنه نظراً (épithélium pig-

menté de la rétine) تسبیحه ایدرلرکه (طبقه شبکیه نك مصبغ یعنی بویالی اولان نسج رصفی سی) دیمکدر. بوحجیرات، قالدیرم طاشی شکنده موضوع اولدوغی سبیل (رَصَفی) ده نیلمشدر.

نهایتلری سربست اولان وهان طبقه صباغیه آلتده بولونان عَصیه لرك دیگر اوجلری برر لیف عصیه به مربوطدر. اهتزازات اثیری بی طوغرودن طوغروه تاقی ایدوبده بزه (ضیا lumière) حسنی ویرن بو عصیه لردر و مربوط بولونقلری (الیاف عصیه fibres nerveuses) واسطه سبیله دماغده کائن مراکز مخصوصه به اهتزازاتی نقل ایدرلرده آنجق او سایده ضیایی ادراك ایتدیکه زی آکلایه بیلیرز.

کوزومزك اینجده و مرکزنده برچوقور واردرکه اوکا اصطلاح علمده (fovea centralis) دیرلر. بوحفره مرکزیه نك دینده عَصیه لر یوقدر. فقط بوکا بدل عَصیه لردن دها اوزون و یکدیگری اوزرینه کثیف برصورتده بیغیلش مخروطلر واردر. بو عناصر تشریحیه - اولجه سویله دیکم کی - دیگر اوجلرندن برر لیف عصیه به مربوطدر و اوالیافك جمله سی طویلانه رق (عصب بصری nerf optique) بی وجوده کتیریرلر. [بو تعبیره باقیکرز. تعبیرات سائر ایچون دخی قاموسك علوم طبیعییه قسمنه مراجعت ایدیکر!] بوتدقیقات تشریحیه به موفق اولدقدن صوکره برطاقم ملاحظاته طونو. لویورز که اونلرک ماهیت فلسفیه سی وبالخاصه (مبحث معرفت-épistémologie) مسئله لریه علاقہ سی ظاهردر. مثلاً:

بزم کوزمنر بوضورتله تشکل ایتشدرد؛ کورمک دیدیکمز (طرز ادراك mode de perception)، بومکمل جهاز سایه سنده ممکن اولویور؛ آت بصریه مزده البت هر برقسمک برخدمت خصوصیه سی وفعل رؤیتده بررولی واردر. اونک ایچون درجه ادراك جهاز حسنی نك مکملیت انسجه سی وتمایت اقسام وعناصری نسبتده اولق کرکدر. اکر بو بر قانون ایسه - نته کیم اویله اولدوغنده هیج شبهه یوقدر، - بر (قارنجیه)، بر (کله بک papillon) الحاصل بر بوجک شو عالمی تماماً و عیناً بنم کوردو کم کی کورمه مک لازمکه جکدر. زیرا (تشریح قیاسی anatomie comparée)

علمی اثبات ایدیورکه اونلرک کوزی بنکندن واکثریا بربرلرینک کندن خیلی فرقلی اوله رق تشکل ایتشدرد. شو تقدیرجه عالم خارجی نك پانوراماسی هرکسک کندی کوزینه کوره برمنظره خصوصیه عرض ایده جکدر. او حالده جهازحسه کوره تخلف ایدن بو مختلف پانورامالرک هانکیسی عالم حقیقی یه مطابق ونفس الامر موافق در؟... ایشه الک بو یوک مسائل فلسفیه دن بری بودر. بوملاحظه فلسفیه، (ontologie مبحث وجود) مسئله سنده (لاادریه

agnosticisme) مذهبه بالضروره پیوسته اولور. (بو تعبیره باقیکز!) (نظریه معرفت (théorie de la connaissance) مسئله سنده (اضافیه

relativisme) ادعاسنه حق ویرید. (بو تعبیره باقیکز!) (ماهیت علم (la nature de la connaissance) مسئله سنده (انفسیه

subjectivisme) مدعاسنی تصدیق ایدر. (بو تعبیره دخی باقیکز!)

فرانسجه	Béatitude	(طوبی)	سعادت عظمی
انگلیزجه	Blessedness		
آلمانجه	Seligkeit		
ایتالیانجه	Beatitudine		

Beatitude-

فلسفه ده (سقراط (Socrates) ک حصوله کتیردیکی انقلاب پک بو یوک و پک مهمدر. بو خارق العاده آدمه کلنجیه قدر اشتهار ایدوب کوچن فیلسوفلر، طبیعت خارجی نك اصلی، مبدائی و جوهرینی کشف و تعیین ایتک ایتدورلردی. فلسفه نك او وقتلرک مهم مسئله سی بو ایدی. اونک ایچون اودور قدیم حکما سنه (oi φυσιολόγοι = les physiologues) ده نیلیر ایدی که تعریف ایتدیکم معنا اوزره (طبیعیون) دیمکدر. سقراطک تعالمانی ايله حاصل اولان الک بو یوک ترقی، فلسفه نك غایه سنه عائد بر تبدل نظر در. چونکه بو حکیم، طبیعت خارجی یه اهمیت ویرمزدی. (کندینی بیل γνώθη σαυτόν) دستورینی دیلنه طولامش و فلسفه دن مقصود اولان (معرفت نفس الک la connaissance du soi) ی هر شیئه قدیم و هر کسه تعالیم ایتشدی. معرفت نفسدن مقصد دخی (سعادت حقیقیه vrai bonheur)

به نائل اولوق ایدی . ایشته بو سببله درکه سقراط، مزاج ذهنی سی اعتباریله (معنویات فیلسوفی) اولوق اوزده شهرت بولمش و بحق (فلسفه اخلاقیه نك پیری le père de la philosophie morale) عد ایدلمشدر .

بو آدمک تملیاتندن صوکره، آرتق اخلاق مسئله لری مباحثات فلسفیه ده بک مهم بر موقع اشغال ایتدی و اونلردن مقصود اولان (سعادت حقیقیه) فیاسوفلر نظرند (غایه اعلا but suprême) عد اولوندی .

متعاقباً کلن فیلسوفلر، مباحث طبیعیات و مابعد الطبیعیات دائر فکرلری بیان ایتدکن صوکره اصل انسان ایچون مطلب اقضا اولان سعادت عظمی حقه ده - بهمه حال - اعتقاد و اجتهادلرینه کوره رأیلری سویلرلر و بو رأیلری موجز برر دستورالعمل شکانه قویه رق موجبنجه یاشامغه و فلسفه اخلاقیه لرینک صحیحاً تمثلی اولمغه چالیشیرلردی .

بوسایق نظره غایت طوغرودر . فی الحقیقه بو کونکی فیلسوفلر نظرند بیله بوتون فلسفیاتدن مقصد برغایه اخلاقیه تعین ایتمکدر؛ اونندن ده مقصد سعادت حقیقیه به نائل اولایلمکدر . سپنسر بو ادعاده در؛ و بوتون آثار فلسفیه سنک بوغایه ایریشمک ایچون بر اوزون مقدمه تشکیل ایتدیکنی وحتی اوندن باشقه بر قیمت و حیثیتی حائر اولمادیغنی اعتراف ایدیور .

بالکتر حکمای سالفه ایله زمانمز فیلسوفلرینک بو طرز تلقی ده موافقتلرینه رغمأ ینه آره لرند مهمجه بر فرق واردر . متفکرین اسلاف هر سعادتک الم و نکبتله مخلوط و مفشوش اولدوغنه باقهرق مغبرالخاطر اولمشلردی . و (سرمدی، حقیقی و لایتغیر éternelle, vraie et immuable) بر سعادت عظمی آرقه سنده قوشمش طورمشلردی . یعنی (سعادت مطلقه bonheur absolu) آرامشلردی . ایشته تاریخ فلسفه به کجشم اولان (béatitude) تعمیری آنحقق بو معنای افاده ایدر .

بو نوع سعادت ، قوانین فطرت خارجنده ، طبیعت سفلیه فوقده بر (طیب نفس bien être) درکه دائمی و لایتغیر اولوق اوزده تصور ایدلمشدر . نه (کیتاً quantitativement) ، نه ده (کیفیتاً qualitativement) تغیر ایده بیلیر . . . .

اوزون اوزادی یه دلیل لر سرد ایدوبده اثباته حاجت یوقدرکه ، سعادتی بویه مطلق بر صورتده تصور ایتک محض خیالدر ، و دنیا ده بویه بر سعادته نائل اوله بیلیمک محالدر .

اوسبیلهدرکه هر شیئک انسان ایچون نسبی اولدوغنی دستور اعتقاد عد ایدن زمانخر فیلسوفلری ، مطلق اولان سعادتی بوسوتون براقه رق ممکن اولان سعادتی آرامش لر واکانائل اوله بیلیمک ایچون لازمکن ( دستور العمل formule de conduite ) که نه اولماسی اقتضا ایدجکی تعیننه چالشمش لردر . ( اضافیه relativisme ) یه قائل اولان مسلب اربابنک فکر ونظری بودر . بوراده ظهوره کن اختلافات مذهبی ، غایه سعادت واکا ایصال ایدجکی فرض اولونان دستور العمل فرقلرندن نشأت ایتمشدر . نتهکیم مذاهب سالفه ده دخی سبب اختلاف ینه بو مسئله اطرافنده حاصل اولان تشتت آرا ایدی . مع مافییه ، سعادت حقیقیه مسئله سنده ویریله جک حکم - هر نه اولورسه اولسون - برارده اعتقاده تابمدر . بناء علیه آزعوق غندی اولمقدن ومزاج متشکره ملایم بولونمقدن قورتوله ماز . اوسبیلهدرکه یر یورنده ، بو حیات فاتیسه ده سعادت صافییه ومطلقه اوله میه جغنی قبول ایتمکله برابر ، ( حیات آخرت vie future ) ایمان ایدن دیندار فیلسوفلرک جمله سی ینه او ( سعادت عظمی ) یی مشروع ، غیف وفضیلتکار بر حیاتک مکافات موعوده سی اولوق اوزره تلقی ، و بر غایه حقیقیه اولوق اوزره تسلیم ایدیورلر . اوکا نائل اوله بیلیمک امکائنک نه کیی شروط واسبابه مربوط بولوندوغنی کوستریورلر وحقی برر برر صایورلر .

بالجمله ادیان منزله بونی بالاتفاق تعین ایتمشدر . هر دین نظرنده سعادت عظمی ( اهل جنت ) دن اولوب ( رؤیه الله la vision de Dieu ) کیی ابدی بر بختیارلغه کسب استحقاق ایتمکدر . قرآن کریمده ( طوبی ) کلمه طیبه سی عیناً وتاماً ( béatitude ) معنانه شرفوارد اولمشدر .

( الهیات théologie ) علمنده بو ( رؤیه الله ) مسئله سی یک ولوله لی مناقشات میدان آجیش وکرک اسلام ، کرکسه خرستیان علمنده ، انسانک

بویله برسمات مافوق البشریه نائل اوله بیلیمسی احتمالی رد وانکار ایدنلر ظهور ایتشدرد . بالعکس عبادالله الصالحین ایچون بو سعادتك یالکیز ممکن دکل ، فقط قطعاً موعود بولودوغنی ادعا ایدنلرله اولکیلر آره سنده وقوعه کل مجادله ، یکدیگرینه بو مسئلهده معارض ایکی فرقه متخالفیه وجود ویرمشدر . (théologie کلمه سنده تفصیلاته باقیکز) .

تصوف اربابنجه (سعادت عظمی) (قنای الله anéantissement en Dieu) مرتبه سنه ایرمکدر . (واصلین) یعنی (ارنلر) ، ایشته بو کامل انسانلردر . بونک ایچون (زهد ascétisme) شرطدر . بوده (امساك abstinence) و (ترك ماسوی) ایله اوله بیلیر . انسان کامل ، عادتا (ثو- لومدن اول ثولمه لی در) که (وصال communion) ذوقه مستعد اوله . بیلسین و (حق ایله حق) اولوب (قنای الله وبقا بالله) کیی ابدی ، صاف وعظیم برسماته مظهریت قازانه بیلسین .

[تفصیلات ایچون بوتون بوتعیرات فرانسوییه و آریجهده mysticisme کلمه سنه باقیکز !]

(نوفلاطونیلر les néoplatoniciens) ک اعتقادی دخی تماماً بویله ایدی . بزده (اشراقیون les illuminés) دیه شهرت آلان حکمای باطنیه بونلردر .

اونبرنجی ، اون ایکنجی و اون اوچونجی عصر میلادیده عادتا تعمیم و تحکم ایدن صوفیه نصارانک اعتقادی دخی عیناً بو ایدی .

دینک سیاق نظرنی اهل ایدن فلاسفه یونانیه نك بو مسئلهده اعتقادی صاحب مذهب اولانلرک عددنجه تنوع و مزاج فلسفیلرینه کوره تخالف ایدر . سقراط نظرنده سعادت عظمی (فضیلت vertu) صاحبی اولمق ایدی؛ بالاخره (رواقیون les stoïciens) نامیه شهرتشهار اولان فضیلتی فیلسوفر سقراطک بو اعتقادینه تمسک ایتمشلر واونی دستور العمل اتخاذ ایله مشلردی . فقط سقراط نظرنده فضیلت (عمل خیر la pratique du bien) ایدی . حالبوکه رواقیون ، خیری (آزادکی نفس) ده بولویورلردی . سقراطک معاصری وطلبه سندن بری اولوبده صوکره (کلیه - cyni)

(cisme) مذهب غربینی تأسیس ایدن و مشهور (دیوژنه Diogènes) ی  
یتیشدیرن (آنتیستنه Antisthènes =) نام حکیمك اعتقادی ده  
[ سعادت حقیقهك هر نوع قید احتیاجدن سرآزاده یاشایه بیلمك دن عبارت ]  
اولماسی ایدی .

آ کلاسیلیورکه رواقیون، (کلیون les cyniques) ك بو اعتقادی  
اساس اتخاذا اتمكه برار سقراطك تعلیمات فضیلت پرورانه سندن دخی شدله  
متأثر اولدقلری ایچون ، بو آزاده لکی محض فضیلت عد اتمش لردر .  
(Cyrénaïque) کله سنه باقیکز ! ] .

بوتون معناسیله واولانجه حیثیت فکریه سیله (آریستوقرات) برمتفکر  
وبدایع برست بر حکیم اولان افلاطون نظرند . سعادت عظمی ، موجودات  
ممکنه برده سی آلتنده (حسن مطلق Beauté absolue) یعنی (idée  
مثل وماهیات) ی کشف و مشاهده اتمکدی . معاملات دخی عادل اولمقدی .  
بلکه هیچ بر حکیم افلاطون قدر عدالتی مدح و تحیل اتمش واونی محض  
فضیلت صایامشدر . اونك شا کردرقبی وباشلیجه معارضی اولان (آرسطو  
Aristote) نك اعتقادنجه (سعادت عظمی = μακαριότης) ابدی  
شیلری ، یعنی لایتغیر حقیقتلری کورمکدر . یعنی - تام معناسیله - فیلسوف  
اولمقدر . بو حکیم یونانی نك (θεωρητική διετην) دیمکدن مرادی بوایدی .

سقراطك مشهور شا کردلرندن اولوب (قبروانیه مدرسه سی ! Ecole  
cyrénaïque) نی تأسیس ایدن (آریس تیپ = Aristippe + قبل المیلاد  
(۳۳۶-۴۲۵) ، سعادت حقیقه یی ذوقده بولویوردی . [ cyrénaïque  
تعیرنده تفصیلاته مراجعت ایدیکز ! ]

بوندن براز صوکره نشأت ایدن و (مادیّه matérialisme) مذهب  
مشهورینی تأسیس ایله بن نه پیکور = Epicure + قبل المیلاد (۲۷۰-۳۴۱)  
دخی سعادت حقیقه یی (لذت plaisir) ده بولویوردی . فقط (آریس تیپ)  
ایله بو فیلسوف آره سنده خیلی مهم بر فرق واردی (قبروانیه) مذهبك  
مؤسس ، (حرکته لذت = le plaisir dans le mouvement) = ἡδονή

آرییوردی و حظوظات آنیه ایله اکتفا ایدیوردی. حالوکه (نیهیکور) اذواق معنویه و حظوظات باقیه یی بوتون لذارشدشهوانیه و عادییه فائق عد ایدردی؛ خصوصا صفای خاطر و استراحت روحی (سعادت = εὐδαιμονία) که باشایجه شرط تحقیق اولق اوزره طانیردی. بونک ایچون دخی (احوال عالمه قاریشمایوب فراغت بال و اعتزال اوزره یاشامق و تحریر؛ حقایق ایله اوغراشمق) لازم اولدوغنی شاگردانه دایماتوصیه و تعالیم ایدردی. ننه کیم کندییی (مدرسه اتخاذایتش اولدوغنی) بانچه سنده، هب فلسفه تدربسیله وقت کچیرمش؛ هیچ برایشه قاریشماش، لذارشدشهوانیه و احتراصات دنیویه دن تماماً آزاده عقیف و ساده بر عمر سورمشد.

[تفصیلات ایچون Plaisir و bonheur, matérialisme که لرینه باقیکنز!]

براز یوقاریده اشارت ایتدیکم وجهله :

زمانمز فیلسوفلری علی العموم (اضافیون relativistes) دندر؛ یعنی سعادت مطلقه یی بر خیال محال عدایدوبده شو دنیاده نسبی بر سعادت آرامق و اونک شرائط تحقیقی تمین ایتک طرفداریدرلر. فقط (دیندار religieux) اولانلر بوخصوصه یه بر استتیا تشکیل ایدیورلر؛ چونکه اخروی بر حیاته ایمان ایتک و آنجق او (نشأت اخرا) ده ابدی و مطلق و حقیقی بر سعادت اوله ییله جکنه اینامق (اضافه) مذهبک عقیده اصلیه سنی انکار ایتک دیمکدر.

متأخریندن، (سپینوزا Spinoza میلادی ۲۶۷۷-۱۶۳۲)، بوزواللی عقیف و فقیر آدم؛ بو بویوک و فضیلت پرور فیلسوف دخی سعادت مطلقه یه اینانیردی و اوکا: (beatitudo, felicitas) دیر ایدی. متروک، مظلوم و شدتله فقیر یاشایه رق، یوقسوللقدن، ورمدن و فات ایتش ایدی. فقط کبندی اعتقادینه کوره یعنی عقیف، معصوم و سرآزاده یاشامشدی. دیمک که بختیار یاشامشدی.

[سعادت نسبییه حقیقه زمانمز فیلسوفلرینک افکار و نظریاتی ایچون

bonheur کلمه سنه باقیکنز!]



احتیاج	Besoin	فرانسجه
	Bedürfniss	آلمانجه
	Need, Want	انگلیزجه
	Bisogno	ایتالیانجه

السنة ناسده اكرتيا دوران ایدن بوكله نك معناسی ایضاحدن مستغنی کیچی کورونور ؛ چونكه اسان عادی ده عوام و خواصك بوافظی همان عینی معناده قوللاندینی محقق در . بزه لازم اولان بر شینك فقدانندن حاصل اولان حس مخصوصه احتیاج دیرز و طوغرودر . هراسانده آجیه ق، صوصامق ودها بوکیچی بعضی کلمات مهمه یه تصادف اولونه بیلیرکه بونلرک هریری حیات ایچون لابد اولان برشینك اکیسکلیکنی ایما ایدر و او سبيله حصوله کلن حس اشتیاق دخی - حیاتمزله اوشینك درجه علاقه وارتباطی نسبتنده - شدید وایم اولور .

بناء علیه احتیاجمزده مراتب ودرجات اولمق طبیعی در . صویه احتیاجمز، توتونه احتیاجمزله بردکدر . صو، وجودمزنک مرکبات اصلیه ومهمه سندن بلکه الک برنجیسیدر . حیاتمزک دوامی اونسز اوله ماز . واقعا تریاکی برآدم ایچون توتون - عادتا - بر احتیاج درجه سنی بوله بیلیر فقط ینه اوندن محرومیت ، مبتلارینی اولدورمز . ایشته مکيفات ایله احتیاجات طبیعی وحقیقته نك فرقی بودر .

اذیتلی - حتی بعضاً جانکزا - برطویغو صورتنده بزه یوقلغنی حس ایتدیرن برشیه قارشى اشتیاق وحسرتمز ( آرزو و *désir* ) دبرزکه اوکا نائل اوله بیلیمک ایچون روحمزنک میلندن باشقه برشی دکدر . بواکسیکک تلافی وتضمین اولونوبده اوحس اشتیاق تطمین ایدلیمی ؟.. اووقت بر ( طبیب نفس *bien être* )، بر ( ممنونیت *Contentement* ) طویارز؛ بود ( تشفیة تشفی، شفا *satisfaction* ) در . حرارتلی حرارتلی لیوناظه ایچن برکیمسه پی تطبیاً ( شفالر اولسون اقدم ! ) دیدیکمز زمان بوکله دن آنجق اومعنا قصد اولونمش اولور .

احتیاجآمزی تشفیة خصوصنده طبیعتک تعین ایتدیکی حد ضرورتی

آشارسه، آرتق آرزو قالماز، زائل اولور . مثلاً آج ایکن - طبقه بامه -  
 یمک بیرسه، بزده برحالت استغنا حاصل اولورکه ( شبع ) یعنی ( طوقلق )  
 بودر . ترجه ده طویق تعیری یا لکزی بیه جک حقنده قوللانیلیر . صوایچون  
 منحصرأ ( قائمق ) دیرز . بو حالد ( آرزو ) یوقدر ؛ هله ( اشتها ) هیچ  
 یوقدر ؛ مع مافیه ( ممنونیت ) واردر ؛ چونکه تشفی تام واردر . لکن بو  
 حدی ده کچرسه، یعنی طوبدقدن سوکرده بیرسه، عادتاییه جکدن ( نفرت  
 aversion ) حس ایدرز . بو حالد ممنونیت ده زائل اولمش دیمکدر .  
 [ Nécessité aversion , désir , appetit کله لرینه باقیکز ! ]

شیمدی شو تعریف ایتدیکم احوال مختلفه ده بالخاصه ( حادثات روحیه  
 phénomènes psychologiques ) بی فرق ایتمه لی بز؛ سوکرده بو حسیاتک  
 منحصرأ ( فکر ) ایله بر مناسبتی اولوب اولمادیغی آراشدرمالی بز .

اولا ( لزوم nécessité ) بالذات احتیاج دیمک دکلدر . او، بر قانون  
 نظریدرکه ( محتاج الیه ) اولان شیئک ( محتاج ) اولان شیئه علاقه طبعیه سی  
 بیان ایدر . حالبوکه احتیاج - آرزوق شدله حس اولونان بر ( اکسیکلک  
 besoin ) طویغوسی در؛ بو حیثیتله ( مشخص concret ) بر حادثه بسیقو -  
 لوزیه در . انجق بر ( قانون غریزی loi physiologique ) صاییلان لزوم  
 ( مجرد abstrait ) بر ( مفهوم notion ) ی متضمن بر ( لفظ ) در .

ثانیاً ( اشتها appetit ) دخی بالذات احتیاج دیمک دکلدر، احتیاجدن  
 نشأت ایدن بر حس مخصوصدرکه بز اونک دلائله احتیاجزه شعور حاصل  
 ایدرز . حتی بر شیه احتیاجز اولدوغنی حس ایتمک باشقهدر ، تعقل ایتمک  
 باشقهدر . بر ضعیف خسته بسیلانمکه محتاج اولدوغنی یک اعلا تعقل ایده بیلیر؛  
 فقط ( حما fièvre ) آشیری بر درجه ده دوام ایدر، سه اشتها سی اولماز و احتیاج  
 تغذی یی ( حس ؟ ) ایده مز . زورله بیرسه بلکه معده سی قبول ایده مز، شدتلی  
 بر نفرت حس ایدر . ننه کیم قورومغه یوز طوتان نباتاتک صویه احتیاجی  
 طبعی و محقق در . ( بوباغچه صولانمغه محتاجدر ! ) دیرز . لکن نباتاتده  
 ( شعور conscience ) اولمادیغی ایچون اونلره حقیقتاً اشتها اسناد ایده مز .  
 فرضاً ( شوچیچکک صویه چوق اشتها سی وار ! ) ده بیه بیلسه، بیه مجازی

برافاده شاعرانه ايله بيه احتياجنى مراد ايتمش اولورز . نباتات صوسزلقدن طولايى المحسرت چكسه يدى آنجق اوزمان اشتهاسى، آرزوسى اوله بيليردى . بومثالر اشتهانك شعور ايله مناسبتنى صراحتاً اثبات ايدر .

ثالاً ( تمایل tendency ) - بعضى پسيقولوجلره كوره - اشتهادن فضله برشى اولق اوزره تلقى ايدلمشدر . چونكه بو بر ( مبدأ حرکت Principe de mouvement ) در . - بنم ظنجه - برزده اشتهادن باشقه و آبرى برشيدر ؛ حتى مطلقاً شعوره مقارن اولق لازم كلز . حالوكه بلا شعور اشتها اوله ماز صانيرم . اشتها ( وجدانيات - phénomènes de conscience ) نوعنددر . صميمى بر طويغودر ، طويغولرك جمله سى ده مشعوردر . يعنى حس اولونور حالات روحيه دندر . [ طويولمادق حالات روحيه يوقدر ] ديمك ايسته ميورم . [ inconscient ] كله سنده تفصيلاته بايكلز ! ] واردر ؛ فقط اولر هنوز حسيات دكلدر . حيوانات سفليه ده البت تمايلات وار ! فقط، ظن ايتم كه تخملىرى وضع ايتمك همچون بر آغاج، يا خود بر لاشه آرايان بر ( حشره insecte ) ، بونى بيلهرك ياپسين و ياپديغنى بيلسين !... انسانلرده بيله بر جوق تمايلات واردرك غير مشعور و ( غريزى instinctif ) اوله رق وقوعه كلكددر .

[ بو خصوصده تفصيلات آلق همچون tendency كله سنه بايكلز ! ] مختصر و مفيد بر فلسفه لقي يازمش اولان معاصر ين متفكريندن ( غوبلو Goblots ) ، [ احتياج ، اشتها و تمايل صرف عضوى و نفسانى كه يتلدندر ] دييوركه حقل در ؛ فقط ( بوكيفيتلرده عناصر ذهنيه موجود دكلدر ) ديه ادما ايدىيوركه بوراسى جاي تاملدر ؛ عجله بر حكم ويرمك طوغرو اوله ماز . احتياج صرف عضوى در ؛ لكن بز اوفى آنجق اشتها ديديكمز حس سايه سنده طويابايرز . او حالده اشتها نفسانى بر حالت مشعوره در . تمايله كلنجه، شعوره مقارن اوله بيلير، واولمايه بيليرده ...

آرزوده بر شيه توجه و تعلق شرطدر . مع مافيه ( vague ) بر آرزونك حكمنه رام اولق احتمالندن ده بحث ايدنلر بولونمشدر ؛ لكن بوكا - اصطلاح علمده - ( آرزو ) ديمه ملى در ؛ چونكه او حالت روحيه هنوز

نامعین بر احتیاجك تولید والهام ابتدیی ( شائقین وغیرموجه ) براشتادن عبارت قالمشدر . راحتسز چو جقلرده اکثریا بو حال مشاهده اولونور : چوجوق آغلار؛ بربرده طوره ماز . محقق در که بر شینه احتیاجی واردر . اینه اویونجاغنی ویریرسکز؛ آلیز، فقط اونکله نمون و ماشینی اوله مادیغنی بالذات حس ایدنجه یره آتار، ینه آغلامق و قیلمدنمقده دوام ایدر . بو سفر بیسکونی ویریرسکز؛ ینه آلیز، بر مدت صو کره اونی ده آتار . نه ایسته دیکنی سویله مز و بیلمز . ظن ایدرم - یایدیغدن کلیاً بی خبر اولان حشرات سفلیه استنا ایدیلیرسه - حیوانانده کی آرزو بو حالده، یعنی نامعین بر حس احتیاج شکلنده اولق کرکدر . حالوکه عقلی باشنده اولان برانسان، آرزو ایدنجه، شونی، یا خود بونی ایسته دیکنی بیلیر و آرزوسنك تعلق ابتدیی شینی تعیین ایدر . شو تقدیرجه آرزو بز ( حکم judgement ) نتیجه سیدر . اکثریا اسبابی ده معلومدر .

[ désir کله سنه باقیکز ! ]

فرانسه اختلال کیری مشاهیر متفکریندن و پسیقولوغلردن ( مهن دویران = Maine de Biran ۱۷۷۶-۱۸۲۴ ) دخی بو کاکبزر بر فکر بیان ایتمشدر : [ حیوانك - طایماندینی، بیلیمه دیکنی بر شینه - آرزوسی اولور ؛ زیرا احتیاجی واردر . انسان آنجق طایماندینی و یا انساندینی شینی سوهر ، یعنی آرزو ایدر ] دیمشدر .

عشق ایله آرزو، یکدیگریندن بک فرقلی ایکی نوع حسیات اولمقله برابر، بر نقطه ده اساساً برله شیر : ایکسینك ده تعلق ابتدیی شیلر ( معین ) در . [ amour و désir کله لرینه باقیکز ! ]

بر شینه احتیاجر اولدوغنی حس ایتمك باشقهدر؛ تمقل ایتمك باشقهدر . دیمشدم . اونك ایچوندركه احتیاج حس اولونمادجقه اشتها تولید ایتمز . حتی بعضاً احتیاجزی تمقل ایتمكله برابر ، محتاج اولدوغمز شینی ینه نفرته تالق ایله رز : خسته نك زورله بكم بیجیسی ، نفرته علاج آلماسی بو قیلدندر . مکینات ایچون دخی بعضاً اوپله اولور ؛ دام الکثول مبتلاری ایچمکدن واز کچه مزلر ؛ فقط نفرته ایچرلر .

[ aversion کلمه سنه باقیکز ! ]

بو تعبیرك مسائل اخلاقیه ایله حتی مسائل اقتصادی ایله دخی مناسبتی واردرد ؛ اوخصوصه دائرده - اشارتاً - برایکی سوز سویله مك ایجاب ایدر .  
احتیاجات عضویه دوام حیاته وعضویتك كاكله الزم اولان شیرلك وشرطلرك فقدانی دیمك اولدوغی ایچون ( مشروع legitimate ) درلر .  
اونلری تطمین، تلافی، تشفیة و تضمین ایتمكده برحق مشروعدر . ایشته ( یاشامق حقى droit de vivre ) بوكا دیرزكه بالمله حقوق طبعیهی جامع بر تعبیر شاملدر . ( غوغای حیات la lutte pour la vie ) ك اك بوپوك سائقلری ( احتیاجات ) در .

( besoin ) ایله ( désir ) آره سنده قیمت و اهمیتجه نه قدر بوپوك فرق اولدوغنی آكلایه مامق ممکن اولماز . آرزوء کلیجی، کچیجی بر حسدر وبهمه حال احتیاجات مطلقه یه تقابل وتعادل ایتمه سی لازم کلز . فقط احتیاجات طبعیه دن طوغمه آرزولرده واردرد . اونك ایچوندرکه هر آرزومزی اجرا ایتمکده حقمز اوله ماز . لکن هراحتیاجیزی تطمین ایده بيلمك ایچون حقمزی دعوا ایله بیلیرز .

فلسفه حقوق نقطه نظرندن باقیلیرسه احتیاجاتمك مشروعیتی ذرّه قدر شبهه کوتورمه مکله برابر، دفع احتیاج مسئله سنده مشروعیت حرکت ، بر جوق شروط ایله مقیددر واونلرك برنجیسی دیکرلرلینك حقنه نجباوز ایتمه مکدر . ایکنجیسی ده سعی وعمل ایله کسبدر .

احتیاجات حیاتك، مدنیتله دائماً تزايد ایتمکده اولدوغنی علماء اقتصادك همان جمله سی ادعا ایدوب طورییورلر وطوغرودر . حتی بونك حدود معقوله سی تعیین ایده بيلمك بك کوچ برشیدر . ایشته بوسبیلهدرکه لوازم حیات وشرائط معیشتی - کویا عدل وقسط اوزره - تسویه ایتمك ادعا سنده بولونان ( قومونیزم ) و ( سوسیالیزم ) طرفدارانی ( اقتصادیون les économistes ) علیه غلوییدیورلر وحیات مدنیةك معهود احتیاجاتی آره سنده بك جوق شیرلك ( سوس luxe ) دن عبارت اولدوغنی ادعا ایدر ك ( سفاهت ) عابنه مجاهده یه چالیشیورلر .

واقعا سفاكت، برزبيلتدر؛ حتى اسرافى مستلزم اولدوغى ايچون برچوق  
اخلاقسز لقلركده سبب اصليسى وسائق حقيقيسى در؛ شو تقدیر جه سوسياлизм  
سفاكته قارشى انفعالات شديدسى ومجاهدهسى بك مستحسن بر طور  
وحركتدر. معافيه (سفه)، اقتصاد علمنك اك زياته غيرتله وجودينى  
قالدير مق ايسته ديكي برقباكت، حتى برتهلكه اجتماعيه در. بوبابده علم اقتصاد،  
سوسياлизм تماماً حق ويره بيلير حتى درس ده ويره بيلير، ومجاهداتى آلفيشلار.  
لكن مسئله نك اصل كوچ اولان جهق (سوس) ايله (احتياج) آره سنه  
(قطعى برحد فاصل *une ligne de démarquation précise*) جيزه بيلمكددر.  
چونكه مدنى بر حياتك احتياجاتى يالكز ييك، ايچمك، ياقمق، اويومق  
وياورولر پيدا ايتك كي ضرورات حيوانيه به منحصر دكلدر. تمدن ايتمكه  
باشلانجه بوحدى بر پارچه آشمغه مجبورز؛ چيك ات وخاشلانماش اوت  
يه به يز!.. لكن بوحدى آشدنغز كي زده طور مقلمغز لازم كله جكنى  
قطعى كسدير مك ممكن دكلدر. (قبل التاريخ *la préhistorique*) و (علم  
انسان *anthropologie*) تحقيقاتى كوسترييور كه ايلك اول لوله جي چامورندن  
بر چوملك وحيوان ده ريسندن بر چاريق ياپان انسان وحشى، البت مدنيت  
يوانده كنش بر آدم آتمشدر؛ فقط سمه قبالر ايچنده يالين آياق وچير چيلاق  
قوشارق اولاديني حيوانك اتى ديشلريله قوباروبده چيك چيك يديكى  
زمانلره نسبتله آياغنده كي چاريق والتده كي چوملك بر (سوس) دكلدى در؟..  
بوشلر مطلقاً دوام حيات الزم اولسه يدي انسان جاريقله طوغار وچوملكسز  
ياشايه مازدى. حالبوكه نيجه عصرلر اويله ياشامشدر. او (انسان ابتدائى  
*l'homme primitif*) دها اينى ودها راحت ياشايه بيلمك ايچون بو (فضله  
شيلر) ي ايجاد ايتديكى حالده بز نيچون اوندن اينى سنى ياقمغه چاليشمايالم؟!..  
حال طبيعىمز اوزره قالسهيديق بولوازم مدنيت وجود كله بيليرمى ايدى؟..  
آغاچ داللرندن ياييلمش بر قولوبه، محتشم بر سرى، معظم بر اوتل اوله بيليرمى  
ايدى؟.. ايچى اويولمش بر آغاچ كوتوكى، بر (ترازاطلاق واپورى)  
شكلنه كيره بيليرمى ايدى؟.. حيات مدنيه مزده بو يلره قطعياً محتاج دكلدى يز؟..  
فيزيولوژى نظرندو احتياجك معناسو، وبومعناك ساحه شمولى واقعا باشقه در.

علی الاطلاق حکم ایدوبده احتیاجات بشریه بی ضرورات طبیعیہ حصرایہ تعریف و تعیین ایدنلر بو طار داترہ دن چیقما دقہ علم اقتصاد حوزه سنہ کیرہ منزله که احتیاج مسئله سنی اقتصاداً مطالعه ایتکه صلاحیت قازانمش اوله بیلینلر .

[ انسانک یاشامق ایچون نلره احتیاجی واردر ؟ .. ] دیه سؤال ایتدیکمز زمان بر (فیزیولوژیست) دن آله جغمز جواب باشقه در؛ بر (نقونومیست) دن آله جغمز جواب باشقه در . اقتصاد عالمی، فیزیولوژی علمنک (یاشامق ایچون) تعیین و تعداد ایتدیکی احتیاجاتی برنجی درجده اهم لوازم حیاتیه دن اولوق اوزره قبول ایتکده ذره قدر تردد ایتز؛ فقط حیات مدنیہ لوازمی اولوق اوزره اوقدرینی کافی کوره مز . چونکه اقتصاد علمنه کوره یاشامق، مدنی برانسان کیی یاشامق دیمکدر . اوحالده یالکیز احتیاجات غریزیه بی تطمین واشتهای طبیعی بی تشفیہ ایتک بونک ایچون کافی دکلدرد . بو قدری بر حیوان ایچون، برانسان ابتدائی ایچون بیله (لابُد indispensable) در . مدنی معناسیله برانسان، بوندن فضله بر جوق شیلره جدأ محتاجدر . بر فیلسوف، بر عالم، بر صنعتکار، و علی الاطلاق (اقتیدین بر آدم Gentleman)، بر تمیز مسکن ایله بر جوق اشیایه، پیانویه، تابلوره، کتبخانه، بر قاچ طاقم البسیه، ودها بر جوق شیلره محتاجدر که عوام ناس اونلرک یوزده طوقسان طوقوزندن مستغنی در . فقط مدنیتک بر معناسی دخی احتیاجاتک ترایدی دیمک اولدوغی جهتله - وقتیه سوسدن معدود اولان ولزومسز صاییلان - بعضی شیلردن الک عادی آدملر بیله بوکون محروم قالمیور : بوندن تقریباً بر ییحق عصر اول، اروپای غربی ده بیله مندیقل قوللانا و جوراب کیین آدملر پارمقله کوستریلر ایدی . بوکون بو شیلردن مستغنی یاشایان عمله یوقدر . یالکیز جماعت بشریه نک (هیچ بر صنفه منسوب اولمایان déclassé) اسافلر مستثنایه ! . . .

قرون وسطاده بیله کوملک و ایچ جاماشیری ندر ؟ . بیلنمزدی . (قبص = chemise = camisa) یعنی کوملکی عربلر ایجاد ایتدکن صوره استعمالی یواش یواش تعمم ایتدی . بوکون هیچ اولمازسه اون تورلوسی

وار ؟ وکوملکمز یاشایه بیلن وارسه صنوف اجتماعیه خارجنده قالمش،  
 - هیچ برایشه یاراماز - برطاقم افقر فقرادن و ابنای سیلیدن عبارتدر .  
 اسپانیا قرالی و انکیزیسون جمعیتک الک غیرتکش و متعصب حامیسی  
 اولان ( قاتولیک فردیناندو ) نک کهله دن وفات ایتدیکنی ( دره ی پر  
 = J. W. Draper )، مشهور جهان اولان کتابنده روایت ایدیور ؛  
 و عربلرک صابون استعمال ایتمکه عالمی آلیشدیرد قلعینی ده سویلور. دیمک که  
 بوکون احتیاجات مهمه دن و برنجی درجه ده لوازم صحیه دن معدود اولان  
 صابون دخی و قیله ( سوس ) دن عبارت ایمش؛ صابون بویله اولونجه،  
 قولونیا صوبی، دیش فیرجه سی، طبرناق ماقاصی، طاراق والی آخره، نهدن  
 اویله اولماسین؟! ...

اوحالده شاهر مرحوم ضیا پاشانک، حیرنلر ایچنده :

یارب ، نهدر بو کشمکش درد احتیاج ؟ ..

انسانک احتیاجی که بر لقمه نانهدر ! ..

دیمه سی عظیم مبالغه در ؟ و علم اقتصادک اثر الهامی اولماسه کرکدر .  
 انسانک احتیاجی فی الحقیقه - بر لقمه ا کمکدن عبارت اولسهیدی، [ یارب  
 نهدر بو کشمکش درد احتیاج ؟ .. ] دبه حیره دوشمکه حاجت اولورمی ایدی ؟ ..  
 بو مسئله لر قارنیتینده بوتورلو دوشونمک اوقدر غلیظ و فاحش بر  
 خطادو که اونی ذهنلردن قازیوب سیلمک ایچون نه قدر دلیل کتیرلسه  
 ونه سویلنسه آذرر . یالکز شونی اخطار ایله اکتفا ایدهیم که بوتون تاریخ  
 مدنیت بو یا کلش ادعایه قارشی یکپاره بر دلیل صریح تشکیل ایدر . حتی  
 قبل التاریخی دورلر بیله تاریخ مدنیتک بو خصوصه شهادتی تصدیق و تقویه  
 ایده جک بینات قاطعه عرض ایتمکده در :

( صنعت art ) کله سنده تفصیلاتیله عرض ایتمش اولدوغم وجهله،

انسان ابتدائی، هنر طبیعی مناره لرده حیوانلرکی یاشامقده ایکن، فیل دیشی  
 و کوره ک کیکی اوزرینه بعضی وحوشک تصویرلرینی یاپارمش؛ قارنالتک باجاق  
 کیکندن دودوک اعمال ایدر مش و بوشیلردن فائده تأمین ایتمک دکل، آنجق  
 ذوق تحصیل ایلر مش! .. ( دوررابع période quaternaire ) وحشیلری



ایچون بوذوق، طیبی بر احتیاج اولسون ده یکرمنجی عصرده یاشایان برمدنی آدم ایچون بر ( پیانو )، بر ( تابلو ) نه دن ( سوس ) صایلسین ؟. و حیات ایچون لزومسز و فضلہ شیلردن معدود اولسون ؟. .

بو یا کلش فکر لر، بزه قرون وسطا زاهد لر یله قرون اولانک ( کلبی cynique ) فیلسوفرلردن انتقال ایتشدیر ؛ فضائل اخلاقیه ایله ممتاز اولان حکمای ( رواقیون les stoïciens ) دخی بو فکرده بولوندوغی ایچون، بویا کلش اعتقاد، فضیلتک ممثلی و ترجمانی ظن اولونمشدر. حالبوکه انسانیتک اک مهم عقائد ضالہ سندن بری ده بودر .

فی الحقیقه کلیون نظرندہ سعادت، ( احتیاجدن کلیاً وارسته ) یاشایه بیلمک ایدی . ( دیوژن ) الئده طاشیدینی طوپراق مشربینی بیله - فضلہ برشیدر دیه - قالدیروب آتمشدی . حیوان کیبی چیک ات یمیکه آلیشه یم دیرکن چیک چیک بر اوکوز پاچه سی یمیش وخیلی اختیار اولدوغی حالده معده حاسندن وفات ایتمشدر .

رواقیون دخی - سر آزاده اولق ایچون - هر درلو احتیاجدن مستغنی یاشایه بیلمکده سعادت آراردی . حکمای صوفیه، زهد ایله ترک ماسوایی - وصال ذوقه ایرمک ایچون - شرط قوشمشدی . طیبی درکه بویله بر اعتقاد قارشى هرشی فضلہ و مضر بر سوس اولق لازمکلیر . بونکله برابر صوفیه نک جمله سی بوشرطه رعایت ایتمه مشدر [ coufisme کله سنه مافیکز ] فقط آچیقجه سوبله مەلی و صراحتاً اعتراف ایتمه لی که : هرکس ترک دنیا ونیل وصال ایچون - بحق زاهدانه - یاشایه بیلسیدی حیات اجتماعی اولمازدی . صنایع و مدنیت اولمازدی ؛ چونکه بوتون مناسیله مدنیت احتیاجدن طوغمشدر. ( اخلاق اجتماعی morale sociale ) نک اساسی اولان ( تعاون solidarité ) دخی اوسایه ده قوی برحس اولمش و ( دیگر کاملق altruisme ) میلی وجدانلرده تولید ایتمشدر . ینی وجدانلری اعلا ایتمشدر .

اطوار و اخلاق نقطه استادی اولان ( مزاج le tempérament ) ایله احتیاجک نه صیتی بر علاقہ سی اولدوغی و بناءً علیه احتیاجک اخلاقه

نه بويوك بر تأثير اجرا ابتدايكنى، صوفى صافى و شاعر حكيم مولانا جلال الدين رومى نك بيله شو ظريف بيتى بك اى سويله يور :

آن كه شيران را كند روبه مزاج  
احتياجست، احتياجست، احتياج ! ..

دييور كه : [ آرسلانلرى تيلكى مزاجلى ايدن شى احتياجدر، احتياجدر، احتياج ! ] ديمكدر . بوندن طوغروده بر سوز اوله مز . حتى بوتون محبتلر مزك ، نفرتلر مزك ، قوز قولر مزك ، جساتلر مزك ، اناى لكلكر مزك وفدا كارلر مزك مبدأ حقيقيسى بودر ديسم يا كلش اولماز ، وبو دعوايى قوتله مدافه ايدم بيليردم . بناءً عليه - تردد ايتهدن - ده يه بيليرم كه : [ انسانلرى اداره ايدن ( قانون قوم = loi d'airain = طونج قانون ) ، احتياجدر . اصل ضابطه طبعيه بودر ؛ قوانين موضوعه، افراد جماعت آره سنده موازنه احتياجى تأمين ايدم بيله جك بردستور اداره اوله بيلملى در . قانونلر ايلكى، كوتولكى ايچون معيار محبت، ايشته بو دستور حكمتدر . حسن اداره بودستور حكمتى - تمشيت امورده - بالفعل اجرا ايدم بيلمكدر . بو خصوصده تأمين موازنه غايت كوچ اولدوغى ايچون، سياسى واجتماعى صارسينتى لر وقوعى - هيچ بر قانون ايله - قطعياً منع اولونه ميور . اختلاللر دخى بوندن ايلرى كليور، عصيانلر واعتقاد سزقلرده عيى سويدن نشأت ايدميور . نته كيم سوسياليزم، آنارشيزم، قومونيزم ودها بر سوري مذاهب رافضه دخى او موازنه سزلكدن طوغويور . ]

عشق اولاد، ووطن محبتى، حتى صنعت ومدنيت، هپ بردن، احتياجات حياتيه مزك آتاريدر . اميدلر مزه قوت ويرن ( دين la religion ) بيله بزم ايچون بر احتياجدر . ياشامق احتياجى ايله تولوم قورقوسنك آره يرند طوغمش بر بويوك احتياج وجدانى ومعنوى در .

( صنايع نفيسه beaux arts ) دن - هيچ اولمازسه - ( شعر la poésie ) ايله ( موسيقى la musique ) نك ( احتياجات تناسليه besoins sexuels ) دن نشأت ايتمش بولوندوغنى ادعا ايدن بر چوق فيلهوفلر وار ؛ ادعالرى ده بوسبوتون يا كلش وحقسز كوردونميور .

( تربیه l'éducation ) بحثنده احتیاجات حقیقه و طبیعه کال اهمیتله نظر دفته آلمالی در . زمانمز حکمائی بوجهته پک جدی بر نظرله با فقهه در لر . تربیه بر انسان، انسانلندن چیقار مق دیمک دکلددر . انسانلغنی اکال ایتمکدر . مع مافیه الک کامل انسانلرده بیله ییک، ایچمک، تناسل ایتمک کیی احتیاجات طبیعه وارددر . و بوسیلله هر انسانده برده حیوان وار دیمکدر . او حیوانی تولدورمک قرون وسطی تربیه زاهدانه سنک الک برنجی مقصدی ایدی . اولانجه شدت تمصبه ، اولانجه زهد سوفیانه سنه رغماً قرون وسطی بوکا موفق اوله مادی . ساده اخلاقی بوزدی ؛ ذهنی بوزدی ؛ حیات شخصی و اجتماعیه نک ترتیب طبیعی سنی بوزدی . یالکمز، نکاحی منع ایتمکله او یله دذیلترله سبیت ویردی که بوراده اولرک شرح و تفصیلنه کیریشمکه ادب مانعدر .

یدی سکنز عصر سورن بوتجربه ضلالت و سفالتدن، دور حاضر بر بویوک حقیقت او کړندی وفائده لی بر درس عبرت آلدی : قطعاً آکلادی که بز، انسانلر احتیاجات طبیعه مزله حیات حیوانیه به مشارک بولونویورز . اومقاومتسوز تمایلاته، قارشى کلک ممکن دکلددر و شدتله مضر اخلاق و هالک انسانیت در . بزده کی حیوانی تولدورمه لی دکل، بالعکس اینی بسيله مه لی، فقط آغزینه کم ووروب قوللانمالی در . مغنویتزى صیرتنده طاشیان او حیوان تولورسه، حتی ضعیفارسه، انسانیتمز یا اقالیر . شیمدی امر تربیه ده عمده اعتقاد بودر .

اون طوفوزنجی عصرک معروف فیلسوفلرندن آمریقالی ( نه مرسن Emerson ) ، بوتون بوفلسفه تربیه نک دستور اساسی سنی هر ض ایتمش و قیصه جه : ( انسان، هرشیدن اول اینی بر حیوان اولمالی در ! ) ده بیورمشددر . سپنسر بودستوری ( تربیه education ) نام اثر مشهورنده ذکر ایدیور و طادنا اصول تربیه ده رهبر اوله رق قوللانیور .

بوسایه ده درکه ( جوجوق حیاتی ) زمانمزده الک بختیار بر حیات اولمشدر . حتی مدنیت حاضر نک مدنیات سابقه به رجحانی ایچون بوندن پارلاق دلیل کتیر یله مز دیه ادعا اولونویور . بوکون ( او یون le jeu ) جوجوقلر ایچون

عادتا ييك ايچمك قدر طبعي و ضروري بر احتياج اولمق اوزره تلقى ايدلمشدر؛  
 حالبوكه اسكيدن، بويوك عيب صايلير وشدتله منع ايديليردى . شمدى ثابت  
 اولمشدركه تكميل عضويت ايچون چو جوقلرده اويون اوينامق ميلى، غريزى  
 و طبعي بر فعاليتدر . بوكا - ولوكه مجازات ايچون اولسون - مانع اولمق  
 حق حياه تجاوزدر؛ بناءً عليه ظلمدر .

جوق فعال و مؤسسات صنايعسى متنوع و متعدده اهاليلى بك غلبه لق  
 اولان مراکز مدينهده مكيفات بيله احتياجات طبعيه صيره سنه كچمشدر .  
 اون آلتى ساعت فابريقه لرده چاليشوب يورولان، صابادن آفتسامه قدر  
 باقده معاملاتی ايله ذهني يوران، اعصابى كهرن بر آدمك ساعت بشدن  
 صوكره بر غازينوده ديكله نوبده برشى ايچمه سنى، بوكون اطبا ايله برابر  
 حكماى اخلاق بيله مشروع كورو يورلر؛ چونكه اودرجه يورغون اولان  
 جمله عصيه نك تهيجه احتياجي محققدر .

بوتون بو عاكانده اساس - آكلاشيلوركه - احتياحات طبعيه يي تسليم  
 ايتمك و مشروع كورمكدرد .  
 [ اصطلاحاته بايكيكز ! ]

(Beauté) Beau

فرانسجه (beauté) Beau كوزلك، كوزل

آلمانجه Schön

انكليزجه Beautiful

ایتالیانجه Bello

بوتيميرك اصلى لاتينجه (bellum) گله سيدركه عینی زمانده (حرب  
 guerre) معناسه دخي كلير . نته كيم (غوفاچي) ديمك اولان (belliqueux)  
 صفتيده اوندن مشتقدرد . (casus belli = cas de guerre) تعميري  
 مشهوردر . حسن صورتله حل و حسم ايدله سي ممكن اوله مايوبده حربه  
 سبيت ويره بيله جك اوينفونسنز لقلر حقنده ايراد ايديلير .

(bellum) لفظنك بو ايكي متخالف مناسی آره مسنده كي مناسب  
 عيجه - بر آز صوكره - ابراز و ايضاح ايديله جكدرد .

کوزللك حقنده کی فکرمنز ( معیار تقدیر ) اولان ( تصورات اساسیه  
 conceptions fondamentales ) مزدندر . بونلر، نهایت، اوچ ( مقوله  
 catégorie ) یه منجر اولورکه ( محاکمات تقدیره - les jugements d'appré-  
 ciation ) مزك مبادیسنی تشکیل ایدرلر . یعنی هر هانکی بر شئی بز ،  
 آنجق اوچ وجهله تقدیر ایدیه بیلیرز : یا ( ای = bien ) در ؛ یا ( حق  
 یعنی طوغرو و vrai ) در ؛ یا خود ( کوزل beau ) در ؛ دیرز . اشیایه  
 مخصوص و طاند اولق اوزره تلقی و تقدیر ایتدیکنز بو اوچ نوع احوال  
 و کیفیاتی یکدیگرینه ارجاع ایتک ممکن دکلدیر . اونک ایچون بونلره  
 conceptions normatives ) ده نیلمشدرکه بوراده ( normatif )  
 تمیزینک اصل معناسی ( معیاری ) دیمکدر . ( normal , norme ) کلهلرینه  
 باقیکنز ! ]

حیاتمز ایچون فائدهسی مأمول و یا خود منفعتی محقق اولان شیلره (ای)  
 دیرز . نفس الامر، موافق دوشن حادثات و وقوعات ( طوغرو ) در .  
 ذوقری اوقشایان و خوشمزه کیدن شیلره دخی ( کوزل ) دیرز ؛ بو کی  
 شیلرک - علی الاطلاق - صفت کاشفیهسی بزردیه بر ( هیجان بدیهی  
 émotion esthétique ) اولاندیرمقده کی قابلیت و تأثیرلریدر .

دیمک اولویورکه ( ای ) اولان شیلرک طوغرو ودن طوغرویه فعالیت  
 عضویه منزله، محافظه حیاتمزله مناسبتی واردر . ( طوغرو ) اولان شیلرک  
 فعالیت عقلیه منزله رابطهسی واردر . ( کوزل ) اولان شیلرکده آنجق ( حساسیت  
 تأثریه sensibilité affective ) منزله علاقهسی واردر . کوزللك ( عشق  
 amour ) ایله اساسی و صمیمی بر رابطهسی اولمقده - بوسیلله - طبیی دره .  
 ( amour و sentiments کلهلرینه باقیکنز ! ]

کوزللك دیدیکمز کیفیت مرغوبه حقنده پک اسکی زمانلردن بری  
 فیلسوفلر و بالخاصه یونانیلر بر جوق ملاحظات و مطالعات بیان ایتمشلر  
 و ( ماهیت حسن la nature de la beauté ) ی تعریف و تعیین ایتک  
 ایسته مشلردی . بوتون بو ملاحظات ، هیئت عمومیهسی اعتباریله بر مبحث  
 مخصوص تشکیل ایتمش و اشیاده کوزللك نه اولدوغنی تحقیق ایتک - نوعا -

حقیقت‌اشیایی آرامق دیمك اولدوغی جهته بو مسئله‌یه عائد اولان مباحث - طاقیله - بر فلسفه خصوصیه عدایدیله رك ( بدیمیات l'Esthétique ) نامیله تدوین اولونمشدر . بناءً عایه فلسفه عمومییه مربوط بر شعبه در .  
( esthétique تعبیرینه باقیكز ! )

بوتون حکمای سلف و معاصرینك بو خصوصده فکر و اعتقادلرینی ذكر ایتمك ممكن دكلدر، اولسه بیله فائده‌سزدر ؛ چونكه بوفكرلر - تنوعات و اختلافاته رغماً - همان برقاج دستوراساسی‌یه ارجاع اولونه بیلیر . اودستورلك قیمت و حقیقتنی مناقشه ایتمك بالخاصه ( بدیمیات ) ك وظیفه‌سی‌در . بو ( مناقشات ایچون esthétique كله‌سنه مراجعت ایدیكز ! )

بوراده یالكز اك مشهور متفكرلرك و بویوك فیلسوفلرك - منحصر آ - حسن حقنده کی فكرلرینی و كوزللكك انواع مختلفه‌سنی عرض ایده‌جكم . حسن مسئله‌سی برقاج نقطه نظر دن تلقی و تبیع اولونه ككشدر : اولاً ، كوزللكك وجدانمزده ایقاع ایستیکی ( هیجان بدیمی ) نی بالخاصه تبیع و منشأ و ماهیتی تحقیق ایتمك یولی وارددر . بو طرز تبیع بدیمیاتك بسیقولوزیسی‌در . و كوزللكی تأثیراته نسبتله، یعنی ( صرف انفسی Purement subjectif ) بر صورتده تحقیق ایدر . ثانیاً ( كوزلدرا ) دیه حكم ایستیكمز شیرك اشكال و اوصافی، خصائص و صفات كاشفه‌سنی كشف و تعین ایتمك یعنی ( كوزل ) دیدیكمز شیرده نه‌واركه بزده فسونكارانه بر مفتونیت او یاندیره‌رق تأثیرینی اثبات ایدیور ؟ .. بوراسنی آكلامق اوغرنده تدقیقاته کیریشمكدر . بوده حسن ( صرف شیئی اعتباریله en tant que purement objectif ) تدقیق ایتمكدر . ثالثاً حسنك تورلو تورلو ( جلوه‌لر manifestations ) نی ، یعنی مختلف انواعنی یکدیگرندن تمیز و تفریق چالشمكدر . بوده هر جنس كوزللكك کیفیات ممتازه‌سنی تعین ایده‌بیلمكه اولور . رابعاً حسنك حقیقت ذاتیه‌سنی اكلامق و ( حقیقت اقصا Réalité ultime ) ایله یعنی ( وجود مطلق Etre absolu ) ایله رابطه‌اساسیه و صمیمیه‌سنی بولوب كوسترمكدركه بوده بدیمیاتك ( مابعدالطبیعی métaphysique ) قسننی تشکیل ایدر . تاریخ فلسفه و علم كوستریوركه اكتر متفكرین كندی زمانلرنده

افکاری بر استقامت مخصوصه سور و کله‌ین جریان قاپله‌رق رایج و معتبر اولان اصول متخذه تبمّا - شو ذکر ایتدیکم - مختلف نقاط نظر دن برنی ترجیح ایتکله تدقیقات بدیمه‌ده بولونمش-لردر . مثلاً متقدمین یونان، بالخاصه کوزللك اشکال و اوصافله و برده مسائل مابعدالطبیعه‌سیله مشغول اولمشلردر . ( قانت Kant ) دن اول کلن متأخرین دخی اشکال و اوصاف حسنّی تمیز و تعیینه جالشه‌قله برابر، ال‌کزیاده بدیعیاتک پسیقولوژی‌سنه مراق صادریمشله . قانت، بالخاصه (مقولات حسنّی *catégories de la beauté*) ی تدقیق ایده‌رک بعضی کشفیات مهمه‌یه موفق اولمشدر . بو آلمان فیلسوفنک معقبلی‌ینه او وادیده تدقیقاته دوام‌ایله استادک اثرینی ا کمال ایتمشله . زمانیز فیلسوفلری دخی هرشیدن زیاده بدیعیاتک پسیقولوژی‌مسائلنی تدقیق ایتکده‌درله . یونانی‌ده ( طوقالون = τὸ καλὸν ) کوزل دیمکدر ، و بو کله پک اسکی زماندن بری برتیمیر اصطلاحی اولوب قالمشدر .

یونان قدیم اهالیسی قدر کوزللكه مفتون و جنس‌بشر آره‌سندده حسن و تناسب اندام ایله مشهور بر ملت یوق‌ایکن یونان فیلسوفلری بیله ماهیت حسنّی لایقوله اکلایه مامشله و ( ای le bien ) ایله ( کوزل le beau ) ی بربرندن حقيله فرق ایده‌مه‌مشلردر .

حالبوکه بومستله‌یه دائر درین درین دوشونمزدن و تدقیقاته کیریشمزدن اول بیله کوزللك ایله ای‌لک آره‌سندده ایجه مهم بر فرق کوره‌بیلیرز . کوزل برشی ( تحدسی بر صورتده *d'une façon intuitive* ) ، یعنی یکدن بزه تأثیرینی حسن ایتدیرر . انسان بر شینه، مثلاً دیگر برانسانه ( کوزل ! ) ده‌یه بیلمک ایچون دوشونمکه و ملاحظات و استدالات ایله اعمال فکر ایتدکدن سوکره حکم ایتکه محتاج دکلدرد . کوزللك، بر آنده مشاهده ایدیلیر و تأثیری حسن اولونور بر حالدر . اونک نه اولدوغنی هر کس - هیچ اولمازسه کندی ذوقه کوره - درحال کورور و تسلیم ایدر . ماهیتی، سببی، وجه تأثیرینی دوشونمز و حتی هیچ اکلایه مازبیله !.. آکلایه بیلسه‌یدی، بدیعیاتک ال‌ک غامض معمالرندن بری حل ایدلش اولوردی . بناءً علیه اول امرده ( حکم بدیی *jugement eshétique* ) ده، یعنی [ شومنظره کوزلدرد! ] ،

[ شو آدم کوزلدر ! .. ] ديه ويرديكمز حکمده عقلك مداخله سی یوق کيبي کورونور . اويلا ظن اولونور که بزه کوزللكي اولاحس ايدرز ؛ صوکره اوطويغومزه شعور حاصل اينجه ، ( کوزل ! ) ديه حکم ايدهرز . يعنی ، اول امرده طويدونمز تأثر مخصوصه وانجذابه کوره عقل حکم ايدر .

واقعا بوفرضيه يي قبول ايتمين فيلسوفلر چوقدر . نته کيم برآز صوکره بوبخشه کله حکم ؛ فقط محقق در که بر شيئه [ اي در ! ] ده يه بيلمک ايچون بهمه حال اونک بزه تأمين ايديهيله چکي فائده يي بيلملي ! .. مثلاً آمريقانک ياباني اورمانلرنده - بزه بوسبوتون مجهول - برچيچک وياخود بز ميوه کورسهک ( اي در ! ) ده يه ميهز ؛ چونکه زهرلي برشي و بناء عليه پک فنا ومهلك برشي اوله بيلير . بوخصوصده تجربه من اولمازدن اول هيچ بر حکم ويره ميهز . فقط رنگي ، شکلي ، وضعي اعتباريله خوشمزه کيدرسه [ کوزلدر ! ] ديه حکم ايدوييريز . بونده تجربه نك هيچ دخلي یوق کيبي کورونور .

ايي لکله کوزللكک نه تورلو رابطه لري اوله بيليرسه اولسون ، بو فرق جدي واساسي بر صفت کاشفه تشکيل ايدر که بديعياتده اهميتي پک بويو کدر .

سالفين حکمانک اک زياده بونقطه ده فکرلري بولانيق وقاريشيق در . شيمدي يه قدر حاصل ايديه بيلديکمز معلومات تاريخيه کوره بديعيات مسائلي ايله بالالترام مشغول اولان ايلک فيلسوف يوناني ، مشهور ( سقراط Socrates ) در . اوندن اول کلوب کوچن حکماني ، اک زياده ( مابعدالطبيعي بر مسئله ) دوشوندورويوردی : اونلر کائنات ماديته نك ( لايتغير immutable ) اولان ( جوهر Substance ) اصلي سني کشف ايتمک ايچون ذهن يورويورلردی .

( اول الاوائل l'archée ) دندکلري بو ماده مفروضه ، بوتون موجوداتک ( مبدأ ومعاد principe ) ي عد اولونور واونک ايچون بو درجه مراقي جلب ايدردی . ( طبيعويون les physiologues ) عنوانيله - تاريخ فلسفه ده - مشهور اولان بو قدمای متفکرين ( حسن مسئله سي ) ايله پک اوقدر مشغول اولما مشلردره ظن اولونويور . اولمش اولسهر بيله اونلرک آتاري همان تماماً محو و نابود اولمش اولدوغی ايچون ( کوزللك ) حقننده ندوشوندکلرينه دائر بزه اونلردن - آدم عقللي ! - هيچ بر فکر معين انتقال ايدمه مشدر .



[ école و archée , substance کله‌لرینه باقی‌کنز ! ]

سقراط بیله بالوسیه بومسئله‌یه دأثر بعضی فکرلر بیان ایتمشدی. تاریخده حقیقتاً یکی بردور عرفان فاتحی صاییلان بوفیلدوف، بالخاصه اخلاق مسئله‌لرینی تنقید و تدقیق خصوصنده فوق‌العاده موفقیت کوسترمشدی. مع‌ما فیہ بالذات هیچ بر اثر یازماش و ( تعلیمات شفاهی enseignement oral ) ایله اکتفا ایلمشدی. بزه بو بویوک آدمک باشلیجه افکار و مناقبی نقل ایدن ( افلاطون Platon ) ایله ( قسنوفون Xenophon ) درکه اونک الکابی شاگردلرندن ایدیلر. اوندن صوکره ( ارسطو ) واردر. ایشته شو بر، ایکی کشتی سقراط حقیقده نه سویله‌مش و ناصل سویله‌مش ایسه - طوغرودن طوغرویه - بیلدیکمز همان‌واقدردر. حتی افلاطونک ( محاضرات dialogues ) طرزنده یازمش اولدوغی اثرلرنده سقراط - ظریف براسلوب ایله - سویلتندیکی سوزلردن زیاده، مورخ قسنوفونک مبالغه‌سز بر لسان ایله روایت ایتدیکی شیلره اینامق ده‌ا صوابدر.

قسنوفون نقل ایدیورکه سقراط ( قالو قاضی یا = καλοκαγαθεία ) نک ماهیتی تدقیق ایتمشدی؛ بو تعبیر یونانی ( قالون که آغاثون = καλὸν καὶ ἀγαθόν ) کله‌لرندن مرکب یکپاره برلفظدرکه ( کوزل وایی ) معنانه کلیر، و یونانیلرک بو ایکی ماهیتی بر برندن لایقیه فرق ایدمه مدکلرینی کوستریر. اسکی یونانیلر ( مکمل بر ملت ) ایده‌آلی اولمق اوزره بو تعبیری قوللانیلردی. یعنی [ بر ملت نجیبه‌نک صفت کاشفه‌سی ( قالو قاضی یا ) در. ] دیه اعتقاد ایدرلردی که هیچ‌ده یا کلش بر فکر دکلدرد؛ حقیقتاً نجیب بر ملت افرادی هم جسماً کوزل، همده اخلاقاً ایی اولور.

قسنوفونک سقراطه اضافله روایت ایتدکلرینه باقبلیسه اسکی یونانیلرجه جسمانی کوزلاک ایله ( ایی‌لک ) یعنی معنوی کوزلاک عینی ماهیت کلاک ایکی مختلف جلوه‌سی اوله‌رق تلقی اولونور و حسن و تناسب ایله حسن اخلاق آره‌سنده صیقی بر رابطه بولوندوغنه اینانیلیرمش.

معاصرینزدن ( سنسر Spencer ) ک دخی تسلیم ایتدیکی بورابطه‌یی سقراط انکار ایتمشدر. ظن ایدرم که علویت اخلاقه رغماً - یونانیلر

آره سنده - چيرکينلکي ايله مشهور اولان بو حکيمک عزت نفسی اورابطه يي انکار ايتمه سنده کلياً ذيمدخل بولونمشدر .

سقراطک ادعاسنه کوره، اشکال خارجيه نك تناسبي وچهره نك کوزللكي ايله حسن اخلاقک هيچ برمناسبتی بوقدر؛ وکوزللكي اويله شکل خارجي ده آرامقدن ايسه انسانک ( سجيۀ اخلاقيه *caractère moral* ) سنده وحيثيت مغويه سنده آرامالی در . حسن تعبيرينک - حد ذاتنده - برقيمتی و حقيقتی وار ايسه آنجق حيات مغويه به تطيقي ايله نظاهر وتعين ايده بيلير .

فسه نوفونک روايت ايتديکي شو سوزلر پک مهمدر؛ زير ابديعيات مسائلنه دائر سقراط ذهن يورمه باشلامازدن چوق اول - تربيه مليه نك فيض تأثيريه - افکار عموميه ده برطاقم جريانلر حصوله کله رک بعضی اعتقادات قويمه به پيوسته اولمش بولوندوغنی اثبات ايدر . آکلاشيلىرکه وجودک آهنگ تناسبي وشائل وجهيه نك ( حسن ادا *belle expression* ) سی ايله اخلاق کوزللكي آره سنده بر مناسبت طبعيه بولوندوغنه، اوزمانلر، اعتقاد ايذيليورمش !.. پک اسکی زمانلردن بزي دوام ونايد ايدن تجارب مکرره سايه سنده آنجق بويله بر اعتقاد تولد ايده بيلمش اولسه کرکدر . بوکبي شيلر، برکونده حاصل اوله بيلن قناعتلردن دکلددر . تناسب جسمانی ايله کال اخلاقی، پک چوق دفعه لر افراد ملنده مجتمع اوله رق کورولمش و تحققيق ايتمش اولمالی که بويله بر فکر اذهان عموميه به تحکم ايده بيلسين !...

يونان قديمک اومستنا مدنيتی وبوتون تاريخ فلسفه وصنعتی هيچ شهبه به محل براقبورکه اواخرق الماده هيکلری وجوده کتيرن هنرور ملت، انسان کوزللكنک الک کامل موده لى يته کندى افرادنده بولمشدر . (له ثونی داس) ياخود ( آلکيباد Alcibiade ) کي خارقه لردن صرف نظره ( زينون Zénon d'Elée ) و ( افلاطون ) کبي فيلسوفلر بيله کال حسن وتناسب اندام اعتباريله - ( آبولون Apollon ) هيکلندن پک فرقلى دکل ايديلر . اوندن ماعدا يونان قديمک هر شهرنده بيکلرجه دليقانيلرک ژيمناستيق يايمق وکولش ايتمکدن معتنا برايشی بوقدی . ( پهلوان *palestre* ) لر، ( ياريم معبود *Demi-Dieu* ) صايليردی . اولمبياد اويونلرنده بويوک ياريشلرده

برنجی چیقانلرک مناقی رأس تاریخ اتحاد اولونور و اوسنه، اوپهلوانک اسميله ياد ايديلوب شهرت بولوردي . اولمبياد اويونلرينک برنده ( دی ياغوراس Diagoras ) نامنده برآدمک ايکی اوغلی بردن ياريشلرده برنجی کلنجه، اهالی بو آدمی قارغه طولومه ايدوب آل اوستنده کزديرمشلر و - عادت زمانه اقتضاسنجه - بويله برشرفه مظهریت قازانان اختيار پدره خطاباً بوتون خلق : ( دی ياغوراس تول !. ارتق ياشامه !.. برانسان ايجون بوندن بويوک برساعده مظهریت احتمالی يوقدر !.. ) ديه باغيرمشلر، وفي الحقيقه آدجغز بو خارق العاده سرورک، بومدهش هيچانک ضربه تأثيريله - اهالی نك آلقيشلری ايجنده - فجئه وفات ايديويرمشدی .

( فلسفه صنعت ) نام اثرنده ( ئی پولیت تین Hip. Taine ) يونان قديمک تشکيلات اجتماعیهی و حیات خصوصیهی ايله يونان صنعتک مناسبت صميميه سنه دائره پک طوغرو و پک قيمتدار ملاحظات بيان ايتديکی صبرده اورو قه دن بوتون بر معنای حکمت چيقارييور و بو اعتقادات و حسياتی بالخاصه ايجابات محيطيه و عوامل اجتماعيه عطف ايديويور .

بورايه تماميله وعينيله نقل ايديله ميه چک قدر مفصل اولان اوملاحظات، انسانه بر درجه قدر قناعت و يرييور که اسکی يونانلر کي ياشايه بيلن بر ملت، اويله کوزل بر جنس بشر نمونه سی وجوده کتيره بيلير . اويله بر جماعته ( مکمل بر ملت ) ايدمه آلی دخی - البت - ( قالوغانی يا ) دن باشقه بر غايه کال صورتنده تجلی ايدمه مر .

شرق ادبیاتی ده بومعنائی تأييد ايدمه چک ماهيته در . مثلاً :  
ترکله، جُندی و چنکاور ياشاد قلری مدتجه دلاورانه و مزدانه کوزل لکک - اوزمانه کوره - مکمل نمونه سنی عرض ايديويرلردی و ملل مغلوبه نك شدتله مفتونيتی موجب اولويورلردی . فارسی ادبیاتنده ( ترک ) کلمه سی ( ارکک کوزلی ) معادلی دره . انسانیت اونه دنبری - همد فطره ! - قوته وهله متوازن و متناسب بر قوته مفتون اوله کش و اويله بر قوتی تمثيل ايدنلری ( علوی sublime ) بولش در . حتی بوقدرت قاهره يه دور جهالت تعبد ايتمش در . ( اساطير mythologie ) ک بوندن باشقه بر منشأی و بوندن

طوغرو بر معنای حکمتی یوقدر . علوی طاغله ، بویوک وعصر دیده  
آغاچلره ، یوکسک ومتین قایالره ، قوتلی ومدهش حیوانلره تعبد ایدن  
انسانیت متقدمه بیله — قادر مطلق نامنه — قوت ومتانت طایفیمقدن باشقه  
برشی یایامشدر . قدرت قاهره نك وقوت مضبوطه نك اك متناسب واك كوزل  
شکلنی، وحشی انسانلر آنجق بر ( یکیته heros ) ك هیکل کیی وجودنده  
ومغرور چهره سنده عیاناً کوره بیلدکری ایچون کادول او یله برآدمه کوزل  
دیمشدر واکثریا اونی تألیه ایتمشدر .

اسکی زمانلرده اقوام ابتدائیه نك وحتى ملل مدینه نك اك بویوک واکمهم  
مشغله حیاتی ( حرب ) ایدی . حرب دخی دوکوشمکدن فرقلی دکلدی .  
اونك ایچوندركه ادمان وتربیه جسمانیه هم برنجی درجه ده لازم ومهمه  
آریستوقرات یعنی کبار برشیدی . مغلوب ملتلك افرادی یونان قدیمده آنجق  
طادی خدمتله مشغول اولور وبریونانی ایلر برابر واونك کیی ژیمناستیکخانه لرده  
ادمان ایلر وقت کچیره مزدی . حال بویله اولونجه طبیعی درکه انسان کوزللكنك  
اکمکمل نمونه لری محارب ملتلك افراد مستثناسی میاننده بولونه بیلیدی . باروتك  
وصیقی البسه لرك اختراعی او کوزل واسکی قهرمانلق دورینه نهایت ویردی .  
ایشته ( beau ) و ( bel ) کله لرینك منشأی اولان ( bellum ) لفظنك  
هم ( حرب ) همده ( حسن ) معنارینه وارد اولسی کیفیتده کی غرابتك  
سببی بودر . معاصرین متفکریندن مشهور ( نیچ چه Nietzsche ) بونی بك  
کوزل ایضاح ایتمشدر .

بزده حالاده او یله در : اکثریت ناس ، لوندوکوربوز بر کنج آدمك  
تناسب وجودنی وقوتنی تقدیر صد دنده : ( اللهامانت ! .. با یاکیت دلیقانی ! .. )  
دیدیکی زمان ( یکت ) لفظنك معنای حقیقیسنی بیلیمه رك سوبلره . حالبوکه  
اصل اسکی ترکیبه ( یکت = محو ایدن ) دیمکدر . ( قوداقوبیلک ) مؤلفی  
بولفظی اللهك اوصاف ذاتیه سندن بری اولق اوزره قولالامش و او قیمتی  
کتابك ايلك منظمه سنی تشکیل ایدن ( تهلیل ) ده جناب حقه :

( یاراتقان ، تورتنک ، ییکیتکن ایدیم ! )

دیه خطاب ایتمشدرکه : ( یارادان ، توره تن ، محو ایدن ربم ! ) دیمکدر .

آ کلاشیلورکه ( ییکیتکنک ) یعنی ( محوایدیحی لك ) الله ايله قهرمانك  
یعنی ( ییکیت ) لك اك بارز واك مشهور بر صفت مشترکسی ایمش . بالطبع  
وعلى العموم ( قوت پرست ) اولان اسکی انسانلر نظرندہ بر قهرمانك ( یاریم  
الله = Demi - Dieu ) کیبی تلقی ایدلمه سنك سببی بورادن آ کلاشیلور .  
[ بلكك ویرمكله ، ییکیتك وورمقله در ! ] ضرب مثل مشهوری دخی  
بونى اثبات ایدر . او یغور ترجه سنده صالحین خسته لقلر ، بویوك وعمومی  
فلا کتئر معناسه کن ( ییکی ) لفظیله ( فنا ) دیمك اولان ( ییک ) کلمه سی ده  
شو سویله دکلریمی تأیید ایدر .

آ کلاشیلورکه انسانلر آره سنده ( ووروب ، قیره بیلن ) و - بالخاصه -  
انسانی وجانی مخلوقاتی محو ایدم بیلن بر قوتلی وجبار آدم ( کوزل ) اولقله  
جلب تقدیر وتحسین ایدیور ایمش ... بوقابلت - شه سز - آنجق قدرت  
قاهرانه ايله تحقق ایدم بیلر . ایشته کوزللك ، ابتدائی ووحشی انسانلرك  
اعتقادنجہ - بوقابلتک علامت ظاهره ومثله سیدر .

ظنمجه بو ملاحظه اوقدر طوغر ودرکه حالا ( عالی le sublime )  
و ( مدھش le terrible ) صفتلرینه قابل تطبیق در ؛ چونکه ( عالی )  
و ( مدھش ) اولان شیلرده اصل مؤثر اولان عامل ، ( محو ایدم بیلمك  
قدرتی ) در . قانتہ کلنجیه قدر عالی ايله کوزل آره سنده کی فرق اساسی  
لا یقله تعین ایدم ممش وبو ایکی صفت بر طوتولمشدی که بوده انسانلرده  
اواسکی اعتقادك بوندن بر عصر اولکی زمانه کلنجیه قدر تحکم ایدم بیلمش  
اولماسی غریب بر صورتده اثبات ایدر .

براز صوکره بوتصیرات بدیمه نك فرقلرینی ابراز وایضاح ایدم جكم .  
خلاصه : كرك فن اشتقاق ، كرك علم اساطیر وكر كسه علوم تاریخی ده  
واقع اولان تدقیقات - همان عینی صورته - کوستریبورکه انسانیت قدیمه ده  
کوزللك تصوری قوت وتناسب ماهیتی ايله صیقی صیقی به علاقه دار ایمش .  
کوزللك حسّی ، [ یعنی حسنك ایفاع ایتدیکی تأثیر ] دخی قدرت قاهرانه نك ،  
ضعیف کیمسه لرده اویاندیردینی ( حس تحسین Sentiment d'admiration )  
ایله فرق اولونماز بر حالده بولونمش اولسه کرکدر . احتمالک پك ابتدائی

انسانلرده حسن تحسین ( غبطه ) دن ( آرزو ) دن بوسبوتون تمایز ایش  
 برطوینو دکدر . بوکون بیله نامعدود انسانلر واردرکه ( عشق ) ایله  
 ( آرزو ) بی بربردن فرق ایله جک قدر حساً کسب تراکت ایده مه مشدر .  
 حالبوکه کوزلاکک وجدانه - منحصرآ - الهام ایده جکی (عشق L'amour) در .  
 حتی بدایتده حسن، آنجق مادی شیرله اسناد اولونه بیلن بر صفت  
 ایش، ویا لکز کوزله کوردوله بیان برشیده کوزلاکک حس اولونه بیلریش !  
 معنوی کوزلاکک حقیقه انسانیت قدیمه نك قطعاً بر فکر واعتقادی بوقش !  
 علمای لسان ادعا ایدیورکه یونانی ده ( طوقالون = τὸ καλὸν  
 کله سنک - معنای لغوی سی اعتباریله - کوزه و کوردوله بیلن شیرله نسبتی  
 واردر . ترکیه مزده بو علاقه، دها زیاده آشکاردر ؛ چونکه ( کوز ) ایله  
 ( کوزل ) عینی اصلدن مشتقدر ، و ( کوزل ) کله سنک اصل معنای  
 ( کوزه خوش کورونن شی ) دیمکدر . روسجه ده دخی او یله اولدوغنی  
 آمریقان قاموس فلسفه سی روایت ایدیور .

بوتون بوتدقیقات متقدمه وملاحظات تاریخیه شونی کوستریورکه یونان  
 قدیمه بو مسائل بدیعیه بی موضوع بحث ایدن سقراط ، تام زمانده  
 یتیشمشدر ، وافکار عمومیه بی حاضر بولمشدر . ذوق بدایع پرستانه سیله ،  
 حسیات نازکانه سیله حقیقتاً مستتا بر ( دها génie ) اثبات ایدن ظریف  
 وضعنکار بر ملتک دوره کالده - پریقله س دورنده ! - کلشدر . اووقلر،  
 یالکز ماهیت حسن حقیقه دکل، حیات مدنییه تعلق اولان مسائل اساسیه نك  
 جله سی - حقیقه اعتقادات مؤسسه پیدا اولمشدی . اولسه اولسه اواعتقاداتی  
 تنقید واصلاح ایتک صورتیله بدیعیات مسائلی - اصولی دائره سنده -  
 موضوع بحث ایدن حکما آره سنده سقراط برنجیلردن صایله بیلر . ذاتاً  
 مزاج فیلسوفانه سی و ( سجه ذهنیه tempérament mental ) سی اعتباریله  
 صرف اخلاقی بر متفکر اولدوغی ایچون بدیعیاتی آنجق اخلاقی بر قطعه  
 نظردن تلقی ایده بیلمشدر . احتمالک اوسبیله کوزلاکی ( ایلیک ) ایله هان  
 برطوتمش و - ماهیت حسنک فائده ایله هیچ برعلاقه اصلیه سی اولمادینی حالده -  
 کیفیت حسن ده ( فائده utilité ) آرامش وافی معیار حسن عد ایتمشدر .

اگر بوطر ز تلقی و بو سیاق نظر محقق بر خطا ایسه ، ده نیله بیلیرکه  
سقراطک بدیمیاتده باشلیجه خطاسی، پک اخلاقی بر فیلسوف مزاجیله طوغمش  
اولماسندن ایلری کلشدر .

مع مافیه بوکون بیله بو مسئلهلرده سقراط کیی دوشونن فیلسوفلر  
نادر دکلدرد .

بو حکیمک اک پارلاق شا کردی و متفکرین انسانیتک اک بو بوکلرندن  
بری اولان ( افلاطون ) ، حسن مسئله سیله بالمناصبه و بالوسیهله مشغول  
اولشدر . بو بحثه دائر باشلیجه افکار و ملاحظاتی ، آثار متنوعه سننده  
پرا کنده در . - براز اول عرض ایتدیکم کیی - اثرلرینی محاضرات  
شکلنده یازمش اولدوغی ایچون ، بعضی اشخاصی قونوشدورور ایکن  
اونلردن برینه - واکثریا کندی استادی سقراطه - مختلف مسئله لر حقنده ،  
بالوسیهله سوز سوبلتدیر مشدرکه اصل کندیسنجه دخی مقبول اولان  
فکرلر بونلردر .

کوزلک بحثه دائر مکالمه لر، اک زیاده (بو یوک هی یاس = Hippias Major )  
نامیه معروف اولان رساله سننده کوروله بیلیر . بو اثرک، حقیقتاً افلاطون  
طرفدن یازلمش بولوندوغی چوق شبهلی اولقله برابر ، بو یوک بر تأثیری  
اولشدر . یونانیلر آرده سننده بدیمیات بحثلرینی او یاندیرمش و بوتورلوم مسئله لره  
هر کسک نظر دقتی جلب ایتشدر .

بورساله ده بدیمیات، پسقولوزی نقطه نظرندن تلقی اولونوپور : کوزل  
شیلرک و کوزلکک حواس ایله مناسبتی تدقیق ایدیلور . مؤلف اک زیاده  
( باصره la vue ) ایله ( سامعه l'ouïe ) نی اهمیتله ذکر ایدیور ؛  
ایکنجی درجه ده دخی ( شامه l'odorat ) یه بر حیثیت ویره رک دیگر  
حواسک بدیمیات ایله بر مناسبتی اولمادیغنی ایما ایدیورکه جداً مهمدر .  
بوکون دخی بو بر حقیقت مسئله در ؛ واقعا شامه نک بر ( حاسه بدیمیه  
sens esthétique ) اولدوغنی قبول ایدوب ایتمین واردرد . فقط صنایع  
نفیسه نک باصره و سامعه ایله علاقه سنی و هیجان بدیی نک او واسطه لرله یعنی  
اوایکی حاسه نک وارداتیه بزده حاصل اولدوغنی قبول ایتمین یوقدر .

ينه اورساله ده مؤلف، بو حواس و ساطتيله تحصيل ايديان ذوقك صاف  
وغير مخلوط اولدوغنى آكلاتيور . فضله اوله رق [ بوذوقى باصره يه خارجه ده  
رنك و شكل كوزللكرى ويريور . سامه يه دخى لطيف، واضح و صاف  
( ادا ton ) لى صدال ويريور ، [ ده يه رك بر ايكي اساسلى نقطه يه ده  
طوقونمش اولويور .

بو ون بك جوق بسيقولوغلر عيى فكرده درلر .

( غورجياس Gorgias ) نام رساله سنده افلاطون، كوزللك خصوصى  
معنارنى تعريفه چاليشيور: [ اشياى خارجه، يافانده لى اولدقلى ايچون، يا خود  
( تماشا ايدلكرى زمان خوشه كيندكلى =  $\epsilon\nu\ \tau\omega\ \theta\epsilon\omega\rho\epsilon\iota\sigma\theta\alpha\iota\ \chi\alpha\iota\rho\epsilon\iota\nu$  )  
ايچون كوزلدرلر واونسبتده كوزلدرلر . [ دييور . شو تقديرجه كوزللكى  
ايكي نوعه آيره رق تعيين ايتمش اولويور : برى فائده سى يعنى بر مقصده  
اويغون اولماسى اعتباريله كوزل، ديكرى بر مقصد مخصوص دوشونوليه رك  
بالذات كوزل اولان شيلدرلر .

( اى ) يعنى فائده لى برشى ايله ( كوزل ) برشى بر برينه قاريشديران  
بوملاحظه، افلاطونه، استادى سقراطدن انتقال ايدن عقيده بردن در صانيم .  
برازوكره كوره جكزكه متأخرين فلاسفه نك امامى صايلان (قانت Kant)  
دخى بو فكرى عيى قبول و ترويج ايتمش وبالخاصه ( هاملتن ) طرفندن  
تنقيداته معروض اولمشدر .

( محاضرات افلاطون les dialogues de Platon ) صيره سيله تبع  
اولونورسه هيچ شبهه قالمزكه بو فيلسوف ياواش ياواش فكرلرينى تعديل  
و اصلاح و نهايت اونلره بر شكل معين افاضه ايدرك اكمال ايدم بيلمشدر .  
مثلا ( فيله ب Philèbe ) نام رساله سنده ( اى le bien ) ايله ( ذوق  
le plaisir ) آرمه سنده كى فرقى تعيين ايچون اينجه دن اينجه به تحليلاته كيريندبكي  
صيره ده - ينه بالمتاسه - حسن مسئله سنه نقل بحث ايدرك كوزللكى بوسفر  
( اضافى relatif ) و ( مطلق absolu ) اولق اوزره ايكي نوعه آيريور:  
( بروس ته قالا =  $\pi\rho\acute{o}s\ te\ kal\acute{a}$  ) ديدبكي، برشيه نسبتله (يعنى اضافى:..)



کوزلکدر . ( قالاقانفتآ = καλὰ καθ'αὐτὰ ) دیدیکی ده، حد ذاتنده  
( یعنی مطلقاً ! ... ) کوزل اولان شیدر . بو ( حسن مطلق ) تعیری  
یا کلش آکلامامالی در . افلاطونک بوندن مرادی، متصوفه نك ( جمال مطلق )  
دیدیکی، ویاخور زمانمز مابعد الطبیعیونك کسوت مادیتدن معرا اوله رق  
تصور ایتک ایسته دیکی - اله آووجه صیغماز، کوزله کورولمز - بر ( حسن  
صرف pure beauté ) دکدر . کندی کندینه کوزل اولان شی دیمکدن عبارتدر .  
افلاطونک بو تعریفی ده کمال دقتله تلقی وقید ایتمیلی یز . چونکه ( ایی )  
ایله ( کوزل ) آده سنده کی فرق اساسی بو تعریف ایله بوسهوتون افشاوا براز  
ایدلش اولویور . ( ایی ) دیدیکمز شی، بهمه حال بروجه ایله ( ایی ) در . یعنی  
برشینه یارار . ایی اولمقده بر مقصد وبرغایه ایله البته علاقه اولوق لازمکیر .  
او مقصده یتدیمی ؟ او احتیاجی تشفی و تطمین ایتدیمی ؟ .. آرتق اونک  
ایشی بیتر ! ایشه بوعتبار ایله ( اییلک ) اضافی در . یالکز باشنه وکندی  
کندینه ایی لک اوله ماز ؟ ایی برشی ده اوله ماز . حالبوکه کوزلک اولیله دکدر :  
بالذات موجود ومستقلاً قائم بر حال ویا بر صفتدر . کوزل برشی ، کندی  
حسابنه کوزلدر ، بزم منفعت واستهاده منزله کوزلکک قطعاً علاقه سی یوقدر .  
کوزل برشیک، هر هانکی بروجهله بزم بر منفعتی ده طوقونه بیلیر ؛ بومکندر ! .  
فقط کوزلکک سبب ، نافع اوله بیللمه سی دکدر .

بوفکرلری ( سقوج مدرسه فلسفیه سی école écossaise ) مؤسس  
مشهور ( هیوچسن Hutcheson = ۱۷۴۷ - ۱۶۹۴ ) ایله ، قانت هان  
عیناً قبول واحیا ایتشلر و بدیعیات مناقشه سی بووادی یه سوق ایتمکله برچوق  
یکی فکرلرک انکشافه سبب اولمشلدر .

افلاطون کندی کندینه کوزل اولان شیلرک صفت کاشفیه سی وماهیتنی  
کشف وتعیین ایده بیلیمک ایچونده بعضی شیلر سویله یور . فقط کورولوبورکه  
هنور بوخصوصده کی افکاری متشتدر . مثلاً بعضی یرلرده : [ ماهیت  
حسن شکلده در . طوغرو چیزکیلر ودائره لر، قوسلر وبونلردن مرتب  
اولان شکلر کوزلدر . ] دییورکه بو تقدیرجه مقیاس و آهنگ تناسب  
کوزلکده کیفیت اساسیه یی تشکیل ایدیور دیمکدر . بعضاً ده : [ لطیف

و واضح صدالدر . [ دیور که شو ادایه کوره ( بساطت و صافیت  
Simplicité et pureté )، حنك صفت کاشفه سی اولق لازمکیر .

شایان دقتدر که بوفکر اساساً ( فیثاغوریلر les pythagoriciens ) کدر .  
افلاطوندن تقریباً بر بوجوق درت عصر اول کلن مشهور فیثاغور، مزاجی اعتبارله  
بر فیلسوف ریاضی ایدی . کرات جدولنی و موسیقی برده لری آده سنده کی  
نسبتی کشف ایدن بو حکیم کائنات ماده و مغنویه ده ( عدد nombre )  
و ( آهنگ harmonie ) دن باشقه برشی کورمزدی .  
[ école کله سنده تفصیلاته باقیکنز ! ]

حتی کائناته ( قوزموس = Cosmos = كوزموس ) ده ين اولا  
کندیسیدر ؛ بو تعیرك معناسی ده آهنگ دیمکدر . زینت معناسنه کلن  
( cosmétique ) اوندن مشتقدر .

افلاطونك فیثاغوردن بك چوق فکرلر آلمش اولدوغنی ادا ایدن  
منقدرله بو مطالعات تماميله حق و بربر .

بو حکیم، ( قدرتلی énergique ) ادك كوزللكنی، ( ساکن calme )  
و ( آهنگدار harmonieux ) عدايتدیکی قادین كوزللكندن ده آیری یوردی .  
برنجی نوع حسنه ( اوقسیس = ὀξύς ) ایکنجی سنده ( قوزمیوس = Kósmos )  
تعیرلرنی تخصیص ایتمشدی .

بو تعیرلری رومالی ( جیچهر و Cicero ) عیناً آلمش و لاتینجه به ترجمه و نقل  
ایله مشدر .

مع مافیه افلاطون بونکله ده قناعت ایده میور ؛ بو ملاحظات اوزرینه ده  
قرار و بره میور . حتی بونلری بکنمیه رك طاقيله رد ایدیور . دنك و شكل  
کیبی شیلری كوزللك سبی عدايتك، نظرند غیر منطقی و مشوش بر فکر  
کیبی کورونویور . کندی فلسفه سیله بوفكر ك اویوشه میه جغنی غالباً آکلا یور ؛  
یعنی حسن ، کندی اعتقادنجه بر ( ماهیت بسیطه concept simple )  
اولدوغنی حالده اونك مختلف و متنوع علامات فارقه سی اوله ماز ، دیمك  
ایستیور که اصل افلاطونك خطاسی بوراده در ؛ كوزللكی آنجق برشی و بر  
نوع عدايتمن اولماسیدر . متأخرین، فلسفه فلاتونیك بو خطاسنی کشف

ایتمزدن اول، ( کوزل ) ، ( خوش l'agréable ) ، ( علوی la sublime ) والی آخره !. کپی شیلر آرمسندہ کی فرق حقیقی بی تعین ایدہ مه مشلردی . بوتفصیلاتہ کلہ جکیز .

آکلاشیلورکہ افلاطون ، مہیت حسن حقندہ قطعی بر فکر حاصل ایتمزدن اول تورلوتورلو ملاحظاتہ قایلیمش ومتخالف ، حتی متناقض برطاقم اعتقادانی آلوب بر اقدقدن صوکرہ نہایت کندی فلسفہ سنک اساسنی تشکیل ابدن ( مثل ، مہیات ، اعیان ثابتہ = idée ) نظریہ سنہ رجوع ایدوب اوندہ قرار قیلمشدر .

بوصفحات تکاملی کچیردکدن صوکرہ باشقہ تورلو سویلہ یور : [ بر شینی کوزل کوسترن ، حالت کوزلکک اوکالذات تعلق در ؛ یعنی اوندہ مہیت حسنک جلومسی در !.. ) دیورکہ بوادعا ، حسنی ، اشیادن بوسبوتون آیری ومستقل بر ( کیفیت مجردہ ) اولق اوزرہ تلقی ایتدیکنی کوستیر . ایشته مابعدالطبیعی مناسبہ اصل ( حسن مطلق ) تصویری بودر ، وحقیقتاً بوتصور ، افلاطونی بدیعیات طامدہ طبقات مابعدالطبیعیہ اوچورمشدر . بو مرتبہ تفکرہ ایریشدکن صوکرہ ، حسنی بر ( انموزج اول archétype ) ، بر ( عین ثابتہ = idée ) اولق اوزرہ تلقی ایتیش وافکار بدیعیہ سنی ، فلسفہ سنک مبادی اساسیہ سیلہ تألیف و توفیق ایدہ بیلمشدر .

[ idée و archétype کلہ لرنده تفصیلاتہ باقیکیز ! ]

او حالہ حسن بر مہیت مجردہ در ؛ ( مہیت حکمت idée de la sagesse ) دن شو فرق واردرکہ کوزلکک حواس واسطہ سیلہ ادراک اولونور ، ( لمعان ایدر ) ، کورولور برشیدر . شکل انساندہ دهاقولای دها پارلاق بر صورتہ تجلی ایدر . مفتون حسن اولوبدہ اونی آرا مان کیمسہ ، اولا انسانک شکل و ہیشندہ کورہ بیلیر ، اوندن روحک کوزلکک نہ وسائر کوزلککرہ انتقال ایدہ بیلیر . اوندن صوکرہ دہ مؤسسات وقوانینک ، علمک کوزلککنی آکلایہ بیلیر ونہایت ہر نوع شکل ظاہری وصورت مادبتدن معرا اولان ( حسن مطلق ) تصویرنہ ارتقا ایدہ بیلیر .

ایشته فطرتاً خارق العاده بر مزاج بدایع پرورانه ایله طوغش و پك كنچ  
ایكن بيله مستتتا بر دهای شعر و هنر ابراز ایتمش اولان افلاطونك  
محاضراننده پراكنده افكار بدیمیه سندن طوبلانیله بیلن خلاصه معتقداتی  
بودر . غریبدرکه شعر و صنعته، سوق طبیعی سی ایله میل ایتمش اولان بو  
آدم، هنوز یکر می، یکر می ایکی یا شلرنده ایكن سقراطه ملاق اولوب درس لرینه  
منتظماً دوامه باشلامش و فلسفه به انتساب ایدر ایتمزه شعر و صنعتی بوسبوتون  
براقشدر . حتی شعر و صنعتك اخلاقه مضرتی بيله ادعا ایتمشدر . مع مافیه  
ینه اونك قدر حسنه قیمت و یرن و مفتونیت کو سترن هیچ بر فیلسوف یوقدر .  
ذاتاً سقراط دخی او یله ایدی : فیلسوفلقه اشتهار ایتمزدن اوله، هیکلتر اشلقله  
اوغراشیوردی . افلاطونك، استادینه صدق خلوص ایله مربوطیتی و فلسفه یه  
صوك درجه ده استعداد و رغبتی محقق اولماسنه رغماً ینه مزاج شاهانه سی  
هر شیئه غلبه ایده رك فلسفه سنه بر چاشنی شعر و یرمش و اوسبيله بو بویوك  
متفكر، حق و حقیقتی، حسن ایله بر طوتمشدر . افلاطونك اعتقادنجه  
عاشق حسن اولانلر، عاشق حقیقت اولان فیلسوفلردن آیری دكلدر؛ عینی  
صنفده داخلدرلر .

شرقه بالخاصه مولانا جلال الدین رومی بو مزاجده بردای ایدی .  
[ استادم افلاطونی سوه دم، فقط حقیقتی دها جوق سوه رم ! ] ده ین  
ارسطونك بو خصوصده فكر و اعتقادی بوسبوتون باشقه در . واقعا ارسطو  
دخی مسئله حسنیه - بالوسيله - قور جالامشدی . فقط افلاطونك ( اعیان  
ثابته ) نظریه سنی قطعاً رد و ابطال ایتمك ایچون بویوك بر غیرت و همت صرف  
ایتدیكندن طولای - بالضروره - بو مسئله ده دخی افلاطونه صا تاشمشدر .  
شرق و اسلام عالم عرفاننده معلم آول عنوانیله - آشیری درجه ده -  
شهرت و حرمت مظهر اولان بو فیلسوف ( ماهیت حسن ) مسئله سنده پك  
اوقدر مانع الد طبیعی طبقاتده سیران ایتمدیکی ایچون افکاری برقاج جمله ایله  
تلخیص اولونه بیلیر .

بو حکیمه کوره حسنك باشلیجه علاماتی ( نظام ordre ) ، ( تناظر  
و تناسب symétrie ) و ( حدود معینه limites définies ) در . بناء علیه

ماهیت ریاضیه یا بانجی برشی دکلدر . یعنی اشیاده کوزللك باشلیجه صفت کاشفوسی برشینک کلیتی ایله اجزاسی آره سنده حس اولونان، کورولن (نسبت ریاضیه proportion mathématique) در . مع مافیه - بالخاصه انسان کوزللكنده ! - بردرجه قدر بویوکللكده اهمیت و اردر ؛ اوده بر شرط اساسی در . ارسطونک بالذات دیدیکی کیی : (کوجو جوك آدمز ، بك متناسب اوله بیلیرلر ؛ فقط اونلره کوزل دمیه من ! ) مثلاً تناسب اعتباریه قصورسز اولان بر (جوجه nain) ، کوزل بر آدم صایله ماز . کذلک بر جوجوق نه قدر دایر اولورسه اولسون، اوکا (کوزل) دیمک طوغر واولماز . ارسطونک بوملاحظه سی بک اهمیتلیدر، چونکه حسنک (کال perfection) ایله علاقه صمیمیه سی اولدوغنه اشارت ایدیورکه طوغر ودر . مثلاً: انسان نه قدر سویملی و متناسب اولورسه اولسون هنوز ببت ایکن کول صایله ماز . کاله ایلمه لی درکه کوزل اولسون و اوحیتله اجرای تأثیر ایده بیلین !! زمانمز بدیعونی تماماً بو فکرده در : مینی مینی برشی آنجق (joli) اوله بیلیرکه جوجوقلرک لسانده (جی جی) بودر ، ویزم لسانزده - آدم عقلی - ترکیه مقابلی بوقدر . بوتعیرک (جوجه) ایله مناسبتی وارمی؟.. بوقی؟.. بیلیمورم . فقط (جوجی خان) نامیه مونغول برنسلری اولدوغنی بیایورم وطن ایدیورم که بوکله (شیرین) و (دلاشوب) کیی بر معنا افاده ایدر . هر حالده بوکون (joliessse) ایله (beauté) آره سنده اک اساسلی فرق برینک مینی مینی اولماسی، دیکرینکده کاله ایرمش بولونماسی در .

حسنی، (شیستی اعتباریه en tant qu'objectif) تلقی ایدنجه، ارسطو، اونده شوو ذکر ایتدیکم اوصاف اصلیه یی بولویور . فقط دیکر بعضی تعریفلری ده وارد درکه کوزللكی (انفسی برقطه نظر دن d'un point de vue subjectif) تقدیر ایتکه چالشدیغنی کوستریر ؛ مثلاً : [کوزل، کندی ذاتی اعتباریه منتخب و مقبول اولان شیدر؛ و اوحیتله شایان تحسین و بته ایشدر.] دیورکه، (کوزللك، حیثیت ذاتیه سیله قائم، بر کیفیت مستقله در ؛ قیمتی ذاتی در؛ باشقه بر شینه اضافله دکلدر ! .] دیمکله بردر . چونکه ماهیت حسنک، حقیقتاً بر قیمت ذاتیه سی و ارسه، هیچ برغاییه، هیچ بر مقصده

مناسبتی اوله‌ماز؛ اولسه بيله عارضی در ؟ ماهیت ذاتیه‌سنه یا بانجی برصفتدر. نته کیم ( کوزل ) ایله ( ای ) تعییرلرینک مدلولی آده‌سنده کی فرق - براز یوقاریده - بووجهله تعریف ایداشدی.

حالبوکه بو سوزلری سویله‌ین ارسطودخی، افلاطون واونک استادی سقراط کیی. ایلیک ایله کوزلاکی قاربشدییور ؛ مثلابریده : ( ای اولدوغی ایچون خوشه کیدن شی کوزلدر ! ) دییور . ( فضائل vertus ) ی و ( صفات مستحسنه qualités admirables ) ی کوزل 'ولق اوزره توصیف ایدیور . بالخاصه ( اصالت روح la noblesse de l'âme ) ی، حسنک الک‌پارلاق برصورتی و ( ششمه lustre ) سی اوله‌رق تاقی ایدیور. بوتون بو ملاحظات کوستریورکه علی‌الموم یونان قدیم فیلسوفلری ( قیمت بدیعه valeur esthétique ) ی ( قیمت اخلاقی valeur morale ) دن یوسپوتون تمیزوقفریق ایده‌مه‌مشلردر. بونک‌سبی، هنوز علومک وفلسفه‌نک ابتدائی برحاله بولونماسی و علم بدیمک، علم اخلاقدن تمامیه تمایزایدیه‌مش اولماسی دره، صانیرم .

مع‌مافی، بوتون بوتدقیقات و نظریات مختلفه بو مسئله‌لرک یوغورلمغه باشلادیغی و بدیعیاتک یاواش یاواش تشکل و تکمل ایتمکه یوز طوتدیغی کوستریور . نته کیم ده‌ا اوزمانلر بيله بعضی مهم نقطه‌لر ابراز ایدلمشده ی . مثلاً ارسطو ( حقیقی کوزلک beauté réelle ) ی ، ( آرزوی تناسلی désir sexuel ) ایله ترجیح اولونان کوزللکدن قطعاً آیری طوتویور . یعنی ( شهوانی برآرزونک الهامیه مرجع کوردون کوزلک، حقیقی کوزلک دکلدز ) ، دیمک ایستیورکه بوکونکی متفکرین میاننده - ماهیت‌حسنه بر حیثیت مسئله عطف‌ایدن، وهرتورلو غایه‌وفائده‌ایله علاقه‌سنی انکارایدن - ( absolutisme ) طرفدارلرینک فکری حالا بوندن باشقه برشی دکلدز. کوزللکک ( حسیات انانیترورانه Sentiments égoïstes ) ایله مناسبتی احتمالی قطعاً ردایدنلرک اعتقادی ینه‌بودر. نته کیم عشق‌ایله آرزو آده‌سنده کوستریله‌یلن الک‌مهم فرق دخی آرزونک-ماهیتاً-خودکامانه برحس اولماسی در. ( amour , désir , absolutisme تعییرلرینه باقیکنز ! )

فلسفه طالنده مستثنا برشکوه و اقبال ايله - ايکي بيک سنه ! - تسلطن ايدن بوايکي استادک بربرينه ماهيتاً مابين اولان فلسفه سی، کائنات افکارک ايکي قطب متقابلني تشکيل ايتمش و متفکرين اخلافتدن کيميسي افلاطونه، کيميسي ده ارسطويه متبايل اوله کلدیکی ايجون نظريات فلسفيه پوجالايه پوجالايه بوکونسي درجه يه ايره بيا مشدر .

يونانک انقراضه باعث و ثروت عرفانه وارث اولان روماليلرده کعي حقيقتاً عالي واصيل فيلسوف اندردر . بوراده بالکز ( چيچيرو = Ciceron ) ذکره شايان بعضي ملاحظانده بولونمشدر .

يونانک دور انقراضه شاهد اولمش و آتنده ا کمال تحصيل ايتمش اولان بو فيلسوف خطيب، رومالیک بديعياته ايکي وجهله خدمتي سبق ايتمش اولدوغنی، منقدر، تقدير و روايت ايدیورلر . اولاً خاصة کوزل اولان شيله، ( مقصده اويغون و مطابق apte et bien adapté ) برشی آره سنده کی فرق مهمی قطعياً تعين ايدهرک بو ايکي نوع کيفیتی بربرندن آيران او اولمشدر . ثانياً ( حسن ) تعيرینی بر ( اسم جنس nom générique ) اولوق اوزره تلقی ايدهرک اوزنک انواعی تعينه همت ايتمشدر . چيچيرون، علی الاطلاق کوزلکه ( pulchritudo ) دیور . صوکره کوزلکه، قادينه وارکه که خاص اولوق اوزره آری آری برجلوه، برفرق کورويور: ارکه کوزلکه کند . صفت نمازه اوله رق بر ( وقار و حیثیت ) بولويور . قادين کوزلکه کند ( لطافت grâce ) و ( سويلی لک ) کورويور . بناءً علیه برنجی نوع حسنه ( dignité = dignitas ) ايکنجيسنه ده ( venustas = وه نوستاس ) دیورکه ( وه نوس ) بو کله دن مشتقدر . مثلاً مشهور ( ژوپتر اوله ميه ن = Jupiter Olympien ) هيکلنده وقور و حیثیتی بر طور حسن واردر ؛ ( وه نوس ) هيکلنده دخی جاذبه دار بر جلوه لطافت آشکاردر .

افلاطونک دخی جنس حسنی ايکي نوعه آيرمش اولدوغنی و مردانه کوزلکه ( اوق سيس = ὁξύς ) قادين کوزلکه ده ( قوزميس = κόσμιος ) دیديکني سوبله مشدم . بو ( قوزميس ) تعيرينک معنای اصليسی ( زينت )

ديمك اولدوغنه نظراء اكلاشيلوركه افلاطون، قادين ده بالخاصه ششمه دار و فطرتاً مزین برادای حسن کورمش واونی بر صفت ممتازده اولمق اوزره ابراز و تعریف ایتشدی .

جیجهرونك شو تقسیمی - شبهه یوق که - افلاطونك كنك عینی در ؛ بناءً علیه ماهیتاً یکی برشی صایله ماز .

بدیعاته جدأ بویوك خدمتلا ایدن مشاهیر فلاسفه دن بری - حتی افلاطون دن صوكره كنلرك برنجیدی - ( پلوتی نوس = Plotinus ) در . [ بعدالمیلاد = ۲۷۰-۲۰۵ ] .

مصرده ( لی قوبولیس = Lycopolis ) شهرنده طوغمش وروماده فلسفه تعلیم ایدهرك جهانگیر بر شهرته نائل اولمش اولان بوذات، عرفان اسلامه وهله حکمت صوفیه یه فوق العاده برتأثیر اجرا ایتشدر . شرفده ( فلوطینوس ) نامی، همان ارسطوقدر معروف وپك معتبردر . شهسز بو آدم حکمت اشراقیهك، یعنی ( نوفلاطونیه = Néoplatonisme ) مذهب فلسفی سنك اك بویوك ممثلی واك فیاض بر داهیسی در .

فلسفه یی مکمل ومنتظم برسیستم شكلنه قویان بومتفکره، حکمت بدیعییه یی دخی اكمال ایتش و ( نظریه حسن = théorie de la beauté ) ی بالخاصه بر پسقولوج کوزبله تلقی و تحلیلی بر صورتده تدقیق ایتك بولنی بولشدر . کوزل شیلرك بزده ایقاع ایندکلی حسیات مخصوصهك جنس ونوعه کوره بو مسئله یی تتبعه قویوله رق کال وضوح ایله نتیجه تحلیلاتی عرض ایتش وبرجوق اینجه نقطه لری ابراز وحسن صورتله تنویره موفق اولمشدر . اوزمانه کوره بو، بر بویوك خطوه ترقی در . ( کوزل ) ایله ( ای ) آره سنده کی فرقی لایقوله کورن وکوسترن ( فلوطینوس ) در . کندیسنك ادعاسنه کوره بوایکی تورلو شیدك بزده تولید ایده ییله جکی حسیات بوسبوتون باشقه نوعدندر .

بو حکیمك ملاحظات بدیعیه سی تلخیص ایدرسهك شو آکلاشیلیر :  
( ای ) برشی بزده بر ( آرزوی تملك = désir de possession )  
اویاندیریر ؛ و بو آرزو اونك ( شینیت = objectivité ) نه، یعنی حقیقت



خارجیه سنه اینان دیغمزی اثبات ایدر؛ چونکه ای اولدوغنه حکم ایتدیکمز برشیئی بنهس مک ایستورسه ق، - اصلی فصلی یوق - بر خیال، بر (تعبده حس illusion de sens) کیبی تاقی ایتیمورز؛ خارجه صحیحاً و مستقلاً موجود برشی اوله رق وارلغنه اینانیورز و بو اعتقاد مزده ذره قدر شهیه محل کورده میورز، دیمکدر. اوندن صوکره اوکا تملک آرزوسی بزه احساس ایدیورکه بزه اوشینک لزومی واردر. هیچ اولمازسه حیتمز ایچون فائده و منفعتی اولق احتمالی واردر. خلاصه... ای بیلدیکمز یاخود اوپله ظن ایتدیکمز برشیئی - بزه فائده سی اولدوغنی ایچون، یاخود اوله بیله جکی ایچون... - بنهس مک ایسترز. و مطلقاً اوشینک کندیسی ایسترز؛ خیالیله قناعت ایدمه یز، چونکه هیچ ایشمزه یاراماز. فضله اوله رق ای برشی، کدیباکندن بوصفی حائر اوله ماز. اونک ای اولماسی بزه علاقه سیله قائم و فائده سی طوقونه بیلدیکی مدنجه دایمدر.

حالبوکه (کوزل) برشی هیچ بویه دکلدرد. بزده تأثیر مخصوصی بوسبوتون باشقه برنوع حسیات تولید ایدر: اونی اساساً بکنیرز... فقط لوکا تملک آرزوسی شرط دکلدرد. هله بنهس مک احتمالی، اصلا موضوع بحث دکلدرد. بکنمک حسنک، امتناع و احتمال تملک ایله قطعاً علاقه سی یوقدر. برشیئی کوزلدردیه بکنیرسه، بزم اواسه ده، اولماسه ده کوزلدرد. ای برشی بزه فائده سی اعتباریله و آنجق اونسته ده ای در. کوزل برشی، کندی حسابنه کوزلدرد. بزه فائده سی اولسون اولماسین، ینه بالذات کوزلدرد. بقاء علیه کوزللاک صفی (ذاتی intrinsèque) در؛ یعنی کندی ماهیتله قائمدر. ایملک صفی الحق بزه نسبتله برقیمتی حائر در؛ یعنی (اضافی relatif) در. بوراده افلاطونی خاطر لایمالی ز... براز اول نقل ایتشدیم که بوفیلسوف (فیله ب = Philèbe) نام اثرنده کوزلالکی - ذاتی و اضافی اولق اوزره - ایکی نوعه تقسیم ایتشدی. ایشته فلوپینوس، آنجق ذاتی اولان کوزلالکی (حسن حقیقی beauté vraie) عد ایدیور. برغایه موافقت حسیه، یاخود باشقه برشیته نسبتله کوزل اولان - ده اطوغروسی کوزل صاییلان - شیرله (ای bon) دیور؛ کوزل دیمور.

شو تقدیرجه کیفیت حُسْنَك ( صفت کاشفه la caractéristique ) سی  
و حیثیت ذاتی سی - کَرک بزمه، کَرکسه باشقه شیرله هیچ برنوع مناسبت  
و علاقسی اولمایه رق - خوشمزه کیمه سی یعنی، یالکز کندی فسون ماهیتی  
ایله نظر تحسینمزی بر آنده جذب ایتمه سی در .

( ادراک حسن perception de la beauté ) ایله حواسمَزک مناسبتی  
بختده بر مهم نقطه ده وارکه فلوپینوسک نظر دقتدن کیزلی قاله مامشدر:  
بوفیلسوف دیورکه : کوزلک آنجق بعضی حواس ایله ادراک اولونه بیلیر،  
ظاهری بر کیفیتدر . علی الخصوص حاسه بصرک بونده برنجی درجه ده بر  
رول اوینادیفی شبه کوتورمز . کوزل برشیک تماشاسیله، خیالی آره سنده  
- تأثیرجه - هیچ برفزق یوقدر . کوزلک کندیمی قدر خیالی دخی بزه  
بر ( ذوق بدیی plaisir esthétique ) ویره بیلیر . حالوکه، بر آزیوقاریده  
سویلدیکم وجهله ( ای ) دیه تقدیر ایتدیکمز بر شیک مطلقا کندیسنه  
احتیاجمز واردر ؛ یالکز کندیمی ای در ؛ اوکا مالک اولوق ایسترز، خیالیله  
قناعت ایدمه یز .

بوملاحظات مهمه، ادراک حسَنک ( تخیله l'imagination ) ایله دخی  
صیقی صیقیه بر علاقسی اولدوغنی کوستریر ؛ احتمالکه ( ذوق بدیی )  
دیدیکمز حس لطیفک ( فعالیت تخیله activité de l'imagination ) دن  
منبع اولماسی لازم کله جکنی دوشوندورور . نته کیم زمانمز بسیقولرغلی  
یونی بر مسئله جدیه اوله رق تتبع ایتمکده بولونمشدر .  
( بومسئله esthétique و بالخاصه plaisir کله لرنده تتبع ایدلمشدر .  
اونلره مراجعت ایدیکز ! )

ایشته فلوپینوسک ( صرف بدیعیات esthétique pure ) دائره سنده  
بیسان ایتمش اولدوغنی افکار و ملاحظات - خلاصه - بونلردن عبارت  
کیبی در . بوفکرلر، اوزمانه کوره یکنی در و هر زمانه کوره طوفرو اوله رق  
قبول ایدلمشدر .

مع مافی بوفیلسوف ( وحدت وجود panthéisme ) فلسفه سنک پاک  
مقتدرناظمی و مروجی و بناء علیه ( متفکرین صوفیه - les penseurs mys

tiques) نك اڪ متفذلرندن بری اولدوغی ایچون، یالكز بدیعیات دائره سنده توقف ایدمه مشدر ؛ ( مابعد الطبیعی métaphysique ) بر نظرله دخی عینی مسئله بر معنا ویرمك ایسته مش ؛ و بوسفر بك یوكسكدن باقیدینی ایچون، بوسوتون باشقه فكرلر بیان ایتمشدر كه بدیعیات ساحه سنده ایجه دن ایجه به آراشدیروب تعین ایتدیكى فرقلك ( صرف اعتباری - purement conventionnelles ) اولدوغی ادعا به واریر ؛ بلكه ده - یكنظرده - ملاحظات بدیعه سیله، عقائد مابعد الطبیعی سی متناقض كورونور .

افكار مابعد الطبیعیه سی ده شو وجهله تلخیصاً عرض ایدمه بیلیرم وده به بیلیرم كه صوفیه شرقك بومسئله ده اعتقادی ده عیناً و حرفیاً بودر :

( پلوتی نوس ) ك و بوتون اوكا بكزه ین متفكرین ایله بزم حكمای صوفیه نك اعتقادینه كوره، جمله كائنات، ( وجود مطلق l'Être absolu ) ك نامعدود صور تجلیسیدر . وجود مطلق، ( حقیقت ذاتیه ) سی اعتباریله ( روح esprit ) در . ( ماده matière ) جنسندن دكلدر . انسانلرك روحی، عقلی، او عقل كللك، او روح اعظمك بر جزئی در . مولانا جلال الدینك دیدیكى کیی :

( جزؤ عقل این، ازان عقل كل است ! ) یعنی :

( انسانك عقل جزئی سی، او عقل كلدندر . [ حسنك معنای مابعد - الطبیعی سی، روح مطلقك بر شكل مخصوص اوزره جلوۀ اداسی و لمعان فسونی در . انسانك بوتجلیات حسن حضورنده طویدوغی ( ذوق بدیعی plaisir esthétique )، روح بشرك روح اعظم ایله پیدای آشنایی ایتمه سندن طولایی تحصیل ایتدیكى سرور و شغف در . ( نفس ناطقه l'âme rationelle ) مز، كوزل شیرده كندی طبیعت و حقیقته مشاركت و مشابهت كشف ایدر و اوندن طولایی - حقیقه تعریفی باقابل - بر حظ معنوی طویار . آكلار كه نفس ناطقه، ( ماهیت حسن l'idée de beauté ) واسطه سیله روح كائناتیه یعنی وجود مطلقه منسوبدر و متصل در . خلاصه ( یكانه موجود حقیقی le seul être réel ) اولان وجود مطلق، ( كمال مطلق perfection absolue ) و ( خیراعلا le suprême bien ) اولق

حیثینله ( جمال مطلق *beauté absolue* ) در . ( وحدانیت مطلقه *l'unité absolue* ) نك بویه نامتناهی تجلیاتنده ینه جمال مطلقك حقیقت ذاتیه سنی کورمك واونكه نفس ناطقه مزك عینی ماهیتده اولدوغنی آکلامق، روح بشرك حس ایده بیله چکی اذواقك اك علویسیدر ، وایشته ذوق بدیی تسمیه ایتدیكمز حالت روحیه اودرکه هر کوزل شیده وهرنوع جلوه حسنده بزه بو حقیقتی افشا واحساس ایدر .

اوحالده ذوق بدیی اشاده یالکز رنك وتناسب وآهنگ مشاهده ایتمکدن ایلری کلیور ؛ ( کثرتده وحدت *l'unité dans la variété* ) کشف ایتمك نشه سندن طوغویور ؛ وروحمزده طوغویور ؛ چونکه روحمز دخی کثرتده وحدتك اك کوزل برنمونه سیدر . یعنی مختلف تجلیاته، حتی متناقض حسیاته جلوه گاه اولدوغنی حالده، حقیقت ذاتیه سی اعتباریله (بر) در وعینی شی در . ینه اوسبیله ددرکه ( حسن جسمانی *beauté corporelle* )، ( جمال روحانی *beauté spirituelle* ) یه نسبتله آشاغی در . روح دخی، ( فسون *charme* ) ذوقی ( عقل *l'intellect=voûç* ) دن آلیر ؛ چونکه بوتون بو حقیقتلری اذعان ایدوب آکلایان، وروح ایله وجود مطلقك ( عینیت *identité* ) نه حکم ایدن، عقلدر .

بناء علیه، کوزللك جانسز برتناسب دکلدر؛ وجود مطلقك فیضان جمال وجلوه کالی در . اونك لمعان نوری، اونك سیلان حیاتی درکه هر شیه رنك وحن بخش ایدر ؛ تناسب وآهنگ برفسون تأثیر ویریر . کوزللك نشه سیله — لاینقطع — جلوه نمون اولان بوفیض حیاتك منبیه ده ( خیر مطلق ) در . ایشته فلوطینوسك — بك موجز ومختصر بر صورتده — عرض ایتدیكم شوملاحظائی، هیئت عمومیه سیله آهنگدار برفلسفه سیستمی تشکیل ایدرکه ( صوفیه شرق *le çoufisme oriental* ) ك سرمایه حکمتی در . و — فکرجه — ( نیکینلك عقیده سی *doctrine de l'optimisme* ) نك دستور اساسی سنی ده متضمن در . چونکه فلوطینوسك اعتقادینه کوره ، کائنات، یگانه موجود حقیقی اولان وجود مطلقك نامحدود جلوه لرندن باشقه برشی دکلسه، وبو ( تجلیات نامتناهی *manifestations infinies* ) لاینقطع

بر فیضان حیات دیمک اولویورسه ، خصوصاً حقیقت مطلقه نك مرطور انكشافی بر جلوۀ جمال صورتندۀ اجرای فسون ایابور ایسه، شبه یوقدرکه خلقتندۀ ( خیر محض ) واردرد؛ حتی هیچ چیرکینك یوقدره! هرشی کندی مرتبۀ تجلیسنه کوره وکندی ماهیتنه اضافتله، نسبتاً کوزلدر. او حالده (شر le mal)، ( وجودی positif ) و حقیقی رشی دکل، ( عدمی négatif ) بردوشونجه در؛ دیمک چیقار .

[ فلوطینوس فلسفه نك تصوف ایله علاقه صمیمیه سنی تحقیق ایچون mysticisme و çoufisme کله لرینه مایکیز . - opti و pessimisme misme , amour تمیر لرینه دخی مراجعت ایدیکیز ! ]

فضله اوله رق بر نقطه دهـا وارکه اوده جالب دقت کورونویور : فلوطینوس - علم بدیعیات ساحه سند - کال فطانتله ایلك وکوزلك آره سند کی فرق اساسی یی کشف ایدوب کوستردیکی حالده، مابعدالطبیعیات ساحه سنه کیرنجه اوفرکه اهمیت و قیمت ویرمه رك ماهیت حسنـی ( ماهیت خیر ) . ارجاع ایتش اولدی . کوزلكی خیر مطلقك - آنجق ( شرائط حسیه - conditions sensuelles ) تحتندۀ جلوۀ نمون اوله بیلن - بر شکل مخصوصی کیی تلقی ایتدی . بورجوعه سبب کندیسنك اکل و ترویج ایتدیکی ( وحدت وجود panthéisme ) فلسفه سیدر . حقیقت وجودی، وحدتندۀ بولونجه ( خیر ) ی آیری، ( حسن ) ی ده بوسبوتون آبری اولق اوزره ایکی مبدأ قبول ایتك ممکن دکلدر . بویه بر تصور ( فلسفه وجودیه philosophie panthéiste ) نك اساسندۀ بر تناقض مهلك اولوردی . حالبوکه وحدت وجودی اساساً قبول ایتدکدن صوکره ( وارلنك تجلیات مختلفه سی les diverses manifestations de l'Etre ) آره سندۀ فرقلر کورمکده باس یوقدر .

ایشنه بوسیله درکه بدیعیاتندۀ اینجه دن اینجه فرقلر تعیین ایدن فلوطینوس، مابعدالطبیعیاتندۀ اونره اهمیت ویرمه مش وهرشینی وحدتۀ ارجاع ایتدکدن صوکره حقیقت مطلقه یی ( خیر محض ) اولق اوزره تلقی ایده بیلمشدرد . [ panthéisme کله سنه مایکیز ! ]

قرون وسطا فاسوفلری بو بویوک آدمک نظریه بدیعه سندن شدته متأثر اولمشلردر. فقط اودورک فلسفه مخصوصه سی همان منحصرآ (سقولاستیق Scholastique) سیستمندن عبارت و بونک ماهیتی ده هر حقیقی، کتب دینی به و ایجابات نقلیه اویدور مق غیرتنه منجر اولدوغی جهته ، بو دور متفکریننده ذکره شایان و قیمتی بر فکر یوقدر ده یه بیلیرم .

یالکز ( آباء خرسیانیه les pères chrétiens ) میاننده اک بویوک سقولاستیق فیلسوفلرندن اولان (سن طومادا کن= St. Thomas d'Aquin) ایله، ( سنتوگوستن = St. Augustin ) نام ذاتلرک نظریه بدیعه لری - بر نمونه اوله رق - ذکره ایدیله بیلیر .

(١٢٢٧) سنه میلادی سنده ایتالیاک ( ناپولی Naples ) شهرنده طوغمش اولان (سن طومادا کن)، ( غرب کلیسای l'église de l'Occident ) نک اشهر ( آلهیون théologiens ) یدر . بو ذات حسنک مادی و ظاهری، یعنی ( مشهود و آفاقی visible et objectif ) اولان ( صفات کاشفه caractères ) سنی تعیین و تعداد ایدیور که اصل بر قیمتی حائز بولونان ملاحظات بدیعه سی بودر :

رنکلرک بارلاقنی ایله وضوحی ، ( تناسب symétrie ) ، ( شکلک شعشه سی = la splendeur de la forme = resplendentia formae ) ، لایقی وجهله ترتب ایش عناصر ماده ده کورولوسه ( حسن ) دیدیکمز کیفیت مرغوبه یی تشکیل ایدر . ته کیم ( افعال و اعماله کوزللك beauté dans l'action ) دخی قوای منویه نک عینی صورتله هم آهنگ اوله رق جلوه سی در . او حاله ( معنای حسن )، ( تنوع ده آهنگ - harmonie dans la diversité ) در؛ بوه ( کثرته وحدت ) دیمه نک بر تورلوسی در! . مع مافیه بو سوزلر مقرون حقیقتدر ؟ خصوصاً موسیقی و بویالی رسم ده کوزللك باشلیجه شرط تحقیقی اودر، ده نیله بیلیر .

( انی ) ایله ( کوزل ) آره سنده کی فرقی تعریف ایچون ده ( سن طوما ) نک سویله دیکی سوزلر ( فلوطینوس ) ک بومسئله حقنده - ده مین نقل ایندیکم - ملاحظاتنک عینی در :

( ای ) اولان بر شینک، کوزل اولان بر شینه نسبتله صفت کاشفسی شودرکه برنجیسی بزده ( آرزوی تملک ( désir de possession ) اویاندریر و بو آرزو آنجق اونی الله ایتمکه ( تشفی ( satisfaction ) ایده بیلیر . حالوکه کوزل بر شینه قارشى انجذاب واشتیاقز، اوکا مالکیتله شفا پذیر اولماز؛ اونک ذوقی آنجق منظره سنی ( سیر ایتمک ( contempler ) و ( آکلامق ( connaître ) ده در .

دیور و بومطالیه بناءً ( باصره ( la vue ) ایله ( سامعه ( l'ouïe ) نی منحصرأ ( حواس بدیعه ( les sens esthétiques ) اوله رق قبول ایدیور، { آنجق بونلر معرفت اشباه خادم حاسه لر = sens cognitifs ، در . } دیورکه بوصوک ادعا جداً شایان قیددر؛ زیرا کوزل لکک یالکز حس ایله مشاهده دکل، عقل ایله دراک اولوندوغنی متضمن بر اعتقاددر .

( بومحک مناقشه سی ایچون esthétique مکه سند تفصیلات مخصوصه یه

باقیکز ! ]

( سنتوگوستن ( St. Augustin ) بالذات کوزل اولان بر شيله، مقصده موافق و ( اویغون ) برشی آره سند کی فرق اساسی به چوق اهمیت و برمش و بومسئله به دائر بر رساله خصوصیه بیله یازمش ایش . بو آدمی - نظریه حسن مناسبتیه - ذکر ایدن ( سر ویلیام هاملتن ( Sir W. Hamilton ) ، ( مابعد العلیه یات تقریرلری ( Lectures on methaphysics ) نام اثر معروفک ایکنجی جلدنده شو سوزلری سوبلویور :

( Confessions = بیانات ) نام کتابنده ( سنتوگوستن ) ، بزه

خبر وریورکه : فن بلاغت اربابندن رومالی ( هیروس = Hierus ) نام ذاته خطاباً ( De apto et pulcro ) عنوانیه بر کتاب یازمش ایش ! . مع التأسف بو اثر ضایع اولمش ونسخه سی بولنه مامشدر . او کتابده ( کوزل ( beau = pulcro ) ایله ( مقصده موافق = apte = apto ) ی بر بندر تمیزاً شو وجهه تعریف ایش اولدوغنی ده نقل ایدیور : Pulcrum- esse quod per se ipsum; aptum, autem, quod ad aliquid accomodatum deceret . یعنی: کوزل ماهیت ذاتیه سیله قائم و اوجییتله

خوشه کیدر برشی در ؛ اویغون اولان برشی، دیگر برشینه موافقتی یوزندن خوشه کیدر ؛ [ دیمکدر .

سرویلیام هاملتن، قانتک بوبابده کی ملاحظاتی تنقید ایدرکن ( سنتو - گوستن ) ی - بالناسبه - ذکر ایدیور، و: [ سنتو گوستن، بوخصوصده زمانزک بویوک مدقنه ( یعنی قانت ) فائق اولدوغنی کوستریور . [ دیهرک حقنده بیان تحسین ایتمکدن کندینی آله میور. براز سوکره قانتک فکرلرینی تدقیق ایده جکزر .

( به ی قن Sir Fr. Bacon ) و ( ده قارت René Descartes ) ایله باشلایان دور تجدد، هرشیدن زیاده ( اصول la méthode ) ایله اوغراشدینی جهتله، بویکی فیلسوف مجده، سقولاستیق فلسفه سنک اساسنی تخریب ایتک اوغورنده صرف غیرت ایتمشدی . اوزمانلر قرون وسطادن انتقال ایدن بر سوری مسائل محدثی رد وابطال ایله ترقی یولنی آجق ایچون بویوک همتلر ابراز ایدن بوآدملر، بدیمانه لزومی قدر توجه نظر ایده مه مشلردر . اولردن اییجه برزمان سوکره یتیشن اعظم متفکریندن، آلمان فیلسوفی ( لایب نیچ Leibnitz ) ، ادعا ایدیورکه [ کوزلک اشیاده غیر مشهور اوله رق حساً تلقی ایتدیکمز براهنک تناسبدر و برنسبت عددیه دن ایلری کلیر . [ الی آخره ! . . . بوعتقاد ماهیت حسی کمال تناسبه، حتی، عناصر ماده نك - برنسبت عددیه موافقتله - ترتبه ارجاع ایدر؛ وشو حیثیله قدمای یونانیوندن ( فیثاغور ) ك مسلکته دهها زیاده قرابت کوستریر .

کذلک ( لایب نیچ ) ك معقی صاییلان ( قریستان وواف Christian Wolf ) هان اساساً عینی فکری بیان ایتشدرد: [ Pulchritudo- Consistit in perfectione rei .. etc. دیورکه [ کوزلک موجوداتده جلوۂ کالدن عبارتدر . الی آخره ! [ مناسنده در . دیگر بربرده: [ اشیانک مقصده - یعنی غایه ایجادلرینه - اویغون اولمالری بزده برذوق حاصل ایدر. بزاو کالی مشاهده ایتدیکمز شینه کوزل دیرز . [ دیه بیان مطالعه ایدیورکه ( beau ) ایله ( apte ) ی یکدیگرندن فرق ایده مه مکدر . حالبوکه بونی



جوق اول ( سنئوگوستن ) ودها آل ( فلوپینوس ) نه ای تمیز ایتش ونه قدر کوزل آکلاتمشدی .

کورولویورکه اون یدنجی عصر فیلسوفلری بدیعیات مسئله لرنده یونانیلردن مشوش برصورتده انتقال ایدن فرضیاتک تأثیرندن قورتوله مامشله وکاه کوزللیک، ایلیک ایله، کاه آهنگ وپانسیبت عددیه ایله، کاه کمال ایله، کاه خیر ایله تعیر وتفسیر ایده طورمشلردر .

فرانسه ده دخی عینی حال مشاهده اولونه بیلیر . خصوصاً بو مملکتده اوزمانلر صنایع نفیسه شعبانندن ( ادبیات littérature )، هرشیدن زیاده ترقی ایتش اولدوغی ایچون مباحث بدیعه ادبیات مسائلی ایله علاقه سی اعتباریه و او وسیله ایله موجب مناقشه اولوردی . صنعتک دستور حکمتی ( تقلید طبیعت = imitation de la nature ) عدایدلدیکی ایچون، براتر بدیی نك کوزللیک مشابه طبیعت اولماسیله یعنی حقیقه موافقتیه اولچولور واکا کوره حکم اولونوردی . بویله اولونجه حسنک بالجله انواع و تجلیاتی حقیقه برطومتق و بناء علیه - یا کشلقله افلاطونه اسناد اولونان بردستور معروفه اتباعاً - [حسن، حقیقتک شعله لطافتی در] دیه حکم ایتک ضروری دره .  
ایشته :

( هیچ بر شی حقیقتدن کوزل دکلدر ؛ یالکنز حقیقت سویملی در !  
Rien n'est beau que le vrai, le vrai seul est aimable ) ده یه دک بر ( مصراع برجسته ) صورتنده اودستوری عرض ایدن ذات، - فرانسه قرالی اون دردنجی « لوتی » نك قصیده جی باشی سی و اودور مستناعتحرر لرینک سرفرازانندن بری صاییلان - شاعر ومنقد مشهور ( بووآلو Boileau ) اولمشدی .

یالکنز شوراسنی نظر دقتدن دور طومتامق لازمکلیکه حسن مسئله سه تعلق ایدن مباحثک اصل زمین مناقشه سی - اووقتلر - ادبیات ایدی ؛ بناءً عایه ( بووآلو ) نك ( art poétique ) نامیله یازمش اولدوغی اثر منظوم، بزم اوتدنبیری بیلدیکمز ( علم بدیع ) ک ( تنقیدی critique ) و ( تعلیمی didactique ) بر صورتی عرض ایدر، خصوصی وادی بر

کتابدر. بوکونکی نهسته تیق مسائلنک بک مهملرینی و بک چوغنی آکامشدر  
بیله!.. (وولتر (Voltaire) دخی (قاموس فلسفه. diction. philos.) سنده  
بدیعیات مسائلنه بعضی صحیفه لر حصر ایتیش و فقط ادبیات دأره سی آشیایه رق،  
(قومه دی)، (ترازه دی)، (اسلوب) ودها بوکی بخلره دأر تنقیداته  
کیریشمکله اکتفا ایتمشدر. حالبوکه بدیعیاته تعلق اولان حسن و ذوق  
مسئله لرینی - اصولی وجهه سیستماتیکاً - تابع ایتنه ک برنجی  
شرطی، بوتون بو حسیاتی، بسیقولوژی نقطه نظرندن تاقی ایدره ک تحلیل  
تدقیقاته کیریشمکدر. ادبی برطرز واسلوب اوزره بو مسئله لر دن بحث آچق  
- هله بوکون! - (dilettentisme) صایایر؛ یعنی بر علمه بیکانه اولوبده.  
اونک مسائلنه دأر سطحی نظرانه بیان ملاحظه ایتمکدن چکینه، بئرلرک  
مطالعانی قدر حائز قیمت اوله بیلیر.

بوکون نهسته تیق بسیقولوژی نک بر شعبه مخصوصه سی کیی در.  
(وولتر) و (بوآلو) زماننده بویه دوشونوله میوردی. مع مافیه  
اوعصرک مشاهیر محری ریندن (لورد شافتسبری (Lord Shaftsbury)، ایله.  
صاحب مسلك فیلسوفلرندن (دوقور هیوچسن (Dr. Hutcheson) ک نظر یانی  
شایان دقتدر. هله (هیوچسن) ک انچه فکر لری و (تحلیلی (analytique) ملاحظاتی  
بک قیمت داردر، چونکه بدیعیاتده یکی بردور ترقی نک فاتحه سی عدا اولونه بیلیر.  
(لورد شافتسبری) طبق (فلو طینوس) کیی دوشونور: اولاهیت  
حسن حقنده کی اعتقادی بیان ایدن دستور، کوزلاکی حقیقتدن آیرمادیغیه  
اثبات ایدر: (هر کوزلک حقیقتدر! All beauty is truth) دییور.  
نائیاً کوزلکک نامعدود جلوه لری آره سنده مراتب متفاوته اولدوغنه اینانیور.  
جاداتک اشکالده کوردو کز کوزلک لکردن، جناب حقه قدر، تجلیات جمال  
لاینقطع یوکسه لوب کیدیور. نهایت، [بوتون کوزلک لک مکدر لایفناسی  
و منبع ازلی سی (حق تعالی (vérité suprême) در. [دییور. حسنک  
صفت کاشفه سی تعیین مسئله سنه کلنجه: (کوزل اولان شی آنکدار  
و متناسب اولان شیدر! What is beauty is harmonious and  
proportionable) دییور، و بر شیک (ماهیت حسن essence of beauty) ن

کشف ایدم بیلیمک ایچون، (نسب داخلی و عددیه inward numbers and proportions) سنی تبع ایتک لزومه قائل اولویور .

بوملاحظاتک برنجی قسمی فلوپینوسک حتی بوتون حکمای صوفیه نک بوبایدکی اعتقاداتی تلخیص ایدر . ایکنجی قسمی دخی ( فیثاغور Pythagores ) مسلکله موافق برسوزدر .

اون یدنجی عصر میلادی نک اک بویوک متفکریندن نقل ایتدیکم شو مطالعات، دهای یونانی نک، مدنیت حاضره یه نه درین بر نفوذ اجرا ایتش و - عالم عرفانده - نه قدر اوزون بر مدت سلطنت سورمش اولدوغنی کمال صراحتله کوستیرر سانیرم .

( هیوجسن )، ذهنی خیلی دن خیلی اوتأثیردن قورتاره بیلیمش ویکی دن یکی یه کندی حسابنه دوشونه رک پک طوضرو فکرلر بیان ایتشددر .

( سقوجیا مدرسه فلسفیه سی l'Ecole écossaise ) مؤسس اولق حیثیتله تاریخ مدنیت و فلسفه ده محترم و مبجل بر نام بر اقان بومتفکره، یکی بر ( نظریه حسن théorie de la beauté ) ترتیب ایتک ایچون بوتون مسائل بدیهیه، علاقه دار اولدقلری نوع حسیانه کوره تحلیلی بر صورتده تدقیق و تبعه کیریشمش، وپسیقولوجی نقطه نظریی مرجع طوتمقده اصابت ایتشددر . آلمان فیلسوف مجدی قانتک بو آدمدن ملهم اولمش بولونماسی، وحتی بر چوق مسئله لرده اونک دیدکلرینی اکیال ایتمه سی، (هیوجسن) ک قدرینی - اخلاف نظرنده - برقات ده اعلایده جک احوالنددر .

بوفیلسوفک نظریه بدیهیه سنی تشکیل ایدن مبادی، بر قاج دستور ایله عرض ایدیه بیلیر :

اولا : حسن، حساً درک وتلقی اولونه بیلیر . یعنی کوزللك، عقل ایله آکلاشیلیر بر کیفیت اولمقدن زیاده بر طویغودر . بو حس، (آنی و تحسسی اوله رق d'une façon immédiate et intuitive) استعمار اولونور : برشینک کوزل اولدوغنی، یکدن حس ایدرزه. اونک نه ایچون کوزل اولدوغنی وروحزه سبب و صورت تأثیرینی بیلیمدن و آکلامادن بردن بره حضورنده بر حس مفتونیت طویارز . ( فائده لی utile) اولوب اولماسی حقنده کی

معلوماً منزله دخی بو طویغومزك علاقہسی یوقدر . حتی بوتون بو خصوصاته دائر معلومات حاصل ایتسهك بیلہ کوزللكه قارشى حسیاتمز ماهیتاً تبدل وتغیر ایتمز . دیمك كه ( فعالیت عقلیه activité intellectuelle ) نك ویلکي نك، بو طویغومزله قطعاً علاقہسی یوقدر .

ثانیاً : ( مقولات حسن les catégories de la beauté ) ، یعنی . ( بالخاصه کوزللك ) ، ( علویت sublimeté ) ، ( شیرینلک candeur ) ، الی آخره کی تنوعات حسن ، اشیای خارجیده مستقلاً موجود برطاقم اوصافی مخصوصه و متمایزه دکلدر . بوتون بوشیر ( انفسی subjectif ) بر ماهیتی حائزدر . کندى حسیات متنوعه مزه و یردیکمز مختلف اسملردر . بناءً علیه کوزل برشی ایله اونك کوزللكنی ادراک ایدن روح، علاقہ دارد . او حالده خارجه بر ( حسن مطلق beauté absolue ) یوقدر، واولماق لازم کلیر .

ثالثاً: کوزللك ( اصلی ، بداعی original ) و ( قیاسی comparatif ) اوله بیلیر . برنجیسی ، طبیعتده کی موجودات میاننده بزہ کوزل کورونن شیرك حالت حسنیدر . یعنی انسان الیه مصنوع اولمایان شیرك کوزللكی در . بونك ( قانون صوری loi formelle ) سی، [ یعنی بزہ کورل کورونه بیلیمک ایچون، شکلاً لازمکن باشلیجه شرائط ثابته واساسیه ] ، ( تحلفده اطراد uniformité dans la variété = uniformity in variety ) در . ( افلاطونك کثرته وحدت نظریه سنی، هیوچسن بر باشقه طرز افاده ایله ادا ایتمش اولویور دیمکدر ! .. ]

قیاسی و یا خوداضافی کوزللك، بر شینك کندى نمونه اصلی سنه بکزمه سی در، و بکزمه دیکی ایچون کوزل اولماسی در . مثلاً قورومش وقیرلمش بر سالحورده آغاچ ، حد ذاتنده يك اولیه کوزل دینه جك برشی دکلدر . فقط اونى حقیقه تصویر ایده بیلن بر رسامك تابولوسی کوزل اولور ؛ و بوراده حسن ایتدیکمز کوزللك اوتابولونك موضوعی تشکیل ایدن رسمك تمایله نمونه اصلی سنه مشابهتی در . برده لی تقلید خصوصنده کی معرفت و مهارتدر .

یعنی صنعتکارك دهای هنرورسی در. آثار صنعتده آرانیلان و تقدیر اولونان نوع حسن، ایشه بودر .

شایان دقتدرکه ( هیوچسن ) ك بو تعریفی ماهیت صنعتی بالضروره — ( تقلید طبیعت = imitation de la nature ) . ارجاع ایله تقدیره واریر؛ یعنی حکمت بدایعده ( طبیعی naturalisme ) مسلکده پیوسته اولورکه بوسبوتون یا کلش دکلسه بیله، بالجله حسیات بشریه یی تبلیغ وادایه کافی ومساعدده دکلدر ؛ طار بر مسلکدر .

برکت ویرسین که هیوچسن بوراده قالمیور : ( قیاسی ) تصویریه توصیف وخصوصی بر وجهله تعریف ابتدیی ( حسن اضافی beauté relative ) یی تکرار ایکی نوعه آیرییور . چونکه تقلیدی مطلوب، اولان نمونه ، طبیعت خارجیه ده صحیحاً موجود بر ( شی objet ) اوله بیلدیکی کیی بر ( فکر idée ) ، بر ( نیت و مقصد intention, purpose ) دخی اوله بیلیر . حالبوکه فکر و نیت، انسانك آنجق ذهنتده موجوددر . مع مافییه صنعتکار، اوکاده بر صورت مادیه ویره بیلیر . مثلاً بر هیکل تراش ( حریتك عالمی تنویر ابتدیکنی ) مادی بر اثر ایله تصویر وتمیل ایتمك ایستهسه ، بونك موده لئی کائنات خارجیه ده بوله ماز ؛ چونکه حریت بر آغاچ، بر چیچك کیی عالمده مستقلاً موجود مادی شیلردن دکلدر . هله حریتك عالمی تنویر ایتمه سی ، بوسبوتون تمثالی بر تصور شاعرانه در . دیمك که صنعتکارك ذهنتده موجود بر تصور اولق اعتباریه ، آنجق بر فکر کردن عبارتدر وبوفکرده بر ( مقصد ) اولدوغی ده آشکاردر . آرتیست، کائنات خارجیه دن تمامیه مستغنی اوله رق، یالکز بو مقصدی تبلیغ ایچون اوفکر حریتی ( موده ل ) اتخاذ ایده بیایر . نته کیم هیکل تراش مشهور ( بارتولدی Bartholdi ) ، بویه بر هیکل وجوده کتیر مشدرکه آمریقاده ( نیویورق Newyork ) لیانك مدخله رکز ایدلمش طور و یور .

شیمدی، بر آلدده طوتدوغی مشعله یی یوقاری قالدیرمش طوران اووقور وعظیم هیکل، صنعتکارك ذهنتده صورت پذیر تحلی اولان اوفکر و مقصدی تمامیه ادا ایدیورسه کوزلدر؛ ونه قدر صداقت و بلاغته ادا ایدیورسه اوقدر کوزلدر.

ایشته هیوجسن ، بنوع حسن اضافی به ( مقصد موافقت کوزللی  
beauty of purposiveness ) دیور ؛ وشو صورتله ترتیب و بیان اتمش  
اولدوغی ( نظریه حسن ) ده ( خیاله idéalisme ) و ( تمایله symbolisme )  
وعلی العموم ( انفسیه subjectivisme ) مسلکرینه دخی واسع بریر  
کوسترمش اولویور .

بوفیلسوفک بر مهم فکری ده وار ؛ قانت ، بو فکری - بالاخره -  
اعمال و اکال ایتشدرد .

اوده خلاصه شودر :

( عقل = Reason = Raison ) ، اقتضای طبیعتله ( نظام - regu-  
larity ) و ( اطراد uniformity ) آرار ؛ یعنی اوکا میالدر . ( حس  
sens ) ک کوزللیکده بولدوغی ، کشف ایتدیکی ماهیت ممتاز و صفت اصلیه ده  
اودر . اوحالده عقل ایله حس آره سنده ( آهنگ harmony ) واردرد .  
یعنی عقل نه دوشونویورسه ، حس دخی ماهیت حسن ده اونو بولویور دیمکدر .  
بودرین فکرلر بدیعیات عالمده فیضبار جریانلر حصوله کتیرمشدر .  
هیوجسن دن براز سوکره ( ۱۷۵۳ ) سنه میلادیه سنده ( تحلیل حسن  
Analysis of Beauty ) عنوانیله بر اثر یازان ( هوغارث = Hogarth )  
دخی کوزللیکی ( شیئیت objectivité ) ی اعتباریله تلقی اتمش و علام  
ظاهر سیله صفت کاشفه سی تعیین اتمکده چالیشمشدر . بومؤلفک اعتقادینه  
کوره اشیاده کوزللیک حسنیه بزه الهام ایدن اوصاف و کیفیات اصلیه ، ( مقصد  
اوینسون اولوق fitness ) ، ( تخلف وتنوع variety ) ، ( اطراد  
uniformity ) ، ( بساطت simplicity ) ، ( کرفت اولوق intricacy )  
و ( کمیت quantity ) در . فضله اوله رق بومؤلف ( خطوط lignes ) .  
چوق اهمیت ویرمش وهله ( منحنی خطلر lignes courbes ) ی ( لطافت  
grâce ) ک صفت کاشفه سی اولوق اوزره قبول ایده رک ( سرباقتین = serpentine )  
یعنی ( بیلافتاوی ) چیز کیلره ( خطوط لطافت = lines of grace ) دیمشدر .  
شو ملاحظات رسم ایله موسیقی حقنده دها زیاده موافق دوشرد .  
( علوی le sublime ) و ( کوزل ) حقنده ( ۱۷۵۹ ) تارینخنده بر

کتاب یازان ( بورکه Burke ) ، ( غریزی physiologique ) بر نقطه نظر دن بومستله‌لری تعریفه چالیشمش و برشینک قطعه‌جه کوچوک اولماسنی، سطحنک یموشاق و دوز اولماسنی، ( تراکت délicatesse ) نی واقسامنک تدریجاً تخلفنی کوزللکنک باشلیجه اسباب و شرائطی عدا یتمشدرکه بوتقدیرجه مقصده اوینون بولونماسی و کال ذاتی‌سی، ماهیت حسننده داخل اولماق لازم کلیور .

حسن ایله حسنک علاقہ‌سی مسئله‌سنده اصل ( لامسه le tact ) نك ذوق بدیی‌ده حصه دار اولدوغنی ادعا ایله مشدر . حالوکه افلاطوندن بوکونه قدر همان بوتون فیلسوفله، آنجیق ( باصره ) ایله ( سامعه ) یی ( حواس بدیعه sens esthétiques ) اوله‌رق قبول ایتمشلردی . ( هوغارث ) ، کوزللکی اشیانک سطحنده و سطحنک یموشاق و املس اولماسنده بولدوغنی ایچون، ذوق بدیی تحصیلنده - باضرورده - لامسه‌یه بویوک برپای چیقارمشدر . بومؤلف، لامسه‌نک تحصیل ایتدیکی ذوقی - فیزیولوژی نقطه نظرندن - تعریف ایتک ایچون دییورکه : [ املس ولین بز سطحه تماس ایتدیکنمز زمان، طویدوغز ملایمت اعصابمزه رخاوت ویریر، و بو حالت استرخار و حمزده هیجان عشق تولید ایدر . بو حادثه روحیه، اونه‌کی حادثه غریزیه‌نک یعنی لمس و تماسک مقابلی در . ]

بوملاحظات، - بنم فکرجه - آنجیق ( اوقشاق caresser ) ذوقی تعریف‌ایدیه‌بیلیر. عشقک هیجانی تعریف‌ایچون بک سطحی و بک اکسیدر. ینه اوزمانلرده یتیشوب ( ۱۷۶۲ ) تاریخنده بدیعیاته دائر تنقیدی بر کتاب نشر ایدن ( هوم Home ) ، ( هیوجسن ) ک آجش اولدوغنی چیغیرده دوام ایدره‌ک مسائل بدیعه‌یی تحلیلی برصورتده تدقیق ایتمشدر . بناءً علیه افکار و مطالعاتی ده‌ا قیمتی در . خصوصاً براییکی مهم نقطه‌یی تنویر ایچون سویلدیکی سوزلر بک معقول و مقبولدر .

بومؤلف، اولاً حسنک ماهیتاً انفسی اولدوغنده شسبه ایتیمور ؛ فقط دییورکه : [ کوزللک بزده برطوینو اولقله برابر، مشاهده ایتدیکنمز اشیا‌ی نفیسه اوزرینه ( منتشر spread upon ) اوله‌رق کورونوبور . ]

بویله دوشوندو کندن طولانی اولمالی درکه بومؤلف، ( احتساسات بدیمیه sensations esthétiques ) یی آنجیق باصره ولامسه نك قابلیت ممتازه سی اولیق اوزره قبول ایدمرك ( هوغارث ) ك نظریه سنه معارض بولونمیش اولویور. دیمك ایستیور كه : ( لامسه نك احساسات مخصوصه سی وجود مزده همه حال ( localisé ) در؛ اوطویفونك یرینی تعین ایدم بیلیرز. لمساً حاصل ایتدیکمز طویفونك معین تماس نقطه لری وارددر. حالبوكه کوزمزله کوروب قولاغزله ایشیتدیکمزی، وجود مزك هیچ بر طرفه حصر و تخصیص ایدم میز. اوطویفونلری ( احلال localiser ) ایدم میز. یعنی وجود مزده اونلره یر کوسترم میز. واقعا کورولن صور اشیا ویشیدیلن سسلر دخی - حد ذاتنده - بر طاقم احتساساتدن باشقه برشی دکلدرد، و بناء علیه - ماهیتاً انفسی - بر نوع حالات روحیه مزدن عبارتدر. فقط بویله اولمقله برابر، ( مبصرات phénomènes visuels ) و ( مسموعات phénomènes auditifs ) عالم خارجی ده ( منعکس reflété ) و بزدن اوزاق در؛ اونك ایچون خارجه مستقلاً موجود ایمش کیی اجرای تأثیر ایدر. نته کیم بوکون حالا میلیونلرجه انسانلر صدایی و صور اشیا یی عالم خارجی ده بالذات موجود ظن ایدرلر.

( هوم ) ك بوجهت لری قورجالاماسی، ( انفسیه subjectivisme ) مسلکی نقطه نظرندن بك قیمتی نتیجه لر تولید ایتمشدر؛ زیرا حسن ( حسن اولیق حیثیتیه ) خارجه موجود برشی اولمادیفی حالده نیچون اونی علی العموم بر ( کیفیت خارجه propriété extrinsèque ) اوله رق تلقی ایتمکده بولوندوغمزی بر درجه یه قدر کوستریور، و باصره ایله سامه نك بو خصوصده کی فسونکارانفی ده تعریف ایدیور. نتیجه ده، ( شعبده حسن l'illusion de la beauté ) ك - تأثیر اعتباریه - حقیقی و ذاتی کوزللكدن نیچون فرقی اولمادیفی ده آکلاتیور. ( تخیله l'imagination ) نك بو خصوصده روانی کوستریور. اوسبيله دركه آثار صنعتده ( ظواهر apparences ) عرض و تقلید ایتك کافیدر.

فی الحقیقه وجود مزله احتساساتمز آره سنه فاصله قویان اولابصره، ثانیاً سامه در. سائر ( حاسه sens ) لر مزك بزده طویفو احساس ایدم بیلیمه سی



ایچون مطلقا بر ماده ایله ( تماس contact ) لازمدر . اوندن طولای درکه  
بصره وسامعه مزك احساساتی خارجه کندی کندی موجود اوله رق تلقی  
ایده رز . شعبات صنعتده بالخاصه ( رسم و تصویر dessin , peinture )  
باشلیجه هنری، بویه بر غلط حس ایقاع ایده بیلمسیدر .

( هوم ) دخی کوزللیکی - نوعیتی اعتباریله - ایکی به آیریور . برینه  
( ذاتی intrinsèque ) ، دیگرینه ( اضافی relative ) دیور . برنجیسی  
حیثیت ذاتیه سیله ، ایکنجیسی باشقه برشیته نسبتیله کوزل اولاندر .  
ذاتی اولان کوزللیکده اوچ تورلو جلوه سی وارد : یارنکجه ،  
یاشکلجه و یاخود ( حرکت mouvement ) اعتباریله اوله بیلیر . شکل  
کوزللیکنک ( عناصر éléments ) ی یعنی شرائط وارکانی ، ( انتظام  
regularity ) ، ( بساطت simplicity ) ، ( اطراد uniformity ) ،  
( تناسب proportion ) ، ( ترتیب order ) در ؛ یعنی بوشر طلرک برشیده  
بولونماسی و کورولمه سیدر .

شبهه یوقدرکه ( هوم ) ک بوتون شو ملاحظاتی مهمدر .

اوصیره لرده یتیشن فیلسوفلرک بلکه اک بو یوکی صایلان (دهی ویده هیوم  
David Hume) ایله اونک سا کردی و ( علم اقتصاد économie politique ) ک  
مؤسی اولان ( آدام سمیت A. Smith ) دخی بدیعیات بحثده بعضی  
فکرلر بیان ایتشاردر . فقط بومتفکرینک برنجیسی بالخاصه ( ذوق بدیی  
goût esthétique ) ی تدقیق و تحلیل ایتمش ، ایکنجیسی ده عادات و عوامل  
اجتماعیه نک ذوق بدیی اوزرینه نفوذ و تأثیراتی تبع ایله مشدر . بومسئله لر  
بختمز خارجه در .

[ goût کله سنک ذیلنه و esthétique کله سنده association

تعریفنه باقیکز ! ]

اوعصرده ، اصل آلمانیا بدیعیات ساحه سنده خارق الماده بر فعالیت ابراز  
ایدیوردی . بدیعیاتک فلسفه عمومیه ایله رابطه سی ده بوسایده دها زیاده  
تعین ایتشدی . اولجه ( مندلزون Mendelssohn ) ( حسیات sentiments ) ی  
( افکار idées ) و ( ارادت volonté ) دن بوسبوتون آیری بر ( طاق

(groupe) ، ( حالات روحیه états d'âme ) اولمق اوزره فرق ایتشدی .  
قانت بو تقسیمی پک طوغرو بولوب قبول ایتش وبوسیاق نظرك ، آلمان  
فلسفه بدیمیه سنه چوق تأیری اولمشدر .

[ بو ذکر اولونان تعبیرات ایله برابر conscience کله سنه بافیکز! ]  
(۱۸۵۰) سنه سنده بدیمیات اوزرینه - اصوله توفیقاً - ( نهسته تیقا  
Aesthetica ) نامیله ایلك مهم اثری یازان ( باثوم غارتن Baumgarten ) ،  
( ماهیت حسن l'essence de la beauté ) ی - اسلاف حکماندن بر  
چوقلرینک اعتقادینه تبعاً - ( کمال perfection ) دن عبارت عدا ایتشدی؛  
پالکز شو فرق مصّرانه ابراز ایدیوردی که ( حسن ) ، بر ( کمال محسوس  
perfection sensible ) در؛ یعنی ذهناً ( معقول intelligible ) اولمایوب  
آنچق مشهود ومحسوس اوله بیلن بر نوع کالدر . اولحاده ذهناً تعقل  
اولونه بیلن کال، خارجده کی اشای طبعیه وصناعیه ده مشهود اولونجه، بزه  
( کوزللك ) دیدیکمز فسون تأیری احساس ایدر، دیمک اولور .

اوله ایسه ( عقلک تصوراتی représentations intellectuelles )  
ایله ( حَسَنک تلقیاتی acquisitions des sens ) آره سننده بر آهنگ  
اولدوغنی تسلیم ایتک لازم کلیر .

بر آرز یوقاریده عرض ایتش بولوندوغم اوزره بو فکر اساساً  
( هیوجسن ) کدر . بونی مشهور قانت عیناً تلقی ایتشدر . فلسفه بدیمیه  
واسع بر ساحت انکشاف ویرمش اولان بوصاحب مسلک فیلسوفک ایزنی  
براقایان آلمان بدیمیونی ده، اوفکردن شدتله متأثر اولمشدر . حتی - قناعت  
تامه ایله ادعا ایده بیلیرم که - قانتدن بر آرز صوکره کلن وبو فیلسوفه ادعای  
منسوییت ایدن بدیمئونک ( طبیعت Nature ) دن اعراض ایتهمی وکال  
حسنی، صنع خلقته دکل، آثار صنعته آداماسی، یعنی بوسوتون (ایده آلزم) .  
صایماسی کیفیتده حقیقی سبب ینه اوفکردر . چونکه عقل ایله حس آره سننده  
آهنگ وارسه، واشیای محسوسه ده کوردوکنز اکسیکلکاری عقل ، آتام،  
اکال واصلح ایده بیایورسه، بر صنعتکار، نیچون موده لنی طبیعتده آراسین؟..  
کندی (ایده آل = مفکوره) سفی مشق تقلید اتخاذا ایتهمی ده اینی،

والته دها طوغرودر . بر ( فیدياس ) ك، بر ( ميكل آنجهلو ) نك وجوده  
كترديكي هيكللرده كورولن كال حسن وحيث وقاره حقيقي وطيبي انسانلرده  
كوروله بيليرمي ؟ .. او داهي هنرورلر بو نونه كالي ، كندى فكرلرندن  
آليورلرسه، نرهدن بولوب چيقارييورلر ؟ ..

ايشته، طيعتدن يوز جوروبده ايده آلزم يولنى طوتان ( عقیده بديعيه  
doctrine esthétique ) نك مجراي ملاحظه سى بودر ؛ آلمان بديعيونك،  
قانت دلاتيله ، نهايت بو مجرايه دو كولدوكنى شيمدى كوره جكر .  
( نه مانوئل قانت = Emmanuel Kant = ۱۸۰۴-۱۷۲۴ ) ، دنياه  
اندر كلن داهي فيلسوفلردندر، بك چوق و بك مهم اثرلر براقشدر. آثار  
فلسفيه سنده بديعياته دخى برموقع مخصوص ويرمش و بوتون مسائلى اطرافيله  
تبع ايتمشدر . اوندن طولايي دركه نظريه حسنه دائر بيان ايتمش اولدوغى  
افكار - اوزمانه كوره - بوسوتون يگى اولدوغى كيي فلسفه عموميه سيله  
دخى صميمياً علاقه دار بولندوغى ايجون خلاصه و واضحا آكلاتيلماسى  
كوچدر . هر حالده مختصر و صريح بر فكر ويره بيلمك ايجون ، بو ذاتك  
هانكى نقطه نظرندن تدقيقاً تشبث ايتديكنى اخطاراييله باشلايه رق ملاحظات  
بديعيه سنى عرض ايتمكه چاليشه جنم .

قانت، تنقيدى، ( اصول méthode ) اتخاذ ايده رك فلسفه سنى تعيين  
ومبادى سنى تأسيسه چاليشمشدر . اوندن طولايي دركه مسلكنه ( فلسفه  
تنقيديه philosophie critique ) ده نيلير .

اولا ( تنقيد عقل صرف = critique de la Raison Pure ) عنوانيله  
بو يوكر كتاب يازمش واونده ( مواد علميه matières de la connaissance ) نك  
تلقيات حواس ايله استحصال اولوندوغنى تصديق و بناء عليه ( تجربه  
l'expérience ) لزومنى تحقيق و تسليم ايله برابر، تجربه يي توجيه و اداره  
ومواد علميه يي ( ترتيب و تنسيق coordonner ) صورتيله ( اعمال  
élaborer ) ايده بيلمك ايجون ( هر تورلو تجربه يه مقدم antécédent  
à toute sorte d'expérience ) بر طاقم ( مبادى قبله principes  
aprioriques ) من اولدوغنى ده قوتله ادعا ايله مشدر .

بوراسی عقلک عالمی در . اونک دائره تعلق ده ( طبیعت ) در . بو دائره ده ( قانون اقتضا la loi de la nécessité ) قطعاً حکمفرما در ؛ یعنی ارادت یوقدر . عقلک محاکاتی ( سلسله سببیت la chaîne de causalité ) ایله دائماً مقیددر . قانتک ( حکمت نظریه phil . spéculative ) سی بو اثرنده بسط ایداشدر .

ایکنجی اثری اولان ( تنقید عقل عملی critique de la Raison Pratique ) نام کتابنده ادما اولوندوغی اوزره عقل عملی نک دائره تعلق ( عالم اخلاق le monde moral ) در ؛ بوراده ( ارادت volonté ) حکمفرما در . وجدانک امرینه اتباعاً عقل عملی ، کندی قانون اخلاقیسی تعیین ایدر و آنحق اوکا بالعمل توفیق حرکتله کماله متوجه اولور ، واوایه تکامله طوغرو یورور کیدر .

بو ایکینسک ، یعنی عقل نظری ایله عقل عملی نک آره سنده ( محاکمه judgement ) یه میدان واردر . بزه ( محاکمه ) دلالتیله عالم طبیعتدن ، عالم اقتضادن یوکسه لهرک عالم عقلی به ، عالم اراده یاقلا شیرز . اونک ایچون ، محاکمه اواییک عالم آره سنده خط اتصالدر .

قانت ، حسن وعلویت حقنده کی حسابتمیزی اواییک عالم آره سنه قویورور و ( محاکمه ) یی تنقید ایتکله بدییاتی تأسیس ایدیورکه بوسبوتون کندینه خاص برسیاق نظردر .

[ قانتک فلسفه سی ایچون criticism و apriori ) کله لرینه یاقیکز ! ] بو استاد ( محاکمه ) یی - اصولی وجهله - تنقید ایدرکن ایکی نوعه آیریور: برینه ( محاکمه بدیمیه jug . esthétique ) ، دیکرینه ده ( محاکمه غاییه jugem . téléologique ) دیور . شو تعیرلرک لغت معنالردن بیله واضحاً آکلاشیله بیلیرکه برنجیسنده آنحق ( ذوق le goût ) حا کدر ؛ ( فائده utilité ) یاخود ( بر مقصد و غایه یه موافقت aptitude à une fin ) ملاحظه سی قطعاً حکمده ذممدخل دکدر . حالبوکه ایکنجیسنده اساس اودر ، یعنی منفعت و مقصد حیات ملاحظه سی مدار حکمدر .

قانت ، منحصرأ ( محاکمه بدیمیه ) یی ، یعنی [ شوگوزلدر! .. ] دیدیکمز

زمان ویردیکمز حکمی تحلیللاً تنقید ایدیور واکا درت نقطه استناد بولویورکه ( محاکمه غایبه ) ده یوقدر . اولاً : [ گوزل اولان شی بزه ( حسبی برمحظوظیت satisfaction désintéressée ) ویریر . ] دیور؛ بناءً علیه ( ای bon ) ایله ( خوش agréable ) اولان شیلردن اونئی تفریق ایتمش اولویور . یعنی بزمه هیچ بروجهله علاقه سی اولماق اوزره، حقیقت حسنی ( ذاتی ومستقل ) برشی کیی قبول ایدیور . مع مافیه بو تصور افلاطونک ( حسن مطلق ) ی کیی بر شی دکلدر . چونکه محاکمه ایله حسنی تقدیر ایدن ینه انساندر . شوقدروارکه کوزلک تقدیرنده (خودکامانه égoïste ) حسیاتک قطعاً دخل وتأثری اولمادینی ایچون ، قانت کیفیت حسنی، اشیاده بر ( صفت مستقله qualité indépendante ) اوله رق تلتی ایدیور، واوندن طولایی بر ( مبدأ کلی principe universel ) دیه قبول ایلیور : [ حسن یالکمز نیم ایچون دکل، عموماً یعنی هرکس ایچون خوشه کیدن شیردا ! ] دیور. تقدیر حسنده عقلک حکمنی باشلیجه شرط قوشدوغی ایچون ( گوزل ) ی ( خوش ) اولان شیدن آیرمشی اولویور . چونکه خوش اولان برشی یالکمز حواس ظاهره ایله آکلاشیلیر و بو صورتله حاصل اولان ( حظ plaisir ) ، ( فردی و خودکامانه individuel et égoïste ) بر حادثه حسیه دن عبارت قاله جنی ایچون ، دیگر انسانلرک اونده حصه اشتراکی اوله ماز . مثلاً بن برمیوه ییویده بر نوع ذوق حس ایتدیکمز زمان، اوندن حاصل ایتدیکمز حظ منحصرأ بکا عاندر . یعنی تجربه یی کندی حسابنه اجرا ایتمه دجه هیچ کیمسه اودوقی طویه ماز . اونک ایچون بر میوه نک طعمی - قانتک فکر نجه - آنحق ( خوش agréable ) اوله بیلیر؛ ( گوزل beau ) اوله ماز . حالبوکه رنک و شکلی کوزل اوله بیلیر و اولدوغی تقدیرده ده یالکمز بر کشی ایچون دکل هرکس ایچون کوزلدر ؛ چونکه هرکس اونئی تماشا ایتمکله حصه یاب ذوق اوله بیلیر .

ایشته ایکنجه اساس ده بودر .

ثالثاً کوزلکده مطلقاً بر مقصد و غایه یوق دیمک طوغر و دکلدر . واردر؛ فقط بو ( غایت finalité ) ، بوسوتون باشقه بر قیمت و ماهیتده در . بزم

منافع و مقاصد حیاتیة مزله قطعاً علاقه‌دار دکلدر . ( گوزل ! ) دیه حکم ایتدیکمز شینک کندی غایه کالی در . تناسب و انتظام کبی که هیچ بزه فائده‌سی یوقدر . مع مافیہ مادام که تناسب و کال آنجق ( عاقله la raison ) نك ادراك ایدہ بیلدیکی ( حقایق معقوله ) دندر ، دهنیله بیلیر که اشیاده کوزللك ذهنزده کی فکر کاله ( مطابق و موافق adapté ) اولان ( صورت و هیئت محسوسه ) در .

( باثوم‌غارتن Baumgarten ) ك دستور اساسینی تشکیل ایدن بو ملاحظه - یوقاریده شرح ایتدیکم وجهله - ( قانتك مُعَقْبَلری Les con-tinateurs de Kant ) نی صنعتده ایدہ آلیم مسلکله سوق ایتشددر .

مع مافیہ قانت ( ذاتی intrinsèque ) و ( شینی objective ) اولان غایت حسن، حیات انسانیة نك غایات خودکامانه سیله قطعاً و اصلاً علاقه‌دار کورده مدیکی ایچون ( فائده‌سز ) بولش و اوچونجی شرطی شودستور ایله بیان ایتشددر .

( حسن، بی مقصد بر غایت در . la beauté est une finalité sans fin ) ! . یعنی ماهیت حسن ده، انسانك تعقیب ایتدیکی مقاصد انائیته‌ورانه ایله هیچ مناسبتی اولمایان بر غایه وارددر که بزم ایچون او ، بر فائده تأمین ایدہ من و بناءً علیه بر غایه تشکیل ایدہ من دیمك در .

نهایت، بواساسلر اوزرینه دردنجی شرطی بنا ایدہ رك شودستوری و یریور : ( گوزل اولان شی ( ماهیت مخصوصه دن عاری sans concept ) اولدوغی ایچون عموم عننده ( بالایجاب موجب حظ اولان شی ce qui procure une satisfaction nécessaire ) در ) دیور . یعنی کوزللك بخش ایدہ چکی حظ مخصوص، عمومی، کلی و حسی اولمالی در . بویه اولان شیلر دخی بهمه حال ( وجوبی nécessaire ) اوله بیلیر ؛ دیمك ایستور . صوکره بو ( محاکمه بدیهه ) نك زمین استنادینی تشکیل ایدن حسابك ( صاف pur ) و ( مستریح serein , reposé ) و یاخود ( متکدر troublé ) و ( مختلط mixte ) اولدوغنه نظراً نوع حسن ایکی بویوك صنفه آیریور . قانتك ( مقولات حسن les catégories de la beauté )

دیدیکی، بو تقسیمه کوره تعیین ابتدیی انواع حسن در .  
 شو مبعده، بو آلمان استادینک فکرلری بوسوتون یگی ومهم بعضی  
 کشفیات بدیعیه نك دستور افاده سیدر واسلاف حکمانك جمله سی طرفندن  
 قبول وتصویب ایدلمشدر .

اولا (علویت sublimeté) ی (بالخاصه کوزلاک beauté propre) دن  
 فرق ایدن قانت اولمشدر . او، کوسترمشددرکه :

علوی دیدیکمز شیلرک ومناظرک بزده ایقاع ابتدیی حسیات، (دهشت  
 la terreur) نوعندن و (قدرت وعظمت puissance et grandeur)  
 تأثیراتندندر. بالطبع (علویت طویغوسی le sentiment du sublime) غایت  
 هیجان انکیز و (اذیت و ألم peine) ایله قاریشیق بر (حس شدید  
 sentiment intense) در. حالبوکه کوزلاک قارشیسنده طویدوغمز (ذوق  
 صرف plaisir pur)، (سکینت sérénité) ی ایله دخی آریجه ممتازدر.  
 بو ذوق صاف، — قانتک ادعاسنجه — (عاقله ایله مخیله نك وفاق تام  
 parfait accord de l'entendement et de l'imagination) اوزره  
 بولونماسندن ایلری کلیرکه بو تقدیرده بوتون قوای ذهنیه، هیچ بر مانعیه  
 مصادف اولمایه رق سربستجه اجرای فعالیت ایده بیلدیکی ایچون کدرسر،  
 المسز برذوق صاف ادراک ایدر. حالبوکه علوی برمنظره قارشیسنده عاقله  
 ایله مخیله اویوشه مادیغی جهته، انسان اومنظره حضورنده خوف حشیتله  
 (مُذیلش écrasé) بولونور. بویله برطویغو، البته موجب ذوق دکلدر.  
 اکر انسانك طویغوسی بو حد اوزره قالسه یدی، منظره آنجق (مدهش  
 terrible) اولوردی. برکت ویرسین که ماهیت ذاتیه سنده نامتناهی نك  
 حس ایدن (ملکه عاقله faculté rationnelle) کندینی طبیعتک فوقده  
 کوردوکی ایچون دخی آریجه برذوق طویویور. ارادت روحدن متولد  
 اولان بو ذوق ایله منظره نك عظمتندن مُلنهم اولان دهشت بربرینه  
 قارشیمقله بزه (حس علویت) ویریور.

قانت (علوی) یی دهه ایکی نوعه تقسیم ایتیش، برینه (علویت کتیه  
 le sublime mathématique)، دیکرینه ده (علویت قوانیه

( le sublime dynamique ) دیمشدر . برنجیسی بویوکلکک، کژتک ، فسحتک احساس ایتدیکی علویتدر . مثلاً مکوکب برکیجهده سمانک عظمتی کیی؛ ایکنجیسیده قوای طبیعی و عوامل مادیه‌نک احساس ایتدیکی علویتدر . بویوک برفورطنه ائساننده بحر محیطک عرض ایتدیکی منظره کیی !..  
بو فکرلری، اخلاف، تدقیق و برآز تعدیل ایتمکله برابر پک طوغرو بولملر و عموماً قبول ایله مشلدر .

[ بو خصوصده بالخاصه sublime کلمه‌سنه باقیکر؛ تفصیلات کافیه وارددر . ]  
مع مافیه قانت ، علویتک دها بر جوق انواع تجلیاتی اوله بیله جکینی قبول ائتمش و اخلاق طالمده ، اعمال بشریه‌ده دخی کیفیت علویتی تحقیق ایله مشدر ؛ هر نه شکله و هر نه وجهله اولورسه اولسون علویتک تأثیراتنده - ذاتی و مشترک - بر صفت کاشفه بولویورکه اوده : { انسانک } قدرت و کبریا ( puissance et immensité ) حضورنده نفی وجود ائتمه‌سی ، کندی وارلننی هیچه جیقارماسی [ در .

طبیعی درکه اخلاقده علویتک اک صریح جلوه‌سی - بو شرطه نظرآ -  
عظیم و خارق‌الماده مهیب تهلمک‌لر قارشیسنده کندینی بوسبوتون اونوتوب عشق انسانیتله، جسورنه حرکت ایتمکدر؛ یعنی - تعبیرک‌اک‌علوی معناسیله -  
( فداکارلق sacrifice ) در .

زیاده‌سیله شایان‌دقتدرکه بوتعریفات طولایسیله، قانت، عاقبت، حسیات مختلفه‌نی یکدیگر یله تقریب‌ایده‌رک آره‌لرنده ماهیتاً مناسبات صمیمیه بولمشدر .  
مثلاً حس علویتی ( تمثال اخلاقی symbole de la moralité ) تلقی ایتمشدر ؛ چونکه هرایکی صورتدهده اساس ( نفی وجود ) در . علویت ایله بالخاصه کوزللك آره‌سنده دخی - من‌جهت - صیتی بر رابطه بولوندوغنه قناعت ایتدیکندن طولایی - دونه طولاشه - علویتی و کوزللكی ابیلک ایله برطومتنه مجبور اولمشدر .

بومه‌اله‌نک بدایتده ارسطو، افلاطون و فلوپینوس و دها بر جوق بویوک



فيلسوفلرك بونتيجهيه پيوسته اولدقلريني سويله مشدم ، ومزاجي ( اخلاقي ) اولان فيلسوفلرك ها . دائماً بونتيجهيه بالضروره واصل اولدقلريني ده قيد و اشارت ايتشمدم . قانتك ملاحظاتنده بوضرورت - بوتون وضوح ماهيتي ايله - كوروله بيليور . مبادي واحكام فلسفيه يي بر ( جمله متسقّه systeme coordonné ) شكله صوقق وهرشيئي بر دستور عمومي نك حكمي تختنده ( توحيد unifier ) ايتك ميل شديدی دخی ، فيلسوفلري بونتيجهيه سوق ايدن اسباب مجبره دن ماشليجه بريدر سانيرم .

آلمانپاده ومدني عالمك هر طرفنده قانته تبعيته دوشونن بر جوق متفكرين ايله بو بويوك آدمي بالخاصه مسلكنده استخلاف ايدن بر قاج نوادر ، فلسفه تنقيديه ايله هر ساحه ده آچيلان بو يكي چيغوردن چيجه مامقده برابر ، بعضي اصلاحات اجرا سنده تشبث ايتمكدن فارغ اوله مامشلدی . ذاتاً اوزمانلر صنايع نفيسه نك - احتمالكه - اك پارلاق دور انكشافی ایدی . يالكز موسيقي ده ( بهت هوون Bethoven ) ، شعر وادبياتده ( گوته Goethe ) و ( شيللر Schiller ) كيبي خارق العاده دهالرك اوزمانلر طلوع ايتمش اولدوغنی نخطر ايتك كفايت ايدر .

شبهه يوق كه اودورده بديعيات و صنايع نفيسه برنجي درجه ده حائز اهميت بولونويوردی . ننه كيم قانتك فلسفه مابعدالطبيعه ده اجرا ايتديكي تعديلات اساسيه دخی اونستنده متفكرين معاصرينك ذهني مشغول ايدنيوردی . بناء عليه بديعيون زمانه نك بو ايكي بويوك جريانه قايل ماماسي ممكن اوله مازدی . صنايع نفيسه نك جريان ترقيسنه قايلوبده اعتقاد زمانه اتباعاً دوشونن بديعيون اصل كوزللكي آثار صنعتده آراديلر . ديمك كه ( تمثال حسن symbole de la beauté ) ی ، طبيعته دكل ، صنعتكارك ( مفكورده = idéal ) سنده بولديلر . حالبوكه قانت طبيعت كوزللكني ترجيحاً مدح وتحسين ايدردی .

اواننده تاريخ مدنيت وصنعي تدقيق ايتك ايجون بويوك بر مراقده اوياتميش و ماضي نك آثار مكمله سنه ارجاع نظر مجبوريتي حاصل اولمشدی . بويه بر مجبوريته طوتولان بديعيون ، افلاطونه قدر وارديلر . ( مُثُل و ماهيات

فلاطونیه (idées et prototypes platoniciens) نظریه سنی شوق ایدیه قبول ابتدیلر . شو تقدیرجه کوزللك، اشیای طبعیهده آنجق خیال میال کورونه بیلیر و - طبیعت مادیه نك قابلیتسزلكی سببیه - بهمه حال ناقص و قصورلی اوله رق تجلی ایدیه بیلیر بر ( فکر کمال (idée de perfection) اولق اورره تلقی ابدلدی. ایشته ( ایدیه آل) بوایدی ؛ بوده آنجق - کالات نامتناهی بی ادراك ایدیه یلن - بر هنرور داهی نك ذهننده بر فکر اوله رق بولونه بیلیردی . صنعتکاردن بکله نیلن اك بویوك معرفت ، وسائط مادیه استعمالیه، بوفکره بر ( صورت مستقره ) ویره بیلیمسی ایدی . طبیعتی اولدوغی کیی تقلید ایتیمسی هنر صایلمیوردی .

ایشته بدیعیاتك اووقلرایده آلزیمه وحقی مبالغه یوزندن عاقبت (رومانتیزم) . دوشمسی، - مختصراً عرض ایتدیكم - شو ملاحظات فلسفیه تبعیتدن ایلری کله شدی . حتی بر اصطلاح مهم اولق اوزره ایجاد و وضع اولونان (idéal) تعبیريك (idée) دن مشتق برکله اولماسی ده آیریجه شایان دقتدر .

[ idée و idéal ایدیه idéalisme تعبیرلینه باقیکز ! ]

آرتق زمانك وبالخاصه آلمانیا نك اك بویوك بدیعیونی بو عقیده فلسفیه یه توفیقاً بیان فکر ایدیه رك ماهیت حسنی تعریفه چالیشدیلر .

قانتك بنام شاگردلرندن (شه لینگ Schelling) : ( کوزللك نامتناهی نك برشكل متاهی ده معروض و محسوس اولماسندن عبارتدر . [ دیدی .

( هگل Hegel ) : [ مفكوره نك حواسمه جلوئه انكشافی در ! ] دستوریه فکرنی عرض ایتدی .

افلاطون ایدیه قانتدن باشقه فیاسوف بکنه مین و بو آدم لرك ایزندن آیرلایان مشهور (شوپنهاؤره A. Schopenhauer) : ( ارادت کلیه نك (شیئیت objectivité) شكلی آلماسی و بو صورتله (عین ثابتة idée platonicienne) بی تمثیل ایتمه سیدر . [ دیرهك آکلاشلماسی کوچ بر تعریف ویردی .

( شوپنهاؤره رك بو خصوصده کی فکر شخصیسنی لایقيله آکلامق ایچون )  
 idée و volonté کله لرنده کی تفصیلات خصوصیه یه باقیکز ! ]

فرانسوده ( ژوفرووا Joffroy ) ودها بر چوق ( روحیون les spiritualistes ) هان عیناً ( شلینگ ) ک دستور اعتقادی قبول و تکرار ایده طور دیلر .

ذاتاً مختلف صور تدرده عرض اولونان بودستورلری عینی عقیده فلسفیه به ارجاع ایتمکدن قولای برشی یوقدر . هپسندده اساس افلاطونک ( idée ) نظریه سیدره و بو حکیم یونانی ک تعریفنه نظراً ( ماهیت ) آنجیق بر ( نمونه کمال ) اوله بیلیر .

مع مافیه بو ( ایده آلزم ) - اوافق بر فرق تصور سیبله - ایکی تورلو تلقی اولونه بیلدی . متفکرین بدیمیونک بر قسمی مفکوره حسنی ، هر تورلو کسوت ماده و ( صور حسیه formes sensibles ) دن معرا و ( مجرد abstrait ) اوله رق تصور ایده بیلدیلر که ( حسن مجرد beauté abstraite ) نظریه مشهورده می بودره ؛ و اساساً افلاطونک کندی تصورات شاعرانه سندندر . معاصرین فلاسفه دن آلمانلی ( هارتمان Hartmann ) ک ادعاسنه کوره ( شلینگ ، شوپنهاؤره ، زولنهر Solger ، وایسه Weisse ، لوتزه Lotze ) بونظریه فلاطونیه طرفداردرلر .

متفکرینک دیگر بر قسمی ده ، ماهیت حسنک جلوه کر اوله بیللمه سی ایچون ، همه حال صورت حسیه ایله ( اتحاد unité ) ایتمه سی بر ( شرط اساسی condition essentielle ) اوله رق مصرانه ادعا بیدی ؛ مفکوره نک بر شکل محسوسدن آزاده اوله میه جفتی ، ماهیت حسنک شکل حسندن آیری دوشونوله میه جکنی اذعان ایتمکله دهه زیاده معقول طاورانه بیلدیکنی اثبات ایتمش اولدی .

بوقفصیلات تاریخیه بی نقل و تفسیر ایچون باشلیجه مأخذ اتخاذ ایتمش اولدوغم آمریقان قاموس فلسفی سنک روایتیه کوره ( ههغل ، تراندورف Trandorf ، شلایرماخر Schleiermacher ، دوتین گهر Deutinger ، هرسندد Ersted ، ویشهر Vischer ، زای سینغ Zeising ، قاریهر Carriere ، شازلهر Schasler ) هپ ( حسن مقید ) نظریه سنه طرفداردرلر . اولجه ده آکلاتدیفمه کوره بویه بر ( ایده آل ) تصویری طبعندن زیاده

آثار صنعتده تمثال حسن آراتدیریر . بومسلک منحرف دخی نهایت صنایع نفیسه ده ( صفت بارزه caractéristique ) ابراز ایتک مقصدینه بالضروره . منجر اولشددر .

[ بونک ایچون esthétique تعیرنده کی مناقشات مخصوصه به مراجعت ایدیکزو caractère کله سنده مندرج تفصیلات خصوصیه دخی آیریمجه باقیکنز ! ]  
فانتک بوتون فلسفه عالمده یامیش اولدوغی انقلاب عظیم وهله بدیعیات ساحه سنده اجرا ایله دیکی کشفیات، اذهانی (دهای یونانی le génie grec) نک نفوذ و تأثیردن خیلی دن خیلی قورنارمش و بوجریانلره وجود و یرمش ایکن عاقبت، جزئی برانحراف ایله ماضیه ارجاع نظر ایله مک مجبوری - تبعات تاریخیه مراقی ایله برابر - اون سکیزنجی عصر متفکرینی تکرار عرفان یونانه مفتون و خراجگذار ایتمش و (هیچ اولمازسه بدیعیات میداننده ! ) افلاطون قاتی - کندی وطننده - مغلوب ایتمشدر .

اوزمانلر بوایده آلیم جریانه قایلمایان، موازنه سنی محافظه ایدن بر آدم کورو بورزکه اوده مشهور (هربارت Herbart) در . مزاج فلسفی سی اعتباریله تام بر (پوزیتیویست = positiviste) طوغمنش اولان بوادم آلمان فیلسوفلرینک (ایده آلیم) نی (صوفیه mysticisme) مذهبندن یک فرقی بولامش واساساً رد ایتمشدر .  
( بوایکی تعیر اصطلاحی به باقیکنز ! )

هربارتک فکر نیمجه بدیعیات بر (علم science) در؛ اوتقدیرجه تدقیقات و تحقیقاتنده (اصول علمیة méthode scientifique) به اتباع ایتمه لی در . ماهیت حسنک نه اولدوغنی تحری ایده جکنه، کوزللك شرائط ماده سنی، (عناصر صوریة éléments formels) سنی تعینه چالشمالی در . تدقیقات بدیعه [کوزللك نه در ؟] سؤالنک آرقه سندن قوشامالی ! . . [کوزللك ناصل تحقق وتین ایدر ؟] اوکا باقالی در . علم بدیعی باشلیجه موضوعی بوایکنجی سؤالک جوابی تشکیل ایدر .

آکلاشیلیورکه (هربارت)، شیمدی به قدر بیان اولونان نظریات حسنک هیچ برنی طوغرو بوله مامشدر؛ چونکه اذهان متفکرینی اوتورلو نظریاته

سوق ایدن ( اصول تفحص méthode d'investigation ) ك بر اثر ضلالت اولدوغنه قناعت كتيرمشدر .

كنديسى جلوه حسمى منحصرأ شكلده كوردوكى ايچون و شرائط صوريه دائرمنده تعين ايتك ايسته ديكي ايچون، ( صرف تلمى purement scientifique ) اولان بومسلكه (صوريه = formalisme ) نامى ويرلمشدر .  
[ بو تعبيره بايكنز ! ]

بزمه بوسوتون همزمان اولان فلاسفه ، - رويون مسه تننا اولوق اوزره !.. - بالخاصه علمى بر اصول تعقيب ايده رك مسئله حسمى حل ايتك غيرتمده بولونويورلر وبالطبع فيزيولوژى ايله پسيقولوژى علمك تدقيقات و كشفياتى اهامال ايتك ايسته ميورلر . آكليورلر كه بديعياتك اساسلى علم روح ساحه سنه استناد ايديور و پسيقولوژى دخی - بر چوق رابطه لرله - فيزيولوژى يه باغلى در .

بناء عليه بواصوله اتباع ایدن فلسوفلر ك افكار خصوصيه سنى، (بديعيات esthétique ) گله سنده مناقشه ايده حكم و هربرينى بر مسلك ممتاز اداسنه دليل كتير، حكم .  
شيمدى :

بك مختصر عرض ايتديكم بوتارينجه بديعياتدن، حسن مسئله سنى حل ايده بيله جك نه كيبي معلومات ايدينك ؟ .. ( كورلك نه در ؟ ) سؤاله قطعى بر جواب ويره بيله جكمى يز ؟ .. بونى دوشونه لم !..  
تقريباً يكرمى آلتى بيك سنه دنبرى ترتيب ايديله كلن اونظريات مختلفه و متسلسله دن - آزچوق وضوح ايله - بعضى حقيقتلر ترشح ايتيور دكل !.. فقط بونظرياتك ( مسئله حسن ) . بك مختلف جهتلردن تعلق اولدوغى آكلا شيليور . بناء عليه جمله سنك دخی - خصوصى بر نقطه نظر دن - قيمت و اهميتى آشكاردر .

اولا، ماهيت حسن نه اولورسه اولسون ، يعنى كوزلك عالم خارجى ده و حد ذاتنده ناصل شى اولورسه اولسون، اوبخى بر طرفه براقوبده، يالكنز تماشاى حسنك بزده ايقاع اينديكى تأثير مخصوصى تدقيق ايدنلر، پسيقولوژى

ساحه سنه کیرمش اولویورلر ؛ چونکه طویغولرمزی تتبع و تحلیل ایدن علم اودر . وفي الحقیقه بحیثی بوزمین اوزره یوروتماک ال طوغرو یولی تعقیب ایتمکدر . نته کیم پک چوق فیلسوفلر خصوصاً اسلافدن برخیلی سی بونقطه نظردن تدقیقاته کیریشمش و بعضی حقیقتلر بیان ایتمشلردرکه بوکون عموماً مسلمدر .

مثلاً کوزلاک حقیقه کی فکر و حسمنز ( اضافی relatif ) در . زیرا اونی ادراک و تقدیر ایدن بزه انسانلر !.. صوکره طرز ادراک ( آتی و تحدیسی = immédiat et intuitif ) کورونویور . برشینک ، فرضا بر انسانک کوزل اولدوغنی آکلامق ایچون عقلک وساطت و معاونتی لازم دکل ، کورمک و بوتماشادن برذوق حاصل ایتمک کافی در . کوزل شیر حضورنده بردنبه طویدوغمز او ( جذبه فسونکار ravissement charmant ) ، ذوق بدیی دیدیکمز حالت مخصوصه درکه اونک تنوعات تأثیری ، کوزللکری انواعنه کوره تقسیم ایچون اک صاغلام بر معیاردر . ایشته بونکله ( مقولات حسن les catégories de la beauté ) ی تمین ایده بیله جکمز . باشقه یول یوقدر ؛ اولسه سیله طوغرو دکدر .

شونقطه نظری التزام ایدوب بویله جه دوشونلره کوره ( بدیمیات ) ، پسقولوجی دائره سنده بر شعبه مخصوصه دن عبارت قالیر . چونکه حادثات روحیه ده یالکمز ( هیجانلر les émotions ) ی و بونلر میاننده منحصرأ ( هیجان بدیی ) بی تتبع ایدر . ( esthétique کله سنده تفصیلاته باقیکنز ! ) شوققدرجه کوزلاک ، حواس ظاهره و بالخاصه باصره و سامه ، واسطه سیله تلقی اولونان ( تأثرات impressions ) ک بزم روحزده ایقاع ایتدیکی بر نوع هیجان اولق حیثیتله ( انفسی subjectif ) در ؛ تأثیری ده آتی در . دکلز . او بر طویغودر ، بر حس درکه اوکا بردنبه شعور حاصل ایده رز ؛ و او طویغونک خصوصیتنه نظراً نوع حسنی تقدیر ایدر .

دیمک اولوبورکه حضور یله روحزده در حال بویله بر هیجان حصوله سبب محض اولان شیئه ( کوزل ) دیبورز .

بورایه قدر ( فلسفه انفسیه philosophie subjective ) نك سیاق  
نظری طوغرودر .

مع مافیه کوزمرك اوکنده مستقلاً طوران والبت بزدن آیری غیری  
اولان کوزل برشیده - همه حال - بعضی اوصاف و کیفیات ممتازه بولونمالی درکه  
اونلرک محصله تأثیری، روحزده اویله برهیجان بدیی اویاندیریور واونندن ده  
بزجه بر ذوق لطیف و مستثنا حاصل اولویور . کوزل شیرده موجودیتنه  
ایناندیغمز اوکیفیات - حدزاتنده - نه درکه روحزده بویله بر هیجان  
ایقاع ایده بیلور ؟ ..

بوسؤال، بزی - بوسفر - ( آفاقی objectif ) بر ساحة تنبعه دعوت  
ایدیور . چونکه بزده حاصل اولان حسیاتی وحالات روحیه یی صورمیور،  
اونک سببنی صورویور . اوده عالم خارجی ده متمکن و متعین کوردوکر  
کوزل شیرده وجودی فرض اولونان اوصاف ممتازه اولقی کرکدر .  
شبهه یوق که اونلر بزده دکل، بزی - برغریب فسون ایله - مفتون  
ایدن شیرده در .

مسئله یی بونقطه نظرندن تلقی ایدوبده - سوز سویله یین فیلسوفلرک اک  
طوغرو ملاحظاتی خلاصه شو ایکی کلمه مندرجدر :

[ تناسب و آهنگ ! proportion et harmonie ]

شبهه یوق شو ایکی کلمه حقیقت حسنک - هیچ اولمازسه - علامات  
ظاهره سندن باشلیجه لری مضمون بولونویور .

امینر که حضورندن ذوق آلدیغمز شیرده بعضی (تغییرات altérations)  
وقوعی کوزللکی ازاله ایدیور . چونکه بوتبدلاتی کوزمزله کوده بیلور.  
مثلا : اک کوزل بر آدمک بورنی قیریلوب چوکسه قناحانده چیرکین اولویور.  
برخسته لق سببیه بوتغیراته دوچار اولدوغی حس اولونسه یالکر چیرکین  
اولقله قالمیور، ( ایکنج dégoûtant ) اولویور !! .

هرکسک بوخصوصده کی تجربه سی اوقدر مؤید و عمومی درکه مثال ایله  
فضله ایضاحات ویرمه کیله حاجت یوقدر . انسانه عارض اولان، اختیارلق،  
خسته لق، سقطلق، هپ چیرکینلکی موجب اولان اسابدن دکلی در ؟ . .

دوشونولورسه بونلر دخی وجود بشرک تناسب و آهنکنی بوزان برطاقم عوارض و تغیراته منجر اولیورمی؟.. اولماسه یدی، اولجه پک کوزل بولدوغیز برچهره یی - مفلوج اولوب - آغزی چاریلدقدن صوکرده ینه اسکیمی کیمی پک کوزل بوله بیلمکلکمز لازم کلیردی. حالبوکه نه قدر جبر نفس ایتسه که بوکا امکان یوقدر .

هم بوملاحظاتم یالکز ذوی الحیاته مخصوص ، یاخود ( محاسن طبیعت les beautés de la nature ) منحصر دکدر .. بو اوایله بر ( دستور عمومی formule universelle ) درکه اونک حکمی ( آثار صنعت les œuvres d'art ) ی دخی شاملدر :

آلیکزه برچکیچ ایله بر سئکتراش آلیکز : ( آپولون Apollon ) هیکلنک بورنی براز یونته رق ، شکل اصلینسی تعدیل ایدیکز . ( ژوبی تر Jupiter ) ک اوعلوی ناصیه سنی تغیر ایدوب صاقالنی حذف ایدیکز . صوکره ( ونوس Vénus ) ک چکسه - ایسته دیککز قدرظریف - بر صاقال علاوه ایدیکز ؛ باقیکز نه چیرکین ، حتی نه مسخره شیر وجوده کلیر! کذلک بر فیرجه آلیکز ؛ اک کوزل بر طابلونک یالکز رنگرینی تغیر ایدیکز ؛ فرضا ده کزلری دوز سیاه ، آغاچلری قاناریه صاریسی ، سما ی قهوه رنگی ایله تلوین ایدیکز!.. ( مناظر perspective ) ی بوزمادیغکز حالده طابلو اوقدر معناسز بر تمثال ضلالت اولورکه چیرکینلک اوندن اهنوند. چونکه چیرکینلک - هیچ اولمازسه - کندنجی بر معناسی ، همد ( بارز saillant ) بر معناسی واردر .

یاخوده سلیمانه جامعنک عالی قبه سنه استاداکاه اولان دیرکترله قطاع کره لردن بر ( طاقم groupe ) نی، ذهناً طی ایدیکز ! .. اکرا اومتاظر ستونلرک ، اوکوچوچوک ( یاریم-قبه ) لرک - کرک حکمت معماریه ، کرکه لازمه صنعت اولان آهنگ اعتباریله - معناسی آکلیورسه کز ، بواکسیکلکدن روحکز پک فنا صیقيله جقدر . چونکه احوال ایله نقلت اجسام و ( توازن قوا équilibre des forces ) احتمالی عقلکز قبول ایده میه جک و او آهنکسر لکده وجدانکز ذوق دکل ، آنجق عذاب بکزر برضجرت طویه جقدر .



دیمك كه تناسب وآهنك، كوزلك دیديكمز حیثیت مرغوبه نك باشلیجه  
 ( ارکان اصلیه éléments essentiels ) سی در واویله اولمق لازم کیلور.  
 موسیقی ده ورقصده اصول بوزوقانی، و ( فالصو نوطه ) ؛ شعرده  
 وزن وقافیه خطاسی ؛ تکلمده لکنت، تنافر کلمات ؛ رسمده شکل یعنی  
 ( خطوط lignes ) و ( مناظر perspective ) یا ککشلقلری ؛ ( نقش  
 peinture = یاغلی بویا ) ده رنگ اوینونسزلنی ؛ ( معماری architecture ) ده  
 دیرکلرک قبهیه ، قابونک باجایه موافق دوشمه مهسی ؛ انسانک وجودنده  
 چارپوقلق چهره سنده آقیبلیق ، کوزلرنده شاشیاق ، ودها بویکی  
 چیرکینلکلرک جمله سی - لایقوله تدقیق اولونونجه - ( تناسب وآهنک قصوری  
 défaut de proportion et d'harmonie ) ندن عبارت قالمیورمی ؟ ..  
 البته !.. چونکه کیفیتنی تحقیق ایدنجه باشقه برسب کشف ایده میورز ! ..  
 بو حقیقتی، بلکه هرکسدن اول، وبوندن تقریباً ایکی بیک بشیوز سنه  
 مقدم ، مشهور حکیم یونانی ( فیثاغور = Pythagores ) قطعاً بیان  
 ایتمش وموسیقی ده معلوم اولان کشف مهمی ایلده اصابت رأینی پک اعلا  
 اثبات ایلده مشدی . حتی علمای معاصریندن برچوق مدققین ، صراحتماً  
 کوستردیلرکه مختلف رنگلر بیله معین برزمانده ، مثلاً بر ثانیه ده ، محدود  
 ومعین ( اهتزازات اثیرییه = vibrations éthérées ) دن باشقه برشی  
 دکلدولر . بناءً علیه رنگ فرقی اهتزازات فرقدن عبارتدر . اهتزازات  
 اثیرییه نك، بزجه قابل تلقی اولان هر درجه سی ، کوزمزرده کندنه خاص  
 برتأثیر اجرا ایدیور؟ بزاونی بررنگ مخصوص اولمق اوزره ادراک ایدیورز.  
 ( صدا ) دخی بویله ! ...

بویله اولونونجه ( اصواتده تنافر cacophonie ) ، ( الوانده مابیت  
 incompatibilité des couleurs ) واشکالده بیچیمسزلک ، هپ عینی  
 قانون تناسبک حکمنه تابع بولونویور دیمکدر .  
 آرتق، یوقاربیلده کوزدن یکیردیکمز نظریات مختلفه میاننده ( کثرته  
 وحدت ) ، ( تخلفده اطراد ) ، ( اجزائک کلّه نسبتنده توازن تام ) ،  
 ( ترتیب وانتظام ) هپ اوکیفیت اساسیه طایانیر؛ چونکه - تحقیق وتجلی -

حسن ایچون بر شیده لزوم موجودیتی ادعا اولونان - اوشر طرک هیچ بریسی، (تناسب) اولمادقجه اوله ماز.

اوحالده طوغرو بر حکم ویره بیلیمک ایچون شونتیهجه پیوسته اوله جغمز طبیعی وحق ضروریدر :

جلوه حسنک تأثیریه بزده حاصل اولان ( ذوق و محظوظیت plaisir et satisfaction ) ، وجدانمزده متولد برنوع حسّیات قیلندن اولمق اعتباریه بر حادثه معنویه در . بناء علیه ( منحصر اافسی exclusivement subjectif ) بر ( حالت وجدانیه état de conscience ) در . فقط بزده بویه بر ذوق بخش ایده بیلن شیرک، کندیلرنده دخی - همه حال - بر کیفیت ممتازه و جسمانیه وارددر؛ اوده ( تناسب ) در . اویله ایسه کوزللكك تأثیری بزده بر حادثه اافسیه اولمقله برابر، علامتی خارجه ( افاقی objectif ) بر کیفیتدر ؛ یعنی کوزل اولان شینک کندیسنده موجوددر .

ده به بیه جکزر ! . . .

بو حکم اساساً هیچ یا کلش اولماقله برابر، بر آرز ( سطحی superficial ) وهله غیر کافی در . چونکه، کیفیت حسنک - تعبیر ممکنسه - آنحق ( شرط ریاضی condition mathématique ) وهندسی سنی ابراز و تعین ایده بیلورکه او - فی الحقیقه - تناسب در . مع مافیه هیجان بدیی نك بوتون تنوعاتی، بناء علیه کوزللكك بالجمله تجلیاتی یالکزر، اوتعریف ایده مز .

بن، خرابه لرده ده فسونکار بر حسن بژمرده کورورم . یوکسک قارلی طساغلرده وقور بر علویت حس ایده رم . فورطنه لی ده کیزلرده ، مدهش یالچین قایلردن دو کولوب کوپورن چیلغین چاغلایانلرده ، یابانی دیکنلرایچنده صاقلی بر قوش یوواسنده، اوزاقلردن خیال میال سچیلن بر کوی قولوبه سنک وضع مستریچنده، آغلایشده، گولوشده، حاصلی دها بوکی بر جوق شیرلرده و بر جوق مناظر طبیعیه در بر حالت مخصوصه کورورم که وجدانی - بمضاً لطیف، بمضاده مدهش و یاخود غمکین - بر هیجان بدیی ایله ذوقیاب ایدر . مع مافیه نم هیجانمه سبب اولان او مناظرک جمله سنی تناسب و آهنگ نظریه سیله تعریف ایتک ممکن دکلدر . بر عماتک مدهش فورطنه سنده ، بر

چیلغین شلاله‌نک آقیشنده، آهنگ وانتظامی بوزولش بر خرابه‌نک وضع شکسته‌سند. تناسب دکل تناسبیرلک، نظامسزلق وارد. اگر بکا هیجان بدیی ویرن شیء حقیقتاً بونظامسزلق ایسه، موجب ذوق اولان کیفیت یالکیز تناسب دکل ایمش دیمک جیقار.

مسئله‌یی، بوقطه نظر دین تنقید ایده‌رک یکیدن تدقیقاته کیریشیرسه‌ک کورورزکه (هیجان بدیی) دیدیکمز حالت روحیه‌نک اسباب موجب سی پک‌چوق ویک (معضل complexe) در، یعنی گرفت و قاریشیق در. هم‌بونلرک بر قسمی افاقی اولمقله برابر، بر قسم کلیسی ده‌انفسی در. عینی منظره‌دن هرکسک عینی درجه و عینی صورتده ذوق آله‌مامسنه سبب، هیجان بدیی‌یی موجب اولان اسباب میاتنده عوامل انفسیه‌نک، عوامل آفاقیه - آرزوق - غلبه‌تأثیریدر. بر طاع اُتکنده فقیر و مستریح طوران بر قولوبه‌نک منظره‌سی کندیی صاحبندن زیاده، مدنی بر آدمه هیجان بدیی ویریر و بناءً علیه کوزل کورونور. چونکه مدنی‌نک غایت فعال، مشقتلی و اندیشه‌ کار و ضررله براز مسموم اولان یورغون حیاتی - بالطبع و بالضروره - کدر آلود بر ذوق الهام ایده‌بیلیر؛ بوزوق مخموری اولانلر، برکوی قولوبه‌سنگ وضعنده بر معنای حیات کورورلرکه قناعتکاره فقط آسوده و مستریحدر.

معیشت مدنیه‌نک اعصابه ویردییی کرکینلک، وجوده یوکلندیکی یورغونلق - سکون و استراحت جسمانیه ایله حضور معنوی و فراغ خاطر ایچون - او یله بر احتیاج واشتیاق تولید ایدر و بوندن طولانی انسان مدنی - ادحالی تمثیل ایدن - قولوبه منظره‌سی قارشیسندن او یله بر ذوق بدیی طویارکه کویلی اوندن کلیاً بی‌خبردر.

یالکیز یا کلشلق شوراده‌درکه بز، قولوبه‌یی کورور کورمز اودوق حس ابتدیکمز ایچون، اوفقیرخانه‌یه برنوع کوزلک اسناد ایده‌رز. حالبوکه اصل کوزلک استراحت وجود و فراغ خاطر کی بر احتیاج طبیعی‌نک تشفی‌سنه عائد اولان فکر و ملاحظه‌مزده یعنی خلیامزده‌در. قولوبه او یله بر استراحت احتمالی برآنده اخطار (۱۴) ابتدیکی ایچون، اودوشونجیلری جالقالیور ودها (مشعور conscient) بر شکله‌ده، صحنه ذهنیه‌مز ابراز

ایدیور. بناءً عليه قولوبه، ذهنك بومشغله لطیفه‌سنة آنجق واسطه و ( وسیله  
prétexte ) اولمش اولویور . بورغون و کرکین ذهن ایچون اسباب استراحت  
دوشونجه‌سند - بالذات لطیف و آسوده - برذوق اولدوغی حالده، بزاونی  
قولوبه‌نك شکل و وضعنه و تماماً کنديسنة عطف ایدیورز .

وسيله‌ی سبب عد ایتك خطاسی ، - ذاتاً - اك چوق یابدیغمز  
یا کلاشقلردندر . [ cause کله‌سنة باقیکنز ! ]

فقط هر نه اولورسه اولسون، ( تناسب ) کیفیتك بوتورلو ذوقده قطعاً  
دخی اولمادینی محقق در. کیسه ادعا یده مزکه برکوبلی قولوبه‌سی، استانبولك  
بویوك اوتلرینه - تناسب اعتباریه - فائق و راجح اوله بیلسین !.. حالوکه  
اوتلر بکا عینی ذوق ویره میور ! اوراده کی کوروتلولو، تشریفاتی و جعلی  
یاشایش بویه برذوقه مانع در .

کذلک خرابه‌لر منظره‌سی ، بکا بوسبوتون باشقه تورلو بر تأثیر اجرا  
ایدیورکه - کندی تجربه‌مه و نفسنده تحقیق‌آمه کوره - بوتون بوتون باشقه  
بر طاقم سیلره عطف اولونقی ایجاب ایدر .

اولا امینم که، او خرابه‌لرک - مدنیت ماضیه‌یه ایچین ایچین آغلایان و صموت  
بر لسان حال ایله توکنمز بر داستان شرف اوقویان - محنته ماتمنوننده بنم  
طویدوغم هیجانی، او ویرانه‌لرده هرکون کچی اوتلادان چوبان طویه‌ماز !..  
حتی بنم عینی خرابه قارشینسند بوندن بکرمی‌سنة اول طویدوغم ذوق  
ایله بوکونکی هیجانم آره‌سند یالکنز کیناً دکل کیفیتاً دخی پک بویوك بر  
فرق وار: معلومات تاریخیه و مدنیتم آرتدجه، نظر مده خرابه‌لرک کوزلکی‌ده  
آرتیور . فقط بوکون آرتق پک ای بیلیورم که اصل کوزلک و بناءً علیه  
سبب ذوق، بالذات خرابه‌لرک منظره‌سند دکل، حتی بنم معلومات تاریخیه‌مده، ده  
دکل، او معلومات طولایسیله فعالیتیه کیرن بوتون قوای ذهنیه‌مک، هله بالخاصه  
( حافظه la mémoire ) و ( تخیله l'imagination ) مک - طی زمان  
و مکان ایدرک - روحی، ماضیله طوغرو کز دیرمه‌سند در ؛ عادتاً بر رؤیا  
عالمند سیاحت ایتدیرمه‌سند در. بونشته تخیله بر غریب ذوق حس اولونور که  
بالذات تجربه ایتمه‌مش اولانلره آکلاتمق محال در . بو ذوقده دخی تناسبک

قطماً دخلی اولمادینی شبه کورتورمز، چونکه خرابه لرده تناسب اولسه یدی و آنجق اوندن کوکم ذوق آلسه یدی، یانغین یرندن ده عینی صورتله نشئه یاب اولمقلم لازم کلیردی. حالبوکه او یله برمنظره حضورنده - یأس ایله قاریشیق - رنوع نفرت و الم - مرحمت حس ایتدیکمی پک ابی آکلوردم.

خرابه لرك چهره سی بكا عادتاً - چوجوقاغنده شوق ایله ديكه ديكم - ماصالرك تأثیرینه مشابه برفسون ذوق احساس ایدیور! ایکیسده (رومانتیک Romantique) یعنی (فسانه وی) بر ماهیتده در . بو ایکی نوع ذوقده اساساً قرابت مضویه حس ایدیورم ! . .

كذلك، مدھش بر صورتله چالقانان انكین ده کیزلرده نه تناسب اوله بیلیر؟ مجادله عناصر یوزندن وقوعه کلن اوهنکامه قیامت، - بالعکس - هرشیدن زیاده زیانکار بر اختلالی آکدریر . اومنظرده تناسب دکل ( قدرت puissance ) وار ؛ چیلغین برشلاله نك حالی ده بوکا بکزر ! . .

چالیلقر ایجنده کیزلی بر قوش یوواسی کشف ایدیور دیکم زمان طویدوغم ذوقک ماهیتی، هله اوقدرمهم وقاریشیق برشیدرکه، اونی لایقوله تحلیل ایدوب آکلایه میورم بیله ! . . یالکز شوقدر بیلورم که خرابه لردن، فورطنه لی ده کیزلردن، یوکسک طاغلردن، مهتابدن، مکوکب برسمادن آلدیغم ذوقه بکزمه میور .

مشهور فیلسوفلرك بومسئله حقنده بیان ایتمش اولدوغی افکار ونظریاتی - کمال جدیدتله - تنبع وتدکر ایتدکدن صوکره ، کندی وجدانی ده اینجه دن اینجه استتقاق ایدوب آلدیغم شومعلومات طوغروایسه ( کوزللك ) برتورلو اولماق لازم کلیر . مادام که ( مادی و آفاقی ) ، ( معنوی و انفسی ) بر جوق اسباب وعوامل، اوهیجان بدیی بی وجدانمزده ایقاع ایده بیلور، ومادام که برشینك کوزللكنه حکم ایتك ایچون عقلمزی تأثیرینه رام ایدن حالت، هیجان بدیی دیدیکمز نشئه روحانیه ایش، اوحالده ایکی مهم حقیقت تجلی ایدیور که اونلر - اعتقادجه - بدیمیاتك ایکی دستور اساسی، ایکی بویوک قانونی اولق کرکدر . برنجیسنی شو صورتله افاده ایده بیلیرم .

[ کوزللك بر تورلو دکلدر ؛ اونك انواع مختلفه سی واردر . بونلرك

جمله بی‌دخی بزده - نوعه کوره - برهیجان بدیی ایقاع ایدر. بوهیجانك  
اسباب خارجه ومادیه سی باشقه شیلردر . ]

ایشته، بنجه، ( شینیت حسن قانونی la loi de l'objectivité de la beauté ) بودر، وکوزللك یالکراسباب وعلائم خارجه سنه تعلق ایده بیلیر.  
ایکنجیسی شو شکله عرض ایده بیلیرم :

[ کوزللك معیار تحققی هیجان بدیی در . بو هیجان بزم روحزده  
حاصل اولور ؛ واقعا او طویفونك بعضی اسباب خارجه سی واردر . فقط  
عوامل معنویه سی دها جوق ودها قوتلیدر . کوزل برشی حضورنده حاصل  
ایتدیکمز ذوق، اوایی نوع سلسله اسباب وعواملک محصله تأثیریدر. بناء علیه  
اصل کوزل اولان شی بزم او آنده کی طویفومزدر . اوقه درجه کیفیت  
حسن، حد ذاتنده ( انفسی ) بر شیدر . عادتاً بر ( حالت روحیه ) در .  
فقط، بز - همان دایما - کندی بئلکمزی خارجه عکس ایتدیردیکمز  
ایچون. حسیاتمک اوصاف خصوصیه سی، - اوحسیاتی تولید ایدن - اسباب  
خارجیه عطم ایدیورز. اوندن طولانی درکه وجدانزده، کوزل ویا علوی،  
ویا خود نازک ورقیق برهیجان ایقاع ایدن بر منظره علوی، کوزل، نازک  
فلان دیورز . حالبوکه بوتون بواوصاف بزم ( اطوار روحیه modalités  
psychiques ) مزک صفترلنددر . وجدان اولماسه بدی، عالم خارجه  
کوزل، علوی یا خودچیرکین، ایکنجی برشی اولمازدی . بونلر هب بزم کندی  
حالات روحیه مزه، حسیاتمز ویردیکمز اسامی اوصافدر . ]

[ jugement d'exteriorité ] تعیرینه بالخاصه باقیکنز !

ایشته بوده ( انفسیت حسن قانونی la loi de la subjectivité de la beauté ) در .

نیم اعتقادجه، بو ایکی قانون ایله هر مسئله بدییی - دها معقول  
بر صورتده قاورایوب - حل ایده بیلیمک ایچون یول بوله بیلیرز .

برنجی قانون، کوزللك (علائم خارجه les signes extérieurs) سی  
تحقیق بولنده بزه دلالت ایده بیلدیکجه ( مقولات حسن les catégories  
de la beauté ) مسئله سنده بالخاصه اونک معاونته محتاجز؛ چونکه مختلف

کوزلکلر آرده سنده صفات کاشفه تعیین ایتک، مادی فرقلر بولقله اولور .  
ایکنجی قانونه اتباعاً حرکت ایدیله رسه، طویغورلر مرکز فرقه کوره مقولات،  
یعنی انواع حسن تقسیم ایدیله لی در .

( catégories کله سنه باقیکنز ! )

بوندن بر قاج صحیفه اول عرض ایتشدم که مشهور قانت، - توصیه  
ایتدیکم - بوایکی اصول خارجنده بریول انتخاب ایدوب تحلیلاته کیریشمشدر:  
( محاکمه judgement ) یی تنقید ایله انواع حسنی تحقیق و تعیین ایتشدر .  
بوفلسوفک ( و تیره تحلیل procédé d'analyse ) ی ( منطقی logique )  
( عقلی rationnel ) در ده یه بیلیرم. زیرا ( حسنیون les sensualistes ) کی:  
( کوزلکلرک، خارجده علامت جسمانیه سی نه در ؟ ... ) دیه برسوال  
وضع ایدوبده، اوکا جواب تدارکی ایچون تدقیقاته اثبات ایتیمور !..

( بوشی کوزلدر ! ... ) دیدیکم زمان، ویردیکم شو حکمه مدار  
استناد اولان نه در ؟ ... دیه دوشونویور، وغایت موش-کافاته تحلیلاته  
کیریشدکن صوکره مقولات حسنی تعیین ایدیور که بدیعانده اک بویوک  
کشفیاتدن بری بودر . واقعا قانت ایلك خطوه ملاحظاتیله کیردکی ساحه  
منطقیه ده جوق مدت طورمیور؛ چونکه ذوق بدیی مسئله سنی نوریور  
جویررکن حساب بشریه نك تجلیات مختلفه سنی یکدیگرندن تفریق ایدیور؛  
بوتدقیقات، آنحق بسیقولوزی دائره سنده اجرا ایدیله یلیر . نته کیم ( هاملتن  
sir W. Hamilton )، ( سپنسر Spencer ) و ( بهین Alex. Bain )،  
( سالی Sully ) و بلکه بوتون فلاسفه معاصرین، آرتق بواصولی قطعاً  
ترجیح ایتشدر و مسائل بدیهیه نك ( مسائل روحیه psycho-questions )  
( logiques ) اقسامندن اولدوغنی لایقوله آکلامشدر .

فقط شونی اونوتمامالی یز که قانتک بوتون اخلاقی و بدیعیون معاصرینک  
همان جمله سی او بویوک آلمان فیلسوفک افکار بدیهیه سی تفسیر واکمال ایتکله  
اوغراشمشدرولکن فلسفه صنعتده اونک آجش اولدوغنی جغیر خارجنه بوسوتون  
چیقه مامشدر . بوکون ( کوزل )، ( علوی )، ( شیرین ) کیب شیلری  
قانتک تعریف ایتدیک و جهله بیلورز . واقعا معاصرین بو خصوصده

يك جدی تدقیقاته کیریشمشلر ونظریات بدیعیه یی خلیجه اصلاح ایتمشلردر .  
فقط بوتون بو اصلاحات فانتک چیزمش اولدوغی دأثره داخلنده اجرا  
ایدیله بیلمشدر .

یالکز ( سپنسر Spencer ) و ( داروین Darwin ) ك همات  
مستقله سیله تأسس وعالم عرفانی استیلایدن ( تكامل فلسفه سی la philosophie  
évolutionniste ) نك بدیعیات بحثنده خصوصی بر ( سیاق نظر manière  
de voir ) ی واردرد؛ وسپنسرء بالخاصه ( لطافت grâce ) کیفیتك ماهیت  
حقیقه سی تعیین و تعریف ایتكله مهم بر كشف اجرا سنه موفق اولمشدر .  
[ بوتون بونظریات esthétique كله سنده بسط ومناقشه اولونمشدر .

باقیكز ! ]

شیمدی نتیجه ویره لم :

( كوزل ) ، حد ذاتنده متناسب اولان برشی دركه اونك شكلی ومنظره سی  
مشاهده ایتك ( عاقله entendement ) و ( مخیله imagination ) مزى  
بر آئنده وتمامیله اشغال ایدر . بومشغله ذهنیه ، بر مانعیه تصادف ایتهدیكى  
ایچون كدر سزه تام، ساكن ولطیف بر ذوق مخصوص ایقاع ایلر كه سائر  
هیجانلردن باشلیجه فرقی بودر . دیمك كه حسنك الهام ایتدیكى ذوق كامل،  
بوتون قوای ذهنیه نك - هب بردن - آهنگ فعالیتی اثری در .

كوزللكده بزم منفعت حیاتیه مزله علاقه دار هیچ برغایه یوقدر . كوزل  
برشیدك غایه سی، كندنده، كندی كالئده وآهنكندنده در . بوندن طولانی دركه  
حسن، ( objectif ) یعنی شیدك كندی ذاته عائد بر صفتدر دیه ادا  
ایدلمشدر . بوصف بر آئنده وآنجق حس ایله ادراك اولونه بیلیر . بناء علیه  
كوزلك اشیا نك شكل وقیافتنده در ، سطحه عائدرد ؛ برشیدك جوهریت  
مادیه سیله علاقه دارد كلدرد . عینی مر مردن یاییلان برهیکلك كوزل، دیکرینكده  
چیرکین اوله بیلیمسی کیی ! .

انسان كوزللكنده تناسب وآهنگ اعضادن ماعدا بعضی شرطلك تحقیقده



لازمدر : رنگ کوزللكی ايله كال بو شرائطك ك مهملىرى تشكيل ايدر .  
 ارستونك - وقتيله - سويله مش اولدوغى كيى، برآدم كال تناسب ولطافت  
 رنگ و ( آهنگ خطوط harmonie des lignes ) ايله برابر، قطعه جه ،  
 وجودجه، حد معروفندن بك كوچوك ايسه كوزل صاييلماز . ( جوجه )  
 برآدم نه قدر متناسب الوجود اولورسه اولسون، كوزل اوله ماز. چوجوقلر  
 - بوسيله - آنجق ( joli ) درلر، يعنى ميني ميني كوزلدرلر، چونكه هنوز  
 سن كاله واصل اوله مامشدر . بناءً عليه بديعى معناسيله ( كوزل beau )  
 دكلدرلر . اوياكى تعبيرك آره سنده كى فرق اساسى بودر .

معافيه حسنك انواعى و انواعه كوره مختلف شرائطى وارد كه تورلو  
 تورلو تركيبات وجوده كتيره بيلرلر .

{ بونك ايجون goût, émotion, sublime, catégories, esthétique }

تعبيرلرينه بايقكز، بومسائل اورالرده اطرافيله مناقشه ايدلمشدر . [

صنایع نفیس . Beaux arts . فرانسزجه

Fine arts انكليزجه

( art ) كلهسه دائر تفصيلات و يرلدیكى صبرده صنعتك - ( غايه but )  
 اعتباريله - ايكي بويوك شعبه يه تقسيم ايدلدیكى كوسترلمش و بونك سببيده  
 ايضاح اولونمشدى . ( غايه منفعت but utilitaire ) كوزه ديله رك وجوده  
 كتيرلمش اولان معمولات صنايعه ايله آنجق ذوق اوقشايان - ويا لكز  
 كوزل برشى اولسون ديه اعمال ايديلن - آثار آره سنده كى فرق اصلى بو  
 تقسيمده اساس انحاذ اولونمشدى . ( art كلهسه بايقكز ! )

ايشته انسانه طوغرودن طوغرويه برقائده سى طوقونمايان وادامه حيات  
 ايجون الزم اولان شيرله هيچ روجهله علاقه دار بولونمايان مصنوعات بشريه يه  
 ( آثار نفيسه ) ده بيلر . او كيبى اثرلره وجود و يرن صنايع مختلفه دخی  
 ( صنايع نفيسه ) ناميله قطعياً ( صنايع مفيده ) دن تميز ايديلر .

بوراده موضوع بحث ايده جك اولدوغنز جنس صنعت، بوايكنجى صنفي

تشکیل ایدن قسمدر ، وباشایجه شو انواع مشهوره یی شاملدر : رسم ، هیکل تراشاق ، معماری ، موسیقی وشعر . لکن ( la danse ) ی دخی بوزمره یه ادخال ایدنلر چوقدر .

مع مافیه بونلر ، صنایع نفیسه نك شعبات اساسیه سی در . ترقیات بشریه وتكامل مدنیت سایه - ننده اونلرك هریری ده برچوق صنفلره دها آیرلشدرد . مثلاً رسم ، اولا ( چیزکی ایله au trait ) باشلادینی حالده یاواش یاواش ( آبدین - کولکه clair-obscur ) تقلید ایدیه بیلمش ، یعنی برشینك آیدینلق وبارز کورولن جهنلریله ، کولکه ده قالان اقسامی رسم اولونمق صورتیه ، هنر ده موفقیت فازانیله بیلمش و بوندن ( قره قلم au crayon, au fusin ) طرزی وجوده کلهرك باشی باشنه تکمل ایتش در ؛ صوکره ، ( یاغلی بویا peinture ) ، ( صولی بویا aquarelle ) دخی آیریجه برطرز اولمش ؛ و ( منظر paysage ) ، ( تصویر portrait ) ، ( فره سقو fresque ) کیچی مختلف اجناسه ( تفرق différencier ) ایتش .

کذلک ( ادبیات la littérature ) دخی بر بویوک شعبه صنعتدر ؛ فقط مدنیتك ترقیبی ایله ( شعر la poésie ) ، ( نثر la prose ) دن تمایله آیراش . صوکره ( شعر ربانی poésie lyrique ) ، ( موعظه poésie didactique ) دن یعنی ( شعر تعالیمی ) دن ، ( شعر تصویری poésie descriptive ) و ( هجویه satire ) دن تمایز ایتش . ( داستان épopée ) ، ( قصیده ode ) ودها برچوق انواع شعر تعین ایله مش . نژدده ( حکایه roman ) ، ( کوچوک حکایه conte ) و بونلرك تنوعایله برابر ، آیریجه بر ( محنه ادبیاتی littérature scénique ) پیدا اوله رق ( مضحکه comédie ) ، ( درام drame ) ، ( هاله tragédie ) ، ( اوپرا ) ، ( اوپره رت ) ، ( وودویل ) کیچی اشکال مختلفه بلیرمشدرد .

احتمالکه - نعمات طیوری تقلیداً - ایصلق اوتدورمکدن ویاخود میرلاندن طوغان موسیقیك اك طبعی وابتدائی شکلی بلکه ( نیننی ) ایشدر . فقط هر حالده بوقابلیت تعمیم ایدوبده بر هنر اولق حیثیتی احراز ایدنجه ، ( قدسی sacrée ) ، - و ( عسکری militaire ) اولق اوزره

موسیقی ده الك اول ایکی مختلف ( اسلوب style ) تعین ابتدی ، و بونکه  
 — یکدیگرندن بوسبوتون باشقه — ایکی طرز پیدا اولدی؛ سوکره مدینتک  
 تکاملی ایله تنوعات وقوعه کله رک بر چوق طرز لر وجود بولدی . بوکون  
 بونلر تمامیه معین در . بر عسکری مارشنی، بر شرقی و یا بردعا والهی بسته سندن  
 فرق ایده مه مک ممکن دکدر . نته کیم ( musique dramatique ) ایله  
 ( musique lyrique ) یعنی ( محنه موسیقی سی ) ایله ( موسیقی ربانی ) نک  
 فرقلری پک واضحدر .

رقص ده بویه ! .. معماری ده بویه ! ... بر ( تربه ) ، بر ( معبد ) ،  
 بر ( سرای ) ، بر ( قشله ) ، بر ( تیاترو ) ، بر ( حمام ) و بر ( اوتل ) ،  
 یا خود ( ساناتوریم ) بناسنی یکدیگرندن فرق و تمیز ایده مه مک — مدنی بر  
 آدم ایچون — ممکن دکدر .

بونشوعاتک جمله سنی یکان یکان تبیع ایتک ایچون — بالطبع — بوراده  
 بر یوقدر . آتبحق شعبات اصلیه حقنده بعضی ملاحظات معتبره عرض ایتمکه  
 اکتفا ایده جکم .

صنایع نفیسه نک تاریخ نشأتی قطعی بر صورتده تعین ایتک ممکن دکدر .  
 حالبوکه پک لازمدر ؛ چونکه بوخصوصده معلوما تمیز نه قدر کسب صلاح  
 و قطعیت ایدر سه تاریخ مدینت حقنده ده اونستبله طوغرو بر فکر ایدینش  
 اولورز ؛ آرده غایت صیقی بر مناسبت واردر . یالکیز شوراسی محققدر که  
 ( تقایید imitation ) استعدادی ، انسانده بر قابلیت فطریه در و — اغلب  
 احتمالاته کوره — بو قابلیتدن طوغمش اولان صنعتک ( منشألر les origines ) ی  
 پک قدیمدر ؛ ده هنوز ( دوررابع période quaternaire ) مستحاثاتنده  
 نظر دقتمزی جلب ایدن فعالیت صنعتکارانه و نائق، پک ( رشیعی و ابتدائی  
 rudimentaire et primitive ) بعضی قابا صابا آتاردن عبارت اولقله  
 برابر ینه هر حالده شایان دقندر ؛ و صنایعک منشأی حقنده تبعات علمییه  
 و فلسفییه رهبر اوله بیله جک بر قیمت مخصوصه یی حائزدر . شعبات صنعتک  
 یکدیگرینه نسبتاً قدّم و حدوتنه دائرده بعضی فکر لر الهام ایده بیله جک  
 و نائق معتبره دن صاییلور . بوکی آثار و افکارک، تاریخ انسانیت و مبدأ

مدنیت نقطه نظرندن زیاده سیله اهمیت قازانماسنه باشلیجه سبب، بو مبحثده بر چوق مسائل غامضیه وجود ویرمش اولمالریدر . مدنیتک ناصل تولد ایتمش اولدوغنی، تاریخ صنعت، هرشیدن اینی سویله بیلیر .

واقما بوکونکی مرتبه صنعت ومدنیته نظراً بعضی مسئله لرده بر حکم قطعی ویره بیلیمک ایچون ( قبل التاریخی préhistorique ) تدقیقانه حاجت یوقدر ؛ مثلاً : هیچ شبهه ایدیه مرکز - بوکونکی حیثیت مناسبه - ( رومان le Roman ) ، داستاننه نسبتله البت یکی بر شیدر . حیات مدنییه وقوعاتنه بر نظر شامل ایله باقه بیلیمک ممکن اولمازسه، رومان یازیله ماز . حالبوکه داستان، انسانیتک ابتدای مدنیتده کچریدیکی ( قهرمانلق دوری l'âge héroïque ) نه عائد بر حکایتدر . ( اساطیر mythologie ) اوندن وحق تاریخندن بیله چوق اسکی در . وقوعات بشریه نک هنوز ضبط وربطنه امکان دوشونوله مادیکی زمانلرک ، ذهن انسانیتک هنوز تنقید ومحاکمه کرکی کیی مقتدر اوله مادیکی دورلرک مخصوصاتندن ومحوالاتندن در . بعضی وقوعات طبیعییه وحادثات حقیقیه نک ( ماصال mythe ) طرزنده تخطو وتخیل ایدیلوب خارق العاده بر صورتده مرض اولونمش بر صورت وهمیه سیدر . محقق درکه انسانیتک دور طفولایتندن بزه یادکار قالمشدر .

کذلک ، ( رسم dessin ) . نسبتله ( یاغلی بویا peinture ) یک یکی در ، دیمکده تردد ایتمه یز ! . . نته کیم ( خواننده لک musique vocale ) ، ( سازنده لک musique instrumentale ) دن البته چوق اسکی در . بونده ده تردد محل یوقدر . زیرا بدیهی درکه تورلو تورلو یاغلی بویالر ، کاغدلر ، فورچالر ، موشامبالر ودها بوکیی لوازم اساسیه اولمادجه بر طابلو وجوده کتیریه مز . لوازم مذکورده بی احضار ایده بیلیمک ایچون ده مدنیت وصناعتک خیلی دن خیلی ترقی ایتمش بولونماسی ضروریدر . نته کیم ( طاوول ) و ( دودوک ) احتمالک الک قدیم آثار موسیقیه مز دندر ؛ هله ( تللی وکیربشلی آلات instruments à corde ) دن چوق اسکی اولدقلرینه شبهه یوقدر . چونکه بر آغاچ دالندن بردودوک یا بمق یا خود ایچی قوف بر کوتوک ایکی طرفه اوکوزده ریسی کدرویده بر طاوول تدارک اید یویرمک ، البته بر ( فلائوطه

( flûte ) و یا خود ر ( کان violon ) اعمال ایتمکدن دها قولایندره و او قدر آرز صناع و معرفته مفتقر در که بوکون بیله کوبلرده عادی صیغیر تماچ چو جوقلری سوکود دالندن ( قوال ) یا بوپ ابی کوتو برشیلر چالیورلر . صنایع نفیسه نك شعبات اصلیه سنی یکدیگرینه قیاس ایدره ك تقدم مسئله سنی - برده اوصورتله - تدقیق و تذکره قوبولورسق رسمك قدیم اولدوغنی قبوله میا بولونورز . چونکه الكاسکی و ابتدائی مستحاثات مصنوعه ، میانده الك زیاده رسملر کوره بیلورز . مع مافیه بر باشقه نقطه نظر دن عینی مسئله یه با قیلنجه رقص ایله تغنی نك هر صنعت دن اول باشلامش اولدوغنه اینانق لازم کلور . خلاصه ، منشأ صنعت مسئله سی هنوز او قدر ظلمتده در که ذهن متفکر ، تحقیقاته کیریشنجه ، متناقض بر سورو فرضیات ایچنده بوغولوب قالور .

واقما او آثار قدیمه آره سنده نادرأ دود وکلرده کشف اولونه بیلور که اکثریا ( که بیک بوینوزی = bois de cerf ) ندن قارتال ودها بعضی حیوان کیکلر ندن پایلمش پک بسیط شیلدر . بو آلاتک پک چوغی برده سزدر . اوله ظن ایدیلور که بونلر بالخاصه موسیقی ادواتی اولمایوب ( بویوک شکار grande chasse ) ترتیباتی انساننده آو حیلری توجیه واداره ایچون ایجاد اولونمش بر دود وکلدر . اوندن طولایی اصطلاح علمده بونلره ( قوماندا دود وکی sifflet de commandement ) دهنیلور . اگر بو ظن طوغرو ایسه ، اونلر ، صنایع نفیسه یه دکل ، صنایع مفیده عائد وئاتق تارخیخه دن عد اولونق لازم کلیر .

هر حالده موسیقی نك منشأ لری دها زیاده مه مددر . چونکه الكاسکی والک وحشی اجداد مزك یایه بیلدیکی رسملری طوغرودن طوغرویه کوروب معاینه ایده بیلورز . حالبوکه ارمستحاثات قدیمه میانده آلات موسیقیه بکزر برشیلر کشف ایده بیلرسه ، ک آنحق او وئاتق دلالتی ایله موسیقی نك وجودینه بالواسطه وباستدلال - حکم ایده بیلورز . مثلاً : [ دود وکل وار ؛ بناء علیه دود وکل اوندیروب اوندن ذوق المقدومه وارمش .. دود وکلده یالکز بش دانه ده لیک وار ؛ دیمک که ( منسطر اصوات la gamme des sons ) ک آنحق بش برده سی بیلنورمش !! ] یوللو محاکمه لرله بر فکر تقریبی ایدنمکه مجبور

قالیورز . باشقهده چاره یوقدر ؛ چونکه انسان ابتدائی نك شاتنه نغمه لری  
وحزونانه نوحه لری الی التمش بیک سنه اولکی وحشت آبادك طاغلرنده  
طاشلرنده بر اثر بر اقامشدر . اوایگیلتی لری هان روز کار آلوب کوتور مشدر .  
نغمات ونوحات انسانیه یی بعضی تمایل و اشارات رسمیه ایله ضبط وقید  
ایدوب اخلافه تودیمآ یادکار براقق معرفتی ، یعنی (نوطه) دیدیکمز ( خط  
موسیقی ) نك کشنی بر ایکی عصر اولکی فتوحاتمزدن در . صنعتك مهد  
ظهورخی ظلمتلر آئنده کیزله ن، اومبهم ماضیلره نسبتله هان دونکی موفقیاتمزدن در .  
بوکونکی اقوام وحشییه نك حسیات و آلات موسیقیه لری ( قیاساً  
comparativement ) مطالع و تدقیق ایتك بو مسئله یی - آنجق بر  
درجه یه قدر - تنوره خدمت ایده بیلور .

( رقص ) ایچونده وضعیت فکریه مز هان عیناً بودر . ایلاک انسانلرك  
کیف ونشئه ایله ناصل صیجرا یوب ته یینمش اولدوغنی بزمه تمامیه کوستره جك  
اثار ووثائق ابتدائیه یوقدر . واقعا مصرده ومهد مدنیت اولان دهها  
برجوق مملکتلرده کشف ایدیلن معابد قدیمه نك دیوارلری ( مقدس رقصلر  
dances sacrées ) ی مصور برجوق نقشلر ورسملره مزین در . فقط  
بونلر بزم آرادیمز دور نشئنه نسبتله پك یکی بر زمانك، حتی ایلرله مش  
برمدنیتك آثارنددر .

بالتبع بورادهده قیاسی بعضی تقیباتك ویره بیله جکی معلوماتدن استعانه  
واستفاده ایتك چالیشیلور . لکن بو مسئله لری حل ایده بیلمك ایچون  
ایجابات غریزیه یی نظر دفته آلان ، حتی صنایع نفیسه یی ( غریزیات  
physiologie ) مبدألرینه باغلایان فیلسوفلرك ادعاسنه باقیلیرسه رقصك  
شعبات سائر دن اقدم اولدوغنه همه حال اینانمق لازم کله جکدر . محقق درکه  
انسانلرده - حتی حیوانات عالیدهده بیله - هیجانلرك انواعه کوره تأثیرات  
مختلفه می وارددر . بو تأثیرات عضلات وجودی وبالحاصله شمائل وجهیه یی  
قبض وبسط وتحریك وتمطیل ایتك صورتیه جلوه نمون اولور . هیمز  
بیلیرزکه چوجوقلر، پك بویوك برسرور حس ایدنجه، آتلا یوب صیجرامنه،  
الارینی بربرینه آهنگ ایله چار یوب اوینامغه باشلار وبوطرژ حرکته اظهار

شادمانی ایدر. حتی کدی، کوبك، طای وسائر حیوانات عالیله، نشئه‌لندیکی زمان، حوبلار و آتلار .

بر جوق معاصر فیلسوفر ادعا ایدیورلرکه رقص ایله موسیقی نك سبی و منشأی - بزده يك طیبی اولان - بو حال هیجان و بونوع تأثر در .

( تكامل فلسفه‌سی *la philosophie évolutioniste* ) نك بانی حقیقی سی اولان ( هربرت سپنسر *H. Spencer* ) اجتماعاتی ، غریزاتی اساسلرینه بناء تعریف ایتمك اصولی يك التزام ایندیکی ایچون، بوفرضیه‌یی مکمل بر صورتده بسط و مدافعه ایتمشدر. بدیمون مشهوره دن ( نوزده و درون *Eugène Véron* ) ودها يك جوق متأخرین قطعاً بوفکرده درلر .

ایشك طوغروسی بوايه ، شبه یوقدرکه ( رقص و تنفی *la danse et le chant* ) ، صنایع نفیسه نك جمله سندن اول باشلامشدر . چونکه طیبی و غریزی اولان بو حالك احتمال وقوعی مدینته و ترقیات صنایعیه قطعاً محتاج دکلدر . [ بومسئله نك اطرافله مناقشه‌سی ایچون *esthétique* ] کله‌سه مراجعت ایدیگز !

هیکل تراشلق حقنده ده مختلف فرضیه لر وجود بولمشدر . اولاً بونوع هنرک رسم قدر اسکی اولدوغه اینانلر وار . حتی بوتون انواع صنعتدن اول باشلامش بولوندوغنی ادعا ایدنلر وار . بوسبوتون عکسه فکر بیان ایدنلرده یوق دکل !

فی الحقیقه فرانسه واسویچرمنك ( قبل التاریخی مفارهلری *grottes préhistoriques* ) ایچنده کشف اولونان مستحانات میاننده بعضی اسلحه قبضه‌لری ده کورولویورکه اعمال ایدلمش بولوندقلری ( ماده ابتدائی *matière primaire* ) نك، مثلاً [ فیل دینی، گه‌یک بویونوزی، کیک ویا آفاج پارچه سنك ] شکل اصلی و طیبی‌سه کوره یونتولوب بر حیوان ییچیمه افراغ اولونمشدر . حتی بوسورتله یونتولوب پاییلان حیوان صورتنه - اوماده نك شکل اصلی‌سه مطابق - بر وضعیت غریبه ویرلمشدر . فرضاء دورابتدائی انسانلرندن بریسی‌رده بریومرو آفاج پارچه‌سی ویا خود برکیك پارچه‌سی بولش و اونك شکل طیبی‌سی - کندیسجه معلوم اولان - بر حیوانه ؛

مثلاً : [ یره سینمش اولدوغی حالده شکاری کوزله بن ] بر یابان کدیسنه بکزمه تمش؛ سوکره او آغاچ پارچه سنی براز یونته رق بر کدی شکله افراغ ایتمش و یاپدینی هیكله - بالضروره - ماده ابتدائیه نك الك زیاده مساعد اولدینی - او وضعیتی ویره ییلمشدر .

ایشته اصطلاحده ( sculpture en ronde bosse ) دیدکلری طرز هنر، ودرکه ( یومرو ) بر ماده نك شکل اصلی سنی کوزه توب ، اوته سنی بریسی براز یونته رق اوندن بر هیكلجك یایمقدر .

بونك پك اینی بر مثالی استانبولده کوره بیلیرز . بعضی شارلا طائلر محمودپاشا و چارشی ایچی جهتلرنده ( ییروح الصنم ) نامیله بر غریب آغاچ کوکی صاتارلرکه ادالرنجه کنجلك و دنجلك ایچون الك برنجی علاجدر . بوم انسان شکنده بر کولدر؛ حتی ارکی دیشی سی بللی در . بزم مملکت مزده یتیمه بن بونبات حقدنه جاهل خلقك هیچ برنوع فکر و معلوماتی اولمادی ایچون، اکثریت ناس، صحیحاً بویله انسان شکنده بر آغاچ کوکی اولورمش ظن ایدوب حیرت لر ایچنده قالبور . حالوکه ( Mandragora ) نامیله علما عندنده معروف اولان بوجنس نباتی نك کوکلری حد ذاتنده ، اویله انسان صورتنده دکلدر . فقط اویله بر شکله ودرکه آرزیق اوته سی بریسی چاق ایل یونته رق - اولدجه ییچیمسز - برانسان شکله افراغ ایدیله بیلیر . نته کیم شالاطانلقله طبابت طاسلایان ( کولجی ) لر ، بوجدری یونته رق، اوکا بر اعجوبه بشر شکلی ویردکدن سوکره تکرار طوپراغه کومرلر و برمدت سوکره یکیدن چیقاروب صاتارلر ؛ بر زمان طوپراق آلتنده بر اقلمش اولدوغی ایچون، یونتمش یرلری بللی اولمازده طیمی کورونور و حیرتی موجب اولور .

ایشته بوده ( sculpture en ronde bosse ) طرزینه بر مثالدر . بوکون صنایع مفیده معمولاتندن پك جوغنده کورد و کمز ترینات دخی بو قیلدندر . مثلاً شمسه و باستون صابی اولق اوزره قوللانیلان آغاچ دالترینک یومرو طرفلرینی - قابلیتیرینه کوره - یونته بر قوش و یا خود بر کوپك قفافی شکله قویق کبی ! . . . . .



صنایع نفیسه‌ك جهت تاریخچه‌سنة مراق صادریران بعضی مدققین ادما  
ایدیورلرکه هیکلتراشلق اصلاً بوصورتله باشلاشد .

انگلیز معاصرین بدیمونندن (جون قولیر John Collier)، (صنایع  
نفیسه‌ك مبادی "اولاسی First princ. of fine arts) نامیله معروف  
اولان کوچوك ومفید بر اثرنده بو ادعایی بك واضح ومختصر بر لسان ایله  
عرض ایدیور . خلاصه‌الحلاصه فکری شودر :

[ آغاچ کوکی، کبک پارچه‌سی والی آخره کبی بعضی اجزای ماده‌ك  
شکلاً حیواناته ویا انسان قفاسنه واعضاسنه بکزمه‌سی، بالتصادف هیکلتراشلق  
میلنه وجود ویرمش وبومشابهت اتفاقیه‌یی - برازهمتله - دهاییلری کوتورمك  
غیرتندن اوصنعت طوغمشدر؛ هم سائر صنایع نفیسه‌دن اول طوغمشدر .  
صوکره، یاییلان هیکللك شکلنی تعیین ایدن (کسکین چیزکیلر lignes  
incisées) ك عینی، دوز بر صفیحه اوزرینه فرضا بر (کورەك کیمی  
omoplate) اوزرینه چیزمك فکری، (رسم le dessin) صنعتك تولیدینه  
وسیله اولمشدر؛ یعنی رسم، بوجهله وبالوسیله هیکلتراشلق دن طوغمشدر .]  
بوذات دها بعضی بدیمون ایله برابر شو فرضیه‌یی قبولده تردد ایتیور  
وسوزینه دوام ایدوب دیورکه :

[ یونان هیکلتراشلقك اوبرکزیده آناری - که صنعتك دنیاده ایریشه بیلدیکی  
مرتبه کلاک نقطه قصواسنی تمیل ایدر - (پیره‌نه Pyrénées) طاغلرینك  
طبیعی مغاره‌لرنده بولونان، اوقابا صابا یونتولمش کوچوك کبک پارچه‌لرینك  
طوغردن طوغرییه احفادی می‌در ؟ .. ] یعنی اونلرك تکاملی ایله حاصل  
اولمش بر نمونه ظریفی می‌در ؟ .. دیمك ایستیور؛ وعاقبت :

[ بن بوسواله (ایجاباً affirmativement) جواب ویرمکده تردد  
ایتم . واقعا یونان صنعتنده کورولن مرتبه ترقی عظیمدر؛ فقط بوترقی‌ك  
امکان حصولی ایچون، البته اقلاً الی بیک سنه لازم کلشدر . ] دیور .  
فقط بوفرضیه‌یه معارض برباشقه فرضیه دها واردرکه طرفدارلری دها  
چوقدر . اوده، بالعکس، هیکلتراشلقك رسمدن طوغمش اولدوغنه دائر  
سرد اولونان مشهور برادعادر .

بودا عایه کوره اولا رسم ( چیز کی ایله au trait ) یابیلیمغه باشلاش و بونک ایچون چاقاق طاشندن معمول اوجی سیوری بر قلم استعمال ایدلمشدر . صوکره صوکره بصورتله یاپیلان رسمک ( چوره contour ) سی یعنی اطراف چیز کیلری کسکین بر آلتله کسیده رک رسم بالذات ابراز ایدلمش و بوندن ( خفیف قبارتمه bas-relief ) طرزی وجوده کلشدر . نته کیم بونک مثالی بوکون عوام ناسک هنر استعداد یسنده بیله کوره بیلورز . اکثر یا محبوسلرک چاقی ایله تحت اوزرینه یایدقلمی اویملر و قبارتمه رسملر بوقیلدند . صندالیه دوسیه لرینه یاپیلان تزیینات دخی عینی هنرک دها ظریف و دقتلی نمونه لرینی عرض ایدر . اولا دوز بر اودون پارچه سی اوزرینه بر چیچک و یا خود یاپراق رسمی یابیلیر ؛ صوکره چاقی ایله اطراف چیز کیلری یونتولوب او چیچکک تمایله بارز کورونمه سی ایچون بوتون جواری اوبولور . بو سایه ده ( خفیف قبارتمه ) طرزنده رسم بلیر .

ایشته بو خفیف قبارتمه رسمه برازدها وجود و یرمه رک یو وارلاق یابیلیرده زمین اتصالدن ممکن اولدوغی قدره یوکسلیلیر و آیریلیرسه ( یوکسک قبارتمه haut-relief ) طرزی حاصل اولور ؛ مثلاً بزم سرای برنی موزه سنده کی ( لحد sarcophage ) لر بو طرز صنعتک دخی - اسکی یونانیلرده - نه محبر عقول بر درجه کماله ابره بیلیمش اولدوغی اثبات ایده بیله جک آنارخارق العاده دندر . بو یوکسک قبارتمه لرک هیکلدن برفرقی وارسه ، اوده بر قاق قطعه ده زمین لرینه متصل بولونمالیرد . او اتصال دخی فک اولونونجه بر هیکل وجوده کتیرلمش اولور .

رسمک ، هیکل تراشلقدن اقدام اولدوغنی ادعا ایدنلر ، اویمه ، قبارتمه و هیکل تراشلق صنعتلرینک ، رسمدن - بالتکامل - صورت ظهور و تولدینی تعریف و ایضاح ایچون - ایشته بویله - بیان فکر و ملاحظه ایدیورلر ، و فی الحقیقه ترقیات صنعت اوصورتله و اومنوال اوزره تحقیق ایده بیلیمشدر ، صانیورلر . فقط بودا بر مهم اعتراضه معروض قالیور : واقعا ، اسکی آثوری و مصری و یونانی معبدلرینک دیوارلرنده بویله بر جوق بویالی رسملر وارد رک ( اطراف تحت اولونمش découpé ) در ؛ و خفیف قبارتمه اصولنک ناصل

کشف ایدیه بیلش اولماسی احتمالی کوستریر ؛ لکن بو آثار، نه قدر اسکی اولسه بیله ینه بر مدیت کامله محصولاتندن در . پیرنه طاغیرینک طبیعی مفارهلرنده - مستحاطه حالده - کشف اولونان سلاح قبضهلرنده کوردو کمر هیکلجکلردن البته اسکی اوله ماز . هیچ شبهه یوق که اودور ابتدائی ده قطعاً بر معبد یوقدی ؛ حتی بر قولوبه یوقدی . اک ابتدائی بر ( حس دینی sentiment religieux ) دن محروم ومعرا اولان انسان وحشی مضاره قوغوقلرنده یاشیوردی . بالطبع اسکی معبد دیوارلری اوزرنده کوردو کمر خفیف قاپارتمه بویالی رسملرخی اوله مازدی . حالبوکه ( ronde bosse ) یعنی یومرو یونتولش هیکلجکلر پک اسکیدن بری وارمش که کشف اولونوب طورویور . بناء علیه خفیف اویمه اصولی هیکلتراشلقدن مقدم اوله ماز . کورولویور که آتیقه جیلق علمندن دلیل ایسته نیلیرسه ، رسمک قدیم اولدوغنه وقاپارتمه اصولی ایله هیکلتراشلقک اوندن توه ایتمش بولوندوغنه حکم ایتمک لازم کلیر . حالبوکه ( علم انسان anthropologie ) و علم مستحاطاندن بو خصوصده رأی صوروله جق اولورسه ، ( sculptur en ronde bosse ) هنرینک وبناء عایه هیکلتراشلقک قدمنی وهیچ اولمازسه ( چیزکی ایله رسم dessin au trait ) قدر اسکی اولدوغنی تسلیم وقبول ایتمک ضروری کورونویور . یعنی مسئله قطعاً حل ایدلش اولویور .

بو خصوصده پک معتبر دیگر بر فرضیه ده واردر که بوتون قوتی دلایل اجتماعیه دن آلدینی ایچون ماهیتاً ( اجتماعی sociologique ) عد اولونسه بحاجدار ؛ بونک ایچون مختصراً برقاج سوزسویله ملیم . جوق اهمیتی واردر . بعضی متفکرین ظن ایدیور که ( بت پرستک idolâtrie ) ، هیکلتراشلقه سبب اولش وایلك هیکل طاسلاغی ، ( صلصال ) دن یعنی لوله جی چاموردن بعضی بُت لر اعمال ایتمک صورتیله باشلامشدر .

بویله دوشونلر، ابتدای صنعتی ، ( حس دینی ) نك نشانیله تعیین ایتمک ایستیورلر . حالبوکه صنعتک ( تقلید طبیعت imitation de la nature ) ایله باشلامش اولدوغنی محقق واوله اولماسی ده ضروریدر . واقعا ایلك عجمی لك دوری اولان ( تقلید ) ده آنجق بکرتیمک هنری واردر ؛ هنوز

بر فکر و حس تبلیغ ایده بیلیمك قابلیتی یعنی ( معنا expression ) یوقدر .  
تقلیدی اثر لر ، آنجق ( صورت ) عرض ایده بیلیر . صنعت ، معنویات  
بشریه نك تكاملی و مقصد تقلیده غلبه و تحکمی ایله ( معنادار expressif )  
اوله بیلیر و - شبهه سز - بو موفقیت ، مدنیت مغنویه ثمره سیدر . اووقت  
شکل و صورت - صنعتكارك اثر الهامی اولان - فکر و حس تریاغ ایچون  
( وسیله prétexte ) و ( واسطه moyen ) اولق درک لرینه اینر .  
( esthetique کلمه سنده expression مناقشه سنه باقیکز ! )

بناء علیه بوتون بوملاحظات، صحیح اولقله برابر آنجق صنعتك دوره  
تمدن و تكاملی حقنده طوغرودر . هر حالده ( تقلید ) ، صنعتده غایه اولماسه  
بیله ( نقطه حرکت point de départ ) در ؛ واسطه تبلیغ اولق  
اعتبار یلده اساس در . هر صنعتك اووجهله باشلامش اولدوغنده ذره قدر  
شك و شبهه قالماشدر .

عكسی ادعای ایلری سوروب کمال غیرتله مدافعه یه چالیشان متفکریندن  
آمریقالی ( توماس دیویدسن = Thomas Davidson ) ، ( هیکل ترا -  
شلفك تكاملی the evolution of sculpture ) حقنده ویردیکی بر  
قونفرانس ده ، ده مین عرض و تنقید ایندیكم ملاحظات ییسان ایدرکن :  
( حکمتك باشلانغی مخافة الله اولدوغی کیبی صنعتكده مبدأی اودر .  
صنعت طبیعی تقلید هنری دکلدر ؛ ( غیب = the unseen = l'invisible ) ی  
تصویر ایتمکدر ! . ) دیور ، واونك ایچون مناره آدم لرینك متروكات  
مستحائنه سی آثار صنعتدن عد ایتیمور . حتی آنوریلرك اك عجمی و غلیظ  
بُتلرینی ، یونانیلرك بعضی ظریف و فقط تقلیدی هیکل لرینه - صنعت نقطه  
نظرندن - مرجع بولویور ، چونكه او عجیب و قورقونج اومماجیلر قوای  
غیبیه نك ممثل در ؛ شو تقدیرجه یونانك انافس آتارندن ، مثلا ( محارب  
غلادیاتور Gladiateur combattant ) هیکلی ، یالکز بر پهلوان تصویر  
ایتدیکی ایچون ، جیرکین بر ( صنم آتوری ) یه قارش ی آثار نفیسه دن  
صایلمامق لازم کیلور . بوملاحظات ، البته فضولی در ، ویا ککشدور .  
بو ضریب ادعائك تضمن ایتدیکی طرفدارلق - اولانجه ماهیتله -

معلومدر : اولاً صنعتك حس دینى دن طوغش اولدوغنى تسلیم ایتدیرمك  
 صوكرمه خرستیانلق دوزینك فنا حالدہ متردى وكریه اولان صنعتنى  
 ( ادا ومضا ) اعتباریه ، یونان صنعتنه فائق کوسترمکدر . دوزجہسى ،  
 بدیعایده ( روحیه spiritualisme ) مذهبك غیرتى کوتمکدر . ( بوجنك  
 مناقشہسى ایچون esthétique کله سنده مذهبله دائر ویریلن تفصیلاته  
 باقیکنز ! }

واقعا ( معنا l'expression ) نك - اك عالی حیثیتی ایله - صنعتده  
 نه بویوك بر رول اوینادینی ، آرتق بویوك بدیعونك جملهسى عندنمه  
 مسلمدر . واقعا ( حس دینی ) نك الهامات وانكشافات صنایعه ، تکامل  
 اخلاق و مدنی ده نه بویوك خدمتلى اولدوغى - تاریخ مدینى تتبع  
 ایدنلرجه - معلومدر . لکن غایه صنعت - بویوك ! . . . تقلید هنرندن  
 عبارت قالمایوب ، مغنویت انسانیهی ( بوتون شدت احتراصاتيله )  
 سویلتمك ، اوکا بر لسان بیان ویرمك موفقیتی اساس اتخاذا ایتمکله برابر  
 ینه هر حالده یالکنز حس دینی تبلیغ هنرینه ده منحصر دکدر . خصوصاً  
 منشأ صنعت بحثده بو علوی ملاحظه لره یو قدر . بوندن لا اقل الی  
 آتمش بیک سنه اول طبیی مغاره لرده حیوان کیی یاشایان و احتمالکله  
 آچلق طوقلق ایله قورقو طویغولرندن باشقه حسیاتی اولمایان انسان  
 ابتدائی دن - اون طوقوزنجی عصر بدیموننك ترتیب ایده بیلدیکی -  
 نظریات صنعتی بکلیه مهیز ؛ ایسته یه مهیز ؛ حقمز یو قدر ! . لکن ، جداً  
 حیوان کیی یاشایان او یله بر سفیل انسانك ، بر چاقاق طاشی اوجیله ،  
 حیوانات رسمی یاماسی وخیلی ظریف بر شکلده یایلمش اولماسی ،  
 البته چوق مهم ، چوق معنادار بر حادثه در . هم بو رسملرك آنجق ذوق  
 ایچون یایلمش اولماسنده هیچ ترده محل یو قدر . او یله اولونجه نیچون  
 بو اسکی وفاق انسانیهی مبدأ عد ایتیم ده صنعتك مهد ظهوری بولمق  
 ایچون ( بت پرستك paganisme ) دورینك طلوعی بکلیه لم ؟ ! .  
 بت پرستك - بالنسبه - خیلدن خیلی مترقی بر مغنویت عرض ایدر ؛ و بوجیثله  
 چوق مؤخردر . بونك ( مجسمه anthropomorphisme ) اعتقادندن

تولد ایتمش اولدوغی ، و - بالتکامل - ( اساطیر اولین mythologie ) .  
وجود ویردیکی محقق در . واقعا اساطیرك وبت پرستلكك بالخاصه هیکل تراشقله  
وطولاییمی ایله دخی ( معماری l'architecture ) ، ( رقص la danse )  
و ( موسیقی la musique ) ایله مناسبات صمیمیه سی شبهه کوتورمن  
کیبی در . ( سنسر Spencer ) بو مناسباتی اساس اتخاذایده رک معماری نك  
وصنایع سائر نك صورت ظهور ونشأتی تعریف ایچون بر فرضیه مهمه  
ترتیب ایتمشدرکه پك متبردر . نته کیم عقیماً اوندن بر فکر ویره جکم .  
[ anthropomorphisme کلمه سنده باقیکنز ۱ ]

مع مافیه هیکل تراشقلک چامور استعمالیله باشلامش اولماسنه دائر ایلری  
سوروان ادعا ینه بحق تعریضی دعوت ایده جک قدر غریبدر . مفساره  
انسانلری کیم بیلیر قاج عصر لر، او یله یاشادقن صوکره، چامور استعمالی  
کشف ایده بیلمشدر . چاقاق چوملکه متعلق اولان اک ابتدائی و نائق  
قدیمه - رسم لرله ، او یملرله قبارتمه یومرو هیکل لرله مزین اولان -  
اسلحه ابتداییه قبضه لرینه نسبتله پك مؤخردر . حتی ، قبل التاریخی  
چوملکچیلکه عائد اولان آثار اولین ، ( دور حجری جدید âge  
néolithique ) ، یعنی تعبیر دیگرله ( یونتولش طاش دوری âge de la  
pierre polie ) محصولاتندن در . حالبوکه صنایع مفیده نك انکشافیله  
ممتاز اولان بو ایکنجی ( دور حجری ) ، بالمکس صنایع نفیسه یه متعلق  
آثارک فقدانیه جالب دقتدر . اصل رسم لر ، او یملر ( دور حجری قدیم  
l'âge paléolithique ) معمولاتندن در، یعنی ( یونتولامش طاش دوری  
l'âge de la pierre brute ) نه عائددر . بو کیفیت اوقدر مهمدر که  
علما ، بو ایکی دور آدم لرینی عینی نسلدن عد ایده میورلر . ( سرجون  
لویوک Sir John Lubbock ) و ( جون قولیه John Collier ) ودها  
بر جوق متفکرین ادما ایدیورلرکه برنجی دورک انقضا وانطفاسندن  
صوکره اسکی جنس منقرض اولمش وایکنجی دوری یکی برجنس بشر اشغال  
ایتمشدر . برنجی جنسک ( قصیرالرأس brachycéphale ) ، ایکنجی  
جنسک ( طویلالرأس dolichocéphale ) اولماسی ده بو ادعا یه حق ویریور .

او تقدیرچه چیزکی ایله یاییلمش رسملره ( یومرو-اویه ronde bosse ) هیکلرک لوله‌جی چاموری استعمالدن — خیلی زمان — اقدم اولدوغی تحقیق ایدیور .

[ art کله‌سنده بو خصوصه دأثر وارد اولان ملاحظاته باقیکز ! ]  
هرحاله بوتون بو ملاحظات و مباحثات آره‌سنده بعضی نقطه‌لر توضیح ایدیور . بو نقطه‌لره استناد ایده‌رک بر ( فرضیه hypothèse ) ایدورمق لازم‌کلیسه ، ده‌نیله‌بیلیر که :

[ اکر صنایع نفیسه‌نک ظهور و تولدینه باشلیجه سبب ( هیجان émo- tion ) ایسه ، رقص (دها طوغروسی سائقه تهیج ایله صیجرا یوب آتلامق) ، شبه‌سز اقدمدر . چونکه بو حالت هیجان طبیعی و ( غریزی - physiolo- gique ) اولدقدن ماعدا ، وقوعی دخی هیچ برتور لولات وادواته محتاج دکلدر . ( ترنم و تبلیل ) قابلی‌ده بونکله برابردر ؛ زیرا ، بو دخی بعضی عضلات بدنک تقلصی ایله حاصل اولور ، بناءً علیه عینی عاملک نتیجه تأثیری در . آرتق بونلردن ماعدا بوتون شعبات صنعت — هیچ اولمازسه — بعضی ابتدائی آلات وادواته محتاج و مقتدردر . چونکه اونلر آتلامق و میرلدانمق کبی صرف ( انفعالی passif ) و غریزی بر اثر هیجان دکلدر . همه‌حال مادی براترله تحقیق ایده‌بیلیر برنوع هنردرکه اونده ( حواس ظاهره sens externes ) نک دلالتی ایله برابر ( ملکات عقلیه - facultés intellec- tuelles ) نک‌ده دخلی اولدوغی محققدر . مثلاً ( مشاهده observation ) ایله ( مخیله imagination ) نک برنجی درجه‌ده بررولی وارددر . صیجرا یوب اویسامق و تفتی ایدوب اظهار شادمانی ایله‌مک ایچون حس شوق کافیدر . بدایت امرده آلات وادوات ایسته‌مز . حالوکه چاموری — اینی‌کوتی — بر شیده بکزه‌ته‌بیلیمک ایچون بیله ، آز چوق ( صحت مشاهده justesse d'observation ) لازمدر . اوندن سوکره بو هنرده انسانک کندی پادمقلری آلتدر . نته‌کیم رسامک حقیقی آلتی ینه اوهنرور پادمقلریدر . فیرچه‌سی آنجق واسطه‌در . او فیرچه ایله اونک یادیغنی باشقه‌سی یاپه‌ماز . سوکره : رسم ، هیکل تراشلق ، معمارلق کبی صنایع — نتیجه‌ده — بر اثر

مادی بر افر . رقص کبی، تنفی کبی دکلدر . او حالده ( چیزکی ایله رسم ) ک رقص و تنفی دن سوکره ممکن اولمش اولماسی طبیعی در . زیراً تفصیلات سابقه به نظرأ تحقق ایدیورکه انسان ابتدائی نك ایلک دفعه اوله رق تدارك و ایجاد ایده بیلدیکی آلات، چاقاق طاشندن معمول بعضی شیرمش ؛ و چیزکی ایله پاییلان رسملر، او طاشدن معمول سیوری او حلی قلملرله پاییلمشدر . لوله چی چاموری استعمالی بوندن چوق صوکره در ؛ ( رهن Renne ) که بیکی دورینه مصادفدر . حلبوکه اواسکی رسملرک ( ماموت Mamouth ) دورینه منسوبیتنده شبهه قالمشدر . ( یومرو-اویمه ronde bosse ) بورسملردن پك اول اوله ماز . بر یومرو آغاج دالنی سیوری چاقاق طاشیله یونتوب بر حیوان قفاسی شکلنه افراغ ایده بیلیمک - اوزمان وحشیلری ایچون دکل- بوکونکی اویمه جیلر ایچون بیله متعسر برایشدر . دیمک که ( ال یوردامی = چیره دستی = dextérité ) ایله برابر قابلیت مشاهده خیلی آرتمش اولوق کرکدر . بلکه اوزمانلرده ، یعنی ( رهن دورنده ! ) ( موسیقی آلی musique instrumentale ) دخی ناشلامشدر . چونکه مستحانه حالده کشف ایدیله بیلیمش اولان ( دودوک ) و ( قوال ) کبی شیر هپ اودوره عائد طبقانده بولونوبور . ( لوله چی چاموری argile ) نك ابتدای استعمالی و ( چوملکچی لك poterie ) ک کشفی ده اوزمانلرده واقع اولمشدر . معمارلق صنعتك الك صوکره کلدیکنه و ( حس دیی sentiment religieux ) ایله مناسبته ذهنی ایناندره بیله جک بعضی ملاحظات دقیقه وارکه تحقیقات جدیه به مبنی و وثائق معتبره به مستنددر . هله سپنسر قطعاً بو فکرده در .

طبیعی ...! بومطالعات، ( ایکی کره ایکی درت ایدر ! ) کبی ثابت بر دستور حقیقت دکل، بر ( ظن ) در . فقط ، - اعتقادجه - اک زیاده مقرون حقیقت کورونن بر ( ظن ) در . شوراسنی ده اخطاره لزوم کورورم که، صنایع نفیسه نك هر بر شعبه سی ایچون ایراد ایده بیله جکمزدلائل خصوصه نك قدرت اقناعیه سی عینی درجه ده دکلدر . فضله اوله رق - مدنیته مهندشانی آرامق مراقبه - ماضیلر طوغرو نه قدر ارجاع نظر ایدرسه ک،



مهمیت اوقدر آرتیور، ظلمت تردد اونسبتده کثافت پیدا ایدیور .  
 او قرا کلق ادوار ماضیه دن بری به کلوبده ( مدنیات ابتدائیه - les civili-  
 sations primitives ) به تقرب ایتدکجه صنایعک طرز تکاملی، دهازاده  
 وضوح ایه، کوروله بیلور؛ چونکه حالا یرلرنده ثابت طوران بر جوق  
 آثار مادی واردرکه، حیات ماضیه نک برخیلی اسرارینی نظر دقته افشا  
 ایدیور؛ آثار معماریه کیی ! ..

تأسس مدنیتده - شبهه سز - اک بوبوک رولی اوینایان ( معمارلق  
 l'architecture ) اولمشدر . هنوز درکه حیوانیتدن قورتوله مامش اولان  
 وحشی انسانلر، انتخاب مسکن و ترجیح مأوی خصوصنده بالطبع کندی کیف  
 وذوقلرینه تبعیتله حرکت ایده مزلردی . بنشاء علیه بالضروره - ایچنده  
 یاشادقلری - محیطک ایجابانه کوره صیفیه جق بر یر بوله بیلمشلردر .

( علم مستحاثات la paléontologie )، بر جوق کشفیات مهمه سیله  
 کوستریور و اثبات ایدیورکه انسان ابتدائی نک ( ایلک مسکن l'habitat  
 primitif ) ی، ( طبیعی مغاره لر grottes naturelles ) اولمشدر؛ بولره  
 ( قوغوق caverne ) دخی د. نیلیر .

قدیم وحشی لر، ایشته بویه طاش قوغوقلرنده بارینیرلر، و آوجی لقله  
 یاشارلر مش . بوتون علم مستحاثاتک ال معتبر واک قیمتلی و ثائق بومغاره لرک  
 ایچنده کشف اولونمش و - کومولش بولوندقلری - عین مخصوصک جنس  
 ونوعه ودها سائر بعضی علامات جه تولوجیائی به کوره، هانکی دوره منسوب  
 اولدقلری - تقریبی بر صورتده - تعیین ایدله بیلمشدر .

[ paléontologie کله سنده بالخاصه بو مغاره لر حقنده کی تفصیلاته

باقیکز ! ]

مبدأ انسانیتده علی العموم بر ( مغاره دوری ) وار . مع مافیه، ایلک  
 انسانلر، اورمانلرده و آغاچ قوغوقلرنده یاشامش اولسه لر کرکدر؛  
 فقط اونلر خراب اولمشدر . مغاره لر - جزئی، کلی تبدلاته اوغرامقله  
 برابر - ینه زمانزه قدر محفوظ قالدینی ایچون بر جوق متروکات بشریه  
 اورالرده دفین اوله رق بولونه بیلور . بوکون بیله طبیعی مغاره لرده یاشایان

اتوام وحشیه وار ؟ و بونلرك حیاتی و طرز معیشتی حقیقه واقع اولان مشاهدات، علم مستحاثاتك، دور حجری ده یاشایان مغاره آدملرینه دائر، و یردیكى معلوماتی تصدیق و تأیید ایدیه جك ماهیتمه در .

حس بشرك و اكثر حیوانات مفترسه نك ایلک مسكنی اولان بو مغاره لردن - ولو كه تكامل سایه سنده اولسون ! - ناسن اولوبده بر (هو) ، برینا وجوده كتیر یله یلمش ؟ .. ( معمارلق ) دیدیكمز صنعت نفیسه یی تولید ایدیه یلمك ایچون بو طاس قوغوقلری وحشی انسانلره نه الهام ایدیه یلمشدر ؟ .. بو حقیقتاً اك زیاده مراقی موجب مسائل انسانیه دن بریدر . صنعت معماریه نك صورت نشانی حقیقه ترتیب اولونه ییلن فرضیاتك جمله سی ده بو سوآله و بر یله ییلن جوابلردن عبارتدر . بونلرك ایچنده مشهور انگلیز فیلسوفی ( سپنسر H. Spencer ) ك فرضیه سی جمله سندن زیاده شایان دقتدر و قیمتی در . چونكه بو فیلسوف - اولجه اشارت ایتدیكم وجهه - حس دینی ایه معمارلرك برابر طوغدوغنی ادعا ایدیور و بر جوق دلیللر كتیریور . اوچ بو بوك جلد اوزره مرتب اولان ( سوسیولوژی ) كتابنك برنجی قسمی یعنی تقریباً بشیوز صحیفه سی اشغال ایدن تقدمات و مطالعاتندن آنجق بومسئله یه دائر اولان ملاحظاتی شو وجهه تلخیص ایدیه یایرم :

انسان ابتدائی، طبیعی مغاره لرده یاشادینی زمانلر کندی نفسنده واقع اولان حادثات مغویه یی حقیقه آكلامقدن عاجز و قصر ایش؛ مثلاً ( رۇیا rêve ) کور و رمش . حیوانات عالیه نك بیله رۇیا کورد و کنده شبهه قالمشدر . بو حالتك ، مضویت بشریه یه فوق العاده بر تأثیری اولمش . انسان وحشی، یاواش یاواش اولیه بر اعتقاد حاصل ایتمش كه حین رۇیا ده کندیسنك - غیر مادی اولان - هیكلی، ( دیگر انائی l'autre - moi ) بدنی ترك ایدوب چیقار و اوده بری ده سرسری طولاشدقدن صوكره ینه کلیر بدنك ایچنه کیرد ؛ و انسان او یقودن او یاندینی زمان، باشقه عالم لرده کورد و کی ، تماشا ایتدیكى شیلری ، بوسبیل و بوسایه ده در خاطر ایدر . دیمك كه هرانسانده شو كوزه کور ورن (قلب بدن) دن ماعدا برده كوزه کور ورنه من بر ایکنجی ( بئلك le moi ) واره کندی خیالی در . او حالده ( تؤولم la mort )

ایله ( او یقو le sommeil ) نك هیچ فرقی یوق ! . . بناً علیه اوزون او یقویه طالوبده قالمایان بر آدمك روحی، حالا سرسریانه طولاشیوردیمكدر. بو ( خیالت )، صاحبك اولجه ساكن بولوندوغی یرلری ده صیقجه صیقجه زیارت ایدیور، آدمك رؤیاسنه کیریور و انسانلره قنالق یاپه بیلور. ( صرعه l'epilepsie )، ( جنیت la folie )، ( فلج paralysie )، ( رعشه convulsions )، ( هذیان délire ) ودها بویکی - اسباب مادییه، جرحه لره عطف اولونه مایان - غرب خسته قلر، هپ روح اجدادك انفعالاتنه و شرته معطوف اولق کرکدر. اونلر تولد کدن صوکره روحلری بر ( جادی، خیالت ogre = ghost = ) اوله رق کلوب انسانلری ( چاریور ! ) وهر صورتله راحتسز ایدیور .

ایشه سنسرك مشهور ( خیالت نظریه سی = Ghost theory ) سی خلاصه الحلاصه بودر . بویونکی اقوام وحشیه نك، حتی بر جوق مدنی ملكتلرده جاهل کویلولرك اعتقادی حالا یه بودر .  
[ esprit گله سنده بونظریه نك تفصیلاتنه باقیكز ! ]

سنسره روح اعتقادینك بو ظندن نشأت ایتدیكنی و ( تعبد اجداد le culte des ancêtres ) عادتك او اعتقاده مبنی بولوندوغی ادعا ایدیور . ( evhémérisme تعیرینه باقیكز ! .. )  
ادیانك ده ( اجداده تعبد ) عادتندن ناصل طوغدوغی - اوزون اوزادییه - تعریفه کیریشیور . فقط معمارینك دخی بو وسیله ایله ظهوره کلدیكنه اینسانور . طبیی بو بر فرضیه در ؛ فقط بوتون علوم اجتماعیه و ( علم مستحانات ) بو فرضیه طرفدار کورونویور .  
انکلیز فیلسوف مشهورینك ادعاسنه کوره :

[ بو جادی اعتقادی، وحشی انسانلرده پیدا اولوبده وحدانلرینه تحکم ایتدکدن صوکره، بالضروره برده ( حس وف وحشیت ) حاصل اولمش . حالا بر قراکلی کیجه ده بر مزارلقدن، یاخود بر ( تربه mausolée ) جوارندن و یاخود بر کلیسا آلونندن کچرکن دوچارخوف و خشیت اولوشمز، اولاسکی دور وحشتك بقایای حسیاتی در . انسان بو شیلره ایناعاسه بیله

قورقار. حالا بوکون ، ( جنازه اوطه سی la chambre mortuaire ) بزم  
بر خوف و نفرت الهام ایدر . بزم کیی مدنی آدملرده آنجق ایزی قالان  
بو حس ، انسان ابتدائی ده البت يك قوی و حسیات سائرده حاکم اولمق  
کرکدی . بوکونکی اقوام وحشیه نك عادات و اعتقاداتی حقنده واقع اولان  
مشاهدات بوفرضیه زیاده سیله قوت ویردکدن ماعدا بونی ده کوستریورکه:  
برمغاره ده یاخود برقولوبه ده وفات ایدن برآدم ، همان اوراده ترك ایدیایور  
ویانه سلاحلری بر اقلیدقدن صوکره ، برسنه قدرده اوکا بیه جک ، ایچه جک  
طاشینیایور . چونکه باشقه برعالمه انتقال ایتمش و یاخود اوزونجه ر مدت  
آولانق ایچون سیاحته چیقمش ظن اولونویور . اونک اولاد و عیالی بر  
باشقه مغاره بولوب ، آرتق اونی مسکن آنخا ایدیورلر ؛ و یاخود یکی بر  
قولوبه یا بمق مجبوریتده بولونویورلر . اسکی مغاره و قولوبه اولا بر مزار ،  
بر تر به اولویور . فقط او ( روح گذشته l'âme trépassée ) دن دائماً  
استعانه ایتمک و اونک شمرت حشمندن امین اولمق ایچون ، دائماً ( آداق  
offrande ) ویرمک ( قربانلر کسمک immoler des victimes ) عادت  
حکمنه کیردیکندن طولای ، اومزار و یا تر به ، ( عبادتخانه temple ) اولویور .  
دیمک که ایلمک معبد ، بر مزار ، بر تر به در ؛ ایلمک مزارده بر مغاره در . کجمش  
زه انلرده بویله اولدوغنی علم مستحاثات کوستریور . بوکونکی وحشیلرک  
حیات و عاداتی تتبع ایدن علوم اجتماعیه دخی کوستریورکه حالا بویله  
اولمقده در .

فقط ، هر صنعتک مبدای نقطه حرکتی ( تقلید طبیعت l'imitation  
de la nature ) اولدوغنی ایچون ، مزار اولمق اوزره ( ترك اولونان مسکن  
deserted dwelling = l'habitat déserté ) کیی بریر آرایوب  
بولمق ، حتی طاشلری اویوب مغاره شکلنه قویمق لازم کلیور ؛ هنوز باشقه  
برچاره دوشونوله میور .

انسانیت قدیمده بو ( جادی اعتقادی ) و اوکا مربوط اولان ( حس  
خوف و خشیت ) پیدا اولونجه ، در حال ( روحانی آدم ) دخی پیدا اولویور .  
( l'homme-fétiche ) ایشته بودر ؛ وعینی زمانده هم رئیس قبیله ، هم

( بوکوجی sorcier ) ، هم ( هکیم medecin ) ، هم قوماندان ، هم حاکم ، همده آیینلری تنظیم و اداره ایدن رئیس روحانی و ( هاتف غیب oracle ) اولوق اوزره رجوق حیثیات مهمهین نفسنده جمع ایدیور . سپنسرک ادعاسنه کوره ایلك مهندس و معمارینه بو آدمدر . [ بک ملخص و مختصر بر صورتده عرض ایتدیکم فرضیه، ایشته بودر . بوندن اوتنه سنی ( مشاهدات و تحقیقات علمیه دن مستدل ) رجوق وقوعات تشکیل ایدرکه سپنسرک شو فرضیه سنی مصدقدر .

فی الحقیقه ، اک اسکی و قبل التاریخی مفاره لرده کشف اولونان آثارک شکل و ماهیته باقورق مناریرن علمای متخصصین هنوز اوزمانلرده حَس دینک هنوز طلوع ایتمه مش اولدوغنه استدلال ایدیورلر . دهاصوکره - غیر طبیعی و عجیب الشکل - بعضی آثار مصنوعه نک وجودیه حکم ایدیورلرکه، اواثرلر، عالمده صحیحاً موجود بر شیئی رسم ایتک، یعنی طبیعی تقلید ایتک ساقه سیله دکل، موضوع اعتقاد اولان ( غیر مادی و روحانی ) بر شیئی ( مادی بر شکل ایله تمیل objectiver ) ایتک مجبوریتیه یابیلمشدر .

تحقیقات علمیه کوستریورکه ایلك معبدلر، حقیقتاً مفاره شکلنده در؛ بویوک یکپاره قبالردن اویولمش و دیوارلری ده اویله عجیب و مهیب رسملر و هیکلرله تزین ایدلمشدر . بومعبدلر، ادوار تاریخی ده یعنی یاقین زمانلرده بیله رؤسای قوم ایچون تره اتخاذ اولونمشدی . مصرده ، ( نِتورویا Etrurie ) ده - یعنی ایتالاده ( نِتروسق étrusque ) لرك وطننده - ایرانده، هندستانده ، مکسیقاده و دنیا نک دهاک چوق یرلرنده بو مبانی قدیمه دن بر خیلیمی کشف ایدلمشدر . ایران شاهنشاهی مشهور ( دارا Darius ) نک مزارى بیله بویله در .

انسان قدیم قابلیت هنرورانه سنی براز آرتدیردقدن صوکره، بالذات ( نُو ) یامغه دخی باشلامش؛ فقط بو خصوصده ینه طبیعی مفاره لری مشق تقلید اتخاذ ایتمشدر : اولاً ( کوسته بک یوواسی ) کیی برشی یابه بیلمش : سطح زمینه بر دملیک آچمش؛ صوکره اورادن یر آلتنه کیدر غایت طار بر یول - نوعا بر لغم - یامش ؛ بویولک نهایتنی دها واسع بر مقیاسده

اوبمش وبر ( یووارلاق حجره cellule ronde ) شكله قويمش . بورادن یوزی قویون ، سورونه - سورونه او حجره یه کیره بیلیر و خارجدن کیره جک دشمنک تسلطندن ده امین اوله بیلیرمش . چونکه اورایه کیرن آدمک، آلینی وسلاحنی قوللانه بیلیمه سنه امکان یوقدر . یول اوقدر طاردر .

بو ( پلان plan ) ، انسان ابتدائی نك ترجیحاً اقامت ایتدیکی اسکی مفارده لرك وضع طبیعی سنه تمامیه بکزییور . ایرلانداده، فرانسه ده، و دنیانك پك جوق یرلرنده بو ابتدائی نه ولردن برخیلدی کشف اولونمشدر . حتی بوکونکی ( سرداب ) لر، او اسکی وقبل التاریخی مسکنلرك براز ده دوز کونجه سی دره، دنیه بیلیر .

بر مدت صوکره مه ازلقده برپارچه ترقی حاصل اوله بیلیمش : انسان وحشی زیرزمینه تطبیق ایتدیکی بو پلانی، یر اوزرنده یاغمه باشلامش . یری قازوب اویه جغه، سطح زمینه - ینه اسکی پلان موجبجه - طاشلر دیزه لرك، بریول یا پشم، حتی شاشیرتمه لی دهلیزلر بیله یا به بیلیمش ؛ نهایته ینه طاشلردن براوطه بنا ایتمش و بوتون بومسکنك و دهلیزك اوستنی طاشلاره قایادقن صوکره، خارجدن بر جوق طوپراق طاشیه رق، یادینی بنایی کاملاً اورتمش . ( tumulus ) ده نیلن بو مسکنلرك ده پك چوقلری کشف اولونمشدر .

بویوك بویوك كسمه قایا پارچه لرینی بكدیكرینه طایایوبده اوستنی اورتمك صورتیله یا بیلیمش مسکنلرده واددر . حتی هندستانده بویله بعضی مسکنلر کشف ایدلشدرکه، جدرا نی تشکیل ایدن دوز طاشلرك بریسی، التزاماً ده اینه لرك بر پنجره آچیلشدر . بونلره ( دولمن Dolmen ) دیرلر . بوسبوتون ابتدائی وبر طرفی تماماً آچیق اولانلری ده چوقدر . اصطلاح علمده بونلره ( آچیق دولمن Dolmen découvert ) دیرلر .

ایشته انسانیتده معمارلک باشلانغیجینی کوسترن ایلک آثار صنعت بونلردر . کورولوبورکه ( بقای شخصی یعنی محافظه نفس conservation personelle ) حس طبیعی سنك بو ( ایلک نهو ) پلاننده دخل کلتیسی اولمشدر . صوکره صوکره قدیم وحشی لر، آچیق مفاره قوغوقلرینی

یاواش یاواش ترك ایدەرك بویله یارآلئنده مسكندر یاېغە باشلامشلدرد . اصل مسكن اولان ( ایچ اوطه ) نك جدراخی وطاوانی طوندورمق یعنی تحکیم ایتمك ایچون بالاخره اودون و آغاچ دالیری دخی قوللانیمشدر . ایچە برزمان صوکره ، چاموردن ( کریسچ ) کسوب کونشده قوروتمق هنری کشف اولونجه بو کرپیچلر موفقیته استعمال اولونهرق داخلا دیوالر نوروله بیلمش ، فقط ( حاطیل ) مقامنده ینه اودون قوللانمق اصولی دوام ایتمشدر ، حتی حالا کویلمزده نولر بویله در .

یونان قدیم مدینتی تدقیق ایدنلر آرمشده ، صلاحیت علمیه واصابت نظر اعتباریه ، عصرمرك اك معتبر محرری اولان ( پروفیسور ماهافی Professor J . P. Mahaffy ) : [ یونانیلر مدینت حاضره ایچون نه یایدیلر؟ . What have the greeks done for modern civilisation? ] نام کتاینده بوتون بومستله لره دائر يك قیمتی معلومات ویریور؛ و برچوق تدقیقانه بناء کوستریورکه : [ معمارلق خیلیدن خیلی ترقی ایتدکدن صوکره بیله اواسکی ( نه و پلانی ) ترك ایدلیهرك اصلاح اولونمش و فقط بالکنز ( تربه mausolée ) اوله رق قوللانیمشدر . حالا بوکون بیله تربه لرك شکل معمارییی اساساً بودر . ]

( پروفیسور ماهافی ) نك ( آری قووانی beehive ) تعبیراشیبی سیله تسمیه ایندیکی بوقبل تاریخی نه ولرك - یونان قدیم اراضیسنده - پك کوزل نمونه لری کشف اولونمشدر . پروفیسور بونك اك ظریف و مکمل بر نمونه سی ذکر ایدیور ، و کتاینده اوزون اوزادی به اوکا دائر ایضاحات ویریور . ادعا ایدیورکه :

[ اوللری ( آتیه خزینه سی Treasury of Athens ) نامیه معروف اولان او ( آری قووانی ) سیستمده کی مسكن ، پارلاق ، محشم و مزین بر بنادر . فقط بر ( نه و ) دکل ، قبل تاریخی بر پادشاهك تربه سی در . تدقیقات علمیه بویله اولدوغنی قطعاً اثبات ایتمشدر . الی آخره ! ... ]

بوتون علم مستحاثات و علم آثار عتیقه متخصصینی ، منبع مدینت اولان مرقطه ده عینی آثار و حادثاتی مشاهده ایدیورلر و صنعت معماریه نك نه کی .

احتیاجات طبیعیه سوبقه تولد ابتدیکنی و بالآخره نه کبی ضرورات طولایی۔  
 سیله مظهر ترقی و تکامل اولدوغنی۔ معقول بر صورتده۔ تعریف ایده بیلورلر۔  
 علوم اجتماعیه زمره سندن بالخاصه ( ئثنوغرافی = Ethnographie =  
 علم اقوام ) و ( علم انسان = Antliropologie ) متخصصینی دخی ،  
 بوگونکی اقوام و حشیه نك احوال و آثارینی تدقیق ایتدکدن سوکره  
 ( پالئونولوژی ) نك ادعاسنه اساساً حق و بریور ؛ یعنی مختلف یوللردن  
 کیدیلره اك اجرا اولونان تحقیقات علمییه نتیجه سنده تواطؤ افکار کورولویور ۔  
 یالکمز ( مصر قدیم ) مدینتی ۔ بوخصوصه ۔ ذهنلری شاشیرته حق  
 بر استثنا تشکیل ایتکده در ۔ اسکی مصر مدینتده آثار معماریه رنجی  
 درجه ده اهمیتی حائزدر و شعبات صنعتك جمله سنه فائقدر ؛ اوقدرکه ( یوز  
 قابولی تَب Thèbes à cent portes ) شهرینك و بر چوق معابد و مبانی  
 عظیمه نك خرابه لری بوکون حالا کمال حیرتله جالب نظردر ۔ صنعت معماریه  
 اوراده صوك درجه کالنه پیوسته اولمش کورونویور ۔ حالبوکه بوتون بو  
 مبانی عظیمه و مکمله صوك طبقه اراضی اوزرنده در ۔ یعنی ( آلوویون  
 alluvion ) طوبراغی اوزرینه مبنی در ۔ یکپاره قیاردن اوبولمش تر به لر  
 و معبدلرده اویده در ۔ بوتون بو اثرلر قدیم اومقله برابر ینه قبل لتاریخی  
 متروکات انسانیه دن دکدر ۔ اک یکی طبقه اراضی اوزرنده بولونمالری ده  
 بونی اثبات ایدر ۔ البته صنعت معماریه یکدن بودرجه کال ایله طوغمامشدر ۔  
 البته ، یوزلرجه بویوک و عتشم سستونلرله مزین اولان اوعظیم سربلری  
 و معبدلری وجوده کتیره بیلیمك ایچون ، مصر قدیم اهالیسی یالکمز ذوق  
 صنعتده و مهارت هنرورانه دکل ، علوم هندسیه و میخانیکیه ده دخی  
 ۔ فوق العاده ۔ ترقیاته مظهریت قازانمش اولمق کرکدر ۔ اوبشار باشقه  
 تورلو یاپیله مز ۔ اوتقدیرجه بودرجه تکاملك صفحات ابتدائیه و متقدمه سی  
 دخی اولمق لازم کلیر ۔ حالبوکه او یوق !!۔

دنیاك هر طرفده کشف اولونان قبل التاریخی آثار معماریه دن هیچ  
 برینه مصرده تصادف اولونه مامشدر ۔ کویا بوتون بو کالات معماریه ۔ کونك  
 برنده ۔ بقته پیدا اولویرمش کبی کورونور ؛ بو صنعتك ماضی سنه ، عجمی لك



دورینه دلالت ایدم بیلیر بر اماره بولونه میور . ( آری قودانی ) طرزنده تحت التراب مساکن یوق ! ( tumulus = طوبراق ییغینی ) شکننده برشی یوق ! . ( دولمن dolmen ) نمونه سی ده یوق ! .. فقط - سپنسرک دیدیکی کیی - تصور ارلونه مازکه انسانلر، هیچ بر نمونه کورمه دن، بویله طاشلری اولوب معبد یا مقبله ایشه باشلامش اولسونلر !

بو حاله نظرأ انسان باشقه تورلو دوشونمکه مجبور قالیور ؛ اویله ظن ایدیورکه او پارلاق مدنیت عتیقه یی وجوده کتیرن ملت قدیمه ، مصره ، آسیادن ویا باشقه بر یردن کلش و بوتون استعداد و هنریله او صنعت معماریه یی، و او مدنیتی ده برابر کتیرمشدر .

معافیه تاریخ مدنیه عائد اولان بومسئله صدد بحشمز خارجنده در . فیلسوف سپنسر، ( خیالت ) اعتقادیلر و ( تولو ) لرك واهمه انسانه القای ایتدیکی خوف ودهشت حسیه معمارلغك صمیمیاً مناسبتی بولوندوغنی اثبات ایتك ایچون تورلو تورلو دلیللر کتیردکن صوکره ادعا ایدیورکه : [ قبائل وحشیه رؤساسنك تربهلری، اولا زیارتگاه ، صوکره ده عبادتگاه انام اولش و بوگونکی معابدك معروف اولان پلانی ، ده اوزمانلر ، اك ساده ، فقط اك اساسلی شكلنی آلوب تمین ایتمشدر . آرتق بوبنای مقدس، بوتون حیات اجتماعی و شخصیه نك قبله توجهی ، حكومتك مرکزی ، و - تاریخی معناسیله - بوتون صنایع نفیسه نك مهد نشأ نی اولمشدر . موسیقی، رقص ایله برابر آیین عبادتده داخل بولوندوغنی ایچون ، اوراده بعضی اصول و قواعد توفیقاً ترتیه کیرمش و منتظماً ترقی ایتمش ؛ وفات ایتدکن صوکره اعتقاد ناسدم الوهیت مرتبه سنی بولان رئیس قومك مناقبیه شرفلی داستان حیاتی، مفاخرینی قید و ضبط ایله اخلافه نقل و تبلیغ ایدم بیلیمك ایچون معبدك دیوارلری بویاسز و بویالی رسملرله تزین اولونمش ؛ بالاآخره خفیف قاپارتمه رسملر، صوکره یوكلك قاپارتمه رسملر ، ودها صوکره هیكللر، بوطلر وجوده کتیراش ؛ اورسملر یاواش یاواش بسیط و تمثالی بر شکله کیره رك ( یهروغلیف hieroglyphes ) دیدیکمز ابتدائی یازی نی تولید ایتمش ، صوکره اونك دها بسیط و مختصر بر صورتده افراغ

اولونماسیله ( فنیکه یازیسی l'écriture phénicienne ) یعنی بیلدیكمز حروف مستقله نك اصلی وجوده كلش در . دیگر طرفدن ايام مخصوصه ومقدسه ده آرتق جاعته اجرایی معناد اولان آیینلر ائناننده رؤسای روحانییه نك - کال هیجان ایله - مناقب امواتی ذکر ایدهدرك الهی لر اوقوماسی انواع شعرك تولدینه سببیت ویرمش ؛ خطیلر ، ( داستان ) اوقویانلر ، ( الهی شعرلر ) ترتیب وترتیل ایدنلر، هپ معبد محافظلری واقوامك ایلک حاکم لری اولان رؤسای روحانییه میانندن ظهور ایتمش ؛ حتی ( درام drame ) ، ( تراژده دی tragédie ) و ( قومه دی comédie ) وبوتون صنعت تماشاء بدایت امرده دینی برماهیتی حائز اوله رق معبدلرده - بروظیفه مقدسه حیثیتله - باشلامشدر . فیلسوف ادعا ایدیورکه نسبتاً يك یاقین زمانلرده ، مثلا خرستیانتلگك حین ظهورنده بيله شهدای دینك حق اوغرینه چكدك لری اذالری ، جفالری ایلک روحانیلر، بالذات کلیسالرده ( تمثیل représenter ) ایدرلرمنش ؛ وبو ( آیین ماتم ) اشكال عبادتن معدود ایتمش .. الى آخره ...!

يك مختصر ومجرد برصورتده عرض ایتمش اولدوغم بو نظریه مهمه ، تاریخ مدنیت و علوم اجتماعیه بیکانه قالانلر عئندنه زیاده سیله غریب وعجیب کورونور ؛ فقط سپنسر - بحق علوم اجتماعیه مباحثه درج ایتدیکی - بو مسئله غامضه ایچون ( مبادی اجتماعیات principles of sociology ) نام اثر مخلصنده یوزلرجه صحیفه یازمش ودرین وکنیش تبعات نتیجه سنده ترتیب ایده بیلدیکی اونظریه یی مدافعه ایده بیلمك اوغورینه یوزلرجه مؤلفین متخصصینك آثار مشهوره سندن استدلالاً برچوق دلائل متنوعه ایراد ایتمشدر . صنایع اسباب وصورت ظهوری ، ( مبدأ مدنیت ) مسئله سیدر ؛ اوده سوسیولوژی مسئله سیدر . ایشته بوواسع علمك ایلک مؤسسی دكلسه بيله اك بویوك ناظمی ومرتبى اولان او انكلیز فیلسوفك ونكامل فلسفه سنی قبول ایدن ده ا برچوق علما ومتفكرینك - بعضی اوفق تفك فرق لره - محصله افکارى بودر .

اونك ایچون برچوق معاصر متفكرلر [ دین ایله صنایع نفیسه نك

يك صميمى وېك قديم بر مناسبتى اولدوغنى و صنايعك ترقىسندە حسيات  
دينه نك عوامل سائر ددن زياده ذيمدخل بولوندوغنى [ ادعا ايتملردر .

[ بوجهتك تفصيلاتى ايچون esthétique كلمه نه بايكنز ! ]

مع مافيه شعبات صنايعك هر برى ايچون، يوزلرجه كتب مهمه يازلمش  
وعالم عرفانده بر چوق مناقشات ميدان آجيله رق فيد-وفلر طرفندن برسورر  
مناقض فرضيلر مدافعه ايدلمشدركه بوراده اولنر حقدە بر اشارته بيله  
صحيقه لرمن مساعد دكلدر .

غايه صنعت باشقه بر نقطه نظردن ملاحظه اولونه رق صنايع نفيسه نك  
بر طرز ديكر اوزره تقسيم ايدلديكى دخى واردر :

صنعتكار، طبيعته حقيقتاً موجود بولونان بر شيشي وياخود بر منظره ي  
مشق تقليد ايدەرك بر اثر وجوده كتيريرسه بو هنرك بالجله انواعه بردن  
( صنعت تقليديه art imitatif ) دهنيلير . مثلاً بر ( تصوير portrait ) ،  
بر ( تابلو tableau ) ، بر ( بيكر buste ) ، بر ( هيكل statue ) يايقى  
بو قيلدندر . فقط يالكز سوس اولسون ديه بر طاقم ترينات ونقوش  
ياييارسه، بو نوع هنره دخى ( صنعت تزئينيه art décoratif ) دهنيلير .  
بو ايكي نوع آره سنده يك اساسلى فرقلر واردر . اولا برنجي قسمده داخل  
اولان آثار هر حالده ( معنادر expressif ) در . ايكنجي قسمده داخل  
بولونان، آنجق ( ornamental زئينيه متعلق ) رسملردر . بزم شرق  
خاللرينك اوزرنده كي چيچك رسملى كيبي كه هيچ بر چيچكه بكرزه مز ؛  
زيرا بر شينه بكرزه سين ديه ياييلماش ، سوس اولسون ديه نقش اولونمش  
معناسر (!) رسملردر .

بناءً عليه طبيعته صحيحاً موجود اولان هر هانكي بر شيشي فرضاً بر  
آرسلان باشي، بر آصمه يازاغنى عيناً تصوير ايتك، تقليدى بر صنعت اثرى  
وجوده كتيرمكدر . زيرابوتقديرجه، موجودات حقيقيه دن اولان بر شينك  
صورتى تماميله وعيناً تصوير ايدملك ايسته نلش ديمكدر . فقط برده بوسوتون  
باشقه بر مقصد هنرله ياييلمش بر آرسلان باشي تصور ايديكز!.. بعضى مكلف  
صندالهرلك قوتوقلرنده كوردوكز ( تحتەدن اويمه sculpté en bois )

آرسلان قفاسی تخطیر ایدیکز که آغزی آجیق اولدوغی حالده دیلی آشاغی طوغرو صارقسین و عجیب بر یاپراق شککنده او سندالیه نك قاعده سنه ( یعنی اولطوروله جق یرینه ! ) ثبت ایدلمش بولونسون ! .. و یاخود بعضی بویوک قوناقلرک مزین سوقاق قایلرند کوردو کمز رجعله بر آرسلان قفاسی تصور ایدیکز که آغزینیه بر حلقه آلمش بولونسون ! .. البته بوشیلر، حقیقی بر حیوان تصویر ایتک ایچون یاییلمش دکلدرد . هرکس بیلیر که بونلر - زینت قیلندن اوله رق تخیل ایدلمش - بر طاقم صور عجیبه در . حیواند شکل حقیقیسی آکدی برر، فقط حقیقته اوکا هیچ بکزه مز . یالکز اوندن الهام اولونمش، حقیقتدن آرمه و بوزمه بر شیلر اولدوغنده شه یوقدر .

ایشنه، صنعت تزینیه - اویله موجودات حقیقیه نی عیناً تصویر ایتک مقصیده دکل - یالکز سوس یایق ایچون اولری وسیله آنخا ایتک و شکلرندن حلهم اوله رق بعضی عجائب و غیر طبیعی رسملر یایق هنری در .

محقق در که صنعت تزینیه نك بوتورلوسی صنعت تقلیده دن بوزمه بر هنردر . مثلاً : بر رسم بر آصمه یپراغی قره قلم ایله رسم ایتسه، و تمامیه اصلنه بکزه تسه، یابدینی اثر بر ( رسم تقلیدی ) اولور . مع مافیه بوراده یالکز ( شکل forme ) و ( خطوط lignes ) ایله برابر ( آیدن - کولکه clair-obscur ) کوسترلمش اولدوغی ایچون، شسو صورتله یاپیلان رسم هروجهله نمونه طبیعی سنه بکزه مش اولماز؛ زیرا حقیقی بر آصمه یپراغنده یالکز شکل ایله کولکه کورمه یز ؛ ( رنگ couleur ) ده وارددر . حالبوکه قره قلم اصولی ایله یپراغک رنگنی عرض ایتک ممکن دکلدرد . دیمک که بو طرز ایله یپراغک آنجق شکل وهیتی رسم اولونه بیلدیکی ایچون طبیعت تماماً تقلید ایدیله ممشدر .

رسم، کولکه ویرمکندن ده صرف نظر ایدوبده منحصر آ چیزکی ایله اکیفا ایتسه، حتی یپراغک دامارلرینی و کنار و اطرافنده - دستره دیشلری کیی - کورونن بورتوکلری ده خذف ایتسه، بورسم بوسوتون غیر طبیعی برشی اولور . چونکه بیلدیکمز آصمه یپراقلری آره سننده هیچ اویله سی یوقدر . بناءً علیه، تقلیدی بر رسم اوله رق، بو ارضعت هیچ بر صورتله

خوشه کیتمز . فقط مکلف بریمک سالوننک دیوارلرینی ویاخود صندالیه ، جاملی طولاب کیچی نهو اشیا سندن بعضیلرینی تزین ایچون بوشکده برطاقم یاراقلر مناسب یرلره رسم ویا حک ایدیله جک اولورسه بو نقشلردن نظر خوشلانیر ، اونلری کوزل کورو یور . فقط - حقیقی وطیبی بر یاراغ<sup>۱۲</sup> تمامیله بکزمه دیکی ایچون ، یعنی معنادار اولدوغی ایچون دکل - دیواری ، طولانی سوسله دیکی ایچون کوزل بولویور .

بو محاربه ده خراب اولان ( رهنس Reims ) کلیسا سنده اک ظریف تزینات قبارتمه آصمه یاراقلردن متشککدر . آیاصوفیه جامع شریفنک ( غالهری Galleries ) لرنده بویله آصمه یاراغندن تزینات واردر ؛ فقط بوسبوتون ( نمثالی symbolique ) بر شکل بسیط عرض ایتمز . لکن ( غوثیق Gothique ) اسلوبنده ( یونجه trèfle ) یاراغندن بوزمه بر رسم واردرکه - تزینات اعتباریله - او - لوبک علامات فارقه سندن بری صایبله بجادر .

کورو لویورکه بعضی موجودات حقیقهنک اشکال صحیحه سی آکدی ران بو نوع تزینات ، رسم تقلیدی دن تولد ایتمشدر . لکن مشق تقلید اتخاذا اولونان شینک شکل اصلی سی ، کیتدجه ده بسیط برحاله ارجاع اولونورق بوسبوتون طبیعی لکدن چیقمش و ( کینی capricieux ) بر شکل دیگر اکتساب ایدرک لوازم تزینیه دن معدود اولمشدر . بو شکل غیر طبیعی ، بالاآخره صنعتکارلرک وقلمکار نقاشلرک آلنده - مستقلاً - تکامل ایتمکدن ودها باشقه تبدلاته اوغرادقن صوکره نهایت ( حرفی و اعتباری conventionnelle ) بر شکل اکتساب ایتمکله کالنی بولمش و آرتق اوصورت اوزره تقرر ایتمشدر . اسالیب مشهوره یی تمثیل ایدن ( دیرک - باشلری chapiteaux ) اوزرنده کی تزینات ممتازده ، بونک اک کوزل مثاللرینی عرض ایدر . فرضا ( قورده تیئن corinthien ) دیرک لرنده اوزون وطیشباری یه قیوبرلمش بویوک یاراقلر واردرکه - اوزاقدن اوزاغه - انگنار یاراغنی آکدیرر . مصر قدیم دیرکلری اوزرنده کی تزیناتک ( نیلوفر lotus ) چیچکندن بوزمه برشی اولدوغی آشکاردر ؛ هر ب اسلوبنده علامت فارقه

تشکیل ایدن ( مقرسات یعنی آقتمه لر ) ده اویله در . نته کیم براز صوکره بونلردن بحث ایده جگم . بزم چراغان سراینک تراموای یولی اوزرنده کی کوپرو کمرلرخی طوتان نازنین مرمر دیرکله دقله باقیلیرسه ، ( بیلان - یاصدینی ) نامیله معروف اولان بویوک بیاض چیچکک اورطه سنده کی قسم اسطوانیسی خاطره کایور . اصل چیچکک میوه سی تشکیل ایدن بوقسمک قاعده سنده صاری وپوروزلی بر قوشاق وادردکه اودیرکله ده همان عیناً تقلید ایدلشد .

بناء علیه طبیعتده مضوی و مشکل نه وارسه ، اولنلرک شکل اصلیمی بو ( ویره procédé ) اوزره بسیط و تمثالی بر صورته ارجاع اولونه رق تزیینات موضوعی اوله بیلیر . دیمک بو طرز هنرده اساس ، شکل طبیعی بی کیندکجه ساده لشدیر مکدر . بو دعوانک دلیلی ( جنرال پیت ریوهرس General Pitt-Rivers ) ابراز ایتشد .

آفریقا اقوام وحشیه سی آرم سنده خیلی مدت یاشایوب بر چوق تنبعات نافعه ده بولونمش اولان بوانکلیزه او وحشیلرک حلیاتنه دایر ( یعنی گردانلق ، کوبه ، خلقه کیبی سوسه متعلق ) بر چوق اشیای معموله طوبلایوب بر ( فولکسیون ) یایمش واونی ، لوندرونک ( ساوت گن سینغتن South Kensington ) موزه سنده - طاقیله - شهر ایتشدی . بومیاننده صیره سیله برسلسله آثار و ارکه برنجیسی بر ( زنجی چهره سی ) فی مصور برشیدر . بونی متعاقب کلن اشیاء برنجی شکلک تبدلات متوالیه اوغرایه عاقبت - اوجی هلال کیبی مقوس - بر میزراق شکلنده قرار قیلدیغنی کوستریور ، و بناء علیه صنعت تزیینه نک صنعت تقلیدیه دن طوغمش بر شعبه هنر اولدوغنی واضحا اثبات ایدیور .

بو وثائق وامثالی بر مهم نظریه صنعتک منشائی تنویر و مقرون حقیقت اولدوغنی اثبات ایده بیله جک بر ماهیت مستثنای حازر اولدوغنی ایچون بر چوق جدی اثرلرده صیره سیله موضوع بحث اولمش و رسملری دخی درج ایدلشد . ( سرجون لوبوک S. J. Lubbock ) ل ( مدنیت ابتدایه primitive civilisation ) نامیله مشهور عالم اولان کتاب معتبرنده

و ( جون قولير John Collier ) ك ائرندهده موضوع بحث اولمشدر .  
صنعت تزئينيه مثال اولارق بولنلردن باشقه برشي بولونماسه يدي ،  
ده ميندن بري عرض وايضاح ايتكمده بولوندوغم نظريه ايله آثار صنعتك  
بونوعى تماماً تعريف ايدلمش اولوردى . فقط ( تزئينات رسميه ) نك برباشقه  
نوعى ده واركه يالكز چيزكيلردن مركدر ؛ و - تعبير صحيحى ايله - منحصرأ  
( تزئينات هندسيه decorations géométriques ) دن عبارتدر ؛  
ده بيليريم . بونك اك مكمل واك ظريف نمونه سنى آثار اسلاميه ده وبالخاصه  
جوامع شريفه منبرلرنده ، كرسيلرنده و محفللرك طاوانلرنده كي ( آرابه سق  
arabesque ) نقشارده كوره بيليرز . ( مهر سليمان ) ديديكمز بو نقوش  
هندسيه نك انواعى وارددر و جمله سى ده تورلو تورلو ( مثللر تركيباتى  
combinaisons de triangles ) نه منجر اوله بيلير .

كذلك خطوط منكره نك و يا خود منحنى و حلزونى چيزكيلرك برصورت  
معينه و مطرده اوزره ترتيب و تركيبندن حاصل اولان نقوش تزئينيه دخى  
بو قيلنددر . وعينى صنفه مذوب آثار نفيسه دن صايلير .

بونوع تزئيناتك تقليد طبيعتدن آزمه برشى اولماسنى قبول و تسليم ايتك  
قولاي دكلدر ؛ زيرا عالم طبيعتده هيچ برشى بيلمورزكه اونك شكل  
حقيقى سنى ساده لشديره ساده لشديره عاقبت بو صورتده افراغ ايدم بيلمك  
محتمل اوله بيلسين !..

واقعا يونان قديمك بك چوق آئارنده كورولن و ( مه آندر Méandre )  
ناميله معروف بولونان نقوش ، بر دره نك اعوجاجاتندن ملهم اولمشدر !..  
ده نيلبور . كذلك بزم جوامع شريفه ده جمله قابى لرينك و محرابلرك قسم  
بالاسنى تزئين ايدن ( مُقَرَّكَسَات stalactites ) ، بر آلتنده بعضى مفارده لر  
داخلنده كورولن طبيعى ( استالاقيت ) لرى تقليد ايتكمدن بوزمه برشيدر  
ظن ايديلور ، و اونك ايچون بو تزئينات شريفه ده غريبيلر بو اسمى  
ويرمشر و اوده بوكون بر تعبير اصطلاحى اولمشدر . احتمالكه ( مهر سليمان )  
ييلديز منظره سندن ملهم اولمش بر شكل هندسيه درده صوكره بو شكل  
اضلاعى ( الى غيرالنهايه اخراج ) ايله ( آرابه سق ) لر وجوده ككشدر .

خلاصه ، احتمالاً ( تزینات هندسیه ) دیدیکمز بو نقوشك منشأ ده  
تقلید طبیعتدر !...

فقط ، بوکونکی اقوام وحشیه حقنده کی تنبغات ، کوستریورنه قطعاً  
رسمدن آکلامایان ، مثلاً ( برآت رسمی برکی رسمندن فرق ایدمهین )  
بعضی اقوام ابتدائیه ، تزینات هندسیهده خیلدن خیلی مهارت اثبات  
ایده بیلور . کندی فکر بنجه گوزل کورونمک ایچون ، یوزینه وبدنک  
برچوق لرلرینه ( ایکنه ایله دوومه نقشلر tatouages ) یاییورکه بوتزیناتی  
طبیعتده موجود اولان بعضی اشکال دن استنساخ اتمدیکی ظاهر و محقق در .  
هم شوجهت زیاده سیهل شایان دقتدرکه رسم تقلیدی به مستعد اولان وحشیلر ،  
مطلقاً کوزل تزینات یابانلر دکلدر . بویکی نوع هنر باشقه باشدقه استعدادلر  
بیله عطف اولونمق ایسته نیلمشدر . آثار عتیقه یی براقلم ؛ بوکونکی اقوام  
وحشیه نك - نقوش قبل التاریخیه یی تمامیه آگذیران - آثار صفتنه باقلم :  
مثلاً ( یکنی زه لاندان Nouvelle Zélande ) و ( یکنی کینه Nouv. Guinée )  
وحشیلرینک تزینات و نقوش هندسیهده بویوک بر مهارت لری کورولویور ؛  
حالبوکه ( رسم تقلیدی ) ایچون ذره قدر قابلیت لری یوقدر . اک عادی بر  
یایراق شکلی رسم ایده مدکلری کیی ، اک بسیط بر رسمی آکلامقدن ده  
- عیبی درجه ده - عاجزدرلر . حالبوکه ( اسکیمو esquimaux ) لرك  
رسمه استعدادلری شایان تحسین بر درجه ده در ؛ فقط نقوش هندسیه ابداعه  
قطماً قابلیت کوستره مشلدر . اوقدرکه بوتون سلاح صابلرنده وسائر  
اوانی لرنده کورولن تزینات ، هپ ( تصویر ) و ( تقلیدی ) در . حیوان  
وبالق رسمارندن عبارتدر .

بر قومده بو ایکی نوع تزینات یایمق قابلیت برلشه مز ، دهنیله مز .  
نته کیم اسلامیتک ظهورندن اول خیلی مرقی بر مدنیت تأسیس ایدن  
ماوراءالنهر ترک لرینک آثار صناعیه سی بونک امکاتی اثبات اتمشدر . ( طور فان )  
خرابه لرینی کشف ایدوب اومدنیت مندرسه یی اورطیه چیقاران آلمان عالم  
متخصصی ( لوفوق ) بر چوق آثار نفیسه بقایای شهر اتمشدرکه بونلر



میانده نظر تقدیری جلب ایدن ( پشمش چامور = terre-cuite ) دن  
 مصنوع انسان چهره لری و هیکل جگر نه قدر گوزل ایسه طاوانلری ترین  
 بویالی نقوش قلمکاری اودرجه نازنین در . لکن صنایع تقلیدیه ایله صنایع  
 تزئینیه استمدادی ، هر ملتده هر قومده عینی درجه کالده اولمایه بیلور ؛  
 و تزینات هندسیه ایله تزینات تقلیدیه دخی دائماتوازیاً کتیمور . مثلاً صنایعک  
 هان هر شعبه سنده وهله معمارلرده خارق الماده بر درجه ترقیه واصل اولمش  
 بولونان عرب مدینتی ( رسم dessein ) ده و بویالی دسمده بك کری  
 قالمشدر . هیکل تراشلق ایسه اوقدر ابتدائی بر در کرده در که هیچ یوقدر  
 دهنیه بیلیر . عربلر صنعت تزئینیه ده دخی غایت عالی بر مرتبه کالده ارتقا  
 ایده بیلمشلردر ؛ لکن عرب تزیناتی بالخاصه هندسی در ؛ چیز کیلرک نامعدود  
 و آهنگدار ترکبتندن عبارتدر . ( الحمراء Alhambra ) کی مثلی نامسبق  
 بر سرای بنا ایدن و اونک طاق و رواقی ، درودر و ازمه سنی طاوانلرینی  
 و دیوارلرینی صوکه درجه ظریف و فسونکار ( آرا به سق ) لر ایله سوسله یین  
 عرب صنعتی ، هیکل تراشلقده بك چو جوقدر . ( الحمراء ) سراینک مشهور  
 ( آرسالانی سالون salle des lions ) ی بونی کوستریور . او محنتم  
 سالونک اوردطه برنده کی حوضک اطرافده موضوع بولونان مرمر آرسالانلر ،  
 اوقدر عجیب الشکلدر که آرسالانن زیاده هر شینه بکزر . بوجوانی هر بلرده  
 طانییورایدی ایسه هیچ بر ملت طانیه ماز . حالوکه هیچ تصویر ایده مه مشلردر .  
 حتی جامع قابولرنده و محرابلرده کی ( مُقرنسات les stalactites ) ، تقلید  
 طبعندن ملهم اولمش تزیناتدن معدود اولقله برابر ، عرب دهای صنعتی  
 اونی قطعاً هندسی برشکله افراع ایدوب راقشدر . چونکه او ( آقیمه ) لرك  
 دستور ریاضیسی واردر . بعضی کتاب قابلرنده و دیوارلرده کورولن  
 قلمکارلقلرده و ( تذهیب enluminure ) لرده فیلیزی یا پراقلره بکزر  
 تزینات واردر ؛ فقط بونلر ایرانی در . عرب صنایع عجمدن انتقال ایتشدر .  
 بعضی ملتلرک ( ذهنیتی la mentalité ) دها زیاده ( منطقی logique )  
 اولدوغی کی ، بعضی اقوامک دهای صنعتی دها زیاده هندسی تزینات  
 ابداعنه قادردر ؛ دهنیه بیله جکدر .

هرنه اولورسه اولسون، کیفیت ظاهر در، و صنایع ترینیده ذوق ملی و سچی عرقیه نك علامات فارقه سندن برینی تشکیل ایدر .

تاریخ صنعتده صلاحیتدار حکم اولان ( سالومون ره ناق Salomon Reinach ) تصویر قابلیت سزلکنی دینك تأثیرینه عطف ایدیور ؛ جانلی شیئر رسم ایتمکدن امتناع مجبوریتنه اسناد ایدیور که قسماً طوغرودر .  
[ anthropomorphisme کلمه سنه باقیکنز ! ]

صنایع نقیسه ، بر باشقه نقطه نظر دن دخی تقسیم اولونمشدر : اولاً ( arts plastiques صنایع تصویری ) نامیله بعضی شعبات تمیز ایدیلور . بو ، یاغلی بویانك انواع مختلفه سیله هیكلتراشلی شامل بر سنقدر . تمیزك اوشباهه تخصیص ایدلمش اولماسنه سبب ، برشینك شكلی ، رنگرینی ، وضع وطوری آنجق یاغلی بویا و هیكلتراشقله ادا ایتمك ممکن اولدوغنددر . ذاتاً بوتعیر، لسان یونانیده ( پلازما plasma ) کله سندن مشتقد ؛ اصل معنایده ( برشینك ماده سی و حاموری ) دیمکدر . نته کیم ( پروتوپلازما ) ماده ابتداییه دیه ترجمه اولونمشدر . [ protoplasme کلمه سنه باقیکنز ! ]  
اولحاله ( arts plastiques ) ، صنایع تقلیدی نك اك مکمل والک زیاده موفق اولانی در . چونکه شکل ورنکی ایله وضع وطوری ایله برشینتی عیناً تصویر ایدیلور .

موسیقی ایله معماری - بونقطه نظر دن - آیری برصنف عدایدیلور ؛ چونکه بونلرده آهنگ اساسدر ، آهنگ دخی - تحلیل اولونونجه - برنسبت ریاضیه منجر اولوب قالیور . ( beau کله سنده بو مسئلهیه دائر ایضاحات وارددر . باقیکنز ! ]

مشهور ( ایپولیتین = Hyp . Taine ) ، فلسفه صنعت نام اثر معبرنده بو ایکی شعبه صنعتی، عاداتا، ( صنایع ریاضیه ) تعیریه آیریور : { کوزمزله ( تحدسی اوله رق intuitivement ) حس ایدیور دیکمز نسبت ریاضیه ، آنجق معمارلقده تجلی ایدن آهنگدر . بو آهنگی برآنده ادراک ایدیور مک، ( ذوق ) صورتنده محسوس اولور . موسیقیده نسبت ریاضیه یی - ینه تحدسی اوله رق - قولاغمزله ادراک ایدیور برز و اونیده بر ذوق

مخصوص صورتند طویارز . بناءً عليه بوابی صنعت قطعاً تقلیدی بر مقصد و ماهیته مقارن دکلدر . یالکزموسیقی، بعضاً سسی وایکینی بی ادا ایدہ بیلدیکی ایچون، صنایع تقلیدیله ایلہ من جهة بر علاقه مشابہت عرض ایدر . فقط معمارلق اصلاً تقلیدی بر صنعت دکلدر . [ دیور . واقما طبیعتده بر سرای ویاخود عبادتخانهیه بکزر برشی یوقدر که معمار اوئی مشق تقلید اتخاذ ایدہ بیلمش اولسون ! .. نته کیم بر ( بنسته ) نک، بر ( شرقی ) نک ده نمونسی یوقدر . بر قصیدهیه، بر منظومیه بکزر برشی ده یوقدر . بونلرک بالخاصه طبیعت بشریه آثارندن اولدوغی شہه سزدر . لکن منشأ لرینی آراسهق ( تقلیدی الاصل ) اولوب اولمادقلری بر مسئله غامضه تشکیل ایدر . بوکون بودرجه ترقی ایلہ برابر البتہ صنایعده تقسیم اعمال وقوعه کیش وھله غایه صنعت خیلی تعالی ایدہ رک تقلید در که سندن یوکسلمشدر .

[ esthétique ] کلمه سنده مذاهب مناقشه سنه باقیکر . بو مسئلهیه دائر تفصیلات وارد . ]

بوکون جمله من بو تقسیمک اهمیتنی تسلیم ایدیورز . بیلورز که مثلاً ( شعر la poésie ) بر ( art plastique ) دکلدر . فقط شعرک ( محاسن صوریه beautés formelles ) سنی، لسان اعتباریلہ منقحیتی، شکل نظم و محت قوافی اعتباریلہ کمال و سلامتی مراد ایدنجه ینہ اوتعیری شعره وصف ایدہ رک قوللانہ بیلیرز . مثلاً : ( عبدالحق حامدک شعرلری پک اثیریدر ؛ بعضاً ده پک علویدر . مع مافیه فکرک شعرلرنده اوقدر ( plasticité ) وارد که عادتاً کوزله کورولور ؛ و بو خصوصده حامدک اشعاربنہ فائقدر ! .. ] دیدیکم زمان بوراده قوللانديکم او کله ، ده مین ذکر ایتدیکم محاسن صوریه نک کافه سنی متضمن بولونور و مرادمده اودر .

بوندن ماعدا ( art d'agrément ) تمیری ده واردر . اکلنجه قبیلندن بر صنعت دیمک اولور . ( رقص ) ک بو ماهیتده بر صنعت مخصوصه اولوب اولمادینی موضوع بحث و مناقشه در .

فکر بجه بو بحثلری اساساً تنور ایدہ بیلیمک ایچون شعبات صنایع هر برینی ( قابلیت تبلیغ capacité d'expression ) اعتباریلہ آیری آیری

تبع اتمه‌لی در . چونکه هر صنعتك كندینه مخصوص وماهیت ذاتیه سیله صمیماً علاقه‌دار بر ( طرز تبلیغ ) ی وارد در . شعبات صنایع آره‌سنده کی اساسی فرقلر بوندن نشأت ایتشد در . بناء علیه، هر صنعتك وسائلی، طرز بیان و شیوه اداسی بر اوله‌مایه جفی کیی ، تبلیغ ایتدیکی شیلر و معنارده بر دکلدر .

( صنعتكار artiste ) ، كندی روحك هیجاتی هر هانکی بر وجهله تبلیغ اتمك ، یعنی معنویت ذاتیه‌سك اورعشه‌لریخی بر كسوه مادیت ایله اظهار ایله بیلمك ایچون كائنات خارجیه‌یی واسطه بیان اوله رق قوللانیر . باشقه چاره‌ده یوقدر . [ esthétique ] كله‌سنده بو بحث تفصیل ایدلشدز . باقیكز ! ]

لكن . وسائلط ماده‌يك جمله‌سی ده عینی حالات روحیه‌یی ، عینی درجه صدق و بلاغته بیان ایده‌میور . بو خدمته هپسك مرتبه قابلیت بر دکلدر ؛ و اونك ایچوندر كه - هر نه اولورسه اولسون - صنعت‌ده غایه و مقصد ده كیشمه‌دیكی حالده ، قابلیت تبلیغ اعتباریله ، وسائلط بیان آره‌سنده مهم و اساسی فرقلر وارد در ؛ و اوسیلله صنایع نفیسه تشعب ایتمش و آیری آیری دائره‌لر تشكيل ایلهر ك هر بری - كندی قابلیتته كوره - مجرای طبیعی‌سی دائره‌سنده مستقلاً ایلره‌مشدر . مع مافیه هر برینك ساحه‌تعلق بر اولمادیکی کیی، لسان تبلیغ و طرز بیانی‌ده باشقه‌در .

شعری، موسیقی، رسمی، یاغلی بویایی، هیكلتاشلی، معماری، رقصی و تیارویی - بو نقطه نظر دن - یكدیكرینه قیاساً تبع ایدرسك ، تبلیغ افكار و حسیات و تصویر حیات هنرنده برینك دیکرینه - بعضی وجوه ایله فضل و رجحانی واضحاً كورور حتی اسبابی‌ده آكلارز .

شعر ایله هر شیشی تبلیغ و تعریف ایده‌بیلیرز ؛ فقط آلدانمالمالی یز ! . شعرله اصل تبلیغ ایده‌بیلدیكمز ، ( افكار ) در . واقعا حسیات و یاخود اشكال و مناظر، حتی ( سكون le calme ) و یاخود ( جنبش و حرکت le mouvement ) کیی صرف فعالیت حیاته عائد اولان حالاتی بیله ادا ایده‌بیلیرز ؛ چونكه شعر ك باشلیجه واسطه تبلیغی قونوشدیقمز لسان بیاندر ؛

اوده ناممدود کله لردن مرکبدر . قابل تسمیه اوله بیلن هر شی وهر تودلو احوال ایچونده - مکمل ومدنی لسانلرده - بر کله مخصوصه واردر . لکن اونونمالمالی یزکه - کرک بر ( حس sentiment ) له کرک بر حالت روحیه نکه کرکه بعضی کیفیات و اوصاف ماده نکه اسمی اولسون ، - هر لفظ مضادار ، آنجق بر ( فکر idée ) تضمن ایده بیلیر . تلفظ اولونان هر کله بر ( تمثال صوتی symbole phonétique ) ، یازیلان هر سوز بر ( تمثال رسمی symbole graphique ) در . بز اوئی ایشیدنجه، کورونجه اولو متضمن اولدوغی فکر مخصوصی تلقی ایده رز . بو، بر ( فکر محض idée pure ) اوله بیلدیکی کیبی بر ( فکر حس l'idée d'un sentiment ) ویاخود بر ( فکر حرکت l'idée d'un mouvement ) دخی اوله بیلیر . فقط هر نه اولورسه اولسون ، بر لفظک بزم ذهنمزه بدایتاً ایقاع ایده بیله جکی شی آنجق بر ( خیال image ) در؛ و بو خیال، او کله نکه معنای خصوصی در . ذهنمز او خیالک دلالتی سایه سنده ( بالتداعی par association ) متأثر اولور . شاعرک بیان ایلدیکی کله لرله بکاتبلیغ ایتدیکی خیال لر نه جنسندن ایسه، بنده او جنسندن بعضی تأثرات او یانیر . دیمک که او تأثراتی، بن، ایکنجی الدن ( یعنی کله لرک ایقاع ایتدیکی خیالات واسطه سیله ) تلقی ایده بیلورم؛ بناء علیه طوغرودن طوغرویه دکل ( بالتصوره بالاستحضار par représentation ) ادراک معناییدیورم؛ دیمکدر . کلماتدن طوغرودن طوغرویه تلقی و ادراک ایده بیلدیکم شی ایسه آنجق او کلماتک خیالات مخصوصه سیدر؛ یعنی متضمن اولدقلری افکاردر . بسیقولوزی ده فکر و خیال بر در . ( image کله سنه باقیکنز ! )

بسیقولوزی نکه حقائق اساسیه سندن بری اوزرینه پنا ایتدیکم بو ادعای مثال ایله ایضاح ایدرسه، نه دیمک ایسته دیمک پک اعلا آ کلاشیلیر :  
بر شاعر بکارنکین بر لوحه طبیعت رسم ایتسه، بالطبع بونی آنجق کله لرله یاپه بیلیر . فرضا نامق کال بکک ( کلیولیده بر لوحه غروب ) ی کیبی ...  
او اثرینی اوقورسه - طبق طبعیونندن بر رسام کیبی - قلمله تصویر ایتدیکی منظره رشکارنکی ادراک ایدر و بر تابلو کورمش قدر ذوق آلیرم .

فقط - بکا ذوق ویرن او منظره‌ی - آنجق خیالاً ادراك ایده بیلیرم .  
شاهرک اثرنده کوردو کم بر سو رو اشارت لر یعنی یازیلر ، نیم ذهنده بر طاقم  
خیال لر او یاندیریر و اونلر افکار و حسیات ( مکسویه acquises ) م ایله  
( تداعی لر associations ) حصوله باعث اولورده آنجق اوسایده ( لوحه  
غروب ) ی بالتصور مشاهده ایده بیلیرم . فقط بالذات غروبی سیر ایتمک  
ویا خود او منظره‌ی مصور اولان بر ( تابلو ) کورمک هر حاله فرقی در .  
تابلو او منظره‌ی بکا الوان و اشکالیه بر آنده کوستریر . بوتقدیرده تلقی  
ایتدیکم رنگلر و شکللر بلا واسطه عالم خارجی دن آدینگ ( تأثرات  
inpressions ) در . بناء علیه مناظری، الوان و اشکال کبی ( احساسات  
sensations ) ی ( صنعت تصویر la peinture ) ، بکا ( présentativement )  
یعنی بلا واسطه عرض ایتمک صورتیه ( القا ایده بیلیرم ؛ حالوکه شعر  
- نه یایسه - آنجق کله ایله تعریف ایدیور و بنده خیال لر ایقاع ایتمک صورتیه  
عینی احساساتی او یاندیره بیلیرم . یعنی ( représentativement ) بر لوحه  
عرض ایده بیلیرم . ( بو کله لر و association تعیرینه باقیکنز ! )

بو، هم بسیقو لوزی ده هم ده اونک قانونلرینه قطعاً متقاد اولان بدیعیات  
بختلرنده بک مهم بر فرقدرد، و تصویر خصوصنده ( یاغلی و صولی بو یا ) نک  
شعردن و موسیقی دن دها زیاده قابلیت تبلیغه مالک بولوندوغنی کوستریور؛  
هم اثبات ایدیور که تصاویر شریه دن جداً ذوق آله بیامک ایچون اولجه تجربه  
حسیه شرطدر . چونکه بوتور لوطویفورده معیار اساسی، آنجق ( احساسات  
sensations antécédentes ) در . مثلاً عبدالحق حامدک شو  
نازنین تصویر مهتابندن براعمای مادرزاده حتی - نفائس خلقته - حسسز  
برکوزله باقان برعادی آدم، هیچ بر ذوق آلاز :

ای ماه که خون نیلکونک ،  
آفش چنه مثال مهتاب ! ..

پیتنده - ( بووی دوشاوان Puvis de Chavannes ) ک ( افریز  
frise ) لرینی و ( کتابه panneau ) لرینی آکدیران صولفون و ثولکون

رنك كوزلكنى حس ايدە بيلمك ايجون، اولجە اويلە بر كيجەدە نورمەتابك  
صفحة چىزارە قارشى جلوة تأثيرى كورمش واوندن ذوق آلمش اولماليدىر.  
فقط نه اولورسە اولسون بوخصوصە برتابلونك لسانى، بر منظومە نك طرز  
بيانندن البته دها بليغ در .

كذلك شعرايله روحىك آلام وافقاتى ادا ايدە بيليرز. شعرء - واسطه  
تبليغ اوله رق - لسان بيانه تماميله تصرف ايدە بيلديكى ايجون سويله ميه جكى  
برشى يوقدر . فقط بر شاعر سوزله نه قدر ايكله سه ، نه صورتله نوحه كر  
وياخود نغمه سرا اولسه ، ينه موسيقى شناسك ( ياي archet ) ى ، نوحات  
انسانيه يي ادا ايدە بيلمك هنرنده ، شاعر ك ( صرير خامه ) سندن بك فضله  
بليغ در . شعر ايكيلىتى و على العموم حسيات صميمه مزى تعريف ايدر .  
فقط ( كان ) ياخود ( ويولونسەل violoncelle ) بالذات ايكلر .

حرکت و جنبش حيات ايجون دہ بويله در . مثلاً : فکرتك ( لادانس  
سہ پانتين ) ى قدر كوزل و هنرورانه بر لسان شعرايله حرکتى تصوير ايتمك  
اولماز . بومعجزه صنعتك وزنى ، اومز مہر لسانك آھنك ورنكى ، مستزاد  
اولان كوچوجوك مصراعلك اطراد تماقي ، سراپارقصاندر . حتى شمرده  
( رقص ) ، بوقدر اوله بيلير . مع مافيه رقاصه نك بالذات كنديسنى اويناركن  
كورمك بوسوتون باشقہ در . چونكه جنبش حياتده آھنك و نظم حرکاتى  
ادا ايدە بيلمك ايجون ( رقص ) دن بليغ بر لسان صنعت يوقدر . حتى  
بوخصوصە شعر دن - بالنسبہ - دها بليغ اولان ( صنعت تصوير peinture )  
بيله رقص قدر موفق اوله ماز ؟ زيرا بر دقيقه دہ بر جوق حرکات ظريفه  
ومتواليه عرض ايدن رقاصه نك آنحقيق برتک وضع و طورينى ثبت ايدە بيلير .  
موسيقى بو هنر دہ رسمدن دها زياده موفقيت کوسترييور . چونكه حرکاتك  
شکلنى عرض ايتمکدن کلياً عاجز اولمقله برابر اطراد آھنكى تماماً احساس ايدسيور .  
طبيعى هيکل تراشلق دہ رسم کي در ؛ فقط موضوع مخصوصى اعتباريله ،  
دائرة تعلق ، صنعت تصوير كنه نسبتله جوق طاردر . چونكه يالکزانسانك  
وحیوانات عاليه دن جزئى بر قسمنك شکل و هيئتى و بروضع و طورينى عرض  
ايدە بيلير . فکر بيان ايتمکده قابليتى - ادبياته نسبتله - بك آذرر . بر

فکری آنجق ( تمثالی و کنائی symbolique et allégorique ) بر صورتده ادا اید بیلیر . مثلاً ( معمای خلقت l'énigme de la création ) ی ( سفنکس Sphinx ) شکنده ( قَدر le destin ) ی کوزی باغلی بر اختیار آدم هیئتده؛ حقیقی، بر قویودن چیللق چیقان و آئنده آینه طوتان بر قیز قیافتده؛ نولوم و ( اَجَل ) ی، آئنده بویوک بر ( طیربان faux ) طوتان بر قدید صورتده تصویر ایدر . بو وجهله تبایغ افکار ایتکده واسطه و طرز بیانی، بویالی رسمدن قطعاً فرقلی دکلدر . نته کیم ادای حسیات ایتک ایچونده رسم ایله هیکل تراشللق طرز افاده سی بر درر . بو صنعتلرک هر ایکسی ده انسانک ( شئال و جهیه traits physionomiques ) سیله تصویر معنویات ایدر؛ باشقه یولی یوقدر . بزم موزده موجود لحدلردن برینک اطرافده آغلایان قادین چهره لر ی؛ و اتیقان موزده سنده محفوظ بولونان ( لائوقون Laöcoon ) نامیله مشهور ( غروپ groupe ) ودها بر جوق امثالی کیی!.. رسده اوقدر انواعی چوقدر که مثال ایرادینه حاجت یوقدر .

لکن، اوضاع و اشکال مختلفه انسانیه یی ادا ایتک هنرنده هیکل تراشلق صنایعک کافه سنه فائق بر قدرت بلاغتی حائزدر . واقعا یاغلی بویا دخی شکل ورنک، وضع و طور تصویر ایتک ایچون برنجی درجه ده ابراز هنرایده بیایر؛ هله موضوعی انسانه منحصر اولمادیفی ایچون تصویر ایدمه، چکی هیچ برشی یوقدر . ساحه تعلق ادبیات دائره سی قدر کنیشدر . لکن هیکل تراشلق هیئت انسانیه یی مجسم اوله رق تصویر ایدمه بیلیر . حالبوکه رسم کولکک ایله شعبده بازلق ایدره ک شکل مجسم کوسترمکک چالیشیر؛ اصل کندی هنری بودر . یالکز ( portrait ) یعنی جهره انسان تصویر ی ( genre طرز ) نده یاغلی بویا هیکل تراشلق هر وجهله فائق و مرجحدر؛ چونکه بو نوع هنره اصل مقصود اولان موفقیت، بر جهره نک ( صفت بارزه caractère saillant ) - سنی تشکیل ایدن ( سجهیه معنویه caractère moral ) یی تمامیه عرض ایدمه بیلمکدر؛ بر جهره نک بوتون سجهیه معنویه سی ده کوزلرنده در . هیکل تراشلق کوزلری حقیقه تصویر ایدمه میور؛ یالکز شکلنی رسم ایدمه بیلیر؛ باقیشنده کی معنایه ترجمان اوله میور . یاغلی بویادن زیاده بوکا موفق اولان



بر صنعت یوقدر . مثلاً بر ( پیکر buste ) یعنی باش ایله کوکس دن عبارت یاریم بر هیكله باقیکنز !.. عضلات ، شمائل و جهیه ، وجودك طامارلری ، کیرینتی لی چیقینتی لی برلری بك طبیعی وبك کوزل یاییلمشدر ؛ حتی ألبکزله اوعضلاتی طوته بیلیرسکزر ، چونکه بر قابلو کیی موشامبه اوزرینه تصویر ایدلش بر صورت دکدر ؛ مجسم بروجوددر . فقط کوزلرینه باقیکنز !.. هیچ حیات اثری کوره مزسکزر . اومعنالی ( ادا expression ) یوقدر . ( چوره خطوطی lignes de contour ) دخی طبیعی دکدر ؛ چوق سرتدر ؛ زیرا مرمرک ، طونجک ، بالمومیك ، تحتك ، الحاصل عروم فیض حیات اولان ماده لرك بدن انسانه تمامیله بکزه تیله بیله جك هیچ برقابلیت عضویه سی اوله ماز . اونك ایچون - مرهانکی ماده دن معمول اولورسه اولسون - برهیكلك خطوطی بك کسکین اولور . حالبوکه ( بشره انسانیه = l'épiderme humain ) ، شفتالی تویی کیی غایت نازنین قیللرله محاطدر ؛ بونلر جهره نك ووجودك چیز کیلرینی دها یوموشاق ودها طاتلی کوستریر ؛ گولگه لندیریر ! بوگولگه کیی ، تراشیده مرمرله یاخود دوکه طونج ایله ادا ایتك ناصل بمکن اوله بیلیر ؟ ..

برهیكلتراشی الی الابد عاجز برافان بومشكلات ، بر ( مصور peintre ) ی هیچ دوشوندورمز . رنگر ، مصورك اك مهم واك کوزل وسائط تبایفه سندندر . جهره ی تصویر وکوزلرك دخی رنك حقیقیسی تمین ایتدکدن صوکره ، کوز بیکنك بر طرفه - فیچه اوجی ایله - اوافق بریاض نقطه براقیورمکله نظره برادای مخصوص ویرهك اوچهره نك سجه مضویه سنی ابراز ایده بیلیر . اوزون کیریپکلرك کوز بیکلرینه دوشوردوکی گولگه لرك - اوفسونکار وسودای - حالته عیناً عرض ایده بیلیر . الحاصل اوچهره یه کرکی کیی بر معنای حیات افاضه ایده بیلیرکه بوموقیتك هیكلتراشلق ایچون قطعاً احتمالی یوقدر .

شو ( مطالعات تحلیلیه études analytiques ) مدن لایقيله آکلاشیلیورکه جلوه حیات و معنویاتی تبلیغ هنرنده برصنك قابلیتی دیکرندن - من جهة - برتردر . بناء علیه هرصنعتدن کندی قابلیتی وکندی وسائط مخصوصه سی

دائرة سنده بلاغت ایسته مه ملی در . مثلاً :

مہتاب تورم ایله مش ؛ لیل ،  
ماتمزده ، اشکبار ، مقبر ! ..

بیئتک معناسی موسیقی دن ایسته مه ملی در . موسیقی لسان حسیاتدر .  
لسان افکار دکدر . بویه شیلر سویله مز . بر مہتاب تصویر ی ده یاپه ماز .  
آهنک اصوات ایله حقیقی بر منظره دخی رسم اولونه ماز . واقعا بمضاً حدی  
آشارق تعمیرات اصطلاحیه یی - قابل تطبیق اولدقلری شیلرک دائره سی  
خارجنه چیقاروب - تشمیل ایده رز . مثلاً [ فکر تک ( آونک تصاویر )  
غنوائیله یازدینی سلسله اشعارده نه قدر فسونکار بر جلوہ رنگ وار ! . هله  
( ندیم ) منظومه سی رنگ و ضیایله شمعشماره کوزل بر تابلودر ! .. ] دیرز .  
یاخود اصل آناطولی ( ترکی ) لرندن برینی سازله دیکله دیکمز زمان : ( بو  
ترکی ده نه قدر واضح بر ( couleur locale ) وار . ) دیه حکم ایده بیلیرز .  
لکن یا کلش آکلاما ملی در ! .. بو ( رنگ ) تعیریخی آنجق ( تمثیلی  
parabolique ) بر معنا ایله قوللانیورز دیمکدر . [ فکر ت او آدم لک  
چهره جسمانی و مزاج شخصیلرینی بر رسم کبی تصویر ایده بیلمش و سجه  
معنوی لرینی - وجوه مختلفه لرله - روشن بر صورتده کوستره بیلمش ] دیمک  
ایستیورز . ( couleur locale ) دن مقصد مز دخی [ او مملکتک ،  
او قومک شیوه مخصوصی تماماً ادا ایدیور ! ] دیمکدن عبارتدر . نته کیم  
( رنگین بر اسلوب ) دیدیکمز زمان ، بر چوق صفتلری و ترکیباتی حسن  
صورت اوزره ترتیب و استعمال ایده رک ، موضوعی - وجوه مختلفه سیله -  
واضحاً تبلیغه موفق اولان بر ( طرز بیان ) مراد ایده رز .

کذلک ، [ معاصریندن صنعتکار مشهور ( لورد فده دریق لایتین  
Lord F. Leighton ) ک تابلولرنده فوق العاده بر ( آهنک harmonie )  
وار ؛ لکن حیات یوق ! حالبوکه ( دوتای Detaille ) ک تابلولری نه قدر  
جانلی ! . ] دیدیکمز زمان ، طبیعی آهنکدن مقصد مز موسیقی ده کی آهنک  
دکل ، ( ترتیب ) در . جانلی صفتندن ده مراد مز حرکات و اطواری تصویر

خصوصنده موفقیتی در ؛ یعنی ( effet dramatique ) در . یوقسه اونك  
 تابلوسی صحیحاً جانلی ده دیکر لرینك کی جانسز دیمك اولمایه جنی بدیهی در .  
 اونك ایچوندركه بر شعبه صنعتك موفقیتله یاپه مایه جنی نوع هنری اوندن  
 بکله مك عبندر . واقعا قلمله تابلور، تصویر لر یاپیله بیلیر ؛ فقط شعر عالم  
 خارجی مناظرینی تصویره چالیشیرسه ( افافی objective ) اولوق درک لرندن  
 قورتوله ماز ؛ ( descriptive ) یعنی تعریفی و تصویری منظومه لر - نوکسك  
 و حقیقی معناسیله - شعر دکلدرد . یاغلی بویانك، پك رنگسز بر تقلیدی در .  
 حالوکه شاعرك یاپه جنی اك کوزل تابلو، عالم خارجی مناظرندن مقتبس  
 سونوك خیالاتی رسم ایتمك دكل، الكماهر رسامك بیله فیرجه ایله، موشامبا  
 وبویا ایله تصویر ایدمه یه جکی ( انفعالات روحیه ) نی عرض ایتمکدر .  
 کندی تأثرات وجدانیه نی کمال بلاغت ایله بیان ایدمه بیلیمکدر . شاعرك  
 دائرة خصوصیتی ، حریم صنعتی ایشته بوراسیدر . رسام اونك آنجیق  
 قابی سنه قدر کله بیلیر . موسیقی سناس اك کیزلی گوشه لرینه قدر کیره بیلیرسه ده  
 اوراده هر کوردوکنی بزه نقل ایدمه مر ؛ یالکمز طویدوغی نعمات ونوحاتك  
 عکس صدالرینی احساس ایدمه بیلیر . اونك ایچون شعرك معنای حیاته بر  
 ( دائرة خصوصیه domaine propre ) سی وررولی واردرد؛ حقیقی و علوی  
 شعر - ماهیتی اعتباریله - آنجیق ( انفسی subjective ) اوله بیلیر .  
 موسیقی یه ده شعرك وظیفه سی تحمیل ایتمه لیدر؛ دیمشدم . البته موسیقی ده  
 برلساندرد ؛ فقط کلمات ایله برشی افاده ایدمه بیلیمسی ممتنع دره . اون طوقوزنجی  
 عصرک الک بویوک موسیقی شناساندن ( منده لزون Mendelsohn ) : { هر  
 ( صوت son ) برکله در ؛ } یعنی معناداردرد ؛ دیمش ایدی . ینه او عصرک  
 داهی بر بستمه کاری اولان ( واگنر Wogner ) بوسوزی معنای حقیقی سیله  
 تلقی ایتمش اولمالی درکه صرف موسیقی ایله هر شیئی بیان و تبلیغ ایدمه بیلیمک  
 اداسنده بولونمشدر . ( musique dramatique تیاترو موسیقی سی ) نده  
 دنیا به برمثی ده کله مش اولان بو آدم، بلکه صحنه ده بوکا موفق اوله بیلیر .  
 بزه هیچ سوزك معاونته محتاج اولمایه رق بر ( پاندومبا pantomime ) دن  
 دخی معنایقاروب او یونجیلرک طورندن - نه یابدق لرینی، نه دیمک ایسته دک لرینی -

آکلايه بيلپورز . بويله برشي ممکن ؛ لکن يالکز موسيقي ايله ظن ايتم که ممکن اولسون !... مثلا :

ايدر ليساي\* هجراني که بکه تنوير ،  
سرمدہ ، فکرت وحدت که برق صاعقد .

پيتک کمال صراحت و بلاغتله ادا ايتکده اولدوغي معنای ، منحصرأ بيانو ويا کآن ايله يمی ساده اصوات و نغمات ايله عینأ ادا و افهام ايتک ناصل ممکن اوله بيلير بيلم !.. بويکي مفهومات عاليه و مضامين دقيقه يني سوزله سويله بيلمک ييله فوق العاده برهنردر؛ پک بويوک برشاعر اولغه متوققدر .

بناء عليه موسيقي دن بوموقبتي قطعأ اميدايده مەيز . زيرا ايشي اودکلدر؛ ماهيت ذاتيه سنه منافي اولدوغي کيبي و سائطي ده بونک ايچون غير کافی در .

واقعا ( واغز ) ، ( musique sans parole ) دعواسيله موسيقي نک شعره قارشى تمامی\* استقلالنى ده تأمين ايتک ايستيور . بونده حقى واردر؛ بو اوغورده غيرتى ده مستحسن در . ذاتأ بدايتده بويکي صنعت ايکي همشيره توأم کيبي يان يانه بويوديلر، قول قوله ترنم ايتديلر . بويودکدن وکسب کال ايتدکدن سوکره آريله بيلديلر ؛ فقط هر برى معنويت انسانيه نک برطاقم جلوهرينه ترجمان اولوق اوزره کندی لسان طيعيسنده کسب اختصاص ايتدی . تکاملک اقتضاسی ( تقسيم اعمال division de travail ) در ؛ اونک ده ايجابي ( اختصاص spécialisation ) در . بونک ايچوندر که هر صنعت ترقى ايتدکجه ، آنجق کندی وسائط بياني کال ايدر و يالکز کندی لسان مخصوصى ايله هيجان بشره - ده بويوک بر بلاغتله - ترجمان اولغه چاليشير .

( واغز ) ک ( گفته سز بسته musique sans parole ) سى ، البته کندی باشنه حسيات بشرينه نک بليغ فقط آنجق عمومى و نامعين بر لسانی اوله بيلير . فقط آدنى بر فکر بيان ايده مز . بزم شرق موسيقي سنده ( تقسيم ) لر و ( پيشرو ) لر - ابي اولسون کوتي اولسون - گفته سز بسته نمونه لريدر . بونلردن البته برشي ا کليورز که بمضامناثر اولوپورز . فقط

آكلاديفمز (فكر idee) می در ؟ .. البته دكل ! .. عمومی ومهم بعضی حسیاتدر . بوحسیاء حقیله ترجان اوله بیلن برآریتست، سازینی ایگه تیرکن، - طولاشدینی مقاماته وملهم اولدوغی نغماته کوره - حسرتلر، شکایتلر، فغانلر، بمضاده صمیمی مشافهه لر، حتی ندامت لر واعترافلر ایدیورمش کیبی غریب برشیلر طویویوروز . بونلر حسیاتمزك صور عمومیه سیدر؛ و بزکندیمز (بالتیل والتدعی par analogie et par association) اونغمائی-تجارب سابقه حسیه مزه کوره - تفسیر ایدرک بومعنا لری چیقاریوروز که موسیقی دن بکله دیکمز فسون تأثیر بوندن ایلری کیده مز صانیم .

(گفته سز بر بسته) دیکلرکن، فرضاء فوق العاده تأثر لر اظهار ایدن حساس برآدمه : ( بوتقسیمدن نه معنا سزیورسک زده بوقدر متأثر اولویورسکمز ؟ ) دیه سؤال ایتسهک ؟ اوده : ( برعاشق مأیوسك شکایاتی ایشیدیورم ! ) دیه جواب ویرسه، صو کو تورور ؟ فقط بو حدی آشاده ( سنك اوزون و سیاه صاچلریكك لیل حسرتله نه-منای واد که بن، یالکز قالدبم کیجه لر هب اونلری دوشونورم ! ) دیور ! .. دیه ایضاحاته کیریشسه، البته بزمله استهزا ایتدیکنه قانع اولوروز . قورو بر بسته دن بوقدر معین فکر لرله صریح بر معنا چیقمه نك احتمالی یوقدر .

بونک کیبی، شعر دن ده یالکز موسیقی ایسته مک، و - اویله بر تأثیر تأمین ایده بیلیمک امیدله - معنایی وزن و آهنگ اوغورنده فدا ایتک ضلالت در . شعر، حقیقتاً برابر الهام اولورسه، ذاتاً ریشه هیجان ايله طوغار؛ ثولوطوغماز: اویله بر شعر ده فسون آهنگ ايله جلوه نما بر فیضان حیات وارد در . (ربانی lyrique) تعمیر توصیفی سی ايله تمیز ایتدی کمز بو شعر لر همه حال آهنگدار در . بو آهنگ، شاعرک تیره بن صمیم روحندن کلیر، اونک عکس صدا سیدر . وزن ايله اولماز . لسان نظم ده ( وزن )، لسان شعر ده ( باطوطا ) نك عینیدر . نته کیم موسیقی ده بیله یالکز ( اصول ضرب ) ايله بر ( بسته ) وجوده کتیر یله مز . بو بویله اولقله برابر شعر ده مقصد اصلی - کیف ماتفق - الفاظ ايله ترتیب آهنگ ایتک دکلدر . کوزل سوز سویله مک فقط آهنگله سویله بیلیمکدر . دکل شعر، عادی بر لاقیردی بی بیله دقت و هیجان ايله سویله مک

مجبور قالدیمز زمان، سسمز تیزدر، طور بیانمز بر ادای موسیقی آلیز .  
 بو طبیعی در . بلکه موسیقی بو قابلیت فطریه مزدن طوغمشدر . بناءً علیه  
 آهنگ - مرء بیان فکر و ادای حسیاته مانع اولمادقدن باشقه - لسان نظمک -  
 - طرز تبلیغ اعتباریله - الکسحرکار یاردمجیسی در . فقط بو قابلیت تبلیغ،  
 صمیمیت حس ایله شدت هیجاندن ایلری کلمه لی! ( الهام inspiration )  
 دیدیکمز حالت فوق الماده نك علامت ظاهره سی بودر . بو اولمادقجه - منحصرأ  
 نعمه کارلق هوسیه - طئان و آهنگدار بعضی الفاظی ، مرهانکی بر وزنه  
 توفیقاً ترتیب ایدوبده معنایه قولاق آصماق ایله آنجق مهمل و دکر سز بر  
 منظومه وجوده کتیر یله بیلیر . مقصد لاف ایله موسیقی یایق ایسه - امین  
 اولمالی درکه - لسان تکلم، بو خصوصده هیچ بروقت و هیچ بروجهله موسیقی  
 ایله رقابت ایدمز . چونکه - ینسه تکرار ایدمز ! - وظیفه طبیعی سی  
 بو دکلدز .

حالبوکه بوصوک زمانلرده فرانسه ده بالخاصه شعر ایله موسیقی یایق  
 مقصدینه مبنی بر مسلك تأسیس ایدنلر اولمش و بو غربتک بزدهده بر ایکی  
 مقلدی بولومشدی ؛ صوکره - بالطبع - سوندی .

صنعتکارک مزاج فطریسی اکثر یا بوکی تمایلاتک سائقه حقیقه سی  
 تشکیل ایدیور ظن ایدمز . ( سمی auditif ) کلمه منده اشارت ایتدیکم  
 و جهله انسانلرک کیسی ( type auditif 'انمودج سمی ) در ؛ کیسی ده  
 ( نمودج بصری type visuel ) در . یعنی بعضی انسانده ( سامعه l'ouïe ) نك  
 [ حِدْت acuité ] ی و حساسیتی غالبدر ؛ بعضی سنده دخی ( باصره  
 la vue ) نك کی غالبدر . بو کیفیتک میل صنعتده خیلی اهمیتی واردر .  
 [ acuité des sens ] تمیرینه باقیکنز ! ] چونکه صنعتکار اولان آدم بو  
 ایکی نمودج دن بری تمیل ایتدیکنه کوره یاتلقیات سمعیه سندن و یا خود  
 تلقیات بصریه سندن ، بر فضله ذوق آلیز ، و بو ایکی حاسه مهمه دن هانکیسنگ،  
 قوای ذهنیه اوزرینه - هله بخیه l'imagination اوزرینه - حکمی غالب  
 ایسه ، حصوله کلن اثر صنعت ، او حکمک تأثیراتی واضحاً عرض ایدر .  
 مثلاً بر شاعر الک زیاده باصره سنک ( واردات acquisitions ) ی ایله

( ذوق بدیعی goût esthétique ) تحصیل ایدیورسنه اونك شعرلری ( pittoresque ) اولور؛ یعنی رسمه بکزر. 'ونده دها زیاده ( coloris جلوه رنگ ) و ( plasticité یعنی شکل و خواص عضویت ) کورولور . اکر سامعه نك وارداتی کنديسنه بالخاصه ذوق و یروب الهام شعرده ايلك و اك مهم رولی اوينيورسه اونك شعرلرنده آهنگ باشليجه صفت مرغوبه و ممتازی تشکيل ايدر .

مثلا مرحوم نامق کالك - ده مين ذكر ايتديكم - لوحه غروبی ، ذوق باصره نك اثر الهاميدر . حامدك ( ليرزم lyrisme ) نده دخی بالخاصه ( سحر آهنگ le charme de l'harmonie ) ك بويوك بردخلى واردرد . ( لامارتین Lamartine ) ك ( غراريه لالا graziella ) نام حكايه سنده اويله پارچهلر واردركه ، نثر دكل ، شعرده دكل ، آنجق ( ترانه ) در . حالبوكه ناطق اولدقلری افكار وحسيات تماميله عادى و هر كسك سويله ديكي شيلردر . ذاتاً ( رومانتيزم Romantisme ) مسلكنك نظمده اك زياده التزام و موفقيته تا مين ايتديكي هنر بودر .

مثلا حامدك - سراپا آهنگ اولان - ( ويل داوری ) عنوانی منظومه سنده :

قوش کورونمز ، عكس ايدر ناز و نیاز ،  
طن ايدرسك کيم آغاچلر نغمه ساز ! . .  
سانكه هر نخلنده پر سوز و كداز  
بر سماوى طائر اولمش عندليب ! . . الخ . . .

قطعه سی، کوزل بر بسته، فسونكار بر ترانه دكلده نه در ؟! . بوسوزلری بری شعر ايله، بری موسیقی بر آغز دن سويله مشدر، دهنيله بيلير . اويله كه بو بديعه كلامك ، اولردن هانكيسنه عائد اولماسی لازم كله جكنی تعين خصوصنده فكر تنقيد متردد قالسه معذوردر .

ادبيات جديده مزده بوايكي استعداد خصوصى نك بك ( بارز saillant ) ايكي نمونه مشخصه سنى كوره بيليرز : فكرت ايله جناب ! . . فكرت - الماس كي تراشيده ؛ بر تابلو كي جلوه رنگ ايله پرفسون ؛ بر هيكل كي

کمال شکل و حسن صورته، اصالت طور و اسلوب ایله ممتاز اولان - شعرلرینه باقیلیرسه، بو آدم حقیقتاً شاعر اولقله برابر، فطرتاً (رّسام و هیکلتراش) طوغمشدر؛ دیه حکم ابدیله بیلیر.

جنابك - روزكارلری، رفرف اورق، لمان رنگ و ضیائی، حاصلی هر حادثه‌ی بسته‌له‌ین - شعرلرینه باقیلیرسه، بوشاعرك (بسته‌كار اولق ایچون یارادلمش) بولوندوغنه قناعت حاصل اولور.

کورولویورکه هر صنعت نفیسه‌ك - کندی ماهیته نسبتله - طبعی و خصوصی بر دائرة تعلق وینه کندی طبیعتنه موافق بر طرز اداسی و وسائط تبلیغی اولقله برابر، شعبات صنایع آرمه‌سنه قطعی و هندسی بر (حد فاصل *ligne de démarcation*) قویق و حقیقی صنعتکارلری صیقی صیقی به قاعده آلتنه آلق ممکن اولمیور؛ هم اینده اولمیور. چونکه - مزاجی اعتباریله - تماماً حر اولان (آرتیست)، کندی الهاماتك آنجیق واسطه بیانی و ترجمانی در. بوحیثیته هیچ برقیده، هیچ بر قاعده‌یه تابع اولمقدن خوشلانماز. سائقه الهامنه و مزاحك میلان فطریسنه طوتولونجه آرمه صیره قواعد رسمیه‌ی پامال ایدر، حدود معینه‌ی آشاره شعرله موسیقی یابار، هیکل یابار، قابلو یابار؛ یالکیز یابدینی اترك کوزل و - هیچ اولمازسه - خوش آینده اولوب اولماماسدن مسئولدر. نه یابارسه و ناصل یابه بیلیرسه، یابسین!.. لکن کوزل یابسین!.. بزه اولازمدر. (به‌تهوون)، (مهتاب) دیه بر (سونات) بسته‌لیور. نفماتك آهنکی، صولغون بر نورك سکونت ایچنده لمغانی احساس ایدیورکه لطیفدر!

لسان بیان کیجی برواسطه کامله استعمال ایدن شاعر - بوخصوصه - سائر صنعتکارلردن زیاده بر حریت مالک و نائلدر. قدرت ده ایله لسانه تصرف و تحکم ایده بیلن بر ادیب، بوواسطه معجزه ایله هر شی یابه بیلیر. مع مافیه یونان قدیم استادلری، (هر شعبه صنعتدن کندی قابلیت فطریه‌سنه کوره ایش ایسته‌مك) خصوصه بزلردن ده‌ها زیاده دقتی ایدیلر. بونی بیلیمه‌ین بعضی منقذرله، یونان قدیمك بدایعنی حقیله تقدیر ایده میوب



یا کیلیورلر. مثلاً: یونان هیکتراشلفنده، کمال صورت (perfection de la forme) و حسن اندام اعتباریله، ناقابل تقلید بر درجه هنر کوروب حیران اولدقلری حالده، حقیله یونانی اولان بوضعت نفیسه یی یالکز (objectif) عدایدیورلر؛ یعنی (صوری و مادی formelle et matérielle) بر کوزلک تصویرنده قالمش و حسابات و معنویاتی ادایه مقتدر اوله مامش کیی کوریورلر و اوپله کوسترمک ایستیورلر.

بو حکم، یا کلشدر؛ فضله اوله رق حقسزدرده... نته کیم شیمدی بونک بویله اولدوغنی - دلائل قویه ایله - اثبات ایده جکم. لکن اولاشونی عرض و اعتراف ایدیم که یونان هیکتراشلفنه سطحیجه باقیلورده تاریخ مدینتک وبالخاصه تاریخ صنعتک رأیی صورولمازسه، انسان بویله یا کلش بر حکم ویرمکده مضطر قالیر. چونکه یونان صنعتک دوره کالنه نمونه تشکیل ایدن هیکلر حقیقتاً - بوط کیی! - در. چهره لرنده جلوه حسیاته ترجان اوله بیله جک بر معنا یوقدر. (شئائل وجهیه traits du visage) لری - تعیر معروفی ایله سویلیهیم - صحیحاً (marmoréen) در، یعنی (مرمر) کیی حسسزدر.

بو کیفیتک بر سبب معقولی و ارمی یوقی؟.. بوراسنی ایجه تحقیق ایتمک لازم کلیرکن، وهله بالخاصه هیکتراشلفده خارقه لر، بدیهه لر یا په رق معجز بر مرتبه هنر اثبات ایتمش اولان دهای یونانی نک - شئائل وجهیه یی حقیله ادا ایلمه کدن - عجیزنه در حال حکم ایتمزدن اول، اطرافیه دوشونمک ایجاب ایدرکن، بعضی نامدار منفدر و بویوک صنعتکارلر، عجله ایله بویله یا کلش فکرلره جریان ویرمشلر در.

تحقیقاً تمه کوره، بوادعاده بولونانلرک بر قسم کلیسی حسیات خرسنایانه نک نفوذ و تأثیرندن بوسوتون ذهنلرنی قورتاره مامش اولان کیمسه لردن مرکبدر. شبهه یوق که بو (تأثیر دینی influence religieuse)، (غیر مشهور inconscient) بر حالده در؛ فقط غیر محسوس دکلددر. دیگر بر قسم جزئیسی ده (افسیه subjectivisme) مسلك صحیحنه آشیری درجه ده طرفدارلق غیرتیه - مبالغه یوزندن - خطایه دوشنلر در. مثلاً زمانمزک

اساتذۀ بدیعونندان (نژده ورون Eugene Véron) بو صنفك عالم  
و صلاحیتلی بر نمونه سیدر ؛ اودخی عینی ادعاده بولونویور . حتی ( دور  
حاضر صنعتك دور قدیم صنعتدن اوستون اولدوغی = La supériorité  
de l'art moderne sur l'art ancien ) نئ - اسابیله - اثبات ایچون  
قوصقوجه بر کتاب بیله یازمشدرکه پك معتبردر .

حالبوکه ( ورون ) ، ملاحظانده حسیات دینه سنك تأثیراتنه مغلوب  
اولمشدر ، دهیمیز ؛ چونکه ماتریالیستدر ؛ هیچ بر دینك نصوص  
واحکامنه تابع دکلدر . دیمك که ظاهر حاله نظراً بر جهت حق وارکه بویله  
مختلف مزاجده و متخالف اعتقاده بولونان برطاقم ارباب صلاحیت ، بو  
اهمیتلی مسئلهده اتفاق آرا اوزره قرارویره بيلمشدر . ایشته اوجهه ، بالخاصه  
تدقیق اولونمغه شایاندر .

یونان قدیم صرفانك اوروپا مدنیتنه وجود ویرمش اولدوغی ذره قدر  
شبه کونورمز بر دعوادر . مدنیت ، علم و فلسفه ، صنعت و صناعت ،  
حقوق و مؤسسات ایله اوله بیلیر . اسکی یونانك بو خصوصاتده نه قدر پارلاق  
و مستثنا بر حیثیت ایله تاریخ انسانیتده یر طوتدوغی مسلمتانددر . علوم  
و فلسفهده ، حقوق مدنیه و مؤسسات سیاسیهده اوروپا - اساساً اونلری  
تقلید ایندیکی حالده - بو کون فرسخ فرسخ کچمشدر . بونده دخی شبه  
یوق ! . لکن یالکنز معمارلقده ، هیکل تراشلقدده ، حتی شروده بیله یونان  
قدیم استادلرینك هنوز کهنه و ارامادیقنی - بعضی بویوک آدملر بلا پروا  
ادعا ایدیورلر .

بو ادعایي تمامیله قبول ایتمهینلر بیله من جهة طوغر و بولویورلر . اعتراف  
ایدیورلر که :

[ معمارلقده یونان قدیم صنعتنی کچمك ، اومبانی علویه دن دها کوزل  
برشی پایه بيلمك ممکن دکلدر . اسکیلرک اصولی و اسالیب مشهوره سی حالا  
جهانکیر بر توجهه مظهردر . اوروپانك ویکی دنیانك اك کزیده ، اك عالی  
آثار معماریه سی ( قورنه تین corinthien ) ، یا ( ئی یونیق Ionique )  
ویاخود ( دوریه Dorien ) اسلوبلرندن برینه توفیقاً بنایدلش و شیمدی به قدر

بونلردن كوزل وعینی زمانده وقور، علوی واحتشاملی برطرز واسلوب  
 كشف اولونه ماشدر . حتی زمانمز معمارلری کبی ( چیمتو ciment )  
 وسائر ( خرج ) لر استعمالی بیلمه یی اسکی یونان استادلریک و عمله سنک  
 ( ایشجیلک ) ده ابراز ابتدیی تراکته دخی یتیشه مه مشزدر . نته کیم  
 صنعت هیکل تراشی ده دخی ( فی دیاس Phidias ) ، ( براقسی تلس  
 Praxiteles ) قدر کامل بر اثر وجوده کتیر مک مستحیلدر . مصری  
 تراش ایدوب انسان کوزل لکنی نجسیم ایتمک هنری بوندن ایلری کیده من .  
 ناصل که بوصوک زمانلرده اسکی رقاصه لک تصویر لرینی تقلیداً احیا اولونان  
 ( رقص یونانی ) ، بالخاصه لطافت حرکت وحسن ادا ایله زمانمزک طرز  
 رقصه - تأثیرجه - فائقدر . فقط بویوله اولقله برابر ، بوکونکی صنعتکارلک  
 شعبات مذکورده بیله یونان قدیمه بعضی وجوه ایله فائق و مرجح اولدوغنی  
 اثبات ایدم بیله جک ترقیات جدیده ومهمه وارددر : قرون وسطاده خرسیتیانلک  
 ظهوری وتفحه فیوضاتیه باشلایان حیات مدنیه ، صنعتک روحنه طوغرودن  
 طوغروه تأثیر ایدم دک ، ( انفسیه subjectivisme ) دورینی کشاد ایتمش  
 وصنعت ، شکل وصورت ( یعنی مادیات ) کوزل لکنی رسم ایتمکله قناعت ایدم چکنه  
 آرتق معنویات بشریه یی تصویر ایتمک هنرینه صرف همت ایله مشدر . بو  
 انقلاب عظیم سایه سنده قرون وسطا ، معمارلده ( غوثیق Gothique )  
 اسلوبی ایجاد ایدم دک اوروپانک همان هر بویوک شهرنده بو طرز نوین اوزره  
 کلیسالر ، ( بلدییه قوناقلری Hôtel de ville ) ، کتبخانه لر ودها برچوق  
 مؤسسات عالیله وجوده کتیرمش و یونان تأثیراتندن بوسبوتون آزاده برمدنیت  
 نمونه سی کوسترمشدر . هیکل تراشلقدده بو ( سوبژه قتی ویزم ) ک ، ( بو  
 تصویر معنویات هنری نک ) تأثیرات حسنیه سی کوروله بیلیر : یونان قدیم  
 هیکلری ، حتی اک کامل واک کوزل لری یینه حسنیه ، جانمز ( بُت ) لردن  
 باشقه برشی دکلدر . واقعا شکل وهیئنلرنده مشهود اولان ( کمال  
 perfection ) اعتباریه جسمانی کوزل لکک بوندن اعلاسی ، بوندن دلفیری  
 اوله مازه لکن چهره لرده ذره قدر ( ادا expression ) و ( حس sentiment )  
 یوقدر . صورتلر کلیاً معناسزدر . حالبوکه برهیکلده اصل مهم ومعنادار اولان

قسمده چهره در . چهره نك بوتون حيثيت روحیه سی، بوتون سجه معنوی ( شمائل وجهیه trais physionomiques ) سنده در . یونان هیكلرينك اك ممتاز ، اك كوزل اولانلرنده بیله بو ( قصور défaut ) آشکاردر . بالعکس قرون وسطانك ایلک عجمی لك دوری محصولاتندن اولان تابلولرده واکثر کلیسالرده حالا موجود بولونان اعزّه خرسیتیا یه هیكللرنده شکل وهیت، پك قصورلی اولقله برابر، چهره لر پك معضادارد . هله ( شهدای نصرا نیت les martyrs de la chretiennté ) لك شمائل وجهیه سی ، کاه بر ( اذای ناحق ) اضطراباتی ، کاه جسمانی اشکنجه لره قارشی - قوت ایمان ایله - مستریخ ومطمئن بر روح فداکارك سکینت علویه سی - پك ( دراماتیق ) بر صورتده یعنی حقیقت حالده جلوه نمون اوله بیله جکی وجهله - تصویر وعرض ایتمکده در . رقصه کلنجه بوکون برچوق انواعی وارددر . الی آخره ... ]

بومطالعات جدی در ؛ فقط یکی بردوشونوش دکلددر . عصرلردنبری منقدین صنایعك آغزنده چیکنتمش ونهایت بر شکل دستوری اکتساب ایتمش سوزلردندر . مدنیت یونانیه نك بر ( مدنیت و کتیه civilisation païenne ) اولدوغنی خرسیتیانلنك بوکا قارشی مجاهده و عاقبت غلبه ایدرهك دها علوی و اخلاقی بر مدنیت تأسیس ایتمش بولوندوغنی اساس ادعا اتخاذایدن منقدین وفلاسفه روحیونك کافه سی - ده میندن بری - تلخیصاً عرض ایتمدیکم اوملاحظاتنی عادتاً بنمسه مشلرددر . بونلردن برینی: ینه آمریقا منفکرین معاصریتندن ( پروفیسور دهی ویدسن Prof. Davidson ) ی - مثال اوله رق - تکرار ذکر ایدره جکم ؛ زیر ابرقاج هیفه اول اسمی یکمشدی . بدیعیات مسئله لرنده اختصاصی شبهه کوتورمه یین بو عالم آدم، طوضرو مشاهداتندن اکری ، منار چیقاروب آیقیری حکملر ویریور . هرشیده ، فقط هرشیدن زیاده بدیعیات مسئله لرنده حریت فکر وسلامت حس ایله مشروط بولونان صلاحیت تنقیدك - تأثیر حسیات ایله - ناصل ضایع اولدوغنی کوسترمك ایچون، بو ذاتك ملاحظاتنی بر نمونه ، حتی ( قیمتدار بروئیه ) تشکیل ایدر .

(۱۸۹۱) سنه میلادی-سندہ آمریقانک ( بروکلین جمعیت اخلاقیہ سی  
Brooklyn ethical society ) حضورندہ ( ہیکل تراشلغک تکاملی  
The evolution of sculpture ) ی حقندہ ویرمش اولدوغی مهم بر  
قونفرانسردہ - تاریخ صنعتہ دائر حقیقتاً پک طوغرو وبک فائدہ لی بر جوق  
تفصیلات عرض ایتدکن صوکرہ شوسوزلرلہ مسامرہ یہ نہایت ویریورکہ  
- یوقاریکی معروضاتمہ مثال اولق اوزرہ - زیادہ سیلہ جالب دقتدر :

[ مدینت قدیمہ ( عشق اکیکلکندن lack of love ) طولانی محو  
اولمشدر . اسکی ہیکل تراشلقدہ محو اولدی؛ زیرا وظیفہ سنی اکال ایتشدی؛  
اوندن ایلری کیدہ سزدی . اسکی مدینت ٹولونجہ، خرستیانلق - کەدین  
عشق در ! - علی التدریج اونک یرینی اشغال ایتدی، ودها عالی برمدینت  
جدیدہ یہ یول حاضر لادی . بویکی مدینتک ظہورینہ بناءً ہیکل تراشلغکدہ  
متناسباً و متوازیاً ترقی ایتہ سی لازم کلہ جکی مأمول ایدیلیردی ؛ هیچ اویلہ  
اولمادی . خرستیانلقک ظہورندن اعتباراً ایلک اون بش عصر امتدادنجہ  
ہیکل تراشلق نامنہ لایق هیچ بر اثر صنعت کوستریلہ مز . فی الحقیقہ بوشعبہ  
صنعتہ مدینت خرستیانیہ یونان ہیکل تراشلغنہ قارش ی هیچ برشی ابرازایدہ مز.  
فقط بونک سبی اصلاً آکلاشلما سی کوچ برشی دکلدہر : خرستیانلقدہ  
برعصر واردرکہ ہیکل تراشلق ایلہ تمثیل اولونہ بیلمہ سی قطعاً متنع در، وبو،  
فی الحقیقہ، خرستیانلقک ذاتی وخصوصی اولان عنصری در . « یعنی عشق در  
واودہ ہیکل تراشلق ایلہ افادہ ایدیلہ مز دیمک ایستور ! » کوزلک ونظام  
معقول، ہیکل ایلہ تمثیل ایدیلہ بیلیر . یونان ہیکل تراشلغندہ بونک اک عالی  
درجہ کالنی کورویورزہ فقط عشق ویاخود ( قدسیت holiness ) ہیکل تراشلق  
ایلہ تمثیل واظہار ایدیلہ مز . ] الخ!.. دیدکن صوکرہ :

[ ہیکل تراشلق ، رقص و معمارلق ( حسن ) ، ( لطافت grâce )  
( عدل ) صنعتایدر . بوخصوصدہ یونانیلری کچن اولامشدر وکچمک  
ممکن اولہ مایہ جقدر . ( عشق و قدسیت ) صنعتلری، ( یاغلی بویا )، ( شعر )  
( موسیقی ) در ؛ بونلردہ، بز اسلاف یونانی پک زیادہ کچمشزدہر . ]  
الی آخرہ !..

[ عصر حاضر صنعتی - اگر کندی ماهیتی آکلیورسه - قدسیت صنعتی در ؛ و نه قدر آژ و سائط مادیه قولالایرسه او قدر یوکسه لیر ! . . . ]  
 [ هیچ بر کیمسه تصور اید بیلیرمی که هر هانکی بر هیکل ، اومینی مینی ( آنجه لوس )  
 ( Angelus ) دعا سنک بسته می قدر روحه درین بر تأثیر اجرا اید بیلیرن ؛ خیر !  
 فقط نیچین ؟ . . . زیرا ( آنجه لوس ) ، معنای قدسیتی ادا ایدر که روحک  
 اللهه انجذابی در . نه اولورسه اولسون هیچ بر هیکل تراش بو حاته تر جان  
 اوله ماز . الخ ! . . . ] دیور ، شو سوز لر لده دعواسنی تحکیم و تأیید  
 ایتمک استیور :

[ احتمالکه هیکل تراش لده و معمار لده شکلا یونان قدیم صنعتی کچمک  
 ممکن اولمایه جقدر ؛ فقط تصویر و یاغلی بویاده ( رافائل Raphael ) ،  
 ( میکال آنجه لو Michel angelo ) ، ( له نوناردو داوینچی Leonardo da Vinci ) ،  
 ( روبنس Rubens ) ، ( رامبراند Rembrandt )  
 و معاصریندن ده یوز لرجه سنی ذکر اید بیله جکمز استاد لردن هیچ برینه  
 معادل بر استاد یونانی بوله مایز . موسیقی دده اوله در : اسکی یونانیلر ده  
 ( موتزارت Mozart ) ، ( سه باس تیان باخ S. Bach ) ( به تهون Bethoven ) ،  
 ( مندلزون Mendelsohn ) ، ( وهردی Giuseppe Verdi ) و ( غونو  
 Gounaud ) کیبی دهاته موسیقی کوسترمک امکان خارچنده در . هله  
 ( واغنه R. Wagner ) ( تیاترو موسیقی سی musique dramatique ) نی  
 - یالکز باشنه - اوله عالی بر درجه یه ایصال ایتمشدر که بوشعبه صنعت ،  
 کندیسنه کلنجه یه قدر هیچ او مرتبه کالی بوله مامشدی . ]

اوت ، بو ادعا یک مهمدر ؛ و هیچ اولما زسه موسیقی و ( تصویر peinture )  
 ایچون طوغرو کورونور . بزم بو کونکی آلات موسیقیه مز و هله کان  
 وییانو یونانیلر لده البته معلومی دکلدی . شبه یوق که ( بسته کارلق و آهنگ  
 composition et harmonie ) ده دخی زمانمز یونانه قات قات فائق در .  
 لکن ، صنعتک بودرجه کالاته واصل اولماسنده خرسیتاناغک او قدر تأثیری  
 اولما مشدر صانیرم ؛ دینک صنایع نفیسه یه تأثیر نی آتبحق ( منشأالر les origines )  
 ده کوره بیلیرز . نه کیم بو بحثک ابتدالرنده اونی کوسترمکه چالشمشدم .

بر مرتبه واصل اولدقدن صوکره ، صنعت ، تأثیرات دینه دن قورتولش و غایه کاله ایصال ایدمک اولان یولی آنجق اوسایده بوله بیلمشدر .  
[ esthétique کلمه سنده تفصیلاته باقیکنز ! ]

مرنه اولورسه اولسون ، ( احتراصات بشریه یی ادا ایدم بیلیمک اعتبارله قرون وسطا صنعت خرسقیانیه سنک یونان صنعتی قائل اولماسی ادعاسی ! ) بکی برشی دکادر . بوادهانی قوت وشدته ردایدن پروفیسور ( ماهافی Mahaffy ) نکه ملاحظات تنقیده سی بورایه تماماً قتل ایتمک امکانی اولمادی ایچون تأسف ایدیورم ؛ مع مافیه اقتباس ایدمک شوسوزلر بالخاصه پروفیسور ( دهی ویدسن ) ی جرح ایتمک ایچون لازمش کیی در . ( ماهافی ) ، معهود ادعایه صاناشمق ایچون - محردین معاصریندن - ایتالیایی پروفیسور ( ویلاری Villari ) نکه شو مطالعه سی وسیله اتخاذا ایدیور :

[ پروفیسور ویلاری دیورکه : دور اتبهاک هنوز دم فجرنده هیکل تراش مشهور ( دوناتلو Donatello ) نکه فارشینه دیکیان بومستله بالکنز اسکی یونان صنعتی تتبع ایتمکه حل اولونامازدی . یونانیلرک روح نصراتی ، یعنی ( هیجان emotion ) ی ادا ایدم بیلیمک واسطه لری یوقدی . اونلرک ایسته دیکی شی ، حسن ظاهری یی ، شکل کوزل لکنی تصویر ایتمک ایدی . طبیعتلری دخی بزمکنندن ده ساده ، ده کلیشی کوزل ودها آهنگدار اولدوغی ایچون ( مرمر marbre ) ایله « یعنی هیکل تراشلق واسطه سیله ! » دها زیاده حقیقه مطابق اوله رق ادا ایدم بیلیردی . خرسقیانلرک ایجاد ایندیکی بوتون اوحیات معنویه ، او امراض ذهنیه ، اوندامت اضطراباته دائر یونانیلرک هیچ تجربه لری یوقدی . اونلرک زماننده تارک دنیا لر معتكف باباسلر یوقدی ؛ شهدای دین ده یوقدی ؛ اهل صلیب و سرسری شوالیه لرده یوقدی . بوتور لو آدم لر هنوز دنیا به کله مشاردی . لکن ( دوناتلو ) نکه کوننده هرشی ده کیشمشدی . ذهن بشرک ( ملکات facultés ) ی تغیر و تکثر ایتمشدی . بناء علیه بویکی ( حیات معنویه ) یی تمثیل و تصویر ایدم بیلیمک ایچون ، بکی بر صنعتی احتیاج وارزی . محقق دزکه حضرت عیسی

و (باکر قادین la Vierge) « یعنی حضرت مریم ! » (وه نوس)  
 و (آبولون) كه تصوير ایدلدیكى وجهله تراشیده مرمراله هررض ایدیلده مزدی.  
 خارجی کوزلك آرتق صنعتك یكانه مقصدی دكلدی. صنعت، شیمدی،  
 (سجیه caractère) بی ادا ایتمکه مقیدبولونویوردی که فی الحقیقه (سجیه)  
 روحك شکل خارجی سی در. حتی، انسانك روح حقیقیسی - بویکی  
 (وجدان مصارع لری) نك بوتون کدرلری، بوتون ترددلری، الحاصل  
 بوتون حوله عذاب واضطرابیله - او (مرمر ظرف enveloppe en  
 marbre) كه صفحه سنده کندی کوسترمك لازمدی. « یعنی یابیلا  
 هیکل بوتون بوحیات واضطرابات بشری بی هررض ایدیه بیلمه لی ایدی؛ دیمک  
 ایستور ! » بویله بر موفقیتم ممکن ایدی؟... ممکن ایدی ایسه، نه درجه یه قدر  
 ممکندی؟.. ایشه (دوناتللو) نك ذهنه معروض اولان مسئله بوایدی !! ]  
 آ کلاسیلور که دور انتباهك تمامی انکشافه خدمت ایدن دهاته هنر.

وراندن هیکل تراش (دوناتللو) « بویله دوشونمش؛ یعنی - پروفیسور  
 ویلاری نك ظن واعتقادنجیه - خرسیتانلق فیضیه طوغان حیات معنویه نك  
 بالجله تجلیاتی تمامیه تبلیغ وادا ایدیه بیلیمک ایچون، صنایع نفیسه بی معنویت  
 نصرانییه ترجمان ایتک چاره لری دوشونمش وبوسایده بویوک برانقلاب  
 یاهرق هیکل تراشلنگ حیثیتی اعلا ایتش !!.

بومهم مسئله بدیعه بی - ظن ایدرسهم - براز قاتولوق حسیاتیه تاقی  
 وتفسیر ایدن پروفیسور ویلاری نك ایشه شومطالعاه سنه پروفیسور ماهانی  
 قوتله جواب ویریور؛ و - ینه ظن ایدرم که - بو انکلیز طالنک مطالعاتی ده  
 پروتستان حسیاتندن بوسوتون آزاده ومعرا اولسه کرکدر؛ چونکه  
 (سلطه کنیساتیه l'autorité de l'Eglise) یه قارشى روحنده مکین اولان  
 نفرت شدیدیه ومستقر بی کیزله یه میور. لکن فکر لری پک طوغرودر. دیور که :  
 [ شایان دقت اولان شوملاحظات تنقید ایتک، و پروفیسور ویلاری نك  
 - دهای یونانی حقنده - نه قدر طرفگیرانه و ناقص بر فکر بیان ایتدیکنی  
 کوسترمک موجب استفاده بر خدمت اولوردی؛ فقط جوق او زون سوردی؛ ] الخ.  
 [ دوناتللو نسلنه مهد ظهور اولان قرون وسطی، انسانیت ایچون،



حقیقتاً تاریکی وجدان و انحطاط دوریندر . ویلارای نك سوزلرنده طوغرو برادعا وارسه یالکیز بودر . فقط بونک سبی، اودورانسالنرینک « یعنی خرسیتیانلرک! » دهها بویوک اضطرابات وجدانییه قابلیت کوسـترمسی، دهها زیاده تجربه معنویه ده بولونمش اولماسی دکلدی . کلیسانک ( استبداد معنویسی Spiritual tyranny ) ایدی . اوکلیسا « یعنی حکومت رهبانیه : » که خریستوس ( christ ) ک انجیلنی تحریف ایدوب – اونده کی معنای شفقت و غایتیه رغماً – کتاب مقدسی چیرکین وشایان نفرت بر آلت اشکنجه یامیشدی !! ] الخ !! .

شوسوزلر بک طوغرو اولقله برابر، فلسفه صنعتک – مع التأسف – هنوز حسیات مذهبییه تأثیراتندن بوسبوتون آزاد اوله رق تلقی ایدبله مدیکنی اثباته الیریشلی در . بونک سبی ده معلومدر . [ esthétique کله سنه یاقیکز ! ]

حالبوکه – بنم فکرجه بو، منحصرأ فلسفی بر مسئله تشکیل ایدرکه ( objectivisme ) و ( subjectivisme ) بحثنده داخلدر . [ بو تعییراته یاقیکز ! ]

آنجق : « صنایع نفیسه شعباتی آره سنده هانکیسی دهها زیاده موفقیتله اشکال و کیفیات صورییه مرض ایده بیلیر ؟ .. » یعنی طرز تبلیغی اعتباریه – بالضروره – ( objectiviste ) در ؟ .. « هانکیسی دهها زیاده هنر و معرفتله سجه انسانیه یی واحوال روحیه یی ادا ایده بیلیر ؟ .. » یعنی طرز بیانی اعتباریه – بالطبع – ( subjectiviste ) در ؟ ... بونی اطرافیه تبع ایتمک لازم کلیر ؛ چونکه اصل ماهیت مسئله بوندن عبارتدر ؛ شو ماهیته کوره خرسیتیانقله مسلمانقله هیچ برعلاقه سی یوقدر . برتابلو خرسیتیانلق مناقبنی موضوع اتخاذ ایدوب عالم نصرایتیه عائد برطاقم وقایع تاریخیه نك ترجائی اولقله صنعتک تدین ایتش اولماسی لازم کلز . صنعتکارهانکی دینه منسوب اولورسه اولسون، صنعت، صنعتدر . شهدای خرسیتیانیه نك حالی تصویر ایدن برصنعتکار، شهدای مسلمینک حالی ده بک اعلا تصور ایده بیلیردی . بوحالده یالکیز تابلونک موضوعنی تشکیل ایدن ( anecdote ) منقبه

ده کیشمش اولوردی. کذلک، آیاصوفیه بناسنی یاپان معمارلر، قرطبه جامعی ده بنا ایده بیلرلردی. یالکز بوراده نظر دقتی جلب ایدن باشلیجه فرق اسلوبه در. (اسلوب style) ایسه دینک تاثیرندن زیاده مدنیت عصرک و ذوق ملی نك جلوه سی در. مصرده محمد علی جامعی ایله قائد بك جامعی مسلمان معابدی اولمق اوزره بنا ایدلدیکی حالده آره لرنده اسلوبجه غایت بویوک فرقلر وارددر. برنجیسی تماماً عثمانلی سلیقه سنی تمثیل ایدر. ایکنجیسی نك عثمانلیقه ذره قدر مناسبتی یوقدر. کبریچده کی اسکی مدرسه لر - اولورلنده کی شادروانلریله برابر - تماماً بزمکیلرینه بکزه ر؛ چونکه هرایکیسی ده قرون وسطاده معتبر اولان نمونه یه توفیقاً یاییلمشدر. بوشیلرده دین فرقی ایما ایدن اشارات، آنجق بعضی (تائیل symboles) در. فقط بویکی شیلرک ماهیت صنعتله قطعاً علاقسی اولاماز. چهره صنعتده حسن دینک جلوه سنی بویله شیلرده آرامق، چوق یا کلش بریوله صایمقددر. ذاتاً بن بودعواده اوج مختلف مسئله کورو یورم که یکدیگریله صیقی صیقیه کرفت اولمش بولوندوغی ایچون حقیله فرق ایدیه مه مشدر صانیرم، وازی بوراده فرق ایتک ایسترم! بریسی: [ یونان صنعتک یالکز (objectiviste) بردرکه ده قالمش اولوب اولمامسی ] بحثی در. دیکری (روح نصرانیتک صنعت برمعنای علویت ویرمش اولوب اولمادیغه دائر، چوقدن بری دوام ایدن مناقشه ) در. بونلر بریرندن تماماً آیری ایکی مسئله در. صوکره (صنعت وئیه art païen) نك صنعت نصرانیه نه درجه لرده اجرای تاثیر ایده بیلمش اولدوغنی تعیین ایتک ده بوسوتون آیری بر مسئله در؛ بونک آنجق تاریخی برماهیتی قیمتی اوله بیلیر. حالبوکه اولکیلر بالخاصه بدیعیا نك ایکی غامض معناسنی تشکیل ایدر.

اوجونجی مسئله حل اولونمش بیتمشدر. بوکون آرتق هرکس بیلورکه عالم نصرانیه نسبت ایدیلن ایلک آثار هنر، رومالیلرک (پت پرست païen) صنعتی تقلید ایله یاییلمش قابا صابا شیلردر. یر آلتنده ایلک خرستانلرک کزلی کزلی عبادت ایتمه لرینه مساعد بولونان و صوکره خرستان مزارانلی انتخا ذ اولونان (قانا قومب = catacombe) لرک دیوارلرنده کی رسملر؛

حتی یونان و روما ( sarcophage ) لرینی تقلیداً یابیلاں آلق و یا خود یوکسک قبارتمه لی مزار طاشلری، هب بوتائیراتی عیاناً کوستریور : ارباب صلاحیتدن ( سالومون ره ناق ) ک دیدیکی کیبی ( بوتارلرک بالکزر ) موضوع ( sujet ) ی خرسیتانجه در؛ چونکه قصص انجلیه دن آلمشدر . [ ایشجیلکنه کلنجه ( حانطال ، غلیظ و هیئت مجموعه سی اعتباریه آهنکسر ، ذوقسر عجمی جه شیلردر . ] صنایع نفیسه یه دائر یازیلاں الهمعتبر تاریخلر - واضح و مشهور مثاللرله - اثبات ایدوب کوستریورکه بو عجمی لک دوری اور و پاده عصر لرجه دوام ایتمش و نهایت صنعت ( رومان Romane ) و ( غوثیق Gothique ) دورلرینی دخی کپوروب براز تصحیح ذوق و اکمال اصول هنر ایتدکن صوکره ، ( صنعت نصرانیه ) کندی چهره خصوصی سی ایله جلوهر اولمه باشلامشدر ؛ و آنجق اوزمان حقیقتاً معنادار و کوزل اثرلر ابداع ایده بیلمشدر. حتی طوغروسفی سویله مک لازم کلیرسه ادعا ایدیله بیلیرکه اصل ( دورانقام Renaissance ) ده یتیشن اوامثالسر دهاته هنر، خرستیان صنعتی نامنه ! لاهوتی بدیعهلر وجوده کتیره بیلمشلردر .

فقط اونو تمایه لم که ( اتبناه ) دیدیکمز انقلاب عظیم، دهای یونانی یی آکلامق، اونک قوانین طرافتنه اتباع ایتمک، نفائس آثارینی مشق ایدینمک، حاصلی یونان قدیم عرفاتی احیا ایتمک استمدادیه تحقق ایده بیلمشدی ! واقعا میلادک اون دردنجی، اون بشنجی عصرلرنده ینه پالارواردی و اونلرک دنیا اوزرنده بویوک بر نفوذی ده واردی . لکن ( رافائل ) کیبی ( میکل آنجهلو ) ودها برچوق امثالی کیبی داهیلری حمایت صورتیه عرفان و صنعته بویوک خدمتلر ایدن پالار ( سن برنار St Bernard ) کیبی خرستیان دکلوردی . اونلرک ذوقاً - حتی اعتقاداً - نه قدر ( باغانیست ) آدملر اولدوغنی کورمک ایچون تاریخلردن برکرم معلومات آمالی ؛ خصوصاً ( جون ویلیام دره یی J . Wil . Draper ) ی سویلتمه لی ! ...

بناءً علیه، خرستیانلک ظهورندن اون بش عصر صوکره بیله الهمعتبر آثار بدیعه، دهای یونانی لک نفحات الهامیه فیضاب کمال اولمش اولونجه، دها بدایت نشئنده ( روح نصرانیت l'esprit du christianisme ) لک،

( صنعت و تنه ) به فائق بر هنر ابراز ایده بیلش اولماسی احتمالی جداً مستحیلدر . بویه بر دعوا - بدیهی<sup>۱</sup> باطل absurde - اولدوغی ایچون کندی کندنی نفی واقعا ایدر .

شو تقدیرجه کرک ( دهی ویدسن ) لك، کرک ( وبللاری ) نك ادعالری یا کلشدر . هیچ اولمازسه بك فنا برشکلده وضع اولونمشدر . موازنه سز قونولان برشی کیی کندی کندینه دوشوب قیریلیور .

مع مافیة دورانتباه داهیلرینك - مناقب نصرایتدن مستفیض اوله رق - وجوده کتیردیکی شاه اثرلرده شهبه سز امثالی نامسبوق برمعنای روحانیت وار !! . بونی انکار ایتك یالکز حقسزلق ویاخود کستاخلق دكل، علویت صنعته قارشى نانکورلك اولوردی . ( مادر المیده Mater dolorosa ) عنوانیله اوروبا موزه لرینی تزین ایدن مشهور تابلولرده حضرت مریمك چهره سنی - حقیقتاً - برهاله روحانیت ایله تنویر ایدن اوحزن علوی نه در؟ .. حتی هیچ اصلی فصلى اولمایان ، حسب ونسبی بیلمه یین، چهره حقیقیسی کورولمه یین بعضی اعزّه نصرانیة نك تصویر لرینه - ناصل بر سحر صنعت ایله؟! - او یله لاهوتی برسیای سکینت، او یله بر صفوت علویت ویر یله بیلمشدر؟! . البت بو موفقیت، منحصر آدهای صنعتك جلوه فسونی در . طبیعتده هیچ او یله بر چهره انسانی کورمه یین صنعتکار البت او ( ایده آل = خیالی ) ، اوسماوی صورتی کندی خیالنده بولش واوکا باقهرق ( حضرت عیسانك باشی Tête de christ ) نی رسم ایتمشدر . فقط اومعنای قدسیتی لایق یله ادا ایده بیلیمك ایچون فوق العاده برهیجان ایله ( مُلْهَمَ inspiré ) اولمامشدر! . ده په بیلیرمی یز . بویه برادعاده بولونمق روح صنعتی آ کلاماق در . بوتون بدیعیاتی انکار ایتمشدر . او حالده بوالهامك منبع حقیقیسی نه در؟ . البته حسیات دینه در! . الهامك علویت ده بو حسیات دینه نك ایقاع ایده بیلدیکی هیجان مخصوصك شدتیله متناسبدر . محقق درکه ( ایمان foi ) اولمازسه حسیات دینه اوله ماز . ایشته علی الاطلاق دینك وبالخاصه خرستیانلغك صنایع نفیسه په وجه تأثیرینی بوراده تحقیق ایتلمی در؟ یعنی شدت ایمانی اولان بر صنعتکار ایچون فیاض بر منبع الهامات اولماسنده ارامالی در .

نجه بودعوانك حقیقی بودر . لکن حقیقت بو اولونجه ادعا ایدیه بیایرکه :  
 [ صنعت ، خرسیتانلغه مدیون اولمقدن زیاده ، خرسیتانلق صنعته مدیوندر ؛  
 چونکه اونی صحیحاً اعلا ایتمشدر ؛ روحنی تشکیل ایدن مضای تسلیمیت  
 وشفقتی احسن صورت اوزره ادا ایده بیلمشدر . ] اکر ( چین ) ده  
 ( رافائل ) کیی بر خارقه فطرت چیقه ایدی ده ( بوددا Buddha ) نك  
 رسمی - تخیل ایده بیلدیکی کیی - تصویر ایده یدی ؛ صوکره ( میکل آنجیولو )  
 کیی بر داهی هنر ، حضرت موسائک هیکنی یاپه جغه ( قونفوجوس  
 Confucius ) ك هیکنی یاپه ایدی ، ( بوددیزم ) دینی - انظار انسانیته -  
 چوق دها علوی و قدسی کوستر بردی . یالکز شو وارکه بو بویوک داهیلر  
 خرسیتانلق خدمتده بولونمشلر ، چونکه اونك ایچندن طوغمشلر ، اونك  
 یننی لرله بویومشلردر .

لکن بو بویله اولمقه ، یونان قدیمک نیچون ( objectivisme ) درکه -  
 سنده قالمش بولونماسی لازم کلسین ! . . منطقاً بونده نه مناسبت وار . اون  
 بش عصر سورن بر دورۀ ظلم و جهالتدن صوکره خرسیتانلرک علوی هیجانلره  
 قابلیت کسب ایده بیلمش اولماسی کیفیتی ، نیچون - حر باشایان و اماناسز  
 بر مدنیت و عرفان ایله تمایز ایدن - بر ملت متقدمه نك عینی قابلیتدن محرومیتی  
 مستلزم اولسون ؟! . خصوصاً اوداهی ملت ، خرسیتانلرک ظهورندن چوق  
 اول فطرت ممتازه سئک هر تورلو آتارینی ابراز ایتیش و کندی مدنیتی بوتون  
 اوروپایه قبول ایتدیرمش ایسه ! . . بن بونده منطق کور میورم ! . . حقیقتاً ده  
 یوقدر ؛ بالعکس بو دعواده صریح بر طرفدارلق روحی واردر : یونان  
 قدیمک صنعتده سو بره قتیوزم مرتبه سنه واصل اوله مامش بولوندوغنی ادعا  
 ایتک و بونك ده ( تجارب وجدانیه ) نك نقصانندن منبعث اولدوغنه قناعت  
 کتیرمک ، خرسیتانلرک علویت مغنویه سنی - ضمناً - دعوا ایله مکدر .  
 [ انسانده بو هیجانلری تولید ایدن و وجدان بشری بوتورلو تجارب مغنویه  
 ایله اعلا ایله بن دنیاده یالکز خرسیتان دینی اولمشدر ! ] نیمه نك - اوستی  
 قبالی - بر طرزی در . دها اسکی دینلرک علویت اخلاقیه سندن صرف نظر  
 ایدیلوبده بوادای فوق یالکز یونان مدنیتی استهداف ایتسه بیله پک بویوک

برحقسزاق اولوردی . ارسطونك ، افلاطونك مدنيت و انسانيت و اخلاق حقنده كي فكرلری حالا فلسفیاتك اك عالی دستورلرندن معدوددر . قرون وسطی عالم نصرانیق بو استادلك تحریف اولونمش - عادتا بوزولش تفسیح ایتمش - فكر قیرینی لرله کچیندی ایدی . کندی اعتقاد اتنده بر سرمایه فلسفی بوله بیلهیدی بوکا تزل ایتزدی . فقط بو، صنعت مسئله سیمی یا ؟.. صنعت بختنده بو دعوائی آچق، صحنه بختدن قاجق دیمکدر . حالبوکه اساساً دعوا باطلدر . باطل اولدوغنی بن اثباته قالدیشمايه جغم؛ ینه ( اوقسفورد Oxford ) دارالفنونك عالم متخصصی سویلته جكم؛ ( پروفیسور ماهانی ) نك صمیمی و حقیقت پرور بر خرستیان اولدوغنده هیچ شبهه یوقدر .

مدنيت يونانيه به متعلق اولان هرشيده - اعتقادجه ! - هر كس دن طوغرو معلومات ايدينش اولان بو ذات ، معهود اداكانك نه قدر اصلسز اولدوغنی اثبات ايتك ايچون تاريخ مدنيتی اشهاد و بر جوق مهم مثاللر ايراد ايدييور : هر حالده واضحاً كوسترييور كه يونان قديم خلقی ، واضطرابات وجدانيه نك هيسنی بيلورلر مش ؛ بو خصوصده ( تجارب مغويه ) لری خرستيانلردن آز دكلش . فقط او وجدان عذابلرینی حیات حقیقه صحنه سنده و یا خود هر نوع آثار صنعتده تمثيل ايتكدن بك او قدر خوشلانمازلر مش . حتی بو ادعاسنی تأييداً روايت ايدييور كه : قبل الميلاذ بشنجی عصرده شهرت بولان [ شعرادن ( فری نیقوس Phrynichos ) ، ( ميلاسك سقوطی la chute de Miletus ) نام تياتروسيله ملك فلاكتنی تصوير ايدوب خلقی آغلاندينی ايچون ( ۱۰،۰۰۰ ) دراخی جزای نقدي تأديه سيله محكوم اولمشدی . ] الخ ! ... او حالده :

[ حیات انسانيه نك - ناقابل اجتناب اولان - كدرلرنده و مسائل عظماسنده اسکی يونانی نك بر معاصر آدم قدر تجربه ديده اولما ديغنی ادا ايتك ، عادلانه بر حكم دكلدر . بوتون يونان ( تراژده دی Tragédie ) سی نك باشليجه وظيفه سی او آلام وجدانيه نی تمثيل ايده بيلمك صنعتدن عبارت ایدی . وجدان عذابلرينك و پشيمانلقدن حاصل اولان اشكنجه احتضارك اسکی يونانیلرجه تماماً معلوم اولدوغنی كورمك ايچون پروفیسور و بللاری دليله

عرض احتیاج ایدیورسه، اوکا افلاطونك ( جمهوریة la république ) نام ائری توویه ایدرم ؛ اونك سکننجی کتابنده بر ( مستبد tyrann ) روخنك تعریفه بائسین !.. یاخود ( قسنوفون Xenophon ) ك ( قهرمان héros ) تصویرخی کورسون !.. الخ !..

بالا التزام نقل ایتدیكم بوملاحظات مهمه شونی اثبات ایدیوركه : ماهیت و معنای صنعتی هر ملتدن ای آكلامش اولان یونانیلر ، صنایع نفیسه نك هر بر شعبه سندن آتجق كندی طبیعت و قابلیتیه كوره هنراستیورلر ، و بوشرطه فوق العاده اهمیت و ریورلر مش ! . آرزو ایتمیورلر مش كه حیات بشریه نك هر جلوه سنی ، هر جهتی - لعلی الثمین - هر هانگی بر شعبه صنعت عرض و تمثیل ایتكمه قالدشسین ، و حقیله ادا ایدمه یه جکی احوال و کیفیاته ، اطوار و حسیاته ترجان اولغه چالشسین !..

ماهانی بوفكری دهآ آجیق سویاویور :

( ... یونانیلر اوپله ساده ، شن و شاطر بویوك چو جوقلر دكل ایدی .  
واسع و متنوع تجارب حیاتییه مالك آدم لر دی . لكن اولنرده بر ( طبع سلیم bon sens ) - حق بر ( دها génie ) - واردی : بر صنعت نهیی تبلیغ ایدمه بیایورسه ، اوصنعی اوموضوعه حصر و تخصیص ایتك لزومی آكلامق خصوصنده كی فطانت جبله لری ایدی . اولنر بك ایی حسن ایتملر دی كه حیات بشریه نك عنیف دقیقه لرخی ، خجایمك شدتلی هیجانلرخی تمثیل ایتك ایچون ( مرمر و طونچ marbre et bronze ) استعمال اولونما مالی در . بواحتیاطی الدن بر اقدقلری آندن اعتبار آ یونان هیكلتراشاخنك ( دور انحطاط période de décadence ) ی باشلامشدر . ( لاثوقوئون Laöcoon ) ویاننده چو جوقلرخی تمثیل ایدن ایکی كوچوك آدم ، بر اثر دركه اونی معاصرینزدن بر هیكلتراش یا بمش اولسه یدی ، بحق مغرور اوله بیلیدی . مع مافیه یونان قدیمك ( اك پارلاق دوری = L'âge d'or ) بویه بر اثری هیچ بكنه مزدی . هله ( فیدیا Phidias ) بو هیكلی كورسه یدی - ایشجیلكننده كی كال هنره رغماً - اوکا نفرته باقاردی . }  
شایان دقدركه پروفسسور ( دهی ویدسن ) ، بوادعانك - طابان طاباته -

ضدیتی التزام ایتشدی . غریبدرکه یکدیگرندن قطعاً خبردار اولمایه رق بدیعیات حقنده بیان ملاحظات ایدن بو ایکی معلم متخصص ، عینی دعواده ( لائوقوئون ) هیکلنی مثال اوله رق ذکر ایتشدر .

رومانک ( واتیقان Vatican ) موزه سنده طوران بواثر بر ( غروب groupe ) در ؛ یعنی برهیکل مجموعه سیدر . ( لائوقوئون واوغللری = Laöcoon et ses fils ) عنوانیله مشهور عالمدر . ( ترووا Troie ) لی بر اهابک ایکی اوغلی ایله برابر فوجه مان بر بوغا بیلانی طرفندن صاریلوب صیقیلدغنی تصویر ایدر ؛ بومناستله شمائل وجهیه ده اذای جسمانی علامتی لایقوله ادا ایدیه بیلمشدر . هله بیلانک دهشتلی تضییقه قارشی کندینی مأیوسانه مدافعه ایدن ( لائوقوئون ) ک صرف ایتدیکی قوتی کوسترمک ایچون عضلات پک بارز و مکمل بر صورتده یاییلمشدر . فقط چوجوقلریا کلشدر ؛ چونکه عادتاً کوچوجوک قطعده بویوک آدملردر .

پروفیسور ( دهی ویدسن ) - بالطبع ! - بو هیکلی بکه نیور ، هم اوقدرکه متأخریندن مشهور ( قانوا Canova ) نک یابدینی پهلوان هیکلکاری ده ( واتیقان ) موزه سنده عینی سالونه وضع ایتمش اولدقلری ایچون فیا حالده جانی صیقیلور : [ اواثرلری اورایه قویان ، قانوانک برظالم دشمنی اولسه کرکدر ! ] دییور ؛ یعنی [ لائوقوئون کیی بر بدیعه صنعت حضورنده - قانوانک - اومعاسز و باباغی پهلوان هیکلکاری تشهر ایتک بو آدمی تزدیل ایتکدر ! ] دیمک ایستیور . حالبوکه بومثال ، پروفیسورک ادعاسی علیه بر دلیدر ؛ چونکه میلاد عیسادن اللی سنه اول تراش ورکز ایدلمشدی . بناء علیه بر خرستان اثری دکدر ؛ ( آتیق Attique ) ، یعنی خالص یونانی در ، دهایی یونانی نک الاصل نمونه هنری ده صاییلمیور . دور انحطاط آمارندندر . هر نه قدر ( سالومون رفاق ) بوفکرده دکله ده .. !

بویه ، وحشیات انسانیه بی مصور معنادار اثرلر آرانیلیرسه دهاسکیلری وارددر : ( ۱۸۸۰-۱۸۹۰ ) سنه لرنده آلمانلرک ( برغه Pergamon ) ده کشف ایدوب برلین موزه سنه قویدقلری ( افریز frise ) لر ، میلاددن



(۱۶۶) سنه اول حك اولونمشدی . ( دیو géant ) لرله آلهلرك محاربه سنی تصویر ایدن بو جسیم قبارتمه لرده اشخاصك چهره لری بك معنادارد . اوندن سوكره یونان ( لحد sarcophage ) لرنده بر جوق ( نوحه كر pleureuse ) لر واركه حزن مآمی - بالحاصه قادین چهره سیله - ادا ایتك ایچون یایلمش وبو، کیت کیده عادت اوله رق خرسیتیانلر طرفندن دخی تقلید ایدیه کلشدر .

شو معروضاتمه بدهاتأ ثابت اولویوركه - خرسیتیانلغك ظهورندن جوق اول - عالمی حیران ایده جك اثرلر قویوب کیتمش اولان یونان استادلری تصویر حسیات ایتك هنرنی بیلیورلر مش والته بومعرفی خرسیتیانلردن اوکره نمه مشلر ؛ چونكه اووقت دنیاده خرسیتیان یوقش ! ..

بدیعیات بختنده بك حرارتلی مناقشاتنه سببیت ویرن بو مسئله نی التزاماً شرح وتفصیل ایتدم . بر اثر صنعتك قیمت بدیعه سنی تقدیراً ویریلن حکملرك، طرز تلقی به کوره نه قدر اختلاف ایده بیلیدیکنی کوسترمك ایسته دم . بومسئله لرده ذوق شخصی ایله حساباتك - حتی حس دینی و ملی نك ! - فکر تنقیدی نه درجه لر قدر تحت تأثیرنده بولوندوره بیلیدیکنه بر مثال صریح ویرمك مقصیده ایکی معتبر محررك - عینی شی حقنده - سویله دکلریخی مختصراً نقل ایتدم . ( بوبختك مناقشات فلسفیه سی ایچون objectivisme و subjectivisme تعیرلرینك ذیلنه باقیکنز ! )

مع مافیه بر نقطه مهمه ده اواركه اونی ده اخطار ایدره ك سوزه نهایت ویرمك ایسترم: یونان قدیمده هیکلله انسانلری تصویر ایچون دكل، آله لری تمثیل ایچون یایلیردی . طبیعی دركه اولنرك چهره لرینه بر علویت وقورانه ایله بر سکینت مطمئنه ویره بیلمك اك بویوك شرط هنر ایدی . حالا بوکون وقار اصالت و ( سکینت sérénité ) ایله ممتاز اولان بر چهره یه ( olympeen ) صفی عطف ایدلمکده دركه ( اولیمپوس سکنه لاهوتیه سنك یعنی یونان آله لرینك چهره سی کیبی ) دیمك تقدیرنده در . یونان هیکل تراشلفی ایشته بو قانون قویم دائره سنده حرکت مجبور بولونویور و او چهره لرده احتراصات علامتی کوسترمك ایسته میوردی . اونك ایچون هیکلله ( ادا expression )

ویرمیوردی . یوقسه ویرمه سنی بیلمیور دکلدی . نهدن صوکره - ( یاریم آله = Demi-Dieu ) عد اولونان ( قهرمانلر héros ) ایچون ده هیکلر رکز ایتمک عادت اولدی . دهاصوکره ( اولمپیاد olympiades ) اویونلرندمه برنجی چیقان ( پهلوان palestre ) لر ایچون ده یاییلدی . چونکه بو آدم لر ( تألیه apothéose ) ایدیلردی . نهایت پاره یی اولان هر کس هیکلنی یادیرمغه باشلادی و بوندن ( portrait-statue ) ( طرز genre ) ی حاصل اولدی . اووقت چهره نك شمائل ممتازه سنی - اولدوغنی کیبی - تقلید ایدمه رك صاحبه بکرتیمک لازم کادی . بناءً اساساً اصیل و ایدمه آل بر ماعتی حائر اولان هیکل تراشلق صنعتی - ناتورالیزم مجبوریتی ایله - عادیلک و بابا غیلق درک سنه ایندی ؛ بو کون او حالده در . وزمانزده اواسکی موده ل کوچ بولونور . حالبوکه علوی معناسیله هیکل تراشلق حیثیتی بود کلدی . ماهیتاً آریستوقرات اولان صنعت نفیسه یی ده موقراسی میلانی تولدورور . ماهافنك البت حق وار . بوتون بو بحثك خلاصه سی ، ( صنعتده طرز ادا و تبلیغ le mode de l'expression dans l'art ) مسئله سنه منجر اولویور . بونك ایچون ده هر شعبه صنعتك ماهیت ذاتیه سنه موافق اولان ادای بدیی یی ، و کندی نه کوره الك تبلیغ اولان لسان طبیعی یی تعیین ایتمک و وسائطنی تتبع ایله مک لازم کلیور . بو قاریدن بری ویردیکم ایضاحات ایشته بو کیفیتك اهمیت فائقه سنی آ کلاتیق ایچون ایدی . صنایع نفیسه ، انسانده جلی اولان هیجان بدیی یی هر هانکی بر صورتله اظهار ایتمک احتیاجندن طوغمشدر . وظیفه سی ینه اودر . فقط مدینت ایله برابر تکامل ایتدیکجه تقسیم اعماله اوغرامش و بر طرفدن ده وسائط تبلیغیه سنی اکمال ایدمه کمشدر . حیاتك ، حتی حیات کائناتك هر هانکی بر نوع تجلیاتی هر ص و تمثیل ایدمه بیلیمك ایچون هر شعبه صنعت دیگر لرندن ده زیاذه الورشلی ودها بلیغدر . حیات اجتماعیه یی ( تمامی ایله intégralement ) تمثیل ایدمه بیلن یالکزیر ( art dramatique ) یعنی - معنای شاملی ایله - ( تیاترو le théâtre ) واردر . مع مافیه اوده خیلی تکامل ایتدیکی ایچون تقسیم اعماله مجبور اولمشدر . } بوتون صنعت نظریاتی ایچون esthétique گله سنه تاریخی تفصیلات ایچون représentation تعیرینك ذیلنه مراجعت ایدیگز ! }

بر صدایی، هرايکي قولاقله بردن طويغفه ( سَمْع اذني ) ده نيدير .  
فيزيولوژی علماسنك بو خصوصده تدقیقانی اثبات ایدیورکه بز ، آنجق بو  
سایه ده ( بر صدانك استقامتی la direction d'un son ) نى تعین  
ایده بیلور ایشز . منحصرآ ( بسیقوفیزیولوژی ) یه عائد اولان بو کیفیتك  
تحقیق، بسیقولوژی ده، و - طولایسیله - فلسفه ده پك اهمیتلی بعضی مسائل  
یکیدن چالقالایه رق جدی مباحثاته میدان آچشدر . مثلاً استقامت - حد  
ذاتنده - ساممه ایله قابل ادراك بر کیفیت دکلدر ظن اولونورکن سمع اذینی نك  
بو خصوصده مهم بر روی اولدوغنی تسلیم ایتك لازم گشدر . عینی صدانك  
هرايکي قولاغزیه - آری آری - اجرا ایتدیکی تأثیرلر آره سنده کی فرقی  
ادراك ایله آنك جهت واستقامتی آ کلیور سه ق، شبه یوق که سریع وخفی بر  
محاکمه ذهنیه ایله بر قیاس یابدقن صوکره . بوکا موفق اولویورز دیمکدر .  
حالبوکه بویه بر محاکمه ایله ذهنمك مشغول بولوندوغندن قطعاً خبردار  
اوله میورز . بریسی اسممزی چاغیر بر چاغیر مازه همان باشیمزی چویریورز  
وصدانك وارد اولدوغنی طرفه چویریورز . یعنی بر آنده ( تحدسی اوله رق  
intuitivement ) استقامتی ادراك ایتمش کیبی طاورانیورز . کورولویورکه  
بو کیفیت، فلسفه ده پك جدی مسائله وجود و یرن ( غیر مشعور inconscient )،  
( قیاس خفی inférence secrète ) و بالنتیجه ( تحدس intuition )  
و ( استحضار représentation ) بختلریله صیقی صیقی به علاقه داردر .  
فضله اوله رق مکان مفهومی la notion de l'espace ( مسئله سنده تأثیر  
ایدر . ) بونك اولانجه اهمیتنی تقدیر ایچون اوله ( sens ) کلمه سنده ساممه به  
دائر و یریلن معلومات مخصوصیه، صوکرده آنفاً ذکر اولونان تعیرات  
اصطلاحیه به آری آری باقیکنز . ]



	Bien	فیر ( ای ، مال )
Bien	انگلیزجه	Good
	آلمانیجه	Gut
	ایتالیانیجه	Bene

بو تعبیر، باشلیجه ایکی معنایه کلیرکه بزعمانلیجه مزده اولنری باشقه باشقه کله لرله ادا ایده رز . اولاً ( bien ) ( خیر ) دیمکدر ؛ بو تقدیرجه ضدّ مقابلی ( شر mal ) در بالخاصه ( علم اخلاق la morale ) اصطلاحنجه معتبر اولان معنا بودر . ( علم اقتصاد économie politique ) و ( علم حقوق la science du droit ) لساننده ( مال ) دیمکدر ؛ ( اموال مذفوله biens mobiliers ) کی . دیمک اولو یورکه اورو پالیر، حیاته نافع اولان هر شئی (ای و خیرلی) اولق اوزره تلقی ایتمشر و - همان هر لسانده کورولدوکی وجهله - بو نوع کله لر، صوکره دن صوکره بر معنای اخلاقی اکتساب ایتمشدر . حکمت اخلاقیه نک قیمتی تطبیقات نافع و عملیه سیله نولچن فیلسوفلر بیله ( bien ) تعریفده ماتریالیستجه دوشوندکلرینی اظهار ایدیورلر :

( انسانک هر هانکی بر ( آرزو désir ) سنی ( satisfaire تشفی ) ایده بیلن هر شی - او اعتبار ایله واونسبتده - بر ( قیمت valeur ) ی حاضر در .

ایشته اوکا ( bien ) دنیلیر و بویله بر مقصده خادم اولدوغی ایچون او یله ده نیلیر .[ دیورلرکه بر تعریف ممیز دکدر ؛ چونکه (خیر) و (مال) مفهوملرندن هر ایکسنه دخی کله بیلیر؛ هم یالکزا و ایکی معنائک قرابت اصلیه سنی کوستریر .

یالکزا اینجه بر فرقی ملاحظه ایده رک التباسدن قور توله بیلیر : واقعا بر آرزو مزنی تشفی بر ( احتیاج besoin ) مزنی تطمین ایده بیلن هر شی، البته حیاتمز ایچون موجب خیردر . فقط بو تعریف پک کنیش در؛ بر جوق شیرلی شامل اوله بیلیر . تمیز هوا وضیا ، حتی نصیحت، تسلی و دوستلق کی .! ایشه مادی اولسون معنوی اولسون - بو نوع ( bien ) لره ( مال ) ده یه میز .! بر شینک ( مال ) عد ایدیه بیلمه سی ایچون ( قابل احراز اولماسی ! ) همه حال شرطدر . آنجق اقتصاد معناسیله قیمتی اولان

برشی مال اوله بیلیر؛ ویا لکنز احراز اولونه بیلن شیرلک اولیه برقیمتی واردر .  
( approprier ) تعبیرینه باقیکنز ! ]

دیمک که یا لکنز ( ایشه یارایان ) دکل ، عینی زمانده احراز اولونه بیلان  
شیرلک - اقتصاد معناسیله - ( biens ) در . ( اخلاقیون les moralistes )  
بویله شیرله اوغراشماز .

بر جوق شیرلک آرزولرمزک برینه موافق و دیگرینه منافی اوله بیلیر .  
زمان و مکانه کوره دخی بوموافقته ده کیشه بیلیر . بونلرده - اولسه اولسه -  
آنبحق ( جزئی و اضافی partiel et relatif ) بر خیر اوله بیلیر . فلسفه نیک  
بوجزئیات ایله دخی بک اوقدر علاقه سی یوقدر ؛ چونکه بونلر ناهمصوردر .  
فلسوفلرک اصل تحقیق ایتیمک ایسته دیکی ( خیراعلا le Souverain Bien ) در .  
انسانی هروجهله ( سعادت حقیقه vrai bonheur ) یه ایصال ایدمک  
اولان ( دستور عمل principe de conduite ) ی ، خیراعلانظریه سندن  
استنتاج ایتیمک لزومنده فیلسوفلر متحدالرأی بولوندقلری ایچون اوکا ( خیر  
اخلاقی Bien moral ) دخی درلر .

ینه فیلسوفلرک اعتقادنجه ، بویله برخیره نائل ویا خود قابل اولمق ، انسان  
ایچون ( اقصى المطالب supreme vœu ) اولان ( سعادت عظمی  
Béatitude ) در . ( بوتعبیره باقیکنز تفصیلات تاریخیه واردر . Eudé-  
monisme ) کله سنده دخی بومستله اخلاقیه نیک مناقشات فلسفیه سی تعقیب  
ایدیلوب هر مذهب کوره بر نتیجه مخصوصه استخراج ایدلمشدر . ]

آ کلاشیلورکه حیاتیمزک مقصد اعلا سینه - صمیمیاً واصله - تعلق  
اعتباریه ، بوندن مهم و مبهم بومستله اولماق لازم کلیر . فی الحقیقه اونه دن بری  
فلاسفه اخلاقیون بوکا نصب دقت ایتیشلر و فلسفه اخلاقیه ده اختلافات  
مذهبییه ، بومستله یه تعلق ایدن نظریات اختلافاتندن طوغمشدر . ( بومعلومات  
morale کله سینه عائد تفصیلاتنده مندرجدر . ]

دنیاده ( خیر و شر le bien et le mal ) بحثی ، یا لکنز فلسفه یی  
دکل ، بالجله ادیان و شرایی دخی جدأ مشغول ایتمشدر . ادیان نظرندده  
بوندن مهم بومستله یوقدر . بوکاسببده ماهیت اخلاقیه سی در . [ بوجهت

خاصةً dualisme و manichéisme تعبير لرنده ايضاح اولونمشدر . [ خلقتده خيرك ، ياخود شرك اصل اوله رق وجودى ، ياخود برينك ديكرينه عاقبت فائز و غالب اوله جنى اعتقادى دخى بر مسئله غامضه دركه - اوته دنبرى - سوركللى و حرارتلى مناقشانه ميدان آچارق بعضى مذاهب فلسفيه نك تولدينه سببيت و يرمشدر . ( بونك ايچونده optimisme و pessimisme كله لرنده ايضاحات و افيه واردر . )

بناءً عليه برچوق مباحث فلسفيه ايله صميمياً مناسبأتى اولان بومسئله - جهت ارتباطنه كوره - باشقه باشقه بابلرده تفصيلاً بسط و تنقيد ايدلمشدر . يالكز بوراده تعبير مذكورك معنای اقتصاديسنى تشریحاً ده اياكى سوز سويله مك ايسترم . اعتقاد بجه بزده الك زياده بيلنمه سى و لايقيه تعليم ايدلمه سى لازم اولان حقيقتلردن برى ده بودر .

طبيعت محض خير عدايدلمه سه بيله ، هر حالده انسانك ايشنه يارايه بيله جك برچوق شيلرى حاويدر . مدنيتك برمعناسى دخى طبيعته بويله شيلر كشف ايدهرك اسباب مسعوديتى آرتد يرمقدر . بوندن نجه بيك عصر اول يابانى اورمانلرده ، مفاره قوغوقلرنده - طبقى حيوان كيبى - ياشامش اولان ايلك وحشى انسانلر ، كاشانه البت بزم نظر مزله باقمه مزلردى ؛ و اونك ايچون دنيا دن بزم قدر تأمين استفاده ايدم مزلردى . لكن ، او ايلك انسانلر ، ناصل لاهوتى برنداي الهامه تبعيت ايتديلر ، و نه كيبى تشبثانده بولونديلر كه انسانيت بومدنيت يولنى كشف ايدهرك بوكونكى مرحله كاله قدر كله بيلدى ؟ .. بو بك مهم برسوالدر . ( يونان اساطيرى mythologie grecque ) نقل ايديسوركه ( پرومته Prométhée ) ، ( ژوپيتر Jupiter ) دن آتنى چالارق انسانلر ك يد استفاده سنه توديع ايتمش و اوسايله مدنيت باشلامش . كوزل ! . فقط بزله بوكون اوسواله يالكز بروجله جواب شافى و يريله ميه جكنى بيلورز ؛ چونكه مدنيتك اجتماعى ، سياسى ، حقوقى ، اقتصادى ، بدبى ، صناعى الحاصل مادى و معنوى اولمق اوزره بر چوق معنالى واردر ؛ بو متنوع نظامرات مدنيه آره سنده دخى ( لاييفك inseparable ) بر رابطه قويه اولدوغى آشكادر .

( bien ) تمیرینه اقتصاداً تملقی اولان معنای مخصوصه کوره، سوال مذکوره یالکیزاوتقطه نظر دین بر جواب ویرمک ایجاب ایدرسه ده یه بیلیرم که : [ انسان بر شئی ایشنه یارایه بیله جک بر صورتله قوللانه بیلیمک یولنی کشف ایتدکن صوکره اوکا بر قیمت مخصوصه ومعینه ویره بیلیمش و آنجق اوسایه ده مدنیت یولنی بولمشدیر ! ] [ اقتصادی معناسیله مدینتک ( مبدأ principle ) ی بودر . بودستورک معنای حکمتی شرح ایتمک ایچون مثال آرامغه ده حاجت یوق ! . انسانیتک بوتون موفقیات نافعه سی - هیچ اولمازسه اونک الک بویوک قسی - بونی صراحتاً کوستیریر :

بر آغاچ دالنی یاروبده آره سنه کسکین بر چاقاق طاشی پارچه سی صیقیشدیرمق ؛ الیاف نباتیه نی نورویده ایپ یایمق ؛ صوکره یردن بر قایا پارچه سی آلوبده صاپان طاشی کیی قوللانمق ؛ یابان نوکوزینک بویونوزنی مشریه ایدینمک ؛ یاش دهری پارچه لرینی چاریق یایمق، البته بو اشیای خسیسه ده - محافظه حیاته الویریشلی - بر منفعت کشف ایتمک دیمکدر ؛ یعنی اونلره - نافع اولدقلری وجهله واونسبتده - بر قیمت ویره رک مال ایدینمکدر . ده ای بشرک بوندن پارلاق برلمه الهامی، بوندن بویوک بر موفقیق و مظفریتی اولما مشدر، ده یه بیلیرم . انسان مدنیت یولنی آنجق بوسایه ده کشف ایده بیلیمش و آرتق او بولدن ایریله مامشدر. ( محافظه نفس conservation personnelle ) سائقه غریزه سنک اثر الهامی اولان بوشعله ذکا، یاشامق احتیاجاتی تطمین ایتمک اوغرنده دائمی ارادت کوسترمش و بوکا موفقیقی نسبتده ( غوغای حیات la lutte pour la vie ) ده فائز اوله بیلیمشدیر . ( بوتعبیراته باقیکنز ! ] بوکونکی سعادت مادیه مزک رفعتنه رغماً ینه عینی یولی تعقیب ایله ترقیات مدنییه خادم اولویوروز . مثلاً : دها دونه قدر مضر و مهلك مردارلقلردن معدود اولان لاشلر، کیکلر، پاچاورلر، سوپروتولر، یک آرتیقلری ودها برسورو ( فضلات عضویه déchets organiques ) نک نه کیی ایشلر یارایه بیله جکی یاقین زمانده کشف اولونمشدیر . بوکون بوکی مواد سفیه حسابنه عالم تجارتده دوران ایدن سرمایه میلیونلرجه ایرالر طوتویور. بو بر تروتدرکه اسلافز اوندن استفاده ایده بیلیمک یولنی دوشونه مه مشلردی.

واقعا کیمیا نك كشفیات نافعه سی هر ماده نك بر ایشه یارایه بیللمه سی احتمالی  
 کوستره نك علم اقتصادك نقطه استادی اولان دستور اساسی بی شرح وتنویر  
 ایتیش وبوصورتله - تحمینك فوقنده - بر خدمت مشكوره ده بولونمشدر .  
 فقط - ده مین دیدیکم کیبی - کیدیش ده کیشمه مشدر . اوته دنبری نه ایشه  
 ینه اودر : ( دور هجری ) ده بروحش نك ئوکوز بوینوزدن مشربه ویاخود  
 دستره یامه سیله بزم عینی ماده دن چاقی صابی یاخود ( منقله ) اعمال ایدیشمز  
 آره سنده - حکمت اقتصادیه جه - ذره قدر فرق یوقدر . یالکز برشی  
 وار !.. کیمیا بزه [ هیچ برشینك هدر ایدلمه سی امکاتی ] اوکره تدی .  
 بو حقیقی بزاجداد مزدن ابی بیلوروز . فرضا عادی اصول ایله کومور یاقان  
 برکولیونك بر جوق مواد نافعه هدرایتدیکنی کورویوروز ؛ ( تسخین یابس )  
 اصولیه هم ابی کومور آلتی، هم ده ( حامض خل acide acétique ) ،  
 ( قره ئوزوت créosote ) ودها بعضی مواد نافعه استحصال ایتك ممکن  
 اولدوغنی بزه اوکره تن کیمسادر . بوکون تأمین منفعتده غایه موفقیت ،  
 طبیعت یاقلاشمق در . طبیعت هیچ بر ذره بی هدرایتمز ؛ غایه اقتصادی بو اولمالی در !  
 کورولویورکه کیمیا و حکمت، ماده وقونده تصرف یولنی اوکره تدیکی  
 ایچون علم اقتصاد هرشیدن زیاده خدمت ایتمکده در . لکن اصل معرفت  
 بر شینك فی الحال نه ایشه یارایه بیله جکنی وناصل یارایه بیله جکنی قطن  
 ایتك در . ایشه بالخاصه علم اقتصادك وظیفه سی بودر ؛ دهای اقتصادی بی  
 بوراده آرا مالی در . بو موفقیت، - مع التأسف - کتاب او قومقله اوله ماز .  
 محقق، انسانیتده ( طیب معیشت le bien être ) ی یعنی سعادت ماده بی  
 تأمینه اك زیاده خدمت ایدن نوع ذکا بودر . بر مملکتك بختیارلنی، ثرونی  
 بوذ کاوتك - افراد امتده - تظاهراتی ایله متناسبدر .

بو هنر اقتصادینك بك كوزل مشالترینی مملکتتمزك بعضی اجراءات  
 حیثیروانه سنده بالذات کوروب کمال شکران ایله تتبع ایتیش اولدوغم ایچون  
 - مع الممنویه - ذکر ایتك ایسترم :

جاهل برکولیو، بر ( کول بوغاچه سی ) پیشیرمك ایچون برچام ده ویرییور،




ومع التأسف بعضاً براورمان يانغينه سبيت ويرديكي ده اولوبور. جلال مختار - هلال  
احمرده بوسنده - بر آغاچك ذره سني ضايع ايتيور: كوتوكندن تكميل بر عربه  
لوازمي تدارك ايديور: آريش، اوق، دينكل، ياصديق كيبي شيلري ياپديريور.  
صوكره چام قابوقلريني قاينانوب برنوع بويا استحصال ايدرك مرضاي  
عسكريه ايجون - آمريقان بزندن - ديكدرديكي انتاريلري وايشجي فوطه لريني  
اونكله تلوين ايديور. بويا قازاني قاينامق ايجون ده آغاچك كندى يونغه لريني  
وايشه ياراماز دالاريني ياقيور. تكرلكلردن آرتان صاغلام اودون پارچه لرندن  
( قولتوق دكنكي ) قبضه لري كسديريور؛ واورو پادن يوز اوتوز غروشه  
كلن بر چفت قولتوق دكنكي، دولته سكر غروشه مال ايديور. صوكره  
- دور انديشانه بر تقيد ايله - قورمش اولدوغي بر سورو صالاموره  
فوجيلرينك سطحه بيريكن ورايشه يارامان بالي ياغلريني - تجارك ياپديني  
كيبي - ياقوب محوايتك ايجون كونده لك وزحمت صرف ايدجكنه، طوپلاتيور؛  
وبويا قازاننده تراكم ايدن طور طولر وساير قطراني ماده لرله قاريشد بیره رق،  
يوك آرابه لرينك تكرلكلرينه ودينگيللرينه طسلا ايتك اوزره قوللانيور.  
قيريق اسكي تسكره لك هيچ بر قسمني زيان ايتيور؛ هله اقسام خشيه سندن كوزل  
چر جوهر لري ايديور. سر كده تهير ايديور. اخل! . فكر اقتصاد و معرفت تصرف  
قطعا بوندن ايلري كيده مز! . . بونده ده اي هنر كيبي بر اثر الهام وار.  
( économie politique ) كله سنده ايضاحاته باقيكز !

#### بيلاترال ذراچايي Bilateral

#### Bilatéral

لاتينجه ده ( bis-bi ) اداتي جفت وياخود مكرر معناسني افاده ايتك  
اوزره بر چوق تعبيراتك اولته داخل اولور. بوراده ( صَفْحَه ) ديمك  
اولان ( latus ) كله سنه ربط ايدلمشدر. شو تقديرجه تعبير مذكور،  
( ايكي يوزلي يعني ايكي طرفلي ) معناسني افاده ايدر. هرشي حقنده  
قوللانيه بيلير. نباتات و تشریح كيبي علومده جوق كچر بر كله در. اصل  
حقوق لساننده بر اصطلاح حيثيتي احراز ايد بيلمشدر: ( طرفين عاقدین ) دن  
هر برينك برشي تمهد ايتمه سي صورتيله عقد ايديلن ( مقاوله contrat ) يه

( متقابل réciproque ) ده‌نیلیر؛ اکر طرفیندن بری دیکرینک ایفای عهد ایتمه‌سی شرطیه تحت مجبوریته کیرسه اوصورتله عقد اولونان مقاوله ( bilatéral ) اولور. ( حقوقه‌عائد تفصیلات ایچون قاموسک حقوق‌قسمنه؛ فلسفه اجتماعیه مسائلنه متعلق خصوصیات ایچوده بوقاموسک ایکنجه جلدنده contrat کله‌سنه باقیکنز ! )




**Binoculaire**  
( Vision )

( رؤیت ) عینینیم **Binoculaire ( Vision )** فرانسجه  
Binoocular vision انکلیزجه  
Binoculares sehen آلمانجه  
Vista binoculare ایتالیانجه

عینی شیئی، عینی زمانده ایکی کوزله بر کورمک دیمکدر . بدیهی اولان بو کیفیت حقیقده بر چوق علما طرفندن کمال دقت وغیرته اجرا اولونان تدقیقات ، خیلی غریب بر سورو حادثاتک انکشافنی موجب اولمشدر . کوزلرمزک هر بری عینی شیئی آیری آیری کوردوکی حالده ناصل اولویورده یزه اونونک کوردویورده چفت کورمیوروز؟... اولابونک سببی آکلاشلمشدر : هرایکی ( شبکه عینیه rétiné ) ده اوشینک ( خیال image ) ی واقعا آیری آیری رسم وتشکل ایدیور ؛ یعنی برشینک، مثلا بر آغاجک آیری آیری ایکی رسمی تلقی ایدیوروز؛ فقط، هنوز سیرینی کشف ایده‌مه‌دیکمز غریب بر ( عملیه ذهنیه opération mentale ) سایه‌سنده اوایکی خیالی توحید ایدیوروز . جالبوکه اوایکی ( خیالات شبکیه images rétinienne ) آنجق بر نقطه‌ده یکدیگر بیکریماس وتلاق ایده‌بیلدکلری ایچون، اوزاقده منظورمز اولان او آغاجی مجسم وقابایق اوله‌رق کوره‌بیلیوروز . ( perception و stéréoscope, visuelle de la distance تعیرلرینه باقیکنز ! ) دیمک اولویورکه ( بعدتالک la troisième dimension ) ی آنجق بوسایه‌ده ادراک ایده‌بیلیورمشز !

طبی ( bi-auriculaire ) تعیرنده سویله دیکم کیبی بو حادنه نك ده تماماً  
عینی مسائل فلسفیه یه ابله صیقی صیقی یه مناسبتی واردر .  
[ بناءً علیه فلسفه نك بالخاصه ( ادراك مكان perception de l'espace )  
مسئله سنده بو حادنه نك کمال اهمیتنی تقدیر ایچون اولو ( sens ) کله سنده  
( باصره la vue ) یه دائر ویریلن معلوماته، سوکرده - espace, incon-  
scient, inférence, représentation, بسط اولونان مناقشات  
فلسفیه یه باقیکنز ! ]



فرانسجه و آلمانجه	Biologie ( علم میات )
انگلیزجه	Biology
ایتالیانجه	Biologia

## Biologie

بو تعیر قیمتدار، صوکه زمانلرده وضع و قبول اولونان اصطلاحات  
مهمه دندر . اولو ( ترویرانوس Treviranus ) و - بر روایت کوره -  
مشریح مشهور ( بیشا Bichat ) بو ترکیبی اویدورمش و اصطلاح اوله رق  
قولانمیشدر؛ ده نیلیور . علمای طبعیوندن ( لامارک Lamarck ) . دخی  
بوشرف اسناد اولونمیشدر . شوراسی محقق درکه بو آدم هر کسدن اول اوکله نك  
تعیم و انتشارینه خدمت ایتیشدر . یونانی ده ( bios ) حیات ، ( logos )  
دخی مبحث معناسنه وارد اولدوغی جهته ( بیولوژی ) مبحث حیات ،  
یعنی علم حیات دیمک تقدیرنده در .

بوکون علومده کرکی کیبی ( تقسیم اعمال division de travail )  
وقوعه کلمش اولدوغی ایچون مسائل حیاته تعلق ایدن معلوماتمز دخی  
- بالضروره - اقسام مختلفه یه آیرلش و اونلرک هربری ( حدود و موضوعات  
خصوصیه سیله ) تعین و تمایز ایدرک بر طاقم شعبات علمییه وجود ویرمیشدر .  
بناءً علیه معلوماتمزک بوکونکی وضعیته نظراً ( بیولوژی ) تعیری بر تک  
علمک اسمی اوله ماز؛ آیری بر صنف تشکیل ایدن بر سلسله " علومک ( اسم

جامع (nom collectif) ی دور؛ (تجلیات حیات manifestations de la vie) ی  
— بعضی وجود ایله — موضوع بحث ایدین (علوم مختصه sciences spéciales) نك  
عمومی بردن شامل بر تعمیر در . حتی بوعومیتنه نظراً (بیولوژی) — عضویاته  
تعلق ایدن بالجملة علومك — نوعما بر فلسفه سی کیبی تلقی اولونویورده و حیاتك  
آنحقیق (مسائل اقصا questions ultimes) سیله قوانین عمومیه سی تدقیق  
ایدیور . حالبوکه علوم حیاتیه نك هریری — تفرعات حادثاتی جنسیرینه کوره  
تقسیم ایدرهك — آری آری تبغه چالیشیور .

شوقدیرجه بوکله، عادتاً (ریاضیات les mathématiques) ، حتی  
(ادبیات) کیبی بر اسم جامع اولمش اولویور . فی الحقیقه ریاضیات نامی  
آلئنده (حساب، هندسه، مثلثات، جبر، حساب تمامی و تقاضیلی، ماکنه  
عالیه، سینماتیک) ودها بر طاقم علوم مستقله و معینه بولوندوغی کیبی ،  
(حیاتیات) تعمیرینك ضمنتده بر جوق علوم مستقله مندرجدرکه اولر  
حقنده شیمدی مختصر مفید بر فکر ویره جکم . لکن ارلا شونی اخطار  
ایدهیم که علوم حیاتیهیی (تصنيف classifier) ایتمک ایچون ترتیب اولونان  
جدوللردن هان هیچ بری علی الاطلاق دیکرلری اوزرینه مرجع اوله ماز؛  
چونکه نقطه نظره کوره تقسیم علوم ده کیشه بیلور . [ classification  
کله سنه باقیکنز ! ]

بناءً علیه بوخصوصده مبدأ اتخاذ اولونان نقطه نظرک اهمیت درکاردر .  
نیم فکریمه کوره الک طوغرو کورونن تقسیم، شودر :

اولا (حیات la vie) دیدیکمز محصله حادثاتی عمومی بر صورتده تتبع  
ایتمک ممکندر . برده (تجلیات خصوصیه manifestations spécifiques) سنه  
کوره تدقیق ایتمک مجبوری واردر؛ چونکه ذوی الحیات ایکی عالم تشکیل  
ایدیور : حیوانات، نباتات ...!

او حالده بر (حیاتیات عمومیه biologie générale) ، برده (حیاتیات  
خصوصیه biologie spéciale) اولوق اوزره علوم حیاتیه ایکی بویوک  
شعبه یه آریلیر .

برنجیسی، (حیاتك منشأی l'origine de la vie) نی تدقیق ایدر؛

وفي الحقيقة بومسئله غامضه ايله اوغراشمق اونك وظيفه سيدر ؛ چونكه ( تشریح ) كېي، ( فیزیولوژی ) كېي، ( انساج ) كېي علوم خصوصیه حیاتی اولدوغی كېي قبول ایدرهك آنجق حادثاتی تدقیق ایدر . اونك ماهیتی، تاریخی، کیفیت نشئتنی تحقیق ايله اوغراشماز .

ایشته منشأ حیاتی موضوع بحث ایدن قسمه ( biologie génétique ) دیرلر . بوداثره علمیه ده تدقیق اولونان باشلیجه مسائل مهمه : ( ذوی الحیاتك منشأ و سلسله تناسلی ( origine et descendance ) ؛ ( منشأ اجناس les facteurs de l'évolution ) ؛ ( مناسبات جنسیه و تصنیف و استحال ( classification ) ؛ ( وراثت و استحاله ( hérédité et variation ) در . بونلر عموم عضویاته تعلق ایدر مسئله لردر . منفرداً اشخاص عضویه یه كلنجه اونك ده - عینی نقطه نظر دن - باشلیجه مسائل شونلردر :

منشأ اشخاص ( ontogénie ) ؛ ( مشابهت واقیه ressemblance protective ) ؛ ( اصطفای تناسلی ( sélection sexuelle ) ؛ ( اشكال عضویه نك محیطلرینه مشابهتی ( mimétisme ) ؛ ( محیط ايله مناسبات relations aux environnements ) ؛ ( مختلف منطقه لردر حیوانات و نباتاتك توزع و انتشاری ( distribution des animaux et des plantes ) الى آخره . . . !

( تاریخ طبیعی ( histoire naturelle ) دخی بو زمرده داخلدر . چونكه حیاتك منشأنی تحقیق ایتمك و ذوی الحیاتك - شكل و معیشت اعتباریه تحولاتی نظر دقه آله رق - جریان تكاملنی ماضیلره طوغرو تعقیب ایتمك تاریخ یایمقدن باشقه برشی دكلدر .

حیاتیات عمومیه نك ( génétique ) یعنی منشأ مباحثه متعلق اولان ( قسمی بومسائل ايله مشغول اولور . لکن ( منشأ حیات ( l'origine de la vie ) مسئله غامضه سنی، شویله برکناره براقوبده، حیاتك یالکزر حال حاضرده عرض ابتدیی تجلیاتی تبعه حصر نظر ایدرسه كه اووقت نباتات و حیواناتده آبری آبری وفلان جنس ايله فلان جنس آراسنده آبری آبری حادثات

عضویه بن تدقیقه مجبور بولونورز . بوده ( قیاسی comparatif ) برتبع در .  
اونك ایچون حیاتیات عمومیه نك بو قسمنده ( حیاتیات قیاسیه biologie  
comparée ) دیرلر .

نظر تبعمزی بوجهتله توجیه ابتدیکمز کیبی ایکی مهم کیفیت - اول  
امرده - ذهنمزی اشغال ایدر : برسی ذوی الحیاتك اشکالی و اعضای  
مخصوصه نك ( انتساج texture ) ی ، دیکری نه اعضای مذکور نك  
( فعالیت و وظائف activité et fonctions ) در .

حقیقت حیاتك نه اولدوغنی ، مشغله علمدن قطعاً خارج بر ( مسئله  
مابعدالطبیعه question métaphysique ) اولق اوزره تلقی ایده بیلیر؟  
فقط ، - هر نه صورتله اولورسه اولسون و هر نه درجه ده بولونور ایسه بولونون -  
حیاتك ، آنجق اجسام عضویه ایله جلوه نمون اولدوغنده ذره قدر تردد  
ایده میز . بوبر کیفیت مشهوده در ، بدیهی بر حاد نه در .

وظائف حیاتیه نك ( نسج عضوی tissu organique ) ایله قطعاً  
وصمیمیاً علاقه دار اولدوغنی - بوکون - آرق ( مثبت بر حقیقت une  
vérité positive ) در . حتی عضویتك صورت انتساجی ایله وظائف  
حیاتیه نك اختصاصی دخی ذره قدر شبهه کورتورمز . مثلاً ( نسج عصبی  
tissu nerveux ) نك فعالیت ایله ( نسج عضلی tissu musculaire ) نك  
دهاسائر انساج مختلفه نك وظائفی هپ باشقه باشقه در ؛ مع مافیه حیات ، ایستر  
بومختلف انسجه نك ( محصله فعالیت résultante de l'activité ) اولسون  
ایستره اولماسین ، هر حالده وظائف مذکور نك جمله سی محافظه وادامه حیاته  
- حدنجه واهمیتی نسبتند - مشارك و خادمدرلر . بونده قطعاً شبهه یوق ! .

اوله اولونجه حقیقت حیاتی دکل ، فقط ( جلوه حیات la manifestation  
de la vie ) ی تتبع ایده بیلیمك ایچون عضو یاتده بالمله اقسامك اولاشکلی  
و طرز انتساجنی تدقیق ایتملی ، ثانیاً ( وظائف حیاتیه fonctions vitales )  
و فعالیت عضویه نك شکل عضوی و طرز انتساج ایله مناسباتی تحقیق ایله می در .  
بومجبور بنه دوشدو کز کیبی ، تمامیه ( تجربه ساحه سی champ d'expé-  
rience ) نه کیردیکمزی آکلارز . چونکه بوتورلوتدقیقات یالکز حواس

طبیعیه دلائلیه ممکن اوله ماز . کوزله کوروله میه جک، ال ایله طوتوله میه جق قدر نازنین اقسام عضویه وارد که خرده بین ایله حتی معاملات کیمیویه ایله آنجق ثبت و تعیین اولونه بیلیر .

ایشته بوجبوریت، ( biologie ) ده ایکی بویوک علمک تولد و تأسسنی موجب اولمشدر . بریی ( عمومی مورفولوژی morphologie générale ) درکه بو، علی الاطلاق اجسام عضویه تک اشکالی موضوع بحث ایدر ، و ( قوانین تشکیل lois de formation ) فی آردار . ( تشریح anatomie ) علمی بو صنفده داخلدر . ( نباتی végétale ) و ( حیوانی animale ) عنوانیه ایکی بویوک شعبه ایرلدینی کیی ( مرضی pathologique ) و ( قیاسی comparative ) دخی اوله بیلیر .

برده ( تشریح خرده بینی anatomie microscopique ) واردر . اعضا ( les membres les organes ) ی وجودک اشکالی دکل، اواعضا و (ا) ( viscères ) ودهاسار ( اقسام عضویه parties organiques ) تک متشکل بولوندوغی ( انسجه tissus ) تک اشکالی وعناصرینی تتبع ایدر ؛ وبالضروره مقروسقوب ایله برابر بعضی آلات وادوات قوللانیر . بونلر هب ( عمومی مورفولوژی ) ده داخل علوم مختصه در .

ایکنجی بویوک شعبه، ( عمومی فیزیولوژی physiologie générale ) در؛ بوده علی العموم وعلی الاطلاق فعالیت عضویه دن و حیاتک حادثات عمومیه سندن بحث ایدر ، تامیله ( تجربی expérimentale ) بر علم مهمدر . بوده ( فیزیولوژی نباتی physiologie végétale ) ایله ( فیزیولوژی حیوانی physiologie animale ) نامیله باشلیجه ایکی قسمة آریلیر : ( فیزیولوژی مرضی physiologie pathologique ) نامیله بر شعبه سیده واردر که برنجی شعبه ده کی ( تشریح مرضی ) یه مقابل دوشر و ( غیرطبیعی anormal ) اولان فعالیت عضویه یی منحصر آ تدقیق و تتبع ایدر .

بوتون اجسام عضویه تک رکن اصلی سی، - نوعما - ( ذره atome ) سی ( حجره cellule ) اولدوغی ایچون وبالجمله انساج عضویه بو حجره لر دن متشکل بولوندوغی ایچون، بوصوک زمانلرده - بالخاصه آلمانیا یی پرفسور

( ویرخوو R . Wirchow ) ك كشفیات مهمه سندن صوكره - منحصرأ  
 حیراتی واونلرك تحولات واشكالی تتبع ایتك اوزره برشعۀ علمیه ده  
 تأسس ایتشدركه اسمنه ( مبحث هجیرات cytologie ) دیرلر .  
 ایشته ( بیولوژی ) تسمیه اولونان علم شامل وعمومی نك متضمن اولدوغی  
 باشلیجه شعبات علمیه بونلردر . یالکیز کجن عصرک نصف اخیرنده تأسس  
 ایتش ویک بویوک براهمیت قازانمش دیگر برعلم دخی واردركه آریجه ذکر  
 اولونمغه شایاندر . ( مبحث جنین Embryologie ) نامیله معروف اولان  
 بو علم ، بر ( بُوِیَضَةُ مُلَقَّحَةُ ovule jécondée ) نك ، ( رحم مادر  
 matrice ) ده بر ( جنین کامل empyron parfait ) اولونجه یه قدر کچیردیکی  
 ( استحالات transformations ) ی تتبع ایدر . ساحۀ تدقیقاتی ( حیات  
 داخل رحمی vie intra-utérine ) یی آشه ماز . داروینیزم طرفدارلرینك  
 اعتقاد وادعاسنجه ، برجنینك آنارحنده کچیردیکی استحالات متعاقبه اجناس  
 حیوانیه نك خارجده کچیردیکی ( صفحات تکامل phases d'évolution ) ك  
 بر مختصر فهرستی اولدوغی ایچون ، نامعدود و نامعین اعصار ماضیه ده  
 اجناسك تبدلات و تحولاتی تدقیق ایدن تاریخ طبیعی نه ایسه ، حیات داخل  
 رحمی ده بر شخص عضونك تکاملنی تتبع ایدن ( مبحث جنین ) دخی اودر .  
 یالکیز برنجیسی - پك اوزون برمدت سورن - ( تکامل جنسی - développe-  
 ment phylogénique ) نك قانونلرینی کشف ایتكک چالیشیر ؛ دیگرى  
 - نسبتاً پك قیصه برزمان سورن - ( تکامل جنینی - développ. ontogé-  
 nique = dev. embryologique ) نك جریاتی تعقیب ایدوب قانونلرینی  
 آرار . بناءً علیه یالکیز بر شخص عضونك تاریخ طبیعی سی صاییلر .  
 ( پروفیسور هکسلی Prof. Huxley ) ودها امثالی کی بعضی بویوک  
 بیولوژیستلر ، ادعا ایدیورلرکه ( علم انسان anthropologie ) و ( علم  
 اجتماعی sociologie ) و ( علم روح psychologie ) دخی ، بیولوژی  
 دائره سنده داخل علوم متفرعه نوعندندر .  
 بو علومك همه حال ذوی الحیاته تعلق اعتباریله ماهیته باقیلیرسه بو ادعا



اساساً حقلی کورونور . لکن علوم مذکورہ نك موضوعات خاصہ سنی تشکیل ایدن ( زمرة حادثات groupe de phénomènes ) نظر دقتہ آلیتجہ او علملری بیولوژی خارجندہ طوتمق دها موافق اولور . چونکہ طبایع موضوعات، پک متباین در . واقعا یا شایان دہ دوشون دہ، سیاست ایدن دہ ثروت تحصیل ایله یں دہ انسان در ؛ فقط رحم مادر دہ تکمل ایتک ایله مثلاً زمان و مکانک ماهیتی دوشونمک، اسباب ثروت و وسائط سعادت استحصالی کشف ایتک، همجنس لری اداره ایتک، او قدر یکدیگرینه بکزمه من بر طاقم حادثات متغایره تشکیل ایدر که اونلری اولدوغی کیبی و آیری آیری موضوع بحث ایدن علومی بر صنف عمومی به درج و ادخال ایدمه یز ؛ جهت جامعہ پک ضعیف و پک عمومی در .

سپنسرک سیاق نظری دها طوغرودر : بو حکیم، حادثات اجتماعیہی حادثات عضویه ایله عیناً بر طوتمور . واقعا حادثات حیاتیہی اساس اتخاذ ایدیور ؛ لکن حادثات اجتماعیہی ( مافوق عضوی superorganique ) بر زمرة عد ایدر که آریجه مطالعہ یه شایان کورویور .

[ تفصیلات ایچون sociologie و classification کلمه - نه باقیکنز ! ]  
( psychotogie ) یه کلنجه، فکر لر، نقطه نظره کورده - بالضروره - ده کیشیور : اگر ( روح l'âme , l'esprit ) دماغک اثر فعالیتی اولمق اوزره تلقی ایدیلہ بیایر سه ، فی الحقیقه پسیقولوجی ، ( دماغک فیزیولوجیسی physiologie du creveau ) اولمش اولور و عمومی فیزیولوجی ضمنده کی تقسیمات علومه داخل اولور . یعنی صرف موضعی و خصوصی بر فیزیولوجی صایله بیایر . نته کیم زمانمزل علماسنک اعتقادینه ملایم دوشن سیاق نظر بودر . فقط روح بویله ( fonctionnelle وظیفوی ) بر فعالیت عد ایدیلہ یوده مستقلاً موجود بر جوهر غیر جسمانی اولمق اوزره قبول ایدیلر سه، بوتورلو ( پسیقولوجی ) نك ( بیولوجی ) ایله هیچ مناسبتی اوله ماز . اسکی پسیقولوجی ایشته بویله بر اعتقادہ مستند ایدی .

[ psychologie و âme تعمیر لرنده تفصیلاته باقیکنز ! ]

خلاصه ( بیولوجی ) و ( سوسیولوجی ) یعنی حیاتیات و اجتماعیات کیبی

تمیز لر ، معین بر علم مخصوصك اسمی دكلدر . بونلر بر ( منطقه علوم ) در ؛ ریاضیات کیی !... بومنطقه لرده داخل اولان علوم مختصه نك عددی ده قطعی اوله رق بیان ایتك ممکن دكلدر وطوغرواولماز ؛ چونكه ترقیات علمیله ایله تقسیم اعمال ایلر یله دكجه ، عینی جنسیدن اولان حادثاتی نوعلرینه ، صنفلرینه آیرارق بالخاصه تدقیق ایتك وبوصورتله یکی بر شعبه علمیله تأسیس ایتك ممکن اولور و لازم کلیر . مثلاً بون ( میقروبیولوژی microbiologie ) اوله در وبوندن یکر می اوتوز سنه اول کلن بیولوژی علماسنجه قطعاً مجهول ایدی ؛ اسمی بیله یوقدی . كذلك ( térataulogie ) دخی اوله در ؛ غرائب خالقندن معدود اولان ( عجائب عضویه - monstruosités organiques ) یی خاصه تدقیق ایدر وقوانین تشکلی تحقیق ایدر شعبه علمیله در . بونلرک ده صوکره بر علم مستقل اولماسی مأمولدر ؛ حتی اوله جنی محق قدر .

Bonheur	فرانسزجه	Bonheur
	انگلایزجه	Happiness
	آلمانیجه	Glück
	ایتالیانجه	Felicità

بوتعییر مهمك فلسفه عالمده موجب اولدوغی مناقشات و اوسایه ده تولد وتعیین ایدن مذاهب مشهوره ، کال تفصیلاتیله ( eudémonisme ) کله سنده مندرجدر . اورایه مراجعت ایدیکز .

Bon sens	فرانسزجه	Bon sens	هائس سلیم ، ( عقل سلیم ، طبع سلیم )
	آلمانیجه	Gesunder Verstand	
	انگلایزجه	Good sens	

بو تعییر ، ارسطودن بری معلوم ، وفلسفه کتابلرنده اکثریتله وارد اولدقنماعدا ، مشهور بر نظریه فلسفیه نكده اسمی در . [ écossisme تعییرنه باقیکز ! ] مدنی مملکتلرده لسان ناسه بیله انتقال ایتش برکله در .

انسانلرک - علی وجه الاشتراك - عینی صورته و عینی درجه اطمینان ایله تاقی ایده بیلدکری ( حقایق قیّمه vérités immuables ) ی ادرالک ایتک ( قابلیت pouvoir ) ی بر ( حاسه مستقله sens indépendant ) فرض ایدلمش واکا ( sens commun ) ده نیلمشدی . بو وجهله تاقی ایدیه بیلن معلومات ، آنجق ( بدیهیات و یقینیات vérités évidentes et certaines ) اوله بیلیر . بونک ایچون ده او حاسه مفروضه نك بوتون افراد انسانیه ییتنده ( مشترك commun ) اولماسی لازم کلیر . چونکه ، فرضاً : بر کیسه نك تدارک ایده بیلدیکی ( معلومات connaissances ) ، یالکز کندی نظرنده یقینی و بدیهی اولسه ده باشقه لری غندنده ذره قدر شک و تردده میدان ویرسه ، انسانلر آرمه سنده تألیف افکار ، ایراد براهین و اثبات مدعا امکانی بولونه مازدی . خلاصه هیچ رشیده فکر آ آکلاشه ماز و فعلاً ده او یوشه مازدی ! .. او حالده ( صحیح و ثابت exacte et positive ) هیچ بر ( علم science ) تأسس ایده مزدی . بوکا امکان تصور اولونه بیلیمک ایچون بوتون انسانلر غندنده محقق و مسلم بر طاقم ( حقایق بدیهیه ) اولمالی درکه ، محاکمّه زده ( مبادی عامه principes universels ) و اساسات لازمه یی تشکیل ایده بیلسین ؛ و میانه ده اختلاف ظهوری تقدیرنده هر کسه جه معتبر بر میزان صحیح و ذاتاً مسلم بر معیار مشترك اوله رق قوللانه بیلسین ! .. بوکی شیلر دخی آنجق ( بدیهیات ) اوله بیلیر : [ جزؤ کلدن اصغر در ! ] قضیه سی کیی ! .. و یا خود حسیات عامه اوله بیلیر : ( ماده matière ) نك وجودینی حس ایدیشمز وارلغنه ده اینانیشمز کیی ! ..

نم آ کلا دیغمه کوره ، ارسطونک ( کی نی نه سی سیس = Κοινή αἴσθησις ) دیدیکی ، بوایکنجی معنادر ؛ یعنی ( بدهات حسیه évidence sensuelle ) درکه ( مدرکات عامه perceptions communes ) دیمکدر . استاد یونانی اوله ظن ایدیوردی که جمله حواسمزک بو خصوصده دخلی واردر ؛ اونک ایچون بوقابلیتی اوتعبیرایله تسمیه ایتمشدی . فلسفه یی یونان استادلرینک آثار مترجمه سندن تلقی ایدن عرب حکماسی بونی ( حس مشترك ) ترکیبی ایله عیناً لسانلرینه نقل و صوکره ( حواس خمس باطنه les cinq sens

( internes ) دن بری اولمق اوزره قبول ایتدیلر . نته کیم لاتینلرده ( sensus communis ) کله لرله عیناً ترجمه ایتمشلردی . [ évidence sensation , sens کله لرنده تفصیلاته باقیکنز ! ]

دور اخیر مجدد لرندن ( ده قارت Descartes ) بو تعیره جداً اهمیت ویرمک اونو احیا ایتدی، و براز دهها شمولی بر معناده قوللاندی: بو کون بعضاً ( عقل سلیم ) مرادفی اوله رق استعمال اولونان ( raison ) کله سیله برطوندی . فلسفیات جدیدنک اصولی تعین ایدمک عالم عرفانده عظیم بر انقلاب افکار حصوله کترین کوچو جولک رساله سنک، یعنی ( اصول حقیقه نطق Discours sur la méthode ) نامیه مشهور اولان اثرینک همان ایلمک جمله سی صراحتاً بونی کوستریور:

[ اینی محاکمه ایتمک وحق باطلدن آییرمق قدرتی- که بالخاصه ( bon sens ) یاخود ( la raison ) تسمیه اولونان قابلیتدر - انسانلرک جمله سنده طیبی اوله رق متساویاً بولونور . ] دیور؛ [ حق و باطلی تفریق خصوصنده هرکسک اقتداری بر در و متساویدر . ] دیمک ایستیور . بوده: [ عقول شخصیه جه انسانلر آرم سنده نه قدر فرق اولورسه اولسون، عینی ( حقایق متعارفه vérités axiomatiques ) و عینی ( سبیلر causes )، هر ذهن ایچون عینی درجه ده بدیهی در ! ] ادعاسنه واریرکه فی الحقیقه ده قارتک اساس اعتقادی بوایدی، وینه بو فیلسوفه منسوب اولان ( افکار و هییه innées ) نظریه سنک زمین استنادی اودر . ( axiome و inné کله لرینه باقیکنز ! ] [ بو تعیر ایله علاقه دار بولونان مسئله فلسفیه نک ماهیتی commun کله سنک ذیلنده ایضاح ایدلمشدر . اورادن ده écossisme لغته اشارت واردر . بونلره در حال باقوب تألیف افکار ایدیکز ! ]

بصیرت میسایه Buble Rachidien

بو نصیرک فلسفه مسائل ابله علاقہ سی یوقدر . فیزیولوژی و تشریح  
اصطلاحات مشہورہ سندندر . مع مافیہ localisation و fonction کلہ لرینہ  
باقیکز .

---

برنجی جلدک صوکی

## اخطار و اعتذار

بویله برهنکامه غوائل و مشکلات ایچنده ( قاموس فلسفه ) نك برنجی جلدی اكال ایتش بولوندوغمدن طولانی ممنوم . ایکنجی جلدك ایلک فورمه لری ده طبع اولونغه باشلاشدور . فقط بوراده کال شکران ایله شونی اعتراف ایتك ایسترم که هیچ کیمسه نك معاوننه محتاج اولمایه رقی وجوده کلن بو کتاب ، ناظر معاویورور و قدورشناس شکری بک افتدینك اثر همتی در ؛ محضاکندیمسك تمویق واهتای ایله یازیلیمشدر ! بزم سیم ایکنجی درجه ده برطامل اولسه کرکدر .

بویله برایشه تثبیت ایتك ینی - بر وقتلر ، - خاطرمدن کچمهش دکلدی . فقط غایت موجز و مختصر برطاقم نوظطرطویلامقله اکتفا ایدوب براققدم . نهدن سوکره - اصطلاح انجمنی اعضااسندن بولونغ حثیتله - بویله برخدمته مأمور اولونجه ، پراکنده نوظلری تکرار طویلادم . اونلری بروجه مخصوص اوزره ترتیب ایتك ینی کلات اصطلاحه نك روابط و علائقی تمین ایلهمک ایچون دوت بش آی قدر وقت صرف ایتدم . اوندن سوکره سی تفصیلات در ؛ بوتفصیلات دخی - هرکک بیلدیکی وجهله - کونی کونته یازیلوب مسوده اوله رقی مطبعه حاصره به کونده رملکده در .

انشاءالله غوائل حاضره به فوز و ظفر نصیب اولونجه هر آلتی آیده بر جلد ( ینی سکزبوز صحیفه ) احضار ایده بیلک احتمالی تحقیق ایده جکدر . ظن ایدیورم که - بومنوال اوزره دوام شرطیله - قاموس ، آلتی جلدده تمام اوله بیله جکدر .

بوبرنجی جلدك برایکی برنده - مع التأسف - خطا واقع اولشدر . حسب البشیره حصوله کلن بویا کلسلفلرک همان جله سی ده مباحثه مینه ده ایراد اولونان بعضی مثالره تعلق ایتدیکی جهتله ذات مسائل ایله صمیمیاً علاقه دار دکلددرلر . بناء علیه فلسفی خطالردن مددود اوله مایه جفلری ایچون اهمیت حقیقه دن طاریددرلر . مؤلف عاجز هر هانکی نظریه فلسفه بی تصویب ایتش ایسه اونی محابته قادر ومدافعه به حاضردر . برایکی برده ده اوچ بش کله آطلانیلمشدر . بوندن ماعداء ، شوراده بوراده اوفق تفک املا یا کلسلری و یا خود مراتب خطالری ده وارکه اونلرله هیچ تقیده لزوم کوومه دم . بوکتابک قارئین منوره سی ، اوکی عادی خطالری - سیاقی کلام وقرینه ایله - تصحیح ایدوب کیویوریرلر ؛ امین ! .

شبه دی مهم یا کلسلفلر ایچون بروجه آی ترتیب اولونان جدوله مراجمتله درحال - برلی برنجه - تصحیحات اجراسنه تثبیت اولونغه سی استرحام ایده رم .

## مصحفه تصحيحات :

۷۵ بومصحفه نك همان برنجی سطرند قوس ایچنده کی سوزلره بدل، شو سکنزون سطر ای اقامه ایدیکز :

[ المایه ماس و یاخود آتشه مجاور بولونان ایکنجی جمله طویدوغمز رایحه و حرارت، برر شخص آخردر، ( یعنی باشلی باشنه برحادثه دیکردر ! ) که طبق المانک قوقوسنه و آتشك حرارتنه همانلدر . ] یعنی اعراض مذکوره انتقال ایتیمور دیمك ایستور ؛ بونده قاضی و شارحی ایله حکما متفق الرأی بولونوبورلر. یالکیز عمل ثانی ده - بلا انتقال - پیدا اولان اورایحه و حرارتك وجه حصولی تعریف لازم ... اختلاف ایسته آنجق بوراده در. قاضی ایله شارحی ادا عایدیور که : [ مجاوره و تماس عقیده ( یعنی الما و یاخود آتش بر بره یا قلا شیر یا قلا شماز ! . فاعل مختار ( که الله دیمکدر ) اویرده الما قوقوسی و حرارت احداث ایدر ( یعنی یاراتیر چونکه یاراتقی عادتق در ) حکمایه کوره ایسه : [ المانک و آتشك مجاور بولوندوغی برلرده بر الما قوقوسی و بر حرارت استعدادی حاصل اولور و ( عقل فعال ) اورایحه بی و او حرارتی - بطریق الوجوب - ( یعنی با ضروره ) اویرلره افاضه ایدر . ] چونکه مجاورت حسیله استعداد تام حاصل اولمشدر. دییور که ... الی آخره دوام ایدیکز . ۷۸ برهان آخیله فسده بشنجی سطرده شو جمله کاملاً طی اولونه جقدر : [ ذاتاً ( نه له آ ) نك معنای افویسی ( یونانستان ) دیمکدر . ]

۸۴ اون سکنزنجی سطرده شو جمله بی علاوه ایدیکز : [ ... اولدوغی و ( طرفه act. à distance )

ایله استدلاله مجبور قالدیغی، یعنی [ ... دوام ایدیکز .

۱۴۳ عمر خیامك رباعیسنك ایلك پنتی تصحیح ایدیکز . ( صاحب فضل ) یرینه ( محیط فضل ) ، ( مجلس عرفان ) یرینه ( مجلس انس ) اوله جق .

۱۷۱ روح بحثنده ابن سینانك مطلع قصیده سنك ایکنجی بیت ( تعزیر و تمنع ) اوله جق .

۲۸۲ antinomie بحثنده ( mathématique ) تعبیرینك مقابلی ( کی الماهییه ) ، ( dynamique ) مقابلده ( قوانی الماهییه ) اوله جق در .

۲۸۳ athcisme بحثنده : یکرمنجی سطرده شو جمله اکسیکدر : [ قناعتی واردی که هیچ فتور کتیرمه دی ؛ حالبو که ابن سینا ... ] الی آخره ... ده نیله جکدر .

۵۵۳ اون ایکنجی سطرده ( Hodgson ) ، ( shadworth ) آیری آیری قوس ایچنه آلمش ؛ حالبو که ایکیسی ده بر آدمك اسمی در .

۶۰۸ سکنزنجی سطرده ( Georges ) دکل ( Jeremie Bentham ) اوله جق .

( ۴۴۸ ) دن صوکره مصحفه نومروسی، سهواً ۲۴۹ کوسترلش و اورتیب اوزره فورمه

دوام ایتمشدر . همان ( ۲ ) لری ( ۴ ) یاپه رق تصحیح ایدیکز .

تعبیرات یونایه ده دخی املا و حرکه خطالری واردر . بونلری اعیاندن لغوفت بك افندی لطفاً تصحیح بیوریورلر . بونك ایچون آبریمه برکوچوك جدول عرض اولونه جق در .

C. 14:2







## انځطار ۱

قاموس فلسفه لك، ايكنجې، جلدی (C) حرفيله باشليور، وېو كتاب  
ايكنجې جلدك برنجي جز مې تشكيل ايدر . كچسكي جز وړدرده، حسب الضروره  
واقع اولان خطا لك بوراده وقوعنه مانع اولاق اوزره دها زياده دقت  
ايديله جكدرد . تجارب واقع ددن دخي استفاده مأمول اولدوغی ايچون ترتيب  
واداره مباحثه اصلاحات ممكنه اجرا اولنه جقدرد .

استانبول . ۱۲ كانون ثاني سنه ۳۳۲ رضا توفيقه





C

Canon

فرانسزجه وانكلزجه

Canon قانونه

آلمانجه

Kanon

ایتالیانجه

Canone

مؤلفین اسلامیه نك اك اول اقتباس ایندیكى كلمات اصطلاحیه دن بری ده بودر، و هر كسجه معلوم اولدوغی اوزره بوكون بزم لسانمزده پك مشهور و زیاده سیله زبانتزد بر تعبی در . اصلاً یونانی در ؛ یونان فلسفه سنی سریانیلرك ترجمه ایندیكى كتابلر واسطه سیله تاقی ایتمش اولان ايلك فلاسفه عرب، بو كله بی سریانی الاصل ظن ایتمش لردی . ( شرح مطالع ) ، مشهور اولان منطق تعریفنده ( قانون ) لفظك معناسی ایضاح ایچون شو سوزلری سویلو یوركه ادعای اثبات ایدر :

[ ... فالقانون ، لفظُ سریانی ؛ روی انه اسم المسطر بلُغتهم ؛ وفی - الاصطلاح مرادفُ للاصل والقاعده ... الخ ! ] یعنی قانون بر لفظ سریانی در . او یله روایت ایدلمشدر كه سریانی لر لساننده ( مسطر ) ك اسمی ایتمش ؛ اصطلاحده ( اصل principe ) و ( قاعده règle ) مرادفی در . دیمكدر .

بوطوغرو تعریفده یالكز كله نك سریانی الاصل اولماسی روایتی یاكلكشدر . كله، فی الحقیقه یونانی در واصل معناسی ( داراجیق یول ) دیمكدر ؛ صوكره چیزکی تحتسه نه ( قانون = Kanón ) و یاخود ( قانونوس = Kanónos ) دهنیلدی . ده صوكره خصوصی بر معیار موسیقی نك اسمی اولدی ایدی . اسکی یونانیلرك بسیط بر آلتلری واردی : دوزگون و اوزونجه بر جدول

تخته‌یی شکند برشی اوئوب اوزرینه ایجه بر تل گریلش بولونوردی .  
بونک اوزرند آشاغی یوقاری حرکت ایدر وگرگین بولونان تلی اوزالتیر  
قیصالتیر، برده (ماندال) واردی . یونانیلر آلات موسیقیه‌نک برده‌لرینی  
بونکله تعین ایدرلردی . ایشته او (تخته ئولچو) یه قانون، متحرک‌مانداله  
دخی (ئی باغویه فس = υπαγορεύει) ده‌نیلردی .

آ کلاشیایورکه بونکله بالاستعاره باشقه برمعنایه نقل اولونمش واکثریا  
واقع اولدوغی کیبی توسیعاً قوللانیله کلشدر . بونکون (قاعدهٔ اعلا  
norme par excellence) دیمکدر . بناءً علیه بو حیثیته (norme)  
کله‌سندن هیچ فرقی یوقدر . [بو تعیمیر باقیکنز !]

بز، عثمانیجه‌مزرده - برمدتدنبری - قانونی (loi) معادلی اوله‌رق  
قوللانونب طورویورز ؛ کله‌نک مشارالیهی ایستر (قوانین طبیعه lois  
naturelles) اولسون، ایسترسه (قوانین موضوعه lois positives)  
اولسون !.. حالبوکه یونان قدیم لساننده (loi) کله‌سنه معادل اوله‌رق  
(نوموس = νόμος) تعیمیری واردی، وقانون ایله بونی برطوتمازلردی .  
حتی بزم‌اسکی کتابلر مزرده‌ده هان دایما (ناموس) - که نوموسدن مخرف‌در-  
قانون یرنده ایراد ایدیله کلشدر . بوتون عرب مؤلفین سالفه‌یی و متاخرینی  
بیله بوفرقة رعایت ایتشلردر . کاتب چلبی و قتالی زاده ودها بعضی امثالی  
کیبی متشکرین عثمانیه‌نک آماننده (نوامیس‌الهیة = lois divines)  
و (نوامیس طبیعه = lois naturelles) ترکیلری چوق کچر . نته‌کیم  
جستمکان فاتح سلطان محمدک مدرسه‌لر حقنده (قانون اوزره‌شغل اولونه !..)  
دیه امرایتمش اولماسی اسلاف محریمنزک بوفرقة تمامیله رعایتکارطورانداقلرینی  
صراحناً کوستیر ؛ چونکه بوراده قانون قاعده دیمکدر، وقاعده‌دن‌ده  
پادشاهک مقصدی (بروغرام) در ؛ بونکونکی معناسیله قانون دکدر .

(loi) ایله (canon) آره‌سند پک مهم بر فرق واردرکه اوکا  
هرزمان دقتله رعایتیه مجبورز . بوفرقة رعایت ایدلمه‌مکدن طولایی برچوق  
(سوء تفهیم malentendu) لر ؛ یهوده (نزاع لفظی) لر ؛ حتی غلیظ  
خطالر وقوعه کله‌رک نیجه مباحث جدیدی تغلیظ و نیجه مسائلی تشویش

ایتمشدر . بونی بر جوق مباحثات علمیہ و فلسفیہ کوستره بیلیردم . فقط Canon بحثمزه تعلقی حسیله ، یالکز منطق مناقشه سندن بر مثال مهم ویرمکه اکتفا ایده جکم :

( سرویلیام هاملتن ) ک وفاتندن صوکره ( ستوئت میل ) اونک هان هر فکرینه شدتله اعتراض ایتمشدی . بنم تحقیقمه کوره نظریات منطقیه تعلق ایدن اعتراضاتک عده سی ، ( هاملتن ) ک ( canon ) ( یرینه ) loi ) تعیری قولالتمش اولماسی ادعاسنه منجر اولور ! فی الحقیقه : ( سرویلیام ) منطق تعریفده { قوانین تفکر علمی در ؛ } دیمشدی . شو تقدیره کوره ( بسیقولوژی ) ایله منطق - موضوع اعتبارله - یکدیگرندن فرق اولونه مایه جق درجه ده قاریشمش اولویوردی؛ چونکه تفکرک وبالجمله حادثات ذهنیه ک قانونلرینی تتبع و تحقیق ایدن علم اصل بسیقولوژی در . ( میل ) ایسته بونقطه نظاردن اوتعریفه شدتله اعتراض ایتمشدی؛ چونکه - اعتقادنجبه - منطق آنجق ( قواعد استدلالک علمی ) اولق کرکدی . بویه اولونجه منطق - معنای اصطلاحیسی ایله - بر ( علم science ) اوله رق دکل - اک کنیش معناسیله - بر ( صناعت art ) اولق اوزره قبول ایتمک ایجاب ایدرکه ذاتاً میلک دعواسی ده بوایدی . صنعت و یاصناعتده ( lois ) اولماز، آنجق ( règles و canons ) اوله بیلیر؛ علم ایله صنعتک باشلیجه فرق لردن بری ده بودر . { بو بحثک مناقشه تفصیلیسی ایچون science و logique کله رینه باقیکنز ! }

اصطلاحات فلسفییه تصرف خصوصنده زیاده سیله دقتی طاورانان ( ستوئت میل ) ، اونک ایچون : { فلسفه استقراییه ک قواعد صحیحیه سی = the true canons of inductive philosophy } دیودر . بوراده ( canon ) کله سنی ( loi ) ایله دکل ، قاعده معناسنه موضوع اولان ( règle ) ایله ترجمه ایتمک مجبوریتنده یز . چونکه طریق استقرا و اصول تجربیه ( لایتغیر immutable ) قانونلره دکل ، برطاقم قواعد معتبریه تبیینله حادثاتی تدقیق ایتمکدن عبارتدر .

{ méthode کله سنده تجربیه قواعدینه دائر ویریلن تفصیلاته باقیکنز ! }

نته کیم : ( قواعد العشره ) نام رساله سنده مشهور امام غزالی، (قواعد) تعبیری طبقی ( canon ) مقامنده استعمال ایتشددر . الحاصل ( قانون ) ك اصل معنای اصطلاحیسی : ( معین بر نتیجه و وصول ایچون تعقیبی لازم کلن ) خط حرکت ( ligne de conduite ) یعنی ( دستور عمل ) دیمکدر . ( loi ) معناسنه قوللا نمقدمه بولونددوغمز قانون دککدر . ( loi تعبیرینه باقیکیز ! ) حالا بوکون محررین عرب ( loi ) یرینه ( ناموس ) کله سنی استعمال ایتکده اولدقلری جهته ( قانون ) تعبیری ایله اونك آره سنده کی فرقه رعایت ایده بیله جک بروضعیتده بولونویورلر . بزده ایسه . برخیلی زماندن بری . ناموس کلمه سی عادتاً ( principe ) معناسنه تلقی ایدلمش و بالآخره اوده ( honneur ) ایله برطوتولمش اولدوغی ایچون بو تعبیر بوسبوتون باشقه بر معنا ایله لسان ناسه انتقال ایتشددر . عثمانلیجه ده ( ناموسلی آدم ) دیمک ( بر برنسیپه رعایت ایدن و اوندن شاشمایان عقیف آدم ) دیمکدر . قانون ده آنجق ( loi ) معادلی در .

بوتعبیری ینه معنای یونانی سیله قبولی ایدن قانت، حدیث قدیمه سنی برار ده کیشدیره رك بنمسه مشدر : { ادراکه خدمت ایدن بعضی قابلیاتمز واردر ؛ بونلری حسن صورته تصرف واستعمال ایده بیلمک ایچون برطاقم ( مبادی قبیاه principes aprioriques ) دخی واردر . ایشته بن، قوانین تعبیرندن، مبادی مذکوره نك هیئت مجموعه سنی مراد ایدیورم . } دیور . آکلا . شیلورکه نك بوتعرفدن مقصدی ( منطق قواعد صوریه سی les règles formelles de la logique ) در . زیر املطق ( ادراک la perception ) ك موضوعی و هدفنی تشکیل ایدن شیلردن تماماً مستقل در ؛ یعنی بونلر آنجق استدلاله خادم برطاقم قواعد عملیه در ؛ موضوعات و ( معطایات données ) نه اولورسه اولسون، جمله سنه دخی تطبیق ایدیله بیلیر . بناء علیه [ بو قواعد باشقه ، ( تنقید عقل critique de la Raison ) باشقه بر شی در ! ] دیمک ایستور .

( anticipation و rationalisme و apriori کلمه لرنده بوکا دائر

ایضاحات واردر ! )

Canon (علم حقوق la science du droit) ده دخی ، فرنکلر (canon) ایله (loi) آره سنی آیریور : عاداته مبنی احکامه (canons) دیوورلرکه ایجابات منطقیه توفیقاً تنظیم اولونان قانونلردن باشلیجه فرقی بوراده در . مثلاً انکلیرلر و آمریقایلر ( حسب ونسب وراثت قاعده لری canons of descent ) تعمیرنی ترجیح ایدیورلر . بونلره (lois) دیوورلر . چونکه هر مملکتک عادات و اعتقاداتنه کوره بو قاعده لر ده کیشه بیلیر . ماهیتلری اعتباری ( conventionnelle ) در . فرضا انکلترده برقادین تحت جلوس ایده بیلیر . بزده بهمه حال وارث سلطنت اولمق حق ذ کوره مخصوصدر . صوکره ، علی الاطلاق میراث مسئله سنده بزده قاعده باشقه ، آریستوقرات انکلترده باشقه در ؛ حتی قیزوارکک اولاد ایچون ده برحق برلرده متخالف قاعده لر واردر . لکن امور جنائیه یی ملاحظه خصوصتده بوتون انسانلرجه تواطؤ افکار و اتفاق آرا دها زیاده ملتزم وحتی دها قولای ممکن اولدوغی ایچون ، بالضروره بعضی اساسات قویمه قبول اولونوب اونلره استناداً برطاقم احکام استتاج ایدلشدر . بناءً علیه بونلر (تنظیلات regulations) نتیجه سیدر ومدنی مملکتلرده احکام مذ کوره اوزره اختلاف اولماق کرکدر . ایشته بونلره ( قانون lois ) دیرلر . [ قاموسک حقوق قسمنه مراجعت ایذیکر ! ]

( حکومت رهبانیه ) عننده دخی (canon) ک بر خصوصی معناسی واردر : کرک ( کتب مقدسه Sainte Ecriture ) یه ، کرکسه تفسیرلرینه ویاخود اعزّه نصرانییه متعلق محررات ورسائل میاننده کلیساجه معتبر و مصدق اولان کتابلره ( canons ) ده نیلیر . بونلره - بزم تعمیر مزجه - ( صحاح ) دن صاییلیر که ( نقل ) ده یکانه مرجع معتبردر . بو کتب معتبره - بالطبع - مذاهب مختلفه یه کوره ده کیشه بیلر جکی ایچون ( اوتودوقس ) - لڑک کی باشقه ، ( حبشی Abyssinien ) و ( ارمنی ) لڑک کی باشقه دره و بویه اختلاف ایده بیلدیکی ایچون ( canons ) ده نیلمشدر .

( canoniser ) مصدری بوندن مشتق بر تعبیر اصطلاحی در . بر آدمی زهد و تقواسندن ویاخود خرسیتانلغه خدمتندن طولایی ( عزیزلر saints )

مرتب‌سنة اصعاد ایتک، اونی ( canoniser ) ایتکدرکه بوصلاحیت بالخاصه پاپالرك حق ایدی . مثلاً ( سقوت‌ه‌ریژنه Scot Erigène ) ، ( آلبرتوس مانیوس Albertus Magnus ) کی‌ی رهایین، اعزّه نصرانیه صنفقه ادخال ایدله‌دیکی‌حاله ( سن‌طومادا کن St . Thomas d'acquien ) و ( سنت آنس‌لم St . Anselme ) ودها بعضی امثالی ( canoniser ) ایدلش ایدی . الخ ! . . .

آ‌کلاشیلورکه بوده ، کلیسائک حائز اولدوغی ( صلاحیت روحانیه autorité spirituelle ) یه مبنی برآدمک عزیزلکنی تصدیق ایتمه‌سندن عبارت در .

( بدیعیات Esthétique ) ده دخی بو‌کله، بر تعیر اصطلاحی اوله‌رق مشهوردر . علی‌الاطلاق ، صنعتده تأمین موفقیت ایچون رعایتی واجب کورولن قواعد معتبریه - جمعاً - بو اسم ویریلیر . مثلاً یونان قدیم تیاتروسنده ( فعل = drame = action ) ، ( زمان temps ) و ( مکان lieu ) بو صنعتده رعایتی واجب قواعد اساسیه ایدی . علی‌الخصوص ( حسن اندام و تناسب ) ک معیار صحیحی بولوب تعیین ایتک ایسته‌ین بعضی دهاته‌نه، اوکا ( canon ) دیمشلردی . خلق آره‌سنده بیله بویله معتبر برقاعده‌ تناسب وارددر ؛ مثلاً [ برآدمک قولاجی، بوینه مساوی ] اولورسه اوآدم متناسب صاییلیر . ( له‌ئوناردو داوینچی Leonardo da Vinci ) ، ( رافائل Rafaël ) ودها بعضی بویوک استادلر بو تناسبک معادله‌ هندسیه‌سنی بولمق ایچون اوغراشمشلر ایدی ؛ فقط یکدیگرینه اویمایان نسبتلر کوستردکلری ایچون اولنله ( canons ) ده‌نیلدی . اگر کوزلکک دستور هندسی‌سنی بوله‌ایدیلر، اوکا آرتق ( قاعده ) ده‌یه‌من ( قانون loi ) دیر ایدک .  
( canonique و esthétique کله‌لرینه باقیکنز ! )



بو کله، حرف تعریفیز قوللانیلمش اولورسه، صفت اولور؛ (droit canonique) ترکیبده اولدوغی کیبی! فقط (la canonique) صورتده حرف تعریف ایله وارد اولورسه، منطق معناسنه کلیر. یالکنز بر فرق وار: منطق هنرز (آرسطو Aristote) نك همتهله بر علم صحیح صورتده تدوین ایدلزدن اول، (تدریستی کی = ἐπιστημική) نامیله یاد ایدیلیردی که مصارعه، یعنی (جدل) دیمکدر. آرسطو، قواعد اساسیه سنی ضبط وریله آلدقن صوکره (اورغانوز، ὄργανον = یعنی) (آلت) دیه تسمیه ایتشدی. بو علمه (منطق logique λογική) اسمی ویرن، اصل (رواقیون les stoïciens) اولمش و اوتعیر قطعاً رواج بولمشدر. مع مافیله (مادیه matérialisme) مذهبك مؤسسی اولان (تیبیکور Epicure)، آرسطوتك اومکمل کتابی پك بویوك و مفصل بوله رق، بالذات مختصر بر منطق یازمش واسمنه (قانونی کی = κανονική) دیمشدی. [تفصیلات ایچون logique کله سنه باقیکنز!]

تیبیکور، بواژنده فلسفه ایچون دستورالعمل اوله بیله جك بر طاقم قواعد بسیطه و اساسیه تعیین ایتمش و بونکله (منطق صوری logique formelle) دن فلسفیاتك مستغنی اوله بیله جکنه قانع کورونمشدر.

بو اثر، زمانمزد (مبادی فلسفه éléments de philosophie) عنوانیله - مکتبلر ایچون - ترتیب اولونان کتابلری آکدیریر؛ چونکه موضوعاتی قسماً منطق، قسماً ده بسیقولوزی به و اخلاقیاته عائد بعضی معلومات متقدمه دن متشکلد. کتابك تقسیمات اساسیه سی ذاتاً بو دیدکرمی اثبات ایدر. تیبیکور، اوراده اون ایکی (قاعده préceptes) وضع ایله بونلره رعایت توصیه ایدیور. بو قواعدك دردی (احساسات sensations) ایچون؛ دیگر دردی ده (تجارب سابقه anticipation) حقنده؛ صوکره



درت دانه سی ده ( احتراضات passions ) د دأردر . بونلر بسیط و واضح  
برر دستور شکنده معروض بولونویور .

برنجی سلسله نك دستورلری شونلردر :

(۱) حواس، هیچ برزمان انسانی آلدآماز .

(۲) خطاء یا لکنز ( ظن = opinion = δόξα ) ده واقع اولور .

( ٲیکورک بو معاند نه قصد ایتدیکنی آ کلامق ایچون ( opinion )  
کله سنه باقیکنز ! ]

(۳) ظن طوغرودر ، اگر حواسك : هادتی اونی تصدیق ایدرسه ،  
( هیچ اولمازسه نقض ایتزسه ! ) .

(۴) ظن باطلدر ، اگر حواسك شهادتی اونی نقض ایدر و یا خود  
تصدیق ایتزسه !

ایکنجی سلسله ده شو دستورلر واردر :

(۱) بوتون خیالات سابقه حواسدن کلیر . [ بونك نه دیمك اولدوغنی  
آ کلامق ایچون anticipation کله سنه باقیکنز ! ]

(۲) (anticipation) یعنی ( اسلام حکما سنك وجود ذهنی تعبیرله  
یادایتدیکی خیالات سابقه ] ، عاند اولدقلری شیلرك (تعریف definition) یدر ،  
واو شیلر حقنده ایدینه بیله جکمز ( معلومات صحیحه vraie connaissance ) پی  
تشکیل ایدر .

(۳) (anticipation) هر تورلو ( استدلال raisonnement ) ك  
( مبدأ principe ) ی در .

(۴) ( بالذات بدیهی évident par soi - même ) اولمایان برشی ،  
[ یعنی ٲیکورک اعتقادنجیه حس ایله درحال ادراك اولونماش بولونان  
برشی ! . ] بدیهی برشیك ، خیال سابقی ایله اثبات ایدله لی در .

صوك سلسله پی دخی منحصر آ اخلاقی اولان شو ( دستور عمل ) لر  
تشکیل ایدیور :

(۱) اولیه بر ( ذوق plaisir ) . طالب اولوکنز که اونی هیچ بر ( ألم

peine ) تعقیب ایده مه سین ! ..

(۲) هیچ برذوقی داعی اولمایان المدن قاجینگز ...!

(۳) سزی دها بویوک برذوقدن محروم ایدیه بیه جک ویاخود ذوقدن زیاده  
أله سبیت ویره جک اولان حظوظاتدن قاجینگز .

(۴) سزی دها بویوک برآمدن قورتاره بیه جک ویاخود دها بویوک بر  
ذوقی داعی اوله جق برأله راغب اولوکنز .

ایشته مادیونک بحق پیری صاییلان بیهیکورک ( la canonique ) نام  
کتابنده مندرج مبادی مهمه واساسیه بونلردر . بودستورلر بیلدیکمز علم  
منطقک قوانین مجرد سنی تعین ایتکدن زیاده ( حسیه sensualisme )  
مذهب فلسفی سنی مدافعه ایچون تمسک ایدله سی لازم کلن مبادی بی قواعد  
استدلالی کوستریور . ( بالجمله معلوماتک منبعی la source de toute  
le criterium connaissance ) ، مدرکات حسیه در ؛ ( قسطاس حقیقت de la Vérité )  
حسن در ؛ دیمک ایستور . اوندن طولایی بو ادعای  
فلسفه مادییه رقیب اولان مذاهب سائر منسوبینی طرفندن شدتلی تعریضاته  
هدف اولمش ونیجه عصرلردن بری مادیون ایله روحیون آره سنده - کمال  
حرص وحرارتله دوام ایدن - مناقشه مشهوریه میدان آچشدی . زمانزده  
بیه بوجادله نهایت بولمامشدر ؛ فقط ماتریالیزمک حواسه فرط اعتمادینی ،  
بوکونکی پسیقولوژی تحقیقاتی علی الاطلاق مبالغه لی وبعضی نقطه لرده  
یا کلش بولوب تعدیل وتصحیح ایتمشدر . [matérialisme تعبیرینه باقیکز!]  
بومشله لرده طرفینه حکم اولان پسیقولوژی علمنک ویردیکی حکمی  
زمانز مادیونیه طوغرو اولق اوزره قبول وتسلیم ایدیور ؛ فقط  
اخلاقیات بحثنده بیهیکورک دستورلرینی یه پک محق بولویورلر . زمانز  
ماتریالیستلرینک مشهورلردن صاییلان ( آندره لوفه ور André Lefèvre ) ،  
فلسفه تاریخی نام اثرنده ( قانونیق ) دن بحث ایدکن شوسوزلری سولویور:  
[ بواون ایکی ( وجزه aphorisme ) بی ، بو ( قانون ) لری برعدم  
تنزل ایله تلقی ایتدیلرکه شو طور ، زیاده سسیه خنده شایاندر . مع مافیه  
احساساتک و ( تجارب سابقه anticipations ) نک برنجی وسائط علمیه ،  
ویکانه ( ضمان حقیقت garant de la vérité ) اولماسنی کیسه یه منع

ایده مه دی. نته کیم اعمال بشریه نك ( باعث mobile ) لری ذوق و الم دکادره،  
ده بنده اولمادی . [

[ بو بحثك مناقشه سی ایچون , morale و souverain - bien  
eudémonisme کله لرینه باقیکنز ! ]

زمانمز فلاسفه روحیونندن ( فرانق A . Franck ) ( قاموس فلسفه ) -  
سنده ( قانونیق ) کله سنه دائر ایضاحات و یردیکسی صیره ده - فی الحقیقه -  
نهییکورک ادعایینی عدم تنزل ایله تلقی ایدیور ، و منطق ، مدرکات حسیه  
اوزرینه بنا ایتک ایسته دیکندن طولانی ، اوفیلسوف یونانی بی شدتله تحفظه  
ایتدکن صوکره تجهیل مقصیده ، حقنده شویله قیسه جه بر حکم و یریور :  
( شو ماهیته نظراً نهییکورک ( canonique ) ی ، علم منطقی انکاردن  
باشقه برشی دکادر . ) دیور . یعنی ( منطق ، مجردات ، معقولات و قوانین  
ذهنیه ایله اشتغال ایدر ؛ بناءً علیه مدرکات حسیه ایله قطعاً علاقه سی یوقدر ؛  
اوصرف نظری و مجرد بر علم در . نهییکور ، مدرکات حواسی یکانه منبع  
علم و معیار حقیقت عدا یتکله منطق علمنك ماهیت و حیثیتدن غافل بولونمش  
و علم منطقی انکار ایتشد . [ دیمک ایستیور .

یالکز ( منطق صوری و تعلیلی log . formelle et déductive ) نظر  
ملاحظه آلیرسه ، آدولف فرانک تنقیدی محققدر و حکمی طوغرودر .  
فقط ( منطق استقرائی log . inductive ) نك دخی عینی حیثیته معتبر  
بر علم اولدوغی اونوتولماز ، و بونده مدرکات حواسک عمده استدلال اولدوغی  
دوشونولورسه ، ( فرانق ) براز حقسزدر ، ده نیله بیلیر . چونکه یالکز  
منطق صوری بی نظر اعتبارده آلمش و منطق استقرائی بی علمدن صایماشدر .  
حالبوکه بوکون منطقک بو قسمی قسم نظریسندن اهمیتلی در . [ تفصیلات  
ایچون ( logique ) سوزینه باقیکنز ! ]

بونون منطق استقرا احکامنه اسناد ایتک ایله اوغراشان فیلسوف  
و منطق شهر ( جون ستوته میل J . S . Mill ) بو علمی نهییکور کبی  
تاقی ایدنلردندر . حتی ( canon ) تمیزی دخی احیا و استعمال ایتشد .  
فی الحقیقه نهییکورک و میلک بو طرز تلقی سی ، ( rationalisme ) ی منکر

و ( empirisme ) مصدق بر فلسفه یه باقیشان ( منطق ) در . [ بو Canonique  
تعبیراته باقیکنز ! ]

قابلیت، سعه . Capacité فرانسیزجه  
Fähigkeit آلمانیجه  
Capacity انگلیزجه  
Capacità ایتالیانیجه

لاتینجه ده (capax) احتوا ایدم بیلدك معناسنه کایر . (capacité)  
اوندن مشتق در، ولسان عایدده اکثریا اومعناده قوللانیلیر . مثلاً بر قابك  
حداعظمی\* استیعابی اقامه ایدر . نته کیم ( علم انسان anthropolgie ) ده  
( capacité crânienne ) ترکیب اصطلاحی ده اویله در . یونی ( سعة  
قحفیه ) دیه ترجمه ایدر ز . ( آنتروپولوژی ) ده ( crâniologie ) مبحث  
قحف ( نامیله بر شعبه مخصوصه واردر که بالخاصه انسان قفالرینك شکل  
وجمندن واونلرك بعضی قابلیت عرقیه وکالات مغنویه ایله علاقه سی اولوب  
اولمادیغندن بحث ایدر . یونك ایچون اولافالری - بعضی وجوه ووسائط  
ایله - تولوب هر برینك سعه سنی تعیینه چالیشیرلر . ( crâniométrie  
مساحه قحف ) دیدکاری بودر .

سعه قحفیه نی بر قاج تورلو تعیین ایتمك یولی واردر : بر قوروقفا کیکنی  
صوایله ویا خود قوم و بعضاً ده خردل دانه سیله طول دوروب ( حجم استیعابی ) سی  
حقننده بر فکر حاصل ایدرلر ؛ مثلاً شوقدر سانتیمتر و مکعبی صواستیعاب  
ایده بیلیور ؛ شوقدر درهم خردل ویا قوم آلپور ، دیرلر .

آلمانیجه ( Schädelkapazität ) ، انگلیزجه ( cranial capacity ) ،  
ایتالیانیجه ( capacità del cranio ) اصطلاحات علمییه دندر .

مدنی عرقلرك قفالریله وحشی اقوامه منسوب قادین وارلك قحفلی  
آره سنده - سعه جه - چوق فرق کورولویور . بعضی کره ( ۱۲۰۰ ) ایله

Capacité (۱۶۰۰)، بعضی احوال استثنایه ده دخی (۱۰۰۰) ایله (۱۸۰۰) بولونویرکه خیلی مهم برفرق دیمک در . علی الاطلاق هر عرق ایچون ( حد اوسط moyen terme ) ( ۱۴۰۰ ) سانتیمتر و مربعی اعتبار اولونمشدر. (۱۳۵۰) دن (۱۴۵۰) سانتیمتر و مربعه قدر سعسی اولان اشخاصه ( mésocéphale ) متوسط القحف ) ، ( ۱۳۵۰ ) دن آشاغی اولانلره ( صغیر القحف microcéphale ) ، ( ۱۴۵۰ ) دن فضله اولانلره دخی ( عظیم القحف mégacéphale ) دیرلر .

فلاسفه مادبون ( ذکا intelligence ) نك ، اولا ماده دماغیه matière cérébrale ) مقدار یله متناسب اولماسی لازم کله چکنی ادعا ایتدکبری ایچون ( سعه قحفیه ) تدقیقاتنه فضله اهمیت وریبورلر. حالبوکه یو، طبق بر جوهرک قیمتی محفظه سنک شکل و حجمه نظراً تعیین ایتمه قالقیمق کی در . بناءً علیه سطحی اولدوغی قدر یا کلس بر فکدر .  
( matérialisme ) کلمه سنده بو بحثک مناقشه سنه باقیکنز ! ]

بیم اعتقاد بجه قحفک شکلی تدقیق ایتک ( علم اقوام ethnographie ) ایچون بک فائده لی تبعاتنددر . سعه قحفیه یی ثولچمک دن دخی ینه بو کیبی علوم طبیعی ایچون بعضی معلومات نافعه استحصالی ممکندر . فقط ذکا و روح کیبی اک غامض بر معمایی حل ایتک ایچون بو تفحصات قطعاً عاجزدر .

( capacité ) تعیری حکمت طبیعی ده دخی مهم بر اصطلاحدر، وینه قابلیت مناسبه کلیر ؛ مثلاً : ( capacité calorique سعه حروریه ) ده نیلدیکی زمان، بر کتله مادیه نك حرارتی بر درجه سانتیگراد ده تر فیه ایده بیله جک مقدار حرارت آکلارز . . . الی آخره . ! ( قاموسک قسم ریاضی سنده ( mesure de capacité ) تعیرینه مراجعت ایدیکنز ! ]

فلسفه ده - ده طوغروسی بسیقولوزی ده - اوتعیری ( قابلیت ) ایله ترجمه ایتک ده موافق در، چونکه ( سعه ) بزم شیوه بیانزه کوره، اوقدر یا قیشیق آماز . مثلاً :

cet élève travaille beaucoup ; mais n'a pas assez de ]  
[ capacité ] جمله سنی ادا ایده بیلمک ایچون : ( بوشا کرد، چوق چالیشیور،

لكن لزومى قدر قابليتى يوق ! ] ديرز ؛ عوام : [ قفاسى آليور ! ] دیر، *Capacité* والته ( *capacité* ) نك معنای لغویسیله عیناً صورت ترجمه‌سی بودر . بو تعییر تشبیهی بی بالخاصه فلسفه‌ده قوللانه میورز . ( سعه ) کله‌سی‌ده پك اوقدر موافق دوشمبور . ینه ( قابلیت ) تعییرندن ای‌سی یوق ! .. ایضاح ایدمه‌یم : بزم - پسیق‌لولوی نقطه نظرندن - برطاقم قابلیاتمز واردر . حس و حرکت، عکس عمل، دقت، ارادت کیبی . بونلرك بر قسمنده نفسمرك وضعیتی صرف ( انفعالی *passif* ) در . مثلاً ( احساسات *sensations* ) دیدیکمزا حوال بویه‌در، بعضی ( عوامل خارجی *facteurs extrinsèques* )، حتی ( باطنیه *intrinsèques* ) نك تاثیراتیه نفسمزده برطاقم ( تغییرات قسریه *changements impulsifs* ) حصوله کلیرکه اونلرك وقوعی منع ایتمک ید اختیارمزه دکلدر . ضیا حس ایتمک، صوغوق حس ایتمک، برطرفمزه سانجی و آغری طویمق کیبی ! .. حس ایتمک البته بر قابلیت مخصوصه‌در ؛ حیواناتده وارده نباتات و جاداتده یوق ! هم محقق انفعالی بر قابلیتدر ؛ چونکه ( ارادت *volonté* ) مرك اونده دخلی اولمادینی بدیهی‌در . ایشته ( *capacité* ) بالخاصه بونوع قابلیته ده نیلیر . بونی ( سعه ) ایله ترجمه ایتمک شیوه بیانمزه اویماز . فرانسزجه‌ده : ( *capacité de sentir* ) ترکیبی طوغوردر و پك زبانزددر . عثمانلیجه‌مزه ( سعه تحسس ) بوکون ایلك دفعه اوله رق قوللانه جغمز بر تعییردر و ( تحسس قابلیتنی ) دکل ، او ( قابلیتک درجه‌سنی ) افهام ایدرکه اهمیتلیجه بر فرقدر . بناء علیه ( سعه ) کله‌سنی ( فیزیق ) لساننده ترجیحاً قوللانمالی‌در ؛ ای بر تعییر علمی‌در . ( علم تربیه . *science de l'éduc* ) لساننه دخی ازیار . لیکن ، طب و پسیق‌لولوی‌ده ( قابلیت ) دیمک اولادر .

بر طاقم قابلیاتمز ده‌ها واردرکه اونلرده نفسمرك وضعیتی ( فعلی *actif* ) در ؛ انفعالی دکل ! . دقت، تفکر، ارادت کیبی ! .. ایشته بونلره لسان اصطلاحده ( قوا و یاخود ملکات *facultés* ) دیرلر . دیمک که هراکیسی‌ده انسان و حیوانه خاص قابلیتلردر . یالکیز ( *capacité* ) انفعالی بر نوع قابلیتدر . ( *faculté* ) ، فعلی اولان بر نوع دیگریدر . مادام که

Capacité آمده کی فرق اساسی فعل وانفعال طولانیسیله اختیار واضطرار مسئله سنه منجر اولویور، بالخاصه ( la volonté ارادت ) ، ( ملكة اعلا la faculté par excellence ) عد ایدلشدن ؛ زیرا مایکات سائرینی - بر مقصد و غایه وصول ایچون - تصرف و اداره ایدن ، اونلری ایسته دیکی کیی قوللانا ( ارادت ) در .

مسئله نی بوصورتله وضع و تعریف ایتک قابلیات بشریه نی مستقل ( تشخیص personnifier ) ایله مک دیمکدر که اسکی زمان فلسفه سندن بزه انتقال ایتش اولان اک فنا خطا لردن بریسی ده بودر . بو کونکی بسیقو لوژی نظر ند اوله حس ، حافظه ، فکر و ارادت نامنه مستقلاً موجود برر قوت مشخصه یوقدر . بوتون بو قابلیتلر - بزجه تماماً ( غیر مشعور inconscient ) اوله رق وقوعه کلن - غایت ( مُعْضِل complexe ) بر سورو ( عملیات ذهنیه opérations mentales ) نك نتیجه سی و ( محصله résultante ) سی در ؛ و بلکه بویه بر محصله تشکیل ایتدکن صوکره ( مشعور conscient ) اوله بیلورلر . بومهم مسئله ایچون inconscient و associationisme تعبیر لرنده تفصیلاته بایکیز . ! ]

بناء علیه بو تقسیم صرف ( اعتباری conventionnelle ) عدا یلمه لی در . یالکیز بک ( براتیق ) در ؛ یعنی قولایلق وارددر و فائده عملیه سی چوقدر . قابلیات مزه آیری آیری برر شخصیت مستقله بخش ایتدیکی ایچون بو کیی حادثاتی تتبع خصوصنده تشوش ذهنه مانع اولور ؛ فقط عالمانه بر ( سیاق نظر manière de voir ) دکدر . مثلاً ده میرده ناقلیت حرارت ، ناقلیت الکتریک ، استعداد مقناطیسیت ، ودها بو کیی بعضی قابلیتلر وار . لکن بونلر اوماده ده کیزی بر طاقم قوای مشخصه و مستقله دکل ، ده میرک - بعضی شرائط مخصوصه تختنده - عرض ایده بیلیدیکی ( تطورات modalités ) و ( احوال manières d'être, états ) مختلفه دن عبارتدر . طبقی قابلیت تمیع و ذوبان کیی ! . . . حالبوکه اسلاف حکما و علما بویه دوشونه میورلر و - بو قابلیاتی تشخیص ایده رک - ده میرده مستقلاً موجود برر ( قوت force ) ، نوعما برر ( روح esprit ) کیی برشی در ، ظن ایدیورلردی .

( animisme ارواحیه ) اعتقاد ابتدائیسنتک تأثیرینه معطوف اولماسی Capacité

لازم کلن اوطن باطل ، بوکون ( علوم صحیحه sciences exactes )  
 دأرهمندن سورولدی کتدی ؛ فقط مع التأسف بسیقولوی کبی ، هنوز  
 دوره طفولیتنی کچیره مه مش اولان علوم حادته ده حالاسور وکله نوب طور وپور ،  
 وبر چوق مناقشات سابقه بی احیا ورامه انده رک بهوده مباحثاته سبیت  
 ویریور . ( بو تعبیراته باقیکنز ! )

بناءً علیه بو تعبیرک ( ارادت غیر مقیده libre arbitre ) مسئله سنه  
 و ( اختیار و اضطرار یعنی liberté et déterminisme ) بخندری طولایسیله  
 استقلال روح دعواسنه صیقی صیقی به مناسبتی وار . اونک ایچوندرکه  
 ( مادیون les matérialistes ) ایله ( روحیون les spiritulistes )  
 آرهمنده - اوتهدن بری - دوام ایدوب کیدن مناقشات مشهوره نك مصارعه  
 میدانلرندن برنی تشکیل ایدن بر ( بحث ) ده بودر . ( faculté ) لر ،  
 ارادت بشریه بی و بناءً علیه روحک استقلالانی اثبات ایدر کبی کوروندوکی  
 ایچون روحیون ، ( ملکات مستقله ) فرضیه سنی مدافعه ده آشیری درجه  
 غیر تکشاک ایتشلر ؛ مادیون دخی - ینه عینی سیله - ملکاتی انکار خصوصنده  
 فرط عنف و شدت کوستر مشلردر . بارتی حسیاتنه عطف اولونمق لازم کلن  
 بو افراط و تفریطک ( تفحصات علمیه investigations scientifiques )  
 دأرهمندن عینی درجه ده اوزاق قالدینی شبهه سزدر .

[ بو بحثک مناقشه تفصیلیه سی ایچون faculté تعبیرینه باقیکنز ! ]

[ ( لوق Locke ) و ( رید Reid ) و ( هاملتن Hamilton ) ک

قوای فاعله و قوای منفعله بحثنده مناقشه لرینه دأر ( in adjecto ) کله سنده  
 بر اشارت واردر ؛ اوکده باقیکنز ! ]



دماغك ايچ طرفنده ( ماده بيضا substance blanche ) دن متشكل بر ( شريد bande ) يعنى صارغى كيى بر قسمدر . بر طرفدن ( سر بر بصرى couche optique ) ايله ديكر طرفدن ( جسم مخططك كوتينى = les deux noyaux du corps strié ) آره سنده موضوعدر . هر طرفى يكنسقى بر صورتده بياض و مهادى كوروندوكى حاله ( يعنى ( حجيرات سنجاييه cellules grises ) دن تماماً معرا و يکپاره بياض بر طبقه عصبيه دن عبارت كوروندوكى حاله ! ) وظيفه لرى آرى و مستقل بر طاقم ( حزمات عصبيه faisceaux nerveux ) دن مركب اولدوغي بعضى تجربه لرله تحقيق ايتشدرد : ( ترديات تاليه dégénérescences secondaires ) وقوعى ، حزمات مذ كورده دن هر برينى آرى آرى ميدانه قويمش و فتح ميت تدقيقاتى انساننده كورولن تحرييات عصبيه ايله ، خسته نك قبل الوفات عرض ايتديكى جنس فاج آره سنده مناسبت تبين و تعين ايده رك هر حزمه عصبيه نك وظيفه مخصوصه ي آكلاشلمشدر . ديكر طرفدن ( تكمل جينى développement embryonnaire ) انساننده دماغك صورت نشو و نماسى حقدده واقع اولان تبعات ( تجارب سريره experiences cliniques ) ي مسدق بولونمشدر . حالبوكه ( تفحصات خرده بينى investigations microscopiques ) ، محفظه داخله نك اتساجنده هيچ بر فرق و خصوصيت متمايزه كشف ايده مه مشدى .

بوكون آكلاشدى كه يکپاره و يكنسقى ظن اولونان بو قسم ، ( سويق دماغى pédoncule cérébral ) نك تهاديسدن باشقه برشى دكلدرو طبقى اولنك كيى بش نوع ( حزمات ، عصيه ) دن مؤلفدر ؛ هر برى ده وظيفه . سنده مستقل در . خلفدن قدامه ( يعنى آرقه دن اوكه ) طوغرو ، صيره سيله ، برنجيسى : ( حزمه احساسيه le faisceau sensitif ) در ؛ بو ، حساسيت عموميه و جلديه نك طريق انتقالى در . ( اعصاب سيساييه nerfs rachidiens ) نك

Capsule  
interne

( جذور خلفیه racines postérieures ) سنه قدر تمادی ایدر، کیدر .  
ایکنجیسی ( حزمه اهرامیه faisceau pyramidal ) در . بوده عضلات  
بدن و اعضایی تحریک ایدن ( تنبیهات ارادیه excitations volontaires )  
ناقلی در . ( جذور قدامیه racines antérieures ) یه قدر کیدر .  
اوچونجیسی ( حزمه رکیه faisceau géniculé ) در . وجه تسمیه سنه  
سبب ، محفظه داخلیه نک قیویریلوب بوکولدوکی ناحیه نی تشکیل اتمه سی  
و ( بوکولمش بردیز ) . بکزمه سیدر . بوده عضلات وجهیه ولسانیه نی  
تنیه و تحریک . اتمک ایچون ناقل ارادتدر . دردنجیسی ( ضیاع کلام  
aphasie ) حزمه سیدر . حرکات صدائی نی حصوله کتیره جک عضلاته  
نقل ارادت ایتدیکی ایچون، بو حزمه نک خراب اولماسی ضیاع کلامه سبیت  
ویریور ؛ اوندن طولانی بوتعیر ایله یاد اولونویور . بشنجیسی ( حزمه  
روحه faisceau psychique ) در . بونک الیافی دماغک ( ناحیه قدامیه  
région antérieure ) سنه انتشار ایتدیکی ایچون اوکا بویه بر اسم  
ویرلمشدر . چونکه ینمزمک اصل تفکره خادم اولان آاین قسمیله صیق  
صیقی یه علاقه داردر .

آ کلاسیلورکه ارادی اولان حس و حرکتک ناقللری اولوق حیثیتله  
بو بش مستقل حزمه دن مرکب بولونان محفظه داخلیه نک خدمت واهمیتی  
پک بویوآدر . اولردن بری، هر هانکی برسبیلله، آقزده اولدیمی ؟ . اونک  
وظیفه مخصوصه سی معطل قاله جفی جهته، یا ( فلج نصف طولانی hémiplegie )،  
یا ( ضیاع کلام ) و یاخود ( ضیاع حس ) کیبی اعراض مرضیه ایله آفتک  
هانکی حزمه ده واق اولدوغی - بوکون - در حال تعیین اولنه بیلیر .

بسیقوفیزیولوژی ایچون پک قیمتلی کشفیاتدن معدود اولان بو حقیقت،  
فلسفه مباحثنده ده خیلی دن خیلی اهمیتی حائزدر . اسکی حکماک اعتقاد  
ایتدیکی کیبی، ( روحک بر جوهر بسیط و مستقل ) اولمادیعی صراحتاً اثبات  
ایدر . ( fonction, centre, localisation, esprit, âme ) کلمه لرینه ده  
باقیکز ! ]

برهان برقیاسدر ؛ فقط برقیاس شایان اعتماد و معتبر بر دلیل حیثیتی  
حائز اوله بيلمك ايچون اولاء مقدمات مسئله يه مستند اولمايدير . ثانياً  
كرك ضرورت و كرك ماده اعتباريله فسادى بولونمايلى در . اكر بو مهم  
شرطلرى حائز اولمازسه ، سفسطه قيلندن اولور . زيرا سفسطه دخى بر  
قياسدر . يالكر بوجهله فاسددر . ايسته ( برهان مّمّوه ) . بويله سفسطه  
نوعندن برقياس فاسددر كه دقتسز آدملى نظرند طوغرو كورونورده ،  
دكلدر فقط جاذبدر . چونكه طوغرويه بكنزر .

بونوع سفسطه لرك يك اسكى زماندنبرى مباحثات و مناقشات فلسفيه ده  
برهان اوله رق اقامه ايديله كلديكى محقق در . تاريخ فلسفه ده بونلرك اك  
مشهورلرى ، ( نهله آلى زينون Zénon d'Elée ) نك ( مدرسه يونانيه  
école ionique ) اربابنه قارشى ترتيب ايتمش اولدوغى براهين مّمّوه در كه  
اونلره لسان اصطلاحده ( زينونك تشكيكاتى les apories de Zénon )  
ديرلر . فلسفه تاريخنده يك معروف اولان ( برهان آخيله فس argument  
d'Achilles ) ، او ( aporie ) لردن برى و بلكه اك مهمى در .  
[ Achilles كله سنه بايقكز ! ]

بناءً عليه ( برهان مّمّوه ) شو حيثيله سفسطه قيلندن معدود اولمق  
لازم كلير . مع مافيه اصطلاحات علميه نك معالرينى دهـا دقيق برصورتده  
تعين ايتك ايستين علما ( برهان مّمّوه ) ايله ( برهان سفسطى ) آره سنده  
بفرق كورمشلر واونى ابراز ايتمشلر در . خصم مخاطبى آلداتمق و طوزاغه  
دوشورمك ايچون ترتيب اولونان براهين فاسدمك جمله سنه ( سفسطيات  
sophismes ) ديرلر كه بونده بيله بيله فاسد قياسلر ترتيب ايدوب خصمه  
- بغير حق - غلبه چالق كيبى غير مستحسن برنيت وارددر . خلوص قلب  
ايله حركت ايدلديكى حالده ينه فاسد برقياس ياييليرسه ، اوكا ( paralogisme )  
ديرلر كه بو ، عادى برخطا صاييلر زيراسؤنيته مقرون دكلدر . كندى منافعه مزه

(Argument)  
Captieux

تعلق ایدن امور مهممه بيله بويله يا كلش قیاسلره اعتماداً حرکت ایدوبده نتیجهده ضرردیده اولدوغمز چوقدر ؟ بونك امثالی نامحصرودرد ؛ فقط محققدرکه بز، کندیمزی آلداتق ومتضرر ایتك ایچون سفسطیاتی التزام ایتش دکلز !!

برهان مّموه، بونلرك ایکیسندن ده براز فرقلیدر . اونده برجهت حق حس اولوندوغی ایچون، اوتورلو براهین انسانك ذهنی چنلره قاپیوریر. ذاتاً (capter) مصدری لاتینجه (captare) کله-سندن کلیرکه (کندینه جذب ایتك) دیمکدر . بالاخره (برکیمسه نك عقانی چلوب یا کیتامق) معناسنه قوللالتشدر . اونك ایچون صورت حقدن کورونن بعضی ظواهر کاذبه اوزرینه تأسیس مدعا ایدرک برکیمسه بی آلداتق نیتله ترتیب اولونان قیاسلره (دلالتل مّموه) ده نیر . کذلک اهمیتدن کلیاً عاری کورونن برطاقم مقدماتی خصصمه اولامرده تسامیم ایتدیردکن صوکره اونلردن بعضی نتایج خطیره چیقاردرق - برآدمی کرها التزام ایتك غیرتيله - ترتیب ایدیلن دلالتلدهخی (captieux) صفتی تردیف ایديله بیایر . [sophisme] کله-سنده بوکی دلالتل فاسددنك اتواعنه دائر تفصیلات واردر . باقیکنز !

براهین مّموه نك امثال عدیده-سنی هرکونکی مباحثه لرمرده بولوب کوس-تره بیلیز ؛ فقط باحاصله مسائل فلسفیه به تعلقی اعتباريله الك کوزل نمونه لرخی، زینونك (aporie) لری تشکیل ایدر ؛ فضلّه اوله رق اونلرك بویوک برقیمت تاریخیه سی اولدوغی ایچون اوبرهانلری مثل طوته رق شرح ایلهمك اولادر .

(یونانی Ionique) مدرسه سنك اعتقاداتنه قارشى (نهله آ مدرسه سی Ecole éléatique) نك احکام فلسفیه سنی مدافعه ایتك غیرتيله (زینونك) نه فوق العاده بر (دهای جَدلی génie éristique) اثبات ایتش اولدوغی (argument d'Achilles برهان آخيله فس) بابنده ایضاح ایتشدم . (آتوم = atome = ذره) لری کائناتك ارکان اصایه سی اولمق اوزره قبول ایتش اولان (مدرسه یونانیه) منتسبینی، بالضروره اودرهرلرك غیر قابل تجزی و بناء علیه (لایتغیر = immuable = inaltérable) اولدوغی ده

ادعا ایتک مجبوریتده بولونویورلر ایدی؛ زیرا ارکان مذکورده قابل انقسام اولسه، ( عناصر اصلیه éléments essentiels ) دن صایلماق ایجاب ایدر، چونکه بوتقسیمه یا نهایت وارددر، یاخود یوقدر . نهایت یوقسه ماده هیچه منجر اولور کیدر؛ اوتقدیرده ( archée اولالاول ) ی یعنی جوهر قدیم و مستدیمی مادیات عالمنده آراماق لازم کلیر . یوق، اکرماده نك انقسامنه بر نهایت وارسه، ایشه او ( حدمنتهما extrême limite ) ده باقی قالان ( جزؤ لا یتجزا ) عنصر اصلی اولمش اولورکه ( مدرسه یونانیه ) نك دعواسی - فی الحقیقه - بو ایدی . بوده ( ماده نك الی غیرالنهایه انقسامه قابلیتی انکار ) ایتکله بردر .

کائنات ماده نك بر خیال باطل، بر ( شعبده حس = illusion de sens ) اولدوغنی ادعا ایدن و بناء علیه ( حقایق مادهیه réalités matérielles ) یی صراحتاً انکار ایلین ( نه له آمدرسه سی ) منتسبینی، ینه عینی سببله ( کثرتیه pluralisme ) دعواسنی رد ایله اوغراشیوردی . یعنی شو ( عالم حسی le monde sensible ) ده کوردو کمر کثرت اشیا دنخی یا کلشدر؛ اوده باطل بر شعبده حسیه در . حقیقت تعدد ایتمز؛ بردر ! .. ) دیوردی .

بحث وجدلده بوزمره متفکرینک مضارع بی نظیری اولان ( زینون ) آکلادی که : کائنات مشهوده نی هیچه چیقارمق و - ماتریالیزم ادعاسنده بولونان - ( فلسفه یونانیه la philosophie ionique ) یی مشکل بر کریویه دوشورمک ایچون، ( ماده ) یی طوغرودن طوغرویه انکار ایتمکدن ایسه، اونک الی غیرالنهایه تجزییه قابلیتی اثبات ایتک دها زیاده تأمین مقصده خادم اوله ییله جکدر .

اوسببله بونقطه نظری ترجیح ایتدی، و بر سورو مسئله لر اویدوره رق ( بدهت حسیه évidence des sens ) یه قارشئ، غریب ادعالرده بولوندی . عکسنی اثبات ایتک غیرتی - بالطبع - مدرسه یونانیه اربانه دوشدوکی ایچون، بومسائل عجیبیه قارشیدنده - آتوم طرفدارلری - بویوک صیقینی لره دوچار اولدیلر . زینونک ادعالرنده برنوع سفسطه اولدوغنی حس ایدیورلر، فقط بونی بر تورلو اثباته مقتدر اوله میورلردی . چونکه سفسطه نك هانکی

(Argument)  
Captieux نقطه لره استناد ایتدیکنی کشف ایدم یورلردی. زینونک جربره خارق العاده سی  
ومسئله ویردبکی شکل ووضیعت اونقطه لری تمامیه کیزلی طوتویوردی .  
ایشته ( apories ) نامیله تاریخ فلسفه ده مشهور اولان ( براهین تمویه )  
بونلردر . ذاتاً لسان یونانی ده ( آوری ) ، ( صیقینی ) دیمکدر؛ و بو حیثله  
تعیر پک موافق دوشمشدر، چونکه بونوع براهین - حد ذاتنده فاسد بر  
قیاسدن عبارت اولمقله برابر - صورت حقندن کوروندوکی ایچون صحیحاً  
ذهنی ضجرت تردهد القا ایدر . ذاتاً زینون رقیلرینی ( ازعاج ) ایچون  
بونلری ترتیب ایدیوردی .

باطل ، همیشه باطل و مردوددر ؛ ولی  
مشکل بودرکه صورت حقندن ظهور ایدر !

ده بن عثمانلی شاعری نک شوسوزلری براهین تمویه نک ایقاع ایتدیکنی  
مشکلانده ماهیت فسادی افهام ایچون کوزل بر ( تعریف ناطق ) در .  
( آوری ) لرك الك مهملری زمانمزه قدر انتقال ایتیش و - تقریباً ایکی  
بیك اوچیوز سنه دنبری بر جوق متفکرینک ذهنی یوردمشدر . بوتورلو  
سفسطه لری حقه مقرون کوسترن جیلہی میدانه چیقاردق ایچون هر آوری نی  
آیری آیری تشریح ایتک اقتضا ایدر .

مشهور ( برهان آخیله فس Argument d'Achilles ) ده دعوانک  
وضع عجیبی شو ایدی :

{ سرعت سیر ایله معروف اولان ( آخیله فس ) - کنديسنندن اون  
آدیم ایلری ده یورون قلوبمغه یه هیچ بروقت یتیشمه ميه جکدر ! }

{ زیرا معین بر مسافه نک تکمیلنی قطع ایتزدن اول، یاریسنی طی ایتک  
ضروریدر . } مسافه مذکورہ نک بالجله کسوری وبقایاسی حقنده ده عیناً  
وتماًمأ بویه بر حکم ویریه بیلہجکی ایچون ، ربغه، اون آلتی ده برینه ...  
میلیارده، تربیلیارده برینه ده اوحکمی تکرار تکرار تطبیق ایتک ممکندر ،  
فقط اوحالده ده قیمیلدامق ممکن اوله ماز ؛ چونکه بوانقسام نظری یه نهایت

تصور اولونه‌ماز . زینونک بوتون دسیسه منطقیه‌سی بوراده‌در ؛ زیرا بو ( طرز استدلال mode de raisonnement ) مسئله حرکتی حل ایتمکدن زیاده ( تجزی مکان la divisibilité de l'espace ) احتمالی نامتناهی به قاجیردیغندن طولایی ذهنی حیره القا ایدیور، و - هیچ اولمازه نظری اوله‌رق - قیلمیلامق امکاتی انکاره واریدیور ؛ چونکه اک کوچوک بر مسافه‌بی طی ایده‌یلمک ایچون بیله نامتناهی بر زمان صرف ایتک لازم کله‌جکمه عقلی اقناع ایدر کیی کوزونویور . بوده هیچ حرکت ایده‌مه‌مکله بردر . مسافه‌نک تقسیمی بیتیمورکه حرکت باشلايه بیلسین !..

بوراده‌کی سفسطه‌بی ابراز ایده‌یلمک ایچون - اول امرده - دعوانک اساسلریخی تشکیل ایدن ( حد terme ) لرك جمله‌سی نظر اعتباره آلوب قیمت حقیقه‌لریخی بولمق و اوحدرلی عینی میزان ایله طارتمق لازم ایدی . شبهه یوق که بو برهانک استناد ایتدیکی حدلردن بری ده ( زمان le temps ) در . حرکت بخشده اونو دخی - بر عنصر اساسی اوله‌رق - نظر تقدیره آلمالی‌در . حرکت تصویرنده زمان ایله مکان - لاینفک inséparable - ایکی ( رکن ) در . او قدرکه هر بری دیگر بنک اولچوسی‌در، ده‌یه‌بیلیرز . اوندن سوکره : ( مسافه‌نک الی غیرالهایه اقسامه قابلیتی اتسایم و قبول اولونونجه ، بوا دعانک زمان حقنده‌ده عیناً و تماماً قابل تطبیق اولدوغنی اونو تمامق ایجاب ایدر . چونکه هر ایکی‌سی ده ( کمیات quantités ) نو‌عندندر . یکدیگربله صیقی صیقی به مربوط بولونان بو کمیتلر عینی صورتله اولچولمه‌لی‌در لرك حسابده اویغونسزلق اولماسین . عکسی تقدیرده بر مناسبتسزلك حاصل اولور و سفسطه ، بهمه‌حال اوندن طوغار . حالبوکه زینونک - برهان نامنه - یابدیغنی شی بویه بر مناسبتسزلكی مشروع کوس-ترمکدن عبارتدر . فی‌الحقیقه بوفیلسوف ( معین déterminé ) بر مسافه‌نک الی غیرالهایه تجزی به قابلیتی ادعا ایتمکله استدلاله باشلیورده ، زمانی بوسبوتون مسکوت‌عنه‌براقیور . مکان حقنده‌کی ادعای دخی آنجق ماده‌بی ، الی غیرالهایه تقسیم ایده‌رك ( آتوم ) ی هیچه چیقارمق مقصدینه مبنی‌در ؛ یوقسه حرکت مسئله‌سیله - طوغرودن طوغریوه - علاقه‌دار دکلدیر . فضله اوله‌رق متناهی بر

(Argument) مسافه نك نامتناهی انقسامه قابلیتیی تسلیم ایتمكه ، ( امتناع حرکت  
 Captieux ) l'impossibilité du mouvement ی تسلیمه مجبوزیت آره سنده  
 هیچ مناسبت یوقدر . محدود بر مسافه نه قدر تقسیم ایدیلیرسه ایداسین ؛  
 بوندن طولای نامتناهی اولمازكه اونی قطع ایده بیلمك ایچون نامتناهی بر زمان  
 صرفنه احتیاج مس ایتسین !.. اونك ایچون بودلیل، صرف سفسطه در .  
 زینونك دعواسی ده منحصر آ اونك اوزرینه مستند بولوندوغندن طولای  
 سفسطه دن باشقه برشی اوله ماز . فقط بوتون بو ( ملاحظات تحلیلیه  
 considérations analytiques ) انسانك ذهنه بردن بره وارد اوله مادی  
 ایچون ( برهان آخیله فس ) طوغرو کی کورونویور ؛ حالوکه (عموده) در .  
 بوحسانده ( مکان ) بر ( کیمیت منفصله quantité discontinue )  
 اوله رق تاقی ایدلمش بولونور . ؛ ( زمان ) ایسه بالعکس بر ( کیمیت متصله  
 quantité continue ) اوله رق تقدیر ایدلمش اولویور . ایشته بو  
 ( اویغوندسراق ) آپوری نك روحی در . حرکت تصورنده لاینفك اولان  
 اوابی عنصر ك برنی باشقه دیگرینی ده باشقه برماهیتله تاقی ایتك، - حین استدلاله -  
 حقیقتاً ذهنی ازعاج ایدن یكانه ( علت فساد cause de vice ) در .  
 ( مدرسه یونانیه ) فیلسوفلری بوجهتلری دوشونه بیلمش اولسه لردی،  
 زینونه شویولده بر جوب ویره بیایر لردی :  
 [ موضوع بحثمز اولان شو مسئله ده مکان ده ( متناهی fini ) در ؛  
 زمان ده !.. واقعا بر کیمیت محدوده - نظری اوله رق ! - الی غیرالهایه قابل  
 انقسامدر ؛ فقط، یالکمز . كان دكل، زمان ده اوله در . اما بوندن نه چیقار؟..  
 بر کیمیت متناهی بویه بی نهایت بر قابلیت انقسام عرض ایتمكه بر ( کیمیت  
 نامتناهی ) اولمق ایجاب ایتمز . بناء علیه آخیله فس ایله فیلومغه آره سنده کی  
 مسافه محدوده یی، سز - ذهناً - ایسته دیکیز قدر پارچه لاییکمز . بوشنه  
 ذهن یورمش اولورسکمز ؛ چونكه اولجه نه ایدی ایسه، ینه اودر . فرضمز  
 اقتضاسی اون مترومی ایدی :.. البته ینه اوقدر در . كذلك اومسافه یی  
 قطع ایده بیلمك ایچون صرف اولونان زمان دخی الی غیرالهایه قابل تجزی  
 اولمقله برابر، اولجه نه ایدی ایسه ینه اودر . چونكه برشیتك جمیع اجزاسی



(Argument)   
 Ca pitieux

کنندینه الب مساوی و معادلدر . بوبرهاند ( جهت مّموه ) ، منتهای برمسافه به نامتهای برزمان صیقشدرمق صورتیله تشکیک وتشویش اذهان ایتمکدکی حیلهدر . اون مّواق برمسافینی طی ایتمک ایچون نهبدن نامحدود برزمان اقتضا ایسین ؟! . بوضرورت ، کویا - اومسافینی الی غیرالهایه تقسیم ایدیهیلمکدن تولد ایدیورسه ، او؛ بش دقیقهلق زمانی ده نامتهای تقسیم ایتمکله ایش بیتر ومشکل حل اولونور . بوراده سفسطیه وجود ویرن مناسبتسزلک ، برطرفدن مکان محدودی اجزای نامتناهییه تقسیم ایتمک ، دیگرطرفدنده زمان محدودی نامتهای یا پنجه به قدر ( چکوب اوزاتمق ) در . بو اویغونسزلق التزامی اولدوغی ایچون ، اوکامستند اولان برهان یالکسر فاسد ویناء علیه یا کلش اولمقله قالمیور؛ بر ( برهان مّموه ) نمونه سی اولویور: کویا بعضی حقایق ریاضیهیه مستند برقیاس منطقی ایتمش کیی کورونویورده هیچ اوبله دکادر ! . . . ]

دیه بیلیرلردی ؛ و ( برهان آخیله فس ) ک حکمی قالمزدی . نته کیم ، بومسئله لری - زینونک وفاتندن تقریباً یاریم عصر صوکره - تکرار تذکر وتدقیق ایدن ( ارسطو Aristote ) ، اونک ضعیف نقطه سنی کشف ایدهرک: [ زمانک ده طبقی مکان کیی الی غیرالهایه قابل تجزی اولدوغی حسابیه قاتمقله مسئله حل اولونور ! ] دیمشدی . استاد یونانی نک بو طوغرو مطالعه سی ، ( آپوری ) لرده کیزله نن دسایس منطقیه نک ماهیتی کشف ایچون اخلاف متفکرینه رهبر اولمشدر . لکن بوراده الکهم جهت [ برکیت مناهیه نک الی غیرالهایه انقسامه قابلیتی اولمقله نامتهای اولماسی لازم کلیه چکنی ] ابراز ایتمکدی . معلومدرکه ( حساب تفاضلی calcul infinitésimal ) نک اساسنی تشکیل ایدن بو حقیقت ، آنجق صوک زمانلرده - اولانچه اهمیتیله - تقدیر ایدیله بیلیمش اولدوغی ایچون ( آپوری ) لری تنقید ایدن منطقیدون ومتفکرین میانشنده ، بپرنسیپی، زینونک علیه نه دلیل اولهرق استعمال ایدنلر، متأخرین اولمش ایدی .

( achilles ) کله سنده ویرمش اولدوغم ایضا حاتدن آکلاشیله جفته کوره ، سقولا ستیق دوری بوکی مسئله لرله مشغول اولمینی ذوق ومزاجنه

(Argument)  
Captieux

يك موافق بولمىدى . قرون وسطاده شرق فيلسوفلىرى، اسانده يونانيه دن برچوق فكرلر آلهرق ( عرفان اسلام Culture islamique ) . نقل ايتمىلردى . خصوصا ( معتزله les mo'tazalites ) نك بويولده يك بويوك خدمتلى اولدى . بونلر ايله متكلمين اهل سنت آره سنده - بالطبع شدتلى مناقشه لره ميدان آچيلمىش و ( مختلف في اولان مسئله لر questions en litige ) عاقبت برر شكل معين آلهرق تقرر ايتمىدى . اومسائل مهمه نك برى ده ( حقيقت ماديه la réalité matérielle ) به متعلق اولان ( جزء لايجزا atome ) ايله ( هيولى و صورت forme et matière ) بحثى ايدى . شاين دقتدر كه بومسئله لى حرارتله مناقشه ايدن متكلمين وفلاسفه اسلام ، زينونك براهين بموهه سنى يكديكرلىرلى عليه نه قوللانمغه مجبور اولمىلردى . بوكونكى منطقىون نظر نده سفسطياتدن معدود اولان اوحيلى قياسلرك ، برزمانلر - اك مهم دعوالى اثبات ايچون - براهين قويمه و دلائل معتبره كيى تاقى ايدلمىش اولماسى چوق غريبدر .

[ dialectique و scholastique كله لرينه مراجعت ايدى كنز ! ] معلومدر كه ( ده موقريت ) ك آتوم نظريه سنى قبول ايدن متكلمين اهل سنت ، ( ارسطو ) نك ( هيولى و صورت forme et matière ) فرضيه سنى ابطال ايدى بيلمك ايچون ، ماده نك - بالفعل متناهى - بعضى اجزاي صغيره دن مركب بولون دوغنى اساس ادعا اولهرق وضع ايتمىلردى . فلاسفه اسلام ، بالعكس هيولى و صورت طرفدارى ايدى . ( forme, matière Achilles ) كله لرنده ايضاحاته بايقىنر ! ]

آتومى قبولى ايتمك ، ماده نك الى غير النهايه قابل انقسام اوله مايه جغنى ادعا ايتمكه بردر . بوده زينونك تماماً ضدينه بر فكر طرفدارى اولمق ديمكدى . حال بويله ايكن اهل سنت اربابى ( برهان آخيله فس ) دن تحاشى ايتيور ؛ بالعكس اونى زينونك ادعاسى عليه نه قوللانهرق ( جزء لايجزا ) نى اثباته چاليشيور : اومشهور ( آپورى ) به عمده اولان دعوا شود كلى ايدى : [ ماده الى غير النهايه قابل تجزى در . بناء عليه نامتناهى اجزادن مركبدر .

بوقدیرجه حرکت تصویری تمتع در . چونکه اک کوچوک بر مسافده بیله نامتاهی اجزای سفیره بولونمق لازم کلیر . وقوع حرکت - اجزای مذکورہ نك بهمہ حال برندن دیکرینه - انتقال صورتیله ممکن اوله بیله جکسندن البته نامتاهی برزمان صرفه احتیاج مس ایدہ جکدر . [

اهل سنت بونی عیناً و تماماً قبول ایدیور ؛ حالوکه بو ادعانك بر سفسطه دن عبارت اولدیغی - براز یوقاریده - ایضاح ایشدم : آکلا - تمشدم که بر مکان محدود ، نامتاهی انقسامه مستعد اولقله نامتاهی اولمق ایجاب ایتمز . اوله اولونجه اومسافه محدوده نی طی ایدہ بیلیمک ایچونده نامتاهی زمانه احتیاج یوقدر . حتی بو دعوا - بر قیاس سفسطی به مستند اولماسیدی بیله - بو بحثده دلیل کتیریه مزدی ؛ چونکه مسئله حرکتیه طوضرودن طوغرویه مناسبتی یوقدر . شبان ریاضیونمزدن حواجه فطین اقدینک اشارت ایتدیکی وجهله : ( اصغر نامتاهی infinitesimal ) به وارنجه یه قدر تقسیم ایدیلن محدود بر مکان وزمانده ذاتاً حرکت تصور ایدیه مزکه بحثی اوله بیلسین !..

مع مافیه اهل سنت بوقدر اینجه تحلیلاته صایمیه رق اوداعای سفسطی نی عیناً قبول ایدیور ، فقط زینونك بوسبوتون عکسنه بر حکم ویرمک صورتیه استدلال ایدیور :

[ نوت !. بوادعا طوغرودر ؛ فی الحقیقه مکان و ماده نامتاهی اجزای صغیردن مرکب اولسه یدی ، یاخود - تعبیر دیکرله - الی غیرالهایه قابل تجزی اولسه ایدی ، بیحاق آرقه سی قدر برمسافه طی ایدہ بیلیمک ایچون نامتاهی برزمان اقتضا ایدردی . فقط وقوع حال کوستریورکه بش آدیملق برمسافه نی اون ثانیه ده قطع ایتیمک ممکندر . دیمک که اومسافه نی طولدوران اجزای مادیه نك نامتاهی اولمادیفی - بالبداهه - ثابت اولویور . اوحالده ایراد اولونان دلیل - بالخاصه - بزم ادعا مزله ینده در !. ] دیمک ایستیورلردی . هر حالده بودلیکم ایکی یوزلی برسلاح اولدوغنی کوستریورلردی .

بو طرز استدلال - جندلده - خیلی ظریف بر اسلوب نمونه سی تشکیل ایدر ؛ چونکه سفسطه نی برسلاح منطقی کیی قوللانتق ایسته ین

(Aogument)  
Captieux

بر آدمك النذن اوسلاحي آلوب باشنه چاللق كيبي در . مع مافيه - اولجه عرض ايتديكم وجهله - زينون كيبي بدهات حسيهني انكار ايدن بر آدمه قارشى بو طرز استدلال حكمسزدر . زيرا دليلك عمدۀ مشروعتي ينه شهادت حسيه به منجر اولويور . حالبوكه زينون اوني بدايتاً و اساساً انكار ايتمشدى . بر ( ايدم آلېست ) شهادت حواسي انكار ايدم بيلير . نته كيم بو فيلسوف اويله ايدى : عالم محسوسك محض فسانه وفسون اولدوغنى ادعا ايدويور و ذاتاً ( آبوري ) لرى اونك ايچون اويدوروب طور و يوردى . اسكى تعبيرجه ( عاديۀ idéaliste ) دن ايدى . كمال فطائى سبيله محسوسات ايله معقولاتك تعارضنى نظر دفته آلمش و دعواسنى يالكز ( عاقله La Raison ) نك حكمنه حواله ايتمشدى . هيچ او دائره خارجه چيقيئوردى . يك اين بيلويوردى كه او دائره خارجه چيقمق حواسك شهادتنه اعتمادى مستلزم اوله جقدى . بوده بر آندۀ دعوايى غائب ايتك دېمكدى . حالبوكه او ، ( حركت حسيه mouvement sensible ) نك وقوعى انكار ايتويوردى . نته كيم بو كونكى ايدم آلېستلر حادثات عالمى انكار ايتيورلر ؛ فقط اونك محض حقيقت اولمايوب بر ( شعبۀ حس illusion de sens ) دن عبارت بولوندوغنى ادعا ايدويورلر . زينونك بو خصوصده وضعت فكريه سى عيناً اوبه در : [ حركت اولويور ، كورويورم . فقط كوردوكم خيالدر ، حقيقت دكلدر . چونكه حركت عقلاً متنع ، يعنى ( نا معقول inintelligible ) بر كيفيتدر ؛ چونكه ... ] ده يوب همان برهان آخيله فسى ايلرى سورويوردى . بناءً عليه اهل سنتك طرز استدلالى دخی ، طبقى مشهور ( ديئوزهن Diogènes ) ك دليلي كيبي در . ( Achilles كله سنده ايضاحاته بايكنز ! ) . زينونك ( حركت معقوله mouvement rationnel ) تصويرنه قارشى غير موجهدر .

ذاتاً بوكون بومسئله لر ، قورى منطق ايله حل اولونه بيله جك شيلردن دكلدر . يالكز ( كلام dialectique ) اصولى التزام اولونورسه سقولاستيق دائره سندن بحثي قورتارمق ممكن اوله ماز . حركته متعلق اولان مسائلك جمله سى ده آرتق مسائل رياضيۀ دندر . فن ماكنه ، هندسه ، سينه ماتيق ،

علملری منطق دن اول کلیر، و منطقی - کندی مبادیسنه و (معطیات données) نه کوره - اداره و تصرف ایدر . یعنی علوم ریاضیه نك کندی منطقی واردر . علمای عثمانیه میاننده - بنم بیلدیکمه کوره - یالکیز مرحوم ویدینلی توفیق پاشا بو مسئله لرله اوغراشمش و ( آپوری ) لرده کی حیله نك ماهیتی پك این آکلامشدر . اعلان مشروطیتدن براز اول وفات ایدن بوذات ، ریاضیاتده پك بویوک و مبجل بر نام براقش اولان نوادر علمادن اولق حیثیتله مفاخر مایه مزدندر . اونک ایچون شو مشهور آپوری حقنده بو عثمانلی عالمنک ملاحظات مختصره سنی - خاطره مبجله سنی حرماً - بورایه نقل ودرج ایتمک ایسترم . ملاحظات مذ کوره یی مرحومك خط دستبله محرر برکوچوك ( نوطدفتری ) ندن آلیورم . مرحوم، بودفتری - صمیمی دوستی - صالح دُکی بکه ویرمشدی .

ویدینلی مرحوم سقولاستیق فلسفه سنی قطعاً رد وابطال ایچون بوتون قرون وسطایی اشغال ایدن او مباحثه غریبه یی حقیله تتبع ایتمش کور و نویور، و مسائلی - بزم مدونات فلسفه مزده وضع اولوندوغی شکل اوزره - تلقی ایده رك جوروك کوردوکی دلائلی ابطال ایدیور .

بزم اسلاف حکمانك کتابلرنده جسمك الی غیرالنهایه قابل انقسام اولوب اولماماسی بحثی ایله باشلایان مناقشات، ( جزء لایجزا ) و ( صورت و هیولا ) مسئله لرله صمیماً علاقه داردر . زینونك برهانلری ده بومناسبتله قولالیشدر .

ویدینلی مرحوم، نوط دفترنده هر فرقه نك مدعاسنی قیصه جه بر قضیه شکنده وضع ایتمکدن صوکره دلیلنده مختصراً عرض ایدیور ؛ صوکره کندی فکری نه ایکی سوزله قید ایلوب براقیور؛ برحیفه سنی عیناً نقل ایدیورم: [ متکلمین ، جزء لایجزا موجوددر . و بر جسم بالفعل متناهی اولان اجزادن مرکبدر ، دیورلر . ]

[ دلیل : بر جسم اجزای غیرمتناهی دن مرکب فرض اولونسه ، جسم مزبور اوزرندن بر مسافه متناهیه اخذ ، و - بونك برنهایتدن دیگر نهایته دکن - بر نقطه نك ویا جزءك حرکتی فرض ایده لم؛ بونقطه ، اثنای حرکتده ،

(Argument)  
Captieux

هر جزء اوزرنده بولونديجه اندن اولكى جزء اوزرنندن كچمىش ديمك اولور. فقط جزءلر غير متناهي فرض اولنقله ، بوبله غير متناهي جزءلر ك هر برندن مرور ايتك غير متناهي زمانده اولور. بناءً على ذلك بر ( متناهي مسافه ) نى قطع ايتك ايچون غير متناهي زمان مرورينه محتاج بولونمق وتعبير ديكرله ، مسافه قطع اولونه مامق لازمكدير . بو ايسه ، بر نتيجه باطله در . بوبله اولونجه ، جسمك اجزاي غير متناهي دن مركب اولمى دخی باطل اولور . [ شوراده صراحتاً كورولويوركه ، دليل ، زينونك برهان مشهوريدر ، فقط اونك دعواسى علميه اقامه ايدلمشدر . نته كيم براز اول بونى ايضاح ايتشمدم . شيمدى ويدينلى مرحوم ، اصل دليلك قيمتنى ومشروعيتنى ، حتى حركت مسئله سنه مناسبتى انكار ايدويور :

[ بودليل ، ابتدای مطالعه ايجه دقيق كورونور؛ فقط جسميه متعلق دكلدر ، چونكه كرك مسافه وكرك حركت بختلرى مباحث هندسيه دندر . مسافه تصويرى جسمك تعريفه مربوط دكلدر . حركت ايسه جسمك خارجنده دخی تصور اوله بيلير. قالدی كه ، بودليل منتج اوله - جسمدن صرف نظرله - خلاده ايكي نقطه بيننده كي ( بعد تجرد ) ك وبو جهته خلا ، ملاوكافه ابعادك اجزاي متناهي دن مركب اولماسى لزومى اثبات ايدلمش اولوردى . ]  
[ فقط دليل مزبور منتج دكلدر . چونكه فرض اولنان مسافه نى قطع ايچون لازم كان زمان دخی - مسافه نك اجزاي غير متناهي سنه مقابل ونظير اوله رق - اجزاي غير متناهي دن مركب فرض اولوندوغى حاله ، هر بر جزء زمانده بر جزء مسافه قطع وسير اولونه رق ، زمان مزبور داخلنده مسافه نك بر نهايتندن اوته كي نهايته وصول ممكن اولور. نتيجه باطله - حصول بولماز . ]  
[ بودليلده اساس طوتولان شى : ( غير متناهي اجزاي زمانيه مجموعتك غير متناهي اولماسى ) در . حالبوكه مقدمه دليلده ايكي نقطه بيننده كي مسافه اجزاي غير متناهي دن مركب فرض اولوندى . بو ايسه ( اجزاي غير متناهي مجموعتك بر مقدار محدوده مساوى بولونماسى ) فرضنه معادلدر . بوبله اولونجه غير متناهي اجزاي زمانيه مجموعتك دخی متناهي اولماسى فرض ايتك لازم كلير . الحاصل كرك حكمانك وكرك متكلمينك دليللرى اثبات مدعايه كافي

(Argument)  
Captieux  
اولماد قلرندن ماعدا اصل مقصد لرندن کایاً خارج مواد اوزربنه بنا اولنش  
مباحندن عبارتدر . . . ]

دیور و صوکره : ( مناهی بر مقدارک الی غیرالهایه انقسامه قابلیت  
طولایسیله نامتناهی اولماسی لازمکلمیه جکفی ذکر و اخطار ایدرک شویله  
بر ملاحظه بیان ایدیور :

[ بو بحث علوم ریاضیه نکه دققی و عمیق اولان ( حساب تفاضلی  
و تمامی ) علملرینه عائد اولوب کنه و حقیقی و نتایجی ایله صورت استعمالی  
بو ایکی علم ایله معلوم اوله بیلیر . بر جسم نه قدر تقسیم اولورسه اولونسون  
یکون اجزاسی کندیسنه مساویدر . الخ الخ . . . ] دیور .

علی الخصوص ویدینلی مرحوم، مکان و زمانک متجزی اولماسنه طرفدار  
دکدر ؛ غالباً اولدری ( کمیات منفصله ) نوغندن اوله رق تلقی ایتکده  
محظور کورویور . [ واقعا زمان و مکانی - نو ۱۶ - نقاط منفصله و منفرددن  
عبارت فرض ایتکده بعضی ریاضیون غایت دققی بر طاقم مسائل هندسیه یی  
حل ایتکده موفق اولشلر و بناءً علیه اوله بر فرضیه یی مقرون حقیقت ظن  
ایتملردی . فقط بو خصوصده اینجه دن اینجه یه تدقیقاته کیریشیلد دن صوکره  
آکلاشلدی که ، ایکی نوع خطانک تقابلی سایه سنده او مسئله لر حل  
اولونمشدر . ] دیور .

عثمانی عالمنک بوملاحظه سسنه حقیله قیمت ویره بیلیمک ایچون زینونک  
دیگر بر ( آپوری ) سنی شرح ایتمه لی یز . اونده کوره جکزه حرکت ،  
( متناهی continue ) عد ایدله دجه دعوا ناقابل حل بر معما شکاندن  
قورتاربا ماز و آکلاشیلیر که ذهنلری چلن حبله منطقیه اونقطه ده مندجدر .  
بو آپوری دخی ینه امتناع حرکتی اثبات ایچون ترتیت ایدلش بر  
قیاسدر . زینون ، ذاتاً عینی دعوائی ، نه ویره جورره تورلو تورلو شکلره  
قویوب اورته یه آناردی . بوسفر ، مسئله یی شو صورتده وضع ایتشدی :

[ بر کانکش بر ( اوق flèche ) آتیسور . اوقک طولی بر ( قدم  
pied ) ، و بر ثانیه ده قطع ایدم بیلدیکی مسافه دخی اون قدمدر . شو  
تقدیرجه ثانیه نکه هراونده بری قدر بر زمانده مذکور اوق ، کندی طولنه

(Argument) مساوی برمکان دیگر اشغال ایتش اولویور؛ دیمکدر . [ مسئله بو .! بونک  
Captieux بویله اولدوغنده کیمسه نکه ده شبهه سی اوله ماز .

فقط - اساساً حرکت امکاتی رد وانکار مقصدیله شو تشکیکاتی ایجاد  
ایدن - زینون او مسئله واضح و بسیطه اوزرینه شویله بر ( برهان نموه )  
بنا ایدیور ؛ دییورکه :

[ لکن برمکان اشغال ایتک نه دیمکدر .! او مکنده ساکن اولمق دکلکی در .! ..  
اولیه اولونجه ، اون ( حال سکون *états de repos* ) ناصل اولورده بر  
حرکت تولید ایدمبیلیر .! حال سکون مثلاً ( صفر *Zéro* ) دیمکدر ؛  
اون صفر مجموعی ناصل بر کمیت حصوله کتیره بیلیر ؛ . هیچ یوقدن وار  
اونورمی ؛ . عقل بونی قبول ایدم من . بناء علیه حرکت ممنوع در . واقعا ایدن  
قورتولان اوقک طی مسافه ایتدیکنی کورو یورز اما او بر ( شعبده حسن ) در .  
اصلی فصلی یوقدر ! ]

معاصریندن ، وویانه آقاده میایی اعضا سندن متوفی ( نه ثودور غومپرتس  
*Théodore Gompertz* ) ( متفکرین یونان *les penseurs grecs* )  
نامیله معتبر اولان ( فلسفه قدیم تاریخی ) نده ( آپوری ) لری اینجه دن  
اینجه به تدقیق وتحلیل ایتشدر . اثر مذکورک برنجی جلدنده زینونه عائد  
اولان فصلده بو ( آپوری ) دن بحث ایدرکن دییورکه :

[ بومسئله ده ( نموه *captieux* ) اولان شو شکلی ده آله بیلیر :  
برشی ، بولوندوغی مکنده می حرکت ایدر ، یوقسه هنوز اشغال ایتمه دیکی  
یرده می حرکت ایدمبیلیر .! البته نه اوته کنده ، نه ده بریکنده حرکت  
ایدمبیلیر ؛ چونکه برمکنده بولونوب اونی اشغال ایتک ( سکون اوزره  
بولونمق *être au repos* ) دیمکدر . دیگر طرفندن ده باقیلیرسه ، برشی ،  
اولمادینی بریرده [ یعنی هنوز اشغال ایتمه دیکی برمکنده .! ] نه مؤثر ، نه ده  
متأثر اوله بیلیر . ]

البته مسئله بوجمله وضع اولونورسه وبوصورت دخی مشروع اوله رق  
قبول ایدیلیرسه ، حل اولونه مایه جنی آشکاردر . ( غومپرتس ) ، بوکساده جه  
شویله بر جواب ویرلمه سنی مناسب گورو یور :



{ فرضیه ( insidieux ) ، وبالطبع ، باطل در . دائماً حرکتدم اولان بر جسم ، زمانك - قابل تصور اولان اك كوچو جوك آن لرنده بيله - عینی محلی اشغال ایتز ؛ مكانك بر قسمندن دیکرینه کچمك اوزره دائماً حرکتده در . }

آ کلاشیلور که زینون - بنه عادی وجهله - بوراده مکانی الی غیر التهایه قابل تقسیم عد ایتمکه بر ( کمیت منفصله ) اوله رق تلقی ایدیور ؛ و - بوندن نه نتیجه چیقہ بیلہ جکفی دوشونه ۰۰ین - خصملرینه دخی بو طرز تلقی یی ضمناً قبول ایتدیرمش بولونویور . فقط عینی زمانده ( تمادی حرکت *continuité de mouvement* ) تصوری ایچون زمانك ده متادی اولماسی ضماً ادعا ایتمش اولویور . یعنی زمانی بر ( کمیت متصله ) اوله رق قبول ایدیور . بناءً علی ذلک بو آپوری ده دخی حبله نك ماهیتی ( برهان آخيله فس ) ده کي نك عینی در : حرکت تصورنده بر برندن آییرله مایان ایکی حدك برینی باشقه دیکرینی باشقه بر قیمت ایله تقدیر ایتک اویغونسزانی در . حالبوکه مکان ، منفرد ومستقل بر طاقم نقاط هندسیه دن مرکب فرض اولونونجه حرکتی متادی بر جریان کبی دوشونه بیامک قولای دکدر . اووقت هر خطوه حرکت ، بر ( آن وقفه *moment de pause* ) ایله سکتہ دار اوله رق تصورایدیایر که زمانی پارچه لایوب آتوملره - یعنی غیر قابل انقسام ( آن ) لره - آییرمق بو دیمکدر . اوتقدیرده دخی مکانك بر نقطه منفردہ سندن دیکرینه حرکتک صورت انتقالی ( طفره = *action à distance* ) ایله تعریف ایتمکدر ، باشقه چاره قالماز . اوحالده حرکت ، بر ذرده دن دیکرینه آطلایه آطلایه واقع اولویور دیمکه مجبوریّت الویریر که بوبامال ومتناقض ادعای قبول دکل ، تعقل ایتک ممنوع در .

{ *distance* کله سنده *action à distance* ترکینه و آیرینجه *cercle vicieux* تعیرینه باقیکز ! }

خلاصه : کیفیت انتقالی تعریف مجبوریتقه طوتولونجه ( طفره ایله استدلال ) کبی غیر قابل تعقل بر فرضیه به عرض افقار ایتمه مک ایچون حرکتی متادی فرض ایتک ضروریدر . باشقه یولی یوقدر . بوده ، زمانی

(Argument)  
Captieux

بر (کیت متصله) اوله رق تلقی ایتمه دیکجه ممکن دکادر . حالبوکه مکان نقاط مستقله دن مرکب اولدیکجه (یعنی بر کیت منفصله اوله رق قبول ایدلرکجه) حرکتی و بناءً علیه زمانی، متمادی و متصل فرض ایتمک، اولیه بر اویغون سزاق درکه ذهنی - اک صوکنده - بهمه حال کریوه تناقضه دوشورور .

ایشته، بونک ایچون توفیق پاشا - مرحوم ماهیت زمان و مکان بحثده (atomisme) نظریه سندن یعنی اجزای فردیه طرفدار لغدن چکیندور ظن ایدرم . (غومبرتس) . کلنجه آچقندن آچیغه ادعا ایدیورکه بو بحثده زمان، متمادی بر جریان اوله رق تلقی ایدلرسه مسئله نك حل اولونه - بيلمه سنه قطعاً چاره بولونه ماز .

[mouvement کله سنده ایضاحاته باقیکنز !]

حرکتیه متعلق اولان (آپوری) لرك جمله سنده زینون مکانی (discontinue غیر متمادی) و زمانی ده (continu متمادی) فرض ایتمکله (غیر مشترک المیاس incommensurable) ایکی کیت شکلنده کوستره دک ناقابل حل بر معما صورتیه قویوب بر اقیور . بوتون حیلہ سی بوندن عبارتدر .

دیگر بر (آپوری) سی ده اوارکه اولکیلر کیی هندسی دکل ، (پسیقولوزیق) در ده به بیلیم . اوده شویله بر مسئله شکلنده عرض اولونمشدر : [برداری دانه سنی یره آتدیغ زمان بر کورولتی طویولماز ؛ دکل ی ؟ .. تکر تکر بر میلیار داری دانه سنی آلمدن انباره بر اقسیم، اونلرک هیچ بری تحته اوزرینه دوشدوکی زمان بر کورولتی احساس ایتمز . دیمک که هر برینک تحته به تعادلی ایله سامعه مه تأثیری (صفر Zéro) در . حالبوکه برشینک داری یی بردنبره بوشالنجیه خیلی کورولتی یاییور . هر بر دارینک آیری آیری صدمه سی سامعه مه ذره قدر تأثیر ایدمه دیک حالده ، اونلرک مجموعی ، فاصل اولویورده ، بویله بر کورولتی حصوله کتیریور . میلیونلرجه صفرلری یکدیگر یله جمع و یا ضرب ایتسه ک برکیت حاصل ایدمه مدیکی حالده شو داری حادثه سنده کی غرابت نه در ؟ ..]

بونی تشریحیه حاجت یوقدر . بو کونکی پسیقولوزی به کوره بو (آپوری) نک

حکمی قلامشدر : محقق اوله رق بیلورز که بوتون ( مدرکات حواس  
perception des sens ) ماهیتاً ( انفسی subjectif ) در. عالم خارجیه  
کورولتی، سس، زنک، ضیانامنه بر ( شی objet ) یوقدر. بوتون بو حادئات  
بعضی عوامل خارجیه تأثیربله بزم کندی نقسمزده استشعار ایتدیکمز  
( حالات روحیه états d'âme ) دن عبارتدر. اوندن ماعدا، ینه بوکون،  
پک اعلا بیلورز که حواس مختلفه من ( محدودالسعة limité dans sa  
capacité ) در : اهتزازات هوائیته نک آنجق بر قسمی صدا اوله رق حس  
ایده بیلرز. ضیا حاده سی ده بویه در. ( سعه حسیه ) مزک دائرة محدود سی  
خارجنده قالان حادئات، بزم ایچون یوقدر؛ چونکه اونلری طویه مادیغه زدن  
طولایی وجود لرندن خبردار اوله مایز. بر داری دانه سنک یره دوشمه سی،  
شبهه سز - کندی جرمنجه - هوایی طالعالاندیرر. مع مافیه بز، یوقدر  
خفیف تلاطمی حس ایده مه بز. فقط بر آووج داری دوکولورسه اونک  
هواده ایقاع ایده جکی تلاطم ( صحنه وجدان seuil de la conscience ) مزده  
تأثیرینی بزه کوستره بیه جک قدر بویو کدر. اونک ایچون اونی ایچیه بر  
خیشتلی صورتنده طویارز.

بناءً علیه بو پسیقولو ژیق بر حقیقت اولدوغندن طولایی پک طبیعی  
برحالد. زینونک بودعوامی بوکون بر ( آپوری ) صایلماز بیه !! .  
حتی زمانمزده ( میکروفون microphone ) نامیه ایجاد اولونان آلت  
بر تک داری نک تصادمی بیه بر کورولتی کبی احساس ایده بیایر. اکر بو  
آلت زینون زماننده ایجاد ایدلش اولسه یدی او حکیم بویه بر آپوری  
ترتیندن - شبهه سز - واز کچردی؛ چونکه عکسی تقدیرنده اوکا رقیلری  
شووجهله مقابله ایده بیلرلردی :

{ کورولتی دیدیکک - حد ذاته - بر هوا طالع سندن باشقه برشی دکلدر.  
فقط کورولتی اوله بیلیمک ایچون بزجه او تلاطمک محسوس اولماسی شرطدر.  
برداری دانه سنک دوشمه سی ده هوایی - البته حدنجه - چالقالیور؛ فقط  
اونی بز قولاغمزله حس ایده مدیکمز ایچون کورولتی طویمورز. لکن  
میکروفونی قولاغکه طوت ده باق ناصل طویارسک !! . میکروبی دخی کوزک

ایله کورده میورسک؛ میقر و سقوبله باق، ناصل کورور و رسک ! [ دیرلر و تماماً  
(Argument) حق قازانیرلر دی .  
Captieux

دیمک که مدرکات حسیه یی ( شیئی و آفاقی objectif ) اوله رق تلقی  
ایتمک شرطیله ( داری مسئله سی ) حل اولونماز بر معمار . لکن ( انفسی  
subjectif ) اولدوغنی بیلدکدن صوکره بو ( آپوری ) نك هیچ حکمی  
قالماز . حالبوکه زینون زماننده بو حقیقت تماماً مجهول ایدی . حتی ایکی  
بعن صوکره کلن افلاطون بیله صدایی عالم خارجیده مستقلاً موجود  
بر (شی) ظن ایدردی . اوسبیله بومسئله دخی مدرسه یونانیه اربابی حیرتله  
القا ایدوب براقشدی .

دها بونله بکزر براهین مموه واردر . فقط اونلرک اساسنی تشکیل  
ایدن حیلنک ناصل بر دسیسه منطقیه اولدوغنی تعریف ایچون بوقدر  
ایضاحات کافیدر .

یالکزر بوراده برشی بزى دوشوندوره بیلیر :

مابعدالطبیعیات مباحثنده ذهنمزی تناقضه دوشوروب حیرتله سالان  
بویله بر چوق مسئلهلر واردرکه اونلری حل ایتمک - بوکونه بوکون -  
ممنوع کورونویور . بو مسئلهلر حضورنده بزم وضعیتمزده صاقین ، شو  
( آپوری ) لر قارشیسنده اسکی یونان فیلسوفلرینک وضعیتی کیی اولماسین؟!..  
بعضی حقایقندن غفلتمز سببیله ، صاقین بر طاقم اینجه ( آپوری ) لر ، بزم  
( ناقابل حل insoluble ) بر طاقم ( مسائل متعالیه trans-questions  
cendentes ) یعنی ( مابعدالطبیعی معمالر énigmes métaphysiques )  
کیی کورونمیسین؟!..

بو، نهی قونو دوشونوله جک، باشلی باشنه تدقیق ایدیه جک بر مسئله فلسفیه در .  
[ بونک مناقشه سی ایچون métaphysique کله سند کفصیلات  
مخصوصه یه باقیکزر ! ]

فرانسوژه	Caractère	خُصِيصَة، سَمِيَة	Caractère
انگلیزجه	Character		
آلمانجه	Charakter		
ایتالیانجه	Carattere		

یونانی ده ( حاراقیر = χαρακτήρ ) حرف، چیزکی، اشارت دیمکدر.  
 تعبیر مذکور حالا بومعناى ابتدائى سنى، بعضى شیلرده محافظه ایتمکده در .  
 ( caractères latins ) ، ( car . cunéiforme ) ترکیلرینى ( لاتین  
 حروفاتى ) و ( خط میخی ) دیه ترجمه ایدم در . نته کیم ( caractères  
 physionomiques ) ترکیبیه مشهوردر ؛ چهره نك هويت ممتازه سنى  
 تشکیل ایدن چیز کیلر دیمکدر که بزده بونك مقابلى ( شمائل وجهیه ) در .  
 بو کله، بالاستعاره تلقى ایدیلرک توسیعاً قولالشمش وانسانك چهره  
 معنویه سنى تمیز ایدن خصیصه اخلاقیه یی دخى افاده ایدر اولمشدر . بوجازی  
 معنایه گوره بر انسانك ( caractère ) ی، شخصیت معنویه سى در . حس  
 وتفکراتنده وهله اجرا آتنده بر آدم نه قدر آهنگ نام کوستیرده بر شخصیت  
 ممتازه وبرطور مستثنا ابراز ایدرسه، اونسبتده معین برسجیه اثبات اشمش  
 اولور . آ کلاشیلور که شو تعریف موجهجه، ( caractère ) - ممکن  
 اولدوغى قدر - ( بارز saillant ) بر هويت معنویه دیمك اولویور ؛ بو  
 تقدیرده دخى ( Type ) مراد فی در . بر کیمسه حقنده: ( c'est un type )  
 ده نیلدیکی زمان ایشه بومعنا مراد ایدیلیر .. ای اولسون !، کوتی اولسون !.  
 مع مافیه بعضاً معنویت بشریه ده بویه بر آهنگ وحدت اولماقده برابر،  
 قوای ذهنیه دن برینك دیکر لرندن پك بارز بولونماسی، حس وتفکر و اجرا آته  
 برطور مخصوص افاضه ایده بیله جکی ایچون، بو حال دخى بر کیفیت ممتازه  
 حیثیتی حائز اوله بیلیر . بناء علیه بوده بر ( caractère ) صاییه بیلیر .  
 اوزمان بونی ( خصیصه ) دیه ترجمه ایتك اولادر . مثلاً : ( La philo-  
 sophie de Socrate a un caractère moral ); ( Celle de Pytha-

Caractère gores a un car. mathémat. ) ; ( Celle d'Aristote a un caractère métaphysique ) ( Celle de Plotinus a un caract. mystique ) الى آخره . . . دیدیکمز زمان سقراط فلسفه‌سنده عامل اخلاقی نك ، ارسطو فلسفه‌سنده عامل مابعدالطبیعی نك ؛ فیثاغورده عامل ریاضی نك دها زیاده بارز برطور تفکر تشکیل ایندیکنی آ کلامق ایسترز . بوتقدیرجه دخی ( caractère ) ، ( مزاج ذهنی tempérament mental ) کیبی برشی اولور ؛ اوقدرکه ، اونک یرینه بو ایکنجی تعبیری قوللانه بیلیرز و تماماً عینی معنایی افاده ادر . مثلاً ( Socrate - comme philosophe - a un tempérament moral ) کیبی ! . . . نته کیم : ( فضولی و فقی بوسبوتون باشقه ( caractère ) لرده ایکی بویوک شاعر در ؛ ) جمله‌سنده تعبیر - نوعاً - ( یارادیلش ) مناسبه قوللانش اولورکه ینه ( مزاج ) و ( فطرت ) دیمکدر .

بوکله اصل علم اخلاق اصطلاحاتنددر و بناء علیه ( علم تربیه ) la science de l'éducation ( ده بویوک بر قیمت احراز ایتشددر . بو کاده بر مهم سبب واردر : ( اخلاق la morale ) بحقی ایلک زمانلردنبری بالجله صاحب مسلک فیلسوفلرجه ، ( حکمت عمایه philos. pratique ) ده ( مقصد اعلا but suprême ) اولوق اوزره تلقی ایدلمشدی ؛ نته کیم حالاده اوله در . علم تربیه - هر زمان و هر یرده - آنجق اوغایه یی تعقیب ایده کلشدر .

بویله بر غایه یریشه بیلیمک ایچون البته بیلنمسی و تمسک اولونماسی ایجاب ایدن بر طاقم شیلر واردر ، و ( دستور عمل principe de conduite ) اولنردن استخراج و استنتاج اولونه بیلیر . ایشه ، اوتدنبیری بو خصوصده ترتیب اولونان نظریاتک اک معتبری واک قوتلیسی ( نفسنه حاکم اولوق avoir de l'empire sur soi - même = self - control = دستوریه تلخیص ایدلمشدی . اخلاقده بوکون دخی معتبر اولان مبدأینه بودر . نفسنه حاکم اولوق ( مشتهیات بهیمیه appetits bestiaux ) یه فائز اوله بیلیمک ایچون الزم عد اولونویوردی . زیرا هر تورلو سیئاتک منشای ، انسانک

کندی مشتهیات سفله‌سنه اسیر اولوب حیوانجه‌سنه حرکت ایتمه‌سی در .  
بوذلت اسارتدن قور تولوب ( سمدای احرار ) صیره‌سنه کچه‌بیلیمک ایچون  
دخی ارادت کوسترمک وبوقوتی - ممکن اولدوغی قدر - تربیه وتنیه ایتک  
لزومی آشکاردر .

ده‌بیلیرم که بوتون فیلسوفر - حکمای صوفیه‌ده برابر اولدوغی حالده -  
بونظریه اخلاقیه‌نی عموماً قبول وتصویب ایتشلردر . فقط بویه پک واسع  
وعمومی اولان بالجله نظریاتک بر بویوک قصوری واردر : پک لاستیکلی درلر؛  
هرکس اونلری کندی مزاجنه توفیق ایتک وکندی اعتقادینه اویدورمق  
ایچون، نه‌ینه بویه چکهرک ایسته‌دیکی شکه قویابیلیر .

حالبوکه سجه‌نک ماهیت مدوحه‌سنی تقدیر خصوصنده ذهنک الک‌بویوک  
ضالائی - بنم ظنمجه - اونی ( ارادت محضه pure volonté ) ایله بر  
طوتماسی در . بالخاصه بوجهت مهمه‌نی ایضاح ایتک ایچون براییکی سوز  
سویله‌مک ایسترم .

ده‌مین عرض ایتش اولدوغم وجهله ( سجه‌نفسنه تمایله حاکم اولمق ) در .  
بو قضیه‌نی تصدیق ایتمین یوقدر . بوده ( بویوک بر ) قدرت ارادت  
( force de volonté ) کوستره‌بیلیمک [ قابلیتته منجر اولور . او حالده  
( سجه‌نک ارادت دیمکدر . ] ده‌نیلیور، وبوسطی محاکمه‌نک جریاننه  
قاتیلوب کیدن ( عنصر فساد élément de vice ) ، اول امرده کوزه  
کورونوبور . حالبوکه سجه‌نک او قدر بسیط برشی دکدر . برطاقم عوامل  
معویه‌نک ( محصله la résultante ) سی در . ارادت، واقعه، اونده اساساً  
داخل بر عاملدر . فقط آنجق ( بسیقوفیزیولوژیک ) بر عنصر اولمق حیثیتله  
داخل در . اونکله برابر بالخاصه برده ( عامل اخلاقی facteur moral ) واردر که  
اهمیتجه سائر لرینک جمله‌سنه تقدم ایدر . اونی نظر دقته آلازسه‌ق ( سجه‌ن  
حسنه bon caractère ) ایله ( سجه‌ن سیئه mauvais caractère )  
آره‌سنی فرق ایتک احتمالی قالماز . چونکه هرایک‌سینده‌ده ( قدرت ارادت )  
یر شرط اساسی در . لکن ارادت، مروت وحسن نیتیه مقرون اولوبده  
عمل خیره خادم بولونورسه، آنجق اووقت اصیل برسجه‌نک ( صفت کاشفه

la caractéristique) سی صایلیر . عکسی تقدیرده انسانیت ایچون مضر Caractère بر سجه خینه نك نشانه سدر .

اونك ایچون قدما میاننده فلاسفه اخلاقونك ( احتراصات حیوانیه قارشی ارادت کوستر مك [ قیدینی، سجه تعریفده اساسلی بر شرط اوله رق تاقی ایتك مجبوریتدن قور توله مایز .

دوشونه لم : نیچون اصل بر سجه صاحبی بک نیورز ؟ . نهدن اوپله بر آدم بزده بر حس استحسان او یاندر دقدن ماعدا حرمت و اعتماد مزی ده قازانیور ؟ . البته بزم اوکا قارشی بو وضعیت معنویه مزر، بر حاکم خفیه نك تأثیرینه تبعیتدن ایلری کلیور : بر کره مشتهیات بهیمیه سنه ارادت ذاتیه سیله حاکم اوله بیلن بر آدم - الك علوی معناسیله - بر ( انسان ) نمونه سیدر . جداً ( حرّ libre ) در . حتی ( مسعودیت bonheur ) ی آزادی و جدانده آرایانلر ایچون ( حریت حقیقه ) ایشته بودیمکدر . بویله بر آدم کیمسه یه قارشی تذلل ایتیه جکی کبی، تحکم و تجاوزده ایتز ؛ چونکه بویکی رذیلت، عینی ماهیته بر برینه مربوطدر ! منت دخی ایتز ؛ زیرا مشتهیاتنه حاکمدر . یالان سویله مک مجبور اولماز . کیمسه یه حسد ایتز، کین طوماز ؛ و بو حیثیله یاشامق اوغرنده هر شیئی فدا ایده بیله جکی ایچون، هیچ برشیدن و هیچ بر فرددن قور قاز . کندنجبه مقدس اولان احکام اعتقادیه نك مقتضیاتنه کوره حرکت ایتدیکندن طولانی ده ، شرائط معینه دائره - سنده نه یولده حرکت ایتیه سی لازمکله جکینی قطعاً کسیدریمیلیرز . اوکا کمال امنیتز بوندن ایلری کلیر . وظیفه اوغرورنده هر تورلو موانع و مشکلاته قارشی عینی درجه عزم و عینی ( اعتماد نفس confiance en soi ) ایله یوروین و هیچ بر تهدید اوکنده طوروب اکیلیمه یین بویله بر مزاج معنوی یی توصیف ایچون : ( دهمیر کبی بر caractère ! .. ) دیرزکه بر ( تعبیر استحسانی terme laudatif ) در . مجبور اولونجه ، حقوقزک امر مدافعه سنی و ایشلر مزك اداره سنی بویله بر آدمه - کمال امنیت و نمونیتله - حواله ایده رز . دیمک که کمال عدل و حقانیت اوزره حرکت ایده جکنده قطعاً قانعز .

کورولو یورکه بر جوق خصائل ممدوحه نك طاقیله تشخیصدن عبارت



Caractère اولان ( سجيۀ مرغوبه ) ده اصل مرغوب اولان جهت ، ماهيت اخلاقيه سيدر .

بو مېچنده ، خودبخود وکندی مزاجلرينه کوره . بيان فکر ايدن بعضی محررين وحتى بعضی فلاسفه متأخرين اکثراً ، او عامل اخلاقي بي نظر دفته آلمايه رق، حسابۀ قائمايه رق سجيۀ تعريفه قالشده قلري ايجون خطا ايديورلر، وبويا کلشلق ، فنا بر ( تربيه education ) نك رواج بولماسنه سبب اولوبور . زيرا تربيه دن اصل مقصد - اولجه عرض ايتديکم کيبي - سجيۀ صاحبي آدم يتيشديره بيلمکدر . فقط کورويورز که بو تعبير - طرز تلقی و تفسيره کوره - تورلو تورلو معنار آله بيلدور .

سجيۀ نك ( صفت کاشفه la caractéristique ) سي يالکز، ( صوغوق قانليق sang - froid ) دکلدري . منحصرأ سرعت جزم وعزم ، جـارت واعتماد نفس کيبي خصـلـتـلـرده دکلدري . برحيدودده، بر ( قاتل متعمد ) ده بوقابلتير پک يوکسک بر درجه ده بولونه بيلير، و پک چوق امثالی کورولمشدر . شهبه سز بوده بر سجيۀ در؛ فقط اوکا ( سجيۀ خيئه mauvais caractère ) ديرلر . حالبوکه حسن تربيه بر ( سجيۀ اصيله noble caractère ) يتيشديره . بيلمک هنري در .

بناء عليه، يالکز ( پسيقوفيزيولوژی ) تعريفنه باقوبده آلدانامالی در . چونکه او ، سجيۀ نك ايي سني ده کوتوسني ده شامل بر تعريف عمومي دره منحصرأ جمله عصبيه نك قدرت مکنيه سني وسرعت فعاليتي نظر اعتباره آير ؛ ( سائق اخلاقي mobile moral ) نك قيمته هيچ باقاز . طبيعي، بوايکي علمک نقاط نظري باشقه در .

بر آدم، خارجدن وياخود کندی نفسندن کلن تأثيراته قارشى نه قدر سرعت وقطعيله جواب ويرير ؛ يعنى، تأثيرات خارجيه قارشى، حرکته ؛ وياخود ( نيت intention ) دن ( فعل acte ) کچمکه نه قدر چابوق طاور انيرسه ونه قدر اقتضای حاله موافق حرکت ايده بيليرسه، ( پسيقو - فيزيولوژی ) اونده او قدر سجيۀ کورور . بو علم نظرنده ( caractère ) ک معناسی وقیمتی بودر . بو قابليت ( جمله عصبيه système nerveux ) ديدیکمز او خارق العاده

ماکنه نك پك ائ ايشله ديكنى و بناء عليه پك ( منتظم و منسجم coordonné ) Caractère اولدوغنى اثبات ايدر . فقط ايشله ديكى ايشك قيمت اخلاقيه سنى كوسترمز؛ اونى آرايان تحقيق ايدن علم، يالكز علم اخلاقدر .

شبهه يوقدر كه حياتى تهلكيه القا ايدمه بيلن هر تورلو عوارض و مؤثراته قارشى عضـويتى محافظه ايتك ايجون بومعناده بر ( caractère ) اك زياده لازم بر قابليتدر . ذاتاً جلهٔ عصيه مزهٔ حس ايتك و صوكره دوشونوب فلسفه يايق ايجون يارادلامشدر . ( برغسون Bergson ) كـ - پك حقل اوله رق - ادعا ايتديكى كبي ( حس ايتك دوشونمك و فقط اوسايده وجودى تهلكلردن قورتارمق ايجون يارادلامشدر . بو وظيفه سنده ممارسه ايدمه ايدمه كسپ كمال ايتمشدر . بوكون تفلسف ايدمه بيله جك بر درجه يه كلكش ايسه ينه مقصد خلقتدن آرملامشدر . چونكه فلسفه دخى محافظه حيات ايجون آنجق بر واسطهٔ بر چاره در . ]

آ كلاشيلور كه سجه يي بويه تلى ايتك هيچده ياكلكش اولماقده برابر - قيصه دوشونلرى ياكلكشلفه سوق ايدمه بيله جك - بر عقده يي متضمن بولونويور؛ وينه آ كلاشيلور كه معاملات اجتماعيه ده موازنهٔ امور بوزولوبده شورش اختلال ايجنده اضمحلال حقوق و تهلكهٔ حيات احتمالى چوغالتجهٔ انديشناك اولان ذهن بشرهٔ سجه يه نك بو معنای فيزيولوژيى ده قولاى ودها واضح بر صورتده وارد اولويور، معنای اخلاقيى منخسف قالور . حالبوكه مدنى بر محيطده حقوق و حياتى محافظه ايجون موازنهٔ اجتماعيه و ضابطهٔ اخلاقيه دن بويوك بر ( قوت ) يوقدر . مع الناسف اختلال جمعيت بو قوتك اضمحلالى و انطفاسى اثرى اولدوغى ايجون طبيعى دركه شورش انساننده او كاتمسك، امكان خار جنده بولونويور . اووقت دخى سجه يه، فيزيولوژيق معناسيله تجلى ايدويور واصل بونوع سجه يه مقبول و مستحسن كورولويور، چونكه موقفيتى تامين ايدويور .

بوغر ب حادثهٔ اجتماعيه ده و اخلاقيه يي ( لورد ماقوله Lord Macauley ) بويوك بر نفوذ نظاره تتبع ايتمشدر . بو مشهور محرك ( ما كياوله للى Machiavelli ) حقه ده كى ملاحظات عالمانه سنى تماماً بورايه نقل ايتك ايجون

Caractère پر بوله مادیغمه متأسفم، خلاصه فکرینی عرض ایده جکم .

( لورد مقوله ) ، ( سه زار بورجیا César Borgia ) زمانده عقیده اخلاقیه نك نه اولدوغنی و نیچون او یله اولدوغنی تدقیق ایدیور . بناءً علیه سجه نك اوزمانلر ناصل تاقی ایدلدیكنی ده اسباب مختلفه سیله کوستریور : [ آلپ Alpes طاغیرینك اونه طرفنده او طوران حشین ملتر نظرنده ( جوهر = valeur ) مطلقا ( لا بُد indispensable ) برخصلت اخلاقیه ایدی . او یله بر جوهره مالك اولمادقجه هیچ بر کیمسه ( عالی eminent ) آدم صاییه مازدی؛ هله بك آز کیمسه حیاتندن امین اوله بیایردی . بناءً علیه ( جبن یعنی قورققلق = cowardice ) بالطبع اك مردار ذلت و قباح صایایردی . حالبوکه تجارتله کسب ثروت و تراکت ایتمش مدنی ایتالیانلر قانونه اداره اولونویورلردی؛ ادبیاته، عرفانه کمال عشق ايله مربوط ایدیلر . بناءً علیه ایتالیانك او قسمنده هر موفقیت ( تفوق عقل superiority of intelligence ) ايله اوله بیایوردی . بونلر اك جدی محارباتی بيله قومشولرینك حال صلحندن دهها مصلحانه ایدی، و ( خصائل عسکریه military qualifications ) دن زیاده ( خصائل مدنیه civil qualifications ) بی مستلزم بولونویوردی . او سیدن درکه دیگر مملکتلرده جسات ( نشانه شرف و ناموس point of honour ) عد ایدلدی حالده، ایتالیاده ( هنر و فطانت ingenuity ) معتبردی . ]

( لورد مقوله ) نك شو ملاحظات مهمه سی ( حال حرب état de guerre ) ايله ( حال صلح état de paix ) ك اخلاق اوزرینه تأثیرینی کوستردیکی ایچون ( سبنسر Spencer ) و ( سورهنری مین Sir. Henry Maine ) ك نظریاتی تصدیق و تأکید ایتدکدن ماعدا، شرف و حیثیت و بناءً علیه سجه حقنده، اعتقادناسی ناصل ده کیشدیردیکنی ده ایما ایدیور . [ absolutisme و morale کله لرنده تفصیلاته بایکیز ! ]

لورد، ینه سوزینه دوام ایدوب بو احوال مختلفه نك تولید ایتدیکی نتیجه نی کوستریور :

[ بورنسیپلردن - عینی طرز استدلایل - ایکی ( رسمی fashionable ) Caractère ]  
 اخلاق سیستمی تولد ایتدی که تمامیه یکدیگریه ضد بر ماهیتده ایدی :  
 بالخاصه قورقاق مزاجلرک ایجاباتندن اولان وضعفانک طبعی و ضروری اسباب  
 مدافعه سنی تشکیل ایدن ( رذیلتر vices ) ، اوروپانک اک بویوک برقسمنده  
 دائمًا مقدوح و منفور اولدی . مثلاً ( حیلہ fraud ) و ( ریا = ایکی  
 یوزلیک = hypocrisy ) کیی ! .. بالعکس ( فرعنواری کبر haughty )  
 و فوق العاده جسارت ، یعنی ( تهور daring ) خوش کورولدی ، حتی مظهر  
 رعایت اولدی . حالبوکه ایٹالیانلردخی - ( نفسنه حاکم اولمق self-command ) ،  
 ( بجریکلیک adress ) ، ( سرعت نظر quike observation ) ، ( بول  
 بول چاردرلر ایجاد ایتک fertile invention ) و طبع بشر حقنده ده رین  
 معلومات کیی قابلتر سایه سنده اجرا اولونه بیلن ( جنایت لر crimes ) .  
 اودرجه نظر شفقت و مرحمتلره باقارلردی [ یعنی فاعللرینی زیاده سیله شایان  
 مرحمت کورورلردی . الی آخره ! .. ]

بودرین مطالعات لایقيله مسئله یی ایضاح ایدیور ؛ ونچون اوزمانلر  
 انکلمترده ( بشنچی هانری ) و ایٹالیاده ( سزار بورجیا ) و بوتون ( قوندوتیه رو  
 Condotierro ) لر ، بوتون صاحب ظهور و جسور قاپاداییلر ، آفاق  
 و یرتیجی ملتلرک نظر تحسین و حرمتنی جلب ایدیوردی ! .. بوسجیه نک  
 بر مرغوب نمونه اولماسنی ایجاب ایدن اسباب زمانک شرائط اجتماعیه سنده  
 آرائلق لازم کلیور .

بر مدنیت تأسیس ایده جک درجه ده قابلیت کوستردکدن صوکره  
 اختیار لایوب ضعف انخطاطه اوغرایان ملتر ، کنج ، خشین و ( حربی  
 militariste ) اولان اقوامک تجاوزاتنه هدف اولدوغی زمان تاریخده بومهم  
 حادثه یی کمال وضوح ایله تتبع ایتک ممکندر .

ترک لر ایران و عثمانیلر بیزانس ایمپراطورلغنه تحکم ایتدکری وقت بو  
 غالب و مغلوب ملتلرک وضعیت اخلاقیه لری طبقی ( لورد مقوله ) نک تصویر  
 ایتدیکی تابلویی عرض ایدیوردی .

شبه یوقدرکه زوربالق ، خشونت ، حقوق انسانیه یی استحقار ، کبر

Caractère ونحوت نه قدر منفور رذيلتلردن معدود ايسه، مسكنت، ذلت، قورقلاق، آچاقلاق، ايكي يوزليك دخی اونستده مستكره اخلاقسزقلردر . بونلر - بالجبوريه - بمرلكه مستقره تشكيل ايدمك درجهده تقرر ايدرسه ايكي مختلف سجييه وجود ويريركه، اخلاق حقيقه نظرندم عيني درجهده منفور برر ( ضلالت aberration ) نمونه سيدر . هله اونو تاممالی دركه بو ايكي سجييه يكدیكرينك تماماً ضدی اولمقله برابر، يكدیكريني شدتله مستلزم در . بری اولماسه ديكری اولمازدی . امر تربيهده بو ايكي نموني مثال طوتمقدن بويوك برضالت مدشه اولورمی ؟ . بيلمم !.. فقط اي بيلورم كه جماعتلر اوده سنده حسيات كين وعدواني تميه ايتمكله اخلاق انسانيه يي افساد و برباد ايدن ( مزمن و متفن chronique et infecte ) محاربه لر بوضالات اعتقادك باشليجه سببي در؛ چونكه حيات اجتماعيه نك ايجابات حاله كوره بالضروره تعقيب ايتديكي جريانه، اخلاق شخصيه نك تبعيت ايتمه مه سي ممكن، لكن كوچ برشيدر . بويله برجريانك عكسه كيدن مستثنا مزاجلر اندروا ونلرك - اخلاق اجتماعيه يي اصلاح اوغورنده كي غيرتلي - هيا و هدر اوله كلشدر . اويله برخدمت مبعجلده موفقيت آنجق اولوالعزم بر پيغمبر اولمقله متوققدر . پيغمبرلرك انسانيتك بويوك خدمتي، ضلالت يوزندن فساد اوغرامش و تفسخه يوز طوتمش اولان جمعيت بشريهده - تأسيس اخلاق و اكال ناموس ايدمك ، حقوق متقابله و عهد منعقدیه رعایت وظیفه سنی اوكرتمك، و به صورتله فطرت انسانيه نك حینینی اعلا ايله مكدرد . حيات مدنيه آنجق بو شرطله قائمدر . اخلاق پرنسپيلريني جبلت حيوانيه مزك مقتضيات طبيعه سنده دكل، فطرت انسانيه مزك - برغايه كاله ساعي اولان - استعدادنده آرايان طوغرو فلسفه نك ده جمعيت بشريه ايچون درعهده ايتديكي خدمت بودر . فقط بو خصوصده ( ايمان la foi ) ك ( عقل la raison ) دن ، چوق متنفذ و چوق مؤثر بر ( عامل , facteur , agent ) اولدوغنده هيچ شبهه قالماشدر .

حالبو كه مستحسن و اخلاقي معناسيله ( سجييه ) ايمانه مستند برخصيصه در . ايماندن بويوك بر قوت معنويه يوقدر . حتی - بنم كندی اعتقاد بجه -

سجیه اخلاقیه آنجق بر حقیقته صمیماً ایمان ایتکدن کلیر . حقیقتک کندی *Caractère* قیمت لدنیه سی ایله علاقه دار بيله دکلدر ؛ چونکه : ( حقیقی - اولدوغی کبی - بیلورم ! ) دیه هیچ کیمسه ادعا ایدمه مشدر و ایدمه جکدرده .. اخلاق بمحشده، حقیقت، تولید ایدم جکی نتایج عملیه ایله تعین ایدر .

اوحالده بر ( دستور اخلاقی ) - عمل خیر ایچون - الهام ایدم بيله جکی ایمان نسبتنده ( حق ) در ! . و بالنتیجه وجدانه اودرجه حسن تأثیر اجرا ایدم بیلیر . آرتق بر حقیقت مطلقه آرقه سنده قوشمغه حاجت یوقدر .

مناسبات بین البشریه نك حسن صورتله جریاننه مانع اولان هر شی اخلاقه مضردر . چونکه اخلاق اومناسبتردن طوغار . انسانلر آرمسده نیجه نیجه عوامل طبیعی نك تأثیری و منافع متقابله نك یاردیمی ایله - و کیم بیلیر نه اوزون بردوره مدنیت سایه سنده ؟ ! - کوچ بلا تأسس ایدم بیلن اهنك طبیعی، ( اخلاق اجتماعیه *la morale sociale* ) نك نقطه استادی و - طولایسیله - ( اخلاق فردیه *la morale individuelle* ) نك ( ضمان قوی *garantie ferme* ) سی در . بو آهنکی بوزان عوارض مختلفه نك مضرتی ، یالکزر ( موازنه منافع *équilibre des intérêts* ) ی موقتاً اخلال ایتمکه قالسه یدن ، فلاکت بنه يك اوقدر قورقونج اولمازدی . مع التأسف اوقدرله هیچ قالمیور : انسانلره تکامل یولسده هدایت ایدن ( فکر حق و حقیقت *l'idée de justice et de Vérité* ) ی بوسبوتون نظر اعتباردن دوشورویور ، و نتیجه ده، اونك اثر الهامی اولان ( ایمان *la foi* ) ی ضعفه، وجدانی ده شبهه القا ایتدیکی ایچون، جمعیات بشریه آرمسده رابطه، و افراد جماعت میاسنده ضابطه قالمیور . بو ( فوضای معنوی ) برعلت مستولیه کبی انسانیته تحکیم ایدنجه ، آرتق مدھش بر ( هنکامه خودکامی ) حصوله کلیور .

( نفسی نفسی ! ) نداسی وجدان بشرک ترجائی اولویور . بویه دهشتلی برچالقاتی ده آفاق آلتنده تهزیه مک ایچون یکانه جاره سلامت، البته ( قوت *la force* ) در . یکانه سلاح نجات، ینه قوتدر . ایش قوته طایاتجه آرتق اخلاقک بمحی اوله ماز . چونکه اخلاقک استناد و اعتماد ایتدیکی برنسب، قوت دکل، یالکزر حق در ! .. حق ده قوت دیمک دکلدر .

تاریخ مدینت - اولدجه صراحتله - کوستریوردکه انسانیتک اخلاقه بویله بر درک پستی به دوشمه سی - اعتقاد و عملجه - بر ( دور باطل Cercle vicieux ) کریومه سنه دوشمه سندن ایلری کبیور . طوضر ویولدن یعنی ( صراط مستقیم ) دن آزیلدجه ایمان اخلاقی به ضعف طاری اولویور . ضعفه دوشدجه طوغر ویولدن آزیلیور . اووقت ، ( انسانیت humanité ) ، ( حق droit ) ، ( شرف و ناموس l'honneur ) ، ( حیثیت dignité ) ، ( شان gloire ) ، ( وظیفه devoir ) ، ( فضیلت vertu ) و ( رذیلت vice ) .. الح ، کبی الفاظ مجرد نك معناری و قیمتلری کلیاً ده کیشیور . ( سجه ) کلمه سنك معناسی ده بوسوتون باشقه لاشیور ، چونکه - مضمون اعتباریله تورلو تورلو تلوانه مستعد اولان - بو تعبیر مشهورك حیثیتی ، دیگرلری حقنده پیدا ابتدیکمز اعتقاداته تابع و مربوطدر .

ایشته زمان و مکانه کوره بعضی عوامل طبعیه و ( قوای مجبره forces majeures ) نك اعتقادات و اعماللری و طولانیسیله سجه منری ناصل تغییر و تبدیل ایده بیلدیکنی - شویله بر آز - کوستره بیلیمک اینجون بوعومی ملاحظات کفایت ایدر . شونی ده عرض ایده یم که - برباقیمه کوره - بوتبدلاتك وقوعنده انسانلر بلکه آنجق واسطه درلر ؛ سبب دکلددرلر . اقتضای حاله نظراً بوتبدلات اخلاقیه - احتمالکه - ضروری برشیدر : ( قانون انطباق la loi d'adaptation ) نتیجه سی اولق اوزره ( روحی اجتماعی psycho-social ) بر ( حادثه مهمه ) در . زمان زمان موازنه انسانیت مختل اولویور ؛ و - غالباً - اوسبیلله حاصل اولان یکی وضعیته کوره یکیدن تأسیس موازنه ضرورتیله ، اقتضای حال ، بوشکلده تحلی ایدیور . حتی ، هر حقیقه آنجق ( اضافی relatif ) بر قیمت ویره دک حکم ایدن فیلسوفلر کبی ، بنده خلوص ایله اعتراف ایدیورم که ، جماعات بشریه آره سنده رابطه و ضابطه قالمایوده موازنه عمومی به کلیاً خلل طاری اولونجه ، ( سجه اجتماعی caractère social ) نك - بر ( غایه خیاله but idéal ) به دکل - آنجق ( شرائط محیطه و ایجابات حاضره conditions ambiantes = et exigences actuelles ) به توافق و تطابق اجمعی ، اولادر و خیرلدر ؛

چونکه عکسی تقدیرده جماعت ایچون تهلکه اضمحلال واردر . ذاتاً باشقه *Caractère* تورلو اوله مادیقندن طولانی ، بو کیفیت ضروریه بی ده بر ( حقیقت نسبییه *vérité relative* ) - حتی بر ( امر واقع *fait accompli* ) - اولمق اوزره قبول و تسلیمده مضطر قالیورز .

تربیه بخنده ( تکاملیه *évolutionisme* ) فلسفه سنک ایجابجه حرکت ایدیلیرسه ، بر ( ایدآل ) کوزه تیلهرک ( *caractère* ) یتیشدیرمکه چالشمالی در واونو تاممالی درکه انسانیتک تکامل طبیعی سی ذاتاً ، اوله بر غایه کماله نظراً واقع اولویور کی در . مربی - اوغایه ممکن اوله ییلدیکی قدر تقرب ایچون - ارباب استعداد یاردیم ایتکه موظف و مکلف در . حالبوکه ، بشریتک تکامل طبیعی سی - اجتماعی موازنه سزلکر سیبله - مختل اولوبده - سکتله ره اوغرا دینی زمان ، هر نه وجهله اولورسه اولسون محافظه حیات سائقه طبیعی سیله اندیشه به دوشن انسانیت - برغایه علویه به کوره دکل - ایجابات حاضر به کوره مهیا بولونمق ایستیور و تربیه نک ماهیتی اوکا کوره آکلیور . ( اوپورتونیزم *opportunisme* ) ک اخلاقیانده شکلی بودر ؛ شبهه یوقدرکه عمومی اویفونسز لقلر بوشکلی ترجیح ایتدیریور . جماعات ، بو اخلاق ایله مخلق ایتکه ذاتاً ده مستعد در .

لکن تربیه افراد ایچون بودر کده قالمالایز! . بو ( ازتجاع اخلاقی ) دن - هیچ اولمازسه - سجه شخصیه بی قورتارمغه چالشمالی و تربیه نظریاتی اوکا کوره ترتیب و اداره ایتله لی بز .

واقعا ، نم بوتنیامه قارش قویاً اعتراض اولونه بیلیر ؛ ده نیله بیلیرکه :  
اخلاق اجتماعی ( *mor. sociale* ) ، ( اخلاق فردیه *mor. indivi-* )  
نک ( محصله *résultante* ) سی در ؛ اوندن طولانی درکه سجه  
فردیه دخی سجه اجتماعی نک آینه انعکاسی در . بعضی ضرورات و اسباب  
مجبوره طولانی سیله برینه عارض اولان ( فساد و تردی *vice et dégéné-* )  
*rescence* ) دن دیکرینی وقایه ایدوب قورتارمق ناصل ممکن اولور ؟ ..  
بو ، برتنی محال در ! .



بن‌دهد یرم که : خیر !. اوپله دکندر . بوفکری برچوق بویوک فیلسوفلر بیله مدافعه ایتشلر، و - تأسف ایدرم که - یا کلش اولدوغنی کوره مه مشلردر. حالبوکه غلیظ یا کلشلی واردر : اولاء، اخلاق اجتماعی - ظن اولوندوغنی کی - بوتون افراد جماعتک دکل، اخلاق نقطه نظرندن دگرسز برا کثرتک محصله مغنوتی در . اوقدر که بعضاً برتک آدم، اونک سویه سنی یوکسلته بیلور، ویا خود آچانه بیلور . بو واقعه، اوقدر بدیهی بر حادنه در که مثال ایله ایضاحه بیله حاجت یوقدر . ثانیاً اخلاق اجتماعی نک ترسمنده، تشکلنده و تقررنده ذی مدخل بر طاقم ( عوامل مختلفه agents divers ) دها وارد در که مستقنا بر طاقم افراد، عوامل مذکور نک تأثیر اتسندن هر زمان آزاده قالمش و بو صورتله تردی دن وقایه نفس ایدم کلشدر . اکثریت عوامی هر تورلو ذلتلره مجبور ایدن صفات مادیه و معنویه دن قطعاً مصون قاله بیلمش آدملر - هیچ بریده - اوقدر نادر دکلدر .

[ بومهم بحثک مناقشه سی ایچون milieu و morale و circonstances کله لر نده تفصیلاته باقیگیز ! ]

بناء علیه، اخلاق اجتماعی بویله برچوق عواملک - تعبیر جائز ایسه - حاصل ضربی در . بوتون افراد جماعتک محصله مغنوتی دکل !.. اوپله اولمادیفی فرض ایدلسه و مشهور اولان اونظریه معتبره یه کیدلسه بیله ینه شوراسی محقق در که : آنجق بر عرصه صورتنده تلقی ایدیلن اخلاق اجتماعی، اخلاق فردیه نک ( سویه مشترک niveau commun ) سنی که مز. اخلاق فردیه نک ( تماس نقطه لری points de contact ) اونک زمین استنادیدر . حالبوکه بو ( سویه مشترک )، اخلاق حقیقه جدولنده الک پست در که یی کوستریر ؛ ( الک آشاغی قدمه le plus bas échelon ) یی تشکیل ایدر . بو بویله در !. هم معنویاته تعلق ایدن خصوصاتک کافسی ایچون حقیقت بودر . فرد، البته جمعیت دن یوکسک در . شعور، ذکا، حس، ارادت، شفقت و - بوتون معناسیله - اخلاق، افرادده، البته جماعتدن دها عالی بر درجه ده ودها اصیل بر صورتده جلوه نمون اوله کلشدر . فردک جمعیت ایچنده طوغوب بویومش اولماسی بو تفوق معنویسنه مانع دکلدر ؛

بالعکس اونی تفسیر ایده بیلیر . [ déterminisme تعیرنده بونک اسبابی Caractère  
ایضاح اولونمشدر . بائیکیز ]

مثلاً بر جمعیتک دیگر بر جمعیت قارشی دیگرکامانه طاوراندینی - تاریخ  
عالمده - کورولمش برشی دکلدز . حالبوکه افراد آرمسند . بوکا مثال کتیرمه  
حاجت یوق !.. آلتی بیک سنه اول یاشامش اولان انسانلر آرمسند بیله  
بوفضیلتک پک اصل نمونه لرینی بوله بیلیرز ؛ وقس علیه البواقی !..

[ morale کلمه سی ایچون ویریلان ایضاحاتدکی مثاله بائیکیز ! ]

تواریخ اتمک موفقیات ومظفریات قید واخلافه نقل ایدن آبدلره  
بائیکیز : فراغنه مصرک ( منفیس Memphis ) ده ؛ ( بخت العصر  
Nabuchodonossor ) ک ( بابل Babylone ) ده ؛ ( کی خسرو  
Khosroès ) ک ( اسطخر فارس Ctésyphon ) ده ؛ ( قیاضره روم  
les Césars Romains ) ک روماده وشوراده بوراده کی کتابه لرینی  
اوقویوکز : طنطنه اسلوبنه رغماً ( حاسه اخلاقیه sens moral ) دن  
ذره قدر اثر کرره مزسکیز . چونکه الک خجیع جنایتلری ناصل بر خط ایله  
اجرا ایتمش اولدقلرینی فخورانه سویلویورلر . بوکونکی مدنی ملتلرک تاریخه  
برکوز کزدیریکنز ؛ موفقیات حربیه لرینی نقل ایدرکن دیکله بیکیز ؛ خجایع  
انسانیه قارشی قطعاً حسسنز اولدقلرینی آکلارسکیز . حالبوکه اوجاعتلر  
ایچنده بر چوق شفقتلی، حسلی افراد موجود اولمق کرکدر . ملتر ، بو  
اعترافات اخلاقیه لرنده موجب عار برشی کورمویورلر دیه، بر فرد تصور  
اولونه بیلیرمی که - قومشوسنه ویایی نوعنه قارشی - اخلاق شخصیه واجراآت  
واقعه سندن بوصورتله بر حساب ویرسینده، هرکس نظرندمه متهم، حتی  
ملعون اولماسین ؟.. بن کورمه دم، وبویله براحتماله ذهنده وجود ویره میورم.  
اوحالده سحیه شخصیه یی، سحیه اجتماعیه نک معروض بولونه بیله جکی  
ایجاباته تبعیدن منع ایتک ممکندر ؛ چونکه ذاتاً مرتبه سی اوستوندر .  
بناء علیه اعوجاجات ارتجاعیه وتردیاات عارضیه نک تأثیراتندن اونی وقایه ایتک  
قابلدز . مرتبی نک وظیفه سی ده بودر . ایجاب ضرورتله انسان سوق طبعیسنه  
تابع اوله رق ( حال ابتدائی به رجوع retour à l'état primitif ) ایده بیایر.

Caractère حیوانلق درکسنه دوشه بیلیر . بونی تعلیمه حاجت یوق ؛ بو سوق طبیی اقتضاسی در . هم، مرتبی بر انسانك ناصل دوشه جکئی، ناصل آلاچلا جفئی دکل؛ ناصل قالقه جفئی، ناصل یوکسه له جکئی تعلیمه مأمورد در . اخلاق اجتماعیه نك سویه جه - بالطبع - آشاغی اولماسی بو مأموریتنه مانع دکلدر . ( وجدان فردی conscience individuelle ) یه نسبتله ( وجدان اجتماعی conscience sociale ) نه قدر بولانیق وحسسنز اولسه بیله ینه معاملات ناسده حد معروفی کوستیر بر مقیاسدر . اخلاق افرادك اوحده معروفدن آشاغی دوشمه سنی، وجدان اجتماعی - هیچ بروقت - خوش کورمه مشدر . جماعتلر یکدیگر نك حقوقه - واقعا - بی محابا تجاوز ایدیورلر . فقط افراد جماعتك بر برینه تجاوز ایتمه سنی وجدان اجتماعی چکه میور ؛ اوکا هر وجهله مانع اولغه جالیشیور . بوتون مؤسسات ضابطه وعدلیه بوندن طوغمشدر .

اوحالده - گوکسمزی گهره گهره ادعا ایده بیلیرز که :

[ سجه فردیه نك تربیه سنی آیری طوتمق ودها عالی برنسیلره کوره اداره ایتك بر مهم وظیفه در؛ همد - ظن اولوندوغی قدر - زور بر وظیفه دکلدر ؛ چونکه وجدان اجتماعی - نه قدر آشاغی بر در کده بولونورسه بولونسون - افرادك بر مرتبه دهاتمالیسنه غیر مساعد طاورانیور . یالکز بوسوتون یابانچی وعاداته مغایر بطور طاقینامق شرطی کوزه دلملی در . حقیقت وعدالت ، حقوق انسانیه وعهد رعایت طرفدارلنی، هیچ بر جماعته - آچقندن آچینه - مردود اولمش دکلدر . اوילה اولونجه سجه شخصی بی تربیه ایله تمیه وتشکیل ایده بیلیمك ایچون بو برنسیلری رهبر اتخاذ ایتمکدن قورقق طوغرودکلدر . ]

بونلر ( ایده آل ) در ، یعنی مبتغای خیالدر ؛ دیه رد ایدله ملی در . اخلاقك دکل، فن ماکنه نك دستورلری ده اويله در . هیچ بر ماکنه یوقدر که ( حرارتك معادل میخانیکى équivalent mécanique de la chaleur ) سنی بالفعل ( تحقیق réaliser ) ایده بیلسین ؛ یوز ( واحد حروری unité calorique ) یه بدل اوله جق بر عمل میخانیکى ویره بیلسین . فقط دستور

یا کلتش دکلدر . او کاله ممکن اولدوغی قدر یا قلا شمع مطلوبدر . اخلاقده نادن **Caractère** بویله اولماسین ؟ ! . اوندهده بویلهدر ، لکن اخلاق ، علوم صحیحه نابتهدن اولمادینی ایچون اونک برنسیپلری بر دستور ریاضی قطعی ايله ثبت و عرض ایده میورز .

حکمای سالفه کیی - بوکون دخی - هر فیلسوف ادعا ایدیور که علم اخلاق تعابندن مقصد ( سجه ) تشکیل ایتکدر ؛ یعنی ( caractère ) صاحبی آدمیر یتیشدیر مکدر . حتی منحصرأ امرجه شخصییه یی تبع ایدن خصوصی پسقولوجییه دخی ( علم سجه la science du caractère ) ده نیلور ؛ تربیه بر فکر حکمت افاضه ایدن اشته بو علمدر ، ديه بر اعتقاد دخی موجود . بوتون بو فکر لرده زمانز مربی لری - آز چوق - اتفاق اوزره بولونویورلر . فقط ، - بر تربیه مخصوصه ايله تحقیق هر کسجه مطلوب و ملتزم اولان - اوسجه نهدر ؟ . ديه صور ونجه ، کوروپورز که نمونه کمال اولق اوزره تصویر اولونان سجا یای متنوعه میاننده - هیچ اولمازسه بنم مزاج و اعتقاد مه کوره - اک مکروه و مضر مضویتلر دخی واردر .

بوکا سبب - تکرار ایدیورم - سجه نک یالکز پسقوفیزیولوژیک تعریفی آلوب اخلاقی تعریفی تماماً اهامل ایتکدر . بو فسا بر علامتدر ؛ فلسفه اخلاقیده دستور اساسی تشکیل ایدن ( عقیده doctrine ) حقنده زمانز که نه شورش افکاره دوشدوکنی کوستریر . موازنه سزک بودرجه و اونجه افراط و تفریطه قاجاق و بوجالامق طبیعی در . بونک بک صریح بر مثالی ، بوکونکی اوروپا نظریات اخلاقیه سنده کوروپورز :

( داروینیزم Darwinisme ) فلسفه سی زمانزده بویوک بر انقلاب فکری وجوده کتیردی ، چونکه بویوک بر حقیقتی بر شکل دستوری ايله افاده و تعلیمه موفق اولدی . لکن بو برنسیپی ( تعمیم généraliser ) ایدنلر حدود طبیعی سی خا ججه چیقارده رق اخلاقیاته دخی تطبیق ایتدیلر . حالبوکه او ، یالکز عضویات عالنده طوغر و بر فکر ایدی . انسانلر فضله تحسین ایتدکلری شیلرده مبالغه دن قورتوله مازلر . بالطبع ، داروینیزم ( افائی ègoïste ) بر سجه یی مستلزمدر . ( جهاد حیات la lutte pour la vie ) ده

Caractère موفقیتی تأمین ایچون انائی اولق شرطدر . بو طوغرو؛ چونکه عالم حیوانانده شدتله حکمفرما بر قانوندر . لکن، بزم بالکنز حیوان اولدوغمز پک طوغرو دکل، هله بو دستوری، انسانیت ایچون بر قانون اخلاقی اتخاذا اتمک هیچ طوغرو دکل ...!

ایشته بو افراط ...! بو افراط پرورانه میلانلره قارشى برچوق بویوک فیلسوفلر تصحیح اعتقاده چالشدیلر . فقط مشهور ( طالسٹوی Tolstói )، اخلاقده بو ( داروینیزم جریانی mouvement darwiniste ) نك، بالضروره وجوده کتیردیکی ( عکس عمل réaction ) ی شخصیت ممتازه سیله تماماً تمثیل ایتدی . خرسیتانلغک ( عفو le pardon ) و ( فداکاراق sacrifice ) پرنسیپلری اوزرینه قورمق ایسته دیکی اخلاق ملکانه یی تحقیق وتعلیم ایدیورم ظنی ایله اولمایه حق غریب فکرلر اورطه یه قویدی : ( اخلاقک مبدائی حلمدر . عفودر . مقاومت اتمه مکدر . مجاهده اتمه مکدر . دشمن اوزریگه یورویه، گوزوگک اوگده سوغیلی اولادیکی قتل ایته بیله ، نه اولادیکی نه ده کندیکي مدافعه ایده جکسک . براق یاپسین !... سن ال قالدیرمه !! ) [ دیدی و بو فکرلری تولونجه قدر مدافعه ایتدی . ایشه بوده تفریطدر ! حقیقت شبهه سز نه بودر؛ نه ده اوته کی در . بوايکی نظریه عینی ضالانک ایکی وجهه تجلیسیدر، ویکدیگرینه مربوط وبری بردن طوغمش خطالردر . ] ( moral کله سنده نظریات اخلاقیه یه باقیکنز ! )

سجه تربیه سنده بو افراط و تفریط جریانلرینه قابلامق برنجی شرطدر . اونک ایچون ده بالکنز نظریات اخلاقیه یی دکل، عقائد اخلاقیه نك معاملات ناس اوزرینه تأثیرینی کوره بیلمک ایچون، تاریخ مدنیه لایشیه واقف اولق ایکنجی شرطدر . افراطه کیدیا یسه - ( بورجیا Borgia ) لر دورنده کی ( قوندوتیه رو Condotierro ) لر کیی - سجه یتیشدیریلر . تفریطه صابیلرسه - هندک هر یان فقیرلری کیی - تارک دنبالر یتیشدیریلر . مدنیت صحیحه بوايکی نمونه ضالانک دخی متفردر . نه ظالم، نه ده مظلوم ایستر ! نه قبادانی، نه ده مسکین ایستر !! آنجق حیثیتی برسجه یه محتاجدر . زده بو افراط و تفریط جریانلرینک سرپیتی سی طویولمش و ( شیمه

عجبت ) ، ( شیمه عداوت ) بحیثی اولمشدی . ( caractère ) کلاه سنک Caractère  
 اخلاق و ( علم تربیه la science de l'éducation ) ایله علاقه داراولان  
 معناسی بودر . وبونک تولید ایتدیکی مسائل ایله - بوکون - جدا متوغل  
 بولوندوغمز ایچون ، بحیثی براز شرح ایتدم . لکن بوتعیرک برده منطقی  
 معناسی واردر: برشیدک صفت تمیزه سنه caractère دیرلرکه کرک ( تعریف  
 définition ) ، کرکسه ( تصنیف classification ) ده عمده در . بومعنا  
 مراد اولونجه کلهینی ( خصیصه ) دیه ترجمه ایتمه لی در .  
 [ بوبابده ایضاحات ایچون caractéristique تعیرینه باؤیگنز ! ]

فارقه، فارقی      Caractéristique      فرانسزجه  
 Characteristic      انگلیزجه  
 Charakteristik      آلمانجه  
 Caratteristica      ایتالیانجه

بو تعیر، محررین شرقک - اوتنه دنبری - استعمال ایتدیکی ( علامت  
 فارقه ) ترکیبنک معادلی در . بوراده دخی (فارقه) کلهسی - صفت اولدوغی  
 حالده - اسم مقامنده یالگنزه تلقی ایدیلوب قوللانمشدر . بوکا بزده  
 ( صفت کاشفه ) دخی دیرلر . اوروپا لسانلرنده ( caractéristique )  
 لفظی هم اسم، همده صفت حیثیتی حائز اولدوغندن ، بز - بوکون - بو  
 کلهینی صفت اوله رق ایراد ایتدی کمز زمان ( فارقی ) صورتنده قوللانیورز.  
 فرانسزجه ده دائماً مونث اوله رق ( la caractéristique ) شکلنده  
 قوللانیلان بوکله نك معناسی صریحدر : هر هانکی بر شیدک ( صفت تمیزه  
 qualité distinctive ) سی درکه امثالندن اونی تفریقه خادم اولور . شو  
 تقدیرجه ( تصنیف classification ) خصوصنده پک مهمدر .  
 صفت تمیزه ، بر ( عرق race ) ی دیگرلرندن ، یاخود بر ( صنف

Caractéristique - tique  
 classe ( ی صنف سائردهن ، بر ( فرد individu ) ی باشه افراددن  
 تفریقہ الوریثلی اولدوغنه کوره ( فارقہ صریقہه caractéristique de race ) ،  
 ( فارقہ صنفیه car. de classe ) و ( فارقہ فردیه car. individuelle )  
 نامی آلیر .

شو تقدیرجه تعیرك علم منطقده اهمیتی درکاردر؛ و بناءً علیه - باقیلیرسه -  
 فارقہ ، منطقده ( خاصه = propre = proprium ) دیمك اولور .  
 تصنیف امرنده ( صلاحیت compétence ) منطقك در . بو علمك اسان  
 اصطلاحنده ( تعریف définition ) بهمه حال ( فارقى caractéristique )  
 اولمق کرکدر . یعنی یالکز ( معرف le défini ) . عائد، ومع مافیه اونك  
 بوتون اوصاف تمیزه سنی - ضمناً - ناطق بولونمالی دركه [ بزم شرق  
 منطقینك دیدیکی کی ] افرادی جامع، اغیارینی مانع بر ( تعریف تام )  
 عایدیله بیلین! ایشه اوروپا لسان علمنده ( définition caractéristique )  
 بوکا دیرلر . اوده برشینك فارقہ شخصیه سیله - اوشینك منسوب اولدوغی  
 جنسك - صفت تمیزه سنی برابر ذکر ایدهدك حقدده بر تعریف ویرمكه  
 اوله بیایر. ( تصنیف علمی classification scientifique ) ده بو ( شرط  
 منطقی condition logique ) اساس در . مثلاً :

لاتینجده ( فلیکس felix ) کلهسی بر ( اسم جنس nom commun )  
 دركه ( کدی ) ، ( ارسلان ) ، ( قیلان ) ، ( پارس ) ، ( واشاق ) ودها  
 بوکی بعضی انواع حیواناتی شاملدر . بناءً علیه بوکله بر ( فارقہ جنسیه )  
 عرض ایدر . اونك ایچون یالکز بونکله بر ( تعریف تام ) یاییله ماز .  
 بوکا بر ( فارقہ نوعیه ) دخی تردیف ایدرسك اووقت مکمللاً بر تعریف  
 ویرمش اولورز : ( فلیکس لهئو felix leo ) ، ( فلیکس تیغروم felix  
 tigrum ) ، ( فلیکس دومستیکا felix domestica ) الی آخره!... کی .  
 بوراده برنجی مثال : ( کدی جنسندن ارسلان نوعی ) دیمکدر .  
 ایکنجیسی ینه ( کدی جنسندن قیلان نوعی ) دیمکدر . اوچونجی تکرار  
 ( کدی جنسندن مونس واهلی بر نوع ) معناسنه کلیرکه بزم بیلدیکنمز  
 ( کدی ) دیمکدر .

فضای عثمانیه دن وجتمکان قانونی سلطان سلیمان دوری علماسندن  
 قینالی زاده علی افندی بو تعریف نامه (تعریف اسمی (définition nominale  
 دیور . اخلاق علائی نام اثرنده اونی شو سوزلرله ایضاح اییدیور :  
 ( اولو معلوم اولسون که تعریف ممکن اولماز، آلا ( حد اسمی ) سی  
 ایله که تعریفده اصلدر؛ وحد اسمی ایکی نسنه دن مرکدر : بری ( مابه -  
 الاشتراك propriété commune ) که ( جنس genus=genre ) در؛  
 وبری ( مابه الامتیاز propriété distinctive ) که ( فصل proprium  
 = propre ) در . ]

عثمانلی عالمی ( حداسی ) بی فارق جنسیه ایله فارق نوعیه ویا شخصیه دن  
 مرکب عد ایده رک تعریف کامل ایچون شرط اساسی عد اییدیور که ذاتاً  
 منطقتک تصنیف و تعریفده وضع ایتمیکی قاعده بودر .

( علم حیات biologie ) ده دخی بو تعیر ، اصطلاح اوله رق جوق  
 قوللانیلیر . افراد ویا اجناس حیوانیه بی تمیز ایدن خصوصات عضویه به  
 ( فارق ) دیرلر که یا تشریحی اوله بیلیر، یا خود ( غریزی physiologique )  
 اوله بیلیر . ( biologie تعیرینه باقیکز ! ]

( داروینیزم Darwinisme ) مباحثده ( عضوی organique )  
 فارق لرک ( کسی acquis ) ویا خود ( ولادی congenital ) یعنی ( ارثی  
 héréditaire ) اولوب اولمادیفی موضوعات مهمه دندر وحد ذاتنده غامض  
 بر مسئله علمییه تشکیل ایدر . بوتون مسئله تکامل و تبدلک روحی ( اجناسک  
 لا یتغیر اولماسی l'immuabilité des espèces ) دعواسنک بطلاننده در .  
 اگر اجناسک ( ثابت fixe ) اولمادیفی اثبات ایدله بیلیرسه جنسک دائماً  
 تغیره میال اولدوغی تحقیق ایدر . او تقدیرده فارق جنسیتک - بعضی عوامل  
 واسباب وایجابات تأثیریه - ده کیشمکده بولوندوغنی قبول ایتمکده ضروریدر .  
 بوتبدلات عضویه - نتیجه ده - ممتاز برصفت کاشفه شکلی آلیرده برچوق  
 ( افراد متشابه individus semblables ) آره سنده بر ( کیفیت مشترک  
 qualité commune ) صاییه بیلیرسه، یکی برجنس حصوله کلش اولور .  
 اوحالده ( ثبوت اجناس fixité des espèces ) نظریه سنک بطلانی ده



ظاهر اولورکه داروینیزمک اساس ادعاسی بودر . [ Darwinisme ] لفظنه  
باقیگز ! .. ]


بناءً عایه آکلاشیلورکه هم داروینیزمک هم اوکا معارض اولان اسکی  
فلسفه حیاتیته نك دعواسی فارقه جنسیتک لایتغیر بر کیفیت عضویه اولوب  
اولمادیغنی تحقیق مسئله نه منجر اولویور . فی الحقیقه ده کیشیورسه داروینیزم  
حقلی در ؛ ده کیشمیورسه معارضلری حقلی در .

مع مافیہ فارقه جنسیتک مستعبد تبدل و تغیر اولدوغنی قبول ایدوب  
داروینیزمه حق ویردکن صوکره ( acquis کسی ) اولان بعض قابلیت  
عضویه نك ( ارثاً انتقال se transmettre héréditairement ) ایدوب  
ایتمه دیکي، اك زیاده حلی ملتزم بر مسئله اوله رق اورطیه چیقار ؛ چونکه  
( تبدل اجناس ) مسئله سیله صیقی صیقی به مربوطیتی واردر : فارقه جنسیت  
دیدیکمز شی، اوقابلیات عضویه نك اساسلیجه لرندن مرکبدر . اولر، بعضی  
( عوامل facteurs ) و ( محیط milieu ) ك تأثیریه تبدل ایدیورسه ،  
اولرله بدل پیدا اولان ( قابلیات جدیده capacités nouvelles )  
( کسی ) اولش اولور ؛ چونکه اولجه یوق ایدی ! فقط بو ( خصایص  
کسیه caractères acquis ) اولاد واحفاده انتقال ایتمه دیکي - بر مدت  
اولسون - تقرر ایده مزکه، افراد متشابهه آرهنده بر خصیصه مشترکه  
تشکیل ایده رک فارقه جنسیته وجود، ویکی بر جنسک تولدینه سببیت ویره بیلسین!  
اوحالده [ کسی ارلان خصایص وقابلیات عضویه ارثاً انتقال ایدیورمی؟  
ایتمیورمی؟، ایتمیورسه تبدل اجناس ناصل ممکن اولویور و بو حادثه نره دن  
ظهوره کلیور؟ ] بوسوالده بر جواب ویرمه لی در ! ..

بومناقشه منحصر آ داروینیزم طرفدارلری آرهنده پیدا اولش و حرارتله  
دوام ایتمشدی . هله مشهور فیلسوف ( سپنسر H. Spencer ) ایله آلمان  
علمای بنامندن ( وایسمان Weismann ) ك بوخصوصده مباحثه لری عالم  
هرفانی چالقالامشدی . ( hérédité , acquis و transformisme ) تعمیر لرنده  
تفصیلاته باقیگز ! ]

( صنایع نفیسه beaux-arts ) ده دخی ( la caractéristique )

تعبیری قوللانیلیر وېك مهم بر نظریه صنعتله علاقه دارد . بر شیده ،  
 على الخصوص بر چهره ده اك زیاده ( هویت شخصیه ) یی تشکیل و تمثیل  
 ایدن صفت کاشفیه ( فارقه ) دیرلرکه صنعتده - اصطلاح معناسیله -  
 ( ادا expression ) دیدکری ینه بودر . بالخاصه بو صفت فارقه یی ابراز  
 ایتك طرفداری اولان بر نظریه صنعت واردر . ( بوخصوصده تفصیلات  
 ایچون بالخاصه esthétique کلمه سنه باقیگز ؛ beaux-arts تعبیرنده دخی  
 بوکا دائر بحث واردر : هیکل تراشلق و تصویر حقنده ویریلن ایضاحاته  
 مراجعت ایدیگز ! ]



Cardinales ( vertues )	فرانسوزجه آلمانجه انگلیزجه ایتالیانجه	Cardinales ( vertus ) Kardinal-tugenden Cardinal virtues Virtù cardinali
---------------------------	--	---

بالجمله اعمال حسننه نك مبدائی و هر نوع فضائلك ارکان اصلیه سنی کشف  
 و تعیین ایده بیلمك ایچون افلاطون و ارسطو کیی اك بو بوک فیلسوفلر برخیلی  
 دوشونمشلر، مناقشه ایتمشلر و باشلیجه فضائلك نه اولدوغنه دائر فکرلری  
 یازمشلردی .

فقط فیلسوفلری بو وادیده تدقیقات اجرا سنه سوق ایدن البته سقراطك  
 تأثیری ایدی . بو خارق العاده آدم ظهور ایتزدن اول فلسفه، آنجق جوهر  
 مکونات و ( اول الاوائل archée ) تحقیقنه حصر نظر ایتشدی . ( بو تعبیره  
 باقیگز ! ] سقراط، معنویت انسانیه یی اك مهم مسئله حکمت اولوق اوزره  
 هر بحثه تقدیم ایدر ك علم روحك و علم اخلاقك تولدینه سبب اولدی . بو  
 جریان، عالم صرفانده وقوعه كلن انقلاباتك اك بویوکی و اك خیرلیسی صاییلور .  
 سقراط، ( تعلیمات شفاهیه enseignement oral ) ایله اکتفا ایدوب  
 هیچ بر کتاب یازمامش ایسه ده کندیسنك اك صمیمی شاگردلرندن مشهور

( قسه نوفون Xénophon ) ك روايته نظراً بيلپورزكه فضائلى تمين  
و تصنيف ايتكم اونك هميله باشلامشدر. نظر نده ( علم و عرفان connaissance )  
ايه ( حكمت = sagesse ) و ( سعادت = bonheur ) بر ايدى.  
حكمتك اساسى دنخى ( نه وسه وى يا = εὐσέβεια ) يعنى ( الله صايى سى )  
ايدى . آ كلاشليوركه بو حكيم يونانى ( رأس الحكمة مخافة الله ) دستورنى  
فلسفه نك مبدأى اولمق اوزره قبول ايتمشدى . بوسوزك، حضرت سليمان ابن  
داوود لسانندن صادر اولدوغى معروف و مشهور در .

شيمدى بو صورتله تلقى اولونان علم، فضيلت عمل ايله دنخى برله شنبه  
— سقراط نظر نده — ( σοφία = صوفى يا ) يعنى — اك علوى و شموللى  
معناسيله — حكمت اولور دى .

انظار حكما آرتق بوجهته منصرف و بومستلهيه منعطف اولدقدن صوكره  
ممتاز فيلسوفلر او خصوصه بيان فكر ايتكدن كندليرنى آله ماديلر .  
سقراطك اك شهرت شعار شا كردى و دنيانك اك بويوك دهاته متفكر يتندن  
برى اولان ( افلاطون Platon ) ، استادينك بو فيضبار فكرليرنى آلدى  
و — عادى وجهه — ( اعمال élaborer ) ايدرك متضمن اولدقلى معانى  
مهمه ينى استخراج ايله دى، و اونلره دهامكمل برشكل و بردى. على الخصوص،  
بومباحثى، كندى اثر تصورى اولان ملاحظات بسبقولوزيه اسناد اينديكى  
ايچون بوسوتون مال ايديندى و حقيقتاً كندينه مخصوص بر نظريه فلسفيه  
وضع ايتمش اولدى .

( روح ) كه سنده ايضاح اولوندوغى اوزره، افلاطون، انسانده اوچ  
نوع ( نفس esprit ) تصور ايدى و هر بيرينه هائداولان وظيفه يى ده بيلديريور  
ايدى: ( نفس بهيميه = نه پى تى مى يا = ἐπιθυμία ) ، مشتبهات حيوانيه مزى  
اداره ايدن روح ايدى، و بزم قارنمزده مكان طوتمشدى . عقلك حكمنه  
اتباع ايدنجه، ( صوفروسيى = σωφροσύνη = tempérence ) يعنى  
عفت ( ايله حركت ايتمش اولور دى كه اوندن بكه نيلن ) ( فضيلت ) آنحوق  
بودر . ايكنجيسى ( نفس غضبيه = ثى موس = θυμός ) ، ( احتراصات  
passions ) مزك منبعى اولان روح ايدى . اوده كو كسمزده مكن ايدى.

عقلك حكمنه اتباع ايدنجه بوندن ( آندری یا )  $\alpha\nu\delta\rho\epsilon\acute{\iota}\alpha$  = courage = Cardinales ( vertues )  
 = شجاعت ) دیدیکمز فضیلت ظهور ایدردی . نفوسك اعالى سی وحتی  
 - لایموت اولمق اعتبارله - ( لاهوتی divine ) اولانی ( نوس =  $No\acute{\upsilon}\varsigma$  =  
 intelligence = عقل ) ایدی . بونك مرکزی ده ( دماغ =  
 le cerveau ) ایدی . اعتدال اوزره حرکت ایتدجکه، یعنی قوای سائر  
 انده زبون اولمادجقه اوندن حکمت صادر اولوردیکه عاقله نك ده فضیلتی  
 بودر . بوسایه ده نفوس سائر اوزرینه اجرای حکم و تأثیر ایده رک اونلرک  
 فضیلت مقتضاسنجه فعالیتنی تأمین ایدن عقل در . لکن بونك ایچون، قوای  
 ثلثه آره سنده بر آهنگ تام اولمالی و عقل ، نفوس سائر نك جمله سنه حکمتله  
 حکومت ایده بیلمله لی که انساندن فضیلت اوزره اعمال حسنه صدوری ممکن  
 اوله بیلسین !.

اوندن طولای درکه افلاطون او قوای ثلثه نك ( موازنه  $\acute{e}quilibre$  ) سنه  
 فوق العاده بر اهمیت وریور و بویه بر آهنگ معنوی به ( اک بویوک آهنگ  
 = مه یس تی موسیقی =  $\mu\acute{\epsilon}\gamma\iota\sigma\tau\eta\ \mu\omicron\upsilon\sigma\iota\kappa\acute{\eta}$  ) دیوردی . بر انسان  
 ایچون صوک درجه کمال صاییلان ( اومی بوسیسنه  $\theta\acute{\epsilon}\omega\ \acute{o}\mu\omicron\iota\omega\sigma\iota\varsigma$  )  
 ( الله بکزه یش ) یعنی ( تخلق بخلق الله ) ، ایشته معنویت بشریه ده بویه  
 بر موازنه تأمین ایده بیلمکدی . بوموفقیت قصوایه افلاطون ( ذی که نوسی نی  
 =  $\delta\iota\kappa\alpha\iota\omicron\sigma\acute{o}\upsilon\nu\eta$  = justice = عدالت ) نامی وریور و فضائلک جمله سندن  
 اعلا عد ایدیوردی . دیمک که عدالتی ( اعتدال مزاج ) و ( موازنه قوا )  
 ایله برطوتویوردی . [  $virtu$  و  $moral$  کله لرنده تفصیلاته مراجعت ایدیگز! ]  
 شو تقدیرجه فضائل اصلیه - اسفلدن اعلایه ارتقا ایتک شرطیه -  
 عفت، شجاعت، حکمت و عدالت اولمق اوزره درت نوع اولویورایدی .  
 ارتق بالجمله اعمال حسنه بودرت ارکانه راجع و منجر اولمقدن قورتوله مادینی  
 ایچون بونلره ( فضائل اصلیه ) ده نیلیدی . فقط شایان دقتدرکه بوتیمیر  
 یونانیلرک دکلدرد .

تحقیقات تاریخیه کوستریوردکه، بونظریات اخلاقیه یی - ده بر چوق  
 مسائل فلسفیه ایله برابر - لاتین عالم عرفانه نقل ایدن مشهور ( چیچرون

( Ciceron **Cardinales** ) اولمشدرد. مورخین فلسفه، اولیه ظن ایدیورکه ( آباء خرسیتانیه **( vertues )** ) Pères chrétiens ) آردسندد اعزّه مشهوره دن ( سنت آمبرو آز St. Ambroise ) چیچهرونک آثارنده افلاطونک بو تصنیفی کورمش و تحسین ایتدیکی ایچون خرسیتان فلسفهسنه مال ایتمشدر ؛ حتی، ایلک دفعه اوله رق ( Quatuor Virtutibus Cardinalibus ) یعنی فضائل اصلیه اربه ) تعیری وضع واستعمال ایدن بوذات اولمشدرد. تعیرک اصلی لاینجه ( cardo ) کله سیدرکه، معناسی ( برشی طاقیله جق چیوی ویا چنکل ) دیمکدر . حسنات اعمالک جمله سی بو اصول وارکانه تعلیق اولونه بیله جکی جهته، تعیر اونکته بی متضمن بولونویور .

( سقولاستیق Scholastique ) فلسفه سنده اوزون اوزادی به سرمایه بحث ومقال اولان بونظریه عیناً قبول اولونمقله برابر، کفایتسز کورولوب ( فضائل خرسیتانیه vertus chrétiennes ) نامیله اوچ فضیلت دهاعلاوه ایدیلرک اکمال اولونمشدرکه بونلر دخی ( ایمان la foi ) ، امید ( l'espérance ) ، ( کرم la charité ) - دها طوغروسی صدقه! - دره شو صورتله فضائل اصلیه بی متفکرین خرسیتانیه یدی به ابلاغ ایتیش اولویور. بوکا برده یه جک یوق ؛ یالکز هر دینک ماهیتی تشکیل ایدن ایمان، امید وشفقت وکرم کیبی فضائلک خرسیتانلغه خاص ومنحصر اولماسی دعواسی براز عجائبدر . ایمان اولمازسه اعتقاد اولورمی ؟ . امید اولمازسه آخرت اولورمی ؟ . شفقت اولمازسه اخوت اولورمی ؟ .. هر دینده بونلر ارکان اخلاقیه بی تشکیل ایدن فضائل اساسیه دندر . واقعا دین عیسی، بونوع فضائله زیاده سیله قیمت ویرمشدر . فقط خرسیتانلق البته اسکسی ویاخود یکانه دین دکلدرد . اولاهراهمانیزم وبوددیزم، بو فضیلتلری پک اهمیته تعلیم وتلقین ایتمشدی . نصرانیت، احکام اساسیه سی اعتباریله بوادیانه چوق بگزره . بومشابهتی خرسیتان عاکنک اک نامدار محررینی کشف ایدرک اسبابی تمینه چالشمشلدرد . زمانیز فلسفه سنه کلنجه، فضیلت و نظریه اخلاقیه یه کوره تقدیر اولونور . هر مذهب فلسفی نک ده کندینه کوره برنظریه اخلاقیه سی واردر . ( morale کله سنده بوجهتلر ایضاح ایدلمشدر . )

Cardinales  
(vertues)

حکمای اسلام، فلسفه یونانی‌دن و بالخاصه افلاطون و ارسطو کیی، قرون وسطی عرفانه علی‌الاطلاق تساطن ابدن ایکی بوبوک استادک تأثیر و نفوذ معنویسندن قور توله مادقلری ایچون بوشهور نظریه اخلاقیه - اولدوغی کیی - نزه انتقال ایدوب بوکونه قدر شکل اصلیسینی محافظه ایتمشدر. محقق و مستمدر که هر بلر، یونان فلسفه‌سنی (نسطوری لر Nestoriens) ک (عبرانی لر hébreux) لک ترجمه‌لری واسطه سیله تلقی ایتش ایدیلر؛ اوئاننده دخی افلاطون ایله ارسطونک - اساساً بربرینه ضد اولان - نظریات حکمیه‌سنی - کویا تألیف مقصدیه - یکدیگرینه قاریشدیرانلر چوق اولمشدی. (سقولاستیک scholastique) فلسفه‌سنی، ایشته بو (اقتطافیه eclecticisme) و (تألیفیه syncretisme) زمینی اوزره تئب ایتدی. یعنی بویله ده و شیرمه صورتیه طوبلانیلاں خلیفه معتقدات اوزرینه قورولدی. [بو تعیرانه باقیکنز !]

افلاطونک فضیلت نظریه‌سی بوندن براز متأثر اولدی: (رذیلت = vice) فضیلتک تماماً ضدی اولق کرکدر. ارسطو فضیلتی عمل خیره معطوف برملکه مستقره - نوها - مستحسن بر (عادت = هئیسيس = εἶς = habitude) اولق اوزره تلقی ایدیور و اونى علا الاطلاق (فعالیت = ἐνέργεια = هئزگی یا activité) دن آیریوردی، افراط و تفریطه مضرت اولدوغنه قطعاً قانع بولوندوغی ایچون، فضیلتک مطلقاً او ایکی (حداقصا) اورطه‌سنده تحق ایده بیله جکنی تسلیم و ایله جده تعلیم ایتمشدی. ارسطو لساننده (میسوتیس = μέσότης = milieu) برشیک اورطه‌سی دیمکدر که کله اصطلاح اولمش و: (in medio Virtus) یعنی (فضیلت اورطه یرده در) دستورینی معیار اتخاذ ایدن قرون وسطی فیلسوفلری بوفکرى ارسطودن آلمشدر. بو ادعانک (خیرالامور او سطها) قول شریفنه تماماً مطابق دوشدوکنی ایضاحه حاجت یوقدر.

ایشته افلاطونک نظریه‌سی بو دستور ایله تسویه و توزین ایدلدکن صوکره فضائل اربعه‌نک طرف افراط و تفریطه بر رذیلت تعین ایتش و بوضورتله آزیجق (معدّل modifiée) اولان نظریه هم عرفان نصرانیه،

هم عرفان اسلاميه عیناً کجوب مظهر قبول اولمشد . حتی بوتون نظریات اخلاقیه نك اك صاغلام سرمایه سنی تشکیل ایتمشد .

Cardinales  
( vertues )

متفکرین عثمانیه دن و سلیمان قاتونی دوری علماسدن قینالی زاده علی افندی مرحومک ( اخلاق علائی ) نامیه مشهور اولان کتابنده او نظریه ایسته بو شکل اوزره عیناً مندرجدر . مؤلف موصی الیه بوفکرلری عیناً ( اخلاق جلالی ) و ( اخلاق ناصری ) ده بولوب عثمانلیجه یه نقل ایتدیکنی صراحتاً سوبلویور . یالکمز شوقدرجق برفرق وارکه ( فضائی اوچ صنفه تقسیم ایتدکن صوکره تکرار اونلرک مجموعنی بر صنف دیگر عد ایده رک اصناف فضائی درده چیقارمقده ) معنا کورمیور . یعنی - طولانی سی ایله - افلاطونه اعتراض ایتش اولویور .

عثمانلی حکیمنک ملاحظاتی عیناً نقل ایدیورم :

( ..... اصول فضائل بو درت خلوقدر ؛ اعنی : حکمت و عدالت و عفت و شجاعتدر . بو فضائل اربعه که اعتدالدر ، هر برینک ایکی طرفی - اعنی : طرف افراط و طرف تفریطی - رذیلتدر ..... الی آخره ! .. و بو ، اول تقریردر که خواجه نصیر طوسی ( کتاب اخلاق ناصری ) ده ایراد ایله دی ؛ و امام ربّانی ، مرشد الکمل ، حجة الاسلام ابو حامد محمد الغزالی حضرتلری دخی ( کتاب احیاء العلوم ) نده بو اسلوب اوزرینه ایراد ایله دی . ومع هذا دیدیلر که : عدالت خالق ، حکمت و عفت و شجاعتک اجتماعدن حاصل اولور ؛ زیرا بو اوچ خلق ، مجتمع ، متمزج و متسالم اولیجق ، اوچنک ترکیبندن برحالت متشابه حاصل اولور که اول فضائلک کمالی و تمامی اولوب آکا ( عدالت ) تسمیه اولونور . انتهى کلامه ! )

ایسته نصیر طوسی و امام غزالی یه عطفاً نقل ایتدیکی شو نظریه عیناً و تماماً افلاطونکدر . علی افندی اونک آنجق بر نقطه سنه اعتراض ایدیور ؛ بوفکرلرک منشأ حقیقیسندن غافل اولمادینه دائر بزه قناعت ویره بیله جک برطور دخی کوسترمیور . یالکمز سوزده دوام ایدوب دییور که :

( لکن مخفی دکلدر که عدالت ، اول اوچ خلقدن مرکب اولیجق ، عدالتی اقسام خلقدن بر قسم مستقل ، و اول اوچ قسمه مقابل عد ایله مک

Cardinales  
( vertues )

موجّه دکلدر . زیرا مشهور در که ، مقسمده و اقسامده قید و حدت معتبردر .  
اقسام ثلثه یی جمع ایدوب بر قسم دخی « یعنی دهها بر قسم ! .. » اعتبار ایتک  
لایق دکلدر . مثلاً : کله یی اسممه ، فعله و حرفه تقسیم ایتدکن صوکره ،  
بو اوچ قسمی بر قسم آخر اعتبار ایدوب ( مجموع اقسام کله در تدر ! )  
دیمک جائز دکلدر . پس ، آولی واحسن اولدر که اصول فضائل و اخلاق  
حسنه یی اوچ قسمه منحصر ایده ووز ؛ و تقسیمیی بو وجه اوزره ایراد  
ایده ووز : [

صوکره ، تمامیه افلاطونک بسیقو لوژیسنه مستند اولان تقسیم مشهورینی  
کندی حسابنه ایلری سور و یور :

( چون انسانده اوچ قوت وارد و بو اوچ قوته نفس دخی اطلاق  
اولونور ؛ بری ( نفس مملکی ) در که مبدأ قوت ادراک و تمیز معقولات  
و مدركات . ایکنجیسی ( نفس سببی ) در که مبدأ غضب و اقدام انتقام  
و شوق تسلط و ترفع جاه و تغلب بوقوتله در . اوچونجیسی ( نفس بهیمی )  
در که مبدأ طالب ملاذومشهیات و واسطه نیل مآکل و مشارب و منا کج در .  
پس اصول فضائل دخی بیاوچ قوته کوره اوچدر . زیرا اگر قوت مملکی  
- تمام حد اعتدال اوزره متصرف اولوب - افراط و تفریطه میل ایلمزسه ،  
اول خلق ( حکمت ) در . اگر افراط اولورسه اکا ( جرّ بزه ) دیرلر که  
( رذیلت ) در . مثلاً : قوت عاقله یی حییل و تزویرات و مضاحک و مسخره لقی  
امورنده عجائب اختراع ایتکه صرف ایله ! . و تفریطی ( بلادت ) در که  
ادراک حقایق و تمیز معقولات ایتکدن عاجز اوله ؛ و افعال محموده یی افعال  
مذمومه دن فرق و تمیز ایتکه قادر اولیه ! . ( نفس سببی ) اگر اعتدال  
اوزرینه تصرف ایدرسه حاصل اولان خلق ( شجاعت ) اولور ؛ و اگر  
افراط اولورسه ( تهور ) اولور که انسان کندوسنی بی نفع تهالکه القبا  
و - مقاومتی حد امکان و دائره قدرتندن بیرون اولان - دشمنله مقابله  
و مقاتله ایدوب کندوسنی یا هلاک یا اضرار ایتکدر . بوقوتک تفریطی  
( جنّین ) در که عقلاً صبر و ثبات مستحسن ، مقاتله و مقابله بمدوح اولان



Cardinales (vertues)  
 یرلرده جزع و فزع قبیح و انہزامِ مَرَبِّ ایدوب (مَحَنَّت) لر زمرہ سنہ  
 داخل اولمقدّر . (نفس بہیمی) نك اعتدالی (عفت) درکہ شرع و عقل  
 تجویز و تحسین ایتدوکی مشارب و مآکل و منا کجده - علی وجه الاعتدال -  
 تصرف و تناول ایلہ مکدر . بوقوتک افراطی (خجور) درکہ دائرۂ شرع  
 و عقلمدن تجاوز ایدوب محرمانی و مکروهاتی تناول ، وفواحش و قبا بحدن  
 تمتع و تلذذ قلمقدّر . بونک تقریطی (خود) در ؛ و خود اولدرکہ بالکلیہ  
 ترکِ شہواتِ مُباحہ ایدوب یا هلاک بدن ، یا انقراض نسل و عَقَب اولمغه  
 مؤدی اولوب (تناکوا .. الخ ! ) حدیث شریفہ مخالفت قیلہ ! .. چون  
 بواج فضائل بر شخصده - توفیقِ آلهی و سعادت نامتناهی ایلہ - مجتمع ، و کوکب  
 سعادت بواجک اجتماعدن ملتمع اولہ ، اول شخص (عَدِل) اولور ؛  
 و بواجک مجموعہ (عدالت) دیرلر ؛ و عدالتک ضدی همان (جور) در ؛  
 وجور ، بواج فضیلتلرک بریسی معدوم اولمقلہ متحقق اولور .. [ الی آخرہ .. ]  
 شو نقل ایتدیکم ملاحظات ، عیناً افلاطونک نظریۂ مشہورہ سی در .  
 عدالتی دہ افلاطون آنجق بوصورتلہ تعریف ایتشدی . بوتون بوشیلر ،  
 دہای یونانی نك شرق و غربہ نہدرین و سورکلی برتأثیر اجرا ایتمش اولدوغنی  
 صراحۃً اثبات ایدر . [ تفصیلات ایچون moral و immoral تعیرلرینہ  
 باقیگز ! ]

Carrefour sensitif      مجمع حسّی

Carrefour  
sensitif

محفظۂ داخلہ تعریفندہ بش طاقم (حزمۂ عصبیہ faisceaux nerveux) دن  
 بحث ایتشدم . [ capsule interne تعیرینہ باقیگز ! ] بونلردن بریسی دہ  
 (حزمۂ احساسیہ faisceau sensitif) ایدی . بونی تشکیل ایدن (الیاف  
 بیضا fibres blanches) ، (حساسیت عمومیہ sensibilité générale) نك  
 یعنی حنّ لمسک ، و (سامعہ l'ouïe) ، (ذائقہ le goût) ایلہ (شامۂ  
 l'odorat) نك الیاف ناقلہ سندن مرکب ایدی . بوتون بو حزمہ لر ، محفظۂ

**Carrefour sensitif** داخله دن چيقاركن ( سرير بصري couche optique ) و ( جسم ركي )  
 ( corps genouillé ) لرك اليافي ايله برلشه رك دها زياده قالينلاشيور .  
 بوصورتله بوتون حواس بشريه نك الياف ناقله سي اونقطه ده برلشديكي ايچون  
 — معاصرین اطبادن وكاشف لردن — متوفى ( شاركو Charcot ) دماغك  
 اوقطعه سنه ( مجمع حسی ) نامنى ويرم شدركه يالكز تشبیهى برتعیير مجازى  
 دكل، حقیقتآده اوبله در .

Caryocinèse  
 یاخود  
 Caryokinèse

قاربوكینهز Caryocinèse یاخود Karyokinèse

یونانی ده ( قاریون = κύριον ) نوّه یعنی چگیر دك دیمكدر؛ ( كینین  
 = κινεῖν ) ده حرکت معناسنه کلیر . تعییر بو ایکی لغتدن مرکبدر ؛  
 چگیر دكك انقسامی دینك اولور . ( بیولوژی ) یعنی علم حیات اصطلاحاتندندر .  
 ( حُجره cellule ) نك اك ( عادى ordinaire ) طرز انقسامی بودر ؛  
 اورطه یرنده — نوعما ئوزونی تشکیل ایدن — نوّه ایکی یه آیریله رق ، بر  
 حجرة ایکی دانه اولور وبوصورتله تولد وتکثر ایدر . ایشته بو حادثیه  
 ( قاربوكینهز ) دیرلر . [ تفصیلات ایچون cellule تعییرینه باقیکنز ! ]

Cas de  
 Conscience

مالت شعوریه ( امر وجدانی ) Cas de Conscience فرانسزجه  
 Case of Conscience انکلیزجه

بوتعییر اصطلاحی، ( حالت شعوریه ) ترکیبی ايله ترجمه ایدلش ايسه ده  
 طوغرو دکلدر، زیرا بوراده ( conscience ) کله سی بسیقولوجی معناسيله  
 قوللانماشدرکه شعور لفظی ايله ترجمه سی مقصوده مطابق اوله ییلسین !  
 تعییر مذکور علم اخلاق اصطلاحاتندن در ؛ بناءً علیه ( conscience )  
 کله سی بوراده — اخلاق لسانیه — ( وجدان ) دیمکدر . اونك ایچون

( امر وجدانی ) دیه ترجمه ایدلمسی لازم کلیر . فرانسز لساننده ( شعور )  
و ( وجدان ) فرقنی ادا ایدم جک باشقه کلملر اولمادینی ایچون بعضاً  
بویله یا ککشلقلر وقوعه کله بیلور ؛ حالبوکه انکلین جهده ( قون شهنس =  
conscience ) منحصرآ ( وجدان اخلاقی ) دیمکدر . ( شعور ) ایچون  
( قون شهنس = consciousness ) کله می واردر که عینی اصلدن کلیر .  
احکام اعتقادییه کوره عمل ایتک خصوصنده انسانی ترده دوشورن  
وایفای وظیفه ارادتی تعطیل ایدن بر مسئله اخلاقییه ( امر وجدانی )  
دیرلر که اصطلاحدر . بوکی ( احوال خصوصیه cas particuliers ) ده  
اخلاق اوامر و نواهی سنی تطبیق ایدم بیلیم قولای دکلدر ؛ چونکه  
قواعد مذکورنک اورتولو احوال و مسائل جهه تطبیق صریح و قطعی  
دکلدر . اوندن طولایی انسان نه یاه جفنی، ناصل حرکت ایدم جکنی شایریر .  
حالبوکه ( امور وجدانی ) ، زیاده سیله مُبرِم و در حال حل اولونماسی لازم  
بر طاقم مسئله تشکیل ایدر ؛ اونلر حضورنده تعطیل ارادت ایدوب لاقید  
قالقوده پک ممکن دکلدر . ظریف لسانم زده بو حالتی بیان ایچون معنادار  
بر تعبیر واردر : ( انسانک ایچنی گهمیریر !! ) دیرز . ( اظهاری کوچ ،  
اضمار کوچ ، تغافل ممنوع ) بر مسئله در .

مبادی اخلاقییه توفیق حرکت ایدن وظیفه پرور بر چوق آدملر ،  
نیجه نیجه دفعه لر بویله حلی کوچ مسائل وجدانیه حضورنده متحیر قالمشله  
وبو وضع مترددانه نک نه قدر موجب اضطراب اولدوغنی کندنی نفسلرند  
تجربه ایتمشلدر . مثلاً : بر طیب ، معاینه و تدای ایتدیک خسته لرك عیبی ،  
قصورنی هیچ کیسه یه سویله مه ملیدر . مسلکته تعلق ایدن اسرار بی فاش  
ایتمه ملی در . ( secret professionnel ) حقنده کندیسنه تنیه اتده بولونولش  
وبو خصوصده یمین تکلیف ایدیلوب سوز آلمش اولدوغندن طولایی کتم عیوب ،  
طیب ایچون بر ( وظیفه devoir ) در . لکن ، مرداروساری بر خسته لغه  
مبتلا اولان بر آدم ، تمیز برعائله ایله پیدای صهریت ایدم جک اولسه او طیب  
نه یاپسین ؟ .. بالذات تدای ایتکده بولوندوغنی او آدمک فنا حالده معلول  
اولدوغنی - علاقه دار بولونان عائله یه - کیدوب سهویه مه سین می ؟ ...

سویله مرسه، انسانیت قارشى جنایت ارتکاب ایتش اولمازى ؟ .. سویله سه  
- کتم عیوب ایده جکمه دائر - ویردیکی یمنه حاث اولمازى ؟ .. هیچ  
برشى یایماق ممکنى ؟ .. وجدانک لومندن ناصل قورتوله بیلیر ؟ .. خصوصاً  
زمان غائب ایتمه کلز .

کذلک برناموسلی آدم برعائله نک حیاتی، حیثیتی محو و بر باد ایده بیله جک  
بعضی اسراره - هر هانکی بروسیله ایاه - واقف اولویرسه، و بو خصوصده  
هر تورلو ش-بهی مضمحل ایده بیله جک و نائق مادیه دخی اینه کچسه،  
نه یایمالی ؟ .. ناصل حرکت ایتلی درکه هم لازمه اخلاقیه یی رینه کتیرمش  
اولسون ؟ همد کندی وجدانک لوم و تویخنه معروض قالماسین ؟ ..  
علی الخصوص هیچ کیمسه یه بوندن ضرر ترتب ایتسین ؟ .. الی آخره ! ..  
ایشته بو کبی احوال و دها بر جوق امثال ممکنه سی، برر ( امر وجدانی ) درکه،  
بهمه حال حلی مطلوب مسائل مبرمه شکلده ذهنه معروض بولونور . واقعا  
انسانک معین بروظیفه یی حسن ایفا ایده بیلمه سی ایچون - شرائط معینه  
داره سنده - ناصل حرکت ایتمه سی لازم کله جکنى بر درجه به قدر او کره تیر  
بر ( علم وظائف ) ( déontologie ) وار، رکه ( اخلاق عملیه ) ( morale pratique )  
زمره سنده داخل بر شعبه صاییه بیلیر . لکن مع التأسف بو مبحث، آنجق  
( قواعد رسمیه ) ( règles formelles ) یه مستند، و بر طاقم ( امور عامه  
faits généraux ) حقنده بعضی وصایای جامعدر . خصوصاً بو علمک  
اکثر احکامی، نقطه نظره کوره ده کیشه بیلیر . فقط کوچلک بوراده دکلدر؛  
یوقاریده ویردیکم مثالر کبی احوال مزعجه حض-ورنده ناصل حرکت  
ایته لی یز که وجدانمز مستریخ اوله بیلسین ؟ رسمی قاعده لر حکم سزدر ؟  
چونکه او، شکلات وجدانیه قارشیدنه اصل قطعی بردستور حرکتیه محتاج  
بولوندوغمز زمان بزی متردد و متعیر براقیور . یکدیگریله متناقض بر سور و  
اوامر و نواهی آره سنده ذهنمزی نه زیور .

ایشته ( تنازع وظائف ) ( conflit des devoirs ) دیدکلری حال  
و وضعیت بودر . قرون وسطاده بالخاصه وظائف دینه یه هرشیدن زیاده  
اهمیت ویرلمش اولدوغی ایچون، هر نوع خصوصات محتمله یه تطبیق ایدلمک

اوزره اینجه دن اینجه قواعد حرکت تعیین اولونمش و اعمال بشریه تورلوتورلو اوامر و نواهی ایله صیقی صیقی به قید آلتنه آلتشدی. وجدان بشرک هر تورلو احتمالاته کوره نه کیی میلانلره تابع اوله بیله جکفی، از بردن کس دیرمک دائرة امکان خارچنده برکشف اولدوغی جهته، قواعد عنده ایله وجدانلر تقید ایدلجکه تنازع وظائفی موجب اولان ( امور وجدانیه cas de conscience ) دخی چوغالدی که - دوشونولسه - بونک بویه اولماسی یک طیبی کورولور. بزم عندی تقدیر اتمزله وضع ایدم جکمز قوانین، ( قوانین طبیعی = lois naturelles ) به نه قدر آقیری دوشرسه یکدیگریه اونستنده تعارض ایتملری ضروریدر. ( بو مسئله نك مناقشه تفصیایه سی ایچون loi کلمه سنه باقیکنز! )

بناء علیه قرون وسطاده ( علم حال )، حددن زیاده تفصیل و ( اعمال élaborer ) ایدیلنجه، احکام دینییه توفیق حرکت ایتک ایسته یئر - آدیم باشنده بر - تنازع وظائف کر بوم سنه دوشدیلر؛ اوقدر که بو خصوصده یوز کوسترن مشکلات متنوعه یی بر طرف ایتک و هر کیی - وظیفه یولنده - هدایت ایدرک بو کر یوه تردد واضطرابدن قورتارم بیلیمک ایچون ضرب بر علم ایجاد و تأسیس اولوندی. ایسته اوکا ( la casuistique ) ده نیلدور. ( امور وجدانیه ملاحظه سنده تنازع وظائف واقع اولونجه انسانی طوغرو یوله هدایت ایدم بیله جک اولان علم ) دیمکدر؛ شو تقدیرجه بو، بر نوع علم حالدر. ( casuistique لفظنده ایضاحاته باقیکنز! )

(Casuistique) قرون وسطی سقلاستیق لرینک ایجاد ایتدیکی بر علم ایدی . کله (cas) لفظندن مشتق در . - بوندن اولکی تعبیرده ایضاح ایدلدیکی وجهله - انسان ، ( بر امر وجدانی cas de conscience ) قارشیسنبده تنازع وظائف صیقیتی سنه معروض قالدینی زمان ، اوکا یول کوستروب بر خط حرکت تعیین ایتک ایچون لازم کلن وصایا وقواعدی جامع بولونویوردی ؛ بو حیثتله علم اخلاق ذیلی وتقه سی صاییلردی .

اوزمانلر ، وظائف ، منحصر آ ( دینی religieux ) بر نقطه نظرندن تلقی ایدلدیکی جهتله اک اهمیتیز واک مباح افعال وحرکات عادیه بيله صیقی صیقی به شرائط معینه وقواعد قطعیه آلتنه آلتش بولونویوردی . (علم حال) دائره تعلقی اوقدر توسیع ایتدی و بناء علیه اوقدر اهمیت کسب ایتدی که اونک - قیلی قرق یاران - اوامرونواهیسنی صوروب آ کللامادن سربست نفس آلتنه مازاولمشدی . کلیسانک ( سلطه معنویه autorité spirituelle ) سی بوسایه ده وجدانلری تمامیه حکمنه اسیر ایده رک بوتون اعمال بشریه یی فوتزول آلتنه آلمق یولنی بولدی . بناء علیه هر تورلواعماله بر قیمت مخصوصه ویردی ؛ اخلاقه - نوعما - نرخ قویدی . ( اخلاقون کنیسانیه les moralistes ecclésiastiques ) نك تقدیراتی ( صوری و رسمی formel ) برسورو احکام و ( مبادی principes ) به توفیق معامله ایتک وایتدیرمکدن عبارت قالدینی ایچون - شبهه یوق که - عندی ایدی . اوسبيله طبع بشرک تمایلات اصلیه سنه و اخلاق حقیقیه نك ایجاباتنه او یفون دوشه مزیدی . انسان ، اوقاعده لر نه درجه رعایت ایتکه چالیشیرسه اوقدر تنازع وظائف

Casnistique قارشيسنده بولونوره، وحرکتدن عاجز وعاطل قاليردی . اووقت - بالطبع وبالضروره - وجدانك امرينه تبعيت ايدر ونه يابه حق ايسه اوکا کوره ياباردی . کليسا ، ازلدنبری کنهاکار عد ايتديكي نى بشرى دائما ( وصايت tutelle ) آلتنده طومتق ايسنه ديكي ايچون بويله تنازع وظائفه سبب اولان ( امور وجدانيه faits de conscience ) يه زياده سيله اهميت ويردى . چونكه انسان، اصل بوکي احوال قارشيسنده اوقواعد مجمعه وله نك نزومسزلفنى، حکم مسزلفنى ، حتى ( باطل بديهى absurde ) اولدوغنى آکليور وناچار کندى وجدانه رجعت ايدمك اونك نداسنى ديکليور ايدى . بوکوچوچوگ سربستلک موجب اندیشه اولدى . زيرا وجدان انسانيتى کليسانك سلطه معنويه سندن عاقبت آزاد ايدم سيله چك قدر مهم بر تشبث ايدى . انسانيتک وصى لرى البته بومعه يى نظر دفته آملش - وتنازع وظائف وقوعنده - مسئله يى ينه کندى تنبيه لرى وتقدير لرى وجهله حل ايتک ايچون ايشته بو ( casuistique ) علمى وضع وتأسيس ايتمشلردى .

شايدن دقت درک بوعلم، اعمال بشريه يى صوگ درجه ده ( تنظيم reglémenter ) ايتک يوزندن ظهوره کلن اويغون مسزلفلره چاره ساز اوله ييلمک ايچون اختراع اولونوبوردى . يعنى غير طبيعى تنظيمات اخلاقيه دن متولد اولان مشکلاتى، ينه غير طبيعى بعضى تنظيمات ايله اصلاح ايتک ديمک ايدى . مع مافيه بو حادثه اجتماعيه ، بر چوق ايجابات مدنيه اقتضاسيله وجوده کليش ايدى . معاصر يندن وآمريکا متفکري نندن ( پروفيسور سور ومله Prof. R. N. Sorley ) ايله ( Wenley ) اونك بعضى اسباب موجهه سنى پک کوزل ابراز ايتمشلردر . آمريقان قاموسنده مندرج اولان شوملاحظات پک طوغرودر :

( ملاحظات اخلاقيه ethical reflexions ) ، کيفيت عمل ده انسانى مشکلاته دوچار ايدن امورک مناقشه سيله باشلامشدر . اوتدنبى مؤسس بر ( نظام اجتماعى social order ) نك آهنکى اخلال ايدم چك صورتده حيات حقنده يکي فکر لر پيدا اولونجه، اوتورلو مناقشات اخلاقيه بوسبوتون بارزا اولغه باشلامشدى . نته کيم وقتيله ( سوفسطائى لr sophistes ) زماننده

Casuistique وخرستیانلغك ايلك دورنده اولدوغى كيي ! . انجيل شريفده بوتورلو مناقشاتك برچوق مثاللرى واردر . مناقشات مذكوره ي برمدت صوكره برچوق ( آباء كنيساييه church fathers ) دهازياده ايش كوچ ايديندیلر وبر اصول دائره سنده يوروتدولر . ( ژوستن Justin ) ، ( آطناش Athanasius ) ، ( اوغوستن Augustin ) ودها امثالي كيي ! ]

[ لکن ( casuistique ) كه تعلیمات اخلاقيه ده مستقل و آیری بر علم شكلنی آلماسی برچوق ( اسباب منضمه additional causes ) نك نتیجه سی در . بالخاصه ( اعتقاد وعمل creed and practice ) احكامك منشرعین خرستیانیه طرفندن اعمال ایدلمه سی بر سبب ایدی كه بوتكمالات اون اوچونجی عصرده بویوك سقولاستیق فیلسوفلرینك همتی ايله تمام اولمش و صوك درجه سنی بولمشدی . عقیده اخلاقيه نك کیتدجه آرتان خارجیلکی ( externality ) ( یعنی کیتدجه آفاقی و صوری اولماسی دیمك ایستور ! ]

دخی دیگر بر سبب تشکیل ایدیوردی ؛ بوسیدله قانون اخلاقی ، صرف خارجی بر قانون آفاقی کیي تاقی اولوندی و اویله ظن ایدلی كه اخلاق ، اعمال و حرکات بشریه به متعلق بر چوق احوال وامورك هیئت مجموعه سندن عبارتدر ؛ بناء علیه ( سوائق motive ) ، ( نیات intentions ) و ( اعمال acts ) اولقی اوزره ، امور مذكوره یی عناصره آیرمق و هر برینی منحصرآ تقدیر ایتك ممکندر . كذلك انسانلر دخی صنوف مختلفه یه تقسیم ایدلی . بالخاصه روحانی اولان ( هیئت رهبانیه le clergé = clergy ) ايله صفت روحانی حائز اولمایانلر ( les laïques = laity ) ! ایکی بویوك صنف عد ایدلی . اوقومش اولانلرله ، اوقومق بیلمه یلرده آیرنجه ایکی طاقم تشکیل ایتدی . اعمال و حرکات بشریه دن هر برینك درجه ( مزیتی و مزیتسزلکی mérite et démerite ) غایت قطعی بر صورتده تقدیر ایدیلر كه هر برکناهه — لایق و مستلزم اولدوغی — جزانك مقداری ونوعی تعیین ایدلی . فلاسفه ( رواقیون les stoïciens ) كه متأخرنی — اخلاق نقطه نظرندن — ( واجب obligatory ) ، ( مباح indifferent ) و ( ممنوع forbidden ) اولان اعمالی تفریق و تعیین ایچون تشبثاده بولونمشلردی .



آباء خرسیانیه بوتشبی چوقایلی کورتوردی : ایشله نیلمه سی ممکن اولان کناهلری تصنیف ایتدی . ( اصلی original ) و ( حالی actual ) ؛ ( مهلك mortal ) والی آخره ! . کبی . بو خصوصده ( علم حال manuels de conduite = manuals of conduct ) کتابلری وجوده کتیرلدی ؛ و بونلر بالخاصه کنام چیقارتیلیر ایکن هرکسه باشلیجه رهبر اولمق اوزره ترتیب ایدلمشدی . ( Summa Artesana ) میلادک ( ۱۳۳۰ ) نجی سنه سنده ؛ ( Summa Pisana ) ( ۱۴۷۰ ) نده ؛ ( Summa Angelica ) ( ۱۴۹۲ ) سنده ؛ ( Summa Rosella ) ( ۱۴۹۵ ) نده ؛ ( Summa Pacifica ) ( ۱۵۷۴ ) نده یازلمش مشهور علم حال کتابلریدر . بونلر ( خلاصه Summa ) صورتیه تعلیمات دینی بی موضوعاته کوره عرض ایدیور ایدی . صوکره الفبا ترتیبی اوزره یازلدی . بو رساله لر اعمال بشریه نک و سوانق اعمال و نیاتک الذابجه تفصیلاتنه قدر کیریشیوردی . ]

[ casuistique مناقشه سنک بر مشهور مثالی ، ( جباره tyrants ) نک واجب القتل اولوب اولماسی ] نه دائر آجیلان بحث درکه ( ۱۴۰۷ ) سنه میلادیه سنده ( دوق دورله آن Duc d'Orléans ) ک قتل ایدلمه سی طولایسیله اورطیه آتیلیمشدی . اوزمان پارس دارالفنون معلمیندن ( ژان پتی Jean Petit ) ، بوفعل قتل محق کوروپور و مشروعتی مدافعه ایدیوردی . بو بحث اوزرینه ( casuistique ) علماسی طرفندن او قدر متخالف وضد ملاحظه لر بیسان ایدلدی که - بو خصوصده هیچ بر مبدأ اخلاقی نک بو مناقشاته حاکم اولمادی صراحتاً ثابت اوله رق - خلک و جداتی شبهه لره القا ایتدی ؛ بوعلمه و فضلاسنه آرتق کیمسه اینانماز اولدی . ایشه اوزمان و اوسبیل ( casuistique ) علمی - جعلی و اصلسز اولان شیلرک هپی کبی - کندی کندینه مضمحل اولدی کتدی . زیرا کندی بطلاقی و لزومسز لغی اثبات ایده بیلیمک ایچون کندن قوتلی بر دلیل اوله مازدی . بو غریب علمک سونوب کیدیورمه سیله ( سقولاستیق scholastique ) بناسنک بر دیرمکی دهاییقلدی ؛ معاملات ناس - بر درجه قدر - ( رهبانیت

Casuistique (le clergé) ك قونترولندن، بوسايده قونترول بيلديكى ايجون، تاريخ مدنيت و اخلاق نقطه نظرندن بوقعه نك اهميتى دركاردر .

مع مافيه (casuistique) دن يادن بوسبوتون قالمامشدر . دينا شدتله محافظه كار اولوبده، رؤساي روحانيه، باشي باغلي قالان ملئر عندنده حالا معتبردر . وجدان ناس اوزرنده ( صنف روحاني la classe spirituelle ) نك نفوذ معنويى ادامه وتامين ايدن واسطه لردن برى ده بودر . نته كيم قابليات مدنيه ده ملل مهمه دن هيچ آشاغى قالمايان موسويلر ك ( تالموذ Talmuth ) نام كتابى بك اسكى زمانلردن برى موسويته علاقه دار بولونان ( عنفات traditions ) ك بك زنكيين برخزينه سى اولدوغى كيبي (casuistique) علمك اك مدهش بر حمله نظاماتنى دخى تشكيل ايتكمده در . تقريباً قرق اللى بونوك جلد اوزره مدون بولونان بوكتاب، بر ( آنسيقلوپه دى ) دركه اونده ( نقل tradition ) . عائد برخيلى شيلردن ماعدا (casuistique) تعليماتى بر جوق ير وبويوك برموقع اشغال ايدر . بو علم هر دينده وار ايدى . الهياتك اخلاقيات مداخله سندن - بالطبع - طوغمشدى؛ بناء عليه، ظهورى كينى دكل، بك طبيه بعضى حادثات اجتماعيه نك نتيجه سيدر . يالكز شوراسى شايان دقندر كه مناسبات بين البشرى - ضرورى اولان ترقيات مدنيه نك الجا واقضاسيله - زار زور سربستى اعمالى استلزام ايدنجه ، انسانلر ك اويله هرتورلو اجراآت و حرركاتى قونترول آلتنده بولوندورمق امكانى قالمادى . اوقدر دار بر داتره ايجنده حركت ابد بيلمك ده قابل اولمادى . ديكر طرفدن اكثريت اهالى ده دخى بويله شيلره ايمان آزالدى . حالبو كه بو علمك نفوذ و صلاحيتى خالق ايمانيه قائم ايدى . بوتلكه نك اوگنى آلمق ايجون صنوف روحانيه، معاملات ناسده مساعد طاورانوب تاويل يولنه صايديلر . هر شيه بر حيله شرعيه بولمق لازم كلدى، وتورلو تورلو حركاكه مساغ و يرلدى . بوندن مقصد، هرحاله وجدان ناس اوزرنده ( سلطه رهبانيه autorité cléricale ) يى - ( حق وصايت droit de tutelle ) صورتنده - محافظه ايتك ايدى . بو غيرتك نتيجه سى اوقدر مسخره لغه واردى كه ، آرتق ( argument casuistique ) تعميرى ( ظيرواينى تاويل ايتك ) مناسبه

Casuistique عِلْمِ اولدی ؛ وبالطبع، ایش بو درکیه واردقن صوکره بو لزومسز علم بوسبوتون اورطه دن قالدی .

اسلامیتده ( casuistique ) قطعاً حکمسنز بردرجه ده قالمشدر .  
 بونک اسبابی ده یک آشکاردر . وجدانلری تماماً سربست براققله مدنیتک شرط اساسیسنه رعایتکاربولونان دین اسلام، اعتقادو عمل ایجاباتی یکدیگرندن قطعاً آیرمشدر . احکام اعتقادیه بسیط ومتین و - تعرض اشتباهدن مصون - بر طاقم ( نصوص dogmes ) قطعیه منجر اولدوغی جهته واضعاً بیان و - شروط ایمان واسلام اولق اوزره - تعداد اولونمشدر . افعال مکلفین ، وظائف عبادته حصر ایدلش واده کوچوجوک بر ( علم حال رساله سی ) شکلنده تدوین ایدلشدر . بواواصره اتباع ایتک مسلم اولق ایچون کافی در . حقوق، جزاء حقوق سیاسییه ومدنیه ، اخلاق، آیریمجه علوم شکلنده تدبیر ایدیلرک مکمللاً ضبط وربطه آلمش و اوحییتله مستقلاً ترقی ایتمشدر . بونلرک فلسفه اساسیه سی نصوص دینییه استناد ایتمکله برابر، امور وتکلیفات دینییه دن بوسبوتون آیری ومنحصراً ( معاملات ) . عائد قوانین ونظاماتدن عبارتدر . بو فرق ، تکامل مدنیت نقطه نظرندن غایت مهم در .

[ autorité و scholastique کله لرنده عرفان ومدنیت اسلامیه یه عائد

ملاحظاتیه باقیکنز .! ]

Catalepsie

جمود      Catalepsie      فرانسزجه

Catalepsy      انگليزجه

Katalepsie      آلمانجه

Catalessi      ايتاليانجه

يوناني ده ( قاتا = κατά ) آشاغي ديمكدر؛ ( لپسيس = ληψις )  
دخي ( لام وانين = ληθάναειν ) مصدرندن آلق معناسنه كلير . بو ايكي  
كله دن مركب اولان ( قاتالپسي ) آشاغي آلق ديمك اولور كه قوت وارادت  
انسانيه نك بوسبوتون هبوط ايمه سندن كناهه در .

اصطلاح معناسيله بر ( مرض عصبى maladie nerveuse ) نك  
اسبجي در كه خيلي زماندنبري معلوم ايدى ؛ فقط علمي بر صورتده تحقيق  
وتتبع ايديله مامشدى . نته كيم بوكون بيله اسباب حقيقيه وغيريزه سنه دائر  
آنحقي بعضى فرضيات ترتيب اولونه بيلور .

بوغريب خسته لق ( آنى حمله لر attaques soudaines ) ايله تظاهر  
ايدر . انسان طوروب طوروركن بهوش اولوب دوشر؛ كنديسني بوسبوتون  
غائب ايدر ؛ عضلات وجوده غريب بر ( سرتك ، قاطيلق rigidité )  
عارض اولور : يا على الاطلاق قاصقاطي قالير ويا خود بالمومي كيبي اولور ؛  
ايسته نيلديكي كيبي نه كيلير بوكولور واوشكلده قالير . خسته كندندن كلياً  
ب خبر وتماماً بي ارادت اولدوغي حالده عضلاتي آرزو ايتديكمز وضعيته  
صوقا بيليرزه و آرتق او وضعيتي محافظه ايدر . اصل مرضك ( صفت كاشفه  
la caractéristique ) سي بو غرابتي در . اونك ايچون قرون وسطى  
اطباسي بوكا ( flexibilitas cerea ) نامني ویرمشلردی كه ( بالمومي كيبي  
نه كيلوب بوكولك قابليتي ) ديمكدر .

بناء عليه بو خسته لنی دها سائر بعضی امراض عصبیه ده كوروله بيلن  
( اعراض متشابهه symptomes similaires ) دن قولاييمه تمیز ايتك

Catalepsie نمکندر . عضلاتك بو حالت غریبه سی ایله ( وجد extase ) دن فرق اولونور . فضله اوله رق ( جود ) بردنبه وقوعه کلیر و او وقت در حال حس و عقل منخسف اولور . ( حله جود attaque de catalepsie ) ك حکمی زائل اولوبده خسته کندینه کلدیکی زمان باشنه کلن واقعہ دن قطعاً خبردار دکدر . [ amnésie کله سنه باقیکنز ! ]

خسته بی هوش و بی حرکت دوشوب قالدینی زمان چهره سنده ده هیچ بر معنایه دلالت ایدر بر ( ادا expression ) یوقدر . حالوکه حالت وجده کرفتار اولان بر آدمک نظرند و چهره سنده درین بر ادای ( الهام inspiration ) وارد . ( تتانوس tetanus ) خسته لغندنده فرق پک آشکاردر . بومرضه طو تولا نلرک عقلی باشنده در و ألم طویارلر . ( عکس عمل ac. reflexe ) و حساسیت قابلیتیه ده باقی در . ( تقلصات contractures ) دنده پک قولای تفریق ایدیه بیلیر ، زیرا بو خسته لقمه عضلات اوقدر کرکین و قاطی بولونور که مریضك باشی بر صندالییه طوپوقلریخده دیگر بر صندالییه طایایوبده قارنك اوزربنه بر آدم اوطورتولسه ذره قدر بو کولمز ، خیلی ثقلته مقاومت ایدر . حالوکه ( دام الجود ) حالنده عضلات بالومی کیی در . بو خسته لق بوتون عضلات وجوده بر آنده عارض اوله بیلدیکی کیی ، یالکز بر قسمنده تسلط ایده بیلیر ، و اکثریا بلوغی متعاقب مشاهده اولونوبور . مع مافیہ بعضاً دها کنجلرده و دها اختیارلرده دخی وقوعی کورولمکده در . قادینلر ارککلردن دها زیاده بوکا مستعد و معروض بولوندقلری جهته ( دام الجود ) ایله ( احتناق رحم hystérie ) ك مناسبی اولدوغنه حکم ایدلمکده در . فقط احتناق رحم علاماتی اولمادینی حالده دخی وقوعی چوق کورولمشدر . خسته لقمه حکمی ایکی ساعت و پک نادر اوله رق برکون دوام ایده بیلور .

زیاده سیله غریب اولان بو حالت مرضیه نك اسبابی لایقيله تعریف ایدیه مه مشدر . بونی ( اینوتیزما hypnotisme ) و ( مانیه تیزما magnétisme ) فرضیاتی ایله ایضاح ایتک ایسته ینلر اولمشدی . فقط بویه بالومی کیی - ایسته نیلدیکی شکه قونولان و اوشکی محافظه ایده بیان عضلاتك

شو ( انفعالی passif ) وضعه رغماً ، شدتلی ( مُلکتریق جریانلری Catalapsie courants électriques ) نندن بیله متأثر اولماماسی حَتّی مشکل برعقده عرض ایدیور . دیگر طرفدن ( تلقینات ذهنیه suggestions mentales ) ایله ( حالت جمود état cataleptique ) ی ایقاع ایده بیلیمک امکائی مانیه تیزمائی آ کدیریور . هر حالده ظن اولونویورکه بو مرض عصبی ( قشری المنشأ d'origine corticale ) در . یعنی قشر دماغده کائن اولان حجیراتک فعالیتده بر تغیر وقوعنه عطف اولونمق اقتضا ایدر . احتمالکه ( ارادت volunté ) ک ( مراکز عالیہ centres supérieurs ) سی معطل قالور و ( مراکز سفلیہ centres inférieurs ) ی تنیه ایده میور ؛ یعنی عضلاتی بالفعل تحریک ایدن مرکز لرله مراکز ارادتک مناسباتی وقفه تعطیله اوغرویور . اکر سبب حقیقی ، مهیجاً بوايسه ، دامالجمودی ( تعطیل inhibition ) نظریه سی ایله تعریف ایتک دها ، وافق کورونور . [ بونظریه ایچون inhibition کله سنه باقیکنز ! ]

( اینوتیزما hypnotisme ) ایله دخی حالت جمود ایقاع ایدیه بیلیر ؛ حتی اینوتیزمانک برنجی دورینی بو حال تشکیل ایدیور . ( صنعی دامالجمود catalepsie artificielle ) دیدکری بودر .

بومسئله لرده سوك عصرک نافذالنظر علامه سی اولان مشهور ( شارکو Charcot ) دامالجمودی مستقل برخالت مرضیه اولمق اوزره قبول ایتمشدی . ( hypnotisme ) کله سنده تفصیلاته باقیکنز ! ]

پسیقولوژی و ( psychiatrie یعنی تداوی روحانی ) ده بک چوق اهمیت حائز اولان بو کی بیماری امراض عصبیه نک فلسفه ده روح و ارادت مسئله لرله صیق صیقی به علاقه سی وارددر . بویه برخسته لک امکائی - اسلافک تصور و تعریف ایتدکری - ارادت رد و انکار ایدنلر ایچون دلیل اوله بیلیر . اوندن ماعدا تاریخ مدنیت و تاریخ ادیان ایله ده مناسبتی ظاهر در . قرون وسطاده بوتورلو خسته لقله شیطانک روح انسانه نفوذ و تسلطی ایله تعریف اولونور و زوالی خسته لر طاقم سور و کله نک انکیز یسیون میدانلرنده احراق بالنار ایدیلیردی . حالبوکه بومدهش و باربار مجازات اوتورلوحالاتک

**Catalepsie** تکررینه مانع اولاجاغنه - بالعکس - امراض مذکورہ قرون وسطادہ  
 عنادینہ چوغالشی وبرزمانلر عادتاً ( صالغین *épidémie* ) حالتده حکمفرما  
 اولمشدی . ( جت دینیه *folie religieuse* ) نك بوكاسبب اولدوغنی شارغو  
 ایله طلبه سی ادعا ایدیورلر .  
 [ *analgesie* و *amnésie* کله لرینه ده همان مراجعت ایدیکنز .! ]

<b>Catalepsie</b>	عرب	<b>Catalepsie</b>	فرانسزجه
		<b>Catalexy</b>	انکلیزجه
		<b>Kataplexie</b>	آلمانجه
		<b>Cataplessia</b>	ایتالیانجه

بوتیمیری، آلمان اطباء ی حاضره سندن ( پره یه *Preyer* ) ایجاد و وضع  
 ایتمشدی . بناء علیه بوده اوته کی کبی تغییرات جدیده وحادنه دندر . یونانی ده  
 ( *κατά= قاتا* ) اشاغی دیمکدر؛ ( *plexie* ) دخی ( پلی سین *πλήσσειν* )  
 مصدرندن مشتقد و ( چارپمق، وورمق ) معناسنه کلیر .  
 بوده غریب بر حالت عصیه درکه مرضی اولمقدن زیاده ( غریزی  
*physiologique* ) اولسه کرکدر . اولا ( پره یه ) ( ۱۸۷۸ ) سنه  
 میلادیه سنده بو حالتی تقبع ایتدیکی وجهله اکلاتمش و بونک ایچون ( حالت  
 رعب و حیوانی اینوتیزما = *Die kataplexie und der thierische hynotismus* )  
 عنوانیه - بللی باشلی - برارده یازمش ایدی . بر حیوانک  
 - حرکنه قطعاً مانع اوله جق صورتده - عضلاتی صیقی صیقی به ضبط  
 ایدوب براز اوله جه طوتدقدن صوکره بر اقلینجه او حیوانده بر ( فلج  
 ظاهری *paralysie apparente* ) علائمی کورمش و آرتق قیعلدایه مادیغنی  
 تحقیق ایتمش ایدی . بو حالت غریبه یی مانیه تیزما تأثیرینه عطف ایله برابر  
 یکی بر حادنه اوله رق تلقی ایتدیکی ایچون اوکا ( رعب ) اسمنی ویرمشدی .  
 ( ۱۸۴۶ ) سنه میلادیه سنده - یعنی ( پره یه ) دن اوتوز ایکی سنه اول -

ینه ( کیرخه Kircher ) نامنده بر آلمان، غایت عجائب بر تجربه دهه بولونمندی: Cataplexie بر طاوونگی الریله طوتوب بر تخته اوزرینه یاتیردقدن صوکره اطرافنه تباشیر ایله چیز کیلر چیزمش ؛ براقچه طاووق - زورله کنديسنه ویریلن - او وضعیت ساعترجه محافظه ایتمش و قیملدامغه موفق اوله ماش !!

بوگون بونی - کویا برخارق العاده هنر عرض ایتمک اوزره - حقه بازلر یابوب طور و یورلر . ( پرده پر ) اثبات ایتمش که حیوانک اطرافنه تباشیر ایله دایره لر چیزمک، یاخود دقتی بر نقطه یه توجه و ( ثبت fixer ) ایتمک بو حادثه ده ایکنجی درجه اهمیت حائز شرطلردر . اساس، حیوانک قطعاً قیملدانه مادیغنی حس ایتمه سی و بناء علیه کندی قوتندن یک بویوک بر قدرتمک زبونی اولدوغنی آکلاماسیدر .

بو حادثه ارباب علم آرمسند مشهور اولونجه، قوربغه، کرتنگه، باغوریا، کوکرجین، طاوشان، هند طوموزی ودها سائر بو کبی کوچوک قطعه ده حیوانلرله تجربه تکرار ایدلمش، و - فی الحقیقه - کورولمش که بو حیوانلرک هپسی ده صیقی صیقی به طوتولوبده حرکتدن منع ایدیلنجه برایکی ثانیه و یادقیقه مجاهده ایدوب قور تولغه چالشدقدن صوکره کنیدیلمی بوسوتون اوقوت قاهره یه ترک و تسلیم ایدمک آرتق هیچ قیملدامیورلر و سربست براقیدقاری حالده ( مفلوج paralysé ) ایش کبی تماماً ی حرکت اوله ساعترجه طور و یورلر . آرتق بو بر حادثه مشهوره اولمشدر . شیمدی بونی - اسبایله - تعریف ایچون بر جوق علما بعضی ( فرضیات hypotheses ) ترتیب ایتمشدر . ( دانیه فسکی Danilewsky ) ظن ایدیورکه ( حال رعب état cataplectique ) ، ( اینوتیزما اویقوسی sommeil hypnotique ) نك بر شکلی در . ( پرده پر Preyer ) ادعا ایدیورکه بوحال ( قورقور la peur ) یاخود بر ( صدمه شدید choc intense ) نك ایقاع ایندیکی ( فلجه بکزمه quasi-paralysie ) بر شیدر . عاداتاً بعضی حیوانات ضعیفه نك سباع مده شهیه تصادف ایدوبده زیاده سیله قورقدقاری زمان - سوق طبیعی ایله instinctivement - نولو تقلیدی یابوب قطعاً قیملدامیشلرینه بکزر بر حالت در . سببی فوق العاده قورقودر . خوفک تأثیراتی لایقيله تتبع



و تحقیق ایدن ایتالیان عالمی ( موصو Mosso ) دخی بوفکرده بولنشدر . آلمان علمای حاضره سندن ( فروورن Verworn ) اخیراً بر یکی نظریه بیان ایتشدر . بوعالم، ظن ایدیورکه شو حادثه غریبه یه سبب ، وضعیت ایجاب و ایقاع ابتدیی عکس عملدر . ال ایله طوتولوبده یانیریلان حیوان، خارجدن کان ( مُنبیه لمسی stimulus tactile ) یه بر وضعیت مخصوصه ایله مقابله ایدیورکه واقع اولان تأثیره کوره اتخاذ ایده جکی اک ( موازنه لی وضعیت posture équilibrée ) آنجق اودر ؛ و او وضعیت یه بالارادت دکل ، ( عکس العمل - صورتیه par action reflexe ) آلمش اولویور . بوتقدیرده ارادتک منبئی و مصدری اولان مراکز عالیه تعطیل امر ایدیور : حرکت مرکز لرینی او یاندیره میور، و بناء علیه حیوان آلدینی وضعیت ابتدایی یه ماول مدت محافظه ایدیور . اونک اینچون بو فرضیه یه بالذات ( فروورن ) ، ( عکس عمل وضعیتی Lagereflex ) دیمشدر ؛ و البته دها علمی برگوروشدر ؛ چونکه منحصرأ ( غریزی physiologique ) بر تعریف در .

بو حادثه غریبه نك ( عکس عمل ac. refl. ) نظریه سی ایله تعریف اولونه بیلمه سنی تسهیل ایدن بر تجربه دها وارکه اوده شودر : دماغی قلع اولونمش، یعنی کیلوب جیقارلمش اولان قوربغه لر پك جابوق حالت رعبه دوشویورلر و آلدقلمی وضعیتی پك اوزون بر مدت محافظه ایدیورلر . چونکه دماغک مراکز علویه سی کیلوب آلمشدر ؛ هر حالده کیفیت بو صورتله تعریف اولونونجه ، دها بر چوق حادثات متشابهه یی ده شامل اولوب تنویر ایده بیلیر . مثلاً هر کسجه معروف اولان بر حادثه واردر : بویوک بر قورقو ، انسانده حرکت مجال بر اقاماز . بزم ظریف لسانمزده بونی پك کوزل بر اسلوب مجازی ایله افاده ایده رز : ( دیزلرمك باغی چوزولدی ! آلیم آیاغم کسیدلی ! ) دیزر . ایشته رعبك علی العموم معروف اولان مثالی بودر . حتی حیواناتده دخی تورقوسبیلله بو حالتک وقوعی کورولویور . آت، اوکوز، طاغ کچیی کیبی حیوانلر ، آرسلان بوکورمه سنی ایشیدیر ایشتمز حرکتدن عاطل قالیورلر و قاچه میورلر مش ..

بوتون بوحدات، بر ( صدمة عصبیه choc nerveux ) نك ( عكس Cataplexie عمل reflexe ) ايقاع ايتكم صورتيله تعطيل اراده سبب اولدوغنه و مراکز علویه ايله مراکز حرکت آره سنده کی ( جریان عصبی flux nerveux ) بی کسوب طور دوردوغنه حمل اولونه بیایر .

بر قارا کلق او طده بردنبره شدتلی بر لمعه ضیا جلوه کر اولونجه دخی بعضی کیمسه لر خصوصاً چو جوقلر بردنبره حالت رعبه دوچار اولویورلر . صمت و سکون انجده آکسزین بر طراقه مدشه حس اولونماسی ده بعضی عصبی آدملرده ( cataplexie ) یه سبیت وریور، بو احوالک جمله سی ( صدمة choc ) ايله واقع اولان ( inhibition ) نظریه سیله تعریف اولونه بیلیر ؛ بو تعریف - بنم اعتقاد بجه - سائرلرندن معقولدر [ hypnotisme ] کله سنه باقیکنز !

بو تعیریک دخی تعلق ابتدکی مسائل همه، اولاً ( پسیقو-فیزیولوژی ) علمنک الک غامض مباحثنی تشکیل ایدر . بناء علیه طولانیسیله فلسفه ايله علاقه داردر . بالخاصه ( ارادت Volonté ) مسئله سنه تعلق آشکاردر . [ بونک مناقشه سی ایچون libre-arbitre تعیرینه باقیکنز ، عالم خارجی نك موجودیتی مثبت بر دلیل اولماسی اعتباریله hypnotisme کله سنه مراجعت ایدبکنز ! ]

Cataracte

آره صر، مار Cataracte

گوزک ( جسم زجاجی caristallin ) سی - بعضی اسباب مرضیه نتیجه سی اوله رق - شفافیتی ضایع ایدر و بر بیاض پرده کیی رؤیت مانع اولور . بو عارضه مرضیه یه ( cataracte ) دبرلر ؛ بر ( عملیه جراحیه opération chirurgicale ) ايله او طبقه کشفه آله رق قابلیت رؤیت اعاده اولونه بیلیر . عوام ناس بونی ( آق صو ) دیه تعیر ایدر ؛ اکثریا ( پرده ) تعیری زبازددر .

بعضاً ( ولادی congenital ) اولدوغی واردر : آمان طوغمه

گوزلری پرده لی چو جوقلر نادر دکدر . حد ذاتنده بو ( حادثه مرضیه  
 phénomène pathologique ) نك فلسفه مباحثه - طوغرودن  
 طوغروه - هیچ بر علاقہ سی یوق در؛ مع مافیه گوزلری آنادن طوغمه  
 برده لی اولوبده مدت مدیده احوال اوزره یاشامش وبالا آخره عملیات جراحیه  
 سایه سنده کورمکه باشلامش بعضی کیمسه لر اوزرنده اجرا ایدیلن تجربه لر  
 بسیقولوجلرک نظر دقتی جلب ایتشدی . حواس سائرہ سی سالم، عقلی باشنده  
 بر آدمک ایلک دفعه اوله رق موجودات خارجیہ نی کورمه سی و ( مکان  
 l'espace ) ی ادراک، اشکالی تفریق و اشایی تمیز ایتمه سی بر جرق مسائل فلسفیه  
 حقنده ترتیب ایدلمش اولان بر طاقم فرضیاتک مبهم نقطه لر نی تنویرہ هر حالده  
 خدمت ایدہ بیله جکی ایچون، فیلسوفلر بو تورلو تجربه لرله جدأ علاقہ دار  
 اولمشلردی . اصطلاحات طبیه دن اولان بو کلمه نك قاموس فلسفہ ده ذکر  
 ایدمه سی او علاقہ طولانیسیله در .

فلسفه نك ( مبحث معرفت épistémologie ) قسمندہ ( ادراک  
 perception ) مسئله سی، اک اساسی واک غامض بحثی تشکیل ایدر .  
 بسیقولوجی ده دخی ( مسافه نك باصرہ واسطه سیله ادراک اولونماسی ) نك  
 جدی مناقشاته سبیت ویرمش بر بحث در؛ ( مسافه distance )، مکانک  
 ( بعد ثالث troisième dimension ) ی در . بو اوچونجی بعدی آنی  
 اوله رق [ یعنی بلا واسطه محاکمه immédiatement ] ادراک ایدوب  
 ایتمه دیکمز شدتله موضوع مناقشه اوله کلشدر . [ بوتون بو تعیرات فرانسویه  
 باقیگیز !.. بو مسئله ده دائر ایضاحات واردر ! ]

اوتہ دنبری بعضی فیلسوفلر اوله ظن و ادعا ایدیورلردی که مکان دفعه  
 و ( تلمدسی اوله رق intuitivement ) ادراک اولنمقده در : ( گوزومزی  
 آچار آچار بر لحظه ده بر شیئک دیگر برشیدن ده اوازاق بریرده بولوندوغنی  
 در حال آکلارز ! . بونده محاکمه ذهنیه یوقدر ! . [ دیورلردی . سوکره  
 ( تحلیللات بسیقولوجیه analyses psychologiques ) ایلہ ثابت اولدی که  
 بوطن یا کلشدر . بالخاصه بعد ثانی ادراک خصوصندہ غایت سریع بر محاکمه  
 سبق ایدیور . فقط ( غیر مشهور inconscient ) اوله رق وقوعه کلدیکی

ایچون بز اوندن خبردار اوله میورز . بوندن ماعدا شو حقیقت مهمه کشف Cataracte اولونه بیلدی که مکانی، بز، یالکز ( باصره la vue ) ایله ادراك ایتمیورز ؛ حرکات مزده بو خصوصده کلّی دخلی واردر . [ espace کله سنه ده باقیکز ! ] حتی باصره ایله مکانک ادراك اولوندوغنی کلیاً انکار ایدنلر وار .

ایشته گوزلری آنادن طوغه پرده لی اولوبده صوکرده دن آچیلان وکائناتی ایلك دفعه کورن آدملرک ایلك ( تجربه احساسیه experience sensitive ) سنی تدقیق و ملاحظه ایتک بو مسائل فلسفیه یی تنویره — بر درجه یه قدر — خادم کوروندی ایدی . صوکره لری برچوق بویوک فلسوفلر، بوتجربه لره فضله اهمیت ویرلش اولدوغنی آکلادیلر . زیراجداً موجب استفاده اوله بیله جک نتیجه لر نادر ایدی . چونکه بو خصوصده شایان اعتبار تجربه لر یابه بیلیمک پک کوچ اولدوغنی کیچی کوزلری پرده لی اولان کیمسه لرک بوسبوتون قابلیت رؤیتدن محروم اولمادقلری ده محقق در . جسم زجاجی نك تمامیه تکاثف ایتهدیکی و بناءً علیه براز سنز مکه مانع اوله مادینی ثبوت بولمشدر . اوسبیلهدر که هر حالده بوخسته لر اوزرنده یابیلان تجربه لر — امید اولوندوغنی درجه ده — فائده ویرمه مشدر . [ perception visuelle de la distance تعبیرنده بوتجربه لر تفصیلاً ذکر اولونمشدر . باقیکز ! ]

Catéchisme

فائده شیرما Catéchisme

خرستیانلغک بدایت ظهورنده اک اول جهله عوام و فقرای خلقدن بویکی دینه آدملر انتساب ایتمکه باشلامشدی . ذاتاً حضرت عیسانک تعلیمات شفاهیسی — آنجق حواریونک غیرت خارق العاده سی ایله — قطعی بر دین شکیلی آتش وبالخاصه مظلوملرک و سفیللرک دینی اولمق ادعا سنده بولونمشدی . اصل ( اخلاقی — اجتماعی ) قوتی بالخاصه بوایدی . اولاً — کمال احتراز ایله — برر برر، بمضی کیمسه لر کلوب خرستیان جماعته داخل اولدقلری حالده ، چوق کچمه دن سورولرله آدملر ارادت کوستردیلر ؛ اوقدرکه

حواریوندن ( پترو Pierre )، یوزلرجه خلقی بر ایکی ساعت ایچنده خرستیان ایدیورمش ایدی . بونک ایچون اوزون اوزادییه تعلیماته وقت اولمویوردی ؛ ذاتاً اوزمان عقاید خرستیانییه دخی پک بسیط برحالده ایدی . بدایت امرده بر قاج بالقجی فقراسندن عبارت اولان جماعتی بویونمک وقوتلندیرمک ایچون بویله علی العجله بت پرستلری قبول ایدیورمکده بویونک برمحظور اولدوغی تحقق وتیین ایتدی : بویکی خرستیانلر - صفوت و صلابت ایمانلرینه رغماً - اساساً جاهل وینه بت پرستلکه مائل بولونویورلردی . بویکا چاره ساز اوله بیلیمک ایچون بر مؤسسه تشکیل ایدلدی که اوکا ( catéchèse ) و ( catechuménat = قاته کومهنا ) دیرلردی . بونک وظیفه سی احکام وعقائد دینییه قیصه وموجز برطاقم ( نصوص dogmes ) شکلنده هرکسه وبالخاصه چوجوقلره اوکرتیمک ایدی . بو مؤسسه بوتون جماعت نصرانییه تک تربیه دینییه سنی درعهده ایتمش اولدوغندن طولانی فوق العاده براهیمیت قازاندی؛ فقط آنجق اون برنجی عصر میلادیده لایقیه تکمل ایده بیلدی . قاتولایق مذهبیک ( دورانتباه Renaissance ) ی ساییلان اون ایکنجی واون اوچونجی عصرلرده بوتعلیمات دینییه مکمل بر حاله افراغ ایدلدی وبوتون جماعت خرستیانییه ده تربیه اطفال تعلیمات مذکوریه قطعاً تابع طوتولدی .

اک اول - ( خلاصه دیانت خرستیانییه = Sommaire de la religion chrétienne ) عنوانیه - منتظم بر ( قاته شیزما ) یازان ذات ، ( آباء یسوعیه les pères jésuites ) دن ( قانیسیوس Canisius ) نامنده بر پاپاس ایدی و او ( علم حال رساله ) سنی، مشهور ( شارل کن Charles Quint ) ک امریه ترتیب ایتمشدی که سلیمان قانونی دورینه تصادف ایدر .

واتعا ( پروتستانلق le protestantisme ) ک ظهوری ائتمسندنده بو ( علم حال ایله تربیه دینییه ) غیرتی فوق العاده بر درجه نی بولمشدی . پروتستانلر هر طرفده موجز و صریح ( علم حال رساله لری ) طاغیته رق یکی اعتقادی کرکی کیی نشر ایتدیلر . حتی پروتستانلغک ( قالوینیزم

Calvinisme ( مذهبی ایجاب و وضع ایدن مشهور ( قالودن Calvin ) Catéchisme ) قاته شیزما ترتیبده اصولی اصلاح ایتدی . عقاید و افعال مکلفینی ( سؤال جواب ) شکله قویوب تعلیمات دینییه بی پک قولایلشدیردی .

رهبان صنفک - تربیه اطفال ایچون - کشف ایتش اولدوغی بو ( اصول تعلیم ) فائده لی کوروندوکی ایچون، علما دخی مبادی علومی ، چوجوقلره بویولده تعلیم ایتک هوسنه دوشدیلر ، وهرءلمک مقدماتی - موجز بر صورتده و سؤالی جوابلی اوله رق - اوگره تیر ، کوجوچوک رساله لر یازدیلر . ( مرتبی لر les pédagogues ) دخی اونلری تقلید ایتدیلر . حاصلی هرشی ایچون ( قاته شیزما ) لر یازلدی . مثلاً وظائف حقیقی ، اطفال ملته ایرکندن تعلیم ایچون ( حقیقی وطن پرورک ) قاته شیزماسی catéchisme du vrai patriote ( کبی اثرلر وجوده کتیرلدی . بناء علیه تعبیر ، تعلیمات دینییه رساله لرینه منحصر قالمادینی ایچون ( علم حال ) لکدن چیقادی . نهایت فیلسوفلردن مشهور ( اوغوست قونت Auguste comte ) دخی فلسفی بر قاته شیزما یازمقدن کندینی آله مادی . بحق مجددین اصولدن صاییلان بوذات ، متأخرین میاننده صحیحاً ال بویوک فیلسوفلردن اولقله برابر ، کنجلککنده ( سن سیمون Saint simon ) ایله کوروشمش و ( صوفی مشرب Mystique ) اولان بوغریب آدمک افکار و حسیاتندن پک متأثر اولمشدی . آخر عمرنده طالعندن خیلی ستم کورن فیلسوف قونت ، صفوت مزاجنی و متانت عقائی ضایع ایتش و بوتون انسانلر ایچون بر دین عمومی اعلان ایده رک کندینی ده او ( پوزیتیویزم positivisme ) دیتک ( بابا Pape ) سی اولق اوزره طایتدیرمشدی . بوتون انسانیتی بو دین ایله اصلاح ایتک املنده و اعتقادنده ایدی . ظن ایده رم ( قاته شیزما ) یازمه بی کندیسنه الهام ایدن ایشه بو غریب ( حالت روحیه ) اولمشدر .

( catéchisme positiviste ) عنوانیله ( ۱۸۵۲ ) تاریخ میلادیسنده طبع اولتان بو اثر . قونتک تأسیس ایتدیکی ( فلسفه دینییه philosophie religieuse ) نک خلاصه سی اولق اداسنده در . چونکه مؤلفی اوکتاک ماهیتی ، شوسوزلره شرح و بیان ایتمشدر :

( Sommaire exposition de la Religion Universelle , Catéchisme en onze entretiens systématiques entre une femme et un prêtre de l'Humanité . )

یعنی : [ دین عمومی نك احكامنی تلخیصاً عرض ایتك ایچون برقادین ایله برراهب انسانیت آره‌سنده اصوله دائر اون بر محاضره .. ] دیمکدر .  
فیلسوفك - حدذاتنده بك عالی اولان - مقصد انسانیتپرورانه‌سی بو اثرده صراحتاً کوروله‌بیلیر ؛ قونت محضراتی ( عائله la famille ) ، ( وطن la patrie ) ، ( انسانیت l'humanité ) ، ( پرئسیپ عشق amour des principes ) کیبی موضوعات مهمه اوزرینه یورتوتیور ؛ ( انتظام l'ordre ) ی اساس اوله‌رق قبول ایدیور ؛ ( ترقی le progrée ) نی ( مقصد اقصا but suprême ) اوله‌رق کوستریور . کندی دستور اخلاقی‌سی بك ( دیگرکامانه altruiste ) در : ( باشقه‌سی ایچون یاشامق Vivre pour autrui ) جمله‌سی ایله بودستوری ادا ایتمشدر . [ égoïsme و altruisme تعیرلینه‌ده باقیگزر ! . ]

کورولویورکه فیلسوفك قاته‌شیزماسی تمامیه اخلاقی بر ائردر .  
بوترز تعلیمی بك فائده‌لی کوروب تحسین ایدنلر بوکون دخی چوقدر .  
نیم کندی فکرمه قایرسه تعلیمات دینه ایچون واقعا اوله‌در ؛ چونکه ( نصوص دینه dogmes religieux ) مناقشه کونورمز . یا عیناً قبول اولونور ، یارد ایدیلیر . تنقیدات واصلحاته کلز . اونك ایچون اونلری ( قاته‌شیزما ) صورتنده اوکرتك ده‌ها موافق اولور . فقط مبادی علمی و معلومات فیه‌نی ، بویه اوکرتك ، ای دکل ، بالعکس بك فنا بر ( اصول méthode ) در . چونکه ( علم science ) ده نصوصه بگزره هبیج بر عقیده یوقدر ، ( حقایق علمیه vérités scientifiques ) دائماً مناقشه و تجربه ایله تین ایدر ؛ لایقه آکلاشیله‌بیلمه‌لری ایچون دخی ، ( تنقیدی critique ) بر صورتده تعلیم و تعلم ایدله‌لی در . انسان هنوز بك توجوک یاشنده مبادی علمی نص کیبی تلقی و قبوله آیشیرسه ، آرتق کنديسنده تنقید قابلیتی قالماز ؛ محو اولمش اولور . حالبوکه علم ایچون او قابلیت اك

برنجی واک مهم بر شرطدر. [ , dogme , dogmatisme و critique Catéchisms science کله لرینه باقیکنز !.. ]

علمی دین کیبی تلقی ایتک دینه حرمتسزلك صایلماسه بیله علمه  
مضردر . علمده اساس، نص اولهیدی هیچ بر تورلو کشفیاته یول بولونه ماز  
ولزوم قالمزدی .

Catégorio

مقوله Catégorio فرانسه زجه

Category انگلیزجه

Kategorie آلمانه

Categoria ایتالیانه

بو تعیر مهم بزه یونان قدیم فیلسوفلرینک یادکاریدر و حالا قیمتی برکته  
اصطلاحیه در . یونانی ده ( قاتی غورین تی تی نوس = Κατηγορεῖν τί τινός )  
برکیمسه به برشی اسناد ایتک دیمکدر ؛ حتی لسان عادیده بو تعیر ذم و قدح  
معنانه وارد اولمقددر ؛ ( قاتی غوری یا = Κατηγορία ) کله سی بواصلدن  
مشتق در، و ( محمول ) یعنی حل اولونان صفت دیمک تقدیرنده در .  
یونان فلاسفه قدیمه سی میاننده اولا بو کله به برحیثیت اصطلاحیه و یرن،  
افلاطون اولمشدر . صوکره ارسطونک محررات منطقیه سیله بو کله بوسبوتون  
کسب اهمیت ایدرک شیوع بولمشدر . بزه ارسطونک انامترجه سیله انتقال  
ایتمشدی ؛ حتی ایلاک عرب محررلری بولفظی ده - بر جوق امثالی کیبی -  
اولا عیناً آلوب ( قاطیفوریا ) شکلنده یازمشدر و برمدت صوکره اوکامقابل  
و معادل اولوق اوزره ( مقوله ) کله سنی بولوب وضع ایتمشدر . برشی  
ویا خود برکیمسه حقنده ممکن اوله بیلن محمولات و اسنادات برطاقم سوزلره



افاده ایدیله بیلجهکی جهتله ( مقولات ) تعمیری اصل یونانی سنک نام ترجمه سی در ؛ چونکه ( مقوله ) سویله نن سوز دیمکدر . طالبوکه اصطلاح معنای بوسبوتون باشقه لاشددر . علی الاطلاق، الك واسع بر صنف، یاخود بر جنس مقامنده ایراد اولونور . بزده، خلق لسانجه آز چوق محقرانه برادایی منضمندر؛ فقط بواء، معنای اصطلاحیسنه موافق در: [ حجر شجر مقوله سندن، یاخود سرسری مقوله سندن !. فلان !. ] دیرز . هیچ بر زمان [ اقدی مقوله سندن ؛ کبار مقوله سندن !. ] دیمه یز . مع مافیه [ کبار طاقندن !. ] دیمکده بآس یوقدر . غریب بر حس وتلقی یوزندن مقوله کله سی لسان عادیمزده بویه بر حیثیت اکتساب ایتشددر . حتی فرانسزجده دخی اویله در .

اصطلاحده مقولات، بزجه تصویری ممکن اولان الك بویوك واك واسع ( صنف classe ) لری کوستیر بر طاقم کلتدرکه اونلرک هیئت مجموعه سی، معلوما تترك الك بسیط فقط الك کنیش ( قادرو cadre ) سنی تشکیل ایدر . مثلاً علی الانفراد بر چوق آغاچلر بیلیرز : نهریک آغاچی، جویر آغاچی، چنار آغاچی، والی آخره !.. بونلرک جمله سنی بر قادرو داخلنه آلوده بر صنف تشکیل ایدر سهک - جمله سینه بردن ولکن بلا تعین - ( آغاچ مقوله سی ) دیرز . بو صورتله ( معدن مقوله سی ) ندن و یاخود ( حیوان مقوله سی ) ندن او صنفی تمیز ایتش اولورز . بوراده دخی قالمایوب قادرو منری توسیع ایده بیلیرز . مثلاً، هر هانکی بر آغاچله، هر هانکی بر معدن و بر حیوان آره سنده بر ( وصف مشترك qualité commune ) بوله بیلیر سهک یالکزر اونی اساس طوته رق او اوچ مختلف صنفی برلشدیروب ده او واسع بر صنف تشکیل ایده بیلیرز . فرضاً ( مادیات مقوله سی ) ده یه بیلیرز . شو تقدیرجه بو مقوله ده قواق آغاچی ایله قایاطوزی و آطه طاوشانی کیی - بر برینه هیچ بگزیه مهین - بر چوق شیلر داخل اوله بیلیر؛ چونکه اونلرک جمله سی ( صفت مادیت ) ده بر برلینه مشارکدر ؛ و بز اونلرک مجموعه نی بردن ذکر ایتک ایسته دیکمز وقت، بو صفت مشترک لر نی کندیلرینه حمل ایتکه مجبور بولونورز اونلک ایچون سویله دیکمز سوز - لغت معناسیله دخی - بر ( مقوله catégorie ) اولش اولویور .

بوراده شایان دقت برچوق شیلر وارکه مختصر آاوسون عرض ائمه لی یم. **Catégorie**  
 زیرا تاریخ فلسفه ده بومقولات بختدن زیاده مناقشات ی موجب اولمش همان  
 هیچ بر مسئله یوقدر ده یه بیلیرم ومبالغه اولماز . حتی معاصرین محققین دن  
 وآلمان متفکریندن ( تره ده لنبورغ = Trendelenbourg ) یالکنز  
 بوبخت ایچون بر تاریخ فلسفه یازمشد .

مقولات مناقشه سنک ناصل ونه کبی مسائل فلسفیه یه وجود ویردیکنی  
 - یری کلدکجه - عرض ایدم جکم .

اجناس عالییه ارتقا ایدم بیلمک ایچون ذهن بشرک نه صورته حرکت  
 ایدم بیلدیکنی هرکس بیایر . ابتدای امرده علی الانفراد ادراک وتلقی  
 ایدم بیلدیکمز موجودات مختلفه آرهنده ( مشابهت resemblance ) لر  
 کوزمکه باشلیورز؛ سوکره بر ( وصف مشترک ) تشکیل ایدن اومشاهنتلری  
 اساس اتخاذا ایدم رک بر چوق افرادی بر قادرو ایچنه آلیورز وبر ( صنف  
 classe ) وجوده کتیریورز . بالا خره بوصف لر آرهنده دخی مناسبتر  
 ومشاهنتلر کشف ایدوب بوسفر هپسندن دها کنیش بر صنف تشکیل  
 ایدیورز : وبویله جه برچوق صنف لری یکدیگرینه ( ارجاع réduire )  
 ایدم ایدم - کیتدکجه دها بویوک - قادرو لر ایچنه ( درج intégrer )  
 ایتمش اولویورز . بو معامله نك نهایتده واصل اولدوغمز ( اجناس عالیه =  
 genres supérieurs = summa genera ) ، ایشته فیلسوفلرک  
 ( مقولات ) دیدیکی اك واسع قادرو لر در .

الب بومعامله ذهنیته ( استقرا induction ) دن عبارت اولدوغی  
 ظاهر در . زیرا جزئیات دن کلیاته ارتقا صورتیه حرکت ایتدیکمز اشکارد .  
 بونده ده ( تجرید abstraction ) و ( تعمیم généralisation ) باشلیجه  
 شرط لر در . هر ( فرد individu ) ك هویت شخصیه سنی تشکیل ایدن  
 ( کیفیات خصوصیه propriétés particulières ) ی آیروب آتمادکجه  
 یعنی تجرید ائمه دکجه افراد متنوعه آرهنده بر وصف مشترک اولان کیفیتی  
 بوله مایز ؛ یعنی برچوق وجوه ایله بر لرلندن فرق لی اولان شیلرک - اساسی  
 بوجه ایله - متشابه اولدقلرینه حکم ایدم میز . مشابهت کیفیتی اساس

Catégorie طوتوب ( تعمیم حکم ) ایده منزهه بر ( مقول کلی ) به پیوسته اوله مایز .  
 آکلاشیلدورکه یایدیغمز یالکیز ( تصنیف classification ) دن باشقه  
 برشی دکلدر . تصنیف دخی - متفرقه متشتت وبالفعول غیر محصور اولان -  
 معلوما تمزی قادرولر داخله آلوب حصر ایتک ایچون الزم بر ( عملیه ذهنیه  
 opération mentale ) در . تصنیف منطوقده ( تعریف définition )  
 ایچون اساس در . ( علوم طبیعی sciences naturelles ) ده دخی معلوما تمزی  
 ضبط و رابطه آلمق ایچون لابد بر شرطدر . تعیرک حائز اولدوغی اهمیت  
 فوق العاده بوندن ایلری کیلور . ( بوتون بوتون تعیراته باقیکنز ؛ تفصیلات وارددر ! )  
 مقولات ، موجودات ماده نیک می ( شکل عمومی formes générales )  
 سی در ؟ . یوقسه بزم محاکماتک می اشکال عمومی سی در ؟ .. یوقسه بونلرک  
 حیثیتی یالکیز بعضی ( مفهومات عمومی notions générales ) به اسم  
 اولمقدن می عبارتدر ؟ .. یعنی یالکیز اسانک اشکال عمومی سندن می عبارتدر ؟ ..  
 ویاخود بونلر ( عقل raison ) و ( عاقله entendement ) منک ( تصورات  
 اساسیه concepts fondamentaux ) لری می در ؟ .. الحاصل مقولاتک  
 ماهیتی نه در ؟ ..

بومستله ، فلسفه عالمی چالقالامش وحالاتورولما مشدر . بوتون سقولا ستیق  
 حکماسی بوسوالره جواب ویره بیلیمک ایچون صرف ذهن واضاعه وقت  
 ایتدک لری کیی زمانمک اک بویوک فیلسوفلری ومنطقیونی دخی بوبابده  
 فکرلرنی بیان ایتک مجبوریتدن قورتوله میورلر . نته کیم صره سی کلدکجه  
 کوزره جکیز .

مقولات تصورینک استقرادن طوغدوغنی ویاواش یاواش بویوبوب بر  
 شکل معین آلدیغنی تاریخ فلسفه صراحتاً بزه کوستریبور . بوتارینخک آنجق  
 اک مهم صفحه لرنی بوراده مختصرأ عرض ایده بیلجهکم .

یونانیلردن اول هندلیلرده بر ( مقولات جدولی table des catégories )  
 کوروپورز : هند فیلسوفلردن ( ذریه atomisme ) مذهبک مؤسس  
 اولان ( قانادا = Kanâda ) نام حکیم ، بوتون موجوداتک ارکان اصلیه سی  
 ( جواهر ماده substances matérielles ) اولق اوزره قبول ایتمشدی ؛

Catégorie بوجواهرک برطاقم ( accidents امراض ) ی اولدوغنه دخی قائل ایدی. هند فیلسوفنک اتخاذ ایتمش اولدوغی ( méthode اصول ) جواهر واعراضی ( analyser تحلیل ) ایدوب فرقلرینی کوسترک مقصدینی تعقیب ایتدیکی ایچون، فلسفه سی ( وای سه شی قاء = Vāiseshikā ) اسمیه تاریخده شهرت شعار اولمشدر . بو تعبیر ( سانسقریت sanscrit ) لساننده ( فرق différence ) معناسی افاده ایدن ( وی سه شا = viseshâ ) کلمه سندن مشتق ایتمش .

( قانادا ) ، بوتون موجوداتی آلی ( پادارثرا = padarthra ) یه یعنی مبادی ومقولاته ضیقیشدیریور . کندی فکر نجه بوتون علم وحکمتک زبده سی بودر ؛ چونکه عالمده نه وارسه جمله سی بو آلی صنف عمومی نک قادروسی داخلنه درج ایدیه بیلیر .

مقولاتک برنجیسی : ( دراویا = dravja ) درکه ( جوهر = substance ) دیمکدر . جواهرده طوقوز نوعدر : طوبراق، صوء، ضیاء هوا، ( ائیر ether ) ، زمان، مکان، روح و برده ( ماناس = Manas ) که ( حس صمیمی = sens intime ) دیمکدر . جواهر مذکورده بالجمله ( افعال = actions ) و ( کیفیات propriétés ) نک ( محل siège ) ی دره . ایکنجیسی : ( غونا = guna ) درکه ( کیفیت وصف = qualité ) معناسنه کلیر . کیفیات بکرمی درت نوعدر ؛ اونلر میاننده یالکیز شو طوقوزی ( کیفیات معقوله = qualités intelligibles ) نوعنی تشکیل ایدر : ( عقل intelligence ) ، ( ذوق plaisir ) ، ( ألم peine ) ، ( ارزو désir ) ، ( نفرت aversion ) ، ( ارادت volition ) ، ( رذیلت vice ) و ( فضیلت vertu ) ! .

اوچونجیسی : ( قارما = Karma ) یعنی ( فعل action ) درکه بونک ده بش تورلوسی اوله بیلیر .

دردنجیسی : ( سامانیا = Sâmanja ) یعنی ( خصائص مشترکه = propriétés communes ) درکه - منطق معناسیله - فارقه جنسیت ونوعیت دیمک اولور . [ caractéristique کلمه سنه باقیکیز ! ]

بشنجیسی: ( وی سه شنا = viceshna ) یعنی (فرق difference) درکه منطق ده ( خاصه proprium ) دیدیکمز کیفیتدر. هر فردك هويت ممتازه سنی تعیین ایدن ( علامت فارقه ) دیمك اولور .

آلتنجیسی ( سامانا یا = Samanâya ) یعنی (اضافت relation) درکه بومقولهده بالجمله نَسَب و اضافات داخلدر .

یونان قدیمده ایلک دفعه اوله رق بر مقولات جدولی ترتیب ایدن ذات، طیب فیلسوف ( آلقمه ثون = Alcméon de Croton ) در . بو آدم مشهور ( فیثاغور Pythagoras ) ك شاگردی ایدی . مقولاتی کیفیات متناقضه شكلنده عرض ایتشددر . [ antinomies تعیرینه باقیكز! جدولی ایله برابر تفصیلات وارددر ! ]

فیثاغوردن زیاده سیله متأثر اولان افلاطونده بو مقولات تصوریك عادتا تولد و صورت تكاملنی عیاناً كوره بیلورز : صاحب مسلك اولان بو حكیم شهر ، ( idée = اعیان ثابتہ = ماهیات ) ی ( حقایق اشیا la réalité des choses ) اولق اوزره تلقی ایدر و یالكز اولنرك موجودیت مستقلسنه ایستایردی . ماهیات اشیا ی مادیه نك اك كوزل ومكمل نمونه لیدر ، دیه ادعا ایدردی . اونك ایچون اولنره ( انموزج اول = prototype ) دیمشدی . بو نمونه لره قدر چیقہ بیلیمك ایچون موجودات منفرد و اشیا ی متنوعدن تجرید فكر ونظر ایتك وكثرتدن وحدته ، جزؤدن كله طووضو كیتمك شرط ایدی . افلاطون ، ذهنك بو اعتلا ی منطق سنه ( dialectique ) دییوركه كندی ( اصول méthode ) یدر .

آكلاشیلوركه بو فیلسوفك ( idées ) دیدیكي ماهیات، ذاتاً برطاقم اجناس عالیہ نمونه لرندن باشقه بر شیلر دكلدر . فی الحقیقه ( نه نه تئوس = Theaetetus ) نام ( محاضره dialogue ) سنده بونلردن بحث ایدركن ( کی نا پهری باندون = κοινά περί πάντων ) دیه تعریف ایدیوركه ( مرشی حقنده کلیات ) دیمكدر . ( سوفسطانی = le sophiste ) نامیله مشهور اولان دیگر بر محاضره سنده مقولاته ( مه ییستایه نی = μέγιστα γέννη )

دییورکه بوده ( اجناس عالیہ ) معناسہ کلیر . اجناس مذکورہ ، افلاطون Categorie نظرندہ آنجق بش تورلو اولہ بیلیر :

۱ — ( اون = ὄν = وجود = l'être ) ؛ ۲ — ( طاقون =  
 Ταυτόν = عینیت = l'identité ) ؛ ۳ — ( تہرون = ἕτερον =  
 غیریت = l'altruité ) ؛ ۴ — ( کی نیسیس = Κίνησις = حرکت  
 = le mouvement ) ؛ ۵ — ( ستایس = στάσις = سکون  
 = le repos ) ، در .

بونلری تصنیف ایدوب صایدقدن سوکره افلاطون، عاقبت جمله سنہ براسم  
 جامع اویدوروپور و ( قاتی غوری تہون = Κατηγορητέον ) دییورکه  
 موحوداتک جمله سنہ حل واسناد اولونه بیلن کیفیات عمومیہ دیمک تقدیرندہ در .  
 آ کلاشیلورکه اولا بوتعمیری قولانان افلاطون اولمشدر .

اونک اک حیثیتی شا کردی واک بویوک معارضی اولان ( ارسطو  
 Aristote ) ، شو مقولات بحثنہ هر کسدن زیادہ اہمیت ویرمش فی الحقیقہ اونک  
 تصنیفی هر فیلسوفک جدولندن زیادہ شہرت واعتبار بولمشدر .

مقولاتک ماہیتی حقندہ ارسطونک فکری صریح دکلددر . بعضی  
 محرراتندہ ( مقولات لسانک اشکال عمومیہ سی ) در معناسی آ کلاشیلور .  
 بعضی بردہ دخی ( اشیانک اک عمومی والکواسع تقسیمات وتصنیفاتنہ ویردیکمز  
 عمومی اسملردر ! ) کیی برمعنا چیقیور . بعضاًدہ ( موجودات حقیقیہ نک  
 بزہ عرض ایتدکلری صور عمومیہ یہ تخصیص ایتدیکمز تعبیرات کلیہ در ! )  
 دیمک ایستہ دیکی سہ زیلیور ؛ وآ کلاشیلورکہ مسئلہ نک بوجہتی کندیدہ  
 لایقیہ تأمل وتحقیق ایتہ مشدر .

نہایت بر یردہ شو تعریفی ویریورکہ خیلی واضح در :

[ Κατηγορίαι γένν των κατηγοριών ; σχήματα τῆς  
 κατηγορίας των ὄντων . ]

یعنی [ مقولات ، وارلفک اک عمومی کورونوشلری در ؛ کندی تطورات  
 عمومیہ سنک اجناس عالیہ سی در . ] دیمک اولور .

اوحالہ ارسطو بر وجود مطلق قبول ایدیور واونک تورلو تورلو

Categorie طور لرله بزه جلوه نمون اولدوغنه ايشانيور ؛ نامعدود اوله بيلن بوتجليات  
وتطورات آره سنده الك عمومى اولانلرى ( مقولات وجود ) در ؛ ديمك  
جقيقور كه شو تقديره كوره مقولاتى ( افاقى اوله رق objectivement )  
تلقى ايتمش اولماسى لازمكلىر . يعنى مقولات ديديكمز ( مفهومات كلييه  
notions générales ) نك عالم خارجى ده ( علاقهدار correlatif )  
اولدقلىرى شيلر واردر يعنى مقابللرى موجوددر ؛ ديه دوشونمك مجبوريدر .  
اوحالده اولنلرى يالكىز بر طاقم مفهومات وافكار كي قبول ايتمه ديكي آكلاشيلير .  
ارسطو ، مقولاتى اون قسمه آييريور وقابل تصور اولان موجودات  
مكنه نك جمله سنى - طاقم طاقم - بو اون صفدن برينه بهمه حال ادخال ايدسيور .  
۱ — ( جوهر = οὐσία ) در ، ايستر روح ، ايستر ماده نوعندن  
اولسون .

۲ — ( كم = πόσον ) در . بوده اوچ نوع اوله بيلير : اجزاسى  
بر بردن آبرى اولان مقاديره ( كميت منفصله ; quan. discontinue  
quan. discrète ) ده نيلير . ( اعداد nombres ) كيى ! . اجزاسى  
يكديكرينه متصل اولانه ( كميت متصله quan. continue ) تعبير اولتور .  
زمان وحركت كيى ! ... برده ( كميت قيّمه quan. permanente )  
واردركه اوده ( مكان l'espace ) در . ابعادلته واشكال هندسيه ، خطوط  
وسطوح و مجسمات هب بوكا متعلق در .

۳ — ( كيف = ποῖον ) در . بوده درت تورلو اوله بيليور :  
برنجيسى ( اعتيادات habitudes ) در ؛ يعنى كرك جسممرك ، كرك و حرك  
اوضاع مخصوصه سى در كه عيى افعالك تكررى ايله كسب ايديله بيلمشدر .  
عربلرك ( ملكات راسخه ) ديديكى بودر . علم ، فضيلت ، رذيلت ، تصوير  
وتحرير قابليتلىرى كيى ! . . . ايكنجيسى ( قواعد طبيعه puissances  
naturelles ) در . قواى جسمانيه مز ايله برابر ، قافله ، حافظه ، ارادت ،  
حواس خمس هب بو صنفه داخلدر . اوچنجيسى ( كيفيات محسوسه  
qualités sensibles ) در . خشونت ، لينت ثقلت ، صوغوق ، صيحا ،  
رنكرك ، صدالر ، قوقولر وطعوم مختلفه دخى بو صنفه كيىر . دردنجيسى

( شکل و صورت forme et figure ) در . کره اسطوانه، مربع، مکعب Catégorie  
کبی . الی آخره .!

۴ — ( آین = πού ) در که محله عائد اولان سوالله جواب ویربر:

خواجه نره ده در ؟ . قلم یازیخانه اوزرنده می ؟ . چارشیه کیتدم . کبی .

۵ — ( متی = πότε ) در که زمانه متعلق اولان سوالله مناسبتی

وارد در : سقراط هانکی عصرده بر حیات ایدی ؟ . دولت عثمانیه نك تأسیسی

آلتی یوز بوقدر سنه اولدر . دون کوردم . یارین کلیرم . کبی .!

۶ — ( ملک = ἔχειν ) یعنی بر شینه مالک اولمق کیفیتتی در . فلا نك

جفتی چوبوغنی وار . بنم کتابم . الی آخره کبی .

۷ — ( اضافت = πρὸς τί ) که بر شینه دیکر بر شینه نسبتی

دیمکدر . افدینك اوشاغنه، بابانك اولادینه، پادشاهك رعایاسنه، رؤیتك

مرئی اولان شینه نسبتی کبی . الی آخره ! . یکدیگرینه قابل قیاس اولان

شیلرک مناسباتی ده بوصفه گیره . شو بو کامسایدیر؛ ویا خود او بوندن فضله

ویا اکیسکدر، کبی قضیه لر دخی بومقوله دندر .

۸ — ( فعل = ποίειν ) در . بوده ( صرف grammaire ) ده کی

معنای اصطلاحی ایه لازم و متعددی اولان بالجله افعالی شاملدر . کز مک،

سومک ویا خود کسمک قیرمق کبی .

۹ — ( افعال = πάσχειν ) در . دو کولمک، سویلک، قیرلمق کبی .

۱۰ — ( وضع = κείσθαι ) در . ایاقده . طورمق ، یان یآتمق ،

ایلری کری، باش آشاغی، اوست اوسته، یان یانه کبی .

ایشته افلاطونك شا کردی، اسکندر کیرک مربی سی اولان ارسطونك

جدول مقولاتی بودر . مشهور جهان اولان بو اون مقوله نك برنجیدی

( جوهر )، ماباقی طوقوزی ( اعراض accidents ) در . بونلر - حکیم

مومی الیهک تعبیرنجیه ( وجودك مقولاتی = κατηγορίαί τοῦ ὄντος

catégories de l'être ) در ؛ یعنی وارلغه حمل اولونه بیلن احوال

وکیفیات کلیه در .

ارسطونك بوتقسیمنی، پکاسکی زمانلردن بری مواخذه ایدنلر واردی؛



نته کیم حالا بر جوق فیلسوفلر تنقیده دوام ای دیسورلر ویکی دن یکی به مقولات جدولاری ترتیب ایتکدن کندیلرینی آله میورلر . شیمدی اولنلرک اک مشهورلرینی ذکر ایله اکتفا ایده جکم .

۱ — ( رواقیون les stoïciens ) ، مقولاتی ( اجناس اولی = πρώτα γένη ) ، یعنی ( اک کنیش والک عالی جنسار = γενικώτατα ) دیه قبول ایدرلردی ؛ فقط اولنلری درده ایندیرمک صورتیله ارسطونک جدولنی تعدیل ایله مشلردی . بونلر نظرندہ مقولاتک اساسی واعلاسی ( جوهر ) در . بوکا ( طوقی بوکی مهنون = Τὸ ὑποκείμενον ) دیرلردی که ( آتندہ طوران ) شی معناسنه کلیر . لاتیجہ نک ( sub = تحت ) ( stantia = طور مق ) تعیری ، اصل یونانی سنک عیناً ترجمه سیدر و بوکله نی اصطلاح اوله رق اک اول قوللان یته ارسطو اولمشدر . جوهره بویه دہ نیلمه سنه سبب ( محال حادثات ) اولماسی وبالجله اعراضک ( تحتندہ مستر ) بولونماسیدر . باقی اوچ مقوله ده شونلردر : ( کیف = ποιόν ) ( مالک وحال = πῶς ἔχον ) و ( اضافت = πρὸς τί πὼς ἔχον ) .

۲ — ( نوفلاطونی لر les néo-platoniciens ) زمانندہ بعضی مهم تعدیلات وقوعه کلدی ؛ بو فرقہ نک شهبه سز اک بو بوک فیلسوفی اولان ( پلوتی نوس = Plotinus ) مقولاتی ( حسی sensible ) و ( عقلی intelligible ) اولقی اوزره ایکی قسمه آیردی که شایان دقتدر . بالآخره جمله سنک معقولاتدن عبارت اولدوغنی ادعا ییدنلر چوغالیدی . نته کیم زمانمز فیلسوفلری اکثریتله بوفکرده در ؛ پلوتی نوسک ملاحظاتی بو جریانہ مبدأ اولمشدر ، دہ نیله بیلیر .

بناء علیه بو حکیمه کوره ( پروطایه نی طون نوئی طون = πρώτα γένη ) ، یعنی معقولاتک اجناس اولاسی ( τῶν νοητῶν ) ( وجود = ὄν = l'être ) ، ( سکون = στάσις = repos ) ، ( حرکت = κίνησις = mouvement ) ، ( عینیت = ταυτότης = identité ) ، ( غیریت = ἑτερότης ) ، ( altruité = در . عالم حسی به عائد اولان مقولات دخی : ( جوهر = substance = οὐσία ) ، ( اضافت = πρὸς τί = relation ) ،

Catégorie (qualité = ποιόν = کیفیت)، (quantité = ποσόν = کمیت) و (حرکت = κίνησις = mouv. در).

۳ — قرون وسطی فیلسوفلری ارسطویی معلم اول طائیدقلری ایچون اونک (مقولات عشره) سنی عیناً قبول ولاتینجهیه ترجمه ایتدیلر : (جوهر substantia)، (کم quantitas)، (کیف qualitas)، (اضافت relatio)، (فعل actio)، (انفعال passio)، (این ubi) (متی quando)، (وضع situs) و (ملك habitus) دیدیلر؛ (summa rerum genera) یعنی (اشیاءك اجناس عالیه سی) نامیله بومقولات، عصرلرجه موضوع بحث اولدی. (بوئتیوس = Boëthius)، (آلکونن = Alcuin)، (جربرتوس = Gerbertus)، آنه لم = Anselme) ودها برچوق بویوک سقولاستیق لر بوبخه چوق اهمیت ویردیلر. (سنت اوغوستن St. Augustin) مقولاتی انفسی بر ماهیتله تالق ایدمك اوچه ایندیردی : (حافظه memoria)، (عاقله intellectus) و (ارادت voluntas) که بونلر (وارلق esse)، (بیاییک nosse) و (مشیت velle) ایله علاقه دارایدی. آکلاشیلیورکه بو حکیم، قوای نفسانییه یی مقولاتدن هنوز لایقیله تفریق ایدم میوردی.

(جیلبرتوس Gilbertus)، (کمیت)، (کیفیت) و (اضافت) اولق اوزره اوچ مقوله قبول ایتدی و بونلرک (جوهر) دن انفکاک ایدمیه جکیکی یعنی (غیر مفارق inhérent) اولدوغنی ادعا ایله دی.

(بویوک آلبر Albertus Magnus)، (جوهر)، (کمیت) و (کیفیت) دن باشقه مقولات قبول ایتم یوردی. (ویلیام اوف اوق قام William of Occam)، مقولاتی (ایلك حرکت ذهنیهك وار دینی حدود termini primae intentionis) دیه تعریف ایتش و (جوهر)، (کیفیت) ایله (نسبت respectus) دن عبارت بولمشدی.

الحاصل قرون وسطادم — توکنمز مباحثات آچارق قیلی قرق یارمقدن ذوق آلان — سقولاستیق فلسفه سی بو مقولات بحثی غایت زنکین بر (معدن-اوجاغی) کبی ایشلتدی طوردی. طییعی، بللی باشلی نه قدر علما

Catégorie و متفکرین وارسه هبسی ده آری آری بومسئله حقنده بر فکر بیان ایدوب  
تصنیف جدوللری یابدیلرکه اوللری صیره سیله بورایه دوچ ایده بیلیمک امکان  
خارجنده اولدوغی قدرده لزو مسزدر . یالکیز، بوتون بومباحثات فلسفیه  
اوزون بر مناقشه یه یول آجیدی ایدی .

او مناقشه نك نقطه استنادی تشکیل ایدن مسئله مهمه حقنده بیان  
ملاحظه ایتک ایسترم . چونکه شرق عالم عرفاننده دخی عینی مسائلک  
تماماً عینی صورتله موضوع بحث اولمش بولوندوغنی — همان شیجیدی —  
کوستره جکم .

( سقولاستیک scholastique ) تعیرنده لایقیه ایضاح ایتش اولدوغم  
وجهله قرون وسطاده احکام وعقائد دینه، فلسفیه و — طولایسیله —  
هرشیئه تحکم ایدیوردی . بناء علیه ( نصوص ایمان les dogmes de la foi )  
قطعا مناقشه کوتورمز و موضوع بحث اوله مازدی . اونصوص قطعیه  
دائر سنده نه قدر قییملدا تمکن ایسه ، اوقدر فلسفه یاییله بیایردی .  
طبیعی درکه هرهانکی بر مسئله علمی و فلسفیه تحت ایدرسه ، اول امرده ،  
اونک ، نصوص مسئله و قاطعه یه قارشى وضعیتی تحقیق و تعین ایدیلیردی .  
( scholastique کله سنده تفصیلاته باقیکنز ! )

مقولات بحثنده اویله اولدی . ( عجا الله هانکی مقوله ده داخلدر؟! )  
دیه بر سوال خاطره کلدی ؛ ایشه بونک اوزرینه یکی بر جریان مناقشه  
آچیلدی . بو وادیده الیزاده شایان دقت اولان ملاحظات ( سقوط نه ریجن  
Scott Erigène ) ک فکر لریدرکه شرقده مشهور نصیرالدین طوسی تماماً  
عینی مطالعه ده بولونمشدر ؛ کوره جکز .

اعتقادات فلسفیه سیله بزم صوفیه دن ذره قدر فرقی اولمایان ( سقوط  
Scott ) ، ( نوفلاطونی neoplatonicien ) ایدی . ذات الوهیتی سرالاسرار  
عدایدن ، و حقیقتی اعتباریله ، بر ( بیلینه مهین الله = ἀνυστος θεός ) .  
اینانان عرفا کی دوشونوردی . مقولاتی قبول ایتیمکه برابر اولنرک حقیقت  
جهانیسی اولمادیغنی ادعا ایدردی : [ بالجمله مقولات ، غیر جسمانی در وحد  
ذاتنده معقولاتدن عبارتدر . Omnes categorias incorporeales

Catégorie { جمله سیله بو اعتقادینه دستوری بر شکل ویرمشدی. فقط الہی، بوتون مقولاتك فوقندہ و ماوراسندہ طوتوبوردی: [ هیچ بر مقولہ مخصوصہ الہی تعریف و توصیفہ مقتدر اولہ ماز! . Nulla categoria proprie Deum significare potest ] دیوردی. مقولات، قابل تعقل و تصور اولہ بیان موجودات ممکنہك اجناس عالیہ سنی کوستریر بر جہول اولدوغی ایچون، طیبی درکہ ( حق تعالی la Vérité Suprême ) بوجدولہ داخل اولہ مازدی . چونکہ - بالجملہ ادیان منزلهك اعتقادنجہ - ذات الوہیت انسانك حوصلہ عقل و تصویریہ صیغماز و شانی توصیف اولونہ بیللمکدن عالی در .

اودورده پک مہم بررول وینایان یہودی ( Cabalisme ) نك اعتقادی دخی عیناً بوایدی. [ بو تعیر ایچون çonfisme کلمہ سنہ باقیکز! ] سقولاستیق، الہیاتك فلسفیات و علومہ تحکمندن - بالطبع - طوغش برسیتم اولدوغی ایچون قرون و سطاہدہ عرفان اسلامکدہ اصولی بوایدی؛ بویلہ اولونجہ - اوضرورت ایجابندن طولای - بزده دخی مقولات علاقہ سیلہ عینی مسئلہ لر ظہورہ کلش و عینی نقطہ نظر دن تلقی ایدلمشدر .

اسلام سقولاستیق فلسفہ سنہ دائرالدہ تداول ایدن کتب جتدیہ میانندہ الک معبر اولانی، شہہ سز ( قاضی عضدالایچی ) نك ( مواقف ) نام اثریدر. بو بویوک کتاب اتی موقف اوزرینہ تقسیم و ترتیب ایدلمشدر . برنجیسی ( مبحث علم، یعنی théorie de la connaissance ) مسئلہ لرخی مناقشہ ایدر . بشنجیسی الہیات، آلتنجیسی دە سمعیات یعنی ( نقل tradition ) مسئلہ لرلیہ اوغرا شیر؛ ماباقیسی یعنی ایکنجی، اوچونجی و دردنجی موقف لر کاملاً اعراض و جوہر بختنك اساسات و تفرعاتنہ حصر ایدلمشدر . مشہور ( سعدالدین تفتازانی ) نك ( شرح مقاصد ) نامیلہ معروف و مدرسہ لریمزدہ حالا متداول اولان کتابنك برنجی قسمی یا لکنز جوہر و عرض مسئلہ سنی تدقیق ایچون یازلمش بر اثر در . بونلر ودها برچوق امثالی، مقولات عشرہ بختنك اسلام عالم عرفانندہ دخی نہ قدر اہمیتلہ تلقی ایدلمش اولدوغی کوستریر و ثائق معتبرہ در . فی الحقیقہ! کثر مباحث فلسفیہ مقولات مناقشہ سندن چیقارلمشدر؛

Catégorie هر مسئله آدیم باشنده بر، اعتراضات متقابله ایله، بر سوری مسائل تالییه تفرع ایدوب چاتالاندینی کی، اهمیتسز تفرعاندن دخی قیلی قیرق یارمق، سقولاستیق فلسفه سنجه اصول اقتضاسندن اولدوغی ایچون بو بحث قارما قاریشیق برحاله قونولوب براتیلمشدر. حالبوکه ارسطو کمال وضوح ایله مقولاتی بسط و تعریف ایتمشدی.

شرقده الک معروف مؤلفینک یالکز مقولات حقیقده ناصل دوشونمش اولدقارینه دائر بک مختصر بر فکر و پروب تفرعات مسائلی کلباً اهل ایده جکم. ذاتاً او تفصیلات ایچنده بوکون ایشه یارار هیچ برشی یوقدر. بزده الک اول نظر دقتی جلب ایدن جهت حکمای اسلام ایله متکلمین اهل سنتک فکرلری آره سنده کی فرقدرد. (بو تعییرلرک فرقی آ کلامق ایچون philosophie و théologie کله لرندن تفصیلاته باقیکنز: !)

حکمای مشرعین دخی - طبقی فلاسفه اسلام کی - جوهر و عرض تقسیم اساسی سنی عیناً قبول ایتشدردنر. یالکز اعراضی (qualités صفات) اولق اوزره تلقی و اوحییتله تقبیع ایدیورلرکه باقیلیرسه - ایلک نظردن - بونک بر محظوری یوقدر. مع مافیه اصل بویوزدن سقولاستیق اصولی تحکم ایدیور، و فلسفه، تمامیه الیهاتک تأثیراته رام اوله رق ماهیت حقیقیه سیله برابر استقلالنی ضایع ایدیور؛ چونکه بو صفات تقسیمی، آنجق الیهاتده معتبردر. مثلاً علوم و فلسفه ده قطعاً منظور دکلدرد؛ اولسه بیله علمده بوسبوتون باشقه بر حیثیه آ کلاسیلدینی ایچون بو کله نک الیهاتده ایقاع ایتدیکی مناقشاتک و تولید ایله دیکی مسائلک، علوم و فلسفه مباحثنده نظیری کوچ بولونور. آنجق (سقولاستیق) ده واردر؛ چونکه بو، ینه فلسفه شکننده الیهات دیمکدر.

مقولات بحثنده، شوسوبله دکلمه، بک صریح و کوزل بر مثال بوله بیلیرز. مثلاً (اشاعره les asharites)، اولاً جوهری آ یروب اعراضی صفات اوله رق نظر اعتباره آ یور؛ فقط صفاتی آنجق الیهاتده معتبر اولان معنای اصطلاحی سی ایله آ کایور. صوکره مسلسل متصل بر (تقسیم مثنی dichotomie) یا یور؛ (اعم universal) اولان صفاتی ایکی قسمه

آیبریور: بری (صفات ثبوتیه qualities positives)، دیکری ده Catéorie (صفات سلبیه qual. négatives) در . بو ایکنجی قسمی تماماً ترک ایدره رک صفات ثبوتیه یی ینسه ایکی به آیبریور: برینه (نفسیه) دیکرینه ده (معنویه) دیور . بوسفر صفات نفسیه یی بر اقیور، صفات معنویه یی بتکرار ایکی به تقسیم ایدیور؛ برنجی سنه (معلله) دیکرینه ده (غیر معلله) دیور . بوتقسیم عندی اولدوغی ایچون - بالطبع - فرق سائر طرفدن اعتراضاته هدف اولویور. (معتزله les mo'tazalites) صفاتی درده تقسیم ایدیور وصفانک ذات اوزرینه زائد اولوب اولمادیفی مسئله سی عظیم بر مناقشه قانی سی آچور . الی آخره! (بوصفات بحثک تفصیلی ایچون qualité کله سنه مراجعت ایدیکز ! .)

بوتون بومناقشاتده کوزهدیلن مقصد یکانه ، ذات باری نک شو مقولات عشره قادروسی ایچنه صوقوله بیلیمه سی منع ایتکدر .

شبهه یوقدرکه بومباحثک ومسائلک جمله سی ده الیهاته عائددر . ارسطونک مقولاتی ایسه ، معقولات ممکنه یی حصر وتصنیف ایده بیلیمک ایچون بر (اجناس عالیه قادروسی) ترتیب ایتکدن عبارت ایدی . بناء علیه متشرعین حکمانک الیه مقولات بحثی ، حیثیت حقیقیه سی ضایع ایدوب بوسبوتون باشقه برشی اولمش اولویور .

متکلمینک باشقه بر تقسیمی وار : بونلر - جوهردن صرف نظرله - بوتون اعراضی ، ایکی نوعه آیبریورلر: (اکر ذوی الحیاته اختصاص ایدرسه ، حیات، باشلیجه هر ضد و اوکا تابع اولان شیلر، هب عرضک انواعیدر . مثلاً ادراکات حواس ایله سائر قابلیتلر، فرضا علم، قدرت، ارادت، شهوت، نفرت، کراهت ودها بونک کیبی حیات ایله قائم و اوکا تابع اولان بر جوق احوال، هب بو قبیلنددر . [بناء علیه] مقولاتی اون قسمه حصر ایتک، شبهه سز باطلدر ! .] دیه حکم ایدیورلرکه بوملاحظه جدآمه مدر؛ وبوکون بیله مقولات بحثه تعلق ایدن مناقشاتده اساس (حصر دعواسی) در . هرکس اوکا بحق اعتراض ایتمش و - فی الحقیقه - بو خصوصده بر (تصنیف طبیعی classification naturelle) یابه بیلیمک احتمالی اولمادیفی ایچون

هر فیلسوف - کندی بکندی و جهله - بر مقولات قادروسی ترتیب ایده بيلمک قصديله ارسطويه بوقفه دن توجه اعتراضه قالدیشمش در، یعنی (حصر دعواسی) فی الک، موافق والک محق بر (وسيله pretexte) اتخاذ ایتشددر .

متکلمینک ایکنجی قسم حقنده، یعنی ذوی الحیاته مختص اولمایان امراض حقنده کی بیاناتی دخی شایان دقتدر . بوفرقة اربابی ایکنجی قسم امراض (اکوان) نامی ویریورکه بونلرده درت نوعه منحصردر: (حرکت)، (سکون) و (اجتماع) ایله (افتراق) در . بوتون حادثات مادیه بودرت تورلو احوال عمومیه داخلدر لر دیمک اولویور . حواس خمسک هر هانکی بریله واقع اولان ادراکات دخی بوایکنجی قسمه ادخال ایدیلیور و اوتقدیرده الوان، اصوات، رواج و طعوم و بونلره مماثل شیلر دخی بوصفده داخل امراضدن معدود اولمش اولویور . ذاتاً بو فکر لر دخی یونانی الاصلدر . الک اول (آمپدوقلس Ampédocle) بویه دوشونمشدی .

بسیقولوثری نقطه نظرندن باقیلنجه بک ابتدائی و ضروری اولان بو یا کلش ملاحظات اثبات ایدیورکه، طعوم والوان و اصوات کبی، (صرف انفسی purement subjectif) اولان حادثات روحیه خارجهده مستقلاً وجود ویرمک و اولنری (شیئی objectif) عد ایتمک سببیه بویه دوشونولویورمش که بوده بوسبوتون تشویش اذهانه بادی اولمشدر . اوزمانلره مناقشات فلسفیه نک الک بویوک بر محظوری ده هر هانکی بر بحث قسا حالده چاتاللانوب، چیغیرندن چیقماسی و نهایت - حل اولونه مایه جق درجهده - پریشان اولماسی ایدی . الی غیرالتهایه چاتاللانماسنه سببده بر طرفدن بوکیکی یا کلش ملاحظه لر، دیگر طرفندن فرقه منازلتنک الهام ایتدیکی غیرت رقابت ایدی . [scholastique تعبیرنده تفصیلاته باقیکنز :]

ارسطونک مقولات عشره سی عیناً قبول ایدن - بزده - حکماصنفی در، فقط اولنر بیه ترتیب اصلینسی تغییر ایده رک باشقه بر شکه صوقشلر در . هله شایان دقتدر که اکثر مدونات فلسفیهده استاد یونانی نک اسمی ذکر و تقدیر اولونور . (قاضی عضد)، کتابنده ایکنجی موقفنک مقصد ثالثی بوکا حصر ایدیور ویدیورکه : [حکما شواهب اولدیله که عرض

طوقوز مقوله به منحصر در ؛ وجواهرک جمله سی باشلی باشنه بر مقوله تشکیل  
ایدر . وبوصورتله - موجودات ممکنهك اجناس عالیه سی دیمك اولان -  
مقولات اون نوع اولاش اولور . ]

حکمای اسلام ( استقراء ناقص ) یولیه اجناس عالیه به پیوسته  
اوله بیلدیکمزی نظر دفته آله رق ( حصر دعواسی ) نی رد ایدیورلر :  
بوتون موجودات، یا خود ماهیات ممکنه نی بومقولات حصر ایده بیلورمی؟  
یعنی هپسینی قوجا قلا یوب احاطه ایده بیلورمی؟.. مقولات قادروسی خارجنده  
برشی قالیورمی ؟. قالیورمی ؟.. بوسو آلك اهمیتی ظاهر در !.. بزى، اولا  
بر ( قیاس مُقسّم dilemma ) دائره سنده محبوس بر اقیور : یا ( نهوت ! )  
یا ( خیر ! ) ده به بیله جکیز ! ( نهوت مقولات بالجمله ماهیات ممکنه نی  
حصر ایدیور !.. ) دیر یسهك ، ( استقراء ناقص ایله یابیلا ن ) تعمیم  
généralisation ( نتیجه سنده تلقی ایده بیلدیکمز ) کلیات universeaux )  
ناصل هر شیتی حصر ایدیایر ؟ ) دیه برسوال تعریضی به هدف اولیور زک  
پك محق در . ( خیر !. حصر ایده مز !. ) دیه جواب ویر بر سهك ( اوحالده  
مقولات عشره قادروسی مکمل واساسلی بر تصنیف دکادر !. ) ده بنلرک  
بوسوزنی تسلیم ایتک ضروری کورونور . بونی تسلیم ایدنجه هر فیلسوفک  
ایسته دیکی کیبی بر مقولات جدولی ترتیب ایتمه سنی ده پك محق کورمکلکمز  
لازمکایر . ایسته ( حصر دعواسی ) بودر . مقولاتك محصول استقرا  
اولدوغنده شبهه ایتمین متفکرین اسلام وحقی بالجمله حکمای سالفه، بالضروره  
بودعواده ( نقیباً négativement ) حکم ویر دکاری ایچون ارسطونک  
جدولنده تعدیلات اجراسنه - کندیلرنجه - صلاحیت کورمشلردر . نته کیم  
متأخرین ومعاصرین فلاسفهك همان هپسینی بوذ کرایتدیکم اسباب وملاحظاته  
بناءً ارسطویی تنقید ایتمشلر وایسته یکاری کیبی مقولات جدوللری یامشلردر .  
مع مافیه بومناقشه طولایسیله آچیلان حصر دعواسی، استقراء مسئله سنه  
صیقی صیقی به تعلق ایتدیکی جهته بر مهم بحثه دهامیدان ویریور : ( حقایق  
واجبه vérités nécessaires ) نك بالاستقرا کشف اولونه مایه جفی متفق  
علیه در . مادام که مقولات محصول استقرا در ؛ حقایق واجبه ارزیرنه



مستند بر تصنیف عدایدیله مزه. اویله اولونجده آنجق (اعتباری - conven- tionnelle) اولق لازمکلیر. ایشته بوملاحظه محقه ومهمه دن قوشقولانه رق بعضی حکمای اسلام، مقولاتی (اعتباری بر تقسیم) اولق درکه سندن قورتارمق ایسته مشلر. فلاسفه اسلامک الک بویوکی اولان (ابن سینا Avicenna) حصره قائل اولمش و (اعراض، نفی ایله اثبات بیننده دائراً منقسمدر!) ده بهرک بوادعاسنه دلیل کتیرمشدر. یعنی (مانعة الحلو مبدأی principe du tiers exclu) اوزرینه بوادعاسنی اسناد ایتمشدر. ایکی احتمالدن خالی اولمایان شیلر حقایق واجبه دن در. [principe تعمیرینه باقیکنز!] حالبوکه ینه فلاسفه اسلامک پک متعین سیالردن بری اولان (فخرالدین رازی Razès) حصری انکار ایتمشدی. کوره جکیز که مشهور قانت دخی، حقایق واجبه اوزرینه بر جدول مقولات ترتیب ایتک ایچون چوق دوشومش وبوسوتون باشقه بر تصنیف یامیشدر. آلمان فیلسوف مجددی ایله ابن سینانک نیتی بر در.

ابن سینا، اولارسطونک جدولنی اختصار ایده رک درده ایندیرمش، ویالکنز (جوهر)، (کم)، (کیف) و (نسبت) قبول ایتمشدر. بو تصنیف مختصر - بوندن برقاج صحیفه اول اسمی ذکر اولونان - (جیلبرتوس Gilbertus) ک کنک عینی در. [باقیکیز!]

حکمای اسلام، علی الا کثر بویه مختصر بر تقسیم اساسی قبول ایتدکن صوکره هر مقوله یی ینه بر چوق انواعه آبییریورلر ایدی. هر برینی آیری آیری تذکر و مناقشه ایدرکن، اوصنفه تعلق ایده بیلن بالجله مسائل تالیه دخی اوصیره ده موضوع بحث اولوردی که بو طرز تدقیقات، هر بحنک قسا حالده تشتت ایتمه سبه سبب اولمشدر.

حکمای اسلامه الک مهم مسائل فلسفیه ده معارض طاورانان و بناء علیه فلسفیات یونانیه نک عقاید دینییه و عرفان عربیه حلول ایتمه سبه شدتله سد چکمک ایسته یین مشرعین اهل سنت، بوراده ده دخی معارضه ایدوب بالخاصه حصر دعواسنه اهمیت ویرمشلر و اونی انکار ایتشلردی. مسئله آرتق بو وادی ده چالقلاندی کیتدی و بر چوق بخلره ده وجود ویردی.

قاضی نك «مواقف» نام كتابی كمال فطانت وكفایتله شرح ایدن ( سید Catégorie شریف جرجانی ) ، ابن سینا نك بوخصوصده کی مطالعاتی تنقید ایتدیکی صیرهده مقولاتك آنجق محصول استقرا اوله بیله جگنی اساسلی بر ( مدعا thèse ) اوله رق ایلری سورویور ؛ وپوتون بو مسئله حقنده وارد خاطر اولمش بولونان ملاحظاتی - برقاچ سوزله - شویله جه تلخیص ایدیور :

[ ... ] ای بیل که ممکناتک بو مقولاته انحصاری فلاسفه آره سنده مشهوراتنددر . اونلر اعتراف ایدیورلر که مقولاته وصول ایچون استقرادن باشقه یول یوقدر ؛ حالبوکه اوده آنجق بر ( ظن ضعیف ) افاده ایده بیلیر . [ یعنی استقراء ذهنی برحقیقت واجبه ایصال ایده من ! ] ؛ ایشه بوندن طولانی در که فلاسفه نك بعضلری اوکا مخالفت ایتدیلر ؛ ومقولاتی درده ارجاع ایتدیلر : جوهر ، کم ، کیف ونسبت که بوصوکره کی مقوله باقی یدی دانه سنی شامل اولویور . بعضلری دخی ( حرکت ) ی باشلی باشنه بر مقوله صایه رق ، مقولات بشدر ! دیدیلر . عرض اکر ( قار permanent ) ایسه ، [ یعنی دائماً برقرار ایسه ! ] او ( حرکت ) در . حالبوکه حرکت دخی یا باشقه برشیله برابر تعقل اولونه بیلیر ، که ایشه واضافت در ، نسبت در ؛ ویاخود غیره محتاج اولمابه رق تعقل اولونه بیلیر . او تقدیردهده یا ( لذاته en soi ) قسمتی اقتضا ایدر ، [ یعنی ماهیتی اعتباریه قابل انقسامدر ! ] اوده ( کمیت ) در . ویاخود قسمتی اقتضا ایتمز ، [ یعنی تقسیمه کلز ! ] اوده ( کیفیت ) در . بوخصوصده صراحت دخی وپردیلر که مقولات آنجق موجوداتک اجناس عالیه سی در ؛ بناء علیه امور عامه و اوندن غیری شیلر حقنده وارد اولان ( مفهومات اعتباریه notions conventionnelles ) مقولاتده داخل دکلدرلر ؛ ایستر ( مفهومات ثبوتیه notions positives ) دن اولسون ؛ ایستر مفهومات عدمیه notions négatives ) دن اولسون !.. ] الی آخره !..

الزاماً ذکر ایتدیکم شو سوزلر چوق معنادارددر . اولا ارسطونک اساسی قادروسی قبول ایتمکه برابر ترتیبات داخلیه سنی ناصل ده کیشدیردکلرینی کوروپورز واستاد یونانی به اتباع ایدن حکمای اسلامک بورادهده قالمایوب

Catégorie مقولاتك حيثيت معناسنى تعديله قدروارمش اولدولرني آكليورز. شوتدیرجه مقوله لر مفهوماتك دكل ياكيز موجودات حقيقه نك اجناس عاليه ي اولمش اولويور. او حالده قادرو، خيلي دن خيلي دارالمش بولونويور ؛ چونكه بر چوق معقولات ثانيه يي آليور ؛ احتوا ايدميور .

بوده بحثك يك اهميتلى بربرى در . قرون وسطايى - آلتى عصر بيهوده مناقشات ايله - اشغال ايدن مشهور (كلييات les universeaux) مسئله سنك طوغمغه حاضر لاندیغنى بزبوراده كوره بيلورزوحتى (اسميه nominalisme) مذهبنك ياواش ياواش ترسم ايدوب بريچيم آلمغه باشلادیغنى ده - اى دن اى - حسن ايدم بيلورز . ( بوايكى تعيره همه حال مراجعت ايديكيز ! )

بدهانتاً ثابت اولويوركه، اوسيره لرده بر چوق متفكرين - كه اهل سنت دخى عىنى ادعاده اولنرله برابر در - معقولات ثانيه يي ، يعنى خارجه ده موجودات مستقليه مناسب و تعالى اولمايان ( مفهومات صرفه notions pures ) يى ، ( حقايق ثابته vérités positives ) نوعدن صايمايه رق ( تصورات concepts ) قيلدن اولمق اوزره تلقى ايديورلردى . واقعا بوتورلو معقولاتى بيان ايدم بيلمك ايچون الفاظ مختصه واردى ؛ فقط - باشده اهل سنت ' اوله رق - بر چوق متفكرين او كيبى كله لر . ( ستماسز اسمر ) نظريه باقيورلردى . بناء عليه الفاظ مذكور نك بر حقيقت افاده ايدم بيلديكنه ايناميورلردى . اولنرجه حقيقت ، خارجه ده وجودى اولان شى ايدى . ( اسميه nominalisme ) اعتقادى ايسته اساساً بودر . بونك ( فلاطونى platonicien ) عقیده سینه طابان طابانه ضد اولدوغنى تعريفه حاجت يوقدر . [ تعبيرلره باقيكيز ! ]

( universeaux كلييات ) مناقشه سنك فلاطون وارسطو طرفدارلرى آره سنده ( كلييات خمس les cinq universeaux ) مذاكره سندن طوغدوغى ، تاريخ فلسفه جه ، محقق اولان وقايعدن در . بونك دخى مقولات ايله مناسبى آشكاردر ؛ چونكه كلييات ، مقولاتدن باشقه برشى دكلدر . ( حصر دعواى ) نك بو مجادله فكريه به سبيت ویرمش اولدوغى ده - هيچ شبهه كوتورمه يه جك درجه ده - بدیهی در .

Catégorie . بو بحثه دأثر بك چوق سوزلر واردركه بورايه نقلندن صرف ايتدم .  
 ذاتاً اعراضك حقايق ثابتة وموجودات مستقلة دن اولوب اولماديغي باشلى  
 باشنه بر مسئله غامضه تشكيل ايتمش واوزون اوزادى يه مناقشه لره ميدان  
 آچارق - يالكيز بو مبحثده بيله - خصوصى فرقه لرك ظهورينه سببيت  
 ورمشدى . قاضى عضد بونلرك باشليجه لرني ذكر ايديبور ؛ اعراضدن  
 بحث ايدن اوجونجي موقفك ( اثبات العرض ) دعواسنه تخصيص اولونان  
 ( مقصد رابع ) نده شو سوزلري سويلوبور :

( عرضك وعودني يالكيز ( ابن كيسان الاصح ) انكار ايتدى ؛  
 زيرا شو فكره ذاهب اولدى كه عالم ، كائيتي اعتباريله جواهر دن عبارتدر ؛  
 بناء عليه حرارت ، برودت ، لون ، ضيا وامثالي اونك عندنده عرض دكل ،  
 جوهر در . ( صاغير ابن كيسان ) ك بوادعاسنه قائل اولانلر ، يعنى عرضي  
 حقيقتاً موجود برشي ظن ايدنلر ، اونك كندى كندينه قائم اوله مايه جفنده  
 اتفاق ايتديلر . يالكيز ( ابو هذيل العلاف ) وبصريون دن اوكا اتباع ايدن  
 برشر ذمه قايله - كه شايد اهميت دكلدرلر . ( لايبالي باشنم !! ) - عرضك  
 بالذات قائم اوله بيلديكنه قناعت ايتديلر ... ] الى آخره ...

كورولوبور كه معتزله فرقه سنك مهد نشأتني وپاي تخت عرفاني اولان  
 ( بصره Bassora ) مدرسه سنك ، اكايلري كلن متفكرني اعراضه خارجده  
 وجود ويرمكه غليظ بر ( حقيقه réalisme ) مسلكنك تمللريني آتمش  
 اولوبورلردى . نته كيم بر آرزو كره ابو هذيلك شاكردى وائمه معتزله دن برى  
 اولان ( نظام ) ايله ( نيجار ) ، بو ( ره آيزم ) وادي سنده بوسبوتون  
 ايلري كيدهرك : ( الاجسام اعراض مجتمعة ! ) يعنى ( جسملر اعراض  
 مجتمعه دن عبارتدرلر ! ) ده يوب - عالم افكارده - عظيم برولوله قوبارمشلردى .  
 اهل سنت نامنه - كمال صلاحيت وحيثيله - مجاهده ايدن قاضى عضده ،  
 كنديسنجه بك غريب كورونن بوادعاي اطرافيله تحليل وتماميله رد ايتك  
 ايجون ، كتابنك دردنجي موقفده ، يعنى جوهر مقوله سنه حصر ايتديكي باب  
 مفصلك ( مقصد ثاني ) سنده تكرر موقع مذاكره يه قوييمشدر .

خلاصه ارسطونك بومقولات جدواني قبول ايدن واجمهين بالجمله فلاسفه

Catégorie اسلام و متکلمین بنه اوقادرویی-تصنیف ایچون-بک الویریشلی بولاش و بالفعل قبول ایتمش اولمالی درلرکه، بوتون مسائل فلسفیه بو قادرو داخلنه آلنهرق تبیع اولونمشدر. اولجه ده عرض ایتمش اولدوغم وجهله، مواقف ده منحصرأ الیهاتدن بحث ایدن آلتنجی موقف استئنا ایدیلرسه، هر هانکی بر مسئله فلسفیه یی مقولاتدن برینه متعلق اولان برباب و یافصل مخصوصه کوره بیلیرزه. قاضی، اولابن سینانک و (جیلبرتوس) ک تقسیمی ترجیح ایتمش و : (کم)، (کیف)، (نسبت) و (جوهر) اولوق اوزره باشلیجه درت نوع مقوله قبول ایدوب اعراضه و جوهره تعلق ایده بیلن مسائل فلسفیه یی تدقیق و مذاکره ایچون آیریجه برر موقف تعیین ایله مشدر. صوکره هر موقفی (مرصد) لره - یعنی نقطه نظره کوره بابله - و هر مرصدی ده برچوق (مقصد) لره آیر مشدرکه، بونلر نوعها فصللری تشکیل ایدر. ایشه اووقلر فرق متفکرین آره سنده منازعات فلسفیه یه وسیله ورن بوتون اومختلف فیه مسئله لر - برلی یرنجه - بو قادرو داخلنده بر ترتیب مخصوص اوزره مذاکره اولونمشدی.

اوترتیک، بوکون زمانمزجه معتبر اولان تصنیفه نه قدر اوپه مادیغی کوسترمک ایچون، خلاصه برفکر ویرمک فائده لی در؛ صانیم :  
اولا بالجه مسائل فلسفیه یه شمولی اوله بیان (امور عامه fait et notions générales) حقنده مفصل مذاکرات وار. بوراده (معلوماتک تقسیمی division des connaissances)، (وجود وعدم l'être et le néant) بحثلری، (ماهیت concept idée) ک (نفس وجود یعنی بالذات وارلق دن عبارت اولوب اولمادیغی)، و یا (وارلک بر جزئی) و یا خود (وجود اوزرینه زائد یعنی وارلق دن فضله و اوندن ماعدا برشی اولوب اولمادیغی)؛ (مجموع اولوب اولمادیغی) اوزون اوزادی یه مناقشه ایدلکدن باشقه (واجوب la nécessité)، (امکان la possibilité)، (la contingence) و (امتناع l'impossibilité) ایله، (وحدت l'unité) و (کثرت la pluralité)، (علت la cause) و (معلول l'effet)؛ (بسیط le simple) و (مركب le composé) بحثلری مذاکره ایدل مشدر.

بونی متعاقب اوچونجی موقفده بوتون اعراض تدقیق ایدلمشدر . *Catégorie*

اعراضك تعریفی، اثباتی؛ عرضك بر محلدن دیگر بر محله انتقال ایدمه مسی؛ دیگر بر عرضله قائم اوله مامسی؛ بر عرضك اینکی زماندهده باقی اوله ماماسی مسئله لری مناقشه ایدلدکدن صوکره، ( کم *quantité* ) بحثنده مقدار، عدد، زمان، مکان، موضوع مناقشه اولمشدر. صوکره ( کیفیات *qualités* ) قسمنه تعلق ایدن مناظرات کلبرکه اک مهمی بونلردر؛ چونکه کیفیاتك تعریف وتقسیمندن ماعدا ( محسوسات *les sensations* ) وانواعی، یعنی: ملموسات *sensations tactiles* )؛ ( مبصرات *sensations visuelles* ) ( مسموعات *sensations auditives* )؛ ( مدوقات *sensations gustatives* )؛ ( مشمومات *sensations olfactives* ) تدقیق ایدلمشدر. بوراده ( ضیائك کیفیت حصولی )، ایله برابر ( جهات ست )، ( الوان )، ( صوت و حروف )، ( حروفك تقسیمی )، ( ساکن ایله ابتدا ایتك نمکنمی دکلی؟ ) ودها بوکی برچوق مسئله لرله عائد مناقشات جریان ایدر. صوکره ( کیفیات نفسانیه ) فصلنده ( حیات *la vie* )، ( علم *la connais-* *sance* ) وتعریفی؛ ( بر علمك اینکی معلومه تعلق ایدوب ایدمه چیکی )؛ ( جهل، سهو، نسیان، جهل بسیط، جهل مرکب )؛ ( صـور عقلیه ك صور خارجیه دن ممتاز اولماسی ) - که تقدیرمه کوره بو فصلده اک زیاده قیمت فلسفیه نی حائز اولان بحثدر! - ( ادراک )؛ ( علم تفصیلی واجمالی )؛ ( بالقوه وبالفعل علم )؛ ( علم ضروری ونظری *la con. intuitive et* *la con. spéculative* ) نك یکدیگرینه منقلب اولوب اوله مایه چی؛ ( اراده *la volonté* )؛ ( قدرت *le pouvoir* )؛ ( اویقونك قدرته ضداولوب اولمادینی )؛ ( رؤیائك خیال باطل اولوب اولمادینی )؛ والی آخره، الی آخره!... دها بویه بر سورو مسائل متشته نك مذاکراتی ایچون میدان آچیلمش وبو مذاکره لر سقولاستیق اصوله کوره اجرا واداره ایدلمشدر. بوکون - آزیحق مکتب کورمش اولان - هرکس بیلیر که بو قدر متنوع وباشقه باشقه علملره متعلق بر آلائی ( مسائل شتی *questions diverses* )، عینی مقوله قادروسی داخلنه کیره مز. مثلا الوان وضیا وحرارت

مسئله‌لری ( فیزیق la physique ) یعنی حکمت طبیعیہ موضوعاتندن اولمقلہ برابر ، اولعلمک - آیری آیری - ایکی قسمنه منسوب بختلر تشکیل ایدر . ( صوت ) بحثده حکمتک بر اوچونجی قسمیلہ علاقہ دارد . فقط حروفک کیفیت تلفظی و مخرجلرینک تعیینی فیزیولوژی به عائد بر مسئلهدر . ادراک و مدرکات حواس ، رؤیانک خیال باطل اولوب اولماماسی ، ارادت ، قدرت کیبی شیر بوتون بسیقولوجینک موضوعاتندن در . لکن ( حیات ) بیولوژی مسئلهسیدر . ( عدد ، زمان ، مکان ، مقدار ) فلسفیات ریاضیهنک مباحث خاصه‌سندن در . مع مافیہ مابعدالطبیعیات دخی وحدت ، کثرت ، زمان ، مکان مسئلهلریله مشغول اولمقلده حائز صلاحیتدر . هله ( علت و معلول ) منحصرأ مابعدالطبیعیاتده مذاکره اولونور بر مهم بحثدر . حرکت و بوتون مسائل متفرعسی میخانیک علمنک دائره تبغنده داخلدر . ( وجوب امکان امتناع ) مسئلهلری اصالة فلسفه و تبعأده منطقده تدقیق اولونور . جسم و اوکا متعلق اولان مسئلهلر قسماً فیزیق ، قسماًده کیمیای مشغول ایدر . حالبوکه بزم اسلام سقولاستیقلری طرفندن ( اضافت ) مقوله‌سنه ادخال ایدیلرک آیرجه تدقیقه شایان کورولن ( الأبوت la paternité ) نامه هیچ بر شعبه علمیهده تذکر اولونور بر مسئله مهمه یوقدر . آنجق اخلاقده واجتماعیاتده بوکا دائر بعضی سوزلر اولورکه قطعاً مقولات بحثیلہ مناسبی یوقدر . نته کیم ( نسیان amnésie ) دیدیکمز حادثه روحیه آنجق ( بسیقوباتولوژی psycho-pathologie ) ده یعنی علم روح مرضیده تتبع اولونور بر حالدر . ( سهو erreur ) ایله اصل منطق مشغول اولور؛ چونکه شرائطی تعیین ایدن اودر . الی آخره ...!

مع مافیہ شعبات علومک - اوزمانلر - هنوز لایقیلہ تعیین ایدمه‌مسی سبیلہ ، انی بر ( تصنیف علوم classification des sciences ) یایله . ماماسنه عطف ایدلمک ایجاب ایدن بوتشوش - آرزوچوق - ضروری ایدی . ( classification تعیینه باقیکنز ! ) برکت ویرسین مقولات قادروسی ، مباحثاتده اساسی بر بلان اوله‌رق تلتی ایدلمشده مسائل فلسفیه بوسبوتون هرج و مرج اولمقدن قورقارلمشدر . مناقشه اثناسنده لایبالی و مناسبتمز

Catégorie بر سورو تعریضات متقابله ایله دالدن داله سه کدرک بحقی بوسبوتون چیغیرندن  
 چیقارمق ، سقولاستیق طرزینک ائ ایجه هنری اولدوغی ایچون موضوع  
 بحث اولان مسئله لر آرد سنده ده اوقدر تحف - وقولای قولای عقله کلز -  
 رابطه لر کشف اولونمشدرکه بوکون بزم تعقیب ایتدی کمز ( طریق تحقیق  
 méthode d'investigation ) ایله هیچ اومناسبتلره یول بولونه ماز .  
 ماهیتلری اعتباریله بوسبوتون مختلف اولان مسائل متشکله نی ، بویله کلیشی  
 کوزل مقولات قادرو لرینه طولدورمق خصوصنده بلکه بونک ده دخلی  
 اولمشدر . مع مافیه شایان دقت وسزاوار تحسین درکه بویله بر سورو  
 مسائل حقیقه ایله مسائل مجعوله و ( وهمیه imaginaire ) یی هرچ وصرح  
 ایدوب یوغورورکن فلاسفه اسلام ومتفکرین اهل سنت ( مبحث معرفت  
 épistémologie ) ک ائ مهم معمالرینی کشف وتعیین ایده بیلمشدر .  
 بو قاموسده یری کلدکجه اولنردن قیمتلی مثاللر عرض ایدلمشدر .  
 ( بالخاصه méthode , dialectique , scholastique تعبیرلرینه  
 باقیکنز ! )

بوتون بوبخندرد و عموماً فلسفیانده اهل سنتک ائ بویوک واساسلی  
 مقصدی ( واحب الوجود ) اولان برخالفک وارلقی اثبات ایچون ائ قوی  
 وقناعت بخش دلیللر کشف واقامه ایتک وخالقی خلقدن تمامیه آیره رق  
 بر موقع قدسیت وصمدانیتده طوتمق در . [ بونک الاهیات وفلسفیانده اهمیتینی  
 آ کلامق ایچون immanent و transcendent تعبیرلرینه باقیکنز ! ]  
 اوسیلله اولسه کر کدرکه برچوق فرقه لر کیی ، اهل سنت دخی - آز  
 جوق تعدیلات ایله - اعراضی وجوهی تسلیم وانبات ایتکله برابر ،  
 جوهری ، ( کرک روح وکرکه ماده نوعندن اولسون ! ) مخلوقاتدن عد  
 ایتدیکی ایچون ، هرشیئک مبدأ ومعادی وکائنات وحادثاتک علت قیامی  
 اوله رق تلقی ایده ممش واللہی مقولانک ، حتی عقل وادرا کک فوقده برحقیقت  
 طائیش واوکا اینانمشدر . ( حق تعالی vérité transcendente ) ، ایشته  
 بونکته نی متضمن بر تعبیر مشهوردر .



بو اعتقاد یالکزر اهل سنته خاص دکلدر . بوتون ( فلاطونی لر  
 les néoplatonistes ) و ( آغنوستیق ) لر هپ بو فکرده در .  
 [ agnosticisme ] تمیرینه باقیکز ! ] بو مقالده برآز اول اسمی ذکر  
 اولونان ( سقوط نریمین Scott Erigène ) دخی عینی اعتقادی صراحتاً  
 بیان ایتشدی . ریاضیون وفلاسفه اسلامک کزیده لرندن اولان ( خواجه  
 نصیرالدین طوسی ) نك برشعربی ( جلال دوانی ) نقل ایدیورکه تصنیف  
 مقولات بختنده برقیمتلی وثیقه در ؛ وطبق ( سقوط نریمین ) ك اعتقادینه  
 بکزره ، یالکزر جوهرك تقسیمی براز فرقلی در !.. باقیکز :

موجود ، منقسم بدو قسمت نزد عقل :  
 یا واجب الوجود ، و یا ممکن الوجود .  
 ممکن ، دو قسم کشت یقین : جوهر و عرض .  
 جوهر به پنج قسم شد ای ناظم عقود :  
 جسم و دو اصل اوکه هیولی و صورتند ،  
 پس نفس و عقل ؛ این همه را یاد گیرزود ! .  
 نه کشت باز جنس عرض ، این دقیقه را  
 اندر خیال نظم ، بمن ، عقل می نمود .  
 کم است و کیف و این ومتی والمضاف و وضع  
 پس یفعل است و ینفعل و ملک ، ای ودود ! .  
 اجناس کائنات ، مقولات عشر شد ،  
 فی کشت کم ازین ، نه براین دیکری فزود .  
 پس واجب الوجود ، ازین ده منزّهست ؛  
 کوبود پیش ازان که ، ازینها یکی نبود ! ..

یعنی خواجه نصیر طوسی دیورکه :

[ وار اولان شی - عقل عندنده - ایکی قسمه منقسمدر : یا واجب -  
 الوجود ، یا ممکن الوجود اوله بیایر . ممکن الوجود اولان شی دخی - یقیناً -  
 ایکی قسمدر : جوهر و عرض !.. جوهرده بش قسم اولور : اولاً جسم ،

صوکره اونک ایکی اصلی یعنی رکئی که هیولا ایله صورتدر ؛ اوندن ماعدا *Catégorie* نفس وعقل کلیر . بونلری ده چابوجاق اذربله !. خاطرکده طوت !. . جنس عرض دخی آریجه طوقوزدر . بودقیقہنی بکا عقل ، خیال نظم ایچنده کوستردی . انواع اعراض بونلردر : کم، کیف، این، متی، اضافت، وضع، فعل ، انفعال و ملک در . ( ایشته بو ترتیب اوزره ) ، کائناتک اجناسی ( یعنی موجود اولان شیلرک جنسلری ) اون مقوله اولمش اولدی ؛ نه بوندن آذر ؛ نه ده اوندن بردانه زیاده در . ایمدی، واجب الوجود بر اون مقوله دن منزه در ؛ ( یعنی صیولمشدر، و کسوه یه کیرمز ) ؛ او واجب الوجود که بونلردن هیچ بری یوق ایکن، واردی . ]

بو قوجه فیلسوف ایرانی نک (تعلیمی *didactique*) بر مقصدله وجوده کتیرمش اولدوغی شو منظومه ده تماميله ارسطونک تقسیم مشهوری اساس اولقله برابر (جوهر تقسیمی) شایان دقتدر . جوهر بالذات قائم اولان شیئه دیرلر که اعراضه نسبتله محل حوادثدر، یعنی حادثاتک وقوعنده نقطه استناددر . جسم، عقل ( هیچ اولمازسه عقل فعال *intellect actif* ) نفس ( هیچ اولمازسه انسانده نفس ناطقه *l'âme rationelle* و کائناتده نفوس فلکیه ) و هر موجود مادی نک مابۀ اصلی سنی، حامورینی تشکیل ایدن هیولی حقیقده جوهر اطلاقی صحیحدر ؛ لکن صورت مسئله سنی استاد یونانی براز باشقه تورلو آکلاردی صانیورم . ( *forme et matière* تعبیرنده ایضاحاته باقیکنز .! ]

بو نقطه زیاده سیله اهمیتلی در ؛ چونکه شکل، مستقلاً موجوده، یعنی جوهر اولق اوزره قبول ایدیلیرسه، او وقت افلاطونک مذهبیه برخطومه آطلانئش اولور . زیرا افلاطونک ماهیاتی مستقلاً قائم و دائم بر طاقم صور کایه دن باشقه برشیلر دکلددر . حالبوکه ارسطو ماهیاتک وجودینی انکار ورد و ابطال ایتمک ایچون بر عمر صرف ایتمشدر .

کَرَک اسلام، کَرَک خرسَتیان عالمنده همان هر متفکر مقولاتدن بحث ایتمش وینه ارسطو قادرو سنی اعتباردن دوشورده مشدر . بونلرک جمله سنی ذکره حاجت یوق . دور انتباه فیلسوفلرینه کجه بیلیرز . یالکیز بو بحثک

Catégorie- نه صورتله کلیات مناقشه‌سنه وجود ویرمش اولدوغنی تحقیق ایتک، تاریخ فلسفه نقطه نظرندن يك قیمتی بر تبیع در . ( universaux ) تعیرنده بو جهته باقیکنز ! ]

تاریخ فلسفه‌ده دور انتباهك فاتحلری و بی اصد-ولك مروجلری ( بهی قن Bacon ) ایله ( د-قارت Descartes ) در . [ بوجددلرك افكار طالعده خدمت فوق‌العاده‌لری methode, induction و expérience کلمهلرنده تماميله ایضاح ایدلشدرد ؛ باقیکنز ! ]

( بهی قن ) ، سقولاستیقلرك مفهومات کلیه‌سنی ( مرکب composé ) اولدوغنی ایچون ردایدییور و اوکیبی مفهوماتك بسیط اولماسی لزومنه اینانیور. حتی اولنری حروفاته بکزه‌تیورکه غایت بسیط ومعدود بر طاقم اشارات اولدقلری حالده نامعدود ترکیانه مساعد بولونه‌رق هر شیئی بیان وتبلیغه کفایت کوسترییورلر .

بوانکلز فیلسوفی نظرنده مقولات شونلردر : ( بویوك maius ) ، ( کوچوك minus ) ، ( کثرت multum ) ، ( قلت paucum ) ؛ ( عین idem ) ، ( غیر diversum ) ؛ ( قوه potentia ) ؛ ( فعل actus ) ، ( ملك habitus ) ، ( ضیاع ملك privatio ) ؛ ( کل totum ) ، ( اجزا partes ) ؛ ( فاعل agens ) ، ( منفعل patiens ) ؛ ( حرکت motus ) ، ( سکون quies ) ؛ ( وجود ens ) ، ( عدم non ens ) .

( جون لوق John Locke ) یالکز ( جوهر substance ) ، ( تطورات وجود modes ) و ( اضافت relation ) قبول ایدمرك مقولاتی اوچه ایندیردی واصابت ایتدی. ( سینوزا Spinoza ) ده عینی فکرمده در. ده‌قارتك ( افکار وهیه idées innées ) سی شدتله رد ایدن بو انکلز فیلسوفی مقولاتی هرکس کی آ کلامیوردی : قوای ذهنیه‌ك فعالیت مشترک‌سی نتیجه‌سنده - بالتجربه طوغمش وبالاستقرا حاصل اولمش - مفهوماتدن عد ایدیور ایدی . بناءً عایه بو کلیات، برطاقم ( امور خارجه faits extrinsèques ) به تعلق ایتمکله برابر هیچ بر حقیقت نابتیه، هیچ

برشینه دلالت ایدمه‌ین ( مفهومات خالیه ) دن عبارت اولوق لازمه‌کلوردی .  
 بوا دعا ( اسمیه nominaliste ) طرفدارلرینک اعتقادینی صریح برلسان ایله  
 سوبلویور . ( بوتعمیراته و rationalisme , idée کلمه‌لرینه باقیکنز ! )  
 بوتون آنارخی فرانسزجه یازان آلمان فیلسوف مشهوری ( لایبنیچ  
 Leibnitz ) ، آنجق بش نوع مقولات قبول ایدیور واونلره ( بش عمومی  
 عنوان cinq titres généraux ) نامی وریسوردی که شونلردر :  
 ( جواهر substances ) ، ( کمیات quantités ) ، ( کیفیتات qualités ) ،  
 ( افعال و یا انفعالات actions ou passions ) و ( اضافات relations ) .  
 لایبنیچک بونلری عمومی عنوانلر کیی تلقی ایتمش اولماسی پک فطینانه بر  
 دوشونوشدر . بوتصنیفاتک ترتیب اشیایه توافقی امرنده ذهنی اذعاج ایدن  
 برقطه اولماسه‌یدی ، بوتعمیرف ، مسئله‌نک ماهیتی حل ایتمش بولونوردی .  
 اوزمانک بلکه اک بویوک فیلسوفی وهله اک مخرب منقده‌دی اولان  
 ( هیوم D. Hume ) ، لوقک بولنی طوتدی . فقط اونک ملاحظاتی  
 کندی . سلکنه کوره تصحیح ایتدی . او آنجق ( جوهریت substantialité )  
 ایله ( سبیت causalité ) دن عبارت اولوق اوزره باشلیجه ایکی مقوله قبول  
 ایدیوردی . لوق ، مقولاتک محصول تجربه اولدوغنی وخارجده برحقیقت  
 ثابتیه دلالت ایدمه‌جکنی ادعا ایتشدی . ( هیوم ) ، ده ایلری کتندی :  
 اونلر ( صرف انفسی purement subjective ) و ( pseudo-empirique )  
 یعنی ( تدریی الاصل کورونورده دکل ! ) فقط ( اعتیادات ذهنیه habitudes  
 mentales ) یه مستقد بر طاقم بوش فکرلردر ؛ اونلر آنجق ( تداعی  
 association ) محصولی در . بناء علیه نه عقلدن ، نه ده تجربه‌دن کلشدر ؛  
 یالکنز تداعی افکار سبیله ( مخیله fantaisie ) دن طوغمشدر ؛ دیدی .  
 [ مابعدالطبیعیاتک تملی جوورتن بوا دعانک اهمیتی تقدیر ایدمه‌یلمک ایچون  
 association و criticisme métaphysique تعییرلرنده تفصیلاته باقیکنز ! ]  
 بوا دعا ، عالم هرفانه عظیم تلاش ویردی ؛ هیومک علیه‌اولا ( سقوجیا  
 مدرسه‌سی l'école écossaise ) ( بوتعمیره باقیکنز ! ) خروج ایتدی .  
 مقولاتک تجربه‌دن کلمه‌یه جکنی ادعا ایدمه‌رک ، آنجق ( عاقله entendement ) دن

Catégorie، طوغدیغنی والا اساسلی و قیمتلی فکر لر مزی تشکیل ایتدیکنی اثباته جالیشدی.

هنوز آلمانیه هجرت ایدوب (کونیسبرغ Koenigsberg) شهرنده  
یرلشمش بر سقوچ حائله سندن طوغان آلمان فیلسوف داهیمی (قانت)،  
طوغرودن طوغرویه (سقوچ مدرسه سی) ندن متأثر اولدی. ذاتاً  
— کندی اعترافجه — هیومک تنقیدات مخربه سی اویقوسنی قاجیرمشدی.  
اویلسوفک صدمه سیله ییقیلان مبنای مابعدالطبیعیاتی، یکی دن انشا ایتک  
ایچون صاغلام بر زمین و متین اساسلر آریوردی. زمان حقیقتاً تنقید  
دوری ایدی؛ قانت، هیومک اصول تنقیدنی بک بکنیور یالکیز، نتیجه ده  
هریشنی ییغوب مابعدالطبیعیاتی هیچه چیقارماسدن نورکویور و بوتیجه دن  
نفرت ایدیوردی. یوقسه کندیمی ده، تنقیدایله ایشه باشلامنی موافق کورمش  
حتی بونی (اصول) بیله انخاذایتشدی که اوندن طولانی مسلکته (تنقیده  
criticisme) دیرلر. (بوتعیره بائیکیز!)

قانت (عقل صرفی تنقید Critique de la Raison Pure) نامیله  
الکهم اثرینی اورطیه قویدی و اوکتابده (تدرییه empirisme) اصولنی  
رد ایتدکن ماعدا جدیدله مدافعه قویولدی. (موادعلمیه la matière  
de la connaissance) مزک آنجق تجربه سایه سنده اقتطاف ایدیله بیلدیکنی،  
حتی هر حقیقتک تجربه ایله انکشاف و تحق ایدم بیلدیکنی ادعادن چکینمیدی.  
فقط تجربه یی اداره ایتک و محصولاتی ترتیه قویه بیلیمک ایچون هر تجربه یه  
متقدم بعضی (مبادی معقوله) یه مالک بولوندوغمیزی ده شدتله مدافعه ده  
مُصّر طاویراندی. واقعا بو (مبادی قبله principes apriori)  
معلوماتمکزک آنجق (صوراساسیه formes fondamentales) سنی تشکیل  
ایدیور؛ لکن اونلر اولمادجه هیچر نوع تجربه یامغه امکان بولونه مادقندن  
ماعدا، بزه — پراکنده و معاسز بر صورتده — حواسمزدن وارد اولان افکاره  
بر ترتیب و بر معنا و بر مک ایچون ده احتمال قالماز. دیمشدی. (rationa-  
empirisme, apriori lisme) تعیرلرینه بائیکیز!

قانت نظرنده مقولات، ایشه معلوماتمکزک (اشکال اساسیه) سندن باشقه  
بر شیلر دکلدیر. اشکال معلومات دخی (تحدس intuition) و پاخود

**Catégorie** (فکر penser) . کوره ایکی قسم اوزره اوله بیلیر . چونکه بز بعضی معلوماًتمزی بالتحدس تلقی ایده رزه بونده ( نظر speculation ) یوقدر ؛ دوشونجه یوقدر . بعضارینی ده آنجق فکر ونظرله کشف واستحصال ایده بیلیرز . ( تحسک اشکالی les formes de l'intuition ) ، ( زمان ایله مکان sensibilité ) ( حساسیت باطنیه le temps et l'espace ) در . زمان ، ( حساسیت باطنیه interne ) مزک اشکلی در . یعنی ایچمزدن کان طویغولرک جمله سی ده زمان حسنی وریرز . زمان ظرقده واقع اولور . زماندن خارج هیچ برحس باطنی اوله ماز . مکان دخی ( حساسیت خارجیه sensibilité externe ) مزک اشکلی در . عالم خارجیدن کان طویغولر مزک جمله سی ده مکان حسنی وریر . مکان ظرقده وقوعه کلیر . تحدسی اولان علممز بویکی مقوله ده داخلدر . قانت ، بو بحثی ، کتساب مشهورینک ( esthétique transcendente ) قسمنده تفصیل ایتشدرد . ( تفصیلات ایچون esthétique کله سنک ذیلنه باقیکز ! )

فکر محصولی اولان معلوماًتمزک اشکالی ده ( منطق متعالی Logique transcendente ) ده تذکر ومطالعاه ایتشدرد که بونلر دخی اون ایکی مقوله دن عبارتدر ؛ و بوتون ( محاکات jugements ) مز مقولات مذکورده دن برینه - بهمه حال - منسوبدر . یعنی اولنردن برینک شکلنده در . بونلر اولادرت بویوک صنف تشکیل ایدر که هربری اوچ مقوله بی شاملدر : برنجی صنف : ( کمیت = quantité ) در . بوجنسدن اولان اوچ مقوله دخی : ( وحدت = einheit ) ، ( کثرت = vielheit ) و ( کلیت = allheit ) در .

ایکنجی صنف : ( کیفیت = qualität ) در . بوده شو اوچ مقوله بی شاملدر : ( حقیقت آفاقه ، یعنی وارلق = realität ) ، ( سلب ، یوقلق = negation ) ، ( محدودیت = limitation ) در .

اوجونجی صنف : ( اضافت = relation ) در . بوتک مقولاتی ده : ( جوهریت = substantialität ) ، ( علّیت = causalität ) و ( مناسبات متقابله = Wechselwirkung ) در .

دردنچی صنف : ( ضرب = modalität ) در. كذلك اوج مقوله‌ی  
جامع در. ( امکان = möglichkeit )، ( حایث = wirklichkeit )،  
( وجوب = nothwendigkeit ) .

قانتك ادعاسنجہ، بومقولاتك حقایق اشیایہ هیچ بروجهله تعلق ومناسبتی  
یوقدر . بونلر آنجق تحدساتمرك ومحا كاتمرك آلہ بیلدیكى اشكال عمومیه در.  
كرك طویغولرمز، كركسه دوشونجهلرمز بو شكللره موافقتله مقیددر .  
مقولات خارجده حس وتفكر ایتك امکانی یوقدر . ایشته بوسبیلهدركه  
وجود مطلق بیلیمك وتصور ایتك انسان ایچون ممنوع در، چونكه عقل  
- محاكاتك اشكالی تعیین ایدن - بوحدودك خارجنه چیقوبده بر حکم  
ویره مز . ویردیمی ؟. وجود مطابق تعیین ایتش اولور .

قانتك ادعاسنجہ : مادامكه بومقولات آنجق تحدساتمرك وتفكرمرك  
- امکان دائرہ سنده - آلہ بیلہ جکی اشكال عمومیه در ؛ اریله اولونجه بزم  
ایچون علم آنجق ( حادثات = phénomènes ) نوعندن اوله بیلیر . حادثاتی  
دوش-ونه بیلیمك ایچونده بومقولات ظرفده ادراك ایتكدن باشقه امکان  
یوقدر . طویغولرمز، زمان ومكان خارجده اوله ماز. دوشونجهلرمز دخی،  
یوقاریده جدولی عرض ایتدیكم، مقولات خارجده اوله ماز. شو تقدیرجه  
( مقولات ) ك حقایق اشیایه قطعاً وقاطبە برمناسبتی یوقدر . مادامكه  
بوحدود خارجنه چیقوبده حس ایدم بیلیمك ودوشونه بیلیمك، بز انسانلر  
ایچون براصر ممنوع در، هیچ شبهه قالیوركه انسان ایچون وجود مطابق ادراك  
ویا تصور ایتك محال در . وجود مطلق بزم جدول مقولاتمزه یعنی قید  
تصوره کیره مز. بز دخی - محاكاتمرك صوراساسیه وفطریه سنی تعیین ایدن -  
مقولات قیدنن قور تولوبده دوشونه مه بزم. هیچ بروجهله وجود مطلقه عقلمزی  
ایصال ایدم بیلہ جك بریول یوقدر. بناء علیه کیمسه بوحدود فکریه خارجنه  
چیقوبده بر حکم ویره مز. ویردیمی ؟. یا ککشددر . او، ( نسبی = relatif )  
بر حکمدر. وجود مطلقه قبل تطبیق دکلددر. اونك ایچوندرکه بوخصوصده  
ویریلن حکملر هب برنوع ضلالت منطقیه نتیجه سی در : برر ( سفسطه  
sophisme ) در .

Catégorie کورولویورکه قانت مقولاتی بر طاقم انواعه آیریور و جمله سنی ده - هر تورو  
 تجارب ممکنهیه متقدم ومنحصراً ماهیت ذهنیه مزدن منبعث - بر طاقم  
 مفهومات کلیهیه ارجاع ایدیور. بونلر ذاتاً و فطرتاً اضافی اولان معلوماتمترك  
 حدودینی تشکیل ایدر ، و تماماً ( دوری formel ) بر طرز تحسس ویا  
 تفکر دره. نوعاً ایچی بوش قالب لردرکه بزجه ادراکی ممکن اولان احساسات  
 و افکار، او قالب لرك ایچنده طوغار و - بهمه حال - شکلی آلیر . ایشته قانتك  
 بو نظریه سنه ، اوسبیله ( صوریه formalisme ) دخی ده نیلده شدیر .  
 [ agnosticisme, relativité و formalisme تعیرلرینه باقیکنز ! ]  
 مقولات ، آنجق محاکمه ترك اشکال ممکنه سی اولونجه البته ( انفسی  
 subjectif ) درلر . ایشانك اشکال ذاتیه سنی دکل، یالکنز بزم نه طرز لرده،  
 نه طور لرده حس ایده بیلدیکمزی و دوشونه بیلدیکمزی کوستیر .  
 بو آلمان فیلسوف مجددی اوقطه نظر دخی بر جدول ترتیب ایتشدیرکه  
 قضایای منطقیه نك آله بیله چکی اشکال عمومی نی کوستیر .  
 [ صور محاکمه نك جدولی = Table des formes du jugement ]  
 (۱) [ کیت اعتباریه ] : بر قضیه ( مفرده = singulière ) ، ( کلیه =  
 générale ) ، ( خصوصییه = particulière ) اوله بیلیر .  
 (۲) [ کیفیت اعتباریه ] : ( موجبیه = affirmative ) ، ( سالبه =  
 négative ) ، ( مبهمه = indéfinie ) ؛  
 (۳) [ اضافت اعتباریه ] : ( حمله = catégorique ) ، ( شرطیه =  
 hypothétique ) ، ( منفصله = disjonctive ) ؛  
 (۴) [ ضرب اعتباریه ] ده : ( ممکنه = problématique ) ،  
 ( ضرورییه مطلقه یعنی قضیه عقلیه = apodictique ) ، ( مطلقه عامه  
 یعنی قضیه حسیه = assertorique ) اوله بیلیر .  
 کورولویورکه قانتك مقولات تصنیفی ( اصولی systématique ) دره،  
 و فلسفه سنده يك مهم و اساسلی بر موقع اشغال ایدر . حتی ( فیزیق  
 physique ) ی ( فیزییات physiologie ) اساسلرینه بنایده دك بر دیگر  
 جدول ده ترتیب ایتشدیرکه اوده شودر :



(۱) [ توحسك، یعنی احساساتك متعارفولری - axiomes de l'intui-

. [ tion ( sensible )

(۲) [ سابقه ادراك anticipation de la perception ] .

(۳) [ مماثلات تجربه analogies de l'expérience ] .

(۴) [ باجملة افكار تدریبهك موضوعاتی postulats de toute

. [ pensée empirique

[ آیری آیری تفصیلات ایچون بوتون بوتعیراته و proposition ایله

analogie کله لرینه باقیکنز .! ]

( تنقید عقل عملی ) نام اثرنده (مقولات اعمال) نامنده بر جدول دیگر

ترتیب ایتمشدر . الخ .!

قانت حقنده هررض ایتمش اولدوغم شو مطالعات مختصره دن بر جوق

نتایج مهمه استخراج ایده بیلیرز. اولاشوراسی شایان دقتدرکه (هلوئیوس) .

کلنجیه قدر همان بوتون اسلاف حکما (مقولات) دیدیکمز مفهومات کلیهك

محصول استقرآت اولدوغنی ادا ایتمشدر بوتون موجودات ممکنهك بو

قادروداخلنه صیغه مایه جفته قناعت کتیرمشلردی؛ یعنی ( حصر دعواسی ) نی

انکار ایتمشدردی که اوایله دوشوندکدن صوکره بویله برقرار ویریش طبعی

و منطقی در . بودوشونوش دخی ( منشأ علم ) بحثنده ( تدریبه ) مسلکینه

- بالضروره - طرفدارانی مستلزمدر. (اسباب علم moyens de connaissance)

بحثنده آنجق ( احساسیه sensualisme ) مذهبی ایله اوپوشه بیلیر.

ثانیاً بو حصر دعواسی مناسبیتله ابن سینانك ناصل بر طور آلدیغنی

و ( اعراضك نفی ایله اثبات ییتنده دائر ) اولدوغنی ادا ایدهك مسئلهینی

قطعیاً حل ایتمك ایسته-دیکنی کوردك ایدی . یعنی مقولاتك بوتون موجودات

ممکنهینی شامل و محیط بولوندوغنی - بحق - ادا ایده بیلیمك ایچون اومفهومات

کلیهك استقرای ناقص محمولی اولمایوب ( مبادی عقل صرف les principes

de la raison pure ) اوزرینه استناد ایتدیکنه قانع اولمشدی که بوده

( عقلیه rationalisme ) اعتقادینك دستوریدر ، اسباب و منشأ علم بحثنده

( احساسیه ) مذهبی ایله اصلاً ائتلاف ایده مز .

ابن سینانك بحث ایدرکن قانت ایله بو خصوصده برقرایت فکریه عرض

**Catégorie** ایتدیکنی اشارتاً سویله مشدم . شیمدی کورو یورسکز که بویه بر قرابت واردر ؛ و قانت بالطبع دها اطرافلی و اساسلی بر صورتده بومستله نی تحقیق ایتمشدر . فقط ، حقیقت حالده ابن سینانک نیتی و مسلکی ایله او آلمان فیلسوفی نیک کی آرهنده ماهیتاً فرق یوقدر ؛ هر نه قدر قانتک بو خصوصده کی مطالعاتی ( منسجم coordonné ) و مکمل بر سیستم تشکیل ایدیورسده یه ایکی اساس اوزرینه مستدر که ابن سینا دخی دعواسنی او اساسات اوزرینه بنا ایتمشدی . برسی مقولانک ( معقولات صرفه ) دن اولماسی ، دیکری دخی تصورات ممکنه نیک جمله سنی احاطه ایده بیلمه سی در . یالکیز قانت ، بو فکره اوقدر وسعت و قیمت و برمشدر که فلسفه سنک اساسلرندن برنی تشکیل ایدر . ( transcendentalisme تعیرینه باقیکز . )

بورایه کلنجه ، مسئله نیک تاریخچه تکاملی اثبات ایدیور که اوتدنبیری ( تدریبون les empiristes ) ک سیاق نظری معتبر ایکن قانتک ظهوری ایله ( عقلیون les rationalistes ) تأمین تفوق ایدیور . براز سوکره کوره جکز که ( میل Mill ) و ( سنسر Spencer ) و دها بعضی فلاسفه متأخرین ، قانتک مسلکی اعتباردن دوشوروب ( تدریبون ) حسابنه اوضراشورور و بتکرار غلبه چالورلر .

مع مافیه هر نه اولورسه اولسون - ایستریاکش ایسترتو غرو دوشونمش اولسون - قانت اذهان متفکرینه شدتله تأثیر ایدن و درین ایزلر بر اقان اعظم فلاسفه دن بریدر . اونک ایچوندر که بو آدمک ظهوریه فلسفیات بللی باشلی بر جریان آلمش و حالا اوجریانک قوتی دیمه مشدر . تعقیب ایتدیکی وادی قوروماشدر .

بوفیلسوفک پرولری و طرفدارلری پک چوقدر . جمله سنک بومستله ده فاصل دوشونوب ، نه سویله مش اولدقلرینی بورایه یکان یکان نقل ایتمک لزوم یوقدر . بو خصوصده کمال اهمیتله بیان رأی ایدنلرک یالکیز اسملرینی صایغه قالدیشمق صحیفه لر طولدورور . آرهنده شایان نظر مشاهیرلر و مایتنلر اولمقله برابر ، بوتون بو مقولات مناقشه سنک اساسی بر ایکی ادعایه منجر اولور: بو کلیات عجبا وارلنک ( صور ممکنه formes possibles ) سنی می

Catégorie کوستریر ؟ . یوقسه محاکمه مركز اشكال ممکنه سی می در ؟ .. یاخود عقلك

( مفهومات اساسیه concepts fondamentaux ) سی می در ؟ .. ویاخود منحصرأ لسانك برر طریزبانی می در ؟ .. دیه دوشونوله بیلیرکه ، بو تقدیرده مقولات ، ماهیتلرینه نظراً ملاحظه ایدلمش اولور . برده ( مقولات تجربه محصولی می در ؟ . یوقسه عقل صرفدن منبعث حقایق نظریه دن می در ؟ .. ) دیه دوشونوله بیلیرکه بو تقدیرده دخی بونوع مفهومات ، ( منشألرینه نظراً quant à leur origine ) ملاحظه ایدلمش دیمکدر . بو سؤألره مختلف جوابلر ویریه بیلیمه سی یوزندن مسالك مختلفه وجوده کلمشدر . بوتون بو دعوالرك ، منشأده ارسطونك بوخصوصده مبهم قالان ملاحظاتی در .

قانتك مذهب فلسفیسنی تحدید و احیا ایتك غیرتیله ( تنقیده متجدده néo criticisme ) مسالكنی تأسیس ایدن فرانسز فیلسوف معاصری متوفی ( رنوویه Renouvier ) نكده مختصرأ فکرینی نقل وجدوانی عرض ایتدکدن صوکره ، تدریبه اعتقادیی ترجیح و تصویب ایدن متفکرین زمانه نك معالعاتی بسط و مقایسه ایده رك بو بحثه نهایت ویره جکم .

( رنوویه ) ، ( بی مونادولوژی nouvelle monadologie ) نامیله معروف اثرنده مقولاتی شو صورتله تعریف ایدیور : [ اولر برطاقم ( مفهومات مجردة notions abstraites ) درکه عمومی اضافتلی بیان ایدر . ( مدرکات حسیه ) ، شکلرینی مفهومات مذکورده دن استعاره ایدرلر . كرك محسوساتمز ، كركه او محسوساته قابل تطبیق اولان محاکمز او مقولاته ( تابع assujetties ) درلر ، چونكه مقولاته ، اولرك ( شروط استحضار conditions de représentation ) ی در . ] یعنی كرك محسوساتمز بر معنا ویرمك كركه او طویقولر مزه تطبیق ایده جكمز محاکمه ذهنزده صورت ویره بیلیمك ایچون مقولاته اتباعأ دوشونمك برنجی شرطدر ؛ ساء علیه ضروریدر ؟ دیمك ایستیور .

مقولاتی مفهومات مجردده دن عد ایتك ، تدریسیون ادعاسنه یاقین در ؟ اوندن آشانی سی قانتك فکرلری در .

رنوویه نك اعتقادنجه ( اضافت relation ) اساس در . ( مقولاته المقولات

Catégorie ( la catégorie des catégories ) در . ماباقیسی ، هپ اضافتک ( ضروب مختلفه modes divers ) -ی در؛ ضروب مذکورہ نک هریری بر ( عینیت identité ) ایله بر ( فرق différence ) تضمن ایدر ؛ هر مقوله، بو ایکی کیفیتک ( ترکیب synthèse ) ایتمه سندن حاصل اولور .

بو تعریف - بالخاصه تصنیف مسئله سنده - پک معنادارد . چونکه هر مقوله ده فی الحقیقه بر سور و افراد داخلدر که اولئر شخصاً بر جوق علامات فارقه ایله یکدیگر نندن ممتازدر . مع مافیه ینه اولئرک جمله سنی عینی صنفه درج و ادخال ایستیرن بر ( وصف مشترک propriété commune )، یعنی بر ( مشابهت اساسیه ressemblance fondamentale ) دخی واردر؛ او یله اولماسه یدی، و افراد مختلفه فی عینی جنسدن عد ایدوبده بر مقوله یه صوقه مازدق . ایشته ( رونوویه ) نک ( عینیت ) دیدیکی بودر ؛ و بو صورته هر مقوله بو ایکی عنصری جامع و بو ایکی کیفیتدن مرکب بر ( مفهوم کلی ) اولمش اولویور . قائمه اتباع ایدن و اونک فلسفه سنه حیات تازه و یرمهک چالیشان بو فرانسز فیلسوفی، مقولاتی برده ( statique ) و ( dynamique ) اولمق اوزره ایکی صنفه آیری یور که بو تقسیم ده پک یکی برشی دکلدر . کرک ذاتاً ، کرکسه شکلاً ( زمان le temps )، ( انقلاب le devenir ) و ( حرکت le mouvement ) معالری متضمن اولمایان مقولانه ( ستاتیق ) دیور . بالعکس ( توالی succession ) کیفیتنی متضمن اولان قسم مقولانه ( دینامیق ) دیور . توالی حرکت سزه، حرکت ده زمان سز تصور اولونه ماز . بوده تبدل و انقلاب دیمکدر .

( دینامیق ) تمبیرینک حرکت ایله و بناء علیه زمان ایله مناسبتی واردر . ( ستاتیق ) تمبیرینک دخی مکان ایله علاقه سی آشکاردر . یوقاریکی صحیفه لرده عرض و ابضاح ایستدیکم وجهله قانت ، تحو سنک اشکال اساسیه سنی اول ( زمانی یعنی باطنی ) و ( مکانی یعنی خارجی ) اولمق اوزره ایکی نوعه آیریمشدی . ظن ایدر سه م ( رونوویه ) نک بو طرز تقسیمی دخی قانتدن ملهم اولسه کرکدر . ذاتاً تعیرات مذکورہ قانتکدر .

(دو نويوې) يو (تقسیم منځنی دychotomie) اوزېږه شو جدولی ترتیب اېښود:

تحدید - détermi- nation	تعین identification	تمیز distinction	احاطت relation	ستاتیق اخافلر Relations stat.
نوع espèce	جنس genre	فرق différence	کیفیت qualité	
کلیت totalité	کثرت pluralité	وحدت unité	کیت quantité	
امتداد étendue	مکان espace	مکانده-حدود limite (espace)	وضع position	
مدت : durée	زمان temps	زمانده-حدود limite (temps)	توالی succession	دینامیق، یعنی قوای اخافلر Relat. dynam.
تغیر changement	نسبت مثبت rapport (affirmé)	نسبت منفي rapport (nié)	اقلاب devenir	
انفعال passion	ميل tendance	حال état	فائیت finalité	
قوت force	قوه puissance	فعل acte	علیت causalité	

(دو نويوې) لك شوجدول مقولاتی تنقید اېښكدن قولای برشي اوله ماز. چونكه بوتزیمیات يك عددي كودونوږود. بوجدولك محتویاتی - كلینی كوزل - برباشته تورلو دخی ترتیب اېده بیلر دك و - ظن اېده دم - ینه بو قدر رابطله ستر اوله بیلر ددی .

جنس ایله مکانک، کیفیت ایله وضعک آره‌سنده - وجهاً من الوجوه - **Catégorie** برمناسبت بولونوبده بومقولات برصنفه درج‌ایدیله‌بیلیرسه، هرئی آره‌سنده اوقدر مناسبت بولونورق ایسته‌یلدیکی کیی مقولات جدوللری ترتیب اولونه‌بیلیر. ذاتاً بوفیلسوف یابدینی شو جدولی پک اوقدر بکنمه‌مش اولمالی‌که (essais de critique générale) نام‌ازنده باشلیجه مقولاتی یکی برترتیب اوزره صامیش و: (اضافت، عدد، موضع، توالی، کیفیت، تکنون، علیت، غایت، شخصیت) دیمشدر.

اک طوغروسی مقولاتی چوغالتمق دکل، آزالتمق در؛ چونکه بونلر - بئم فکرجه - مفهومات اعتباریه‌دندر. ینه هپسندن حقیلمی هیومک ملاحظاتی در. (empirisme کله‌سنه باقیکنز!)

اون طوقوزنجی عصر میلادینک نصف اخیرنده واقع اولان موفقیات علمیه‌نک اذهان متفکرینه تأثیری یکی برجریان فلسفی حصوله کتیرمشدی.

(اصول تجربیه (methode expérimentale)، آثار مفیده-سیله حقی اثبات ایدیوردی. اوزمانلر، صحیحاً کاشفین علمانک اک‌بویوکلری یتیشمش وحرکت فکریه‌یه یکی براسقامت ویرمشلردی؛ نته‌کیم اک‌بویوک‌فیلسوفلر دخی اوسیره‌لرده‌ظهورایتدی و (روبرت‌مایه‌ر R. Mayer)، (هلمولتج Helmholtz)، (جیول Joule)، (لورد‌کلوین Lord Kelvin)، کیی اعظامک حکمت طبعیه ونظریه‌ده کشفیاتی، (داروین Darwin)، (ووله‌س Wallace)، (هکسلی Huxley) کیی علمانک بیولوژی‌ده خارق‌العاده موفقیاتی اصول‌تجربیه لهنده اوقدر پارلاق، اوقدرجلی برهانلر تشکیل ایدیوردی که راسیونالیزم فلسفه‌سی کندی وارلغنی اظهار واطار ایچون جسارت‌بیله کوستره‌مه‌مش ایدی. حتی فطرتاً راسیونالیست اولماسی لازمکن ریاضیون بیله (تدرییه‌empirisme) اعتقادینه باغلانمش ایدی.

(هرشل Hershell) کیی زماننک بلکه اک‌نامدار علامه ریاضیسی اصول تجربیه‌یی شدنه مدافعه ایتشدی. فلسفه‌ده سپنسر و میل دخی بو‌دوره شرف و برن داهیلردندر؛ وبودور (غالیله) و (بهی‌قن) زمانی چوق آ‌ک‌دیرر.

( جون ستونهت ميل J. S. Mill ) عيني زمانده ده منطقون عصر ك  
الكبويوكي ايدى . صارصيلماز برقاعتله ( تدرليه ) فلسفه سنى ترويج ايتديكي  
ايچون اوكا كوره مفصل بر منطق كتابي وجوده كتيردى . ارسطونك  
اساسات منطقيه سنى برر بر تنقيح وتنقيد ايتدى . استقرائي اساس استدلال  
اتخاذ ايدرك اسكي ( قياس syllogisme ) نظرياتنك آلتني اوسته كتيردى .  
متعارفات رياضيه نك بيله محصول تجربه اولديغنى كال جسارت وامنيته ادعا  
ايتدى . اوزمان ( عقليون rationalistes ) بوكا طساياه مايه رق ميدان  
معرکه به آتيلديلر وعظيم مناقشه لر اولدى ايدى . ( rationalisme ,  
empirisme تعبير لرنده بومناقشه لر واردر ! )

( حقايق قبله vérités aprioriques ) واو زمره دن اولقى اوزره  
( مقولات ) بالطبع بو مباحثات شديد نك موضوعات ومسائلندن يك مهم  
برنى تشكيل ايتمشدى . مسالك فلسفيه ومعتقدات رياضيه ايله بومسئله نك  
يك صيق واساسلى علاقه لرى اولدوغى ايچون ، مناقشه سى دها بر جوق  
مسئله لر توليد ايتمش وبجته قاريشانلر جوق اولمشدى . بوجاهده ده الكزياده  
قانتك مسلكى زده لندى ؛ چونكه هدف ذاتاً او ايدى . ميل بالخاصه اوكا  
وورويوردى .

ملاك منطقنده بوتون بو بحثلر تفصيلاً مندرجدر . بو فيلسوف ،  
ارسطونك مقولاتى تنقيد واستخفاف ايتمشدر . ملاحظاتى تلخيصاً عرض  
ايدىورم :

[ بو تصنيفك قصور لرى بديهى در ؛ ده گرى ده اوقدر كفايتسزدر كه  
تفصيلاً تنقيد شايان بيله دكلدر . حيات روزمره نك ولسان عادينك قاباجه  
اشارات وتعيين ايتمش اولدوغى فرق لره كوره ترتيب اولونمش عادى بر  
( ترفه ، بر قاتالوغ ) دن عبارتدر . حتى عاميانه بر نظر محصولى اولان بو  
فرقلر سبب معقولنى آكلامق ايچون تحليل فلسفى به بيله تشبث ايدله مشدر .  
بو تحليل كافى اولماسه بيله ، ينه تعداد اولونان اومقولانك هم ناقص ، همد  
حشويات ايله مالى بولندوغى كوسترمك ايچون كفايت ايدم بيليردى .  
بوجدولده بعضى شيلر اكسيكدر ؛ يوقدر ؛ بعضى شيلرده مختلف عنوانلر

آلنده تکرار تکرار کورولوپور . مثلاً حیواناتی : ( انسان ) ، ( چارپا Catégorie quadrupèdes ) ، ( آت ) ، ( اشك ) و ( میدیلی poney ) کبی اجناسه تصنیف ایدیشه بکزیور . [ دیور ؛ یعنی بو تصنیف حیواناتده فرضاً ( قوشار ) و ( بوجکار ) کبی بک مهم صنفلر داخل اولمادینی حالده درت آیاقیلر صنفندن اولان آت ، اشك و میدیلی بیوده یره ذکر اولونوب آیری آیری کوسترلشدر . ایشه ارسطونک مقولات جدولی ده طبق بویه بر تصنیفی آکدیریور دیمک ایستور . [ اوحالده امیده سهوینچ، قورقوه صدا، قورقوه طعم، الم، لذت، فکر، محاکمه و تصورات کبی احوال روحیه احساسات و سایر حسیات هانکی مقولهیه درج ایدیه جکدر ؟.. احتمالهک بوتون بو شیلر ارسطو مدرسه سی اربابی طرفندن ( فعل ) و ( افعال ) صنفنه ادخال ایدیلیدی . بوضورتله احوال مذکورده میاننده فاعل اولانلرک تعلق ابتدیی شیلر اضافتی، منفعل اولانلرکده کندی سیلیرینه نسبتی لایقی وجهله یرلی برنجه کوسترلش اولوردی . فقط احوال مذکوردهک کندیلی، یعنی بالذات حسیات و تأثرات بک فنا تصنیف ایدلمش اولوردی . البته حسیات و احوال ، حقایق عددینسه داخل ایدلمه لیدر ؛ حالوکه اونلری نه جواهر، نه ده اعراض، مقوله سنه درج و قبول ایده بیلیز . [ دیه ادعایه واریریور و اونه دنبری معتبر اولان جدول مقولاتک اک بویوک قصورغی بو نقطه ده کورویور . صوکره اصطلاحات معتبردن اولان تعیراتک متضمن اولدوغی و مواضع استعمالنه کوره دلالت ایده بیلدیکی معانی مختلفه یی - لسان نقطه نظرندن - تحلیل و تدقیق ایدیور ؛ مضامین کلماتک، افاده حقیقتدن زیاده، مع التأسف التباسله ترجمان اولدوغی کوستریورکه بوضوک زمانلرده بویوک فیلسوفلرک هبسی بو جهتی جداً نظر دفته آلمش و کلمات اصطلاحیه نک ( حسب التضایف à cause de connotation ) برچوق رابطله، برچوق مشابهلر کوستردیکنی، فقط اورابطله لک یالکز بنیه لسان و کیفیت اشتقاقدن منبعث ( تداعی لر associations ) دن عبارت اولدوغی و حقایق اشیا ایله مناسبی بولونمادینی دعوا ایتمشردی که بوطن، مابعد الطبیعیاتک



**Catégorie** الفاظ روابطی اوزرینه مستند بر سورو مباحثات کلامیه دن طوغمش اولماسی دوشوندوره بیلیر . نته کیم مابعدالطبیعیاتی — هیچ بر حیثیتله — قبول ایدمه یین بعضی ( پوزیتی ویست positiviste ) لر واونلر کیی دوشونن بر طاقم علماء بوراده یه وارمشلر و ( فلسفه نظریه phil. spéculative ) مباحثاتک روابط کلمات اوزرینه مستند بر سلسله مفسطیات تشکیل ایتدیکنی سویله مکدن چکنمه مشلردر .

بوتعریض، شبهه سزه هرشیدن زیاده مقولاتک حیثیتنه طوقونور . زیرا لسانده مقولات دیدیکمز کلمات جامعه قدر روابط عمومیه یی، التباساتی ومعانی مهیه یی شامل اولان الفاظ مجرد یوقدر . احوالده [ ترتیب وروابط اشیاء بومقولاتک ترتیب ومناسباتنه توافق ایدرمی ؟.. ایتمزی ؟.. ] بو برزورلی مسئله در .

( ستوئت میل ) بودرجه افراطیه وارمیور . یالکمز اینجه بر ( تنقید لسانی critique linguistique ) و ( روحی psychologique ) ایله کوروپور وکوستریورکه کړک الفاظ وکلمات، کرکه آره نرنده کی مناسبات، موجوداتی وموجودات آره سنده کی روابطی حقیله ادا ایدمه یور؛ اوداعاده درکه بوتون افکار وحسیآمز واونلری افاده یه آلت اولان اسانمز ( کیفیت تداعی la manière d'association ) نک ایجابات طبیعیه سنه کوره تشکیل وترتب ایتشدرد . میل، اساساً ( هیوم ) و ( بارقله ) کیی دوشونویور . [ association کلمه سنه باقیکنز ! ]

مقولات تصویریه پس بقولوی و فلسفه مسئله لرینک اک اینجه وکیزی رابطه لرینی کوستره جک صورتده بر چوق تنقیدات وملاحظاتنه کیریشدکن صوکره کنندی اعتقادات فلسفیه سنه تماماً موافق اولمی اوزره یکی برجدول مقولات عرض ایدیور . بو جدولک ( قانه ویچا Canevas ) سی یعنی ترتیب اساسی سی، بوندن اول اسملرینی ذکر ایتدیکم برچوق فلسفوفلمه عطف اولونان تصنیفک عینی در : میل دخی ( جوهر ) ، ( کمیت ) ، ( کیفیت ) و ( اضافت ) ناملریله باشلیجه درت مقوله قبول ایدیورکه ( جیلبرتوس ) ایله ( ابن سینا ) دخی طبقی بو فکرده بولونمشلردی .

بالکمز بر فرق وار : بو جدولك محتویاتی یکنی در . اك اول ( حسیات Catégorie sentiments ) ی نظر دفته آلیور و بو تمیری شاعرانه مناسیله دكل ، بسیقولوزیق مناسیله تلقی ایدیورکه عرب حکماسیده طبق بوبله قبول ایتشلدی . ( sentiment تعیرینه باقیکنز... ) صوکره حسیاتی ( احساسات sensations ) ، ( افکار pensées ) ، ( تهیجات émotions ) و ( ارادات volitions ) اولق اوزره درت صنفه آیریور . متعاقباً ( جواهر substances ) ی ملاحظه ایدیور ؛ بونلر - هرکک بیلدیکی وتسليم ایتدیکی اوزره - یا ( اجسام corps ) و یاخود ( ارواح esprits ) اوله بیایر . بوراده میل ، بو ایکی نوع جوهره تعلق ایده بیان مناقشات مابعدالطبیعیه یی قطعاً ترك واهمال ایدرك یالکمز شوقدرجق بر اشارت ایله قانع اولویورکه : ماده حقنده بیله بیلدیکنز شیلر بزده اونك ايقاع ایده بیلدیکی احساسات ایله طویغولرمزك تولد وتجلیسنده کی نظام وترتیبی ادراك ایتکدن عبارت در . روح دیدیکنمز جوهر دخی او حسیاتك ( محل مجهولی récipient inconnu ) در ؛ حسیات مذکورك ( سبب مجهولی cause inconnue ) ده ( جسم corps ) تسمیه ایتدیکنمز دیگر جوهر در .

دیمك اولویورکه بیلدیکنمز - هم اك اول یقیناً بیلدیکنمز - حسیات در . صوکره ماهیتنی بیلیمه دیکنمز ایکی جوهر وار . بری جسم ، دیگری ده روح در . بو ایکی جوهر یکدیگریله مناسبتده در . جسم تأثیرات واقعه سیله روحده برطاقم آثار وقوعه کتیریورکه حسیات اودر . بوصورتله روح ، اوآناری تلقی ایدن محل مجهول اولمش اولویور .

بو مناسبات متقابله بالجمله ( محمولات attributs ) ی تولید ایدیور . چونکه بوتون احوال روحیه مزی یا کیفیات وجدانیسه و یاخود خواص جسمانیه اوله رق تلقی ایده بیلیرز . اوتقدیرجه یاروحه ، یاخود جسمه حمل ایده بیلیرز . ایشه ( اضافات relations ) صنف عمومییسی بودر . اوایکی جواهر نسبتله بونلر اعراض صاییلیر . بونلر دخی ایکی ( طور modalité ) اوزره ، ملاحظه اولونه بیلیر : ( کیمیت ) ، ( کیفیت ) ! .

میل ، مفصل ومکمل اولان ( منطق ) کتابنده مقولاته دائر بر خیلی

Catégorie تنقیداته کیریشدکدن سوکره بو نتیجه په پیوسته اولویوز ؛ وبالجملة اضافاتک اشیا آره سنده دکل، کندی حالات روحیه منز آره سنده موجود و جاکیر اولدوغنی قید ایتمکدن کندی آله میور ، فلسفه ده هیوم وهله بارقه نك نظریه معرفتی تصویب و اصلاح ایدن بو ( ایدئالیست ) فیلسوف ذاتاً باشقه تورلو دوشونه مزدی . ( subjectivisme و idéalisme تعییرلرنده تفصیلاته باقیکنز ! )

مع مافیہ کندی تصنیفک ( قیمت عملیه valeur pratique ) سندن قطعاً شبهه ایتیمور . [ قضایا حقنده کی نظریاتی تدقیق ایتدیکمز زمان بو جدولک قیمت عملیه سی تظاهر ایدہ جکدر ..... دهانی بر مقولات جدولی ترتیب ایدیلنجیه قدر بو تصنیف ارسطونک کنه ترجیح ایدیلہ بیلیر ؛ زیرا منطقک مؤسس مشهوری اولان استاد یونانی نك معهود مقولات جدولی بر ( جنین ساقط ) کیی در . ] یعنی هم جائمز همده کاله ایرمه مشدر دیمک ایتیمور .

سپنسر، مفهومات کلیه و اولیاتک ( منشأ origine ) نه داتراوته دنبری ( تدربییون les empiristes ) ایلہ ( عقلیون les rationalistes ) آره سنده جاکیر اولان اختلافی ( نظریه تکامل doctrine de l'évolution ) سایه سنده حل ایتمشدر . ( apriori تعییرینه باقیکنز ! )

مقولاتک عددینه ، ترتینه کلنجه ، ( مقاومت résistance ) حسنی ابتدائی و تحدسی اولق اوزره اساس اتخاذایدوب بوتون مفهومات اصلیه منزی اوندن چیقارییور . اول ( قوت force ) ، سوکره ( ماده matière ) ، ( حرکت mouvement ) ، ( زمان temps ) و ( مکان espace ) فکرلری ، هب مقاومت حسندن طوغویور . بوحسه بناء واقع اولان تجاربزدن ( بالتعمیم و بالتجريد par généralisation et abstraction ) ذهنمزدہ بویه برچوق مفهومات کلیه حاصل اولمشدر .

خلاصه عیانا کورولویوزکه بویه بوتون جهان مادی و معنوی حقنده کی افکار و حسیاتمنزی<sup>۱</sup> حصر و احاطه ایدہ بیلہ جک صورتده بسیط و معدود بر طاسق ( مقولات جدولی ) یایمق ایچون ناممدود یوللر بولونه بیلیر

و هر فیلسوف مزاج ذهنی سه کوره بر نقطه نظر انتخاب ایده بیایور . بوراده *Catégorie* ارسطونك نقطه نظری لسان ایله علاقه دارد . حالوکه قانتك جدولی منطقی براساسه استناد ایدیور . میلک کی صرف بسیقو لوزیق در . سبنسرك کی ایسه تمامیه ( میخانیکي *mécanique* ) بردوشو نوشدر . الی آخره ...!

بومقولات بحثنه بوتون فلاسفه اولین و متأخرینك بودرجه فوق العاده بر اهمیت ویرمسی برچوق سبیلره باغلی در ؛ بومقاله ده ویرمش اولدوغم ایضاحادن او اسبابك ماهیت و قیمتی لایقيله آ کلاشلمش اولسه کرکدر . اولاً تصنیف علم اعتباریه مسئله نك اهمیتی درکاردر . ثانیاً بو مفهومات کلیه نك منشأ نه عائد اولان مباحثاتك ( تدرییه ) و ( عقلیه ) مناقشانه اساساً و قویاً علاقه سی وارددر . یکدیگری نه شدله رقیب اولان بو ایکی مسئله ك ( اصول *méthode* ) مسئله سیله رابطه سی اوقدر صمیمی درکه بومسئله حل اولونمادجه اصول لایقی وجه اوزره تعین ایده من . اوندن ماعدامقولات عجبا افکار منرك می ؟ . تحدسات منرك می ؟ . لسان منرك می ؟ . یوقسه بالذات اشیا نك می اشـ كال عمومی سی در ؟ . سـ و آله نه تورلو جواب ویریلیرسه حقایق اشیا به و کندی علم منرك ماهیت و قیمت نه دایر ترتیب ایده بیله جکمز ( نظریه معرفت *théorie de la connaissance* ) ده کیشه جکندن ، مقولات حقنسه ویریه جك حکمك مذاهب فلسفیه ده دخی شدله تأثیری ارلور . ایسته بوکی بیلر دن طولانی هر فیلسوف بو بحثه اهمیت ویرمش و بو خصوصده سه مه حالـ بر فکر بیان آیتك مجبوریتدن قور توله مامشدر .

بومقاله نك دهـا بدایتده سویله مشدم که ارسـطونك ، ماهیت و حیثیت مقولات حقنسه کی فکری ذره قدر واضح اولما قله برابرـ بو باید کی ملاحظاتندنـ تورلو تورلو معنا چیقاریله بیله یکی ایچون ، بوتون بو مناقشه لر ، اونك محرراتندن ، اونك باشك آلتدن چیقمشدر ده نیله بیلیر .

[ *universaux* و *scholastique* کله لرنده مثال لره و مناقشه لره باقی کز ! ]

بو کله دن مشتق اولمق اوزره برده ( *catégorique* ) تعمیری وارددرکه ( صفت *adjectif* ) در . بو کله ، صفت اوله رق ایکی ترکیب اصطلاحی ده داخلدر ؛ بری : ( *proposition catégorique* ) درکه منطق اصطلاحات

Catégorie مشهوره سندن درو (قضیه حلیه) دیمکدر. دیکری (impératif catégorique) در که قانتک ایجاد ایتش اولدوغی تعییرات اخلاقیه دندر. [ برنجی سی ایچون proposition کله سنه ایکنجیسی ایچون ده impératif کله سنه باقیکنز ! ]

برده (catégorumènes) تعیری واردر که اوده منطق اصطلاحاتنددر و (محولات) دیمکدر. [ بونک ایچون ده prédicables کله سنده ایضاحات ویرلشدر. ]

Catégorumènes قهرورت

[ prédicables کله سنه باقیکنز ! ]

Catégorique

[ impératif کله سنه باقیکنز ! ]

Catégorématique

[ proposition و syncatégorématique کله لرینه باقیکنز ! ]

Causal علی (فرانسزجه، انکلیزجه، آلمانجه) Causal

مهرانکی برعلته یعنی سببه منسوب و متعلق، دیمکدر. صفت اوله رق قوللانیلیر : ( enchaînement causal ) ترکینده اولدوغی کیی که ( تسلسل علی ) دیه ترجمه ایدم رز. ( قوانین علیه lois causales ) تعیری ده واردر. [ lois کله سنه باقیکنز ! ]

منطق ده ( قضایای علیه propositions causales ) ترکیی واردر. ( چونکه par ce que )، ( زیرا car )، ( تا که afin que ) کیی

سببیت معنایی افاده واحساس ایدن برطاقم ادوات مخصوصه ایله یکدیگر لرینه Causal مربوط بولونان ( قضایای مرکبه propositions composées ) به بو اسم ویریلیر. دیمک اولویورکه ( قضایای علیه ) یی تشکیل ایدن اقسام، باشلی باشنه برر قضیه در . بوکیبی قضایای مرکبه نك بردعواده مقبول بردلیل اوله بیلمه سی ایچون اقسامی تشکیل ایدن قضیه لری آیری آیری اثبات ایتدکن ماعدا اونلری یکدیگرینه باغلایان ( علاقه تابعیت rapport de dépendance ) یی دخی اثبات ایتک ایجاب ایدر . بناء علیه بونوع قضایایه اوچ وجهله اعتراض ایدیاه بیلیر . [ بوخصوصده ایضاحات آلتق ایچون complexe کلمه سنه مراجعت ایدیگمز ! ]

#### Causalité

علمیت	Causalité	فرانسوزجه
	Causality	انگلیزجه
	Kausalität	آلمانجه
	Causalità	ایتالیانجه

( علت ایله معلول ) ، یعنی ( سبب ایله مسبب ) آردم سنده کی علاقیه ( علّیت causalité ) ده نیلیر . کرک علم ، کرکسه فلسفه ده پک بویوک بر قیمتی حائز اولان بوتعیرک سائر اصطلاحات مهمه ایله علاقیه سی واردر . بناء علیه - اول امرده - فرقنی لایقوله تعیین ایتک لازم کلیر . ( علّیت مفهومی la notion de causalité ) بهمه حال ( زمان le temps ) مفهومی متضمن در؛ چونکه علّیت یکدیگرینی ولی ایدن ( حادثات phénomènes ) آردم سنده مشاهده ویا تصور اولونان بر رابطه ضروریه در . شو تقدیرجه سببی rapport de succession نسبت توالی ) ده آرایه جغز ؛ ( نسبت معیت rapport de coexistence ) ده دکل ! حادثاتک وقوعی بر نسبت توالی عرض ایدر . توالی دخی زمان مفهومی اقتضا ایدر ؛ ( معیت coexistence ) ( یعنی برچوق شیلرک عینی زمانده بر آردمده بولونماسی

Causalité آنحق مکان مفهومیله علاقه‌دار بر نسبت دیگر در ؛ و بونک سببیتله مناسبتی یوقدر . بومهم فرقی ایضاح ایتمه‌لی یم :

بوتون شوک‌کنائی تشکیل ایدن اشیاء برسکون مطلق اوزره قالسه‌یدی، زمان حقیقه هیچ بر فکر حاصل ایده مزدک . چونکه برشی قیمیله‌امادی ایچون توالی حادئات ممکن اوله‌مازدی ، حتی حادئات اولمازدی . مع‌ماقیه ینه هرشی یرلی یرنجه - الی غیرالته‌ایه - اولدوغی کیبی طوره‌بیلیردی . فقط برشینک وضعیت مخصوصه‌سنده دیگر برشینک سبب اولماسی دوشو - نوله‌مزدی . نته‌کیم بوکون هرشی متحول و متحرک اولدوغی حاله دخی ، بزه سببیت مفهومنده مکانک ذره‌قدر علاقه‌سی اولدوغی کوره‌میورز . مثلاً بنم‌بوکون آرنارود کوینده وکندی کتبخانه‌مده بولونوشم ، بیک‌اسکله‌سنگ ، یاخود بکلربیکی جامعک وضعیت مخصوصه‌سیله علاقه‌دار بر حادئه دکلدر . چونکه دون باشقه بریرده ایدم و او جامع شریف ایله اسکله ینه عینی‌موقع و وضعیتده بولونویورلردی . دیمک که وضعیتک وقوع حادئاتده دخل و علاقه‌سی یوقدر . فقط بوادما یا کشش آکلاشلما سین ! . [ وقوع حادئات ایچون مکانک لزومی یوقدر ] دیمورم ! . بالعکس وقوع حادئات ایچون برنجی شرط مکاندر . او اولمادیقه حادئه تصویری متمتع در . حتی بعضی احوالده ( وضعیت position ) ی سبب اوله‌رق بیله قبول ایتدیکمز واردر ؛ مثلاً [ یوکسک بر سویه‌ده بولونان ( برصوکتله‌سی une masse d'eau ) بر حرکت میخانیکیه ایقاع ایده‌بیله‌جکی جهته‌ده کیرمن ایشله‌تمک ایچون بر سبب اوله‌بیلیر ! ] دیرز و یک طوغرودر . [ énergie کله‌سنده تفصیلاته‌باقیکمز ! ] لکن ، شوقدر وارکه صوکتله‌سنگ یالکیز او وضعیتده بولونماسی ده کیرمن ایشلنمکه کافی بر سبب اوله‌ماز . ( حرکت mouvement ) ده ایستر ؛ صو - برشلاله صورتنده - آشاغی دوکوله‌لی درکه بر ( تأثیر فعلی ) حصوله کتیره‌بیل سین . حرکت اولدیمی ؟ . زمان ده برابردر . ایشه اوندن طولانی درکه فیلسوفر علی دایما زمان ظرفده آرامشله وعلیت دیدیکمز رابطه‌نی تعریف ایچون : [ ساسله‌ زمان ایچنده وقوعه کان حادئات آرده‌سنده بر علاقه ضروریه‌در . ] دیمشلدر .

بوراده کی ضرورت، نوالی و وقعاتده منظور و اوشرطله عمناز اولدوغی Causalité ایچون ( وجوب منطقی *nécessité logique* ) دن بوسـوتون باشقه بر شیدر . واجب اولان روابط منطقیده زمان مفهومتک اصلاً و قطعاً دخلی یوقدر : [ جزؤ کلدن اصغردر ! ] دیدیکمز زمان جزؤک کله شو حیثیتله نسبتنده زمانک نه دخلی اوله بیلیر؟.. حتی بزه سبی مسیدن اول دوشونورزه؛ برنجیسی ( مقدم *antérieur* ) فرض ایدره ز . مع مافیه بوتقدم بیله ( زمانی *chronologique* ) دکل، آنجق ( منطقی *logique* ) در . ( *antériorité* ) کله سنه باقیکنز ! ]

( علیت ) تعیرینک، برده ( تصادف *hasard* ) کله سیله مناسبتی واردر . بو ایکی کله نک متضمن و ناطق اولدوغی اعتقادات اوقدر متناقض درکه ، مباحث فلسفیهده ناقابل حل بر ( قیاس مقسم *dilemme* ) تشکیل ایدر ؛ چونکه بو مسئلهیه متعلق اولان دعوا ی اساسی ایکی ( قضیه متناقضه *antinomies* ) شکنده ادا ایدیه بیلیر : [ وقوع حادثات اسبابه باغلی در . ارادت یوقدر ! ] ، یاخود [ حادثات طبیعتده مشهود اولان سلسله علیت، مطابق دکلدر . علل مستقله واردر ! . ] یعنی [ هرشی تصادفی اوله رق وقوعه کلیر ! ] دیه دوشونوله بیلیر . ( *libre arbitre* و *déterminisme, antinomie* ) تعیرلرنده تفصیلاًنه باقیکنز ! ]

کورولوبورکه ( مبدأ علیت *principe de causalité* ) دیدیکمز اعتقادک الک مهم مسائل مابعدالطبیعه و علمیه ایله صمیمی بر رابطه سی اولدوغی کی عقاءد دینه مزه دخی طوقونور یرلری واردر . حتی مابعدالطبیعیات ، منحصرأ ( مبدأ علیت ) اوزرینه مستند بر علمدر . تعیزک اهمیت عظامی بو اساسلره تعلقندن ایلری کلور . منطقده دخی قیمتی پک بویوکردر ؛ چونکه ( استقرا *l'induction* ) آنجق بو پرنسپه طایانیر .

( جون ستونه ت میل *J. S. Mill* ) مبدأ علیتک درجه اهمیتق آکلاتمق ایچون - مفصل منطق کتاینده - بر باب مخصوص آچور و اوزون اوزادییه ملاحظاته کیریشیورکه پک مختصر بر شکله تلخیصاً هر ض ایده بیله جکم : بوفلاسوف و منطقی شهر، حادثات طالمک - یکدیگرینه نسبتله - ایی ( رابطه



مستقله (rapport distinct) اوزره واقع ومشهود اولدوغنی نظر دقتیه آلیور . بری (نسبت معیت) ، دیگریده (نسبت توالی) در . برنجیسی مکانه، ایکنجیسی زمانله علاقه دارد . نته کیم برازاو، مقدمه بمحنده عرض ایتدیکم کی، (علت cause) دیدیکمز کیفیتک آنجق بوایکنجی نوع نسبتلردن اولدوغنی آ کلاشیلور . مکانک قانونلری حقایق هندسیه در . برده (قوانین اعداد les lois de nombre) واردرکه ، هم زمانه ، هم مکانه تطبیق ایدیه بیله کی ایچون اونلرک (حقایق کلیه vérité universelles) اولدوغنده ذره قدر شک وشبهه قالماز .

فقط یالکز بوحقیقتلرله اکتفا ایدرسهک، اونلردن آنجق زمان ومکانه متعلق بعضی (نسب مجرده rapports abstraits) استدلال ایده بیلیرز . چونکه یالکز مکان و عدد قانونلردن، منحصرأ مکانه و عدد متعلق فکرلر استخراج ایدیه بیلیر . حالبوکه وقوعات عالمه تعلق اولان حقیقتلر آره سنده بزم ایچون اکیمنلیسی حادثاتک (نظام توالی ordre de succession) سنی کوسترلردر . وقوعات مستقبله حقنده کشفمز و کندی منفعتمز موافق اوله جق صورتده احوال نمکنه یه اجرای نفوذ ایدیشمز، هپ بو خصوصده کی قناعت علمیه مزه استناد ایدر . اکر عالمده جریان احوالک، عینی شرائط تحتنده عینی صورتله وقوعه بوله جفته قطعاً ایناماسه یدق، هیچ برشینه اینانه مازدق؛ هیچ بر حادثه نی وقتندن اول کشف ایده مزدک؛ هیچ بر دعویه جسارت ایده مز، و هیچ بر دلیل کثیره مزدک . مثلاً: هوایه آتیلان طاشک برمدت صوکره تکرار یره دوشه جکنی، صولرک بایر یوقاری آقه مایه جقنی، یارین صباح یکیدن کونش طوغوب افقمزی تنویر ایده جکنی کال اطمئنان ایه بیلیور سهق، البته جریان حادثانده لایتغیر بر انتظام اولدوغنه ایمان ایتدیکمزدندر . بو احوال متسلسله ده، بر حادثه نک مطلقاً بر اولکی حادثه نتیجه سی و یاخود بعضی عوامل مقدمه (محصله résultante) سی اولدوغنی دوشونمکندن امتناع ایده میور سهق، بهمه حال هر حادثه نک بر سبب موجبی اولماسی لزومه قوتله اعتماد ایتدیکمزدندر . بولزومک هیچ بروجهله و هیچ بر شرط وقید ایه مقید اولماسی دخی آریجه اثبات ایدیورکه بو اعتقاد قویم، بر (قانون

کلی (loi universelle) نك حكمی در . كورولویوركه بوه بوتون تجارب Causalité بشریه نك ساحهٔ امكان و احتمالی احاطه ایدن بر حقیقت واجبه نك دستور افاده سیدر . [ وار اولغه باشلایان هر شئیك برسبی اولق كر كدر ! . ] دیورز ! .

ایشته ( قانون علیت la loi de causalité ) ویاخود ( مبدأ علیت principe de causalité ) دیه مشهور اولان حقیقت کلیه بودر . برشی<sup>۱</sup> ایله سبب وجودی آره سنده کی علاقه دخی ( رابطهٔ علیت ) در .  
بیم فکر بجه بویکی حقایق کلیه و اساسیه قانون دیمكدن ایسه ( برنسبب = مبدأ ) تعیری قوللاقمق اولی<sup>۲</sup> و مرجحدر . [ loi و principe کله لرنده سبب ترجیح ایضاح اولومشدر ] .

مبادی<sup>۳</sup> معلوما تمز و معتقداتمز میاننده اك بویوكی واك قیمتلیسی صحیحاً بودر ؛ و بالمله مبادینك برنجیسی در . مابعد الطبیعیاتك آرادینی ، ادیانك ( الله ) ، ( خالق ) ، ( مسبب الاسباب ) نامرله قبول و تقدیس ایتدیکی ( مبدأ اول premier principe ) هپ اودر . [ cause کله سنده تفصیلاته باقیكز ! . ]

تدقیقات تاریخیه و ( آنتروپولوژی anthropologique ) کوستریوركه ، انسان ، بر پارچه فکر و نظره قابلیت کسب ایده جك بر درجهیه كلنجه ، ( مبدأ علیت ) ، مهم برصودنده ذهنه سنوح ایتمكه باشلامش اولسه كر كدر . مع مافیه ، یونان قدیم مدینتی ، خیلی دن خیلی مترقی بر معنویت اثری اولدوغی حالده ، فلسفهٔ یونانیه تاریخی اثبات ایدیوركه اسکی فیلسوفلر مبدأ عایته اعتقاد ایتمكه برابر ، اونك بر ( قانون کلی ) اولدوغنه - بزم کیی - اینانیمورلر مش .

( میل J. S. Mill ) منطق کتابنك ( استقرا induction ) بحثده شو کیفیتی نظر دفته هر ض ایدیوركه : [ وقوعات طالك - قوانین معینه کوره - مطرد برصورتده توالی ایتدیكنه نوع بشر ، دائما اعتقاد ایتیمور مش . عكس ادعا ( فعلاً en fait ) طوغرو كورونمویور . یونان فیلسوفلری - ارسطوده برابر اولدوغی حالده - ( تصادف = le hasard = τύχη =

Causalité (تیه) ی و بر شینک کندی کندینه وقوعه کله بیللمه سنی یعنی (طوعیت =  $\alpha\upsilon\tau\acute{o}\mu\alpha\tau\omicron\nu = \text{spontanité}$  = آفتوماتون) ی (عوامل طبیعیہ automate agents de la nature) صیرم سنده ذکر ایدیورلردی . (کله سنه باقیکز!) تعبیر دیکرله ، امین دکل ایدیلرکه (ماضی le passé) دائماً متشابہ ومطرد بر صورتده جریان ایتش اولسون واستقبال ماضی به بکزمه بیلسین! . یعنی جریان حادثاتده اطراده ایسانه میورلردی دیمک ایستیور . ، بوکون بیله فیلسوفلرک یاریسندن فضلہ سی - حتی بویله بر اطراده اینانمق انسان ایچون غریزی واتنی بر اعتقادده ده بویده بو ادعا - سنده اصرار ایدن مابعدالطبیعیون بیله - اوپله صانیورلرکه حادثاتک مهم بر صنفی، مثلاً (ارادات les volitions) مبدأ علیته قارش بر استتلا تشکیل ایدیور، چونکه اراداتمز هیچ بر (قانون معین loi déterminée) . تابع دکلدر . [الی آخره ...]

میل ، مفهوم علیتک (حقایق قبله vérités aprioriques) دن اولمایوب تجربه دن متولد بر (قانون استقرائی loi inductive) صایلماسی لازمکه جکئی، بدهاتاً اثبات صدندده، بودلیل تاریخی بی - تواتر بینه سی کبی - ایراد ایدیور . هر حالده بودلیل، (قانت kant) وپیرلری علینه توجیه اولونمشدر؛ زیرا بوفیلسوف مبدأ علیتی (مقولات catégories) صیرم سنده کوسرتمش ومقولاتک (حقایق قبله) دن اولدوغنی شدتله ادعا ایتمشدی . [catégorie کله سنده تفصیلاته باقیکز؛ empirisme تعبیرنده دخی بومستله اطرافله مناقشه ایدلمشدر؛ apriori لفظنده ده خیلی ایضاحات وارد! ...]

میلک روایتی بک طوغرودر؛ چونکه بدیهی در . یالکز شوراسی - شایان دقت اولمق اوزره - محقق درکه بالجمله حادثات عالمک بر قانونه تبعاً ومطرداً جریان ایتمکده اولدوغنی کاه قبول وکاه رد ایتمک مجبوریتندن طوغوبده اعتقادمزی افساد ایدن شو (تقیضه antimonie) ، هیچ بر زمان بوکونکی قدر قهرانه بر قوتله حکمنی احساس ایده مه مشدی . بوکون صحیحاً بر قیاس مقسم ایچنده محبوس اوله رق بومستله بی حل ایتمکه چالیشیورز

ویکدیگریله تماماً متناقض کورونن ایکی احتمال خارجه چیه مادیغمز کیبی ، Causalité آرده خط انصال اوله بیه جک و تناقضی رفع ایده جک ده شامل بردستور دخی بوله میورز . ( مبدأ علیت ) - ادعا اولوندوغی وجهله - بوتون موجوداتی شامل بر حقیقت کلیه ایسه ، ( هرشیئی بر قانون قدیم و قویم موجبنجه مطرداً وقوعه کلیور ، ارادت یوقدر ؛ یالکز بزم حرکاتمزه دکل ، وارلق عالمده یوقدر . بناءً علیه ( فَعَالٌ لِّمَا یَرِید ) یعنی ( دیله دیکی کیبی ایشار ) بر قدرت مطلقه دخی اوله ماز ! . [ دیمک طوغرو کورونور ، یعنی منطقی اولور . بوده الهی قطعاً انکار ایتک دیمکدره چونکه بالجبوریه اورایه واریر . ( athéisme کله سنه باقیکنز ! ]

یوق ، اکر - بر طاقم فلاسفه مابعدالطبیعیونک ادعا ایتدکری وجهله - مبدأ علته قارشى هیچ اولمازسه بعضی حادثات مثلاً ارادتمز ، حقیقتاً بر استننا تشکیل ایدیورسه ، اوتقدیرده مبدأ مذکورک، ظن اولوندوغی کیبی ( کلیّ universal ) اولمادیغی تحقق ایدر . اوایله اولونجهده حادثات عالمی ایکی بویوک قسمه آیرمق لازمکیرکه [ بریسی قانون علیتک حکمنه تبعاً قطعاً و مطرداً واقم اولور . مثلاً حادثات آفاقیه کیبی ... دیگر بر قسمی ده هیچ بر قانونه منقاد اولمایوب ارادت مستقله مزک جلوه سنه کوره صرف ( کیفی arbitraire ) بر صورتده ظهوره کلیوریر ؛ حادثات ارادیه مزکیبی ... بو غریب ادعا اساس اتخاذا ایدیلنجه علومى ده - بالجبوریه - ایکی بویوک صنفه آیرمیش اولورز . برنجی صنفده داخل بولونان علومک غایه سی - تسلسل اسباب دلالته - قوانین طبیعی کشف ایتک اولدوغی حالده ، ایکنجی طاقی تشکیل ایدن علوم ، ( مثلاً پسیقولوزی ، تاریخ ، اخلاق ، سیاسیات ، حقوق . ) بویله بر غایه یه اعتبار ایتهمک لازمکیر . حالوکه اوایله علم اوله مایه جفی تعریف و ایضاحه حاجت یوقدر . غایه علم ، حادثات عالمده تسلسل براسبانی تعیین ایتمکدن عبارت کیبی در .

واقعا ، بویاکنجی طاقده کوستردیکم علومک ، ( ریاضیات - les mathématiques ) کیبی ( علوم صحیحه وثابته sciences exactes et positives ) دن اولمادیغی شبه سزدر . فقط بوکا سبب ، وقوعات سیاسیه و اخلاقیهده ارادت

**Causalité** بشریه‌نك دخلی اولدوغندن طولانی ، اوتورلو حادثاتك كیفی برصورتده ظهوره كلهسی دكل، فوق‌العاده معضل‌اولماسی‌در؛ وبالخاصه ( ارادت بشریه *la volonté humaine* ) كیبی - ماهیتی اكلاشلماز، درجه تأتیری حقیله تقدیر اولونه‌ماز - بر عاملك ، حسابده داخل بولونماسیدر . یوقسه بزم كندی جسمانیتمزله برابر اراداتمركده حادثات عالمدن معدود وقانون علیته قطعاً تابع اولدوغنده شبهه یوقدر . بزم، حیات قیدیه محیطمزمه باغلی یز . ( تضیق نسیمی *pression atmosphérique* ) ده فوق‌العاده بر تغییر وقوعه كلیورسه‌یدی، ارادت، حس واعتقادی نه‌اولوردی ؟ .. بیلم ! .. برکون کونش طوغمایورسه‌یدی کره ارض اوزرنده اثر حیات قالمزدی که جلوه ارادته احتمال اوله‌بیلین ! ..

[ بومسئله‌نك مناقشه‌سی ایچون *déterminisme* كله‌سنه باقیكرز ! ]  
 بر طرفدن ارادات شخیصیه‌نك معاملات بشریه و وقوعات اجتماعیه‌ده بدیهی کورونمسی - هله اخلاق بحثنده - تسلیم واثباتی واجب بر ( عامل *agent* ) عداولونماسی، دیگر طرفندن ده امکان علمك، آنجق ( ایجابیه *déterminisme* ) مذهبیه موافقتله مشروط اوله‌بیلیمسی، بوتون فیلسوفلری وبالخاصه - اعتقادات منصوصه ایله متناقض فیکرلر بیان ایتك ایسته‌مین - بعضی مابعدالطبیعیونی برخیل دوشوندورمکده ایدی . اوتهدنبری بو بحث اوزره جریان‌ایدن مناقشات، افکارمتضاده‌نی ذاتاً یکدیگرینه ده‌هازاده‌تقریب ایتش بولونوبوردی . اووقت ( علاقه علیت ) ی ایکی تورلو تصور ایتك چارمسی بولوندی . فیلسوفلرك بر قسمی، اوتهدنبری ادعا ایدیوردی که ( عالم‌حادثات خارجنده، سبب‌نامه بر موجودیت مستقله یوقدر . برحادثه‌نك سببی، اوکا تقدم ایتش بولونان دیگر برحادثه‌در ؛ ویاخود اونك وقوعه میدان ویرن سائر برطاقم حادثاتك محصله تأثیراتی‌در . ] بو ادعا تحقیقات علمییه ایله قطعاً مصدق وحقق بولوندوغی ایچون رد اولونامادی . بوکا ( علّیت تدربیه *causalité empirique* ) نامی ویرلدی ؛ وبناء علیّه تجربه‌دن طوغمش وبلاستقراحصل‌اولش بر ( مفهوم کلی *notion générale* ) صایلماسی لازمکه چکی ضمناً تسلیم واعتراف ایدلش اولدی . فقط برده

(علیت مابعدالطبیعیه causalité métaphysique) دوشونوئودی که بو Causalité  
تصوره کوره ( علت )، بر حادنه و یا خود بر طاقم حادثات دکل، بر ( جوهر  
فاعل substance active )، فرضاً بر ( قوت force )، بر ( عقل  
intelligence ) اولووردی؛ وبالطبع بو حیثیتله تصور اولونان اویله بر  
جوهر مستقلک، حادثات نوعنده داخل بولونه بیلیمه سی فرض و تجویز  
ایدیله مزدی . [ الله، کائناتک علتیدر ! ]، [ ارادت، افعالک سببی در ! ]  
ده نیلیدیکی زمان ( علت و سبب ) تعیرلری بو ایکینجی معناده تلقی ایدلمش  
اولور . بو کله لر، شوتقدیرجه - نوعما - مصدر و منبع معناسی ایما ایدر .  
بوکا ( علیت وجودیه و یا خود لدنیسه causalité ontologique ) دخی  
ده نیلمکده در .

( علیت مابعدالطبیعیه ) تصویری، چوق فیلسوفرلر، کرک ارادت مطلقه،  
کرکسه ارادت بشریه فکریله - بر درجه یه قدر - قابل تألیف بولویورلر .  
بر ( قدرت کلیه ) نک ( بالذات عامل spontané )، ( حر libre یعنی  
فعال لما یرید ) و ( مطلق absolu ) اولماسی ایله بر ( منبع قوت  
source d'énergie )، بر ( علت اولی cause première ) تشکیل  
ایدیله بیلیمه سی کیفیتی ( ممتنع التصور inconcevable ) بر فکر دکلدرد ! .  
دیویورلر . [ inconcevable تعیرنده بومستله نک مناقشه سنه باقیکنز ! ]  
بوتصوره، واقعا، بر قدرت مطلقه نک، یا خود بر جوهر مستقلک ( مصدر  
آثار ) اولیله بیلیمه سی ادعاسی - بر درجه یه قدر - اعتراضدن قورناره بیلیر .  
ذاتاً اونیت و او مجبوریتله مُلهم اولمش بر فکردد . فقط ( روح علم  
l'esprit de la science ) ایله غیر قابل توفیق بر دوشونوشدر .  
[ science کله سنه باقیکنز ! ]

( علیت تدیرییه ) تصویری - طوغرودن طوغرییه - ( ایجابیه  
déterminisme ) مذهب فلسفی سنه واریر؛ و بناء علیه ( ارادت مطلقه )  
دعواسیله قطعاً اویوشه مایه جنی ایچون بعضی ( عقائد منصوصه ) ایله دخی  
عینی درجه ده غیر قابل تألیفدر . لکن علمک اصولی و اعتقادی دائماً بودر .  
علیتی بر باشقه نقطه نظردن دخی ایکی وجهله تلقی ایدنلر اولمشدر؛

Causalité بر جوهر ك دیگر برشی اوزرنده بالفعل بر تأثیر ایقاع ابتدایی تصور اولونورسه بوکا (علیت متعدیه causalité transitive) ده نیلیور . (لایب نیچ Leibnitz)، (مونادولوژی Monadologie) نام اثرنده بر طاقم (موناد monade) لر فرض ایتمش دی که بونلر - نوعما - ادراك و تصور قابلیته مفطور و صرف (روحانی spirituel) ارکان بسیطه در . عالم خارجی ایله هیچ بر علاقه لری یوقدر . (موناد)، کندی دائرة ادراکی و حوزه موجودیتی خارجنه چیقویده بر تأثیر اجرا ایده منر . آنحق کندی معنویتده محبوسدر . بناء علیه - فیلسوفك شو ادعاسنه کوره - علیت متعدیه تصویری باطلدر . روح ایله ماده آرمسند تاثیرات متقابله اوله ماز . یعنی (نفس منزله عالم محیط آرمسند سببیت علاقه سی یوقدر . احوال روحیه مزایله حادثات مادیه علاقه دار دکدر .: [ دیمك اولور . حالبوکه بوتون فیلسوفلر، روح ایله عالم خارجی نك مناسبت متقابله سنه اینانیورلر، و - بومناسبتی (منشأ علم source de la conn. عد ایستینلر، اتمه سینلر - هر حالده تتبع و تعریفه جالیشیورلردی . (لایب نیچ) بویه بر مناسبت متقابله امکاتی انکار ایدیور که پسیقولوزیده (نظریه موازات théorie du parallélisme) بوندن طوغمشدر .

[ aperception, monadologie, association, parallélisme ]  
تعبیرلرینه باقیکنز ! ]

برده (علیت مندمجه causalité immanente) تعبیری واردر . کندی انقلاباتنه، فعالیت ذاتیه سیله وجود ویرن، کندی اشکالی، کندی ابداع و تولید ایدن بر جوهر ك نوع علیتی تعریف و بیان ایچون بو تعبیر ایجاد اولونمشدر . شو حالده او یله بر جوهر ك و بوتون (اطوار موجودیت modalités d'existence) نك سببی، کندی خارجنده آرامایوب فعالیت ذاتیه سنسند بولش اولویورز دیمکدر ؛ و بو تقدیره کوره اوئی - هر نه ایسه ! - کندی کنیدی سنك سببی اولمش اولور . بوکا: (causa sui = علة لذاته) دخی ده نیلیر . [ cause کله سنسند تفصیلات و تنقیداته باقیکنز ! ]

( مبدأ علیت principe de causalité ) علم بشرک اس اساس قوامی در . Causalité  
 بالجملة مبادی و حقایق اوکا استناد ایدر . ( مبدأ وجوب principe de nécessité )  
 اونک الهام ابتدیی بر اعتقاد در . علوم صحیحه بو اعتقادی  
 اساس اتخاذ ایتمه، دیکه ممکن اوله ماز . حتی ( علم science ) بو مبدأ بیلا  
 تنقید قبول ایدر و کشفیات و تحقیقاتنده هب اونک عالمشمول اولان حکمنی  
 اثبات ایدر . لکن اونی موضوع بحث ایتمز . بو، مابعدالطبیعیاتک وظیفه  
 مهمه سیدر . الہیات ، دخی کائناتک وجودینه بر سبب آرا مق و اونی اثبات  
 ایدر بیلیمکدن باشقه برغایه تعقیب ایتمز . بر شینی آ کلامق، بر حادثه نی تعریف  
 ایتک دیمک، اونی - اسبابنه عطفاً - تعیین ایلمک، یعنی واحداثه نک صورت  
 وقوعنده ذی مدخل اولان اسباب و عواملی کشف ایدوب کو سترمک دیمکدر .  
 بزم ایچون پک بویوک بر قیمتی حائز اولان ( یقینیت علم certitude de la conaissance )  
 مسئله سی دخی ( مفهوم علیت ) ایله حیثیتاً علاقه داردر .  
 بوکا عارض اولان هر هانسی بر ( شبهه doute ) ، الاول اونک تملنی صار صار .  
 اوکا توجیه اولونه بیلان هر نوع اعتراضات بونک حیثیتی رخنه دار ایدر .  
 بناء علیه بوسیله درکه ( حسانیون les sceptiques ) هر زمان مبدأ علیتی  
 جرح ایدرک ( یقینیت علم ) اعتقادینی شبهه دوشورمک یولنی طوتمشلردر .  
 ( تنقید یون les criticistes ) ایسه ( یقیندون les dogmatistes ) اعتقادینی  
 صار صوب بیقیمق ایچون، ( وجوب علیت ) دعوائی تدقیق و امتحان ایله ایشه  
 کیریشمه بی مسلک مخصوص اتخاذ ایله مشلردر .

تاریخ فلسفه کو ستریورکه اوتدنبری سوفسطائی و هله حسابیه و تنقیدیه  
 فرقه لری اربابی مفهوم علیتی شبهه دوشورمک صورتده بحثه کیریشمشلر  
 و سببیت فکرینک صرف بر عقیده انسانیه اولدوغنی و حقیقتده همه حال سبب  
 نامنه بر ( شی objet ) بولونماسی لازمکلمیه جکنی ادعا ایدر طور مشلردر .  
 [ scepticism و criticism کله لرنده ( آنه سیدم ) و ( هیوم ) ک  
 بو خصوصه دائر افکارینه با فیکرز ! ]

فی الحقیقه مفهوم علیتک ( انفسی subjectif ) و عندی بر عقیده اولوب



Causalité اولمادیفی بوکون دهمی اک حرارتلی برمباحثیه میدان ویرمکده در . اوندن ماعدا بوفکرك تجربهدن حاصل اولوب اولمادیفی دخی عینی درجهده اهمیتلی بر بحث تشکیل ایدر ورابطه علیهک عقل ایچون ( واجب nécessaire ) اولوب اولمادیغه دائر بالجله مباحث ومسائل قورجالار .  
[ rationalisme و empirisme, habitude, association کلهلرنده بوخصوصاته متعلق مناقشات وارددر ! ]

بورابطه، بوتون اضافات سائرهمک اساسی در . معلوماًتمزک جملهسیده ( اضافات relations ) قیلندن اولدوغی ایچون رابطهعلیت حقنده ویریلن حکم بوتون علم بشری شامل اولمش اولویور . اکر بو [ اعتقاد عندیدر ] دیر ایسهک معلوماًتمزده عندیدر دیمک چیقار . [ حقیقت اشیاپه موافق ومطابق در ] دیرسهک معلوماًتمزده اویله اولماسی لازم کایر . الحاصل بو علاقه علیه ویرهجکمز صفت و قیمت هر نه ایسه علم بشر دخی اوصفتی طاقینر ، اوقیمتی حائر اولور . اونک حقیقتی انکار اولونورسه علمک حقیقتی انکار ایدلش اولور . بنسأ علیه اهمیتی هر شیدن اوستون وزیادهدر ؛ اونک ایچون فلسفیات ومابعدالطبیعیاتده وعلومده عمده واساسدر . شوقدر فرق واردرکه مابعدالطبیعیات، علمک حقیقت وماهیتی تدقیق ایدر . علوم بوتورلو تحقیقاته کیریشمز ؛ [ هرحادثهک بر سببی اولماسی لازم کلهجکنی ] بر دستور اساسی اولوق اوزره اولامرده قبول ایدر ویالکمز سبیلری آرار واونلرک آرهسند . جایکیر اولان سلسله ارتباطی تعقیب ایدر . حادثاتک وقوعنده قطعياً ذیمدخل اولان ( شرائط خصوصیه conditions spécifiques ) یی تتبع ایدر . ( ثابت نسبیتلر rapports fixes ) بولورسه ( قوانین طبیعیه lois naturelles ) کشف ایتمش اولور . اونک ایچوندرکه فلسفه ایله علومک ، حتی علوم آرهسندده بعضلرینک مثلاً منطق ایله پسیقولوجینک وعلوم طبیعیهک بو مسئلهیه نظراً وضعی باشقه باشقه در .

[ بوتون بوخصوصاتده تفصیلات آلمق ایچون cause کلهسنه مراجعت ایدیکمز ! ]

( مبدأ علیت principe de causalité ) ، ( سبب برشی اوله مازا ! ) Causalité

دستوریه ادا اولونور بر اعتقاددر ؛ و - اولجه سویله دکم کی - بالجه اعتقادات بشریه نك نقطه استنادیدر . دین بمحشده ایمانك بیه بونكه قائم اولدوغنده شبهه یوقدر . چونكه بوكائناتك بر خالق اولماسی لازمكه چكنه اینانمق، بر علت موجبیه سی اوله جغه اینانمق دیمكددر . بوراده نشایان دقت اولان جهت شودر كه الهی - حكمای مؤمنین - بوتون مقولاتك فوقده طوتدقاری حالدله خالقیت صفتیه ینه ( علیت causalité ) مقوله سنه درج ایتمكدن قورتوله میورلر . ( catégorie کله سنده ایضاحاته باقیکنز ! ) بوكا سبب، علم بشرک محدود واضافی اولماسیدر .

مبدأ علیت تورلو تورلو دستورلر شکلنده بیان ایدلمشدر . فقط بونلرک يك چوغي فیلسوفلر ایله منطقون عننده مردوددر . مثلاً [ هر معلولك بر عاتی اولق کرکدر ! ] قضیه سی بو قیلدندر . بو طرز افاده نك مقدوح اولماسنه سبب، بر ( تکریر عبث tautologie ) تشکیل ایتمه سی در : علت ایله معلول کله لری ( تعبیرات متضایفه termes connotatifs ) دندر ؛ یعنی آرملنده اوله صیق و صمیمی بر رابطه واردر که برینی ذکر ایتمک دیکرینی بهمه حال اخطار ایدر، دوشوندورر . یالکیزجه ( معلول effet ) ده میورمک ( علتی اولان برشی ) دیمکه بردر . اوله اولدوغي تقدیرده : [ هر معلولك بر علتی اولق کرکدر ! ] قضیه سی حشو یات ایله مالی، عبث بر ( تکرار répétition ) در . بناء علیه فیلسوفلرک توصیه سی وجهله اوله دیمیوب : [ هر حاده نك، هر شینك بر سببی اولق کرکدر . ] دیمه لی ! .

بودستور دخی صور مختلفه ده شرح و تفسیر اولونمشدر . مثلاً [ بر وقعه fait ) نك ظهورندن اول کلن بر چوق ( احوال و ظروف circonstances ) و حادثات واردر که اووقعه نی ( بالاتفاق par concours ) تولید ایدرلر ؛ بونلردن بریسی اکسیک اولدیگی اووقعه ظهوره کله مز . بناء علیه [ احوال و حادثات مقدمه نك جمله سی علیته دیمدخل و مشارکدرلر . ] ده نیلیرسه، مبدأ علیت ( ایجابیه déterminisme ) مسلک نجه تلقی و تعریف ایدلمش اولور . ( بوتعمیره باقیکنز ! )

یاخود: [ جوهر اولسون، عرض اولسون ابتداء وجوده کلن برشیک علت وجودی هر حاله اوکا ( متقدم antérieur ) برشیده در! ] ده نیلیرسه، بوایکنجی طرز تاقی هم ( علیت وجودیه causalité ontologique ) یی، همد ( علیت تدریبیه caus. empirique ) یی شامل اوله بیله جکی ایچون ده اعمومی بر تعریف صابیلیر . فقط بو فکر، ( تسلسل زمانی ) اعتقادیی مستلزمدر، وزمان ظرفنده باشلایان شیلره تعلق ایدیه بیایر ؛ اونک ایچون: [ ابتدای مطلق commencement absolu یومدر! ] دعواسنه بالضروره منجر اولور . زیر اهرهانکی بر زمانده باشلایان بر حادثه نك سببی اوندن اولکی حادثه ده آرییور . یعنی علیت دعواسنی ( تقدم زمانی priorité temporelle ) اوزرینه بنا ایتیش اولویورکه بوصورت، الی غیرالهایه تسلسل اسبابی اقتضا ایدیه جکی جهتله بر ( بدایت commencement ) تصویرنه مانعدر . بناء علیه خلقت والو هیت مسئله لرنده عظیم مناقشات دعوت ایدر . چونکه خلقت ، ( برشیک هیچ یوقدن ابتداء ظهوره کله سی ) دیمکدر ؛ واقعا آهیون بونی الیه ک قدرت خالق هسنه عطف ایدیورلر ، فقط اوراده توف ایدیورلر . حالوکه سلسله اسبابی نامتناهی اوزاتانلر الیه ک وجودینه ده بر علت آریورلر . او وقت [ اونامتناهی ایشنه اله در ! ] دیه جواب ویرلدیکی کیی، ( الیه ک علت وجودی کل ذاتنده در ؛ خارجه دکل ! ) قضیه سبله دخی مقابله ایدیامورکه مشهور ده قارتک ( برهان لدنی preuve ontologique ) سی ایشنه بواساسه مبنی در .

[ بو خصوصده ایضاحات ایچون argument, preuve, ontologique کله رینه باقیکنز ! ]

بونامشات ومشکلاتک الهامیه اولق کرکدرکه ( مبدأعلیت ) ی بر باشقه طرز اوزره افاده ایدیه بیلیمک چاره سی دخی دوشونولمشدر . بعضی آهیون وحکما : ( علت وجو ی کندنده بولونمایان برشیک علتی، کندینه هر حاله فائق وکنیدسندن غیری برشی ده در . ) دیورلر . بو طرز تعریف مبدأ علیتی زمان ظرفندن خارج وقیود وتعلقاندن آزاده برماهیتله تصویرایتدیکی ایچون ده اعمومی در، والیه ونک الزیاده مقبول وملترم طوتودوغی تعریفدر.

اللهم وارلغنی اثبات ایچون ترتیب اولونان براهین مهممه ده کاشاتک ( ممکن الوجود Causalité êtres contingents ) واللهک - کمال مطلق absolue perfection - ایله اتصافدن طولانی، ( واجب الوجود être nécessaire ) اوله رق اساس استدلالی تشکیل ایتمه سی، بوتعریف سایه سنده اوله بیلیور . حالبوکه منکرلر بو دلائلک جمله سنده ( تصدر علی المطلوب pétition de principe ) سفسطه سی اولدوغنی ادعا ایدیورلر و او تعریفک ( فضولی arbitraire ) بر اعتقاده مستند بولوندوغنی سویلویورلر . [ بوتعمیراتک جمله سنه باقیکنز ! ] بوتون بو مناقشات مبدأ علایتک تفسیرندن وبالذات علتک وجوه مختلفه اوزره تصور اولونه بیلمسندن ایلری کلشدر . [ cause کله سنه باقیکنز ! ]

#### اعمال Causation فرانسیزجه انکلیزجه

بر علتک اجرای تأثیر ایتمه سی انساننده حصوله کان ( فعل acte ) ، یعنی سببک ( تأثیر فعلی ) سی بوتعمیر ایله یاد اولونور .

Cause علت ( سبب ) Cause فرانسیزجه وانکلیزجه  
Ursache آلمانجه  
Causa ایسپانیاجه

بوتعمیر مهم لاتینججه ( Causa = قاوزا ) کله سندن مشتق . عرب فیلسوفلری بوکا ( علت ) دیمشدر که بر حادثه یی موجب و یا خود باعث اولان ( عامل agent ) معناسنه کلیر . ترکجه ده عوام لساننده ( علت ) مرض یعنی خسته لق معناسنه حالا مستعملدر . آکلاشیایورکه ، خسته لغک سببی بالذات خسته لقله بر طوتولمش و ( سبب ایله مسبب cause et effet ) یکدیگرندن تفریق ایدیله مه مشدر . بوکون ( سبب ) کله سی ترجیحاً قولانیورز؛ فقط یا کلشدر ؛ زیرا سبب ( وسیله ) و ( واسطه ) دیمکدر . حالا بو معناده وارد اوله رق ینه لسانمزده استعمال ایدلمکده در . ( اسباب معیشت ) ، ( استکمال اسباب رفاه .. الخ ) کیی تعبیرلرده بوکله یی ( cause ) ایله دکل ، آنجق ( condition ) و ( occasion ) لغتلیله ترجمه ایده بیلیرز . فلسفه ده

Cause (علل حقیقه causes vraies) ایله (علل اعتباریه causes occasionnelles)

بجی يك مهم بر مناقشه سببیت ویروده بر مسلك مخصوصك تولدینه باعث اولماسهیدی ، علت و سبب کله لرینی الفاظ مترادفه دن عد ایدرهك - لا ابالی - مرهانی برینی قولالانمقده بأس کورمزدهك . خلق ناصل سویلر سه سویله سین ، فلسفه ده علت ایله سبب آره سننده کی فرقه رعایت ایتك ایچون بویوك بر مجبوریت وار : ( مالبراناش Malebranche ) مخلوقاتك هیسج برینه ( قدرت فاعلیت ) اسناد ایدمه مش ؛ حتی روحده بیله حیثیت علیت کورمه مشدی . حالوکه ظاهر حاله نظراً وقوع حادثانده عوامل طبیعیه ومادیه ، تجلی اراد آتمزده دخی روحمز ( علت فاعلیه cause efficiente ) کی کورونوبور . فیلسوف . مومی ایله یالکیز اللهی علت حقیقه اولوق اوزره قبول ایتش و ( ماسوی الله ، یعنی اللهدن غیری شیلر ) ی دخی - ارادت آلهیهك ظهورینه - واسطه طانیهرق ، اولره یالکیز ( causes occasionnelles ) دیمشدی که ، معنای حقیقیسیله ( سبب ) ایشنه بودر . ( تفصیلات ایچون occasionnalisme کلمه سنه باقیکز ! ) سببک معنای اغویسی ( ایپ ، اورغان ) دیمکدر . وقوع حادثانده علاقه سببیت ( تسلسل enchainement ) صورتنده مشاهده ایدیه بیلدکی ایچون ، احتمالکه او کلهك ( علت ) برینه قولالانیله گلش اولماسنده وجه ترجیح بویکیفیت اولمشدر .

اصطلاحده ( علت ) ، بر حادثهك وقوعنده بالخاصه ذی مدخل اولان ( عامل facteur, agent ) . دیرلرکه بردن زیاده اوله بیلیر ؛ دهاطوغروسی ( علم science ) نقطه نظرندن باقیلیر سه ، بر حادثهك وقوعنی اقتضا ایدن عوامل دائما بردن زیاده در . یالکیز مابعدالطبیعیاته والهیاتده یکنه بر علت حقیقه آرانیلیر ؛

علت و سبب کله لری مطلقا ( معلول ومسبب effet ) کله لرینی خاطره کتیر بر . بناء علیه بولفظلر ( تعبیرات متضایفه termes connotatifs ) دندر ، بری دیگرینی - بالتداعی par association - استلزام ایدر .

یونان قدیم فیلسوفلری ، ( نهتی یا ، نهتی یون = αἰτία, αἰτιον ) کله لرینی علت و سبب معناسنده قولالانمشدر ؛ معلول ومسبب ایچون مختلف

برایکی تعیر وار : ( آپوومنون = αποβαῖνον ) ، ( سین و مونون = Cause συμ-  
βαῖνον ) و ( نپوممون = ἐπόμμενον ) کیکی برنجیسی ( اثر ) مناسنه  
کایر، دیکرلری ده ( نتیجه ) دیمکدر .

( فکر علیت l'idée de causalité ) ک نره دن کلدیکنی آ کلا یوب  
تعین ایتک بر بویوک مسئله درکه یاقینده بو خصوصه دائر بعضی ملاحظات  
عرض ایده جکم . شوراسی بنجه محقق درکه بویله بر اعتقادک حصول و تأییدنده  
کندی ارادتمزک هرشیدن زیاده دخلی اولمشدر . بز هر نه یاپار ایشلر سه کده  
اونده کنیدیزی بر عامل بیلیرزه و بر نیته اجرا ایتدیکنمز ایشلر ده دخی  
بهمه حال بر ( مقصد but ) کوزه دیرزه . انسانر اوتنه دنبری بونی بویله حس  
ایدوب دوشونمشلر، حتی بلکه بوندن مهم تجربه لری اولمامشدر؛ کائناتده دخی  
وقوعه کلن حادثات نامعدوده عینی صورته بر علت فانیله اسناد ایتمشلر اوکا  
بر نیت دخی عطف ایله مشلر در . بناء علیه ( آترو پومور فیزم ) دورنده بویله  
بر اعتقاد طوغمش اولسه کرکدر . مع مافیه عینی زمانده بلا سبب معقول بر  
چوق و قوعاته معروض اوله کلن انسانیتده برده ( فکر تصادف l'idée du  
hasard ) پیدا اولمشدر . بو ایکی عقیده متناقضه حالا ذهنزده یاشیور ؛  
واونلری تألیف ایده بیلیمک و یا خود تصادفی تعریف و حقیقتی انکار ایده یاماک  
ایچون عظیم مناقشه لر اولویور .

( حس علیت le sentiment de causalité ) دور جاهلیتدن بری  
انسانلرک وجداننده بلیرمش اولسه کرکدر؛ مع مافیه بو فکر، همان پک یاقین  
زمانلرده بر عقیده قیمة اوله رق ذهن بشره تحکم ایده بیلیمشدر . تاریخ  
فلسفه بونی اثبات ایدیور : دکل عوام ناس، فقط یونان قدیمک اک بویوک  
فلسوفلری بیله بو خصوصده ترددن قوتوله مامشلردی . بعضی احوال  
ایچون علت تصور ایدرلر ؛ فقط — عینی زمانده — تصادفی کائناتک حاکم  
مطلق طایرلردی . حتی ( تألیه ) ایتمشلردی . یونان اساطیری صراحتاً  
بونی کوستریور .

اک مشهور یونان فیلسوفلرینک فکر نرنده بیله بعضی تردد اماره لری  
کورولویور . مثلاً افلاطون کیکی برداهی حادثاتک بلا سبب و قوعنه قائل اولمش

Cause و ( فیلهب Philèbe ) نام محاضرہ سندہ : [ ἀναγκαῖον, πάντα τὰ γιγνόμενα διὰ τίνα αἰτίαν γίγνεσθαι ; πῶς γὰρ ἂν χωρὶς τοῦτων γίγνοιτο وقوعه كلش اولسون ، زیرا اوعلدن محروم اولونجه آرتق بردها ناصل واقع اوله بیلیرلر ؟ ] دییورکه بوکون بزه پک ضرب کلیر بر فکر در . چونکه بر شینک سبب سز اولسی لزومه قائل اولویور ؛ وصوکره بو عجیب ملاحظه یی حقیقی کوسترمک ایچون : هر حادثه نك وقوعی بر علت ه محتاج اولسه یدی ، اوعلتک فقدانی حالده حادثه مذکور ه ناصل ظهوره کله بیلیردی ؟ ) دیه دوشونویور . نهایت ، ( تی مه = Timée ) نام محاضرہ سندہ ( مبدأ علیت principe de causalité ) ی صراحتاً قبول ایدرک اونی ( قطعی بر دستور formule précise ) شکلنده سوبلویور :

[ Πᾶν, δὲ τό γιγνόμενον ὑπ αἰτίον ἐξ ἀνάγκης γίγνεσθαι . Πάντα γὰρ ἀδύνατον χωρὶς αἰτίου γένεσθαι σχεῖν . ]

یعنی : ( وقوعه کلن برشی بالضروره بر علتک محصولی در . فی الحقیقه ، هر نه اولورسه اولسون بر شینک سبب سز وقوعه کله بیلمه سی ممنوع در . ] دییور . بوتذبذ افکار افلاطون کبی بر فیلسوفده کورولورسه ، هیچ شبهه قائمازکه مبدأ علیت ، بلکه یاقین زمانلرده بر دستور شکلنه قویه . بیلدیکمز عقاید مکسوبه مزدن بری در . مع مافیه یونان قدیمده فلسفه نك خیلی ایلر یلمش اولدوغی بر عصرده بیله — بر چوق فیلسوفلر عینی اعتقادی بر قضیه قطعی صورتنده بیان ایتدکری حالده — ینه تعبیر اصطلاحی هنوز لایق یله تعین ایدمه مش ایدی . مثلاً ( آمپدوقلهس Empédocles ) علت یرینه ( قوت ) تعبیری قولانیوردی .

( آنافساغوراس Anaxagore ) یکانه بر علت حقیقه قبول ایدیور و اوکا ( نوس = νοῦς ) دییورکه ( راسون ، عقل ) معانسه کلیر . دیمک که علت غاییه قائل اولمشدر .

هرافلیت ، ( هر شینک بر ضرورتدن نشأت ایتدیکی = πάντα καθ' ) اولی ( cause première ) اوله رق قبول ایدردی . ده موقریت ، ( هیچ

برشی نیست و وقوعه کثر، آلا هرشی بر حکمته مبنی بالضروره نشأت ایدر = Cause  
 οὐδὲν χρεῖμα μάτην γίγνεται, ἀλλὰ πάντα ἐκ λόγου τε καὶ  
 علت عاقله (raison = λογος = Logos) یعنی (عقل و یا خود  
 بو دستور بر آرز معاجه فرق ویرم شد. چونکه بو تعریف (علت غاییه  
 cause finale) اعتقادینی متضمن در واوکا یا قیشیر. فقط - بدایت بخنده  
 دیدیکم کیبی - هنوز علی الاطلاق علیه اعتقاد ایدل یکی بوزماندره بر جوق  
 حادثات و وقوعاتك (کندی کندینه automatiquement) و یا خود  
 (تصادفی اوله رق κατά τύχη) حصوله کلدیکنه ده اینانیلیدی.  
 هله علل و اسبابك تنوعاتنه هنوز پك دقت ایدله مه مشدی. ایلک دفعه  
 اوله رق غالباً افلاطون علتلری ایکی صنفه آیریور؛ برنجیسنه (علل اولی =  
 causes premières = αἰτίαι πρῶται) ایکنجیسنه دخی (علل  
 تالیه c. secondaires = αἰτίαι δεύτεραι) و یا خود (علل معاونه  
 و متوسطه c. auxiliaires, c. intermédiaires = ξυναίτιαι)  
 اسملرینی ویریور علل مختلفه بی - اوزمانه کوره - تفریق و تعیین ایدن اصل ارسطو  
 اولمش و اونك تصنیفی - حتی بو گونه قد - علی الاطلاق مقبول و معتبر طو توملشدره  
 مابعد الطبیعیاتك، منطقك، پسیق و لوزینك و دها بر جوق علومك واضعی اولان  
 بو حکیم، علتنه، طبق استادی افلاطون کیبی، (نه تیون، نه تی یا = αἴτιον,  
 αἰτία) دیور، واونی (مبدأ تبدلات = ἡ ἀρχὴ τῆς μεταβολῆς =  
 le principe de changement) اولق اوزره تلقی ایدیور. (اونك  
 واسطه سیله οὐ ἕνεκα) انقلابات وقوعه کلدیکنه اینانیور. بو (معلم  
 اول) علتلری درت نوعه آیریور؛ و او خصوصده کی ملاحظاتی شایان  
 دقتدر و قیمتی در. اولاً: [پك مهم برشی واردر که کافه امورده تقدیم  
 ایدله لی در؛ اوده هیچ برشینك سببیز اوله ماماسی و هر حادثه ك بر علتی  
 متعاقب حصوله کله سی در. = μάλιστα μὲν καὶ πρῶτον εἶναι δοῦξαι  
 [τὸ μὴ οὐδὲν ἀναίτιως γίγνεσθαι ἀλλὰ κατὰ προηγουμένας αἰτίας  
 دیهرك مبدأ علیه دستورینی ویریور. علومك بو مبدأ ایله علاقه سنی



Cause آكلائق ايجون ينه مهم بر دستور ويريور : ( علوم نظريه دن هريري،  
يعني هر هانكي بروجهله عاقله يه مربوط اولان هر علم، بر طاقم مبادي وعلمه  
مستنددر .  $\pi\alpha\sigma\alpha \epsilon\pi\iota\sigma\tau\eta\mu\eta \delta\iota\alpha\nu\omicron\tau\iota\kappa\eta, \eta \kappa\alpha\iota \mu\epsilon\tau\epsilon\chi\omicron\nu\sigma\acute{\alpha} \tau\iota =$   
[  $\delta\iota\alpha\nu\omicron\iota\alpha\varsigma \pi\epsilon\rho\iota \alpha\iota\tau\iota\alpha\varsigma \kappa\alpha\iota \acute{\alpha}\rho\chi\acute{\alpha}\varsigma \epsilon\sigma\tau\iota$  . صوكره ( معرفت حقيقيه  
وصحيحه conn. exacte et vraie ) نك دستوري عرض ايدبيور : ( بر  
شيئك نچون موجود اولدوغنى تعقل ايدم بيليرسهك او شيئي حقيقه  
ييلمش اولورز . وباشقه تورلو موجود اوله مايه جفنى تعقل  
اينجه اونك حقيقتي آكلامش اولورز .  $\epsilon\pi\iota\sigma\tau\alpha\sigma\theta\alpha\iota \delta\epsilon \omicron\iota\acute{\omicron}\mu\epsilon\theta\alpha =$   
 $\epsilon\kappa\alpha\sigma\tau\omicron\nu \acute{\alpha}\pi\lambda\omega\varsigma, \omicron\tau\alpha\nu \tau\eta\nu \tau'\alpha\iota\tau\iota\alpha\nu \omicron\iota\acute{\omicron}\mu\epsilon\theta\alpha \gamma\iota\nu\omega\sigma\kappa\epsilon\iota\nu, \delta\iota$   
 $\eta\nu \tau\omicron \pi\rho\acute{\alpha}\gamma\mu\alpha \epsilon\sigma\tau\iota\nu, \omicron\tau\iota \epsilon\kappa\omicron\iota\nu\omicron\upsilon \alpha\iota\tau\iota\alpha \epsilon\sigma\tau\iota\nu, \kappa\alpha\iota \mu\eta$   
[  $\epsilon\nu\delta\acute{\epsilon}\chi\epsilon\sigma\theta\alpha\iota \tau\omicron\upsilon\tau\omicron \acute{\alpha}\lambda\lambda\omega\varsigma \epsilon\iota\nu\alpha\iota$  . دييور. نهايت عال مختلفه يي شو  
صورتله درت نوعه تقسيم ايدبيور :

( ايمدي درت علت واردر : بريسي بر شيئك نه اولدوغنى بيلديرير .  
بريسي دخي سائر مخلوقات مياننده او شيئك لزوم وارتباطني كوستيرير .  
ديكيري عرك اولي بيلديرير . دردنجيسي ده او شيئك وجودندن مقصد  
نه ايسه اون بيلديرير . )

[  $\alpha\iota\tau\iota\alpha \delta\epsilon \tau\epsilon\sigma\sigma\alpha\epsilon\varsigma . \mu\iota\alpha \mu\epsilon\nu \tau\omicron \tau\iota \eta\nu \epsilon\iota\nu\alpha\iota . \mu\iota\alpha \delta\epsilon$   
 $\tau\omicron \tau\iota\nu\omega\nu \omicron\nu\tau\omega\nu \acute{\alpha}\nu\alpha\gamma\kappa\eta \tau\omicron\upsilon\tau\omicron \epsilon\iota\nu\alpha\iota . \acute{\epsilon}\tau\epsilon\rho\alpha \delta\epsilon \eta \tau\iota \pi\rho\omega\tau\omicron\nu$   
 $\acute{\epsilon}\kappa\iota\nu\eta\sigma\epsilon . \tau\epsilon\tau\acute{\alpha}\rho\tau\eta \delta\epsilon, \tau\omicron \tau\iota\nu\omicron\varsigma \acute{\epsilon}\nu\epsilon\kappa\alpha .$  . ]

على الخصوص : ( بالجمله مبادي آره سنده برجهت مشتركه واركه اوده  
( موجوديت ) در . اولدن صركره اومبادينك نه واسطه ايله موجود و متجلى  
ومعلوم اولدقلىرى جستجو ايديلير . )

[  $\pi\alpha\sigma\omega\nu \mu\epsilon\nu \omicron\upsilon\nu \kappa\omicron\iota\nu\omicron\nu \tau\omega\nu \acute{\alpha}\rho\chi\omega\nu, \tau\omicron \pi\rho\omega\tau\omicron\nu \epsilon\iota\nu\alpha\iota;$   
 $\acute{\omicron}\delta\epsilon\nu \eta \acute{\epsilon}\sigma\tau\iota\nu, \eta \gamma\iota\nu\epsilon\tau\alpha\iota, \eta \gamma\iota\nu\omega\sigma\kappa\epsilon\tau\alpha\iota .$  ]

ارسطونك بودستورلىرى، كرك مابعدالطبيعات وآلهياتده كرك سه علومده  
برر قانون اوله رق تلقى اولوندوغنى كيي ( علل اربعه تقسيماني ) دخي عينا  
وحرفيا قبول ايديلهرك ياقين زمانه قدر معتبر طوتولشدر . شو تقديرجه،  
اولا بر ( علت ماديّه = cause matérielle ) واردر . اوده بر شيئك  
( نهدن وجوده كديكني =  $\acute{\epsilon}\xi \omicron\upsilon \gamma\acute{\iota}\gamma\nu\epsilon\tau\alpha\iota$  ) بيلديريركه آنجق

( هیولی = ὕλη ) یعنی ماده‌سی در . بر ماصه‌نك تحته‌دن، بر ییچاغك Cause  
 ده‌میردن اولماسی کیبی ! ایکنجیسی ( علت‌صوریه = c. formelle ) در .  
 برشئك ( شكل = εἶδος ) ی در . ( ناصل ونه‌صورتله وجوده کتیرلمش  
 اولدوغنی τὸ τί ἦν εἶναι ) عرض ایدر . ماصه‌نك ویچاغك شكلی کیبی !  
 اوچونجیسی ( علت فاعلیه، علت موجب = cause efficiente ) در .  
 ( حرکتك مبدأی ἀρχὴ τῆς κινήσεως ) نی بیلدییر ؛ یعنی اوشینی  
 وجوده کتیرن عاملی نمیل ایدر . طوغرامه‌جی ویچاغنی کیبی ! . دردنجیسی  
 ( علت غائیّه = cause finale ) در . بوده ( غایه = τέλος ) یی بیلدییر ؛  
 یعنی بر شئك ( نه‌متصدله τὸ οὗ ἕνεκα ) یایللمش اولدوغنی . کوستریر .  
 یوقاریکی مثالدرده ماصه‌نك اوستنده یازی یازمق ویاخود یمك یمك مقصدیله  
 یایللمش اولماسی کیبی ! .. الی آخره .

ارسطو نظرند ( مابعدالطبیعیات la métaphysique ) عال اربعه  
 علمی در . ( بونعمیره باقیکنز ! ) استاد یونانی نك بوتون بوفکر لرینی عالم قبول ایتدی  
 کیبی حکمای اسلام دخی عیناً تلقی ایتمشدر . نته کیم بر آرزو کره کوره جکنز .  
 ( مدرسه‌ رواقیه l'école stoïque ) اربابی حادثاتك علل قطعیه  
 وقاهره‌یه تبعاً وقوعه کلدیکنه اینانیور، وهرشئك برسبيله ( علاقه‌دار =  
 εἰρημὲν ) بولوندوغنی ادعا ایدیوردی . فقط بونلر علت حقیقیه‌نی الیهون  
 نقطه‌نظرندن تلقی ایتمشلر و ( لوغوس = λόγος ) یعنی عقل دیه‌طانیملردی .  
 بو علت عاقله‌نك ( بصیر وعلیم = πρόνοια ) اولدوغنده اینانیورلردی .  
 بناءً علیه قانون اقتضا ( یعنی، ضرورت = εἰμαρμὲν ) ، ( قدر = fatum )  
 معناسنی آلیوردی . بو حکما او علت حقیقیه‌نی ( فعال active ) بیلورلر  
 واکا ( روح = πνεῦμα ) و ( الله = Θεός ) دخی دیورلردی .  
 ماده‌نی تحریک ایدن وحادثات عالئك بالذات وقوعه سببیت ویرن او ( قوت  
 عاقله و مدبره ) ایدی . بو حکمائك اعتقادی بزده ( جبریون les fatalistes )  
 اعتقادینه پك بکنزو .

( مادیه matérialisme ) مذهبك مؤسسای اولان ( ئپیکور Epicure ) ،  
 ( یوقدن هیچ برشی واراوله ماز، = οὐδὲν γίνεται ἐκ τοῦ μὴ ὄντος )

Cause ديه ادعا ايدردی . حالبوکه بو دستور اوندن چوق اول معلوم ایدی . بناءً عليه هر شيك سببی اوله جفته قائل اولمشدی .

رومالیلردن ( چیچرهو Cicero ) و ( سینهقا Seneca ) ارسطونک تقسیماتی قبول ایتمکه برابر علتی رواقیون کیی تلقی ایدرلردی . ذاتاً و مذهباً منسوب ایدیلر .

تئیکورک مسلکینی نظماً ضبط و ایضاح ایدن مشهور رومالی شاعر ( لوقره چیوس قاروس Lucrecius Carus ) ، ( طبیعت اشیا De natura rerum ) نام اثر معروفده تمامیه استادینک اعتقادینی قبول ایدیور : ( بوقدن هیچ برشی اولماز ۰۰۰۰ هر سیدن بالجله اجناسک تولدی نمکندر . ) دیورکه تئیکورک حرفیاً ترجمه سیدر .

رییون یعنی ( حسانیون les sceptiques ) ک بو خصوصده کی بیاناتی غایت مهمدر : ( سکستوس تئمی ریقوس Sextus Empiricus ) علتک ( اضافت relation ) دن عبارت اولدوغنی ادعا ایدیور . [ بز ایکی حادثه آرمنده کی رابطه بویه بر اسم و معنا ویر مشیز . بویه بر نسبت ( یالکیز معقول اوله بیلیر ἐπινοεῖται μόνον ) یعنی دوشونوله بیلیر؛ فقط ( موجود اوله ماζ οὐχ ὑπάρχει ) یعنی حقیقتده اصلی فصلی یوقدر ؛ ] دینلرکه ( علت ) ک صرف انفسی و معقول بر مفهوم اولدوغنه قناعی متضمن بر ملاحظه دره و جداً حکیمانه بر دوشونوشدر .

( نوفلاطونیه néoplatonisme ) مذهبک الک بویوک فیلسوفی اولان ( پلوتینوس Plotinus ) علتلره ( قوای مولده و مصوره λόγοι = σπερματικοί ) دییور ؛ مع مافیله اولنری ( قوای عقلیه νοεραὶ = δυνάμεις ) اولوق اوزره تلقی ایدیوردی .

قرون وسطی سقولاستیق حکماسی ، علی العموم ارسطونک علل اربعه نظریه سنی قبول ایدره ک : ( علت مادیه causa materialis ) ، ( علت صوریه c. formalis ) ، ( علت فاعلیه c. efficientes ) ، ( علت غاییه ) دیه ترجمه ایدیلر ؛ فقط قبلی قرق یارمقدن و اینجه تفصیلات اوزرینه اوزون اوزادی به مناقشات آچقدن بویوک هنرلی اولمادیفی ایچون انواع علل

اوقدر چوغالدی که، آرتق یالکز بو بحث ایچون بر فهرست اصـطلاحات Cause  
 یایله بیلیر . خصوصاً فلسفه‌یی عقائد دینه‌یه توفیق ایتک مجبوری ایله تعیرک  
 حیثیت معناسی ده چوق ده کیشدی . مثال اولق اوزره بوراده - حسب -  
 المناسبه - برقاج دانه‌سی ذکر ایدیورم :

( علت فاعله *causa activa* ) که ( عامل *agens* ) بو دیمکدر .  
 ( علت موجه *c. efficientes* ) ، ( علت معرفه *c. cognoscendi* ) ،  
 ( علت جسمانیه *c. corporalis* ) ، ( علت خالقه *c. creatrix* ) ، ( علت  
 مطابقه *c. adaequata* ) ، ( علت ناقصه یاخود منقیه *c. defectiva* ) ،  
 ( بلا واسطه علت *c. directa* ) ، ( علت خارجه *c. extrinseca* ) ،  
 ( علت باطنه *c. intrinseca* ) ، ( علت متعالیه *c. transiens* ) ، ( علت  
 مذبحجه *c. immanens* ) ، ( علت نافذه *c. influens* ) ، ( علت آلیه  
*c. instrumentalis* ) ، ( علت محرکه *c. motiva* ) ، ( علت اعتباریه  
*c. occasionalis* ) ، ( علت ذاتیه *causa per se* ) ، ( علت عرضیه  
*c. per accidens* ) ، ( علت اصلیه و مبدأیه *c. principalis* ) ، ( علت  
 اولی *c. prima* ) ، ( علت تالیه ، ثانیه *c. secunda* ) ، ( علت قریبه  
*c. proxima* ) ، ( علت بعیده *c. remota* ) ، ( لابد اولان علت  
*c. sine qua non* ) ، ( علت جامعه و مشترکه *c. socia, communis* ) ،  
 ( علت منفرد و خاصه *c. solitaria, propria* ) ، ( علت کافیه *c. sufficiens* ) ،  
 ( علت حقیقه ، صحیحه *c. vera* ) ( کندی کندیسنه علت *causa sui* )  
 والی آخره ، الی آخره ! . . .

بوتون بوتعیرات اوزرینه اوزون وتوکنمز مباحثه لر جریان ایتشددر .  
 بوتونر میاننده ( علت حقیقه و صحیحه ) نک الله اولدوغنی هان بوتون  
 حکمای الهیون - اسلام اولسون ، خرستیان اولسون ! - عینی صورته  
 ادعا ایتشلر و حادثات عالنده کوردوکنز علل عادیه‌یی ( اسباب یعنی وسیله )  
 اوله رق تاقی ایله مشلردر که بو تقدیرجه وقوعات عالنک ( علل قریبه ) سی  
 اسباب مذکوره اولقله برابر ( علت مبدأیه سی ، علت ابتدائیه سی ، علت  
 بعیده سی ) خلاصه ( علت صحیحه *vera causa* ) سی الله اولمش اولور . بو

Cause اعتقاد اوزرینه بر مذهب فلسفی تأسیس ایدن مشهور ( پاپاس مالبرانش le Père Malebranche ) در. بومذهب اصطلاحده (occasionalisme) دیرلر . [ تفصیلات ایچون بوتعیره باقیکنز ! ]

فلسفه به دائر موجود اولان مدونات و کتب اسلامیه ده ( علت و معلول cause et effet ) بختلری ( امور عامه faits et notions généraux ) صیره سنده مذاکره و مناقشه اولونه کلشدر . ( قاضی عضدالایچی ) نک موافق نام کتابنده ایکنجی موقف امور عامه به حصر ایدلمش و او موقفک ( مرصد خامس ) ی علت و معلول مذاکره سنه تخصیص اولونمشدر .

حکما و فلاسفه اسلام علی الاطلاق ارسطونک فکر لرینی شکلاً - اولدوغی کیی - قبول ایتلمشدر . یالکنز بعضی متفکرین علتک حیثیت معناسنده برآز تعدیلات اجرا سنه موفق اولمشدر .

اولا ( انوم علت le prin. de caus. ) قطعاً و بلا تنقید قبول ایدیلیور و : ( تصور احتیاج الشی الی غیره ضروری ) یعنی ( بر شینک دیگر بر شینه احتیاجی تصور ایتک ضروریدر ! ) دستوریه بواعقاد افاده اولونویور . بناء علیه علاقه علتی ادراک و تعقل ایتک بز ، انسانلر ایچون بر علم ضروریدر ؛ دیمک چیقارکد راسیونالیستجه بردوشونوشدر ؛ چونکه ( مفهوم علت notion de causalité ) ک ( کسبی acquise ) اولمادیغی متضمن بر ادعادر . بونک اوزرینه زمانمزده عظیم مناقشه لر وقوعه کلش و بو اعتقادک کسبی بر فکر اولدوغنه قوتله و اکثریتله حکم اولونمشدر . [ تفصیلات ایچون empirisme و apriori تعیر لرینه باقیکنز ! ]

شرح موافقده بوبحث مهمه دائر وارد اولان ایضاحات و تفصیلاتی تلخیصاً بوراده عرض ایدیورم . هر فان اسلامه نسبتی اعتباریه بزجه قیمتی بویو کدر . ( بر شی وار اولمق ایچون، دیگر بر شینه محتاجدر که اوکا ) ( علت ) دیرلر . محتاج اولان شی دخی ( معلول ) در . علت دخی ایکی قسمدر ؛ یا ( علت تامه ) یا ( علت ناقصه ) اولور . ( ناقصه ) ، یا معلولک بر جزئی اولور ، یا خود اوکا نسبتله بر ( امر خارج fait extrinsèque ) در . اکر معلولک جزئی صاییلان علت ناقصه، اوشی ایله بالفعل برابر بولونورسه

اوکا ( صورت ) یعنی ( علت صوریه cause formelle ) ده نیایر . مثلا Cause سریرك هیئت ( یعنی صندالیه شكلی ) کیی .! اگر آنجق بالقوه موجود ایسه اوکاده ( ماده ) یعنی ( علت مادیه c. matérielle ) ده نیلیر . ( صندالیه شكلی ماده سی اولان تحته ) کیی ! . . بوراده کی صورت و ماده او صندالیه مختص اولان شكلی و ماده دكلدر ؛ علی العموم هر شكلی و ماده مراد اولونور . ]

بوتقسیم و ترتیب ارسطونك ( هیولی و صورت forme et matière ) نظریه سنه مستند اولان تصنیف مشهوریدر . حکیم یونانی شك ( علل اربعه ) سندن ابکیسی بوراده کورویورز . شو تقدیرجه هر هانکی بر شینك صورتی و ماده سی، یعنی شكلی و حاموری اوشینك موجودیتنده ذیمدخل ایکی علت اوله رق قبول ایدلمشدر . قاضی بوراده - بالمناصبه - ماده شك اعتبارات مختلفه دن طولانی آلدینی اسماء اصطلاحیه بی ذکر ایدیورکه، شایان استفاده در: [ صور مختلفه فعلاً قابلیتی اعتباریه ( ماده ) و ( طینت ) ؛ تلقی صور استعدادی حسبیه ( هیولی = ελν ) ؛ ترکیات اوندن باشلا دیقندن طولای ( عنصر élément ) ؛ تحلیل اوکا پیوسته و منتهی اولدوغی ایچون دخی ( سطقس = στοιχος ) ده نیلیر . ]

[ یوقاریده تعریف اولونان ایکی علت ( یعنی صورت و ماده ! ) بر شینك موجودیتنده ذیمدخل اولمقله برابر، ( علت ماهیت ) تعبیریه دیگر لرندن ممتازدرلر . زیرا بر شینك ماهیتی تصور ایتک بوا یکی شینی دوشونمکله اوله بیلیر . ایکی نوع علت ناقصه ده وارکه معلولك اجزا سندن معدود دكلدر ؛ برر امر خارجدر . یعنی بوسه بوتون معلولدن آیری شیلردر . صندالیه شك حاملی اولان ( نجار - طوغرامه جی ) ایله صندالیه دن مقصود اولان فائده ( یعنی اوسته او طور مقصدی ) کیی . برنجیسی ( علت فاعله و مؤثره c. efficiente ) در . ایکنجیسی ( علت غائیة c. finale ) در . بونلر البته صندالیه دن خارج شیلردر . بوا یکی سنه ده آیریمجه ( علت وجود ) دیرلر ؛ چونکه بر شینك فی الحقیقه موجود اوله بیلیمه سی اول امرده بوا یکی علت محتاجدر . حالبوکه تصور ماهیتی ایچون صورت و ماده سی دوشونمك کفایت ایدردی . ]

Cause  
 ایشته مجموع علل بودرت در . ایکسی ( یعنی صورتله ماده ) معلوله داخل بولونویور واونک اجزاسنی تشکیل ایدیور ؛ دیگر ایکسی ( یعنی فاعل مؤثرایله غایه ) معلولدن خارج بولونویور . برنجیلر ( علت الماهیه ) در ؛ چونکه برشیدنک ماهیتنی تصور ایچون اونلر ( لابد indispensable ) فقط کافی ! . . . ایکنجیلر ( علت الوجود ) در ؛ زیرا بر فاعل مؤثر ایله - قاضیه و بوتون اشاعره به کوره - برده غایه اولمازسه برشی موجود اوله ماز . مع مافیه موجودیتده علت ماهیتکده دخلی واشتراکی واردر ؛ چونکه برشی وار اولونجه مطلقا بر ماده سی برده شکلی اولوق ضروریدر . باشقه تورلو دوشونوله مز . بو علتلر آیری آیری تلقی اولونوجیه ( علل ناقصه ) نامنی آلیورلر . قاضی و فطین شارحی سید شریف ، بوباده ایضاحات ویریرکن علت مؤثره یه ( مابه الشی ) یعنی ( برشیدنک وار اوله بیلمه سی ایچون محتاج اولدوغی دیگر رشی ) دیور . ارسطونک ( مبدأ حرکت  $\mu\epsilon\tau\alpha\beta\omicron\lambda\eta\varsigma$  ) دیدیکی بودر . علت غاییه دخی ( مالاجل الشی ) یعنی ( بر شی نه ایچون یایلمش ایشه او ) دیور . استاد یونانی نک (  $\alpha\upsilon\tau\acute{o}\nu\epsilon\kappa\alpha$  ) نه مقصده ؟ ) دیدیکی ده بودر .

قاضی بنه ایکی نقطه یه اشارتله اخطار آنده بولونویور . اولا علت غاییه ، خارجده تحقیق حسیله ، معلول صاییلیر ؛ مثلا عالم خارجیه ده موجود بر صندالیه ، اوطور مقصدینی تأمین ایچون یایلمشدر . ایشته بوندن طولانی معلولدر ، چونکه بر اثردر . فقط مؤثرک ذهنده - بر تصور اوله رق - بر علت فاعله صاییلیر ، زیرا بر صندالیه یایمق نیتنی تواید ایدن اودر . بناء غایه علت غاییه - ( عینی شی ایچون pour le même objet ) - ( علاقه علیت و معلولیت rapport de cause à effet ) ی ماشلی باشه تمیل ایتش اولویور . ثانیاً شو آکلاشیلیورکه علت غاییه بر ( فاعل مختار agent libre ) ک اثریدر ؛ ارادت و اختیار ایثبات ایدر .

بوملاحظه فی الحقیقه مهمدر . زیرا کائناتده بر علت غاییه کوره بیلمک ، خلقتده بر مقصد دوشونه بیلمک ، - عاقل و مدبر - بر فاعل مختارک وجودینی همه حال استلزام ایدر . الهیاتده الک خطیر مناقشه بومسئله اوزرینه جاریدر .

(الهیات théologie) ایله ( مابعدالطبیعیات métaphysique ) آره سنده Cause خط انصال بودر ؛ اونك ایچون خلقتده علت غاییه نی انكار ایتمك الحاده منجر اولور، دبه ادعا ایدلمشدر . ( athéisme تعیرنده تفصیلاته باقیكز ! ) قاصیك اشاعره نامه ویردیکی شو ایضاحاتك كافه سی ده عیناً و حرفیاً ارسطوده موجوددر . استاد یونانی ( علت ) بحثی ( فیزیک = الطبیعیات ) نام ائرنده تدقیق ایتدیکی کیبی مابعدالطبیعیات کتابنده دخی فلسفهك تعریفندن صوكره همان او مسئله نی نظر تأمله آلمش و تنقیدی و فلسفی ملاحظاته کیریشمشدر .

شیمدی برده ( علت تامه cause intégrale ) تعیری وار . ( شرح مواقف ) تعیر مذکوری شو وجهله تفسیر و ایضاح ایدیور :

( برشیتك . ذهنده ماهیتاً ) یعنی ( en tant qu'idée ) و خارجده ( حقیقتاً réellement ) موجود اوله بیلمه سی ایچون محتاج بولوندوغی شیلرك جهله سنه بردن ( علت تامه ) دهنیلیر . [ دیور .

بوده بر ( فاعل مختار ) تصور و قبول اولوندوغنه کوره علل اربعهك اجتماع و ترکیندن حاصل اولورکه بو تقدیرده علت غاییه دخی داخلدر . یوق ، بر ( فاعل موجب ) تصور و قبول اولوندوغنه کوره آنجق اوج علتك ترکیب و اجتماعندن عبارت قالیر؛ چونکه ( نیت ) انكار ایدلمش اوله جنی جهتله - اونیتی ائرده تمثیل ایدن - علت غاییه یه اصلاً وجود ویرلمه من اولور . بوده الهیاتده يك مهم بر بحثك مولدی و منشأی اولمشدر . چونکه کائناتده بر مقصد خلقت کوره رك علت غاییه نی تسلیم و اقرار ایتمك ، بر فاعل مختارك وجودینه ایمان ایله مك دیمکدر . اوده آنجق ( الله ) اوله بیلیر . بواعتماد ( ایجابیه déterminisme ) مذهبی ایله قطعاً غیر قابل تألیفدر . بالعکس علمده بر انتظام ، بر مقصد کوروله مزده علت غاییه رد و انكار ایدایرسه ، آنجق بر ( فاعل موجب ) قبول اولونه بیلیر ؛ اوده عقل و ارادتدن وفکر و نیتدن تماماً محروم بر ( طبیعت nature ) اوله بیلیر . بو اعتقادك ( ارادت مطلقه libre-arbitre ) مذهبی ایله او یوشه بیلمه سی ممکن دکدر .



بزده فلاسفه نامنه بالاخصاص کسب استحقاق ایدن ارسطو پیرولری بر فاعل موجب قبول ایدرلر . مبادی اعتقادیده و برچوق مسائل تالیه و متفرعهده اونلره هرزمال معارض بولونان متکلمین و اهل سنت، بر فاعل مختسارک وجودیه ایمان ایدرلرکه علت حقیقه و مسبب الاسباب اودر . علی الاطلاق ( حکمای ملیون les philosophes religieux ) بو اعتقادده و فلاسفه طبیعیونه قارشی بو وضعیتدهدر .

بوندن سوکره قاضی عضد علت ناقصه نك معلوله ( تقدم ذاتی priorité essentielle ) سندن بحث ایدیور . ( تقدم زمانی priorité temporelle ) یی یالکز ( علت صوریه ) ایچون قبول ایدیور . چونکه تحتهدن بر صندالیه وجوده کتیرمک ایچون اولا اوکا ( صندالیه شکلی ) نی ویرمه لی در . حتی بوشکل، فاعل مؤثرک - مثلا طوغرامه چی نك - ذهنده بدایتاً حاضر اولدوغی ایچون صندالیه زماناً متقدم بولوندوغی بدیهی در . علت تامه دخی - ایستر اوج ایسترسه درت عنصردن مرکب بولونسون - معلوله تقدم ایدر ؛ فقط بوراده تقدمدن مراد اولونان معنا، اجزای نك کله تقدیمی در .

آرتقی بوندن سوکره برچوق بختلر آچیلیور و بر سورو مسئله لر تولد ایدیورکه جمله سی ده سقولا ستیق فلسفه سنه عا ددر . یالکز شارح مواقف سیدک بعضی فطیانه ملاحظاتی وارکه علت بحثنده زمان نك افکار یله قابل تألیف در . خصوصاً فاعل تعبیرنده ( استقلال تأثیر ) شرطی ملاحظه ایدرکن قاضی عضد : { ولا یكون كذلك الا باستجماع شرائط و ارتفاع الموانع ! } یعنی { فاعلیته استیلا باشقه تورلوا اوله ماز، آنجق استجماع شرائط و ارتفاع موانعه اوله بیلیر ! } دیور . سید بودستوری پک ایی آ کلیور و ایضاح ایدیور . زمان نك فلاسفه سنک بو باده کی ملاحظاتی عرض ایتدیکم زمان بو سوزلرک اهمیت آ کلاسیله جقدر . شوفکر ( ستوئته ییل ) ک ادعاسنه بکزر . یوانکلز فیلسوفی دیورکه بر { حادثه نك سببی او حادثه نك وقوعی ایچون اقتضا ایدن شرائط هیئت مجموعه سی در . } بوراده ( شرائط منفیه و عدمیه = conditions négatives ) دخی داخلدر . قاضی و سیدک ( موانع ) دیدیی بودر . مثلا اغاچلرک تزه ایدم بیلمه سی ایچون بر چوق شرط لر لازمدر ؛

برچوق شیلر اولمالی در؛ فقط يك صوغوق و قیراغی اولمالی در. الی آخره. Cause  
مع مافیه بو فکر دخی - طبقی بزده اولدوغی کبی - قرون و سطانک  
مشهور سقولاستیق فیلسدفلری طرفندن اعمال ایدلمشدی . یوقزیده عرض  
ایتدیکم وجهله، (c. defectiva) الح الح، بوموانعدن باشقه برشی دکلدرد .  
اسلافک بویوک قصوری، سبی خارجدہ مستقلاً موجود (عیان entité)  
نوعندن برشی عد ایتملری ایدی که (ره آلیزم) ک اسلی خطاسی بودر .  
(Réalisme و Nominalisme تعیرلرینه باقیکنز !)

حتی بزده (ماده) کبی صورتک ده جواهر مقوله سنده داخل برنوع عد ایدلمسی  
بونى اثبات ایدر . چونکه جوهر، کندی کندینه قائم اولان برشی دیه تعریف  
اولونه کلشدر . مقولات بحثده نصیرالدین طوسی نك منظومه سنی ذکر ایتیش  
و ( صورتک ده جواهر ) عد ایدلمسی افلاطونک ( ماهیات idées ) نی  
تمامیه آکدیرر [ دیمشدم . (catégorie و idée کله لرینه باقیکنز ! ) ]  
اونک ایچون ( علت ) ی ( شرط condition ) دن علی الاطلاق  
فرق ایدرلردی . نته کیم بز مکیلر دخی بو فرقه رعایت ایتمشلردر . حالبوکه  
بوکون علت، ( محصله شرائط la résultante des conditions ) عد  
اولونمقده در ؛ بناءً علیه علت نامنه خارجدہ مستقلاً موجود برشی یوق ؛  
فقط ینه حادثات نوعندن بر چوق شرائط وارکه اونلرک مستجمعاً تحقیق  
دیگر بر حادثه نی انتاج وایقاع ایدمیلیر . ایشته اوقدر ! .

اسلام متفکرینی ( علت ) بحثه تعلق ایدن مسائل اساسیه نك همان جمله سنی  
کمال دقتله تتبع ایتشلر - ارزمانه کوره - يك دکرلی ملاحظه لر یوروتمشلردر .  
بونلر قاموسمزك مختلف یرلرنده نقل و تنقید ایدلمشدر . یالکیز شو نقطه  
شسایان دقتدرکه علی الاطلاق یکنه بر علت حقیقیه قبول ایدلمش و اوده الله  
اوله رق طائلشدر . بو تقدیرجه بالجمله مؤثرات طبیعی بی انجق اسباب یعنی  
( وسیله لر occasions ) کبی تلقی ایتمکدن باشقه چاره یوقدر . ( occasio -  
nalisme کله سنده تفصیلاته باقیکنز ! )

خرستیان سقولاستیق لرینک بو بحثه متعلق مسئله لرده رأیلری ، سیاق  
نظرلری ، طرز مناقشه و تفحصلری ، بز مکندن هیچ فرقی دکلدرد .

Cause جمله‌سی‌ده علت حقیقیه وفاعلیه نامنه بر الاهی قبول ایتشلردر . اختلافات ،

تفصیل بحث اثنا سنده تقرطاده ظهوره کلسدر . شبهه یوقدرکه بومسئله‌لری عصر لرجه مدت، سقولاستیق یوغوره یوغوره هر برینه بر شکل معین ویرمش و مسائل مذکوره او شکل‌لرله دور اخیره انتقال ایتشدر . ( مبدأ علیت و بو اعتقادک ( *énoncée formulaire* ) سی یکانه علت حقیقیه نك الاهدن عبارت اولماسی ؛ علل سائر نك ( ظاهری و اعتباری ) عد ایدلمسی ؛ بونکله مسئله خلقتهک مناسبتی ؛ علت حقیقیه نك بالذات فاعل مختار، یاخود فاعل موجب اولماسی و علی کلا التئدیرین جبر و ارادت حقنده ویربله یله جک حکم ؛ بو حکمک ( خیر و شر مسئله‌سی *la question du bien et du mal* ) ايله ارادت بشریه تطبیق ؛ و نتیجه‌ده ( عبدک مکلفیتی و مسئولیتی ) نه دائر بعضی قواعد عملیه استخراج اولونماسی و ( حدود شرعیه *limites légales* ) نك اوکا کوره قطعاً تعیینی والی آخره . . . ( الی آخره ) کیی بخشله، بزده ناصل و نه صورتله جریان ایتش و نه کیی مسائل مختلفیه وجود ویرمش ایسه، خرستیان عالمده دخی سقولاستیق فلسفه‌سی طبق اوشکل و صورت اوزره جلوه کوسترمشدر . ( *scholastique* ) کله سنده بو خصوصاته دائر لایقيله تفصیلات و ایضاحات وارددر . ]

دیگر طرفدن سقولاستیقلا - شر قده و غریبه ! - علیت اعتقادینک ( ضروری و متحدسی *intuitif* ) ، و یا ( کسبی *acquis* ) و یاخود ( نظری *spéculatif* ) اولوب اولمادیغنی ده عینی صورتله و تماماً تذکر و مطالعه ایتدکاری کیی، ( انقی - عندی ) بر فکر و یاخود ( آفاقی و عمومی بر حقیقت مستقله ) اولوب اولمادیغنی ده تدقیقه صرف ذهن ایتشلر وینه هرا یکی طرف یکدیگرینه تماماً مشابه افکار و ملاحظات بیان ايله مشلردر .

بوکون آلهیات، برنجی قسم مسائل ايله حالا مشغولدر . ایکنجی قسم مسئله‌لرله بالخاصه فلسفه اوغراشیور . فقط بو بخشلی احداث و بو شکلله اوزره بزه هدیه ایدن قرون وسطا عرفانی در .

مثلا خرستیان سقولاستیقلا نك ال بو بوکلرندن اولان ( سنه اوغوستن St. Augustin ) ، - خلاصه الحلاصه - ( الله اشیا نك علتی در .

Cause (Deus est causa rei) دیور؛ وآنحق بویه دهیه بیلیدی. فلسفه‌ی نصوص واحکام دینه‌یه تابع طوتان (یعنی سقولاستیق اولان) هر فیلسوف، بالطبع وبالضروره - بوبخنده عینی صورتله حکم ویرمش و عینی دستور اساسی ایله اعتقادینی عرض ایتشد. بزده ابن‌رشد، ابن‌سینا، قاضی عضد، غزالی، حتی بو ذوات کرامدن - بر چوق وجوه ایله - آیریلان عرفای صوفیه‌نک جمله‌سی‌ده عینی فکرمده در. اختلافات آنحق بو دستور اساسی‌نی قبول ایتدکدن سوکره باشلار. فرضا بزده متشرعین و متکلمینک بر طرفدن فلاسفه، دیگر طرفدن صوفیه ایله بر چوق اختلافاتی وارد. فقط اونلرک منبئی بر مسئله اساسیه در: (علت حقیقیه و فاعلیه) نک فاعل مختار، یا خود فاعل موجب اولماسی متشرعین ایله فلاسفه آره‌سنده بوبخنده دائر وقوعه کلن بالجمله اختلافاتک منبئی در؛ و بحث جدآ مهمدر. چونکه برنجی اعتقاد تسلیم اولوندوغی تقدیرده علت حقیقیه - فعال لما یرید - بر الله تصوریله تماماً توافق ایدر و اوصورتله احکام فلسفه نصوص دینه‌نی تصدیق و تسلیم ایتمش اولور. بالعکس علت حقیقیه بر فاعل موجب اولمق اوزره قبول ایدیلیرسه، کائناتی - کیف‌مایشا تصرف ایدر - بر الله اعتقادیله اوبوشه بیلمک کوچدر؛ چونکه اوونت علت اولی، کندی اقتضای ذاتی‌سی دیمک اولان بر طاقم قوانینه اقیاد مجبوریتده بولونور. و احوالده (مشیت‌الیه) انکار ایدلمش اولور، یعنی دینک ایمان ایتدیکی الله دکل! طبیعت اولمش اولور. صوفیه ایله متشرعینک اختلافاته کلنجه، اونلرک دخی جمله‌سی، علت حقیقیه‌نک مخلوقاتدن (متعالی transcendent) و یا خود اشیاده مضمون و مکمون (یعنی مندج immanent) اولوب اولماسی مسئله‌سندن تفرع ایدر. بوده بنک جدی بر بخدره زیرا (متعالی) اوله‌رق قبول ایدیلیرسه خالق، مخلوقاتندن بوسه‌بوتون آیری طوتولمش اولور؛ او تقدیرده دخی مسئله خلقت (علی سبیل الابداع par voie création ex nihilo) تلقی ایدیلیر؛ یعنی اللهک اشیایی - هیچ یوقدن وار اولمق صورتیله - یار آتمش اولدوغنی قبول ایتمک لازم‌کلیکله دین نظرنده ملتزم اولان اعتقاد بودر. حالبوکه علت حقیقیه، اشیاده مندج و مضمون بر قدرت اولمق اوزره

**Cause** قبول ایدیلیرسه، اوزمان الله، مخلوقاتندن آیری بر جود مستقل دکل، هر شیدک ضمننده کیزلی بر قوت اولمش اولور؛ و آنجق اوحییتله قبول ایدیلیر. بو اعتقاد، ( وحدت وجود panthéisme ) فلسفه‌سنه چیقار، حتی اونده نهمده در. ( بوتعبیر و immanence کله‌سنه باقیکز تفصیلات وارد! ) قرون وسطی بودائرة بمحندن خارجه چیقه مامشدر. بناءً علیه بوتون سقولا سقیقلرک بو خصوصده نه سوبله دکارینی یکان یکان صایمقدن صرف نظر ایدیلایبیلیر.

علتک، اصل ( علمی scientifique ) طرز تلقیدی و تعریفی ( دور ابتداء Renaissance ) ک متفکرینی ایله علمای مجتربین بیننده کوره بیلیوروز. بوتونر ( علت مطلقه cause absolue ) آرایورلر؛ آنجق ( علت قریبه و اضافیه c. prochaine et relative ) آرایورلر، واونک ( میخانیکی - الطبیعه de nature mécanique ) بر ( حادثه متقدمه phénomène antérieur ) اوله بیله جکته قطعاً قانعدرلر. علمک آزادینی و اهمیت ویردیگی علل و اسباب - فی الحقیقه - بوقیلدن اولان مؤثرات طبیعه در. ( غالبه نو Galileo ) و بوتون اودور تجدیدک علماسی هب بوفکرده در. فیلسوفلردن ایٹالیالی ( قامپانه‌لا Campanella ) ایله انکلتیره لی مجدد مشهور ( بهی قن Bacon ) و ماتریالیست ( هوبس Hobbes ) دخی تماماً بو فکرده در. حتی فلسفه ده ( تدرییه empirisme ) مذهبی، ( اصول méthode ) ده دخی ( تجربیه expérimentalisme ) مسلکی قطعاً تأسیس ایتمکله بر بویوک انقلاب فکرینک عاملی صاییلان ( بهی قن )، ده ایلری کیده رک: ( بر حادثه نك سبب حقیقیسی مطلقاً ینه حادثه نوعندن برشیلر اوله بیلیر! ) دیه ادعا ایدیور واصل اوکا ( علت حقیقیه vera causa ) نامی ویریور. کوزه کورونمهدیگی، تجربه ساحه‌سنده بولونه مادینی حالده وجودی فرض اولونان ( علت بعیده ) یه ( علت غائبه causa occulta ) دیسور. کوره جکیز که زمانمیزک علماسی - اعتقادات مذهبییه اعتباریله - هانکی جهته مائل اولورسه لر اولسونلر، علت بمحنده ( بهی قن ) ک دستورینی عیناً قبول و تکرار ایتمکدن باشقه چاره بوله مامشلردر. چونکه ( علم science )

Cause

آنحقی ( علت تدریجیه ) به امنیت و اعتبار ایده بیلیر .

بنه اوعصرک بر یو یوک مجددی اولان ( ده قارت (Descartes) ، علت دستورینی ، اسکیدن بری معلوم بر ( موضوعه postulat ) دن استنتاج اییدیور : ( هیچ یوقدن هیچ بر شی اولماز ! ex nihilo, nihil fit ) قضیه سنه بناءً دوشونه زک ( هر شیئک بر علت وجودی اولماسی لزومی ) نه حکم اییدیور که اوده ( الله ) در ؛ جوهر حقیقی و ( علت فاعلیه cause efficiente ) اودر . ( ماده یا خود جوهر ممتد substansia extans ) ایله ( فکر یا خود substansia cogitans ) آنحقی ( جواهر مخلوقه substances créées ) درلر . کائناده بر ( نظام و آهنگ ordre et harmonie ) واردر . بناءً علیه بر ( نیت intention ) ده اولمق لازمکلیر ؛ اویله اولونجه ( علت غاییه c. finale ) دخی واردر ؛ چونکه علت اولی ، عاقل ، کامل و مدبر در . عالم حادثانده کی مؤثرات ( علل اضافیه c. relatives ) دندر ؛ و متسلسلاً کیدن بواسباب ، نهایت بر علت اولایه پیوسته اولوب قالیر .

ده قدرت ، جواهر مخلوقه دن عدایتدیکی روح ایله جسمک یکدیگرینه ( متقابلاً réciproquement ) تأثیرایتدیکنی بالفعل کوروب تصدیق ایتمکه برابر بو کیفیتی معقول بر صورتده تعریف ایده ممدیکی ایچون ، بر معمای غامض کیی تاقی ایدوب بر اقمشدی . اوندن صوکره کلن فیلسوفلر ، هپ بو ( ده قارت مسئله سی ) فی حل ایتک ایله اوغراشدیلر ؛ یعنی روح ایله جسم آرمنده کی ( علاقه علت rapport de causalité ) ی بروجهله تعریف و اثباته حصر ذهن ایتدیلر .

مشهور فیلسوف موسوی ( باروخ اسپینوزا Baruch Spinoza ) ، — که ده قارت پیرولرندن برنجیسی ایدی — طبقی اوفیلسوف مجدد کیی ، بر جوهر مطلق قبول ایتدی و اونی حقیقی و فاعل بر ( علت اولی ) طانیدی . ( جوهر ممتد ) و ( جوهر متفکر ) ی او جوهر حقیقی نک ( صفات attributs ) ی ، ( تطورات modalités ) ی یعنی اللهک ( تجلیات manifestations ) ی اولمق اوزر . تلقی ایده رک استاندن آیرلدی . شو تقدیرجه او علت حقیقیه ، اشیانک ضمتنده مکمون بر ( علت مندرجه

Cause ( c. immanente ) اولویوردی . ده قارت فلسفه سیله باشلايان سیدینوزا ( وحدت وجود panthéisme ) مذهبده قرار قلیور و الهی طبیعتدن فرق ایتیموردی . مالبرانش : ( علت حقیقیه و یکانه الله در . ماسوی الله وسیله در . ) دشمسدی ؛ ( occasionalisme ) کله سنده تفصیلاته باقیکنز ! [ ( لایب نیچ ) لك اعتقادی شسودر که علت حقیقیه الله در ؛ و اشیانك یكدیگری اوزرینه تأثیری ( آهنگ ازی harmonie préétablie ) اقتضا سیدر . ( تفصیلات ایچون monadologie و harmonie کله لرینه باقیکنز ! ) ( جون لوق J. Locke ) تدریبوک الك بوبوك بمنلار ننددر . علتیه ، خارجه مستقل وجود ویرمبور . اونی ( اضافت مفهومی notion de relation ) ندن عبارت بولویور . بالکنز الله علت اولی در .

( بارکله Berkeley ) دخی الهی علت یکانه و حقیقیه اولوق اوزره قبول ایتدکن صوکره بزده اعتقاد علیتی ( association تداعی ) ایله تعریف ایدیور .

متأخرینده علت اعتقادینی تنقید ایدن اصل ( هیوم David Hume ) در . اون سکنزنجی عصرک الك مقتدر منقدی اولان بوسقوچ فیلسوفی علی بوسبوتون ( انضی subjectif ) اوله رق تلقی و بر اعتقاد واجب اولدوغنی دخی انکار ایدرک بر ( اعتیاد ذهنی habitude mentale ) اولوق درکه لرینه ایندیردی . بناء علیه ( تداعی association ) کیفیتی ایله تعریف ایتدی . فقط بو خصوصده کی محاکات تنقیده سنی او یله بر صورتله اداره و توجیه ایلدی که نتیجه ده مابعد الطبیعیاتک ، بوسبوتون ( جعلی factice ) ولزومسز بر علم اولدوغنی قبول ایتک لازمکنیور و بو علمک - حقایقندن صایوبده - موضوع بحث ایتدیکی مسئله لر سفسطیاتدن عبارت اولوق نه لکه سنه دوشویوردی . خلاصه ، هیومک علیت اعتقادینه قارشى توجیه ایتدیکی تنقیدات مؤثره مابعد الطبیعیاتی اساسندن ییقیوردی . نتیجه ده روح ایله ماده نك وجودی - که انسانلر ایچون الك بدیهی حقیقتلر دندر - محتاج اثبات و حقیقتی مشکوک بر ( مسئله problème ) اولویوردی .

اصل موضوع بحث ، عالم خارجی یی یعنی کائنات ماده یی طوغرودن

طوغرویه ادراك ایدوب ایدمه‌دیکمزه دائر ایدی . ماتریالیزم اعتقادندن Cause  
 شدته متفر اولان انکلیز پیسقوپوسی فیلسوف شهر ( بارقله ) ماده‌بی هیچه  
 چیقارمق و ماتریالیزمك نقطه استنادینی محو ایتك غیرته دوشدی . بالطبع  
 ( حادیه phénoménisme ) و ( انفسیه subjectivisme ) وادیسند  
 سوق محاکمه ایدیوردی . ماده نامنه هیچ بر شی ادرك ایدمه‌دیکمزی  
 و آنجق ( کیفیات ماده qualities matérielles ) دیدیکمز برطاقم خواص  
 اجسامه کسب شعور ایدوب اوندن ایلری کیده‌مه‌دیکمزی ادعا ایتدی و بوکا  
 دلائل مقبوله سرد ایتدی که ذاتاً انفسون وحاشیونك اعتقادی بودر .  
 شوقدیرجه بیلدیکمز یالکمز کیفیات و حادثاتدن عبارت قالیوردی . بونلر  
 دخی تحلیل اولونونجه، آکلاسیلیوردی که بزم کندی حسابات و احوال  
 روحیه مزدن باشقه بر شیلر دکلدرد . احواله خارجه بر جوهر اوله رق  
 مستقلاً موجود بر ( ماده matière ) اعتقادی — که اونندن تبری ایدمه‌میورز —  
 بزم نرددن کلیور ؟ ماده‌نك حقیقی اولماسه‌یدی بزمه بودرجه قوی و محکم  
 بر اعتقاد اوله‌بیلیرمی ایدی ؟ . سوائله قارشیی، بارقله ( علیت علاقہ‌سی ) ایله  
 جواب ویریور و مادیت اعتقادینی، علیت اعتقادینه ارجاع ایله تریف ایتیش  
 اولویوردی . یعنی : [ بز آنجق کندی احوال روحیه و تغیرات وجدانیه مزدن  
 خبردار اوله‌بیلیرمز . ماده نامنه بیلدیکمز شی اونك کنیدیسی و مادیتی  
 دکلدرد . آنجق خواص و کیفیاتی در . حالبوکه کیفیات ماده دیدیکمز شیلر  
 دخی بزم کندی احساساتمزدن عبارتدر . بزم احساسات مذکورہ بی حواس  
 ظاهره مز واسطه سیله تلقی ایتدیکمز ایچون خارجه عطف ایدیورمز . اولره  
 بر سبب دوشونمکدن قور توله‌مادیغمز ایچون دخی ماده‌نی تصوراً اثبات  
 ایدوب احساساتمز سبب کوستریورمز . حالبوکه اوله بر شئیك هیچ اصلی  
 فصلی یوقدر . بوتون بونلر ( تداعی association ) نك اثر فسونی در .  
 حقیقته بر الله‌واره، برده بر جوق ارواح مخلوقه وار . الی آخره ! ) دیمشدی .  
 هیوم بو طرز محاکمه بی روح علیهنه چویرمش و عینی صورتله — یعنی  
 بارقله‌نك کندی سلاخیله ! — روحی اقنا ایتمشدی . احواله ماده‌ایله برابر  
 روح دخی بر ( ظن ) دن عبارت قالیور و بویله بر ظن علیت اعتقادندن



Cause نشأت اتمش اولوبوردی ( حادیه مطلقه phénomène absolu ) ویاخود ( تدرییه مفراطه empirisme radical ) دیدکری مذهب فلسفی نک عمدۀ اعتقادی بودر. شیمدی بوعلیت اعتقادینک ( وجوب nécessité ) یدم انکار ایدلوبوده او بر حقیقت نظریه دکل ، فقط بر اعتیاد ذهنی درکدسنه دوشورولورسه، مابعدالطبیعیاته لزوم قالماز . چونکه مابعدالطبیعیاتک بوتون موضوعاتی او ( باموف ایلیکی ) ایله یعنی ( علیت پرنسپیی ) ایله باغلی در . ایشته ونی هیوم قوباربوردی . اوخالده ماده روح ، زمان ، مکان ، حتی الله حقدنه واقع اوله بیله جک استدلالاته بناء ویریه جک حکملرک جهله سی ده ( استقراء ناقص ) ه مستند ( تعمیمات غیر مشروعه généralisations illégitimes ) دن عبارت اوله جفی بدیهی ایدی . خلاصه هیومک علیت پرنسپینه قارشئ تنقیدات مخربه سی - بالنتیجه - مابعدالطبیعیاتک بوتون ادعالرینی ( sophismes d'induction سفسطیات استقرائیّه ) دن عبارت اولمق منزله سنه ایندیرمش اولوبوردی . فی الحقیقه ، هیومک ادعایی و جهله حادثاتدن باشقه برشینده علممز تعلق ایدم میورسه ، بارقله نک اعتقادی و جهله دخی حادثات بز حالات وجدانیه مزدن عبارت ایسه ، ( علیت اعتقادی حالات روحیه مزک کیفیت تداعی سی اوزرینه مستند بر اعتیاد ذهنی اولمق اوزره قبول ایدلیدی مدتجه ! ) حادثاتک شو دائرة مدوده سی خارجه نه چیقوبده باشقه برشینک وجودینه استدلال ایچون یول یوقدر . کرک الله کرک ماده اولسون ...

هیوم بوندن طولایی ( حسانیون sceptiques ) دن عد اولومشدی . فقط دینه فرط حرمتله علاقه دار اولان انکلترده بوفیلسوف داهی شو فکرلرندن طولایی قطعاً معاتب اولمامشدی . چونکه - کمال فطانتندن - ( ایمان foi ) مسئله سنی فلسفه مباحثندن بوسبوتون آیری طوتوبور ایدی . بومعرفت ، ذاتاً ( بهی قن Bacon ) ک اک زیاده توصیه ایتدیکی بر حرکت معقوله ایدی . اویله اولونجه هیومک فلسفه سی عقائد دینییه طوقونمبوردی . چونکه : [ فلسفه ایله ، علیت پرنسپیی ایله اللهه روحه ، مادهیه استدلال ایچون یول یوقدر ؛ اولمادیقنی کورو یورسکز . بو حقیقتله ، یالکز ایمان ایله

تأبدر . دینك نخطه استنادی ده ایماندر . ایمان دلیلدن مستغنی در !... Cause  
 دیمكه واریر . اوندن ماعدا شبهدن قورتوله مامش بر آدمك سوزینه اوقدر  
 اعتماد اولونماق طبیعی در . زیرا اوندن ده شبهه ایتمه سی ممکندر .

ایشته بو ( علیت ) پراسسینگ دور اخیرده آچش اولدوغی اك مهم  
 مناقشه بوایدی و بونك اوزرینه برطرفدن (فانت) ، دیگر طرفدن سقوجیالی  
 ( رید Reid Thomas ) تلاشه دوشهرك غیرته کلدیلر و برر مذهب  
 تأسیسنه موفق اولدیلر ایدی . [ تعیرات سابقه یه باقیکنز ! و sens commun  
 ایله critique کله لرینه ده مراجعت ایدیکنز ! ]

مع فیه بو عظیم مسئله نك مناقشه سی بیتمه دی زمانمزدده حالا شدته بحی  
 دوام ایدوب طور و بور . بوتون دور اخیر فیلسوفلرینك بو خصوصده بیان  
 ایتدیکلری افکار و اعتقاداتی ، یکان یکان بوراده ذکر و قید ایتك احتمال  
 خارجنده در ؛ برکت ویرسین كه لزومده یوقدر . بو بحث نیجه عصر لر دن بری  
 دوام ایدن مناقشات شدید آتنده نه زیله ، یوغوروله یوغوروله عاقبت  
 معین و قطعی بر شکل آلدی . و اوشكل ایله بر قاج مسئله یه وجود ویردی .  
 متقابل دوشن نقاط نظر دخی لایق یله تعین ایتدی . قرون وسطا دن زمانمزه  
 انتقال ایدن و بوعلیت دعواسنه تعالی اولان افکار و اعتقادات متبازه دخی  
 ایجه معلوممزددر .

بو کون ( علت مفهومك منشأی l'origine de la notion de cause )  
 مسئله سی ( تدرییه empirisme ) ایله ( عقلیه rationalisme ) مذهبی  
 آره سنده حالا مختلف فیه بر دعوا در . ( وجوب nécessité ) مسئله سی  
 دخی اوکا مربوط و متعلق در . ( اصول méthode ) ده و منطقده ( استقرا  
 و تحلیل induction et déduction ) بحثه مناسبتی اولان مسائلك همان  
 کافه سی ( وجوب ) اعتقادی ایله علاقه داردر .

برده علتك ( انفسی subjectif ) و یا خود ( شیئی و آفاقی objectif )  
 اولوب اولمادیغی بر مسئله مهمه تشکیل ایدر كه اوده انفسیون ایله ( شیئون  
 objectivistes ) آره سنده مناقشه یی موجب اولان بر ایکنجی دعوا در .  
 بو مسئله لك ، بو کون یله ( معنای خاقت و حیثیت خالق ) بحثلری طولانی سیله

Cause الهائاله و بناءً عليه عقائد دينيه ايله علاقه‌سى واردر . اونك ايجون مناقشه‌سى ينه بعضاً حرارتليجه اولويور .

مسئله تماميله حل اولونه ماديئي ايجون، هر مذهب اونى هيچ اولمازسه كندى نقطه نظرندن حل ايتمش بولونويور . بناءً عليه على ايكي حيثيته تلقى ايتمكدن باشقه - سيمديلك - بر جاره بولونه مامش وبر ( علت تدريبيه c. empirique ) ايله برده ( علت مابعدالطبيعيه c. métaphysique ) قبول ايدلمشدر . علم يالكز ( علت طبيعيه و تدريبيه ) ي تسليم ايدرك تحقيقاينده اونى رهبر طانيور . عالمك اعتقادات مذهبيه‌سى هر نه اولورسه اولسون ، عامك كندى اعتقادى بودر . نتهكيم اولجده عرض ايتشدم . بونوع على انكار ايدن يوقدر، وبوتقديرده حادئات آره‌سنده تحقيق ايدن بر علاقه و ( اضافت rapport ) وباخود بر حادئتهك وقوعنده دمخداولان ( شرائط conditions ) معناسنه كلير . باشقه حيثيتى يوقدر . بناءً عليه - اون طوقوزنجى عصر - علامه لرندن ( كلود برنار Claude Bernard ) ك ديديكى كيي :

( علت مفهوم مبهمى l'obscur notion de cause ) اشيائك منشأه ( يعنى بدايت خالقه ! ) ارجاع ايدله‌لى در . ( يعنى حادئات عالمنده ، علم ساحه سندن سورولوب چيقارلمالى در؛ ديمك ايتسيور ! ) اوحيثيله علت اولى و علت غاييه دن باشقه معناسى يوقدر . علمده او مفهوم مظاهه بدل ( اضافت و شرط مفهومى la notion de rapport et de condition ) قائم اولمالى در . ]

علت، مابعدالطبيعات نقطه نظرندن تلقى ايديليرسه، كوزه كوردونور، اله آووجه صيفار برشى دكلدر . بر ( قدرت غيبه énergie invisible ) دركه، بالمله حادئات عالمك باعنى و موجودى اولقى اوزره حيثيتى موضوع بحث اولور . نتهكيم - اون سكرزنجى عصر فيلسوفلرندن - ( قوندى ياق Condillac ) ايكي سوزله اونى تعريف ايتمش و : ( كوردوكز معلوللردن ( يعنى حادئاتدن ! ) كوره مديكمز علتيرك وجودينه حكم ايدره ز . بر جسمك حركتى بر ( معلول effet ) در . بناءً عليه بوكا بر علت اولقى

کر کرد . هیچ شبهه یو قدر که بوعلت موجود در؛ هر نه قدر حواسم ایله اونى Cause کوره میورسه مده !.. ایسته بن اوکا ( قوت force ) دیورم !. [ دیمشدر . یوکون عموم مابعدالطبیعیونک اعتقادی بودر . ایستر او قوت عاقل ومدبر اولسون یعنی الله اولسون ، ایسترسه ( شوپنهاؤور Schopenhauer ) و اوکا بکزر بر جوق منکرلرک ادعاسی وظنی وجهله ( کور بر قوت une force aveugle ) اولسون !..

( مالخاصه علم science proprement dite ) ک آرادیغی و مشغول اولدوغی علت ، هیچ بو دکدر . علم نظرنده بر حادثه نك علای اوکا تقدم ایدن واونی وقوعه کتیرن بر طاقم حادثاتدر . و بوحیثله ، اونلری کورمک و تبصیر ایتک تمکندر . دیمک که علتک مشهود و غیر مشهود اولماسی ، مابعدالطبیعیات ایله غلمک طرز تلقیسنی کوسستمک ایچون بر مهم ( صفت کاشفه caractéristique ) تشکیل ایدیور .

براز یوقا زیده عرض ایتش اولدوغم وجهله بوفرقی لایقيله تعیین ایدوب علت مابعدالطبیعیه ، علت علمیه دن آیران (فرانیس بهی قن Fr. Bacon) اولمشدی . بو فیلسوف مجدد ، حادثه نوعدن اولان علای ( علت حقیقه vera causa ) عد ایدیور ، دیکرینه ده ( علت غیبیه causa occulta ) دیوردی .

علت مابعدالطبیعیه حقنده شیمدی یه قدر عرض و یا نقل ایتدیکم ملاحظات کافی و وافی در . ده ازیاده تفصیلاته کیریشمک ( متافیزیک ) اوزرینه بر کتاب یازمق دیمک اولور . شیمدی علای حیثیت علمیه سیله مطالعه ایتک ایچون بر ایکی سوز سویله مک مجبور یتمده ایم . بناءً علیه منحصر آ ( تدریسیون les empiristes ) نقطه نظرندن بو مسئله یی تبصیر ایده جکم دیمکدر . بو خصوصده کمال موفقیتله تحلیلاته کیریشن و لایقيله ایضاحات ویرن معاصریندن متوفی ( جون ستوته میل J. S. Mill ) در .

اولا ( عالم شهود le monde visible ) ده بالجمله حادثات - ماهیتا - بر سورو ( تغیرات changements ) و انقلاباته منجر اولور . بر حادثه نك علای ، بهمه حال اوندن اول وقوعه کلن دیگر بر طاقم حادثاتدر . و هیچ بر

Cause وقت، تك باشنه بر حادنه دكلدر . شو صورتله، ادعا ایدم بیلیرز که هنوز وقوعه. کلن بر حادنه بهمسه حال بر چوق ( حادئات متقدمه phénomènes antérieurs ) تك ( اتفاق و معاونت concours ) ی ايله تولد ایدم بیلیر . بناءً علیه بر ( نتیجه conséquence ) در ؛ واونلرک نتیجه سی، وحتی ( محصله résultante ) سی در . بز، اونلره بعضاً ( agents و facteurs عوامل و مؤثرات ) دخی دیرز . لیکن بوتعبیرلردن غریب بر معنا چیقاروبده کوزه کورونمز قوتلر مراد ایدیورز؛ ظن ایدم ملی در . هویتلرینی در حال تعیین ایدم مدیکمز و یا خود اهل ایتدی کمز حادئات مقدمه بویه بر ( اسم مجرد nom abstrait ) ویررده جمله سی ر ( اسم جنس nom commun ) ايله یاد ایدم در .

علمك اك بويوك و برنجی مقصدی ( نظام طبیعت l'ordre de la nature ) ك سلسله جریانی تعقیب ایدم رك ( قوانین قیمة lois immuables ) سی كشف ایتكدر . یعنی كائناتده ( آهنگ harmonie ) و جریان حادئاتده ( اطراد uniformité ) بولمق در . علمدن بکله دیکمز اك بويوك فائده بودر؛ چونکه استقبالده نه کیی وقوعات ظهور ایدم بیه جکنی آنجق بو سایهده قطعاً كشف ایدم بیلیرز . ا کر قطعی ( معطایات données ) یوق ایسه — هیچ اولمازسه — احتمالاً کسدرم بیلیرز . علم بو غایه — امنیتله — واصل اوله بیلیمك ایچون ( حادئات حالیه phénomènes actuels ) دن ، آدیم آدیم ایلرله مك مجبوریتمده در . بناءً علیه اوکاعلت اولی و علت بعیده لازم دكلدر . اوچوق اوزاقدر . عالمك نظر مجسمی ( علل قریبه causes prochaines ) دلائله سلسله وقوعاتی — بك یاقیندن — تعقیب ایتك و بو استقامت اوزرم لاینقطع و بلا توقف کیدیه بیلدیکی قدر کیتمك مقصدهنه معطوفدر .

[ méthode و science تعبیرلرنده ایضاحاته باقیکنز !! ]

شو تقدیرجه، ( علاقه علت rapport de causalité ) بر عالم نظرنده اوله ( اسرار انکیز mystérieux ) بر ( وجوب nécessité ) ماهیتی حائز دكلدر ؛ آنجق بر ( رابطه توالی rapport de séquence et de continuité ) دن عبارتدر . بواعتماد اونك ایچون کافیدر و بو ( سیاق نظر

Cause بر حادثه نك (manière de voir) اونی كندی مقصدینه كوتوره بیلیر . بناءً علیه یال كز نه دقت ایدوب اولری برر برر تعیین ایلهمك و او حادثه نك وقوعنده هر برینك نه درجه لره قدر ذیمدخل اولدوغنی آ كلامق، بر عالمك مكلف بولوندوغنی یكانه وظیفه در .

حالبوكه (عالم حقیقت le monde réel) ده ظهوره كلن بر حادثه نك باغی - هیچ روقت - تك باشنه برشی دكلدر؛ بر محصله عواملدر؛ دیمشدم. تجربه دخی - فی الحقیقه - اویله اولدوغنی اثبات ایدیور . اویله اولوبجه بونلك هانكیسی (حادثه واقعه phénomène accompli) یه سبب كوستریله جكز ؟! ایشه اصل كوچاك بوراده در .

میل ادعا ایدیور كه بو خصوصده یعنی علت حقیقیه بی تعیینده انسانیله هیچ بر قاعده معقوله رعایت و اتباع ایدیورلر؛ كلشی كوزل دوشونوب بر حكم ویریورلر . بعضاً بر شیئی، بعضاً ده دیگر بر شیئی سبب كوستریورلر . میلك زیاده سیله حتی وار . بومهمه بی ایضاح ایچون برایکی عادی مثال اوزرینه آریجق تأمل ایتك كفايت ایدر . فرضاً :

دیواره طایانمش بر مردیوه نك اوست باشنده مشغول اولان بر نقاش، هر ناصل ایسه بر دنبره جامع آلوسنه دوشوبده ثلویورسه بو حادثه نك سببی تعیین ایچون نه ده ییله جكز ؟ . نه صورتله حكم ایده جكز ؟ ..

بو وقعه یه شاهد اولان عوام ناسی استجواب ایدر سه كنز : (آیغی قایدی ده دوشدی؛ ثلوی؛ ..) دیمكه اكثفا ایدر . بوندن آكلار سكز كه دوشوب ثولك كیپی خیلی (معضل complexe) بر حادثه ایچون سیله آلیجق بر تك سبب اولماسی لازمكه جكنه قناعتی محقق در؛ اوده (آیغی قایماق) كیفیتی در . دیمك اولوبور كه او حادثه نك وقوعنده ذیمدخل اوله بیلان بر چوق (شرائط ثانیه conditions secondaires) دن آلیجق برنی - همه اك زیاده قولایلقله كوزه چاربان هانكیسی ایسه اونی ! - امر واقعه سبب كوستریور . اوانساده برده فیزیق عالمی اوراده حاضر بولونوبده رأی ویرسه یدی، و : (بو آدمك وفاته سبب، كندی ثقلی در؛ یعنی (جاذبه قانونی la loi de l'attraction) در ! ..) دیسه یدی، كیمسه بوسوزلردن برشی آكلامازدی .

Cause برآز آ کلايانلریله گولردی . مع مافیه اوعلامک رأی دها طوغرواولوردی . چونکه تونل ذاتک ثقاتی اولماسیدی ، یاخود جاذبه نك تأثیری اولماسیدی ویاخود ثقات اضافیه سی هوانک کنه نسیبتله خیلی دون اولسیدی ، اوآدم دوشمزدی ؛ اوچونجی فرضیه مزه کوره دوشسه بیله ، برتوی کبی یواش یواش دوشر برزبان کورمزدی .

فقط علت حقیقه یی تعیین ایچون بوقدری کافی می ؟ ... دوشدوکی یرک ، یعنی جامع آلولسنده کی طاشک ، هیچ بوخصوصه دخی یوقی ؟ ... او آدم ، ینه اورادن ده کیزه ویاخود بر بیغین ( آتیلش پاموق ) اوزرینه دوشسه ایدی کییکلری قیریلوبده تولورمی ایدی .. حتی مسافه نك ده دخی یوقی ؟ .. اومسافه نك سقوطه ویردی ( حیز accélération ) تولومه سبب اولمشدر ! .. ده نیله مز می ؟ . نقاس ، مردیوه نك اک آشاغیکی باصاماغندن - ینه عینی یره - دوشسه ایدی همه حال تولمه سی لازم کلیرمی ایدی ؟ ... سوکره اوآدمک کندی بذه تشکلی دخی کیفیتده دیمدخل دکلکی در عجباً ؟ . مثلاً وجودینک ده ریزی گرگدان ده ریزی کبی برشی اولسه ایدی ؛ قنا کیکی وبوتون ( ایسکه له squelette ) دخی شدتلی صدمانه مقاومت ایدم جک قدر قوی یارادلش بولونسیدی ، بیلیم مردیوه ندن دوشونجه تولورمی ایدی ؟ ! . هر حالده برقوندوز بوجکینی عینی یردن طاشلر اوزرینه آتدیغمز زمان ، متأثر اولویور . دیمک که بو کیفیت دخی حسابا قاتیلیم کرکدر . یالکز آیاغنک قایماسی بو حادثه یی اطرافیه تعریف ایچون کفایت ایتمیور ..

فقط ( زله قدم = آیاق قایمه سی ) دخی باشلی باشنه برحادثه در . اگر اونک دخی علت خصوصیه سی تحقیق ایدم جک اولورسوق ، کورورزکه تک برشی دکلدر ؛ اوکاده برچوق اسباب کوستریله بیلیر . عجباً آیاغنک قایماسنه سبب ، نقاشک کندی دقتسزلنی می ایدی ؟ . یوقسه مردیوه ن باصاماغنک ایصلاق اولماسی می ایدی ؟ . یاخود قوندوره سنک پک مستعمل والتی قایباق اولماسی می ایدی ؟ . حتی مردیوه ن باصاماغنک پک محکم اولمایوب اویناق ومتحرک بولونماسی ده ممکندر ! . فضله اوله رق زواللی آدمک قلب راحتسزلغنه

و یا خود ( باش دومه سی vertige ) نه مبتلا اولماسی احتمالی ده تصور اولونور؛ Cause  
والی آخره ..!

هله شایان دقتدرکه بو صایدیغ شروط واحتمالاتک هر هانکی بری  
- لدی التدقیق - تبیین ایتسه اونکده شروط تحقیق واردر . اونیده آریجه  
تبع ایتدیکنز کیی - مساسل متصل - بر جوق وقایع واحتمالاتی تعقیب  
ایتمک مجبوری حاصل اولور .

شو تقدیرجه هر وقعه بر ( کور دوکوم ) در؛ وعالم حادثات، اوکور  
دوکوملردن ثورولمش بر ( شبکه plexus ) در، دیمک اولور؛ پک یالانده  
دکلدر . بونک ایچندن - علت حقیقیه یی بولوبده - ناصل چیقهبیله جکیز؟  
بوسوال جدی در!.. وعلیت بحثنده علمک نیچون ( کثرتیه pluralisme )  
نقطه نظریی ترجیح ایتدیکنی ، یعنی نه دن طولانی تک بر علت مطلقه قبول  
ایتمه بوب بر جوق ( علل نسبییه c. relatives ) آرادیفنی ده - صراحتاً -  
کوستریر .

لکن علیتی بویه ( نسبی و تدیری relative et empirique ) معناسیله  
تلقی ایتمکه برابرینه مشکلاتک کافه سنی بر طرف ایتش اولمویورز . زیرا  
بو تقدیرجه ( علت ، شرط ، وسیله ) کیی تعبیرات مهمه نک آده سنده فرق  
قالیور . بونلرک هپسنی بر برینه قاریشدیرمش اولویورز . بوصورتله حرکت  
ایدرسهک بر جوق حادثاتی تعریفدن عاجز قالیرز . بداهته قارشى دلیمز  
طوتولور . مثلاً :

بر ( دره دنوت ) طوروب طور وکن، اوزرهلئ نک سواریسى بر قوماند  
ویریور : بر کوچوجوک مانیوه لایى اوینا تمقله بر ( ابره aiguille ) یی  
حرکته کتیره رک اشارت ویریور . چرخجی باشی دخی بلکه بر دیگر کوچوک  
مانیوه لایى قیسیلدایور؛ بلکه بر مینی مینی موصولغی آچیور . در حال او قوصه وجه  
زرهلی حرکت باشایور . شیمدی بو حرکتک سبی نه در؟ .. سوارینک  
یاخود چرخجی نک البنی قیسیلداتماسی در؛ ده یه بیلیرمی یز؟ .. دیرسهک ( علت  
ایله معلول رابطه سی ) نه اولور؟ .. بر آدم یالکنز ایکی پارماغنی تحریک ایتمکه



Cause سڪسان بيڪ بار کير قوتی اظهار ایدہ رک طاغ کبی برکتله آهینی یوروتہ بیلیری؟. علتک تأثیری ایله معلولده طاهر اولان اثر یکدیگریله متساوی اولوب بر (معادله  $\acute{e}quation$ ) تشکیل ایدہ جکسه، قبودان ایله چرخجی بی بو ایشده سبب حقیقی اوله رق قبول ایدہ یه جکمز آشکاردر .

لکن بویله بر حکم ویرمکه دخی ذهنمز بوسبوتون قانع و مستریخ اوله میور . چونکه دوشونویورز، و آ کلیورز که : ( اول امرده قبودان قوماندا مانیوه لاسی تحریک ایتسه یدہ، اوزر هلی نک کندی کندینه حرکت ایدہ بیلیمه سی هر تورلو احتمال خار جنده قالیردی ! ) .. بونده هیچ شهبه یوق! . ایله اولونجه بوایشک وقوعنده قبودانه ناصل بر حیثیت ویرم بیلہ جکمز؟ نه ده یه جکمز؟ .. عایت نقطه نظرندن - رولنی ناصل تعیین ایتمکلکمز ایجاب ایدہ جکدر؟ .. الحاصل بو آدمک شو حادثه ده الی نه در؟ .... سبب می؟ .. وسیله می؟ .. شرطی می؟ .. علت حقیقیه می !! .

بکا صورولسه، بن هنوز هیچ رشی ده یه مزدم . چونکه نجه ( ستونہ ت میل ) ک بومستله حقنده کی دستوری طوهر ودر؛ یعنی ( هر هانکی بر حادثه نک علتی، او حادثه نک وقوعنده ذیمدخل اولان شرائطک مجموعی در . ) بو دستورک شمول حکمنده ( علل منفیه و اسباب مانعه causes et conditions négatives ) دخی داخلدر . حالبوکه هنوز اونلری هیچ نظر ملاحظه یه آلمادق ! ....

قبودانک الی، بوایشده آنجق وسیله در؛ دیسه ک، ایش بیتمز، چونکه یالکمز وسیله بر حادثه ایقاع ایدہ مز. مثلاً، هنوز ( ایستیم steam ) کله مش ایسه، نه یاپیلسه نافله در . سبب ده ده یه مز . چونکه قبودان ایله چرخجی آرہ سنده ارتباط و مناسبت اول امرده شرطدر . ایستیم حاضر اولور، قبودان دخی حرکت قومانداسنی ویریرده واسطه ارتباط مثلاً ( ناقل تل fil conducteur ) قویمش اولور؛ چرخجی نک او قوماندان خبرنی اولماز. ایشته اسباب مانعه بوکی شیلردر که نامحصور اوله بیلیر . دیمک که بومانعه لرکده علمیت ده دخلی وار .

هر حالده بومرحله تدقیقه دخی برازدیکله نوب ینه دوشونه جکمز :

اسباب مانعه، ویاخود - قیصه‌جه - ( موانع obstacles ) دیدیکمز Cause  
شیلر هپ برجنسدن دکلدر . بعضیلری ( وجودی positif ) درلر ؛ یعنی  
صحیحاً عالم خارجی ده بالذات موجود شیلدر . [ فلان شی دوشوب قیریه‌جق  
ایدی، برکت ویرسین اسکمله مانع اولدی . ] [ دیوار چوئدن بیقایردی ؛  
برکت ویرسین بوجنار آغاجی مانع اولویور ! ] دیدیکمز زمان، بو موانع  
خارجده موجود شیلردندر . فقط بعضی موانع دخی معدوماتدندر ؛  
اوتقیدرده بوکله صرف ( عدمی negatif ) بر معنا افاده ایدر .

شرائط عدمیه ایچون، وقوعات هادیده مثال بولمقدن قولای بر شی  
یوقدر ؛ فقط عینی مسئلهده هم ( میل ) ك همدۀ قاضی عضدك برر مثالی  
- بالالتزام - ذكر وشرح ایدہ جكم :

عوام ناسك - هر هانکی بر حادثهده - اك زیاده كوزه چاربان شرطی  
علت اوله‌رق تلقی ابتدیکنی کوستردکدن صوکره ، انگلیز فیلسوفی شو  
ملاحظاتی بیان ایدیور :

[ . . . . بو سیاق نظر اوقدر مرجح وغالبدرکه بعضاً شرائط منفیه  
بیله علت نامنی ویرمه‌کیزی سوق ایدر . مثلاً : قره‌غول وظیفه‌سی باشنده  
بولونمادیغی ایچون اردو باسقینه اوغرا دی ! . دیرز . فقط ، قره‌تولک  
وظیفه‌سی باشنده بولونماماسی ، مادام‌که دشمنك وجودینه ویاخود باسقینه  
اوغرایان عسکرک اووقو اوپوماسنه سبب دکلدر، اولنرك باسقینه اوغراماسنه  
ناصل علت اوله‌بیلیر ؟ . بونك افاده ایدہ جکی بوتون معنا شوکامنجر اولور :  
اگر قره‌قول، وظیفه‌سنی ایفا ایتمش اولسه‌یدی، اووقه حصوله کلز دی !  
دیك چیقار . قره‌تولک وظیفه‌سندن ایرماسی ، البته بر ( علت حاصله  
cause productrice ) دکلدر ؛ ساده‌جه بر ( علت مانعه‌ك معدومیتی  
l'absence d'une cause préventive ) درکه ( عدم علت ) دیمکله  
مساویدر . ایمدی، هیچدن یعنی ( عدم صرف pure négation ) دن  
هیچ بر نتیجه ظهوره‌کله‌مز. بالجله ( معلولات effets ) ، برطاقم ( شرائط  
وجودیه conditions positives ) نك عمومونه بردن - قانون‌علیت‌ایله -  
مربوطدر ؛ واقعا ( شرائط عدمیه conditions négatives ) بی دخی

Caues اونلره علاوه ایتک لازمدر . تعیر دیکرله باشلانغیج اولان هر وقعه ویا حادثه بلا اختلاف ظهوره کلیر ، اکر بر طاقم وقایع موجود و مستجمع بولونورسه ؛ شو شرط ایله که سائر بر طاقم ( وقایع وجودیه faits positifs ) دخی اولماق کرکدر . [ الی آخره .. ]

قاضی عضد دخی طبق بویولده بیان مطالعه ایدیور . بونی براز ایضاح ایده حکم ؛ چونکه بو خصوصده قاضی نک نفوذ نظری زمانک طاراققرینی آشمشدر ؛ بزم معاصریمز صایلیر .

فاعل ، یعنی ( علت فاعله c. efficiente ) دن و علی الخصوص اونک ( صفت کاشفه la caractéristique ) سندن بحث ایدرکن ، اوندن نه مراد ایتدیکنی شویله سویلویور :

[ ان المراد بالفاعل هو المستقل بالفاعلية والتأثير ؛ ولا يكون كذلك الا باستجماع الشروط وارتفاع الموانع . فوجود الشرط وعدم المانع من تمامة الفاعل . ] الی آخره ..

یعنی [ فی الحقیقه علت فاعله دن مراد ، فاعلیت و تأثیرده مستقل اولان شئدر ؛ بونک بویله اوله بیلمه سی دخی آنجق ( بالجملة شرائط اجتماعی la réunion de toutes les conditions ) و ( موانعک ارتقاعی l'absence des conditions contraires ) ایله ممکن اوله بیلیر . بناءً علیه شرطک وجودی و مانعک عدمی علت فاعلیه نک تمامنددر . ] دییوزکه ، عیناً و حرفیاً انکلز فیلسوفنک دیدیکی ده اودر :

[ la cause d'un phénomène est l'assemblage de ses conditions, positives et négatives . ]

حتی قاضی دن لا اقل بش عصر صوکره طوغان انکلز فیلسوفنک بو بحثده ایجاد ایدوب قوللاندینی تعیرلریله بزم بویوک حکیمز غندمه منتخب اولان تعیراتک عینی در . مثلاً ( استجماع الشرائط ) ترکیبی فرنگجه به ترجمه ایتک ایچون ( assemblage de conditions ) دن ایی برسوز بولونه مازدی . نته کیم قاضی نک ( شرائط وجودیه ) و ( شرائط عدمیه )

تعبیر لری دخی میلک (conditions positives) و (- Cause conditions négatives) تعبیر نرینک تماماً و عیناً ترجمه سی در .

فقط شرائط عدمیه یعنی (موانع) حقند قاضی نك طور ملاحظه سی او قدر میلک دوشونوشنه بکزییور که اگر بو ایکی بویوک آدمک یکدیگری قطعاً طانیاد قلمری بدیهی اولماسهیدی، میل قاضی نك بوسوزلرینی عیناً نقل ایتشدر؛ دیه حکم ایده بیلیردم. حالبوکه بویله برشیتی تصویره امکان یوقدر. خصوصاً که میل بومسئله نی قاضی نك بر اقدینی ردن چوق ایلری کوتور مشدر؛ فقط بویایکی بویوک متفکرك عینی صورته دوشوندوکی نه قدر ظاهر و آشکاردر: [قلنا: عدم المانع لا تحقق له فی نفس الامر؛ ولا تميز له ولا تبوت. فکیف یکون مبدأ الوجود الغير؟..]

یعنی: [دیمش ایدک که: مانمک انمدامی دیدیکمز کیفیت، نفس الامرده تحقق ایدر برشی دکدر. اولمایان برشی تمیز ایده مز؛ اونک ثبوتی یوقدر. ایمدی، وجودی اولمایان برشی باشقه برشی ایچون ناصل مبدأ وجود اوله بیلیر؟..] دیمک ایستیور که میلک - بر آاز یوقاریده مذکور - مثالنده: [قره قولک وظیفه باشنده بولونما ماسی البت بر (علت حاصله c. productrice) دکدر. الی آخره.].

.... ایمدی (عدم صرف pure négation) دن ناصل بر نتیجه ظهوره کله بیلیر [دیمه سنک عینی در. فقط بومهم نقطه یده شرق حکیمی ایله غرب فیلسوفنک فکدرلرنده بر فرق وار که ظاهری در:]

قاضی (عدم مانع l'absence d'une cause préventive) کیفیتنی (عدم صرف pur néant) ایله بر طوتمویور. هیچ وجودی اولمایان برشیتک مؤثر وجود اولماسی کیبی بداهتاً باطل بر اعتقادی تسلیم ایتمش اولمقدن قورقویور؛ وبویایکی تعبیر آره سنده فرق بولویور:

[نعم! ای عدم المانع، قدیکون کاشفاً عن شرط وجودی؛ کعدم الباب المانع للدخول.... و کعدم العمود المانع لسقوط السقف کاشف عن وجود مسافة يمكن تحرك السقف فيه!.... الی آخره.!!]

یعنی [ اوت ! . . . اوپله دیدک امان عدم مانع دیمک بوسه بوتون یوقلق دیمک دکلدور . عدم مانع، وجودی برشرطی میدان چقاریر . مثلاً دخوله مانع اولان برقابن کبی . . . ویاخود طاولانک دوشمه سنه مانع اولان دیره کک معدومیتی کبی . زیرا اودیره کک اولماسی بر مسافه نیک وجودی میدان چقاریور ؛ یعنی اوپله بر مسافه آچورکه اونک ایچنده طاولانک حرکت ایتمه سی ( ییقلماسی ؟ ! ) ممکندر . [ دیور . صوکره نه کبی برملاحظه ن احترازاً بوفر فی تعین ایتمک ایسته دیکنی شو سوزلرله و ستریور :

[ . . . . ] ربمالایعلم الشرط الوجودی المعتبر فی علة الوجود الابلایزم عدمی فیعبر بذلك الالزام العدمی کفی المثالین المذکورین . فیسبق الاوهام انه ای ذلك العدمی مؤثر ومعتبر فی علته و لیس كذلك ! . ]

یعنی [ وجودده ( برحادثه نیک وقوعنده ؟ ) معتبر اولان شرط وجودی آنجق بر ( لازم عدمی élément négatif indispensable ) وساطتیه انکشاف ایدوب بیلندیکی ایچون ( مانع ) . ( لازم عدمی ) تعیر اولونور . یوقاریکی ایکی مثاله اولدوغنی کبی ! . . . اوندن طولانی توهم ایدیه بیلیرکه هیچ وجودی اولمایان اوپله برشی، وقوعه کلن حادثه ده مؤثردر ؛ وعلتنک ماهیتنده داخل ومعتبردر ؛ حالوکه هیچ اوپله دکلدور ! . ]

قاضی نیک فطین شارحی سید شریف بوسوزلری حقیله شرح ایچون بر جوق ایضاحات دها ویریور :

[ فظهر ان الامور الداخلة فی العلة التامة كلها وجودية ؛ فتكون هي ايضاً موجودة بوجود اجزائها بأسرها . ثم التحقيق ان بدیهة العقل لایجوز کون عدم مؤثراً فی الوجود مقیداً له ؛ ولكن تجوز ان يتوقف التأثير فی الوجود ، علی امر عدمی ؛ کما تجوز توقفه علی امر وجودی . ] الى آخره ! .

یعنی [ ظاهر اولدی که علت تامه ده داخل اولان امورک جمله سی ده ( امور وجودیه faits positifs ) دندر ؛ نته کیم علت تامه دنخی آنجق ( بأسرها concrètement ) یعنی تکمیل اجزاسیله موجوددر . بوندن صوکره ایشک حقیقتی بودرکه بر شیک وجودنده، یوقلغک مؤثر اولماسی

واویشئی (تعیید *déterminer*) ایتمه سی احتمالی - بداات عقلیه - تجویز *Cause* ایدمه من . ولیکن تجویز ایدمه یلیرکه بر حادثه نك وجودی ووقوعی بر ( امر عدمی *fait négatif* ) نك تأثیرینه متوقف اوله بیلدین . ناصل که بر امر وجودینك تأثیرینه متوقف بولوندوغنی تجویز ایدیور . [ الی آخره !.. ]

( چون ستونته میل ) ، مشهور منعلق کتابنده ، بو خصوصه دائر تفصیلات ویریور و عینی ملاحظاتی بیسان ایدیور که اونلری بورایه نقل ایتمکدن - بالطبع - صرف نظر ایتم . حتی شرح مواقفدن عیناً نقل ایتمدیکم شو مطالعات و تعقیدات مهمه ، حکمای اسلامک بو کیمی مسائل غامضه نه بویوک بر نفوذ نظر اثبات ایتمکلرینی کوسترمک و طرز تنقید واسلوب تفکر لرندن بر کوزل نمونه ویرمک ایچون ایدی . شبهه یوقدرکه بوفکر لرلی بیان ایدن قاضی عضدالدین - بزدن عصر لرجه اول طوغمش اولدوغنی حالده - بزمله فکراً معاصر برداهی در ؛ و اومسئله یی بو حده قدر کتیر مشدر . زمانمزک اعظم متفکرینی تحلیلده ده ها ایلری کیده رک ( علت ) تعیرینک مدلولی دهایی تعینه همت ایتمیلر . نته کیم بو خصوصه الکیزاده نافذ الکلام اولان ( میل ) ، بوراده ده قالمق ایسته میور . برچوق ملاحظات دقیقه ده ها بیان ایدیور ، وعلتی - معنا و حیثیت علمییه سیله - قطعاً تعین ایتمک ایستیور .

اولا : ( شروط وجودیه ) و ( شروط عدمیه ) حقتده وارد اولان اختلافاتک بر ( نزاع لفظی ) یه منجر اوله جغنی ادعا ایدیور که حق واردر . ثانیاً علت تامه بمختده قاضی ایله تماماً همفکر در . چونکه هرایکسی ده - ده مین عرض ایتمدیکم کیمی - ( استجماع شرائط *l'assemblage des conditions* ) ، اوتعیری مرادف طوتویور . یالکیز سقولا ستیق حکمای ایله زمانمز فیلسوفلرینک آردسنی فصل ایدن برقاچ مهم فرق وار :

اونلره علل واسبابی - اکثریتله ! - خارجه ده مستقلاً موجود برشی یعنی ( *objet* ) ظن ایدر لر دی . زمانمز فیلسوفلری علتی ( اضافات *relations* ) قیلندن عد ایدر لر و بناء علیه خارجه ده علت نامنه مستقلاً موجود برشی اوله بیلیمه سنه اینانه مازلر .

فقط بوده ( جوهر *substance* ) ایله ( فاعل ، مؤثر *agent* ) فرقنه

Cause منجر اولور . - اسکیلر حتی ده قارت، سینوزا ودها بر جوق امثالی کبی دور جدید فلسفه سنک متقدمی - اکثریا بواکی تعبیری بر برینه قاریشدیر- دقلری ایچون بو خطایه دوشمشلردی . بو خطا دخی بالخاصه الهیات بمخنده وقوعه کلیوردی ؛ چونکه الله، هم جوهر حقیقی، هم مؤثر حقیقی اوله رق قبول ایدلدیکی ایچون ایکی حیثیتی دخی ذات احدیتده جامع اولمق لازم کایوردی و اوتقدیرده (جوهر) ایله (مؤثر) ک فرقی قالمیوردی . متأخرون آهیون بواکی تعبیرک فرقی تعینده همت ایتدیلر .

میله کانه، اوبوتون بوناقشاتی وهله ( فاعل ایله منفعل l'agent et le patient ) فرقی سقولاستیق مباحثاتندن عد ایدیور و غایتله ( فلسفه یه یاقیشماز anti-philosophique ) بردوشونوش اولمق اوزره تلقی ایدیور . ( بوکا سبب ماده نك ( بالذات عاقل inerte par elle-même ) اولدوغنه دائر اوتهدنبری تحکم ایدن یا کلس اعتقاددر . بزم بوتون علممزده کائنات مادیه عوامل مؤثره در . اونلرک تأثیراتیله بزده ادراک ، حس و علم حاصل اولویور . [ دییور . حتی ( برطاشک یره دوشمه سی طاشک کندینه عطف ایتک ایسته میورز . زیرا تصور ایده میورز که برشی کندی کندیسک علت محرکه سی اوله ییلسین ! . ارضه دخی بونی اسناد ایده مه دبکمز ایچون، ( برقوت مجرده une force abstraite ) تصور ایدوب کیفیت سقوی اوکاءطف ایاییورز . جاذبه بوسقوطه سببدر ! . دییورز . حالبوکه طبیعت مادیه ذاتاً بوقابایت واردر . اونی نظردقته آلمایوبده برقوت مجرده تصور ایتک واونی بر ( علت غیبیه cause occulte ) کبی قبول ایتک بر فیلسوفه یاقیشیر دوشونجه لردن دکلدرد . [ دیه حکم ویریور .

مابعد الطبیعی برسیاق نظارله تماماً ضد دوشن شودوشونوش، میلک قطعاً سقولاستیق طرز تفکرندن متنفر اولدوغنی اثبات ایتدیکی کبی علت تعبیرینه ویردیکی معنا دخی، مشهور ( به یقن Bacon ) دن نه درجه لرده متأثر بولوندوغنی صراحتاً کوستیریور .

میلک بوفکرلرندن قاضی عضد ایله برابر بوتون قرون وسطی حکما سی شدله آریلیر . اوندن سوکره بوانکایز فیلسوفی دها بعضی ( موضوعه لر

postulata) ك اصلسز سفسطیاتدن عبارت اولدوغنی كوستریوركه اونلر Cause قرون وسطاده - كرك اسلام ، كركسه خرسیتیان - بوتون سقولاستیق حكماسی عندنده اك معتبر ( متعارفه axiomes ) لردن ، اك بدیهی المفاد دستورلرندن صاییلردی . مثلا [ علت مرتفع اولونجه معلولده مرتفع اولور . Cessante causâ, cessat et effectus ] كیی .

میل بودستورك بطلانی بك قولای اثبات ایدیور؛ ( بو، عمومی ومطلق بر دستور اوله ماز ؛ بعضی حادثات واردركه اونلرك دوامی ایچون علتك دوام تأثیری لازمدر ، برما كنهك ایشله مكده دوامی ایچون الكتریقك و یا هرهانکی بر قوه محرکهك دوام تأثیری البته لازمدر . فقط برچوق حادثات دها واركه اونلرده علتك دوام تأثیری هیچ شرط دكلدر؛ مثلا : بر آدمك باشنه كونس وورور، وبرطاقم اختلالات عضویه حصوله كتیربركه اوآدم كولكملی وسرین بریره نقل ایدلیدیكی حالده دخی علائم اختلال باقیدر؛ لکن كونشك تأثیری حالا دوام ایدیور، ده نیله مز . كذلك بر آدمك قارننه صوقولان برخنجرله اوآدم وفات ایدرسه، ئولكده دوامی ایچون او آلت جارحهك بطن میتده الى غیرالهایه صوقولی قالماسی لازمكلمز !! ] دیور؛ وبویا كلش اعتقادك كشف حقیقته نه قدر مانع ومضر اولدوغنی كوسترمك ایچون بر مثال تاریخی ویریوركه هر حالده شایان قید وتذكاردر :

( اجرام سماویهك حرکاتی ( مبادی میخانیکیه principes mécaniques ) ایله تعریف ایده بیلیمك ایچون برچوق دفعه لر تشبثده بولونان ( كپلر Kepler ) ، بوتشبتاننده موفق اوله ماشدی؛ زیرا او یله فرض ایدیور ایدیكه : اجرام مذكورهك ، حركت ابتدائیه لرینی محافظه ایده بیلیملری ایچون ، اونلری تحریك ایدن قوتك دوام تأثیری لازمدر . حالوكه علتك تأثیری توقف ایتدكدن صوكره دخی بعضی آثارك خیلی مدت دوام ایده بیلدیكنی كوستره بیلهك بر چوق عادی مثاللر بوله ماز دكلدی !! ] دیور .

میل بوادعاسیله سقولاستیق فلسفه سنك بیک بر دیره كندن بری اولسون یقیوز ؛ زاسلاننن تمایله آریئوب چیقیور . نته کیم علت اعتقادینه مربوط



Cause بیلدیکمز ( و جوب nécessité ) ی دخی (لاشرطیت inconditionnalité)

کیفیتته ارجاع ایله تعریف اییدیور، یعنی علاقه علیتی، شرائط تحققندن تجرید ایده رک دوشونورسه، اووقت بزه بو رابطه واجب کورونور؛ حالبوکه اوپله دکدر؛ بو اعتقادمن دخی تجربه دن طوغمش و ذهنزده اونه دنبری تحکم ایتشدر؛ دیمک ایستیور . بومهم فکرده بوسوتون یکی در.

( تفصیلات ایچون nécessité کله سیله مشتقاتنه باقیکنز ! )

بوندن ماعدا میل، شو قاریشیق مسئله نك بر نقطه سنه دها انفاذ نظر اییدیورکه، براز عوامك طرز تلقیسنه و انسانیتك بوخصوصده واقع اولان تجربه سنه حق ویریر : واقعا (علت) خارجه موجود (برشی) دکدر؛ بر حادثه نك وقوعی ایچون حضوری لازم و تأثیری لابد اولان برچوق شرائط و عواملك محصله سی در . وجودی اولسون ! . عدمی اولسون ! . ارتق بونك بویه اولدوغنده هیچ شبهه قالماشدر . مع مافیه بوشرائط و عوامل میاننده بر دانه سی وارکه اك صوکره صحنه فعالیت کلیور؛ واونك انضمام تأثیریله حادثه در حال وقوع بولویور . احتمالکه بو - حد ذاتنده - پك اهمیتسنز برشی در؛ بلکه بر دامله صودر ! فقط بارداغی طاشیران، آنجق او اولیور. ایشه میل، اصل اوکا سبب تعبیری تخصیص ایتک ایستیور .

اونك ایچون علی تعریف ایدرکن ( حادثه واقعه یه ) بلا واسطه ولایتغیر تقدم ایدن ( l'antécédent immédiat et invariable = دیکر بر حادثه در . ) دیور و بونی کوسترمک ایچون بر چوق تنقیدات و تحلیلاته کیریشیور . فقط میلدن براز اول معلوم اولان بو تعریفه - سقوچ فلسفه نك مؤسسی - ( رید Reid ) اعتراض ایتش و غایت تحف بر مثال دخی کنترمشدی :

( اکر بو تعریف طوغرو اولسه یدی کیجه کوندوزك، کوندوز دخی کیجه نك علی اولق لازم کلیردی . حالبوکه بو، بدهتا باطل بر فرض در !! ) دیمشدی .

میل، بو تعریفدن تعریف مذکوری مصون بولوندورمق ایچون اوزون اوزادی یه تنقیداته کیریشیور و هیچ کیسه نك بویه بر فرضه متایل بولونه مامش

اولدوغنی ده قید ایتدکن صوکره ، کوستریورکه بزم عالمزده کیجه ایله Cause کوندوزک بلافاصله تعاقبی کره مزک تشکلی ودوری اقتضایی در . کره منر بویه اولمایه بیلیردی ، و او تقدیرده کیجه ایله کوندوزک بهمه حال تعاقبی ایجاب ایتزدی . دیمک که بوکیفیت تعاقب ( conditionnelle ) در ؛ یعنی بعضی شرطلره تبعیتله وقوعه کایر . حالبوکه ( علت ) یالکیز ( مقدم لایتغیر antécédent immédiat ) اولان حادثه دکل در ؛ عینی زمانده ده ( لابشرطاً inconditionnellement ) تقدم ایدن ، یعنی بلا قید هر حالده تقدم ایدن وقعده در . حقیقت حاله کلنجه ، کیجه ایله کوندوزک تعاقبنه سبب ، ظلمت ایله ضیائک بر برخی ولی ایتمه سی دکل ، کونشک افقمزده کورونوب کورونمه مه سی در . باشقه تورلو محاکمه ایتک سفسطه در .

بوادعای تأیید ایچون سویله دیکی سوزلری عیناً نقل ایدیورم :  
 [ ... شونی ده علاوه ایده جگم که آنجق ( شروط ایله مقید اوله رق conditionnellement ) ، ( مقدم لایتغیر antécédent invariable ) کورونن حادثه ، حقیقتده ( مقدم لایتغیر ) دکادر . بروقه دیگر بر وقعیه هر زمان تقدم ایتش بولونسه بیله ، بونک دایمابویه اولمایه بیلامه سی احتمالی بزم تجربه عمومیه اوکره تیرسه . ویاخود تجربه منر - معلوم اولان احوالک بالجله ( احوال ممکنه cas possibles ) بی بلکه تماماً و صحیحاً تمیل ایتدیکنی دوشوندوره جک صورتده - ذهنمزه آجیق بر بر براقیرسه ! او آنه قدر ( لایتغیر ) اوله رق تقدم ایدن وقعیه بی علت صحیحه اولق اوزره تلقی ایده مه یز !! نیچون ؟.. زیرا قطعیا امین دکلزکه ، اووقعه ، اونی تعقیب ایدن نتیجه نك حقیقتاً ( مقدم لایتغیر ) ی در ! ) یعنی بر استئنا ایله عکسنک تحقظه هنوز احتمال واردر . استقبال ایچون دخی تشمیل حکم ایده مه یز ! ]  
 دیمک ایتدیورکه بوملاحظه علت صحیحه تصویری ایچون ( استقرام ناقص ) حدنده طور مق کفایتسزدر دیمکله بردر .

حالبوکه - بوکون هرکسله برابر میلک دخی ادعا و تسلیم ایتدیکی وجهله - علیت مفهومی استقرانک مبدای در . بناءً علیه استقرایه ( یقینی certaine ) بر حیثیت ویره بیلیمک ایچون استقرام ناقص حدنده قلمق کافی دکادر ؛

Cause چونسکه بوطریق ایله کشف اولونان ( قوانین تدرییه lois empiriques )، بروقه مستثنایله تناقضه دوشمک و مفسوخ العمل اولمق تهلکه سندن مصون دکلدر ؛ اونک ایچون بر ( قناعت جازمه conviction certaine ) الهام ایده مز . بنسأ علیه علیت مفهومی ایله - فلسفه تدرییه ده ( اصول méthode ) ک اس اساسی تشکیل ایدن - طریق استقرانک صمیمی رابطہ سی بحثک بوتقطه سنده عیاناً کورولویور؛ ( یقینیت علم ) مسئله سیله دخی صمیمیاً علاقہ دار اولان بومسئله نک پک بویوک اهمیت و اوردور .

( بونک مناقشه سی nécessité, induction و certitude کلمه لرنده در! ) بومطالعائی بیان ایتکه برابر میل، ( قدم زمانی ) مسئله سنه پک اوقدر اهمیت ویرمیور . علت ایله معلولک عینی زمانده حاضر اولماسی لازمکلوب کلیه جکنه دائر اولان بحثی پک فائده لی کورمیور . بررمتعارفه اوله رق عرض ایتدیکی فکرلر تسلیم اولونورسه علت ( مقدم antécédent )، معلوله دخی ( نتیجه conséquent ) دیمکده پک اوقدر بأس اولمادیغه قانعدور .

بوفلسوفک بر مهم ملاحظه سی ده اوار : بررلرینه هیچ تعلق و تابعیتی اولمایان برچوق حادثات کورولویورکه جمله سنک وجودی آنجق ( بروعینی عامل seul et même agent ) ک وجودینه محتاجدر . مثلاً کونشک وجودی، دنیامزده نیجه نیجه حادثات ایتساع ایدن عامل قدیم ویکانه در . حالبوکه او حادثاتک یکدیگری آره سنده نوعاً برعلاقه علیت یوقدر . میل، بویله برعامل قدیمه ( علت دائمه cause permanente ) دیور؛ وبوتون قوای طبیعی یی بو صنفه ادخال ایدیور . ( خواص و کیفیات اجسام propriétés et qualités ) دیدیکمز حادثاتی هب او ( علل دائمه ) نک آناری اولمق اوزره طانیور . یالکمز بو نوع علتلرک منشائی و مکانده ( صورت توزع و انتشار distribution ) لرینی بیله میه جکمز معترفدر . ( مکوناتک برباشقه تورلو ترتیب ایده بیلمه سی احتمالی ده واردخاطر اوله بیله جکی جهته کائناتک آهنگ حاضر ی بزم نظر مزده ( تصادفی و کایشی کوزل fortuit ) کیی کورونویور ! ) دیه بر نتیجه جیقاریور .

بوداعا ( علت غائی ) یی صراحتاً و ( قائل و مدبر برعات فاعله ) نک

یعنی اللهك وجودینی ده ضمناً انكاره واریر . [ athéisme تعبیرنده بونك Causa  
سببی و مناقشه سنی کورورسکزر ! ]

ملاحظه سنك نزمه واره جغنی - بالطبع هر كس دن ائی بیلن بوفیلسوف -  
شونقطه ده الهیات مسائلی ایله چاریشیدیغنی حس ایتمش اولمالی دركه: ( عالمك  
شو آنده کی حالی اوکا - بلافاصله - تقدم ایدن آنده کی حالنك ضروری بر  
نتیجه سی در! شویله كه، اگر بزوامل مذكوره نك مكانده صورت انتشاری اسبابی  
و قانونلرینی بالجمله تفصیلاتیله بیله بیله سیدك، استبلاك بوتون تاریخ و قوعاتی  
قطعیاً و وقوعندن اول خبر ویرم بیلردك! .. ) ده پهرك ( ايجاييه determinisme )  
اعتقادینی تماماً تصویب و تسلیم ایدیور كه، آلمان عالم كاشفی ( دوبواره یوند  
Dubois Reymond ) دخی عیناً بوعتقادی - كندی حسابنه - بیان  
ایتشدی .

بونكله برابر میل، الهیونك تعریضات محتمله سنه قارشى بر غریب شرط  
ایله دعواسنی تقیید ایدیور : ( اكره كاشتمزده حاكم بر قدرت فوق الماده نك  
یكى دن یكى به برتأثیر فعلیسی اولمازسه ! . ) دیور . هله ( منشأ origine )  
بختنده امكان قبوسنی تماماً آجیق بولوندوره رق هر تورلوا اعتراضات مقدره یی  
برطرف ایتمش اولویور ؛ ( علل دائمه و قیمة ) نظریه سنك ( دور دائم )  
فرضیه سنی انتاج ایده جكنی و او تقدیرده دخی، تاریخ عالمك - ( برچوق  
رقلمردن مركب بر كسر دوری décimale circulaire de plusieurs  
chiffres ) كبی دائماً عینی صورتله تكرری لازمكله جكنی قید و اشارت  
ایتدكدن سوكره :

( هر نه قدر، حادثات عالم ابدیاً بو دائره ایچنده دوران ایتيور سه ده ،  
- حد ذاتنده - بوتون وقوعات ماضیه و مستقبله نك، فوق البشر بر ( عقل  
intelligence ) طرفندن ( قبلاً apriori ) ترتیب و بوضوئله بنا ایدلش  
اولماسی احتمالی ده ذهن ایچون مستبعد دكلدر . الى آخره ! . . )

دیور . فورطنه قوباراجق بختلر ایچون بوندن كوزل سپر صاعقه اولماز .  
( determinisme ) كه سنده بو بحثك مناقشه سنه باقیكزر ! . ]

میل ، - حادثاتك وقوعنده باشلیجه عوامل اوله رق تلقی ایتدیکی  
و ( علل ابتدائیه ) دیدیکی - قوای طبیعی و اشییای موجوده نك مكان  
ظرفنده کی ترتیبی معقول بر صورتده تعریف ایتك ممکن دكلدر صانیور .  
هر نه قدر بر مبدأ عاقل و مدبر اعتقادیله بونظام و ترتیبك ناقابل تألیف اولمادیغی  
دخی بیان ایدرهك ( علت اولی و علت غائیة ) طرفدار ی اولان ( حکمای  
میلون les philosophes religieux ) ایچون براحتمال قیوسی بر اقیور سه ده .  
کندیسی بالذات بوکا پك اینانور ؛ وهله بویله براعتقادی علم داره سه قطعاً  
صو قق و اوکارواج و بر مك ایسته میور :

( هر نه حادثه وقوعه کلبسه ) قوانین علیت ( lois de la causalité )  
ایله بالایجاب وقوعه کله بیلدیکندن و بونده دخی ( اسباب ابتدائیه causes  
primordiales ) نك طرز تمکن و ( انحلال localisation ) ی ذیمدخل  
بولوندوغندن بالجله ( معلولات effets ) ك ، ( معیت coexistence ) ی ،  
یعنی بویله هب بر آراد بولونمای و برابرجه وقوعه کله سی دخی ینه علیت .  
قانونندن باشقه رشینه عطف اولونه ماز . عالمده ( معیت اعتباریله اطراد لر  
انتظام لر uniformités de coexistence ) اولدوغی کیبی ( معلولات ) ك  
( توالی succession ) سنده ده بر اطراد واردر . فقط حادثانده کورد و کز بو  
انتظام هر حالده علل ابتدائیه نك ( عینیت identité ) و ( معیت coexistence ) ندن  
ایلری کلیور دیمکدر . چونکه اوسیلر برابر بولونماسه یدی ، مسیلری دخی .  
برابر اوله رق وقوعه کلمزدی . مادام که اسباب ، یکدیگرینه تقدم ایتك  
صورتیله تسلسل ایدر و نهایت علل ابتدائیه به قدر کیدر ، بوندن شو استنتاج  
اولونور که - اوزاقدن یاقیندن یکانه بر عاته اسنادی قابل اولان معلولات  
استتنا ایدیلیرسه - کلیت حادثاتك بویله برابرجه وقوعه بولمیری هیچ بوجهله  
یکانه بر قانون کلی به ارجاع ایدیلیر . مکر که حادثاتك تابع بولوندوغی  
عال ابتدائیه بی نك بر علت مطلقه به ارجاع ایتك ممکن اوله بیلیرسن ! ..  
حالبوکه بونك احتمالی اولمادیغی کورمشدك ! .. بناء علیه علل مختلفه نك  
نتیجه لری یعنی معلولاتی آره سنده معیت اعتباریله هیچ بر نوع ( اطرادات  
uniformités ) کوروله مز که ( بداعی ، واصلی originelle ) اولسون .

یعنی - تعبیر دیگر له - ( لا بشرط inconditionnelle ) اولسون !. حادثات Cause عالم، معیناً واقع اولوبورسه یعنی هپ برابر ظهوره کلیورسه اونلرك وقوعی ایجاب ایدن علل ابتدائیه نك ( حسب الصداف، اتفاقی اوله رق = acciden- tellement ) دائماً برابر بولونمش اولمالرندندر؛ ویا لکیز بوندندر !. [ دییور. بو مطالعات، يك ده رین و يك جدی در. ذبرا ( کثریه pluralisme ) اعتقادی نك تخمین متضمن در ؛ چونکه بوتون علل مختلفه و متنوعه یی بر ( علت مطلقه و عمومیه c. absolue et universelle ) یه ارجاع ایتك ممکن اولمادیقنی ادعا ای دییورکه، بر جوق اسبابی اولدوغی کیی قبول ایتك لزومه منجر اولور . ذاتاً ( کثریه ) اعتقادی نك دستور اساسی سی بودر . ( pluralisme ) کلمه سنه باقی کیز !. ]

ثانیاً علل ابتدائیه اوله رق قبول ایتدیکی عناصر وقوای مادیه نك - اوتنه دبری - شوصورت اوزره ترتب ایتش و بر آرده بولونمش اولماسنی، ( مافوق البشر surhumain ) و ( مافوق الطبیعه surnaturel ) بر قدرت عاقله نك ارادته و نیتنه عطف ایتیه و لك ( صرف اتفاقی purement accidentel ) بر ( ترتیب arrangement, ordre ) اولوق اوزره قبول ای دییور؛ و بالطبع بو ترتیبك و ( قوانین ابتدائیه lois primordiales ) سنك ( وجوب nécessité ) و مطلقته اینسانمایه رق یالکیز ( امکان contingency ) نه قائل اولوبور، دیمکدر .

بو نافذ النظر فیلسوفك بك ( مجرد abstrait ) بر لسان فلسفی ایله سویله دیکی سوزلری آجیق ترکیه مزله ترجمه ایدمك اولورسه ق شو معنا چیقار :

( بزم کائنات مزده بر طاسقم قوای طبیعه و عناصر مادیه واردر . بونلر حادثات عالمك علل ابتدائیه سیدر . مکانه معیناً یعنی مجتمعاً بولونورلر و اونلرك آثار فعالیتی اولان حادثاتك مجتمعاً و معیناً وقوعه سبب بو ترتیب در؛ فقط بو ترتیبك مالمات بر سبب معقولی یوقدر . نظام عالم محضاً ( اتفاقی ) کورونویور . هر نه قدر بو ترتیب حاضر، بر قدرت عاقله ومدبره اعتقادیه ناقابل تألیف دکلکسه دهینه بر ( ترتیب ممکن arrangement contingent ) در.

Cause (مطلقاً absolutement) بویه اولماسی ایجاب ایتدیکنی کوسترین هیج بر دلیل معقول یوقدر . مثلاً بیلدورز که هوایه آتیلان بر طاشک تکرار سطح ارضه دوشمه-سی، صولرک بر سطح مائل تمقیباً آقه-سی، ده کیزلرک مد و جذر حالنده بولونماسی هپ ضروری واقضائی حادثه لردر ؟ چونکه بر قانونه (جاذبه قانونه ! .) تبعاً وقوعه کلیر . بونک ده سببی مکانده شمس و قمرک و کره ارضک موجودنی و یکدیگرلرینه نسبتاً وضعیتی در . نته کیم آتیلان طاشک و آلچاقلره میل ایدوب آقان صولرک وضعیتی ده بویه در . فقط نیچون فضاده بر کونش و بر کره ارض و قمر وار ؟ . نهدن بو اجرامک جمله سنده (جاذبه attraction) دیدیکمز بر قدرت و بر قابلیت مخصوصه وار ؟ . بونی بیلدورز ! بوشیلرک موجودیتی - منطقی و معقول بر صورتده - بر نیته دخی عطف ایدمه یورز . بونلر مطلقاً بویه اولقی و بوترب اوزره بولونقی ایجاب ایدرمی ایدی ؟ . دیه دوشوندو کز زمان دخی معقول بر جواب ویره میورز . اویله اولونجه بوترب آتبحق اتفاقی و ممکن بر ایستیف کیی کورونویور . یالکیز شوراسی محقق در که عالمزده ظهوره کلن حادثاتک اسباب ابتدائیه سی هپ بوشیلردر و بوتربیک ده اونده دخلی واردر . فقط مادام که بو کونکی ترتیب حاضر اوزره جلوه نمون اولان حادثات - طاقیله - دونکی نک نتیجه سیدر و مادام که الی غیرالهایه بوده بویه کیدر، اوحالده موجودات عالم بو (ترتیب اتفاقی) اوزره منالازل و ارایمش والی الابد دخی بویه کیده جکدر ! .) دیمک جیقار . مکرکه بو قوای طبیعی و اشپای موجوده نی احما و یکی سنی ایجاد ایدمه بیله جک و کائناتک شونظام حاضر نی کیفنجه تعدیلاته اوغراته بیله جک خارق العاده بر قدرت عاقله نک، یعنی اللهک وجودی قبول اولونسون ! . . .

فقط موجوداتک ازلیتی قبول ایله برابر بویه بر (ترتیب امکانی coexistence contingente) اعتقادی اوزرینه قورولمش بر (ایجابیه مطلقه déterminisme absolu) مذهبی تصویب ایتدکن صوکره مسئله تکوینی تعریف ایچون الله لزوم قالماز . اصطلاحات فلسفیه ده مشهور اولان (Deus ex machina = ماکنه خارجنده الله ! .) تعیری ایشته بویه

لزاماً بر دعوت اولونان ( فکر الوهیت ) در . [ Dieu کلمه سنده بو Cause  
آمییره دأثر تفصیلاته باقیکنز ! ]

طبیعی درکه ملک شو ملاحظاتی ونم اوکا دأثر تنقیداتم، - علت کلمه سنی  
منحصراً حیثیت علمیه سیله تلقی ایتک شرطیله - طوغرو ومعتبر اوله بیلیر .  
علت، بو سیاق نظر وبومعنا ایله قبول ایدیا بیرسه کورولویورکه طوغروجه  
( ایجابیه ) مذهبه کورتوریور، والله ایصال ایده بیله جک یول بولونه میور.  
اوندن صوکره بر مهم مسئله ده انکشاف ایدیورکه اوده [ حد ذاتده  
واجب اولمایان بر طاقم علل ابتدائیه نک اتفاقی بر صورتده معیناً موجود  
بولونماسی، ضروری و ( وجوبی nécessaire ) بر چوق حادثانه مبدأ  
اوله بیلیر . ] دعواسنه واریر؛ یعنی ضروری الوقوع بر طاقم حادثانک بهمه حال  
وجوبی بر طاقم علل ابتدائیه یی استلزام اتمیه بیله جکی دخی آ کلاشیلیر .

فی الحقیقه بالجمله ( قوانین تالیه ومشتقه lois secondaires et dérivées )  
حیثیناً ( واجب nécessaire ) اولدقلری حالده، اونلرک استناد ایتدیکی  
( قوانین کلیه l. universelles ) هیچ اوله دکدر . اونلرک حیثیتده  
وجوب اثبات اولونه میور؛ آنجق ( امکان contingency ) تحقق ایدیور .  
مثلاً انتشار قانونلرند ( شدت intensité )، مسافه نک مربعلیه معکوساً  
متناسبدر؛ بو ( بر قانون واجب une loi nécessaire ) در؛ چونکه  
اوله اولماسی لازمکه جکی یقیناً ثابت اولویور: فرضاً ( مهلونی Melloni ) نک  
حکمت طبیعیده مشهور اولان کوزل تجربه سنی یا بوبده شدت ضیانک  
فی الحقیقه مسافه مربعلیه معکوساً متناسب اولدوغنی کورورسه ک، ( نیچون  
کیفیت بویه اولویور ؟ .. ) دنیلدیکی زمان، بو ( نیچون ؟ ) سوألنه یک  
معقول بر جواب ویره بیلیرز ! ده به بیلیرز که :

[ عینی مقدار ضیا، بر مترو نصف قطرند بر سطح دأثره یی نه شدتله  
تنویر ایدیورسه ایکی مترو نصف قطرند بر دأثره یی البته دوت کره  
دها آز بر شدتله تنویر ایده بیله جکدر . زیرا بردأثره نک وکره نک نصف  
قطری ایکی کره بوبویونجه سطحی دوت کره تراید ایدر . بو بر حقیقت  
هندسیه در؛ او تقدیرده اوله بر سطحه عینی ( مقدار ضیا quantité de lumière )



Cause تماميله انتشار ايدم جكندن شدتی درت كره تناقص ايتمك لازمكليه. احتمالكه جاذبه قانونندهده شدتك مسافه مربعيله معكوساً متناسب اولماسنه عینی حقیقت هندسیه سبب اوله رق كوستریله بیلیر !! ] دیرز ؛ وبوصورتله ( شدت قانونی  $la\ loi\ d'intensité$  ) نك وجوبی، شواوچ ( بعد dimension ) لی عالمزك اسالی ( خاصه مكانيه propriété spatiale ) سی طولایسی واقضاسیله ثابت اولمش اولور . لکن : ( نیچون عالمز بویله اوچ بعدلی در؟ .. ) ده نیلیدی، بوسواله معقول و منطقی بر جواب یوقه . ر . اونك ایچون ( هندسه متعارفه لری axiomes géométriques ) قابل تعریف و اثبات اوله میور ؛ بدیهی در، دیه قبول ایدیور . هر دعوائی اثبات ایچون اولنری اك صاغلام دلیل اوله رق ایراد ایدم كلدیكمز حالده ، بالذات او متعارفه لری - حقایق بدیهیه نامیله - فضولی اوله رق قبوله جمله میال و مجبور بولونوبورز. كذلك [ نیچون اجسام یکدیگرینی جذب ایدیور ؟ .. ایتسه اولمازمی ایدی ؟ ] ده نیلیدیکی زمان بوکامعقول بر جواب بوله میورز . فقط مطلقاً جذب ایتمه لری لزومنی ده اذعان ایدم میورز . [ جذب ایتسه لردی ینه اوله بیلیردی : .. ] دیهده دوشونه بیلیرزكه بوده جاذبه نك ، و اوقوتك اثری اولان شو ترتیب عالمك آنجق ( امکان contingency ) نه قائل اوله بیلیدیكمزی كوستیر . خلاصه كورولویوركه علت وعلیت مسئله لری منحصرأ ( علمی و تدریسی scientifique et empirique ) بر نقطه نظر دن تبیع و تدقیق ایدیله جك اولورسه بو كوستردبكم نتیجه لره پیوسته اولویور ؛ و آكلاشیلوركه بوللرك هیچ برسی ذهنمزی یكانه رعایت معلقه یه ، و ( لا بشرط inconditionnellement ) یعنی کیف مایشا موجوداته حكیم و تصرف ایدن بر الله ایصال ایدم میور . اوندن طولایی بو طرز تلقی یی یالكز علم ساحه سنده متین بر اصول اوله رق قبول ایتمكه برابر ، هر مسئله یی وبالخاصه مسائل مابعد الطبیعیه یی تذكرو ملاحظه ایچون - عالمك تلقی ابتدكاری معنایله - تعریف ایدیلان علتی ، فیلسوفلر وهله مابعد الطبیعیون کافی كوره میورلر . حتی ( الله علم ایله دكل ، ایمانه بولونور و اثبات اولونور : ! ) ده ین فیلسوفلر - بوكون - بك چوقدر و ( ظن ایدم رم : ! ) بك ده حقلی درلر .

مع مافیه بوتون علل مختلفه وخصیصیهی - بحسب الضروره - تك بر Cause علت مطلقه وعمومیه به ارجاع ایتك مجبوریتده بولوندوغمزی وذهن بشرك هر حالده وحدته فطرتاً میل اولدوغنی ادعا ایدن فیلسوفلر چوقدر . ارسطو ایله ابن سینادن طوتوکزده زمانزده ( دوقنور هیوول Dr. Whewell ) ودها برچوق امثاله وارنجیه قدر پك چوق بویوك متفكرلر بوادعاده درنر . بونلرك مبدأ ملاحظه وطرزاً-تدللالری الله ایصال ایدن دایللارك كم متبرلرندن معدود اولدوغنی ایچون فكرلرینی باشقه برلرده نقل وشرح ایله دم . [ premier و preuve تمییرلرینه باقیكز ! .. ] [ قوانین طبیعیهك وجوب وامكاننه دائردخی nécessité و contingency كله لرندمه مناقشات واردر ! ]

دیمك كه بوكشاته بر فیلسوف عالم نظریله باقدیمز زمان، بونون حادثات واقعیهی بر برینه مربوط بر طاقم اموردن عبارت كوره جكز، و بو آنده ظهوره كلن بالجه وقایعك، همان بوندن اول كلوب كچن وقایع عمومیه نتیجه سی اولدوغنی تسلیم ایده جكز و - بالضروره - ایجابیه مذهبیه حق ویره جكز . شو تقدیرجه تسلیم ایتمش اوله جغزكه هر هانجی بر حادثه، نظام عالم ایله ( هم آهنگ en harmonie ) اوله رق وقوعه كمشدر واوند داخلدر . اونك برتك سببی دكل نامعین برچوق شرائطی واردركه جمله سنك هب بردن تحقیقی او حادثیه وجود ویریر و بز، اصل ( علت یقینه cause prochaine ) سنه سبب دیرز؛ چونكه، سائرلرندن صوكره كلوب یكونی طولدوران ( وبارداغی طاشیران ! ) شرط آنجی اودر . یوقسه حقیقتده بر حادثهك ( علت نامه ) سی بونون شرائط وجودیه و عدمیه سنك هیئت مجموعه سی دیمكدر. بوسباق نظر ( خارق عاده miracle ) اعتقادینی قطعاً ردایدركه بوندن ده شو حقیقت ظاهراً اولوركه اسباب خصوصیه حیثیتی حائز اولان برچوق شرائطك ( اشلاف و تركب composition ) ی ایله هر حادثه وقوعه كله بیلور . بو هنگامه ده ( عوارض accidents ) دمه بیله جكمز بر چوق شرائط وجودیه و عدمیهی ودها بر خیلی وسیله لری دخی نظر اعتباره آلمالی بز. بناءً علیه بر حادثهك سبب و یا اسباب حقیقیه و قریبه سنی قطعاً

Cause کشف و تعیین ایچون بر جوق حادثات متقدمه و (ملتفه concomittentes) دن دقله تمیز ایتمه لی یز . بوده حادثه مذکورہ نك شرائط متقدمه سنی لایقوله (تحلیل décomposer) ایدوب هر برینك بو خصوصده در جه دخل و تأثیرینی کوسترمکله اوله بیلیر که آنجی تجربه ایشی در . اونك ایچون بو، فلسفه تدریبه اصولده اساس در . [ méthode تعیرنده درت نوع اصوله دائر و یریلن ایضاحاته باقیکنز .! ]

اکثریا بوتخلیلده - ارزو اولوندوغی کیبی - موفقیت نك کوچ برایش کوردوندوکی ایچون تورلو تورلو یا کله-لقار وقوعه کلیور ؛ ونتیجهده بر حادثه نك سبب حقیقیسی اولمایان برشی، او حادثه نك سببی کیبی تلقی ایدیلور . [ بویاکله لقارک ماهیتی méthode بحثنده تذکر ایدلش اولدوغی کیبی صور مختلفه منطقیه سیده fallacies و sophisme کله لرندۀ تدقیق اولونمشدر .! ] علت مفهوم نك محاکات واستدلالات مابعدالطبیعهده برنجی درجهده تأثیر و نفوذی محقق در .

کرك (مدرکات خارجیہ perceptions externes) مزه ، کرکسه (احساسات صمیمیه sensations intimes) مزه بر سبب آرامق و کوسترمک مجبوری ایله (ماده matière) و (روح âme) ی اثبات ایدیورز . خصوصاً مدرکات و احساسات مرک (انفسی subjectif) اولدوغی تماماً نبوت بولوبده تسلیم اولونونجه علم بشرک قطعاً (محدود و اضافی limitée et relative) اولدوغی دخی تحقق ایدیور . اوزمان مطلع اوله بیلدیکمز شو عالم حادثاتک ضمننده و یا خود ما ورا سنده مجهول قالان و بوتون بوتجایاته سبب فرض اولونان شینی - هیچ بر وجهله - بیله میه جکمز قناعت ایتک ضروری اوله جفتدن (وجود مطلق l'être absolu) بر (مجهول مطلق absolument inconnu) قاله جقدر . بو مجبوریتک براوجی (حادثیه phénomène) مذهبیه ، دیگر اوجیهده (لادریه agnosticisme) اعتقادینه چیقار . [ بوتعیرلرله تفصیلاته باقیکنز .! ]

وجود مطلقه دائر هیچ برشی بیله میه جکمز، هیچ برشی سویله میه - جکمز اعتراف ایتدیکمز حالده ، اوله بر وارلغه ایمان ایدیش - مزه ، علاقه

علیه مستند بر اعتقاد در . بناءً علیه مابعدالطبیعیات و المیهاتک حیثیت و مشروعیتی Cause اوکا باغلیدر . نوسبیله در که مابعدالطبیعیون و آنهیون ( علیت مبدائی ) نه بر حبل متین کیبی صاریورلر؛ حالبوکه اسلافده ( آنه سی دهم Anaesidème ) و متأخرین میاننده ( هیوم Hume ) کیبی فیلسوفلر او پرئسیپک بر یاموق ایملکندن صاعلام اولمادیغی ادعا ایدوب قوباریورلر . مدرکات انفسیه مزله اولنلرک وقوعی تعریف ایچون دوش-ونوب فرض و یا اعتقاد ایتدیکمز مؤثر خارجی آره سندره رابطه قالماینجیه، ( وارلق مسئله سی le problème de l'être ) فی حل ایده بیلیمک آنجق بر قاچ احتماله منحصر قالیور : ( شو عالم شهود، نیم کندی جلوه فکر و حسیاتمدن عبارتدر ؛ بونک اصلی فصلی یوقدر ! .. ) دیمک ممکن در . بو ادعاده بزم ( صوفیه çoufisme ) ایله ( نوفلاطونیه néoplatonisme ) و ( افئکاریه idéalisme ) و ( انفسیه subjectivisme ) و ( روحیه spiritualisme ) مشترک و متفق در . [ .. اصلی فصلی یوقدر، فقط بو حادثات متنوعه بر روح مطلقک تجلیات و تمیناتی در ! ] دینلر صوفیه ایله نوفلاطونی لردر . شو حیثیتله مذهبلری ( وجودیه افئکاریه panthéisme idéaliste ) در . [ بو عالم شهود محض فسانه و فسونددر، هم نیم فسونددر . عالم وجودده ( بن ) دن باشقه برکیمسه و برشی یوقدر ! ] ادعاسنه ( آنیه solipsisme ) دیرلر .

[ ... عالم شهود مدرکات انفسیه مزدر . ماده یوقدر . یالکیز ارواح وارددر، برده روح اعظم وارددر ! .. ] دیمک ( روحیه spiritualisme ) اعتقادیدر . [ ... هپسی یالانددر ! هیچ برشی یوقدر . بو رؤیا ایچنده بر رؤیادر ! ] ظن ایتک ( لیسیه nihilisme ) خطاسنه دوشمکدر . [ ... بیلدیکمز هب انفسی در . علممز قطعاً محدود و اضافیدر . بو دائره خارجه چیقوبده بر حقیقت مستقله و بوجوده مطلق وارمی ؟ یوقمی ؟ . بونی تحقیق ایتک هر تورلو امکان خارجنده در . بیلدیکمز و بیله جکمز ایشته شو عالم حادثاتدر . عایت مبدائی دخی بر مفهوم اولمق اعتباریله انفسی در . خارجه اولیه برشی یوقدر . بناءً علیه علیت اعتقادی بزی کندی دائره انفسیتمز دن خارجه چیقاروبده بوجود مطلقه دلالت ایده مز ! .. ] دینلر

Cause ( حادثيون phenoménistes ) در ؛ و بوتون عامای زمانه بو اعتقاده  
میالدر . دها طوغروسی، علمانك دكل، ( علم science ) ك بالذات اعتقاد  
صحیحی بودر . الی آخره ! . . [ بوتون بو تعبیرات اصطلاحیه باقیکنز .  
اومذهبلرك دستورلریله علت مبدأیك رابطه منطقیه سی هر بر مجنده آیری  
آیری کوسترلمشدر ! ]

[ علت غاییه مناقشات ایچون finale کله سنه ؛ علت موجب ایچون  
efficiente تعبیرینه، صوکره raison suffisante و téléologie و Dieu  
کله لرینه آریجه باقیکنز ! ]

بسیقولوژی ده بر نظریه مشهوره واردرك اوکا فرانسه زجه : ( théorie  
de l'influx physique ) دیرلر ؛ انگلیزجه مقابلی ( cause theory  
of mind and Body ) ؛ آلمانجه سی ( - theorie der Wechsel  
wirkung ) ؛ ایतालینجه سی ده ( teoria dell' interazione ) در .

فعالت عصیه ایله جلوۀ شعورك علاقه علتیه مربوط اولدوغنی ادعا  
ایدن نظریه یه بواسمی ویرمشلدر . بونظریه دخی بر قاج صورتده مسئله یی  
تفسیره قابلیت کوستریور . یا ( جسم ایله روح l'âme et le corps )  
عوامل مستقلدن عد ایدیلررك [ یکدیگرینه قارشى تأثیرات متقابله اجرا  
ایده بیلورلر ؛ ] ده نیلور . باخود برینك دیکری اوزرینه علت محرکه کبی  
اجرای تأثیر ایتدیکی قبول اولونویور . روحی علت فرض ایدن ( روحیون  
les spiritualistes ) در . ماده یه بویله بر حیثیت ویرنلر ( مادیون  
matérialistes ) در . هرایکیسنی مستقل فقط متقابلاً علاقه دار علت  
بیلنلر ( ثنائیون les dualistes ) در . [ بوتعبیراته و parallélisme  
کله سنه باقیکنز ! ]

( معلول effet ) کله سنده دخی آریجه بعضی ایضاحات خصوصیه  
ویراشدر . اوکاده مراجعت ایدیکنز .

Cécité

عمى (کورلك) Cécité

انگلیزجه Blindness

آلمانجه Blindheit


ایتالیانجه Cecità

قابلیت رؤیتدن کلیاً محرومیت دیمک اولان بو حالی بیلیمین یوقدر .  
بوقصورک فلسفه ایله طوغرودن طوغرویه دکل، - فقط بعضی بسیقولوجی  
مسائلنی تنویر ایده بیلجهک تجربه لره زمین تدقیق احضار ایتدیکی ایچون -  
بالواسطه، مباحث فلسفه ایله علاقه سی اوله بیلدور . اوندن طولانی درکه  
عارضی اولان کورلك شایان اهمیت دکلدر . آنادن طوغره کور اولانلرک  
فعالیت ذهنیه سی، رؤیازی، واحوال روحیه سی حقنده اجرا ایدیلن تجربه لردن  
بعضی وجوه ایله استفاده ایدیه بیلمشدر . اولاکال اهمیتله قید اولونه بیله -ک  
برطاقم معلوماتمز وارکه علماً تحقق ایتش بولونوبور : فعل رؤیت ، بسیط  
برحس دکلدر . غایت مهم و ( معضل complexe ) بر جهاز مخصوصک  
اثر فعالیتی در . بناء علیه ( طبیعی normal ) ونام اوله بیامک ایچون ( جهاز  
رؤیت appariel de la vision ) اقسامک هیچ برنده برسقطلق اولماق  
شرطدر . بو اقسامک برنده واقع اولان جرحه وسقطلقه کوره عمانک  
انواعی تعین ایتمشدر . ( عمای کلی cécité totale ) دن ماعدا ( عمای  
جزئی cécité partielle ) لر دخی وارددر . مثلاً عمای الوان هیچ بررنکی  
حس ایده مه مکدر . [ Achromatopsie کله سنه باقیکنز ! ] یالکتر بعضی  
رنکدر ادراک اولونه مازسه اوکا ( dyschromatopsie ) دهنیلیر . [ بو  
تعییره دخی باقیکنز ! ]

بوندن ماعدا برده ( عمای روحی cécité psychique ) وارددر .  
( شبکه rétiné ) و ( عصب بصری nerf optique ) واهتزازات اثیرییه،  
یعنی ضیائی نقل ایدن اقسام جهاز، صاغلام اولدوغی حالده ( مرکز قشری  
centre cortical ) بوزوق اولورسه ، انسان ، اشیائی کورور ، فقط

Cécité نه اولدقلرینی قطعاً آ کلايه ماز ؛ چونکه اصل بوتأثراتی تعقل ایدن مرکز، قشر دماغده کی حجيرات مخصوصه در. مشهور دوقتور ( شارکو charcot ) نك ندقيق ايتمش اولدوغی برخسته بو مرضك اك مكمل بر نمونه سی در: بوكنج آدم هر شیشی کورور و صوكره الك انچه تفصیلاتنه قدر تصور و تخیل ایده بیلیر ابكن، بويوك بر كدرک تأثیریه ( عمای روحی ) یه محكوم اولمش و صوكره آینه ده كندی چهره سنی طانیه مامشدر . جهاز بصريسنك هيچ بر قسمنده بر جرحه اثری اولماقله برابر، اصل مرکز رؤیي تشكيل ایدن ( حجيرات قشریه cellulules corticales ) نك سقط اولدوغنه بو حال دلالت ايدر . ( فتح ميت autopsye ) تجربه لری ايله کیفیت تماميله تحقق ایده بیایور . ( عمای كلام cécité verbale ) اویله برخسته لقدركه اوکامبتلا اولانلر، مثلاً یازی یی پك اعلا کورور ؛ فقط اوقویه ماز . ساعته باقارسه کورور، فقط ساعته قاج اولدوغی آ کلايه ماز . کوپکلرده - دماغك بعضی قسملرینی تخریب ايله - پایلان تجربه لر بو امراضك انواعی ایتاع ایده بیلیور . ( amnésie ) کله سنده انواعه بايكنز ! .. ]

آنادن طوغمه کورلرک تربیه ذهنيه سیله اوغراشانلر بردخی خیلی معلومات مفیده قید ایتمشلردر که پسیقولوژی مسئله لرینی وبالخاصه مکان و شکل و ( اوجونجی بعد troisième dimension ) حقیقه کی ( مدرکات perceptions ) مزى تنویر ايدر . فیلسوفلری علاقه دار ایدن جهت لر بورالریدر .



فرانسوزجه	Cellule	مجره	Cellule
انگلیزجه	Cell		
آلمانجه	Zelle		
ایتالیانجه	Cellula		

( بیولوژی ) اصطلاحاتنددر . جیم عضونك عنصر اساسی سی در .  
 نوعاً ( جزؤ فرد atome ) ی صاییلیر . معاصریندن متوفی دوقتور

( ویرخوو Wirchow ) حجره‌ی تعریف ایچون ( عنصری واحد حیاتی Celiule unité vitale élémentaire ) دیمشدر. بوتون اجسام عضویه - ایستر حیوانی، ایسترنباتی اولسون - حجره نردن متشککدر. بونلرک برقاچ تورلوسی وارددر؛ فقط مکمل برحجره نمونه‌سی اولابر ( غشا membrane ) یه مالککدر. بوايجه زار، حجره‌ی احاطه ایدر. بوزارک ایچنده ( پروتوبلازما protoplasme ) یعنی ماده ابتدائیه ايله ( نوه nucleus ) وارددرکه بوده ( چکیردک ) دیمکدر. بالخاصه پروتوبلازمایه ( ماده حجره ویه cytoplasme ) دخی دیرلر. بوماده نك اوتئسند بريسند بعضی متکائف نقطه‌لر وارددرکه اونلره ( پلاستید plastides ) نامی ویرلمشدر. نك توك برطاقم ( جانسز inanimé ) ماده لرده کورولور: ( مه تابلانم métaplasme ) دیدکلی شیلر بونلردر. حتی بوشلقلر دخی وارددر، ( واقوئول Wacuoles ) بو دیمکدر. فقط مکمل برحجره لده کورولن بو شیلرک جمله‌سی هر حجره ده موجود اولمایه بیایر. حتی رجوق ( حجیرات حیوانیه cellulules animales ) ده ( غشا ) یوقدر. بعضی حجیره لده نوددن ماعدا ( نوبوات nucléoles ) دخی وارددر. بونلر اصل چکیرده کک اطرافده برطاقم مینی مینی چکیرده ککدر. ( مبحث اعصاب neurologie ) ده ( حجیره عصبیه cellule nerveuse ) تعبیری مهمدر؛ بونی ( شوفر Schäfer ) وضع ایتشدی. حیات حسیه ومعنویه مزده پک بویوک بررول اوینادیغنه قانع بولوندوغمز بو حجیره عصبیه بر ماده اصلیه ايله برده ( نوه ) یی حاویدرکه ( فوستر Foster ) و ( شریفتن Scherington ) اوکا ( پیری قاریون Perikaryon ) نامی ویرمشلردی. اوندن ماعدا ماده ابتدائیه نك ( استطالات prolongements ) ندن حاصل اولمش برطاقم ایپلک کیی اعصاب دخی وارددرکه مینی مینی آفاج دالیرینی آکدیردینی ایچون اونلره ( دندریت Dendrites ) ده نیلمشدر؛ ( شجیرات یاخود ( غصینات ) دیه ترجمه ایدم بیلیرز. برده ( محور اسطوانه cylender-axis ) وارددر. برحجره عصبیه طاقیله بونلرک جمله سندن مرکبدر. [ cylender-axis تعبیرینه باقیکنز ! ]



نظریهٔ حجره‌ویه (théorie cellulaire) بیولوژی ده. يك مهمدر ؛ عالم  
عضوی ده بر عمومی حقیقت بیان ایدر . بو ( عقیدهٔ علمیه doctrine  
scientifique ) یه کوره محقق ایدیورکه بوتون عضویات، حجیراتدن  
مرکبدر . اوده یا علی السویه حجیرات مشابهدن عبارت بر کتلهٔ عضویه  
اوله بیلیرکه اوتقدیرجه اوکا ( وحیدالحجیرات عضویات organismes  
unicellulaires ) دیرلر ؛ ابتدائی عضویاتده اولدوغنی کیی ! . یاخورد  
برطامحجیراتدن ( مؤلف composé ) و متشکل و ( متعضی organisé ) دیرلر  
واو حالده هر بر حجره کرك ( انتساج structure ) ، کركسه ( فعالیت  
fonction ) ی اعتباریه نه قدر باشقه لاشمش اولورسه اولسون ، همه حال  
بر حجرهٔ مقدمه دن وجوده کلمشدر . بناءً علیه، کرك حیوانی کرك نباتی  
اولسون، بالجمله عضویات برر هیئت اجتماعیه درکه اولورده اصل ذی حیات  
اولان افراد حقیقیه، حجره لر در . وجود مزده اولنر طوغار، اولنر خسته  
اولور، اولنر نولور، اولنر چوغالیر، اولنر آزالیر . الی آخره ...  
کوره، لویورکه نظریهٔ حجره‌ویه بیولوژی ده ( فردانیه individualisme )  
ادعاسیدر . فقط بو بر ( فرضیه hypothèse ) دکل، اون یدنجی عصر دنبری  
کشفیات متوالیه ایله تأید ایتمش بر حقیقتدر . اون یدنجی عصرک نهایتلرینه  
طوغرو ایتالالی کاشف مشهور ( مالیپکی Malpighi ) و ( غرو Grew )،  
میقروسقوبله نباتاتک انتساجنی تدقیق ایتشلردی . او وقت - ایچنده سیال  
ومایع بر ماده نی حاوی - کوچوچوک کیسه لر ایله انجهجک اوزون ( بورو  
tube ) لردن متشکل اولدوغنی کورمشلر ایدی . اوکیسه جکلره ( حجره )  
ده نیلیدی . صوکره ( ۱۸۰۸ ) سنه میلادیه سنده ( ترویرانوس Treviranus )  
اثبات ایتدی که معهود انجهجک بورولر حجره لر دن تشکل ایتمش و هرایکی  
نهایتلرینه مصادف اولان قسم غشائی نك بیر تیلامسی ایله بوروشکانی ألمشدر .  
( ۱۸۳۳ ) ده انکاکتره لی ( Brown ) ، ( اورکیدیه Orchidées ) جنسی  
اوزرینه اجرای تدقیقات ایدرکن ( نوه nucleus ) یی کشف ایتمشدر ؛  
صوکره آلمان ( شلایدن Schleiden ) ( ۱۸۳۸ ) ده واقع اولان نباتاتیه  
بوتون حجیرات نباتیه نك نوه نی حاوی اولدوغنی بیلدیرمشدر . بر سنه صوکره

آلمانیالی ( شوان Schwann ) تدقیقات واقع‌دن بر فکر آله‌رق انسجهٔ Cellule حیوانیه‌ی دخی خرده‌بین‌ایله تحلیل ایتکه کیریشمنش واونلرکده حجره‌لردن مرکب ومنتشکل بولوندوغنی تحقیق ایتشدی .

عینی‌زمانده (۱۷۷۲ ده!) (بوناوونتورا قورتی Bonaventura Corti) پروتوپلازما‌نک حرکاتی تتبع ایتکده بولونوبوردی . بو وادیده تعقیب اولونان تدقیقات نتیجه‌سنده (فون مول Von Mohl) (۱۸۴۶) سنه‌سنده و (ره‌ماق Remak) آلتی سنه صوکره آکلادیلرکه کرک حیوانات وکرکسه نباتاتده اصل اولان (ذی‌حیات ماده matière evivante) ایشته اوپروتوپلازما‌در . صوکره (۱۸۵۹ - ۱۸۶۱) ده (دوباری De Bary) و (ماقس شولتسه Max Schultze) نام عالمر اثبات ایتدیلرکه حجیرات حیوانیه ایله حجیرات نباتیه پروتوپلازما‌ری طبعاً متشابه‌درلر ؛ بوتون بو تحقیقات واقعیه بناءً (فون مول Von Mohl) و (نه‌کلی Nägeli) نباتاتده وپروفیسور (ویرخو Wirchow) حیواناتده اکال تدقیقاته موفق اولدیلر، و بر عمومی قانون وضع ایتدیلر : (هر حجره بر حجره‌دن génération Omnis cellula e cellula) تولدایدیر؛ دیدیلرکه بوادعا (spontanée) یعنی بنفسه تناسلی رد وانکار ایدر .

[ spontanée تعبیرنده ایضاحات مخصوصه واردر . ]

حجره‌لرک صورت‌تولدی (انقسام sissiparité) ایله اولور . حجره‌نک چکیرده‌کنده ایکی (مرکز انجذاب centre d'attraction) پیدا اولور؛ پروتوپلازما اوایکی نقطه اطرافنده تکاثف ایدر . نهایت حجره ایکی پارچه اولوب یکدیگرنن آیریلیر و بوسورتله ایکی یکی حجره تولد ایتمنش بولونور . اصطلاح عامده بوکیفیه (cariokinèse) دیرلر . (بو تعبیره باقیکنز!) [

Central

فرانسه‌زجه، آنگلیزجه، آلمانجه  
ایتالیانجه

Central

مرکزی

Centrale

مرکزی، یعنی مرکزّه تعلق و مناسبتی اولان هر شیئه وصف اوله‌رق

Cellule قوللانيله بيلير بر کله در . بونک ضد مقابلي ( محيطي periphérique )  
تعبيريدر . ( بولکيه آريجه بايکيز ! )

بعضاً تشبيهي بر صورتدهده قوللانلديني واردر . مثلاً : ( Descartes )

( fut le penseur central de son époque ) ده نيلديکي زمان بوراده

( central ) لفظني ( مرکزي ) ديه ترجمه ايده مه يز . بزم اسلاف محررينيز

بو کيبي يرلرده قطب کله سني استعمال ايدرلردي که صحيحاً مطلوب اولان

معناي حقيقه ادا ايدر . بناء عليه يوقاريکي جمله يي، عيناً ترجمه ايده بيلمک

ايچون : ( ده قارت، کندي زماننک قطب متفکري ايدی ! ) ديرز . بو

تقديرده بوتون افکار عصرک اوآدمدن ( انشعاع irradiier ) ايتش اولدوغني

مراد ايده رز . فقط ( problème central ) تعبيرني ( قطب ) ايله

ترجمه ايتک خوش اولماز . بزم اسلافز بو تفکري بيان ايتک ايچون

( ام المسائل ) ، ( عقده المسائل ) کيبي تعبيرلر احداث ايتشلردی .

( مرکزي ) کله سي يالکيز ( تشریح anatomie ) و ( فزيولوژي ) ده

براصطلاحدر . دماغ ايله برابر بوتون ( جمله عصبیه système nerveux )

حجيرات ايله ( اعصاب ناقله nerfs conducteurs ) دن متشکلدر . دماغک

سطحني قابلايان و بعضاً ايچنده دخي کوروله بيلن ( حجيرات سنجاييه

cellules grises ) مبدأ حرکت ومنشأ ارادت اولدوغني ايچون ( مراکز

عصبیه centres nerveux ) نامني آلمشلردر . ( بوتعيره بايکيز ! )

اعصاب ناقله نك منشأ لري ده بو حجيرات مرکزيه در . اونلردن صدور

ايدن ايبلك کيبي اينجه بياض سيگيرلر، وجود مزك هر طرفه ياييلوب بر نقطه يه

منتهی اولور . يا جلد يمزك بر طرفه، يا خود بر ( عضله musele ) مزه،

ويا خود ( غده glande ) لر مزدن برينه قدر کيدر . مراکز عصبیه يه

نسبتله وجود مزك هر طرفي ( محيطي périphérie ) صايابر . شو تقدير جه،

کسيلمش اولان بر عصب نالک حجره مرکزيه متصل قالان قسمنک اوچنده

( نه سايات محيطيه bout central ) ده نيابر . کذلک ( فلج paralysie )

( مرکزي المنشأ d'origine centrale ) اولور، اکر حجيراتک سقطلني

اوکا سبب اولمش ايسه ! . ( محيطي المنشأ d'origine périphérique )

اولور، اگر عضلاتك و یا خود اعصاب محیطه‌ك تخریب‌اندن منبعث اولمش Cellule ایسه ! . . . .

( اصطلاحات علمیّه بافیکنز ! )

مراکز عصبیه Centres nerveux فرانسه  
localisation تعیرینه مراجعت ایدیکنز ! )

عن‌المركز، الى المركز Centrifuge, centripède فرانسه  
Centrifugal, centripetal انگلیزجه و آلمانیجه  
Centrifuge\*  
centripède  
Centrifuga, centripeta ایتالیانیجه

بو کلمه ( فیزیق physique ) و ( میخانیک la mécanique ) علملرنده اوتهدنبری معروف اصطلاحاندنرلر . ( بوخصوصده تفصیلات آلمق ایچون قاموسك فیزیق قسمنه مراجعت ایدیکنز ! )  
صوکره‌لری تشریح و فیزیولوژی ده جدی تدقیقاته موفقیت حاصل اولونجه بوتعیرات اصطلاحیه‌یی او علملر دخی استعاره ایتدیلر . بناء علیه ( مبحث اعصاب neurologie ) ده بوکون بوکلمه‌لر کثرتله استعمال اولونویور .  
برحادثه فیزیولوژیه‌ك ( منشأ origine ) ی مراکز عصبیه ایسه اوکا ( حادثه‌عن‌المركزیه phénomène centrifuge ) دیرلر که سیاله عصبیه‌ك حجیرات مرکزیه‌دن یا بر عضله‌یه، یا خود بر ( غده glande ) به دائمی بر صورتده جریان ایتمه‌سیله دوام ایدر . مثلاً آغلایان بر کیمسه‌ك کوزلردن یاش کلمه‌سی، یا زنی یا زمقدمه اولان بر آدمك متصل الی تحریك ایتهمسی کیبی ! .  
( حادثه‌الی‌المركزیه phén. centripède ) بونك تماماً عکسی‌در . مثلاً هر تورو ( احساسات sensations ) بوقیلدنر . محیط‌بدنن و داخلده‌کی ( اخشا viscères ) دن و ( غده ) لردن مراکز عصبیه‌یه وارد اولان هر نوع تأثرات و انفعالات بویله‌در ؛ انجق اطرافدن کلیر و حجیرات مرکزیه اونلردن خبردار اولونجه ( شعور conscience ) حاصل اولور . بر دنك کوردمك و یا خود بر صانجی جس ایتك کیبی .

( périphérique, central و efférent, afférent ) تعبیر لرینه دم

Centrifuge ,  
centripède

باقکز ! . )

فرانسزجه Cercle vicieux دور باطل

Cercle  
vicieux

انکابزجه Vicious cerele

آلمانجه Zirkeldefinition

بو تعبیر اسکی زمانلردن بری معروف بر نوع ( برهان سفسطی  
circulus argument sophistique ) نك اسمی در . لاتینجیه اصلی ( circulus  
vitiosus ) ترکیبی درکه ( دائرة فاسده ) معناسنه کلیر . ( circulus in  
probando ) دخی بودر و ( دور ایله اثبات ) دیمکدر .

اثباتی مطلوب اولان ایکی قضیه‌نی یکدیگرینه سندن اتخاذ ایدوب دلیل  
کتیرمک ( دور باطل ) دیدیکمز سفسطه‌نک ماهیتی تشکیل ایدر . آللهون  
و منطقین مشهوردن ( وهیتله Wately ) بوکا بر مهم مثال ویریور :  
[ شوکتاب من طرف الله مُنْزَلْدَر؛ چونکه اونی کتیرن ذات من طرف الله  
مُرْسَلْدَر؛ اودات مرسلدر ، زیرا کتیردیک کتاب من قَبْلُ الرحمن منزلدر!  
دیرسه‌ک، دور باطل سفسطه‌سنه مکمل بر نمونه تشکیل ایدر . ] دییور .  
بناءً علیه الّهیات بحثلرنده بووجهله استدلال ایتک مردوددر وقناعت بخش  
اوله‌ماز . زیرا شو ایکی قضیه‌نک هرایکیسی ده آریجه اثباته محتاجدر .

برنجی قضیه‌نک صدق حکمی قبول ایتمین آدم، مقام اعتراضده ( بن ،  
ذاتاً ایراد اولونان دلیلی قبول ایتهدیکم ایچون، مختلفیه اولان اوقضیه‌نک  
صحت حکمی رد ایدیورم ! . . ] ده‌یه‌بیلیر و یک حقلی در . بو-سفر اوایکی  
قضیه‌نی برعکس ایدرک اولجه مدلول اولان قضیه‌نی دلیل اولوق اوزره  
ایراد ایدرسه‌ک . بنه کال صلاحیتله ده‌مینکی سوزلرینی تکرار ایده‌بیلیر .  
بناءً علیه دعوائی اثبات ایچون اقتضا ایدن برهان مقبولی بو دائرة فسادک  
خارجنده آرایوب بولوق لازمکلیر .

بوسفسطه‌نی تحلیل ایدن منطقین، ادعا ایدیورلرکه ( دورباطل ) ده

Cercle  
vieux

ایکی دفعه ( تصدر علی المطلوب petition de principe ) واردر . ( تصدر )  
دیه معروف اولان نوع سفسطه دن ( دور ) ك فرقی ده انجق بودر ؛ یعنی  
قتمرلی بر ( تصدر سفسطه سی ) اولماسی در .  
( petition ) تعیرینه باقیکنز ! .

اونك ایچون زمانمك علای الهیونی امور دینه و قضایای اعتقادی ده  
بوطرز استدلالی قدح و ذم ایتشلر و دوره دوشمیه رك خارجدن بر سند  
کتیرمك لزومی توصیه ایله مشلردر . مثلاً مرسل اولدوغی ادعا ایدیلن  
ذاتك حیثیت رسالتی اثبات ایچون کنديسنك اظهار معجزه به قدرتی  
— هر هانکی بروحه له — اثبات ایتك منطقی و مشروعدر، چونکه ( دور باطل )  
تشکیل ایتز . الهیون اسلامك اکثری بواسلونی اوتهدنبرن ترجیح واختیار  
ایتشلر وذات جناب پیغمبری ك صدق نبوتی اثبات ایچون قرآن کریمی  
بالذات بر معجزه اولمق اوزره ابراز ایله مشلردر که بوطرز استدلالده اوته کی  
کیبی دوریه قدر . زیرا کتاب مقدسك معجزه نوعدن بر ( امر خارق العاده  
fait surnaturel ) اولدوغی ثبوت بولونجه دعوا ی نبوتك صدق وصحتی ده  
تحقق ایدم بیایر .

( تسلسل enchainement ) ، ( دور ) دیمك دکلدر . بناءً علیه دائماً  
( دور و تسلسل ) یازمالی و ( واو عطف ) ی اونو تاملی در . تسلسل،  
بر خط نامحدود کیبی کیدن بر طرز استدلالدر که دائماً یکنسق بر اسلوب مطرد  
اوزره جریان ایدوب کیندیکی ایچون ( نامتناهی infini ) یه قاجار ، و بو  
تقدیرده ذهن — بالضروره — بر حد اوزره توقف ایتك مجبوریتنی حس  
ایدر . مثلاً ( هر حادثه بر حرکت نتیجه سی در ؛ هر حرکت دخی بر حرکت  
متقدمه نك اثریدر . ) قضیه سنی قبول ایدنجه بوطرز استدلال تسلسله طو توملش  
اولور والی غیر النهایه بو وادی استدلالده دوام ایدلسه بیله ذهنی نمون  
ایده بیله جك بر نتیجه قطعی و بره من . ذهن در حال تسلیم ایدر که تحلی حرکتك  
بو تسلسله نهایت یوقدر . مابعد الطبیعیات لسانده ( ممکنی ممکن ایله اثبات  
prouver le contingent par le contingent ) بوکادیر لر که مابعد  
الطبیعیون نظرنده مردود بر اسلوب استدلالدر . انسان، الی غیر النهایه بو موال

اوزره استدلالده دوام ایتسه بيله هيچ برنتیجه به پیوسته اوله مایوب، عینی قضیه‌ی تکرار ايله وقت کیشدیرمش اوله جفی ایچون ( یرنده صایمق piétiner sur place ) ایتش اولقله قالیر . اونک ایچون ( فارابی ) و ( ابن سینا ) وبوتون مابعدالطبیعیونک ادعاسنجه ( اسباب ممکنه causes contingentes ) نک بوتسلسله برنهایت تصوراتیمکده مضطر قالان ذهن بشر ، بر ( علت مطلقه cause absolue ) اعتقادینه پیوسته اولقله ( تشفی satisfaction ) ایدمک مستریخ اولور . [ cause کله سنده تفصیلاته باقیکز ! ] اونک ایچوندرکه حادثات عالمی برسلسله حرکاتدن عبارت کوردن ارسطو، بوتون ( عالم امکان le monde contingent ) ی تشکیل ایدن حادثاته بر ( مُحَرِّک moteur ) تصور ایدمک بوتسلسله نهایت ویرمش، وبوتون وقوعات عالمک علت حقیقه و مطلقه سی بر ( مُحَرِّک غیر متحرک moteur immobile ) عد ایتشدیر . اونیده متحرک فرض ایتسیدی تسلسل دوام ایتش اولوردی . [ moteur تعیرنده تفصیلاته باقیکز ! ]

لکن بوراده غایت اهمیتی بر جهت وارکه ( علوم صحیحه وثابته sciences exactes et positives ) نک نیچون فکر الوهیه پیوسته اوله مادبغی وذات مطلقه یی - نه دن طولایی - اثبات ایدمدیکنی پک کوزل و صریح بر صورتده کوستریر ؛ مثلاً :

[ هر حادثه بر حرکتدر . هر حرکتک باعثی ده بر حرکت مقدمه در ! ]

قضیه لرینی علم ماکنه بالضروره تسلیم ایدر . زیرا کیفیت - اول امرده - بالذات بدیهی در . بناء علیه علمک نقطه استنادینی تشکیل ایدن ( متعارفه اساسیه axiome fondamentale ) در . بوتسلسلک هیچ بر نقطه سنده دخی توقف ایدمز ؛ چونکه بر ( قیاس مقسم dilemme ) ایچنده در :

حرکت ايله سکون یعنی عدم حرکت آرم سنده بر ( حد متوسط moyen terme ) یوقدر . بوایکی کیفیت ( تقابل عدم و الملمک ) نسبتی در . یوقلق ايله وارلغک تقابلی در . بونک اورطه بری اولماز . شیمدی علم ماکنه حرکتی تعقیب ایتوب بر نقطه ده طورسه، سکون مطلقدن حرکتک ظهورینی قبول ایتش اولور . حالبوکه [ سکوندن حرکت، حرکتدن ده سکون تولد ایدمز ! ]

Cercle  
vicieux

قضیه سی او علمك ايلك قانون مهمنى بيان ايدن ( دستور formule ) در .  
علم بوقانونى انكار و يا خود نقض ايدر سه ارتقى هيچ بر حادثه يى تعريف  
ايدمى . چونكه هر تعريفده سند اصلى اودر .

ايسته علمك مسائل مابعدالطبيعيه ياناشاماماسى واونلرى اثباته الويريشلى  
هيچ بر دليل ابراز ايدمى بوسيله منى در . بناء عليه علمك شو حيثيته  
نظراً دائماً ممكنات دائره سنده قالب حقايق اشيادن صرف نظر اجتماعى  
ماهيتى ، وظيفه سى ، موضوعى و غايه سى اقتضاسى در . بوقسه طوغرودن  
طوغرويه تلقينات و تعليمات دينيه علمنده دكلدر . يالكىز او كيبى مباحثه  
اوغراشمى وظيفه ايدنمى مشدر . چونكه دلائل علميه ، مسائل دينيه  
و مابعدالطبيعيه ده سند اوله بيله جك ماهيتده دكلدر . هم هر علمده اصول  
و كيدش بودر . بيولوژى ده پروفيسور ( و يرخو Wirchow ) ك :  
[ هر حجره بر حجره متولددر . Omnis cellula e cellula ]  
ديمه سى ايله ، علم ما كنده ( قاليله Galilée ) ك : ( هر حركت بر حركت  
متقدمه دن متولددر . ) ديمه سى آره سنده ادعاچه هيچ فرق يوقدر .

منطقون ( دور فاسد cer. vic. ) سى سفسطياتدن عد ايدمى رك قطعياً  
مردود كوردكارى حالده بعضى استدالات دوريه ضرورى كيبى كوردنو يور .  
مابعدالطبيعياتك موضوع خاصى تشكيل ايدن مسائل اساسيه يى تحقيق و اثبات  
ايچون ، هب بو طرز استدلاله مجبوريت الوير يور . بوصورتله اقامه برهان  
ايتمك طريق سقيمه ( circulus in probando ) يا خود ( circulus  
in demonstrando ) ديرلر كه ( دوراً اثبات و استدلال ) ديمكدر .

بوسفسطيه يى مشهور ارسطو اطرافيله تتبع و تعريف ايتمشدى . بوصوك  
زمانلرده حكماى منطقونك اك بو يوكلرندن اولقى اوزره شهرت قازانان  
متوفى ( سرويليام هاملتن Sir W. Hamilton ) ( منطق درسلى )  
ناميله معتبر اولان كتابنده بو مسئله يى يكدن تحليل و تنقيد كيريشه رك  
لايقيله تحقيق ايتمشدر . بوفيلسوف دخى سانى ارسطو ايله برابر ، بر جوق  
منطقون اسلاف كيبى ( دور باطل ) دنيلن سفسطه مشهوره يى ( تصدر  
على المطلوب petition de principe ) سفسطه سنه ارجاع ايد يور ؛ يالكىز



آرده شو فرق وارکه ( دور ) ( تصدر ) ك قتمرلی برنوعی در . اولجده  
 اشارت اولوندوغی اوزره، ذاتاً محتاج اثبات اولان ایکی قضیه یی - بالناوبه -  
 یکدیگرینه دلیل اوله رق ایراد واقمه ایتک بر ( استدلال دوری ) نمونه سی  
 اولور . ( تصدر ) بوکا نسبتله ساده وبسیطدر : اثباتی مطلوب اولان بر  
 قضیه یی ینه کندینه دلیل کتیرمکدر .

[ petition کلمه سنده تفصیلاته باقیکنز ! ]  
 حقیقی متعارفه لرده تناقضسه ودوره دوشمک ذهنمک عجز  
 طبیعیسی اقتضاسندن در . نتهمیم حقایق مابعدالطبیعه دخی - قیاس مقسم  
 صیغنتی سندن قورتولمق ایچون - عینی کردابه دوشویورز .  
 منکرلروماتریستلر، الهیونک (دلیل وجوده preuve ontologique) نی  
 بر دور باطل عدا بدییورلر . [ بوتعیرایله ، métaphysique, sophisme, pétition dilemme و absurde کله لرینه باقیکنز ! ]

نرمغ Cérébration فرانسزجه وانکلیزجه Cérébration

اصطلاحات جدیده دندر . ( Cerveau ) کله سندن اویدورولمش بر  
 تعبیردرکه دماغک فعالیت مستقله سی بیان ایدر . مع مافیه بوکا معادل اولمق  
 اوزره قبول ایدیلن ( تدفع ) کله سی ایی دکدر . ( Cérébration ) بر  
 فعالیت ذهنیه در . بو حیثیتله ( حسی sentimental ) ، ایله ( cérébral )  
 صفتری بر برینه مقابیل اوله رق قوللانیلیر . مثلاً ( نمودج دماغی type  
 cérébral ) و ( نمودج حسی type sentimental ) دیرز . برنجیسنده  
 حادثات روحیه یه فعالیت ذهنیه حاکمدر . فرضا اویله آدملرده عشق بیله  
 برملاحظه بر محاکمه نتیجه سنده حاصل اولان بر تمایل در . دیگرنده ایسه  
 دوشونجه نک حکمی یوقدر . الی آخره .

بوصوک زمانلرده واقع اولان تدقیقات ایله ثابت اولدی که، بز، اکثر  
 احوالده فعالیت دماغیه مزدن خبردار اوله میورز . بناءً علیه بزجه ( غیر  
 مشعور inconscient ) بر طاقم محاکات وقوعه کلپورکه ذهنمک فعالیت  
 مستقله سی نتیجه سی در . بزیا لکنز اوتیجه یه وقراره واقف ومطلع اوله ییلپورز .

Cérébration مثلا شو قارشیده کوردو کمز چنار آغاچنی بر آندم کوردو یورز و بر تک آغاچ اوله رق کوردو یورز، ظن ایدم رز . حالبوکه بسیقو لوزی تدقیقاتی کو ستریورکه، یک بسیط ظن ایتدی کمز و بر آندم وقوعنه اینان دیغمز ( فعل ادراک acte de perception ) ، اوله دکلدر . اولا او آغاچک ( خیال image ) ی آیری آیری هرا یکی کوزومزک ( شبکه rétiné ) سنه ترسم ایدیور ؛ و بوخیالار مختلف پلانلرده بولونویور . بوسبیله باصره مز اولا ایکی آغاچ خیالی ادراک ایدیور . او ایکی خیالک ( عینیت identité ) نه - بالقیاس - حکم ویریور . اوندن صوکره او ایکی خیالی عینی سطح مستوییه کتیره دک ( تسویه niveler ) ایدیور . بالاخره یکدیگرینه درج ایدم دک برلشدیرد کدن صوکره ( شعور conscience ) حاصل ایدیورکه کوردو کی بر تک آغاچ در . ایشته بوکاشیمد یکی بسیقو لوغلر ( cérébration inconsciente ) دیور لر . ( تحدسی intuitif ) ظن ایتدی کمز ادراکات واحوال روحیه نک یک چونغی، ایشته بویله بر ( غیر مشعور فعالیت دماغیه ) نتیجه سی در . مکانک او چونجی بعدنی ادراک ایدیشمز ، حتی مناظر طبیعیه یی کوروب طانیه بیایشمزده هب ( cérébration inconsciente ) ک بویوک بر رولی واردر . هله ( ارادت volonté ) اظهار ایتدی کمز زمان، فعالیت دماغیه مزک ایجابنه تابع اولمقدن باشقه برشی یایم یورز . لکن بوندن خبردار اوله مادیغمز ایچون کندیمزی - فی الحقیقه - مرید و مختار صانیورز .

[ inconscient و binoculaire تعیرلرینه باقیکنز ! ]

شوقتدیره کوره ( تحدس intuition ) و ( استحضار représentation )

مسئله لرله بوتعیرک یک مهم بر علاقه سی واردر .

[ بویاکی کلمده تفصیلاته باقیکنز ! ]



فرانسجه	Certitude	یقین، یقینیت، ایقان
انگلیزجه	Certainty, certitude	
آلمانیجه	Gewissheit	
ایتالیانه	Certeza	

کلمه‌نک اصلی لاتینجه ( چرتی تودو Certitudo ) لفظی دو . بو تعبیر مهم ( مبحث معرفت épistémologie ) و ( منطق logique ) اصطلاحاً - حاسندندر . حد ذاتنده بوبر ( حالت روحیه état d'âme ) درکه اطمینان تام ایله ذهنه امنیت کامله بخش ایدر و بو سببله قطعاً وقاطبه ( شبهه le dout ) به وتردده ذره قدر عمل بر اقاماز. عربلر بوحالته ( یقین ) دیرلر؛ و بخش ایتدیکی ( امنیت کامله ) به دخی ( قناعت جازمه conviction décisive ) تعبیری تخصیص ایتشلردر . بوراده ( جازم ) کله‌سی، قطعی و کسکین معناسنه کیرکه هرتورلو اشتباه احتمالی ذهناً کسوب آندیغمزه دائر تلییح در . او حالده ( یقین ) و یا خود ( ایقان ) دیدیکمز حالت روحیه، ذهنک - اعتقادنده صاعلام بر زمین استناد بوله‌رق - بر موازنه ثابتة تأمین ابدیه بیامه‌سی دیمک اولورکه، بویله بر موازنه‌ی صا رصه بیله جک هرتورلو شهباتک اضمه‌حالی - اول امرده - قناعت جازمه و تامه ییجون برنجی درجه‌ده مهم بر شرط اساسی در .

سید شریف، ( تعریفات ) نامیله مشهور اولان رساله‌سنده بو کلمه‌یه دائر شو ایضاحاتی و یریبور :

[ یقین، فی اللغة العلم الذی لاشک معه؛ و فی الاصطلاح، اعتقاد الشئ بانه کذا، مع اعتقاد انه لا یمکن آلا کذا مطابق للواقع، غیر ممکن الزوال . و القید الاول جنس یشمل الظن ایضاً؛ و الثانی یخرج الظن؛ و الثالث یمخرج الجهل المركب؛ و الرابع یمخرج اعتقاد المقلد المصیب . . . . . و قیل یقین هو طمأنينة القلب علی حقيقة الشئ . . یقال : ( یقن الماء فی الخوض ) اذا استقر فیهِ . ]

یعنی : [ یقین، اغنده او یله بر بیلکی درکه اونکله شبهه برابر اولماز .

اصطلاحده معنای : برشیتك اویله اولدوغنه اعتقاد ایتكدر . فضله اوله رق Gertitude یالکمز اویله اوله بیلیمه سی ا. کانه؛ و بو بیلکمزك واقعه مطابق بولوندوغنه؛ زوالی امکانی اولمادیغنه ایتانمقدر . برنجی قیده، ( یعنی برشیتك بیلدیکمز کیبی اولدوغنه اعتقاد !! ) برتعریف جنسی وعمومیدر که ظنی دخی شامل اوله بیلیر . ایکنجی قیده، ( یعنی برشیتك، آنجق بیلدیکمز کیبی اوله بیلیمه سی اعتقادی !! ) ایله ظن، برطرف اولور و خارج قالیر . اوجونجی قیده، ( یعنی بیلدیکمزك واقعه مطابق ونفس الامر موافق اولماسی اعتقادی !! ) جهل مرکبی ازاله ایدر . دردنجی قیده، ( یعنی شسو صورتله حاصل ایتمش بولوندوغمز اعتقادك، زوال وتزلزلی غیر ممکن اولدوغنه ایتانق ! ) مقلد مصیك اعتقادندن علم یقینی فرق ایتدیریر .... بر باشقه تعریف دخی ویریلور وده نیلیور که یقین، برشیتك حقیقتی اوزرینه فلبك کسب اطمئنان ایتمه سی در . ( یعنی قطعاً قرار قیلوب سکونت واستراحت بولماسیدر . حتی عریجه ده بر تعمیر واردر : صو حوضده استقرار ایدر سه یقین لفظی ایله بو حالی افاده ایدر لر . ایتكدر .

بو تعریف عموماً حکمای اسلام عندنده مسلم ومعتبر اولان فکری بیان ایدر . فقط - زمانمzk اعتقادینه کور . - شایان دقت وتنقید جهتلری واردر که شیمدی عرض ایده جکم . مع مافیة عربلر ( یقن ) لغتندن (ایقان) و ( اتقان ) که لرینی دخی استخراج ایدر ک اونلر براز فرقلیجه معنالر ویرمشلردر؛ بوئکده چوق اهمیتی واردر؛ زیرا ( علم یقین connaissance certaine ) ک انواعنی تفریق وتعیین ایتمش اولدقلری نابت اولور . فلسفه ده بو، الک مهم ( مسائل معرفت questions épistémologiques ) دن در . ینه سیتك تعریفنه کوره :

[ الاتقان، معرفة الادلة بعلمها وضبط القواعد الكلية بحجثياتها ] یعنی : [ اتقان، دلیللری اسباب وعلی ایله برابر بیلیمك، وقواعد کایه یی جزئیاتیه ضبط ایتكدر . ] حالوکه :

[ الايقان بالشئ، هو العلم بحقيقة بعد النظر والاستدلال؛ ولذلك لا يوصف الله باليقين . ] یعنی : [ ايقان ، ( نظر واستدلالدن صوکره

علم حاصل ایتکدر . اونک ایچوندرکه الله حقنده یقین صفتی قوللانیله ماز . **Certitude** (après, spéculation et raisonnement) بر شیک حقیقته دائر علم

قاموس عربی ده دخی بومعنا و تعریف عیناً مندرجدره و ( معرفت connaissance ) ایله ( یقین certitude ) آره سنده کی فرق — برنجیسنک اعم ، فقط ضعیف یعنی شک و ظنه شامل اولماسندن عبارت بولوندوغی ایچون — [ یقین ، معرفتک فوقنده در ؛ بناءً علیه ( معرفه الیقین ) ده نیله مز ؛ ] دییور ، والبته طوغرودر .

بوکله نك معنای لغوی و اصطلاحی سی حقنده و بریلن تعریفات متنوعه یه نظرأ حکمای اسلامک بیسته مولوزی مسئله اساسیه سنده مقبول و معتبر اولان فکر و نظرلری دخی اکلاشیلور :

( معرفت connaissance ) علی الاطلاق بر بیایکی در . ( بو تعبیرده تفصیلات و مناقشته باقیکنز ؛ ] بناءً علیه شک و ظنی ، تقلید مصیبي شامل اوله بیلیر . نفس الامر مطابق اولوب اولماسی ده ممکن در . اوله اولونجه بویه بریلدیکیه ( علم یقین ) دیمک طوغرو اوله بیلیری . یوقاریده سیددن نقلأ ایراد ایتمش اولدوغم ایضاحات کوستریورکه علم یقین ، ظن و شک ایله برابر اوله مایان بر اعتقاد جازمدر . تعریفاتک بوندن ماعداسی ، آنجق بو صاغلام و صاریلماز بیلکی نك شرطلری تدا و تمین ایتکدن عبارت قالیر . بناءً علیه ، ( علم یقین ) ده درجات و مراتب اوله ماز . آز چوق علم یقین اوله مار . علم ، یا یقین در ؛ و او تقدیرده اوله صاغلام بر اعتقاد تشکیل ایدرکه اوکا هیچ بر نوع شبهه تسلط ایده مز ؛ هیچ بوجهله تردد و تزلزل عارض و طاری اوله ماز ؛ یاخود علم یقین دکدر . اووقت هرتورلو شبهه و ظن ایله متزلزل اوله بیلیر . اونک ایچون ، یقین آنجق ( شك le doute ) مقابلدر . ( جهل l'ignorance ) ایله مناسبتی یوقدر . برشی حقنده هیچ علممز اولمازسه ، نه شبهه ایتک ممکندر ، نه ده بر اعتقاد جازم حاصل ایتک قابلدیر . اولای کوی بر معرفت حاصل اولمالی که اوندن صوکره شبهه عارض اوله بیلین ؛ و او شبهه قطعياً بر طرف ایدلدیکی تقدیرده علم یقین تحققی ایده بیلین . بو ملاحظه دن صراحتاً اکلاشیلورکه : کسب یقین ایچون

اولا ( معرفت connaissance ) بر ( شرط لابد Certitude condition sine qua non ) در ؛ وبناءً عليه یقین، آنجیق ظن وشك مقابلی در؛ معرفت ایسه جهل مقابلیدر . یقینك منحصرأ معرفت ایله مناسبتی واردر . علی الاطلاق ( ظن croyance ) ، ( احتمال probabilité ) ، ( شبهه doute ) بی شامل اولان معرفتی، هرتورلو ظنون، احتمالات وشبهاتك تعرضندن قورتارارق متین و صارصیلماز بر اعتقاد حاله کتیردکی ؟ . ( علم یقین ) حاصل اولور . ایشه بونك ایچون درکه، علم یقین ( بلا قید و شرط inconditionnellement ) ، ( تصدیق assertion ) ی مستلزم ومتضمندر . شك ایله یقین آره سنده خط اتصال اوله ماز .  
( croyance, opinion, probabilité, connaissance کله لرنده تفصیه ته باقیکنز ! )

مع مافیه ( یقین ) دیدیکمز حس اطمئنان اوله بر حالت روحیه درکه بر جوق وجهله ( تحقق se réaliser ) ایده بیلیر ؛ وختانف واسطه لر و صورتلرله تحصیل اولونه بیلیر . مثلاً: شو آنده المده کی جاقی ایله قورشون قلمنی آچورم . بن، قطعاً اینیم که جاقی وقورشون قلم دیدیکم شیلری المده طوتقمدهیم ؛ وحس ایدیورم که بو شیلر موجوددر ونیم وجودمك اعضا - سندن دکدر . بونی يك ابی بیلدیکمه قانم . بو قناعتم، بر ( علم یقین connaissance certaine ) تشکیل ایدرکه - ماهیتی تحقیقه کیریشجه - حواسمك شهادتیه بالضروره اعتمادمدن ایلری کلدیکنی آ کلیورم . اطمئنانك بوتورلوسنه ( یقینیت حواس certitude des sens ) دیوروز . بو تعبیر شو علم یقینك ( منشأ origine ) نی کوستریر . بوکا ( یقینیت طبعیه وغریزیه certitude physique ) دخی دهنیلیر که اوتقدیرده قاعنك نه جنس وماهیتده اولدوغی تعین ایدر .

بونوعدن اولان ( علم یقین ) ک قیمتی فیلسوفلر آره سنده - اوته دنبری - موجب قیل وقال اولمش ونهایت شدتلی مناقشاتیه میدان آچوب بر جوق مذاهب فلسفیه یه وجود ویرمش بولوندوغی ایچون بوراده مهم بر اخطاره لزوم کوروورم .

عصر لرحه مدت دوام ایدن مناقشات و تحقیقاتدن صوکره عاقبت بوکون کرکی کبی تبین و تحقیق ایتمشدرکه یقینیت بختنده ( حواسک شهادتی le témoignage des sens ) دیگر ( یقینیات certitudes ) دن هیچ بر وجهله قیمتجه دون دکلدرد. چونکه یقینیاتک جمله سنی تصدیق ایدن و ( قوه تأییدیه sanction ) سیله اونلره بو حیثیتی ورن ( عینی وجدان la même conscience ) در . هرکیم اولورسه اولسون وهانکی مذهب متقابل و یا معتقد بر فیلسوف بولونورسه بولونسون حواسنک شهادتیه اینا بمقدمه مضطردر . احتمالک بوندن یا کلش بر معنا چیقارمیلیر ؟ فقط بدایتاً و ( تحدسی اوله رق intuitivement ) حس ایتدیکی شیلره - اول امرده - بالضروره اینانیر . کائنات خارحیه نك وجودنده شبهه ایدن ( حسابیان les sceptiques ) ؟ یاخو اونك حقیقتنی یعنی ( جوهریت مادهیه substantialité matérielle ) سنی واستقلال وجودینی قطعاً انکار ایدن ( افکار یون les idéalistes ) و یاخود مشهودات واقعه مزك نفس الامر مه مطابق اولماسی لازمکله جکنی ادعا ایدن ( انفسیون les subjectivistes ) ودها بو کبی بوتون مذاهب مختلفه اربابی - کورد و کلری شیلرک حقیقتنه عینی صورته و عینی درجه اطمنان ایله اینانه مامقله برابر - البته کندی ( مدرکات حسیه perceptions sensuelles ) لرندن قطعاً شک و شبهه ایتیمورلردر . بو، ( بدیهی évident ) در ؛ چونکه کندی طویغولرندن بالذات شبهه ایتسه لردی : [ شو کورد و کم و حس ایتدیکم شیلرک عیجا اصلی فصلی وارمی ؟ .. بوبر ( شعبده حواس illusion des sens ) می ؟ . والی آخره ! .. ] دیه دوشونجه لره دوشمزلردی . معدوم مطلق اوزرینه [ اصلی وارمی ؟ . یوقی ؟ . ] دیه بحث آچیله ماز . اولاً - ولرکه خیالی اولسون - اساساً بر شیلر اولمالی که، اوشیلرک اصلی فصلی اولوب اولمادیغه دائر وجدانده بعضی شهرلر تولد ایدمیلین ! ...

دیمک که ( معطایات حس les données des sens ) دن ذر قدر شبهه ایتک ممکن دکلدرد ؛ و حقیقتده، ایدن دخی اولماشدر . تاریخ فلسفه نك ویردیکی معلومات، لایقيله تدقیق و تحلیل اولونورسه صراحتاً آکلاشیلیر که ( شبهه le doute ) ، کورد و کمز و حس ایتدیکمز شیلرک صحتیه دکل حقیقت

حاله مطابقته تعلق ایده بیلور . بناءً عليه ( تحسینی intuitif ) بر صورتده Certitude وجدانه لایح اولان مدرکات و معطایاته دکل ، اولئر حقنده ویره بیلجکمز حکمرله تسلط ایدیور . بو، بر ( تفسیر interprétation ) مسئله می در ؛ ( استدلال raisonnement ) ایشی در ؛ واقعا معطایات حواسه استناد ایدر؛ فقط معطایات باشقه، استدلالات باشقه شیدر . کوردوکنز شیلرک حقیقته مطابقندن شبهه ایده بیلیمک، کوردوکنز منظره دن شبهه ایتک دکلدرد .  
( doute تمیزینده تفصیلاته scepticisme کله سنده دخی طرز استدلالاته باقیکنز ! )

بو یا کاشلق ، ( یعنی شک و اشتباهک معطایات حسیه می ؟ . یوقسه اوکا مستبد اولان محاکات و استدلالاته می تسلط ایتیمکده اولدوغنی فرق ایده مه مکدن حاصل اولان تشوش افکار ! . ) یک یاقین زمانه قدر فلسفیات عالمده حکمفرما ایدی . حتی بوکون بیله یک چوق سطحی نظر فیلسوفلر واردرکه - کوردوکنز شو عالمک حقیقت ماده سنی انکار ایدن - بعضی بویوک متفکرلری ( منکر بدهت ) اولمق اوزره نلق ایدر طورورلر . حالبوکه بوندن غلیظ بر خطای فلسفی اوله ماز . زوالی ( سپینوزا Spinoza ) بو ظن مخطی نک قربانی اولمشدی . ( acosmisme تعیرینه باقیکنز ! )

مشهور ( پیس-قوبوس بارقله Bishop Berkeley ) نک ، معاصرین و معارضینه بر تورلو آکلاته مادیفی مسئله دقیقه بو ایدی . بوساحب مسلك فیلسوف ، ( ایده آلزم ) اعتقادنی صووک درجه یه قدر سورمش و اوکا - مستعد اوله بیلدیکی - شکل کالی ویرمشدی : کائنات ماده یی قطعاً انکار ایدیوردی . هرکس بویله غریب بر ادعایه قارشنی حیرتده قالدی . [ شهادت حسیه یی انکار ایدیور ! . دیمک که بدهتی انکار ایدیور ! . ] دیه بارقله یی اتهام ایدنلر یک چوقدی . بر قسمی ده : [ بارقله ، ماده نک وجودندن شبهه ایدیور ! . ] کیی بر ظنه قاییلهرق ، اوفیلسوفی ( حسبانئون les sceptiques ) فرقه سندن عدایتدی . حالبوکه ( بارقله ) ، ( تدرییه وحسیه empirisme et sensualisme ) مذهبیرینک اک مقتدر مؤسسوی و مروّجی اولان ( جون لوق John Locke ) ک شاگردی واک نافذالنظر معقی ایدی .



**Certitude** بناءً عليه حسیه اعتقادی ( مبدأ حرکت point de départ ) اتخاذ ایتش، تجربه‌ی ال صاغلام ( اصول méthode ) اوله‌رق طانیش، حادثات وجدانیه‌ی ( تداعی association ) ایله تعریفه چالشمش، و بو اوج ( تمیل - طاشی ) اوزرینه ( افتکاریه انفسیه idéalisme subjectif ) فلسفه‌نی - ایلك دفعه اوله‌رق - بنا ایتشدی. ( بو تعیرات اصطلاحیه باقیکز. ! )

بویه اولونجه شهادت حسیه‌ی ناصل انکار ایده‌بیلردی که قوردوغی فلسفه بناسی نك ال صاغلام نقطه‌استادی اودر. !. بناءً عليه : ( بن معطایات حواسی یعنی مدرکات حسیه‌ی قطعاً انکار ایتیمورم ! بالعکس ال زیاده اینانیدیغ و ذره قدر شبه ایده‌مدیکم برشی وارسه اودر. چونکه وجدانم، طوبدوغم و کوردوگم شیرلی درحال ( تصدیق و تأیید affirmer et sanctionner ) ایدیور. !. دیمک که کوردوگم شو عالم خارجی واردر. یالکنز شو کوردوگم صورت اوزره واردر. یعنی بکا ناصل کورونویورسه اوکا شهیم یوقدر و اوقدری طوغرودر. فقط بو کورونوشدن سزک استخراج ایتدیککنز معنا یا کلشدر. سزله، بومدرکات حسیه‌ی مبدأ تفکر عدایدرک استدلالاته کیریشیورسکنز و نهایت، بومنظره‌ک ضمنتده بر ( جوهریت ماده substantialité matérielle ) اولدوغنه حکم ایدیورسکنز. شو کوردوکنز کائنات، ( صورتاً quant à la forme ) بزم محسوساتمزدن عبارتدر؛ مع مافیه بو ( کورونوش apparence ) ک ایچ یوزنده ( مادی الطبیعیه de nature matérielle ) بر ( شیء مستقل objet indépendant ) واردر، دیورسکنز. !. ایشته بن، او ( ماده ) یی قطعاً انکار ایدیورم؛ شهادت حسیه‌ی دکل. !. حواسمک صدق شهادتندن انیتیم برکالدره حواسمک بکا وردیکی علم، ( یقینی certaine ) و ( بدیهی évidente ) در. لکن بو علم، ( عالم حسی le monde sensuel ) نك ضمنتده بر موجودیت ماده اولدوغندن - هیچ بروجهله - بزی خبردار ایده‌من. بویه بر ادعاه حدی آشان استدلالاتکنزک فاسد نتیجه‌سیدر. محاکمه ایله استخراج ایتدیککنز بر ( فکر واهی idée vaine ) در؛ حواسکنزک - طوغرودن

طوغرویه - سزه عرض ایتدیکی حقیقت دکلدر . بن اشته او ( ماده ) یی **Certitude** رد وانکار ایدیورم . حتی ذره قدر تردد ایتیه رک ادعا ایدیورم که او یله برشی یوقدر . اوه سزک - کندی ظنکزه ویردبککز - بر اسم در ؛ دیورم . شهادت حسیه مدن بنم جیقاردیغم طوغرو معنا بودر ! . . ] دیوردی . دیدیکنی ده جوق فیلسوفلر - لایقوله - آکلایه میورلردی . حالبوکه بارقله نک بو فرقی تعین ایتیه سی ( مبحث علم épistémologie ) ایچون پک مهم واساسلی بر نقطه نک کرکی کیی انکشافی دیمکدی .

حکمای اسلامک ( عنادیه ) نامیله تشهیر ورد ایتدیکی فرقه فلاسفه نک اعتقادی ده - حد ذاتنده - بونک عینی ایدی؛ فقط ابتدائی برشکلده بولونویور وداثما سفسطی بر طاقم دلائل ایله مدافعه اولونویوردی .

( عنادیه حقنده تفصیلات آلمق ایچون idéalisme تعیرینه باقیکز ! . ) بناء علیه عالم شهودک طبیعت ماده سنی انکار ایتیمکی خالقک وجودینی انکار ایتیمکه بر طوتانلرک ظنی دخی یا کله شد . پک بویوک الهیوندن اولان ( بارقله ) اوروپاده بو ظنک بطلاننه جوق پارلاق بر مثالدر . نته کیم شرق طالنده بوتون عرفای صوفیه ایله اسلامک الکی ( حکیم الهی théologien ) سی اولان ( امام غزالی Algazali ) دخی مثال کوستریله بیلیر .

( بومهم مسئله ایچون acosmisme, panthéisme, préuve, çoufisme کله لرندۀ تفصیلات و مناقشاتۀ باقیکز ! . )

هر حالده ( یقینیت حسیه ) علمده اساس دره ویزه بر ( قناعت جازمه conviction décisive ) ویرن ( منابع علمیہ - sources de connaissance ) دن بریدر ؛ بی محابا رد ایدیله مز .

برده ( احساسات باطنه sensations internes ) نک بزه الهام ایتدیکی بر ( علم یقین ) واردر؛ مثلاً ؛ ذوق و الم طویغولریله حاصل ایتدیکم قناعت واطمئنان بو قیلدندر . ( کندی بئلکم mon moi ) ی ادراک ایتیمکه وارلنمه دارژنه حاکم اولان اعتقاد قویم دخی بو جفسدن اولسه کرکدر . [ moi کله سندۀ مسئله نک مناقشه سنه باقیکز ! . ]

بونلره ( یقینیت تدرییه certitude empirique ) دخی ده نیلیر .

Certitude چونکه حس خارجی و باطنی نك تجربه سیله تحصیل ایدلش بر قناعتدر .

عقلك و یالكیز عقلك تصدیق و تصویب ايله ( مؤید sanctionnée )  
اولان بر نوع قناعت دهـا واردركه اوکاده ( یقینیت عقلیه certitude  
rationnelle ) دیرلر . بزم اسلام حکما سی اصل بونوع اعتقاد ايله مؤید  
اولان حقیقتلره ( بدیهی évident ) تعیری نی تخصیص ایتشلردی . ( تفصیلات  
ایچون évidence تعیری نه باقی کز ! )

بونوع قناعت دخی ، ذهنمزلک - ( مجرد نظرله rien que spéculati-  
vement ) - بر قضیه نك صدق حکمی در حال ادراك و اذعان ایدمه سندن  
کلیر . بناء علیه حسك شهادتنه و تجربه نك معاونا و دلالتنه اصلاً مفقور  
اولمایان بر نوع ( اعتقاد عقلی ) در . ( اولیات les prem. principes )  
دیه معروف اولان قضایای عقلیه و حقایق نظریه نك جمله سی - لایقيله تعقل  
اولونمق شرطیه - بوقناعتی الهام ایدمه بیلیر ؛ و اونك ایچون درك اوکی قضیه لر  
( دلائل یقینه preuves certaines ) نك عمده استنادینی تشکیل ایدرلر .  
بناء علیه ( منطق صوری logique formelle ) ده استدلال نك تمیل طاشلری  
مقامنده درلر : [ بر شیدئ جزئی ، مجموعندن کوچو کدر . بالجمله اجزاسی  
مجموعنه مساویدر . بر شی عینی زمانده هم وار ، همده یوق اوله ماز .  
والی آخره ! .. ] کیبی قضیه لرک معناسی آکلار آکلماز ، حکمی تصدیق  
ایده رز و یقیناً قانع اولورز که اويله اولمق ایجاب ایدر . بناء علیه بو تورلو  
قناعتده یالكیز ( ایمان croyance ) دکل ( ایجاب nécessité ) دخی  
واردر . یعنی یالكیز [ کیفیك اويله اولدوغنه ] دکل ! . [ آنجق اويله  
اولماسی لازمکه جکنه ! . ] دخی ایمان ایدمه رز .

علی الا کثر حکما بو ( ایجاب ) مسئله سی بر اهمیت فوق العاده ايله تلقی  
واونی ( یقینیت عقلیه ) نك ( صفت ممتازه caractère distinctif ) کیبی  
قبول ایدیورلر .

[ مسئله نك مناقشه سی ایچون nécessité کلمه سنه باقی کز , rationalisme,

apricri تعیر لرنده ده تفصیلات واردر . ]

فلا نه ده اك مهم مسئله لردن بری دخی ( علم یقین ) اولدوغی ایچون ،

کرك عالم، كركسه كندى وجود من و احوال وجدانيه من حقهده حاصل Certitude ايدە بيلديكمز معلوماتى، تعرض اشتباهه قارشى وقايه و مدافعه ايدە بيلمك غيرت، فيلسوفلرى لك زياده ( يقينيت ) مسئلهسى ايله مشغول ايدە كلشدر. هرهانكى بر شى حقهده ( علم يقين ) حاصل ايدە بيلمك او شيئك حقيقتنه - كاهى telle quelle - آكاه اولمق ديمك اوله جنى جهتهله يقين مسئلهسى ( حقيقت ) مسئلهسىله هان برطوتولمش كيى در . هيچ شهبه يوقدر كه آره لرندە يك صيقى بر مناسبت وارددر . ( connaissance و réalité و vérité ) كله لرندە بويجه بايكنز .! ]

اونك ايچوندر كه ( مبحث معرفت épistémologie ) ده الك مهم واك زياده ( مختلف فيه controversée ) اولان مسئله بودر .  
[ بو تعميرده تفصيلاته بايكنز .! ]

بو مسئله يك اسكى در . ( سوفسطائون les sophistes ) فرقهسى ظهور ايدوبده يقينيونك ادعالرني رد ايدە بيلمك ايچون حواسك صدق شهادتى شهبهيه دوشوردكن صوكره، بوتون مناقشات فلسفيهك زمينى تشكيل ايدن مسئله بو اولدى ؛ هر كس : ( علم يقين حاصل ايتك ممكنى دكللى ؟.. ) سؤاله قارشى بر جواب صواب تداركيله مشغول ايدى؛ هر فيلسوف ( حسابيه scepticisme ) اعتقادينك تسلطنه معروض بولونويور ايدى .  
[ بو تعميرده تفصيلات تاريخيهيه بايكنز .! ]

بالاخره ( دور انتباه Renaissance ) ده مجددا اصول مشهور ( ددقارت Descartes ) لك اورطيه آتوب حل ايتك ايستهديكى مسئله اساسيه ينه او ايدى . نتهكيم اوندن صوكره كلن وبوكونه قدر دوام ايدن سلسله فلاسفهك مناقشه ايتديكى مباحثه ينه ( عقده المسائل ) اودر .  
( épistémologie ) تعميرينه بايكنز .! ]

( علم connaissance ) بختده يقينيت يك قيمتدار بر صفت در؛ چونكه ( علم صحيح connais. exacte ) ( يقينى certaine ) اولمق كركدر . اوده ( اسباب علم moyens de connais. ) مسئلهسىله علاقه دارد . هانكى واسطه ليله تحصيل علم ايدويور سه قناعت جازمه اوكا كوره بر حيثيت

**Certitude** اکتساب ایدیور . خصوصاً ( یقینیت عقلیه . certitude rationnn. ) ده ( ایجاب ) اولدوغنی هر فیلسوف متفقاً تسلیم ایندیکی حالده ( یقینیت حسیه . cert. sensuel. ) نك ( وجوبی ) اولمادیغنی همان کیمسه اعدادن چکینمیور . حالبوکه دیگر بر قسم فیلسوفلر اك زیاده صمیم وجداندن کلن ندای الهامه اینانیورلر . عقلك حکمی ده ، حسك شهادتی ده قطعياً رد ایدیورلر . بزده تصوف اربابنك وضع وطوری واعتقادی بودر . اولر ، ایچمزدن کلن بو خبرله ( واردات ) دیرلر .

[ mysticisme و moyens, connaissance ] کله لرنده تفصیلاته باقیکنز ! ] بونلردن ماعدا ایکی نوع یقینیت ده قبول اولونویور . بریسی ( یقینیت اخلاقیه . cert. morale ) درکه مشهور سقراط نظرلنده حقیقتك اك معتبر بر معیاری ایدی . بونك نه عقلدن ، نه ده حسدن کلدیکی تسلیم اولونه بیلیور . اونك ایچون آیری برنوع عد ایدلمشدر . مثلاً وجدانم بکا دییور و بنی قطعياً اقناع ایدیورکه [ معصوم و عاجز کیمسه لری و جوجوقلری تلف ایتك عظیم فضاحت و بویوك بر ( شر mal ) در . بناء علیه اولادینی تلف ایتك ، جوجوق دوشورمك بوسبتون ملعون برجانیتر . ] ایشته بو حکم بر قضیه هندسیه قدر یقینی بر قناعتله ذهنمه حکم ایدیور . فقط عقلی بر محاکمه نتیجه سنده بو حکمی استخراج ایتیمورم ؛ واقعا عقم بونی تصدیق ایتیموردکل ، فقط قناعت جازمه اولاعقلمك بوقضیه نی تأیید ایتمه سندن ایلری کلیور . نته کیم حسك شهادتندن ده متولد بر اعتقاد دکلدر . هیچ اویله بر منحوس تجربه ده بولونمادیغ حالده ینه قطعياً اینانیورم که بویله بر حرکت اك بویوك فضاحت اولمق ایجاب ایدر .

ایشته بو حالت روحیه ( یقینیت اخلاقیه ) ده نیلیور . حقایق اخلاقیه نك نبوتی بو نوع قناعتك حیثیت و ماهیته تابع بولوندوغنی ایچون بوده بك مهم بر مسئله تشکیل ایتش واوزون مناقشه لره میدان آچمشدر . ( moral, vérité کله لرینه باقیکنز ! ]

مشهور آلمان فیلسوفی ( لایبنیچ Leibnitz ) بوتیمیری وضع ایتش و ( رسائل جدیده nouveaux essais ) نامیه بك معروف اولان اثرلنده

( یقینیت ) مسئله سنی اطرافیه مناقشه به کیریشم شد .

ایکنجیسی روایات و عنعنات دیدیکمز خبرلرک بزلره ویره بیله چکی قناعته متعلق اولان ( علم یقین ) در . بوده مهم بر بحث تشکیل ایدر . چونکه روایاته اینانه مایه حق ایسه ک ( تواتر یننه سی ) قیمتلی بر دلیل صاییله ماز . حالبوکه دین نظر نده بلکه الک معتبر برهان اودر . چونکه پیغمبران ذیشانک وارداتی ، ( یعنی الله طرفندن کتیردیکی اوامر و نواهی ) هپ بو نوعده داخلدر . نته کیم معجزات دیدیکمز ( بیانات خارق العاده evidences surnaturelles ) ینه بو قییلنددر . حالبوکه بونلر - بزم ایچون - برطاقم روایاتدر . بزاورمانلر بوخوارق عادتک وقوعنه بالذات شاهد اوله مادی که شهادت حسیه ایله تحصیل قناعت و علم یقین حاصل ایتش اوله لم . حقایق هندسیه کیی شیلرده دکدرلرکه عقاملره بالذات بولوب چیقارالم واینانه لم . بالعکس معجزه قطعاً عقلی عاجز و حیران ایدن برحادثه مافوق الطبیعه در . اسمی ذاتا بومعنائی تلمیح ایدیور . اگر معقول اوله بیلسه یدی معجزه اولمازدی . اوحالده کرک بالذات واضع دین اولان وخلق حقه دعوت ایدن بویوک آدملرک روایتنه کرکسه ، اوزماندن بوکونه قدر کلوب کچن میلیونلرجه انسانلردن تواتراً بزه وارد اولان نقلیاته صدق ایله اینانه بیلیمک ایچون لازمکن قوت معنوییه نره دن آله جفر . خلاصه بو ( تواتر یننه سی ) علم یقین الهام ایره بیلیرمی ؟ . ایده بیلیرسه بونک عمده استنادی اولان قناعت جازمه نک منبعی نه در ؟ . ایده مزایسه ، تاریخچه نیچون ونه قدر اینانه بیله جکمز ؟ . [ مکّه مکرمه و مدینه منوره وارد و حجاز قطعه سنده شو طول و شو عرضده ایکی شهر مقدس در ! ] دهین واو حوالی مبارکه کی هر سنه زیارت ایدن بیکلرجه آدمک روایت و شهادتی فاصل - جف القلم - انکار ایده بیلیرم ؟ خصوصاً بالذات شاهد اولان یوزبیکلرجه انسانک شهادت مشترک سنه قارشو بنم - عن جهل و فضولی اوله رق - انکارم فاصل برقیمتی حائز اوله بیلیر ؟ ! . کورولویورکه تواتر یننه سی رد ایتک ، ظن ایدلدیکی قدرده قولای دکل امش ! . فقط اصل مسئله بودکل ؛ انسان بوکی روایاتی قطعاً انکار ایتیمه بیلیر . لکن یقیناتندن ده عد ایتیمه بیلیر . ایشته دعوا بو : عجبا بونلر یقیناتندن

**Certitude** معدود اولمالی می ؟ . اولمالمالی می ؟ . اولمالی ! دیرایسه که، بونک ایچون لازمکن قناعت جازمه نك منبعی کوسترمه لی ؟ قیمتی طارتمالی در . چونکه بوتون تاریخ انسانیتله برابر اونده داخل بولونان دینك حیثیتی بو دلیل اوزرینه مستند واونك منافی ایله قائمدر .

بیغمبران ذیشانك بالذات وارداتنه ( خبر صادق ) دیرلرکه ارباب دین نظرنده الك صاعلام وشبهه سز حقیقتلردندر . کتب مقدسه بوزمرده داخلدر . فقط بو وارداتك صحنه اینانمق، آجیق ادعای نبوت ایدن ذات شریفك سوزینه اینانمقله اوله بیایر . حتی انسانیت جاهله بو ادعانك صدق وصحنه اکثریا اینسانه مادینی ایچون حیثیت نبوتك معجزه ایله لزوم نبوتی طلب ایده کلشلردر . تاریخ ادیان و ( سیرکتابلری ) کوسترییورکه هر دین ایچون ابتداء بویله برشبهه واقع اولمش ومعجزات ایله ازاله ایدلشدر . دیمك که ( خوارق عادات miracles ) امر دینده يك مهم بر دلیل اوله کلشدر . اونك ایچوندرکه معجزاتی انکار، کفر والحاده واررر .

( تحصیل یقین ) مسئله سنده، معجزه یی کوزله کوروب - صحت وقوعنه - بالذات اینسانلر ایچون سوز یوق ! . لکن معجزاتك تاریخ وقوعندن نیجه عصرلر صوکره کلن وواحادثه خارق عاده یی کندی کوزیله کورمه مش اولان بر آدم، اوکا ینه اینانیورسه، بقناعت، کندیسنه نره دن کله بیلدور ؟ . ایسته بو سوآله قارشى جواب اوله رق برچوق سوز وار . زیرا بالذات کورمه دکاری حالد - نیجه عصرلر اول وقوعی روایت اولونان - وقوعاته، کمال صدق و خلوص ایله اعتقاد ایدن یوزلرجه میلیون آدم وار . یعنی کیفیت اعتقاد بر ( امر واقع و محقق un fait certain et avéré ) در . بوخصوصده هیچ کیمسه نك شبهه سی یوق؛ اصل کوچك کیفیتی - اسباب معقوله سیله - تعریف ایده بیلیمکده در . بونك اهمیتی ده سوز کوتورمز ؛ زیرا - اولجه سوبله دیکم کبی - دینك بوتون نفوذ حکمی و قیمت معنویه و اخلاقیه سی، بو اعتقاده باغلی در .

بوخصوصده برچوق فکرلر وار . الهیون سالفه نك همان کافه سی بو قناعت وجدایه یی ( تواترینه سی ) نك قوتنه عطف ایدرلردی . زمانمیز

Certitude آلهیونی بونی کافی کورمیورلر . ظن ایتیمورلر که بر معجزه نبویه ایتماعی ایله، مثلاً پارس ولوندره شهرلرینک وجودینه ایتماعی خصوصنده وحدان بشره حاکم اولان ( حس اطمئنان sentiment de conviction ) عینی درجهده وحتی عینی جنسندن برحالت روخیه اولسون !.

تحقیقات علمیه ایله واضحاً ثابت اولوبورکه وقوعات تاریخییه عائد اولان روایتلرده معهود ( تواترینه سی ) بک قوتسز واکثریا یا کلش وسفسطی بردیلدر . اویله اولماسهیدی اساطیر اولینک قهرمانلره عطفاً روایت ایتدیکی خارق العاده وقوعاتی ده - جاشا ! - معجزه اوله رق قبول ایتک لازمکلیردی . حتی اوکی روایاتی قبول ایدم مدیکمز ایچون اساطیر قدماک محض فسانه اولدوغنه حکم ایدیورز . تواترینه سی نهدن روایات بشریه نک بر قسمی ایچون معتبر بر دلیل اولسونده، دیگر بر قسمی ایچون اویله اولماسین ؟ ( بر قسمی نامعقولده اونک ایچون اوتواترلره ایثانه میورز !.. ) ده نیله مز؛ زیرا معجزات دخی عقل بشرک حوصله سی خارجنده برطاقم خوارق عاداتندر . حتی آرزوق ( مقرون حقیقت vraisemblable ) کورونن وصحیحاً امور طبعیه واجتماعیه دن معدود بولونان وقوعات تاریخییه نک بیله تواتره توافق ایتدیکی - علم آثار عتیقه تدقیقاتیله - مبرهن و محقق در . مع مافیله تواتری تصحیح ایدن ( کتابه épitaphe ) لر وسائر اثرلرده کورولن قیودات بیله مبالغه لی در . اونلرکه ده ( نفس الامر ) موافق اولدوغنه بک اعلا شبهه ایدم بیلیرز . ایشته بوکی ملاحظه لره بناءً تواترینه سی قیمتسز بر دلیل عد ایدن حکما والیهون معاصرین، دینک حقیقتی بویله جوروک برتمل اوزرینه بنا ایتکدن قورقوبورلر . بنم اعتقاد بحقه حقلری ده یوق دکدر . هیچ اولمازسه بوحرکتلرنده معذوردرلر .

اوحالده ( حس واعتقاد دینی طوتان اساس نهدر ؟ ) قناعت دینه conviction religieuse ) یقیناتک هانکی نوعندندر، وزدهن کلیور ؟ ) دیه صورولونجه، آلهیون حاضره : ( ایمان la foi ) نوعندندر . نه عقلدن، نه حسدن، نه ده تواتردن کلیور !.. وجدانمزه ک درین و ( غیر مشهور



(inconscient جهندن کليور!...) ديورلر. بيمده ظنم بودر. بزم قيوراق وکوزل لسانمزده (کوکل) ديدکمز شي، وجدانک ايشته او منبع مهمات اولان غير مشهور جهته ديرلرکه فرنک لسانلرنده بوکامقابل برکله عاديده بونددر. قلب ايله تعبير ايدرلر (inconscient و foi تعبيرلرنده ايضاحاته بايکيز!). { متکلمون والتهيون اسلام اوتهدنبري نقل ايله بو دعوالري اثبات ايدرلردی؛ فقط نقلی، آريجه، عقل ايله دخي تأييد ايچون استدالات نظريه يه ده آريجه اهميت ويريرلردی. يعنى بوکونکي اسان اصطلاح يه کوره (rationnalistes-traditionnalistes) ايديلر. معجزه نك القايتديكي قناعت جازمه نك واونكه حاصل اولان (علم يقين) كه الله تعالى طرفندن منزله تصديق ده واقع اولدوغنى وبناء عليه جناب حق طرفندن مخلوق ايديكنى، متكلم فاضل قاضى عضدا لايحى - اشاهره فرقه سى نامه - بيان ايتدكدن سوكره معجزه نك خارق العاده اولماسنى قيد ايدىيور؛ سوكره نبي ايچون (مقدور) اولوب اولماسى شرطى موقع تذکرو مناقشه يه قويوب بويابده وارد اولان ملاحظات مختلفه يي تنقيده کيريشيورکه، آلهيات بحثده پک مهم تقيجه لره ايصال ايديه بيلير .

هرحاله متکلمون اسلامك بو مسئله مهمده باشليجه دليلي عقل ايله مصدق اولان نقل درر . معجزه بحثده الك قوی برهاني ده (مشاهده observation) و (عيان évidence sensuelle) اوزرينه مستند اولان تواتردر . [ théologie کله سند مسائل خاصه نك مناقشه سنه بايکيز!... ]

يقين، ايمانه مستند، حق اوندن منبعث برقناعت کامله اولمق اعتباريله (صرف انفسى purement subjectif) در؛ بر (حالت روحيه état d'âme) درر . بويله اولونجه غير ايچون مابه الاحتجاج اوله مامق لازمکلير . يعنى بيم ايمانم باشقه لريني الزام ايدمه مزکه بر دليل اولمق حقيقتي احراز ايديه بيلسين... مثلا بن بر شيته اينانيورم؛ ونيچون؟ . ناصل؟ اينانديغمي ده بيلميورم...! باشقه سي عيني شيته اينانه ميورسه بن اونى نه صورته اينانديره بيليرم؟ . خلاصه دليل، عقله خطاب ايدر و اوکا قارشى نافذ الحکم درر . کوکل ايچون دلائلک تأثيري اوله ماز . مثلا بچنون صفتيله خرافات هر بده مشهور اولان

( قیس عامری ) به قارشی معشوقه سی ( لایلا ) نك كوزل اولمادیغنی ادا **Certitude** ایدنلره مجنون اینانماش : [ منز اوکا بنم كوزلرمله باقیكز :! نه قدر كوزل اولدوغنی اووقت آكلار وتسلیم ایدرسكز :! ] دیمش .

بوسوز، شو دءوایی اثبات ایچون اپی بر دلیل در . ( قیمت حکملری judgement de valeurs ) ویردیكمز زمان نقطه نظرمن ومعیار تقدیرمن هپ بویله ( انفسی ) در . انسانلر آره سنده بو جهندن بروجه اشتراك بولونه مازسه، ( بدییی esthétique ) و ( اخلاقی moral ) اولان تقدیراتمری بردستور همومی شكله قویامایز، وادعامزی هیچ کیمسه قبول ایتدیره مه یز . چونكه بزم منحصرأ انفسی اولان حکممز، آنحق کندیمز ایچون یقین افاده ایتکله قالیر ؛ باشقه لرینی الزام ایده من . بوده بر مهم مسئله در . عجا بو نوع حکملرده عمدیه اوله بیله جك بر ( مبدأ تدرییی principe empirique ) ، یاخود ( نظری spéculatif ) ویاخود ( قبلی apriorique ) وادرمی دركه هرکس ایچون بردستور وبرمعیار مشترک اولسونده بدیعیات و اخلاقیات مسائلی ده منطقاً حل ایتک امکانه قولایلق بولونسون ؟! .. یاخود حقیقت حل اولیله دکلدردده انسانلر فطرتاً عینی صورت وقابلیتده یارادلش اولدقلری ایچونمی اخلاق وبدیعیات مسائل اساسیه سنده آیری آیری وفقطینه آرز جوق موافقتله حکملر ویریورلر .!؟

[ بوبختك مناشه سی ایچون judgement کله سنده تفصیلاته باقیكز :! ] ( حس صمیمی sens intime ) منك شهادتی آیری آیری هر برلرمن ایچون اك یوكسك واك قوی بر علم یقین الهام ایدر . فقط صرف ( فردی individuel ) بر حادنه تشکیل ایتدیکی ایچون منحصرأ انفسی در ؛ و باشقه لرینه احساس و ( نقل communiquer ) ایدیه من . اونك ایچون ( منطق logique ) نظرنده دلائل معتبره دن صایلماز وکیاً مهملدر .

بن، ( قوه صانجی سی ) چکیورسه م الم واضطرابمی - صحتی بولنده اولان هیچ کیمسه به - آكلاته مام . مکرکه اوده بالذات بو آجیی نفسنده تجربه ایتمن بولونسون !.. براعمای مادرزاده الواندن بحث ایتک دخی بوقیلنددر . بوشیلر عقلاً دكل حساً بیلبیر . حس ایله تحصیل اولونان بیلکی صرف

**Certitude** انفسی در . مع مافیه غایت قوی بر قاعته مؤید در . ایسته بوکا اصطلاحده  
( یقینیت انفسیه certitude subjective ) دیرلر .

حکمای اسلام حسن صمیمی واسطه سیله تلقی ایتدیکمز معلوماته ( وجدانیات )  
نامی ویرلردی و بونلرک ، غیر ایچون مابه الاحتجاج اوله مایه جفی ادا  
ایدرلردی که بوکون دخی فیلسوفلرک فکری بودر . یالکنز ( اپنوتیزما )  
تجربه لری بوا دعایی نقض ایدر کیی کورونویور .  
[ sommeil provoqué, suggestion, hypnotisme ] تعیرلرنده  
ایضاحاته ومثاللره باقیکنز ! ]

برده ( یقینیت شیئیه certitude objective ) تمیری واردر . او ،  
باشقه سنی الزام واقناع ایدیهیلن بر علم درکه ( نقل communiquer )  
اولونه بیلیر . بناء علیه منطقاً معتبر دلائلدن معدوددر . ( حواس ظاهره  
sens externes ) نك شهادتی بو قیلدن در . بو خصوصده ( سالم الطبیعه  
de nature normale ) اولان انسانلرک جمله سی حکمده اتفاق ایدیهیلرلر .  
حونکه حواس ظاهره جه آره لرنده ( مشارکت communauté ) واردر .  
{ کونش انکار اولونورمی ؟ } دیدیکمز زمان بودلیله مراجعت ایتش اولورز .  
حکمای اسلامک ( حسیات sentiments ) دیدیکی بودرکه ( تأثری  
affectif ) وشاعرانه معناسیله تلقی ایدله ملی در . انکلز فیلسوفلری ده بو  
کله نی طبقی عمر بلر کیی استعمال ایدرلر .

علمک آرادینی ومعتبر طوتدوغی دلیللر هب بویه ( شیئی و آفاقی )  
اولان حادثاندر . اینک ایچوندرکه مثلاً ( بیه قولوزی ) ده ( مراقبه اصولی  
méthode d'introspection ) جدی علما عنندنه مردوددر . بونلر  
آنجق ( تجربه اصولی méth. d'expérience ) نی قبول ایدرلر . زیرا  
هرکس او تجربه لرک ویردیکی نتایجی تسلیم ایدیهیلر . لکن بن یالکنز  
کندی وجدانی مراقبه ایله کشف ایتدیکمز شیلری باشقه سنه نقل واحساس  
ایده مم . یا کیلمش اولسه م قونترول احتمالی یوقدر . باشقه لری ده بنم تجربه  
وجدانییه مه بانفعل اشتراک ایدمه مرکه ، حسن ایتدیکمز احوالک یا کلش  
اوله بیلمه سی احتمالی تحقیق و بنم اعتقادی تصحیح ایدیهیلن ! ...

اونك ايجون دركه ( يقينيت انفسه ) - صاحبه - اك زياده قوی بر **Certitude** قناعت الهام ايدم بيلديكي حالد - علم نظرند - مقبول دكلدر . علم ، ( عيان evident ) اولان شيلره اعتبار ايدر . اونلر دخي ( شئي و آفاقي objectif ) اوله بيلير . واقعا - حدذاتنده en soi - بوتون معلوما تترك ( انفسه ) اولدوغی آرتق مساحدر . مع مافه انسا نلر آره سنده مشترك اوله بيلن حسيات و معلوماتی ، شيمدی ( objectif شيني ) عد ايدیورز . كله نك اصطلاح معناسی بودر . بوكي شيلرده قناعت ، فكرك موضوعنه مطابقتی اعتقاددن منبعت در .  
[ subjectif, objectif كله لرينه بايكنز ! ]

بونلرك فوقنده دليل اوله رق قضايای عقليه وارد دركه اولجه تعريف ايتمش و عربلرك يالكنز بونلره ( اوليات ) ديديكی - ويه مشدم . بونلر اك جلی براهین قسمی تشکيل ايدرلر . چونكه ( کليت universalité ) و ( وجوب nécessité ) حيثلرله ممتاز درلر .

[ universalité, proposition و argument تعيرلرينه بايكنز ! ]  
( يقينيت رياضيہ cer. mathématique ) نسب عدديه نك دلالتيله حاصل اولان قناعت قطعیه ديرلر كه اوده ماهيتاً ( عقلی و نظری rationnelle et spéculative ) در . ( يقينيت منطقیه ) دن قوت و حيثيتجه بر فرقی يوقدر . يالكنز برنده و حه استدلال ( کمی quantitatif ) بر طرزده اولور ؛ ديكرنده ايسه آنحوق ( کیفی qualitatif ) در .  
( بونعيرلره و raisonnement كله سنه بايكنز ! ]

( يقينيت تحدسيه cert. intuitive ) بلا تأمل و محاکمه حاصل اولان قناعت جارمه يه ده نيابر . کوزومي آچار آجاز مکاني ادراك ايديشم و بر شينك ديكرينه نسبتله ده اوزاقده بولوندوغی يقيناً بيليشم ؛ کندی وار لغمی - بلا شبهه - اذعان ايديشم ، هب بونوع علم يقينه مثال اوله رق ذکر ايديليور . فقط تحليل پسقو لوزی اثبات ايدیور كه بوكي احوال وجدانيه غير مشعور بر قياس خفي نك نتيجه استدلالاتی در . بناء عليه حقيقتده - ادعا اولوندوغی کي - ( تحدسی ) و ( بلا واسطه immédiat ) حاصل اولمش بر علم يقين عدايديله مز ؛

**Certitude** و بودا دعا دها طوغرو کورونور . ( intuitif, binoculaire, immédiat, ) و **inconscient, représentatif** تعمیرلرنده بومهم مسئله نك مناقشانه باقیگز ! ]

بونك ضدی ( یقینیت استدلالیه *cert. discursive* ) در . ( *cer. médiate* ) دیدکاری ده بودر . برشی بالذات بدیهی اولمازده بالحا که بداهتی اثبات ایدیلرک ذهنه برقاعت کامله ویریرسه بوجه ایله حاصل اولان علم یقینك نوعی افاده ایچون بوتمیر قوللانیلیر . مثلاً برهندسه دعواسنك حلندن سوکره حاصل اولان قناعت، یاخود بعضی تحقیقاته مبنی واقع اولان استدلالانك الهام ایندیکی امنیت بو قیلدندر .

قوانین طبعیه نك همان هیچ بری بالذات بدیهی دکلدر . بناءً علیه طوغرودن طوغرویه ذهنه برقاعت جازمه افاضه ایده مز . ( *loi* ) کله سه باقیگز ! ]

( یقینیت اخلاقیه *cert. morale* ) هیچ بروجهله منطقاً اثبات اولونه مادیفی حالده امر معیشتده اك مهمی در . زیرا حیات مسئله لری يك (مبرم *pressant*) اولدوغندن طولانی ( *indécision* ) ، اربابی ایچون مهلك بروضیت اوله بیلیر . همه حال حرکته کچه بیلیمك ایچون بر اعتقادده قرار قیلیمك الزم واهمدر . بناءً علیه بو قرارلرک اصابتی برهان ایله اثبات اولونه مامقله برابر ایمان ایله علاقه دارد ؛ اووجهله حرکته ایمانمز نسبتنده شوق واردانمز اولور . اگر ارادته اوله بیلیمك ایشلردن ایسه موفقیتمزده اودرجه ده اولمق محتملدر . محقق درکه ( ارادت *volonté* ) ی ( فلیج *paralysie* ) ، محکوم ایدن حالت روجه ( شبهه *le doute* ) در . دیمك که ارادتك شك و یقین ایله صیقی بر مناسبتی واردر .

[ بوتون بوتمیراته و *connaissance* ایله *volonté* و *vérité* کله لرینه بالخاصه مراجعت ایدیگز ! ]



بو کله لسان عایدن استماره اولونه رق بر تعیر اصطلاحی کبی قوللا نلقده دره .  
 اساساً (تارالا) معنانه کلیر . (پسیقو- فیزیولوژی (Psycho-physiologie)  
 علمنده - ایجه بر زماندنبری - وقوعه کلن ترقیات فوق العاده بویه بر تعیر  
 احداثه لزوم مبرم اولدوغنی کوسترمش واونک اوزرینه بو لفظ عادی به  
 علمی وفقی بر حیثیت معنا ویریلرک لغات اصطلاحیه میاننه ادخال ایدلمشدر .  
 علی الاطلاق اصطلاحده مناسی، کرک و جدانک، کرکسه منفرداً هر بر (حسه  
 sens) نك دائرة احاطه سی دیمکدر . الك اول (حسه باصره le sens  
 de la vision) ایچون بو تعیر استعمال اولونمشدی . صوکره (ساحه  
 وجدان)، (ساحه نظر)، (ساحه رؤیت)، (ساحه لمس) کبی ترکیات  
 احداث اولونه رق، کله نك معنای علمی سی تعیم اولوندی .

(ساحه بصر campo visivo=sehfeld=field of vision=  
 champ visuel) تعیری : [کوز ثابت اولدوغنی حالد و عینی زمانده  
 - عوامل خارجیه نك تأثیریه - (شبهه عین rétiné) اوزرنده ترسم ایدن  
 خیالات مرئیه نك مجموعنی افاده ایدر . ] یعنی کوز لر منزی قطعاً تحریک  
 ایتمه دیکمز حالد هب بردن کوده بیلدیکمز شیلرک مجموعی ساحه بصریه مزده  
 داخلدر دیمک اولور . بالطبع بو بر منطقه محدوده تشکیل ایده بیلیر ؛ اونی  
 علمای متخصصین تعین ایتشدرلر : (عدسه عین) ک محراق نقطه سی  
 دیمک اولان (مرکز رؤیت le centre de la vision) دن برچوق  
 خطوط مستقیمه بکیر و اوقطه مرکزیه دن انحراف ایتک صورتیه بر برندن  
 دائماً اوزاقلاشمه میالدرلر؛ بویه بر نقطه دن انتشار ایدن و نامتناهی اوزایه بیلن  
 شعاعات بر (مخروط cône) تشکیل ایدرک ذروه سی کوز بیکنده دره؛

Champ (قاعده la base) پی‌ده، برهانیکی بر (مقطع section) ی‌در . ایشه  
 بومقطعه (ساحه بصریه) ده‌نیر . شعاعات رؤیتک بر مخروط تشکیل ایندیکی  
 اونه‌دنیری معلوم ایدی . خصوصاً علمای اسلامدن مشهور (الحازن بن هینم  
 Alhazen) کیفیت رؤیتی لایقوله تعریف ، و یونان قدیمک بو خصوصده کی  
 خطاسنی تصحیح ایتدکدن صـ و کره حکمای اسلام بو مسئله ابله چوق  
 اوغراشمشلردی . حتی صوفی شهر (شهاب‌الدین سهروردی) نک  
 (کتاب‌الابصار) نامنده برکوچوجوک رساله غیرمطبوعه‌سی ببله واردکره  
 (حادثه‌رؤیت) حقیقه وارد اولان نظریات سالفه‌بی تنقید ایتدکدن صوکره  
 کیفیتی دلائل هندسیه ایله اثبات ایدر ؛ واوراده مخروط بخشی مسئله‌نک زمین  
 استنادیدر . یالکیز شو قدر فرق واردکره اسلاف حکما بو (مخروط  
 شعاعی) بی مکمل و هندسی بر شکل ظن ایتشلردی . زمانیز علماسنک  
 تدقیقات واضحاً کوستردی که بوطن طوغرو دکلدز . حقیقت حالده شعاعات  
 بصریه‌نک تشکیل ایندیکی مخروط ، یک انتظامسزدر . بناءً علیه ، اونک  
 — هر هانکی بر — مقطعی دیمک اولان (ساحه بصریه) بر دائرة مکمله  
 صورتنده رسم ایدیلار . فضله اوله‌رق بوساحه‌نک هر فرد ایچون عینی  
 شکل ووستمده اولمادیفی دخی — تحقیقات ابله — تین ایتشدز . بعضی عصبی  
 خسته‌لقرده علی‌الحصوص (ایستیری) یعنی (احتقاق رحم Hystérie)  
 مبتلا‌لرنده ساحه بصریه‌نک یک طارالیدیفی مشاهده اولونمقده در .  
 (مُبَصَّرَاتِ optique) مسئله‌لرنده زمانیزک ال بیوک عالمی صاییلان  
 کاشف ریاضی متوفی (فول هلمولتز Von Helmholtz) ، ساحه بصریه‌بی  
 تعریف ایدرکن دیورکه : [ شبکه عین (réte) اوزرینه مرئسم اولان  
 نه‌قدر (خیالات images) وارسه بالجلله (خصوصیات سائر autre  
 particularités) سی ابله برابر اولنلک خارجه (انمکاس projection)  
 ایتمه‌سی ساحه بصریه‌بی تشکیل ایدر . ]  
 دیمک اولوبورکه ، اشبای خارجه‌دن کوزلرمزه واصل اولان شعاعات ،  
 شبکه عین اوزرینه ، اشبای مذکورده‌نک صورتلرنی رسم ایدیور ؛ صوکره  
 بز اوصورتلری تکرار خارجه رد ایدیورز ؛ و او سایده صور اشبایی

— وضعیت نسبیه لرله — ادراك ايتش اولوبورزكه (كورمك vision) دیدیگمز Champ  
 حس بودر . بونی لایقه آکلاتمق ایچون (سینه ما) یه تشبیه ایده بیلیرز :  
 معلومدرکه (سینه ما) جاملری اوزرنده مرتسم اولان صور اشیاء صحنه ده  
 آسیلی بربرده اوزرنه عکس ایتدیریلور . (projection) بوکا دیرلر ؛  
 (ایلری = pro)، (آتمق = jecto = jeter) کله لرندن مرکب برتعبیردر .  
 شیمدی، تماشا کرانک بولوندوغی تیاترو سالونی قراکلق اولدوغی  
 حالد، هرکسک باقدینی صحنه پرده سی اوزرنده مضی بردارده واردرکه جام  
 ویاخو (فیلم Filme) ده کی خیالات، هپ اورایه انعکاس ایدر . اوبارلاق  
 دائرة، ساحه رؤیت در . اودارده محیطندن مقابل جهته ، یعنی سینه ما  
 (اوبژه قیف objectif) نك بولوندوغی بره باقیلیرسه نورانی بر مخروط  
 تشکل ایتدیجی عیاناً کورونور . مخروط مذکورک ذروه سی — ضیانک نقطه  
 انتشاری اولان — سینه ما اوبژه قیفنده در ؛ قاعده سی ده صحنه پرده سی  
 اوزرنده کی (دائرة مضیه) در . بودارده نك بویوک ویا کوچوک اولماسنک  
 هیچ اهمیتی یوقدر ؛ چونکه بو کیفیت اوبژه قیف ایله (سطح انعکاس  
 surface de réflexion) آره سنده کی مسافیه تابع در . مع مافیه (زاویه  
 رؤیت) تبدل ایتیه چیکی ایچون حکمی اوله ماز .  
 ایشته کیفیت رؤیت دخی طبقی بویله در . یالکیز رؤیت حقیقه ده  
 (مخروط شعاعی) ، اوبله — سینه ماده کورولدیکی کیبی — مکمل و هندسی  
 اولمادیکی ایچون، (ساحه بصریه) دخی صحنه پرده سنده خیالاته جلوه کاه  
 اولان (دائرة مضیه) کیبی منتظم و مکمل بر شکل دکدر : محیطی نه زایلش،  
 چارپیلمش، ییچیمسز بر دائرة صورتنده در . بز باشمزی ، کوزومزی  
 قیلیلداتمایه رق کاشنه باقدیغمز زمن نظرمنک احاطه ایتدیکی بر، بویله بر  
 ساحه تشکیل ایدرکه بونک شکلی علما ، اولچوب تعین وترسیمه موفق  
 اولشلورد . اولجه دخی عرض ایتدیگم کیبی بوساحه بصریه، عینی شخص  
 ایچون بیله ثابت دکدر ؛ تبدلاته معروض بولونور .  
 طوغرودن طوغروه (پسیقو-فزیولوژی) علمنه عائد اولان بومسئله نك



Champ فلسفه مباحثه بر قاج تورلو مناسبی واردر . اولاه اشیاى خارجى دن وارد اولان شعااتك عدسه مزدن كچركن تقاطع ايتديكى و بوسورت وسيله اشكال اشیاى معكوس اوله رق عرض ايله ديكى ، ايجه بر زمانديرى تحقق ايتش بر حادثه طبيعى ايدى . بويله بزه معكوس اوله رق معروض بولونان خيالات اشیاى - ناصل اولوبده - طوغرولتديغمز وهرشيشى وضع طبيعى و حقيقى سى ايله كوره بيلديكمز بر مهم مسئله تشكيل ايتش ايدى . علما ايله فيلسوفلر بونى حل ايتك اوضرنده چوق امك صرف ايتديلر . حتى بعضى متفكرين بك غريب بر فكر بيان ايتمكدن بيله چكينمه ديلر : [ بزه حقيقتده هرشيشى ترس كور و بورز ؛ فقط هر كس هرشيشى على السويه بويله كوره بيلديكى ايچون ، نسبت ده كيشميور ؛ اوندن طولايى دركه بوكيفيت غريبه دن خبردار اوله ميورز . هرشيشى ترس كورمك ، هب بردن كاشانى دوزكون كورمكدن ؛ ] ديه رك نامعقول و اساساً باطل بر فرضيه بيان ايدلش و خيلى قيل و قالى موجب اولمشدى ؛ صوكره ، ( projection ) يعنى شبكه عينييه ترسم ايدن خيالات اشیاى ( تكرار خارجى رد و عكس ايتك ) نظريه سيله كيفيت رؤيت دها علمى و دها معقول بروجله تعريف ايدلديكى كيبى - ده مين ذكر ايتديكم - فرضيه باطله دخى بوسوتون لزومسز كورونه رك حكمدن ساقط اولدى كيتدى . شاين دقتدركه بو ( projection ) نظريه سنى اك اول دوشونلر مياننده مشهور شوپنهاور واردر ؛ و كنديسى ايدآليست اولدوغى ايچون بوكيفيتى مذهبه ملايم بر طرزده تفسير ايتش و [ عالم ، نم تصوير ايتك خارجده منعكس كورونمى سندن عبارتدر . ] ديه بيلمشدى .

[ idéalisme و représentation, vision ] كله لرنده بو مسئله دئر تفصيلاته باقيكز . ! ]

بناء عليه ايدآليزم ايله اوكا معارض بولونان مذاهب مختلفه نك تورلو تورلو تفسير ايتدكلى مسائل غامضه دن برى ده بودر .

بوتيمير ، تعميم ايدلمكه باشلادى ؛ برده ( ساحه سمعيه champ auditif ) تركيبى ايجاد اولوندى و لسان اصطلاحده اكثرياً قوللانييلور . سامع نك - ارتفاع صدا hauteur du son اعتباريله - درجه احاطه سنى كوسترير ؛

یعنی الك پس درجه دن الك تیز درجه به قدر طویل و له بیلن صدالك اتساعی Champ افهام ایچون بوتعبیرایله بیان کیفیت ایدلمکدهدر. واقعا هر قولاغك قاواریوب احاطه ایدیه بیله چکی سلسله اصوات عینی درجه ده واسع دکدر ؛ بوتعبیرایله اولکی سنك، معناه مهم بر فرق اولدوغنی ده تعریفه حاجت یوقدر. ( ساحه بصریه ) دیدیکمز زمان - صحیحاً - بر ساحه واردرکه بر جوق خیالات، عینی زمانده اوراده جلوه نمون اولور . حالبوکه ( ساحه سمعیه ) ده الك پس صدادن، الك تیز صدایه قدر متادی بر سلسله مراد اولوندوغنه کوره حقیقتاً بر ساحه دکل، آتجق بر خط مستقیم تصور اولونه بیلیر . آکلا شیلورکه بو تعبیر، سمعیات دائره سنه - تشبیها - نقل اولونمشدر .

برده ( ساحه لمسیه ) = ( champ tactile ) = ( tastfeld ) = ( field of touch ) = ( campo tattile ) واردرکه نادراً استعمال اولونویور .  
 بوده طبق اونه کی کبی ( ساحه بصریه ) ترکینه تقلیداً اویدورولمش بر تعبیردر . مؤثرات خارجیه نك - بر زمان معین ظرفنده - ایقاع ایدیه بیلدیکی ( احساسات لمسیه sensations tactiles ) نك یکوتی افاده ایچون قوللا نلقدهدر .

کذلک ( ساحه شعور = umfang des bewusstseins  
 field of consciousness = champ de conscience = campo della coscienza ) دخی واردر. عینی زمانده شعور مزه مقرون اوله بیلن حادثات وجدانیه نك هیئت مجموعه سی بیان ایچون احداث اولونمش بر ترکیدر . ( ساحه شعور ) ایله ( ساحه بصریه ) آره سنده حقیقی مشاهتلر کورنلر اولمشدر . مثلاً ( دقت attention ) ، ( ثبت نظر fixation ) ؛ دقت سنلک دخی ( یاندن کورمك vision indirecte ) کیفیتنه تشبیه ایدلمشدر . ننه کیم دقتك مختلف نقطه لره توجهی، ( ساحه رؤیت champ de regard ) ی ( استکشاف explorer ) اتمک ایچون کوز مزك اونه یه بری به توجه نظر ایتمه سنه بکنزه تیلمشدر . الی آخره ..!


ساحه شعوره بر آده قاواریه بیله جکمز مدرکات مشعوره نك یکونی اولدوغنه نظراً هر کسده بوقابلیتک دائره اتساعی بر اوله مایه جفی - اول امرده -

**Champ** خاطره کلیر . نته کیم اویله اولدوغی ده تدقیقات علیه ایله ثابت اولمشدر . اویقو انساننده ساحه شعورك طارالدینی بدیهی برکیفتدر . طبیعی ( اینوتیزما hypnotisme ) ده دخی اویله اولویور؛ چونکه اوده بر ( نوم مستجذب sommeil provoqué ) در . هر حاله عینی آدمک ساحه شعوری برچوق اسابدن طولایی تبدلاته معروض بولونور . صحت و مرضک بوخصوصده دخلی اولدوغی کبی، ( طالعیناق distraction ) ، ( ضیاع حس anesthésie ) و ( فکرت ثابت idée-fixe ) ودها برچوق ( امراض روحانیه psychoses ) ده ساحه شعورك طارالدینی محقق در . بوده، مشعور اولان حادثات وجدانیه دن برچوغنک ( غیر مشعور ) برحاله کچمه سیله ویاخود طالعینلق، دقتسزلق کبی حالتدن طولایی برطاقم جادئات وجدانیه نک استشعار ایدیه مه سیله اولویور .

بوکون بو ( ساحه ) تمیری کیندکجه تعمیم ایدیور . ( ساحه فعالیت ) ، ( ساحه نفوذ و صلاحیت ) ، ( ساحه تاثیر ) ، ( ساحه رقی ) ، ( ساحه تدقیق ) ، ( ساحه عمل ) ، ( ساحه مقناطیسی champ magnétique ) والی آخره .. ده بوب کیدیورز . بناء علیه پک ایشه یارار بر تعیر اصطلاحی اولدوغی کورولویور .

[ اصطلاحاته و بالخاصه inconscient, anesthésie, attention کلمه لرینه

باقیکز ! ]



فرانسجه	Changement	تغییر
انگلیزجه	Change	
آلمانجه	Veränderung	
ایتالیانجه	Cambiamento	

**Change-  
ment**

بو کلمه لاتینجه ( cambire ) لفظندن آنشدر ؛ معنای اصلی سی ده ده کیشدیرمک، مبادله ایتمک دیمکدر . مالیه اصطلاحاتندن اولان ( قامیو ) و ( قامیال ) تمیرلری بوندن کلشدر . بر شیک حال اصلی وابتدائی سنده

Change-  
ment حاصل اولان باشقه لفه ( تبدل ) دیرلر ؛ بوده ( حرکت movement ) فکرینی متضمن در ؛ چونکه حرکت اولمادجه برشیک تبدل ایدم بیلیمسی احتمالی دوشونه بیلیمک ممنوع در . ( تبدل ) فکری وارلمی دخی مستلزم در . زیرا ده کیشکلک اولونجه، ده کیشن برشیک وجودینی دخی تسلیم ایتک طبیعی و ضروریدر . مع مافیة او شیک هر ( صفحه تبدل phase de changement ) نده ( عینیت identité ) ی اوزره قالدیفنی قبول ایدوب ایتمه مک ممکن در . یعنی ده کیشن برشیک بوسوتون باشقه طبیعت و ماهیتده دیگر برشی اوله بیلیمسنی قبول ایتک ممکن اولدوغنی کیبی ، یالکز شکلا ده کیشدیکنی، و — ماییتاً عینیتی محافظه ایتمکه برابر — اوصاف و کیفیاتنه تبدل عارض اوله بیلدیکنی دوشونمک دخی معقول ومنطقاً مشروعدر .

تبدل کیفیتک بهمه حال حرکت فکرینی متضمن بولونماسی سببیه، اسلاف حکما مسئله بی تشویش ایدوب ایچندن حقیقه مامشلردی . رشیک تبدل مکان ایتمه سی ایله اوصاف و کیفیاتنده و یا خود ماهیتده تغیرات وقوعی، برندن پک آبیرو مامشلردی . حالوکه رشیک منحصر آیری ده کیشدیرمه سی، حد ذاتنده تبدل وقوعه کلدیکنی اثبات ایتز . کتبخانه دن بر حلد آلوده ماصه نک اوزرینه قویسم کتابک واقعا یری ده کیشیر ؛ فقط کتابک شکلی تبدل ایتش اولماز . حتی بمضاً شکلک تبدلنه رغماً ماهیت ده کیشمز ؛ چو جوغک یری برطاش آتار، جامی قیرار . طاش و جام — ماهیتاً — نه ایسه اودر ؛ یالکز شکلی وموضعی ده کیشمشر .

حکمای سالفه ، کانتاتک اوتهدنبری تبدل ایتمکه بولوندوغنی — پک مهم برکیفیت اولمق اوزره — نظر دفته آمشلردی . تبدل وقوعی، تبدل اولان برشیک وجودینی — بالضروره — مستلزم بولوندوغنی ایچون ایلک فیلسوفلر، بهمه حال او شیک حقیقتده نه اولدوغنی آکلامق اوغورنده زیاده سیله صرف ذهن ایتمشلردی . بالطبع اونی ( لایتغیر و قیوم immutable ) اوله رق تصور ایدیورلردی . بناء علیه : ( بوتون بو کوردو کز تبدلات صوریه وموضعیته نک ضمتنده عینیتی محافظه ایدن وباقی قالان وارلغک — نفس الامرده — ناصصل شی اولدوغنی کشف وتعیین ایتک ] ،

مابعدالطبیعیاتك باشلیجه مسئله سی اولمشدی . طبیی درکه اول امرده - فضولی اوله رق ! - اویله برشی تصور ایدیلوب صوکره تبدلاته معروض اولدوغی دوشونولدو کندن طولانی، اونك ( ابتدائی حالی état primitif )، یعنی ده کیشمه که باشلامازدن اولکی حالی آرانیلیوردی، و قدیماً بویه بر شینك موجود ایدیکنه اینانیلیوردی دیمکدر . ایسته بو اعتقاددن ناشی اوکا ( ئی آرخی طاس آرخاس = ἡ ἀρχὴ τὰς ἀρχάς ) ده نیلمشدی که حکمای اسلام بونی عیناً ترجمه ایدوب ( اولالاول ) ترکیبی بر تعبیر اصطلاحی اوله رق وضع ایتشلردر .

فلاسفه قدیمه نظرند ( حقیقت اشیا la réalité des choses ) وارلنك بو قدیم و ابتدائی حالی ایدی . بوصورتله تصور اولونان ( وجود قدیم ) بوتون تبدلات کونیه نك - عینی زمانده - ( علت حقیقیه cause réelle ) سی دخی عد ایدلایکندن اسکی مابعدالطبیعیات، اك زیاده بومشله بی حل ایتمکه اوغراشپردی .

زماننك اك نامدار فیلسوفلرندن آلمانسالی متوفی ( هرمان لوتزه Hermann Lotze )، ( مابعدالطبیعیات ) نامیله مشهور اولان اثرنده ادا ایدیورکه بو علمك موضوع حقیقی و خصوصی سی ( دائماً تحول اوزره بولونان وارلق l'Etre en état de changement perpetuel ) در ؛ بناء علیه وظیفه اساسیه سی او وارلنك حقیقتنی تفحص و تدقیق ایتمکدر .

شو حاله نظراً آکلاسیلیورکه مابعدالطبیعیات، ایلک باشلادیغی کوندن بو کونه ندر موضوعنی ده کیشدیرمه مش و دائماً ( حقیقت اشیا la Réalité des choses ) بی کشف ایتك اوغورنده اوغراشمقدن فارغ اولماشدر . ( métaphysique ) تعیرنده ایضاحاته باقیکنز ! .

واقعا بوصول زمانلرده امیدینه ضعف طاری اولدوغی ایچون اسکی شوقنده خلل کلس ایسه ده، مابعدالطبیعیاتك اوینه عینی مقصدی تعقیب ایتمکه بولوندوغی ظاهر در .

اوروپا مدنیتنك یونان عرفانندن طوغمش وماهیت اصلیه سی ده کیشدیر - میهرک تکدل ایتمکه بولونمش اولدوغی هیچ شبهه کورتورمن بر حقیقتدر .

بناءً عليه - آسانك اسكي ملل متمدنه سی استثنا ايدلك شرطيله - بوكونكي **Change-ment** عالم مدنيتك فلسفه سی تماماً يونان فلسفه سنك مترقي ومشكامل برصورتی در . مابعدالطبیعاتك موضوع اصلی سنی تشكيل ایدن مسئله اساسیه بوندن ايكي بيك آلتی یوز سنه اول نه ایدی ایسه بوكون بیه اودر . انقلابات متدایه ایچنده (قوام واستقرار وجود persistence de l'Etre) لك ناصل ممکن اوله بیلدیكنی دوشونمك مجبوریتدن طوغان بومسئله نك، ایلک يونان فیاسوفلرنی طرفندن نه شكل اوزره وضع ایدلمش اولدوغنی و او وضعیته كوره دهانه كی مسائل غامضه یی متضمن بولندوغنی تحقیق ایتك تاریخ فلسفه نك اك بویوك ومعنا بر مقصدی در . اونك ایچون بوبابده براز ایضاحات ویرمك چوق فائده لی اولور. اوزمان كورولوركه، (فلسفه انقلاب philosophie du changement) و (فلسفه قیومیت ph. de l'immutabilité) طرفدارغیله افكار حكامی یكدیكریله طابان طابانه ضد - ایکی اعتقاده سوق ایدمك صورتده (استقطاب polarisation) ه مجبور ایدن (نقطه نظر اختلافی divergence de point de vue) بزه یونانیلردن انتقال ایتش بر طور تفكردر . اووقت آكلا- شیلیركه بوكون بیه زمرة فلاسفه یی ایکی مخالف ومعارض فرقه به آیران (وحدیه monisme) و (كثرتیه pluralisme) عقیده لرینی حكمای یونانیه نك مناقشانه ارجاع ایتك ممكن در .

مسئله نك اهمیت ذاتیه سنه كلنجه هیچ شبهه كوتورمز ؛ مثلاً : فلسفه سیاست (philosophie politique) ده حكومتك (ثابت ولایتغیر قوانین lois fixes et immuables) اوزرینه مستند بولونماسنی ادعا ایدن (حكومت مطلقه gouvernement absolu) طرفدارلنی ایله اداره اجتماعیه نك - احتیاجات حاضریه وزمین وزمانه كوره - قابل تغیر برطاقم قوانین اضافیه وموقتییه استناد ایتیه سی لزومه قائل اولان (حكومت مشروطه gouvernement constitutionnel) طرفدارلنك بو ایکی جریان فلسفی ایله صیق صیقی به علاقه سی واردر . نته كیم (فلسفه حیاتییه philosophie biologique) ده (اجناسك تنوعی وتحولی variation et transformation des espèces) ادعا ایدن (داروین Darwin) ایله (اجناسك لایتغیر اولماسی immutabilité

(des espèces) نه اعتقاد ایدن (کویه Cuvier) آره سنده حادث اولان شدتلی مناقشه - حد ذاتنده - ینه اواسکی بحثك خصوصی بر جلوه سی، باشقه بر ساحه ده و باشقه بر شکله دوامی در . کذلک (فلسفه تربیه phil. de l'éducation) ده (مزاج و سجه اصلیه temperament et caractère) (مزنك مستعد تبدل و قابل اصلاح و یا (ردی dégenérescence) اولوب اولمادیغه دائر متفکرین آره سنده حالا بیتوب توکنمه ین مناقشات یینه عینی اصله ارجاع ایتک زور دکدر . (بدیعیات esthétique) بحثنده (حسن مطلق beauté absolue) و (حسن اضافی b. relative) مسئله سی دخی بواسکی منافشه فلسفیه نك تفرع اتندن در . الی آخره !..

تاریخ فلسفه کو ستریور که میلاد عیسادن تقریباً آلتی یوز سنه مقدم ، ابتدا ،<sup>۱۲</sup> (شیمیدیکی از میر ولایتک (میلان Miletus) شهرنده انکشاف ایدن ده ای یونانی - حکمای سبعة نك برنجی سی صاییلان - (تالیس Thales) ایله نظریات فلسفیه یه باشلامش و روایت اولوندوغنه کوره، ایلک دفعه اوله رق بر اثر فلسفی یازان آدم او حکیمک شاگرد وطنداشی (آناکسیماندر Anaximandre) اولمشدره . هان اونی متعاقب . (آناکسیمن Anaximène) میدانه چقمش و بو ذوات ممتاز نك تعلیماتیه (مدرسه یونانیه école ionique) تأسس ایتمشدر که بوکا (میلان مدرسه سی école de Milet) دخی ده نیلیور . مابعد الطبیعیاتك موضوع اصلی سنی تشکیل ایدن مسئله اساسیه یی بو آدم لر وضع ایتمشلدر . ملاحظات واقع لرینی شو صورتله تلخیص ایتک ممکن و طوغرو اولور :

[کورویورز که کاشانده هرشی دائمی بر تبدل اوزره جریان ایدوب کیدیور . حتی بزبیله تبدل ایتکده یز . هرشی شکلی ده کیشدر مکنده در . مادام که دائمی برده کیشکک وار ؛ دائماً ده کیشن برشی دخی اولمق ضروریدر . دائماً تبدل ایدن اوشی - هر نه ایسه - ادامه موجودیت ایدیور دیمکدر ؛ یوقسه کونک برنده منعدم اولماسی ایجاب ایدردی ، اووقت دخی اورطه ده برشی بولونماز و تبدل امکانی اولمازدی . مادام که واردر ، او یله ایسه اوشی هر آن ده کیشدیکی حالده هویت اصلیه سنی دائماً محافظه ایدیور ، یعنی

— حد ذاته en soi — نه ايسه، يه عينا اوليه قاليور. احتمالکي يالکز ( اوصاف <sup>Change-ment</sup> و کيفيات *qualités et propriétés* ) نى تبديل ايدييور . بناءً عليه اصل ( جوهر کائنات *la substance de l'Univers* ) او اولق لازمکليور. جوهرک قديم و مستديم، يعنى ( سرمدى ولايتغير *éternel et immuable* ) اولماسى ده ( ضرورى و منطقي بر شرط *une condition nécessaire et logique* ) در. چونکه اوليه اولمازسه، باشقه بر شى آرا مالى در که بوتبدلاتک سبب اصلى سى و يا خود ( ماده ابتدايه *matière primordiale* ) سى اولسون!.. شوه و وقوعه شاهد اوله نديکمز تبدلات دائمه بر ( بديهه اولى *vérité de première évidence* ) در. هيچ شهبه کوتورمز . اوندن شهبه ايتک حواسمزک شهادتنه اينامقله اولور. حالبو که کورد و کمرشوده کيشکلک ( نفس الامر *le fait-même* ) در. کائناتدن ايلک اوکجه تلقى ايدم بيلديکمز معلومات هب بوندن عبارتدر . فقط مادام که اصل ( جوهر وجود *la substance de l'être* ) هيچ ده کيشميور؛ او حالده حواسمزله ادراک ايتديکمز بو حادثات ، بر حقيقت دکل ، هر نه ايسه اونک ( ظاهرات *manifestations* ) نندن، ( کورونوشلر ) نندن عبارتدر. بناءً عليه : { دائماً تبديل ايتمکه بولونان شو طبيعتک بر جوهر قديمى واردر؛ و او تبدلاته عمد و نقطه استناد اولان ( ماده کونيه *matière cosmique* ) اودر . { فضله اوله رق { ماده متحرکه ايله ذى حيات ماده بر در . { يعنى حيات، حرکت و تبديل نوعندن بر حال و کيفيتدر . }

تاريخ فلسفه نک تحقيقايله ثابت اولان روايات موقوفدن تلخيصاً فقط عيناً آلوب عرض ايتديکم شو ملاحظات مهمه نک معناسى پک صريحدر . معين بر مذهب فلسفى نک ( مبادى *principes* ) واحکام اساسيه سنى بوراده واضحاً کوره بيليرز: اولاً بودعواقطى بر ( ماترياليزم = *matérialisme* = ماديه ) اعتقادى عرض ايدييور؛ چونکه بوتون کائناتک موجوديتنى بر ( جوهر مادى *substance matérielle* ) به اسناد ايدييور . ثانياً ( وحدتبه *monisme* ) اسلوبنده بر دوشونوشدر؛ زيرا جوهر مذکورک ( هب بر



وعینی شی (toute une et même chose) اولدوغنی دعا ایتمکده در. قدمای یونانیهدن (قسه نوفان Xenophane) ك (بروهپ εν και παν) دیدیکی بوایدی. ثالثاً (میخانیکیه mécanique) (سیاق نظر manière) یی دخی قبول اییدیور؛ چونکه (مستقل بر قوت خارجیه une force extrinsèque et indépendante) نك وجودینه لزوم و حاجت کورمه دن کیفیت تبدلك (کندی کندینه spontanément) وقوع بولمقده اولدوغنی - هیچ اولمازسه ضمناً - تسلیم ایتمش بولونویور. اوندن ماعدا (نیلوژیزم hylozoïsme) اعتقادی صراحتاً بیان اییدیور: [متحرك ماده، جانی ماده عینی شی در]. دییورکه، کیفیت حیاتك خارجدن کیش بر قوت مجرد اولمایوب ماده نك قابلیات ذاتیه سندن بولوندوغنی ادعایه واریر بر ملاحظه در. فضله اوله رق حصول علمده (مدرکات حواس perception des sens) ی عمده و (کائنات خارجیه l'Univers extérieur) ی منشأ عدایتمه سیده تماماً ماتریالیستجه در. فلاسفه مادیونك (مبحث معرفت épistémologie) مسئله لرنده سیاق نظری و دأب قدیمی تماماً بودر؛ بوکون بیله ده کیشمه مشدر. [matérialisme کله سنده تفصیلاته باقیکنز!]

بوشکل اوزره وضع ایدلش اولان (وارلق و تبدل) مسئله سنده شایان قید بر نقطه مهمه وارکه اسلافك، پك اوقدر نظر دقتنی جلب ایدمه مش کیی کورونور: ده کیشن ماده اکر حقیقتاً و طبعاً ده کیشیورده بوسبوتون باشقه برشی اولویورسه، هر (آن تحول) بر (اثر خلقت œuvre de création) در؛ چونکه اولجه موجود اولان ماده تماماً انعدام اییدیور و اوکا هیچ بروجله بکزمه مین دیکر بر ماده - هیچ یوقدن - وار اولویور، دیمك چیقار. یوق اکر اوپله اولمایوبده یالکنز (کیفیات ظاهره propriétés apparentes) سنی ده کیشدیروب - حقیقت حالده - (عنیت ذاتیه identité essentielle) سنی هر زمان محافظه اییدیورسه - معنای عادی سی ایله - خلقت تصویری ممتنع در؛ زیرا، نه واردن برشی یوق اولویور؛ نه ده یوقدن وار اولویور، دیمکدر. بویاکنجی فرضیه (وحدت وجود panthéisme) فلسفه سنك عقیده

اساسيه سنی تشکیل ايتديكى جهته بويوك راهميتي حائز دور. خصوصاً فلسفه Oahge-men دینه ايله حکمت صوفیه آراسنده تألیفی ناقابل اولان ضدیت اعتقاد، اصل بونقطه ده مند مجدر. دین، ( علی سبیل الابداع par voie de création ex nihilo ) یعنی هیچ یوقدن وار اولمق صورتیه عالمک یارادلدینه قانع بولونویور. بونک ایچون ده بر ( یارادان ) تصویر ضروریدر. بناءً علیه بواعتماد، کائناتدن ( متعال transcendant ) یعنی مخلوقاتدن بوسوتون آیری، عالی ومستقل بر اللهک وجودینی منطقاً استلزام ایدر. اگر هر دقیقه خاقت واقع اولویور و حادثات عالم بویه جه تسلسل و تِمادی ایدیورسه اوکا ( خلقت متدایه création continue ) دیر لر . [ بوتعبیره باقیکنز ! ]

وحدت وجود اعتقادنجو الله کائناتدن آیری دکل، اوند ( مندمج immanent ) در . یعنی هر شئیک ضمتنده موجوددر. [ immanent و transcendant تعبیرلرنده تفصیلاته باقیکنز ! ]

مدرسه یونانیة مؤسسلرینک ایلک دفعه اوله رق وضع ایتمش اولدوغی مسئله مابعدالطبیعیة نک مناقشه سی - بالآخره - بوتون بو جهتلرک انکشافنی موجب اولمشدر . فقط بدایت امرده اوند مندرج بولونان بالجله مسائل فلسفیة و ( لاهوتیه théologique ) نک بر حمله ده تطفن ایدیله مش اولدوغنده شبهه یوقدر . ذاتاً مباحث فلسفیة نک صورت تکاملنی - صفحات مختلفه سیله - عرض ایدن تاریخ، دیدیکمی تصدیق ایده جت دلیل لر ویرمکده در . انسانی بحث و مناقشه ده بوتون اومسائل تالیله نک ناصل ونه سیبله تولد ایتدیکنی کشف ایدوب یاقیندن کورمک ( مبحث معرفت ) ایچون هر شیدن زیاده فائده یی موجب بر ( مطالعه étude ) در .

آکلاشیلیورکه قدمای اسلاف ، وارلنک اساساً و حقیقتاً ده کیشمه یوب آنجق ( اوصاف و کیفیات qualités et propriétés ) اعتباریله تبدلات عرض ایتدیکنه قائل بولونویورلر ایدی . اونک ایچون بوتون بو حادثات کونیة نک نقطه استنادینی تشکیل ایدن او حقیقت ثابت و قیمه یی بیلیمک ایستیورلردی ؛ ینه عینی سیبله او ( وجود حقیقی ) نک صور تبدلاتنه ( طاقفه نومه نا =

τα φαινόμενα (دیمشلردی که (کورونوشار) معنایه کایر و) حقیق وارلفک  
تجلیات و تظاهراتی) دیمک تقدیرنده در . (réalité, archée, phénomène, )  
être کله لرنده تفصیلاته باقیکنز . ]

Change-  
ment

اسلام فیلسوفلری بومعنائی افاده ایتمک ایچون اوتهدنبری (حادثات)  
تعبیری استعمال ایده کیشلردر. محررات اسلامیه ده حادث مقابلی (قدیم) در.  
اولجه اولمایان برشینک صوکره دن وقوعی افاده ایدر، و (میخانیکی  
mécannique) بردوشونوشه موافق بر طرز بیان در؛ حالبوکه دیکری  
(psichologique) بر طرز تفکره دلالت ایدر. هر حالده  
کک حادثات، کرکسه تظاهرات تعبیرلری وارلفک حقیقتی دکل ظواهرینی  
کورونوشلری افاده ایدر.

حادثاتی، برچوق متفکرین (هیچ یوقدن وار اوله بیلیمک) حیثیتی  
ایله تلقی ایندکلی ایچون (خلقیت création) ایله (تغیر changement)  
معنای تشویش ایدیه رک برچوق اصلسز مباحثانه میدان آچیش و بالخاصه  
(نزاع علم و دین le conflit de la science et de la religion) ک  
اشتداده سبب اولمشدر. حالبوکه اسکی یونان فیلسوفلری بو خصوصده  
قطعا ترده دوشمه مشلر و (هیچ یوقدن برشی اوله مایه جفته) کمال اطمنان  
ایله حکم ایدوب ایناعمشلردی. حتی ادیان منزله نک الک قدیمی اولان موسوبلک  
اعتقادی ده بویه در: توراتک مقدمه سنده ایلک جمله شوسوز لرله باشلیور:

[اولا الله (دها طوغروسی نه لوئیم - یعنی جمع صیغه سیله اللهم!) -  
سماواتی وارضی یاراندی. ] ده نیلیور. فقط (طوهو، بو هو Tohu Bohu)،  
یعنی عناصر کائناتک (هرج و مرج بر حالده ازلدن بری موجود) بولوندوغی  
دخی صراحتاً بیان ایدلمش اولدوغندن آکلاشیلیورکه - توراتک روایت کوره -  
کائنات هیچ یوقدن خلق و ایجاد ایدلمه مش، آنجق (نه لوئیم = اللهم) طرفندن ترتیب  
و تنظیم اولومشدر. شو تقدیرجه الله (خالق créateur) دکل، آنجق (صانع  
کائنات = artisan = démiurge) اولمش اولور. بو اعتقاد، یونانیلرک ککنک  
همان عینی در. [création و cosmos تعبیرلنده تفصیلاته باقیکنز!]

Change-  
ment

فی الحقیقه اسکی یونان حکما سنکده اعتقادی بومرکزده ایدی . ازلی  
بروارلغه اینانیورلر فقط اونک صور تبدلاتی محض حقیقت اولمق اوزره قبول  
ایده میورلردی . جمله حادثاتک ماده اصلیه سنی تشکیل ایدن موجود حقیقی بی  
هر فیلسوف بر تورلو دوش-ونوب تعیین ایدیوردی . [ substance, être  
کله لرینه باقیکنز ! ] بومسئله ده تشتت اوزره بولونان افکاره ایکی مهم جریان  
اعتقاده چیغیر آچمشدی . جوهر وجودک آتش اولدوغنی ادعا ایدن (هر اقلیت  
Heraclite) ( قبل المیلاد بشیوز سنه اول طوغمشدر ! ) ، ( تبدل دائمی  
changement perpétuel ) یه اینانیر وهیچ برشیک ثبات ایده مه سندن  
طولاییده مایوس و مکدر کورونوردی . اعتقادی او ایدی که ازلدنبری  
موحود اولوب جوهر کائناتی تشکیل ایدن ( آتش ) ، - دائمی بر صورتده -  
کیفیاتی تبدیل ایده رک ( تکنون ) ایده کلکنده در . ایشته بونوع تغییر  
( بیغ نه سه = γίγνεσθαι ) دیر ایدی . بزم حکمای عربک ( کون )  
لفظیله نقل ایتدکلری معنا تماماً بودر . بومعنایه وهر اقلیتک اعتقادینه کوره  
سو عالمده کوردوکنز تبدلات دائمه ، جوهر اصلی اولان آتشک تکنونات  
متمادیه سندن عبارتدر ؛ بناء علیه اشیا اونک تظاهراتندن باشقه برشیلردکلدر .  
بوکافارشی ( ایتالیا مدرسه سی école italique ) نک مشهور حکما سندن  
( پارمینیس Parménide ) ادعا ایدیوردی که ( حقیقت بر در ؛ و برلک  
قدیم ، مستدیم ولایتغیردر . ( کثرت pluralité ) ، آنجق ( شعبده حواس  
illusion des sens ) در . بناء علیه ( کائنات حادثه - univers phéno-  
ménal ) نک قطعاً اصلی فصلی یوقدر . موجود حقیقی واحد مجرددر .  
کثرت ، حرکتک فسونسندن ایلری کلیور . حالبوکه اک بویوک شعبده حرکت  
وتبدلدر . ]

بوفیلسوفک شاکردی وبحث جدلده عصرینک فریدی اولان  
( نه له آلی زینون Zénon d'Elée ) ، ( پارمینیس ) ک شو تعلیماتی اساس  
اتخاذ ایتدی و ( حس le sens ) ایله ( عفل l'intelligence ) ک اویوشه .  
مادیغنی نظر دفته آله رق ، ( مدرسه یونانیه école ionique ) اعتقادی

تشكيك و ابطال غيرتيه ايتاليادن قالقوب آتنيه قد رسياحته مجبور اولدى ايدى. آتوميستلر افكارى رد ايتك ايجون كوزل ر وسيله بولدى : اوزمانلر (زمان)، (مكان)، (ماده)، (حرکت) حقنده فكرلر خيلى دن خيلى مشوش بر حالده بولون دوغدن طولاي بوزمين لراوزرينه مشهور (آپورى = apories = تشكيكات) نى بنا ايده رك حركتى انكاره قالقشدى. بو وضعيت ايله هم (تبدل فلسفه سی philosophy du changement) نى هم ده (آتوميزم = atomisme) اعتقادى اخلاص و ابطال ايتك ايستوردى. شايدان دقتدر كه حركتى قطعياً انكاره واران ادعائى اثبات ايتك ايجون ترتيب ايتديكى (دلائل سفسطيه argument sophistique) نك جله سنده ده (اساس دعوا) حركت در . (آپورى) ناميله معروف اولان او دلائل اك مشهورى (برهان آخيله فس argument d'Achilles) ناميله قاموسك برنجى جلدنده تصريح ايدلمشدر . [باقى كنز .]

(كون، تكون = le devenir = γίγνεσθαι) تعبيرى افلاطون دخى بك جوق قوللانيور، وبونكه، برشيك صفات و كيفياتجه واقع اولان تبدلاتى مراد ايدىيور. شودوشونوشنه نظراً افلاطون لساننده (طاييع نومه نا = τὰ γίγνόμενα) حادثات، يعنى (اولاغان شيلر) ديمكدركه - حيثت معنا اعتباريله - (طافه نومه نا = τὰ φαινόμενα) تعبيرندن هيچ فرقلى دكلدر .

افلاطونك شا كرد مشهورى (ارسطو Aristote) بومستله يكيدين نظردقته آلهرق جدى بر صورتده تنبع ايتدى؛ انواعى آره سنده كى فرقلى ده كوستردى؛ فقط او ده (تبدل changement) ايله (حرکت mouvement) ي برطومتق ضرورتندن كندى قورتاره مادي. بناء عليه تبدلات ممكنه يى برقاج نوع اساسيه ارجاع ايده رك تصنيفلر يامش اولدوغى حالده ينه بومستله ده فكرى - كوردنوكى قدر - واضح دكلدر .

بوفيلسوف تبدل كيفيته (مناوولى = μεταβολή) ديوركه (ير ده كيشديرمك) معنا سنه دخى كلير . صوكره بونك برقاج تورلو اوله بيلمه سى

احتمالی دوسو نویور. اولاً : ( جوهریت اعتباریه = κατ'ουνοσίαν ) ثانیاً : **Change-ment** ( کیفیتاً = qualitativement ) ؛ ثالثاً : ( کثتاً = quantitativement ) ؛ رابعاً ( موضعاً chang. de place ) اولی اوزره بوتون تبدلات ممکنه درت نوعه ارجاع ایدیور . دیگر بریده اوچ ایدیریور . احتمالک ( تبدل فکری l'idée du chang. ) ( مفهوم جوهریت notion de sub-stance ) که قابل تألیف اوله مایه جفنی دوشوندوکی ایچون باشقه تورلو تصنیفه مجبوریّت حس ایتشدرد . هر نه دن ایسه ! ایکنجی وجهله تصنیفی : ( یوقدن وار اولی = passage du non-être à l'être ) ؛ ( واردن یوق اولی = passage de l'être au non-être ) ؛ ( واردن وار اولی = passage de l'être à l'être ) صورتیه اوچ تورلو اوله بیلور . عدمدن وجوده کلکه . ( تولد = γένεσις = naissance ) دیور . وار ایکن یوق اولی ( ممات = φθορά = mort ) تعیری موافق کوریور . اول وار ایکن باشقه تورلو وار اولی ده ( حرکت = κίνησις = mouvement ) تعیریله تفسیر ایدیور . شو تصنیف و تعریفه نظراً ( طوغمق ) ایله ( توملک ) دیدکمز نوع تبدلاتک حرکتله مناسبی یوقش کی بر ( ظن ) حاصل اوله بیلیر . اولکی تقسیمی البته ده موافق در . بالجه تبدلاتک حرکت منجر اوله جفنی تسلیم ایتدکن صوکره اولرک هپسنی ( تبدل موضع chang. de position ) مسئله سنه ارجاع ایتک ، البته ده زیاده معقول برادعادر . نته کم بوکون علمک اعتقادی بوندن عبارت کورنویور .

علم ما کنه نک اساس استنادی اولان پرنسیپه باقیلیرسه ، حرکتدن سکون ، سکونندن حرکت حصولی تصور ایتک ( متنع absurde ) و ( محال impossible ) اوله جفندن سلسله وقوعاته بدایت ونهایت دوشونه بیلیمک امکان خار جنده قالیر . بناء علیه ، ارسطونک ( تولد و ممات ) تعریفی علماً مردود بر فکر در . بر جوهر قبول ایدیلیرسه ، اونی لایتغیر فرض ایتک ( جوهریتک ماهیتی l'idée de substantialité ) اقتضاسندرد . چونکه جوهر دیه تلقی ایتدکمز شی دخی ده کیشورسه ، اوکا - معنای حقیقی سیله - جوهر

ده به مه یز ؛ او تبدلاته محل اولان شیئی تحقیق ایتمه لی زکده اصل جوهر اودره . بویه بر جوهرک و یا خود بر جوق جواهرک وجودینه اینانه بیلیرسه ؛ بالجمله تغیراتی ، اولرک تبدیل موضع ایتمه سیله تعریف پک معقول اولور . نته کیم زمانمزدده کیمیا علمنک نقطه نظری و تعریفی حالا بودر .

[ اجسام ، عناصر ثابتون مرکبدر . بولره آتومده نیلیر . ارکان مذکورده حد ذاتنده لایتغیردر . دنیاده واقع اولان تبدلاتک جمله سی او آتوملرک تبدیل موضع ایتمه سندن عبارتدر . بوتون حادثات عالم دخی دائمی الجریان بر ( وتیره ترکب و انحلال *procédé de composition et décomposition* ) دن باشقه برشی دکلدرد . ] ادعای کیمیا نک فلسفه سیدر .

بزم اسلام حکما سنک ارسطودن آلوده ( کون و فساد ) تعبیرلریه ترجمه وادا ابتدیی فکر بوادعا اوزرینه مستددر . مع مافیه بومسئله لرک لایق وجهله تتبع اولونا بیلیمه سی ، حرکت و مکان و قوت و دها بوکی بعض ( مفهومات اساسیه *notions fondamentales* ) نک تحقیق ماهیتلرینه وابسته اولدوغندن ، ( علم ماکنه *la mécanique* ) ترقی ایتمه دیکه بوخصوصده افکار فلسفیه تشوشدن قورتوله مامشدی . حتی ( دورانتباه *la Renaissance* ) ده ترقیات علمیه نک الک بویوک عاملرندن اولان ( غالبیه ) نک کشفیاتندن صوکره حرکت اییجه تدقیق ایدیلوب قوانینی بولوندوغی حالده ، اوناریندن بوکونه قدر واقع اولان فتوحات علمیه به رغماً بومسئله نک شکل مابعد الطبیعی سی ینه - اسکی سی کیی - : غرب معما ماهیتنده قالمش ؛ و آنجق شکل علمی سی حل اولونه بیلدشدرد . *mouvement* تعبیرینه باقیکنز ! . . . ]

قدما و قرون وسطا فیلسوفلری مسئله نک بویکی صورتی لایقیله تفریق ایدمه دکلرندن طولانی تشوشدن قورتوله مامشلردی .

بوکون علماء حرکت بحثنده - وقیله زینونک سفسطه لرینه و سینه ویرن و ذهنلری تناقضه دوشورن - مسائل غربیه بی مابعد الطبیعیاته براقوب ، هر نوع تبدلاتک سببی اولان کیفیت حرکتی منحصر آمیخانیکه بر نقطه نظرندن تتبع ایدیور ؛ اونیده ( تبدیل موضع ) حادثه سنه منجر کورویور . بولنظر

(قدرت موضعیه *énergie de position*) ادعاسنه واریر، و (مرکز *Change-ment* *gravitation*) برنسیپی متضمن و مستلزمدر. اونک ایچون بو فکرلر، (جاذبه قانونی *la loi de l'attraction*) کشف اولوندقدن سوکره انکشاف ایدمیلدشدر.

وضع و مکانک بوخصوصده رولنی تعین ایدن مهندس لر و ریاضیون ایله برابر، کیمیا و فیزیک علماسی متفقاً ادعا ایدمیلورلرکه بالجله تبدلاته و بناء علیه وقوع حادثاته سبب، اشباهه ذاتاً مندیج اولان (قدرت مکنیه *énergie potentielle*) نك (قدرت حرکیه، قدرت فاعله، *énergie cinétique*) صورتنده تظاهرا یتمه سی در. [ *énergie active* کله سنده بو بحث مهمک تفصیلاتی وارددر. باقی کز ! ]

مرحله (عقیده ذریه *la doctrine atomique*)، (نظریه حرکیه *théorie cinétique*) یه طایانیر و قطعاً اونی استلزام ایدر؛ چونکه اجسامک برطاقم (عناصر بسیطه *éléments simples*) دن مرکب اولونوغی تسلیم ایدیلنجه، تبدلات جسمانی یی (عناصر مرکبه *éléments constitifs*) نك (بر ده کیشدیرمه *déplacement*) لری کیفیتنه حمل ایتمکدن باشقه چاره یو قدر. او تقدیرده (کیفیات اجسام *propriété des corps*) دیدیکمز (اوصاف محسوسه *qualités sensibles*) دخی ذراتک (طرز ترتب *mode d'arrangement*) ندن طولایی حواسمه بروجه مخصوص اوزره اجرا ایتدکلری تأثیرات مختلفه و معینه در، دیمک ضروریدر. نته کیم (کیمیا *la chimie*) آنجق بویه ده یه بیلور. بو (علم صحیح *science exacte*) کندی صلاحیتی دا ئره سنده بالتجربه اثبات ایدیورکه عینی عناصر بسیطه دن مرکب اولان بعضی اجسام — ذره لرینک ترتیبات مختلفه سی سببیه — باشقه بر طاقیم اوصاف ایله متکیف اوله بیلورلر. حتی فوسفور و کورت کیی منحصرأ برغصردن عبارت بر جسم بسیط (کنله *masse*) سنده بیه بعضی اوصاف خصوصیه جه فرق و مبانیت کوروله بیلورکه اونی ده علمای کیمیا ذراتک باشقه بر طرزده ترتب ایتیش اولماسی کیفیتنه عطف ایله تعریف ایتمک ایستبورلر.



و به حاله (allotropie) دیورلر . (آلوس = allos) (باشقه) ،  
(طروپوس = tropos) دخی (طور) معانسه کلیر و تعبیر بو ایکی لفظ  
یونانیدن ترکیب اولونمش یکی برکله اصطلاحیه در .

(علم حکمت la physique) دخی اجسامک بعضی کیفیاتی موضوع  
بحث ایدینمشدر . بونلر آنجق (فیزق physique) اولان (اوصاف  
qualites) در . یعنی (کیفیات میخانیکه propriétés mécaniques)  
دیدیکمز قابلیاتدر . حکمت بونلرک جمله سنی (اهتزاز vibration) کیفیته ،  
اهتزازی دخی ذرات ماده نك فوق التصور برسرعتله (رقص oscillation)  
ایتمه - نه یعنی لاینقطع وبلا آرام بر ده کیشدرمه سنه عطف ایله تفسیر ایدیور .  
بناء علیه بو کونکی کیمیاده عمده اولان (آنوم نظریه سی) ایله بو کونکی  
حکمتک اساسی تشکیل ایدن (تلاطم، اهتزاز vibration و ondulation)  
نظریه سی یکدیگری بالضروره مستلزم بولونویور . مثلا جاذبه ، ضیا ،  
(ثله کتریق électricité) ، (حرارت chaleur) هپ (اثر ether)ک  
(حرکات اهتزازیه mouvements vibratoires) سنه عطف اولونمقده در .  
نته کیم (صدا le son) ، (ماده matière) نك حرکت اهتزازیه سندن  
عبارتدر . اهتزازات مذکور نك حواسمزدن بری واسطه سیله ادراک اولونماسی  
بزده بویله برطاق احساسات متنوعه ومعینه حصوله کتیریور ، دیمکدر . مثلا اثرک  
اهتزازاتی بر (کته masse) نك (عناصر ماده éléments matériels) سنه  
انتقال ایده رک آنوملری ده ازیاده سرعتله حرکت کتیریور ؛ بز او حرکتی  
(حاسة لامسه sens tactile) مزله ادراک ایدنج (صیجاقق) طویوبورز .  
کذلک اثرک دیگر برنوع اهتزازاتی (حاسة باصره sens visuel) مزله ادراک  
ایدنج - درجات معینه سنه واوصاف سائر مه کوره - رنگلر حس ایدیورز .  
الی آخره ...

بو (فرضیه تلاطم hypothèse de l'ondulation) ی طوغری  
گورمه یوده ، مشهور (نیوتن Neuvton) ک (فرضیه صدور hypoth.  
de l'émanation) نی قبول ایدنلر و بناء علیه بو کون علمای متخصصین

Change-  
ment بیننده رواج بولان (ئەئون Eon) نظریە سنی ترجیح ایدنلر، ینە بوتون حادثات عالمی آتوملرک یر دە کیشدیرمەسی کیفیتە ارجاع ایله تعریف ایتمک مجبوریتدن قور تولە مازلر؛ او آتوملر ایستەر (ثقیل pesant) اولسون، ایسترسە اولماسین. یعنی ایستەر (مادە محسوسە matière sensible) آتوملری اولسون، ایسترسە (ئەئون) لر اولسون!.. هپ بریولە چیقار .

بوندن چیقاریلە بیلە جک نتایج فلسفیە مەمەر: اولآ کلاسیلیرکە بوتون (مسئله خلقت)، برطاقم (اجزا particules) نك (تمرکز - concen- tration) ی ایله (انحلال dissolution) ی، یعنی طویلانوب طاغیلە سی کیفیتە منجر اولور . بو تقدیرجە : [بزم حواسمز واسطە سبلە ادراك اولونە مایان عناصر ابتدائیه نك طویلانوب برکتله مادیه وجودە کتیرمە سی، (خلقت création) در . طاغیلوب حال اصلی سنە رجوع ایتە سی دە (انعدام anéantissement) در . فقط بو معاملە طبعیە دە (یوقدن وار اولمق، و واردن دە یوق اولمق) احتمالی یوقدر . اولجە ادراك اولونە مایان برطاقم عناصرك بالترکز (تکاثف condensation) ی ایله ادراك اولونە بیلە جک برحاله کیمە سی بزى آلداتیور، وایشای عالمک یوقدن وار، و وار ایکن دە یوق اولە بیلە کسنە دائر برقاغت قویه ویریور؛ حالوکه بویاکلشدر . قوت و مادە نوعدن هیچ برشی قطعاً احما وایجاد ایدیلە مز!..] دیمک چیقە جق!..

زمانمز علماسنک - اکثریت کلیه ایله - اعتقادی بودر . اسکی یونان فیلسوفلرینک دە طبقی بویله دوشوندکلرینی - براز اول - عرض ایتشدم . بو ادعا - معنای مشهور و صحیحی ایله - کیفیت خلقتی انکار ایتدیکی ایچون دین ایله علمک اک چوق شدتله (منازع فیہ controversé) اولان بر مسئله مشترکە سی اولمش وقرون وسطادە (جه ئوردانو برونو Geordano Bruno) و بر جوق امثالی کبی بویوک فیلسوفلر (انکیزیسیون inquisition) مأمورلری طرفندن - محضابو وسیلە ایله - اشد عقوباته دوچار و احراق بالنار ایدلمشدر .

عالم اسلامده مرتبه علم وعرفانه کوره بر شهرت عالمکیر قازانمش اولان حکم اندلسی (ابن الرشद Averroës) دخی بو اعتقادده ایدی . امام غزالی

ایله آرارلنده جریان ایدن مباحثه خصمانه بوندن ایلری کلیوردی. کندیسنک شدله حقارت کوروب نهایت منکوب اولماسه ینه بوندن قوی وجدی بر سبب یوقدی. تاویحک روایت کوره (سرای انتریه لری) (ابن الرشید نکبته سبب کوسترلمش ایسهده انتریه جیلرک خلیفه نزدنده موقیتنی تأمین ایدن وسیله، اصل قرطبه قاضی سنک (قدم عالم *éternité du monde*) ادعاسنده بولونماسی؛ یعنی ماده نك ازل وابدی اولدوغنه اینانماسی سیبیله، انکار ایتش اولماسی ایدی. بواعقاده، متشرعین و متکلمین نظرنده، اونه دئبری (کفر صریح) اوله رق تعلق ایدیله کلشدر. حالبوکه (صوفیه *çoufisme*) غندنده اويله دکلدر. تصوف، مادیاته حقیقتده وجود ویرمبوب (هیاکل ماشیا) بی ظل زائل وخیال باطل قیلندن عد ایتدیکی ایچون، کائناتی وجود طالقک - عدم آینه سنده عکس انداز فسون اولان - نامعدود (تجلیات *manifestations*) ندن عبارت بیلور؛ وبوخیالات متعینه نك ضمتنده هب وجود مطلقک جلوه تحققی کوروپور. یعنی (اللهک متعال اولدوغی *transcendence de Dieu*) نی تسلیم ایتیه یوب (اشیاده مندمج بولوندوغی *immanence de Dieu*) نه اینانیور. بواعقاده کوره عالمک بوقدن وار اولسی ووار ایکن ده یوق اولماسی دعواسی بهوده در. بویه بر دعوا ماده نك حقیقتاً وار اولدوغنه اینانمقدن نشأت ایده بیلیر؛ حالبوکه حکمت صوفیه اوماده نك وجودینی قطعاً انکار ایتمکه باشلار. بناء علیه بر حکیم صوفی نظرنده اويله برشی یوقدرکه، یارادلش اولوب اولماماسی موضوع بحث و منافشه ایدیله بیلسین!... بالطبع حرکت واونک موجب اولدوغی تبدلات دخی صوفیه نظرنده محض نیرنک وفسوندر.

\* [بو مهم مسئله نك تفصیلی و مناقشه سی ایچون *transcendence* و *immanence* کیمه لرینه باقیکز] !.

حکمت شرعیه ایله حکمت صوفیه نك ائتلاف ایده مه دیکی نقطه اساسیه

بودر .

ابن الرشید بواعقادی، شا کرد مشهوری (موسی بن میمون *Moïse*)

Change-ment Maimonide نام حکیم موسوی قبول و اکمال ایتشدی . خصوصاً عناصر ابتدائیه نك تمرکزی ایله ماده نك حصولی و تکرار انحلالی ایله اضمحلالی کیفیت خلقتده و تبدلات عالمک وقوعنده برنجی سبب اولمق اوزره دوشونمشدی . زمانمزدده ، فیلسوف صاحب مسلک ( هربرت اسپنسر Herbert Spencer ) دخی طبق بوکا بکزر بر فکر بیان ایدیود که ( تکامل évolution ) تعریفده اساسدر . ( متجانس بر ماده ابتدائیه نك غیرمتجانس بر شکل کیرمه سی و ناقابل ادراک بر حالدن قابل ادراک بر حاله کچمه سی ، le passage de l'homogène à l'hétérogène ; le passage de l'imperceptible au perceptible ) دیدیکی اودره . [ évolution تعیرنده ایضاحاته باقیکنز ! ]

انکلیز فیلسوف شهرینک ادعاسنجه ( تکون اشیا la genèse des choses ) و انقلابات حوادث هپ بو ( و تیره procédé ) اوزره و بوصولته وقوع بولان تبدلات متدیده دن ایلری کلیور .

بو تبدل مسئله سنک مابعدالطبیعیاتده اساساً موضوع اولدوغنی کرک تاریخ فلسفه نك ، روایتیه ، کرکسه یوقاریده سوزلرینی - استشهداً - نقل ایتدیکم ( هرمان لوتزه H. Lotze ) نك ادعاسنه بناءً هررض ایتشدم . فی الحقیقه مسئله مهمدر ، و - نیم فکرجه - هنوز حل اولونمامشدر : شوتبدلات واقعه ، وارلنی اثبات ایدر دیمشدر ! .. فی الحقیقه او یله اولمق لازمکلیر ، چونکه عقلمز عکسفی دوشونه میور . اوحالده ( کیفیات اشیا propriété des choses ) ده حاصل اولان تغیرات ، بالذات ( جوهر اشیا substance des choses ) ده وقوعه کان ( باطنی ده کیشکلکلر - transformations intrin-sèques ) نتیجه سی اولمق لازمکلیر . حالبوکه جوهر - تعریفنه نظرآ - اصلاً و قطعاً تغیر ایتجه یوب وارلنی اولدوغنی کیی و کندی کندینه محافظه ایده بیان برشی در . ( جوهر صمدانی در ؛ قیومدر ؛ لایتغیر در ! ) دیمکدن ، ایشه بومعنا لر قصد اولونور . مابعدالطبیعیاتی فنا بر کر یوه اضطرابه دوشورن مسائل اساسیه نك منشائی بن بوراده بولویورم . چونکه بوراده ذهنمز بر ( قیاس مقسم dilemme ) کر یوه سنه دوستوب اونک ایچندن چیقامیور . باقیکنز ناصل :

بر شئیك اوصاف و کیفیات ( propriétés et qualités ) نده  
ده کیشکلك حس ایدیورسه قالبته جوهرنده دخی بعضی تبدلات وقوعه حکم  
ایتمککمز ضروریدر . عکسی تقدیرده کیفیات مذکورده نك بلاسبب وقوعه  
ککش اولدوغنی دوشونه بیلمه مز ایجاب ایدر . حالبوکه بومئتم در . بلاسبب  
بر حادثه نك احتمال ظهورینی واقعا ( افلاطون Platon ) بر زمان - ناصل  
بیلمم ؟! - دوشونه بیامشدی؛ صوکره فکرندن وازچکدی . [ cause کیه سنده  
تفصیلاته باقیکز .! ] فقط بوکون بالمله متفکرین، سببیز بر حادثه اوله مایه جغه  
دائر عینی صورتله بیان اعتقاد ایتمکده درلر . ذاتاً عکسنه ایثانه بیلسه نك  
مابعدالطبیعیاته لزوم قالمزدی؛ چونکه مابعدالطبیعیات اسبابی و بالخاصه ( علت  
اولی cause première ) یی تدقیق و ( استکناه investiguer ) ایدن علمدره .  
موضوعنی انکار ایدن علم ، لزوم سز لغنی اثبات ایتمش اولور .

اوحالده حادثاتك ضمنتده موجود بر جوهر وار ؛ و کیفیات اشیاده واقع  
اولان تبدلاتك سببی یا اودر ؛ یا خود اونك خارجنده بولونان . دیگر برشی  
ویا بر قوتدر . اگر اوایسه ، کندی ده کیشمه دیکه اوصافی ناصل ده کیشه بیلیر . .  
بوسواله ( علما les savants ) قولایقله جواب ویره بیلیرلر : [ آتوملرک  
یر ده کیشمسی و باشقه بر صورتله ( ترتب arrangement ) ی کیفیات  
اجسامك تبدله سببت ویریور؛ فقط بالذات عناصر ده کیشمش اولمویور .! ]  
ده به بیلیرلر . بوسورتله دوشونولورسه ( ارسطو Aristote ) نك فکر ،  
طوغرو کورونور . یعنی تبدلک ، یر ده کیشدیرمک کیفیتندن عبارت اولماسی  
طوغرو کورونور ؛ یا لکز شو قیدی علاوه ایتمک ایجاب ایدرکه ( حرکت  
mouvement ) دیدیکمز حادثه ، ( کتله masse ) نك - طاقیله - تبدیل  
محل ایتمه سی در ؛ ( تغییر changement ) ، اوکتله یی تشکیل ایدن عناصرك  
کندی ( وضعیات نسبه positions relatives ) لرینی ، یعنی - آجیق تورکجه  
سویله لم ! - اسکی ایستیفنی ده کیشدیرمه لریدر . بالذات عناصرك تبدل ایتمدیکی  
دخی تحقق ایته بیله ، علمانك بوملاحظه سی عناصر مذکورده دخی تماماً  
قابل تطبیق اوله جنی ایچون ، بوجواب ینه صواب اوله بیلیردی . مثلامولدالماء

کو: کورت، ده میر والی آخره. کچی بسیط ولایتغیر بیلدیکمز عناصر ماده نیک (ماتون) لردن مرکب، و (ماتون) لردکه (اثیر) آتوملردن عبارت اولدوغی تحقق ایتسه، ده میر، کو کورت و مولدالما آتوملری آره سنده کی فرقی او (اثیر آتوملری) نیک ترتیبات مخصوصه سنه اسناد ایله تعریف ایتیک پک نامعقول بردوشونوش اولمازدی. نته کیم بویه دوشونمش اولانلر اندر دکلدر. فقط مابعد الطبیعیاتده (جوهر و عرض substance et accident) و (علت اولی cause première) حقنده بعضی (تعریفات مسئله definitions admises) واردرکه بو مسئله نیک بویه قولای قولای حل اولونماسنه بویوک بر مانعه تشکیل ایدیور.

اولا: (جوهر کائنات la substance universelle) ی، (ماده کونیة matière cosmique) اوله رق تلقی ایدرسه ک یعنی [شو انقلابات حوادثک بر (مایة نخستین) ی، بر (حامور) ی واردر.!] دیرسه ک، کیفیات اشیائی تعریف بحثنده در حال بر (قیاس مقسم) کردابنه دوشرز. اوجوهر، یا (مستعد تبدل capable de changement) در، یادکلدره اکر بالذات تبدل ایدیورسه، کیفیات اشیانک تبدلی بوسیله عطفاً قولای قولای تعریف اولونایله جکندن ناشی، مسئله حل ایدلمش اولور؛ فقط بو تقدیرده ماده کونیة یی (جوهر) تعیریله توصیف ایده مه یز. چونکه - مقبول و مسلم اولان تعریفه کوره - جوهر، یالکیز (مستقلاً موجود) اوله بیلن بر (شیء objet) دکلدر. عینی زمانده ده (قیوم ولایتغیر stable, immuable) اولان شیء در. اوده - کندی اعراضی کچی - تبدل ایدیورسه اوکا ناصل (وجود مطلق être absolu) ده یه بیلیرز؟. دیسه ک، اعراضدن نه فرقی قالیر؟.. (قیوم ولایتغیر در!) دیسه ک اوده اولماز؛ چونکه اونده (ذاتاً essentiellement) ده کیشکلک اولما دقچه، اعراض و کیفیاتده ناصل تبدل اوله بیلیر... [وجود مطلق، اعراض و کیفیاتدن منزله اولان وارلق در!...] ده نیله جک!... اوت!.. بونی هرکس بیلیر؛ لکن بیلدیکی ایچون اعتراض ایدیوریا!... [ایله بر وارلق اوله بیلیرمی که هر شئیک (هویت ipséité) نی

تشکیل ابتدیی حالدہ کنڈیسی دہ کیشمہ بہرک ہرینٹک اوصاف و کیفیاتی  
دہ کیشدیرہ بیلین ...! ] دیہ دوشونویر . یونان قدیم علماسی دہ عیناً ہونی  
بویلہ دوشونمٹش اولقی کرکدرکہ مشہور ارسطو بوصیقینی دن ذہنی قورتارہ بیلیمک  
ایچون ( وجود مطلق ) ی ( محرك اول primum mobile ) تعبیریلہ توصیف  
ایتمش ، ور ( محرك غیر متحرك moteur immobile ) اولقی اوزرہ  
دوشونمٹشدی . نتہ کیم - عینی ضرورتلہ - استاد یونانی نک بوفرضیہ سنی  
( ابن سینا Avicenne ) و ( ابن رشد Averroës ) ایلہ برابر بالجلہ حکمای  
اسلام دخی قبولہ مجبور اولمشلردرہ . [ moteur immobile تمیرینہ باقیکنز ! ]  
وجود مطلق کائنات خارجنده ( بر قدرت مستقلہ une puissance  
indépendente ) عد و اعتبار ایدہ جک اولورسقی مابعدالطبیعیات ایلہ  
( الہیات théologie ) ک اساساً تماش ایندیکی قطعہ یی کشف ایتمش اولورز .  
فقط مشکلات ہونکلہدہ برطرف ایدلمش اولماز . چونکہ اولاً : ( کائناتک  
خارجی ) زہ سی در ؟ . اونی تعین ایتمک کوچ ! .. قولای اولسہ بیلہ اللہ مکان  
تعین ایدہ مہ یز .

( محرك غیر متحرك ) فرضیہ سنی تولید ایدن مجبوریت ہواولسہ کرکدرہ .  
ہر حالہ مشہور غالیلہ ( inertie ) عطالت برنسیپی کشف ایتدکن صوکرہ ،  
ارسطونک بوفرضیہ سنی روح علم ایلہ تألیف ایتمک ممکن اولہ مادی . حرکتدن  
سکون ، سکوندن حرکت حصولہ کلہ بیلہ جکنہ اینانمق آرتق ( علم ماکنہ la mé-  
canique ) یی انکار ایتمک دیمکدر . شو تقدیرجہ تبدلات عوالم ازلی وابدی  
اولقی لازمکیور . ہودہ ، [ یوقدن وار اولقی معناسیلہ ! ] خلقی انکارہ  
واریر . ( علم حکمت la physique ) ہوتون تبدلاتی ، و بناء علیہ بالجلہ  
حادثاتی ( قدرت ممکنہ énergie potentielle ) نک ( قدرت فاعلہ énergie  
active ) یہ تحولی ایلہ تعریف ایدہ بیلور . [ énergie کلہ سندہ تمیراتہ  
باقیکنز ! ]

تبدل کیفیتک ( خلا = le vide = vacuum ) تصویری ایلہ دخی  
علاقہ سی وارددر ؛ بدیہی درکہ تحول - نتیجہ تدقیقہدہ - عناصرک تبدیل

Change-  
ment

مکان ایتمه‌سی کیفیته منجر اولونجه (l'espace مکان) ده‌اگه نیش اولمالی درکه عناصرک قیملدایه بیلمه‌سی ممکن اولسون . آتوملری احتوا ایدن مکانک که نیش اولماسی دیمک ، عناصر آرمه‌سنده بوشلق اولمق دیمکدر . معلومدرکه اسلاف خلا بختنده اختلافه دوشوب اوزون اوزادی به مناقشاته مجبور بولونمشلر ایدی . حتی قرون وسطاده حاکم اولان سقولاستیق فلسفه‌سی ، خلایي انکار ایتمه‌ک (الحاد athéisme) . منجر اوله جغه قناعت کتیره‌شدی . [ athéisme کلمه‌سینه باقیکنز ! ] حالبوکه زمانمز متفکرینی بوکی بختلری زوز کلکدن عبارت عد ایدیور و حق ده واردر . اون طقوزنجی عصر میلادی فلاسفه مشهوره‌سندن (شوپنهاؤومر Shopenhauer) (ملاء مطابق le plein absolu) اعتقادی رد ایدیور : (اگر ماده مکانی تمامیه املا ایتمش اولسه‌یدی ، حرکت وقوعی تمتع اولمق ایجاب ایدردی . قیملدانمق ایچون بوشلق لازمدر .) دیور . دیمک که (خلا le vide) یی تسلیم ایدیور ؛ مع‌مافیة کنیدی صراحتاً منکر وملحددر . عناصرمادیه ایله خلایي قبول ایدوب تبدلاتی آتوملرک یرده کیشدیرمه‌سی کیفیتی ایله تعریف ایتمک اک اول (ده‌موقریت Démocrite) طرفندن دوشونولمش در . بالاخره ، فلسفه مادیه‌ک مؤسس (ئپیکور Epicure) بوفکری بنسیره‌ک اکال ایتمشدی ؛ بناء‌عایه بونظریه ماتریالیست اعتقادی‌ک عمده‌سی در . علم‌ماکنده مشهور اولان (نظریه‌حرکه théorie cinétique) اواعتقادی ریاضیاتده (تمثیل représenter) ایدر . [ cinétique کلمه‌سینه باقیکنز ! ]

باقیلسه بوتون حادثات عالم — نهایت تحلیلده — (تبدل) کیفیته منجر اوله‌جفی جهته بوبخت بوکون دخی الک مهم مناقشه میدانلرندن برنجی اشغال ایتمکده در . فلسفه‌ده (وجود مطلق Etre absolu) ایله بوبختک مناسبتی ینه اسکی‌سی کیی در . وجود مطلق ، حادثات کائناتک (علت کلیه cause universelle) سی عد ایدلدیکی حالده بوتون بوتبدلاتی ایقاع ایتمکله برابر کنیدیسنک لایتغیر قالماسنه عقل ایردیر یله‌میور . مع‌مافیة بومسئله‌ینی منحصرأ فلسفی ویاخود منحصرأ (لاهوئی théologique) برنقظه نظردن (تلقی envisager) ایتمک ممکن در ؛



حقی دهها طوغرودر. کر حادثات کونیه نك مايه اصلی سنی یعنی ( ماده کونیه  
matière cosmique ) سنی ( وجود مطلق ) عد ایدیورساق اوکا الله  
دهیه میز. چونکه اللهك حقیقی مادی دکلدره، ومعنوی برچوق صفاتی واردر.  
فقط هر هانکی سنی قبول ایتسهك — بالضروره — برطاقم مسئله لره پیوسته اولو یورزكه  
اونلری هنوز حل ایتكه موفق اوله مامشزدر. مثلاً ماده کونیه بی وجود مطلق  
عد ایدن فاسو فلر اجسامك ( کیفیات اولی propriétés primaires ) و  
( کیفیات ثانیه propriétés secondaires ) سنی تعریف خصوصنده عظیم  
بر مناقشه یه کیروب ایچندن چقامیورلر. [ بوتعیرائه باقیکرز او مناقشاتك تفصیلی  
واردر ! ]

حقی اوصاف و کیفیات اجسامك تبدلات و تغیراتنه رغماً ماده کونیه نك  
لایتغیر قاله بیلمه سنی قبول ایده میورلر. اونك ایچوندركه ارن سکزنجی عصر  
میلا دینك الك بویوك فیلسوف متقدی صاییلان ( دهی وید هوم David Hume )،  
وجود مطلق عد ایدیایان ماده کونیه نك ثبوت واستقرارینی انكار ایدرك  
( حادثیه phénoménisme ) مذهبی تصویب دترویج ایتمشدی ؛ یعنی  
[ بو حادثات عالمك ضمنتده ثابت ولایتغیر برو خود مطلق یوقدره ؛ ماده کائنات  
ازلدنبری لایتقطع تحویل وتبدل ایتكده در. ] دیمشدی. معاصرین میاننده  
نوادر دهاندن اولان فیلسوف شهر ( جون ستوئت میل J. Stuart Mill )  
بومسئله لرده ( هیوم ) ك ایزندن آیرلما دیغنی صراحتاً اعتراف ایدیور، و :  
[ بر حادثه نك ضمنتده ینه بر دیگر حادثه واردر، والی غیرالتهایه بویه کیدر؛  
لایتغیر برو خود یوقدره. ] دییور. بوطور تفکر غالبه نك برنسیپی فلسفه یه  
تطبیق ایتكدن ایلری کلیور وارسطونك ( محرك غیر متحرك ) فرضیه سنی ابطال  
ایدیور. زیرا بر حادثیه دیگر بر حادثه متقدمه بی سبب اوله رق کوستردیکی  
جهتله بوسلسله حرکاتی ازلته یعنی ( ماضی نامتناهی le passé éternel ) یه  
قدر کوتورو یور. ( بقای قدرت conservation de l'énergie ) قانونی  
اقتضاسنجه دخی حرارت واقعه نك — بر اثر حصوله کتیرمه دن — محو ومنعدم  
اولماسنی تصور، امکان خارجنده بولونه جنی جهتله بو کونکی حادثاتك ( مستقبل

نامتناهی (le futur éternel) به قدر بویله تحول دائمی اوزره جریان ایده جگنی  
 قبول ایتک ضروری اولویور . بونی قبول ایتک ( قدم عالم ) ادعاسنی تسلیم  
 یعنی خلقتی انکار ایتک دیمکدر .

صوکره مسئله نك ( زمان و مکان le temps et l'espace ) ایلده  
 مناسبتی ذمتری بوسبوتون ساتیرتیور ؛ زیرا بالمله تبدلات زمان و مکانی مستلزم  
 واونلره محتاج کوروندوکی ایچون بوتبدلایده اونلرکده داخل اولوب اولمادینی  
 ویاخود نه صورتله ذی مدخل بولوندوغی باشلی باشنه چنین بر مسئله تشکیل  
 ایدیورکه زمان و مکانک تدقیق ماهیتی ووجود مطلقه تعیین مناسبتی استلزام  
 ایدر بر بچمدر . ننه کیم ( هربرت سبنسر H. Spencer ) ، بوکریوه دن  
 قورتولق ایچون ، زمان و مکانی وجود مطلقک بر ( جلوه manifestation ) سی  
 اولق اوزده تلقی ایتشدرد . ( علم لاهوت théologie ) ده دخی عینی مسئله  
 عینی صیقینی لری موجب اولمقده در ؛ لکن بو علم ، هان داتما ( نص dogme ) .  
 استناد واونلکه استدلال و استشهاد ایتدیکی ایچون سهولتله هر مسئله نی حل  
 ایدیور . [ بوتعیراتک جمله سنه باقیکز : ]

آلهایده اژدن مؤثره انتقال طرفداری اولانلر ، یعنی الهک وجودینه  
 استدلال ایچون ( دلیل تکوینی cosmologique ) به تمسک ایدنلر [ بو  
 تعبیره باقیکز : ] کیفیت تبدلی ( مبدأ حرکت point de départ ) اتخاذ  
 ایده رک اونک اوزرینه محاکمه قورادرلردی . خرستیان آلهونندن بالخاصه  
 ( طومیستلر thomistes ) عندنده معتبر و مقبول اولان دأب استدلال  
 بو ایدی .

اوروپاده ( سقولاستیق عرفانی culture scholastique ) نك مثلی  
 وخرستیان عالمنک حکیم کاملی صاییلان ( سن طوماداکن St. Thomas  
 d'Aquin ) کپرولری ، یعنی ( طومیستلر ) ، تبدل عالم کیفیتنی بر ( بدیهه  
 اولی vérité de première évidence ) اوله رق تسلیم ایتدکن صوکره  
 بواساس اوزرینه بنای محاکمه ایدرلر ، و : [ ده کیشن ، حرکت ایدن هرشی  
 بر باشقه شی طرفندن تحریک ایدلش وده کیشدیرلش اولق کرکدر ! ]

Change-  
ment  
دیرلردی . صورتیه بر ( علت اولی cause première ) لزومی تسلیماً  
بر نقطه ده بالجبوریه توقف ایدوب اوکا الله دیرلردی .

بوطرز استدلالی معتبر کورن و صاغلام ظن ایدنلره قارشى :

آن که فهم ترادر اوره نیست ،  
غایت فهم تست الله نیست !

یعنی : [ سنک عقلنک ایره مه دیکى ، یول بوله مادینى شی الله دکلدر ؛ آنجق  
سنک فهم وادرا ککک غایتی در . ] دهین حکیم سنائی پک معنادار بر ملاحظه  
ایله مقابله ده بولونمش اولویور .

بزوه ( قدیم عالم éternité du monde ) ادعاسنده بولونان ( حکما  
les philosophes ) ( بوتعیرک خصوصیت معناسی آ کلامق ایچون اوکله ده  
ایضاحانه بایکیز ! . ] یه قارشى اهل سستک وضعیتی و طرز استدلالی طبق  
طومیست لریکی کیی در .

( اشاعره les asharites ) اول امرده عالمک حدوثی اثبات ایچون ،  
متغیر اولدوغنی اساس اتخاذ ایدرلر و حادث اولان شینک بر ( مُحدث ) ى ده  
اولماسی لازمکله دیکى - بالاستدلال - اورطیه قویارلردی .

العالم حادث ،  
لأنه متغیر .  
کل متغیر حادث  
فالعالم حادث !

قیاسی بزم کتب کلامیه مزده مشهوردر .  
شایان دقتدرکه بوکی قیاسات و محاکماتک جمله سی ( ارسطو Aristote ) نک  
او مشهور ( محرك غیر متحرك moteur immobile ) فرضیه سنه - بالجبوریه -  
طایانیر . حالبوکه اونی بوکونکی علم ماکنه نک ( مبدأ اساسی principe  
fondamental ) سی اولان ( عطالت inertie ) پرنسپیی ایله توفیق وتالیف  
ایتمک احتمالی یوقدر ؛ دیمشدم .

( نزاع علم و دین le conflit de la scienc et de la religion )  
موجب اولان مسائل جدیدن بری ده بودر .

Change-  
ment بوتون بوبخنده اصل شایان نظر کورولن نقطه، برشیک کندی کندینه  
تغیر وتبدیل ایدمه جکته دائر حاصل اولان قساعت عمومیه درکه (تبدلک  
سبی la cause du changement) صایلان (عامل agent) ی (متبدل  
اولان شی la chose changée) خارجنده آرامق مجبورخی ایله ذهن بشری  
تقید ایدیور. ماده نك (بذاتها عاقل inerte par elle-même) اولدوغنه  
اعتقاد ایدیشمز بزی بوتورلو دوشونمکه وسبب حرکتی خارجده آرامغه سوق  
ایتمکده در. (نیلوژیسم hylozoïsme) فلسفهی ماده نی ذاتاً ذی حیات  
عدایتدیکی جهته محاکاتی بوجبوریتدن قورتاره ییلور [بوتعبیره بافیکز!]  
علم ما کنه دخی ماده نی - حد ذاتنده en soi - بر (کنه عاقله  
masse inerte) اولمق اوزره تلقی ایتدیکی ایچون، برشیک کندی کندینه  
حرکتدن سکونته وسکونتدن حرکتیه کجه بیله جکته یعنی تبدل ایدمه بیله جکته  
هیچ بوجهله تصور ایدمه یور؛ نونی قطعاً (متنع absurde) بولیور.  
(عطالت مبدای le principe de l'inertie) ذاتاً بوکیفیتک دستور  
افاده سندن باشقه برشی دکدر.

آ کلاسیلیورکه ماده نك عطالت ذاتیه سی حقیقه ارباب علم ایله حکمای  
دین متفق الرأی درلر. بوده عامل تبدلی، ماده متبدله خارجده آرامق مجبوریتی.  
استلزام ایدر بر فکر در. یالکیز حکمای، دین ایله علمک اعتقادی آردسند.  
شوفریق وارکه اولکیلر الله نامنه برعلت اولی وعامل مطلق قبول ایدرلر؛  
حالبوکه علم نظرنده حرکتک وتبدلک سبی ینه (میخانیک mécanique).  
برعامل طبیعی دو؛ بناء علیه ینه متحرک برشیدر واوشی، ینه کائنات ماده نك  
انهکنده داخلدر. بلم نظرنده (علت اولی) اصلاً معتبر دکدر.

بومحک - یوقاریلردهده سویلیدیکم کی - (مسئله خاقت la question  
de la création) ایله صیق صیقیه مناسبتی واردر. (لادریه agnosticisme)  
مذهبه مائل ویاقائل اولان فیلسوفلر، بومسئله نك - هیچ بوجهله - حل  
اولوناما یا جفته بیان قناعت ایتمکده بولنیورلر. زمانزده بوزمره حکمانک  
اک ایلری کلنلرندن بری اولان (هربرت سبنسر) عالمک موجودیتی اوچ

Change-  
ment  
تورلو احتمالله ارجاع ایتدکن صوکره اوچنی ده ( inintelligible نامعقول )  
کوروب قطعاً رد ایدیور .

[ بو مسئله نك مناقشه سی ایچون création کله سنه مراجعت ایدیکنز .  
دیگر تعیراته دخی باقیکنز ! ]

بسیقولوژی ده دخی ( تبدل ) کیفیتی پک مهم بر مسئله اساسیه در ؛ زیرا  
بوکون بوتون بسیقولوغلر بالاتفاق ادعا ایدیورلرکه ( حالات روحیه ده تبدل  
ادراك ایتک perception de différence entre les états psychiques )  
( شعور conscience ) دیمکدر ؛ یعنی طویغو ، بویه بر تبدل ادراك ایتکدن  
عبارتدر ؛ باشقه برشی دکل !..

[ بو خصوصده تفصیلات آلمق ایچون perception و conscience  
کله لرینه باقیکنز !.. ]

معاصرین فلاسفه دن مشهور ( برغسون Bergson ) ، ( کیفیت تبدلک  
نه صورتله ادراك اولوندوغنه دائر perception du changement ) یکی  
بر فکر بیان ایتشددر . [ بونک ایچون durée کله سنده تفصیلات ویرلمشدر ؛  
اورایه باقیکنز ! ]

امسانه ( نهمه ، کرم ) Charité

Charité

Charity

Charitas, Mensch liebe

Carità

بو تعیر ، لاتینجه نك ( caritas ) لفظدن مشتق درکه انسانلری ( عزیز  
cher ) طومتق یعنی سومک معانیه کلیر . روحیه سی ( آغایی = agápi ) در  
و ( محبت ) دیمکدر . بو برخصیلت مددوحد درکه بر انسانک هم جنس لرینه علاقه  
ومر بو طیتی انبات ایدر و اوسیبیلله ( خیر خواهلق bienfaisance ) صورتنده  
آمار فعلیه کوستریر . بونک اک معروف و عمومی شکلی - طوعاً صدقه ویرمک  
صورتیه - او محبتی بالفعل اظهار ایتکدر . بوکا بز تصدق دیرز . لسان دین ده  
( احسان ) ده بو دیمکدر . اخلاقیون اسلامک وصفیه نك اصطلاح اوله رق دانما  
ترجیحاً استعمال ایتدکلری ( کره ) لفظنک ده معناسی اودر .

تصدقك - بدايت امرده - خيرخواهلق دن غیری بر خصلته عطف *Charité*  
 اولونامایه جنی بدیهی در . خيرخواهلق دخی ادیانك ظهورندن اول انسانیت  
 متمدنهده ( تعاون اجتماعیك اساس اخلاقیسی *la base morale de la solidarité sociale* ) فی تشکیل ایدن بر خصلت مستحسنة ایدی . فقط  
 دین ، بالخاصه بوخصلق تجیلاً توصیه وتعلیم ایتدکن ماعدا بوتون فلسفه  
 اخلاقیهیی اونك اوزرینه بنا ایله مش اولدوغی ایچون ، علمای دین ( تصدق )  
 ایله ( خيرخواهلق ) آره سنده بر فرق عظیم بولویورلر ، وتصدقك ( عشق الهی  
*amour de Dieu* ) دن متولد اولدوغی ادعا ایدرهك اوکابر امتیاز معنوی  
 ویرمك ایستورلر .

حکمای یونانیهك ( فضائل اصلیه *vertus cardinales* ) پروغرامنده  
 بوکارکوسترلمه مش اولماسی وخرستیانلغك مؤسس حقیقیسی صاییلان ( پاولوس  
 St. Paul ) ك تصدق خصلتنی بك زیاده تجیل ومدح ایدرهك ( سحیه  
*la plus haute vertu du caractère chrétien* ) اولوق اوزره تلقی وتوصیه ایله سی ، اواسکی اخلاق پروغرامنده  
 تعدیلات اجراسنی مستلزم اولمشدر . ( پاولوس ) ك سوزلرینه اقتدا واتباع  
 ایدن ( سنت اوغوستن St. Augustin ) نخبیت انسانیهیی فضائلك اساسی  
 عد ایتمش واونك منشائیده عشق الهی ده آرامش ایدی . ( سن طوماداكن  
 St. Thomas d'Aquin = ) بواعتقاد اوزرینه یكی دن رتصنیف یامیش  
 وفلاسفه یونانیهك فضائل اصلیه سنی عیناً قبول ایتمكه برابر اولنره اوج فضیلت  
 ده علاوه ایتمشدركه بویکی پروغرامه كوره امهات فضائل یدییه بالغ اولمش  
 اولویور . اسلاف عندنده ( حکمت *sagesse* ) ، ( عدالت *justice* ) ،  
 ( شجاعت *courage* ) و ( عفت *tempérance* ) نامیله آنجه . درت تورلو  
 فضائل معتبر ایدی . ( سن طوما ) بولسته یه ( ایمان *la foi* ) ، ( امید  
*l'espérance* ) ایله ( تصدق *la charité* ) ی دخی علاوه ایتدیكه بونلر  
 ( فضائل ثلثه خرستیانییه *les trois vertus chrétiennes* ) نامیله معروفدره  
 [ cardinal ] کله سنه باقیکنز ! ] خرستیان اخلاقیوننك ( فضائل لاهوتیه

Charité) vertus théologiques) دیدیکی شیر ایشته بو خصائل ثلثه درکه ینه اولنرك ادا سنجه ( فوق الطبیعی surnaturelle ) بر صورتده ( غایت الهیه grâce Divine ) ایله خرسیتیانلرك قبله افاضه اولونمشدر .

سن طوما: [ بوفضیلترك منشأی عشق الهی در . ترتیب اعتباریله برنجیسی ایماندر ؛ فقط هپسندن علوی اولای تصدق در . ] دیبور . قاتولق پاپاسلرندن و محررین معاصریندن ( ریکابی Père Rickaby ) ، بوفضیلتی خرسیتیان اعتقادنجه تعریف ایتمش و ( اللهدن کلوب اللهه کیندی کمزی نظر دفته آله رق كرك کندیمز کرکه قومشولرمز حقنده پرورده ایلدیکمز محبت ) دن نشأت ایتدیکنی سوبله دکن صوکره: [ تصدق بو حیات دنیویه نك و مخلوقانك فوقده بر مقصده ناظر در ؛ ( خیرخواهلق philanthropie ) دن فرقی بودر ؛ بر ماتریالیست ، بر دینسز خیرخواهلق حسنه مالک اوله بیلیر ، فقط ( کرم charité ) ده نیلن فضیله بیکانه در . ] دیمشدر .

بزآرده بوقدر مهم بر فرق کورمه یورز ؛ بالعکس صوفیه شرقك بو خصوصده کی ملاحظاتی ( آباء کنیسائیہ les pères de l'Eglise ) نك اعتقادنهن دها شریف و دها علوی بولویورز . بزده کرمی اعلاى فضائل اولق اوزره تعلیم و دائماً اقتضاسنجه عمل ایدن صوفیه، (خیری ، محض خیر اولدوغی ایچون) توصیه واجرا ایتمشلر و اوندن هیچ برنوع مکافات بکله مه مشلردر . حتی عوض اوله رق رضای حق کز نمکدن بیله و از کچمشلردر . اعتقاد مزه کورده کرم، حقیقتاً و تماماً حسب اولق ایله مشروط ایسه، صوفیه نك حرکتی البته دها نجیب در .

خرستیانلغک بدایت ظهورنده اهاالی نك طبقات سفلیه سی صوکره درجه ( فقر و فاقه paupérisme ) ایله حقیقتاً آجینه حق بر حالده بولونویورایدی . ایلك امت خرسیتیانیه دخی بوزوالی خلقك بر قسمندن متشکل و آنحق اسافل ناسدن عبارت ایدی . ( باولوس ) بوتون خرسیتیانلرك حضرت عیسی علیه السلام ایله ( مناسبت مغویه relation spirituelle ) سی اولدیغی ادعا ای دیبور و یکد بکرمینه محبتله ازلیا و صمیمیاً مربوط بولند قلیرنی آکلاتیوردی . بدایت امرده خرسیتیانلغک بلکه اک بویوک

قوت مغنویه سنی تشکیل ایدن بو اعتقاد ، همان هر تورلو حقوق اجتماعیه دن **Oharité** محروم بولنان امت عیسویه بی امیدوار سعادت ایتش ایسه ده عینی زمانه دخی ( قومونیزم communisme ) اوزره باشاق مجبوریتنه بولوندورمشدی . فقط بو وعظلرک وتلقیناتک انسانیت ایچون اک بویوک قتالنی تصدق مدخنه مبالغه سی اولدی . نتیجه ده ( دیلنجی لک la mendicité ) مشروع بر حرکت اولغله قالمایوب ( زهد وتقوا piété ) اقتیاسندن کورولدی واک بویوک فضیلت اولق اوزره تلقی اولوندی . ( تارک دنیاالق ascétisme ) میلک ده انضام تأثیری ایله جماعت خرسیتانیه ده برطاقم ( سئله طریقترلی ordres des mendiants ) تأسس ایتدی که بونلرک - آز زمانه یوزلرجه بیک کئی به بالغ اولان - افرادی ، هیچ برایشله مشغول اولمایوب سوقاق سوقاق وحقی دیاردیار کزه رک دیله نیرلر وبوصورتله یاشامه بی زهدایله برطوتارلردی . فطرت انسانیه ایچون برذل ، ( حیات اجتماعیه la vie sociale ) ایچون برتهلکه اولان بوسقات ماده و مغنویه البته ( پاولوس ) ک مبالغه لی تلقیناتک اثر نکئی ایدی . یوقسه ( عشق انسانیت l'amour de l'humanité ) ی مبدأ حرکت ومنبع فضائل عد ایدن دین عیسوی - شهسز - اخلاق بختنده اک یوکسک حسیاتک دستور اعتقادی ویرمشد . فقط اونو تالمالی ذکر که ادیان منزله نک - بلااستنا - همان جمله سنده اساس اخلاق محبت انسانیه در . محتاجینه بالفعل معاونت ایدوب صدقه ویرمک مجبوریتنی امته بروطفه اوله رق تکلیف وتحمیل ایتمین بر دین صحیح یوقدر . فقط بو خصوصه فرط غیرت ایله مبالغه یه واران حواریون عیسی ، خیریتی ایله اخلاق انسانیه بی تذلیل ایتشلر و جماعتی بر بویوک تهلکه یه آتدق لرندن بی خبر بولونمشلر در . بو تهلکه اوقدر مدهش ایدی که مضرقی جماعت خرسیتانیه یه منحصر قالمایوب بر جوق عصرلردن صوکره بیله عالم اسلامه دخی سرایت ایتشدر .

حکمت صوفیه ده اعتر مقاصد ( تخلق بخلق الله ) سایه سنده وصال حقه نائلیدن عبارت اولدوغی جهته بو مقصده محض حسنات ایله ایریشمک ممکن ایکن ، مطلقا ترک دنیا و رغبت اخری لزومی اعتقاده حاکم اولمش و بوده



**Charité** اختیار صفات و ترجیح مسکنت و عطالت معناسنده تاقی ایدلمش بولوندوغندن بزدهده تحقیر حیات و تذلیل نفس - یا کاشقله - نشانه تقوی عد اولونمشدرد . حق اعزّه کرامدن ابراهیم ادهم تاج و تختی ترک ایده رک (ساک فقر و فنا) اولمی ترجیح ایتشدرد . چین ده (بوددا - ساکیامونی (Bouddha Sâkiâmouîni) دخی شاهزاده ایکن عینی سیله و عینی صورته ترک سلطنت . اختیار زهد ایتشدی . دیمک که بوده - اکر بر فضیلت ایسه - خرسیتیانلقدن چوق اول معلوم و معمول به ایدی .

اسلامیتک بو باده کی تعلیماتی هیچ شبهه کورتورمز ؛ چونکه قرآن کریم ده بو خصوصه دائر شرف وارد اولان آیات حلیله صریحدر . ادیان منزله نک جمله سی کی دین اسلام دخی محبت انسانیه به بناء تصدی - نص ایله - امر ایدیور . (اطعام الیتامی و المساکین و ابن السبیل) حقدده همان کتاب کریمک هر سوره سنده تنبیها و اردر . (سائل ، الی بوش رد ایدلر ! .) (عبوس بر چهره ایله قبول اولونماز ! .) خصوصاً (زکاة) اسلامک شرط لرندن بریدر . حتی قرآن کریمک تعلیمات صریحه سندن بری ده (لیس البرّ ان تولوا وجوهکم قبل المشرق و المغرب .. الخ) آیت جلّیله سنک معنای منینی در . (تقوی ، یوزو کزی مشرقه و مغربه دوندورمک دکلدر . الله ، یوم آخرته ، ملائکیه ، کتابه و پیغمبرلره ایمان ایتکدر . مالی اقربایه ، یتیم لره ، مسکینلره ، ابنای سیله ، سائللره و اسارنده اولانلره و یرمک ، هم (علی حبه ؟) یعنی محبت اوزرینه و یرمکدر . اقامه صلاة ایتک ، زکاة و یرمک ، عهد ایتدیکی زمان عهدینی ایفا ایتک ، صیقینی زمانلرنده صبر ایتکدر . یأس (یعنی شدت فقر و فاقه) زمانلرنده صدقه و یرنرمتی درلر !] بیورلمشدرد . اوروبا حکما سنک الزیاده تقدیر ایدوب علوی بولدوغی ایشه بو آیت کریمه در که فی الحقیقه فضائل انسانیه نک اکمهلرینی تقوی نامی آلتنده جمع ایدیور .

فقط هیچ بروقت دیلنجیلکی فضیلت ، مسکنتی سعادت عدا یتمه مشدر . حکمت اسلامیه نظر نده مسکینلره معاوننده بولنق واقعا فضیلت در . فقط مسکین اولق او یله دکلدر . نته کیم تارک دنیا لق و رهبانیت دخی مقدو حدر .

نعمای الهیه دن هر وجهله استفاده ایده بيلمك حقنى قازانمق ايجون چالشمقندن Charité باشقه بر چاره كوسترلمه مشدر : ( وان ليس للانسان الاماسى ! ) نص صريحدر .  
 خريستيانلقدمة الك علوى فضيلت عداولونان ( تصدق ) اعتقادى ، ديكر بر  
 نقطه نظر دن دخى شايان تنقيد ومؤاخذه كورونور : بوخصلتك ( لاهوتى  
 المنشأ d'origine divine ) اولدوغنى تصور ايدن و بو تصور لر نى غريب  
 بروجله تعريفه چالیشان ايلك آباء كنيسائيه نك ، انسانلنى يالكز خريستيانلغه  
 منحصر كورمه سى قبول اولتور ادا لر دن دكلدر . ( حس تصدق le sentiment  
 de charité ) حضرت عيسى عليه السلام ايله كندى امتى افرادينك - يالكز معناً  
 وروحاً دكل ، جسماً دخى - ( قدسى بر رابطه sainte communion ) ايله  
 يكو جود اولما لر دن نشأت ايدييور و صدقه ويرمك مجبور تى بو كيفيت اوزر نه  
 مستند و مؤسس بولونويور سه ، او حس شفقت بوتون انسانيتى شامل اوله ماز ،  
 چونكه بوتون انسانيت او خريستيان اعتقادينه مشارك دكلدر . صدقه ، كرم  
 - بلا تفريق جنس و مذهب - بالمله ابنائى بشرى قوجاقلا ياجق قدر عمومى  
 و انسانى بر اثر محبت در ؛ و اويله اولما زسه ( انائى لك égoïsme ) صايابر ؛  
 فضيلت اولما ز . يالكز كندى منسوب اولدوغى جماعت افرادينه مرحمت  
 ايدن بر كيمسه ، - تام معنايله - ( حسى و انسانى désintéressé et humain )  
 بر حس شفقت طويامامش ديمكدر .

اسلاميت صدقه نى ، خصوصيت دينيه و مذهبيه و قوميه ايله تنقيد ايتمه مشدر .  
 مـلمانلر محتاج اولان هر كسه تصدق ايله مكلفدر لر ؛ وذات الوهيتله - وجهاً  
 من الوجوه - مشاركتمز دن طولايى دكل ، ( زيرا اويله بر مشاركت و مشابھت  
 اسلاميت نـرعيه نظر نده قطعاً منكر و ممنوعدر . ) محتاج معاونت اولانلره  
 - انسانلقدمة مشاركتمز حسييله - وجدانمزده حاصل اولان حس شفقتى  
 تطمين و تشفيه ايتك ايجون صدقه ويرير ز . بوسايه ده تحصيل ايتديكمز حس  
 سرور ، حركت انسانيت پرورانه مزك يكانه مكافات معنويه سى دو .

شبهه يوقدر كه حكماى خريستيانيه نك بومسئله ده فلاسفه يونانيه يه قارشى  
 ادعاى تفوق ايتمه سى ( و نيه يعنى بت پرستلك paganisme ) فضائلنى انكار

Charité و فلسفه عالمده حالا معتبر طوتولان نظریات مشهوره لك اساسلرنده قصور كوستره رك ( اخلاق دینه la morale religieuse ) یی تفضیل و ترجیح معرضنده ایدی . یوقسه ( اتصال communion ) اعتقادی خرسیتانلقدن چوق اسکی در، حتی عمومی در؛ چونكه اقوام وحشیه ده بیله موجودیتی تحقق ایشدر . [ esprit و mysticisme کلمه لرنده بوخصوصه دائر تفصیلات ویرلشدر : باقیکنز ! ]

حکمای اسلامه کئنجه، ( نظریه اخلاقیه ) تماماً ارسطونك کی کبی در . صوفیه - بومسئله لرده خصوصیت اعتقادندن ناشی استئنا ایدیلیرسه - ده نیله - بیلیركه فلاسفه اسلام او حکیم یونانیك اصول اخلاقیه سنی همان عیناً قبول ایش و فقط ( اخلاق مشائیه la morale péripatéticienne ) ده، یعنی ارسطو مذهب اخلاقیسنده معتبر اولان درت ( فضائل اصلیه ) قادروسی برازدها توسیع ایده رك ( کرم charité ) ی ( عفت tempérance ) انواعندن صایمش و اوصنفه درج و ادخال ایله مشدر .

تحقیقات، کوستریورکه ارسطونك ( اخلاق éthique ) نامیله مشهورعالم اولان اثرینی نصیرالدین طوسی ودها بر چوق امثالی کبی حکمای اسلام، ایکنجی الدن آلور ترجمه و بعضی علاوه لرله اکمال و تعلیمات اسلامیه به توفیق ایشلر و مؤلفین عثمانیه دخی بومعلوماتی عیناً اولردن ایشلردر . سلطان سلیمان قانونی عصرینك علمای مشهوره سندن بری و اخلاقیون عثمانیه لك - شهسز - برنجیسی اولان ( قینالی زاده علی افندی ) مرحوم، ( اخلاق علائی ) نامیله معروف کتاینده، بوتون معلوماتی ( اخلاق جلالی ) و ( اخلاق ناصری ) دن اقتباس و نقل ایتدیکنی سویله یور، و - فی الحقیقه - ارسطو و افلاطونك ( فضائل اصلیه ) سنی اساس طوته رق اوزون اوزادی به تفصیلاته کیریشوب بر چوق شعرا و مؤلفینك سوزلریله دخی استشهاد ایتدیکی صیره ده اکثریا کندی ملاحظاتی ده بیلدی ریسور .

حکمت، عدلت، شجاعت و عفتی ( یعنی یونانیلرك فضائل اصلیه سنی ) مبدأ حسنات، و امتهات اخلاق اولق اوزره قبول ایتدکدن سوکره بونلردن

هر برينك تختنده مندرج اولان خصائل مدوحه ي تفصيلاً شرح و بيانه كيريشيور: Charité  
 [ اماغت تختنده مندرج اولان فضائل اون ايكي نوعدر : اول (حيا)  
 ايكنجى سى ( رفق ) ، اوچونجى سى ( هُدى ) ، دردنجى سى ( مسالت ) ،  
 بشنجى سى ( دعت ) ، آلتنجى سى ( صبر ) ، يدنجى سى ( قناعت ) ، سكرنجى سى  
 ( وقار ) ، طوقوزنجى سى ( ورع ) ، اونونجى سى ( انتظام ) ، اون برنجى سى  
 ( حریت ) ، اون ايكنجى سى ( سخا ) در . ]

ديدكدن صوكره بوفضائلك هر برينى آيرى آيرى تعريف و برايكنجى دفعه  
 دها تقسيمه تابع طوتوب تصنيف ايدييور . سخاوتى مدح ايتكده حكماى  
 خرسيتانيه دن هيچ آشاغى قلاماش اولماسى شاين دقدر ؛ باقيكز :

[ مخنى اوليه كه وصف سخاوت - نظر شرع و اعتبار عقلده - افاضل  
 فضائل واحسن خصائلدندر ؛ و مدح استخاده، آيات كتاب كريم متكائر  
 واحاديث نبوي رحيم متوافردر . مستقل تأليف كتاب كرك كه مدح سخا  
 - فى الجمله ! - مبسر اوله !.. ودخى سخا تختنده انواع فضائل و مكارم  
 چوقدر . مقام، بسط كلام اقتضا ايدردى، اما خواجه نصير طوسى بو مقدار  
 ايله اكتفا ايتكين بز دخى آنلرك ائرينه اقتفا ايله دك . ]

هان بوملاحظه يي متعاقب سخاكت تقسيمايى كلييور كه ( كرم ) آنجق بو  
 جنسده داخل بر ( نوع ) در :

[ انواع فضائل - كه سخا تختنده مندرجدر ، - سكرز نوعدر : اول،  
 ( كرم charité ) ، ايكنجى سى ( ايتار ) ، اوچونجى سى ( عفو ) ، دردنجى سى  
 ( مروت ) ، بشنجى سى ( نيل ) ، آلتنجى سى ( مواسات ) ، يدنجى سى  
 ( سياحت ) ، سكرنجى سى ( مساحت ) در . اما ( كرم ) اولدر كه نفعى عام  
 وفائده سى تمام اولان امورده - مصلحت اقتضا ايتديكى اوزره ! - مال موفور بزل  
 ايتك كشي نك نفسنه آسان اوله ! اما ( ايتار ) اولدر كه مال واسبابنه كندى  
 محتاج ايكن، آخرك احتياجن مشاهده ايدوب آكا بزل و صرف ايدوب كندى  
 تحمل و صبر ايله ؛ وبو، عظيم فضيلتدر، وبوخلقلك مدخنده : « ويؤثرون على  
 انفسهم ولو كان بهم خصاصة » آيت كريمه سى نازل اولمشدر. الى آخره . ]

آکلاشیایورکه حکمای اسلام، - خرستیان اخلاقوننک یابدینی کبی - (کرم) ی، یونانیلرک فضائل اصلیه سنه علاوه ایتمه مشلر، عفت انواعندن عد ایدم رک اوصنغه داخل اولان خصائل ممدوحه دن برنجیسی اوله رق طانیملردر . خرستیان مؤلفلرنده (ایثار) کلمه سنه تقابل ایدم جک بر تعیر مخصوص بولونه ماماسی دخی آیریجه شایان دقتدر .

دیگر ایکی فضیلت خرستیانییه یعنی (ایمان) ایله (امید) . کمنجه ، علی افندی ایمانک آنجیق اخلاق ایله مناسبتندن بحث آچوب فضائل ایله عامل اوله بیلیمکده ایمانک بالفعل دخلی اولوب اولمادیغه دأر اوزون اوزادییه مناقشانه کیریشیورکه نقلندن صرف نظر اولوندی . شبهه یوقدرکه فضیلتی (عمل ایدیمک *pratiquer*) ایچون اوکا اینانمالی در . لکن اینانمق، بالذات بر فضیلت دکل ، بر قناعت وجدانیه ، وثناء علیه بر (حالت روحیه *état d'âme*) در . نته کیم اونک محصولی اولان امید دخی اوله در . علی افندی، فضیلت ایشله مک ایچون، ایمانی - آنجیق (سائق *mobile*) و مشوق عد ایدم رک - بالذات اخلاق قادروسی خارچنده برامقله، دهسا طوغرو دوشونمشدر . واقما بر ایشی (وظیفه متحتمه) اوله رق اجراایفا ایدم بیلیمک ایچون اوایشک (خیرواجب = *bien nécessaire*) اولدوغنه صدق ایله اینانمق لازم ائسه ده جمیع اعمالده ایمان، مطلقا شرط دکلدر . اکثریت ناس، (گوره نک) یعنی (تقلید ایله *par imitation*) حرکت ایدر . بونده هیچ شبهه قالماشدر .

خلاصه : کورولویورکه فلاسفه یونانیه (کرم) ی فضائل صیره سنده ذکر ایتمه مش؛ حتی - یاقینده عرض ایدم جکم وجهله - پک دوشونمه مش . خرستیانلغک ظهوریه پیدا اولان حسابات مرحمت وشفقت اقتضاسندن اوله رق (کرم) اکبویوک بر فضیلت عدایدیله رک بر حیثیت مخصوصه قازانمش و بونکله برابر (ایمان) و (امید) کبی حالات روحیه دخی - اوتهدنبری معتبر اولان - فضائل اصلیه قادروسنه ادخال ایدلمشدر .

بو بحث، اخلاقیات ایله اجتماعیات علملرینک تماس ایتدکلری نقطه یی

کوستریور . ( اخلاقیون les moralistes ) ، کر مکارلق دیدیکمز بو Charité خصلت مدوحه نك ( منشأ l'origine ) نى كاه ( عنايت الهميه la grâce divine ) ، كاه انسانده موجود فطرى بر قابليت مخصوصه ، كاهيجه دخی ( تعاون و تساند solidarité ) مجبوريتته عطف ايدمه نك اوزون اوزادى به مناقشه لرله اوغراشد قلى صيره ده . ( اجتماعيون les sociologues ) ك مشاهده و تدقيقاتى كوستر مشدر كه بو خصلت مدوحه هنوز تمدن ايتمه مش بولونان اقوام و ( قبائل بدويه tribus nomades ) ده بيله واردر ، و اغلب احتماله كوره ( غربا étrangers ) به مرحمت صورتنده باشلامشدر . ( حال حرب état de guerre ) و يا خود ( حال سلم état de paix ) اوزره ياشامه نك ( اجنبى دشمنلى xenophobia ) و يا خود ( اجنبى دوستلى xenophilie ) ايله سبقى سبقى به علاقه سى اولدوغى بديهيدر . بعضى قطعات و حوالى اهالى نك تجاوزات اجانبندن همان داتما مصون قالمش و صلح ايجنده ياشامش اولماسى بلكه بو خصلت جميله نك تمنى و تكملنى موجب اولان اسباب مختلفه دن برى در ؟!

مرحاله بو ( charité ) تعميرى حقنده ( آمرىقان قاموس اخلاقى و دينى سى Encyclopædia of religion and ethics ) ، بر برينى متعاقب اون دانه اوزون مقاله ايله اديان و اقوام مختلفه به دائر تفصيلات ويريور . ( كرمك ابتدائى اشكالى ) نى تتبع ايدن برنجى مقاله ده ( ميده ندورف Middendorff ) ، ( شهنق Schenck ) ، ( فينش Finsch ) ( زيروشه وسكى Sieroshevski ) و دها بونلر كى مونوق الكلم ( سياح - محرر لر ) ك رواياتى ايله استشهد اولونويور و شمالى سيرياده ساكن اقوام تورانيده ( صوك درجه ديكر كامانه حسيات sentiments altruistes extrêmes ) ك عادتا اخلاق اجتماعيه به بر ( صفت كاشفه la caractéristique ) تشكيل ايتكمده بولوندوغى ادعا ايديليور . بو محيفه لك استيعاب ايدمه چكى درجه ده مفصل اولان او مطالعات مفيده ي - مع التأسف - بورايه نقل ايدمه جهكم . فقط بر ايكى جمله عرض ايتكم بيله كفايت ايدر :

( اوستیاق لر Ostiaks ) ، ( یاقوت لر Yakuts ) ، ( طونگوز لر Tunguses ) ودها برچوق اقوام شمایله ده بو حس تعاون و کر مکاری او قدر قوی وده رین در که هر یرده تشکیلات اجتماعی به تأثیر ایتمش وحتی ( اصول دین système religieux ) دن معدود اولمشدر . الخ ! .

( صامویه د لر Samoyèdes ) ده - تمامیه ( حسی desintéressé ) اوله رق ! - محتاج ودرمانده اولانلر یار دیم ایتک عمومی بر عادتدر . فقرا ایچور بو قوم افرادی او درجه ( پر مرحمت = full of pity = plein de pitié ) در که هر کس صو ک لقبه سنی بر فقیر ایله پایلا شمنه حاضر بولونور ... الخ الخ ! .

( له نا Lena ) چایی حوضه سنده توطن ایتمش بولنان ( تورکی یاقوت لر Turkish yakuts ) ک بو خصوصده کی اعمال و اجرا آتی دها ( معنادر significant ) در . پک شدتلی صوغوق اولان حوالی شمایله ده عادات قومیه ذره قدر ده کیشمه مشدر . مجادله حیات اورالرده غایت چتین شرائط ایله مقید بولنقله برابر ، مسافرین و سیاحینه ، قومشورنه و علی العموم غریباه ییه جک صامق و یاخود اولنردن کیرا آلمق زیاده سیله موجب شین و عار بر حرکت مقدوحه عد اولونمقده در . بویه شیلر ایچون یاقوت تورکلرینک اک فقیرینه بیله باره تکلیف ایدلسه بو حرکتی تحقیر عد ایدر . سیاحلر ، قیشین حیوانلرینی بسله مک ایچون یاقوتلرک اوت ییغین لرندن باره سز پولسز دهمت دهمت اوت آلیورلر و مال صاحب لری بونی ( حقلی right ) کورو یورلر . فقیرلر و ییوایه لره معاونت ایتک و ( تقیدات care ) ده بولونمق هر قبیله و هر عائله ایچون دائما بر ( وظیفه obligation ) اولمق او زره تلقی ایدیله - کلشدر . الخ اخره ! .

طونگوزلر حقنده دخی طبقی بوکا بکزر روایات موثوقه ایله ابدال مدایح ایدلشدر . مع مافیه اوروپالیر ایله تماس آرتدجه بو اخلاق حسنه نک یاواش یاواش تکدر ابتدیی دخی قید و تذکار اولونمشدر که بو کیفیت بالخاصه شایان دقت اولسه کر کدر . خصوصا جنوب طرفلرنده اختلاط اجانبک بو صورتله اخلاق قومیه به تأثیری دها زیاده وضوح ایله کورولویور .

اوروپا، مدینه یونان قدیم وارثی اولدوغی کیبی بوکونکی عرب Charité فلسفه سی نظرلنده دخی (کرم) - فقط الک کنیش معناسیله ! - ینه فضائل اخلاقیه نك الک بویوکی صاییلدینی ایچون کرك یونان قدیمک کرکسه زمانمک بو خصوصده معتبر اولان دستور عمل واعتقادینه دائر - ولوکه پک مختصر اولسون ! - برفکر ویرمک فائده دن خالی دکدر .

قدیم یونانستانده ( هزیود Hésiode ) و ( اومیروس Homer ) کیبی الک اسکی عادات و اخلاق ملیه دن خبرویرن آدملرک محررات و روایاتنه باقیلیرسه فضائلک جمله سی کیبی کرمک دخی مناسبات بین البشریه دن طوغمش و ( حیات اجتماعیه la vie sociale ) ایله برابر ترقی و تکامل ایتش اولدوغی تسلیم ایلمک لازم کایرکه بوحالده [ اخلاق منشأ اجتماعی سی - l'origine socio-logique de la morale ] نی ادعا ایدن فیلسوفلره حق ویرمه مک کوچ اولور . ( بو بحثلر ایچون morale کلمه سنده تفصیلاته باقیکنز ! )

( هزیود )، یونان قدیمک الک بویوک الهی ( ژوپیتر Jupiter ) . قارشى کفر صاییلان کناهری شو صورتله تمین ایدیور : (۱) برشی رجا ایدن مسافری رنجیده ایتک ؛ (۲) برادرینک قاریسنی ( باشند چیقارمق séduire ) ؛ (۳) یتیمک حقنی یتک ؛ (۴) اختیار اولمش آنا بابایه - اولاده یاقیشمایه حق بر صورتده - بد معامله ایتک ! ..

بویانات بر درجه یه قدر اثبات ایدیورکه فضیلت، ( ابتدائی primitif ) شکلنده ( انسانی humain ) دکل، آنجق ( عائله وی familial ) ایتش ؛ سوکره سوکره بوتون انسانیتی قوجاقلایه حق قدر برحس شامل اوله بیلیمشدر . معاصرین فلاسفه دن متوفی ( هرمان لوتزه Har. Lotze ) ، عالم صغری ( microcosmus ) نام اثرنده فضیلتی بو ( طار étroit ) و ابتدائی شکلیله قبول ایدم میور . مذکور کتابنده بالخاصه عائله حیاتندن بحث ایدرکن دیورکه : [ بوقوم وقیله مناسباتی اخلاق اجتماعی بی کوچ تعلیم ایدر . زیرا بویکانه و خصوصی رابطه عائله افرادی او یله برطافم حسیات ایله یکدیگرینه باغلارکه انسانلرک علی الاطلاق هم جنسلیرینه قارشى مکلف بولوندقلری - وظائف



**Charité** عمومیه دن اودویغولر فیضان ایدمیز . واقعا اوحسیات، حیات اخلاقیه نك قیمتی - عرضی اوله رق *accidentellement* - آرتدیریر ... فقط وظائف عمومیه بی انسانلرک وجداننده تنویر ایدمیز، بالعکس کولکده بر اقایر . [ آلمان فیلسرفنک بوملاحظاتی جداً مهمدر : فضیلتک طائفه ویا قوم و قبیله محبتنه منحصر قالما یوب انسانی اولماسی شرطنی تأییدایدیپورکه فضائل خرسیتانیه حقتنده کی مطالعات تنقیدیه دن بنمده مقصدم بوایدی . بوا دعایه کوره ( صلهٔ رحم ) - قام معناسیله - فضیلت صایسله مامق لازمکلیر .

معلومدرکه حکمای اسلام، انسانک کندی اقرباسنه و قبیله سی افرادینه فداکارلق وایی لک ایتمک خصلتنی بو تعبیر ایله یاد ایدرلزدی . قینالی زاده مرحوم، بونی تعریف ایدرکن : [ صلهٔ رحم اولدرکه اقارب وعشائرنی رعایت و ارساده اقصی الوسع ساعی، و جهت بذل مال ایتمکده مقتضیات ومستدعالرنی مراعی اوله ! ] دیور .

هر حالده یونان قدیمده کرم، بوندن ایلری کیده مه مشدی . اونک برشکل عادی و عمومیه سی اولان ( تصدق *l'aumône* ) دخی ( مسافر پرورلک *hospitalité* ) لوازمندن عد اولونوردی . حتی ( اومپروس ) ک ( اودی سه آ *Odyssée* ) نامیله مشه، راولان داستاننده ( *ξείνοι τε πτωχοί τε* ) ده نیلدیکنه باقیلیرسه - انسانلری کندی مملکتلری خارجنده یک مسعودایده مه ین - اواسکی زمانلرده ( غربانک فقرا ایله بر ) طوتولمش اولماسی بر آ ز طبیعی کورولیور؛ انسانه یک غربب کلیر . اوقدیرده دخی کرمک نیچون ( غربانوازلق ) دن عبارت قالدینی وحتی اوندن تولدایتمش اولدوغی ده لایقیله آ کلاشیلور .

یونانستانده ( عرفان *culture* ) ایلویه بوبده فیلسوفلر تورلو تورلو نظریات اخلاقیه ترتیب و تأسیس ایتدکن صوکره بیله - حقیق و انسانی معناسیله - کرم حقتنده نظر دفتی جالب بر فکر و ملاحظه عرض ایتمه مشلردی . فقرانک اصحاب ثروته قارشى بر حق ادعاسنه صلاحیتی اوله بیلمه سی خاطرلره بیله کله مشدی . حالبوکه خرسیتانلرک حکمت اخلاقیه سی محضا بوا دعا اوزربنه مستددر، واونک ایچون بر آ ز فضله سوسیالیستجه در .

ارسطو، اخلاق بخشنده، آزاده لکي و حیثیت شخصی حسنی اعلاى خصائل **Charité** عدايدیور . استاد یونانی نظرنده اك فاضل آدم آنجق (  $\epsilon\lambda\epsilon\upsilon\theta\acute{\epsilon}\rho\iota\omicron\varsigma$  ) و ( حیثیتی  $\mu\epsilon\gamma\alpha\lambda\omicron\pi\rho\epsilon\pi\iota\varsigma$  ) اولان کیمسدر . ( مغالوپره پیس =  $\mu\epsilon\gamma\alpha\lambda\omicron\pi\rho\epsilon\pi\iota\varsigma$  ) لفظك، حرفیاً ترجمه سینه کوره اصل معنای لغویسی ( بووکلکه یاقیشه جق صورتده حرکت ایدن ) دیمك اولدوغنه باقیلیرسه فقرا و بیوایکانه شفقت و احسان ایله معامله ایتك خصلت جمله سنی دخی متضمن کورونه بیلیر . فقط شوراسی محققدرکه ارسطوبوکا دائر صراحة هیچ برشی سوله مه مشدر . بالعکس ( اومپروس ) ك فقرای جماعتدن مطرود ( دکر سز بی کسلر  $\alpha\tau\acute{\iota}\mu\omicron\tau\omicron\varsigma$   $\mu\epsilon\tau\alpha\nu\acute{\alpha}\sigma\tau\eta\varsigma$  ) اولق اوزره تلقی ایتمه سینه و مضحکه نویس مشهور ( آریستوفان Aristophane ) ك ( بولولطر  $les\ nuées$  ) نامیله معروف اثرنده دیلنجیلری ( بویتنده ایله آصیلی طور باسی و مردار پلاسپاره سیله یونان قدیمده فقرایه شفقتدن زیاده نفرت حس ایدلش و ( صنوف اجتماعیه خارجنده  $déclassé$  ) برطاسم دکر سز مخلوقات نظریله باقیلمش اولدوغنه اینانق لازم کیلور .

علی الاطلاق بنی بشره شفقت و مرحمتله معامله ایتکی یالکز بر فضیلت دکل ، ( عدالت ) قدر اساسلی بروظیفه اولق اوزره تعلیم و بو ( مبدأ اخلاقی  $principe\ moral$  ) نك کمال اهمیتی ادعاده اصرار ایدن ( رواقیون  $les\ stoïciens$  ) اولمشدی . [  $Stoïcisme$  تعیرنده تفصیلاته باقیکنز ! ]

[ یونانستانده بوفلسفه اخلاقیه بی تأسیس ایدن (  $Zénon\ le\ stoïque$  زینون ) میلاد عیسادن ( ۴۴۰ ) سنه اول اناطولی ده طوغمش و انشای سیاحتده ایمچنده بولوندوغی کی فورطنه دن قضایه اوغرایجه یونان سواحله آتیه رق آتیه بککش و فلسفه تحصیل ایله مشغول بولونمشدی . تعلیماتی زیاده سیله بکنندیکی سقراط ایله معاصر ایدی . ]

دیمك که کرمی بر بویوك فضیلت حتی بروظیفه انسانیت اولق اوزره تعلیم ایدن بو فیلسوف یونانی - هیچ اولمازسه اوج عصر برمدتله - خرسیتانلغه قدم ایتمشدر .

زمانه‌ی فلسفه‌ی منتهی به یوقدر که کرم به الی علوی بر فضیلت  
 عد ایدلمکده در . یالکزی بوکونی مدینتک تولید ایتش اولدوغی بر جوق  
 مسائل اجتماعیه‌ی کمال جدیت و اهمیتله نظر دقته آلوب اخلاقی - احتیامی  
 بر حیثیتله تنبع ایدن فیلسوفلر، اسلافک کوره‌مه‌یکی فرقلری تقدیر ایتدکلی  
 ایچون ر مکارلک اشکال مختلفه‌نه ( ذات مسئله la question même ) دن  
 زیاده اهمیت ویریورلر ؛ و طیبی در که بوخصوصده کی تقدیراته کوره اختلاف  
 نظر حاصل اوله جفندن ، فلسفه اخلاقیه ده مذاهب معینه کوره ویرلن  
 حکملرده فرقلر کورولویور . مع مافیه زمانه فیلسوفلری ، اساسلرده علی العموم  
 اتفاق اوزره درلر : بوتون اوروبا اخلاقیونی وظائف انسانیه‌ی ایکی بویوک  
 صنفه آیریور ، بر قسمنه ( وظائف عدل devoirs de justice ) ، دیگرینه  
 ( وظائف شفقت و کرم devoirs de charité ) دیور . ایکیسینکده ( آمر مجبر  
 impérieux ) یعنی مجبوری اولدوغنی کمال اهمیتله تنبیه و اخطار ایدیور ؛ چونکه  
 ( اختیاری facultatif ) وظیفه اوله ماز : تمیزک ماهیتته منافی و معنای اصطلاحی سی  
 ایله متناقض در . وظیفه ، مطلقاً ( آمر impérieux ) در و آنجق اوله  
 اوله بیلیر . یالکزی سوقدر فرق وار که ( وظائف عدل ) ی ( قانون la loi )  
 امر ایدر ، و دیگر انسانلرک بونده بر ( حق مطلوب droit exigible ) ایله  
 علاقہ سی ده واردر . مثلاً بورجی ویرمک ، کیمسه نك جاننه ، عرضه ، ماله  
 تجاوز ایتمه مک بو صنفده داخل اولان وظائف زمره سنددر . انسان بو  
 وظیفه سی ایضا ایتزه قانون حکومت اونی مجبور ایدر . بوخصوصده  
 علاقہ دار اولانلر دخی حقلرینک احقاق ایدلمه سی ( طلب exiger ) ایدرلر .  
 شفقت و کرم دخی بر وظیفه در ؛ و او حیثیتله ( مجبوری ) در . لکن  
 بوخصوصده آمر اولان ، قانون دکل آنجق وجدانددر . اونی هیچ کیمسه اجبار  
 ایدمز . ایدمه یکه چی فرض اولونسه بیله زورله اظهار اولونان شفقت ،  
 ( اخلاقی کوزللك beauté moral ) فی تماماً غائب ایدر و شفقت اوله مازدی .  
 برزنکین آدمک ، ( باس ) یعنی شدت سفالت زمانلرنده فقر اودر ماندکانه معاونت  
 ایتمه سی بر ( وظیفه وجدانیه ) در . بویله بر آدم ( یاردیم ایتمه یی ) در ؛

فقط ایتمزه اونی هیچ کیسه وهیچ بر قانون اجبار ایده من . ایشه فرق **Charité** بوراده در .

بوفکر لرده هر فیلسوف متفق بولونویور . [تفصیلات ایچون **devoir droit** کله لرینه باقیکنز ! .]

مع مافیه مدینتک ترقیسی ایله جماعته اوپله بر قوت معنویه پیدا اولویور که - ایلری ده - افرادی وظائف وجدانیه ایفاسنه مجبور ایده چک بر ( امر ) اوله بیایر . اوده خلقت ( اعمال فردیه **actes individuels** ) حقنده ( تقدیر **approbation** ) ویا ( لوم **désapprobation** ) ایله حکم ایتمه سنده کی ( تاثیر **effet** ) در .

زمانم زده ( تکامل فلسفه سی **la phi. de l'évolution** ) نك مؤسسی اولان متوفی ( هربرت سبنسر **H. Spencer** ) ، معظم ومنتظم بر سلسله تشکیل ایدن مجموعه آثار زده ، حکمت اخلاقیه بی ، فلسفیاتک ( مقصود خاص **but propre** ) ی اولق اوزره تلقی ایتمش ویا لکنز بو خصوصاته دأثر یازدینی درت بویوک جلدک ایکینسی ( وظائف وجدانیه ) تبعاتنه حصر ایله مشدر . سبنسر بو وظائفی ایکی قسمه آیریور . برنجیسی ( وجودی خیر خواهاق **bienfaisance positive = positive benevolence** ) نامیله بالفعل وبلا محبوریت قانونیه اجرایی لازم اولان ایی لکلردر . ایکنجیسی ( عدمی خیر خواهاق **negative benevolence = bienfaisance négative** ) نامیله اجرایی ایجاب ایدن فدا کارلقلردر .

اتفاق محتاجین و تصدق وامثالی خیر خواهاقلر برنجی قسمده داخلدر . فقرايه قارشى برحقدن واز چکمک ایکنجی قسمده داخلدر .

کرك سمعدت اجتماعیه نك ، کرك ( اخلاق فردیه **la morale individuelle** ) نك کمالی ایچون خیر خواهلنی برنجی شرط اولق اوزره تلقی ایدن و بناء علیه وظائف قانونیه بی پک کفایتسز بولان بوانکلیز فیلسوفی ، خیر خواهلنک صور اجراییه سنه هر کسدن زیاده اهمیت وریور . مثلاً خرسیتیانلنک توصیه ایتدیکی اوزره علی الانفراد دینجییه صدقه ویره نك شدتله علمهنده در .

**Charité** صدقه‌نك انسانیتی بوسبوتون تذلیل ایتدیکنی و دیلنجیلردن زیاده دیلنجیلکی بسله یوب سفالتی آرئیردیغنی بحق ادعا ایدیور . بوفلا کتک اوکنه کچمک و هیچ اولمازسه تأثیرات منحوسه‌سی تخفیف ایده بیلیمک ایچون مؤسسات اجتماعیه ده اصلاحات جدیه اجراسنی توصیه ایتیمکده مصدردر . هله بوظیفه شفقتی بالخاصه حکومتک درعهده ایتمه‌سه فنا حالدده قیزیور . بوندن سکسان بش سنه اولانکلتزه حکومتک ( اتفاق مساکن و محتاجین ) مقصدیه وضع ایتمش اولدوغنی ( فقرا قانونی poor law ) نك مرعیت احکامی ایچون طرح اولان تکالیف منضمه حقنه شدتلی تنقیداتی وارددر . بوویرکیلرک ناموسلی فقرای ناصل ناموسسز ایتدیکنی کوسترک ایچون تورلوتورلو دلیللر ابراز ایتمشدر . شفقت امرنده تکلیف و جبر واقع اولماق بر شرط اساسی ایدوکنه نظراً سببسرک بوخصوصده حق ظاهردر . چونکه حکومت اجرای شفقت ایتک ایچون جبراً ویرکو طرح ایدرسه هم وظیفه‌سی همده ماهیت شفقتی بک یا کاش آ کلامش اولدوغنی اثبات ایدر . اونک ایچون بوکیبی امور خبریه نك، هر اولان افراد و حکومتله هیچ برمناسبتی اولیان ( جماعتلر corporations ) ترتیب ایدر بر وظیفه انسانیه اولدوغنه دائر سرد ایتدیکی مطالعات دخی اولنستبدده محق در . نه کیم بوکون اویله در . بوتون انکلتزه نك خسته خانه لری، ایتاخانه لری هپ ( خصوصی معاونتلر private contributions ) سایه سنده اداره اولونیور . حکومتک بودجه سنده بو مؤسسات خبریه ایچون بش پاره لق مصرف بیله کوسترله مشدر .

انکلیز فیلسوفی، انکلیز ملتک مرحمتسز لکنه دائر واقع اولان اسنادات و دوران ایدن شایعاتی - بو بحث وسیله سیله - اقترای محض اوله رق تلقی ایتدکدن صوکره منسوب بولوندوغنی ملتک خصائل جوانمر دانه سنه مثاللر ویربیور؛ حق غلیانه کله رک شو وقعه تاریخیه پی کمال غرور ایله اخطار ایدیور :

[ .. بوتون عالم، اسیر تجارتی ایدیوردی . انکلیز ملت، بوانسانیتسز لکه قارشى باشلی باشنه بوتون دنیایه میدان اوقودی و مجادله یه قرار ویردی . بالجله قوای بحریه سنی اوقیانوسلره صالدیردی و زنجی اسارتی دنیادن قالدیردی . بو

او غورده - يالکزپاره اوله رق ! - اون ميلیون انکلیز لیراسی صرف ایندی . **Charité**  
تاریخ انسانیتده بویه بر صدقه و برلش اولدوغی وارمی در ؟ . [ دیور .  
خلاصه بوکونکی مدنیت ( کرم ) ی اسکیلردن زیاده تجیل اییدیور ؛  
فقط خیرخواه لفلک صوراجرایه سنه پک چوق اهمیت ویریور . بو خصوصده کی  
قناعتی ده صراحتاً خرستیانلک تعلیمات و اجرا آتی علمینده در . زمانمز افکار  
عمومیه سنک و فلسفه سنک اعتقادنجه فقر و مسکنت بر فضیلت دکل ، بلکه بر  
و ذیلت ده دکل ، فقط محقق بر فلاکت اجتماعیه در . تسأل ایتک نه قدر عیب  
ایسه الدن اله دینجی یه پاره و بر مک دخی اودرجه مقدوح بر حرکت مضره  
عد اولونمقدمه در . اونک ایچون مدنی خرستیان مملکتلرنده هرا یکی ده  
قانوناً ممنوعدر . [ morale تعمیرینه باقیکز ! ]



**Chiasma** کیاسما ( هرلاندۀ بو تعمیر عیناً تلقی اولونمشد . ) **Chiasma**

( اعصاب بصریه نك الیافی ( les fibres des nerfs optiques ) ،  
( جوف قحفی ( cavité crânienne ) ده قسماً ( اتصال entrecroisement )  
ایدر . ایشه بو اتصاله ( تشریح anatcmie ) لسانده کیاسما دیرلر .  
الیاف مذکورہ بر ( جبل cordon ) یعنی ایپ تشکیل ایدہ جک صورتده  
برلشمشد و ( قحف crâne ) یعنی قفا کیکندن چیققدن صوکرہ بر  
( غمد gaine ) یعنی قلف ( غلاف ! ) ایچنده محفوظ اوله رق کوزلره کلیر  
واوراده ینہ انتشار ایدرک ( طبقه قزحیه iris ) ده منتهی اولور . بو صورتله  
کوز بیکنده منتهی اولان الیاف عصییه نك اوچلرینه ( مخروط cône )  
دیرلر . [ بو تعمیره باقیکز ! ] ( اهتزازات اثیریہ vibrations de l'ether ) یی  
( ضیا lumière ) و ( رنگ couleur ) طرزنده حس واستشعار ایدن ایشه  
او مخروطی اعصاب اوچلریدر . بونلر صوکرہ گوزک آرقه طرفده برلشدرک  
عصب بصرینک قوردوتی تشکیل ایدرلرکه اوده ( مرکز رؤیت centre  
de la vision ) ایله متصلدر . ( احساسات sensations ) بو مرکزہ  
واصل اولونجه ضیا ورنک حقنده ( شعور conscience ) حاصل اولور .

اجناس حیوانانده اجرا ایدیلن تدقیقات تشریحیه کوستریبورکه اعصاب بصریه نك وضعیتیه هر جنسده بردکلدرد. بعضی حیوانلرده، خصوصاً حیوانات عالیهمده و بزده، الیاف مذکورده نك، تصالیه قسماً واقع اولمشدر: صاغ طرفدن کلن ( حبل بصری cordon optique ) ایکی ( شریده bandelette ) شکنده آریلیر و بوشریدلرک بری صاغ کوزک ( نصف ایمن la moitié droite ) نده دیگریده صول کوزک نصف ایمنده انتشار ایدر. بوضورتله هر کوزک بیکنده ( حلیمات حسیه papilles sensibles ) یی تشکیل ایدن مغروطلم ( les cônes ) ک یاریسی بر شریده عصیه نك، یاریسیده دیگر شریده عصیه نك نهایت الیافی در. صول طرفدن کلن حبل بصری دخی طبق بووجهله ایکی شریده آریلیر و اونلرک هر بری بر کوزمک ( نصف ایسر la moitié gauche ) نده انتشار ایدر.

بوضوئیت تشریحیه اقتضاسندن اوله رق عینی کوزک یاری الیافی بر شریده عصیه، دیگر یاریسیده دیگر شریده عصیه و یردیکی کیبی هرایکی طرفک تشکلات عصیه سی بر اولدینی ایچون بوتربنی مرض ایدن ( جهاز بصری appariel optique ) نك کوروشنه ( رؤیت عینی vision binoculaire ) دیرلر. عینی شیئی ایکی کوزله بردن کورمک و تک کورمک دیمکدر.

فی الحقیقه عینی شیئی هرایکی کوزمک اشتراکیله تک کوردو کمزده شبه قالمامشدر. بر نقطه دن ایکی شریده آریلان حبل عصیه نك ( سیر trajet ) ی مشرحلر طرفدن تحقیق و تتبع اولوندوغی کیبی ( تشریح مرضی anatomie pathologique ) تدقیقات دخی کیفیت رؤیتده هرایکی کوزمک بردن حصه اشتراکی و اختلاً اثبات ایدیور. معهود شریدلردن بری هر هانکی برسبیلله جریحه دار اولورسه و یا خود ( تردی dégénérer ) ایدرسه او طرفده ( فعل رؤیت fonction visuelle ) معطل اولویور. مثلاً صاغ طرفک شریده عصیه سی خراب اولمش ایسه هرایکی کوزکده صاغ طرفی کور اولویور؛ و او تقدیرده انسان، هر شیک یا الکتر ( نصف ایسر ) فی گوره بیلدور. مثلاً بر چهره نك، و یا بر چیچکک تام اورطه یرندن ایکی به تقسیم اولونمق اوزره

(عمودی بر خط *une ligne verticale*) چکیده شده یا الکز صول طرفه اصابت *Ohiasma* ایدن یاریسی کوسترلمش ایتش کیبی اولویور. ایشته لسان طبابتده (نه میا نوپسی *hémianopsie* = دهنیلن (عمای نصف طولانی) بودر . سببی ده اعصاب بصریه نك وضعیت تشریحیه می در . [ بوتعیرده باقیکنز! ]

آکلاشیلیورکه، بزهره انکی برشینی نك کوزله بیله تماماً کوروپورز اما هرکوزمزنك طبقه قزیه سنده انتشار ایدن الیاف عصییه نك یاریسی صاعدن، یاریسی صولدن کان مستقل شریدلردن صادر اولمش بولوندوغی ایچون عینی کوزمزنك صاغ طرفی اوشینك صاغ طرفی، صول طرفی ده صول یاریسی مستقل کوروپور، وهانکی شرید سقطلانیرسه اوطرف کور اولویور .

کوزلری - مثلاً اکثر بالیقزلده اولدوغی کیبی - بوسوتون یان طرفده بولونان حیوانانده بونون الیاف عصییه بربرینه قاریشمش وگرفت اولمش برحالددر . اویله مستقل شریدلر شکلنده آیرلمش و اتصال ایتش (حزمت عصیه = *faisceaux nerveux*) یوقدر . بوصورتله تشکل ایتش اولان کوزلرده فعل رؤیت (*monoculaire*) اولور ؛ یعنی ایکی کوزك هربری ده برشینی تماماً و منحصرأ کوروپور، دیمکدر .

اعصاب بصریه نك بوتربی اجناس حیوانی ده درجات مختلفه اوزره تفاوتلر مرض ایدر . شو کیفیت محقودرکه (رؤیت عینییه) ، الیاف مستقله تشکیلاتنه مالک اولان کوزلرک کوروشی در و بوتشکیلات نه تد: مکمل ایسه هرایکی کوزك (ساحه رؤیت *champ visuel*) نده مشترک اولان منطقه اونبسته بویوک وواسع در .

(عصب شامه *nerf olfactif*) نك الیافی ده (سیر داخل دماغی *trajet intracérébral*) سنده عینی صورتله اتصال ایدیور واکاده (عصب شامه نك *chiasme olfactif*) دیورلر .

تشریح علمنه دها زیاده مناسبی اولان بوکیفتك فلسفیات مسائلی ایله مناسبی پسقوفیزیولوژی مسئله لرینه تعلق یوزندندر . بو (تبعات تحلیلیه *études analytiques*) کوستریورکه عالم خارجی حقنده کی معلوما تمز اول



**Chiasma** امرده (تلفیقات احساسیه acquisition des sens) مزه تابعدر. (مدرکاتمز  
nos perceptions) دخی (اجهزه حسیه appareils sensitifs) مزه  
صیتی صیتی به تابعدر. بناء علیه (تشکلات تشریحیه constitution anatomo-  
miquie) مزه باغلی در .

بوتون بوتحقیقانک حکمنه کوره معلوما تمزک (ماهیتاً انفسی subjective  
par sa nature) و قیمتی اعتباریه (اضافی relative) و (ذاتاً تصویری و نظری  
essentiellement représentative) اولدوغنی ادعا ایدن فیلسوفلره حق  
و برمه مک ممکن دکلددر .

آکلاسیلیورکه بوتکیفیتک (مبحث معرفت épistémologie) مسائل  
اساسیه سیله صیتی صیتی به علاقه سی وار ؛ چونکه علم بشرک ماهیتی، قیمتی،  
حدودینی - بالاصاله - تتبع و تدقیق ایدن مبحث معرفتدر .

[بومسئله لرك مناقشاتی ایچون, connaissance, subjectivism, representation  
relativisme, تصویرلرنده تفصیلاته باقیکنز !]



فرانسزجه	Chose	شی
انگلیزجه	Thing	
آلمانیجه	Ding	
ایتالیانجه	Cosa	

**Chose**

(chose) لاتینجه نك (قاوزا Causa) کله سندن مشتقددر ؛ حالبوکه  
(قاوزا) نك اصل معناسی (سبب) دیمکدر. تعبیرک، بوجه اشتقاق ایله سبب  
معناسه موضوع اولان برکله دن تولدی زیاده سیله شایان دقتدر. آکلاسیلیورکه  
(احساسات sensations) مزه سبب اولان مؤثراته فرنسکلر علی الاطلاق  
(شی) دیمشلددر . شو تقدیرجه (قوت force) نوعندن اولسون، (ماده  
matière) نوعندن اولسون بزم اوزریمزده تأثیر اجرا ایده بیلن عواملك  
جمله سی ده (اشیا les choses) صنفنده داخل اولوق لازم کلیورکه بوتوفهرو

بر توجیه اولسه کر کدر . زیرا پک معلوم اولقله برابر معنای فلسفی سی هنوز **Ohose** حقیقه تعیین ایدیه مهین بوتعیر مهم - فرنکجه ده - هیچ اولمارسه (شیئت) ک باشلیجه اوصاف اساسیه سنی متضمن بولونویور : اول (شی) ک (آفاق و خارجی objectif, extrinsèque) و (مشخص concret) : (موجودیت فردیه existence individuelle) اولدوغنی و بو حیثیتله (اراده volonté) مزه قارشى قومق صورتیله بزده ایقاع تأثیر ایدوب احساساته سیبیت ویردیکنی - کله نک معناسی - ایما ایدیور .

فی الحقیقه شینک (حد ذاتند en-soi) نه اولدوغنی بیلمه دن ادعا ایدیه یلیرزکه : برشی، هر نه اولورسه اولسون بزم ارادتمزه تابع اولمایان ، وجدانمز خارجنده مستقلاً موجود بولونان و حین تماسزده هر هانکی بر وجهله اجرای تأثیر ایدن بر (وارلق être) در . (مبحث معرفت épistémologie) دائره سنده تحقیقات اجرا ایدنجه آکلایورزکه بز بویه ، ارادتمزک دخلی اولمایه رق، حس ایتدیکمز (تأثرات affections) ی دائماً کندی نفسمز خارجنده بر (عامل agent) . اسناد ایتدیکمز ایچون حقیقتنی بیلمه دیکمز او عامله ودها اونک کیبی بالمله مؤثرانه (شی) و (اشیا) دییورز . (تدقیقات تحلیلیه وروحه) دن آکلایلیورکه ارادتمزه قارشى قویان عواملك جمله سنی نفسمزدن غیری برر (شی) عد ایدیورز واشیانک (موجودات خارجیه existences extrinsèques) دن، یعنی مستقل و منفرد وارلقلردن عبارت اولماسی اعتقادی بو طویغو مزدن ایلری کلییور . مع مافیه اشیانک حقیقت حالده نه اولدقلرینی بیلیورز . چونکه مابعدالطبیعیات حالا (حقیقت اشیا la Réalité des choses) ی آریور و بوبابده ویردیکی معلومات آرزوق معقول و نامعقول بر طاقم فرضیات معتبره دن باشقه برشی دکلددر . اگر بز حقیقت اشیا یی بیلمش اولسه یدق مابعدالطبیعیات نامنه بر علم اولماردی، چونکه اونک باشلیجه موضوعنی تشکیل ایدن مسئله حل اولونمش بولونوردی؛ و بناء علیه آرتق او وادیده تحقیقاته نزوم قالمازدی . او یله ایسه بزم تورکجه مزده (شی) مقابلی اولان نسنه تمیری پک کوزل و پک فیلسوفانه بر کله اصطلاحیه در، زیرا اصلی (نه ایسه نه ؟) در .

دعك اوليور كه بزايشايي حقيقتلرينه نظر له دكل حواسمزه اجرا ايد بيلدكاري  
تأثيراته كوره طابئورز؛ يعنى ( اوصاف محسوسه *qualités sensibles* ) لرينه  
كوره و آنجق اوقدر بيلورز. ( اوصاف اشيا ) ديديكمنز كيفياته كلنجه اونلر  
بزم كندى ( احساسات معينه *sensations déterminées* ) مزدن عبارتدو؛  
بونك بويه اولدو غنده شبهه قالماسد.

بويه عمومى و اولدغه مهم بر معنايله تلقى ايدلن ( شى ) تعميرى، ( جوهر  
*substance* ) و ( عين *entité* ) دن فرقى دكلدر. [ بوايكى تعمير بايكنز! ]  
هر حالده عموم متفكرينك تعريفات و تلقياتنده اختلاف ايتدكاري نقاط  
اساسيه نظراً ( شى )، عالم خارجى ده مستقل و ( فرديت *individualité* ) ي  
ايله معين بر ( موجود ) در. مع مافيه بوتعريف، بسيط اولدوغى ايجون متفكرينك  
همان هيچ برينى تماميله نمون اتمه مش و هر كس بوكه يي كندى مذهب  
فلسفى بنه توفيقاً تفسيره چالشمشدر. بوتون فيلسوفلر ك بوايده كي فكر نرينى  
صيره سيله عرض و تنقيد ايتنك، مابعدالطبيعاتك تاريخ تكاملنى يازمق ديمكدر؛  
زيرا مابعدالطبيعاتك باشليجه موضوعى [ دائماً تحول اوزره بولونان شوموجودات  
و مكنوناتك اساسنى تشكيل ايدن شى ] در. بر ضرورت منطقيه الجاسيله  
( لايتغير *immuable* ) فرض ايتكده مضطربولوندوغمز اوشينك - حد ذاتده  
*en elle même* - نه اولدوغى اكلامق در. بوحيثيله تصور اولونان بر  
( شى )، بوتون موجوداتك اساسى، مايه سى و جوهرى اولدوغى كيى،  
بالذات لايتغير فرض ايدلديكى ايجون دخى حركتك منبعى و مصدرى اولمق  
لازمكه چكى جهته كائنات و حادثاتك ( علت اولى *cause première* ) سى  
بيلنمشدر. بناء عليه بو جهتن دخى مسئله نك مابعدالطبيعاته خاصه تعلق  
ظاهر در. زير علت اولادن - بالاصاله - بحث ايدن علم آنجق مابعدالطبيعات در.  
[ بو خصوصده تفصيلات آلمق ايجون *changement, métaphysique*،  
*cause* كله لرينه بايكنز! ] ( تبدل *changement* ) كله سنده اوزون اوزادى يه  
ايضاح ايدلش اولدوغى و جهله ( ماهيت شى *l'idée de la chose* ) حقده  
فيلسوفلر ك اعتقاد عاميانه دن انحراف ايدوب آيرماسنه و بويوزدن مسائل

مابعدالطبیعیه نك ظهورینه سبب متفكرین انسانیتك (حرکت Chose (mouvement و (تبدیل chang) حقدنه ملاحظات مخصوصه به کیریشمک مجبوریتنه بولونمالریدر . بویه هر دم متحول اولان شیلرک بالذات وفی الحقیقه موجود اوله بیلمه لری احتماله عقل ایردیره مه دکلرندن طولانی، قدماى فلاسفه کائنات و حادثاتک ضمتنه بر وجود مستقل یعنی (برشی حقیق une chose réelle) اولماسی لزومه قویا تحصیل قناعت ایتشلر و اونک نه اوله بیله جکتی تحقیقه قویولملشلردر مابعدالطبیعیات ده نیلن علمک منشأی فیلسوفلرک بو خصوصه کی اندیشه لری اولملشدر . اولرک آرادقلری شیء شو کوردو کمز و تماس ایتدی کمز (اشیای محسوسه les choses sensibles) نك اصلنی و سرمایه سنی تشکیل ایدن یکانه (وارلق l'être) اولدوغی ایچون اونى - بوتون شو موجودات متحوله نك عرض ایتدیکى - کیفیات مختلفه دن عاری و بناءً علیه لایتغیر اوله رق تصور ایتملشلردی ؛ چونکه وارلقلره عارض اولان تغیراتی ، بز آنجق خواص و کیفیات اشیا نك تبدلاتیه ادراک ایدمیلیرزه . اونک ایچوندرکه بالجمله اوصاف و کیفیاتدن معرا اوله رق تصور ایدیلن بر وارلقک (لایتغیر و قیوم) اولماسی اقتضا ایده جکی دخی - منطقی بر مجبوریتله - فرض و تسلیم ایدلمشدی . دینک که مابعدالطبیعیونک علت اولی و حقیقت اشیا اوللق اوزره آرادقلری (شیء) ، هر کسک کوروب بیلدیکی شیلرک هیچ بری اولمایوب (وجود صرف existence pure) ایدی؛ نته کیم حکمای عرب اوکا (وجود البتة) دیمشلردرکه (صرف وارلق) معنانه کلیر ، و هر تورلو اوصاف و کیفیاتدن و اعراضدن معرا و مبرا اولان (جوهر محض) دیمکدر . بویه بر وارلقک - فرض اقتضاسی - (اضافات rapports, relations) ی اوله مایه جنی ایچون اوکا (وجود مطلق l'Etre absolu) دخی ده نیلمشدرکه اصطلاحده بلکه الک مشهور اولان تعیر بودر .

بوتون السنه تمدنیه و عربجهیه بو تعیرات یونان قدیم فیلسوفلرندن انتقال ایتلشدر . خصوصاً مابعدالطبیعیات مباحثنی حسن صورت و ترتیب اوزره تدوین ایدوب بر علم شکلنه قویان و اونک اصول و ارکانی وضع ایدن (ارسطو

**Aristote Chose** (بومبجنده برطاقم تعیرات معینه وضع ایتمشدرکه حالابوکونه قدر اصطلاحات معتبردن اولوق اوزره مستعمل درلر .

[ بوخصوص ایچون être گله سنده تفصیلات واردر . باقیکنز ؛ ]  
( قرون وسطا عرفانی culture du moyen âge ) نئ لایققله تمثیل ایدن  
( مدرسه فلسفه سی la phil. scholastique ) عندنده ( chose ) گله سی  
فوق العاده بر اهمیت احراز ایتمشدی؛ اوقدرکه کرک اسلام کرکسه خرسیتان  
سقولاستیقلرنجه ( مابعدالطبیعیات la métaphysique ) مسائلنک بو (شیئیت)  
عقده سیله هرجهتدن رابطه وعلاقه سی کوزهدیلش وغایت جدی همده سورکللی  
مباحثاته بو سیبله میدان آچیلمشدی .

متفکرین اسلامیه میاننده صاحب مسلك متکلمیندن والک بویوک منقدیندن  
علامه مشهور ( قاضی عضد عبدالرحمن ابن احمد الایچی ) نك (مواقف)  
نامیله معروف اولان اثرنده ایکنجی موقف - همان باشدن نهایته قدر -  
اومباحثاته حصر اولونمش وحتی اوموقفك مقصد سادسنه الحاق اولونان  
( خانه ) ، ( شی ) لفظنك اصطلاحده معتبر اولان معانی مختلفه سنی شرح  
وتعریف ایچون یازلشدر .

ایکنجی موقفك موضوعاتی تشکیل ایدن مسائلك نه طرز اوزره تذکر  
ومناقشه ایدلدیکی تدقیق اولونورسه ( شی ) مسئلهنك صورت تولدی عیاناً  
مشاهده ایدیله بیلیر . بحثك اهمیتنه بناءً بوبابده براز ایضاحاته لزوم کورویورم .  
او مهم کتابك موقف ثانسی ( قسمت معلومات division des  
connaissances ) بحثی ایله افتتاح ایدر . (شی وشیئیت مسئله سی) ایشته بوبحثك  
مناقشه سندن طوغشدر . بحث آچیلیر آچیلماز معلوماتك یالکز موجوداته دکل ،  
موهومات ومعدوماته دخی شمولی وتعلق دوشونولش وبوملاحظه - بک طبیعی  
ومنطقی اوله رق - جریان بحثی ( وجود وعدم l'être et le néant ) مسئله سنه  
سوق ایتشدر . فی الحقیقه :

مادامکه معلوماتز یالکز موجوداته منحصر دکلدر ؛ معدومات وحتی  
متمعات بیله علم بشر متعلقاتنددر ، چونکه فرضا ( اجتماع قیضین ) ک بر

( امر متع *fait impossible* ) اولدوغنی بیلورز ! و مادامکه ( معلومیت *Chose* *cognoscibilité* ) دیمک بر طاقم اوصاف و کیفیاتک ثبوت و تحقیق ایله ( ماهیت *concept* ) ک تعینی دیمکدر ؛ اوحالده ( معدوم ) ک بزجه ( موضوع علم *objet de connaissance* ) اوله بیلیمسی صحیحاً غریب و حتی کوچ بر مسئله غامضه تشکیل ایدز . زیرا حقیقت حالده ( معدوم ) نامنه برشی یوقدر . یوق اولان شی ناصل معلوم اوله بیلور ؟ ! .  
دیهه دوشونمک ممکن در .

ایشته اسلام سقولاستیقاری معلومات بشریه نی تقسیم و تصنیفه ایتداری ایتیز بویه بر سوال مشکک حضورنده بولونمشلردی .

بوراده ذهنلری تشکیک و تشویش ایدن جهت، معلومات ایله موجوداتی ( برطوتیق *confondre* ) خطاسی ایدی . بوکاده باشلیجه سبب، سقولاستیق مباحثک ( نفس الامر *le fait même* ) دن زیاده کلمات اوزرینه مؤسس اولماسی ایدی . مدرسه حکماسی هر کلمهک مطلقاً بر معناسی اولدوغنه باقه رق، بهمه حال بر مدلول حقیقیسی اولماسی لزومنده اینانیردی . اوتقدیرجه [ بر اسمک مطلقاً مسّاسی واردر ؛ بر ( فکر *idée* ) بر ( شی *chose* ) در، و یا خود بر شینه معادلدر ] ظن ایدردی . مثلاً ( عتقا ) بر موهوم قوشک اسمی در و بویه بر قوش اوصاف متبایزه سیله متصور اولدوغنی ایچون بزجه هویتی معین و معلومدر . فقط اوقوش آنجیق تصوراً موجود اولدوغندن عالم خارجی ده ( متحیز برشی *une chose occupant l'espace* ) دکلدر .  
بونی هان هر کس بویه بیلوردری . بوراده بالخاصه موضوع بحث و وسیله مناقشه اولان ( معدوم ) کلمهسی دخی ، صریح و معین بر معنا افاده ایدر بر ( لفظ ) در . واقعا بر ( فکر ) . دلالت ایدر ؛ بوخصوصده هیچ شبهه محل یوق ! . مع مافیه - پک غریبدرکه - او فکرک ( عالم خارجی ) ده حقیقتاً موجود، یعنی مکانه هویت شخصی سیله مستقلاً متحیز بر شینه - بهمه حال ؛ - دلالت ایتیمسی لازمکه چکی جای بحث اولش و مناقشه سی عصر لرجه سورمشدر .

ایسته ایکنجی خطوه بخنده دخی بو مناقشه آچلمشدی . سقولاستیق فلسفه سنک سرمایه عرفاتی تشکیل ایدن معلومات موروثه میاننده ار-سطودن افلاطوندن ودها برچوق یرلردن وشخصلردن انتقال ایتش بر خیلی افکار ونظریات متخالفه واردی که دیرمه چأمه ترتیب ایدلمش وآره لرنده کیضدیت اساسیه رغماً - پاموق ایپلکی قدرمقاومتسز - بر رابطه منطقیه ایلکدیکرینه الصاق و لحاق اولونمشدی . مدرسه فلسفه سی، موضوعات ونظریاتی اعتباریله بویله ( دهوشیرمه eclectique ) برسیستم ، یعنی کلیشی کوزل طویلانوب ترتیب ایدلمش بر ( منظومه معلومات ) تشکیل ایدیوردی .

[ scholastique و eclectique کله لرنده ایضاحاته باقیککز . ]  
مثلا : افلاطونک منهور ( ماهیات نظریه سی - théorie des idées platoniciennes ) ایلده بو نظریه یی قطعاً رد وابطال ایدن ارسطونک ( کال اول entéléchie ) نظریه سی ودها بویله برچوق فرضیات متناقضه مدرسه لرنده عینی درجه اعتباره مظهر اوله رق هپ برآراده تعلیم ایدیلوردی .

معلوم اولدوغنی اوزره افلاطون ماهیاتک ( غیرمجموع ) یعنی یارادلماش اولدوغنی و ( مثل ازیله prototypes éternels ) دن بولوندوغنی ادما ایدردی ؛ بناء علیه مستقلاً موجودیتلرینه دخی اینا ایدردی . ارسطو ایشه بونلرک ( کلیات universeaux ) دن عبارت اولدوغنه و ( معقولات ثانیه ) قیلندن عد ایدلمه سی لزومه قطعاً قانع ایدی .

[ idée, archétype و universeaux تعبیرلرنده ایضاحاته باقیککز ! ]  
بوتشوش افکار ایچنده آچیلان و اساساً ( وجود وعدم ) مسئله سته تعلق ایدن بویله بر بحثی قولای قولای قاباق و عقده اصلیه سی حل ایتک ممکن دکلدی .

مراجله رینک اقتضاسنه تبعاً افلاطونک افکار ونظریاته میل واونک تعلیماتی ترجیح ایدنلر - بالطبع - ماهیاتک و بالجمله ( مجردات ذهنیه abstractions mentales ) نک ثبوت وتحققنه قائل بولونویورلردی .  
[ جنسیت ونوعیت، بیاضیت وسوادیت البته ماهیاتدندر . بونی تسلیمه ]

هر فرقه متحدالرأی در . حالبوکه او ماهیات عالم خارجی ده تحقیق ایدیور : Chose موجودات حقیقه میاننده بر سورو اجناس و انواع مختلفه فرق ایدیورز . ته کیم برچوق سیاه شیر و برچوق ده بیاض شیر کور و بورز . کذلک عالم خارجی ده بر ( امر تمتع ) و یاخود ( معدومیت ) دخی تحقیق ایده بیلورده . دبه دوشونلر يك چوقدی . هله ماهیاتك ( غیر معمول ) یعنی یارادلامش وازلی-ابدی ( انموزج type ) لر اولماسی ادعاسنده مصربولونان افلاطونك ماهیات مذکورہی ( حقایق اشیا les réalités des choses ) اولق اوزره تلقی و قبول ایتمش بولونماسی ، اونلرك ( مجردات صرفه pures abstractions ) دن اولماسی احتمالی قطعاً رد ایدیورایدی . فضله اوله رق ، فرق مخالفه اربابی آره سنده بعضی فطین آدملر ، يك تحف مثاللر ایراد ایدره رك بالخاصه اهل سنت اربانك ذهنی جداً تشکیک موفق اوله بیلورلردی . مثلاً : [ le mirage ] ، بر ( امر عدمی ) در ، یعنی موجود اولمایان برشی در . اصلی فصلی اولمادینی بالتجربه ثابتدر . حالبوکه ( عالم آفاقى le monde tangible = le monde spatial ) ده عیاناً کورولویور . دیمک ( معدومات les non-êtres ) مکانه متحیز و بناءً عالم خارجی ده موجود و متحقق اوله بیلور ایتمش ! ] دیورلردی .

سراب دیدیکمز حادثه غریبه نك سبب حکمتی و حقیقتی هنوز ( علماً scientifiquement ) آکلاشیله مامش بولوندوغی کیبی ( حادثات مشخصه phénomènes concrets ) ایله ( حادثات انفسیه phénomènes subjectifs ) آره سنده کی فرق مهمی لایقيله ادراك و اذعان ایده جك قدرده ( تحلیلالات فلسفیه و روحیه - analyse philosophique et psychologiques ) ده ایلری کیدیله مه مشدی . اوندن دولای اولق کرکدرکه یوقاریده مثال اوله رق نقل ایتدیکم قیاس سفسطی قولای قولای جرح و ابطال ایدیله میوردی .

يك مختصر اولمله برابر ویردیکم شو ایضا حاتدن آکلاشیلیورکه - موضوعات مختلفه یه تعلق اعتباریله - ذاتاً مشوش اولان بوبحث مشهورده



**Choso** اذهان متفکرینی بوسبوتون تشویش و مسائل متنوعی هرج و مرج ایدوب  
براقان بر جوق سبیل و ارمش . بونلرک اک مهملرینی تعیین ایتک ممکن در .  
اولا ، کلماته فضله اهمیت عطف ایدوب مدلوللرینه مطابقا وجود ویرمک  
خطاسی وار . ثانیاً ، معلومات بشریه نک - باسرها و تمامها ؛ - ( انفسی  
subjectif ) و ( اضافی relatif ) ایدیکی حقیله بیلنمیور؛ و بناءً علیه وقوعی  
بزجه محقق و هرتورلوشبه دن وارسته بونونان بر ( حادثه phénomène ) نک  
بهمه حال عالم خارجی ده مستقلاً موجود برشینه دلالتی و تعلق لازمکلمه چکی  
دخی بیلنمیور ؛ ( حقایق انفسیه vérités subjectives ) ایله ( حقایق  
آفاقیه réalités objectives ) آره سنده کی فرق مهم ادراک و اذعان ایدلش  
اولسه یدی : [ سراب ، بر ( حادثه اولق حیثیله - en tant que phé-  
nomène ) آنجق بر ( حقیقت انفسیه ) در؛ فقط ایشته او حیثیندن طولانی  
عالم خارجی ده وجودی یوقدر و اولماق لازمکلیر . بناءً علیه آنجق ( حادثی  
phénoménal ) اوله رق وجودی واردر . بر ( عین ثابتة entité fixe )  
یعنی باشلی باشنه قائم بر ( وارلق ) دکلدر . واقعا ( صحیح vraie ) بر حادثه در ،  
اما ( حقیقی réelle ) برشی دکلدر . ] ده نیله بیلیدی .

ینه بو قیلدن اوله رق بر ( فکر idée ) ک مطلقاً بر موجود حقیقی یه  
تقابل ایتسه سی لازم کلیه جکنه دائرده ذهنلر قطعياً قراردادده دکلدی .  
بو خصوصده ( ماهیات نظریه سی ) نک یعنی ( فلسفه فلاطونیه philosophie  
platonicienne ) نک تأثیر کلی سی اولمش بولوندوغنه شبه یوقدر .  
[ بوتون بو تعیرات اصطلاحیه به باقیکنز . هر بحث ایچون تفصیلات  
کافیه ویرلمشدر ! ]

مع مافه اصل ذهنلره صیقینی ویرن و بحثک جریان طبعی و منطقی سنی  
شایریتان شی ، عقائد دینه و ( نصوص مسلمة dogmes acceptés ) نک  
( روح فلسفی esprit philosophique ) یه شدتله تحکمی ایدی . ذاتاً  
( سقولاستیق ) لکنک ( صفت کاشفه la caractéristique ) سی فلسفه نک  
اعتقادات دینه به تابعیتی و منافعه خدمتکار اولق مجبوری ایله محکومیتی در .

( اصول کلام la méthode dialectique ) ی فلاطوندن وفلاطونیلردن Chose اقتباس ایدن مدرسه حکمایی بلاقید احتراز بر حقیقت تجری ایتک ایچون دکل، آنجق دینک ( نصوص اساسیه dogmes fondamentaux ) و ( احکام اعتقادیه articles de foi ) سنی - احراز فلاسفه نك نفوذینه قارشى - مدافعه ایده بیلمک و ممکنسه فیلسوفلری کندى سلاحلریله ئولدورمک ایچون تفلسف ایتک ضرورتنه دوشمشلردى . اونک ایچوندرک مستقله دوشونمک امکاتى هر یولدن سد و بند ایتدیلر . ینه اوسنبیله درک مسائل فلسفیه ايله نصوص دینیه اکثریا تعارض ایدر و بحث جریان منطقی سی - احکام اعتقادیه نك غلبه تاثیریه - همان دائماً تضییق آلتنده بولوندوغندن ، نه زیله بوزوله پک غریب و غیر طبیعی بر سیر معوج تعقیب ایده رک زوراکى وفضولی بر طاقم نتایج پیوسته اولوردى . بوصورتله استحصال اولونان نتیجه لر بعضاً پک مهم و رفع اولونماسى جدأمشکل ( تناقضلر contradictions ) تشکیل ایدردى . scholastique تعیرندن بو خصوصاته دائر پک مفصل ومدلل بحثلر و مثاللر واردر . باقیکنز ! ]

( شى ) تعیرینک ایقاع ایتش اولدوغى مباحثه ده دخى بو صیقینتییه ایکی مثال عرض ایده بیله جکم که بریمی جناب حقک بر ( شى ) اولوب اولمماسی مسئله سنه تعلق ایدر، دیگرى دخى ( رب النوع type spécifique ) دعواسنه طأددر . همان قریباً بو مسئله لر حقه ده ایضاحات کله جکدر . شو بحثک جریان طبیعى سنه اتباع ایدوب کیدرکن اوم مسئله لر بالضروره تماس ایده جکزر . اوزمان اسلافک طرز محاکمه لرینى ده ا زیاده ایضاح ايله عرض ایده جکم .

اونلر معلومات صنفنده داخل بولونان معدومات و ممتنعات ايله برابر بالمله موجوداتک تقسیم و تصنیف بحثنده اک مهم و اساسى بر نقطه اولمق اوزرم ابتدای امرده ( ثبوت positivité ) مسئله سنى موقع مناقشه یه وضع ایتشلر ، و بنم ظنمجه حقیقتاً بحثه اوردان باشلامق اک طوغرو یوله ایلک خطوه یی آتمق دیمکدر . موجوداتک ( ثابت positif ) شیلر اولدوغنده هیچ بر فرقه اربابى هنوز شبهه یه محل کورمه دیکی ایچون، مسئله : [ المعدوم ثابت ام لا ]

Chose یعنی [ معدوم ثابت برشی می‌در ؟ یوقسه ( منفی négatif ) می‌در ؟ . ]  
شکلنده وضع اولونمش و مناقشه معدومک عالم خارجیده صحیحاً وجودی  
اولوب اولمادیغنی مذاکره و تحقیق کیفیت حصر ایدلمشدر .

بوکون هیچ شبهه قالمشدرکه سقولاستیق متفکرینی بوغریب  
دوشونجه‌لره - بدایت امرده - سوق ایتیش اولان خطا ، معلومات ایله  
موجوداتی بر طریتمق و بالنتیجه (شی) ایله ( فکر ) ی متساوی و متعادل عد  
ایتمک یا کلیشلنی اولمشدر .

بناءً علیه یوقاریده عرض اولوندوغی ( شکل سفسطی forme sophistique )  
اوزره وضع ایدیلن سؤاله مختلف فرقه‌لره مختلف جوابلرله مقابله ایتیشلردرکه  
اوزون اوزادی به اولنری بوراده عرض و تفصیل ایدمک دکل .  
[ بو تفصیلات être, connaissance و néant کله‌لرنده بسط و تنقید  
ایدلمشدر . باقیکنز ؟ ]

بالکنز بو مبحثه خاصه تعلقی اعتباریله اومناقشاتک شو جهتی شایان  
دقتدرکه ( معتزله les mo'tazalites ) نک بر قسم کلیسی ایله حکما ( یعنی  
ارسطو و فلاتونک اصول فلسفه‌سنه اتباعاً دوشونن متفکرین اسلام ! ) ،  
معلوماتک - بالکنز موجوداتی دکل - ( معدومات les non-êtres ) ی  
دخی متناول، یعنی محیط و شامل اولدوغنه باقهرق اولنلرک دخی ( ثبوت  
positivité ) نه حکم ایتیشلر ، و ( موجود l'être ) ، ایله ( معدوم  
non-être ) آرمسند ( واسطه intermédiaire ) اولق اوزره بر ( حال )  
قبول ایتیشلردر . بو حال ، ( حکمت صوفیه philosophie mystique )  
اصطلاحده کی ( حالت وجد état d'extase ) دکلدر ؟ بر ( آن غیر منقسم  
moment indivisible ) ده دکلدر . ( وار ) ایله ( یوق ) آراسی‌در .

کندیلرینی ( اهل الحق gens de la vérité ) تسمیه ایدن اهل سنت ،  
بو بحثده ( عقل سلیم bon sens ) ایله دوشونه‌رک معدوماتک ثبوتی  
قطعاً انکار و بوسیله بالطبع حالک وجودی‌ده نفی ایتیشلردر . بوکون زمانه  
فلسوفلرینک فکری دخی بودر ؛ و بو فکر طوغرو کورونور . نه‌کیم

شوا و زون مناقشه - بعضی افکارک معدوماته تعلق اعتباریله - حکمای اسلامك Chose نظردقتنی بو کیفیت مهمه یه جذب ایدوب ( وجود ذهني être rationnel ) لپنده کی دعوالرینه اساس تشکیل ایتشدی. بحثک بو ( صفحه phase ) سنده دخی ( اشاعره les asharites ) یعنی اعظم اهل سنتدن اولان ( ابو حسن حسن الاشعری ) نك اتباعی و پیروانی - بوکون پك معقول کورونن - مسلک لرنندن ذره قدر انحراف ایتجه رك رأی ویرمشلر و ( وجود ذهني ) یی قطعاً انکار ایدوب معدومك ( نفی صرف pure négation ) دن عبارت اولدوغنی قولله اداادن چکینه مشلردر .

بز اسلامك بو مباحثات فلسفیه سنی دقت و مراق ایله تعقیب ایدرکن ( مدرسه فلسفه سی la philos. scholastique ) نئ اک زیاده اشغال ایدن ( مسائل مغلقه questions abstruses ) نك نه سبب و نه صورتله تولد ایتدیکنی ده عیاناً کوره بیلدورز: شبهه یوقدرکه بوتون قرون وسطا متفکرینی عصر لر جه مدت مناقشه لرله اشغال ایدن ( اسمیه nominalisme ) و ( حقیقه réalisme ) مسئله لرینک منشأی بو مباحثه لر اولمشدر . ( وجود ذهني ) یی قبول و اوکا بناءً معدوماتك نبوتی ادا ایتک ، البته ( ماهیات idées platoniciennes, concepts ) ( اعیان ثابتة entités immuables ) دن اولماسی ، ( یعنی مستقلاً موجودتی ) اعتقاد یله صیقی صیقیه علاقه داردر . بو اعتقادك مشهور عالم اولان ( نظریه فلاتونیة théorie platonicienne des idées ) ده عمده و اساس تشکیل ایتدیکنی ده معلومدر . بناءً علیه متفکرین اسلام میانشده بودعوایی گوده نلر ( ده آلیست ) ، یعنی ( فلاتونی مذهب ) ایدیلر دیمکده هیچ ترددا ایتیم . کذلک وجود ذهني ادعاسنی رد و معدوماتك نبوتی انکار ایدوب اونلری ( نفی صرف ) معناسی افاده ایدر بر طاقم بوش کله لر و مستماسز اسملر اولق اوزره تلقی ایتش اولان متکلمین اهل سنت دخی - تام معناسیله - ( نومینالیست nominalistes ) صنفی تشکیل و تمثیل ایدیورلردی دیمکدر .

( universaux conceptualisme, réalisme, nominalisme )

تعبیر لرنده بو بحثلره دائر اوزون تفصیلات ویرلمشدر . باقیکنز ! ]

بودا عامك موافق نفس الامر و مقرون حقیقت اولدوغنی ، مناقشات واقعك طرز جریانی ایله جیریدیکی ( صفحات متعاقبه phases successives ) دخی کرکی کیبی کوستروب اثبات ایدیور : فی الحقیقه بو ( تقسیم معلومات ) بحی وجود وعدم مناقشه سنی استلزام ایندکدن صوکره ، معدومك ثابت اولوب اولمادینی تذکر ایدیلیرکن وجود ذهنی مسئله سنه تماس ایدیلور . اواننده ( وجود ) ی لایقيله تعریف ایتك ضرورتی ده حس اولونیور و عینی زمانده منطقی بر مجبوریته سائقه سیله وجودك یعنی وارلنك ، موجودات آرد سنده بر ( وصف مشترك qualité commune ) اولوب اولمادینی و دیگر طرفدن ده وارلنك - هر موجود اولان شی کیبی - باشلی باشنه موجود برشی عدا ایدیلوب ایدیله میه جکی موضوع بحث اولویور . بوسبيله درکه ماهیته و وجودك علاقہ سی دوشونولویور ؛ اوده اوزون بر مناقشه یه میدان آچور : [ وارلق نفس ماهیت می در ؟ . یوقسه ماهیتك بر جزئی می در : یاخود ماهیت اوزرینه منضم بر باشقه شی میدر ؟ . ] سوالرینه جواب ویره بیلنك ایچون - بالطبع - هر فرقه کندی اعتقادینه موافق بر ادعا ایلری سورده رك اونی مدافعه یه غیرت ایدیور .

بو اوزون مناقشه ( وجود خارجی ) و ( وجود ذهنی ) یعنی ماهیات مسئله لرینه تعلقی طولانی سیله - بالضروره ! - ( نومی نالیزم nominalisme ) ایله ( ره آلزم réalisme ) مجادله سنه منجر اوله رق بر وادی مخصوص تعقیب ایتنكله براز تصفی ایدوب ده اصریح بر شکل آله رق موضوع حقیقی سنی کشف ایدیور : [ المعدوم شیئ ام لا ] سوالنی وجوده کتیریور . ارتق بوتون متفکرین ، [ معدوم برشی می در ؟ . یوقسه دکل می در ؟ . ] مسئله عجیبه سنی حل ایتك ایچون یکی بر باب مناقشه آچوب کمال جدیته بو خصوصده بیان ملاحظه ایتنك کیریشیور لر .

بوتون بو مباحثه لرده بالخاصه ( سقولا ستیق ) فلسفه سنك طرز تفکر و مناقشه سنه اك كوزل بر نمونه تشکیل ایدن مسئله ، ( معدومك برشی اولوب اولمماسی ) در . بوکون بزم نظر مزده بویله بر غریب سوال ( باطل بدیهی

(absurde) در. اوکا جواب تدارك ايتك ايجون ذهن يورانلرك سلامت عقلمندن Chose بيله اشتباه ايدرسهك معذورز. بالخاصه اني بيليرز وتسليم ايدهرز كه (معدوم) كلمه سي لسانمزدده موجود اولمقله، اولفظك معناسه (حقيقاً réellemment) دلالت ايدهبيله جك برشيتك صحيحاً ومطلقاً عالم خارجي ده موجود بولونماسي، اقتضا ايتز. بو معلومدر. اكر (معدوم) ديديكمز وقت، بولفظك معناسه — في الحقيقه تقابل ايدهبيله جك بر (شي chose) اولسه يدي، ايشته او — هر نه ايسه؟! — صحيحاً موجود اولوردی؛ اوکا آرتق (معدوم) ده به مزدك! — يعنى بو كلمه توصيفيه يي او شيشه عطف ايتك نه لساناً نه ده منطقاً طوغرو اوله بيليردی. زيرا (شي) — ينه سقولاستيق حكماسنك تعريف مقبولنجه — [خارجده مُنحاز وهويت شخصيه سيله ممتاز بر موجود حقيقي] در. بناء عليه مكانه كندى كندينه خصوصى بر راشغال ايدن حقيقي برورالقدر. (معدوم) تعميرى بويله بر شيشه دلالت ايتمه دكدن ماعدا وارلغه قارشى (نفي صرف pure négation) افاده ايتك ايجون موضوع ايجى بوش بر كلمه در. — يوقازيده ديديكم كيي — معين بر معناسى واردر؛ فقط خارجده مدلول حقيقي سي يوقدر، چونكه هيچ برشيشه دلالت ايتمز وايتمهك ايجون قوللانيلير. كمال صراحتله كورولوركه بويله بر سؤال وضع ايتك لفظ اوزرينه بر مسئله احداث ايتكدر. بناء عليه سقولاستيق اصولك براني نمونه سنى بو سؤالك هم شكلنده همده متضمن اولدوغى مسئله ده كوره بيليرز. [معدوم ثابت مى در؟] ديمك؛ [يوق، حقيقاً وارمى در؟] ديمهك يعنى، فقط عربجه سيدر. بوكون بز نه بويله بر سؤال وضع ايدهرز، نه ده اونى جوابه لايق كورورز. چونكه شو شكليله بر (تناقض لفظى contradiction dans les termes) نك بك صريح بر نمونه افاده سيدر. ده مين سويله — ديكم كيي [يوق خارجده ثابت اولسه يدي، وار اولوردی. دكسه، ديمك كه يوقدر. بالعكس، يوق ظن ايتديكمز، هر نه ايسه و صحيحاً خارجده ثابت بولونويورسه اوکا آرتق (يوق) ديمه بز (وار) ديرز. مسئله نك بوندن زياده بحثه تحمل يوقدر. الفاظه وجود واهميت ويروبه: عجبا [يوق،

Chose واری در ؟ . یوقسه یوقیدر ؟ . [ دیه بحث آچوب اوزون اوزادی به فکرلر بیان ایتک ( سوفسطائیه sophistes ) به یاقیشیر برطرز قفسقدر . واقعا بز بوصورت اوزره برسوال وضع ایدن اسلاف حکمانک نه قصد ایتدکلرینی وهانکی مسئلهیی حل ایتک تشبثنده بولوندکلرینی پک اعلا بیلوروز . فقط ابتداء وضع اولونان سواک شکلا ( فساد vice ) یخی وماده ( سقامت défectuosité ) نی نظردقته عرض ایتکله ، بن سقولاستیق فلسفه سنک ( اصول méthode ) اعتباریه اک اساسلی قصورینی ابراز ایتک ایسته دم . بوصورتله وضع ایدیلن سواالک مناقشه سی ظایت غریب نتیجه لر ویرر و برچوق ( مسائل معموله questions factices ) تولید ایدرکه برینک اصلی یوقدره . بز عینی مسئلهیی تذکر ایچون سواالی باشقه برشکده وضع ایده بیلوروز . [ هر فکر مطلقا خارجه برشینه تعاق و بناء علیه همراهیت بهمه حال تحقق ایدرمی ؟ . ایتمزی ؟ .. ] دیرز ؛ وبوصورتله ( سقولاستی سیزم ) ک داعی اوله بیله جکی محظورلردن امین اوله رق بحنی اداره ایده بیلوروز .

سقولاستیق لک بوخصوصده فکر واعتقادلری هنوز مشوش بولوندوغی ایچون ، یعنی - زمانمز منقدینک ادعای مصینه کوره - [ اسم ایله مسمائی ، کله ایله شی برطومتق = la confusion du mot et de la chose ] خطاسندن ذهنلرینی تماماً قورتارمه مامش اولدکلری ایچون ، بوغریب مباحثه دن ، بونا معقول مسئله تولد ایتش و آرتق هر فرقه اربابی طرفدن کمال جدیتله تلقی وتذکر اولونمشدی . حق او سواک زه وزکلکی هیچ بر فرقه نک نظر دقتی جلب ایتمه مش و ( هیچ معدوم موجود اولورمی ؟ . بویه بر سوال غریبه محل واری ؟ . ] دهن بولونامش اولدوغی ایچون ، بحث ، ینه بر معتاد چاتالانه رق تفصیلات جزئییه جلب انظار ایتش وبو سفرده ( معدوم ) ، ( ممنوع ) ، ( موجود ممکن ) ، ( مستحیل ) کیی مفهومات آره سنده کی فرقلری تعیین اوغورنده خیلی چکله چالقی لازمکله شدی . مع مافیه بوتون بو تعییراتک - مفهوملری اعتباریه - ( معدومات ) سنقدن اولدوغنده هر کس متفق ومتحدالرأی بولوندوغی جهته بو مناقشه دن دخی دیگر بر مسئله هر بیه

تولد ایتمش، و بسفرده (المعدومات، هل تمایز ام لا ؟) یعنی (معدومات، Chose یکدیگرندن تمایز ایدرلری ؟ . اتمزلری ؟) کیجی تحف بر سواله جواب ویرمک مجبوریته حاصل اولمشدر .

زیاده سیله شایان دقتدرکه بویه بر سواله اهمیت ویروب اونی جدی و ( مشروع legitimate ) تلقی اتمک دخی معدومه وجود ویرمه دیکه ممکن اوله ماز . چونکه ( تمایز distinction ) کیفیت، ایکی ویا دها زیاده شیلر آره سنده بعضی فرق لک تحققی امرینه وابسته در . یوقلقده یعنی (نی صرف)ده بر شیلر تصویرینه یول اونلادیجی ایچون، یوقلقلر آره سنده فرق دخی تصور اولونه ماز، که معدوماتک تمایزی احتمالی موضوع بحث ایدلمکه ده کر بر مسئله اوله بیلسین !.. حتی یوقلقلر دیمک بیه منطقاً یا کلش در . (وارلقلر) اولور؛ چونکه موجودات آره سنده - وجهاً من الوجوه - فرق وارد در . فقط ( یوقلق ) حد ذاتنده تنوع ایده مز . برشی دکلدرکه ایده بیلسین !..

آ کلاشیلورکه بو سواله جواب ویرمکه ذهن یورانلر، ینه کله لک فسون تأثیرینه مغبون اوله رق بیوده زحمته گیرمشلردی .

بوتون بو بحثده دخی - بیه لک بیلیمه رک - همان هر فرق هک بالاشترک التزام ایندیکی خطا ( وجود حقیقی )، یعنی خارجی ایله ( وجود ذهنی ) بی بر طوتمق وهرایکیکسی نه در ( امر مثبت fait positif ) اوله رق تلقی اتمک ضلالتی در . بوجهتی قاضی عضد پک این آکلیور؛ و بوباده کی اختلافک حقیقته دائر بیان ملاحظه ایدرکن او نقطه بی صراحتاً ابراز ایده رک : [ معدوماتک آنجق عقلده تمایزی اوله بیلیر ! ] دییور .

قاضی نک شارحی ( سید شریف جرجانی ) : بوسوزی شرح ایندیکی صیره ده معدوماتک آنجق ذهنده تمایز اتمه لری سببی نه ایضاح ایدیور : [ زیرا نفس الامر حسیله او معدوماتک ( متصف qualifié ) اوله بیه جکی احکام آنجق عقلده در، خارجده موجود دکلدر . چونکه معدومات خارجیه نک عالم خارجی ده ثبوتی یوقدرکه طیشاریده بر شیه متصف اوله بیلیمه لری ممکن اولسون !. ایشه اونک ایچون معدومات آنجق عقلده تمایز ایده بیلیر ! ]



**Chose** دیسور، البته !.. معدومات نامنه عالم خارجی ده برشیلر یوق !. واقعا اونلره دائر بزده برطاقم فکرلر اولدوغی شبهه کوتورمز . معدومات حقیقه کی فکرلریمز - ده-ا طوغروسی معدومات نامنی ویردی کمز ( منفی فکرلر *idées négatives*) برطاقم اوصاف خصوصیه ایله عقلمزده تمایزدر . لکن بو اوصاف ایله خارجه فی الحقیقه تمایز ایده بیله جک برشی اولمادینی ایچون ( یعنی ) معدوم ( حد ذاتنده یوق اولدوغی جهته !. ) معدوماتک عالم آفاقده تمایزی اوله ماز دیمک ایستور .

ایشته بو بجنده اک طوغرو حکم بودر ؛ بو حکمی اشاعره فرقه سی نامنه قاضی عضد یرمش در .

مع مافیه متفکرین اهل سنت، بوجهتی اینی دوشوندوکی حالده ، (موجود ممکن ) ، ( موجود مطلق ) ؛ ( معدوم ممکن ) ، ( معدوم مطلق ) ، ( ضد نقیض ) ، ( منتع ) کیبی برطاقم تعییرات اصطلاحیه نک مفهوملرینه فضله اهمیت ویردیکی ایچون اکثریا کلمه اوزرینه مستند واوندن متولد اولان بر سورو مسائل مجعوله یه قاریشمش ومطلقا بحث وجدل پوزدن کنسیدی فکر واعتقادی عراض ومدافعه یه مجبوریت حس ایتمشدر .

بو مسئله لرك لاف اوینلرندن طوغمش بولوندوغی بوکون قولایلقله اثبات اولونه بیایر . مثلا سقولاستیق لرك طرز تفکر وسایق محاکمه سنه کوره ( عدم صحت ) ویاخود ( عدم ثروت ) البته معدوماندن و ( معدومات ممکنه ) دندر . شو تقدیرجه واهل سنتک اعتقادنجه خارجه ثابت وموجود بر شیلر دکلدرد . بو دعوائی تسلیم ایده بیلیرز . فقط بالعکس معدومات ممکنه نک خارجه وجودینی ادعا ایدن معتزله بزه تعریضاً مسئله یی شو صورته ملاحظه ایدرده :

[ عدم صحت، مرض دیمکدر ؛ نته کیم عدم ثروت دخی فقردر . بونلر انسانه عارض احوال عادیه دندر . احوال مذکور نک خارجه شوتی بدیهی دره . سز بونی ناصل انکار ایدر - کنز ؟! ] دیرسه ، معتزله نک بو سوزلرینی ده تسلیم ایتمه مجبور اولورز ؛ چونکه حقیقتاً مرض و فقر نامنه خارجه بعضی

حاللر کوردو کمرده شبهه یوقدر . او حالده تناقضه دوشمش اولیورز ؛ Chose عینی مسئلهده بربرینه تماماً ضد فکرلر بیان ایدن ایکی فرقه مخصوصه نك اعتقادییه تصدیق ایتیش بولونویورز دیمکدر . فقط بز بوکون اویله دوشونیمورز . بو مسئلهده وهان دها پك چوق امثالده ویره جکمز حکمك نقطه نظر کوره ده کیشدیکنی ونقطه نظر کوره - مباحثه یه نقطه استناد اولان کله نك ! - حیثیت و مفهوم ظاهر یسنه براز تابع بولوندوغنی پك اعلا درک و تیقن ایده ییلدیکمز دن طولای قه لایحه جق آ کلیورز که بودعوالر ( نزاع لفظی ) یه ارجاع ایدیله بیلیر ؛ چونکه اولنر آنحق کله لرك حیثیتی اوزرینه قورولمش قیاسات منطقیه دن عبارتدر ؛ ( نفس الامر le fait même ) ، حقیقت خارجییه مستند دکل ! . نته کیم ( عدم حسن ) ، ( قبح laideur ) دیمکدر ، یو ایکی تعبیر معنجه متساویدر ؛ عینی حالتی افاده ایدر . برنجیسنك صورتنه نظراً تصمن ایتدیکی کفیتك معدوماتدن اولماسی لازمکلیر . حالبوکه ایکنجیسنه باقیلیرسه اونی موجوداتمن اوله رق تلقی ایتك ایجاب ایدر ، چونکه چیر کینك ( وجودذهنی ) دکل ، کوزله کورولور بر حالدر . بوکونکی اعتقادمنه کوره بحثی بووادی یه سوق ایتك زه وزه کلکدر ؛ مسائل فلسفیه ده کله یی عمده اتحاد ایتك ضلالتی بوکاسب اولویور . بویکی مسئله لر ی زمانمز فلسفه سی بوسوتون باشقه بر نقطه نظر دن وبوسوتون باشقه بر ( اصول methode ) طوته و تنبع ایدر . [ scholasticisme تعبیرده بوجهنلر لایقيله ایضاح ایدلشدرد . باقیکنز ! ] اهل سنتك من وجه اندیشه سی موجب اولان بر جهت دها وارکه بو بحثلره هیجانله کیریشمهنه بر مهم سبب تشکیل ایتیش اولسه کرکدر : بر حقیقت آرائق ایچون دکل ، فلسفه یی بالذات فلاسفه علمهنه قیلیچ و قالقان کیی قوللانه رق نصوص دینه یی مذکربنه قارشى مدافعه و صیانت ایتك ایچون آلت اتحاد ایدین متکلمین اهل سنت ، وجود واجب بحثنده ( شریک باری ) نك امتناعنی هر وجهله اثبات ایچون بویوک غیرت کوستر - مشلردی . نتیجه ده ( شریک باری ) تعبیری - که قورو لافدن عبارتدر ! - ( تمتع ) و ( معدوم ) معنارینی افاده ایدر بر کله مترادفه و متعاده اوله رق

Chose اصطلاحات کلامیه صیره سته کچدی . اهل الحق، پت پرستک اعتقادنی ابطال ایچون بو مجبوریته دوشمش اولسه کرکدر ؛ زیرا بوخصوصده ترتیب اولونان دلائلک مذاهب سائره علیه حکمی یوقدر .

شوالده معدومک ثبوتی، متمک خارجه وجودی کیبی مسئله لراوزرینه بحث آچیلجه اهل سنت - کال تهالکله - معدومک ثبوتی دعواسنی رد اینشلر بو دعوا ایله من جهة علاقه دار کورونن ( وجود ذهنی ) مسئله - سندن ده پک متفر کورونشلردر . معدومک و متمک ثبوتی تحقق ایدنجه، بو کله لریک معادل مرادفی اولان ( شریک باری ) نک دخی خارجه وجودنی تسلیم اتمک لازم کله جکندن اندیشه ناک اولشلردر . حالبوکه - چوق دفعه لر سویله دیکم وجهله - ( معدوم ) ، ( متمک ) کیبی کله لر حقیقتاً موجود رشیرک ( تمثال symbole ) لری دکل، بزده برطاقم ( منفی فکرلر idées négatives ) ک آنجق اسملری در. ( شریک باری ) تعیرینه کلنجه، بر فکرک اسمی بیه دکل قودو برسوز، بوش برلا قدر . ایشته سقولاستیق لر اکثریا بویه بوش لافلر اوزرینه - منطق قوتیه - معظم و محتم برطاقم مبانی ملاحظات قوراردی .

براز تفصیلاتنه کیریشمک مجبوریتده بولوندوغم شو مباحث متسلسله بو ( سقیم اصول méthode défectueuse ) ک الای مثاللرنندره، چونکه مباحثه نک جریان منطقی سند - فکر فلسفی نک - نه کیبی اندیشه لر طولایسیله نه تورلو ( اغوجاجات perturbations ) معروض قالدیغنی واضحاً کوستر - دکد نماعدا او جریانک ناصل بر ضرورت منطقیه ایله بالخاصه ( شی مسئله سی ) نه پیوسته اولدوغنی دخی افشا ایدیور ؛ فی الحقیقه :

بحث بو صفحه یه کیرینجه، [ یعنی ( قسمت معلومات ) ایله ایشه کیریشوبده ( وجود وعدم ) دن ، ( وجودک تعریفی ) ندن ، ( موجودات آره سندره آریجه بر صفت مشترکه اولوب اولمادیغنی ) ندن ، ( وجودک نفس ماهیت می ؟ یوقسه اوکا ضم اولونمش بر کیفیت ویا برشی می ؟ یاخود ماهیتک جزئی می ؟ ) اولدوغندن، ( وجود ذهنی ) دن ، ( معدوماتک تمایز ایدیه یلوان ایدیه جکی ) ندن

اوزون اوزادی به دم و وره رقی هر بر بختی دالاندیروب بوداقلاندیردن سوکره [ Chose قرون وسطا متفکرینی آ کلیورلر واذعان ایدیورلرکه بوتون بو مسئله لرك عقده اساسیه سی [ معدومک برشی اولوب اولماسی ] کیفیتیه در . مادام که « خارجه تحیز و هویت شخصیه ایله تمایز ایتمک موجود حقیقی نك برنجی شرط شوقی در؛ مادام که بوتون لسانلرده انجق بو کیی موجودات مستقله به ( شی ) لفظی - اسم جنس اوله رق - اطلاق ایدیله ککشدیر ؛ و مادام که ( معدوم ) تعبیری - وجود ذهنیه به دخی محض اضافه و تسمیه سی اعتباریه - تشویش اذهانه سبب محض اوله بیلیر؛ او حالده [ معدوم ، بر شی می در؟ . دکلی در؟ . ] بونی حل ایدم دیمشیر ، و بو صفحه مباحثه [ المعدوم شی ام لا ؟ . ] سوالیه افتتاح ایتشدیر . حالبوکه بنم ظنمه کوره - اول امرده بو عقده بی حل ایتمکه چالیشلمش اولسه ییدی ، اسلاف کرامت بر سورو مسائل مجموعه ایله بهوده وقت کچیرمک زحمتدن قورتولمش بولونوردی . هر نه ایسه اساس بحثه طولاماج یوللردن ککشدیر . آج و کوچ ککشدیر ، لکن ککشدیر مسئله نك اولانجه اهمیتیه تقدیر ایتشدیر .

حکیم عالی نظر و متکلم دقیقه دان ( قاضی عضد ) ، معدومک برشی اولوب اولدیغنه دائر ظهوره کلن مسئله حقنده اشارت مخصوصده بولونور . یور ، وسید شریف قاضی نك سوزلرینی شرح ایدرکن مسئله نك اهمیتیه ایضاح ایدیور .

[ هذه المسئلة من امهات المسائل الكلامية ؛ اذ يتفرع عليها احكام كثيرة ، من جملتها ان الماهيات غير مجعولة ام لا ؟ .. الى آخره ] یعنی :

[ بو مسئله علم کلامک ( امهات مسائل questions mères ) نندن در؛ زیرا اوندن بر جوق احکام تفرع ایدر، ازان جمله ماهیاتک پارادلمش اولوب اولماسی بختی بو مسئله اصلیه نك فروغندندر . ] دیور .

امام فخرالدین رازی او اعتقاده درکه [ بو مسئله ( وجودک ماهیت اوزرینه منضم برشی اولماسی ) دعواسندن متفرعدر . زیرا هر ایکسنکده اتحادینه ، یعنی وجود ایله ماهیتک عینی شی اولدوغنه قانع بولونانلر بویه بر سوز سوبلیه من و بسواله محل کورمن . ] الی آخره .!

Chose بومحدهده - اول امرده - معدوم ايکي به آريلور : ( معدوم ممتنع )  
( معدوم ممکن ) آري آري دوشونولويور (معدوم ممتنع )، (منفي négatif)  
اولدوغی ایچون اونک اصلا تقرر یعی خارجه وجودی اولمادیغه اتفاقاً  
حکم ایدیلوب مناقشه سی اهل اولونویور .  
[ بوخصوصده تفصیلات آلق ایچون être ، néaut ، idée کله لر نه  
باقیکز ! ]

بناءً علیه یالکز معدوم ممکنک ثبوتی وخارجه تقرر مسئله سی  
— وجوه مختلفه اوزره — مذاکره وتبع ایدیلور .

فرق دره دن صو کتیر یه رک جریانی ادامه ایدیلن بو بمحده دخی اشا -  
عمره نک ( طبع سلیم bon sens ) نی اثبات ایدن بعض محاکات صائبه سی  
وار : ( معدوم ) کله سنک بر ( صفت منفيه négative qualité ) اولدوغی  
یعنی او کله نک بر ( تعییر نفی terme de négation ) اولماسی سبیلله حقیقتاً  
موجود بر شیده دلالت ایدمه چکنی اهل سنت لایق له آکلیور وسویلویور :  
[ ان العدم صفة نفی ؛ ای صفة منفيه غیر ثبوتیه ، لانه رفع الوجود .  
و الموصوف بصفة النفي ، نفی ؛ ای ، منفی ، غیر ثابت ! ] دیور که بوجهله ،  
بزم نظر مزده بومحی قایبه جق قدر قطعی ومصیب بر ( حکم judgement )  
متضمن و حتی ناطق اولدوغی ایچون کافی در . معافییه مباحثه ینه اوزون  
اوزادییه دوام ایدیور ؛ و - اولجه دخی عرض ایتمش اولدوغم وجهله -  
( انفسی subjectif ) ایله ( آفاقی objectif ) تعییرلرینک معناسی آراسنده کی  
فرق هیچ برفرقه اربابی لایق وجهله تیقن واذعان ایدمه دیک ایچون مناقشه  
دوام ایدیور ، و تأیید مدعا ضمتنده هر طرفدن ایراد اولنان - مناسبتلی  
مناسبتسز - مثالره ذاتاً گرفت اولان بو مسئله یی بوسبوتون چاتالاندیره رق  
جیفیرندن چیقاریور ، وادی اصلیسندن انحراف ایتدیریور .

بومحدهده اهن سنی الک زیاده صیقان دعوا ، ماهیانک وجودی انکار  
اولوندوغی حالده بیله متمیز اولدوقلرینه دائر موجود اولان قساعتدر . بو  
ادعایی اهل سنته قارشى مدافعه دن کرى طورمایان معزله ، (تمايزا - distinc-

(tion) ك (ثبوت positivit ) ى اقتضا ايده جكنى، اونك ده شينىي مستلزم **Chose** بولونه جفنى قبول ايده رك شو يولده بر (قياس syllogisme) ايله استدلالاً دعوالرينى تحكيم ايتك استيورلردى: [المعدوم متميز ؛ وكل متميز ثابت ؛ فالمعدوم ثابت !] دييورلردى .

عينى بجنده خرستيان سقولاستيقرلندن (نوميناليست nominaliste) ناميله معروف اولان فرقه مشهوره ، طبق اهل سنت كيبي حكم ويرمش و ماهيات و (كليات les universeaux) حقنده :  
[اونلر برر اسم دن عبارتدر . موجودات حقيقه مياننده مسـهـارى و ممثلارى يوقدر .] ديمشدى .

افلاطونه اقتدا ايتمك دن فارغ اولمسان (ره آليست r aliste) لر ايسه تماماً عكسـنه بر ادعا گوده رك ماهياتك خارجده مستقل وجود و ثبوتنه بيان قناعت ايدييورلردى .

بو متناقض ادعالرده افراط ايله تفريط خطاسى كورن مشهور (آبهلار Ab lard) ، ايكي سى اورته سى بر مسلك طوته رق ، ماهياتك - خارجده موجود اولما مقله برابر ! - بوسبوتون هيچ اولما ديغنى و تصورات نوعندن اولق اعتباريله ذهنده ثبوت و يكدىكرندن تمايزينى ادعا ايتمشدى كه (قونسـه پتوآليزم conceptualisme) مذهبي بودر . [بو تعبيره باقكـز !]

يوقاربده معروض اولدوغى وجهه معدومك [و بالطبع ماهياتى ده شامل اولان معدومات نمكـنه ك !..] ثبوتى ذهنده متمـيز اولمارى كيفيتندن استدلال ايدن معتزله فرقـسى بو مسئله ده طبق (آبهلار) و اونك پيرولرى اولان (مفهوميون conceptualiste) فرقـسى كيبي دوشونويورلر ؛ و موجودات حقيقه ايله برابر مفهوماته ، كليانه ، تصوراته دنى (شى) تعبيرينى اطلاق ايدييورلر . نته كيم [ماهياتك يارادلمش اولوب اولماسى] بجننده اول (شى) لفظك معناسنى تحقيقه مجبوريت حس اولوتجه ، معتزله ك بيان ايتديكي فكرلر - كمال صراحتلندن طولايى - بـم ديدكلرمى تصديق ايده جك دلائل حيثينده وثيقه لر عرض ايدييور :

اشاعره : [ بزم عندمزمده ( شی ) موجوددر . یعنی شی لفظی عندالا -  
شاعره یالکنز موجوده اطلاق اولونور . اونلره کوره هرشی موجوددر ،  
و هر موجود دخی شی در . ] دیدیکی حالده ، مشایخ معتزله دن اولان مشهور  
جاحظ ایله برابر بوتون (معتزله بصریه école dissidente de Bassora):  
[هوالمعلوم !... ] یعنی ( شی معلوم اوله ییلن مواد و کیفیاتک جمله سی در ! ) دیه  
ادعا ایدیورکه ، یالکنز معدومات ممکنه نی دکل ، ( مستحیل l'impossible ) ی  
دخی احاطه و استلزام ایدر بر دعوادر .

دها بر جوق کشیلر میاننده ( الناس ابولعاش ) نام ذات ، قدیم ایله حادثه  
بو ( شی ) تعیری نی تشمیل ایدیور . ( جهیمه ) فرقه سی تعیر مذکوری  
یالکنز حادثه تخصیص ایتمکله قالیور . ( هشام بن الحکم ) دخی [ شی دیمک ،  
جسم دیمکدر ! ] ده یرک ماتریالیزم اعتقادینه رجوع ایتش اولویور .

بومیانده - ینه بصره معتزله سندن ( ابوالحسین بصری ) ایله ( التصیینی )  
ناملرنده ایکی فیلسوف معقول بر فکر بیان ایدیورلر :

[ هو حقیقه فی الوجود ، و مجاز فی المعدوم ! ] یعنی [ شی ، موجوده  
نسبتله حقیقت ، و معدومه اضافتله مجاز اوله رق اطلاق صحیح بر تعیردر ! ] دیور؛  
بوراده - اعتقادجه - بحث قایمق لازمکلیر ایکن ، ینه برخیلی سورویور  
حتی قاضی عضدک شارحی سید شریف دخی آکلیور و تسلیم ایدیورکه :  
[ بو ادعا اشاعره اعتقادینه قریبدر و آوده کی نزاع ، انحق لفظی در . ]

نهایت : [ لغاتک اصلنی انبات و تحقیقه عقل ایچون مجال اولمادیغنی ]  
ادعا ایتدکن صوکره ( قاضی عضد ) ، ظاهر بمعنایه کوره ( شی ) لفظنک  
نه لره اطلاق اولته بیایدیکی تحقیقه کیریشه رک :

[ اهل لغت هر عصرده شی لفظنی موجوده اطلاق ایده کلشدر . حتی  
اونلره ده نیلسه که شی کندیلری عندنده موجوددر ، بو سوزی قبول ایله  
تلقی ایدرلر . حالبوکه شی هیچدر ده نیلسه بو ادعایی انکار ایله تلقی ایدرلر ،  
و بو ( شی ) لفظنی اطلاق ایدرلرکن موجودک حادث ویا قدیم اولماسنی ،  
جسم ویا عرض اولماسنی فرق ایتزلر . ] دیور ؛ و بناء علیه اسکی سنی ادعا

[ یعنی شی لفظتک حادث و قدیم اولسون، جسم و عرض اولسون انحق Chose موجوده اطلاق اولونه بیله جک بر تعمیر ایدیکنی !. ] ینه تأیید ایچون لسانک معاونت لغویه سندن ده استمداد ایدیور؛ و بونی متعاقب قرآن کریمدن برر آیت جلیله ایراد ایده رک معارضه لرینی او دلائل مقدسه ایله رد ایدیورکه بو طرز استدلال تماماً سقولاستیق در . بو کونکی معناسیله ( فلسفی ) دکدر . بوکون فلسفیه تعلق اولان بر بختده اثبات مدعا ایچون کتب سماویه دن استمداد و نصوص دینه ایله استدلال ایدلز . فلسفه الهیاتدن قطعاً آیرلمشدر .

فضله اوله رق بویه بر دلیل کتب مقدسه یه اعتقاد و اعتماد ایدنلرجه انحق مقبولدر . ( دلیل علی المسلمات Argumentum ex concessio ) دیدکری بونوع ( براهین ) ، طرفین مخاصمین غندنه مسلم اولان پرنسیپلره استناد ایتک شریطیله معتبر اوله بیلیر . [ argument و concessio تعمیرلرنده ایضاحاته باقیکز !. ] بناءً علیه بو بختلرده آیات و احادیث ایله دلیل کتیرمک هر کسی اقناع ایده مز . مع مافیه سقولاستیق لر همان هر بختده - صیقیلنجه - کتاب مقدسی ایلری سوررلردی . یالکمز بوراده شایان دقت بر جهت وارکه قاضی عضدی اول امرده معذور ، حتی محق کوستره بیلیر : بو حکیم ، ( شی ) کلمه سنک لسان عربده معنای حقیقی سنی و مواضع استعمالنی تحقیق ایچون آنحق آیات جلیله و احادیث شریفه یه مراجعت ایدیور ، چونکه اک فصیح عربجه لسان قرآن در . دیمک اولویورکه بو صورتله ایراد ایتدیکی ( دلیل ) انحق حیثیت لسانیه سی اعتباریله شایان نظر در ، حیثیت فلسفیه سیله دکل ! ...

مع مافیه بوده یالکشدر ؛ چونکه کلماتک معانی اصلیه لری هر لسانده موافق دوشمیور . بوکون تحقیق ایتشدکه ( وجه تسمیه ) هر لسانده بر صورت دیگرله واقع اولمش و بو خصوصده طرز تخیل ، بالکلیه مدخلدار بولونمش در . ارسطو دخی بو صورتله کلماتک معانی ابتدائیه سنی تحقیق ایدردی ، فقط یالکمز یونانی لسانی ایله اکتفا ایتدیکندن طولایی ، خصوصی بعض فکر لر استنتاج ایدر و اونلری احکام عمومیه اوله رق تلقی ایلردی که بوده بویوک



Chose بر یا کاشاق در و سقولاستیق سیستمندہ اساسلی خطالردن برینی تشکیل ایدرہ.  
[scholastique تعیرندہ تفصیلاتہ باقیکنز !]

بو بھئی متعاقب قاضی عضد، دہا برسورو سقولاستیق مسئلہ لرینی حل و فصل ایچون اوغراشیورکہ، بونلر - اولجہ عرض ایتمش اولدوغم و جہلہ - (شی) بحثک چاتالانوب داللاتماسندن بالوسیلہ تولد ایتمش مسائل مجعولہ دندرہ. بونلر ینہ وجود و عدمہ، حال و محلہ، اوصاف و کیفیاتہ متعلق تورلو تورلو ملاحظات تشکیل ایدرکہ اصطلاحات سائرہدہ یری کلدجکہ اولنردن دہ مثاللر و یریلہ جکدر . ہر حالہہ شایان دقت و شایستہ تحسیندرکہ قاضی عضد (وتیرہ بحث procédé de discussion) دہ بالذات اوسقولاستیق اصولندن آیریلہ مادینی حالہہ بوتون تنقیدات و مشاہداتی عقل سلیم و طبع مستقیمہ توفیق ایتمکہ موفق اولمش و (زنجی صاچی کبی قارماقاریشیق اولان) بو بھئی حقیقہ حسن ادارہ ایتمشدر . خصوصاً (ماہیات فلاطونیہ les idées platoniciennes) نک مجول یعنی یارادلش اولوب اولمادیغنی مناقشہ و تنقیدہ کیریشدیکی زمان - فلسفہ فلاطونیہدن حقیلہ خبردار اولدوغنی اثبات ایدہ جک قدر - وقوف ایلہ بیان ملاحظہ ایتمش و (اسمیہ nomina-lisme) مہبنی صراحتاً مدافعہ ایلہ مشدر . ذاتاً دہا اولکی صحیفہ لردہ قاضی نک و اونکله برابر اشاعرہ فرقہ سنک صراحتاً نومینالیست اولدوغنی ذکر و اخطار ایتمشدم . فی الحقیقہ قاضی افلاطونک او نظریہ مشہورہ سنی اساسندن چور و تمشدر .

[بو مسئلہ حقندہ nominalisme تعیرندہ ایضاحات لازمہ یرلمشدر .  
ماہیات حقندہہ idée کله سندہ تفصیلات کافیہ و اوردر همان باقیکنز !]

بونو متعاقب (رب النوع) بحثہ ایلیشیور . عرب حکما سنک (رب النوع) و ایرانیلرک (دارای گونه) تعیری بزم (اسم جنس) دیدیکمز کله لردر . افلاطونی لر، یعنی سقولاستیق معناسیلہ (حقیقہ réalisme) مذہبنہ تابع اولانلر او اسامی اجناسہ خارجدہ مستقلاً وجود و یرلر و اولنری اشیا مقولہ سنہ ادخال ایدرلردی . او فرقہ نک اعتقادینہ تماماً ضد بر فکر دہ بولنان (اسمیہ nominalisme) مذہبی اربابی دہ اسامی جنسیہ بی کلمات و تعبیوات

مجرده ( mots et termes abstraits ) دن عبارت برر ( اسم جنس Cose nom commun ) عد ایدرلر و عالم خارجی ده اونلرک معناسنه تقابل ایده بیلجک بر ( شی ) یعنی بر ( موجود حقیقی être réel ) اوله بیللمسی احتمالی قطعاً وقایطه رد و انکار ایدرلر دی .

عینی جنسدن اولان افراد ( حقایق مشخصه réalités objectives ) دندر : فرضا ، فلان آغاچ ، فلان آغاچ ، قوری آغاچ ، یاش آغاچ ، ندریک آغاچی ، نار آغاچی الی آخره ، هپ آغاچ جنسک ( اشخاص معینه indivi- dualités déterminées ) سنی تشکیل ایدر . لکن علی الاطلاق ( آغاچ l'arbre ) دبدیکمز زمان بوتعیر - بزجه متعین - هیچ بر آغاچی افاده و اخطار ایدمه مکله برابر ، ( مجرد بر آغاچ un arbre abstrait ) فکری ویررکه تحلیل اولونسبه بوتون کوردو کمز ، بیلدیکمز آغاچلرک ( کیفیات مشترکه و اوصاف عمومی propriétés communes et qualités générales ) سندن عبارت اولدوغی تین ایدر .

بزم سقولا - ستیقلرک ( صورت جنسبه و نوعیه forme générique et spécifique ) دیدیکی بو ایدی ؛ و بو مسئله سقولا ستیق فلسفه سنک اک مهم بحثی تشکیل ایدیوردی . ( صورت جنسبهیه مقابل ، عمومی و غیر معین بر آغاچ عالم خارجیده وارمی ؟ ، یوقی ؟ ) بحثی عصرلرجه سوردی و بویه برشینک وجودی انکار ایدن ( نومینالیست ) لرک غلبه سیله نهایت بولدی . قاضی دخی نومینالیست در ؛ فقط بو ( رب النوع ) بحثده صیقیلور ، چونکه حدیث شریفده ( ملک الجبال ) ، ( ملک البحار ) ، ( ملک الامطار ) و دها بونک کی تعبیرات وارد اولمش بولوندوغی ایچون لسان شرعده ( رب النوع ) ک مقبول و معتبر بر تعبیر اولدوغی - بو چاراشیق بحثلر طولایسیله - میدانه جیقیلور . قاضی عضد ، بویکی ماهیاتی اساساً رد ایتدیکی ایچون بومسئله قارشیسند اوزولویور ، زیر سقولا ستیق اصولنده آیت وحدیث ایله دلیل اقامه ایتک ، اک منطقی اولان ملاحظات فلسفیهیی طور دورده بیلیر . اوسبيله بومسئلهیی باشقه بر بحثه حواله ایدیورکه ، اونی یرنده بر تفصیل مذاکره

Chose ایدرهك قاضی نك فكر مخصوصی ده میدانه قویه جفز . [ concepts, ideés ]  
و réalisme ایله nominalisme تمیرلرینه باقیکنز ! ... ]

ینه بومبجنده کندیلکندن ظهور ایدن يك صیقیتیلی مسئله لردن بری ده  
جناب اللهك بر (شی) اولوب اولماسی در . مادام که متکلمین اشاعره نك  
تعریفه کوره (هر موجود شی در و هر شی موجود در ! .) و مادام که جناب  
حقك موجودیت ذاتیه و مستقله سنده ذره قدر شبهه ایتمك - نعوذ بالله -  
کفر محض در ، احواله بالضروره [ الله بر (شی) در ! . ] ديه حکم ایتمك  
لازمکلیر . حالبوکه (شی) ، خارجه متمکن و هویت شخصیه سیله متمین  
اولق ایجاب ایدر . غیر متمکن و غیر معین و نامحدود و نامتناهی برشی تصور  
ایتمك عقلاً مستحیل در . بناءً علیه جناب اللهی خارجه مستقلاً موجود  
برشی اولق اوزره قبول ایتمك (صفات سلبیه attributs négatifs) بی  
صراحتاً انکار دیمکدر .

بومشکلات فکریه چاره ساز اولق اوزره واقعا اهل سنت ، اللهی  
(شی) عد ایتمکله برابر اشیاى سائرده دن فرق و تمیز ایچون ، بالذات  
(جهات ست) دن خالی برشی اولدوغنی ادعا ایتمشدر . نته کیم اعتقاد اهل  
سنتی نظماً و تلخیصاً عرض ایدن مشهور (قصیده امالی) نك شوبیتی او  
ادهایی ناطق در :

نَسَى اللَّهُ شَيْدًا ، لَا كَالْأَشْيَاءِ

وَذَاتًا عَنْ جِهَاتِ السَّتِّ خَالٍ

یعنی [ بز (اهل سنت ! .) اللهی شی تمیریه تسمیه ایدرهز ؛ لکن اوئی  
اشیاى مخلوقه کبی دوشونمیز . ذاتی اعتباریه جهات ست دن خالی اوله رق  
وجودینه اعتقاد ایدرهز . ] دیمکدر .

فلسفه صوفیه عالم خارجی بی ظل زائل و خیال باطل عد ابتدکی جهته  
اللهی عالم خارجی ده آراماز ، وجدانده بولور . اونك ایچون بومبجنده  
[ یعنی جناب حقه (شی) تسمیه سنك طوغرو اولوب اولمایه جنی بجنده ! . ]  
اهل سنتك معروض اولدینی مشکلاته دوشمه مشدر . بومسئله ده دائر (قاضی

عضد) ابله شارحی (سید شریف کرگانی) صریح بر فکر و برمیورلر **Chose** و اوئی باشقه بر محنه تعلیق ایدوب کجیورلر که باشقه بر بجنده تدقیق اولونه جق بر مسئله در .

[ بو خصوصده تفصیلات متنوعه آلمق ایچون **Dieu** کله سنه و **théologie** تعبیرینه مراجعت ایدیکنز !! ] بونلردن ماعدا شایان قید و تذکار اولان بر (شی) تعریقی ده اوارکه اونده (بالجمله خواص و کیفیاتندن معرا اولان موجود) دهنیلدشدر . شو تقدیره کوره اوشی - هر نه ایسه ! - اروپا فلسفه سنده اصطلاحات مشهوره دن اولان (**chose en soi**) تعبیرینک تماماً معادلی و مقابلی اولور که بوکا عرب حکما سی (وجود البحت) دخی دیرلر ؛ معناسی (وجود صرف) ، (وجود محض) دیمکدر .

[ بو خصوصده ایضاحات آلمق ایچون **être** و **noumène** و **entité** کله رینه باقیکنز !! ]

فلسفه جدیده اربابی سقولا ستیق اصولنک سقامتنی لایقوله آ کلا یوب اوندن تماماً فراغت ایتمش اولدوغی ایچون بو (شی) مسئله سنی بوسوتون باشقه بر نقطه نظر دن تلقی ایتمش وسقولا ستیق لارک باشنی دوندورن و چگه سنی یوران بر سورو مسائل عجیبه لیسته سی اوزرینه برسونکر چکمشددر .

فلاسفه حاضره و معاصرین (شی) کله سنی بالخاصه ایکی نقطه نظر دن تلقی ایدرک اوکا ایکی تورلو معنا و بررلر : بری (**le sujet**) مقابلنده (افکار **idées**) ، (حادثات **phénomènes**) والخاصل معلوماتلرک کافه سی ده (شی) تعبیرینک دائره شمولنده داخل اولمش اولور . ایستر خارجه حقیقه موجود بر (جوهر **substance**) اولسون ، ایستر اونکله قائم بر (عرض **accident**) اولسون ؛ ایستر سه یالکنز معقول و یاخود مقصور اولسون ! . کندی نفسدن آیری اوله رق هر نه تلقی ایده بیلیر سه م او - نم ایچون ! . - بر (شی) در .

شایان دقتدرکه (شی) تعبیرینه بویله کنیش بر معنا و برمک بزم سقو - لاستیق فلسفه سنده (معتزله) فرقه سنک طرز تلقی سینه تماماً موافق بر ترنر یفدر .

Chose- یعنی طبق معتزله و بعضی حکما کبی موجودات ایله معلوماتی بر طوتمق و عینی صنفه ادخال ایتک صورتیله معقولاتی و موجودات ذهنیه بی ده (شی) تمیزینک دائره شموله آلهرق بوکله یه غایت کنیش بر معنا ویرمکدر . مع مافیه بوکونکی فیلسوفلر (شی chose) ایله (اوبژه objet) آره سنده علی العموم بر فرق معنا تعیین ایتمکده درلر . (شی) کله سنی بالخاصه موجودات مستقله یه اطلاق ایدیورلر که اوکی شیلرک عالم خارجی ده باشلی باشنه موجودتی مسلم اولمق کرکدر ؛ حالبوکه دائما (سوژه = sujet = نفس = انا) مقابله سنده ایراد و استعمال اولونه کلن (اوبژه = objet) مطلقا موجودات مادیه و مستقله دن اولمق لازمکلیوب ، (انا le moi) نک غیری اولان شیلرک کافه سنی شامل برتمیر عمومی اولمش اولویورکه بوصفنده (افکار و خیالات idées et images) دخی داخلدر . بناء علیه بوکله نک معناسی (chose) ک کنه نسبتله چوق دها واسع وشموللی دره ، آره لرنده (عموم خصوص مطلق) دیدیکمز (نسبت منطقیه rapport logique) واردر ؛ یعنی هر (objet)، (chose) دکلدر ؛ فقط هر (chose) (objet) در ، دیمک اولور .

بناء علیه وجودی فرض ویا انکار اولونمق صورتیله دوشونه بیلدکلریمزک کافه سی بوکله نک مضمونه اشتراک ایده بیله جکی جهته بو (کله) ، لسان اصطلاحده اک واسع و بوتون کائنات موجوده و معقولیه یی شامل برتعبیردر . بو اعتبار ایله جناب الله دخی (شی) ده یه بیلیمک صحیح اولورکه بوسیاق نظر دخی اهل سفت اربابنک - براز اول ذکر ایتمش اولدوغم - ادعاسنی معذور کوسقیر . یالکمز بر محظوری وار ؛ اوده شودرکه : شی ، ایستر احساسات و افکار و تصورات قیلندن اولسون ، ایسترسه عالم خارجیده مستقلا موجود بولونسون ، همه حال معین و مناهی اولمق کرکدر ؛ حالبوکه جناب حق بویه دوشونه بیلیمک امکانی یوقدر ؛ یعنی شرعا یوقدر ، علی الاطلاق اویله دوشونه بیلیرز ؛ لکن در حال (مجمسه anthropomorphisme) اعتقادینه دوشورز ؛ اوده بدیهی البطلان در .

(شی) تعبیرینک فلسفه ده بیوک بر اهمیت وحیثیتی اولدوغنی اولجه عرض Ohose  
ایتمشدم . مابعدالطبیعیاتک کرک ( مبحث وجود ontologie ) ، کرکسه  
( مبحث معرفت épistémologie ) مسائله متعلق تنقیدات و مناقشاتده  
هان دئما نقطه استناد بو ( شی مسئلهسی ) در . مبحث معرفتده علممیزک  
( صرف انفسی purement subjective ) اولدوغنی و بز انسانلره میسر  
اوله بیلن حصه معرفتک انجق ظواهر اشیائی و بناء علیه عالم حادثاتی ادراک  
ایده بیلیمک قابلیتدن عبارت قالدیغنی آکلائیجه ، بزم کوزمزه کورون  
شوکانتک حقیقت اشیایه توافق ایدوب ایده میه جکی مسئلهسی بالضروره  
تولد ایدر . بناء علیه بو حادثاتک ضمنتده بز حقیقت مستقله اولمسی لزومی  
تسلیم ایتمک مجبوریتدن قولای قولای قورتوله مایز . ایشته بزم کوروشومز  
و آکلائیشیمزدن قطع نظر ، باشلی باشنه موجودیتی - بر ضرورت منطقیه  
و بر سبب علاقه سیله - فرض و تسلیم اولونان وارلق ( هر نه ایسه ؟ ) مابعد -  
الطبیعیات معناسیله ( شی ) اوکادیرلر . بوشینک نه اولدوغنی و ناصل بوحوادث  
عالمه سبب تشکیل ایتدیکنی تحقیق ایتمک بالخاصه مابعدالطبیعیاتک هم موضوع  
بجنی ، هم غایه سی ، هم ده وظیفه سی در . شینک ایکنجی معناسی ده بودر .  
[ , ontologie , épistémologie , noumène , phénomène ]

métaphysique تعیرلرنده ایضاحات کافی ویرلمشدر . ]

لسان ( اخلاق éthique ) ده ، بناء علیه لسان ( فقه jurisprudence )  
و ( حقوق droit ) ده دخی ( شی ) تعبیرینک اهمیتی واردر . بزم لسان  
شرعه ( عین ) دیدکلری ، معنای فقهی سیله ( شی ) مقابلی در .

اوروپا حقوقیون حکماسنی بوتعبیرک معنای اصطلاحی سنی تعین ایچون  
( شی ) کله سنی ( شخص la personne ) کله سنه مقابل طوتویورلر ؛  
و دیورلرکه [ برشی کنینه مالک و متصرف اوله ماز . او انجق بر شخصک  
مالی و ملکی اوله بیلیر . بناء علیه برشی برحقه صاحب اولق اوزره تصور  
ایدیله مز . ایشته شی ایله شخصک باشلیجه فرقی بودر . ]

[ بوخصوصده تفصیلات ایچون قاموس حقوقه باقیکنز . ]

علم ماکنه نك ( عالی ونظری قسمی mécanique rationnelle ) ندن  
 اول تعلیم ایدیایر ، ( ابتدائی élémentaire ) بر قسمی واردورکه اونده  
 منحصرآ ( حرکت mouvement ) دن بحث اولونور . ایشته اوشعبه  
 علمییه ( cinématique ) دیرلر . اوللری بوکا ( dynamique ) دهنیلیر  
 ایدی . فقط ( دینامیس Δύναμις ) لفظندن مستعار اولان بواسکی تعبیر،  
 حرکندن زیاده حرکتی ایقاع ایدن ( قوت force ) . اشارت ایتدیکی  
 جهته پک موافق کوروله مش واون طوقوزنجی عصر میلادینک بلکه اک  
 بویوک عالم ریاضی سی اولان مشهور ( قلق ماقسوم Cl. Maxwell ) ،  
 اوکا بدل ( cinématique ) تعبیری وضع ایتشدرد . [ تفصیلات علمییه  
 ایچون قاموس ریاضیاته ، بو ایکی تعبیرک معنای آره سنده کی فرق اهمیت  
 فلسفیه سی آ کلامق ایچون ده dynamique تعبیرنده ایضاحاته باقیکنز ! ]

( نك می )

[ Kinesthésique تعبیرینه باقیکنز ! ]

بوکله صفت اوله رق قوللانیلیر؛ میخانیک یعنی علم ماکنه اصطلاحاتندن در .  
 اساساً لسان یونانی ده ( کینین = Kivēiv ) کله سندن آلتشدردکه معنای  
 ( حرکت ) دیمکدر . ( فیزیق physique ) یعنی ( حکمت طبیعی natural  
 philosophy ) ده پک مهم برتعبیر اصطلاحی در . بوکا متعلق اولان مسائل  
 ومباحث ( énergie قدرت ) کله سنده بسط ومناقشه اولونمشدر . [ اورایه  
 مراجعت ایدیکنز ! ]

Clair

واضح Clair فرانسه

Clear انگلیزجه

Klar آلمانیجه

Chiaro ایتالیانجه (کیارو) تلفظ اولونور !

بوکله نك بر تعمیر فلسفی اوله رق استعمالی قدیم دکل، حادثدر. اونی لسان اصطلاحه ادخال ایدن ذات ، مجدد مشهور ( ده قارت R. Descartes ) اولمشدی . براز صوکره ، ده قارتک پیروانندن اولوب اونک فلسفه سنی شدتله تنقید ایدن آلمان فیلسوف شهیری ( لایب نیچ Leibnitz ) دخی بوکله نی عینی حیثیت واهمیتله قوللاندی ایدی . اوسبیله حالا فلسفه ده زبازرد اولمقدمه در . ( لایب نیچ ) ( ده قارت ) ک بوخصوصده کی افکارینی تنقید ایتمکله برابر تعمیرک متضمن اولدوغی فکر فلسفی یی اساساً قبول و تسلیم و فقط اوکا خیلی کشایش و یروب اکال ایتشددر . معلومدرکه ده قارت ( شک اصولی le doute méthodique ) بی فلسفیات مسائلک تحقیقنده ( وتیره تدقیق و تفحص procédé d'investigation ) اوله رق قبول و وضع ایتمش وکندی نفسنده اجرای تحقیقانه تشبث ایتزدن اول ، بوتون معلومات سابقه و مکتسبه سنی اھال وهرشینی انکارایددرک یالکز وجدانه توجیه نظر قیلمشدی . اوپله اعتقاد ایدیوردی که صفحه وحدانندن هرشینی سیلوبده اونی صاف بر حاله ارجاع ایدم بیلیرسه ، یعنی - کندی تعمیر مشهورنجه - وجداتی ( املس برلوحه = table rase ) حاله کتیره بیلیرسه ، اونده کندیلکنندن بر فکر جلوه ایدم بیله جکدر و اوفکر - هر نه اولورسه اولسون - بر حقیقت بدیهیه اولق لازمکله جکدر .

بو ادعا ایله تشبته عزم ایدن و بویله جه وجداتی محتویاتندن تماماً تصفیه و تنزیه ایدم بیلمک امکانه قائل اولان بو فیلسوف داهی ، کویا هرشینی شبهه ایله رد ایتدکن صوکره : [ دوشونویورم ؛ دیمک که وارم Je pense; donc je suis done, cogito; ergo sum = دیمش ؛ و بویله ] دیمکله - کندی موجودیتنه دائر - وجدانک شهادت واقعہ سنی بر ( ییتنه



، ( preuve évidente par elle-même clair  
 شو اعتبار ایه شکلاً و ماهیتاً ( عقلی rationnaliste ) اولان ( ده قارت  
 فلسفه سی ( philosophie cartésienne ) اساساً ( حقایق بدیهه  
 évidentes ) اوزرینه مستند بولونویور ، دیمکدر .

بدیهاتک ( صفت اصلیه dualité essentielle ) و ( علامت فارقه  
 signe distinctif ) سی ( وضوح clarté ) در . اوسبیله درکه ده قارت  
 ( وضوح فکر clarté de l'idée ) زیاده سیله اهمیت ویریور و بویکیفی  
 ( بدهت évidence ) ایه بر طوتویوردی ؛ وینه اونک ایچون اولمالیدرکه  
 ( واضح clair ) و ( ممتاز distinct ) تعییرلیه ( مظلم یعنی مبهم obscur )  
 و ( ملتبس یعنی مشوش confus ) تعییرلی آره سنده کی فرقی حقیله تعین  
 ایتکده مجبوری کورمش و اونلری - بالالزام - تعریف ایتشددر . معلومات  
 بشریه بی انواعنه کوره توصیف ایدرکن شو سوزلری سوبلویور :

[ دقتی بر ذهنده ( حاضر و منجلی présente et manifeste ) اولان  
 معلوماته ، بن ، ( واضح ) دیورم . ( ممتاز distincte ) اولان معلومات  
 دخی بالجله معلومات سائرهدن ( اودرجه قطعی و اوقدر باشقه  
 précise et différente ) درکه اونی ( لایقیله تلقی و ملاحظه ایدن ذات  
 celui qui le considère comme il faut ) نظرند ( صراحتاً  
 manifestation ) نه کی موادی شامل کورونویورسه ( حد داننده  
 en soi ) اوندن باشقه بریشی احاطه ایتمز . ]

آکلاشیلورکه ده قارتک ( معلومات ممتازه connaissance distincte )  
 دیدیکی بیلکی، واضح بر فکردن باشقه ، هیچ بریشی احتوا ایتمین علم در .  
 او حالده ( التباس confusion ) ، بدیهی اولان بر شیله برابر ، اولمایان  
 شیلری شامل و مصدق بر ( حکم jugement ) در . ده قارت بو ملاحظه  
 مخصوصه سندن بر نتیجه چیقاروب دیورکه :

[ ایشته بوندن طولانی معلومات بعضی کیره واضح اولورده ممتاز ( یعنی  
 معین دیمک ایستور ! ) اولمایه بیلیر . فقط ممتاز اولوبده - ینه عینی سبیدن  
 طولانی - واضح اولماسی ممکن دکدر . ]

ینه آکلاشیلورکه (ده قارت) که اعتقاد بنحو (وضوح) ایله (تعین) Clair  
تعبیرلری آره سنده (عموم وخصوص مطلق) رابطہ سی وار؛ یعنی (هر فکر  
ممتاز و معین، واضح اولقی کر کدر؛ فقط هر فکر واضح همه حال - منطقاً -  
معین اولقی لازم گلز.)

وضوح مسئله سی امور دینه و مسائل اعتقادی ده دخی عینی درجه  
اهمیتله موضوع بحث اوله گلشدر. اصطلاحات دینه ده (عیان) تعبیری  
- ترجیحاً - بومعناده قوللانیلیر. مثلاً (معجزه miracle) بمحتده صحت  
شهادت، (مشاهده observation) و (عیان évidence sensuelle) ایله  
اولور. [certitude کله سنده بوبخشه دأر تفصیلاته باقیکنز.]

کذلک تصوفده یک اساسی مسئله ره وجود ویرن (le révelé) نک  
صدق و صحتی بمحتده دخی (وضوح) یک مهم بر (شرط) اوله رق تلقی  
ایدلش و بو اعتقاد بر حدیث شریف مضمونه استناد ایده گلشدر. رؤیایکی  
تورلو اولور: بری غیر واضح وقار ماقاریشقی بر طاقم مشاهدات ضربیه دن  
عبارتدرکه - قرآن کریم لساننده - (اضغات و احلام) تعیرندن - تخصیص -  
مقصود اولان معنا بو (حادثات دماغیه phénomènes cérébraux) در.  
بونلرک دلالت صحیحہ سی اوله میه جفی ایچون اهمیت و اعتباری دخی یوقدر.  
فقط دیگر بر نوع رؤیا ده و اردرکه - ده مین ذکر کی کچن حدیث شریفه  
کورده - انسان احوالات اثنا سنده کوردو کی شیلری عادتاً [اوکله اوسقی  
کونشی و اضحاً کوردو کی کی!] یعنی عیاناً کورور. ایشته اصطلاحده (رؤیای  
صادقه) بو نوع مشاهدات دیرلر. بو تورلو رؤیالر - قبل الوقوات -  
حادثاتن خبر ویر و حقیق اثر الهامی اولدوغی ایچون بالاخره تحقق ایدرمش.  
رؤیایه اینانانلرک مضبوط اولان اعتقادی بودر. بونده ده اساس (وضوح  
مشاهده) در.

(وحی و الهام l'inspiration) مسئله سی - معلوم اولدوغی اوزره -  
(دین la religion) ده اساس در. پیغمبران ذیشانک (تعلیمات  
enseignement) نده (عالم غیب le monde invisible) دن فیضان

clair ایدن وارداته ( خبر صادق vraie parole=vraie tradition ) ده نیلیر .  
 وحی ایله رؤیای صادقته نك بك صمیمی علاقہ سی واردر . حتی ( رؤیا )  
 کله سی بزده ( rêve ) تعیرندن ده اگه نیش و ( اعم général ) در وقوعی  
 مطلقاً ( حالت نوم état de sommeil ) ایله مشروط دکادر . رؤیا ،  
 ( کوروش ) مناسبه کلیر . او یقوده اولورسه ( rêve ) مقابلی اولور . لکن  
 ( حالت یقظه état de veille ) یعنی او یانیقلاق حالتده واقع اولورسه اوکا  
 فرنشکر ( vision ) دیرلر؛ و بوقابلتنده اولان کیمسه لرده ( visionnaire )  
 ده نیلیر . [ بوبابده ایضاحات ایچون vision کله سنه باقیکنر ! ]

( اولیات les premiers principes ) ده نیلن ( حقایق معقوله و قبله  
 vérités rationnelles et aprioriques ) - ده قارتک ادعاسنجه - ذهنه  
 کمال وضوح ایله تبادر ایدن و کندندن باشقه دلیل محتاج اولمایان ( بدیهیات  
 vérités évidentes par elles-mêmes ) در ، دیمشدم . ده قارتدن  
 چوق اول حقایق بدیهیه نك تعریفی وصف کاشفه سی ینه بوایدی . حکمای  
 اسلامه کوره حقایق مذکورده نك دستور افاده سی اوله بر ( قضیه ) تشکیل  
 ایدرکه اونک صدق مدعاسی تسلیم ایتک ایچون - اوقضیه نك طرفینته یعنی  
 موضوع و محموله ! - مجرد نظر کافیدر؛ دلیل ایسته من . ( جسم منحیزدرا )  
 قضیه سی کبی که وضوح مناسی صدق مدعاسنه دلیل کافی در . ( بوبیخت ایچون  
 évident, analytique, apriori کله لرند مناقشات مخصوصه یه باقیکنر ! )

ادبیات بحثنده ( وضوح افاده clarté d'expression ) ، ( اسلوب  
 style ) ک کیفیات مرغوبه و صفات مستحسنه سندن بریدر . فقط اسلوب  
 فلسفی ده اک مدح و والک زیاده مقبول اولان مزیت البته اودر . فلسفه  
 مسائلی ذاتاً غامض اولدوغی کبی اکثریا اونلرک لبّی تشکیل ایدن حقیقت ،  
 برچوق شبهه لرله برابر منظور اوله ییلدیکی جهته صراحته بیان فکر ایتک ،  
 هر کسدن زیاده بر فیلسوف ایچون کوچ بر ایش اولویور . حادثات آفاقه  
 وانفسیه نك برچوق جهتلردن یکدیگریله مربوط و صمیمیاً علاقه دار بولونماسی  
 ودها برخیلی ارکان و عوامل مجهوله بی ده متضمن کورونمهی وضوح افاده یه

حانع اولان اسباب طبعیه دن بری و بلکه برنجیسی در. بوتقدیرده ذهن متفکر Clair  
تَشو شدن، و فکر، التباسدن قور توله مایه جفی ایچون اسلوب بیان دخی بالضروره  
اوحالت فکریه دن برظل مهیمیت اقتباس ایدیور. بناءً علیه ای دوشونوله مهین  
شیلر، وضوح ایله بیان ایدیله میور. شاعر و منقد مشهور ( بووالو  
Boileau ) نك ( صناعت ادبیه art poétique ) نامیله معروف اولان  
اژنده دیدیکی کیی :

Ce qui se conçoit bien, s'énonce clairement,  
Et les mots pour le dire arrivent aisément .

یعنی : [ ای دوشونولن برشی واضحاً ادا ایدیله بیلر، واونی افاده ایتک  
ایچون لازم اولان کله لر قولایقله وارد اولور . ]

بونک ایچون یکانه چاره، افکاری ( مغلق abstrus ) برحاله بیان  
ایتمک در. بالعکس ایجه دوشونوب محقق و معین اولان فکرلری، ( مشکوک  
douteux ) اولان دوشونجه لر دن فرق ایدرک عرض ایتلی و کله لرک  
قیمتی طارتوب معانی معینه مطابقی شرطی کمال جدیتله نظر دفته آله رق  
سوز سوبله مهلی درکه ( التباسات confusions ) میدان ویرلش اولماسین!..  
بعضی ملئر، فطرتاً واضح دوشونمک و اوصورتله سوبله مک میالدرلر .  
فرانسزلرک بوخصوصده قابلیتی عموماً مسلم در. حتی کندیلری مقام فاخرده  
[ وضوح افده، ذاتاً برخصلت فرانسویه در . la clarté d'expression  
est une qualité essentiellement française ] دیورلر، وهیچ  
یا ککش بر ادعا دکدر. نته کم آلمانلرک دوشونوشی و افاده سی ( سیسلی  
brumeux ) بولوبورلر. مع مافیه آلمان فیلسوفلرندن ( قانت )، ( ههغل  
Hegel )، ( شوپنهاوور Schopenhauer ) و ( نیچ چه Nietzsche )  
ودها بعضی امثالی کیی بوبوک متفکرلر و محررلر حقنده بو ادعا یا ککش  
اولماقله برابر، آلمانلرده دخی واضحاً دوشونور و صراحتاً بیان فکر ایدر  
فیلسوفلر آز دکدر .

اسکی یونانیلرده مشهور ( ههراقلیت Heraclite )، اسلوبنک کمال  
مهیمیتی ایله معروف ایدی. کندیلی ذاتاً ده و قرانلرک غلبه نفوذیه مایوس

Clair اولوب چكلمش بر آيستوقرات ایدی . اسلوب افاده سی ظریف ، ( موجز concis ) و بك بلیغ و فصیح اولمقله برابر بیان ایتدیكنی آكلامقده معاصرلری كوچلك چكرلردی . بوندن طولانی دركه مشهور ( ارسطو Aristote ) ، ( هراقلیت ) ك طرز تفكر و اسلوب افاده سنی مبهم بولمش ، و حقنمه ( سقوتی نوس = σκοτεινός ) تعیری قولا نمشدركه ( مظلم ténébreux ) معناسنه كلیر . فی الحقیقه هراقلیتك وصف مشهوری بوكله اولمشدر . مع مافیة بوكون او حكیمك بعضی سوزلرینی كان دقتله تتبع ایدن منقدرلر اسلوبنده كی ( تعقید ) ی تعریف ایچون مبهم سیلر بولویورلر : [ فكرلرنده تعقیدیوق ، علویت وار ؛ افاده چوق موجز ؛ اونك ایچون اول امرده مضالرنی وانخا آكلامق ممكن اوله میور ، فقط دوشونولونجه ، اوقیصه سوزلرك بك بویوك حقیقتلری ناطق اولدوغی تحقق ایدیور . بناء علیه مبهمیت ، فكر ونظرده دكل ، غایت ظریف و بك موجز اولان اسلوب افاده نك ماهیتنده در . ] دیورلر . فی الحقیقه اوله در . ( نیچ چه Nietzsche ) نك اسلوبی اكثر وجوه ایله ( هراقلیت ) ك كنه بكرز . مرحالده وضوح افاده فلسفه لساننده اك بویوك بر مزیتدر . ( تعقید ) دن همه حال اجتناب ایدلمه لی در .

Clair-obscur

كولكه ( آرمیه - كولكه ) Clair-obscur

رساملرك ایدوردوغی بو تعبیر ، اصطلاح اولمشدر . اصطلاح انجمنی اونی حرفیاً ترجمه ایتك غیرتبله ( مظلم - منور ) و ( آیدین - كولكه ) كبی غریب تركیلر ایجاد ایتشدی كه عثمانلی لساننده بوكی سوزلرك معناسی بوقدر . فرنكلرك ( clair-obscur ) دیدیكنه بز اوتة دنبری ( كولكه ) دیرز . واقعا صنعت رسم و تصویر اصطلاحانندن اولان كولكه ایله خارجه یعنی عالم طبیعته بر حادثة عادیه اوله رق كوردوكمز ( كولكه ombre ) آره سنده مبهم بر فرق اعتباری واردر ؛ و بزده مستعمل اولان بوكله ، او فرقی ابراز ایدمه دیكی ایچون التباسه سبیت ویریور . بناء علیه ( كولكه ) لفتی ( ombre ) مقابلی اولمق اوزره - بتخصیص - تلقی ایدرك ( clair-obscur )

ایچون باشقه بر تعمیر بولوق مجبوری حسی اولونمشدر. فقط (آیدین - گولگه) *clair* یاخود (مظلم - منور) ترکیلری هم. معناسزه همده غریب اولدوغی ایچون رواج بوله مایه جقدر صانیرم. نته کیم ینه ارباب صنعت اسکی کله بی ترجیحاً قوللانیور، ومثلاً: [بوجوجو غك رسمه چوق استعدادی وار: گولگه لری ای بی یاییور!] دیدیکی زمان، ندیمك ایسته دیکنی بك ای آ کایورز. فقط [مظلم - منور لری بك ای بی یاییور] دیسه یدی، معما سویله مش اولوردی. شیمدیلک هر حالده اسکی تمیری قوللانیق اولادر.

بو کله اصطلاحیه نك فلسفه ایله مناسبی غلط حسی، یعنی (شعبده illusion) علاقه سیله در. شبهه یوق که رسام، [ایکی بعدلی بر سطح مستوی = *une surface plane à deux dimensions*] تشکیل ایدن کاغد و یاخود مشمع (یعنی موشامبا!) اوزرینه برتابلو یابدینی زمان بزه [اوج بعدلی بر عالم *un monde à trois dimensions*] دن بر منظره عرض ایدیور. بزاورسمده طول و عرضدن ماعدا بر (ده رینك *profondeur*) دخی کوروروز؛ حالبوکه حقیقت حالده (عمق) یوقدر. بزده بویله بر (غلط حسی *illusion de sens*) ایقاع ایدن شی، رسامك هنری در، یعنی (شدت ضیا *intensité de la lumière*) بی درجات متفاوته اوزرینه (توزیع و تقسیم *répartition*) ایده بیلیمسی در. کولگه بی کاغد اوزرنده یا بمقله بوکا موفق اولویور. مثلاً برداثره چینیلزده هر طرفی بیاض یعنی (آیدین *clair*) براقیلیرسه (قابارطی حسی *sens du relief*) ویرمز؛ چونکه ضیا، اوداثره نك هر نقطه سنده عینی درجه شتندده در. کذلک داثره نك یاریسی سیم سیاه، دیگر یاریسی ده بم بیاض کورونورسه ینه (قابارطی حسی) ویرمز. چونکه بیته وی قارا کلتق ایله یکنسق آیدینلق، یان یانه ایکی سطح مستوی عرض ایدر و اوتقدیرده داثره مذکورده نك یاریسی سیاهه بویالی کورونور. (کره *globe*) شکلنی احساس ایده بیلیمك ایچون اوداثره نك آنجق بر طرفی کولگه لی اولمالی، و محیط داثره دن مرکزیه ملوغرو کولگه، علی التدریج شدتی غائب ایدره نك بیته لی در. (ساحه بصر

(champ visuel Clair) مزده شدت ضيانك درجات متفاوتة اوزره (توزع وانقسامی) ايشته بوديمكدر . ايكي بعدلی بر سطح مستويده بعدنالك كوسترن او قاربلی حسی، كولگه ايله ضيانك بوصورتله توزع و انتشارندن متولد بر (شعبده illusion) یعنی بر غلط حسدر . رسام، هنری سایه سنده بو فسون تأثیری اجرا ایده بیلور؛ چونکه طبیعتده حقیقتاً واقع اولان بر حالی عیناً تقلیده موفق اولویور .

مع مافیة (پسیوفیزیولوژی psycho-physiologie) تحقیقاتی اثبات ایدیورکه، بر سطح مستویده اوچونجی بعدی کوستره بیلن قاربلی حسی، یالکنز رسامک کولگه ضیا ايله یاپه بیلدیکی معرفت سایه سنده او قدر مکمل اوله میور . (رؤیت عینیة vision binoculaire) نك، یعنی عینی شیئی ایکی کوزله بر کوره بیلمه نك، بواوچونجی بعدی احساس ایتمکده چوق دخلی وار . (بو خصوصده تفصیلات المق ایچون acquis chiasma, binoculaire) تمیر لریله vue و vision کله لرینه باقیکنز ...]

بالخاصه (صنایع نفیسه beaux arts) اصطلاحاً حاسندن اولان بو تمیرک فلسفه مباحثه جهت تعلق (مکانی ادراك la perception de l'espace) مسئله سی ايله صیقی صیقیه مناسب تندنر . شبهه بو قدرکه (رؤیت عینیة vision monoculaire) ايله (رؤیت عینیة vis. binoculaire) نك بو خصوصده دخل کلی سی واردر . حالبوکه فعل رؤیت، (جهاز بصری appareil optique) نك تشکلات تشریحیه سه تابدرد . هر جنس حیوانده تشکیلات عضویه متفاوت و متخالف اولدوغی جهته عالم خارجی بی ادراك ایده بیلیمک قابلیتده دخی اونسبنده فرق اولماسی لازمکه جکی طبیعی کور و نور . مثلاً ایکی کوزینک هر بریله مستقلاً کوره بیلن برینگیچ، بر ایستاقوزک کور کوسی (رؤیت عینیة vision monoculaire) نوعندرد . تجارب علمیة ايله تحقق ایدیورکه مکانی و ابعادنک بی ادراك ایتمک خصوصنده (رؤیت عینیة vis. binoculaire) نك بویوک بر خدمتی اولویور . کیفیت رؤیت، اجناس حیوانیه ده (جهاز بصری) نك تشکلات تشریحیه سیله قطعاً متناسب و علاقه دار

اولونجه، هر جنسك، بو عالمی، كندی آلت رؤیتنه كوره ادراك ایدمه یلمه سی *Olair* و شوكانتاك هر كوزه كوره باشقه بر (پانوراما *panorama*) عرض ایتمه سی اقتضا ایدر. نته کیم تدقیقات تجربیه دن استنباط اولونان فکر فلسفی فی الحقیقه بودر. بو طوفرو ایسه (اضافیه *relativisme*) دعواسی ده طوفرودر: مشهور (شوپنهاؤودر *Schopenhauer*) ك ادباسی وجهله (عالم بنم نظرمدده جلوه كر اولان بر خیالدر؛) ده یه بیلیر. ایی کوتی كوزی اولان هر مخلوق دخی عینی ادعاده بولونه بیلیر. دنیا، بویه هر كسك كوزینه كورون بر صورت تمثالیه دن عبارت اولونجه، البت هر كسك او خصوصده کی علمی، (اضافی *relatif*) و (انفسی *subjectif*) اولور. او حالده بو مختلف پانورامالردن هانکیسك نفس الامر مطابق و حقیقته موافق اولدوغنی دوشونمهك ممكن دكلدر. بودوشونجه فلسفهك اك مهم واساسلی مسألندن برنی تشكیل ایدر. حواسمز میانشده اك زیاده فسونكار وشعبده باز اولانی البته (باصره *la vue*) در. اونك غلطات حسیه سی عالم خارجینك استقلال وجودینه دأثر بر جوق شبهلر تولید ایدمه بیلدیك، ایچون اویله مسئله لرك ظهورینه میدان ویریور كه ماتریالیستلره ایدمه آلیستلر آره سندده حالا شدتله مناقشه اونونمقده در. ایشته بوسبیلردن طولانی باصره یه متعلق هر حادثه، عالم خارجینك حقیقته متعلق مسائل فلسفیه ایله علاقه داردر.

بویه منحصرأ (پسیقوفیزیولوژی) یه عائد اولان مسائل علمیكه مباحث فلسفیه ایله جهت علاقه سی (مبحث معرفت *épistémologie*) مسئله لرینی تنویر ایدمه بیلهك بر ماهیتده اولمالرنددر. [بو مسئله خصوصیه *épistémologie* و *représentation* كله لرنده مناقشه ایدلمش و اهمیت فلسفیه سی دخی *subjectivisme* ایله *relativisme* بحثلرنده مناقشه اولونمشدر. او كله لره باقیكز ۱.]



صنف	Classe	فرانسجه
	Glass	انكلېزجه
	Klasse	آلمانجه
	Classe	ایتالیانجه

بوتعیر مشهور، لاتینجه نك ( classis ) کله سندن مأخوذدر. احتمال که اونک اصلی، یونان لسانده ( قاله نو = Καλέω ) لفظی در .

علوم طبیعی و اجتماعیه اهمیتله ذکر یکن بوتعیر برچوق ( افراد individus ) ی جامع اوله بیله جک بعضی ( اوصاف مشترکه propriétés communes ) و ( سجاای متمازه caractères distinctifs ) نك وجودی ایله تحقیق ایدر . حقیقت حالده هویت ذاتیه لری ایله مشخص اولان افراد نامعدوده آره سنده ایکی دانهمی یوقدر که هر وجهله یکدیگری نك ( عینی identique ) اوله بیله جک قدر بالجه احوال و اوصاف اعتباریله بربرینه بکزر اولسون! همه حال آره لرنده - وجهاً من الوجوه - جزئی کلتی فرقلر وارددر . بونکله برابر بعضی اوصاف مشترکه و ( کیفیات متشابهه qualités semblables ) دخی وارددر که اونلرک کیمیمی ( سطحی superficielle ) و ( ظاهری apparente ) ، کیمیمی ده ( ذاتی essentielle ) و ( اساسی fondamentale ) در . افرادک حصر و تعدادینه امکان تصور ایدیله مدیکی ایچون موضوع بحث وتبع اولان شیلری برطاقم ( صنف classe ) لره آیرمق علمده ( اصول méthode ) اقتضاسی در . بوده - تبیی مطلوب و ملتزم اولان - افراد مذکورده آره سنده اوصاف مشترکه و ذاتیه بولوب تعیین ایده بیللمکه اولور . واقعا هر علمده نوعاً تصنیف مجبوریدر ؛ فقط بالخاصه علوم طبیعیده بوجبوریت ، علمک اصولی ایله برابر شکل و ماهیتنی تعیین ایده جک قدر ( بارز saillant ) اولدوغی ایچون اوکی علومه ( علوم تصنیفیه sciences de classification ) دخی ده نیلیدی وارددر . ( نباتات Botanique ) ، ( حیوانات Zoologie ) ، ( مبحث بلورات cristal-lographie ) ( ethnographie ) وحتی ( linguistique ) وامثالی هب بوقیلنددر .

[ sciences و classification تعیرلرینه باقیکنز ! ]

( علوم اجتماعی sciences sociales ) ده دخی بو تعمیر اصطلاحات **Olasse** مهمه و مشهوره دندر؛ کړک حقوق و وظائف اجتماعیه، کړکسه طور معیشت و جهت منفعت اعتباریله بعضی افرادک مشارکتی اساسی اوزرینه مینی برطاقم تقسیمات اجتماعیه یی افاده ایدر. ( منعضی organisé ) جماعتلرده بویه در. ( عمله صنفی la classe ouvrière )، ( بورژوا صنفی la classe bourgeoise )، ( زادکان صنفی la classe aristocrate ) کیی! ..  
 هر حالده بو تقسیمات، ( تکامل اجتماعی évolution sociale ) اقتضا سیدر. بلکه ( تقسیم اعمال division de travail ) بوکا سبب اوله یور. علوم اجتماعیه ده بوکله ( جمع اوزره au pluriel ) مذکور اولورسه ( صنوف ) شکننده ترجمه ایدله لی در. ( اصناف ) صورتنده ترجمه ایدیلرسه التباس واقع اوله بیلیر؛ زیرا او تقدیرده ( corporations ) معناسه کلیر. ( کومورجی اصنافی corporation des charbonniers ) ودها برحقو امثالی کیی! ..

اجتماعیانه ( classe ouverte ) تعمیرده قوللانیلیور؛ معناسی ( آچیق صنف ) دیمکدر؛ یعنی اونک ایچنه کیریله بیلیر و ایچندن چیقله بیلیر برصنف اولدوغی آکلاشیلیر. بوکون اکثر صنوف اجتماعیه بو حالده در. بوکا مقابل ( classe fermée ) یعنی قابالی صنف تعمیرده واردور برصنفده داخل اولان افرادک حقوق ممتازده سی ( ارثی héréditaire ) اولونجه اوصنف، یابانچیلار ایچون قاپانمش اولور. بعضی ( زادکان aristocratie ) صنفلی بویه در. [ بو تعمیره باقیکنز! ]

او وقت بو صنف مسدوده ( caste ) ده نیلیر. بونک الک مشهور مثالی، هند قدیمده مؤسس اولان تقسیمات اجتماعیه در. بو ترتیه کوره اسکی هندستان اهالی سی - بربرندن تماماً آبری - درت صنف تشکیل ایدیوردی: برنجی سی و اک شریف و حاکم اولانی ( برهنسار صنفی la caste des Brahmanes )، ( ایکنجیسی ( عسکر صنفی la caste militaire )، ( اوچنجیسی ( تجار صنفی la caste des commerçants ) دردنجی سی ده

**Classe** (اسافل صنفی) ایدی که بونلره (سانسقریت sanscrit) یعنی هند قدیم لسانده (پاریا = pâriâ) ده نیلیردی . بوکون اوروپالیلر بوتیمیری عیناً آملشر ومدنیت حاضره نك افراد انسانیه ایچون تأمین ایده بیلدیکی حقوق ونعمتلك کافه سندن محروم وجعیت ایچون بی لزوم قالان میلیونلرجه اسافل ناسه - اسم جنس اوله رق - تخصیص ایتمشلردر . (les prolétaires) دیدکری صنف بودر . (prolétariat) بوسفالت اجتماعیه به ویریلن اسمدرکه بوسوک زمانلرده ایجاد ایدلش و برتعییر اصطلاحی اولمشدر . (les déclassés) کلهسی دخی بونك مرادفیدر . صنوف معینه و معتبره خارچنده قالان اسافل سوروسی دیمك اولور .

[مدنیت حاضره (صناعت عظیمه la grande industrie) اثری در . بناء علیه ماکنلر سایه سنده پك آز کشی ایله نسبتاً پك آز زمانده پك چوق معمولات صنایع وجوده کتیرمك واسکی زمانلره قیاساً پك اوجوز ایش یایمق ممکن اوله بیلدیکی ایچون ، هرتورلو وسائط معیشتدن ، تربیه دن محروم اولوبده یالکمز (ال امکی) ایله یاشامق مجبوریتنده بولونان میلیونلرجه اسافل ناس بالضروره ایشسز کوچسز وچاره سز قالیور . بوندن طولای جماعت متدنده ده بویوک بر (prolétaire) کتلهسی وجوده کله رك سعادت اجتماعیه به مانع قوی اولیور، وموازنه حقوقیه و سیاسیه بی اخلال ایده رك مدنیت حاضره ایچون عظیم بر تهلكه تشکیل ایدیور . ثروت تقسیم ایدلملی و بالجمله (وسائط استحصال moyens de production) (جماعتك مالی le bien de la société) اولمالی در . عالم صناعت و ثروتده حکمران برقاج افراد متغلبه نك النده محصور قالممالی در .] دعواسیله میدانه چیقان و سیاست عالنده بویوک ونهیدکار برقوت اجتماعیه شکنده تأثیر ایدن (قومونست) و (سرسیالیست) کروهی ده بوکون بر مهم صنف اجتماعی در .

(socialisme و communisme تعییرلرنده تفصیلاته باقیکز ! .)

هند قدیمده شو ترتیب اجتماعی اوزره مؤسس اولان صنفلره منسوب بر آدم ، هیچ بروجله کندی جماعتی فوقنده بر صنفه ارتقا ایده مز و کیره مزدی .

بناءً عليه بونلر (مسدود صنف classe fermée) لردن ایدی. بوکا زماننر **Classe** علمای متخصصینی (le régime des castes) دیورلرکه بزم اسکی محررینزک وبالخاصه (ابن خلدون) و امثالک (طبقات الناس) ترتیبی دیه تعریف ایتدیکی طرز اداره بودر. نته کیم بوکون بعض مملکتلرده (آریستوقراسی) حالا بویله برصنفر. مع مافیة ترقات صناعیه وایجابات مدنییه ایله جمعیت بشریه نیک تشکیلات حاضره سی بک مهم واساسلی تبدلاته اوغرامش بولوندوغی ایچون ارتق مدنی عالمک همان هیچ برطرفنده او اسکی (قاست) اداره سی شکل قدیمی محافظه ایدمه مش و بوتون آمریکا ایله برابر اوروپانک برقم مهمنده بو قیود و امتیازات اجتماعی مرفع اولمشدر. انقلاب کبر، (حقوق بشریه نیک اعلانی la proclamation des droits de l'homme de l'homme) مقصدیله ایقاع ایدلمش و عالم مدینک آلتی اوسته کتیرمش اولدوغی جهتله، انقلابچیلر (حریت liberté)، (مساوات égalité) و (اخوت fraternité) پرنسیپلینی اداره ده اساس طوته رق دموقراسی یعنی (حکومت عوام) ده نیلن طرز سیاستک رواج و تحکمی تأمین ایده. بیلمشلردر. شو تقدیرجه هر فردک بالطبع عین حقوقه مالکیقی اول امرده بر قضیه مسلممه اولق اوزره قبول ایدلمش بولوندوغدن طویلای (طبقات مختلفه و متابعه ترتیبی اوزرینه مؤسس اولان اسکی طرز اداره) یی مشروع و معقول کوره بیلیمک احتمالی قلامشدر. ذاتاً انقلاب کبری وقوعه کتیرن قسم خلقک زادکان و رهبان صنفلی علیننه خروج و انلرله برابر عالمه حکمداری یی پریشان ایدرک (حقوق فوق العاده les prérogatifs) یی قالدیرمه سی ده انبات ایدیورکه، بوتون عالمی صارصان او بویوک اختلالدن مقصد، اجتماعی امتیازاتی رفع ایله افراد جماعت آره سنده مساواتی تأسیس ایتک ایش!

[démocratie تعیرنده ایضاحات مفصله و تنقیدات وارد. باقیکرز!]

بوکون علوم اجتماعی اصطلاحنده بوتعیرک الک طوغرو معناسی شوتعریفه

کوره تعین ایدر: [کرك قانون و کرکه (افکار عمومی opinion publique)]

**Classe** نظرنده عینی (سویه اجتماعی niveau social) بی اشغال ایدن افرادک هیئت مجموعه سنه صنف دیرلر . [بوتعریف هیچ فنا اولماقوله برابر، شایان دقدردکه کله نك معناسی ینه (ثبت fixer) ایدم جك ماهیتده دکلدر. امتیازات اجتماعی نك یاواش یاواش قالمماقده بولونماسی، یعنی انسانلرده دهموقراسی اداره سنه - کوندن کونه - بر میل شدید حاصل اولماسی کیفیتنه رغماً، جماعتك احوال اقتصادیسی بوندن قطعاً متأثر اولمامش و بالعکس اصل بو صوگ زمانلرده صنایعك خارق العاده ترقیسی و بالنتیجه بك بویوک سرمایه لرك تراکم وتشکلی یوزندن افراد امت آرم سنده مدهش اوچوروملر آچیلمش، بویوک فرقلر حاصل اولمشدر. بناء علیه دورمزی ادوار سابقه دن حقیله تمیز ایدن بوشدتلی دهموقراسی جریاندن احوال اقتصادی عالم ذره قدر متأثر اولمامشدر. اولنک ایچون اجتماعی بر نقطه نظر دن باقیلنجه (صنوف اجتماعی classes sociales)، افرادك اسباب معیشتلرینه کوره تفریق وتعیین و کار وکسبه کوره تعریف ایدیلور. مثلاً (اصحاب املاک - les propriétaires)، (مأمورین - les fonctionnaires)، (عمله - les ouvriers)، بوتقدیره کوره برر صنف مخصوص تشکیل ایدیور. (اداره مشروطه gouvernement constitutionnel) اصطلاحاتندن اولوق اورژم اکثریا غزته لرده کورولن (مجادله صنوف lutte des classes) و (صنف بارتیسی parti de classe) کی تعبیرلرده کچن (صنف) کله سی، دهمین تعریف اینتدیکم معنای خصوصی به کوره تلقی ایدلشدر. مع مافیه، بوصفیلر دن برینک فرضاء عمله صنفك (تقسیمات تالیه divisions secondaires) سنه دخی یوقاویکی تعریف، صادق اوله بیلیر. مثلاً عمله تعبیرینك دائرة شمولنده داخل بولونان (معدن عمله سی - ouvriers mineurs) (شمندوفر عمله سی)، (ماکنیست عمله - ouvriers mécaniciens) الی آخره، کی عینی شرائط معیشته تابع بولونان افرادک یگونه دخی (classe) دیمک یا ککش اولماز؛ اوسببله یوتعبیرك دائرة شمولنی صراحاً تعیین ایتدیگجه مباحثات سیاسی و اجتماعی ده استعمالی سوء تفهیماتی موجب اولویور و حین محاکمه ده (سفسطه sophisme) به وجود ویرمبیلور. بوندن توقی ایدلمه لی در.

بالخاصه (اصوليات methologie) . عائد اولان بوكله نك حد **Classe** ذاتنده معناسى وحدودى تماميله معيندر. اصولياته كوره (صنف) ، (اغصان embranchements) ايله (زمرة لر ordres) اده سنده احراز موقع ايدر . مثلاً (بيولوژى biologie) ده ، (ذات الندايا يعنى مهلى حيوانلر les mammifères) ، (طيور يعنى قوشلر les oiseaux) ، (بالقلر les poissons) برر صنف تشكيل ايدر . يونلرك جله سنى بردن شامل اولان (ذات الفقرات les vertébrés) ايله اولنلرك جله سنى خارج طوتان (حيوانات غير فقره les non-vertebrés) برر (غُصن branche ، embranchement) صاييلير . ديكر طرفندن ده مهلى حيوانلر و قوشلر و بالقلر (زمرة لر ordres) . كوره بردها تقسيم ايديله ييلير ؛ الخ !! [ classification تعيرنده ايضاحاته و مثاللر بايكنز !! ]

(منطق la logique) ده مشهور اولان (مقولات les catégories) ايله (جنس genre) ، (نوع espèce) ، (فصل différence) و (عرض accident) تقسياتى ايچون [ تصنيف classitication ] كلمه سنه بايكنز . شرقرده كتاب يازانلره (مصنّف) ديمك عادت اولمشدر ؛ بوتعيرك معناسى (تصنيف ايديجي classificateur) ديمكدر . آ كلاشيليوركه هر علم - اساساً و بدايت امرده - تصنيف ايله باشلييور ، صوكره (نظري spéculatif) برحيثت اكتساب ايدييور . تصنيف اولونان مواد و موضوعاتندن بعضى قوانين استدلال ايديلنجه ماهيت صحيحه سيله ، علم (rationnelle) يعنى نظرى) اولور . ايسته بوتكامل علمى انجق (استقرا induction) سايه سنده وقوعه كليور . [ بوتعيره بايكنز ! ]

تصنيف ، برچوق افرادی - آره لرنده کی اوصاف مشترکيه نظراً -  
 صنفله تقسيم و او وجهله ترتيب ايتمه ديرلر . تصنيف : ( مشاهده  
 ( observation ) ، ( تمثيل analogie ) ، ( قياس comparaison ) ،  
 ( تجريد abstraction ) کي برنجی درجده مهم ( اعمال ذهنيه ) ي  
 استلزام ايدر . بناءً عليه ( بسيط simple ) بر ( عملیه ذهنيه oper mental )  
 دکدر . حتی بويه افراد مختلفه ي تدقيق و تتبع ايدره رک بر ( مفهوم کلی  
 notion générale ) يه پیوسته اوله بيلمک - منطق لساننده ( استقرا  
 induction ) ده نیلن عملیه ذهنيه در . منطقیونک و پسیقولوجلرک پک محق  
 اولان ادعاسنه کوره بالجمله ( محاکمات jugements ) مز ، تصنيف عملیه سیله  
 برابر واقع اولور و اوکا استناد ايدر . ( اسامی اجناس و انواع noms  
 génériques et spécifiques ) اسامی صنف اولوق اعتباريله تصنيفی  
 متضمن در . ( ذوات الالهيا mammals ) و یاخود ( طیور oiseaux )  
 و یاخود ( اشجار arbres ) دیدیکمز زمان ، - بروجهله و یاخود وجوه  
 مختلفه ايله - آره لرنده ( مشابهت ressemblance ) کورمش اولدوغمز  
 برچوق افراده بر ( اسم جنس N. commun ) ویره رک جمله سنی بردن ( مجملاً  
 sommairement ) ذکر و احاطه ایتمش اولویورز . بناءً عليه هر اسم جنس ،  
 بر ( صنف اسمی nom de classe ) در ؛ و هر صنف اسمی ده بر اسم  
 جنس در . علمای اصولیوندن ( ستانله جیوانس Stanley Jevons ) شونی  
 اخطار ایدیورکه : [ بز نه وقت بر صنف تشکیل ایدرسه ک - افلاطونک  
 دیدیکی کي - کثرتی وحدته ارجاع ایتمش اولورز . ]

کائناتده منظورمز اولان افراد نامعدوده ي ذهنأ قاواريه بيلمک ، عقل  
 انسان ایچون قدرت و امکان عادی فوقده بر ایش اولدوغی جهته ، افراد  
 مذکوره آره سندء بالمشاهده کشف ایدمه بیلدیکمز بعضی اوصاف مشترکيه

بناءً صنفار تشکلی صورتیه اونلری حصر و ضبط ایده بیلپورز . بزم ایچون **Classe** باشقه چاره یوقدر . شو اعتبار ایله تصنیف قابلیت ، بوتون اعمال ذهنیه نك روحی تشکیل ایتدیکی کبی ، یالکز بعض علومك دکل علی الاطلاق علم بشرك بدایت ونهایتی و بناءً علیه ماهیت حقیقه سنی عرض ایدیور دیمکدر؛ زیرا انجق بوقابلیتی سایه سنده درکه انسان ، تلقی ایده بیلدیکی معلومات جزئییه بی ترتیب وتلخیص ایده رك ( تشوش confusion ) دن قورتاریور وموجودات حقنده ( اجمالی sommaire ) فقط ( آهنگدار harmonieux ) بر علم حاصل ایده بیلپور . بناءً علیه بوقابلیت بوتون انسانلرده موجوددر . ینه ( ستانله حیوانس ) ك دیدیکی کبی : بر ( نیوتن Newton ) ك ( ملکات استدلالیه reasoning faculties ) سی ، طبیعت وماهیت اعتباریه ، بر ونچیرك كندن فرقی دکلدر . [ شوقدر وارکه : ] آزده کی فرق ، ملکات مذکورہ نك دائره فعالیت اعتباریه وسعنده و احاطه ایده بیلدیکی ( امور faits ) ك کترنده در . هر ( موجود متفکر thinking being ) آزجوق ( تعمیم generalisation ) ایدر ، یعنی استقرا یابار ؛ فقط فیلسوفی تمیز ایدن شی اونك استقرا آتنده کی انگیلك و دهرینلکدر . [ بناءً علیه هیچ شبه یوقدرکه تصنیف اول امرده مشاهد ایله باشلار ، زیرا تصنیف اولونه جق اشیا اولجه کورولوب تتبع ایدلك کرکدرکه آره لرنده اوصاف ذاتیه و کیفیات مشترکه کشف اولته بیلسین . ثانیاً ( مماثله analogie ) ایله ( مقایسه comparaison ) سایه سنده اوشیلرك ( اوصاف متشابهه semblables ) سی و ( اوصاف متمایزه distinctives ) سی کشف اولونور . ثالثاً ( تجرید abstraction ) دیدیکمز عملیه ذهنیه باشلار . [ بوتعبیره باقیکز ! ] بوسبوتون ( فردی individuel ) اولان اوصاف خصوصیه نظر اعتباره آلتایه رق یالکز موضوع تتبع اولان اشیاى مختلفه آره سنده علاقه مشابهتی اظهار ایدن احوال و صفات مشترکه ضبط و قید اولونور وتصنیف معامله سی اونلر اوزرینه بنا ایدیلر . مع مافیه بوتون بو عملیات ذهنیه نك حین وقوعنده ( استقرا induction ) دخی برابر کیدر . ذاتاً



**Classo** بوتمبرك معناسى و كيفيت استقرانك تعريفى : [ امور جزئيه يى تصنيف و ترتيب سايه سنده بر ( مبدأ کلی principe universel ) يه و يا خود ( خصوصى speciale ) ، ( عمومى générale ) بر ( قانون loi ) ه پيوسته اولمقدر . ]  
[ بوتعيرانك جمله سنه باقيكز ! . ]

تصنيف مسئله سنى اطرافيله تتبع ايدن ( ستانله جيوانس S. Jevons ) ،  
- يوقاريدده عرض ايتديكم و جهله - امر تصنيف ايله ( استقرا induction ) نك  
موازاتاً وقوعه كلكده اولدوغنى ادعا ايديبور و بوكيفيتى اثبات ايتكم ايجون  
تاريخ ترقيات علميه دن بر چوق كشفياتى امثله متخبه اوله رق ذكر ايديبور كه  
حقيقتاً لك معنادار و لك زياده قناعت بحش فتوحات علميه دندر .

بو دعوانك انجق ( استقراء ناقص induction imparfaite ) ايله  
مناسبتى اوله بيله چكى هيچ برو جهله شبهه كوتورمز ؛ [ induction تعبيرينه  
بايكيكز ! ] فقط ساده تصنيف ايله ( قوانين تدريبيه lois empiriques )  
كشف ايديلوب ايديله ميه چكى جاى مناقشه در . [ بوتعيره دخى باقيكز ! ]  
معلومدر كه بوجنسدن اولان قوانين انجق استقرا طريقيله كشف اولونه بيلير .  
اكر تصنيف يايقم استقرا يايقم ديمكسه ، البته ( ستانله جيوانس ) لك ادعاسى  
طوغرودر . بناء عليه مومى الهك بوبابده . بيان ايتمش اولدوغى ملاحظاتى  
مختصراً بسط و مناقشه ايدم چكم :

[ تصنيف بر صنفه ادخال ايديله چك اولان اشيا و افراد مختلفه نك عرض  
ايتديكى اوصاف و كيفيات آرد سنده كى ( مناسبات connections ) لك وجودى  
تحقيق ايدم بيلمكه اولور . بويه ( كيفيات ذاتيه propriétés essentielles )  
اوزر ينه مؤسس اولان بر تصنيف ، ( طبيعى naturelle ) در . اويه  
اولمايوبده بر طاقم علامات و ( اوصاف ظاهره qualités apparentes ) يه  
اعتبار ايديله رك عئدى بر ترتيب ياييليرسه ، او كا ( تصنيف صنئى classification  
artificielle ) ديرلر . مثلاً معدنياتى ، قرعه چكه رك تصنيف ايدم چك  
اولور سهق ، معادن مذكور م نك هيچ برو جهله بر برلرينه بكمزه ميه چكى  
و يالكز معدن اولمق حيثى ايله - كليشى كوزل - تصنيف ايدلمش اوله جنى

شبهه کورتورمز . فقط کیمیا کرلر بومعدان مختلفه آره سندن ، ( بوتاسیوم **Classe** potassium ) ، ( سزیوم coesium ) ، ( روبیدیوم rubidium ) ، ( لیتیوم lithium ) ناميله درت دانه سنی آیروبدنه برصنف تشکیل ایدرلرسه ، بؤتصنيف برچوق مناسبات اساسیه یی متضمندر ؛ زیرا بوماده لرك اوصافنی مقایسه ایدنجه کورورزکه جمله سی ( مولدالموضه oxigène ) ايله پك بیوک بر ( علاقه کیمیویه affinité chimique ) عرض ایدر . یعنی شدتله تحمض ایدر و اونك ایچوندركه صوی - هانکی درجه حرارتده اولورسه اولسون - ( تحلیل décomposer ) ایدررك پك قوتلی ( حمضات اساسیه oxdies basiques ) حصوله کتیرر . بوحمضات ، صوده زیاده سیله ( منحل solubles ) اولور و شدتله ( محرق caustique ) ، ( مائیات قلئیه hydrates alcalines ) حصوله کتیررکه تسخین ایتمکه بيله بوخاصیتلری مندفع اولماز . او معدنلرك هربری انحق بر ( کلورید chloride ) ویرر . ( فحمیت carbonate ) لری ده صوده منحلدر . بومعدنیاتك وجوده کتیره سیله جکی ( ترکیات compositions ) ايله او ترکیاتك ( خواص کیمیویه propriétés chimiques ) لری آره سندن . زیاده سیله مشابهت اولدوغی جهتله ( املاح sels ) نك ده یکدیگرینه مشابه بعضی خواص کیمیویه ايله متکیف اوله جنی - قبل التجربه - تخمین ایدیه بیلیر .

[ ایمدی شو ( معدنیات قلئیه métaux alcalins ) صنفنی تشکیل ایدنجه ، یالکنز ایشمزه الویریشلی بر ترتیب یاپمش اولقله قالمادق ، طبیعتك بعضی ( قوانین تدرییه lois empiriques ) سنی دخی کشف ایده جك درجه یه واردق . اوقدرکه معدنیات قلئیه یه خاص اولان بعضی اوصافی عرض ایدن بر معدنك ، سائر اوصاف قلئیه یی دخی حائر اولماسی قویاً محتملدر ، ده یه بیلیرز . اکر یکی بر معدن کشف ایده ایدك و ( فحمیت ) نك یعنی قاربوناطه سنك صوده زیاده سیله منحل اولدوغنی و یاخود او معدنك صوی تحلیل و مولدالموضه ايله شدیداً ترکیب ایدررك قوتلی ( حمضات اساسیه ) وجوده کتیردیکنی کورسایدك ، بویوک بر احتمال ايله حکم ایده بیلیردك که او معدن

**Olasso** یالکز بر (قلورید) حصوله کتیره بیله جکدر ، و قللیات سائر نك وجوده کتیره بیله جکی ( سلسله ترکیبات séries de combinaisons ) . مشابه و مقابل اولوق اوزره بر سورو مرکبانه داخل اوله جقدر . بو ( معدنیات قلثیه صنفی ) نك تشکلی یالکز قولایلق مسئله سی دکدر . اهمیتلی و موفقیتلی بر ( کشف استقرائی découverte inductive ) درکه ، ( استقراء تام induction parfaite ) محصولی اولان و هیچ شبهه کوتورمه یں بر خیلی ( قضایا propositions ) یی ضبط و قید ایده بیلمک ایچون بزه صلاحیت ویریر . فضلّه اوله رق ده ا بر چوق ( استدالات inférences ) . بزی سوق ایدرکه اونلر ( استقراء ناقص induction imparfaite ) پرنسیپلینه مربوطدر . [

ینه بوقیلدن اوله رق ( ستاره جیوانس ) بر کوزل مثال ده ا ویریورکه تصنیف سایه سنده مهم بر کشف استقرائی یاپیله بیلمش اولدوغنی کوستیرمه اوننی بوراده تلخیصاً عرض ایدیورم :

زمانمژک مشهور علماسندن و ( علم هیئت astronomie ) متخصصینندن میستر ( نورمان لوقیه N. lockyer ) کونش حقننده اجرای تدقیقات ابتدکی صیره ده ، شمسک ( کره نورانی photosphère ) سنده ، [ یعنی کره شمس بزم هوای نسیمی مزکی قایلایان و غایت خار غازات معدنیه دن عبارت بولنان قسمنده ! ] ده ا بعضی عناصر بسیطه اولوب اولمادیغنی تحقیق ایده بیلمک ایچون بر ایپ اوجی بوله ماش و نهایت بزه معلوم اولان عناصر بسیطه یی ( طیف شمس spectre solaire ) ده ( مُشار signalé ) اولوب اولمادقلرینه کوره تصنیف ایتش . [ معلومدرکه عناصر بسیطه دن هریری طیف ده بر ویا برق اچ عمودی چیزکی ایله موجودیتدن اشارت ویریر ! ] صوکره ، ( تحلیل طیفی analyse spectrale ) دلالتی ایله کونشده وجودی تحقیق ایدن عناصرک باشلیجه اوصاف کیمویه لرینده تدقیق ایده رک مفصل بر جدول یامش ؛ کورمش که کونشده موجودیتی تعین ایدن عناصرک اکثریسی ( مولدالموضه oxigène ) ایله ( ترکیبات ثابتہ compositions = stables ) وجوده کترین ماده لر در . بویکیفیت مهمه و مشترکه یی اساس

طوره‌رق محاکماتی اوکا استناد ایتدیرمش ، و بزجه معلوم اولوبده هنوز **Classe** کونشده وجودندن نشان بولونه مایان ومولدالموضه ایله ترکیات ثابته حصوله کترین برطاقم عناصر ماده‌یی - بالالتزام - کونشده تخری ایتمش و بش عنصر دهاکشف ایله مشدر . بناء علیه اوصاف اساسیه مستند اوله‌رق یاییلان بر تصنیف ، استقراء ناقص ایله کشفیات رهبر اوله بیلمشدر .

شبهه یوقدرکه ( علوم طبعیه و تجربیه sciences naturelles et expérimentales ) ده بالمله کشفیات ، بویه برطاقم ( روابط ثابته rapports fixes ) نك وجودنی تحقیق ایده بیلمکه میستر اولمشدر . ذاتاً قانون طبعی دیمک ایکی ( حادثه phénomène ) آره‌سند . موجود بر ( نسبت ثابته correlation fixe ) دیمکدر . [ loi کله‌سند تفضیلاته باقیکز ! ]

شوتقدیرجه آکلاشیلیورکه برطاقم اوصاف مشترکه و کیفیات ذاتیه به مستنداً یاییله‌جق اولان بر تصنیف ، اویه بر ( نسبت ثابته ) کشفنده رهبر اوله بیله‌جکدر . مع مافیه شایان دقتدرکه تصنیفک بوتورلوسی اوصاف ذاتیه به مستند ، و اوصاف مذکوره ایسه برچوق شیر آره‌سند . رابطه جنسیتی ممل اولدوغی ایچون اوکا ( تصنیف طبعی . classification naturelle ) ده نیلیور ؛ والته کلیشی کوزل یاییلان بر تصنیف یعنی ( تصنیف صنعی class. artificielle ) بویه برکشف مهمه رهبر اوله مازدی ؛ چونکه رابطه جنسیتی تشکیل ایدن اوصاف ذاتیه و مشترک‌یی نظر اعتباره آلمش اولمازدی . مثلاً ، آنفاً عرض اولونان مثالده ( میستر نورمان لوقیره ) اویه اساسلی اوصاف کیمیویه اسناد محاکمه ایتیبوده کیف ماتفق بر تصنیف پامش اولسه‌یدی کشفیاته موفق اوله مایه‌جق ایدی ؛ چونکه کونشده موجودتی تحقیق ایدن اکثر عناصر بسیطه نك مولدالموضه ایله ترکیات ثابته وجوده کتیره بیلمه‌لری قابلیتی ، ( لوقیره ) ک کشفنه رهبر اولان کیفیت مهمه‌در . حالوکه کلیشی کوزل بر تصنیف یاییلمش اولسه‌یدی بو کیفیت مهمه کوروله‌میه‌جک و یاخود امال ایدلمش اوله‌جقدی .

اوحالده صنعی و طبعی تصنیفاتک شرائط اساسیه‌سنی تدقیق و تذکر ایتمک

**Classe** کرکدر. مع مافیه بر (طاقیم groupe) تشکیل ایدن شیلری - مختلف اساسلرم و نقاط نظره کوره - تورلو تورلو ترتیب و تصنیف ایتمک احتمالی واردر؛ او قدرکه بعضی شیلرده تصنیف طبیعی نک شرایط ممتازه سنی وحدودینی تعیین ایدوبده صنی بر تصنیفه قارشی فرقی کوسترمک ممکن دکلدور. بناء علیه هروجهله مکمل و معقول انحق برنوع تصنیف اوله بیلیر، ده نیسله مزه. مطلقیت اوزره تصنیف یوقدر. بز اکثریا مقصدمزه توافق ایدن، ایشمزه یاریان جهتی امر تصنیفده اساس اتخاذ ایدور. مثلا عناصر بسیطه یی (وزن جزء فردی) لرینه نظراً ترتیب ایتمک نمکندر؛ فقط (معدن métal) و (شبه معدن métalloïde) اولوق اوزره دخی تصنیف ایتمک جائزدر. مع مافیه (حرارت عادیه température ordinaire) ده (صلب solide)، مایع (liquide) و (غاز gaz) اوله لری اعتبار یلده بر تقسیم واردر. اوندن سوکره فائده لی ویا فائده سیز، نادر ویا خود مبذول اولدقلرینه کوره دخی تصنیف ایدیه بیلیر. الی آخره ..!

نقطه نظره و (غایه مترقبه but visé) به کوره تبدل ایدن بوتصنیفات نمکنه نک برینی دیکرینه علی الاطلاق ترجیح ایده میوروز. ایده بیلسه یدک ثابت بر مقیاس بولونمش اولوردی. بالنسبه بر سبب رجحان بوله بیلیرزکه اوده صورت تصنیف کندی. نقطه نظرمزه و مقصدمزه موافقتی در. اشیاده کیفیات مشترکه اعتبار یله مشاهده و تحقیق ایده بیلدیکمز مناسبات ثابت (مطرد uniforme) و یکنسق دکلدور؛ اویله که یالکیز بر کیفیت مشترکه اساس اتخاذ ایدیلیرسه اوکا کوره یاییلان تصنیف باشقه بر ترتیب عرض ایدیور؛ بر باشقه کیفیت مشترکه به مستند بر تصنیف دخی باشقه بر وجهله ترتیبی استیزام ایده رک اولکی تصنیفده خارج قالان بر چوق شیلری. دائره شموله آیور؛ داخل اولان شیلری ده اخراج ایدیور.

(ستانله حیوانس)، بوکاده. یک کوزل مثاللر ویریور که علوم طبیعیه موضوعه تاندن آلمشدر؛ دیورکه: (معدنیات علماسی les minéralogistes) معهود تصنیف بطینی سیستمی بوله بیلیمک ایچون، بر چوق، زیان و همت صرفه

**Classe** ایتشلر ، فقط دائماً شو مشکلات قارشیسند بولنشلردر : کورمشلرکه معدنیاتک ( ترکیات کیمیویه compositions chimiques ) ایله ( اشکال بلوره formes cristallographiques ) سی و مختلف ( خواص فیزیقه propriétés physiques ) سی متحد و یکنسق بر ترتیب عرض ایتیور ، برابر کیمیور . شکل بلوریلری اعتباریله یکدیگرینک ( عینی identique ) اولان ماده لرك ، خصوصاً برنجی جمله ده - یعنی ( جمله مکعبه système cubique ) ده - ( تبلر cristalliser ) ایدلرک اکثریا ترکیات کیمیویه نقطه نظرندن هیچ بر مشابهت عرض ایتدیکی تحقیق ایدیور . دیگر طرفندن عینی ماده نك بوسوتون یکدیگرندن فرقی ایکی سیستم اوزره تبلر ایده - لیدیکی کورولویور؛ ( قاربونیت کلس carbonate de calcium ) کی . بومسله ده تظاهر ایدن حقیقت واضحیه شودر :

معدنیاتک اوصاف و کیفیاتی آره سنده هیچ بر مناسبت کشف ایده مرسه ک اونلری هیچ برو جمله ترتیب ایده مه یز که یالکیز او تصنیف اوصاف مذکورده یی شامل اوله بیلسین . او معدنیات آره سنده یکدیگرینه مشابه اولمایان - آز چوق مهم - نه قدر ( زمره اوصاف groupes de propriétés ) واره ، او نسبتده مختلف نقاط نظرندن تصنیفلر یامغه مجبورز . حتی مهرانکی بر سیله مهرانکی بر تصنیفی ترجیح ایدرسه ک ایدلم ، معدنیاتک دیگر وجوه ایله ده تصنیفات مفیده مستعد و قابل اولدقلرینی قطعاً خاطرندن چیقارماملی یز . [ تصنیف نباتات حقنده دخی ( ستانله ) عینی ملاحظاتی بیان ایدیور ، و آثار مشهوردن نقلاً بر چوق مثاللر و پریور : ( چه زالینوس Cœsalpinus ) ، ( موریسون Morison ) ، ( هرمان Hermann ) ، ( بوژهاو Boerhave ) و ( گرتز Gaertner ) کی علمانک نباتاتی ، شکل ائماره کوزه ترتیب ایتدکلرینی خاطره کتیریورکه بونلر ( نمریون les fructistes ) درلر . ( ریونوس Rivinus ) ، ( لودویغ ludwig ) ، ( طورقور Tournefort ) ک بالخاصه ( تویج ازهار la corolle des fleurs ) . و تویجک اقسام و ترتیبانه کوزه بر تصنیف یامش اولدقلرینی ذکر ایدیورکه ، بونلره دخی ( تویجیون

les corollistes ( دیرلر . ( مانیول Magnol ) ، تصنیف نباتانده  
 ( la calice ) ی اسباس طومش ، ( سواژ Sauvage ) بالخاصه  
 پراقلری نظر دقه آلمشیدی دییور . بونلردن ماعدا دخی برچوق وجوه  
 ایله تصنیف نباتانه تشبث ایدلش اولدوغی اربابجه معلومدر . هرحالده  
 بوتربیانک هرری نباتات آرسنده هرهانکی بر وجه ایله بعضی مشابهتله  
 ومناسبتله عرض ایده بیلیرسده ، بالجله کیفیات مشترکه و اوصاف متشابهی  
 کندی دائره شمولنده جمع ایده بیله جک قدر بر تصنیف مکمل اوله مایه جغی  
 ( ستانه جیوانس ) اعدادن چکینمیور وحقیده واردر .

امر تصنیفده مصادف اولدوغمز بوتورلو مشکلاتک اسبابندن بوسبوتون  
 غافل دکلز : محققدرکه کیفیات اشیا آرسنده برطاقیم ( مناسبات صمیمیه  
 corrélatious intimes ) وار؛ اوصاف متشابهه ( qualités semblables )  
 و ( کیفیات مشترکه propriété communes ) اومناسباتی بدهتا کوستریور .  
 کائنات مادهی تبع وادیسنده نه قادار ایلری کیدرسه که بو حقیقت اوقادار  
 صراحتله تعین وقوتله تحقق ایدیور . اوندن ماعدا مناسبات مذکورده نک  
 یک متنوع صورتلر و متخالف وضعیتلر عرض ایتمکده اولدوغی دخی  
 کورولویور؛ او وجهله که برکیفیت مخصوصه مشاهده ایدیلنجه اونک ، دیگر  
 برطاقیم کیفیات ایله مناسبتیده میدانه چیقیور ، ویکی یکی کشفیاته رهبر  
 اولویور . بعضأده - بالعکس - برطاقیم خواصک تحقیقی دیگر بعضی قابلیاتک  
 فقدانده دلالت ایدیور بوتون بو روابطک صور مختلفه سی نامعدود و نامضبوط  
 ایسده بو خصوصده بر فکر و بر مک و اک بسیط و عمومی اولانلرینک دستورینی  
 کوسترمک ایچون براز تفصیلاته کیریشمک فائده دن خالی دکلدر .

فرضا عالم عضویدن مثال آله لم و بعضی حیواناتک اوصافی تبع ایدره  
 آرارنده کی روابط مشابهت و مغایرت rapport de ressemblance et  
 ( de dissemblance ) ی تدقیقه چالیشه لم .

اولا کورورزکه افراد حیوانیه نک ( شخصیت ممتازه personnalité  
 distincte ) سنی تعین ایدن کیفیات ، یک خصوصی در ؛ بناء علیه بالجله

**Classification**

اوصافی افراد مختلفه نك هر برنده بولق واقع اولمامشدر . اولمش اولسهیدی ، افراد مذكوره يكديكرينك ( یعنی identique ) اولور و اوتقديرده تصنيفه حاجت قالمز ایدی ، چونكه آره لرنده هيچ بروجمله فرق اولمازیدی . او حالده اونلری انحق ( تعداد énumérer ) ايتك كفايت ايدردی . بربرينه اساساً بكنزه يوبده بعضی جزئی فرق لره يكديكرندن تمايز ایدن اشیای مختلفه یی ضبط وربطه المق ایچون تصنيف ياییلیر . اوندن طولایي دركه افراد كیره یی برصنف ایچنه درج ایده بيلمك ایچون اونلرك آره سنده ( مشابهت ressemblance ) و ( مغایرت dissemblance ) نقطه لری آراقم ، اك اول ياییله حق ایشدر . جهت مشابهت ، ( کیفیات مشترکه ) صورتنده تحق ايدر ؛ جهت مغایرت ( اوصاف متمایزه ) ایله تظاهر ايدر . جنسیتك حدودینی تعیین ایدن ، کیفیات مشترکه در . شخصیتی تمیز ایدن ، اوصاف متمایزه در . امر تصنيفده نقطه نظر ، بوجهت لری تحق ایتكدر .

شیمدی شوملاحظاتی مادی مثاللره تفسیر وتوضیح ایدهیم . مثلاً :

بر ( فرد حیوانی iudividu animal ) ده بر کیفیت مشاهده اینسهك ، فرضا اونك ( ذات الئدایا mammifère ) یعنی ( مملى ) اولدوغنی كورهك ، بهمه حال او حیوانده ایكى اوصافك وجودی دها تحق ایدیور : اونك ( ذات الفقرات vertébrés ) دن و ( چاربا = درت آياقلىلر = quad-rupèdes ) دن اولدوغنی ده ثابت اولویور . ایمدی ، منحصرأ مشاهده ایله تلقی ایده بیله ديكمز بومناسب مخصوصه یی بدستور بسیط شكلنده عرض ایده بيلمك ایچون اشارات جبریه قوللانسهق ، و :

ذات الئدایا = ث

ذات الفقرات = ف

چاربا = چ

دیسهك ،

ث = ( ف + چ )

معادله می حاصل اولور .



بونی ده بر ( قضیه proposition ) شکلنه صوقوبده لسان منطق ایله  
افاده ایتمک ایسترسهک :

[ هر ذات الئدایا ، ذات الفقراتدر و درت ایاقلی در . ]

دیرز. یالکیزشوراسی شایان دقتدرکه بوقضیهنک (عکس مستوی conversion simple) سی طوغرو چقمیور . چونکه هر (ممهلی حیوان) ( فقرات vertèbres ) صاحبدر ، و درت آیاقلی در ، اما هر فقرات صاحبدی مطلقا ممهلی دکلدر، حتی درت آیاقلی دکلدر. (تمساح crocodile) لر ذالفقراتدندر و درت آیاقلی در، لکن ممهلی یوقدر ؛ صوکره بالجمله (زواحف les reptiles) ذالفقراتدن اولقله برابر، مطلقا چاربا دکلدر. بیلانلر بوسبوتون آیاقسزدر. نتهکیم بالقلمده اولدهدر. اوندن ماعدا (قوشلر les oiseaux) ذات الفقراتدن اولقله برابر ، انجق ایکی آیاقلی در وممهلی دکلدر .

بناء علیه شوتدقیقاندن آکلاشیلورکه بوکبی اوصاف عضویه آره سنده - بدایه عرض اییدیکم وجهله - روابط مختلفه ومتنوعه وار . و هیچ شبهه یوق که بعضاً برکیفیتک تحقیق دیگر بر قابلیتک وجودینه دلیل قطعی اوله بیلور، و اوتقدیرده ( حکم استقرائی jugement inductif ) یا کلش چقمیور . مثله رهانکی بر حیوانک ذات الئدایا اولماسی ( ولود vivipare ) اولدوغنه دلالت اییدیور؛ و رهانکی حیوان ( ولود ) ایسه همه حال ممهلی اولویور. بومناسبت مخصوصده ( اطراد uniformité ) وار ، و اوندن طولایی قضیهنک عکس مستویسی ممکن در . فقط دیگر اوصاف وقابلیات آره سنده کوردوکنز روابط بودرجه مطرد دکل ؛. فرضا درت آیاقلی ، ایکی آیاقلی، حتی علی الاطلاق ( آیاقلی ) اولقله ( ذات الفقرات ) اولق آره سنده هیچ برنسبت مطرده یوق ؛. بیلانلر و بالیقلر ذات الفقراتدن اولدقلری حالده آیاقلی دکلدرلرده ذات الفقراتدن اولمایان برچوق ( بوجکلر les insectes ) آیاقلی درلر . دیمک که بوایکی صفت یکدیگری بیهمه حال استلزام ایتمور ؛ اونک ایمون برینک تحقیق دیگرینک وجودینه دلیل اوله میور . خلاصه ( آیاقلر ) له ( فقرات ) آره سنده - منطق لسانیله سویلهلم ؛. - ( عموم

Classi-  
fication

خصوص من وجه) نسبتی وار : [ بعضی آیاقلیر ، ذوی الفقراتدر . بعضی ذوی الفقرات دخی - علی الاطلاق - آیاقلی در . ] دهیه بیلیرز که [ بعضی آیاقلیرده ذوی الفقرات دکلدر ؛ نه کیم بعضی ذوی الفقرات دخی آیاقلی دکلدر ! ] دیمک چیقار .

شیمدی امر تصنیفده ( آیاقلی ) اولوق صفتی می ، یوقسه ( ذات الفقرات ) اولوق صفتی می اساس اتخاذ ایده جکمز؟ بو ایشک ایچندن ناصل چیقه جغز؟.. دهیه دوشونمکه مجبورز ؛ و اوتقدیرده اعم اولان ( صفت فارقه عضویه qualitative distinctive organique ) یی - معیار اوله رق - ترجیح ایده جکمز طبیعی در . اونی بزه آنجق ( تفحصات علمیه investigations scientifiques ) کوستریبیله جکدر . تدقیقات اثبات ایدیورکه ( موجودات عضویه êtres organisés ) ده فقرات بر ( مرتبه تکامل degrés d'évolution ) ک دلیلی در ؛ حالبوکه آیاقلی اولوب اولامانک تکامل نقطه نظرندن اودرجه دهرین برمعنایی ، اوقدر بویوک بر اهییتی یوقدر . آیاقلری اولان بر حیوان ، آیاقمرز حیوانلردن مطلقا دها زیاده متکامل دکلدر . بالعکس فقرات صاحبی اولان هر حیوان ، فقراتمرز اولانلردن البته دها متکامل در . بونده - شیمدییه قدر - هیچ شبهه من اولمامشدر . او حالده فقراتی اساس طوقارسه ق ، یاه جغمز تصنیف ( تکامل عضوی évolution organique ) نک ( سلسله مراتب hiérarchie ) نه دها زیاده متطابق دوشه جکی جهته ، دها ( طبیعی ) اولمش اولور؛ وفی الحقیقه فقراتک تشکلی ( انتساج عضوی structure organique ) نقطه نظرندن بر ( مرتبه علویه degrés supérieur ) یه قطعاً دلالت ایده بیلدیکی ایچون بر ( کیفیت اساسیه propriété fondamentale ) در . آیاقلرک تشکلی آنجق ( محیط milieu ) و ( طرز معیشت façon de vivre ) ایله علاقه دار بر حادثه عضویه اولوق حیثیتی ایله درجه تکامله دلیل اوله ماز . انواع واجناس عضویه نک منشأی واسباب تحولی حقنده اجرا ایدیلن تدقیقات علمیه صراحتاً کوستریبیورکه بالیقلر و قوشلر ، ( زاحفه ل reptiles ) دن

حاصل اولمشلردر ؛ بؤكاده سبب محیطك و طرز معیشتك تبدیلی اولدوغنده شبه قالمشدر . محققدرکه بالقلر ، برخیلی عصرلر صوده یاشامغه مجبور اولوبده آیاقلرنی ضایع ایدن زاحفه لردن در . [ transformisme ، darwi- nisme ، milieu کلملرنده بوبحثك مناقشه سنه باقیكز ! .. ]

اولیه اولونجه ( ذات الفقرات ) اولق بر ( صفت ذاتیه qualité essentielle ) صایلیر ؛ آیاقلی اولق بر ( صفت عرضیه qualité acci- dentelle ) دن عبارت قالیر . امر تصنیفده بوتون بویکی صفاتك حیثیتی نظر دفته آلوب اساس اتخاذا ایتك مجبوریتنده یز .

برده ذات الفقرات میاننده یالکز آیاقلیلری تدقیق ایدرسهك بوداثره محصورده دهخی بعضی اوصاف خصوصیه کوره بیایرز که ( اجناس genres ) ی دکلسه بیله ( انواع espèces ) ی یاخود ( زمره ordres ) لری تعیین ایده بیلمك ایچون [ یعنی ( تصنیفات تالیه classifications secondaires ) ایچون ] ایشمز یارایه بیلیز . فرضا ( ایکی آیاقلی bipède ) ویا ( درت آیاقلی quadrupède ) اولق کیفیتی کیی ! ..

ایکی آیاقلی ذات الفقراتده داخل بولونان قوشلر میاتنده - شیمدی یه قادار ! .. - هیچ بر معلی حیوان کورمه دیکمز ایچون ادعا ایده بیلیرز که قوشلرک هیچ بری ذات التدا یا دکلدر و بناء علیه ( ولود vivipare ) دکلدر . هنوز درت آیاقلی بر قوشده بیلمیورز ! اوحالده [ هر قوش ایکی آیاقلی در و ( یومورطلایچی ovipare ) در ، ( ولود ) دکلدر . ] ده یه بیلیرز ، و بو حکم استقرائی طوغرو چیقار . لکن [ هر ایکی آیاقلی مطلقا قوش جنسندن در ! ] ده یه میز . انسان ایکی آیاقلی در و قوش جنسندن دکلدر . بناء علیه [ هر ایکی ایاقلی بهمه حال یومورطلار ] دهخی ده یه میز . کذلک هر یومورطلایان حیوان البته ایکی آیاقلی در و قوش جنسندندر [ دهخی ده یه میز . چونکه کرک آیاقلی و کرکسه آیاقسز بر جوق ( حشرات insectes ) ایله ذوی الفقراتدن و درت آیاقلیلردن اولان بر جوق زواحف یومورطلامقله تکاثر ایدرلر .

**Classi-  
fication** شومشاهدات و تدقیقاتزله داهارچوق روابط ومناسبات عضویه نك  
وجودی تحقیق ایتش اولویورز . بونلرك بر قسمی ( عدمی négatif ) در؛  
یعنی بر صفت مخصوصه نك ثبوتی دیگر بر صفت مخصوصه نك بهمه حال معدومیتنه  
دلالت ایدیور . یومورطلا ییجی اولوق قابلیتنك ثبوتی ايله مملی اولوق صفتك  
فقدانی کیی !.. كذلك ( آكل الحشایش herbivore ) اولوق قابلیتی ايله  
( انسان کلیه ) ( dents canines ) نك مفقودیتی دخی بوقیلدن برنسبت  
عرض ایدر . بو ( مناسبت عدمیه correlation négative ) غایت مهم  
اولوق اعتباریله شایان دقتدر . بوکامقابل دوشن ( مناسبت وجودیه correlation  
positive ) یه کلنجه یوقاریده برمنالنی عرض ایتدم ایدی :  
( ذات الئدایا ) اولوق ايله ( ولود ) اولوق آره سنده کی رابطه بوقیلدندر؛  
چونکه بونلر بهمه حال یکدیگری متقابلاً استلزام ایدن صفتلردندر . اونك  
ایچون اولسه کدکرکه بونوع مناسباتك ( افاده منطقیه énoncé logique ) سی  
بر ( قضیه عینیه proposition identique ) شکلی آلیور و اونده رابطه  
عدمیه ( سالبه négative ) ، رابطه وجودیه دخی ( موجبیه affirmative )  
برصورتده واقع اولویور ؛ ده مینکی مثالیریمزده :  
[ هیچ برقوش ولود دکدر . ] قضیه سی ( سالبه کلیه universelle  
négative ) در .  
[ هر ذات الئدایا ( یعنی ذوات الئدایانك جمله سی ) ولوددر . ] قضیه سی ده  
( موجب کلیه universelle affirmative ) در . مع مافیه ( مملی اولوق )  
خاصیتی ايله ( طوغور مق ) قابلیتی اوقادار ( ثابت fixe ) ، اوقادار ( صیمی  
intime ) و اوقادار ( عمومی générale ) بر ( مناسبت عضویه correlation  
organique ) عرض ایدیورکه اونك ( افاده جبریre - énoncée algebre )  
rique ) سی ( اطراد uniformité ) خاصیتی حائر بر ( معادله équation )  
حیثینده در ؛ ( حدین les deux termes ) ی تبدیل مکان ایتدیکی حالده  
قیمت وماهیته خلل کلز . بوکی قضیه لرك حکمنی ابطال ایتهدن ( موضوع  
sujet ) نی ( محمول attribut ) ، محمولی ده موضوع پایه بیلیرز ؛ یعنی  
( عکس مستوی conversion simple ) سی طوغرو چیقار ؛ نته کیم :

[ بالجملة ذوات الئدایا ولوددر . ]

[ ولود اولان حیواناتك جمله سی ده ذوات الئدایادر . ]

ده به بیلیرز و بوقضیه لك ایکی سی ده طوغرودر. كذلك (سلباً) (négativement) حکم ایدن شو :

[ هیچ بر قوش ولود دكلدر . ]

[ ولود اولان هیچ بر حیوان ده قوش دكلدر . ]

قضیه لری ده اوقادار طوغرودر .

ایمدی بویه ایکی کیفیت آره سنده بودرجه صمیمی وثابت بر رابطه کشف ایتك ، بر ( قانون تدریجی loi empirique ) بولق دیمكدر؛ چونكه قانون — حد ذاتنده — ایکی حادثه آره سنده وجودی تحقیق ایدن بر ( نسبت ثابت و مطرده correlation fixe et uniforme ) دن باشقه برشی دكلدر . بویه اولونجه بر کیفیتك ثبوتی دلالتیه دیکرینك وجودینه حکم ایده بیلیرز. مشاهده و تجربه به مستند اولان ( استدالات استقرایه raisonnements inductifs ) هپ بو تورلو نسبتلری تعقیب ایتك صورتیه واقع اولور . بوبحثك بدایتنده بعضی ملاحظاتی نقل و عرض ایتمش اولدوغم ( ستانه حیوانس S. Yevons ) ك : تصنیف ایله محاکمات استقرایه موازی کیدر ؛ کیفیات اساسیه اوزرینه مستند اولان بر تصنیف کشفیات استقرایه به رهبر اولور؛ [ دیمكدن مقصدی بودر ؛ شیمدی عرض ایتمش اولدوغم ] روابط عضویه لك اطراد و ثبوتی اوزرینه حاصل اولان قناعته بناءً بر حکم استقرائی ویزیلیر و اوسایه ده ( یعنی ینه او رابطه لك ثبوت و اطرادی سایه سنده ! ) بر کیفیت کشف اولنه بیلیر ، دیمك ایستوركه طوغرودر . هم شایان دقت و ملاحظه دركه اشیا آره سنده وجودینی تحقیق ایندیکمز خواص و کیفیات زمره سندن انحق ( ذاتی essentielle ) اولانلرینی تصنیفده اساس اتخاذ ایدرسه لك اویه بر تصنیف ، استقرائی حکملره مساعد و کشفیات رهبر اوله بیلیر؛ چونكه اوتقدیرده نقطه نظر مزه مبدأ اولان روابط ( عضوی organique ) وبناءً علیه ( طبیعی naturelle ) در . یوقسه خواص اشیانی کندی نفسمزه

**Classification**

و منفعت‌مزمه کوره ترتیب و عندی بر نقطه نظر تعقیب ایده رک بر تصنیف یا پارسه ق استقرا یولی بوسبوتون قاپانماسه بيله اوقادار ( sinueux ) و اوقادار معوج اولورکه ایچندن چیقامیز .

ایشته تصنیفک طبیعی سی ایله صنعی سی آرهنده مهمجه برفرق وارسه انجق بو نقطه نظر اختلافنده آراملالی در . [ هر حالده آرهنده اساسلی برفرق یوقدر ] ده ینلرک ادعاسی بنم شو ادعای ایله بوسبوتون ( غیرقابل تألیف incompatible ) دکلدر . چونکه عندی بر نقطه نظر دن باقوبده کیفیات اشایی ایشمزلک چیقارینه کوره تصنیف ایتسه ک بيله همه حال او کیفیات آرهنده بعضی وجهله مشابهلر و مغایر تلر کوزه دوب اوکا کوره صنفلر تشکیل ایده جکیز ؛ بوجبوریتدن قورتوله مایز مع مافیه افراد مختلفه تک بعضی کیفیاته اشتراکی کوسترن وجه مشابهنه — هر نه اولورسه اولسون ! — ( اثر تصادف l'oeuvre du hasard ) دکلدر . طبیعتده او یله شی یوقدر ؛ اولدوغی فرض ایدلسه بيله ( علم science ) نظرنده قطعاً تصادف یوقدر . بناءً علیه اک زیاده عندی و کیفی کورون تصنیفلرده بيله ، مادام که وجوه مشابهنه ، ترتیباتک مبدائی وزمین استنادینی تشکیل ایدیور ، و مادام که مشابهلر بعضی اسباب طبیعییه مقروندر ، او یله ایسه هر تصنیف آرزوق طبیعی در ؛ ده یه بیلیرزکه ( ستاله حیوانس ) ک و اونکه برابر دها برچوق مشاهیر اصولیونک ادعاسی وجهله [ تصنیفک طبیعی سی ایله صنعی سی آرهنده کی فرق ، ماهیت اعتباریله دکلدر ، انجق درجه فرقیدر . ] ذیمک اولور . [ تعبیرات علمییه باقیکنز ! ] بوملاحظاتی تأیید و توثیق ایچون پک بسیط بر مثال ایراد ایتک کافیدر ؛

فرضا :

اشایی رنگلرینه کوره تصنیف ایتک قادار عندی و صنعی برشی اوله ماز . بو اساسه بناءً تشکیل ایدیلن بر صنفه مثلاً بر زنجی انسان ایله برابر بر یاغیز آت ، بر سیاه کدی ، بر سیاه بوتین ، بر آبانوز کبریت قوطوسی ، بر جاکت دوکمه سی ، بر چوخه پارچه سی ، بر کتاب قابی و دها بویکی بر سوروشیلر داخل اوله بیلیر و ( سیاه شیلر ) نامه بر صنف واسع وجوده کثیره بیلیر .

بوده بر ترتیب مخصوصدر وبلکهده من جهة ايشه يارايه بيلير . فقط هرکس  
 بلا تردد قبول وتسلیم ایدرکه بر انسان ایله برکبریت قوطوسنی و بر جاکت  
 دوکمه سنی عینی صنفه ادخال ایدن بر ترتیب - ممکن اولدوغی قادار - غیر  
 طبیعی در . وآزینجی ملاحظه ایدیلنجه آکلاشیلیرکه یالکیز برکیفیت عرضیه  
 وظاهریه اوزربنه معقول برتصنیف یایمق ممکن اولمایه جق در . مع مافیه ( رنگ  
 couleur ) ی - سقولاستیق حکماسنک تقدیری وجهله - بر ( کیفیت عرضیه  
 propriété accidentelle ) عده ایتسه کده ایتسه کده ، اونک یک طبیعی  
 و یک عمومی بر ( حادثه phénomène ) اولدوغی محقق در ؛ حتی سبییه  
 بوکون معلومدر : اشیانک نور شمسی تحلیل و بعضی ( حزمات ضیائیه  
 faisceaux lumineux ) یی بلع ایله دیکر لرینی نشر ایتدیکنی ، وهرشیک  
 نشر ایده بیلدیکی حزمه ضیایه کوره تلون ایتمکده بولوندوغنی بیلوروز . حتی  
 بو حادثه ، ( بلع absorption ) و ( نشر émission ) قانوننه تابع در . نته کیم  
 تدقیقات علمیه ایله ثابت اولمشدرکه بوقانونک حکمی ( حزمات حروریه  
 faisceaux caloriques ) حقننده عیناً وتماماً جاریدر ؛ هم فضلّه اوله رق  
 هر هانکی بر جسمک ( حرارتی بلع ایتک absorption de la chaleur )  
 امرنده کی ( قابلیت خصوصیه spécifique ) سی کندی رنگی ایله علاقه داردر .  
 مثلاً سیاه رنگ حزمات حروریه یی اک زیاده بلع ایدن و بناء علیه اک زیاده  
 ( صیجاق طوتان ! ) بر رنکدر . دیمک که رنکلرک حادثات طبیعییه میاننده  
 خصوصی بر رولی و بناء عایه بر ( معنای حکمتی ) وار ! .. اونی بولور  
 و بیلیرده - یالکیز اوقفه نظر دن ! - بر ( تصنیف خصوصی ) یایمق ایسترسه کده ،  
 اوتصنیف یک طبیعی اولور . ( فیزیق physique ) یعنی حکمت طبیعییه علمای  
 مشهوره سندن متوفی ( پروفیسور تیندول Prof. Tyndall ) ، [ حرارت ]  
 عنوانیه یک معروف اولان اثر معتبرنده الوان مختلفه نیک حرارتی بلع ایتک  
 امرنده کی قابلیت مخصوصه لرینی تتبع ایتدکدن صوکره ( فلسفه تلبس )  
 دهیه بر ( استطراد digression ) قایسی آچور ، و مختلف موسملره کوره  
 تلبس اولونماسی لازمکلن اثوابلری رنکلرینه کوره تصنیف ایده رک هانکی

رنكك داها زياده صيچاق طوتاچغنى كوسترمك ايچون برده ( جدول )  
عرض ايدييور .

منحصراً رنك كيفيتى اوزرينه مستند اولان بوتصنيف مخصوصك غايت  
طبيعى اولدوغنى انكار ايده بيله جك بر ( عالم savant ) تصور ايديله مز .  
اوحالده ( پروفيسور تيندول ) ك رنك اوزرينه مستند اوله رق ياپديغى  
تصنيف نهدن بك معقول و طبيعى اولويورده ، بئم يوقاريده - فنا بر نمونه  
ويرمك ايچون - بالالزام عيى اساسه مبنى ياپديغى تصنيف غايت غريب ،  
( معمول factice ) ونامعقول دوشويور ؟ .

بو سوآلك جوابى بك قولايذر : ( پروفيسور تيندول ) ك تصنيفنده  
يالكنز رنك جادئسى دكل ، اوحادئنهك معنای حكمتى ، ( رول rôle ) ى  
اساس اتخاذايدلمشدر ؛ حالبوكه ديكرنده بالذات رنك نظر دفته آلمشدر .  
اوقادار !! .

بوتون موجودات آره سنده - وجوه نامعدوده اوزره - جهت اشتراكى  
كوستن كيفيات عموميه يى - على مراتبهم - تتبع ايدرسهك تحقيق ايده جكمز  
رابطه لر ، نسبت منطقيه ارجاع اولونه بيلير . فى الحقيقه بعضى اوصاف  
آره سنده - اسكى منطق اصطلاحجه - ( عموم خصوص مطلق ) نسبتى وار .  
( ذات الفقرات ) اولقله ( ذات الئدايا ) اوللق آره سنده كى رابطه بوقيدلندره .  
بوتقديرده ( اخص ) اولان كيفيت ، بر ( مدعا thèse ) ده ( موضوع  
sujet ) اولورده ( اعم ) اولان كيفيت اوكا ( محمول attribut ، prédicat )  
اوله رق بر ( حكم jugement ) ويريليرسه ( قضيه proposition ) صادق  
وحكم مصيبدر . [ هر ذات الئدايا ذات الفقراتدر ] قضيه سنده اولدوغنى كېي .  
عكسى البته طوغرو اولماز ؛ چونكه ( مەلى ) اوللق ايله ( فقراتلى ) اوللق  
كيفيتلى آره سنده محقق بر رابطه عضويه وارسه ده برنجى صفتك دائرة  
شمولى ايكنجيسنك كنه نسبتله بك داردر . يعنى برنجى صفتده اشتراكى  
اولان حيوانلر ( مەلى لر ! ) ، ايكنجى صفتده اشتراكى اولانلردن  
( فقراتلى لردن ! ) چوق آذرر . بناء عليه ( ذوى الفقرات ) ديديكمز زمان



بوتعیبرك مفهومده ممهلی مھسز برچوق انواع حیوانیه مضمون ومندرج بولوندوغی ایچون بو ( صفت مشترکه *qualité commune* ) یی اوانواع وافرادك جمله سنه بردن - ( علی الاطلاق *absolument* ) - ( حمل *attribuer* ) ایدم بیلیرز . ارسطو طرفندن وضع ایدیلوب منطقده مشهور اولان : [ *Dictum de omni et nullo* ] پرنسپیی بودر . یعنی [ برکل حقننده ویریلن برحکم ، اونك هر بر جزئی حقننده صادق اولور . ] دیمکدر . [ بومسئله نك مناقشه سی ایچون *dictum* کله سنه باقبکز ! ] فقط البته عکسی طوعرو اوله ماز . زرا جزئیت اعتباریه ویریلن برحکم کلیتی شامل اوله ماز . نوعیت صفتنه بناء ویریلن برحکم جنسیت اوصافی ( تضمن *comprendre* ) ایدم مز . سببی بودر . بونی منطق کتابلرنده ( تمثالی *symbolique* ) بر صورتده عرض ایدم بیلیمك ایچون ، ( متحدالمركز دائرله *cercles concentriques* ) سککنده کوستیرلر . قطری بویوك اولان دائرله قطری کوچوك اولان دیگر دائریمی احتوا ایدر فقط بویوك دائرله کوچوكك ایچنه البته صیغه ماز . اسکی و قلاسیك منطق کتابلرنده ( *rapport de subordination* رابطه تابعیت ) دیدکاری بودر . بزم اسکی منطقبونك ( عموم وخصوص مطلق ) دیدیکی اودر .

کیفیات آسیا آره سننده کی روابطك دیگر بر قسم مهمنی ده دیگر عمومی برنسبت منطقیه ارجاع ایدم بیلیرز که اوکا بزم منطقبون - الفه مز ( عموم وخصوص من وجه ) دیرلردی . برچوق احوال وکیفاننده ده بورابطه نك وجودی تحقق ایدیور . مثلاً ، یوقاریده ایراد ایتدیکم مثاللردن برنده اولدوغی کبی : ( ذات الفقرات ) ایله ( آیاقلی ) اولمق صفتلری آره سننده کی رابطه بونوعدندر . کوروپورز که بویکی صفت مطلقاً و متقابلاً یکدیگری نی استلزام ایتیمور . آیاقلی اولان بر حیوانك مطلقاً ذات الفقرات اولماسی لازمکله دیکی کبی ، ذات الفقرات اولان هر حیوانك ده همه حال آیاقلی اولماسی احجاب ایتیمور . بالکز بعضی حیوانات فقریه نك آیاقلی اولدوغی و بعضی آیاقلی حیوانك ده فقرات صاحبی بولوندوغی کوروپور . مع مافییه بونك

Classi- عکسنه فقراتی و آیاقی و فقرانسز برچوق انواع حیوانیه نك  
fication وجودی ده محققدر . او حالده بو ایکی کیفیت یکیدیکرینه حمل ایله بر حکم  
ویرم جنک اولورسوق اونک دستور افاده سی هیچ بروجله بر ( قضیه کلیه  
proposition universelle ) شکلنی آله ماز .

[ بالجله ذوات الفقرات ، آیاقی در ]

دیمک طوغرو اولمایه جنی کپی :

[ آیاقیلرک جمله سی ذوات الفقراتدر ]

ادعاسی ده طوغرو دکلدر . نته کیم ( هر آلتون سکه در؛ هر سکه آلتوندر )  
ویا خود ( هر اوروپالی عسکر در؛ هر عسکرده اوروپالی در . [ قضیه لری ده  
عینی سبب و عینی صورتله یا کلش بر حکمی ناطق در . بو کپی نسبتلر اوزرینه  
صادر اوله بیله جنک حکم ( بعض quelque ) قیدله انجیق طوغرو اوله بیلیر .  
بورابطه نك تمثالی قلاسیک منطق کتابلرنده - یکیدیکرینی قسماً قطع  
ایدن - ایکی دائره شککنده عرض ایدیلیر . [ بو خصوصده تفصیلات آلق  
آلق ایچون ( proposition و syllogisme ) کله لرینه باقیکنز .! ]

اوندن صکره بعض رابطله وارکه ایکی کیفیتک اجتماع ایدمه جکی  
کوستردیکی ایچون اولر حقنده ( نسبت عدمیه ) تعیرینی قولانمش و بوکا  
مثال اوله رق ( اسنان کلیه ) ایله ( گه ویش کتیرمک ruminer ) قابلیتک  
اجتماع ایدمه دیکنی عرض ایتشدم . ( ناعمه les mollusques ) دن اولق  
ایله ( قیرمیزی قانلی ) اولق آره سنده کی رابطله ده عینی در . طبیعتده - شیمدی به  
قادار !.. - هیچ بر حیوان کورده مشزدرکه ناعمه دن اولسونده قیرمیزی  
قانلی اولسون ؛ ویا خود قیرمیزی قانلی اولسونده حیوانات ناعمه نك بالجله  
اوصاف ذاتیه سی حائر بولونسون ! کذلک : ( ات ایله تغذی ایدن carnivore )  
هیچ بر حیوان بیلیمورزکه ( گه ویش کتیریمی لr les ruminants ) دن  
اولسون ؛.. گه ویش کتیرنلردن بری ده کورمه دک که ات ایله تغذی ایدر  
اولسون !.. و مادام که یالکنز ( ات ایله تغذی ایدن حیوانات herbivores ) ک  
انجیق بر قسمی گه ویش کتیر بیلور و مادام که گه ویش کتیرنلرکده انجیق بر قسمی

بویوزلو اوله بیایور، اوخالده استقرائی بر صورتده ادعا ایدمه بیله جکیزکه :  
[ بویوزلو حیوانلردن هیچ بری ( آکل اللحم carnivore ) دکلدرد؛  
و آکل اللحم اولان حیوانلردن هیچ بری ده بویوزلو دکلدرد . ]  
بنه اعلیه بویوزلو اولمق صفی ایله آکل اللحم اولمق قابلیتی قطعاً اجتماع  
ایده مهین کیفیات عضویه انواعندرد .

بزم اسکی منطق اربابی بوخالته ( مانعة الجمع ) دیر ایدی که - اگر بوا  
اسباب معقوله کشف ایدمه بیلسه یدک - بوکونکی منطقون نظرند ( باشلیجه  
قوانین فکرت lois principales de la pensée ) دن بری صاییلان  
( مبدأ تناقض principe de contradiction ) . منجر اولمش اولوردی .  
مرحاله برنجی مثلزه ( یعنی ناعمدن اولمق ایله قیرمیزی قائل اولمق  
صفتلرینک اجتماع ایدمه دیکنه !! ) [ باقیلرسه طرز عضویت ده بر ( مانعة  
جمع ) اولسه کرکدر . ایکنجی مثلزده [ یعنی آکل اللحم اولمقله بویوزلو  
اولمق قابلیتلرینک برابر بولونه مامسند ] احتمالکه طرز معیشت مانعة جمع  
اولوبور ، ده بیلیرز . مع مافیه بویه دیمکله بویکییات آره بسند کی تضادک  
سرنی کشف و حکمته تعریف ایتمش اولوبورز . فقط کورویورز که  
هرزمان حال بونسبت اوزره واقع اولمقده در .

بعضی رابطه لرده ده ( مانعة الحلو ) نسبتی تحقق ایدیورکه یکی منطق  
اصطلاحنده [principe de l' exclusion du milieu] یاخود (principe  
du tiers exclu ) دیدکری مبدأ بودر . بویه برنسبتدرکه اوند انجق  
ایکی احتمالک بری تحقق ایدر . ( ایکسینک اورطه سی امکان خارجنده  
exclusion du milieu ) در ؛ یعنی ( اوچونجی احتمال خارج  
tiers exclu ) در . مثلاً [ حیوانات یا ذوات الفرائد ، یاخود ( عديم الفقرات  
non-vertébrés ) در . ] دیدیکمز زمان بوتون حیواناتی اویله ایکی بویوک  
صنفه تقسیم ایتمش اولوبورز که اونلرک هیچ بری بوا یکی صنف خارجنده  
قاله ماز . یا برینه ، یاخود دیکرینه داخل بولونور . بر اوچونجی صنف  
اولمق احتمالی یوقدر . کذلک : [ آکل الحشایش اولان بالجه حیوانات

یا (بجتره les ruminants) صنفده داخلدر ویاخود (غیر بجتره non-ruminants) صنفدند. [ قضیه سنده ده (مانعة الحلو) کیفیتی تحقق ایدیور؛ چونکه - اوت ایله تغدی ایدن حیوانات ایچون بو کیفیت اعتباریله براوچونجی صنف تشکیل ایده بیلیمک احتمالی یوقدر .

ویردیکم شو ایضاحادن آکلاشیلیورکه ، امر تصنیفده اساس اتخاذ ایده بیله جکمز روابط عمومی و مشترکه منطقده مبادی اساسیه دن اولمق اوزره معتبر و مسلم بولونان (نسب عمومی) یه تماماً توافق ایدیور. تصنیفک (اصولیات méthodologie) و بناء علیه (منطق legique) ایله نه قادر صمیمی و اساس برعلاقه سی اولدوغی بونکله تحقق ایدر . ذکر ایتدیکم مبادی منطقیه یی - بیله بیله - تصنیفده رهبر ایدیورسه ک چوق مستفید اوله بیلیرز . مثلاً (تقسیم مثنی dichotomie) دیدیکمز بسیط و عمومی تصنیفلرده (مانعة الحلو tiers exclu) پرنسپی اساسدر . (مانعة الجمع) پرنسپی - یکدیگرینه اکثر وجوه ایله متشابه اولان (طاقیم لر groupes) آره سنده قطعی بر (خط فصل ligne de démarcation) بولوبده صنفلر تشکیلنده بزه رهبر اولور. (عموم خصوص مطلق) پرنسپی برجنسک تحتنده برطاقیم انواعک (صورت اندراجی la façon d' intégration) نی کوستریر . الی آخره ...!

بونلرک جمله سی استدالات استقرائیه نک اساسلرینی تشکیل و او وادیده اجرایی ممکن اولان کشفیاتی تسهیل ایدر .

بو بحثک بدایتده بعضی ملاحظات مهمه سی نقل وایضاح ایتدیکم (ستانه جیوانس) : [ هر علمک اساسی ، موجودات آره سنده مشابهت و مقایرت علاقه لری بولمق در ؛ بوده تصنیف دیمکدر . تصنیف محاکمه استقرائیه ایله موازی کیدر . ] دیمشدی . بو بیانات ، علمک تصنیفدن عبارت اولدوغنی ، و تصنیفکده (ادراک مائله perception d'analogie) اوزرینه مؤسس بولوندوغنی حتی بوتون معلوماتک (استقرائی inductive) اولدوغنی ادایه واریر . [ connaissance کله سنده بومسئله نک مناقشه نه باقیکنز ! ]

( علمك منشأى l'origine de la connaissance ) بخندن صرف  
 نظر ، شبهه یوقدرکه علم - اك كینش و اك دهرین معناسیله - تصنیفدن  
 عبارتدر. ینه قطعاً محقق و مستامدرکه تصنیفده اساس کیفیات اشیا آره سنده  
 ( بمائله analogies ) کشف ایتمکدر . یوقاریده ایضاح ایتمیکم اوصاف  
 مشترکه و روابط مختلفه هب بمائله لره مستددر . مع مافیه ایکی ویا برچوق  
 شیلرک بعضی اوصاف اعتباریله یکدیگرینه بکزمه مەسی ، بمائله نك سینی  
 افشا ایتمدیکی کیبی کیفیات آره سنده برطاقم ( روابط قیمه rapports  
 immuables ) مشاهده ایتمکه دخی او مناسباتک وجود و استقرارینه مبدأ  
 اولماسی لازمکن ( حکمت مکنونه la raison cachée ) انکشاف ایدوب  
 اکلاشلمش اولوبور . اوله بیلسه یدی تصنیف ایله برابر کیدن کشفیات  
 استقراییه ، ( استدالات ریاضیه raisonnements mathématiques )  
 قادار قطعی اولوردی؛ اوقدیرده دخی ( استقرا induction ) نك ( تعلیل  
 déduction ) دن قیمت و حیثیتجه هیچ فرقی قالمآزدی : برحادثه جزئییه ،  
 بر رابطه خصوصیه یی تنوع ایتمکه قطعاً بعضی ( قوانین واجبه lois  
 nécessaires ) یه استدلال ممکن اولوردی . حالبوکه بوموفقیت هنوز  
 هر وجهله و هر وادیده میسر اوله مامشدر . بوکاده سبب - دهمین ادعا ایتمیکم  
 کیبی - حادثات آره سنده وجودی تحققی ایدن اکثر روابطک معنای حکمتی  
 هنوز اکلایه مامش اولمازدر . فرضا ، عینی شحصده (ب) و (ف) اوصافی  
 کورورسهك همه حال (و) و (ث) و (ح) و (ك) و (ن) اوصافی ده برابر  
 تحققی ایدیور . مثلاً بوینوزلو و ذات الفقرات بر حیوان کورورسهك اونك  
 همه حال (لود) و بناء علیه (ذات الئدایا) و (چاربا) و (گه ویش کتیریحی)  
 و (نات ایله تغدی ایدیچی) اولدوغی دخی ثبوت بولویور . عینی زمانده  
 آكل اللحم اولمادیغنه ، یرنجی حیوان نیجه سندن و اسنان کلیه دن محروم  
 بولوندوغنده - کمال امنیت ایله - استدلال اولونه بیلور . دیمک که برنجی  
 طاقم اوصاف آره سنده بر ( رابطه وجودیه ) وار ؛ ایکنجی لر ایله برنجیلر  
 آره سنده بر ( رابطه عدمیه ) وار . بونی هب بویله کورمشز بویله بیلورزده ،

**Classification**

اونك ایچون قیرده کزدرکن بر حیوان ایزی ، یاخود بوینوزی کورسهك ، یالکز او علامتك دلاتیله بر چوق اوصاف سائره بی بالاستقرا کشف ایده بیلیورز. فرضا : [ شو حیران ایزی چاتال بر طیرناق تضیقندن حاصل اولمشدر. کچی وطوموز ایزندن بویوکدر . بو بر چاربا ایزی در. بناء علیه ذات الفقرات در. آکل النباتدر . ولوددر ؛ وبناء علیه ذات الندا یا در . گه ویش کتیر نلردندر . بلکه بوینوزلری ده وار ایمشدر . فقط محقق قیرمزی قانلی در . قفا کیکنك ده لیکی اطرافسده ایکی ( لقمه condyle ) ده اولق کرکدر . الی آخره ] دهیه حکم ایده رز . صوکره او حیوانك مالک اوله مایه جنی بعضی اوصافی ده - بویله بالاستقرا - کشف ایده بیلیورز .

کذلک کچی بوینوزی ویاخود فاصولیه شکنده بر ( میوه fruit ) کورسهك ، اولدجه قوی بر قناعتله ادعا ایده بیلیورز که ( ذات الفلقین dicotylédone ) جنسندن و ( فراشیه papillonacée ) فصیله سندن یعنی چیچکلری قاطر طیرناغی شکنده آجان طاقندندر . ذات الفلقین ( یعنی دانه سی بقله وامنالی کچی منتظماً ایکی به آریلیر اثمار ) دن اولماسنه نظراً یپراقلریك ( انتساج مخصوص structure spéciale ) فی ده خبر ویره بیلیورز . میصیر ، بغدادی و حرما یپراقلری کچی دکدر ؛ ساز کچی منتظماً یپریلماز ، دیرز . فقط نباتات سنویه ویا اشجار خالده دن اولوب اولمادیغنی قطعاً کسیدیره مهیز .

نیچون ؟ .. مو اوصافی و اونلر آرمه سنده کی مناسباتی - شیمدی به قادار - هب بو ترتیب اوزره کورمشمزده اونك ایچون ! .. بوکا باشقه جوابمز یوق ! .. مثلاً : نه دن ذوات الندا یانك مطلقاً درت آیاقلی اولماسی لازمکسین ؟ بومناسبته نه کچی بر معنای حکمت وار ؟ .. اکر درت آیاقلی اولق بو قابلیت ایچون ضروری بر شرط عضوی ایسه نه دن درت آیاقلی وذات الفقرات کرتشکله لر مممزددر و یومورطلامقله تکاثر ایدیور ؟ نه دن ایکی آیاقلی اولان طیور یومورطلیورده ینه ایکی آیاقلی اولان انسان ممملی در وطوغورویور ؟ فقرات صاحبی اوله نك بو قابلیتده هیچ دخلی اولمادیغنی بدیهی در . ذات الفقرات یاننده بویوک جثملی حیوانلر طوغورور ، کوچوکلر یومورطلار ، دیمک

دخی طوغرو دکلدرد. بوکون تاریخ طبیعی موزه لرنده مستحانه لرنی کوردو کز ادوار قدیمه ( زاحفه saurien ) لرندن بعضلرینک بوی اوتوزمتر و یردن اوموز باشنه قادار ارتقاعی ده درت بش مترودر. بودرجه عظیم الجثه حیوانات طوغور مازده یومور طلارمش؛ حالبوکه مینی مینی فاره طوغور و یور و یاور و لرنی نه مزیریور. دیمک که جنه نک ده بوم مسئله ده دخل و تأثیری یوق! واقعا مستحانته حیرت ابتدی کمز او زواحف قدیمه، نباتات یله تغذی ایدر ایدی؛ مع مافیه بو طرز معیشتک یومور طلامق ایله فطری برمناسبتی اولوب اولمادینی دهرین دوشونیله جک بر مسئله دکلدرد. هیچ بویه برمناسبت اولمادینی بدها تا ثابتدر. محققدرکه قوشلرک هپسی یومور طلار؛ مع مافیه ایچلرنده ( قارتال )؛ ( آق بابا )، ( شاهین )، ( کرکه نه ز )، ( پوهو ) کیی لری ده وارددرکه منحصر آت ایله تغذی ایدرلر. حالبوکه بالخاصه آکل اللحم اولان حیوانات مفترس دن آرسلان، قیلان ایله برابر نباتات دن باشقه برشی یه مین اوکوز و آت طوغوران حیوانلردندر و بناء علیه همه حال ممه لی درلر.

خلاصه ممه لی اولقله، ذات الفقرات اولق و بوخصتلرله برابر درت آیاغه مالک بولونمق آده سنده کی مناسبتک سر حکمتی بیلمیورز، اوکا بر سبب معقول بوله میورز والسلام!.. احتمالکه ( فلسفه تکامل - philos. évolutionniste ) که مشعله هدایتی ایله ( بیولوژی biologie ) نک مسائل غامضه سی تنور ایدرده ( مورفولوژی ) و ( فیزیولوژی ) ساحه لرنده قارشیمز. دیکیلن غریب معمار ایلری ده حل اولونور. فقط بوکون بوخصوصده هیچ برشی بیلمه دیکمزی و یالکز بوکیفاتی و آره لرنده کی مناسباتی مشاهده ایله قاعته مجبور قالدیغمزی اعترا فده تردد ایتمیز. برمیومک فاصولیه شکلنده اولماسیله چیچکنک قاطر طیرناغه بکزمه سنده نه مناسبت وار؟ یا خود بر ویا ایکی فلقه لی اولماسنک یا پراقلرک طرز انتساجنده دخلی نه؟. بونلر شیمدیلک هب برر ممعا!... که مشاهدات مکرره و تجارب مؤیده مز یزه عرض ایدیور؛ فقط تعریفه مقتدر اوله میورز.

ایشته بویه یالکز ( مشاهده observation ) و ( تجربه expérience ) ایله تلقی ایده بیلیدیکمز کیفیات و مناسباته استناد ایده رک و بره بیلیدیکمز حکملر

**Classification**

هرحاله (استقراء ناقص induction imparfaite) ایچون پک کوزل مثاللر تشکیل ایدم بیلیر . فقط بوندن فضلہ بر حیثیتلری و قیمت منطقیه لری یوقدر . چونکه بو آناه قادار واقع اولان مشاهداتمزدہ هپ عینی احوال و کیفیاتک و عینی مناسباتک عینی صورتله تحققی کورمش و بو (اطراد حادثات و uniformité des phénomènes) ی بر (قاعده) اتخاذا ایتمزدرد . مع مافیه (عمومی) فرض ایتدیکمز بو قاعده یه قارشی (استثنا exception) تشکیل ایدم بیلہ جک بر حادثه خصوصیه ظهور ایتیه جکنه دائر - هیچ بروجله - تأمینات معقوله یوقدر . ایلریده ، کونک برنده عکسنه بر حال مشاهده ایدم بیلیمک (محال impossible) دکل ، ممکن در . امثالیده آزدکلدر . کاشانده موجود اولان و اولماسی محتمل بولونان اشیانک بوتون اوصاف و قابیلیاتی تدقیق و تتبع ایتمه دک که - استدالات استقرائیه مزه زمین استناد اولان - روابط و مناسباتک عمومی اولدوغنی قطعیا تحققی ایتمش بولونالم !! .. بناء علیه بوکا دائر الیمزده قطعی برسند یوقدر . بالمکس علومک تاریخ ترقی سی ، بوخصوصده دائما یا کیلمش اولدوغمزی اثبات ایدر کشفیات مهمه ایله طولودر .

(مستحانات علمی la paléontologie) نی عادتاً ایجاد و تأسیس ایتمش اولان علامه داهی (ژورژ کوویه George Cuvier) ، تشریح و علی العموم (مورفولوژی) نک غوامضی پک ایی بیلدیکی ایچون مستحانه حالنده بولونان بر کیک پارچه سندن استدلالاً اونک ناصل بر حیوانه منسوب اولدوغنی کشف ایدم بیلیردی . پارسده (مون مارتر Montmartre) طرفلرنده حفاریات یاپیلیرکن برچکه کبکی مستحانه سی بولمش و اونک شکل و اوصافه باقارق حیوانک ناصل برشی اولماسی لازمکه جگنی - بالجله خصوصات تشریحیه و اوصاف اصلیه سیله - بیان ایتشدی . بوکشف مهم ، تاریخ علمده (فوسیل اوپوسوم Fossil opossum) ، یعنی اوپوسوم نوعندن اولان بر حیوانک مستحانه سی (دیه معروفدر ؛ بالاآخره بونک تکمیل قدید مستحانه سی کشف اولونونجه (کویه) نک اصابت نظری



تمامیله تحقیق ایتیش و او زمانلر حیوتی موجب اولمشدی؛ چونکه او فرانسز عالمی چکه میکنت شکلنه و بالخاصه (زاویه angle) سنه باقهرق مطلقاً (چارپالر quadrupèdes) دن و (کیسه لیلر marsupiaux) صنفندن - بوکون آمریقایه حالا یاشایان - (اوپوسوم opossum) نوعنده داخل بر حیوانه منسوب بر پارچه اولدوغنی کسدره بیلیمش [و یاورولرینی طوغوردقندن صوکره بر مدت ده بر کیسه بطنیه ایچنده طاشیان بو غریب حیوانانک (عظم حوصله os du bassin) سنده ، (عمود فقری colonne vertébrale) یه هان موازی بر وضعیتده ایکی اوزونجه کیک اولوب معهود (کیسه marsupium) نک او کیکلره مرتکز بولندوغنی پک ایی بیلدیک ایچون ...] بو حیوانک (عظام کیسه = os marsupiaux) سیده اولمق لازمکه جکنی ادعا ایدرک بر کهات عالمانه بیله بولونمشدی .

بالآخره واقع اولان تدقیقات ایله ثابت اولدی که ینه بوصفه منسوب اولان بعض انواع حیوانیهده معهود کیسه یوقدر و بناء علیه بونلرک حوصله لریده او (کیسه کیکلری) ندن محرومدر. اولیه اولونجه (کویه) نک استدلالانه رهبر وکندی نظرند بر (قانون استقرائی) اولمق اوزره معتبر اولان او (رابطه عضویه correlation organique) فرانسز عالمک ظن ایتدیک قدر عمومی دکل ایش ..!

بومشه حقنده علمای متأخریندن و متخصصیندن متوفی (پروفیسور هکسلی) ملاحظات مهمه بیان ایتمشدی . بو بحثک مناقشه سی انساننده (ستانه حیوانس) ملاحظات مذکوریه - بر مثال بلیغ اوله رق - کتابنه نقل ایتشدر ، وشودر :

[مشهور (اوپوسوم opossum) مستحاشی اوزرینه (کویه) نک یابدینی کبی استدالات جوق دفعه لر طوغرو چیقمشدر ، وصحیحاً عوامک مخیمه سنه اجرای تأثیر ایده جک [یعنی خلقی حیرته برافه جق !] صورتده ترتیب ایدلشدر ؛ اولیه که بوکبی کهاتلر او (مشرح anatomiste) ک مظفریات علمیه سی میاننده بر طوتویور . فقط شوراسی دائماً خاطرده

اولمائی درکه ( نسبتاً دار بر ساحه مشاهده a comparatively narrow observational basis ) مستند بپولنان ) - یعنی ( صرف تدریجی merely empirical ) اولان قانونلر هر هانکی بر زمان حکمدن ساقط اوله بیلیر . [ یعنی بر حادثه مستثنائک ظهوری ایله نقض اولنه بیلیر ، دیمک ایستور !! ] بویه اولدوغی کیی اوتانولرله اعتماد ایده درک یاپیلان استدالات دخی - کونک برنده - یا کاش جیق بیلیر . مثلاً اگر ( کویه ) اوپوسوم مستحانه سنه بدل ( نیلا سینوس مستحانه سی fossil Thylacinus ) نی تبع ایده درک اونک اوزرینه استدالاته کیریشمش اولسه یدی چکه کیکنک زاویه انحرافی پک آشکار اولدوغی حالده [ یعنی زواحفدن برینک چکه کیکی اولدوغی حالده ، دیمک ایستور ! ] ( کیسه کیکلری marsupial bones ) ندن اثر بوله مایه جقدی . بر کیسه مملی حیواناته خاص بر چکه کیکنه تصادف ایدرده اونکله برابرینه مملی حیوانلرله مخصوص بر قفا کیکی کشف ایده بیله جکنی امید ایلرله حقلی در . فقط بیه حال بویه اولماسی لازمکله جکنی قطعاً ادعا ایدن بر کیسه حقیقتاً چوق جسور اولمق کر کدر . یعنی ، تاریخ عالمک هیچ بر دورنده هیچ بر جنس حیوانات یا شامامشدرکه چکه کیکی ( زاخفلر les reptiles ) ک کی کیی ، قفا کیکی ده مملیلرک کی کیی اولش اولسون ، یا خود قفا کیکی زاخفلرک کنه ، چکه کیکی ده مملیلرک کنه بکزه مش اولسون ! ) ده بیلیمک ایچون خیلی جسارت ایست . [ الی آخره .. ]

پک طوغرو !! طبیعت فاطره اشکال عضویه ده اولیه عجیب ترکیبات نمونه لری عرض ایدیورکه انسانی حیرتله القا ایده بیلیر ، و استدالات استقرائیه نی بر آنده حکمسز براقه بیلیر . واقعا کیفیات و اوصاف عضویه آرمسند بر طاقم روابط مخصوصه کورولویورکه - هیچ اولمازسه جنسیتک نبوتی مدتیجه - ثابت و دائمدر . مثلاً چکه بویه اولورسه قفا کیکی وقویروق ده شویه اولویور . بونی هب بوصورتله کورونجه ظن ایدیورزکه بورابطه لر هب بویه اولمق کر کدر ! برده باقیورزکه آمریقانک بر طرفنده عجیب بر حیوان کشف اولونویور : قفاسی و پوستی وقویروق ( قوندوز castor ) کیی

Classification فقط آغزی اوله جغه طبق ثوردهك كیې بر غاغاسی وار؛ مع مافیه درت آیاقلی، لود و مملی؛ لکن آیاقلی (کوسته بك marmotte) آیاغنه بکزمه مکله برابر قاز ایاغی کبی ده پارماقلی آره سنده زارلر وار و اوسایه ده صوده یوزویور و گوللرده یاشیور.

بوکون (ornithorhinc paradoxal) یعنی (ثوردهك بورونلی اعجوبه) نامیله انجق برعصردن بری علماجه معروف اولان بو غریب حیوانك یالکز قویروغنی و یاخود قفا کیکنی اوچیوزسنه اول برعالم کشف ایته ییدی، ثوردهك کبی غاغاسی اولماسی لازمکه چکنه حکم ایده بیلیری ایدی ..؟ و یاخود یالکز غاغاسنی کورسه ییدی درت آیاقلی و مملی بر حیوان ایدیکنی - بالاستقرا - کشف ایله بیلیری ایدی؟

بز بوکون درت آیاقلی دیدکی، مثلاً فادلی بر حیوان اولماسی احتمالی قطعاً رد ایدیورز، چونکه هیچ بویه برشی کوردوکنز و ایشیتدیکمز یوقدر. مع مافیه - براز اول پروفیسور عکسایک دیدیکی کبی - [تاریخ عالمک هیچ بر دورنده بویه بر حیوان یاسامشدر] ده یه ادعا ایتک بر جسارت جاهلانه اولور.

علم مستحاثات، بزه شبه سز دلیلله اثبات ایدیورکه (ادوار اولی) ده اویله غریب جنوارلر وار ایش .. بوتون بومثالر و بلکه داهای بیکلرجه امثالی کوستریورکه بویه صرف مشاهداته مبنی - هم کائاته نسبتله پک داراجیق بردارثه محدوده اجرا ایده بیلدیکمز مشاهداته مبنی ..! - تلقی ایده بیلدیکمز بعضی کیفیات و احواله استناد ایدهرك پایه بیله چکنز (تعمیلر généralisations) استقرائی برقانون اولمقله برابر انجق بروقه استثنایه ایله نقض اولونونجیه قدار، اوحیثله معتبر اوله بیلیر. اونک ایچون بعضی فلاسفهك - حقلی اولسون ..! حقسز اولسون ..! - ادعا ایتدکاری وجهله [معهود حقایق قبله les soi-disant vérités aprioriques] یه بناء ویریلن (حکم jugement) ده (وجوب nécessité) و (کلیت univercalité) حیثیتی واردر؛ حالبوکه حقایق استقرایه ده یوقدر؛ حق اوله ماز! [ده نیلیور.

**Classification** rationalisme ، empirisme ، apriori ، aposteriori ]  
 [ universalité و nécessité ) تمیز لرنده بومسئله نك مناقشه سنه باقیگز ا. ]  
 تصنیف کیبی بر بحث مخصوصده بویکی تفصیلاته کیریشمکله صدد بحث  
 خارجه جیقمش اولمویورم . تصنیف ایله محاکمه استقرائیه نك علاقہ سی ،  
 مسائل فلسفیه نك غوامضدن بریدر . ( منطق و اصولیات logique et  
 méthodologie ) ده درکار اولان اهمیتدن صرف نظر ( تصنیف علوم  
 l'origine des ) ایله ( منشأ معلومات classification des sciences  
 connaissances ) مسئله لریله دخی صیقی صیقی به مربوطیق وارددر . نته کیم  
 یاقینده تصنیف علوم مناقشه سنه کیریشه جکزر ، وگوره جکزر .  
 بناء علیه بوراده راز تدقیق وایضاج ایتمه دن کچمه جکم اصل مهم جهت ،  
 استقراء تام و استقراء ناقصک تصنیف ایله مناسبی در .  
 اولجه عرض ایتمش اولدوغم وجهله ، بز حادثات و علی العموم کیفیات  
 اشیا آره سنده مشاهده ایده کلدیکمز مناسبات متنوعه نك ( حکمت مکنونه  
 la raison cachée ) سنی بیله ایدک ( حقایق عقلیه vérités rationnelles  
 ایله ( حقایق تجربیه vérités expérimentales ) آره سنده حیثیتجه هیچ  
 فرق اولماز ، و بناء علیه ( قدرت اقناعیه pouvoir de conviction ) جه  
 حکم استقرائی ایله ( حکم تعلیلی jugem. déductif ) آره سنده ده فرق  
 اولمازدی . فقط بالجله مناسباتک حکمتی بیلمیورز ! .. اوت ، مثلاً [ نیچون  
 هر که ویش کترین حیوان جاتال طیر ناقلی اولویور ؟ .. ] بونک سرنی  
 بیلمیورز ! .. طیر ناقلی یاریق اولوبده گه ویش کتیره مین بر حیوان  
 اوله بیله جکمنی ده بالفعل مشاهده ایدنجه بوتون بوتون شاشیریورز : [ او یله ایسه  
 بو ایکی حال آره سنده مشاهده ایتدیکمز رابطه اوقادار قطعی و عمومی برشی  
 دکلتش ! . ] دیکمه مضطر قالیورز ! .. ذاتاً آره ده مقول یعنی ضروری  
 و منطقی بر ( علاقه سببیت rapport de causalité ) تصور ایده میورز .  
 [ cause کله سنده بوتیمیر باقیگز ! . ]  
 معلوماتمز بودر کده قالبرسه اونک اوزرینه بنا ایده بیله جکمز محاکمات  
 بر ( استقراء ناقص ind. imparfaite ) اولمقدن ایلری کیده مز ؛ و شوراسی ده

شایان دقت در که ، او تقدیرده دخی طیرناقلمری یاریق اولمق ودها امثالی کبی اوصاف ، تصنیفده ( یکانه مبدأ le seul principe ) تشکیل ایده بیله جک بر ( صفت ممتازه qualité distinctive ) عد ایدیه مز . بر طاقم اوصاف اعتباربله یکدیگریسه بکزه رین افراد مختلفه نی وجوه متنوعه اوزره تصنیف ایده بیلمک احتمالنه باشلیجه سبب ، ایسته بودر ! ..

ا کر بیلسه یدک ، مثلاً گه ویش کتیرمک قابلیتک ( اسباب فیزیولوژیه causes physiologiques ) سی ایله چاتال طیرناقلمی ، اولمق صفتک ( اسباب تشریحیه causes anatomiques ) سی آره سندده سرزمکده بولوندوغمز علاقه غریبه نک سر حکمتی بیلسه ایدک و گه ویش کتیره مه یں بر حیوانک نه کبی احوال خصوصیه و ( شرائط عضویه conditions organiques ) تحننده چاتال طیرناقلمی اوله بیلدیکنی ( یقیناً certainement ) کشف ایدوب اوکر نمش اولسه یدق ، شبه یوق که بو خصوصده ویره جکمز حکم دها قلعی وبلکده ( ریاضی mathématique ) اولوردی .

ویا خود مثال اتخاذا ایتدی کمز احوال و کیفیات آره سندده گورولن ، و استقرا آتمزه رهبر اولان ( مناسبت مخصوصه correlation spéciale ) نی ایکی احتمال داتره سندده حصر ایده بیلسه یدک ، او تقدیرده ویره جکمز حکم بر ( استقراء تام induction parfaite ) اولوردی ! نته کیم : [ حیوانات یا فقرات صاحبی درلر ؛ یا عدیم الفقرات درلر ] دیدبکمز زمان بو ( قضیه منفصله proposition disjonctive ) نک ناطق اولدوغی حکم بر استقراء تام در . چونکه ایکی احتمال خارجنده بر او چونجی حال یوقدر . طبقی — اسکی منطق کتابلرنده استقراء تامه مثال اوله رق ایراد ایدیلن : — [ عدد یا جفت در ، یا نک در ! ] قضیه سی کبی در . یالکزر بر جهت قالیور که شایان مناقشه در : [ بر عدد دوشونیه مز که جفت ویا تک اولماسین ! .. ] بو خصوصده مانع الحلو وار ؛ فقط حیوانات ایچونده بویه می در باقالم ؟ ! .. ] ده نیله جک اولورسه ، بن — کندی حسابمه — بلا تردد ادعا ایده بیایرم که ( عضویتک بنیه اساسیه سی constitution fondamentale ) نه نظراً حال عینی در :

هرمانکی بر حیوان یا گیاهی و یا خود کیمکسز اوله بیلیر ؛ بونک خارچنده بر او چونجی احتمال تصویرینه، (بیولوژی biologie) دن آلدیغمز معلومات واثقه مانعدر .

مع مافیہ بوا دعامه دهاقوی مثال لر عرض ایدم بیلیرم که اونده (مانعة الخلو) شرطنه نظر مجبوری بیلہ یوقدر . تدقیق وتنبی علم ماکنه نك وظائفندن اولان (حرکت قانونلری les lois du mouvement) نك محصول تجارب اولدوغی و بناء علیه قوانین استقرائیه زمزمه سندن بولوندوغی - بلا استقنا - عموم علما غنندنه مسلمدر . مع مافیہ متخصصین ، کمال خلوص وحسارتیه ادعا ایدم بولر که بوقانونلرک باشقه تورلو اوله بیللمه سنی تصور امکان خارچنده در . كذلك (مسافه نك مربیعله معکوساً متناسب en proportion inverse du carré de la distance) اولان (شدت قانونلری les lois de l'intensité) دخی تجربیه سایه سنده کشف اولونمش حقایق استقرائیه دندر . و ادعا ایدم بیلیرم که (شدت) ایله (مسافه) آره سنده کی نسبت باشقه تورلو اوله مازدی ؛ زیرا (اوج بعدلی à trois dimensions) بر عالمده اولنبتک بوشکل وترتیب اوزره اولماسی بر (ضرورت هندسیه - nécessité géométrique) اقتضاسنددر . [بومسئله نك مناقشه سی ایچون contingence loi و nécessité کلمه لرینه باقیکنز .!]

دیگر بر مثال ویریم : (بللورات les cristaux) ک اشکالی ایله (انکسار مضاعف diffraction de la lumière) حادثه سی آره سنده محقق بر مناسبت وار . بومناسبتی (معقول بر صورتده d'une façon rationnelle) تعریف ایدم بیلیمک ایچون علمای متخصصین بر (فرضیه hypothèse) وضع ایتشلردر ؛ [بوتعبیرم باقیکنز .!]

اوفرضیه شودر که (مستانه جیوانس) ک ملاحظاتیله برابر نقل ایدیورم : [معلومدر که ماده لر (اجزای فردیه atomes) دن مرکبدر ؛ شبهه یوقدر که او اجزا ترتیبات مخصوصه اوزره ترکیب ایدوب (اجسامک بنیه سی la constitution des corps) فی و (اشکال formes) فی تعیین ایدر لر .

( بلوراتك تركيبات و اوصافى تتبع ايدن علمای متخصصين les cristallographes ) فرض ايدیورلرکه هر بلورده برطاقیم ( محور (axe) لر واردرد. یعنی اوبلوری تشکیل ایدن ذراتك مختلف ایستیفار اوزره ترتب ایتیش اولماسی لازم کلیر. بو محورلر برطاقیم (خط استقامت (ligne de direction) لردرکه اونلرک یکدیگرینه نسبتله (طول (longueur) ی و (میل (inclinaison) ی هر بلورده کندی شکل مخصوصی ویریر. بلوراتك بر صنفی ده واردردکه اونده (یعنی سویه ده (sur le même plan) اوج محور اولور؛ برده او سویه (عموداً (perpendiculairement) واقع دردنجی بر محور واردرد. فقط صنوف سائره به داخل اولان بلوراتك جمله سنده انجق اوج محور بولوندوغی فرض ایدلمشدر. بو محورلر - طولیرینه نسبتله - اوج تولو تنوعات عرض ایده بیلیرلر: اولاً یا اونلرک جمله سی یکدیگرینه مساوی اولور؛ یا ایکسی متساوی اوجونجیسی ده غیر متساوی اولور؛ و یا خود هر اوجی ده غیر متساوی اوله بیلیر.

اونلر استقامتیرینه نظراً دخی درت وجهله تنوع ایده بیلیرلر. اولاً جمله سی یکدیگرینه نسبتله (زاویه قائمه (angle droit) تشکیل ایدرلر. ثانیاً محورلرک ایکسی یکدیگرینه (مائل (oblique) اولقله برابر اوجونجی محوره عموداً واقع اوله بیلیر. ثالثاً ایکسی بربرینه عمود اولدوغی حالده اوجونجی سی اونلرک هر ایکسینه ده مائل دوشر. رابعاً اوج محورک اوجی ده یکدیگرینه مائل اوله بیلیر. ایمدی، محورلرک طولنه نظراً واقع اولان بوتنوعات، استقامتیرینک عرض ایتدیکی اختلافات ایله برابر حساب ایدیلیرسه بوتون بلوراتی اون ایکی صنفه آیرمق امکانی کورولور، و بو تقسیم کرک (هندسه (géometrie) کرکه (منطق (logique) نقطه نظرندن مکمل در. فقط (مشاهده تدرییه (observation empirique) ایله ثابت اولیورکه - یکدیگرینه مائل محورلر اندر اوله رق متساوی اوله بیلدکلری ایچون - بوصفلرک برچوغه طبیعتده تصادف اولونه میور. بناءً بللی باشلی طائشیدی صنف بلورات قالیور. فقط اونلردن برینکده طبیعتده بالفعل بلورات

بلورات مخصوصه ایله ممثل (representé) اولدوغی معلوم دکلدر. [ یعنی ]  
 Classification او تورلو بلوراته تصادف ایدیله ممشدر .

[ بلوراتک برنجی صنفی - یکدیگرینه عموداً واقع و متساوی - اوج  
 محوره مالک و بوصف متمازه ایله معین در؛ و هرجهته (élasticité) الاستیقت  
 قابلیت عینی درجه ده در . بلوراتک ابتدائی یعنی ( simple ) شکلی  
 'مکعب' ( cube ) در؛ لکن محورله مختلف صورتده مائل سطحلر حاصل  
 اوله رق زاویه لر کیلیرسه (ذو ثمانية الاضلاع منتظمه octohèdre régulier)  
 ( ذو اثنا عشرة الاضلاع dodecahèdre ) و داما برچوق اشکال بلوریه  
 وجوده کلیر . بوصفه داخل اولان بلوراته هر محور دیکر لرینک تماماً عینی  
 اولدوغی ایچون هر هانکی بر بلورک بر گوشه سنده واقع اولان تبدلات  
 - دیکر محورلرله ( متناظر symmetrique ) اوله رق - تکرر ایتمک  
 کرکدر . بو، بر ( قانون loi ) در . بوندن طولای درکه حاصل اولان  
 اشکال، متناظر و منتظم در، اونک ایچون بوصفه ( جمله منتظمه ) دیرلر .  
 بوصفده برچوق مواد مختلفه داخلدرکه بونلرک بر قسمی - الماس - شکله  
 قابیون کیی - بر ( عنصر élément ) در؛ ( یعنی بسیطدر )؛ دیکرلری  
 آرزوق (مُعضل complexe) مرکبات نوعنددر؛ قایا طوزی، برومور  
 دوپوتاسیوم،، ایبودور دوپوتاسیوم، ( شاپ alun ) لرک برچوق انواعی  
 و لعل کیی! بناء علیه بر جسمک ( ترکیب کیمیوی composition chimique )  
 سی ایله ( شکل تبلر forme de cristallisation ) ی آره سنده بر مناسبت  
 کورونمویور . فقط بوراده نظر دفته عرض ایده جکمز بر کیفیت مهمه وار:  
 ضیا، حرارت و الکتریقت اعتبارله اجسام متبلره تماماً متشابه اوصاف  
 عرض ایتمکده در. ( اهتزازات ضیایی و حروریه ondulations lumineuses  
 et caloriques ) بوجهله منتظمه منسوب بر بلورک هر ترمه سندن کیرسه  
 کیرسین، هرجهته عینی سرعتله انتشار ایدر؛ طبق ( متجانس بر سیاله  
 fluide uniforme ) ده انتشار ایدیورمش کیی! .. بوندن طولای درکه  
 بوسفندن اولان بلورات، هیچ بروجهله و هیچ بروقت ( انکسار مضاعف



(double réfraction) حادثه ی عرض امتزگر ؛ مکرکه بر (تضییق میخانیکی compression mécanique) اجرا ایدرک او بلوراتک شرائط نهلاستیقتی تغیر ایتش اولهلم ... کذلک بوجهیه منسوب اولان بلورات تسخین ایدلدیکی زمان (یعنی ایصیدیلدینی وقت ؛) حرارت ، هر طرفه مساواً انتقال وانتشار ایدر؛ اگر مکعب بر بلوردن کنیش و اینجه بر صفیحه کسوده اونک حصوله کثیره بیلجکی (اهتزازات صدائیة vibrations sonores) یی تدقیق ومعاینه ایدم بیلسه یدک قابلیت نهلاستیقتک هرجهتده متساوی اولدوغنی کوروردک . ایشه بوصورته مشاهده ایدیوردک جمله منظمه بلوراتنده بر جوق (خواص مهمه propriétés importantes) شکل بلوری ایله صمیمیاً علاقه داردر ؛ و بر ماده نك شکل ابتدائی سی مکعب اولدوغنی بیلججه - آز جوق امنیت ایله - استدلال ایدم بیلیرز که او ماده بوتون بوصایدیغمز اوصافیده حائزدر. (یعنی ضیا ، حرارت ، هکتریت و اهتزازات صوتیه اوصافده مالکدر دهیه بیلیرز ؛) بناءً علیه بلورات منظمه صنئی - معنای صحیحی ایله - طبعی بر صنفدر، چونکه تصنیف اونونان ماده لر ی یکدیگرینه ربط ایدن بر جوق قوانین عمومیه یی کشف و افشا ایدیور . [الی آخره ...]

(ستانه جیوانس) ملاحظاته دوام ایدرک دیگر صنوف بلوراتکده اوصاف متمایزه سنی کوزدن کچیریور . بوراده بزم اصل موضوع بحثمز بالکز تصنیفک (مبادی معقوله و علمیه principes rationnels et scientifiques) سی اولدوغنی ایچون ، جمله منظمه نك عرض ایتدیکی کیفیات اساسیه یی بومبحث ایچون مکمل بر مثال اوله رق تلقی ایدم بیلیرز . بومثالدن کرکی کیی آکلاشیلورکه اجسام ماده آره سنده کیفیات وخواص اعتباریه بر جوق صور مختلفه اوزره مشابهلر و مناسبتلر وار ؛ حتی بونلرک بر قسمی ده (لاینفک inséparable) اولدوغنی ایچون پک صمیمی بعضی اوصاف مشترکه تشکیل ایدیور ؛ شویله که بونلرک بر قاچه بالاشترک مالک اولان اجسام ، بوکیقیات اصلیه یه تابع ویاخود اونلردن (مشتق

Classi-  
fication

(dérivé) خواصه دخی مالک اولویور . واقعا بویکی مشابهاات اساسیه نك اسباب معقوله سنی بیلهمیورز؛ مثلاً (مواد قلوبه matières alcalines) نك (مولدالموضه oxigène) یه شدت علاقوسی برکیفیت ممتازهدر، وبوقابلیت بوتون (قلئیات les alcalis) ده عینی صورته آشکارددر بونك سّر حکمتی بیلهمیورز . مع مافیه بداهتاً مشهودمنز اولان بویکی قابلیاتی مبدأ تصنیف اتخاذ ایدرسهك اغلب احتمال اوله رق دیگر کیفیاتك وجودینهده قناعت کافیه ایله حکم ایده بیلیرز . هله - یوقاریده عرض ایتدیکم کی - بومشارکت خواصك وبومشابهتلك (حکمت مکنونه raison cachée) سنی کشف ایده بیلیرسهك ، او وقت بلا تردد ، غایت قطعی اوله رق حکم ایده بیلیرز ، و بو حکم ، (استقرائی inductif) اولمقدن قورتوله مامقله برابر (حکم تعلیل jugement déductif) قادار (حیث وجوب caractère de nécessité) ی حائر اولور .

ایشته ناقلیت ضیا وحرارت ، قابلیت اهتزاز ، نه لاسبتیقیت کیی اوصاف فیزیقه ایله اشکال بلوریه آرمسندده تحقیق ایدن رابطه صمیمیه نك حکمت مکنونه سی . یعنی قانونلری کشف ایدیه بیللمش اولدوغی ایچوندركه بلورات تصنیفی قطعی وطبیعی اوله بیلیر و شکل بلوری به کوره جسمك نه کیی (اوصاف فیزیقه propriétés physiques) یی حائر اوله بیلله چکی - قبل التدقیق وتجربه - خبر ویریه بیلیر . اون طوقوزنجی عصر میلادی علمای مشهوره سندن (میچرلیخ Mitscherlich) بو خصوصده قطعی حکمر ویرمش وتجربه ایله اولنرك اصابتی تحقیق ایتشدر . حتی اشکال بلوریه ایله اوصاف فیزیقه آرمسندده کورولن مناسبات اساسیه نك قانونی دخی کشف ایتشدرکه مدونات علمیه ده - کندب اسمنه اضافله - (میچرلیخ قانونی) دیه مشهوردر .

بلوراتك معهود محورلری - شبهه یوقدرکه - مادی و حقیقی محورلر قیلندن برشی دکلدر . بلوراتی تشکیل ایدن ذرات ماده نك ترتبات مختلفه سنده الدقلری وضعیتی ؛ یعنی ایستیفی کوستیر برطاقم وضعیات جزؤ

فردیه (dispositions atomiques) در . حرارت ، مُلکتریقیت ، ضیا  
 و صدا کیی حادثاتک اهتزازات معینه دن عبارت اولدوغی و بو اهتزازاتک  
 ( طول موجّه longueur d'onde ) سی ایله بر جسم ایچندن قابلیت مرور  
 و انتشاری بکدیگرینه مربوط و غایت مهم کیفیتلردن بولوندوغی دوشونولور،  
 و برده ترتب ذراتک بر محور موهوم استقامتجه اهتزازاته یول ویرمی  
 لازمکه چکی تعقل ایدیایرسه ، موضوع بحثمز اولان روابط اساسیه نک  
 حکمت مکنونه سی کشف ایدلمش دیمکدر. او تقدیرده دخی کیفیت مذکورده نک  
 باشقه تورلو اولماسی احتمالی عقل قبول ایده مز. ولوکه بر ( وتیره استقرائیه  
 procédé inductif ) ایله اولسون بودرجه قطعی بر صورتده تدقیق واسباب  
 طبعیه سنی تحقیق ایده بیلدیکمز حادثات و کیفیات حقیقه ویره بیله جکمز حکم  
 غایت قطعی اولور ؛ بوکی مشابهلر مبدأ و اساس اتخاذا ایدیله رک یاییلان  
 تصنیفلر دخی ( طبعی ) در .

دیمک که ( یقینیت علم certitude de la connaissance ) ک ( صفت  
 کاشفه la caractéristique ) سی عد اولونان ( وجوب nécessité ) ،  
 ( عقلیون rationalistes ) ک ادما ایتدیکی کیی - ( حقایق قبلیه vérités  
 aprioriques ) یه خاص دکل ایمش ؛ حادثاتک اسباب طبعیه سنی بیلیمکدن  
 حاصل اولان بر ( قناعت جازمه ) دن عبارت ایمش . ( تعلیل déduction )  
 و ( استقرا induction ) ذهنک بللی باشلی ایکی ( وتیره استدلال procédé  
 de raisonnement ) در. دیمک که استقرا - اکر ( استقراء تام induction  
 parfaite ) اولورسه - ذهنه بویله بر قناعت الهام ایده بیلور .

فیلسوف و منطقی شهر ( جون ستوته میل J. S. Mill ) معروف  
 جهان اولان منطقدنه [ ترقیات متوالیه سایه سنده علوم استقرائیه ، علوم  
 تعلیلیه کیی قطعی و یقینی اوله جقدر ] ده یه بر فصل آچور و بو ادعای توثیق  
 ایچون بر جوق ملاحظات مفیده بیان ایدیورکه خلاصه سی - بنم ده مین  
 عرض ایتدیکم وجهله - حادثات طبعیه نک اسبابی و قوانینی ، تجربه ایله  
 کوندن کونه داها زیاده وضوح و قطعیتله انکشاف ایتدیکه اونلر حقیقه

Classi-  
fication

( قبلی حکم‌ها jugements aprioriques ) و پره‌بیل‌جک‌ز و بنا علیہ  
( علوم استقرائیه sciences inductives ) دخی ریاضیات کیبی قطعیت  
کسب ایدہ‌بیل‌جک‌در، دیمک‌در. بوموفقیته احتمال یوق دکلد‌ر. [ certitude,  
science, expérience تمیول‌رنده بو بحث مناقشه‌سنه باقیکنز ۱. ]

شبه یوقدرکه طبعی دها نافذ بر نظرله تدقیق ابتدکجه کیفیات اشیا  
حقنده دها طوغرو، دها متنوع معلومات حاصل ایدہ‌جک‌زدر. بویلہ  
مختلف مختلف نقاط نظردن توجیه و اداره ایدہ‌بیل‌جک‌ز تدقیقات تجربیه‌ک  
برکت محمولاتی سایه‌سندہ حقیقی و اساسی مشابہتری کرکی کیبی کشف  
ایدہ‌جک‌ز و اولنرک معناسنی دها ای آکلایه‌بیل‌جک‌ز؛ او وقت ظواهرک  
عرض ایدہ‌بیل‌جک‌ز سطحی و اساسی مشابہتله اهمیت و یرمهرک انجیق  
( اصلی essentielle ) مشابہتری نظر اعتباره آلوب تصنیفی بواساس  
اوزرینه بنا ایدہ‌جک‌ز.

( تفصیحات تجربیه investigations expérimentales ) ایله واقع  
اولان ( کشفیات découvertes ) کوستریورکه ترقیات علمیه بووادیده  
تأمین موفقیات ایتکده‌در. بونک نتیجه‌سندہ - یکدیگرینه صورنا هیچ  
بکزمه‌مین - - اشیا و کیفیات، احوال و حادثات آردسندہ برچوق حقیقی  
و اساسی مشابہتله بولونه‌رق اسکی طرز تصنیف هر وجهله ده‌کشدیرلمکده‌در.  
مثلاً ( کیمیا la chimie ) ده یاقین بر زمانه قاده، ( مولدالما hydrogène )  
( شبه معدنیات metalloïdes ) صفتک باشنده کوستریل‌ردی؛ چونکه  
( حالت عادیه à l'état ordinaire ) ده رنگسز، رایحه‌سز، الک‌لطیف، یعنی  
( ثقلت اضافیه poids relatif ) اعتباریله الک خفیف برغازدر. حالوکه بعضی  
اوصاف مخصوصه‌سنه بناء - علامه‌شیر ( فاراده Faraday ) - او غازک بر عنصر  
معدنی اولدوغنی دها ( ۱۸۳۸ ) سنه میلادیه‌سندہ خبر و یرمشدی. بالا‌آخره  
دیگر بر انکلیز عالم مشهوری ( گراهام Graham ) اثبات ایتدی که اویله‌در؛  
و اوصاف اصلیه‌سنه نظراً ( کوموش argent ) ایله برابر تصنیف ایدله‌لی‌در.  
مع‌مافیہ ظواهره باقله اکتفا ایدہ‌رک حکم اولونه‌بیل‌ریمی ایدی که بو عنصر

غازی الك زیادہ کوموشہ مشابہ برمادہ اولہ بیلین ؟!.. حتی اوصاف اشیاك لا یقیله تتبع ایذیلہ بیلشن اولماسی بیلہ بوتون بوتون مشکلات تصنیفیه یی برطرف ایده میور ؛ مثلا صوك زمانلرده كشف ایلمش اولان ( تللور tellurium ) ، معدنیاتك برچوق ( اوصاف حکمیہ propriétés physi- ques ) سنی حائز اولدوغی حالده ( اوصاف کیمیوہ propriétés chimiques ) سی اعتباریلہ ( کبریت souffre ) یعنی کوکورده پك بکزر بر ( شبه معدن métalloïde ) در .

کذلک ( کیمیای عضوی chimie organique ) ده مثلا ( مواد سُکریه matièree sucrées ) ، عوامك ظن ایتدیکی کبی یالکز طاتلی اولان شیرلر دکلدور . بر ( مایه diastase ) نك تحت تأثیرنده ( غلوکز glucose ) . تحول ایدن هرشی شکر درده طاتلی اولان برشی مطلقا شکر دکلدور . مثلا ( ساقارین ) شکر نوغندن برشی دکلدور .

طبقی بونك کبی ( نباتات la botanique ) ده اکثریتله چیچکلك ( اعضای تناسلیه organes de la reproduction ) دن باشقه برشی اولمادیغی عوامه تسلیم ایتدیرمك کوچدر . ( فیزیولوژی physiologie ) نظرنده ( قلب coeur ) ك مکمل بر ( طولومبا pompe ) دن عبارت بولوندیغی نه طولومباچی اصنافی بیلیر ؛ نهده اکثریت ناس آ کلار !!.. چونکه بوراده کی مشابته اشکال ظاهرده مشهور دکلدور . وظیفهده ( ایشده مشابته ressemblance fonctionnelle ) در . الی آخره !..

علوم و فنونك ( اصول تجربیه méthode expérimentale ) ایله بودرجه ترقی و انکشافندن اول ، برچوق شیرلر حقنده تورلو تورلو تصنیفلر یاللمشدی . حتی منطقده ( ارسطو Aristote ) نك ( مقولات عشره les dix catégories ) سی بالجلله ( موجودات ممکنه êtres contingents ) یی شامل برتصنیف عمومی جدولی در . [ catégories ] کله سنده تفصیلات و مناقشات باقیکنز !!.. [ نته کیم ( کلیات خمس les cinq prédicables ) و ( شجره پورفیریوس l'arbre de Porphyre ) ده اولیله در . [ prédicable ] تعیرینه باقیکنز !!.. ]

Classification

هر علمده اصول تصنيفه نمونه لر عرض ايتمك - باشلي باشنه - بر قوجه مان كتاب يازمغه متوققدر . و بزم وظيفه مخصوصه من بو دكل انجق تصنيف علومدن بحث ايتمكدر . اونه دنبري فيلسوفلري جدا اشغال ايدن بو بحثه كچمزدن اول تصنيف تعبيرينه تعلق اولان بعضي تركيبات اصطلاحيه نك لسانمزده مقابللريني عرض ايتمك و معالرينه دائر بعضي ايضاحات مختصره ويرمك ايسترم .

اصطلاحده (bifurcate classification, classification bifurquée) تعبيرى واردركه ، برطاقيم شيلري تماميله ايكي قسمه آيريق صورتيله ياپيلان تصنيفه ديرلر . على الاطلاق ( تصنيف مثنى dychotomie ) بودر . [ بونك ايچون dychotomie كله سنده تفصيلات مخصوصه و يرلمشدر . باقكيز ! ]

( انموذجلره كوره تصنيف classification par types ) دخى علوم طبعيه ده پك چوق كورولور بر طرزدر . برطاقيم ضرورات و مشكلات يوزندن بويله بر ( اصول تصنيف methode de classification ) . مجبوريت الويرمشدر . ( تاريخ طبيعى histoire naturelle ) ده برسورو ( اشكال متوسطه formes intermédiaires ) كشف ايديلنجه علماي متخصصين ، اوللري - معلوم و معين اولان - صنفلردن هر هانكي برينه ادخال ايتمكده ترددو دوشمشلر و برقاچ صنفك ( اوصاف بيمزه pualités distinctives ) سنى كندنده جمع ايدن بوكي افرادى بر اساس اوزرينه تصنيف ايده بيلمك ايچون ايچلرندن بريني - و بالخاصه تحولاته اك آز معروض بولونمش و امثالى آره سنده ( رابطه مشابهت تشكيل ايدن ) اوصاف مشتركه ( propriétés communes ) يي اك زياده محافظه ايتش بولنان شخصى ! - ( انموذج type ) يعنى نمونه اتخاذايدهرك بونمونه يه اك زياده بكنزه ين افرادى اونك اطرافنده جمع ايتمشلردر .

افراد عضويه آره سنده مشهود اولان و تصنيفده عمدو و اساس اتخاذايديلان كيفيات متشابهه ، ( ارثى héréditaire ) و بناء عليه نسبتاً قديم اولان

اوصافدر . بونلری آز چوق تحویل و تبدیل ایدەرك متوسط و یا خود اصله بعضی وجوه ایله بکزه من (انمودج) لر حصوله کترین اسباب و عوامل ( محیط milieu ) و اومحیطه عضوینک ( تطابق edaptation ) فی موجب اولان ( احوال و ظروف circonstances ) در ؛ و بوتبدلات احتمالکه میلیونلرجه سنه ظرفده یا و اش یا و اش حصوله کله بیلمش و ( اجناس genres ) و ( انواع espèces ) ک نمونه ابتدائیه لرندن بو صورتله تباعدی ممکن اوله بیلمشدر .

کورولویورکه عالم عضویده ( type ) بحثی و اوکا مستند اولان طرز تصنیف مسئله سی ( انواعک تبدلی variation des espèces ) مسئله سیه صیقی صیقیه علاقه دارد ؛ یعنی ( داروینیزم فلسفه سی philosophie darwininienne ) مباحثندن بری و بلکه مبالغه راک مهمی در . [ بناء علیه مسئله ی غوامضیه احاطه ایدە بیلیمک ایچون برتون بو اصطلاحاته باقیکنز ! ]  
کیمیاده دخی ( نمودجلر اوزرینه تصنیف ) راک اهمیتلی بر طرزدر .  
[ بونک ایچون type ) کلمه سنده تفصیلات لازمه بیرلشددر . بالخاصه ( نمودجلر نظریه سی ( théorie des types ) باقیکنز ! ]

انکلیزلرک ( index classification ) تمیزی صرف فهرست اشیا یی  
- مرتب بر صورتده - مرض ایدە بیلەجک وجهله یاییلمش اولان بر نوع تصنیفدر . مثلاً بر بیوک شهرک مبانی مشهوره سی ، کوپرولرینی ، یوللرینی ، جاده لرینی کوسترمک ایچون یاییسلان بر تصنیفه بواسم و بریلیر . نته کیم بر کتبخانه ده موجود کتابلری قولایلقله بوله بیلیمک ایچون یاییلان بر تصنیف دخی بو قیلدندر . بوتورلو تصنیفلرده مقصد ، آرانیلان برشینک کمال سهولتله بولونماسی تأمین خدمتندن عبارت قالدوغی جهتله ، بو ترتیب - اوصاف مشترکه اوزرینه مستند اولمقدن زیاده - اسامی اوزرینه یاییلمش بر فهرستدن عبارتدر و ( الفبا ترتیبی arrangement alphabétique ) بونده اکثریا مبدأ اتخاذ ایدله بیلیر ؛ چونکه اک قولای اک بسیط ترتیب بودو ، و بو صورتله اسمی معلوم اولان برشی دفترده آرانیلوب قولایجه جق بولونه بیلیر و حقنده

classi-  
fication معلومات لازمه آله بيلير. لغت كتابلري بونك اك معروف مثالي دره. بوترز تصنيفك (artificielle صنعى) اولدوغنى هرص ايتمكه حاجت يوقدر. طبيعته بعضى منفرد حادثات و افراده تصادف اولونوركه اونلر هيچ برصنفة ادخال ايديله مدكلري ايجون بر (استثنا exception) تشكيل ايدرلر. بز بوكبي شيلره (نوعى شخصنه منحصر) ديرز.

منطقه (كليات خمس و يا خود مقولات خمس les cinq prédicables) تعميري دخى برنوع تصنيفى متضمن در. [prédicable] كلهنه بايكنز. (شجره پورفيريوس l'arbre de Porphyre) حقنه دخى معلومات و يرلشدر.

آلمان علماي حكما سندن و معاصرين متفكريندن (اوست والد W. Ostwald) فلسفه علوم حقنه نشر ايتمش اولدوغى بر كوچوك كتابده (صنوف les classes) دن بحث ايدر كن صنف تعميري منحصرأ منطقى بر نقطه نظردن تعريف ايتشدر؛ چرنكه: [معين بر مفهوم un concept déterminé] كه ضمتنه مرتب اولان شيلرك هيئت مجموعه سنه، بز، (صنف classe) ديرز، و اومفهومي بر طاقيم كيفيات مشتركه تشكيل ايدر. برصنفة داخل اولان شيلرك هر برى اوصنفك بر (حد terme) ي در. [دييور. صوكره، صنف تعميرينك بو وجهله تعريفندن يول بوله رق منطقده (قياس syllogisme) دنيلن (طرز استدلال - mode de raisonnement) كه حيثيت حقيقه سنى ايضاح ايد ييور و بر تصنيفدن عبارت بولويور. [بك مهم اولان بوسياق نظرك و بوملاحظه نك مناقشائى syllogisme تعميرنده بسط ايدلشدر. بايكنز. ا.]

باشده ارسطو اولق اوزره بوتون فيلسوفلرجه مسلم دركه اك كنش مناسبله (تعريف définition) برشيئى - برطاقم اوصاف اساسيه سنه نظراً - برصنفة ادخال، يعنى اوشيني ديكر شيلر ايله برابر تصنيف ايتك و اونلر آرهنده كي موقع حقيقى و طبيعى سنى تعين ايتك ديمكدور. [بو خصوصده définition] كلهنه مراجعت ايديكنز. ا.]



بویحثك مقدمه سنده بالالتزام عرض ایتش اولدوغم وجهله امر تصنیف ده  
(مشاهده observation)، (تجريد abstraction)، (تعمیم - généra-  
lisation) کبی برنجی درجه ده مهم (عملیات ذهنیه opérations mentales)  
ذی مدخل بولونویور. [عجبا (تجريد) دیدیکمز عملیه ذهنیه همه حال (تعمیم)  
عملیه سنی مستلزم و متضمن بولونویور می؟ یوقسه بو ایکی نوع عملیات  
مستقل می واقع اولمقده در؟.. خلاصه: تجريد ایله تعمیم عملیه لرینک مناسبتی  
تدر؟..] ده بر مهم سوال وضع اولونمش و بالخاصه تصنیف علومه تعلق  
اعتباریه، بوسوآلك متنوع جوابلری فیلسوفلر آره سنده شدلی مناقشاته  
میدان آچشدر. [اولا تجريدك وتعميمك ندیمك اولدوغنی آکلامق ایچون  
بو کله لره باقیکز. اوسوآلك جوابی généralisation کله سنده تنوعاتیه  
مندرجدر. بویحثك مناقشه سی ده تفصیلاً classification des sciences  
تعبیرنده بسط ایدلشددر.]

اونه دنبری حکمای اسلام معقول و مقبول بر تصنیفك باشلیجه شرطنی  
بردستور وجیز ایله بیان ایتشلردر: [مکمل بر تصنیف، افرادی جامع،  
اغیارنی مانع اولق کرکدر. [دیمشدر. فی الحقیقه اوایله اولق لازمکلیر.  
حقیقی وطیبی بر تصنیف، بر صنفده بولونماسی لازمکنن افرادك هپسنی احاطه  
ایتملی و اوصف افرادی یابانجی قالانلرك کافه سنی خارجه بر اقمالی در.  
بوده انجق اساسلی وطیبی بر طاقم اوصاف مشترکه اوزرینه مستند اوله بیلیر.  
مثلا (ذوی الفقرات) دیدیکمز زمان فقرات صاحبی اولان بالجمله افراد  
حیوانیه اوصنفه داخل اولدوغنی کبی فقراتدن محروم اولان حیواناتك  
جمله سی ده اوندن خارج قالیر - بیلدیکمز حیوانات اولسون، بیلده دیکمز  
حیوانات اولسون! اوشرطی حائز بولونورسه داخلدر؛ بولونمازسه  
خارجدر. دیمك اولویورکه - عالم عضویتده پك مهم واساسلی بر کیفیت  
مشترکه تشکیل ایدن - (فقرات vertèbres) اوزرینه استناد ایدن بر تصنیف  
افرادنی جامع اغیارنی مانع اولق اعتباریه معقول و ای بر ترتیدر. بالکمز،  
هر زمان ایش بوقادار قولای اوله میور. اوکاده سبب بوشرطك علی الاطلاق

classi-  
fication

طوغرو اولوب اولماسی دکل ، آرانیلان اوصاف مشترکه نك بك صریح  
 و قلعی اوله رق تعین ایدمه مسی دره . لایقيله خاطر نشان اولمالی دركه ( اوصاف  
 مشتركه ) دیدیکمز کیفیات عمومیه نك هربری برچوق ( اوصاف تالیه و تابعه  
 (qualités secondaires et subordonnées) نی (تضمن impliquer)  
 ایدر کورونویور . فرضاً ذات الفقرات اولمق دیمک مملی ، ممسز ، درت  
 آیاقلی ، ایکی آیاقلی ، آیاقسز ، قانادلی ، قنادسز ، بوینوزلو ، بوینوزسر  
 طوغورور و یاخود بمورطلار ، اوتیر ، یاخود اتیر ، بعضاً هرشی یر ،  
 که ویش کتیریر یاخود کتیرمز وداها بویله برچوق اوصاف و کیفیاتی حائز  
 اولمق دیمکدر . و برکیفیت مشترکه نه قادار عمومی اولورسه اوقادار اوصاف  
 تالیه یی شامل و متضمن بولونور . اگر بو اوصاف تالیه افراد واجناس سافله ده  
 دائماً بر سلسله متغله اوزره تحقق ایدمه بیلسه یدی تصنیف قولای یاپیلیر  
 و حقیقتاً افرادی جامع ، اغیارینی مانع اولوردی . فضله اوله رق اوکیفیت  
 مشترکه یی حائز اولان افرادك نه کی اوصاف تالیه یی حائز اولماسی لازمکه .  
 جکمه دخی قبل التحقیق قطعاً حکم ایدیله بیلیردی . یعنی تصنیف ده هر زمان  
 استقراء تام ایله حکم ایتک ممکن و صحیح اولوردی . حالبوکه هر زمان بوموقفیت  
 الویرمیور ؛ زیرا ( متوسط انموذجلر types intermédiaires ) اوقادار  
 چوق که انسانی شاشیرتیور ، و - یوقاریدن بری مثالرله ایضاح ایتدیکمز  
 وجهله - طبیعی ویکانه بر تصنیف اصولنده قرار قیلامایشمز سبب بودر .  
 او یله انموذجلر وارکه بعضی وجوه ایله بر صنف مخصوصه ، و بعضی اوصافه  
 مالک اولدقلرندن طولانی ده بوسبوتون باشقه بر صنفه ادخال ایدمک ایجاب  
 یدییور . ایشته اصل کوچک بوراده در . بویله اولونجه - ده مین ذکر  
 ایتدیکمز - شرط اساسی [ یعنی بر تصنیفک افرادی جامع ، اغیاری مانع  
 اولماسی شرطی ، ] حقیله یرینه کتیر یله میور . بوشروط ، انحق ( معین  
 انموذجلر types bien définis ) ده تحقق ایدمه بیلور . تصنیفک حدودی ده  
 فطی دکل !! . اولامامسنه سبب ، اول بر صنف اتسانی قابل اولان بالجله  
 افراد ممکنه یی بالذات و بالفعل تحقیق ایدمه مش اولمقلغمزدر ؛ ثانیاً متوسط

انمود جلرك كوندن كونه آرتماسى وكشف اولونماسى در . [ type تعبيرينه  
classi-  
fication.  
باقىكز . ]

او حالده يوقا ريده عرض اينديكم دستور، امر تصنيفده انحق برغايه در،  
بر (ايده آل) در؛ فقط هروجهله و مرزمان قولاي قولاي تححق ايده ميور.  
[ تصنيفك حدودى مسئلهسى induction بحثنه راجعدر . اوكلهيه  
باقىكز ! ]

---

## تصنيف علوم Classification des sciences

معلومات بشریه نك چو غلاماسی و چو غالدجه تنوع و تكاملی ، فیلسوفلرك كمال اهمیتله نظردقنی جلب ایتمش برکیفیتدرکه ، برخیلی زماندنبری مناقشه ایدیلله ایدیلله باشلی باشنه بر (مسئله فلسفیه) شكلی اكتساب ایدیه ییلمشدر . بومسئله نك بویوك بر اهمیت فلسفیه یی حائز اولدوغنده شبه قالمشدر؛ چونكه فكر بشرك تاریخ تكاملی عرض ایستدكن ماعدا ، اوتكمالك بر طاقم (قوانین قویه lois immuables) یه نیما وقوعه كلكدده بولوندوغنی دخی احساس ایدر برکیدشی بر (سیر marche) ی اولدوغنی تحقّق ایدیور .

على الاطلاق علمك نه صورتلره ، نه واسطه لره بزده حاصل اوله ییلدیكنی و (صحت و یقینیت علمك - exactitude et certitude de la connaissance) نه کبی شرطلره تحقّق ایدیه ییله جکنی فیلسوفلر (مبحث معرفت épistémologie) ده مذاکره و مناقشه ایدرلر . [بوتصیریه باقیکز!]

فقط معلومات بشریه بالتکامل (تعمی s'organiser) ایدوبده شعباته آیریلهرق - معنای اصطلاحی سی ایله - علوم متنوعه یکدیگرندن (تمایز se distinguer) ایله دکن صوکره اونلرك مناسباتی ، درجانی تربیاتی و موضوعاتی تبع ایتمك و اوکا کوره برتصنيف باقمق بوسبوتون باشقه بر ایشدر . ایشته بونیده اونه دنبری فیلسوفلر درعهده ایتمشدرلر .

على الاطلاق تصنيف حقنده - بوندن اول - واقع اولان معروضاتم ، دلائل ایله اثبات ایدیوردی که بوخصوصده قطعی بر اصول کشف ایدیه ییلمك هان هان ممکن دکل کیبی در . تصنيف علوم بختنده بومشكلات کوزه باطه جق قادر کندینی کوستریور . مع مافیه علومك ترقیات اخیریه سی ایله تمایزیه رغماً ، مختلف شعبات علمیه نك یکدیگریله نه درجه لرده (کرفت enchevêtré) مناسبتلر عرض ایستدیکنی انجیق معاصر فیلسوفلر لایقيله کوره ییلمشدرلر .

مقدمین داها ساده و داها بسیط بریلان ترتیب ایتمکله اکثفا ایله مشلردی .

و - دوشونولسه - اسلاف حکمانک دها منتظم و معقول برتصنيف پلانی  
 تصور ایدمه مش اولمالرینی طبیعی و معذور کورمک لازمکلیر. چونکه اوزمانلر  
 علم پک ابتدائی برحالده ایدی .

clas. des  
 scien.

بوراده اسلافدن و اخلاف و معاصریندن انحق الک بویوک فیلسوفلرک  
 طرز تصنیفی عرض ایدم جکم . ذاتاً بویوچک بزجه الک زیاده حائز اهمیت  
 اولان جهتی بالذات تصنیف علوم ایسته لری و بلانلری دکل ، مبادی تصنیف  
 ایله علومک یکدیگریه علاقه منطقیه سنی افشا ایدن مناسبات حقنده آچیلان  
 مناقشه فلسفیه در .

اک اول معقول بر صورتله علومی تصنیف ایتک تشبثده بولونان فیلسوف  
 ( معلم اول ) لقیله عالمکیر بر شهرت قازانان ( ارسطو Aristotle ) اولمشدی .  
 مابعدالطبیعیاتی ، منطقی ، بسیقولوژی بی ، فیزیکی ، حیواناتی ، سیاسی ،  
 اخلاقی ، بلاغتی ، الهیاتی - اصولیه موضوعیه غایه سیله ! - معین برر علم  
 مخصوص شکلنه قویوب تدوین ایدن بوداهی البته ، بومسئله بی اونوته مازدی .  
 بوتون تاریخ فلسفه ده اونک قادار ( اصول پرور sjstématique ) بر فیلسوف  
 یوقدر ، ده یه بیلیرم . علومک یکدیگریله مناسباتی ده پک منطقی بر رابطه  
 هر ض ایدر .

ارسطونک تصنیفی دور اخیرک فاتحی صاییلان ( فرانسیس بی قن  
 Francis Bacon ) ، کلنجیه قادارده معتبر اولوب قالمشدی . بوفیلسوف اولان  
 معلومات بشریه بی بر قاج نوع اولمق اوزره تلقی ایدیوردی که ذاتاً استادی ( افلاطون  
 Platon ) ایله بوتون یونان اساتذه حکما سنجیه مقبول اولان فکریه اوندن  
 عبارتدی . اوده شسودر : بعضی معلوماتمز قطعی در ، هر تورلو شبهه دن  
 وارسته در ؛ چونکه بداهتیه وجدانه بر قناعت جازمه الهام ایدم بیلیر ؛ بونوع  
 معلوماته ( علم یقین connaissance certaine ) دیرز . ارسطو و دها  
 بر جوق یونان قدیم حکمایی بوتورلو علمه ( میسنی می = ἐπιστήμη  
 science = ) دیر ایدی . اودرجه قطعی اولمایان و یقین افاده ایدمه یین  
 معلوماته دخی ( ذوقسا = δόξα = opinion ) دیر ایدی . [connaissance  
 کله سندمه تفصیلاته باقیکنز ! . ]

بوتلردن ماعدا برده ( τέχνη = art ) وار ایدی که  
 olas. des  
 scien. همه حال مادی بر اثر وجوده کثیره بیلیمک قابلیتی ایله ممتاز اولان بیلگی در.  
 بز اوکا هنر دییورز . حکمای عرب بوتعیری (صناعت) لفظیله ترجمه  
 ونقل ایتشیلردر . عثمانلی ترکیه سنده (زناعت) کله سی اوندن غلطدر .  
 [ art تعیرینه باقیکنز ! ]

ارسطو ، بوتون علومک اساسلرینی تشکیل ایدن ( مادی اولی ) les  
 premiers principes ) یی ، بالخاصه متافیزیکک موضوعانندن عد ابتدکی  
 = la science des sciences = علومک علمی  
 = l'art des arts = صنعتلرک صنعتی و ( επιστήμη ἐπιστημῶν )  
 τέχνη τεχνῶν ) دیر ایدی . بناء علیه اعتقادنجه فلسفه بوتون علمی  
 حد ذاتنده شامل بر علم عمومی ایدی . حتی ارسطو الیهائی ، منطقی ، اخلاقی  
 پسیقولوژی یی فلسفه دن یک اوقادار آیرمیوردی . بوکون بیله - طبیی  
 یا کلاش ارلهرق ! - برچوق رسمی فلسفه خواجه لری بو علومه ( علوم  
 فلسفیه sciences philosophiques ) دیمکده و اویله جه تعلیم ایتیمکده  
 دوام ایدوب کیدیورلرکه - اولسه اولسه - بو اعتقادلریله حالا ارسطونک  
 تأثیرندن قورتوله مامش اولدقلرینی [ اثبات ایدرلر . science و philosophie  
 تعیرانه باقیکنز ! ]

ارسطونک تصنیف علوم بالائی فلسفه نک شعباته تقسیمندن عبارتدر .  
 احتمالکه بو حکیم یونانی نک فلسفه یی عمومی وشامل بر ( علم اعلا ) عد ایتش  
 اولماسی بوتلر تصنیفنده اساساً ذیمدخل بر اعتقاددر . شیمیدی مختصراً  
 عرض ایدهیم :

اولا ( حکمت = σοφία = sagesse ) یعنی فلسفه ایکی بویوک  
 صنفه آیریلیر : ( حکمت نظریه philosophie spéculative ) و ( حکمت  
 عملیه philos. pratique ) . بوتعیراتک طرز تلقی سی بوکونکنندن اساساً  
 فرقی اولماقله برابر صورتا براز باشقه ایدی : ارادات بشریه نک دائرة  
 نفوذی خارجنده قالان مواد و حادثاتی موضوع بحث ایدینن شعبه حکمته

ارسطو ایله برابر اسلاف حکما ( حکمت نظریه ) دیرلر ایدی ؛ چونکه ces. des  
scien. بویکی شیلر حقیقه انجق اعمال فکر ایتمکه قناعت ، ضروریدر . ( نظر ) کلهسی ده ذاتاً دوشونمک و محاکمه ایتمک دیمکدرکه بوکون فرنک لسانده اصطلاح اوله رق بکن ( spéculation ) تمیزی اونک تماماً معادلی در . اقتدار بشرک تعلق ایده بیلدیکی مواد و حوادثی موضوع بحث ایدینن شعبة حکمت ده ( حکمت عملیه ) ده نیلیر ایدی . بویکی بویوک شعبة دخی ( تقسیمات ثانیه divisions secondaires ) به تابع طوتولمش و اولردن هریری اوچر شعبة داها آیرلمشدی . حکمت نظریه نک شعباتی شونلردر :

برنجیسی ( علم الهی théologie ) درکه ( مبدأ اول premier principe ) ،  
( اول الاوائل archée ) ، ( مسبب الاسباب یعنی علت اولی la cause première و la cause des causes ) ، ( محرك اول le premier moteur ) ، ( عقول و نفوس les intelligences et les âmes ) کچی ( جواهر غیر مادیه و موجودات غیر جسمانیه êtres non - corporels ) و ( substances immatérielles ) دن بحث ایدر . [ بونمیرانه باقیکز . ]  
بوشیلر ، بوکون مابعد الطبیعیات دن بیله چیقمش و بر قسمی خرافاته قاریشمش ،  
دیگر بر قسمی ده ( علم کلام و الهیات ) دأثره سنه انتقال ایتمشدر .

ایکنجیسی ( علم ریاضی ) دره . بوده او یله شیلری بالخاصه موضوع بحث ایدرکه اونلری عقل ، ( ماده دن مجرد اوله رق faisant abstraction de la matière ) تصور ایده بیلیر ؛ فقط عالم حادثاته موجودیتلری انجق ماده ایله اجتماعلرنده تحقق ایده بیلیر . عدد ، کیمت ، ابعاد ، اشکال هندسیه کچی ! . بویکنجی قسمده درت فن واردر :

( علم هیئت astronomie ) ، ( علم هندسه géométrie ) ، ( علم حساب arithmétique ) ، ( علم موسیقی la science de la musique ) .  
براز ایلریده هر ض ایده جکم و جهله بو علملر بوکون باشقه باشقه صنفلره و شعبة لره داخدر . موسیقی نک واقعا ( حکمت طبیعه physique ) به تعلق ایدر بعضی حادثات و قوانین ایله علاقه سی اولقله برابر ، علوم دن محدود

دکدر؛ صنعتدر، هم ( صنایع نفیسه beaux-arts ) نك اك ممتازی در .  
 فقط یاقین زمانه قادار اوصنعی حکمتدن بر ( فن ) عد ایدرلردی. [ موسیقی  
 فنی ده حکمتدندو . ] ده ین عثمانلی شاعرینک شو ادا حسنه باقیلیرسه بک یاقین  
 زمانلره قادار ارسطو تصنیف علومنک بزده دخی علی العموم و بلا تنقید معتبر  
 طو تولش اولدوغنده شبه قالماز .

( ریاضی ) تعبیرینه کلنجه ( تعلیمی = mathématique ) مناسنه  
 موضوع اولان ( مانی ماتی کی = μαθηματική ) لفظ یونانی سندن ترجمه  
 ایدلمشدر . [ تعبیرات اصطلاحیه به باقیکنز ! ]

اوجونجیسی ( علم طبیعی science naturelle ) در . بونک موضوعی ده ،  
 موجودیتلری ، ماده دن آیری اوله رق تصور ایدیه مه ین بالمله اشبادر ؛  
 شوتعرفه کوره تکمیل مادیات و ( اشبای مشخصه les choses concrètes )  
 بوشبیده داخل وانجق اولنر داخل اولق لازمکیر .

حکمت عملیه نك ینه اوج شجه دن عبارت ارلان اقسام قالیسه ده  
 بوجه آتی در :

برنجیسی ( علم اخلاق = l'éthique = ἠθικά ) در . [ éthique  
 کله سنه باقیکنز ! ] جمیت ایچنده یاشان بر انسانک - شخص واحد اولق  
 حیثیتی ایله - عهده سنه ترتب ایدن وظائفدن بحث ایدر . بوکون بز بوکا  
 ( morale individuelle ) دیرز .

ایکنجیسی ( علم تدیر المنزل = économie = τὰ οἰκονομικά )  
 ( domestique ) در که انسانک بر ( طائله famille ) اعضاسندن اولق اعتباریله  
 وظائفنی تعین ایتمکله برابر اداره یتیه قاعده لر یخده تبع ایدر .

اوجونجیسی ( علم تدیر المدینه = la politique = πολιτικά )  
 بولی قی ( ) در . بوتعبیر لسان یونانی ده ( مدینه ) یعنی ( شهر ) مناسنه  
 موضوع اولان ( پولیس = Polis ) لفظندن آلمشدر . ارسطونک بر  
 علم معین ومستقل اوله رق تلقی ایتدیکی بو ( فن ) ک موضوعاتی تحلیل ایدیلیرسه  
 کورولور که بوکون آیری آیری علملر تشکیل ایدن بر جوق علومی - طبیعی



غایت ابتدائی برحاله ! - شاملدر . اولاً سوسیولوژی بونده داخلدر .  
 (اخلاق اجتماعی morale sociale) به دائر مهم برشی یوق . فقط فن  
 اداره ، سیاست داخلیه و خارجیه هب (نوه nouveau) حالنده بوراده  
 موجوددر . الی آخره ..

clas. des  
scien.

بزم اسلام حکماسی تماماً و عیناً بونصیف علوم پلانی قبول. ایتمشلدردر.  
 عثمانلی علمای قدیمه سنک اعظمندن و سلیمان قاتونی رجالدن مشهور (قینالی  
 زاده علی) اقدی مرحومک اخلاق علائی نامیه معروف اولان اثرنده برنجی  
 باب علی الاطلاق علمک و حکمتک تعریفی ایله باشلیور . (ذاتاً بو کتاب اخلاق  
 جلالی و اخلاق ناصرینک همان عیناً ترجمه سندن عبارتدر . جلال دوانی نک  
 ونصیرالدین طوسی نک معهود اخلاق کتابلری ده همان تماماً ارسطونک  
 éthique ندن مقتبسدر .)

قینالی زاده فلسفه نک تعریفنده خواجه نصیرطوسی نک ارسطودن عیناً  
 اقتباس ایتدیکی سوزلری شو و جمله نقل ایدوب حکمتک تقسیماته کپیشیورکه  
 - برکوروشنده آکلاشیله جنی اوزره - یوقاریده کی تصنیفک عینی در .

[ حکمت ، موجودات خارجیه نفس الامرده نه حالده ایسه فی احوال  
 اوزره بیلیمکدر . ولکن طاقت بشریه وفا ایتدکه و قدرت انسانیه ده ممکن  
 اولدوغی مقدار ! بوتعریف ، نفس عمله شامل دکل ؛ و عمل ، بوترسیم  
 مقتضاسنجه حکمتده داخل دکلدر . (یعنی بوتعریفه کوره بالذات اعمال بشر  
 بوتقسیمدن خارج قاللیور ، دیمک ایستیور ! ) بومذهب ، صوب صوابه  
 یقین و مقبول عامه محققین در اما ، بمضی حکما حکمتی تعمیم و عملی دخی  
 درج ایدوب بووجه اوزره تقسیم ایلدیلرکه حکمت ، نفس انسانیه ده علم  
 و عملک حصولی و نفس انسانیه نک بویکی جهندن کمال مُعتدابه اولان مرتبه به  
 وصولی در . نته کیم خواجه محقق ، ( کتاب اخلاق ناصری ) ده تصنیف  
 و حکمتی بووجه اوزره تعریف بویوردی که : حکمت ، اشیا بی - لایق نه ایسه  
 اوپله - بیلیمکدر ؛ و افمالی - لایق نه ایسه اوپله - قیلمکدر . چون تعریف  
 مفهوم ، و آنده واقع اولان اختلاف معلوم اولدی ، پس بوجانبدن رجوع

clas. des  
scien. ، وتقسیم حکمت اینکمه شروع ایده لم : تعریف حکمتده مذکور اولدی که ، موجودات خارجی بی بیلمکدر وشول اشیا که موجودات خارجیہ کا اسمدر ، نفس الامرده ایکی قسمدر . قسم اول اولدر که آنک وجودنده بزم قدرت وارداتمزک اصلاً مدخلی یوقدر . زمین وآسمان واشخاص انسان وحیوان کیہ ! . قسم ثانی اولدر که آنک وجودنده بزم قدرت وارداتمزک مدخلی مقرر وآنلرسز ( یعنی اونلر اولمادقہ دیمک ایسترا ) وجودی نامیسردر . بزدن صادر اولان افعال وحرکات وعمال کیہ ! . ( آکلاشیلور که قینالی زاده افعال واعمال بشریہ بی اشیا ی خارجیہ قیلندن عدا یتشدر . ) پس حکمت ، اوکا متعلق اولان موجودات خارجیہ نک ایکی قسمه انقصاصی ایلہ ایکی قسمه منقسم اولور . . . . . قسم اول ، بزم قدرت وارداتمزک مدخلی اولماین موجودات خارجیہ دن بحث ایدر ؛ اوکا حکمت نظریہ دیرلر . زیرا طریق تحصیل بحث ونظره منحصردر . پس طریق تحصیانه نسبت اولونوب حکمت نظریہ دینلمکله مشتردر . قسم ثانی که بزم قدرت وارداتمزک مدخلی مقرر وآنلرسز وجودی میسر اولمایندن بحث ایدندر ، اکا حکمت عملیہ دیرلر ؛ کیفیت عملدن بحث ایتدیکی ایچون عمله نسبت ایدرلر . . . . . الی آخره . . . ]

صوکره داها ایلریده :

[ حکمت نظریہ دخی اوج قسمدر . . . . . اولکیسی اولدر که خارجهده وذهنده ماده جسمیہ دن - که هیولی دیدکلری اندن عبارتدر - مستغنی اوله . مبدأ اول جتل ذکره ( یعنی الله ! ) وعقول ونفوس مجردہ کیہ که اوساخ ماده وطبیعتله نامدُتس وادناس هیولی وجسمیہ دن مقدسلردر ، ( یعنی مادہ نک وطبیعتک وجسمایتک یسلکلرندن مطهر ومنزه اولان عقول ونفوس فلان دیمک ایستیور ! ) انلردن بحث ایدن علمه که حکمت نظریہ نک بر قسمی در ، علم الهی دیرلر ، وعلم اعلا دخی بر اسمی در . . . الی آخره . . . ]

[ ایکنجیسی ذهنده ماده دن مستغنی اما خارجهده اکا محتاج اولاندر . هیئات کُری وتثلیث وتربیع کیہ که خارجهده ماده معین ، مثل سَنک

و آتش و آهن ، اولماینجه موجود اولمادینی روشن در . اما ذهنده جمیع مواد معیندن غافل و ذاهل بر شکل مدور و یا مثلث و مربع ملاحظه ایتمک ممکن و قابلدر . و بومقوله موجوداتدن بحث ایدن علمده ، علم ریاضی و علم اوسط (scien. intermédiaire) دیرلر ؛ زیرا حکمای اقدمین اطفال مبتدئین زمره سنه (ریاضت اذهان gymnastique intellectuelle) قصد ایدوب — علم الهی به اعتدای ایتمک ایچون — بو علمله ابتدا ایدرلردی . بوعلمک مسائلی حله یقینه (certaine) و دلالتی قطعیه (précis) اولمغه شک و ظن انده داخل ، و وهم و شبه اکا و اصل اوله ماز . مبتدینک طبیی یقین محضه معتاد و مألوف اولوب (یعنی هب بویه قطعی و یقینی دلیلله آلیشوب ، دیمک ایستور ! ) علم الهی و طبیی ده دخی ظنه قائل اولمایوب طلب مین ایتمک مشغول و مشغوف اولور ، (یعنی بدیهی و قطعی دلیلله طلب ایتمکله مشغول اولور و بوطرزه استدلالدن ذوق آلیر ، دیمک ایستور ! ) دیرلردی . . . . . الی آخره . . . . . و بوعلم ریاضی دوت قسمدر : حیثات ، هندسه ، حساب و موسیقی .

بوندن زیاده نقل و اقتباسه حاجت یوق ؛ یوقایدن بری ویردیمک ایضاحاتی کوزدن کچیردکن مکرر قینالی زاده مرحومک شو ملاحظاته باقینجه آکلاشیلیرکه بوتون بوممولومات بویه قلاسیق برشکلده سقولاستبق فیلسوفلر بیه برابر بزه دخی ارسعلودن عیناً انتقال ایتمشدر . او زمانلر فی الحقیقه اک معقول و معتبر تصنیف علوم بلانی بو ایدی . فقط بومسئله دخی برچوق امثالی کیمی متخصصینک شدله مراقفی جلب ایتمش اولدینی ایچون — صلاحیتلی صلاحیتسز — برچوق کیمسه لر ، غندی و یک غریب تصنیفلر وجوده کثیر مشلدر . بونلرک جمله سندن آیری آیری نمونه لر ویرمک احتمال خارجنده دره . یالکیز بزده یکه یاقین بر زمانه قادار حالا او غریب تصنیفلرک معتبر طوتوله . بیلیمش اولدوغنی اثبات ایچون ایکی مثال ویرمکله اکتفا ایده جکم .

عثمانی عرفاننده و علمای اسلافز میاننده برنجی درجه ده مهم بر موقع اشغال ایدن قینالی زاده مرحومی کمال حرمتله تقدیر ایدرز ؛ کندیشی یکی

clas. des  
scien.

برخی اختراع ویکی برسیستم وضع ایتمه مش ایسه ده - زمانه کوره - يك منور  
و عالم بر آدم ایتمش . دنياك الك بويوك فيلسوفلرينه اقتدا ایتمش . فقط  
اوندن چوق صوکره کلن مصنفلر بو خصوصلرده علی اقتدی بی رهبر اتخاذ  
ایتمه مشلر در . واقعا تصنیف علوم بمعنی ریاده سیله مراقلری موجب اولمش ،  
فقط - علمك حیثیت حقیقه سندن غافل اولان - بو آدملر ، تصنیف علوم  
نامنه ییتمز توکنمز تقسیماته قویولمشلر در که اوند هیهچ بریلان وهیهچ بر رابطه  
معموله یوقدر . قنون آره سنده ، اساساً ، حیثیتاً ، ماهیتاً موجود بولونان  
علاقه منطقیه مستند اولمایان تصنیفات مناسزلر در . الك اهمیتز جزئیاته قادار  
وارمقله پریشان اولور ؛ و اوکی جزئیات ایله ، اولنلرک تضمن ایده بیله چکی  
مسائله برحد ثابت تمینی مستحیل اولدوغی جهته بو پریشانلق ، قنونک  
عدداً حصری قابل اوله مایه جق بر راده یه وارده ییلیر ، او تقدیرده دخی اوله  
نا معدود و رابطه سز شعباتی شامل اولان بر تصنیفک موجود اولماسندن  
اولمماسی خیرلی در ؛ زیرا علمی - اجناس معلومانه کوره - بر دأثره منطقیه  
حصر ایده میه چکی کبی ، هر بری بر علم مخصوصک موضوعی اوله رق  
کوستریان قهرعات اموری ده قصر ایده میه جکندن ، شو ایکی محظور اساسی  
- بالذات تصنیفدن بکله نیلن فائده بی محو ایدر ؛ او حالده بویه بر تصنیف  
کندی لزوم سزلفی یوزندن ییقیلوب مضحجل اولور . چونکه تصنیف  
جزئیاتی تعداد و تفصیل دیمک دکلدر . بالمکس مرتب بر صورتده تلخیص  
ایده ییلمکدر .

شیمدی فنا و مناسز بر طرز تصنیفه بزده بر مثال هر ض ایدوب کچه جکم :  
( مخزن العلوم ) نامیه بر اثر وارکه بیک اوچوز سکز تاریخده  
استانبوله باصیلمشدر . طابعلری سرکز و محمد طاهر اقتدیلر - هر نه دئسه ؟ ! -  
بو کتابک انجق برنجی قسمی طبع ایتدیرمکه اکتفایه مجبوریت کورمشلر در .  
بو کتابک قرق اوچنی محیفه سنده :

[ صاحب مفتاح السعاده ، علمی صور مبسوطه اوزره تقسیم ایله دکن  
صوکره علومک اصول و فروعنی وجه آتی اوزره ذکر و تعداد ایله مشدر . ]

ده نيلد کدن صوکره اوجيوز آلتی نوع علم تعداد ابدیلورکه بونلرکه جمله سی - معقول ومنطقی بر تصنیف اصوله اتباعاً - درده ونهایت بشه ارجاع ایدیله بیلیر . هله بر مثال عرض ایده ییمده صوکره مقام تنقیدده براینکی سوز سویلرم . (فروع علوم عربیه دن معدود اولان علملره ) باقیکنز :

(۱) علم الامثال - (۲) علم وقایع الایم ورسومهم - (۳) علم استعمال الالفاظ - (۴) علم الترسل - (۵) علم الشروط والسجلات - (۶) علم الاحاجی والاعلوطات - (۷) علم الالفاظ - (۸) علم المعما - (۹) علم التصحیف - (۱۰) علم المقلوب - (۱۱) علم الجناس - (۱۲) مسامرة الملوك - (۱۳) علم حکایات الصالحین - (۱۴) علم اخبار الانبیا علیهم السلام - (۱۵) علم المغازی والسير - (۱۶) علم تاریخ الخلفاء - (۱۷) علم طبقات القراء - (۱۸) علم طبقات المفسرین - (۱۹) علم طبقات المحدثین - (۲۰) علم سیرالصحابه - (۲۱) علم طبقات الشافعیه - (۲۲) علم طبقات الخنفيه - (۲۳) علم طبقات الحابله - (۲۴) علم طبقات المالکیه - (۲۵) علم طبقات النحاة - (۲۶) علم طبقات الاطبا .

شیمدی شویکرمی آلتی علمک ماهیتی بردوشونه لم : علم الامثال ایله علم طبقات الاطباءک نه مناسبتی وار ؟ نه علاقہ سی وار ؟ .. علم استعمال الالفاظک ویاخود علم شروط وسمجلاتک بوکا وحتی یکدیگرینه نه تعلقی وار ؟ .. ایکنجی نومروده کوستریلن (علم وقایع الایم ورسومهم) - اگر معناسنی ایجه آکلایه بیلیمش ایسه م ! - هم اتنوضرافییه ، هم سوسیولوژییه ، همده تاریخنه تعلق ایدر وقایعی جامع برخلیطه عجیبه اوله جق که بونی ، بوکونکی معنای اصطلاحی سی ایله ( علی حده بر علم ) عد ایده مه یز . فقط اولیه عد ایتمک ممکن اولسه بیله ، نه دن بو علم ، علوم عربیه دن معدود اولسون ؟ ! بوراسنی تعریف ایتمک پک قولای دکلدرد . وقایع ورسومه مالک سائر امتلر یوقی ؟ .. صوکره علوم عربیه دن عد ایدیلن بوتون بومعلوماتک علم الفاظ ( یعنی بیلیمجه علمی ) و علم معما و علم جناس ایله مناسبتی واونلره طوقونور یری نه در ؟ . ( علم مسامرة الملوك ) اسکی زمان حکمدارلرینه بیک برکیجه

clas. des  
scien.

ماصالاری سویاه مک معرفتند عبارت ایسه ، بو طرز تلقی ، علمی نه تحف  
بر حیثیله آکلایشدر ؟ . هله ( علم اخبار انبیا علیه السلام ) بو صیره ده می ،  
یوقسه تاریخ . مقدسه می اخذ موقع ایتمک لازمکیر ؟ . .

( طبقات قُرّاء و محدثین و شافیه و خنفيه و حنابلة و مالکیه و نحاة و اطبا )  
عنوانلریله ذکر ایدیلوب برر علم مستقل کیی کوسترلمک ایسته نیلن مبحثلر  
تراجم احوالدن عبارتدر . بوتون دنیانک مشاهیرینه دائر یازیلان تراجم  
احوال بر آرایه کتیریلوب تدوین ایدلسه ، بو کون اوکا - معنای اصطلاحیسی  
ایله - ( علم ) دییه مه یز . صوکره بعضی علملر وارددر که بو کون شارلا طائلقدن  
ویاخود اثر جهل و غفلتدن باشقه برشی عد ایدیه من . ( علم سحر ) کیی ! . .  
مع مافیه بو غریب تصنیفده علم سحره - بالطبع - بویوک بر اهمیت ویرلش  
وتقرعانه وادنیجه قادار ، تفصیل اولونه رق آیری آیری علملر صایلمشدر .  
شو فهرست ، مثلاً ، شایان دقتدر :

( فروع علم سحر )

( ۱ ) علم الکهانة . - ( ۲ ) علم النیرنجیات . - ( ۳ ) علم الخواص . - ( ۵ )  
علم العزایم . - ( ۶ ) علم الاستحضار . - ( ۷ ) علم دعوة الکواکب . - ( ۸ )  
علم القلقطیرات . - ( ۹ ) علم الحفاء . - ( ۱۰ ) علم الحیل الساسانیه . - ( ۱۱ )  
علم کشف الدک . - ( ۱۲ ) علم الشعبذه . - ( ۱۳ ) علم تعلق القلب . - ( ۱۴ )  
علم الاستعانه بخواص الادویه .

بوراده ( بوکوجی لک ) معرفتک تکمیل لوازمی کورمه بیلیرز . قرون  
وسطاده بونلر برر علم ، هم اک معنا ویوکسک برر علم صایلیردی . کتب  
مقدسه ( سحر ) ایساندینی ایچون اوکا متعلق اولان علومک حقیقتی انکار  
ویاخود حیثیتی تحفیف ایتمک کفرک اک عفر اولونماز مرتبه سی عد اولونور  
واریابی احراق بالئار ایدیلیردی . دور انقباه علماسی جانلری - مدهش  
المارله - فدا ایدمک انسانیتی بو مضر و باطل عقائدک تحکمندن کوچ بلا ایله  
قورتاره بیلدیر . [ humanisme تعیرنده تفصیلاته باقیکنز ! ]

قرون وسطا خرسیتان عالندن مثال کتیرمیورم ؛ عینی در . خرسیتانلقله  
مسلماناق بو خصوصده ذره قادار فرق کوسترمه مشدر . یالکنز بفرق وارسه

اوروپا بوسفالت ذهیندن قورتوله‌ی بش عصردن زیاده اولویور، حالبوکه clas. des  
scien. بزحالا قرون وسطا ذهینتده مصرانه دوام ایتکده بولونویورز. (موضوعات العلوم) نامیه مشهور اولان کتاب بوکا برکوزل مثالدر. ایکی بویوک جلد تشکیل ایدن بو اثر بوندن برقاج سنه اول استانبولده طبع ونشر ایدلش بولوندوغی ایچون طلاب علم آرمسده اونک اسمنی ایشیتمه‌ین یوق کبی در. عثمانلی علمای مشهوره‌سندن (طاشکوپری زاده) بوکتانی محضا تصنیف علوم مقصدیه یازمشدی. طبیعی چوق زمان اول یازلش اولان بو اثر، تماماً (سقولاستیق) در. [scholastique کله‌سنه باقکیزا.]

اوراده دخی تقسیمات علومه نهایت یوقدر. او برعثمان که ایچنه دوشن بوغولور، چیقماز. ذکر ایدیلن علوم نامعدوده آرمسده رابطۀ منطقیه اولمادینی کبی، علم تعیریده اصطلاح معناسیله ممتاز برحیتیق حائز دکل. چونکه (علم ملاحظ) یعنی کمیه‌جیلک، (علم سیاحت) یعنی یوزمک دخی خصوصی بر (علم) عد ایدلشددر. معرافیه اورده‌ک یاوروسی انسانلرک علامه‌سندن این یوزمک بیلیر. حالبوکه بونلری طاشکوپری زاده هندسه شعبه‌سک فروغندن اوله‌رق کوسترمشدر. شوقدیره کوره هندسه علمی بزم کبی آکلامادینی اشکاردر. صوکره (البسه‌لردن لکه چیقارمق) وداها بویکی عجیب شیلردخی مصنف مرحومک اعتقادنجیه برر علم معین تشکیل ایدیور. بونلری تفصیل ایده‌جک دکل؛ چونکه بوکون زحمتنه دکیز. یالکیز بر مهم نقطه وارکه شرح و تعریف ایتکه بورجلویم:

بویکی تصنیفلرده کوردوکیز خرابته سبب نه‌در؟ ..

بوکا سبب (علم) کله‌سک معنای لغوی سی ایله معنای اصطلاحی سی آرمسده‌کی فرقه رعایت ایتمه‌کدر. (علم) لغتده بیلیمک، لاعلی التمین بیلیمک ده‌نیلیر. اوحالده برشی بیلیمکده علی‌الاطلاق بر علمدر. مثلاً تحتیه جلا اورمق، آغاچلره آشی یایمق ویاخود برخطاطه لازم اولان ادواتک (مثلاً قلمتراش، مقطع، لیف، مرکب الخ) نه کبی شیلردن عبارت اولدوغی بیلیمک، البته برشیلر بیلیمکدر. نته‌کیم بوده. ذکر ایتدیکم تصنیفده باشلی

باشه بر علم اوله رق کوسترلمشدر وداها يك جوق امثالی ده واردر که تعدادینه لزوم کورمه دم .

بوتورلوبیلکی لره - اصطلاح معناسیله - علم ده نیله مز . او یله بیلکی جله ده بوکون عالم دیمک طوغرو اوله ماز . عکسی تقدیرده عالم ایله جاهل آره سنده امتیاز اولماز و فرق قالمادزی . چونکه هرکس حدینه کوره بوکپی شیلردن برشی بیلیر . [ science ايله connaissance تغییرلرینه باقیکنز . ]

برایکنجی سببده - ظن ایدرسه م - برعلمه خاصه موضوع بحث اوله جق حادثات طبیعی نك جنسیت اعتباریله قطعی بردائرة خصوصیت ارجاع و حصر ایدیلوب لایقيله تعیین اولونه مامسیدر . یوقاریده عرض اولنان فهرستلرده تاریخه ، بلاغه ، سیر و تراجم احواله ، اتنوگرافی به متعلق اولماسی لازمکن تورلو تورلو معلوماتك علوم عربیه زمره سنه ادخال ایدلمش اولماسی بودعوایی يك كوزل اثبات ایدر برمثالدر . اسکی زمانلرده معلومات ، شیمدیکنه نسبتله يك آزدی و او قدار تنوع اولماقوله برابر يك مشوش و ترتیبسز ایدی . قرون وسطا مؤلفاتندن هر هانکیسنه باقیلیرسه مابعدالطبیعیاته ، طبه ، الکیمیاه ، سحره ، ( آسترولوژی astrologie ) به ، تصوفه ، هندسیه ، فیزیولوژی به عائد اولماسی لازمکن - اگری طوغرو - برجوق معلوماتك قارماقاریشیق برخایطه سندن باشقه برشی کورولمز؛ حتی آره به شعرو مناقبده قاریشیدرلمشدر . اسلاف - بر درجه به قدار - بونده معذور ایدیلر ؛ چونکه طبیعتی تحلیلی برنظرله مشاهده خصوصنده هنوز ممارسه صاحبی اولمادقلری کبی ، ساحه مشاهده بی توسیع و تجاربی اصلاح واکال ایدن وساطه دخی مالک دکل ایدیلر . آلات فیه مفقود ایدی . ایشته اونك ایچوندركه جوق دفعه لر شابی شکر ظن ایتشلر و اوندن طر لایي یا ککش ، عندی و فضولی تصنیفلر یا بمشدردر . مثلا میقرو سقوب اولمادجه ( سونکر éponge ) ك و یاخود ( مرجان Corail ) ك معادن ، نباتات و یا حیوانات صنفلردن هانکیسنه داخل اولماسی لازمکه چکی قولایلقله کسدریله مز . نته کیم ( میکروبیولوژی microbiologie ) ، ( تشریح مرضی anatomie pathologique ) ، ( انساج hystologie ) ،



( مبحث جنین embryologie ) کپی شعبات علمیہ تعین ایدہ من . بر علمک clas. des  
scien.  
موضوعات و موادینی تصنیف خصوصندہ دخی اویلہ در . مثلاً کیمیادہ  
عناصری معقول بر صورتندہ تصنیف ایدہ بیلیمک ایچون ( تحلیل طیفی  
analyse spectrale ) یی نظر اعتبارہ آلامق ممکن دکلدور . الی آخرہ .! .  
ہلہ هیچ اونوتولاملی درکہ بر علمک بالخاصہ موضوعنی تشکیل ایدہ جک  
اولان حادثات نہ قادر ( معضل complexe ) ایسہ اودر جہدہ تحلیلی بر  
صورتندہ ماہیتہ افتاد نظر ایلہ او حادثاتی تتبع ایتک اصولاً بر شرط اساسی در .  
بر حادثہ نہ قادر معضل ایسہ تصنیف ایچون البتہ او قادر وجوہ نظر ہر ض  
ایدہ بیلیر . ہانکی نقطہ نظر دن ونہ وجہلہ اولورہ بر ترتیب ویرملی درکہ تصنیف  
— تعبیر معروفجہ — ( افرادی جامع ، اغیارینی مانع ) اولہ بیلسیسن ؟ . بو  
سوالہ جواب ویرہ بیلیمک ایچون اجناس حادثاتی ، ہان ہر وجہلہ تتبع وتدقیق  
ایتمش بولونمق کرکدر . شئونات علمی عرض استدکری وجوہ مختلفہ نظرلہ  
تلقی ایدیش اہم امور دندر . زیرا اوصاف مشترکہ و عمومیہ لرینہ کورہ  
موضوعات علمی اجناس وانواعہ آیرہ بیلیمک بوتقیداتہ وابستہ ومحتاجدر .  
واقعا علمای اسلام ، بو کیفیت مہمہ یی یک ای آکلامش و ( تمایز العلوم  
بتمايزالموضوعات ) دیمشدر . فی الحقیقہ اویلہ در . انجق موضوعاتک تمایزی  
ایلہ علوم تمایز ایدہ بیلیر . فقط بونی تحقیق ایدہ بیلیمک — ہان شمدی ایضاح  
ایتدیکم وجہلہ — تحلیلی برتبسج ایلہ اولور . اوکادہ یالکز ذکا دکل ، مادی  
برجوق آلات ووسائط دخی ایستر .

یونان قدیم حکماصندن بر ایکی داهی\* خارق العادہ استنا ایدیلیرسہ ادعا  
اولونہ بیلیرکہ دور جدیدہ کلنجہیہ قادر ، اسلاف ، خصوصاً قرون وسطی  
علماسی ( روح علم l' esprit de la science ) دن اولدجہ غافل ایدیلر .  
یک نظرندہ بر ہرج ومرج وقوعات و بر کرداب تصادفات کپی کورونن  
حادثات عالمہ بر ( اطراد uniformité ) ، بر ( انتظام ordre ) کشف  
ایدہ بیلیمک وبوآہنک عمومی یی اسباب قویعہیہ ربط و اسناد ایلہ تعریفہ یول  
بولق علمک روحی در . ( مبدأ علیت principe de causalité ) دلالتیلہ

قوانین طبیعیہ کو نڈن کونہ انکشاف ایدیور ، و او قانونلر آردہ سندہ کی روابط  
تعیں ایتدکچہ آھنک کائناتک پلانی دھا زیادہ وضوح و صراحتلہ ترسم ایدیور ،  
وعاقبت انساندہ اولیلہ بر اعتقاد قوم و جازم حاصل اولویور کہ قوانین طبیعیہ فوقندہ  
بر حادثہ مستثنائک احتمال وقوعہ اینانہ بیلیمک امکانہ میدان بر اقیور . بناء علیہ  
( خارق عادہ (l'extraordinaire) ، یعنی (ما فوق الطبیعہ le surnaturel)  
بر حادثہ اینانہ بیلن کیمسہ لرنہ قادار چوق او ورسہ اولسون روح نلم - تعبیرک  
بو کونکی حیثیت معناسیلہ - خارق عادہ یہ اینانہ میور . حالبوکہ قرون وسطا  
علماسنک همان بلا استننا جلہ سندہ وبالذات علمندہ بر اعتقاد قصوری اواردی .  
اونک ایچوندر کہ علم جفر ، قرطاسیہ ، علم دعوت الجن ، علم خواص الحروف ،  
علم سحر و دھا بویلہ بر سوری سار لاطانلقلری زمرہ علومدن عد ایدرلر  
واونلرک احکامنہ اینانمقدن بر تورلو قور تولہ مازلردی . عالم اسلامدہ فلسفہ  
تاریخنک حقیقتاً واضع ومؤسس اولان و بوتون عالم مدیتدہ دھات نادرہدن  
اولمق اوزرہ معروف بولونان ابن خلدون کیبی بر آدم بیلہ - اوفوق العادہ  
قدرت مشاهدہ سنہ رغماً - بو کیبی صاحجہ شیلردن بحث ایتمش واونلری علوم  
صیرہ سندہ تصنیف ایلہ مشدی . کذلک فلسفہ دہ دور جدیدک فاتحی و (اصول  
تجربیه methode experimentale) نک بمحق واضعی اولان فیلسوف شہیر  
(فرانسیس بی قن Francis Bacon) دخی بویلہ شیلرہ اینانیردی . بناء علیہ  
قرون وسطایی اطلایوب (بی قن) زمانہ کلہ بیلیرز . زیرا فلسفہ تاریخنڈہ  
دور جدید ، اوفیلسوفک اصولدہ ایقاع ایتدیکی انقلاب افکار ایلہ باشلار و اوکا  
کلنجیہ قادار آدام عقلی بر تصنیف علوم یوقدر . قرون وسطا مدرسہ لرنڈہ  
رسمی بر پروگرام قبول ایدلمشدی ؛ اونڈہ (صناعات سبعہ arts liberaux)  
نامیلہ یدی علم او قوتولور ایدی . [ بوتعبیرہ و trivium ایلہ quadrivium  
کلہ لربنہ باقیکز ! ]

قرون وسطا عرفانہ فارشی - بر نیت تجدد پرورانه ایلہ - جتدی بر  
جہاد آجان و موفق اولان (بی قن) ، بالخاصہ (اصول تجربیه methode  
experimentale) یی تأسیس و ترویجہ موفق اولدینی کیبی بردہ معقولہ

بر (تصنیف علوم) پلانی یا پمشدی . بو مسئله ایله متوغل اولان فلاسفه معاصرین او انکلز فیلسوف مشهورینک تصنیفی بر مبدأ تاریخی اتخاذ ایده گلشدر ، حالبوکه - یوفاریدن بری ایضاح ایندیکم وجهله - اوندن چوق اول علمی تصنیفه چالیشانلر اولمشدی . (سقوجیا Ecosse) ده (آبردین Aberdeen) دارالفنونی معلمیندن و مشهور فلاسفه معاصریندن پروفیسور (آلکساندر بهین A. Bain) ، نشر ایتمش اولدینی (منطق) کتابنده بو بحثک بر تاریخیچه سنی یا پمیش و بالخاصه (سپنسر Spencer) ک تصنیفی تنقید ایتمشدر . پروفیسورک ادعاسنه کوره الک اول تصنیف علوم ایچون بر پلان دوشون (بهی قن) اولمشدر .

olas. des.  
scien.

(بهی قن واقعا بر (اصول méthode) طوتمشدی : اولا معلومات بشریه یی (تاریخ histoire) ، (فلسفه philosophie) و (شعر poésie) نامیه اوچ بیوک صنفه آیرمش ، و بو تقسیمی (ملکات عقلیه facultés intellectuelles) میاننده باشلیجه اوچ قوته اسناد ایتمک صورتیه بسیقه ولوژی به توفیق ایتمک ایسته مشدر . بونلرده (حافظه la mémoire) ، (عقل و نظر la Raison) و مخیله (l'imagination) در . ایسته بو ملکاتک هر بری - صیره سیله - تاریخ ، فلسفه و شعرک منبعی و مستند الیه در . تاریخ حافظه محصولی در ؛ و (وقوعات مشخصه = faits individualisés = individualised facts) ایله مشغول اولور ، یعنی معین و محقق وقوعات ایله اوغراشیر . فلسفه ، عقلک محاکمه سندن موغتمشدر ، یعنی (ملکة نظر faculté de spéculation) محصولی در ؛ و او مواد ی یعنی حادثات و وقوعات تصنیف و (اعمال élaborer) ایدر . مخیله نك محصولی ده شعر و بالجله موهومات و مخیلاتدر . تاریخ ده حادثات ، کاهی (یعنی حد ذاتنده ناصل ایسه لر او یله جه ! .) تلقی ایدیلیر . فاسفده ینه او یله جه فقط مرتب و منتظم اوله رق نظر اعتباره آئیر . شعرده ایسه ایش تماماً عکسنه در : اشیا و وقوعاتک خیالی ووهی صورتلرندن بحث اولونور . ایسته (فرانسس بهی قن) ک تصنیفنده اساس بودر .

آ کلاسیلیورکه بوانکلز حکیم مجددی بوتون معلومات بشریه یی اوچ

نوعه حصر ایده رک تاریخ، فلسفه و شعر نامریله آید برکن تصیرات مذکورہ بی  
پک واسع معنای ایل قبول ایتش اولق کرکدر. فضله اوله رق محاکمہ نک  
کرک تاریخ، کرکمه غیلا تده قطعاً دخلی اولمادیغه قناعتی ده - ضمناً اولسون -  
هرض ایتش بولونویور. بوجه تلی تنقید ایتمه دن کچمه یز. بناءً علیه برایکی  
سوزله ماهیت مسئله بی توضیح ایتک لازمدر.

اصلی فصلی اولمایان، (امور صحیحہ و ثابتہ و positifs و faits exactes) دن  
معدود بولونمایان بالجله موهمات و خیالاته اوروپالیر بعضاً (شعر) دیرلرکه  
(خیالات fictions) مناسبه تلقی ایدلمش برسوزدر. نته کیم بزده اوپله دیرزه.  
بو تقدیرجه (اساطیر mythologie) و بوتون پری پادشاهی ماصالاری بو  
تعییرک شمون مناسبده داخل اولدوغی کیبی مثلاً افلاطونک (اداره جمهوریه  
la Republique) سی؛ (ژان ژاق روسو J. J. Rousseau) نک (معاهده  
اجتماعیه contrat social) سی، ودها بویله (اتوپیا Utopia) نوعندن  
اولان برچوق تصورات غریبه دخی (شعر) دن معدود اولق لازمکلیر.  
ایشته (بهی قن) شعر تعبییری بو انکین معنا ایلہ تلقی ایتشدر. حالبوکه  
بوکونکی اصطلاح مناسبله شعر محضا و هییات و خیالاتدن عبارت دکلدر.  
شعردہ قوه خیالیه نک، حتی واهمه نک زیاده سیله دخلی اولدوغی بوکونکی  
(مستہ تیق esthétique) نظرندده مسلم بولونمقله برابر شعر (هیجان  
بدیی emotion esthétique) مزک سوزله طرزافاده سی اولق اوزره تلقی  
ایدلمکدهدر؛ هیجان ایسه موهوم و خیالی برشی دکل، (بنلکمز notre Moi)  
ایلہ یعنی روحزله اک زیاده علاقه دار بولونان حادثات طبعیه و حقیقیه دندر.  
[بومهم بحثک مناقشه سی ایچون esthétique و emotion) تعییرلرینه باقیکنز!]  
فضله اوله رق موهوممانده بیله عقل و نظرك آرزوق دخلی اولدوغی  
محققدر. هله فن ماکنده (حرکت دائمه mouvement perpétuel)  
وهندسهده (دوت بعدلی مکان espace à quatre dimensions) تصویری  
کیبی غیلات صرفه واردرکه فوق العاده بر (قدرت نظر - pouvoir de spé-  
culation) محصولیدر؛ بناءً علیه محاکمه سز بویله تصورلره احتمال یوقدر.

مع مافیه (بهی قن) ك تعریفه كوره بوتون بو تصورات شعر نوعنده داخل  
 cal. des. scien.  
 اولق لازم کلیر واولددر. بونلر (ایده آل یعنی خیالی = idéal) شیلردر که  
 تحقیق ایده مه مسی بعضی اسبابه تابعدر. فقط هر خیال بوکون - معنای صحیح  
 واصطلاحیسی ایله - شعر صایله ماز.

کذلک تاریخی یالکز حافظه یه اسناد ایتک دخی اوقیلدن بر خطادر ؛  
 ویاخود عینی خطانک بر صورت دیکرله جلوه سی در . واقعا قیود تاریخیه  
 ضبطنده حافظه نك بردخی وارکه انکار اولونه ماز . فقط بوملکه نك خدمتی ،  
 ظن ایتم که - حادثات تاریخیه یی ضبط وتنسیق ایدوب اولنره بر ترتیب ویرمک  
 امرنده ووترتیبیدن بر (معنا) چیقارمقده - عقل ونظرك ومحا که نك رولی  
 درجه سنده اوله بیلسین ؟! . بوکون بعضی آثار عتیقه کشف اولونویور ؛  
 صوکره او آثار دلائله بعضی علامات استدلال ایدیه بیلور . بوقادار معلومات  
 هنوز تاریخ دکدر . بو (معطایات données) ی ذهن تتبع ومحا که  
 ایدیور ؛ زمان اعتباریه تسلسل وقواتی تعقیب ایدره ک - اولجه مجهولمز  
 اولان - بعض حادثات مدنیه واجتماعیه دایر بر فکر ایدنیور . صوکره قیود  
 تاریخیه یی حسابه آلوب زمان ومکان اعتباریه بر چوق روایات وعنعنائی تصحیح  
 ایدیه بیلور . بو تحقیقات وبو استدالات سایه سنده بر طاقم وقوات سیاسیه  
 وحادثات اجتماعیه کسب اطلاع ایتش اولویورز که اولجه حافظه مزده اولنره  
 دایر براماره بیله موجود دکدی . بوکی (کشفیات تاریخیه) ده حافظه نك  
 رولی یوقدر ؛ بونلر صرف استدالات نتیجه سنده استخراج ایدیه بیلدیکمز  
 معلوماتدر . بناء علیه بوقیلدن بعضی معلومات تحصیل ایدینک ایچون محاکات  
 برنجی درجه ده خدمتی اولدوغنی انکار ایتک ممکن می در ؟ . معاصریندن  
 مورخ مشهور (پروفسور مومسن Pr. Momsen) ك (روما تاریخی)  
 هب آثار عتیقه تبماتیه استدلال وقوات ایدره ک (روایاته مستند بولونان  
 تاریخ histoire anecdotique) ك خطالری تصحیح اصوله توفیقاً  
 یازلمشدر ؛ یعنی باشند باشه محا که اثریدر . ذاتاً روایاتی عیناً قبول وضبط  
 ایتک بوکون تاریخ دیمک دکدر . بالخاصه (تنقید critique) ، تاریخده

clas. des  
scien.

وبلكه هر شیده اساسدر . تنقید دخی محاکمه دیکدر . ایش یالکز حافظه به  
قالسه تاریخنک علوم سائرمه قارشی مابه الامتیازی اولمازدی . اول امرده  
حافظه دن مستغنی قاله بیلن معلومات تصور ایدیه بیلیرمی که اولمکه یالکز  
معلومات تاریخنک خدمتکاری عد ایدیه بیلین؟! بر انسان اجاسنک  
اسمیرنی ، کندی لسانی ، پایدینی مابه جغنی انجق اوسایده ضبط و تخطر  
ایده بیلیر . بسیط بر حساب مابه بیلیمک ایچون بیله کرات جدولنی ازرله مش  
اولمالی در . فقط بویلدکی لره معلومات تاریخنه دهه بیلیرمی یز؟..

واقعا بویوک انکلیز فیلسوفنک شو تقسیمندم بر مبدأ اساسی تشکیل ایدن  
فکری باشقه بر معنا ایله تفسیر ایده بیلیررز ؛ اوسطو دخی ( معلومات تدریبه  
connaissance empirique ) و ( معلومات تاریخنه con. historique )  
تعبیر لرینی اصطلاح اوله رق قوللانش و ایکسینی بر معناده - یعنی تمیزات  
مترا فده دن اوله رق - قوللانشدی . ( ذات وقعه مائه معلومات la connais-  
sance du fait - même ) اوسطو ( تاریخی ) و یا خود ( تدریجی ) دبر ایدی که  
هر نه اولور سه اولسون ، بر شینک ( نه اولدوغنی = τὸ ὅτι ἐστὶ ) بیلیمکدن  
عبارت قالان علم ایدی . بوکا مقابل اولق اوزره دخی ( معلومات فلسفه  
conn. philosophique ) ، او شینک ( نیچون اوله اولدوغنی بیلیمک  
= Γνωσις διότι ἐστὶ ) مقصدینی تعقیب ایدن علم ایدی . [ بو بحثلر  
ایچون connaissance کلمه سنه باقیکز! ]

ارسطونک نفوذ عالمشولنی قیرمی وسقولاستیق عرفانه نهایت ویرمک  
غیرتی اوغورنده عمرنی صرف ایدن ( بی قن ) ، تقسیم معلومات خصوصنده  
ارسطونک بوسایق نظرنی قبول ایتمش فرض اولونسه بیله ینه ملاحظات  
واقعه سی نظر تنقیددن قورتوله ماز . اولابر شینک - هله بروقه تاریخنک -  
نه اولدوغنی بیلیمک محاکمه لزومندن هیچ بر وقت مستغنی قاله ماز . ثانیاً  
تاریخ - بوکونکی حیثیتی ایله تاریخ! - سلسله وقعاتنک جریانی تعقیب  
ایتمکله برابر ، اسبابی ده آرا ماز و کورمز دکدر . واقعا حادثات سیاسیة  
وتاریخنه دن بعضی عمومی وثابت قانونلر استخراج ایتمکله چالیشان ( فلسفه

تاریخ (philosophie de l'histoire) بر باشقه جه علم صایله مقدمه ایسه ده ،  
 (بالخاصه تاریخ (l'his. proprement dite) دخی بروقه مک (نواولدوغنی)  
 تحقیق ایتدکن صوکره (نیچون اویله اولدوغنی) ده دوشونور ، چونکه  
 اسبابی آراد ، حق (فرضیه hypothesis) لر ترتیب ایدر . بناءً علیه تنقید  
 و محاکمه دن فارغ و مستغنی اوله ماز . وظیفه سنده بوده داخلدر . الحاصل  
 نه تورلو معنا ویرلسه (بهی قن) ک بوتصنیفی تعریضات محقه دن قور توله ماز .  
 فقط بز بوفیلسوف مجددی و بوتون اسلاف کرامی معذور کورورز ؛ چونکه  
 اوزمانلر علومک ابتدائی برحاله بولونماسی حسیله غایه سی حدودی و اصولی  
 بوکونکی قادار معین و صریح دکل ایدی . لکن بوکون بوملاحظاتی قبول  
 ایدمه یز .

هرحاله ینه (بهی قن) ک تصنیفی یک بویوک بر اہمیتی حائزدر ؛ زیرا  
 بوفیلسوف مجدد ، مسئلہ یی لایق اولدوغنی درجہ جدیدتہ نظر تبقہ آلمش  
 و حلہ تشبہ ایتشدی . شکلاً بوکون - بالطبع - متروکدر ؛ چونکہ یا کلاشدر ؛  
 فقط نیتی بویوکدی . (Instauratio Magna) عنوانیلہ وجودہ کتیردیکی  
 عظیم القدر اثر ایله معلومات بشریہ ده جدی برانقلاب وقوعہ کتیرمک ایستوردی .  
 [علمک حیثیتی و ترقیسی حقندہ - of the dignity and advancement  
 of learning] و [کرۂ عقلیہ نک تعریفی - Description of the intellec-  
 tual globe] نامیلہ عالم افکار و معقولاتہ دائر یازدینی اثر لردہ بالالتزام  
 تصنیف علوم مسئلہ سی کمال اہمیتلہ تذکر ایتشدی . ذاتاً بویاکی اثر ، ایلک  
 اوکجہ ذکر ابتدیکم بویوک کتابک اقسامی تشکیل ایتک اوزرہ وجودہ  
 کتیرلمشدی .

هرنہ اولورسہ اولسون ، تصنیفی وداها برچوق آثاری ایسترسہ بوسبوتون  
 یا کلش اولسون ، شوراسی هر تورلو شہدن وارستہ درکہ بوتون بومہم  
 مسئلہ لری ، ہلہ فلسفہ و علمدہ (اصول méthode) مسئلہ سی - مستحسن  
 و مبجل برنیت تمجد پرورانہ ایله - اساسدن قورجالایان وقرون وسطا بناسنک  
 تملی صارصوب (مدرسہ اصولی la méthode scholastique) فی یبقان

Clas. des  
scien.

بوقوجه انكلز فيلسوفى اولمشدر ؛ — متعاقباً عرض ايدم جكم وجهله — بو تصنيف علوم مسئله سنده اخلاف طوغرودن طوغرويه اونك ايزنى تعقيب ايتشلر وياواش ياواش اصلاحات و تعديلات ايله بوكونكى پلانى چيزه بيلمشلردر. (بهى قن) ك البته قصورى واردر ؛ هم يالكنز تصنيف علومده دكل اعتقادات علميه و فلسفيه سنده واردر. زمانمزدن درت بحق عصر اول دوشونمش و اثر يازمش اولان بر آدمك البته قصورلى اولقى كر كدر. فقط اوراسنى اونو تاماملى كه قويدوغى اصول طوغرودر و بوكون حالا رهبر ترقى در ؛ برده اوزمان اونك فلسفه ده دوشوندوكى شيلرى احتمالكه هيچ كيমে خاطرينه كتيره مەمشدى. مشهور (ده قارت R. Descartes) بيله اوندن اوتوزيش اوتوز آلتى سنه صوكره طوغمشدر. بناء عليه ، بوكون بوتون فيلسوفلرجه مسلم اولدوغى اوزره (فلسفه تجريبه la philosophie expérimentale) نك پيرى و اصول جديدك واضى و مؤسسسى صاييلان (بهى قن) ك تصنيفده اساسلى تشكيل ايدن پلانى واضحاً عرض ايتك چوق فائده ليدر. صوكره ضعيف جهتلىرى كورمك و كوسترمك قولاي اوله بيلير.

(بهى قن) معلومات بشريه ي باشليجه اوچ ملكيه اضافت ايدمرك اولوا اجالا تقسيم ايديبور ؛ فلسفيه (ماقله la Raison) ي ، تاريخه (حافظه la mémoire) ي ، شعرده (تخيّل l'imagination) ي منشأ اوله رق كوستريور ديمشدم.

بو اوچ بويوك شعبات علمى تكرار تقسيمات تاليه اوغراتيور و تصنيفى تفصيل ايديبور. بحثك اهميته مبنى بو تصنيفاتك برر تابلوسنى بوجه آنى عرض ايديبورم :

اولا عقايدن نشأت ايدن و اونكله علاقه دار بولونان فلسفه — داها طوغروسى — فلسفيات دائره سى ايكي قسمه آيريليور. برنجيسى (حكمت طبعيه natural philosophy) فقط بوكونكى مناسيله فيزيق دكل (فلسفه طبعيه) اوله رق تلقى ايندلمشدر. ايكنجيسى (علم الهى Divinity) در. فلسفه طبعيه نك باشليجه موضوعاتى (انسان Man) ، (طبيعت Nature) و (الله God) در. (علم الهى) يالكنز (وحى و الهام و كشف ضمير revelation) مسئله لريله



مشغول اولویور . شیمدی حکمت طبیعی شهبه سنده داخل اولان انسانه clas. des  
 متعلق اولمق اوزره بر زمرة علوم وارکه اوده اولایکی قسمه آیرلمشدر . scien.  
 برنجیسی ( فلسفه مدنیه civil philosophy ) در . [ بونک ضمننده باشلیجه  
 اوچ نوع علم واردر . ( intercourse یعنی معاملات بین البشریه علمی ) ،  
 business یعنی ایش ، کاروکسب ، تجارت علمی ) ، برده ( government  
 حکومت ) علمی در . [ ایکنجیسی ( فلسفه انسانیت philosophy of  
 Humanity ) درکه ( بهی قن ) بوکا ( علم انسان anthropology ) دخی  
 دییور . و بو قسمی ده تکرار ایکی به آیریور . بریسی ( جسم body ) ،  
 دیگرکی ( روح soul ) علملری در . جسم انسانه تعلق ایدن معلومات ( طب  
 medicine ) ، ( ریاضات بدنیه athletics ) و امثالی شیلردر . روح انسانه  
 حائده علملرینه ایکی قسمدر . بری ( منطق logic ) دیگرکی ( اخلاق ethics ) در .  
 بو شعباتک هیئت عمومی سنی بر حمله ده مشمول نظر ایده یلمک ایچون شو  
 آشاعیکی تابلیوه بر کره یاقق کفایت ایدر .

برنجی تقسیم

منشأی وتعلق اعتباریه معلومات بشریه نك صورت انقسامی

عقل	حافظه	خیاله
فلسفه	تاریخ	شعر

عقله تعلق اولان فلسفاتک تقسیفای

حکمت طبیعی ( موضوعاتی ) انسان ، طبیعت ، الله	الهیات ( موضوعاتی ) و جی ، الهام
--	--

حکمت طبیعی ده یالکز انسانه متعلق اولان علوم شتاتک قابلوسی

( انسان )

فلسفه مدنیه	فلسفه انسانیت ( مبحث الانسان )
معاملات بین البشریه   ایش کوچ   حکومت	جسم انسانه متعلق علوم   روح انسانه متعلق علوم
	طب   ریاضت بدنیه   منطق   اخلاق

( بهی قن ) بوزمره علومک هیئت مجموعه سنی ( فلسفه اولی = philoso-

phia prima ) اوله رق تلقی ایدیور ، و بوکا ( سابه نه چه = sapience )

clas. des  
scien.

دیووردی که لغت معناسیله لاینجه ده بوکله ( علم science ) مقابلی در. فقط ( بهی قن ) بوکله بی بوکون بزم آ کلا دیغه من علمک فوقنده اسرار انکیز بریلکی، مثلاً صوفیه نک ( عرفان gnose ) ی کی بی بر شی اوله رق قبول ایدییور، بویلیکی به اوپله فوق العاده بر حیثیت ویریوردی. خلاصه، بوعادتا بر علم دکل بوسبوتون قرون وسطی اصطلاحجه بر ( معرفت ) دیمکدی. بوتون بودوشونوشلر، بوتعیملر و بوعتقادلر فی الحقیقه هپ قرون وسطی مالی در. اولجه ده مکرراً سوبله دیکم کی بی فلسفیات و اصوله دور جدیدک فاتحی اولان بوبله داهی بر فیلسوف مجددن بوقادار عجائب افکار و تصوراتک صدورتی فنا بر تناقض تشکیل ایدر. مع مافیه کندیسنی وافکار و آنارینی لایقوله تتبع و بی طرفانه تنقید و محاکمه ایدن علما و فلاسفه معاصرین، بو عجایب لکری ضروری و پک طبیی بولویورلر. ازان جمله — لوندرده ده ( یونی وهرستی قوچ = University College ) ده ریاضیات عالیه مدرسی اولان — ( قارل پیرسن Karl Pearson ) مبادی و حقایق علمییه و اصوله دائر یازمش اولدوغی جتدی بر اثرده تصنیف علوم بحثی ده اطرافیه تتبع و تنقید ایدرکن انکیز فیلسوف مجتدی حقنده شوطوغرو سوزلری سوبلویور: [ معلومات بشریه ده عظیم بر انقلاب یایمق تشبثی مقصد اتحاد ایدن ( بهی قن ) سائر بر چوق انقلابچیلر کی بی ذم و قدح ایتدیکی سیستمک، ییقمق ایسته دیکی اصولک بالذات محصولی ایدی. قرون وسطا سقولا ستیق سیستمک ( یعنی مدرسه اصول تعلیماتک ! ) قائلقرینی کوردوکی حالده او آدملرک طرز تفکر و اسلوب افاده سندن کندیسنی هیچ بروقت بوسبوتون سر آزاد ایدمه مشدی. یابدینی تصنیف علوم، تاریحاً پک شایان اهمیت اولمقله برابر عصر حاضر علمک نقطه نظرینه موافق دکلدرد. ] دیوور. ارباب صلاحیتک جمله سی هپ بوفکر و مطالعه ده در. فی الحقیقه اوپله در؛ زیرا یوقاریده عرض ایتدیکم او تابلیوه شوبله بر کوز کزدیر بیلرسه او ترتیب علومی بوکون غریب بولماق ممکن اوله ماز. مثلاً بوکون ( آنتروپولوژی ) دپدی کمز علم مخصوص بوسبوتون باشقه بر شی در؛ هم تمامیه ( مشخص Concret ) بر علمدر. [ بوتعیمه باقیکنز ! ] یالکنز

انسانك زمان و مكان ظرفنده تكاملندن بحث ايدر . ( قبل التاريخ علمندن  
 ( la préhistorique ) ، ( علم مستحاثات paléontologie ) دن ( تشریح  
 ( anatomie ) دن ( طبقات الارض géologie ) دن وداها برچوق علومدن  
 و برچوق شيلردن مواد ابتدائيه آليز ، فكر آليز و هر وجهله استعانه ايدر .  
 بوبله بر علمي ، ( منطق la logique ) كيبي بوسبوتون مجرد بر علمله و صوكره  
 هرايكيسني اخلاق ايله بر زمريه ادخال ايتك و اخلاق ايله منطقي - ترتيب  
 اعتباريله - آنتروپولوژينك ايكي مهم شعبه سي اوله رق كوسترمك ، شبهه سز  
 هر وجهله و هر نقطه نظر دن مردود بر تصنيفدر . آنتروپولوژي به نه تورلومنا  
 وحيثيت و يريله بيليرسه و يرلسين !.. كذلك سيويل يعني مدني فلسفه شعباتنده  
 ( معاملات intercourse ) تعبير شامل و مبهمي بوكون هيچ بر علم معينه  
 اشارت و دلالت ايدمه من . بوتصيرك ضمنتده ( حقوق بين الدول dr. intern )  
 ايله برابر بالمله فنون حقوقيه مندرج اوله بيله چكي كيبي اخلاق علمنك بوتون  
 شعباتي ده داخل اوله بيلير ؛ چونكه بوتون بو علومك موضوعي و منشأ مشترك  
 معاملات ناس و مناسبات بين البشريه در . انسانلر و جماعتلر بيننده بومناسبات  
 متقابله اولماسه يدي نه اخلاق ، نه حكومت ، نه تجارت ، نه ده سياست اوله بيليردي .  
 اونك ايجوندر كه بوكون ( علوم سياسي و اخلاقيه sciences morales et  
 politiques ) يكديكريله يك صميمي قرابت عرض ايتمكده در . حالبوكه  
 ( بهي قس ) اخلاقي طبابت و منطق ايله برابر عيني زمريه ده تصنيف ايتمشدر .  
 ( كنديسني بوترتبيه مجبور ايدن بر نقطه نظر واردر ! ) ده يوبده قالمالماي ؛  
 البته وار : منطقك ، طبابتك ، اخلاقك بالخاصه انسانله علاقه سني نظر دفته  
 آلمشدر . نته كيم ، معاملاتك ، امور تجاريه نك ، حكومتك انسانيت ، يعني  
 جماعت متمنده ايله مناسبتني دوشونمش اولسه كر كدر . فقط بو قاداري كافي مي در ؟  
 ينه بومناسبات اساسيه يي كوزتمكله برابر ، علومك ( طبيعت ذاتيه nature  
 essentielle ) سنه كوره داها معقول و اساسلي و رابطه لي بر تصنيف ياييق  
 ممكندر ؛ نته كيم بونلرك اك ايي لرني كوده جكز . بناء عليه فلان علمك  
 انسانه نسبي واردر ، فلان علمك بو قدر ديمك طوغرو دكلدر . موضوعي

ol. des  
scien.

clas. des  
sojen.

نه اولورسه اولسون علم انسان ايجوندر . ديمك كه مسئله يي بويله (صرف انفسى purement subjectif) بر (نقطه نظر دن تلقى envisager) ايتك مهم بر يا كاشلقدرد . بوكون بالعكس تصنيفي، علومك كندى ماهيته كوره ياپارز . بزه درجه فائده سنه ونسبته كوره دكل !.. براز ايلريده كوره جكزكه (اوگوست قونت Auguste Comte) ك طرز تصنيفي تنقيد ايدن (هربرت سبنسر H. Spencer) فرانسز فيلسوفك انفسى بر نقطه نظر دن علومى تلقى ايدوب اوكا كوره بر بلان تعقيب ايتمش اولدوغنى وبوسيله خطا ايتديكنى ادعا ايتشدرد؛ وحقلى در . بوجهق صوكره مناقشه ايدم جكم . شيمدى (بهى قن) ك فلسفيات تصنيفنده ايكنجى زمره نك موضوع مشتركى تشكيل ايدن (طبيعت) دائره سنه كلهلم واوكا تعلق ايدن باشليجه علومك جدولنى كوزدن كچيرم :

. بوداژده بولونان علوم دخى اول (نظرى speculative) و (عملى operative) اولق اوزره ايكي شقه آيرلشدرد . (خاطرده اولق كر كدركه بوتقسيم - بدايت بحثده عرض ايتمش اولدوغم وجهله - ارسطونك تصنيفى بك آكديرر . ) نظرى قسمنده ايكي علم وار ؛ برى (فيزيق physics)، ديكرى ده ( مابعدالطبيعات metaphysics ) در . (فيزيق) ( اسباب تاليه و ماديّه material and secondary causes ) يي تبّع ايدرد . مابعدالطبيعات، صورت علل غايه يي تبّع ايدرد . بو علملرك هر برى ده ايكي وجهله تلقى ايديايور . برى (مشخص concrete) اوله رق ، برى ده (مجرد abstract) اوله رق . شو تقديرجه بر (مشخص علم حكمت يعنى فيزيق) وار ؛ برده (مجرد فيزيق) وار . نته كيم بر (مشخص مابعدالطبيعات) وار ؛ برده (مجرد مابعدالطبيعات) وار . ايلرى ده (قونت Comte) ك تصنيفى تدقيق وتنقيد ايتديكمز زمان كوره جكزكه بوصاحب مسلك فرانسز فيلسوفى بوترتيبي عينا قبول ايتمش رياخود عينيله دوشونمشدرد .

طبيعات شعبه سنك (نظرى) قسمى بو !.. كلهلم (عملى operative) قسمنه : بونده آنجق ايكي نوع علم وار ؛ برى ( ميخانيكيات mecanics ) دركه بوكون فن ماكنه ديديكمز واسع علمك نظرى قسمندن ماعدا بالجمله متعلقاتى شاملدره .

ایکسجی سی ده (سحر مصفا = purified magics = magie purifiée) در: class. des  
scien.  
عجائب دکنی ... بوکون عالمر میانده دکل ، عقلی باشند اولان و (سلامت طبع bon sens) نی محافظه ایتمش بولونان کیمسه لرده بیه سحره اینان آدمی آنتیه نوعندن بر شی عد ایدرز . حالبوکه - اولجه عرض ایتدیکم کی - قرون وسطاده بویه بر علم اوله بیه جکنه شرقده ابن خلدون ، غربده (بهی قن) کیب داهیلر بیه قولای قولای اینانه بیلورلردی . حتی انگلیز فیلسوفی سحرک مصفا اولماسنی التزام ایتمکه شایان دقت بر ذهنیت کو سترمشدرکه زمانمزد اودهنیت حالا حکم فرمادر ؛ هم بعضی داهی علمانک اعتقادینه بیه تحکم ایتمکده در . یالکز باشقه بر زمره حادثاته متعلق اولدوغی ایچون باشقه بر صورتده کورونو یورده آلدانیورز . کیفیتک اهمیت فوق العاده سی و موضوع بحزمه یک یاقیندن تعلق اعتباریه بونی ده مختصراً شرح ایتلی م .

بوکون (سپریتیسم spiritisme) نامیه بر علمه اینانانلر یک چوقدر . شرقده (خُدام medium) جیلق هنری ایله (ارواح گذشته les âmes trépassées) نی و (اَجَنَه) نی یعنی جنلری دعوت ایتمک اوتقه دنبری معروف بر علم حتی بر (زمناعت métier) ایدی ؛ بر چوق کشتی بو سایه ده کچینر و خلق عنندنده مظهر حرمت اوله رق کچینردی . شیخ اکبر و صوفی موقر محی الدین بن عربی نک (محاضرات) نامیه معروف اولان مفصل کتابنده وهله اوندن دها بو یوک بر جمعی حائر بولونان (فتوحات مکینه) سند بر چوق شیلر واردرکه مشهور (سپریتیست spiritiste) ، (آلان قاردهق Allan Kardeck) ک یاخود اسوه چلی (سوئی ده نبرع Swedenberg) ک ادعاسنک و اعتقادینک همان عینی در . اوزمانلر یالکز بو آدملر دکل دیندار فیلسوفلر و عالمر هپ بو اعتقادده ایدی . چونکه - بزده - سحر حقدر . خرسستیانلقده دخی حکماً اوله ایدی ؛ چونکه اوزمانک سرمایه معلوماتی ایله بعضی حادثات غریبه نی تعریف ایتمک امکافی یوقدی . حالبوکه او کیب حادثات (امور بدیهیه faits évidents) دن معدود بولوندوغی جهته انکاره دخی مجال بولونه میوردی . اونک ایچون او وقلر (علوم غریبه)

clas. des  
scien.

ویاخود (علوم غیبیه sciences occultes) عنوانیله یک معتبر بر زمره علوم دخی واردی. [بوخصوصات ایچون science کله سنده اوزون مناقشات و تفصیلات واردر. باقیکنز. !]

بوکون سحر ایله بر باستونک ییلانه تبدیل ایدیله بیله جکخی هب خنده استهزا ایله قارشیلارز. چونکه بویه خارق عاده بر معرفت ممکن اولسه بیه لزومسزدر؛ پهوده زحمتدر. طبیعتده ییلانک قیطلنی می وارکه صوبایی ییلان یایمق ایچون بویه (ما فوق البشر surnaturel) بر قدرت صرفه حاجت الویرسین؟! اوندن سوکره بویه بر شینه زور اینانیرز. زیرا قطعاً قناعت کتیر مشزدر که ایسته دیکمزدن زیاده ییلان یارانه بیلن طبیعت قورومش اودون دانه یکیدن حیات و حس و حرکتیه قابلیت و پروبد اوندن ییلان یایماز. کندی قانونه قطعاً مغایر و اساساً منافی اولان بویه بر حادثه (ما فوق الطبیعه surnaturel) بی طبیعت هیچ بر جلوه سنده کو سترمه دیک کی بی علم ده رد ایدر. حالبوکه بوکون سپیریتیزمایه اینانانلر عینی ذهنیتده درلر؛ و معذور درلر، چونکه معنویات علمده ارم صیره تجارب ذاتیه لر یله تلقی ایتکده بونوندقلری بعضی احوال و حادثات عجیبه بی بوکونکی علمک قوانینی ایله - معقول بر صورتده - تعریف ایده میورلر. مع مافیه بوکی تجربه لرده اونوع حادثاتک وقوعنه دائر ضبط و قید اولونان روایتلرده بر جوق صاحبه لر، یا کلشقلر و کچمش زمانلردن انتقال ایتش بر سوری خرافات بولوندوغنی ده اعتراف ایتکدن قورتوله مادقلری ایچون، تعلیق حکم ایتک مجبوریتده بولونویورلر: [هله شیمیدیلک اصول مشاهده méthode d'observation] بی اصلاح ایدلم، بو حادثات معنویه نك طوغروسنی اکر یسندن آیروب موضوع تبعاتمزی تصفیه ایدلمده کیفیتی تعریف جازه لر نی سوکره دوشونورز. !] دیورلر. ایشته ایچنده یاشامقده بولوندینی محیطک تأثیراتیه (سحر) اینانان و فقط اونک تصفیه ایدلمه سنی تمی ایدن (بهی قن) دخی طبق بویه دوشونویورایدی صانیرم. بویه بر قیاس یاپارسه ق او بویوک آدمک بو ذهنیت غریبه سنی - بر درجه یه قادار - تعریف و ایضاح ایتش اولورز.

علومك بوايكنجى تابلوده كى ترتيبه كلنجه، اونى ده تعريف ايچون - آز  
چوق مشروع - بر وسيله بوله بيليرز . مثلا : ( ميخانيكيات ) ايله ( سحر  
مصنفا ) نك هيچ بر مناسبت ظاهره سى اولمادىنى حالده ايكيلى ده هر وجهه  
عملى وادوات ووسائله محتاج شيلر اولدوغى ايچون ، بلكه انجق بو خصوصى  
نقطه نظر دن، برابر تصيف ايدلمش لر در ؛ ده يه بيليرز .  
شيمدى بر طبيعيات زمرة سنك ده تابلوسنى عرض ايدىيورم .

### طبيعت

عمل اوله رق تتبع ايديلير		نظرى اوله رق تتبع ايديلير			
سحر مصنفى	ميخانيكيات	ما بعد الطبيعيات (صورت ايله علل غاييه علمى) در .		فيزيق (اسباب ناليه وماديه علمى) در .	
		يا مجرد اولور .	يا مشخص اولور .	يا مجرد اولور .	يا مشخص اولور .

بوتابلوردن اوچونجىسى ، يعنى فلسفياتك اوچونجى بويوك شعبه سى  
( الله ) ى موضوع بحث ايدينن نوغ علمدر . بوزمرده دخى ( علم لاهوتى )  
طبيعى ( théologie naturelle = natural theology ) ايله ( ملائكه نك  
وارواحك فطرت ذاتيه لرى nature of angels and spirits ) نى تتبع  
ايدن تحف بر علم واردر . بونك تابلوسنى عرض ايتمه ك حاجت يوق ، چونكه  
چوق بسطدر .

ايشته محضا عقله استناد وتعلق ايدن فلسفياتك - بالخاصه انسانى ،  
طبيعى واللهم موضوع بحث ايدينن - باشليجه اوچ بويوك شعبه سى تفصيلاتيله  
كورمش اولويورز . مع مافيه بوتصنيفده بكا بك غرب كورونن برجهت داها  
واركه اونى ده نظر دفته حواله ايتمدن كچه ميه حكيم :

( بهى قن ) فلسفياتك برنجى زمرة سنى تشكيل ايدن وبالخاصه انسانى تدقيقه  
چالیشان علومك هيئت مجموعه سنه ( فلسفه اولى ) و ( عرفان sapience )  
ده يه رك ( متعال transcendant ) بر حيثيت ويرديكى حالده اللهى و ملائكه  
ايله ارواحى موضوع بحث ايدينن زمرة علومه هيچ اويله بر صفت فوق العاده  
اسناد ايتيور . حالبوكه بوصف اصل اوزمره يه باقيشير ايدى . صوكره يالكز

